

JACOBI  
PIGNATELLI  
*NOVISSIMÆ*  
CONSULTATIONES  
CANONICÆ,  
Duobus Tomis comprehensæ.



7599 G16

JACOBI  
PIGNATELLI

E CRYPTALEIS IN SALENTINIS

S. Theolog. ac J. U. Doctoris

NOVISSIMÆ  
CONSULTATIONES  
CANONICÆ,  
PRÆCIPUAS CONTROVERSIAS,

Quæ ad FIDEM, Ejusque REGULAM spectant, in quibus Errores Atheorum, Infidelium, Schismaticorum, Hæreticorum, & aliorum Ecclesiæ Catholicæ hostium referuntur & refelluntur; præsertimque illas quæ circa S. INQUISITIONIS TRIBUNAL versantur, ubi de Inquisitoribus, eorumque Officialibus & Ministris, de Reis in quos jus & potestatem habent, deque Pœnis pro Casuum varietate istis infligendis, & quàm plurima alia ad hoc Argumentum facientia, complectentes.

OPUS PRIMA VICE PRÆLO COMMISSUM, ET JURIS

*Utriusque Consultis non modò, verùm etiam Theologis, imò & omnibus Fidem Christianam profitentibus planè necessarium ac utile.*

Cum INDICE CONSULTATIONUM singulis Tomis præfixo.

TOMUS PRIOR.



COSMOPOLI,  
Apud DOMINICUM PUTEANUM.

M. DCCXL




W 166

5/11/05

~~7599 G.V.~~


A. 197038



BIBLIOPOLÆ  
<sup>AD</sup>  
LECTOREM  
PRÆFATIO.

**Q**uam grata & omnibus accepta fuerint quæ hæc-  
nus in lucem prodire Viri Clarissimi Jacobi Pignatelli  
Opera, satis superque testantur multoties iteratæ  
eorum Editiones: Verum enim verò, quantumvis  
doctæ ac perspicuæ fuerint ipsius Consultationes  
Canonicæ decem Tomis comprehensæ, non omnes complecteban-  
tur Controversias & Casus quos Iuris Canonici mystam novisse  
juvat. Quam immensa sit eorum seges nemo nescit. In hisce  
duobus, hujusdem Authoris Tomis Consultationum, quas Novissi-  
mas appello, vel ideò quod prima vice typis mandentur, vel quod  
sint ultimæ quas exaravit, reperies plerasque omnes Quæstiones  
quæ ad Fidem ejusque Regulam spectant, in quibus Errores Atheo-  
rum, Infidelium, Schismaticorum, Hæreticorum, & aliorum.  
Ecclesiæ Catholicæ Hostium referuntur & refelluntur, & illas  
præcipuè quæ circa S. Inquisitionis Tribunal versantur, ubi de  
Inquisitoribus, eorumque Officialibus & Ministris, de Reis in  
quos jus & potestatem habent, deque Pœnis pro Casuum varie-  
tate istis infligendis, & quamplurima alia ad hoc argumentum  
facientia, ut cuius Indicem Consultationum, in adversa pagina,  
consulenti palam fiet. Hoc opus diu multumque à Iuris Consultis  
exoptatum, summoque studio à me exquisitum, hodie tibi sisto.  
Hoc utere & frui, & labori meo æqui bonique consule, vale.





# INDEX ARGUMENTORUM CONSULTATIONUM NOVISSIMARUM

TOMI PRIORIS.

## CONSULTATIO I.

**D**E Fidei Christianæ Definitione, ac de ea Sectariorum novitius error. Et unde sit Fides? *Pag. 1.*

## CONSULTATIO II.

An Fides in hominis potestate sit? & cur non omnes credant? *Pag. 3.*

## CONSULTATIO III.

An dubitantes Fidem habeant? & utrum in hæretico fides esse queat? *Pag. 4.*

## CONSULTATIO IV.

Quot modis Deus revelet veritatem? & quam sit fidei causa formalis in quam omnium credentium fides resolvatur? *Pag. 4.*

## CONSULTATIO V.

An Ecclesiæ Vox, testimonium, & decretum credendorum regula, fideique criterion recte constituantur. *Pag. 5.*

## CONSULTATIO VI.

An sola Scriptura Sacra ad omnes fidei quaestiones determinandas sufficiat? & an sola Scriptura sit iudex fidei? *Pag. 6.*

## CONSULTATIO VII.

An vox Ecclesiæ quaestiones fidei determinantis, sit certa, & infallibilis. *Pag. 7.*

## CONSULTATIO VIII.

An voci Ecclesiæ simpliciter acquiescendum sit. *Pag. 8.*

## CONSULTATIO IX.

An vox Ecclesiæ definientis, divina sit, an humana dicenda? Et an Ecclesia nova fidei Dogmata docere possit? *Pag. 9.*

## CONSULTATIO X.

An omnia credenda, per articulos distinguenda sint. *Pag. 10.*

## CONSULTATIO XI.

An Symbolum, quod Apostolicum dicitur, editum sit ab Apostolis? An præter Apostolorum

Symbolum, alia sint ab Ecclesia recepta? Et cuius sit, exorta nova de fide controversia, Symbolum explicare. *Pag. 11.*

## CONSULTATIO XII.

Quot, & quibus mediis Articuli Christianæ fidei credibiles reddantur. *Pag. 13.*

De Ecclesia militante, ejusque nomine, definitione, partibus, Quinam in ea sint? an una, visibilis, & à quo tempore, anve deficere possit, per quas notas videatur, ejus unitas in quo potissimum consistat, & ex quo demonstretur?

## CONSULTATIO XIII.

De Nomine Ecclesiæ, ac de ejusdem definitione. *Pag. 15.*

## CONSULTATIO XIV.

De Partibus Ecclesiæ Christi, & quid sit Ecclesia militans? & quomodo ab hæreticis definiatur? eorumque in hoc errores. *Pag. 17.*

## CONSULTATIO XV.

An Hæretici occulti in Ecclesia sint? Quid de Catechumenis, de excommunicatis, de schismaticis, de prædestinatis, de imperfectis Christianis? & quid etiam de pravæ vitæ fidelibus? *Pag. 18.*

## CONSULTATIO XVI.

Quod Ecclesia Christi Militans unica sit, non vero duæ. Et quod vera Christi Ecclesia visibilis sit. *Pag. 21.*

## CONSULTATIO XVII.

An Christi Ecclesia ab initio mundi semper visibilis fuit? Et an Ecclesia visibilis deficere possit? Ubi, quod Ecclesia persecutionibus non obicuretur. *Pag. 23.*

## CONSULTATIO XVIII.

De Notis Ecclesiæ, per quas videtur, quarum Prima est quod sit una. Ubi de Paganorum & Hæreticorum discordia. *Pag. 25.*

## CONSULTATIO XIX.

Quod unitas Ecclesiæ Militantis potissimum in conjunctione cum Romano Pontifice consistat, quodque ex successione Romanorum Pontificum demonstretur. *Pag. 27.*

## CONSULTATIO XX.

De Secunda nota Ecclesiæ militantis, quod sit



# Index Consultationum Novissimarum Tomi Prioris.

fit Sancta. Et quomodo sanctitas in anima latens Ecclesiæ nota constitui possit. *Pag. 28.*

## CONSULTATIO XXI.

De Tertia nota Ecclesiæ. *Pag. 30.*

## CONSULTATIO XXII.

De Quarta Ecclesiæ nota, & de nomine Papæ & Papiſtæ. *Pag. 30.*

## CONSULTATIO XXIII.

Quas Ecclesiæ notas hæretici assignent? Et, Quam prior, ac notior sit, Ecclesia, An Scriptura Sacra? *Pag. 32.*

## CONSULTATIO XXIV.

De divisione Personarum ratione Religionis. *Pag. 33.*

## CONSULTATIO XXV.

De Paganis, seu Gentilibus, aut Ethnicis. *Pag. 33.*

## CONSULTATIO XXVI.

Quæ Judæis, & Sarracenis, seu Turcis permixta inter Christianos. *Pag. 34.*

## CONSULTATIO XXVII.

An, & quatenus Judæi ac Gentiles possint ad Fidem Christianam suscipiendam compelli? & in quibus casibus contra eos procedere possint Inquisitores Fidei. *Pag. 36.*

## CONSULTATIO XXVIII.

De Atheis. Quid sit Atheismus, quæ prima ejus origo, quæ causa, quæ effectus, qui Athei. An, & quatenus Dei existentia demonstrari possit? Quæ certitudine credendum, posse illam demonstrari naturaliter via ascensionis, & à posteriori. An hoc sit de fide, an de. *Pag. 38.*

## CONSULTATIO XXIX.

De Polytheismo, sive de Idololatria, Deorum pluralitatem admittente, ejusque causis, origine, varietate, progressu. Ubi tam ex S. Scriptura quam ex Sanctis Patribus ostenditur non esse nisi unum Deum verum. Et an Deum esse tantum unum demonstrari naturaliter possit? Quid de hoc senserint Poëtæ, Philosophi, Sybillæ? Rationes unitatem veri Dei demonstrantes. *Pag. 45.*

## CONSULTATIO XXX.

Religio definitur. Quot modis ab ea receditur. Idololatria rectè dicitur cum adversus Dei mandatum in simulachro colitur Deus. Exemplum ab Israëlitis, aliisque. Quando etiam, & quibus in rebus dicatur Idololatria. *Pag. 58.*

## CONSULTATIO XXXI.

De distinctione cultus Idololatriæ. De Spirituum cultu. In quibus Idololatria consistat. Latius de duplici principio. De ipso Persarum & Egyptiorum opinio, & sententia hæreticorum quæ denique refellitur. *Pag. 60.*

## CONSULTATIO XXXII.

De cultu spirituum non principum, sed ministrorum, qui à Philosophis communi nomine fere dæmones, vel dæmonia, à Peripateticis intelligentiæ, à Christianis boni, maliye Angeli appellantur. In quo Gentiles & alii à natura eorum aberrarint. Ubi consideratur eorum

*Pignat. Consult. Novissim. Tom. I.*

natura, officium, cultus: Qui Spiritus hosce negarint. Qui agnorint. Vnde eos Gentes cognoverint, & quatenus in eorum natura convenerint Christiani, ac Gentiles. De naturæ hujus præstantia, & alia multa, præsertim de spectris, & oraculis ac de cultu Dæmonis apud varias nationes. *Pag. 62.*

## CONSULTATIO XXXIII.

De religioso bonorum Spirituum Cultu. Apud quos is obtinuerit. Quod cultus genus Angelis conveniat. Et unde Angelicorum hæresis nomen acceperit. De cultu divino animæ humanæ exhibitio. De ejus transanimatione & migratione de corpore in corpus. De immortalitate ejus consensus Gentium, & rationes. Quomodo animarum cultus introductus. Quo pacto discernantur Lemures, Lares, Larvæ, Manes. De animarum cultu publica autoritate relatarum in Deos. Quibus is honos tributus. Alii honores divini ab heroicis. *Alia. Pag. 69.*

## CONSULTATIO XXXIV.

De gravitate peccati Idololatriæ. An habeat semper annexum peccatum hæresis? De colente creaturam, ut Deum, credens illam non esse Deum, vel exterius eam ut Deum colit, interius credit talem cultum ei non deberi. De causis excusantibus ab hoc peccato. De exhibente dæmoni obsequium profanum. De sacerdote offerente particulam non consecratam. De adorante Dæmonem, putans esse Christum. Quæ poena Idololatra, & à quo Judice puniendus? *Pag. 78.*

## CONSULTATIO XXXV.

An unquam licita sit Idololatria, falsorumque Deorum cultus? *Pag. 80.*

## CONSULTATIO XXXVI.

Quid, & quisnam propriè sit Hæreticus? Ejus vera definitio, ac definitionis explicatio. Ex quibus constituatur hæreticus & quotuplex sit, ac hujusmodi alia, ubi effata de Hæreticis breviter ac dilucidè. *Pag. 84.*

## CONSULTATIO XXXVII.

Gradus, judicium, sive censura de singulis propositionibus, quæ aliquomodo Fidei Catholicæ sunt, contrariæ sive minimè consentaneæ, sed alienæ, absconæ, absurdæ. *Pag. 96.*

## CONSULTATIO XXXVIII.

Apud quem sit jus ferendi censuram de propositionibus, tum privatum, mereque doctrinale, tum publicum & autoritativum. *Pag. 103.*

## CONSULTATIO XXXIX.

Ad quos pertineat ferre judicium, ac censuram propositionum hæreticalium, ac de Fide suspectorum? & quales ii esse debeant? Et an Inquisitores possent procedere contra proferentes propositiones scandalosas, temerarias & alias ejusmodi Catholicæ? & si minimè consentaneas. *Pag. 106.*

## CONSULTATIO XL.

De Hæresiarchis, & Dogmatistis. *Pag. 108.*

## CONSULTATIO XLI.

De Apostatis à Christiana Fide, ubi de iis effata, insigniora, & in praxi magis frequentia. *Pag. 109.*



# Index Argumentorum

## CONSULTATIO XLII.

De Schismaticis, ubi refellitur obiter fabella Joannæ Papissæ. Perpenditur gravitas & virulentia hujus criminis, recensentur schismata omnia ad hoc usque ævum, cum paranesi ad obedientiam erga Summum Pontificem Romanum. *Pag. 112.*

## CONSULTATIO XLIII.

An, & quibus remediis ac mediis Schismatici salvari possint, cum ea, quæ ad Fidem pertinent, omnia ferè credant. *Pag. 120.*

## CONSULTATIO XLIV.

An, quatenus, & in quibus liceat Catholicis cum hæreticis communicare? *Pag. 120.*

## CONSULTATIO XLV.

An oporteat, sive liceat cum infidelibus, ac hæreticis collationibus, ac disputationibus publicis de rebus fidei agere, ut eorum confutentur errores, fideique veritas ostendatur? Quibus id liceat. Quæ in hoc regulæ observandæ sint? Et in quo casu Inquisitores procedere possint contra disputantes de fide, & quinam libri & quomodo legendi. *Pag. 124.*

## CONSULTATIO XLVI.

1. An inter Lutheranos & Calvinianos aliqua ex parte Sacerdotes, & Episcopi dicendi sint, qui res spirituales, & sacras administrant?  
2. An Ecclesia ibi esse dici possit, ubi Sacerdotes & Episcopi veri, ac legitimè consecrati non sunt? *Pag. 133.*

## CONSULTATIO XLVII.

1. An qui baptismo in septentrione initiantur, ad Ecclesiam Catholicam pertineant, licet Sacerdotes veros non habeant? &  
2. An ob orientis Ecclesiis qualis est Alexandria, & similes, regula credendi, & Sacerdotum consecrandorum facultas juste peti possit? *Pag. 135.*

## CONSULTATIO XLVIII.

An, & quatenus fideles teneantur fidem Christianam exterius, etiam Martyrio profiteri? Vbi de fuga persecutionis tempore, & signis, ex quibus fidem negari colligitur. Quando fidelis religione obligetur subeundi Martyrium; & an Martyrium aliquando cadat sub consilio. *Pag. 136.*

## CONSULTATIO XLIX.

De Superstitione. Quid propriè illa sit? Quomodo differat ab Idololatria. In quo consistat malitia Sortilegii? quomodo dividatur? Quatenus invocatio demonis sit illicita? De pacto inter hominem & Dæmonem. Quid ad illud requiratur? In quo illius ratio consistat? Regulae fundamentales ad cognoscendum, in quo consistat hoc pactum & quando interveniat, ac etiam quomodo rerum vanarum usus sit sortilegium? Et an in sortilegio excuset ignorantia? poena in Idololatria, ac de potestate summi Pontificis aliorumque Principum Christianorum in Paganos ob solam idololatriam. Quibus propositis quaestiuiculae ferè omnes, quæ apud alios proponuntur, explicantur. *Pag. 138.*

## CONSULTATIO L.

De indebito Cultu veri Dei. Quomodo exhi-

beatur? An semper sit peccatum mortale? Quid de cultu non falso, sed superfluo? De recitantibus Psalmum, Deus laudem meam ne tacueris, & ad quem pertineat agnitio superstitionis cultus Deo indebiti? *Pag. 145.*

## CONSULTATIO LI.

De Cultu religioso, ac licito Sanctis, eorumque imaginibus, Reliquiis, ac Beatis, non Canonizatis debito, quod ad ea, quæ spectant ad S. Officium; ubi an Pontifex errare possit in Canonizatione Sanctorum, & quid in Beatificatione; id affirmans à quo & qua poena puniendus? Quave certitudine credendum sit, aliquas Sanctas Canonizatas fuisse Virgines? Ossa vendens, asserens falso, esse reliquias Sanctorum, à quo puniendus? Ac de poenis contra venerantes homines mortuos ante illorum Canonizationem, vel beatificationem? *Pag. 147.*

## CONSULTATIO LII.

Speciatim de quibusdam Avicularum observationibus superstitionis; ut enim ait Cicero de divinatio. lib. 2. Omnis superstitio imbecilli animi, atque anilis est; Quid ea sint? Earum divisio? unde dignoscatur? Quando sit vana & superstitiosa aliqua observatio? ubi tamen graviter ac seriò discutitur, an Gemmae & lapides habeant vires & facultates? & quinam effectus ab eis fieri possint, & qui non? *Pag. 150.*

## CONSULTATIO LIII.

An Gemmae & lapides vires, & facultates habeant? & quinam effectus naturales non autem superstitiosi, & Magici ab eis fieri possint, qui non? *Pag. 174.*

## CONSULTATIO LIV.

An, & quatenus vanae observationes sapiant hæresim manifestè? Quanam in eis cavenda? Quæ revera sint vanae superstitiones? *Pag. 181.*

## CONSULTATIO LV.

De Nomine Malefici, Magi, Mathematici, Sortilegi, & aliis quibusdam. Et quid sit Incantatio, Veneficium, Magia. *Pag. 184.*

## CONSULTATIO LVI.

De distinctione artium Magicarum, & Maleficiorum, & quod Maleficia per pharmaca fieri possint. Maleficiorum divisio. Somnificum, Amatorium, Hostile. *Pag. 185.*

## CONSULTATIO LVII.

De Fascinatione, unde dicta. Quid sit. An revera dentur morbi à fascinatione? quot modis dicatur. Vulgò credita an detur? Quæ sit visus? Quæ voce? contractu? Propriè dicta an detur? Signa. *Pag. 189.*

## CONSULTATIO LVIII.

An revera dentur Morbi, à veneficiis & incantatione inducti? Ubi de aliis maleficii hostilis speciebus, nempe de veneficio, abortu, difficili partu, lactis exsiccatione, sagittariis seu balistarum, variorum morborum illatione, ac de maleficio devovendi, deque personis, quibus malefici queant nocere, de foedere cum dæmone ac id genus alia, de artibus Magicis mirabilium, ac scelerum effectricibus ac respondetur argumentis Vvieri, aliorumque, qui sagis patrocinantur. Cur foemina quam viri veneficiis fre-



## Consultationum Novissimarum Tomi Prioris.

frequentius dedita sint? De signis morborum à veneficiis, ac denique de eorum curatione magica, naturali, divina. *Pag. 193.*

### CONSULTATIO LIX.

An liceat media, & instrumenta quibus saga & venefici ad morbum aliquem inducendum usi sunt inquirere, inventa amovere, comburere vel quocunque modo abolere, non quidem in contemptum, ac detestationem Magicae superstitionis, ipsiusque daemonis, sed spe consequendae sanitatis & hac intentione, ut daemon amplius non noceat? Ubi quaestiones de hac re ferè omnes diluuntur, ommissis tamen nonnullis quae à Theologis moralibus discutuntur, & opinio Delrii variis, ac veris rationibus exploditur. *Pag. 207.*

### CONSULTATIO LX.

Mira. Scelera. Fanda. Nefanda de sagis, lamiis, strigibus; De earum corporali translatione. Coitu cum daemone, & id genus aliis, eruditè, jucundè, horridè. *Pag. 210.*

### CONSULTATIO LXI.

An omnia, quae à Magis, Sagis, lamiis, strigibus facta esse dicuntur, sint verè ab illis gesta? Quid de effectibus Magiae? *Pag. 216.*

### CONSULTATIO LXII.

De Magia universim sumpta. De magia naturali, seu physica, de artificiali, singulisque ejus partibus, An dentur? quid illae sint? Quotuplices? Earum mira. *Pag. 218.*

### CONSULTATIO LXIII.

An absque superstitione, ac illicita arte ex Astrorum representatione procul absentium sensa cognosci possint, ita nimirum, ut Syderum interventu absenti cuilibet, absque alio nuncio, vel litteris vel internuncio exponerentur, ubi exempla in Sacra & profanis historiis manifestandi absentibus secreta animi nostri sensa. *Pag. 222.*

### CONSULTATIO LXIV.

An per artem praesidio rerum naturalium adjutam absque arte magica daemoniaca, verum aurum fieri possit ab alchymistis? *Pag. 226.*

### CONSULTATIO LXV.

Quotuplex sit Magia? Ejus vera distinctio.

An sit aliqua magia non naturalis, hoc est, quae non ad naturam, sed ad daemones, necessario referri debeat? Sive an detur magia daemoniaca, cujus prima species vocatur Gnetlia, sive magia specialis & nigra? & qui spiritus illi sint, quorum opera Magi Mira faciunt? ac de Negromantia, deque Magia Caballistica, & quis Magiae inventor. *Pag. 227.*

### CONSULTATIO LXVI.

An opera magorum sint vera miracula? Quomodo à veris miraculis differant ac dignoscantur? Quid de Prodigis Magorum Pharaonis? Quinam ii fuerint? & quomodo ea fecerint. *Pag. 233.*

### CONSULTATIO LXVII.

Quae opera admiranda possint facere daemones vel per seipsos, vel per Magos? ubi signa & indicia ad discernendum effectus magiae ex pacto ab effectibus physicis, & miraculorum, & artificiosis. Quomodo daemon invisibilem se praebeat? Qua forma apparere soleat? Quid possint magia, aut magi in daemones? & quae daemones ac per eos magi facere non possint? *Pag. 235.*

### CONSULTATIO LXVIII.

De spectris. Eorum causa. Figura. Mala. Terrores. Ludibria, fraudes, artes, ac regulae dignoscendi apparitiones, an sint à malo, an à bono Spiritu. *Pag. 241.*

### CONSULTATIO LXIX.

An & quatenus Magiae studium sit licitum? Magia superstitiosa quam grave peccatum. Magia non naturalis an sit superstitio haereticalis? Quae alia crimina cum magia admisceantur? An in ea detur parvitas materiae? Ubi & quomodo magus, qui suo chirographo fidem Christianam abnegavit & daemonis obsequio se dedit, possit foedus dissolvere absque sui Chirographi restitutione. *Pag. 244.*

### CONSULTATIO LXX.

De adjuratione, sive exorcismis contra daemones, quid ea sit? Ejus conditiones. Qui adjurare possint? quo pacto adjurandum? An licitum adjurare daemones? Ad id requisita. Media ac remedia ejiciendi daemones. An dentur energumeni? De signis maleficii. Cur permittat Deus vexationem daemoniacam? & cur daemon opera malefici utatur? Quam potestatem habeat daemon in energumenum. De licito usu, ac potestate exorcismorum. Quomodo immitantur in corpus energumeni, quae ab eis per os ejiciuntur? Quisnam fuerit piscis ab Angelo Raphaëli Tobiae ostensus. Et ad rem alia. *Pag. 246.*

### CONSULTATIO LXXI.

De Confessario haeretici, malefici, sive sortilegi. De eorum Casuum reservatione. Deque facultate absolvendi eos, atque alios suspectos, de haeresi. *Pag. 255.*

### CONSULTATIO LXXII.

De Divinatione, quatenus est Magiae daemoniacae species. Ejus divisio multiplex. Quando superstitiosa. Quando tantum illicita. Quae daemon possit praedicere. Divinationis fundamentum summa ejus genera. Oracula ex quibus reddita. Quot modi manganiae, sive Goetiae species ac modi divinationis in quibus non explicitum pactum vel latens admodum, sed implicitum. Alia. *Pag. 261.*

### CONSULTATIO LXXIII.

De Conjectatione naturali, ejusque speciebus Astronomia, Astrologia medica, ruralis, prognostica, somniis, physionomia, Spatulamantia, metoscopia, chiromantia, gestuum, & actionum significatione, deque aliis. *Pag. 265.*

### CONSULTATIO LXXIV.

De Conjectatione politica, sive de sortibus. Ubi quanam sortes, & quando prohibita? Quot earum species, ac modi? De sorte divinatoria. Ut sit licita, quot conditiones servandae? De sorte Lotheriae. De purgatione canonica? Quot purgationis species? Quae purgatio canonica? Quae vulgaris? Provocatio ad divinum Judicium. Purgatio per ignem, per aquam vel calidam, vel frigidam, Purgatio Monomachiae, sive duelli. Juramenti. Duelli leges ac caeremoniae, alia plura. *Pag. 268.*

### CONSULTATIO LXXV.

Purgatio per Sacramentum Eucharisticum, vulgarisne, an canonica sit? *Pag. 280.*

### CONSULTATIO LXXVI.

Distinctius de Divinatione daemoniaca sive superstitiosa. Errores de divinatione. Solus Deus futura cognoscit & quomodo? An, & quomodo sancti



## Index Argumentorum

sancti in hac, & in alia vita futura, præsentia, absentia videant? Quid de Sibyllis. *Pag.* 282.

### CONSULTATIO LXXVII.

De Campanis prodigiis, ac Gemmis Rationalis Summi Sacerdotis Hebræorum futura prædicentibus, ac de Oraculis terra effossis, ubi decretum S. Officii Inquisitionis de Libris, & Laminis Granatensibus. *Pag.* 287.

### CONSULTATIO LXXVIII.

De Stella, quæ apparuit Magis, an fuerit supra naturam? & an per Astra possint cognosci mysteria supernaturalia futura. *Pag.* 292.

### CONSULTATIO LXXIX.

An Prophetia, & Divinatio harmonicis sonis fieri possint? Num Prophetia sit naturalis? Quinam fuerint veri Prophetæ in veteri Testamento? Quomodo probabant se à Deo missos esse? Quinam fuerint falsi Prophetæ à veris discernebantur? Quid de Pythonibus, & Pythonissis sentiendum? & an etiam in novo Testamento sint veri, & falsi Prophetæ? *Pag.* 295.

### CONSULTATIO LXXX.

De Magia Kabalistica, an ex Kabala numerica futura prædici possint? De Prophetiis Abbatis Joachimi, & Malachiæ, ac de Rota Bedæ attributa. Et quid de Characteribus manuscriptis. *Pag.* 296.

### CONSULTATIO LXXXI.

De Oraculis antiquis, & simulachris fatalibus. Quomodo potuerint præfagire futura? Ubi de Oraculis ex hominibus, ex statuis, ex Antris. De eorum defectu post adventum Christi. Quid apud Indos? Torreblancæ inconstantia quoad prædictiones ex Antris, vel exhalationibus. *Pag.* 300.

### CONSULTATIO LXXXII.

De Imaginibus Astronomicis variæ sententiæ. An præsignent futura? Quatenus superstitionis, necromantica suspectæ? De his Torreblancæ judicium confutatur, diluuntur ejus leves rationes vi imaginationis. Quid de Inauguratione armorum, vexillorumque militum Catholicorum? *Pag.* 304.

### CONSULTATIO LXXXIII.

An Prophetia, & divinatio possit esse alicui naturalis? sive an vi naturali intellectus creatus queat futura, vel occulta cognoscere, atque prædicere vel ex vi melancholiæ, sive imaginationis, vel ex habitu corporis naturali, aut ex cœlorum peculiari influxu sive sydere? Quinam fuerint veri Prophetæ in veteri Testamento? Quot modis nomen Prophetæ sumatur? Quomodo Prophetæ probabant se à Deo missos? Quomodo intelligendum sit illud Christi: omnes Prophetæ usque ad Joannem? Quomodo falsi Prophetæ à veris discernebantur? Quid verè de Pythonibus, & Pythonissis sentiendum? Et an etiam in novo Testamento sint veri, & falsi Prophetæ. *Pag.* 308.

### CONSULTATIO LXXXIV.

An Divinatio possit esse naturalis saltem Angelo, ac Dæmoni? An & cur Magi, divini, fortilegi, qui sunt Prophetæ Dæmonum, aliquando vera proferant? Num saltem Angelus sive dæmon possit præscire futura pro aliquo brevi tempore congruente instanti Angelico, quod responderet aliquibus horis vel diebus nostri temporis? Num saltem possit Deus condere

creaturam, cui sit connaturale cognoscere futura, & dari species, illa repræsentans? *Pag.* 313.

### CONSULTATIO LXXXV.

An Angeli sive dæmones suapte natura cognoscere possint futura contingentia, etiam per astra? ubi diligenter ad id expenditur Constitutio Sixti V. adversus Astrologos. *Pag.* 316.

### CONSULTATIO LXXXVI.

De Divinatione naturali & artificiosa. An dentur? Earum Mira. *Pag.* 319.

### CONSULTATIO LXXXVII.

An & quatenus ex Animalibus licite prædici queant futura? Quatenus ex Monstris humanis, vel aliis portentis? Ex Hermaphroditis, sive Androginis? Ex monstris aquaticis, & aëreis? Ex meteoris? *Pag.* 320.

### CONSULTATIO LXXXVIII.

An & quatenus licita sit Prænotio agrorum, pastorum, nautarum? Ubi fusiùs de prænotione decretoria Medicorum, Chirurgorum, aliorumve, ac Torreblancæ Judicium exploditur. *Pag.* 327.

### CONSULTATIO LXXXIX.

An & quatenus licitum sit prognosticon Medicorum ex signis circa ægitudines, Et an origo morbi veneri ab astris proveniat, *Pag.* 330.

### CONSULTATIO XC.

An, & quatenus omnis divinatio sit superstitionis? Ex qua superstitione imponatur abjuratio? Ex quibus modis accadat divinatio? Et quæ futura dæmon cognoscere possit? *Pag.* 332.

### CONSULTATIO XCI.

De Divinationis divisione, ejusque speciebus fusiùs dissertatio, deque invocatione dæmonis expressa & tacita. Et an divinatio secundum pactum explicitum, & implicitum distinguatur essentialiter? & quo pacto distinguantur? *Pag.* 335.

### CONSULTATIO XCII.

Utrum ad Superstitiosam divinationem sufficiat pactum implicitum cum Dæmone, an requiratur explicitum? Ubi respondetur frivolis argumentis Torreblancæ cujus varii Errores; & disceptatur, an divinatio semper sit peccatum mortale. Et an divinatio, ejusque species sint per se malæ, anve malæ, quia prohibita? Ubi de signis pacti expliciti & impliciti. *Pag.* 337.

### CONSULTATIO XCIII.

De Invocatione dæmonis. Quando sit actus superstitionis, & hæreticalis subjectus Inquisitionibus. Quotuplex dæmon invocari possit. De invocatione dæmonis per modum adjutorii deprecativa, imperativa, ad finem bonum assequendum. Quodnam peccatum committat credens responsum hominis esse certum & infallibile? Num dæmones bona consulentes sint audiendi? *Pag.* 345.

### CONSULTATIO XCIV.

De prima Divinationis specie explicatio diffinitio, nempe de præstigio, de Necromantia sive de arte Magica emortuali, de divinatione Pythonica, de Ariolatione, de Hydromantia, Geomantia, Aëromantia, Dactylomantia, aliisque speciebus Geomantiæ, de Aruspicina, ejusque partibus, de divinatione ex somno divino, sive raptu, vel extasi, de apparitione ac revelatione Dei per somnia. Per quos Deus loquatur? An per Angelos?



# Consultationum Novissimarum Tomi Prioris.

Angelos? & quo idiomate Angeli loquantur cum hominibus, deque aliis graviter quidem doctè, ac eruditè. Præstigium. *Pag. 347.*

## CONSULTATIO XCV.

An, & quatenus Divinatio per somnia, quæ non est necromantia, sed cum pacto implicito cum damone, sapiat hæresim manifestè? *Pag. 371.*

## CONSULTATIO XCVI.

De secundo genere divinationis, hoc est de augurio, de auspicio, de omine, de Physiognomia, deque ejus præcipuis signis, de Chiromantia naturali & Ægyptiaca. *Pag. 373.*

## CONSULTATIO XCVII.

An & quatenus Divinatio Physiognomiæ, Chiromantiæ, spatulamantiæ sit licita? sive. An & quatenus Physiognomia, & Chiromantia sapiant hæresim manifestè? *Pag. 398.*

## CONSULTATIO XCVIII.

An & quatenus licitum sit interrogare mulierem Ægyptiam, vulgò Zingaram, de bona, vel mala fortuna per manus lineas? An & quatenus Inquisitores possint procedere contra ipsas, bonam, vel malam fortunam divinantes? Et An sint tolerandi à Principibus Christianis. *Pag. 402.*

## CONSULTATIO XCIX.

De divinatione Astrologica. An derur Astrologia, Ejus divisio. Quæ vera? Cautiones pro Medicis. Pro Astrologis. Errores Astrologorum etiam circa naturales effectus. *Pag. 403.*

## CONSULTATIO C.

Proponitur quæstio, ejus difficultas. Pici Mirandulani falsa fundamenta, vera Theologorum. Refutantur Astrologorum placita. Eorum dicendi modi impugnantur, ac ejusdem Pici dictum exploditur. Actus liberi directè astris non subjiciuntur Argumenta Pici diluuntur, ejusdem objectiones contra influxus particulares siderum. *Pag. 406.*

## CONSULTATIO CI.

De Astrologia Genetliaca, sive judiciaria. Adversus eam Biblia Sacra, Pontifices Summi, Concilia, Leges Principum, Patres, Theologi, Philosophi, Historici ac cæteri omnes. *Pag. 411.*

## CONSULTATIO CII.

Rationibus Theologicis, ac Philosophicis, Astrologia judiciaria redarguitur & convincitur. *Pag. 419.*

## CONSULTATIO CIII.

Aliæ rationes adversus Astrologos. Argumentum geminorum. Liberum hominis arbitrium, & immortalitas animæ non rectè coherent cum Astrologorum judicio. Ciceronis, Pici, Rophei, maxime verò Bardeßani Syri in Astrologos dissertatio. Vana & inutilis prædictio Astrologorum de aliquo, quod sit futurus summus Pontifex, Imperator, Dux Reipublicæ, Generalis Religionis, & hujusmodi. Falsitas & incertitudo prædictionum Astrologorum. Astrologiæ judiciariæ, nulla potest esse scientia, vel ars. Saturni revolutiones, & anachronismi, sive errores Chronologici Astrologorum. *Pag. 423.*

## CONSULTATIO CIV.

Recensent pro se primum Astrologi plures veras prædictiones. De Nigidio Figulo ex Suetonio in Augusto jam diximus. De Tiberio ultra præfagia futuri ejus principatus apud Sueton. cap. 14. Ita Lipsius in monit. & exempl. mon. 5. *zum. 12. quem alibi adduxi. Pag. 431.*

## CONSULTATIO CV.

An Astra, si non sunt causa, sint saltem certa signa omnium futurorum? *Pag. 437.*

## CONSULTATIO CVI.

An saltem verum ac licitum sit judicium Astrologorum de corporum constitutionibus & inclinationibus hominum, eorumque passionibus appetitus sensitivi, & per eas de actionibus humanis? *Pag. 439.*

## CONSULTATIO CVII.

Num liceat ex Genesi conjicere temperamentum patris? *Pag. 444.*

## CONSULTATIO CVIII.

An aliqua prædictio ex astris prohibita sit jure tantum positivo? doctorum variæ sententiæ, de quibus singulis breviter disputatur. Vera sententia. Quomodo abjurare debeant Astrologi. Et An Sixtus V. prohibeat tantum illicita & mala per se, & sic malum esset secundum se, etiam prædicere non certò, & in communi libera, & fortuita. *Pag. 448.*

## CONSULTATIO CIX.

De Arte Notoria. Quid ea sit? An, & quatenus licita, vana, superstitiosa? De arte Paulina: Quomodo differat à notoria. Iterum de Cabala, ad quas superstitiones pertineat? Quomodo abjurare debeant? Alia. *Pag. 453.*

## CONSULTATIO CX.

De Fato Ethnico, Astrologico, Christiano. Et primum de Ethnico. *Pag. 455.*

## CONSULTATIO CXI.

De Fato tum Mathematico, tum Astrologico & Stoico, ubi Anacephalæosis eorum ferè omnium, quæ dicta sunt de Astrologia judiciaria. *Pag. 458.*

## CONSULTATIO CXII.

De Fato Christiano. *Pag. 464.*

## CONSULTATIO CXIII.

Ad quæ Crimina se extendat crimen Hæresis? Quisnam sit suspectus de hæresi? Quid, ac quotuplex sit suspicio, præsumptio, opinio, contra hæreticos, & contra suspectos de hæresi quomodo procedant Inquisitores? *Pag. 465.*

## CONSULTATIO CXIV.

De abusu Sacramentorum ac verborum S. Scripturæ, an & quatenus in illo procedat S. Officium? *Pag. 469.*

## CONSULTATIO CXV.

De abusu Sacramenti Baptismatis, poenæ in rebaptizantes. An & quatenus sint Apostatæ? An suspecti de fide, & irregulares? quid de adulto baptizato ab hæretico? Poenæ baptizantium imagines, vel res alias. Quid de suscipiente baptismum ab hæreticis? Quidve è Christiano fingente se infidelem ac peccante baptizari ob questum? An sit illi indicenda abjuratio, & qualis? *Pag. 470.*

## CONSULTATIO CXVI.

De abusu Sacramenti Eucharistiæ. *Pag. 473.*

## CONSULTATIO CXVII.

De abusu Sacramenti Pœnitentiæ, ubi accuratè explicatur Constitutio hac de re Gregorii XV. & casus ferè omnes ad id pertinentes? *Pag. 474.*

## CONSULTATIO CXVIII.

De abusu Sacramenti Matrimonii, sive de Polygamia remissivè. An pertineat ad S. Officium privæ.



## Index Argument. Consult. Novissim. Tomi Prioris.

privativè quòd forum laicum? Res judicata. Breve Clementis VIII. ad Proregem Neapolitanum. Et ad rem alia. *Pag. 488.*

### CONSULTATIO CXIX.

De Abusu verborum Sacrae Scripturae. *Pag. 494.*

### CONSULTATIO CXX.

De Sortilegiis, ac Sortilegis. Quotuplex sit sortilegium? Torreblancae hallucinatio. Quanam dieantur ac sint sortilegia qualificata, quae non qualificata, sive quanam sint haereticalia, quanam simplicia? *Pag. 494.*

### CONSULTATIO CXXI.

Utrum sapiat haesim manifestam invocatio demonis ad ea, quae ipse scire vel facere potest? ubi Torreblancae, ac aliorum aberrationes, ubi iterum de Sortilegiis haereticalibus, & simplicibus. *Pag. 497.*

### CONSULTATIO CXXII.

An sit Sortilegium qualificatum sive haeretice, quod committitur cum ossibus mortuorum, acceptis ex aliquo coemeterio. Quid de Sortilegio ad sanitatem cum hostia non consecrata? Praesertim celebrando Missas super illa, cui tamen non applicantur verba consecrationis à Sacerdote; imò quandoque Sacerdos nescit, an adsit talis hostia. Quidve de Sortilegio amatorio? Quid de Sortilegio in quo Sanctitas alicujus Sancti canonizati in dubium revocatur, ut si invocatur in sortilegio sanctus aliquis sub conditione, Si sanctus es? Et utrum sit sortilegium haeretice uti nominibus, & characteribus, ac signis ignotis, praecipue nominibus Angelorum praeter Michaellem, Gabrielem, & Raphaellem. *Pag. 500.*

### CONSULTATIO CXXIII.

An Ordinarii, ac Inquisitores in causis sortilegiorum sint iudices privativè quoad laicos? Quomodo procedendum sit contra divinatores, sortilegos, strigas, & maleficas? ubi de hac re instructio pro Episcopis, & Inquisitoribus. *Pag. 502.*

### CONSULTATIO CXXIV.

De Sacrosancto deserta ac violata fidei Christianae, impiae, & sacrilegae in ea inconstantiae, Tribunali in quo praecipua Christianae fidei, Mysteria, ipsamque Christianam Religionem adversus atheos, Ethnicos, Judaeos, atque haereticos propugnatur.

De Inquisitoribus, deque eorum vicariis & Commissariis, eorumque dignitate ac potestate, ubi, ferè dixerim, omnia quae ad S. Officium Inquisitionis pertinent, quae facere, quae non facere ii possunt per satura, sive per effata Aphorismos, & axiomata, recis extraneorum quaestionum sylvis breviter, sed clarè, solidè, ac certò ex vera sententia, pro usu quotidiano, juxta theoricam ac praxim decernuntur. *Pag. 507.*

### CONSULTATIO CXXV.

De Inquisitorum jurisdictione ac exemptione. *Pag. 513.*

### CONSULTATIO CXXVI.

Quanam dicantur Haeretici, Apostatae à fide, Schismatici, receptatores haeticorum, defensores, fautores, suspecti de haesi, qui jurisdictioni Inquisitorum subjiciuntur? *Pag. 517.*

### CONSULTATIO CXXVII.

De Jurisdictione Inquisitoris in suos familiares, in confugientes ad Ecclesiam, in absentes, in delinquentes in loco alterius Inquisitoris, vel Episcopi, in Apostatas, ab ordine vel à Religione, in quaestuarios, in mortuos & alios. *Pag. 522.*

### CONSULTATIO CXXVIII.

De Inquisitorum Jurisdictione in Judaeos, & infideles. In eos qui ipsis injurias, & contumelias in Regulares imponunt. Quomodo ea illis concessa cum Episcopis quando expiret. De eorum remotione ab officio, & translatione ab uno ad alium locum. In quas poenas, ob quas causas, & quatenus incurrant, & à quo absolvi possint? *Pag. 527.*

### CONSULTATIO CXXIX.

De Inquisitorum Vicariis, sive Commissariis. A quo eligantur. Quas condiciones habere debeant. Quot inquisitor instituere possit. Quosve, quibus gaudeant privilegiis. A quo recipiant jurisdictionem. Quam facultatem subdelegare possint. De eorum praecedentia; & exemptione ab observantiis regularibus, ac remotione de loco ad locum. Eorumque jurisdicatio quando expiret, ubi demum de inquisitoribus eorumque Vicariis, sive commissariis plura effata proferuntur, aliqua de Consultoribus. *Pag. 531.*

### CONSULTATIO CXXX.

De Inquisitorum Consultoribus, Quales esse debeant. A quo eligendi. In quibus casibus ab Inquisitoribus vocandi. Quanam eorum suffragia, merces, obligatio, ac poena in non servando secreto a quo puniendi. Eorum privilegia. Quatenus esse possint advocati fiscales S. Officii, vel reorum, ubi ad rem effata. *Pag. 538.*

### CONSULTATIO CXXXI.

De Advocato fiscali S. Officii. De ejus necessitate à quo eligatur, & qualis. Ejus munus. In quibus actibus praesens esse debeat. Qua de causa recusari possit tanquam suspectus. De ejus juramento calumniae; Deque ejus appellatione à sententia inquisitorum, ac de obligatione recipiendi depositiones testium, tam contra inquisitum, quam pro inquisito. *Pag. 541.*

### CONSULTATIO CXXXII.

De Advocato & Procuratore haeretici, ac suspecti de haesi, ejus munus. Quis qualisve. Quid de haeretico pertinaci. Cui dandus. Quatenus & à qua sententia possit appellare, ac recusare Inquisitorem. *Pag. 543.*





# JACOBI PIGNATELLI

Sacræ Theologiæ ac J. U. Doctoris,

## NOVISSIMÆ CONSULTATIONES CANONICÆ.

Parui D. Augustino. 1. de Trinit. c. 3. qui, Optandum esse, ait, ubi Hæreses vigent, ut quicunque aliqua scribendi facultate præditi sunt, ii scribant omnes, etsi non modò de rebus iisdem scripturi sunt, sed eadem etiam aliis verbis fortasse scripturi.

### DE FIDE, EIVSQVE REGVLA.

#### CONSULTATIO I.

De Fidei Christianæ Definitione; ac de ea Sectariorum novitius error. Et unde sit Fides?



**F**IDES est virtus, divinitus infusa, cujus vi omnino assentimur iis, quæ à Deo tradita sunt, hoc est, Dei est donum, quo mens illustrata disponitur, ac inclinatur ad assentiendum iis omnibus, quæ à Deo revelantur. Quemadmodum

enim per naturale lumen intellectus homo de naturali veritate bene judicat, inclinaturque ad assentiendum principiis per se notis, ita quoque mens per lumen fidei de credendis recte censer, inclinaturque ad assentiendum rebus à Deo revelatis, ut explicat Augustinus Homil. 32. inter Homil. 50. tom. 10.

Porro fides, licet etiam actum credendi significet, hic tamen, ut habitus est, definitur, & quidem in intellectu residens, cujus actus est credere, seu assentiri, accedente voluntatis imperio. Nam per quandam electionem voluntas intellectum, ex se ad utramque contradictionis partem indifferentem, movet ad consentiendum ei, quod Deus revelat. Siquidem cum obscure à Deo credibilia revelentur, lumen fidei, quo intellectus à Deo perfunditur, non ita sufficienter ipsum convincit, ut assentiri debeat, sed opus est voluntatis electione, quæ à Spiritu Sancto pia affectione mota intellectum captiver, eique imperet, ne ab assensu rei credibilis

Tom. I.

propter inevidentiam refugiat juxta illud Apostoli 1. Corinth. 13. Redigentes in captivitatem omnem intellectum in obsequium Christi.

Hujus rei evidens exemplum in Abraham fuit, qui contra spem in spem credidit, nec consideravit corpus suum esse emortuum, sed confortatus est fide, dans gloriam Deo, plenissime sciens, quia quacunque promissa Deus, potens est ea facere, Rom. 4. Quò pertinet illud Apostoli, corde creditur ad justitiam. Quia intellectus pia voluntatis affectione moveretur ad consentiendum. Unde Joan. 12. causa infidelitatis Judæorum, indurationi cordis eorum adscribitur, in quem locum D. Augustinus tr. 26. in Joan. ait, Judæos non potuisse credere, quia nolebant, & Concilium Tridentinum Sess. 6. cap. 5. Disponuntur homines ad justitiam, dum excitati divina gratia, fidem ex auditu concipientes libere in Deum moventur, credentes vera esse, quæ divinitus revelata, & promissa sunt.

Hinc actus Fidei justificantis meritorius est, quia imperatus sit à pia voluntatis affectione. Deo enim gratum est, quod credendo se quis obedientem Dei verbo exhibeat, ac remuneratione dignum, quod mens humiliter sese Deo subiciat, ejusque autoritati cedat, plus ei tribuens, quàm ipsa sapiat. Unde Ambrosius in cap. 4. Epist. ad Roman. Credere, aut non credere, voluntatis est. Neque enim cogi quis potest ad id, quod manifestum non est, sed invitatur, quia non extorquetur, sed suadetur. Quamobrem assentiens pramiis afficiendus est, sicut & Abraham, quod non vidit, credidit.

Ex quibus intelligitur, quàm vanum sit hæreticorum commentum, qui contendunt, actum fidei justificantis esse actum fiduciæ, quæ modus quidam est spei in voluntate existentis, cum credere sit actus ab intelle-

A ctu



tu profluens, cuius objectum sit verum, & ad fidem pertineat, intelligere, cognoscere, scire, credere, assentiri. Quæ omnia ad intellectum proprie spectant, iuxta illud Apostoli, *fide intelligimus aptata esse secula*, Hebr. 11. item *credidit Abraham Deo*, Genes. 15. & Rom. 4. promittenti scilicet ex sterili, ac sene uxore filium, ex cuius semine Christus nasceretur, ac rursus 2. Corinth. 10. *in captivitatem redigentes omnem intellectum in obsequium Christi*. Et aperte fidem à fiducia, sicut causam ab effectu distinguens, ait Ephes. 3. *In quo habemus fiduciam, & accessum in confidentia per fidem eius*. Neque verò necessarium est, omnem, qui credit, etiam fiduciā roborari, cum possit aliquis, non omisā fide, desperare; quoniam fiducia, ex fide per dilectionem operante, generatur.

Non est igitur Fides voluntatis fiducia, cujus functio est cum appetitu quodam propendere in rem speratam, sed est habitus, seu facultas intellectus, qua certo ea credimus, quæ à Deo nobis revelantur. Nihil enim aliud est credere, teste Augustino *lib. de predest. Sanct. cap. 2. lib. de Spir. & liter. cap. 30.* quàm cum assensione cogitare, sive consentire, verum esse, quod dicitur. Unde commendatur Abraham, quia credidit Deo, & Joannes cap. 1. v. 4. ait: *Nolite omni spiritui credere*. Et in Evangelio cap. 11. *omnis, qui vivit, & credit in me, non morietur in æternam*. *Credis hoc? Ait illi: utique, Domine, ego credidi, quia in es Christus, filius Dei vivi, qui in hunc mundum venisti*. Et Joan. 14. *Non creditis, quia ego in Patre, & Pater in me est?* Hæ ac similes veritates solo intellectu creduntur, non autem sperantur. Spes enim & fiducia de futuris sunt, non de præteritis, & voluntatis sunt facultates, non autem actus, intellectus, ad quem pertinet cognoscere, intelligere, cum assensione cogitare; quod est credere. Præterea credimus mala, & præterita, quæ non speramus.

Ex quibus manifeste apparet, jure S. Concilium Tridentinum d. sess. 6. can. 12. damnasse novitiam sectariorum doctrinam his verbis: *Si quis dixerit, fidem justificantem esse fiduciam divina misericordia, peccata remittentis per Christum, vel etiam fiduciam solam esse, qua justificamur propter Christum, anathema sit*. Sane diserte Scriptura sacra Fidem à spe atque adeo à fiducia distinguit 1. Corinth. 13. *Nunc autem manent fides, spes, & charitas, tria hæc*. Ad Colos. 1. *In fide fundati, & immobiles à spe Evangelii*, ac Petri 1. 3. *Ut fides vestra, & spes esset in Deo*. Ad Ephes. 4. *Unus Dominus, una fides*.

Quocirca perperam Erasimus contra veterum Interpretum sententiam, Apostolum non de Fide Theologica, superius à nobis definita, sed de fiducia loqui scribit in annot. in cap. 13. ad Hebr. dum ait: *Est autem fides sperandarum substantiarum rerum*. In quo Calvinus, & alii hæretici, Erasimum sequuti, Apostolum sic exponunt: *Fides est, qua facit, ut extent, quæ sperantur*. Sive fides est certa, securaque possessio eorum, quæ nobis à Deo promissa sunt, & quia hæc speramus, non videntur. Is ergo veram, inquit, habet fidem, qui certa, firmaque persuasionem Deum sibi esse propitium credit, & de illius benevolentia omnia sibi promittit. Sed quod Apostolus ibi per fidem, non fiduciam, aut spem, sed humilem mentis assensum intelligat, quo verbo Dei creditur, etiamsi non plene, neque evidenter comprehendatur, evincunt illa Apostoli verba *oportet accedentem ad Deum, credere, quia est*. Et: *Fide credimus, aptata esse secula verbo Dei*, & Sancti ibidem ab Apostolo commendantur à fide, quam adhibuerunt verbo Dei, cuius testimonium illud est infallibile. De qua fide Apostolum loqui etiam Interpretes attestantur. Quoniam fides, ac ejus actum in assensu, operationeque intellectus constituunt, istamque fidem initium salutis esse, justumque ex fide vivere, ac per fidem justificari, & operari justitiam, docent.

Ut autem prior definitionis fidei pars, qua virtus infusa dicitur, illustretur, inquirendum est, Unde fides

obveniat? Eo magis, quod olim extiterint, nec adhuc desint, de fidei christianæ origine varii errores.

Primus fuit Tironii, qui apud August. *lib. 1. de doctr. Christ. cap. 33.* putavit, opera nobis dari merito fidei, ipsam verò fidem sic esse à nobis, ut nobis non sit à Deo.

Secundus Vitalis, qui arbitratus est pro infidelibus non esse orandum, sed eis duntaxat verbum veritatis esse prædicandum, cui libero suæ voluntatis arbitrio, absq; alio speciali Dei auxilio assentiri queant. In eodem errore hæsit Pelagius cum Cælestio, gratiam Dei, sine qua nihil boni facere possumus, dicentes, non esse, nisi in libero arbitrio, quod nullis suis præcedentibus meritis ab illo accepit nostra natura, ad hoc tantum ipso adjuvante per suam legem, atque doctrinam, ut discamus quæ facere, & quæ sperare debeamus.

Tertius eorum fuit, qui opinati sunt, naturam non ita esse depravatam, quin possit velle sanari, & propositæ veritati acquiescere, vel eam contemnere; ideoque non opus esse voluntatem gratia Dei præveniri, mentemque supernaturali lumine ad credendum perfundi, sed sufficere, si præcedat veritatis præconium, cui naturaliter insitum nobis liberum arbitrium consentit ex seipso, si vult, aut dissentit. Nam credendi voluntate donata, excludi putant omnem prædicandi vigorem. In qua opinione Augustinus seipsum quandoque fuisse testatur *lib. de predest. Sanct. cap. 3.* similiter, ait, *errabam, putans fidem, qua in Deum credimus, non esse donum Dei, sed à nobis esse in nobis, & per illam nos impetrare Dei dona quibus temperasset, & iuste ac pie vivamus in hoc seculo*. Neque enim fidem putabam gratia Dei præveniri, ut per illam nobis daretur, quod posceremus utiliter, nisi quia credere non possemus si non præcederet præconium veritatis. Ut autem prædicatio nobis Evangelio consentiremus, nostrum esse proprium, & nobis ex nobis esse, arbitrabar. Quem errorem deinde retractavit ex professo *lib. de predest. Sanct. cap. 3. & lib. 1. retract. cap. 23.*

Quartus error, prædicto vicinus, eorum est, qui initium fidei Deo quidem tribuunt, sed ideo duntaxat, quia præveniente gratia pulset, docendo suadeat, ac illuminet, ipsum verò actum credendi libero arbitrio, solum generali Dei concursu adjuto, relinquat eliciendum. Unde fit, ut ex duobus pari gratia, externa & interna, præventis, unus prædicationi acquiescat, & credat, alter verò non credat, sed dissentiat. Et ex duobus pari tentatione pulsatis, unus perseveret, alter cadat. Arbitrabantur enim, liberum hominis, etiam lapsi, arbitrium, ex se non minus valere, ac posse ad consentiendum Dei vocationi, & ad acceptandum oblatum à Deo donum, in bonoque permanendum, quàm valeat & possit ad dissentiendum vocationi, & ad respuendum oblatum à Deo donum, eligendumque malum, & pari momento hominis animum ad virtutes, & vitia moveri. Quam opinionem ex professo confutat Augustinus *lib. de predest. Sanct. cap. 8.* docens, Deum interna, peculiarique gratia operari credere, ac velle, imò ex nolentibus volentes facere, talemque gratiam occultè humanis cordibus divina largitate tribui, quæ à nullo duro corde respuatur, cum ideo tribuatur, ut cordis duritia primitus auferatur. Homini enim vitiato necessarium esse auxilium, docet, non solum quo possit, & sine quo aliquid non fit, sed tale, ac tantum, quo fiat, ut voluntas hominis velit, obediat, bonum recipiat, & perseveranter teneat, præconio veritatis consentiat, ac verè credat. Quæ omnia quidem in homine ita operatur Deus, ut naturalem liberi arbitrii facultatem non violet, nec imminuat, sed juxta proprium operandi modum suaviter moveat, gubernet, dirigat, sic ad bonum inclinando, ut homo flexibilem ad oppositum liberi arbitrii facultatem retineat, qua dum credit, & consentit veritati, possit non credere, ac dissentire. Facile namque Deo est, averse, & adversus in fidem



*fidem suam convertere hominum voluntates*, ait idem Augustinus *lib. de bon. persever. cap. 8. & cap. 13.* totum esse dandum Deo, asserit, initium boni, & complementum, velle, & facere, ac permanere in bono; perfectius enim esse perficere, quam inchoare. Proinde non esse Deo imperfectius adscribendum, homini melius, hoc est Deo initium, homini autem finem.

Quintus error est asserentium, fidem non tribui Christi merito, sed generalis providentiæ dono, quemadmodum Christi Incarnatio non est facta meritis Christi, sed ex largitate providentiæ Dei, ut per Dried. *lib. de redempt. & capt. hum. gen. ar. 4.* Ruard. *ar. 6. de satisfact.* Hic error apertis scripturæ testimoniis refellitur. Apostolus enim *ad Ephes. 1.* ait *Benedixit nos omni benedictione spirituali in Christo.* Atqui fides ad benedictionem spirituales cumprimis pertinet. *Ad Ephes. autem 6. Pax fratribus, & charitas cum fide à Deo Patre, & Domino nostro Jesu Christo.* *Ad Heb. 12. Aspicientes in auctorem fidei, & consummatorem Jesum.* *Ad Philip. 1. Vobis donatum est pro Christo, non solum ut in eum credatis, sed ut etiam pro illo patiamini.* Deinde humilitati, & obedientiæ Christi adscribit Apostolus *ad Philip. 2. quod omnis lingua confiteatur, quod Dominus Jesus sit in gloria Patris.* Atqui confessio ista fide peragitur. Unde Christus *Joan. 17. Patrem oravit pro eorum conversione, qui credituri erant in ipsum, significans, fidem donari merito suæ orationis.*

Hinc à Concilio Milevitano *ca. 4.* definitum est, à Deo per Christum nobis dari, quod sciamus, quidnam facere debeamus. A Concilio quoque Tridentino *sess. 6. cap. 7.* quod fidem, spem, & charitatem à Deo per Christum infusam accipiamus, & *cap. 6.* docet, totius nostræ justificationis causam meritoriam esse Christum. *Cap. verò 8. tradit, fidem esse primam radicem, ac initium nostræ justificationis.* Accedit, quod Ecclesia conversionem infidelium à Deo per Christum petat, agnoscens, fidem intercessionem, ac merito Christi nobis dari à Deo. Quicquid enim Christus absolute à Patre petiit, hoc meruit.

Neque verò dici potest, Christum fidei, dispositionumque ad justificationem causam esse effectivam, non autem meritoriam; quia Christus nihil, quod ad salutem nostram pertineat, in nobis efficit, quod non etiam nobis meruerit, ut D. Thom. *3. p. q. 49. ar. 1. docet, Christi passionem esse medicinam universalem ad curandum hominis morbos; ad medicinæ verò conditionem pertinere non tantum sanitatem conferre, verum etiam ad illam disponere.* Idipsum Augustinus luculentis verbis attestatur, *fidem, ait, dedisti mihi, quam inspirasti per humanitatem filii tui, lib. 1. Confess. & lib. de bon. persever. cap. 7.* Post casum hominis, non nisi ad gratiam suam Deus voluit pertinere, ut homo accedat ad eum, nec nisi ad gratiam suam, ut homo non recedat ab eo. *Hanc gratiam posuit in illo, in quo sortem consequuti sumus, per fidem verò accedimus ad Deum, ad Hebr. 11. & ad Roman. 5. & lib. 1. contra 2. Epist. Pelag. cap. 3. Nemo potest aliquid boni velle, nisi adjuvetur gratia Dei per Jesum Christum, juxta illud Christi Joan. 15. sine me nihil potestis facere: at velle credere, bonum est.*

Quibus rejectis erroribus, certa fide tenendum est, *fidem, qua Christiani sumus, tam perfectam, quam inchoatam, tam vivam, quam mortuam à Deo Christi merito dari, secundum Christi doctrinam: hoc est opus Dei, ut credatis in illum, quem misit ille Joan. 6. & sine me nihil potestis facere, Joan. 15.* Et illud Apostoli *ad Philip. 2. Vobis donatum est pro Christo, non solum, ut in eum credatis, verum etiam, ut patiamini pro eo.* Utrumque enim ostendit Dei donum; quia utrumque dixit esse donatum *1. Corinth. 4. Quid habes, quod non accepisti? si autem accepisti, quid gloriaris, quasi non acceperis? & 2. Corinth. 3. Non quia idonei sumus cogitare aliquid, quasi ex nobismetipsis, sed sufficientia nostra ex Deo est.* & *ad Ephes. 6. Charitas cum fide à Deo Patre, & Domino Jesu Christo.* Quibus scripturis Augustinus *lib. de*  
Tom. I.

*predestinat. Sanct. cap. 3. & seq.* se convictum fuisse scribit, ut fidem solius Dei munus esse crederet. Et S. Thomas *in 3. p. quest. 8.* Christum esse Caput Ecclesiæ supponens, infert ab eodem influere in Christianos omnem motum supernaturalem, ac proinde credere, ac velle quodcunque bonum religionis, & pietatis. *Et art. 3. ad 1. ait, infideles potentiâ esse Christi membra, quam potentiam fundari in duobus, asserit. Primariò in Christi virtute, quæ adversas hominum voluntates nullo negotio ad se convertere potest. Secundario autem in potentia liberi arbitrii.* Unde sequitur, Christi virtute infideles disponi ad fidem, ut fiant actu membra Christi, atque, quoniam credunt, ipsum credere illorum quidem esse propter arbitrium voluntatis, simulque Dei donum esse per Christum propter spiritum Fidei, seu inspiratam facultatem credendi. *Utrumque, ait Augustinus lib. de predestin. Sanct. cap. 3. Credere & velle bonum, Dei est, quia ipse preparat voluntatem; & utrumque nostrum, quia non fit, nisi volentibus nobis.* Et *cap. 9. Fides igitur & inchoata & perfecta, donum Dei est, hoc est, Fides, live viva, live mortua, illuminatione supernaturali habetur, quoniam sit de rebus humanum captum superantibus, ut monet etiam Chrysostomus Homil. 12. & 7. in 1. ad Corinth.*

## CONSULTATIO II.

*An Fides in hominis potestate sit? & cur non omnes credant?*

**E**Mergit hinc ex dictis questio, *Quomodo Fides in hominis sit potestate, si donum Dei existat? cum hoc donum quibusdam dari, quibusdam non dari videamus.*

Respondendum, Fidem prorsus esse in hominis potestate, quia credimus, cum volumus, non credimus, quia nolumus. Id autem quisque in potestate habere dicitur, quod si vult facit, si non vult, non facit, Augustino teste *lib. de spir. & lit. cap. 30. & 31.* Cum autem quis cum vult, credit, & cum credit, volens credit, sequitur, Fidem in nostra potestate consistere, & credere nostrum esse, quia non fit, nisi volentibus nobis.

Quia tamen Deus preparat voluntatem, ut credere velit inspirando facultatem bene operandi per Spiritum sanctum, idem actus credendi simul tribuendus est Deo, & libero arbitrio; quia per Dei donum procedit ab intellectu & voluntate nostra.

Si verò quis pressius inquiret modum, quo Deus agit, ut velimus bonum, & credamus, responderet Augustinus *lib. de spir. & lit. cap. 33.* binis persuasionibus id agere Deum. Una externa, quæ fit prædicatione, Evangelica, lectione, aut monitione, vel qualibet extrinseca suasionem. Altera intrinseca persuasionem, quæ fit illuminatione mentis, atque immisione cujusdam Divini amoris in voluntatem. Non enim omnis interna suasio efficit, ut credatur, & ut quod cognitum fuerit, appetatur; sed illa sola tantæ rei sufficit, quæ sic animum succendit, commoveret, ac delectat, ut ad appetendum id, quod cognitum fuerit, voluntatem hominis inclinet, efficiendo, ut quicquid aliud voluptas, aut dolor suggererit, boni, aut veri propositi delectatione superetur. Tunc enim res cognita appetitur, si tantum delectet, quantum diligenda est.

Cur autem hoc fidei donum non omnibus detur, Fidelem movere non debet, qui credit, ex uno omnes esse in condemnationem justissimam, ita, ut nulla Dei esset justa reprehensio, etiam si nullus inde liberaretur. Unde constat, ad magnam pertinere gratiam, quod pluri liberentur, qui in eis, qui non liberantur, agnoscere debent, quid sibi deberetur. Nec in suis meritis, quæ



paria vident esse damnatis, sed in Domino gloriantur, ac inde ad gratias suo liberatori agendas incitantur. Sic passim Augustinus docet, posse Deum omnes intus trahere sic, ut audiant, & credant, sed nolle, ut in valis misericordiae suam gratiam commendet, (omnes enim, qui secundum propositum Dei misericordiae vocantur, credunt, & obediunt praedicationi) in aliis vero, quos in massa damnata relinquit, vult iustitiam suam ostendere; bonus in beneficio certorum, iustus in supplicio certorum: bonus in omnibus, quia bonum est, debitum reddere, iustus in omnibus, quia debitum sine cuiusquam fraude condonat. Sed cur hunc potius, quam illum Deus liberet, huic potius, quam illi persuadeat, hunc potius, quam illum secundum propositum misericordiae vocet, ad inscrutabilia Dei iudicia referendum est, quae admirans Apostolus exclamat: *O altitudo divinarum Sapientiae, & Scientiae Dei! Quam incomprehensibilia sunt iudicia eius, & investigabiles viae eius! Rom. 11. & O homo, tu quis es, qui respondeas Deo? Rom. 9.*

## CONSULTATIO III.

*An dubitantes Fidem habeant? Et utrum in haeretico Fides esse queat?*

**A**D primum. Explicata priori definitionis Fidei parte, qua virtus infusa dicitur, superest, ut de altera parte differamus, hoc est. *cujus vi omnibus iis assentimur, &c.* id est firmiter adhaeremus, sive consentimus, & acquiescimus, quae divinitus revelantur. Ubi primum de iis, qui dubitant, occurrit quaestio, *An fidem habeant?*

Observandum, Dubitationem quandam ex infirmitate nasci, qualis fuit Petri, dum à Christo audivit *Matth. 14. Modica fidei, quare dubitasti?* Cujusmodi dubitatio fidem non evertit, sed minuit. Cum Fide enim nonnulla dubitatio, imo ignorantia consistit, ut Apostolus illis verbis indicat: *Et si quid aliter sapitis, & hoc vobis Deus revelabit. Verumtamen ad quod pervenimus, ut idem sapiamus, in eadem permaneamus regula,* ad *Philip. cap. 3.* Dubitatio alia reperitur pertinaciae conjuncta. Haec fidem tollit, atque haeticum facit, ut docet Augustinus *Epist. 1612.* coarguens Donatistas, quod tot indicibus convicti, adhuc in suo schismate perstiterent.

Fides ergo consensum exigit constantem, ac firmum, quia revelationi primae veritatis innititur, quae nec falli, nec fallere potest. Quare qui veritati satis sibi manifestatae acquiescere nolit, adhuc dubitare praefert, haeticus merito habendus est, sicut & ille, qui unicum fidei articulum pertinaciter rejicit. At de hoc alibi latius.

Ad secundum. Cum una sit Fides specie, ac genere, Apostolo teste ad *Ephes. 4.* per quam credantur eadem veritates divinitus revelatae, ac haetici qualescumque naufragium faciant in fide. *1. ad Timoth. 1.* manifeste consequitur, quod unius articuli pertinax rejectio totam Fidem evertat, quodque infidelitate quacunque vera Fides amittatur, Concil. Trid. *sess. 6. cap. 15.* Quod exemplo monet adulterinae Chrysostomus illustrat *Homil. 1. in Epist. ad Galat.* Alii vero similitudine cymbali, quod sonum integrum retinet, quamdiu nulla fissura corrumpitur, accedente vero minima rima confestim priorem sonum amittit. Quare fatendum est, Fidem cum haeresi simul non consistere, sed infidelitate amitti, sicut quolibet peccato mortali charitatem pelli docet D. Jacobus *Ep. 2.* dum ait: *Quicumque totam legem servaverit, offendet autem in uno, factus est omnium reus.*

Neque obstat, quod haeticus unum articulum inficiens, alios, ut prius dono supernaturali credere videatur: Nam cum formalis ratio fidei sit autoritas Dei

revelantis, sequitur, cum Fidei habitum non habere, qui in uno articulo Dei auctoritati non acquiescit, nec cedit, sed talis iudicio suo innixus, quod vult respondere, non habitu fidei, sed placito suo, interdum etiam quodam supernaturali dono adjutus. Nam virtute Fidei omnibus iis assentimur, quae à Deo credenda proponuntur, quia par est omnium, quae à Deo revelantur, certitudo.

## CONSULTATIO IV.

*Quot modis Deus revelet veritatem? Et quam sit Fidei causa formalis, in quam omnium credentium fides resolvatur?*

**Q**UOD ad primum. Veritatem hominibus non uno modo Deus proponit. Nonnunquam enim id facit evidenti revelatione, claro lumine mentem perfundendo, ut rem intelligat, sciat, videat, aut prospiciat, quemadmodum fit dono intellectus, Scientiae, ac Prophetiae. Unde Prophetae dicti sunt *Videntes.* Porro illa videri dicuntur, quae per seipsa intellectum, aut sensum nostrum ad sui cognitionem permovent. Aliquando Deus veritatem certo quidem revelat, sed lumine obscuro ita, ut intellectus non sufficienter ab objecto revelato ad assentiendum commoveatur, sed accedere opus sit piam, humilemque voluntatis affectionem, quae intellectum captivet, & in obsequium Christi redigat, imperioque suo ad consentiendum inclinet. Qualis revelatio obscuram, & aigmaticam solum cognitionem generat, cuiusmodi est Fides.

Duo itaque Dei revelatio complectitur. Unum ex parte rei creditae, scilicet Fidelitatem Dei loquentis. Alterum vero ex parte credentis, videlicet illuminationem mentis. Dei enim testimonium Fidele est, ideoque infallibile, simul vero oculum mentis illuminans, ut prima veritas revelans agnoscat, quae triplici modo veritate excellit. Nam verum tribus modis dicitur, sicuti & veritas triplex est. Prima consistit in conformitate rei ad sua principia, & nuncupatur veritas naturae, quo modo autem verum dicitur. Secunda veritas in conformitate intellectus ad rem consistit, & vocatur intellectus, seu iudicium, ut dicimus, verè iudicasti. Tertia in conformitate verbi interioris, & exterioris consistit, quae sermonis veritas appellatur, fraudique, ac mendacio opponitur. Non enim quisquis falsum dicit, mendax est, sed qui aliter loquitur, quam sentit, sive falsum, sive verum enuntiet. Quibus omnibus modis Deus veritate praecellit. Naturae quidem, propterea, quoniam est idipsum, quod est. Veritate quoque intellectus, quoniam sapientissimus est, omniumque rerum exactissimam habet scientiam, ut falli nequeat. Veritate demum assertionis, quia Fidelis, & optimus est, qui proinde fallere non potest. Et quoniam quicquid in Deo est, Deus est, ideo non solum Deus verus est, sed etiam prima summaque veritas.

Unde responderetur ad secundum. Formalis Fidei nostrae causa, sive objectum formale, per quod, & propter quod formaliter, ac principaliter credimus, est prima veritas revelans, & intus in corde testificans. Nam Deus principaliter, & per se credibilia proponit, atque ut propositis assentiamur, interna operatione mentem illustrando, & voluntatem inspiratione pie affectionis inclinando, efficit. Proinde Fidei Catholicae fundamentum primarium, in quod omnis credentium Fides ultimo resolvitur, non est docentis, seu testificantis Ecclesiae auctoritas, testimonium, vox, aut decretum. Nam haec omnia ad genus externae causae pertinent, sine qua licet ordinari fides non obtineatur, absque tamen externo Angelorum, atque hominum ministerio Fides haberi potest. Loquitur enim Deus nonnunquam, revelando immediate



mediate per seipsum, uti Pater cœlestis revelavit Petro *Matth. 16.* Christum esse Messiam, & Paulo Evangelium. Præterea externa Fidei causa licet intellectum ad fidei assensum invitet, & adjuvet propter innatam infirmitatem, rerumque divinarum ignorantiam, nec non insitam mortalibus superbiam, plurimumque conducatur ad unitatem Fidei conservandam, attamen sola Ecclesiæ vox, & autoritas ad veri nominis Fidem inducere nequeunt, quia talis Fides esset acquisita, non infusa, & virtus humana, non ex Deo, ac insuper, quia sine Dei dono, & arcano Spiritus sancti lumine nulla veri nominis Fides haberi potest. Quemadmodum enim ad intelligendum principia scientiarum multa sunt præambula, & media, per quæ principia cognoscantur, qualia sunt institutio, disciplina, explicatio per exempla, vel effecta, terminorum expositio, ac similia, nihilominus sola formalis ratio illis assentiendi est lumen naturale intellectus agentis, quem propterea splendori ac luci Aristoteles comparat; ita plane in assensu Fidei, ratio formalis assentiendi articulo Fidei est lumen supernaturale à Deo revelante infusum, quod tam proponit intellectui credibile, quam inclinat intellectum per voluntatem nova gratia motam ad credendum revelanti Deo. *Vox enim Ecclesiæ docet forinsecus, sed Cathedram habet in Cælo, qui intus docet*, ait Augustinus *tr. 1. in Epist. Joan.* Ultimam itaque, in quod omnis Fides resolvitur est Deus revelans, non solum externe per Ecclesiam, sed etiam interne suadens, & persuadens.

Hinc primam credendi rationem Apostolus in Deum refert *1. ad Thessal. 2.* *Cum accepissetis à nobis verbum Dei, non accepistis illud, ut verbum humanum, sed sicut vere est, verbum Dei, qui operatur in vobis, qui credidistis.* Et ad Galat. *1.* *Licet nos, aut Angelus de Cælo evangelizet vobis, præterquam quod evangelizavimus vobis, anathema sit:* Quia scilicet verbum Dei verax est, certum, & immutabile, ac permanens in æternum. Quod cum sit primum Fidei fundamentum non verò autoritas Pauli, nec alicujus Angeli, sequitur, Dei testimonio nullum majus afferri posse, & cum Deus falli aut fallere nequeat, immutabilisque sit, contrariam sibi doctrinam invhere non posse. Unde Augustinus *lib. 11. confes. cap. 3.* ait, *se litteris sacris non credere propter scribentis auctoritatem, sed loquentis.*

Cæterum his obstare videtur, quod si prima credendi ratio in testimonium Spiritus sancti mentem interius illuminantis reduci debeat, minime videatur esse necessarium externum visibilis Ecclesiæ testimonium. Dicent enim homines, erroribus suis patrosinati volentes, se per Spiritum Fidei, hoc est per illuminationem, suggestionesque Spiritus sancti decernere, quid credendum sit, quidque ut adulterinum à Fide alienum, si aut hodie Sectarii prætendunt.

Sed respondeo, quod licet Fides nostra ejusdem sit rationis cum Fide Prophetarum, Apostolorum, aliorumque, qui Deo crediderunt, sicuti & nos, attamen quod in Prophetis, & Apostolis Fides longe majoribus Spiritus sancti donis exornata fuerit. Siquidem tanto lumine interius perfusi fuere, ut credenda distincte viderent, & veritatem à falsitate discernere; ideoque externo, ac publico testimonio Ecclesiæ non indigerent. Hoc enim abunde intensissimum lumen Fidei, Sapientiæ, & intellectus eis præstabat, quod aliis qui obscurius illuminantur, datur Angelorum, hominumve ministerio. Nam clara singulorum credendorum revelatio qualis facta est Apostolis, qui à Deo primi Ecclesiæ Doctores constituti sunt, non passim immediate à Deo absque humano ministerio sit, sed ordinarie Deus per Ecclesiæ Magistros & Doctores nobis loquitur, ac suggerit omnem veritatem.

Tom. I.

# CONSULTATIO V.

*An Ecclesiæ vox, testimonium, & Decretum credendorum regula, fideique criterion rectè constituatur?*

**E**tsi veritas à Deo, non ab Ecclesiâ primam suam originem trahat, & per solum Fidei habitum infusum absque omni externo medio Fidem Deus ingenerare possit, sicut Moysen, Prophetas, Apostolos, variosque alios electos intus docuit, attamen externam Ecclesiæ vocem, perpetuum, & ordinarium medium homines ad fidem inducendi, in eademque confirmandi esse voluit, ut qui veritatem immediate revelantem minus contueri possent, illam per homines luce veritatis suffultos propositam, tanquam per nubem, seu lucernam rutilantem, suavius apprehenderent, sicut Joannes fuit missus à Deo, ut testimonium perhiberet de lumine, & omnes crederent per illum. Non quia dei claritas eget testimonio lucernæ, sed quia hominum oculi lucem in se resplendentem tolerare non poterant.

Hinc Deus ab initio mundi Fideles, ut plurimum per alios loquens erudit. In Lege quidem naturæ per Angelos, aut primogenitos familiarum, & in Lege scripta per Moysen, deinde per Sacerdotes, & Prophetas. Sic in Lege gratiæ per Filium Dei incarnatum, & per Apostolos, eorumque successores. Et sicut Deus nobis loquutus est in Filio, cum in terris esset, sic illo in cælos abeunte nobis loquitur in Ecclesiâ Doctoribus, & Magistris, quibus docendi munus commisit, dicendo: *Euntes docete omnes gentes* August. *tr. 25. in Joan. & lib. contra mendac. cap. 20.* Et qui vos audit, me audit. Hinc Paulus *verbum suum Dei verbum esse affirmat* ad Hebr. *1.* Quod ex *cap. 17. Joan.* Augustinus ostendit, tractans illa Christi verba: *Qui per verbum eorum credituri sunt in me.* Et Petrus *Epist. 1. cap. 1.* ait: *Verbum Domini, quod permanet in æternum, esse verbum Ecclesiæ permanentem, & perpetuo evangelizatum,* cui Paulus consonat dum ait: *Fides ex auditu, auditus autem per verbum Christi, scilicet prædicatum.* Nam quomodo audient sine prædicante? *1. ad Thess. 2.* Hoc est verbum Fidei, quod prædicamus, Augustinus *tr. 209. in Joan.*

Vox igitur Ecclesiæ Catholicæ est certum veritatis testimonium à Deo constitutum, omnes ad credendum obligans. Est enim verbum Dei per Ecclesiam loquentis, cui non minus credendum est, quam si Deus per se immediate loqueretur. Quomodocumque enim Deus loquatur, sive per se, sive per alium audiendus est, nec in certitudine credendi, sed tantum in modo discendi discrimen est; alioquin infirmior esset nostra Fides, quam Apostolorum, & minus certa eorum Fides & salus, qui prædicantibus Apostolis crediderunt, quam Petri, qui Deo immediate revelanti credidit. At clare in rebus generatis conspiciamus, quod eandem naturam per medias causas quotidie producat habeant, quam ab initio ex nihilo à Deo creatæ habuerunt. Similiter ergo Fides, qua Deo per se loquenti vel per alterum creditur, par est certitudinis. Quia ratio tota credendi ex auctoritate, & testificatione loquentis promanet. *Quod enim credimus, auctoritati debemus*, ait Augustinus *lib. de util. cred. cap. 12.*

Ne quis autem de docentis Ecclesiæ auctoritate dubius fluctuaret, aut circumferretur omni vento doctrinæ, Deus non solis Prophetis, vel Apostolis auctoritatem docendi, & testificandi concessit, sed etiam Pastoribus, ac Doctoribus Ecclesiæ perpetuo futuris, quos, Apostolo teste, *dedit in opus ministerii, in adificationem corporis sui, in confirmationem sanctorum.* Ut eorum

A 3 opera



opera credentes, non secus quam alii olim voce Apostolorum in Fide conserventur. Hos enim Deus testes omnis veritatis constituit, ut cum Petro dicere possint; *Præcepit nobis populo prædicare, & testificari, Act. 1. 2. 3. & 10. de quibus Isaias c. 43. Vos testes mei, dicit Dominus. Eosdem posuit Ecclesia magistros, Ephes. 4. depositi custodes 1. Timoth. 6. columnas, & firmamenta veritatis, 1. Timoth. 3.* Per hos demum loquitur Deus, ac proinde qui eis loquentibus credit, Deo per ipsos testificanti credit, juxta illud: *Qui vos audit, me audit*, planissime ostendens, cujus personam gerant, cum docent. Se enim Deus in illis loqui asserit, nec secus illos esse audientes, quam seipsum.

Quemadmodum ergo revelanti Deo credimus, quia verax est, nec falli, aut fallere potest, ita Ecclesie judicanti, atque testificanti, hoc esse credendum, omnino credimus. Quia Deus per Ecclesiam loquitur, eamque infallibilem veritatis testem esse constituit, ejusque vocem audiri, illique obediri jussit. *Matth. 10. Luc. 10. ad Hebr. 13.* adeo, ut Ecclesie, atque Deo credere, vel obedire, aut non credere, & reluctari pro eisdem in Scripturis accipiantur juxta illud *Exod. 14. Crediderunt Domino & Moysi servo ejus, Marci ult. Qui non crediderit vobis, scilicet prædicantibus. Domine, quis credet auditui nostro? Rom. 10.* Unde Paulus *verbum suum, verbum Dei* esse asserit *1. ad Thessal. 2.*

Porro hic observandum est, Verbum Dei non solum esse Scripturam Veteris, & Novi Testamenti, sed etiam quicquid Spiritus veritatis Ecclesiam docet, sive per traditiones Apostolicas non scriptas, seu circa sensum, & intelligentiam verbi scripti. Præterea sciendum est, ipsum Dei verbum sive scriptum, sive non scriptum, non esse per se medium, sive objectum Fidei formale, sed materiale. Quia verbum non loquitur, sed per loquentis vocem, seu Dei, vel Angeli, seu Ecclesie auditur. Ideoque non verbum Dei, sed Ecclesia est Judex questionum Fidei, est Doctor concludens, & veritatis testis, cui per Scripturas, vel alia media concludenti creditur, cujus determinationi obeditur, quæ nobis veritatem testificatur. Ideoque proprie Scripturam credimus, Ecclesie verò credimus, & obedimus, sicuti populus Israeliticus Moyse credidit, & Rex Agrippa Prophetis *Exod. 14. Act. 26. Et creditum est*, ait Apostolus *2. ad Thessal. 1. testimonium nostrum*, quia scilicet erat vox Dei per os nostrum loquentis, docentis, & attestantis, August. *lib. de util. cred. cap. 12. & 14.* Non enim in doctrina religionis spectandum est quid dicatur, sed quis loquatur. Quoniam religio nritur auctoritate, ac testimonio, non autem ratione, & argumentis juxta illud Augustini *lib. contra Epist. fundam. cap. 4. Ego Evangelio non crederem, nisi me Ecclesia commoveret auctoritas.*

Hinc in doctrina Fidei ante omnia querendum est de potestate docentis, ac de persona loquentis. Etsi enim verum in se semper maneat verum, sive Angelus, sive Satanas, sive Catholicus doctor, sive hæreticus seductor hoc dicat, attamen nec Satanas, nec hæreticus vera dicens in causa religionis audiendus est, quia testis idoneus, & certus neuter est, sed falsus uterque. Quia vel veris falsa permiscet, vel malo fine verum affirmat, ut scilicet postea seducat. Unde Christus diabolo profitenti, *Scio, te, quia sis Sanctus Dei, Luc. 4.* dixit: *Obmutesce*, & Paulus diabolo clamanti, quod servus esset Dei, præcepit exire *Act. 16.* Licet enim hæreticus, imo & Satanas verbum Dei loqui possit, non tamen propterea ei credendum est, quia auctoritatem docendi veritatem à Deo non accepit. Ecclesie verò Doctoribus ideo credendum est, quia veritatis divine legitimi testes à Deo constituti sunt, & auctoritatem docendi, & testificandi à Deo acceperunt ita, ut causa eis credendi sit Deus per ipsos revelans, loquens, docens omnem veritatem. Quam sane auctoritatem vel ordinaria, & legitima missio, vel miracula demon-

strant. *Pro Christo*, ait *Apostolus legatione fungimur.* Proinde quando loquebatur Apostolus, Christus, cujus ille personam gerebat, per eum docebat. Et quando nunc Ecclesia auditur, Christus per eam loquens, auditur, juxta illud: *Qui vos audit, me audit.* Hinc unus est magister noster, Christus, scilicet principalis, qui per se, ac Spiritum Sanctum infallibiliter Ecclesiam, & per ministeriales Magistros omnem veritatem ordinarie docet ita, ut à voce loquentis Ecclesie communiter, non autem à solo scripto Dei verbo, Fides dependeat; quia Deus ordinarium modum hunc esse voluit, ut per illam docentem credatur, per quam ipse loquitur, & quam infallibilem veritatis esse testem constituit, per hujus vocem homines voluit ad Fidem vocari, & in Fide conservari. Quare hujus vocem, testimonium, & magisterium ordinarium esse credendum regulam, & veluti Lydium lapidem, ad quem omnia credenda examinari debeant, rectissime concludimus.

## CONSULTATIO VI.

*An sola Scriptura Sacra ad omnes Fidei Questiones determinandas sufficiat? Et an sola Scriptura sit Index Fidei?*

**A**D primum. Quamvis Sacra Scriptura sit infallibilis regula Fidei, ut communiter tenent, non solum Catholici, sed etiam hæretici, estque de Fide ex *S. Concilio Tridentino sess. 4. & deducitur ex 1. ad Timoth. 3. ex Joan. 15. & ex Luca ult.* Quia Scriptura continet verbum Dei revelatum, ac proinde applicat auctoritatem divinam, quæ infallibilis est ita, ut implicet, quod contineat mendacium. Nihilominus hæreticis familiare est, obedientiam Ecclesie voci debitam hoc fucō repellere, quod Scripturam Sacram reveantur, per quam Deus indubitanter loquitur, quodque ea sola ad omnem Fidei doctrinam sufficiat. Cæterum quod sola Scriptura per se nulla ratione ad Fidei mysteria, discernenda sufficiat ex eo liquet.

Primo, quod interprete egeat, interpretatioque fieri debeat non ex affectu legentium, sed revelatione Spiritus ejusdem, à quo scripta est. Nam nihil in Scriptura tam apertum est, quin à diversis in varios, pugnantisque sensus trahatur, si cum præjudicio opinionis præconceptæ legatur. Idem enim in Scriptis, quod in cibus accidit. Opus ergo est magisterio Ecclesie, ex cujus ore verbum Dei non recedit. *Isai. 57. Cum qua Spiritus Sanctus in eternum manet, ut illam omnem veritatem, etiam intelligentiæ scripturarum, doceat Joan. 16.* cui assistit Christus, *manens cum illa usque ad consummationem seculi, Matth. cap. ult.*

Secundo. Scriptura sacra liber est Fidelium, cujus omnes partes propter credentes vel ad credentes scripte sunt ut patet ex tota Scriptura veteris Testamenti, ac Novi. Proinde Scriptura Sacra nonnisi à Fidelibus & Orthodoxis intelligi potest juxta illud *Isai. 7. Nisi credideritis, non intelligetis.* Hinc Eunuchus legens Isaiam, non intelligebat, donec Philippus ei ostendit Jesum, qui in littera latebat *Act. 8.* Quare merito Augustinus *lib. 2. de doctr. Christ. cap. 7.* pietatem Fidei ad intelligendas Scripturas secundum gradum constituit. Hujus defectu *Judai velamen incredulitatis, in corde habentes, Scripturas intelligere non poterant 2. Corinth. 3. Quin eis fiebat mensa in laqueum, Rom. 11.*

Præterea neque ab ipsis Fidelibus Scriptura facile intelligi sola lectione, aut meditatione potest propter styli obscuritatem maximam, quam eruditissimi Scripturarum expositores agnoverunt, ac propter mysteriorum altitudinem, & profunditatem, etiam ubi perspicua videtur, nec non propter fecunditatem, quæ cum



cum plures sensus pariat, non ita facile à quovis quisnam sit germanus, percipitur. Unde non uno, eodemque sensu omnes illam accipiunt.

Postremo accedit brevitatis, cujus gratia multa prætereuntur, quæ tamen ex serie traditionis intelligenda sunt, ut sepe Augustinus monet *lib. de fid. & oper. cap. 4. & Epist. 119.* Ex quibus evidenter sequitur, Scripturas Sacras absque voce interpretantis ac docentis Ecclesiæ, ad Fidei doctrinam solas per se non sufficere.

Denique nec sciri potest absque voce testantis Ecclesiæ, quænam sit divina Scriptura. Nam si quis totam Scripturam Sacram vel neget, aut nesciat, nisi Ecclesiæ autoritate persuadeatur credere, nunquam Scriptura seipsam probare poterit, quod sit verbum Dei pronuntiatum. Multa insuper Fide credenda sunt, quæ in Scriptura non docentur, sed viva voce per successiones temporum veluti manu traduntur, ad quæ determinanda Scripturam insufficientem esse patet: Neque vero ullius Scriptoris intentio fuit, totam Fidei regulam scripto aliquo complecti. Nam alioqui tota Scriptura uno momento scribi debuisset. At Fides integra, & ad salutem sufficiens in Patriarchis ante omnem Scripturam fuit, & in populo Judaico ante Scripturas Novi Testamenti, ac demum in multis Christianis antequam tota Scriptura Evangelica, vel Apostolica scriberetur. Nec verò Christus scribi, sed annuntiari voce viva suam doctrinam edixit. Nec Evangelistæ, aut alii Scriptores Novi Testamenti totam Fidei doctrinam opera dedita conscribere intenderunt, sed prædicationis viva voce prius factæ commonitoria quædam brevia, & cohortationes ad eam retinendam occasione data fidelibus reliquerunt, sicuti Lucas de suo Evangelio testatur: *Ut cognoscas eorum verborum, de quibus eruditus es, veritatem.* Et Paulus in singulis pæne suis Epistolis Lectorem remittit ad prædicationem viva voce prius factam ad Rom. decimosexto. Præter doctrinam, quam vos didicistis 1. Corinth. II. Sicut tradidi vobis, 2. Corinth. I. Non alia scribimus vobis, quam quæ cognovistis. Ad Galat. 1. Si quis evangelizavit præterquam quod accepistis. Ad Philip. 4. Quæ didicistis, & accepistis, & audistis, & vidistis in me, hæc agite. Ad Coloss. 2. Sicut accepistis, sicut didicistis. 1. ad Thessal. 4. Scitis, quæ præcepta dederim vobis, poster. ad Thess. 2. Tenete traditiones, quas didicistis, sive per sermonem, sive per Epistolam. 2. ad Timoth. 1. & 2. Quæ à me audisti, hæc commenda Fidelibus. Ubi clarum est, Paulum ad acceptam viva voce doctrinam, tanquam unicam, atque plenissimam Fidei normam non autem ad solas Scripturas suum lectorem ablegare. Multa enim Paulus docuit quæ non scripsit, August. in Joan. trakt. 98. & in Psal. 103. Conc. 2. Apostolos enim scribendi minimam habuisse rationem notat Eusebius lib. 5. cap. 18. & 24. & Chrysostomus Homil. 1. in Act. Quia nunc Testamenti doctrina non tam in charta, quam in hominum cordibus, non atramento, sed Spiritu Dei vivi scribenda erat. Est quidem Scriptura in genere externorum testimoniorum, & in materia credendorum Fidelibus adjumento, ut credant, sed tamen non sola sufficit. Quia viva vox Ecclesiæ forinsecus docens, proponens, explicans & ipse divinus Spiritus intus illuminans, præter Scripturarum litteralem doctrinam, sive generandæ, sive alendæ Fidei nostræ necessaria sunt.

Ad secundum. Est necessarius in Ecclesia Judex animatus, qui tanquam Magister judicet secundum regulas Fidei probatur id ex D. Paulo 2. ad Timoth. 2. In quo posui sum ego predicator, & Apostolus, & Magister gentium. Et Act. 26. Ad hoc apparui tibi, ut constituam te Ministrum, & testem eorum, quæ vidisti. Ex quibus verbis apparet, adesse in Ecclesia magistrum circa res fidei, quod ab initio Ecclesiæ redactum fuit ad proximam ab Apostolis. Nam cum orta esset difficultas, an

circumcisio, & legalia essent servanda ex necessitate salutis, fuit coactum Concilium Hierosolymis, ut habetur Act. 15. & responsum: *Visum est Spiritui sancto, & nobis, nihil ultra imponere vobis oneris, &c.* Multæque sunt controversiæ, quæ non possunt definiti ex Scriptura, quia nulla sit in ea mentio de ipsis, ut an aliqui libri sint Canonici. Quor sint Sacramenta novæ legis, & hujusmodi alia, ut proinde necessarius sit Judex animatus qui possit eas definire.

Hic autem Judex controversiarum Fidei est Ecclesia, atque adeo sunt ii, qui repræsentant Ecclesiam, ut Summus Pontifex, & Concilium, cui præsideat Pontifex, vel per se, vel per suos Legatos. In Deuteronomio enim cap. 17. Deus jubet in difficilibus adire Sacerdotes, & acquiescere eorum sententiæ. Et 2. Joan. 20. Petro speciatim dicitur: *Pasce oves meas,* atque adeo etiam successoribus ipsius. Quia Christus voluit perpetuo providere suæ Ecclesiæ. Pascere autem est tradere doctrinam necessariam ad sustentandas oves in vita spiritali, juxta illud Hieremiæ 3. *Dabo vobis Pastores secundum cor meum, & pascent vos scientia & doctrina,* & 3. Luc. 22. *Rogavi pro te, Petre, ut non deficiat Fides tua, & tu aliquando conversus confirma fratres tuos.* Cum autem Petrus, atque adeo successores ipsius habeant Fidem indefectibilem, ac debeant alios in Fide confirmare consequitur, ut sint Judices Fidei, ut arguunt Lucius primus Epist. ad Episc. Hispania, & Gallia, Felix primus Epist. ad Benignum, Leo IX. Epist. ad Petrum Antiochenum, Agatho Epist. ad Constantinum Imperatorem, quæ & approbata in 6. Synodo art. 14.

## CONSULTATIO VII.

An vox Ecclesiæ quæstiones Fidei determinantis, sit certa, & infallibilis?

**S**uperbi, rebellesque Ecclesiæ Filii, ut omnem Ecclesiæ docentis, testificantis, aut judicantis sive per summos Pontifices, sive per Concilia, Episcopos, ordinariosque Pastores, & Magistros autoritatem convellant, non alia conditione vocem Ecclesiæ audientiam statuunt, nisi verbum Dei proferat, aut nisi consentanea Scripturæ doceat. Hæc arte omnem Ecclesiæ doctrinam in dubium revocantes, ac seipsos tam verbi Dei, quam definitionis Ecclesiæ judices constituentes. Quoniam ergo hæc illorum cavillatio omnium hæreticorum est nota, omniumque hæreseon fundamentum, quod omnem religionis, ac Fidei certitudinem labefactat, ideo comprobandum est, vocem Ecclesiæ quæstionem Fidei decernentis, esse certam, ac infallibilem.

Primum, quia Deus per illam loquitur *Matth. 10. & 18.* Et veritatis infallibilem testem constituit. Qui ergo Ecclesiam non simpliciter audit, sed conditionem exigit, ut Scripturis, & rationi consentanea dicere videatur, talis impius, & in Deum injurius est, cui per Ecclesiam loquenti non absolute, ac simpliciter credere vult, sed sub conditione, si vera & scripturæ consentanea dicere videatur. Sic enim Ecclesiæ testimonium non ex veritate Dei, qui eam in testem assumpsit, sed ex suo pendere vult arbitrio, ac sibi potius, quam Deo credit juxta illud Augustini ad Manichæos lib. 17. contra Faustum cap. 3. *Qui in Evangelio quod vultis creditis, vobis potius, quam Evangelio creditis.*

Secundo. Deus non nisi per Ecclesiæ docentis Sapientiam infinitari, ac ignorantia sui humanæ in eis, quæ ad fidem necessario pertinent, succurrere instituit; Pastores enim & Doctores dedit *ne simas parvuli fluctuantes & circumferamur omni vento doctrina,* ad 1. phel. 4. Proinde necessarium est, Ecclesiam in eis, quæ Fidei



sunt, ita sapere, ut neque falli, neque fallere possit, alioqui naturæ ignorantia non succurritur, sed imponitur.

Tertio. Voluit Deus Ecclesiæ vocem extrinsecus omnem nobis manifestare veritatem, sicut ipse intrinsecus revelat. Dixit enim: *Ite, docete omnes gentes*, adjiciens: *Ecce ego vobiscum sum omnibus diebus usque ad consummationem seculi*, Matth. ult. Significans, se cum Apostolis, eorumque successoribus, qui perpetuo Ecclesiam docebunt, futurum, nec permissurum, ut in docendo Ecclesiam à fide aberrant. Si autem Christus assistit Ecclesiæ, non potest errare; alioquin error tribueretur Christo, ut arguit Chrysostomus Hom. 11. ad populum, Augustinus Conc. 2. in Psal. 101. Leo X. in Bulla contra Lutherum, alique Patres.

Quarto Scriptura Joan. 14. & 17. aperte tradit; Spiritum Sanctum cum Ecclesiæ Magistris perpetuo mansurum, ut eos doceat omnia, quoad scilicet intelligendas recte Scripturas, omniaque necessaria dogmata. Unde sequitur, Ecclesiam non solum esse veracem, sed etiam Magistratam infallibilem, utpote quæ à Spiritu Sancto loquatur; ut Apostoli attestantur docendo Act. 15. *Videtur est Spiritui Sancto, & nobis*, & Paulus 1. ad Thes. 4. *Qui hæc spernit, non hominem spernit, sed Deum, qui etiam dedit Spiritum suum Sanctum in nobis*.

Quinto. Ecclesia est columna, & firmamentum veritatis, suo videlicet stabili Magisterio Fideles confirmans, atque certissimo, ac infallibili testimonio efficiens, ut propositis credibilibus, firmissime à nobis credatur, non quidem expectans immediate doceri à Deo enthusiastis, aut novis afflatibus, neque mediis certis, ac necessariis concludendo, sed autoritate, ac potestate divinitus accepta doctrinam Fidei aperiendo, explicando, decernendo, atque irrefragabili testimonio confirmando. Non enim Ecclesia de rebus Fidei ex scientia, vel arte concludit, sed doctrinæ semel acceptæ certissima & infallibilis est testis, conservatrix, aperiens, & explicans quid acceptæ ab initio Fidei sit consonum, quidque virtute in Fidei semine latebat, ac quidnam ex articulis Fidei revelatis recte deduci possit. Unde Ecclesiæ Pastoribus, & Magistris simpliciter credenda proponentibus, ac decernentibus, non minus credendum est, quam est Legislatori jubenti obtemperandum. Quia sicut ex accepta potestate divinitus Legislator jubet, ita ex decernendi potestate, & gratia à Christo accepta, Ecclesiæ Pastores docent, ac decernunt.

Hinc in Conciliis omnibus Conclusiones & Decreta, non autem probationes, & argumenta videmus, non quod sine argumentis concluderint, sed quia non ex formitate argumentorum, sed ex suggestionem Spiritus sancti, & potestate à Christo accepta infallibiliter veritatem concluderunt, ut Act. 15. Apostoli. Non enim Ecclesiæ doctrina est argumentatio, sicut Theologica scientia, quæ ex arte, & principiis disciplinæ Theologicæ, docet, persuadet, Fidem tuetur, ac rationibus ostendit, non esse improbabilem. Sed Ecclesia ex potestate Fidem decernit, constituit, autoritate sua prædicat, esse infallibilem, ac circa articulos fidei revelatos versatur. Non enim scientiæ, sed Fidei scholam Christus instituit, nec ad probandum argumentis, sed prædicandum verbo Evangelium, Ecclesiæ Magistros misit, quorum dictis tanquam suis, Fideles certo & secure acquiescere voluit, cum propter assistentiam Christi, quia se cum Ecclesia usque ad consummationem seculi futurum dixit, ut per eam & ipsam Scripturam, & Scripturæ sensum & multa extra Scripturam infallibiliter doceat eam illuminando per verbum à se immediate revelatum, sive scriptum, sive non scriptum, sed viva voce traditum. Quod enim Ecclesia per assistentiam Spiritus sancti, quoad res ad salutem necessarias, in omnem veritatem inducatur, in Scripturis aperte nobis revelatum

est, etiam si media, quibus in docendo Ecclesia uti debet, explorata non habeamus. Quare hæc infallibilitas docentis Ecclesiæ studium, & industriam non excludit, sed potius includit. Nam qui finem dat, etiam media ad finem necessaria præbet, & à mediis consecutionem finis impediens conservat, prout in salvandorum prædestinatione manifestum est, ubi non solum vita æterna, sed etiam media ad illam necessaria prædestinationis effectus sunt.

Ecclesia igitur ita est infallibilis in credendo, ac proponendis rebus Fidei, ut nunquam possit errare. Est de Fide contra Theodosianos, Arianos, Donatistas, Luciferianos, Iconomachos, Lutheranos, Calvinistas, & omnes hæreticos nostri temporis. Definuitur autem in Concilio Niceno l. 3. c. 3. & ita in Nicolai I. art. 6. 10. 5. & habetur in Symbolo Apostolorum *Credo in Spiritum Sanctum, & Sanctam Ecclesiam Catholicam*. Si enim Ecclesia est sancta, non potest errare in fide, & omnia Concilia continentur hanc veritatem, dum initio præponunt Confessionem Fidei.

Rogabit foras aliquis, *Unde sciamus, Ecclesiam non falli?* Respondetur, quia Deus illi promisit suam assistentiam. At unde habeatur quod hæc promissio sit facta à Deo. Si dicatur ex propositione Ecclesiæ, quia ita proponit credendum, committitur circulus.

Tenendum est de Fide, Deum revelasse mysteria Fidei ex 2. Petri cap. 1. *Spiritus sancto inspirati loquuti sunt Sancti Dei homines*, & ex Joan. 1. *Mea doctrina non est mea, sed ejus, qui misit me*. Est enim de Fide Ecclesiam regi à Spiritu sancto, & consequenter esse de Fide tenendum, quicquid proponit credendum. Proponit autem credendum, mysteria Fidei esse revelata à Deo.

## CONSULTATIO VIII.

### An voci Ecclesiæ simpliciter acquiescendum sit?

Quamquam vox Ecclesiæ non sit prima veritas, sed primæ veritatis manifestatio, attamen æque nos obligat, ac si Deus ipse per se loqueretur, quia non est conditio, hominum autoritate inducta, sed à Deo ipso ordinata, infallibilis & divina, quam qui contemnit, Deum ipsum rejicit. Quare qui Ecclesiam docentem audire nolens, veritatem alibi querendam arbitratur, is à Deo recedit, & à prima veritate, quæ seipsam ministerio vocis Ecclesiæ revelat. Et quamvis Ecclesiæ vox Dei respectu ministerialis, atque instrumentalis tantum sit, attamen, quoad nos, magistralis est, verè docens atque decernens credenda, cui provide nos, tanquam discipuli magistro, & filii parentibus obedire necesse sit. Et licet Ecclesiæ vox nihil intus doceat, sed solus Dei Spiritus, attamen verè docet, inducit, atque persuadet, ac cum autoritate prædicandi externum ministerium exercet, atque quod Fidei est, decernit, sit tamen, ut per hujus ministerium Deus ipse omnia principaliter faciat, qui Ecclesiæ Pastores assumit, ut per ipsos doceat omnem veritatem, utque nuncii, ac testes sint infallibiles divinæ voluntatis, qualescumque tandem sint in seipsis, boni, aut mali, sapientes, vel rudes, facundi, aut barbari, intentione bona docentes, aut prava. Eorum enim ministerium Deus, qui infallibiliter eis assistit, ac per eos principaliter operatur, audientibus efficit salutare.

Unde gaudebat Apostolus, dum omnimodo, sive per occasionem, sive per veritatem Christus prædicaretur, & dum affirmasset, se abundantius omnibus laborasse; *Non ego, ait, sed gratia Dei mecum*, ad Philip. 8. Rursus priori Cor. 3. *Neque qui plantat, neque qui rigat,*



rigat, est aliquid, sed qui incrementum dat Deus. Dei adiutores sumus. Dei edificatio estis, insinuans per Ecclesiam Pastores Deum agere, non autem ipsos per se. Quo sensu Dominus ait, unus est Magister vester, Matth. 10. qui scilicet habet doctrinam à seipso, & docet per ministros suos. Sic unus est Spiritus, qui loquitur, sed per homines, quos mittit. Veritas prima lux est animæ, ac mundi, sed affulget per ministros, veluti per lucernas illuminatas, quibus dixit: Vos estis lux mundi, Joan. 10. Deus regit nos, ac pascit, sed per Pastores, ac Doctores, quos dedit, Joan. 1. Matth. 6. Ps. 22. ad Eph. 4. Quare ibi querenda est veritas, ubi Christus est docens, loquens, & dictans. Ex veritatis ore, inquit Augustinus enar. in Psalm. 57. agnosco Christum, ipsam veritatem. Ex veritatis ore agnosco Ecclesiam, veritatis participem Et Epist. 166. In Cathedra veritatis posuit Deus doctrinam veritatis. Similiter Chrysostomus Homil. 2. in 2. ad Timoth. Sacerdos Angelus Domini est, nihil ex seipso loquitur. Si despicias, non illum despicias, sed Deum. Et alibi Homil. 85. in Joan. Deus omnia facit, Sacerdos linguam, & manum prabet. Eodem sensu vox Caiphæ fuit vox Dei, Joan. 11. & vox Phariseorum bona docentium, etiam si mala facerent, Matth. 23. ubi Dominus nos de Pastorum doctrina securos fecit, dicendo: Omnia, quaecumque dixerint vobis, facite, illis verbis docens, quod voci Ecclesiae in doctrina Fidei, & morem simplicitate acquiescere oporteat; quia licet subjective sit humana, origine tamen est divina juxta illud Prophetæ: Ego pascam oves meas Ezech. 34. per Pastores scilicet Ecclesiae, August. lib. de past. cap. 10.

Potro hinc observandum est, infallibilitatem hanc doctrinæ Ecclesiae non nasci ex immediata Spiritus sancti revelatione, neque ex plenitudine scientiæ Magistrorum Ecclesiae, qui in Scripturis sanctis, Augustino teste Ep. 3. & 119. cap. 1. multo interdum plura nesciunt, quam sciunt; neque ex certitudine mediorum, quibus ad concludendum utuntur, cum sæpe Scripturis, aliisque argumentis non necessariò, sed probabiliter concludentibus, utantur; neque insuper hæc infallibilitas à solo studio, & industria Doctorum, Scripturas, & alia docendi media diligenter consulentium; neque dènum à sola perpetua Spiritus sancti assistentia piis precibus invocata dependet; nam alioquin frustra rerum sacrarum studia susceperentur, & de re controversa magna conquisitio fieret, qualem adhibuisse presbyteros, ut cum Apostolis dogma controversum decernerent, legimus Act. 15. & in omnibus Conciliis sequentibus adhibitam fuisse, videmus; sed infallibilitatem in docendo substantiam Fidei, & publicæ dogmata, resque ad salutem necessarias sortitur Ecclesia ex eo, quod potestatem, & gratiam à Christo decernendi ea, quæ sunt ad fidelium salutem necessaria, acceperit, & Spiritus sancti assistentia munita, ejusque suggestionem adjuvata, ex qualibuscumque argumentis non nisi veritatem concludit, quia Deus in necessariis non deest, & alioquin insufficienter Ecclesiae providisset. Proinde semper ejus doctrina erit infallibilis, etiam si ratio docendi non ita.

In quo quidem primi Ecclesiae Magistri à successoribus differunt. Apostoli enim, quia Spiritus sancti amanuenses, & organa, primique Fidei Evangelicæ Magistri fuerunt, qui omnia de novo absque duce præcedentis Ecclesiae docere debebant, ideo immediata revelatione Dei, ac scientiæ Sacrarum Scripturarum plenitudine indigebant, necnon peculiari Spiritus sancti directione, tam circa media, quam conclusiones; ut omni ex parte doctrina eorum esset certa, infallibilis, atque Divina. Unde illis solis concessum fuit novos Fidei articulos in Symbolo condere, nova Sacramenta promulgare, Scripturam Canonicam scribere; succedenti verò Ecclesiae, quia ista necessaria non sunt, ideo nihil eorum facit, sed majorum vestigiis insistent, traditæque doctrinæ inhærens, partim sua auctoritate credentibus pro tempore Fidei doctrinam confirmat, par-

tim dubia emergentia aperit, & explicat, atque ita potius testem agit quàm autorem, nec fundamenta ponit, sed solum superædificat, non plantat, sed rigat, nec prima semina jacit, sed potius in aliorum labores subintrans, seminata colit, tueretur, ac metit. Longe autem majori petitiâ, & certitudine opus est ad prima principia rerum statuenda, quàm ad conservandum res jam existentes. Satis enim fuerit semel acceptis diligenter insistere, & ex eis alia deducere. Quod facilius est, quàm rem penitus ignoratam de novo explorare, ac docere.

Unde in Conciliis Patres non nova, sed ab antiquis accepta posteris tradidere, & contra emergentes hæreses novas, & peregrinas doctrinas obtrudentes, depositam, seu ab Apostolis acceptam Fidei doctrinam conservarunt, nihil novi addendo, sed perperam intellecta corrigendo, & obscurius credita ex præcipuis quibusdam articulis, in quibus, ut in principiis, ac semine latebant, eruendo.

Atque hoc sensu intelligendum est, articulos Fidei non crescere secundum substantiam Fidei, sed tantum secundum explicationem, propter quam contra nova hæreticorum commenta nonnunquam novas voces introducere cogitur D. Thom. 2. 2. qu. 1. ar. 7. ut contra Arrianos Homousion, contra Nestorianos, Theotocos, contra Sacramentarios, Transubstantiationem, quales voces non pertinere ad profanas vocum novitates, quas in hæreticis Apostolus reprehendit, ostendit Augustinus tract. 93. in Joannem.

## CONSULTATIO IX.

An vox Ecclesiae definientis, divina sit, an humana dicenda? Et an Ecclesia nova fidei dogmata docere possit?

Ad primum. Quia Sectarii omnem Ecclesiae doctrinam ad humanas traditiones pertinere volunt, indeque Patrum interpretatione, Conciliorum Decreta, Romanorumque Pontificum responsa vilipendunt, prætexentes illud Christi: Frustra me colunt, docentes mandata, & doctrinas hominum, ideo non inutile fuerit hinc explicare quidnam de voce Ecclesiae sentiendum sit, & an humana, vel potius divina Ecclesiae doctrina sit vocanda.

Principio sciendum est, omnia scientiarum dogmata ab æterno lumine, totius veritatis lucidissimo fonte, promanare, ideoque ratione primæ originis ex Deo esse. Sed licet omnis scientia, & doctrina in illa prima origine conveniat, tamen in modo positionis differt, & ex hujusmodi conditionis diversitate discrimen omne sortitur. Nam scientia, quæ lumine naturæ simplici rationis intuitu, absque ullo discursu de principiis scientiarum naturalium, & axiomatum ex eis proxime fluentium habetur, cognitio naturalis dicitur. Quæ verò per deductionem, discursum, & per modum illationis obtinetur, acquisita, & humana scientia est, licet etiam naturalis ex parte objecti vocetur. Quæ autem cognitio nec vi naturæ, solo videlicet rationis intuitu simplici, nec per discursum, sed per divinam revelationem, seu per dispositionem Dei specialem proxime habetur, non scientia, sed Fides nuncupatur, & cognitio, non humana sed divina. Quia non per modum naturæ, neque disciplinæ, humana generatur, sed auctoritati Dei innititur, qui per se immediate, vel per Ecclesiam docet.

Unde patet, quod Ecclesiae docentis vox de Fide, licet per homines administratur, tamen quia Deo istos homines mittente, & hanc illis potestatem, non per media humana, non per discursum, aut arbitrium hominum, sed per seipsum, & per Sacramentum à se institutum, conferente, exercetur, propterea



rea quod tam Ecclesiæ doctrina, quam illa omnis potestas, & omnia, quæ ex eadem, ut tali, promanant, non mere humana, sed potius Divina censerī debeant, sicut Apostolus innuit 1. Corinth. 14. contra eos, qui verba ejus tanquam humana contemnebant, differens. *An à nobis*, ait, *verbum Dei processit? Si quis videtur Propheta esse, aut spiritalis, cognoscat, quia quæ scribo vobis, Domini sunt mandata*, ubi suum verbum, Dei mandatum vocat. Et Joān. 17. *Ego dedi eis sermonem tuum, & mundus eos odio habuit, quia non sunt de mundo*. Et 1. Joān. 4. de iis, qui ex humana prudentia, non ex autoritate à Deo accepta loquuntur: *Ipsi de mundo sunt, ideo de mundo loquuntur, & mundus eos audit*. Et Petrus posteriori Epist. cap. 1. *Explicationem Scriptura ait, non fieri propria interpretatione, nec humana voluntate, sed Spiritus sancti inspiratione*.

Ac postremo hac ratione Dominus Joannis doctrinam ex cælo, non ex hominibus fuisse docet; nempe, quia *missus erat à Deo, ut omnes crederent per illum* Luc. 29. Sic cum Ecclesia in mundum missa sit ad omnes gentes docendum, & ut testis sit veritatis, Matth. 28. *Att. 1.* sequitur ejus vocem non esse ex hominibus, sed ex cælo, atque potestatem habere non tantum humanam, sed etiam divinam.

Ad secundum. Cum unica sit, ac fuerit Christi Ecclesia, quæ pro diversitate hominum ac temporum varium docendi modum habuit, dicendum est, unam & eandem Ecclesiam à Deo potestatem accepisse, tam novos articulos immediate à Deo revelatos infidelibus proponendi, quam eosdem fidelibus sua autoritate consignandi, confirmandi, ac emergentibus dubiis explicandi. Sed primitivæ Ecclesiæ Magistris, qui apud gentes de novo fidem, & doctrinam nova revelatione à Deo acceptam plantare debebant, ad quas tanquam speciales Christi Legati mittebantur, usus potestatis illius prioris necessarius erat, succedenti verò Ecclesiæ, quæ non novis, sed antiquis revelationibus, ac primitivæ Ecclesiæ Fidei innititur, posterior docendi modus convenit, qui in rigando, superædificando, veritatem sua autoritate confirmando, & aperiendo, nec non emergentia dubia resolvendo, consistit.

Quemadmodum enim Deus res primum suâ potestate creavit, & postmodum easdem jam creatas conservat, & eadem potestate vegetativa hominis anima in infantibus augmentum, in senibus verò nutrimentum solum efficit, ita eadem Ecclesia primum accepta à Deo potestate novos Fidei articulos edidit per Apostolos, postmodum verò per succedentes Ecclesiæ Pastores antiquam ab initio receptam fidem conservat, præsentisque Ecclesiæ doctrinam suo judicio, & autoritate confirmat ita, ut non solum illius primitivæ Ecclesiæ, sed etiam modernæ judicio, & autoritate tuti simus, quod in veritate ambulemus, quia præsentis Ecclesiæ testimonio probari debet, quid Apostoli prædicaverint, & hanc audio, ut Christo, & Apostolis credam.

Novi ergo articuli Fidei bifariam intelligi possunt. Uno modo, quia nova doctrina, nunquam antea hominibus tradita, jam primum à Deo per Ecclesiam revelatur. Hic opus est nova Dei revelatione, qualem Apostoli acceperunt secundum illud Pauli ad Ephes. 3. *Quod aliis generationibus non est agnitus, filiis hominum, sicuti nunc revelatum est Sanctis Apostolis ejus*. Hujusmodi novam doctrinam in Lege Naturæ, primi Fideles de omnipotentia Dei acceperunt. In lege verò scripta de simplicitate, ac veritate Dei. Ac denique in Lege Gratiæ de mysterio Trinitatis, atque Christi Incarnatione Apostoli varias novas revelationes acceperunt.

Alio modo nova Fidei doctrina vocatur. Quia licet prius quidem tradita fuerit in semine ac virtute, attamen obcurius in se, vel paucis, nondum mani-

feite, quoad omnes. Hujus generis nova doctrina per Ecclesiam omni tempore tradi potest, quatenus propter insurgentes hæreses aliquid explicatius definitur, ut in omnibus Conciliis factum est, in quibus veteris Ecclesiæ Fides plenius explicata est, ut id, quod in ea continebatur implicite à quovis postea explicite crederetur, ut per D. Thomam 2. 2. q. 1. ar. 10. ad 1. & 2. argum.

Si ergo absolute novi articuli, quoad substantiam fidei, intelligantur, sic ab hominis lapu nulla ætate creverunt. Quia in fide primorum parentum, quibus semen benedictum promissum erat, omnia implicite continebantur, quæ postea explicite à posterioribus credita sunt, Idem D. Thom. loc. cit. art. 7.

Si autem de novis Fidei articulis, quoad explicationem, agatur, id omni tempore potest, & facit Ecclesia. Quod autem alterum non possit, aut non faciat, accidit, non defectu potestatis, sed quod rei natura non permittat, sicut Deus non potest facere contradictoria simul esse vera, obstante rerum natura. *Quodcunque in Ecclesia, inquit Lyrinensis, fide Patrum sanum est, hoc idem Filiorum industria decet excolatur, observetur, proficiat, & perficiatur, accipiant licet præfata dogmata evidentiam, lucem, distinctionem, sed retineant necesse est plenitudinem, integritatem, proprietatem*. Quare Ecclesia in suis Symbolis nullos novos fidei articulos condidit, sed Vereres plenius, & explicatius credendos tradidit.

## CONSULTATIO X.

*An omnia credenda, per articulos distinguenda sit?*

**S**ciendum hic in primis est, omnem doctrinam ab Apostolis Ecclesiæ traditam, & quæ in Ecclesia publice creditur, ac docetur, ad Fidei Christianæ regulam pertinere, quæ ab omnibus omnino perseveranter retinenda est, qui à Christi corporis unitate nolunt recedere, ut per Augustinum Epist. 57.

Ad præscriptum hujus regulæ omnia Religionis dogmata dimetienda sunt. Hinc Apostolus 2. Corinth. 10. *Fidem Corinthiorum vult crescere, ac secundum regulam doctrinæ à se tradita*, Irenæus lib. 5. cap. 4. Origen. in proëm. lib. de Princip. Eandem regulam vult Galatas sequi cap. 1. & 6. & ad Philip. 3. in eadem, inquit, *permaneamus regula*, quam Apostolicam regulam, Patres traditionem Apostolicam vocant, sive scripto, sive tantum viva voce tradiderint.

Hæc autem Fidei regula, forma, seu traditio tripliciter considerari potest. Primum, ut regula summaria, & contracta, quæ Fidei caput, fundamentum, & radicem complectitur, de qua Joān. 17. *Hæc est vita æterna, ut cognoscant te solum Deum verum, & quem misisti Jesum Christum*. Quidquid enim de ultimo fine, aut de mediis obtinendæ salutis credi debet, hic implicite continetur, non quia per necessariam consequentiam singula inde credenda deducantur, sed quia in re ipsa cognita, quæ hic traditur, reliqua insunt, sive ex natura rei, sive ex divino beneplacito.

Hujusmodi quoque est universale principium illud Apostoli ad Hebr. 11. *accedentem ad Deum oportet credere, quia est, & quod inquirentibus se remunerator sit*. In priori enim illo, *Deus est*, re ipsa continentur omnia quæ Deo conveniunt, utpote, quod sit Unus, Trinus, Omnipotens, Incommutabilis, Creator, &c. In posteriori verò, quod sit *Remunerator*, continetur Providentia, Judicium, Misericordia, omnisque modus divinæ Providentiæ, quo Deus homines ad salutem perducere destinavit, ac proinde Christi Incarnatio, Passio,



sio, humani generis Redemptio, illiusque per gratiam & Sacramenta, variaque media executio. Talem fidei nostræ brevissimam regulam vocat Apostolus ad *Roman.* 10. *Confiteri ore Christum Jesum, & corde credere, quia Deus illum suscitavit à mortuis.*

Alio modo fidei regula consideratur, ut in certos articulos distincta, capitales tamen, & generales, quique aliorum articulorum multorum semina sunt. Hæc regula fidei Christianæ principia complectitur. Talis regula est Symbolum Apostolicum.

Tertio modo regula fidei considerari potest, ut omnes fidei conclusiones factas, & ab Ecclesia universaliter receptas continet, Vincentius Lyrincensis *cap. 30. & seq.* Augustinus *lib. de bon. persever. cap. 20. & ep. 49. q. 2.* Et hæc est regula fidei explicata, qualem Concilia generalia postmodum ediderunt, novis semper incrementis quoad explicationem, auctam, ad quam saltem implicite tenendam omnis Christianus obligatur. Concil. Carthag. 4. c. 1. Concil. Trid. *sess. 25. c. 2.* Episcopi verò ordinandi, atque omnes, qui ad dignitatem Ecclesiasticam, vel gradum superiorem in Universitatibus admittuntur, in hanc regulam ex decreto B. Pii V. jurant.

Porro ex his facile apparet, non omnia in Scripturis, & Ecclesiæ traditione contenta, in certos fidei articulos referenda fuisse, sed ea sola, quæ ab omnibus Christianis expressa fide credenda sunt, qualia sunt ultimus finis, & media ad illum consequendum necessaria. Neque verò quidquid ad fidem per se pertinet, novum itatim articulum constituit, sed quod specialem habet difficultatem, & inevidentiam.

Est enim fidei articulus propositio catholica, principii rationem in fide obtinens, specialemque difficultatem, & inevidentiam, omnibus Christianis ad explicite credendum, proposita, cujusmodi sententiam, à partibus corporis ducta similitudine, articulum vocamus. Quemadmodum enim corporis membra articulis distinguuntur, ita & fidei confessio distinctis fidei dogmatibus, quæ dum seorsim nobis credenda proponuntur, appositè fidei articulos nuncupamus. Præterea hac articuli voce insinuat, quod sicuti unus, idemque homo remanens incrementum accipit, statu, habituque mutatur, (tot enim sunt parvulorum artus, & membra, quot senum,) ita quod una, eademque omnium, quoad substantiam, fides profectum, non permutationem admittat. Cum enim fides una sit, Apostolo teste ad *Ephes. 4.* substantiam ejusdem unam & eandem semper esse, necessarium est, licet modus credendi possit esse diversus, atque fidei mysteria pro temporum ratione varia. Idemque fidei dogma cum tempore consolidatur, ut scilicet intelligatur illustrius, quod antea obscurius credebatur, atque crescit, ac dilatatur; Sed in eodem genere, ut si quid novi dicatur, non tamen nova fidei doctrina proferatur, quæ non antea in fidei, ac religionis semine latitaverit, ut præcedenti capite latius ostensum fuit.

## CONSULTATIO XI.

*An Symbolum, quod Apostolicum dicitur, editum sit ab Apostolis?*

*An præter Apostolorum Symbolum, alia sint ab Ecclesia recepta?*

*Et cuius sit, exorta nova de fide controversia, Symbolum explicare?*

**E**T si quædam Symbola quadam ratione, Apostolica dici possint, quia doctrinam, ab Apostolis traditam, continent, quo modo Hilarius de Symbolis adversus Arianos Nicenum Concilium, Apostolicum vocat, & Epiphanius in Ancorato Symbolum Constantinopoli-

tanum Apostolis attribuit; attamen proprie Symbolum Apostolicum nuncupamus, quod ab Apostolis ipsis in unum collectis pro communi regula Christianæ professionis editum est, de quo contra universæ Ecclesiæ usum communi omnium fidelium sententia probatum ambigere, an ab Apostolis editum sit, maximæ fuerit instantiæ. Unde patet Laurentii Vallæ ac Erasmi negantium, Brentii, & Artopæi dementia, vel ignorantia crassa, cum plurima veterum hæc de re luculentissima extent testimonia.

Et in primis Clemens Romanus *Epist. 1. ad Jacobum* expressis verbis scribit, Apostolos priusquam in varias Provincias dividerentur, Symbolum fidei edidisse, ut conformis esset tam docentium, quam discipulorum ubique doctrina. Irenæus *lib. 1. contra hæres. cap. 2. & 3. & lib. 3. & 4.* Symboli recenset articulos, tanquam ab Apostolis editos. Tertullianus *lib. de præscrip.* eosdem confitetur ante omnes hæreses traditos. Ambrosius *Epist. 81. & Serm. 38.* duodecim Apostolorum Symbolo fides sancta concepta est, qui velut periti artifices in unum convenientes clavem suo consilio conflaverunt: clavem enim quandam ipsum Symbolum dixerim. Hieronymus in *Epist. ad Pammachium contra errores Joannis Jerosolymitani*: In Symbolo, inquit, fidei, & spei, nostræ, quod ab Apostolis traditum, non scribitur in charta & atramento, sed in tabulis cordis carnalibus post confessionem Trinitatis, & unitatem Ecclesiæ, omne Christiani dogmatis Sacramentum carnis resurrectione concluditur. Augustinus *Serm. 181. de temp.* à majoribus traditione acceptum dicit, quod Apostoli simul positi, & Spiritu Sancto pleni, breve suæ prædicationis compendium, fideique regulam communi collatione instituerint, quam secundum numerum Apostolorum duodecim sententiis comprehensam, Symbolum vocaverunt. Et *Serm. 115.* unicuique Apostolo suum articulum attribuit, ac *lib. de fid. & oper. cap. 9.* monet, ut baptizandi de fidei articulis juxta traditionis seriem interrogentur. Leo *Serm. 11. de passione Dom.* regulam fidei in ipso Symbolo per auctoritatem Apostolicæ institutionis accepimus. Et *Epist. 13. ad Pulcheriam*: Ipsius Catholici Symboli brevis, & perfecta confessio duodecim Apostolorum, totidem est consignata sententiis, tanquam instructa sit munitione cælesti, ut omnes hæreticorum opiniones, solo ipsius gladio possint detruncari. Maximus in *Serm. de Symbolo* Apostoli Ecclesiæ Dei, quam adversus militiam diabolici furoris armabant, mysterium Symboli tradiderunt, ut quia sub uno Christi nomine credentium futura erat diversitas, signaculum Symboli fideles, perfidosque secerneret, & alienus à fide, atque hostis appareret Ecclesiæ, qui aut tanquam baptizatus nesciisset, aut tanquam hæreticus corripisset. Isidorus *lib. 2. de divin. Offic.* compendiosè refert, quæ priores Doctores de Symbolo scripserunt. Innocentius III. *lib. 2. de myst. mis. cap. 24.* singulis Apostolis unum Symboli articulum tribuit.

Utrum tamen singuli Apostoli singulos articulos ediderint, an potius totum Symbolum ab omnibus simul contextum sit, incertum est, neque ad augendam, vel infirmendam ejus auctoritatem refert, quandoquidem in omnibus, & singulis Apostolis, unus, idemque Spiritus loquutus fuerit. Ideoque licet Symbolum potius Scripturæ sacræ non sit, quia illud Apostoli non scripto, sed vivæ vocis ministerio tradiderunt, attamen non inferioris est auctoritatis, quam Scriptura sacra. Gregor. *lib. 1. registr. Ep. 24.* sicut Sancti Evangelii quatuor libros, sic quatuor Concilia suscipere, & venerari me fateor. Quemadmodum enim scimus Ecclesiæ testimonio, Matthæi Evangelium à Matthæo Apostolo conscriptum esse, ita vivæ vocis traditione scimus articulos fidei in Symbolo ab Apostolis digestos esse, ac verbum Dei non scriptum continere.

Cum porro dicat Apostolus ad *Ephes. 6.* *In omnibus sumentes scutum fidei, in quo possitis omnia tela nequissimi igne*



*ignea extinguere*, consequitur, Symboli Apostolici frequentem recitationem adversus mundi, & diaboli impugnationes quàm plurimum valere, ac instar tutissimi scuti protegere. *Iustus enim ex fide vivit*. Et sicut corde creditur ad iustitiam, ita ore confessio fit ad salutem ad Rom. 10. Ideo in confessionis vocem crebro erumpendum est. Quare sapienter Ambrosius lib. 3. de Virgin. suam honorat sororem, ut frequenter Symbolum legat, cum cubitum pergit, cum à somno mane surgit, & quandocumque horror aliquis animum concutit: *Quando enim sine militia sacramento miles in tentorio, bellator in pratio*; Augustinus hom. 42. inter 50. & lib. 1. de Symb. cap. 1. tom. 9. Symbolum quotidie dicite, quando surgitis, quando vos ad somnum collocatis, commemora fidem tuam. Sit tibi tanquam speculum, symbolum tuum, ibi te vide, si credis omnia, quæ te credere confiteris, & gaude quotidie in fide tua, sint divitiæ tuæ, sint quotidiana ista mentis tuæ vestimenta. P. Leo Epist. 13. docet brevem symboli confessionem ad omnium hæreticorum opiniones detruendas sufficere, ac valere, ut in nullo à vero devietur. Petrus Chrysologus serm. 62. ait, quotidie personandum Symbolum, ut nemo in initio cum Deo pacti obliviscatur, neque promissionum divinarum, cælestiumque bonorum, ad quæ fides Symbolo contenta nos transmittit. Similia prosequuntur Chrysostomus hom. 1. in Symb. aliique Patres. Hinc P. Thomas 2. 2. q. 1. art. 7. observat, Symbolum Apostolorum in Ecclesia dici, manere ad Primam, & in Completorio, quasi contra tenebras errorum præsentium, præteritorum, & futurorum, atque occulte recitari, quia fide nondum publicata, persecutionisque tempore editum fuit. In Missa verò palam Symbolum Patrum decantari, quia fide manifestata, Ecclesiæque pacem sub Constantino, & Christianis Imperatoribus obtinente, conditum fuerit. Prius tamen ante mysteriorum consecrationem fidei Christianæ Symbolum decantatum fuisse, attestatur Dionysius Areopagita, in quo universa divina in nos emanantia beneficia contineri scribit.

Ad secundum. Præter Apostolorum Symbolum, tria sunt alia generaliter in Ecclesia suscepta.

Primum est Nicenum sub Constantino Magno contra Arianos, à Concilio Niceno editum, quod par est cum Concilio autoritatis, de quo Athanasius in epist. ad Epictetum, Hilarius lib. de Synodis, Gregorius Nazianzenus tract. de fide Nicena, Basiliius epist. 60. & 70. Epiphanius sub finem lib. de hæresib. Cyrillus in exposit. Symb. Niceni tom. 4.

Potest sicut Catholici, ita & Ariani suum habuere Symbolum, de quo Hilarius lib. 4. & 6. de trinit. Hieronymus contra Luciferianos, Nicephorus lib. 8. hist. cap. 47. similiter Pelagiani suum habuere Symbolum, de quo Augustinus lib. 1. de gratia Christi cap. 32. Lutherani suam confessionem, & Sacramentarii Calvinii institutionem, quam & Confessionem vocant.

Secundum Symbolum est Constantinopolitanum, ab universali Concilio secundo Theodosii senioris tempore contra Macedonium coacto, editum, quo nunc Ecclesia in officio Missæ utitur, adjecta solummodo particula, *Filioque*, ad maiorem veritatis explicationem. Quod Symbolum, teste Magistro sententiarum lib. 2. dist. 11. Leo III. Pontifex in testimonium, quod à Latinis reciperetur, tabulæ argenteæ inscriptum post S. Pauli corpus in altari posuit.

Tertium est Athanasii, quo Ecclesia in Horis Canonicis ad Primam utitur, estque par est cum prioribus autoritatis, non quidem ratione Autoris, sed quia susceptum est ab Ecclesia toto Orbe diffusa, de quo Nazianzenus orat. in Athanasium, & Augustinus in Psal. 20. Continent autem hæc tria Symbola eandem fidei veritatem, sed in posteriori plenius explicatur quod in priori implicite continetur, ut pulchrè Vincentius Lirinensis explicat cap. 32.

Ad tertium. Quemadmodum in veteri Lege Deus omnes de Religione quæstiones summi Sacerdoti iudicio definiri, eumque qui obtemperare noller, interfici statuit, ita & in novo Testamento Christianos sine excessione aliqua Ecclesiam, hoc est Ecclesiæ Pastores, quorum supremus est B. Petri successor Pontifex Romanus, Christi in terris Vicarius, audire præcepit, gravi addita comminatione, *qui Ecclesiam non audierit, sit tibi tanquam Ethnicus, & publicanus*, id est à spe salutis alienus. Nam Christus est Salvator corporis sui, id est Ecclesiæ.

Ad Romani Pontificis itaque munus pertinet, exortas omnes de fide, aut de religione controversias dirimere, suæque autoritate terminare, ac proinde si opus sit, novum Symbolum edere. Una siquidem Ecclesiæ fides esse debet, ac idipsum omnes dicere, nullaque esse schismata oportet. Quod sane obtineri nunquam poterit, nisi nova de fide mora lite per supremum aliquem visibilem iudicem quæstio definiri possit, qui necessitatem obediendi latæ sententiæ omnibus fidelibus imponere queat. Id, quod solus potest Romanus Pontifex, Petri successor, totiusque Ecclesiæ Pastor, cui à Christo peculiari privilegio dictum est: *Pasce oves meas. Confirma fratres tuos. Non deficiet fides tua. Super hanc petram edificabo Ecclesiam meam, quæ est domus Dei vivi, columna & firmamentum veritatis*, suo magisterio, & autoritate docens omnem veritatem ex promissa infallibiliter Spiritus Sancti assistentia, Christi que directione ita, ut solus Romanus Pontifex propria sibi à Deo concessa autoritate Concilia generalia congregare, sua sententia confirmare, suæque iudicio prorsus rata, certa, & irrefragabilia efficere possit.

Interfunt quidem etiam Conciliis Episcopi, Doctores, ac Principum Legati, etiam laici, sed longe dispari conditione. Nam Episcopi, quos Spiritus Sanctus posuit regere Ecclesiam Dei, in Conciliis præsident, atque de rebus fidei sententiam ferunt, ut Jacobus Act. 15. de se ait: *Ego iudico*, sed eorum iudicium omnino firmum non erit, nisi Vicarii Christi comprobatio accedat, cujus fides sentire nequit defectum, Augustinus lib. 2. contra Julian. in epilogo. Doctores verò in Conciliis interfunt, velut consilarii, non autem tanquam iudices. Principes autem, atque laici Conciliis interfunt, non ut iudices quæstionum fidei, sed tanquam Protectores Ecclesiæ, decisionumque ejusdem testes, atque executores. Ex quibus triplex de Fidei doctrina iudicium esse colligimus.

Primum est rationis, quoad simplicem, firmumque assensum qualis fidei est, cuiusmodi generis iudicium omnibus fidelibus commune est. Potest enim quisque ex regula fidei, quam tenet, hæreticis respondere, quamvis hæreses nesciat, ut observavit Augustinus lib. de agone Christiano cap. 4. & lib. 12. de Gen. ad lit. cap. 14.

Secundum iudicium est discretionis, quo credenda ex propriis causis agnoscuntur. Hoc perfectiorum est, qui exercitatos habent sensus, & contradicentes possunt arguere, quales sunt dono sapientiæ & intellectus præditi Doctores, Augustin. tract. 98. in Joannem.

Tertium iudicium est determinativum ex auctoritate à Christo accepta, cujus generis iudicium Ecclesiæ Prælati proprium est, quos Christus posuit regere Ecclesiam, ac pascere gregem sibi commissum, ac docere omnem veritatem, ut non circumferantur omni vento doctrinæ Act. 20. & ad Ephes. 4. inter quos Ecclesiæ Pastores Romanus Pontifex Summus est, cujus iudicio quisque non obtemperat, rebellis matri Ecclesiæ, Dei-que ordinationi habetur.

Opportunissimum autem remedium ad componenda Religionis dissidia, concordiamque sciscæ Ecclesiæ restituendam Theodosio Imperatori visum est, si novam doctrinæ formam inducentibus, sublata disputandi liber-



libertate, proponeretur, ut omnes excitatæ de novo controversiæ ex veterum Patrum, qui Ecclesiæ calculo approbati essent, traditione judicarentur. Sic enim tutum, ut contentiosis via præcluderetur, ne quisque pro cerebri sui intemperie Dei verbum interpretaretur, & suum illi sensum, prout causæ commodum putaret, adingeret, suamque sententiam Iudicio Patrum, si nulloque publico antecederet. Ac insuper eo magis veterum Patrum iudicio standum esse, quia cum ante natam contentionem floruerint, nullique præfenti parti, aut sectæ unquam addicti fuerint, ut minime suspecti controversiæ nunc doctrinæ censores agnoscendi sint. Quæ sententia Theodosio per Nestarium ad Silinii suggestionem proposita, sapientissime placuit, eoque facto memorandum toti posteritati novas ex doctrinæ diversitate discordiarum flumina emergentes opprimendi, reliquit exemplum.

Quod ipsum ante docuerat Tertullianus, seriò admonens, ne Catholici cum hæreticis de sacris litteris disputaturi, in artem nam descendant, sed potiùs, ut ad majorum traditionem provocent, & ex illa germanam Scripturæ intelligentiam, omnemque de fidei questionibus veritatem petant, atque confirmant. Idem tradit Origenes tract. 29. in Matth. Illa sola inquit, est credenda veritas, quæ in nullo ab Ecclesiastica traditione discordat. Athanasius: Hoc solummodo respondere hæreticis sufficit, quod ista non sunt Catholica Ecclesia, neque ista Patres nostri senserunt. Et sane cum his Ecclesia Magistris non sapere, omnino est desipere. Basilii. Quæ à sanctis Patribus edocti sumus, ea interrogantibus nos annuimus. Augustinus lib. 2. contra Julian. in epilogo: Quod invenerunt in Ecclesia quod tenuerunt, didicerunt, docuerunt. Quod à Patribus acceperunt, hoc filii tradiderunt. Nondum apud illos iudices aliquid agebamus, & apud eos acta est causa nostra. Nec nos, nec vos eis noti fuimus, & eorum contra vos latas sententias reitamus. Nondum vobiscum certabamus, & eis pronunciantibus vicimus. Vincentius Lyrinensis: Necessè est omnibus Catholicis, ut sanctæ sanctorum Patrum fidei inhereant, adglutinentur, immoriantur. Quisquis hos in sensu catholicis dogmatis unum aliquid in Christo sentientes contempserit, non hominem contemnit, sed Deum. Quæ omnia conformia sunt divino oraculo: Videte, & interrogate de semitis antiquis, quæ sit via bona, & ambulate in ea, & invenietis requiem animabus vestris.

Sanè quàm parum disputationibus, & colloquiis nostra & superiori ætate effectum sit, experientia demonstravit. Nihil enim fere aliud sequutum est, quàm à Tertulliano fuit prædictum, quod scilicet, disputationibus firmi fatigantur, infirmi capiuntur, mediis cum scrupulis dimittantur. Quare observandum est Marciani edictum, ut de semel iudicatis non amplius disputetur.

## CONSULTATIO XII.

Quo, & quibus mediis Articuli Christiana Fidei credibiles reddantur.

**Q**uia testimonia Dei credibilia facta sunt nimis, multa per Catholicos Doctores argumenta congeruntur, quibus Christiana fides, & Evangelica doctrina evidenter credibilis esse ostendatur, quæ ad octo potissimum Capita reduci possunt, quæ ipsa deinceps ordine subjungemus.

Primum argumentum desumitur ab antiquitate Fidei Christianæ, quæ omnibus Paganorum erroribus multo vetustior est, ut ostendit Tertullianus in Apolog. cap. 19. & 20. Augustinus lib. 18. de civ. cap. 37. & 38. Omnes insuper hæreses præcessit. Nam bonum semen ante zizania seminatum fuit, autore Christo.

Et sane notum est, cur, ubi, quando, & quomodo

TOM. I.

singulæ hæreses inceperint. Quo argumento utitur Tertullianus lib. de præscript. adversus hæres. Qui estis? ubi tandintatū stis? & Hilarius lib. 6. de Trinit. Tarde venerunt pii isti Doctores. Hieronymus in epist. ad Pammachium, & Oceanum. Eam senex tenebo fidem, quam puer didici. Et contra Luciferianos ad fin. Breve tibi aperta me animi mei sententiam proferam, in illa esse Ecclesia permanendum, quæ ab Apostolis fundata usque ad diem hanc durat. Similia habet Opratus lib. 2. contra Parm. Augustinus lib. contra epist. fundam. cap. quarto.

Secundum argumentum desumitur ex Prophetarum oraculis, qui, Deo inspirante, omnia fidei Christianæ mysteria prædixerunt, multisque figurarum umbris ea expresserunt. Quoniam illa doctrina verè divina credenda est, quæ non nisi à Deo suam originem habere potuit. At solus Deus futura contingentia prædicere potest juxta illud Isaia: dicite quæ ventura sunt, & sciemus, quoniam Dis estis vos. Cum ergo sola Religio Christiana oraculis Prophetarum ab initio mundi prænuntiata fuerit, omniaque, ut prædicta fuerunt, ita evenerint, sequitur, eam esse veram Religionem. Quo argumento utitur Apostolus, dum ait, se segregatum in Evangelium Dei, quod ante promiserat per Prophetas. Eusebius lib. demonstrat. Evang. Augustinus lib. 4. de civ. vit. cap. 24. & li. 22. cap. 6. & 7. Prosper lib. de prædict. & promiss. Prophetarum.

Tertium argumentum ex amplitudine locorum, & varietate gentium, quæ fidem Evangelicam receperunt, trahitur. Præfixerunt enim Prophetæ, totum Orbem terrarum in Christum crediturum benedictionemque ab eo consequuturum Genes. 12. in semine tuo benedicentur omnes Tribus terræ. Psal. 1. Postula à me & dabo tibi gentes hereditatem tuam. Psal. 71. Dominabitur à mari usque ad mare, & à flumine usque ad terminos Orbis terrarum. Similia apud Isaia 49. Daniele 3. & alios Prophetas legimus. At nulla Philosophorum, aut hæreticorum secta totum Orbem implevit, uti Christi doctrina. Nam impietas Mahometica ad multas occidentales partes nunquam penetravit, & singulæ hæreses certis temporibus, certisque limitibus coarctatæ fuerunt. Hoc argumento utitur D. Augustinus de util. cred. cap. 14. & 17. & lib. contra epist. fundam. cap. 4. Apostolus ad Rm. 1. Fides vestra annuntiatur in universo mundo. & ad Coloss. 1. In universo mundo est, & fructificat, & crescit.

Quartum argumentum elicitur ex stabilitate, continuaque successione fidei catholicæ, quæ nunquam interrumpi, aut interire potest, cum dixerit Christus Matth. 16. & 28. Ego vobiscum sum usque ad consummationem sæculi. Et porta inferi non prevalebunt adversus eam. Regni ejus non erit finis. Dan. 9. & Luc. 1. si opus hoc, aut consilium ex hominibus, dissolveretur: at si ex Deo est, non potest dissolvi, Act. 5. Unde omnium Philosophorum, hæreticorumque sectas paulatim defecisse conspeximus, fidem autem Evangelicam repugnantibus primò Judæis, deinde Paganis, postremo hæreticis, invictam permansisse, quinimo & inter persecutiones crevisse, atque sicut aurum in fornace, illustriorem esse redditam. Quod Arca Noë jam olim adumbraverat, cum aquis non opprimeretur, sed sublevaretur usque in Cælum. Quare veteres Ecclesiastici Scriptores persecutionem Ecclesiæ vitis putationis sapienter comparant, & sanguinem Martyrum semen Christianorum vocant, Justinus in dialog. cum Triphone, Leo ser. 1. de Petro & Paulo, Tertullianus, & alii.

Hæc autem fidei constantia resplendet potissimum in robore fidelium omnis sexus, & ætatis, qui pro dogmatibus Ecclesiæ retinendis bonorum, ac vitæ iacturam animis promptissimis sustinuerunt, atque in serie Romanorum Pontificum, quæ hæcenus inter tot oppugnationes nunquam interrupta fuit, adversus quam nec hæretica perversitas, nec Paganorum perfidia, quantun-

B

113



vis Principum seculi viribus adjuta, unquam praevalere potuit, cui quandiu Principes, Regna, Provinciae, populiue adhaerunt tam diu floruerunt. At ubi ab Apostolica fide ac sede recefferunt, tanquam rami ab arboris trunco praecisi, confestim exaruerunt. Cujus rei manifestum exhibent documentum Aegyptus, Oriens, & Graecia, Septentrionaliaque Regna. Hoc stabilitatis testimonio Veteres passim utuntur, Irenaeus *lib. 3. contra haeres. cap. 3.* Tertullianus *lib. de praescript.* Optatus *lib. 2. contra Parmen.* Epiphanius *haeres. 27.* Cyprianus *lib. 4. ep. 2. & lib. de unit. Eccles.* Augustinus *lib. 1. contra epist. fundam. cap. 4. & lib. de util. cred. cap. 17.* Theodoretus *lib. 9. de legib. & lib. 8. ac 9. curat. grac. affect.*

Porro quantum stabilitatis in Christi fide reperitur, tantum instabilitatis in haereticorum doctrina conspicitur. Sectae enim, mox in varias alias dissecantur. Ruunt de errore in errorem, novas indies fidei confessiones cudunt, & recidunt, imo sibi ipsi unus haeresiarcha plerumque adversatur, dum nunc hoc, nunc illud sentit, & quod ante placuerat, postea improbat, sicut notavit Apostolus 2. *ad Timoth. 3.* de haereticis pronuntians: *Homines corrupti mente, reprobi circa fidem, sed ultra non proficient. Insipientia enim eorum manifesta erit omnibus. Augustinus in verba psal. 57. tanquam aqua deficient.*

Quintum argumentum sumitur ex miraculis, in Evangelicae fidei confirmationem ab initio usque hodie factis. Nam Deus cujus solius potentia tam multa, tamque praecelara supra naturae ordinem signa, in confirmationem doctrinae Christianae contigerunt, falsitati testimonium perhibere nequit. Impossibile enim est mentiri veracissimum Deum, aut falli, vel fallere. Inter miracula verò Augustinus enumerat, quod Orbis universus per duo eum Apostolos infirmos, ignobiles, rudes, & juxta seculum pauperes, Christo fuerit subjugatus, cum videamus, nullis armis, neque cooperante seculi potentia, & facundia, unam aliquam Paganorum Philosophorum, aut haereticorum sectam tori mundo persuaderi potuisse. Quo argumento utitur Augustinus *lib. 28. contra Faunum cap. 4.* variisque aliis locis *lib. contra epist. fundam. cap. 4. & 5. lib. de util. cred. cap. 17. lib. 10. de civit. cap. 8. 12. 16. & 32.* De paganis, & haereticis constat, eos nulla unquam vera miracula in suae perfidiae confirmationem edidisse. Refert quidem Valerius Maximus *lib. 8.* quod statuae & bruta vocem quasi humanam emisissent, quodque virgo Vestalis aquam cribro hauserit, & Cicero de divinat. quod augur cotem novacula sciderit. Sed haec omnia levia, quaedam etiam vana, vel inutilia signa occulta vi daemonum edita sunt, ut de Magis Pharaonis, & de Antichristo Scriptura testatur. Nam Magi suis incantationibus prodigia edentes aliquandiu Moyli restiterunt *Exod. 7. & Antichristus*, Apostolo teste 1. *ad Timoth. 3.* *adveniet secundum operationem Satanae in omni virtute, & signis, & prodigiis, mendacibus, faciens neminem de Caelo in terram descendere, ac ut loquatur imago bestiae.* Sed hujusmodi signa vim creaturae non superant, ideo vera miracula non sunt, quoniam daemonum virtute fiunt.

Quod enim Pseudoprophetae, falsitatis confirmationem, ignem de Caelo per invocationem Baal frustra deducere tentarint *ex lib. 3. Reg. cap. 18.* notissimum est. De Symone Mago, quod per aërem volare non potuerit, sed orante Petro a demonibus desertus fuerit, narrat Aegesippus *lib. 3. de excidio Hierusalem cap. 2.* Manichaeum frustra tentasse infirmo Regis Persarum filio restituere valetudinem, scribit Epiphanius *haeres. 66.* Cyrolam Arrianum, quendam caecitatem simulantem, ex vidente caecum fecisse, refert Gregorius Turonensis *hist. Francor. lib. 2. cap. 3.* Eunomium frustra mortuum suscitare tentasse, scribit Cassianus *collat. 15.*

*cap. 3.* Illud idem nec quicquam fuisse conatum Poly-chronium Monothelitam. Acta Synodi sextae *Act. 15.* restantur. Optatus *lib. 2. contra Parm.* scribit, Donatistas qui canibus Eucharistiam comedendam objece-rant, ab eisdem in rabiem conversis disceptos. Paulus Diaconus *lib. ult. Roman. rer. refert*, Iconomachum quendam sepulchro in cludi se passum diaboli suggestionem, & fraude Constantinum Iconomachum collaudasse, ut haereticis mortuorum responsis confirmari videretur. Lutherus superiori saeculo daemonium ejicere tentavit, sed mulieris obsessae manus non evasisset, nisi ejus discipuli portas securibus patefecissent, Staphilo teste, qui se interfuisse narrat. Et Calvinus Brulæo cuidam, mortuum se fingenti, vitam restituere attentans, eundem ex vivo mortuum fecit, ut in *Calvini vita Bolsecus cap. 13.* memoria tradidit. Quare in hujusmodi Pseudoapostolos illud Tertulliani belle quadrat: *Apostoli à mortuis suscitabant, isti de vivis mortuos faciunt.*

Cur autem in Catholicae fidei confirmationem nunc passim, sicut in Ecclesia primitiva, non fiant miracula, tradit Augustinus *lib. 1. retr. cap. 13.* *Ne anima semper visibilia quaereret.* Addit Gregorius *homil. 29. in Evangelia: si des plantata, irrigatione indigebat ut cresceret.* Quam causam reperit *libro 34. moral. cap. secundo*, & Apostolus *priori Corinth. 1. Judaei signa petunt.* Et *cap. 14. signa sunt non fidelibus, sed infidelibus.*

Sextum argumentum deducitur ex admirabili concordia, communique fidelium omnium, & stabilissimo consensu in universis dogmatibus Fidei, qui apparet in ejusdem omnino doctrinae susceptione, in generalibus Conciliis, & in communibus Sacramentis, ac una Religione, omnium fidelium populorum more confirmata. Deus enim *autor est pacis, non divisionis neque dissensionis. 1. Corinth. 14.* Et *omne regnum in seipsum divisum desolabitur, Matth. 12.* Quare Apostolus certam reprobæ doctrinae notam assignat, pugnam, & dissensionem, *Doctrinis variis, & peregrinis, nolite abduci ad Hebr. 13.* Et Jacobus *sua epistola cap. tertio, nolite plures Magistri fieri, id est, nolite propria diversa-que docere.*

Sicuti enim inter Verus, & Novum Testamentum, ita & inter sacros omnes scriptores, licet diversis temporibus, locis & occasionibus scripserint, mira est consensio. Similiter quoque Concilia generalia, Pontificumque decreta in rebus fidei per omnia inter se consentiunt. Et quanquam in minoribus, & adiaphoris rebus Ecclesiastici scriptores aliquando dissentiant, in gravioribus tamen plane idem sapiunt. Nam omnia sua judicio summi Pastoris, cujus est Ecclesiam Spiritu sancto assistente in omnem veritatem dirigere, submit-tunt. Quare merito laudatur Theodosius, quod ex priscorum Ecclesiae doctorum consensu exorientes haereses profligandas esse judicaverit, Sozom. *lib. septimo hist. cap. 9.*

Quod autem inter haereticos nulla, ne quidem in precipuis Christianae fidei capitibus, concordia sit, ex Lutheranorum, & Sacramentariorum libris, quibus se invicem mire, misereque jactant, notum evadit. Imo nec iidem haeretici de uno, eodemque dogmate unum & idem sentiunt, ut Molles, & Rigidi Lutherani dicti evincunt. Quin nec unus, idemque haesiarcha secum ipse convenit, quod ex innumeris Lutheri, & Calvini contradictionibus luce meridiana clarius est, quorum confessiones & scripta diversis temporibus edita sibi met palam contradicunt. Vide Stanislaum Rescium *de atheismo Evangelicorum*, ubi *cap. 9.* Evangelicorum sectae, & opiniones, fidei, legibusque Ecclesiasticis repugnantes à Lutheri temporibus ad annum 1596. ducentae fere & septuaginta numerantur, & quantum quæque audendo, fingendo, men-tiendo,



tiendo, blasphemando Christum, & Ecclesiam perfequendo valeat describuntur. Id, quod aliis omnibus hæreticis omni ætate solenne fuisse, facile ostendi potest.

Nam ex Simonis Magi secta mox varias alias hæreses propagatas esse scilicet Menandrianorum, & alias, refert Irenæus *lib. 1. cap. 21. contra hæreses*. Et de Valentinianis, cum essent plurimi, vix duos, aut tres inter se de omnibus dogmatibus convenisse, scribit idem autor *lib. 1. cap. 5. Donatistarum hæresim in minutissima frustula suo tempore divisam fuisse, testatur Augustinus lib. 1. de baptismo. cap. 6. De Marcionitis idem scribit Epiphanius lib. 1. contra hæreses. & de Montanistis lib. 2. De Messalianis, hæreses. 80. Idem de Manichæis Augustinus *hæreses. 26. De Artianis idem testatur Rufinus lib. 10. hist. cap. 25. quos singulis penè annis fidei suæ confessionem commutasse in utroque ad Constantium libro scribit Hilarius. Ab Eutychianis totius Orientis sectas exortas esse, tradit Evagrius in hist. lib. 3. & 4. & Damascenus de centum hæresibus. De Lutheranis item hoc ipsum ostendit Staphylus. de concordia discipuli Lutheri, & Gulielmus Lindanus in tabulis analyticis. Quia dissensione hæreses, Deo providente consumuntur juxta Isaïæ vaticinium: *Convertere faciam Aegyptios contra Aegyptios, & ut bellum hæreticorum pax sit Ecclesiæ.***

Quod autem nec in sectis Paganorum vera consensus fuerit, ex eo patet, quod ad eandem Religionem apud eos pertinuerint Di inter se belligerantes, ut Augustinus notat *ser. 11. de verb. Dom.*

Philosophi per mutuis dissensionibus suam ipsorum doctrinam potenter everterunt, Basilus *orat. 1. de oper. sex. dier.* notavit, & Theodoretus *lib. de fide*, Augustinus *lib. 8. de civit. cap. 41. & 52.* ubi ait diabolum per hæreticos efficere conatum, ut in Ecclesia Christi liberæ dissensiones essent, sicut in Academiis Philosophorum, ut quemadmodum illæ per multas contentiones ab invicem consumuntur, ita tandem in Ecclesia Christi per dissensiones idem eveniret.

Septimum argumentum deducitur à puritate, & sanctitate doctrinæ Catholicæ, quæ nullum errorem neque in fide, neque in moribus continet. *Est enim lex Domini immaculata, psal. 118.* Et quamvis res hominum captum superantes tradat, non tamen rationi humana contrarias docet.

Triplicem verò in Christi doctrina perfectionem reperimus. Prima est in rerum divinarum cognitione. Secunda in hominum moribus dirigendis. Tertia in eo, quod non solum viam consequenda veræ fructuosæque virtutis, immortalitatisque aperiat, sed & operandi, ac bene, recteque vivendi opem, virtutemque subministrat. Nam *Evangelium virtus Dei est in salutem omni credenti ad Rom. 1.* Quanquam verò Christi gratia occulte præstetur, attamen palam elucet in perfectione vitæ illorum, qui hanc doctrinam profitentur, quorum alii Virgines, alii Martyres, alii Confessores, & inter hos nonnulli Eremitæ, alii Cœnobitæ, rebus istius mundi abjectis, Angelicam in terris vitam ducunt.

In legibus autem, & doctrina Paganorum, Poëtarum, Philosophorum, atque Hæreticorum quamplurima falsa traduntur, cum ratione pugnantia, legi naturæ adversantia, sceleratissimis sceleribus, & flagitiis plenissima, ut *lib. 6. & 7. de civit.* ostendit Augustinus, & Theodoretus *lib. 6. de legib.* ubi Lycurgi, Platonis, aliorumque Legislatorum placita cum legibus Christianorum conferens, demonstrat, illorum legibus scelera, flagitiaque suaderi, ac laudari; Christi autem legibus nonnisi mores sanctissimos præscribi, hominesque ad spem regni cœlestis, beatæque, ac immortalis vitæ incitari, erigi, vocari. Poetas verò tanquam impietatis, omnisque licentiæ Magistros, Plato ipse à sua Republica ejecit, ut refert Theodoretus *lib. 2.*

Tom I.

Augustinus *lib. 6. de civit. cap. 5.* Mythicæ, sive fabulose Theologiæ turpitudinem describit. Et *lib. 7. cap. 34.* Numæ Pompilii libros propter sacrorum spurciciam, Romani Senatus jussu, concrematos fuisse, ex Varone refert. Quibus non abimiles hæretici, obedientia legum, pudore, ac omni morum honestate profligata, in omne vitiorum atque obscenitatum carnis genus præcipites ruunt, ut de veteribus hæresiarchis Epiphanius *contra hæreses* memoriæ prodidit, & de nostri sæculi hæreticis idem testantur quotquot de vitæ gestis, & moribus eorum scripserunt.

Postremum argumentum sumitur ex efficacia doctrinæ Evangelicæ, quæ brevi tempore totum Orbem penetravit, Judæorum ritus, Idolorumque cultum abolevit, juxta Isaïæ vaticinium *cap. 2. Evabitur Dominus solus in die illa, & Habacuc cap. 2. Ante faciem ejus ibit mors*, id est à facie Crucifixi diabolus fugiet, interprete B. Leone *ser. 8. de pass. Dom.* Augustino *lib. 22. de civit. cap. 5.* Accedit Joannis testimonium *cap. 12. Nunc princeps hujus mundi ejicitur foras*, quod vel tunc apparuit, quando Christi leges Romanos, Persas, omnesque barbaras nationes sibi obedientes reddiderunt, legesque Solonis, Platonis, aliorumque Legislatorum, omnemque Gentilium Theologiam naturalem, fabulosam, & civilem aboleverunt.

*De Ecclesia militante, ejusque nomine, definitione, partibus, quinam in ea sint, an una, visibilis, & à quo tempore, anve descere possit, per quas notas videatur, ejus unitas in quo potissimum consistat, & ex quo demonstretur.*

### CONSULTATIO XIII.

*De Nomine Ecclesiæ, ac de ejusdem Definitione.*

Ecclesiæ nomen Latini à Græcis mutuati, post divulgatum Christi Evangelium ad res sacras transtulerunt, ut significet *evocationem* seu *cætum vocatorum*. Ac primò generatim ad omnem intelligentium creaturarum multitudinem, tam Angelorum, quam hominum in una societate unum Deum Creatorem colentium significandum usurpatur, ut idem sit Ecclesia, quod Civitas Dei, Domus, & Templum, in quo Deus habitat. Templum autem summæ Trinitatis est Ecclesia universa, constans Angelis, & hominibus sanctis, quæ una est consortio æternitatis, & vinculo charitatis, instituta ad colendum unum Deum, à quo tota sanctificatur, ac regitur. Sic *ad Ephes. cap. 1.* Apostolus. *Ipsam dedit caput supra omnem Ecclesiam ad Hebr. cap. 12. Ecclesiam primitivorum, qui conscripti sunt in Cælis.* Augustinus in *Enchirid. cap. 56. & 61. & lib. 12. de civ. cap. 9.*

Secundò nomen Ecclesiæ significat cætum, concilium, aut congregationem hominum, sive fidelium, sive infidelium 2. Paralip. 6. *Ecclesia magna valde, Psal. 25. Odioi Ecclesiam malignantium. Act. 19. Legitima Ecclesia.*

Tertiò Ecclesiæ nomine *Præsides, & Pastores* Ecclesiæ significantur. Marth. 18. *Dic Ecclesiæ, Act. 14. cum congregassent Ecclesiam.* Item deducti sunt ab Ecclesia, Act. 24. *excepit eos Ecclesia.*

Quartò Ecclesiæ nomen locotribuitur, in quo populus Christianus rei sacræ causâ solet convenire, Judith 6. *omnis populus tota nocte intra Ecclesiam oraverunt*, ea loquendi formula, qua continens significat contentum,

B 2

vel



vel qua signa rerum significatarum nominibus appellantur. Templum enim materiale figura est Templi spiritualis, quod ex vivis lapidibus edificatur, ut Augustinus docet *ser. 2. de dedicatione*.

Quinto usitata Scripturarum sacrarum consuetudine nomen Ecclesiae significat cœtum hominum, ex massa damnationis per Christi gratiam evocatorum ad serviendum uni Deo in fide unius Mediatoris Jesu Christi. Qua significatione à lapsu generis humani usque ad finem mundi una esse dicitur Ecclesia, cujus caput est Christus, à quo vitæ spiritualis subministratio membris omnibus connexis ei per fidem obigit juxta illud Joan. 15. *ego sum vitis, vos palmites*, in quem locum Augustinus admonet, Christum secundum quod homo est, factum esse caput Ecclesiae, quæ in hominibus est, quoniam unius naturæ sunt vitis & palmes. Idem tradit *Enchiridii cap. 56. & 61*.

Quamvis autem Novi ac Veteris Testamenti eadem, quoad essentiam, fuerit Ecclesia, frequentius tamen, atque aptius illa hominum multitudo, quæ unum Deum in fide unius Mediatoris, secundum ritus Legis Mosæicæ colebat, appellata est Synagoga, quam Ecclesia. Quoniam congregari magis sit pecorum rationis expertum, in quibus proprie greges dicere consuevimus, vocari autem sit intelligentium. Judæi verò pecorum more præsentia tantum spectabant, atque sectabantur; Christianus verò populus futura, æternaque bona quærit, ut notat Augustinus in *Psal. 77. & 81. atque inchoata expof. Epist. ad Rom.* Non igitur absque ratione Christus suæ Reipublicæ nomen Ecclesiae indidit. *Matth. 18.* Et Apostoli, scriptoresque Ecclesiastici accepto Spiritu sancto, Christianorum Societati hoc Ecclesiae nomen appropriaverunt, ut ex *cap. 5. Act.* patet: *Et factus est timor magnus in universa Ecclesia*, cujus majores partes etiam Ecclesiae nomen retinent. Unde Apostolus *Rom. 16. salutant vos omnes Ecclesia Asia.* Et Joannes *Apocal. 1. septem Ecclesias* scribit. Nec solum Apostolus majoribus Christianorum cœtibus Ecclesiae nomen tribuit, ut Ecclesiae, quæ est Corinthi, Philippis, Galatiæ &c. sed etiam privatis fidelium familiis, 1. *Corinth. 16. cum domestica Ecclesia*, ad Philemonem: *Ecclesia, quæ in domo tua est.*

Sunt & alia plura nomina, quibus Christianorum Respublica describitur 1. *ad Timoth. 3.* vocatur *domus Dei*, quia ab uno summo Patrefamilias gubernetur. Nuncupatur *Grex ovium* Joan. 10. & 21. Item *sponsa Christi* 2. *Corinth. 11.* *Apocal. 22.* necnon *uxor Christi*, *Apoc. 19.* ad *Ephes. 5.* dicitur *corpus Christi*. 1. *Corinth. 12.* *omnes nos in unum corpus baptizati sumus.* *Ephes. 1.* ad *Colos. 1.* *quæ est corpus ipsius.* Nuncupatur denique *Templum Dei*, *Populus Dei*, *Civitas Dei*, *Regnum Dei*, *Regnum Cælorum*, *Societas Jesu* 1. *Corinth. 1. & 1.* *Joan. 1.* *Vinea* *Psal. 79.* *Cant. 2.* *Isai. 5.* *Hierem. 5.* *Math. 20. & 21.* *Columba* *Cant. 6.* *Amica & soror* *Cant. 1. & 6.* *Bernard. ser. in Cantic.*

Quibus omnibus nominibus Ecclesiae unitas, seu potius unanimitas designatur ac varia beneficia, quibus fidelis Deus affecit, inculcantur. Inter omnia tamen Ecclesia nomen præcellit, quo mysteria diversarum vocum amplitudine comprehensa, uno intuitu homini contemplanda offeruntur. In evocatione siquidem, quam Ecclesia denotat, gratiæ splendor elucet, quæ homo de statu damnationis ad statum salutis translatus est juxta illud 1. *Petri 2.* *Qui de tenebris vocavit vos in admirabile lumen suum.* Unde Paulus passim hanc divinam vocationem commendans, scribit *vocatis sanctis*, id est vocatis ad sanctitatem, ipsaque vocatione sanctificatis. *Ad Rom. 1. & 1.* *ad Corinth. 1.* *Psal. 106.* *Dicunt qui redempti sunt à Domino, quos redemit de manu inimici, & de regionibus congregavit eos, & deduxit eos in viam rectam, ut irent in civitatem habitationis.* *Hierem. 31.* *Ecce ego adducam eos de terra Aquilonis, inter quos erunt cæci, & claudus.* *Cantic. 4.* *Veni de Li-*

*bano, sponsa mea*, id est de idololatria ad fidem.

Aptissime vero fidelium cœtus *vocationis* nomine designatur. Quoniam ad Dei populum nemo instinctu proprio se adjungit, sed quisquis venit, à Deo gratuita vocatione prævenitur. Vocat autem Deus non solum extrinsecus aures corporis, Pastorum, Ministrorumque verbi Dei non pulsando, sed & interius per secretam inspirationem fidei, qua fit, ut qui mente audit, à patre discat, & veniat, *Joan. 6. & ad Rom. 8.* *Quos vocavit, hos & justificavit.* Ubi observandum, vocationem etiam interiorē esse multiplicem: Una enim generalis est omnium credentium, & baptismi sacramentum suscipientium, de qua *Act. 2.* *Quoscunque advocaverit Dominus, & Matth. 22.* *Multi vocati, pauci verò electi*, per fidem, & Sacramentorum communionem multi locum convivii sine veste nuptiali ingrediuntur, qui tandem inspiciente per judicium sponso, ejiciuntur.

Alia quædam specialis vocatio secundum propositum electionis ad gloriam reperitur, de qua *Rom. 8.* *Qui secundum propositum vocati sunt sancti.* Et, *quos vocavit, hos justificavit, & quos justificavit, hos & glorificavit.* Hæc electorum vocatio est, qua fit, ut sic vocati non solum credant, sed etiam recte vivant, nec ad tempus tantum, sed usque in finem perseverent. Quam vocationem hæretici Ecclesiae vocabulo significari contendunt, ab eaque invisibilem Ecclesiam, solos prædestinatos complectentem, constitui, docent. Cæterum falluntur. Quoniam Ecclesia à communi vocatione interiori dicitur, qua multi vocati, non tamen electi, per fidem, & baptismi susceptionem Christi familiam ingrediuntur, hoc est Ecclesiam, quamvis merito vitæ postea male gestæ, tandem ejiciantur.

Exposito Ecclesiae vocabulo, de re per Ecclesiam significata subjungendum est. Ac licet Angeli, qui in accepto justitiæ munere perseveraverunt, nulla Christi Mediatoris vocatione indiguerint, ideoque, aptius dicantur ad eandem cum hominibus Dei civitatem, quam ad eandem Ecclesiam pertinere. Quia tamen Scriptura, & Augustinus *Enchir. cap. 51. & 61.* Ecclesiae vocem tum Angelis, quam hominibus tribuunt, in sua describimus Ecclesiam amplitudine hoc modo: *Ecclesia est societas creaturarum rationalium per dona supernaturalia uni Deo adherentium.* Quam definitionem subindicat Augustinus *Enchirid. cap. 56. & 61. & lib. 12. de civit. cap. 9.* *Bernard. ser. 27. in Cantic.*

Ut autem Ecclesia ab hominum evocatione per Christum ex perditionis massa censetur, generaliter in hunc modum definiti potest: *Ecclesia est cœtus hominum fide Christo Capiti adherentium.* Quæ descriptio Ecclesiae substantiam exprimit, ideoque ad omnia tempora militantis Ecclesiae, ad omnes ejusdem status, nec non ad omnes particulares Ecclesias, ex quibus ab initio generis humani una generalis Christi Ecclesia conflatur, se se porrigit. Omnis enim hominum societas, quæ fide Christo adheret, per eumque, veluti mediatorem justitiæ influxum à Deo expectat, Ecclesia Christi est. Unde prisci Sancti, sive tempore Legis naturæ, sive tempore Legis Mosæicæ, qui in Christum crediderunt, ab eoque justitiam, & salutem expectarunt, nobiscum ejusdem Ecclesiae fuerunt, cujus licet diversæ sint ætates, varii status, aliæ conditiones, nova privilegia, tamen ex omnibus partibus una resultat Christi universalis Ecclesia. *Neque enim putandum est, quod antiquis justis sola, quæ semper est, Divinitas Christi, non etiam, quæ nondum erat, ejus Humanitas revelata profecerit*, inquit Augustinus *lib. de peccato orig. cap. 26. & lib. de catechiz. rudib. cap. 3.* exemplo Jacob, qui dum nasceretur, manum prius, quam caput in lucem emittens, Christum ostendit, quandam sui corporis partem, antequam in carne appareret præmisisse in Sanctis, qui eum nascendi tempore præierunt, quæ velut manu se caput Ecclesiae nasciturum esse prænunciaret, quos



ait eidem corpori, cujus Christus caput est, cohaesisse, credendo in eum, quem prænuntiabant. Non enim præcurrendo divulsi sunt, sed adjuncti potius obsequendo. Nam etsi manus à capite præmitti potest, conexio tamen ejus sub capite est.

Porro non uno modo cuncta Christi membra illi adherent. Beati enim per visionem fidei succedentem, & flagrantissimam charitatem coherent. Qui verò in terris peregrinantur, Christo per fidem, & unitatis amorem, atque certis Sacramentorum, sacrificiorumque vinculis, quæ pro temporum varietate diversa quoque instituta fuere, tum inferuntur, tum inter se colligantur. Unde pater, Sacramenta ad essentiam Christi Ecclesiæ minime spectare; quoniam sicut hic pro vario statu Ecclesiæ mutata fuerunt, ita in futura vita plene cessabunt.

Ex quibus liquet, Ecclesiam recte generatim describi in Catechismo art. 9. numer. 2. *fidelium congregationem, sive populum fidelem per universum orbem dispersum* ex Augustino in *Psalm.* 149. uti Gregorius hom. 38. in *Evangel.* consonans *Regnum*, inquit, *calorum est congregatio iustorum*, Beda in 26. cap. Job: *Ecclesia est omnium Sanctorum Congregatio*, Irenæus lib. 3. cap. 3. contra hæreses, *Ecclesiam*, intelligit, *eos qui sunt undique fideles*. Quæ definitiones indicant solum partes Ecclesiæ substantiales, non tamen excludunt proprietatem, quæ certos Ecclesiæ status, aut partes concernunt, per quas Ecclesia conspicua redditur & à conventiculis hæreticorum, schismaticorumque discernitur.

Bellarminus verò lib. 3. de Ecclesia cap. 2. Ecclesiam, ita definit: *est cætus hominum ejusdem christianæ fidei professione, & eorumdem Sacramentorum communionem colligatus sub regimine legitimorum Pastorum, ac præcipue nrius Christi in terris Vicarii Romani Pontificis*. Atque hæc est præfata militantis Ecclesiæ definitio. Est enim cætus. En genus, cum detur cætus hominum, & Angelorum subdit hominum. En exprimitur Ecclesia militans in hominum multitudine ex universitate consistens, *can. loquitur §. Ecclesia 24. q. 1. can. Ecclesia de consecr. d. 1. Ejusdem fidei christianæ professione*, ut declaretur, quod, etsi Ecclesia in multitudine, & universitate credentium consistat, in se tamen una, & eadem est, ut inquit Hieronymus in *can. leg. nus 9. 3. d. 9. & Cyprianus in d. can. loquitur*. Et ut explicetur, non sufficere ad constituendum aliquem in Ecclesia quod christianam fidem corde credat, sed ulterius requiri ejusdem fidei professionem, nempe confessionem externam. Subditur: *Et eorumdem Sacramentorum communionem colligatus*. Nam etsi corde, ac ore fidem quis profiteatur, non tamen potest dici esse in Ecclesia, nisi etiam sit glutino Sacramentorum colligatus. Denique subjicitur: *sub regimine legitimorum Pastorum &c.* ut nobis innotescat, esse omnino necessarium ad hoc, ut in Ecclesia quis constituatur, ut non modo Christi nomen fide, corde, ac ore profiteatur, ac simul Sacramentorum communionem habeat, sed etiam quod hæc omnia faciat sub regimine legitimorum Pastorum, ac præsertim Romani Pontificis, ut latius dicemus in consultatione de schismate ac schismaticis.

#### CONSULTATIO XIV.

De Partibus Ecclesiæ Christi, & quid sit Ecclesia militans? Et quomodo ab hæreticis definiatur? eorumque in hoc errores.

**E**cclésiæ Christi duæ sunt potissimum partes. Una triumphans, altera militans vocatur. *Triumphans* est cætus eorum, qui de mundo, carne, ac dæmone victores, ac ab omnibus hujus vitæ periculis liberi,

Tom. I.

æterna beatitudine perfruuntur. *Militans* verò est cætus fidelium in terris cum mundo, carne atque dæmone luctantium.

Quæ duæ partes non duas re distinctas Ecclesias, sed unicam constituunt, cujus pars antecessit, altera indies sequitur, donec suo capiti per visionem quoque conjuncta, in sempiterna felicitate conquiescat. Et quia, *nemo Deum habiturus est in cælis patrem, qui Ecclesiam hic in terris non habuerit Matrem*, nullique hominum extra Ecclesiam salutis æternæ spes facta sit, *Christus enim est salvator corporis sui, ad Ephes. 5.* Ideo profuerit, de hac militante Ecclesia scire, quidnam sit? qualis? quibus donis, ac privilegiis à Christo novi Testamenti tempore ornata, quibus denique proprietatibus ab omnibus hæreticorum conventiculis discerni queat, item quæ hominum genera complectatur?

Ecclesia hujus temporis est hominum cætus ejusdem fidei vinculo, & eorumdem Sacramentorum communionem colligatus sub regimine legitimorum Pastorum, & præcipue Christi Vicarii, Romani Pontificis. Unde ab ea sunt alieni omnes infideles, ut Pagani, Judæi, & hæretici, schismatici quoque, catechumeni, & excommunicati. Hinc à Sectariis perperam definitur Ecclesia, quod sit *prædestinatorum congregatio*, ita, ut omnes, & soli in ea sint prædestinati, sicut docuit Wiclef apud Waldensem tom. 1. lib. 2. cap. 8. & 9. quem secutus est Joannes Hus ar. 1. 2. 3. 5. & 6. ut habetur in Concilio Constantensi Sess. 15.

Novatiani, teste Cypriano lib. 4. epist. 2. & Donatistæ, Augustino teste lib. de hæres. cap. 69. Ecclesiam definebant, esse *Congregationem hominum fidelium, qui nunquam in graviora scelera, potissimumque circa fidei confessionem lapsi fuerant*. Nam à cætu suo vulgares peccatores non excludebant, ut fraudatores, mæchos, & similes, ut ex Epiphanio hæresi Catharorum liquet.

Pelagiani Ecclesiam definebant *multitudinem hominum perfectorum, nullum peccatum habentium*, teste Augustino hæres. 88.

Lutherani Ecclesiam definiunt, esse *hominum Congregationem, vere credentium, & obedientium Deo*. Unde sequitur, malos non esse in Ecclesia, nisi nomine, & corporali admittance. Ideoque duas Ecclesias constringunt. Unam *veram, cujus sint privilegia in scripturis expressa, qua sit invisibilis, solisque oculis fidei conspicua*. Alteram vero, *externam qua nomine tantum sit Ecclesia, omnesque contineat, qui in doctrina fidei, & usu Sacramentorum conveniunt, & in hac bonos, & malos inveniri permistos, consentiunt*.

Calvinus duas cum Lutheranis constituit Ecclesias. Unam *veram ex solis prædestinatis constantem*, ac soli Deo notam. Alteram verò *externam, & visibilem*, quam definit, esse *universam hominum multitudinem in Orbe diffusam, qui in fidei confessione, & Sacramentorum participatione eundem nobiscum Deum, ac Christum profitentur*. In hac malos & bonos esse, asserit.

Contra hos omnes errores Catholica doctrina tradit, unicam esse in terris visibilem Ecclesiam in eadem fidei professione, Sacramentorumque communionem, unum Christi Vicarium agnoscentem, Romanum Pontificem, à qua sint alieni omnes infideles, qui nunquam Christo per baptismum nomina sua dederunt, sed alias Religiones sectantur, quales sunt Judæi, Turcæ, Pagani. Hos foris esse, docet Christus Matth. 18. *sic tibi sicut Ethnicus*. Et Apostolus 1. Corinth. 5. *Quid mihi de iis qui foris sunt, judicare?*

Excluduntur quoque ab ecclesia hæretici, qui aliquando in ecclesia fuerunt, sed ab ea per hæresim, vel apostasiam recesserunt. Hos ait Apostolus circa fidem naufragasse 1. Timoth. 1. significans, illum fidelem dici non posse, qui vel unum fidei articulum pertinaci animositate repudiaverit, sicut neque justus est, qui vel unum letale peccatum commiserit juxta illud Jacobi 2. *Qui totam legem servaverit, offendat autem in uno,*

B 3

factus



*factus est omnium reus.* Quemadmodum enim per rei minima admissione adulteratur moneta, & cymbalum minima fissura corrumpitur, ita & fides unius articuli negatione vitatur. Nam qui, quod vult, credit, & quod vult, non credit, non Deo, sed iudicio suo credit, ut habet Augustinus lib. 17. contra Faustum cap. 3. lib. 32. cap. 19. 17. 67. in Joan. Unde Athanasius in Symbolo: Qui integram fidem non servaverit, in aeternum peribit. Luc. 5. parabolâ de reti, præ multitudine piscium scisso, idem significatur. Ad Timoth. 3. hæreticus dicitur subversus, & proprio iudicio condemnatus, id est, interprete Hieronymo, non per excommunicationem, ut multi peccatores, ejectus, sed ipse ab Ecclesia seipsum ejecit. 1. Joan. 2. ex nobis exierunt, id est, ab Ecclesia, in qua prius nobiscum erant, secesserunt, sed non erant ex nobis secundum divinam electionem, Augustinus lib. de bon. persever. cap. 8. Cyprianus in epist. ad Iubaianum, hæreticos, cum extra Ecclesiam sint, ait, simiarum more sibi Ecclesiam vendicare. Hieronymus in dialogo contra Luciferianos inquit, eos, qui ab alio, quam à Christo nomen habent, ut Valentiniani, &c. non Ecclesiam Christi, sed Antichristi synagogam esse. Augustinus lib. de unit. Eccles. cap. 4. Non unigue sunt in Ecclesia, qui non credunt.

Eadem habentur ac similia in can. non in vobis de consecr. d. 4. in can. si quis 1. q. 1. in can. 2. q. 1. in can. ad vocavit 24. q. 1. in can. ipsa pietas 23. q. 4. in cap. statutum de heret. in 6. in cap. 3. eod. tit. in quibus omnibus hæretici extra ecclesiam constituuntur.

Hanc verissimam sententiam sequitur, ac probat Bellarminus lib. 3. de Ecclesia militante cap. 4. Sander. de visib. Monarch. lib. 8. cap. 32. Canus de loc. Theolog. lib. 4. cap. 5. asserens, hanc esse communem omnium Theologorum, probarique duobus Conciliis Lateranensi, & Florentino. Eamque etiam probant Justin. in anth. de privil. dot. heret. mul. non prest. & in lib. 1. cum aurb. seq. C. de heret. Quicquid contra dixerit Alph. à Castro, cujus argumenta diluit Bellarm. loc. cit.

Quamquam verò hæretici extra ecclesiam sint, attamen puniri ab ecclesia possunt. Nam licet militiæ desertorem, qui ad hostium castra transmigravit, cogere, ut redeat. Characterem enim baptismi extra ecclesiam hæretici retinent, quo admonentur ad unionem ecclesiæ redire. Primum autem unionis vinculum internum est fides. Nec aliud probant Castrij argumenta. Quibus subijcio, quod Ecclesia exercet jurisdictionem in hæreticos, præsertim ob injuriam sibi illatam propter ementitam Sacramenti fidem, cap. majores de baptism. cap. 1. ubi Glossa v. non debet, de spons. duor. cap. cum inter in fine de spons. & can. Judæi d. 45. Sic & Ecclesia animadvertit quoque in Judæos lib. 2. & l. Judæos, & l. Judæi 15. C. de Jud. & cap. in nonnullis eod. tit. Et generaliter animadvertit contra omnes infideles, & Christianæ Religionis obrectatores pluribus in casibus, quos peculiari constitutione complexus est Gregorius XIII. quæ incipit, Antiqua Judæorum, de qua suo loco.

#### CONSULTATIO XV.

*An hæretici occulti in Ecclesia sint? Quid de Catechumenis, de excommunicatis, de schismaticis, de prædestinatis, de imperfectis christianis? & quid etiam de prava vitæ fidelibus?*

**D**E occultis Hæreticis, qui foris catholicam fidem profitentur, & communione Sacramentorum veris fidelibus permiscetur, Doctores variè loquuntur. Quidam extra Ecclesiam illos esse asserunt; alii verò in Ecclesia constituunt; sed non tam de re ipsa, quam

de modo loquendi laborant. Consentunt quidem Catholici omnes, occultos hæreticos in Ecclesia secundum quid esse, hoc est secundum externam fidei professionem, item secundum Sacramentorum communionem, nec non ministeria, jurisdictionem. Exercent enim potestatem regiminis ligando, solvendo, excommunicando, beneficia conferendo, vel auferendo. Consentunt insuper omnes Catholici, occultos hæreticos secundum aliquid extra Ecclesiam esse, videlicet animo & voluntate, atque secundum internos nexu, quibus membra uniantur Capiti inter se, qui consistunt in fide, atque fraternitatis amore, aliisque virtutibus. Differt enim Christi Ecclesia à terrena Republica in eo, quod requirat, ut membra sua internis nexibus uniantur inter se, atque cum capite. Hæc verò solum exigit, ut omnes hominum ordines Rempublicam constituentes, eam foris conjunctionem habeant, quæ pacem, tranquillitatemque Reipublicæ temporaliter promoveat.

Quare in speciem dissentientes concordamus sententias, tenendo, hæreticos occultos esse in Ecclesia, quoad exteriores nexu, & potestatem regiminis, & jurisdictionem, ac eatenus posse vocari membra, sive partes Ecclesiæ; non vero esse in Ecclesia secundum interiores nexu, ac proinde non esse viva Christi membra, sed arida, & emortua, neque sensum, neque motum à capite haurientia. In quo à malis Catholicis non parum differunt, qui fidem, & fraternitatis amorem retinent, quibus licet Christus per charitatis, & justitiæ subministrationem non influat, attamen eis intimè & fidem, & christianæ societatis amorem donat. Quod Joannes ep. 1. cap. 2. significat, dicens: *Ex nobis exierunt, sed non erant ex nobis.* Quomodo ex nobis, si non erant ex nobis? Respondet Augustinus lib. 3. de baptizat. cap. 18. & lib. 4. cap. 16. *intus fuisse carne, sed foris spiritu.* Ex nobis fuisse professione & externa Sacramentorum communicatione; sed non fuisse ex nobis, invisibili, ac interna charitatis compage. Sic Judam inter Apostolos, occultorum hæreticorum expressisse typum tradit idem Augustinus in Joan. tract. 61. *Erat enim unus Apostolorum numero, non merito; specie, non virtute; commixtione corporali, non vinculo spirituali; carnis adjunctione, non cordis unitate; communionem Sacramentorum, non secundum proprietatem criminum.* Et lib. de gestis cum Emerico cap. 1. *Quidam, ait, corde positi in parte Donati, præsentiam nobis exhibent corporalem, carne intus, spiritu foris.* Et lib. de catechiz. rnd. cap. 17. tria hominum genera in Ecclesia constituit, nempe fictos Christianos, quales sunt occulti hæretici, qui Deum non timent, christianamque Religionem irridunt. Deinde carnales fideles, in hac vita felicitatem expectantes. Ac demum spirituales spe cælestium bonorum in Ecclesia Deo perseveranter obediens. Origenes homil. 21. Josue: *In Hierusalem, hoc est, in Ecclesia, sunt quidam Jebusæ, fide & actibus perversi.*

Postremo evincitur, occultos hæreticos quodammodo in Ecclesia esse ex veteribus, qui docent, eos, qui extra Ecclesiam sunt, nullam in fideles autoritatem, vel jurisdictionem habere. Cyprianus, lib. 1. epist. 6. & lib. 2. epist. 1. At rata esse, quæ in Ecclesia ab occulto hæretico geruntur, docet canon Audimus 24. q. 1. *Sin autem ex corde suo novam heresim confixerit, ex quo talia predicare cepit, neminem damnare potuit.* Ubi supponitur, actus jurisdictionis occulti hæretici non esse irritos; alioqui redderentur incerta pene omnia, cum de occultis scientia nequeat haberi. Huc etiam pertinet, quod in corpore humano sint partes, quæ vivunt, & sentiunt, aliæ quæ vivunt & non sentiunt, ac demum emortuæ adhærentes, quæ nec vivunt, neque sentiunt.

De Catechumenis vero. Secunda definitionis Ecclesiæ pars, quæ eorundem Sacramentorum communionem exigit, illos, & Excommunicatos ab Ecclesia excludit, quoniam illi ad Sacrorum participationem



nem non sunt admissi, hi verò sunt dimissi. Sed cum nullius damnationis diluvium extra Ecclesiam evadere possit, nec ulla extra Ecclesiam peccata remittantur, ut habet Augustinus *Enchirid. cap. 56.* si baptismum non contemptus, sed necessitatis articulus excludit, credendum est, catechumenos adultos poenitentes invisibiliter Ecclesiae via extraordinaria inferi, Ambros. *orat. de obitu Valentiani*, Bernardus *ep. 77.* Non tamen ideo militanti Ecclesiae invisibili junguntur, qualis nulla est, quia nullo adhibito Sacramento. Nam & Christus non ideo invisibilem domum intravit, quando, januis clausis, invisibili aditu legitur ingressus, sed quemadmodum ordinarium est, ut per januam in domum intretur, ita per baptismum in Ecclesiam, ut *Act. 2.* indicatur: *Qui ergo receperunt verbum, baptizati sunt, & appositae sunt in die illa animae circiter tria milia.* Gregorius Nazianzenus *orat. in S. Laurentium* ait: *Catechumenum fidelem dici non posse, nisi per baptismum ingressus sit.* Chrysostomus *homil. 24. in Joan.* inquit, *catechumenum nihil cum fidei commune habere, non mensam, non civitatem.* Cyrillus *lib. 12. in Joan. cap. 50.* catechumenum incircumciso comparat, qui Agnum paschalem edere non poterat. Augustinus *tr. 4. in Joan. & tr. 44. & lib. 8. confes. cap. 8. & lib. 2. de Symbol.* catechumenos conceptis, nondum natis assimilat, quia per baptismum corpori Ecclesiae incorporantur juxta illud *Act. 1. Macta & manduca*, cum de Cornelio Centurione, in corpus Ecclesiae trajiciendo, ageretur. Duo enim ad salutem necessaria sunt, Fides, & Baptismus. *Qui enim crediderit, & baptizatus fuerit, salvus erit*, Marc. 16. & *in uno corpore baptizati sumus*, 1. Corinth. 12. Gregorius *homil. 38. in Evangel.* ait *neminem convivium intrare sine fide, & baptismo.* Omni tempore post lapsum oportuit fideles unius Dei, ac unius Mediatoris fidem congruis temporis Sacramentis profiteri, Augustinus *lib. 18. de civit. cap. 47. & lib. de predest. Sancti. cap. 9.*

Et hanc sententiam probant Glossa in *cap. cave, v. si christiana 28. q. 1. & in can. catechumenum de consecr. d. 4. Gemin. in can. audire d. 34. Dec. in cap. 1. n. 26. in 2. lett. de constit. Steph. Cajet. in repet. can. ad limina sub n. 209. §. 5. 30. q. 1. Menoch. de arb. cas. 290. num. 17. & seq. & ex Theologis Canus de loc. theol. lib. 2. cap. 2. Bellarm. de Eccles. mil. lib. 3. cap. 3. Suarez 10. 4. p. 3. disp. 53. sect. 4. num. 8. Henric. de indulg. lib. 7. cap. 18. n. 3. Sanchez in decal. lib. 4. cap. 37. Alter. de censur. 10. 1. lib. 5. cap. 2. Quod est contra Navar. in comp. de jubil. not. 31. num. 48. & Andream ab Alea in cap. 1. a num. 2. & 8. cum seq. de constit. ac nonnullos alios recentiores.*

Ex quibus deducitur quod catechumeni non ligantur Ecclesiasticis constitutionibus, Sanchez *loc. cit. lib. 1. cap. 12. num. 14.* & consequenter non tenentur praecepto *cap. oranis utriusque sexus de poenit. & remis.* Sanchez *ibid. num. 15.* Neque ligantur vinculo excommunicationis. Omnes enim carentes baptismo sunt incapaces excommunicatione *cap. gaudemus de divor. ibique Anchar. num. 19. Marquard. de Judais p. 2. cap. 5. num. 3. cum aliis, quos ad stipulat Ricciul. de jur. person. lib. 2. cap. 6. num. 1.* Operatur tamen excommunicatio in catechumeno effectus, quos operatur in ceteris infidelibus, de quibus in *cap. eos, de Judais*, Archid. in *can. eos, qui de consecr. d. 4.* Nec possunt contrahere matrimonium cum fidei per textum in *d. can. cave 28. q. 1. Gloss. in can. 1. num. pabulo 30. q. 1. D. Thom. in 4. d. 39. q. un. ar. 1. ad 2. & Sanch. de matr. disp. 71. num. 2. lib. 7.* Quibus adde Comit. *resp. moral. lib. 9. q. 17. in fine.* Nec possunt apostasiae poena damnari, si ad priorem sectam revertantur, ut per Simancham *de cath. instit. tit. 31. num. 6. Farinac. de haer. q. 117. num. 31.* Quicquid in contrarium scripserint Alph. de Castro *de just. haer. punit. lib. 1. cap. 8. Alter. de censur. 10. 1. lib. 5. cap. 2. & Ugolin. de cen-*

*sur. Pontifici reservat. p. 2. §. 1. ante num. 4.*

Cum enim catechumenus sit intra tempus ad fidei probationem praestitutum *L. nulli*, ubi Bartol. *num. 2. C. ne Sacr. baptism.* sequitur, quod, licet constanti animo statuisset baptismum suscipere, si tamen intra illud tempus, mutata voluntate, fuerit ad priorem infidelitatem reversus, non poterit tanquam Apostata puniri. Tum quia nequit dici apostata qui nunquam fuit Ecclesiam ingressus, *arg. l. manumissiones ff. de just. & jur. l. decem ff. de verb. oblig. cum traditis à Vital. in clem. 2. n. 82. & seq. de poen.* Et tum quia id jure permittente facit, ad exemplum ejus, qui intra probationis tempus à Religione recessit, quem constat, apostatam non esse *1. cap. pen. de regular. Anan. in cap. consulas si eod. tit.* Fit verò catechumenus reus gravissimi criminis apud Deum propter contemptum Sacramenti, & ob injuriam Spiritui sancto irrogatam *can. non dubito d. 4.*

Item deducitur, quod catechumenus cognoscens carnaliter Christianam, punitur eadem poena, qua punitur infidelis, Menoch. *de arb. cas. 290. num. 17. & 18.* Quod in votis catechumenorum, non possint dispensare Praelati, quia non subduntur Ecclesiasticae potestati, & dispensatio est quaedam absolutio procedens à spirituali potestate Praelati, ut recte probat Sanchez in *decal. lib. 4. cap. 34. num. 36.* contra Henric. *lib. 7. de Indulg. cap. 20. num. 8.* Quod non possumus eos tradere Ecclesiasticae sepulturae, vel cum Psalmis ad sepulturam eorum cadavera ducere, Concil. Brachar. *1. cap. 34. & seq. Durant. de rit. Eccles. lib. 1. cap. 23. num. 14.* ubi plura de catechumenis.

Et de Excommunicatis. Qui à Sacramentorum communione, fideliumque societate per excommunicationis sententiam depulsi sunt ab Ecclesia, non solum juxta externam conversationem, sed etiam internam membrorum connexionem resecti sunt ita, ut à Christo pro ovibus non agnoscantur nec singulari tutela contra diabolum foris grassantem protegantur. Nam quaecunque ministri Christi ligant in terris, ligata sunt & in caelis. Nec Christus eum agnoscit ovem, qui de Ecclesiae grege pulsus est. *Si enim Ecclesiam non audieris, sit tibi sicut Ethnicus, & Publicanus*, Matth. 18. & Apostolus 1. Corinth. 5. *Tollatur de medio vestrum, qui hoc opus fecit.* Tertullianus in *apolog. cap. 37.* docet, per excommunicationem privari hominem omni commercio spirituali. Quemadmodum in veteri lege Deuter. 24. jubebatur tolli de medio malus, ita in nova lege per excommunicationem jubetur auferri noxius, ut notat Augustinus *q. 39. in Deuter. & lib. de vera Relig. cap. 6. & Enchir. cap. 35.* ac docet textus in *cap. per unam de sent. excom. in can. omnis christianus, in can. canonica, in can. cum aliquis, in can. quicumque, & in can. videas 11. q. 3. in can. de communione, in can. certum, in can. sacerdotes & in can. Apostolica 24. q. 2.* estque communis Patrum, quos recenset Bellarminus de *Ecclesia mil. d. lib. 3. cap. 7.*

Iniuste verò lata excommunicatio, si legitimus juris ordo servatus sit, ab exteriori fidelium communione separat, non autem ab invisibili Christi, & Ecclesiae societate, Augustinus *lib. de ver. Relig. cap. 6. & Origen. in Levit. hom. 14.* Unde pariter injuste excommunicati extra Ecclesiam militantem constituuntur per textum in *cap. à nobis §. nos igitur, & in cap. suas ibique Abb. num. 3. de sent. excom. Innoc. in cap. ex parte ad fin. de Offic. Jud. ord. Calder. in cap. ab excommunicato num. 6. de rescript. Feder. de Sen. conf. 74. num. 2. Anchar. conf. 60. in fin. Rom. conf. 369. num. 12. & Steph. Costa in cap. 1. num. 12. de sent. excom.*

Nam excommunicatio, quod attinet ad ecclesiam militantem, non sumit vires à justitia causae, sed à clavium potestate, Abb. in *d. cap. ab excommunicato. num. 10. Gemin. in cap. Romana ante num. 3. de sent. excom. in 6. ibique Franch. num. 4. & Innoc. in d.*



cap. ex parte de offic. Jud. ord.

Atque ex hac ratione pretendens se esse injuste excommunicatum, non auditur, nisi prius petat absolutionem, cap. per tuas §. verum ibique Abb. num. 3. de sent. excom. ac Felin. num. 7. traditque Vivius dec. 39. num. 8. Unde contemnens excommunicationem injustam ligatur quoad Deum, quia contemptus refertur ad potestatem clavium d. cap. ex parte §. verum, & can. qui iustus, §. huic 11. q. 3. can. notandum §. 24. q. 3. Theologi in 4. sent. d. 18. ar. 1. ad. 4. Contemnere autem quis dicatur? consulendus est Abbas in cap. per tuas num. 4. ubi & Socin. num. 11. de sent. excom. & Covar. in cap. alma mater §. 1. & 7. num. 6. p. 1. eod. tit. in 6. ubi late

Idque etiam si iniustitia insurgat ex falsitate causæ. Nam & hæc etiam constituit extra Ecclesiam, Glof. in d. cap. ex parte, 11. redire, ibique Innoc. sub initio, & Abo. numer. 6. Cordub. in quest. lib. 1. q. 43. Estque communis opinio, de qua Socin. inter consilia Cursi sen. conf. 20. num. 24. & Clar. in §. fin. q. 77. num. 33. Dummodo tamen iudex intelligat causæ falsitatem, & ea non obstante, proferat excommunicationem, secus autem si crederet veram causam, quæ erat falsa, & si scivisset illam non protulisset, quia excommunicatio sumit etiam vires ab intentione excommunicantis, Innoc. Abb. & Socin. locis modo allegatis.

Id tamen limitatur primo, ut procedat, quoad Ecclesiam militantem, secus autem quoad Deum, apud quem sententia excommunicationis non aliter afficit, quam si rite ac recte feratur, ut docent D. Hieronymus relatus in can. si quis non recto 24. q. 3. Origen. in can. cum aliquis exierit ead. caus. & quest. D. Augustinus in can. & si ad tempus 11. q. 5. cap. 5. de re iudic. in 6. Unde Innocentius IV. in Concilio Lugdunensi pronunciat æterni iudicii Tribunal illum reum non habere, quem iudex injuste condemnat, Covar. loc. cit. ubi testatur de communi. Nam iudicium Dei innititur veritati quæ non fallit, nec fallitur; iudicium vero Ecclesiæ nonnunquam opinionem sequitur, quam & fallere contingit, & falli, cap. à nobis 28. §. nos igitur de sent. excom. Glof. in cap. 1. n. condemnat de sent. & re iud. in 6. & in d. cap. Romana §. in universitatem 11. irretiri de sent. excom. eod. lib.

Secundo limitatur, ut non procedat in excommunicatione nulla. Nam hæc non ligat, cap. diversitatem de concess. prat. ibique Glof. 11. subtrahuntur. Felin. in cap. Apostolica num. 12. de except. Covar. ibid. n. 5. Navar. in cap. cum contingat in 2. remed. num. 3. de rescrip. Rota in Calaguriana fructuum 24. Januarii 1586. coram Bubalo, & apud Seraphinum dec. 1098. num. 4. & dec. 1239. num. 3. Quod procedit non solum quoad Deum, sed etiam quoad Ecclesiam adeo, ut neque sit timenda, ceu docent Palud. in 4. d. 18. q. 1. concl. 2. D. Antonin. in sum. p. 1. tit. 24. cap. 73. Hinc excommunicatus nulliter non tenetur abstinere à divinis, neque ab hominum communione, Palud. & Antonin. loc. alleg. Navar. ibid. Covar. in d. cap. alma mater num. 6. Gutier. can. quest. lib. 1. cap. 4. num. 36. & Cordub. q. 43. sub initio, & si sit pauper debentur illi alimenta, & sumptus litis, Seraph. d. dec. 1098. Quod intelligendum est, quatenus de nullitate constet notorie, alias, quoad Ecclesiam esset timenda, Covar. & Gutier locis adductis, ille sub num. 7. hic vero num. 37. & seqq. & ante eos Angel. in sum. 11. excommunicatio 3. num. 19. Sylvest. eod. n. 2. num. 1. Mexia, qui alios citat ad leg. Reg. tit. de los terminos p. 2. num. 31. Fatentur tamen Corduba, & Gutierrez supra, quod si excommunicatus nulliter non posset aliter tueri suam innocentiam, in tali casu licite posset, cessante scandalo, excommunicationem non servare. Nullitas autem quod modis possit considerari in excommunicatione, vide Abb. in d. cap. ab excommunicato num. 6. & seq. de rescript. Jo.

Andr. Franch. & alios in d. cap. Romana §. universitatem de sent. excom. in 6.

Quod verò ad schismaticos. Tertia pars definitionis Ecclesiæ requirit agnitionem unius supremi visibilis Capituli, seu Vicarii Christi in terris, qui est Romanus Pontifex, cui nolentes subiici, & obedire, schismatici sunt, quia ecclesiasticæ unitatis vinculum abrumpunt, Cyprianus lib. de unit. Eccles. schismaticos de ecclesia non esse, declarat, exemplo partis ab humano corpore dissectæ, quæ mox pars esse definit. Similiter ramus ab arbore scissus, fluvius à fonte divisus, arescit, radius à sole separatus, deficit, ipso sole permanente.

Hanc Ecclesiæ unitatem adumbravit inconsutilis Christi vestis, quæ integra permansit. Hanc vestem scindunt, qui odio, invidia, vel impatientia ecclesiam in partes dividunt. Quia verò ex Cypriano lib. 4. ep. 9. & lib. 1. ep. 6. Ecclesia grex est, suo pastori adunatus; qui cum Episcopo non sunt, extra eam sunt, qui se ab ejus unitate diviserunt. Irenæus lib. 4. cap. 62. contra hæres. Chrysostomus hom. 3. in 1. ad Corinth. & homil. 11. ad Ephes. comparat schismaticos manui abscissæ, quæ confestim esse membrum definit. Hieronymus in cap. 3. ad Titum propter Episcopalem dissensionem schismatici nasci, asserit. Et in 1. cap. Amos idem affirmat. Augustinus lib. de fid. & simbolo cap. 10. differentiam inter hæresim, & schisma tradit, quod illa fidem, hoc fraternam charitatem violat, de qua Petr. 2. epist. cap. 1. in pietate amorem fraternitatis, quo scilicet aliquis in Ecclesiæ societate vivere, ac mori exoptat, ejusque perturbationes, adversaque omnia dolet, de ipsius autem prosperitate gaudet, in eaque sola Sacramenta, relique omnes ad cultum Dei pertinentes dare, nec non accipere proponit, cujus fraternæ charitatis inimici foris sunt, vel aperte, vel animo, Augustinus lib. 1. contra Donatist. cap. 19. Unde Apostolus ad Hebr. 10. Non deserentes collectionem nostram, et Judas in epist. can. Hi sunt, qui segregant semetipsos. Quibus adde Jacobal. de Concl. lib. 7. art. 1. ad 3. dub. Imol. conf. 164. n. 17. Decian. tr. cr. lib. 1. cap. 67. num. 20. & Fatinac. de hæres. q. 174. §. 2. num. 45. & aperte habetur in can. pudentia 24. q. 1. in can. Novatianus 7. q. 1. in can. non vos 23. q. 5. & in can. quoniam 23. q. 1. Et sane schismatici vel sunt hæretici, vel saltem excommunicati. Constat autem ex superius dictis, quod cum hæretici tum excommunicati extra Ecclesiam sunt constituti.

Quantum verò schismatis crimen sit ex novo schismaticis irrogato supplicio Num. 16. Cyprianus ostendit lib. 1. ep. 6. & lib. de simplicit. Pastor. Augustinus lib. 3. contra Donat. cap. 18. & lib. 1. contra Parmenianum cap. 4. & 7. dicit, schisma superare cuncta scelera, de quo nos suo loco.

De Prædestinatis autem. Quod Calvinus post Vultesum, & Hussium, in Ecclesia vera solos prædestinatos falso collocet, ex eo patet, quod Christus Matth. 3. doceat, continere instar areæ triticum, & paleas, igne comburendas.

Quare fatendum est, in Ecclesia vera militante reprobos cum electis reperiri, cum in Ecclesiæ compagem regenerationis Sacramento transferantur juxta illud Apostoli 1. Corinth. 12. omnes in unum corpus baptizati sumus.

Sciendum tamen est, duobus modis aliquem vocari Filium, Ovem, & Christi Membrem. Uno modo secundum præsentem justitiam. Quo modo loquens Apostolus ad Roman. 8. dicit: Qui spiritum Christi non habet, hic non est ejus, & 2. ad Timoth. 2. Novit Dominus, qui sunt ejus. Alio modo secundum Dei prædestinationem, juxta quem modum Lupi multi intus, & oves foris esse dicuntur. Sic Augustinus lib. de corrept. & grat. cap. 9. & lib. de bon. persever. cap. 8.

Quod verò ad imperfectos, Pelagiani, & Anabaptistæ, nullum veniale peccatum agnoscetes, solos perfectos



fectos Christianos in Ecclesia ponunt. Cæterum aperte Scriptura docet, Sanctos multis peccatis, durante hujus vitæ decursu obnoxiosos esse, neque propterea de Ecclesia non esse, 3. ad Roman. 8. *Non est homo, qui non peccet*, Psal. 31. *Tu remisisti impietatem peccati mei: pro hac orabit ad te omnis Sanctus in tempore opportuno*. Proverb. 24. *sepius in die cadit justus* Eccles. 7. *Non est, qui non peccet*. Matth. 6. omnes jubentur orare: *dimitte nobis debita nostra*. Jacobi 3. *in multis offendimus omnes*, 1. Joannis 1. *Si dixerimus, quia peccatum non habemus, nos ipsos seducimus*. Concilium Milevitanum can. 7. & 8. definit, justos non solum humiliter, sed etiam veraciter pro seipsis dicere: *dimitte nobis debita nostra*. Cyprianus serm. de elemosyna: *Quisquis se inculpatum dixerit, superbus est*. Nazianzenus orat. 2. in Julianum: *omni prorsus peccato vacare, supra naturam humanam modum Deus constituit*. Hieronymus lib. 2. & 3. contra Pelagium ait, *justos ad breve tempus, sed non diu absque peccato esse posse*. Augustinus de spir. & lit. cap. ult. inquit, *hominem ex Dei privilegio absque omni peccato vivere posse; sed tamen reipsa neminem, excepto Christo, & B. Virgine, ita vivere*. Quod repetit lib. de nat. & grat. cap. 34. ubi expresse B. Virginem excipit. Idem tractat epist. 89. & 95. totaque lib. de perfect. justit. & lib. 1. contra 2. epist. Pelagianorum cap. 14. notat, Apostolum requirere, ut ordinandus nullum crimen habeat, non autem, ut nullum omnino peccatum.

Dicitur autem Ecclesia Cantic. 4. *tota pulchra*, & ad Ephes. 5. *sine ruga, & macula*, vel respiciendo ad statum futuræ vitæ, ubi reipsa talis erit, hic verò tantum in spe, aut considerando statum ejus, quem baptismus efficit, in quo sponsa Christo desponsatur, & ab omni ruga peccati emundatur, aut per synecdochem, ratione partis id ei tribuitur; quoniam multi in ea sunt immaculati, & perfecti suo modo, scilicet perfectione vitæ. Quomodo Noë Genes. 5. vocatur *justus, & perfectus*, & Psal. 17. *ero immaculatus* & Psal. 118. *Beati immaculati*, ad Ephes. *Elegit nos ut essemus Sancti & immaculati*, ad Philip. 3. *Quicumque perfecti sumus*, Augustinus lib. 1. retract. cap. 7.

Et quod ad pravæ vitæ fideles contra Novatianos, Donatistas, & Confessionistas, certa fide tenendum est, in Ecclesia Christi militante non solum esse imperfectos fideles, qui levia peccata habeant, sed etiam manifestos peccatores, qui scelera gravia palam committant, quandiu excommunicationis mucrone non præscindantur, ut patet ex parabola Christi de area continente paleas Matth. 3. de sagena continente omne genus piscium, Matth. 13. de nuptiali convivio Matth. 22. de fatuis virginibus, & hædis cum ovibus Matth. 25.

Idipsum Dominus similitudine vitis corroborat, in qua sunt aridi palmites, & infrugiferi Joan. 15. Et rebiles pervicacæ merito ejiciendos extra Ecclesiam, agnoscit, Matth. 18. Quin & Præpositos, qui subditos concupiant, Matth. 23. & 24. Apud Corinthios Apostolus in Ecclesia fuisse scribit incestuosum 1. Corinth. 5. & in epist. ad Roman. cap. 1. gravissima scelera in infidelibus reprehendit. In Epistolis quoque ad Corinthios, & ad Galatas, nec non in aliis. Similiter Joannes in Epist. & in Apocal. cap. 1. & 3. Ecclesias de peccatis non exiguis coarguit.

In Ecclesia quoque Veteris Testamenti nunquam peccatores defuerunt, à quibus tamen Prophetæ, atque justi nunquam se quantum ad Templum, Altare, Sacrificia, & alia, quæ religionem concernebant, separaverunt, ut Augustinus urget in Breviculo collat. 3. ubi Donatistas hoc argumento ita fuisse confutatos refert, ut, quod responderent, non haberent. Ac in omnibus libris contra Donatistas editis ex professo docet in Ecclesia esse bonos, & malos, tanquam grana & paleas. Quod in arca Noe animalia munda, & immunda continen-

te, adumbratum fuisse, Augustinus, & Hieronymus contra Luciferianos ostendunt.

Hinc Episcopi labores exaggerat Nazianzenus orat. apolog. 1. quia bonos, & malos regere debeat; similiter Chrysostomus lib. 3. de sacerdotio, & Gregorius in Pastoral.

Quod autem in vera Christi Ecclesia, etiam malæ vitæ fideles sint, facile intelligit, qui animadvertit, Christianos dici non à charitate, sed à fidei christianæ professione in certa hominum societate, quæ à Christo fure institutionis, atque doctrinæ originem trahit, unaque fide, & eorundem Sacramentorum communicatione, ac mutua dilectione, veluti nexu unitur. Cujus quidem societatis diversæ sunt partes, varium à capite influxum recipientes. Siquidem nonnullæ velut instrumenta viva per charitatem operantur. Aliæ verò, tanquam membra agra, arida, vel emortua, per ordinis, & jurisdictionis potestatem, ad quam justitiæ vita non exigitur, adhuc aliquid efficiunt. Moventur enim à Spiritu Sancto, qui est mystici hujus corporis velut anima, ut efficaciter quædam operentur, ut ex professo Augustinus docet tract. 5. in Joann. & lib. 2. contra Parmenianum cap. 10. & 11. ostendens, effectus Sacramentorum non dependere à sanctitate ministrorum, & in una Ecclesia esse bonos & malos, sicut in una civitate sunt boni, & mali cives, in una familia boni & mali filii, liberi & servi, in uno corpore membra viva, & humores pectus aggravantes.

## CONSULTATIO XVI.

*Quod Ecclesia Christi militans unica sit, non verò dua. Et Quod vera Christi Ecclesia visibilis sit.*

Cum Lutherus, Calvinus, alique Sectarii ab unius veræ Christi Ecclesiæ testimonio Scripturarum Sacrarum traditionem, sensum, omniaque fidei dogmata pendere, inficiari non auderent, ejusque autoritate premi se vehementer sentirent, nec ullas commentis suis latebras superesse intelligerent, si ad Ecclesiæ judicium deveniretur, ut angustias illas effugerent, suæque perfidiæ aliquid velum reperirent, duas esse Christi Ecclesias confinxerunt. Unam *Invisibilem* ex solis justis, vel prædestinatis constantem, ad quam pertineant privilegiæ Ecclesiæ à Christo promissæ, hanc solam esse veram Ecclesiam, quæ non possit deficere, neque in necessariis ad fidem aberrare contendunt. Alteram verò *Externam*, & oculis conspicuam ponunt, indifferenter ex bonis, & malis constatam, quæ in fide, & moribus errare, immo perfidia depravari, persecutionumque procellis extirpari possit.

Istud verò figmentum ex eo palliare nituntur, quod Scripturæ, veteresque Ecclesiastici scriptores de una, eademque Ecclesia diversimode loquantur, quia habeat distinctas partes, variis qualitatibus affectas, varias ætates, status, & tempora, propter quæ illi contraria tribui videantur, attamen habito respectu ad tempus vitæ, aut ad tempus Gloriæ, vel ad partem hanc, vel illam eidem convenient. Ut Cantic. 1. *Nigra sum & formosa*, Isaiæ 52. & 60. *populus tuus omnes justi. Omnes, quæ suæ sunt, querunt. Macula non est in te*. Quibus locis toti Ecclesiæ attribuitur, quod proprium est perfectorum, aut imperfectorum, vel quod Ecclesiæ competit ratione status præsentis vitæ, aut futuræ gloriæ, ut admonet Augustinus lib. post collationem contra Donat. cap. 8. & lib. 1. retract. cap. 7. & lib. 3. de doctr. Christ. cap. 31. & 32. & Concilium Constantinopol. in symbolo unicam esse definit Ecclesiam Christi veram, cui ratione diversarum partium, aut variarum ætatum, & statuum hæc omnia tribuantur: Credo, ait, unam sanctam,



etiam, Catholicam, & Apostolicam Ecclesiam. Una enim Christi est sponsa, una columba, una amica, una uxor, unum ovile, unum corpus, *Super hanc Petram*, ait Dominus Matth. 16. *edificabo Ecclesiam meam.* & 1. Corinth. 11. *Christus caput est Ecclesia.* Ad Ephes. 5. *Ecclesia subiecta est Christo.* Rursus ibidem: *dilexit Ecclesiam: & Sacramentum hoc magnum est. Ego autem dico in Christo, & Ecclesia* & 1. ad Timoth. 3. *Ut scias, quomodo oporteat conversari in domo Dei, quae est Ecclesia Dei vivi.* Apostoli quoque unam in symbolo Ecclesiam credendam proposuerunt, quae ex multis partibus conflata sit, cujus Christus Primarium Caput, Vicarium autem Episcopi sunt, inter quos ministerialis potestatis apicem Romanus Pontifex obtinet.

Cum vero unicum Christi mysticum corpus existat, nec plures sponfas, vel uxores Christus habeat, ut Apostolus ad Ephes. 5. ex Scripturis confirmat: *Erunt duo in carne una, & adherent uxori suae*, consequitur, non duas, sed unam esse Christi Ecclesiam. Hinc Augustinus lib. 1. de doctr. Christ. cap. 32. Ticonium iure arguit, quod Christi corpus bipartitum fecerit, cum Scriptura *unum corpus, & unum Spiritum* esse pronuntiet Ephes. 4. & 1. Corinth. 12. & ad Colos. 1. & 2.

Et dum calumniarentur Donatistae, quod Catholici duas Ecclesias constituerent, unam in terris, quae bonos, malosque complecteretur; alteram in caelis, quae solos bonos, responderunt Catholici, se non duas Ecclesias ponere, sed unius, ejusdemque Ecclesiae partes, & tempora distinguere. Partes quidem, quia bonos, & malos habeat, sicut idem corpus habet partes sanas, & morbias, vel aridas, suo tempore a corpore separandas. Tempora vero, quoniam alius status Ecclesiae in hac vita sit, alius post resurrectionem, quemadmodum unus, idemque Christus ante passionem passibilis, post resurrectionem vero gloriosus & immortalis est, Augustinus lib. 7. contra Donatistas cap. 51. & lib. de unit. Eccles. cap. ult. & lib. 3. de doctr. Christ. cap. 32. & alibi passim. Ita Christus Matth. 5. unius Ecclesiae partes, diversas obtinere qualitates ostendit, distinguens iustitiam Discipulorum a iustitia Phariseorum. Et cap. 6. discernens pios ab hypocritis Matth. 7. dicens, quosdam edificare domum suam, id est iustitiam suam supra petram, alios vero super arenam.

Neque insuper duas Ecclesias propter duo Testamenta, Vetus, & Novum constituere oportet. Quia idem Testator aliter providit filiis, aliter servis, qui ad eandem familiam pertinent, aliter quoque liberis suis infantibus, aut parvulis, aliter adultis. Synagoga ergo Veteris Testamenti, non alia fuit Ecclesia, sed alius Christi Ecclesiae status, alia fidelium aetas, quibus tamquam parvulis congruebant imperfectiora praecepta, carnaliaque promissa. Sicut ergo idem est infans, puer, vir, sanus, & aegrotus, ita propter diversos status, aetates, aut affectiones, non est multiplicanda Ecclesia.

Unde non est alia militans Ecclesia, alia Triumphans, alia novi Testamenti tempore, alia tempore Legis Naturae, vel Legis Moysae, sed unius, ejusdemque Christi Ecclesiae variae sunt aetates, conditiones, ac formae, ante legem, sub lege, tempore gratiae, atque post resurrectionem, ut ad Galat. Apostolus indicat, & ad Hebr. 12. ad futurae vitae statum respiciens, *Ecclesiam primitivorum in caelis conscriptorum* vocat, Augustinus collat. 3. cap. 4.

Quod autem vera Christi Ecclesia visibilis sit, cum visibile dicatur, quod sub aspectum cadere, sensibusque corporeis percipi potest, & Ecclesia Christi vera in terris militans, societas sit hominum, Christi fidem, atque doctrinam profitentium, eisdemque externis, & visibilibus Sacramentis utentium sub regimine, ac obedientia uisus summi Pastoris, Romani

Pontificis viventium, consequitur, Christi Ecclesiam veram esse conspicuam, visibilem, immò digito demonstrabilem, non secus quam Regnum Neapolitanum, Hispanum, Gallicanum oculis cerni potest. Nam sensu dijudicari potest, quae Civitates, Provinciae, Regna, & hominum quorumcumque societates in una, eademque doctrina, & usu eorundem Sacramentorum consentiant, & cum Romano Pontifice, velut supremo dominici ovilis Pastore communicent.

Idque locum habuit à primo Ecclesiae Christianae ortu, similiter in progressu, ac ut quae in finem seculi hominum ceteris Vicario Christi adhærens sensu dijudicari poterit, non solum à fidelibus, sed etiam ab illius persecutoribus. Nam invisibilis Deus, homo visibilis factus est, sibi quoque visibiles Apostolos, & Discipulos adiunxit, quos etiam visibilis baptismatis signaculo coagulari voluit, & super eosdem visibiliter Spiritus Sanctus in die Pentecostes descendit. Quibus deinde hominum uno die tria millia sunt adjecta, & rursus postea quinque millia per ejusdem fidei professionem, ac visibilis baptismi susceptionem, ut Act. 1. 2. 3. & 4. legitur. Ac postea recepit Samaria Verbum Dei, quod exinde seminatam est per totam Judaeam, & Galileam, & Samariam, Act. 9. ac deinde per Syriam, Liddam, Joppen, Caesaream, ubi Cornelius Centurio cum multis aliis, accepto visibiliter Spiritu Sancto, baptizatus ad visibilem Ecclesiae compagem accessit, Act. 10. Et dispersi à tribulatione, quae facta fuerat sub Stephano, perambulaverunt Phoeniciam, & Cyprum, & Antiochiam, ubi multus numerus credentium conversus est ad Dominum, ad quos Ecclesia, quae Hierosolymis erat, misit Barnabam, qui accito ex Tarso Paulo, Antiochia tantam apposuit turbam Domino, ut cognominarentur primum Antiochia Discipuli Christiani, Act. 11. cap. 13. 14. 15. 16. 17. & 18. ac sequentibus narratur Evangelii propagatio per Syriam, Asiam, Troadem, Macedoniam, Thraciam usque ad Philippenes, Thessalonicenses, Corinthios, Cyprum, Rhodum, Cretam, Melitam, Syracusas, Rhegium, Puteolos, ipsamque Romam, cujus Ecclesiae fidem jam tunc in universo Orbe annunciatum fuisse Paulus attestatur Roman. 1.

Atque ex eo tempore illi universi, & soli de vera Christi Ecclesia habiti sunt, qui eidem fidelium societati adiuncti fuere, nec ab ea per haereses, aut schismata recesserunt, aut peccatorum gravitate per excommunicationem ejecti sunt. Cujus societatis Vicarium, fundamentum, sive primum Rectorem, Christus Petrum constituit, dicendo, *Pasce oves meas* Joan. 21. uti promiserat Matth. 16. *Tu es Petrus & super hanc Petram edificabo Ecclesiam meam.* Alios quoque ejusdem Ecclesiae rectores, Apostolos, & Episcopos Petro adiunxit, Act. 20. *Attendite gregi, in quo vos Spiritus Sanctus posuit regere Ecclesiam Dei*, utique visibilem, quam alioqui regere non potuissent, si invisibilis extitisset. Neque enim corripere, vel ejici possunt invisibilia Ecclesiae membra, neque audiri, vel adiri potest Ecclesia invisibilis, ut ad eam contumax deferatur.

Cum ergo Christus Ecclesiam audiri corripientem, eique nos obedire, & ad ejus tribunal fidelium causas referri voluit, indubitanter visibilem esse manifestavit. Et Paulus Act. 15. deducitur ab Ecclesia, confirmat, & visitat Ecclesias, Apostolorum, Seniorumque mandata perfert ad Ecclesias, scribit Ecclesiae, quae est Corinth. 1. Corinth. 2. Ecclesiis Galatiae, ad Galat. 3. utque ambigi nequeat de significato Ecclesiae, ad Philippenes nomen veluti exponens ad Philip. 3. *Omnibus sanctis in Christo Jesu*, inquit, *qui sunt Philippi, cum Episcopis, & Diaconis*, insinuans, se nomine Ecclesiae intelligere ceterum fidelium, in quo sit populus Episcopo, aliisque ministris adunatus. qualem visibilem Ecclesiam constituitur, se aliquando fuisse persequutum, de qua 1. ad Timoth. 3. *Ut scias, quomodo oporteat conversari in domo Dei, quae est Ecclesia*



sa Dei vivi, columna, & firmamentum veritatis. Cuius quidem domus visibilem rectorem sua ætate Damasum fuisse, confitetur in eum locum Ambrosius.

Denique in Scripturis nusquam Ecclesiæ nomen invisibili hominum societati tribuitur, Num. 20. *Cur eduxistis Ecclesiam Domini in solitudinem?* 3. Reg. 8. *Rex benedixit omni Ecclesie Israel.* 1. Machab. 8. *Et statuit Judas, & fratres, & universa Ecclesia Israel.* Judit 7. *Act.* 7.

Unde assimilatur Ecclesia Soli, qui latere non solet, Psal. 18. *in Sole posuit tabernaculum suum.* Quia Ecclesia occultari nequit, Augustinus *tr.* 2. *in epist. Joan. & epist.* 166. Alibi comparatur Ecclesia *visibili civitati* Matth. 5. Psal. 47. *Isaia 61. quæ visibili hominum ministerio ædificatur, Ephes. 4.* Item *monti conspicuo*, Isaia 2. *Michæ 4. Daniel. 2. vel Civitati supra montem posita*, Matth. 5. Augustinus *lib. de unit. Eccles. cap. 12. & lib. 13. contra Faust. cap. 13.*

Præterea in Evangelio Ecclesia comparatur *Area, Reti, Ovili, Convivio, Regno.* Quæ omnia, ut sunt visibilia, ita quoque conspicuam esse Christi Ecclesiam ostendunt, Sacramentorum visibilium consortio, neque colligatam. In nullum siquidem religionis nomen, seu verum, seu falsum coagulari homines possunt, nisi visibilium signorum consortio vinciantur, ut docet Augustinus *lib. 19. contra Faust. cap. 11.* Adeoque visibilem Ecclesiam esse Christus docuit, ut *Matth. 23.* ejus rectores super cathedram Moysis federe dixerit, eosque quamvis non facerent, quod docerent, audiri præceperit. Hinc leprosos ad Sacerdotes misit, quos ipse quoque Dominus honoravit, ejusque mater Maria, Simeon, Anna, & cæteri ejus temporis iusti cum eis communicarunt, eodem templo, eisdemque sacrificiis usi sunt, nos instruentes, necessarium esse, Capiti, & præfectis Ecclesiæ adherere, illis obedire, membris cæteris pacifice communicare, in Ecclesia perseverare, nec prætextu malitiæ aliquorum licere se ab Ecclesiæ corpore nefario schismate dividere, quia extra Ecclesiam nulla operanda sit salus, ut admonet Cyprianus *lib. de simplic. Pralat.* Hieronym. *epist. ad Damasum*, & Augustinus *lib. 4. de baptis. cap. 1.*

Unanimes quoque consensu Veteres aperte tradunt, Ecclesiam visibilem esse. Cyprianus *lib. de unit. Eccles. Origenes homil. 30. in Matth.* Augustinus *lib. de unit. Eccles. & contra Parmen. lib. 3. cap. 5.*

Cæterum inquireret aliquis, cur in Symbolo profiteamur, nos Ecclesiam credere, non autem videre? Respondeo, unam Christi veram Ecclesiam videri, & credi, sicut Apostoli eundem Christum in terris viderunt, & in eum crediderunt. Hominem enim Christum Discipuli oculis cernebant, eique visibili societate communicabant; attamen hunc eundem Jesum B. Virginis Filium, Deum esse non videbant, sed credebant. Neque propterea duplicem Christum fecere; sed nonnulla ad externam hominis pertinentia oculis cernebant; alia verò ad Majestatem Divinitatis spectantia credebant. Idemque Christus permanens secundum externa oculis corporis inspiciebatur, secundum interiora verò, solis fidei oculis credebatur.

Ad eundem planè modum de Christi Ecclesia quippiam videmus, aliud verò credimus. Hominum enim cæterum, qui est Ecclesia, videmus; sed quod ille hominum cæterus vera sit Ecclesia, non videmus, sed credimus. Ad fidem enim pertinet, quod cæterus hominum Christi fidem profitentium sub regimine, atque obedientia Romani Pontificis, sit vera Christi Ecclesia, sub qua fidei propositione hanc evidentem subsumimus: Isti, qui Romanum Pontificem agnoscunt, cæterus hujusmodi sunt, quod oculis, & sensibus percipimus. Ex quibus duabus propositionibus, altera Fidei, altera evidenti, conclusionem partim inevidentem inferimus. Ergo isti

homines, qui nunc fidem Christi profitentur; sub obedientia, & regimine Pontificis Romani sunt vera Christi Ecclesia, cui proinde visibilitet adherere, utque communicare tenemur. Non enim *Deum habebit patrem, qui Ecclesiam non habuerit matrem.*

Quod ergo hic cæterus sit vera Christi Ecclesia; quod in eo solo vera pietas & sanctitas reperitur; quod fide, spe, & charitate Christo adhaereat; quod hujus sui mystici corporis Christus caput, & Salvator sit, quodque omnium hujus corporis membrorum quædam sit interior connexio, dependentia, mutuumque officiorum communicatio, non videtur, sed creditur. Quemadmodum baptismi Sacramentum, id est aquæ infusionem, & verborum prolationem oculis videmus, sed quod illa aqua infusio, verborumque certorum prolatio Christi verum Sacramentum sit, oculis non cernimus, sed fide credimus. Non igitur absurdum censeretur debet, quod circa rem unam diversa consideratione versetur fides, & aspectus. Nec propterea res una dicitur duplex, aut simpliciter visibilis & invisibilis (contradictoria enim in idem, secundum idem cadere nequeunt) sed res verè asseretur visibilis, etiam si quadam sui consideratione sit invisibilis.

## CONSULTATIO XVII.

*An Christi Ecclesia ab initio mundi semper visibilis fuit? Et an Ecclesia visibilis deficere possit? Vbi, quod Ecclesia persecutionibus non obscuratur.*

**A**D primum. Quemadmodum à lapsu generis humani vera Religio, & fides unius Dei, uniusque Mediatoris Dei, & hominum Jesu Christi in carne venturi hominibus inspirata fuit, ita quoque fidei ejusdem professio certis visibilibus Sacramentis, & sacrificiis facta fuit. In nullum enim religionis nomen homines coalescere possunt, nisi aliquo visibilium signorum consortio colligantur. Unde historia Genesis tradit, proprios fratres Cain & Abel Deo sacrificium obtulisse, quos omnes postea iusti sunt imitati, ut de Enos, Henoch, Noè, Job, Melchisedech, Abraham, Isaac, Jacob legimus, ut reliquos Dei cultores idem fecisse subintelligamus. Quibus sacrificiis in animalium sanguine, aut frugum incensione, vel aliarum rerum oblatione factis, adumbratur oblatio Christi, qua placandus erat Deus, auferendaque peccata mundi.

Sicut autem veram religionem & fidem, illiusque professionem ab initio fuisse constat, ita quoque scriptura, discretionem fuisse regni Christi, seu Ecclesiæ, à regno diaboli, sive impiorum societate, manifestat, sedulo digerens seriem generationum fratricidæ Cain, qui fuit pater civium, amatorumque mundi, & Seth, à quo propagata est societas filiorum Dei in qua veluti pietatis schola ex certa quadam disciplina Deus invocabatur, externisque ritibus colebatur, *Genes. 4. 6.*

Ac tandem licet nonnulla horum, & illorum permixtio sequuta sit, nunquam tamen filiorum Dei societas plane defecit, sed à Seth usque ad Noè virum justum, ac perfectum conspicua remansit, ac postmodum in Sem, Japhet, Melchisedech, Abraham, aliisque juxta sacram Historiam emicuit. Abraham verò tempore Dei populus visibili circumcissione à cæteris gentibus distingui cœpit, à cujus tempore, licet in aliis gentibus nunquam aliqui fideles Dei cultores minus noti defuerint, attamen in Abraham posteritate, ex qua Christus nasciturus erat, spectabilior fuit Christi Ecclesia, seu populus Dei, qui reipia religionem, quæ Christiana nunc vocabulo novo dicitur, tenuit. Nam Sacramentis præfigurativis



gurativis annunciabat futurum, quod nunc alius Sacramentis profiteamur esse adimpletum.

Sed notabilior adhuc eadem Societas facta est, quando ex Aegypto admirandis prodigiis eductus Israeliticus populus, in Rempublicam erectus est, accepta Mosaica Lege, Cathedra, Sacerdotio, Sacrificiis, Festis, Ritibus, Cæremoniisque plurimis. Verum multò adhuc illustrior esse cœpit, quando accessere celeberrimi Prophetæ, potentissimi Reges, Augustissimumque Salomonis Templum, cujus fama Orbem pervasit, ut ex adventu Reginæ Sabe colligi potest.

At post Christi adventum longè adhuc illustrior Ecclesia Christi, quam prius effecta est, quando per universum Orbem dilatata, omnes Monarchias amplitudine, gloria, & fama, nec non divitiis superavit. Imperatores potentissimos, Reges, Monarchas, Duces, ac Principes filios, defensoresque habuit, extensa nimirum ab Oriente usque ad fines Occidentis, à Meridie usque ad Septentrionem juxta illud Apostoli ad Rom. 1. *Fides vestra annuntiatur in universo mundo*; Et in omnem terram exivit sonus eorum, Rom. 10. ac pulchre ad Rom. 3. insigniter conspicuam Christi Ecclesiam factam docet per manifestationem justitiæ Christianæ in vita, & moribus hominum. Tunc enim virginitas, & cœlibatus vigere cœperunt, rerum caducarum abjectio, cœlestium amor. Tunc Eremitarum, Monachorumque surrexere greges, Monasteriorum religiosarum personarum tam fœminei, quàm masculini sexus infinitus pene numerus. Quibus accessit exterior forma gratiæ Novi Testamenti congruens, ut per omnes nationes, & gentes diffusa in unitate, per unum supremum visibile Caput, cui suprema regiminis Ecclesiastici potestas à Christo tributa est contineri facilius posset, cooperantibus Patriarchis, Primatibus, Archiepiscopis, Episcopis, Doctoribus, Abbatibus, Patrochis, aliisque omnibus Ecclesiæ Ministris, & potissimum adjuvante amplissimo Cardinalium Senatu, constante sanctissimis, doctissimis, ac usu rerum exercitatis viris, ex omni Orbis Christiani natione delectis. Quorum omnium Ecclesiæ Ministrorum multitudo, & amplitudo tam conspicuam efficit Christi Ecclesiam, ut ab initio mundi nulla fuerit in terris spectabilior, illustrior, aut toti mundo notior Monarchia.

Postremo, quod omni tempore Ecclesia, sive populus Dei fuerit conspicuus, demonstrat impiorum persecutio. Nam ab Abele primo martyre, civitas diaboli semper populum Dei persecuta est. Quod patet in Cain, & posteris, qui posteros Seth, filios Dei impugnaverunt usque ad tempora Noë, quibus diluvio extinctis, impius Cham justo Noë illudit, ac ex eo natus Nemroth justos filios Sem oppressit; postmodumque filii carnis semper filios Spiritus oppugnaverunt, ut patet in Ismaele persequente Isaac, in Esau comminante Jacob, in Aegyptiis nitentibus opprimere Israelitas, in Philistæis, aliisque infidelibus populo Judaico semper infestis, ac Christo præsentem, carnales Judæi, eum usque ad crucem infestati sunt, Apostolosque deinde ipsius partim occiderunt, partim aliò fugere compulerunt, & Ecclesiam Christi nascentem, crescentem, & adultam, Reges, Principes, Populi, & Privati expugnare omni arte tentarunt: Sed adversus universa hujus mundi mala persecutiones, hæreses, peccata & quæcumque Diaboli machinamenta, tanquam inexpugnabilis arx in rupe fundata, invicta permansit, juxta illud Christi Matth. 16. *Porta inferi non prævalebunt adversus eam*. Visibilis ergo semper Christi Ecclesia fuit. Quod enim invisibile est, nemo persequitur.

Ad secundum. Cum privilegia veræ Ecclesiæ à

Christo concessa, visibili Ecclesiæ militanti, non autem alicui invisibili, qualis nulla est, convenient, manifeste convincitur, dici non posse, quod visibilis Christi Ecclesia deficere possit, non autem invisibilis. Quod autem Scriptura visibili Ecclesiæ promissa facta doceat, evidenter ostendit illud Christi Matth. 16. *Tu es Petrus, & super hanc Petram, id est te Petrum, edificabo Ecclesiam meam*, id est, Rempublicam Christianam. *Et tibi dabo claves regni Cælorum*, id est, super te edificabo Ecclesiam, constituendo te fundamentum, caput, supremum gubernatorem omnium Christianorum plenitudine potestatis spiritualis ad Ecclesiæ regimen necessariæ tibi concessa; hoc enim claves insinuant. *Et quodcumque solveris, &c.* id est, quæ in terris ex hac potestate gesseris, leges ferendo, dispensando, censuris innodando aut quæcumque alia ratione impedimenta salutis amovendo, *soluta*, vel *ligata erunt in Cælo*, id est, tua facta, tanquam mei Vicarii, rata habebō. *Et porta inferi non prævalebunt adversus eam*, id est, quæcumque potestates infernales, ut sunt Diabolus, Peccata, Schismata, Hæreses, seculi potestates Christianos persequentes, Hypocritæ, malæ vitæ fideles, doli, fraudes, vis, perfidia, pœnæ illatæ, mors, fames, angustia, gladius, & quidquid nos à Christo separare nititur, nihil omnino horum Ecclesiæ prævalebit sic, ut illam scilicet aboleat, vel à veritate abducat. Quod rerum eventus confirmat.

Nam Christi Ecclesiæ, neque Paganorum perfidia, neque persecutorum potentia, neque infidelium hæreticorum fraudulentia huc usque prævalere potuit, neque unquam prævalebit. Impossibile namque est, mentiri fortissimum, omnipotentemque Deum, qui dixit: *Porta inferi non prævalebunt adversus eam*. Et Ego vobiscum sum usque ad consummationem seculi. Quem locum de perpetua Ecclesiæ duratione interpretatus Augustinus ep. 80. & Leo ep. 31. & Apostolus ad Ephes. 4. docet Pastorum, & Doctorem ministeria in finem usque seculi perduraturā; in *edificationem corporis Christi, donec omnes occurramus in virum perfectum*, id est, usque ad consummationem seculi. Hæc autem officia in sola visibili Ecclesia reperiuntur, Augustinus lib. 22. de civit. cap. 15. 17. ac 18. Idipsum quoque Vates Regius expressit Psal. 47. *Deus fundavit eam in æternum*, ut in commentario Augustinus exponit. Isaia 61. *Omnes qui viderint illos, cognoscent, quia isti sunt semen, cui benedixit Dominus*. Et Malachiæ 1. *Magnum est nomen in gentibus, & in omni loco sacrificatur, & offertur nomini meo oblatio munda*. An invisibile est, quod à Solis Ortus usque ad Occasum in mensa Domini vero Deo sacrificatur? An ignota hominum societas, vel invisibiles sunt Ministri, qui in omnibus gentibus offerunt? Sane non per invisibilem, sed in Ecclesia visibili & per visibiles Sacerdotes, Romano Pontifici adherentes à Solis Ortus usque ad Occasum in omnibus gentibus Missæ Sacrificium Deo vivo & vero exhibetur, & offertur.

De quo visibili cœtu hominum Apostolus ad Rom. 1. ait: *Fides vestra annuntiatur in universo mundo*. Quò & pertinet, quod Ecclesia vocetur *Regnum*, & quidem instar montis conspicuum, Daniel. 2. nunquam interituum. Luc. 1. *Regni ejus non erit finis*. Psal. 88. *Thronus ejus sicut Sol*. In quo regno semper usque ad consummationem seculi, mali & boni permiscendi sunt, quemadmodum in area triticum, & palea Matth. tertio & decimo tertio. Item Psal. 88. Si Ecclesia regnum sit, necessario visibili hominum congregatione constet, qui se invicem noverint, certisque legibus dirigantur, ex quibus aliqui præstant, aliis pareant, aliqui doceant, alii discant. Isaia cap. 49. *Eccle,*  
*dedi*



*dedit te in lucem gentium. Reges videbunt, & confurgent. Erunt Reges nutritii tui, & Regina nutrices tuae* &c. & cap. 59. *Spiritus meus, qui est in te, & verba mea, quae posui in ore tuo, non recedent de ore tuo, & de ore seminis tui, dicit Dominus, à modo, & usque in sempiternum.* Unde liquet, Ecclesiam visibilem non defecturam, quam Daniel cap. 1. comparat Monti, omnem terram replenti, Isaias vero 2. atque Micheas 4. *monti conspicuo, illustri, manifesto,* quam Christus *Matth. 18.* omni tempore audiri iussit. Non enim una aetate solum habuit locum. *Qui Ecclesiam non audierit, sit tibi tanquam Ethnicus, & Publicanus,* sed quandiu erunt corripiendi in Ecclesia, omni videlicet aetate. Ac Luc 10. addidit Dominus: *Qui vos audit, me audit, & Matth. 23. quaecunque dixerint, facite.* Si Ecclesia visibilis errare posset, sane Christus eam audiri non praecepisset, multo minus omnia, quae diceret, fieri statuisset. Donatistae olim, sicut & nunc Sectarii, visibilem Ecclesiam perisse, ac in paucis tantum in Africa iustis remansisse contendebant, contra quos Augustinus lib. de unit. Eccles. cap. 19. disserens; neque, ait, tot testimonio commendaretur, quod erat cito periturum, & sic taceretur, aut quod solum esset relinquendum, aut ex quo solo totum esset reparandum. Et ex professo illud commentum lib. de unit. Eccles. & in Psal. 101. conc. 2. & in Psal. 147. & epist. 48. & pluribus aliis locis confutat. Hieronymus contra Luciferianos de sua paucitate gloriantes, ac in sola Sardinia Ecclesiam remansisse fabulantes, eos Christi crucem evacuare scribit. Tertullianus lib. de praescript. Fieri non posse ait, quod omnes Ecclesiae aberrerent, nullamque Spiritus sanctus respiciat. Nestorii superbiam Vincentius Lyrinensis in suo Commonitorio notat, dicentis, Ecclesiam in mysterio Incarnationis caecos doctores fuisse sequutam.

Præterea impossibile est, veram Christi in terris Ecclesiam omnino visibili forma carere. Nam homines, qui Ecclesiam veram hic constituunt, vel palam fidem suam confitentur, & idololatriam fugiunt, aut non. Si profitentur, jam conspiciuntur ab ipsis tyrannis, qui eos persequuntur. Si non profitentur fidem, sed ea corde retenta Idololatriam & hæreses profitentur jam non sunt Christi vera Ecclesia, in qua corde creditur ad iustitiam, ore vero confessio fit ad salutem, ad Rom. 10. Et, qui me negaverit coram hominibus, negabo eum coram Patre meo, Matth. 10. Quare, si professio fidei, verbique Dei prædicatio in terris desit, consequitur, nullam in terris esse veram Christi Ecclesiam, inferique portas adversus eam prævaluisse, atque Christi regnum dissipatum esse. Quod nunquam futurum Danielis 9. luculenter asseritur.

Potius Christi regnum exigit, ut specie quadam visibili cælestem præ se politiam ferat, ex qua Christum ibi regnare intelligi possit. Forma verò hæc visibilis Ecclesiae, quando maxime floruit, & juxta Prophetarum vaticinia Reges, Populi, Gentisque ad illam confluerunt, & diaboli, infidelitatisque dominium oppressum jacuit, prorsus eadem fuit, quam modò cernimus. Tempore siquidem Constantini Tempia, in eisque altaria fuerunt, populi ad Sacramentum, quod ibi quotidie offerebatur, conveniebant, pro vivis & defunctis orabant. Clericorum ordines erant varii; in Episcopos, Presbiteros, Diaconos, subdiaconos, inferiorisque gradus distributi. Apparebat Ecclesiae disciplina per excommunicationes, degradationes, per satisfactiones, laboriosasque pœnitentias. Reconciliabantur pœnitentes, baptizabantur adhibitis exorcismis, aliisque cæremoniis. Infantes renati per Episcopos chrismate consignabantur. Florebat monastica vita, honorabatur virginitas Deo consecrata. Christi, Sanctorumque Imagines in Templis cernebantur. Jejunium quadra-

Tom. I.

gesimæ, atque quatuor temporum magna religione ab omnibus fidelibus observabatur, nec non primaria festa, quæ hodie celebrantur. Ac inter cætera quoque plurimum eminebat ab ipsa Petri Sede continua Episcoporum successio, quorum sententiis hæreses damnabantur, ac eorundem auctoritate universa Christi Ecclesia regebatur, coherentibus sibi obedientiæ, concordiaque vinculo inferioribus sacerdotibus, populiue Christiani gubernatoribus. Extabant Patriarchæ, Primates, Archiepiscopi, Episcopi, alique inferiores Ecclesiae ministri.

Hæc exterior Ecclesiae politia sub omnibus Christianis ac fidelibus Imperatoribus, ac Regibus, aliisque Principibus catholicis, ubique terrarum conspicua fuit. Quod ex omnibus historiis, ac veterum scriptorum libris, qui priscis temporibus floruerunt, adeo perspicuum est, ut extremæ ignorantiae, aut impudentiæ fuerit, ea de re ambigere aut contendere. Imo, licet hanc exteriorem Ecclesiae formam nostræ ætatis hæretici tolerare nolint, illam tamen inviolatam magna ex parte veteres hæreses reliquerunt, at homil. 19. in opere imperfecto in Matth. apud Chrysostomum legere quis poterit, ubi in vestimentis ovium hæreticos venire dicit, quia systema Christianitatis præ se ferant, habendo sacerdotii ordinem, Altare, Sacrificium, Baptismum, Scripturas, &c.

Ecclesia verò super Petrum fundata, quæ à Tyrannis, hæreticis, aliisque hostibus acriter impugnatur, non tamen adversitatibus evertitur, aut minuitur, quin potius firmatur, & augetur, nec solum non obscuratur, sed etiam illustratur; quoniam in suis fortissimis sapientiæ, confessionis, patientiæque luce resplendet. Unde Hieronymus in epist. contra errores Joannis Hierosolymitani, persecutionibus, ait, Ecclesia crevit, martyris coronata est. Tertullianus in Apologet. Plures efficitur, quoties metimur. Semen est sanguis martyrum. Grana multiplicata in agro Dominico resurgunt. Prudentius hymno 4. Martyrum semper numerus sub omni grandine crescit. Hilarius lib. 7. de Trinit. Ipsa est, quæ dum persecutionem patitur, floret; dum opprimitur, crescit; dum arguitur, intelligit. Tunc stat cum superari videtur. Augustinus lib. 5. de civit. cap. 18. Leo serm. 1. de Petro & Paulo: Non minuitur persecutionibus Ecclesia, sed augetur, & grana, quæ singula cadunt, multiplicata resurgunt. Cyprianus in serm. de lapsis, sui temporis Christianos laudat, qui persecutionis urgentis ferociam, stabili congressione fregerunt. Justinus contra Triphonem inquit, persecutionem id esse Christi Ecclesiae, quod putatio in vite. In cuius rei typum Israëlita quo magis opprimebantur, eo magis augebantur, Exod. 10. Beda in Cantic. 5. Chrysostomus homil. 4. in cap. 6. Isaiæ, Bernardus serm. 76. in Cantic. Nec verbositate Philosophorum, nec cavillationibus hæreticorum, nec gladiis persecutorum potuit Ecclesia, vel aliquando poterit, superari.

## CONSULTATIO XVIII.

*De Notis Ecclesiae, per quas videtur, quæ prima est quod sit Vna. Vbi de Paganorum, & Hæreticorum discordia.*

**Q**uemadmodum Christus, in terris conversans, per sui corporis lineamenta oculis corporeis videbatur, & ab aliis hominibus discernebatur; sed per opera, quæ foris edebat, se Deum esse, demonstrabat, quod non cernebatur oculis corporis, sed oculo mentis, fideique credebatur; ita Christi corpus mysti-

C

cum



cum Ecclesia, in terris militans, externam habet formam, per quam veluti conspicuis sensui nostro notis videtur, atque ab omnibus aliis conventiculis discernitur ita, ut certa fide credere debeamus, hunc ipsum cœtum, in quo notas à Scripturis, & Symbolo expressis oculis intuemur, esse veram Christi Ecclesiam. Quemadmodum enim Christo in terris, visibiliter conversante, non sufficiebat in genere aliquem Christum credere, sed oportebat certo iudicio sibi persuadere, hunc Jesum, in quo signa videbantur, ex quibus merito credendum erat, quod ipse Christus esset, verum esse Christum, à Deo promissum. Sed uti Christus tunc ab iis, qui amabant, & oderant, videbatur, sed non æque agnoscebatur, ita nunc Ecclesia Christi vera, tam ab impiis, quam iustis, oculis aspicitur, sed sub propria notione à solis amatoribus agnoscitur, qui ceptas ejus tesseras, veluti propria delineamenta cernunt, & dijudicant.

Non enim desunt, qui Ecclesiam videant, ut lupo ovem, qui insita rabie ad eam dilaniandam incitatur, sicut Judæi Christum intuebantur, clamantes, *Crucifige eum*. Alii verò & oculis contuentur, & corde agnoscunt, mentisque iudicio amant, & piæ voluntatis studio sequuntur, ut prosequitur Augustinus in *psal. 149.* id illustrans exemplo eorum, qui *Matth. 21.* dixerunt, *Ecce, hic est hares; venite, occidamus eum.*

Cœterum, licet variæ sint Ecclesiæ notæ, quibus ab omnibus aliis hominum cœtibus discerni possit, attamen eas ad quatuor in Symbolo Constantinopolitano assignatas revocabimus, videlicet quod sit *Una, Sancta, Catholica, & Apostolica.*

Porro Unum multipliciter dicitur. Primum numero. Sic Ecclesia una est, quia non plures. Quæ tamen proprietas per seipsam non reddit Ecclesiam conspicuam; nam & singulis invisibilibus Angelis hæc unitas competit.

Secundo Unum dicitur aggregatione, sicut acervus granorum, grex animalium, unus panis ex multis granis, unum vinum ex multis acinibus.

Tertio Unum dicitur aptâ rerum diversarum conjunctione, unione, seu dispositione. Sicut dicitur unum corpus, una vestis, una domus, unus mundus.

Quarto Unum dicitur concordia, & animorum consensu. Sic *omnium credentium unum cor fuisse, dicitur Act. 4.*

Quamquam verò his quatuor modis Ecclesia Christi una dicatur, attamen duobus postremis, tanquam notis Una dicitur, quia ordinatam plurium membrorum unionem cum suo capite, ac inter se invicem in ea reperire liceat. Ex qua unitate fluit altera in animorum consensu sita, ut omnes ad eundem finem aspirent juxta illud Apostoli ad *Ephes. 4.* *Vocati estis in una spe vocationis vestra.* Similiter inde consensus emanat in eis rebus, quæ ad finem omnibus propositum destinantur, quæ partim in rebus, partim in factis consistunt, ut scilicet omnes idem dicant, credant, observent, & faciant quantum ad ea, quæ Dei cultum concernunt juxta Apostolum *1. Corinth. 1.* *Ut idipsum dicatis omnes, & non sint in vobis schismata,* & cap. 10. *Unus panis, unus calix.* Sub quibus cœterorum Sacramentorum ritus intelliguntur. Et ad *Ephes. 1.* *Unus Deus, una fides, unum baptisma.* Hanc verò animorum concordiam efficit unus Spiritus Sanctus, qui totum corpus Ecclesiæ regit, animat, movet, agit, docet. *Ephes. 4.* *Unus Spiritus, unus Deus, unus Dominus, unum caput, ex quo totum corpus connectum est.*

Quia tamen Christus visibiliter hic in terris remansurus non erat, quò facilius concordia jura firmarentur, hominum imbecillitati prospiciens, sui

loco, & vice visibile caput in terris constituit, cui omnes familiæ, Christi domestici, obedire tenerentur, ut se facturum insinuaverat *Matth. 24. Marc. 13. & Luc. 12.*

Et sanè id congruebat, ne rebelles Christiani se cum invisibili capite absente concordiam habere prætexerent, utque visibili capite constituto, in Ecclesia schismatis tolleretur occasio. Nam, si unius potestate multitudinis coerceri nequeat audacia, tot nascuntur schismata, quot erunt capita, ut Hieronymus contra *Luciferianos, & Jovinianum observat.*

Una ergo dicitur Ecclesia propter unitatem fidei, doctrinæ, sacramentorum, rituum, Rectoris, atque Capitis visibilis. *A prima enim sui origine Ecclesia per series ministrorum, & populorum in ea, quam primum accepit, religione decurrit,* ut notat Ambrosius in *Luc. cap. 11.*

Quod autem animorum concordia signum sit Regni Dei, & discordia regni diaboli, attestatur Dominus *Matth. 12.* *Omne regnum in seipsum divisum desolabitur* *1. Corinth. 14.* *Non est dissensionis Deus, sed pacis.* & *Joan. 13.* *In hoc cognoscent omnes, quod discipuli mei estis, si pacem habueritis ad invicem.* Augustinus *lib. 18. de civit. cap. 51.* ait, diabolus per hæreticos efficere conatum, ut in Ecclesia libera forent dissensiones, quomodo in Academiis Philosophorum, quæ mutuis dissensionibus consumptæ sunt. Sed à Deo, pacis autore aliter provisum est. Quoniam omnes sacri Scriptores, & veritatis assertores, licet diversis locis, temporibus, & linguis scripserint, tamen in omnibus fidei dogmatibus, tanquam uno Spiritu loquuti, per omnia consentiunt, Augustinus *eo lib. 18. cap. 41.* & Irenæus *lib. 1. contra hæres. cap. 3. 5. & 8.* Similiter omnia Conciliorum, Pontificumque decreta contra diversissimas, imò sæpe contrarias hæreses edita, planè consonant, ac in universum omnes per Orbem Catholici de omnibus fidei dogmatibus idem sentiunt, cum sensum suum unius summi Pastoris Ecclesiæ iudicio subijciant.

In Paganorum vero sectis nulla est unitas, nulla consensio, imò ab eisdem in eadem religione Dii constituuntur inter se dissentientes, ut *serm. 11. de verb. Dom.* Augustinus ostendit. Quanta verò inter Philosophos dissensio fuerit, declarat idem Augustinus *lib. 18. de civit. cap. 41.* Theodoretus *lib. de fide,* & Basilii *orat. 1. de opere sex dierum,* & nos *supra.*

Porro inter Hæreticos nullam esse concordiam, imò unam hæresim in plures mox dividi, omnium temporum Historiæ tradunt, de quibus etiam supra, quas cum luctu grassari videmus. Quæ licet sibi invicem adversentur, suæque dissensione se invicem consumant, attamen omnes istæ sectæ, veluti Samsonis vulpes caudis ab invicem colligatæ, catholicæ fidei unitatem, Ecclesiæque fruges, dissensionis incendio absumere nituntur.

Neque verò mirum sit, diversas hæreses inter se dissentire, cum ipsi hæreseon autores secum pugnent, ac sæpe contradictoria scribant, ut in Luthero, & Calvino plerique notarunt.

Et quidem Augustana Confessio sæpius mutata, & variè edita est. Similiter & Calvini institutionum libri, ut quæ prima fuerit editio penè ignoretur. Quod eis accidit, quod infallibilem veritatis autorem ac testem non habeant, sed inconstans, mutabile, ac errori obnoxium hominis iudicium. Ecclesia vero Spiritum sanctum, in omnem veritatem dirigentem, habet Magistrum, eique Christus æterna veritas auctoritatem dedit, infallibile testimonium de veritate perhibendi.

Nec verò quis obiiciat, etiam Doctores Catholicos inter



ter se in multis dissentire. Sciendum etenim est, distinguendas esse quaestiones fidei ab eis, in quibus, salva Christiana fide, licet dissentire, quia nondum sunt ab Ecclesia definitæ. Sic *Act. 15.* innoxia facta est inter Barnabam, & Paulum dissensio; inter Cyprianum, & Stephanum de baptismo hæreticorum inter doctores scholasticos varietas est opinionum; sed quoniam universi Catholici se se matris Ecclesiæ iudicio subiiciunt, idem se credere profitentur, & certam habent omnium controversiarum terminandarum, componendarumque regulam; ideo ex doctrina Ecclesiæ animorum conjunctio per se nascitur; ex hæresi verò, ubi quisque iudex esse vult aliorum, per se consequitur animorum irreconciliabilis dissensio, indeque divisiones, & schismata, partium studia, & bella, sicut ipsa nos experientia docet.

CONSULTATIO XIX.

*Quod unitas Ecclesiæ militantis potissimum in conjunctione cum Romano Pontifice consistat, quodque ex successione Romanorum Pontificum demonstratur.*

Cum unio membrorum Ecclesiæ inter se invicem potissimum ex unius supremi Capitis Ecclesiæ autoritate dependeat, manifeste sequitur, ad Ecclesiæ unitatem in primis requiri, ut quis supremo Ecclesiæ capiti obedientia se se subiiciat, ei connectatur, cohareat, communicet, suoque loco in corpore mystico, non secus ac quodvis membrum in corpore humano, consistat, alterius membri functionem non invadens, ne dolorem, perturbationemque pariat. Quod Apostolus *ad Ephes. 4.* similitudine corporis humani elegit illustrat, dicens, Christum esse Caput, ex quo totum corpus compactum, & connexum per omnem juncturam subministrationis secundum operationem in mensuram uniuscujusque membri, augmentum corporis facit in ædificationem sui in charitate.

Quæ autem sint membra istius mystici corporis quæ sibi invicem jungi debeant, dicens. *Unus Deus, & pater omnium, qui est super omnes, & per omnia, & in omnibus nobis. Unique autem nostrum data est gratia secundum mensuram donationis Christi qui ascendens in altum dedit dona hominibus. Et ipse dedit quosdam quidem Apostolos, quosdam autem Prophetas, alios verò Evangelistas, alios autem Pastores, & Doctores ad consummationem Sanctorum in opus ministerii, in ædificationem corporis Christi, donec occurramus omnes in unitatem fidei, & agnitionis filii Dei in virum perfectum, in mensuram ætatis plenitudinis Christi, ut jam non simus parvuli fluctuantes, & non circumferamur omni vento doctrina in nequitia hominum, in astutia ad circumvocationem erroris. Crescimus in illo per omnia, qui est caput Christus, ex quo totum corpus compactum, & connexum est per omnem juncturam subministrationis, augmentum sui corporis &c.*

Ubi Apostolus tradit, Christum ascendentem in cælum visibiles in terris reliquisse suos Vicarios, & Ministros, per quos Ecclesia doceretur, & Sacramentorum cibo pasceretur, nec non in veritatis agnitione conservaretur, detectis errorum magistris, lupis, & latronibus, qui fideles falsa doctrina, vel morum pravitate corrumpere niterentur. Ac hujus rei curam Dominum commississe, ait, constitutis Pastoribus, & Doctoribus, qui non uno seculo tantum perdurarent, sed usque ad consummationem seculi, quando electorum numerus, erit completus, corpusque Christi mysticum, id est Ecclesia, ædificari, hoc est augeri, mul-

tiplicarique desinet. Tunc non docebit unus proximum suum, quia cuncti electi limpida veritatis contemplatione perfuerunt. Quandiù verò periculum est, ne circumferamur omni vento doctrina, opus est pastorum, doctorumque ministerio, ut in una fide constantes permaneamus.

Quos autem Christus, in cælum ascensus Pastores & doctores totius sui gregis in terra reliquerit, *Matth. 28.* testatur Apostolis dictum, *Ite, docete omnes gentes.* Et *Joannes 21.* refert, Dominum Petro dixisse: *Pasce oves meas.* Quibus verbis Christus Petrum totius sui gregis universalem Pastorem fecit, totique Ecclesiæ præfecit, & suum in terris Vicarium esse voluit, eique tam oves scætas & parientes, significantes Episcopos, omnesque inferiores Ecclesiæ ministros, quàm agnos, id est, laicos fideles cujuscunque generis, ei subiecit, obediensque decrevit, ut, capite constituto, schismatis tolleretur occasio. Alioqui enim Pastores, & Episcopi dissiderent pluresque in Ecclesia magistri fierent *Jacob. 3.* Nam in multitudine nisi exors quædam uni potestas competat, qua omnibus imperare possit, tot erunt schismata, quot capita, & nullus erit ordo; sed quemadmodum apud demones sempiternus horror, & perturbatio.

Quod autem Primatum Petro datum noluerit Dominus, eo moriente, extingui, sed ad ejus successores transire, manifestum est ex illis *Matth. 16.* verbis: *Tu es Petrus, & super hanc Petram ædificabo Ecclesiam meam,* id est super te Cepham, sive Petrum, Republicam Christianam fundabo ita, ut tu sis Ecclesiam tuo, & successorum ministerio aucturus, confirmaturus, & usque ad sæculi finem gubernaturus, ac in unitate conservaturus. Hinc Cyprianus in *lib. de unit. Eccles.* inquit: *ut Dominus unitatem manifestaret, unitatis originem ab uno incipientem autoritate sua disposuit.* & Optatus *lib. 2. contra Parmenianum* ait, Petrum Apostolorum primum in Episcopali Cathedra Romæ resedisse, in quo vno Cathedræ unitas ab omnibus servaretur. Unde illam Ecclesiam Cyprianus *lib. 1. ep. 3. Principalem*, & *lib. 4.* dicit: *Unum Episcopatum multorum Episcoporum consensu numerositate diffusum.*

Ab hac Sacerdotis unitate originem à Christo per Petrum habente, docet idem Cyprianus, *Ecclesiam unam* dici *lib. de unit. Eccles.* Et *Leo epist. 84. & serm. 3. de sua ordinat. licet universa Ecclesia distinctis ordinata sit gradibus, ut ex diversis membris sacri corporis integritas subsistat, nos tamen omnes, sicut ait Apostolus, nec quisquam ab alterius ita divisus est officio, ut non ad connexionem pertineat capitis cujuslibet humilitas portionis.* Augustinus *lib. 1. de Doctr. Christ. cap. 16. Ecclesia corpus est Christi. Corpus ergo suum multis membris diversa officia gerentibus nodo unitatis, & charitatis adstringit.*

De hac eadem unitate disserit Prosper in *epist. ad Demetriadem*, & Gregorius *homil. 6. in Ezechiel.* Bernardus autem *lib. 3. ad Eugenium* scribere non dubitavit, ita hic sub uno summo Pontifice Patriarchas, Prælatos, Archiepiscopos, Episcopos, Presbyteros, vel Abbates reliquosque in hunc modum ordinatos, quomodo Seraphin, & Cherubin, cæterique usque ad Archangelos, & Angelos sub uno capite Deo sunt ordinati. Unde *Leo ep. 87.* exortem esse mysterii divini scribit eum, qui ausus sit à Petri soliditate recedere. Et Hieronymus in *epist. ad Damasum*: *Si qui Cathedra Petri jungitur, mens est. Beatitudinis, id est, Cathedra Petri consocior.* Et in epitaphio Marcellæ, Romam esse tutissimum contra hæreses refugium portum, docet. *Irenæus lib. 3. contra hæres. cap. 3. ad Romanam Ecclesiam, prop-*



ter potentior principalitatem, omnem debere Ecclesiam convenire asserit.

Quod autem unitas Ecclesiae militantis ex successione Romanorum Pontificum demonstratur, palam est. Nam quemadmodum unitas regni & familiae ex successione Capitum sibi invicem succedentium ostendi solet, ita Ecclesiae unitas ex successione Romanorum Pontificum sibi invicem continue in Petri cathedra succedentium evidenter comprobatur. Quia sicuti ad Christi ovile non pertinuerunt, qui se à Petro cunctarum ovium Christi Pastore diviserunt, ut Simon Magus & alii fidei hostes, ita & hodie ab Ecclesia convincuntur esse alieni, quicumque Petri, & successorum ejus cathedrae non communicant, sed vocem Lutheri, Calvini, aut cujuscunque alterius novi magistri, sprete Romanae Ecclesiae doctrina, excipiunt, audiunt, consecretantur.

Unde certissima Veteribus fuit ad haereticorum, vel schismaticorum conventicula dignoscenda, nota, & tessera, si cum Petro, aut Romano Pontifice, Petri successore aliquis communione jungeretur, aut ab eo divisus alteri societati se se adjungeret, forsque doceret, aut discipulos colligeret adeo, ut & Apostolus Paulus post annos quatuordecim à sua conversione secundum revelationem ascenderit Hierosolymam, ut cum Petro Evangelium, quod in Gentibus praedicabat, conferret, ne forte Paulo Ecclesia non crederet, si eum à Petro dissentire putaret.

Quare & nunc veluti ad Lydium lapidem examinanda est omnis Doctrina, utrum cum Petri, & Romanae Ecclesiae traditione consentiat. Quod si dissentiat, adulterina doctrina est. Ita Veteres omnes Ecclesiastici scriptores unanimi consensu docent, Irenaeus lib. 3. cap. 3. Cyprianus lib. de unit. Eccles. & lib. 1. epist. 6. Tertullianus lib. de praescript. Ambrosius orat. de obitu Satyri, Hieronymus ad Damas. epist. 57. Augustinus contra epist. fundam. cap. 4. & epist. 165. atque alibi, Optatus lib. 2. contra Parmen. aliique.

## CONSULTATIO XX.

*De secunda nota Ecclesiae militantis, quod sit Sancta. Et quomodo sanctitas, in animalisens, Ecclesiae nota constitui possit?*

**A**D primum. In Symbolo non solum unam esse profiteamur Ecclesiam, sed etiam quod Sancta sit. Sanctum autem pluribus modis dicitur.

Primo, quod Deo consecratum, sive dedicatum est, Levit. 27. *Animal si quis voverit Domino, sanctum erit.* Ezech. 37. *Inter Sanctum & profanum, non habere distantiam.* Hac significatione Israëliticus populus vocatur Sanctus Deuter. 7. & 14. ac Exod. 19. Eadem significatione Apostolus Ecclesiam Sanctam appellat 2. Corinth. 1. & ad Colos. 1. ac alibi. Quia per baptismum Deo consecrata sit ad ei jugiter inservendum: Et Petrus ep. 1. cap. 2. *Vos genus electum, Regale Sacerdotium, Gens Sancta.* Eadem significatione Templum Sanctum dicitur 1. Corinth. 3.

Secundo Sanctum idem est, quod purum, mundum, ut sanctitas immunditiei opponatur. Sic Apostolus ait 1. Corinth. 7. *Filii vestri immundi essent, nunc autem sancti sunt.* & 2. Corinth. 7. *Mundemus nos ab omni inquinamento carnis, & spiritus, persi-*

*cientes sanctificationem in timore Dei.* Et Luc. 1. *U serviamus Domino in sanctitate* ac 1. Petr. 1. In omni conversatione *Sancti sitis.* Dionysius Arcopagita de divin. nomina. cap. 12. *Sanctitas est, ait, libera, perfecta, ab omni scelere munditia.* Cyrillus lib. 10. in Joan. cap. 25. *Sanctum est, quod à mundi foribus longe abest.* Juxta hunc modum Ecclesiam quoque Sanctam profiteamur, quia Deo cohaereat, à mundo sit segregata, quae sursum sunt sapiat & quærat, non quæ super terram. Qua ratione ab haereticorum, schismaticorumque conventiculis longe abest, quæ non nisi carnalia sapiunt, & quærun.

Tertio Sancta dicitur Ecclesia, quia omnis ejus professio sancta est, nihil falsi, aut injusti continens, quantum ad fidei, aut morum doctrinam. Sanctissimis enim legibus, & sacris caeremoniis, aliisque ad pietatem incitamentis veram rationem pertrahendi ad sanctimoniam tradit. Qua nota distinguitur Ecclesia ab omni secta Paganorum, Philosophorum, Judæorum, Turcarum, Haereticorum, atque Schismaticorum, quarum nulla est, quæ non contineat exploratos errores, rectæque rationi adversantes: quoad doctrinam, vel mores, ut Arnobius lib. 4. & sequentibus contra Gentes, & Augustinus lib. 7. de civit. ex professo demonstrant. De Philosophis idem exequitur Theodoretus lib. 9. de affect. Græcor. Ostendens, Lycurgi legibus permitti adulteria, Persarum legibus incestus nuptias cum matre, filia, sorore. Massagetarum legibus, ut senes à propinquis devorentur, ex turribus deiciantur, aut canibus obiciantur. Legibus Scytharum vivos cum mortuis sepeliri. Legibus Platonis communionem uxorum, pedicatum, extinctionem conceptuum, cædes infantium permitti. Alcorano Mahumetis docetur, quod Judæi, Christiani, & Turcæ in suis legibus salventur, & quod futurae vitæ beatitudo consistat in cibo, potu, uxorumque complexu.

Quam autem nefanda hæreses commendaverint, testatur Epiphanius de Gnosticis hæres. 26. quod scortationes probaverint. De Carpocratianis hæres. 27. quod omne genus scelerum admiserint. Augustinus hæres. 26. Montanistas refert, obrulisse sacrificium ex sanguine anniculi infantis. Manichæorum deliria recenset Augustinus hæres. 46. Donatistæ seipso interimebant, aut occidere nolentes interficiebant, ut martyres fierent, teste Augustino ep. 50. Lutherani dicunt, infantes, dum baptizantur, audire verbum Dei, credere, Deum diligere. Quod asserere, est injuriam humanis sensibus facere, ait Augustinus ep. 57. Anabaptistæ nocturna conventicula, in quibus caninas nuptias exercent, celebrant, Calvinistæ docent, omnia necessitate absoluta evenire.

Ergo hæresis doctrinâ suâ polluit, legibus suis bonos mores evertit, sacrificium, quo Deus placatur, è medio tollit; hominibus ad omne genus vitiorum portas aperit, Deumque ipsum omnis sanctitatis fontem, malorum autorem statuit. At Ecclesia nullam turpitudinem, nullum errorem, nihil contra rationem docet, quamvis multa supra captum humanum, quin potius mores honestissimos exigit, pacem, & concordiam fovet, obedientiam erga superiores, corporis castigationem, jejunia, cælibatum, virginitatem, continentiam, paupertatis voluntariam electionem commendat, ad virtutum quarumcunque officia, & Evangelicæ perfectionis consilia complectenda hortatur, ac colendi Dei ratione castissima utitur.

Proinde meritò sola Ecclesia Sancta prædicatur. Augustinus lib. 2. de civit. cap. 28. *Nihil in Ecclesiis Christianis turpe, & flagitiosum proponitur, ubi veri Dei, aut præcepta insinuantur, aut miranda narrantur, aut dona*



dona laudantur, aut beneficia postulantur. Et lib. 22. cap. 7. *persuadebatur veritas nova consuetudini, sed non contraria rationi.* Lactantius lib. 4. cap. 30. *Sciendum est, illam esse veram Ecclesiam, in qua est religio, confessio, & poenitentia, qua peccata & vulnera, quibus subiecta est imbecillitas carnis, salubriter curat.* Optatus lib. contra Parmenianum initio: *Sanctitas Ecclesiae de Sacramentis colligitur. sancta est Ecclesia in votis, sancta in sacrificiis, sancta in ministeriis, sancta in caeremoniis, sancta in omnibus & singulis observationibus, qua ad Dei cultum ab ea usurpantur.*

Quarto Sancta dicitur Ecclesia, quoniam in se continet veræ Sanctitatis fontem. De quo Zachariae 13. *Erit fons patens domui David, in ablutionem peccatorum, & menstruata.* Qui fons sic in Ecclesia est, ut extra eam vera sanctitas comparari nequeat. Foris sanctitatis species, vestimenta ovium reperiuntur, non autem vera sanctitas. Quod significatur Ezechielis 47. ubi pisces in palustribus locis consistentes, dicuntur non sanari.

Quinto Sancta dicitur Ecclesia, tanquam corpus à suo capite, Augustinus in Psal. 85.

Sexto Sancta dicitur Ecclesia, ut corpus à spiritu suo, quia Spiritus sanctus Ecclesiam regit, vivificat, continet, sanctificat.

Septimo Sanctum dicitur, quod est firmum, & inviolabile. Qua significatione Leges, & Civitatum muri Sancti dicuntur, nec non homines in iustitia confirmati. Sic Apostolus ait 1. Corinth. 3. *Siquis Templum Dei violaverit, disperdet illum Deus. Templum enim Dei Sanctum est.*

Sed hic occurrit dubitatio. Quomodo Ecclesia plurimos continens malos, potius Sancta, quam impura dici queat? Respondendum est, Ecclesiam recte Sanctam dici, quia in ea sola sit vera sanctitas, multique in ea sancti omni tempore comperiuntur. Melior autem est unus timens Deum, quam mille impii, Eccles. 17. Nec putandum est iustos impiorum permissione inquinari. Quia nemo adultus operibus alterius polluitur, nisi consentiat: Sic enim immundum tangere censetur 2. Corinth. Apud hæreticos, & schismaticos autem nulli verè sancti, sed omnes impii sunt.

Ad secundum. Ut item hominis anima per se invisibilis, ex motu, actionibus, & operibus externis apparet, ita Ecclesiae Sanctitas in externis virtutum officiis relucet juxta illud Christi Matth. 5. *Sic luceat lux vestra coram hominibus, ut videant opera vestra bona.* Et ad Philip. 2. *Lucetis sicut luminaria in mundo.* ac 1. Petri 2. *Ut ex bonis operibus vos considerantes, glorificent Deum,* & cap. 4. *Admirantur, non concurrentibus vobis in eadem luxuria confusionem.* Quod ab Isaia prænuntiatur cap. 55. *sicut terra profert germen suum, & sicut hortus semen suum germinat, ita Dominus Deus germinare faciet iustitiam, & laudem coram universis gentibus.* Quod per gratiam novi Testamenti, ac prædicationem Evangelii Christi per totum Orbem impletum esse conspiciamus. Tunc enim paupertas voluntaria, virginis decus, vidualis castitatis observatio, conjugalitatis puritas, propriæ voluntatis abdicatio, jejuniorum assiduitas, vestium, honorum, epularum, pompæ, & caducarum rerum omnium contemptus, vigere passim ubique cœperunt. Tunc modestia, vitæ sinceritas, mutua charitas, mundissimus Dei cultus, abjecto carnali Judæorum, ac impuro Gentilium ritu in omnibus gentibus effulserunt, ut ex cap. 4. Act. epistolisque Apostolicis, nec non Ecclesiae primitivæ historiis abunde liquet.

Quinimo siquis animo revolvat Ecclesiae Catholicæ magistros, primum Patriarchas, & Prophetas, deinde Apostolos, aliosque, Christi Discipulos, qui per universum Orbem Evangelicam doctrinam seminarunt, ac Doctores, qui contra singulas hæreses pro veritatis

elucidatione dimicarunt, nec non institutores singulorum religiosorum Ordinum, eos omnes, tam pios, sanctos, à Deo illuminatos, castos, sobrios, humiles, rerum futurarum amatores, præsentiumque contemptores fuisse deprehender, ut nihil vel ab hostibus fidei, nisi nimia sanctitas reprehendi possit. Sicut de sui temporis monachis attestatur Augustinus lib. de morib. Eccles. cap. 31. & 34. ubi contra Manicheos disserit, qui solum in vitia quorundam Catholicorum intenti, oculos à consideratione virtutum in plurimis consuecant avertentes, persuadere nitebantur, Catholicos omnes improbos esse. Quem verò perpetuum esse hæreticorum morem, idem Augustinus epist. 137. tradit. Ideoque hæreticis obijci crimina minus convenire dicit, quibus securè obijci possit, quod non sint Catholici, quia mala vita hæresim, aut schisma non contineat, cum in Ecclesia non desint, quorum vituperanda sit vita.

Ex quo tamen consequens non est, sanctitatem non discernere Christi Ecclesiam ab impuris hæreticorum, schismaticorumque conventiculis, quia bona vita non nisi intra Ecclesiam agitur, mala verò intus, & foris. Unde in Ecclesia semper multi sunt sancti, quamvis permisceantur aliqui mali. Sed ex hæreticis nullus omnino est sanctus, aut absolute bonus. Quod ex discursu vitæ Catholicorum animadverti potest.

Quales enim primi Ecclesiae magistri fuerint, historia sacra exponit. Qualibus vero post Apostolos plantatoribus, rigatoribus ædicatoribus, pastoribus, nutritoribus Sancta Christi Ecclesia creverit, Ecclesiastica historia docent. De qua re loquens Augustinus lib. 2. in Julianum. *Isti sunt, ait, Episcopi, & Pastores docti, graves, sancti, veritatis acerrimi defensores;* Cyprianus lib. 4. epist. 2. Episcopos fuisse ordinatos dicit, ætate provectos, fide integros, in pressura probatos, in persecutione proscriptos. E contra verò Gentilium doctores fuerunt aut Poetæ leves, aut Philosophi superbissimi, ut Theodoretus lib. de legib. ostendit.

Hæresiarchæ verò ad unum omnes ex ambitione, fastu, avaritia, odio, vel invidia exorti sunt adeo, ut Augustinus lib. de Pastorib. cap. 8. intrepide asserat, quod una Mater Superbia omnes hæreses genuerit. Id, quod de Simone Mago, Ario, Nestorio, Pelagio, Luthero, Calvino, & aliis, historiae illorum vitam describentes, attestantur. Vide Bellarminum lib. 4. de Eccles. cap. 13.

Elucet insuper Ecclesiae Sanctitas ex veris miraculis, à plerisque Sanctorum in suæ fidei, ac doctrinæ confirmationem, Deo assistente patratis, qualia nunquam ab Ethnicis, Turcis, Judæis, vel hæreticis facta esse, constat, sed per solos veræ Dei Ecclesiae ministros. Quibus admirandis operibus se in Ecclesia Catholica retentum fuisse, confitetur Augustinus lib. contra epist. fundam. cap. 4. & 5. ac lib. de util. cap. 14. & 17. totumque mundum ad fidem fuisse miraculis perductum ait idem Augustinus lib. 22. de civit. cap. 8. Quando itaque Augustinus lib. de unit. Eccles. cap. 16. & in Joannem tr. 13. inquit, *non esse credendum miracula facientibus, nihil aliud, intendit quam docere, non esse certum id, quod mirum apparet, statim verum esse miraculum, cui oporteat intrepide acquiescere.*

Sæpe enim hæreticorum miranda sunt mendacia, speciem divinæ virtutis habentia, non veritatem, ut antea quoque annotavimus. Lege Bellarminum lib. 4. de Eccles. cap. 14. & Joannem Lensæum lib. item 4. de Eccles. cap. 12. Sunt enim miracula extraordinariæ missionis veluti sigilla secundum illud Joan. 5. *ipsa opera, qua ego facio, testimonium perhibent de me.* Similia habentur Joan. 10. & 14. ac Marci ultimo: *Prædicaverunt ubique Domi-*



no cooperante, & sermone confirmante, sequentibus signis. Ad Heb. 2. Constante Dea signis & virtutibus Matth. 11. Renuntiate Joanni, quæ audivistis, & vidistis, significans, nihil efficacius ad fidem comprobendam esse miraculis. Inde Christus Joan. 2. miraculum edendo, gloriam suam manifestasse dicitur, id est divinitatis testimonium protulisse.

## CONSULTATIO XXI.

## De tertia nota Ecclesiæ.

**T**ertia Ecclesiæ proprietas est, quod sit *Catholica*, id est Universalis per totum Orbem dispersa. Unius profecto fidei splendor à Solis ortu usque ad occasum per omnia loca, per cunctas hominum nationes, per omnia denique tempora diffusum est juxta illud Act. 1. *Eritis mihi testes in Hierusalem, & in omni Judæa, & Samaria usque ad ultimum terræ.* Unde colligit Augustinus, Ecclesiam vocari Catholicam à toto Orbe lib. de unit. Eccles. cap. 2. 3. & 6. ac epist. 48. 50. 161. & 170. & lib. 4. contra Crescon. cap. 60. comparat Ecclesiam arbori, cujus rami per Orbem sunt extensi.

Hac itaque nota distinguitur Ecclesia ab omni hæresi, quæ certo loco ebullit, & emoritur. Optatus lib. 2. contra Parmen. vocat Ecclesiam *Nationalem*, quia per omnes nationes porrecta sit. Pacianus in epist. 11. *Catholicam* dici tradit, quia per omnes gentes, & loca diffusa sit juxta illud Apostoli ad Rom. 1. *fides vestra annuntiatur in universo mundo.* Et ad Colos. 1. *Evangelium in universo mundo est, & fructificat.* Quod Genes. 22. prænuntiatur fuit: *In semine tuo benedicentur omnes Tribus Terræ.* Et Psal. 2. *Postula à me gentes,* & Psal. 35. *Confitebor tibi in Ecclesia magna.* & Isaïæ 51. *Redemptor tuus, Deus omni terræ vocabitur.* Et passim Scripturæ omnes Evangelicam doctrinam in universo terrarum Orbe prædicandam clamant, Ecclesiamque Christi non fore hic, aut ibi tantum, sed ubique, semper, & apud omnes nationes. Id enim *Catholicum* vocatur, quod ab omnibus, quod ubique, ac semper creditum est, Lyrrensis contra hæreses. Quod nomen inter cunctas hæreses sola sic Ecclesia retinuit, ut Pagano interroganti, ubinam ad Catholicam conveniatur, nullus hæreticorum suam Basilicam ostendere audeat, Augustino teste lib. contra epist. fundam. cap. 4. Immo in Psal. 21. Augustinus eos, qui agnoscere nolunt Ecclesiam, per omnes gentes diffusam, ait, cum Scripturis debere litigare. Et in Psal. 101. conc. 2. contra Donatistas, *fabulantes Ecclesiam in sola Africa remansisse*, atque Hieronymus contra Luciferianos, *asserentes Ecclesiam in Sardinia latere*, docent ex totius Orbis communione Catholicam agnosci. Idem Optatus lib. 2. contra Parmen. confirmat, & Cyrillus catech. 18. Pacianus in epist. ad Sympron. *Catholicum nec Marcionem, nec Apellem, nec Montanum sonat, nec hæreticos sumit autores.* Et infra: *Christianus mihi nomen est, Catholicus verò cognomen.* Illud me nuncupat, istud ostendit. *Hæresis autem à primo sui dogmatis autore nomen sortitur, nomenque Christianum is relinquit, à quibus discedit.* Sic 1. Corinth. 3. schismatici dicebant: *Ego sum Apollo, ego Paulus, ego Cepha.* Sunt enim distincti cognominibus, ait Justinus contra Triphonem, denominati ab hominibus, ut quisque fuit autor nova alicujus doctrinæ. Ireæus lib. 1. cap. 10. *Habent nomina à principe impiissima sectæ.* Lactantius lib. 4. cap. 30. *Christiani esse desierunt, qui Christi nomine amisso, humana, & externa vocabula induerunt.* Achanaius fer. 2. contra Arianum: *A Christo Christiani sumus,*

& nuncupamur, qui aliunde fidei suæ originem deducunt, merito autorum suorum nomina præ se ferunt. Chrysostomus hom. 33. in Act. *Ab hæresiarcho nomine illi appellantur. Nobis autem nullus vir nomen dedit, sed fides ipsa.* Hieronymus contra Luciferianos: *Sicubi audieris eos, qui dicuntur non à Domino Jesu Christo, sed ab alio aliquo nominari, scito, non Ecclesiam Christi, sed Antichristi esse synagogam.* Unde Hilarius lib. ad Constantium fideles contra vim Arianorum exclamasse commemorat: *Catholicus sum, nolo esse hæreticus. Christianus sum, non Ariannus.* Epiphanius hæres. 68. successores veterum Christianorum suis Ecclesiis inscripserunt, ait: *Ecclesia Catholica.* Meletianos verò suis: *Ecclesia martyrum.* Quare veteres hæreticis, tamquam fractis ab arbore ramis obici voluerunt, quod non essent Catholici. Cyprianus lib. de unit. Eccles. Optatus lib. 2. contra Parmen. Augustinus lib. de unit. Eccles. cap. 4. & epist. 137. ac lib. de util. creden. cap. 14. & 17. Terullianus de præscrip. cap. 37. *Quid estis? unde venistis? Quid in meo agitis, non mei?* Absurdissimum quidem censet Augustinus lib. de unit. Eccles. cap. 14. & 15. Quod Donatistarum hæresis post trecentos annos ex Carthagine per omnem terram propaganda esset. Quid vero nunc ille diceret, si post mille quingentos, vel sexcentos annos, novam ex Saxonia, Geneva, vel quovis alio mundi angulo protrudi religionem videret? Imo cudi, ac recudi novas indies fidei confessiones? Providit enim Deus, ut nulla una, & eadem secta ubique sit, neque diu perduret, sed instar aquæ decurrentis, in torrente citò siccetur, & emoriatur, ut notat Augustinus in Psal. 57. Cyprianus lib. 4. epist. 2. comparans igni levi, qui citò promicat, & in principio fervet, sed mox languescit.

Quia verò hæretici dum pauci sunt, de sua gloriari paucitate solent, ut de Cresconio refert Augustinus lib. 3. cap. 66. contra eundem, qui agebat: *In paucis frequenter est veritas, errare multorum est.* Eunomius quoque hortabatur, ne quis vellet multitudinem mendacium à veritate discernere, ut refert Basilii lib. 1. contra eundem. Sciendum est, nos non simplici Christianorum multitudine niti, sed autoritate commoveri plurimorum divinarum Scripturarum præstantissimorum Interpretum, nos tot Martyres, tot Confessores, tot Sacerdotes, Christianique gregis Pastores, ac Duces sequi, qui eximia, divinaque sapientia pleni fuere, vitæ admirabilis, quorum plurimi suam doctrinam miraculis confirmarunt. Talem præcedentium multitudinem Augustinus Julianum intueri volebat lib. 1. contra Julianum cap. 7.

Ad hanc Ecclesiæ notam revocari potest non interrupta Ecclesiæ duratio, antiquitas, amplitudo. Et sciendum, tam particulares Ecclesias, quàm unumquemque fidelem, quia Catholica Ecclesiæ pars sit, usu recepto Catholicum dici.

## CONSULTATIO XXII.

## De quarta Ecclesiæ nota, &amp; de nomine Papæ &amp; Papistæ.

**Q**uarta Ecclesiæ nota est, quod sit *Apostolica*, id est Apostolorum ministerio fundata, & Apostolorum Principi B. Petro, ejusque successori Romano Pontifici adhæreat. Apostolica enim dicitur



tur propter originem, successionem, & Apostolicam Sedem. In hac enim sola Ecclesia reperitur Episcoporum ab Apostolis usque ad nos deducta successio. Unde omnes veteres hac successione, tanquam evidentissimo argumento, ad veram Christi Ecclesiam discernendam, uruntur. Irenæus lib. 3. cap. 3. à Petro usque ad Eleutherium Romanos Episcopos recenset, per quam successionem omnes hæreses confundi scribit, & lib. 4. cap. 42. illis Sacerdotibus adherendum docet, qui successionem ab Apostolis habent, quibus solis veritas tradita sit. Tertullianus lib. de præscript. cap. 32. Edant hæretici origines Ecclesiarum suarum, evolvant ordinem Episcoporum suorum, ita per successionem ab initio decurrentem, ut primus ille Episcopus aliquem ex Apostolis vel Apostolicis viris habuerit autorem, & antecessorem.

Hoc enim modo Romanorum Ecclesia Clementem à Petro ordinatum, refert Eusebius lib. 3. cap. 4. & in Chron. Roman. Episcop. successionem enumerat, ut ex ea continuatio Ecclesiæ pateat. Epiphanius hæres. 27. Optatus lib. 2. contra Parmen. Donatistas alloquens, Vos, inquit, cathedra vestra originem ostendite, qui vultis sanctam Ecclesiam vobis vendicare. Hieronymus contra Luciferianos in ea permanendum Ecclesia docet, quæ ab Apostolis fundata in hunc usque diem perseverat. Augustinus, epist. 162. & 165. à Petro usque ad Anastasium Romanos Pontifices enumerat. Et in psalmo contra partem Donati. Numerate, inquit, Sacerdotes vel ab ipsa Petri sede. Et lib. contra epist. fundamen. cap. 4. Tenet me in Ecclesia à sede Petri Apostoli, cui pascendas oves suas Dominus commendavit, usque ad presentem Episcopatum successio Sacerdotum. Et lib. de util. creden. cap. 17. illius Ecclesiæ gremio condere se Christianum oportere asserit, quæ ab Apostolica sede per successiones Episcoporum frustra hæreticis oblatrantibus culmen autoritatis obtinuit, & lib. 28. contra Faustum cap. 2. & 4. urget Ecclesiæ successionem usque ad suam ætatem. Et Hieronymus epist. 57. ad Damasum: Cathedra Petri communione confocior. super illam Petram Ecclesiam edificatam scio. Quicumque extra hanc domum Agnum comederit, profanus est. Similiter Cyprianus super Petrum Ecclesiam edificatam, affirmat lib. 1. ep. 3. & lib. 4. epist. 9. Basiliius homil. 9. de pœnit. & Hilarius in 16. cap. Matth.

Ex quibus sequitur, schismaticas Ecclesias, quæ ad aliquem Apostolorum successionem referunt, ut Moscovitæ ad B. Andream, vel ex eo posse convinci non esse Apostolicas, quoniam primariæ Apostolicæ Sedi super quam Ecclesia Christi ordinatione fundata est, non adhæreant. Unde iis evenit, ut ab ipso capite discedentes, fidem & instituta ab ipsis Apostolis tradita, non retineant, neque diu Apostolicum depositum custodiant 1. ad Timot. 6.

Sed non immerito quærit aliquis, cur Ecclesia super fundamento Prophetarum, & Apostolorum fundata, Ephes. 2. potius Apostolica, quam Prophetica vocetur?

Respondeo, novi Testamenti Ecclesiam nuncupari Apostolicam à suis ædicatoribus, plantatoribus, rigatoribus, pastoribus, & rectoribus, quales fuerunt Apostoli, non autem Prophetæ, qui Synagogam veteris Testamenti duxerunt, quæ, ut umbratica, ita quoque Prophetica, & Mosaiica dici potuit. At discussis, impletisque veteris Testamenti figuris, exorta lux Evangelica, per omnes gentes Apostolorum ministerio delata fuit, & ex filiis tenebrarum evocati lucis filii, Ecclesiam novi Testamenti adauxerunt, donec omnia mundi regna pervaderet juxta illud Isaïæ cap. 60. Ambulabunt gentes in lumine tuo, & Reges in splendore oriis tui. Leva in circuitu oculos tuos, & vide; omnes isti congre-

gati sunt, venerunt tibi. Et cap. 49. Ecce dedi te in lucem gentium, ut sis salus mea usque ad extremum terræ.

Siquis autem ambigat, cur Apostoli in Symbolo hanc, quod Apostolica sit, notam, non posuerint, sicuti Sanctam & Catholicam? Respondeo, evidens id fuisse, dum viverent, suoque labore Apostoli Ecclesias fundarent; at quod esset omni tempore sancta futura, & per totum Orbem propaganda Christi Ecclesia, tunc non videbatur, sed credebatur. Accedit, quod Apostoli maluerint suos discipulos vocari Christianos, quam Apostolicos; ne potius se ipsos, quam Christum velle celebrare viderentur. Deinde Prophetiam Deuter. 25. adimplere conveniebat, qua fratri sine liberis defuncto, superstes ei generare, illiusque nomen primogenito imponere jubebatur, ut defuncti fratris nomen celebre remaneret, ut exponit Augustinus lib. 32. contra Faustum cap. 10.

Sed cum progressu temporis dubitari potuisset, quanam doctrina verè esset Apostolica, declarandum fuit, quod id facile disci posset magisterio ejus Ecclesiæ, quæ Apostolica esset origine, sacerdotum continua successione, atque pastoralis autoritatis culmine, ut sicut in veteri Testamento Christus ex sola posteritate Abraham, atque in familia Davidis quærendus fuerat, ita novi Testamenti tempore, Christi corpus, quod est Ecclesia, ejusque vox, & doctrina in ea sola societate quæreretur, quæ ab Apostolis esset per legitimorum succedentium Episcoporum ministerium congregata, & summo Pastori Petro, ejusque successoribus communione adhereret. Ad hanc Petram Deus nos recurrere voluit, ut ex hac successione ad originem deveniamus, sicut per rivulum pervenitur ad fontem, & rami arboris per truncum radici adherent, varique ad unum Solem radii perducunt.

Porro nomen Papa, unde, quæ ejus notio, à quod ævo, & quid sonet, quive hoc titulo quondam decorati, variæ sunt sententiæ. Lege Pamelium ad Tertullian. lib. de pudic. cap. 13. numer. 101. & ad epist. 3. S. Cypriani. S. Ignatium epist. ad Mariam, Vualfridum lib. de reb. Eccles. cap. 7. Ferrarium lib. 3. de epistol. Eccles. cap. 1. Duarenium lib. 1. de sacris ministr. cap. 10. Savarum ad lib. 6. Sidonii epist. 1. Baronium ad Roman. Martyrolog. 10. Januarii, Sirmundum ad epist. 1. lib. 4. Ennodii, Remundum Ruffum ad cap. 17. Molinæ, Corrasium Miscel. cap. 5. & præ cæteris Ignatium Braccium de Eshymologia nominis Papa, quide hac voce differit plenissime.

Ego puto, nomen Papa idem sonare, quod Pater Patrum, qui titulus recte cadit in Romanum Pontificem. Et ita Remigius Altisiodorensis de celebrat. Missæ, & Thomas Illyricus tr. de potest. Papa 5. non igitur, qui præmissa confirmatioe multiplici, quod omnes Sacerdotes dicantur Patres fidelium, addit, ut pateat Romanum Pontificem esse patrem cæterorum Patrum, inditum illi esse nomen Papa quod quidem usu receptum est, ac decreto Gregorii VII. anno 1073. in Synodo contra schismaticos firmatum, ut solus Romanus Pontifex, Papa diceretur. Id, quod apud Græcos quoque invaluisse, non quidem jam ab ævo Justiniani, ut scripsit post Ruffum Pamelius ad citatam epist. 3. S. Cypriani, sed longè serius, docemur ex Nicetæ Chroniatæ, & aliorum scriptis.

Papa itaque quasi Pater Patrum accommodatione quadam Summus Ecclesiæ Pontifex usu recepto vocatur, & Papatus, seu Pontificatus non gentis, aut sectæ nomen est, sed potestatis, quam Christus in Ecclesia sua perpetuam esse voluit.

At verò ab hoc nomine Sectarii Catholicos per contemptum Papistas, & Pontificios appellant, quæ tamen nomina in se nihil mali continent; quia non à particu-



ticulari aliquo homine, qui novæ alicujus sectæ autor extiterit, deducuntur, ut hæreticis proprium est, sed his nominibus Catholici denominantur ab iis, qui Christi nomine Ecclesiam gubernant. Papa enim & Pontifex fuit Christus atque Petrus, universalis Ecclesiæ Pastor ac Rector ab eodem constitutus, ut postquam per ascensionem in cælum visibiliter hic præsens esse desineret, ejus nomine ac vice Domini gregem pasceret, ac regeret.

Papistæ ergo nomen nihil aliud significat, quam hominem, Papæ communionem tenentem, seu Petri Cathedræ, summoque Ecclesiæ Pastori, & vero Christi Vicario adhærentem. Proinde Papistæ, atque Pontificii nomina, veritatis confessionem continent. Attestantur enim, quempiam verum esse Christi, Apostolorumque discipulum, amatorem, atque germanum Christianum. Quod optandum, & æterna laude, non autem vituperio dignum est. Probrosus quidem esset denominari à privato quopiam sectæ artifice, & audire vel Arrianum, vel Lutheranum, vel Calvinistam: At Romanus Pontifex non est privatus quispiam novitatum faber, sed est persona maximè publica cui Christus Vicariam Ecclesiæ suæ Præfecturam concedidit, ut proinde ab eo nuncupationem trahere perinde sit ac fidelem & Catholicum denominari. Multus est Cardinalis Hosius variis epistolis, ut ostendat nemini debere probrosus videri, quod Papista dicatur, nominatim *epist.* 79. 111. & 209. optimeque olim S. Chrysostomus *hom.* 3. in *acta* admonuit non esse erubescendum de quacunque tali denominatione.

Sicuti verò Hæretici nunc per contemptum obediētes Ecclesiæ filios *Papistas* vocant, ita Judæi maledico ore, & animo dixisse leguntur: *Tu discipulus illius sis*, de Christo loquentes *Joan.* 9. Et Ariani Catholicos vocabant *Homousianos*, id est, *credentes Filium Patri consubstantialem*. Quod verissimum erat. Augustinus *lib. de util. cred. cap.* 17. refert, Ecclesiæ Catholicæ ab hæresibus diversa imponi solere nomina. Et Ambrosius *in orat. de obitu Satyri*, Romanum & Catholicum idem significasse testatur.

### CONSULTATIO XXIII.

*Quas Ecclesia notas hæretici assignent? Et, Quanam prior, ac notior sit, Ecclesia, an Scriptura Sacra?*

**A**D primum quod attinet. Externas Ecclesiæ veræ notas Sæctarii varias assignant, quæ ad duas revocari possunt. Prior est *pura Evangelii doctrina*. Posterior autem est *Sacramentorum juxta Evangelium administratio*. Sed cum in schismate istæ notæ reperiuntur, Christi veram Ecclesiam discernere nequeunt, ut probat Augustinus *lib. 2. contra Cresconium cap.* 29.

Præterea notas non communes, sed proprias esse oportet. Atqui hæc duæ notæ ab omnibus sæctis opinionione sua vendicantur; unaquæque enim de Scripturarum intelligentia gloriatur, seque juxta Christi præscriptum sacramenta ministrare contendit.

Deinde nota, re cujus est, notior esse bebet. At notior est vera Christi Ecclesia, quam vera Scripturarum intelligentia, quæ ab Ecclesia discitur, ut veteres uno consensu docent ex Christi dicto: *Qui Ecclesiam non audivit* 1. *Matth.* 18. Et ex Apostoli doctrina *ad Ephes.* 4. tradentis, Christum posuisse Pastores, & Doctores, à quibus veritatem audiremus, & in dubiis instrueremur, ne essemus sicut parvuli fluctuantes. Irenæus *lib. 3. cap.* 4. Tertullianus *lib. de præscript.* Augustinus *contra epist. fundament. cap.* 5. & *lib. de util. creden. cap.* 14. Cum enim Ecclesia jus habeat testificandi de vera Scriptura, cur non etiam interpretandi, ac exorta de Scripturæ sensu controversia dijudicandi? Atqui testem ac judicem, atque doctorem oportet notiozem esse quam sit doctrina, quæ à

doctore petenda sit. Non igitur vera prædicatio Ecclesiæ nota constituenda est, vni scire nequeamus, quanam vera sit Scriptura, & quis ejus genuinus sensus, nisi ex testimonio veræ Ecclesiæ.

Sed obiiciunt Sæctarii, Chrysostomum *homil.* 49. in *Matth.* in opere imperf. dicentem, non nisi per Scripturas cognosci, quanam vera sit Ecclesia.

Respondeo, illum autorem non esse Chrysostomum, sed quendam Arianum; nihilominus dictum ejus posse intelligi, verum esse quando contra eos disputatur, qui Scripturas recipiunt, & de Ecclesia dissentiunt. Tunc enim ex Scripturis facile ostenditur, ubinam Ecclesia certò reperienda sit, non tanquam ex nota Ecclesiæ, sed quia Scriptura luculenter Ecclesiæ notas designet, qualis nimirum sit, ubi cæperit, quomodo creverit, quousque progressa sit, quibus pastoribus, & rectoribus adhærere debeat. In eum sensum non humanis documentis, sed divinis oraculis Sanctam Ecclesiam demonstrari, asserit Augustinus *lib. de unit. Eccles. cap.* 2. & 3. & *epist.* 166.

Ad secundum. Ecclesiam absolute priorem, & notiozem esse Scriptura sacra, vel inde liquet, quod multis annorum centuriis Dei Ecclesia fuerit ante omnem Scripturam, quæ tandem per Prophetas, & Apostolos à Deo Ecclesiæ tradita fuit, ut illam conservaret, aliisque communem faceret, ac si opus foret, illam interpretaretur, verumque illius sensum cum autoritate dijudicaret ita, ut ab illius judicio nulla restaret in terris provocatio, sed qui magistrum hanc audire noller, velut Ethnicus, & Publicanus, à Christi hæreditate alienus, haberetur, *Matth.* 18.

Sciendum tamen est, aliquando contingere, Scripturam esse quibusdam notiozem ipsa Ecclesia, quando videlicet de vera Christi Ecclesia controversia excitatur, & Scriptura utrinque recepta, de illa clarum perhibet testimonium. Sicut, dum contra Donatistas in sola Africa Christi Ecclesiam concludentes, Augustinus disfereret, ex Scripturis palam loquentibus eosdem convicit.

E contra verò subinde accidit, ut Ecclesia notior sit ipsa Scriptura, cui testimonium perhibet. Et ita probatur unum ex alio, quæ sibi invicem attestantur. Ut, quando de parvulorum, vel hæreticorum baptismo Scriptura obscure testimonium perhiberet, & nota esset Ecclesia, tunc Augustinus Ecclesiæ testimonio ratum esse parvulorum, atque hæreticorum baptismum comprobavit.

Atque ex his facile respondebitur ad quæstionem, utrum Ecclesia suam autoritatem à divina Scriptura, an è diverso Scriptura ab Ecclesia fortiaur?

Respondeo, aliud esse autoritatem, aliud veritatem. Hanc enim Scriptura à solo Deo accipit, sed testimonium, quod sit vera & infallibilis, ab Ecclesia. *Non enim*, ait Augustinus, *Evangelio crederem, nisi me autoritas Ecclesiæ commoveret*, contra *epist. fundam. cap.* 4. sed postquam Scriptura Ecclesiæ testimonio autoritatis apicem adepta est, vicissim Ecclesiæ testimonium præbens, autoritatem ei conciliat, non secus ac Joannes Baptista Christo testimonium perhibuit, dicendo: *Ece Agnus Dei, qui tollit peccata mundi*. Itera *Hic est, qui baptizat*. Et vicissim Christus Joanni testimonium magnificum dedit, eique autoritatem comparavit, dicendo: *Inter natos mulierum non surrexit major Joanne Baptista*.

Ex quo insuper exemplo clare patet, Scripturam, Verbumque Dei non hominum subijci judicio, quando Ecclesia ei perhibet testimonium de vero sensu, & intelligentia; neque etiam asserit, verbum Ecclesiæ majoris esse autoritatis in se, quam verbum Dei Scripturis contentum in se sit. Nam verbum Dei est illuminans, at verbum Ecclesiæ est lumen illuminatum. Proinde illud candelæ ardenti, hoc autem lucernæ ab alio lumine lumen suum mutuanti comparatur.

Tantam nihilominus Ecclesiæ Christus autoritatem con-



concessit, assistentiamque Spiritus sancti, omnem veritatem suggerentis, promissit, ut in omnibus, quæ fidei & pietatis sunt, proponendis, errare nequeat. Quare merito concludimus, illum habentem, ut Ethnicum, qui Ecclesiam non audierit, *Math. 18*. Nec habiturum Deum Patrem in cælis, qui Ecclesiam non habuerit matrem in terris, ut sæpe diximus. Sicut enim universi homines inundante diluvio, qui in Noë arca non fuerunt, mortui sunt, ita superveniente universali iudicio, externa morte obruentur quicumque extra Ecclesiæ Christi societatem deprehendantur.

CONSULTATIO XXIV.

De divisione personarum ratione Religionis.

**E**X hæcenus dictis ratione Religionis ita dividimus personas. Qui fidem Christianam non habent sunt Idololatæ, Pagani, seu Gentiles, aut Ethnicus, Judæi, Turcæ, live Saraceni, Apostatæ à fide. Certum est enim, quidquid à fide Christiana discrepat, legi christianæ esse contrarium, *l. Cælicolarum C. de Juda. Quod & dixit Deus: Qui non est mecum contra me est.*

Qui fidei Jesu Christi adhæret, fidelis & Christianus dicitur, *can. mater Ecclesia de conservat. d. 4. ex D. Augustini lib. 1. de merit. & remis. peccat. cap. 25.*

Qui vero prius eam receperit, & postea in aliquo vel in quibusdam articulis ab ea dissentit, pertinaciter errorem defendens hæreticus, *can. hæreses, can. dixit Apostolus 24. q. 3.*

Si in totum eam relinquat, & transeat in Paganismum, vel Judaismum, Apostata, *l. 1. § toto tit. de Apostat.*

Si verò se separat, non quidem à fide, sed ab unitate Ecclesiæ, ei rebellando, schismaticus, Augustinus contra Crescon. & in quest. in D. *Math. cap. 2. Optatus lib. 1. contra Parmen. Hieronym. ad cap. 3. epist. ad Tur. can. inter hæresim 24. q. 3.* Qui primum è gentilitate venit ductus voluntate credendi in Christum, & viva voce in fidei christianæ mysteriis instruitur, Catechumenus. Qui Deum esse neget, Atheus.

CONSULTATIO XXV.

De Pagani, seu Gentilibus, aut Ethnicis.

**P**agani dicuntur infideles, & extra Ecclesiam positi Idololatæ, *cap. quum sit laudabile de Judæis, qui legibus Canonis, seu Ecclesiasticis non ligantur, cap. gaudemus de divor. Quamvis indirecte subiiciantur, cap. post miserabilem, & cap. quanto de usur. Et cap. & si Judæis, de Judæis.*

Paganus à pago dictus, pagus à fontibus circa quos rustici cogunt vicos, & villas aquationis facilius causa, ut ait Festus. Unde Paganus pro ignaro, & amuso, ac rustico. Sic opinor Perlius se vocat semipaganum *satyr. 1.* quasi semifontanum, non omnino aqua fontis Mularum participem. Sic quoque D. Augustinus recte vocat Ethnicos, seu Infideles, idololatras, paganos, velut barbaros, & ignaros veræ legis, & inde Paganismus, error, live infidelitas.

Paganorum autem nomine Jurisconsulti fere semper intelligunt ignobiles, non milites, quos illis opponunt *l. ius nostrum ff. de reg. jur. l. si ignorans ff. locati.* Item apud Cæsares, & apud juris Pontificii auctores Paganus pro alieno à fide christiana, qui colit Idola ponitur, ut *iii. C. ne christianum mancipium hæreticus, vel Judæus, vel Paganus habeat, vel possideat, & tit. C. de Pagani & sacrificiis eorum*, Optatus Milevitanus hos dicit Paganos, ut alienos à civitate Dei, & in pagis extra eam civitatem viventes.

Gentiles verò ac Ethnicus pro eodem ac Pagani, pro Idololatris *Ethos* gentem significat, inde Ethnicus, Hebræis *gor*, gentilis. Hieronymus opponit Ethnicum Christiano contra Jovinianum, dum ait: *Et si ducenda essent uxores, Christianas tantum accipi juberet, an Ethnicas.* Extra populum electum reliquas nationes, tanquam

à salute alienas, & infideles, gentes vocavit sacra Scriptura, monuitque populum, ut Idololatras vitaret, *Deuter. 7. D. Math. cap. 15.* donec Deus & eas vocavit ad cognitionem veritatis, & ad conversionem ab infidelitate *Isaia cap. 2. & 66. Act. 2. & 18. ad Rom. 15. ad Galat. 1. & 1. ad Timoth. 2.* vocati & aliquando Græci pagani, ut in Ecloga Basilicorum *lib. 1. tit. peri ellinom.*

Judæi universi, qui fidem Messie habuerunt venturi, ac verum Deum coluerunt, dicti sunt, quanquam nomen ab uno tantum filiorum Jacob, primogenito nempe, à Juda habuerunt, ex cujus genere Christus natus est, ut docet D. Augustinus. Ab illis Palestina regio in Syria dicta Judæa, ubi habitaverunt, à qua tamen hodie exules, & vagi per universum mundum dispersi sunt. Dicti & Israelitæ à Jacobo duodecim Patriarcharum patre, qui à Deo Israël nominatus est, *Genes. 32.* dicti & Hebræi ab Heber abnepote Sem, filii Noachi benedicti, in cujus domo fertur conservata lingua prima, & cognitio veri Dei, in divisione linguarum, *Genes. cap. 10. & 11.* ut habetur *ex libro Seder Gnola Hebraorum cap. 2.* Vide & Suidam in *v. Hebræi.* Ad Hebræos scripsit epistolam D. Paulus, etsi nonnulli non esse Pauli minus recte dicant. Extat & novella, ut liceat Hebræis secundum traditam legem Sacras Scripturas Latine, vel Græce, vel alia lingua legere, *Novel. 136.* Tertullianus *lib. 18. Apologet. Hebræi*, inquit, *retro, qui nunc vocantur & Judæi.* Manethon etiam apud Josephum scribit *Hycos*, vel *Hyocufos*, ut scribit Eusebius *lib. 10. præpar. Evang. vocatos*, quod sacra Egyptiorum lingua, Reges, Pastores significat, pro quo facit *cap. 6. Genes. scribit & Artapanus apud eundem Euseb. 9. præpar. dictos fuisse Hermuth.*

Hæc autem gens ab initio fuit populus peculiaris Dei veri, qui etiam ei mysteria sui cultus, & futuri Messie adventum propalavit. Et Eusebius *cir. lib. 9. ac 10.* & Porphyrius Judæos dixerunt natura Philosophos, ut scribit Paulus Israelita *ad præcepta Judæorum in præfat.* ubi etiam refert Megasthenis eandem sententiam, & Platonis opinionem *1. vol. de bono.* Dio quoque Cassius *lib. 37.* scribit, omnes, qui ritum Judæorum servassent, Judæi nomine appellatos, etiam alienigenos, quare autem, se ignorare. Hosque multum Romæ, & alibi multiplicatos, legum potestatem vicisse, unum Deum coluisse, nullum simulachrum in Templo habuisse. Fuerunt ita ritus Judæorum pluribus in locis observati, etiam inter non Judæos, veluti circumcisio signaculum repromissionis, & fidei Messie, *Genes. cap. 17. v. 9. & seq. Levit. 12. v. 3. Judith. 14. v. 3. Luc. 1. & 2. Act. 7. v. 8.* usitata apud Colchos, Egyptios, Ethiopas, quos Syri, Phænices, qui sunt in Palestina docuerant, ut autor Herodotus in 2. fuerint in summa ab initio venerabiles Judæi ac celebres ubique terrarum ante adventum Christi.

Postquam verò malitia propria, & invidia obcecati, Dominum nostrum Jesum Christum, verum in lege illorum etiam promissum Messiam rejecerunt, & crucifixerunt, coeperunt esse sibi, ac omnibus gentibus abominabiles, & malitia obdurati, conati sunt quoque sacram legem depravare, ut docet Galatinus *lib. 1. adversus Judæos cap. 8.* & quia lucem quoque Scripturarum amiserunt juxta professionem *Isaia cap. 2.* & adhuc adhærent cortici legis, impotentes mentem ejus assequi, unde & Judaizare dicimus, verba sequi simpliciter, non mentem *cap. un. §. fin. de sacr. unct.*

In Lege quippe antiqua, cui mordicus sine distinctione adhærent Judæi sunt præcepta & moralia & mystica. Moralia, quæ mores informant, ut diliges Deum tuum. Non occides &c. de quibus in *can. quid in omnibus 32. q. 7.* Mystica sunt, quæ aliud significant præter id, quod littera sonat, quorum quedam sunt cæremonialia, alia Sacramentalia. Sacramentalia sunt, quorum ratio reddi potest,



test, ut est præceptum Circu meifionis, & observationis Sabbathi, quæ translata sunt, translato, Sacerdotio, cap. translato de constit. cap. majores de baptisim. Cæremonialia sunt, quorum ratio reddi non potest. Quare ad litteram præcepta, ut, *non arabis in bove & asino, non facies vestem de lino & lana contextam*, can. in novo 6. q. 7.

Lex porro antiqua divina, quantum ad præcepta moralia, non est immutata; sed cæremonialia & sacramentalia mutata fuerunt, quantum ad sonum, seu superficiem litterarum, at non quantum ad mysticum sensum, & intellectum ejus litterarum, can. Marcion 1. q. 1. & can. fin. §. fin. d. 6. ibique Glos. Sic vetus Testamentum fuit transitorium, hircorum, ac vitulorum sanguine dedicatum, temporalia promittens. Novum autem, quod fuit sanguine Christi consecratum, & confirmatum, promittit æterna, & æternum manet, cap. cum Martha §. cæterum de celebrat. Missarum. Sic in pluribus distinguuntur Judæi à Christianis, & Judæi alieni à Religione, & fide Christiana hodie sunt.

De Turcis, Turcarumque nomine, omittis controversiis, placet, Togurman, de quo Genes. 10. Turcico nomini dedisse originem, & ita etiam Elias in Tisby censet, ac meminit de his Ezechiel cap. 27. vocans Thorgama Thurnos. Turcas vocari à Plinio docet Hermolaus in suis castigationibus Plinianis lib. 6. cap. 7. Theodorus Gaza ex Scylace, Turcas dicit eos, qui apud Strabonem dicuntur Curtii, quos Romani contracte Curtos vocant. Et à Scythis, qui C. usum montem habitant inter Pontum Euxinum, & Caspium mare, originem habere, omnes fere consentiunt. Sic Plinius ait, Turcas populum Scythiarum lib. 6. cap. 7. & Mela sub finem libri, etsi quidam aliter legat, sed ridicule, & Herodotus in 4. facit litterarum hos per Magog significant alicubi. Nam Magog, Hebræis est Scythia, erantque ibi Idololatrarum ex numero eorum, quos Paganos diximus, quales & erant Sarraceni, antequam admitterent Mahumetica impietatem.

Fuerunt isti Turcæ ex Israëlitis genere, ut docet de his omnibus Nicephorus Calixtus lib. 18. histor. Eccles. cap. 30. Ita Turci, & Turcomanni dicuntur, qui aliquando ex Scythia, & Tartaria Orientali Turkestan nomine, erumpentes, Alanos, Colchos, Armenios, Capadocas, & magnam Galatiæ partem, Persas, & Sarracenos gladio infestarunt, Rege existente nomine Seldulch, regnante Pipino, Caroli Magni patre, anno Domini 756. ut scribit Egnatius lib. 2. Gulielmus Tyrius lib. 1. belli Sacri cap. 7. Meminit Ammianus Marcellinus de Sueco oppido inter Thraciam, & Daciam, ubi angustiarum, & claustra Succorum, ubi Lazius munimentum esse putat, quod hodie dicitur Turkzuest; neque quisquam ideo dubitavit nomen Turcarum ortum à Suecorum nomine, sive legamus cum Rhonano verorum, quia nomen commune, & idioma loci conversionem similem retinet litterarum Turkzuest. Unde vulgo Turcæ dicti. Ex ea gente hodie & Asia Minor, & Major, & Cilicia impletur.

Sarraceni, Sarracenia Arabiæ Petreæ regio apud Ptolomæum, qui cum Plinio Sarracenorum urbem Attram vocat, sitam in Arabia fœlici, Hebræis Sarraceni dicti Chassuin, ut ait Arias Montanus. Inter Persas, & Ofrænam, Mesopotamiam, & Euphraticam provinciam constituuntur Sarraceni à Justiniano, cum quibus & illi matrimonia contraherent, in constitutione ejusdem Justiniani tertia tit. de his, qui in Ofræna, & Mesopotamia illicitas nuptias contrahunt, cui & conjungenda Novella Justiniani alia 154.

Amianus Marcellinus de Sarracenis lib. 14. sic scribit: Amici, nec inimici Romanis unquam, nec habendi

nistro citroque, tempore Galli Caesaris disursantes, ut milvi, subito omnia rapiebant. Harum gentium exordium ab Assyriis, & porrigitur usque ad Nili cataractas, & confinia Gethiniarum. Omnes pari sorte sunt bellatores seminudi, coloratis sagulis pubes tenuis amicti, equorum adjumento pernicium, gracilium camelorum per diversa reptantes in tranquillibus, vel turbidis rebus. Nec eorum quisquam stryam apprehendit, aut arborem colit, aut arva subigendo quarit victum, sed errant semper per spatia longe lateque distenta sine lare, sine sedibus fixis, aut legibus per fervens diutius cælum; visa semper illis est in fuga, uxoresque illis mercenaria conductæ ad tempus &c. qui plura addit de victu illorum ex ferina carne, & potu lactis, non vini ac de aliis. Meminit & Sarracenorum Sextus Rufus in Trajano: Sarracenorum, inquit, & Arabum loca occupavit.

Sarracenorum Arabum antiqua gens ex suo initio Idololatriæ deservit, melius Agareni, quam Sarraceni dicti. Nam & Ismaëlitarum dicti ab Ismaële, à quo descendunt, qui fuit primogenitus Abrahæ ex ancilla Agar, à qua Arabes illi Agareni nati per duodecim Principes generis multiplicati, & maledicti. Quorum Ismaëlitarum natio, quemadmodum auctor eorum Ismaël natus secundum carnem ex Abrahamo, & ancilla persequeretur Isaac filium natum ex libera Sarra, secundum promissionem genitum, sic ea persecuta est fideles primum Judæos, dehinc Christianos ad Galat. 4. Genes. 16. can. si gens Angelorum de 56. Ipsi verò Ismaëlitarum, ut prestantiores haberentur, noluerunt amplius dici ab Agar, Agareni, sed à Sarra, tanquam ex libera, Sarraceni. Cæterum Mahumetes regnavit in Arabia, filius perditionis, & pseudo-Propheta per decem annos, & illi facti Mahumetani, qui ibi habitabant Sarraceni, Clem. un. de Judæis.

## CONSULTATIO XXVI:

Quæ Judæis, & Sarracenis, seu Turcis permissa inter Christianos?

**I**udæis, quamdiu feruntur inter Christianos; permissum fuit suas omnes inter se ferias, & festivitates servare juxta ritum parentum suorum, cap. & si Judæos de Jud. & cap. sicut Judæi eod. tit. can. qui sincera d. 45. Dummodo sine contemptu Christianæ Religionis ritus suos colant; nam ita facere prohibentur, l. Judæos, & l. die Sabbatho C. de Jud. l. Christianis C. de Pagan. Permissum fuerat Judæis Legibus Romanis filios tantum suos circumcidere, non alios non suæ superstitionis; alioquin si fecissent, pœna castrantis puniebantur, l. circumcidere ff. ad leg. Cornel. de scar. & perpetuo exilio cum bonorum proscriptione, l. Judæi C. de Jud. Imponitur & eis alia pœna à canone in can. nulla §. si qui d. 54. Fuit permissum etiam aliquando sub Clemente IV. Pontifice, Sarracenis sub legibus in Italia vivere à Carolo Rege Hierosolymorum, fratre D. Ludovici, ut scribit Platina in vita ejus Clementis.

De Sarracenis, qui & Pagani, ac infideles sunt, idem dicendum, si modò non persequantur Christianos, & velint pari jugum, quod imponitur Judæis, neque quicquam in contumeliam Domini nostri moliantur, & si sustinentur in interim dum de salute eorum proxima speratur, idque sine injuria, sine etiam ullis sacrificiis impiis illorum Idolis ac sine Templis. Sic notatur in can. de par. 23. q. 8. & in cap. in nonnullis de Jud. l. 2. C. de Pagan. l. 2. C. de sum. Trinit. & fide sath. l. Conventicula C. de Episcop. & Cler.



*Cler. Clem. un. de Jud. ubi Cardin. n. 3. ac Imola.* Ratio autem, cur Judæis liceat inter Christianos Synagogas, & ferias habere, non autem Gentilibus sive Paganis, Sarracenis ac Turcis, dies festos agere, nec Tempia & Meschitas habere, ea est, quia Judæi unum colunt Deum ac verum, Pagani vero Idola, Sarraceni, & Turcæ Mahumetum, impium, ac nefandum pseudopropheta. Nec Judæi sunt adeo detestabiles sicut Gentiles, sive Sarraceni, ac Turcæ. Nam fides Judæorum habuit principium veritatis, ut per Bald. in d. 1. 2. num. 4. *C. de sacra Trinit. & late Petrus de Carcaſona in l. quoniam in fine C. de heret.*

Licet autem est communicare cum Infidelibus in rebus politicis, ac civilibus. Colligitur ex illo 1. Cor. 7. v. 12. *si quis frater uxorem habet infidelem, & hæc consentit habitare cum illo, non dimittat illam.* Et cap. 10. 27. *si quis vocat vos infidelium, & vultis ire, omne, quod vobis apponitur, manducate.* Hic concedit Apostolus duplicem communicationem cum Infidelibus. Unam in matrimonio, alteram in cibo, & potu. Hæ autem videntur esse præcipuæ inter eas, quæ solent fieri in rebus & actionibus civilibus. Si igitur hæ duæ licitæ sunt, reliquas omnes licitas esse verisimile est. Excipitur tamen casus, si quis ex tali communicatione timeret periculum defectionis à fide. Tunc enim deberet abstinere. Quia eodem præcepto, quo prohibetur defectionis, prohibetur etiam periculum defectionis, & consequenter communicatio, in qua est tale peccatum.

Nullo tamen modo licitum est communicare cum infidelibus in iis rebus, & actionibus, quæ directe pertinent ad cultum infidelitatis. Colligitur etiam ex illo 2. Cor. 6. num. 14. *Nolite jugum ducere cum infidelibus.*

Licet autem verò est, admittere infideles ad prædicationem verbi Dei, non tamen ad sacrificium Missæ. Ita D. Thomas in 3. p. q. 80. ar. 4. ad 4. ac definitum est in Concilio Carthagenensi 4. can. 84. qui sic habet: *Episcopus nullum prohibeat ingredi in Ecclesiam, & audire verbum Dei, sive Gentilem, sive Judæum, sive hereticum usque ad Missam Catechumenorum.* Quæ verba referuntur apud Gratianum can. *Episcopus de consecr. d. 1. ac tot. tit. de Pagan. & sacrif. eorum in cod.*

Hoc tamen eodem tempore distinguere debent Judæi, & Sarraceni inter Christianos viventes signo externo publice delato in habitu, seu pileo, ne damnatae commisionis excessus, per velamen erroris hujusmodi ulterioris excusationis possint habere diffugium, d. cap. in nonnullis de Jud. Non licet etiam Judæis aut Paganis inter Christianos novas extruere Synagogas, aut Templum, cap. consultuit, & cap. 3. de Jud. l. hac valitura C. cod. tit. Licet tamen Judæis, ut ibidem dicitur, antiquas, si habeant, reficere. Minusque Sarracenis, Turcisque Mahumeticis, meschitas, Clem. un. de Jud. ubi ex Concilio Vienneſi interdicitur publice invocare nomen Mahumeti, vel peregrinationes ad sepulchrum alicujus Mahumetani, quem habuerint pro sancto, facere. Quocirca si Pagani, vel Idololatæ voluerint habere simulachra rejiciendi sunt, & puniendi morte, can. non solum 28. q. 1. maxime si Christianos ad infidelitatem provocent, Deuter. cap. 3. v. 6. Satiis & erit si Principes hujusmodi homines omnino tollant, nec permittant impiam hanc superstitionem, quæ nocet Reipublicæ, & habet impios homines, juxta ea, quæ describit Salomon Sap. 14. v. 27. ibi: *Infandorum cultura.* Jusſit Constantius, alique Cæsares, claudere templa Paganorum, ac tolli eorum sacrificia, imposita proſcriptione bonorum, ac mortis supplicio apertentibus, & sacrificantibus l. nemo venerandi & l. seq. ac l. 1. & 2. C. de Pagan. & sacrif. eor. Niceph.

Calixtus lib. 8. cap. 18. & 25. Legitur in Nomocan. tit. 4. c. 4. & 10. Græca Constitutio, nuper per compendium transcripta in nove excusis Codicibus Justiniani sub tit. de Paganis in fine, per quam non licet Paganis docere quancunque doctrinam, nec publica licet frui illis annonæ. Quare multo magis prohibentur, docere, ac profiteri suam impietatem, & Christiani discere: culpa enim par est, discere, ac docere prohibita, l. culpa C. de malef. & mathem. De Templo Judæorum Hierosolymitano Rufinus scribit lib. 10. hist. Eccles. cap. 8. & 39. quod Judæi cum Juliano Apostata à fide, Imperatore, conati sunt reedificare in odium Christianorum, sed terræ motu, & igne suborto, prohibitos.

Sic tamen hujusmodi infideles sub spe conversionis ad Christum inter Christianos aliquando sustinentur, ut inhibitu sit Christianis cum Judæis habitare, manducare, bibere, lavari, aut ab illis medicamentum accipere. Quod si quisquam aliter fecerit, si Clericus sit, deponendus erit; si laicus excommunicandus, can. Apostolorum 69. in sexta Synodo e. 11. & in can. 13. nullus eorum 28. q. 1. Quidam in medicis distinguunt, ut pharmaca quidem simplicia possint à Judæis emi, non mista, & ut in casu necessitatis, si alius medicus non sit, vel si sit, sed non idoneus, possit quis Judæo uti. Vide Angelum, & Rosellam n. Judæus. Consortium etiam Judæorum prohibetur in can. omnes 28. q. 1. Extrat & canon Apostolorum 70. quod si quis Christianus oleum ad sacra Gentilium, aut in synagogam Judæorum in festis eorum detulerit, aut lucernas accenderit, à communione excludatur. Oleo enim utebantur etiam Gentiles in templis suis l. si sponsus §. 12. ff. de donat. inter vir. & uxor. Quamvis aliquando permissum fuerit Christianis cum Ethnicis, aliisque quàm Judæis cibum capere, can. Infideles 22. q. 2. can. ad mensam 11. q. 3. Olim porro licuit potius cum Ethnicis cibum capere, quàm cum hæreticis, & excommunicatis; quia sperabatur de salute eorum, hodie nec cum illis licet; quia discretionem habent ciborum d. can. ad mensam, ubi ratio; nisi si quando quis mittatur Ecclesiastes ad infideles convertendos, quia licebit de cibis illorum edere, dummodo contra prohibitionem canonum non edat, cap. quam sit laudabile de Judæis, & ibi explicat Glossa.

Prohibitum Christianis cum Judæis, Paganis, aliisque infidelibus conjugium inire, can. non oportet, can. cave, & can. si quis Judaica 28. q. 1. & ibi in contrahentes pacta excommunicatio. Jure civili pœna adulterii in l. nequis christianam C. de Jud. Prohibetur & hæc conjunctio cum infideli in sacra pagina Genes. 6. Exod. 34. 2. Esdræ 9. 3. Reg. 11. Act. 1. & 1. ad Cor. 6. Deuter. 1. v. 21. & cap. 7. v. 3. & cap. 24. v. 1. Concilio Laodicensi c. 3. Chalcedonensi c. 14. Carthagenensi can. 21. apud Tertul. 2. ad uxor. apud Cyprian. 3. ad Quirinum, apud Augustin. lib. 1. de adult. conjug.

Nec obest, quod Moyses aliquando sibi conjunxerit Æthiopissam can. plerumque, §. item obicitur 2. q. 7. Quia illud fuit in figura, quod Dominus aliquando copulaturus sibi esset Ecclesiam ex Gentibus, de can. plerumque §. his itaque respondetur. Rursum in Concilio Toletano 4. cap. 61. unde sumptus can. sex malorum 28. q. 1. Ubi sic statuitur: *Quicunque ex his, qui baptizati sunt, à modo consortia infidelium non vitaverint, & illi Christianis donentur, & illa publicis adibus deputentur.* Sic imponitur pœna corporalis conjugium cum infidelibus attentantibus juxta leges civiles, ut in can. constituit 17. q. 4. cap. in Archiepiscopatu de raptor. Alioquin Ecclesia non judicat de infidelibus, quia extra Ecclesiam sunt, cap. gaudemus de divort. & can. multi 2. q. 1. Sim-



Complex etiam coitus tum Judæo Christianæ, vel contra, ignis pœnam habuit ex Poëtio *dec. 316. n. 5. Clarus lib. 5. sententiarum §. fornicatio n. 26.* refert, se vidisse damnatum Judæum, qui Christianam cognoverat pœna decennii ad trirēnes, & Oldrad. *conf. ult.* ait, statutum contra Judæum, qui Christianam etiam cognovisset, ut ei abscinderentur virilia, eaque vidisse ante palatium affixa. Communis etiam Doctorum opinio est, ob id Judæum, vel Christianum non damnari ad mortem, sed ad aliam pœnam, ut scribit Boer. *d. dec. 316.* puta pecuniariam secundum Alciatum *conf. 458.* & Alexand. *conf. 13. vol. 7.* An autem & quatenus puniri possint in S. Officio, alibi docuimus.

Quinimò inter infideles matrimonium contractum, si alter in infidelitate velit remanere, fidelis infidelem debet relinquere, si in contumeliam Creatoris esset conjunctio, *cap. quanto*, & *cap. gaudemus de divort.* Unde *can. non solum*, & *can. Sic enim recedere 28. q. 1.* Sic, si unus ex Judæis infidelibus fiat Christianus, altero remanente in infidelitate, fidelis ab infideli Judæo abire debet, *can. Judæi, qui Christianis mulieribus 28. q. 1.* ex Concilio Toletano 4. c. 62. *ibique.* Glossa, quæ multis modis distinguit. Unaque cum fidei transibunt filii in infidelitate nati minores in favorem fidei, & à parente infideli separantur, ne ejus involvantur erroribus, Concil. Tolet. 4. c. 59. & *can. Judæorum filios 28. q. 1.* ubi tamen Glossa ait, non esse filios per vim baptizandos; nam alioquin brevi desinerent esse Judæi; nec verum esset dictum, quod reliquæ Israël salvæ fient. Adde superioribus similem textum in *§. fin. de convers. infidel. lib. 3. tit. 34.*

Eadem ratione propemodum prohibitum est cuiuscunque generis, vel sexus Christianis famulatio domesticum intervire Judæis, aut Paganis, qui contra fecerint excommunicationi subiiciuntur, *cap. Judæi cap. ad hæc*, ubi ratio, de Judæis. Satutum & ne nutrices Christianæ sint Judæorum. Quod si Judæi habitas non reliquerint, interdicitur illis omne commercium cum Christianis, *d. cap. ad hæc & cap. Etsi Judæos de Jud.* Quæ pœna contumacibus Judæis solet imponi, ut in *d. cap. & si Judæos*, & *cap. postulasti de Jud. cap. cum sit nimis absurdum eod. tit. cap. post miserabilem*, & *cap. quando de usur. cap. 2. de testib. in 6.* Et est excommunicatio indirecte, per quam excluduntur à consortio Christianorum Judæi, ut notat *Glos. in Clem. 1. de testib. & in Clem. un. de usur. & in cap. Judæi sint de Jud.* Cum tamen aliquin, nisi in prohibitis, consortium permittatur illis Christianorum *Clem. un. de Jud. d. cap. ad hæc*, *ibique.* *Glos. v. assidui.* Ideo coloni agrorum eorum possunt esse Christiani, *cap. 2. de Jud.* permittiturque illis libertas imponendi pretium rebus suis, vel præfectis eorum in *l. nemo externus C. de Jud.* Multoque magis Judæis, Paganisque habere vel emere Christianum mancipium interdictum est. Quia nefas est, quem Christus redemerit, blasphemum Christi in servitutis vinculis retinere *cap. 1. & fin eod. tit. can. mancipia*, *can. presenti d. 54. can. Judas 7. q. 4. l. un. C. ne Christianum mancipium hæreticus*, vel *paganus*, & *cap. habeat*, & recriptum in *cap. consuluit de appel.* non recipiendas appellationes Regis Franciæ pro Judæis interpositas, ut christiana mancipia retinerent, quod essent contra canonicas sanctiones, quæ, non obstantibus appellationibus, essent servandæ. Sed gravioribus pœnis, sanguinis, proserptionisque bonorum Judæus afficietur, qui ausus fuerit Christianum ad suam religionem pertrahere *l. Judæus*, *l. de Judæis C. de Jud.* ac ibi extat etiam alia similis, latiorque constitutio græca, nunc scripta, incipiens, *si Judæus*, sumpta ex Basi-

licorum ecloga *lib. 60. tit. 54. cap. 31.* Vel christianorum mulieres, vel pueros rapere, *cap. in Archiepiscopatu de raptor.* Et quia Judæi inimici sunt malitiosissimi Crucis, & Christi, interdicto fuit generaliter veritum, ne Judæi ostia, vel fenestras domorum in die sanctæ Parasceves Paschæ aperiant, & cautum, ut claudant tota die, ut fuit in *cap. 4. de Judæis*, neve in publicum prodeant, ne audeant illudere dominicæ passioni, *cap. nonnullis §. 1. de Jud.* Eadem ratione Cæsares Honorius, & Theodosius prohibuerunt in *l. Judæos C. eod.* ne Judæi solennes agerent festivitates, in quibus sanctæ Crucis adsumilatam speciem in contempnum Christianæ fidei, sacrilega mente exurebant, quod faciebant in memoriam minuendam crucifixi. Unde quidam Judæi occasionem irridendi passionem & mortem Domini sumebant.

At de his fati. Alia sparsim, ac bene multa in aliis nostris tomis, & apud Marquardum *de Judæis*, ac Ricciul. *de jur. person. lib. 2.* In quibus verò casibus Judæi ac Gentiles puniri possint in S. Officio dicemus tuo loco.

## CONSULTATIO XXVII.

An, & quatenus Judæi ac Gentiles possint ad Fidem Christianam suscipiendam compelli? Et in quibus casibus contra eos procedere possint Inquisitores fidei.

AD primum. Certum est, Prælatos Ecclesiæ, qui habent jurisdictionem spiritualem, non posse infideles ac Judæos compellere ad fidem, vel baptismum suscipiendum. Ita D. Thomas 2. 2. q. 10. ar. 8. aliique passim. Colligitur ex illo 1. Cor. 5. v. 12. *Quid enim mihi de iis, qui foris sunt, judicare? Nonne de iis, qui intus sunt vos judicatis? Num eos, qui foris sunt Deus judicabit?* Ubi per eos qui foris sunt intelligit infideles, qui sunt extra Ecclesiam, & per eos, qui intus sunt, intelligit fideles, qui sunt in Ecclesia. Ex quo fit, quod Prælati Ecclesiæ non habeant potestatem jurisdictionis in Infideles, & in Judæos, qui sunt extra Ecclesiam. Atque adeo non possint eos judicare, aut pœnis ad fidem compellere.

Principes verò Christiani, qui habent jurisdictionem temporalem, non possunt etiam ullos infideles, Paganos ac Judæos, ne quidem eos, qui ipsis subiecti sunt in temporalibus directe ad fidem, vel baptismum compellere per textum in *cap. sicut Judæi de Jud. can. sincera*, & *can. de Judæis d. 45.* estque communis sententia Doctorum, nominatim D. Thomæ *loc. cit.* & aliorum, quos congestit Ricciul. *de jur. person. lib. 2. cap. 31.* ubi à n. 14. respondet argumentis Scoti in 4. d. 4. & 9. Nam potestas & jurisdictio illorum Principum ordinatur tantum ad finem naturalem, nec se extendit ad ea, quæ sunt ordinis supernaturalis. Susceptio autem fidei, & baptismi non pertinet ad fidem naturalem, sed ad supernaturalem. Et quoniam actus credendi debet esse liber. Unde fides suscipi non debet metu suppliciorum, aut mortis. Multoque minus infideles non subiecti compelli possunt ad fidem, immo nec in eos animadvertri, aut bellum suscipi ex eo, quod infideles sunt, ut per Azor. *lib. 8. cap. 24. q. 1. & Castropal. tr. 4. disp. 2. pun. 6. num. 3. tom. 1.*

Hinc



Hinc Theodoricus Rex Judæis apud Cassiodorum *lib. 2. var. Ep. 27.* permittens reficere Templum. *Damus, inquit, siquidem permissum; sed errantium votum laudabiliter improbamus, Religionem imperare non possumus, quia nemo loquitur, ut credat invitus.* Et rursus apud eundem *lib. 10. var. Epist. 26.* Theobaldus Rex Justiniano Imperatori scribens, *cum divinitus, inquit, patiatur multas religiones esse, nos unam non audemus imponere. Retinemus enim legisse voluntarie sacrificandum esse Domino, non cuiusquam cogentis Imperio.* Et Tertullianus ad Scapulam, *non est, inquit, religionis cogere religionem, quæ sponte suscipi debet, non vi.* Consentit Clemens Romanus *initio lib. 9. recognit.* ad Jacobum fratrem Domini, ac D. Bernardus in Cantic. ser. 66. ait, *suadenda, non imponenda.*

De facto tamen aliter aliquando contigisse legimus, & Principes coegisse Judæos commorantes in regnis, vel ditonibus suis, fidem & baptismum suscipere. Paulus enim Diaconus refert *lib. 23.* quod Thesias, Arabum dux Judæos, & Christianos ad menzerisandum, id est ad characterem Mahumeti accipiendum, compulerit. Et Heraclius etiam Heraclætæ Filius, Imperator, Judæos invitos ad baptismum compulit, ut in epitome vitarum Cæsarium post Aurelium Victorem habetur in ejus vita. Extat tamen Heraclii secundæ constitutionis *lib. 1. juris Orientalis*, qua omnes Hebræos Hierosolymis expulit, & cavit, ne intra tertium milia- re accedere liceret. Extat & in eodem libro alia Constitutio Leonis Iconomachi Orientis Imperatoris, quam anno sexto Imperii, Hebræos, ac Montanos ad baptismum adegit. Sisebutus quoque Rex Hispaniarum coegit Judæos ad nonaginta milia ad baptismum venire, *can. de Judæis d. 45.* vel regno suo excedere, id- que regni sui anno quarto, & Heraclii quinto, ut scribunt Isidorus in *Etym.* & Ado. Quod postea dicitur æmulatus Dagobertus, Francorum Rex, ut scribunt Vassæus, Paulus Æmilius, & Aymon. *lib. 4. Hist. Franc. cap. 22.* Hoc autem cum quadam causa factum ab utrif- que putatur fere eodem tempore. Eoque, ut scribit Blondus *libro nono decad.* & Paulus Æmilius in 1. quidam Astrologus prædixerat à circumcisis vastan- dum Imperium. Sub annum quoque 1295. jam tertio Judæi in tota Francia poliiati, & exacti sunt, hancque expulsionem ipsi appellant *Kalo*, quod anno 36. post illam Philippi Augusti exactionem, quæ incurrit 1190. pulsi tunc Judæi migrarunt in Germaniam. Unde & Judæos Germanos esse de radice, seu trunco Franco- rum scribit Rabinus Elias in Tisbi in radice *Karbatz.* Extat & alia novella 55. Leonis Imperatoris Philosophi, ut Judæi secundum ritus Christianismi vivant, per quam emendavit titulum Codicis Justiniani de Judæis, & Novellam Justiniani 46.

Possunt tamen cogi Judæi, ac Infideles à Prælati- bus Ecclesiasticis ad retinendam Fidem, quam semel susce- perunt, etiamsi à principio vi coacti, & necessitate compulsi illam susceperint, quando coactio fuit condi- tionata, id est non susceperint baptismum, nec consen- sum præbuerint in illius susceptionem, nisi coacti fuissent, modò tamen in actu suscipiendi voluntarie baptismum susceperint; secus autem si coactio fuerit absoluta, & nunquam hujusmodi consensus fuerit adhibitus. In tali enim casu character non imprimitur, ut docet Suarez *tom. 3. in 3. p. disp. 24. sect. 1. concl. 1.* alii- que ac probatur ex *can. de Judæis d. 45.* desumpto ex Concilio Toletano 4. *cap. 56.* ubi sic habetur: *Qui au- tem jampridem ad Christianitatem coacti sunt venire, oportet, ut fidem, quam etiam vi, vel necessitate suscepe- runt, tenere cogantur, ne nomen Domini blasphemetur, & fides, quam susceperunt, vilis & contemptibilis habeatur.*

Quamvis autem non liceat Infideles, neque directe, neque indirecte cogere invitos ad Fidem, hoc tamen non procedit in illa coactione, quæ fit per jactantiam prædicationis. Illa enim potest, ac debet erga Infide-

Tom. I.

les cujuscumque generis adhiberi, quia non est coactio, sed efficax persuasio, D. Thom. in *quæst. de verit. q. 22. art. 9. in resp. ad ult. arg.* Innoc. in *cap. quod super nu. 8. de vot.* Turrecrem. in *can. de Judæis num. 1. in resp. ad 1. d. 45.* Borgnin. *dec. 21. num. 18. tit. de contract.* ubi refert, ita fuisse conclusum Papiæ, ac ita ibi ser- vari. Unde si Infideles, ac Judæi sint subjecti Principi Christiano, probabile esse, quod compelli possint ad audiendam Fidem ait Bannes 2. 2. *qu. 10. art. 10. dub. 4. concl. 4.* Suarez *disput. 18. sect. 2. num. 3.* Filiuc. *tr. 22. cap. 4. num. 117.* & Castropal. *loc. cit. pun. 5. num. 4.* Et si Castropalaus, aliique cum Bannes putent proba- bilis, non posse subditos infideles cogi à Principe Christiano ad Fidem. Et ad Constitutionem Gregorii XIII. pro concione habenda Judæis die Sabbathi, relatum à Pegna post directorium, respondent, quod multa ibi Judæis imposita, nolentibus audire con- cionem Evangelicam, non est pœna, sed quoddam tributum, quod Romanus Pontifex ab illis exigere po- test.

At tenendum est, tanquam certum, posse summum Pontificem mittere prædicatores ad Infideles, qui eos doceant Christi doctrinam, ut per Sotum, qui pluribus id probat in 4. *sent. art. 10. concl. 1.* Nam ex hac obli- gatione solum compelluntur audire prædicationem Evangelii, non autem illud sequi, ac proinde non est compellere ad Fidem. Quare Nicolaus Tertius in sua prima Constitutione, & Gregorius XIII. in Consti- tutione, *Sancta Mater Ecclesia* statuerunt, quod in omnibus locis, in quibus adest competens numerus Ju- dæorum, qui Synagogam constituat, semel saltem in hebdomada pro eorum conversione prædicatione habeatur, ad quam sub pœnis, ibi contentis accedere co- gantur omnes utriusque sexus majores duodecim annis, ac legitime non impediti, in Civitate habitantes, vel aliunde advenientes, etiamsi ibi domicilium non ha- beant ita, ut tertia saltem eorum pars semper adsit.

Jacobus etiam Rex Aragonum perpetuo suo edicto, dato Illerdæ quarto Idus Martii 1242. statuit, ut quan- documque Archiepiscopus, Episcopi, vel fratres Præ- dicatores, aut Minores accesserint ad Villas, vel loca, ubi Sarraceni, vel Judæi moram faciunt, ac Dei ver- bum iis proponere voluerint, iidem ad ipsorum voca- tionem conveniant, ac patienter eorum audiant præ- dicationem. Quod si spontè venire noluerint, Officia- les ejus ad id, omni excusatione postposita, compel- lant. Quod quidem edictum fuit confirmatum ab In- nocentio Quarto suis litteris ad Archiepiscopum Ter- raconensem, quæ incipiunt: *Ea, quæ ad Regis æterni gloriam*, datis Lugduni 13. Kalend. Septembris anno sui Pontificatus tertio, ut habetur in Constitutionibus Concilii Terraconensis collectis anno 1555. *lib. 5. tit. de Judæis & Sarracenis Constit. 4.* Et quidem possunt Principes seculares indirecte compellere Infideles, ac Judæos ad Fidem, vel baptismum duobus modis. Pri- mo negando illis jus habitandi in suis Provinciis, nisi audiant prædicationem Evangelii. Nam quod quis ab- solute, ac sine conditione alicui negare jussit potest, id multò magis negare potest sub honesta aliqua condi- tione. Principes autem Christiani possunt absolute ne- gare Infidelibus, ac Judæis jus habitandi in suis Pro- vinciiis. Atque adeò possunt etiam negare sub hac conditione, nisi velint audire prædicationem Evange- lii. Secundo imponendo illis majora vectigalia quam aliis subditis Christianis, manendo tamen intra limi- tes justitiæ, ut hac ratione alliciantur ad Fidem Chri- stianam, quando vident majori benignitate agi cum Christianis, quam cum aliis. Vide Gratianum in *can. Jam verò 23. 9. 6.*

Hinc valdè displicet id, quod Castropalaus, ac non- nulli alii inconsultò dixerint, summum Pontificem Romæ exigere tributum à Judæis ex prædicatione Evangelii. Hoc enim semper alienum fuit ab Ec-

D clesia



clesia Romana, ut constat *ex capit. sicut Judai, de Judais.*

Certum etiam est, posse Ecclesiam per se vel per Christianos Principes compellere quoscunque infideles, ne prædicationem legis Evangelicæ, ac propagationem Fidei impediant; Sed potius, ut permittant. Ita etiam D. Thomas *cit. q. 10. art. 8. Sotus in 4. d. 5. qu. 1. art. 10. ac Victoria in relect. de Indis.* Quare, si infidelis aliquis Princeps blasphemis, irrisionibus fidem Christianam afficeret, iniqua persuasione, vel persecutione illius prædicationem impediret, poterit Ecclesia vi, & armis hujusmodi violentiam, ac injurias propulsare, ut per Sot. *loc. cit. concl. 2. Innocent. in d. cap. quod super num. 7. ac Doctores communiter, quos citat Filiuc. ibid. num. 118. probaturque ex pluribus decretis, quæ referuntur in caus. 23. qu. 8.*

Nam Princeps, qui habet aliquod jus, aut potestatem, non solum potest illam exequi, sed etiam potest quoscunque alios compellere, ut non impediant proprii juris executionem. Immo etiam bello punire eos, qui ipsi injuriam inferunt, impediendo prædicti juris executionem. Ecclesia autem habet jus, ac potestatem prædicandi Evangelium per universum Orbem ex Matth. 28. *num. 19. & Marc. 16. num. 15.* Ac proinde habet etiam potestatem compellendi quoslibet infideles, ut non impediant Evangelii prædicationem.

Ex quo sequitur, Ecclesiam posse concedere alicui Principi Christiano curam & potestatem introducendi, & conservandi idoneos prædicatores in Provinciis Infidelium, ac ulciscendi omnes injurias hujusmodi prædicatoribus illatas. Immo etiam titulo belli occupandi Infidelium Provincias, in quibus non permittitur libera Evangelii prædicatio.

Ac certum denique est, Infideles subjectos in temporalibus Principi Christiano, vel Ecclesiæ, cogi posse, ut deponant errores rationi naturali contrarios, ac removeri a falso cultu, & superstitione Idolorum, nihilque audeant perpetrare in contemptum, vel injuriam, & ignominiam Christianæ Religionis. Ita D. Thom. 2. 2. *quest. 10. art. 10. & 11. ibique Bannes dub. 2. Suarez disp. 18. sect. 4. num. 9. & tradunt Conink disp. 18. dub. 12. concl. 2. Filiuc. loc. cit. numer. 19. Castropal. ibidem p. 7. num. 1. Eymer. in direct. p. 2. qu. 46. ibique Pegna com. 71. qui multos alios refert.*

Ad secundum. Casus, in quibus Quæritores Fidei procedere possunt contra Judæos, ac Infideles leguntur in Constitutione Gregorii XIII. *Antiqua Judæorum improbitas*, quod adducemus, cum de illorum jurisdictione tractabimus.

### CONSULTATIO XXVIII.

*De Atheis. Quid sit Atheismus, quæ prima ejus origo, quæ causa, quive effectus, qui Athei. An, & quatenus Dei existentia demonstrari possit? Quare certitudine credendum, posse illam demonstrari naturaliter via ascensionis, & à posteriori? An hoc sit de Fide, an de?*

**I**Nter omnia Sacræ doctrinæ principia præcipuum obtinet locum supremi alicujus Numinis existentia: *Accedentem enim ad Deum oportet credere, id est cognoscere, quia est, Hebr. 11. si ibi sermo sit de existentia Dei, ut auctoris Naturæ, & ex D. Augustino lib. 4. de civit. cap. 20. Fidei primum, & maximum officium est, ut verum credatur Deum. Quod ab Atheorum calumniis vindicandum est.*

Atheismus significat falsam & impiam illorum persuasionem, qui alicujus supremi Numinis existentiam directe negant, dicuntque in corde suo: *Non est Deus.* qui recte proinde à Davide insipientes appellantur *Psal.*

13. & 51. Extremæ enim dementiæ est, Deum negare, & plusquam infidelitatis, quia nec opus divina Fide, ut cognoscatur & sciatur, Deum esse, sed ad id sufficiat lumen ipsum naturale. Et si enim Deum esse ex Scripturis Sacris, ac doctrina Fidei convinci, extra controversiam sit, cum nihil pene aliud tota Scriptura clamer, adeoque esse Deum asseveret, ut etiam ab existendo nominari, cognoscique velit, referens Deum de seipso dixisse: *Ego sum qui sum*, posse tamen insuper naturali ratione probari, Deum esse, fatendum est, non quidem à priori, quia Dei esse nullam habet causam & Dei natura nec verbis explicari, nec animo, vel intellectu comprehendi potest, sed ex effectibus Deum esse tam luculenter demonstrari potest, ut meritò sint inexcusabiles, qui debitum ei cultum non exhibent, pluresque Athei potius Dei existentiam præ malitia, & quantum ad affectum nolint, quam præ ignorantia nescire. Quod forte per illam particulam *in corde* significare voluit Psalmista locis modo citatis. *Pauci inveniuntur tanta impietatis*, ait Augustinus ser. 10. de verb. Dom. *ut impleatur in eis, quod scriptum est: Dixit stultus in corde suo, non est Deus. Insania ista paucorum est. Sicut enim magna pietas paucorum est, ita & magna impietas, nihilominus paucorum est. Utinam ferreo hoc ævo nonnisi paucorum sit!*

Quod spectat ad primam hujus impietatis originem, illos, qui nullum omnino Deum admiserunt Lactantius lib. 7. cap. 9. ait *non modo Philosophos, sed ne homines quidem fuisse.* Consensit prope Augustinus tract. 106. in Joan. *Exceptis paucis*, inquit, *in quibus natura nimium depravata est, unumquemque genus humanum Deum mundi hujus fatetur autorem.* Eandem Atheismi causam Damascenus libro primo Fidei capit. tertio his verbis tradit: *Prævarias tantum invaluit, ut quosdam in irrationabilissimum, & omnium malorum pessimum barathrum detruderet, ut dicerent, non esse Deum.*

Aliam causam attigisse videtur Lactantius de ira Dei cap. 9. ubi recensens *minutos, & inertes*, ut vocat, *Philosophos*, qui tot sæculis, & ingeniis assertum Numen tollere aggressi sunt, recenset Diagoram, & Theodorum, quos, ait, quia nihil novi poterant reperire omnibus jam dictis, & inventis, maluisse contra veritatem, id negare, in quo priores universi absque ambiguitate consenserant.

Protagoram dubitasse de Deitate, commemorat ibidem Lactantius, at nonnisi de Diis Atheniensium dubitasse, scribit Josephus lib. 2. contra Appionem. Fuisse verò omnino impium, ac opinatum, nullum esse Deum, prodit Eusebius lib. 14. *preparat. cap. 1. & Epiphanius in compend. doctr. Eccles.* quæ habetur in fine Pavarii, & Sextus Empyricus lib. contra mathematicos. in exam. *Physic. capit. secundo.* Tamen quæ de Protagoræ libro refert Eusebius *supra*, & Theophilo libro tertio ad Antol. *sub initio*, ejus dubitationem tantum sonant. Communiter tamen hæc impietatis origo tribuitur Protagoræ, ut testatur Tullius 1. de natur. Deor. & Lactantius de ira Dei cap. 9. & libro secundo divin. Instit. cap. 2. Et quamvis hunc initio non de Deo simpliciter, sed de Diis Atheniensibus dubitasse, scripserit Josephus, sensim tamen Deum omnem sustulisse, docent Eusebius, & Epiphanius locis allegatis. A quo errore ita populi tunc abhorrerunt, ut referat Josephus ibidem, hoc solo nomine Protagoræ natale solum ab Atheniensibus fuisse deletum, & utinam cum ipso tam horrendum impietatis monstrum!

At longe aliter res se habuit. Nam & complures adhuc post ipsum ex antiquitatis memoria repetuntur, qui divinitatem funditus negarunt, ut Theodorus Cyrenaicus, teste Tullio 5 de nat. Deor. & Diagoras, de quo Cæcilius apud Minutium in Octavio v. g. & Athenagoras orat. pro Christian. *Diagoras*, inquit, *est aperte*



aperte promulgata sententia, nullum plane extare Deum. Idem ex Plutarcho confirmat Theodoretus 2. adversus Græcos in fine. Sed & Athenienses eam ob causam decessisse talentum ei, qui Diagoram occideret, refert Cyrillus lib. 6. in Julianum ad text. 1. & Josephus 2. contra Appionem, eorundem Atheniensium, ac etiam Scytharum, ac Persarum in impietate hac eliminanda studium adiungens. Causam atheismi Diagoræ Sextus supra memorat, fuisse, quod pejerasset quidam, à quo ipse læsus fuerat, ideoque pœnam evalisset humanam, nec tamen divina ultio subsequuta esset.

His accedit Clitomarus, & Critias, ut autor est Theophilus supra. Quibus Ælianus 2. var. Histor. cap. 31. adjungit Euhemerum Messenium, Diogenem Phrygem, Hypponem, & alios, quos, ait, Barbaris omnibus nequiores fuisse, cum omnes Barbari Deum agnoverint. Irrationabile, sterile, atque inutile hujusmodi genus hominum vocat Maximus Tyrius dissert. 1. num. 4. Aggregatum eidem Atheorum numero Heraclitum, testis est Clemens Alexandrinus in protreptic. ante medium. At injuria audivisse Atheum, constat ex ejus epistola ad Hermodorum, qua seipse de hujusmodi crimine purgat, clauditque eam perillustri sententia. Questus enim, quod lapides Deorum nominibus inscripti testes essent deitatis apud Ethnicos, subdit: *Opera testimonium, Deo, perhibere debent, ut Solis, nox, & dies de eo testantur. Quatuor anni discrimina testimonium ei ferunt, terra universa fructum producens testis est. Luna circulus, illius opus, cœleste testimonium.* Sic ille, ostendens Deum non se reliquisse sine testimonio. Itaque Justinus in apolog. ad Antonin. vocat Heraclitum, Christianum, & purgat ab atheismi calumnia.

De Stoicis ita loquitur Theophilus 2. ad Autolyicum sub initio: *Stoici quidam Deum esse in universum abnegant, aut si sit, eum nullius, quam sui curam gerere. Hæc quidem Epicurus, & Chrysippus delirant.* Quod eodem recidere monet Lactantius lib. de ira Dei cap. 9. qui tamen eos purgat, asserens eos & de existentia Deitatis, & de providentia benè sensisse. Quod constat ex Epicteto Stoico cap. 38. Enchir. ac sape alibi. At Epicurum non modò Deum fuisse improvidum, sed omnino etiam inficiatum esse, ex Possidonio refert Lactantius de ira Dei cap. 4. tamen eum depellendæ invidiæ causa verbo tenus admitteret. Quod Possidonii judicium approbat Tullius ad finem lib. 1. de nat. Deor. & annuit Sirenus lib. 1. de fato cap. 3. & lib. 4. cap. 1. Sed aliter censuit ipsemet Tullius 2. de nat. & alii apud Sextum Empyricum lib. contra mathem. in exam. scient. phys. cap. an sint Divi. Refert enim Sextus, eos dixisse, Epicurum secundum vulgus negasse numen, non tamen reipsa. Epictetus apud Arrianum lib. 2. dissert. 20. ait, Epicurum id conatum, ut persuaderet Deos non esse, vel si sint, humanam tamen non curare, neque aliquid commune nobis cum illis esse, idque quod sanctum & pium in ore habent homines, esse falsum, & ementitum quiddam, profectum ab impostoribus, & à legislatoribus, ut populos continerent.

Videtur tamen de Epicuro receptius esse, quod duntaxat, ut loquitur Tertullianus cap. 46. apologet. Deum statuerit otiosum, & inexercitum, ac neminem humanis rebus. Ita Epiphanius circa initium Panarii, Lactantius lib. 3. cap. 17. Augustinus lib. 18. civit. cap. 41. Theodoretus in Epit. divin. decret. cap. de provid. & 6. contra Græcos fere sub principio, Atticus apud Eusebium 15. prepar. sive lib. contra Philosophos cap. 4. & ipse Epicurus Epist. ad Menicæum, quam refert Lactantius lib. 10.

Socrates, quod polytheismum, tunc receptissimum damnaret, atheismi damnatus est, ut habetur ex Cyrillo 8. contra Julian. ad tom. 1. Qua etiam ex causa Christiani Athei dicti sunt, teste Justino supra, & Arnobio

Tom. I.

lib. 6. in fine & lib. 3. num. 23. & Athenagora orat. pro Christian. init. & aliis plerisque antiquis. De præsentia vero Socratis sanctimonia, plura, ut alios omit- tam Pererius disp. 18. in Epist. ad Roman. & Eras- micam Socratis apotheosim minime sane ratam habuit Hadrianus Cardinalis lib. 4. de vera Philosophia cap. 8. & 9. omnes universè gentium Philosophos ignibus æternis addicens.

Aristotelem Atheis annumeratum, imo atheismi au- ctorem, pronunciatum à quibusdam, referunt Car- pentarius digress. 3. in Alcinoium, & Neovillæus lib. 3. de pulchritudine animi cap. 10. Platonem item atheis- mi insinuat Crispus distrib. 1. lib. 2. pag. 38. Sed aper- tæ calumniæ sunt. Quod vero Tullium atheis aliquo- ties recenset Augustinus lib. 5. civit. cap. 9. tamen si ait, eum dissimulanter egisse, aliis judicandum relin- quo. Inter Atheos etiam adnumerandus Lucianus, omnium numinum irritor, ob impietatem, teste Suida, discerptus à canibus, & non alium præter Naturam Deum agnoscens Lucretius lib. 5. ac Plinius libro duo- decimo cap. 1.

Sed quid antiquos numero, dum nostris adhuc tem- poribus omnia fere mundi regna tot hujusmodi impiis & consceleratis nebulonibus scatent, eo cavendis ma- gis, & formidandis, quod tecti occultique sunt, ma- jorique propterea impunitate grassantur. Macchiavel- lum cum toto grege suo meritò inter Atheos recenset Lessius cap. 2. de provid. Dei, quod iis credi Deum ex usu vitæ est, quodque aliarum rerum procuracionem non habere videantur, quam earum, quæ ad externam reipublicæ gubernacionem pertinent; de religioso au- tem cultu ea ratione duntaxat solliciti sint, quatenus ad continendos populos in civili disciplina, & obe- dientia. arbitrio humano expedire judicaverint.

Hæc enim falsa pietatis simulatio ex alio fonte, quam ex ipso Atheismo proficisci non potest. Merito etiam annumerari debent, qui animæ rationalis immortalitatem negant. Hæc enim duo dogmata, summa videlicet supremi alicujus Numinis existentis providentia, & animarum immortalitas, sunt adeo inter se connexa, ut se vicissim statuunt, & tollant. Unde etiam inter diversa Atheorum argumenta, istud ab illis fieri solet: Sola animæ immortalitas Deum esse convincere videtur. Atqui mortalis est. Igitur nul- lum superest divinitatis, divinæque alicujus provi- dentiæ fundamentum.

Idipsum de fabulosis, ac indignis Ethnicorum de Deo placitis dixit Aristoteles 12. Metaph. text. 50. Et de Jove armato Seneca lib. 2. natural. cap. 42. Nec alio sine excogitatas fuisse Deorum statuas fatebantur ali- qui Ethnici apud Arnobium lib. 6. in fine, & de Deita- te ipsa aliqui apud Sextum Empyricum contra Ma- them. in exam. scientia Phys. cap. 1. Ac nominatim Critias, ex quo hæc verba refert cap. 2. *Fuit tempus quando erat hominum vita inordinata & belluina, & mi- nistra virium, cum neque bonis ullum esset premium, neque ullum malis supplicium. Deinde mihi videntur homines leges tulisse, quæ pœnas irrogarent, ut tyran- nus esset Justitia, & ancillam haberet Contumeliam. Mutabatur autem si quisquam peccaret. Deinde quoniam leges quidem ipsos ed adducebant, ut palam scelera non admitterent, clanculum autem ea admittebant, tunc mihi videtur vir aliquis ingeniosus & prudens co- gnovisse, quod opera pretium faceret, si inter mortales invenisset, quemadmodum malis metus esset incutiendus, etiam si clam agerent, aut dicerent, aut cogitarent. Hinc Deum introduxit, nempe quod sit Deus minime interitus obnoxia vicens vita, menteque audiens, & aspiciens, cogitansque, & hæc attendens, & divinam gestans naturam. A quo auditur quidem quicquid di- ctum est inter homines. Quicquid autem sit, videre po- teris. Si quis autem apud se tacitus aliquid cogitat mali,*

D 2 hoc



*hoc Deos non latebit, inest enim prudentia. Hac autem dicens, induxit documentum longe jucundissimum, nempe falsa oratione tegere veritatem. Semper autem hic dicebat Deos, ut maxime terreret homines eò ducens. Unde præscivit timores esse mortalibus, laboresque, & afflictiones calamitosa vita ex superno circuitu, ubi vidit esse fulgura, & horrendos sonos tonitru, & stellarum cæli corpus affabre factum & varium opus sapientis artificis. Unde & candens procedit astri globus, humidusque in terram imber proficiscitur. Ad hos timores reduxit homines, per quos verbis demonem pulchrè, & in decenti loco fecit habitare, iniquitatem autem extinxit legibus. Sic ille ibi: Et cum pauca adjecisset, subiunxit: Sic autem primum arbitror aliquem persuasisse mortalibus, ut existimarent esse genus demonum. Sed meritò possumus in hunc intorquere, quod in Plinium Vives lib. 1. de verit. Fidei cap. 9. O proditorem generis humani! Nam si id secretum tanti nostra refert ignorari, tu qui profers, an non prodis nos, & vinculum illud dissolvis, quo societates, cætusque hominum continentur?*

Nec iniuria sanè Plato lib. 12. de legib. gravissime statuit, si salva futura est Respublica, nullo modo esse permittendum, ut qui ejus curam capebant, impiam de Deo sententiam habeant, cum Reipublicæ salus nitatur vera Dei cognitione. Id, quod usus quoque ipse, & experientia tot seculorum confirmat. Nufquam enim, ait Plutarchus lib. contra Colotem cap. 28. extare urbem, aut oppidum, quibus nullus sit Deus, nulla juramenta, nulla preces, nulla sacrificia ad bona curanda, & mala impendentia procuranda. Talem urbem à nemine unquam visam, aut etiam videri posse, potiusque conspiciendam sine Sole urbem, quam sine Deo, ac religione. Hos enim esse nervos totius humanæ societatis & fundamenta, sine quibus, nulla leges vigere, nulla politia consistere queat. Et Tullius de natur. Deor. Nulla est tam barbara natio, nulla gens tam efferrata, cui non infideat hæc persuasio, Deum esse. Et qui in aliis vitæ partibus minimum videntur à belluis differre, quoddam tamen perpetuo religionis semen retinent, suæque sacra & sacrificia habent. Cujus quidem conceptionis etiam idololatria documentum præbet.

Quare vanissimum est, quod à nonnullis dicitur, paucorum calliditate excogitatam esse religionem, ut hac arte simplicem populum in officio continerent, cum ipsi Deum esse non crederent. Quamvis enim nonnulla commenti sint homines, quibus reverentiam plebeculæ injicerent, quò haberent obsequitiores ejus animos, id tamen nunquam obrinuissent, nisi prius constanti de Deo persuasione hominum mentes imbutæ fuissent.

Adversus hujusmodi Deitatis hostes Divus Augustinus, 3. contra litteras Petiliani cap. 21. ait dici in Psalmo, Dixit insipiens in corde suo, non est Deus, hoc inquit idem Augustinus in Psal. 13. ac ibidem Chrysostomus, nemo audet dicere, etiamsi ausus fuerit cogitare, insigni sane pudendæ blasphemix testificatione.

Imo si Novatianum audimus lib. de Trinit. cap. 3. Irenæum lib. 1. cap. 19. Origenem hom. 12. in Hierem. Fulgentium Epist. de baptismo Æthiopis & Augustinum in Psal. 80. ad illud: Non erit in te Deus recens, omnes quotquot sunt hæretici, referendi sunt in hanc classem. Quamvis enim in officina decepti cordis, ut Augustinus supra loquitur, fabricent sibi phantasma Dei, quale volunt, illudque non in Templis, sed quod est peius, in corde suo ponant ita, ut falsorum, ridendorumque simulachrorum templa ipsi fiant; tamen non est Deus, qui ingenio hæretici fictus est, ait supra Novatianus. Nec refert, quod hæretici nomine tenus, Deum admittant. Deus enim, ut notavit Maximus Madaurensis Ethnicus, apud Augustinum Ep. 43. omnibus religionibus, quantumlibet e mentitis, commune nomen

est. Recte ergo dixit Clemens Alexandrinus lib. 7. Strom. cap. 9. hæreses assuefacere nescio quomodo, eum qui non est nosse Deum, hoc est Deo carere.

Quod autem attinet ad causas Atheismi, hoc est, cur aliquis Athens fiat? Prima est insipientia, cordisque insania, atque fatuitas, per quam homines in opiniones absurdissimas, ac diversos errores facile labuntur.

Secunda. Ingens peccatorum numerus, eorum præcipue, quæ ad libidinem, & gulam pertinent, quæ tenebris mentem obsident, & nescio quam hebetudinem, atque torporem ingenerant, ut eleganter ac docte more suo Div. Thomas 2. 2. quæst. 153. art. 5. explicat.

Tertia. Quod ita judicent homines, prout affecti sunt, ac prout rem illam, de qua judicium ferunt sese habere vellent. Inde enim fit, quod, etsi creaturæ omnes Deum esse appetant naturali, & innato appetitu, velut primam, atque præcipuam sui esse causam, appetitu tamen elicto, ne juxta delictorum suorum gravitatem puniantur, vellent animas suas esse mortales, ac proinde Deum non esse.

Quarta. Quod homines omnia Dei consilia suo judicio metiri velint, quæ cum assequi non valeant, putant nullum esse Deum eo ferè modo, quo Saducæi, qui dum Spiritus concipere non possent, eos esse negarunt.

Pro quinta causa statui potest Impatientia hominum, & incredulitas, qui nisi statim impetrent, quod à Deo postulant, nullum esse Deum falsissimè concludunt ex eo, quod non eos confestim exaudierit.

Sexta causa est, quia vident rerum naturalium ordinem semper eodem modo, atque tenore se se habere, quapropter nullum esse rectorem existimant, sed res suoque genio hos, & illos versus peragere, hanc aut illam suæ durationis periodum ex seipsis obtinere, cum tamen potius ex ordine, statoque rerum omnium tenore concludere deberent revera sapientissimum aliquem esse provisorem, & gubernatorem, qui modo convenientissimo, sapientiaque ineffabili hæc omnia in debitum ordinem redigat, atque moderetur.

Septima causa est inordinatum studium, nimiaque sollicitudo, qua nonnulli rebus naturalibus incumbunt, & earum motus omnes, opera, proprietates, & affectiones in causam naturalem referunt adeo, ut nihil illis supra naturam esse videatur.

Octava causa est hæresis, quæ est ad Atheismum via latissima. Nec mirum cum hæresis & Atheismus eandem originem habeant, incredulitatem videlicet, quæ ex superbia, atque nimia proprii judicii æstimatione proficiscitur.

Nona. Impiorum familiaritas, & consortium cujuslibet status, & sectæ hæreticos alloquendo. Ubi enim vident aliqui unumquemque eorum affirmare, atque jurejurando confirmare, quod stet ex illius parte veritas, alios vero falsitatem, & mendacium sectari, inde concludunt, melius esse nihil ex iis, quæ spectant ad religionem, quam aliquid credere.

Decima est, quia belluarum instar solis sensibus credunt, præter quorum objecta, cætera omnia, quæ ad divina, atque spiritualia pertinere dicuntur, chimerica & phantastica existimantur.

Undecima. Cum aliquid, quod antea velut miraculosum credebat Atheus vi causarum naturalium fieri deprehendit, statim imperitè concludit, cætera, quæ miracula, atque adeo solius Dei opera nuncupantur, ut mortuorum resurrectionem, cæcorum illuminationem, & alia mirabilia, ut quod demones aliquos possideant, & energumeni, quantumvis ignari, variis linguis loquantur, vel naturæ vi, vel alicujus petriissimi artificis, causas occultas applicatis industria fieri.

Duodecima,



Duodecima quod impios bonis omnibus affluere, in regnis, atque rebus publicis primatum tenere, bonos opprimere videant, iustos autem malis omnimodis plerumque opprimi, atque pro nihilo haberi. Hinc enim concludunt Athei, vel nullum esse Deum, vel eum bonitate, iustitia, atque providentia carente.

D. cima tertia, quia dum tam paucos esse audiunt, qui divino cultui vacent, & numen divinum debita veneratione prosequantur, hinc concludunt fieri non posse, ut revera sit aliquis Deus optimus, qui fideliū, & omnium hominum, totiusque mundi curam habeat; alioquin, ajunt, facere debuisset, cum illud posset, sit vel omnes verum ejus cultum, vel saltem plures amplecterentur.

D. cima quarta, quia existimant, quæcumque vera esse dicuntur, eodem modo probari, atque adeo res morales, ac divinas sub mathematicam demonstrationem cadere debere, cum tamen unumquodque suum peculiarem modum habeat, & alia sint moralia, alia divina, alia etiam physica, metaphysica, & mathematica argumenta.

Hæ sunt præcipuæ rationes, & causæ Atheismi, quas non minus prolixè, quam doctè persequitur P. Merleius in *Genesim* cap. 1. v. 1. ar. 3. illasque diluit, atque evertit.

Posset denique cum sexto Empyrico *lib. primo Pyrronic. hypotheseon* cap. primo fieri tale argumentum. Quod si Deus sit, cum sit bonus infinite, ac perfectissimus, nulla in mundo esset malitia, aut imperfectio. Nam contrarium unum infinitum destruit totaliter aliud. Cui argumento responsurus Arnobius *lib. secundo numer. 49.* post multam exaggerationem difficultatis, insolubilem existimare videtur. Alexander autem, quem refert, & late rejicit Simplicius *lib. 2. celi in fine*, concedit Deum non posse mala excludere, alioqui ea omnino fuisse prohibendum.

Et verò hoc ipsum argumentum multos Philosophos vexasse, testatur Lactantius *lib. de ira Dei* cap. 13. Sed recte respondet Scotus in 1. d. 2. q. 2. in fine, ac Sylvester q. secundo constati ar. tertio oppositum non excludi formaliter ab altero opposito nisi à subjecto, in quo est. Et sic Deus infinite bonus, ac perfectus excludit à se omne malum & omnem imperfectiōnem. Effectivè autem non tenetur Deus excludere omne sibi oppositum, sed potest permittere ad bonos fines de quibus D. Thomas *lib. tertio. contra Gentes* cap. 71. & Syrenius *lib. quinto de fato à cap. 13.* Dei sine benignitate ex mali permissione sæpe erunt Patres. Et ex eo, quod bona ex malis, quæ permittit, etiat, infinitam Dei potentiam agnoscit Plotinus *Enneade tertio lib. secundo cap. quinto* jure laudatus à Theodoro *lib. 6. adversus Græcos* sub finem. *Magna facultatis est*, inquit etiam Enæas Gazeus in suo Theophrasto jure hoc suspiciens, *etiam ea, quæ male facta sunt in usum aliquem bonum convertere, & quæ nos informia fecimus, ea in formam pulchram posse redigere & perfectæ exhibere.* Pulcherrime item hoc exaggerant Clemens *lib. primo Stromat. cap. octavo* Nyssenus *sub finem orationis de iis, qui præmature obierunt*, Boëtius *lib. quarto de consolat. prof. sext. sub finem*, Prosper. *ad dub. septim. Genuensium*, S. Dionysius *cap. quarto divin. nomin. in fine*, Eucherius *homil. quart. de Epiphani.* Synesius *epist. 57.* Damascenus *lib. 2. fidei cap. 29.* Augustinus *lib. undecimo civit. cap. decimo septimo & lib. decimo tertio cap. quarto & undecimo, ac lib. de agone Christiano. cap. 7.*

Cæterum postremam hanc objectionem, cum obiter proposuisset Trismegistus *cap. septimo. Asclepii*, ait primum respondendum nihil ad eam omnino esse, quasi scilicet indignam censeat, cui respon-

deatur. Tum subdit, Deum exclusioni malitiæ providisse, donando nobis rationem, qua possimus quidquid nos dedecet cavere. Plura in Atheos pete ex Musio *lib. primo de divina historia cap. 11.*

Gradus vero, quibus in hanc voraginem descenditur in hodiernorum Atheorum moribus copiose describit Vestonius *lib. 3. de hominis officio cap. 17.* & breviter, sed optime rem attingit Clemens Alex. *lib. 3. Stromat. cap. quarto* ubi post alia in hanc rem sic ait: *ut Deus ignoretur, efficit vitæ institutum.* Et paulo ante: *Quomodo fieri potest, ut qui victus est à voluptatibus, Domino assimiletur, aut Dei habeat cognitionem?* Optime item alter Clemens *lib. primo recognit. sub initio* ait, *domum fumo peccatorum repletam, prohibere inhabitantes aspectu conditoris.*

Videamus ejusdem impietatis fructus. Ut enim Atheismus est effectus, ita & radix omnium vitiorum ex voluntate. Sic Chrysostomus in *psal. 13.* Athei cor *Templum impietatis* appellavit. Sic Regius Prophetam tam *psal. decimo tertio* quam 52. asserit, eos, qui insipienter dicunt in corde suo non est Deus, corruptos, & abominabiles factos esse in studiis, & iniquitatibus suis, nec esse qui faciat bonum, non esse usque ad unum. Enimverò quemadmodum assensus in hanc propositionem, *Deus est*, fundamentum est totius Religionis, ac principium per se dirigens voluntatem ad bonum honestum, radixque totius bonitatis moralis adeo, ut Plato *lib. 10. de legib.* dixerit: *Qui Deos esse putat, nec facit quicquam sponte impie, nec loquitur.* Ita semel illo sublato, necesse est omnem virtutem de medio tolli, timorem omnem è cordibus hominum eradicari, & tandem vitiis omnibus criminibusque fræna liberius laxari usque ad omnem prorsus humanitatis corruptionem. *Quomodo enim*, ait Nyssenus *tr. 2. psal. 13. in suo quis esse daret, qui non est in eo, qui est.* *Quomodo quis maneat in eo, qui est, si non credat ei, qui est, quod sit.* Certe Plotinus *Ennead. secundolib. nono cap. decimo sexto* ait, malum omnem in primis id habere, ut despiciat Deum, neque prius aliquem totum esse malum, quam despiciat superos, ac si nondum in aliis omnibus malus est, ex hoc tamen uno in cunctis malum evadere. *Vnde sicut corruptio abominationem meretur*, ait Hilarius ad eundem psalmi locum, *ita etiam nihil Regnis omnibus, rebusque publicis bene institutis execrabilius esse debet quam falsum illud insipientium Atheorum dogma, dicentium in corde suo, non est Deus.* Denique de condignis pœnis tantæ impietatis legendus Plato *lib. decimo de legib. in fine.*

Porro existentia Dei nullo pacto potest demonstrari à priori. Non enim potest ex natura objecti assignari ratio, quæ sit radix existentia. Nam existere in Deo habetur formaliter per primum conceptum ipsius. Primus autem conceptus importat rationem entis, non quocumque modo, sed prout est propria Dei. Hæc autem est ratio entis per essentiam, quæ formali modo in suo conceptu importat existentiam.

Quoniam verò præter Atheos, existentiam Dei absolute negantes, sunt aliqui Hæretici, ut Illyricus, & Lutherus apud ipsum, qui illam ita admittunt, & saltem voce consentiunt, ut tamen existiment sine Scriptura, solo affulgente lumine naturali, homines nihilo plus de Deo scire, quam pecudes. Sunt etiam aliqui Doctores Catholici concedentes, rationes naturales, quæ afferuntur ad probandum Deum, omnes quidem esse probabiles, & intra genus probabilitatis multas esse adeo efficaces, ac certas moraliter, ut reddant homines inexcusabiles, si non venerentur Deum, ac illi debitum obsequium præ-



stent, in quo valde differunt ab Atheorum, & hæreticorum sensu, non tamen esse veras & perfectas demonstrationes, ideo placet videre in communi, an & quatenus certum sit, Dei existentiam esse à nobis naturaliter cognoscibilem, & à posteriori demonstrabilem.

Respondeo affirmative. Probatur deinde ex Scripturarum autoritate. Job. 36. ita habetur; *omnes homines vident eum*, scilicet Deum, *unusquisque intuetur procul*. Quod de notitia Dei evidenti ex creaturarum consideratione naturaliter acquisibili, communiter explicatur à Patribus, sicut & illud Isaïæ cap. 40. v. 26. *Levate in excelsum oculos vestros, & videte quis creavit hæc*. Item sapient. 13. dicitur: *Vani autem sunt omnes homines, in quibus non subest scientia Dei, & de his, quæ videntur bona, non potuerunt intelligere eum qui est, neque operibus attendentes, agnoverunt, qui esset artifex*. Et post pauca subjungit. *A magnitudine enim speciei, & creatura, cognoscibiliter poterit Creator horum videri*. Et rursus: *Si enim tantum potuerunt scire, ut possent aestimare seculum quomodo hujus dominum non facilius invenerunt?* Ubi Sapiens ex communi Interpretum consensu invehitur contra illos, non qui nullo modo cognoverunt Deum, ne probabiliter quidem, ut satis constat ex toto contextu, & maxime ex ultimis verbis, sed contra illos Philosophos & existimatos Sapientes, qui cum haberent scientiam hujus seculi, id est rerum corporalium, & terrenarum, tantam tamen non habuerunt, quantum potuissent de Deo naturaliter habere ex creaturis ad excludendum falsos Deos. Unde iis verbis exprimit sapiens cognitionem istam certam, & evidentem peti à rebus creatis, tanquam propriis effectibus ipsius Dei. Similiter ex psalmo decimo octavo *Cæli enarrant gloriam Dei, &c.*

Alius, & principalis locus, qui afferri solet, est ex D. Paulo ad Roman. cap. 2. ubi sic habet: *Revelatur enim ira Dei de Cælo super omnem impietatem, & injustitiam hominum eorum*, scilicet infidelium, *qui veritatem Dei in injustitia detinent*. Quia quod notum est Dei, manifestum est in illis. Deus enim illis manifestavit. Invisibilia enim ipsius à creatura mundi, per ea, quæ facta sunt, intellecta conspiciuntur. Sempiterna quoque ejus virtus, & divinitas ita, ut sint *inexcusabiles*. Ubi illæ particulæ *manifestum est illis*, & illæ aliæ *intellecta conspiciuntur*, in prima & propria sui significatione denotant cognitionem evidentem, nempe à posteriori, ut ex textu colligitur.

Quare D. Hieronymus in hoc D. Pauli *intellecta conspiciuntur*, tam evidenter, inquit, intellecta sunt, ut conspecta dicantur. Et S. Dionysius de divinis nominibus cap. 7. asserit, Deum per scientiam cognosci. Item epist. ad Titum: *Advertendum est*, ait, *duplicem esse traditionem Theologorum, unam Symbolicam, & mysticam; alteram Philosophicam & demonstrantem*. Quem locum explicans S. Maximus ait, *philosophicam, & demonstrantem Theologiam appellari, quæ est ex perspicentia Creaturarum*. Quo certè nihil ad id clarius. Tandem D. Cyprianus lib. de idol. vanit. D. Athanasius orat. contra Idola, & D. Augustinus lib. de spirit. & litter. cap. 12. docent, quod Athei negent Deum esse id provenire tantum ex eorum protervia, vel cæcitate, quod scilicet nolint perpendere vim argumentorum, non autem ex defectu sufficientis demonstrationis.

Quapropter si in quibusdam aliis S. Scripturæ, sanctorumque Patrum locis videtur hominibus adimi omnis cognitio Dei, ut in psalmis sæpius habemus, non esse intelligentem Deum, & Isaïæ cap. 1. *Israel autem me non cognovit*, ad vitandam omnem autologiam, re-

spondeo, omnes hujusmodi locos debere intelligi ex subjecta materia juxta aliquem ex his sensibus. Vel de cognitione existentia Dei, ut dispositiva ad salutem, ad quam non est dispositio scientia, sive cognitio Dei, autoris naturæ, sed fides sive cognitio Dei, ut autoris supernaturalis. Vel de Deo non secundum quæsitum, an sit, sed quid sit. Ita enim per demonstrationem à posteriori ex creaturis, tanquam ex effectibus distinctè, ac evidenter probari potest existentia Dei, ut tamen quidditas ejus, aut essentia, nisi valde imperfectè, & sub confusa quadam tantum ratione cognosci possit. D. Athanasius ad Serapionem de Spiritu Sancto ait, *Deitas non demonstratione rationum traditur, sed fide*. Vel de quibusdam divinis mysteriis, quæ naturaliter minime possumus attingere, ut deum esse Unum & Trinum, velle nos gratis instigare, &c. quæ ut sunt supra totum ordinem naturæ, ita & supra totum rationis humanæ captum, ac vires. Vel de scelestis hominibus, qui deum cognoscere ex creaturis non potuerunt ex suppositione pravi affectus, quoad alia divertebantur.

Postremò probatur ratione, divinam existentiam esse evidenter demonstrabilem vera demonstratione à posteriori, quantum est ex se, ac per se. Ex effectu potest, quantum est ex se, demonstrari causa necessaria seu necessariò requisita ad productionem talis effectus. Hoc est certum, ac evidens lumine naturæ, ut satis patet ex Philosophia, in qua ex effectibus necessariaque illorum connexionem cum suis causis, argumentamur ad illarum notitiam, saltem quoad *an est*. Nam sicuti ex hoc, quod causa, ut sic, dicit ordinem ad effectum, possumus per illam à priori argumentari ad effectum, ita etiam à posteriori per effectum ad causam. Quia etiam effectus dicit ordinem ad suam causam, præsertim quando causa non est per se nota, ut accidit, & supponitur in præsentia. Atqui creaturæ omnes sunt veri quidam effectus dei, & deus est causa necessaria, sive necessariò requisita ad illarum productionem. Atque adeo per se loquendo, sive quantum est ex se potest evidenter demonstrari, deum esse demonstratione à posteriori ex creaturis, tanquam ex effectibus. Quod est propositio cognita per fidem, quæ à nullo consequenter Catholico negari potest. Est enim argumentum theologicum ex majori necessaria lumine naturæ, & minori cognita per fidem. Quod est diligenter advertendum ad resolvendum quanta & quali certitudine sit certa hæc præsens conclusio.

Ostenditur etiam veritas hujus conclusionis respectu nostri, quod scilicet, spectata natura & conditore humani intellectus pro præsentia statu viæ, non solum per se, & ex se sit demonstrabilis, sed etiam in ordine ad imperfectionem nostri intellectus. Primo addendo tantum aliquas particulas argumento statim facto, sic: Ex effectibus notioribus nobis possumus nos certò, ac evidenter devenire in cognitionem existentia causa illorum. Creaturæ autem sunt effectus nobis notiores, quorum deus est causa necessaria, hoc est necessariò ad illorum productionem desiderata. Et proinde ex creaturis possumus evidenter devenire in cognitionem dei.

Secundo quia quotiescumque est cognoscibilis certò & evidenter infallibilis, & necessaria connexio effectus cum sua causa, est etiam demonstrabilis ex effectu causa. Hæc propositio videtur omnino certa, tota siquidem argumentatio ab effectu ad causam fundatur in necessaria, & infallibili connexionem utriusque. Sed ab intellectu humano cognoscibilis est certo, ac evidenter infallibilis, atque necessaria connexio inter creaturam, & deum. Ergo ab intellectu humano demonstrabilis est ex creatura deus. Minor ita declarari potest. Nomine dei, in illa contento intelligimus primam causam, primumque principium.

Nomine



Nomine creaturæ totam entis creati collectionem. Hæc autem dicit infallibilem connexionem cum causa prima, & increata, certo ac evidenter ab humano intellectu cognoscibilem, &c. Cum enim ens creatum non potuerit creari, vel produci ex seipso, alioquin esset simpliciter prius ac posterius seipso, quod involvit contradictionem, essetque actu antequam esset, statim intellectus bene ac sapienter dispositus colligit certo ac evidenter ex terminis ipsis, debuisse creari ab aliquo extra ipsum, atque adeo ab ente increato, quod est extra collectionem creati.

An autem hoc sit de fide, an ne? Discrepant inter se Doctores. Aliqui enim existimant, id tantum esse certum certitudine quadam philosophica, non autem theologica ita, ut qui illam negaret, nulla prorsus censura theologica esset dignus. Alii tamen volunt, id ita esse certum, ut existiment oppositum esse vel temerarium vel erroneum, vel contra fidem. Divus enim Thomas de verit. q. 10. ar. 12. ait, esse manifeste falsum, & 1. contra gentes cap. 12. appellat errorem, quam censuram probant multi, Bannes 1. p. q. 2. ar. 2. ait esse propositionem temerariam in fide & Nicolaus Lambertus ibidem hereticam appellat, quatenus vult conclusionem nostram esse de fide.

Hæc in re ita distinguendum puto. Aliud est, aliquid posse demonstrari, & aliud, aliquid reipsa & de facto demonstrari. Primum affirmat dari solummodo sufficiens medium, per quod talis veritas possit demonstrari, illud tamen non explicat in particulari nec de facto applicat. Secundum verò id præstat, & exequitur. Quare, sicut hæc duo valde inter se distinguuntur, ita etiam aliud est negare absolute demonstrabilitatem divinæ existentiae à posteriori per creaturas, & aliud negare, quod rationes, quæ ad hunc finem de facto adducuntur non sint efficaces, nec veræ ac perfectæ demonstrationes.

Si quis igitur, id negando, concederet tamen veritatem esse ex se nobis demonstrabilem, existimarem illum non esse censuram aliqua theologica dignum. Nam revera non est certum secundum fidem, aut secundum Theologiam, quod hæc, vel illa ratio in particulari ad probandum Deum esse, sit perfecta demonstratio. Pro pessimo tamen philosopho esset habendus. Quia non est dubium, quin aliquæ ex his rationibus, si non omnes, attentis duntaxat principiis philosophicis solo lumine naturali notis, sint veræ ac perfectæ demonstrationes pro demonstranda adversus Atheos supremi alicujus Numinis existentia.

At si quis negaret primò, Deum non esse à nobis tanta certitudine cognoscibilem ex creaturis, quanta satis sit ad inducendum debitum cultus, censerem plane, illum esse hæreticum. Quia testimonia sacrae Scripturæ, quibus hanc conclusionem munivimus, si accurate ponderentur, expositione Patrum illis adjuncta, saltem probant, tanquam quid de fide certum, possibilem esse naturaliter talem Dei cognitionem, propter quam homines, qui ita Deum cognoscant, teneant eum colere ita, ut, si secus faciant, sint omnino inexcusabiles.

Si quis itidem negaret, cognitionem hanc non esse demonstrativam, seu, quod idem est, assereret, divinam existentiam non esse naturaliter à nobis demonstrabilem demonstratione à posteriori per creaturas, etsi illa opinio non esset apertè hæretica, nihilominus tamen juxta censuram D. Thomæ, & aliorum saltem dicenda esset temeraria, & erronea in fide.

Ratio autem est primò, quia negare conclusionem argumenti theologici, constantis ex majori necessaria lumine naturæ, & ex minori cognita per fidem, non vacat temeritate, vel errore theolo-

gico. Sed, ut patet, hæc propositio sive conclusio, quod Dei existentia sit demonstrative, aut evidenter cognoscibilis per creaturas, sequitur ex majori necessaria lumine naturæ & ex minori certa secundum fidem. Atque adeo illam negare non vacat temeritate, erroreque aliquo theologico, utpote contra certissimam conclusionem theologicam.

Hujus rei multa & manifesta possent adduci exempla. Si enim aliquis existimaret, sicuti revera est, quod ex eo, quod homo sit rationalis, evidenter sequitur, quod sit risibilis. Si semel ex fide certum esset, hominem esse rationalem, sequeretur ex evidenti discursu theologico, quod etiam esset risibilis ita, ut si quis negaret consequentiam, non solum esset temerarius in philosophia, sed etiam in theologia.

Eodem modo, si evidens est ex effectibus à nobis posse cognosci demonstrative causam à posteriori, ut libenter admittunt doctores contrarii, cum certum sit ex fide, creaturas esse effectus Dei, certum erit, etiam ex discursu theologico, ex creaturis posse evidenter cognosci divinam existentiam à posteriori. Hinc si quæ esset opposita inter doctores catholicos sententia non posset à temeritate excusari. Consulto dixi, si quæ esset opposita, quia non desunt, qui asserant Gabrielem, Petrum Alliensem, Bassolum, & nonnullos alios, pro illa citari solitos, tantum fuisse loquutos de aliqua demonstratione evidenti, quæ statim extorqueat assensum, convincat omnem omnino intellectum, quantumvis rudem, dum negarunt naturalem existentiam divinæ demonstrabilitatem, non autem de demonstratione intellectum non protervum, ac bene dispositum convincente, de qua tantum procedit difficultas, quando dicimus, Deum non probabili solum suasionem, sed demonstratione evidenti cognosci posse ex creaturis.

Temeritas item hujus sententiæ satis etiam patet ex adductis S. Scripturæ testimoniis, quæ in prima, & propria sui significatione ita videntur expressè denotare certam & evidentem cognitionem petitam ex necessaria habitudine, & connexionem, quam creaturæ, posita sua existentia, habent cum Deo, ut saltem sit temerarium, & erroneum contrarium asserere. Juxta regulam enim communem & certam, quocienscumque, verba S. Scripturæ in suo proprio ac primario sensu, quem præ se ferunt, accipi possunt sine periculo alicujus absurdi, non possunt sine aliqua saltem temeritate, detorqueri ad aliquos alios sensus minus proprios, alioquin ante expressam definitionem Ecclesiæ nihil haberemus certum in S. Scriptura. Quod autem prædicti S. Scripturæ loci sic intelligantur, non modo nullum sequitur absurdum, sed inde potius multo magis inexcusabiles redduntur mali homines, si Deum non agnoscant. Ergo si non evidenter, prudentissime tamen ita debent intelligi, ac explicari, ut recurrere ad alium sensum minus proprium, quod nimirum Scriptura loquatur tantum de aliqua probabili & conjecturali cognitione, censeri debeat saltem temerarium, & in fide erroneum.

E quibus sequitur, propositionem hanc, *Deus est*, si intelligatur præcise de Deo, ut est autor naturæ, & sic nihil aliud significat, nisi quod detur una suprema causa omnium rerum, ita esse per accidens objectum fidei in eo, qui non habet de illa scientiam, ut tamen per se loquendo sit objectum mere scibile, tanquam quid præambulum ad fidem, ejusque articulos, ut docet D. Thomas 1. p. q. 2. ar. 2. Sic enim inquit, *fides præsupponit cognitionem naturalem, sicut gratia naturam, & ut perfectio perfectibile*. Quatenus præsupposita semel certa, & evidenti cognitione naturali divinæ existentiae, potest intellectus humanus facile convinci, ac disponi ad submittendum se fidei hoc pacto.



Inter autem plures rationes quibus demonstratur Deum esse, quæque afferri solent, quarum tamen aliquæ infirmæ sunt, vera demonstratio desumitur à subordinatione causarum, & nititur duobus principiis naturali lumine evidentibus. Primum est: *Quicquid producit, ab alio producit.* Alterum: *In causis efficientibus subordinatis non potest dari processus in infinitum.* Unde sic conficitur demonstratio. In causis subordinatis efficientibus non potest progredi in infinitum. Sed in hoc rerum ordine, ut experientia pater, datur subordinatio causarum, quorum nulla potest producere seipsam, Ergo sistendum in aliqua prima improducta.

Primum principium declaratur per deductionem ad impossibile. Nam si idem posset producere seipsum sequeretur idem esse, & non esse. Assignato enim eodem instanti, esset in illo, quia produceret. Quod enim producit est ita, ut in priori naturæ supponatur esse. Quod vero produceretur in priori naturæ supponitur non esse.

Se. undum verò principium declaratur eodem modo. Quia si in causis subordinatis progredieretur in infinitum, sequeretur, quod tota collectio causarum esset dependens, quia nulla adesset prima independens, à qua cæteræ dependerent. Rursus etiam tota esset independens, quia nulla esset causa, à qua tota illa collectio dependeret. Etenim nulla causa posset operari. Quod enim in operando dependet ab alio, indiget ipso ita, ut absque eo non possit operari. Ergo, si progreditur in infinitum, singulæ causæ erunt dependentes, atque adeo indigentes. Ergo, cum non sit, qui suppleat indigentiam, nulla poterit operari. Item si daretur progressus in infinitum omnes illæ causæ infinitæ non terminarentur aliqua prima. Ergo omnes essent mediæ, & haberent aliam superiorem, à qua dependerent. Ergo nulla esset causa. Quia nulla posset incipere causationem ex eo, quod non posset incipere à se.

His accedunt & sequentes rationes, quibus Deum esse demonstratur. In rerum natura oportet reperiri aliquod ens necessarium, quod suæ necessitatis nullam causam habeat, alioqui contingeret nihil omnino esse, aut progressum fieri in infinitum.

Ad hæc. In rerum natura est aliquod primum ens, optimum, verissimum, nobilissimum, quod omnibus aliis sit causa entitatis, bonitatis, veritatis, atque laudabilis virtutis. Nam, cum nihil seipsum esse, facere possit, sequitur, omnia, quæ sunt, ejus participatione, quod per se est, existere, bona, vera, nobiliaque esse. Nam unumquodque in suo genere primum, reliquorum generis graduum causa est, Aristoteles *lib. 2. metaph. cap. 4.*

Præterea. Invenitur totius universi Gubernator, qui res omnes in suum finem dirigat, quem semper, aut plurimum assequuntur. Nam id, quod ordinatum, dispositumque perseverat, causam intelligentem extra se habere oportet, quæ causas naturales, etiam rationis expertes, ordinet in suum finem, atque dirigat, Dionysius Areopag. *lib. de divin. nomin. cap. septimo* Chrysostomus *hom. quart. & decim. ad Antioch.* Cyprianus, Lactantius, & alii. Creatura omnis Deum esse clamat, ejusque invisibilem potentiam creaturæ magnitudo, sapientiam pulchritudo, ordinatissimaque dispositio, bonitatem verò rerum omnium utilitas ostendit. Ex quibus effectibus Creatorum potuisse agnoscere docet Sapiens *cap. decimotertio* & à quibusdam agnitum fuisse, ait Apostolus *Hebr. cap. undecimo.*

Alia probatio facilis, & popularis, sequens simul viam demonstrativam, est hujusmodi. Quoties aliquis rationem à priori, & in qua quiescamus quæsimus, naturæ evidenti instinctu rationem optimam

& verissimam, uniformissimam, & facillimam, maximeque infallibilem, ac necessariam, in qua suavius quiescamus, cæteris rationibus præferimus. Contemplantur itaque totam hanc mundi machinam, & totam possibilem, & impossibilem collectionem, & uno verbo totam unitatem intelligibilem, & pulcherrimum illam veritatis ordinem, cujus species, & pulchritudo omnium sapientium animos rapit, solisque stultis non placet, quia ipsi nolunt videri stulti. Rogo, quænam sit ratio prima, & à priori horum omnium? Mirabili compendio tibi respondemus, esse rationem maxime unam, maxime immutabilem, & necessariam, maxime veram, & maxime bonam, & ipsum optimum alliciens omnium animos, tanquam centrum, in quo quiescamus. Hæc autem ratio est ipse Deus. Cogita quam poteris, nullam invenies uniformiorem, veriore, meliorem, aut magis necessariam, nullam jucundior, & suavior. Excogita quamlibet aliam rationem, quævis alia est defectuosa. Si enim non est defectuosa, caret defectione, & in se habet totum cumulum perfectionum simpliciter simplicium. Eo autem ipso, quod sit defectuosa, habebit displicendi meritum. Ergo merito ea nobis ratio displicebit. Si ergo quævis alia ratio displicere debet, nostra debet placere. Ergo est bona, & vera. Nam si non est vera, displicere debet. Conjugimus ergo in hoc argumento viam congruentiæ, & demonstrativam. Quod si hic modus argumentandi solet placere in qualibet exigua veritate, multo magis in totius veritatis ordine explicanda.

Confirmatur hic modus argumentandi ex Aristotele. Unitatem Dei sic ipse conclusit. *Non est bona multitudo Principum. Entia bene volunt gubernari. Uno ergo Principe.* Ratio plane gravissima, & tanto Philosopho digna, qua suam metaphysicam de rebus divinis conclusit. Est tamen hæc ratio simul demonstrativa, & congruentiæ. Ego ad propositum sic applico. Entia nolunt defectum, ut in eo quiescant, sed fugiunt. Bonum enim est cuicumque id quod amatur ab ipso, aut amaretur si haberet intellectum, ut egregie ipse Aristoteles definivit in Rhetoricis. Inquietatur autem mens quolibet defectu viso. Estque consideratione dignum, experientiam docere, animum humanum nullis bonis habentibus defectum fatiari. Imo quo majora talia bona obtinet, eo redditur avidior, & magis inquietatur. Plus enim inquietudinis patiuntur divites Principes, ac Reges, quam simplex rusticus cui severus sit victus ex quotidiano labore. Quid enim sunt magnæ fortunæ Principum cum defectu mortalitatis agnito, nisi miserales tragædiarum casus? Nunquam fuit poëta ita ingeniosus, qui ausus fuerit ad fletum excitare theatrum miserabili sorte unius simplicis rustici, securi de suo victu ex quotidiano labore. At quilibet, etiam non ingeniosus poëta historicis Principum fictis facile lacrymas movet.

Ratio à priori est. Quia natura tota fertur ad bonum, quia bonum, non quia malum, nec quia defectuosum, & contra retrahitur ab illo, & incipit sentire fastidium propter defectum animi, & dolorem, si ergo omnia bona habent defectum, & nulli inest cumulus omnium perfectionum simpliciter simplicium, necesse est, totam naturam inquietari labore quodam stulto. At natura non vult ita gubernari nec bonum est, regnare hæc bona, quæ non afferunt pacem, sed inquietudinem perpetuam. Unum ergo bonum est perfectum, in quo sit omnis perfectio, Alioquin unum ex duobus faciendum est. Vel cessandum est omnino ab amore, vel indulgendum perpetuæ inquietudini. Hoc secundum est stultum. Primum non est concedendum, quia prudentis est amare bonum virtutis. Ergo, ne hæc in absurda incidamus, fatendum est existere bonum perfectum.



Sed respondebit Atheus, nos cum Aristotele ultro as-  
sumere, Mundum bene gubernari. Ideo ipse negat  
Deum, & providentiam, quia sibi videtur mundum  
male gubernari. Sed ad primum dicere possem, ex parte  
mundum male gubernari, ex ea scilicet parte, quæ gu-  
bernatur ab impiis, & non timentibus Deum. Ex hoc  
autem fit, remedium unicum esse obedire Deo, tan-  
quam gubernatori. Deinde dico, relicta parte peccato-  
rum, reliquam gubernationem esse optimam, & id mul-  
tos autores magna eloquentia demonstrasse. Vel autem  
mundus bene gubernatur, vel male. Quicquid dixe-  
ris, proba, esse Deum. Si bene. Ergo habet bonum Gu-  
bernatores. Si male. Ergo debuit aliter gubernari. Er-  
go potuit. Ergo existit potentia bene gubernandi to-  
tum mundum. Hæc autem est Deus.

Neque his repugnat, quod Apostolus dicat: oportet  
credere accedentem ad Deum, quod sit, & Augustinus  
lib. 11. de civit. cap. 4. & lib. 10. confess. cap. 6. *Mun-  
dum videri, Deum credi.* Et, quod cælum & terra surdis  
loquantur, nisi Deus altus misereatur. Nam ejusmodi  
sententiis tantum humanæ mentis per lapsum primi pa-  
rentis excœcatio facta insinuat, quæ impedit, ne ex  
creaturæ solius contemplatione in plenam Dei cogni-  
tionem devenire queamus, sed opus sit, ut mentis obum-  
brationem vera Fidei Lux discutiatur, sine qua omnis  
Philosophorum de Deo cognitio fuit confusa, indi-  
stincta, multo parva labore, plurimisque falsitatum er-  
roribus permixta, D. Prosper lib. 2. de revocat. gent.  
cap. 17. Et D. Thomas 2. 2. quæst. 1. art. 8. ad 1. Unde  
multo certius, ac plura de Deo Fide tenemus, quam  
Philosophi ratione naturali unquam investigare potue-  
runt.

Postremo licet olim nonnulli extiterint, qui Deum  
esse negarint, & hodie non pauci emergant impii, di-  
centes in corde suo, non est Deus; attamen & illi velint,  
nolint, quod nescire cupiunt, frequenter sentiunt. Dum  
enim aliquid iræ divinæ indicium se profert, Deum,  
quem student contemnere, inviti exhorrescunt, ac ti-  
more maximo perturbantur. Unde id, nisi ex divinæ  
Majestatis ultione, quæ eorum conscientias anxietate  
percellit? Et quantumcumque audaces Dei contempto-  
res esse videantur, nunquam tamen, se ab hoc stimulo  
conscientiæ omnino extricabunt. Unde ipsi quoque  
Numinis contemptores exemplo sunt, vigere semper in  
omnium hominum animis aliquam Dei notionem.  
Nam licet judicium cæleste, quodque de religione  
omnibus seculis creditum est, verbis eludant, se tamen  
è Dei metu eximere nequeunt, quia intus eos mordet  
conscientiæ vermis, qui nunquam emoritur, sed tor-  
quet, nec integram sivit esse peccati voluptatem.

Contra quos Atheos, ad evincendum esse aliquem  
Deum in primis valet anxietas, & stimulus conscientiæ,  
quæ delinquentes mox apprehendit, & torquet, ut in  
primo parente apparuit, qui se à facie Dei absconde-  
re tentavit, ut Chrysostomus Hom. 17. & 20. in Genes.  
ostendit.

Item testantur pœnæ & supplicia peccatorum, Deum-  
que contemnendum, ut immissio diluvii, conflagratio  
Sodomæ, perditio Pharaonis, omniumque Egyptio-  
rum Israelitas persequentium, sicut iis auditis Jerro  
Exod. 18. dixit: *Nunc cognovi, quia magnus Dominus su-  
per omnes Deos.*

Idipsum convincunt miracula, omnem creaturæ vir-  
tutem excedentia, ut resuscitatio mortuorum, conserva-  
tio in igne, vel à morfu Leonum, ut Danieli accidit,  
prædictio Prophetarum, qui futura contingentia, li-  
berosque hominum actus, tanquam sibi præsentis, re-  
ferarunt.

Convincunt & conservatio, ac protectio cultorum  
Dei, quos miris modis Deus invictos ab initio mundi  
reddidit, ut coram Holoferne Achior insigni oratione  
deduxit, concludens Judith. 5. *Si non est offensio populi  
hujus coram Deo suo, non poterimus resistere illis, quo-*

*niam Deus illorum defendet eos, & erimus opprobrium  
universæ terræ.* Quod nec Consiliarii Aman, hostis Ju-  
dæorum, ignorarunt, dum ei dixerunt. Hester 6. *Si de  
semine Judæorum est Mardocheus, ante quem cadere cœ-  
pisti, non poteris ei resistere, sed cades in conspectu  
ejus.*

Denique Deus se per incarnationem hominibus ma-  
nifestavit, restituendo cæcis visum, claudis gressum,  
ægotis sanitatem, surdis auditum, mortuis vitam, con-  
vertendo aquam in vinum, multiplicando panes, se  
mortuum resuscitando, in cælum ascendendo, Orbem  
terrarum ad credendum in Christum crucifixum addu-  
cendo. In ea enim summa Dei virtus apparet, quod  
in nomine Jesu omne genu flectatur, quodque toti Orbi  
salutis spem Fide in Crucifixum pendere persuaderi po-  
tuerit. *Cruce enim Judæis scandalum, Gentibus stultitia.*  
Sed opera Christi testimonium perhibent de ipso, quod  
sit Deus Joan. 10. *Si mihi non vultis credere, operibus  
credite.*

Pro veritate divinæ existentiae vide præ aliis, Ter-  
tullianum lib. 1. contra Marcionem cap. 10. Divum  
Chrysostomum orat. 12. Asclepium Aristotelis inter-  
pretem 1. *Metaph.* Sextum Epyricum lib. 8. *com. in  
Mathemat.* Philonem Judæum lib. 1. *de Monarchia.* La-  
ctantium lib. 2. *divin. instit.* cap. 8. Minutium Felicem  
in Octavio, Theodoretum Serm. 4. *de provid.* Epipha-  
nium in lib. contra gentes. Gregorium Nazianzenum  
Orat. 4. & 30. Ioannem Chrysostomum in Psalm. 13.  
Ioannem Damascenum lib. 1. *de fide Orthod.* Augusti-  
num tam lib. 8. & 11. *Civis.* cap. 4. quam lib. 10. *confes-  
s.* cap. 6. & lib. 3. *de libr. arbitr.* Thomam Aquinatem 1.  
p. 9. 2. ar. 1. & 2. & 9. 103. *per totam,* & 2. 2. q. 102. ar.  
2. & lib. 3. *contra Gentes* cap. 64. omnesque verè Ca-  
tholicos, præcipue P. Mercennium cit. cum. cap. 1. v. 1.  
art. 3. in Genes. ubi tam exacte reperiuntur contritæ  
Atheorum objectiones, ut nihil superesse videatur.

Ego hic ob signo hanc Consultationem cum Tertul-  
liano in Apologet. cap. 17. *Cum Atheismus sit summa  
delicti nolentium recognoscere, quem ignorare non pos-  
sunt, utique in S. Officio contra Atheos debet esse summa  
punitio.*

## CONSULTATIO XXIX.

*De Polytheismo, sive de Idololatria; Deorum plura-  
litate admittentibus, ejusque causis, origine,  
varietate, progressu. Vbi tam ex S. Scriptura  
quàm ex Sanctis Patribus ostenditur non esse  
nisi unum Deum verum. Et an Deum esse tan-  
tum unum demonstrari naturaliter possit? Quid  
de hoc senserint Poeta, Philosophi, Sybilla? Ratio-  
nes unitatem veri Dei demonstrantes.*

Vidimus in superiori Consultatione, ut Mosaicæ  
etiam, & Christianæ doctrinæ expertes, partim  
traditione perpetua, partim è rerum natura cognove-  
runt homines Universalitatis parentem & Opificem. Ex  
eadem verò doctrina per manus tradita, rationeque fir-  
mata, non multos, sed Unum animo conceperunt, qui  
omnia condiderit, & arbitrio suo moderaretur. Itaque  
illi etiam, qui Mundi gubernationem à pluribus dice-  
rent sustineri, cum tamen aliquid maximè serium pro-  
mere vellent, veterem servare consuetudinem, quàm  
novæ insisterent, maluerunt, ut qui Deum potius, quàm  
Deos dicerent. Unde Lactantius libro secundo cap.  
1. *Cum jurant, & cum optant, & cum gratias agunt,  
non Jovem, aut Deos multos, sed Deum nominant,  
adeò ipsa veritas, cogente natura, etiam ab invitis pecti-  
ribus erumpit.* Pluraque inibi in hanc mentem. Idem  
lib. 1.



lib. 1. cap. 2. *Cuncti de uno Deo, cum id negare non possunt, ipsum se colere affirmant; verum hoc sibi placere, ut Jupiter nominetur. Nec temerè hoc à Lactantio dici, ipsa Gentilium confessione comprobatur. Senecam audi lib. 4. de benef. cap. 7. ubi inter alia inquit: Quoties vobis tibi licet aliter, hunc Autorem rerum nostrarum compellare. Tot appellationes non possunt esse, quot numera. Hunc & Liberum patrem, & Herculem, ac Mercurium nostri putant. Sic hunc Naturam voca, Fatum, Fortunam, omnia ejusdem Dei nomina sunt, variè utentis sua potestate. Alium dabo itidem Gentilem. Is erit Maximus, qui sic suo, aliorumque Gentilium nomine loquitur epistola ad B. Augustinum: Equidem unum esse Deum summum atque magnificum, quis tam demens, tam mente captus, neget esse certissimum? Hujus nos virtutes per mundanum opus diffusas multis vocabulis invocamus, quoniam nomen ejus cuncti proprium ignoramus. Nam Deus omnibus religionibus commune nomen est. Itaque sit, ut dum ejus quasi quadam membra carptim variis supplicationibus prosequimur, totum colere profectò videamur.*

Nec eorum hoc duntaxat judicium est, qui à nato Christo vixerunt. Similiter enim vetustissimi Philosophorum sensere, uti Italicae sectae princeps Pythagoras.

Hinc Lactantius de ira Dei, cap. 11. *Pythagoras unum solum confutetur, dicens, incorporalem esse mentem. Idèò & Deum vocabat Monada, sive unitatem. Macrobius in Somn. Scipion. lib. 1. c. 6. Monas initium, finisque omnium, neque ipsa Principii, aut Finis sciens, ad summum refertur Deum. Idem cognoscere est ex Nicomacho Geraseno apud Photium, Mercurius Trismegistus, etsi Sacerdos esset, & ad Idolorum templa concederet eadem sensisse, quæ Moyses docuit, & unum Deum laudibus celebrasse, testatur Cyrillus Alexandrinus lib. 1. contra Julianum, fidemque faciunt ejusdem Mercurii verba in Pimandro, ubi Deum deprecans, ut rationabile sacrificium suscipiat, sic eum in singulari alloquitur: Ineffabilis, indicibilis, silentio vocatus, qui scilicet silendo vocans, audiens etiam silentes, mox orationem exordiens, ait, Sanctus Deus, qui vult cognosci, & cognoscitur à suis. Sanctus es, qui solo verbo cuncta fecisti, Sanctus es, cuique omnis natura fuit imago, Sanctus es, quem non formavit natura, nimirum cujus forma nusquam in natura est, Sanctus es, qui superior, & fortior es, omni laude superior. Et quamvis nonnulli dubitent, vel etiam negent ea opera, quæ sub ejus nomine circumferuntur, esse ipsius, sed conficta à posterioribus fuisse, plures tamen alii oppositum docent. Omnes autem conveniunt, esse alicujus antiqui Philosophi unum solum Deum agnoscantis, cujus etiam testimoniis cum usi fuerint Lactantius, Augustinus, & alii multi viri doctissimi, dicendum est, ea probatam continere doctrinam; de quo fusius videri poterit Augustinus Eugubinus tom. 3. lib. 3. de perenni Philosophia cap. 3.*

Orpheus cum antea centum sexagintaquinque Deos invexisset, unum postea sub mortem agnovit, ut testatur Theophilus in 3. ad Autolicum, & inter alia, quæ de Deo cecinit, sic habet.

*Unicus est per se existens, qui cuncta creavit.*

Deinde:

*Magnum adeò præter Regem non alter habetur:*  
Item:

*In cunctis Deus unus.*

Homerus etiam naturæ instinctu sæpè Deum universalem nominavit, de quo vide S. Justinum Philosophum, & Martyrem in Apologia. Hesiodus apud Clementem Alexandrinum. Aratus operis initio, Phocilides in præceptis paræneticis.

*Est unus, sapiensque, potens Deus, atque beatus.*

Sed omnium præstantissimè Sophocles apud Justinum, Athenagoram, Clementem, Cyrillum, & Eusebium in Chronico.

*Unus profectò est, unus est tantum Deus, Qui cælum, & amplum condidit terræ globum, Adarisque fluctus, vique ventorum gravem. Plerique nostrum, mente sed capiti, Deum, Simulachra nobis, cæni mali solatium, Cum saxeæ, atque acervæ consecravimus, Sive aureas, eburneasque imagines; Sacris, & istos colimus; his festos dies Agimus, pios hos esse nos remur modo.*

Post Trismegistum habemus Simonidem, qui non modò singularem Deum nominavit, sed item de sapientia, bonitateque ejus ineffabili, & incommunicabili altissimè philosophatus est. Testimonium sapientiæ adducitur ab Aristotele lib. 3. *Metaph. cap. 2.* Bonitatis à Platone in Prothogora. Refertur & istud à Clemente in Proteptico, & Cyrillo adversus Julianum Pythagoræ dictum: *Deus quidem est unus. Is autem non est, ut quidam existimant, extra mundum, sed in ipso totus. In toto circulo præses omnis generationis, universorum temperatio semper existens, & opifex suarum virium, & operum omnium. In cælo illuminator, omnium pater, mens, & animatio totius circuli, omnium motus. Eadem ferè Architas Pythagoræ discipulus apud Jamblicum de secta Pythagoreorum. Eandemque doctrinam tradit apud Philonem Judæum Philolaus ejusdem Pythagoræ cum Archita auditor. Princeps, & dux omnium Deus, unus semper existens singularis, ipse sui similis aliis aliis. Atclepius ad Ammonem Regem de Deo profunde scribens, eum singulariter nominat, & ei tanta Majestate laudes concinit, concluditque his verbis: *Supremus omnium Rex Deus.* Plato & Aristoteles Deum unum, ac supremum apertissimè omnium prædicarunt. De Platone testatur Cyrillus lib. 1. contra Julianum. Laudans Porphyrium, qui in lib. 4. *Histor. Philosoph.* ait, Platone de uno Deo & sensisse, & loquutum esse. Nullum verò nomen ei convenire, neque humanam mentem eum capere. Hoc ipsum de eodem Platone, & Aristotele asserit Athenagoras.*

Proferamus post Poetas, & Philosophos nonnulla Sybillarum de unitate Dei testimonia. Quemadmodum enim, nè quis in hujus veritatis testificatione deesseret, Anna mater Samuelis 1. Reg. 2. divino Spiritus afflatu inter cætera cecinit. *Non est Sanctus, ut est Dominus, nec enim est alius extra te, & non est fortis sicut Deus noster.* Ita quoque inter Gentiles Deus non sine speciali providentia Sybillas esse voluit, quæ eandem veritatem, pluresque alias ad divina mysteria pertinentes docerent, passim citatæ à primis Ecclesiæ Patribus, ex quorum Libris hæc deprompsimus testimonia, eo, quo referuntur ordine tom. 1. *Biblioth. Sanctorum Patrum*, ex lib. 1. quem citat Theophilus Antiochenus lib. contra gentes ad Antolycum.

*Conditor omnia qui nutrit, cunctisque suavem Indidit afflatum, mortales qui regit omnes. Unus, qui solus regnat Deus, atque supremus Omnipotens nunquam genitus, qui conspicit ipse Omnia, mortali non aspectabilis illi.*

Ex lib. 2.

*Unus & immensus Deus est, regnator & unus. Æthereus, sese consistens totus in uno, Cuncta videns solus, non aspectabilis ipso.*

Ex lib. 3.

*Nam solus Deus, & nescit habere secundum.*

Ex lib. 4.

*Audi, gens Asia nimis, Europæque superba, Hac, qua mellifono verissima varicinar Ore puro, nostro dictata à Numine magno.*

Ex lib. 5.

*Nè Deus æternus succensens delectat olim Omne genus, vitamque hominum, stirpemque nefandam Æternus genitor, sapiens Deus usque colatur.*

Minus



Mindus itaque mirum est, in tam sonora Naturæ Deum unum denunciantis veluti voce unitatem illam probasse Mahemetanos, quibus, ut scribit Barthomæus Georgievitz *lib. de Turcar. Ritib. cap. 1.* in templis loco imaginum habentur inscripta Arabicè hæc verba: *La illah, illelah*, id est, *Non est Deus nisi unus*. Et ejusdem significationis verbis, nempe: *allah hecber*, id est, *Deus verus unus*, de turri sacra miræ altitudinis ter alta voce à Sacerdote ingeminatis, convocatur ad orationem, tandemque convocati ad longum tempus corpora in laus quantentes nihil aliud submissa voce cantilant, quam suum *La illah illelah, non est nisi unus Deus*. Itaque apparet, Dei unitatem apud Gentes, etiam depravatissimas, fuisse compertissimam.

Atque hæc iis etiam firmanur, quæ legere est apud Beffationem in 2. adversus Platonis calumniatorem *cap. 4. & 5.* Sed fusè in primis hoc argumentum tractavit Augustinus Stenchus in 2. de perenni Philosophia, ubi multa non infelicitè congerit, excepto, quod genuinis scriptoribus adulterinos securè permiscet, quales inter alios, quos passim ad partes advocat, Hermes Trimegistus, & oracula Sybillina.

Porro Polytheismus significat supersticiosum illorum errorem, qui ejusdem supremi Numinis unitatem directè negant, indeque Deorum pluralitatem admittunt, & colunt. Ut enim unitas, qua asserimus, unum duntaxat esse Deum, involvit negationem omnis alterius Dei distincti ab illo, quem dicimus esse unum, quemque adoratione, ac servitute illi soli debita veneramur, non solum tanquam possibilis, Deus enim necessariò est unus, atque adeò non actu non datur, sed nec dari prorsus potest ullus alius Deus; ut, inquam, unitas Dei similem involvit negationem, ita qui semel negant ejus unitatem, sive illum esse unum, plures consequenter Deos confingere, iisque divinum honorem, & cultum exhibere tenentur. Unde rectè Polytheistæ, nec non etiam Idololatæ vocantur, loquendo de Idololatria propriè sumpta, prout illam potissimum intendimus in hoc loco impugnare, ad quam tria requiruntur. Opinio aliqua divinitatis de idolo, sive re quæ adoratur. Affectus adorationis in voluntate, adoratio ipsa, sive exhibitio omnis submissionis, & recognitionis alicujus excellentiæ divinæ in re sic adorata.

Idololatriæ autem hoc modo considerata plures solent assignari causæ, quas D. Thomas 2. 2. *qu. 94. art. 4.* ad duas reducit. Primam vocat dispositivam, sive occasionalem ex parte hominum se tenentem. Alteram consummativam ex parte dæmonum. Ubi, dum ait, causam Idololatriæ dispositivam fuisse ex parte hominum, non loquitur de illis, attenta præcisè vel absolute eorum natura, cum potius naturalis ratio illis dicat, quod unus sit Deus, & quod non sit mortuis cultus divinus exhibendus, neque rebus inanimatis. Sed in responsione ad primum refundit illam in naturæ defectum, vel per inordinationem affectus, prout scilicet homines aliquem hominem, vel nimis amantes, vel nimis venerantes honorem Dei ei impenderunt, vel per repræsentationis delectationem, quatenus homo naturaliter de repræsentatione delectatur, ut docet Aristoteles in *poet. cap. 2.* & ideò homines rudes à principio videntes per diligentiam artificum imagines hominum expressivè factas, divinitatis cultum eis impenderunt. Vel tandem per ignorantiam intellectus, qua homines veri Dei excellentiam non considerantes, quibusdam creaturis propter pulchritudinem, seu virtutem, divinitatis cultum exhibuerunt.

Cum autem ex eodem D. Thoma loco memorato *art. ad 4.* duplex distinguenda sit idololatria, una sine imaginibus, alia cum illis, & Idolis sensibilibus, ita se res habet, ut potissima prioris causa fuerit ignorantia veri Dei, propriæ ejus excellentiæ non debita consideratio, ut habetur *Sap. cap. 13. v. 1.* Posterior autem, sive Idololatria cum cultu, ac veneratione sensibilibus simu-

lachrorum originem habuerit ex delectatione à repræsentatione promanante, ut eodem Sapientiae *cap. dicitur v. 10.* Nec non ex nimio affectu ad aliquos homines mortuos, ac desiderio præsentiae illorum, accedente tyrannide, vel nimia Principum assentatione, ejusdem libri Sapientiae *cap. 14.* ubi Sapiens, asserens prius Idolorum usum non fuisse ab initio, neque futurum in perpetuum, sed ab hominibus otiosis, & vanis inventum esse, modum inventionis describens, ait: *Acerbo enim luctu dolens pater, citò rapti filii fecit imaginem, & illum, qui tunc quasi homo mortuus fuerat, nunc tanquam Deum colere cepit, & constituit inter servos sacra, & Sacrificia. Deinde interveniente tempore, convalescente iniqua consuetudine, hic error, tanquam lex, custoditus est, & Tyrannorum imperio figmenta colebantur.* Et hæc concludit Sapiens nonnullis interjectis, *fuit vite humana deceptio. Quoniam aut affectui, aut Regibus deservientes homines, incommunicabile nomen lapidibus, & Lignis imposuerunt.*

Dæmones autem vocantur à D. Thoma causa Idololatriæ consummativa, vel quia se colendos hominibus errantibus exhibuerunt, tum oraculis dando responsa in Idolis, tum spectris, ac præstigiis, tum plura, quæ ab hominibus miserabilia videbantur, patrando, tum eis aliqua temporalia bona promittendo. Vel etiam quia sine his, Dæmone suadente, ac tentante, homines in Idololatriam prolapsi sunt, creaturas, à quibus, aut quarum auxilio in suis necessitatibus, aut ærumnis sublevari sperabant, ut Deos colendo, in quo cultu ratio Idololatriæ consistit, unde & Psalm. 95. dicitur: *Omnes Dii Gentium demonia.* Nam aut erant Dæmones, aut Figmenta dæmoniaca, cooperante dæmone cum suis præstigiis, ac deceptionibus, ut alia etiam præter ipsum creaturæ, vel animatæ, vel inanimatæ, ut Dii, à Gentibus colerentur.

Quam verè hæc dicantur à nobis, arguit, quod Gentiles, præter eximios quosdam, etiam cum Deum cognoscerent, eum tamen non cognoscerent Deum, hoc est, cum viderent esse Deum, qui universum hoc regeret, & coli à nobis vellent, non tamen viderent, eum esse, cujus revera esset divinitas, ut qui eam tribuerint Dei opificio, quam rerum naturam vocamus. Quare illis contigit, ut cæco illi apud B. Joannem *cap. 9.* Hic enim cum videret Filium Dei, à quo visum acceperat, rogavit nihilominus, quis esset Filius Dei, ut si Regem cernas, & Regem esse nescias. Ac quasi alto pressi stupore, talem imaginati sunt, qualia forent, quæ oculis se quotidie subjicerent, somnioque suo nimium creduli opificium amplexati sunt pro opifice, divinitatem non tribuendo Deo, sed non-Deo. Quod verè erat veritatem in mendacio detinere. Unde Apostolus ad Roman. 1. v. 25. *Commutarunt veritatem Dei in mendacium, & coluerunt, & servierunt creatura potius quam Creatori, qui est benedictus in sæcula*, ut vulgaris vertit Interpres. Quia veritas, esse Deum, mendacium erat, Naturam esse Deum. Veritas quoque foret, colendum esse Deum, mendacium, Naturam honore prosequendam divino. Ut non malè hoc dicat Alexander ab Hales in 3. p. sum. q. 30. quæ est de adorat. *art. 1. Veritatem Dei tenere est unum Deum colere, veritatem in mendacium convertere est creatura servire pro Creatore. Vera enim Religio in unius constat veri Dei servitio. Una enim est vera divinitas. Si ergo Idololatria creatura servit pro Creatore, commutat veritatem in mendacium.* Sed ut multò amplius fecissent, illa sublimitas, ut Cyprianus utat verbis de vanit. *Idol. non potest habere consortium, cum sola omnium teneat potestatem. Una est divinitas, eoque nec cultus ejus discerni potest.* Plura asserere possem de istis, qui Deum, non ita cognoscerent, celebrarent, eumque & Belial sociare vellent, quantoperè hic cultus variavit, tum pro temporum, vel terrarum spatiis, tum pro legislatorum decretis, vel philosophorum sectis, nisi fastidium vereretur.

Solum



Solum igitur addam aliquid de Peruanis summum Deum agnoscentibus, quem vocant *Viracocha*, item *Pachacamac*, ad hæc *Pachaiachacie*, id est, *Creator cæli ac terra*. Aliis etiam ælogiis ornant, in quibus est *Usapu*, hoc est, *admirabilis*. Et tamen nullum in lingua sua vocabulum habent, quo Deum proprie exprimere possint, cæterarum gentium initar, quale Latinum *Deus*, Hebræum *El*. Ac propterea Hispani, eò ad prædicandum Evangelium profecti in literis ad Indos percriptis, non alia appellatione, quàm Hispanica *Dios* usi sunt, quo pacto illud sunt consequuti, ut eadem nunc Americani utantur. Idem in templo *Pachumac*, hoc est, *Creatoris*, quod in Peru extructum, sic colunt Creatorem, ut nihilominus sacrificent Diis suis. Nempe proclive satis est iis persuadere de summo Deo: at non item haud aliud præter eum Numen esse, vel coli debere. Tantus in animis eorum inveteratus error vallet. Quorum author est nobis Iosephus Acosta *lib. 5. cap. 3.*

De Polytheismi autem origine, hoc est, de initio temporis, in quo introduci cæpit, tot sunt, quot capita sententiæ. Aliqui enim existimant, Idololatriam, etiam per usus simulachrorum incæpisse à tempore Enos filii Seth, ac nepotis Adæ, vel quia ipse cæpit Dei imaginem ritu Catholico erigere juxta illud Genes. cap. 4. v. 26. *Ipse cæpit invocare nomen Domini*, & inde alii erronee sumpserunt occasionem Idola colendi, ac depingendi Deum sub forma sensibili, tanquàm propria Dei, quod ad Idololatriam spectat, ut docet Dionys. Carthusianus sequens scholasticam historiam Genes. 4. & sumitur ex Hebræorum lectione, ac interpretatione, quam ibidem refert Liptmanus in *Cæna* ex D. Hieronymo. Vel quia ipsemet Enos fuit tam pius, & sanctus, ut cæperint illum invocare, eique tanquàm Deo imaginem dicare. Quod significat Theodoretus *qu. 47. in Genes.*

Alii ad Ægyptios initium hujus pravi cultus referunt. Cum enim impius Cham Noe Filius in Ægypto regnaret, docuit accolæ adorare Cæli astra, Solem, Lunam, & Stellas, ut Deos. Quod, inquit, in usum difficile non fuit in regione, ubi propter defectum nubium, ac imbrum mira claritate, ac pulchritudine fulgent, miroque in terram emittunt influxus. Quinimodò horum exemplo omnes propè populi, ac gentes in hoc unum deinceps convenisse videntur, ut Solem, & Lunam, cæteraque Astra, Deos esse crederent.

Inter omnia autem astra Solaris cultus prævaluit. In hanc varia eos sententiam impulerunt, ex quibus est, quod in sublimi, ipsisque cælis spectaretur. Nam ut Aristoteles ostendat, cælum non corrumpi, ita differit lib. 1. de cælo cap. 3. textu 12. *Omnes de Diis eam habent opinionem, atque omnes, qui Deos esse existimant, tam Græci, quam Barbari, supremum Diis locum tribuerunt, propterea quod immortalis conveniat immortale. Aliter enim fieri non potest.* Ibiq; simplicius hoc appellat naturalem quandam existimationem in animis humanis. Quod etiam scribit Themistius in sua paraphrasi, interprete Mose Alarino Hebræo Spolerino. Ac etiam ex sermone Gentili hæc adstruit Tertullianus Apolog. cap. 17. *Quod Deus dederit, omnium vox est, Judicem quoque contestatur illum, Deus videt, &, Deo, commendo, & Deus mihi reddet.* O testimonium animæ naturaliter Christianæ! Denique pronuncians hæc, non ad Capitolium, sed ad cælum respicit. *Novit enim sedem Dei vivi: ab illo, & inde descendit.* Atque hæc conveniunt cum Sacris Literis. Non tamen eo pertinere videtur, quod vulgo referunt ex Psalm. 19. juxta vulgarem impressionem v. 5. *In sole posuit tabernaculum suum.* Ubi hebræa sonant, *Soli posuit tabernaculum in ipsis, puta cælis.* Solidius est, quod Servator noster Christus sic docuit nos precari. *Pater noster qui es in cælis.* Atque etiam hoc ita reddere possis, *qui inhabitas cælos*, ut loquitur Psalter *Psalm. 11. v. 4. & 112. v. 5. item*

120. v. 1. *Quod tamen commodè capiendum quando, ut Philo ait Sacre Legis allegor. lib. 2. edit. Turneb. Omnia implet Deus, & omnia penetrat, & sui vacuum, desertumque à se nihil relinquit.* Similiterque Theophilus ad Autolyicum *lib. 2. item Origenes in 2. contra Celsum* Macarius *Homil. 7. & 16.* Præterea Nazianzenus, Nyssen, Chrysostomus, Theodoretus, Damascenus. Ex Latinis Cyprianus, *de vanit. Idol.* Hilarius *lib. 1. de Trinit.* Ambrosius *lib. 1. de Spir. S. cap. 7. & in Psalm. 118. ser. 19.* Hieronymus *in Isai. cap. 66.* Augustinus *Ep. 57. ad Dardanum & lib. 7. Confess. cap. 5.* ubi egregia similitudine id declarat, & tot alii. Ut Deus non eò cælos inhabitare dicatur, quasi iis sit circumscriptus, sed ad significandam Dei providentiam, quia qui cælos inhabitat, præest cælis, & iis, quæ cælis sub sunt, ut in uno illo fiduciam reponere debeamus. Hinc Psalm. 113. v. 5. *Quis sicut Dominus Deus noster, qui in altis habitat, & humilia respicit in cælo, & in terra?* Ex his dilucet, quo discrimine à Græcis, & Barbaris Christiani putarint, Deum *Cælos* inhabitare. Interim in eo consentiunt, Deum esse in cælis eoque mirandum minus si Gentiles Solem, quo nihil in eo illustrius, Deum, vel unum, vel præcipuum putarint.

Præterea Gentiles eò Solem putarunt Deum, quia in lucidis illis corporibus æther nihil haberet Sole excellentius. Quatuor verò eum commendant, regio Vari memorata, & ex eo Gregorio Nazianzeno adducta *orat. 20.* quæ est in laudem Basilii: *Laudatur apud Davidem Solis pulchritudo, & magnitudo, & cursus celeritas, & vis, ac facultas.* A motu, secundum Pythagoricos, est sonus suavissimus, undè Sol Divum Lyra. Quæ cum rapere omnes deberent in admirationem, & laudem opificis, longè aliter in maxima mundi parte evenit. Nam cum horum quædam vulgares etiam animæ viderent, cætera paulatim sapientiores Gentilium perspicerent, pariter penè omnes in eum delapsi sunt errorem, ut vel solem crederent unicum cæli Numen, quomodo Ægyptia eum appellat Theologia, vel saltem præcipuum Solem Numen putarent, Syderibus aliis, ob minorem utilitatem, honore inferiori cultis. Promanavit igitur hic error ab imperfectione animi humani. Quod & docet D. Thomas *opuscul. de Symb. Apost.* ubi quatuor esse causas, ob quas homines defecerint à cultu veri Dei adstruit.

Quàm autem antiquus sit Cultus solaris, ex Mose discernendum est, cujus temporibus hunc cultum obtinuisse colligitur ex interdicto illo repetitæ Legis cap. 4. v. 19. *Nè forte eleves oculos tuos in cælos, & videas Solem, & Lunam, atque Stellas, cum universo exercitu cælorum, & impulsus adores, atque colas ea.* Valdè etiam antiquitatem hanc comprobatur locus ille Jobi cap. 31. v. 26. 27. ex quo non modò vetustatem Idololatriæ hujus cultus ostendit, sed etiam ritus ejus, quo Solem adorabant, manum osculantes, ut hæc verba indicant: *Si osculatus sum manum meam ore meo.* Quem locum etiam Hieronymus in *Ezechiel. 8. 17.* & Apolog. 1. in *Rufinum* refert ad ritum, quo Gentiles in adorando dexteram ori admovebant. Pertinet quoque eodem 1. sive 3. Reg. 19. *Gemma, qua non sunt curvata ante Baal, & omne os, quod non adoravit eum osculans manum.* Apud Gentium Scriptores passim fit mentio hujus ritus. Apuleius *Apolog. 1.* Lucianus *lib. de Saltatione.* Et in *Demosthenis encomio.* E nostris etiam Minucius Felix in *Octavio.*

Valdè autem verisimile est, perantiquum etiam esse, & fortasse à primis solaris cultus temporibus, morem illum provenisse, ut præcipuè colerent Solem Orientem ac quocumque etiam tempore ad Orientem conversi precarentur Deum. Israelitæ autem contra Occidentem versi, ubi Sanctuarium erat, preces Deo fundebant, atque ita se ostendebant *precantes adorare non Solem Orientem, sed Solis Dominum*, ut ait Anastasius Nicænus *quæst. 18. inscripturam.* Hoc ita esse tùm porta Orientalis ostendit, per quam ingressi Tabernaculum, vel

Templum



templum, ad Occidentem oraturi pergebant, ut cognoscimus ex *Exodi* 26. Tum etiam verba Ezechielis Prophetæ 8. 16. ubi Israëlita accusantur, quod precatum ad Orientem se converterent. Sic Magos precatos refert Herodorus *lib.* 1. Vitruvius *lib.* 4. *cap.* ult. & Maro

12. *Anead.*

Christiani veteres in hoc maluerunt Gentilium, quam Judæorum ritum sequi. Clemens Alexandrinus *lib.* 7. *Strom.* Hinc & visi solem adorare. Tertullianus *Apolog.* Clemens Romanus *lib.* 2. *constit. cap.* 57. Origenes in *lib.* *Num. homil.* 3. Augustinus *lib.* 2. *de Serm. Dom. cap.* 19. Damascenus, etiam ab Apostolis id ajunt institutum. Ac similiter sentit Justinus, sive alius, *quaestio- num, & responsionum ad Orthod. resp.* 118. Item Athanasius, vel alius *ad Antiochum q.* 37. S. Basilus *de Spir. S. cap.* 27. immò & Augustinus *ad Casulanum presbyterum.* Templum etiam Orientem versus extrui à Christianis solere, præter Clementem Romanum loco memorato, Paulinus quoque author est *ep.* 12. *ad Severum.* Sed cum ritu convenirent, longè tamen aliud spectabant Christiani, quam Gentiles. Hi Solem spectabant, qui sensus illustrat, Christiani Solem justitiæ Jesum Christum, qui mentes illustrat. Undè & à Tertulliano Oriens *Christi figura* dicitur, contra Valentianum *cap.* 3. atque hanc rationem adducit Clemens Alex. *lib.* 7. *Strom.* Sed alii eò respici dicunt, quia Paradisum, undè eieci sumus, spectemus, rogantes, ut illuc restituamur. Sic Athanasius *ad Antiochum q.* 37. & Basilus *ad Amphilo- chium de Spir. S. cap.* 27.

Quam autem latè Solis cultus patuerit, nunc ostendam. Sol ob beneficam vim Osiris, ob maleficam, & violentam Typhon, ac Seth vocabatur. Cultus Emefsenis, cum Mercurio, & Marte nomine Elagabali. Cultus Phœnicibus, Syris mediterraneis, Assyriis, & Madianitis, nec non Sabæis Ægyptiis, Æthiopi- bus, Marmaricis, & Ammonitis, Pœnis, Græcis, & Romanis, præcipue Persis. Undè Persa bello captus, & Christiana sacra fide suscipiens, sermone dulci, at perfido, ferebat hoc semper in oro Symbolum; Soli Deo honor, & gloria. Sol nempe Deus Persarum.

Sed longæ fuerit operæ, si omnes velim gentes referre, quæ sub nominibus diversis Solem pro summo habuerint Numine. Nam Orbe propemodum uni- verso consuetudo hæc fuit, idque ab antiquissimis idololatriæ cultus temporibus. Undè est, quod Gen- tes etiam illæ, quibus commerciorum munus cum aliis fuit, eoque veteris forent erroris retinentiores, vel solam colerent Solem, ut Meslagentæ, de quibus Hero- dorus sic scribit: *ex Diis unum Solem venerantur.* At- que addit deinde, equum, ut & Persas, ei sacrificasse. Quia Deo celerrimo celerrima victima conveniret. Ab Indis etiam Solem, sed unà cum Luna, cultum fuisse, prodidit Ctesias in *Indicorum opere.* Idem statuendum de incolis Haaulam, quæ nunc Zeilam, Ptolomæo Taprobrana, nisi ea Sumatria potius, de qua gente Benjaminus Tudelensis in *itinerario suo*, Ben Atia Montano interprete. Gentes etiam Germa- nicas, ac Sarmaticas, Solem maximè cunctatas, do- nec Christo nomen darent, satis cognoscere est ex Annalibus illorum populorum, & iis qui reliquere nobis vitas Sanctorum à quibus gentes hæc primùm conver- se fuerunt. Immo extremæ etiam Septentrionis nationes admodum tenui nunc quoque Christi notitia imbutæ, simulac æstivo tempore Sol conspici cœpit, adorant eum, gratiasque agunt pro Semestris spatii & tene- bris, & frigore lucem, caloremque apporret, ut Olaus magnus refert *rerum Gothicarum lib.* 3. *cap.* 2. De Solis etiam cultu apud Tartaros, vel potius Tataros, varii testantur. Atque idem dixero de gentibus Ame- ricanis, uti insulis Canehalicis, quarum incolas non alios colere Deos, quam Solem, Lunam, Cælumque, in opere, quod inter alias navigationes, illam Chri- stophori Columbi exhibet, legas *cap.* 88. & 92. *sive*

Tom. I.

*edit. Paris. ann.* 1532. *pag.* 81. & 84. Item de Cera- barois populis propè Hiebram, & Beragiam, quos orientem Solem venerari, tradit Petrus Martyr Me- diolaniensis. *Oceana decadis* 3. *lib.* 4. Item de Perui- nis, qui post *Viracocham*, hoc est, *Creatorem* universi, in primis Solem coluerunt, cui tertium honoris gra- dum Guaca, sive Tonitru obtinebat. Tantis verò is honos Solis fuit, ut in Metropoli Cusco etiam infan- tes ei mactarent. Quod Acoſta traditum *Indicorum lib.* 5. *cap.* 4. Habes de sacrificiis, quæ syderi huic fa- ciunt Perui apud Joann. Lerium *navigationis in Brasiliam cap.* 16.

Elementa quoque visibilia, ut aërem, ac ignem iidem coluerunt Ægyptii, Nilumque ipsum, cujus aquarum abundantia Ægypti regio fertilis redditur, nec his Diis contenti, vix animal utile, aut nocivum reliquere, quod non colerent, ut Deum. Insuper his Diis brutis addidere multa herbarum genera, de quibus præ aliis Juvenalis *lib.* 5. *Satyr.* 15. *O sanctas gentes, quibus Dii nascuntur in hortis.* De iidem Ægyptiorum Diis videri possunt Herodotus in Euterpe, Diodorus Siculus, Solinus, D. Augustinus *lib.* 2. *de civit. cap.* 22. Euseb. *de prepar. lib.* 8. *cap.* 26. ac Theo- doretus *de Evangelii cognitione lib.* 13.

Sed, quod magis est, plures ad illos spectare viden- tur sacra Scripturæ loci in quibus vel condemnatur, vel prohibetur, vel etiam reprehenditur nonnun- quam similis Idololatria filiorum Israël, quam prop- ter diuinam cum Ægyptiis conversationem discere ab illis potuerant, Deuter. *cap.* 4. v. 19. *Ne forte elevatis oculis in cælum videat Solem, & Lunam, & omnia astra cæli, & errore deceptus adores ea, & colas quæ creavit Dominus Deus tuus in ministerium cunctis gentibus, quæ sub cælo sunt.* Idem *cap.* 17. v. 3. & *lib.* 4. *Reg. cap.* 21. v. 3. & *lib.* 2. *Paralip. cap.* 31. v. 3. ac *Exodi.* 8. v. 25.

Nonnulli docent, Idololatriam ab Assyriis, ad quos etiam Chaldæi pertinent, initium sumpſisse, quatenus Nembrod, sive Belus, de quo *Genes.* 10. v. 10. fuit autem principium regni ejus Babylon circa annum mundi 1841. aut propter elementi ignis activitatem, aut quia didicerat à suis majoribus, mundum, sicut diluvio perierat, ita aliquando igne absumendum fore; ideoque illum timebat, ut Deum cœpit colere, suisque subditis colendum proponere, tali postea apud eos cultu multo tempore permanen- te, qui non obscure colligi potest ex illo *Genes.* 18. *ego Dominus, qui eduxi te de Hur Chaldeorum.*

Ninus autem hujus Nembrod filius, primus quo- que Idolorum inventor dicitur, quia, ut narrat Ma- gister in *hist. scholast. super cap.* 2. *Genes.* vita functo Nembrod, patre suo, in solatium doloris imaginem ejus fecit, quam tanto prosequutus honore, ut qui- busvis reis ad illam confugientibus libenter parceret, propter quod etiam cœperunt homines divinos illi honores impendere, ut ait D. Hieronymus in illud *Isaia* 46. *confractus est Bel.* cujus rei exemplo cœte- ri non solum Diis suis, verum & sibi dilectis vitæ functis, simulachra formandi, eaque adorandi usum sumpserant.

Nec leve ejus sententiæ argumentum, aut obscura conjectura est, quod pleraque Idola variarum natio- num, præcipue Orientalium, ex hoc Belo appella- tionem duxerint, una vel altera literula mutata, ut observavit D. Hieronymus in *cap.* 2. *Osee.* Nam Idolum Mohabitarum vocabatur *Beelphegor*, Num. 25. eo quod coleretur in monte Phegor, cujus fit mentio Num. 23. Idolum Tyrriorum, ac Sydoniorum vocatum est *Baal*, & *Belial*, cujus roties fit mentio in Sacra Scriptura; & *Baal Sane*, id est, Princeps cæli appel- latum est Idolum Punicorum, ut ait D. Augustinus *q.* 16. *super Librum Judicum*, ac *Beelzebub* Idolum Acha- ronitarum 4. *Reg.* 1. à muscis, *Zebud* enim muscam significat,

E



significat; quæ in odorem mactatorum illic pecorum advolabant. Quare, ut illi supremum suorum Deorum Beelzebud vocabant, ita Judæi in eorum odium, ac irrisionem principem demoniorum appellabant eodem nomine, Lucæ 11. *In Beelzebud principe demoniorum ejicis demonia.* Tot autem in locis Idolum Assyriorum cultum fuisse, aut ab illis in alias nationes, & regna Idolorum formationem, & adorationem diffusam fuisse, in causa forsan fuit, quod prima, & suprema penes eos mundi monarchia per multos annos existerit. Unde Nahum. cap. 3. de Ninive, Metropoli Assyriorum, fundata à primo inventore Idolorum Nino habetur: *Propter multitudinem fornicationum meretricis speciosa, & grata, & habentis maleficia, qua vendidit gentes in fornicationibus suis, & familias in maleficiis suis, ecce ego ad te, dicit Dominus exercituum.*

Est tandem sententia Judæorum, referente D. Thoma 2. 2. q. 94. ar. 4. ac Isidoro *Etymolog.* cap. ult. quæ facit Ismaelem primum Idolorum inventorem, & datorem, putantque aliqui, Ludum illum Ismaelis cum Isaac, qui valde displicuit Saræ, Genes. 22. fuisse adorationem Idolorum ab Ismael ex luto formarum, quam Isaacum fratrem suum docebat.

In hac sententiarum varietate primum assero, nunquam sic obsecratum fuisse mundum ante Christi adventum, ut aliquo, vel modico tempore nullus verus dei cultor internus, & externus fuerit, sed omnes Idololatriæ, aut cultui falforum Deorum indulerint. Hoc autem est tam certum quam certum etiam de fide est, veram dei Ecclesiam nunquam defecisse, nec defecturam esse.

Aio deinde probabilius, ac verisimilius esse quod in prima mundi ætate, hoc est, à creatione mundi usque ad diluvium inventa non fuerit Idololatria. Sic expressè docet Cyrillus Alex. li. 1. § 3. *adversus Julianum*, nec non D. Thomas 2. 2. q. 94. ar. 4. ad 2. videturque habere fundamentum in illo Sap. 14. ubi dicitur, Idola neque fuisse ab initio, id est, in prima ætate, neque in æternum mansura. Nam, ut ait D. Augustinus lib. 15. de civit. cap. 8. *Tam longa fuit vita illorum hominum prima ætatis, ut qui minimum vixit ante diluvium ad septingentos quinquaginta tres annos perveniret; Nam plures ad nongentos annos etiam transierunt.* Igitur cum recens adhuc in illis esset memoria creationis Mundi ab uno solo, ac vero Deo, juxta doctrinam ab Adamo, cui ferè omnes convixerant, traditam, verisimilius videtur, tunc nec cogitationem plurium deorum, nec Idololatriam primum fuisse exortam, multoque minus à tempore Enos, aut occasione illius.

Postremo dico, certissimum esse, quod in temporis intervallo à diluvio usque ad Abrahamum, jam erat Idololatriæ usus, tam sine, quam cum imaginibus, ac Idolis sensibilibus, incertum autem quo præcisè tempore, & à quibus inceperit, probabilior tamen sententia videtur esse illa, quæ Idololatriam sine imaginibus Aegyptiis, cum imaginibus verò Nino primum tribuit. Proptereaque Eusebius de præpar. Evangel. refert, *Aegyptios primos omnium Solem, & Lunam Deos putasse, quibus non sanguinem, aut nidorem afferebant, sed fruges terra, quam etiam ipsam, ut Deum adorabant.*

Quænam autem illarum antiquior fuerit, aut prius inceperit, dubium quoque est inter Doctores. Quidam enim affirmant, Idololatriam creaturarum cælestium sine Idolis ab hominibus fabricatis antiquiorem fuisse, non tam ex propria Philosophorum inventione, siquidem munus philosophandi, ac inquirendi Deum ex creaturis non videtur tam antiquus, sicut Idololatria imaginum, quam ex quadam admiratione cælestium corporum, ac syderum, & præcipuè Solis, & Lunæ, nec non propter miros eorundem in terram influxus. Alii verò docent, Idololatriam cum Imaginibus fuisse primam.

Hæc duæ sententiæ facile possunt conciliari, si dicatur,

primam esse veram, quoad privatum cultum, quem unusquisque sibi eligebat juxta proprium errorem, vel opinionem. Alteram autem de publico cultu per dedicationem Templorum, & Sacrificiorum. Sic enim verius esse videtur, illum incepisse cum Idolis, & ab illis initium duxisse. Quia Sapient. 14. expressè dicitur; *Initium fornicationis, Idolorum inventio.* Lequitur enim ibi Sapiens de propriis Idolis arte factis, & fornicationem vocat, juxta usitatum Scripturæ phrasim, superstitionem colendi creaturas divinis honoribus.

Verisimile pariter est, prius fuisse ab hominibus inchoatas, & in æstimatione habitas imagines hominum, ac postea demones se se insinuasse, cœpisseque per illas imagines aliqua responsa dare, vel alia prodigiosa patrare, ut homines deciperent, & in eis aliquid divinum esse facilius persuaderent.

Tandem quia legitur apud Plinium lib. 34. cap. 7. & lib. 35. cap. 12. Plasticam artem prius fuisse quam statuariam, verisimile quoque est, Idola ex luto formata priora fuisse, quam ex alia materia fabrefacta.

Quod verò attinet ad Polytheismi varietatem ac divisionem relicta illa parte, quæ attendi posset penes Deorum falforum numerum prope infinitum, nec non materiæ diversitatem; neque enim interest, inquit Tertullianus lib. de Idololatriæ. cap. 3. *an plastes effingat, an calator sculpat, an Phrygio detexat, quia nec de materia refert, an gypso, an coloribus, an lapide, an are, an argento, an filo formetur Idolum.* Primum polytheismus ratione modi colendi, vel adorandi dividi potest in verum, & fictum, nec non in verum & falsum simul. Quare observandum est, duobus, vel tribus modis, posse aliquam adorationem dici veram, nimirum velex parte personæ adorantis, vel ex parte rei adoratæ, velex utroque simul. Cum enim adoratio consistat in recognitione & confessione alicujus excellentiæ per signum aliquod protestativum, ut existentes in re adorata, interdum talis significatio falsa est, quia res ipsa talis non est, sicut significatur, sive in illa talis non reperitur excellentia, & tunc dicitur adoratio falsa ex parte objecti, seu rei adoratæ, etiamsi ex parte subjecti, sive ex intentione adorantis non sit ficta, sed vera, quatenus verè intendit talem rem adorare.

At verò si adorans non intendit interius ita adorare sicut exterius ostendit, tunc adoratio dicitur non tam falsa, quam ficta ex parte adorantis. Quia scilicet in re adorata vere invenitur illa excellentia, quam signa exteriora demonstrant, licet adorans illam non recognoscat, aut verò confiteri non intendat. Si autem signum adorationis, & in se falsum sit, & ab adorante ficto exhibeatur animo, tunc adoratio & ficta simul, & falsa dici poterit.

Ex his dicendum est, omnem Idololatriam esse falsam adorationem ex parte rei adoratæ. Quia in ea protestatur excellentiam, quæ in illa non habetur. Quare in hoc sensu omnis Idololatria potest dici falsa latria. Latria enim significat adorationem protestativam divinæ excellentiæ in eo, cui exhibetur. Et ideo tunc est simpliciter ac verè latria, quando verè significat talem excellentiam in re adorata. Quando autem falsò illam significat, est falsa latria, quæ idololatria dicitur.

Hæc autem ipsa Idololatria potest interdum esse vera Idololatria ex parte adorantis, interdum verò falsa. Vera dicitur, quia non ex animo ficto procedit, sed ex intentione adorandi, licet aliàs falsum significet, sicut qui falsam propositionem affirmat, putans esse veram, & ex intentione dicendi veram, formaliter non mentitur, licet materialiter falsum proferat. Sic ergo potest esse aliqua vera, id est non ficta Idololatria, quamvis in se sit falsa; aliqua verò potest esse ficta, seu falsa etiam ex parte adorantis, qui talem cultum ex animo non impendit. Quæ fictio nonnunquam esse potest ex parte intellectus, ut cum quis non existimat esse



esse in re sic adorata divinam excellentiam, & nihilominus propter extrinsecas causas vult illam externo signo profiteri. E contra aliquando potest esse fictio in solo affectu, ut accidit in demonibus, qui velint, nolint, credunt in Christo divinam excellentiam, & interdum cognantur illam agnoscere, eique genua flectere, & nihilominus affectum non habent adorandi Christum, sed solum exhibendi hoc, vel illud signum, quia ita constringuntur. Sape etiam potest esse fictio ex utroque capite, ut patet in fidei, qui à tyranno cogitur thus offerre Idolis, in quibus non credit esse divinam excellentiam, nec habet animum faciendi illum actum in honorem Idolorum, sed solum exterius ad evitandam mortem, vel ob alias causas. Unde aliquando etiam poterit interiore affectu in verum Deum huiusmodi actum referre.

Ex dictis igitur tria debent ad Idololatriam concurrere circa Idolum, ut omnino vera, & in suo consummata sit genere, scilicet existimatio aliqua divinitatis de Idolo, seu re, quæ adoratur, affectus adorationis, & tandem adoratio ipsa, seu exhibitio signi submissionis, & recognitionis alicujus excellentiæ divinæ in re sic adorata, vel interioris, si adoratio sit mere interna, vel exterioris, si externa insuper sit, ad Idololatriam omnino veram ex parte colentis requiritur opinio divinitatis, seu alicujus divinæ excellentiæ in re adorata.

Secundo Idololatriæ varietas, ac divisio desumi potest ex parte objecti materialis, sive ex multiplici rei adoratæ differentia. Etsi enim attenda hujus vocis etymologia, nomen Idololatriæ significare tantum videatur Idololatriam cum imaginibus, secundum quod Idolum illud componens solet definiri Imago destinata ad indebitum cultum alicui tribuendum; quia tamen ipsummet Idoli nomen ex hac sua primæva significatione extensum est ad significandam quancumque creaturam, quæ tanquam Deus colitur, sive colenda proponitur supremo cultu soli vero Deo debito, etiam si talis res non sit imago, neque ut imago alicujus falsi Dei adoretur, sed ut ipsemet falsus Deus juxta communem loquendi modum Sacræ Scripturæ ubique obvium, cui etiam suffragatur ratio. Si enim omnis adoratio creaturæ, per quam, ut Deus colitur, peccatum Idololatriæ est, manifeste sequitur, omnem creaturam, sic adoratam, Idolum esse, etiam si non in aliqua imagine, sed in se, ac propter se immediate adoretur. Quia ratione Tertullianus lib. de Idololatr. cap. 3. dixit, *Idololatriam agi posse sine Idolo*, id est sine simulachro, & aliquando factam esse sine isto nomine, licet non sine isto opere. Ubi significat nomen Idoli, & Idololatriæ non quidem fuisse, donec simulachra pro Diis adoranda introducta sunt, rem autem ipsam, id est, Idololatriæ vitium sine simulachris sensibilibus exerceri potuisse.

Idololatria itaque hoc modo considerata, primum dividitur in eam, quæ sit sine imaginibus, & in illam, quæ sit cum illis. Rursus prima tot habet partes, quot sunt creaturæ, vel animatæ, vel inanimæ, quibus olim Gentiles divinos tribuisse honores, tam profanæ, quam sacræ ipsæ testantur historiæ, Sapient. 13. ubi expresse dicitur, *illos, aut ignem, aut citatum aerem, aut gyrum stellarum, aut nimiam aquam, aut Solem & Lunam rectores Orbis terrarum, Deos putasse*, ac Hierem. cap. 3. *Nunquid vidisti quæ fecerit aversatrix Israel? Abiit sibi super omnem montem excelsum & sub omni ligno frondeo, & fornicata est ibi*. Multi enim interpretes huiusmodi verbis alludi putant ad cultum idololatricum, quo antiquitus arbores annoxæ loco falforum Deorum colebantur, quem usque ad nostra etiam tempora perdurasse apud Indos Peruanos, refert Acosta lib. 5. de histor. Indor. cap. 5. similiter quando Levitici cap. 26. v. 1. præcipitur: *Non facietis vobis Idolum, & sculpsile, nec titulos erigeris, nec insignem lapidem ponetis in terra vestra, ut adoretis eum. Ego enim sum*

Tom. I.

*Dominus Deus vester*, per illa verba non facietis Idolum, & sculpsile, intelliguntur statue in honorem Deorum falforum anabre factæ, omni que proinde Lapis, statua tactus sub nomine sculpsilis comprehenditur; per subsequentiâ verò: *Nec erigeris titulos, nec insignem lapidem ponetis in terra vestra*, videntur significari impoliti etiam ac rudes lapides, in quibus tamen aliquod magnum apparebat in quantitate, in situ, in eminentia, quibus olim Pagani divinos exhibebant honores, quosque ubi eos erigebant vice falforum Deorum titulos appellabant. Et hi sunt tituli, qui citato Levitici loco prohibentur. Nam alii excitati in memoriam alicujus rei insignis non vetabantur, ut ille, quem erexit Jacob Genes. 28. in signum mirificæ visionis, ac memoriam divinæ promissionis ad ipsum factæ, nec non Absalon 2. Reg. 18. qui à Josepho lib. 7. antiquit. dicitur fuisse columna marmorea. Nisi velimus dicere jam tempore Moysis apud Gentes usum fuisse eos colendi lapides, ut quid divinitatis habentes, in servandis confinibus, quos Terminus appellabant.

Altera Idololatriæ, quæ sit cum imaginibus, species in tot quoque partes dividi potest, quot fuere Idolorum, ac simulachrorum genera, quibus Gentiles divinos exhibuerunt honores. Idolum enim non est simulachrum tantum, quod humana effigie factum, & consecratum est, ut nimis restricte illud describit Iudorus lib. 8. etymolog. verum ad alias etiam figuras se extendit, ut expresse dicitur Sapient. 13. Exodi 32. & latius explicat D. Paulus ad Romanos 1. Imo etiam potest figurari Idolum, quod non sit alicujus rei veræ, vel speciei effigies, sed fictæ, ut chimæra, ad quam tamen malè etiam ab aliis limitatur ratio Idoli, ut sentire videtur Origenes homil. 8. in Exod. sic exponens quod Paulus ait 1. Corinth. 8. *Scimus, quod nihil Idolum est in mundo*. Quod sequitur Theodoretus q. 38. in Exod. & Oecumenius in 1. ad Corinth. alique plures. Etsi enim verum sit, multa talia fuisse Idola Gentium, ut habetur ex Athanasio Orat. contra Idola, nihilominus Idolum potuisse etiam esse, ac de facto fuisse imagines alicujus rei veræ, & aliquando substantiis clarè demonstrant memorati Sacræ Scripturæ loci.

Non tamen sufficit, ut quæcunque imago sit Idolum, quod sit consecrata, id est ad cultum dicata, sed debet restringi ad consecrationem indebitam, seu excedentem creaturæ capacitatem ita, ut propterea Idoli ratio in hoc consistat, aut per hoc compicatur, quod sit imago ad indebitum cultum alicui creaturæ tribuendum destinata. Quare licet Idolum possit esse imago veri hominis, aut alicujus alterius rei veræ, si tamen destineretur ad colendum illum nomen, ut Deum, jam erit imago falsi Dei, & sub ea ratione erit imago rei non existentis. Quo in sensu accommodari potest superius adducta Origenis, & aliorum sententia, recteque D. Augustinus in lib. Judic. declaravit Idolum *cujusdam Dei falsi simulachrum*.

Imo fortassis eadem, vel proportionali ratione, si quis iniquum hominem, & in peccatis mortuum sibi depingeret ad cultum, quamvis non ut Deum, sed ut Sanctum, hominem illum colere vellet, talis imago rationem Idoli participaret, ut docet Sanderus lib. 1. de Imag. Quia, licet talis imago verum repræsentaret hominem, simul etiam falsum referret Sanctum. Et in hoc quoque sensu rectè dici potest Idolum involvere falsitatem in sua repræsentatione, ac subinde imaginem falsam, intelligendūque est D. Paulus loco citato 1. Corinth. 8. in ratione, quæ deum falsum, vel personam summo honore dignam repræsentat, unde post adducta verba statim subjungit, *quod nullus est Deus, nisi unus*. Et ita etiam dicuntur Idola non esse, Esther cap. 14. v. 11. nec

E 2

NON



non in aliis pluribus Scripturæ locis.

Tertio Philosophi Gentiles, præsertim Varro, Idololatriam, sive Polytheismum, in triplicem Theologiam juxta Augustinum *lib. 6. de Civit. Dei cap. 5.* & Eusebium *lib. 1. & seq. de preparat. Evang.* distinxerunt, Physicam, Civilem, Fabularem. Ad primam spectant opiniones, quas de uno, vel pluribus Diis Philosophi in suis scholis ac libris docebant, & D. Thomas 1. 2. q. 94. ar. 1. ad duas reducit. Physica fuit eorum, qui totum mundum animari ab ipso deo asseriebant, & ideo illum, vel præcipuas ejus partes adorabant, tanquam divinitate plenas, nec non aliorum qui, licet non unum, & eundem Supremum deum existimarent animare totum mundum & singulas ejus partes; varia tamen numina inferiora credebant esse in Sole, Luna, Elementis, &c. Altera est Platonis, & aliorum, qui, teste D. Augustino *lib. 7. de Civit. cap. 12.* cum agnoscerent, esse unum Summum deum, cæterarum rerum conditorem, nihilominus plures minores deos colebant, quos Intelligentias aut daemones vocabant, inter quos etiam annumerabant quorundam mortuorum hominum animas divinitatis participes effectas.

Civilis, quia veluti communi civium usu, & consensu introducta erat, eaque frequentius Pontifices, ac populi in deorum cultu uterentur. Et licet diffi- cile sit explicare, quam Varro inter hanc à Physica, & fabulari differentiam constitueret, ut habet D. Augustinus *lib. 6. de civit. cap. 29. & seqq.* verisimile tamen est sitam fuisse in opinione divinitatis, quæ simulachris, aut imaginibus ab hominibus factis inesse putabatur. Quam opinionem idem Augustinus *lib. 8. de civit. cap. 23.* Hermeti Trismegisto tribuere videtur, dum ait. *Ille alios Deos dicit à Summo Deo factos, alios ab hominibus.* Priores enim Dii videntur ad Theologiam physicam pertinere, postea iores verò ad civilem. Siquidem ii Dii ab hominibus facti, videntur esse Idola, & simulachra, quæ opera sunt manuum hominum.

Fabularis vero, quia licet priores Theologiæ non minus falsæ essent, quàm ista, nihilominus ista per excellentiam ita vocata est, quod nec vanis rationationibus, nec solis daemonum præstigiis introducta fuisset, sed ed eam spectaret adoratio quorundam hominum mortuorum, quos Gentes, ut Deos colebant ex falsa hominum traditione, Poetarumque præsertim figmentis. In hoc enim Idololatriæ genere docet D. Thomas 2. 2. q. 94. ar. 1. Gentiles quidem usos fuisse Idolis, & simulachris, ea tamen ut Deos non adorasse, sed homines quosdam, qui per illos representabantur, quos appellabant Jovem, Apollinem, Mercurium, &c. de quibus hominibus, etsi innumera fabulas confingerent, ac de illis, quod mirabilius est, innumera scelera, & turpissima narrarent flagitia, nihilominus eos, Deos esse opinabantur & ut tales colebant, quod sibi persuaderent divinitatem esse aliquam excellentiam, quæ ab hominibus comparari posset, non tantum virtute, sed etiam indutritia, potentia, aliisque similibus modis, quantumvis cum omni vitiorum genere conjunctis. De cujus etiam falsæ Theologiæ superstitione, videtur loquutus Sapiens *cap. 14.*

Quartò Polytheismus dividi potest juxta nationum, in quibus viguit, diversitatem, prout unaquæque specialem aliquorum Deorum cultum amplexa fuisse legitur. Multi in S. Scriptura passim referuntur quos simul collegit Theatrum vitæ humanæ ut Idolum. De his quoque disseruerunt Lactantius in *lib. instit.* D. Augustinus *de civit. præsertim lib. 1. 3. 4. & 18.* Gyraldus, Alexander ab Alexandro, Ripa in *Iconologia*, pluresque alii, ac præ omnibus Græci, deinde Romani. Subacta enim Græcia, quasi captivam ejus superstitionem circa polytheismum, talio-

rumque Deorum cultum in patriam transiierunt, adeo ut referat Blondus plusquam triginta deorum milia Romam triumphantem coluisse, recteque propterea S. Leo ser. 1. in natal. Apost. Petri & Pauli ait, quod cum pene omnibus dominaretur gentibus, omnium gentium serviebat erroribus, & magnam sibi videbatur assumpsisse religionem, quia nulam respuebat falsitatem.

Unde quantum utraque natio erat sic per demonem tenacius alligata, tantum per Christum fuit mirabilius absoluta, cujus fidem ac doctrinam Atheniensibus evangelizandi, nec non Idololatriam destruendi, cum D. Paulus in Areopago peroraret occasione sumpsit, inspecta ara cum hac inscriptione *Ignoto Deo.* Historiam habes Actor. cap. 17. Difficultas autem est quis sit illic *Ignotus Deus.* Divus Hieronymus in *epist. ad Titum cap. 1.* sic ait: *Inscriptio autem ara non ita erat, ut Paulus asseruit, Ignoto Deo, sed ita: Dīs Asia, Europa, & Lybia, Dīs ignotis, & peregrinis. Verum quia Paulus non pluribus indigebat ignotis, sed uno tantum ignoto Deo, singulari verbo usus est, ut doceret illum esse suum Deum, quem Athenienses in ara titulo prænotassent, & eum recte scientes colere deberent, quem ignorantes venerabantur, & nescire non poterant.* Ita Hieronymus, cujus autoritas sufficere potest ad hujus sententiæ probabilitatem, præsertim cum illi contentire videatur Pausanias *lib. 1. in Attica*, ubi inter alias ponit aras Deorum, & Heroum, qui ignoti vocantur.

Verum hæc sententia aliis non placet. Quidquid enim sit, an una sola ara existerit Athenis cum hac inscriptione, an verò plures. Quod Pausaniæ loquendi modus solum videtur sonare, volunt, in qualibet ara hanc fuisse inscriptionem, *Ignoto Deo*, ex quibus unam commemorat Apostolus se vidisse. Cui sententiæ faver tum textus sacer *de cap. 17. Actor.* Tum quia Paulus volens inscriptione illa suadere Areopagitis, unum esse verum deum, aliter inscriptionem non citavit, quàm se haberet. Et tum quia apud Lucianum gentilis homo sic jurare legitur, *Per ignotum Athenis.*

Dubitatur etiam, *An ille fuerit unus verus Deus?* Pro parte negativa citatur Occumenius in *cit. cap. 17. Act.* Aperte tamen affirmativam tenet Michael Syngellus in *vita S. Dionysii Areopagite*, ubi scribit eum in Ægypto existentem, ac Solis defectum videntem in die dominicæ passionis, dixisse: *Ignotus Deus carne patitur, propter quem Universum est tenebris obscuratum, & tremefactum.* Et hunc sermonem asserit: sibi puero fuisse à patre traditum. Deinde subjungit: *Cum Philosophi, qui tunc Athenis erant intelligerent, Naturæ vices maxime mutari, & verti, potuisse Aram ignoto Deo, de quo nunc loquitur Paulus constituere. Et fortasse Dionysius ex Ægypto reversus, autor fuit, ut talis ara Ignoto Deo erigeretur.* Similia fere tradit Comestor in *Acta cap. 93.*

At in hac re nihil omnino certi statui potest, nisi quod Apostolus hujusmodi inscriptionem, aut vero, aut falso Deo factam torfit in argumentum Evangelicæ prædicationis contra Idololatriam. Cæterum manendo intra limites probabilitatis, verisimilius puto, eam aram deo vero unico fuisse dicatam, quidquid de occasione, vel causa talis erectionis: Nam D. Paulus ait: *Quod ergo ignorantes colitis, hoc ego annuncio vobis.*

Quinto tandem ratione subiecti potest dividi Polytheismus, quatenus non solum Gentiles eum amplexi sunt, verum etiam nonnulli ex illis, qui divinarum Scripturarum auctoritatem recipiunt. Igitur inter Christiani etiam nominis professores plures hæretici duos constituerunt deos, in eoque turpius aliqui eorum ipsis Gentilibus errarunt, quod Deorum istorum alterum malum esse penitus finxerunt, ac bonitatis



nitatis omnino expertem. Ita desipuerunt Gnostici ex Nicolao, vel Carpocrate orti, teste D. Augustino *lib. de heresib. heres. 6.* Cerdon *ibid. heres. 21.* & apud Epiphanium *heres. 41.* Marcion Ponticus sequutus est Cerdonem ex eodem Augustino *heres. 22.* Sed quia de Cerdone ait, posuisse unum Deum bonum, & alterum justum. Quod idem refert Irenæus *lib. 1. adversus heres. cap. 28.* inde Alphonsus Castrius *lib. 5. advers. heres. v. Deus heres. 1.* asserit, Cerdonem non admisisse alterum Deum, tanquam malum, nihilominus D. Augustinus *loc. cit.* refert, quosdam attestari, hunc hæreticum similiter constituisse alterum Deum malum, hoc ipsum intelligendo per ly *justum*, hoc est crudelem, & sævum. Duos quoque Deos bonum & malum concessit Apelles apud eundem Augustinum *heres. 23.* & Epiphanium *heres. 44.* Hic tamen hæreticus dixit, Deum malum factum fuisse à Deo bono. Rursus hic error de duplici Deo, bono, & malo, maxime, inquit apud Manichæos, ita à Mane, perditæ illius sectæ autore dictos, ut refert Augustinus *heres. 66.* Manichæos sequuti sunt Priscillianistæ in Hispania apud Augustinum *heres. 70.* & Leonem Papam *epist. 91. cap. 14.* At de hoc plenius infra.

Præter hos fuerunt alii, qui occasione mysterii Sanctissimæ Trinitatis erraverunt, dividentes tres naturas divinas in tribus personis, qui proinde tres plane Deos constituebant, indeque appellati sunt Tritheitæ, vel etiam Trinitarii. Ita ex antiquis Ademas, Caristius, & Peraticus Euphrates, cujus sequaces appellati sunt Peratæ apud Theodoretum *lib. 1. heretic. fabul. cap. 19.* Metangismonitæ, id est Transvasantes dicti, quod filium intrare in Patrem, ut vas minus in majus assererent ex Philastrio in *catalog. heres. & Augustino lib. de heres. heres. 58.* Joannes Philoponus, ut refert Nicephorus *lib. 18. hist. Eccles. cap. 47.* Severitarum quoque, sive Theodosianorum quarta & quinta secta variis nominibus nuncupata, licet in aliis dissentirent, in hoc tamen conspirabant, quod tres assererent deitates, sive naturas in divinis per omnia similes, teste eodem Nicephoro *lib. 18. cap. 49. & 50.* Tradit etiam D. Anselmus *lib. de incarnat. Verbi cap. 1. & 3.* Clericum quendam in Gallia docuisse, Patrem, & Filium, & Spiritum Sanctum non esse unam tantum rem, sed tres res esse tres personas, sicut tres Angeli, aut tres anime, ita tamen, ut potentia & voluntate omnino sint idem. A quibus omnibus verbo tenus discedisse Abbatem Joachimum crediderunt multi. Licet enim concederet, quod Pater & Filius & Spiritus sanctus sunt una essentia, una substantia, unaque natura, verum unitatem hujusmodi non veram & propriam, sed quasi collectivam, & similitudinariam esse fatebatur. Quemadmodum dicuntur multi homines unus populus, & multi fideles una Ecclesia, ut refertur in *cap. damnatus de sum. Trinit.*

Ex recentioribus tandem quidam Valentinus Gêtilis & ejus sequaces eandem essetiam divinam juxta numerum trium divinarum personarum multiplicarunt, in eoque se ab Arianis differre professi sunt, quod pares, sive æquales tres essentias trium personarum assererent. Sed postea præfatus Valentinus asseruit inæqualitatem, quatenus solum Patrem, dixit, esse immensæ substantiæ, & essentiatorem, & eminentiorem cæteris. Filium autem, & Spiritum sanctum esse circumscriptibilem, & essentiatum, licet non in tempore, sed ab æterno genitum ac spiratum ex Patris substantia, quemadmodum posteriores Arianos sensisse refert Augustinus *lib. 6. de Trinit. cap. 1.* Unde etiam Maximinus apud Augustinum *lib. 1. contra ipsum* confitetur, Filium non ex nihilo, sed ex Patris substantia genitum juxta sententiam Concilii Ariminensis.

Sunt etiam qui Polytheismo annumerant hæreticos Arianos, & Macedonianos, sed immerito, cum hi

putaverint Filium & Spiritum Sanctum esse creaturas Patris, solumque Patrem esse verum Deum per naturam. Unde si quandoque contra illos fuit etiam sanctissimis Ecclesiæ Patribus pro divinæ naturæ singularitate certandum, id non nisi ex consequenti factum est, & quatenus supponebatur ab illis ex divinis probatum Scripturis contra præfatos hæreticos, quod Filius, & Spiritus Sanctus essent Deus, cum in divinis ita dentur tres personæ realiter inter se distinctæ, ut tamen sint unus, & solus Deus, non autem tres Dii, ut inepte aliqui inferebant Ariani, ac impie assererent alii hæretici superius adducti.

Sed adversus hos hæreticos, eorumque reliquias demonstramus modo ex sacris litteris, sanctisque Patribus Dei unitatem. Ut enim recte ait Damascenus *lib. 1. fidei cap. 5. apud eos, qui Scripturis credunt, Deum esse unum absque controversia est.* Hujusmodi autem Scripturæ loci, ex quibus fundamentalis hæc fidei nostræ veritas colligitur, ad tres potissimum reducuntur classes. Prima continet illa, in quibus expresse asseritur, unum tantum esse verum Deum, à quo omnes aliæ res factæ sunt. Deuteron. *cap. 4. v. 35. Ut scires, quoniam Dominus ipse est Deus, & non est alius præter eum.* *cap. 6. v. 4. Audi Israel, Dominus Deus noster, Dominus unus est* *cap. 32. v. 39. Videte, quod ego sim solus, & non sit alius Deus præter me.* Idemque habetur *lib. 1. Reg. cap. 2. v. 2. & lib. 2. cap. 8. v. 23. Psal. 17. v. 32. Psal. 85. v. 10. Sapientia. 12. v. 13. & cap. 13. & 14. v. 21. Ecclesiastici cap. 1. v. 8. Isaia cap. 43. v. 10. cap. 44. v. 6. cap. 45. v. 5. Osee cap. 13. v. 4. Malachia cap. 2. v. 10. Marci cap. 12. v. 29. & 32. Joannis cap. 17. v. 3. D. Paulus 1. Cor. 12. v. 4. Ad Galatas cap. 3. v. 30. Ad Ephesios cap. 4. v. 5. & 1. ad Timoth. cap. 2. v. 5.*

Altera classis amplectitur innumeros prope locos, in quibus Sacra Scriptura præcepto unius Dei cultu Idolorum, Deorumque multitudinem detestatur. Præcipui sunt Exodi *cap. 20. v. 3. Non habebitis Deos alienos coram me* *cap. 22. v. 20. Qui immolat Diis occidetur, præterquam Domino soli.* Deuter. *cap. 5. v. 7. Non habebis Deos alienos in conspectu meo.* Similia leguntur *cap. 8. v. 19. cap. 11. v. 16. & 28. Josue cap. 23. v. 7. Psal. 80. v. 10.* Ex quibus aperte constat, præter unum Deum verum, non posse dari alios Deos veros, sed omnes esse necessario falsos ita, ut divinitas in plures numero, vel specie distinctos Deos dividi non possit, aliàs divinæ Scripturæ male cultum divinum ad unum solum numero, cæteris exclusis, & in abominatione habitis, restringerent.

Ad tertiam classem pertinent illi Scripturæ loci, novi præsertim Testamenti, quibus ita realis divinarum personarum inter se distinctio statuitur, ut simul significetur, eas esse unam numero essentiam, unam substantiam, sive unam naturam divinam, atque adeo unum Deum, non autem tres Deos, ut asserunt hæretici. Matthæi *cap. ult. & Marci 16.* dum Christus Dominus jubet, Apostolos baptizare: *In nomine Patris, & Filii, & Spiritus Sancti.* Esi enim hæretici Sabelliani ex hoc loco suum errorem confirmare conati sint, nimirum Patrem, & Filium, & Spiritum Sanctum una tantum esse tritonymiam personam, eo quod Christus non dixerit, baptizantes eos in nominibus, sed in nomine Patris, & Filii, & Spiritus Sancti, hoc solum indicat unitatem trium personarum in natura divina. Quamobrem præscripta ibi baptizandi forma, in qua trium divinarum personarum nomina propria per conjunctionem, quæ diversa copulat, omnium primò exprimuntur, refellitur, & Sabellius confundens personarum pluralitatem, vel, ut ait Hieronymus in *epist. ad Marcellam, Trinitatem in unius persona angustias cogens*, & Tritheita naturam divinam juxta numerum personarum dividens, ac triplicans, Ecclesia catholica media incedente via, quæ contra



primum errorem realem trium divinarum personarum inter se distinctionem, vel pluralitatem, contra secundum verò perfectam eandem in una & eadem numero substantia, vel natura divina identitatem, & unitatem docet, atque adeo non plures, sed unum tantum esse verum Deum.

Alter locus habetur Joannis cap. 10. n. 30. ubi Christus ait: *Ego & Pater unum sumus*. Quibus sane verbis, omnes etiam Patres tam Græci, quam Latini, qui disputarunt contra Arianos usi sunt. Quia tam Ariani divinitatem Filii negantes, quam Tritheistæ, illam quidem admittentes, sed in personis juxta earum numerum multiplicantes, manifeste convincuntur erroris. Ideo ut argumentum ex illis petitum, quo forsan adversus eos nullum est efficacius, Catholicorum manibus eriperent, illud, *unum sumus*, primum Ariani ad unitatem, aut concordiam voluntatis torquere conati sunt, exponentes Patrem, & Filium esse unum non essentia, sive substantia, sed animorum consensu, & unanimi concordia voluntatum, ut refert Augustinus lib. 6. de Trinit. cap. 3. & lib. 2. contra Maximum Arianum cap. 12. fulius autem lib. 3. contra eundem cap. 22.

Sed, omittis alius, non solum nobis ostendendum est, illa Christi verba intelligi debere de una numero natura, non autem specie tantum in divinis personis, ut contendunt Tritheistæ. Primum quia Concilia, & Patres unanimi semper consensu his verbis, *unum sumus* consubstantialitatem Filii cum Patre, indeque divinitatem contra Arianos probarunt. Non igitur de unitate solum specifica, aut de unitate concordie debent intelligi, sed de una, & eadem numero, singulæque natura, qua divinæ personæ sunt unus numero Deus.

Deinde quia ad hoc, ut tres personæ dicantur simpliciter, & absolute unus Deus, sive quod idem est, quid unum, sine ullo addito, non sufficit unitas specifica naturæ divinæ realiter in illis multiplicatæ, nec etiam unitas concordie voluntatum realiter distinctarum. Frustra igitur adversarii recurrunt ad hujusmodi interpretationes, ut eludant Scripturæ locos, quibus unus verus Deus perpetuò asseritur.

Eodem modo discurrendum est de altero loco ejusdem S. Joannis epist. 5. cap. 5. ubi ait: *Tres sunt, qui testimonium dant in celo, Pater, Verbum, & Spiritus Sanctus, & hi tres unum sunt*, unitate scilicet numerica ejusdem essentiae, vel naturæ divinæ, supposita, quam præfati non negant hæretici, personarum divinitate.

Hæc eadem unitatis Dei veritas probatur item ex sacrosanctis Conciliorum decretis. ex Concilio Nicæno in Symbolo, ex Synodo Constantinopolitana act. 10. ex Concilio Toletano 4. & 6. ac 11. ex Concilio Arelatense 4. ex Patrum concordia sententia, qui licet tres in Deo divinas agnoverint personas nihilominus tamen illas non tres Deos, aut dominos, sed unum esse numero Deum acerrime semper propugnarunt. Ex quibus aliqui sunt, qui adversus Polytheismum, & Idololatriam ex professo scripserunt.

In seculo primo & secundo id asserunt Patres Græci & Latini, Clemens Romanus Constit. Apostolic. lib. 6. cap. 1. & 14. ac lib. 8. cap. 15. & lib. 1. recognit. Dionysius Areopagita de divinis nomin. cap. 1. & de myst. Theolog. cap. 3. Ignatius in epist. ad Philippenses, & Antiochenos, Prochorus de vita B. Joannis cap. 1. & 5. Justinus tam in everfione quorundam dogmatum Aristotelicorum, quam in expositione orthodoxæ fidei, Theophylus Episcopus Antiochenus lib. 3. ad Autolicum, Irenæus lib. 1. cap. 2. & 19. lib. 2. cap. 1. lib. 3. cap. 3. & lib. 4. cap. 75. Clemens Alexandrinus lib. 5. Stromatum, & lib. 1. pedag. cap. 6. & 8. ac lib. 3. cap. 12. ex Latinis Tertullianus in apolog. adversus Gentes cap. 17. adversus Praxeam cap. 2. ad Scapulam cap. 2. & lib. 4.

contra Marcionem cap. 2.

In tertio & quarto seculo ex Græcis Origenes in præm. lib. de principiis & cap. 3. homil. 13. in numer. homil. 4. in Isaiam, ad cap. 3. epist. ad Romanos, nec non dialogo 1. de recta in Deum fide, Gregorius Neocæsariensis in confessione fidei, Eusebius Cæsariensis de preparat. Evang. lib. 11. cap. 9. & in epist. de fide Nicæna, Athanasius in orat. contra Idola, necnon de æterna substantia Filii cum Deo, & in dictum, *omnia mihi tradita sunt à Patre*, Basilii epist. 141. quæ est apologia ad Cæsareanos, & serm. de Ascefi, seu exercitatione monastica, item homil. 10. in Hexameron Gregorius Nazianzenus in orat. 29. quæ est de dogmate, & constitutione Episcoporum, item in orat. 13. quæ est de pace, & 32. Epiphanius heres. 57. & 62. in ancorato, Cyrillus Hierosolymitanus catech. 4. 6. & 16. Gregorius Nyssenus lib. de Trinit. ad Eustachium, & præfat. in orat. catech. Joannes Chrysostomus homil. 20. in priorem ad Corinthios & serm. de Sancta & consubstantiali, vivificaque & inseparabili Trinitate.

Ex Latinis Minutius Felix in Octavio, Cyprianus de Idolorum vanitate, Zeno Veronenfis ser. 1. de Genes. Dionysius Papa apud Athanasium epist. de decretis Synodi Nicæna, Arnobius Rhetor lib. 2. contra Gentes, Lactantius in libris institut. & in lib. de ira Dei cap. 11. Osius Cordubensis in Synodo Nicæna lib. 2. Hilarius ad Psal. 134. & lib. de Synodis adversus Arianos, Lucifer Calaritanus de non conveniendo cum hæreticis, Pinabadii lib. contra Arianos, Ambrosius ad cap. 9. Luca, & lib. 1. de fide cap. 2. & lib. 2. cap. 4. necnon lib. de dignitate humana conditionis cap. 2. Optatus Milevitanus lib. 4. Philastrius Brixienfis in hæresi triformem Deum facientium cap. 47. Hieronimus ad cap. 45. Isaiæ, & ad cap. 4. epist. ad Ephesios, Gaudentius Brixienfis in tr. 7. de Exodo & in tract. de promiss. Paracleti. Rufinus in apologia sua de fide ad Anastasium.

In quinto & sexto seculo ex Græcis Synesius hymn. 1. Laudo te, unum. Laudo te, tria. Unum ens est tria, triaque ens unum es, Cyrillus Alexandrinus adversus Anthropomorphitas cap. 6. de adoratione in Spiritu lib. 3. contra Julianum lib. 4. & 8. Isidorus Pelusiota lib. 1. epist. 494. & lib. 2. epist. 142. Theodoretus in Genes. q. 20. in Numer. q. 44. & dialog. 1. Basilii Seleuciensis orat. de Verbi Incarnatione, Andreas Cæsariensis ad cap. 10. Apocal. Joannes Mazentius in confessione fidei, Aeneas Gazæus in Theophrasto, Zacharias Mithilenæus de mundi æternitate contra Philosophos, Procopius Gazæus ad cap. 1. & 3. Genesios, Justinianus Imperator in fidei confessione, Rusticus Diaconus contra Acephalos, Anastasius Synaita lib. 1. de recta fidei dogmatibus, Procopius Cartophylax in encomio S. Marci.

Ex Latinis Augustinus lib. 11. de civit. Dei cap. 10. lib. 1. de Trinit. cap. 4. Item ser. 6. de tempor. & lib. 3. contra Maximinum Arianum cap. 16. Paulus Orosius lib. 6. cap. 1. Paulinus Nolanus epist. 23. & 25. Vincentius Lerinensis contra hæreses cap. 22. Petrus Chrysologus ser. 57. 59. & 60. Eucherius Lugdunensis de spiritualibus formis cap. 1. & homil. 1. de Epiphania, Arnobius Romanus de Deo trino, & uno, Leo primus ser. 1. de Pentecoste cap. 3. & ser. 2. cap. 3. Claudius Marius Victor præfat. in Genes. Eugenius Carthagenensis de fide ad Hunericum, Salomius in Ecclesiasten Salomonis, Ferrandus diaconus regul. 4. Fulgentius lib. 2. ad Monimum cap. 7. lib. 2. & 11. ad Trasimundum cap. 1. & 9. lib. ad Donatum c. 2. & 3. Boetius lib. 1. & 2. de Trinit. lib. 2. de consol. prof. 10. Paschasius Diaconus præfat. in lib. de Spiritu Sancto & lib. 1. cap. 4. Hormisdas epist. 76. ad Justinum, Cassiodorus ad Psal. 50. & 116. Junilius Africanus in Genes. Gregorius Magnus in Symbolo, & homil. 27. in Ezechielem.

In septimo & octavo seculo ex Græcis Leontius de sectis ait 1. Antiochus de fide homil. 1. Sophronius Hierosolymit. epist. ad Honorium, & alia ad Sergium Constantin-



*Constantinopolit.* Maximus monachus *centuria 2. de charit. n. 29. & expositionis Liturgiæ cap. 24.* Thalassius Hecatontade 4. n. 84. & 85. ac 98. Petrus Episcopus Nicomediæ in 6. *Synodo Constantinop. act. 10.* Germanus Constantinopol. *epist. ad Joannem Synadon, Joannes Damascenus lib. 1. cap. 5. & cap. 10.* Elias Cretensis in *orat. 1. & 23. Nazianzeni.*

Ex Latinis Ilidorus Hispalensis *præfat. in Numer. & lib. 7. etymolog. cap. 4.* Hildefonsus Toletanus *ser. 5. de assumpt. Mariæ, Agato epist. ad Constantinum Imperatorem, sponius lib. 3. in Cantic. Beda in lib. Boetii de Trinit. ac de substantiis, & ad cap. 5. Joannis, Alcuinus lib. 1. de Trinit. cap. 3. Ambrosius Aushertus lib. 3. de Apocal. Carolus Magnus ad Elipandum Toletanum Episcopum, & lib. 1. legum cap. 6. & 82.*

In nono & decimo seculo ex Græcis Nicephorus Constantinopolitanus *epist. ad Leonem tertium, Michael Syngellus in encomio Dionysii Arcopagita, Theostectus de S. Nicephoro, Basilii Macedo Imperator in exhortat. ad Leonem cap. 1. Leo philosophus Imperator epist. ad Omarum Regem Saracenorum, Theophilactus ad cap. 12. Joannis, & 4. posterioris ad Corinthios, Moles Barcepha de Paradiso p. 2. cap. 6.*

Ex Latinis Haymonius *ad cap. 43. Isaia, & super Evangelium in ser. 6. Pascha, Angelonius lib. 1. Reg. cap. 1. & 13. Hincmarus in vita S. Remigii Rabanus Maurus epist. ad Bonosum Abbatem, Remigius Antistodorenensis de celebrat. Missæ. Radulphus Flaviacensis lib. 10. in Levit. cap. 2. Smaragdus Abbas ad cap. 4. epist. ad Ephesios.*

In undecimo, & duodecimo seculo, ex Græcis Oecumenius *ad cap. 2. prioris ad Timotheum, Euthymius ad cap. 12. Marci, Joannes Zonaras tom. 3. Annal. in Constantino Magno, Georgius Cedrenus in Constantino, Constantinus Hamenopolus de fide orthodoxa, Nicetas Choniates lib. 2. orthodoxa fidei cap. 21. 22. & 31. ac lib. 4. cap. 14.*

Ex Latinis Berno Augiensis *ser. 7. de S. Marco, Guitmundus Aversanus in confess. de S. Trinitate, Anselmus de incarnat. Verbi cap. 4. epist. ad Ephesios, & lib. de vestimentis, Rupertus Tuitirensis, lib. 2. in Joannem cap. 6. & lib. 5. de glorificat. Trinit. cap. 18. Hugo Victorinus lib. 7. erudit. didascalie. de Trinitatis summa per visibilia agnitione cap. 19. Richardus Victorinus lib. de Trinit. cap. 25. Bernardus *serm. parvior. 51. & lib. de consid. ad Eugenium cap. 8. Petrus Lombardus lib. 1. distinct. 2. Otto Frisingensis de reb. gest. Frederici Imperatoris lib. 1. cap. 5. Hugo Etherianus lib. 1. de Spiritu Sancto cap. 8. & lib. 3. cap. 2. Petrus Blesensis epist. 83. Polho Brumienensis lib. 4. de statu domus Dei cap. 2. Adam Victorinus in prosa de S. Trinitate, Innocentius tertius lib. 4. de myster. missæ cap. 9.**

Qui in aliis deinceps seculis pro unitate Dei scripserunt adversus Polytheismum, & Idololatriam innumeri cum sint, tum Doctores Scholastici, tum alii, fufficit præclariore Sacra Scriptura, ac veterum Patrum locos ostendisse contra Tritheitas. Quoniam verò multa in divinis revelantur Scripturis, naturaliter etiam de Deo cognoscibilia, nunc disceptandum est, an inter illa numerari debeat, quod sit unus, sive quod idem est, an adversus Polytheitas, Sacras Scripturas negantes, unum tantum esse Deum, vel non uno plures posse Deos esse, valeat naturaliter demonstrari.

Et sane qui negant demonstrabilem esse Dei existentiam lumine naturali, multò magis id fateri tenentur de ejus unitate, quodque consequenter probabili duntaxat ratione suaderi possit immultiplicitas divinæ naturæ in plura individua, non autem certò, nisi ex S. Scriptura, adducendo nimirum motiva credibilitatis, quibus ostenditur, evidenter esse credibile, quod doctrina in sacris litteris contenta, quamque ex illis proponit Religio Catholica, fuerit divinitus revelata, atque adeo certissime per fidem credenda. Pro

hac sententia citari solent Gulielmus Ocham in 1. d. 2. q. 10. Gabriel ar. 2. Major q. 3. ar. 3. Petrus Alliaccensis in 1. sent. Adamus q. 1. ar. 2. Bassolis q. 3. ar. 3. alique nonnulli.

Alii vero docent, singularitatem divinæ naturæ, seu quod plures dari non possint veri Dii, non solum esse certum ex fide, verum etiam evidens ex ratione. Ita D. Thomas 1. contra Gentes cap. 42. ibique Ferrarientis & p. 1. q. 11. ar. 3. ubi & Cajetanus, D. Bonaventura in 1. d. 2. q. 1. Riccardi. ar. 1. q. 1. Scotus q. 3. Argentinas q. 1. Zamel, Molina, Fatolus, Vasquez in d. locum D. Thomæ, Gillius lib. 2. tr. cap. 7. Suifinger. tr. 3. de Deo uno disp. 1. q. 1. Suarez. disp. 29. Metaphis. sect. 2. & 3. Quæ sententia, ut est inter Patres, ac Doctores communior, ita quoque videtur non solum probabilior, sed omnino certa. Quod autem tot olim homines in eo fuerint errore versati, ut plures existimarint esse deos, imò, quod mirabilius est, bruta animalia, volucres, serpentes, imò & lapides, ut deos adorarent, nullum inde sumi potest argumentum, ut contraria veritas de unitate dei non censeatur demonstrabilis naturali lumine, cum hic error Gentilium in pluralitate deorum non provenit ex defectu sufficientis in contrarium demonstrationis, sed ad alias referendus est causas, nempe ad hebetudinem mentis, præ quæ multi rationum vim, ac pondus penetrare non potuerunt. Et quia ipsimet Philosophi, licet unum deum cognoscerent, & existimationem plurium Deorum vulgi errorem esse, non ignorarent, profiteri tamen veritatem non ausi sunt, vel quia decepti sunt à dæmone, qui affectantes divinos honores, illis persuadebant sibi etiam esse debitos propter insignem excellentiam, & potestatem.

Quod etiam Dei unitas abstrusior, minusque pervia dicatur lumini naturali, quam ejusdem existentia nihil obstat ejus demonstrabilitati, cum unam veritatem esse alia abstrusior, absolute non arguat, eam esse indemonstrabilem, nisi aliquid aliud accedat, viribus naturæ omnino insuperabile. Quod in præsentia non contingit veritate. Quia nihil apparet in ea, quod repugnet, aut difficilem intellectui eam reddat. Unde D. Bonaventura in 1. dist. 2. ar. 1. q. 2. recte ait: Plures esse Deos, neque esse possibile, neque esse intelligibile, si recte accipiatur significatum hujus nominis Deus. Rationes autem quibus unitas dei demonstratur, adducuntur inferius.

Inquiret fortassis aliquis, an Deum esse tantum unum ita sit lumine naturali pervium, ut de tali veritate dari non possit ignorantia invincibilis? In hac difficultate duo sunt præcipua Doctorum placita. Aliqui enim simpliciter negant dari posse ignorantiam invincibilem unitatis Dei. Alii vero absolute affirmant.

Ego distinguendum esse puto de illo objecto, secundum quod cadit sub præceptum fidei supernaturalis, & secundum quod præcise comprehenditur sub obligatione præcepti naturalis. Cum enim duæ sint partes materiæ fidei, una supernaturalis omnino, quæ nisi per revelationem cognosci non potest, ut mysteria Trinitatis, Incarnationis, & cætera hujusmodi. Alia verò naturalis, quia per rationem naturalem attingi potest, ut Deum esse, & unum esse. Inter quas hoc est discrimen, quod circa priorem materiam solum cadit obligatio præcepti supernaturalis. Quia lumen naturale illam non attingit. Circa posteriorem autem cadit duplex obligatio, una præcepti supernaturalis fidei, quatenus etiam illa pars à Deo revelata est, & alia præcepti naturalis quo obligatur homo ad illas veritates cognoscendas, etiam in pura natura.

Ex hisce loquendo de objecto, secundum quod cadit sub præceptum fidei supernaturalis, verisimilius est, posse dari ignorantiam invincibilem de Deo uno. Quia, ut desumitur ex D. Thomæ 2. 2. q. 10. ar. 1. dari potest ignorantia invincibilis totius revelationis fidei, non



minus ut est de veritatibus naturalibus, quam ut est de supernaturalibus. Siquidem revelatio fidei de quacunque materia sit, etiam naturali, non fit, nisi modo supernaturali, ac proinde per prædicationem, ac propositionem rei credendæ sub autoritate divina. Sub illo igitur respectu, quo Deum esse unum divinæ subjacet revelationi, atque adeo redditur materia, & objectum fidei, dari potest ignorantia illius invincibilis in omnibus his, ad quos non pervenit hæc revelatio, nec sufficiens ejus propositio, cujusmodi sunt infideles, qui negativè appellantur. Neque enim in præsentem nos loquimur de illis, qui Evangelium audierunt, vel audire potuerunt, quorum satis constat, infidelitatem esse positivam, atque adeo peccatum, sed tantum de illis, qui ipsum Evangelium, aut doctrinæ revelatæ prædicationem audire nullo modo potuerunt.

Si verò habeatur sermo de hoc objecto, altero modo spectato, hoc est lumine naturali cognoscibili, eadem ratione de illo, ac de existentia ipsiusmet Dei proportionaliter discurrendum videtur. Unde assero, nullam reperiri nationem, vel communitatem, apud quam dari contingat ignorantiam invincibilem de unitate Dei, sive negativam, hoc est nullo modo cogitando de illa; sive positivam, hoc est positive assentiendo, quod non sit unus. Hæc assertio patet ex dictis, nec non etiam ex eo, quod præceptum colendi unum Deum naturale est, ac per ipsum lumen rationis sufficienter promulgatur. Atque adeo dari non potest ignorantia invincibilis illius in tota aliqua natione, multoque minus in toto genere humano, adeo, ut talis præcepti transgressio propter ignorantiam excusari valeat. Esi enim fieri possit, ut dicta promulgatio aliquibus personis, & pro aliquo tempore sufficienter non applicetur, vel quia ob incapacitatem, rationes, unde unitas Dei colendi probatur, invenire, aut penetrare nequeunt, vel etiam, quia majores illas comprehendentes, à quibus docendi essent, interdum in hoc præstando negligentes se habere possunt, ex suppositione tamen, quod hæc veritas sit naturaliter cognoscibilis, maximeque necessaria ad convenientem institutionem humanæ vitæ, etiam merè naturalem, & ad tendendum in ultimum finem ejusdem ordinis, non videtur dari posse ignorantiam invincibilem illius in tota aliqua natione, minusque in toto genere humano, sive quod idem est, videtur impossibile, stante præsertim suavitate divinæ providentiæ, quin semper inter homines fuerint, modoque sint aliqui, qui Deum esse unum naturaliter cognoscere, idque cæteros edocere potuerint, ut satis patet in Philosophis fere omnibus, quos iccirco Apostolus ad Roman. 1. vocat *inexcusabiles*, ob falsorum Deorum cultum. Quod tamen non esset verum, si unitatem Dei defectu luminis naturalis invincibiliter ignorassent.

Quare ii maxime, qui aliquam habent cognitionem veri Dei, & errant putando, esse alios Deos, quibus divinus sit tribuendus cultus, nullo modo possunt per ignorantiam invincibilem excusari, cum ipsamet existimatio unius veri Dei sufficiat ad illam ignorantiam, & deceptionem expellendam, si vellent, ut tenentur, advertere. Nam qui credit, & recognoscit esse in Republica unum supremum Regem, in ipsa familia unum supremum caput, quomodo ignorare potest peculiarem honorem illis debitum, non esse alteri exhibendum?

An autem dari possit aliqua ignorantia invincibilis de unitate Dei respectu particularis individui adulti & ratione utentis, per quam ab Idololatria excusabilis reddi valeat, dicendum arbitror, vel illam dabilem non esse, saltem pro longo tempore, vel esse rarissimam, & non posse inveniri, nisi in homine adeo rudi, ut vix censeatur gaudere pleno rationis usu, præcipue in his superioribus rebus, ut accidere

potest in aliquo Gentili, qui neque per se philosophari valeret, nec ullam aliunde rectam instructionem haberet. Ad hanc enim veritatem de qua agitur, licet naturaliter sit cognoscibilis, cum ramen per se nota non sit, necessaria est vel inventio, vel doctrina, ut cognoscatur. His ergo deficientibus, fatendum est, in hujusmodi homine toto illo tempore inveniri posse ignorantiam de unitate Dei invincibilem, ob quam tunc ab Idololatria, vel ab errore circa multitudinem deorum excusabilis redderetur.

Hanc cæterum ignorantiam non habere locum posse in homine adulto, plenum rationis usum habente longo saltem, vel toto vitæ suæ tempore, clare demonstrant tum hucusque dicta, tum quia veteres docent de intimo illo, ac tacito testimonio, quod suis cuique dicit animus, etiam vanis deorum superstitionibus, ac publicis erroribus occupatus, non minus circa Dei unitatem, quam existentiam, de quo librum Tertullianus edidit, *quem de testimonio adversus gentes inscripsit*, in eo demonstrans homines eo instinctu naturæ ferri, ut unicum deum agnoscant, & communi sermone sponte fateantur. Videndus est etiam in *Apologetico* cap. 17. Idemque asserit Minutius Felix in *Octavio*, & Arnobius in 2. lib. nec. Lactantius lib. 2. *insistit*. cap. 1. Plotinus denique *Ennead.* 6. lib. 5. cap. 1. egrege illud idem testimonium animæ singularem deum profitentis agnovit, ubi sic ait: *Unum quiddam, idemque numero esse simul, ubique totum, communis indicat mentis humana notio, quando omnes naturali quadam instinctu clamant in unoquoque nostrum esse Deum adeo, ut unus in omnibus, idemque sit Deus.* &c. Atque hoc est omnium firmissimum principium, quod animæ nostra velut eloquuntur, quod ex singulis in unam summam redigitur. Præcipua hujus testimonii dicta, quibus unicum deum esse, etiam Ethnici professi sunt, jam initio protulimus.

Plurimæ tum apud veteres, tum apud modernos scriptores inveniuntur rationes unitatem veri Dei demonstrantes. Aliæ ex mundi gubernatione, externisque Dei operibus assumptæ, aliæ ex divinitatis naturæ conditioneque ipsa petitæ ex summa ejus perfecti cui nihil deesse potest, quod deus infinitus, & incircumscriptus est, quod omnis multitudo Principum mala est. Quare cum nequeant esse duæ res naturæ distinctæ, summæ perfectæ, neque duæ infinitæ, & optimum sit regimen Monarchicum, unicum consequenter esse naturaliter deum, summæ perfectum, absolute infinitum. Et quod deus est unicus, quia est ens à se, & quia est ens necessarium, & quia est actus purus. Nos verò sic primum illam probamus. deus est ens necessarium, ac per essentiam. Ergo est unus. Quia si eus per essentiam posset multiplicari, non esset major ratio, cur in duobus, vel pluribus posset multiplicari, sed posset multiplicari in infinitum, ut sunt naturæ specificæ. Ergo cum sit necessarium, actu daretur infinitas Deorum. Et quia si multiplicaretur, deberet habere aliquid reale, per quod multiplicaretur, & hoc deberet esse extra quidditatem entis per essentiam, alioquin conveniret unicuique, cui conveniret esse ens per essentiam. Unde non esset ens per essentiam. Quia extra ens per essentiam, non datur ens per essentiam. Ergo Deus non esset secundum se totum ens per essentiam.

Deinde ita. Individuatio, sive singularitas est de intrinseca ratione entis per essentiam. Quia cum ens per essentiam sit summæ necessarium, habet intrinsece omnem rationem entis sibi necessariam. Unde etiam habet existentiam, cumque singularitas sit ratio necessaria, erit ipsi intrinseca. Ergo repugnat ens per essentiam multiplicari. Singularitas enim ponit repugnantiam ad multiplicationem. Natura enim, quæ per se ipsam, & essentialiter est hæc singularis, non potest multiplicari aut alteri individuo communicari.

Quia



Quia singularitas est propria unicuique. Quod de facto competit Deo, qui ob infinitam simplicitatem, & actualitatem sui esse, secundum idem est Deus, & hic Deus ita, ut non solum Deus sit sua singularitas, sed etiam de essentia illius sit, esse hunc numero Deum, qui de facto est in individuo. Nam si singularitas naturæ divinæ non esset de essentia dei, sive quod idem est, non includeretur in intrinseco, atque essentiali conceptu naturæ divinæ, sed cum fundamento in re ex parte ipsius, liceret eam perfecte concipere, non concepta singularitate dei intrinsecè inclusa intra totam essentiam illius naturæ, vel esset differentia divisiva essentialis; per quam divideretur una natura divina essentialiter ab alia; & constitueretur unus deus specie diversus ab alio; vel esset differentia individualis, & numerica. Illud primum dici non potest. Non enim datur ratio generica divinitatis, & ratio specifica contrahens illam ad hanc speciem, ut patet ex eadem infinita simplicitate divina, & supponitur in hoc argumento, in quo directe probatur, non esse plures deos numero tantum diversos, non solum quia in deo, cum sit actus purissimus, nulla datur materialitas, ex qua juxta veriorum sententiam desumitur distinctio mere numerica, & individualis, sed etiam quia ad differentiam cujusvis creaturæ, omnino est idem in deo ob infinitam ejus simplicitatem, quod ejus natura sit sua singularitas adæquate, & quod singularitas sit ipsa ejus quidditas & essentia, alioquin Deus non esset in ratione essentiae infinite simplex.

Neque dicas hinc tantum sequi, non posse dari duos entia per essentiam solo numero distincta; non autem, quod non possint dari, veluti specie distincta. Nam primo respondeo. Ens per essentiam, sicuti est sibi sufficiens, ita includit quidditativo modo omnem rationem sibi necessariam ad essendum, atque adeo non solum singularitatem, sed etiam omnem rationem specificam. Ideoque non potest specificè plurificari, quia plurificatio deberet fieri per aliquid, quod quidditativo modo non includeret secundo. Si essent plura species, deberent singula esse ens per essentiam, ac proinde ens per essentiam plurificaretur in illis. Hoc tamen fieri non potest, quia quidditativo modo includit singularitatem.

Postremo probatur in hunc modum. deus est actus purus, & perfectissimus, atque adeo non potest esse multiplex. Nam de ratione actus puri est, quod excludat omnem rationem potentialitatis. Et quia hæc non excluditur, nisi per actum, ut illam excludat, debet habere omnem rationem actualitatis, cujus est capax ens per essentiam. Ergo cum sit ens à se, est capax omnis actualitatis, quæ est à se. Sed si esset multiplex, non haberet omnem rationem actualitatis; quia multiplicitas importaret diversam rationem actualitatis, ratione cujus unus deus distingueretur ab alio, & hæc actualitas esset à se, ac proinde non esset in quolibet omnis ratio actualitatis.

Quod si dixeris, rationes allatas posse applicari ad demonstrandam in deo unitatem personarum, ideoque non sunt demonstrativæ. Respondeo negando assumptum. Quia probant solum unitatem unius entis summi, & unius naturæ. Pluralitas autem personarum stat cum una, & summa natura ita, ut nullo modo ratione ipsarum habeatur plurificatio in ratione summi entis per essentiam.

Præterea deum non posse multiplicari, neque numero, neque specie, sed omnino unum tantum esse fundatur in infinita ejus perfectione, ratione cujus dicitur comprehendere in se totam plenitudinem essendi vel formaliter, vel eminenter, & esse id, quo nihil majus, & excellentius concipi potest. Ut enim sentit ait Tertullianus lib. 1. contra Marcionem cap. 3. *Veritas christiana distincte pronuntiavit, Deus si non unus est, non est; quia dignus credimus, non esse quodcunque, si non ita fuerit, ut esse debeat.* Si autem

duo, vel plures darentur dii, nec essent infinitæ perfectionis, sive non haberent infinitatem omnimodam essendi, neque id, quod altius possumus imaginari. Oporteret enim eos differre, scilicet in deitate. Non enim differrent solum in persona præcise. Nam sic essent unus numero Deus, ut sunt de facto tres personæ Sanctissimæ Trinitatis habente unam, & eandem numero naturam, & propterea in illis non valet hoc argumentum. Deberent ergo etiam distingui in natura, & consequenter vel distinguerentur per differentias individuales diversas quo pacto distinguuntur inter se, ac differunt plures homines, vel per differentias essentielles, qualiter inter se differant duo Angeli naturaliter in opinione probabiliori numero immutabilis intra eandem speciem. Utrumque autem est impossibile. Ita enim aliquid conveniret uni, quod non alteri. Si ergo competeret aliquid uni, quod non alteri, vel illud, quod hic Deus habet præ aliis est actus purus, & entitas infinita, vel quid potentiale, & finitum. Si secundum. Ergo creatum, & non Deus. Quia Deus est, quo majus nec esse, nec cogitari quidem potest. Si verò id quod habet unus præ aliis, est perfectio actus puri, & infinita. Ergo hæc deest alteri, & illa, quæ est in altero, deest isti, proindeque manet uterque privatus aliqua perfectione divina & infinita, & sic non est summe perfectus, cum deficiat illi perfectio infinita. Impossibile est igitur plures esse Deos. Unde & antiqui Philosophi, quasi ab ipsa coacti veritate, ponentes principium infinitum, posuerunt unum tantum principium.

Superest solum difficultas, an stante hucusque demonstrata divina unitate, recte unus numero Deus dici possit, vel illi competere unitas numerica? Sustinent aliqui partem negativam, cui favet D. Basiliius epist. 141. quæ est apologia ad Cæsarianos, eo quod ex tali modo loquendi videtur sequi plures deos esse posse, saltem per potentiam logicam. Unitas siquidem numerica videtur esse non posse, nisi respectu numeri vel actualis, vel certe possibilis.

Alii verò affirmativam docent. Quod tamen videtur pertinere ad controversiam de nomine potius, quam de re. Unde sic breviter rem hanc absolvo. Ubi deus appellatur unus numero, id accipiendum est non positive, sive affirmative, quasi natura divina possit numerari, vel sit divisibilis in plura singularia, quo pacto deus non tam diceretur unus numero, quam unus è numero, hoc est unus connumerabilis cum aliis diis, sed intelligi debere negative hoc sensu, quia dicta natura est tantum una, & non multiplex, nulliusque divisionis capax, ut contingit in unitate, quam Logici numericam vocant, quæ propterea dicitur maxima unitatum, quia nullam admittit divisionem. Sic enim deus recte vocari potest, imo debet, unus numero deus. Quare dum primæ sententiæ auctores negant, deum esse unum numero, nihil aliud verè negant, nisi esse unum deum inter plures deos, sive qui cum aliis diis numerari possit.

Etiā igitur unitas dei subsistentis in tribus Personis realiter inter se distinctis, sit objectum divinæ revelationis, cuicunque lumini naturali prorsus impervium, attamen si sermo sit de unitate dei, abstrahendo ab hoc, quod in una, ut existimarunt Philosophi, vel in pluribus, ut fides nos docet, subsistat personis, sive de unitate per negationem plurium numero, vel specie deorum, ab uno vero deo, illam plusquam satis demonstrant superius allatæ relationes, ad quas D. Thomas habet lib. 1. contra Gentes cap. 42. Marsilius Ficinus in 2. de immortalit. animar. Petavius tom. 1. Theolog. dogmat. lib. 1. aliique passim.

Crede igitur nos profiteri in deum, non in plures deos. Unus enim tantum est deus, unus Rex Regum, dominus dominantium, unus Creator rerum, unus auctor, & finis omnium, cui soli cultus Patriæ debe-



debetur juxta doctrinam Scripturarum, traditionem Patriarcharum, Prophetarum, Apostolorum, omniumque Christianorum, doctorum; Scimus, ait Apostolus 1. Cor. 8. *quoniam nullus est Deus, nisi unus.* Sunt quidem plures, qui appellantur Dii, sed unus est naturâ deus, cæteri vocantur Dii propter participationem quandam excellentiæ, perfectionisque divinæ, ut Principes, Judices, Sacerdotes, atque Prophetæ; Psal. 49. 81. 85. Exod. 7. & 22. Joan. 10. Dionys. Areopag. lib. de divin. nomin. cap. 12. sunt & alii, qui stulto Gentilium errore Dii nuncupantur, sed nobis, ait Apostolus, *unus est Deus.*

## CONSULTATIO XXX.

*Religio definitur. Quot modis ab ea receditur. Idololatria recte dicitur cum adversus Dei mandatum in simulachro colitur Deus. Exemplum ab Israëlitis, aliisque: Quando etiam, & quibus in rebus dicatur Idololatria.*

**A**dumbravimus ea, ad quæ lumine Naturæ potuit perveniri tum in cognitione veri dei, tum in cultu ejus, in quibus duobus Religio consistit, ut quæ sit rectus veri Dei cultus, vel si plenius eam definire sit animus præeunte Apostolo sub initio Epistolæ ad Titum: *agnitio veritatis ejus, quæ est secundum pietatem ad spem vitæ æternæ.* Quo loco Apostolus Religionem vocat cognitionem, sive fidem, nempe non theoreticam, quæ solum instruit intellectum, sed practicam, quæ præterea perficit voluntatem, quippe quæ, ut finem proximum sibi propositam habeat pietatem, hoc est dilectionem Dei, & proximi; ut ultimum verò finem, spem vitæ æternæ.

A Religione hac, vera, rectaque bifariam receditur. Vel defectu, qui est divini Numinis contemptus, vel excessu ejus, qui est Dei cultus superfluo quopiam vitiat. Prior dicitur *Impietas*, & aliquibus *Irreligiositas*. Posterior vocatur *Superstitio*, à superstando, non quasi Deus verus vero cultu nimium coli possit, sed quia ad materiem cultus accedat, quod eum corrumpat. Utrumque modum exponit Clemens Alexandrinus ad Gentes: *Extrema ignorantia sunt Impietas & Superstitio, extra quæ pudendum est manere.* Imo similiter ante eum Plutarchus in erudito Libello de Iside, & Osiride: *Nonnulli à recto itinere aberrantes, plane in superstitionem inciderunt. Alii, velut paludem, fugiendo superstitionem, imprudenter in præcipitium quasi quoddam, in impietatem inciderunt.*

Ad prius genus pertinet, qui taciti cum insipiente dicunt, *Non est Deus*, ut regius Psaltes gemino, sed ejusdem argumenti psalmo, conqueritur, 13. & 52. sive secundum Latinos 14. & 53. Tam fœdus error vocatur à multis *Barbarismus*, & *Scythismus*, quorum ille putatur juxta Epiphanium ante diluvium, hic postea obtinuisse usque ad Serugum, cujus tempore cœperit Hellenismus. Sed nec Epiphanius dicit Barbaros illos, vel Scythas, nullum Numen agnovisse, nec satis convenienter Scythæ memorantur ante Serugum, cum citra dubium Babylonica turri longe sint posteriores. Præterea & Barbarismi, & Scythismi nomina parum huic rei sunt idonea, nec aliunde hausta, quam ex male intellecto Apostoli loco ad Colossenses 3. 11. *Ubi non est Græcus, & Judæus, Barbarus, & Scythes.* Neque enim Apostolus variam de Deo sententiam signat; sed solum ait, in renovatione Christiana non meliorem aut deteriolem esse conditionem Judæi, quàm Græci, nec Græci quàm Barbari, nec vulgaris Barbari, quàm Scythæ, etsi hic cæteros superare barbarie existimeretur.

Irreligiosi tamen autem nomen latius nobis in hac re

patet, quàm Plutarcho in verbis allatis, uti & Superstitionis vocabulum latius usurpamus quàm ab eo factum. Atque id, quia omnis à recta Religione recessus nominibus istis, quibus meliora non suppetunt, generatim comprehendatur. Atheotis, igitur, hoc est Numinis inficiatio dicitur nobis, quandocunque non agnoscitur Deus, & providentia ejus circa singulos & in hac vita, & futura. Itaque quadruplex est Irreligiositatis genus, aliud alio nequius.

Primo committitur illa, si quis eò furoris deveniat, ut ad tempus saltem, quia non videt deum, eò in animum suum inducere possit, nec esse Deum. Deinde si non colitur, vel saltem nonnisi ob naturam præstantem, non verò quia quis opem ab eo, vel gratiam expectet, quippe qui neminem amet, neminem curet. Unde Impii, ac inficiatores cultus divini dicti, qualis Epicureus omnis: *Parcus Deorum cultor, & infrequens.* ut Horatio ode 34. lib. 1. describitur. Exinde si existimetur, uti Summates viri summorum curam gerunt, imis, & minutis alios præficiunt, ita Deos cœlestes de procerum rebus laborare, non spectare illas homuncionum. Quod Cæsar tumultuanti ait militi apud Lucanum in 5. belli civilis n. 341. & seq. Semiepicureos puto, non incommode dixeris. Denique si deus solum colatur, ut remunerator in hac vita. Quæ Sadduceorum mens erat, ut ostendit Vossius in dissertatione de Rabinorum temporibus.

Similiter Superstitionem, de qua plenius suo loco, laxius ea voce accepta nuncupo. quando deus agnoscitur, ac providentia ejus erga omnes, & hic & in altera vita, sed aut veri Dei cultus præstatur falso Numini, aut falso cultu Deus verus coli existimatur. Prius vocari solet *Superstitio falsi cultus*, quia falsum colitur Numen. Posterius dicitur *Superstitio cultus indebiti*, quia non colitur Deus eo cultu, quo debetur. Prior modus etiam vocatur Idololatria.

Neque obstat, quod non semper pro Deo colatur imago, aut simulachrum, quale si divino honore afficiatur, Idolum nuncupatur. Nam isthac propria magis Idoli significatione laxius extensa, Idolum etiam dicitur, quidquid mens humana in veri Numinis locum substituit. Et ad hoc genus loquendi præeunt nobis septuaginta senes 1. Paralip. 16. 26. Ac Idola etiam retinuit Latinus interpretes Hebraicè est *Ehlim*, hoc est *vanitates*, vel ut aliis *nullitates*. Unde & Apostolus ait 1. Cor. 8. 4. *Idolum non est in mundo.* Quasi diceret, Idolum nec numen est, nec vim numinis habet, sed res est vana, & inane hominum commentum, eoque nulla virtute præditum, ad hominem vel sanctificandum, vel polluendum. Unde deinceps colligit, in edendis iis, quæ Idolis sunt immolari, per se nullum esse crimen, sed tum demum peccari, si quis hac edendi libertate abutatur, neglecta charitate, ut si de iis comedat cum offendiculo infami fratris. Hæc evincunt, non de solis imaginibus vel simulachris, divino honore affectis, Idolum usurpari, sed aliquanto laxiori significatione, quomodo & Idoli, & Idololatriæ nominibus passim veteres utuntur Theologi, quemadmodum vel fidem fecerint eorum descriptiones. Ita Tertullianus lib. de Idololatria cap. 2. *Idololatria Deo fraudem facit honores illi suos denegans, & conferens alius ut fraudi etiam concumeliam conjungat.* Et Cyprianus ad Fort. in exhort. ad Martyr. *Tunc Idololatria committitur, cum divinus honos alteri datur.* Gregorio Nazianzeno quoque orat. panegy. in natalem Christi dicitur, *culius, atque adorationis translatio à Creatore ad creaturam.* Idem Ambrosius, sive potius Hilarius, Diaconus Romanus in cap. 5. epist. Paulinæ ad Ephesios: *Idololatria Dei honorem usurpat, & vindicat Creatura.* Ac similiter B. Augustinus lib. 5. locutionis de Deuter. & lib. 1. de Trinit. cap. 6. ut tot alios Patres præteream.

Imò nec arbitror solum esse Superstitionem, vel Idololatriam, si homo in tantum à veri ratione recesserit,



cesserit, ut alium colere Deum in animum inducat; sed etiam si cultum religiosum, mandato Dei adversantem, quadam mentis inductione complectatur, non omnem dico, cum multi hic erroris gradus esse possint; sed si is, Deo invito, in creatura præstetur, ut symbolo divinum Numen representante. Claro, & illustri, sed deformi exemplo fuere Israëlitarum, Deum venerantes in vitulis Atonicis. Ubi bifarium peccatum, efformando idolum, & honorando. Efformando quidem, quia transmutarunt gloriam incorruptibilis Dei in similitudinem bovis comedentis herbam, ut verbis utar Scripturæ Psal. 106. v. 20. & Rom. 1. v. 23. Honorando autem, quia adorarunt vitulum, eique sacrificarunt, ut eadem loquitur Scriptura Exod. 32. v. 8. & Act. 7. v. 41.

Existimet aliquis, non graviter adeo peccasse Israelitas: Nam cum dicerent: *Fac nobis Deos, qui antecedant nobis*, ut est Exod. 31. 1. non aliud eos egisse, quam ut symbolum veri haberent Numinis, quemadmodum falsò Gentiles gauderent, atque hoc eo fine exoptasse, ut isto symbolo præsentem, ac præeuntem, signum haberent præsentis, & præeuntis Numinis divini.

Equidem non diffiteor, Israelitas universos, vel saltem non extrema stultitia obcæcatos, propositum habuisse colendi in vitulis verum Deum. Quod inter alios etiam agnoscit Joannes Ferus in Act. 7. v. 41. ac probat ex ipsis Israëlitarum verbis Exod. 32. 4. *Miserunt Dii tui, Israël, qui te eduxerunt de terra Egypti.* Indeque colligit, non in alieni Dei cultu peccasse, sed eo, quod contra Dei præceptum, cum in Idolo colere vellent. Neque huic obstat sententia, quod Hebraice ibi est *Elohim tui*. Nam Neh. 9. 18. ubi idem refertur, singulari numero est, *Deus tuus*. Et satis constat, *Elohim* tribui uni Deo Israëlitis, ut ex numero plurativo de naturarum multitudine statui non possit. Nihilo validius quod vitulum colentes oblitum dicantur Dei, ut legere est Deuter. 32. Psal. 106. Latinis 105. & Jerem. 2. Quia rectè id Bonaventuræ, Richardo dist. 7. ar. 3. q. 1. lib. 1. & aliis in re alia observatum, duplicem esse oblivionem. Unam, qua species abolentur ex animo. Alteram, qua illæ non recoluntur, ut oportet, nempe animo circa alia magis intento. Unde fit, ut quis contrarium agat ejus, quod acturus esset, si convenienter recordaretur. Posteriori ratione homo dicitur oblitus Dei, ac fœderis divini, cum stultis cogitationibus indulgens, alium colere Deum, vel in symbolo interdicto venerari præsumit. Hæc propterea non oblitio est, sed quasi oblitio. Quia homo se componit, quasi oblitus, Nihilominus in Scripturis secundum metaphoram, ipsa etiam Numinis oblitio nuncupatur.

Et sanè Israelitas non propriè oblivione voluntaria memoriam contrivisse benefactorum Dei, liquido ostendit, quod vitulus dicitur ille deus, qui Israelitas duxerat ex Egypto, ubi per vitulum non nisi veri Dei imago intelligi potest. Et ibidem, commate proximo, cum Aaron coram vitulo altare extruxisset, desertum Festum indicit Jehovah, quod nomen grande nunquam ille, aut Moses Diis gentium tribuisset.

Dixeris, Israelitas non vehementem adeo pœnam promeritos videri, si non desciverint, à vero deo. Quasi non sufficiat, quod desciverant à cultu vero. Colere enim deum ritu gentili, qui præterquam quod divinæ esset voluntati repugnantissimus, in ista humanarum mentium caligine plenissimus periculi fuit, quia experientia ostendit, quàm facile cultus symbolicus in proprium convertatur. Accedit, quod considerari hæc debent, non solum ex proposito hominis, sed etiam ex natura rei, & iudicio divi-

no. Atque utcumque Israëlitarum putarent, observantiam suam non in vitulis, sed in deo sisti, deo tamen prorsus averfante hunc cultum, ac quasi à se repellente, non potuit honos ille per vitulos ad deum transferri, sed necesse eum fuit in vitulis terminari. Unde & hujusmodi vitulum Idolon vocare non dubitat protomartyr Stephanus Act. 7. 41. Ut licet in vitulo voluerint latrariam præstare vero deo, merito nihilominus sic quoque Idololatria nuncupetur.

Valde eo etiam inclinatur animus, ut existimem idem esse iudicii ferendum de simulachro Michæ, de quo Judic. 17. Siquidem mater ejus argentum, unde factum simulachrum, sacrificasse dicitur Jehovah, & Micham velle in eo colere Deum Israëlitis, satis arguitur verbis istis: *Nunc novi Jehovah benefacturum esse mihi, eo quod est mihi Levita in Sacerdotem.* Et tamen vetus Interpres, quod Hebraice *Teraphim*, interpretatur *Idolum*.

Longeque apertior res de vitulis, quos Jeroboam in Dan, & Bethel constituit, ut legere est 1. sive 3. Reg. 12. v. 28. Hosce vitulos pro Idolis habuit Deus, ut ostendunt illa de Jeroboamo verba cap. 14. v. 9. *Fecisti tibi Deos alienos, & constariles, ut me ad iracundiam provocares: me autem projecisti post corpus, [sive tergum tuum.]* Quid istis apertius? Et tamen verum Deum in vitulis coli Jeroboam iussit. Quod non obscure ait Flavius Josephus antiquit. Judaic. lib. 8. cap. 3. sive in translatione Rufini 8. Comparat enim se cum Salomone, & ut convenientiam cultus ostendat, ait; *Et ego feci duos vitulos, qui idem ac Deus nomen obtinebunt.* Nec sane alium inducendo Deum, populo Israëlítico persuasisset. Aperteque hoc minoris idololatriæ genus à manifesta illa, crassaque distinguit Scriptura 1. Reg. 16. v. 30. 31. 32. *Et fecit Achab, filius Amri, malum in conspectu Domini super omnes, qui fuerunt ante eum. Nec sufficit ei, ut ambularet in peccatis Jeroboam, filii Nabat. Insuper duxit Jezabel, filiam Et-baal, Regis Sidoniorum, & abiit, & servivit Baal, & adoravit eum. Et posuit aram Baal in templo Baal, quod edificaverat in Samaria, & plantavit Lucam; & addidit Achab in opere suo, irritans Dominum Deum Israël, qui fuerunt ante eum.* Quàm aperte docet, diversam esse rationem in vitulis adorantium verum Deum & illorum in simulachris colentium Solem vel aliud Dei opificium.

Et discrimen hoc respexit etiam Elias Prophetes cum 1. Reg. 18. v. 11. ait. *Quousque claudicaturi estis in duabus cogitationibus? Si Jehovah est Deus, sequimini eum. Sin autem Baal, sequimini eum.* Et Rex Jehu 2. sive 4. Reg. 10. v. 16. cum Baalis servos necaret, ac statuas tolleret: *Vide, inquit, zelum meum pro Jehovah.*

At idem, qui verum Deum in vitulis adorarent, non sustulit, sed appellat *servos Jehovah*, comparate nimirum præ Baaliticis cultoribus, & æstimando eos ex proposito humano. Quod etsi non penitus tollebat Idololatriæ crimen, multis tamen partibus levius reddebat, etiam æstimatione divina; nempe Idololatria est ex iis, quæ Aristoteli vocantur *equivoca ad unum*, & ad unam naturam, ut lib. 3. Metaph. cap. 2. vel *ab uno*, ut lib. 1. Eth. cap. 4. vel *secundum prius*, & *posterius dicta*, ut lib. de ortu, & interitu. Quale genus est *ens* ratione substantiæ, & accidentis; demonstratio ratione illius, quare sit & quod sit. Scholastici *equivoca analogæ* appellant, sed perperam, ut videre est ex iis, quæ Aristoteles scribit lib. 7. phys. context. 31. & quæ ibidem annotavit Simplicius.

Est item, præter hæc duo Idololatriæ genera, quæ



quæ magis proprie sic dicuntur, tertium etiam, sed à natura veræ proprietatis longius recedens, quippe plane metaphoricè. Deus enim in Verbo suo *Ephes. 5. & Colos. 3.* etiam appellat Idololatrias, qui fiduciam non tam in summo collocant Numine, quam in divitiis. Ac par eorum est ratio, qui summum Bonum non in deo, & conjunctione sui cum Deo reponerent; sed in corporea voluptate. Unde in Scriptura *Philip. 3. 19.* Deus eorum dicitur venter. Ac similiter pronuncies, ambiciosi honorem esse Deum. Universe enim est verum, quod B. Hieronymus in Prophetæ *Amos cap. 4.* scribit: *Unusquisque adorans vitia sua, atque peccata, Deum habere cepit, à quo victus est,* dicente Petro Apostolo *2. 2. 19.* A quo enim quis superatur, huius & servus est. Avarus aurum, gulosus ventrem, libidinosus penem, & Beelphegor colit. Lassiva mulier, quæ cum in deliciis mortua est adorat *venereas voluptates.*

Huiusmodi tamen Idololatria, ubi non objecto, sed solo actu peccatur, non proprie, sed ut dixi tractatitè Idololatria vocatur. Nec enim id homines ejusmodi sibi propositum habent, ut honori, ventri, opibus cultum præstent religiosum, vel per eorum venerationem colant superiorem aliquam naturam. Sed, Scripturis præeuntibus, consideramus rem, qualis est in se, & natura sua: Nam pro summo aliquid bono habere, vel fidere alicui supra omnia, revera est actus soli Deo conveniens. Eoque, cui sic fiditur, ut cunque non credatur Deus, tamen colitur, ut Deus, cumque actus, qui illis præstatur, ex intentione agentis, solum sit moralis; tamen natura sua, ac propterea etiam interpretatione divina, est religiosus, ac divinus. Nobis verò decretum est agere non de quavis Idololatria, sed de ea duntaxat, qua homo Deum sibi colere proponit, nec de ea omni, nec enim de illa, qua actu tantummodo aberratur, verum qua objecto etiam peccatur, hoc est, qua falso numini cultus præstatur divinus.

#### CONSULTATIO XXXI.

*De Distinctione Cultus Idololatriæ. De Spirituum cultu. In quibus Idololatria consistat. Latius de duplici principio. De ipso Persarum & Aegyptiorum opinio, & sententia hæreticorum, qua denique refellitur.*

**I**N hoc argumento separabimus singula profani cultus genera, tum eorum hominum, locorum, temporum, quibus primæva traditio per pectora humana minus turbide profluxit; tum quibus per eadem pluribus mæandris erravit impurius, & de coloratione scædiori ex admixto majoris erroris venenq.

Primum verò, quod sæpe nec veteribus satis fuit observatum, distinguere opus est inter cultum proprium & symbolicum. Proprius vocatur, quando quod colitur proprie & in se Deus esse existimatur. Qualis fuit cultus Solis ipsius, vel Herculis, sive Thebani, sive alterius gentis. Symbolicus appellatur cum quid colitur, non quia credatur Deus, sed quia Deum significet. Quomodo Sol cultus in igne Vestali, Hercules in statua.

Proprius dividitur in simplicem & mixtum. Simplex dicitur ubi animus in unius cultum fertur, ut unius Solis, vel unius Herculis Thebani. Mixtus est, quando animus colentis in plura diffunditur, ut quando Hercules colitur cum Sole, & illi in hoc, huic in illo honos habetur. Cultus proprius, vel simplex, vel est substantiæ, vel accidentis. Substantia vel est spiritualis, vel corporea. Spiritus vel est summus, vel medius, vel imus: Summus, ut mundi Opifex, cujus veneratio in falso cultu consideratur, quatenus corumpitur, si inter eum, & alterum honos divinus

dividatur, vel si Deus colatur in Idolo. Medius Spiritus est Angelus bonus, malusve, quorum utrumque demoniorum nomine Platonici intelligunt. Imus Spiritus est genius, sive anima defuncti.

De hoc spirituum cultu sic censendum est. Antequam animas humanas Angelos divino affectos honore. Ante Angelos bonos Principem malorum, quem per excellentiam Satanam dicimus; non solum tamen, sed unà cum Deo, boni omnis fonte. Origo huius cultus derivatur à corrupta, tum traditione, tum ratione. De traditione quidem depravata in dubium vocabit nemo, qui peregrinus adeo non sit in factis nostris, ut ignoret quidquid Deus fecisset, bonum fuisse; sed postquam Satanas præ invidia primos parentes de statu innocentiae dejecit, terram propter eos fuisse maledictam, nec Deum propterea omnem amorem generis deposuisse humani; quippe qui variis modis omnes omni ab ævo ad pœnitentiam provoceret, ac invitet. Sed Satanas, mille fraudum artifex, circumit universos, in nihil æque intentus, quam ut illos tum à recto avertat cultu, tum hinc gravissimis malis, Deo ita permitte, affliget, & post judicium ultimum, socios habeat pœnarum, quas ipse est subiturus.

Salutarem adeo doctrinam nunquam destitit Noachus prædicare liberis ac nepotibus suis ea spe, ut ipsi per manus ista traderent ex se nascentibus. Sed quæ Patriarcha tantus præbuerat dextera, hæc paulatim posteriori sinistra acceperunt. Justius enim hoc de se dicere potuerit Noachus, quam de auditoribus suis querebatur Theodorus Cyrenaicus apud Plutarchum de *Iside & Osiride*. Noachidæ igitur exinde duo sunt commenti principia, pari, vel suppari potestate, boni unum, alterum mali, atque eò deventum fuit, ut quemadmodum colerent principium boni, quo bona conferret, ita venerarentur principium mali, ne inferret mala.

Ad traditionem corruptam corrupta etiam ratio accessit. Sit enim collegerunt: Is, qui in se est optimus, & omnis boni fons unicus, non est miseris mortalibus mali ullius principium, & causa. At verò in mundo hoc multa sunt homini mala & noxia, tum in mutis animantibus ac plantis, uti basiliscus, aranea, aconitum, & similia, tum etiam in cæteris, uti fames, pestilentia, tempestates, cæteraque id genus. Quare cum non debeamus Deum comminisci, qui dextera panem ac potum salubrem, sinistra venenatum eidem præbeat cibum, potumque, omnino præter principium omnis boni, etiam statui oportere omnis mali principium, ac proinde illi facienda esse facta, ut bonum consequamur; huic vero ad malum averruncandum.

Quam vetusta hæc sit sententia, arguit, quod ea fuerit antiquissimorum inter Gentiles Legislatorum, ac Sacerdotum, atque ab iis in philosophos veteres sit derivata. Quod aperte docet Plutarchus loc. cit. concludens: *Existimant enim alii duos esse Deos, quasi contrariis deductos artibus, ut bona alter, alter mala opera conficiat. Alii cum, qui est melior, Deum, qui deterior, demonem dicunt.* Postea verò refert Plutarchus, quomodo opinio eadem fuerit Persarum, qui illam acceperunt à Zoroastre, de cujus antiquitate certant Authores an plures fuerint Zoroastres? Id certe vitium est mentis humanæ, ut quo pretium adderet opinionibus, eas antiquiori potius, quam juniori tribuerit. Is, eodem Plutarcho teste, cum duo statuisset principia, boni principium vocavit Oromasdem, mali Arimanium, ac Oromasdem quidem fuisse ait stellas, & bonos Deos, inque ovo posuisse. Per ovum hoc mystice mundus intelligitur, cui ovalem figuram antiquissimi tribuerunt. Hinc Thebaidos incolæ Deum mundi opificem representare volentes, efformabant eum ovum ore effundentem. Ovum enim interpretatur mundum, ut ex Porphyrio. Etiam in *Orgiis Libe-*



Liberi Patris, quæ ab Orpheo instituta, Ovum mundi erat symbolum, ut docent Plutarchus *Symposiaca* lib. 2. *quest.* 3. & Macrobius *Saturnalia* lib. 7. *cap.* 16. Unde Proclus in Timæum eadem esse ait, *Orphæi Ovum, & Platonis Quod est.* Cum ovo etiam mundum comparat Varro in Logistorico apud Probum in *Eclog.* 61. Ovum igitur, hoc est mundum, fecerat Oromalides; sed Arimanius, cum malos genios condidisse dicitur, tum ovum illud perforasse, atque ita bona permiscuisse malis, mala bonis. Hinc coortas esse inimicitias inter Oromaliden & Arimanium, atque alterum alterius opus demoliri. Quæ fabulosa esse, nemo non videt. Interim non obicere hic apparent reliquæ doctrinæ Noachicæ, tum de Deo, habitante lucem inaccessam, mundi que opifice, tum de Satana, aëris, & caliginis principe, mali omnis fonte & autore.

A Zoroastris, ac Persarum doctrina conferamus nos ad Ægyptios, ex quibus, ut antea vidimus, soli Thebaidos incolæ unicum Deum, mundi architectum, *Kneph* à se nuncupatum, coluerunt; cæteris Ægyptiis plures erant Dii, præcipuus interim honos duobus erat principiis, ac causis Universi. Uni omnis boni, unde rerum generatio. Alteri omnis mali, unde rerum corruptio. Ac ex eorum sententia in hac rerum ab utroque principio mixtura, prævalet facultas melioris Numinis; at tamen non in tantum ut deterioris opus aboleat prorsus. Quippe & vis ista deterioris principii peritissimis inhaeret corporibus, saltem illis sub Luna constitutis. Atque inde est, quod semper meliori repugnet facultati.

In Principio illo præstantiori, divinioreque, & ejusdem opere tria considerantur, quorum unum patris, alterum matris, tertium prolis se instar habeat. A primo est forma, ab altero materies, tertium est ipse mundus. Primum dicitur Osiris, alterum Isis, tertium Orus. Principium deterius vocatur Typho. Ac Isis quidem, quæ naturæ est feminæ, eoque receptaculum boni & mali, sponte sua fertur ad id, quod melius est. Sed Typho alte inhaeret & corpori & animæ Universi, temperque melius principium impugnat. Melioris Principii, quod Osiridem dixerunt, in anima imago est Ratio, sive Mens; Typhonis verò simulachrum est pars animæ rationis experta, & affectibus astuans. In corpore humano, Osiridis imago est facultas bonum præstans temperamentum, Typhonis autem facultas morbos & mutationes arcessens. In Cælo & elementis Osiridem repræsentat quicquid ordinatum, & æquabile. Typhonem quicquid inordinatum, & inæquabile, ut Solaris, vel Lunaris luminis defectus, procellæ ac tempestates inundationes marinæ, atque ita in cæteris, quicquid modum & ordinem non tenet.

Horum omnium testis est Plutarchus libro sæpius memorato de Iside & Osiride, ex cujus sententia duo hæc principia sunt duo Spiritus mundi Præsides, ut valde hæc convenient cum Zoroastris doctrina. Sed longe aliter hæc de principiis illis capiebant multi ex Ægyptiis Sacerdotibus, qui per Osiridem intelligebant tum Solem, tum Lunam, tum Nilum; per Typhonem, tum Solem, tum Mare; per Isidem, tum Lunam, tum Terram. Ea interpretatio non satisfacit Plutarcho, ut qui contenderet, nihil corporeum, & sensus expertum pro Numine coli posse. Quare ut vulgariorem Ægyptiorum de Diis suis opinionem explanatione commoda reddat meliorem, per Isidem quidem intelligere jubet mundum, per Osiridem autem ac Typhonem, Deos, vel dæmones magnos, quorum virtute rerum natura gubernetur.

Etiā ex Plutarcho cognoscimus, quomodo illa de principiis duobus opinio ad Græcos sit Philosophos derivata. Exemplo sit Pythagoras, quam duo ait statuisse principia, bonum, malumque. Ab illo esse uni-

tatem, finitum, quiescens, impar, quadratum, æquale, dextrum, splendidum. Ab hoc esse binarium, infinitum in motu versans curvum, par, altera dimensione longius, inæquale, sinistrum, tenebrososum. Ac fortasse nec aliud voluit Philolaus Pythagoricus, quando ut apud Strobæum in *Eclogis physicis* legimus, principia rerum statuit, *finitum & infinitum.* De Empedocle Agrigentino magis liquet, quem Plutarchus inibi ait unum inducere boni principium, quod amor, vel amicitia, vel etiam harmonia dicitur, nempe quia est rerum conjungens. Alterum principium mali, quod lis, vel rixa nuncupetur, puta quia sit res disiungens. Atque idem tradidit Diogenes lib. 8. & ex nostris Justinus martyr in *paranesis ad Gentes*, & Clemens Alexandrinus in *protrepti.* Platonem quoque his comitem addit Plutarchus, licet aliter censeat Augustinus lib. 8. *de civitate*, *cap.* 13. & lib. 10. *cap.* 10. Ac Romani quoque & Græci, tamen non cognoscerent duo solum rerum principia, hæc tamen priorum instigare vestigiis, quod pro bono, maloque effectu Deos discernarent. Siquidem eorum iis alia bona, quæ juvarent, alia mala, & ut Maro vocat, læva, quæ nocerent. Atque ut apud Augustinum legas citato *cap.* 13. *Labeo numina mala victimis cruentis, atque hujusmodi supplicationibus placari existimat, bona vero ludis, & talibus, quasi ad latitiam pertinentibus rebus.*

At propius sententiæ de gemino rerum principio, bonarum uno, malarum altero, adhæsit Manes cum discipulis vigintiduo, in quibus præcipue memorati Thomas, Buddas, Hermas, sive Tyrbo, & Acua, à quo Manichæi aliter dicti Acuanitæ, Epiphanius *heres.* 66. & Nicetas Choniates, sive Colossensis lib. 4. *thesauri orthodoxi cap.* 33. Nec tamen Manichæi sic temere loquebantur, ut dicerent duplex esse Numen, vel si duos dicerent Deos, non aliter hoc solent interpretari, quam unum propriè, alterum improprie Deum dici, ut Faustus Manichæus apud D. Augustinum. Quomodo etiam Apostolus Paulus 2. *Corinth.* 4. *vers.* 4. ait, Deum hujus sæculi, qui diabolus est, excæcasse fidelium mentes. Sed in eo tamen convenientia est, quod ex duobus principiis, quorum unum esset Deus, alterum sive Hyle, sive dæmon, à priori bona, ab altero esse mala crederentur. Ab illo Solem non factum quidem prolatum tamen, vel missum. Ab altero autem colubrum, & alia id genus animalia facta esse in genere tenebrarum. Quæ qui dicit, is diabolum creatorem, ac proinde Deum facit. Hanc Manetis insaniam legere est apud Epiphanium loco citato, nec uno loco apud Augustinum. Paucis vero apud eum lib. *de hæresibus.* Ubi per hæreticos, quos Manes secutus dicitur, intelligit Marcum, Cerdonem, Apellem, alios, qui itidem duo statuerant principia. Sed cum Manem hunc constet natione fuisse Persam, ac Persicis etiam disciplinis, sumptibus viduæ cujusdam fuerit imbutus, ut Epiphanius tradit, magis verisimile sit, patriam in eo religionem sequutum fuisse. Zoroastris enim & Magorum hæc doctrina erat, ut è Plutarcho ante vidimus. Atque idem à Laërtio adstruitur è Dinonis lib. 5. *hist.* Aristotelis lib. 1. *de hist.* Hermippo lib. 1. *de Magis*, Eudoxo, ac Theopompi lib. 8. *Philip.* & Eudemo Rhodio.

Satis ex his liquet, quam antiqua sit, ac unde profluxerit doctrina de duobus naturæ principiis bono deo maloque genio, quorum ille sit causa omnis boni in natura, & coli debeat, ut faciat bene, hic autor sit omnis mali, & colendus sit, ne malus male faxit.

Quod si adversus hoc venenum quaeratur antidotum ex usu sit adire Epiphanium *heres.* 66. ac præcipue B. Augustinum lib. 21. *contra Faustum*, item lib. *de natura boni contra Manichæos & alius in locis.* Ad hæc Damascenum contra eosdem. Mirum verò Fausto, homini non plane obtuso, placere potuisse sententiam tam absconam. Nec opinio tam aliena ab omni ratione,



tione, quicquid dicat Plutarchus, multum habuit auctoritatis apud prudentiores. Itaque cum Faustus Manichæus catholicis objectaret, quod dogma de uno Deo à Gentilibus hausissent, responder ille lib. 20. contra eum cap. 19. *Discat Faustus, vel potius illi, qui ejus litteris delectantur, monarchia opinionem non ex Gentibus nos habere, sed gentes non usque adeo ad falsos Deos esse delapsas, ut opinionem amitterent unius veri Dei, ex quo est omnis qualiscunque natura.* Firmat hæc Iustinus Martyr de Monarchia.

Sed operam lusimus, nisi argumento etiam occurramus eorum qui sententiæ nostræ discrepant. Si enim præter Deum illum unicum, cujus unitas passim in Scripturis prædicatur, quemque Philosophi agnoverunt, ex superius dictis solo affulgente lumine naturali, alius quispiam foret, mali artifex, priori contrarius, pari cum eo potestate, & agendi vi hoc est infinita, præditus esse deberet. Siquidem Dei nomen, conditionemque rueri vellet. Si autem æqua amborum esset vis, & potestas, quam in boni Dei opera ille nialus exerceret, multa inde sequerentur absurda & impia. Ut enim ait D. Athanasius sub initium libri illius, in quo adversus Gentiles disputat, præfatosque hæreticos refellit: *In iis, quæ pari sunt potestate prædita, nihil est, quod excellat, & præstantius sit. Quippe si nolente altero existit alterum, æqualis est amborum tum vis, tum imbecillitas. Vis quidem æqualis, quatenus in eo, quod existunt ambo, voluntatem suam vincunt mutuo. Imbecillitas verò par erit utriusque, quod invitis ipsis, ac præter eorum voluntatem res accidunt. Siquidem & Bonus, renitente est malo, & Malus nolente Bono.* Insuper ait: *Si quacunque sensibus percipimus, opera sunt Mali, quodnam Boni opus erit? Nihil enim apparet præter id, quod ab opifice creatum est. Quod autem Boni indicium erit, cum nulla extent ejus opera, ex quibus cognosci queat? Nam ex operibus artifex dignoscitur. Quinam porro duo omnino esse possunt invicem contraria? Aut quid est, quo illa separantur, ut disiuncta consistant. Fieri enim non potest, ut simul existant, eo quod se se mutuo extinguendi vim habent. Sed neque alterum esse in altero potest, quod insociabilis, ac dissimilis natura sit illorum. Itaque tertium erit quiddam, quod illa dirimit, ipsumque Deus. Sed hoc cujus tandem erit natura. Utrum illius, quæ inest Bono, an quæ Malus præditus est. Incerta plane res erit. Atqui utriusque simul esse nequit. Hactenus Athanasius.*

Præterea, cum ex etiam dictis, Dei appellationi subiecta notio sit ejusmodi, ut infinitum aliquid, & infinita vi consequenter pollens ad agendum pariter, ac resistendum significet, hoc est prorsus insuperabile, & quicquid voluerit summa æque potestate, ac facilitate perficiens, non possunt duo esse vel plures contrarii, ac repugnantes, quales sunt Bonus ille, ac Malus, quos hæretica pravitas adinvenit. Si enim tales essent duo, necessario id, quod vellent, efficerent simul & non efficerent. Quod implicat contradictionem. Efficerent quidem, quoniam quicumque Deus est, is est omnipotens, & nihil ejus voluntati resistere potest. Cum autem se se invicem oppugnarent, nec alterum altero esset inferius, neque ei cedere vellet, aut posset, quoniam nec Bono Malum obsequi, nec Malo Bonum cedere sponte sua potest, multò verò minus invitum, si infinitum, ac si Deus est, huic repugnante divinitatis jure, ac nomine, neuter ageret quicquam, sed alter alterum præpediret. Et sic de aliis absurdis, in quibus expendendis, superfluum est diutius immorari post obitorem hunc de multiplicibus Diis, & contrariis errorem, jam olim explosum à Tertulliano contra Marcionem, à Tito Bostrensi, ac Didymo contra Manicheos tom. 4. Bibl. Patrum, Epiphanio Augustino, aliisque pluribus Græcis pariter, & Latinis.

Nec continuò si quid noceat, eo pro tali habendum quod rerum naturæ incommodet. Nam quod uno est loco noxium, id juvat alio. Quis ignorat quantum in periculum homines conjiciat cicuta? Attamen in Liguribus Taurinis pro cibo habetur non deliato solum, sed etiam salubri, & inter cætera urinam ciere idoneo. Et quàm multa sunt homini venena in cibis, quæ profunt ei in medicamentis? Atque ut neutra ratione commodo, atque usui forent, tamen sic quoque emolumentum homini afferrent, dum pro cibo sunt mutis animantibus, quæ nobis postea in alimentum vel medicamentum cedunt.

Dixeris, ut hoc ita sit in quibusdam, tamen esse ex venenis innumera, ex quibus nullam homines vel muta animantia capiant utilitatem. Sed enim scimus & multorum ex illis utilitatem insignem prodi ab iis, qui in arcanis naturæ rimandis studium, & operam collocarunt, etsi de omnibus id ostendere non possumus, non eo malignitatis culpanda est natura, vel ejus autor, sed inertiae id nostræ tribuendum, qui non quantum poteramus veræ ac diligentiae in indagando eorum usu posuerimus. Quid quod sic quoque ex venenis illis utilitas ad nos redit? Excitant enim industriam nostram in discernendis salubribus à venenatis. Patientiæ quoque materiam hinc habebimus. Cumque videmus quot periculis obnoxia sit hæc vita, magis cognoscimus iram Dei erga peccatum, ob quod in hanc miseriam sumus conjecti. Assidentius quoque Deum oramus, ut prudentia nos instruat, & per Angelos suos custodire dignetur.

## CONSULTATIO XXXII.

*De Cultu Spirituum non principum, sed ministrorum, qui à Philosophis communi nomine fere demones, vel demonia, à Peripateticis intelligentiæ, à Christianis boni, malive Angeli appellantur. In quo Gentiles & alii à natura eorum aberrarint. Vbi consideratur eorum natura, officium, cultus. Qui Spiritus hosce negarint. Qui agnorint. Vnde eos Gentiles cognoverint, & quatenus in eorum natura convenerint Christiani, ac Gentiles. De natura hujus præstantia, & alia multa, præferim de Spectris, & Oraculis ac de cultu Demonis apud varias Nationes.*

**S**piritus non agnovere Saducæi, ut est *Act. 23. 8.* Objectant nobis Judæi, quod libros Moïseos agnoscerent pro divinis ubi sæpius commemoratur ut Angeli apparuerint. Verum verisimile est, Saducæos eludere hæc solitos, cuius ratio nunc gemina occurrit. Una est, ut per eas non aliud intellexerint, quàm qualitates à Deo productas in imaginatione ejus, quem de re aliqua velit edocere. Altera est, ut putarint Deum producere Spiritus, quando eorum opera uti velit, postea eos destruere, ac producere quidem separando quiddam ab anima mundana, quod postea redeat in naturam generalem.

Ex Gentium Philosophis Democritus non agnovit spiritus ullos, nec Aristoteles alios, quàm Orbium celestium motores. Licet non ignorem, aliud de Aristotele visum fuisse Augustino Strecho lib. 8. de perenni philosophia cap. 26. Sed enim si alios statuisset, saltim ubi optima erat occasio, non hoc siviisset nos ignorare. Nunc nec levem ejus rei mentionem videmus, præterquam ubi ex aliena loquitur sententia. Ac valde hanc de eo opinionem firmat, quod similiter sentiat præci-



præcipui ejus Interpretes, ante alios Alexander, prætereâ Simplicius, & Averroes. Aliqui tamen aliter, sed hi à præceptore, ut aliis quibusdam, ita hac etiam parte, recesserunt, primum Theophrastus, multis post seculis Ammonius, & Philoponus, item ex Arabibus, Avicenna & Algazel.

Nec causâ erat, cur hac partē hi jurarent in Democriti, vel Aristotelis opinionem, qui prius deseruissent sententiam Veterum. Pythagoras enim dæmonia posuit, imo primus id Philophorum fecerit, si Simplicio credimus in libris de anima. Nec dubium, quin in eo Pythagoras vestigiis eorum institerit, quibus nūc magistris fuit, Thracibus, Ægyptiis, Persis, Chaldeis, atque aliis, quemadmodum in libro de Philosophorum sectis ostendit Vossius. Plato, qui post Socratis excessum Pythagoreos audivit, eorum hanc opinionem sequutus fuit, uti Platonem sectatores ejus Apulejus, Plotinus, Porphyrius, Proclus, Psellus.

Mirum verò videtur, unde Gentiles agnoverint spiritus, sive dæmonia, quæ Saducæi, Peripatetici, & alii magni nominis negarunt, uti hodieque multi eos tollunt; sed qui nihil credant, nisi quod manibus palpent, vel oculis saltem videant.

Non dubium, quin à primis Noachidis per manus traditum sit, esse spiritus, quorum ministerio utatur Deus in Orbe administrando. Prætereâ intelligere propius potuerunt quisque à gentis suæ conditoribus. Siquidem Moabitæ, & Ammonitæ habuere traditionem à Lortho, quem Angeli è Sodomis eduxerant, ut est *Genes. 19.* Ismaelitæ hauserint ex Agar, cui Angelus aquam ostendit, ut est *Genes. 21. 17.* Postea item in Moabitis firmata hæc opinio, cum Angelus se opposuisset Bileamo, ut Israelitis imalediceret, quemadmodum legere est *Num. 22. vers. 22.* Nec dubium, quin non pauca ejusmodi alia contigerint, ut ut Spiritus Sanctus ea in Scripturis præterierit, quia sufficerent nobis, quæ habemus. Neque enim repente omnes facti sunt pessimi, sed paulatim à recto descitum, ut admodum sit credibile diu etiam postea aliquos saltem fuisse, quos misericors Deus per Angelos suos alloquio dignaretur, sed magis & magis religione pura retro eunte, pauciores.

Neque tamen, si deesset affatus Angeli boni, eò desistere se mali offerre Angeli, idque domi, in agris, sylvis, mari. Quia tanto id frequentius factum, quanto major esset Dei ignorantia, quomodo hodieque in gentibus Idololatricis contingit, atque etiam in Laponibus, & Finnis, extimi Septentrionis populis, ubi tenuis est, valdeque diluta veri Numinis cognitio.

Hujusmodi oblationes *Specetra* dixere, sed voce aliquanto angustiori, quando spectrorum vox est à veteri verbo *Specio*, hoc est video, unde species. Atqui spectrorum nomine non ea solum intelliguntur, quæ videmus, sed etiam quæ auditu cognoscimus, ut fragores, & strepitus insolitos; vel si ubi videas neminem, vox aliquid significet humana major. Græce similiter *phantasma* dicitur *Matth. 14. & Marci 6.* ubi historia refertur Christi inambulantis aquis, ac discipulorum putantium se spectrum conspiceret. *Pneuma* dicitur *Luca 24.* quando discipuli Iesum post resurrectionem conspicantes, Spiritum se videre censent.

Et sane opinionem spectrorum in populo obtinuisse Judaico, præter ista ostendit historia Heliodori à formidabili equite flagellati, ut est *11. Machab. cap. 3.* Item quinque Equitum Judæ Machabæo opem ferentium, de quo *eiusdem libri cap. 11.* Sed enim hæc spectant Judæos, nunc de Gentibus proprie agimus è quibus non modò vulgus, sed flos etiam populi in hac sententia fuit. Neque ignorabant subinde spectra fingere homines, sive otio pene marcentes, qui aliquam capiunt voluptatem, si aliis sint terrori, sive invidos, avaros, ambitiosos, libidinosos, qui hisce artibus rebus

Tom. I.

suis student, cujus rei vix aliquo in ordine plus exemplorum habemus, quàm in Sacerdotali. Tale illud de Tyranno, Saturnum eminentem, ut potiri liceret mulierum amplexibus, de quo Rufinus *lib. 11. cap. 25.* Item de *Mundo adolescente*, sic à Sacerdote instructo, ut se Anubidem simulando Paulina frueretur, de quo Josephus *Antiquit. lib. 18. cap. 6.*

Addere etiam liceat melancholicos, & furiosos; quibus attrabilis imaginationem corruerat, uti & metu nimio multis contingit. Unde mulieres, & pueri, & horum similes, eadem patiuntur. Ac par ratio est in miopybus, surdastis, ebriis, quales, quia sensu minus valent, quandoque etiam sanctè affirmant, visa sibi, vel audita de quibus fidem nulli fecerint cordato. Unde Plutarchus de spectro Dionis in vita ejus differens, scribere non dubitat: *Tametsi perhibent qui negant talia, nemini cordato visum demonii, vel simulachrum obversari; verum pueros, mulierculas, & deliros ex corporis imbecillitate homines, quum aliquo tenentur mentis errore, vel intemperie corporis, opinionem alienam, atque absonam admittere, dum malum demonium superstitiose credunt se invasisse.* De quo nos & alibi. Sed enim ibidem refert Plutarchus, ut Genius & Dionis, & Bruto significant vitæ suæ exitum. Non hæc viles erant animæ, sed viri magni, & graves, Philosophia uterque exculti, qui tamen usque adeo spectris fuere commoti, ut amicis suis eorum, quæ vidissent, sollicitè indicium facerent. Neque ignotum, quid de Curtio Rufo narret Plinius *lib. 7. epist. ad Suram.* Quod si semper apparitiones ejusmodi non animarum sunt, sed spirituum, pertineat huc quoque, quod de Athenodoro magni nominis Philosopho, ibidem refertur, cui narrationi fidem adstruit, quod exitus, & sapientissimæ Atheniensium Civitatis judicium, eam comprobarit. Sed longum esset commemorare omnia quæ gravibus viris è gentilibus ipsis subnixæ sunt. Varii adeantur, qui hoc argumentum tractant, de quo & nos suo loco.

Neque ex spectris solum collegere Gentiles, esse dæmonia ac spiritus, sed etiam ex oraculis, quæ aliter dicuntur Deorum responsa, & aut è terræ cavernis, vel è simulachris edebantur, idque solertia quidem humana, sed sæpe etiam dæmoniaca. Nam constiteret quidem fraudibus varium, sed non solis, cum multa prædixerint, ad quæ nulla ratione humanæ mentis acumen pertigisset. Atque hæc iis etiam præstiteret, qui oracula venerant exploratum, hominibus vasis, nec admodum credulis. Aristoteles, qui dæmonia non credit, vel saltem non memorat, nisi cum, ut diximus, ex aliena loquitur sententia, divinationes istas tribuit humori melancholico, Plutarchus & alii vapori terrestri à sole educto. At unde quæso, evincant, vim aliam habere, quam, ut quæ prius sciant homines, subtilius, vel disertius promant? De hoc alibi.

Prætereâ verò esse spiritus, sive incorporeas substantias, collegere Gentiles ex mirandis illis, quæ sunt per *magiam*, tum illam, quam *albam* vulgo dicunt, Veteres autem *theurgiam* vocabant, tum quam *nigram* nuncupant, antiqui autem *Goetiam* nuncuparunt. Priori deditos, laudabiles aiebant, alteri addictos, detestabiles. Sed, ut Augustinus ait *lib. 10. de civit. cap. 9. sunt utrique ritibus fallacibus demonum obstricti sub nominibus Angelorum.* De quibus etiam alibi.

Præter hæc, etiam dæmonia esse collegerunt ex ostentis, & prodigiis. Quod negare non potuit pfe Macchiavellus *lib. 1. disput. cap. 36.* ubi prodigia, & cælestia signa ad spiritus refert; cum enim supremam ad causam recurrere noller, nullam reperit magis idoneam quam spiritus aëreos.

Sed an spiritus omni omnino corpore careant, alibi disquisivimus, ubi & quomodo corpus assumant.



Magna verò est naturæ hujus spiritualis excellentia, quæ & princeps ratio est, cur eò devenierint homines, ut honorem illi exhiberent divinum. Ac primum superant eo mortale genus, quod natura eorum alterationi, sive mutationi quidem, non interitui tamen obnoxia sit; contra quam nonnullis gentium philosophis persuasum fuit, illis inprimis, qui post seculorum aliquot decursum, suum quoque eos manere fatum crediderunt. Atque ut hi, cum belle se mereri putarent de Spirituum natura, si longævam adeo illis vitam tribuerent, multum tamen de gloria imminuerunt; ita longe excellentiæ hujus modum excedunt Peripatetici, cum eos semper fuisse, Deoque coæternos arbitrantur.

Multo verius illi, qui originis pariter, ac temporis principium illis dederunt. In quo ipso tamen variè peccatum, cum Manes iis ortum tribuat à summo mali Principio, ac Cabalistæ plerique & cum iis Arabs Avicenna, dæmonum unum ab altero originem suam ducere existiment. In quo propius à primæva traditione abiit Plato, ut qui hætenus ei intiterit, quod à Deo principe ac supremo eos producos putavit. Unde Origenes in proöm. lib. periarchon: *Est illud in Ecclesiastica predicatione esse Angelos Dei quosdam, & virtutes bonas, quæ ei ministrent ad salutem hominum consummandam. Sed quando isti creati sint, & quomodo sint, non satis manifestum distinguitur.* Itaque alii putarunt, illos cum hoc mundo productos. Alii demum post eorum ruinam, mundi hunc fabricatum tradiderunt. Utriusque sententiæ autores prodidit Stephanus Gobarus, de quo Photius in biblioth. cod. 232. Sed Scriptor iis intercidit, quare defectum ejus historia veterum temporum ex parte supplebimus.

Græci Patres eò fere propendent, ut Spiritus ante mundum hunc conditos arbitrentur, ut Origenes in Genes. homil. prima in Isaiam cap. quarto in Matth. cap. vigesimo tr. decimo Basilii in Hexaem. homil. prima & secunda, Nazianzenus serm. 38. de natali Domini pag. 617. edit. Morel. & de Pascha orat. secunda quam & citat Damascenus. Eademque in sententia Chrysostomus in Genes. homil. duodecima & de Providentia orat. prima Aeneas Gazæus in Theophrasto, qui paulo ante annum vixit quingentesimum, & quinquaginta circiter annis eo junior Anastasius Sinaita lib. primo Hexaem. & circa annum Septingentesimum Damascenus fidei orthodoxa lib. secundo cap. secundo & lib. quarto cap. decimo quarto. Cur verò ita senserint, ex Hexaëmero Joannis, cognomento Philoponi, qui claruit circa annum quingentesimum vigesimum, varias adfert rationes Photius in bibliotheca cod. 211.

Nec tamen defunt è Græcis, quibus aliter fuit visum, ut Epiphanius heres. 65. quæ est contra Paulum Samosatensem. Eamque Epiphanius fuisse opinionem, fatetur quoque Scriptor quæstionum ad Antiochum quæst. tertia. Unde videre est, perpetam hoc opus Athanasio tribui, cum is Epiphanius sit antiquior. Videtur in Epiphanius sententiam etiam propendere Theodoretus in Genes. quæst. tertia. Saltem ait, qui contrarium pro certo habent, parum solidè sententiam suam probare. Interim reponit hanc quæstionem inter quæstiones supervacaneas. Ac tandem, modò quis fateatur, Angelos esse à Deo creatos, de cætero sic statuit. *Siquis Angelorum cætus ante Cælum & terram conditos dixerit, non offendet verbum pietatis. At verbosis contentionibus insistere, quæ nihil ad aliud prosunt, quàm ad subversionem audientium, expresse prohibet divinus Apostolus.*

In Latinis quoque variatum. Qui ante Augustinum vixere, statuere maluerunt creatos esse ante mun-

dum, ut Novatus de Trinit. cap. primo. Hilarius lib. 12. de Trinit. non longe à fine, & lib. contra Auxentium, Ambrosius lib. primo Hexaem. cap. 5. & præfat. psalm. Hieronymus in epist. ad Tit. cap. primo ad verba illa. *Quem promisit Deus ante tempora secularia.* Unde colligit, saltem Angelos fuisse ante Mundum, ne desint quibus hoc Deus promitteret.

Sed Augustinus non audeat certò de hoc præfinire, ut videre est, cum alibi, tum lib. 11. de civit. cap. 9. 19. & 32. Unde Patrus ad Genes. 1. vers. 1. *Augustinus ubique dubitat, & sententiam in medio relinquit. Quare & nos relinquamus in medio.* Nec tamen sic dubitat, ut non eò magis inclinet animus, Angelorum creationem etiam à Mose describi, ut qui putet, nomine Lucis primo die à Deo productæ, Angelos signari. Quæ expositio nec Gregorio Magno displicuit in moral. 32. & venerabili Bedæ in Genes. cap. primo. Imo nec Cyrillo lib. secundo contra Julianum desertorem, qui maligne admodum Mosem traducebat, quia de Angelorum productione sileret. Et fortasse poterat hæc Augustini interpretatio placere, nisi tam apertè apud Mosem legeremus, primæ diei lucem à Deo diem vocatam, ut nullum effugium sit nisi dicendo, præter sensum istum, ut vocant litteralem, esse & alterum allegoricum, quod cuius pretii sit ubi non præit Scriptura, alibi dicemus. Quamquam verò Ludovicus Vives, ad Augustinum lib. undecimo de Civit. cap. nono annotet, Latinos prope omnes hac in opinione sequi B. Augustinum. Video tamen ejus temporibus propiores statuere potius Angelos ante mundum creatos. Ita Cassianus collat. octavo cap. septimo, Gennadius de Eccles. dogm. cap. decimo, Isidorus Hispalensis de summo Bono lib. 1. cap. 12.

In hoc Veterum dissensu Petrus Lombardus lib. secundo dist. 2. quæst. 2. cum Augustini, mox Hieronymi exposuisset sententiam, subjungit deinde: *Nos, quod prius dictum est, pro capiti intelligentia magis approbamus, salva tamen reverentia secretorum, in quibus nihil temere asserendum est.* Sed nihil prohibet, quominus verba ipsa Hieronymi, ab eo producta ex commentario in epistolam ad Titum, adscribamus: *Sex millia, necdum nostri temporis implentur annorum; & quantas prius æternitates, quantas tempora, quantas seculorum origines fuisse arbitrandum est, in quibus Angeli, Throni, Dominationes, cæterique Ordines servirent Deo absque temporum vicibus atque mensuris, & Deo jubente substituerunt.* Ad quæ hoc respondet, arbitrari se ea ab Hieronymo ex aliena dii sententia. Quod majoris foret ponderis, nisi is sensus tum temporis in Latina pariter ac Græca Ecclesia fuisset. Magistrum verò sententiarum ea parte sequi amant D. Thomas, omnisque Scholasticorum chorus. Unde eò devenit, ut plurimi arbitrentur, non hæreticum quidem, temerarium tamen fore, si quis priorum sententiam præsumat.

Hac in re ita tenendum est. Certum de fide est dari Angelos, qui sint naturæ præstantioris hominibus. Thob. 12 Psalm. 8. ad Hebr. 2. Matth. 18. quibus in locis non solum habetur, dari has creaturas, sed etiam esse intellectuales, & excellentiores homine. Atque ita omnes Theologi, ac sancti Patres, ac communiter Philosophi ethnici, qui Angelos nomine intelligentiarum, dæmonis, Genii, ac his similibus appellabant, contra Atheos, nihil in mundo admittentes, præter res corporeas, & contra nonnullos antiquos philosophos, quorum meminit Aristoteles lib. 4. physic. tex. 52. & 57. Item contra Saducæos quorum meminit D. Lucas Act. 23. Cui errori favent Anabaptistæ, dum in re tam Angelos custodes quàm dæmones negant, & illorum custodiam ad cogitationes bonas istorum oppugnationem ad cogitationes malas transferunt.



Favet etiam Georgius Venetus, qui, ut refert Arbo-  
reus *tom. 1. Theosophia lib. 1. cap. 2.* probare nititur,  
Angelicam naturam non esse præstantiorem humanâ,  
Quod est in re negare Angelos.

Idque tamen non potest evidenter ratione naturali  
demonstrari, sed tantum probabiliter, & cum quadam  
moralis certitudine. Ita Scotus *quod lib. septimo Mar-  
til. quest. 2. ar. 1.* Zumel *1. par. quest. 50. ar. 1. quest. 1.*  
Valentia *tom. 1. disp. 4. quest. 1. pun. 1.* Suarez *in me-  
taph. disp. 35. sect. 1.* Estius *in 2. dist. 2. §. 2.* Sylvius *1.*  
*part. quest. 50. ar. 1. concl. 1.* Arriaga *de Angelis disp.*  
*1. sect. 1.* de Quiros *tr. 8. disp. 50. sect. 1.* Averfa *quest.*  
*50. sect. 1.* Herinex *tr. 3. disp. 2. quest. 1.* alique ma-  
gis communiter contra Bubalum *de Angel. quest. 50.*  
*quest. 2.* Lar. *1. par. quest. 50. disp. 261. dub. 4. num.*  
*2160.* Esparzam *lib. 2. quest. 1. ar. 14. & seqq.* ac Bay-  
nes *1. par. quest. 55. ar. 1. concl. 3.* Probatur. Non po-  
test demonstrari à priori, quia non habent causam  
necessariam suæ existentia. Nam cum sint creatura,  
contingenter existunt. Neque à posteriori, quia non  
adest aliquis effectus, qui sit per se connexus cum  
ipsis ita, ut non possit esse ab alia causa.

Unde licet motus Cæli exigat causam intellectu-  
alem, non tamen per se exigat Angelum, quia potest  
esse à Deo. Sic motus Cælorum, qui maxime movit.  
Philosophos ethnicos ad astruendas intelligentias se-  
paratas, sive substantias intellectivas, homine superio-  
res, refundi potest vel in formam propriam ipsorum  
corporum Cælestium, vel in impulsu à Creatore ab  
initio creationis impressum, vel immediate in ipsum  
Deum, cui si res sola ratione naturali esset definienda,  
potius quam Angelis adscribendum fore Cæ-  
lorum motum colligit de Quiros *loco præcitato num. 4.*  
ex talis motus uniformitate, ad quam servandam ma-  
le idoneæ videntur creatæ intelligentiæ, arbitrio libe-  
ræ, defectibiles, in Deum, deique opera sapius pec-  
cantes, & à recto tramite aberrantes. Et quod ad an-  
tiquos Philosophos nihil cogit admittere ipsos ex so-  
lo Cælorum motu deduxisse Intelligentias. Forte enim  
istas hausserunt ex ipsis Scripturæ libris, aut ab He-  
bræis didicerunt Cælorum motum. Quando deinde  
aliqui ipsorum ex solo Cælorum motu intelligentias  
deduxissent, nihil compellit admittere in tali dedu-  
ctione evidentiam. Neque enim quicquid antiquis  
Philosophis naturæ lumine innotuit, innotuit evidenter.  
Non negaverim tamen plures antiquos Philosophos, qui  
aut deo immediatam gubernationem rerum materia-  
lium, aut intelligentiis libertatem negarunt, ex his  
principiis, quamvis erroneis, potuisse facilius, & effi-  
caciùs inferre Intelligentias Cælorum motrices, quam  
nos possumus ex veris naturæ principiis, & sic facile  
concedi potest alicui gentili Philosopho evidentia  
formæ circa Intelligentiarum existentiam.

Ea verò, quæ sunt ab energumenis, & atreptitiis  
hominibus, puta locutiones variarum linguarum, idio-  
tarum dissertationes de rebus scientificis, manifesta-  
tiones rerum absentium, aut occultarum, translatio-  
nes fere instantaneæ gravissimorum ponderum, imbe-  
cillium puellarum resistentia pluribus viris, etiam ro-  
bustissimis, conantibus ipsas à loco aliquo dimovere,  
aliaque huiusmodi, possunt omnia refundi in Deum  
ipsum propter secretos suæ providentiæ fines ad tales  
effectus specialiter concurrentem infundendo species  
peregrinorum idiomatum, aut rerum scientificarum,  
revelando res absentes aut absconditas, augendo vi-  
res motivas, aut motui resistentes. Possunt etiam ex  
his aliqua refundi in vehementem phantasiæ perturba-  
tionem, quæ, ut patet in phræneticis, conducere potest  
ad aliquos effectus, qui ab homine sanæ mentis præsta-  
ri non possent, præsertim loquendo de iis, quæ ex vi-  
rum robore, & conatu proveniunt. Possunt tandem  
eadem fere omnia referri in animas defunctorum à  
corpore separatas, quas certum est in statu separationis

esse proportionatas ad aliqua opera, ad quæ sunt im-  
pares in statu conjunctionis, sive unionis ad corpus.

Opera artis magicæ, puta quod specula quædam res  
absentes referant, tanquam præsentis. Quod res quæ-  
dam inanimes, nedum irracionales, de futuris interro-  
gatæ, responsa ferant. Quod ad verba quædam taliter  
vel taliter disposita, mirabiles effectus sequantur, & id  
genus alia, quando turpitudinem, moralemve malitiam  
non involvunt, possunt in Deum, tanquam in causam re-  
duci. Quando verò turpia sunt, & peccaminosa, pos-  
sunt referri in animas separatas hominum improbo-  
rum, ac reproborum. Et cum satis non constet de vir-  
tute ac viribus animarum separatarum ex eo quod  
effectus aliquis superet virtutem naturalem hominis  
in hac vita, non statim evidenter infertur provenire à  
substantiis, homine superioribus, dubitari quippè  
adhuc potest utrum proveniat talis effectus ab ani-  
mabus hominum à corpore separatis, præsertim si  
plures huiusmodi animæ supponantur simul applicatæ,  
quæ quidem simultanea applicatio inter animas sepa-  
ratas mutuam penetrationem admittentes, facillima  
est. Atque hinc habetur, non esse evidens dari artem  
magicam, quæ dici debeat dæmoniaca, & in qua Ma-  
gi cum dæmonibus, sive malis Angelis paciscantur,  
& qui ex arte magica dæmoniaca probare intender-  
et dæmonum existentiam, supponendo artem dæ-  
moniacam, peteret principium, illamque ipsam dæ-  
monum existentiam supponeret, quàm probare con-  
tenderet.

Perfectio Universi est medium, quod sicuti à D.  
Thoma cæteris omnibus præfertur in ordine ad pro-  
bandam Angelorum existentiam, ita ab Esparza, aliis-  
que nonnullis recentioribus urgetur præ cæteris, tan-  
quam demonstrativum talis existentia. At nihilomi-  
nùs quomodocumque ex perfectione Universi argua-  
tur, non demonstratur Angelorum existentia. Qui  
enim dicunt pertinere ad perfectionem Universi quod  
contineat omnes gradus possibiles entis, non possunt  
positive demonstrare, gradum substantiæ completæ  
purè spiritualis esse gradum entis possibilem; nec pos-  
sunt convincere eum, qui responderet pro perfectione  
Universi sufficere, quod contineat maiorem partem  
graduum possibilem entis, & esse ipsius perfectionem  
absolutè considerandam, non comparative ad omnia  
possibilia. Sicuti enim, ut civitas dicatur perfecta,  
sufficit si plures vias, pluraque ædificia cujuscumque  
rationis, aut quod comparata ad alias civitates con-  
tineat omnes gradus rerum quæ in aliis possunt repe-  
riri. Non est itaque necessarium, quod Universum sit  
perfectum extensivè secundum omnes gradus, sed id  
pendet ex libera voluntate Dei; atque ideo non potest  
innotescere, quod sit tale, nisi vel ex revelatione, vel  
ex effectu, vel quia gradus secundum se sint noti.

Qui dicunt ad perfectionem Universi pertinere  
quod exprimat perfectam similitudinem suæ causæ,  
non possunt demonstrare, esse dabilem expressionem  
divinæ similitudinis maiorem ea, quam exhibet homo  
ad Dei imaginem efformatus; nec possunt convincere  
eum, qui responderet exprimere similitudinem causæ  
spectare ad perfectionem effectus univoci, non ad per-  
fectionem effectus æquivoci, cujuscumque est Universum  
respectu Dei.

Et tandem dicunt ad perfectionem Universi per-  
tinere, quod detur in ipso cognoscitivitas adæquans  
cognoscibilitatem, non possunt positive demonstrare,  
possibilem esse talem cognoscitivitatem, nec possunt  
convincere eum, qui responderet, satis esse, quod de-  
tur talis cognoscitivitas ex speciali auxilio dei elevantis,  
& roborantis imbecillitatem humanæ intelligentiæ.

Possibilitas igitur Angelorum nec potest positive  
demonstrari vera demonstratione. Nam à postero-  
ri non adest aliquis effectus, quem evidenter cognosca-  
mus possibilem, ac ita per se connexum cum possibilitate



Angelorum, ut ex ipso illam necessario colligamus. Neque habemus à priori notam causam. Quia non adest alia, præter Dei omnipotentiam ac ipsius ideam, quæ non sunt nobis naturaliter cognita, secundum quod in particulari terminantur ad naturam Angelicam.

Potest tamen negativo modo demonstrari. Certum namque est, posse Deum facere quicquid in se ipso non implicat. Nam eo ipso, quod non implicat, est aliquod ens, & radicatum in divina potentia. Possimus autem naturaliter cognoscere Angelos non implicare. Quia illud in se non implicat, quod constat ex talibus rationibus, quæ ad invicem proportionatæ se habent, & una perficit aliam. Hujusmodi autem est ratio substantiæ, spiritualitatis, & intellectualitatis. Unde possunt conjungi in eadem creatura.

Ac probabiliter potest ostendi existentia Angelorum cum quadam morali certitudine. Quia dantur aliqui effectus, qui licet non excedant facultatem naturæ universalis, excedunt tamen facultatem naturæ particularis: Vel quia fiunt instantaneè, vel quia non adfunt causæ requisitæ; vel quia non præcedit debita dispositio, ut instantaneæ apparitiones corporum, productio serpentum, ut habetur *Exod. 7.* quæ fiunt à Magis, auxilio dæmonum, nec enim fieri possunt à Deo, quia multoties contingunt cum turpitudine, neque est probabile, esse aliquam animam separatam, cum aliquando declarant, se non esse animas. Quod sane confirmatur ex apparitionibus bonorum Angelorum, quæ seclusis illis, quas per fidem habemus, frequenter solent fieri. Et quia congruum fuit, Deum creare Angelos, ut reperiretur in Universo creatura intellectualis secundum perfectum gradum.

Quare naturali ratione valde probabiliter constat, Angelos esse. Probat id ex effectibus allatis, qui fere omnes congruentius referuntur in Angelos, quam aut in Deum, ad quem minus congruit sine omnimoda necessitate confugere; aut in animas separatas, quibus minus probabiliter tribui potest virtus adeo excedens virtutem animarum conjunctarum corporibus, ut valeant præstare miros illos effectus, qui ab Energetis, & Magis præstantur. Perfectio item Universi, licet sine Angelis subsistat, melius tamen cum Angelis elucescit, ex consequenti licet evidenter non convincat, probabiliter tamen suadet Angelos existere. Antiquorum etiam Philosophorum communis fere consensus in Angelis admittendis satis ostendit, ipsos ex aliqua ratione valde probabili fuisse ad id inductos; neque enim doctorum virorum communis consensus aut temere, aut casu haberi potest. Tandem cum ratio naturalis esse soleat pedissequa fidei, & quicquid propemodum ex fide certum est, naturalibus congruentiis roboretur, sicuti existentia Angelorum supra tribuimus ex fide maximam certitudinem, ita debemus eidem in præsentis tribuere ex ratione naturali maximam probabilitatem.

Quod verò ad Angelorum productionem certa fide tenendum est Angelos à Deo ex nihilo creatos esse juxta illud ad *Colos. 1.* *In ipso condita sunt universa, sive Throni, sive Dominationes, sive Principatus.* Et in Symbolo Niceno *Factorem Cæli & terræ, visibilium omnium & invisibilium.* Unde non potuerunt esse æterni, neque etiam æternitate participata necessaria. Quia de ratione creaturæ est, quod producat à Deo contingenter ac libere.

Multi tamen opinati sunt ante corpora spiritus extitisse, ac postmodum in corpora velut carceres relegatos fuisse. Quod Origenistarum commentum à fide alienum est. Ex hoc porro dogmate defluxisse videtur & aliorum sententia, qui Angelos ante mundum visibilem creatos putarunt. Quæ sententia diligentius postea occasione Arianorum, qui Christum etiam incepisse tradebant, discussa, minus Scripturæ consentanea

visa est, quæ Angelos inter opera sex diebus facta commemorat.

Quare Augustinus, Epiphanius, Beda, Scholasticique Doctores verius Angelos cum mundo corporeo fuisse conditos, docent, quorum sententiam Concilium Lateranense sub Innocentio III. relatum in cap. firmiter desum. Trinit. comprobavit, ac probatur *Ecclesiast. 24.* ubi de sapientia genita dicitur, primogenita ante omnem creaturam. *Proverb. 8.* *Dominus possedit me antequam quidquam faceret.* Hoc autem non esset verum, si Angeli fuissent ab æterno. Nam non fuissent ante omnem creaturam. Angelus enim est pars quædam hujus Universi, & pertinet ad integritatem ipsius, atque adeo non fuit conveniens creari ante mundi productionem. Et licet Angelus sit incorruptibilis, ideoque fuit conveniens esse ab æterno. Est tamen incorruptibilis ab intrinseco, potestque annihilari à Deo, & ideo cum ab extrinseco sit defectibilis non illi congruit æternitas, etiam à parte ante.

Creati sunt itaque in tempore simul cum mundo corporeo, scilicet cum Cælo, & terra. Id aliqui putant esse de fide propter definitionem memorati Concilii Lateranensis. Alii verò volunt, Concilium, non intendisse hoc definire. Est tamen conclusio saltem moraliter certa, nec sine periculo erroris, aut temeritatis negari potest. Probat *Ecclesiast. 20.* *Qui vivit in æternum creavit omnia simul,* similitudine scilicet durationis. *Genes. 1.* *In principio creavit Deus Cælum & terram.* Non fuisset autem in principio, si præcessisset creatio Angelorum. Sexta Synodus *ar. 13.* in qua recipitur tanquam orthodoxæ epistola Sophronii, ubi ait, *de principio visibilis mundi, & constitutione, quæ facta est, confiteor, quod omnia non tantum visibilia, sed & invisibilia unus Deus condidit.* Clarius est, ac solemnior hac in re autoritas Concilii Lateranensis cit. cap. firmiter, in hæc verba *Firmiter credimus, & simpliciter confitemur, quod unus est solus verus Deus, &c. qui sua omnipotenti virtute simul ab initio temporis utramque de nihilo condidit creaturam spirituales, & corporales, Angelicam videlicet & mundanam, & deinde humanam.* Atque ita docent præter Patres antea citatos, Hugo Victorinus *lib. 1. de Sacram. p. 1. cap. 2. & 3.* & cum Magistro D. Thom. *1. p. 9. 62. ar. 3.* ac Theologi fere omnes, ita ut licet ex una parte antiquis temporibus opposita sententia fuerit quidem communior, & apud Sanctos Patres receptior, non adeo tamen indubitata, sicuti ipsam proclamavit Cassianus, cum D. Augustinus, D. Fulgentius alique nonnulli Cassiano aut antiquiores, aut contemporanei negaverint productionem Angelorum ante productionem mundi visibilis. Unde nostris temporibus evasit, non solum communior, verum etiam fere prorsus extra controversiam sententia, multoque magis quia indicatur in Scriptura & quasi definitur in Lateranensi Concilio, propter quam definitionem Ferrariensis *2. contra Gentes cap. 83. ad finem,* affirmat esse dogma fidei, quod Angeli creati non fuerint ante mundum corporeum, & censendum fore hæreticum qui nunc teneret pertinaciter oppositum. Cum Ferrariensi sentiunt quidam ex Salmanticensibus, nonnullique alii viri docti apud Molinam *1. p. 9. 61. ar. 3. §. contrarium,* ubi Molina ipse ait, sibi etiam videri veram Ferrariensis sententiam; nihilominus statim §. seq. propter plurimos graves Doctores oppositum sentientes, non vult condemnandum esse hæresis, vel erroneæ sententiæ eum, qui affirmaverit Angelos ante mundum corporeum esse conditos, sed solum temeritatis. In qua mitiori temeritatis censura conveniunt Estius *in 2. d. 2. §. 4. Valentia 1. p. disp. 4. quest. 12. pun. 2. Lugus lib. tertio disp. 18. cap. primo numer. 30. Lao quest. 61. disp. 309. Herinx tr. tertio disp. secunda quest. prima numer. octavo. De Quiros tr. octavo disp. quinquagesima sect. tertia numer. vigesimo* alique Theologi, præsertim recentiores. Unde si minus pro-



propter solam auctoritatem Lateranensis Concilii, saltem propter unanimitatem nostris temporibus Theologorum sensum non potest nunc sine aliqua temeritate asseri creatio Angelorum ante mundum corporeum, neque enim potest non temere asseri, quod nemo prudens nunc audet asserere.

Absoluta hac quaestione, videamus, unde spiritualis naturæ præstantia non minus eluceat. Sunt hæc duo imprimis, Perspicacia intellectus Angelici, & in rebus exequendis potentia. Quippe, ut de priori prius dicamus, non sensum egent ministerio, sed se quidem per suam intelligunt essentiam, res verò materiales percipiunt per superadditas species, quibus non res modò intelligibiles, sed sensibiles etiam representantur, non universe duntaxat, ut Averroi visum fuit in 12. metaph. sed proprie, distincteque, quatenus sunt singulares.

Hæc intelligentia non solum præterita complectitur, sed etiam præsentia, non omnia tamen, quia cogitationes nosse humanas, nisi quopiam se indicio exant, potestatem exuperat finitam, ut non obscure nos docet D. Paulus 1. Corinth. 2. vers. 2. Ad futura etiam hæc scientia se extendit, nec quævis tamen. Nam certò quidem prævident, quorum causæ sunt necessariae; illa autem, quæ ut plurimum fiunt, probabili conjectura ex causis intelligunt, tantoque verisimilior nobis, quanto & naturæ præstantis acumine, & quia sunt immortales, plurimorum seculorum memoria, & experientia præcellunt. Sed ecquid futurum sit, quod planè est contingens, eorum etiam captum excedit, quia res ejusmodi nec in causis cognosci ab iis queant, quandoquidem sunt indeterminatæ; nec in seipsis, quia cum existentiam necdum habeant, non possunt iis esse præsentis, ut quemadmodum soli sunt Deo præsentis, ita solus ea cognoscat. Undè Isaia 42. & 42. *Annunciate nobis futura, & dicemus, quod Dñs estis.* Itaque ex eo, quod de Christo tam multa, quæ finitus prævidere intellectus neutiquam posset, tot ante seculis constantissime à Prophetis sint prædicta, veritas Evangelii solide adstruitur ad Rom. primo & 1. Petri 2. Atque hæc de ingenii perspicacia

In rebus etiam exequendis magna eorum Potentia est. Ut inter multa, quod corpora gravia sustollunt, perque aëra in spatia longissime diffusa transferunt. Quomodo Habacuc ex Judæa, capillis ab Angelo apprehensus Babylona est translatus, ut est Daniel. 14. & Christus se passus transferri in pinnaculum Templi, & montem excelsum. Ob hanc & intelligentiam & potentiam, etiam iis si instrumentis agant, quibus homines, longè tamen majora hominibus efficiunt. Cum enim Angeli, seu boni illi seu mali, causas rebus applicant, effectus non respondet virtuti instrumentali, sed Angelicæ. Quomodo nempe securis ex se quidem habet, ut secare possit, sed plus secabit vir, quàm puer; pulchrius artifex, quàm alius. Simile etiam videmus ex calore animalis, qui ex se habet, quod calefcit, rarefacit, segregat; sed ab anima habet, quod generet sanguinem, carnem, ossa. Itidem igitur in Angelorum operationibus non cogitandum modò de instrumentis, quæ moventur, sed etiam de virtute ejus, à quo moventur.

Ad Angelicam hanc potentiam, quæ intellectus, ac voluntatis est instrumentum, incredibilis etiam velocitas refertur. Atque hinc attributæ iis alæ. Ita Cherubim in Exodo cum alis factæ. Isaia ait Seraphim ad se volasse. Daniel etiam, & Ezechiel involantes conspexere. Hoc Chrysostomus, & homil. de incomprehensibili, fieri ait per condescensionem, quia describuntur, non quales sunt naturâ, sed prout facilius à simplicibus concipiuntur, & intelliguntur. Ac Chrysostomus quidem ait ibidem, assignari alas ad significandum, unde veniant. *Alæ significant altitudinem naturæ.* Et mox

addit Gabrielem volantem describi, ut discas, eum ex superis, ac altissimis sedibus ad homines descendisse. Sed ut de isto non adversor Chrysostomo, ita & alteram esse rationem existimo, quam B. Hieronymus addit in Jes. cap. 6. *Alas, inquit, habere dicuntur propter velocitatem ac celerem in cuncta discursum, sive quia semper in altioribus commorantur.* Nempe quomodo & ventis ad eorum velocitatem denotandam pennæ tribuuntur, unde & Deus dicitur Psalm. 17. & 103. *volare, & ambulare super pennas ventorum.* Quamobrem non dubito, quin, quod Angeli referuntur alati, id maxime pertineat ad velocitatem indicandam, quam quia nec mali Angeli amittere, eo & hi alati dicuntur. Unde in Avoth. cap. 16. *Tria sunt demonibus communia cum Angelis, quod alati sint, quod præsciant futura, & quod ab uno mundi extremo ad alterum celerrime se transferant.*

Depinguntur etiam juvenes, non quia sic existant, sed quia sic sæpe apparuerunt, & ut indicetur eorum vitam nunquam senescere, & in albis vestibus propter eorum puritatem, ac innocentiam, ut etiam notant Azor p. 1. lib. 9. cap. 7. q. 2. & 3. Vasquez in 3. p. q. 25. disp. 103. & de adorat. lib. 1. disp. 3. numer. 44. 62. & seqq. Bellarm. tom. 4. controv. lib. 2. cap. 8. Sic Pater æternus depingitur Senex, quia ita Danieli 7. apparuerit. Filius in ejus pectore, quia à Patre est genitus. Spiritus Sanctus in specie Columbæ, quia sic dignatus est, se nobis ostendere. Et ita retinetur harum imaginum usus, quia ab Ecclesia est communiter approbatus, & in septima Synodo generali, quæ est Nicæna aet. 2. & 5. & in Concilio Tridentino sess. 25. cap. 2. definitum retinendum esse hujusmodi usum depingendi Deum & Angelos.

Nunc videamus etiam de Officio naturæ angelicæ. Nam & hæc altera fuit ratio, ob quam homines cultu eam divino dignarentur. Officium hoc triplex est pro triplici ministerio, quod Deo summo in cura præstant generis humani. De eo quoque tum Gentilium opinionem exponam; tum quatenus ea cum Sacris Scripturis, & Interpretibus earum Sanctis Patribus consentiat.

Primum ea spectat, quæ à Deo summo postularunt, cujusmodi duo sunt, unum in precibus Deo offerendis; alterum, si exaudiantur, in bonis homini procurandis. De utroque illorum sic Apuleius libro de deo Socratis: *Cæterum sunt quadam divina media potestates, inter summum æthera, & infimas terras, in isto interstitio aeris spatio, per quas & desideria nostra, & merita ad Deos commeant. Hos græco nomine dæmonas nuncupant, inter mortales, calcicolasque vectores, hinc precum, inde donorum.*

Porro hoc ministerium, quod Spiritibus assignari à Platoniciis videmus, iisdem etiam tribuunt veteres Christiani. Ut Origenes in lib. 5. adversus Celsum, & Augustinus lib. 2. meditat. cap. 3. *Dicuntur Angeli orationes, & vota nostra offerre Deo, non quia Deum doceant, quia omnia, antequam fiant, sicut & posteaquam facta sunt, novit; sed quia ejus voluntatem super his consulunt, & quod Deo iubentæ completum esse cognoverint, hoc nobis evidenter, vel latenter reportant. Unde hominibus ait Job. cap. 12. Cum orastis, orationem vestram obtuli Deo. Similiter & nos cum oramus, non Deum docemus, quasi nesciat quid velimus, & quo indigeamus; sed necesse habet rationalis creatura temporales causas ad æternam veritatem referre, sive petendo, quid erga se fiat, sive consulendo, quod fiat. Planeque his gemina habet epist. 120. ad Honor. Hæc de primo spirituum ministerio.*

Alterum posuere Platonici extra preces, tum in mandatis Dei denuntiandis; tum in patrandis mirabilibus, ac portentosis: tum in futuris prædicendis, de quibus sic ibidem, Apulejus: *Per hos eosdem, ut*



*Plato in Symposio autumat, cuncta denuntiata, & Magorum varia miracula, omnesque praesagiorum species reguntur. Quod igitur Teraplorum valvæ sua sponte aperirentur, quod statuae loquerentur, quod extra invenerentur sine corde, ac similia, quæ apud Livium, Obsequentem, & alios leguntur, à dæmonibus procurari credebant.*

Atque ad eisdem retulere Oracula. Quale illud Jovis Ammonis, quod constitutum honori Chami Noachidæ. Item illud Apollinis Pythii, quod à Cadmo fuit. Ad hæc Dodonæum, ubi præsidere Columnæ Dodonides, ut est apud Pausaniam in Arcadiciis, hoc est scemine vaticinatrices, quæ Thessalorum lingua dicebantur Peliades, voce ambigua, ut quæ & Columbæ, & fatidicæ iis denotaret, undè fabulæ origo. Credo fuisse id Oraculum à Dodanum, qui posterius fuerit Javanis, ut est Genes. 10. 4. Vetus admodum etiam fuit Trophonium Oraculum, de quo eleganter Nicolaus Leoniconus dialogo, qui sic inscribitur. Alia etiam apud Maximum Tyrium lege, dissertation. 26. & alios, de quibus & nos alibi.

Quod verò Platonici statuunt Deum ministris uti Spiritibus in mandatis deferendis, in mirabilibus patrandis, in prædicendis futuris, id omne etiam doctrinæ convenit Christianæ. Sic enim Angelos scimus pastoribus Bethlehemiticis nuntium attulisse de nato Salvatore; item resurrectionem ejus annuntiasse mulieribus. Quid etiam mirandum magis, quam quod à Mesacho, Sadracho, & Abednago in ardentissimum coniectis fornacem, Angelus Domini sic quasi vento quodam omnem flammam, atque æstum arcuit, ut non modò non læderentur, sed etiam carmine suo Deum celebrarent? Inque iudiciis Domini exequendis, quàm mirandum, quod in exercitu Senacheribi centum octoginta quinque millia una nocte occideret gladio suo, quem gladium Josephus ex Berofo pestilentiam interpretatur. Sane & in Davidica historia 2. Samuel. 24. dicitur Angelus Domini gladio exercito conspectus à Davide, occisis pestilentia septuaginta virorum millibus. Prædictionum etiam Angelicarum passim habemus exempla. Sic Manoè, ejusque uxori, prædicta Samsonis nativitas, & indoles, futuraque per eum liberatio populi Israelitici à Palestinis. Danieli indicata per Angelum redemptio generis humani post septuaginta annorum hebdomadas secutura. Item quæ futura esset populi Judaici conditio sub Regibus Persicis, Ægyptiis, ac Syriacis. Per Gabrielem prædicta B. Mariæ nativitas Christi. Per Angelum quoque Zacharias edoctus de nascituro filio Joanne.

Tertium ministerium posuere Gentiles in tutela hominis. Censorinus: *Genius est Deus, cujus in tutela, ut quisque natus est, vivit, nempe singulis singulos custodes apponi voluere.* Addebant Platonici eisdem esse testes eorum, quæ dicerentur à nobis, vel etiam cogitarentur, etiam recti hortatores, & monitores in dubiis. Qua de re sic idem Apulejus: *Ex hac sublimiore demonum copia, Plato autumat, singulis hominibus in vita agenda testes, & custodes singulos additos, qui nemini conspicui, semper adsint, omnium non modo actuum testes, verum etiam cogitationum.* Ac ubi vita edita remeandum est, eundem illum, qui nobis prædictus fuit, raptare illico, & trahere veluti custodiam suam ad iudicium atque illic in causa dicenda assistere; si qua commentatur, redarguere, si qua vera dicat asseverare; prorsus illius estimatio ferri sententiam. Sociaticum postea in hoc Angelo colendo subdit post aliqua his verbis: *Socrates, vir apprime perfectus, hunc Deum suum cognovit, & coluit.* Sed hoc de Socratis genio vide etiam geminam dissertationem Maximi Tyrii.

Hæc quoque magnam habent convenientiam cum eo, quod Christiani docent, Deum nobis dare Angelos Custodes. Qua de re sunt aurea Davidis verba Psal. 91. *Non occurret tibi malum, & plaga non appropinquabit tabernaculo tuo; quoniam Angelus suus mandavit, ut custodiant te in omnibus viis tuis. Super manus portabunt te, ne offendas ad lapidem pedem tuum.* Ita Angelus viæ comes fuit, qui Eliam sub junipero quiescentem, & fame, sitique prope enectum, commovit, ut pane prunis imposito & scypho aquæ, quæ capiti dormientis appoluerat Angelus, corpus reficeret, quia iter grande, dierum nempe quadraginta, testaret, quod inter omne Elias virtute ejus cibi emensus fuit. Jubet etiam Apostolus 1. ad Corinth. undecimo vers. decimo ut mulier potestatem, hoc est, velamen potestatis sub viro, sive subjectionis signum, in capite habeat propter Angelos, hoc est, ob Angelorum reverentiam, qui nobis apponuntur, & sacris cœtibus lati intersunt, indecoro autem habitu offenduntur.

Ex eo etiam id evincitur, quod legimus Act. duodecimo, vers. decimoquinto cum Ancilla Rhode dixisset, se agnoscere vocem Petri præforibus stantis, hi quibus illud nuntiabat, dicerent: est Angelus ejus. Ut inde liqueat, communem fuisse opinionem inter Judæos, singulis hominibus Angelum à Deo custodem attributum. Nec à morte nostra hanc eorum curam cessare, indicat parabola de Lazaro, qui ab Angelis dicitur in sedes beatas relatus. Multa de hac Angelorum cura singulari legere est apud Sanctos Patres, inter eos est S. Basilii in psal. 48. S. Hieronymus lib. tertio in Matih. cap. decimo octavo vers. decimo Hilarius in psal. 134. Chrysostomus in epist. ad Hebr. cap. 1.

Vidimus, unde Gentiles agnoverint esse Spiritus, & quanta iis naturæ sit præstantia, & quam eorum curam erga homines putarint, in quo ostendimus sic satis convenire Platoniciis cum Christianis, ut admodum verisimile fiat, vel ipsos, vel eos, unde doctrinam hanc didicerat Plato, partim accepisse illam ex traditione antiqua à primis Noachidis hausta, partim ubi majorem partem oblitterata erat, recepisse ab Hebræis, vel Ægyptiis, aut aliis, qui eam à gente Judaica hausissent. Nunc ad cultum venio spirituale cuius fundamentum in naturæ præstantia, & erga homines cura posuisse eos, dicebamus.

Cultus iste vel malorum est Spirituum, vel etiam bonorum. Mali hodieque variis coluntur terris, inter alias in Oriente à Calecutensibus, qui Deum quidem mundi conditorem agnoscunt, ac *Temerani* appellant, sed eum ajunt, quod, curæ experts mundanæ, suavius vitam ageret, vicarium orbi regundo præfuisse dæmonem, nomine *Dennum*, cujus simulachrum quàm horribile habeant, & quomodo Sacerdotes, qui iis *Bramini* vocantur, sacra faciant, cognoscere licet ex Ludovico Vartomanno lib. 5. navigat. cap. 2. Quàm verò hic malorum Spirituum cultus sit vetustus, nec antiquiorem, nec certiorum testem producere est, quàm divinum Mosem, qui repetita legis cap. 32. versicul. 17. ut grande peccatum refert, sacrificatum esse *Laschidum*, id Septuaginta vertunt *dæmonis*. Vulgata similiter, item Vatablus, Junius, alii *dæmonibus* vel *dæmonis*.

Est & alter locus Levit. 17. vers. 7. *ne sacrificetis Laschirim.* Ubi Septuaginta vertere *vanis, futilibus, sive non Diis.* Sed Aquila magis insitit vocis proprietati. Reddidit enim, uti Arias Montanus *pilosos*, speciatim verò *Sahir* est hircus, ut Levit. 4. de quo antea. Et sane in illo etiam Levitici loco 17. vers. 7. per *Sahirim* hirci, per hircos, demones intelligunt Rab. David Kimchi in libro *Radicum*, & Rab. Moyses Maimonides lib. 3. More Nebuchim cap. 47. Ac causam afferunt



afferunt, quia Satanas præcipue in hirci figura se soleat hominibus offerre. Unde Gentiles inter numina retulere Faunos, sive Egipanas, pro quo *Capripedes Panes* ait Propertius *lib. 3. eleg. 17.* uti *capripedes Satyros* Lucretius *in 4.* Nec sane alii ab his Sileni, nisi quod *Satyr* nomen generale sit, præcipue autem junioribus tribuatur; at *Sileni* sint seniores, qui junioribus Satyris præfæcti. Nec à vero abludit Satyrus unius literæ immutatione fieri à voce ea, qua Mosen usum vidimus, nempe à *Sahw*, quo dicebamus proprie notari *pilosum*, vel *hircum*, ac metonymice dæmonem. Isaia tamen *13. vers. 21.* ubi sermo de Urbis excidio sic ut in ædium ruinis habitaturi sint furunculi, & ululæ, & *sehirim*. Aben-Esdra, quia de ululis antecessit, aves intelligit horrendas locorum desertorum. Verum Septuaginta, qui Levitici *cap. decimo-septimo vers. 7.* verterant, non dubitant hic *dæmonia* transferre. Ac satis verisimilis est opinio Serarii; qui suo in *Tobiam commentario* censet lapidem sacrificari solitum Chaldaeis, & Hebræis adversum dæmonem testestrem dici *menos sehirim*, hoc est fugans pilolos, sive *dæmonia*.

Sane & dæmones locis gaudere desertis, notissimum est. Unde fortasse *Psal. 90. sive 91. vers. 6.* *dæmonium meridianum*, quod à meridie, hoc est deserto veniret. Nam Judæis desertum est ad meridiem. Sequor Vulgitam, quæ sic habet. Olim enim egebatur *jasehed*, hoc est *dæmonio*, quam vocem & vidimus jam ante Deuter. *32. vers. 17.* Sed nunc legitur *jasehud* id est *vastante*.

Ex Gentium Scriptoribus apud nullos de Spirituum cultu tam multa reperias, quam apud Platonicos, quorum opinio erat *Spiritus procurari certis precibus*, ut ait Apulejus de Deo Socratis, satisque hoc ex his elucet, quæ superius diximus.

Sed in quæstione est, an bonos coluerint Spiritus an malos: Quin propositum iis fuerit, bonos venerari, non est cur dubitemus. Atque hæc etiam causa, cur jejuniis se bona fide præpararent. Sed pro bonis se mali Spiritus injecerunt. Boni enim cultum ejusmodi, ut Dei proprium, averfabantur. Et agnoscit Porphyrius eos quibus sacrificarent, libamine carnum delectari, imo famigatione, nidoreque vivere, ac pinguescere, quæ ridicula quidem sunt; interea tamen, cujusmodi coluerint Spiritus, ostendunt. Præsertim cum idem fateatur, omne id genus spirituum pro malo habendum, quod sanguine capiatur victimæ, ac cogi debeat, ut faciat quæ homines velint. Firmantur hæc quoque his, quæ Lucanus de magia cecinit *lib. sexto* & illis, quæ D. Augustinus adversus Platonicos disserit *lib. decimo de civit. cap. undecimo.* quæque ibidem Vives annotavit. Et ne Porphyrio insulam, Platonici etiam ceteri eos invocarunt Spiritus, qui Delphico, ac ceteris oraculis, præsiderent. At hi mali fuerint Spiritus, quia non rectum, sed gentilem exegere cultum, uti ludos, lectisternia, & alia, nunc Jovis, nunc Apollinis, nunc alterius numinis honori.

Quamobrem ita statuendum, non illos invocasse Angelos, qui continuo vident Dei faciem in cælis, sed illos, ut Empedocles vocat apud Plutarchum de non scelerando, *dæmones, qui de Cælo deciderunt*, qui sub imagine suspensis fæde adeo illuserunt primis parentibus, ac nunc quoque, sed inconspicui immanibus spiritus, vibrante lingua circa nos serpunt, ut animas veneno suo inficiant, ac interficiant. Hoc etiam ostendit eorum mysticum, sive arcanum sacrificium. Sic enim in Christianorum opprobrium, quibus ita dicitur Eucharistiæ Sacramentum, nominantur abominandum sacrificium suum, quantum colligere est ex sermone illius Thracis apud Michaelem Psellum *pag. 18. de operationibus dæmonum.*

Quo in sacrificio quandoque etiam mactabatur, dictu horrendum, infans materno extectus utero, quod, ut legas apud Baptistam Carmelitam in vita S. Catharinae, ita multo ante proditum à Lucano in 6.

Atque hic apertus est dæmonum cultus, præter quem alter est usque adeo occultus, ut ipsi qui eum colant, nesciant, ac propterea, vel mortem potius oppetere sint parati, quam hujusmodi quid profiteri. Tales sunt qui multa videre agentes alios ex pacto cum dæmone, quæ ipsi citra pactum, saltem expressum, imitentur, sic quoque respondente eventu; imo & illi, qui ista ab aliis pacti nesciis didicerunt, ac tam miranda fieri putant, non vi dæmoniaca, sed naturæ, quippe longè potentioris, quam vulgo credatur. Huc retulimus eos, qui verbis, aut characteribus quibusdam ignotis, agunt, de quibus suo loco satis dictum.

### CONSULTATIO XXXIII.

*De religioso bonorum Spirituum Cultu, Apud quos is obtinuerit. Quod cultus genus Angelis conveniat. Et unde Angelicorum hæresis nomen acceperit. De cultu divino anima humana, exhibitio. De ejus transanimatione, & migratione de corpore in corpus. De immortalitate ejus consensus Gentium, & rationes. Quomodo animarum cultus introductus. Quo pacto discernantur Lemures, Lares, Larvæ, Manes. De animarum cultu publica autoritate relatarum in Deos. Quibus is honos tributus. Alii honores divini ab heroicis. Alia.*

**A**latria malorum Spirituum ad venerationem venio bonorum, quos ab hominibus prius fuisse cultos valde est verisimile. Sane Josephus Albus *lib. tertio in Icarim cap. decimo octavo* arbitratur, hanc omnium antiquissimam fuisse Idololatriam, quod homines Angelis cultum statuerint, tanquam mediatoribus, & sequestris inter se, & Deum. Sed enim hic etiam honor universe damnatur Deuter. *textu. vers. decimotertio item 10. vers. 20.* & Matth. *quarto vers. decimo Dominum Deum timebis, & illi soli serves.* Item ab Apostolo ad Galat. *quarto vers. octavo Iis, qua natura non sunt Dei, serviebatis.* Et ut particulatim magis de Angelis dicam Apocal. *decimo quarto vers. decimo Angelus B. Joanni adorare volenti ait. Vide ne feceris, conseruus tuus sum.* Etiam ad Colof. *secundo vers. octavo legitur: Videte, ne quis vos decipiat per philosophiam, & inanem fallaciam secundum traditionem hominum, secundum elementa mundi, & non secundum Christum.* At commate decimo octavo. *Nemo vos seducat, volens in humilitate, & religione Angelorum, qua non videt, ambulans, frustra inflatus sensu carnis suæ.* Ex quibus satis conspiciamus istius inanis philosophiæ exemplum ab Apostolo exhiberi, quando quis humilitatis prætextu non recta ad Deum, ac Christum preces suas fundit, sed mediatores Angelos more Platoniorum invocat.

Colossi, quibus ea scribit Paulus, Phrygiæ erat civitas, uti metropolis ejus Laodicea. In Phrygia autem, & Pisidia obtinuit hic cultus, non Apostolicis modo temporibus, sed etiam tribus post seculis; unde Synodus Laodicensis anno Christi 364. (non ut aliqui volunt ante Nicenam generalem) sic cavit can. 35. sive 138. juxta collectionem & interpretationem Dionysii Exigui. *Quod non oporteat Chri-*



*Christianos Ecclesiam Dei relinquere; & ire, atque Angelos nominare, & Congregationes facere, qua interdicta noscuntur. Si quis igitur inventus fuerit huic occulta idololatria serviens, sit anathema, quia dereliquit Dominum nostrum Jesum Christum, filium Dei, & se idololatriæ tradidit. Sic legit Theodoretus, cujus verba ad memoratum Paulinæ Epistolæ locum sic latine sonant: Qui legem defendebant, etiam ad Angelos colendos inducebant, dicentes, legem per eos datam. Manifestum autem hoc vitium in Phrygia, & Pisidia. Quocirca Synodus quoque, qua convenit Laodicea, qua est Phrygia metropolis, lege prohibuit, ne precarentur Angelos, & ne relinquerent Dominum nostrum Jesum Christum. Atque eadem repetit in eap. 3.*

Qui verò Angelos putant utiliter invocari, aiunt, Theodoretum loqui de invocatione istiusmodi, qua præterito Christo, invocarentur Angeli, velut Dii, hoc est honore, qui uni Deo debetur; videlicet volunt, bifariam ab hominibus coli Angelum. Aliis, ut natura Deum, sive ut principium primum, bonum summum. Aliis, ut dei ministrum, cujus ope, atque auxilio facilius aliquid impetretur à Deo. Atque hoc etiam nos Origenes docet, libro octavo contra Celsum: *Angelos ex officio suo nominare docti, invenimus, propter divinitatem quandam interdum Deos vocari à Sacra Scriptura; sed non sic, ut jubeamur eos adorare, aut divinis honoribus colere, quævis dona Dei nobis afferant. Omnia enim vota, omnes interpellationes, deprecationes, & gratiarum actiones, destinande sunt ad Deum, rerum omnium dominum, per majorem omnibus Angelis, summum Pontificem, vivum Verbum, & Deum. Mens eadem Arnobio sub initio libri tertii adversus Gentes, & discipulus ejus Lactantius lib. secundo cap. decimo septimo. Neque Angeli cum sint immortales, dici se Deos aut patiuntur, aut volunt, quorum unum, solumque officium est, servire nutibus Dei. Itaque nullum sibi tribus honorem volunt, quorum honor in Deo est. Illi autem, qui desciverunt à Dei ministerio, quia sunt veritatis inimici, & pravaricatores, Dei nomen sibi, & cultum Deorum, vindicare conantur. Et Augustinus de vera Religione cap. quarto, ubi cum de Sanctis defunctis dixisset, honorandos esse propter imitationem, non adorandos propter religionem, subjicit, idem de Angelis esse statuendum. Quare, inquit, honoramus eos charitate, non servitute. Et lib. vigesimo contra Faustum Manichæum cap. vigesimo primo, Ipsi sancti vel homines, vel Angeli exhiberi sibi nolunt. quod uni Deo deberi norunt. Apparuit hoc in Paulo, & in Barnaba, cum commoti miraculis, qua per eos facta sunt, Lycaonis illis, tanquam Diis immolare voluerunt. Conscissis enim vestibus suis, confitentes, & persuadentes eis se Deos non esse, ista sibi fieri vetuerunt. Apparuit & in Angelis, sicut etiam in Apocalypsi legimus, Angelum se adorari prohibentem, ac dicentem adoratori suo: Conservus tuus sum, & fratrum tuorum. Ista sibi plane superbi Spiritus exigunt, diabolus & angeli ejus, sicut per omnia Tempia, & Sacra Gentilium. Idem lib. primo contra Maximum, Arianorum Episcopum, & lib. decimo de civit. cap. septimo & decimo quinto ac in psalm. 96. Adi & Chrysostomum in epist. ad Hebr. cap. primo homil. tertio ac Theodoretum lib. secundo grac. affect. ubi inter alia inquit de Angelis: Neque verò hos Deos putamus, neque divinum illis honorem tribuimus, neque adorationem inter eum, qui vere Deus est, & Angelos partimur, sed eos honoratioris quidem hominibus, attamen conservos esse dicimus.*

Eos, qui Angelos colerent, Angelicos dixere, quorum meminit Epiphanius hæres. 60. & ex eo Zonaras, ac Balsamon ad trigessimum quintum can. Concilii Laodicensi, & si in Codice Justiniano lib. primo tit.

vigesimo nono qui est de offic. mag. milit. In tribus manuscriptis Ingilena reperit Ruffardus Jurisconsultus. Clarius verò etymon perspexit Augustinus hæresi trigesima. nona, Angelici in Angelorum cultum inclinati, quos Epiphanius jam omnino defecisse, testatur.

Cæterum sicuti Deum in Sanctis ejus recte laudamus, ita & in ministris honoramus. Nec enim æquum est sine honore præteriri ea instrumenta, quibus Numinis sui præsentiam specialiter Deus exhibet. Unde sapius Angeli Dii nuncupantur, quia in suo ministerio, veluti in speculo, divinitatem aliqua ex parte nobis repræsentant. Nec id mirum videri debet, cum & Principibus, & Præfectis id honoris detur, ut Dii appellentur. Quia summi Regis, ac Judicis vices in sua functione gerant. Quibus, si congruus honos propterea merito debeatur, quanto magis Angelis, in quibus divinæ gloriæ claritas multò abundantius refulget? Porro licet Angelis honor eximius deferendus sit, non tamen Latriæ cultu, qui soli Deo exhibendus est, venerandi sunt. Sed tantum cultu dulci, ut per Azor. par. prim. lib. nono cap. sexto quæst. quinto & Vasquez lib. secundo de adorat. disp. octav. cap. tertio. Quare vana Calvinii calumnia, dicentis lib. primo instit. cap. decimo quarto numero decimo ea, quæ solius Dei, & Christi sunt, ad Angelos transferri, superioribusque seculis Christi gloria immodicis Angelorum elogiis obsecratam fuisse.

Veniamus ad Animam humanam. Duplex enim est creatura spiritalis, utraque immortalis, sed una secundum se totam, ut Angelus; altera secundum partem sui nobiliorem, ut homo. Verissimaque hæc de animarum immortalitate sententia pro fundamento erat erronei cultus, qui iis à gentibus præstitus fuit. Nec enim persuaderi ille cuique in potuisset, nisi qui putaret, animas à morte superesse. Mirum verò cæcæ nationes plus hac parte vidisse Saducæis, qui Moſen haberent. Eò videndum, quæ potissimum in hanc opinionem Gentiles impulerint. In iis Familiam ducit traditio, quæ à Noacho & ejus liberis, ac nepotibus, quasi per manus, ad posteros devenit. Unde L. Seneca epist. 117. *Cum de animarum immortalitate loquimur, non leve momentum apud nos habet consensus hominum, aut timendum inferos, aut colendum. Utor hac persuasione. Nec Senecæ solum ætate sit erat, hodieque ea traditio est apud remotissimas Gentes, ut de Guineensibus variè tradidere, item de Sinesibus, in his Hugo Linſchotanus de Peruanis, & Mexicanis Josephus Acoſta de Virginæ incolis Thomas Avioth Anglus.*

Imo non animas modò superesse post mortem consensus Gentium fuit, sed apud multas etiam reliquæ fuere de nova cum corporibus conjunctione quam metempsychosin, quasi dicas transanimationem, item metempsychosin, hoc est migrationem de corpore in corpus, etiam regenerationem. Quæ non Pythagoreorum duntaxat, sed multarum etiam gentium opinio fuit, & admodum dissitarum. De Egyptiis testis Herodotus, à quibus etiam id hausisse Pythagoram, idem tradit Zamòixis quoque juxta Julianum in Cæsaribus, idem docuit Getas, à quibus post mortem divino honore cultus fuit. In Galliis similiter Druidis sensisse refert Cæsar in sexto. Deque Germanis idem prodit Appianus in Celticis. Sed magis mirandum, quod Phariseis quoque hoc placuit, ut peritus ejus sectæ tradit Josephus lib. decimo octavo antiq. cap. secundo & de bello judaico lib. secundo cap. octavo. Imo ex multorum opinione inde est, quod Herodes



rodes, Galilææ Tetrarcha, putarit animam Joannis Baptistæ, à se decollati, insinuassee se in corpus Jesu Christi, ut colligitur ex Matth. *decimo quarto vers. secundo*. Sed non potuit hoc Herodes putare de eo, quem non infantem, sed jam maturæ ætatis virum sciret. Ut Herodis potius opinio fuerit, sanctissimum virum, quem paulò ante ipse occiderat, divinitus, esse resuscitatum à mortuis, quique antea non fecisset miracula, nunc pro præmio hoc accepisse, quod ea instructus esset potestate.

Verum ut fœdus ille Phariseorum erat error in populo Dei, ita longe fœdior, quod Saducæi immortalitatem animarum tollerent, qui tamen libros reciperent Mosaiscos, in quorum initio legitur Genesi primo, v. *decimosexto*, *Formavit igitur Dominus hominem de limo terræ, & inspiravit in faciem ejus spiraculum vitæ, & factus est homo in animam viventem*. Ubi non vita intelligi mortalis debet, qualis mortuorum est animantium, sed ejusmodi, quæ fecernantur ab iis, ac proinde, quæ Dei instar, finem ignoret. Quippe aperte satis indicat Moses, animam hominis, non uti sit in rationis expertibus, eductam esse à potentia materiæ, sed extrinsecus advenisse, eamque immaterialem esse, ac per se subsistere idoneam, à Deo autem unitam esse, ac colligatam rei materiali, & corporeæ, atque ita formam ejus factam esse, non quatenus corpus foret, cum nihil separabile possit esse forma corporis, quatenus est corpus, sed quatenus vitales edit actiones. Unde & Aristoteles in definitione animæ non simpliciter dicit, esse actum corporis, sed potentiam vitam habentis. Eam autem vitam, ratione animæ, finem nescire, arguit etiam quod Genesis loco citato dicitur, Deum condidisse hominem ad imaginem suam. Quippe imago illa immortalis Dei potissimum in eo consistit, quod anima sit immortalis, ac sempiterna. Et sane nonne Enoch, & Elias translati in alteram vitam? Nec mortui dicerentur dormire, nisi aliquando essent resuscitandi. At Jacobi est Genesi. 47. 30. *Dormiam cum patribus meis*. Nec (quo argumento pugnat Christus) Matth. vigesimo secundo v. trigesimo secundo Marc. duodecimo v. decimo sexto, Luc. vigesimo trigesimo septimo, nisi animæ superessent, Deus, qui viventium, non mortuorum est Deus, se Abraham, Isaac, Jacobi Deum diceret Exod. tertio v. sexto. Est & Bileami Num. vigesimo tertio v. decimo *Moriatur anima mea morte piorum*. Ubi non tam tranquillam piorum mortem respexit, quam felicitatem alterius vitæ. Nam pii sæpe misere pereunt, uti Abel ipse, qualem mortem non optasset Bileam. Mitto cæteros Scripturæ locos, præsertim novi Testamenti, quos tom. octavo deduxi, quando Saducæi Mosaiscos solum libros habuere pro Canonicis, & divinitus inspiratos, alios autem, etsi non rejecerint, autoritatis tamen longe inferioris putarint.

Opinio hæc Saducæorum demum cœpit post tempora Alexandri Magni, idque occasione ea, quod Antigonus Sochæus, Simeonis Justi discipulus, dixisset, non esse serviendum Deo spe præmii, aut mercedis. Hinc enim discipuli ejus Sadok, & Baithos occasionem cepere docendi, non esse post hanc vitam præmium, aut pœnam, quasi aliud voluisset Antigonus, quam tantum in nobis esse debere divinæ majestatis, ac ipsius honesti amorem, ut nullo etiam præmii, vel mercedis intuitu, Deo bona serviremus fide, ac nihil non essemus paratissimi sustinere.

Ex Philosophis Gentium hanc Saducæorum opinionem amplexi sunt Epicurei, imò longe deteriorem. Nam Saducæi agnoscebant Deum curare res humanas, quippe cum bonis benefacere in hac vita. Epi-

curæi autem in totum tollebant providentiam divinam. Interea in eo illis convenit, quod putarint, animam cum corpore extingui. Eademque in sententia fuit Dicearchus Mellenius, Aristotelis auditor egregius, sed qui summam fœdarit eruditionem opinione ea, quod putarit, animam vel temperamentum esse elementorum, vel nihil nisi nomen inane. Quæ de Cicero lib. primo *Tuscul. quest.* Plutarchus de *placit. philos.* Atticus Platonius apud Eusebium lib. *decimo quinto præpar. Evang. cap. 19.* & è nostris Tertullianus de *anima cap. decimo quinto*, ubi ex medicis idem ait sentisse Andreæ, & Asclepiadem. Galenus quoque id similiter opinatus; eumque propterea Iliodorus Pelusiota reprehendit, ac refellit lib. *quarto epist. 125.* At melius illi, qui primæ Philolophiæ semina in Græcis sparserunt. Tales, & Pherecidæ, qui eadem ætate, Laërtius in *Pherecide*, quinquaginta amplius Olympiadibus ante Epicurum clarescere. Quorum Thalerem quidem primum fuisse, qui animas doceret immortales, inter alios prodidit Chærilus poëta apud Laërt. in *Thalete*. At Cicero in *1. Tuscul. quest.* ait, Pherecidem primum hoc docuisse; posteaque hanc opinionem maxime confirmatam à Pythagora, ejus discipulo. Plutarchus quoque in *1. de plac. Philosoph.* docet, heroes Thaleri & Pythagoræ esse animas à corporibus separatas, bonorum quidem bonas, ac malorum malas.

Subjungit deinde Plutarchus, idem de heroibus Platonem sensisse, & Stoicos. Quorum Plato aperte immortalitatem animæ docet in Phædone, Phædro, Philebo, Timæo, Menone, libris de Republica, item ad Siracusanos, & alios epistolis. Puta quia sit spiritualis, & ut Plato loquitur, *se se movens*. Quæ voce quid voluerit, optime exponit Alcinoüs de doctrina Platonis cap. 25. *per se mobilem ait animam, quoniam innatam habet vitam, sua vi operantem*.

In Platonis etiam sententiam proclivior est Aristoteles. Utcunque enim in primo de anima reprehendat illud *per se mobile*, tamen non aliud ipse docet, moreque suo in magistro magis impugnat, quod dixit, quam quod sensit. Atque hoc jam olim vidit Albertus Magnus lib. de *orig. anima*, liquidius vero demonstratum iis, qui in Platone & Aristotele conciliando operam posuerunt. Ac vel sola id evincit Alcinoi interpretatio, quam proxime adduximus. Esse autem animam spirituales & separabilem à corpore, non uno loco traditur ab Aristotele, uti tertio de *anim.* ubi eam ait textu quarto, *passionis esse, ac mixtura expertem*. Pulcherrime etiam ibidem ait textu septimo *sentiendi actus non est citra corpus, sed mens ab eo est separabilis*. Item textu 19. & 20. *Animus solus est separatus, quicquid est: & hoc solum est immortale, & sempiternum*. Quibus similia habet eodem libro textu sexto v. decimo quinto 18. 51. item in primo textu 65. & 66. item 82. & 92. & secundo textu undecimo & vigesimo primo ejus operis. Præterea his consentaneum est illud lib. secundi de animalium generat. cap. tertio *Solam mentem extrinsecus advenire, divinam esse solam, neque cum ejus actione, actionem corporis ullam habere communem*. Etiam in duodecimo. metaph. textu 17. & 51. leguntur, quæ idem confirmant. Ut mirum sit, Alexandrum Aphrodiseum contrariam opinionem magistro tribuisse, uti & ab Ænea Gazzæ in Theophrasto factum. E junioribus autem à Petro Pomponatio lib. de *immortal. anima* & Simone Portio lib. de *mente humana*. Sed istis à multis est occursum. Pomponatio quidem à Contareno lib. de *animæ immortalitate*, sic tamen, ut nomini Pomponatii parcat, Portio autem à Marco Antonio Nacta libro ejusdem argumenti, & Jacobo Antonio



ronio Marra apologia contra Portium, utrique verò, sed prius Portio, postea præceptori suo Pomponatio, ab Antonio Mirandulano *lib. 25. singularis certaminis, & quinque sequentibus*. Post quos alii etiam argumentum hoc tractarunt, in his Jacobus Naclantus, & Julius Castellanus, ut præteream eos, qui in Aristotelis libros de anima scripsere.

Complurium tamen opinione non multo melior Aristotelis opinio fuit. Utrumque enim illam censet esse formam substantialem, nec suam debere originem elementis, putant tamen eam statuere interitui obnoxiam, atque hoc inter cætera eo colligunt, quia ex opinione ejus mundus sit æternus, & nihil sit actu infinitum. At si animæ sint immortales, eadem sint infinitæ, & quia aliæ adduntur quotidie, majus aliquid, imò infinitis partibus futurum sit majus ipso infinito. Quæ plane sunt inconsistentia. Neque aliter huic argumento occurrere potuit Durandus in *secunda sent. dist. decim. octav. quæst. tertia numero nono* quàm dicendo, Aristotelem, dum non satis circumspexit quædam tradit, nec attendit, quid ex quoque consequatur, pugnantia docuisse. Ac placuit idem responsum Gregorio de Valentia *disp. sexta gener. de hom. quæst. prima de essentia anima pun. tertio numer. secundo*.

Etiā secundum Aristotelem, ex nihilo nihil fit; eoque & anima generatur. At quicquid generatur, hoc ex ejusdem sententia *libro primo de Cælo textu 101.* corrumpitur, atque, ut principium, ita finem habet. Cui itidem difficile occurritur, nisi vel fateamur, animas putasse mortales, vel secum pugnare. Præterea Justinus martyr cohortatione ad Græcos, ait animam ab Aristotele vocari Eentelechiā, atque inde colligit, esse mortalem. De quo nihil statuere possumus, nisi quid entelexia sit, sciatur.

Si Ciceronem *lib. primo Tuscul. quæst.* audimus Eentelexia fuerit continuata quædam motio, & perennis. Sed Joannes Argyropytus vehementer increpare solet Ciceronem, quod non distinxerit inter entelexiam, & entelexiam, licet diversissima, cum entelexis sit assiduus, continuus, entelexis perfectus. Sic autem vocatur non energia, sive actus, vel actio, quomodo interpretatur quoque Theodoretus *lib. quinto græcan. affect.* Sed forma essentialis, nempe quia hæc ea est, quæ adferat rei perfectionem, sive finem ultimum. Idem autem sunt finis ultimus, & forma. Sed finis dicitur priusquam obtinetur, forma, ubi jam introducta. Mirum à Politiano *lib. primo miscel. cap. primo* tam studiose defendi manifestum Tullii errorem, longeque rectius de isto Budæus *lib. 1. de affect.*

Sententia igitur hæc Justinī Martyris fuit; si nihil aliud est anima, quàm forma corporis viventis organici, cùm corpus pereat, etiam animam interire. Nam forma, nonnisi ratione separatur à materia, ut Aristoteles ipse ait *lib. quarto physic. textu duodecimo & lib. quarto textu decimo septimo*. Multoque hoc magis consequitur, si per entelexiam intelligamus actum, sive operationem. Et sane etiam Gregorius Nazianzenus *orat. prima de Theologia, sive orat. 33.* damnat in Aristotele hæc duo, *providentiam exiguis limitibus circumscriptam, & mortales de anima sermones*. Ubi per priorem errorem intellige, quod, ut pluribus hoc explicat Theodoretus in *quint. græcan. affection. terrarum orbem divina providentia exortem facit*. Ait enim ad Lunam usque divinam ordinationem proferri, cætera verò fato esse subiecta. Loquitur autem de fato naturali, sive naturæ necessitate, quo de Aristotelis errore alibi dictum. Jam quod ad alterum attinet errorem, ibidem Theodoretus de illo quoque consentit Nazianzeno, nempe quod fecerit Aristoteles, *animam esse mortalem*. Similiter-

que de Philosopho hoc judicat Caietanus *lib. tertio de anima cap. 2.* ut præteream Plutarchum *lib. quinto de placit. philosoph. cap. primo* atque alios superius adductos.

Non pauca tamen in Aristotele leguntur, ut vidimus, quæ contrarium docere videantur. Sed exigui ea momenti erunt, si Philosophum fluctuasse in isto dogmate, nec satis secum semper consentire, dicamus, ut Scotus in *quarto sent. dist. 43. numer. secundo*, Hervæus *quodlib. primo, quæst. undecima* aliique voluerit. Ac sunt, qui mediam insistentes viam, putarint dubiam fuisse Aristotelis sententiam, ut idem Scotus, Hervæus. Niphus. Propterea tamen, quæ ante adduxi in meliorem censeo sententiam magis inclinasse.

Magis consentanea illi tradiderunt, qui cùm animas putarent æternas, easdem credere cœlitus in corpora descendere. Sic à Diis in mundum dimitti, tradidit Taurus, deperdito in Timæum Platonis commentario. Etiam Plotinus, Porphyrius, Amelius animam Cælo derivarunt, Heraclides Ponticus è Galaxia, nonnulli ex sphaeris omnibus, alii è locis circa Lunam, vel sub Luna, ut de singulis istorum in Eclogis Stobæi physicis legere est. Qui omnes, etsi valde errarunt, tamen ideo sunt laudandi, quod licet Gentiles, animas tamen crediderint esse immortales.

Homini Christiano id etiam pro fidei est fundamento. Nec enim pro Christianis sunt habendi Thneorpsychitæ, quos molli nimis nomine inter hæreticos refert Damascenus *lib. de hæresib.* Hi circa annum 530. eodem teste, *hominum animos pecudum animis similes inducunt, atque eos unā cum corporibus dicunt interire*.

Multis partibus levius peccarunt, qui circa annum Christi 249. animas non minus, quàm corpora, perire putarunt; attamen extremo resuscitari judicio. Hi Arabici vocabantur, cumque ingens eorum causa convenisset Concilium in eo omnes ad fidem rectam ab Origene sunt conversi. Vide de illis Eusebium *lib. 6. hist. Eccles. cap. 37. latine cap. 30.* Augustinum *hæres. 81.* Rufinum *cap. 27.* Nicephorum *lib. quinto cap. vigesimo tertio*.

Fuerunt etiam, qui agnoscerent, animas à morte semper superesse, sed certissimam veritatem mirifice incrustarent, qualis ex Christianis Philosophis Joannes Philoponus fuit. Secundum eum tres homini animæ sunt, ac primo quidem ex crassiori genitura nascitur anima vegetativa, per quam homo vivit vitam plantæ. Deinde elaborato jam corpore ex sanguinis portione subtilissima nascitur spiritus, qui sit sedes, & vehiculum sensus. Postremo Deus creat animam rationalem, quæ foris adveniens, cum vegetativa, & sensitiva sociatur. Sed homine moriente pereunt duæ priores, rationalis autem perennat, dispari tamen conditione. Nam animæ impiorum pœnis destinantur. Incorporeum quidem non patitur à corporeo, sed subtili hæc vestiuntur spiritu in quo pro affectuum ratione, quibus peccarunt, pœnas sufferunt. Durant hæc, donec corpus sit consumptum. Interea errant circa sepulchra, & variis se ostendunt figuris, spiritusque nutritur vaporibus, quos is spongiæ instar attrahit. Corpore autem consumpto, anima censetur expiata, eoque subvolat in Cælum, sive in stellam suam, ut in ea piarum instar animarum vivat.

Quæ omnia sunt à mente Aristotelis aliena, pleraque etiam falsa. Nam quale illud, quod spiritum ait esse subiectum sensus? Qui potius instrumentum est animæ sensitivæ. Aliter si esset animatus foret, atque ita anima fuerit forma corporis



corporis similis, non organici. Illa quoque de tali purgatione animæ nec ratione naturæ sunt subnixa, nec Scripturis nec traditione Ecclesiastica. Quod creari, ait animas, fateamur, non tamen id Gentiles videre, quibus ex nihilo nihil. Aternitatem etiam recte statuit, sed an Peripateticum hoc sit, jure ambigitur, uti jam dictum. Illud quoque expendi meretur, quod ait, tres inesse homini animas, ubi explicari oportuit, quod & male Platoni neglectum, Aristoteles ait lib. 1. de anima, quomodo uniantur. Etsi animarum una ante aliam pereat, exempli gratia, vegetativa ante sensitivam, nonne futurum, ut homo sentiat, nec nutriatur? Propter quæ Aristoteles censuit, unam homini esse animam, sed ejus tres esse partes, sive facultates, à parte autem principe denominari rationalem, quæ sensitivam, & vegetativam comprehendit, uti circulus quadratum, & triangulum.

Fueret tamen ex Theologis Christianis, qui hominem dividerent in substantias tres; Corpus, Animam, & Spiritum, ac secundum hos anima est rationis expers, Spiritus est mens, quam dicimus animam rationalem. Atque hi afferunt pro se illud Pauli 1. ad Thessal. cap. 5. *Uti integer spiritus vester, & anima, & corpus sine querela, in adventu Domini nostri Jesu Christi servetur.* Ubi Didymus quoque lib. 3. de Spiritu Sancto, per Spiritum intelligit animam rationalem, per animam autem, solam sensitivam. Ac meminit ejus interpretationis quoque Hieronymus *Epist. ad Edibiam.* Etiam eo se tuentur, quod pugnent inter se potentia sensitivæ animæ, quæ *Carnis* nomine vocatur, quia carni grata appetit, & potentia intellectualis, quæ *Spiritus* dicitur.

Atque eò referunt hoc Pauli ad Galat. 5. 17. *Caro concupiscit adversus spiritum, & spiritus adversus carnem.* Varia etiam ex Sanctis Patribus pro hac opinione afferuntur à viris eruditissimis, sed quædam infirmiora. Adducit Robertus Parkerus lib. 2. de descensu Christi ad inferos sect. 47. Tertulliani illud lib. de carne Christi cap. 42. *Secunda anima in morte plaga partem illam, quæ est nobis cum brutis communis, illi eripit.* Ubi per partem intelligere facultatem licet. Sic enim Aristoteles loqui solet. De sola etiam facultate, non anima distincta, capere possumus, cum Gregorius Nyssenus lib. de anima, ac resurrectione, interire ait *irascibile, & concupiscibile.* Sed solidiora videntur, quæ adducuntur ex Justino Martyre *dialogo cum Triphone* pag. 173. edit. Commel. ubi abeunte spiritu, superesse animam negat. Sed ex iis, quæ antea dixerat, de sola impiorum anima loqui constat. Item ex Irenæo lib. 5. cap. 6. quo loco animam & corpus, ait esse adiaphora; at Spiritum semper esse bonum. Ac propterea etiam Hieronymus in 5. ad Ephes. in illud vers. 14. *Surge qui dormis,* dicere non veretur, se Spiritus mortem nequaquam legere, animam non semel. Parkeri loco memorato, & aliorum quorundam opinio est, non aliunde facilius exsolvi, quæ de mortalitate animæ objectantur è Scripturis Ecclesiasticis cap. 3. vers. 19. & 21. quæ ex persona impiorum dici mavult D. Thomas 1. p. quæst. 75. art. 6. ad 1.

Putant etiam, Pythagoræorum metempsychosin non multum continere absurdi, si non aliud per eam intelligatur, quam sicut corpora ex elementis composita in sua abeunt principia, ita & animam illam, communem nobis cum mutis animantibus, in suam abire materiem. Nec leve interim huic sententiæ præjudicium affert, quod veterum alii hanc damnarint sententiam in Jacobo Syro, eo, à quo Jacobitæ sunt denominati, ut ait Damascenus de hæresibus. Eumque Monophysitam, sive Eutychanum fuisse, ait Nicephorus Callistus lib. 18. hist. Eccles. cap. 3. Dogma autem antea memoratum in eo damnat Gennadius Massiliensis lib. de Ecclesiasticis dogmat. cap. 15. his verbis: *Neque duas animas esse dicimus in uno homine, sicut Jacobus, & alii Syrorum disputatores, scribunt, unam animale, quæ, anime-*

*tur corpus, & quæ immixta sit sanguini, & alteram spirituales, quæ rationem ministret; sed dicimus unam esse, eandemque animam in homine, quæ & corpus sua societate vivificet, & semetipsam sua ratione disponat, habens in se libertatem arbitrii, ut in sua substantia eligat cogitatione, quod vult.*

Miretur aliquis, eam in Jacobo Syro damnatam fuisse opinionem, quæ non paucorum, nec incelebrium fuerit ex antiquis. Sed sic fere fit, ut sententiæ vel veræ, vel tolerabiles subinde damnentur, ubi illis homines uti cœperint ad gravem firmandum errorem. At Jacobus ille, ut dixi, Eutychanus fuit; unde conjectura, sic eum argumentari solere: Quemadmodum in homine duæ sunt animæ, una rationalis, irrationalis altera, eæque in unam coalescunt naturam, sic in Verbo, in unam misceri naturam, divinam & humanam. Et suspicio est Gregorii de Valentia tom. 1. disp. 6. qu. 2. pun. 3. quando Concilio Constantinopolitano 4. quod habetur œcumenicum 8. pro Ignatio id, cultuque imaginum contra Photium anno 869. celebratum fuit, iridem hæc de duabus animabus opinio damnata est; non tam id factum esse odio hujus sententiæ, quam quia abuterentur ea Manichæi ad hæresim suam fulciendam, quæ istiusmodi erat: Duo esse principia, unum boni, Deum bonum, mali alterum, diabolum; ac à bono quidem Deo esse animam rationalem, à diabolo autem corpus cum anima sensitiva. Verba Concilii sunt ista Act. 10. can. 10. *Cum vetus, novæque lex testamenti doceat unicam homini, ratione, intelligentiaque pollenti, esse animam, eandemque sententiam Patrum omnium, & Doctorum sanctorum Ecclesia doctrina firmet. Sunt tamen, qui dicant, duas homini esse animas, & quibusdam vitiis ratiocinatiunculis sectam stabiliant, sancta hæc, & œcumenica Synodus hujus impietatis conductores cum tota secta sua anathemate damnat, exertaque voce dicit: quicumque post hæc contraria senserit, anathema esto.* Sive autem huc respexerit Concilium, sive fecus, saltem eo attendit Augustinus, quando in Manichæis hanc de duabus animabus opinionem tantopere rejicit, quod videre est libro de duabus animabus. contra Manich. cap. 14. & lib. 6. contra Faustum cap. 3. & lib. 10. in Genesim ad lit. cap. 13. Et nihilominus, licet Synodus illa contra Græcos celebrata, pro universali Romana censeatur Ecclesia idem Valentia opinionem contrariam non habet pro manifesta hæresi, sed cautius istum in modum scribit loco citato. *Itaque unicam esse tantum in homine animam, vel est dogma fidei, vel fidei proximum, ut sine maxima temeritate nequeat contrarium asseri.*

Tutius interea videtur, unam statuere animam rationalem, quæ sensitiva quoque, & vegetativa virtute prædita sit. Quippe Scriptura sic loqui amat, ut in illo Matth. 4. 28. *Nolite timere eos qui occidunt corpus, animam autem non possunt occidere.* Ubi videtur solum corpus statui corruptibile; anima quoque omnis humana, sensitiva quoque, & vegetativa, incorruptibilis dici. Eriam Genes. 2. 7. legimus: *Inspiravit in faciem ejus spiraculum vitæ, & factus est homo in animam viventem.* Hebraicè est, *nismath chajim*, quod est spiraculum vitæ. Unde Caietanus argute colligebat, unam esse animam triplici vivendi gradu præditam. Nam una, inquit, anima, quia spiraculum non spiritus dicitur. Id vero spiraculum non solum vitam continet rationalem, sed etiam duos inferiores vivendi gradus, quia non vitæ, sed vitarum est in Hebræo.

Anima igitur hominis una est, eaque immortalis. Quod cum Scripturis testatissimum sit, mirum sane, à nonnullis reponi in dogmatis quæ nesciremus, nisi sic Ecclesiæ definiisset autoritas. Hoc solum enim Scripturis cognosci putant, animas post mortem superesse, ut ex eo, quod Christus latroni ait Luc. 23. 43. *Hodie mecum eris in Paradiso.* Item quod Matth. 10. dicitur, homines non posse animam occidere, quasi in solum corpus vin habeant. Ad hæc cum Luc. 10. refertur



animam Lazari fuisse in sinu Abrahamæ, divitis Epulonis apud inferos. Tam præcipue, quod Apostolus 1. *Thess.* 5. 23. ut perfecta sit immortalitas, fore spondeat, ut toti, anima pariter ac corpore, cælesti beatitudine perficiantur. Hisce, inquiunt, ac similibus aliquot locis significatur, animam à morte superesse; sed semper superfore, id non aliunde scimus, quàm auctoritate Ecclesiæ, in qua ubique, semper, & ab omnibus sic creditum fuit. Quia id, in quo omnes consentiunt, à natura est. Quod autem à natura est, à Deo quoque ejus autore est, qui nec decipit, nec decipitur. Sane sacrosancta mihi eorum auctoritas, ubi tria hæc concurrunt. Nihilque apertius, quàm id definitum esse Concilio generali 6. *et. 11.* ubi approbatur Epistola Sophronii, Patriarchæ Constantinopolitani, recitata in *act. 11.* Quomodo etiam immortales sint, additur. Verba sunt tom. 3. Concil. pag. 55. & 56. edit. Colon. 1606. *Sic hominum anima permanent inconcussa, sic Angeli immortales perseverant, non utramque revera incorruptam, propriè immortalem habentes essentiam, sed gratiam à Deo sortiti sunt, quæ immortalitatem largitur, & incorruptionem eis providet.* Quæ & mens Irenæi lib. 2. cap. 64. Sed enim hoc dogma è Scripturis etiam cognoscitur. Nam Lucæ cap. 20. n. 36. legitur, eos, qui ad vitam resurgent, mori amplius non posse, quia sunt futuri *Angelis æquales.* Atque idem tot in locis docemur, quibus æterna post hanc vita promittitur piis, ut Joan. 10. 18. *Ego vitam æternam do eis.* & 17. 3. *Hæc est vita æterna, ut cognoscant te solum Deum, & quem misisti Jesum Christum.* Similiter ad Rom. 6. 23. *Donum Dei est vita æterna in Christo Jesu Domino nostro.*

Diximus hætenus de traditione primæva, & sententiis veterum Philosophorum, pauca subiungam de rationibus, quibus Naturæ etiam luce Gentiles cognovere, animas corporibus superesse, atque adeo esse immortales. At quia multa sic certò, & evidenter nota publico naturæ testimonio, non semper sunt demonstrabilia ab intrinseco, defectu mediæ, quia illo carent, vel licet habeant, illud tamen nos later, hinc est difficultas, an hæc de immortalitate animæ veritas possit insuper naturali ratione demonstrari. Aliqui enim, etiam Doctores Catholici, ut Scotus in 4. sent. dist. 43. qu. 2. & Caietanus in exposit. super cap. 3. *Ecclesiastici* id negant. Alii verò affirmant, imò præfatos autores, eorumque sequaces tanquam parum in hoc prudentes, ac de Christiana Religione, totaque Theologia haud bene meritos reprehendunt, quod dum animæ humanæ immortalitatem nulla ratione certa probati, sed sola fide Divina credi posse contendunt, non animadvertunt, seipsam Christianorum de tali veritate fidem labefactare, cum ista fides vix ulla esse possit, aut certe hominibus persuaderi, nisi illa eadem animæ immortalitas, tanquam certa per modum præambuli supponatur, sicut nec possumus divine auctoritati credere, fidemque adhibere, quin prius jam certi simus, Deum esse, qui nec falli queat, nec fallere, quique rem illam, cujus fidem sua auctoritate à me exigit, revelaverit, credendamque proposuerit. Ac quæ Platonem quidem impulerint, docet Marsilius Ficinus in *Theologia Platonica de immortalitate animæ, quam libris duodeviginti ad Laurentium Medicem perscripsit.* Præcipua tamen ante complexus fuit Alcinoüs de doctrina Platonica cap. 25. Sunt alia aliis magis verisimilia. Inviçtum illud immortalitatis argumentum, quod anima sit per se mobilis. Putidum autem, falsumque, quod scire nostrum nihil aliud sit quàm reminisci, eoque necesse sit, fuisse animas, priusquam in corpore immittantur.

Primum autem Providentiæ dabo Divinæ, cui repugnat, ut in hac vita bonis male, malis bene sit, nec post hanc vitam vita sit altera, ubi proborum animæ consequantur mercedem, improborum illæ iustas luant pœnas. Robur hujus argumenti attendit Dionysius Halicarnassensis *Antiquit. Roman. lib. 8.*

Alterum argumentum est, quod anima naturæ sit spiritualis, in qua nulla est pugna primarum qualitatum, cujusmodi pugna corruptionis est causa. Nec obstat, quod Stoici per Spiritum intellexerint corpus igneæ naturæ. Nam iis Deus quoque est corpus spirituale, ac igneum, idque propriè, non per translationem, quomodo Prudentius Cathemer. 10. ait. *Domus ignee fons animarum,* quod propriè aliquis è porticu acciperet. Nec magis mover, quod multi, etiam è veteribus Theologis nostris disertim animas dicunt corporeas, ut Faustus de creat. lib. 2. Paschasius Diaconus lib. 2. de Spiritu Sancto. Imo omnes illi, qui Angelos corporeos statuerunt. Quippe hi, ut vidimus, solum corporeas credunt, comparatione Dei, ut & Sixto Sententi monitum lib. 6. annot. 36.

Et sane non esse animas ex elementis, quod Alexander Aphrodisæus existimabat, ex mirandis ejus effectibus relucet. Longe enim illa excedunt omnem elementorum vim, ut quod ea intelligit præsentia, præscit futura, liberè eligit, aut respuit, ingenito appetitu semper scire desiderat, scientiaque illa perfici se sentit, se se etiam momento omnia circumfert, imo nullo terrarum spatio, nec cælis ipsis circumferibitur, ea ipsa excedens ad universi, sui que auctorem ascendit.

Sed imprimis magnum habet pondus ratio, quam è Platone, & Aristotele antea attigimus. Tanti verò est, ut nunc aliquantum ei, ut recepimus, immoremur. Si anima ejusmodi est corporis humani forma, ut per se, sine corpore, possit operari, habebit in se se principium agendi. At omnis agendi vis fluit ex vi, qua res est. Habebit igitur & in se principium, quo sit, ac proinde principium illud habebit, licet à corpore separetur. Unde consequitur duplicis animam esse naturæ, ut actus est corporis, & ut substantia est separabilis. Priori modo considerata exercet actus corporales per corpus. Posteriori modo circa corporis organum munia obit spiritualia, estque separabilis, ac sempiterna. Quod autem separata non operetur actus corporales, defectu non animæ sit, sed organi, ut similis sit fabro, qui caret malleo. Interim eos exerit actus, ad quos non opus est corporis instrumentum.

Vim argumenti hujus etiam vident, qui animam negant superesse corporibus; sed non hoc admittunt nobiscum, animam ejus esse naturæ, ut agere possit sine corpore. Volunt enim, nihil esse in intellectu, quod non prius fuerit in sensu, inque formandis conceptibus opus esse phantasmatis, tum in speciebus recipiendis, tum in harum usu. Sed neque nos negamus, animam sensibilia omnia materialiter, ac cum phantasmate apprehendere; sed contendimus, dijudicare ea immaterialiter. Quippe quæ sæpe statuat contra iudicium ejus, quod sensui apparet. Ut cum ratio, sive intellectus discernit, stellam esse multis partibus majorem Orbe terrarum. Item cum discernit immaterialia à materialibus, inque iis ipsis, quæ materiem habent secernit colorem, figuram, ac similes rei corporalis ac sensibilis affectiones. Nec in solo hæc intellectu apparet, sed etiam in voluntate, ut cum ea voluptates ac sensibus grata repudiat, contraque eligit iis ingrata, adversaque, quale est cum exquisitissimis deliciis cilicium præfert, ac jejunium.

Idem aliter quoque evincitur. Nam si intellectus solum considerat sensibilia, & caduca, unde in nobis cogitatio de divinis, ac Spiritualibus? Unde eorum amor, ac desiderium? Si enim omnes nati essent cæci, vel surdi, quis cogitaret de coloribus, aut sonis? Nunc nulla re magis oblectatur animus humanus, quàm speculando Deum, tanquam rem optimam, & pulcherrimam, item Intelligentias, sive Angelos. De immortalitate etiam sui disquirat, hanc sperat, optatque, imo in optimis, ac sapientissimis quibusque pro indubia habet. Quid igitur apertius, quàm esse in nobis principium spirituale



spirituale, ac sempiternum, unde actus isti promanent?

Atque hæc etiam assequuti sunt Gentiles, longe verò ea certius prospiciunt, qui Deum colunt Israelitis, Christoque nomen dederunt. Nobis quoque in hac etiam vita esse actus intellectus, qui à sensibus non dependant, liquet ex revelationibus illis, quæ intellectuales dicuntur. Explicant hanc rem Tostatus cum alibi, tum *lib. 1. five 3. Reg. cap. 9. q. 2.* ubi quadruplicem Dei apparitionem declarat. Primus est, cum Deus, sive Angelus ejus videtur in figura adsumpta, quomodo apparuit Gedeoni *Jud. 6.* Item Manue, & uxori ejus, *Jud. 13.* Alter est, cum non videtur, sed solum auditur, quo pacto Deus solum auditus Israelitis, cum legem daret, ut est *Exod. 20. Deuter. 5.* Item cum Mosis loqueretur de Propitiatorio, ut est *Num. 7.* cumque ter vocaret Samuel, is vero ab Heli se vocari arbitraretur, de quo *1. five 3. Reg. cap. 3.* Tertius modus est, quando visus quidem & auditus excluduntur, at non interior imaginationis sensus, velut cum vigilantium phantasiæ se insinuat per simulachra, vel etiam idem facit somno oppressis; unde *num. 12. 6.* *Si quis est Propheta Domini inter vos, aut visione apparebo ei, aut per somnium loquar ad eum.* Atque huc referuntur apparitiones, quæ noctu factæ dicuntur, ut Abimalecho Regi Gerar, *Genes. 20.* Jacob in Aegyptum eunti, *Genes. 46.* Danieli, *Dan. 7.* Quartus verò solus est hujus loci, cum non exterior modò, sed interior etiam sensus excluditur, Deo elevante intellectum ad ea cognoscenda, quæ aliter nequeat intelligere. Quod cum sit, partim species, quas Deus invenit in intellectu, nova luce afficit, inque sublimiorem statum effert, partim, quas non invenit, creat, & infundit.

Atque is quartus modus Tostato est duplex. Unus citra extasim, sive raptum, alter cum extasi. In priori homines vivere apertum est, imò & exterius videre, & audire; interim ad ea, quæ interiorius revelantur à Deo, non indigent corporis subsidio, quia Deus solum occupet intellectum. Contra quàm sit in communi ratione intelligendi, ubi primum res incurrit in sensus, hinc species transmittitur ad phantasiam, tum dirigitur ad intellectum agentem, qui abstrahit à conditionibus materiæ, atque intelligibiles efformat species, quas ubi sic præparavit, intellectui possibili offert, ut qui intellectus erat potentia, fiat intellectus actu. At in revelatione Dei intellectu non sunt hi gradus, sed Deus primò se insinuat in intellectum, qui citra sensuum auxilium loquentem audit, sive intelligit Deum.

Talis est revelatio intellectualis citra extasim. In ea verò quæ est cum extasi, minus etiam sensuum ullum est ministerium. Siquidem intellectus sibi relinquitur, nec sensibus vel externis, vel internis magis juvatur, quàm si extra corpus foret. Solus animus hoc præstat, ut tum vitam conservet, tum divina revelatione se occupet, à cæteris verò occupationibus vacet. Unde est, quod Apostolus *2. Corinth. cap. 12. v. 2. 3. 4.* ad tertium raptus cælum, nescierit, utrum in corpore, an extra corpus, raptus foret in paradisum. Interea, ne miracula frustra multiplicentur, aliquantò, ut arbitror, verisimilius est, animam non excessisse è corpore, sed solum virtute divina ad contemplanda cælestia fuisse elevatam. Sed, ut ea in corpore remanserit, non tamen per sensus corporeos, & phantasmata vidit, quæ divinitus offerebantur; alioqui, se esse in corpore, Apostolus scivisset. Atque sufficiant ad probandum, posse animam sine corporis instrumento intelligere ac velle. Aliquando ulterius proventus sum ad extasim Sanctorum, sed ut eam nescierint Gentiles, scivere actus alios antea memoratos, qui cum corpore non communicent. Atque id præter consensum Gentium, abunde erat, ut viderent, verissimam esse traditionem de animæ immortalitate.

Quare, ut lumine naturali eo usque non pertingere-

Tom. 1.

mus, constaret tamen hoc traditione, quam in Genibus, etiam Barbaris, Divina providentia conservavit. Jam quanti illud, quod natura animæ sit hujusmodi, ut à nulla re creata dependeat, sed à solo Conditor, quem extinguere eam velle, credibile non est, præsertim cum magis ejus bonitati conveniens sit, ut hanc velit similem sibi reddere quatenus naturæ illius conditio id ferat. Et sane in animæ similitudine cum Deo, ad quam immortalitas etiam pertinet, jam olim felicitatem hominis posuere Plato, & Pythagorici.

Nihil verò attinet alia etiam repetere, quæ de immortalitate animæ, An sit de fide, ac de pœnis in eam negantes diximus *tom. 8.* Dignitas hujus argumenti, & dogmatis necessitas, præsertim impiis hæc temporibus, fecit, ut & ista adderemus. Etenim abique immortalitatis animæ persuasionem censuerunt non solum sancti Patres, sed etiam qui apud Gentiles habiti sunt Sapientes, Poetæ, ac Philosophi omnem Religionis cogitationem, curamque inanem esse. Pro omnibus sufficiat Augustinus *lib. de util. cred. cap. 7.* *Nemo, inquit, dubitat eum, qui veram Religionem requirit, aut jam credere immortalem esse animam, cui profit illa Religio, aut etiam id ipsum in eadem Religione velut invenire. Anima igitur causa omnis Religio; nam corporis natura quomodo se habeat, nullam curam, ac sollicitudinem incutit ei, præsertim post mortem, cujus anima tenuerit, quo beata sit. Anima igitur causa vel solius, vel maxime vera, si qua est Religio constituta est.* Et *cap. 13.* non minus hanc de immortalitate animæ, quàm de existentia Dei suppositionem ad veram Religionem querendam, & amplectendam docet. Quid enim homini cum vera Religione, si mortalem habeat animam, indeque sit incapax aut bonorum, quæ illius cultoribus, aut malorum, quæ illius contemptoribus post hanc vitam in æternum obvenire possent?

Quæ utrobique diximus multum & lucis, ac roboris capient, si adeatur è Gentium scriptoribus Marcus Tullius extremo *Catone suo, sive de Senectute*, item Proclus in *Alcibiadem*. Ex Christianis autem consulatur Gregorius Nyssenus de *anima & resurrectione*, Augustinus *libro, quem de immortalitate animæ inscripsit*, & Anaxas Gazæus in *Theophrasto libro ejusdem argumenti*. Habes & eodem pertinentia apud antiquiorem eo Claudianum Mamertum Viennensem *libris tribus quos de statu animæ adversus aequalis sui Faustum, ejus, qui Massiliensibus seu Semipelagianis favit, de creaturis libellum ad Sollium Apollinarem reliquit*. E junioribus seorsum hoc argumentum tractarunt Nicolaus Leonicus Thomæus, Ludovicus Vives, *carmine* item Aonius Palearius, Benedictus Pererius *lib. 6. de rer. natur. princip. cap. 18.* ut de Gregorio Valentia *cit. tom. 1. disp. 6. quæst. 2. pun. 2.* taceam, & tot aliis, qui superiori vel seculo hoc scripsere in partem primam D. Thomæ.

Ab immortalitate animæ venio ad ejus Cultum, qui septimum obtinet locum in decem Idololatriæ honoris generibus, ab Isaaco Abravanel recensitis. Triplex verò de hoc cultu opinio est. Nam, si exceperis, qui solum Israelis Deum colerent, cæteri vel adorabant naturales Deos, non animales; vel animales, non naturales; vel in unum conflabant cultum utrumque. Naturales autem appello, quando vel tota rerum natura, vel ejus pars, aut affectio invocatur; cujusmodi Dii sunt, Mundus, Æther, Sol, Aër, Aqua, Tellus, Amor, & similes. Animales nuncupo animas à corpore solutas, uti illas Herculis Thebani, Castoris, Romuli, Julii Cæsaris, atque alias.

Primi generis cultus erat Persis, saltem antiquissimis, quos Naturam quidem, ejusque partes, non tamen defunctos, adorasse, cognoscimus ex illis Herodoti verbis in primo, non uti Græci, Deos censent ex homini-

G 2

homini-



*hominibus esse orcos. De Afris idem in 4. Sacrificant solis Soli & Luna.*

E contra solas defunctorum animas Augilæ agnoscant, gens Africæ inter Garamantas, & Troglodytas, de qua sic Pomponius Mela lib. 1. cap. 8. *Augilæ Manes tantum Deos putant, per eos dejerant, eos ut oracula, consulunt, precatique, quæ volunt, ubi tumulis incubuere, pro responsis ferunt somnia.* Eumque sequutus Plinius lib. 5. hist. natur. cap. 8. *Augilæ inferos tantum colunt.* Ubi per *inferos* intellige, quos *Manes* dixerat Mela, eum enim expressit. *Inferi* autem dicti, ut Græcis, *Dii infernales.* Itaque Superis opposuit Maro in 12.

*Vos ô mihi Manes*

*Estes boni, quoniam Superis aversa voluntas.*

Atque uti Plinius Melam, ita is sequutus Herodotum, sed non sine errore. Nam quod Mela de Augilis, id Herodotus dixerat, de Nasamonibus, Africæ item populo, qui tamen distinxerat inter eos, qui virtutis exemplum, & illos, qui generis origo forent. Quippe per eos ait, jurare solitos, qui fortitudine, ac iustitia excelluissent, atque id tumulos eorum contingendo; at majorum eos sepulchris incubuisse, somnia habentes pro Numinis responso. Audiamus & in hoc Tertullianum de anima cap. 57. *Nam & Nasamonas propria oracula apud parentum sepulchra mansuetando captare, ut Heracledes scribit, vel Nimphorus, vel Herodotus.* Hæc de iis, qui solos colerent Manes.

Sed, si paucas exceperis gentes, quæcumque animas colerent, hæc fere & naturæ cultum conjungere. Unde eorum Theologia erat bipartita; quippe omnia eorum sacra partim Naturæ mysteriis, partim historiæ veteri innitebantur. Neque enim credendum est, ut recte Arnobius ait in 5. *sine suis originibus hæc esse frustra, atque omnia fieri, nec habere conjunctas primis institutionibus causas.* Eas causas exponit Origenes lib. 8. contra Celsum, inquiens: *Festa deprehenduntur esse figmenta ad humanam historiæ memoriæ ab Legislatoribus inducenda, vel ut naturam aquæ, terræ, vel ejus fructuum, regimento quodam involutam continerent.*

Hic autem Cultus animarum unde originem traxerit, ostendit liber Sapientiæ, Salomoni à multis, etiam veterum, attributus, ab aliis alteri, & ut credibile, Philoni, non illi, qui Claudii vixit ætate, & Moses Atticizans dictus fuit, sed longe vetustiori, qui sub Onia Sacerdote, annis ante Christum 160. tot pulchras sententias vel scripserit, vel congesserit. Locus est cap. 16. ubi clare videas, initia ab iis arcessi, qui cultum hunc induxerint solatii, & memoriæ causa. Eamque originem adfert quoque Minutius Felix in Octavio: *Dum Reges suos colunt religiosè, dum defunctos eos desiderant in imaginibus videre, dum gestiunt eorum memorias in statuis detinere, sacra facta sunt, quæ fuerant assumpta solatia.* Etiam judicatum, facere hoc ad virtutem in viventibus magis excitandam. Quam rationem adfert Tullius libro tertio de natur. Deor. Ex solatiis vero ac memoriis tum facta sunt sacra, quando additus est dies festus, populoque persuasum, animam defuncti sacris interesse. Sed hoc arcanum erat Sacerdotum, & Sapientum, quod detegere vulgo nefarium fuisset. Unde Cyprianus tractatu, *Quod Idola non sunt: Hoc ita esse Alexander Magnus insigni volumine ad matrem suam scribit, metu suæ potestatis, proditum sibi de diis hominibus à Sacerdote secretum, quod Majorum, & Regum memoria servata sit, inde colendi, & sacrificandi ritus inoleverit.* Nempe hujusmodi Sacrorum originem callide dissimulabant Sacerdotes apud vulgus. Unde Varro in rerum Romanarum libris, ut testis nobis B. Augustinus de civit. lib. 18. cap. 5. Quoniam verò in omnibus templis, ubi colebatur Isis, & Serapis, erat etiam simulachrum, quod digito labiis impresso admonere vide-

batur, ut silentia fierent, hoc significant; ut homines eos fuisse, taceretur. Est vero is cultus duum generum; quia animarum aliæ privata colebantur auctoritate, aliæ publica, ut quæ regia, vel optima-tium, aut populi auctoritate in Deos relatæ forent. Priori modo venerabantur Lares, de quibus nos alibi, & Apuleius lib. de Deo Socratis, ubi quadruplicem leges appellationem, Lemurum, Larium, Larvarum, & Manium. *Lemures* sine dubio vox Thusca, non à Remo, quod Ovidius putabat. *Fast.* 5. Item *Laris* vox à Thuscis, quibus sic dicitur præses, unde iisdem *Lars*, populi Princeps, apud Livium, & Auforium, ut dicti sint Lares, quia domus, sive familiæ sint præfides. Mater eorum Lara, vel etiam Larunda, ut testis Lætantius lib. 1. cap. 20. Glossa Philox. *Larunda*, *Larva* ejusdem originis. Ac licet Lemurem laxius patere dicat Apulejus, tamen magis placet sententia eorum, quos sequutus Augustinus lib. 9. de civit. cap. 11. ubi *Larvas, & Lemures* eisdem dicit. *Manes*, boni ominis causa juxta linguam veterem, vocari quasi boni. Nam *Manis*, & *Manus*, idem ac bonus, teste Servio in 3. *Ænead.* *Mania* similiter Manium mater, aviave, ut dicere est ex Festo, & Macrobio lib. 1. *Saturn.* cap. 7. nempe à Manibus *Mania* dicebatur, ut à Laribus Lara, & Larunda.

Sacris quibusdam opus fuisse, ut animæ fierent Dii, indicant Servii ista ad 3. *Ænead.* *Labeo in libris, qui appellantur de Diis quibus origo animalis est, ait, esse quadam sacra, quibus anima humana vertantur in Deos, qui appellantur animales, quod de animis fiant.* Hi autem sunt *Dii Penates, & viales.* Ubi *Dii Penates*, & *viales* non alii, quam Lares. Itaque in Philoxeni quidem glossis utrumque legas, Lares familiares, ac postea *Penates Dii*, familiares. Colebantur Lares feriis *Denicalibus*, quæ privatæ erant, ut rectè docet Festus. *Privata*, inquit, *feria vocantur sacrorum propriorum, velut dies natales, operationis, denicales.* Meminit & eorum Columella lib. 2. cap. 22. Plane autem confundi solent, præeunte etiam Festo cum novendiali Sacrificio, & exverris, quorum illud sic dicebatur, quia fieret nono die à morte, quo parentatio, sive funerationis sollempnia concludebantur. His vero nomen inde, quod certo scoparum genere, domus, unde mortuus erat elatus, ab everriatore purgaretur. Hæc nonnisi semel fiebant, quia semel duntaxat homo mortem obiret. At denicales fiebant quotannis, unde & *feria* dictæ, de quibus Cicero in 2. de legibus.

Nec Denicalibus solum, sed quotidie suis Laribus honos præstatur domi. Quod quomodo fecerint, quis melius dixerit, quam Lar ipse familiaris apud Plautum Aulularia? Ubi de corona Laribus dicata, uti quoque ex Catone de re rustica cap. 143. Plinio lib. 21. cap. 3. & Festo in *Donatica*. Talis erat cultus, qui Laribus privatim quotidie fiebat. Sed quia in salute familiarium salus consistit publica, eo & quotannis 4. Non. Febr. in compitis, unde Compitalibus nomen, Laribus publicum fiebat sacrum porcæ, velut hostiâ lustrali. Utrumque Larium cultum, & illum domesticum in foco & hunc Compitalitium junxit M. Cato de re rust. cap. 5. quod est de villici officio: *Rem divinam, nisi compitalibus in compito, aut in foco, ne faciat.* Ab hoc cultu haberi ceperunt compitorum, & viarum Dii, quod & Arnobius docet lib. 3. Indeque *Viales* vocati, ut ex Plauto, & Servio antea diximus. Denique latius etiam extensa eorum potestas. Nam in singulis sui familiis custodes, jure existimatum, junctim Urbi præsidere. Quod clare tribuit Ovid. 5. *fast.* Hinc Propertius quoque lib. 3. *eleg.* 2. ait eos Annibalem fugasse ab Urbe. Imo Festus scribit: *Hostiliis Laribus immolatum quod ab his hostes arceri putarent.*

Ab animabus, quas publica non consecravit auctoritas ad eas venio, quas princeps potestas cælo locavit, sive



sive quia nobili reperto profuissent generi humano, sive quoniam gentis, vel urbis forent conditores, sive quia bello rem præclare gessissent, ut ex Tullio, *lib. 1. de nat. Deor.* Hi Latinis dicebantur *Dii Indigetes*, ab honore eo, quod publice invocarentur, unde & Festus, *indigitatio* exponit *imprecanto*. Fortasse autem iidem sunt, quos *genitales* vocat Ennius *lib. 1. vel 2. annal.*

Primus, quem Indigetes nomen sortitum inveniamus, est Aeneas, cui sacellum exstructum cum ejusmodi inscriptione: *Patri Deo Indigiti, qui Numici annis undas temperat.* Autor Dionysius *in primo*, & Livius *lib. 1.* & meminere Ovidius *14. Metaph.* & Tibullius *lib. 2. eleg. 6.* Fuere tamen Latinis & alii Indigetes, iique Aeneas antiquiores, quales, si unum exceperis Quirinum, omnes illi à Tullio memorati *in 2. de Legib.* his verbis: *Colunt & illos, quos in cælum merita vocarunt, Herculem, Liberum, Æsculapium, Castorem, Pollucem, Quirinum.* Ex sex istis antiquissimus est Liber, cujus sacrum Liberalia 16. Kal. Aprilis, dies primâ sui parte nefastus, ut constat ex Calendario Romano. Quo die per totum oppidum sedebant, hoc est feriabantur Liberi Sacerdotes, ut ait Varro *in 5. de legib.* Eoque die & pueritiam egressi virilem togam inducebant cujus causam exponit Ovidius *in Fastis.*

Herculi varia Romæ templa. Duo Herculis Victoris, unum in foro boario, alterum ad portam Trigeminam. Erat & Herculis Cubantis, & aliud Defensoris, utrumque in regione decimaquarta. Alibi item Magni, & Musagetæ, & Triumphalis. Primus Evander aram maximam Herculi statuit prope forum boarium, teste Dionysio *lib. 1. antiquit.* Eo, ut sanctius haberetur jusjurandum, conferre se soliti. Decimas quandoque etiam hic Herculi vovebant, de quibus Diodorus Siculus.

Tertio loco à Tullio refertur Æsculapius Messenius, Epidauri incola, qui à Chirone Centauro medicinam, & venandi artem didicit, ut ex Tarquitii viris illustribus retulit Lactantius *lib. 1. cap. 10.* Hic Epidauro ad pestem sedandam translatus, extra urbem in insula Tiberina sanum accepit.

Sequuntur inde Castor, & Pollux, sive Dioscori, Herculis æquales, quibus A. Postumius Dictator bello Latino anno Urbis 257. ædem vovit, & extruxit, quam postea restituit L. Metellus. Creditur, hos fuisse illos juvenes duos, quos Dionysius Halicarnacensis se Romæ ait, in templo humili, & obscuro vidisse hastatos, habitu sedentium, operis admodum antiqui cum hac inscriptione, *Denates.* Ita enim legit Dionysius. Hos enim coluere Romani, & potuere eos credere Urbis custodes propter operam nobilem, quam bello navasse Latino dicebantur.

Postreum Quirino locum dedit Tullius, temporis in eo rationem sequutus. Tatiæ Rex Sabinus, si victoria de Romanis potiretur, votum suis voverat Diis, in quibus & Quirinus, sic dictus à Curibus, Sabino Oppido, unde Cives ejus oppidi Curites, sive Quirites. Victa Urbe, vel saltem peius constituta, quam quod dicitur inter facrum & saxum, sic interveni raptarum est transactum, ut ex Sabinis, & Romanis unus fieret populus, ac proinde paribus auspiciis Romulus, & Tatiæ imperarent. Permissis ita Romanis, & Sabinis, Romani etiam Quirites dici cœpere. Mortuo Romulo, inque Deos relato prævalentibus Sabinis, id nomen ei datum, quod Curibus habuerat Deus tutelar, indeque & ipse *Curinus* vocatus.

Fuere & Romanis Deæ indigites, quales Carmenta, & Acca Larentia, sed illa à majoribus accepta, hæc Diis majorum superaddita. Prior cognomento à carmine, quo futura populo præcineret, ut est apud Ovidium *in Fastis.* Autor est Dionysius, aram ei dicatam apud portam Carmentalem sub Capitolio. Templum etiam habuit in octava regione. Quod qua occasione positum sit à mulieribus Romanis optime Plutarchus dicit in quaestionibus Romanis. De Acca Larentia vide Tullium ad Brutum *Epist. 15.* qui locus lucem capit ex A. Gellii verbis *lib. 6. cap. 7.* Plinii *lib. 18. cap. 2.* Macrobbii *sar. lib. 1. c. 10.* & Lactantii *lib. 1. cap. 20.* Anna Perenna, inter Deas indi-

Tom. I.

gites quoque locum habuit, & Bona etiam Dea culta à Romanis Kalendis Maii, aliæque.

Sub Regibus verò hominem neminem cælesti donatum honore, præter unum Imperii conditorem Romulum, atque longe tamen inferiori gradu nutricem ejus Accam Larentiam. Interea agnoscimus, heroes suos magnis dignatos honoribus, at non divinis. Quæ distinxere etiam Græci. Sed apud hos ferè usu veniebat, ut qui prius heroicis essent honoribus affecti iidem postea præstarentur divini. Quod & Lampfacæ contigit ex Plutarcho in præclaris mulierum factis his verbis: *Cum Lampfacæ prius heroicos tribuissent honores, postea, ut ei, velut numini, sacrificaretur, decretum.* Ex quib. habemus, sacrificium non fuisse in honoribus heroicis, sed divinis. In heroicis autem Græcis, Romanisque erat, si statuis donarentur, particulatim autem apud Romanos, si effigies ferretur in pompa Circensi, item nomen referretur in hymnos saliares, qui honos etiam contigit Marturio Veturio, & Lucie Volumniæ, teste Varrone, de illo *in 5. de hac in 8. Lingua Latina.* Similiter erant apud Athenienses nomina si Minervæ intexerentur peplo; unde viros præstantes dixere *peplo dignos*, ut videre est ex Aristophanii Equitibus.

Atque hæc de temporibus iis, quæ fuere stante Republica. Primus Cæsarum consecratus Julius, idque ab Augusto, de quo Suetonius *in Julio c. 88.* Hinc in Juliani Cæsaribus Augustum Silenus vocat, *puparum effectorem*, rationemque eo hujus ridiculi nominis poscente, respondet, uti homulli illi faciunt pupas, sic ipsum fecisse Deos, quorum unus, primusque esset Julius Cæsar. De ipso Augusto sic Tacitus *annal. 1. Sepultura more perfecta, templum & cælestes honores decernuntur.* Quemadmodum vero de Romulo Julius Proculus testatus fuit, ita de Augusto Numerius Atticus, se vidisse in Cælum euntem, eoque nomine à Livia decies sestertium accepit, ut est apud Dionem *lib. 56.* Post eum & consecrati alii. De iis & pariter Augusto sic Plinius in panegyrico: *Dicavit Cælo Tiberius Augustum, sed ut majestatis numen induceret. Claudium Nero, sed ut irrideret. Vespasianum Titus, Titum Domitianus, sed ille, ut Dei filius, hic frater, ut videretur. In sideribus patrem, Nervam, intulisti.* Similiter de Antonino Pio Julius Capitolinus: *Cum jucunditate à Senatu, Divus appellatus est, tunc ceteris admittentibus.* Item de M. Antonino Philosopho, ac de Ælio Helvio Pertinace:

Quibus verò ritibus Deorum ordinibus inferere Cæsares soleant ex parte dicit Dio in consecratione Augusti *lib. 56.* Sed accurate imprimis, atque eleganter rem omnem describit Herodianus *lib. 4.* Verba ejus exscribere tam multi, ut nihil attingat hoc loco reponere. Quod verò miremur in numismate veteri habemus & consecrationem Constantini Magni, licet Christiani. In eo anima ejus linteo velata, cætero nuda, in cælum vehitur quadrigis, brachioque exerto excipitur à brachio altero cælitus porrecto. Subscriptum verò, *Cons. hoc est, Consecratio.* Sed hæc Christiano sensu accipere malo, non de immortalitate in terris à mortalibus collata, sed de cælorum gloria donata divinitus.

Nec solum Cæsares divinos obtinere honores, sed etiam Augustæ. Ita Livia, conjux Augusti Cæsaris, cui filius Tiberius non decreverat religionem cælestem, eam à Claudio est consecrata; in cujus vita sic Tranquillus *cap. 11. Avia Livia divinos honores, & Circensi pompa currum elephantorum Augustino similem decernendum curavit,* pleniusque de eo Dio *lib. 60.* Consecrata autem habitu Junonis, ut in ea Juno coleretur. De Faustina, Antonini Philosophi uxore sic Capitolinus: *Divam etiam Faustina à Senatu appellatam, gratulatus est.* Caius Caligula sororem suam Drusillam è domo Augusta, Urbem per omnes divinis coli honoribus jussit, de quo Dio *in 59.* Etiam mares, qui non Augusti, ex Augusta tamen domo forent, relari in Divos. Notum de Geta, Severi Cæsaris filio, illud fratris Bassiani Carallæ: *Sit Divus, dum-*

G 3 modò



*modo non sit vivus.* Imo Hadrianus Imperator sordidis, & insipidis deliciis suis Antinoo Bithyno, submerso in Nilo, non dubitavit, velut certissimo Numini, cœlestes tribuere honores, oraculo etiam constituto. Qua de re Dion, & Spartianus, ex nostris etiam Tertullianus in 1. *adversus Marcionem*, Origenes, Eusebius, Athanasius, & tot alii.

Atque hæc etiam lucem afferent cultui defunctorum apud Græcos, de quo tam multa adversus Gentiles differunt nostri, quibus clare ostendunt, ut Romana, sic Græca numina homines fuisse in cœlum ob merita relictos. Ita Tertullianus *adversus Gent.* cap. 9. & 11. Minucius in *Octavio*, Lactantius *lib. 1. cap. 8.* Athanasius *adversus Gent.* Theodoretus *ser. 6.* Cyprianus, Arnobius, Prudentius, Augustinus, alique multi. Lege sis Maximum Tyrium *dissert. 38.* Tullium *lib. 1. de nat. Deor. & speciatim lib. 3.* Mitto Laconum heroas, Deos Arcadam, Elienium Argivorum, Acarnaniorum. Mitto etiam Deos ac Deas Consentes, ac Selectos, Genios, animales Deos Phœnicum, Syrorum, Arabum, Ægyptiorum, Catabathmorum, Æthyopum, Maurorum, Celtarum, Scytharum, atque Indorum, Gallorum, de quorum Diis non est, quod magnopere laboremus, si nulla iis religio erat, ut sensisse videtur Tullius in *reliquiis orationis pro M. Fonteio*, ubi Gallos, ait, *ab religione remotos.* Ac postea his eos exagitat verbis: *An verò istas nationes religione iurjurandi, ac metu Deorum immortalium in testimoniis dicendis commoveri arbitramini? Quæ tantum à cæterarum gentium more ac natura dissentiant, quod cætera pro religionibus suis bella suscipiunt, ista contra omnium religiones. Illæ in bellis gerendis à Diis immortalibus pacem, ac veniam petunt, ista cum ipsis Diis immortalibus bella gesserunt.* Obijcit deinde, quod templum Apollinis Delphici spoliarent, & Jovem Capitolinum obsederint, quod etiam homines sacrificent vivos. Sed sic cum scribit Tullius, causæ suæ inservit, ad elevandam Gallorum fidem, qui contra M. Fonteium testimonium dicebant. Tullio igitur Tullium opponimus, qui in *lib. 1. de divinat.* scribit de Deiotaro, Gallorum in Asia Rege, *nihil unquam, nisi auspicio egisse.* Ac ne à Græcis illud hausisse existimes, Justinus ex Trogo ait *lib. 24.* *Augurandi studio Galli præter cæteros callent, sive clarent.* Nempe non ista, quæ Tullius adducit, ostendunt, nullum Gallis fuisse Deorum metum, sed potius magnum, quippe qui ad pacem Deorum impetrandam nec sanguini parcerent humano. Sic cultum illum impium interpretatus est Julius Cæsar, cui omnium optime perspecti erant mores Gallorum. Verba ejus leguntur *lib. 6. de bello Gallico*, suntq; ista: *Natio est Gallorum omnium admodum dedita religionibus, atque ob eam causam, qui sunt affecti gravioribus morbis, quique in præliis, periculisque versantur, aut pro victis, homines immolant, aut se immolatuos vovent, administrisq; ad ea sacrificia Druidibus utuntur, quod pro vita hominis, nisi vita hominis reddatur, non posse Deorum immortalium numen placari, arbitrantur.*

Mirum verò sic in Gallis exagitati hominum immolationem à Tullio, quæ à Cananæis, & Phœnicibus cæpta, Græciam, Africam, ac totum pene terrarum Orbem fuerit pervagata. Quam rem fuse tractat Porphyrius in 2. *de abst. ab animal.* è nostris item Clemens Alexandrinus *adhort. ad Gent.* & ex his, atque aliis Eusebius *lib. 4. præpar. Evangel. c. 16.* Unde Plinius *lib. 30. cap. 1.* *Ista toto mundo consensere, quanquam discordi, & sibi ignoto.* Mitto etiam Deos Britannos, Germanos, Sarmatas, Dacos, Getas, Thraces, Italos, præsertim Latinos. Mitto causas, quæ moverint Gentiles, ut Solem pro Deo colerent, quam vetustus Solis sit cultus, etiam apud Judæos, Phœnices, Syros, Assyrios, & Babylonios. Mitto alia ejus generis, quæ adscribere piget, quæque apud alios leguntur. De cultu autem, ac veneratione animarum, sive Sanctorum apud Christianos alibi fuse diximus.

Et sanè ita succrevit hæc Deorum seges, tam libenter homines retro seculorum Deos audiverunt, ut eos pro

acceptis beneficiis numerarent, ad speciem grati, cerò autem injurii, & sacrilegio religiosi. Nempe tam pugnat rationi multus numero Deus, quam nullus. Ille aut unus est, aut deest, & ut sit, est solus. Illa numerum facere, possunt, quorum singula Naturam non exhauriunt, cum quidquam totam ipsam æquavit, frustra aliquid expectes, nisi idem repetatur. Et obsecro, quam ineptum est aliquid cum Deo dividere, & si quidpiam, an non maxime Deitatem? Quod quidem ratione omnes didicimus; sed nescio, quomodo magis experientia eorum docemur, qui aut conferre partiarum Deitatem voluerunt, aut admittere. Nam quid lubentius rideas, quam illos quadrantes, & trientes Deorum, quorum unus aquis, alter auræ sic imperent, ne quis quid alterius tangeret, nisi mulcta feriendus? Quàm insignia illa Insignia Deorum Vulcani malleus, Neptuni tridens, Minervæ colus, falx Saturni, ubi videas ex hac licentia augendæ Deitatis, rupto semel aggere, eoque increvissè numerum, decrevissè æstimationem Deorum, ut jam tandem Diis fabris, & sutoribus uteremur. Et hoc, quamquam maximum, sed vix aliquorum est in iis momentis, quæ stateram hanc cœcendæ Deitatis gravant. Qui mechanicum Deum noller, vellet fortem æchum. Videret impotentem animi, laxum, seditiosum, nec exemplum tantum, sed fomitem sceleribus præbere: Illud prostitulum Veneris, illam insaniam Martis, Mercurique fraudes, & alia sexcenta colluviem nebulonum, quorum apothefi factum est, ut homines jam denique vitia ipsa adorent. Et quæ obsecro amentia generis tunc non humani, cultores horum religiosi, imitatores sacrilegi erant, quod in divinis hostia colerent, ipsi mulcta & morte perolvebant.

Atque utinam hæc fabulæ essent, & in Helicone solo streperent ludibria poetarum, ac non magis historiam in se certam, illis invisam, nobis sacrosanctam implerent. Non audimus, non legimus Dagon Samuelis, Belum Danielis, Adonidem Hieremiæ, Belfegor in Numeris, Naneam in Machabæis, Mercurium in Salomone? Non Sephæ pavonem coluerunt, Hemathæi hircum, Sidonii ovem, Accaronitæ muscas, Palestini piscem, Cithæi gallinam, Ægyptii juvencam, Judæi virulum, Chaldæi ignem? Eat ergo quod meritum vocat vulgus Deorum, colluvies, fex, & verè turba, inventa à poetis, intrusa à tyrannis hallucinanti seculo, refraganti cœlo, monstra ab inferis ructata, ambitione puerpera, stulticia obstrice. Meum fuit imposturis fidem, larvam personis detrahere, ne posthac quispiam aut opprimeretur numero, aut alliceretur nomine, & currum triumphalem divini æternitatis, velut carpentum gloriæ unius Dei per cadavera perduellium Deorum agitare, ut eò magis credatur ille immobilis vitæ, quod videtur tot stragibus Idolorum superesse.

#### CONSULTATIO XXXIV.

*De Gravitate peccati Idololatria. An habeat semper annexum peccatum hæresis? De colente creaturam, ut Deum, credens illam non esse Deum; vel exterius eam, ut Deum colit, interius credit talem cultum ei non deberi. De causis excusantibus ab hoc peccato. De exhibente demoni obsequium profanum. De sacerdote offerente particulam non consecratam. De adorante demonem, putans esse Christum. Quæ pœna Idololatria, & à quo Iudice puniendus?*

**G**ravitas peccati bifariam potest attendi. Ex parte peccati, & ex parte peccantis, ut per D. Thomam 2. 2. q. 94. ar. 3. Ex parte peccati, Idololatria est omnium peccato-



peccatorum gravissimum. Quia sicut in humana Republica gravissimum delictum existimatur, quod aliquis honorem regum potius alteri exhibeat, quam vero Regi; nam quantum in se est, negat ipsi Regi singulari ejus Dominium, excellentiam, dignitatem, honorem, ac totum perturbat ordinem; ita inter maxima peccata, quæ contra Deum committuntur, omnium gravissimum est Idololatria. Quoniam dum quis honorem divinum creaturæ impendit, quantum est ex se, negat singulare principatum Deo vero, & facit aliam Deum in mundo, nempe Idolum. Ideo est crimen læsæ Majestatis divinæ gravissimum, sicut illud est gravissimum delictum læsæ Majestatis humanæ.

Insuper, ut ait Caietanus *ad cit. ar. 3.* includens majus est, quam inclusum; Peccatum autem Idololatriæ includit infidelitatem, dum negat singularem Dei excellentiam, quæ solus est Deus, & veram fidem opere impugnatur. Includit odium Dei, quia non tribueretur honor divinus creaturæ, nisi quodammodo odio haberetur Deus. Includit perniciosissimum, & maximum mendacium, dum insinuat, non esse Deum, qui Deus est, & esse Deum, qui Deus non est, sed creatura, & Idolum. Includit hæreticam blasphemiam, dum Deo subtrahit Dominii ac Divinitatis singularitatem. Et includit peccatum contra naturam. Quia non agnoscit suum Creatorem, nec in eo ponit spem suam, sed, ut ait Apostolus *ad Rom. 1.* Mutat gloriam incorruptilis Dei in similitudinem imaginis corruptibilis creaturæ.

Si verò attendatur gravitas peccati ex parte peccantis, nihil prohibet, quin aliquis peccator gravius peccet, quam Idololatra. Quia, ut docet idem D. Thomas, gravius est peccatum illius, qui scienter, quam qui ignoranter. Et ideo gravius peccant hæretici, qui scienter corrumpunt fidem, quam Idololatræ, qui peccant ignoranter. Similiter alia peccata possunt esse graviora propter contemptum peccantis. Sicque non solum apostasia à fide, sed desperatio, & odium Dei, quæ sunt peccata contra virtutes Theologicas Fidem, Spem, & Charitatem, graviora esse possunt, quam Idololatria, ut probant Suarez *tom. 1. de relig. lib. 2. de superst. cap. 6. num. 2.* Sanchez *lib. 2. in decal. cap. 37. num. 21.* Castropal. *p. 3. disp. 1. pun. 2. n. 2.* & Fagundez item in *decal. lib. 1. cap. 33. num. 4.*

Porro sicut Latría est duplex, interna, & externa, & interna consistit in confessione mentali, qua creatura rationalis se offert Deo ex affectu submissionis, ac reverentiæ, ac externa consistit in exhibitione signi externi, quo quis internam existimationem de Dei excellentia, & submissionis affectum Deo offert, atque ostendit, ex quo sequitur, quod Dei adoratio, & omnis actus latríæ principaliter consistat in mente, secundario in actione externa, ut tradit D. Thomas 2. 2. *q. 84. ar. 1. ad d. & ar. 2. & 5. in corp.* ac Suarez *tom. 1. p. 3. disp. 51. sect. 2.* Bellarm. *lib. 2. de cultu Sanct. cap. 12.*

Ita similiter Idololatria duplex est, interna una, externa altera. Interna quando quis interior credit, creaturam esse Deum, & ut Deum colit. Et hæc, quia est cum mentis errore, semper etiam est cum hæresi. Quia dum Idololatra adoratur, & credit, creaturam esse Deum, est manifeste Idololatra, & hæreticus. Idololatria autem externa potest contingere absque mentis errore, ut quando quis creaturam, ut Deum colit, sed scit, & credit, illam non esse Deum. Et hæc idololatria est absque hæresi. Ac ita D. Thomas *cit. q. 94. ar. 3. ad 5.* Valentia 2. 2. *disp. 6. q. 11. pun. 2. & 3.* Suarez *d. lib. 2. cap. 4. n. 13. & 14.* ac Delbene *de offic. S. Inquis. p. 2. dub. 220. sect. 2. num. 3.*

Quare proprie duplici modo hic cultus creaturæ tribui potest. Primo, quando ex infidelitate mentis procedit. Et est error circa Deorum multitudinem credendo in creatura divinitatem residere, ob quam divino honore digna sit. Hæc Idololatria est hæreticalis, sive mixta hæresi, vel cum hæresi. Secundo modo Idololatria potest esse sine propria mentis infidelitate, cum affectu ra-

men, & voluntate tribuendi creaturæ honorem Deo debitum. Ut si quis credens dæmonem non esse Deum, velit illi exhibere sacrificium, aut ejusmodi aliud animo ipsum honorandi, ut eum sibi propitium habeat. Hic cultus reddit operantem vehementer de hæresi suspectum. Ita ex Suarez *loc. cit. cap. 6.*

Qui autem creaturam, ut Deum colit, sed credit illam non esse Deum, peccat tam graviter, quam qui colit, & credit creaturam esse Deum. Quia licet hæc Idololatria non habeat annexam hæresim, habet tamen annexam culpam falsitatis, quæ æquivaleret infidelitati, ut per D. Thomam *ibid. ar. 2. in corp. cum Augustino*, ubi ait; si quis persecutionis tempore deprehensus, exterius Idola colat, & tamen fidem in mente servat, hoc apparet manifeste falsum. Nam cum exterior cultus sit signum cultus interioris, sicut est perniciosum mendacium, si quis verbis asserat contrarium ejus, quod per veram fidem tenet in corde, ita est perniciosa falsitas, si quis exteriorem cultum exhibeat alicui contra id, quod sentit in mente. Unde Augustinus *lib. de civit. cap. 10. contra Senecam* ait, quod eo damniabilius colebat Idola, quo illa, quæ mendaciter agebat, sic ageret, ut eum populus veraciter agere existimaret. Aitque ibidem Caietanus, si exterior tantum sit Idololatria absque interiori infidelitate, additur culpæ falsitatis, quasi culpa falsitatis æquetur infidelitati interiori.

Qui verò creaturam, ut Deum colit opere externo, sed interius credit ei talem cultum non deberi, in foro exteriori habetur, ut excommunicatus. Quia ejus actio præsumitur cum errore intellectus, & Ecclesia parit actus externos, non internos, de quibus constare non potest. In foro verò interiori non esse excommunicatum, docent Angel. *v. apostata qu. 1.* Tabiena *v. apostasia qu. 3.* Rosella *cod. v. n. 1.* Armilla *v. hæresis n. 4.* Simanch. *de casib. infor. tit. 17. n. 35.* Suarez *de relig. cit. lib. 2. cap. 6. num. 21. & 22.* Sanchez *lib. 2. in decal. cap. 37. n. 21.* aliique communiter. Nam pœna excommunicationis fertur contra hæreticos, & apostatas formales à fide, qualis non est, qui animo non consentit Idololatriæ, quamvis opere externo illam simulet. Unde ab hac Idololatria potest absolvere quilibet confessorius, nisi sit in aliqua diœcesi casus reservatus, ut notant Fagundez *lib. 1. in decal. cap. 33. n. 4. in fine;* & Quartus *de casib. refer. cas. 2. diff. 2.*

Is etiam, qui non exhiberet dæmoni cultum, soli Deo, ac ejus sanctis debitum, sed obsequium profanum, sive civilem solitum exhiberi hominibus in dignitate constitutis, peccaret mortaliter, quia dæmones sunt Dei rebelles, ac inimici, nostrique hostes, indigni quovis honore, estque nobis prohibita quælibet cum illis societas. Inquit enim Augustinus *lib. 2. de doctr. Christi cap. 20.* relatus à D. Thoma 2. 2. *qu. 95. ar. 2.* quicquid procedit ex societate dæmonis, & hominum superstitiosum est. Non tamen incurrit excommunicationem, ut notat idem Quartus *loc. cit.* Quia excommunicatio fertur contra promittentes, vel exhibentes Dæmoni obsequium sacrum, sive religiosum, nempe sacrificia, thura, orationes, similia.

Sacerdos verò offerens alicui particulam non consecratam, ut consecratam, vel hostiam non consecratam adorandam exponens committeret mortale peccatum Idololatriæ. Nam ex D. Thoma 3. *p. q. 80. ar. 6. ad 2.* Sacerdos hoc faciens, quantum in se est, facit idololatrare illos, qui credunt esse hostiam consecratam sive præsentem, sive ipsam sumentes. Ut enim ait Augustinus in *Psalm. 98.* Nemo carnem Christi manducat, nisi prius adoret; & omnis adoratio creaturæ, per quam ut Deus colitur, Idololatria est. Quare hostia non consecrata nullo modo dari debet pro consecrata. De quo alibi fufius.

Idemque dicendum est de Sacerdote, qui Missam celebrando hostiam non consecrat, illamque non consecratam sumit, ut est casus in *cap. de homine de celebr. missar.*



*missar.* Unde est de hæresi suspectus, potestque ab inquisitoribus interrogari, quid sentiat de Sacramento altaris, ac etiam puniri, ut tradit Lucerna Inquis. v. *Sacerdos celebrans*, ubi Pegna in annot. Decian. in tract. crim. lib. 5. cap. 16. num. 43. Locat. in Judic. eod. vers. Sacerdos, Graff. p. 2. decis. lib. 3. cap. 18. num. 6. ac seq. & Carena tit. 17. §. 4. num. 17.

Si autem dæmon per imaginem Christi aliquem alloqueretur, & ille putans esse Christum, eum adoraret, talis cultus non esset Idololatria. Quia cultus ille non tenderet in dæmonem ibi latentem, ac loquentem, sed in Christum, verum Deum; nec intenderet, se subijcere dæmoni, putans illi inesse divinitatem, sed Christo. Posset tamen grave peccatum committere. Quia, si facile posset advertere, vel merito dubitare, non esse Christum, & non adhibita rationabili inquisitione, illum adoraret, tanquam Christum, committeret Idololatriam, saltem interpretative, & moraliter existimatione, ac pioinde peccaret mortaliter. Quod etiam tradit Lessius lib. 2. c. 43. de superst. dub. 4. num. 21. Fagundez in decal. lib. 1. cap. 33. n. 3. & nos alibi.

Quod verò ad pœnam. Peccatum Idololatriæ vel committitur ab infidelibus non baptizatis & ab Ecclesiastico Iudice nulla pœna punitur. Quia, ut ait Apostolus 1. Corinth. 5. loquens de iis, qui Idolis serviunt: *Quid mihi de iis, qui foris sunt iudicare?* Vel committitur ab hominibus baptizatis, & Ecclesia illos punit omnibus censuris, ac pœnis latis contra apostatas à fide, & hæreticos. Quia hoc peccatum, ut notat Caietanus 2. 2. quæst. 12. habet veram malitiam infidelitatis, & apostasiæ à fide. Qui verò metu Paganorum exterius tantum absque interiori infidelitate, hoc peccatum committit, sed corde non discedit à fide, non punitur pœnis hæreticorum sed aliis. Quia non est vere apostata à fide, peccat tamen mortaliter, ut per Suarez tom. 1. de relig. lib. 2. cap. 6. num. 21. Simanch. d. tit. 17. n. 35. & alios.

Sunt tamen nonnulli casus, in quibus inquisitores S. Officii procedere possint contra Judæos, & alios infideles Idololatrias non baptizatos, de quibus alibi.

De obligatione denunciandi Idololatrias hæreticos, vel de hæresi suspectos, dictum est abunde suo in loco, ubi de hæreticis denunciandis.

#### CONSULTATIO XXXV.

*An unquam licita sit Idololatria, falsorumque Deorum cultus?*

**A**ffirmarunt multi antiqui tum Philosophi, tum Hæretici, quorum hodie non pauci sequaces esse possent. At nos hunc errorem ita refellimus. Tres generaliter dantur modi, quibus committi potest Idololatria. Primus quando ex infidelitate mentis procedit, ex falsa nimirum persuasione circa pluralitatem Deorum. Secundus sine propria quidem mentis infidelitate, sed cum affectu tamen tribuendi divinum honorem alteri, quam verò Deo. Tertius, quando sine errore intellectus, ac sine affectu colendi creaturam, ut Deum, tantum exhibetur signum externum adorationis Soli Deo debitæ cum exteriori significatione adorandi creaturam sine intentione cultus.

Circa primum, videntur credidisse eum esse licitum, illi potissimum Philosophi, qui etiam agnoscentes unum duntaxat esse verum Deum, aliis tamen ab ipso, nempe creaturis quibusdam excellentibus honores divinos esse deferendos censuerunt. Inter hos primus se offert Varro, qui ut effugeret apertas rationes contra multiplicium Deorum cultum & cui addictus erat populus Romanus, eumque excusaret, recurrit ad ponendum unum Deum, qui esset anima mundi, ex cujus participatione Physicas mundi partes Deos esse dixit, nominaque falsorum Deorum ad illos transtulit, vo-

cans Æthera Jovem, Aërem Junonem, eisque cultum, ac honores divinos asseruit esse deferendos. Plato etiam, ac multi ejus discipuli, etsi bene senserint de Deo, ac ejus unitate, ipsum primum verum principium agnoscentes, summumque rectorem, ac moderatorem, post illum tamen censuerunt divinum cultum esse exhibendum quibusdam substantiis spiritualibus à Deo productis; deinde animalibus cœlestium corporum, quæ animata esse putabant; tum dæmonibus, quos unitos esse corporibus aëreis credebant, ac denique animabus hominum, quas per virtutis meritum ad Deorum vel dæmonum societatum assumi putabant.

Verum quicquid sit de hujusmodi opinionibus, quæ plures habent errores admixtos, quos egregie confutat D. Thomas 1. p. q. 3. ar. 8. ac 2. 2. q. 94. ar. 1. & lib. 3. contra Gentes cap. 120. constanter asserendum est, hunc primum Idololatriæ modum nunquam esse licitum, sed gravissimum esse peccatum ex se. Quod non solum de fide certum est, sed etiam lumine naturali evidens, ut omnes Theologi sentiunt cum eodem D. Thoma loco citato 2. 2. Ratio autem, ad quam cæteræ reducuntur, est, quia talis Idololatriæ modus est directe ac formaliter contra honorem Deo debitum, sive per illum auferatur cultus Deo debitus, & ad creaturam transfertur. Sicut enim divina excellentia singularis est, ita etiam postulat singularem cultum, ac honorem, contraque illum directe fit, quoties incommunicabile nomen Dei, & consequenter incommunicabilis honor alteri quam vero Deo, confertur.

Id autem fieri per Idololatriam, præsertim verò per istum primum ejus modum, quo creditur, aut existimatur creaturam esse Deum, aut aliquid divinitatis habere, quod ad infidelitatem pertinet, patet ex ipsa definitione Idololatriæ, quod sit vitium superstitionis, quo creaturæ exhibetur cultus sive divinus honor. Etsi enim nostri temporis sectarii, ut laudabilem sanctorum, imaginumque illorum cultum liberius condemnent, præfatam definitionem non approbent, nihilominus illa est ad mentem omnium veterum Patrum, Tertulliani lib. de Idololatria sub initio, Gregorii Nazianzeni orat. in Christi nativ. post med. Ambrosii in cap. 5. ad Ephes. Augustini lib. 1. de Trinit. & aliorum.

Quare, licet loquendo de tertio modo Idololatriæ, sive de Idololatria externa, possit esse difficultas, de qua nunc non agimus, quomodo nimirum discriminentur honores, ac divini cultus ab his, qui non sunt divini, ac Deo debiti, ut per eorum exhibitionem quis illam dicatur, vel non dicatur committere, sed ab ea excusari, id tamen locum non habet in hoc primo modo, quo non potest, non semper committi Idololatria, cum necessario procedat, ut supponimus ex opinione divinitatis, sive alicujus divinæ excellentiæ in creatura, vel Idolo, quod adoratur.

Inquiret fortasse aliquis, an saltem in hujusmodi errore possit invincibilis ignorantia intervenire, quæ errantem excuset? Primo respondetur, hoc quæsitum non habere locum in hac controversia, quæ procedit de habente cognitionem unius Dei, & errante, putando esse alios Deos, quibus divinus cultus tribuendus sit. In illo enim nullo modo dari potest ignorantia invincibilis, nec consequenter per illam excusari. Ista enim ait Apostolus ad Rom. 1. fuisse inexcusabiles Philosophos, qui cum cognovissent Deum, non sicut Deum glorificaverunt. Quia ipsamet existimatio unius veri Dei erat sufficiens ad illam ignorantiam, ac deceptionem expellendam, si voluissent, ut debebant advertere. Nam qui, ut jam diximus, credit, ac recognoscit esse in Republica unum supremum Regem, quo pacto ignorare potest peculiarem honorem illi debitum, præsertim nomen Regis, non esse alteri tribuendum?

Secundo respondetur, quod si quis omnino ignoret verum Deum, & unitatem ejus, excellentiamque supremi Numinis, pro ratione talis ignorantie eum excusari posse vel



vel à culpa, vel à tanta culpa colendi plures Deos. Si enim illa ignorantia culpabilis est, quamvis absolute non excuset culpam, quatenus tamen ignorantia est, aliquo modo minuit illam; si verò contingat, illam esse invincibilem, excusabit omnino culpam, non quidem materialiter, sed formaliter, cum nihil sit formaliter peccatum; nisi sit voluntarium, quod ignorantia invincibilis omnino tollit. An verò talis ignorantia in hoc casu dari possit, jam explicuimus supra, & iterum breviter hinc asserimus, illam esse impossibilem.

Eti enim juxta doctrinam nostri Magistri 2. 2. q. 10. possint aliqui per ignorantiam invincibilem excusari ab infidelitate, quæ est privatio fidei supernaturalis erga Deum, autorem gratiæ, unde denominantur infideles negativi, ab illa tamen infidelitate, vel errore, qui est privatio cognitionis Dei, ut auctor est natura, nullus quantumvis rudis, dummodo sit præditus usu rationis, excusari potest, cum ad illius ignorantiam vincendam, sive ad cognitionem unius veri Dei sufficientem, ad inducendam mortalibus obligationem colendi eum, & cavendi à peccato Idololatriæ, exhibendo alicui creaturæ honorem soli Deo debitum, non requiratur, quod sit demonstrativa, & undeque perfecta, sine alio errore admixto, sed satis est, quod generalis quædam sit cognitio de Deo, quod sit principium rerum omnium, excedens illas, à quo dependent, & gubernantur quam unusquisque per rationem saltem probabilem, à creaturis desumptam, imò certam moraliter, cum nulla alia probabilis in oppositum sit, quæ illud probabile reddere possit, hoc est plures esse Deos, aut licere cultum uni vero Deo appropriatum alicui creaturæ adaptare sine crimine impietatis.

Unde non solum, qui noverunt Deum esse unum duntaxat nequeunt excusari ab Idololatria, sed nec etiam illi, qui ejus notitiam non habuerunt. Eo enim ipso, quod ex cognitione unius veri Dei statim promanat dictamen rationis naturalis, eum scilicet esse colendum, nullique alteri honorem illi debitum esse exhibendum, ut Idololatriæ non excusantur per ignorantiam à cognitione unius veri Dei, omnibus pervia, ita neq; à crimine Idololatriæ erga creaturas quascunque, sed præsertim ab illa, qua cæca Gentilitas vel Deos coluit homines imbecilles, obscenos, & flagitiosos, dictante potius lumine naturæ, tales nequaquam esse posse Deos, neque ut Deos honorari debere, imò dignos esse irrisione, ac vituperio. Quia valde alienum est à natura divina sceleribus vacare, aut spurcitiis commaculati, cum ea ipsa puniat Deus, imò & quivis Magistratus Reipublicæ vel mediocriter bene instituta. A magnitudine enim speciei, & creaturæ poterat Creator horum cognoscibiliter videri, ait Sapientia 13.

Circa secundum Idololatriæ modum, hoc est cum affectu tribuendi divinum honorem alteri, quam Deo vero sine propria mentis infidelitate, an sit licitus? D. Thomas cit. q. 94. ar. 2. refert quosdam veteres, qui partem affirmativam tenuisse videntur, quatenus putarunt, quod offerre sacrificium aliaque ad latræ pertinentia, non solum summo Deo, sed etiam aliquibus creaturis propter aliquam insignem excellentiam earum esset debitum, ac per se bonum. Verum id non est tantum hæreticum, sed etiam contra rationem naturalem. Quia cum adoratio debeat ratione excellentiæ, ubi est propria, & incommunicabilis ratio excellentiæ, etiam debet esse incommunicabilis adoratio. Dei autem excellentia, & ratio eum adorandi unica est, cuicumque puræ creaturæ incommunicabilis, atque adeo & adoratio, quam latræ vocamus. Ideoque sacrificium creaturæ offerre tam intrinsece malum esse, atque verbis confiteri illam esse verum Deum, docet Augustinus lib. 10. de civit. c. 19. ubi referens tacito nomine auctorum quorundam sententiam, qui asseriebant, sacrificium invisibile puræ mentis Deo quidem summo, tanquam meliori esse offerendum, at sacrificia visibilia aliis Diis inferioribus, hæc habet in contrarium. Exteriora sacrificia ita sunt signa interiorum, sicut verba

sonantia sunt signa rerum. Quocirca sicut orantes atque laudantes ad Deum dirigimus significantes voces cui tamen res ipsas in corde, quas significamus, offerimus; ita sacrificantes non alteri visibile sacrificium offerendum esse noverimus, quam ei, cujus in cordibus nostris invisibile sacrificium nos ipsi esse debemus.

Hujus rationis robur non consistit in hoc, quod adoratio externa, vel sacrificium non possit esse sine interno, aut semper sit illius argumentum, sicut nec voces, aut verba sonantia non sunt semper signa interni conceptus, ut patet in mentientibus, vel fingentibus; sed in hoc, quod sicut verba sonantia, supposita semel impositione, non possunt non esse, ubi pronunciantur; significativa rerum ad quas significantes imposita sunt, ita sacrificium, etiam visibile, tam ex natura rei ad Deum determinatum, ut singularem ipsius excellentiam, ac dominium significet, ut nulli creaturæ, possit offerri, quin simul significetur, illam esse Deum.

Quod verò ad tertium Idololatriæ modum, quo exhibetur externum duntaxat signum sine errore intellectus, ac sine affectu colendi creaturam, varia fuere placita. Primum nonnullorum Philosophorum qui consueverunt latræ cultum exteriorem non esse quidem Iolis tribuendum, tanquam per se bonum, aut opportunum, sed tanquam vulgari consuetudini consonum, vel quando sit, necessitate urgente ad vitandum gravissimum malum mortis, aut aliud æquivalens. Hi fuere Plato, & Marcus Varro, referente Augustino per multa capita, & libros de Civit. præcipue lib. 4. 6. 7. & 10. Tullius ex Lactantio lib. 2. de orig. error. cap. 3. ubi eum ita reprehendit: *Videō te terrena & manifesta venerari, vana esse intelligis, & tamen eadem facis. quæ faciunt ipsi, quos tu stultissimos confiteris.* Senecam quoque unum solum verum eum agnoscentem ita Augustinus inducit loquentem lib. 6. de Civit. c. 10. *Sic adorabimus, ut & meminerimus hujusmodi cultum magis ad mortem, quam ad rem pertinere, Et iterum: Quæ omnia Sapiens servabit tanquam legibus iussa, non tanquam Deo grata.* Unde etiam idem Augustinus de omnibus, aut pluribus Philosophis agens lib. de vera, & falsa relig. cap. 5. ait, non esse religionem à Philosophis querendam, qui eadem sacra recipiebant cum populis, & de Deorum suorum natura, ac summo bono divitiis, contrariasque sententias in scholis personabant.

Eundem amplexi sunt errorem quidam hæretici, affirmantes licitum esse persecutionis tempore Idola exterius colere, aut in tormentis Christum negare, dummodo fides in corde retineatur. Inter hos recensentur Elefantæ, teste Eusebio lib. 6. c. 28. alias 31. Priscillianistæ, quatenus ex Augustino lib. de hæres. in 70 dixerunt, posse aliquem occultare suum errorem, etiam pejerando. Inde etiam consequi videtur, idem fuisse dicturos de vera fide. Bogoniles, ut refert Zonaras in vita Alexii Imperatoris, item nostro tempore Anabaptistæ apud Stophylum in Epit. Theologia Lutheri, alique plures Libertini dicti, vel potius Atheistæ vocandi.

At fides Catholica, omnesque de illa recte sentientes docent Idololatriam exteriorem nunquam excusari posse à crimine propter metum mortis, aut propter alia mala vitanda, aut aliqua bona comparanda, quantumvis vera intus fides serveretur, colensque nullo pacto intendat creaturam adorare. Quoniam autem signa sensibilia ad cultum exteriorem pertinentia sunt in duplici differentia, quædam nimirum ex natura rei, sive primo, ac per se destinata cultui divino, quorum proinde usus adaptari non potest, nisi pro illo tantum, qualia sunt in vocibus orationes illæ: *Fac mecum Deus misericordiam. Da mihi tuam gratiam, æternamque beatitudinem; & in rebus sacrificium, asserente Augustino lib. 10. de civit. c. 10. Sacrificium, nullus est hominum, qui audeat dicere debere, nisi Domino soli.*

Quædam verò signa talia solum ex adjuncto, quia videlicet indifferentia sunt ad cultum Dei, & cultum hominum, vel ad aliquid aliud, ut genuflexiones, pro-



strationes, ac similia, quibus quandoque Deum honoramus, & quandoque creaturas dignitate præcellentes. Unde ab his non promanat honos, vel cultus divinus ex natura rei soli Deo debitus, sed tantum per aliud, id est ex adjunctis; nimirum quando is, qui talibus utitur signis erga creaturam, id facit, vel quia credit, aut existimat, illam esse Deum, aliquidve divinitatis habere, quod ad infidelitatem pertinet; vel, licet hoc non credat, motus tamen passione aliqua amoris, aut odii, vult creaturam quam scit esse creaturam, colere ac si esset Deus. Vel tandem si utatur eo signo indifferenti ad cultum Dei, & cultum creaturæ eo tempore, ac his circumstantiis; ut censeatur cultus divinus exhibitus creaturæ, ut si qui à tyranno invitatus, ut coram Idolo genu flecteret, ei morem gereret, is profecto Idololatra esset, quamvis non crederet, esse Deum, aut aliquid divinitatis habere, neque haberet animum illud honorandi, ut Deum. Quia talibus attentis circumstantiis hæc & nunc colit Idolum, sicut Deum verum.

Primo igitur asserimus, nunquam licere absque Idololatriæ reatu venerari externè creaturam aliqua sensibili signo per se ad cultum veri Dei ordinato, nisi fieret joco. Nam, si representationis tantum gratiâ id accideret, ut in comædiis, extra controversiam positum est, id licere, quia talis usus huiusmodi signorum non significat histriones eum cultum Idolis exhibere, sed tantum repræsentare cultum ab Idololatriis exhiberi solitum. Ex quo nequaquam oritur subtractio honoris divini, aut scandalum adstantium, sed potius contemptus, ac irrisio falsorum Deorum. Hæc autem assertio, ita explicata, est de fide.

Probatum primò adversus hæreticos omnibus iis Sacrae Scripturae locis, quibus habetur, & significatur; non solum fidem esse de necessitate salutis, verum etiam fidei veritatemque ejus confessionem, Matth. 10. *qui autem negaverit me coram hominibus, negabo & eum coram Patre meo, qui in caelis est.* Lucæ 9. *Nam qui me erubuerit, & meos sermones, hunc filius hominis erubescet.* 2. ad Timoth. cap. 2. *Si negaverimus eum, & ipse negabit nos, & ad Roman. 10. Corde creditur ad justitiam, ore autem confessio fit ad salutem,* ubi nomine oris omne signum externum intelligendum est, ut communiter explicant Doctores.

Cum igitur Idololatria externa, licet ficta, sit contra fidei confessionem; nam est confessio alterius Dei, & consequenter continet negationem veri Dei, quia duo simul esse non possunt, sine ulla dubitatione gravissimum est peccatum divino honori, ac religioni valde contrarium, quia continet perniciosum mendacium contra Dei honorem, scilicet quod sit alter Deus. Ac insuper, qui sic colit falsos Deos, cum decipiat alios perniciosè, quia veraciter eum agere existimant, gravissimum in eis generat scandalum. Et ideo 2. Machab. cap. 6. respondet Eleazarus præmitti se potius velle in sepulchrum, quàm tale peccatum committere. *Non enim, inquit, ætati nostra dignum est fingere, ut multi adolescentium arbitantes Eleazarum nonaginta annorum transisse ad vitam alienigenarum, & ipsi propter meam simulationem, & propter modicum corruptibilis vite tempus decipiantur, & per hoc maculam, atque execrationem mea senectuti conquiram.*

Deinde hæc veritas aperte confirmatur unanimi consensu, & antiqua Ecclesiæ traditione, quæ hoc delictum negandi fidei veritatem, quantumvis in actu solum externo, semper reputavit magnum, & ita illud reprehendit, nec non in suis subditis punivit. Id constat ex can. 61. Apostolorum, qui specialiter loquitur de Clericis fidem negantibus. De omnibus verò fidelibus loquitur Concilium Nicenum can. 12. & 15. Anciranum ferè totum, & Elibertinum can. 1. & 2. Cujus etiam rei manifestum habemus exemplum in Marcellino summo Pontifice, qui cum humana fra-

gilitate in immani illa Diocletiani Imperatoris persecutione perterritus, Deorum simulacris thus adhibuisset, facti poenitens in Concilio Sinuessano seculum suum palam confessus est. Et certe si per talem cultum simulationem Idololatriæ macula non contraheretur, maxime persecutionis tempore, Christiani à tyrannis infidelibus fatigari sæpe imprudenter, malèque egissent, non utendo tali simulatione; quia sæpe magni intererat pro fidelibus defendendis, ac docendis, ut ille, qui cogebatur idololatrare, superstes per aliquot annos esset. Cum igitur nullus unquam propter tormenta, vel quæcumque nocumenta ausus sit, talem simulare cultum, sed omnes viri fortes potius occubuerint, & ad id se obligatos esse firmiter crediderint, manifestum est argumentum, illum propterea esse illicitum.

Ad hæc accedit veterum Patrum autoritas, qui hanc veritatem passim docent, Cyprianus *Epist. 10. 11. & 12. nec non 72.* Nazianzenus *orat. 43. in nonam Dominicæ.* Augustinus *lib. contra mendac. cap. 6. tract. 66. & 113. in Joannem ac lib. de fide, & Symbolo cap. 2. Fides, inquit, officium à nobis exigit & cordis, & linguae.*

Postremo probatur rationibus adversus Philosophos. Nam huiusmodi actus externæ Idololatriæ est intrinsece malus, quia est mendacium perniciosum, Deo injurium, & hominibus improbitatis exemplum pessimum præbet. Ergo semper est malus, atque adeo quacumque ex causa semper, & pro semper illicitus. Malitia enim mendacii ita est ab eo inseparabilis, ut propter nullam causam mentiri liceat, ut late ostendit Augustinus *lib. contra mendac. capit. vigesimo primo.* Supposito igitur, quod præfatus actus sit mendacium, de intrinseca illius malitia dubitari non potest, atque adeo quin semper sit malus, & illicitus. Idque imprimis, si propria fiat sponte, sive cum interrogatione, sive absque illa, quo casu nullam habet vel apparentem excusationem, paterque à fortiori, quia non habet locum ubi sit per externam coactionem. Quia talis coactio, quantumvis acerba ex parte subiecti, sive operantis non aufert libertatem sufficientem ad peccandum vel servandum præceptum, ut docent omnes Theologi. Ex hac igitur parte non excusat. Deinde ab objecto non tollit deformitatem, cum ex dictis ita sit illi intrinsece annexa, ut sit ab illo inseparabilis. Semper ergo talis actus malus est, ac prohibitus, etiam si propter vitanda quæcumque macula poenæ committatur.

Si quis autem objiciat, huiusmodi actionem exterioris adorationis non sufficere ad peccatum, quia gravissima, præsertim urgente necessitate, voluntas illi deesse videtur. Unde vera non est Idololatria, sed ficta solum, & apparens, sicut non est Idololatra Tragædus, qui in theatro exterius exhibet divinum honorem alteri repræsentanti personam Jovis, aut alterius falsi Dei.

Huic respondetur, illam quidem actionem exteriori fieri sine intentione, aut voluntate honorandi falsum Deum, ut supponitur, non autem absolute sine voluntate. Unde verum est peccatum externæ Idololatriæ, licet desit interior, respectu cujus propterea illa exterior actio dicitur ficta, & apparens Idololatria. Quia nimirum falsam habeat significationem ex parte adorantis, non autem quia veram, & absolute voluntariam malitiam non habeat. Ex quo patet ad exemplum Tragædi, qui, ut jam notavimus, non exhibet seriò illum honorem externum, sed joco solum repræsentat, qualiter exhiberi solet. De ratione autem huius fictæ Idololatriæ est, ut exterius seriò exhibeatur, profitendo videlicet exterius verè, atque ex animo exhiberi, etiam si falso, & cum mendacio id fiat.



Et quia mendacium, quod in actu hujusmodi externæ Idololatriæ reperitur Deo injuriam, & hominibus offensionem affert, nedum mendacii malitiam annexam habet, sed insuper videtur esse contra religionem, quatenus est contra honorem Dei, nec non contra charitatem ratione scandali respectu aliorum. Non enim repugnat, quod idem actus habeat plures malitias juxta diversas circumstantias, quarum tamen una solet esse primaria, quæ nimirum magis proprie opponitur objecto virtutis. Et talis est in præsentī actu malitia religioni contraria, qui ideo vocatur etiam Idololatria, quamvis ex se non ita gravis, ac alii duo modi superius allati.

Secundo asserimus. Qui fingit se Idolum, aut creaturam aliquam venerari signo aliquo sensibili indifferenti ad Dei cultum, & ad alios fines, sed tamen determinato ex circumstantiis ad falsi Dei cultum, Idololatriam committit, etiam si fiat ad vitandum gravissimum malum mortis, vel aliud æquivalens. Hæc assertio non minus certa est, quam præcedens, & eisdem rationibus probatur, quibus & illa. Etsi enim aliqualis sit controversia inter Doctores, quales sint in particulari hujusmodi circumstantia, vel adjuncta, quæ cultum aliàs indifferenter, & consequenter licitum, reddant Idololatricum, ac inde illicitum; omnes tamen conveniunt, quod ubi signum aliquod sensibile, indifferens ex se ad Dei cultum, & alios fines, determinatur ex circumstantiis, quæcumque sint illæ, ad falsi Dei cultum, Idololatria fit ille, qui tali utitur signo.

Cum autem præfata determinatio possit fieri ex more, aut consuetudine, nec non ex lege, ad id tamen dignoscendum, tanquam regulam magis indubitatam, ponunt omnes Orthodoxi, quod ubi Tyrannus exigit, ac urget, ut fidelis utatur signo aliquo sensibili ad Idoli, vel alicujus creaturæ cultum, quamvis illud signum, exempli gratia, genuflexio, sit de se indifferens, & amphibologicum ad cultum divinum, vel ad aliud, tunc tamen censendum sit determinari, & coarctari ad cultum idololatricum, & consequenter illo utentem esse verè Idololatriam, ac si uteretur sacrificiis erga Idola colenda.

Hæc regula desumitur ex supracitatis Scripturæ locis *Matth. 10. Luc. 9.* prout interpretantur veteres Patres, Tertullianus *lib. de Idololat. cap. 13.* Cyrillus *Joan. 10.* & alii. Nam omnes tam fideles, quam infideles existimant, attentis præfatis circumstantiis, quod usus illius signi ad veram Idololatriam spectet, illoque utentem reputant Idololatriam. Ex his igitur circumstantiis determinatum est illud signum ad idololatriam cultum, & in sua amplius non manet indifferentia,

Quod probatur primo de Infidelibus. Quia per usum hujusmodi signi nihil aliud intendunt, quam extorquere a fidelibus professionem sectæ alienæ, & negationem propriæ. Fideles quoque credidisse hujusmodi signi usum, exigente, & urgente tyranno, pertinere ad cultum idololatricum, demonstratur ex hoc, quod repudiato talis signi usu, tot inelyti Martyres mortem fortiter passi sunt, eam multi non passuri, cum ita majus Ecclesiæ bonum, fideliumque utilitas plerumque pateret, nisi putavissent illud signum cultus, hic, & nunc ad obsequium, & honores divinos Idolo exhibendos, esse deputatum.

Si quis autem iterum inquirat, cur judice injuste, vel non juridice interrogante quempiam, liceat interrogato verbis uti amphibologicis, & sic deludere judicem, fidelibus verò non liceat cum Tyranno uti signis etiam amphibologicis? Quemadmodum enim verba amphibologica in sua permanent amphibologia, judice interrogante injuste, neque ex ea injustitia limitantur, aut coarctantur ad sensum, quo Judex iniquus interrogat, ita nec signa sensibilia, de se indifferentia ad cultum exhibendum Deo, aut ad alios fines, etiam si urgeat, vel instet Tyrannus, sunt coarctanda ad cultum idololatricum,

juxta quam significationem tyrannice hic & nunc exigit cultum: sed illis uti poterunt fideles in alia significatione.

Respondetur, hoc discrimen provenire ex eo, quod in judicio obligatio manifestandi veritatem respicit jus ipsius superioris vel judicis interrogantis. Et ideo si ille potestatem non habet interrogandi, nec reus habet obligationem respondendi, sed sine mendacio per amphibologiam negare potest, se commisisse aliquod delictum, subintelligendo ita, ut tibi dicere, vel manifestare teneat. At verò in nostro casu præfata manifestandi veritatem obligatio non fundatur in potestate, vel autoritate Tyranni interrogantis, sed in jure ipsius Dei, de cujus fide, ac veritate interrogatur fidelis. Ideoque licet non juridice, sed tyrannice interrogetur, sive à proprio Rege, ac superiore, sive à quocunque alio, tenetur sincere ac propriè veritatem fateri, & quando signum, aliàs indifferens, semel ex circumstantiis determinatur ad idoli cultum, etiam si talis determinatio ortum habeat à tyrannide, Fidelis illo uti amphibologicè amplius non potest, sique simulans dicat, se nolle colere Idolum, sed mortem effugere, decipitur, sicut qui veller se liberare à morte per juramentum falsum, non intendens adducere Deum in testem, ipse quoque se deciperet, putans se non facere, quod revera facit.

Quamvis autem præter tres modos superius adductos, alii non dentur in committendo formaliter Idololatriæ peccatum. Ut enim Idololatra propriè vocatur, qui alteri, quam vero Deo, divinum honorem exhibet, ita quoque formalis, & propria Idololatria posita est in exhibitione talis honoris, quæ cum esse non possit, nisi vel merè externa, vel etiam interna, & hæc vel concurrente simul intellectu & voluntate, vel solà voluntate sine errore intellectus, manifestè sequitur, omnem propriam & formalem Idololatriam in dictis tribus modis adæquate contineri.

Quia tamen causaliter, sive cooperando aliquoliter ad Idololatriam variis etiam modis potest illa participari, ut cum dæmon sibi affectat, & procurat divinum honorem, aut Tyrannus seipsum, ut Deum adorare facit, hoc quoque modos, ac similes omnino illicitos esse, affirmamus. Quia licet alium falsum Deum ipsi non adorent, neque etiam seipsos, attamen dum alios ad Idololatriam inducunt, & quia ipsi affectant divinos honores, Idololatriæ maculam incurrunt, crimenque læsæ Majestatis Divinæ committunt; imo gravius in eo genere delinquere videntur, quam illi, qui eos adorant. Tum quia majori contra Deum superbia extolluntur. Tum etiam quia in virtute ac radice continet universa aliorum peccata.

Idem quoque judicium, proportionè servata, ferendum est de illo, qui alteri consulit Idololatriam, licet ipse Idolum non colat, neque ex cruore consulat, sed ex odio, vel deceptione. Nam præter alia vitia, quæ in illo intervenire possunt, continetur etiam pravitas, & malitia Idololatriæ. Idemque est de quocunque cooperante ac moralem occasionem præbente alteri, ut Idolum colat. Atque de hoc genere peccati loquitur D. Thomas 2. 2. *quæst. 169. art. 2. ad 4.* ubi docet, peccare artificem fabricantem Idola, vel aliqua ad cultum Idololatriæ pertinentia.

Utrum autem, & quomodo Idololatræ cogi possint ad unius veri Dei cultum profitendum. Cum enim adversus infideles dupliciter procedi possit, vel via disputationis, ut convincantur, illisque persuadeantur tam supernaturales Fidei nostræ veritates, quam naturales, hoc est, quæ naturali etiam lumine cognosci possunt, ut existentia, & unitas alicujus supremi Numinis, vel via jurisdictionis qua per pœnam, & coactionem ad id compellantur, de utraque dictum est suis in locis. Unde tantum sit de Idololatria, & Polytheismo.

CONSULT.



## CONSULTATIO XXXVI.

*Quid, & quisnam propriè sit Hæreticus? Ejus vera definitio, ac definitionis explicatio. Ex quibus constituatur hæreticus, & quotuplex sit, ac hujusmodialia, ubi effata de Hæreticis breviter ac dilucide.*

**H**æreticus hoc pacto describi videtur. *Qui post susceptum baptismum, & sufficientem rerum Fidei cognitionem cum pertinacia interne contra Fidem errans, externe prodit errorem.*

Singula expendamus. *Post susceptum baptismum.* Siquidem infidelis non solum non potest excommunicari, cum Ecclesiæ non sit subditus *cap. gaudemus de diver.* ubi dicitur, *infideles constitutionibus Canonicis non arctantur.* Quid enim secundum Apostolum de his, *qua foris sunt judicare?* Sed nec revera hæreticus dici potest, ut est commune placitum Burii, ac Doctorum *in cap. firmissime de heret. Graf. lib. 2. dec. cap. 8. num. 1. Filiuc. tom. 1. tract. 16. cap. 2. Duard. Com. in Bul. Cæn. lib. 2. can. 1. qu. 21. num. 31. Reginald. in prax. for. potuit. tom. 1. lib. 9. cap. 14. num. 235. Ricciul. de jur. person. lib. 5. cap. 1. num. 16.*

Quare nec Catechumenus hac censura innodari potest, quod licet credulitatem receperit, non tamen Fidem in Ecclesiæ manibus, quod sit per baptismum, professus sit, Ugolin. *de censur. Pontif. refer. p. 2. cap. 1. §. 1. num. 2. & 3. Sayr. de censur. lib. 3. cap. 4. num. 11. Simanch. de Cath. instit. tit. 31. num. 6. Azor. instit. moral. tom. 1. lib. 8. cap. 9. quest. 3. Suarez de censur. disp. 21. sect. 2. num. 4. Alter. eod. tit. lib. 5. disp. 2. cap. 2. col. 8. Soufa in relect. ad Bul. Cæn. cap. 2. annot. circa textum num. 8. Sanch. in decal. lib. 2. cap. 7. n. 34. Filiuc. loc. cit. Ricciul. ibid. lib. 3. cap. 4. num. 26. & Nald. in sum. v. Bulla Cæna num. 5.*

Quicquid sit, an hic aliàs sit dicendus aliquo modo hæreticus, si à Fide recedat. Quod affirmant Alterius *supra col. 10. Soufa & Suarez loc. cit. B. nnes 2. 2. qu. 11. art. 2. Becanus de fid. cap. 14. qu. 2. num. 4. & Alph. à Castro lib. 1. de just. heret. pun. cap. 8. qui & singulariter addit, etiam pœnis hæreticorum hunc obnoxium fieri. Negant verò Caiet. 2. 2. qu. 10. art. 5. Ugolinus & Sanchez ibid. Ricciul. num. 28. ac seq. Toletus lib. 4. instruct. cap. 3. num. 3. & Aragon. 2. 2. qu. 11. art. 2. dub. 3. de qua re nos alibi diximus. Ut autem aliquis ab Ecclesiâ puniatur, tanquam hæreticus, necessarium est, ut professus fuerit Fidem Christi in baptismo. Est communis sententia contra Castrum. Quia Ecclesiâ non potest aliquem punire, nisi qui ipsius jurisdictioni ac potestati subiectus sit. At sine baptismo nemo subiectus est jurisdictioni Ecclesiasticæ.*

Ut autem aliquis revera sit hæreticus satis est, si aliquando professus fuerit Fidem Christi, licet non sit baptizatus, sed tantum catechumenus. Probatur primo ex Concilio Niceno *can. 19.* ubi statutum est, debere eos baptizari, qui ex hæresi Pauli Samosatani redirent ad Ecclesiâ Catholicam. Cujus Canonis meminit August. *heres. 44.* his verbis: *Isti sane Paulianos baptizandos esse in Ecclesiâ Catholica, Niceno Concilio constitutum est.* Simile decretum est in sexta Synodo generali *can. 95.* ubi definitur, quinam hæretici baptizari debeant, quando fiunt Catholici, & qui non debeant. In utroque decreto supponitur, aliquos esse hæreticos antequam baptizentur. Secundo probatur ex Augustino *de un. baptis. contra Petilian. cap. 3. & in prefat. ad lib. de heres.* ubi supponit aliquos esse hæreticos, qui quando redeunt ad Ecclesiâ, baptizari debeant eo, quod apud ipsos non fuerit validus baptismus propter aliquem defectum.

Neque D. Thomas contrarium docet. Nam cum asserit, illum hæreticum esse, qui recedit à Fide suscepta in veritate, non intelligit fidem susceptam in veritate idest in baptismo, sed in veritate, id est non in umbra & figura. Assignat enim discrimen inter Judæum & hæreticum, quod ille recedat à fide suscepta in umbra & figura, hæreticus autem à fide suscepta in manifestatione & exhibitione veritatis.

Atque hinc habemus, valide hæreticos excommunicari. Nam licet non sint sub Ecclesiâ, ut membra corporis, quod late contra Castrum prosequitur Bellarminus *lib. 3. de Eccles. milit. cap. 4.* non sunt tamen extra eam tanquam non subditi, quia tales sunt per indelebilem baptismatis characterem, *cap. minores de bapt. ibi: Saltem ratione Sacramenti ad jurisdictionem Ecclesiasticam pertinerent.* Traduntque fuisse Theologi cum D. Thoma *p. 3. qu. 69. & Ricciul. lib. 5. cap. 12. à num. 3.*

Idque fatendum est, non solum quoties non est susceptum baptismum, sed etiam si invalide susceptum sit quacunque ex causa invaliditas ortum duxerit, siue quia suscipiens fictè se gesserit, siue quia defectus ex parte materiae, formæ, aut ministri contigerit. Nam, cum baptismum, non sit baptismum, irritum non reddit susipientem Ecclesiæ subditum, ut per Ugolinum, & Sayrum *loc. alleg. Sanch. supra nu. 35. & seq. ac Reginald. n. 235.* Et licet aliquando Ecclesiâ, quæ secundum exteriora tantum judicat, eos possit pro excommunicatis habere, tales quippe eos debet præsumere, donec constet de nullitate baptismi, ut optime Sayrus *cit. cap. 4. num. 11.* revera tamen tales non sunt. Nec ullus excusatur, eo quod ignorantia infantia suscepit baptismum, quod perveniens ad usum rationis susceptum noluisse, aut qui aliquo modo succedere coactus fuerit. Nam quando coactio non est absoluta, qualem supponimus in proposito, & in infantem cadere non potest, non excusatur, ut declarat Filiuc. *de heres. qu. 38. num. 140. & sequitur Duard. d. qu. 21. num. 6.* ac definitum est, *in cap. contra Christianos de heret. in 6.* his verbis: *Contra Christianos, qui ad ritum redierunt Judæorum, tanquam contra hæreticos procedendum, etiam si dum erant infantes, aut mortis metu, non tamen absolute, aut precise coacti, baptizati fuerint.*

*Sufficient rerum fidei cognitio.* Hæc enim ad hæreticum constituendum requiritur. Nam ea carentes non cententur voluntarie, & ex electione errori contra fidem adherere, cum tamen hæresis dicat propriè sententiæ electionem *can. heresis 24. qu. 3. in hæc verba: Hæresi Græcæ ab electione dicitur, quod scilicet eam sibi unusquisque eligat disciplinam, quam putat esse meliorem.* Grat. *eo cap. 8. nu. 3. Castrus cap. item 8. Filiuc. ibid. n. 22. ac Ricciul. lib. 5. cap. 7. nu. 6.*

Excusantur igitur, qui ab infantia inter hæreticos baptizati, & inter eos assidue enutriti, ac edocti differentiam inter catholica & hæretica dogmata non agnoscunt. Quandoquidem cum hi inculpabiliter ignorant, non habent in errore contra Fidem sufficientem malitiam, & ita locis allegatis Castrus *dub. 2. Simanch. num. 7. Aragon. dub. ult. Ricciullus Filiucius, & Grafius, qui postremus idem fert judicium de his, qui in adulta ætate baptizantur, nondum in fide sufficienter instructi.* Impedit enim invidibilis hæc ignorantia, licet revera erroribus contra fidem præstetur assensus, ne habitus fidei, in baptismo infusus, amittatur, ac quis inde hæreticus fiat, ut per Sanchez *d. lib. 2. cap. 8. & Reginald. d. nu. 235.*

Sufficienter verò edoctus statim sit hæreticus, non acquiescens cognitæ veritati, Sanchez, & Alterius *cit. disp. 2. cap. 2. ac Duard. ea qu. 21. num. 7.* qui duo, licet liminent, si probabiliter sciat se esse baptizatum, arbitror tamen idem esse, si nesciat. Quia fides sufficienter cognita, ac proposita, si non recipiatur, inducit infidelitatem, quæ in baptizato dicitur hæresis, tollitque



colliquitur habitum fidei infusum. Nec enim aliunde immunis est ab excommunicatione infidelis, dum fidem sufficienter propositam non amplectitur, quam quia defectu baptismatis non est capax vinculi Ecclesiasticae censuræ. Quamquam autem ignorantia excuset ab hæresi, ac ejus pœnis dictum est suo loco.

Qua in re opportune hic advertimus, teneri indifferenter fideles singulos sub lethali scire, ac explicite credere. Primo, Deum esse, autoremque esse donorum supernaturalium ac remuneratorem, juxta illud Pauli ad Hebr. 11. Secundo, mysteria Incarnationis, mortis, ac resurrectionis Christi, redemptionisque humani generis per ipsum, & Christum vere esse filium Dei. Tertio, Mysterium Trinitatis, saltem quod unus sit Deus, tres autem divinae Personæ, ac generaliter quæ summam comprehenduntur in Symbolo Apostolorum, vel ut aliis placet, in Catechismo, qui sit ante infantium baptismum, de qua re fuse Sanchez cit. lib. 2. cap. 2. & 3. Nec tamen in his errans instructionis defectu est hæreticus, ut dicebamus, si quis exempli gratia ex simplicitate quadam, vel ratione naturali ductus, opinaretur ex tribus divinis Personis constitui tres Deos. Verum neque talis est præsumendus, ut abunde Canonistæ in cap. 1. de sum. Trin. quos refert, ac sequitur Ricciul. cit. lib. 5. cap. 4. num. 2. Quia licet teneantur cuncti explicite credere, non tamen difficultates solve- re, ac mysteriorum naturam ad intimum penetra- re.

Addimus in definitione *pertinaciam*, quia sine ea non completur hæresis, cap. ad abolendam de heret. cap. 2. de sum. Trin. cap. un. eod. tit. in 6. & Clem. un. de heret. in quibus ac similibus juribus habentur, hæc verba *pertinaciter non metuntur*, aut *pertinaciter præsumunt*, aliaque hujusmodi, denotantia in assensu heretico deliberatam malitiam. Quod etiam docent D. Augustinus epist. 162. cujus verba referuntur in can. dixit Apostolus 24. q. 3. & lib. 18. de civit. Dei cap. 51. Qui, inquit, in Ecclesia Christi morbidum aliquid, prævumque sapiunt, si correcti, ut sanum, rectumque sapiant, resistunt contumaciter, suæque pestifera, & mortifera dogmata emendare nolunt, sed defensare persistunt, hæretici sunt, & foras exeuntes habentur in exercantibus inimicis. D. Thom. 2. 2. q. 5. ar. 3. & q. 11. ar. 2. ad 3. ubi Cajetanus, alique, Canus de loc. theol. lib. 12. cap. 8. ad 5. arg. Sayr. de censur. lib. 3. cap. 4. num. 18. ubi discrete id explicat, Eymeric. & ad eum Pegna in direct. p. 2. p. 32. Alter. cit. cap. 2. col. 4. & alii apud Ricciul. lib. 5. cap. 1. num. 15. Nam sicuti fides ad captivandum intellectum, pium requirit affectum voluntatis, ita ad hæresim solus error intellectus, non sufficit, nisi accedat prava voluntatis dispositio, quæ *pertinaciam* constituit.

Pertinacia autem non est, ut sonare videtur, obstinata, longa, constans, & perversa in errore commoratio, ut unice videtur sensisse Grassius d. cap. 8. num. 7. inquit, necessarium esse, quod taliter velit quis persistere in errore, ut nullo modo velit ab eo desistere, ac Sylvester, dicens, necessariam esse temporis diuturnitatem, ac perseverantiam, sed deliberatus, atque ex electione elicitus à prudente, ac sciente contra fidem assensus ad hæresim sufficit, quamvis non eliciatur tale *propositum* nunquam desistendi, in eoque consistit, ut quis sciens, ac prudens teneat aliquid contra Ecclesiam Catholicam. Vel ut quis cognoscat, & animadvertat suam opinionem contrariam esse sensui Ecclesiæ Catholicæ, & tamen neglecta autoritate Ecclesiæ persistat in sua opinione. Colligitur id ex cap. ad abolendam, & aliis juribus modò relatis, & docet Augustinus lib. 4. contra Donatistas cap. 6. ubi sic habet: *Constituamus aliquem sentire id de Christo, quod Phorinus opinatus est, existimantem ipsam esse Catholicam fidem, unanimum illam hæreticum dico, nisi manifestata sibi doctrina*

*na catholica fidei resistere maluerit, & illud quod tenebat, elegerit.* Idem habet ex epist. 164. ac docet D. Thomas p. 1. q. 32. ar. 2. in fin. Cajet. 2. 2. q. 11. ar. 1. Castrius cit. cap. 9. Canus ubi supra, Simanchas tit. 48. num. 7. & seq. Azor. d. cap. 9. q. 3. Duard. q. 24. num. 2. Sanchez d. lib. 2. c. 7. num. 2. Ricciul. cap. 2. à n. 7. Sayr. num. 16. Alter. ibid. ac Becanus de fid. cap. 14. q. 2. num. 12. Valentia d. q. 11. pun. 1. dub. 4. Nam sicut is censetur Catholicus, qui sentit vera esse quæcunque ab Ecclesia proponuntur, tanquam revelata à Deo, ita è contra, is censeri debet hæreticus, qui sentit aliquid non esse verum, quod ab Ecclesia proponitur, tanquam revelatum à Deo. Satisque est ad hæresim, ac pertinaciam, si sciens, ac volens sentiat contra Ecclesiam, siue id faciat ex directo affectu contradicendi Ecclesiæ, siue ex cupiditate inanis gloriæ, siue vi argumentorum convictus, siue alia de causa, ut notat Vasquez in 1. 2. disp. 126. cap. 2. d. cap. 7. numer. 4. Nam quocunque modo contradicat Ecclesiæ semper præfert privatum suum judicium judicio Ecclesiæ; ac proinde putat judicium Ecclesiæ non esse sufficiens fundamentum ad credendum. In quo consistit ipsius pertinacia.

Hinc habetur, solummodo primos motus, quique non advertuntur, vel ex vehementi animi passione procedunt, etiam aliquo actu exteriori manifestatos, ut subitam in imagines sacras expunctionem, Sacramenti contemptum, ac similes, non constituere hæreticum, ex dictis juribus, quæ requirunt deliberatum assensum, docent Doctores relati, quibus adde D. Antoninum p. 2. sum. tit. 12. cap. 5. Grassium lib. 4. dec. cap. 18. num. 11. & Filiuccium d. cap. 2. num. 24.

At quia in cap. qui in Ecclesia, & in can. dixit. Apostolus 24. q. 3. & in cap. 2. §. in nullis de sum. Trin. asseritur, non esse hæreticum, qui paratus est ab Ecclesia corrigi, est observandum, debere id intelligi nonnisi de eo, qui non arbitretur se errare. Nam qui novit, se opinari contra Ecclesiam, licet asserat tunc verbis, se paratum corrigi ab illa, revera non est paratus. Siquidem ex eo, quod scit, Ecclesiam contrarium tenere, habet sufficiens fundamentum emendationis & acquiescendi. Quod posuit pro regula Castrius d. cap. 9. & cum eo Ugolinus §. 1. 9. Duard. cit. q. 25. n. 3. & communiter Doctores in d. cap. 2. de sum. Trin. Id quidem asserere proderit in foro exteriori, ut hæreticorum pœnas, ita asserens, eludat, at excommunicationem non evadet in foro exteriori.

Neque excusatur, qui paratus est corrigi, modo convincatur argumentis, & non aliter. Nam sola Ecclesiæ propositio est sufficiens, & satis probabile habendæ fidei fundamentum, quique ejus testimonium respuit, vel ex eo solum est hæreticus. Et ita ex Vasquez, Valentia, & aliis asserunt Sanchez supra n. 3. 6. & 28. Quapropter istud asserere, se esse paratum corrigi, non sibi locum vendicat, nisi in ignorante. At is, qui ait, se paratum corrigi, si credat, quempiam nomine Ecclesiæ corrigentem, puta Episcopum, Inquisitorem, vel Parochum esse talem, cui fides sit adhibenda, & nec fallere, neque falli, sed juxta sensum Ecclesiæ corrigere, si non se emendet, erroremque deserat, sit pertinax, etiam si adhuc dicat, se paratum esse ab Ecclesia corrigi. Habet enim tunc corrigentem juxta Ecclesiæ normam, quæ diverso modo non instruit, ac ille Episcopus, Inquisitor, vel Parochus.

Quod si correctus à prædictis non retrahat errorem eo, quod cum non sint catholicarum veritatum regulæ, sed fallere possunt, ac falli, non censeat debere se eorum judicio submittere, non evadet pertinax, aut hæreticus, quia adhuc paratus est corrigi ab Ecclesia, vel à summo Pontifice, qui solus est certa fidei regula, Torres de Trin. q. 33. ar. 4. in 4.



p. comm. Capus, Valentia, Vasquez loc. cit. Sayr. num. 17. Sanch. num. 26. quicquid in contrarium Ugolini. §. 2. numer. 10. Rebus. in prax. benef. in expos. Bul. Cœn. ar. 1. ver. hereticos, Duard. q. 35. numer. 4. citans Ananiam, & Felinum, faverque Panormitanus illa sua evitanda sententia, ut ait Cajetanus 2. 2. q. 1. ar. 2. quam tradit in cap. significasti de elect. magis scilicet sententiæ Doctoris, quam Papæ in his, quæ sunt fidei, standum esse. Immo qui nesciret, Summum Pontificem esse certam fidei regulam, non fieret pertinax ex illius admonitione non se corrigens, dummodo paratus sit ab Ecclesia, vel ab eo, quem ipse putat, certam habere fidei normam, correctionem sumere, ut per Sanchez num. 26.

Vix autem in hominem doctum incidere posse videtur ignorantia huiusmodi. Quia cum eum non lateat, quæ sit summi Pontificis autoritas, noveritque, hunc esse Ecclesiæ caput, supposito, quod aliquis in Ecclesia esse debeat fidei iudex, & regula, suspicari non potest, ipsum, ceterosque juxta mentem ipsius corrigentes decipere, aut decipi. Quare taliter opinans, præsumetur errare circa articulum de autoritate Pontificis, & consequenter esse hac ex parte hæreticum. Contra, rusticus, qui non tenetur explicite scire, Pontificem esse certam regulam fidei, non fit pertinax, etiam si ab eo monitus, errorem non deferat, dummodo paratus sit credere quicquid credit Ecclesia, ut ex Tolet. lib. 4. cap. 3. num. 3. annotavit Sanchez loco citato.

Neque satis est in viro non rudī præsertim, ad peritaciā notam effugiendam, asseverare, se paratum esse credere, quod vult Deus credendum, & à Deo ipso corrigi. Quia, ut pariter dicebamus, hæresis est, non recognoscere Ecclesiam visibilem. Quod si quis dicat, non esse Romanam, eosque, qui ad mentem ipsius docent, non habere rectam fidei normam, non solum est hæreticus, sed hæresi superadditis schisma, ut affatim Theologi contra recentiores hæreticos, præcipue Bellarminus, Suarez & Becanus in opusculis controu. fid. lib. 1. cap. 3. & alibi. Dixi in viro non rudī. Quia licet quisque explicite credere teneatur in articulum Sanctam Ecclesiam catholicam, non tamen tenetur ita scire, eam esse fidei regulam, vel hanc Ecclesiam esse Romanam.

Particula illa *Interne* denotat, hæreticum non esse qui externe hæresim ostendit, adhuc in intellectu non assentitur errori. Nam cum fides, ut dictum est, consistat primario in intellectus assensu, ab ejusdem intellectus errore hæresis sumere debet originem. Est communis sententia Theologorum, Soti in 4. d. 22. q. 2. Bannes 2. 2. q. 11. Valentia ibid. q. 13. disp. 1. pun. 1. Suarez tom. 5. disp. 21. sect. 2. numer. 3. Toleti d. lib. 4. cap. 4. Lessii de just. lib. 2. cap. 43. dub. 2. numer. 11. Azor. cit. cap. 9. q. 9. & rursus cap. 21. q. 5. & 6. Becani de fid. cap. 4. q. 2. numer. 6. Sayri in clavi reg. lib. 4. numer. 11. & de censur. lib. 3. cap. 4. numer. 13. & 35. Avil. eod. argum. p. 1. dub. 11. Simanch. cit. tit. 31. numer. 3. Sanchez supra num. 8. Alterii cap. 2. col. 6. Soufæ cap. 2. in annot. cir. ea textum numer. 7. & disp. 5. numer. 2. Duardi q. 22. in princ. Reginaldi d. numer. 135. Ricciulli cap. 3. Scottiæ in Bul. select. theor. 410. & Canonistarum, Calderini conf. 4. de hæret. Cravetæ conf. 202. post num. 7. Navarri cap. 11. numer. 27. & cap. 17. numer. 76. ac Summistarum in v. hæresis.

Contrarium opinatus est ex iis, quos viderim, solus Cajetanus 2. 2. q. 94. ar. 1. licet ei aliqui viri docti subscribere dicantur à Bannes loc. cit. videlicet, quem fieri hæreticum, & excommunicatum per hoc solum, quod in signum externum hæreseos consentiat, etiam si, vi vel metu. Ducitur ex eo, quod actus ille non est pure exterior, sed conjungitur ei actui interiori, quo voluntariè exhibitioni ejus signi

præstatur consensus. Porro cum actus interior, quo quis in actum pravum exteriorem consentit, ad eandem malitiæ speciem, in qua actus exterior collocatur, reducendus est, & actus exterior sit infidelitatis, sequitur, hunc non externè solum, sed etiam internè esse infidelem, ac proinde hæreticum, & huic vinculo obnoxium. Illustratque ex eo, quod sicuti est verus fur ac homicida, qui compulsus furatur, aut occidit, quantumvis his criminibus animum habeat aversum, ita & vere hereticus, qui in exteriorem actum hæresis consentit.

Dirigitur tamen hoc fundamentum ex eo, quod non est propriè delictum hæresis, dum error non sit in intellectu. Quod enim ad eam voluntatem, qua assensus præstatur in exteriorem actum, non est sufficiens ad errorem in fide constituendum. Quia pius credulitatis affectus, quo vult intellectum captivari, ac cedere, in quo consistit fides ex parte voluntatis, non amittitur. Quare committitur quidem lethale crimen, cum teneatur quilibet, sub præcepto, palam testimonium fidei dare, quod crimen reductivè ad hæresim pertinet, ut Cajetano placet. At deest ad veram hæresim intrinseca animi propensio, quæ in foro conscientia attenditur, arg. Clem. cupientes §. qui verò de pen. & Clem. 1. de stat. Monach. Homicidium autem, ac furtum, etiam à compulso vi aut metu perpetratum, est verum homicidium & furtum, quia in sui substantia non dependet ab aliquo interiori, ut dependet hæresis.

Quapropter non modò, qui vi, aut metu impellente, exterius fidem negant, non sunt hæretici, & canone primo Bullæ Cœnæ mulctati, sed neque illi, qui spontè alia quavis de causa, aut dæmoni cultum præbent, aut fidei abrenunciant, dummodo interius non assentiantur, ut per Tabien. v. apostasia numer. 6. D. Anton. 2. p. sum. tit. 12. cap. 5. §. 1. Reginald numer. 236. & Sanchez nu. 10. Immo cum sponte adorans dæmones, & Idola, dupliciter se animo habere possit, primo modo, ut adoret ex affectu, reverentiam scilicet cordis cum exteriori veneratione conjungens; secundo, ut animo positive reluctetur, detesteturque Idolum, asserimus, nec primo adorantem, hæreticum fieri defectu erroris in intellectu. Alterius eo cap. 2. col. 6. Quamvis tales ex affectu adorantes veri sint Idololatæ, & secundum aliquos incurant excommunicationem, ac pœnas Extravagantis cujusdam Joannis XXII. quam refert Directorium Inquis. p. 2. q. 45. numer. 9. quamque alii quidam teste Aragon. 2. 2. q. 2. ar. 1. volunt non esse usu receptam.

Addo tamen hic cum Doctoribus, quod cum Ecclesia occulta non judicet, potest præsumere, tales externe fidem dictis factisve abnegantes esse hæreticos, ac in omnibus hæreticorum pœnis subijcere. Quod distinguendum puto inter eos, qui vi, metusve causa, & eos, qui sponte abnegant. Quoties enim satis probabiliter constet de vi facta, aut valido incusso metu, pœnis hæresis subijciendi non sunt, arg. tit. de his qua vi, metus caus. & expressius ex can. potest de pœnis. d. 1. ubi ex D. Ambrosio dicitur: Potest fieri, ut aliquis victus supplicis, sermone neget Deum, nunquid eadem est causa ejus, qui sponte negat, & ejus, quem tormenta inclinaverunt ad sacrilegium? Non. Quoniam indignum est, &c. Ad stipulatur Glossa in can. non solum 11. q. 3. Turrecr. in d. can. potest, & in can. nunc autem 21. d. Royas de hæres. p. 1. numer. 108. & p. 2. numer. 279. Farinac. de hæres. q. 183. §. 3. num. 23. Qua de re alibi.

Addiderim ego hac eadem ratione, licet internos actus metus non necessiter, eximi posse à censura dicti Can. in Bulla Cœnæ eum, qui vi, aut metu incur-



incurso expeditus de abnegatione fidei, ex simplicitate quadam non advertens, se posse interius non assentiri, abnegaret simul interius, & exterius. Remanet siquidem hic habitualiter in fide, & aliàs vis ac metus, qui internæ etiam abnegationis est causa, potius est à censura reddere immunem, ut alibi forsitan dicemus. In eo casu duntaxat, quo quis externæ hæreticam actionem exhiberet, ut aliis faveret hæreticis, innodaretur censura, non quidem ut hæreticus, sed ut fautor, Navar. in man. cap. 11. numer. 2. Ricciul. cap. 3. in fine, Sanchez numer. 9. & Alter. d. col. 6.

Jam liquet ex dictis, quæ sit de superstitionis feren- da sententia, qui scilicet offerunt Deo cultum mo- do indebito, ut si quis Christianus Cæremonias Mo- saicas Legis adhuc in divino cultu assumeret, scilicet nisi forte opinaretur expresse, eas finem non ha- buisse, neque ab Ecclesia potuisse abrogari, non esse hæreticum, ut per Ugolin. d. §. 2. Quod procedit de quibuscunque superstitionibus, à quocunque adinven- tis, quibus licet quis utens, arbitretur ritè eo mo- do se Deo obsequium præstare, non excommuni- catur, nisi positive sentiat, eas ab Ecclesia prohi- beri non posse, sive quoderet Ecclesia, eas non am- plectendo.

Eademque est ratio de sortilegis, & divinantibus, præsertim per dæmones. Etenim si certò credant, dæmones scire futura contingentia circa voluntatem hominis, sunt hæretici. Est enim id contra fidem, quæ in sacra Scriptura passim hanc scientiam soli Deo tribuit. Secus est de eo, qui putaret, posse aliquo mo- do conjicere, Ugol. loc. cit. Qui idem dicit de augu- ribus, aliisque variis observationibus, de quibus nos in Consultatione de divinationibus. Quod & uni- versaliter statuendum est de omnibus externæ hæreticis, ut sunt Magi, Lamiæ, aliique paciscentes cum dæ- mone, de quibus fufe Duard. q. 22. à num. 32. Magi tamen in Bulla Cænæ B. Pii V. erant expressi, ut per Navar. num. 55.

Similiter blasphemi hæreticales, licet advertenter, & ex animo blasphemias proferant, si tamen intellectu non adhæreant, credendo, rem ita se habere, ut di- cunt, non sunt hæretici, ut ex dictis patet, ac sen- tiunt Duard. q. 22. num. 9. & Ugolin. §. 3. num. 2. sequutus Toletum d. lib. 4. cap. 13. & Antonius in Catech. Neap. lib. 2. cap. 16. & 22. Quæ vera sunt in foro interiori.

Nam in cap. accusatus §. hanc, juncta Glossa de hæret. in 6. aliqui sortilegi, & divinatores dicuntur hæ- retici ibi. nisi hæresim saperent, sicut etiam blasphemi hæreticales, & aliis plures à Glossa in cap. firmissime eod. tit. in antiq. Quod est intelligendum, ut respectu fori exterioris possint præsumi hæretici, & ut tales in- quiri. Quod universaliter est advertendum. Nam sæpe sacri Canones ac Pontificum Constitutiones vocant aliquos hæreticos, aut declarant pro talibus esse ha- bendos, omnibusque hæreticorum pœnis subiiciunt, vel contra eos, tanquam contra hæreticos, procedi statuunt, qui tamen non sunt verè hæretici, nec dicto Canon Bullæ Cænæ obnoxii in interiori foro. Quod pariter observandum est in D. Thoma aliisque Theolo- gis, agentibus de fide, ubi multi sæpius appellantur hæretici, vel infideles, qui revera non sunt. Cum enim sermonem habeant de iis, qui actus aliquos in- fidelitatis, & hæresis efficiunt, denominant hos tales ex illius actibus. Quandoquidem omnis actus in- fidelitatis, ac hæresis reducitur ad speciem veræ in- fidelitatis, & hæresis, ut etiam dicebat Caietanus cit. q. 94. ar. 1. in fine.

De his igitur hæreticis exterioribus tantummodo, concludendum est cum Toletum cit. cap. 4. num. 6. Sua- rez loc. cit. Ricciul. cap. 3. num. 7. & Sanchez. num. 8. quibus subscribere tenentur, qui arbitrantur ex hu-

Tom. I.

jusmodi actu exteriori non contrahi excommunica- tionem, quoad forum conscientiae, tute à quolibet confessario posse absolvi, quod verò ad forum exte- riorem abiis, qui ad id sunt deputati.

Est autem hæresis contra fidem, ut præmisimus, id est contra articulos fidei, ac veritates, quæ de fi- de tenentur. Unde in alio errantes, ut Symoniaci, qui juribus primæ causæ, & quæst. & à Glossa in d. cap. firmissime de hæret. appellantur hæretici sub censura dicti Canonis Bullæ Cænæ non sunt inclusi. Essent porro, si crederent donum Dei, quod vendunt, emunt- ve, esse pecunia acquisibile juxta illud Act. cap. 8.

Nititur autem fides testimonio Ecclesiæ revelantis accepta à Deo. Unde primum quid est in fide, ut credens innitatur huic testimonio, nec ab eo in re ali- qua velit discedere, pro firmo habens, ipsam nec decipere posse, nec decipi, can. à recta, can. memor. can. quoties cum pluribus seqq. 24. q. 1. ac Theologi cum D. Thoma 2. 2. q. 1. ar. 10.

Nec tamen necessaria est ad constituendam hæresim directa & formalis oppositio Ecclesiæ, qua Ecclesia est, sed sufficit, ut quis scienter opponatur, quacun- que deinde intentione id faciat, aut lucri, aut honoris, Vasquez loc. cit. Becan. de fide cap. 14. q. 2. n. 19. San- chez supra num. 2. ac diserte Augustinus relatus in can. hæreticus 24. q. 3. Hæreticus est, inquit, qui alienius temporalis commodi, & maxime vanæ gloria principatusque sui gratia, falsas, aut novas opiniones vel gignit, vel sequitur, & nos supra.

Quare fides sub hoc testimonio comprehendit non solum veritates definitas, sed etiam definibiles, qua- tenus sub ejus definitionem venire possunt. Et sic erit hæreticus, qui alicui propositioni non definitæ ita averfatur, ut nolit assentiri, etiam si ab Ecclesia defi- niri contingeret, Cajet. 2. 2. q. 11. & in sum. v. hæresis, Ugolin. §. 1. num. 9. Graf. cit. cap. 8. num. 37. Navar. cap. 9. num. 22. Sanch. num. 29. Vasquez d. cap. 3. num. 8. & Reginald. num. 238.

Idem est de eo, qui opinans, falsò tamen, aliquod dogma esse ab Ecclesia definitum, nihilominus contra- rium tenet. Et tandem de eo, qui verum cum Ecclesia teneat, arbitretur tamen id esse contra illam, Henriq. lib. 3. de excom. cap. 17. num. 3. Bannes, & Aragonius supra citati, Ledesm. tom. 2. tr. 1. cap. 6. post. 3. conclus. Sayr. de censur. lib. 3. cap. 4. num. 24. Paramus lib. 3. de orig. S. Inquis. q. 3. num. 20. Duard. q. 25. n. 9. Farinac. de hæres. q. 179. num. 2. Alter. d. cap. 2. col. 5. Reginald. num. 237. Sanch. numer. 30. Ricciul. d. lib. 5. cap. 5. num. 3.

Oppositum de hoc ultimo statuit Simanch. de cathol. instit. tit. 31. num. 9. Tum quia hic nihil tenet contra Ecclesiam. Tum quia error hujus generis ab excom- municatione incurrenda in similibus liberat, sicuti putans, se percutere Clericum, si reperitur inopina- to laicus, non excommunicatur.

Quibus occurrimus ex jam dictis, istum adhærendo opinioni illi, tanquam suæ opinioni consequenter au- thoritati Ecclesiæ. Quod hæresim constituit. Nec par est exemplum adductum. Nam cum excommunicatio percussione primario contra actum ipsum, ut injuriosum Clerico, lata sit, eo casu non irrogatur revera Clerico injuria, ideoque censura declinatur. At in præsentì solus actus non habendi credulitatem testimonio Ec- clesiæ est actus contra fidem, & hæreticus.

Unde est etiam hæreticus, qui alicui opinioni ita adhæret, vultque omnino fide tenendam esse, ut nec Ecclesiæ definienti, eam non esse fide tenendam, para tus sit acquiescere, Sanch. nu. 31. allegans Cast. lib. 1. de just. hæres. puni. dub. 4. & Cord. lib. 1. q. 17. §. 7. dub. 2.

In his autem, ac similibus casibus amplector dictum Vasquez loc. cit. hujusmodi nolle, aut velle acquies- cere, quod opponitur auctoritati Ecclesiæ, debere esse



esse expressum, sive actuale, nec sufficere habitua-  
lem dispositionem, qua quis præsumitur ita dispo-  
situs, ut si interrogetur, an id, quod sentit, ita  
firmiter retineat, ut nec Ecclesiæ contrarium dispo-  
nenti, paratus sit acquiescere, responsurus esset affir-  
mative. Nam regulariter ob solam habitua-lem dis-  
positionem ad peccandum, nemo adhuc peccasse di-  
citur.

Non est autem hæreticus negans propositionem  
definitam à solo Episcopo, vel à sola Synodo, etiam  
provinciali, nisi hanc Romanus Pontifex confirma-  
verit, suæque autoritate universæ Ecclesiæ propo-  
fuerit credendam. Ipse est enim certa fidei regula,  
ut præter jura superius adducta, docet Glossa com-  
muniter recepta in *cap. quod translationem v. re-  
servata de offic. Leg. Innoc. & Abb.* quos allegat &  
sequitur Ugolin. §. 4. D. Antonin. p. 3. tit. 24. cap.  
4. Sylvest. in *sum. v. excommunicatio* 7. §. 5. Alter.  
*loc. cit.* Addo eadem ratione non fieri hæreticum  
negantem dogma definitum à Concilio generali,  
si legitime congregatum non sit, aut ad eorum,  
quæ definit, validitatem, confirmationem Summi  
Pontificis expectare debet, secus si ab eodem habuit  
instructionem, nulla enim alia expectanda est confir-  
matio, de quo alibi.

Neque ei, quod de Episcopo diximus adver-  
satur *cap. ad abolendam de hæret. ubi dicitur, quos-  
cunque Romana Ecclesia, vel singuli Episcopi per  
diocesim suas hæreticos judicaverint.* Nam respondet  
Innocentius, & satis ex contextu patet, non dici  
ibi hæreticum, qui definitioni Episcopi in re-  
bus fidei adversatur, sed qui convictus, & judi-  
catus est talis ab Episcopo. Si enim Episcopus  
declaraverit aliquem hæreticum, ille pro tali est ha-  
bendus.

Controvertitur autem, sitne hæreticus, qui pri-  
vatæ revelationi sibi à Deo factæ abnueret assentiri,  
& an censuræ d. *canonis primi Bullæ Cænæ*, aliis-  
que hæreticorum pœnis fiat obnoxius. Corduba  
citatus §. 1. *dub. 2.* Azor. d. *lib. 8. cap. 6. q. 4.*  
ajunt, hunc evadere pœnas, licet ille nolit, ve-  
lit hic, eum esse hæreticum coram Deo. Et in foro  
tantum interiori esse illum hæreticum voluit Suarez  
de *fid. disp. 19. sect. 5. numer. 10.* Sanctarell. de *hæ-  
res. cap. 1. dub. 2. numer. 9. & seqq.* Laym. *lib. 2.  
ar. 1. cap. 13. numer. 6.* Castropal. *tom. 1. ar. 4.  
disp. 3. pun. 2. numer. 14.* Esse verò hæreticum  
etiam coram Ecclesia, tenet Vega *lib. 9. de justfic.  
cap. 3.* Catharin. *apolog. de certitud. grat. cap. ult.*  
Sanchez *num. 32.* qui addit excommunicationi, aliis-  
que pœnis subiacere.

Hac in re certum est in primis, quod si aliqua ex  
causa, [vel hæc sit cautela, quæ in hujusmodi ne-  
gotio, videatur viro prudenti, cui facta est reve-  
latio, procedendum, vel sit quædam naturalis du-  
rities, & incredulitas, non tamen affectata, & do-  
losa] dubitari possit, an revelatio revera sit facta,  
vel an sit facta à Deo, nomine ipsius, non  
erit hæreticus, ex hac dubitatione non adhærens  
firmiter veritati revelatæ. Nam ille, qui ex cau-  
tela dubitat, non peccat. Alter verò, quic-  
quid sit, an peccet, moraliter tamen non conti-  
gerit ei dubitare, si revelatio fuisset adeo eviden-  
ter à Deo, ut nulla tergiversatione negari posset.  
Unde ex ea dubitatione non habet animum  
formaliter divino testimonio oblectantem; quod  
sufficit.

Deinde mihi videtur probabilius dicta excom-  
municatione Bullæ Cænæ, aliisque pœnis, in hæ-  
reticos latis, hunc ab Ecclesia non puniri. Quia  
respectu ipsius Ecclesiæ non est censendus hæreti-  
cus. Probatumque ex eo, quod fides, quam ha-

bet, & proponit sequendam Ecclesia est catholi-  
ca, & universalis, quæque nititur revelationi com-  
muni, factæ Prophetis, & Apostolis, ac successo-  
ribus pro tota universitate juxta illud ad Ephes.  
*superadificati supra fundamentum Apostolorum, &  
Prophetarum.* Unde specialis revelatio non potest  
dici de fide Ecclesiæ, & catholica. Et hoc fere mo-  
do loquuntur Theologi, pertractantes de fide, ubi  
de hac quæstione plurima attingunt, & in specie Be-  
canus de *fid. cap. 1. q. 4. numer. 7.* Igitur cum  
nullum sit fundamentum affirmandi Ecclesiam dicto  
Canone primo Bullæ Cænæ punire alios hæreticos,  
quam eos, qui sunt hæretici in fide ipsius, non assen-  
tiens privatæ revelationi eo anathemate non feritur.  
Et ita, præter Cordubam, & Azorium, tenent Vi-  
valdus in *candelabr. p. 2. in explicat. Bul. Cæn. in  
edit. anni 1602. numer. 30.* Rodriq. ad *Bul. Cruc. §.  
9. num. 74. & Duard. q. 22. num. 7.*

Neque obstat argumentum Sanchez, quod quæ  
proponit Ecclesia nitantur fundamentum summæ ve-  
ritatis, nempe Dei revelantis, cui hic opponitur.  
Aut quod sicuti negans id, quod falso putat, esse  
ab Ecclesia definitum, licet illud revera definitum  
non sit, est hæreticus, nihil tamen contra fidem  
catholicam opinetur, ita idem videatur de hoc esse  
sentiendum.

Non obstat, inquam, tum quia testimonium Dei  
se habet tanquam quid remotum ad constituendam in  
Ecclesia hæresim. Unusquisque enim in Ecclesia satis  
censendus est tutus, si affirmet, se credere quod credit,  
ac proponit Ecclesia & nihil extra illud. Tunc quia ille,  
de quo affertur exemplum, recusat expresse assentiri testi-  
monio Ecclesiæ, quod tenemur ex fide recipere, hic  
autem non negat expresse, Deum esse veracem. Si  
enim id absolute negaret, non est dubium, quin esset  
hæreticus; sed tantum renuit privatæ revelationi  
ob rei obscuritatem, vel aliam ob causam assen-  
tiri, in quo præcise nihil contra Ecclesiam reperitur.

Hinc licet dubitetur, an privatæ revelata possit  
proponi ab Ecclesia, ut pertinentia ad fidem ca-  
atholicam, & ratio dubitandi est primo, quia  
adhuc ista innituntur testimonio divino. Secundo, quia  
esset hæreticus, si quis non crederet iis, quæ sibi pri-  
vatæ revelantur. Tertio, quia Ecclesia proponit  
revelationes privatarum personarum, ut B. Birgitz.  
Et quarto quia D. Augustinus *lib. 2. contra Donatistas  
cap. 53.* inquirens, an baptismus per jocum collatus,  
esset validus, inquit, quod si daretur talis baptismus,  
esse implorandum divinum judicium per alicujus reve-  
lationis oraculum.

Omne tamen dubium diluitur, quod non possint  
proponi, quia objectum fidei ab Ecclesia propo-  
situm debet esse omnibus commune juxta illud ad  
Ephes. 4. *Una fides, unus Dominus.* Atque adeo  
debet esse publice revelatum, & propositum per  
ministros publicos fidei juxta illud ad Ephes. 2. su-  
perius relatum. Et quia privatæ personæ aliquando  
tanguntur Spiritu sancto, aliquando verò loquun-  
tur spiritu proprio, inculpabiliter tamen, ut notat  
D. Thomas *quodlib. 12. ar. 6.* Hinc habentur pri-  
vatæ revelationes contradictoriæ, ut quod B. Virgo  
fuerit immunis ab originali peccato, ut in revela-  
tionibus B. Birgittæ *lib. 1. cap. 19.* & oppositum fuit  
revelatum S. Catharinæ Senensi, ut tradit D. An-  
toninus 1. p. tit. 7. cap. 2. Hoc autem est signum,  
quod si una revelatio est à Deo, non sit altera ab ipso.  
Ac proinde privata revelatio non est sufficiens, ut pro-  
ponatur ab Ecclesia.

Ad primam rationem dubitandi, responderetur, inniti  
testimonio divino, sed non ut publice docenti, & ideo  
non sufficiunt ad publicam fidem. Ad secundam, non  
futurum hæreticum, sed infidelem, ut mox dicemus. Ad  
tertiam, Ecclesiam non proponere tales revelationes, ut  
fide



de catholica tenendas, sed ut conducentes ad pietatem, & alios affectus excitandos. Ad quartam, D. Augustinum tantum velle, ut in rebus dubiis recurratur ad divinum auxilium, ut aliquo speciali regimine dirigat publicos ministros fidei. Unde ait, esse implorandam aliquam revelationem, quæ interserviat per modum regiminis ad declarandam veritatem, non autem cui præcise sit fides infallibilis adhibenda.

An autem quoad Deum dicendus sit hæreticus, vel potius infidelis, parum confert rei nostræ. Caterum non videtur hic dicendus hæreticus, sed infidelis, ut loquitur Sotus *lib. 3. de nat. & grat.* licet ei rationi nitatur, quod patet, privata revelationi non præstari assensum per communem habitum fidei, omnibus infusum, sed per aliam fidem particularem, non minus tamen certam. Vel temerarius, ut ait Lorca, quem citat Sanctarellus *d. n. 9.*, quandoquidem requirit & recte, ad hoc, ut aliquis dicatur hæreticus, quod erret contra articulum fidei, quem Ecclesia docet, sive credit. Ego autem censeo, nomen saltem infidelis effugere non posse, quia quantum ad naturam, & essentiam fidei, secundum se spectatæ, potest etiam niti privata revelationi, ut constat ex fide Abrahami, qua speciali revelationi de Filio sibi nascituro credidit. Eiusdem enim fuit conditionis cum nostra, cum ex ea justificatus fuerit ex Paulo *ad Rom. 4.*

Sequitur in allata definitione particula *errans* circa quam duo occurrunt consideranda. Alterum est, errorem non esse tantum in firma adhesionem opposita fidei, sed etiam in sola dubitatione voluntaria, seu in sola prohibitionem assensus firmi, quem præstare debemus veritati fidei, *cap. 1. de hæret.* ibi *dubius in fide, infidelis est*, & *cap. firmiter de sum. Trinit.* ubi appellatur hæreticus dubitans, animam rationalem esse corporis formam. Errat siquidem qui rem certam accipit in dubiam, ut loquitur D. Augustinus in *Enchir. cap. 17. & 19.* de quo & nos alibi.

Dixi in sola dubietate voluntaria. Nam quadrupliciter contingit dubitare, seclusa ea dubitatione, quæ ex ignorantia, & simplicitate provenit. Primo ex subrepticia tentatione, sive involuntaria quadam cogitatione, aut illusione, qua quis inconsiderate incipit titubare in aliqua fidei veritate. Secundo cum quis voluntariè secum ipse examinat, ac discutit veritates fidei, ex utraque parte rationes dubitandi movens absque eo, quod aliquid reflectat, aut concludat. Tertiò si reflectens, & putans utramque partem esse probabilem, pendulus neutri firmiter adhæreat, eligatque, nullum firmum assensum, aut dissensum habere. Quarto si super hæc iudicet positive, rem esse dubiam, ac proinde veritatem fidei non habere tantam certitudinem, ut tutum sit, ei sine hæsitatione assentiri.

Ex priori dubietate, quia est involuntaria, & extra potestatem nostram, evidens est, non incurri hæresim. Immo potest sustineri cum merito, si sedulo abigatur, & actus fidei eliciatur, ut ex D. Bonaventura docet Sanchez *d. cap. 7. n. 13.* Duard. *q. 23. num. 5.* & Ricciul. *d. lib. 5. cap. 4. num. 1.* ubi plures citat.

Alteri, licet voluntaria, & peccaminosa, præsertim in viro non docto, non inducit hæresim. Quia ex ea non dicitur actus aliquis assentiendi, vel dissentiendi contrarius fidei, Duard. *num. 6.* & Farinac. *de hæres. q. 178. num. 69.*

De postrema non potest esse apud doctores controversia. Nam taliter dubius, non est formaliter dubius duntaxat, sed etiam positive adversus fidei, quia positive assentitur, ea, quæ proponit Ecclesia, non esse certa, ac proinde, fidem esse opinionem, ac per consequens Ecclesiam decipi posse. Quæ omnia sunt hæretica. Et hoc expresse intelligunt Canus *de loc. Theolog. lib. 12. cap. 9.* Bannes *2. 2. q. 11. art. 2. Sa v. hæresis, num. 1.* Valquez *1. 2. disp. 65. cap. 1. num. 4.* Sanchez *supra num. 12.* & Filiuc. *num. 28.*

Tom. I.

De tertia dubitatione difficultas est gravis, in qua tamen affirmativam partem, scilicet ex ea induci hæresim, & excommunicationem, quia est communior, & rationi magis consona, statuimus. Ita Io. Andr. Abb. & fere communiter Canonistæ in *d. cap. 1. de heret. Angel. & Sylvest. in sum. v. hæresis. 1.* Cajet. *v. interrogatio in 1. precept. & 2. 2. q. 11. ar. 2.* ibique Aragon. Valentia *disp. 1. pun. 1.* Carer. *de hæret. num. 8.* in princ. Royas *sing. 57. num. 4.* Pegna in *direct. com. 1. de hæret. Castrius lib. 1. adversus hæreses cap. 10. sub initio* Tolet. *lib. 4. cap. 4. in fine* Azor *d. cap. 9. q. 5.* Graf. *lib. 2. dec. cap. 8. num. 11.* Reginald. *num. 237.* Soufa *disp. 7. concl. 3.* Duard. *q. 23.* Scottia *d. theorem. 410.* Alter. *d. cap. 2. col. 3.* qui addit, nec excusari posse, quamvis dicat, se paratum esse mori potius, quam errori contra Catholicam fidem assentiri. Ricciul. *d. cap. 4. num. 6.* qui cum Sanchez *num. 11.* alios plures allegat. Idemque videtur sentire Gambarrupta *cit. cap. 1. num. 18.* Tum quia tenemur habere fidem Ecclesiæ, quam non habentes, per Ecclesiam puniuntur. Hæc autem est certa, firma, & non nutans. Tum quia substantia fidei consistit in assensu certo, quo hic dubius cum careat, cohibens se, ne illum eliciat, necessarium est etiam, quod fide careat. Tum quia, cum iura supra relata loquantur de dubio, non possunt intelligi, nisi in hoc sensu, cum dubius ex quarto capite non sit verè in fide dubius, sed formaliter errans.

Negativæ parti adhæret Simanchas *de Cath. institut. 31. num. 69.* Sanchez. *loc. cit. num. 12.* Becan. *de fide cap. 14. q. 2. num. 9.* eo, quia non sunt hæretici, qui non sibi eligunt opinionem averfam veritati, quæ est de fide, in quo consistit hæresis, ut colligitur ex *can. hæresis, & can. hæreticus 24. q. 3.* Porro dubitans nullum habet assensum fidei contrarium. Sicut enim fides est assensus, ita contrarium illius debet esse positive dissensus. Ambigens autem, cum sit medius inter utrumque, non potest dici verus hæreticus.

Quibus occurritur primo, ita ambigentem habere actum, fidei contrarium privative. Siquidem in fide tenemur habere actum credulitatis positivum. Deperditur autem fides non minus per actum, qui privat, quam per actum positive contrarium, quique ea pugnat: deinde ac quidem rectius, electionem, quam quis voluntariè eligit manere dubius, esse actum positivum contrarium fidei, dicit actum assentiendi firmiter propositionibus, habitis pro certis juxta illud Symboli Athanasii: *Hæc est fides catholica, quam nisi quisque fideliter, firmiterque crediderit, salvus esse non poterit.* Nec multum refert, quod ille absolute non iudicet res esse dubias. Nam satis est, quod finit apud se haberi pro dubiis, sicuti quis est hæreticus ex eo solum, quod non credat, esse tres personas divinas, licet non iudicet Ecclesiam, quæ contrarium tenet, opinari falsum.

Alterum, quod proposuimus annotandum, est, errantem circa plures articulos, in plures excommunicationes incidere. Nec enim est dicendum æquali pœna unicum puniri delictum, ac plura, & primo crimine peracto, impune exinde delinqui, *1. nunquam plura ff. de priv. delict.* Ugolin. *d. cap. 1. §. 4.* Farinac. *q. 101. §. 1. num. 9.* Ricciul. *d. lib. 5. cap. 13. num. 3.* & Nald. in *sum. 11. Bulla Cœne num. 3.* Quapropter monet Valentia *2. 2. disp. 1. q. 10. pun. 3.* in confessione explicandum esse numerum articulorum, quos quis negavit.

Et quia, ut mox dicemus, hæc excommunicatio non contrahitur, nisi hæresis manifestatione, dicendum videtur, non esse necessaria tot signa manifestativa distincta, quot sunt hæreses manifestatæ, & per consequens tot excommunicationibus quem innodari, quot hæreses ostendit, signum licet sit unicum. Sicut eadem percussione plures percutiens Clericos, pluribus



anathematibus afficitur, ut ait idem Ugolinus *loc. cit.* Quoad illas verò, quæ latentes remanent, nulla attenditur excommunicatio.

An autem pluribus manifestans eandem hæresim pluries incidat, non dissentiunt Doctores. Facilis tamen videtur responsio, quod cum in idem crimen non feratur denuo censura, nisi addita nova contumacia, ut est receptum, & alibi diximus, nec videatur multiplex manifestatio, multiplex contumacia, nisi post correctionem adhibitam, sequitur excommunicationem, semel contractam, sufficere. Potest quidem esse nova manifestatio cum crimine, eoque lethali, sed non tali, quod hac pœna plectendum sit. Siquidem cum excommunicatio feratur in odium hæresis, ut manifestabilis, quando jam supponitur evulgata, non habet amplius eandem enormitatem. Quare nec videntur ob stare dicta de iteratione censuræ, quæ sit per novum actum inhibitu solo numero diversum, exempli gratia pluribus vicibus eundem percutiens, pluribus irretitur. Est enim in eo discrimen, quod percussio novam propriam habet integram malitiam. Nova autem manifestatio non item. Quia malitia ex interno errore principaliter desumitur. Nec tamen oppositum credimus improbabile.

Diximus tandem, *externum prodit errorem.* Quia licet hæreticus internus sit verus & proprius hæreticus, ut per D. Thom. 1. 2. q. 91. ar. 4. Cajet. 2. 2. d. q. 11. *Et in sum. 11. hæresis*, Iurretrem. in d. can. dixit Apostolus 24. q. 3. Graff. lib. 2. cap. 9. num. 3. Ricciul. cit. lib. 5. cap. 9. alique per ipsum relati, tamen eo, quod Ecclesia regulariter non iudicat de occultis *can. consulisti 2. q. 1. can. si quando 15. q. 6. can. erubeant*, ubi Glossa d. 31. cap. tua nos de Simon. cap. tua de sponsal. cap. 1. de clandest. despons. cap. un. ut Eccles. benef. sine dimin. confer. ibi: *Et si locum Dei tenamus in terris, non tamen de occultis possumus divinare*, vinculo excommunicationis dicti canonis Cœnæ Domini obstringitur hæreticus, nisi externus, Antonin. 3. p. tit. 35. cap. 4. Cajet. cit. loc. sum. Palud. in 4. d. 13. q. 3. Becan. de fid. cap. 15. q. 1. Tolet. lib. 1. cap. 20. num. 4. Sayr. cit. cap. 4. num. 21. Graf. loc. cit. cap. 1. num. 4. Scortia in Bul. select. theor. 410. Suarez de censur. disp. 21. sect. 2. num. 2. Alter. col. 5. Filiuc. num. 27. Ricciul. cap. 10. num. 10. Sanchez in d. lib. 2. decal. cap. 9. Gambarup. num. 11. & Sousa disp. 4. num. 2. qui posteriores plurimos alios congerunt, ut sit fore communiter receptissimum.

Glossa tamen in clem. multorum §. quia nimis v. eo ipso de heret. & in can. cogitationis v. patitur de penit. d. 1. quam aliqui ex antiquioribus canonistis amplectuntur, infra citandi, contrarium tueretur. Nititur autem prior Glossa in eo, quod in citata clem. multorum excommunicantur, qui ex affectu gratiæ, amoris, odii, aut similis, omiserint procedere in diffamatum de hæresi. Id autem est punire solum actum interiore. Simul autem tam Glossa, quam ejus sectatores moventur ex eo, quod plures excommunicationes in jure, attentæ proprietate verborum, feruntur tantummodo in actus internos, ut sunt ex, quæ feruntur simpliciter contra hæreticos. Interni autem sunt veri hæretici, ut dictum est, & ea, quæ fertur in cap. excommunicamus 1. de heret. adversus credentes hæreticorum. Si igitur Pontifex, vult, ut supponit etiam actus internos censuris impetere, nec se explicat, quod externos tantum hæreticos velit complecti, non est à nobis divinanda hæc distinctio, arg. l. Papinianus ff. de minoribus.

Hæc tamen facile solvuntur. Nam in allata Clem. non punitur nudus affectus internus, sed ut per omissionem proditur, ac sit manifestus; nec enim sola commissione, verum & omissione quis animum ostendit, quod optime expendit Cajet. 2. 2. q. 11. ar. 3. & Navar. in d. can. cogitationis num. 8. Cæterum cum

Ecclesia sæpius testata fuerit; se de occultis non judicare, & congruentissima praxis ita receperit omnes excommunicationes, ut non nisi criminosos exteriores coërceant, nil refert, quod solos exteriores comprehendit, non sit expressum, cum id eo ipso debeat subaudiri.

Dixi regulariter, Ecclesiam non procedere adversus occulta; nam aliàs discutitur, an possit ex plenitudine potestatis punire Pontifex censuris actus mere interiores. Ex utraque parte æquale fere Doctorum agmen adducit Ricciul. cap. 9. ubi hanc quæstionem exagitat. Apud omnes tamen convenit, id non esse congruum, ac de facto non fieri, ut eximie docuit D. Thomas 2. 2. q. 11. ar. 3. *Et in p. 2. q. 91. ar. 4.* ubi ait, quod cum homo non possit de actibus interioribus judicare, utique nec pœnam inferre. Etenim de his potest legem facere, de quibus potest judicare. Judicium autem hominis non potest esse de interioribus moribus, qui latent, sed solum de exterioribus, qui apparent. Ex quibus concluditur, humano generi necessariam fuisse legem divinam qua pravæ cogitationes internæ comprimerentur, quæ humana non poterant. Quare licet peccati hæreseos interni potuerit sibi Pontifex reservare absolutionem, tamen id nunquam consuevit, cum omnes reservationes de hæresi, hætenus à Pontifice editæ sint cum annexa excommunicatione, quæ non fertur, nisi in exteriorem. Nec reservatione hæresis, ac universaliter aliorum criminum, unquam veniunt peccata interna tantum, nisi id expressis ac indubitatis verbis declaratur à Prælato reservante. Tum quia alienum est à prudenti, ac suavi Ecclesiæ gubernatione, occultissima, quæ non agnoscat, reservare crimina. Tum quia hæc frequentissima & facillima commissu, non est congruum subditi difficultatibus, quas secum fert reservatio.

Quamquam respectu hæresis in inferioribus Prælati id non videatur facile admittendum. Quia cum satis constet, hæresim exteriorem esse summo Pontifici reservatam, ac proinde minores Prælati regulariter non soleant reservare, si reservent, nullo alio addito, ut reservatio locum habeat, non aliam complectitur, quam internam. Ab hac opinione non videtur abesse Cajet. 2. 2. q. 11. cit. art. 3. Quod si reservent, addita excommunicatione, quæ supra exteriorem tantum cadere potest, videndum, an voluerint excommunicatione distincta à censura Bullæ innodare. Tunc siquidem altera expectanda erit absolutio.

Atque ex his concluditur communiter, talem hæreticum internum posse à simplici Confessario absolvi, additque Sanchez *loc. cit.* idem esse etiam de simul exteriori, qui ratione ignorantiae inculpabilis de excommunicatione, in hæreticos lata, eam non contraxisset. Licet enim peccatum hæresis non sit reservatum per accidens, scilicet quatenus est reservata excommunicatione, sed per seipsum, ut est commune placitum cum Suarez to. 4. in 3. p. disp. 29. sect. 2. num. 8. *Et seqq.* tamen & ipsum non est reservatum separatim à censura, ut ibidem explicat Suarez.

Actus autem exterior, cum fieri debeat, non casu, & absque determinatione, sed advertenter, & ex animo, coniungendus est cum errore interiori, ut tunc, quando exhibetur, sit error in intellectu actualiter, vel saltem virtualiter, ut ex interiori errore procedat exterior hic actus, significativus ejusdem; secus enim non proditur hæresis, quæ viger latens in mente. Error igitur, qui antea fuerit, non sufficit, immo nec si permaneat habitualiter, id est non retractatus. Siquidem si non advertatur adesse in mente, non insinuat in actum externum, sed respectu illius ita se habet, ac si non adesset. Si autem advertitur, sit eo ipso actualis, dum non retractatur. Unde qui casu exhibet actum, de se aptum manifestare hæresim, quam aliquando habuit, vel habet habitualiter tantum



rum, non sit exterior, ut si quis ex accidenti non detegat caput Eucharistiæ, cuius fidem aliis non habuit, vel si diceret, se olim in hæresim consensisse, etiam si ex inadvertentia non retractaverit hæresim, ex quo permanere habitualiter dicitur. Idemque est de hæretico, exhibente signum alterius hæresis, quam non habet. Siquidem omnes tales actus non promulgant hæresim, tum existentem, vel à qua procedant, ut per Vasquez p. 2. disp. 160. cap. 5. num. 22. Suarez tom. 5. in 3. p. disp. 4. sect. 2. num. 14. Simanch. de cath. instit. tit. 42. numer. 10. Azeved. recopil. lib. 8. tit. 3. numer. 157. Azor. cap. 10. q. 6. Sous. disp. 6. numer. 6. Sayr. lib. 3. de conf. cap. 4. numer. 31. Cordub. lib. 4. q. 13. Alter. col. 8. & Sanchez cap. 8. numer. 20. & 25. ubi optime reiecit quandam limitationem Suarez circa hæresim præteritam, nimirum tunc saltem quem fieri exteriorem, & excommunicatum, quando exprimeret animo complacente in eo delicto. Satis quippe est, eum non proferte hæresim præsentem, & ex manifestatione non posse deduci probabiliter, eum tum esse in hæresi.

Obijci solet contra prædictam doctrinam, videri innodandum Apostatam, asserentem se ad paganismum esse conversum, cum ad Judaïsmum accesserit. Nam apostasiam prodit. Ergo & eum, qui unam hæresim prodit, cum aliam habeat. Sousa loc. cit. numer. 8. negat antecedens. Quia mendacium illud nil veri erroris indiguit. At cum formale Apostasiæ sit à tota fide desciscere, connotatum verò conversionem ad sectam, quia hic retrocessionem satis indicat, non est à censura eximendus. Unde negandum consequens, quia in manifestatione unius hæresis non includitur manifestatio alterius, sicut in manifestatione arcepi paganismi includitur apostasiæ revelatio.

Significans autem se determinatum esse incidere in hæresim, quamvis tunc particularem & determinatum errorem non habeat, sit exterior, & excommunicationi subiectus, quicquid in contrarium dicat Sanchez numer. 22. significat enim, se omnino defecisse à fide, solumque ab alio hæretico videretur differre, quod in singulari nil credit actu contra fidem, cum tamen vagè, & in confuso aliquid credat, immo hoc in singulari, quod fides in universum non sit amplectenda. Simile est de credentibus hæreticorum, qui ex eo solum innodantur, quod credant in confuso hæreticorum doctrinas esse veras. Unde etiam satis proditur, qui se hæreticum absolute ostendat, licet particularem, quam habet, hæresim non exponat, ut etiam Sousa numer. 9.

Tripliciter porro exhiberi potest hæreseos exterius signum. Verbo, ut disertis verbis affirmando, se esse hæreticum, vel celebrando, ac defendendo falsa hæreticorum dogmata, & similibus, quibus annexere possumus etiam scriptum. Opere, ut conculcando Sacramentum, contemnendo, ac dilacerando sacras Imagines, comedendo veritis diebus carnes, conveniendo cum hæreticis ad sacra & conciones &c. Omissione, ut non audiendo festis diebus sacrum, non exhibendo Eucharistiæ, aut Iconibus cultum, aliisque huiusmodi.

Differunt tamen in virtute significandi inter se hæc signa. Quod plane animadvertendum est. Verba siquidem, & scripta clare de se hæresim ostendunt. Opus quædam magis expresse, ut conculcatio Eucharistiæ, quædam minus, ut esus carniū diebus veritis, qui & vitio gulæ, & infirmitati valetudinis adscribi potest. Minus his omnibus omissiones, quæ non nisi ex circumstantiis personæ, loci, ac temporis habent hæresim prodere. Nec enim ex semel non exhibita sacris Imaginibus veneratione, percipiet aliquis, non exhibentem esse hæreticum, nisi vel sciat personam

esse in novitatem doctrinæ proclivem, aut fiat in loco, ubi quilibet catholicus in odium, & distinctionem hæreticorum studeat, se pium in sedula Imaginum veneratione exhibere, aut si tempore, quo sine incommodo, aut labore venerari poterat, omittat.

Excipitur autem à verbo Confessio Sacramentalis, in qua hæresis falsa non constituit hæreticum exteriorem, ut per Simanch. eod. tit. 42. n. 9. Cordub. lib. 4. q. 13. Gutier. quest. can. lib. 1. cap. 13. n. 9. Sayr. cit. n. 28. Covar. in reg. peccatum p. 2. n. 7. Reginald. supra n. 245. Souf. disp. 7. sub. initio, Filiuc. n. 29. Azor. d. lib. 8. cap. 10. q. 5. Becan. de fid. cap. 15. q. 1. num. 8. Duard. q. 24. Sanch. n. 19. Alter. col. 7. ac Ricciul. cap. 9. num. 12. Tum quia hic actus est extra iudicium humanum. Fit enim confessio Deo, non homini, cap. si Sacerdos de offic. Ord. cap. omnis de penit. & remiss. Tum quia actus est optimus, & nullam à malitia interni erroris deformitatem accipiens, quin potius est in odium illius. Tum quia alioquin satius esset non confiteri, quandoquidem non confitens abiret à censura immunis, quam confitens contraheret. Tum tandem quia nunquam à simplici confessario interna hæresis posset absolvi, fit enim ipsa confessione exteriore. Quæ sunt absurda.

Quod si in actu confessionis hæreticus Confessario detegat, sed sine aliquo recto fine, eo, quod nec respiciendi animo aut dispositione aliqua, nec quo consilium petat, non potest excusari. Quia tunc est confessionis simulatio, neque actus est per se rectus, Covarruvias, Corduba, Azorius, & Sanchez locis allegatis contra Sayrum, qui id nimis extendit, scilicet etiam si nec hæresim deserat, neque corrigi paratus sit. Debet enim dispositive saltem habere animum abijciendi hæresim, vel accipiendi consilium; aliter enim quorsum manifestat in bonum.

Idem est de eo, qui se proderet viro docto, aut probò amico ex intentione audiendi consilium, etiam si non sit expresse ac positive determinatus acquiescere, nec inceperit actualiter detestari errorem, quam conditionem aliqui apud Sanchez numer. 20. volunt esse necessariam, sed tantum cum intentione audiendi ac secum deinde examinandi. Ita auctores citati & præter eos Azeved supra numer. 156. Sa. 11. excommunicatio in Bul. Cæn. numer. 3. Aragon. 2. 2. q. 11. ar. 3. col. 7. & Alter. col. etiam 7. Probaturque ex eo, quia talis actus de se nullam habet malitiæ rationem, & ex animo contra hæresim habitualiter saltem disposito, nulloque modo exhibitus in intentione hæresis manifestandæ. Alioquin autem hæreticus mentalis terrore tanti vinculi, privaretur remedio petendi consilium, quod nihil est in hoc negotio salubrius, & ad odium erroris concipiendum accommodatius. Ex quibus addiderim similiter excusandum eum, qui ab alio interrogatur, viro præsertim autoritatis, animo correctionis, si opus fuerit, adhibendæ, an hæresim aliquam interne credat, eam fateretur. Et universaliter statui potest, licitam esse manifestationem, quoties fit, aut in erroris detestationem, aut ex alia proba causa. Sufficit enim ad excommunicationem declinandam, quod huiusmodi actus sine tendat ad bonum.

Supereft explicare, quodnam intelligatur esse signum manifestativum, sive quorsum signum manifestare debeat, ut excommunicationem inducat. Non dissentior à communi regula, quæ est, fieri tunc hæreticum ex signo, quando ex eo moraliter prudens quisque conjicere potest, illud exhibentem esse interne hæreticum, Bannes 2. 2. q. 11. ar. 4. dub. 2. arg. 3. contra 3. concl. Vasquez p. 2. disp. 160. cap. 5. numer. 20. ac. 21. Navar. in d. can. cogitationis numer. 10. Henriq. lib. 6. de penit. Corduba, & Sa. loc. cit. Petr. de Ledesm. tom. 2. sum. tr. 1. cap. 6. concl. 19. diff. 2. Azor. d. cap. 10. q. ult. Sayr. numer. 26.



Vivald. in *Bul. can. numer. 2.* Sanch. *cap. 8. numer. 7.* Filiuc. *nume. 29.* Sous. *disp. 4.* & Ricciul. *cap. 9. num. 13.* Quod etiam alii complures, licet expresse non asserant, tenentur amplecti ita, ut hæc sit receptissima sententia. Nisi enim signum sit talis conditionis, non potest dici hæresis insinuata Ecclesiæ; nec enim est externum in Ecclesia, quod ipsa cognoscere ex signis non valet.

Hanc opinionem amplector. Tum ne à communi sensu discedam. Tum ut conscientiis indulgeam in re tam periculosa, quanquam perpensis utrinque rationibus, probabilius videatur aliter sentire, nimirum quoties omissione, verbo, aut opere, quomodolibet exteriori hæresis exit è statu puræ interioritatis, quamvis de se signum non sit alteri manifestativum, sufficienter hæresim fieri exteriorem, quo excommunicationem inducat. Ut si quis assentiens intra se, Deum non esse trinum, dicat ore, *non est*, vel annuat capite, dum hæresis ab alio prædicatur, vel Sacramento non credens, omittat venerari, etiam si ex circumstantiis non sit ob hæc à circumspicientibus reputandus hæreticus. De quibus ac similibus non concedunt Doctores sententiæ excommunicationem induci.

Ducor autem ex eo, quod verum quidem est, Ecclesiam non punire actus mere internos, at si semel prodeant quocunque modo prodeant, assumitur sine fundamento non punire eos omnes per ea, quæ Cajet. in *sum. v. excommunicatio cap. 3.* & *v. horarum canonicarum omisso §. 3.* Sot. *lib. 10. de just. & jur. q. 5. ar. 5.* Lorca *1. 2. to. 2. tr. de legib. disp. 16. memb. 2.* Siquidem non requiritur, ut ex signo insinuetur actu aliis cognitio hæretici, non conceditur communiter omnes prædicti, alique infra citandi. Quod verò nec absolute requiratur, signa excommunicationem inducentia, de se saltem potentia esse ad cognitionem ingerendam, licet per accidens, puta quia fiant in occulto, non ingerant actu, quod dicunt Autores prædictæ sententiæ requiri, ad hoc, ut cognitio Ecclesiæ punientis super ipsa signa cadere possit. Quod hoc, inquam, non requiratur, patet exemplo *cit. Clem. Multorum §. verum de hæret.* ubi eo ipso subduntur excommunicationi Inquisitores, quo ex interno amoris affectu amoris, odii, vel lucri deliberant, non procedere contra aliquem hæreticum; cum tamen in exteriori Ecclesiæ iudicio nihil appareat, aut apparere possit signi tunc, quando excommunicationi fiunt obnoxii.

Rursus quia hæreticus per eos actus exteriores manifestatur sibi, ut sibi jam non sit mere internus, uti erat antea. Non est igitur absolute amplius internus. Per accidens siquidem est, quod non manifestetur aliis. Nam, sicuti quod ex circumstantiis ab uno cognitis, & non ab alio, quis per esum carniæ, verbi gratia, uni fiat hæreticus manifestus, non autem aliis, est per accidens ad rationem signi. Ita etiam per accidens est, quod eodem signo sibi manifestante, quia sibi notæ circumstantiæ sunt, non manifestetur aliis, qui circumstantias non norunt.

Quapropter videtur non posse in ea opinione assignari, quando ex se signum habeat vim manifestandi aliis. Quod ostenditur in signo omissionis. Ejus enim vis manifestandi dependebit ab eo, an videntes sint instructi de circumstantiis, nec ne. Unde plura incongrua sequuntur, ut quod incidentia excommunicationis dependeat à scientia eorum, qui vident, audiuntve signum, non autem à malitia ejus, qui signum in manifestationem hæresis facit. Etenim contrahetur si illi ex circumstantiis jam notis possunt conjicere hæresim; non contrahetur, si non possunt. Similiter quod callidus, &

vater, qui à nemine permiserit mores suos, animamque cognosci, possit tute, ac impunè manifestare omittendo ea, ex quorum omissione in aliis argui possit hæresis. Immo quod expresse dicens, se esse hæreticum, si ex nota aliàs probitate, ei fides non præstetur, sed existimetur ex joco, vel aliqua alia occulta intentione id dictum, non possit fieri exterior, etiam si velit, vel certe quoad tempus non innodabitur, nisi quando, perpensis circumstantiis, incipient audientes suspicari, ipsum revera esse talem. Quæ omnia, qua ratione admitti queant, non percipio.

Quod si occurratur, tales incurrere, quia quantum est ex parte ipsorum manifestant. Subiiciam ego ex ignorantia circumstantiarum, qua laborant ceteri, manifestationem illam non esse sufficientem, ut insinuetur Ecclesiæ cognitio hæresis. Est enim impossibile, quod Ecclesia iudicet hæreticum, dum latent circumstantiæ, ex quibus id esset coniiciendum. Et sane, si ut quis dicatur exterior, sufficit, quod ipse, quantum de se est, prodat semetipsum, sequitur non esse attendendas circumstantias, sed errorem internum ejus, qui proditur, ac proinde quomodolibet se manifestantem fieri sufficienter exteriorem.

Nam licet remaneat id aliorum iudicio occultum ac incertum, punit tamen hunc lex, quæ est certa, & semper obligat in conscientia, arg. §. *conditionis, instit. de verb. oblig.*

Et hanc sententiam tenentur amplecti in primis & fortiori ii, qui supra asserabant, contrahi excommunicationem, etiam per solum actum internum, nimirum Glossa in *d. Clem. 1. de hæret.* & in *d. can. cogitationis de penit. d. 1.* Cardin. val. in *cad. Clem. num. 8. q. 7.* ibique Imol. *num. 18.* alios referens, Goffred. in *sum. tit. de hæret. num. 2.* Abb. in *proem. decret. v. Rex pacificus num. 6.* & in *cap. extirpanda §. qui verò n. 21. de præb. & cap. fin. num. 1. de hæret.* & *cap. 2. num. 13. de offic. Ord. Felin. in cap. fin. & in cap. porro de sent. excom. utrobique sub initio, Repertor. Inquis. v. Poena, Bald. in l. si quis num. 7. C. de Episc. & Cler. Anan. in cap. si quis num. 7. de hæret. Marfil in l. qui falsum num. 13. ff. de fals. Rosel. v. absolutio 1. num. 29. & v. excommunicatio 1. cas. num. 1. & v. hæreticus num. 14. Adrian. in 4. q. 2. de confessione, & quodlib. 8. q. 1. alique plures, quos citant Sanchez *d. cap. 8. num. 1.* ac Ricciul. *cap. 10. num. 8.**

Deinde ad stipulari videntur ii, qui absolute dicunt, sufficere hæreticum esse exteriorem, non explicantes exterioritatem, eo modo, quo prior opinio, ut in specie Graffius, ac Tolerus loc. cit. Favetque Navar. in *man. cap. 11. num. 22.* ubi ait, *esse excommunicatum hæreticum, etiam si sibi soli sit exterior*, & adhuc expressius Cajet. 2. 2. q. 11. art. 3. ubi hæretici occulti per accidens, de quo statuerat, non effugere censuram exemplum exhibet ex Clementina citata, ejus, qui ex odio, amore, aut passione aliqua omittit procedere contra hæreticos. Ille autem sibi, ut plurimum, soli est cognitus, subditque, distinguendum esse inter cor solum, & cor, ut habet rationem extrinseci, cum etiam dixisset antea: *propterea oportet Confessores inquirere, cum penitentes tepidi in fide, qui viti tentationibus consentiunt contra fidem occurrunt, an etiam secum solus protulerit infidelitatem suam.* Quæ omnia insinuant, sufficere quamlibet exterioritatem. In eandem sententiam expresse inclinat Alter. *cap. 2. col. 8.* & Reginald. *d. cap. 14. sect. 2. num. 239.* qui fuse explicat, licet paucis prober, ac ita tandem consulti responderunt prima vice Doctores Salmaticenses, inter quos Pegna, teste Vivaldo in *edit. 1598. cit. num. 12.*

Addit autem ibi Reginaldus, eum, qui hæresim, quam in mente habet per jocum exprimit, ut si quis credens, Christum non esse sub speciebus panis, dicat, se nolle adorare Deum, qui comedi



di potest à muribus, anathema incurrere. Quia vera hic hæresim, quam habet, promit, & per jocum sæpius veritas promulgatur. Quod quidem in hac secunda sententia admitti potest, ac præsertim, quod quanquam dicens ex joco, non faciat fidem, ex quo posset excusari, tamen non est simpliciter necesse, ut hæresis fiat externa quoad iudicium aliorum. Insuper autem talis modus loquendi, licet sit ex joco, addit rationem contemptus, quod potius crimen aggravat. In altera verò opinione, licet id admittat Sayr. *cit. cap. 4. n. 31. Alter. loc. cit. & Soula disp. 7. conc. 2.* tamen id perpendendum erit ex circumstantiis, ut Simanch. *cit. tit. 24.* alique.

In eadem autem prima opinione, quam in præxi duximus amplectendam, nullus fere casus dubitationi occurrit, qui ea regula considerata, possit ne, scilicet, quis ex eo signo arbitrari, illud exhibentem esse hæreticum, non definiatur. Apparet enim ex ea, signa communia, sive indifferentia, quæ alium æque ac hæreseos assensum videntibus, vel audientibus indigitare possunt, ac etiam incompleta, quæ, scilicet, incompletè tantum hæresim significant, non perfectè, ut est inclinatio capitis, & quædam verborum imperfecta prolatio, puta, *ita est*, dum internè errori præstatur assensus, non inducere censuram. In omissionibus autem egregie idem Ricciullus *num. 9.* opiniones extremas concilians, ait, esse attendendas circumstantias. Nam non revereri Imaginem respectu alicujus tribui potest inadvertentiæ, respectu verò alterius ratione loci, ac temporis accipietur tanquam indicium hæreseos. Quia qualitas actus, juncta eo tunc personæ suspectæ, habet significare errorem.

Liber tamen ad uberiores doctrinam aliquos casus in particulari recensere. Primus est; Non est æstimandus hæreticus exterior, qui internè errans, ut aliquem possit in hæresim inducere, ejus aucupetur amicitiam litteris, aut muneribus. Donec enim expressè intentum finem non prodat, significans, se velle in eandem secum sententiam inducere, officiosa ea signa de se sunt indifferentia, nec statim hæresim produunt, Sanchez. *cit. cap. 8. n. 9. & Cordub. in quest. lib. 4. q. 13. opin. 3.*

Secundus, neque est talis, qui materialiter in fide non errans, sed formaliter tantum juxta superius dicta §. *Quare fides sub hoc testimonio*, ut quia credat aliquid cum Ecclesia, quod tamen falsò putet ab Ecclesia de fide esse rectum, promeret opinionem suam. Si enim simul non manifestet, se ita sentire, quantumlibet Ecclesia sentiat oppositum, non proferat hæresim, sed veram doctrinam, Sanch. *num. 11.* Id ipsum insinuat Soula *disp. 11. in fine*, dum ait, explicantem suam sententiam in iis, quæ adhuc sub opinione sunt, nec definita, quamvis internè animum hæreticalem habeat, non excommunicari.

Tertius. Negans de subiecto aliquo principium, fit hæreticus exterior, si proferat propositionem, quæ neget proprietatem essentialem à principio illo profluentem, ut qui non credens, Christum naturæ esse humanæ, & rationalis, externè asserat, non esse risibilem. Nam & asserens ex errore interno ita pronunciat, ut supponimus, & audientes sufficiens hæreseos indicium sumunt, cum nullus præsumatur errare in principio naturali. Sanch. *num. 12.*

Quartus. Esset hæreticus exterior, qui res fidei credens dubias, asserat, se de illis dubitare, licet non expresse dicat, res esse dubias. Siquidem satis indicat, se arbitrari, res fidei esse dubias, qui dubius est circa illas, Sanch. *num. 13.* Nos verò id libentius recipimus, qui contra eundem Sanchez non solum opinati sumus, quem esse hæreticum ex eo, quod res fidei credat dubias, sed ex eo tantum, quod pendulus maneat, sive dubius si per positivo iudicio dubietatis rerum.

Quintus. Non fit hæreticus exterior circa materiam sui erroris proferens blasphemias, non hæreticales, ut qui non credens Deum esse omnipotentem, prorumpat in imprecationem. *Non fit in Deo potestas.* Quia verba hæc non sunt indicativi modi, ut indigent hæresim in proferente, sed tantum imprecatio quædam. Secus est, si blasphemia esset hæreticalis, ut, *Deus non est omnipotens.*

Sextus. Licet eo facto, quod regulariter præsumi solet committi ex errore in fide, puta rebaptizatione, ab eo, qui non confitetur unum baptismum, aut esu carnum ab eo, qui non credit, ab Ecclesia posse prohiberi, quis fiat sufficienter hæreticus exterior, non tamen fit ex eo facto, quod probabilem suspensionem hæresis de se non inducit, ut si quis credens, fornicationem non debuisset ab Ecclesia damnari, fornicetur, Sanchez *num. 15.* Hic enim licet sit hæreticum dicere, fornicationem non esse peccatum, ex Clem. *ad nostrum*; de hæret. fornicando ex hac opinione, non præsumitur hæreticus. Quia fornicatio passim fit etiam à non hæreticis. Crediderim tamen ex circumstantiis, hos actus posse ita juvari, ut fiant signa sufficienter exprimentia, verbi gratia, si quis in cæteris servandis præceptis accuratus, à fornicatione tamen nullo modo vellet abstinere.

Septimus. Non est quispiam exterior hæreticus, si legendo alienos Libros, vel transcribendo, aut narrando aliquid, vel disputando ex sententia aliorum, pronunciet voce, aut scripto hæresim, quam mente retinet. Quia non exprimit hæresim, ut propriam, sed ut alienam, Sanch. *num. 23.* referens ad id Cordubam *cit. q. 23. opin. 3.* Azor. *cap. 10. q. 7. fa. v. excommunicatio in Bulla Cæna num. 3.* Nec tamen recipimus limitationem, quam habet Sanchez, scilicet, id procedere, dummodo non proferat voluntate eam confirmandi, aut exprimendi. Nam ille actus proficendi alienam hæresim, de se nunquam est potius aliis insinuare propriam, quia semper hæresis accipitur expressa, ut aliena. Quare, ut sufficienter quis eo modo se prodat, aliud iudicium exhibere debet.

Octavus. Non fit hæreticus exterior, pronuncians hæresim tempore somni, aut ebrietatis, Sanch. *num. 24.* Petr. de Ledesma. *tom. 2. sum. tr. i. cap. 6. post 10. concl. diff. 5.* Duard. *q. 24. num. 19.* Quia non emanat exterior illa Locutio ab actu internæ hæresis. Unde nihil refert, hæreticum internum fuisse expertum, se prodere solere, nec præcavisse. Quo modo manifestatio dicitur voluntaria interpretativè, & in aliis criminibus similis voluntas non excusat, de quo casu ait Ledesma, se olim oppositum judicasse, & tenet esse probabile Bonacina in *Bull. Cæn. punc. 2. num. 7.* Nihil, inquam, refert. Tum ex allata ratione, quia internus error proximè tunc non influat. Tum quia eodem modo indicat hæresim pronuncians ea vice, quam non adverterat, ac recitata altera post advertentiam, non adhibita præcautione. Igitur, aut primà etiam vice fieri debet exterior, quod non admittitur, aut nec secunda deindè vice fieri potest. Neque par est exemplum de aliis criminibus, quia ea quomodocunque voluntaria etiam deliberatione remota, non carent malitia. Ac manifestatio hæresis debet proximè deliberatè fieri. Probabile autem est, quod si in fraudem quis se inebriet, ut hæresim detegat, quam timet sanà mente deregere, fiat hæreticus exterior, & excommunicationi obnoxius. Quia & detectio est satis voluntaria, & nemini secus patrocinari debet dolus.

Ultimus. Fit hæreticus exterior, dolosè verba, quibus exprimit hæresim, ita componens, ut ex amphibologia, quam recipiunt, possit subterfugere, in alium sensum ea extorquendo, Sanch. *num. 26.* Quia & malitiosa hæc fictio non minuit culpam, sed auget, &



& verba, non obstante amphibologia, habent significare hæresim, & ad hoc sunt prolata. Per accidens autem est, si ab aliquibus non percipiuntur, quatenus nimirum conjunctio alterius significacionis, vel sensus, impedire potest claram hæresis notitiam ex eis comparari.

In hoc enim omnes conveniunt, quod licet per accidens actus ad notitiam aliorum non perveniat, quando tamen de se est aptus pervenire, sufficiens sit ad pœnam hanc inducendam. Sic scribens secum ipse clausus, vel etiam pronuncians expressè, & completè, se aliquid fidei non credere, aut se esse hæreticum, innodatur, etiamsi nullus audiat, videat, aut statim chartam concremet, vel dilaceret, ut Cajet. 2. 2. cit. q. 11. ar. 3. Ugolin. d. §. 4. Graff. lib. 4. dec. cap. 18. numer. 14. Toler. d. cap. 20. numer. 5. lib. 1. Vivald. d. numer. 8. Sayr. eo lib. 3. cap. 4. numer. 26. Navar. in man. cap. 11. 22. & cap. 27. numer. 56. Filiuc. supra numer. 27. Duard. q. 24. concl. 3. Alter. col. 5. Soufa disp. 7. sub initio Ricciul. cap. 9. numer. 4. Azor, Sanchez, Reginaldus loc. alleg., ac cæteri communiter.

Inferunt hinc Sanchez numer. 10. ac Ricinellus num. 7. non esse hæreticum, qui ignotis Characteribus, vel notis occultis, vulgò Cifris, hæreticam suam sententiam conscriberet, quia talia signa percipi non possunt, eique solum significant, qui adinvenit. Quod non probo omnino. Quia literæ quantumvis novæ, & adinventæ ad solum placitum illius, qui effinxit, significantes; si tamen eis scribatur juxta normam, ac collocationem, qua ordinariis characteribus scribi solet; immò dummodò non omnino sine regula disponantur, ac ordinentur characteres, facile à perito hujus artis explicari possunt, scripturæque detegi sensus. Si tamen nullo penitus servato ordine sit impossibile detegi, tunc militat horum Authorum placitum, ac ratio.

Nullo autem modo arbitror amplectendam ejusdem Sanchez sententiam, quam tradit numer. 7. & cui subscribunt Duard. d. q. 24. Henriquez, Sa, Filiuccius loc. cit., & videtur etiam Ricciullus cit. cap. 9. numer. 6. videlicet, actum hunc exteriorem debere esse de se malum, ac mortalem, non per solam relationem ad actum internum, sed etiam secundum seipsum. Quia excommunicatio, aliæque pœnæ gravissimæ hæreticorum non imponuntur, nisi ob peccatum mortale externum; nam internum Ecclesia non punit. Indè deducunt, hæreticum comedentem carnes, eo quod putet, Ecclesiam non habere auctoritatem prohibendi, non irretiri, si in parva quantitate comedat. Similiter nec operantem bona, aut sedulo omittentem mala, de quibus specialiter secta illa, quam sequitur, præcaver.

Non id, inquam, arbitror sustinendum. Nam si per eos actus, juncta circumstantiarum notitia, dignoscitur quis esse hæreticus, qua ratione excommunicatio declinari poterit?

Et quidem non punit Ecclesia actum exteriorem, sed hæresim, quia, ut latet, non est punibilis, eo ipso, quod manifestatur, cadit sub judicium, & pœnam ipsius. Qua in re quilibet actus exterior manifestativus omnem suam deformitatem accipit ab errore interno, ex quo procedit, ut per respectum ad illam malitiæ mensura desumenda sit, non autem ex natura ipsius actus. Explicans se enim verbis esse hæreticum, sit excommunicatus, & tamen ex eâ pronuntiatione præcise non peccat mortaliter. Non enim ex natura ipsius locutionis, ut per se patet, neque ratione scandali. Quia id pronuncians inter ipsos hæreticos, inter quos ratio scandali cessat, adhuc incidit. Neque ratione præcepti de fide palam confitenda. Nam etiamsi solus id dicat, non excusatur.

Igitur ex eo solum, quod hæresim manifestat. Quare si ex circumstantiis comedens sine causa frustum carnis, aut frequentans ea jejunia, vel sedulo omittens mala ea, de quibus specialiter imperat Secta, quam sequitur, quæque prius non eadem sedulitate satagebat declinare, ut cognitis, inquam, circumstantiis, agnoscitur palam pro hæretico, cum prius lateret, non effugiet excommunicationem, ut etiam ipse Sanchez num. 18. asseverat. Quia hæc de se non mala ex pravâ intentione operantis accipiunt deformitatem.

Ex quibus satisfit argumento Sanchez, eò quod Ecclesia non punit actum exteriorem, ut sic, sed ut hæresim, prius non punibilem, subiicit pœnæ, seu ponit in statu punibilitatis. Quare parum refert, si ille sit levis. Atque ita juxta receptiorem opinionem Tabienæ, Sylvestri, Turrecremata, & Grassi lib. 2. dec. cap. 149. numer. 12. offendit ad Canonem Si quis suadente, percutiens Clericum, etiam leviter, ratione nimirum animi, qui percussione, de se levem, constituit injuriosam.

Hoc autem hæc in re notandum est, quod cum Theologi communiter doceant, hæreticos penitus occultos, nec excommunicationem incurrere, neque exterioribus pœnis affici, id intelligatur de hæreticis omnino per se occultis, ita ut ipsorum hæresis nullo pacto prodierit in actum aliquem exteriorem, & sic nullo pacto possit naturaliter sciri, neque probari, nisi per confessionem propriam, & spontaneam. Contrà verò cum Canonistæ, ac Juristæ communiter ajunt, hæreticos omnino occultos esse excommunicatos in Bullâ Cœnæ, ac exterioribus pœnis esse obnoxios, id intelligatur de hæreticis, quando non primò, ac per se, sed per accidens sunt occulti, ut quis hæresim suam mente conceptam ore, vel scripto sufficienter expresse, quam tamen nemo audit, vel scivit, propter quod in judicio probari non potest. Quia in tali casu delictum per accidens est occultum, cum primò, ac per se ex naturâ sua probari possit.

Communiter igitur hæreticus alius est interior ac mentalis, alius exterior, ut dictum est. Alius occultus, ac secretus per accidens, alius manifestus. Manifestus dicitur, qui publicè contrà fidem Catholicam prædicat, aut profitetur, aut qui coram Prælatiis suis convictus, vel confessus, vel ab eis judicialiter condemnatus super hæreticâ pravitate, ut responder Innocentius Tertius in cap. Ecclesia Tholosana, & in cap. super quibusdam de verb. signif. Hæreticus occultus, ac secretus per accidens is dicitur, qui hæresim ita occultè commisit, ut nullus hominum ejus testis esse poterit.

Insuper hæreticus alius est affirmativus, alius negativus. Affirmativus ille est, qui errorem, quem habet in intellectu, verbo, aut opere ostendit, ac fatetur. Negativus verò, qui legitimis testibus convictus de hæresi, constanter in negativâ persistit, verboque fidem catholicam profitetur, protestans, se credere quod tenet, ac credit Sancta Romana Ecclesia. Hic hæreticus negativus, tanquam impœnitens, & verus hæreticus pertinax, Curia sæculari tradendus est, cum ad misericordiam non admittatur, qui in sua negativâ persistit, ea Rotæ decis. 875. quam refert Simanch. de cath. instr. tit. 48. nu. 25. ac Pegn. com. 48. in 3. p. direct. nu. 207. ubi testatur, hanc esse veram, & communem Doctorum sententiam, definitam etiam in Concilio Biterrensi c. 7. & 9. & in Concilio Narbonensi cap. 26. quam sequitur Instructio Hispalensis edita anno 1484 can. 14. quidquid contra sentiat Clar. in pr. cr. §. Hæresis nu. 9. ubi ait, hanc opinionem semper sibi visam fuisse rigorosam, & antè eum Boer. dec. 341. num. 4. in fac.

Ut autem aliquis dicatur verè hæreticus negativus, & ut tanquam hæreticus condemnari possit, requiritur



quiritur primo, quod quis sit accusatus, & convictus de vera, & formali hæresi, non autem de assertione scandalosa, temeraria, aut blasphema. Secundò quod verba, vel facta hæreticalia sint clara, & certa, non dubia, vel ambigua, aut æquivoca, quæ possint in duplicem sensum accipi. Tunc enim non sufficerent; quia non inducerent veram probationem delicti, *L. neque natales. C. de prob. cap. in presentia eod. tit.* Et quia verba, quæ possunt importare duplicem sensum, debent semper accipi in eam partem, per quam delictum excluditur, *Bald. cons. 98. col. 2. ad fin. l. b. 2. Alex. cons. 188. lib. 7. Aym. cons. 9. num. 20. Albert. de cognosc. asser. q. 7. ac D. Thomas 2. 2. q. 60. art. 4.* Tertiò quod crimen hæresis per testes contestes, ac omni exceptione majores, & non singulares convincatur. Quarto, quod accusatus neget illud factum, vel verba hæreticalia egisse, aut dixisse cum protestatione generali superius allata. Quintò quod factum, vel dictum hæreticale, de quo convincitur, sit recens. Nam si esset antiquum, præsumeretur calumniosè objectum, vel illius reus sit verisimiliter oblitus. Quanto verò tempore præsumatur oblitio, vide apud Pegnam ad Eym. *p. 2. q. 34. com. 59.* Sextum, quod testes deponentes concludant, reum asseruisse, illa se credere, & ab aliis esse credenda. Nam aliter licet testis deponat de verbis inferentibus hæresim, posset esse, quod essent dicta per jocum, vel referendo aliorum opiniones, vel disputando.

Perpendis itaque his qualitatibus in hac re periculi plena procedi poterit ad condemnationem hujusmodi hæretici negativi, ut etiam animadvertunt *Albert loc. cit. q. 8. numer. 8. & q. 34. numer. 51. Pegn. p. 3. com. 48. sub lit. B.* Solet etiam perpendi qualitas personæ, ejusque conversatio diligenter indagari; quibus omnibus consideratis, si conspirent contra reum, conqueri non potest, quod contra ipsum procedatur, quia Ecclesia fundat suam intentionem in legitimis probationibus.

Et hæc opinio sicuti est communiter à Doctoribus, & in praxi recepta, ita est verior ex rationibus allatis à Rota in decis. 1. de hæret. in antiq. ubi tandem fuit decisum post maturam discussionem, hujusmodi reum censeri verum hæreticum, & uti talem esse plectendum. Quod deinde ceteri sunt sequuti, præcipuè *Calder de hæret. rub. de hæret. impun. numer. 1. & in rubr. de mater. process. inquis. numer. 3. Anan. in cap. excommunicamus. §. Adiciamus. de hæret. Albert. ibid ac Rebuff. in pr. tit. de mod. amitt. benef. numer. 31. ubi ait, se vidisse secundum dictæ Rotæ decisionem observari.* Quibus accedunt *Simanch. de Cath. instit. tit. 48. numer. 25. Bursat. cons. 7. numer. 2. 3. & 7. lib. 1. Royas de hæret. p. 1. numer. 69. & seqq. Decian. in tract. crim. lib. 5. cap. 17. numer. 138. & cap. 37. numer. 16. & cap. 38. numer. 3. Cantera in quest. Crim. rubr. de hæres. cap. 1. numer. 57. & 60. Param. de orig. S. Inquis. lib. 3. q. 4. rub. de exped. proces. in caus. numer. 41. Afflict. in consit. Regn. rubr. de hæret. numer. 35.* Et quidem sicut legitime convictus in reliquis criminibus est vere reus, potestque condemnari, etiam si non confiteatur, *cap. super quibus. de verb. signif. can. nos in quenquam 11. q. 1. & can. 1. & 2. 11. q. 4.* Ità quando legitime convincitur de hæresi, est condemnandus tanquam hæreticus, licet ipse fateatur contrarium; Nam ejus confessio non tollit legitimas probationes, quæ urgent adversus eum, *can. serpens. §. sed. neque Cain de posuit.*

Alia divisio hæresis est in formalem, & materialem, hoc est, eorum, qui antè definitam ab Ecclesia veritatem aliquam contigit, eos contraria veritati catholicæ affirmare. Sic S. Irenæi millennarii assertio, S. Cypriani Anabaptismus, & aliorum alia.

Idque etiam locum habet non solum in negativo, qui negat omnes errores, quos commisit, sed etiam in illo, qui diminutus est, quosdam confitendo, quosdam tacendo, dummodo de illis convictus sit. Immo etiam in eo locum habet, qui licet omnes, ac singulos suos errores confiteatur, negat tamen, si vult suos complices detegere, ut per *Suarez de fide disp. 23. sect. 5. numer. 6. & Fagundez in 1. præ. decal. lib. 1. cap. 25. num. 6.*

Illud etiam hic animadvertendum est, quod in decretis fidei, quæ eduntur à Conciliis generalibus, quando apponuntur hæc verba: *Anathema sit*; important, hæreticum esse, contra illud decretum sentire. Quod etiam asserit *Sanchez d. lib. 2. in decal. cap. 38. num. 91.*

*Proferamus effata de Hæreticis.*

Hæreticos manifestos Presbyteri Societatis Jesu, prætextu cuiusvis privilegii non possunt absolvere in confessionibus & in foro conscientiæ, sed illos ad S. Officium mittere debent. Quia Sixtus Quintus, quatenus tale privilegium haberent, illud revocavit, & abtulit.

Milicantes pro hæreticis contra Catholicos absoluntur à censuris, ac pœnis incurtis, & juxta facti qualitatem abjurant, receptâ obligatione de amplius non militando pro hæreticis.

Hæreticorum conversatio poterit catholicis permitti in casu necessitatis, & ad effectum illos instruendi, ac citrà scandalum. Præsertim anno Jubilæi cum hæreticis venientibus ad Urbem, ita tamen, ut quos ad Catholicam Religionem disposuerint, curent comparere in S. Officio, ut Ecclesiæ reconciliantur; renuentes verò amplecti fidem catholicam denuncient S. Officio, ut observari possint, ne scandalum præbeant, & statui quid circa illos agendum sit.

Hæretico, cujus bona sunt confiscata, volenti ad fidem catholicam cum filiis converti, poterit à Summo Pontifice remitti pars illa, quæ pertinet ad S. Officium.

Hæretici nati, & à parentibus educati, majores quatuordecim annis, accedentes ad fidem catholicam, abjurant de formali cum clausula, citrà pœnam relapsus. Minores autem quatuordecim expediuntur cum fidei professione.

Hæretici non possunt esse patrini in baptismis filiorum Catholicorum. Et Summus Pontifex, ac Sedes Apostolica nunquam voluit hoc concedere, immò jussit, tolli hujusmodi abusum. Undè monendi sunt Parochi, nè hoc permittant. Sicuti nec matrimonia cum catholicis, ac sepulturam ipsorum hæreticorum in loco sacro, ubi occasione mercaturæ tolerantur. Et Inquisitores contra hæc facientes possunt procedere.

Litteræ non sunt hæreticis scribendæ. Petentibus tamen hujusmodi licentiam non potest expresse concedi, sed per conniventiam permitti, concurrente gravi causâ.

Hæreticorum ossa exhumentur ex Ecclesiis catholicorum in quibus est celebrandum, si sine scandalo fieri potest, sin minus adhibenda est conniventia, ut possint Missæ celebrari; sed nihil in scriptis est concedendum.

Hæreticis non possunt catholici donare, vel vendere bona, & petentibus hanc licentiam non est concedenda, nè quidem in investituram. Non enim vult S. Sedes alienationes bonorum ipsis hæreticis factas confirmare, nisi concurrente urgentissimâ causâ.

Hæreticorum sepultura, etiam in cœmeteriis Ecclesiarum catholicorum omninò denegatur, si resisti possit, sin minus connivendum.

In hæreticis spontè comparentibus, non S. Offi-



Officium, sed Ordinarius supplet defectus baptismi.

Hæretici ingredientibus Religionem, per absolutionem obtentam ab hæresi, non censentur habilitati ad munera, & gradus Religionis.

Non licet adire hæreticorum conciones, & Ecclesias, minusque eorum matrimoniis, ac baptismis interesse. Neque Officiali petenti conceditur facultas, ut à suo Confessario absolvi possit, quatenus ratione officii sibi id facere contigerit.

Non conceditur hæreticis sepultura Ecclesiastica, quæ etiam denegatur, etiamsi velint hæc de causâ Capellam construere, ac dotare. Per conniventiam tamen conceditur, quando sine scandalo, ac periculo eis resisti non poterit.

Hæreticis non est concedenda licentia morandi in locis Catholicorum, sed tantum subsistente necessitate oretenus concedenda.

Hæretici spontè comparentes aliquandò recipiuntur extrâ S. Officium coram aliquo Cardinali ejus Congregationis, & secretò expediuntur secundum qualitatem personarum. Interdum eorum aliquo Consultore S. Officii.

Non denunciantes hæreticos, maleficos, fortilegos &c. S. Officio possunt semel absolvi à peccatis, dummodò denunciare promittant, & in civitate non sint publicata edicta S. Officii, in quibus sit apposita excommunicatio ipso facto incurrenda. Quia tunc nec ab excommunicatione, nec à peccatis absolvi possunt, nisi prius hæreticos denuncient.

Non possunt parochi Catholici associare ad sepulturam, nec divina officia ei celebrare.

Hæreticis conversis ad fidem catholicam, ac petentibus sibi condonari fructus Ecclesiasticorum bonorum hætenus percepti, poterit annui, non ita facile annuendum iis est, ut dicta bona retineant.

Hæretici pro habilitatione, ac dispensatione recurrunt ad Datariam &, postea expediuntur in S. Officio. Per quamcunque verò gratiam eis factam, & faciendam non censentur restitui ad audiendas confessiones. Undè Summus Pontifex mandat, ut in eorum expeditionibus, quando non habilitantur ad parochiales obtinendum, apponatur clausula, quod orator remaneat suspensus ab audiendis confessionibus, arbitrio Ordinarii.

Synodus Provincialis Mediolanensis observanda ab Ordinariis, & Inquisitoribus circa hæreticos morantes occasione belli in Italiæ Civitatibus, à quibus hic & nunc expelli non possunt.

Hæretici conversi ad fidem catholicam in Germania debent abjurare, nec eis sufficit fidei professio.

Scientes, ac recusantes denunciare hæreticos, vel suspectos de hæresi, licet monitos, non possunt absolvi à Confessariis, quamvis dicant, illos correxisse, vel esse dubios, an ita sit.

Hæreticorum filii possunt, invitis parentibus, baptizari; sed difficultas versatur circa praxim.

Hæreticorum literis non est respondendum. Nonnunquam tamen conceditur licentia scribendi hæretico, ac responsum accipiendi.

Hæreticorum more vivere, sed simulatè inter hæreticos ipsos non conceditur Catholicis.

Quoad hæreticos accedentes ad civitates catholicas, & extrinsece catholicè viventes, Inquisitor per se ipsum, vel per parochos curet scire, an sint hæretici, aut Catholicæ Ecclesiæ reconciliati. Et quatenus repererit, eos non esse catholicos, ac non habuerit indicia sufficientia ad capturam, eis præcipiat, ut inde statim discedant, alioquin contrâ eos procedatur, prout facere poterit, quando indicia fuerint præventi.

Hæretici si miserint filios suos ad gymnasia Catholicorum, ut catholice instruantur, poterunt indistincte admitti. Si verò eos miserint, sola studii causâ, tunc

si illi annum duodecimum compleverint, non sunt admittendi Minores verò duodecim annis admittantur, dummodò pedagogos, ac servos hæreticos secum non habeant.

Filii hæreticorum viventium in hæresi, vel in eadem mortuorum, vel condemnatorum ex praxi S. Officii non sunt privandi, neque privati beneficiis obtentis antè hæresim paternam, sed solum redduntur inhabiles ad illa in postèrum obtinenda.

Hæretici, qui volunt recipi ad gremium S. Matris Ecclesiæ, ac petunt, posse, se non ostendere tales, immò posse accedere ad conciones hæreticorum, vel aliud simile, non recipiuntur, quia hujusmodi simulationes Ecclesia prohibet.

Contra illos, qui pœnitentiatos in S. Officio vocant hæreticos, procedit Inquisitor, sed ad querelam partis, cum prudentia, & dexteritate, illisque imponenda aliqua pœna extrâ ordinem.

Hæreticus annorum vigintiduo præventus indicibus expeditur, uti spontè comparsens.

Conceditur aliquando licentia Catholico accedendi ad hæreticos, ac redeundi ad Catholicos. Interdum degendi in partibus hæreticorum. Nonnunquam præstandi fidejussionem de redeundo intrâ certum tempus ei præfigendum.

Contra hæreticos, qui abjurarunt in foro conscientie, Inquisitores, & Ordinarii possunt procedere, si denunciantur.

Hæreticus, qui abjuravit de formali, est incapax exercendi quæcunque officia secularia.

Habens commercium cum hæreticis mercatoribus, abjurat de levi, & mulctatur pœnâ pecuniaria arbitrio Inquisitoris. Alia alibi passim.

*De pœnis autem hæreticorum postea.*

#### CONSULTATIO XXXVII.

*Gradus, judicium, sive censura de singulis propositionibus, quæ aliquo modo fidei catholicae sunt contraria, sive minimè consentanea, sed aliena, absque, absurda.*

**N**on est facilis negotii dignoscere, quænam sit hæretica propositio, & qualis illa, licet ab hæresi non longè distet, non sit tamen sufficiens ad subjiciendum excommunicationi & pœnis hæreticorum assertorem. Quandoquidem nec ea, quæ sine ulla controversia sunt contrâ fidem à Doctoribus pari sensu in eodem genere distribuuntur. Quoniam autem variis sunt gradus Catholicarum propositionum, quos late prosequitur Canus *de loc. Theolog. lib. 12. cap. 7.* atque adeo multiplices species propositionum, quæ illis opponuntur, ideo non abs re esse duximus locos prius Theologicos proferre, qui sunt tanquam uberrimi fontes, ex quibus propositiones, & argumenta ad omnes usus Theologicos derivantur.

Ex locis autem Theologicis alii sunt *intrinseci*, alii *extrinseci*, ut docet Augustinus *lib. 2. de ordin. cap. 1.* Intrinseci sunt illi, qui ex intrinseco rerum sumuntur, ac fundantur in ratione. Extrinseci, qui extrinsecus assumuntur, & consistunt in autoritate. Ad quatuor revocantur cum D. Thoma *p. 1. q. 1. ar. 8. ad 3.* Suntque Autoritas divina, Autoritas Doctorum Ecclesiæ, Autoritas Philosophorum, Ratio naturalis. Autoritas dividitur in divinam & creatam. Creatam in Angelicam & humanam. Humana subdividitur in autoritatem Doctorum Ecclesiæ, & in autoritatem Philosophorum.

Cum autem autoritas divini consistat in revelatione, duplici modo haberi potest. Vel per verbum scriptum, quod constituit in libris Canonici Sacre Scripturæ, vel per verbum traditum, quod consistit in traditionibus Apostolicis. Decreta verò Conciliorum, Sum-

morum



morum Pontificum, & communem sensum Ecclesiæ reducuntur ad auctoritatem divinam, quia fundantur in revelatione, quatenus nos certos facit de revelatis.

Dogma autem fidei non potest confirmari, nisi ex certo, ac infallibili sensu Sacræ Scripturæ, sive traditionis, Conciliorum, aut summorum Pontificum, aut ex communi sensu Ecclesiæ. Nam debet esse certum & infallibile. Non potest autem esse tale, nisi habeatur ex infallibili testimonio. Tuncque sensus est certus, & infallibilis, quando est ita apertus ac perspicuus, ut non possit rationabiliter aliam explicationem admittere. Nam Sacra Scriptura est scripta, assistente Spiritu Sancto, qui non potest intendere sensum irrationabilem. Tuncque etiam est certus ac infallibilis, quando ita congruit cum aliis locis Sacræ Scripturæ, ut si aliter accipiat, sequantur repugnantia cum aliis locis. Non enim potest Spiritus Sanctus sibi esse contrarius, ac proinde non potest in uno loco intendere contrarium illius, quod intendit in alio. Alioquin non intenderet veritatem. Quia una veritas non est alteri contraria.

Ille etiam est sensus certus, ac infallibilis, quo Apostoli usi sunt in explicandis Sacris Scripturis, & quilibet ex ipsorum traditione. Ita D. Augustinus *lib. 23. contra Faustum cap. ult.* & communiter Patres. Nam Apostoli fuerunt edocti à Christo circa intelligentiam Scripturarum. *Aperuit enim illis sensum, ut intelligerent Scripturas Luc. 24.* & fuerunt speciali modo illuminati à Spiritu Sancto *Joan. 24. Ille vos docebit omnia.*

Sensus quoque approbatus ab Ecclesia est certus, ac infallibilis. Nomine autem Ecclesiæ intelligitur, vel Concilium generale legitime congregatum, & approbatum, aut Summus Pontifex, ut caput Ecclesiæ visibilis, aut communio fidelium per totum Orbem diffusa. Nam Spiritus Sanctus assistit Ecclesiæ, ut non sinat eam errare circa res fidei, ac bonos mores. Intelligentia autem Scripturarum secundum verum sensum pertinet ad fidem, ac mores instruendos.

Sensus etiam receptus communi consensu Patrum est certus ac infallibilis. Nam Deus contulit Patribus speciale auxilium ad declarandas Scripturas. Quia eos constituit Doctores fidelium, Esset autem contra divinam providentiam, si permisisset, quod omnes communiter errarent in exponendis Scripturis circa res fidei.

Quando autem nullo modo ex prædictis potest erui verus sensus Scripturæ, verba ipsius in proprio sensu sunt accipienda, si nullum sequatur inconueniens. In hoc tamen casu sensus Scripturæ non erit factus certus. Nam communis sensus loquendi usurpat verba in propria significatione, atque adeo etiam Scriptura.

Porro idem locus Sacræ Scripturæ potest habere diversos sensus, ut communiter docent Patres & Scholastici. Unde alius est literalis, alius spiritualis. Literalis est ille, quem Deus immediatè per verba significat, ut tradit D. Thomas *d. p. 1. q. 1. ar. 2.* Spiritualis, quem important voces, mediantibus rebus, quas significat in literalibus. Quia prima significatio est vocum, secunda verò est rerum.

Sensus autem literalis non semper habet locum, sed solum, quando non sequitur aliquod inconueniens. Ita docet Augustinus *lib. 3. de doctr. Christ. cap. 10. & 11.* ac communiter Patres. Et alius est proprius, alius metaphoricus. Proprius est, quando voces significant secundum propriam significationem. Metaphoricus, quando voces habent significationem translatam, ut illud Apocal. 5. *Vicit Leo de Tribu Juda.* Hic autem sensus metaphoricus est literalis, ut docet D. Thomas *loc. cit. ar. 3. ad 10.* Potest tamen dici aliquo modo spiritualis, quatenus quod significatur, tribuitur secundum aliquam proportionem rei significatæ, ut habet D. Augustinus *lib. 3. de doctr. Chr. cap. 5.* Differt autem sensus literalis metaphoricus à similitudinario, quod similitudinarius explicatur semper per particulam com-

parativam. Unde verba etiam proprie significant.

Sensus verò parabolicus est ille, in quo aliquid explicatur per modum historiæ, quæ non est vera sed iumitur, ut facti, ut est illa Luc. 15. de filio prodigo. Reducitur autem ad metaphoricum, quia continet metaphoram continuatam, ut tradit Abulensis *qu. 28. in cap. 13. Matth.*

Dividitur sensus spiritualis, seu mysticus in eum, qui respicit operationem nostram, & in eum, qui respicit fidem. Finis enim Scripturæ est nostra instructio in ordine ad finem supernaturalem per potentias rationales, nempe intellectum, & voluntatem. Unde quæ mystico modo significantur, pertinent ad has potentias. Si ergo pertinent ad voluntatem, respiciunt operationem, & consurgit sensus moralis. Si verò pertinent ad intellectum, & respiciunt actum credendi, tunc, vel significant ea, quæ pertinent ad præsentem Ecclesiam, ut sunt, quæ habentur in veteri Testamento, & consurgit sensus allegoricus. Vel significant, quæ sunt Ecclesiæ triumphantis, & consurgit sensus anagogicus. Unde quatuor sunt sensus Scripturæ. Literalis, moralis, allegoricus, anagogicus.

Omnes autem hi sensus possunt reperiri in eodem loco Scripturæ, licet non reperiantur necessario, ut docet D. Thomas *quodlib. 6. qu. 6. art. 13.* Non est tamen necesse, ut omnia, quæ habentur ex veteri Testamento, ita sint allegorica, ut significant aliquid prius gestum. Hoc enim non potest convenire iis, quæ Prophetice scripta sunt, ut ait Tertullianus *cap. 16. de resurrect.* Potest item allegoria reperiri in Novo Testamento. Unde D. Augustinus *tract. 132. in Joan.* explicat allegorice quosdam locos Novi Testamenti. Sensus itidem spiritualis, seu mysticus fuit intentus à Spiritu Sancto, ut docet etiam D. Thomas *d. p. 1. qu. 1. art. 10.* cum D. Augustino *lib. 31. de doctr. Christ. cap. 25.* Talis enim sensus est verus sensus Sacræ Scripturæ. Non esset autem, si non esset intentus à Spiritu Sancto.

Denique idem locus Sacræ Scripturæ potest habere plures sensus literales. Est sententia communis cum D. Thoma *d. q. 4. ar. 10.* D. Augustini *11. confess. &* aliorum Patrum contra Alensem *p. 1. q. 1. membr. 4. ar. 7.* Albertum *p. 1. sum. fr. 1. qu. 5. membr. 2.* Henricum *in sum. ar. 16. q. 2. & 3.* Medinam *lib. 3. de rect. fid. in Deum cap. 25.* Sunt enim possibiles plures sensus literales. Quia idem locus potest conformari cum pluribus rebus, atque adeo fuerunt intenti à Spiritu Sancto. Quia Spiritus Sanctus usus est verbis Scripturæ perfectissimo modo, atque adeo secundum omnem significationem. Sic illud Itaiæ 53. *Generationem ejus quis enarrabit?* intelligitur literaliter de generatione æterna Verbi, de temporali generatione Christi, ac etiam de spiritali, qua generat filios adoptivos.

Ad confirmandum autem dogmata, & fundandum principia Theologica sensus mysticus ex natura sua est sufficiens. Nam est intentus à Spiritu Sancto. Unde loci aliqui Veteris Testamenti in novo accipiuntur in sensu mystico, ac proinde est infallibilis. Non est tamen sufficiens respectu nostri, ut docet Augustinus *Epist. 48.* Quia non est certus respectu nostri. Sensus verò mysticus certus respectu nostri est sufficiens. Fit autem certus, vel quia est declaratus à Spiritu Sancto, vel quia colligitur ex aliis locis literalibus, vel quia recipitur communiter à Patribus. Nam in tali casu potest ratione testimonii divini movere intellectum. Tam verò sensus literalis, quam metaphoricus est sufficiens. Quia talis sensus est locutio Spiritus Sancti.

Quod verò ad Traditiones, est de fide, dari in Ecclesia divinas traditiones tum ad fidem, tum ad mores pertinentes. Ita definivit S. Concilium Tridentinum *sess. 4. in decr. de script. Canon.* & constat ex Ep. ad Thessal. cap. 2. *Itaque fratres, stete & tenete traditiones, quas didicistis sive per sermonem, sive per epistolam nostram.* Non enim omnia, quæ Apostoli acceperunt à Christo



pro institutione Ecclesiæ fuerunt scripta. Hæ autem traditiones sunt necessariae ad fidem conservandam. Nam in Scripturis habentur aliqua, quæ possent retorqueri ad prævum sensum, nisi traditio nos certos faceret de vero sensu. Hinc plura dogmata ex traditione confirmantur, ut Sacramentum extremæ Unctionis, quemadmodum docet Tridentinum *sess. 14. cap. 1.* Habentque certam, ac infallibilem auctoritatem. Ita etiam Tridentinum *dicta sess. 4.* & communiter Patres. Quia continent, quæ sunt revelata à Deo. Cognoscuntur autem veræ ex triplici capite. Si sint receptæ à Conciliis generalibus, ut quod Sacramenta sunt instituta à Christo, præcipitur in *Trid. sess. 7. can. 1.* Si sint approbatæ per universalem, ac immemorabilem usum Ecclesiæ, ut adoratio Eucharistiæ. Si confirmantur communi testimonio sanctorum Patrum, ut remissio peccati originalis in infantibus per baptismum.

De auctoritate autem Ecclesiæ certum est de fide, Ecclesiam habere auctoritatem infallibilem, Matth. 16. *Tu es Petrus, & super hanc petram ædificabo Ecclesiam meam, & porta inferi non prævalerunt adversus eam.* Et 1. Corinth. 3. Ecclesia dicitur *columna, & firmamentum.* Consideratur autem Ecclesia tripliciter. Vel in capite, & dicit Vicarium Christi, ad quem spectat regimen ipsius Ecclesiæ. Vel in sua universitate, & dicit universalem Congregationem fidelium sub uno capite. Vel in aliqua Congregatione representante totam universalitatem, ut est Concilium generale, legitime congregatum.

Ex Ecclesiæ itaque auctoritate, quatenus importat caput sumitur infallibilis veritas. Quoniam ad caput spectat regere Ecclesiam. Cum igitur Ecclesia non possit errare, neque regimen ipsius potest esse fallibile. Atque adeo caput non potest errare. Ex auctoritate etiam Ecclesiæ, quatenus importat universalem Congregationem sumitur infallibile testimonium. Siquidem ad providentiam Dei pertinet, ne tota collectio fidelium erret in fide. Hinc Matth. ult. *Ecce ego vobiscum sum usque ad consummationem sæculi.* Ex auctoritate item Ecclesiæ, ut importat Concilia approbata à summis Pontificibus desumitur veritas infallibilis. Quia Concilia representant universalem Ecclesiam, & habent assistentiam Spiritus Sancti.

Auctoritas verò Sanctorum Patrum est humana, & fallibilis, ut docet D. Hieronymus *Epist. contra error. Joannis Hierosolymitani.* Unde etiam D. Augustinus *lib. 2. de ordin. cap. 10.* non vult sibi credi, nisi rationem redderet. At doctrina Sanctorum Patrum approbata ab Ecclesia est infallibilis, si approbetur, ut vera de fide. Si verò eligatur solum ut melior, non est infallibilis, sed tantum probabilior. Quia tunc Ecclesia procedit humano modo. Sicut etiam quando laudat doctrinam alicujus Patris, quia tali pacto nihil de fide definit. Et hoc est, quod habetur in *can. sancta Romana d. 15.* Unde quando Concilium Lateranense præcipit, ut Orthodoxam doctrinam plurium Patrum, illam amplectitur, quatenus pertinet ad fidem, & tanquam desumptam ex revelatis.

Communis verò consensus Sanctorum Patrum, assentientium aliquid pertinere ad fidem, non tamen definitum, esse de fide, non facit infallibile testimonium, etiam si inter ipsos nulla sit dissensio. Ita Bannes 1. p. qu. 1. art. 4. dub. 59. & alii. Nam in tali casu non docent, ut Doctores fidei, nec habent assistentiam Spiritus Sancti, sed humano modo procedit.

Patrum autem communis consensus decernentium aliquid esse de fide, si fundentur in Scriptura, continet infallibilem auctoritatem Ita Canus *lib. 7. de loc. cap. 3.* alique. Si namque Patres in tali casu errarent, tota Ecclesia erraret, quia definit quod communis eorum interpretatio Sacræ Scripturæ sit amplectenda, ut in Tridentino *dicta sess. 4.*

Communis autem consensus Sanctorum Patrum non

fundatus in Scriptura non habet auctoritatem infallibilem. Ita Augustinus *Epist. 19. ad Hieronymum*, ubi habet, ita se legere omnes libros, præter sacros, ut non putet vera, quæ in ipsis habentur, nisi confirmantur per auctoritatem Scripturæ, vel per rationem. Quia sola auctoritas divina est omnino infallibilis.

Quod autem ad communem consensum Scholasticorum circa res fidei, ac morum non facit certitudinem infallibilem. Nam vel talis consensus est deductus ex revelatis evidenti consequentia, & tunc non habet vim ex auctoritate, sed ex suis principiis. Vel nititur solum probabili ratione, & tunc non habet, nisi illam certitudinem, quam habent scholastici ex motivo, quo moventur. Atque adeo non potest habere auctoritatem infallibilem. Quia illa sumitur ex motivo probabili.

Quare consensus Scholasticorum non habet majorem certitudinem, quam possit causare motivum, quo moventur, & ideo est intra ordinem humanum, & potest ab ipso recedi ex alio motivo majori, aut æquali. Nam tanta est certitudo auctoritatis, quanta potest causari ex motivo, à quo desumitur. Ergo si motivum in oppositum sit efficacius, aut æquivalens, potest recedi à communi auctoritate.

De historia verò, alia est Canonica, quæ continetur in sacris libris, & est infallibilis. Alia Ecclesiastica, quæ tradit res Ecclesiæ. Alia profana, quæ versatur circa res profanas. Historia sive profana, sive Ecclesiastica non habet auctoritatem infallibilem. Ita communiter cum D. Augustino *lib. 18. de Civit. cap. 38.* Nam innititur testimonio historici, quod est humanum, & fallibile. Ac etiam si omnes historici consentiant, non habetur infallibile testimonium. Ita Gillius *lib. 1. tract. 7. cap. 15. contra Canum in eisdem locis cap. 8.* Quia non repugnat, omnes simul historicos falli. Hinc Augustinus *loc. cit. cap. 40.* docet, nunquam esse standum historiæ, quando repugnat Sacræ Scripturæ.

Quod tandem ad rationem naturalem ratio naturalis inservit Theologiæ, non prævalendo, sed ministrando. Ita Augustinus *Epist. ad Coscent.* & D. Thomas *dicta 1. p. qu. 1. art. 8. ad 2.* Nam debet inservire juxta suam qualitatem. Ergo ministrando, cum habeat certitudinem inferioris ordinis, quam sit certitudo principiorum Theologiæ. Inservit etiam declarando mysteria fidei, seu principia theologica. Nam plura sunt, quæ dependent præsertim secundum terminos à ratione naturali. Sic plures sensus literales Sacræ Scripturæ non possunt explicari, nisi auxilio rationis naturalis. Unde ratio naturalis ostendit, non posse intelligi illud Joannis 6. *Nisi manducaveritis carnem filii hominis* &c. de manducatione materiali, ac proinde debere intelligi de Sacramentali. Ministrat etiam Theologiæ principia, ex quibus deducat conclusiones. Nam Theologia non potest multoties ex revelatis deducere conclusiones nisi utatur etiam aliquo principio naturali ex eo quod medius terminus habet connexionem evidentem cum alio extremo.

Atque ex his constituimus in primo gradu eas propositiones hæreticas, quæ sunt directè contra fidei articulos, ut Deum non esse unum in essentia, aut in personis non esse trinum.

In secundo gradu ponimus propositiones hæreticas, quæ sunt contra Sacram Scripturam principaliter ac diserte enarrantem, ut quod Christus mortuos non resuscitaverit. Quod Eva non fuerit de Adæ dormientis costæ efformata.

Dixi principaliter. Quia multa sunt in Sacris litteris obiter, & ex accidenti prolata ad solum historiæ filum pertendendum, ut quod Samuel Elcanæ filius fuerit, de quibus aliqua controversia, mox aperienda, an hæresim in negante constituent.

Dixi etiam propriè. Quia quæ sub propria verborum forma prolata recipit Ecclesia in proprio, ac obvio sensu.



sensu, est hæreticum ea credere, allegoricè tantum accipi-  
piendo. Ob id enim Origeniani damnati sunt in sexta  
Synodo *act. 11.*

Dixi tandem *diserte.* Quia dum sensus est obscurus,  
non est hæretica opinio, nisi quæ post definitionem,  
aut interpretationem Ecclesiæ eidem adversatur, Ey-  
meric. *p. 2. direct. q. 3.* ibique Pegna *com. 40.*

Novum facit ab his distinctum genus Turrecrem.  
*lib. 4. de Eccles. cap. 9.* eorum, quæ adversantur conten-  
tis in Sacra Scriptura, non adæquate ac simul, sed con-  
sequentia necessaria, & formali deducendis, ut quod  
Christus sit verus Deus, & verus homo. Hæc enim pro-  
positio in terminis tota simul in Scriptura non reperit-  
tur. Rejicitur tamen communiter. Tum quia sistendo  
in exemplo allato, oppositum ejus propositionis est de  
primo genere, eorum scilicet, quæ articulis fidei repug-  
nant. Quod enim Christus sit simul Deus, & homo,  
est præcipuus articulus fidei. Tunc quia vel per conse-  
quentiam intelligit syllogisticam illationem, & huic  
non præstatur assensus per fidem, sed per habitum  
Theologicum, distinctum, ut apud Theologos est no-  
tum. Vel intelligit propositionem non esse explicatam  
in Scriptura, sed ex ea deducendam esse, & verum asse-  
rit, quatenus ea propositio non reperiatur tota simul  
explicita. Adest tamen in Scriptura non virtualiter, tan-  
quam conclusio in suis principiis, sed formaliter, licet  
confuse, & non conjuncta. Ex quo non decidit ab hoc  
secundo gradu.

In tertio gradu collocamus quæ sunt contra verbo  
tenus tradita à Christo, Apostolis, & ab his Ecclesiæ,  
quæ vulgari nomine Traditiones vocamus, ut quod in-  
fantes non sint baptizandi, quod usus signandi Cruce  
fideles non sit legitimus in Ecclesia.

In quarto gradu adaptamus, quæ sunt contra Eccle-  
siæ determinationes, definitionesque, siue sit universalis  
Ecclesia in Concilio congregata, siue solus Pontifex, *can. in  
Canonicis, can. sic omnes d. 19. can. hæc est fides 24. q. 1. cap. majores de baptis.* Ut quod Spiritus Sanctus pro-  
cedat à Patre & Filio, tanquam à duobus principiis con-  
tra Concilium Florentinum sub Eugenio I V. Quod  
baptizati ab hæreticis sint rebaptizandi contra Conci-  
lium Carthaginense primum, Arelatense primum, &  
secundum, ac Tridentinum *sess. 7. de baptis. can. 4.*  
Quod animæ in gratia decedentium simulac è corpori-  
bus emigrant, divinam essentiam clare non videant, si  
nihil habeant purgatorii ignibus expiabile contra Be-  
nedictum XII. in *extravag. Benedictus Deus.*

Et ad rem præsentem idem Turrecremata aliud genus  
Catholicarum propositionum adstruit, earum scilicet,  
quæ ex Conciliorum, & Pontificum definitionibus, vel  
ex traditionibus consequentia necessaria, & formali in-  
ferri possunt. Sed, ut modò dicebamus, aut consequen-  
tia hæretici discursum Syllogistico, & non potest ad fidem  
immediate pertinere, nisi accedat peculiaris Ecclesiæ  
definitio. Aut non est ex prædictis definitionibus, &  
traditionibus deducta, sed declarata tantum, siue expli-  
cata, & tunc in iis continebatur formaliter, licet confu-  
se, ideoque est de fide, sicuti & ipsæ definitiones expressæ.

In quinto tandem gradu sufficimus propositiones ad-  
versantes iis, quæ circa fidem unanimi consensu Docto-  
res, & Patres ab Ecclesia recepti docuere. Qui sunt  
hi Patres & Doctores approbati, habemus ex sexta Sy-  
nodo generali *ex can. Sancta Romana d. 15. & cap. glorio-  
sus de reliqu. & vener. Sancti in 6. & dixi tom. 1.* Notatque  
Turrecrem. ex ipsius Synodi verbis, ibi: *omnia suscipi-  
mus, quæ de recta fide, & condemnatione hæreticorum ex-  
posuerunt,* non cuncta Patrum dicta fuisse approbata, ut  
fide tenenda, sed tantum pertinentia ad fidem, ac erro-  
rum condemnationem, in quæ unanimi consensu om-  
nes devenere. Cætera autem, quæ probabiliter, ac pro-  
prio ingenio scripsere, non ad tantam devehuntur au-  
thoritatem.

Et de his nullum est dubium, quin contrahatur hæ-  
Tom. I.

resis, & excommunicatio. Unde *propositio hæretica* est il-  
la, quæ habet omnimodam contrarietatem cum objecto  
fidei. Illa autem dici debet habere omnimodam contra-  
rietatem, quæ negat, quod in se, ac expresse est à Deo re-  
velatum. Vel *propositio hæretica* dicitur, quæ aperte alicui  
Catholicæ veritati, de fide definitæ, contraria est.

Et licet nonnulli putent, non sufficere hanc directam  
contrarietatem fidei, aut Catholicæ veritati, ut propositio  
dicatur hæretica, nisi accedat pertinacia in proferente, si-  
ve nisi ab hæretico sit prolata. Quod si ab alio dicta fue-  
rit, dicitur propositio contraria fidei, sed hæretica pro-  
prie non erit. Quia contradicere quis potest objecto fidei  
ignoranter. Ita Caietan *2. 2. q. 11. art. 1.* ibique Bannes *art. 2.*  
Sanior tamen, & communior Sententia est, quod om-  
nis propositio contraria fidei, hæretica proprie sit. Non  
enim pendet à proferente, an hæretica dici debeat, nec  
ne. Quare distinguendum potius est, quod aliud est lo-  
qui de propositione hæretica formali, aliud de objecti-  
va, & materiali. Concedimus enim ad propositionem  
hæreticam formalem, quæ idem est ac hæresis, requiri  
pertinaciam. Sed ad propositionem hæreticam objecti-  
vam, siue ad objectum hæresis pertinacia non requiritur.  
Quia hoc objectum in sola contradictione cum obje-  
cto fidei consistit.

Id igitur procedit, siue propositio proferatur ab hæ-  
retico, siue à nō heretico, cum possit esse propositio hære-  
tica, & author Catholicus. Quod contingit, quando in as-  
sertione non adest pertinacia, *can. dixit Apostolus, & can. qui in Ecclesia 24. q. 3. cap. 2. §. in nullo de sum. Trinit.*

Dubitandum tamen primò occurrit, an contrahat  
hæresim negans aliquid in Scriptura Sacra contentum  
ex iis, quæ nec per se pertinent ad articulos fidei, nec  
principaliter in Scriptura Sacra referuntur, sed ex acci-  
denti ad historiam prosequendam, exornandamque in-  
termiscentur. nec allucius videntur momenti, ut To-  
biam habuisse canem, Aaron barbam.

Royas de *heret. p. 1. num. 474. & seq.* ac Gerson. *al-  
phab. 14. p. 1.* hunc ab hæresi, ac subinde à pœnis exi-  
munt, utpote qui nihil directe contra fidem sen-  
tiant, favetque D. Thomas *p. 1. qu. 32. art. 4.* his verbis:  
*Ad fidem pertinet aliquid dupliciter. Uno modo directe,  
sicuti ea, quæ sunt nobis principaliter tradita; ut Deum  
esse trinum, & unum; filium Dei esse incarnatum, & hu-  
jusmodi. Et circa hæc opinari falsum, hoc ipso inducit hæ-  
resim, maxime si pertinacia adiungatur. Indirecte verò  
ad fidem pertinent ea, ex quibus consequitur aliquid con-  
trarium fidei, sicuti qui diceret; Samuelem non esse filium  
Elcana. Ex hoc enim sequitur; Scripturam divinam  
esse falsam: Circa hujusmodi ergo, absque periculo hæ-  
resis, aliquis falsum poterit opinari, antequam confide-  
retur, vel determinatum sit, quod ex hoc sequitur aliquid  
contrarium fidei. Sed postquam manifestum est, ac præ-  
cipuè, si sit per Ecclesiam determinatum, quod ex hoc  
sequitur aliquid contrarium fidei, in hoc errore non es-  
set absque hæresi, & propter hoc multa reputantur hæ-  
retica, quæ prius non reputabantur, propter hoc quod  
nunc est magis manifestum, quid ex eis sequatur. Ex qui-  
bus videtur concludere, pravæ opiniones nunquam  
inducere hæresim, nisi eis quis intendat substinere ali-  
quid, immediate fidei contrarium.*

Adhæreo tamen oppositò, quod expressius indi-  
cat idem D. Thomas *2. 2. quest. 2. art. 5. & quest. 11.  
art. 2.* ac tenet Turrecremata *cit. lib. 4. de Eccles.  
cap. 9.* Suarez de *fid. disput. 19. sect. 2. quest.* Ricciol.  
de *jur. person. lib. 5. cap. 8. num. 4.* Pegna *part. 2. in  
direct. quest. 3. com. 10.* Azor. *tom. 1. lib. 3. cap. 1. qu. 12.*  
& videntur supponere communiter Theologi, dum  
sine aliqua distinctione universam Scripturam fide re-  
cipiendam statuunt ex definitione Ecclesiæ, quæ li-  
bros Canonicos in totum sine aliqua exceptione pro-  
bavit. Si enim Scriptura creditur ob auctoritatem Dei  
revelantis, ac dictantis, ergo habitu fidei, ut error circa  
eam sit hæresis.



Siquidem vel opinamur, non solum sensum, sed etiam Scripturarum verba Deum habere authorem, ac dictantem, ut certum esse, ait Suarez *loc. cit. disp. 5. sect. 3. nu. 4.* & oppositum tute defendi non posse, ex autoritate Gregorii, & Ambrosii probat Azor *ibid. qu. 11.* Id enim satis est ex Scripturis evidens, ut ex illo Psal. 44. *lingua mea calamus scribae, velociter scribentis.* Quod de Scriptore Canonico interpretantur Basilii, Gregorius, Theodoretus, Bellarminus, Lorinus ac alii, & significatur, Prophetam nudum esse scriptorem verborum à Spiritu Sancto dictatorum juxta illud 2. Reg. cap. 13. *Spiritus Sanctus loquutus est super me, & sermo ejus per linguam meam.* Nec enim dicitur Epistola dicta à Principe, cum ipse sensum protulerit, non verba. Neque majoris essent Sacrae litterae dignitatis, quam Conciliorum, ac Pontificum decreta, quorum, licet non verba, sensus tamen in assistentiam Spiritus Sancti refunditur. Quapropter usitata est inscriptio Prophetarum: *Verbum Domini, quod loquutus est Dominus per Prophetam suum,* tantaque est Scripturae dignitas, ut dicatur jota unum, aut unum apicem non praetereundum.

Vel arbitramur, solum sensum inspiratum fuisse, siue revelando, quae erant scriptori penitus ignota, seu si erant obvia, custodiendo singulari assistentia, ne in sensu aliquid falsum, in verbis indecorum aliquid subsiliret. Et utrovis modo, cum Scriptura in Deum authorem refundatur ob auctoritatem Dei, nobis obijciatur credenda. Quod si aliquid, tanquam falsum, aut dubium renuimus accipere, quale quale sit illud, aut Deum mendacii arguimus, aut authorem esse Scripturae inficiamur. Utrumque autem est haereticum.

Unde non obest res parvi esse momenti, parumque de se referre, si negentur, aut admittantur. Si enim in aliquibus arguitur Scriptura falsitatis, aut dubii, jam tota ejus firmitas ruit, arg. legis *in fine ff. de fid. instrum.* ubi instrumentum in una re, etiam levi, falsum, statuitur ex toto rejiciendum, aut certe laboriosum erit, inter vera & falsa distinguere, nec ulla stabilis regula assignari poterit. Ex una enim parte, quae levia sint, difficile est dignoscere. Ex alia verò dicere, ea solum firmiter recipienda, quae ad articulos fidei spectant, superfluum constituit cunctam fere Scripturam, quae leges, miracula, historias, & vaticinia innumera, ad fidem articulorum non multum spectantia, complectitur. Nec proponitur credenda Scriptura, quia mysteria continet fidei, sed quia Deum habet authorem. Haec est immediata, & adaequata ratio, illa verò non nisi remota, & inadaequata. Unde si admittetur, in Scriptura posse dari mendacium, quamvis jocosum, tota redderetur suspecta, D. Augustin. *Epist. 9. ad Hieronymum*, relatus in *can. si ad Scripturas d. g.*

Quamobrem D. Thomas *cit. q. 11. ar. 2.* postquam dixisset ea, quae pertinent ad fidem dupliciter se habere, directe ac principaliter, sicuti articuli fidei, & indirecte ac secundario, sicuti ea, ex quibus sequitur corruptio alicujus articuli, circa utraque, inquit, posse esse haereticum, sicuti & fidem. Et *q. 2. ar. 5. in corp.* se explicans ait: *Per accidens autem, aut secundario se habent ad objectum fidei ea omnia, quae in Sacra Scriptura divinitus tradita continentur, sicut quod Abraham habuit duos filios. Quod David fuit filius Isai.* Et in fine concludit, haec etiam pertinere ad objectum fidei.

Quid igitur de eo, quod retulimus *ex cit. 1. p. q. 32. ar. 4.* Forte D. Thomas ibi considerabat tantum materiam principalem, propriam, & per se fidei, quomodo complectitur solos articulos, qui simpliciter materia fidei consueverunt appellari, & quomodo sumpta fides dicitur spectare ad vitam aeternam, eaque esse, cujus clara visione perfruamur in patria juxta illud Joan. *Haec est vita aeterna, ut cognoscant te solum Deum verum, & quem misisti Jesum Christum,* & illud Pauli ad Hebr. 11. *accidentem ad Deum oportet credere, quia est, quod inquirentibus se remunerator est.* Igitur, dum, D. Thomas inquit: *sine haeresi posse in his aliquem opinari falsum, intelli-*

git line haeresi, propriae materiae fidei opposita, non tamen negat haereticum circa materiam fidei per accidens, quomodo complectitur fides cetera alia credibilia, quamvis ad articulos per se, ac directe non conferant.

At concedamus potius ex eo loco deduci, quod & authores, pro opposita sententia relati intendunt, non esse scilicet judicandum haereticum haec negantem, si negando ignoret, aut non advertat, ea contineri in Scriptura. Siquidem non cadunt sub objecto fidei, nisi quatenus continentur in Scriptura, & cum non teneatur quisque explicitè scire, ac credere omnia, quae in Scriptura continentur, non statim quis, si aliquid neget, est pro haeretico detestandus, sed inspiciendum, an noverit, id esse in Scriptura relatum. Si enim novit, non poterit excusari, quantumvis dicat, se non arbitrari, ea esse in Scriptura posita, tanquam credenda de fide, sed tanquam verisimilia historiae accidentia, quibus credulitatem praestare sit ad Legentis libitum. Cognito namque, quod ab Ecclesia sine aliquo discrimine Scriptura ex integro recipitur, aliisque proponitur, haeretica est talis existimatio ex supra dictis.

Id insinuat S. Doctor iis verbis: *postquam manifestum est, quod ex hoc sequitur aliquid contrarium fidei, in hoc errare non esset absque haeresi.* Siquidem cognito, ea, quae negantur, esse in Scriptura statim sequitur, quod Scripturae subit falsum, ac subinde, quod Deus, ejus author, mendax esse possit. Quod diserte explicat *cit. art. 5. in hunc modum: Quorsum ergo ad prima credibilia, quae sunt articuli fidei, tenetur homo explicitè credere, sicut & tenetur habere fidem [supple explicitam] quantum autem ad alia credibilia, ut quod Abraham habuit duos filios non tenetur homo explicitè credere, nisi quando hoc ei constituitur, in doctrina fidei (quae in Scriptura est) contineri.* Haec ille, ex quibus habemus, credibilia primi generis esse credenda, etiam eorum seclusa in Scripturis continentia, non verò secundi, sed credibilitatem ex Scriptura mutuare.

Quapropter licet ad fidem parum referat, Tobiam habuisse Canem, Aaronem barbam, negari tamen non potest, quin is, qui scit, hoc esse uti certum in Scriptura narratum, eo ipso, quod negat, est error in fide, ut docet D. Augustinus *lib. de morib. Eccles.* Etenim cum unus, idemque Deus sit utriusque Testamenti author, *can. Episcopus 5. quarendum d. 23. Concil. Trid. sess. 4.* idem est dicere, in Sacra Scriptura posse contineri mendacium, ac asserere Deum posse esse mendacem. Quod esse errorem contra utriusque legis auctoritatem, probatur ex Psal. 144. *Fidelis Deus in omnibus verbis suis,* & Deuter. *Deum fortis & fidelis,* & Luc. c. 16. *facilis est caelum & terram praevertire, quam de lege unum apicem cadere.*

Quare si quis talia asseruerit, est examinandus, ac de veritate instruendus, & si post instructionem, adhuc in sua opinione persisteret, est contra eum, uti contra haereticum procedendum, ut in his terminis sentire videtur Albertin. *de haeret. qu. 30. sub nu. 13.*

Cæterum absolute negans conclusiones Theologicas, in vi discursus fundatas, nisi accesserit definitio Ecclesiae, non est haereticus. Quia distincto habitu à fide iis praestatur assensus, ut dicebamus adversus Turrecrematam, & est communis Theologorum doctrina. Quod speciatim de iis, quae ex una praemissa, naturae lumine nota, & altera de fide, eruantur, ut conclusio haec *Christus est visibilis*, ex praemissis, *Omnis homo est visibilis. Christus est homo*, tenent Aragon. 1. 2. qu. 11. ar. 2. col. 3. & Sanchez *d. lib. 2. in decal. c. 7. n. 33.*

Dixi absolute. Quia secundum se praecipua negatio ejus propositionis non adversatur fidei. At si consideratur, ut deducta per discursum, aliquando potest esse haeretica, si nimirum procedat negatio ex non praestito firmiter assensu minori propositioni, *Christus est homo.* Et in hoc sensu puto asseverasse Valentiam 2. 2. *disp. 1. q. 11. pun. 1. diff. 3.* Canum *de loc. Theolog. lib. 11. cap. 9.* & Alterium *tom. 1. de cens. lib. 5. disp. 2. cap. 2.* dicendum haereticum



cum mediate, ac reductive, licet non immediate ac directe. Si verò negetur, aut quia non innotescat evidentia illius principii, *Omnis homo est risibilis*, si tamen quempiam latere potest; aut quia negans non experitur vim necessariæ illationis; aut quia autumet miraculose impeditam esse rationalem naturam Christi, ne exeat in suas proprietates, non sequitur hæresis.

Concedendum tamen cum Corduba *loc. cit.* §. 3. *dub.* 7. quod quia nullus præsumitur errare in principiis & consequentiis naturaliter notis, posset is in foro externo præsumi hæreticus. Sicuti & omnes errantes per damnabiles propositiones talem præsumptionem fundant, licet in foro interno, non nisi ex assensu præstito propositionibus verè hæreticis inducatur hæresis, & excommunicatio.

Sunt autem propositiones ejusmodi erroneæ, hæresim sapientes, male sonantes, temerariæ, piarum aurium offensivæ, scandalosæ, schismaticæ, seditiosæ, injuriosæ, impiæ, blasphemæ, de quibus Eymeric. & Pegna *p. 2. direct.* q. 3. D. Antonin. 2. *p. iii.* 12. *cap.* 5. Corduba *lib.* 5. *q.* 17. Ricciul. *d. lib.* 5. *cap.* 9. Turrecrem. *ubi supra*, Canus, Suarez, passimque alii, inter quorum aliquas multi non distinguunt, sed verò nec eodem modo à singulis explicantur singulæ.

Nos autem propositionem negantem, Christum esse visibilem, dicimus, *erroneam* esse appellandam cum Suarez *cit. disp.* 19. *sect.* 2. Sicuti & alias adversantes cæteris conclusionibus Theologicis. Illud enim dicitur error in aliqua scientia, quod communiter receptis principiis, & axiomatibus illius scientiæ apponitur. Qua ratione etiam dici potest *erronea*, quæ adversatur sententiæ, communi omnium Scholasticorum sensu traditæ, ac receptæ ab Ecclesia, licet non revelatæ, aut definitæ, ut quod animæ Christi ab instanti incarnationis Deum non viderit. Quod B. Virgo non resurrexerit, aut quod peccaverit aliquando venialiter ante Concilium Tridentinum, quod deinde sententiam hanc damnavit. Ab hoc tamen Scholasticorum consensu constitutæ veritatem Catholicam ita, ut se opponens sit hæreticus, statuerunt Canus *lib. 12. de loc. cap.* 7. ac Pegna *loc. cit. reg.* 8. Sed nostro forte judicio non rectè. Non enim habemus, unde tantum auctoritatis Theologis Scholasticis sit collatum, ut eorum dicta sint fide recipienda. Seu mavis propositionem adversantem, conclusioni Theologicæ dicendam *erroneam*, quia est vero errori, hæresi scilicet valde proxima, cum summam habeat cum fidei veritate repugnantiam, mediatam licet.

Magis autem communiter propositio erronea dicenda est illa, quæ contradicit objecto fidei non immediate sed mediatè. Quia non negat objectum quod est in se revelatum, negat tamen objectum, quod est revelatum in sua causa, ut in exemplo allato, si quis negaret, Christum esse visibilem. Vel ut alii dicunt, erronea propositio dicitur, quæ directe contradicit non ipsi fidei, sed conclusioni evidenter ex principiis fidei deductæ, ut per Maldes. 2. 2. *q.* 11. *ar.* 2. *membr.* 5. *ad* 3. & Turrian. *de fid. disp.* 55. *dub.* 3.

Perperam etiam Royas *p. 1. n.* 76. ac Eymericus *loc. cit.* putarunt, propositionem erroneam non differre ab hæretica, quia hæreseos, & erroris nomen æquivalent *ex cap. excommunicamus* 2. §. *fin.* *cap. ad abolendam* §. *præfati de heret. cap. accusatus* §. 2. *eod. tit. in* 6. Nam generale nomen erroris, quod unà cum aliis propositionibus damnabilibus hæreticæ etiam convenit, usurpatione Doctorum potuit accommodari, ut pressius sumptum propositionem hæresi proximam significaret.

Rejicitur similiter D. Antonini placitum *loc. cit.* qui putat, in eo erroneam propositionem ab hæretica distinguai, quod hæresim quidem enunciet, sed instructionem, ac pertinaciam in dicente excludat juxta illud Augustini: *Errare potero, hæreticus non ero*, ac proinde evadere hæreticam, recedente ignorantia, & accedente contumacia. Verum hinc querimus naturam propositionum se-

cundum se, ac respectu rei enunciata, quo modo non pendet à dicente. Quare propositio hæretica semper est hæretica, licet aliunde defectu scientiæ aut pertinaciæ pronunciantem non faciat hæreticum. Erronea autem, quæ in gradu est inferior hæretica, non potest ad hæresim pertingere.

Tandem Canus ibidem supponens, ad hæreticam propositionem duo requiri, quod scilicet oppositum sit certissimè ac sine ulla dubitatione de fide, & quod propositio sit ei evidenter adversans, defectu utroque, aut alterius ait, propositionem dici erroneam, ut qui negaret dari habitus operativos infusos. Quia licet dari communiter teneatur, esse de fide, non est tamen adeo certum esse definitum, ut contrarium sit absque dubio hæresis. Sicuti etiam de negante, Christum, præter gratiam unionis hypostaticæ habuisse gratiam habitualement accidentalem.

Verum talis propositio cum cæteris hujusmodi probabilibus videtur dicenda *Hæresim sapiens*. Quia, ut oppositum ejus fidem sapit in quantum censetur quasi certò esse de fide, sic ipsa apte dicitur sapere hæresim, ideo non esse claram, ac certam hæresim, sed ipsam proxime redolere.

Turrecremata propositionem, *hæresim sapientem*, eam describit esse, quæ asserit persuasum dogma, cui si jungatur propositio, quæ rationabiliter negari nequit, sequitur hæresis. Exemplum affert de negante Thomam de Sarzana, tunc temporis in Pontificatu sedentem, appellatum Nicolaum quintum, esse verum Pontificem, Petri successoris. Hæc enim propositio, quamvis per se sumpta, non sit hæretica, coassumpto tamen principio, moraliter certo, quod legitime fuerit electus, sit talis. Quia de fide credendum est, oranem legitime electum esse verum Pontificem, & Petri successorem. Aliud affert exemplum de eo, qui diceret, omnem nunc Romæ degentem esse in peccato. Coassumpta enim probabili veritate, quod infans aliquis, nunc rite baptizatus fuerit, est hæreticum dicere, omnes esse in peccato ratione istius baptismatis perfusi, quasi baptismus non abluit à peccatis.

Sed de prioris exemplo nos in Consultatione de schismaticis agemus, fortassis tamen non est improbabilis in prædicto exemplo sententia Turrecrematæ. Quia non est omnino certum, Pontificem in singulari signatum proponi credendum de fide, cum aliqui sint Doctores non ignobiles, qui hoc inficiantur. Diximus autem, eam propositionem *sapere hæresim*, cujus oppositum censetur de fide, sed non evidenter, & apud omnes. Propositio verò alterius exempli, aut est manifeste hæretica, si referatur in effectum baptismatis, aut certe temeraria. Quia sine fundamento asseritur, nullum esse Romæ baptizatum infantem.

Huic affinis est opinio Suarez *loc. cit.* sequenti Gersonem, & alios, distinguentis propositionem, *sapientem hæresim* ab *erronea*, quod hæc sit prava in summo, & dicatur hæresi proxima, illa verò sit in remisso. Unde *erronea* est, quæ ex coassumptis principiis certis, evidenter inferitur. *Hæresim vero sapiens*, quæ inferitur non ita evidenter, quia coassumpta principia non sunt in omni gradu certa, sed in Ecclesia valde recepta, ac ab omnibus communi sensu probata, sicut & recepta ipsa illatio. Exemplum est ejus, qui assereret, sub Hostia aliqua particulari, post consecrationem, non adesse corpus Christi. Quia principium coassumptum, quod sit valde consecrata, non est certum. Verum, ut diximus, si non nutee fides Eucharistiæ in proferente, non aliam notam acquirat, quam temeritatis.

Aliter sentit Simanchas, citatus à Ricciullo *d. cap.* 8. & Alphonsus à Castro, adductus à Suarez *n.* 17. nimirum illam esse propositionem *sapientem hæresim*, quæ hominem reddit suspectum, quod sit hæreticus, vel illam, quæ prima consideratione habet sensum hæreticum. Sed reddere hominem de hæresi suspectum commune est cunctis fere propositionibus damnabilibus, nec magis sapienti hæresim, quam aliis tribuitur.



Illam verò, quæ prima consideratione habet sensum hæreticum, in aliqua tamen acceptione potest ad rectum sensum reduci, dicimus vocandam *male sonantem*, quasi sono prolutionis hæretice audiat. Admittit autem in dissonantia magis ac minus. Aliquando enim, in quovis proprio sensu proferatur, est hæretica, potestque tantum secundum metaphoricum salvari, ut si quis diceret, *Christus assidue peccat*. Quod nullatenus salvari potest, nisi intelligatur, quod in suis membris, fidelibus scilicet. Nonnunquam secundum obvium sensum est hæretica, sed in alio, licet vero, inusitato tamen, non est talis; ut si quis diceret: *Verbum assumpsisse carnem nostram peccantem*. Verbum enim incarnatum fuit impeccabile. Sensus tamen esse potest, *assumpsit carnem ejusdem naturæ cum nostra, quæ peccat*. Interdum absolute prolata male audit, quæ ex circumstantiis verum potest enunciare; ut si quis de sacris Bibliis diceret, *hic liber falsa continet*. De Bibliis enim in se est falsa. De tali tamen particulari versione, ac impressione potest esse vera, licet hanc assertionem ad hæresim sapientem reducat Riccius. d. cap. 8. nu. 9. Contra quandoque absolute prolata bene audit, quæ additis loci personæ, ac temporis circumstantiis, non recipitur; ut si quis dicat: *Fides est, quæ justificat impium*, cum testimonium sit Scripturæ, olim non male sonabat; nunc subortis hæresibus dissonat, & ex loco, ac persona suspecta priorem sonum acquireret. Aliàs in utroque sensu æqualiter usurpatur, ut tam possit esse vera, quam falsa, & dicitur simpliciter æquivoca, Ut tamen mali sonitus suspicionem effugeret, cum distinctione, æquivocationem tollente, esset pronuncianda, ut hæc, *Pater est major Filio*. Secundum humanitatem enim vera est, quæ de divinitate esset hæretica.

Arbitrati sunt aliqui, non esse diversam propositionem *male sonantem à sapiente hæresim*, sed duo esse nomina ejusdem damnabilis propositionis, nomenque *sapientis hæresim* esse metaphoricum. Siquidem propositio saporem non habet, quæ propriè dicitur *male sonare*. Cæteri tamen communiter diversitatem assignant, & videtur colligi ex actis Concilii Constantiensis adversus errores Bohemorum, & ex Bulla B. Pii V. adversus Michaellem Baium, ubi, inter eorum asserta, aliqua dicuntur *hæresim sapere*, aliqua verò *male sonare*. Eaque dicitur *male sonans*, quæ duplicem sensum proprium habet. Alium Catholicum, alium hæreticum, sed quia frequentius secundum sensum hæreticum accipitur, absolute prolata, male sonat.

Ita Lorca 2. 2. disp. 40. nu. 10. Covinch. de fid. disp. 18. nu. 133. ac Suar. etiam de fid. disp. 19. sect. 12. num. 18. qui advertit, aliquando propositionem esse male sonantem, non ex se, sed ex conditione personæ proferentis, quia proferens suspectus sit, ut in propositione modo relata, *fides justificat*. Hanc, attentis hæresibus recentioribus dicitur male sonare.

In temeraria propositionis natura assignanda magis consentiunt Authores. Divus Antoninus, Turrecremata, Canus, Riccius, Pegna, Suarez, alique statuunt, eam esse, quæ asserit aliquid, tanquam certum, quod non potest ratione, nec autoritate probari, estque factis temerarium, rem valde dubiam, & incertam sua velle determinatione definire, arg. l. 3. C. de sum. Trin. & fid. cath. Et potest esse dupliciter talis, negative scilicet, quia de opposito nullus fecerit mentionem, neque ulli adversetur, ut qui certò affirmaret, mundum brevi terminandum. Nullus enim oppositum docuit, licet temere dicatur. Positive verò, si oppositum sit apud alios receptum, ut qui assereret aliquem Sanctum, præter B. Virginem, conceptum fuisse sine peccato originali. Hoc enim privilegium apud Catholicos Soli Dei paræ tribuitur. Ad hanc temeritatem reducimus dicentem, omnem hominem, Romæ degentem, esse in peccato. Tales Hostias in particulari non esse consecratas. Quia temere assumitur, Sacramenta non esse va-

lide confecta, aut collata, ut etiam ex adultis nullum in gratia commorari, excusaretur tamen in similibus propositionibus, quando quis, tanquam de re dubia suam diceret sententiam, ac rationem, & argumenta modeste afferret, ut advertit etiam Simanch. de Cath. instit. tit. 54. num. 12. Illa est igitur propositio temeraria, quæ in rebus ad fidem, vel ad bonos mores pertinentibus sine ratione procedit, & omni prorsus caret autoritate. Ac illa quæ nulla sufficienti ratione, vel autoritate fulta, communi Doctorum sensui, vel approbatæ historiæ adversatur. Ac quæ temere contra modestiam Ecclesiasticam aliquid asseritur. Vel quæ pugnat cum aliquo decreto celebris Universitatis. Unde & propositio impudens, insolensque dici solet.

*Piarum aurium offensiva est*, quæ circa materiam pietatis, ac Religionis offendit, indecens, vel indignum aliquid de ea proferens, ut qui Christianum institutum vilium esse, ac impudentium hominum affirmaret.

*Scandalosa*, quæ nuncupari etiam solet *male sonans*, & *piarum aurium offensiva*, & est quæ legentibus, vel audientibus ruinæ, ac erroris occasionem præbet, etiam si errorem in fide non contineat, ut si quis jejunium, vel castitatem parvi penderet, aut venerem utilem, jejunium incommodum diceret, hæreticos esse tolerandos, majoris meriti esse eleemosynam pauperi erogare, quam pro Missæ sacrificio offerre, ineptum esse pro oratione offerre salutationem B. Virginis, ac universim omnis propositio quæ à moralibus virtutibus avocat, sive vera sit, sive falsa, ex qua homines alliciuntur, ac redduntur promptiores ad peccandum, merito dicitur scandalosa. Habentque allatæ propositiones nescio quid male sonantis. Nam absolute prolata malum sensum habent, quæ tamen in ordine ad corpus veritatem præferre possunt.

*Schismatica* est quæ divisionem inducit circa unitatem capitis Ecclesiæ, aut aliorum Prælatorum; ut qui assereret, eodem tempore dari duos Pontifices legitime electos, motus simili electionis modo, quo uterque videtur æqualiter assumptus. Aliunde enim propositio hæc est hæretica. Quia Petri successorem, non nisi unicum esse, fide tenendum est. Unde adversatur articulo unam sanctam, extravag. unam sanctam de major. & obed. Vel si quis diceret; Episcopus non est simpliciter Sacerdote superior. Pontifex non est superior cæteris Episcopis. Malo Prælato non est patendum.

*Seditiosa* est, quæ ab obedientia Superiorum, Principum, ac Prælatorum abducit.

*Injuriosa* est quæ alicui fidelium statui detrahit, puta Clericali, aut Ordinibus religiosis. Cujus modi sunt illæ Wiclef, & Joannis Hussii, damnatæ in Concilio Constantensi sess. 8. & 15. nimirum, qui Religionem ingreditur, ineptior redditur ad observantiam mandatorum Dei. Religiosi viventes in Religionibus privatis, non sunt de Religione Christiana. Ecclesia Romana est Sathanæ Synagoga. Vide Alph. à Castro lib. 1. de just. hæret. puni. cap. 3.

*Impia* est quæ pietati, aut misericordiæ Christianæ sese opponit, ut quæ dissuaderet eleemosynam, mortuorum tumulationem, ac similia, ut si quis negaret esse orandum pro animabus existentibus in purgatorio, vel indulgentiam summi Pontificis pro illis concessam non prodesse. Idem est dicendum si assertio esset contra præcepta Dei, Albert. de agnosc. assert. Cathol. qu. 6. num. 12. Quod enim tendit contra pietatem, non potest, nisi impium judicari. Quamvis hæ propositiones censuram erroris etiam mereantur.

*Blasphema* est, per quam Deo, & sanctis contumelia irrogatur, vel tribuendo, quod non convenit, aut amovendo, quod convenit, aut cum tribuitur creaturæ, quod proprium est Dei. Primo enim casu offenditur Dei misericordia. Secundo Dei justitia. Tertio Dei majestas.

Propositio *blasphema hæreticalis* est, quæ pugnat cum articulis fidei, vel negat Christum dictis, aut factis,



*can. affirmat, & can. non solum 11. qu. 1. Vide Farinac. de hæres. qu. 20. nu. 29.*

Propositio *favens hæreticis* est, quæ quocummodo favet personis, aut erroribus hæreticorum, ut si dicatur, hæreticos non esse puniendos. Quæ propositio dici potest, etiam hæretica. Quia hæreticos esse puniendos decreverunt multa Concilia, & Summi Pontifices, de quibus suo loco.

Propositio *arrogans*, & *insolens* est, quæ plus affirmat, quam possit ratione, vel autoritate probari, quæ etiam temeraria dicenda est.

Propositio *improbabilis* est, quæ nullo innititur probabili fundamento rationis, vel autoritatis extrinsecæ.

Propositio *impertinens* est, quæ nec directe, neque in consequentia evidenti probabili, vel certa infert aliquid, quod repugnet veritatibus catholicis; ut si dicatur, quod Joseph sponsus B. Virginis fuerit, vel non fuerit mortuus tempore passionis Christi. Nam siue superstes, siue tunc mortuus fuerit, nihil ad fidem pertinet, præsertim cum inter Catholicos vigeat hac de re controversia.

Atque ex his iudicium ferri potest de aliis propositionibus dubiis, rigidis, scrupulosis, & superstitiosis.

Si quis verò ita inordinate loquatur, ut ipsius inordinatio sit contra usitatum modum loquendi Ecclesie, quæ cum limitatione in rebus fidei statuit esse loquendum iste innuere videtur, Ecclesiam non esse regulam certam, ac infallibilem in definiendo modos loquendi circa res fidei. Quod est hæreticum.

Animadvertendum autem est, quod huiusmodi propositionum gradus non sunt ita distincti, ut uni ac eidem assertioni convenire non possint; immo sæpe advenire solet, ut uni propositioni plures censuræ ex supradictis conveniant, exempli gratia, illa propositio Wiclefi: *Religiosi viventes in Religionibus privatis, non sunt de Religione Christiana*, est simul hæretica, scandalosa, temeraria, schismatica, & injuriosa. Hæretica, quia est contra universalis Ecclesie definitionem. Scandalosa, quia homines ab ingressu Religionis avertit, & professis, ut vota, quæ Domino voverunt, ne reddant, suadet. Temeraria, quia nulla prorsus ratione, aut autoritate fulcitur, sed omnium Sanctorum sententiæ contradicit. Schismatica, quia Ecclesie unitatem dividit, cum Religiosos ab illa separat. Injuriosa, quia omnibus Religionibus injuriam & contumeliam irrogat.

Item animadvertendum est, quod non solum quis potest errare circa propositionem, sed etiam circa illius censuram. Quare si propositionem de fide, vel Theologicam, vel à Doctoribus, sanctisque Patribus communiter receptam, dicat esse erroneam, vel falsam, vel scandalosam, vel temerariam, errorem committit, vel hæresim sapit, vel temerarius existit non aliter ac si de facto propositionem negaret, quia virtualiter illam negat, ac insuper contra rationem nota infami illam inurit.

### CONSULTATIO XXXVIII.

*Apud quem sit ius ferendi censuram de propositionibus, tum privatum, mereque doctrinale, tum publicum & autoritativum.*

**C**uius viro docto, etiam si privato, circa doctrinam, atque adeo etiam circa assertiones conceditur, ut scilicet, servatis prudentiæ regulis de alienis propositionibus pronunciare possit, & eas, quæ malæ, vel noxiæ sunt, possit damnare ad aliorum instructionem, nec inducantur in errorem.

Hac ratione Julianus Imperator *Epist. 16.* Maximum Ephesium librorum suorum censorem habuit: Plinius

junior *lib. 2. Ep. 8.* censores suarum scriptionum quant accuratos exposcit. Sanctus Eulogius suos libros subiecit Alvari censuræ, Boëtius Symmachum focerunt suum arbitrium suorum scriptorum dixit transmittens ad eum è carcere librum *de Trinitate*. Petrus Damianus *lib. 4. Epist. 11.* Theodosium Senogallensem, & Rodolphum Eugubinum Episcopum operum suorum censores efflagitat, Eusebius Cesarientis libros tres posteriores contra Marcellum Ancyranum Flacillo Episcopo recognoscendos transmittit. Sanctus Basilus *Epist. 167.* rogatus à Theodoro Tharsenti, de ejus scriptis pronuntiavit. Ac præter ceteros S. Ambrosius Sabino Laudensi Præsuli labores suos recognoscendos mittit, ut apud eum legere est *Epist. 40.*

Non tamen cuiusque eruditioni tantum tribuitur, ut quod Gerſo *tract. de examin. doctrin. considerat. 5.* affirmat, possit contingere eventus, in quo plus sit credendum assertioni viri docti, quam declarationi summi Pontificis. Eum eventum assignat Gerſo, si contingeret, Papam ultro errare quoad veritatem aliquam, quam vir ille eruditus doceret, contineri in Evangelio. Idem asserit eventurum, si Papa ignoraret eam veritatem contineri in Evangelio, cui, ut Gerſo constare ait, plusquam Papæ credendum est.

Hæ autem Gersonis suppositiones, quoad Papæ voluntarium errorem circa veritatem Catholicam, vel ejus ignorantiam, admitti nullo modo possunt. Impossibile quippe est, Pontificem, qui Pontificatu non excidat, ultro errare circa veritatem aliquam in Evangelio contentam, aut ejus veritatis contrarium per ignorantiam docere. Sic enim portæ inferi, hoc est, errores, ut S. Hieronymus interpretatur, prævalerent adversus Ecclesiam, quæ Capiti suo adherere tenetur. Unde declaratio Evangelii, quæ à Pontifice ex Cathedra peragitur, censenda est germana. Quod ita firmum habuit Augustinus, ut negaverit se *Evangelio assensurum, nisi Catholica Ecclesia*, cujus caput est summus Pontifex, *authoritas accederet.* Est enim divinæ erga Ecclesiam suavitatis providentiæ, non sinere, ut Pontifex, nemine ante promulgationem obistente, ac errorem dedocente, aliquid per ignorantiam, vel oblivionem traderet, quod esset contra Evangelium, aut contra anteriorem aliquam fidei definitionem, alioqui non esset sufficienter provisum Ecclesie. Possemus enim semper subdubitare, an quod à Pontifice credendum proponitur, falsum esset, & an contrarium sit, de fide, tametsi Pontifex id proponat per ignorantiam, vel oblivionem.

Dixi cuique viro docto id concessum. Nam indoctum hominem de assertionibus alienis velle censuram ferre, indignissimum est. Lege S. Basilium *Epist. 75.* ubi præ cæteris hæc scribit. *Ego verò novi, quod quæ in Oraculis Spiritus dicuntur, haud curvis liceat proprio subicere examini, sed ei, qui Spiritum habet discretionis, quemadmodum nos Apostolus in divisionibus charismatum docuit, dicens: Huic namque per Spiritum datur sermo sapientiæ; alii sermo scientiæ secundum eundem Spiritum; alii fides in eodem Spiritu; alii operationes virtutum; alii prophetia; alii discretionis Spirituum.* Itaque si nostra spiritalia sunt, ostendat se donum habere discernendorum spiritalium, qui nostra judicare præsumit. Si vero quemadmodum ipse conviciatur, ex sapientia sunt mundi huius, declarat se mundana sapientiæ experientiam habere, & tum demum ipsi judicandi calculos permittemus.

Inter autem indoctos Gerſo *loc. cit. consid. 1.* merito numerat eos, qui in uno quidem genere periti sunt, non item in alio, de quo tamen interdum audent judicare. Sic Galenum à Rabbi Mose medico derisum refert, quod ultra crepidam sutor porrexisset manum. Sic passim plerisque, dum se vident prærogativa alicujus disciplinæ inter suos fulgere, exerrare, dilatato ad alia iudicio, advertit.

Cujus autem sit censura juridica, & autoritativa, Gerſo *ibid. consid. 1. 2. & 3.* agens de examinatione, cum



adjungatur determinatio, vel declaratio, aut interpretatio cum appositione poenarum in rebelles, atque adeo, quæ damnationem habeat adjunctam, appellat examinationem illam quandoque authenticam, quandoque juridicam, quandoque authoritativam, ejusque potestatem, si doctrina examinanda spectet ad fidem, collocat finaliter in sua viva regula fidei, hoc est in Concilio Oecumenico. In Pontifice verò eam potestatem juridicam examinandi res fidei, & damnandi opposita, statuit sub Concilio, vel cum ipso.

Cuiuslibet etiam Episcopo, intra fines sue diœcesis id concedit, præsupposita discussione matura, & dummodo non damnet, nisi puncta palam & omnium iudicio hæreticalia, vel puncta simpliciter quidem dubia, sed peritis & sapientibus manifesta, negatque veram esse, quod dixisse alios refert, nullum, præter Papam, condere posse articulum. Ea verò puncta, quæ non sunt aperta, saltem apud Sapientes, hæreticalia, sed, ut ait, sunt veluti neutra, habentque pro se Doctores cum rationibus ad utramque partem probabilibus, nec in una tantum diœcesi, vel paucis, sed apud omnes Christianos, aut longe plurimos, locum habent, negat Gerso, posse ab Episcopis decidi, vel si eis non sapiant, posse ab eis damnari. Has enim putat esse majores causas, quas Capituli Ecclesiæ examini, ac si res ferat, damnationi jura reservant. Et hujus distinctionis ignorantia, aut dissimulatione non paucos ea tempestate in iudicia scandalosa, erroresque prorupisse, exposcular.

Additque ibidem *confid. 4.* ejusdem examinationis censores partim authenticum, partim doctrinalem esse quemvis in Theologia facultate Licentiatum, aut Doctorem. Quod probat ex forma verborum quæ à Cancellario conceditur licentia magistralis, quæ sic habet: *Ego Apostolica autoritate do tibi licentiam legendi, regendi, disputandi, docendi in Sacra Theologia facultate hic, & ubique terrarum. In nomine Patris, & Filii, & Spiritus Sancti, Amen.*

In his Gersonis dictis omittenda sunt hoc loco, quæ habet de finali, & irrefractabili solius Concilii generalis, non item Summi Pontificis definitione; de his enim alibi aliqua diximus, cum ratio supremi Capituli Ecclesiæ, & potestas infallibiliter ac irrefractabiliter statuendi de rebus fidei soli Pontifici asseritur à D. Thoma 2. 2. qu. 10. Unde dignitas Capituli Ecclesiæ tributa divinitus Romano Pontifici, porrigitur etiam ad quosvis Præfules, sive sigillatim sumptos, sive congregatos in Concilium quantumcumque plenarium, cuius iudicia, ut sint plane certa, Pontificis est firmare, ac sua autoritate communire. Egidius enim Abbas *Epist. ad Symmachum Papam* agnoscit auctoritatem Apostolicæ Sedis esse firmiorem decretis Synodalibus. Quod habet quoque Avitus Viennensis *Epist. ad Faustum, & Symmachum*. Subscribunt Turrecremata in responso ad Oratores Basilienses, Caietanus *tom. 1. opusc. tr. 1. & 2.* Bellarmin. *lib. 2. de Concil. à cap. 15.* Azor *tom. 2. lib. 4. cap. 13. qu. 1.* Burkatus late *conf. 109.* & latius Turrianus *libris tribus de auctoritate Pontificis supra Concilia*, Malderus *disp. de Pontific. dub. 3.* qui alios adducunt. Subscribit Corasius in *paraphrasi Sacerdotiorum p. 2. cap. 2. num. 2.* iis tantum exceptis, quæ fidem, aut schismata, vel universalem Ecclesiæ reformationem concernunt. Quæ limitatio, si agatur de Pontifice certo, supervacanea etc., ac explodenda, universaliter statuendum, Papam esse supra quamcumque Episcoporum collectionem. Nam quæcumque Episcoporum collectio intra Christianovile clauditur, cum sit Christiana. Debet ergo Pontificem totius orbis unum Pastorem generalem agnoscere pro capite, atque adeo illi subijci. Nec contrarium quorundam placitum posse excusari à temeritate inobedientiæ, ac ex eo dissidia, ut plurimum, magnosque semper tumultus efferbuisse in Ecclesia, admittit Duvallius *tr. de Pontif. p. 4. qu. 7. in fine*, addens *q. 8.* falsum esse, quod vulgo jactatur, Do-

ctores Parisienses juramento confirmare, se contrarium illud placitum, quo Concilium supra Papam statuitur, propugnaturum. Quod ipse inter Doctores illos tandem, tantaque cum laude claruerit, extra dubium est, cum protulisse comperta.

Atque ex dictis habetur, Romani Pontificis esse, aliorum Antistitis, etiam in Conciliis adunatorum iudicia, alioqui non ratiò vacillatura firmare, exequendo illud Christi iussu ad Petrum: *Rogavi pro te, Petre, ut non deficiat fides tua, & tu aliquando conversus, confirma fratres tuos.* Quod ad ejus Successores extendum variè Patres apud Bellarminum *lib. 4. de Pontif. cap. 3.* Non est dubium quin Christus sic orans pro indefectibilitate fidei S. Petri, ac successorum ejus, exauditus sit pro sua reverentia. Ex quo patet fidem eorum esse indefectibilem.

Cum ergo Christus pro solo S. Petro, quatenus Pontifice, atque adeo etiam pro ejus successoribus ad eum modum oraverit, ac ne pro Concilio quidem quantumvis plenario ac universali tales preces fuderit, plane necessarium est, ut certi simus fidem Conciliorum non nutare, confirmationem Pontificiam illis accedere, quantumvis legitimè sint congregata, & adsint Legati ipsius Pontificis. Nam his quoque assistantibus, Concilium ex se spectatum, errare poterit, nisi procedat ex institutione à Pontifice antecederet data Legatis, eamque ad amussim sequantur, quæ esset anticipata confirmatio, cujusmodi instructiones accuratè, ac minutatim signantes, omnia dedit aliquando Gelasius primus Fausto Magistro, Legato Constantinopolim, *est ejus Epist. 4.* Item Hormisdas indiculum Legatis suis tradidit valde accuratum, qui legitur post Epistolam ejus 10. Similia Commonitoria sæpe occurrunt in vitis Pontificum, & in historia Conciliorum, ac Ecclesiasticis Annalibus. Nisi ergo Legati talem aliquam instructionem habeant, & exquisitè servant, errare poterunt etiam ipsi, & cum ipsis Concilium. Quia Pontifex non potest Legatis committere privilegium personale suæ in fide indefectibilitatis, ut recte notavit Castricius *lib. 1. de just. hæret. punit. cap. 6.* Itaque desideratur, ut finito Concilio, accedat ejus de fide decretis calculus ipsiusmet Pontificis, alioqui non erunt plane firma. Idque de fide esse, censet Nauciantus *opuscul. de necessit. confirmat. Concilior.* & videtur annuere Duvallius *cit. p. 4. qu. 5.*

Et quidem ipsa Concilia, etiam generalia, hanc suam ex seipsis defectibilitatem, & confirmationis Pontificiæ necessitatem, aperte professæ videntur, cum petierunt sua decreta firmari à Pontificibus. In quam rem exemplum primæ Synodi Apostolicæ urget Turrianus *lib. 2. contra Magdeburgenses cap. 5.* Primæ item Nicenæ Synodo accessisse confirmationem à S. Sylvestro, liquet ex Felice Tertio *Epist. 4.* & ex decreto ipsius Sylvestri, Concilio Romano suffragante, quod legitur *tom. 1. Conciliorum.* Sanctus Leo petitam à Concilio Chalcedonenfi *act. 3.* in relatione Synodica confirmationem concessit, scribens ad Martinianum. Benedictus Tertius idem fecit circa Rhemense Concilium. Sophronii Hierosolymitani Synodicam Epistolam ad Honorium, qua idem ab hoc Pontifice explicatissime poscebatur, adducit Turrianus *lib. 1. contra Sadeelem cap. 10. in fine*, apud quem etiam *lib. 3. de dogmat. Charact.* Phœnus Constantinopolitanus necdum depositus, idem agnoscit, scribens ad Nicolaum primum, cui fateretur, convenire, *tribuere auctoritatem Synodica sententia.* Synodum Tridentinam œcumenicam, hanc confirmationem experiri legimus, nec ante eam obtentam valuisse. Denique Gelasius primus *Epist. ad Episcopos Dardanæ* quotquot Concilia hoc munimine caruerunt, fuisse *vacua* auctoritatis, apertissime contestatus est. Nec minus perspicuè Pelagius Secundus *Epist. ad Synodum Constantinopolitanam: Nulla*, inquit, *unquam Synodus*



*Synodus rata legitur, quæ Apostolica auctoritate non fuerit fulta.*

Quod verò attinet ad illam potestatem, quam Gerso agnoscit in Episcopis respectu suæ diæcesis, ut possint de rebus saltem inter doctos apertis, ac perspicuis condere articulos fidei, potest circa eam esse lis de nomine. Nam si sensus sit, Episcopum posse condere infallibilem fidei definitionem in prædictis materiis, atque adeo si sensus sit, Episcopo damnante assertionem ratione hæreseos, damnationem illam esse ex fide certam, rejiciendum est, quod Gerso dicit. Tum quia causa fidei & hæreseos, cum sit toti Ecclesiæ communis, eo quod una in quacumque Ecclesia debeat esse fides, non potest per unius particularis Ecclesiæ caput decidi, ut recte argumentatur Castro *lib. 3. contra hæres. cap. 8.* Tum quia nulli Episcopo infra Romanum Pontificem, competit potestas judicandi infallibiliter de fide, aut damnandi quæ sunt falsa, & fidei adversantia. Quia de nullo alio singulari Episcopo valet, quod de Romano in petri persona dictum est *Rogavi pro te, Petre, ut non deficiat fides tua.* Et, *pascere oves meas.* Quod pabulum maxime præbatur per propositionem doctrinæ sanæ, & rejectionem corruptæ.

Valebit autem, quod à Gersone de inferioribus Episcopis dicitur, si sensus sit, eos habere potestatem proponendi suis subditis, quæ ab Ecclesiæ Capite fuerint definita, tanquam de fide, eosque in conscientia obligandi, ut eis credant, tanquam definitis per Ecclesiæ Caput, cujus est eas definitiones condere. Et quippe potestas in munere pastorum includitur, idque aperte tradit D. Bernardus *Epist. 39. sub medium.* Et quavis Parochis quoque proportionalis gradui suo ad id potestas competat, multo tamen magis in Episcopo eminet, cujus in pascenda plebe potestas major est. Quod multo magis dicendum est de quocumque Evangelii præcone, definitionem fidei recte factam denunciante absque ulla ad id potestate ex solo zelo divini honoris ac fidei propagandæ. Hic enim & subtus Episcopum, & subtus Parochum, qui Pastores sunt constitui debet quoad rem hanc.

Præter propositam facultatem, agnoscenda quoque est in Episcopis inferioribus facultas obligandi suos, nè assensum præbeant doctrinæ periculosa, eo quod, tamen nedum damnata sit Ecclesia, tamen Episcopo videatur, eam doctrinam non coherere cum definitionibus jam editis, aut accedere ad errores damnatos. Hoc plane videtur necessarium Episcopo, ut munus pascendarum Christi ovium rite exequatur, & quamvis Episcopopus in hujusmodi propositione possit falli, quippe qui privilegio infallibilitatis non gaudet; tamen prudenter plebs constituti sibi ab Ecclesia immediati Pastoris vocem audiet, nec peccabit ductum ejus sequendo. Tandemque divina providentia per mediatos, & præsertim per supremum Pastorem, aut quibus lubebit viis, dedocebit errorem, & bonam plebis mentem ejusque obedientiam erroris depulsione compensabit, facietque, ne fraudis sit materialis aberratio, ex spiritu humilitatis, & voluntate constitutos sibi duces sequendi, profecta.

Id verò quod ad Licentiatos, vel Doctores Theologos attinet, perperam Gerso, nescio, quam in eis ex parte autoritativam, vel authenticam noxias assertiones improbandi potestatem agnoscit. Hoc enim est muneris Pastorum. Doctores autem & Licentiat præcisè quæ tales, non sunt Pastores. Habent sanè Licentiat, atque Doctores, si sint, quod dicuntur, nec emittunt titulos præferant, de quibus Petrarcha *lib. 1. de remediis. cap. 12. §. 46.* idoneitatem, ut à Pastoribus assumantur ad discussionem punctorum ambiguum, sintque Præfulum quasi consulti; quod ad summum fert formula creandi Doctorem antè prolata, continens idoneitatis testimonium authenticum, ab iis latum, quos ad ferendum præfecerunt ii, quibus in Republica

potestas competit. Et ita habet ipse Gerso *lib. 3. de Consolat. Theolog. prof. 3.* & benè Caietan. *in sum. v. Doctor.* Juridica tamen & facta cum potestate propositio Dogmatum sanorum, vel damnatio reproborum nullà ex parte est Doctorum, vel Licentiatorum. Non igitur hoc possunt Doctores, vel Licentiat, sed eà tantum facultate discutiendi, & damnandi potiuntur, quam Gerso vocat per modum doctrinæ.

Quod si Doctori cuivis singulari aliud non competit vi Doctoratus, quàm quod diximus; debet quoque liquere, non plus etiam toti Doctorum Collegio, etiam si numerosissimo, posse tribui. Quod rectè statuit Caietanus *lib. 1. contra hæres. cap. 8.* Numerus enim auctoritatem personarum nihil plus intensive confert, quàm si unica esset persona. Unde Caietanus *opusculi de Concept. B. Virginis,* Academicarum decisiones, ac determinationes nihili facit, & quamvis per modum declarationum admitti ut unque possint, quod unum evincit Catharin. *lib. 2. pro Concept. §. primo quod sic. pag. 49.* non tamen ut determinationes, non plus, quàm si unicus esset Doctor. Quamvis enim multitudo ex una parte conferre possit ad facilius, & certius attingendam veritatem, eo quod plura ingenia exulta concurrant, non tamen semper verum est, multitudinem eorum, qui Doctores dicuntur, esse multitudinem eruditorum.

Immo multitudo numerosior, eò facilius est, ut in factiones scindatur, & ut de Dogmatibus, aut libris, in quibus tractantur, non ex judicio, sed ex affectu, aut ad gratiam per venalia capita pronuncietur. Quod quàm sit frequens in hujusmodi cæcibus, nihil attinet demonstrare copiosè. Inde certè non rarò contigit, ut sententiæ Doctorum Catholicorum judicio publico alicujus Academiæ damnarentur. Nemo ignorat, quàm in pretio ut doctrina Divi Thomæ. Commendantur illam nonnulli Summi Pontifices, ut Joannes XXII. Clemens VI. Urbanus V. Pius V. Sixtus V. Clemens VIII. Paulus V. Alexander VII. Quorum rescripta collegit Seraphinus Pivardus *de approbat. Doctrin. Divi Thom. tom. 2. sub initio,* non potuit tamen vir sanctissimus, & Doctorum Angelus, invidorum morsus, aut rabiem effugere, editis adversus ejus scripta, atque doctrinam, tanquam erroneam, non sine adjuncta excommunicatione per Parisiensem Episcopum ab Academia in fraudem actum, variis articulis, quos Egidius Romanus, qui aderat, referente Capreolo *in 2. quæst. ad 1. Gregorii,* damnatos refert factiosè, non convocatis omnibus Doctoribus ad requestam quorundam Capisitorum. Impossibile enim est, cum homines sint, qui in Ecclesia docent, ut calumniarum vituperationes effugiant.

Quinetiam, nè omnibus quidem universi Orbis Doctoribus, si consentirent, ac in unam sententiam conspirarent, potestas superat aliquid de fide statuendi, aut tanquam fidei contrarium damnandi pro potestate, & secluso regulæ fidei præjudicio. Immo neque præbendi argumentum sufficiens, ac certum, quod propositio ab eis damnata, tanquam hæretica, sistendo in eorum damnatione, nec attendendo præjudicium Ecclesiæ, quo ea damnatio nitatur, sit revera hæretica. Et quamvis Canus *lib. 8. de loc. cap. 4. conclus. 3. §. lib. 12. cap. 7. propos. 8.* & Bannes *1. part. quæst. 1. art. 8. dub. ult. conclus. 3.* censent, communem Doctorum Scholasticorum sententiam continere irrefragabile argumentum, adeo ut oppositum tam communi sensu firmatæ sententiæ adversetur fidei; meritò tamen id repellunt alii, & benè Gillius *lib. 1. tract. 7. cap. 13. nu. 6.* ac nos supra. Quia certitudo infallibilis, qualis ad statuendum pro potestate de re fidei exigitur, niti debet promissione aliquâ divinâ præstandæ assistentiæ, errorem prohibentis, quam pro Doctoribus universis nusquam reperimus, esto doctrina omnibus planè Doctoribus repugnans, temeritatis jure insimuletur.

Firmum igitur maneat, quoribus propositio, de quâ damnantur,



damnanda agitur, res fidei tradit, eoque nomine corrigenda est, quod fidei adversetur, nullius esse irretractabilem damnationem facere, præterquam totius Ecclesiæ capitis, cuius principaliter est, Christi oves pascere idoneo, & non virulento pabulo doctrinæ; ut proinde non ab. re olim qui Libros conscriptos vulgaturi erant, quod Baronius multis exemplis illustrat anno 496. omni studio anniterentur, ut recognoscerentur, ac probarentur à Romano Pontifice. Quas autem assertiones, vel quos libros ille damnasset, haberent pro noxiis, & omnino improbandis. Ita fecit D. Augustinus in exordio Libri 1. contra duas Epistolas Pelagianorum. Nam Bonifacio Papæ, tanquam præminentis fastigio specula Pastoralis, examinandum, & emendandum dirigit opus illud. Constat, idem fecisse S. Eulogium Patriarcham Alexandrinum, ut legitur apud D. Gregorium lib. 8. registr. Epist. 42. Exemplo suo, & ratione optima, ita esse faciendum authoribus confirmat S. Anselmus lib. de Incarnat. verb. cap. 1. verbis illis ad Urbanum Secundum: *Quoniam divina providentia vestram elegit sanctitatem, cui & vitam, & fidem Christianam, & Ecclesiam suam regendam committeret, ad nullum alium rectius refertur, si quid contra Catholicam fidem oritur in Ecclesia, ut ejus autoritate corrigatur, nec ulli alii tutius, si quid contra errorem responderetur, ostenditur, ut ejus prudentia examinetur. Quapropter sicut nulli dignius possum, ita nulli libentius presentem Epistolam, quam vestra destino sapientia, quatenus si quid in ea corrigendum est vestra censura castigetur, & quod regulam veritatis tenet, vestra autoritate roboretur.*

Extant Possessoris, Episcopi Africani, literæ ad Hormisdam Papam, quibus testatur, se ad eum transmisisse recognoscendum Codicem suarum explanationum in B. Pauli Epistolas. Joannes Diaconus in prolog. ad opus de Vir. S. Gregorii Magni, idem de suo opere facit, dirigens, illud ad Joannem Papam, tanquam ad eum (sic enim proficitur) cuius sit scripta quæcunque probare, aut explodere. Anastasius item Bibliothecarius præfat. ad Vir. S. Joan. Eleemofynarii sic affatur Nicolaum Papam: *Sed licet membranas inciderim, schedulas præparaverim, non tamen hunc Codicem conficere ausus sum, antequam à Dominatione vestra, o millies Beate, licentiam adipisci promerui. Neque enim fas est, absque Vicario Dei, absque Clavigero Coeli, absque curru, & auriga Spiritualis Israelis, absque universitatis Pontifice, absque unico Papa, absque singulari Pastore, absque speciali Patre, absque te, omnium arbitro, aliquid consuetur, aut divulgetur. Tu enim tenes Claves David, Tu accepisti Claves scientiæ. In arca quippe pectoris tui tabula Testamenti, & munera celestis saporis requiescunt. Tu enim quod ligas nemo solvit. Quod solvis, nemo ligat. Qui aperis, & nemo claudit, claudis, & nemo aperit; vicem namque in terris possides Dei.*

Pulchre denique idem præstat Godefridus Viterbiensis Præfat. conscriptam a se histor. ad Urbanum Tertium. Verba ejus sunt: *Dum Sacrosancta Mater nostra Romana Ecclesia Culmen inspicio, & ejus eminentia considero Majestatem, illud ante omnia necessarium esse intueor, ut sicut ipsa omnibus noscitur præesse Principibus, ita omnes Reges ac Principes, & universa Orbis Ecclesia doctrinæ ejus, & regimine adornentur, & ad eam, tanquam à fonte justitia, totius Sapientiæ regulis instruantur. Quia nullum scripturarum elogium noscitur esse authenticum, nisi ab ejus sapientiæ fluminibus fidentibus propinequetur. Quare, si quod historiarum opus, novâ per aliquem institutione conficitur, ratio suggerit, ut antequam in publicum deveniat, Apostolico examini præsentetur: quatenus si acceptione dignum esse perpenditur, ejus mandato, & judicio approbetur, & ab eo vires, autoritatemque recipiat, cui terrena, & celestia divinus sunt commissa.*

Jure igitur Marinus Papa scribens ad Carolum Calvum, proficitur, Romani Pontificis esse, approbare, atque

adeo etiam reprobare quoscunque libros, idque ad clavem sapientiæ, ei conceditam, spectat. Et noranda sunt verba illius Epistolæ à Vestmonasterienfi exhibitæ anno 883. *Relatum est Apostolatus nostro, quod opus Dionysii Areopagita, quod de divinis nominibus, & de celestibus ordinibus Græco scripsit eloquio, quidam vir Joannes, natione Scorus, nuper transtulit in Latinum, quod juxta morem Ecclesiæ, nobis mitti, & nostro judicio debuit approbari, præsertim cum idem Joannes, licet multa scientia esse prædicetur, olim non sanè sapere in quibusdam frequentiori rumore dicatur.*

Unde non rectè ait Bannes 2.2. quæst. 11. art. 2. in fine, esse errorem, vel errori proximum asserere, Ecclesiam posse errare in hujusmodi censuris assignandis, nec audiendus est Turrianus de fide disp. 55. dub. 3. inquit esse valde certum, eam non posse in hisce definitionibus errare, sed statuendum est cum Maldero cit. qu. 11. art. 2. membr. 5. & Conink disp. 18. dub. 8. n. 134. esse de fide, eam non posse errare. Nam Ecclesia 1. ad Timoth. 3. dicitur columna, & firmamentum veritatis, & Joan. 14. & 16. promittitur ei Spiritus veritatis, sive perpetua assistentia Spiritus Sancti, qui doceat eam omnem veritatem. Quod videtur intelligendum non solum in definiendis fidei veritatibus, sed etiam de iis, quæ aliquo modo ad fidem pertinent, quales sunt aliarum propositionum censuræ. Quia cum Ecclesia declarat, aliquam propositionem esse erroneam, planè definitio pertinet proximè ad fidei veritates. Nam propositio erronea est contraria conclusioni deductæ ex principiis fidei. Atque adeo non potest Ecclesia in hac censura errare, nisi errans aliquo modo circa fidei veritates.

Nec potest Pontifex errare, cum judicat, aliquam propositionem esse probabilem, ut olim definivit Clemens Quintus in Clem. un. de sum. Trinit. in quâ approbat, ut probabilior opinionem asserentium, in baptismo infundi parvulis habitus virtutum Theologicarum. Si enim in hoc Pontifex errare posset, nimis grave præjudicium irrogaretur fidei, quia opinionem, quam Pontifex approbat, ut probabilem, vel probabilior, tota Ecclesia debet, ut talem, amplecti, & ex illa variè quisque ratiocinaretur; unde posset contingere circa res fidei gravis error.

Porrò Laicis quibuscunque nihil in hujusmodi propositionibus, neque Libris res fidei tradentibus competit, nisi arrogare sibi quam nullo jure habent potestatem, velint, certum omnino est. Idque vidisse Ethnicos, apud quos nefas erat Libros de Religione ab aliis recognosci, quàm à Sacerdotibus, tradit Ægidius Mag. 1. decretor. tit. 2. num. 10. & sequitur ex iis, quæ tradit Castrius lib. de just. harer. puni. cap. 5. & 23. fundam. 1. Ut proinde meritò Cardinalis Baronius anno Christi 1186. de temeraria, & petulanti quorundam hujus ævi Christianorum Magistratum arrogantia hæc in parte exposularit. Libros tamen, quibus traduntur propositiones, ac hæreses ab Ecclesia jam damnatæ, meritò per Laicos aboleri jam statuimus suo loco. Non tamen id possunt antè damnationem doctrinæ, factam ab Ecclesia.

### CONSULTATIO XXXIX.

*Ad quos pertineat ferre judicium, ac censuram propositionum hæreticalium, ac de fide suspectarum? & quales ii esse debeant?*

*Et an Inquisitores possint procedere contra proferentes propositiones scandalosas, temerarias, & aliam ejusmodi Catholica fidei minimè consentaneas?*

**Q**uod ad primum, Ad ferendum rectè judicium de Censura propositionum, necessaria planè est maxi-



ma notitia, nedum propositionis, de quâ agitur, sed etiam auctorum, qui de eâ vel cursim, vel ex instituto disputationem susceperunt. Ideoque ad Theologorum, sive, ut aiunt, ad qualificatorum munus pertinet suo jure in sacro fidei Tribunali de qualitate propositionum, quæ ab hæreticis, vel de hæresi suspectis prolatae sunt, cognoscere, ac judicare. Hinc est, quod qualificatorum nomine vocantur Theologi in sanctæ Inquisitionis officio à qualitate propositionum, de quibus judicare debent.

Qualificatorum responsa, quibus propositionum censura continentur, ab eis subscripta inferenda sunt actis judiciariis processus perinde ac dicta, & testimonia rerum aliarum peritorum, ut per Simanchi. *de cath. instit. tit. 54. num. 2.* & Royas *de hæret. p. 1. num. 402.* qui affert instructionem Madrilianam, inquit: *cujusvis propositionis declaratio ad Theologos spectat, & ab eorum assertionibus in causis fidei judicandis minimè est recedendum, ut in instructione de Madrid anno 1561. cap. 1. Quod etiam per prudentissimos Consiliarios supremi Consilii generalis Inquisitionis plenius decretum est.* Idem refert Diana *p. 4. tract. 8. resol. 84.* ac Delrius *lib. 5. Magic. sect. 15. in fine primi axiomatis*, ubi ostendit, quod quando dubium est, an sint sortilegia hæresim sapientia, an nò, hoc cognoscere, non ad Inquisitores pertinere, sed ad Theologos qualificatores.

Hinc est, quod Albertinus *de agnosc. cath. assert. qu. 10. nu. 8. ac seq.* asserit, quod in qualificandis propositionibus, & factis hæreticis Theologi sunt consulendi. Quia cuilibet perito in arte suâ credendum est, *Bart. in proœm. ff. §. 1. num. 8.* cum vulgò aliis. Confirmat id Albertinus *loc. cit. num. 14.* ex eo, quod voluit Ostin. *in cap. 1. de consangu. & affin.* quem sequitur Abbas, quod si eligendus sit Episcopus in loco, ubi plures sunt hæretici, debet præferri Theologus, si verò causarum discussio ibi frequens sit, Canonista præferendus erit, & in electione Pontificis præferendus est Theologus Jurista.

Ex his colligitur suffragium Qualificatorum in S. Tribunali esse decisivum, non autem consultivum. Ita expressè Royas *loc. cit. num. 384.* ubi sic ait: *In exponendis verò verbis dubiis, agnoscendisque factis, vel Catholicis dictis, aut suspectis, vel hæreticis, periti S. Theologiae Professores sunt vocandi, qui vulgò Qualificatores nuncupantur, quorum assertionibus omnimodam adhibeant fidem, L. Septimo mense. ubi Bald. ff. de stat. hom. l. 1. in princip. ff. de ventr. inspic. L. Semel. C. de re milit. cap. causam. cap. proposuisti, de prob. cap. fraternitatis. cap. fin. de frig. & malef. cap. significasti. 2. de homic.*

Secus verò est de suffragio Consultorum, quo tantum est consultivum, ac proinde hujusmodi suffragium Inquisitores sequi non teneantur, Royas *loc. cit. num. 409. & 423.* Diana *p. 4. tract. 7. resol. 38.* qui ad hoc affert citatam instructionem Madrilianam, & nos alibi,

Porro alienarum propositionum censores præcipuè liberi turbidis motibus sint, nullis averfis affectibus, odii præsertim, ac superbix subiaceant. Erenim antè omnia curandum est, ut animi judicium citrà damnum affectus proferatur. Id exposcit Nazianzenus *Orat. 14. num. 8.* Chrysostomus *hom. 14. in ad Ephes.* Isidorus *Pel. lib. 1. Epist. 310. quæ est ad S. Grillum Alexandrinum*, ac Joannes Sarisberienensis *lib. 5. Polycr. cap. 12.* Unde omnes plane contentiones, ac turbas, atque adeò omnes hæreses, ac fidei schismata ex unò hoc fonte profluere, tradit S. Hilarius *in initio lib. 10. de Trinit.*

Quia verò authore Aristotele, invidia, est odii particula, necessarium maximè est, eam abesse ab eo, qui alterius censor sit futurus, quantumvis nihil sit frequentius, ut hoc ex capite scriptores vexationem sustineant. Est enim id Scriptorum maximè proprium, ut notavit Thomas Waldensis *tom. 1. in prælud. post doctr. 10. dixitque Nazianzenus Orat. 20. num. 29.* Hanc au-

tem vitare non potest, nisi qui omnino nihil scribit, ut queritur S. Hieronymus *sub fin. Epist. ad Ctesiphontem. & in præfat. ad Chron. Eusebii.* Hunc invidiæ stimulum, & aculeos sensit D. Hieronymus *præfat. in Esdram ad Domnionem.* D. Thomas ex iis, quæ supra diximus. Idque ob excellentiam lente festinent, præcipationem averfentur: Quod si alibi observandum, hinc maxime necessarium est hoc monitum ob grave discrimen suam conscientiam, & alienam famam præpropera censura ferendi. Valerque ubique illud Zozimi *Epist. 3.* quæ excutit causam Cælestii in Africa damnati: *Magnum pondus examinis, magna desiderant, ut non sit rebus ipsis, quæ geruntur, inferior libra judicii, & optime rursus Epist. 4. verbis illis: Doceat nos terrena moderatio, quæ secularibus arbitris, & causis primum de ipsis iudiciis eligendis, repudiandisque sit.* Et quanta cunctatio, quot interpositæ dilationes, quoties adhibita comperendinatio, etiam sub fine ipso certaminis ampliare judicia cum innocenti reo? Confugitur ad mare, & extra maxima documenta, ut fides, quæ in præsentem plerumque ætioribus strangulatur angustiis, saltem eminus veniat. Hæc omnia mentior, nisi in patrocinium tuendæ innocentiae repeita sint. *Tolerabilius est enim innocentem quemlibet tardius inveniri, quam cito pro nocente damnari.* Similia profert S. Gregorius *19. Moral. cap. 23. & Sarisberienensis loc. cit. cap. 12.* Jureque id in hac materia specialiter esse Lutetiæ cautum, suo tempore scribit Gerfo *part. 4. in protest. pro exclus. schismat.* Testatur enim quandoque in unius dicti Theologici discussione priusquam ad censuram veniretur, impensum tempus solidi anni, quandoque biennii, aliquando vero post longam consultationem, & comperendinationem, nihil fuisse conclusum. Similiter Joannes Major, quanta maturitate post Gersonem procederent Censores, testatum dedit *in 2. dist. 2. quest. 8.* Scribens, discussionem fieri solitam. *Communius per viginti, vel viginti quatuor deputatos, viros exercitatos, & promptos ita, quod quilibet seriatim motiva sua hinc inde, & quid sentiendum sit, demum apponit, & secundus rationes primi, & tertius rationes duorum primum, & sic ad novissimum usque inclusive examinat, & ab his conclusum, rursus in tota facultate versatur, & discutitur, antequam aliquid concludatur.*

Inauditum, si fieri potest, neminem damnent, damnationis causam nè celent, & purgationis tempus, ac facultatem concedant, nisi errores, citra omnium ambiguitatem jam damnatos, assertiones contineant, nec sit dubia, sed explorata mens auctoris.

Hinc meritò Gerfo *tom. 1. tract. de exam. doctr. p. 2. confid. 5.* poscebat, ut Curia Summi Pontificis haberet Doctores Theologos, ac Censores, *non partiales, non seductores, non fastuosos, non quæstuosos, aut invidios, non potestati seculari, non spirituali plus quam veritati facientes, alioquin tolerabilius esset, nullos habere, quam tales pati.* Addere æque poterat, quos ex Apostolica, & præcelsa veritatis specula deligi ad censendum de aliis contigerit, non præcipientes, non proclives ad condemnandum. Qua in parte habent Romani Censores, quam imitentur Apostolicam Sedem. Eam enim in norandis, & hæreseos, errorisve insimulandis quibusvis, maturitate, ac tarditate summa semper processisse, demonstrat Hesselius *lib. de perpetua Cathedra Petri firmitate cap. 8. verbo. Sint boni, & docti.*

Ad secundum. Ex consuetudine Pauli Tertii, quæ incipit, in Apostolici culminis specula post Director. Concionatores, & quicumque exempti asserentes propositiones suspectas, scandalosas, periculosas, errores continentes, & alias Catholicæ fidei dissentaneas, Christianæque pietati, ac bonis moribus minimè congruentes, ac Inquisitionibus puniuntur, ac etiam ab Episcopis, tanquam Sedis Apostolicæ delegatis vigore Concilii Tridentini *sess. 5. cap. 2.* Unde Episcopus, & Inquisitor cum contra Concionatores ejusmodi propositiones



tionem in publicis Concionibus asserentes procedunt, sunt æqualis auctoritatis, cum uterque ut Sedis Apostolicæ delegatus procedit. Secus verò cum contra Laicos, easdem propositiones privatim asserentes procedunt. Tunc enim Inquisitor procedit, uti Sedis Apostolicæ delegatus, Episcopus verò, ut Ordinarius ordinaria facultate sibi de jure communi competente. Vide Carenam de mod. proced. in caus. S. Offic. tit. 16. §. 4. nu. 15. cum binis seq. & nos alibi.

## CONSULTATIO XL.

## De Hæresiarchis, &amp; Dogmatistis.

**Q**uamvis dicatur Hæresiarcha, & in quo differat ab hæretico, tradit Repertorium Inquisit. verb. *Hæresiarcha*. Ille autem dicitur Hæresiarcha, qui gignit errorem, quive docet errorem, quem ipse gignit, ac qui publicè errorem defendit, ut per Farinac. de hæres. quest. 178. §. 1. nu. 15. alios referens. Eymer. in direct. Inquis. part. 2. quest. 39. ibique Pegna com. 64. qui docet, quod Hæresiarcha dicitur non solum qui errores commentatus est, & confinxit, sed etiam qui ab aliis jam inventos, & confictos alios docet. Quod sequitur Paramus de origin. S. Inquis. lib. 3. qu. 9. n. 134. Carena de mod. proced. in caus. S. Offic. tit. 1. §. 25. n. 128. Alique apud ipsum.

At verò inter Hæresiarcham, & Dogmatistam est aliqua differentia. Hæresiarcha enim ille propriè dicitur, qui errores invenit, & alios docet. Dogmatista verò, sive Dogmatizans ille est, qui hæreses, ac errores ab aliis inventos prædicat, ac docet; & quamquam Dogmatista dicatur etiam hæresiarcha, & eodem fere modo cum utroque procedendum est, hæresiarcha tamen est in primo gradu hæreticorum, dogmatista in secundo, ut per Soufam lib. 1. Aphor. cap. 9. nu. 1. & seq. ex can. qui aliorum. 24. quest. 3. Requiritur verò, ut quasi ex officio, & consuetudine publicè, vel occultè proprios, vel alienos errores doceant plures, sive simul, separatim, ut per Suarez de fid. disp. 23. sect. 2. n. 11. apud Soufam loc. cit. n. 4.

Hinc est, quod Hæresiarcha, vel Dogmatista censendus est, qui quasi ex officio, vel consuetudine hæreticos in suis erroribus confirmat, quamquam non doceat eos, quod antea ignorabant, sive verbis id faciat, sive scriptis, aut libris traditis, in quibus errores defenduntur, ac item qui hæreticorum doctrinam defendit, ex d. can. qui aliorum 24. n. 3.

Illeque etiam censendus est hæresiarcha, & dogmatista, qui similiter quasi ex officio, & consuetudine, errores, sive à se confictos, sive ab aliis inventos per alios prædicat, & disseminat verbis, vel scriptis, ac etiam qui libros hæreticos componit, & divulgat. Quia hæc ad Magistrum spectare videntur, cit. can. qui aliorum. Souza loc. allegat.

Hos autem, etiam pro prima vice, tradendos esse Curie seculari, probat Simanchas de Cath. instit. 47. à nu. 50. & in Enchir. tit. 59. à nu. 1. Royas de hæret. p. 2. nu. 339. & seq. assert. 43. At non esse Curie seculari tradendos, tueretur Pegna in p. 2. direct. qu. 39. com. 64. ubi nonnullorum Conciliorum Veterum locos ad rem hanc adducit. Sed pro utraque sententia concilianda plures distinctiones adhibet Farinac. loc. cit. q. 193. §. 1. à nu. 7. & sequitur Carena tit. 1. de hæres. §. 25. nu. 129.

Et primum si Dogmatista, vel Hæresiarcha ab Inquisitoribus deprehensus, statim pœnitens resipiscere, & abjurare consentiat, utique recipiendus est ad misericordiam. Si verò pertinaciter & obfistens ab errore noluerit resilire, vel metu mortis potius, quam amore veritatis convertatur, haud facile est recipiendus, ut

per Eymer. p. 3. rubr. de 8. mod. term. proc. n. 9. Farinac. d. n. 8. Soufam loc. cit. nu. 14. & Dianam p. 4. tract. 7. resol. 23.

Deinde illi Hæresiarchæ, ac Dogmatistæ, qui Regibus, Principibus, Reginis, aut eorum filiis hæreses persuaserint, aut persuadere conati sunt, nullo pacto ad misericordiam sunt admittendi, ut per Pegna d. com. 64. Farinac. ibid. n. 9. Souf. supra nu. 15. Dian. & Carena superius adductos.

Postremo si Hæresiarchæ, ac Dogmatistæ suis dogmatibus nemini nocuerint, ac veræ pœnitentiæ signa ediderint, reconciliari possunt; secus verò si alios seduxerint, Simanch. loco adducto nu. 71. Pegna ibid. Farinac. numero decimo, Soufa numer. 16. & Carena d. nu. 129.

Cæterum semper observatum est, hæresiarchas aut fuisse Magos, aut hæresibus magicas artes successisse. Talem enim Simonem Magum fuisse sine dubio est. Memnandum quoque habuisse dæmonem familiarem Eusebius affirmat lib. 3. hist. cap. 26. Idemque de Marco Valeriano Priscillianista, & Carpocrate, Irenæus lib. 4. contra hæreses. De Hermogene Hieronymus Epist. contra Pelag. ad Thesiphontem, & Sulpitius Severus lib. 2. hist. Succedunt, detectis imposturis hæresum, illisque senescentibus, statim magicæ artes. Non enim facile dæmones, cum occuparunt arcem hominum, decedunt loco, sed quamdiu supersunt, nituntur suis artibus illas defendere, & detecta hæresi, in mente, quam obsident, alios se fingunt, ne exire cogantur. Utuntur enim dæmones hæreticis, ut meretricibus pulchris, ad impellendos specie sanctitatis ad sua retia homines. Desflorante autem ætate illius fucata pulchritudinis, utuntur illis, ut lenis, & lenonibus, faciuntque magos, & sagas, & ita de ore falsi Prophetæ Spiritus nequam egressi jussu Dei, ut in Apocal. cap. 16.

Sic post Hulsitarum, & Bohemicam in Germania hæresim, tanta dæmonum irruptio, & colluvies secuta est, ut plus negotii maleficæ Germanicæ facerent, quam hæretici, Spengerus, qui eo tempore librum integrum ea de re composuit. Non recenseo montium Arverniorum veneficas, & sortilegos, ex quo Waldenses, Torelupini, seu pauperes de Lugduno hæretici inibi latuerunt, & in proximos pagos, & postea in Germaniam, & Gallias virus propagarunt. Duo enim contraria, & adversaria sunt, lex Dei, & dæmonis, & nemo potest duobus dominis servire. Et ita consequens est, homines, qui Dei gratiam, & legem, ejusque pietatem rejiciunt, à dæmonibus occupari, & cum illis in peius semper prolabi, & ab hæresi ad infidelitatem, ab ea in idololatriam, & ex hac, cum in profundum peccatorum venerint, ad omnia immania sacrilegia, abominanda, crudelissima facta descendere. Ita post Agarenorum, seu Saracenorum impietatem in Hispania, omnes ferè bonæ artes interiunt, præter Magiam, quæ publice docebatur in scholis Salamantiæ, donec Carolus V. invictissimus Catholicæ fidei Propugnator, ejus gymnasi fores primus oclulit. Carpocratista, & Gnostici Magiæ scholas introduxerunt, ubi horribilium, & pernitiosorum conatus operum, assessores habentes dæmones, ut per multas præstigias in magna potestate omnibus dominantur, quibus vellent, incantationes ab iis inventæ ad amorem, & ad illectamenta, ut author verissimus Epiphanius scribit tom. 2. lib. 1. contra hæreses. 29. Marcus etiam, Valentiniani erroris sectator, Magus fuit, imposturæ peritissimus, qui decipiebat homines errore, & miscens Anaxilai ludicra, mulieres prophetari docebat, delibabatque cum illis junctus stupro, Irenæus lib. 4. contra hæres. cap. 8. & 9.



CONSULTATIO XLI.

De Apostatis à Christiana Fide, ubi de iis effata, insigniora, & in praxi magis frequentia.

**A**postasia idem est, quod defectio, & Apostata idem, quod desertor, & transfuga, ut monuit Gottid. in sum. num. 1. ex l. desertorem ff. de re milit. Prævaticatorem latine dici, qui Græcè Apostata appellatur, notavit S. Ambrosius ser. 15. in psal. 118. vers. 7. volens à discedendo dictum à Græcis Apostatam, qui recedit ab institutis, quæ iniverat. Itaque vox Apostatæ plane Græca est, idem sonans, quam desertorem. S. Augustinus refugam nominat lib. 20. civit. cap. 19. quam vocem pro desertore usurpant quoque Hieronymus q. 2. ad Algafiam, & Chrysologus serm. 52. Quem autem Græci in prædicto sensu Apostatam vocant, Hebræi appellant Belial, ut ex D. Hieronymo in cap. 1. Nahum, & ex S. Chrysostomo hom. 13. in 2. Corinth. ac perinde est quod eam vocem hebræam sonare volunt jugi excussione. Nam qui relugit, recedit.

Apostatæ antonomastice sunt ii, qui prorsus à Fide Christiana quam semel per baptismum acceperant, defecerunt, & lapsi sunt ad Judaïsimum, vel Paganismum, vel Mahumeti impietatem, lib. 4. C. de apostat. & in decretal. tit. Hi autem verè inter hæreticos connumerantur, ut per Canonistas in cap. 1. de apostat. D. Thom. 2. 2. q. 12. ar. 1. ibique Cajet. q. 10. ar. 5. Ocham. 1. p. dialog. lib. 4. cap. 12. Castr. lib. 1. advers. hæres. cap. 9. & lib. 1. de just. hæret. punit. Graf. lib. 2. dec. cap. 8. num. 23. Duard. lib. 2. com. ad Bul. Cen. can. 1. q. 10. sub initio, Azor. to. 1. lib. 8. cap. 21. q. 3. Sanch. lib. 2. in decal. cap. 7. num. 16. Ricciul. de jur. person. lib. 6. cap. 4. num. 2. Valent. 2. 2. q. 11. disp. 1. pun. 1. not. 1. Bann. ibid. q. 2. num. 9. dub. 1. Suarez to. 5. in 3. p. disp. 21. sect. 2. num. 3. Bonac. to. 3. disp. 1. q. 2. pun. 1. num. 8. Pegna in direct. Inquis. p. 2. com. 24. §. qui verò, & Farinac. de hæres. q. 183. §. 2. Adversantur enim fidei, quam fuerant antea professi. Quod idem faciunt hæretici. Etenim tres sunt species infidelitatis. Paganismus, Judaïsminus, Hæresis. Aut igitur quis sub nomine christiano contradicit fidei quam antea est professus, & est hæreticus. Aut obsistit fidei, quam tenet in figuris, & umbris, & est Judæus. Aut resistit fidei, quam nunquam suscepit, & est paganus. Non datur ergo alia species infidelitatis, in qua apostatæ possint reponi.

Et licet in eo differant Apostata, & Hæreticus, quod hoc nomine is qui ex parte, ille, qui ex toto, christianam fidem deserit, appellatur, l. 1. & l. eum, qui C. de apost. Unde mori, Apostatam non esse verè hæreticum, sentit Sylvest. in sum. v. hæresis 1. q. 11. Canus lib. 12. de loc. theol. cap. 9. col. 3. Turrecr. in sum. lib. 4. p. 2. cap. 13. Simanch. de cath. instit. tit. 7. n. 15. Ugolin. de censur. Pontifex refer. p. 2. cap. 1. §. 1. Id tamen tantum arguit accidentale discrimen secundum magis, & minus, quod speciem non mutat, arg. 1. ult. ff. de fund. instr. l. humilem C. de incest. nupt. Alter. to. 1. de censur. lib. 5. disp. 2. cap. 2. col. 10. Farinac. & Ricciul. loc. cit. optime inferentes, dispositionem pœnalem juris de hæreticis, competere etiam Apostatis, nisi aliud in eo expresse statuatur arg. l. ult. C. de apostat. Neque obstat primò quod hæretico, ad fidem redeunti, parcitur, apostatæ vero crimen nulla pœnitentia obliteratur l. 3. C. de apostat. l. Manicheos C. de hæret. utrobique Doctores, Afflict. in constit. Reg. tit. de apostat. Arelaten. not. 44.

Et secundo, quod adversus defunctos hæreticos etiam usque ad trigessimum annum agi potest, ut eorum memoria damnetur, fiatque bonorum proscriptio, d. l. Manicheos, C. de hæret. l. quisquis C. ad leg. Jul. Majest. Alberic. in l. 1. l. 2. C. eod. Bald. de præscript. p. 5. princ. n. 4. & Grammat. dec. 105. n. 22. At verò contra apostatam, licet jus accusandi tandiù durer, quandiù vivit, post mortem tamen quinquenni diffimulatione abole-

tur d. l. 2. & l. apostatarum C. de apost. Anan. in cap. 1. n. 2. eod. Afflict. loc. cit. ac fusè Royas de hæret. p. 1. num. 495. Farinac. quæst. crim. to. 1. q. 10. n. 29.

Nam ad primum respondetur, non rectè argui ex hac differentia. Nam in jure non est insolens, ut terminus aliquis duo complectatur, quorum alter altero plus contineat, diversumque nomen habeat. Sic nomen adoptionis dividitur in arrogationem, & adoptionem specificam l. 3. ff. de adop. §. adoptio Instit. eod. Et licet arrogatio habeat plus aliquid, quàm adoptio, l. cum in adoptivis C. de adop. §. sed hodie, Instit. eod. nihilominus tam arrogatio, quam adoptio specifica continetur in lato adoptionis vocabulo d. §. adoptio Instit. de adop. Sic quoque cognationis verbo continetur cognatio specifica, & agnatio l. sunt autem ff. de legit. agnat. tutel. §. sunt autem, ubi Glossa id expresse tradit v. cognati Instit. eod. & in §. sunt autem Instit. de legit. agnat. succes. Quamvis autem plus operetur agnatio, quam cognatio, ut in princ. tit. Instit. de legit. agnat. succes. attamen tam agnatio, quam cognatio specifica continetur sub largo vocabulo cognationis d. §. sunt autem. Unde ad rem.

Est quidem plus sceleris in apostasia, quàm in hæresi, & idcirco, aliquæ inter eas sunt differentia, at non ideo apostasia constituit speciem ab hæresi diversam ex dictis. Quod autem longius duret facultas inquirendi adversus hæreticum defunctum, quàm adversus apostatam, valde juri, ac rationi congruit. Cum enim hæreticus non in omnibus, sed in uno, vel pluribus articulis erret, impietatem suam facilius tegit sub nomine christiano, & idcirco ad eam detegendam longiori spatio opus erat. Occulta enim non ita facile sciri possunt l. 1. §. ovitorum, ubi Barr. ff. ad Sillan. gloss. in l. si ideo, de his, qui ut indign. Alex. cons. 24. nu. 9. lib. 2. At cum apostata prorsus fidem deserat, si talis quispiam sit, quinquennio facile potest cognosci, cum hoc tempus in aliis criminibus vindicandis sit præscriptum, §. fin. Instit. de injur.

Ad secundum. Accursius Afflict. & Arelat. loc. cit. asserunt, dispositionem d. l. 3. C. de apost. vindicare sibi locum duntaxat, quoad pœnam corporis afflictivam, non autem in foro conscientia, & quoad Deum, apud quem nunquam sera pœnitentia reputatur adeo, ut hæretico redeunti indulgeatur in utroque foro, apostatæ velò tantum in foro conscientia. At verò Caltrius de just. hæret. pun. lib. 2. cap. 23. & post ipsum Villadieg. de hæret. q. 5. Simanch. de Cath. instit. tit. 7. num. 4. Locat. in repert. Inquis. v. Apostata, Menoch. de arb. cas. 346. num. 18. & seq. ubi alios refert, pluribus laborant, ut demonstrent, esse derogatum dispositioni dictæ l. 3. tum ex autoritate juris Pontificii, tum ex usu forensi, atque ex si tentia communi ita, quod illa posset ac deberet ex corpore juris aboleri, ac inter iniquas constitutiones rejici. Quibus accedit Royas de hæret. d. p. 1. nu. 496. & seq. Ducuntur hac ratione, quia de jure Canonico apostatis redeuntibus, non solum indulgetur, sed etiam ii ad redeundum compelluntur, cap. quidam de apost. cap. contra christianos de hæret. in 6. & cum versemur in crimine Ecclesiastico, dispositio juris Pontificii debet attendi, non autem juris civilis, cap. ut Inquisitionis §. prohibemus de hæret. in 6. Gloss. in cap. possessor de reg. jur. & in §. hactenus Instit. de grad. affin. Bart. in l. privilegia. C. de sacros. Eccles. Bald. ibid. num. 3. Abb. in cap. fin. de secund. nupt. & in cap. fin. de præscript. Felin. in cap. 2. num. 3. de test. & in cap. Ecclesia S. Maria num. 42. de constit. Verum quod in d. l. 3. C. de apost. nihil contineatur, quod Sacris Canonibus adversetur placet asserere. Non enim ille textus excludit pœnitentiam ita, ut apostatæ redeuntis sint omnino vita mulctandi, sed tantum excludit pœnitentiam quoad alias pœnas, de quibus ibi, nempe quod ab hominum consortio sint segregati, à testimonio ferendis alieni, testamenti non habeant factionem, nulli



in hereditate succedant, à nemine scribantur heredes. In istis quidem pœnis pœnitentiam prorsus excludit, non autem in pœna mortis, de qua nihil omnino agit, Hinc apostata ad fidem redeūti, non solum ex jure Canonico, sed etiam ex jure Civili, pœnam mortis remitti. Reliquis vero pœnis jus civile id addit, nimirum aufert testamenti factionem, & jus ferendi testimonium, in quibus remissionem non indulget; Atque ita d. l. 3. interpretatur Riminal. jun. lib. 2. *conf. crim. conf. 83. num. 20.*

Hinc hujus apostasiæ germana est hæresis, quamvis hæretici pro more falsarum Religionum, de quo S. Chrysostomus *orat. de Petro & Elia*, ante occupent probum & revenientes ad fidem Catholicam vocent Apostatas; quod Balduinus in 2. *contra Calvinum respons. à pag. 74.* fuisse repellit. S. Anacletus Papa ep. 1. allegans Canonem Apostolicum 74. quo hæretici adversus Episcopum accusatio reiicitur, vocat Apostatam, quem Canon vocat hæreticum, ut notavit Turrianus lib. 1. *contra Magdeburg. cap. 22.* Et sane cum hæretici ne micam quidem fidei supernaturalis retineat, merito germana infidelitatis plenariæ appellatur, quamvis quia nomine tenus aliquid Christiani retinet, soleat se jungi.

Quamobrem formalis ratio apostasiæ, ut in se constituitur, est totalis à fide Christiana recessus ita, ut sit in rigore apostata, qui fide, & ritu Christiano in totum relictis, nullam adhuc sectam amplexatus sit. Annexum autem, seu velimus dicere, materiale, est accessio ad illam sectam, quæ Christiano nomine non gaudet, ut Paganismus, Judaismus, Turcismus, Valentia, Bannes, & Sanchez *loc. alleg.*

Ex quibus liquet, hæreticum simul Apostatam ex Bulla Cœnæ non affici censuris duabus; una tanquam hæreticum, altera tanquam apostatam, ut per Ugolin. *cit. §. 1. Duard. q. 10. numer. 1. Farinac. §. 4. in fine.* Circumstantia tamen apostasiæ, & ipsa conversio ad particularem sectam, in confessione detegenda est, ut pote quæ crimen simplicis hæresis notabiliter aggravat, & deformat, D. Thom. 2. 2. q. 12. ar. 1. ad 3. Alter. *cit. col. 10.* & cum pluribus à se citatis Sanchez *numer. 17.* Unde dispositio juris, augens pœnas apostasiæ supra pœnas simplicis hæretici non est intelligenda de simplicibus hæreticis, qualis est in specie d. *lex 3. C. de apostat.* Et tamen, hoc minime obstante, crediderim concessam facultatem absolvendi ab hæresi, etiam ad apostasiam. Nam apostasiæ essentialior deformitas consistit in hæresi, neque apostatæ, tanquam diversi, excommunicantur.

Non sunt autem ex apostatis, in d. Bulla Cœnæ excommunicatis, nisi qui simul per interiorem errorem, & exteriorem infidelitatis actum retrocedunt à fide, ut de hæreticis explicavimus.

Quare idolis sacrificantes, aut juxta Mahumeticam impietatem, falsi prophetæ, venerantes sepulchrum, cultumve exhibentes dæmoni, aut cum eo abjuratione fidei pacificentes, vel detentione ejusdem in phiala, aut alio simili dæmonum famularu utentes, quorum aliqui à D. Thoma d. q. 12. ar. 1. ceteri passim ab aliis appellantur Apostatæ, non sunt ex solis hisce actibus vera tales, sed qui in foro exteriori tales ab Ecclesia præsumuntur; In specie detinentes in phiala spiritus in antiquis Cœnæ Bullis exprimebantur, teste Gratthio *eodem lib. 2. cap. 8. num. 12.* nunc verò inde sublatis sunt.

Ad hoc igitur, ut quis vere sit apostata à christiana fide, duo copulative requiruntur. Quod recesserit à fide Christi, & quod recessus sit omnimodus, prout etiam probat textus in *can. Julianus 11. q. 3.* & Alberic. in l. *si quis de facto numer. 2. C. de apostat.* Unde licet Christianus recedat à pluribus articulis fidei, sitamen in reliquis adhuc retineat fidem & nomen christianum, non erit censendus apostata, sed hæreticus, D. Augustin. *de civit. lib. 18. cap. 51. & lib. 16. cap. 2.* & Ca-

nus *de loc. Theol. d. lib. 12. cap. 9.* Quod etiam probat textus in *can. non potest 2. q. 7.* & in *can. Beatus 7. q. 4. can. non observetis 16. q. ult. d. cap. contra Christianos de heret. in 6. & in d. l. C. de apostat. Ceter. de heret. §. circa secundum numer. 73. Simanch. de cath. inst. cap. 7. cum aliis, quos refert ac sequitur Royas *de heret. d. p. 1. num. 486.**

An verò qui ab improba secta ad aliam improbam se transfulerit, ut è Judaismo ad Paganismum, apostata dici possit, negat Oldrad. *conf. 51.* & Alciar. *conf. 478.* quibus assentitur Clar. in pr. tr. §. fin. q. 7. numer. 4. Alberic. in rub. C. de judic. numer. 3. & Campeg. *de dote q. 77.* Cum enim Christianæ militiæ nunquam nomen dederit, nulla ratio est, ob quam possit ejus desertor reputari, arg. l. 4. §. *idem. que ff. de re milit. & l. Deum ff. de verb. oblig. l. manumissiones ff. de just. & jur.* Jo. Andreas, Ananias, & Romanus apud Carenam p. 2. tit. 14. numer. 16. Hac in re ita tenendum est. Si Judæus transeat ad aliam sectam infidelium, ut ad Saracenos, qui quidem multa non credunt ex illis, quæ Judæi nobiscum communiter credunt, licet non sit verè apostata, puniri tamen potest per Inquisitores. Quia in his, quæ nobiscum sunt communia, deficiunt à fide. Ita Eym. p. 2. Campeg. *ad Zanchin. cap. 36.* Decian. lib. 5. cap. 12. numer. 34. Caren. *ibid.* Delben. *dob. 207. p. 4.* Farinac. *de heres. q. 178.* secus autem dicendum est, si Judæus transeat ad sectam, quæ circa præfata nobiscum communia non erraret. De quo etiam alibi.

De baptizato autem invalide, si ad veterem sectam redierit, an sit verus Apostata dicendus, alibi à nobis est disceptatum contra Ricciolum d. lib. 6. *de jur. person. cap. 3.*

At quid de coacte, vel per vim ac metum abnegante fidem catholicam, vel Idolis sacrificante, si corde tamen fidelis sit, an possit reputari Apostata? Certum est, non sufficere christiano catholico sinceram fidei credulitatem, sed etiam requiri ejusdem fidei confessionem explicitam, ut per D. Thom. 2. 2. q. 3. ar. 2. *lib. de sum. bono lib. 2. cap. 2.* Eym. in *direct. p. 1. q. 9. numer. 3.* ibique Pigna com. 24. Simanch. *de cath. instit. tit. 17.* late Sanchez in *decal. lib. 2. cap. 4.* & nos alibi fufius. Hoc posito, ita distinguendum est.

Si coactio est præcisa, sive absoluta, nempe quia renitens, & ligatus circumciditur, vel ejus genua flectuntur ab alio ante Idola, vel ejus manus fuerunt comprehensæ, ut thus Idolo adhibeat, in hoc casu neque apostata potest reputari, neque peccat, *cap. majores §. ille verò de baptis. can. præterea d. 50. can. constat 1. q. 1. Glos. in cap. de judic. v. coacti d. 45. Albertin. de heret. q. 30. numer. 7.* Simanch. *de cath. instit. tit. 17. numer. 29.* Pigna in *direct. p. 1. com. 2.* Nam in tali casu coactus dicitur magis pati, quam agere, ut inquit textus in *cap. facris, de his, quævis, metaſue caus. sunt,* & propterea pœnam pati non debet, l. *fedissimam,* ubi Bald. & Salic. C. ad leg. Jul. de adult. Glos. in *can. ut ne 32. q. 5. ex D. Augustino.*

Si verò coactio non est præcisa, sed conditionalis, nempe quia datur electio moriendi, seu patiendi tormenta, vel fidem abnegandi aut Idolis sacrificandi, quantum ad essentiam neque apostata, neque hæreticus potest reputari. Quia, cum corde credit, non adest error pertinax qui ipsum separare possit à communione fidelium, *can. primum 22. q. 2. Glos. in can. non solum 85. v. negare 11. q. 3. in d. can. in ne, v. putaverit,* & tradunt Calder. *cons. 4. de heret. Afflict. in constit. Reg. de heret. cap. 1. numer. 9.* Albertin. *de heret. q. 30. numer. 6.* Simanch. *de cath. instit. tit. 17. numer. 29.* & 35. ac seq. D. Antonin. in *sum. p. 2. tit. 12. cap. 6.* Royas *de heret.*



ret. p. 1. num. 48. Clar. in §. hæresis num. 3. Decian. d. lib. 5. ca. 18. numer. 13. §. 28. Pegna ad Eymer. p. 1. com. 24. Menoch. de arb. cent. 6. cas. 546. numer. 22. Graff. d. lib. 2. dec. cap. 8. rubr. de hæret. numer. 30. & de communi testatur Bannes 2. 2. q. 11. ar. 4. Valentia ibid. q. 12. ar. 1. Azor. p. 1. lib. 3. cap. 9. q. 9. §. 10. Sanchez d. lib. 2. in decal. cap. 7. numer. 8. subdens ab hoc peccato posse absolvere quemlibet confessarium.

Fateantur tamen omnes, quod hic peccat mortaliter. Tum quia vitam magis profundere, quam ad hoc adduci debuit d. cap. sacris de his, quæ vi, metu, & cogente ff. de rit. nupt. Et quamvis nolit negare Christum, vult tamen magis illud, per quod negat, quam illud, quod negat, can. merito 15. q. 1. Glos. in cit. can. non solum v. negare 11. q. 1.

Quoniam verò animus later, & Ecclesia non judicat de occultis cap. 1. de claud. despons. merito in foro exteriori asserens se Christum negasse per vim, sive metum, redditur suspectus de vehementi, vel de levi, perpenlis conjecturis personarum, de quibus alibi, ut post alios recte concludunt Gerson. in tr. de protestat. confid. 29. Pegna d. com. 24. Azor. d. lib. 8. cap. 9. q. 9. in fine. Eritque de vehementi suspectus, si vi, vel metu cessante, nihilominus in negatione fidei, sive Idolorum adoratione perleveravit. Quia diuturna continuatio demonstrat actum ex corde processisse, cap. fin. de frig. & malef. l. 2. C. de his, quæ vi, metu, & cogente ff. de rit. nupt. Item si persona sit gravis, ut si Prælati, Parochi, Theologi, Monachi ac hujusmodi alii, & vis, vel metus non fuerit mortis, vel tormentorum, sed famæ, vel exilii, verberationis, carceris, famis, vel alterius generis non cadentis in constantem virum, suspicio est ita vehemens, ut merito indici eis possit abjuratio, ut per Pegnam d. com. 24. & similiter si metus fuerit reverentialis, Repert. Inquis. v. filii num. 2. quod approbat Farinac. de hæres. q. 183. num. 27.

De levi autem erit suspectus, si negatio fuerit facta à personis non bene fidei causam calientibus, & quæ verisimiliter scire non poterant, quam grave delictum sit negare fidem, cujusmodi sunt pueri, mulieres, rustici, alique, quos minor metus avertit, Pegna, Simanchas, & ceteri loc. cit. Diluetque omnem suspicionem hæresis, vel apostasie, si statim, vi, vel metu cessante, doluerit, ac pœnitentiam egerit, Simanch. loc. alleg. nu. 37. Pegna. d. com. 14. Azor de cap. 9. q. ult. De pœnis Apostatarum actum est suo loco.

Effata de Apostatis à fide christiana hæc habeo. Apostata ad sectam Mahumetanam, sponte compars, expeditur cum pœnitentiis salutaribus, & si eit Regularis, inhabilitatur ad dignitates suæ Religionis.

Apostata formales non sunt ii, qui capti à Turcis in infanciam, nullam potuerint habere instructionem rerum fidei necessariarum, licet fateantur credidisse sectam Mahumetanam esse bonam, & secundum eam viventes salvari. Ideoque non abiurant, sed expediuntur cum professione fidei, absolutione à centuriis ad cautelam, & cum instructione.

Apostatis à fide, volentibus ad fidem catholicam redire, nihil pollicetur, sed tantum suadentur ad comparandum, quia tractabuntur, uti sponte comparses, & cum benignitate.

Apostata à fide christiana captus à triribus christianis, non conceditur Turcis, volentibus illum redimere.

Apostata à fide, capti à triribus christianis, & reconciliati, remanent post reconciliationem liberi, si cap-

ti fuerint in puerili ætate. Secus verò si defecerint à fide in majori ætate. Hoc enim casu si compareant sponte, reconciliantur, sed non acquirunt libertatem.

Apostatarum filii sunt baptizandi etiam invitis parentibus, sive nati sint ante apostasiam, sive post illam, & inviti, etiam ad fidem sunt trahendi, can. plerique, & can. si baptizata de consecr. d. 4. & can. Judæorum 28. q. 1.

Apostata à fide, capti in bello, etiam contra Christianos, non sunt permittendi, ut possint redimi à Turcis ita, ut libere sectam Mahumetanam profiteantur, nec simpliciter sunt tenendi captivi, sed contra illos proceditur, & si velint, reconciliantur, ac restituantur suis dominis. Si verò nolint, tractantur ut hæretici impœnitentes, & pertinaces.

Apostata à fide, qui in minori ætate apostatarunt à fide, & piraticam coacti contra Christianos exercuerunt, post abjuratorem, prout de jure, libertati donantur.

Apostata à fide existentes in triribus Turcarum, piraticam exercentes, capti à triribus Christianorum cum aliis Turcis, non cōprehenduntur in redemptione captivorum, quam interdum concedunt Turcis, Domini tririum, sed debent abjurare apostasiam, & remanere in captivitate, nisi quando fuerint capti à Turcis, & abnegarunt, fuerint infantes, & minores.

Apostata formales à Christiana fide, capti damnantur à S. Officio ad carceres perpetuos, & ob penuriam carcerum commutatur pœna in triribus perpetuò, non ad tempus, licet post aliquod tempus, si instructi exhibeant signa pœnitentiæ, poterit eis cum participatione S. Congregationis fieri aliqua gratia. Illi vero, qui non sunt apostata formales, sed vixerunt more Turcarum, quatenus non fuerint capti in minori ætate ac minis, & tormentis hoc fecerint, si majores facti capiantur, dum piraticam contra Christianos exercent, remanent in captivitate, & condemnantur ad triribus ad tempus, & si pœna commutetur in carcerem, semper commutatur ad minus tempus.

Apostata à fide, redeuntes non tenentur abjurare publice coram infidelibus, sed sufficit, ut abjurent in balneo coram fidelibus, abstinendo ab actibus infidelium, ac deponendo habitum infidelium, quatenus sit protestativus talis religionis. Si verò sit æquivocus, possunt illum deferre. Quod si ex illa delatione ratione personæ aliqua oriretur suspicio, tenentur aufugere, cum primum poterint.

Apostata censetur iterans baptismum. Nam, ut inquit Abbas in rubr. de apost. videtur à priore baptismate recedere, Canonista in rubr. de apost. & iter. baptism. & Jurista in l. 1. eod. tit. ne sanct. baptis. iter. Pegna. in 1. p. direct. com. 13. & Farinac. d. q. 183. num. 18. ubi alii.

Apostata item dicitur quoad Ecclesiam, & in foro exteriori etiam quod in animo retineret fidem catholicam, atque adeo non esset verè hæreticus, qui proficiscitur ad Saracenos, sive Turcas ex desperatione, vel ex libidine, ibique servat ritus Saracenorum Sylvest. v. Apostata numer. 4. & Farinac. loc. cit. num. 22.

Apostata existimatur, ac ut apostata puniendus, qui persuadet alicui defectionem à fide, l. Eun, qui C. de apost. Idemque dicendum est de eo, qui impedit, ne Judæus volens baptizetur, Farinac. ibid. numer. 21.



## CONSULTATIO XLII.

*De Schismaticis, ubi refellitur obiter fabella Joanne Papisse. Perpenditur gravitas & virulentia hujus criminis, recensentur schismata omnia ad hoc usque ævum, cum paranesi ad obedientiam erga summum Pontificem Romanum.*

**S**chismatici hæreticis affines, & iis aliquando deteriores, ultimo loco in *Bull. cæn. can. 1. hæresis* excommunicationem claudunt. Quod enim Ecclesiam, vestem Christi inconfutibilem scindere, ac dividere attentent, jure ab Ecclesiæ communione, à qua factis se separant, per sententiam erant prosciendendi, licet in dicta Bulla Cænæ ante B. Pium V. per aliquod temporis non exprimerentur, teste Alterio *to. 1. de cens. lib. 5. disp. 2. cap. 4. col. 2.* Aptè autem eo loco fit, quia omnis schismaticus est suspectus de hæresi. Schisma enim via est ad hæresim, sicuti amissio charitatis ad amissionem fidei, ut per D. Thomam *2. 2. q. 39. ar. 1. ad 3.* Quamobrem abjurans schisma tenetur etiam suspicionem hæresis abjurare, Pegna *in direct. Inquis. p. 2. q. 48. com. 73. Farinac. de hæres. q. 184. Duard. com. in Bul. cæn. lib. 2. can. 1. q. 36. numer. 12.* Immo ex constitutione Pauli IV. *Cum ex apostolatus*, edita anno 1558. tam schismatici, quam schisma excitantes, habentur pro relapsis, perinde ac si prius hæresim in judicio publicè abjurassent, tanquam hæretici omnibus beneficiis, ac officiis & honoribus privantur, & ad ea redduntur inhabiles, aliisque afficiuntur pœnis ex juribus, de quibus Sylvester II. *schismaticus §. 4. & 5. Turrecrem. in sum. lib. 4. cap. 14. & 15. Azor instit. moral. tom. 1. lib. 1. cap. 20. Sanchez in decal. lib. 2. cap. 36. an. 20. Duard. loc. cit. an. 13. & Farinac. ibidem.*

Schisma nos partitur in improprium, proprium, & antonomasticum. Improprie schismatici denominantur plures. Primum hæretici omnes *can. inter hæresim 24. q. 3.* Hi siquidem ab unitate fidei, & Ecclesiæ se subtrahunt. Et in hoc sensu communiter dictum illud assumitur, omnes hæreticos esse etiam schismaticos, quamvis non sint de iis, qui errent in articulo *Unam sanctam Ecclesiam*, aut in *Primatu Pontificis*. Deinde etiam excommunicati, quatenus à Sacramentorum perceptione, vel hominum communione sunt sejuncti. Ita in *can. Sacerdotes 1. q. 1. can. cum excommunicatio 11. q. 3. & can. Apostolica 24. q. 4.* Quinetiam homines mortalis criminis rei, quia à charitate dividuntur, schismatici nuncupantur, ut colligitur ex *can. audi 11. q. 3.* Rursus ii, qui ab obedientia proprii Episcopi se subtrahunt, alioque subvertunt aut Episcopi auctoritatem usurpant *ex can. scire debes, & can. Novatianus 7. q. 2.* Doctores ad *cap. 1. de schism. ac Brunus de hæret. cap. 16. prope finem*, Ii tandem, qui sine pertinacia Pontificem non verum sequuntur, ac ii, qui se pro Pontificibus habent, cum non sint, Glossa & Doctores in *Clem. 1. de jurejur. Brun. ibid. ac Ricciul. de jur. personar. lib. 9. cap. in fine*, Proprium schisma ex receptissima D. Thomæ *loc. cit.* definitione est, Disjunctio, per quam quis se ab unitate Ecclesiæ separat, in quantum est quoddam corpus mysticum ex universis fidelibus, & Romano Pontifici, tanquam capite constans. Schisma denique per antonomasiam dicitur, cum, vero Pontifice relicto, alter cum pertinacia superinducitur, de quo infra.

At si in schismate, quod proprium appellavimus, adsit error in intellectu, aut quod non detur visibile Ecclesiæ caput, aut quod hoc non sit Romanus Pontifex, & ille, qui legitime creditur Pontificatus successor, aut quod ei obediendum non sit, aut tandem quod non detur una Ecclesiæ collectio, additur schismati hæresis,

& probabile est, ex hoc duplicem excommunicationem contrahi, alteram ex hæresi intellectus, alteram ex rebellionem voluntatis, renuentis obedire, quod tunc fiet, quando quis primò simpliciter inobediens, errori deinde eligit assentiri; secus enim si rebellio ab Ecclesiæ, vel à Capite, ex errore ortum ducat, unica contrahetur censura; nimirum ex hæresi, cuius malitia inobedientiæ adscribitur, nec habetur tanquam distincta.

Quapropter purum, ac nudum schisma tunc erit, quando quis non recedendo ab unitate fidei, subtrahit se tamen, ut nolit esse membrum Ecclesiæ, vel renuat legitimo Pontifici, tanquam Capiti subesse ex rebellionem voluntatis, dum tamen creditur, ac tenetur in verum Pontificem, D. Thomas *loc. alleg. August. Triumph. de potest. Eccles. q. 25. ar. 1. Turrecrem. lib. 4. cap. 1. Eymeric. in direct. p. 2. q. 48. Grass. lib. 4. dec. in explic. Bull. Cæn. nu. 53. Simanch. de Cath. instit. tit. 49. num. 1. Gambaurt. de casib. refer. ad cap. 1. Bull. Cæn. nu. 39. Duard. ibid. n. 4. Ricciul. & Sanchez locis allegatis.*

Unde liquet, quod licet omnis hæreticus dicatur schismaticus, non tamen è contra, omnis schismaticus dicendus sit hæreticus. Quia ad hæresim constituendam non sufficit factò detestare Pontificis imperium, nisi simul intellectu negetur. Et ita asserit Glossa in *d. can. inter hæresim 24. q. 3. Cajetan. in sum. v. schisma*, alii- que passim.

Schisma verò antonomasticum tunc erit præcisè schisma sine admixtione hæresis, quando alter, tanquam Pontifex superinducitur absque errore, quod credatur, Ecclesiæ Caput posse esse multiplex, aut quod recusetur mente recipi in Pontificem ille, qui est legitime renuntiat, & pro tali communiter receptus, de quo infra.

Nec existimet, aliquis quod quia simplices schismatici non habent internum aliquem intellectus errorem, ideo non sint excommunicati, sicuti hujus defectu non excommunicantur hæretici. Nam hæresis ex sui natura in intellectu consistit, schisma in sola voluntate ex D. Thomæ superius citato. Separatio autem à capite ex voluntate inobediendi sufficienter externo actu completur, ac proditur. Unde nil aliud requiritur, ut per Suarez *de censur. disp. 21. q. 2. nu. 13. Souf. in relect. ad Bul. Cæn. disp. 18. nu. 5. Sanch. d. cap. 36. num. 14. & Duard. num. 13.* Quare concedendum est tantum, folam voluntatis rebellionem non inducere excommunicationem, nisi aliquo externo signo manifestatam, prout de hæresi diximus.

Cum autem ex D. Thomæ Ecclesiæ unitas in duobus consistat, in unione scilicet membrorum inter se, & in conjunctione ad idem caput, fit inde, ut duplici modo accidat schisma. Uno, quo quis adherendo Pontifici, nolit tamen inter alios fideles connumerari, sed à semetipso sperare, credere, orare, & c. cum cæteris non communicando in bonis actionibus. Altero, quo quis communiter Ecclesiæ non deferens, renuat esse sub Capite, quod est summus Pontifex. Ita explicant Cajetan. *d. v. schisma*, Petrus de Ledesma *10. 2. sum. tr. 3. cap. 12. concl. 3. Valentia 2. 2. disp. 3. q. 15. pun. 1. post 3. propos. Sanch. ibid. num. 5. & Ricciul. d. cap. 1. v. 10.* Quibus & tertium adde, quo quis à membris simul, & à Capite se subtrahit, licet alterum sine altero vix esse possit. Quia sperans se ab aliis membris, separat consequenter à corpore. Caput autem non est, nisi corporis, ac membrorum unitorum, non vero partis abscessus. Recedens verò à Capite, subtrahitur etiam à corpore. Quia si in eo esset, necessario sub Capite esset. Quocunque autem ex his modo schisma fiat, excommunicatio inducitur. Quia semper est proptie schisma.

Schismatici etiam dicuntur, & excommunicantur, qui à generali Concilio Pontificis auctoritate congregato, recedunt. Id siquidem est, ab ipso Pontifice recedere; non verò qui à Concilio Provinciali, aut Nationali; nam à capite non desistant.

Qua ratione removeniem se ab obedientia unius Episcopi



Episcopi, aut Ecclesiæ particularis, aliosque subvertentem à subjectione, legitimo Pastori debita, dissensionemque excitantem, ac veri Pastoris sedem, jurisdictionemque sibi præcipientem, non esse schismaticum juxta dicta, neque innodari Censura Bullæ cœnæ, ut etiam tradunt Ugolin. in d. can. Bulla nu. 3. Azor. cit. cap. 20. q. 4. Sanch. nu. 6. & 13. Duard. nu. 5. quibus favent Officinis, Abbas, Ananias, & Socinus in rubr. de schismat. Quamvis, quia unitatem Ecclesiæ aliquo modo perturbet, & concordiam scindit, dicatur, aliquo modo schismaticus ex d. can. Novatianus, can. siue debes 7. q. 2. & tradunt Butrius, ac Doctores in cap. 1. de schismat.

Unde non erat, cur Valentia loc. cit. & Lorca 2.2. q. 39. ar. 4. disp. 48. num. 11. cum inter veros schismaticos reponerent, ea ratione ducti quod hic tacite, ac virtute à Summo etiam Pontifici reliquisque Ecclesiæ membris se separaret, quatenus quilibet Episcopus, ejusque subditi habent subordinationem, & connexionem cum Pontifice & aliis Ecclesiæ partibus, tanquam cum Capite, & reliquis cum ejusdem corporis membris.

Nam iis respondetur, quod, accedente eo animo aquali, non enim in his sufficiunt habituales dispositiones, fatendum est, induci verum schisma per hoc solum, quod quis particulari Episcopo fiat rebellis; non intelligitur adhuc, se à corpore vel capite totius Ecclesiæ subtrahere, quod tamen ad verum schisma est necessarium ex D. Thoma, & aliis communiter. Porro si iste rebellet, quia credat, plures esse posse Ecclesias, & capita sine subordinatione ad Romanum Pontificem, qui reliquos Episcopos constituit, est schismaticus simul & hæreticus. Quia negat unitatem Ecclesiæ, & Primatum Romanæ contra extravagantem Unam Sanctam, de major. & obed. & docent Turrecr. loc. cit. cap. 16. Conrad. Brun. lib. 1. de hæret. cap. 16. Ugolin. ubi supra, & Graffius num. 51. & 52.

Hinc patet, cur excommunicati, licet dicantur ab Ecclesia separati, nec communi membrorum vita gaudere, non sint tamen schismatici. Quia nimirum non penitus à corpore Ecclesiæ sunt abscissi per voluntariam separationem, sed per pœnam adjunctam vigore excommunicationis, & fructibus communium bonorum non sublevantur. Illi vero, qui specialiter à Pontifice excommunicantur, licet inobedientes sint, & contumaces, non tamen habent rebellionem schismatis. Quia inobedientia hæc est communis omni transgressioni præceptorum, nec est per se intenta à peccante, sed indirecte consequitur, ut egregie Sousa loc. cit. num. 7.

Constat etiam, rebellantem Pontifici, renuentemque obedire ei, ut dominus est temporalis suæ ditionis, sententiamque in temporalibus profert, non esse schismaticum, nec dictio Canone Bullæ Cœnæ alligatum. Quia non est rebellis à capite Ecclesiæ ut tali. Siquidem Pontifex, ut temporalis dominus instar aliorum Principum est habendus per Navar. de datis pro justit. vel grat. notab. 17. n. 29. facitque cap. per venerabilem §. rationibus, qui sit sint legitim. & ita sentiunt Ugolin. loc. cit. §. 1. nu. 4. Ricciul. ibid. n. 12. & Sanch. n. 4. Quæ tamen Pontifex in temporalibus, quatenus Pontifex est, statuit ad publicum, & spirituale Ecclesiæ bonum ea ordinans, servanda sunt, & ex hujusmodi inobedientia induci potest schisma. Quemadmodum etiam induci potest, si rebellio ab eo, tanquam domino temporali sit eo, quod renuatur, eum pro Petri legitimo successore haberi, & per consequens pro temporalis Ecclesiæ dominii justo possessore.

Similiter est à censura immunis, qui ab aliorum consensu, ut homines sunt, & civilem quandam societatem constituunt, semet segregat, non quatenus Papæ subiecti sunt, & quatenus Ecclesiæ pars spirituales Reipublicam instituunt, Sylvest. d. v. schisma, Valentia ci. pun. 1. Azor, & Sanchez locis relatis.

Gravis controversia est, an ex dicto canone Bullæ Cœnæ excommunicentur etiam pertinaciter inobedientes Summo Pontifici in aliquibus tantum, licet alioquin

eum cognoscant, tanquam Superiorem, & Caput, in his verò, et si qua Pontifex est, præcipiat, obtemperare nolint?

Siquidem Sanchez d. lib. 2. in decal. cap. 36. nu. 3. & 13. Ugolin. d. §. 1. n. 4. Duard. sub n. 16. Graff. nu. 53. Alter. col. ult. Suar. nu. 13. Filiuc. to. 1. tr. 16. cap. 2. nu. 48. videntur asserere, inobedientiam in una, aut altera re, non esse sufficientem ad præsentem censuram contrahendam, sed requiri, ut universaliter renuatur Pontifex in Superiorem, & Caput agnosci, in hoc enim, inquit, verum schisma consistit. Ideo in Bulla B. Pii V. anni 1568. non exprimebantur distincte schismatici, sed describebantur illis verbis, *Qui se à Romani Pontificis obedientia subtrahunt*. Unde Ugolinus, Sanchez, & Duardus ajunt, inobedientem Pontifici ex motivo privatae inimicitiae, aut quia personam Romani Pontificis sibi infestam putet, non alligari hoc vinculo. Quod extendit Duardus, etiam si per contemptum Pontificis imperium detrectet, ac subterfugiat. Quapropter nullum inobedientem, qui simul etiam non sit proprie schismaticus censuræ huic subiiciunt.

Hac in re in primis necessarium fatendum videtur, si nomine schismaticorum comprehenduntur ii tantum qui in nullo Pontificem, tanquam Ecclesiæ caput volunt recognoscere, alios inobedientes, præter schismaticos, in dicto canone excommunicari. Colligitur ex tenore Bullæ: *Nec non schismaticos, & eos, qui ab obedientia*. Particula enim & regulariter non est antecedentium explicativa, ut particula *seu*, vel, aut, sed novam dispositionem importat, Glossa communiter recepta in rubr. de jur. & fact. ignor. & in cap. querelam de firmon. Cujus est signum quod in aliquibus B. Pii V. Bullis, tanquam diversi distincte excommunicabantur, *schismatici* in primo Canone, *inobedientes* in nono.

Quare sentiendum arbitror, non esse attendendum, an in una vel altera re tantum, aut in omnibus universaliter Pontifici subtrahatur obedientia; sed potius, quæ ratione subtrahatur, ac proinde innodari eum, qui in aliis Pontificem in caput Ecclesiæ agnoscens, in una tamen, vel altera recusat agnoscere in Superiorem, & obtemperare. Quod in praxi accidere potest frequenter. Cum enim hæc rebellio consistat in voluntate, nec ullum dicat in intellectu errorem credens quis, etiam in illa re Pontificem posse præcipere, ac ei esse obtemperandum [alias enim esset hæreticus, quia fide tenemur credere, non magis in una re, quam in alia, Pontificem esse Superiorem] potest tamen ex rebellionem nolle ei in ea re tanquam superiori, morem gerere. Quo casu non potest hic excommunicationem declinare. Huic enim convenit, quod sit *pertinaciter se subtrahens ab obedientia Romani Pontificis*, ut inquit Canon, & quod denegat obedientiam ratione officii ipsius Pontificis, quatenus ejus, quam habet in ea, sicut & in aliis superioritas recusat agnosci. Neque hoc videtur inficiari Sanchez, & id ipsum intendunt Cajetanus, Bannes 2. 2. q. 39. ar. 1. Valentia loc. cit. Azor & Ledesma ubi supra, quos pro se citat idem Sanchez. Concedimus tamen, excommunicationem non induci, si excutatur imperium ex parte rei imperatæ, quatenus scilicet gravis, & incommoda est. Quia tunc inobedientia est indirecte tantum voluntaria.

Si verò impulsus inobedientiae sit, quia persona ipsa, quæ Romanum Pontificem agit, infensa sit, & particularem gerat cum subdito inimicitiam, non est ob id inobediens quis excusandus, quoties particularis inimicitia in causa est, cur in ea re Pontificem, ut Ecclesiæ caput, non recognoscat. Nam si, seclusa inimicitia, quilibet formalis inobediens innodatur, multò magis accedente motivo hostilitatis, quod porius crimen aggravat, quam imminuat, contrahetur censura. Sufficit siquidem nolle in aliquo Pontifici, quia Pontifex est, & quatenus Pontifex imperat, obtemperare, nec est necessaria reduplicativa, quia Pontifex. Vix enim hic inobedientiae modus in aliis, quam in iis Primatum, & auctoritatem Pontificis non credunt, reperiri potest. Inimicitia autem & odium personæ excusare potest in rebus,



bus, quæ sunt incommodi, aut detrimenti, quæque ex odio præsumuntur in iunctæ, aut in iis, de quibus Pontifex, non tamen ut Caput Ecclesiæ, præcipit. At si præcipit universaliter, tanquam commune Ecclesiæ caput, non debet factio ipso in re præcepta non recognosci, ut Caput, ex privato odio. Quare ad dictam censuram incurrendam, puto sufficere voluntatem, aut factum, quibus quis intendit in re aliqua Pontificem, ut superiorem communem, non recognoscere, & hunc per clausulam dicti Canonis: *Et eos, qui se à nostra & Romani Pontificis obedientia &c.* significari. Eos verò, qui ex toto à Pontifice, Ecclesiæ capite, se subducunt per verbum schismaticos exprimi, ut sentiunt Toletus d. cap. 20. n. 22. & lib. 4. cap. 11. n. 2. & Souf. disp. 18. à n. 5.

Schisma autem, & inobedientia non semper ex expressa voluntate non recognoscendi Pontificem, sed etiam ex implicita & virtuali, quæ factis manifestatur, ut cum quis ita se gerit, ac si non esset Pontifex, etiam si non præcesserit positivus voluntatis actus, quo statuerit, Pontifici non subesse. Exemplum est de eo, qui generale Concilium coheret, aut alia huiusmodi jurisdictionis, vel autoritatis munera exerceret, nullo habito Pontificis respectu. Ut enim in hanc rem ait Cajetanus in sum. d. v. schisma, non est solus homicida, qui directe homicidium attentat; sed etiam, qui intendit opus, ex quo necessario homicidium sequitur. Sic est schismaticus, qui summo submissionem Pontifici denegat. Et ita etiam Bannes, Valentia, & Ledesma loc. cit. Filiuc. n. 48. Sanchez n. 5. Souf. n. 4. Ugolinus cit. §. 1. Duard. n. 7. Suarez n. 13. Alterius col. 13. & Scottia theor. 410. col. 15. Quamobrem ii, qui factio ipso alium à Romano Pontifice in spiritualibus superiorem adeunt, ut sunt hodie hæretici, cæterique in Anglia, qui in spiritualibus Regem recognoscunt, sunt factio ipso schismatici, etiam si alias Pontificem superiorem credant, Suarez, loc. cit. Sayr. cap. 5. in fin. & Souf. d. disp. 18. n. 48. Qui tamen sic accedentes, alioquin Pontificem agniti, id agunt, excusandi sunt, si necessitate compellantur adire, cum non permittatur ad Pontificem recursus, aut vi, vel metu cogatur.

In antonomastico autem schismate, quo scilicet novus Pontifex vero, ac legitimo scienter, ac malitiose superinducitur, potest dupliciter intervenire hæresis. Si nimirum credatur multiplex esse posse Ecclesiæ caput, Suarez n. 12. Vel si legitime electus, & ab Ecclesiâ pacifice receptus renuatur pro Pontifice haberi. Est siquidem Romanus Pontifex, pro tempore existens, fide tenendus in verum ac legitimum Petri successorem, quoties de legitima ejus electione non est probabiliter ambigere, ut per Suarez de fide disp. 10. sect. 5. Azor. tom. 2. lib. 5. cap. 5. q. 4. contra Cajetanum 2. 2. q. 1. ar. 3. ad 4. Bannes ibid. ar. 10. dub. 2. ad 2. & alios, Quod his præcipuis rationibus nunc illustratur.

Nam in generali illa propositione, quæ est de fide: *Omnis canonice electus est legitimus Pontifex, ac Petri successor*, revelantur omnes in singulari Pontifices, rite electi, fide recipiendi. Quia unaquæque individua sunt de essentia totius collectivi. Hinc quia fide teneo, omnes homines resurrecturos, fide etiam credo, me, atque alios in singulari signatos, surrecturos. Tunc autem, sicut naturali lumine me hominem agnosco absque divina revelatione, ita ex pacifica Pontificatus inauguratione, possessione, & acceptione à cætu fidelium morali evidentiâ, ac certitudine innotescit, hunc esse legitime electum. Quæ certitudo augetur ex assistentiâ Spiritus sancti, quæ universalem Ecclesiâ reddit infallibilem, quo non possit doceri falsum, sumpta etiam sine capite; cum enim nec doceri, nec docere falsum potest.

Quapropter universalis consensus recipientium S. D. N. \*\*\* in verum Pontificem, aut fide dicitur humana, aut divina. Non primum. Tum quia fidei humanæ falsum subesse potest. Falli autem universalem Ecclesiâ, est inconveniens ob assistentiâ Dei peculiarem, & ob absurda, mox afferenda. Tum quia experimur, applica-

ri hanc divinam singulis Pontificibus. Creditur enim is Pontifex, quia creditur, verum Petri successorem dari, nec posse longo tempore deficere visibile Ecclesiæ caput. Hoc autem alium esse non posse, nisi qui pacifice ea dignitate fruitur, & universali consensu in talem recipitur. Superest igitur, ut hic universalis consensus fide ducatur divina.

Præterea fidem debemus divinam iis, quæ ab unoquoque Pontifice statuta fuerint, fide credenda. Sed hoc stare nequit, nisi æquali, ac non minori fide credamus definientem talia, eum esse qui definire queat & obligare. Quod solius veri Pontificis est; alioquin divina fides nutanti inniteretur fundamento.

Inde aliud argumentum eruitur, quod cum recipiamus fide ea, quæ singuli Pontifices, pro tempore existentes, definire, fatemur etiam iis adfuisse Spiritum sanctum. At qui talem habet assistentiâ, non nisi verus Pontifex esse potest, cui promissam esse credimus de fide. Hinc igitur Pontificem fide recipimus.

Rursus quia Conciliis œcumenicis debemus fidem, sicut Evangelio arg. can. sicut sancti d. 15. Sed nullum Concilium sortitur autoritatem, nisi ratihabitu à vero Pontifice, existente Concilii tempore per jura d. 17. Saltem ergo de illis Pontificibus, qui præfuerunt Conciliis, credere debemus, fuisse huiusmodi. Eadem autem est ratio de omnibus, ac de singulis. Immo si singulos credamus humana fide cum formidine possibili falsitatis, omnes revocamus in dubium, an unquam fuerint in Ecclesiâ veri Petri successores, atque adeo veri Episcopi, Cardinales, ac cæteri ordinibus & gradibus insigniti, sique universa Ecclesiastica Hierarchia prorsus cõfunditur.

Adversus hanc sententiam afferuntur multa, sed quæ partim sunt falsa, partim nullo negotio diluuntur. Falsum est, quod Ecclesiâ receperit aliquando fœminam in Pontificem, & decepta fuerit, ut ostendunt Scriptores catholici saniores. Hanc fabulam fusius refellerem, nisi me actum agere, & operam ludere arbitrarer. Satis fuerit indicasse, Marianum Scotum, post annos ducentos & triginta, Papißæ Joannæ opprobrium, quasi ea successisset Leoni I V. sedi Romanæ affinxisset, cum ante ipsum integris duobus seculis Scriptores nulli, aut Religionis catholicæ amici, detestando facinus, aut inimici illud exprobrando, de illa meminerint. Immo cum Leo I X. Græcis, hostibus Ecclesiæ Romanæ exprobraverit, Patriarchas aliquoties Eunuchos, & unam demum fœminam in sede Constantinopolitana sedisse, nec unquam sane id commemorasset, si majori infamia Romana sedes habuisset Papißam Joannam.

Commenti etiam huius alii duo scriptores nominantur Sigibertus, & Martinus Polonus. Sed tam horum, quam Mariani Scoti manuscripti antiqui codices carent omnino ejusmodi figmento. Extat etiam nunc in monasterio Gemblacensi autographum Sigiberti, nec huius fabulæ in eo ullum vestigium reperitur. Vidit hoc, & testatur Joannes Molanus, & testantur hoc idem Myræus, Alanus Copus, Suffridus Petrus, aliique. Eam perinde non reperiri in prisca Codicibus Mariani Scoti, affirmat Myræus, Serarius, Floremundus, & notator in Metropoli Krantzii. Nec reperiri etiam in Martini Poloni antiquis exemplaribus constat pariter, quia in bibliotheca Vaticana extat ejus antiquus codex cum exacta historia ad dexteram quidem Pontificum, & ad levam Imperatorum, nihilque in eo de hac fabula legitur, ut sit res comperta ex odio, atque invidia in Romanam Ecclesiâ, ejusque supremos Antistites, id fuisse insertum Codicibus Sigiberti, Mariani, ac ipsiusmet Martini Poloni.

Confirmatur id autoritate quorundam aliorum scriptorum, quibus utique fides habenda est, vel ideo, quia vixerunt, scripseruntque ea ipsa ætate, in qua Pontificatum obtinuisse fabulosa ea fœmina perhibetur, nempe Anastasii Bibliothecarii, qui Leoni I V. ait successisse Benedictum III. Nicolai I. qui successit Benedicto III. Hi ostendunt neminem alium intercessisse inter



Leōnem IV. ac Benedictum III. neque rem actam scribunt ante quatuor secula, sicuti accidisset Martino Polono, cum vixerit anno MCCL. hoc est evolutis annis 400. à Pontificatu Leonis IV. Haud aliter ordinant, referuntque successionem Romanorum Pontificum Rhegino, Lamberru, Hermannus Contractus, Abbas Urspergensis, Otho Frisingensis, alique Latini scriptores. Cum iisque nullo consensu Græci scriptores etiam, uti Zonaras, Cedrenus, Joannes Curopalates, qui cum Ecclesiæ Romanæ haud sane faveant, id minime tacuissent, quod cedere posse in illius gravem ignominiam, existimare potuissent.

Sed libet peculiariter ad tres ex Græcia hujus veritatis assertores provocare, qui æquales fuerunt Anastasio Bibliothecario, Adoni Viennensi, & Nicolao I. hoc est superstites erant interea temporis, cum fœmina inquinasse fingitur Cathedræ Romanæ gloriam, & dignitatem. Horum verò in sententiam ire oporteat, quia cum hostes infensissimi fuerint Sanctæ Romanæ Sedis, nunquam dissimulare voluissent, aut sileire hoc ejus probum, ac dedecus, nempe Photius Patriarcha Constantinopolitanus *lib. de Spiritu sancti process. advers. Latinos* scribit successisse Leoni IV. Benedictum III. & tamen in convitia maxima laxare soleat calamus suum maledicentissimum, meminit de ipsis nihilominus cum insigni commendatione. Ad hæc Metrophanes Smyrnæus *lib. de Spirit. sancti. divin. & ejus & solo Patre proces.* hæc enumerat serie sui ævi Pontifices Romanos Leonem, Benedictum, Nicolaum, Adrianum, Joannem. Atque adeo Stylianus, Neocæsareæ, Euphratesinæ Provinciæ Episcopus *in epist. ad Stephanum Papam*, agens de fraudibus quorundam Episcoporum factionis Phorianæ Leoni Benedictum successisse testatur. Etsi autem Stylianus hæc scripserit priusquam seductus ab aliis, partes Photii amplecteretur, mox adversarium agens Ecclesiæ Latinæ, Pontifici Stephano nihil exprobrat, præter inconstantiam doctrinæ, profecto exprobratur unius fœminæ dedecus in Petri cathedra, si hæc infamia, sua præfertim ætate, illi obvenisset. Atque idem judicium esto de Merophane Smyrnæo, ac de Photio Patriarcha, cujus utriusque antiqui codices sunt Romæ in Bibliotheca Vaticana.

Prolixius confutare fabulam hanc, ut dixi, esset actum agere, cum Onuphrius Panvinus, Genebrardus, Baronius, Bellarminus, Serarius, Alanus Copus, Sanderus, Myræus, Gretserus, Floremundus Remundus, Leo Allatius, Victorellus, & Scriptores alii complures eruditius suis commentariis detexerint ejus imposturam, & vanitatem. Repugnat verò in primis Chronologia; quia biennium & menses quinque fabulosi Pontificatus ejus nusquam locum invenient inter certa, & explorata omnium Romanorum Pontificum tempora. Repugnat consuetudo Ecclesiæ Romanæ, quæ multis nimirum seculis, & primo saltem millenario haud assumpserit ad Pontificatum, nisi tantum eos, qui educati essent in Clero Romano, & per minorum Ordinum gradus fuissent Romæ promoti ad Diaconatum, ac Presbyteratum. Deinde multo magis repugnant ineptiæ illæ, fuisse fœminam Anglam, patria Moguntinam, quasi Moguntia Rheno in Germania non alluatur, sed sit in Oceani ea insula, & ab Orbe nostro dividatur. Item Athenis eam studuisse, quo tempore, uti ostendit Cardinalis Bellarminus *de Rom. Pontif. lib. 3. cap. 24.* Academia vestigia erant Athenis nulla. Denique ipsam urerum gestasse, ac peperisse, dum ex Vaticano adiret Basilicam Lateranensem. Quod figmentum satis manifeste prodit Neotericorum incitiam, aut dolum. Quia Romani Pontifices usque ad tempora Bonifacii IX. teste Onuphrio Panvino, habitaverunt semper in Lateranensi Palatio, non autem in Vaticano, unde ipsi fingunt, tanquam ex mansione ordinaria Pontificum, qualis jam est, ad Lateranum eam immigrasse. Quid fiet cum istis sycophantibus, quibus mentiri, & quilibet confingere, ludus est?

Apagæ has nugas. Quod si in Pontificatu Romano

fœmina nunquam sedet, nec fuit necessitas, causa declinandi simile probum in annos consequentes, sede periorata uti ad explorandum texum eorum, qui elegebantur. De qua sede, appellata Stercoraria, forsitan alibi.

Falsum igitur est, ut diximus, quod Ecclesia receperit aliquando fœminam in Pontificem, & decepta fuerit. Item quod aliquando receperit in Pontificem qui schismaticus postea repertus fuerit. Nam tempore schismatis latuit quidem Ecclesiæ verus Pontifex, sed universaliter non legitur, aliquem illegitimum recepisse. Nos autem loquimur extra schismatis tempora, quando quis pacifice possidet Primatum. Similiter, quod deus non revelaverit in singulari, hunc esse verum Pontificem. Siquidem revelavit Ecclesiæ, dum revelavit, omnem canonice electum esse legitimum Petri successorem, & non defuturum in Ecclesia longo tempore, caput visibile, Petro succedens. Quod non fuisset, si singuli succedentes Pontifices non fuissent recepti in tales. Ecclesia proponit autem sufficienter in singulari, dum singulos recipit pacifice sedentes, eorumque dogmatibus præstat fidem.

Tandem est falsum, quod Pontifex, proponens credenda se habear, ut Concionator, infidelibus fidem annuncians, qui & potest falli, & fallere, & cui prius ex humanis conjecturis fides aliqua humana præstat. Nam Pontifex ratione muneris Capitis habet Spiritus sancti assistentiam, ut nec dici, nec decipere possit. Quod verò æquiparentur articuli credendi sub Hostia consecrata esse verum Christi corpus, & legitime electos esse Petri in Pontificatu successores, ut sicut tamen non fide creditur, sub hac Hostia signata adesse Christum, quia ignoratur potestas, & intentio consecrantis, ita nec signatus Pontifex fide sit tenendus, cum ignoretur legitima electio & electibilitas assumpti, an sit baptizatus & initiatus ordinibus, quæ requisita sola humana conjectura tenemus. Hæc, inquam, paritas neganda est, quia ignorato, an species signatæ sint consecratæ, nullum sequitur in universali Ecclesia inconveniens, bene si ignoretur verus Pontifex, seu si recipiatur, ut verus, qui non est. Illud igitur Deus aliquando sinere potest, hoc autem non sinet, ob promissam Ecclesiæ assistentiam, & continuationem veri Capitis.

Præterea, sicut constituto evidenter de potestate ac intentione consecrantis, signatæ species fide creduntur, continere Christi corpus, ita, constituto, Pontificem singularem esse legitime electum, jam non humana tenetur, sed divina fide. Illud autem evidenter habetur certum ex quo eligentes, & universales Sapientum, Ecclesiæque consensus in talem recipiunt, ut fusc prosequuntur alii. Rursus, quod & eligibilis fuerit, & canonice electus, tenemus ea fide, qua credimus, Deum non defuturum suæ Ecclesiæ, nec permissurum, ut decipiatur. Statim enim sequitur, quod non relinquat Ecclesiam falso Capiti subesse.

In tali ergo schismate, quo Pseudo-Pontifex legitimo recepto, & pacifice possidenti superinducitur, innodantur primum ii, qui illud excitant, & novum Pontificem assumunt, qui, si ex iis sint, ad quos non spectat electio, non videatur posse ex ignorantia, vel dubietate excusari. Tum quia ad eos non spectat cognoscere de forma electionis, ac per consequens de validitate dubitare. Tum quia agnoscendo Pontificem, ab ipsis superinductum, subicitur Capiti non legitimo, cum apud ipsos autoritas eligendi non sit.

Deinde ipsi etiam plures Pontifices electi de Pontificatu rixantes, dum sciunt, aut probabiliter ambigunt, se legitime non esse renunciatos, *Clem. 1. in princ. bi Glos. & doctores de jurejur. Brunus. de heret. cap. 16. in fine, ac Ricciol. de lib. 2. cap. 1. n. 29. Sous. in d. can. 1. Bul. Can. n. 4.* Alii enim arbitantes, se legitime electos, non innodantur. Quod tamen casu tenetur subici generali Concilio, de electione sententiam prolaturum, aut ei præstare fidem, qui invaliditatem electionis potest demonstrare. Non ob id tamen crediderim, arbitrantem, se probabiliter electum legitime, si renuat Concilio subici, sicut nec ejus sectatores, id morali certitudine



titudine callentes, innodari antedicta censura, aut alia, contra Alterum ubi supra col. 4. afferentem, esse probabile hac excommunicatione in rebus, evidens verò obtrinita, quæ est in cap. licet de elect. cap. 1. de schismat. & in can. nulli fas d. 19. Nam quoad censuram nullæ Cænæ constat, ex sola ea renuentia istum non constitui schismaticum. Quoad jus vero in cap. licet, ille solum excommunicatur, qui novit, se non esse à duabus partibus Cardinalium postulatum. Nos autem loquimur de eo, qui tuam electionem non perspicit invalidam. In cap. 1. de schismat. & in can. nulli fas, nulla est talis excommunicationis. Concedimus tamen, post sententiam Concilii, si modo casus sit possibilis, censura Bullæ Cænæ innodandum, etiam si legitime fuisset inauguratus, non tamen constaret. Quia de novis electis fieret verus Pontifex, omni alio abrogato, ut contigit, quamvis in diversis terminis in Concilio Constantiensi anno 1417. Res enim hæc dubia coram Ecclesia, non potest alio modo prudentiori corrigi.

Nemum ii quoque innodatur, qui scienter, vero Pontifice posthabito, schismatico obediunt, ut ex supradictis constat. In dubio autem, quo ignoretur, quis ex pluribus sit legitime electus, adhærendo nemini, non labimur in schisma, Butius, & Doctores in cap. quia diligentia de elect. Cardinali col. 150. n. 14. Cajetan. in sum. d. v. schisma, Alph. à Castro lib. 1. de just. harer. pun. cap. 9. Ugolin. cit. v. nec non n. 2. Azor. q. 4. Ricciul. d. cap. 1. n. 15. Siquidem hoc pedit ex dubietate facti, quæ ad fidem non pertinet, & temerarium esset, Pontifici dubio adhærere, tanquam certo, arg. can. nullus, & can. nemo 11. q. 3. Dummodo id non sit cum pervicacitate, ac obstinatione, qua nullum velit in Ecclesia Caput agnoscere, sed cum dispositione parendi ei, qui legitime fuerit judicatus. Immo consulo cum Cajetano loco cit. tutum esse, ita se gerere in schismate, ut neuter agnoscat, quilibet verò se reputet, & habeat, tanquam unius Ecclesiæ Catholicæ membrum sub uno ipsius Capite Christo, & ejus Vicario, qui in conspectu ipsi legitime est electus, quilibet ille sit, dubios verò habeat, tanquam dubios. In quo non videtur convenire Bonacina 10. 3. disp. 1. q. 2. pun. 5. num. 3. vers. Secus dicendum, ubi ait fieri schismaticum recedentem ab utroque dubio, cum utrumque tenere debeat, licet tanquam dubium.

Adhærens tamen alteri eorum, quem probabiliter putat esse legitimum, aut de quo non est vehementer de illegitimitate ambigere, non fit schismaticus, etiam si, re discussa, repetitur, adhæsisse illi, qui invalide electus fuerat, Glos. in can. 1. 24. q. 1. & Canonistæ in d. cap. quia diligentia de elect. Cajet. ubi supra, Antonin. p. 2. tit. 11. Turrecrem. cit. lib. 4. Graff. nu. 54. Alph. à Castro cap. 14. d. cap. 9. Simanch. de cath. instit. tit. 8. n. 9. Royas de harer. p. 1. n. 507. Ugolin. §. 1. n. 3. Pagna com. 37. Gambar. n. 39. Alter. d. col. 4. Duard. 10. & Ricciul. d. lib. 9. cap. 2. n. 32. Nam eo casu inscienter tantum schisma contrahitur, & justo errore ductus culpa caret, si tamen non intercedat protervitas, ut supra diximus.

Dixerat tamen Ricciullus d. cap. 2. n. 28. esse schismaticum eum, qui ignorantia supina, qua neglexit solerter de summo Pontifice vero indagare, laborat, & ex ea non adhæret legitimo, quoties facile constare potest de legitima unius electione, & illegitima alterius, & probat ex can. quoties 1. q. 7. & can. schisma 24. q. 1. ubi Pelagius Papa sic ait: sed nec illud eis prodest, quod eos in eisdem litteris vel ignorantia rationis, vel simplicitate intellectus sui à nostra se communione suspendisse perhibetis. Id ipsum enim magis est propter quod schismatici sunt, quod non eos diversa sentiendi iudicium, sed quedam apud se delata, sibi tamen incognita metuentes, & contra Apostolicam sedem temere credentes, pessima divisi opinio. Idemque tenet Glossa in 2. magis, Turrecrem. loc. cit. prop. 2. Socin. in cap. fraternitatis de schism. ac Felin. in cap. 1. de harer. q. 13. num. 24. & seq.

Hæc opinio recipienda videtur, si de ignorantia affectata sit sermo, de qua loquitur textus allatus, ut constat ex illis, verbis quedam apud se delata sibi tamen incognita metuentes. Hæc enim excusare non potest, quæ potius crimen aggravat, quam licet alibi dixerimus ab excommunicatione hæresis excusare, id tamen ex eo procedit, quod ad constituendam errorem in intellectu, oportet, ut sit ab omni ignorantia liber. At cum schisma consistat, in sola voluntate, voluntaria satis ignorantia cuiusmodi est affectata, non facit schisma involuntarium, ac proinde non malitiosum.

Ignorantia autem alterius generis, etiam si crassa, & culpabilis, licet crimen inducat, relinquit tamen voluntatem in eo statu, ut denegatio obedientiæ non fiat ei, qui creditur Pontifex, in quo schisma in dicto can. 1. Bullæ Cænæ punitum consistit, sed ei, qui pro tali non existimatur. Et id insinuat per particulam *perinatiter* in eo canone appositam. Quare opinio Ricciulli vera erit quantum ad præsumptionem fori externi, in quo hæc ignorantia non excusabit. Idemque est iudicium de sen-

tentia Farinacii q. 179. de harer. num. 17. & q. 184. num. 20. ac Duardi cit. num. 10. nullum videlicet simpliciatem, & ignorantiam caput in quovis schismate excusare. Quia quilibet tenetur scire, quod divisio ab Ecclesia Romana, & à Romano Pontifice, tanquam Dei Vicario, magnum est crimen. Id liquidem verum est, quantum ad crimen, & fori præsumptionem. Quia cum quilibet fidelis teneatur expresse credere articulum, *Vnam Sanctam Ecclesiam Catholicam*, ab ea, & ab ejus capite decessione non potest ignorantia adscribi. Sed ut vere excommunicatio incuratur, requiritur malitia, & scientia, aliis schismaticus non se subtrahit ab obedientia Pontificis *perinatiter*.

Duo disquirenda supersunt. Alterum est, an fautores, receptatores, ac defensores schismaticorum excommunicentur, sicuti & in superioribus fautores hæreticorum. Et quidem quantum ad Bullam Cænæ, negative respondeo. Quandoquidem pœnæ non sunt ampliatæ, & ex tenore illius canonis non convincitur oppositum. Quia fautores, & receptatores ad hæreticos, & apostatas duntaxat referendi sunt. Eos porò innodabant Cajetanus, & antiquiores Summistæ, quia particula *schismaticos* tunc immediate cum verbo *hæreticos* conjungebatur; *hæreticos, schismaticos, eorumque credentes, receptatores, &c.* ibique etiam plures modi, quibus aliquis se ab obedientia Romani Pontificis poterat subtrahere *per se, vel per alium, directe, vel indirecte &c.* exprimebantur. Atque ita sentiant sola disp. 19. n. 6. in d. Bul. Duard. n. 18. Sanchez num. 16. Suarez num. 14. Alter. cap. fin. in fin. Scottia in Bul. select. theor. 410. in fin. alique communiter.

In constitutione tamen citata Pauli IV. Cum ex Apostolatu plura statuuntur contra hæreticos, vel schismaticos, confirmati que omnibus censuris ac pœnis per sacros Canones, Pontificis prædecessores, & Concilia latis contra hæreticos, & schismaticos, decernitur, quod omnes cuiuscunque conditionis etiam Cardinales &c. etiam Imperatores, Reges &c. ut eas pœnas incurant, si deprehensi, vel confessi, vel convicti fuerint se fuisse hæreticos, vel schismaticos. Quamvis verò decretum restringendum videatur ad sententias datas contra hæreticos, vel schismaticos in communi, non vero ad sententias latis contra hæreticos, vel schismaticos particulares, & in casibus particularibus, quia in sententiis datis in casibus particularibus consideratæ fuerunt circumstantiæ particulares minuentes, vel argentes culpam, & pœnam. Nihilominus à iudicibus fidei servari poterit regula tradita à Bonifacio VIII. in cap. ad succedendos de schism. in 6. ut in casibus similibus, & attentis similibus circumstantiis novi hæretici, vel schismatici eisdem pœnis puniantur, quibus per Pontifices, & sacros Canones puniti fuerunt antiqui hæretici, vel schismatici. Immo advertendum quod Paulus IV. elevat etiam sanctorum Patrum placita, ut vim legis habeant, & juxta illa puniri possint hæretici, vel schismatici, & ita sanctorum Patrum placita contenta in decreto Gratiani in hoc habenda sunt pro legibus, ut juxta illa puniantur hæretici, vel schismatici, ut patet ex illis verbis, *vel sanctorum decretis, aut statutis*, sub quibus etiam Conciliorum provincialium statuta comprehenduntur. In eadem quoque Pauli IV. Constitutione excommunicationem non reservatam concurrentem, qui schismaticos deprehensos, confessos, ac convictos scienter quomodolibet receptaverint, aut defenderint, vel eis crediderint, parique pœna cum schismaticis ipsis dicuntur plectendi, innunturque vetera jura can. in nomine d. 23. can. didicimus 24. q. 1. & alia, quibus schismatici, ac iis patrocinantes variis pœnis sunt obnoxii, amissioni scilicet jurisdictionis, beneficiorum, & ad ea inhabilitati, ac tandem irregularitati, de quibus, præter eos, quos sub initio citavimus, videndus etiam Scottia epist. 71. Farinac. de harer. d. q. 184. num. 17. cum binis seqq. ac nos suo loco, dum de pœnis hæreticorum, Apostatarum, schismaticorum, aliorumque agimus.

Alterum est, an schismatici, qui hæresim non habent adiunctam, specialissimam habeant hæresis reservationem eo, quod in eodem canone cum hæreticis excommunicantur, & pares in pœnis regulariter sunt. Cui ex Sanchez n. 17. negative respondeo, tam etsi alii plures oppositum velint. Quia licet in excommunicatione, in qua hæretici pronunciantur innodati, schismatici etiam appositum sint, non tamen dicuntur excommunicatione hæresis alligati, si præcise schisma tantum incurrerint. Unde virtute Bullæ Cruciatæ concedentis absolutionem à censuris Bullæ Cænæ semel in vita, & semel in mortis articulo, possunt absolvi, ac similiter virtute tubilæ eandem à casibus Bullæ absolutionem concedentis quam concessionem ob specialem hæresis enormitatem ad eam non extendi fert communis sententia, ut alibi probavimus. Idemque est affirmandum de receptatoribus, factoribus, legentibus libros schismaticorum, &c.

Monstrandum autem nunc est, quàm grave, quamque



averlandum sit peccatum schismatis, etiam prius quam per illud fides excindatur. Est enim schisma peccatum, non contra fidem, atque adeo ab hæresi diversum, ut ait Cresconius, approbante Augustino *lib. 2. contra cum cap. 3.* Est itaque contra obedientiam. Divus quidem Thomas 2. 2. q. 39. ar. 1. docet esse contra charitatem, quia charitas est unire, & conciliare ad invicem caput & membra ipsaque membra inter se. Quatenus ergo schisma impetit, ac lædit eam unionem, infertque disjunctionem ab Ecclesiæ capite, aut membris, eâtenus violat specialiter charitatem, ad quam pertinet volitio nexus, & conjunctionis cum capite ac membris Ecclesiæ. Sicut tamen schisma violabit fidem, si spectetur, prout est nolitio disjungendi se ab unitate fidei cum capite, ac membris Ecclesiæ, ita violabit obedientiam, si spectetur, prout detrectatio subjectionis ad caput Ecclesiæ. Qua ratione, ut habetur ex multis, quæ adducit Michael Anjuyon *intr. de unit. ovilis, & Pastoris cap. 8. 9. & 10.* schisma est gravissimum crimen, taleque ac tantum, ut neget Valentia 2. 2. d. 3. q. 15. p. 2. dari parvitatem materiæ, qua eximatur à gravi, & mortali peccato, cum separatio ab Ecclesiæ unitate, & capite, prout tali, sit res gravis, in quacunque tandem materia contingat, & proinde sola indeliberatione, aut imperfectione actus potest ita diminui, ut ad mortalem culpam non accedat, sicut de blasphemia, & perjurio dicitur.

Damna maxima huic adjuncta prosequitur Conradus Brunus *lib. 1. de heret. cap. 16.* & quanta sint patere satis potest ex vastitate illata Ecclesiæ, per ea viginti novem schismata, quibus Ecclesiam esse infestam, notavit idem Brunus *lib. 1. de seductis cap. 3.* Merito igitur & æternum exitium manet schismaticos, & plerumque etiam temporale, quo æternæ ipsorum calamitati, & immedicabili contritioni proluditur. Exitium æternum schismaticos manere, Beda *ser. de D. Petro & Paulo sub finem* optima ratione confirmat. Egregie quoque pentata schismatis malignitate id tradit S. Irenæus *lib. 4. cap. 26.* verbis illis: *judicabit autem Deus & eos, qui schismata operantur, qui sunt immanes, non habentes Dei dilectionem, suamque utilitatem potius considerantes, quam unitatem Ecclesiæ. Et propter modicas & quaslibet causas, magnum & gloriosum corpus Christi confindunt, & dividunt, & quantum in ipsis est interficiunt, pacem loquentes, & bellum querentes, vere liquantes culicem, & camelum transluentem. Nulla enim ab eis tanta potest fieri correctio quanta est schismatis perniciēs.* Hoc dicit, quia schismatici obtendunt schismati, ac discessioni suæ ab Ecclesiâ aliquid correctione, ac emendatione dignum. At nullius abusionis inemendatio tanti est, ut cum schismatis virulentia componi merito possit. Unde omnia potius incommoda subeunda esse, quam scindendam schismate Ecclesiam, gravissime admonet Dionysius Alexandrinus apud Eusebium *lib. 6. hist.*

Nonnulli verò Patres, temporariam etiam ultionem jam ex hac vita schismaticis à Deo rependi solitam, urgent, ut schismatis venenum manifestent. Præstitit hoc fute S. Cyprianus *lib. de unit. Eccles. præsertim n. 59.* S. Augustinus *lib. 2. de baptismo cap. 6.* ac sæpe alibi, agens contra Donatistas, & in eandem sententiam disputat Clemens Romanus *lib. 6. constit.* qui est de schismaticis, præcipue *cap. 1. & 2.* ibique ait, cavendos principes impiarum hæresum, quod spectat ad schismaticos, ut patet ex capitis titulo apud Turrianum, & Bovium, attento usu testatissimo, ut schisma degeneret denique in hæresim, de quo late Suarez *lib. 1. defens. fidei cap. 22.* Immo D. Bernardus *ser. in Concilio generali* significat, schisma esse hæresim, & faver S. Augustinus *lib. 2. contra Cresconium cap. 1.* non secernens schisma ab hæresi, nisi penes antiquitatem. Favet etiam S. Ambrosius in Satyri fratris monodia, cum de eo à Luciferianis abhorrente, ait: *Non putavit, sedem esse in schismate. Nam etsi fidem erga Deum tenerent, tamen erga Dei Ecclesiam non tenebant, cujus periebantur velut quoddam artus dividi, & membra lacerari.* Estque juxta illud Petri Da-

miani opusc. 5. initio: *Vitium in hæresim vertitur, cum perversi dogmatis assertione firmatur.* Nimirum viva fidei Regula est solus Pontifex, ac proinde qui ab eo se abjungit, destitutus Regulâ, facile defleat.

Degenerat igitur schisma in hæresim, si inveterascit. Et hoc attendens S. Clemens, potuit inter hæresum sectatores numerare schismaticos, quamvis schisma, ut sic possit esse, salva & intacta fide, tamen si fide periclitante in schismate, ut dixit Ferrandus in *S. Innocentii regula in fine.* De ejus malignitate videndi insuper Optatus *lib. 7. contra Parmen. sub med.* S. Bernardus *ep. 219. initio,* Joannes Sarisber. *ep. 178.* ac Petrus Collensis *ep. 26.*

Placet recensere schismata, quæ non tantum in Ecclesiâ Dei tempore summorum Pontificum, sed etiam antea in Religione plura fuere, quæ tamen evanuerunt, Dei auxilio.

Primum fuit creatis Angelis in cælo, dum Lucifer cum sua factione se separavit à principatu Dei, & voluit adorari, ut Deus, ideo detrusus ad inferos *Isai. cap. 14.*

Secundum fuit in Paradiso, quando persuasione demonis, existimavit Eva, non obediendum Dei præcepto, arbitrata verum, quod impostor dixerat: *eritis sicut Dii,* Genes. 3.

Tertium schisma pro Prælatura, quod Aaron, & Maria soror Moysis moverunt contra Moysen, ex quo puniti, *Num. 12.*

Quartum aliud periculosum, motum per Datan, Chorem, & Abiran, quos Deus terra absorberi cum sectatoribus jussit, *Num. 16. Eccles. 4. Denter. 11. Psal. 10.*

Quintum inter Judæos Hierosolymis ortum, grave de Pontificatu anno Domini 54. inter Pontifices, & populum, electo in Pontificem Summum legis Cumano, ut concursu facto populi ad portas triginta millia Judæorum perierint, & cum illis Jonathas Pontifex, teste Josepho *lib. 20. antiquit. cap. 4. & lib. 2. de bel. Judaic. cap. 11.*

Sextum tempore Apostolorum schisma inter Christianos Corinthi ortum, aliis dicentibus: *Ego quidem sum Pauli, ego Apollo, ego Cepha, ego Christi:* contra quod scribit D. Paulus ad Corinth. 1. & 3.

Septimum fuit ante Capharnatarum: qui cum non possent intelligere mysteria Sacrosancti domini Corporis, recesserunt ab unitate Christi, *cau. prima quidem hæresis 44. de consecr. d. 42.*

Octavum, & primum electis Summis Pontificibus in Ecclesiâ Romana fuit tempore Cornelii Summi Pontificis, electi anno domini 152. post Fabianum. Novatianus enim presbyter urbis Romæ ob cupiditatem Episcopatus, ambitionis spiritu inflatus, omnia divina, humanaque miscuit, ne in manus Cornelii Pontificatus perveniret, ut scribit Platina in Fabiano, & Cornelio, opeque Novati, alterius Episcopi Carthaginensis creatus fuit in Antipapam, ut ait Cyprianus, qui eo tempore vixit, epistola ad Jubainum, & ad Pomponium, D. Hieronymus in *cathalog. illust. vir.* Vide de causa Eusebium *lib. 6. hist. cap. 43. & lib. 8. damascenum in vitis Fabiani, & Cornelii Summorum Pontificum.* In sede Antipapæ Novatiani remanserunt. In sede Romæ successores usque ad Cælestini Papæ Pontificatum, à quo deinceps Novatiani habere publice Episcopum prohibiti fuerint, ut autor est Socrates *lib. 7. cap. 11.* Ita ab Ecclesiâ se separavit Novatianus, & se suosque puros, mundosque nominavit, negans poenitentiam lapsis revertentibus, aliasque constituens hæreses, de quibus agit idem *lib. 6. cap. 43. & seq. Cyprianus lib. 2. epist. ep. 10. & lib. 3. ep. 2. & 3. & lib. 4. ep. 2.* Contra hunc duo Concilia habita. Unum Romæ 60. Episcoporum, & totidem Presbyterorum, ac plurium diaconorum. Carthaginense aliud, Platina in *Fabiano, Euseb. lib. 6. tit. 43.*

Nonum, & secundum Pontificale schisma fuit anno domini 369. tempore damasi primi Pontificis, qui Ursinum diaconum cõpetitorem habuit in Basilica, quæ dicitur appellatur, ubi multi ex diversis partibus ceciderunt in ipso templo, cum res non suffragis tantum, sed vi & armis tractaretur, Platina in *Damaso, Rufinus lib.*



*lib. 2. cap. 10. Amianus Marcellinus lib. 27.*

Decimum ac tertium ortum est anno Domini 423. quando Bonifacius ejus nominis primus, in Basilica Julii Urbis Romae Episcopus creatus, & Julianus in Constantiana electus, huic statim oppositus fuit, mortuo Zosimo primo præcedente pastore. Quod cum Honorius Imperator, qui tum Mediolani erat, intellexisset, instante Placidia cum filio Valentiniano, jussit ambos Urbe expelli. Revocatus tamen postea septimo mense Bonifacius, qui fuit solus Urbis Præsul constitutus, Platina in *Bonifacio primo*.

Undecimum, & quartum, mortuo Anastasio secundo, in cujus locum Symmachus primus electus anno Domini 800. ab alia autem parte Cleri Laurentius, unde ingens seditio in Senatu, & populo orta, pluresque cædes commissæ, ut refert Platina in Symmacho, Gregorius in *dialog. lib. 4. cap. 40. Diaconus in Anastasio li. 16.*

Duodecimum & quintum schisma fuit post mortem Felicis quarti Summi Pontificis anno Domini 931. Bonifacius secundus fuit electus, & alia electio ei apposita Dioscori, in qua seditione agitatus fuit populus, & Clerus per dies octo, & viginti, donec Dioscorus mortuus fuit, teste Platina.

Decimum tertium, & sextum fuit paulò antè præteritum, tempore, quo Pelagius secundus Summus Pontifex mortuus est anno 508. quo tempore Joannes quartus Constantinopolitanus Patriarcha, dictus Jejunator, & cui successit Cyriacus adversus sedem Apostolicam insurrexerunt, & primum in Ecclesia sibi locum, & universalis Pastoris in Ecclesia nomen assumere conati sunt. Quibus Pelagius restitit, & deinde S. Gregorius Magnus, ejus successor in sede, eaque de controversia extant epistolæ Joannis in *tom. 1. Conciliorum*, & in *Registro Gregorii lib. 4. epist. 67. 75. & 80. & lib. 6. ep. 168. 169. & 170.* Fuitque hæc controversia composita sub Bonifacio tertio, ut secundum locum Constantinopolitana teneret, teste Beda de *ratio. temp.* Joannem defendebat Mauricius Imperator, vide Sigibertum, & Bonifacium Simonetam in *epistolis*.

Decimum quartum, & septimum schisma fuit post mortem Joannis quinti mortui anno Domini 685. quo Petrus Archiepiscopus, à Romanis electus, Theodorus verò presbyter ab exercitu. Sed, utroque exacto, creatus tandem Cono primus, Platina.

Decimum quintum, & in Ecclesia Catholica octavum, fuit paulò post tempore Sergii primi, qui successit Cononi anno Domini 689. sublati duobus ambitiosis, Paschali quodam custode thesauri Cononis, qui Exarchum Italiæ pro sua factione muneribus allexerat, & Theodoro, qui jam partem interiorem Laterani cum sua factione occupaverat, Platina.

Decimum sextum, quod erat Ecclesiæ nonum, fuit, mortuo Stephano secundo, quo tempore electus Paulus primus anno 756. qui sedit annos decem, mensem unum. Nam tunc, ut scribit Genebrardus *lib. 3. chronogr.* Theophilactus quidam sedit contra Paulum in schismate per aliquot menses anno Domini 757. & Constantinus quoque secundus ex laico contra Canones electus, sedit annum unum, dies 24. quem quidam inter Pontifices numerarunt; Platina tamen non meminit.

Decimum septimum, & Ecclesiæ decimum narrat schisma idem Genebrardus, sedente eodem Paulo, quo anno 767. Philippum seu Philippicum contra Constantinum à laicis, & Clericis electum fuisse, notat, & sedisse annum unum, dies viginti quatuor.

Decimum octavum, & Ecclesiæ undecimum post mortem Paschalis primi, succedente, & electo Eugenio secundo anno Domini 824. contra quem in schismate electus Zosimus quidam, qui sedit aliquot dies, donec coactus fuerit Pontificatu se abdicare, Onuphrius in *fastis*.

Decimum nonum, Ecclesiæ duodecimum, fuit Leon quarto, quo tempore electus est Benedictus tertius anno Domini 855. & contra eum in schismate Anasta-

sius, qui sedit aliquot dies, & coactus se abdicavit, Platina, & Onuphrio testibus.

Vigesimalium, Ecclesiæ decimum tertium post mortem Stephani sexti, Formoso Pontifice creato anno Domini 892. contra quem in schismate electus Sergius tertius, Benedicti filius Cardinalis, qui aliquot dies in schismate sedit, coactus tamen se abdicavit, in exilium missus, Onuphrius in *Pontificibus*.

Vigesimalium primum, & Ecclesiæ decimum quartum post mortem Agaperi secundi, quando creatus fuit Joannes duodecimus anno Domini 955. & contra eum electus Leo octavus, qui sedit menses quatuor, donec eo pulso, institutus Joannes decimus secundus sedit, & in eodem schismate Benedictus quintus Romanus per mensem, ac unum diem, ut legitur in continuatione Reginonis, & apud Luithprandum *lib. 6. cap. 6. ac seq.* Platinam, & Onuphrium, & alios.

Vigesimalium secundum, & Ecclesiæ decimum quintum post mortem Sergii quarti tempore Benedicti septimi, aliis octavi, qui adeptus est sedem anno Domini 1009, & contra quem, in seditione alius in locum ejus electus fuit, ipso pulso, tandem tamen restitutus, Platina.

Vigesimalium tertium, quod erat Ecclesiæ decimum sextum schisma post mortem Joannis vigesimali primi apud Platinam tempore Benedicti noni anno Domini 1046. quem Romani in schismate sede, ut ignavum pepulerunt, & suffecerunt in ejus locum Joannem Sabinum, quem dixerunt Sylvestrum tertium, largitione creatum, quo tamen postea post quadraginta novem dies pulso, restitutus est Benedictus, Platina. Fuit tamen & magnum tum schisma, cum Benedictus renunciasset Episcopatum Gregorio sexto, habitumque Concilium contra Benedictum nonum, & alios Pseudo-Pontifices, quibus dejectis, creatus, curante Henrico tertio Imperatore, Syndergerus Bambergensis Episcopus, dictus Clemens secundus, teste Platina. Meminit & de his iterum Platina in Gregorio sexto. describit & hoc schisma accurate Hermanus Contractus in *chron.* Leo Oltienensis *lib. 2. hist. Casinen. cap. 80. & 82. Blondus lib. 2. decad. 2. Otho Phrysingensis lib. 6. hist. cap. 32. & 33.*

Vigesimalium quartum, & in Ecclesia decimum septimum fuit post obitum Stephani noni, aliis decimi Lotharingi anno Domini 1058. tempore Benedicti decimi, qui ab Hildebrando subdiacono cum factione Clericorum Pontificatu pulsus fuit, quod per vim & largitionem ad Pontificatum venisset, ut ait Platina in eo, & subrogatus in factione Gerardus quidam, in exilium missus Benedicto, fuitque Gerardus dictus Nicolaus secundus, Platina in *Nicolaio secundo*, Hermanus Contractus, Onuphrius, & alii. Eo tempore factus Canon in nomine Domini d. 23. de elect. Sum. Pontif.

Vigesimalium quintum, & in Ecclesia decimum octavum, gravissimum fuit schisma post mortem Nicolai secundi anno Domini 1062 quando Alexander secundus creatus fuit summus Pontifex à Transalpinis, contra quem Cisalpini Episcopi arbitrati ob dignitatem provinciarum suarum par esse, ut è suo numero aliquis eligeretur, elegerunt alium Pontificem Cadolum, dictum Honorium secundum, ejusque rei gratia prælium commissum est. Cessit postea tamen Cadolus, cui & abrogatus Pontificatus in Concilio Mantuano 6. Kalend. Novembris anno 1064.

Vigesimalium sextum, & in Ecclesia decimum nonum videtur aliud quasi continuatio superioris. Siquidem, mortuo Alexandro secundo & suffecto in ejus locum Gregorio septimo, qui antea dicebatur Hildebrandus anno Domini 1073. in eum Henricus quartus exarsit ira, quod diceret à se ordinari debere Romanos Pontifices, cumque vellet permittere presbyteris uxores, illo se illi opponente. Quare & contra Gregorium septimum Henricus indixit Concilium contra Wormatiæ Episcoporum 72. qui exautorant Pontificatu Gregorium, ut ait Abbas Uspergensis in *chron.* creatusque



rusque in eo schismate contra Gregorium Gilbertus de Cortigia, dictus Clemens tertius, cuius etiam Clementis mortui in schismate fuerunt successores Victor, Urbanus, & Paschalis secundus. Crevit dehinc illud schisma, & congregato Concilio tertio Romæ per Gregorium septimum, fuit excommunicatus Archiepiscopus Maguntinus cum Episcopis, qui ejus consilio interfuerant, anathemate renovato in Henricum quartum, quem & imperio privavit, duravitque hoc schisma cum multis utrinque intervenientibus cladibus per viginti novem annos, de quibus Platina, & Onuphrius in *Gregorio septimo*, Gregorius Schafnaburgensis, Leo Episcopus Ostiensis *lib. 3. hist. Casin.* qui eo tempore vixerunt, Otho Frysgensis *lib. 6. & 7. hist.* Imposuit finem huic schismati periculossimo Calixtus secundus anno Domini 1120. qui cum esset Gulielmi Comitis Burgundie filius, ac proinde Henrici Imperatoris consanguineus, ut quidam volunt, ex genere Francorum Regum, fretus ipsius favore captum Gregorium octavum Pseudo-Pontificem contra Galasium secundum creatum, cui ipse successerat, pelle induit ursina, & camelo impositum ad Canense cœnobium relegavit, & ita schismati finem imposuit, ut scribit Gulielmus Tyrius *lib. 2. cap. 8.* & Platina in *Calixto secundo*. Ad tempus illius schismatis magni referri potest & pars illius, quod fuit post mortem Urbani secundi anno Domini 1100.

Vigesimum septimum, quod erat vigesimum in catholica Ecclesia schisma natum vix pacato illo præcedente, post mortem Calixti secundi, in cuius locum delectus Honorius secundus anno Domini 1125. & electus contra illum à quibusdam Cardinalibus Cælestinus, qui tamen postea cessit Honorio, ut in eodem Honorio scribit Platina.

Vigesimum octavum, quod & in Catholica Ecclesia erat vigesimum primum procedere videtur etiam ex prædicto decimonono, quod ortum post mortem Honorii secundi, in cuius locum electus est anno Domini 1130. Innocentius secundus, contra quem à quibusdam Cardinalibus quidam alius dictus Anacletus secundus electus fuit, & fedit in schismate per annos septem contra Innocentium, ut scribit Blondus *lib. 5.* & Paulus Æmilius *lib. 5.* sub hoc schismate fuit Concilium Herbipolense sub præsentia Lotharii Imperatoris, in quo confirmata electio Innocentii, damnato Anacleto. Id ipsum factum in Concilio Clarmontensi secundum Polydor. *lib. 5. hist. Angl.* Rheimense secundum Naugiacum, Stampense, cui adfuit & D. Bernardus in generali, collectis mille Patribus in Laterano, fesse Platina. Fuerunt tamen illa tempora plena cœdibus ob diversas factiones, diversas electiones defidentium. Videndus Otho Frysgensis *lib. 2. hist. cap. 27. 31. 34.* ex libro de gestis Friderici Imperatoris *cap. 27. & 29.*

Vigesimum nonum, quod erat in Ecclesia vigesimum secundum schisma post mortem Hadriani quarti, etiam fœvissimum, quod per viginti fere annos vexavit Ecclesiam, ab eo tempore, quo Alexander tertius electus à viginti duobus Cardinalibus anno 1156. electus est contra eum in schismate à tribus tantum Cardinalibus Octavianus Romanus, Victor quartus appellatus, & mortuo Victore in schismate rursus subrogatus in ejus locum anno 1164. Paschalis tertius Cremenfis, antea dictus Guido, & cum item mortuus fuisset Romæ anno 1169. alius subrogatus Calixtus Hungarus contra eundem Alexandrum tertium, & hoc se abdicante, alius item subrogatus Laudo nomine, dictus Innocentius tertius, alique postea divisa, & fere cladibus vastata Italia ob duas sectas; unam Guelphorum, qui partes Alexandri tertii defendebant, alteram Gibellinorum, qui partes Pontificum Cæsarianorum protegebant, ex quibus Principes ferè omnes orbis dissidiis implacabilibus agitabantur, ut scribunt Onuphrius, & Platina, Æmilius *lib. 5.* & in cont. inna. in *me Sigeberti*.

Trigesimum, quod erat in Ecclesia vigesimum tertium aliud schisma, mortuo Clemente quinto summo Pontifice, electo in Pontificem, Joanne vigesimo secun-

do, Cadurcensi Gallo anno 1316. qui sedit Avenione, contra quem factus Antipapa per Imperatorem Ludovicum quartum Bavarum anno 1328. Petrus Corbariensis, Ordinis Minorum, dictus Nicolaus quintus, quem postea Bonifacius Pisacijs Comes cepit, & Avenionem ad summum Pontificem duxit, ubi & in Carcerem coniectus, obiit, Platina in *Joanne vigesimo tertio*.

Trigesimum primum, quod erat inter Catholicos vigesimum quartum schisma creditur omnium gravissimum, & longius post mortem Gregorii undecimi electo in ejus locum Urbano sexto Neapolitano anno Domini 1378. quo tempore Clemens septimus Arelatenfis Antipapa fuit à Cardinalibus Gallis ordinatus contra Urbanum, & ejus successorem Bonifacium nonum, seditque Avenione, annos quindecim, menses undecim, dies viginti tres, Clementique adhæsit Francia & Hispania, duoque Concilia pro ea habita Lutetia, seditque post Clementem septimum electus à Cardinalibus Petrus Luna, dictus Benedictus decimus tertius, anno Domini 1394. & sedit Pontifex Avenione annis plus minus triginta. Fuit eo tempore initum Concilium Gallicanum omnium Prælatorum jussu Caroli sexti Lutetia, in quo Benedictus Antipapa depositus, qui nihilominus noluit cedere, ut habetur in *Chron. Franc.* & apud Gaguinum *lib. 6.* Auxit schisma electio Gregorii duodecimi, qui & depositus est, ut Benedictus decimus tertius Pisis in Concilio, electo Alexandro quinto Cretensi anno Domini 1409. Verum neuter voluit obtemperare Concilio & additus alius electus Joannes Neapolitanus, aliquibus dictus Vigelmus tertius, aliis vigesimus quartus. Quamobrem congregatum fuit Concilium universale Constantiense in Germania Patriarcharum quatuor, Cardinalium viginti novem, Archiepiscoporum quadraginta septem, Episcoporum 270. & aliorum Prælatorum ac Doctorum 560. præsidente initio Joanne Papa contra schisma trium Pontificum nempe contra Benedictum 13. qui sedebat in Hispania, Joannem 23. qui sedebat Bononia, Gregorium 12. qui sedebat Avenione. Quare illi tres in Concilio dignitate privati, ac depositi fuerunt, & electus Martinus quintus anno Domini 1417. At, non obstante Concilii decreto, mortuo Benedicto 13. factione Alphonsi Regis Aragonum, alius Clemens, octavus dictus, in locum ejus creatus à quibusdam anticardinalibus & sedit annos quinque, antequam se abdicaret potestate. Verum tandem id facere coactus, remansit Martinus quintus solus, & schisma cessavit, sicque restantur Platina, & Onuphrius in vitis prædictorum Pontificum.

Ex constitutis circa schisma stabilienda est obedientia summo Pontifici, tanquam Christi Vicario præstanda, & quidem ex necessitate, ut ex multis juribus late confirmat Radulphus Tungrensis *lib. de Canonum observant. propos. 3. & 22.* fufceque contra Vuiclefi hac in parte furorem Valdensis *lib. 2. doctrin. cap. 44. & seq.* Et esse debere hanc obedientiam non disceptatricem, sed cœcam, autor Micrologi *cap. 25.* his verbis docet: *Sedi Apostolicæ omnes per omnia absque omni hesitatione debemus obedire, cui nunquam debitam exhibemus obedientiam, si ejus statuta potius judicare, quam implere curamus. Hoc est enim privilegium obedientie, de sententia sui præceptoris non judicare, in iis dumtaxat rebus, quas Canonicis Scripturis contraire, non videmus, immo statim exequi quod jubetur. Nam quicumque facere noluerit, nisi quod prius sua ratione probaverit esse faciendum, non tam præceptoris suo, quam propriæ voluntatis arbitrio, satisfecisse judicabitur. Hanc ergo puram obedientiam cum omnibus spiritualibus nostris præceptoribus certissime debeamus, maxime tamen Apostolica Sedi ex intimo corde debemus, quæ totius christiana religionis caput est, & origo.*

Haud aliter Hugo Echerianus *lib. 3. contra Græcos cap. 17.* cuius testimonium est eo acceptius, quod & Græcus fuit, & Sanctissimi Martyris Stephani Junioris, qui sub Constantino Copronymo claruit, suffragatione com-



communit sensum suum. Recitat deinde visionem Lintei S. Petro obiectam in signum demandatæ illi à Deo operæ ad gentium conversionem, & paulò post ita concludit: *Quicumque ergo naviculam Petri spernit, incantè navigat, & nisi plumbeas moles pervicacitatis reiciat, influent maria. Indecens quippe ac inconsentaneum est legem matris dissolvere. Audi, inquit Salomon fili sermones patris tui, & ne abicias legem matris tuæ. Hæc est illa pia & sancta mater, quæ non quomodolibet, sed Christo providente, instruit Paracletò, atque dictante Petro, Spiritum ex Filio procedere asseverat.*

Concinic Cyrillius Alexandrinus in thesauro, cuius verba latine jam versâ produciunt Hieronymus Donatus in Apologet. de Romana sedis principatu, & Turrianus lib. 2. de Pontificis auctoritate supra Concilia, & ex eo Lindanus lib. 4. panopl. cap. 87. quæ sunt huiusmodi. *Debemus nos, ut qui membra sumus, capiti nostro Pontifici Romano, & Apostolica sedi adharere. Ad nos pertinet, ab eo quid credendum, quid opinandum, quid tenendum sit, querere. Quoniam solum Pontificis sit, arguere, corrigere, increpare, ratum facere, disponere, solvere, & ligare. Paulò plenius hunc ipsum Cyrilli locum refert D. Thomas opusc. 1. cap. 68. & opusc. 19. cap. 3.*

In Capitulari Gregorii secundi ad Marinianum, ac Georgium, suos in Baioriam legatos cap. 5. præscribitur, ut moneant eos, quibus baptismus collatus fuerit, deinceps necessarium illis fore, obedire corde promptissimo Præsuli Sedis Apostolicæ, cui cuncta subiacet religio, & universa generalitas populorum, Christiani nominis renata signaculo, ut irreprehensibile, placitumque fiat corpus Ecclesiæ per Christum Dominum nostrum. Eique obedientia neglecta, nec fidem, nec quancumque pietatem, aut bona opera prodesse ad salutem posse, graviter contestati sunt Patres Concilii Turonensis adversus Nomenojum Britonum Ducem congregati, ut videre est apud Lupum Ferrar. epist. 84.

Huiusmodi obedientiam erga Romanæ Ecclesiæ Pontificem non ab infima duntaxat plebe, sed ab omnibus fidelibus, etiam Imperatoribus, pendi debere, gravissime contestatur S. Gelasius primus ep. 8. Nec tantum neminem esse ab hac obedientia exemptum, sed ne eximi quidem posse, affirmat Panormit. ad cap. cum instantia de censib. de censib. & Conrad. Brunus lib. 1. de seditionibus. cap. 5. nu. 2. Additque Gelasius, posse aliquos adversus stimulum recalcitrare, ac debitam Christi Vicario obedientiam excutere per contumaciam, sed divinam constitutionem, firmam nihilominus perstituram, & inviolatam, exitium verò post cassos renisus iis certum esse, qui iusta, & à Deo imposita Imperia detrectaverint. Idipsum Gregorius secundus ep. 2. ad Leonem Isaurum, & S. Gregorius septimus lib. 7. regist. ep. 24. contestantur. Sanctusque Cyprianus in hac denunciatione detrectantibus parere Capiti Ecclesiæ, Christo Domini, frequens est, sed luculenter ep. 55. nu. 22.

Et sapientissime id docuit verbis & factis Osvvius in Anglia Rex. Nam, mora lite, an usus Romanæ Ecclesiæ circa diei Paschatis celebrationem, tenendus esset, an retinendus usus Judaicus celebrandi Pascha decimaquarta luna, cum Vuilfridus Catholicus Colmanum ea in parte schismaticum, urgeret exemplo S. Petri, & Successorum ejus, quibus in Petro Christus dedit claves Regni cælorum; ait Rex; Verene Colmane, hæc B. Petro dicta sunt à Domino? Qui ait: Vere Rex. Rursumque sciscitatus, an caput adversæ factionis tale aliquid à Christo audivisset, utrisque negantibus audivisse, sed consentientibus unanimiter, id soli S. Petro dictum esse, subintulit Rex: Et ego vobis dico, quia hic est hostiarius ille, cui ego contradicere nolo, sed in quantum novi, vel valeo, huius cupio in omnibus obedire statutis, ne forte me adveniente ad fores Regni

Cælorum, non sit, qui referet, averso illo, qui claves tenere probatur. Hæc sunt verba Bedæ lib. 3. hist. Eccles. Anglor. cap. 26.

Multa in hanc sententiam legere licet apud Agobardum initio operis de comparatione utriusque Imperii ad Ludovicum Imperatorem, ubi admonet eum quanta reverentia agendum sit cum Romano Pontifice, quanta eidem humilitate obediendum. Ex usu antiquo Latinos Principes non aulos connubia cum Græcis inire, nisi de assensu Romani Pontificis, prodit Nic. Gregor. lib. 6. hist. nu. 4. Quod monstrat quanto studio ei obedirent in necessariis, qui tantum ei deferebant in rebus alioqui liberis.

### CONSULTATIO XLIII.

*An, & quibus remediis ac mediis Schismatici salvari possint, cum ea, quæ ad fidem pertinent, omnia ferè credant?*

Cum qui in uno peccat, ut habet Evangelium, factus sit omnium reus, proculdubio, si quis quæ docet Ecclesiæ, dicat se credere, non autem illi obediat, vel non obediendum esse illi doceat, reicitur in æternum à Deo, cui obedientia plus placet, quam victima. Itaque rectissime ait Augustinus, neque schismatici aliquid sibi ex ista mercede promittant, quia similiter ubi charitas non est, non potest esse iustitia. Dilectio enim proximi malum non operatur, quam si haberent, non dilaniarent corpus Christi, quod est Ecclesiæ tom. 3. lib. de serm. Dom. in mon. cap. 9. & tom. 4. quest. ex Matth. 9. 11. Avelle, inquit sanctus Cyprianus de simplic. Præd. sive de unit. Eccles. radicem Solis à corpore, divisionem lucis, unitas non capit, frange ramum ab arbore, fructus germinare non potest, à fonte præcide rivum, præcisus arefcit.

Salutem autem, inquit B. Augustinus tom. 7. ser. super gest. cum Emerito, ultra medium, non potest habere, nisi in Ecclesiæ Catholica, extra Ecclesiam totum potest, præter salutem. Potest habere honorem, potest habere sacramentum, potest cantare Halleluya, potest respondere, Amen, potest Evangelium tenere, potest in nomine Patris, & Filii, & Spiritus Sancti fidem & habere, & prædicare, sed nusquam, nisi in Ecclesiæ catholica salutem poterit invenire.

### CONSULTATIO XLIV.

*An, quatenus, & in quibus liceat Catholicis cum hæreticis communicare?*

IN Bulla, quæ in cæna Domini quotannis publicatur (sub verbis illis generalibus, in can. 1. appositis: omnes quoscunque, aut similibus, quibus utitur in singulis fere Canonibus, sine ulla controversia comprehenduntur omnes Christiani, secluso nomine, arg. 1. Julianus ff. de leg. 3. & can. si Romanorum §. dicendo d. 19. tam mates, quam fœminæ, tam laici, quam clerici, tam privatæ personæ, quam in dignitate quavis seculari, vel Ecclesiastica constitutæ, ex quibus etiam, quæ privilegio gaudent, excommunicari possint. Habetur siquidem in eis litteris, non obstantibus, tale privilegium non prodesse, ibi: etiam continentibus, quod excommunicari, anathematizari, vel interdicti non possint.

Et quamvis hæc verba ad solos, qui nunc sunt, sectarios, videantur referenda, non est tamen excusandus, qui hæresim novam, etiam sine novæ sectæ institutione, invehret. Si enim talem sub verbis illis cuiuscunque sectæ non velis comprehensum, certe erit sub illis. Omnes & singulos hæreticos, quocunque nomine censeantur.

Summus Pontifex unice excipiendus est, ut potest quod excommunicatio omnis, ut alibi diximus, sit de jure pon-



Pontificio, sub quo ipse non est, sed supra Nec ei se intendit obstringere, arg. cap. proposuit de concess. præb. & cap. innotuit de elect. & expresse habetur in can. ideo permittentes §. his ita 25. q. 1. his verbis: *Summa Sedis Pontifices aliter nonnunquam agendo se decretorum dominos, ac conditores esse ostendunt.* Facitque l. Princeps ff. de legib. l. omnium l. de testam. & tradunt Glos. in can. si inimicus v. expectare d. 93. 70. Andr. in cap. nulli nu. 2. de sent. ex rem. ibique Anchar. num. 3. & Felin. num. 5. Lignan. in Clem. si Summus de sent. excom. Gemin. in cap. statutus num. 11. eod. tit. ubi etiam Franch. num. 5. ac Ricciul. lib. 4. de jur. person. cap. 42. num. 14. Ex quibus id colligitur à simili, & in terminis Ugolin. de censur. Pontif. refer. p. 3. v. non obstantibus, & alii.

Et quanquam contrarium suaderi videatur ex eo, quod Principes ex ratione quadam naturali, ac directiva suis debeat teneri legibus, cap. cum omnes de constit. ibi: *Quod quisque juris in alterum statuit, ipse debet uti eo, can. iustum d. g. can. nos si 2. qu. 7. l. 1. ff. quod quisque curis.* Id tamen non convincit, quod de facto legibus se Princeps submittat præsertim pœnalibus, & quoad vim coactivam, nullo autem modo Pontifex, quem Ecclesiæ caput esse ob censuram extra corpus indecorum esset, & monstruosum. Decet igitur primam Sedem observare ea, quæ decernendo mandavit, non necessitate obsequendi, sed autoritate impertiendi. Licet itaque sibi contra generalia decreta specialia privilegia indulgere, & speciali beneficio concedere, quod generali prohibetur decreto, ut in eodem can. Ideo, d. §. His ita decernit Leo quartus apud Gratianum.

Exprimuntur autem in d. can. 1. sectatorum nomina, de quorum significatione, ac origine consulendus, filibet, Ugolinus loc. cit. p. 2. cap. 1. initio, & Sousa relect. ad Bull. Cœna cap. 2. in annot. ad textum n. 10. Immo & aliquo modo hæretici in particulari per ea verba, omnes ac singulos. Tamen indulto Concilii Constantiensis constitutione, ad evitanda, quæ antiquo juri, quo omnes excommunicatos vitare prohibeamur, derogavit, vitandi non sunt, donec nominatim denunciati publicè, & in singulari non fuerint, ut sæpe diximus. Hæc enim Bullæ Cœnæ sententia non est per verba individua, & singularia, siquidem nominatim denunciare est expresso nomine proprio, vel aliis indubitatis signis, ac circumstantiis appositis, quæ certo, & absque alio dubio personam demonstrent, manifestare; ut ait Glossa in cap. Et plantare §. excommunicatos v. nominatim de privil. & in cap. constitutionem de sent. excom. in 6. & it Clem. 1. de vit. & honest. Cler. ubi Panorm. in cap. in Lateranensi nu. 7. de præb. & alii, quos sequitur Sayr. de cens. lib. 2. cap. 12. num. 17. contra Bernardum in cap. à nobis de sent. excom. allèrentem eum excommunicatum nominatim, qui offendit ad Canonem sic sententiam ferentem: *Quisquis hoc fecerit, excommunicatus sit.*

Quod etiam dicimus contra Sotum in 4. d. 2. q. 1. ar. 1. concl. 3. arbitrantem, hoc esse speciale in hæreticis propter enormitatem criminis, & infectionis periculum, ut quocumque modo detecti, evitandi sint ad mentem Pauli, & Joannis Apostolorum. Et quidem antiquo jure specialiter id erat cautum can. siquem forte 24. qu. 1. cap. 1. de hæret. At indultum præfati Concilii generale est, ut non sit dicendum, præteruisse hæreticos, ut per Suarez tom. 3. in 3. p. 18. sect. 1. vers. tertio observandum, his præsertim temporibus, quibus hæretici in aliquibus Provinciis sunt innumeri, ut impossibile fere sit cum ipsis non congregari. Quamobrem cum de his vigeat maxime Constitutionis ratio, quæ est ad evitandum scandalum, & alia pericula, quæ conscientis timoratis contingere possunt, utique & dispositio vigere debet arg. l. illud, ff. ad leg. Aquil. Et ita ratione hæreticis, aut promulgationis Bullæ Cœnæ, hæreticos not. adhuc esse vitandos, præter Suarez, asserunt Ugolin. ibid. Sayr. loc. cit. lib. 3. cap. 4. nu. 32. Tolet. lib. 1. cap. 20. Sanch. in decal. lib. 2. cap. 9. num. 3. Filiuc. tract. 16. Tom. I.

cap. 2. nu. 30. & Duard. lib. 2. in d. But. cœn. can. 1. qu. 7. cujus rei optimam est indicium Pontificem adhuc nominatim denunciassè eos, quos vitandos voluere, ut B. Pius V. anno 1569. Elisabetham Angliæ Reginam.

Idemque dicimus contra Ugolinum loc. cit. qu. 15. asserentem, non modò singulariter denunciatos, sed etiam ita notorie hæreticos, ut hanc excommunicationem se contraxisse, nulla tergiversatione, inficiari possint, esse vitandos. Nititur in extravagante, ad evitanda, lata in Concilio Basiliensi sess. 20. aut 21. secundum alios, in qua non solum denunciatos, sed etiam notorios evitate præcipimur.

Et quidem grave est dubium, cui standum sit Concilio, Constantiensis, quod de solum denunciatis, ac de notoriis Clericorum perculsoribus, an Basiliensi, quod generaliter de omnibus notoriis ita, ut excommunicationem incurrisse nulla via possint inficiari præcaver.

Pro Basiliensi pugnant Panorm. in Clem. 2. de sent. excom. Covar. in cap. alma mater eod. tit. in 6. Felin. in cap. Rodolphus nu. 73. de rescript. licet aliquantulum hæsitet, Ugolin. de censur. in gener. tab. 1. cap. 13. §. 7. Navar. in can. 1. n. 10. §. Labores. de pœn. d. 1. & in man. cap. 27. nu. 35. in antiq. Sylvest. in sum. v. excommunicatio §. q. 7. Ea ratione, quia fuit posterius Constantiensis. Ultima autem lex est attendenda. Et quamvis non fuerit ex integro legitimum, prædicta tamen sessio dicitur approbata ab Eugenio IV. qui aliquam dicti Concilii decreta confirmavit, teste Vivaldo. Et hujus est manifestum signum, quod idem Pontifex post præfatum Concilium privilegia Monachis S. Benedicti elargiens, concessit, posse cum excommunicatis participare, dummodo non essent specialiter denunciati. Quod si id per Constitutionem Constantiensis lieuisset, privilegio quid opus?

Ex Ugolino habemus Constitutionem Basileensem confirmatam à Nicolao V. ex Covarruvia à Martino V. & à Concilio Lateranensi sub Leone X. sess. 2. ex Vivaldo p. 2. candelabr. tit. de sent. excom. num. 73. & ex Gambarupt. de casib. refer. ad can. 1. Bul. Cœn. sub n. 24. Quam etiam confirmaverat idem Leo in Concordatis inter ipsum, & Franciscum primum Galliarum Regem tit. de excommunicatis non vitandis, ut refert Alterius tom. 1. de censur. lib. 1. disp. 6. c. 1. col. 2. Constitutio verò Constantiensis non reperitur, sed solius D. Antonini auctoritate de ea constat, pluresque eam admittentes inquirunt, non fuisse perpetuam, sed ad quinquennium duntaxat editam. Immo etiam aliqui arbitrantur, non fuisse universaliter approbatam, præsertim ab Italis ex D. Antonino 3. p. tit. 25. cap. 3.

Pro Constantiensis tamen militat D. Antoninus loc. cit. Caietanus in sum. v. excommunicatio minor ad fin. Sorus in 4. d. 22. q. 1. ar. 4. ubi ait, sine metu huic adhærendum, Victoria de excom. n. 10. Major in 4. d. 18. qu. 3. Adrian. in 4. tit. de confess. dub. 9. & de clavib. qu. 3. & de Euch. qu. penult. Turrecrem. in sum. de Eccles. lib. 2. cap. 100. Dried. de libert. Christ. pag. 88. Sylvester se retractans in fine Constatorii, Ledelma p. 2. q. 25. art. 1. Navarrus, mutata sententia, in man. recent. d. cap. 27. n. 36. in fine Vivald. loc. cit. n. 74. Suarez ubi supra, & de censur. disp. 11. q. 5. Avila eod. tit. p. 2. cap. 6. disp. 2. dub. 1. Alter. ibid. Azor. instit. mor. 10. 1. lib. 8. cap. 13. qu. 7. Conink de censur. disp. 14. dub. 2. nu. 9. Sayr. tom. 1. thesaur. lib. 2. cap. 13. nu. 8. Sanchez d. cap. 9. num. 5. Duard. qu. 8. num. 2. & Gambarupta loco superius allegato. Horum commune fundamentum est, quod hæc constitutio usque nunquam improbatam jam sit recepta. Id, quod locum habet, si extragens Basileensis confirmata fuerit, nec ne: Consuetudine enim, quæ est optima legum interpret. cap. cum delectus de consuet. ac l. minime ff. de legib. Basileensis verò non nisi cum limitatione Constantiensis recepta est.

Attamen sessionem Concilii Basileensis, in qua extravagans edita est, fuisse illegitimam postquam nimirum



mirum à Pontifice Concilium desciverat, testatur Turcrem. *loc. cit.* qui eidem Concilio interfuit. Subditque, quod etiam si ante schisma fuisset edita, non fuerit per Pontificem confirmata, ut etiam ostendit Alterius *ibidem*. Unde in Concilio Lateranensi *sess. 2.* Basileense appellatur Conciliabulum. Et quanquam ibi ea constitutio habeatur rata, liquet inde tamen, pro sola Gallia haberi conformiter ad concordata. Neque talis confirmatio recepta est, sicuti nec multa alia huius Concilii decreta, teste Soto *d. ar. 4.* Navarro *de orat. ac hor. can. cap. 22. n. 5.* & Vivaldo, citante ad id Caietanum, & Mirandam, Archiepiscopum Toletanum.

De confirmatione autem prædicti Concilii Basileensis per Eugenium, aliosque Pontifices constat quidem, sed in aliquibus duntaxat, inter quæ prædicta Constitutio non reperitur, ut per Sayrum, & Suarez locis allegatis. Privilegium verò erogavit Eugenius vel ad instantiam illud efflagitantium, vel ad scrupulos eliminandum, cum neutra Constitutio præ temporis brevitate potuerit longo usu confirmari. Unde & dubium ingruerat, utri esset standum. Constantiensem denique, tum ad perpetua tempora, tum ad communem omnium favorem, editam fuisse, ac receptam, asserit D. Antoninus, referens, id audivisse à Legato Concilii, & ab Episcopo Bufoniensi, qui de duratione ambigens, Pontificem consulerat.

Secundo igitur posteriorem sententiam, quam alibi etiam sequuti sumus, firmum, ratumque erit, Catholicos hodie in Anglia, Germania, Belgio, cæterisque regionibus cum hæreticis participantes, non solum minorem excommunicationem effugere, sed ne quidem peccare, quia simul præceptum vitandi ablatum est, Navar. *de hæret. conf. 15.* Azor. *ibid. cap. 11.* & Sanchez *cap. 9. n. 5.*

Quapropter & subditi, qui Principi excommunicato ex antiquo jure *can. nos Sancti primum 5. qu. 6.* absoluebantur à debito fidelitatis, & obedientiæ præstandæ, quam pœnam ait D. Thomas 2. 2. *quest. 12. ar. 2.* specialius mereri hæresim, quia hæreticum esse Principem in magnam vergere potest fidei corruptionem, non sunt hodie à juramento soluti, donec eorum Principes tolerantur *arg. can. Julianus 11. qu. 4.* ubi Glossa, & donec non sint nominatim denunciati, ut loquitur idem D. Thomas, qui subdit, præter promulgationem excommunicationis, non esse necessariam alteram denuntiationem, qua subditorum dominio Princeps hæreticus pronuntietur exutus. Ipso enim facto sequitur ad excommunicationem. Quod habetur expressum in *cap. fin. de hæret.* Confirmatque Caietanus *eo loco*. Quia in tuo principali intelligitur declaratum accessorium, cuiusmodi arbitratur esse excommunicationi alius hæreticorum pœnas.

At quicquid sit de hac sententia, in praxi consuevere Pontifices specialem de hac absolutione mentionem facere. Sic B. Pius V. in sententia contra Elisabetham, Angliæ Reginam. Sic Innocentius IV. in Concilio Lugdunensi Fridericum Secundum ab Imperio Romano dejecit per hanc subditorum absolutionem, inhibitionemque, ne quisquam de cætero ei tanquam Imperatori pateret. Hic tamen distincte à Gregorio nono excommunicatus fuerat. Sic Clemens quartus Ludovicum Bavarum, jam antea à præcessoribus suis excommunicatum Imperii privatione mulctavit, de quibus Suarez *contra Reg. Angl. lib. 3. cap. 23. num. 14.* Ususque iste probatur in simili à Concilio Lateranensi sub Innocentio tertio *cap. 3. relato in cap. excommunicamus 1. de hæret. §. moneantur*, his verbis: *Si Dominus temporalis monitus ab Ecclesia terram suam purgare neglexerit ab hæreticorum fœditate, per Metropolitanum excommunicetur, & si satisfacere neglexerit intra annum, significetur hoc summo Pontifici, ut ex tunc ipse vassallos ab ejus fidelitate denuntiet absolutos*, faverque D. Thomas *lib. 3. de regim. Princip. cap. 10.* qua de re nos alibi fuisse.

Dicitur autem in citata Constitutione Constantiensi per hoc tamen hujusmodi excommunicatos non intendimus in aliquo relevare. nec quomodolibet suffragari, ut sit perspicuum, non fuisse Concilii mentem, indultum in excommunicatorum cedere commodum. Qua ex clausula D. Antoninus, & Caietanus, stante præcepto, quo etiam ipsi excommunicati tenentur aliis non communicare *ex cap. fin. de excess. Prælat. & cap. illud de Cler. excom. ministr.* opinantur, eos adhuc peccare, ut antea, si participationi se immisceant.

Aptius tamen distinguunt Sotus, Ledesma, Vivaldo locis supra citatis, & Coninck *dub. 3.* quod si fidelis est prior excommunicatione, hæreticus sine culpa potest respondere. Nam alioquin favor Catholicorum nullus esset, & Catholicus se ingerens, ut hæreticus, mutuo sibi communicet, cooperaretur peccato, quod esset augere scrupulos potius, quam auferre. Communicatio siquidem de sua natura est reciproca. Si verò hæreticus est prior, culpæ, pœnæque fit obnoxius.

Huic distinctioni ego modum insuper adhibeo, scilicet, si hæreticus, qui est prior, communicat ad sui utile & commodum. Huic enim adversatur indultum. Secus si in favorem fidelis alloqui, & communicare incipiat. Quia tunc indultum ipsi non suffragatur, sed ei, cum quo congregitur, & aliàs, ut dicebamus, participatio debet esse mutua, ut ea concessa ex parte unius participantis, natura sua in eadem causa sit concessa ex parte alterius. Siquidem, erogato privilegio, censentur ea omnia permilla, sine quibus privilegium integrum non habet effectum, *arg. cap. quia diversitatem de concess. præb. & cap. statutum §. in præferendo de rescript. in 6.* Necessarium autem est in utilitatem Catholici, quod ex humana societate desumitur, hæreticum etiam posse, priorem se se ingerere.

Superest igitur hæretico inhibita participatio, ut olim, sed cum Catholicis in emolumentum sui, cum aliis verò hæreticis omni modo, cum etiam inter se præcipiantur non communicare, ut tenet cum communi Ostiensis, Joannes Andreas, Butrius & Abbas in *cap. illud de Cler. excom. ministr. & in cap. nulli de sent. excom.* traditque Ricciol. *lib. 4. cap. 43. nu. 14.*

Non est autem nominatim excommunicatus denunciatus, nec subinde vitandus, qui per solam sententiam declaratus est hæreticus, sic decernente Concilio Constantiensi, quod, utpote gratiosum è rigore favorabili verborum, non est extrahendum: nisi censura fuerit illata contra personam certam à Judice publicata vel denunciata specialiter, & expresse, Covar. in *d. cap. alma mater*, Vivald. *n. 75.* Navar. in *can. quando de consec. d. 1. Graff. lib. 4. de off. cap. 18. n. 5. in fine*, & Sanchez *cit. cap. 9. n. 4.*

Quod tamen negant Sotus *lib. 9. de just. & jur. g. 1. ar. 8. lib. 1. & in 4. d. 1. q. 5. ar. 6. concl. 8.* Petr. Sot. *de excom. l. 7. 4. §. jam verò*, Medin. *Cod. de confes. q. de confessione scienter facta excommunicato, §. per has patet*, Gutier. *quest. Canon. lib. 1. cap. 1. n. 42.* Henric. *lib. 13. de excom. cap. 5. n. 4.* Rodriq. *to. 1. cap. 82. n. 6. in sum. & ad Bul. Cruciat. §. 6. n. 38.* Quia declarato aliquo nominatim hæretico, eo ipso declaratur excommunicatus. Nam hæresim excommunicatio ipso facto comitatur.

Nobis autem sat erit, revera nondum esse excommunicationem denunciatam specialiter, & expresse, ut præcibit Constitutio Constantiensis, sed tantum virtualiter, & per quandam consequentiam. Qua in re fieri potest, ut hæreticus denunciatus de hæresi, ignorans inculpabiliter censuram, eam non contraxerit, sicut etiam quod plures lateat, consequi ad hæresim excommunicationem, atque adeo illum evitandum nondum cognoscant.

Ampliat Sanchez priorem opinionem, etiam si declaratorie hæresis apponatur, incurrisse omnes hæresis pœnas. Immo et si dicatur: incurrisse omnes censuras. Nam adhuc, inquit, multos excommunicationem in eis comprehendendi, latere potest. Cui non adstipulor silem quoad hoc posterius de censuris. Quia excommunicatio principi



principalior cum sit in ratione censuræ nomine etiam censuræ primario venit, ut ideo ex eo nomine audito, fere nullus possit citra culpam ignorare, quin declaratus censuratus, sit excommunicatus vitandus. Præterquam quod aliquorum ignorantia ad id sufficiens est, ex quo ea etiam attenta, contingit ignorari aliquando, nominatim denuntiatur excommunicatum fore vitandum cum tamen præceptum de vitando vim habeat. Porro nomen *censura* est specificum, quod satis est ad mentem Concilii, ut propterea non sit opus vocabulo *excommunicationis*, quod est individuum. Rectè quoad nomen penarum quod est genericum, procedet sententia Sanchez.

Neque tamen vitandus est hæreticus, nominatim declaratus excommunicatus, nisi insuper sequuta publicatione, seu denuntiatione, cum dicatur: *nisi a iudice publicata, vel denunciata*, Covar. & Vivald. loc. alleg. Conink. eo dub. 2. n. 10. Suarez disp. 9. sect. 2. n. 7. de cens. Navar. in man. d. cap. 27. n. 35. Duard. qu. 8. num. 17. cum multis aliis, Avila de censur. p. 2. cap. 6. dub. 3. favetque Glossa in clem. 1. v. publice de sepultura.

Unde interunt aliqui, ipsum Iudicem, audientesque sententiam, non ad effectum publicationis adhuc prolatam, & eum, qui defert publicationis cedula, non teneri vitare, donec publicatio re ipsa sequuta fuerit. Quod quidem non rejicio, licet admoneo, non censi sententiam, tunc demum esse publicam, quando ad multorum cognitionem devenit, ut jam sit notoria, sed per solam publicationem, aut promulgationem, affixionemve, authoritative factas, fieri talem, ut exinde, licet unicus sit, qui audierit, teneatur ille idem vitare, quamvis non alii, qui nondum norunt, sed successive juxta notitiam publicationis diffusam.

Nec tandem ex eodem indulto vitandi essent ipsi hæresiarchæ, vel publica Ecclesiæ fama notissimi infestatione hæretici, ut Beza, Erasmus, Vorstius, aliive juxta Sanchez num. 6. & Duardum num. 18. Siquidem non sunt specialiter denunciati. Secus arbitratus est Henricus lib. 9. de missa cap. 15. num. 4. Quia diffamatio hæc æquivaleret denunciationi, & quia adest ratio gravissimi scandali.

At primum constituit notorium tantum, quod ad mentem indulti non sufficit. Secundum verò aliunde peccatum duntaxat infert, nimirum ex scandalo. Sed hoc non reperitur in solo hæresiarcha, aut hæretico celebri, verum & in omni alio, licet forte minus. Quare communicatio tunc est vitanda ob peccatum scandali, non quia excommunicatio contrahatur.

Eadem est ratio de participantibus in rebus sacris, ut scilicet sine periculo excommunicationis possint orare cum illis, audire Sacrum, & concionem, quinimmo ab eis Sacramenta petere, ac recipere. Nam favor dicti Concilii est generalis, ut communiter firmant Doctores relati.

Quamobrem nec profanatur Ecclesia, in qua hæreticus nondum denunciatus, tumultus sit. Quia textus in can. Ecclesiam 1. & 2. de consecr. d. 1. cap. sacris de sepult. cap. consulisti de consecrat. Eccles. cap. ad hac de privil. Clem. 1. de sepult. intelligendi sunt de excommunicatis vitandis, ut scilicet nec in morte communicemus iis, quibus dum vixerant, communicare nequivimus, ut dicitur in d. cap. sacris, & tradit Navar. conf. 15. de hæret. n. 4. Azor. lib. 8. cap. 11. q. 3.

In quibus autem, & quando licitum sit communicare ita, ut nec peccatum aliquod committatur, petendum est ex doctrina de excommunicatis in genere, speciatim autem circa hæreticos hæc concurrere debent.

Primum, ut non communicetur iis gratia favendi ipsis in hæresi modis infra explicandis, dum de retractoribus, & fautoribus agemus. Tunc namque ultra crimen, contrahitur major excommunicatio Can. 1. Bulla Cane, §. Ac eis credentes &c.

Deinde, ut participatio fiat in re licita. Hinc inferunt

Tom. I.

Sanchez loc. cit. n. 7. Navar. conf. 16. nu. 8. de hæret. nu. 8. Azor ibid. q. 4. & Ricciul. de jur. person. lib. 1. cap. 9. non licere comitari funus hæretici, si in locum sacrum sepeliendus feratur, quod tamen liceat, si in profanum. Illa etenim sepultura inhibita est cap. 1. de hæret. in 6. Similiter licere de fonte baptismatis hæreticum suscipere, si tamen ritu Catholico baptizaretur, secus si hæretico, non tamen è contra licere Catholico hæreticum filio suo adhibere patrinum, cum hujus sit munus in fide instruere quem iussit è lavacro.

Ad hæc, ut sit sine Catholicorum scandalo, & sine suspitione hæresis, Becanus in compend. controvers. fidei. lib. 5. cap. 6. inferens, seclusa hac aliorum offensione, suspitioneque licere cum hæreticis publice orare.

Denique, ut sit sine periculo subversionis, Azor ubi supra. Unde, quamvis sit licitum præceptori Catholico suscipere filios hæreticorum litteris erudiendos, quod intelligendum puto nisi aut ex nimia malitia, aut ex multitudine timeri possit condiscipulorum infectio, non tamen è contra licet Catholicorum filiis hæretici præceptoris adire gymnasia, Navar. lib. 1. constit. tit. de constit. conf. 1. Ledesma to. 2. sum. tr. 3. c. 12. diff. 3. post 11. conclus. Sanch. loco sæpius adducto n. 11. Ricciul. d. lib. 1. c. 8. n. 2. Becian. ibid. cap. 7. inferens ulterius, licere sine hoc periculo hæreticorum conciones audire. Qua tamen in re simplicem curiositatem crediderim, non excusare in viro præsertim non docto, aut non optime in fide confirmato. Quia periculum in disputatione, ac concione est prævalidum. Secus est, si ex aliquo probò sine audiantur, puta ad refellendum eorum errores, vel ad sumendam in fide roborationem, cognitis eorum nutantibus fundamentis.

Specialiter tamen sunt his de rebus Pauli V. ad Catholicos Angliæ litteræ datæ Kal. Octobris 1606. quarum initium, *Magno animi dolore*. Eas referunt Suarez contra Regem Angliæ lib. 6. in præmio, & Ricciullus loc. cit. n. 3. ut præcipientibus, etiam sub mortis metu Principibus hæreticorum adire templa, eorumque cœtus frequentare, ac conciones audire, obtemperare penitus sit illicitum. Hæc quidem tantum ob subversionis periculum, sed eo etiam cessante, particularibus ex causis, quatenus scilicet imminente præcepto hæretici Principis, ij, qui frequentant, videntur hæresi, ac impiæ consuetudini assentiri. Ex quo sequitur in externam fidei professionem, ad quam tunc tenemur, graviter delinqui. Hæc igitur in litteris habentur: *Credimus proculdubio eos, qui tanta constantia &c. nunquam commissuros esse, ut coinquantur communionem desertorum divina legis, nihilominus zelo pastoralis officii nostri impulsu cogimur monere vos, atque obtestari, ut nullo pacto ad hæreticorum templa accedatis, aut eorum conciones audiat, vel cum ipsis in ritibus communicetis, ne Dei iram incurrat. Non enim licet vobis hæc facere sine detrimento divini cultus, ac vestra salutis.*

Cumque sub die 9. Julii, 1620. quaereretur, an carceratis propter inobstantiam Legis Regiæ de accedendo ad templa hæreticorum diebus festis, ubi administrantur Sacramenta juxta commissionem Regis, liceat confiteri, se agnoscere, offendisse in legem regiam?

Et an liceat pro liberatione à carceribus exhibere libellum supplicem, & in eo instare pro submissione, quam facientes debent postea quandam professionem facere, in qua hæreses continentur.

Ad utrumque fuit responsum negativè.

An autem sit licitum cum hæreticis matrimonium contrahere? Et quidem expresse id in jure inhibetur can. cave, & can. non oportet 18. qu. 1. ex Ambrosio his verbis *Cave, christiane, omnem hæreticam, & alienam à fide tua accipere tibi uxorem*. Et, *non oportet cum hominibus hæreticis miscere connubia*. Verum hodie necessitate efflagitante, iis in locis, quibus ob multitudinem ac potentiam hæretici tolerantur, mixtisque cum Catholicis vi-

L 2 vunt,



vunt contraria consuetudo, juris derogans, recepta est, ac per summos Pontifices permilla, ut tuta jam contrahantur conscientia, Navar. *d. consil. n. 59. & 60. Becan. loc. cit. n. 2.* Azor *c. 11. q. 5.* Sanchez *d. cap. 9. n. 9.* Quare juris dispositio vigere debet, ubi hæretici non tolerantur, nec usu est mos iste receptus. Tum ex odio hæreticæ pravitatis. Tum quia id de se prorsus est scandalosum. Tum quia periculosum, quod alter ex conjugibus se, liberisq; suscipiendos subversioni exponat. Tum tandem quia profanatur sacramentum, ac sacrilegium paratur, ut late Serarius in *opusc. de Catholicorum cum hæreticis matrimonio* & nos alibi. Sic Canon 10. Synodi Laodicensis decernit, non debere Catholicos suis permittere liberis conubia indiscriminatim cum hæreticis. Huic similem sanxit Canonem 14. Synodus Chalcedonensis. Vox tamen *indiscriminatim* adiaphora, quam habet Canon Laodicensis innuere videtur, posse aliquando nuptias permittere cum hæreticis ubi gravis subest, atque rationabilis causa: eodem pariter collimant, & eandem sanctionem, iterant Canon Laodicensis 31. & Agathensis 67. à Gratiano in decreto insertus *eadem caus. 28. q. 1.*

Tolerato tamen matrimonio, non censentur tolerata pacta, ut ex susceptis liberis aliqui, vel omnes juxta hæreticam impietatem instituuntur. Quod verum arbitror, nisi forte hæc conventio in favorem Catholicæ Religionis redundet. Siquidem evenire potest, ut vir emittens, aliis ex animo veræ fidei valde averso, velit omnes liberos juxta suam sectam institui, quo tamen permittente intuitu conjugii, aliquem ex liberis perpetuò, vel ad tempus sub Catholicorum disciplina educari, magnum Christianæ Reipublicæ emolumentum exoriat. Hoc igitur rejiciendum non est, ut inter magnos Principes de facto sapiu. permillum alibi tradidi.

Nobis tamen Italis, ut residuam tutaretur fidem, speciatim interdixit Clemens VIII. Constitutione, cum sic anno 1596. hæc matrimonia cum hæreticis mulieribus, sicut & præcepit abstinere ab hæreticorum funeribus, nec permittere liberos nostros à sacro fonte ab hæreticis levare, aut vicissim hæreticorum filios sustollere, nisi per Catholicum ministrum ritu catholico baptizentur, sed nec uti opera medici hæretici, præterquam in necessitate, ut dum copia idonei Catholici non suppetat, & tandem non degere ubi non sit templum aliquod, in quo sine periculo palam & publice sacrificium, sacramenta, concio, & alia divina, & sacra juxta Romanæ Ecclesiæ ritum, permittuntur, alioquin in transgressores, tanquam de hæresi suspectos procedi possit. De qua Constitutione Scotia in *Bullas selectas thor. 402.*

At quid de Sacramentis expetendis, suscipiendisque à ministro hæretico? Absolute dicendum est, non licere Catholicis à suis parochis, vel Episcopis hæreticis absq; necessitate expetere. Rationem desumo, non quidem ex parte hæresis, quia scilicet hæretici jurisdictione careant, ac proinde valide conferre non possint, ut arbitrat D. Thomas 2. 2. *q. 39. ar. 3. & p. 3. q. 82. ar. 9.* habeturque in *can. Arrianos 1. q. 1.* ubi tantummodo eorum baptisma ratum esse habendum, statuitur. Nam post Constitutionem Constantiensem locum id non habet, quod bene antea viguit. Quia cum tunc hæretici ob solam excommunicationem vitandi essent, ob evitabilitatem hanc amittebant jurisdictionem, siquidem non erant ab Ecclesia tolerati. At nunc non nisi per denuntiationem amittunt. Eousque enim Ecclesia tolerandi non præsumitur auferre jurisdictionem, Becanus *de fide cap. 15. q. 13.* Quare non desumitur ratio ex parte excommunicationis, ut videtur opinari Azor *cap. 13. q. 7.* sed ex eo (præter communem rationem, quæ militat de omni ministro obnoxio letali crimini, qui induci non debet ad ministrandum in eo statu,) quod urget peculiare periculum, ne debitus ritus servetur, & sic ritui, ac cæremoniæ pravitaris hæreticæ communicetur, nec abest periculum infectionis aut concipiendæ certæ cujusdam animi proclivitatis erga ritum talem, Becan. *d. lib. 5. cap. 8.* Qua de re nos alibi late.

In necessitate autem, qua non possint Sacramenta à Catholico commode recipi, & parochi ac Episcopi aliis teneantur ex officio administrare, cum non inducantur hi ad ministrandum necessario in eo perverso statu, quia conteri possunt, sequitur licitum esse ab iis expetere, Glossa in *cap. non est vobis v. baptismum de sponsal. Palud. in 4. d. 25. q. 1. ar. 3. ad 3.* D. Antonin. *p. 3. tit. 14. cap. 19.* Majorin 4. *d. 19. q. 1.* Angel. *v. Confessio 3. m. 2.* Rosella *eod. v. n. 35.* Tabiena *v. absolutio 1. n. 32.* Armil. *d. v. absolutio n. 12.* Canus *de poenit. p. 5. fol. 83.* Suarez *de censur. disp. 9. sect. 4. n. 15.* Avil. *p. 2. disp. 8. dub. 2. ad 2.* Becan. *loc. cit. & Azor c. 11. q. 12.* ubi adversam sententiam refellit.

Quando verò parochi ipsi, ac Episcopi sponte se offerunt, licite suscipiuntur, cessantibus tamen cæteris, nimirum periculum offensionis Catholicorum, scandali, erroris, ac indebiti ritus, Navar. *lib. 5. consil. 15. de hæret. n. 2.* Sanchez *n. 10.* Vivald. *n. 79.* Suarez *tom. 3. in 3. p. disp. 18. sect. 1. notab. 3.* Nam participatio cum iis non est interdicta, nec in divinis, ut diximus, neque tales à recipiente inducuntur ad peccandum, cum se se sponte ingererint. Insuper autè cum sint tolerati iis irrogaretur injuria, si Sacramenta ab ipsis respuerentur. Hinc seculò scandalo ac periculo, non solum licet sacro proprii pastorii intersumus, sed etiam ab eo Eucharistiam sumimus, si ipse se offerat publice. Nec enim aridet placitum Coninski *disp. 14. dub. 3.* quod se se obiciens ad susceptionem, ei etiam, qui publice ministrat virtualiter petat, ac proinde peccet, quia inducit. Siquidem ille aliàs paratus est ministrare ita, ut non dicatur induci à suscipiente, quod sufficit.

Quod si hæretici ipsi à Catholico Sacramento petant, eodem procedendum est modo ac cum notis peccatoribus, aliisque excommunicatis, etiam si specialiter essent circa fidem eorum Sacramentorum, ut scilicet, si petant publice, & in errore sint occulti, licitum sit ad obviandū scandalo, ac diffamationi eisdem ministrare exemplo Christi, qui facinoroso Judæ Sacramentum sui corporis non negavit. Si verò sint publici, ac noti, cum cesserit hoc casu diffamationis ratio, viget jus naturale ac divinum, quo sancta dare canibus prohibemur, D. Thom. *p. 3. q. 30. ar. 6.* qui idem fert judicium de criminosis, ac de publice graviter in crimine suspectis. Quod si petant Sacramenta occulte, noti tamen sint, deneganda sunt, Vivald. *n. 80.* & alii communiter. Si denique sint soli ministro, noti, distinguendum cum communiore, ac veriori sententia, vel sunt noti ex Sacramentali tantum confessione, & ei Sacramenta denegari non possunt. Quia id esset aperte eis hæresim, confessione detectam, exprobare. Quod omnino est illicitum. Vel aliunde minister novit. Et tunc cum non habeant jus petendi, cessentque diffamationis incommoda, aperte iis deneganda sunt.

#### CONSULTATIO XLV.

*An oporteat, siue liceat cum Infidelibus, ac hæreticis collationibus, ac disputationibus publicis de rebus fidei agere, ut eorum confutentur errores, fideique veritas ostendatur? Quibus id liceat. Quæ in hoc regula observanda sint: Et in quo casu Inquisitores cedere possint contra disputantes de fide, & quinam libri, & quomodo legendi?*

**R**es hæc est maxime anceps, & quæ pro utraque parte non contemnendis nititur fundamentis. In primis rem hanc potius privatis colloquiis, placida institutione, ac præcipue oratione ad Deum cum morum puritate, ac vitæ exemplo conjuncta perficiendam, res ipsæ in Ecclesia gestæ testantur, quibus compertum est, eos, qui ab hæresi ad Catholicam fidem ac religionem aliquando convertuntur, potius ex Spiritus Sancti tacito instinctu, & mansueta Catholicorum institutione, quam argutis disputationibus, excitari, ac moveri.



moveri. Ejus rei manifestum exemplum ostendit Deus in magno Ecclesiæ Doctore Augustino; qui de sua ex hæresi Manichæorum ad fidem conversione, inter alia scripsit matrem suam Monicham nihil non consilii, auxiliique à Deo, & hominibus passim, & assidue multisque cum lacrymis flagitasse, ut ipse filius ejus Manichæorum hæresi adhæreret ad Ecclesiæ Catholicæ fidem, religionemque converteretur. Tandem quoque sollicitè vehementerq; rogasse Episcopum, ut cum ipso filio suo dignaretur colloqui, ejusque errores refellere, ac docere eum meliora. *Noluit autem Episcopus*, verba sunt Augustini, prudenter sane, quantum sensi postea. Respondit enim, nec adhuc esse indocilem eo, quod inflatus essem novitate hæresis illius, & nonnullis quasiunculis jam multos peritos agitassem, sicut illa (mater) indicaverat illi. Sed sine illum ibi, addebat Episcopus, & tantum roga pro eo Dominum. Ipse legendo reperiet, quis ille sit error, & quanta impietas. Simul etiam narravit, se quoque parvulum à matre sua seductum datum fuisse Manichæis, & omnes pene non legisse tantum, verum etiam scriptitasse libros eorum, sibiq; apparuisse, nulli contra disputante, & convincente, quam esset illa secta fugienda, itaque fugisse. Quod cum ille dixisset, atque illa (mater) nollet acquiescere, sed instaret magis deprecando, & ubertim flendo, ut me videret, & mecum differeret, ille jam stomachans iadidit: Vade, inquit, à me. Ita vivas. Fieri enim non potest, ut filius istarum lacrymarum pereat. Hæc ille.

Nec minus in hæc rem facit conversio ejusdem gentilis Philosophi, qui una cum aliis ad Nicenum Concilium accesserat, ut Christianorum religioni illuderet. Nam cum is dicendi arrogantia, se inaniter jactitaret, & Sacerdotes petulanter irrideret, senex quidam simplex, Spiridion nuncupatus ex illustrium Confessorum numero, superbiam ejus non tulit. Qui, tametsi ineptæ subtilitatis, ac præstigiæ penitus expertus erat, cum eo tamen disputare cœpit. At cum hæc res petulantibus, qui confesorem hominem simplicem esse cognoscebant, risum moveret quidem, & modestis injiceret timorem, qui verebatur, ne cum viro dicendi perito congressus haberetur pro ludibrio, cum tamen facultas, cui cum talis, & tam provectæ ætatis esset, pudor erat resistere, data esset libere quæ vellent, loquendi: In nomine Jesu Christi, inquit, Philoſophe, audito: Unus est Deus cœli ac terræ, eorumque omnium, tam oculis subjectarum, quam eorum aciem fugientium opifex, qui hæc omnia & virtute verbi fabricatus est, & sacramento Spiritus Sancti afflatu stabilivit. Quare hoc Verbum, quod nos Filium Dei nuncupamus, misertum humani erroris, ac belluinæ vivendi rationis, ex Virgine nasci, cum hominibus una versari, proque iisdem mortem oppetere voluit, estque iterum venturus de eis rebus, quas quisque gesserit in vita, dicturus sententiam. Ista ita se habere sine ulla alia curiosa indagatione pro certo credimus. Noli ergo in his quæ fide duntaxat recte intelliguntur, curiose refutandis, laborem frustra consumere quærereque quæ ista fieri, vel non fieri possint. Quod si credis, mihi quidem sciscitanti responde.

Quibus obstupefactus Philosophus: Credo, inquit, & gratias illi actis, quod ipsum devicisset, non solum eadem cum sene ipso sentire, verum etiam consilium dare cœpit illis, qui perinde erga fidem Christianam atque ipse antea, affecti erant, ut jam doctrinæ Christianæ assentiretur, atque jusjurandum adjecit, se non modo non sine numine divino mutatum esse, sed etiam vi, ac virtute quadam inexplicabili ad Christianam religionem conversum, moxque sermones convertens ad discipulos suos, vel ad eos, qui audiendi gratia adveniant: Audite, inquit, o eruditi viri, donec verbis mecum gesta res est, verba verbis opposui, & quæ dicebantur, dicendi arte subverti. Ubi verò pro verbis virtus processit ex ore dicentis, non potuerunt resistere verba virtuti, nec homo adversari potuit Deo. Et ideo si quis vestrum potuit in his, quæ dicta sunt, sentire, quæ sensi, credat Christo, & sequatur hunc senem, in quo loquutus est Deus.

Hæc simile est, quod Alexander Episcopus Constantinopolitani.

tinopolitanus, vir spectatæ virtutis ac dignitatis, à Philosophis provocatus, uni eorum, cum quo se disputaturum acceperat, dixit: In nomine Jesu Christi præcipio ne loquaris. Quod, ut primum dixerat, homo è vestigio tibi, obstructo ore conticuit. Plura alia leguntur exempla apud Athanasium, & Hieronymum in vita Antonii, apud Rufinum lib. 1. cap. 3. Socratem lib. 1. cap. 5. Sozomenum lib. 1. cap. 17. & Nicephorum lib. 8. cap. 15.

Hæc & alia olim sic gesta sunt. Nec mirum. Nam cum fides in Deum & Christum Dominum nostrum sit domum Dei, oportet primum Deum in homine infideli, aut hæretico operari displicentiam erroris, & desiderium cognoscendæ veritatis priusquam humana industria erudiendo, suadendoque aliquid efficiat. Unde Apostolus Paulus Titum suum de hæreticorum conversione docens, non meminit contentiosarum disputationum, sed ait, *hæreticum hominem post unam & secundam correctionem devota, sciens, quia subversus est qui ejusmodi est, cum sit proprio judicio condemnatus.*

Præterea non opus est ad horum confirmationem, ut exempla plura longe petantur, cum fere omnia colloquia, & disputationes publicæ, quæ superiori ac nostra ætate habitæ sunt, absque ulla fere eorum emendatione & conversione, quin potius cum inflato ipsi sint corde, victoriam jactitarunt. Id enim hæreticorum superbiam duntaxat cum insigni arrogantia conjunctam redarguit, quæ licet maxime victi, non solum victoriam victoribus non tribuunt, sed eam quoq; sibi arrogare non vereantur. Et quis audivit unquam in ulla disputatione, aut colloquio hæreticos, quamdiu quidem tales esse non desierunt, ingenue professos fuisse, ab Orthodoxis se esse convictos?

Disputavit cum Phariseis, & Sadducæis Christus, sed ab adversariis pro victoriæ laude calumnias, & blasphemias reportavit, Joan. 8. passimque alibi. Certavit cum Simone Mago Petrus, eumque non solum non validissime convicit, sed etiam contrivit, at victi tamen vocem victus Simon edidisse nullam legitur. Differuit de fidei mysteriis in Areopago Paulus Act. 17. Sed quis victoriam ei cessit, nisi qui in ejus etiam sententiam, deposita infidelitate, concessit Dionysius Areopagita cum paucis? Alii verò cum audissent resurrectionem mortuorum, quidam quidem irridebant, quidam vero dicebant, audimus de hoc iterum. Disceptavit quoq; cum Phariseis cæcus ille, jam non cæcus, sed corpore simul, & animo à Christo illustratus, & sane convicit. Sed quam ab hostibus palmam reportavit? Tu in peccatis, inquit, natus es totus, & tu doces nos? Joan. 9.

Convicti sunt utique in quatuor illis universalibus, ac celeberrimis Conciliis hæretici. In Niceno Arius. In Constantinopolitano Macedonius. In Ephesino Nestorius. In Chalcedonenſi Eutyches cum suis quoq; asseclis, sed victos se usque adeo confessi non sunt, ut contra victores etiam insolentius insurgerent. Decertavit cum Donatistis Augustinus, aliis Catholicis Episcopis associatus, eosque ita convicit, ut etiam cognitor sive arbiter ab Imperatore designatus, aperte contra Donatistas sententiam protulerit, ut videre est in Breviculo Collationum cum Donatistis, quem de hoc ipso Colloquio conscripsit Augustinus. Sed tantum aberat, ut Donatistæ se convictos faterentur, ut ipsum quoq; cognitorem, aperte calumnia, impetere non sint veriti, quasi verò à Catholicorum parte corruptus, injuste contra se pro Catholicis sententiam tulerit, ut legitur apud Augustinum ibidem & Epist. 152. Disputationem quoque suscepit Augustinus cum Felice Manichæo, sed nec iste Augustinus prius palmam concessit, quam à suo errore decessit, ut habetur ex Actis ab ipso Augustino editis.

Magna quoque contentione dimicavit cum hæresiarcha Chonarum Theodorus Studita, vir sanctissimus pariter ac doctissimus. Sed finita disputatione, quid de illo adversarius? Ita putabam, inquit, hunc penitus nil scire, sed & elinguem eum reddidi, ut legere est ex Epistola quam ipse Theodorus scripsit ad Naucratiū, relata à



Baronio *tomo nono Annalium Ecclesiasticorum.*

Colloquium inierunt anno 1465. Doctores Catholici, in primis Decanus Capituli Pragensis, de controversia illa unius speciei cum Rochizanno, & aliis Wicleffitis hæreticis, quos etiã de errore egregie convicerunt. Sed quid infine colloquii Rochizannus? Tunc Rochizannus loquutus est sermonem longissimum, omnia priora replicans, gloriando se victorem esse jam altera vice contra Ragufum & jam contra Doctores &c. ut constat ex actis ejus Colloquii.

At quid antiquiora memoramus, cum ejus rei luculentissima præteritum seculum præbeat documenta? Anno 1519. Lipsiæ tanta contentione depugnavit, quanta nunquam antea, vir præclara eruditione, atque doctrina Eckius cum Lutero, & Carolstadio, & anno 1526. acerrime ac felicissime Badæ apud Helverios cum Oecolampadio, disputarunt anno 1546. Ratisbonæ nobile par Malvenda, & Billikius, Theologi Cæsarei, viri doctissimi cum Bucerio, & Brentio, ibidemque anno 1601. Jacobus Grefserus, & Adamus Tannerus, Societatis Jesu Theologi celeberrimi, aliisque cum Ægydio Hunnio, Jacobo Hailbronnero, cæterisque Augustinæ confessionis Pseudo-Theologis sunt congressi. Concertationem acerrimam instituit ann. 1589. cum Jac. Andrea & Jac. Heerbrando Joan. Pistorius vir apprimè doctus, ac disertus. Denique Cardinalis Peronius coram Henrico IV. Galliarum Rege colloquium habuit cum Plessio Mornæo Calviniano. Hi omnes cum adversariis & hæreticis, nec nisi convictis, aut egregie confusis disputarunt. Sed quando tamen adversarii unquam, se convictos esse confessi sunt? Quando victoriam impudenter sibi arrogare non sunt ausi? Cujus forte causam eam possumus designare, quam Ambrosius *lib. 5. in Luc.* significavit, inquiens: *Adverte cælestis Consilium. Non sapientes aliquot, non divites, non nobiles, sed piscatores & publicanos, quos dirigeret, elegit, ne traduxisset potentia, ne redemisset divitiis, ne potentia, nobilitatisque, autoritate traxisset aliquos ad suam gratiam videretur, ut veritatis ratio non disputationis gratia prevaleret.*

Verum si oculos convertamus ad initia, progressusque Ecclesiæ nascentis, pro contraria sententia non deerunt gravissima testimonia. Nam in primis D. Paulus disputavit in Synagoga publicè cum Judæis, & in foro per omnes dies ad eos, qui aderant *Act. 17. & 18. & 20.* Idem quoque de B. Stephano & Apolline ex eisdem Apostolorum Actibus accepimus. Publicas etiam disputationes cum hæreticis, vel gentilibus plurimos ex antiquis Patribus inisse, passim eorum gesta, & historiæ tradunt.

Deinde D. Augustinus, ut Possidonius refert cum quodam etiam Felice, de numero eorum, quos Electos dicunt iidem Manichæi, quique Hipponem venerat, eundem seminaturus errorem, publicè in Hipponensi Ecclesia, Notariis excipientibus, & populo adstante, disputavit, & post secundam, vel tertiam collationem ille Manichæus, frustrata vanitate, & errore illius sectæ, ad postram conversus est fidem, atque Ecclesiam, sicut eadem relecta docere poterit Scriptura. Immo ipse Augustinus sic ait contra Pelagium *lib. 3. c. 1. Donatistas ad collationem nobiscum venire per Imperialia jussa compulimus, in qua collatione victi sunt Donatistæ.* D. Grillus Alexandrinus contra Nestorium publicè in Concilio Ephesino disseruit, illumque superavit. Gregorius Magnus cum Eutyche Constantinopolis congressus est, eumque ab errore revocavit.

Divus quoque Bernardus publico congressu coram Concilio Remensi disseruit cum Gilberto Porretano, qui de hæresi convictus, Ecclesiæ decretis adhæsit. Idem Bernardus provocavit Petrum Abaylardum ad publicam disputationem, eumque ad maximas angustias redegit. Ac denique anno salutis humanæ 645. habita est celeberrima illa coram Episcopis Africanis inter Pyrrhum Patriarcham Constantinopolitanum hæreticum, & Maximum Abbatem, eundemque Martyrem orthodoxum, ex qua idem Pyrrhus, Princeps Monorhelitarum hæreticorum convictus, erroris diu defensi pœnitens, recantans palinodiam, oblationis fidei Catholicæ libello Theodoro Ro-

mano Pontifici, receptus est unâ cum titulo Patriarchatus in Ecclesiam Catholicam. In hac igitur disputatione post multiplices Pyrrhi, ut eleganter Baronius ad annum Domini 645. describit, objectiones ingestas, & à Maximo quàm disertissime confutatas, post nexus solutos, & defensiones, ac responsiones singulas quoque convictas, post denique inanes tergiversationes elusas, acuminatasque cavillationes retusas, cum deficerent verba, dare manus omni penitus destitutus defensione Pyrrhus compellitur, & credere cogitur veritati. Magnum sane tunc, ut idem refert Baronius, vidit primum Africa, deinde Roma spectaculum. Africa quidem, dum quem paulo ante aspexerat magnis animis Patriarchali obstinatione insultantem Catholicæ fidei, ac veritati pro hæresi ore rotundo, in defensores fidei Catholicæ declamantem, in se ora omnium convertentem, jamque post se tertiam Orbis partem ducere captivam tentantem, eundem vi erit ab extorere Monacho appetitum. ut novum Goliath à puero Davide, non in hasta, vel ense, sed in nomine Domini pugnato conventum tanta corona Patrum, & Magistratuum & Africani populi circumdatum post acerrimam conversationem fateri se superatum abicere clypeum, dare manus, & pedes conicere sponte in compedes illos optabiles sapientiæ, ejusque vinculis alligari, de quibus Ecclesiasticus *cap. 6.* Ita plane, cum & victo Pyrrho, omnes, ut vincenti fuerint adgratulati, eundemque laudibus, ac benedictionibus profecturi, quod revera cedens veritati periculum superasset, impietatem subegisset, contrivissetque Satanam pedibus suis, qui solus lugeat se esse victum, hæresi debellata, & ejus defensorem in offensorem mutato.

His ita constitutis, hoc certum est, quod disputans, dubius de articulo fidei, si non sufficienter propositus, est hæreticus, & sic disputando mortaliter peccat, quia est intrinsecè malum. Qui enim sic disputat, aut hæresim supponit, & tum certum est, quod peccet, aut de fide dubitat & veritatem fidei pro certo non supponit, sed argumentis experiri intendit, & tunc etiam graviter delinquit. Cum enim dubius in fide sit hæreticus, non potest non esse peccatum disputationis procedens ex tali dubio, confessioni fidei contrarium. Propterea talis disputationis, per quam res certæ, jam ab Ecclesia definitæ, in controversiam iterum vocantur, omnino est per sacros Canones vetita, ut desumitur ex Concilio Chalcedonenſi *act. 5. in 2. definit. fidei*, & clarius ex S. Leone Papa *Ep. 48. alias 50. ad Martinum Augustum*, ubi hæc habentur: *In eam fidem, quam Evangelicis & Apostolicis predicationibus declaratam per antiquos Patres nostros accepimus, nulla penitus disputatione cujusquam retractationis admittenda, omnium corda concurrant, ne per vanam fallacemque versutiam, aut infirma videantur, aut dubia, quæ in Christo firmata sunt, & sine fine mansura.* Multa docet similia *Epist. 73. 75. & 78. ad Leonem Augustum & 76. ad Anastasium*, necnon Gelasius *Ep. 2. ad Episcopos Dardania.* Hæc tamen nonnulli, ut Bannes, & Valentia 2. 2. q. 10. intelligenda putare de eo, ut fides Catholica sufficienter proposita est ita, ut teneatur credere. Nam si esset aliquis, cui fides nondum sufficienter esset proposita, & solum eo fine disputaret, ut posset invenire veritatem, non peccaret disputando.

Et multo magis disputationis est illicita, si ad evitendam veritatem, & seminandum errorem assumatur. Nam hujusmodi disputationis & lege divina, & naturali, ac lege etiam humana est prohibita, præcipue à d. Concilio Chalcedonenſi, & à S. Leone Papa locis allegatis, & à jure civili in *l. nemo de sum. Trinit. & fide Cath.* Legem enim hanc loqui de disputatione, quæ fit cum dubitatione, & causa seminandi errorem, docent D. Thomas 2. 2. q. 10. ar. 7. ad 2. Pegna in *direct. p. 1. cas. 25.* Delben. de *officiis Inquis. p. 1. q. 154. per. 4. n. 6.* Et licet aliqui suspicentur legem illam, etiam Clericos ligare, quia lata fuit à Marciano Imperatore, ad quem S. Leo de hac re scripserat *Ep. 48.* & ideo fuit edita autoritate Pontificis, attamen legum vis, & obligatio non debet fundari in suspicionibus. Unde illi, qui per hanc legem debent



quæ Clericos non obligat, Azor, *to. 1. li. 8. c. 22. q. 2.* Sanchez *lib. 2. in decal. c. 6. n. 8.* Suar. *de fid. disp. 20. sect. 1. nu. 7.* ac Delbene *loc. cit.* Quæ quidem responsio, licet generaliter loquendo, sit vera, nihilominus aliqui existimant, non recte applicari ad citatam legem, quæ solum prohibet disputationes per se illicitas, quibus, ut diximus, res certæ, & ab Ecclesia definitæ, in dubium revocantur cum perturbatione fidelium. Unde, potius credendum est, legem illam fuisse legitimè latam à Martino Imperatore Catholico ex consensu Leonis Papæ, qui de illa re ad ipsum scripserat. Lege autem divina prohibitum est revocare in dubium fidei articulos, qui sunt ab Ecclesia definiti, & ex hoc dubio disputare. Quod ulterius non deferri, nisi ad perturbandum animos audientium, & peius, si disputatio fiat ad oppugnandam fidem.

Ubi autem aliqua veritas non est ab Ecclesia definita, vel non est alicui sufficienter propofita, si ille ex desiderio addiscendi, & inveniendi veritatem disputet, licet id facit, credendo interius quicquid credit S. Mater Ecclesia. Tunc enim illa disputatio non assumitur, nisi ut mediam ad acquirendam fidem. Bannes *2. 2. q. 10. ar. 3.* Valentia *2. 2. disp. 1. q. 10. par. 4. concl. 1.* Sanchez *cu. cap. 6. n. 1.* Coninck. *disp. 8. dub. 9. n. 142.* quos sequitur Delbene *ibid.* & Castropal *to. 1. tr. 4. disp. 2. pun. 4. nu. 2.*

Immo hæreticus, si cupiens ad fidem redire, quia eum detinent contorta, & aculeata quædam sophismata, si illa proponat viro docto, ut ab eo solvantur, & impedimentum, quo detinetur, ne credat, propellat, recte facit, & in fidei favorem assumit medium, quo dubitationem contra illam evertat.

Disputatio autem materialis, quæ inter fideles fit exercitii causa de rebus fidei, per se ex objecto non est illicita, ne inter laicos quidem. Per disputationes enim acciuntur juvenum ingenia, & in litterario bello exercentur, ut postea, tanquam experti milites contra Ecclesiæ adversarios pugnare possint, Caiet. *d. 2. 2. q. 10. n. 7. dub. 1.* ibiq; Bannes, & Aragonius, Navar. *in man. c. 11. n. 27.* Castr. *lib. 1. c. 19.* Petr. de Ledesma. *to. 2. tr. 1. c. 5. concl. 13.* Valentia *loc. cit. concl. 2.* Suarez *d. sect. 1. in in princ.* Sanchez *eo c. 6. n. 9.* Coninck. *d. dub. 9.* ac Delbene *cu. disp. 154. par. 6. n. 16.*

Ex pluribus tamen causis hæc disputatio materialis potest esse mala. Primo ex parte quidem disputantis, si dubitet de fidei veritate, vel tendat ad veritatem evertendam. Secundò ex parte rei, de qua disputatur, ut si quis exercitii gratia defendat aliquam hæresim, ut si cum Averroë defendat unitatem intellectus in omnibus hominibus, Sylvest. *v. disputare*; loquens de subistentibus hunc Averroëis errorem, ait, eos peccare mortaliter, & si sint laici, eos esse excommunicatos *ex cap. quicumque de heret. in 6.* Tum quia generat scandalum, cum esse non possit, quin ex adstantibus aliquis credat verum esse, quod defenditur. Tum quia imbecillitas defensoris, ac vis argumentorum redundat necessariò in damnum fidei, ac veritatis. Quod ad omnem falsitatem extendit Suarez *d. disp. 20. sect. 1.* Tunc quia necesse est, multa falsa asserere pro veris, quorum plura vel asseruntur, vel videbuntur asseri seriò, tanquam vera, non autem disputationis gratia. Et tum quia ex his disputationibus oritur ac firmatur affectus ad talia falsa, tanquam vera.

Id autem quod dixit Sylvester, nempe, si laicus est, qui disputationis gratia sustinet Averroëis errorem, sit ex *d. cap.* quicumque excommunicatus, intelligitur de disputatione formali, quæ proprie est disputatio, ut exponit Caietanus *loc. cit.* non verò de disputatione materiali, quæ fit disputationis gratia. Sicque experimento comprobatur, quod in Universitatibus seculares de rebus fidei disputant.

Neque cenfeo, quod materialis disputationis gratia defendere aliquam falsitatem, etiam in materia fidei, per se ex objecto, sit illicitum, quamvis possit esse tale ex mala circumstantia. Nam in hoc casu per se ex objecto, non committitur mendacium, cum constet, quod disputatio assumitur disputationis gratia. Quia tunc verba non significant sic esse in veritate, sicut significant, sed quod

assertiones, & propositiones assumuntur, non quia sustineatur sic esse, sicut asseritur, sed quia disputationis gratia proferuntur, ac si verum significarent. Et quia huiusmodi disputationes per se non sunt perniciosæ vel scandalosæ, sed erunt forsitan tales per accidens ex conditione audientium. Nam aliàs si audientes sint viri in fide fundati, ac docti, nullum est periculum, vel adhærentis ad falsum dogma, vel existimationis, quod falsa à defendente proferantur ut vera, vel pravæ affectionis ad falsitatem, immò ex infirmitate responsionum, & defensionis falsitatis, quæ non nisi falsis inheret, magis in eis firmabitur veritatis amor.

Et sane per se loquendo non est, cur dicatur, illicitum esse defendere falsitatem disputationis gratia, cum certum sit, disputationis gratia impugnare veritatem. Quia nec impugnatur veritas, nisi ex falsis assumptis, & potest esse, quod impugnans his sophismatibus, eaq; efficacia impugnet veritatem, ut persuadeat multis, maxime si defensor imbecillis sit. Verum ista contingunt per accidens, ex circumstantia scilicet, & qualitate particulari audientium.

Per se igitur loquendo hæc disputatio non est illicita, sed utilis, & quodammodo necessaria, sicut utilis & necessaria est exercitatio disciplinæ militaris. Ecclesia enim literatis militibus indiget, non solum ad tuendam veritatem, sed etiam ad impugnandum errores, ac illos evertendum.

Tertio autem hæc disputatio materialis potest esse illicita ex audientium circumstantia. Si enim isti sint rudes, ac indocti, periculū est, ne in errorem labantur, præsertim si disputatio fiat vernaculâ linguâ. Nam ejusmodi personæ facilius percipiunt difficultates, quàm solutiones. Propterea Caietanus monet, non esse publice de his rebus disputandum, maxime de animæ immortalitate.

Quartò fit illicita, vel ex parte finis, si fiat ad ostentationem, aut ex alio fine non honesto, vel ex circumstantia disputantis, si sit rixosus, contentiosus, inurbanus. Nam, ut docet D. Thomas *d. ar. 7.* non verbis, sed sententiis est agendum in disputationibus.

Disputatio verò formalis de fide, etiam cum hæreticis per se est licita, & laudabilis, quando fit ad tuendam fidem, vel ad evertendum errores, ut cum D. Thomas *d. ar. 7.* docent Caietanus, Bannes, Serra, Valentia, Aragonius, Suarez *d. disp. 10. sect. 1.* Coninck. *d. dub. 9.* Sanchez *eodem cap. 6.* ac Delbene *ubi supra* cæteri; communiter. Nam laudabile nimis est, tueri fidem, ac errores contrarios impugnare, ubiq; & quando opus est. Idq; comprobatur ex D. Petri autoritate in *Ep. 1. Canon. c. 3.* & D. Pauli ad *Timoth. 1.* quos refert D. Thomas *ibid.* Idque comprobatur exemplum Christi, disputantis de sua divinitate ex *Psal. 109.* cum Judæis *Matt. 22.* & assertentis plurimas rationes contra illos *Joan. 8.* Sic quoq; Stephanus *Act. 6.* & Paulus *Act. 9.* disputasse de fide leguntur, & adversarios confudisse. Hoc idem Sancti Patres nedum verbo docuerunt, sed etiam exemplo, vim plures ex illis sæpe cum hæreticis acriter disputarunt pro fide tuenda, & eorum erroribus impugnandis, ut passim Ecclesiastica testantur historia.

Quoniam disputatio cum hæreticis pro defensione fidei, nec de se est mala, nec jure aliquo vetita. Quia in illa actione non solum nulla est malitia, ob quam dici possit illicita sed potius cum sit quædam confessio fidei ex parte disputantis, ac de se ad optimos ordinetur fines, honesta censenda est, atque laudabilis. Ad dictam *l. C. re sum. Trin.* jam responsum est. Et quamvis Farinacius de *heres. q. 178 n. 108.* absolute negativam tradat regulam iniqui, quod non liceat disputare de fide uterque quam plures Doctores, ille tamen consideravit id, quod est per accidens ex circumstantiis, omisso eo, quod est per se, & lex, quam adducit, non est universalis, Doctoresque, quos refert, loquuntur in terminis particularibus. Cæterum disputare de fide absolute est res indifferens, etsi fiat ad tuendam fidem, ex objecto est honesta, ex circumstantiis tamen fieri potest mala.

Plures verò circumstantiæ sunt, ex quibus hæc disputatio



tatio formalis cum hæreticis, ac infidelibus potest fieri illicita, & mala. Prima est circumstantia disputantis. Multa enim ex parte illius sunt necessaria. Primum enim requiritur firmitas in fide, ne forsan se, & audientes exponat periculo amittendi fidem. In hoc enim casu esset peccatum grave cum infideli disputare.

Deinde requiritur doctrina sufficiens ad defendendam fidem, & impugnandum errores. Nemo enim inexpertus, ac insufficiens, potest recte assumere ministerium, ad quod est inexpertus. Alioquin exponeret periculo fidem & deficiente illo in disputatione confirmarentur hæretici in errore, & fideles vel informarentur in fide, vel eam amitterent, habetq; in hoc locum illud Apostoli ad Titum 1. ut nimirum talis sit, qui in doctrina sana exhortari possit, & eos, qui contradicunt arguere, Azor p. 1. lib. 8. c. 26. q. 1. Becanus de fide cap. 15. disp. 7. n. 7. Sanchez in decal. lib. 2. cap. 6. n. 8. Delbene d. q. 154. pet. 6. n. 21. Suarez loc. cit. Castropal. to. 4. disp. 2. pun. 4. n. 3. Coninck ead. disp. 8. dub. 9. n. 140. & 141.

Quæ autem sufficiens doctrina requiratur, ex circumstantiis colligi debet, præsertim animadvertendum, an subiectum disputationis sit difficile, an obscurum. An disputatio sit publica, an coram doctis, anve coram rudibus, an sit per modum concionis, an scripto, an concertatione? Sicq; juxta conditionem periculi, quod ex disputatione imminere potest, judicanda erit gravitas peccati, quod incurrit indoctus, qui velit disputare de fide. Nam si non sit periculum, nisi confusionis ipsius disputantis, non erit hoc grave damnum, nec mortale peccatum cum tali periculo disputare, D. Bernardus serm. 64. in Cantic. ex Origene homil. 10. in exam. in eo, qui disputat cum hæreticis requirit eloquentiam, linguarum peritiam, antiquitatis cognitionem, eruditionem Patrum, in artibus exercitium, ingenii celeritatem.

Postremò requiritur, quod non sit laicus. Nam in Cit. cap. quicumque laicis prohibitum est disputare de fide. Quod antea in sexta Synodo generali c. 64. Trullano, sub pœna excommunicationis quadraginta dierum prohibitum fuerat laicis publicè disputare. Ut enim advertunt Caietan. d. art. 7. & Suarez. d. disp. 20. sect. 1. Plerumq; laici non sunt ita instructi in difficultatib. fidei, sicut esse solent Clerici.

Ratio autem hujus prohibitionis tam privatæ, quam publicæ significatur in Can. duo sunt 12. q. 1. his verbis sed oportet ordini à Domino dato cedere, juxta illud Pauli ad Ephes. 4. quosdam dedit Pastores, & Doctores. Juxta quæ cum munus disputandi, ac docendi ex officio pertineat ad statum Clericalem, merito illi reservatur.

Nomine autem laicorum non comprehenduntur Clerici, etiam sola tonsura insigniti, neq; regulares, etiam non Clerici, qui vulgò regulares laici vocantur. Nam ij Clericorum privilegiis fruuntur, clarumque est quod in Can. duo sunt. 12. q. 1. nomine Clerici comprehenditur totum Ecclesiasticorum genus. Gem. in d. cap. quicumq; n. 2. Franch. n. 1. & Barbat. n. 15. traduntque Suarez. loc. citat. n. 10. Sanchez. d. lib. 2. c. 7. n. 6. Coninck. eo dub. 9. n. 145. Delbene cit. q. 154. pet. 6. n. 6. Sabell. de Offic. Inquis. lib. 1. cap. 10. regul. 86. n. 84. & Castropal. ibidem.

Verùm hîc distinctione utendum puto, ut sub nomine Clericorum comprehendendi illos dumtaxat religiosos, qui litteris vacant, sacrosq; ordines participant. Sub laicis verò, qui in suis Ordinibus laici sunt; in illis enim ratio legis ordinariè locum habet; quia non sunt docti, nec sufficientes ad disputandum. Ideoque Leo Papa Epist. superius citata, inquit, Præter eos qui sunt Domini Sacerdotes, nullum sibi jus docendi, & prædicandi audeat vendicare; siue sit Monachus, siue laicus, qui alicujus scientia nomine gloriatur. Ibi enim summus Pontifex nomine Monachi, eos potissimum significare voluit, qui juxta morem sui temporis, licet religiosi essent, regulariter tamen non ordinabantur, nec litteris operam dabant. Si aliquis tamen reperiretur inter illos cum sufficienti doctrina, Suarez ibidem asserit quod sine peccato cum hæreticis disputare posset, præsertim à suo Prælato jussus. Tùm propter opinionem probabilem docentem sub nomine Clerici intelligi debere

quoscumque religiosos, etiam nullum ordinem habentes. Tùm quia, si sub laicis comprehendantur, idem de his religiosi ferendum est judicium ac de ipsis laicis.

Quid igitur si Laicus esset vir doctus, & clarus? Respondet, per se loquendo non posse, sed prohibitione d. cap. quicumque de hæret. in 6. esse comprehensum. Nam Alexander IV. absolute prohibet laicis disputare de fide, Gloss. lib. V. Laicus, Gemin. & Franch. n. 1. Barbat. n. 17. Caietan. d. art. 7. Sylvester. V. disp. Valentia 2. 2. disp. 1. q. 10. pun. 4. Suarez. cit. disp. 20. sect. 1. Navar. conf. 17. de hæret. Sanchez. eo c. 6. n. 5. Azor. d. lib. 8. c. 26. q. 1. Albertin. de agnosc. propos. q. 13. n. 12. Pegna in direct. p. 1. schol. 23. Aragon. 2. 2. q. 10. n. 7. not. 1. Becanus de fide. c. 15. q. 7. n. 4. Coninck. d. n. 145. Castropal. d. to. 4. disp. 3. pun. 4. n. 4. Delben. loc. cit. pet. 6. n. 7. Si enim solum laico indocto prohibitum esset disputare de fide, nihil speciale esset illi interdictum. Nam nè Clerico quidem indocto licet de fide disputare.

Nec refert quod aliquando nonnulli sunt laici doctissimi. Leges enim attendunt, ac respiciunt ad id, quod frequentius, & ut plurimum accidit. Quia igitur Clerici ut plurimum solent esse magis instructi, ac periti in doctrina sacra, laici vero contra, regulariter non sunt docti, ideo omnibus laicis in communi merito prohibita est disputatio formalis de fide. Nec in præfato cap. Quicumque per laicos intelligi possunt indocti tantum, siue sint laici, siue sint Clerici, aut per Clericos, docti, siue sint pariter laici, vel Clerici. Et certè cum eadem ratio, immo major sit in hac disputatione, quam in simplici prædicatione, si sacri Canones istam prohibent omnibus laicis, ut habetur cap. cum ex injuncto, cap. sicut in uno de hæret. in 6. in Concilio Carthaginensi 4. c. 98. & in Ep. 62. Leonis Papæ cap. ult. primam quoque illis prohibuisse, fatendum est, utique ipse comprobatur.

Id tamen liceret laico in casu necessitatis, aut magnæ utilitatis, si enim esset infidelis, aut hæreticus qui fideles perverteret, nec adesset Clericus doctus, qui ei posset resistere, tunc Laicus Doctus nedum posset, sed teneretur disputare, tum ex obligatione charitatis, tum ratione fidei, ac religionis respectu, quæ teneretur ab injuria defendere. Caietan. Bañes. & Aragonius d. art. 7. Suar. d. disp. 20. n. 12. Valentia ibid. post. 2. concl. Turrian. de fide q. 10. n. 7. disp. 10. Becan. supra n. 6. Coninck. d. n. 145. Delben. cit. pet. 6. n. 21. & Castropal. loc. cit. n. 6.

Item liceret, si id non faceret propria autoritate, sed missus à Clerico auctoritatem habente. Tunc enim nomine Clerici disputaret, & sibi non arrogaret munus docendi, quod maxime prohibetur laicis ut ex S. Leonis Epist. q. 2. cap. ult. ac d. can. 64. sextæ Synodi & in d. c. Quicumq; non prohibetur laicus disputare, si jussus fuerit ab Ecclesia, sed solum si id faceret ex propria autoritate, ut per Suarez d. sect. 1. n. 11. Delben. ubi supra n. 13. & Castropal. ibid. n. 7.

Liceret etiam ubi contraria consuetudo legem hanc abrogavit, sicut in locis, ubi permixtum Cathol. cum hæreticis vivunt, cum passim se offerat occasio disputandi exemplo Alberti Pyghii Comitris, & Henr. VIII. Reg. Angliæ qui fuerunt laici, & tamen cum Luther. disputant de fide.

Porro cum Alexander Pontifex in d. cap. Quicumque loquatur de disputatione formali, quæ inter fideles non habet locum, quia fit ad suadendam fidem, vel ad eam tuendam contra infideles: ideo laicis dumtaxat prohibitum est, cum infidelibus, & hæreticis disputare de fide.

Peccare autem laicum mortaliter, si contra hanc prohibitionem disputer de fide, certum est. Quia materia est gravis, & habet annexam excommunicationem, idque etiam si esset doctus, ut per Caiet. in summ. V. disputare in fin. Armilla eod. V. n. 1. Navar. conf. 24. de hæret. & in summ. cap. 11. n. 27. Suar. ea sect. 1. n. 12. Sanchez d. cap. 6. n. 3. V. fides, n. 3. Albertin. de agnosc. assert. q. 13. n. 12. ac Delben. cit. sect. 6. n. 24. Hæc autem excommunicatio non est læsententia, sed ferenda. Nam in d. cap. Quicumque imponitur per verbum imperativum inmodetur ut ibi tradunt Glossa, Archidiaconus, & Geminianus n. 2. Franch. n. 1. Caiet. d. art. 7. Navar. conf. 17. de hæret. Suarez d. sect. 1.

Difficultas tamen est, an hoc in casu, antequam quis ex-

committit



communicetur, debeat præcedere admonitio? Eam non requiri vult Panormitanus in *cap. cum sit Romana*, n. 18. de *appel.* quem refert Delbene *loc. cit.* n. 24. Quia cum lex prohibet aliquid sub pœna excommunicationis, sufficienter admonet; Et ideo plures, quos ibi adducit Delbene, autumant quod Clericus nutriens comam, peccet mortaliter. Quia hoc illi prohibitum est sub pœna excommunicationis. At esse necessariam citationem, monitionem, & sententiam docent in *cit. cap. Quicumque* Glossa d. V. innotetur Jo. Andr. *prop. finem* Gemin. n. 2. Franch. n. 1. Barbat. n. 18. *Loc. cit. in judicial. Inquisit. v. disputare* n. 1. Navar. *conf.* 25. n. 1. de *heret.* Azor. d. lib. 8. c. 26. q. 1. Sanchez d. c. 6. n. 3. Perez. lib. 3. tit. 4. lib. 8. Becan. d. q. 7. n. 7. Sanctarel. de *heres.* c. 8. n. 9. Farinac. *eod. tit.* q. 178. n. 120. & vult Caiet. v. *Clericorum peccata*, nec displicet Delbene d. *petit.* 6. n. 28. Quia, ut dixi, hæc excommunicatio non est lata sententiæ, sed ferendæ, vel, quod idem est, non incurritur ipso facto, sed est commonitoria; quod rectè colligitur ex ipso loquendi modo, quo Pontifex usus est. Non enim dixit *excommunicationis laqueo innodatur*, sed *innodetur*. Et in hac sententia non erit peccatum mortale, si laicus, aliàs doctus, vel aliunde non imperitus, ante monitionem disputer de fide. Nam excommunicatio ista non incurritur, nisi per eum, qui monitus contumax perseverat in legis transgressione.

Vult autem Farinacius *loc. cit.* n. 113. quod disputare de fide sit prohibitum, etiam Clericis ex *l. nemo C. de summ. Trinit. & fid. Cath.* Citatque ad id Sylvestrum v. *disputare*, Armillam, & Angelicam *eod. n. ac* Conradum Brunum de *heret. lib. 6. c. 8. n. 1.* Ergo & illi peccant, non tantum contra legem naturalem, quia exponunt se periculo erroris, sed etiam contra civilem. At præter superior dicta, respondendo, quod lex civilis, quæ disponit de rebus spiritualibus, non obligat Clericos, nisi jure Canonico confirmetur, ut alibi etiam diximus.

Tum demum requiritur ex parte disputantis, quod ille in materia fidei non sit superior, & iudex. Non enim illi convenit disputare cum hæretico, vel infideli. Allegat ad id Farinac. *loc. cit. can. cum quibus*, §. *canonum* 2. q. 3. ubi dicitur Canonum magistris, atq; custodibus nobis nullum fas est inire certamen cum hominib. communionis alienæ. Citat etiam Turrecrematam in eundem Canon. *sum.* & n. 1. ac D. Antonin. p. 2. tit. 12. c. 2. §. 2. At vero in verbis illis non interdicitur absolute disputatio cum hæreticis, sed solum Magistris Canonum, atq; Canonum custodib. Hi vero sunt summus Pontifex, & Episcopi in legitimo Concilio congregati, qui sunt sanctionum magistris, & conditores; Episcopi etiam quorum est, sacros Canones custodire, ac etiam Inquisitores, qui ad fidei custodiam, & tutelam deputantur. Quod igitur ibi prohibet Gelasius Papa, est quod ij, qui sunt alterius communionis, non admittantur in Conciliis, tanquam Patres, & Canonum Magistri. Et quod summus Pontifex, & Concilia legitime congregata, & Episcopi, ac Iudices fidei, cum huiusmodi hominibus, non ineant doctrinalem disputationem, quia supponentes fidem, tamquam certam, & non disputabilem, Christianos, à fide alienos, jurisdictione ac pœnis coercere debent, nec eorum dignitatem decet, veluti ex pari contendere cum subditis suis, & cum illis disputare. Quod spectant verba illa Apostoli 2. ad Timoth. 2. *Noli verbis contendere; ad nihil enim utile est, nisi ad subversionem audientium.* Et Ep. 1. ad Corint. c. 11. *Si quis videtur esse contentiosus, nec talem consuetudinem habemus, sed nec Ecclesia Dei.*

Et quamquam ubi adesset occasio reducendi illos ad fidem, possint huiusmodi Iudices, non quidem disputando, & contendendo, sed rationibus, ac persuasionibus cum illis privatim agere, ut errorem agnoscant, id tamen decentius fit per alios viros doctos, & ubi id fieri opus sit, fieri debet, non sane concertatione, sed monitione. In casu tamen necessitatis possunt Superiores de fide cum infidelibus disputare.

Secunda circumstantia, ex qua disputatio potest fieri mala,

accipi potest ex parte ejus, cum quo disputatur, idq; duplici ex capite. Vel quia timeatur ex disputatione majus malum. Vel quia saltem nulla utilitas expectari potest. In utroque peccat mortaliter disputans, & disputatio tanquam vana, & inutilis est illicita. Contentio enim tamdiu sapiens est, quamdiu proficit, aut si non proficit, non obest. Eoque etiam spectat quod ait Apostolus ad Titum 3. *hæreticum hominem post unam, & secundam correctionem devota.* Non autem ait post unam, & secundam disputationem. Quia Episcoporum non est disputare cum hæreticis, sed illos corrigere. Si vero est pertinax, non est amplius corrigendus, quia correctio ista est inutilis, ideoque non est cum illo inutiliter disputandum. Et in hoc sensu plures loquuntur Patres, quando prohibent disputationes cum hæreticis. Non disputationem, inquit Augustinus lib. 10. contra Faustum c. 12. *amant hæretici, sed quoquomodo superare impudentissima pertinacia, ut congregent, quæ non pepererunt.* Chrysostomus sive Autor operis imperfecti super Matth. hom. 12. ubi argumento sumpto ex pertinacia Phariseorum ait; *Andi homo fidelis qui contra hæreticum libenter contendit, si Pharisei victi non sunt, tu certando contra hæreticum poteris eum placare cum viceris?*

Consulto autem diximus, si nullus fructus speretur, nam in hoc attendi debent verba illa D. Bernardi *serm.* 64. in *Cantic.* *Et si hæreticus non surgat ex face, Ecclesia tamen confirmatur in fide.* Et illa Augustini Ep. 48. *cum hæreticis verbis est agendum, disputatione pugnandum, ratione vincendum.* Et quamvis non speretur, quod hæreticus, cum quo disputatur, convertatur, non ideoque à disputatione est abstinendum, quia sperari potest quod fiant minus audaces, vel magis timidi, vel quod alii hæretici respiciant, vel quod Catholici magis confirmentur. Unde plures aliæ utilitates sperari possunt, præter hæretici conversionem, si disputatio fiat à Catholico viro docto, & pio. Ad hoc autem ut disputatio censeri debeat utilis, non sufficit, si non sit certa spes utilitatis, sed requiritur esse certum, quod nullius æstimabilis utilitatis datur spes probabilis, ut ex Chrysostomo hom. 6. super Epist. ad Titum, advertit Delbene d. *dubit.* 154. *petit.* 5. nn. 9. & Castropal. d. tr. 4. *disput.* 2. *punc.* 4. n. 1.

An autem hæc inutilis disputatio sit peccatum mortale, an veniale? Suarez d. *disp.* 20. *sect.* 1. n. 13. Valentia *cit. disp.* 4. *conclus.* 1. circa fin. Sanchez d. lib. 2. in *decal.* c. 6. n. 2. alios referens, inquirunt, esse veniale. Quod verum est, si sola disputatio per se pensetur. At si nec speratur conversio hæretici, neque alia æstimanda utilitas expectatur, jam subest circumstantia scandali. Quia hæc disputatio præbet hæretico occasionem committendi plurima peccata, quæ renemur ex charitate vitare. Atque ideo, quod hæc disputatio regulariter sit peccatum mortale, ait Delbene d. *petit.* 5. n. 12. Castropal. d. *pun.* 4. n. 2. nisi causa gravi excusetur.

Tertia circumstantia considerari debet ex conditione audientium. Quia non potest legitime disputari publice de fide si timeatur damnum audientium præcipue in materia fidei, si nimirum probabiliter timeri possit, ne aliquis eorum amittat fidem, vel in eis constantia fidei nutet. Hæc aliæque mala timeri possunt ubi audientes sunt simplices, ac indocti, talesque censeri debent, qui non sunt capaces percipiendæ doctrinæ de qua disputatur. Ubi ergo huiusmodi damni periculum imminet, illicita est disputatio de fide, ut D. Thom. *cit.* q. 10. ar. 7. ibiq; Caietanus, Bannes, Serra, & Aragonius, & tradunt Suarez d. *sect.* 1. n. 14. Turrecrem. in *can. cum quib.* 24. q. 3. Sylvestr. & Armilla v. *disputatio*, Repertor. Inquis. v. *disputare*. D. Antonin. in *sum.* p. 2. tit. 12. cap. 2. §. 2. director. Inquisit. p. 1. q. 10. ibique Pegna p. 2. *schol.* 23. Azor. d. p. 1. lib. 8. cap. 26. q. 2. Farinac. q. 178. n. 126. Sanchez d. cap. 6. n. 10. Valentia 2. 2. *disput.* 1. q. 10. *pun.* 4. *post prim. conclus.* Coninsk. *disp.* 18. *dub.* 9. n. 139. Turrian. q. 10. de *fide* n. 2. Delben. *ibid.* *petit.* 7. n. 1. & Castropal. d. *pun.* 4. n. 9.

Quale autem sit hoc peccatum? Sanchez ex Caietano ait, esse peccatum imprudentiæ, & ex Valentia, quod regulariter sit veniale. At Delbene ait, esse regulariter mortale:



tale, quia ratio abest periculum perversionis. Quod vero ad speciem peccati, omne peccatum est in genere imprudentiæ, sed tamē est in illa specie peccati, quæ opponitur virtuti, ex cuius præcepto peccatum est vitandum. Ideo ubi adest periculum perversionis, vel damni ipsius fidei, ex vi præcepti illius vitandum est hoc damnum. Quod si non vitetur, peccatur contra fidem. Sicque hoc peccatum, ad infidelitatem reducitur. An autem regulariter sit mortale, an veniale, pendet ex facto, eritque mortale, si damnum quod timeri potest sit grave. Cessabit vero hoc periculum, si disputans sit vir doctus, & in disputando, ac solvendo argumenta perspicuus, si audientes sint tales, qui rationes pro utraque parte percipere possint.

Quod si timeri possit aliquod malum ex disputatione considerandum est, an timeri possit majus malum si non disputetur. Nam si esset hæreticus contentiosus, qui sollicitaret Catholicos, sicq; ij in fide nutare inciperent, tunc vir doctus potest, imo teneretur disputare, ut audientes confirmet in fide; aliàs silentium suspectum esset, multumque obesset dubitantibus.

Ultima circumstantia sumitur ex parte modi disputandi, ut si non servetur mediocritas, & modestia. Si disputans non tam ratione quam verbis contendat; si potius disputans velit adversarium vincere, quam errorem, contra illud Hieronymi *lib. 1. adversus Pelagium*, non de adversario victoriam, sed contra mendacium queramus veritatem. Et contra *Arcad. lib. 1.* in disputationibus non est querenda victoria, sed bonum, & rectum *et lib. 1. super Genes.* non disputatio veritate, sed veritas disputatione requiritur. Si nimia tarditate, vel nimio fervore disputationem assumat. Quod reprehendit Nazianzenus *orat. 26. de moderat. in disputat.* ex utroq; enim extremo sumendum est quod utile est, ex priori mansuetudinem, ex secundo zelum, debet igitur disputatio esse modesta, & temperata, & sine scripturarum autoritate, nihil temere asserendum. Vide Origenem *hom. 12. in Exod.* Gregorium *p. 2. Pastor.* Turrecrem. *in d. can. cum quibus.* Repert. *d. v. disputare*, Simanch. *de Cathol. instit. tit. 20.* Albertin. *de agnosc. assert. q. 13. n. 8.* Farin. *de hæres. q. 178. n. 117.* Castropal. *d. pnn. 4. n. 10.* Cumque non ex eodem modo omnes hæretici affecti, ac dispositi sint, sed aliqui in suo errore sunt pertinaces, alii zelosi, alii frigidi, alii dubii, ac fluctuantes, non eodem quoq; modo cum illis omnibus agendū esse rectē admonet Becanus, præludio primo manualis controversiarum. Pertinaces coercendi sunt intra limites certæ materiæ, ni ex una in aliam dilabantur. Sunt item restringendi ad formam syllogisticam, ut vis argumenti patet, & palam confundendi, & increpandi, sicut Sadducæi, Scribæ, & Pharisei leguntur fuisse à Christo confusi, & increpati *Matth. 22. et 23.* debet tamen esse confusio rationabilis, quæ non fiat per convicia, & maledicta, sed per justam reprehensionem, aut apertam victoriam. Cum zelosis, qui non ex superbia, & obstinatione, sed ex quadam ignorantia falso persuasi sunt contrario modo, id est, modeste, ac benevole agendum est. Cum frigidis, qui neque ex superbia, neque ex ignorantia manent in suo errore, sed propter suas prætensiones politicas, à quibus ægrè abstrahuntur, seriò ac severe agendum est, tum ostendendo prætensiones, & excusationes ipsorum esse frigiditas, tum inculcando, ut salutem suam consulant, nec propter humanos respectus, favores, & sæcularia negotia, patiantur se ab æterna, & cœlesti gloria excludi. Cum dubiis denique, qui simplici, ac recto corde querunt veritatem, & quia per se sive suo ingenio, ac industria non possunt eam invenire, petunt ab aliis se doctioribus juvari, ac instrui, fraternè, & ad cuiusque captum tractandum est, & aliter docti, & ingeniosi, aliter rudes, ac idiotæ instruendi sunt.

Atque ex his scitè queritur, an re vera disputatio de fide cum hæreticis regulariter dicenda sit potius utilis, & honesta, quam inutilis, & illicita? Censeo has disputationes regulariter inutiles esse, ac illicitas. Nam hæretici, ait Bernardus *serm. 66. in Cantic. m. c. r. m. i. o. n. i. b. u. s. c. o. n. v. i. n. i. t. u. r.*

*cuntur, quia non intelligunt; nec autoritate corriguntur, quia non respiciunt, nec flectuntur suasionibus, quia subversi sunt.* Idem asserunt Tertullianus *de præscript. c. 16.* Autor, oper. imperf. in *Matth. hom. 24.* ac Lirinenfis, *de propr. hæretic.* Novitque Constantinus Imperator. *Epist. ad Arrium apud Socratem lib. 1. c. 6.* Euseb. *lib. 2. de vita Constantini, & Nicephorum. lib. 8. c. 13.* ac testatur Concilium Toletanum *4. can. 10.* Non enim querunt veritatem, sed ut ab audientibus habeantur ut victores, quemadmodum ait Gregor. *lib. 2. moral. c. 2.* Hinc est, quod etiam si rationum pondere vincantur, nedum ex hoc non convertuntur, sed magis pertinaces, magisque contentiosi evadunt, nè se victos fuisse fateantur. Necessè est enim contentiosè loquantur, quod probare non possunt. Ideoque à S. Officio Inquisitionis disputationes publicæ inter hæreticos & Catholicos denegantur, quia ex illis nulla percipitur utilitas. Unde sub die 13. Augusti 1609. scriptum Nuncio apud Belgas, ut admoneat superiores Religiosorum, nè conferentias publicas inter hæreticos, & Catholicos permittant, nisi personis valdè doctis. Et sub die 22. Octobris ejusdem anni dictum conferentias privatas non prohiberi. Scriptum etiam Cardinali Borromæo 21. Septemb. 1596. Inquisitori Comensi, Mediolanensi, ac Nuncio Sabaudienfi, quod disputationes publicæ, inter hæreticos, & Catholicos vitentur, si fieri potest absque scandalo. Quia ex eis nulla subest utilitas. Quandoq; tamen fuerunt permixtæ, & concessa facultas disputandi, ut cuidam Doctori Westphaliensi 29. Julii 1599. & 7. Decembris 1606. Scribere vero contra hæreticos permittitur. Nam laudabile id esse docet Farinac. ubi *supra n. 121. ex Simanch. de Cathol. instit. tit. 20.* Potest tamen esse malum si indoctus scribat, & contrarias argumentationes hæreticorum non infirmet, ac diluat.

Porro, etsi disputans de fide etiam in casu prohibito, si tamen non sit in fide dubius sed id faciat ad suadendam fidei veritatem, non sit hæreticus, ut per Albertin. *in rubr. de hæres. q. 13.* Farinac. *d. q. 178. n. 118.* Attamen Inquisitores procedere possunt contra disputantes de fide in casu expresse in lege prohibito, ut si laicus de fide publice disputaret. Ita direct. Inquis. *p. 4. q. 38.* Pegna *p. 1. schol. 23.* Locat. *verb. disputare.* Armilla *v. disputationum. 1.* Sylvester *eod. v. n. 2.* Farinac. *d. q. 178. n. 117.* ac Delben. *d. q. 154. petit. 6. n. 11.*

Præter autem excommunicationem plures alias pœnas contra disputantes de fide refert Farinac. *loc. cit. n. 16.* quas, ex Pegna, inquit non esse in usu. Et quidem si disputans dubitet de fide, ipse est hæreticus. & ut talis puniatur. Si vero disputet ad malum finem, scilicet ad persuadendum errorem contra fidem, talem reputari hæresiarcham, & tradendum Brachio sæculari ait *ibidem* Farinacius, Sed an hæresiarcha pœnitens sit tradendus Curiae sæculari alibi diximus.

Ex hæcenus dictis colligitur, quando licitum & honestum sit disputare cum hæreticis, nempe quando viri docti, quibus id concessum est, disputant contra hæreticos, ad confutandum eorum errores, idque coram prudentibus auditoribus, qui vim argumentorum, ac responsionum utriusque partis rectè percipiunt, & de tota re æstimare possunt. Aut certè quando disputant coram simplicioribus, qui ab hæreticis sollicitantur ad defensionem, ut huic periculo occurratur. Magna quidem hac in re opus est consideratione, ac ut veriùs dicam, opus est divinæ prudentiæ, discernere quando cum infidelibus, & hæreticis publicis colloquiis, & collationibus congreduendum sit, quando verò abstinendum, inspiciendaque sunt personarum merita, studia, sapientia ac præcipuè morum integritas, ac vitæ sanctitas quibus Viri sapientes divina ope innixi promerentur ex inimicis palmam accipere.

Cæterum libri legendi ab eo, qui veritatem veræ religionis assequi cupit, sunt Biblia, idest Verus, & Novum Testamentum. In hac vero divina Scriptura legenda sequens ratio adhibenda est.



Primo, ut eam ab hæreticis depravatam nunquam legamus, neque enim tunc verbum Dei, sed errores hæreticorum legereatur. Nam & Satanas verbo Dei usus est, ut Christum Dominum tentaret, verbum Dei ad suas fraudes detorquens, & ex gemmis pulcherrimæ statuæ imaginem serpentis effingens.

Secundo Biblia à Luthero versa, plena est depravationum, quemadmodum adnotavit Empserus, & reliqui alii permulti. Idem dico, de Bibliis Calvinianis, Zwinglianis, & aliarum sectarum. Itaque ea legenda non sunt, alioquin qui amat periculum cadit in illud.

Tercio antiqua vulgata editio Bibliarum, quæ per multa sæcula ab Ecclesia Catholica usitata est, legatur.

Quarto si qua Germanica versio legenda sit, legantur Biblia à Dietemburgio traducta, & Evangelium à Hieronymo Emplero in Germanicam linguam conversum.

Quinto Scripturæ Sanctæ non secundum proprium sensum, sed secundum antiquæ & Catholicæ Ecclesiæ consensum, & generalium Conciliorum interpretationem intelligenda sunt; alioquin evenit quod inquit Beatus Augustinus *tom. 9. in Evang. Joan. tr. 18.* Neque enim, ait, natæ sunt hæreses, ut quædam dogmata pervertitis illaqueant animas, & in profundum præcipitania, nisi dum scripturæ bonæ intelliguntur non bene, & quod in eis non bene intelligitur etiam temerè, & audacter asseritur, & *alibi tom. 3. de Genes. ad Litt. lib. 7. cap. 9.* Nec ob aliud, inquit, sunt hæretici, nisi quod Scripturas Catholicas non rectè intelligentes, suas falsas opiniones contra earum veritatem pervicaciter asserunt. Dum enim significat idem sanctus Pater, *alibi tom. 8. Psal. 10.* Christus apud hæreticos quaritur, amittitur.

Sexto in legendis Scripturis Sanctis, & præcipue Novo Testamento, ea sunt in primis observanda, quæ ad remedia, & præcepta pertinent, quibus nostra vitia extirpentur. Deinde perpendendus est Ecclesiæ ordo, & firmitas ex promissis, merito, & instituto Christi Domini nostri.

Præterea quid ad introducendam fidem, ac verum Evangelium cœperunt prædicare S. Joannes Baptista, Christus Dominus, Apostoli, id est poenitentiam in remissionem peccatorum, fidem & observationem mandatorum Dei, obedientiam erga Ecclesiam, opera pietatis, orationis frequentiam, Sacramentorum usum. Ad hæc autoritatem à Christo Petro collatam; denique vitam ipsorum Apostolorum, ac discipulorum Christi, nempe, num post eis commissum munus concionandi Evangelium, & administrationis Sacramentorum Apostoli, & discipuli Christi, & Apostolum dederant operam generandis carnalibus Filiis, aut iis rebus faciendis, quæ Lutherani, Calviniani, alique hæretici faciunt.

Post hæc omnia considerentur septem Sacramenta quæ illi tanquam vasa gratiæ pro diverso statu Ecclesiæ administrabant. Signa item, ac miracula, quæ consequebantur, ut etiam quemadmodum scriptum est in actis Apostolorum umbra Petri & seminectia Pauli, Deo cooperante, redderent ægrotis sanitatem.

Septimo cum unusquisque in diversos sensus possit distrahare verbum Dei, expediret, ut antea legeretur ex antiquis Patribus Vincenſis Lirinensis in suo Commonitorio. Ex recentioribus autem Cardinalis Hosius Varmienſis in libello de verbo Dei, quod extat inter ejus opera, & Petrus Canisius apud præfationem vitæ, & actorum S. Joannis Baptiste adversus Magdeburgenses. Quod si quis esset doctior, prælegere item posset libros de doctrina Christiana scriptos à S. Augustino.

Illud verò imprimis ad Dei verbum, & voluntatem intelligendam pernecessarium est, ut prius credamus, quam curiose scrutemur res Dei. Nisi enim credideritis, inquit Isaias, non intelligetis, & scrutator Majesta-

tis opprimetur à gloria, inquit Salomon. Itaque captivemus intellectum in obsequium fidei, ut ait Apostolus, ac bene vivamus, & siquid aliis debemus honorem, bona, vel alia, ea reddamus. Scriptum est enim à Davide, à mandatis tuis intellexi, & à Sapiente, in malevolam animam non intrabit sapientia. Denique illud semper nobis infixum sit cordi, quod per Prophetam Deus loquutus est: super quem requiescet spiritus meus, nisi super humilem, & trementem verba mea? Rursus per Apostolum: Noli altum sapere, sed time; si enim naturalibus ramis non pepercit, vide, nec & tibi parcat. Et iterum per æternam sapientiam Filii sui: Pauperes evangelizantur. Quippe humilitas credendi tutissimos nos facit, & hæc illa virtus est, quam esse primam, secundam, tertiam, quartam ob sui necessitatem, atque præstantiam scripsit ad Dioscorum Augustinus.

Post Scripturam legenda sunt Concilia generalia. Quoniam Conciliorum, ut inquit Augustinus, saluberrima est autoritas, propterea illis, tanquam fidelissimis Spiritus Sancti interpretibus, quæ quidem legitime habita fuere, fides inconcussa adhibenda est.

Ea porro Concilia, quæ generalia, & legitime habita fuerunt hætenus duodeviginti numerantur, quorum aliqua, licet ob varias Ecclesiæ perturbationes non extant, multa tamen, aut eorum bona pars in decretalibus, & Canonibus habentur; cætera provincialia Concilia, quæ plura fuerunt, si ab Ecclesia sunt approbata, jam suam autoritatem retinent.

Generalia Concilia legitima sunt ista: Nicenum primum tempore Sylvestri Pontificis, & Constantini Magni adversus Arium anno 324. Constantinopolitanum contra Macedonium anno 383. Ephesinum contra Nestorium anno 434. Chalcedonenſe contra Eutychianum anno 454. Constantinopolitanum contra Petrum, Severum, Anthemium, & Theodorum ac Origianistas anno 552. Constantinopolitanum tertium contra Sergium, Pyrrhum, & Paulum Monothelit. anno 678. Nicenum secundum contra Iconomachos, id est, imaginum impugnatores anno 790. Constantinopolitanum quartum, quæ octava Synodus dicitur, contra Photium anno 870. Lateranenſe primum contra Saracenos pro recuperanda Terra sancta anno 1123. Lateranenſe secundum contra Antipapas anno 1139. Lateranenſe tertium contra Valdenses anno 1180. Lateranenſe quartum contra varias hæreses, & pro Terra sancta anno 1215. Lugdunenſe primum pro Terra sancta, & contra Imperatorem Fridericum anno 1245. Lugdunenſe secundum contra errorem Græcorum anno 1273. Vienenſe contra variis hæreses anno 1311. Florentinum, in quo facta est unio Græcorum cum Ecclesia Catholica anno 1439. Lateranenſe quintum contra schismata anno 1517. Tridentinum adversus hujus sæculi hæreses anno 1545. absolutum 1563.

Observanda autem sunt sequentia, si quid contra Concilia assertur, aut ex falsis, vel non approbatis Conciliis citatur contra Ecclesiæ Catholicæ firmitatem. Primum qui dubitant sextam & septimam Synodum generales fuisse vitiatas, id est Constantinopolitanam tertiam, & Nicenum secundum, legat Francisci Turriani Apologiam pro iisdem.

Secundo, qui confundi possent in octava Synodo legenda quæ fuit Constantinopolitana quarta, sciant tres fuisse Synodos, quæ octavæ dictæ sunt. Unam tempore Michaëlis Imperatoris, & Nicolai primi, in qua deposito Ignatio ordinatus est Photius Constantinopolitanus. Alterum tempore Basilii Imperatoris, & Adriani secundi Papæ, in qua deposito Photio restitutus est Ignatius. Tertiam tempore ejusdem Basilii, & Joannis octavi, in qua mortuo Ignatio revocatus est Photius. Ex his sola secunda vera est.

Tercio Antiochenum Sirmiente, Mediolanenſe, Ariminenſe, cujus pars fuit quædam Seleuciense in Oriente, Ephesinū secundum, Constantinopolitanū sub Copronymo,



mo, Constantinopolitanum sub Michaelae Imperatore, Pisanum, Wittenbergenſe Concilia, quæ ab Arianis, & aliis, vel fraude, vel vi ab Imperatoribus Arianis, & hæreticis, ut ſine Eccleſiæ authoritate, & ſine ulla approbatione coacta fuerint adverſus legitima Concilia, nullius authoritatis unquam habita fuere.

Quarto, aliqua Concilia generalia partim confirmata, partim reprobata ſunt, quoniam quædam eorum recte conclufa, quæ & legitima, authoritate convocata, quædam in progreſſu eorum non legitime, nec rite tractata fuerunt. Hæc nominantur Sardinienſe, Quintiſextum, in quo Canonici Trullani continentur, Concilium Conſtantiienſe, & Baſileenſe. In Baſileenſi enim Concilio aliquando recedentibus Episcopis, qui legitime vocati fuerunt, & ad legitimum Concilium euntibus Ferrariam, vel Florentiam. Simplicium verò ex ſchiſmate Sacerdorum, quod nunquam antea factum eſt, quodam numero convocato aliqua tractata ſunt, quæ poſt in eodem Concilio iterum rite coacto fuerunt abrogata.

Et hæc quidem ſatis fuerint ad arcendas adverſariorum inſidias, ſi quando alterum illegitimum pro legitimo Concilium aſſerrent, vel in rebus fidei jam declaratis poſteriores, prioribus Synodis adverſatas fuiſſe, malitioſa calliditate vellent perſuadere.

Præterea legendi ſunt Patres antiqui. Primo ſancti Patres lectitandi ſunt. Quoniam, ut refert Apoſtolus, Chriſtus Dominus Apoſtolos, Prophetas, Paſtores, & Doctores in Eccleſia dedit ad conſumationem Sanctorum, ne ſimus ſicut parvuli fluctuantes, ac ne omni vento doctrinæ circumferamur. Quod ſi dubitandum non eſt, quin antiqua in Eccleſia veritas fuerit, certe hæc ab iis teſtibus petenda eſt, qui cum eandem ſanctitate vitæ, ſcriptis, ſanguine, miraculis illuſtrarunt, in corrupti ſunt teſtes, quando eos præſentis ſæculi affectus movere non poteſt, ut plus uni, quam alteri parti fa-  
veant.

Secundo, quod, ſicut S. Petrus ſcriptum reliquit, in Scripturis ſunt quædam difficilia, & obſcura intellectu, quæ homines inſtabiles depravant in ſuam ipſorum perditionem, & volentes eſſe ſapientes, ut B. Paulus inquit, ſtulti facti ſunt, neſcientes quæ loquuntur, aut de quibus affirmant. Itaque ſi unaquæque diſciplina, ait Auguſtinus *ad Honoratum cap. 7. de utilit. credendi*, quamvis vilis, & facilis, ut percipi poſſit, Doctorem, aut Magiſtrum requirit, quid temerariæ ſuperbiæ plenius, quam divinatorum Sacramentorum libros ab interpretibus ſuis nolle cognoscere?

Cum autem poſt divinas Scripturas aliqui interpretes legendi ſunt, hi præcipue ſunt verſandi, quibus, ut Auguſtinus dicit *tom. 7. contra Julianum, Pelagianum lib. 2. ad finem*, poſt Apoſtolos Sancta Eccleſia plantatoribus, rigatoribus, ædificatoribus, Paſtoribus, nutritoribus crevit. Itaque adverſus Julianum, Pelagianum idem Auguſtinus ſubdit: His elogiis, & tanta authoritate Sanctorum profeſſo aut ſanaberis Dei miſericordia donante, quod quantum tibi optem, vider, qui faciat; aut, ſi, quod abominor, in eadem, quæ tibi videtur, ſapientia, & eſt magna ſtultitia, perduraveris, non tu iudices quaſiturus es, ubi cauſam tuam purges, ſed ubi tot ſanctos Doctores egregios, atque memorabiles Catholica veritatis accuſes, Irenæum, Cyprianum, Reticium, Olympium, Hilarium, Gregorium, Ambroſium, Baſilium, Joannem, Innocentium, Hieronymum, cæterosque ſocios, ac participes eorum, inſuper & univerſam Chriſti Eccleſiam, cui divinæ familiæ Dominica cibaria fideliter miniſtrantes, ingenti in Domino gloria claruerunt. Adverſus hanc autem miſerabilem, quam Deus avertat inſaniam, ſic reſpondendum video libris tuis, ut fides quoque adverſus te defendatur iſtorum, ſicut contra

impios Chriſti profeſſos inimicos etiam ipſum defenditur Evangelium.

Quarto, quoniam Patres, quod invenerunt in Eccleſia, tenuerunt. Quod didicerunt, docuerunt. Quod à patribus acceperunt, hoc filiis tradiderunt, ut idem Auguſtinus teſtatur.

Quinto, quod ita perſæpe Eccleſia errores hæreticorum revocit, atque damnavit. In Ephesine Concilio Neſtorium, Hieronymus Elvidium, Baſilius ad Amphiloſchium, Spiritus Sancti divinitatem negantes, Auguſtinus Donatiſtas, & Pelagianos, Leo Papa Eutychetem, & hujus ſectatores. Sic item Agatho Pontifex maximus comprobavit dogma de duplici Chriſti voluntate, & operatione, Theodorus actiones Concilii Alexandrini. Sic alii plerique omnes alia orthodoxa dogmata confirmant.

Eſſi verò hæretici aliquando Patres laudant, ut hæc fraude populis perſuadeant, ſeipſos cum antiqua Eccleſia ſentire, tamen non ſine cauſa eoſdem Patres nunquam ex profeſſo docuerunt in ſcholis, nec libenter, aut incorruptè unquam eos ediderunt in lucem, neque unquam in linguas populis cognitæ converterunt. Intelligebant enim hæreſes, & errores ſuos ita detectum iri, ac ipſos populos facile cognituros laudes, quibus Lutherus, atque alii Apoſtata extolluntur à ſuis, eſſe tanquam coronas ebrioſorum, ſicut de ſui temporis hæreticis rectiſſime contra Julianum, Pelagianum dixit Auguſtinus ibidem.

Ex Patribus autem legendi ſunt quicumque à tempore Apoſtolorum per conſequentia ſæcula in Catholica, ideſt, in univerſali Eccleſia floruerunt. Horum autem B. Hieronymus in libro de viris illuſtribus, eſſi non omnium, uſque ad ſua tempora catalogum ſcripſit, quamvis etiam in eodem catalogo complurium hæreticorum authorum mentionem fecerit. Reliquorum autem, ſicut & eorum Catholicorum ſcriptorum, quorum Sanctus Hieronymus mentionem facit, nomina Xyſtus Senenſis in ſacra Bibliotheca ſua, diligenter collegit. Porro quinam illuſtiores Doctores unoquoque ſæculo fuerunt, id tum ex chronologia jam pridem Ingolſtadii edita, tum foliis prioribus operi magno Catechiſmo Petri Caniſi adjuñctis, ac tum item ex Theſauro Catholico Coccii, perſpici poteſt.

Quamvis autem certus ordo præſcribi nequeat in Patribus legendis, quoniam & illi varia ſcribere, & qui ad eos accedunt, non omnes idipſum cupiunt legere, is tamen ordo, & ratio adhiberi poterit, ut primum eorundem Patrum, quos velimus evolvere, legamus vitam attente. Hinc enim Eccleſiæ ejus ſæculi ſtatus agnoſceretur, Sanctitas Scripturis legentem ad pietatem excitabit, ac quænam hæreſes extitere, cognoscetur. Ex quibus omnibus cauſarum, & aliarum circumſtantiarum non exigua lux orietur.

Præterea quæ illi ſpectantia ad mores Chriſtianos componendos ſcripſerunt, magni momenti erunt, ſi perlegantur. Ex eorum enim lectione quantum eorundem ſcripta pietatem ſpirent, & quam facile hæreticorum rapſodiæ, atque blaſphemix, ſordescere incipient, experiri unusquiſque poterit.

Quod ſi inveſtigare placeat, nunc cum Eccleſia Catholica, vel cum Lutheranis, aut aliis ejuſmodi hominibus Patres conſenterint. Primum legi poterunt ea ſcripta, quæ de hæreſibus ſui temporis generatim, ac brevius ediderunt, ut Tertullianus de præſcriptione adverſus hæreticos, S. Auguſtinus ad Quodvultdeum de hæreſibus, Epiphanius de octoginta hæreſibus, Theodorus, Cyri Episcopus de fabuloſarum hæreſum narratione, atque ita alii. In iis enim libris apertiſſime cernitur, eaſdem proriſus hæreſes à Lutheranis, Calvinianis, & aliis ſectariis fuiſſe ab inferis præterito ſæculo excita-



excitatos, propter quas antiqui hæretici ab Ecclesia universa ex verbo Dei, unanimique Patrum consensu tuere damnati.

Si quis verò nosse cupiverit, quibus rationibus ipsa hæreticorum dogmata fufius ab iisdem Patribus confutata sunt, petat à perito aliquo Catholico, vel ex authorum ipsis indicibus, quosnam de qua; re libros ediderunt. Exempli gratia. S. Hieronymus contra Vigilantium, negante Sanctorum intercessionem, & contra Iovinianum, negantem cœlibatus, & jejunorum meritum; adversus item alias hæreses proprios tractatus scripsit. Hos igitur libros legere poterit.

At B. Augustinus, vim adversus plures Africæ hæreses, quæ suo tempore ebullierunt, multa opera ediderit, quæ quidem non ita facile quis potest propter scriptoris ingenium eminens, varia quæ ac perdifficiles tractationes intelligere, magnum auxilium sentiet, ex ejus Patris materiis pene omnibus per loca propria fidelissime à Hieronymo Torres dispositis in libro, qui *confessio Augustiniana dicitur*.

In omnibus autem Patribus legendis hoc statuere primum oportet, eos maxime consensisse in iis, quæ ab Ecclesia Catholica in generalibus Conciliis decreta sunt. Quod si quis aliqua in re aliquando vel erraverit, vel dubitaverit, id sanè ante Ecclesiæ determinationem contigit, quemadmodum accidit S. Cypriano de rebaptizandis hæreticis. Si quis verò unus, vel alter Patrum nutaverit, eum item ab Ecclesia fuisse notatum.

Ad hæc, ut inquit Vincentius Lirinensis, antiqua sanctorum Patrum consensio, non in omnibus divinæ legis quæstiunculis, sed solum in fidei regula nobis certò est sequenda, atque in iis præcipue quæstionibus, quibus Catholici dogmatis fundamenta nituntur.

Itaque si quis aliquid objiciat, quo autoritas Patrum, vel ipsis Patribus testantibus, eleveur, id ejusmodi esse intelligendum est, quod vel non ad fidem pertinebat, vel ad ea, quæ jam ab Ecclesia non determinata erant; sed privato cujusque judicio libera linquebantur. Alia enim sunt, ait Augustinus *lib. adversus Iulianum* l. c. 2. in quibus inter se aliquando etiam doctissimi, atque optimi regulæ Catholicæ defensores salva fidei compage non consonant; alia verò, quæ ad ipsa fidei fundamenta pertinent.

Postremo si quis hæreticus ipsos Patres adversus Ecclesiæ Catholicæ dogmata citaverit, ea citatio sic omnino suscepta esse debet, nulla ut ratione credatur. Quamobrem urgendus est hæreticus, ut ipsum authorem in fonte ostendat, quem forte nunquam legit, sed ex Philippi Melancthonis, vel alicujus ejusmodi fallacissimis communibus locis mutuavit: Præterea iterum urgendus est, num putet eundem authorem pro Catholicis alibi facere. Quod si affirmer, cur quæ aperte alibi dicit, ea candide ab hæretico non afferantur? Sed de tota hac Patrum autoritate, ac de modo eos legendi, ii, qui erunt doctiores, petere multa poterunt ex septimo libro locorum communium Melchioris Cani, qui Calvinum, reliquosque fidei, & Patrum adversarios solidis rationibus, eorum fraudibus detectis, evincit.

Aliquorum autem nomina, qui adversus hæreticos scripserunt, quique eorum mendacia egregie detexerunt, hæc sunt. Valdensis contra Hussitas. Historia Surii adversus mendacia Sleidani, cujus Sleidani scripta cum audiret sibi legi Carolus quintus Imperator, solebat dicere: Mentitur nebulo, mentitur nebulo. Hujus ergo, ut dixi mendacia detegit Surius magno Ecclesiæ bono, & liber extat Latinè, ac Germanice.

Adversus verò Charionis, & aliorum hæreticorum chronica legantur quæ præter antiquos Honuphrius Panvinus, & alii tum antiquitus, tum nostro tempo-

re Catholici scripserunt, ac præsertim Franciscus Turrianus adversus Magdeburgenses.

Joannes Eckius utilissime, ac brevissime scripsit Enchiridion, & alia opuscula, Coelæus item alia Joannes Rossensis, qui pro Christi fide passus est in Anglia. Albertus Pighius, Federicus Staphylus, qui Lutheranorum contradictiones, & imposturas mirificè detexit, quippe qui ex iis cum fuisset aliquando, & Melancthonis individuus Comes, deinde conversus est ad fidem Catholicam, Alphonsus à Castro, Ruardus Tapperus, Dominicus à Soto in *quartum sententiarum*, Petrus à Soto, Cardinalis Hofius. Hic enim præter confessionem suam, quæ altam pietatem sapit, scripsit perdocte adversus Brentium, ac libellum de verbo Dei, atque alterum de utraque specie, Sonnius, Driedo, Jodocus Tileranus qui pro defensione Concilii Tridentini scripsit.

Jodoci item Cocci thesaurus Catholicus, Franciscus Turrianus, qui plures libros, plenos eruditione conscripsit, mendaciaque Centuriatorum Magdeburgensium apertissime manifestavit. Scripsit autem adversus Lutheranos, & Calvinianos, præter opera Clementis Romani, & Constitutiones Apostolicas, aliaque multa, Petrus Canisius, Alani Cepi dialogi, Fabricius Leodius, cujus extat Harmonia Confessionis Augustanæ, cujus errores, & damnatas hæreses refellit. Melchior Canus, qui eruditum librum conscripsit, qui vocatur *Loci Communes Theologici* Sanderus Anglus, Demochares de *sacrificio Missæ*, Claudius Sanctes Episcopus Ebriocensis de atheismis Calvinii, ac Theodori Bezae librum utilissimum scripsit. Amplum item opus de Eucharistia, cujus titulus est, *Repetitiones*, plures item alios libros edidit Gallicè, & Latinè scriptos adversus Calvinianos. Edmundus Augerius, qui Gallicè adversus eosdem Calvinianos scripsit libros de Sacramentis.

Scribere item alii plurimi eruditè ac doctè. Sed quando hi plus quam satis esse possunt, omnibus hæreticorum fraudibus detegendis, propterea reliqui non adjunguntur. Qui verò videre velit, quam solidam de Christo Domino doctrinam Ecclesia fidelibus ostendat, quamque fallæ calumniæ sint, quas hæretici Catholicis affingunt, perlegat Concilium Tridentinum, & Catechismum Romanum, libros certissime à Spiritu Sancto profectos, ac libros item Controversiarum Cardinalis Roberti Bellarmini, qui robur affert fidei Catholicæ, Bellum & arma, hæreticis ejus hostibus.

#### CONSULTATIO XLVI.

1. *An inter Lutheranos & Calvinianos aliqua ex parte Sacerdotes, & Episcopi dicendi sint, qui res spirituales, & sacras administrant?*
2. *An Ecclesia ibi esse dici possit, ubi Sacerdotes, & Episcopi veri, ac legitime consecrati non sunt?*

**A**D primum. Nec nomen, neque rerum spiritualium tractatio, sed rite suscepta consecratio Sacerdotum, aut Episcopatum efficit. Si enim quæzatur, à quonam isti consecrati sint? respondebitur, ab Episcopo: Si vero rursus urgeatur ecquis Episcopum illum creavit, ad id venietur, ut à seculari Magistratu eum fuisse creatum intelligamus. Itaque prudenter ac vere quidam Rex dixit, hosce, qui prodierunt ex laica potestate, nec aliud, quam ex Cancellaria seculari literas habuere, non esse aut Sacerdotes, aut Episcopos veros. Cum enim consecratio

M opus



opus supernaturale, & charisma istud divinum, atque character, quem veri Sacerdotes accipiunt, nunquam Magistratui à Deo concessum fuerit, ut ab eo conferretur, ac ne tributus quidem sit unquam, neque enim minor potestas in maiorem agere potest, cumque Lutherus, à quo ista falsorum Episcoporum, & Pastorum turba prodiit, nunquam Episcopus fuerit, cumque nullus eorum impositionem manuum ab iis habuerit, qui legitima ab Apostolis successione descenderunt, nonne ex eorum numero sunt, quos in Asinio non veros Senatores Cicero, atque in Novatiano Pseudo Episcopos, & Pseudoparochos S. Cyprianus designavit. Nam Asinius, inquit Cicero, in 14. *Antoniana* i. quidam Senator voluntarius, lectus ipse à se, apertam curiam vidit post Cæsaris mortem, mutavit calceos, Pater conscriptus repente factus est. Sic isti cum expulsis, aut trucidatis ab Apostolica Lutheri veris Episcopis, & Sacerdotibus, apertam curiam vidissent, illico, sicut momero pene temporis ex putredine fungus enascitur, superintendentes, ministri, cæteraque fax eruperunt.

Novatianus verò, ait S. Cyprianus *lib. 1. Epist. 6. ad Magnum*, in Ecclesia non est, neque Episcopus computari potest, qui Apostolica traditione contempta, nemini succedens, à seipso ordinatus est. Ac infra: Aut pastor haberi quomodo potest, qui manente vero Pastore, & in Ecclesia Dei ordinatione succedanea præsidente, nemini succedens, & à seipso incipiens, alienus sit, & profanus? Quæ quidem causæ sunt, cur Luci, non solum Sacerdotum officium impie assumunt, verum etiam Reges se tantem volunt constituere, quemadmodum & in civitate Monasteriensi non ante multos annos tentavit quidam Antibaptistarum Dux, & alius in Belgio. Quos enim conscientia stimulis in rebus sacris usurpandis, ac retinendis non mordet, multo minus mordebit ad civitates, regni que convellenda, & ad Reges ejiciendos. Quamobrem ubi heresis altas egit radices, semper eam denique aut Ethnicismus, aut barbara aliqua secta, ut in Africa, & Asia cornimus, aut cum rerum divinarum oblivione pestilens tandem anarchia, vel Regnorum mutatio est consecuta.

Ad secundum respondet S. Cyprianus martyr. Loquitur, inquit, illic Petrus, super quem ædificata fuerat Ecclesia, Ecclesie nomine docens, & ostendens, quia etsi contumax, ac superba obodire nolentium multitudo discedat, Ecclesia tamen à Christo non recedit, & illi sunt Ecclesia, plebs Sacerdoti adunata, & pastori suo grex adherens. Unde scire debes Episcopum in Ecclesia esse, & Ecclesia in Episcopo. Et si qui cum Episcopo non sint, in Ecclesia non esse, & frustra sibi blandiri eos, qui pacem cum Sacerdotibus Dei non habentes, abrepunt, & latenter apud quosdam communicare se credunt, quando Ecclesia Catholica una est, scissa non sit, neque divisa, sed sit utique connexa, & coherentium sibi invicem Sacerdotum glutino copulata. Hæc Cyprianus *Epist. 69. ad Pub.*

Sanctus autem Hieronymus in *dialogo contra Luciferianos*: Cum, inquit, homo mortuus sit, cum homine pariter interiit & secta. Quia post se nullum clericum Diaconus potuit ordinare, Ecclesia autem non est, quæ non habet Sacerdotes.

Ex his habes, ubi desint Sacerdotes, quorum glutine copulatur Ecclesia, & ubi pastori legitimo populus non adheret, ibi homines frustra sibi blandiri de Ecclesia, quam nullam, & proinde nec ullam salutem habent.

Porro, ut regnum non est, cui Rex, Consilarii, Legiferi, præfecti legitime delecti, leges item ipsæ defunctæ, ita neque Ecclesia, quæ cum Regno in Scriptura sæpe comparatur, dicenda est, in qua antiquæ Ecclesiasticæ leges silent, Archiepiscopi, Episcopi, Sacerdotes, ministeria,

spiritualisque omnis potestas, & decor adempti sunt. His enim Ecclesie facies, & ordinis hierarchici forma, & dignitas stabat, & cernebatur. Cum verò ab aratro ad altare traductis bubulis reliqua omnia, quæ Dei erant, conversa sint in rapinam, & sacrilegium, atque hæc non solum tolerantur adhuc, verum etiam ipse, verus omnis Ecclesie status explodatur, quis ibi Ecclesiam esse dixerit, qui tenebras, item lucem, lucem tenebras non dicat?

Huc quoque pertinet aliorum Ecclesie nominum consideratio, quibus eam Spiritus Sanctus expressit. Turtis, de qua mille clypei pendent. Vineæ, quam cœlestis plantavit agricola. Castrorum aciei ordinata, contra quam inferi portæ nunquam essent prævalitura. Corporis, quod unum sit, & unum Spiritum habeat. At hinc nullam turrim, nisi Babelis, nullum speculatorem, nisi falsos superintendentes subintroductos, nullos clypeos cernis, sed montes Gelboe, ubi neque ros, neque pluvia unquam decidit, ubi sterilis fides est. Ubi abjecti sunt clypei fortium, ubi populus misere periit, aut turpiter in manus Philistinorum, id est Apostatarum devenit.

Ita quoque nec ullam vineæ faciem vides, cum Apostolicis constitutionibus, & antiquissimis ritibus antiquatis, sepes, qua vinea sepiebatur, prostrata sit, cumque nullus palmes cum vite, nulli digni pœnitentiæ fructus, nullum torcular, canalina verò perrupta, & sacramenta maxima ex parte subblata, nullus Pater familias, & cœlestis agricola, nullum opus bonum fructuosum, unde mercedem denarii, qui laborarunt, accipiant, apparent. Ferus enim aper ex sylva, id est multiplicium errorum tenebris in vineam irrupit, hancque omnibus direptis atque scædatis, exterminavit, & sicut cucumerarum dereliquit.

Præterea nec ullam castrorum aciem ordinatam isthuc intueri potes. Quis enim aciem vocet, ubi nullus Imperator legitimus, nulla certa vexilla & signa, nulla excubia, & vigilia nocturnis precibus, nullus sufficiens comæatus, nulla tubæ, quæ certum dent signum, sed confusus variarum heresium strepitus conspiciuntur, aut exaudiuntur? Cum autem turbatis ordinibus talis jam Sacerdos sit, qualis est poculus divinisque humana sint permixta, an abominationem istam desolationis sentis, quam S. Athanasius esse dicebat, cum laici creare Episcopos, & Sacerdotes, res spirituales administrare, divinique mysterii, ac verbi tractationem sibi usurpare, intollerabili temeritate sunt ausi.

Jam verò nec denique unum corpus isthuc cernimus, quod unum spiritum habeat. Tum quoniam monstrum esset corpus, quod dux animæ regerent, unius verò formæ, atque animæ, una primaria operatio est, nec discors, & secum pugnant, qua quidem discordia cum hæresis agatur, non unum, sed varios ea spiritus habeat, necesse est. Tum etiam, quod cui propria vita deest, ac spiritus. Cum verò isti quandam solum fidem informem, ac mortuam agnoscant, eamque Ecclesiam, aut corpus vivum agnoveris?

Insuper si everso fundamento omnia ruunt, fide autem, ac religione & reliquis plerisque articulis fidei deficientibus, in horum locum errores iidem succussere, quo evidentissimum est antiquitas ab Ecclesia fuisse damnatos, nullum hinc tu jam corpus, aut Ecclesiam mihi ostendere poteris. Si quis autem præcis in animante nervis fibris, venis, primariis item membris, corde, hepate, cerebro amotis, corpus tamen vivere dixerit, utique cadaver potius istud fuerit, ad quod corvi, id est Apostatae confluerunt, quam corpus illud, ad quod, restante Christo, aquilæ, hoc est sapientissimi



& perspicaces Patres à terrena vita procul evolantes, unanimi consensu conveniunt.

Sed audiamus B. Augustinum tom. 10. *serm. de temp.* 186. Videris quid faciat anima in corpore; omnia membra vegetat, per oculos videt, per aures audit, per nares olfacit, per linguam loquitur, per manus operatur, per pedes ambulat, omnibus simul adest membris ut vivant, vitam dat omnibus, officia singulis. Non audit oculus, non videt auris, non audit lingua, nec loquitur auris & oculus; sed tamen vivit, vivit auris, vivit lingua. Officia diversa sunt, vita communis. Sic est Ecclesia Dei. In aliis Sanctis facit miracula, in aliis Sanctis loquitur veritatem, in aliis Sanctis custodit virginitatem, in aliis Sanctis custodit pudicitiam virginalem, in aliis hoc, in aliis illud, singuli propria operantur, sed pariter vivunt. Quod autem est anima corporis hominis, hoc est Spiritus Sancti corporis Christi, quod est Ecclesia. Hoc agit Spiritus sanctus in tota Ecclesia, quod agit Ecclesia in omnibus membris unius corporis. Sed videte quid caveatis, videte quid observetis, videte quid timeatis. Contingit, ut in corpore humano, imo de corpore aliquod præcidatur membrum, manus, digitus, pes; nunquid præcisum sequitur anima? Cum in corpore esset, vivebat, præcisum amittit vitam. Sic & homo Christianus, Catholicus est, dum in corpore vivit, præcisus, hæreticus factus est, membrum amputatum non sequitur Spiritus. Si ergo vultis vivere de Spiritu sancto, tenere charitatem, amare veritatem, desiderare unitatem, ut perveniatis ad aternitatem. Hæc ille.

Cum verò ex ipsis Evangeliiis, Actis Apostolorum, Canonibus Apostolicis, & antiquissimis Synodis constet, nullam unquam habitam fuisse Ecclesiam, quam quæ iisdem ritibus, & ordine constituta est, quibus Catholica constituit, sane neminem cordatus sibi imponi parietur, si quem dicentem audieris, Ecclesiam ibi esse, in qua antiquissimæ totius Ecclesiæ, ne ullum quidem vestigium constet.

## CONSULTATIO XLVII.

1. An qui baptismo in Septentrione initiantur, ad Ecclesiam Catholicam pertineant, licet Sacerdotes veros non habeant? &
2. An ab Orientis Ecclesiis, qualis est Alexandria, & similes, regula credendi, & Sacerdotum consecrandorum facultas jussu peti possit?

Quod attinet ad primum, nihil sane prohibet. In fide enim Ecclesiæ baptizantur quotquot ritè baptizantur, ac nisi extra Ecclesiam per hæresim, aut perfidiam exeant, sunt à nostris Catholicique sunt, æternam verò salutem consequi possunt, si fidei fundamento superædificent aurum, argentum, gemmas, sicut Apostolus scripsit; aut si in peccata prolapsi, denique vere resipiscant.

Verum quoruscunque est, qui cum adoleverit, haud istis falsis Sacerdotibus adhæreat, eorum erroribus non imbuatur, falsa pro veris Sacramenta notū sumat, atque etiam ubi una cum iis Ecclesiam Catholicam quæ est corpus Christi, blasphemare didicerit, tum moriens pestilenti pane, non autem vero Sacramento, & corpore Christi Domini accepto, miserrime non pereat? Unus, inquit Augustinus, est Deus, una fides, unum baptisma, una incorrupta Catholica Ecclesia, non in qua sola unus Deus colitur, nec in qua fides retinetur, sed in qua sola una fides cum charitate reti-

Tom. I.

netur; nec in qua sola unus baptismus habetur, sed in qua sola unus baptismus salubriter habetur.

Quod vero ad secundum. Pelagiani antiqui hæretici cum fide & autoritate Occidentalis Ecclesiæ à B. Augustino sic premerentur, ut non possent evadere; ad Orientis Episcopos se provocare fingebant, quibus ille ita respondet tom. 7. *contra Julian. Pelag. lib. 1. cap. 2.* Iterum, inquit, te admoneo, iterum rogo, aspice tot, ac tales Ecclesiæ Catholicæ defensores, atque rectores. Vide quibus tam gravem, tamque nefariam irrogaris injuriam. An ideo contemnendos putas, quia Occidentalis Ecclesiæ sunt omnes, nec ullus in eis est commemoratus à nobis Orientis Episcopus? Quid ergo faciemus? Cum ille i Græci sint, nos Latini? Puto tibi eam partem Orbis sufficere debere, in qua primum Apostolorum suorum voluit Deus gloriosissimo martyrio coronare, cui Ecclesiæ Præsidentem B. Innocentium, si audire voluisses, jam tunc periculosam juventutem tuam Pelagianis laqueis exuisses. Quid enim potuit vir ille Sanctus Africanis respondere Conciliis, nisi quod antiquitus Apostolica Sedes, & Romana, cum cæteris tenet Ecclesia? Et paulò post: Non est ergo, quod provoces ad Orientis Antistites, quia & ipsi utique Christiani sunt & utriusque partis terrarum fides ista una est, quia & fides ipsa Christiana est, & te certe Occidentalis terra generavit, Occidentalis regeneravit Ecclesia. Et post citatum Gregorii Nazianzeni testimonium: Audii omnes uno corde uno ore una fide id ipsum dicere, & hanc esse Catholicam fidem, non dissonante contestatione firmatam. An tibi parva in uno Gregorio Episcoporum Orientalium videtur autoritas? Est quidem tanta persona, ut neque ille hoc nisi ex fide Christiana omnibus notissima diceret, nec illi cum tam clarum haberent, atque venerandum, nisi hæc ab illo dicta, ex regula notissimæ veritatis, agnoscerent. Sed si vis, addimus & huic S. Basilium, imo velis, nolis, addendus est.

Et paulò post: Vide jam, utrum sufficiant tibi ex Orientis Patribus duo isti tam insignes viri, & tam clara præditi sanctitate, & sicut fertur, etiam carne germani? Sed dic, non sufficere. Habemus Orientales Episcopos quatuordecim, Eulogium, Joannem, Ammonianum, Porphyrium, Euronium, Porphyrium, Fidum, Zozimum, Zoboënum, Nymphidium, Chromatium, Joninum, Eleutherium, Clematium, quos uno loco simul inventos, in istum confessum introducere valeamus. Et hæc quidem Augustinus.

Ex quibus facile colligi potest, sufficere nobis debere Occidentalem Ecclesiam, in qua tot martyres, tot, ac tales Ecclesiæ defensores; ipsa à Christo instituta veritatis cathedra sunt, à qua ista quoque Regna Catholicam fidem acceperunt, ac proinde non sine crimine schismatis ab ejusdem ordine, ritibus ac legibus, nemini esse recedendum. Quod si tamen ad Orientis Ecclesias, & Episcopos etiamnum provocetur, cur non provocatur ad antiqua Orientis lumina, quorum cum Romana Ecclesia una fides, eademque Ecclesia fuit? Neque enim aut legem cælibatus inter Sacerdotes violatam, aut hierarchicum Ecclesiæ ordinem turpiter à laicis corruptum ex antiquis Orientis Patribus poterunt afferre, qui Apostolicam normam secuti, nunquam suo tempore id permissere, quales fuere Sancti Alexander, Athanasius, Cyrillus Alexandriæ, Sanctus Chrysostomus Bizantii, divus Basilii Cæsareæ, B. Gregorius Nazianzi, Sanctus alter Cyrillus Hierosolymæ, B. Epiphanius Cypri, B. Theodoretus Cyrenis, & plerique omnes alii Episcopi.

Nonigenti verò propemodum anni sunt, quibus Græci, & Orientales permulti non solum in ritibus,

M 2 verum



verum etiam in præcipuis fidei articulis, atque adeo in Spiritus Sancti processione à Patre & Filio, aberrantes, antiquos quoque Canones, laxata disciplina respicere ceperunt, quos quidem Canones in ipsis Orientis Conciliis ipsi Patres universa cum Ecclesia unanimi consensu olim ediderant. Quamobrem iusto Dei iudicio factum est, ut qui dum Ecclesiæ Catholicæ adhæserunt, per nongentos ferme superiores annos, octo generalia Concilia, plurimosque Sanctissimos, doctissimos Patres habuerunt, sequentibus octo jam sæculis nullam amplius Synodum, nullos habuerint sanctos, aut integros in orthodoxa fide Theologos, præter eos, qui ab Ecclesia Catholica seungi noluerunt. Corpora item & scripta Patrum antiquorum amiserunt, quæ ad Catholicos omnia, tanquam iusta ad veros hæredes possessio, recusantibus ipsis eorum Patribus cum degeneribus filiis remanere, translata sunt. Græci verò libertatem denique corporum perdiderunt, ac qui Pontifici Maximo, & Apostolicæ Sedi primariæ à Christo institutæ adversari præsumperunt, etiam barbarorum turpissima mancipia facti sunt.

Itaque ab istis Ecclesiæ formam, fideique regulam petere, quod aliud est, quam ex rudibus & ruinis potius, quam ex integro, solido, pulcherrimoque palatio formam ædificandi, aut ex abscisso, ac demortuo membro potius, quam ex vivo capite vivendi spiritum petere?

#### CONSULTATIO XLVIII.

*An, & quatenus fideles teneantur fidem Christianam exterius, etiam Martyrio profiteri? Vbi de fuga persecutionis tempore, & signis, ex quibus fidem negari colligitur. Quando fidelis religione obligetur subeundi Martyrium; & an Martyrium aliquando cadat sub Consilio.*

**V**Ox Credo duplicem actum fidei complectitur, interiorem qui est intimus animi consensus, & exteriorem, qui in externa fidei professione consistit. Unde qui dicit Credo non solum internum suæ mentis assensum declarare admonetur, sed etiam id, quod animo inclusum tenet, aperta professione fateri debere, quæ corde creditur ad iustitiam ore autem confessio fit ad salutem Rom. 10.

Est autem fidei confessio suo tempore, ac loco necessaria, tunc scilicet quando ex illius omissione honor Dei, vel salus proximi detrimentum pateretur. Ut si quis de fide interrogatus sileat, suoque silentio fidem abnegare putetur, aut saltem reputare tam vilem, ut pro ea Christianus mori non debeat, neque audeat, aut denique, si ex taciturnitate infirmi à fide abducantur, vel grave scandalum patiantur; huiusmodi enim occurrente casu, qui de fide interrogatus tacet, etiam proposito mortis periculo, Christum erubescere censetur, quem proinde etiam Christus non agnoscat, juxta illud Lucæ 11. *Qui me erubuerit, & sermones meos, hunc filius hominis erubescet, cum venerit in maiestate sua.* Non enim sufficit non negare, sed insuper Christum, ejusque doctrinam confiteri oportet, exemplo Apostolorum, qui Judæorum Principibus responderunt, *non possumus, quæ vidimus, & audimus non loqui*, Act. 4. & Pauli dicentis Rom. 1. *Non enim erubescō Evangelium.*

Quod autem etiam proposito vitæ periculo necessarium sit, confiteri Christum, ac sermones ejus, ex Matthæo, 10. Marco 8. & Luca 9. & 12. constat, ubi Christus jubet respondere Regibus ac Principibus, addens: *Nolite timere eos, qui occidunt corpus. Qui me confessus fuerit. Qui me erubuerit. &c.*

Unde patet impiam, Evangelioque contrariam esse

illorum doctrinam, qui tradunt, nullum esse crimen, si quis fidem corde retentam, ore abneget. Quod olim Priscillianistæ docuerunt, quorum dictum proteritum erat

*Jura, perjura secretum prodere noli,*

Teste augustino, lib. de hæresi. cap. 70. & Leone ep. 97. quibus consensere Basilides cum suis apud Euseb. lib. 4. hist. cap. 8. & Helchetsaitæ, de quibus idem Euseb. lib. 6. hist. cap. 28. Epiphanius hæres. 19. Idipsum placuit Mahumeto in suo Alcorano cap. 26. ac hæreticis, quos confutat D. Bernardus serm. 65. & 66. in Cantico. quorum placita receperunt clanculatii Anabaptistæ, ne non & Calvinistæ de quibus Hieronymus Bolsecus in vita Calvini cap. 20. refert, hoc in Genevensi Ecclesia constitutum esse dogma, ut quando de Dei gloria promovenda occasio incidit, non solum liceat mendacium veritatis specie fucare, sed etiam contra mentem loqui expediat, immò necessarium quandoque sit.

Sentiunt itaque hi cum priscis hæreticis, fidei, ac religionis dissimulationem licitam esse, potiusque merendum esse, quam moriendum, in eo similes Judæis quos Joan. cap. 12. notat, *quod Jesum non sine confesso, eo quod magis gloriam hominum diligere, quam Dei.* Qualis etiam Herodes fuit, qui in Judæa verum Deum, extra verò Judæam Deos falsos colebat, Josepho teste lib. 15. antiq. cap. 14. & lib. 16. cap. 6. Cui non dissimilis Athiobolus Sophista Constantinopolitanus moribus Imperatorum se se accommodans, sub Constantio se Christianum, sub apostata Juliano paganum, eoque sublato sub aliis Imperatoribus iterum se Christianum exhibuit, ut describitur lib. 6. Tripart. hist. c. 38.

Hinc quando fidei confessio exigitur, nefas est, dubia, vel involuta responsione veritatem obtere, sed aperta fidei professione Deo gloria danda est. Qui enim videri vult negasse, aut fallaces in excusatione præstigiis querit, negavit; & qui vult videri paruisse impio edicto, jam reus est. Quare Cyprianus lib. 2. epist. 7. & lib. de exhort. ad marty. Libellaticos acriter increpat, & peccasse convincit ex eo, quod feralibus edictis paruisse videri vellent, producents Elezeri exemplum, qui mori potius elegit, quam simulare carnes suillas edisse 2. Mach. cap. 6. Et Ambrosius lib. de Jacob, & vita beata ex professio involutam & obscuram responsionem insufficientiæ coarguit. Et in Lucam lib. 10. expositionem verborum negationis Petri rejicit: *nescio quid dicis*, id est, sacrilegia vestra nescio, non approbo, Chrysostomus hom. 55. in Matth. clara & magna voce profitendam esse veritatem, docet. Cujus rei præclarum Augustinus lib. 8. confes. cap. 1. commemorat exemplum de Victorino Rhetore Romano, cui dum offerretur, ut clanculum baptizaretur, palam Christi fidem profiteri maluit, ne ipsum Dominus erubesceret in Cælis, si coram hominibus ipsius doctrinam profiteri erubuisse in terris. Eusebius lib. 8. hist. cap. 3. 7. & 9. jure culpari silentium ostendit, ac lib. 4. cap. 17. quendam à Judice infideliæ rogatum, an Christianus esset? Libere professum esse, scribit.

De Fuga verò persecutionis tempore, an sit licita, Tertullianus in lib. de fuga. nullo casu fidei permissam esse fugam, docuit. Sed Ecclesiæ Catholicæ doctrina semper contrarium tenuit, sanctique tam in veteri, quam in novo Testamento, cum verbis, tum exemplis nonnunquam cedendum furori persequentium comprobant. Nam de Ur Chaldæorum propter religionis causam, Thare pater Abraham profugit. Jacob iræ fratris Esavi voluntario se exilio subduxit, nec non Moyses à facie Pharaonis, Gedeon à facie Madian, David Regis Saulis persecutioni fugiendo se subtraxit, Helias furori Isabelis cessit, Abdias Prophetas occultavit, Mathias cum plerisque Mosaicæ legis amatoribus in deserto se contulit, ut Antiochi sævitiam declinaret, Judic. 6. 1. Reg. 21. 3. Reg. 17. 18. & 19.

Christus autem verbo & exemplo fugam esse licitam declaravit. Fugit primò in Ægyptum, sæpius secessit in deser-



rum, nonnunquam se occultavit, ac luculentis verbis dixit Apostolis Matth. 10. *Si vos persecuti fuerint in una civitate, fugite in aliam.* Cujus doctrinae memor Apostolus Paulus, per sportam dimissus fugit, suumque factum probando commemorat 2. Cor. 11.

Ex quibus fugam suam licitam fuisse probat Athanasius in Apologia pro sua fuga. Quia nemo se in periculum abnegandæ fidei conicere debet, nec Deum tentare licet. Quod fit quando speris ordinariis à Deo institutis mediis, præsidia miraculorum extra communem Naturæ legem expectantur. Id quod præsumptionis vitio non caret. Hinc lapsus refert Eusebius lib. 4. *hist. cap. 15.* eum, qui se periculo temere objecerat, quia suæ fragilitatis oblitus, quod se velle sentiebat, perficere quoque posse opinabatur, sicuti Petrus de suis viribus præsumens, Christum abnegasse legitur, qui postea quantumvis constans fugere non erubuit, donec ei Christus horam adesse mortis significaret. Cyrill. lib. 9. in *Joan. cap. 26.*

Nazianzenus orat. 1. in *Julianum* aliam fugæ causam affert, dicendo, cedendum esse furori persequentium ne occasionem mali præbere videatur, obiciens se nocere paratis. Hinc pastoribus licitam tunc esse fugam docet Augustinus *epist. 180.* quando eorum quisquam specialiter à persecutoribus queritur, ut ab aliis, qui non ita requiruntur, non deferatur Ecclesia nec debitum, ac pietati necessarium ministerium desit. Eos verò, qui sic fugiunt, ut gregi Christi ea, quibus spiritualiter vivit, alimenta subtrahantur, mercenarios esse dicit, qui videntes lupum venientem, fugiunt, quia non est eis cura de Ovis. Unde Ambrosius Justinæ Augustæ, ut fugeret, imperanti, respondit *ep. 32. Ego hoc sponte non faciam, ne lupis ovium septa tradere videar. Non multum enim interest, utrum vulpes relinquas, an tradas altare Christi.* Nec dissimili constantia Basilius Imperatori Valenti exilium ejus decernenti, respondit: *omnes mortis species potius esse tolerandas, quam patiendum sit, unam de divinis dogmatibus syllabam corrumpi*, *hist. tripart. lib. septimo cap. 36.*

Quamquam verò propriam subinde fidem occultare liceat, nunquam tamen signo infidelitatis, aut reprobiæ sectæ, uti fas est. Immo ne quidem Eleazarus specimen perfidiæ, aut simulationis, mortis vitandæ causa exhibendum putavit, ideoque mori satius quam simulare duxit 2. *Machab. 6.*

Et hæc ex Patribus. Qui plura, immo qui omnia de his rebus scire velit, adeat Leandrum de sanctissimo Sacramento, qui p. 1. *disp. 3.* ita minutis interrogationibus, quasi punctis ea collegit, ut omnem superet diligentiam.

Signa porro, ex quibus veteres fidem negari colligebant, varia fuere.

Primi generis erant, Idola colere, aut thura adolere, teste Cypriano lib. quarto *epist. secunda*, quibus hodie assimilantur, qui hæreses amplectuntur, aut laudant.

Secundi erant, nomen libello dare; unde tales Libellatici nuncupantur, quorum crimen in eo consistebat, quod Judici, vel Scribæ pecuniam conferrent, ut eorum, qui jussis impiis paruerant, numero ascriberentur, ne ulterius ad immolandum Idolis urgerentur, persecutionisque furorem evaderent, cum legi paruisse viderentur, de quibus loquitur Cyprianus lib. 1. *epist. 3. lib. 2. epist. 7. lib. 3. epist. 5. & lib. 4. epist. 2.* Sic nunc peccant, qui metu damni, aut spe temporalis commodi, se hæreticis ac infidelibus accommodant, fœderaque cum eis ineunt, de quibus alibi prolixè.

Tertii erant, comedere Idolotryta, id est Idolis oblata 1. *Corinth. 8. & 10.* Cyprian. *Serm. de laps. & de exhort. marty. cap. 11.* Concil. Nicen. *can. 11.* Augustinus *epist. 164.* Lactant. lib. 4. *capit. ult.* His similes videtur, qui hæreticorum sacrilegas cœnas, aut conciones adeunt, vel quoquo modo eorum concioni sociantur. Item qui diebus jejuniorum carnibus vetitis ex inobedientia vescuntur.

Quarti erant, coronam in natalitiis Principum gestare, aut more Sacrificantium hedera caput cingere, Tertullianus lib. de coron. *milur.* & Cyprianus *Serm. de lapsis.* Hoc modo peccant, qui factionum hæreticorum tesseriis utuntur, puta scutellulis, aut floribus certi coloris, vel reflexione galeri certo modo facta, uti per Geulios factum visum est, vel pileo vitato Turcico.

Quinti erant, jurare per fortunam Cæsaris, Eusebius lib. 4. *hist. capit. 15.* Sic hodie peccant, qui symbolo factionis hæreticæ ad se internoscendum utuntur, nominando se Calvinistas, Lutheranos, Menonistas, Servetianos, Aërianos, aliisque hujusmodi nomenclaturis, quibus tanquam caractere dignoscantur.

Sexti erant, ab Imperatore Ethnico militiæ cingulum, aut chlamydem accipere, Concilium Nicen. *can. 11.* Hanc Iovinianus reculavit à Juliano, *hist. tripart. lib. 8. cap. 13.*

Postremum signum erat, non Christianorum, sed Ethnicorum more vivere, quales Paulus ait, *fidem negare factis* ad Titum 1.

Quod verò ad obligationem subeundi martyrium, obligantur primum ad illud omnes Christiani ex præcepto divino, saltem in præparatione animi. Nam omnes potius debent velle mortem sustinere, quam negare, aut deferere fidem Catholicam, aut aliàs peccare mortaliter. Deinde obligantur sub præcepto omnes Christiani ad perterendum martyrium actu, quando currit præceptum tuendæ, aut confitendæ fidei, ut patet ex illo ad Rom. 10. & tradit D. Thomas 2. *quest. 124. ar. 3. ad 1.*

Martyrium autem aliquando esse opus consilii; si fiat cum debitis circumstantiis, docet D. Thomas *loc. cit. ar. 4.* Non tamen caret difficultate circumstantias explanare, nempe quando martyrium, non urgente præcepto aliquo, laudabiliter suscipiatur, quando verò temere. D. Thomas, ubi supra, expresse docet, martyrium esse consilii Evangelici, cum ex zelo fidei, & charitate fraterna sponte quis se offert martyrio, ut multi Sancti fecerunt, non tamen explicat circumstantias, quando martyrium propter gloriam Dei libere, nemine impellente susceptum, sit laudabile.

Divus Isidorus lib. 1. *sent. capit. 23.* præ aliis planissime explicat, quando martyrium prudenter sit declinandum, quando verò amplectendum his verbis: *Vir Sanctus ultro se pro agone certaminis debet offerre justitia, sed tamen agonis fructum videns uberrimum; non debet declinare laboris periculum. Quod si major est labor, quam animarum lucrum, declinandus est labor, quem minimum comitatur augmentum. Utrunque enim fecit Apostolus, qui & periculis se ultro dedit, ubi maximum animarum lucrum vidit, & sapienter se periculo abstulit, in quo potiore laborem, quam lucrum esse perspexit. Ultro se Paulus apud Ephesum periculis obtulit, quia potius periculo lucrum vidit. Damasci autem ideo periculo subtraxit seipsum, quia nullum periculi ipsius arbitratus est fructum. Disce quomodo ad Martyrium se offerat quisque ultro, vel quomodo juxta sententiam Dei cingatur ab altero, & quò non vult, ipse ducatur.*

Nos vero duo, ut verissima, constituimus. Primum est. Nulla ratione licet Martyrium directe procurare, aut quærere, id est, nullus sine alia causa, quam sufferendi Martyrium, etiam propter Dei gloriam, debet se offerre persecutorum gladiis. Et hoc est, quod voluit D. Thomas *ibid. ar. 2.* cum ait, *Martyrium debet tolerari patienter, non tamen quari.* Quia non debet



debet dari occasio agendi injuste. Quod etiam est ad mentem aliorum Patrum.

Quamvis autem non liceat directe martyrium procurare, licitum tamen est desiderio martyrii flagrare, ut quamplurium Sanctorum monemur exemplis. Nam directe querere, & procurare martyrium nequit fieri absque eo, quod aliis demus proximam occasionem injustæ occisionis; cum verò desideramus, vel complacemus in spe vel desiderio martyrii, desiderium præcise fertur tantum in opus bonum ac honestum, quale est mori pro Christi fide, & ita appetimus passionem ex parte nostra, non verò actionem ex parte tyrannorum. Hæc autem, etsi in re sint connexa, voluntate tamen & desiderio separari possunt, sicut etiam Dominus desiderio patiendi ante suam passionem ferebatur, ut ipse agebat, baptismo habeo baptizari &c. non tamen desiderabat injustam Judæorum necem. Quia potest etiam quis desiderare injurias, & opprobria, ab hominibus illata, pro Christo pati absque eo, quod desiderio feratur, ut alii peccent inferendo ei injurias.

Secundum est. Licet indirecte ultro se offerre martyrio, atque hac ratione martyrii palmam querere. Subiicio exemplum. Aggreditur quis coram tyranno opus aliquod bonum, ad quod non tenetur sub præcepto, cum sit tantum de consilio, ex quo opere præcise sibi à tyranno mortem inferendam, ut si ex prædicatione Evangelica inter infideles, casu, quo ipse non sit obstrictus ejusmodi prædicationi, vel ex auditione, aut celebratione Missæ in regionibus hæreticorum, præcognoscat sibi imminere capitis periculum, tunc non ambigitur, quin liceat opus illud bonum, quando ex illo oriatur aliqua utilitas proximorum, etiam cum periculo vitæ, perficere. Quia tunc iste non præbet occasionem proximam injustæ necis, sed potius hoc sequitur ex malitia infidelium, aut hæreticorum.

Dum tamen ac sollicitè deliberandum est, utrum, & quando sit laudabile, indirecte, se offerre martyrio, quando Deo acceptius martyrii declinare occasiones. Hoc enim pendet à prudentia, & arbitrio boni viri, qui diligenter exquisitis, postquam Deum assidue oraverit, omnibus circumstantiis, maximæ utilitatis, quæ effusione proprii sanguinis consequitur; an, inquam, major futura sit utilitas animarum, ut si probabiliter fructus aliquis, tam pro adducendis infidelibus ad Christianam Religionem, quam confirmandis, & stabilendis Catholicis in fidei confessione speretur. Idque voluit Isidorus *cit. cap. 13.* qui non dixit quando ultro, se quis debeat offerre martyrio, sed labori, id est operi alicui bono, cum labore conjuncto, ad quod sequatur martyrium, & quando declinandus sit ille Labor, qui ansam præbet martyrio, quando amplexendus, licet Scholiastes non fuerit affectus mentem Isidori.

#### CONSULTATIO XLIX.

*De Superstitione. Quid propriè illa sit? Quomodo differat ab Idololatria. In quo consistat malitia sortilegii? Quomodo dividatur? Quatenus invocatio demonis sit illicita? De pacto inter hominem & Demonem. Quid ad illud requiratur? In quo illius ratio consistat? Regula fundamentales ad cognoscendum, in quo consistat hoc pactum, & quando interveniat, ac etiam quomodo rerum vanarum usus sit sortilegium? Et an in sortilegio excuset ignorantia? Pæna in Idololatrias, ac de potestate summi Pontificis alio-*

*rumque Principum Christianorum in Paganos ob solam Idololatriam. Quibus propositis quæstionculæ fere omnes, quæ apud alios proponuntur, explicantur.*

**D**E hac materia copiose Theologi morales differunt, nos vero salubriter, nec jejune illam versabimus, quoad ea fusè omnia quæ duntaxat pertinent ad S. Officium. Superstitio est vitium oppositum virtuti Religionis per excessum secundum quandam proportionem, prout in cultu divino fit aliquid, quod fieri non debet. Dividitur ex parte objecti in duas species. Prima est quando cultus exhibetur vero Deo, modo indebito, ut si colatur cultu falso, aut superfluo. Secunda est, quando cultus exhibetur ei, cui non debet exhiberi, nimirum creaturæ. Atque hoc est aliud superstitionis genus, quod ex parte finis intrinseci, ad quem ordinatur distinguitur in tres species.

Cultus autem Dei consistit, non solum quod Deo exhibetur honor, ejusque suprema excellentia oblationibus, & sacrificiis à nobis excolitur, sed etiam secundum quod ab eo, tanquam à primo fonte gratiarum, aliquid petimus. Creatura itaque colitur, vel quia illi indebita reverentia exhibetur, quod est prima species, quæ idololatria dicitur. Vel à creatura, veluti à Deo, indebitè postulatur instructio & cognitio rerum occultarum, & est secunda species, quæ vocatur divinatio. Vel divinus cultus, adhibitus creaturæ, ordinatur ad actum humanorum directionem, & hoc est tertia species, quæ appellatur superstitio vanarum superstitionum. Consistit igitur essentia sortilegii, ut est genus ad divinationem, & magiam, sive ad vanas observationes, in eo, quod maxime proprium sapientiæ, ac omnipotentia divina tribuitur creaturæ.

Hujusmodi autem superstitiones distinguuntur in sapientes hæresim manifeste, & in non sapientes. Et licet in cap. *accusatus de hæret. in 6.* decretum sit, quod Inquisitores non inquirent, nisi de divinationibus, ac sortilegiis, quæ sapiunt hæresim manifeste, nunc tamen ex Constitutione 17. Sixti V. & ex Constitutione 14. Urbani VIII. de omnibus sortilegiis cognoscunt. Quæ de re alibi sapius. Per id verò, quod superstitio importat divinum cultum, proprium Dei, & exhibitum creaturæ, dicitur sortilegium, de quo plura sunt expendenda, ut de eo habeatur deliberatio.

Et primò expendendum est id, per quod distinguitur ab idololatria. Conveniunt enim in genere superstitionis, eorumque essentia consistit in quodam recessu à Deo, & ab ejus suprema excellentia ex eo, quod divinus cultus creaturæ tribuitur.

Distinguntur tamen primò, quia idololatria respicit excellentiam divinitatis, sive essentia divina secundum se, & absolute sumptam, tribuens divinitatem, ac ejus supremam excellentiam creaturæ. At sortilegium per se, ac directe respicit divinam omnipotentiam, & sapientiam supremam, tribuens creaturæ, potest cognoscere ac prævidere, & facere id, quod solius est divina sapientiæ ac potentia.

Ideo distinguuntur secundo ex parte finis. Quia idololatriæ finis est, ut creatura habeatur, tanquam Deus absolute, utque talis adoretur. Sed sortilegii finis est, ut virtus Dei, nobis auxilium præbentis, exhibeatur creaturæ.

Tertiò distinguuntur. Nam actus idololatriæ est adoratio, & consistit in cultu latræ exhibitio creaturæ per actus, qui directe ac per se sunt in significationem ac testimonium divina excellentia, sicque tria importat. Ex parte intellectus exultationem, per quam judicat, divinam excellentiam competere creaturæ. Ex parte voluntatis affectionem, hono-



rem, ac reverentiam, per quam idololatra reveretur creaturam, ut Deum, ac illi se subijcit. Exterior per signa ex institutione, vel usu determinato significat interiorem illum cultum, reverentiam, & subjectionem, qua Idololatra ex corde reveretur & honorat creaturam, ut Deum, & se illi, ut deo, ex corde subijcit. Sortilegium verò consistit in invocatione creaturæ in iis, quæ solus deus potest scire, & facere, non sicut ac si creatura verè jam esset Deus.

Quarto propterea distinguuntur, quòd Idololatria consistit præcipue in adoratione, tam interna, quàm externa, per quam creatura cultulatrie adoratur, tanquam Deus, ideoque illi offert Sacrificia in testimonium ac significationem divinizationis, ut habetur ex D. Magistro in *summa* 2.2. *quest.* 4. *ar.* 1. 2. & 3. Sed sortilegium essentialiter consistit in invocatione divini auxilii ad aliquem effectum obtinendum, quando scilicet invocatur creatura, ut præbeat auxilium illud, quod solus Deus præstare potest. Atque ita sortilegium tribuit creaturæ, quod divinum est, divinam scilicet sapientiam, & omnipotentiam, ejusque actus est invocare creaturam in illis, quæ solus deus præstare ac facere potest.

Expendendum est secundo, an sortilegium, sicut Idololatria, dividatur in sortilegium verum, tam ex parte sortilegi, quàm ex parte creaturæ, quæ invocatur, & in sortilegium verum tantum ex parte invocantis, & in falsum, seu fictum. Suarez enim *tom.* 1. *de relig. tr.* 2. *lib.* 2. *cap.* 6. *num.* 5. distinguit in idololatriam tres istos modos. Et eodem modo sortilegium triplex esse potest. Verum ex utraque parte. Verum ex parte sortilegi, & Fictum. Primum non est sine infidelitate, sed illam supponit, atque ex illa est. Tale est sortilegium illius, qui verè ex corde invocatur creaturam, tanquam Deum, ab illa petens, & expectans, quæ sunt propria sapientiæ ac potentiæ divinæ. Et quanquam difficile valde sit, quod quis credens, quod creatura non possit aliquid facere, & nihilominus id ab ea petat ex corde, non est tamen hoc impossibile, esseque potest, quod aliquis in Dei contemptum velit invocare dæmonem ad id, quod solus dei est, sicque hic ex animo dæmonem invocans, etiam si credit, illum non esse Deum, est verus sortilegus. Sed si solum extrinsecus, & non ex animo dæmonem invocet ob aliquam causam, tunc committit sortilegium fictum ac simulatum, quod etiam est valde grave, ac importat actum externum, Religioni contrarium, ac mendacium valde perniciosum.

Tertiò expendendum est, an sortilegium ex parte personæ, cujus auxilium postulatur, restrictum sit ad dæmones, sicque sortilegium sit invocatio dæmonis ad faciendum aliquid, quod solus Deus facere potest? Affirmo. Omnem enim divinationem provenire ex dæmone, ait D. Thomas *loc. cit.* *quest.* 95. *ar.* 2. *corp.* & *ar.* 3. ac ita sentit Augustinus *lib. de doctr. Christ.* *cap.* 22. *ad fin.* & *cap.* 23. *sub initio.*

Neque refragari videtur, quod gentes adoraverint Solem, Stellas, Bruta, & hujusmodi Deos invocaverint in auxilium, præcipue ad cognoscendum occulta, & futura. Atque adeò Idololatria & sortilegium non consistant solum in eo, quod dæmoni exhibetur divinus cultus.

Respondeo, quod per se, ac formaliter loquendo Idololatria, & sortilegium consistunt in adoratione, & invocatione creaturæ ad ea, quæ naturæ vires excedunt, sed tamen verum simul est illud psalmi 95. *omnes Dei gentium dæmonia.* Gentis itaque ex falsa opinione, tanquam Deos adoraverunt, & invocant immediate, & explicate Sydera, bruta, sed reipsa id non fuit, nisi adorare dæmonem, ac illum implicite invocare, & ideo regulariter, ac ferè semper sortilegium fit per invocationem dæmonis explicitam, vel implicitam, ut per Cajet. 2. 2. *quest.* 91. *ar.* 2. & 8.

ibique Valentia *disp.* 6. *quest.* 12. *punt.* 2. & 4. Navar *in sum.* *cap.* 11. *num.* 25. Delrium *lib.* 4. *magic.* *cap.* 2. *quest.* 5. Suar. *d. tom.* 1. *de relig. tr.* 2. *lib.* 2. *cap.* 7. *n.* 9. & seq. Sayr. *in clav. reg. lib.* 4. *cap.* 4. ac Delbene *de offic. Inquis.* *par.* 2. *dub.* 221. *sect.* *secunda numer.* *secundo* & *tertio.*

Nam ex opinione falsa invocans quancumque aliam creaturam, ad ea, quæ supra vires naturæ sunt, revera, saltem virtualiter, ac implicite invocatur illum, qui solus his vanis invocationibus se immiscet, & effectum intentum causat, quando ille obtinetur. Immo qui idololatriam, & sortilegia invenit, homines docuit, ut separarent se à cultu veri Dei, & saltem implicite ipsum adorarent. Hic autem solus est Dæmon. Inanimata enim, vel irrationalia nostras preces non audiunt, neque percipiunt. Angeli, ac Beati has superstitiosas preces abominantur, nec patiuntur, ut sibi divinus cultus exhibeatur. Homines, adhuc viuentes, non possunt opem ferre, quia per sortilegia non petuntur, nisi quæ humanis viribus, vel quoad substantiam, vel quoad modum, obtineri non possunt. Multò minus damnatorum animæ id facere possunt, quia nec nos audiunt, nec nostra cognoscunt, ut docet D. Thomas *p.* 1. *quest.* 89. *ar.* 8. neque nobis opitulari possunt, cum sine speciali Dei permissu ex interis egredi nequeant. Solus ergo dæmon est, qui has vanas invocationes audit, & qui effectus intentos, aut verè aut falsò producit, ut decipiat. Quod si non exaudit, causam defectus cultus exhibiti ascribit, attribuitque.

Et nihilominus dicendum est, quod quando aliquis ex falsa opinione circa virtutem causæ naturalis utitur illa ad effectum, ad quem credit illam habere naturalem virtutem, quamvis & in hoc possit errare contra fidem, quodammodo materialiter dicatur inniti virtuti dæmonis, se in his immiscens, propriè tamen ac formaliter non init pactum cum illo, & sic non incurrit suspensionem illam hæresis, quæ ex hoc pacto sequitur. Quia ipse utitur illis causis, ut naturalibus. Nec eas invocatur, quia non utitur eis, ut causis rationalibus, quæ invocari possint, sed ut causis naturalibus, de quo infra. Quando autem invocatur creatura, tanquam rationalis, ad effectum sortilegium, in quem verè non potest, tunc implicite invocatur dæmon; qui est ille, qui sortilegiis adest, ut effectum assequantur.

Expendendum est quartò, in quo consistat malitia sortilegii. Et quidem sortilegium, quatenus est invocatio creaturæ ad producendum aliquem effectum, qui est proprius Dei, regulariter supponit errorem, sive infidelitatem in intellectu, sed formaliter consistit in eo, quod creaturæ tribuitur, quod Dei est, & creatura invocatur, ut Deus. Nam, petens hujusmodi effectus à creatura, supponit in ea potentiam divinam ad illos producendum, & quod ad se attinet, hanc potentiam illi tribuit. Quod autem, ut dictum est supra, dari possit sortilegus, qui ad hujusmodi effectus invocet creaturam, sive dæmonem, sive præsupposito errore scienter, & ex malitia, casus est potius metaphysicus, quàm moralis, & nihilominus, ad hunc casum excipiendum, diximus, quod sortilegium regulariter est ex errore, & infidelitate, sed tamen essentia sortilegii consistit in invocatione creaturæ in illis, quæ solius dei sunt, qua invocatione exhibetur creaturæ divinus cultus, quæ creatura semper est dæmon, saltem implicite invocatus.

Quintò expendendum est, an sit sortilegium ac superstitio petere à dæmone auxilium in illis quæ non sunt proprii effectus Dei, sed à Dæmonis virtute seu potentia produci possunt? Et sane, loquendo absolute de creatura, censeo nec superstitionem, nec sortilegium esse, neque illicitum petere ab illa opem in iis



quæ subsunt ejus virtuti, nisi adsit aliqua mala circumstantia. Quia in hac invocatione nihil divinum assumitur, & non tribuitur, nisi excellentia competentis creaturæ, ideoque licet invocatio sit quidam cultus, non est tamen divinus, quando invocatur creatura, ut agat, tanquam causa secunda, quod propria virtute potest.

At loquendo de invocatione dæmonis, quidam volunt, quod hæc invocatio sit quidem illicita; quia omnis societas cum dæmone noxia est, & contra rationem, non tamen sit superstitio, si invocatur ad præstandum illud auxilium, quod, ut causa secunda, potest natura sua præstare. Et sic ajunt, quod non est superstitio invocare dæmonem, ut revelet occulta, quæ ipse scire potest. Quia in tali invocatione nihil divinum assumitur, & creaturæ exhibetur. Hujus sententiæ est Valentia 2. 2. *disp. sexta quest. duodecima puncto tertio*.

Verumtamen, quod invocare dæmonem in auxilium, non modo sit illicitum, sed etiam superstitio, ac fortilegium, docent D. Thomas 2. 2. *quest. 95. ar. 2.* ac ibi Cajetanus, Suarez *tom. 1. de relig. tr. 2. lib. 2. cap. 9. num. 1. 16.* Sanch. *in sum. lib. 2. cap. 38. num. 2.* & 9. Sousa *lib. 4. aphor. cap. 38. num. 15.* Navar. *in cap. novit. num. 2. de judic. De bene dub. 221. sect. 1. nu. 1.* & Bordon. *in Tribunali cap. 17. num. 16.* Nam omnis amicitia & familiaritas cum dæmone est illicita, quia est contra charitatem, ratione periculi, ut tradit D. Thomas *ea quest. 95. ar. 4.* Dæmon enim capitalis inimicus Dei, ac hominis, non quærit, nisi, ut hominem decipiat, illique noceat. Quod ei facillimum est, vera respondendo, & consulendo, quæ verè sunt bona, ut sibi credatur, atque postea illos improvidè in præceptis dedat. Eoque præferunt quod in illo nullum opus, nullus sermo, nulla cogitatio est, quæ in Dei contemptum, ac in hominum damnum non tendat. Unde amicitia cum dæmone semper est in iis, quæ ad inimicitiam pertinent, quia omnia opera dæmonis sunt hostilia.

Quare dicendum est, quod amicitia, & familiaritas, sive sociale pactum cum dæmone initum opponitur directe, ac per se virtuti Religionis, ideoque continet malitiam pravæ ac perversæ superstitutionis. Nam fœdus, sive pactum sociale cum inimico Principis, & contra ejus Republicam opponitur directe illi virtuti, ex qua quis tenetur Principem revereri, illique subditum esse, ac in suis actionibus servitutem illi profiteri, illumque colere, ac Principatum ejus & gubernium honorare. Atqui respectu Dei, ac ejus Principatus & administrationis, hæc omnia debentur virtute Religionis. Ut enim ex Augustino *lib. de ver. relig.* docet D. Thomas 2. 2. *quest. 81. ar. primo* religio est, quæ nos relegat uni omnipotenti Deo, tanquam in deficienti principio, & summo Pontifici, ad quem omnis nostra electio dirigi debet, tanquam ad finem. Igitur contra hujusmodi religionem agit per se, qui cum dæmone, hoste Dei capitali fœdus init, ut cum Cajet 2. 2. *d. quest. 95. ar. 4.* docent alii, tanquam apostata à Deo proditor, ac læsæ Majestatis reus dæmoni adheret.

Quod eo manifestius apparet, quia dæmon, qui primò in superbiam elatus peccavit, dum voluit esse tanquam Deus, obstinatus in peccato appetit esse similem Deo in dominatione, ac homines à dei servitute ad sui obsequium seducere. Quæ omnia per se directè pugnant cum summo Principatu, ac excellentia dominationis Dei, & adversantur obligationi serviendi deo, ut summo Principi, ejusque excellentiæ. Quod ex virtute Religionis habemus. Ac insuper quia petitio, supplicatio, invocatio per se cultum præferunt. Nam, ut docet D. Thomas 2. 2. *quest. 83. ar. tertio* per orationem exhibetur cultus ac reverentia illi, cui fit oratio; quia orans se illi subijcit, & orando

prontetur, se illo indigere, sicut autore sui boni. Per invocationem igitur dæmonis ei cultus exhibetur. Licet autem, quando à dæmone petitur id, quod est in sua potestate concedere, hic cultus secundum se non sit divinus, attamen, supposita in illo affectatione divinæ excellentiæ cum Dei odio & contemptu, hic cultus est ex affectatione divinus & contrarius virtuti Religionis, atque adeo est cultus superstitutionis, ut asserunt Cajet. *d. quest. 95. ar. 2. & 4.* ac Suarez *d. lib. 2. de relig. cap. 8. n. 16.* Absolute igitur invocare dæmonem est superstitio.

Id autem, quod ait Carena *p. 2. tit. 12. numer. 63.* nempe, quod potest invocari dæmon absque omni cultu, ac reverentia, immo cum ejus odio, verum quidem est, si intelligatur de invocatione ficta & per ludibrium, vel de aliquo cultu speciali distincto à supplicatione. At de cultu intrinseco invocationi, implicat interminis. Qui enim serio, dæmonem invocatur, ut ejus auxilium obtineat illi cultum exhibet, qui licet secundum substantiam non sit divinus, si invocatur ad ea, quæ potest agere propria virtute, ex qualitate tamen dæmonis est avidè divinus. Neque est inconveniens quod hic cultus partialis possit esse cum interno dæmonis odio. Nam & sæpe inimici ad aliquid invocantur.

Si verò daretur casus, in quo homo vivens appetet divinitatem, ac vellet æstimari, ut Deus, utque deum invocari, tunc illius invocatio ad ea, quæ sunt virtutis humanæ, esset superstitio. Quia in his invocaretur, vel ut putatus Deus, vel appetens etiam in his divinitatem. Atque hic esset casus, in quo non invocaretur dæmon, ne implicite quidem. Quia invocaretur homo ad id, quod est in sua potestate, & ad quod nullum dæmonis auxilium esset necessarium. At ubi invocatur aliquis ad ea, quæ humano modo obtineri non possunt, semper dæmon implicite invocatur. Non enim est eadem ratio de dæmone ac de homine, divinitatem sibi arrogante. Quia in dæmone, ut diximus, non potest distingui actus non pertinens ad inimicitiam Dei, cum semper agat malum. Sed in homine, etiam improbo, non omnis actus est necessariò malus, & ejus actus auxilii in illo, quod agere potest virtute propria, potest non esse peccatum, nec procedens ex inimicitia contra deum, ac proinde ab homine, etiam appetente divinitatem, si petatur id, quod ille potest virtute sua, non est per se superstitio, quæ tamen esset, si ille actus fieret in signum divinitatis ex lege, vel consuetudine, aut si non reciperetur ab illo nisi ut signum divinitatis.

Sexto expendendum est, an, ut amicitia cum dæmone, vel ejus invocatio sit illicita, & superstitiosa, requiratur aliquod pactum inter hominem ac dæmonem?

Respondeo cum Cajetano *d. quest. 95. ar. 4.* non requiri pactum aliquod propriè dictum, sive conventionale, sed sufficere pactum sociale intrinsecum amicitie dæmonis, ejusque invocationi. Aliquod sane pactum intercedere, fatentur omnes, ac sæpe contingit, quod intercedat pactum conventionale, quo tam dæmon se obstringit ad respondendum, vel prædicendum futura, vel aliquam opem præstandum, & homo se obligat ad aliquod ei præbendum obsequium. Hæc autem specialia pacta, licet augeant malitiam hujus fortilegii, non sunt tamen de illius substantia, sed de illius substantia est invocatio ipsa, continens in se quoddam pactum sociale. Ita D. Thomas *d. quest. 95. ar. 4.* ubi docet, divinationem esse illicitam ex parte principii, quod est pactum, expresse cum dæmone initum per ipsam dæmonis invocationem. Sic igitur per ipsam dæmonis invocationem initur pactio cum illo, & hæc est pactio, quæ est de substantia fortilegii. Idemque D. Thomas *d. 2. 2. quest. 96. ar. 1. ad 3.* ait quod exquirere cognitionem futurorum à dæmone, non solum est peccatum ex eo, quod ipse futura non cognoscit.



cita, sed propter societatem, cum illo initam. Ex quo itaque initur societas cum dæmone, habetur superstitionio, ac indebitus cultus, absque eo, quod intercedat pactum conventionale, ac speciale.

Nihilominus tamen adest aliqua ratio pacti conventionalis. Nam, qui init amicitiam cum dæmone, si non verbo, saltem facto paciscitur, & pro amore amorem postulat. Etenim, si vis amari, ama. Et qui invocatur dæmonem, ex hoc se quodammodo obstringit ad obediendum dæmoni in iis quæ sunt necessaria, ad petiturum effectum obtinendum. Immo universim in sortilegiis, quæ in usu sunt, siue sint necromantica, siue vanæ observationes, aliive actus magicæ, semper intercedit pactum conventionale cum dæmone. Quia res, quæ adhibentur pro effectu obtinendo, adhibentur ex dæmonis institutione & pacto, ut signa dæmoniaca, ceu docet D. Thomas d. q. 96. ar. 1. 2. & 3. Per se tamen non est necessarium pactum ex natura sua inductivum iustitiæ commutativæ, sed sufficit pactum sociale inductivum mutuae benevolentiae, vel gratitudinis.

Septimò expendendum est, utrum ad essentiam huius sortilegii, siue superstitionis, sit necesse, quod invocans dæmonem, id faciat ex formali intentione exhibendi illi cultum aliquem divinum? Potest enim esse, quod aliquis sortilegio uti velit; immo & dæmonem invocet absque intentione formali eum colendi. Cajetanus cit. quæst. 95. ar. 4. huiusmodi sortilegium, in quo sortilegus separat ab opere id, ad quod opus sortilegium ordinatur, quia scilicet non vult, neque intendit, se subicere dæmoni, sed solum petit à dæmone, tanquam à sciente, aut potente in aliquo adjuvare, tanquam si peteret ab alio homine absque subiectione, ac reverentia, vocat superstitionem materialem. Quia huiusmodi opera sunt materia superstitionis; nec tamen propterea sortilegus evadit culpam mortalem. Quia eadem opera constituunt initam societatem formalem cum dæmone, atque adeo cum Dei hoste.

Verum animadvertendum est primò, quod amicitia cum dæmone est superstitionio formalis, ut probavimus. Præterea videtur, quod in hoc casu subiectio, ac reverentia superstitioniosa non possit separari. Nam aliqua subiectio, ac reverentia est intrinseca & inseparabilis à petitione indigentis auxilio. Quia, ut habetur ex D. Thoma 2. 2. quæst. 83. ar. 3. indigens, qui petit adjuvari, ex hoc proficitur suam indigentiam. Et propterea ex quo petit, se subiicit illi, à quo petit, & sic petitio intrinsece, ac individue quidam est cultus, exhibitus illi, à quo indigens petit. Id autem verum est, quod petitio, qua petitur à creatura id, quod est in sua potestate, non est cultus divinus, neque superstitionio. Sed petere à dæmone ratione qualitatis illius, à quo petitur, ut Cajetanus inibi docet, est cultus divinus affectatus, ratione appetitæ excellentiæ, ac divinitatis, quam dæmon exquirat, quod petens non potest à dæmone separare, atque adeo nec potest facere, quod in hoc casu ex rei natura petitio, affectatione dæmonis atenta, non sit cultus divinus affectatus. Quod sufficit, ut petitio ista sit superstitioniosa formaliter, & petens sit formaliter sortilegus.

Deinde advertendum est, quod ad falsum cultum ex parte rei, quæ colitur, non requiritur semper formalis intentio colendi, ut actus habeat malitiam talis actus, sed satis est, quod actus de se pertineat ad cultum ejus cui exhibetur; sicut ad homicidium sufficit, quod homicida occidat, etiamsi non habeat intentionem occidendi. Sic enim & actus, proveniens ex ignorantia non excusabili, quamvis præter intentionem formalem agentis fiat, est tamen ejusdem speciei cum actu proveniente à sciente, ac explicite formaliter intendente actum. Nec protestatio, seu intentio contraria potest malitiam excusare, vel separare, quia est protesta-

tio de facto, à quo malitia non potest separari. Et ideo si factum, de se malum, est voluntarium, est peccatum. Datur enim in voluntate tanta & talis intentio ac electio, quanta sufficit ad peccatum, & malitiam, non obstante quacumque alia intentione, ac protestatione, quæ in simili casu voluntas non est absoluta, & efficax, sed est quædam velleitas, quæ non tollit efficacem voluntatem imperantem talem actum de se malum. Et ideo, quod in hoc casu adsit petitio superstitioniosa, & verum sortilegium, non obstante, quod petens à dæmone intendat & protestetur, se nolle dæmoni cultum aliquem exhibere, docuerunt Suárez d. lib. 2. de relig. cap. 8. num. 14. Simanch. de cath. instit. tit. 63. num. 13. Sanchez d. cap. 38. n. 4. ac Delben. dub. 121. sect. 2. numer. 6.

Octavò expendendum est, in quo consistat ratio pacti expliciti, vel impliciti cum dæmone in sortilegiis? Jam diximus supra in invocatione dæmonum iniri pactum cum dæmone. Dividitur autem hoc pactum in explicitum & implicitum. Carena p. 2. tit. 12. num. 12. ait ex Sanchez d. cap. 38. num. 3. pactum expressum esse, quod verbis expressis fit cum dæmone, aut cum quis sciens dæmonem per aliquod signum occulta docere, illud usurpat. Subditque Carena, quod fallitur Sanchez, dum vult usurpantem signa, & characteres quibus dæmon aliquid agit, habere pactum expressum cum dæmone, cum illud sit solum pactum implicitum. At enim verò certum est, dari pactum expressum, nedum per verba, quando quis expresse verbis invocatur dæmonem, sed etiam per facta; non quia, ut dixit Sanchez ibidem, sit pactum expressum si quis usurpet signum, per quod dæmon occulta manifestat; nam verè id non est expressa invocatio dæmonis, sed tacita. Sed quia cum sortilegio non sit intrinsecum, nisi illud pactum, quod continetur in invocatione, aliaque pacta conventionalia, si interveniant, accidentaliter sint, quia invocatio expressa dæmonis fieri potest, non solum verbo, sed etiam facto, si ex instituto, vel usu detur actio aliqua, ad invocandum dæmonem ordinata, iccirco in tali casu facto expresso, & ad invocandum instituto supplicans dæmonem, expresse illum supplicat, & cum illo paciscitur. Et quamvis pactum sit inter duos, & non perficiatur, nisi ex utriusque consensu, ad hanc tamen superstitionem per se sufficit invocatio ex parte hominis dæmonem invocantis, quicquid sit, an dæmon invocationi consentiat. Nam sufficit, quod homo, quod ad se dæmonis auxilium implorer, ac illi hunc cultum exhibeat.

Idem quoque Carena inibi n. 19. inquit, quod pactum implicitum est, cum quis utitur signis, ad quorum usum dæmon vigore pacti expressi habiti cum primo instituyente, aliquid facit, sed quod non sit necessarium, quod aliquando fuerit cum dæmone initum aliquod pactum expressum, ut ille se immisceat his vanitatibus, ad hoc ut postea illis utens, dicatur pacisci implicitè cum dæmone. Quod etiam dixerunt Sanchez in decal. lib. 2. d. cap. 38. num. 5. Sal. lib. 1. cap. 14. num. 69. Delben. p. 2. dub. 221. sect. 2. ar. 7. ac Bordon. in tribum. cap. 17. n. 17. Quia usus ille serius vanitatum, & ex animo obtinendi effectum per se continet dæmonis invocationem. Nam per illorum usum non expectatur effectus ex causalitate naturali earum rerum, quarum est usus; quia effectus, qui expectatur, est dissimilis, ac dissimiliter virtuti naturali talium rerum, vel secundum substantiam, vel secundum modum, qui desideratur, sed expectatur à dæmone, qui est ille, qui in hisce vanitatibus se immiscet. Infallibilitas tamen illa obtinendi effectum, quæ tribuitur sortilegiis, non potest non inniti alicui pacto implicitè, vel mediatè inito cum dæmone ab institutore sortilegii. Atque ita verum quidem est, quod ut sortilegus sit superstitioniosus, & dicatur habere pactum implicitum cum dæmone, sufficit usus sortilegii, quicquid sit, an sortilegium fuerit



fuerit institutum ex pacto expresse cum dæmone, annè, cum tamen sortilegiorum institutio non fuerit facta, nisi ab aliquo habente pactum cum dæmone, qui efficacitatem suæ virtutis promisit sub conditione usus istius, vel illius, vel alterius rei, alioquin effectus sortilegiorum esset aut omnino, aut certè magna ex parte casualis, nisi in aliqua dæmonis promissione, & pacto inniteretur, sicque hoc etiam pactum, saltem implicitum in sortilegio invenitur.

Ut autem manifestum sit, in quo consistat hoc pactum, & quando illud intercedat, & sic quomodo, & quando usus vanarum rerum sit sortilegium, regulas aliquas subjiciemus satis planè utiles.

Sit itaque regula generalis, ac doctrina communis. Ubi ad obtinendum aliquem effectum usus earum rerum, quæ ad illum effectum causandum, vel quoad substantiam, vel quoad modum, aut circumstantias loci, temporis &c. non habent parem, ac propriam virtutem, sed effectus ad talium rerum usum provenit ex aliqua virtute occulta, quæ tali usui adjungitur: talis usus est implicita invocatio dæmonis, & sic continet pactum implicitum cum dæmone. Ita D. Thomas 2. 2. *quæst.* 96. *art.* 2. 3. & 4. ibique Cajetan. *quæst.* 96. *art.* 2. & 3. Deltius *lib.* 4. *magic. cap.* 2. *quæst.* 5. & Sanchez *d. lib.* 2. *cap.* 38. *numero tertio* Suarez *tom.* 1. *de relig. tract.* 2. *lib.* 2. *cap.* 9. *numer.* 9. Cum vero hæc regula ex multiplici capite possit pati difficultatem, quia videtur, quod possit ab illo usu separari invocatio dæmonis ex eo, quod spes, ac intentio utentis innitatur virtuti Dei, & Sanctorum, vel alterius causæ creatæ habentis virtutem ad effectum producendum, idè ad præfatæ regulæ generalis facilem explanationem, hæc, quæ sequuntur regulæ attendendæ sunt.

Regula secunda. Qui sine iusta causa, & sine speciali Dei jussu, aut inspiratione, invocando Deum, utitur his rebus ad effectus producendum ineptis, potest esse supersticiosus, semperque gravissimè peccat, licèt propriè non sit sortilegus. Diximus, sine iusta causa, & sine Dei jussu, aut inspiratione, quia, pone exemplum, projectio Virgæ in terram non est idonea causa faciendi, quod convertatur in colubrum, & tamen Moyses, ut habetur Exod. 4. & jussu Dei hoc fecit, & virga in colubrum versa fuit, fuitque factum illud iustum, & religiosum. Itemque dicitur de aliis, quæ per virgam Moyses & Aaron Dei jussu operati sunt, ac de tot miraculis, quæ Deo, vel jubente, vel inspirante Sancti per usum rerum non habentium virtutem ad producendum effectus, patrarunt. Pensatis enim rerum circumstantiis habuerunt iustum motivum ad Dei gloriam, fidei confirmationem, Reipublicæ Christianæ utilitatem, petendi, ac sperandi auxilium Divinum ad opera miraculosa implorandum.

Quæ causa cessat in vano usu rerum ad ejusmodi effectus à causis ineptis obtinendum. Hac vero causa cessante, prædictus usus potest esse supersticiosus in prima specie superstitionis, si Deo adhibeatur cultus falsus, aut superfluous, juxta doctrinam Div. Thomæ 2. 2. *quæst.* 93. *articul.* primo & secundo. Et hic usus semper est malus, quia est insignis audacia & impudentia sperare à Deo auxilium ad hujusmodi vanitates, insanias, atque ineptias. Audacia enim est, ac impudentia inniti potentie divinæ ad id, quod Deo non convenit. Div. Thomas 2. 2. *quæst.* vigesima prima *articul.* 1. ad 1. vel sperare à Deo id quod Deo tribuere non decet. Deus namque his vanis observationibus non se ingerit, nisi ut causa universalis, neque illi convenit absque iusta causa patrare mi-

racula, & hominum voluntatem, arbitrium, ac desiderium, ex curiositate, vel ob finem illicitum, vanum, & inutilem præbere speciale auxilium ad consequendum effectus contra, vel supra ordinem, ac vires causarum, quarum est usus; ideoque audax, & impudens est circa divinam sapientiam, & potentiam, qui Deum vane ac ineptè invocatur ad obtinendum effectus supra virtutem rerum, quæ ad hujusmodi effectus obtinendum adhibentur. Quod maximè locum habet, quando in his petitur auxilium ad illicita. Immo hujusmodi petitio vix contingere potest sine infidelitate, aut hæresi, per quam invocans Deum credit, quod Deo convenit præbere speciale auxilium ad illicita, & vana, quæ mala sunt. Et tamen sic invocans Deum credit, quod Deo convenit præbere speciale auxilium ad illicita, & vana, quæ mala sunt, & tamen sic invocans Deum per se non est sortilegus. Quia non invocatur dæmonem, nec cum illo paciscitur.

Quod verò ad forum exteriorem, non est, unde præsumatur, quod hujusmodi utentes his vanis ad effectus obtinendum, id faciant per Dei invocationem; sed dum constat, effectum excedere, virtutem naturalem causæ, præsumendum est, esse à dæmone, nisi operantis sanctitas, vel alia iusta causa suadeat effectum esse à Deo, ut per D. Thomam 2. 2. *quæst.* 96. *art. secundo*, Simanch. *de Carhed. institut.* tit. 63. *num.* 33. Suarez *d. lib. secundo cap.* 55. *numer.* duodecimo & seqq. Sanchez *cit. lib. secundo cap.* 40. *numer.* 44. & Soulam *lib. primo aphor. cap.* 54. *numer.* octavo. Quia homines isti probè sciunt, ac tenent, inane, & inutile esse, in rebus hisce vanis ad Dei auxilium confugere, ac proinde non præsumitur, quod frustra in illis Dei, & sanctorum auxilium invocent. Verùm si hoc illi adducant, contendant quæ, ex eo forsitan etiam vehementer de hæresi suspectos se reddunt, quod scilicet credant, Deum vel ad illicita auxilium adhibere, vel vanitatibus, opem ferendo, se immiscere. Eoque magis, quod hic vanorum usus, non modò si ad malum effectum ordinatur, est malus, sed etiam in se malus est. Quia sine aliqua necessitate ordinem causarum non servat, & non nisi vel ex libidine, aut avaritia, vel odio, aut inani gloria, seu scenodoxia, vel curiositate, aliavè simili causa, manat, & fluit. Ubi tamen res, quarum est usus, sunt orationes, & superstitio est solum ex aliqua vana, & futili circumstantia numeri, vel temporis, potest esse, quod in imperiis minuatur, vel cesset hujus malæ credulitatis suspicio.

Tertia Regula est. Si sit dubium, an res, quarum est usus ad effectum obtinendum, habeant virtutem parem ad producendum eundem effectum, potest à talium rerum usu separari dæmonis invocatio, nec cum eo pacisci, & reipsa separatur, & non inicitur pactum, si eis utens non intendit animum, nisi ad effectum naturalem experiendo naturalem rerum virtutem, abjecto cujuscumque alterius rei concursu, Sanchez *d. cap.* 40. *num.* 25. Soula *d. cap.* 54. *num.* 9. Non enim est illicitum vires naturales experiri in dubio; nam & naturales scientiæ experimentis acquiruntur.

Neque obstat, quod dæmon ad decipiendum in his rebus se immisceat. Quia non se immiscet sic invocatus, sed si hoc facit, ex malitia hoc facit.

Minus obstat, quod forsitan se ingerat ex pacto inito cum alio. Quia pactum inique ab alio initum, non afficit eum, qui in usu talium rerum non vult, nisi effectum, qui naturaliter ex talium rerum usu con-



quitur, semperque si dæmon se ingerit, id facit non invocatus ab utente rebus illis ad solum effectum naturalem obrinendum. Neque ab illo pacto, ab alio inito continetur usus, & applicatio vera ad effectus naturales, sed solum ad usum, & applicationem, quæ saltem virtualiter, aut simpliciter innitatur illi pacto. Non fit tamen hæc separatio invocationis, & pacti cum dæmone, si utens talibus non excludat concursum dæmonis, sed absolute velit, ac intendat consequi effectum: ex tali usu, undecumque effectus *proveniat*. Quia ille non intendit effectum, ut naturalem talium rerum, sed undecumque proveniat; ideoque, etiamsi effectus, nonnisi ex adjuncto auxilio etiam dæmonis obtineri possit, in tali casu continetur etiam dæmonis invocatio implicita, & implicitum pactum. Adest etiam ulterius periculum, ut homo deceptus à dæmone se ingerente, etiam non vocato, primum assuescat huiusmodi rebus, & deinde sortilegia intenter. Tutius igitur est, ut ab his experimentis absteineamus.

Et quod ad formam exteriorē, non potest in hoc casu ex præcisa vi usus talium rerum præsumi invocatio implicita dæmonis, aut pactio cum illo. Quia cum actus fieri possit probè, ac improbè ex intentione operantis, non potest, nec debet præsumi improba intentio; siquidem nemo præsumitur malus, nisi aliunde adsint malæ intentionis indicia. At verò distinguendum hic est. Aut verè dubium an effectus sine opere dæmonis possit ex talium rerum usu haberi, aut dubium est solum ex parte utentis. In primo casu non potest præsumi in utente, nec debet præsumi mala intentio, & pactum cum dæmone, nisi aliunde colligatur. In secundo autem casu, si utens est vir doctus, in quo præsumitur scientia huius veritatis scilicet, quod sit certum res illas non habere parem virtutem ad effectum intentum obrinendum, præsumitur simul mala intentio, ac dæmonis invocatio, saltem implicita. Sicut in homine rusticano, imperito, rudi, ignaro, saltem non orietur vehemens, & gravis præsumptio, nisi res sit adeò certa & manifesta, ut illius ignorantie pretextus admitti non debeat. Quod si de ignorantia satis liqueat, & ipse persistat, quod non sit usus illis rebus, nisi ut causis naturalibus, & ad effectum naturalem, cessabit præsumptio malæ intentionis, & invocationis implicitæ dæmonis.

Quarta regula est. Ubi utens talibus rebus certus est, in illis non esse facultatem ad effectum intentum producendum, nec inquitur virtuti divine, non potest separari invocatio implicita dæmonis, aut sociale pactum implicitum cum dæmone. Nam qui sic est certus, & absolute intendit effectum, ac utitur talibus rebus, tanquam utilibus, cum illæ solæ sine alio auxilio adjuncto non sint utiles, ac efficaces, procul dubio ex hoc, implicite saltem, alterius implorat subsidium. Quod est auxilium dæmonis, ut supra probavimus.

Hoc idipsum ostenditur hac ratione. Ex quo enim utens huiusmodi rebus scit, ac iudicat, illas non habere virtutem causæ sufficientem respectu effectus intenti, non utitur illis, ut causis, sed ut signis, non autem ut signis divinitus institutis, sicut sunt sacramentalia signa. Unde sequitur, quod sint supervacanea signa, inania, nullum usum habentia, supervacua, atque adeò pertinent ad pacta quædam significationum cum dæmone.

Postrema regula est. Ille, qui non considerat, neque attendit, num vanæ istæ observationes habeant, an ne efficacitatem ad effectum intentum, ne-

que considerat, cuius virtute possit effectus obtineri, & nihilominus illis utitur tanquam sibi utilibus, ex hoc implicite dæmonem invocatur. Quia in illius virtute confidit, qui solet se in illis immiscere, ut effectum obtineant. Hic autem est solus dæmon, sine cuius auxilio effectus intentus non produceretur, nisi concursu quodam fortuito alicujus causæ efficaci.

Expendendum denique, utrum in sortilegio excuset ignorantia. De hac re non est cur hic multa dicamus, cum eam explanavimus alibi, disceptantes, quatenus ignorantia excuset ab hæresi, à culpa, & à pœnis legis, & quando ac in foro exteriori possit adduci. Solum hic advertendum est, quid illud sit, quod ignoratur. Nam si ignoratur, quod uti sortilegio sit peccatum, aut quod hoc sit sortilegium, habens pactum cum dæmone, hæc ignorantia non excusat, nisi sit probabilis, non verò si sit crassa. At si ignoratur virtus causæ naturalis, & quis utitur aliquo sortilegio ex eo, quod putat, res, quibus utitur, habere virtutem naturalem ad effectum intentum, atque ex hoc operatur, iste à sortilegii culpa excusatur. Ita docet Div. Thomas 2. 2. *quest. 96. artic. 2. ad 1.* his perspicuis verbis: *Si simpliciter adhibeantur res naturales ad effectus producendos, ad quos putantur naturalem habere virtutem, non est superstitiosum, vel illicitum.*

Id quod verum est, si talis laborat ignorantia crassa, & desit dolus. Hæc enim ignorantia crassa non excusat talem ignorantem à culpa temeritatis iudicii, ac erroris commissi in iudicanda virtute rerum naturali, quibus utitur. Quia huiusmodi error est voluntarius. Cessante tamen dolo, hæc ignorantia excusat à culpa sortilegii, ac superstitionis, seu pacti impliciti cum dæmone, totumque fundatur in eo, quod utens causis non sufficientibus, utitur illis, non ut causis, sed ut signis, ac sperat in dæmonis virtute. Quod deficit in eo, qui bona fide, sine dolo putat, res quibus utitur habere virtutem naturalem ad effectum intentum. Neque enim dici potest, quod hic etiam implicite ineat pactum cum dæmone, cum spes ejus tota innitatur virtuti naturali rerum, quibus utitur.

At nihilominus assero, quod ubi de bona fide certum est, res adhibitas non habere virtutem ad effectum, qui illas adhibet ex errore, ac hæresi, est ex se superstitiosum, & sortilegium. Sicut enim falsa opinio, ac error in materia fidei non excusat ab Idololatria, sic neque excusat à superstitione. Nam qui ex tali opinione falsa utitur creatura quacumque, sive illa sit dæmon, sive alia, certò assumit quod divinum est, illudque tribuit creaturæ, quod est, ei divinum cultum exhibere. Immo licet iste, qui ex errore contra fidem adhibet creaturam ad effectum Deo proprium, in sua opinione non invocet explicitè formaliter dæmonem, illum tamen implicite invocatur. Quia ipse implicite invocatur illum, qui se ingerit his vanis, & falsis rebus, & ex eo istæ sortiuntur effectum, aut verè, aut fictè, & fallaciter, quando effectum sortiuntur.

Nec pactum implicitum excluditur, si quis volens uti, ac utens his vanis observationibus, proresteretur, se nolle dæmonem invocare vel cum eo aliquod pactum inire. Quia ut diximus, hæc protestatio, est contraria facto, & utens illis, tanquam utilibus, facto illum invocatur. Dæmon enim exercentibus hæc vana, etiam ignorantibus, ac præter eorum intentionem se immiscet, ut fallat, & suadeat spem collocare in illis, ut tradunt Div. Augustinus in *Genes. Div. Thomas 2. 2. quest. 95. artic. quintus*.



quinto ad secundum. ibique Caietan. articul. secundo & in vere aurea summa v. incantatio, Victoria relect. de Magia quest. 6. Simanch. de Cathol. institut. tit. 63. numer. decimotertio, Suarez dict. libro secundo de relig. capit. nono numer. decimo tertio, & decimosextimo Sanchez dict. libro secundo in decal. capit. 38. numero quarto, Salel. lib. 1. cap. 14. numer. 80. & Bordon. de Trib. cap. 57. nu. 20.

Idemque dicendum est de eo, qui velit uti his rebus, ut experiatur, an habeant effectum, ac sint verè utiles. Is enim interim & utitur vanis ad finem utilem, & invocatur implicite dæmonem, ejusque utitur subsidio. Ac idem dicitur de illo, qui sciens, hæc vana pluries habuisse effectum, & revera fuisse utilia, non tollit, quin fuerint utilia ope dæmonis. Adeoque utens illis invocatur implicite dæmonem, ex cujus auxilio illa fuerunt utilia. Cumque possit esse, quod ab initio effectus proveniens fuerit fortuitus, dæmon, se illis immiscens, operatur, ut pluries effectum fortiantur, ut hac arte homines alliciat ad has vanas observationes sectandum sicuti ex Div. Augustino lib. 2. de doctr. Christ. cap. 20. tradunt Div. Thomas dict. quest. 96. articul. tertio ad secundum. Div. Antonin. part. 2. tit. 12. cap. 1. §. 17. Sylvester V. superstitio 10. & Suarez dict. cap. 9. numer. 17.

Sortilegium itaque est actus superstitiosus ex eo, quod creatura cultu quodam divino invocatur, ut præstet ea quæ propria Dei sunt, vel quia in injuriam divinæ excellentiæ dæmon invocatur. Unde patet, quod sortilegium non est malum, quia prohibitur, sed est prohibitum, quia malum. Nec solum est contra leges civiles C. de malef. contra leges Canonicas tit. de sortileg. sed etiam contra legem divinam Deuter. 18. Isaia 8. Eccles. 34. Et quia superstitio est contra virtutem religionis, idè est contra legem naturalem, & divinam. Quare certum est, sortilegium ex suo genere esse peccatum mortale.

Est sanè peccatum, sed ut plurimum ex circumstantiis aliam specie, malitiam præ se fert. Sæpe enim adjungitur hæresis, ut si sortilegus credat, dæmonem posse certò prævidere futura contingentia, vel operari ea, quæ sunt Dei propria, vel illum esse Deum, vel Sanctum, atque adeò colendum, ac venerandum. Frequenter etiam adjungitur idololatria, si sortilegus dæmonem adoret, eique sacrificia offerat. Crebro pactum initum cum dæmone est contra iustitiam, contra fidem, contra alias virtutes, ut si sortilegus promittat, funditus repudiare fidem, & obedientiam divinam, pueros interficere, aliaque hujusmodi, semper adest periculum deceptionis, & idè sortilegium continet malitiam contra charitatem. In re namque pertinente ad mores, dæmon decipere facile potest: ideoque amicitia cum illo est temeraria, periculosa, præceps. Excusatur tamen à peccato mortali qui aliqua observatione vana utitur, non ex utilitate, sed ex joco, ut latè explicat Caietan. ad d. quest. 95. articul. 2. §. ad evidentiā. Delrius dict. libro quarto Magic. capit. secundo quest. tertia Scach. d. cap. 38. numero decimo, Valentia d. pun. 3. & Soula libro primo aphor. capit. trigésimo octavo numero decimo quarto. Idololatra autem Christianus ponitur omnibus censuris, ac pœnis latis contra apostatas à fide & hæreticos. Quia hoc peccatum, ut notat Caietan. 2. 2. quest. 12. habet veram malitiam infidelitatis, & apostasiæ à fide. Qui verò metu Paganorum exterius tantum absque interiori infidelitate hoc peccatum committit, sed corde non discedit à fide, non punitur pœnis hæreticorum, sed aliis. Quia non est verè apostata à fide, peccat ta-

men mortaliter, ut per Suarez tom. 1. de relig. libro secundo capit. sexto numero vigésimo secundo Simanch, de Cathol. institut. tit. 17. numer. 35. ac alios.

Judæi verò idololatrantes, vel delinquentes in iis quæ sunt communia nostræ ac ipsorum fidei, puniuntur ab Inquisitoribus pœna abjuratōis, ut per Eymmer. in direct. part. 2. quest. 46. num. 16. ibique Pegnam, Umbert. in prax. inquis. V. abjurare §. ultimo, ubi refert, ita in hac specie observatum fuisse Barcinonis anno 1371. ubi Episcopus, & Inquisitor publicè abjurare fecerunt quendam Judæum, & per sententiam ad perpetuum carcerem condemnarunt convictum, & confessum, quod dæmonem invocaverat, eique sacrificaverat. Publice autem abjurare fecerunt sub hac forma: *Ego N. Sacrosancta Dei lege posita coram me, & manibus meis tacta jurame credere corde, & profiteor ore, illam veritatem, ac fidem, quam lex Dei Sacrosancta docet. Ac in primis Deum esse invocandum, solumque adorandum, & per consequens detestor eum errorem, qui dicit, dæmonem esse invocandum, eique divinum honorem tribuendum.* Simili forma abjurare debet similis reus, juxta qualitatem errorum, quos contra fidem committit. Non enim similis reus jurat super Evangelia, quibus non credit, neque abjurat hæresim, quæ in ipso locum non habet, sed pœna hæreticorum, ut alibi diximus. Judæi autem, Mauri, ac Infideles non baptizati hæc crimina, perpetrantes puniri possunt ab Inquisitoribus privatione communicationis cum Christianis, ac etiam pœna pecuniaria, carcerationis, verberationis, exilii, triummiū etiam in perpetuum, & traditionis quoque Curiaæ seculari pœna mortis puniendi: Ita Soula Aphorism. lib. 1. cap. 32. numer. 29. ex constitutione Gregorii XIII. de qua & nos alibi. Repertorium Inquit. V. Judæus §. sed circa. Farinac. de hæres. quest. 168. nu. 146. alique. Eisdemque pœnis puniuntur eorum fautores, defensores, ac receptatores ab eisdem Inquisitoribus, ex constitutione B. Pii V. quæ incipit: *Si de protegendis.*

Potè summus Pontifex potest Christiano Principi potestatem concedere debellandi, & occupandi provincias Paganorum, ac infidelium, si non permittant liberam Evangelii prædicationem. Quia Summus Pontifex habet jus introducendi Christi fidem in universum mundum, & potest debellare eos, qui hanc introductionem ei impediunt, atq; adeò potest hanc potestatem alicui Christiano Principi concedere, qui hoc divinum præceptum exequatur, quodque Idololatriæ, & Infidelibus Evangelii prædicationem impediuntibus bellum inferat, ac provinciis ac regnis prævet, atque occupet. Principes enim Christiani sunt etiam protectores Ecclesiæ ac Legis divinæ custodes.

Non obstat, quod nemo potest directè infidelibus ad suscipiendam fidem cogere, adeò neque cogere potest ad amplectendum media, quæ ad fidei susceptionem ordinantur, qualis est Evangelii prædicationem.

Quia non est eadem ratio de fidei susceptione, & de mediis ad illam ordinatis. Nam medium, sive prædicationem Evangelii, licet ordinetur ad fidei susceptionem, relinquit tamen audientem in sua libertate, ut supra dictum est, sicq; susceptio fidei non est coacta, sed omninò libera. Nam prædicationem non est ita connexa cum fide Evangelica, ut vim inferat libertati. Atque ita colligitur ex Clem. un. de Jud. & Sarac. & ex l. nemo C. de pagan. ac docent D. August. & D. Ambrosius, ille Ep. 48. hic ep. 30. & Becan. tom. 2. cap. 13. qu. 4. nu. 11. Covar. in regul. peccatum §. 10. num. 3. Victor de Indis in Relect. Sor. in 4. d. 5. quest. 1. articul. 10. Azorp. 1. lib. 8. c. 14. §. 10. & alii Unde Alexander VI. concessit Regibus Lusitanix, & Castellæ regna infidelium



delium Orientis, & Occidentis, cum ea conditione, ut in illis fidem Catholicam suis sumptibus introduce-  
rent, ac mitterent idoneos prædicatores ad propa-  
gandum Evangelium, simulque eis titulum concessit de-  
bellandi illorum infidelium regna, si injuriose fidei præ-  
dicatores exciperent, eorumque prædicationi impedi-  
mento essent.

An autem ob solam idololatriam possint Principes  
Christiani bellum inferre Infidelibus, illorumque regi a  
occupare? affirmant Ostiens in cap. super his devot. ibique  
Patonm. Alvar. Pelag. de plant. Eccles. lib. 1. ar. 27. Major.  
in 2. sent. d. 44. q. 3. Cui sententiæ adstipulantur, dum-  
modo adit facultas Papæ, vel Imperatoris, D. Antonin.  
3. p. in 2. cap. 5. §. 8. Sylvester V. Papa q. 7. Castrius lib.  
2. de just. heret. pan. cap. 14. Tum ex scriptura Sacra.  
Num Ecclesiast. cap. 10. v. 8. dicitur, Regnum d. gentie  
in gentem transferetur, propter injustitias, & contumelias,  
& diversos dolos. Et Isai. 6. v. 12. Regnum, quod non  
servaverit tibi, peribit. Quibus verbis supponitur, Infide-  
les amisisse suarum rerum dominium propter infidelita-  
tem suam post adventum Christi, & translatum esse in  
Christianos. Tum ex D. Cypriano in tr. de exhort. mar-  
tin. ad Fortunatum. Nam postquam recensuit Deum in  
veteri Testamento præcepisse, Idololatrias interfici, sub-  
dit. Si autem adventum Christi circa Deum colendum, &  
idola servanda hæc præcepta sunt, quanto magis post ad-  
ventum Christi sunt servanda? Et hæc ratione motus Ale-  
xander P. I. concessit Ferdinando Hispaniarum Regi, &  
Emanueli Regi Lusitania, ut ille Indias Occidentales, iste  
Orientales sibi occuparent, ut modo diximus. Tum quia,  
Deus jubente, Israelita terras Gentilium propter illorum  
Idololatriam vi, & armis occuparunt, juxta illud Deuter.  
12. v. 2. subvertite omnia loca, in quibus coluerunt Gen-  
tiles Deos suos, dissipate arces eorum, & confringite statuas,  
& idola comminuite. Et tum quia licitum est vi, & armis  
bellum inferre Infidelibus ad ulciscendam injuriam, quæ  
Christianis inferitur, & ad consulendam vitam, & incolu-  
minatam proximi innocentis, juxta illud Psal. 81. v. 4. Eri-  
pue pauperem, & egenum de manu peccatoris liberate.  
ergo multo magis ad ulciscendam injuriam, quæ ab eis-  
dem Infidelibus Deo inferitur per idololatriam & alia pec-  
cata contra legem naturalem.

Hic tamen minimè obstantibus, verior, & commu-  
nis sententia docet, non esse licitum ob solam idolo-  
latram, & alia crimina contra legem naturæ Infideles  
vi, & armis invadere, illorumque provincias, & re-  
gna occupare; sed tunc solum, quando vel prædicatione  
Christi, fidei impediunt, vel prædicatores Evangelii,  
ac fideles injuria afficiunt, vel eos, qui ad fidem  
converti volunt, persequuntur, & ad immolandum  
Idolis cogunt, vel carnes humanas vorant, & Idolis fa-  
cificant: quia humano generi perniciosi sunt, vel  
occupare velint regiones, quæ justè ad Christianos spe-  
ctant Principes. Ita colligitur ex can. dispar. 22. q. 8.  
& ex l. Christianis C. de pagan. ac docent D. Thomas  
2. 2. q. 12. art. 2. Victor. loc. cit. p. 1. num. 15. Covar.  
lib. 2. §. 10. Bannes. 2. 2. q. 6. art. 10. Becan. d. cap.  
13. num. 6. Valentia 2. 2. disp. 1. q. 10. pun. 7. Fagund. in  
decal. lib. 1. cap. 33. n. 29. & seq. Sicut d. fid. disp. 18. sect. 1.  
num. 7. Molin. tom. 1. de just. disp. 105. & 106. Coninsk.  
disp. 31. de bello dub. 12. num. 54. Cistropal. tom. 1. tract. 6.  
disp. 5. pun. 3. num. 6. alique bene multi.

Probat ex ratione alibi adducta, quod nemo pu-  
ni potest, nisi subditus sit punienti. Punio  
enim est actus jurisdictionis, ac justitiæ vindicativæ.  
Infideles autem non subduntur Principibus Christianis,  
nec ratione personæ, nec ratione delicti. Non ratione  
personæ, quia infideles per infidelitatem, & idolo-  
latram non amittunt dominium suorum Regnorum. In-  
fidelitas enim, ut probat D. Thomas loc. cit. non repu-  
Tom. I.

gnat dominio: quia dominium inducitur est de jure  
gentium, quod est jus humanum. Distinctio autem fide-  
lium, & infidelium est secundum jus divinum, per  
quod non tollitur jus humanum.

Neque ratione delicti idololatriæ, aliorumque cri-  
minum contra legem naturæ. Quia non pertinet ad Ec-  
clesiam punire delicta illorum, qui nunquam fidem sus-  
ceperunt: quia sunt extra suam jurisdictionem, juxta  
illud Apostoli 1. Cor. 5. Quid mihi de his, qui foris sunt  
judicare? Deus judicabit.

Idque confirmatur ex multis Sacræ Scripturæ locis,  
in quibus Reges, ac Domini infideles veri Reges, ac Do-  
mini appellantur, ut Danielis c. 2. Matt. 22. Luca item 22.  
ad Roman. 13. D. Petr. Ep. 1. cap. 2. & Alexander Secun-  
dus in d. can. dispar. his verbis: Justè bellum geri contra  
Saracenos, ex eo quod Christianos persequuntur, non autem  
contra Judæos, cum sint servire parati.

Ad contraria respondetur. Illud Ecclesiastici nil aliud  
probat, nisi quod sæpè propter injustitias, & peccata  
transferuntur regna de gente in gentem ex Dei vindi-  
cta. Quod unque verissimum est. Similiter verba illa  
Isaiæ solum significant, illos, qui extra Ecclesiam fue-  
runt, non posse salvari. Quod verissimum etiam est. Ex  
hoc autem non sequitur, Infideles ob infidelitatem  
amisisse suarum rerum dominium.

Sanctus Cyprianus loquitur de Idololatriæ fide apo-  
statis, qui verè subditiuntur jurisdictioni Ecclesiæ. Ideo-  
que assert præceptum Dei ex veteri Testamento, quo  
jubentur interfici Israelitæ, qui à fide discesserant, &  
ad Idololatriam se converterunt. De facto Alexan-  
dri Sexti, & cur factum, jam diximus.

Ad tertium respondetur cum Augustino ser. 6. de  
verb. Dom. cap. 11. quod filii Israël non propria volun-  
tate, nec ex potestate, sed ex præcepto Dei Chananeos  
debellarunt, & Deus ipse in Regiones illas eos introdu-  
xit, ut liquet ex Deuter. 7. Quo loco notat Augustinus:  
Cum acceperitis potestatem, hoc facite. Ubi nobis non  
est data potestas, non facimus. Ubi data est, non prater-  
mittimus. Et paulo infra: modo orandum est pro illis,  
non irascendum contra illos. Ad quartum. Infideles ex  
eo præcisè, quod tales sunt nobis nullam offensionem  
faciunt. Nec nobis licet eorum peccata contra legem  
naturæ bellando punire, quia Deum offendunt. Alioquin  
quilibet Princeps adversus alium inferre posset bellum  
ob peccata, quæ Cives committunt. Quod est omnino  
absurdum. Nec quia Idololatria est gravissimum pec-  
catum, est sufficiens ratio, ut bellum infidelibus non  
subditis inferatur. Nam odium Dei est omnium pecca-  
torum maximum, & tamen à legitimo superiore puniri  
nequit.

## CONSULTATIO L.

De indebito Cultu veri Dei. Quomodo exhibeatur?

An semper sit peccatum mortale? Quid de cultu  
non falso, sed superfluo? De recitantibus Psal-  
mum, Deus laudem meam nò tacueris; & ad  
quem pertineat agnitio superstitionis cultus Deo  
indebiti?

Cultus autem est perniciosus, & falsus. Aut est super-  
fluus, & vanus. Cultus perniciosus, & falsus est,  
quando quis Deum colit aliquibus caeremoniis, quæ  
falsitatem significant; ut si quis uteretur caeremoniis Ju-  
daicis, vel Mahumetanis. Quia caeremoniæ istæ signi-  
ficant rem falsam. Nam si sunt Judaicæ, significant,  
Messiam non venisse, sed esse venturum. Quod est fal-  
sum.



sum. Si Mahumetana, significant Mahumetem fuisse verum Prophetam, cum falsus fuerit.

*Cultus* verò *superfluus*, & *vani* est quando aliquid fit, quod, quantum est de se, non pertinet ad Dei gloriam, aut est præter Dei, & Ecclesiæ institutionem, vel consuetudinem communem.

Cultus perniciosus, & falsus semper est peccatum mortale. Oportet enim adorare Deum in Spiritu, & veritate, *Joan. 4.* & tradit D. Augustinus *lib. de mendac. capit. quarto* Sanchez *libro secundo in decal. cap. 37. numero quinto*, ac Lessius *lib. 2. de just. cap. 43. dub. 1. num. 2.*

Unde qui falsas Reliquias pro veris donaret, aut venerandas proponeret, peccaret mortaliter. Quia cultus talium Reliquiarum est contra fidei veritatem, & falsus. Fagundez *in decal. libro primo capit. vigesimo quarto numero tertio*, & Suarez *tom. 2. de relig. lib. 2. cap. 2. m. 17.*

Qui fingeret miracula, illa prædicaret, vel scriptis mandaret, vel ad confingendum miraculum, tabellas, cereos, vel spolia in Altari alicujus Sancti suspenderet; peccaret mortaliter peccato cultus superstitiosi, etiam si id faceret non ex contemptu, neque animo irreverenti in Deum, vel in Sanctos, sed solum ad devotionem excitandam, & ut alicujus Sancti imagini, & altari anathemata offerantur. Quia est cultus falsus, & perniciosus, veram miraculorum fidem enervans, ideoque nulla pia intentione à mortali excusari potest, Caietan. *2. 2. quæst. 93. art. 1.* Sanchez, & Lessius *loco alleg.*

Hinc etiam cantus, vel sonus profanus, aut amatori in Ecclesia inter divina Officia est cultus superstitiosus, & peccatum mortale. In quod incidunt non solum pulsantes instrumenta musica, & canentes, sed etiam conducentes, & consentientes. Quia est cultus falsus. Adversatur enim divino cultui, qui est, ut mentes per sonum, & cantum non ad mundana, sed ad cœlestia excitentur: Caietan. *2. 2. quæst. 91. artic. primo*, Valentia *2. 2. disput. 6. pun. un.* Potest quippe duobus modis esse indecens in Ecclesia. Vel ratione materiæ, quia est res profana, vel ratione soni, quia est lascivus, aut valde secularis.

Superstitiosus verò cultus Dei non falsus, sed superfluus, si non adsit Ecclesiasticæ disciplinæ contemptus, nec alicujus præcepti transgressio, non est peccatum mortale, sed tantum veniale: quia est præter, non contra constitutionem Ecclesiæ, nec in eo videtur committi gravis irreverentia Dei, Caietan. *d. quæst. 93. art. 1.* Sanch. *d. lib. 2. in decal. cap. 37. m. 10.* Lessius, & Fagundez *ubi supra.*

Quare est tantum veniale peccatum, quod audiat Missa Sacerdotis, qui tali nomine nuncupetur. Vel quod in peregrinatione sint tot homines, vel tali nomine, vel tali vestitu. Vel quod in recitandis horis Canonicis, aut in sacro faciendo, non relictis rubricis ordinariis, alias cœremonias pro sua devotione adhiberet: ut si bis dicat Alleluja, quando semel dicendum est, aut Gloria, & Credo, quando dicenda non sunt. Peccaret verò mortaliter, qui absque urgenti causa bis in eadem die Sacram Eucharistiam sumeret: quia est contra consuetudinem, ac præceptum Ecclesiæ, quæ ob reverentiam tanti Sacramenti prohibet, ne quis plusquam semel illam percipiat, nè ob nimiam frequentiam tanti Sacramenti vilescat, ut colligitur ex *cap. consulisti. de celebr. miss.* & ex *can. sufficit d. conf. d. 1.* & docent Div. Thomas *part. 3. quæst. 8. artic. 10. ad 4.* ibique Suarez *disp. 69. sect. 4. num. 3.* alique communiter.

Diximus, *sine urgenti causa.* Nam si hæretici, aut

infideles Templum Dei invaderent, ac divinissimum illud Sacramentum irreverenter contemnerent, projicerent, conculcarent, licitum est in eodem die communicare. Et qui manè sumpsit Eucharistiam, sive sanus, sive infirmus, devotionis causa tenetur iterum eodem die sumere, si incidat in tale periculum mortis, ut probabile sit, non posse sequenti die illam sumere. Quia præceptum sumendi Eucharistiam per modum viatici est affixum tempori mortis, quando nimirum quis est in tali statu, ut credatur brevi moriturus. Atque adeo non potest impleri per actum antecedentem tale tempus, ac proinde nec per matutinam communionem, si mane non aderat periculum mortis. Ergo remanet implendum, ideoque de novo sumenda est. Nam præceptum impleri debet per actum, quando jam urget obligatio, quia tunc solum exigit actum, & non antea. Unde per jejunium hodiernum non possum implere præceptum crastinum jejunandi, nec per auditionem missæ præceptum audiendi crastinum. Quod etiam tradunt Hurtad. *disput. 10. de Euchar. diff. 2.* Ochagavia *de Sacrament. tract. secundo de Eucharist. quæst. decima quarta numero septimo* Chellifon. *in d. part. 3. quæst. 80. artic. 11. not. 2.* Tannian. *part. 2. sum. cap. 58. dub. 2. numero secundo* alique.

Votum jejunandi omnibus diebus dominicis est superstitiosum continens cultum Dei indebitum, ac superfluum, & consequenter illicitum, & invalidum. Adversatur enim Ecclesiæ consuetudini, quæ vim legis habet, ut per D. Augustinum *Epist. 86. ad Casulanum.* Sed cessante contemptu moris Ecclesiæ, & scandalo, esset tantum peccatum veniale ob quandam singularitatem, & cultum superfluum, ut per Fagundez *in decal. libro primo capit. trigesimo quarto in septimo* ac Suarez *tom. 2. de relig. libro tertio de voto, capit. sexto num. 21.*

Est quoque cultus superstitiosus, & mortale peccatum recitare Psalmum 108. *Dens laudem meam nescieris*, ad petendam à Deo ultionem alicujus inimici, vel persecutoris. Quia nunquam licet imprecari proximo malum aliquod ad finem vindictæ, nè sub titulo quidem divinæ justitiæ. Nam esset contra charitatem & præceptum divinum: *Diligite inimicos vestros.* Est autem recitatio superstitiosa mortaliter, quia in decantatione hujus Psalmi Deus non solum non honoratur, sed ei gravissima injuria infertur; nam ab eo petitur id, quod sine peccato fieri non potest. Quinimò hæresim sapit. Nam petitur à Deo, ut ipse sit author peccati, quod gravissima Dei injuria est, ut docet Suarez *tom. 2. de relig. libro primo capit. 23. numero 4.*

Opponitur David. At ille in suis imprecationibus Prophetiam proferebat, quia agnoscebat, illam esse Dei voluntatem, ac definitivam sententiam, ut ait Augustinus ad d. Psalmum 108. *David prophetavit in illis imprecationibus sententiam Dei contra Christi proditores, & Crucifixores.* Idem ait *libro primo de serm. Domini in monte cap. 42. & libro secundo quæst. Evang. cap. 45.* ac Div. Thomas *2. 2. quæst. 83. artic. 8. ad 1. & ad 2.* ubi etiam *artic. 1. ad 4.* responder ad factum Eliæ, qui fecit ignem descendere super illos, qui venerant ad illum capiendum. Quia injuria sibi ab illis illata redundaba: in Deum, & ideo debebat talem injuriam ulcisci. Nam ut ait Chrysostomus *hom. 5. in Matth. in propriis injuriis esse patientem quempiam, est laudabile; injurias autem Dei dissimulare, nimis est impium.* Idemque dicendum, est de Eliseo, quando maledixit pueris eum irridentibus, *4. Reg. 2.* Et de Sylvestro Papa, quando excommunicavit illos, qui eum in exilium miserunt, ut habetur *caus. 23. quæst. 4. l. 1.*



*quarta.* Ita etiam vindicta, quam petunt Martyres *Apocalypf. 6.* est, ut destruat regnum peccati, vel postulant se vindicari non voce, sed ratione. *Hoc enim modo ait Caietanus d. quæst. 83. artic. 8 Sanguis Abel clamavit ratione. Effusus enim patenter fraternus sanguis, ratio erat ultionis.*

Porro cognitio superstitionis cultus falsi, ac perniciosi pertinet ad Sanctum Officium, non autem cultus superflui. Quod ad primum patet. Quia colere Deum per sacrificia, & ritus veteris Legis, vel aliorum infidelium est actus supersticiosus hæreticalis *ex cap. quidam de apostat. ubi qui ad fidem conversus, sequens ritus sectæ derelictæ, tanquam hæreticus, & apostata punitur. Et in capit. contra Christianos de hæretic. statuitur, quod Inquisitores contra istos procedant, tanquam contra hæreticos. Nam utentes illorum sacrificiis, præsumuntur credere, Deum per illa coli, & adorari posse. Quod impium, & hæreticum est.*

Quod verò ad secundum. Probat. Quia regulariter hic cultus non importat actum hæreticalem, cum fiat bono animo, & non mala intentione. Talisque cultus superfluus est tantum veniale peccatum, atque adeò nullum continet actum hæreticalem, qui semper supponit peccatum mortale.

Si verò cultus superfluus esset peccatum mortale, ut si quis ultra diem Nativitatis Domini iterum, vel tertio, aut pluries missam celebraret in eodem die, vel plusquam semel in die absque urgenti causa Sacram suscipere Eucharistiam; vel si in horis Canonicis, aut in Missa misceret profana, & turpia, tunc redderetur valde suspectus de hæresi. Quia præsumitur, vel non credere, esse obediendum præceptis Ecclesiæ, vel illa contemnere, esseque licitum, Deum ita colere, ac delectari, ut Sacris profana, & turpia miscerentur. Id, quod est de rebus fidei malè sentire, sicque facientes anathemate feriuntur à Sacro Concilio Tridentino *Sess. 7. can. 13.*

Cognitio quoque superstitionis, quæ hæresim manifestè non sapit, pertinet nunc ad Sanctum Officium per constitutionem Sixti Quinti contra Sortilegos. Unde possunt Inquisitores, ac tenentur inquirere in omnes superstitiones, quæ aliquo modo, licet non manifestè hæresim sapiant. Hæc enim sunt verba constitutionis: *etiamsi in plerisque his casibus procedere non valebant.* Ac ita etiam declaravit Sacra Congregatio die vigesimo primo Decembris 1602. & testantur Scortia in *Bul. Pontif. Epit. 58. theor. 158. Josepho Sella tomo quarto decision. 464. numero octavo & decimo octavo, ac decision. 446. numero decimosexto & sequent. Azor. tom. 1. libro nono capit. vigesimo sexto, quæst. quarta, Sanchez libro secundo in decal. cap. 38. numero 92. Torreblanc. de Magia libro tertio capite nono post numerum 48. Raphael de la Torre in 2.2. D. Thom. quæst. 69. articul. quarto Molphest. tom. 1. sum. tractat. undecimo capit. septimo numer. 145. Diana part. 4. tract. 7. resolut. 10. & tractat. 8. resolut. 107. Qua de re alibi fulius.*

CONSULTATIO LI.

*De Cultu religioso, ac licito Sanctis, eorumque Imaginibus, Reliquiis, ac Beatis non Canonizatis debito, quòd ad ea, quæ spectant ad S. Officium; Vbi an Pontifex errare possit in Canonizatione Sanctorum, & quid in Beatificatione; Id affirmans à quo, & qua pœna puniendus? Quave certitudine credendum sit, aliquas Sanctas Canonizatas fuisse Virgines? Ossa vendens, asserens falsò, esse Reliquias Sanctorum, à quo puniendus? Ac de pœnis contra venerantes homines mortuos ante illorum Canonizationem, vel beatificationem?*

**N**egant Hæretici, Sanctos in cælo cum Christo triumphantes venerandos esse. Eorum in hanc rem deliria, blasphemias, & inanes insanias colligit Jodochus Coccius in thesauro Catholico, singulari industria exquisito, articulo duodecimo cum quatuor sequentibus lib. 5. tom. 1. Ethnici quoque corpora Martyrum projiciebant in mare, dicentes, nè forte efficiantur Dii Christianorum; & illi, qui Deos nostros adorare nolunt, servos nostros incipiant adorare, Euseb. lib. 4. cap. 15. & lib. 5. cap. 6.

Asserunt tamen Sacræ Literæ, Concilia, Patres Græci, & Latini apud eundem Coccium, & definivit etiam Sacrum Concilium Tridentinum *sess. 25.* his verbis: *Affirmantes, Sanctorum Reliquiis venerationem, atque honorem non debere, vel eas, aliaque Sacra monumenta à fidelibus inutiliter honorari, atque eorum opus, impetrandi causa, Sanctorum memorias frustra frequentari, omnino damnandos esse, prout jam pridem eos damnavit, & nunc etiam damnat Ecclesia.*

Certum autem est de fide, Christum in Divina, & humana natura subsistentem adorandum esse perfectissima adoratione latriæ. Quia in eo tota Trinitas, & singulæ Personæ venerantur. Christus enim de se loquens, dixit: *Ut omnes honorificent Filium, sicut honorificant Patrem, Ioan. 5. Mihi curvabitur omne genus Iai. 15.* Et in eodem sensu ait Paulus ad Philip. 2. *In nomine Jesu omne genu flectatur.*

Potest etiam ex Div. Thoma *particul. 3. quæst. 25. artic. 2.* alio modo intelligi adoratio Humanitatis Christi, quæ fit ratione ejus Humanitatis; perfectæ omni munere gratiarum, sed ab hypostasi divina sejunctæ. Et sic adoratio Humanitatis Christi non est adoratio Latriæ, sed duliæ, vel, ut alii dicunt, hyperduliæ ita, scilicet, quod una, eademque Christi Persona adoreretur adoratione latriæ propter suam Divinitatem, & adoratione duliæ propter perfectionem humanitatis. Neque hoc est inconveniens: Nam ipsi Deo Patri debetur honor latriæ propter Deitatem, & honor duliæ propter Dominium, quo gubernat creaturas. Idemque confirmant Caietanus ibi, ac Suarez *tom. 1. in 3. part. disput. 53. sect. 2. & Azor. part. prima libro nono cap. quinto dub. 7.* Annotat vero Caietanus, quod adorationem duliæ Christo debitam ratione naturæ, Ecclesia in mente retinet, non in usu, ad evitandum errores.



Hinc etiam annotandum est cum Suarez *loc. cit.* quod quando Concilia definiunt, Christum una tantum adoratione esse adorandum, solum docent, in Christo non ita esse dividendas adorationes, ut una ad Christum, alia ad Verbum pertinere putetur. Hoc enim ad errorem Nestorii pertinet, & ideo recte, docent, una eademque adoratione adorari. Quia qua adoratione adoratur Verbum, adoratur Christus, & contra. Nam est unus ac idem, & omnis adoratio ad unum, ac eundem pertinet, atque adeo una est. Sicut enim quando adoratur Christus adoratione patriæ, adoratur humana natura propter divinam, ita si adoratur adoratione hyperdulæ, coadoratur divina natura propter humanam.

Imagines verò Christi, & Sanctorum simpliciter, & absolute esse adorandas, & honorifice colendas, est etiam de fide, ut probat Suarez *cit. loc. disput. 57. sect. 3.* & definitur in Sacro Concilio Tridentino *sess. 25. in 2. decret. de invoc. & vener. relig. Sanct. & Sacr. Imagin.* Siquidem imaginis honor ad prototypum pertinet, ut ait Damascenus *lib. 4. cap. 17.* Unde sequitur, ut docent D. Thomas *d. 9. 25. art. 3.* D. Bonaventura *in 3. d. 9. art. 1. quest. 12.* Richard. *ibidem art. 2. qu. 2.* D. Antoninus *3. part. tit. 12. cap. 9. §. 4.* alique communiter, quod eadem reverentia exhibetur Imagini Christi, ac ipsi Christo, atque adeo adoratio patriæ Imagines vero sanctorum adoratione dulæ, quia ipsi eadem adoratione coluntur. Quoniam autem modo, & quatione Imagines Christi, Deiparæ, & Sanctorum colendæ, & adorandæ sint, decrevit Sacrum Concilium Tridentinum *d. sess. 25.* & antea definiverat Synodus Nicenæ *act. 7.* Quare de fide est, Imagines Christi, & Sanctorum esse debito cultu venerandas, & contrarium asserere, aut sentire, hæreticum est, ut probant Repertor. *Inquisit. v. hæreticus. v. an frangens Imagines.* Simanch. *de Cath. instit. tit. 33. numer. 1.* & sequent. Valentia *2. 2. quest. 94. pun. 6. disput. 6.* & Farinac. *de hæresi. quest. 178. n. 33.*

Unde conspurcantes, percutientes, lacerantes ex contemptu Imagines Christi, vel Sanctorum, sunt de hæresi vehementer suspecti, si ex indignatione, & ira id faciant. Nec iracundia ab hac hæresis suspitione excusat. Nam si quis non ex motu iracundiæ, sed animo deliberato, & consulto tam nefas crimen patrarer, esset manifeste hæreticus. Ideoque dicitur de hæresi tantum suspectus, quia iratus illud commisit. Atque ita firmant Castrius *de just. hæretic. punit. libro primo capit. duodecimo & decimoquinto* Symanch. *in enchirid. tit. 101.* Farinac. *quest. vigesima numer. 68.* Raphael de la Torre *in 2. 2. D. Thomas quest. 96. artic. quarto disput. secunda. Sesse tomo quarto decis. 448. numero decimonono.* Delrius *libro quinto Magic. sect. 16. §. Sacerdotes.* Carena *part. secunda tit. septimo §. septimo numer. 38.* & nos alibi, ubi etiam prolixè disceptavimus, an hoc etiam crimen quoad Judæos sit mixti fori, an vero pertineat ad Inquisitores S. Officii privative quod ad Judices laicos.

An autem sit de fide, Sanctos à Summo Pontifice Canonizatos esse colendos, ac venerandos, pendet ab illa questione, an sit de fide, Summum Pontificem errare non posse in Sanctorum Canonizatione. Fuit error Wiclefi, qui, ut refert Thomas Waldensis *tomo tertio, de Sacramental. capit. 122.* asseruit, Summum Pontificem non minus errare posse in canonizatione Sanctorum, quam alium quempiam hominem; quod alio peiori errore crederet, non majorem Summo Pontifici tribuendam esse auctoritatem, quam cuilibet alteri homini. Wiclefium sequuti sunt Lutherani, & Calvinistæ, alique hæretici.

Conveniunt autem Doctores Catholici, quod Summus Pontifex veram, quæ non est in aliis ho-

minibus, canonizandi potestatem habeat. Aliqui tamen eorum existimant, absolute non repugnare, quod erret in usu talis potestatis, nec ad illum habere infallibilem Spiritus Sancti assistentiam. Rursus major, & sanior pars Doctorum affirmat, quod Judicium ab Ecclesia, & à Summo Pontifice prolatum in Canonizatione Sanctorum sit quidem indeficiens, sed controversatur inter illos, quo gradu certitudinis id tenendum sit. Aliqui enim, ut Valentia *2. 2. disput. prima quest. 1. pun. 7. §. 41.* expresse docent, esse de fide, quod Torres ibidem probabile esse putat. Alii vero, ut Sylvester *V. Canonizatio.* S. Antoninus *tertia part. tit. undecimo capit. octavo §.* Turcremat. *de Ecclesiast. quest. 51.* Covarruv. *libro secundo var. cap. primo.* Melchior Canus *libro quinto, de Loc. Theologic. cap. quinto Pegna part. secunda direct. quest. decimo septimo Bannes ad 2. 2. d. quest. prima dub. 17.* ibique Torres *cit. disput. decima sexta* & Joannes à Sancto Thoma *disput. 9. artic. 2.* asserunt esse quidem certum, Papam errare non posse in canonizatione Sanctorum, esseque gravissima dignum censura, qui oppositum diceret, non tamen esset hæreticus. Alii, esse ita certum, quod errare non possit, ut asserere, posse illum in hujusmodi actione errare, sit temerarium, scandalosum, ac de hæresi suspectum.

Tum quia Canonizatio fit ex testimoniis de sanctitate, ac miraculis. Testes autem sunt homines, qui falli, & fallere possunt. Tum etiam quia non cogimur fide divina credere illam veritatem, quæ revelata non sit. Miracula autem, & Sanctitas Canonizati, ac eum esse Beatum in cælo, nulli revelatum est.

Probabilior tantum sententia docet, non solum esse temerarium, scandalosum, ac de hæresi suspectum asserentem, posse Summum Pontificem in Canonizatione Sanctorum errare, sed etiam esse absolute hæreticum. Adducitur pro hac Sententia Div. Thomas, *quod libet nono artic. decimo sexto*, qui tamen ab aliis refertur pro contraria, quatenus ait, Canonizationem Sanctorum esse quid medium inter judicium infallibile Papæ de rebus fidei, & judicium fallibile ejusdem de rebus civilibus. Eam verò tuentur Bellarminus *tomo 2. contr. quarto libro primo cap. 9.* Garcia de Canonizat. *Sanctor. §. decimotertio.* Azor. *part. secunda libro quinto cap. sexto quest. quinto*, Valentia *in 2. 2. citat. disput. 1. quest. prima pun. septimo §. 40.* Turrian. *in 2. 2. tom. 1. disput. decima septima, dub. sexto* Castropal. *p. 1. tract. quarto disput. primo pun. quinto, §. quarto*, Verricell. *in question. moral. tractat. octavo quest. vigesimo octavo numero secundo*, Attriaga *tom. 5. disput. 9. sect. 5. numero vigesimo octavo* Megrl. *in Sum. V. Canonizatio numero primo* Diana *part. 11. tractat. secundo resol. 28.* Bordon. *tom. 1. cap. 5. numer. 282.* ac Delbene *de Sand. Offic. Inquisit. dub. 253. à numero primo*, alique non pauci.

Nam de fide est, Pontificem errare non posse in pascendo grege fidelium doctrina fidei, nec posse in Ecclesia deficere Spiritum veritatis, neque errare in legibus spectantibus ad universalem Ecclesiam. Alii ipsa macularetur pernicioso errore, à quo Christus voluit ipsam liberare, dum promiserit, ejus fidem non defuturam. *Rogavi pro te, Petre, ut non deficiat fides tua; Luc. 22. & Spiritus veritatis docebit vos omnem veritatem.* Ex quibus sequitur, quod Pontifex non potest aliquid statuere contrarium legi divinæ, ac naturali. Si autem posset errare in Canonizatione Sanctorum, statueret aliquid contrarium legi divinæ, ac naturali. Nam obligaret fideles assentiri falsitati, venerando indignum.

Præterea de fide est, esse venerandos Sanctos, eorumque reliquias, & Ecclesiam habere auctoritatem declarandi, quibus hæc invocatio, ac veneratio adhibenda



benda sit, ut constet ex Clementina, & extravagante de relig. & venerat. Sanctor. & ex Sacro Concilio Tridentino sess. 25. in decreto de eadem re. Atque adeo est etiam de fide, summum Pontificem errare non posse in declaratione sanctitatis alicujus, ut coli possit, ut sanctus ab Ecclesia. Alioquin frustra esset ejus auctoritas. Essetque intolerabilis error, ut iudicio Ecclesiae aliquis non sanctus coleretur pro sancto, ac proponeretur imitandus qui esset damnatus.

Ad primam rationem responderetur, negando, Pontificem ex testimoniis humanis tantum moveri ad sanctorum canonizationem; sed simul moveretur ex speciali instinctu, & assistentia Spiritu Sancti, & ideo ejus declaratio est firma, & infallibilis.

Ad secundam responderetur, sanctitatem Canonizati, & illius assistentiam in aeterna beatitudine non esse regulariter, & explicitè revelatam; sed virtualiter & implicitè. Nam revelatum est, in aeterna beatitudine assistere, qui in Dei gratia ex hac vita decessit; ac etiam revelatum est, Pontificem, ob assistentiam Spiritus Sancti errare non posse in iis, quæ ad religionem, & cultum universalis Ecclesiae pertinent. Atque ex his principiis deducitur, de fide esse etiam, hunc Canonizatum verè in cælis esse, cum hæc consequentia rectè sequatur ex una præmissa de fide, & altera evidenti.

Unde hæc propositio: Non est de fide, Sanctos à Papa Canonizatos esse in Paradiso, est hæretica, vel saltem hæresi proxima, juxta qualificationem sub die 10. Maii 1623. Et qui dixit, credere, bonum latronem non esse in Paradiso, expeditus cum monitione, ac pœnis salutaribus, instruitur circa errorem, quem tenuit. 10. Septembris 1625.

Quare licet aliqui velint, quod affirmans, Canonizatum à Pontifice non esse colendum, non sit puniendus, ut hæreticus, quia non affirmat aliquid quod sit contrarium his, quæ Ecclesia recipit tanquam de fide certa absque ulla Doctorum controversia; nihilominus puniendus est, non solum tanquam temerarius, impius, & scandalosus, sed etiam vel tanquam hæreticus, vel saltem tanquam de hæresi suspectus. Quia hæresim sapit, negare Canonizationem Canonizatis. Nam videtur negare vel auctoritatem Papæ circa Sanctos canonizandos, vel quod Sancti digni non sint tali honore, vel quod non fruuntur æterna beatitudine.

Sed quid in Beatificatione? Cum secundum nostram sententiam, quam alibi tradidi, Canonizatio, & beatificatio substantialiter non differant, sed in modo tantum accidentali majoris vel minoris solemnitatis. Inde inferitur, æque etiam substantialiter dignum esse præallatis censuris, qui assereret, Ecclesiam posse errare in beatificatione, aut quod anima Beatificati non esset in gloria, ac qui de Canonizato id affirmaret.

Cum autem multæ in Ecclesia colantur tanquam virgines, etiam ex eis, quæ in adultiori ætate ad fidem conversæ sunt, martyriæque palmam adeptæ sunt, inquireret aliquis, quæ certitudine tenendum sit, eas esse virgines, cum virginitatis, quæ multis occultis modis amittitur, vix satis explorata indicia, vel argumenta haberi possint.

In hac re ita est distinguendum. Quædam enim ex eis canonizantur, aut pro sanctis habentur, non propriè ac formaliter sub titulo virginitatis, quamvis, cum pro talibus reputentur, nulla re, quæ sciatur, in contrarium existente, officium virginum de eis recitari soleat, sed ratione, ac sub titulo Martyrii, aut vitæ alioquin sanctissime tractatæ. De istis non puto, aut ab Ecclesia definiri, aut tanta certitudine credendum esse, eas virgines esse, quin speculative possit illi subesse falsum loquendo præsertim de virginitate strictè considerata quæve omnem voluntariam immunditiam excludit, cum tamen certissimum sit, eas verè sanctas, ac beatas esse,

Tom. I.

ex eo scilicet titulo, ob quem propriè, ac directè canonizate fuerunt.

Quia licet omnia argumenta, vel testimonia, quibus propriè ad canonizationem probatur insignis personæ consecrandæ sanctitas; collective sumpta debeant esse vera, ut inde Pontifex ex speciali Spirit. Sancti assistentia illam declaret; non tamen inconvenit, ut contingit etiam in præviis ad fidei definitiones diligentis, quod aliquod particulare sit inde falsum, nec tamen, ut tale cognitum, aut probatum, sicut etiam potest esse quid in se verum, non tamen, quoad nos, sufficienti probatione certum.

Quoniam verò de quibusdam interdum speciatim, & expressè in ipsa canonizatione declaratur, non solum esse sanctos, sed etiam insigni virginitatis flore dotatos, ut in canonizatione S. Catharinæ Senensis à Pio secundo accidit tunc utrumque pro certo habendum est; præsertim cum Ecclesia nunquam ad talem deveniat declarationem, quin etiam specialibus miraculis, ac testimoniis virginitas alicujus certo certius proberetur: ut satis constat ex rigorosissima S. Congregationis Rituum praxi, quæ Promotore fidei singulis, quæ sunt obijcienda, opponente, omnia quàm diligentissime ad pondus Sanctuati examinantur.

Qui verò negat Virginitatem Beatissimæ Mariæ Virginis in loco, ubi est publicata constitutio Pauli Quarti, abjurat publicè de formali, damnatur ad tredecim annos, & absolvitur à censuris 17. Februarii 1596.

Negans Sanctissimam Trinitatem, Virginitatem B. Virginis, ac Divinitatem Christi, traditur Curie seculari, etiam in primo lapu 2. Maii 1591.

Quò verò ad cultum Reliquiarum, est de fide, Sanctorum Reliquias esse ab omnibus fidelibus colendas, ut expressè definitur à S. Concil. Trid. d. sess. 25. in decreto sub initium relato. In sacra enim Scriptura indicatur, Sanctorum corpora esse veneranda. Unde in Genesi cap. 50. & Exod. cap. 13. legimus, ossa Jacob, & Joseph magno cum honore esse conservata, & sepulturæ tradita & in egressu de Ægypto tulit quoque Moyses ossa Joseph secum ob reverentiam. Ossa Elisei suscitaverunt mortuum. Sic enim dicitur 4. Reg. 13. projecerunt cadaver in sepulchro Elisei, & cum tetigisset ossa Elisei, revixit homo. Multaque alia de veneratione Reliquiarum sanctorum referuntur ab August. lib. 22. de Civit. cap. 8. & Epist. 137. & à Cocchio loc. cit. Hæc sine ratione. Quia corpora Sanctorum fuerunt templa animatum, Sanctarum, & futura sunt consortia æternæ beatitudinis, in qua erunt in perpetuo honore. Nescitis, inquit Apostolus 1. Cor. 6. quia corpora vestra templa sunt Spiritui Sancti? Fuerunt organa, & instrumenta, quibus miranda operatus est ipse idem Spiritus Sanctus.

Qui ossa vendit, sive distrahit, asserendo falsò, esse reliquias sanctorum, punitur in S. Officio: Et olim hujusmodi causa fuit delegata Nuncio Apostolico Neapolitano 7. Januarii 1627. quia est cultus falsus, & superstitiosus, ut supra dictum est.

Porro quicumque Romano Pontifice inconsulto, publice defunctos, nondum à Sede Apostolica canonizatos, vel beatificatos, venerati audent publicè eos invocando, campanas in die eorum obitus pulsando, Altaria erigendo, in Litanis, aut in Martyrologio eorum nomina ponendo, Imagines eorum cum radiis, luminibus, aut laureolis proponendo, tabellas, aut luminaria ad eorum sepulchra apponendo, ab Ordinariis, vel ab Inquisitoribus puniendi sunt iisdem pœnis, quæ Urbanus VIII. Constitutione sua 37. lata in S. Officio universalis Romana Inquisitionis, 1625. nimirum Transgressores verò, si Regulares fuerint, privationis suorum Officiorum, ac vocis activa, & passiva, necnon & suspensionis à divinis; si verò Clerici seculares, privationis pariter suorum officiorum, suspensionis à Divinis, & ab administratione Sacramentorum, executionisque suorum Ordinum respo-



etive, aliisque arbitrio predictorum Ordinariorum, seu Inquisitorum pro modo culpa infligendis pœnis plectendo. Qui autem libros imprefferit, aut imagines pinxerit, sculpsit, seu quoque modo affixerint, vel formaverint, ceterique artifices circa præmissa qualitercumque delinquentes, prædicta omnia amittant, & insuper pecuniariis, aliisque etiam corporalibus pœnis, juxta criminis gravitatem eorundem Ordinariorum, seu Inquisitorum arbitrio afficiantur, contrariis quibuscumque non obstantibus.

Nam ad Summum Pontificem pertinet proponere toti Ecclesiæ, quid in materia religionis sit agendum. Quandoquidem Alexander Tertius, & postea Innocentius Tertius, considerantes aliquos abusus, qui circa Sanctorum cultum oriri possent, decreverunt, ut nullus coleretur tanquam Sanctus absque Romani Pontificis approbatione: ut patet ex cap. 1. & 2. de reliq. & venerat. Sanctor. Etenim ita est proprium Pontificis, Sanctorum honorem cultumque decernere, ut sine illius facultate alicui non liceat: ut per Canonistas in d. cap. 1. de relig. & vener. Sanct. ibique Innoc. num. 2. Ost. num. 7. Joan. Andr. num. 5. & in d. cap. 2. num. 6. ibique Gloss. Gemin. num. 11. & tradunt Turrecr. in can. 1. de consecr. d. 3. Troil. de Canoniz. sanct. dub. 2. Jacob. Cast. eod. tit. 9. 3. docens ex communi consensu Doctorum, neque Episcopos, neque Legatos à Latere, neque Collegium Cardinalium, Sede Apostolica vacante, neque Concilium Provinciale, neque Universale posse id facere, auctoritate Summi Pontificis non accedente: ut constat ex d. cap. 1. de relig. & venerat. sanct. Ratio autem est, quia Petro suisque successoribus promissa est à Christo infallibilitas in Ecclesia, ut alibi tradidi.

Quæ autem de Canonizatione Sanctorum diximus, etiam de beatificatione sunt intelligenda. Nam beatificatio est species veræ canonizationis, quæ à solo summo Pontifice concedi potest. Hinc enim est, quod Beatificatio dicitur Canonizatio particularis quoad cultum juxta placitum Summi Pontificis, restringendo illam ad certum genus cultus, ut aliqua Ecclesia particularis, vel Monasterium, vel Ordo Religiosorum possint sacros honores illis deferre, nempe Officium Divinum recitare, Missam celebrare & hujusmodi alia.

Quinam autem cultus deferri liceat, vel non debeat non Canonizatis, vel beatificatis, alibi fusè diximus.

Contra igitur publicè venerantes homines mortuos antè eorum canonizationem, vel beatificationem, & contra quoscumque reos aliquid agentes contra dispositionem citatæ constitutionis Urbanæ procedere possunt Inquisitores fidei. Quod etiam antea docuerant Zachin. de heret. cap. 22. num. 8. & Pegna in suo scripto, quod alibi integrum adduxi, ubi ait, quod hujusmodi transgressores interrogari possunt ab Inquisitoribus, quid sentiant de Romani Pontificis auctoritate.

## CONSULTATIO LII.

*Speciatim de quibusdam Avicularum observationibus superstitiosis; Vt enim ait Cicero de divin. lib. 2. Omnis superstitio imbecilli animi, atque anilis est. Quid ea sint? Earum divisio? Vnde dignoscatur? Quando sit vana & superstitiosa aliqua observatio? Vbi tamen graviter ac seriò discutitur, an Gemma, & lapides habeant vires & facultates? & quinam effectus ab eis fieri possint, & qui non?*

**S**uperstitio vanæ observationis est procuratio alicujus effectus per media vana, & inutilia, non quidem à Natura, neque à Deo ad illum effectum producendum instituta, sed ex hominum vanitate, cooperan-

te demonum malitia. Differt à divinatione. Quia hæc ordinatur ad solam cognitionem rerum occultarum, indebito modo consequendam. Illa tendit ad opus, & ad effectum externum, nempe ad aliquod commodum consequendum, vel ad aliquod malum evitandum, vel ad aliquod damnum inferendum.

Ejus malitia consistit in pacto explicito, vel tacito cum dæmones, quia utitur mediis non à Deo institutis, sed quæ solum ope dæmonis efficaciam habere possunt; & illa media assumens tacite saltem opem dæmonis implorat, illique quodammodo divinum honorem tribuit.

Nugatoria, seu vana observatio, quæ Magiæ dæmoniæ species est, ita definiri potest. Est magia superstitiosa, quæ commodum aliquod speratur ex re, quæ nec supernaturaliter eò pertinet, neque naturaliter id præstare potest. Vocatur vana, quia ejus virtute, & efficacia vel nequimus consequi finem intentum, vel si consequamur, plus noxæ, quam commodi adfert: quia homo illà utens animæ detrimentum patitur, ut aliquam tantum utilitatem in rebus corporeis, vel temporalibus percipiat. Et hinc rectè dicitur, quod sit magia superstitiosa. Dæmon enim mediis inefficacibus se communiter ingerit, utendo eis, ut instrumentis ad effectus aliquos edendum, ac per consequens implicando his retinaculis hominum mentes.

Quod autem ad ejus divisionem, solet per ordinem ad causam finalem reduci ad quatuor potissimum quasi species. Prima est, quando expectatur commodum in rebus exterioribus, seu fortunæ: ut in animalibus, fegitibus, vineis, bona ætris constitutione &c. Secunda, quando expectatur bonum aliquod corporis: ut sanitas, liberatio à carcere, hostibus, ferro, igne, & aqua, prosperitas in itinerando, vel alia hujusmodi. Tertia, quando expectatur bonum aliquod animæ naturale: ut ars, vel scientia aliqua. Quarta, quando expectantur bona supernaturalia: ut sunt remissio peccatorum per aliquas certas orationum formulas, nec à Deo, neque ab Ecclesia ad hoc institutas, vel ordinatas.

Quoniam verò tota ferme præsentis materiæ difficultas est, unde dignosci queat, quando sit vana, & superstitiosa aliqua observatio, huic etiam iuxta non desunt regulæ. Primò si constet, quod effectus intentus superet naturæ vires. Tunc enim diligenter examinandum est, an per Sacram Scripturam, vel Ecclesiæ definitionem, aut approbatam ab ea traditionem talis effectus Deo tribuatur. Si enim nihil hujusmodi reperitur, effectus tribuendus est pacto cum dæmone inito, vel tacito, vel expresse, & proinde censenda magica superstitio, ut nimirum vanæ observationis. Secundò si constet, rem, cui tribuitur effectus, hanc vim à Deo, vel à Natura habere, non est vana observatio ex parte effectus, sed posset esse vana ratione alicujus vanæ circumstantiæ: ut quod fiat tali hora certa, tali loco, vel tempore, illa, vel illa manu &c. Ex his duabus regulis inferitur, esse vanam observationem. Primò, si ad productionem effectus requiritur fides in ipsum hominem, qui sanaturus est. Secundò si effectus attribuitur magicis imaginibus, figuris sigillis, characteribus, verbis, annulis, quos vocant Salomonis, Machabæorum, Elisæi, Zachariæ, Constantini, & aliorum. Tertiò si quis utitur certis orationibus sacris, aut operibus piis, in rebus vanis, nec ad Dei cultum directè, vel oblique pertinentibus. Quartò per certa jejunia, & orationes sine humano labore, sed secundum instituta cujusdam artis, quam alii notoriam alii Salomonicam vocant, scientiam infusione acquirere velle, est vana observatio. Plura contra hanc artem, & aliam Paulinam dictam, nec non Angelicam, vel artem spirituum habet Baptista Segnius cap. 7. 8. & 9. de vero studio Christiano. Raphael de la Torre 2. 2. qu. 96. art. 16. & nos suo loco. Quintò quando gestantur reliquiæ, vel Evangelium S. Joannis, aut aliquis versus Psalmorum, non ex devotione tantum, sed adjunctis



vanis circumstantiis, ut vel sic, hoc, vel illo tempore, in hac, vel illa materia sint scripta. Sextò huc referenda vanissima omnium Klidonistiki animadversio, de qua Chrysostomus *homil. 21. ad populum Antioch.* & Augustinus *lib. 2. de doctr. Christ. cap. 20.* ut si membrum aliquod salierit, si junctim ambulantiis amicis lapis, aut canis, aut puer medius intervenerit, & sic de aliis, quæ ab aurium tinnitu, stercutatione, nomine, fortuitis aliorum verbis, ab iis, quæ domi fiunt, ab iis, quæ in via contingunt, desumi solent ad præcognoscendum aliqua fortuna, vel infortunia. Septimò potest nonnunquam vana observatio contingere in Strenis primo anni die dandis, ut si id faceret quis, ut omen, vel augurium certum prosperi eventus. Nam si animi recreandi, aut amicitia conservandæ causa pro consuetudine Christianorum illo die, nullum esset crimen. Immo si faceret in honorem Circumcisionis Dominicæ, quam tunc celebrat Ecclesia, opus religionis exerceret. Octavò, observatio dierum, mensum, & anni, de qua infra. Nonò ac ultimo sunt observationes vanæ in malis depellendis, & morbis sanandis variæ, quibus etiam referendæ sunt innumeræ orationum formæ, quibus vulgò sanantur vulnera, vel morbi vitantur, vel infortunia arcentur, fures deteguntur, aliaque similia, quæ apud Delrium *lib. 3. magic. in fine* consuli possunt. Nos ex innumeris observationum speciebus aliquas subjiciamus.

Superstitiosum itaque est Zona, five cinto prægnantis pulsare campanam, ut sic prosperum obtineat partum. Quia hujusmodi sonus nullam vim naturalem habet ad hunc effectum producendum. Ergò vel est à Deo, vel à dæmone. Non est à Deo, quia non fit mediis ab ipso, vel ab ejus Ecclesia institutis. Igitur est à dæmone.

Superstitiosum item est, imaginem alicujus sancti in flumen projicere, aut in ripa fluviali ponere pro obtinenda pluvia. Ejusmodi enim in aqua imaginis immersio nec virtute naturali, neque institutione divina, vel humanâ Ecclesiasticâ talem effectum operari potest.

Superstitiosæ sunt orationes, quibus Sagæ benedicunt Rosaria pro parturientibus & pro angina, aliove morbo laborantibus, commixtis verbis, etiam à se non intellectis, additisque caeremoniis superstitiosis, halitus, suffitus, oscitationis aliisque similibus reprobatis. Quia nec virtute naturali, neque institutione divina, aut Ecclesiastica producant talem effectum.

Superstitiosum est dicere aliquos versus alicujus Psalmi, quos inconsultò nonnulli Authores proferunt, ad compescendum canes latrantes, aut cohibendum sanguinem è paribus profluentem, vel quemcumque morbum sanandum. Quia talis recitatio, nec virtute naturali, neque institutione divina habet infallibilem effectum.

Distinguunt tamen alij, quod si quis, versus ex Psalmis desumptos ad suam sanitatem, vel ad aliquam aliam utilitatem sibi obtinendam proferat devote cum pietate, & fiducia, tunc licet proferret. Si verò recitet cum credulitate infallibilis eventus, tunc erit superstitiosum: Sic Tamburin *in decal. lib. 1. cap. 6. §. 1. n. 10.* five ut ait Sanchez *lib. 2. in decal. cap. 40. num. 44.* Si utatur illis verbis non sperando certam salutem, sed per modum impetrationis à Deo. Id tamen non est ita facile, præsertim in leviculis mulierculis.

Superstitiosum est, morbum caducum patienti hæc verba secretò ad aures dicere: *O creatura Dei, memento Creatoris tui.* Quia suspicio magna superstitiosis est hæc verba ad infirmi aures insinurare, vel ob vanum finem, vel quod clam insinurrari debeant, ut allevamento ei sint. Si verò talia verba ad aurem insinurentur, ut morbum patiens illa audire possit, Deoque se commendet, ablatà certi eventus credulitate, non erit superstitiosum.

Superstitiosum est in aurem equi, dolorem intestinum patientis, verba aliqua loqui, ut sanitati reddatur. Quia hæc in aurem equi loquutio non potest accipere moderationem aliquam, sicut accipere possunt verba illa, quæ insinuantur creaturæ rationali, ut statim diximus.

Superstitiosum est dicere, quod qui die S. Stephani protomartyris pane & aqua jejunat, & ritè confessus communicat, non sit moriturus occisus, etiam si multis ictibus impeteretur, & intallibilitatem eventus expectaret. Quia hoc jejunium neque ex ordinatione divina, aut Ecclesiastica, nec sua virtute naturali ad hunc effectum vim habet.

Superstitiosum est, credere firmiter quod recitantes certas orationes, vel illam secum deferentes, non fiat mortem subitanam, vel aliud periculum subituri, quin potius bene fortunati, ex eadem ratione qua de re Navarius *in man. cap. 11. num. 34. & de orat. cap. 19. n. 160.* per hæc verba, *licet prædictæ duæ orationes Pater noster, & Ave Maria sint excellentes, non tamen credenda sunt omnia, quæ illis aliquot libelli, & tituli conscripti majore temeritate, ac dicam superstitione, quam Christiana discretionem tribuant, nempe quod qui toties recitavit illas, vel earum alteram, illo, aut illo die, vel loco, aut modo, erit bene fortunatus in contrahendo matrimonio, in gerendo negotia sua felicem habebit successum, non morietur subito, non occidetur insidiosè, apparebit ei Virgo Maria, non peribit igne, vel aqua, & alia id genus, quæ nulla Scriptura authentica, nec ab illo illustri Classicove Authore probantur.*

Non est superstitiosum Sacra Evangelia collo suspendere, dummodo tamen in illis suspendendis, & ligandis non misceantur aliqua vanæ circumstantiæ quod sint scripta in charta virgine, aut quando legitur Evangelium, vel quod debeant tot sigillis ligari à puella virgine, aut quod à nemine videatur, & hujusmodi alia quæ neque ad laudem Dei, neque ad alium effectum naturalem, vel institutum deserviunt. Idemque dicendum de reliquiis Sanctorum, vel de Psalmorum versibus, non ex devotione tantum, sed ex adjunctis vanis circumstantiis, ut apud Delrium *lib. 3. magic. p. 4. sect. 8. qu. 4.*

Superstitiosæ sunt orationes illæ, quæ à colligentibus herbas die S. Joannis Baptiste ante solis ortum dicuntur, si qui illas dicunt, certò credant, nec suas orationes, nec herbas post solis ortum collectas ullam efficaciam habituras. Quia vanis circumstantiis vestiuntur. Non ideò tamen est illicitum colligere herbas ad curandum, dicendo aliquas orationes, nempe orationem Dominicam, aut Symbolum eo die, aut quovis alio, quin immò salubre est, secundum decretum Martini Bracharensis relatum *in can. non liceat. 28. qu. 7. & advertit Navar. de orat. cap. 6. n. 47.*

Censet verò Turreblanc *lib. 9. jur. spir. cap. 8. nu. 32.* & apud eum D. Augustinus. Cirvelo, Dinsfeldius, & Reginaldus, quod ij, qui colligunt herbas in festo S. Joannis Baptiste, die Sabbathi Sancti &c. credentes, majoris esse efficaciam ad sanitatem tribuendam sint superstitiosi. Quod sanè verum est, si id existiment, ex eo quod dies sit talis Sancti. Quia certè sanctitas illius diei nullam specialem efficaciam tribuit herbis ad effectum aliquem tribuendum. Secus verò, si id credant, quod tunc temporis majorem vim naturalem flores, aut herba habeant. Potentior enim est virtus herbae collectæ in æquinoctio, quàm in solstitio, vere, quàm hyeme, quando scilicet herba est in incremento, non verò in decremento virtutis. Unde superstitiosum non est, observare Lunam, aut tempora aptiora colligendis herbis, ut die S. Joannis Baptiste, ex Tamburin *lib. 2. in decal. cap. 6. §. 1. num. 65.* ex Busimb. *in medul. Theol. mor. lib. 3. tract. 1. d. 1. præc. cap. 1. dub. 4.* ex Trullench. *lib. 1. in decal. cap. 10. dub. 10. num. 7. & 14.* & ex Sanchez *lib. 2. in decal. cap. 7. n. 17.*



Ex eadem ratione non est superstitiosum credere, quod Ros collectus nocte S. Joannis Baptistæ potius habeat vim ad sanandam scabiem. Ros siquidem potius una nocte, quam altera potest esse salubrior. Quod sanè contingere potest nocte S. Joannis Baptistæ, cum Sol est in sua statione, nempe in Zenith, ubi magis diametraliter, quam usquam anno illo, nos, quatenus est ex parte ipsius præcisè, salubrius roret. Hinc est, quod quædam plantulæ ante solis ortum collectæ redduntur efficaciores, aliæ orto jam sole, pro herbarum, plantarumque qualitate diversa; quod, potissimum die, qua Sol est in solstitio contingere potest: ut per Lup. d. lib. 15. dist. 3. art. 1. differ. 2.

Aliter autem dicendum est, nempe esse superstitiosum die S. Joannis Baptistæ arborem scindere, & per eam sic scissam, ter transire pueros læsos, ut eis valetudo à morbo confirmetur. Nam arbor sic scissa ex re nullam efficaciam habet ad sanandum læsos pueros, nec illi eam tribuit sanctitas diei. Quod si aliquoties id acciderit, potius ex invocazione tacita dæmonii quam ex vi arboris scissæ acciderit: ut per Navar. in man. cap. 11. nu. 32. ubi tradit, illum peccare mortaliter, qui ob sanitatem alicui restituendam, aliquid applicat, quod nulla virtute pollebat ad sanandum: ut cingulo metiri, vimen findere, aperire arborem, urinam supra certam herbam emittere, lienis morbos secare, nisi propter ignorantiam excusetur.

Superstitiosum est recitare quasdam Orationes nocte S. Joannis, ut mulieri manifestetur, cui nuptura sit. Sicuti superstitiosum est, ob eundem finem applicare nocte illa auditum, credendo, nomen, quod mulieri primò audierit, fore sui viri nomen. Quia talis oratio, etiam nocte illa habita, nullo ex capite ad hunc effectum vim habere potest, & similiter recitare preces, illasque dirigere animæ desertæ, auroræ primo aspectu diei S. Joannis Baptistæ, ut virum, cui matrimonio jungenda est, revelet. Quia hæc vana sunt, neque ad id vim habent, Sanchez lib. 1. in decal. cap. 40. n. 19.

Esse superstitiosum observare dies, quasi quidam sint fausti, ut dies Jovis, quidam infausti, ut dies Martis, negat Campanella tit. de diebus faustis & infaustis ubi ait, quosdam dies semper extitisse sibi infaustos, ac esse ex se tales: ut notat Carena in tractat. de S. Offic. part. 2. de sortileg. tit. 12. num. 120. Deinde addit, familiam Mendoziam in Hispania à S. Inquisitione obtinuisse, nè die Martis, qui apud ipsam habetur infaustus, teneatur aggredi opus aliquod: ut refert Lup. in edict. S. Inquis. part. 3. lib. 15. dist. 6. art. 1. differ. 4.

At nihilominus id esse superstitiosum, certum est. Primò quia certum est, nullum diem esse faustum, vel infaustum ex se, atque ex natura sua, sed omnino esse accidentale, quod aliquis sit faustus, vel infaustus. Ait enim Paulus ad Galat. 4. *Dies observatis & tempora, & menses, & annos, timeo vos, nè frustra laboraverim in vobis*, & Augustinus relatus in can. *Non observetis* 26. quæst. 7. rem hanc ferè omnem ita definit. *Non observetis dies, qui dicuntur Ægyptiaci, aut Kalendas Januarii, in quibus Cantilena quadam & Comestiones, & ad invicem dona donantur, quasi in principio anni boni fati augurio, aut aliquos menses, aut tempora, aut dies, annos, aut Luna, Solisque cursum. Quia qui has, & quascunque divinationes, aut fata, aut auguria observat, aut attendit, aut consentit observantibus, inutiliter, & sine causa magis ad sui damnationem, quam ad salutem tendit, sive qui per quosdam numeros Litterarum, & Luna & per Pythagoricam necromantiam agrotantium vitam, vel mortem, vel prospera, vel adversa futura inquirunt; sive qui attendunt somnialia scripta, & falsò Danielis nomine intitulata, & sortes, quæ dicuntur Sanctorum Apostolorum, & auguria avium, aut aliqua pro domo facienda, aut propter conjugia copulanda, aut in collectionibus herbarum carmina dicunt, aut Pythiacola pro quavis*

infirmate scripta super homines, vel animalia possunt præter symbolum, aut orationem Dominicam, aut magicis falsitatibus in grandinariis tempestatibus credunt. Qui autem talibus credunt, aut ad eorum domum euntes, aut suis domibus introducunt, ut interrogent, sciant, se fidem Christianam, & baptismum prævaricasse, & ut pagarum, & apostatam, id est, retrò abeuntem, & Dei inimicum, iram Dei graviter in æternum incurrisse, nisi Ecclesiastica poenitentia emendatus Deo reconcilietur. Dicit enim Apostolus: *sive manducatis, sive aliquid aliud facietis, in nomine Domini nostri Jesu Christi facite, in quo vivimus, movemur, & sumus*. Hæc Augustinus.

Deinde quia si aliquis dies ex se esset faustus, aut infaustus, sequeretur manifesta contradictio. Nam dies fausti apud unam nationem, sunt infausti apud aliam. Dies enim Lunæ est infaustus apud Hebræos, quia existimant, in eos natum fuisse Cain, dies Martis apud Athenienses, dies Mercurii apud Medos, dies Jovis, apud Frigios, dies Veneris apud Trojanos, & dies Saturni apud Persas. Igitur quilibet dies est infaustus respectu alicujus nationis. Et si aliquis eorum est faustus apud aliam, jam esset simul faustus & infaustus.

Quod autem asserit Campanella de familia Mendozarum, abhorret à veritate. Non enim S. Inquisitio cogit aliquem ad aggrediendum opus potius, uno die, quam alio.

Atque ita tenent Theologi cum B. Thoma 2.2. q. 95. art. 3. Torreblanca de Mag. lib. 1. cap. 27. & lib. 9. jur. spir. cap. 8. Simanch. de Cath. inst. tit. 63. num. 6. & præ omnibus opportunè ad rem hanc Chrysostom. in Orat. Kalendis habita, sic ait: *Dies bonus, & malus est, non sua quadam, & propria natura, nihil enim dies à die differit, sed nostra vel negligentia, vel ignavia. Si justitiam feceris, bonus tibi dies erit; sin peccatum designaveris, malus, & supplicio plenus*.

Porrò ad illud Pauli: *Dies observatis* &c. dicendum est, vanam esse illorum observationem, quia nulla permoti observatione motus, ac influentiæ cælestis observant dies, menses, aut annos, non ad Dei cultum, sed ad directionem negotiorum suorum, tanquam faustos, vel infaustos, sive, quod idem est, tanquam ominosos, sive in bonum, sive in malum, omnes ferè dies ominosos cunctarum nationum colligit Alexander ab Alexandro lib. 4. dier. genial. cap. 20. & hos dies vocat Augustinus super cap. 4. ad Galat. superius relatus, Ægyptiacos. Quare autem sic vocentur, putant aliqui, quia in illis Deus plagas insultat Ægyptiis. Sed hæc opinio rejicitur ab Abulensi cap. 15. Exod. qu. 15. Tum quia non fuerunt tot diebus plagati, neque tot plagis Ægyptii, quot numerantur dies Ægyptiaci. Tum quia fabulosum videtur, omnes illos dies plagarum pro omnibus hominibus fuisse à Deo maledictos, & illos funestos effectisse.

Melius igitur alii docent dictos fuisse Ægyptiacos, quia ab Ægypto, plena superstitionibus, adinventi fuerunt. Singulo quoque mense duos Ægyptiacos dies notatos fuisse, ait Abulensis loc. cit. & Petrus Brestaius lib. 1. notab. cap. 53. hujusmodi dicit esse: Ianuarii primum, & vigesimum quintum. Februarii quartum, & vigesimum sextum. Martii primum, & vigesimum octavum. Aprilis decimum, & vigesimum. Maii tertium, & ultimum. Junii decimum, & decimum septimum. Julii decimum, & vigesimum septimum. Augusti primum, & vigesimum quartum. Septembris tertium, & vigesimum primum. Octobris tertium, & vigesimum secundum. Novembris quintum, & vigesimum octavum. Decembris septimum, & vigesimum secundum. Exempli plura horum dierum superstitiosorum suppeditant Patres, nominatim Ambrosius explicans dictum locum Apostoli, Augustinus Epist. 119. cap. 7. in Enchir. cap. 79. & ex recentioribus videri possunt Martinus de Arles tract. de superstit. Raphael de la Torre in d. qu. 96. art. 3. disp. 2. Carena p. 1. Cirvelus Opere Hispan. de superstitione & aliis.

Hinc



Hinc condemnandi sunt Chirurghi, qui, ut sanguinem minuant, dies quosdam indices observant penes quosdam angulos Lunæ imaginarios, & fictos aspectus, & conformationes, ex quibus de infirmitatibus judicant, & applicant remedia cum damno infirmi. Sunt enim mera delirantium somnia: ut probat Conradus Umpina *lib. 3. de superstit. cap. 8. & 9.* His nugis sequutus fuit Ticianus *de vita cælitus compar.* dum junior esset, postea verò se retractavit *lib. 12.* Non tamen negatur, quin influant cæli dispositiones in hæc inferiora, ut perperam contendit Torreblanca, asserens falso, Galeum, Avicennam, Hippocratem, Langium, & Delrium, qui tantum volunt in locis ab eis allegatis, dies criticos, juxta humorum concoctionem, magis attendi, quam ex constellatione, & reprobant fictos illos angulos, & aspectus non veros, & reales.

Observare igitur dies, menses, & annos &c. ad actus liberos hominum: ut ad inchoandas lites, ad gratiam Principum assequendam, ad contrahenda matrimonia felicia, vel infelicia, est superstitiosum.

Est etiam superstitiosum observare dies, menses, & annos, & quævis tempora respectu fortuitorum. Quia nec ista dependent à corporibus cælestibus: ut docet D. Thom. *d. qu. 96. art. 5.*

Observare item dies, & annos, ut ominosos, sive in bonum, sive in malum, non attento syderum influxu, est etiam superstitiosum. Quia tempus ut sic, non potest producere effectum aliquem, cum quanta non sint activa, atque adeo non significant futuros eventus.

Non esse superstitiosum dies sanctorum Vincentii, Urbani, & Conversionis S. Pauli observare, ut ex illis exteri anni eventus coniciantur, autumant Binsfeldius *de confes. malef. caus. 3.* Delrium *lib. 3. magic. p. 2. qu. 4. sect. 6.* Campanel. *rubr. 11. cap. 26. num. 99.* quos sequitur Turrebl. *lib. 9. jur. spirit. pract. cap. 8. n. 35.* Observationes autem his versibus explicantur.

*Clara dies Pauli, bona tempora denotat anni.*

*Si nix, aut pluvia, designat tempora cara.*

*Si fuerint venti, designant prælia genti.*

*Si fuerint nebule, pereunt animalia quæque.*

Et quidem probabilius est, id non esse superstitiosum, cum nihil in his versibus contineatur contra cultum Sanctis debitum, nec demonis pactum in eis involvatur; est tamen vanum, nulloque innixum fundamentum. Nam si dictus S. Pauli dies est anni prognosticon, vel hoc est, quâ sanctus est, vel quâ naturalis ex stellarum occurfu, & concursu. Non autem hoc est, quâ sanctus est, quia sanctitas diei, aut illius cultus nullum anni prognosticon est. Nec quâ naturalis. Nam si ex occurfu vel concursu stellarum faciendum esset prognosticon totius anni, cum quotidie habeatur aliquis stellarum occurfus, vel concursus, non esset magis prognosticon totius anni unus, quam alius dies. Quare dicendum est, hos versus non fundari in Astrologorum, sed in Vulgi placitis, quod profanum est, quò nihil est incertius, cum in eo non sit consilium, non ratio, non discrimen, non diligentia, ideoque arcendum.

Idemque dicendum est de observatione duodecim primorum dierum mensis Januarii ad prognosticon faciendum de singulis anni mensibus, quidquid dixerit Torreblanca *loc. cit. d. cap. 8. n. 11.*

Neque est superstitiosa observatio dierum criticorum circa corporum infirmitatem, quia pendet à re naturali, nempe à natura humorum. Vocant porò Medici dies criticos illos, in quibus de morbi ratione judicium ferre possunt, qui sunt impares, inter quos potissimum sunt quintus, septimus, undecimus, in quibus si natura melius se habet, fit judicium de futura sanitate; si verò ingravescit, de morte proximè futura. Secus autem dicendum est de observatione dierum criticorum quoad hæreditatem ad eundam, ut olim fiebat.

Porò critici dies sumunt principium à primo die notabilis læsionis, vel ab ægritudinis puncto, à quo vi-

ginti quatuor horæ faciunt unum diem. At de numero dierum dissident aliquantulum Medici. Quæ in diebus paribus judicantur, sunt discretæ apta conversioni; Quæ verò imparibus, contra. Initium morbi est insultus primus, huic cognitioni observatio horarum diei, & naturæ humorum opem fert perpulchram. Pituita ab hora noctis tertia, hoc est à nona post meridiem usque ad tertiam post mediam noctem viget, & phlegma stomacho innatur, somnumque conciliat. A tertia autem hora noctis usque ad nonam ante meridiem concoquitur sanguis, atque ab hepate elaboratur; unde mens, exorto sole, alacrior, sani, & ægri erectiores ob suavem effluxum, gratumque sanguinis habitum. Deinde ab hora nona antemeridiana usque ad horam tertiam post meridiem bilis flava suas vices obit, quo tempore naturæ vis secernit à sanguine choletam, eamque ad fellis folliculum dirigit; unde tunc temporis facilis ad choletam, & iram homo. At ab hora tertia usque ad nonam mediam noctis, bilis atra, seu succus melancholicus clavum in corpore regit, quo temporis curriculo, ut ait Soranus, hepar desiccatur, eluiturque à sordido excremento, idque natura spleni destinatur, unde tunc mens hominis obnubilatur, & ex atra, donaque fuligine animus mœrore contrahitur.

Quibus notatis, observa, quatuor quadrantes fieri viginti quatuor horarum diei, & singulis humoribus distribui sex horas, in quibus singulis senariis nota principium incipiens, medium pro robore, & finem pro declinatione; cognosces insultus primos morbi, adnotatis naturis morborum, atque videbis plerumque morbos ex humoribus, si illi nuper mixti sint, incipere, & incrementum habere, ac intermitteri cum tempore sui humoris. Sic febres continentes, & quæ ex sanguine ortum habent, mane hora tertia ingruunt. Tertianæ sub meridiem hora duodecima. Quartanæ hora tertia pomeridiana. Quotidianæ ex phlegmate, circa primas noctis excubias. Quod si humores redundant, aut inter se connexi, implicatique sint, ut fieri solet, non servant legitimum suum tempus, sed sunt insultus aciores, & productiores, & diuturniores.

In criticis itaque diebus à principio morbi, augmentum est dies tertius. Siquidem expleto duarum & septuaginta horarum curriculo, id est, tertio die humores sisti contingit, moverique desinunt, quod Luna eo temporis spatium unum Zodiaci signum peregerit, cuius vi humorum decursus in corporibus perficitur. Quamobrem quarta dies erit critica, indicativi septimi; quamvis aliquando, sed raro, ipsa sit critica, ut apud Avicennam. Synochus dicitur quarto die terminatus, unde critica, sed raro. Crisis septimi diei fortior erit crisi diei decimi quarti. Qui plura desideraverit, consulat Galeni libros de diebus decretoriis, & de crisis, ac prognostica Hippocratis. Observatio igitur critica non est superstitiosa, sed naturalis.

Licita etiam est observatio dierum Lunæ pro rebus naturalibus asservandis, pro cedendis lignis, pro colligendis fructibus, pro sanguinis emissionem. Id docet communis praxis, licet quoad venæ sectionem oppositum sentiat Torreblanca *d. cap. 8. n. 36.*

Est etiam licita observatio dierum canicularium pro sanguinis detractione, sumptione medicinæ &c. Id etiam docet communis Medicorum praxis. Incipiunt autem dies caniculares, secundum aliquos, pridie Idibus Julii, & occidunt, pridie Idibus Septembris. Secundum verò alios incipiunt decimoquarto Kalendas Augusti, & sunt septuaginta duo: ut ait Sacerdotale Romanum *p. 3. tract. 2. cap. 4.* Secundum alios denique incipiunt decima septima Julii, & durant quadraginta diebus.

Observationem anni climacterici, ut sexagesimi tertii, esse superstitiosam, firmat Picus Mirandulanus *lib. 6. adversus Aristotelem cap. ult.*

At tenendum est, non esse superstitiosam, sed fundatam in ratione naturali. Nam habent in se vim immu-

tandi



tandi corpus humanum, nisi impediatur ab aliqua causa. Quod probant fusè Arithmetici, Astrologi, Medici, & experimentum. Legatur *Lupus in edict. S. Offic. p. 3. lib. 15. dist. 6. art. 2. differentia 1.* & nota, quod climactericum tempus, hoc est, scalare, dubiosum dicitur. Quoniam Chaldaei Clymacteras appellant pericula vitæ, fortunarumque hominum, quæ fieri gravissima in septenariis dicuntur. Nam septimum quemque annum periculoſum esse Censorinus autumat. Sunt igitur anni climacterici omnes, ac singuli septenarii. Nam in quolibet eorum natura mutationem in corpore humano facit, interdum ad morbum, quandoque ad sanitatem, pro cuiusque corporis habitudine. Inter septenarios autem tres sunt præcipuè climacterici: quadragesimus nonus, quinquagesimus sextus, & sexagesimus tertius, qui omnium est maxime periculofus. Unde Augustus ad Caium nepotem ita scripsit: Nam ut vides, climactera, communem seniorum omnium tertium, & sexagesimum annum evasimus.

Mirum verò & in crescente, & statâ, & decreſcente ætate ferè pro septenariis sic variare corpus, quod pro planetarum septem dominio fieri putatur. Solon hanc diverſitatem ostendit versibus suis, quorum sententiam sic expressit Censorinus de die nat. cap. 4. *Fe-rè post septimum quemque annum articulos quosdam, & in his aliquid novi natura offendit, ut & in elegia Solonis cognoscere datur. Aut enim, in prima hebdomada dentes homini cadere, in secunda pubem apparere, in tertia barbam nasci, in quarta vires, in quinta maturitatem ad stirpem relinquendam, in sexta cupiditatibus temperari, in septima prudentiam, linguamque consummari, in octava eadem manere, in qua alii dixerint, oculos albescere, in nona omnia fieri languidiora, in decima hominem fieri morti maturum.* Cumque natura, ut ex istis liquet, septenario quoque variet, tum maximam, aiunt, fieri mutationem, ubi duplicato hoc numero, exacti sint anni septies septeni, hoc est, anno quinquagesimo, quando etiam mulierum ferè fecunditas conquiescit, non quasi vis aliqua insit numeris, sed quia sic Deus fecerit naturam, ut pro certo temporum agat intervallo.

Quamquam verò Solon dicat pro septenariis tum corpus, tum animum mutari, aliorum tamen opinio est, septimo quolibet variare corpus, at nono quovis immutari animos nostros, atque hoc in novenariis fieri usquedum, & hoc numero duplicato, hoc est, novies novenis exactis, mens à se abeat; qui quadrius numerus, sed eo, quo interpretatur, modo potentissimus est in iis, in quibus animi potius quam corporis natura dominatur. Immo ferè, si Censorino credimus, cap. 15. *qui tales fuerunt non prius vita excedunt, quam ad annum illum octogesimum & unum, in quo Plato finem vitæ, & legitimum esse existimavit, & habuit legitimum.* Ac propterea Platonem Magi, pluitquam homines existimant. Unde Seneca Ep. 58. *Nam hoc scis puto, Platoni diligentia sua beneficio contigisse, quod natali suo decesserit, & annum unum, atque octogesimum implevit sine ulla deductione.* Ideo Magi, qui forte Athenis erant, immolaverunt defuncto, amplioris fuisse sortis, quam humana rati, quia consummasset perfectissimum numerum, quem novem novies multiplicata componunt. Etiam, ut Censorinus ait, eo cap. 15. *hoc anno, & Dionysius Heracleotes, ut vita abiret cibo abstinuit, & contra Diogenes Cynicus cruditate in choleram solutus est. Eratosthenes quoque ille orbis terrarum mensor, & Xenocrates Platonici, veteris Academia Princeps, ad eundem annum vixerunt.*

Quia verò, ut diximus, pro septenario quidem corpus, pro novenario autem variare animus existimatur, eò prior numerus sacratuſ est Apollini, qui corpori facit medicinam, at posterior Musis, quæ animos sanant, nam animis Musicam moderi pettibatis, satis constat: *Plutarch. lib. 9. Symposiæon. quæst. 3. & Censorin. cap. 14.*

Quod si septenarius, & novenarius concurrant, tum animis, tum corporis variare vis solet, minus tam tam vehemens est corporis immutatio, quam cum septimus est septenarius, minus etiam valide impetitur animus, quam cum nonus est novenarius, nempe potentius agere creditur natura in numeris quadratis, qualis non est, si septies novena, vel novies septena componas. Audiamus & de isto quoque differentem Censorinum: *Itaque primum climactera annum quadragesimum & nonum esse prodiderunt, ultimum autem octogesimum & unum, medium verò ex utroque permixtum anno tertio, & sexagesimo, quem vel hebdomades novem, vel septem enneades faciunt. Hunc licet quidam periculofissimum dicant, quod ad corpus, & ad animum pertineat; ego tamen ceteris duco infirmiorum, nam utrumque quidem continet numerum, sed neutrum quadratum. & ut ab utroque non est alienus, ita in neutro potens, Nec multos sanè, quos vetustis claros nomine celebrat, hic annus absumpsit. Aristotelem Scagiritem reperio; sed hunc ferunt naturalem stomachi infirmitatem, crebrasque morbi corporis offensiones adeo virute animi sustentasse, ut magis mirum sit, ad annos sexaginta tres eum vitam protulisse, quam ultra non protulisse.*

Sive autem is vere infirmior est climactericorum alius, ut ait Censorinus, sive id scripsit, ut metum demeret Q. Cerellio eum extimescenti, nec is, nec climactericus quisquam, nec mors ipsa formidini esse debet homini Christiano, nec est melioris vitæ initium. Quare si nondum eo perfectionis devenimus, ut cum Apostolo cupiamus dissolvi, & esse cum Christo, saltem voluntatem nostram subijciamus divinæ, eò nos solantes, ut idem ait Apostolus ad Rom. cap. 14. vers. 18. *nemo nos separare possit à dilectione Christi, ac sive vivimus, sive morimur Domino sumus.*

Placet, juvatque huc adducere Cæli Plinii festivam Epistolam, qua ille Calvisium suum filium de Marco Regulo Fabellis delectat, latenter tempora sua pulsans, quibus, ut etiam nostris mali multò majora quam boni præmia conſequebantur Epistola est 20. lib. 2. *Assempera, & accipe, auream fabulam, fabulas immò, nam mi priorum nova admonuit, nec refert, à qua potissimum incipiam. Verania Pisonis graviter jacebat (hujus dico Pisonis, quem Galba adoptavit) ad hanc Regulus venit, primum impudentiam hominis, cujus marito inimicissimus, ipsi invissimus fuerat. Esto, si venit tantum; at ille etiam proximus thoro sedet quo die, qua hora nata esset, interrogavit. Ubi audivit, componit vultum intendit oculos, movet labra, agitat digitos, computat, nihil, nisi ut diu miseram expectatione sustendat. Habes, inquit, climactericum tempus, sed evades, quod ut tibi magis liquet, aruspice consulam, quem sum frequenter expertus. Ne mora. Sacrificium facit, affirmat extra cum siderum significatione congruere. Illa, ut in periculo credula posuit credulillos, Legatum Regulo scribit, clamat: O hominem nequam, perfidum, ac plus etiam quam periturum, qui sibi per salutem filii sui peierasset. Facit hoc Regulus non minus scelerate, quam frequenter, quod iram Deorum, qui ille quotidie fallit in caput infelicis pueri detestatur Civitatem. Et post alia sic suam Plinius concludit Epistolam: Sed quid efficere contendo in ea Civitate, in qua jam pridem non minora præmia, immò majora, nequitia, & improbitas, quam pudor & virtus habent?*

Negant plerique apud Delrium, esse superstitiosum credere, ovum gallinaceum, ortum die Parasceve, specialem vim habeat ad extinguendum ignem, si in eum injiciatur, existimantes, ovum, tali die genitum, hanc habere efficaciam.

At esse superstitiosum cenſeo cum Delrio lib. 4. magic. p. 2. qu. 4. sect. 6. Sanchez in decal. lib. 2. cap. 40. num. 16. Jamburin. lib. pariter 2. in decal. cap. 6. §. 1. num. 27. Nam si haberet hanc efficaciam, vel esset ex gallina, vel ex die, vel ex devorione. Non ex gallina, quia huic nullam specialem virtutem die Parasceve tribuit natura, cum



cum dies ille sit à sua natura invariabilis, & ad unum determinatus. Non ex die quâ Sanctus, quia si vis aliqua sanctitati diei adscribenda est, esset etiam adscribenda ovis omnibus ortis die natalis Domini, Resurrectionis, Pentecostes. Neque ex devotione aut fide agentis. Quia licet ista excuset à peccato, non potest tamen tribuere efficaciam id, quod ex se non habet.

Atque hujus diariæ superstitionis rei sunt ex Sanchez *en nu.* 16. certis diebus olera Scopis tangentes, nè à ciniphibus, erucis, aut aliis insectis ledantur. Item nolentes die Veneris ungues præscindere, vel die Sabbati nere in honorem B. Virginis, cum tamen alia servilia tunc exerceant. Item majorem vim tribuentes aquæ, quæ dominicis post quatuor tempora benedicitur, quam benedictæ aliis dominicis, ad quosdam effectus.

Etque etiam supersticiosum, orationes sacras recitare, vel scriptas deferre, quibus à manu violentia, vel ab aliis malis liberari, denique fortunatos fore se credant. Deinde Lufores locum, seu chartas mutare, vel tantisper surgere ad malam ludi fortunam avertendam, gallinam gallosum more forte cantantem, uti infortunii portentum, occidere, aliaque similia, quamvis merè vana, & inutilia, nullamque graviolem superstitionem continentia. Quæ si certò credantur, vel si semper adhibeantur ad vitam dirigendam, cum periculum subsit, nè demon se illis certò intermiscat, erunt mortalia, at si semel, aut iterum, non ita: Sanchez *d. lib. 2. cap. 40. n. 21.* Torrelli *lib. 9. cap. 2. n. 21.* & Tamburini *loc. cit. n. 27.*

Pactio illa, quam à nonnullis factam legimus, ut præmoriens superstiti apparere debeat, eumque de suo statu certiore reddat, est illicita. Quia licet secundum se considerata culpâ careat, tamen res est periculosa, & valde obnoxia demonum præstigiis, ac illusionibus, & ideo hujusmodi promissio reprehenditur à Cirvelo *de superstit. p. 3. cap. 11.* Delrio *lib. 2. magic. q. 26. sect. 7.* Sanchez *lib. 2. in decal. cap. 38. nu. 25.* Fagundez *in 1. præcept. decal. cap. 36. n. 14.* Tales enim apparitiones non sunt laudabiles, neque necessariae. Constat ex Evangelio *Luc. 16. v. 29.* ubi diviti avaro cupienti, ut Lazarus post mortem fratribus suis appareret, respondit Abraham: Habent Moysen, & Prophetas, audiant eos. Quod perinde fuit, ac si diceret: sufficit illis doctrina Sacrae Scripturae, nec petant apparitiones, in quibus plus periculi, quam utilitatis esse potest. Hinc B. Ludgardis cū hujusmodi pactum iniisset cum quadam moniali, subdidit, ante omnia dicendum, benedicite orationem Dominicam, orationem Angelicam pronuntiandum, ut persursum in Iunio. Sed Sancti præditi sunt dono discretionis Spirituum, & qua calliditate Satan valeat, agnoscunt.

Inter ceteras pactiones, & apparitiones hujusmodi, hæc celebris enarratur; Michael Mercatus senior cum Marsilio Ticino ingenii nobilissimi viro intima jungebatur amicitia, quam & paria Philosophiæ studia accendebant. Uterque horum Platonis scripta commendatus, convenire inter se disceperent? Quis hominis post mortem sit status. Quò anima migret? Quæ rerum facies in orbe altero? Atque hoc ex Platonis mente deducebant Christianis Oraculis confirmandum. Sermone inter differendum longius progresso, ad eam uterque conventionem descendit, ut stipulatis dextris, alter alteri sanctè promitteret, ut qui prior naturæ concederet, superstitem de alterius vitæ ratione quàm fidelissimè, si liceret, annuente Deo, redderet certiore. Hæc pactio, & juratum omnino in hæc verba. Post aliquantum temporis hi duo viri rotis Urbibus disjuncti habitaverunt. Cumque Michael Mercatus summo mane ad auroram Musis amicam Philosophiæ operaretur, equitem in proxima platea ad ædium suarum ostium concitato cursu properantem, simulque Marsilii succlamantem vocem audiit: O Michael, o Michael! vera sunt illa, vera, verissima. Michael ad notissimi amici voces excitus, mox à libris fenestram accurrit, ac prospicit, cernitque

à tergo Marsilium equo niveo vehementem, jamque reflexo itinere abeuntem. Hinc celeri voce prosequutus, Marsili, Marsili, clamabat. Sed eques candidatus moram non ferens, oculis sese subduxit. Mercatus inopinato spectaculo attonitus, quid suo Marsilio evenisset, anxie cepit indagare. Demum intellexit, Marsilium Florentiæ ea ipsa hora obiisse, qua ad suas ædes visus à se, auditusque esset. Ab eo tempore Mercatus, quamvis jam antea vitæ integer, & commendatæ integritatis fuerit, Philosophiam nuncio remisso, res sibi suas haberi jussit, ipse in posterum solius Christianæ Philosophiæ leges sectaturus. Ita quod reliquum vitæ habuit, sibi jam, mundoque mortuus, ad futura se totum transtulit, æternitatem assidue meditatus, juxta illud sponsæ de sponso suo in Cantico Canticor. *Lava ejus sub capite meo, & dextera ejus amplexatur me.* Non ignoro, quod hæreticis hoc, & hujusmodi alia fabulæ sunt. At ipsi post suum obitum hæc vera esse experientur. Quandoquidem in omnibus ferè minus valent præcepta, quàm experimenta.

Superstitiosi censendi sunt confratres S. Marci Evangelistæ Oppidi *de lus Brozas*, qui in ejus festivitate à primis vespers petunt agrum, & jubent tauro ferocissimo, ut deposita sævitiâ cum eis vadat, tantæque festivitati assistat; qui jussis ita obtemperat, ut pueri, ac sæminæ ejus cornibus ferta florum suspendant: ut tradit Raph. de la Torre *tom. 2. de vitis Relig. oppos. qu. 96. artic. 4. disp. 1.* Nulla enim est D. Marci cum cornuta bestia sympathia ex mystica quatuor animalium visione. Nec animalia sunt ulla ratione prædita, ut jussis valeant obtemperare, nec Deus ad has vanitates concurret: Ideò superstitioni, & pacto id tribuendum est, ex D. Thoma *1. 2. q. 3. art. 3.* Tolet. *lib. 3. de anim. q. 7.* Delrio *lib. 2. magic. q. 10.* Vasquez *1. 2. disp. 78. cap. 4. nu. 29.* & Laurea *salam. certam. 7. cap. 2. 3. & 4.* Unde hos confratres, aliosque, qui tauros, aliæ animalia in festivitatis sanctorum è feris, & immanibus mitia reddunt, ut superstitiosos damnat Clemens VIII. literis suis datis Episcopo Civitateni 10. Martii 1598. quas refert Joannes à S. Thoma *2. 2. & de Ensalim. sect. 2. cap. 2. post n. 13.*

Quò vero ad milites S. Anselmi blasphemum in primis est, artem Divi Anselmi appellare illam vanam, & supersticiosam sanandi, ab Anselmo Parmensi confictam, qui fuit insignis magus, nec naturalis esse potest nec supernaturalis.

Non naturalis, quia omnibus conveniret, nec indigeret cæremoniis supersticiosi, quibus illi utuntur. Non supernaturalis. Quia supernaturalia, & divina non adiscuntur arte, neque ex voluntate hominum ab uno in alterum traducuntur. Refert Anania *lib. 4. de natur. demon.* hæc arte sanati ab infirmitatibus, ac vulneribus, postea gravissimis cruciatibus, ac morbis acrioribus vexantur, & plerumque curati, & curatores infelicitè vitam finiunt. Signum, quod arte demonis non sine præstigiis hæc magna ex parte aguntur. At de his alibi, ubi de Ensalimatoribus, ac de Ensalimis.

Superstitionem etiam committit, qui jumenta die S. Antonii Abbatis novies per ejus templum circumducit, aut venam eis aperit die alicujus Sancti, si animus illi est, adhibere hujusmodi circumstantias, tanquàm per se efficaces, ad sanitatem animalium obtinendam à Deo, non tamen si ut re magis exciter ad precandum propter diem Sancto illi dicatum, aut propter effectum specialem, quem erga Sanctum habet, à quo auxilium, & incolumitatem rerum suarum expectat. Ita ex Valeria, Sayro, Delrio tradit Sanchez *lib. 2. in decal. d. cap. 40. n. 31.* Trullench. *lib. 1.* Item *in decal. cap. 10. dub. 10. nu. 1.* Tambur. *lib. 2. cap. 6. §. 1. nu. 28.* Fagundez *lib. 1. cap. 37. n. 3.*

Sic quoque committit superstitionem, qui ex prima pecunia oblata crucifixoin die Parasceve conficit annulum ad



ad sanandum morbum contractionis membrorum, si certò existimet id evenire ex illo; secus si id faciat propter Christi memoriam, expectando solum ab eo sanitatem. Ità Cajetanus 2. 2. q. 96. art. 4. & in sum. V. *superstitio observationum*, ubi hæc: *Quarta superstitio est observationum in verbis, aut rebus sacris portandis, aut dicendis, utendis, adjunctis aliquibus conditionibus non malis, quarum ratio nescitur, ut patientes spasma nervorum primo Carolino oblato Christi cruci in Parasceves, nantur pro remedio, confecto ex illo annallo, & sic de similibus. Quantum enim apparet in huiusmodi rebus superstitio intervenit; quoniam vana conditiones apparent. Si tamen ex mera devotione sunt, & non nisi a Deo intendant, & sperent effectum, putantes Deum inspirasse alicui Sancto Viro huiusmodi conditiones, non audeo damnare, sed tolerabile mihi videtur.* Quod etiam censet Sanchez d. n. 31. qui ex Delrio advertit, doctrinam traditam à Cajetano solum posse deservire ad excusandum eos, qui his rebus bona fide uti sunt; at petentibus consilium respondendum esse, id non licere sibi persuadere. Quia cum lege ordinarii non sit solitus Deus huiusmodi conditiones, in quibus aliquid vanitatis apparet, Sanctis inspicere, temerarium est sibi quid huiusmodi persuadere. Sic etiam Fagundez loc. cit. n. 4. Trullench. ibid. n. 7.

Id ipsum etiam dicendum est de eo, qui non vult in convivio, ad quod invitati sunt tredecim, accumbere, quia timet, unum ex convivis eo anno moriturum, si id firmiter credat; secus verò si aliquali credulitate, quodam levi timore ductus. Sic Tamburinus lib. 2. in decal. cap. 8. §. 1. n. 36. & 76. ubi hunc casum sibi perquam venuste accidisse narrat his verbis: *Risi olim quoad hanc rem, & simul amicum sum collachrymatus. Cum agerem Montis Regalis tredecim ex Canonicis invitati simul discubuerem, ejusmodi superstitionem parvi facientes. Porro die sequenti quidam ex Collegio Canonicorum, qui ad convivium invitatus non fuerat, obviis casu procedens, uni ex convivis dixit, fore ut unus ex ipsis tredecim eo anno moreretur; cui aliter subridens respondit, potius fore ut ipse non invitatus è vivis desineret, quam unus ex invitatis, adeò vanam eam observantiam se existimare. Hanc non insulsam responsonem mihi idem qui respondit cum risu narravit, & ego, fateor, illam cum plausu excepi, sed cum lachrymis non post multos dies amicum illum, qui convivio non interfuerat, è vita ab inexpectata sublatum febre sum prosequutus.*

At quid de Zauris? Asseverant multi Philosophi, Pindarus, alique Poetæ, quod aliqui humori melancholico ascribunt, ac spirituum vehementiæ, istos non solum fontes, & thesauros introspicere, sed & mortuorum corpora. Alii virtuti matrimonii id concedunt, ut Delrius. Sed Laurentius superstitiosum credit, cum ad certum diem, scilicet Veneris tantum introspiciant, vel feria tertia. Quod est signum fœderis latentis. Certè vana & superstitiosa hæc sunt. Vana, quia certum est, terram solidam esse, & opacam, ideoque incapacem, ut species transmittantur. Eoque magis quia dicitur, huiusmodi homines oculos habere rubeos, sive sanguineos, quæ est conditio potius diminuens visus acumen. Et quia dicunt plerique illos aquas indagare à signis, ut ex vaporibus manè, ac vespere locis illis emanantibus aquas colligunt intra terram illam. Superstitio autem creditur, quia ad statos dies suam virtutem coarctant.

Superstitionem etiam committit, qui gladium, quo quis ab inimico vulneratur, vulnerariis medicaminibus curat, ut in salubritatem vulneratum in loco distanti jacentem brevissime restituat; vel applicando medicamentum particulis panni linei, sanguine vulnerati tinctis, cum nihil naturale, nec divinum in eo effectu appareat. Bordon. rom. 1. cap. 16. n. 37. Tamburin. loc. cit. num. 37. & 77. & antea Bonacin. in decal. disp. 3. quæst. 5. punct. 4. n. 17. & 18. ubi id latè probat Trullench. ubi supra cap. 10. dub. 10. n. 10. Delrius lib. 3. Magic. q. 4. sect. 1. & Sanch. d. cap. 40. n. 44. Mazuchel. disp. 2. de casib.

Mediol. cap. 10. n. 81. Naturalis enim modus medendi vulnera est, super ipsis vulneribus medicamentum applicare. Nam omne agens agit in passum sibi debitè approximatum. Cum ergo talis modus medendi etiam in loco distanti, & ipsa celeritas sanationis sint nedum inusitata, sed contra modum naturalem operandi, manifestè colligitur, ita medentes operari virtute demonis, qui ad applicationem medicamenti in loco distanti curat infirmum, sic decipiendo. Et ita fuisse conclusum in Pœnitentiaria Mediolanensi testatur Carena p. 2. de sortil. tit. 12. §. 4. n. 29. quicquid inaniter contra effudit Petrus Servius Libello de hac re edito, cui titulus de Unguento armario.

Quare utens hoc medendi modo est denunciandus S. Officio, quia saltem est leviter suspectus, ex pacto tacito in ipso medendi modo cum dæmone. Dum enim effectus sanitatis naturaliter ab illo remedio pervenire non potest, sed solum à dæmone, consequenter illo utens denunciandus est Tribunali Inquisitionis. Ita citati Doctores locis allegatis, & Petrus Navarra lib. 2. cap. 4. p. 1. n. 215. Avila p. 2. cap. 5. disp. 4. & 5. & alii, quos citat Bonacina ibidem n. 19.

Non est superstitiosum credere, salivam hominis, omnino jejuni, mederi vulneribus, apostematibus, &c. Quia naturalem vim ad hunc effectum habere constat experimento. Nam saliva hominis jejuni est melius digesta, & subtilior, quam non jejuni, ut per Authores, quos sequitur Lupus d. p. 3. lib. 15. disp. 2. art. 2. diff. 4.

Neque superstitiosum est credere, quod filum cannabinum necum à puella virgine, vim habeat ad aliquem morbum sanandum, si eo utens non utatur verbis, signis, aut vanis alligationibus, aut precibus. Nam si nuda planta mulieris vim habet, serpentem interimendi, eò solum, quod ejus caput vel leviter premat, ut ait Rupertus lib. 1. tom. 3. de Trinit. cap. 2. cur non poterit virgo alicujus virtutis nobis ignotæ particeps esse, ut filo, quod suo sputo nendo imbibit, occultam vim ad aliquem morbum propellendum communicare? Testatur Plinius lib. 28. cap. 4. quod Marcion Smyrnæus, qui de simplicibus effectibus scripsit, rumpi scolopendras marinas sputo tradit, item rubetas, aliasque ranas. Nec censetur superstitiosum credere, quod oliva plantata à muliere virgine, sive casta, efficiatur fructifera; secus verò si plantetur à corrupta: ut à Jacobo Sprengerio in mal. malef. p. 1. q. 1. ait Lupus in d. p. 3. edit. Inquis. lib. 15. disp. 4. art. 2. diff. 1.

Minus est superstitiosus mos ille Christianorum offerendi Deo, ac Sanctis anathemata, sive tabellas, ob acceptam gratiam, vel miraculum, aut evasionem naufragii, mortis, periculi: Licet enim ex vano ac superstitioso usu Gentilium erga Deos suos introductus sit, tamen in Sacra Scriptura legitur approbatus 1. Reg. 6. confirmavitque exemplo Judith offerentis conopæum, quod ipsa substulerat è cubili Holofernis in anathema oblivionis. Anathema enim dicebatur, quod ad rei memoriam suspendebatur, vel consecrabatur: ut notat Suarez de censur. disp. 8. sect. 2. nu. 4. & Navar. in extravag. de dat. & accept. n. 10.

Est mortaliter superstitiosus, qui ex eo, quod audit garrire aves, ululare lupos, latrare canes, mugire boves, &c. certo credit, sibi mali aliquid imminere; secus si ductus aliquibus eventibus leviter timeat, aut formidet. Ita colligitur ex can. illos. 26. nu. 2. Et docet Navarra in man. cap. 11. num. 37. ac Torreblanc. lib. 9. jur. spir. cap. 5. nu. 15. ubi alias adducens superstitiones, sic ait; *sunt alia vana observationum superstitionis notæ, ut quæ crines peccinando evulsos, non nisi ter consputos abjiciunt, si ova comederint, eorum testas non nisi ter cultro perfossas in catinum projiciunt, timentes utrumque neglectum veneficii nocendi occasionem præbere servatum, præcludere nocendi potestatem: ut tradit Delrius lib. 6. magic. cap. 2. sect. 1. q. 1. Qui cum vident noctuam volantem circa alicujus ædes, vel audiunt;*



diunt obstrepentem, vel canem ululantem, mortem prædicunt imminere. Aut si alicui iter facienti obviam venit lupo, mali aliquid ob stare ominantur: ut tradit Petrus Binsfeldius in *confes. malef. præud. fin.*

Idem q; Navarrus *loc. cit. nu. 38.* hæc scribit: *Qui observat illum diem potius quam illum ad exeundum domo, vel ad iter egrediam, vel quo pede statim à semine terram contingat, vel quem pedem primum calcet, vel quod domo egrediens in limine impingat, & ob id recedat; vel quia simul atque excitatur à somno, statim feruente, & ob id in lectum revertitur. Qui has, & similes temeritates observant, ut plurimum venialiter peccant; antequam à suis Curatis, vel Concionatoribus, vel Confessorijs admonerentur, post admonitionem autem secundum B. Antoninum 2. p. tit. 12. jam mortalia crimina iudicantur.* Quod intelligendum est, si hæc omnia certo, ac infallibiliter credant, non autem si levi timore ducti contrarium opinentur.

Et generatim de hac divinatione, quæ ex superstitionis, & vanis quibusdam observationibus sumitur, scire convenit cum Azorio *lib. 9. cap. 22. p. 1.* quemadmodum omnia sunt fortuita dicta, vel facta hominum, quorum observatione quis futura divinat, sic superstitiones dicuntur fortuiti aliarum rerum eventus, ex quorum notatione quis lata, vel tristitia sibi vel alteri omnia eventura certo conjectat. Exemplum ponit: Si quis pluvium fumano mane domo egressus canem, aut selem offenderit, funus, sepulchrum; aut crucem videat, divinat, sibi eo die, sic, vel aliter cuncta eventura, vana est hæc divinatio, ex inani, & superstitionis observatione ducta.

Alij venatum ituri, si primo mane pedem in limine offenderint, aut eorum vestis deciderit, vel fuerit tacta à foricibus, aut lacinia valvis adhæserit, putant, & certum apud se constituunt, nihil sibi prosperè, ac feliciter eo die eventurum. Si cum primum domum exierint, sterminaverint, si corrigiam abruperint, si in porta caput offenderint, si corruerint, infausti ominis esse arbitrantur.

Putant nonnulli, certorum animalium occursum præsignificari, aliorum verò animalium, adversos. Certos itidem hebdomadæ dies esse sibi faustos, alios infaustos.

Hæc omnia ex varia Gentilium observatione initium duxerunt. Tiberius Gracchus quo die civili seditione oppressus est, domo egrediens, ita pede limen offudit, ut non parva vis sanguinis efflueret. Plutarch. in *Tiberio Graccho.* & Valerius *lib. 4. cap. 4.* Neroni in expeditionem Alexandrinam profecturo, lacinia fugienti adhaesit. Sueton. in *vita ipsius. c. p. 19.* Crassi tunc inter Parthos profecturus in aciem, ita pedem offudit, ut humi prostratus conciderit, qui deinde in bello cæcis occubuit. Plutarch. in *Crasso, Bruto, & Cæsare* proditiis in aciem, obvium Æthiopem clamitantem præsignificasse vulgo creditum est. Sabell. *Ennead. 6. lib. 8.* Hadrianus Cæsares Mauri occursum futurum sibi mortem suspicatus esse perhibetur: Sabell. *Ennead. 4. lib. 5.* Annibali ex Italia Africam petenti, sepulchrum dirutum in via, omen ingessit infaustum.

Hæc, & his proxima superstitionis, & vana sunt, & ut dicitur, à Gentilibus accepta, quæ cum aliquando experirentur certis quibusdam rerum eventibus lætum, vel triste sibi aliquid accidisset in eis aliquid divinitatis contineri censuerunt, ac deinde Dæmon sese in illis rebus casibus immiscebat, ut sic Gentes deluse tenerentur. Caius Flaminius cum apud Lacum Trasimenum cum Annibale pugnaturus convelli signa iussisset. Lapso equo super caput ejus, humi prostratus est, nihilque eo prodigio inhibitus, signiferis signa moveri sua se posse negantibus, malum, in ea continuo effudissent minatus est; & deinde ipse in bello occubuit, & in ea de quindecim millia Romanorum caesa, sex millia

capta, viginti millia fugata sunt. Hæc Valerius *lib. 1. cap. 6.* Livius *lib. 2. belli. Punici.* Vulpem in via occurrentem, signum mali ominis putabant: sic etiam canis prægnans si occurreret, credebant infaustum omen. Porcus, aut mustella à sinistra veniens infelicitis ominis erat. Si quid item mures corroserant, tristitia prænunciare creditum est. Quæ quidem omnia, ut vana, damnantur in *Can. Illud. 26. qu. 2.* ex Augustino.

Negari tamen non potest, aliqua dicta, vel facta in sacris scripturis fuisse, quæ rerum consequentium eventum, non ab humano, sed à divino impulsu profecta, significaverint: ut Gedeon. *Judic. 7.* ex eo, quod audivit narrationem ac interpretationem cujusdam somni, omen captavit: & servus Abraham *Genes. 24.* omine etiam usus legitur. Et Jonathas Sauli filius. *1. Reg. 14.* omen etiam observavit. Præterea narrat Paulinus in *vita Ambrosij*, Probum Judicem, cum Ambrosium ad Liguriam, & Æmiliam gubernandas misisset, ei dixisse, vade, & fac, non ut Judæus, sed ut Episcopus; & postea Mediolanensis Ecclesia eum in Episcopum elegit. Et ipse Ambrosius adhuc adolescens, cum forori osculandam manum dedisset, ludens dixit, se futurum Episcopum, & ita fuit.

Superstitiosas, ac reprobandas esse illas orationes, in quibus à Christo, vel ab eius matre quis petit, ut sibi in mortis articulo appareat, censet Cirvelo de *superstit. par. 3. cap. 11.* Quia, inquit, magna præsumptio est, velle quempiam, ut Christus Dominus, ejusve sanctissima Mater ei appareant. Deinde quia diabolus facile se in Angelum lucis transformat, & eum sub specie Christi, aut ejus Matris potest eludere; permitte id Deo in pœnam illius fiduciæ, & postulationis.

At ego censeo, hujusmodi orationes nec superstitionis esse, neque reprobandas, tum exemplo, tum ratione. Extant enim innumera ferè exempla, etiam sanctorum, qui id à Christo ejusque Matre petierint, & exauditi fuerint. Sic rogatus apparuit S. S. Adhelando, Alferio, Alquirino, Antonio Paravino, Bavoni, Clara à Montefalco, Clementi Ancirano, Coletæ, Edmundo, aliis. Sic etiam rogata apparuit B. Virgo Annoni, Bonito, Reginaldo, Petro Faverio, apud Severanum de *pretios. mort. inst. & in Libello precum B. Virginis edito Bononia, recognito ab Archiepiscopo, & à Vicario S. Officij Bononiensi typis Josephi longi sub anno 1673. pag. 131.* præ cæteris hæc leguntur: *Eia pia Mater, dirige, & serva me materna benignitate cunctis diebus vite meæ, atque in extremo spiritu constitutum misericorditer protege, ne maligni spiritus possint nocere animæ meæ, ac salutem meam impedire. Exhibe mihi tunc jucundissimam præsentiam tuam, & roseo, rutilantique vultu tuo, ac blandis oculis tuis solare dolores, & gemitus meos. Dic tunc animæ meæ: Ego Mater Dei quam dilexisti, & in qua sperasti, loquor pro te, noli timere. Domina, redde me tunc certum de cælesti beatitudine, ut in sancta confidentia vitam hanc finiam, & te duce perveniam ad vitam æternam, Amen.* Qui enim Christum peramat eundem cum Bernardo ita implorat.

*In tremenda mortis hora;*

*Veni Jesu absque mora.*

*Cum me jubes emigrare,*

*Jesu chare tunc appare.*

Quis tot Sanctos, Ordinarium, & Inquisitorem superstitionis esse dixerit, quod ita rogaverint, quod id approbaverint?

Ratione etiam id comprobatur. Quia qui sic orat id temerè non vult, sed orationibus humiliter petit, atque adeo non est præsumptio, sed humilis oratio. Deinde si id esset supersticiosum, cur Christus, & B. Virgo rogantibus apparuerint. Non enim exaudiunt superstitionis, nec permittunt, ut sic orantes decipiantur à dæmone sub specie Christi, aut ejus Matris, quia



non vanè, aut temerè confidunt suis meritis, & postulationibus, sed misericordiæ pietati, ac benignitati Christi, ac Virginis. Postremò, quia id, quod petunt est licitum. Non est igitur superstitiosum, atque fædè nec reprobandum.

Illud autem non improbo cum eodem Cervelo *cit. cap. II.* nimirum esse superstitiosas eas orationes, in quarum titulis determinatur numerus dierum, in quibus dicendæ sunt, ad obtinendum à D. o gratias in eis contentas. Quod etiam censet Fagundez *lib. I. in decal. cap. 35. num. 17.*

Superstitiosum itidem est, certis verbis pecus incantare, nè à lupis lædatur. Undè cum Fagundez *lib. I. in decal. cap. 37. num. 7.* non approbo morem utilitissimum, qui apud rusticos Lusitanos propè Montem stellæ percubuit, & inde per circumvicinas illas regiones derivatus est. Hi enim in custodiendo suo pecore certis verbis utuntur, quibus à luporum rabie tutum credunt, & nullo custode relinquunt; quod illi, pecus amentare vocant, & asserunt, experientia compertum esse, nihil unquam mali à lupis accepisse pecus illud, quod prædictis verbis fuit amentatum, quamvis lupi illud circumstent. Ego potius dicerem pecus incantare. Hoc enim esse non potest, nisi ex vi alicujus pacti cum dæmone, qui certis, ac determinatis verbis est obligatus. Evidens enim est, verba illa non posse esse causam naturalem talis effectus, ac subinde esse certa signa alicujus pacti. Sicut enim serpentes pacto Dæmonis certis verbis incantantur: ut patet *ex psalm. 57.* sicut aspidis surdæ obturantis aures suas, quæ non exaudit vocem incantantium, de quo mox. Ità & oves certa verborum prolatione ex eodem pacto censendæ sunt incantari, ne luporum moribus pareant, aut potius lupi, nè eos invadant.

Huc refero, qui res vim humanæ potestatis exuperantes agunt verbis, aut characteribus quibusdam ignotis, quibus fortasse dæmonum nomina, & eorum invocationem signavere illi, qui primi iis ex pacto cum Dæmone usi sunt. Hujusmodi quidem opinionem non immeritò injecerit, quod majorem tribuant vim vocibus, barbaris nec intellectis, quàm ijs, quæ intelligantur, ut etiam legas apud Joannem Picum in suis Positionibus. Atque ut nihil ejusmodi foret, quale metuimus, saltem verba etiam cognita, nec in se mala, sacramentum sint demonis ex tacito pacto concurrentis, quoties adhibentur ad ea præstanda, quæ nequit potestas humana.

Vel meræ nugæ, vel hujus generis sunt, quæ his verbis Plinius tradidit *lib. 28. cap. 1.* Dixit Homerus, profluvium sanguinis vulneratæ fæminæ, Utilem inhibuisse carmine; Theophrastus ischiadicis sanari; Cato prodidit, luxatis membris carmen auxiliari, M. Varro podagris.

Huc etiam pertinent versus Un liciani, Comitæ archiatrorum ad Valerianum Imperatorem apud Marcel. Empir.

*Gramine, seu malis agro prestare salutem,  
Carminè seu potius. Nanquè est res certa salutis  
Carmen ab occultis tribuens miracula rebus.*

Habemus & magicas medendi formulas apud Cælium Aurelium in *chronicis cap. 1.* Myreplum *scilicet II. antidot. 298. 405. 419. & alibi.* Et apud alios, è quibus unum contentus ero referre Quintum Serenum Sammonicum junioris Gordiani præceptorem. Juberet ille ad sanandum hemitritæum, hoc est, semitertianam febrem in *medic. cap. 51.* chartam lino includere, cui inscriptum sit *Abracadabra*, inde eam de collo suspendere, ac quor diebus ordine retrogrado literam demere. Planè hæc à Magis profecta, quos & hæretici in multis olim sequuti. Immo vix dubito, quin illud *Abracadabra* inde fuerit, unde Basilides haulerat

suum *Abraxas*, quem pro Numine summo coluit, nomine prorsus fictitio, sed quod literis contineret numerum dierum, quos annus habet absolutus. Undè & D. Hieronymi opinio erat, *Abraxas* esse non alium, quàm Persarum Mithram, hoc est, solem, qui annuo cursu hoc spatium conficit. De Basilidis hoc numine, sive eo dæmoniorum principem, sive Solem, sive utrumque significavit. Vide Irenæum *lib. 1. cap. 23.* Tertullianum de *prescript. cap. 46.* Epiphanium *hæres. 24.* Hieronymum adversus Luciferum, & *lib. 1. in Anios.* Item Augustinum, Theodoretum, & Damasenum, in ijs, quæ de hæreticis tradiderunt.

Qui ista dæmonum commercio fieri negant, hi Avicennam in eo, & alios Arabes sequentes, magica omnia naturali ratione, arteque tantummodò humana fieri arbitrantur, eoque negant, sapientis esse ad illa recurrere, quæ utrum sint, nondum conveniat, præsertim cum abundè ratio eorum reddi possit ex ijs, quæ humanæ sint potestatis, idque partim per imaginationem, partim per verba & characteres. Quippe imaginationis vim latius relucere ex prægnantibus, & melancholicis. Etiam medicos, qui nihil efficacior ponerent in verbis, dum miram verborum, signorumque vim esse persuaðeant agris, imaginatione tali sæpè agros valetudini suæ restituisse. Atque hoc movisse Philippum Aureolum, sive Bombastum Paracelsum malis dicere *lib. de morbo caduco*, ut in morbis, quos quis à Magis immisos imaginetur, ad Sagas, Ziginæpos jubeat accedere, nec promittere dubiter, si remedia, quæ docuerint, cum vehementi imaginatione adhibeantur, fore, ut morbis feliciter medeantur.

Jam ad vim imaginationis hic alterum accedere, quia spiritibus, ac humoribus ab ea commotis, vis inde exeat in verba, & characteres, quam etiam muta intelligant animantia. Quandoquidem aspis, conspecto eo, qui volet incantare, nè exaudiat, aures suas obturet, atque ita carmen reddat inefficax. Hoc ipsum Regium Latem testari *psalmo 57. sive juxta Hebraeos 58. num. 5.*

Singulis istorum occurram. Ac primùm non diffiteor, magnam esse imaginativæ vim, sed in immediatè conjuncta. Cujus generis etiam est, si æger, melancholicus, aut simplex à Medico nullam verborum vim credente, gnaro interea, quantum possit imaginatio, de mirifica verborum virtute persuasus, valetudinem suam recuperet. Quanquam non existimem pif, ac prudentis medici esse, sic ægri credulitati illudere cum ea res superstitionis periculo non careat. At interea quid ista ad vim verborum, & characterum comprobendam? Quæ cum extrà hominem sint, quo pacto, quæso, adstruent ad ea se vim diffundere imaginativæ?

Planè, inquiunt, quia imaginatio turbat spiritus, & humores, posteaque inde vis prodit in verba, & characteres, posteaque non aliter ac ex invidorum oculis vehementi imaginationem venenatus exit radius, qui rem inficiat, quod fascinum vocamus; quo pacto item mulieres pleræque, menstruis laborantes, speculum noxio inficiunt vapore. Sed halitu, aut vapore posse multa infici, non dubito; at quòd propterea omnem fascini vim in imaginatione, ac spiritu oculis exeunte ponant, difficultèr persuadent. Magis placet sententia eorum, qui, ut non negant, posse spiritum noxium ex maleficorum oculis prodire, ità hic neutriquam subsistunt; sed utrumque hoc sit, in vero fascino principem vim dæmoni attribuunt. Quæ & sententia est Ludovici Vairi in 2. *defascino, cap. ult.* ubi fascinum definit, perniciosam qualiteratem dæmonum arte illatam, ob tacitum, vel expressum pactum cum eisdem dæmonibus firmatum. At de hoc alibi fusiùs. Tantum quæro, quid simile sit inter corpora naturali,



& verba, ac characteres? Corporibus per contactum mediatum, sive immediatum vim aliquam nunc utilem nunc noxiam imprimi posse, non negamus sed, quanto alia ratio in verbis, & characteribus? Quorum denominatio est ab re externa, ut magnam quidem vim habeant eorum sensus, quemadmodum in facundo elucet oratore, ipsa verò per se vim obtineant nullam, quippe quæ non naturâ significant, sed positione, sive ex instituto: ut est apud Aristotelem initio de interpretatione. Aliter si esset, verba eadem idem apud omnes valerent, cum contrâ videamus, vocem eandem huic genti illud, alij aliud atque aliud, denotare. Sed his dejecti, tandem velut Gorgonis caput, obtendant nobis locum divini Placitis loco citato, qui illud dicere videtur, tantam esse carminis vim, ut illam etiam aspides extimescant. Et videtur hæc etiam sententia esse Augustini, Cassiodori, atque aliorum. Quorum maior ex parte apud me foret autoritas, si quis eorum ad hanc ipsi interpretationem præisset, qui ex professio id egissent, ut naturæ arcana scrutarentur. Nunc apud eos universos altum de re adeò miranda silentium est. Et id credo, impulit Grevinum, ut in primo de venenis sic scriberet, *Huic difficulter fides haberi potest, neque tamen prorsus abroganda, cum fieri possit, ut poetico more loquutus fuerit.* Sanè poeticum opus est, unde is locus promittitur, eoque verisimilius est, Davidem obturationem aurium non propriè intelligere, sed metaphysicè signare; quòd sic agat aspis, quasi contemnat carmen, planeque ad illud obscuruerit. Sententia igitur Davidis ea fuerit: Tantum esse suorum hostium furor, ut non magis possit mitigari, quam moveatur aspis incantantis carmine. Nam æquè furiosos esse hostes suos, ac furda est aspis ad tale hominis carmen. Quomodo & Hierem. 8. legas: *Ecce ego mittam vobis serpentes regulos, quibus non est incantatio, & mordebunt vos.* Summum igitur hinc consequitur, solere a Magis carmen occentari serpentibus, sed, ut puto, nunquam inde evincunt, aliquam esse ejus carminis vim. Et hoc pro versutia sua scire serpentes, eoque callide aures obturare, nè audiant. Quamobrem sic colligo, nullam ex se esse carminum efficaciam, nec qui ipsi se morbos pellere profitentur, id tam carminibus, quam demonis opera ac vi efficere.

Ad eandem cum demone societatem refero præstigiatores, non eos quidem qui sola manuum agilitate, vel ingenioso quopiam dolo officias faciunt, sed qui res agant, quæ arte vel opera humana præstari minime possunt. Ut cum Trifalcianus ille Cenomanus præfente Carolo nono Galliarum Rege, ex torque aureo charitus à se longius remoti annulos pelliceret singulos, & advolantes sua recipere manu, prout saltem videbatur, ac torquis nihilominus salvus, & integer repebatur. Ad cuius rei conspectum sic Rex exhorruit, ut hominem abire iussit, nec passus eum sit in conspectum suum ampliùs prodire; immò pro grandi præmio, quod expectabat, iudicio sit traditus, spe tamen veniæ, si conscios magiæ proderet. Narrant eam rem Bodinus *demonolatr. lib. 3. cap. 3. Delirius lib. 1. Magic. capit. 4.* Raguseus *de divinat. lib. 2. Epist. 6.*

Neque iam laboro, verène fiant, quæ fieri putantur, an sensui, & phantasiæ illudatur. Utrunque quidem concurrere existimo, ac sic, ut censeam, persuadent antiquorum temporum exempla, omnium gentium consensus, ac nostræ etiam ætatis experientia. Alia igitur fiunt, alia fieri videntur, & ob ea, quæ fieri constiat, etiam similia à multis creduntur, quæ non fiunt, sed videntur. De quo alibi. Interea sufficit nunc nobis, quòd ut multa eorum, seu ea facta, seu ficta sic videantur, non aliter fieri potuerint, quam one demoniaca, quæ eò hominem perducit, ut fiduciam reponat, non in eo, qui creavit, sed rebus cre-

Tom. I.

aris, immò jurato Dei hoste, & nostro etiam planè inimico, juxta illud Genes. 3. num. 15. *Inimicitias ponam inter te, & mulierem, & semen tuum, & semen illius.* Ut satis mirari non possim, tantam fuisse superioribus sæculis cæcitatem, atque incitiam, ut Salmancticæ & illa Magia, quæ dicunt Theurgicam, & altera, quam Goetiam nominant, scholis publicis doceretur: quemadmodum lib. 3. de nat. demon. tradit Anan. & Raguseus *cit. ep. 6.*

Non est autem superstitiosum, adhibere virgam salicam, vel amigdalina ad inveniendum aquas sub terra latentes. Quia hic effectus ex viribus naturæ produci potest, in distantia tamen proportionata, ob qualitates ab aqua in virgam, vel à virga in aquam transmissas, vel ob sympathiam virgæ delatæ ab homine, talem corporis constitutionem habente. Quod sequitur Bonacina *d. disp. 8. q. 5. pun. 4. nu. 14.* & Trullench. *d. cap. 10. num. 9.*

Est autem superstitiosum credere, quod ille, coram quo ignis cinere tegitur, uxorem illo anno minime sit ducturus. Nam hæc actio nec naturaliter, neque moraliter ullam vim habet ad hunc effectum: ut per Lup. *d. lib. 5. dist. 3. art. 1. diff. 5.* qui tamen addit, non esse omnino damnandum, qui excusaret dictam propositionem, si sumatur non literaliter, sed prorsus metaphysicè, & tanquam signum; quia cum calidiores natura, & alacriores spiritu, ut plurimum conjugium petant, & eò contrâ frigidiores, & melancholici ad matrimonium non sint tam propensi, deducitur, eos, si tamdiu morentur apud ignem, ut expectent etiam illum coram se cineribus operiri, frigidos, & pigros existere; inde perbellè dici potest, uxorem non esse ducturos, dum manent sub dictis qualitatibus.

Censent plerique Doctores, esse superstitiosos illos, qui suo contactu, vel halitu, vel orationibus morbos etiam insanabiles, veluti canis rabidi morsum, miro modo sanant. Ji salutatores vulgò appellantur. Quia neque ex virtute naturali, neque ex supernaturali morbis medentur; igitur ex virtute demonis. Non ex virtute naturali quia solum suo halitu, vel contactu, adjunctis aliquando quibusdam precibus, morbos immedicabiles sanant, sanguinem detinent, canes rabidos interficiunt, ab illorum morsu curant, pedibus ignem illati conculcant, aliaque hujusmodi faciunt, quæ causarum naturalium virtutem excedere videntur. Neque ex virtute supernaturali: Nam hæc gratiarum, quas Theologi gratis datas vocant, operatio, est tantum fluxa in flagitiosis hominibus, solumque permanens in sanctis viris. Hi autem salutatores non fluxam habent hanc gratiam, & magna ex parte sunt improbæ vitæ, neque ob alium finem medentur, nisi ob quæstum. Unde Victoria *de Magia q. 4. num. 16. ad 2.* ingenue fatetur, se multum timere, hos nullam vim habere ad sanandum rabiem ex canis morsu, & si quam habent, eam esse à demone. Idipsum etiam ait Fagundez *lib. 1. cap. 36. num. 5.* qui citat Sanchez *lib. 2. in decal. cap. 40. num. 39.* & Suarez *lib. 2. de relig. cap. 1. num. 25.* At inibi hi Autores non loquuntur de Saluatoribus, sed de Carminatricibus, de quibus infra.

Negant alij, hos esse superstitiosos, sed licitam esse; inquit, eorum curationem, ideoque approbandam. Ità Navar. *in sum. cap. 11. num. 36.* Margar. *confess. quest. moral. fol. 185.* Castaneg. *lib. de superstit. cap. 12.* Palat. *in sum. 12. Incantationes.* Azor. *tom. 1. lib. 9. cap. 35. qu. 2.* Tambur. *lib. 12. in decal. cap. 6. §. 1. num. 30.* Verricel. *quest. mor. tr. 8. qu. 37. numer. 18.* Trullench. *lib. 1. in Decal. cap. 10. dub. 10. nu. 10.* Tum quia nonnulli ex his Saluatoribus permittuntur ab Ecclesia; Tum quia possunt his morbis mederi ex gratia gratis data à Deo: Et tum quia nulla sufficien-

Q 2

tiatione



ti ratione probari potest eorum officium esse superstitiosum, nisi ex adjunctis circumstantiis id appareat: ut per Delben. *de St. Offic. pag. 2. dub. 228. integra sect. 16.*

Et quidem non esse censendos superstitiosos, si verba, aut signa, quibus utuntur, vana, & superstitiosa non sint, ac ipsi sanitatis effectores honeste vivant. Ea autem verba, & signa existimanda sunt vana, quæ neque ad Deum, neque ad Sanctos diriguntur, neque ullam cum effectu connexionem habent. Atque ita ex Sanchez, & Suarez docet Castropal. *tom. 3. tr. de superstit. disp. 1. pun. 10. à num. 14.*

Committunt verò gravem superstitionem, qui talibus signis, ac verbis ad curandum morbos ita utuntur, ut credant, quod à quocunque uiſurpentur, effectum sint habitura. Nam cum hæc virtus illis signis, ac verbis non sit naturaliter annexa, sequitur, ut vel à Deo vel à dæmone annexa sit. Non autem est annexa à Deo, aliàs essent verba sacramentalia. Necessariò igitur est à dæmone, ut per Suarez, quem sequitur Sanchez *d. cap. 40. num. 47. Lessium lib. 2. cap. 43. dub. 10. num. 63. & Castropal. d. num. 14.*

Et re ipsa dantur multa indicia, quibus dignoscitur, hos Salutatores virtute dæmonis operari, ut si ad curationem usurpent verba sacre Scripturæ in sensu improprio aut falso.

Si asserunt, quod in alterius Saluatoris præsentia majori virtute ad sanandum præcellentis, se nihil posse operari. Quod falsum est, cum unius Saluatoris virtuti, aut gratiæ nihil obstat alterius præsentia.

Si asserant, se alteri posse communicare virtutem medendi. Nam hæc virtus, siue sit naturalis, siue supernaturalis, personæ adhæret.

Si dicant, se posse ingredi in fornacem ardentem. Hoc enim naturaliter fieri nequit, nec talis miraculi ulla est necessitas inter fideles.

Si jacent se, suo halitu, vel tactu, suaque insufflatione, aut salivâ posse interficere venenatos, vel morti proximos. Nam ijs mortem accelerare, tanetli bono fine fiat, est intrinsecè malum. Qua de re Sanchez *ibidem num. 47.* sic ait: Tandem solent Salutatores suo flatu, ac saliva interimere rabie vexatos, ac moribundos, ne diu crucientur, alijsve noceant. Quod nulla ratione potest esse licitum, cum intrinsecè malum sit accelerare mortem innocenti. Nec ea gratia potest esse gratis data, cum illam non conferat Deus ad peccandum. Nec vidè, qualiter possit esse virtus naturalis, & idèò maxima suspicio est concursus dæmonis ad eum effectum. Hæc Sanchez, & ex eo Castropal. *num. 1. & Trullench. num. 10.*

Non esse autem superstitiosum credere, hanc medendi virtutem inesse septimo cuique Saluatorum filio, si masculinum ordinem fœmineus partus non interruperit, asserunt Verricel. *In quest. moral. tr. 8. miscel. qu. 37. nu. 2.* additque exemplum; nam sic masculus septimo loco continuato ordine natus strumâ suo contactu curare, passim putatur. Quod comprobât Henricus Romanus *lib. de miracul. vivor. seu de varia natura: fol. 219.*

At esse vanam huiusmodi credulitatem censeo cum Sanchez *loc. cit. n. 47.* ubi ait, hunc loquendi modum, aut cogitandi, esse ridiculum, ac prorsus sine fundamento. Ac ita etiam Trullench. *d. cap. 16. dub. 10. num. 10.*

Sunt, qui arbitrantur, virtutem huiusmodi Saluatorum esse naturalem ex corporis constitutione, vel ex syderibus. Primum quia pluribus Ethnicis data est virtus medendi quibusdam morbis tactu, verbis, aspectu, odore, saliva, sudore, halitu. Itaque non est supernaturalis. Dedecet enim hanc virtutem, si supernaturalis sit, hisce hominibus concedi.

Et quod mireris, nihil æquè ostendit, quàm cura fuerimus Deo, quàm quòd hominibus venenum inficit contra serpentium venena. Sanè urina ictorum ab aspide remedio est ictis ab ea. Plinius *lib. 29. cap. 4. Cunctarè in proferendo ex his remedio, nisi Marcum Varonem scirem, octuagesimo vitæ anno prodidisse, aspidum ictus efficacissimè curari haustu a percussis ipsorum urina.* Neque solum contra aspides præsidium habemus iam mori, sed etiam prius, nec modò adversus aspides, sed alios etiam serpentes. Hoc Aristoteli traditum *lib. 8. hist. animal. cap. 29. Adversatur, & plurimis eorum hominum saliva.* Plurimis, ait, non quia non verum sit in cunctis, sed quia nondum de omnibus constaret. Utcunque hoc est, saltem omnibus id præsidij datum. Plinius *lib. 7. cap. 2. Et tamen omnibus contra serpentes inest venenum, seruntque ictus saliva, ut ferventis aquæ contactu, fugere.* Hanc Salivæ vim agnoscit quoquè Galenus *lib. 10. simplic. & Scaliger in Aristot. hist. animal. lib. 2. cap. 18. sect. 123.* Sed in primis intelligenda illa hominis jejuni, quæ si in serpentem ceciderit, fugere iam dixi, velut ad contactum aquæ ferventis. Quod si in ictum ejus incidat, etiam mori, ab Ophilio traditum est, indeque Plinio *lib. 28. cap. 4. ac similiter Lucretius in 4. versic. 639.*

Etiâ morsus à serpente, si confestim salivam ille veris vulnere, cohibebis venenum, nec ultra se diffunder. Hoc remedio etiam uti solent Ophiogenes in Helleſponto circa Parium, de quibus Varro, Plinio teste, *lib. 7. cap. 1. scripsit suo etiam tempore fuisse istuc paucos eorum, quorum saliva contra ictus serpentum medeantur.* Ac colligo indè, saliva prius imbuerè manus solere, quandò, ut ibidem ex Cratete Pergameno refertur, *serpentum ictus contactu levare solent, & manu imposita venena extrahere corpori.* Facile etiam mihi persuadeo, hoc remedio usos fuisse Psyllos, & Marſios, de quibus sic Plinius loco antè memorato: *similis & in Africa gens Psyllorum fuit, ut Agatharchides scribit, à Psyllo Rege dicta, cujus sepulchrum in parte Syrtium majorum est. Horum corpori ingenitum fuit, virus exitiale serpentibus, ex cujus odore sopirent eas.* Id ingenitum virus salivam fuisse censeo. Sed odorem de quo loquitur Plinius, puto, fuisse à rebus odoratis, quas circumgestarent secum: Multorum enim odore fugantur serpentes, ut odore gagatis incensi, quia nempe. Oribasio teste *lib. 2. synopsos cap. 56.* bituminosus est, ac sulphureus. Nam & bitumen, & sulphur, si accenderis, idem efficiunt. Eadem de causa hoc ipsum præstat lapis Thracius; nam & ille est bituminosus. Subjungit deindè Plinius. *Hæc gens ipsa quidem prope internecone sublata est à Nasamonibus, qui nunc eas tenent sedes; genus tamen hominum ex his, qui profugerant, aut, cum pugnatum est, absceperant, hodieque remanet in paucis. Simile & in Italia Marſorum genus durat, quos à Cirus filio ortos, serunt; & idèò inest ijs vim naturalem eam.* Idem de Psyllis, Marſisq. tangit *lib. 21. cap. 13.* De prioribus quoque Lucanus *lib. ubi quòd à naturali loci esse, ait, non omninò aspèrnandum. Nam & hoc bonitatem Dei arguit, quòd ubi serpentes plurimi, ac maximè virulentis, illic etiam cœli, solisque beneficio magis veneno resistent corpora humana. Viderurque idem voluisse Hieronymus Fracastorius libro de sympathia, & antipathia, capit. 19.*

Interèa non arbitror, quod in hoc solo consisti oporteat. Nam aliud præterèa in causa esse, ex eo colligo, quod Nasamones, cum, Psyllis fugatis, eorum sedes occuparunt, non tamen idem potuerunt, ut ex Plinio paulò antè cognoscere fuit. Quare censeo, Psyllos præcipuè ed se tutos præstitisse, quòd non è temperamento solo, sed ex vestibus quoque, vel aliter odorem spirarent serpentibus inimicum, cumque ictus



ictus venenatos exurgerent, remedium fuisse à saliva, nec sola tamen; credibile enim est, prius se herbis in Africa familiaribus munisse. Etiam cum sola manu imposita venenum extraherent, prius digitos saliva, ac liquore aliquo ex herbis adversus venena idoneis tinxisse, planè credibile est. Valdè hæc firmat Cornelius Celsus, qui & ipse negat à temperie Psyllorum causam peti debere; immò eò usquè provehitur, ut putet, quod innoxij tractent serpentes, potius esse fiduciam usu longo firmatam. Locus est *lib. 5. cap. 26.*

Mihi interim in varijs hisce sententiis, nihil æquè verisimile est, ac illud, Psyllos, quoniam inter serpentes degerent, à primis incunabulis, quasi cum lacte à matribus, quò tutiores essent, remedia quædam non adedò vulgaria esse edoctos, neque ista alienigenis aperuisse, partim nè minus ijs essent admirationi; partim etiam ne minus ex illis caperent lucri. Ac credibile est, nec alibi remedia fuisse tam præsentia: quia ubi locorum abundarent serpentes, ijsdem præcipuè remedia venenis Deus produxit.

Pergamus. Plinius *d. lib. 28. cap. 2.* antequam dixisset, maximæ questionis, & semper incertæ esse, valeantne verba, & incantamenta carminum ad medendum, *cap. 1. ejusdem libri* scribit, dente hominis vi interempti, gingivas in dolore scarificari, & oculorum suffusiones felle hominis sanari, & calvaria interfecti neque cremati propinatam aquam è fonte noctu comitialibus morbis prodesse. Hominis suspensio interempti catapotia contra canis rabiosos morsus valere. Et post huius generis multa, inquit, sed piacula sunt ista, non auxilia, & remedia. Idem tamen *cap. 3.* scribit, fuisse in Africa Psyllos, & in Italia Marfos, ex quorum familiis qui ducebant originem, tales fuisse, quorum corpora tactu ipso, suctuque modico levabant percussos à serpentibus, & manu imposita corpori venena extrahebant. Alios verò fuisse, quorum corpora solo aspectu erant terrori serpentibus, & quendam in dolium serpentum coniectum experimenti causa, circummulcentibus linguis illasum penitus extitisse. Alios item, quorum sudor medebatur multis morbis. Alios, quorum saliva contra ictus serpentium valebat, & vestem à tineis non attingi, quæ fuerit in funere, & serpentes agrè quam lava manu extrahi. Indè post multa *d. cap. 1.* exclamat: Quis ista invenit ostenta? Tecum enim refert everfor juris humani, monstrorumque artifex, qui primus ea condidisti. Quam potest medicina ista originem habuisse? Quis venecia innocentiora effecit, quam remedia?

Idem quoque *lib. 7. cap. 2.* refert, aliquando humanorum corporum partes nasci ad aliqua mirabilia. Sicut, inquit, Pyrrhi Regis pollex in dextero pede tactus lienosis medebatur, & in Africa fuisse Psyllos, de quibus paulò antè dixi, quorum corpori ingentum fuit virus exitiale serpentibus, ut cujus odore sopirent eas. Item procul Roma in Faliscorum agro familias esse paucas, quæ sacrificio annuo, quod fiebat ad montem Soracte Apollini, super ambustam, & ardentem lignorum struem inambulantes non adurebantur, flammis parentibus. Quod idem Solinus commemorat *cap. 8.* At Varro id non tribuit miraculo, sed ait, Hyrpino ambulaturos per ignes certo quodam medicamento plantas pedum imbuere. Hæc, aliæque Plinius, & ex parte Solinus. Quæ si vera sunt certe mirabilia fuere.

Deindè quia multis lapidibus, herbis, & animalibus hæc sanandi vis à natura inest; potest igitur inesse quibusdam hominibus, atquè adedò salutaribus: Et ita sentiunt Castanag. *loc. cit. cap. 12. num. 46.* Veracruz. *lib. 2. de anim. speculat. 2.* Quod aiunt probabile Victoria, & Margarita confessor. apud Sanchez *d. cap. 4. num. 49.*

Tom. 1.

Ego autem, si attendatur ratio, hanc disputationem ancipitem puto; si Doctorum autoritas, probabilius esse cenleo, eiusmodi salutarum virtutem non esse naturalem, aut debitam naturæ, aut hominis conditioni; sed esse gratiam à Deo gratis datam, sive Dei donum his hominibus collatum. Ità etiam Delrius *lib. 1. cap. 3. qu. 4.* Sanchez *d. num. 49.* Navar. *cap. 11. man. num. 36.* Lessius *de iust. lib. 2. cap. 43. dub. 10. nu. 63.* Ad quam sententiam inclinat Suarez *lib. 2. de superst. cap. 15. nu. 25. & 27.* Verricel, in *quæst. moral. d. tr. 8. qu. 37. numer. 18.* qui probat ex eo, quòd Galliæ Reges tantum Catholici, ac legitimi hoc dono potiuntur, & olim etiam, ut Reges Angliæ Catholici, meritò S. Eduardi Regis, narrat Polydorus Virgilius *lib. 10. hist. Anglor.* hoc habeant donum, ut suo contactu strumas sanarent. Illi ex familia Pulverina tantum, si sint ex legitimo thoro, venenatos sputo curant. Constat autem, quòd titulus Regni, Catholica fides, ac legitimus thorus, cum sint quid morale, sunt aliquid impertinens ad naturalem facultatem sanandi.

Quidquid igitur sit, concludo cum Azorio *d. lib. 9. cap. 25. qu. 2.* quòd negare non possumus, quin gratis, & liberaliter Deus posset quibusdam hominibus, immò etiam certis familiarum viris, vim, & facultatem concedere, ut tactu, sermone, aspectu, odore, vel halitu medeantur quibusdam morbis, & valeant contra rabiosi canis morsus, aut serpentium venena. Nec ea vis, & potestas naturalis dici potest, quasi sit hominis naturæ, & conditioni debita, sed ea tantum est gratuito Dei munere, & beneficio suscepta. Nec tamen sequitur, ut sit vis aliqua supernaturalis, hoc est, habitus menti infusus, sed est vis quædam præter solitum morem hominibus data, quæ suos præstet effectus, ut causarum naturalium ministerio, & opera, aut certè (quod est verisimilius) operante Deo, talium hominum interveniente sermone, tactu, aspectu, odore, sudore, vel halitu. Quò sit, ut id etiam virtutis & efficacitatis Dei munere possit inesse in hominibus, improbis: ac perditis. Id tamen seriò advertendum est, ut in his casibus caute se gerant confessarii, quia in ipsis etiam dæmon occultè operari potest, ac solet.

Ceterum lustrentur historiae, antiquitatum abstrusi recessus excutiantur, nullum certum vestigium invenietur, quo quinquam præcorum Regum Franciæ, antè Philippum primum, & filium ejus Ludovicum Crassum illa pellendarum strumarum potestate viguisse constabit. Fateretur hoc ingenuè scriptor Galliæ diligentissimas, & Francorum gloriæ studiosissimus Scipio da Pluix in canonizatione S. Ludovici: *Ad me quod attinet, inquit, nullum adhuc documentum, nullum vestigium hujus gratiæ in duabus primis nostrorum Regum familiis vidi. Nec sanè verisimile est, si ea præditi fuissent, quin ejus temporis Chronographi in scribendis multis miraculis minoris momenti satis curiosi præterissent istud tam frequens, tam nobile, & gloriosum familiæ Regum Franciæ.* Nam quicquid aliqui de Clodovæo, & aliis consequentibus fabulantur, nullius historici antiquioris fide nititur. Quis enim credat, neminem antiquorum Scriptorum, qui usq; ad nauseam delicatiorum hujus temporis minutissima quæq; miracula persecuti sunt, Gregorium Turoensem, Aimoinum, Eginhartum, Adelhelmum, Ivonem, adde Annates Fuldenfes, Sigebertum, Marianam, Scotum, ac similes, neminem, inquam, illorum de re tanta, tam usitata, in oculis Franciæ, & Europæ gesta, mentionem facturum fuisse, nisi Reges priores illa potestate caruissent? Primus omnium, quantum investigare licuit, Abbas Guilbertus rem istam tetigit, qui Philippum Primum, & Ludovicum Crassum, sexcentis, videlicet annis post condi-

O 3 rum



tum Franciæ Imperium, illam sanandi potestatem habuisse testatur, apud eundem Scipionem de Plaix *loc. cit.* Quid verò de illis, quibus potestas illa semel obtenta perijt? Nam de Philippo idem Guilbertus coartaneus ejus dicit: *cujus gloriam miraculi, cum Philippus Pater ejus (Ludovici) alacriter exerceret, nescio, quibus invidentibus, amisit.*

Feminas carminatrices, hispanè, *Ensalmadoras*, sive *Sanctiguadoras* non esse superstitionis, vult Tambur: *lib. 2. in decal. cap. 6. §. 1. num. 30.* ubi cum Sanchez inquit, non esse superstitionis eos, quos Hispani vocant *Empsalmistas*, qui per Empsalmos, hoc est, per quasdam Scripturas, sive ex Psalmis, sive ex aliis orationibus confectas curant infirmos.

At esse superstitionis tenet Fagundez *lib. 1. in decal. cap. 36. num. 1.* his verbis, ubi ait, curationem per verba Ensalmorum in foro conscientie non esse licitam, sed superstitionis, & ex se mortalem, propter pactum demonis ibi implicitum. Quod etiam docet Moura de *Ensalmor. curat. sect. 11. cap. 11. num. 21.* ubi refert, curationem Ensalmorum fuisse suo tempore approbatam ab Ordinario Eborensi, sed postea, re bene considerata, & discussa, fuisse publico Edicto prohibitam, & jussu denunciari in Visitationibus.

Quia curatio, quæ fit per verba Ensalmorum, inest verbis, non personis. Ergo signum est, quod hujusmodi effectus non possit provenire à gratia gratis data, aut à dono curationis, cum hæc solum communicentur personis, non verbis. Et quia Ensalmorum verba non habent effectum curationis, nisi proferantur ad certas complicationes panniculorum lineorum, in talem, vel talem modum efformatas. Virtus autem divina non est alligata complicationibus, nec adstricta pannis lineis, & non aliis, aut hujus, non illius coloris. Ergo signum est, talem effectum esse ex pacto aliquo demonis ibi implicito, & non ex verbis.

Tenendum tamen est, cum Sanchez *eo cap. 40. num. 39.* non esse superstitionis hujusmodi mulieres, si solis orationibus licitis, absque aliqua vana circumstantia, utantur: ut per passionem Christi &c. supplicantes Deo, ut prosint medicinae naturales, quas adhibent. Nam in hoc nihil mali reperitur, sed potius boni aliquid; cum pium sit, eum effectum piis orationibus à Deo petere. Secus verò si nullam adhibeant medicinam naturalem, quæ habeat vim ad illum morbum medendum, credentes illis solis verbis, infirmum sanitati restituendum. Quia verba illa, aut signa nullam virtutem naturalem, aut supernaturalem habere ad talem effectum præsumitur, si utantur nominibus ignotis, nihil significantibus, aut verbis dubiis, vel verbis, quæ infallibiliter promittant effectum temporalem aut spiritualem, aut in ipsis solis verbis, aut in modo operandi, virtus sanationis collocetur, ut per Sanchez *loc. cit.* & apud ipsum docet D. Antoninus, Angelus, Navarrus, Sylvester, Rodriguez, Lopez, & Ciruelo, quibus adherent Trullench. *lib. 1. in decal. cap. 10. dub. 10. num. 12.* Castropal. *ibid. pun. 10. num. 9.* Villalobos *tract. 38. diff. 7. num. 11.* Fagundez *d. cap. 36. à num. 3.* Suarez *lib. 2. de relig. d. cap. 15. num. 25. & seq.* Filiutius *tract. 24. cap. 6. qu. 6. à num. 151.* & ego, qui cum citatis Doctoribus noto, quod in his casibus sit optima cautio protestari, se nolle uti illis verbis dubiis, aut vanis, & superstitionis, neque se velle consequi effectum sanitatis ex aliquo pacto cum demone, sed solum se velle uti dictis verbis, quatenus licita sunt, & à Deo effectum impetrant. Legantur Philarchus de *offic. Sacerd. tom. 1. p. 2. lib. 3. cap. 11.*

*concl. 4. Sanchez de matr. lib. 7. disp. 95. num. 4.* Villalob. & Trullench. *locis allegatis.*

In his autem casibus cognosci poterit, an demon in iis operetur, si in ipso curationis actu adjungatur, aliqua inutilis, & vana circumstantia, ut characteres, vel nomina, vel quodammodo fiat tali hora, vel die, vel fiat cum fimbria pilei, vel tali vestimento, vel effectus proveniat ex medio evidenter inefficaci, ut ex D. Thoma *cit. qu. 96. art. 2. ad 1.* Sanchez *d. cap. 40. num. 9. & 44.* & Soula *lib. 1. aphor. cap. 54. num. 5.*

Qui ita occultè, & artificiosè utitur remediis naturalibus in curandis morbis, ut sine illis operari videatur, idque facit, ut in majori sit admiratione, si verè illa remedia virtutem medendi habent, sed occultam, & inusitatam, & inde provenit, quod illæ curationes æstimentur mirabiles, tunc non intervenit peccatum superstitionis. Quia talis curatio verè esset naturalis. Esset autem superstitio, si naturaliter illa remedia talem virtutem non haberent. Nihilominus iste modus medendi potest esse peccatum, vel veniale ratione vanitatis, & lucri, vel mortale ratione scandali, inducendo homines, ut judicent, illud fieri ope demonis, & præbendo occasionem ad introducendum opera superstitionis: ut docent Victoria de *arte magica qu. 4. nu. 5.* Suarez *tom. 1. de relig. lib. 2. d. cap. 15. num. 24.*

Si autem ille, qui tali medicamento utitur, notitiam illius virtutis habuit à demone, non est ei licitum illo uti: quia ille usus fundatur in societate demonis. Si autem illius medicamenti efficacia manifestata fuit à demone, sed non illi, qui eo utitur, sed aliis, qui præcesserunt, & postea cognitum est experimento, demonem veritatem manifestasse, est licitum uti tali medicamento. Quia ille usus jam non fundatur in societate demonis, sed in virtute à Deo illi medicamento data, & iam experimento cognita. Quod autem cognitio illa originem traxerit ex doctrina demonis, per accidens est. Ita idem Victoria, & Suarez *locis allegatis.*

Utens verò remediis non naturalibus ex aliorum traditione, ac experientia, sine demonis consortio, vel pacto, non excusatur à peccato superstitionis, si de illis remediis evidens sit, non posse esse causas naturales salutis, etiam si illis utens publice toleretur, & qui ab usu talis modi medendi nolit abstinere, non est à confessario absolvendus. Quia dum illud remedium est evidenter insufficiens naturaliter ad producendum salutis effectum, præsumi non debet, divinam virtutem esse illi actioni infallibiliter assistentem, & salutis effectum producere, sed superstitionis esse, & ex tacito demonis pacto. Nam reguli generalis cum D. Thoma *2.2. quest. 96. artic. 2.* ab omnibus traditur, quod quotiescunque causa adhibita non potest naturaliter effectum producere, superstitionis est, & ad tacitum demonis pactum pertinet. Nec unquam attribuenda est aliqua virtus supernaturalis, talibus rebus, nisi hoc ex S. Scriptura, vel Ecclesiæ autoritate, vel ex maxima operantis sanctitate argui possit effectum illum esse à Deo, vel ab Angelo: ut per Suarez *ibidem num. 26.* ab Lessium *lib. 2. cap. 43. dub. 10. num. 62.*

Damnandi utique sunt, qui dicunt, sua signa & verba, licet ex se videantur nullam virtutem habere, illam tamen efficacem accipere ab efficacia imaginationis, sive affectus ipsius hominis operantis illa mira opera. Nam licet imaginationis vis sit magna, hæc tamen vis considerari potest, vel quoad corpus ipsius imaginantis, vel quoad corpus alterius. Quod ad corpus proprium imaginantis, conveniunt omnes plurimum in illud pos-



se. Quoniam imaginatio excitat potentiam appetitivam ad timorem, vel ad pudorem, vel ad tristitiam, vel ad iram, vel ad similia: quæ affectiones ita hominem afficiunt, ut calore, vel frigore sic alteretur, ut pallescat, vel rubeat, aut dejiciatur. Atque adeo D. Thomas 3. p. qu. 13. art. 3. ad 3. & lib. 3. contra gent. cap. 103. & 104. docet, imaginationem posse in corpus imaginantis omnia, quæ naturalem coordinationem habent cum imaginatione, ut est motus localis in dormientibus, qui in somnis aliquando ambulant, alterationis per frigus, & calorem, & quæ hanc alterationem consequuntur, nempe animæ passiones, secundum quas movetur cor, & sic per commotionem spirituum totum corpus alteratur. Aliæ verò dispositiones corporales, quæ non habent naturalem ordinem ad imaginationem non transmutantur ab ipsa imaginatione, quantumcunque sit fortis, puta, figura manûs, aut pedis vel aliquid simile.

Quod verò ad corpus alienum disjunctum, ac separatum ab imaginante, nonnulli censent, per imaginationis vim non solum posse, etiam de longinquo, sanari, sed res loco moveri, & fulgura, pluviasque è celo excitari, ac deduci. Ità Avicenna lib. de anima sect. 4. cap. 4. Paracelsus lib. de imaginat. Pomponatus lib. de incantam. cap. 3. & 4. Marilius Ficinus lib. 13. Theol. Platon. alique plures, & hæc ab imaginatione effici posse volunt, vel per certos radios, aut per spiritus expulsos ex corpore vi imaginationis, vel solo animæ imperio. Quæ de re fusè Thomas Fienus lib. de virib. imaginat. ubi mira, & nos infra.

At verò dicendum est cum communi Theologorum sententia, D. Thomæ loc. cit. Suarez d. cap. 15. num. 15. Valentia 2. 2. disp. 6. q. 13. pun. 2. Conimbricensium in 7. Physic. cap. 2. qu. 1. ar. 7. Delrij lib. 1. magic. cap. 3. qu. 3. Torreblanca de Magia lib. 2. cap. 37. num. 8. & seq. Medicina lib. 2. de recta in Deum fide cap. 7. Pici Mirandulani lib. de imaginat. Abulensis in cap. 30. Genes. & aliorum, qui docent, corpus disjunctum, & separatum ab imaginante, neque per imaginationem, neque per aliam potentiam, mediantibus illis radijs, vel spiritibus, vel animæ imperio posse naturaliter immutari aut supradictos mirabiles effectus produci. Nam imaginatio est actio immanens. Ideoque anima imaginans nullam realem qualitatem potest rei disjunctæ naturaliter imprimere. Nec quod asserunt contrarium opinantes ulla probabili, aut verisimili ratione fundatur; cum hominis imaginatio non habeat vim movendi corpora externa, sed solum vim commovendi interiores humores, ac spiritus ipsius imaginantis. Constatque experientia, hos sanitatis effectores ad suas orationes non moveri ex vehementi imaginatione, & affectu, sed ita verba illa proferre, vel manu tangere, vel medicamentum adhibere, sicut solent vel medici, vel alii artifices operari.

Nec obstat, quod imaginatio tempore conceptionis solet magis operari in filios, quam parentum species, & forma. Nam præterquamquod id negatur à Paterio, in d. cap. 30. Genes. à Delrio loc. cit. à Valeio de sacra Philos. cap. 11. ex eo minime probatur, posse imaginationem in corpus agere. Nam infans cum est in utero, dicitur pars viscerum matris. I. qui in utero ff. de stat. homin. ac ideo ex hoc nequit argui, posse imaginationem alterius corpus disjunctum, ac separatum immutare. Minus obstat, quod ex potentia imaginationis oritur fascinatio, quæ maligni homines suis oculis, & aspectu alios, maxime pueros inficiunt, ut per Gloss. ad Galat. 3. Quod quidem non fieret, nisi vis imaginationis posset corpus alterius immutare.

Tom. I.

Nam respondeo cum D. Thoma 1. p. 9. 117. quod ex forti animæ imaginatione immutantur spiritus corpori conjuncti. Quæ quidem immutatio spirituum maxime fit in oculis, ad quos subtiliores spiritus perveniunt. Oculi autem inficiunt aërem continuum ulquæ ad determinatum spatium, secus specula, si fuerint nova & pura, contrahunt quandam impunitatem ex aspectu mulieris menstruatae, ut ait Aristoteles in lib. de somn. & vigil. cap. 2. Sic igitur cum aliqua anima fuerit vehementer commota ad malitiam, sicut maxime contingit in vetulis, efficitur secundum modum prædictum, aspectus ejus venenosus, & noxius, & maxime pueris, qui habent corpus tenerum, & facile receptivum impressionis. Possibile est etiam, quod ex Dei permissione, vel etiam ex aliquo facto occulto, cooperetur malignitas dæmonum, cum vetulae fortilegæ aliquid fædus habent.

Quoniam autem hæc materia de Ensalms frequentissima est, ideo, ut magis intelligantur, & tanquam superstitioni, & vani evitentur, eorumque effectus cognoscantur demoniaci, sciendum est; quod Ensalmi propriè dicuntur, quædam benedictiones, sive imprecationes compositæ ex certa verborum, præcipue sacrorum, formula rei simul ac interdum ex aliqua materia, ut vino, ac panno, certo partium numero complicato, quibus Homines, speciatim Hispani, utuntur, ad vulnera sananda, & alias ægritudines expellendas. Quare in rigore videntur esse idem ac incantationes: Ità ex Isidoro Malleus pag. 2. quest. 1. cap. 16. Llamas p. 3. tit. de method. incant. Zanchia. de heret. cap. 2. num. 1. & Moura in princ. opusc. de Ensalms. ex Augustino, & Hieronymo. Unde patet, diversos esse Ensalmatores à saluatoribus, qui tactu sanant.

Negandum tamen non est, incantationes quandoque accipi in bonam partem. Sic Hieronym. in illud Isaia 2. Dabo prudentem eloqui mystici incantatorem. id est, Concionatorem, qui verbis animas convertit; & transmutat, & notat Origenes hom. 20. in cap. 15. Jesu Nave, & Abalensis in Matth. cap. 26. rom. 6. quest. 38. ac expresse supponit D. Thomas 2. 2. quest. 96. ar. 4. ad 2. Hoc autem vocabulum à psalmis derivatum, ait Carvalho in Cysne de Apollo dialog. 1. §. 12. & Bravus apud Mouram ibidem. Quia ut plurimum ex psalmis ipsis, & illorum instar componuntur, juxta quam originem Empsalmi nuncupandi veniunt, & illorum Minister Empsalinator, vel Empsalmita.

At Delrijus lib. 7. magic. disp. 3. qu. 4. ab Anselmo quodam Mago Parmensi, corrupto vocabulo, trahi nomen tradit, & sic Ensalmos appellatos, quo modo communiter utuntur autores. Testatur autem Guevara in Epistola familiari ad Melgarium Medicum deperdita omnino Medicina per quadringentos & quinquaginta annos à morte Æsculapii, tempore Artaxerxis secundi, ut narrant Strabo, Diodorus, & Plinius, mulier quædam in Provincia Achaia, quæ Ensalms medebatur, sive puris verbis absque alio pharmaco, relegata fuit, Athenisque ad lapides damnata. Sententiæ autem hanc rationem asserbant Athenienses; quia Deus, & natura in Lapidibus, & Herbis, non in verbis ægritudinum remedia collocaverant.

Ensalmi igitur ex Cajetano 22. quest. 88. ar. 12. §. verum, & ex Navarro ad can. non liceat. 12. qu. 2. num. 9 ita distinguuntur, ut aliqui sint instituti per modum deprecationis, sive orationis imprecativæ, atque operis operantis, sive gratia à Deo, sive à dæmone expectetur. Alij verò instar operis operati, quasi ex sua institutione præcisè, atque ex se, adhibitis cæremoniis producant gratiam

O 4 deside-



desideratam: ut de Sacramentis novæ legis docent Thomistæ. Priores benedictiones, invocativas appellare possumus, posteriores verò, constitutivas, de quibus præcipue differendum est.

Pro Enfalms pugnât Alchindus relatus ab Eymerico pag. 2. qu. 4. Is enim asserbat, orationes ad Deum fufas naturaliter efficaces esse ad bonum obtinendum, & aufugandum malum. Nam ab ipfis orationum dictionibus, & ab ipso desiderio, dum Deum oramus, profiliunt quidam radii, qui naturaliter in nobis desideratum efficiunt. Id sequitur Avicenna, qui Orationes, & Litanias in naturæ ordine collocavit. Addidit ideò Alchindus errore 7. Sacrificia naturaliter fortiri effectum. Et errore 10. prosequitur, quedam sacrificia naturaliter tali pollere potestate, quod si secundum illa aliquod opus inchoetur, tale sacrificium dominatur illi operi ab initio usque ad finem. Immo sacrificium Missæ, & conjurationes, atque obsecrationes infallibiliter efficaces prædicat ad obtinendam omnem cognitionem, etiam supernaturalem, artium, & scientiarum dignitates, divitias, robur, & amorem etiam Principum.

Erinasitem Adelphius, alique hæretici Psaliani, vel Messaliani apud Castrum lib. 11. contra hæres. V. Oratio & Præeolum de var. Sett. lib. 1. V. Adelphius orationem studiosam ita efficacem censebant, ut non solum demonem inhabitantem, sed & quolibet impedimenta propulsare valeat, immò & venire faciat sensibiliter spiritum sanctum, corpusque ab omni passionis motu eripere, futura prævidere, ac demum satis esse ad vitam æternam, etiam sine baptismo, alijsque pijs operibus efficaciter capessendam. Eisdem errores amplexi sunt Euchitæ, quos ampliant, dicentes, orationem facere, ut peccatum egrediarur quasi fumus, ignis, aut draco, referente Vvaldensi tom. 1. de Sacrament. tit. 1. de orat. num. 4.

Albumasar quoque in Sada affirmat, quod si quis Jovis capite existente in medio cæli aliquid à Deo exposulat, necessario obtinebit, in qua configuratione jactitat, à Deo petisse scientiam, Conciliatorem.

E diametro adversantur Vviclefus, ac ceteri hæretici nostri temporis, inutilem ac omnino vanam omnem nostram orationem arbitantes, cum Deus optimè norit, quibus egeamus. Frustra ergo scienti loquuntur. Eoque magis, quia credunt, cuncta necessario evenire. Quos impugnat Vvaldensis ibid. cap. 12. Bellarmin. Delatorre, & alij post D. Thomam.

Trinitarij autem, teste Præeolo, mentalem orationem admittunt, vocalem verò prorsus excludunt, quos sequuntur Hussitæ apud eundem lib. 8.

Apud autem autorem mallei p. 2. quidam Felix Malleolus tutatur mordicus universos Enfalms, & exorcismos, sive deprecativos, sive constitutivos sive contineant vanitatem, & superstitionem, sive, virtute divina, sive dæmoniaca, sive naturali operentur, dummodò sanitatem, vel alios bonos effectus in hominibus, sive animalibus pariant. Consentit Paracelsus lib. de morbo caduco, & lib. de cælesti medici, quem refert, ac irridet Maiolus tom. 2. diæ. colloq. 3. inquit, nihil referre, an Deus, an vè Angelus, an demon sanitatem præbeat, abutens verbis illis Lucæ 1. salutem ex inimicis nostris, & de manu omnium, qui oderunt nos. Unde forsitan blasphemum adagium apud Hispanos: Hagase el milagro, y bagalo el diablo. Quod ad bonum sensum trahendum est, ac per exaggerationem prolatum.

Idiplum attribuitur Scoto in 4. dist. 34. vers. Hic primo. Nam docet, licere maleficium maleficio dissolvere, de quo nos suo loco, etiam Maiolus ibidem, & Sayrus lib. 1. clau. reg. cap. 6. nu. ult. alijque ab

eo citati, Scotum interpretentur de ablatione maleficij absque demonis ope. Referuntur tamen plures Iuristæ apud Malleum cōcedentes incantationis usum, etiam virtute dæmonis, dummodò ad evitandum ali-quod malum dirigatur. Ità Azo. Archidiaconus, Baldus, Bartolus, & Salicetus, de qua re alibi.

His prælibatis, sit prima assertio. Enfalms non obtinent virtutem, sanitatem, vel morbum inferendi à verborum naturali vi. Hanc alibi probavimus, & pluribus contra Bravum tutatur Moura cap. 4. sect. 2. estque Galeni in præm. lib. 1. applic. docentis, aniles esse fabellas, medicaque confidatione indigna; sicillum interpretante Palacios ad Cajetanum V. Incantatiæ, Fragosus medicus Philippi secundi ad qu. 9. in sua Chirurgia, citans Matthiolum, Guidonem, Dioscoridem, ac Fernelium, & alium Bravum antiquiorem in Libello de hydrophobia natura tit. de Psyllis, & Marsis, dicentem, quod vera Philosophia non admittet verba, signa, aut characteres, virtutem aliquam operandi habere. Quod si aliquid operantur, id tribuendum esse causæ extrinsecæ. Quod sequitur Valerius in sacra Philosophia cap. 3. Codronchius lib. 2. cap. 5. Andreas Laurentius lib. 1. cap. 6. de strum. Grop. in Hermatena lib. 5. cap. 11. Guido in sua Chirurgia cap. singul. ita concludens: Sequantur doctrinam dogmaticam Galeni, quæ experimentis & ratione integratur, in qua investigantur res, & refutantur voces. Additque se Deijuliu illud opus compilasse contra sectam militum curantium vulnera Enfalms. Fernelius lib. 2. de abdit. rer. caus. cap. 16. id fuscè probans, ac Theologi post Augustinum lib. 10. de civit. cap. 9. & 11. cum D. Thoma 2. 2. & lib. 3. contra Gentes cap. 105. Suarez tom. 1. de Relig. lib. 2. cap. 15. Thyreus de apparit. Spirit. cap. 24. Holcot. in sap. lect. 189. Abulen. in Levit. 19. 9. 19. sepeque alibi, Maiolus tom. 2. colloq. 3. Tatianus apud Tiguiroam in Plaza universali discept. 33. id, ut certum, affirmans, subdens, quod quando antiqui Magi Ephesinis nominibus dæmones expellebant, teste Rurarcho, id ex dæmonum pacto, simulacraque coactione, non ex naturali verborum virtute, contigisse. Accedunt Summistæ, qui effectus Enfalms, aut verborum, vel Deo tribuunt, vel dæmoni, vel virtuti naturali rerum à verbis diversarum. Unde Navarrus in Man. cap. 11. Peccat, inquit, mortaliter, credens effectum magorum, & similiū, etiam si ad sanitatem perveniat, effici virtute verborum. Qui certè loquitur, tam de virtute naturali, quam supernaturali. Ex Judæis quoque Rabbi Moytēs Ægyptios mendaces, & stultos appellat, qui verbis solis, ac vocibus, aère fracto ortis, tantam vim concedunt. Seneca etiam eos Philosophiæ adversarios ait apud Mouram ibidem num. 3. & Centuriatores ipsi apud Paramum lib. 2. tit. 3. cap. 8. num. 23. abhorrent à vi characterum, aut verborum. Quod & damnat Universitas Parisiensis. Fabulas Bravi de Cabalæ, imaginationis, complexionis, & constellationis efficacia, è qua Enfalms virtus prodit, Lege apud Maiolum d. tom. 2. colloq. 3. quas & nos alibi diluimus. Et de Libro Raziel, deque eo deliria, vide Mouram inibi.

Et sanè vel hæc nominum ferè omnipotentia operativa (immo plusquam omnipotentia, cum audeant effutire, supra Deum ipsum auctoritatem habere) provenit ex natura Enfalms, vel dictionum eorundem, atque illorum naturalibus principiis; vel ex divina, supernaturali, si peradditaque, ac miraculosa infusione. Nullum autem ex his dici potest. Nam vel hæc virtus subiectatur immediatè in Enfalms, & in vocibus, vel in imaginatione, vel in constellatione proferendis. Non in Enfalms, & in vocibus



ibus. Tum quia voces nihil aliud sunt, quam materialiter sonus, formaliter autem relatio, & ens rationis, vel sola denominatio extrinseca, quæ potest variare ad libitum imponentium, manente realitate Ensalmi omnino eadem. Et tum quia multi Ensalmi res significant nefandissimas. Neque in imaginatione. Quia si ab illa efficaciam fortiretur Ensalmus, soli melancholici, & potentioris cogitativæ querendi essent ad hoc munus, illique non perturbandi, quando proferunt Ensalmos, ne aliud avertantur, & imaginationis ratio minuatur. Quod sanè ridiculum est, & contra Ensalmorum praxim. Non in constellatione. Quia sic tantum posset proferri ab isto, & non ab illo, nisi nactus esset sub eadem constellatione eandem complexionem, cujus contrarium experimur. Et quia sicut Astra valent in his circumstantiis influere qualitates benignas, ita & morbidas, sive per se solum, sive ut adjecta, vel impedita ab aliis. Unde sequeretur, Ensalmum prolatum, sive applicatum, absque delectu concursus astrorum, non minùs in perniciem quam in medicamen, posse à parte rei applicari.

Quod quidem ita confirmo. Nam si Ensalmus talem effectum operatur ex vi vocis vel sic articulata, vel aëris ita, vel ita refracti, & participantis hos, & non alios astrorum influxus, sequeretur, quod Ensalmus non eundem fortiretur effectum, si voce gravi pronunciaretur, aut peracuta, si Vere, aut Hyeme, nocte, aut die, in novilunio, aut plenilunio. Quod tamen non admittunt Ensalmistæ.

Præterea sequeretur, quod Ensalmi efficacia non penderet per se à sanctitate, & significatione verborum: Quod est contra sensum communem Ensalmistarum, speciatim Bravi, & Malleoli, asserentis ideo Ensalmum non minus operaturum quolibet idiomate pronunciatur; quoniam, inquiunt, operatur ratione rei sacræ, quæ variato etiam idiomate invariata remanet. Alias enim penderet ab influxu cælesti, aut aliis circumstantiis, & sanctitati verborum, his, vel illis circumstantiis per accidens competere.

Neque tandem ex divina, & supernaturali infusione. Quia gratiæ gratis datæ non conferuntur à Deo dependenter à certis verbis, quæ veluti ex opere operato constitutivè operentur effectum. Ac insuper gratiis gratis datis repugnat esse communes pluribus. Nam divisiones gratiarum sunt, ait Paulus. Eoque magis, cum ad libitum quilibet eis uti queat, immò & communicare alijs, ut Ensalmatores gloriantur. Proprium enim hoc fuit Christi, ob gratiam excellentiæ. Et adhuc ex Apostolo, Spiritus Sanctus est, qui dividit, & communicat, sicuti vultral. *Cor. 12.* id est, notante ibidem Cajetano, ut non dependeat ab arbitrio recipientis, vel meriti, vel à communionem aliorum. Quod etiam docent Patres apud Maldonatum. Ideoque D. Thomas 2. 2. *quest. 96. art. 1.* ex hoc arguit, artem notoriam non esse gratiam gratis datam, neque à Deo. Quia, inquit, quilibet ex gratiis gratis datis non datur quibuscunque, aut certa observatione, sed secundum arbitrium Spiritus Sancti, scilicet dividendis singulis, prout vult. Idque confirmat 1. 2. *quest. 66. art. 2. ad 1. & quest. 68. art. 5. etiam ad 1.*

At Moura hanc rationem parvi facit. Nam potuit Deus virtutem certis verbis alligare, ut Sacramentis, quæ Cornejo *par. 2.* reducit ad gratiam gratis datam, quæ est gratia miraculorum. Quia à Deo Sacramenta instituta sunt ad aliorum utilitatem, et si Suarez ad gratiam gratis facientem reducat, cum ad eam producendam dirigantur, ut Cornejo etiam dixerat de auxiliis. Verum hic non loquimur de possibili, sed de facto, de quo non habemus, fuisse aliis concessum hanc gratiam, nisi Sacramentis & Sacramenta-

libus per se, & ex opere operato. Unde vitanda est novitas in materia tam gravi absque idoneo fundamento. Nec novitas nos magis, quam magnitudo rerum debet ad exquirendas causas excitare. Sicque eundem errorem, quem Ensalmatoribus rei novitas attulit, naturæ ratione depellant.

Sit assertio secunda. Si constaret Ensalmum à Deo habere gratiam sanitatum infallibilem, dependentem à certis rebus, ut Sacramenta, esset gratia gratis data. Sed hoc probare difficilissimum est. Gratia enim gratis data non potest esse, nisi donum à Deo proveniens, sicut gratia Regis Gallici ad sanandum strumas est beneficium à Deo collatum ad utilitatem aliorum. Non enim repugnat, diximus supra cum Azorio *instit. moral. p. p. cap. 25. quest. 2.* gratuito Dei munere quibusdam hominibus, immò etiam certis familiis, concedi gratiam, quæ suos præstet effectus, operante Deo, talium hominum intercedente sermone, tactu, aspectu, voce, sudore, halitu. Immo Bozius *de signis Ecclesiæ tom. 1. lib. 8. cap. 1.* non solum Regibus Hispaniæ, & aliis autoribus tribuit gratiam pellendi demones signo crucis, sed nititur probare, omnes illos qui habent dominium, plus vigere in entitate, quam privatos. Nam, inquit, gerunt vices quasi totius entis, & quod magis appropinquant ad suum principium, plus participant de divino influxu. Ex quo principio derivat donum prophetiæ in Saule, Sapientiæ in Salomone, curandi strumas in Regibus Francorum.

Sit tertia assertio. Quoties in Ensalmis, sive sit benedictio invocativa, sive constitutiva, concurrat aliquod falsum, peccatum, vel omnino indifferens moraliter, tanquam necessariò requisitum, sive in materia, sive in forma, non habet vim operandi à Deo, aut à bono Angelo, sed vel à causa naturali, si effectus ab illo dimanare potest, vel à demone. Hæc est communis cum D. Thoma 2. 2. *quest. 93. & 95. art. 2. & quest. 96. art. 4. & opusc. 25. cap. 21.*

Nam Deus nequit esse testis falsitatis, nec cooperari supernaturaliter peccatis, nec ipse respicit ad vanitates, & infanias falsas. *psal. 39.* oditque observantes vanitates, *psal. 30. & Iam. 4.* præcipit in Spiritu & veritate nos adorare. Qui autem vanitates immiscet, id est, res spiritu carentes, sive indifferentes, non adorat in spiritu, neque in veritate colit Deum, qui per caeremonias sacras intendit falsitates, ut annotat Cajetanus, quem sequitur Valentia *tom. 3. qu. 10. pun. 2. & Suarez tom. 1. de relig. lib. 2. cap. 2.* Et quod ad rem indifferentem, illa non est Deo grata, & si nec ingrata. Ergò non potest movere Deum ad miraculum patrandum. Ideoque votum rei vanæ, ac spiritualiter inutilis, est irritum, quia talis res, quamvis in se non sit peccatum, ac Deo ingrata, non tamen est ipsi grata, & proinde illius promissio ad Deum non pertinet, ut per Aragonium 2. 2. *qu. 88. art. 2.* & Theologos communiter. Idque comprobatur, si Ensalmus contineat nomina ignota, vel quæ nihil significant; sique interveniant aliqua apocrypha, & incerta, vel quæ non bene sibi cohæreant. Est enim hoc signum concursus demoniaci. Mirum enim est, quod Deus has miras virtutes denegaverit verbis certis, ac notis, & ab Ecclesia approbatis, concedat autem dubiis, & ab ipsa alienis.

Quarta sit assertio. Quilibet Ensalmus, sive constitutivus, sive deprecativus, si ex vi suæ institutionis promittit aliquem effectum certò, ac infallibiliter obtinendum, sive temporalem, sive spiritualem, si non importet causam totalem naturalem, non est à Deo. Nam ne Sacramenta quidem, nec sacramentalia, neque sacrificium Missæ operantur infallibiliter bonum temporale, neque extrema unctio, sed conconditionate



ægros in salubritatem restituit, cum scilicet, expedit salutem animæ.

Hanc tradit Concilium Colonienſe in explicat. primi præcepti decal. *Qui*, inquit, *hos characteres dixerunt, persuadentes illis, quod qui huiusmodi characteres secum portaverint, eos à periculis securos fore, quod Lex divina damnet, ac pronunciat, fidem Christianam, & baptismum prævaricasse; Paganos, Apostatas, & Dei inimicos effectos &c.* Intellige ex vi operis.

Eandem Gerson *part. 2. tract. de absolut. Sacram. alphab. 3. lit. L. vers. ulterius.* his verbis explicat: si versus *Dirupisti Domine vincula mea &c.* dictus semel, vel ter in morte, habeat efficaciam, qualem quidam ponunt, & imponunt Augustino, de assertionione certa, quod habeat vim huiusmodi, respondeo pro regula, quod nunquam attribuenda est aliqua virtus supernaturalis ex Scriptura sacra, vel revelatione divina. Et oppositum credere, habet quandam speciem superstitionis plus, vel minus, secundum materiam operis, & assertionis. Eam etiam docent Sylvest. *V. superstitio nu. 11.* Tabiana, Ledesma, Tolletus, Ghetius, Trullench, Diana, Faustus, Navarrus, Cirvelus *par. 3. cap. 3.* Suarez *d. lib. 2. cap. 15.* Lessius *lib. item 2. cap. 43.* ubi etiam si quis utatur caeremonia constante reliquiis sanctis, aut verbis sacris, cum certa persuasionem obtinendi effectum, ut quod non morietur sine confessione &c. Licet nullam extrinsecam vanitatem adhibeat, ex eo tamen supersticiosè agit, quia illis rebus utitur supersticiosè ad effectum, quem nec suapte natura, neque ordinatione divina habet.

Et quod ad impetrationem infallibilem bonorum temporalium, patet; Quia oratio, stante etiam promissione Christi, *Quodcumque petieritis, accipietis, & fiet vobis*, non impetrat à Deo infallibiliter bona temporalia, sed tantum fallibiliter dependenter à fine, ac ordine divinæ Providentiæ. Nec Sacramenta, & Sacramentalia infallibiliter operantur bonum temporale, quamvis sint caeremoniæ constitutivæ. Immo & Sacramentum Unctionis, quod ex Concilio Florentino, in decreto Eugenii, & in Concilio Tridentino sess. 14. cap. 2. habet virtutem conferendi sanitatem corporalem, non tamen certò, vel absolute, sed fallibiliter, & conditionatè, quando, scilicet, expedit salutem animæ. Quod autem dicitur de insula Momonica præservante habitantes à morte, mera fabula est, ab experimento quotidie explosa.

Hinc valde suspectus haberi debet Enfalms contra pestem, quem delatum fuisse fertur à quodam Græco Archiepiscopo Patribus in Concilio Tridentino congregatis anno 1546. quemque aiebat invenisse in Antiocheno Benedictorum Monasterio in quadam membrana exaratum, quem ipse ad brachium sinistrum in quadam itidem membrana transcriptum deferrebat. Hanc autem caeremoniam observari debere tradebat, ut in membrana esset scriptum, gestans esset sacerdos, & ad brachium deferretur, ac orationes, finita Missa proferret, quas refert Moura *cap. 13. sect. 2. nu. 25.* Addebantur orationibus plures literæ, ac signa, etiam ignota. Hunc Enfalms fuisse non modo libilis, sed etiam convicio explosum, & ejectum à Patribus, etiam privatim certum puto. Nulla enim de illo memoria servatur.

Sit quinta assertio. Nullus Enfalms, qui ex vi usus operis; & certorum verborum complicatorum in formulam aliquam promittit, vel operatur effectum, etiam fallibiliter, si non constet, esse à Deo, est admitrendus. Ità Delrius *lib. 2. qu. 5.* Cajetanus post D. Thomam *qu. 96. ar. 2.* ac alii, quos refert, & sequitur Moura *loc. cit.* Probatum regula generali, communiter approbata, quæ damnat remedia omnia

ex caeremoniis non iuxta naturalem vim effectus producentia, quos censendum opera demonis fieri, ejusque pacto saltem implicito. Sufficiat præceteris, instar omnium, D. Thomas *opuscul. 25. cap. ult. & contra Gentes cap. 104. & 105.* ibique Ferrariensis, eamque tradunt Valentia 2. 2. *tom. 3. q. 12. pun. 3.* Lessius *lib. 2. de just. cap. 43.* Sylvest. d. *V. superstitio. & V. maleficium.* Ledesma 2. *psalm. ar. 11.* Navar. *cap. 11.* Grassus *lib. 2. decis. cap. 3.* & Symachus *de cathol. instit. tit. 63. num. 33.* Vega *in sylva lib. 2. cas. 22.* Farinac. *in pr. crim. qu. 10.* alique apud Cirvelum *p. 3. de superstit.* qui ex Patribus testatur, declaratum esse, in huiusmodi Enfalms subesse demonis pactum, ac opus, citatque S. Isidorum hæc omnia damnantem, quæ vocat remedia methodica, & empyrica, quæ Græcè idem significant ac Enfalms, originemque traxisse ab Apolline, & Æsculapio, qui corporales morbos sanabant demonis opera.

Undè supposito, quod Enfalms non operetur naturaliter, cum verbis constat, & non medicamentis aptis, incumbit Enfalmati ostendere, quod operetur virtute divina, qui tenetur tueri actiones suas. Et cum sit quid facti non præsumitur, dum legitime non constiterit, quia non ut reus habetur, nec agitur ad condemnandum, ut magus, quemadmodum censet Moura, sed ad approbandum, vel reprobandum Enfalms, ne inducantur superstitiosi.

Sit assertio sexta. Per se loquendo licitum est, etiam autoritate privata conficere Enfalms invocativum, applicando videlicet aliqua verba Sacra Scriptura ad sanitatem, vel aliud obtinendum, juxta leges orationis, ut de D. Thomæ dicitur adversus tonitruum, & fulgura, quæ pertimescebat, dicendo verba illa: Semper Deus timendus est, sed maxime cum tonat, alludens psalmo 28. *Vox Domini super aquas, Deus majestatis innotuit. Vox Domini confringentis cedros*, cum spe obtinendi intentum infallibiliter, si non repugnet ordini Divinæ providentiæ, ei interveniant ceteræ conditiones ad orationem requisitæ, nullaque vana circumstantia intercedat. Hanc assertionem tradit etiam expresse Gerson *ubi supra*, inquit: sic pie potest dici versus prior: *Dirupisti, Domine, vincula mea &c.* ad certum effectum. Immo in Breviarijs antiquis culibet psalmo proponebatur, ad quid prodesset, & similia, non de oratione certa, quod habeat vim huiusmodi, sed quia devotio dicentis hoc mereatur, adjuvante Dei gratia.

Ad hoc refert Rebellus *in opuscul. de Rosario*, effectus etiam temporales, quos obtinent illud recitantes Et *Dialogo 11.* ex Belparco, & Pomerio refert, orationem Angelicam simul cum illis verbis: *Beatus vir, qui te portavit, & beata ubera, quæ lactaverunt Christum Dominum*, recitatam flexis genibus coram Deipara, valere contra infirmitatem; hancque orationem, sive Enfalms instituisse quemdam privatum Clericum. Et *dialogo 2.* ait, Beatum Jordanum in honorem Nominis Mariæ instituisse recitationem quinque psalmorum, ex quorum primis literis componitur nomen MARIA cum suis antiphonis, & oratione. Quod habetur in Chron. Ordinis Prædicatorum, ac in eius orario. Afferunt alij, Cassianum *collat. 12.* asserentem, maxima virtute præpollere verba illa: *Deus in adiutorium meum intende, Domine ad adjuvandum me festina.* Verum Cassianus loquitur duntaxat de malis animæ. Exaggerat tamen pluribus, vericulum illum, addens, non tantum in corde, ore, parietibusve esse scribendum, sed & in ultimis naturæ necessitatibus meditandum. Invocativè autem modo iam dicto, per illum beneficia obrinentur. Unde non reprobat, invocare peculiariter S. Blasium pro gula sanatione, S. Antonium contra ignem, & alios



alios huiusmodi. Sic quoque Antiphona *Salve Regina*, a privato instituta fuit contra tempestates à dæmone excitatas, tonitrua, fulmina, aliaque mala per eum inflicta, teste eodem Rebello *dial. 15. lib. 2. ex Cæsareo lib. 7. miraculorum sui temporis cap. 39.* Autorem tradit fuisse Hermanum contractum; quod confirmat Canisius *lib. 5. de Deipara cap. 18.* De qua antiphona videndus Genebrardus *in chronogr. lib. 4. anno Christi 1072. Mundi 5161. Navarr. de orat. & hor. canon. cap. 19. concl. 17.* Bernardus de Brito *p. 1. chron. Cisterc. lib. 1. cap. 23.* Durandus *in rational. lib. 4. cap. 22.*

Quo sensu accipienda est Bulla Sabbatina Carmelitarum, edita à Joanne XXII. in qua fertur, B. Virginem ei revelasse, confratres omnes Carmelitanæ Societatis, ejusdemque Ordinis Religiosos, qui pia opera in statuto simul revelata observaverint, fore, ut in primo sabbato immediatè sequenti eorum obitum, Deiparæ ipsius potentia, in Purgatorio, illiusque auctoritate, liberandi sint ab universis pœnis, illicoque fruituri gloria cœlesti. Quod & Alexander V. Clemens VII. Pius V. Gregorius XIII. Clemens VIII. successores confirmarunt, ut refert Thomas à Jesu *in lib. de antiq. & sanctit. Ordinis Carmelitani lib. 2. Eman. Rodrig. tom. 2. q. 97. ar. 2. & Moura sct. 2. cap. 15.* Immo fuisse hanc Bullam approbatam à Paulo V. testatur Marcus Gualdalajara ejusdem ordinis *in thesauro spirit. sui Ordinis tit. Bulla sabbatine, & Moura ibidem.* Nimirum hoc privilegium non importat infallibilem liberationem animarum à Purgatorii pœnis, sed tantum Deiparæ intercessionem per modum suffragij, sicut & sacrificium Missæ, & ut exponit ipse Paulus V. in suo Diplomate his verbis: *Patribus Carmelitanis permittatur predicare, quod populus Christianus possit piè credere de adiutorio animarum Fratrum, & Confratrum sodalitates Beatissima Virginis Maria de Monte Carmelo, videlicet, Beatissimam Virginem animas Fratrum, & confratrum in charitate decedentium, que in vita habitum gestaverint, & castitatem pro suo statu coluerint; Officium parvum recitaverint, vel si recitare nesciant, Ecclesiæ jejunia observaverint, & feria quarta, & sabbato à carnibus abstinerint, nisi ubi in ijs diebus Nativitatis Domini nostri festum incidit, suis intercessionibus continuis, piisque suffragiis, & meritis, ac specialipietate post earum transitum, precipue in die sabbati, quod dies ab Ecclesiâ eidem Beatissime Virgini dicamus est, adiuturam &c.* Et antea idem Paulus V. in Officio Commemorationis Solemnitatis Beatissimæ Virginis Mariæ de Monte Carmelo inter alia ab ipso approbata Excalceatis Carmelitis die 8. Mensis Julii sic ait: *Filios in Scapularis societatem relatos, qui abstinenciam modicam, precesque paucas eis præscriptas frequentarunt, ac pro sui status ratione castitatem coluerunt, materno plane affectu dum igne purgatorio expiantur, solari, ac in cœlestem patriam obtentu suo quanto citius piè creditur efferre. Quidquid sit, an Papæ credendum sit asserenti, se talem revelationem accepisse divinum; cum sit quid facti, & cognitu difficillimum, quod sit divina.*

Eodem sensu accipiendum quoque responsum datum S. Catharinæ Martyri ante obitum oranti pro suis devotis; dictum B. Virginis S. Hyacintho, protectione quindecim Auxillatorum, promissio facta recitantibus Rosarium, scilicet, nisi aliter Deus disposuerit. Nec aliter intelligendi sunt Ensalmi deprecativi pro vulneratis, per modum orationis devotæ. Quo modo potuerunt mitti à B. Pio V. Agnicerei benedicti, aliaque huiusmodi, quibus, & quandoque miracula patrata narrantur in ejus vita apud Caracolum, & alios; Cum ne Summus quidem Pontifex

habeat auctoritatem instituendi Ensalmos constitutivos immediatè, ac per se ad victoriam, ad sanitatem efficaciter, & infallibiliter obtinendam, ut mox dicemus.

Et hoc pacto explodendi sunt quidam apud Bodinum relati à Thyreo *de apparit. Spirit. cap. 14.* asserentes, dari aliquod determinatum tempus, exempli gratia, quatuor temporum, aut Parasceves, hac prerogativa donatum, ut in illo nati frequentius spiritus videant, quos alij præsentès videre non valent.

Quare, mi Lector, si non vis falli, audi Cajetanum *in summa verè aurea V. incantatio*, nulli in materia incantationum credas. Quoniam impossibile videtur, ut non interveniat aliqua superstitio, saltem in modo dicendi, putà, dicere Pater noster ad aures equi. Hoc enim superstitiosum constat esse, & sic de alijs. Et quidem mirum est, quod sanctis viris, quibus Deus credidit, secreta sapientiæ suæ, & virtutem suæ potentiæ in miraculis, & Sacramentis, ac curam animarum, quibus promisit notitiam omnis veritatis, secretas virtutes negaverit, & vetulis, ac personis qualibuscunque communicaverit. Unde huiusmodi incerta, ut saltem suspecta, cavenda sunt. Sic sacra Congregatio Cardinalium supremæ Inquisitionis in tota Republica Christiana condemnavit Ensalmos constitutivos sororis Joannæ, negotio ante maturè discussò, declarantes, ea omnia, quæ de famosissima sorore Joanna, quæ antea sancta Joanna, & dicebatur, & habebatur, miraculosa opera, reliquias, & caeremonias, in quibus multa divina beneficia, quasi ex opere operato contrà tempestates, dæmonum infestationes, humanorum corporum obsessiones, aliaque innumera nocumenta, promittebantur, experimentoque comperta asseverabantur in libro ea de re edito contenta, apocrypha esse, & nullius auctoritatis, & nulla fide digna, anno 1617.

Nec purgatur suspicio pacti dæmoniæ ex præcisa sanctitate verborum, neque ex intentione Ensalmistarum, cum sacris consultò utatur dæmon. Quia cum non possit nocere dando manifestè venenum, addit aliquid mellis. Et quia verbis sacris, sicut & thure thymiamate instar Dei, venerari satagit. Et etiam quia sic facit, ut homines Deum gravissimè offendant, ut & ei, tanquam veraci credant. Quare non est credendum Ensalmatori, neque ejus sententiæ standum, loquentes de Ensalmis constitutivis, quos Episcopus tenetur per se prohibere, tanquam suspectos de dæmonis consortio. Quam suspicionem ex ipso opere exortam, non purgat virtus, & prudentia Ensalmatoris; etsi videatur, Sylvestrum asserere contrarium v. superstitio num. 10. qui tamen intelligendus est de Ensalmis invocativis tantum, qui agunt tantum ex opere operantis, & juxta regulas rectæ orationis. At semper, ut advertit Suarez cum alijs *lib. 2. de superst. cap. 15. nu. 24.* attendendum est periculum scandali, nè rude vulgus non agnoscens discrimen, transeat deceptum ad Ensalmos constitutivos. Archiepiscopus Ulisypontensis quemdam approbavit hypocritam, Petrum Banes magum, fueruntque ejus Ensalmi contra morem medicorum approbati à Protomedico Regis Sebastiani. At postea ille in S. Officio constitutus, confessus est, ex pacto dæmonis operari suis Ensalmis, quodque dæmones adoraverit, ab illisque fuerit pluries postera venere subagiturus, quia contra pactum aliqua opera Christiana egerit. Hinc Ecclesiâ pluribus suis Sacrosanctis decretis damnat omnes superstitiosos, præcipue *in can. non observetis 26. qu. 7. & can. non licet eadem caus. qu. 5.* Qua de re alibi fusè dictum est.

An autem Episcopus, vel saltem Summus Pontifex instituere possit Ensalmum, vel exorcismum constitu-



stitutivum efficacem ad sanitatem, victoriam, pacem, & concordiam Principum, ad futura cognoscenda, & hujusmodi alia? Sive

An Ecclesia potestatem habeat instituendi Enfal-  
mum, live ceremoniam, quæ ex vi usus, live ex ope-  
re operato infallibiliter, vel fallibiliter, ac depen-  
denter ab ordine divinæ Sapientie, sanitatem cor-  
poralem operetur, victoriam in bello, &c. eo modo,  
quo sanitatem causat Sacramentum Unctionis, quo-  
ve per exorcismos demones expelluntur; supposita  
Christi generali promissione facta Ecclesiæ de impe-  
trando, & de gratia, ac reverentia ipsius Ecclesiæ?  
Affirmant Alchindus, Bravus, Chamilius, alijque En-  
falmorum patroni.

At nos dicimus primò. Nemo Laicus, ne Supre-  
mus quidem Princeps hanc habet potestatem. Qui  
cum sit potestas spiritualis, licet ad corporalem sa-  
nitatem ordinata, debeatque operari virtute divina,  
dubio procul excedit potestatem naturalem, & poli-  
ticam Principum. Sicut & institutio exorcismorum,  
etiam contra locustas, & alia damna temporalia,  
quibus Sancti, non Episcopi usi sunt, ut ministri Ec-  
clesiæ, aut ex speciali virtute divina, ut Bernardus,  
Macharius, & alij.

Dicimus secundo. Episcopus non potest instituere  
Enfalimum constitutivum, qui ex vi operis, vel per mo-  
dum impetrationis possit conferre sanitatem tempora-  
lem, victoriam in bello, aut aliud bonum temporale.  
Nam prohibetur Episcopis à jure, se ingerere ad insti-  
tuendam ceremoniam stabilem, ac ferè permanentem,  
que instar operis operati miraculosè producat effe-  
ctus visibiles. Se namque exponerent periculo ten-  
tandi Deum, & exhibendi demoni occasionem se  
immittendi ad vanè, ac supersticiosè operandum.  
Hinc Pontifex sibi reservat privativè quoad omnes  
inferiores causas omnes magni momenti, quas ma-  
jores vocant, *can. omnis 2. quest. 7. cap. majores de*  
*baptism. & cap. quod ad translationem de offic. leg. &*  
*S. Concilium Tridentinum sess. 25. in decret. de in-*  
*vocat. & venerat. Sanct.* præcipitur Episcopo, ut quo-  
ties in materia pertinente ad opus miraculosum ali-  
quis dubius, aut difficilis abusus, vel gravis questio  
incidat, eam se solo non dirimat, sed prius Metropo-  
litani, & Comprovincialium Episcoporum in Con-  
cilio provinciali sententiam expectet, ita tamen ut  
nihil inconsultò sanctissimo Romano Pontifice no-  
vum, aut in Ecclesia inusitatum decernatur.

Quare si Episcopus, inconsultò Romano Ponti-  
fice, non potest miraculum ab alio factum approbare,  
multò minùs poterit instituere novum Enfalimum ad  
miros effectus perpetrandum. Et licet aliqui Episcopi,  
ut Ulyssiponenlis, & Conimbricensis Enfalimos aliquos  
approbaverint, apud Mouram *cap. 10. sess. 2.* In his  
fortasse pro foro exteriori aliquando connivent;  
quia non probantur sufficienter indicia ad pactum ta-  
citum præsumendum. Vel quia credebant, vi natu-  
ræ, aut alio modo licito operari. Prudentius tamen  
Episcopus Iprensis, re maturè cum doctis, ac pijs  
viris discussa, Enfalimum celeberrimum prohibuit,  
etsi absque aliqua vanitate interiori à viris probè vi-  
ventibus adhiberetur, ut restantur Malleus, Delrius,  
& Moura loco citato.

Eoque præsertim quia unus Episcopus non posset  
approbare Enfalimum, nisi pro sua Diocesi, etiam ob  
causam, quod Episcopo in sua Diocesi nihil denega-  
tur, nisi fuerit à Papa prohibitum, de qua regula Su-  
arez de Indulg. *disp. 59. sess. 2.* Mirum enim esset,  
quod Enfalimus vulnera, sanguinem, vel ulcera saniem  
manantia sanitati restitueret in hoc Episcopatu, &  
non in illo. Quod in utroque, ac extra illos vale-  
ret, jam esset ceremonia publica pro alijs Episcopis.

Quod Episcopo privato non competit.

Dicimus tertio, Episcopus nequit approbare En-  
falimum constitutivum, sed teneretur illum reprobare.  
Nam per se hujusmodi Enfalimi sunt de pacto demer-  
itis suspecti. Dixi per se. Nam posset aliquis San-  
ctus, miraculorum verè patritor sua sanctimoniæ ve-  
ritatem Enfalimi comprobare. Et nihilominus debe-  
ret adhuc Episcopus expectare consilium Sedis Apo-  
stolicæ, à qua etiam veritas casualiter miraculi et  
expetenda, ut ex S. Concilio Tridentino superius ad-  
ducto. Nec facillè credendum sanctam Sedem hujus-  
modi Enfalimos approbare. Nam referente Moura  
*sess. 2. cap. 10. num. 19.* cum quidam Antonius Al-  
varez jactitaret, Enfalimos suos à summo Pontifice  
approbatos, quod plures in Lusitania credebant; re-  
tamen inspecta, inventum est, tantam obtinuisse dis-  
pensationem Apostolicam exercendi chirurgie, ac  
medicinæ munus, absque incursu irregularitatis, dum-  
modò tamen gratis citrà incisionem, atque aduisionem  
exerceret.

Etenim juxta regulam Juris, ac communem Do-  
ctorum sententiam præsumendus est malus autor En-  
falimi constitutivi, quoties constat, ceremoniam non  
operari virtute naturali. Nam dubium est, an virtu-  
te divina, vel demoniaca operetur, unde saltem judi-  
cium est suspendendum, ac subinde non approbandus  
Enfalimus. Nec Episcopi permissio relevaret in foro  
interiori illum activè, aut passivè adhibentem. Nec  
excusantur à peccato gravissimo, live docti sint, live  
rudes, si aliandè norunt, vel dubitant, Episcopum  
negligenter se gessisse in approbatione Enfalimorum.  
Unde approbatio Episcopi solum pro foro exteriori  
juvaret.

Dicimus quarto. Nec Pontifex quidem summus,  
neque Ecclesia universalis habet auctoritatem insti-  
tuendi Enfalimos constitutivos ad sanitatem, victo-  
riam, pacem &c. Est communis cum D. Thoma 2.  
*quest. 90. art. 3.* ibique Torres, & Cajetanus, Su-  
arez *tom. 3. in 3. p. disp. 15. sess. 4.* traduntque San-  
chez *lib. 2. in decal. cap. 42.* Sotus *lib. 8. de just.*  
*quest. 3. art. 3.* Delrius *lib. 3. magic. par. 2. qu. 1.*  
*sess. 8.* Moura *d. sess. 2. cap. 11.* & videtur innuere  
Concilium Florentinum in dicto decreto Eugenii, &  
Tridentinum *sess. 14. cap. 2.* Nam pro excellenti, ac  
singulari prerogativa decernitur, Sacramentum Un-  
ctionis ex vi operis, etsi fallibiliter, conferre sanita-  
tem corporalem, quasi Ecclesia ipsa potestatem ha-  
beat ad hujusmodi effectum producendum. Imò  
communiter Concilia, & Theologi supponunt, per-  
tinere solum ad potestatem divinam instituere re me-  
dia causativa sanitatis, licet ex vi operis concedatur  
aliquibus gratia sanitatum, modo jam declarata. Imò  
etiam communis sententia Doctorum restringit, un-  
ctionem conferre sanitatem morbis extrinsecis, ac  
impedientibus rationis usum ad anime præparatio-  
nem necessaria. Adduntque, non valere contra se-  
nectutem, qua homo decumbit, & moritur; alios  
posset hominem reddere immortalem. Quin etiam  
limitatur pro infirmitate proveniente ex peccatis ac-  
tualibus, live per se, live quatenus augent inducti  
à peccato originali. Quod probat Sotus in 4. *disp. 23.*  
*qu. 1. ar. 2. ad 2.* ex forma ipsius Sacramenti, ubi  
etiam addit ad 5. quod hæc sacramentalis virtus in-  
ducatur duntaxat quoddam divinum auxilium, certò  
quidem, & infallibiliter virtutis ita limitare, ut quam-  
vis augeat vires naturales, etiam medicamentorum,  
possit tamen ab eis vinci, imò & ab arte peritissimi  
medici. Unde infert fallibilitatem præfati effectus, et  
quo non esse ullo pacto arguendum pro salute ani-  
mæ. Quod approbat Henriquez *lib. de Sacrament.*  
*cap. 14. num. 7.* Refragatur verò Suarez *tom. 4. in*  
*3. part.*



3. p. disp. 41. c. 3. & in id videtur propendere Paëz ad Jacobi. cap. 5.

Et sanè Concilia Florentinum, ac Tridentinum declarant, ubi expedit saluti animæ, & Colonienſe tit. de hoc Sacramento: Si ita Deo viſum erit. Petrus etiam Sorus Lett. 1. eod. tit. §. post materiam, ait, cum ſaluti infirmi aut animæ id convenientius eſt. Catheciſmus Romanus p. 2. c. 6. nu. 26. refert ſanitatis effectum ad Dei conſilium, & voluntatem. Cajetanus verò autumat cit. c. 5. Jacobi, ſolum per viam deprecationis unctiōem, de qua Jacobus loquitur, ſanitatem conferre. At Salmeron, & Paëz, etſi minimè diſſentire annotaverit Moura ibid. n. 21. Colonienſe autè, & Catheciſmus Romanus tradunt rationem, cur in Eccleſia primitiva plurimi infirmi, cum ungerentur, corporaliter curabatur. Quia Chriſtiani tunc Sacramentum fide ferventiori ſuſcipiebant. Et Concilium Tridentinum definit, rem & effectum hujus Sacramenti eſſe inter alia, morbi incommoda, & labores leviùs ferre, & ſanitatem corporis interdum, ubi expedierit, conferre. Notante enim Salmerone in eundem locū, poſt antiquos Theologos, & expoſitores, non inſtituit Iacobus hoc ſacramentum, ſed inſtitutum à Chriſto publicavit; nam in eo pactum de danda gratia, & quandoque ſanitate invenitur, quod ſolius Dei proprium eſt. Atque adeò nullo modo Eccleſia poteſt inſtituere Enſalmos ad ſanitatem efficaces, quaſi ex vi operis cauſandam. Quod & confirmat Auguſtinus 4. p. ſerm. 9. cujus verba refert, & commendat Vvaldenſis to. 1. de ſacr. c. 162. n. 3. & 5. ea ſunt hujusmodi: Videte, fratres, quod qui pro infirmitate ad Eccleſiam currit, corporis ſanitatem recipere, & peccatorum indulgentiam merebitur obtinere. Cum ergo duplicia bona in Eccleſia poſſimus invenire, tamen per incantatores, per fontes, per arbores, & diabolica phylacteria, per aruſpices, vel ſortilegos, vel divinos mulſplices ſibi mala miſeri homines conantur inferre. Ergo ex Auguſtino ad Eccleſiæ poteſtatem ſacramentalè tantum pro ſalute corporali recurrendū eſt: alioquin ad Deum rectè, ad demonem pravè recurritur. Et D. Thomas loco citato tradit, Eccleſiā contra mala à cauſis naturalibus, vel ſupernaturalibus inducta, non habere poteſtatem agendi ex vi operis operati, aut cæremoniæ, ut ſunt exorcismi fundati in promiſſione divina, ſivè phyſicè, ſivè moraliter concurrant, ſed ea impedire conatur per orationes, ac deprecationes per ſua merita, & fidem; aut divina myſteria Deum obteſtando,

Dicimus ultimò. Eccleſia non poteſt inſtituere Enſalmos efficaces ex vi operis infallibiliter, aut fallibiliter per modum impetrationis, cauſantes ſanitatem temporalem, fundatos in promiſſione divina, aliàs Eccleſia uſa fuſſet in tot neceſſitatibus. At ſanitas abſque remediis naturalibus collata, & miraculoſè, ſicut & alia miracula, non niſi à Deo proveniunt, mediis inſtrumentis ab eo elevatis, toties, quoties, ut Angelis, & hominibus. Ergo ille tantum poſſet inſtituere propria autoritate hujusmodi Enſalmos, qui poſſet facere, ut Deus promittat concurrere ad dicta miracula. Quod nulli poteſt creaturæ competere, ſicut nec facere, quod Deus concurrat ad dicta miracula ſupernaturaliter. Quod requireretur ad Enſalmum conſtitutivum. Sed de his non plura.

Temerarium ait Torreblanca lib. 9. jur. ſpirit. cap. 6. 4. & indignationi divinæ obnoxium in materia religionis, vel cultus, aliquid addere, vel minuere, vel immutare. Nam ut, ait Dominus Deuter. cap. 12. Quod præcipio tibi, hoc tantum facito, neque addas quidquam, vel minuas. Undè Miſſarum ritus ſuperſtitioſus cenſetur, in quibus præſcribitur certus numerus Miſſarum, vel Candelarum ab Eccleſia non præſinitus. Nam eo ipſo ut ſuperſtitioſa damnantur in Sacro-Sancto Concilio Tridentino ſeſſ. 22. in decret. de obſerv. vel evit. in Miſſæ celebr. his verbis: Quarundam Miſſarum & candelarum certum numerum, qui magis à ſuperſtitioſo cultu, quam à vera religione inventus eſt, omnino ab Eccleſia Episcopi ſubmoveant. Et quidem ſuperſtitioſum eſt uti in cultu divino vahiſ,

Tom. I.

& inutilibus cæremoniis, tanquam neceſſariis, ut certo numero Miſſarum, diebus continuis dicendarum, talibus horis, tot candelis talis coloris, quaſi exiſtmet, Miſſarum efficaciam ceſſaturam, ſi defecerint hæ circumſtantiæ. Atque id voluit S. Concilium Tridentinum, cujus S. Congregatio cenſuit, in prædicto decreto comprehendere etiam Miſſas ad devotionem aliorum, non ex ſuperſtitione, veluti tres de Trinitate, vel quinque de plagis Domini ac ſimilibus, cum totidem candelis. Quod eſt contra Sanchez d. cap. 40. n. 40. Fagundez lib. 1. cap. 37. num. 1. Alcozer, & Cirvellum apud ipſos.

Hinc ſuperſtitioſæ quoque ſunt Miſſæ, quæ appellantur de San Amador, cum certis cæremoniis, nempe, ut inchoari, ac terminari debeant certis deſtinatis diebus, abſque interpellatione, ac certo candelarum numero. Quidquid dixerit Torreblanca eo cap. 6. n. 8. & ſeq.

Sic etiam ſuperſtitioſæ ſunt Miſſæ illæ, quas vocant Trentenarii revelati, aut Miſſas del Conde. Quia continent vanas circumſtantias: ut quoddam duo Clerici ſoli, & quidem incluſi interſint miſſæ, nec egredi inde poſſint, niſi ad Sacramenta miniſtranda, aut juſſu Prælati; nec poſſint ab Eccleſia exire donec ex triginta Miſſæ celebrantur; Etſi minùs rectè illas ſuperſtitioſas eſſe negaverit Episcopus Jiennensis, dum eas approbavit in ſua Synodo, anno 1511. tit. de vir. & honeſt. cleric. c. 24.

Sunt itidem ſuperſtitioſæ Miſſæ S. Gregorii pro vivis & defunctis, nec non Miſſa de quindecim Auxiliatoriis, ac Miſſa de Patre Aeterno, ideoque illas tanquam nulla autoritate ſuffultas S. Rituum Congregatio damnavit his verbis: S. Rituum Congregatio ad tollendos abuſus, qui variis in locis irrepſerunt, re maturius diſcuſſa cenſuit, & decrevit, Miſſas item, quæ circumferuntur à S. Congregatione non approbatas, S. Gregorii pro vivis, & defunctis, quindecim Auxiliatorum, & de Patre aeterno, & quaſcumque alias, exceptis ijs, quæ ſunt permiſſæ Regularibus tantum, veluti Provincia S. Maria de Monro Carmelo, & alias, ſicut etiam officia ab eadem non approbata; Prohibuit, rejecit omnino, & damnavit reſpectivè, & pro prohibitis, rejeſtis, & damnatis haberi voluit, ſub penis contentis in Bullis Pii V. initio Breviarii, & Miſſalis, quod ſcilicet non ſatisfaciant muneris recitandi Officii divini. Quo verò ad abſtinentes ſupradictis Miſſis, ſub aliis penis contentis in Indice librorum prohibitorum ex decreto S. Concilii Tridentini edito & c. Facta demum relatione horum prædictorum Sanctiſſimo D. N. Urbano VIII. idem Sanctiſſimus ea laudavit, approbavit, atque ab omnibus ubique ſub prædictis penis ſervari præcepit. die 8. Aprilis 1628.

Tolerandæ tamen ſunt Miſſæ triginta S. Gregorii pro defunctis, ab eo inſtitutæ, de quibus Gavantus in rubr. Miſſal. p. 1. tit. 5. n. 3. lit. D. Ritum autem celebrandi has Miſſas triginta diebus præſcribitur à S. Gregorio Papa lib. 4. dial. cap. 55. Abbati Pretioſo pro anima Juſti Monachi his verbis: Vade ab hodierna die, diebus triginta continuis offerre pro eo Sacrificium; ſtude, ut nullus omnino præternittatur dies, quo pro abſolutione illius hoſtia ſalutaris non offeratur.

Undè licet S. Rituum Congregatio prohibuerit Miſſas S. Gregorii pro vivis & defunctis, non tamen vetuit celebrari has triginta Miſſas, ſed tantum prohibuit quaſdam Liturgias non approbatas, quæ dicebantur D. Gregorii. Et ita præ cæteris obſervant Gavantus loc. cit. Lezana tom. 1. qq. regu. cap. 21. n. 23. Quartus in rubr. Miſſal. ſeſt. 5. q. proœm. pun. 4.

Sunt autem qui cenſeant, non eſſe neceſſarium ut idem Sacerdos celebret aſſiduè cōtinuis triginta diebus dictas Miſſas, ſed ſolum ut offeratur hoſtia per menſem ſive ab uno ſive à pluribus. Ii ſunt Gav. ibid. Tamburin. Opuscul. de Sacrif. Miſſ. lib. 2. cap. 6. §. 7. n. 4. Lezana d. c. 21. n. 23.

At ego probabilius cenſeo, quod inhærendo hitoriæ S. Gregorii debeant hæ triginta Miſſæ ab eodem Sacerdote celebrari. Non enim ait D. Gregorius offerri ſtude,

P.

ſod



sed offerre stude, Offerre autem habet significationem activam, quæ refertur ad eum, cum quo loquebatur Gregorius, & proinde dixit, quod ipse offerre studeret. Nam si celebrentur ab eodem, habent illam continuatam instantiam orationis, & perseverantiam oblationis sacrificii, quæ conjuncta cum continuatione sacrificii ab ipso elevatur, ut sit satisfactiva peccatorum, & impetrativa liberationis animæ purgantis. Si autem contingat, non posse ab eodem sacerdote celebrari ob mortem, vel infirmitatem, poterit alius supplere.

Sunt verò celebrandæ, de Requiem, iis diebus, in quibus juxta rubricas celebrari possunt. Nam D. Gregorius dicit, quod per triginta dies offeratur sacrificium pro defuncto, cumque non explicet quâ missâ sit offerendum, relinquit, quod offeratur secundum dispositionem Ecclesiæ. Quia casus omnis relinquitur dispositioni antiquæ *L. si vero §. de viro ff. de lib. & posth.* Ecclesiæ autem disposuit, ac instituit speciales missas pro defunctis, ut cum ipsis pro eis offeratur sacrificium. Potest tamen celebrari missa quotidiana, quia dum in ipsa recitantur preces pro omnibus defunctis comprehenditur etiam defunctus, pro quo offertur sacrificium. Nec Consortium aliorum defunctorum ad participandum fructum precum Ecclesiæ tollit, quin defunctus percipiat proprium fructum horum sacrificiorum, dum pro ipso offeruntur.

Sunt etiam celebrandæ sine interruptione, ac ita, ut nisi hoc modo celebrentur, non prosint, tanquam missæ D. Gregorii, sed solum ut ordinaria sacrificia, dummodo tamen isti triginta dies non coincident cum triduo majoris hebdomadæ. Nam feria quinta, & sabbato non solet celebrari, & feria sexta non potest. Nam hujusmodi missæ sunt celebrandæ, secundum institutionem Divi Gregorii, alioquin non habebunt effectum, ad quem secundum illam institutionem ordinantur. Secundum autem dictam institutionem debent continuo celebrari, & sine interruptione. Dicit namque Gregorius: *diebus triginta continuis.* Dictio autem *continuis* expresse requirit continuationem. Et subdit: *Ut nullus omnino pratermittatur dies.* Pratermitteretur autem, si interromperentur. Estque notanda dictio illa *omnino*, quæ facit quod nullo prorsus modo possit omitti aliquis dies, in quo non offeratur sacrificium. Habet enim vim decreti irritantis, ita, ut nullum reddat, quidquid sit contra dispositionem, ut observant Olsch. *decif. Pedem.* 165. n. 14. Lambert. *d. iure patr. lib. 2. p. 1. quest. 7. art. 30. n. 19.* & Marescot. *var. resol. cap. 29. num. 11.*

Nec ista continuatio sapit superstitionem. Nam, si saperet, neque possent hæc missæ continuo celebrari, quia committeretur aliquid superstitiosum. Sed requiritur hæc continuitas ad elevandum suffragium ad majorem æstimationem; nam plures fiunt, quæ continuantur, quâ quæ cum interruptione exhibentur. Unde plures fiet donum centum aureorum, quàm si diversis vicibus eadem summa donetur. Et continuitas æstimatur præsertim in oratione. Unde 2. *Machab.* 13. Judas præcipit populo, ut continuo die ac nocte oraret Dominum, atque adeo omnes per triduum continuum prostrati oraverunt.

Ex quibus rejicitur sententia Fraxinelli, Bonacinæ, Homoboni, Lezanæ, ac Dianæ, asserentium non esse necessarium, quod continuentur, sed posse interrumpi, non solum quando juxta ritum Ecclesiæ non potest offerri sacrificium, sed etiam ex aliqua rationabili causa. Et colligitur, quod licet in triduo majoris hebdomadæ possint interrumpi hæc Missæ; quia continuitas intelligitur secundum ritum Ecclesiæ; Si tamen contingat, eum, qui incepit has Missas, celebrare feria quinta, & sabbato, tenebitur offerre pro defuncto, pro quo incepit has triginta Missas, non autem feria sexta; quia tunc non offertur sacrificium, sed consumuntur præ-

sanctificata. Poterit etiam ad illas continuandum, si velit, celebrare dicta feria quinta, & sabbato, & hæc erit sufficiens causa celebrandi. Non tamen erit necessarium. Nam poterit se conformare consuetudini Ecclesiæ. Item colligitur, quod apud Ecclesiæ Ambrosianæ, juxta cuius ritum nulla feria sexta Quadragesimæ celebratur Missa, non censetur interrumpi has Missas, si in iis diebus non celebrentur. Cum enim ritus Ambrosianus sit approbatus ab Ecclesiâ, & hæc Missæ debeant esse continuæ, quantum admittit ritus Ecclesiæ, non est necessarium, quod continuentur, quando juxta ritum Ecclesiæ apud quam celebrantur, nequeunt continuari.

Est superstitiosum ipsam Salutationem Angelicam, ipsasque divinas preces, si repetantur sub certo numero, quasi in numero aliquid lateat Numinis. Cæterum numerus à mysterio non vacat. Docet id Sacra Scriptura: Septimum quippe diem elegit, & sanctificari voluit Deus, quo ab omni opere, quod pararat, requievit, *Genes.* 2. septimo quoque anno incultam terram manere atque servum libertati donari constituit, *Levit.* 25. Anno etiam quinquagesimo possessiones suis reddi proprietariis iussit, *Exodi* 21. *Levit. ibid.* Quid ergo mirum si aliquas preces sub certo numero ordinavit Ecclesiæ pietas? Cum enim quinquagesimus annus, annus fuerit Jubilei, ac remissionis, quinquages Angelis salutationem replicamus, ut per eam quinquagesimam, hoc est remissionis gratiam impetremus. Quinquies autem orationem repetimus dominicalem in laudem & honorem quinque vulnorum Christi, quorum sanguine nostra dilui precamur peccata. Quid, oro, in his est superstitiosum, aut vanum? Nihil profecto. Sunt enim ejusmodi preces rudis vulgi eruditiones, & exercitationes, ut vel in his se exerceant, qui altiora contemplari minimè noverunt, habeantque pium exercitium, cui dediti, ab indecentibus fabulis se contineant. Sunt admodum pauci, qui celestia meditari valent, plurimi autem, qui vel in isto exercitio se occupare non valent. Admittantur itaque simplicia hæc studia rudioribus. Si qui verò ad potiora studia provehi queunt, non prohibemus. Neque existimo hoc elogium Virgini Mariæ ingratum, in quo sævissimus per eam prostratus commemoratur inimicus, si ad memoriam reduco quomodo gladius Goliath, quem prostravit David, in templo servatus est 1. *Reg.* 21. Si attendo & conopeum Holophernis Iudith collatum esse, in memoriam inclyti facinoris, *Judith* 15.

Adhibere medicamenta naturalia, & utilia cum vanis circumstantiis, est superstitiosum. Quia si adjungantur ad res naturales, quæ naturalem habent virtutem producendi sanitatis effectum, aliqua verba, vel characteres, vel quævis aliæ observationes quæ naturaliter efficacia non habent ad effectum salutarem producendum, tunc speratur salus per aliquod supra vires causarum naturalium, ac per consequens adest in illis verbis, seu characteribus, aut ceremoniis superstitiosa, & demoniaca deceptio. Siquidem illa media, sive applicationes, cum non possint esse causæ, habentes virtutem ad illos effectus, adhibentur, ut signa, ad quorum præsentiam alius operetur. Iste autem non est Deus. Quia Deus nunquam talia signa instituit. Est igitur *dæmon* ac proinde actio illa est manifesta superstitio, ut per D. Thomam 2. 2. *qu.* 96. *ar.* 2. *ad.* 1. ubi Cajet. Suarez 10. 1. *de relig. lib.* 2. *cap.* 15. *nu.* 8. & 9. Lessium *lib.* 2. *cap.* 43. *amb.* 10. *nu.* 63. Sanchez *lib.* 2. *in decal. cap.* 40. *n.* 20. Navar. *cap.* 15. *num.* 34. Castrupal. *p.* 3. *tr.* 17. *disp.* 1. *pun.* 10. *nu.* 18. ac Delbenem *de offic. Inqvis.* *p.* 2. *dub.* 228. *sect.* 5. *num.* 5.

Si verò dubitetur, an affectus à causa naturali proveniat, qui non constat an vires causæ naturalis excedat, nec ne, censendum est, illum, potius à causa naturali procedere. Quia cum innumera naturalium causarum vires nos lateant, non adest ratio, cur effectus ille



Ule sit præsumendus potius superstitiosus, quam à causa naturali, & ut docet D. Thomas 2. 2. q. 60. ar. 4. dub. 6. in meliorem partem interpretari debemus. Verum qui tali re ad expellendum mortem uti intendit, debet protestationem præmittere, ut antea diximus, nolle effectum consequi, si ex demonis tacito pacto proveniat. Si autem constet, effectum illam vires causæ naturalis excedere, tunc nisi maxima operantis sanctitas, vel alia urgentissima indicia suadeant, effectum à Deo, vel ab Angelo provenire, censendum est in dubio superstitiosum, & causari à dæmone, etiamsi verba adhibita sint sacra. Ita docent cum D. Thoma d. q. 96. ar. 2. Sanchez loc. cit. n. 44. Suar. ibid. num. 13. & 14. Sayr. lib. 4. cap. 6. n. 4. alijque.

Cum autem plures sint vanæ observationes sacrarum rerum & verborum, ideo explicandum est quid sub nomine sacrarum rerum, & verborum comprehendatur. Primum comprehenduntur septem Sacramenta, eorumque materia, & forma.

Deinde omnia Sacramentalia, nempe orationes ab Ecclesia, vel à pijs hominibus institutæ, omnia comestibilia, & potabilia benedicta, aqua benedicta.

Item reliquias Sanctorum, eorum imagines, qualibet Crux Christi, Agnus Dei, numismata sacra, lapis consecratus in quo celebrantur missæ, vasa sacra, ut calix, patena, pyxis, corporalia, paramenta Sacerdotalia, & aliorum ministrorum, aliaque ornamenta Ecclesiæ, vel calicis, aut altaris, candelæ benedictæ, cereus paschalis, oleum lampadis, locus Ecclesiæ, tempus specialiter divino cultui dicatum, ut si ad effectum obtinendum necessarium sit facere aliquid intra Ecclesiam, vel in cimiterio, vel in die Paschatis, vel in festo alicujus Sancti, vel dum Sacerdos celebrat, vel dum Campana pulsatur, & id genus alia.

Tum demum Sacra Nomina Dei, Sanctissimæ Trinitatis, Jesu Christi, Virginis Mariæ, aliorumque Sanctorum ac Beatorum, vel Angelorum, & similiter verba Sacræ Scripturæ tam veteris quam novi testamenti, vel missalis, aut Breviarii.

Omnia enim prædicta vocantur res sacre, quarum abusus est superstitio, & sortilegium eo gravius, quod res sanctiores in sortilegiis miscentur. Quia nullibi constat Deum, vel Ecclesiam prædictis verbis, aut rebus sacris dedisse virtutem producendi effectus juxta voluntatem sortilegi. Ideo dicendum est, dæmonem immediate ad positionem talium medicorum occultè operari illud, quod homo intendit. Et hac ratione hujusmodi media vocantur signa, non causæ; quia signant pactum tacitum vel expressum cum dæmone, non causant effectum, ut per Sot. in 4. d. 15. q. 2. ar. 3. Graff. p. 1. lib. 2. cap. 5. nu. 12. 13. 16. 22. 24. & 31. Farinac. de heres. q. 181. an. 15. Floron. de casib. refer. cas. 1. q. maleficium nu. 8. Caren. p. 2. tit. 12. §. 5. & Bordon. tom. 1. cap. 18. num. 16.

Differt autem superstitio cum abusu rerum sacrarum ab aliis superstitutionibus, in eo, quod ubi res sacre admiscuntur in superstitutione, sive sint Sacramenta, sive sacramentalia, vel cætera supradicta, sive sint verba Evangelii, vel fidei symbolum, vel Pater noster, Ave Maria, Psalmus Davidicus, aut verba Sacræ Scripturæ, vel aliæ orationes, est superstitio, sive sortilegium qualificatum, manifestè de hæresi suspectum, & ad Inquisitores spectat ejus cognitio.

Si autem res sacre non interveniant, sed tantum media profana, ut characteres, aut verba aut alia signa, sive res, quæ nec Sacramenta, neque Sacramentalia, nec benedicta sint, tunc erit superstitio, sive sortilegium simplex, non hæreticale, nisi adsit pactum expressum cum dæmone; quia ratione pacti cum dæmone esset sortilegium vehementer de hæresi suspectum; sine autem tali pacto erat mixti fori jure antiquo, nisi ratione personæ ad Judicem tantum Ecclesiasticum pertineret,

Tom. I.

ut notavit Abb. in cap. 1. n. 3. & 4. de fortit. Castr. lib. 1. de just. heret. punit. c. 16. Clar. lib. 5. 11. hæresis n. 25. Jure autem novo per Constitutionem Sixti V. de qua alibi, excluditur Judex laicus à cognitione sortilegiorum etiam simplicium, ut per Scac. lib. 1. de judic. cap. 12. num. 53. Dianam p. 4. tr. 7. resol. 10. & Garenam d. tit. 12. num. 140.

Adhibens medicamentum naturale ad curandum morbum cum admixtione alicujus rei sacre vel sacrorum verborum, si iis utitur, tanquam circumstantia necessaria pro salute obtinenda, est superstitiosus, ac de hæresi suspectus, & S. Officio Inquisitionis denunciandus. Et similiter si ex illa admixtione, ac modo medendi sequeretur vel subito, vel citius, aut certius ipsa salus, quam ex solo medicamento naturali. Nam adest clarum indicium, dæmonem ibi occultè operari. Nullibi enim reperitur in S. Scriptura, nec per institutionem Ecclesiæ licitam esse talem admixtionem rei sacre, vel sacrorum verborum cum naturali medicamento, ut causet suum effectum. Quia nec sacramenta nec sacramentalia, nec sacra verba fuerunt, à Christo Deo tradita ad hujusmodi effectus producendum. Sed dæmones, qui nituntur hominum animos superstitutionibus implicare, usum talis admixtionis introduxerunt, ut res Deo dicata ac debita, sibi offerantur. Et ideo hic modus medendi est sortilegium hæreticale; necessariò denunciandum Inquisitoribus, ut tradunt Farinac. d. q. 181. n. 2. Pegna in direct. p. 2. com. 67. Testanturque Torrelli. de mag. lib. 2. cap. 49. n. 55. & seq. Delrius lib. 3. cap. 5. qu. 4. sect. 7. Carena. d. tit. 12. §. 5. n. 31. & 32. fuisse quendam condemnatum, ut negromanticum à S. Tribunali, quia cum recitatione verborum Consecrationis sanabat omnia vulnera.

Si verò adhibens medicamentum naturale uteretur rebus sacris, sive orationibus licitis, vel signo Crucis sine ulla vana circumstantia, sed ob veram devotionem supplicans Deum, ut medicamenta illa profint infirmis, non esset superstitiosus. Quia in tali modo medendi nil mali reperitur; immo est quid pium expectare per orationes à Deo effectum salutiferum ex naturalibus medicamentis, ut supra diximus.

Sic etiam qui nullum infirmo applicaret medicamentum naturale ad sanitatem consequendam, sed solas res sacras, vel preces, vel adjurationes, existimans per illas solas infirmum esse sanaturum, committeret superstitutionem, ac sortilegium. Nam certum est, quod ista nullam vim habent nec naturalem, ut patet, neque supernaturalem. Præter enim Sacramenta, quæ Christus instituit non habent sacra verba virtutem conferendi certò aliquem effectum, ac proinde illum conferunt operatione dæmonis. Secus verò dicendum si quis speraret hujusmodi effectum impetratoriè, ac per devotionem, ut per Delbenem p. 2. de offic. S. Inquis. dub. 228. sect. 12. & alios apud ipsum.

Pariter si quis utatur sacris verbis, rationem habens ad virtutem divinam, non est illicitum verbis illis incantare serpentes. Si verò quis credat, quod vis incantandi serpentes sit certis, ac determinatis verbis, nulla ratione ad Deum habita, sed quod certò ob illa verba serpentes incantentur, est superstitiosus. Quia verba illa non possunt esse causa naturalis illius effectus. Atque adeo sunt signa taciti alicujus pacti cum dæmone, ut docet D. Thomas 2. 2. q. 96. ar. 4. ad 2. ubi ait, quod plerumque tales incantationes habent illicitas observationes, & per dæmones sortiuntur effectum.

Simili modo si trina repetitio versus alicujus Psalmi ordinetur in honorem Sanctissimæ Trinitatis, & non à simplici recitatione, sed à Deo speretur salus, licita utique est. Secus verò si in ipsis nudis verbis expectetur salus, ut per Delrium p. 2. q. 4. sect. 3. Facundez ad 1. decal. præcept. cap. 27. nu. 10. Quia nuda illa verba ex se nullam habent efficaciam.

P. 2

Qui



Qui verò manus celeritate, vel arte, ut non percipiantur ab astantibus id, quod efficit, utitur verbis sacris non ad producendum effectum, sed ad illudendum astantes, non est superstitiosus, neque peccat mortaliter, secluso scandalo, & dummodo sacra verba non convertantur in ludibrium. Quia nullum adest in re hac ludicra demonis pactum, sed tantum hominis artificium joculari, ut per Valentium 2. 2. *disp.* 6. q. 13. ac Delben. *d. dub.* 228. *sect.* 8. *num.* 6.

Est tamen superstitiosum tribuere Angelis nomina illa Raguel, Tubiel, Adimis, Tuhas, Simihel, Uriel, Satriel, Jehudiel, & Barachiel. Quia tria sunt nomina propria Angelorum ex Sacra Scriptura nobis nota, nempe Michael, Gabriel, Raphael: Et ita fuit decretum in Concilio Romano sub Zacharia Papa ut refert Baronius 10. 9. *ad an.* 745. Unde supradicta nomina potius existimanda sunt nomina demonum, quam Angelorum, ait Carena p. 2. *d. tit.* 12. §. 9.

De nominibus autem Uriel, Satriel, Jehudiel, & Barachiel, dubitari potest, an sint Angelorum. Nam Uriel exponitur, *Ignis Dei*, Satriel, *oratio Dei*, Jehudiel *Laus Dei*, Barachiel, *benedictio Dei*: Refertque Cornelius à Lapide in *cap.* 1. *Apocal. num.* 4. quod B. Amedeo revelata fuerint nomina septem principiorum Angelorum, qui adsunt coram Deo inter alios. Unde Panormi adest Templum insigne, dicatum his septem Angelis, quorum nomina sunt Michael *Victoriosus*, Gabriel *Nuntius*, Raphael *Medicus*, Uriel *Fortis socius*, Satriel *orator*, Jehudiel *Remunerator*, & Barachiel *Adjutor*. Et Granadus in 1. p. 10. 3. *de Angel. tr.* 16. *disp.* 2. n. 3. testatur, Romæ reperiri in altari S. Mariæ Angelorum pictos hujusmodi septem Angelos cum iisdem nominibus, ac extare in eadem Urbe librum impressum Anno 1595. in quo leguntur eadem septem nomina Angelorum cum suis orationibus ad eos invocandum. Verum quia nomina ista ex Canonica aliqua scriptur nobis non sunt revelata, subdit Granadus ibi *num.* 6. oportere in publicis orationibus abstinere ab omnibus aliis Angelorum nominibus, præter illa tria recepta. Immo consultius est nullum aliud illorum nomen, etiam privatis precationibus usurpare. Id enim est magis conforme consuetudini Ecclesiæ, ac decreto Concilii, jam citati.

Verum quidquid antiquitus prætextu religionis in his irrepperit, hoc certum, hodie non extare in Ecclesia S. Mariæ Angelorum eas imagines, eaque nomina Angelorum: fuerunt enim iam pridem superiorum iussu omnia deleta. Idem desiderari in Angelis illis Panormitanis, si adhuc superiunt. Et tamen Philo Judæus de antiquitatibus Biblicis ait, quod Angelus qui apparuit matri Samsonis vocabatur *Phaduel*. Et Feracius lib. 1. *de abdit. rer. caus.* cap. 11. ait litteris se proditum accepisse, quod primi parentis Custos Angelus dictus sit *Raziel*, Abrahæ *Zachiel*, Israhac *Raphael*, Jacob *Pellet*, id est *mirabilis Dei*, Moysis *Metatron*. Verum hæc Cabalistarum sunt conjecturæ, vel commenta. Neque hoc mirum esse videtur, quia Magi aliquando Dei nominibus abutuntur ex Procopio in Leviticum apud Delrium lib. 1. *magi.* cap. 4. q. 4. ubi ait *Invocant Zabaoth*. Quid tum? Impiè hoc faciunt: Nam illam appellationem non Deo, sed demonibus tribuunt, & plerumque illi demoniaci usurpant nomina divina, dum ea imponunt demonibus, quorum ambitioni serviunt.

Advertendum est, superstitiosam omnino esse Chartulam, quam nonnulli pro doloribus viscerum gestare solent, in qua est scriptum nomen Pater, Balthasar, Filius Gaspar, Spiritus Sanctus Melchior. Sic quoque superstitio hæreticalis est deferre Chartulam collo apensam cum nominibus Gibeth, & aliis incognitis; Quia nomen istud est nomen demonis, ut ait Anania lib. 2. *de nar. demon.* cap. 61. Et delatio illi est signum reverentiæ, & alicujus adorationis Dæmoni exhibitæ; quemadmodum signum est reverentiæ, ac devotionis erga

sanctos eorum reliquias deferre. De superstitione Philæ, & Cribri ad inveniendum res furto ablatas, agemus in sequenti Consultatione.

Esse autem superstitionem, sed non hæreticalem illam quæ fit cum hostia non consecrata, super quam celebrata sit missa, opinantur Ghirlandus, *de sortil.* q. 10. n. 16. & 17. Torreblanc. *de mag. lib.* 3. *cap.* 8. n. 18. & Farinac. *de hæres. quest.* 20. n. 83. Quia non est abusus rei consecrata, neque Sacramentalis.

Delrius verò lib. 3. *magic. sect.* 13. ita distinguit. Si talis bene sentiat de fide, & non præbuit hostiam aliis adorandam, sed accessoriè tantum super altare ad magicos effectus posuit, erit tantum suspectus de hæresi. Si verò credidit, talem hostiam esse, ut consecratam adorandam, apertè erit hæreticus; Si autem non credidit, illam habere vim aliquam ad effectum magicum, non erit suspectus de hæresi, sed ab Inquisitoribus pœna extraordinaria puniendus.

Alii omninò tenent talem superstitionem esse hæreticalem, ut docent Scaccia *de judic. lib.* 1. *cap.* 12. n. 34. Soufa lib. 1. *aphor. cap.* 57. n. 11. Moura *de incarnat. opusc.* 3. *sect.* 3. *cap.* 5. *num.* 29. Bordon. *tom.* 1. *cap.* 18. n. 30. Carena p. 2. *de tit.* 12. §. 8. n. 53. & *sepp.* Nam in tali superstitione admiscetur res sacra, scilicet celebratio Missæ super hostiam, licet non consecratam. Ideoque est superstitio hæreticalis non propter hostiam non consecratam, sed propter Missam super eam celebratam. Si enim hoc faciens non intenderet derogare sacrificio Missæ, cur potius uteretur hostia, super quam celebrata sit Missa, quam alia, super quam illa non sit celebrata? Missæ igitur sacrificium per illam hostiam ordinatur ad superstitionem, & præsumitur, quod id faciens credat, illud vim habere, ad maleficium operandum. Hoc enim ipsum in facto demonstratur. Ac proinde est superstitio manifestè hæresim sapiens. Et ita refert Carena fuisse declaratum in Congregatione S. Officii Cremonensis die 25. Septembris 1638.

Alii tandem volunt quod sit sortilegium hæreticale manifestè. Quod ego verum puto, si in illa sicut fieri solet, sit impressa Crux, vel aliud signum sacrum, vel si utens utatur illa, quatenus est materia ordinata ad Eucharistiam conficiendam; aliàs non esset hoc sortilegium qualificatum. Quia hostia est materia de se indifferens ad alios usus, quam ad Eucharistiam.

Si verò super hostiam non fuerit celebratum, sed solum in ipsa scripta fuerint aliqua nomina, vel signa, vel commixta fuerit cum aliquo liquore vult Bordonus loco citato, quod vel sortilegium fuit ordinatum ad salutem, & ad bonum effectum, & non videtur sortilegium graviter de hæresi suspectus; quia censetur levis abusus. Si verò fuerit ordinatum ad maleficium, videtur graviter de hæresi suspectus; quia præsumitur credere hujusmodi media producere maleficium, eò quod pendeant quodammodo à sacrificio Missæ, cujus illa hostia est destinata materia.

Verum Carena loco etiam citato absolutè tradit, sortilegium cum hostia non consecrata, etiam si factum sit ad sanitatem, esse hæreticale. Quia sicut forma Sacramenti Eucharistiæ adhibita in sortilegio, ex communi sententia, reddit illud hæreticale, ita hostia non consecrata quæ est materia ejusdem Sacramenti, & quæ moraliter pro Eucharistia est destinata, & conficitur cum signo Crucis, & imaginibus sacris. Et quamvis aliquando aliquis ea utatur ad sigillandum litteras, id tamen est per accidens, & non tollit, quia hostia moraliter tantum pro Sacramento Eucharistiæ sit destinata, alioquin cur sortilegius hostiam potius, quam aliam rem eligeret? At ego cenſeo, ut modò dixi, & ad rationem ex paritate formæ cum materia Eucharistiæ, respondeo, quod forma est de se instituta ac determinata ad conficiendam Eucharistiam, non autem materia



ita quæ, ut dixi, est indifferens ad alios usus:

At quid de Prædictionibus futuris, quæ aliquando à morientibus fiunt?

Non esse vanam superstitionem eis præstare fidem, quia morti proximi sæpe futura divinant, cum Platone & aliis Philosophis ait Azor. p. 1. lib. 9. cap. 24. q. 6. & pluribus exemplis probat D. Gregorius lib. 4. dialog. cap. 27. & seq. concludens, quod aliquando exitura de corpore animæ per revelationem futura cognoscunt, & aliquando etiam vel anima subtilitate sua, ea quæ sunt futura cognoscit. Sic Jacob jam moriturus vocavit filios suos dicens Genes. 49. *Congregamini ut annunciem quæ ventura sunt vobis in novissimis diebus.* Moyses quoque cum mors sibi instaret, multa Israeliticis Tribubus prædixit. Nam si morituri varicinantur futura, quæ certas causas naturales habent, id faciunt, quia nonnunquam ea hora consopitis sensuum motibus, mens intrò magis se colligit, ac melius, & exactius res contemplatur. Quia vario, ac multiplici sensuum affectu neque perturbatur, neque distrahitur. Quare Augustinus 12. conf. ss. ait quòd anima humana, quando appropinquat ad mortem præcognoscit quædam futura subtilitate naturæ suæ, & cap. 12. super Genes. dicit, quòd animæ humanæ secundum quod à sensibus abstrahitur, competit futura prævidere. Hinc vulgò dicitur, quòd morientes, vehementer amantes, dormientes, phrenetici, rapti futura nonnunquam divinant.

Non erit ergo supersticiosa & vana observatio futuri eventus prædicti ab eo, qui proximus est morti, neque illi præstare fidem.

Et quidem de hac animæ facultate extat exemplum apud Homerum in *Iliad.* lib. 21. ubi introducit Patroclum morti proximum ad divinandum id quod evenitum sit de morte Hectoris, sequens opinionem Zoroastri, qui credidit, quòd anima corpore inclusa, & morti proxima, haberet scientiam futuri, cum jam inciperet se liberare à vinculis vehiculi, quòd Platonici Ottracum appellant, se recipere ad vehiculum æthereum, & cæleste. Eustathius quoque exponens Homeri locum scribit, esse antiquorum doctrinam, quòd anima soluta à corpore, ac proxima naturæ divinæ, divinat. Et aiunt quòd Artemon Milesius in libro de *sonnis* scripsit animam in se à corpore receptam, evadere in iudicando penitus divinam. Et Plato in *Apologia Socratis* ait: Jam devenitum est quòd solent homines divinare, id est, quando sunt morti proximi. Idemque Eustathius obiervat etiam in lib. 22. *Iliadis*, Hectorem, morti proximum prædicere mortem Achillis. Ac Tullius lib. 1. de *divinat.* sic ait: *Divinare autem morientes etiam illo exemplo confirmat Possidonius, quòd assert, Rhodium quandam morientem sex æquales nominasse, & dixisse qui primus eorum, qui secundus, qui deinceps moriturus esset.*

Hæc opinio, ut dixi, traxit originem à Zoroastro, qui postea sequuti sunt Plato, ejusque sequaces. Et quanquam sit falsa, cum anima nostra recipiat perfectionem à corpore, ut definivit Concilium quintum Constantinopolitanum, & tradunt Aristoteles & Peripatetici multis in locis. Satis tamen fuit pro stabiliendo credibili poetico, quòd eam docuerint Zoroaster, aliique Persæ Magi, qui mentionem faciunt de vehiculo æthereo, quòd ab ipsis dictus ignis splendidus, & de Vehiculo ottracæ, quòd vocarunt corpus materiale. Unde Porphyrius in libro de *abstinentia à cibo animalium*, exponens hæc Zoroastri sententiam, vult, illum docere homines, quomodo agere possint, ut in hac vita utantur sensibus, qui fundantur in vehiculo æthereo, ut scilicet purgetur, quòd fieri possit, anima à contagione hujus corporis per abstinentiam, quæ talis esse debet, quæ sufficiat ad illud in vita sustinendum. Videatur Simplicius in commento 27. in 2. de *cælo*.

Homerum imitatus est Virgilius lib. 10. *Aeneid.* ubi

Tom. I.

ducit Orodem morti proximum, qui divinat Mezentii mortem.

*Ille autem expirans, non me, quicumque es, inulto  
Victor, nec longum latabere, te quoque fata  
Prospiciant paria, atque eadem mox arva tenebis.*

Et libro 4. introducit Didonem, morti etiam proximum, quæ sub specie imprecationis divinat mortem Aeneæ, odium inter Carthagenenses, & Romanos, & bella, quæ gerere debebat Annibal contra Romanos. Virgilius imitatione expressit, etiam in hoc, sicut & in aliis plerisque Torquatus Tassus qui in *sua Hiernsalem* inducit. Ariadenum, morti proximum, ita loquentem de futura morte Argilani cantu 9.

*Non tu (chiunque sia) di questa morte  
Vincitor lieto, havrai gran tempo:  
Pari destin t'aspetta, e da più forte  
Destra a giacer mi farai steso a canto.*

At nihilominus rem hanc ita definio. De divinatione animæ multiplex est modus dicendi. Philosophi enim naturales aiunt, quòd hujusmodi divinationes fiunt quandoque per impressionem causarum superiorum corporalium. Manifestum siquidem est, quòd corpora superiora imprimunt in corporibus inferioribus. Unde cum vires sensitivæ sint actus corporalium organorum, sequitur quòd ex impressione cælestium corporum immutetur quodammodo phantasia; cumque cælestia corpora sint causæ multorum futurorum, fiunt in imaginatione aliqua signa quorundam futurorum. Hæc autem signa magis percipiuntur per noctem dormientibus, quam à vigilantibus per diem. Nam, ut inquit Philosophus, lib. de *sonno & vigil.* quæ deferuntur de die, dissolvuntur magis. Aer enim nocturnus non ita turbatur, quia silentiores sunt noctes, & in corpore magis sentiuntur à dormientibus, quam à vigilantibus. Hi autem motus faciunt, ut prævideantur futura.

Secundus modus est Alberti Magni in *com. lib. de somn. & vigil.* dicentis, quòd sicut lumen radiorum stellarum, communicatum elementis, causat in elementis quandam virtutem activam ad multos effectus, quos elementa per se producere non potuissent, sicque elementa sunt instrumenta stellarum, ita etiam cælestes intelligentiæ, id est Angeli, organis nostris purificatis influunt intrinsecas virtutes, quibus ea, quæ fiunt à remotis, & futura sæpius divinantur, quòd fieri solet in aurora, quando, digestionem completa, fumi à stomacho ad cerebrum non ascendunt.

Communis ac tertius dicendi modus est Theologorum, asserentium, quòd revelationes, ac divinationes animarum aliquando procedunt ex naturali dispositione, interdum demonum demonstratione, nonnunquam revelatione Divina. Primo modo quando anima morti proxima præcognoscit quædam futura subtilitate naturæ suæ. Quòd non est intelligendum, quasi anima ex natura sua vim aliquam habeat divinandæ. Nam modus naturalis cognoscendi animæ conjunctæ est per cognitionem à sensibus. Dicitur autem anima morti proxima divinare, ac præcognoscere futura, quia cum ipsa abstrahitur à corpore, & à corporis sensibus, aptior redditur ad percipiendum subriles motus, & influxum, vel divinum vel substantiarum separatarum, vel corporum cælestium.

Secundo fiunt quandoque hominibus revelationes ex cælestium corporum impressione, ut dictum est supra ex Philosophis.

Tertiò fiunt ex demonum admonitu. Cum enim intellectus demonum sit superior ex ordine naturæ intellectu humano, quædam cognoscunt etiam sua naturali cognitione, quæ sunt remota ab hominum cognitione, & talia possunt hominibus revelare, ut alibi dicemus. Quædam revelationes fiunt ex divina inspiratione, sicut dicitur Dan. 2. *est Deus, qui revelat mysteria de cælo.*

P 3.

Revela



Revelat autem Deus secreta sua hominibus sive per seipsum, sive per Angelos suos multis modis. Per somnium, pervisionem, per oraculum, per mentis illustrationem, & per mentis excessum. Per somnium cum dormiendo aliquid revelatur nobis. Per impressionem formarum imaginabilium, & illud, quod revelatur, regitur figuris, & velatur imaginibus, ut cum Jacob dormiendo scalam vidit *Genes. 28.* Visio est, cum in vigilia aliquid revelatur per impressionem formarum imaginabilium, & eo ordine eveniunt, quo apparuerunt, sicut visio Isaie. de qua dicitur cap. 6. ejusdem. *Vidi Dominum sedentem super solium excelsum.* Et visio Danielis super hebdomanibus. Oraculum est, cum in somnis Christus, vel Angelus, Pater, aut Mater, vel aliquis Sanctus aliquid aperte venturum, vitandum, vel faciendum denunciat, cuiusmodi fuit somnium Joseph *Matth. 1.* & somnium pincernæ Pharaonis. Et oraculum non indiget interpretatione, si fiat doctis, sicut fuit Joseph, vir Mariæ, & Lucianus, cui apparuit Gamaliel. Si autem fiant indoctis indigent revelatione, sicut illud pincernæ, quod Joseph interpretatus est, dicuntque somniorum interpretes quod oraculis præstanda est fides, si non sint illusiones demonum, quas sancti viri, ut ait Gregorius in *dialogis*, intimo sopore discernunt. Meatis illustratio est, ut inquit Isidorus 3. *etymol.* plenitudo Spiritus Sancti, per quam Deus Apostolis revelavit secreta sua secundum illud Apostoli: Nobis autem revelavit Deus per Spiritum sanctum & *Act. 2.* Repleti sunt omnes Spiritu Sancto. Quibusdam autem revelat Deus secreta sua per mentis excessum, sive per extasim, aut raptum. Hoc modo vidit Petrus vas submissum e cælo cum variis animalibus *Act. 10.* & talis fuit extasis, sive sopor Adæ. Revelat denique Deus secreta sua per sensibilibus signorum expressionem, sive per rem corpoream extrinsecus apparentem, sicut Moyse per nubem loquebatur Deus; vel per vocem exterius sonantem, sicut Abraham insonuit, dicens: Ne extendas manum tuam super puerum *Genes. 22.* sive per parabolam mysticè significantem, hoc est per vocem quali hominis formatam cum similitudine alicujus rei, sicut Balaam *Num. 23.* accepta parabola, ait. &c.

Ad Augustinum autem, Gregorium, & alios, qui videntur tenere divinationes inesse animæ à natura, respondeo cum D. Thoma p. 1. q. 86. quod Augustinus loquitur non assertivè, sed recitando opinionem Platonis, qui posuit, animum accipere cognitionem rerum secundum participationem idearum, quam participationem melius recipit abstracta à corporis sensibus, scilicet dormiendo, aut in morte. Gregorius etiam non intelligit divinationem inesse animæ à natura, sed per revelationem, ut dictum est.

Non esse autem superstitiosum adhibere filum, digitis appensum, à quo pendeat lapillus, sive annulus intra vas vitreum ad pullandas, & dignoscendas horas, refert Tamburinus lib. 2. in *decalog. cap. 6. §. 1. num. 39. & 79.* ex Cardinali de Lugo, qui dum publicam lectionem Auditoribus dictaret, narravit, se in Hispaniæ sapissime hoc fili artificio usum feliciter fuisse, ratus, vera esse, quæ ab ipsa pueritia didicerat, motus scilicet pulsus, & cælestis alicujus constellationis occulta vi, eos horarios ictus in lateribus vasis edi.

At nihilominus tenendum est, id esse superstitiosum: Quia constat non ex vi nature, sed ex demonis pacto id fieri, ut tandem experientia doctus, dum in Italiam commigravit, idem Lugo oppositum docuit, quem postea sequutus est idem Tamburinus *loc. cit.* ubi tamen ait, quod non excedat veniale, si quis semel aut iterum vellet experiri curiosè quid accidat. Quod tradit etiam Tancredus ex Suarez, Sancio, & Bonacina apud ipsum Tamburinum. Ego autem cenfeo, quod motus, quo annulus tarcoidem habens, & ex filo perpendiculari pendens horas ad vitri latera pulsus in-

dicat, si propter tenentis manus, quod puro, non fiat, demonis opera perficitur. At de his satis superque diximus. Pellantur impiæ istæ, penè aniles observationes, vix enim dignæ sunt lucubratione anicularum. Sit propterea disputatio gravis.

## CONSULTATIO LIII.

*An Gemma & lapides vires, & facultates habeant? & Quinam effectus naturales, non autem superstitiosi, & magici ab eis fieri possint, qui non?*

Quod ad primum, Multi ineprè existimant, gemmas nullas prorsus habere vires. Alij illis tantum elementales facultates concedunt, ut calefaciendi, refrigerandi, humectandi, siccandi, astringendi, inducendi, extenuandi, incrassandi, obstruendi, aperiendi, exedendi, & similes, quæ ex iis sequuntur, atque à materiæ constitutione, & temperamento proveniunt. Alii rursus peculiare quoddam facultates à forma & essentia manantes singulis tribuunt gemmis, per suasi magnetis exemplo, qui ferro uniri, & ad terræ plagas suas accommodare cupit. Alii supranaturales vires, & facultates gemmas habere volunt à cælo, quas neque materiæ, neque formæ adscribi possunt.

Nullas prorsus habere gemmas, & lapides vires insanum est affirmare, & contra omnem experientiam, & propterea longiorem confutationem non meretur. Habere autem ab elementis, materia, & essentia, seu forma vires, non solum magnes, & succinum, sed hematites, jaspis, alique lapides experientia certissima convincunt. De supernaturalibus virtutibus major est difficultas.

Complures enim sunt, qui habere negent. Supernaturales voco non solum eas, quæ ab ordinariis naturæ instrumentis fieri non possunt, ut invisibilem aliquem facere, quæ facultas ophthalmo, aut solem obscurare, quæ heliotropio tribuitur, sed eas omnes, quas natura ignorat, aut quæ à rebus inanimatis fieri non possunt absque rerum animatarum consensu, aut ope. Tales sunt eloquentem, pauperem, acceptum omnibus, divitem, fortunatum, tutum & securum aliquem facere.

Alii è contra hujusmodi vires à gemmis effici approbante id experientia, existimant, ac præcipue exemplo adamantis, quem Pontifex Sancta Sanctorum ingrediens gestabat in pectore, ac colorem æreum si Judæi contra Deum peccarent in nigrum converterebat. Item smaragdi, qui adulteria prodit, & turocidis, quæ casus periculum excipit.

Sed, ut veram sententiam asseram, per gemmas sæpe admiranda facta fuisse non nego; à gemmis tamen, tanquam mixtis naturalibus, non nisi naturaliter effici posse, assero. Si supernaturale quid per gemmas, aut lapides fiat, aut naturale, quod tamen à gemma, vel lapide fieri posse, doctis non videtur, quia connexio causæ cum effectu nulla probabilis inveniri potest, id non gemmis, vel lapidibus, sed alteri causæ occultæ, vel supernaturali videlicet asserendum est, quæ idem per quodvis subiectum agere potest, si vult.

Causa supernaturalis, & agens est Deus, Angelus bonus, & malus. Bonus Dei voluntate, malus Dei permissu. Nam astra, à quibus supernaturales in gemmas facultates secundum multorum opinionem mixtuntur, nihil contra naturam efficere, nec animantium voluntatem, & libertatem inclinare, aut cogere ad aliquid agendum, nec gemmis dare, quas ipsa non habent, facultatem, possunt. Divitiarum, & castitatis donum, quod non habent, & natura ipsa ignorat, quo pacto gemmis dare, ut id hominibus imperiantur, non video; cum divitiarum nihil aliud, quam



ius quoddam sint possidendi, & ens nullum, easque hominis consensus faciat, & non natura, quæ sua omnibus hominibus æq; communicat. Castitatem in conjugio, aut adulterio cognoscere stellas, eamque facultatem smaragdo tribuere, ut adulteria sentiat, & prodatur, tam est absurdum quam bovem à curru trahi. Adulteria enim, quæ propter legem talia sunt, quemadmodum castitatem, omnesque virtutes & vitia, quæ ab animatis tantum noscuntur, natura ipsa prorsus ignorat.

Effectus itaque omnes, qui à gemmis fiunt, ab eis, tanquam causa, fieri debent. Nam qui ab alia causa fiunt, licet interpositis, vel adhibitis gemmis, ab eis ineptè effici dicuntur. Divitiarum causam videmus industriam, artificium, ingenium, fortunam, & casum fortuitum. Adulterij verò impietatem, ebrietatem, corruptos mores, securitatis prudentiam, amicitiae modestiam, liberalitatem, & comitatem, inimicitiae iram, superbiam. Cur itaque dum manifestas istorum causas habemus, eas in stellis, & cælo quærimus, & gemmas, quæ causæ non sunt, causas facimus?

Deinde effectus, qui contra naturam sunt, nunquam à gemmis, tanquam causis, producti censerī debeat. Aliquem invisibilem reddere contra naturam est. Quia omne corpus opacum, quale hominis est, visum terminat, & proinde inconspicuum esse non potest. Futura contingentia præscire contra naturam est. Non potest propterea gemma causa esse ut effectus, quorum causa incerta, & nulla adhuc est, antecausam genitam præsciatur. Absurdum itaque est, si quis invisibilis, adhibita gemma, fiat, ut de Gygis annulo legitur, vel si quem futura divinaisse exitus rei approbet, id gemmæ adscribere.

Sed multi, ut has supernaturales vires gemmis inesse, & à cælo, stellisque accepisse probent, experientiam allegant, quam refelli non posse putant.

Verum operæ pretium hic est declarare, quid necessarium sit, ut quis experientia niti possit. Dum aliquid experientia, quæ nihil aliud est, quam ejusdem rei sæpius, & eodem modo facta observatio, probatum volumus. Imprimis tria observare debemus, quæ necessariò concurrere debent, ut nos certos reddant, effectum ab illa causa, quam putavimus, productum esse. Primum est, si effectus ab illa causa, quam veram existimamus sæpe factus fuit, & propriè, non per accidens. Secundum, si nulla alia causa fuerit præsens, à qua effectus fieri potuisset. Tertium, si naturæ non repugnet, neque absurdum sit, talem effectum à tali causa proficisci.

Primum requiritur, quia si effectus quispiam semel, bis, terve solummodò fiat, vel ignoratur, vel non probè dignoscitur causa ipsius. Deinde propriè, & non per accidens effectus fieri debet, alias quod alteri debetur causæ, gemmæ, vel lapidi tribueretur. Secundum etiam necessarium est. Quia non semper, quod præcedit, aut præsens est, ejus, quod sequitur causa est, ut nec novilunium causa est eorum omnium quæ post novilunium contingunt. Nec Sol cum luceat, causa est actionum humanarum, quæ in ipsius lumine peraguntur. Si itaque aliquid mihi contingat, dum gemmam, aut lapidem apud me habeo, & aliud quiddam præsens sit, in quod causa effectus verisimilis rejici possit, gemmæ non statim effectus adscribendus est. Tertium etiam desideratur, videlicet, ut non repugnet naturæ, effectum talem, aut talem à gemma, vel lapide fieri posse. Repugnat autem naturæ, ut dixi, aliquem invisibilem facere, & futura præscire, atque adeo id à gemmis fieri non posse credendum est.

Falluntur itaque facilè, ac sæpe ingenia crassiora, dum id, quod per accidens fit, propriè fieri putant, dum id, quod post aliud, aut præsentem alio fit, ab eo

quod præcessit, vel præsens est, fieri autumant. Et dum id, quod ab aliquo fieri nullo modo potest, fieri posse opinantur. Hi errores in gemmis multum committuntur. Nam gemmarii, ut eas caro pretio vendant, miras virtutes, facultates, & effectus illis tribuunt, easque mirum in modum prædicant, quas dum observant emptores, & sequi, prout promissum fuerat, animadvertunt, etiam si casu vel ab alia causa fiant, nihilominus tamen à gemmis, & lapidibus fieri arbitrantur.

Magnetem unionem ferri appetere, sardam, vel corneolum, vel jaspidem rubrum sanguinem, etiam è vulneribus fluentem, sistere, experientia probatur, eæque illis facultates, non à materia, & elementorum crasi, sed ab essentia, & forma proveniunt, quæ non solum propterea occultæ meritis dici possunt, sed quia causa, etiam efficiens harum facultatum non minus quam essentia homini prorsus ignota est. Probantur autem prædictæ facultates experientia gemmis & lapidibus illis inesse, quia singula illa tria, quæ requiruntur ad certam experientiam, adsunt. Nam magnes propriè & non per accidens, aut propter aliud, quam propter se ferro uniri cupit, ac semper, cum non procul à ferro est, unionem appetit. Deinde dum appetitus iste magnetis observatur, nulla res alia præsens unquam deprehensa est, talem appetitum habere. At tertio absurdum non est, & contra naturam magnetem unionem ferri appetere; quia natura gaudet similibus, & similia appetit. Similis autem est magnes ferro, quia in ferri fodina reperitur, vel ferri fodina est. Immo ferrum eandem, sed obscuriorem habet in se, quam magnes facultatem. De corneoli, jaspidis rubri, & hæmatitis facultate, quæ sanguinem sistit, idem asseri potest. Semper enim sistunt, nisi vehementior, & nota causa prohibeat. Deinde nihil aliud præcessisse aut præsens esse animadvertitur, à quo ille effectus fieri potuerit; & tertio contra naturam non est sisti sanguinem, quem natura ultro sæpe retinere satagit.

Quod autem experientia approbet interdum per gemmas, aut adhibitis gemmis supernaturalia fieri, ut adulteria prodi ruptura smaragdi, aut casum, & pericula innoxia fieri ruptura turcoidis, non inde inferendum est, illa à gemmis, tanquam causis, fieri. Quia, ut dixi, à gemmis tanquam causis, non nisi naturales effectus produci possunt, qui vel à temperie, materia, forma, aut essentia illarum proveniunt. Reliqui effectus, qui contra naturam sunt, illisque adhibitis, fiunt, supernaturalem habent causam, Deum, Angelum bonum, vel malum.

Adamas, quem summus Pontifex apud Judæos in pectore gestabat, dum Sancta Sanctorum ingrederetur, colorem æreum habebat, qui cum Judæi contra Deum peccarant, colorem æreum in nigrum mutabatur, non propria facultate, sed Dei voluntate, quæ sola causa sufficiens & mutans colorem fuit. Quod autem Deus per se facere potest, hoc etiam per ministros, Angelosque bonos, qui singulari Dei beneficio, & ad hominum conservationem sese gemmis insinuare possunt, ac homines à periculis conservare, vel gratia aliqua afficere peculiari. Verum, ut nihil certi de Angelorum in gemmis præsentia affirmare licet, ita etiam hujusmodi gemmis fidere, ac nimium tribuere, placet imprimis dæmoni, qui se in lucis Angelum transformatur, & in gemmularum corpus insinuat, ac per illam mirè operatur, ut quis non Deo, sed gemmæ fidat, ac ab eo habeat, quod à Deo impetrare deberet. Ita fortassis nobis imponit per turcoideum, ut paulatim doceat, non à Deo securitatem, sed à gemma petendam esse.

Quod ad secundum. Licet nonnulli effectus, qui à gemmis fieri possunt, vel non obiter supra ostensum



fit, quia tamen brevis obfcuritatem parere folet, ac propter multorum errores gemmis nimis magnæ vires, quàm par fit, tribuuntur, idèò neceffarium videtur, paulò fufius demonftrare, quinam effectus à gemmis, & qui non fieri poffint. Id, ut commodè ac diftinctè fiat, oportet, omnia effectuum genera, quæ in hoc Univerfo fiunt, perpendere. Sunt autem quatuor.

Primo genere continentur illi effectus, qui perfectione vires caufarum naturalium fuperant. Talis eft igni vim calefaciendi auferre, hominem invifibilem facere, &c. Nulla enim caufa naturalis efficere poteft, ut ignis ardeat abfque calore, ut nec aliqua, quæ corpus opacum, & non perfpicuum, aut tranfparens, nullo præfente impedimento inconfpicuum reddat.

Secundo genere continentur effectus, qui etfi quidem vires naturalium caufarum non excedant, modum tamen, quo caufæ naturales ex præfcripto à naturæ ordine utuntur, fuperant. Talis fuit effectus dum ex Virgine Matre natus fuit Salvator. Naturaliter enim ex muliere procreatur homo, fed non fine viri adjumento. Modus itaque generandi hic fuit non naturalis. Hæc duo effectus genera à solo Deo, vel à demone, Deo permittente, fieri poffunt.

Tertio genere continentur illi effectus, qui naturalium caufarum effectricem non excedunt, fed modum tantum, quo ordinariè ad efficiendum applicantur, non fervant. Talis effectus eft, dum ex argento Chymica arte fit aurum, aut dum arbor pomifera propter ramufculi pyri initionem pyra fer. Hi à voluntario agente fiunt.

Quarto genere continentur illi effectus, qui à caufis naturalibus fieri poffunt, ac eo modo, ut ipsis quatenus ordinariè ad agendum applicantur, effectus refpondeant. Tales fiunt dum pluvia à vaporibus generantur, dum glacies à Sole in aquam folvitur, dum homo à mafculo & fœmina generatur, & infiniti alii, qui ordinariè quotidie efficiuntur.

Hæc quatuor genera effectuum à gemmis effici poffe nonnulli credunt autores. Nam Albertus Magnus invifibilitatem heliotropio, & ophthalmio attribuit, qui tamen effectus à caufa nulla naturali effici poteft. Idem autor heliotropium Solem obfcurare tradit. Qui effectus, etiamfi naturaliter nubis interjectu fieri poffit, ab heliotropio tamen in aquam injecto, id fieri non poteft. Iterum alij putant jafpidem, Sole Scorpionem ingrediente, figura Scorpionis fculptum, calculum curare. Item alias gemmas certis conftellationibus fculptas varias facultates fufcipere, talesque quæ mixtis inefle poffunt, fed quas gemmæ tamen non haberent, nifi fculptæ, obfervato certo tempore effent.

Quarti generis effectus à gemmis effici poffe, nemo unquam dubitavit. Hi enim à forma, materia, vel effentia gemmarum promanant, tales fiunt exiccare, calefacere: & quicunque à materia elementalī, ejuſque temperie, forma, & effentia proficiſcuntur.

Omnia iſta effectuum genera, quia à ſuis cauſis fiunt, neceſſarium eſt, ut dum à gemmis effici putantur, illæ cauſæ ſtatuantur. Cauſæ autem ſunt quadruplices. Efficiens, formalis, materialis, finalis. Efficiens cauſa propriè eſt, ad cujus eſſe ſequitur eſſe alterius totaliter ab ipſa diſtinctum, plerumque ita, ut cauſa ſit in alio ſubjecto quàm in quo eſt effectus. Cauſa formalis, & materialis extra ſubjectum, in quo ſit effectus nunquam ſunt. Cauſa finalis propriè cauſa non eſt, ſed tantum analogia; quia tantum eſt intentionalis, non realis.

Quia itaque gemmæ diſtinctæ ab effectibus ſuis ſunt, & nunquam in gemma, ab ipſa procreatus effectus apparet, neceſſario gemma effectus à ſe geniti, efficiens cauſa eſſe debet. Cauſa porro efficiens alia

agit ex determinatione naturæ, alia ex voluntate libera. Quæ agit ex determinatione naturæ, & incorruptibilis eſt; nam aliqua ſunt corruptibiles quæ deficere poſſunt antequam effectus fiat; aut ab extrinſeco non impeditur, omnibus neceſſariis ad agendum poſitis, ſtatuto tempore ſine intermiſſione, effectum ex ſe prodiſt. Quæ agit ex voluntate libera, ut Dei, demonis, vel animantis, omnibus neceſſariis præſentibus, & nullo interpolito impedimento, nihilominus poteſt actionem ſuſpendere ita, ut, poſitis omnibus requiſitis, effectus non ponatur neceſſario.

Si itaque gemmæ cauſæ efficientes ſint, vel naturales erunt, id eſt agentes ex determinatione naturæ, vel agentes ex voluntate libera. Verum quia voluntatem nullam habent, ſequitur eſſe efficientes cauſas naturales, & ex ordinaria naturæ determinatione, & præterea effectus ab iis productos etiam eſſe naturales, non ſupernaturales. Quia cauſa naturalis non niſi naturales effectus producere poteſt. Propterea quod omnis cauſa efficiens in ſe perfectionem effectus producendi vel virtute, vel formaliter continere debet. Is effectus, ſi præternaturalis ponatur, ejuſque perfectionem in ſe cauſa aliqua continebat, illa non naturalis, ſed præternaturalis erat. Cum illæ ſupernaturales dicantur, quæ effectus ſupernaturales produciunt.

Quia igitur eadem cauſa reſpectu ejuſdem effectus & naturalis, qualem eſſe poſui, & non naturalis eſſe non poteſt, manifeſtum & clarum eſt, à gemmis, quæ tantum cauſæ naturales ſunt, ſupernaturales effectus produci non poſſe; ac ob id quicunque ab illis effici ſupernaturales putantur, aut per ipſas fiunt, non ab ipsis, ſed ab efficiente libero, Deo videlicet, vel demone fieri. Homo ſiquidem ſupra naturam nihil efficere, niſi Dei, vel demonis ope poteſt, licet instrumentum ſit, ut miri aliquid fiat, dum videlicet applicat efficienti naturali materias, quas natura nunquam, aut rariffimè jungit. Hoc enim modo efficit, ut natura etiam producat id, quod nunquam, aut rariffimè ſola produceret, quemadmodum arbores, quæ diverſi generis fructus propter initionem, quam homo facit, ferunt, oftendunt. Deo omnes illi effectus præternaturales, qui per gemmas, aut lapides fiunt, adſcribi poſſunt, qui referuntur ad manifeſtandam ipſius ſapientiam, potentiam, & reliqua, quæ illi, ut Deo, adſcribenda ſunt, ut hac ratione, cultus ipſi debitus in animis hominum excitetur. Ita aquæ effluxio ex petra, & lapide ſiccò in deſerto, tanquam ſupernaturalis effectus, Deum habuit autorem, & cauſam efficientem ad manifeſtandam ipſius potentiam, & confirmandes homines in vero cultu & religione. Sic etiam per adamantem, quem Summus Sacerdos inpectore geſtabat, potentiam, & iram ſuam Deus, mutando illius colorem ſignificabat, quæ certè coloris mutatio à naturali nulla cauſa fieri potuit, ut poſtea apparebit, ubi naturalis cauſæ notionem docebo.

E contra demoni, tanquam cauſæ efficienti, omnes illi effectus tribuendi ſunt, qui prudentia vera judicari poſſunt ad vanitatem, peccatum, idololatriam, lucrum, vel alias res obtinendas, quæ à Deo ſolo petendæ ſunt, pertinere. Demon enim per gemmas facit, & dat, quod à Deo ſolo dari, vel fieri debet, idque, ut paulatim hominum mentes à Deo avocet, etſi non ipſe ſaltem vilis creatura colatur, effectus obtinendi gratia, Deoque hac ratione debitus cultus minuatur, & auferatur. Deinde ut hoc modo ille facile, tanquam per gradus hominem ad maleficam ducat magiam. Dum enim quis huiusmodi effectus miratur, & gemmis inefle putat, etiam figuris, verbis, aliisque nugis inefle credit, ac earum viribus mirifica, & ſupernaturalia effici demonibusque imperari poſſe aurum. Quod dum animadvertit Satan, facile orationibus



tionibus se cogi ad servitia posse simulat, & vocatus imperio parer, miraque, si cum illo pactum injatur, promittit, idque solum, ut decipiat credulum, & irretitum illaqueet, suumque faciat. Nam promissa non solum non servat, sed dominum suum de salute, gratiaque & misericordia divina desperantem facit, ac ad neces aliorum hominum, & maleficia, etiam verbis cogit, illique imperat, & ad judicia tractum contra omnia promissa, & pacta deserit, ac fori secularis judicio crematum, gehennæ perpetuo igne cruciat. Hic finis, si æternitas finis, societatis, aut imperii est.

Verum non solum prædictis modis per gemmas spiritus nequam mira operatur, sed etiam naturalia & verisimilia, ut prudentiores decipiat. Quod facit duplici modo. Primo si quis gemmam superstitiosè certis caeremoniis adhibitis, habeat, gesserit, aut annulo includi curet. Sive illa Deo tantum debeantur, quod pejus est, sive nihil ad rem spectare videantur. Hujusmodi caeremoniæ Turcoidi adhibentur, quam putant aliqui casuri hominis casum in se suscipere, si dono data fuerit; nam alias nihil efficere posse credunt.

Secundo modo dum quis causas ex se insufficientes animo tali quis applicat, ut demonis auxilium expectet spectet aut desideret. Primo dicto modo, licet demonis auxilium neque expectetur, neque desideretur, attramen demon facile per gemmam operatur, ut doceat gemmis confidere, & ut dixi, tanquam per gradus ad magiam maleficam hominis mentem ducat.

Primus gradus magiæ est, dum naturale quid sit, adhibitis mediis inconsuetis, & quæ nihil ad rem facere possunt. Ut cum quis leporis capturam prohibet, inverso lapide aliquo, qui in via jacet.

Secundus gradus, dum naturale quid sit, adhibitis iis, quæ tantum ad honorem divinum spectant, ut sacra sunt. Ut dum quis, sacrificante Sacerdote Crucem ex ligno fabricat ad febres sanandas. Hic enim superstitionis gravis committitur, nisi quis demonis opem detestetur, & precibus à Deo juvari, non confidens figuræ, materiæ, vel tempori, petat. Nam omnes circumstantiæ ac ritus ab Ecclesia Catholica non permittuntur, rebusque ad effectus obtinendos adhibitis, superstitionem faciunt. Quæ si effectum pariat contra consuetum naturæ ordinem demonem habet causam efficientem.

Tertius gradus est, dum quis supernaturale quid facit, adhibitis orationibus piis, aut rebus sacris, sed adjunctis caeremoniis, quæ nihil ad rem faciunt, & ab Ecclesia non sunt approbata.

Quartus, dum quis naturale, aut supernaturale opus efficit, expectans, vel desiderans tacite demonis auxilium.

Quintus, dum quis expressè ipsius auxilium petit.

Sextus, dum quis cum illo paciscitur, & se illi devovet, Deumque ac omnes creaturas abjurat, qui certe gradus, scopus est demonis, ad quem per gradus prædictos paulatim pervenitur.

Sed, non solum, ut hactenus ostensum est, supernaturales effectus à gemmis fieri non possunt naturaliter, verum etiam multi naturales. Quia, ut naturaliter à causa naturali efficiente propria, & propinqua effectus naturalis producat, multæ conditiones necessariae requiruntur.

Prima est, ut subjectum aliquod sit præsens, quod effectum ab efficiente productum recipiat.

Secunda, ut certa latitudo distantiae sit inter efficiens & subjectum, ex quo effectus est producendus, ita, ut extra illam distantiam non possit effectum producere, quemadmodum neque Sol regiones circa Arcticum Polum sitas ita calefacere potest, dum in tropico Australi hæret, sicut facit, dum circa Cancræ tropicum versatur.

Tertia conditio est, ut spatium inter causam, & effectum sit plenum, id est continuum, non solum quia vacuum non datur, sed quia res naturales plenitudinem, vel conjunctionem immediatam inter se requirunt, ut in se mutuo agant, & sic perfectionem consequantur. Nam quæ mediata in subjectum agunt, tantum sunt causæ per accidens non efficientes. Agentia siquidem duplicia sunt. Alia mediata, alia immediata. Immediata rursus duplicia. Alia immediata immediatione virtutis, quæ nempe producant effectum virtute sibi naturaliter ingenta, quomodo ignis respectu caloris, quem producit, est agens immediatum. Alia sunt immediata immediatione suppositi, illa nempe, inter quæ & effectum nullum intercedit aliud agens, cui vim suam communicent.

Quarta conditio est, quod causa efficiens, seu agens immediatum immediatione suppositi, non possit agere in subjectum ab ipso per medium corpus distans, sive distans. Distans autem inter se dicuntur, inter quæ medium est corpus extensum ita, ut à neutro eorum penetretur. Nam si ageret, agentia absque continuatione ac plenitudine agerent. Quod est absurdum. Si itaque inter causam, & subjectum corpus aliquod medium sit, id debet suscipere virtutem agentis, vel sinere, ut virtus permeet ad subjectum. Ita aer medius inter Solem & terram lumen Solis transmittit, ut terram illuminet, calefaciat, & fructus producat. Corpus verò opacum impedit, ne lux permeet. Corpus medium interjectum virtute agentis in se recepta alterari posse, est necesse. Sed illam virtutem non oportet semper, & omnino esse eandem, qua subjectum proximè ad effectum producendum immutatur. Quia nempe Sol, cum calorem in terra excitat, illum prius aëri imprimit, ut media aëris regio frigida ostendit. Nec similem etiam necesse est virtutem esse prorsus ei, quam agens ipsum impressam continet, sed potestate imitari debet utramque, & talis esse præterea, quæ veluti actio agentis in subjecto extrinseco existens, præsentiam agentis desideret, & quanto eidem est propior, tanto sit perfectior, & quanto longius distat, tanto imperfectior, & quæ in parte remotiori medii existit, producat virtute quidem existente in parte proxima, sed dependente ab ea, quæ est in agente, & hinc effici, ut quò longius ab agente virtus in medium diffunditur, tanto perfectione imminuatur.

Quinta conditio est, ut medium, quod inter causam & subjectum est, sit aptè dispositum ad recipiendam virtutem agentis. Nam, si non fuerit, reliquis omnibus positis, effectus universaliter sequi non potest.

Conditiones causæ efficientis explicavimus; nunc regulæ ostendendæ sunt, quibus sciri possit, num causa aliqua sit vera causa illius, vel istius effectus, an non sit. Nam sæpè quæ causæ non sunt, causæ putantur. Ut itaque causa aliqua sit naturalis istius, vel illius effectus, primò talis esse debet, cui non repugnet, ut talis est, habere perfectionem effectus vel virtute, vel formaliter. Secundò necesse est, ipsa inter certos alicujus spatii limites, præsentem, & reliquis, quæ ad agendum sunt necessaria positis, nulloque intercedente impedimento, sequi effectum tempore statuto, & pro effectus exigentia debito variari, prout intra spatii limites adhibetur ad ipsum producendum propinquius, vel remotius. Tertio, ut applicata ab iis, qui de superstitione minimè sunt suspecti, eandem vim habeat. Quarto, ut, ipsa sublata, cæteris omnibus etiam positis, effectus non sequatur.

Omnes igitur effectus, sive motus rerum, quorum causæ sufficientes ex rebus naturalibus applicatis per regulas jam positas assignari à viris doctis, & in rerum naturalium cognitione versatis, nequeunt, proveniunt



niunt ab agente occulto, quod est divinum, vel demoniacum.

Regula autem judicandi id, quod causa putatur causam non esse, hæc sunt. Prima, si constet, effectum nunquam sequi causam, vel sequi per accidens, quod simul jungitur.

Secunda, si prudentes, qui rerum usum habent, supposito omni affectu ordinato, negent, quod putatur causa esse causam.

Tertia, si comparatione rei facta cum aliis causis quæ notæ sunt, modus involvatur applicandi nimium discrepans, vel qui merito possit cogitari esse voluntarius.

Quarta, cum res cum effectu nullam habet affinitatem, qualis rebus, quæ vim habent procreandi, cum suis effectibus intercedit. Inde enim infertur, quod nec virtute, nec formaliter effectum contineat. Ut cum arbor dicitur producere bovem, virtute continet vermem, & formaliter malum, sed nunquam bovem.

Quinta, quando nunquam separatim res effectum producit, sed cum conjunctione aliorum, quæ vim habent producendi effectum.

Sexta, quando constat rem aliquam ob aliquem finem esse institutam, quod non pertinet effectus.

Septima, si effectus à causa, eisdem conditionibus existentibus, nunquam amplius evenit.

Hæc regulæ faciliè detegunt falsam causam à vera, & sæpè causam aliam alicujus effectus esse, quàm quæ putetur, & quæ naturalis putatur, sæpè occultam esse, divinam nempe, vel demoniacam ostendunt.

Sed antequam hæc omnia, tanquam generalia ad gemmas, & lapides referantur, necesse est prius scire, effectus aliquos propriè, alios impropiè esse. Effectus propriè est id, quod quæ ratione à causa procedit, est vera res, & non modus aliquis rei, proinde ante ens non erat, ut ignis in ligno, & sic effectus à causa productiva fit. Impropiè effectus dicitur modus entis, secundum quem ens aliter se habet, quàm prius, tamen non producitur de novo, ut motus localis in lapide prius quiescente, cujus causa non productiva vocatur; nam causa motus revera fuit prius in lapide.

Effectus autem impropiè dictus, sive modus rei, duplex est. Alter realis, alter intentionalis. Realis est rei modus quidam se habendi in ordine ad alterum, qui ordo convenit rei citra cognitionem, id est, non ut res est in cognoscente objectivè. Intentionalis effectus est, qui non convenit rei, nisi quatenus est objectum cognoscentis, sive representantis.

Realis modus iterum duplex. Permanens, & fluens, sive successivus. Permanens est figura, ubi, situs, habitus, raritas, densitas, relationes aliquæ, ut esse simile, æquale, &c. Fluens, ipsa quæ permanent, continet, sed quatenus illas res fluentes afficiunt.

Deinde motus localis, ut actio, passio, & similia.

Effectus naturales item alii sunt materiales, alii spirituales, sive immateriales, qui vi causarum naturalium immediatè produci non possunt. Quia causarum naturalium vis, & efficientia subjectum præsens, in quod agat, immediatè desiderat, & materiæ concursu astricta tenetur in rebus vel materialibus effectibus producendis, ut superius in prima conditione effectuum ostendi. Imateriales autem effectus, sive spirituales sine concursu ullo subjecti, vel ex potentia tantum animæ rationalis producuntur.

Hincque fit, gemmas, vel lapides, dum causæ naturales & materiales effectuum statuuntur in actus intellectus, voluntatis, habitus, scientiarum, virtutum, & vitiorum propensiones, quæ parti rationali animæ ingenerantur, nihil efficere, ut nec in alias res

spirituales impressionem immediatam facere possent. Proinde eloquentiam, castitatem, liberalitatem, affabilitatem, pietatem, divitias, honores, favores, &c. dare, vel tribuere alicui non possunt. Mediatam tamen impressionem facere possunt, sed non ita, ut libertas hominis circa objectum tollatur. Mediatam faciunt, dum spiritus recreando, corroborant, ac id postea roboratum, alios in corpore affectus producit, ut confidentiam, magnanimitatem, audaciam, & similia, quæ corporis constitutionem sequuntur. Quod autem corporis constitutionem animi mores sequantur, peculiari docet Galenus tractatu, quem consulere Lector potest.

Gemmas verò, aut lapides, dum corpori applicantur aliquid in ipso efficere posse experientia multorum ita approbatum est, ut temerarius videatur, licet ratio non semper assequi causam valeat, qui id negare audeat. Probat id Corneolus, hæmatites, & jaspis, qui omnes sanguinem sistunt apppositi. Quem effectum nemo frigiditati illorum adscribere potest, quod alii lapides æquè frigidi id non faciant.

Putant aliqui virtutem quandam occultam lapidibus inesse actione astrorum impressam. Sed non est necesse ad astra recurrere, cum formæ proprietates occultas vires habeat sibi divina ordinatione impressas, quas semper ubi nullum impedimentum præstet, ordinariè, tanquam à sinu ad hominis, & animantium utilitatem depromit. Hoc tamen imprimis observandum, multas vires falsò adscribi gemmis, quas nec habent, nec habere possunt.

Effectum impropiè dictum paulò ante à causa non productiva effici diximus. Ut verò ille in realem, & intentionalem dividitur, ita & causa. Quia quot genera effectuum, tot causarum. Causa itaque non productiva, alia realis, alia intentionalis. Realis multiplex est. Sed illa tantum huic disceptationi convenit, quæ res moventur loco. Quæ vel in animalibus est, & animalis vocatur, vel in cæteris rebus omnibus, ac naturalis vocatur, & ad locum unum astringitur, sequiturque naturæ determinationem, tanquam principium movens, cum è contra animalis ad locum certum non astringatur, & sequatur cognitionem tanquam movendi principium. Propterea quæcunque res naturales naturaliter impelluntur in varias partes indeterminatè, non possunt citra vim extrinsecam impellentis moveri. Quæ si aperta non est, habet motorem spiritualem, & occultum, Deum, vel demonem, ut de motu annuli, horas indicantis superius dictum est.

De causa productiva intentionalis, ejusque effectus, qui nihil aliud est, quàm res, quæ ratione est objectum representantis, vel cognoscentis ita, ut ratio formalis ejus in hoc posita sit, ut objiciatur cognoscenti, nihil dicemus; quia gemmæ, cum animantia non sint, & cognitionem nullam habeant, hujusmodi effectus efficere non possunt.

Ex præscriptis colligi faciliè potest, gemmas, & lapides dum naturales tantum, ut ante ostendi, suorum effectuum causæ sint, ac effectus ob id necessarii etiam tantum naturales sint, eosdem semper esse reales, nunquam intentionales. Deinde plerumque esse materiales, rarò spirituales, & tunc tantum cum per medium aliquod efficiuntur, quod verius causa, quam gemma ipsa statui potest. Exempli gratia, si Corneolus, jaspis, aut hæmatites ab eo, qui continuum sanguinis profluvium passus fuerit, & propterea pusillanimus, & debilis redditus sit, gestetur, & sanguis sistatur, potest propter sanguinis retentionem cor ita corroborari, ac temperies viri restitui, ut loco pusillanimitatis magnanimitatem acquirat, virtutem immaterialem, sed quæ tamen à materia, vide licet san-



guine dependeat, ut omnes animi habitus, & intelligendi actus, sed, ut dixi, improprie huiusmodi effectus, qui propriorem habent aliam causam, nempe copiam sanguinis, & spirituum, à gemmis effici dicuntur. Sapientiam verò, eloquentiam, prudentiam, comitatem, memoriam, aliasque virtutes, & intellectus habitus à gemmis effici, & produci, ut hactenus creditum fuit, longè est absurdus, cum hæ neque ab humoribus, neque à spiritibus, ut ira, pusillanimitas, vecordia, & timor proveniant, sed à rationalis animæ parte, rerumque usu, & consuetudine, quæ habitum induxit.

Res verò externas, quæ neque à corpore, neque ab anima ortus suum initium habent, ut divitiæ, Principum favor, paupertas, fortuna in peregrinatione, immunitas à periculis, & similia in hominis corpus transferre gemmas, tanquam veræ harum causæ sint efficientes, mirum est quomodo hominibus persuaderi poterit. Præsertim cum res materiales non sint, & opinione potius res, quàm revera. Divitiæ enim, fortuna, paupertas, favor, licet res sibi habeant subiectas, circa quas ita dicuntur, nihil tamen aliud sunt, quàm relata, quæ ratione alterius, quid videntur esse. Divitiæ sunt ratione paupertatis tales dicuntur, ut fortuna ratione infortunii talis dicitur. Dixi ante primam conditionem causæ naturalis esse, ut subiectum sit præsens, quod effectum suscipiat. Hic certe nullum est, cum divitiæ, & fortuna, ut relata omnia nihil sint, nisi fortè ex homine aurum, aut pecuniam gignat gemma. Quod tamen nemo asseret. Sed, si gigneret, neque sic divitias produceret, cum aurum à divitiis distinguatur. Si animum hominis regere dicas gemmam, ut is studiosè divitias querat, & compareret, jam per subiectum voluntarium causam naturalem agere statues, & sic per medium, quod potest impedire effectum, idque absurdè. Quia sic à voluntate, non à gemma dependebit effectus. Falsò ergo, si fiat effectus, gemmæ tribuetur.

Sed præter prædicta, mirum est, quòd aliqui scribant, gemmis Deum reddi gestantibus propitium, ac eisdem daemones fugari. Id, si verum esset, non ille Deus, qui est, esset, sed gemma, quæ in illum ageret, ejusque voluntatem flecteret. Sed quònam devenit humana stultitia, quæ corpus inanime in Deum liberum, ac nullius potestati subiectum imperium habere, & in eum quid efficere, qui omnium rerum causa est credit? Quònam etiam humana nequitia, quæ sæpè contra conscientiam propter avaritiam gemmis divinas adscribit facultates, ut immensò pretio divendi possint? Divitias, sanitatem, Deique ac Principum favorem, quia nemo est, qui non exoptet, propterea non mirum ab imperitissimis facile credi gemmis huiusmodi admirabiles virtutes inesse, easque tanquam felicitatis autores coli, ac caro pretio coemi. Sed hæc præstare & efficere non possunt gemmas peritiores, & vel parùm docti ac naturali iudicio præditi, facile intelligere possunt. Nullus itaque effectus naturalis, qui connexionem cum sua causa non habet, ab illa effici potest.

Ex prædictis etiam regulis facile colligi potest, gemmas gestas productivas nunquam esse posse, id est nunquam effectum producere posse qui ens sit, quod ante non fuerat, nisi subiectum attingant, & aliud efficiens accedat, ut illæ potius materialis causæ rationem obtineant. Ut, dum ex calcedonio, & ferro excitatur ignis. Hic enim motus, sive voluntarius, sive casu adhibitus ex calcedonio, & ferro, tanquam materiis producit ignem, quem gemma quiescens nunquam produceret, & multò minùs, si subiectum non attingeret, ex quo effectus esset producendus. Non solum quia gemmæ formaliter, vel virtute nullum

effectum propriè in se continent, sed quia etiam si continerent, tanquam res quiescentes, & mortuæ in subiectum distans, & quod non attingunt, nihil efficere possunt, ut docet secunda conditio.

Quicquid itaque efficiunt gemmæ, tanquam causæ non productivæ id faciunt, ac effectus tantum improprie dictos producant. Si intus sumantur ab homine materiales causæ redduntur suorum effectuum, & causa efficiens sit calor natus. Gemmas verò à causis agentibus, quæ reales non sunt, aliquid pati posse, ut smaragdum ab actu adulterii, & turcoïdem à casu, non quatenus concutitur, sed quatenus nocere casus potuit gestanti, distrumpi, plusquàm absurdum est. Fortassis à nimia calefactione, quæ coitu excitatur, excalefacta gemma, subitoque hyemali tempore frigori exposita, rumpi posset. Sed hoc propter adulterium non fit. Turcoï, quia molles, propter annuli concussionem à casu rumpi posset. Sed hæc ruptura non fit, ut homo à casu illæsus permaneat, sed à concussionem. Quod si huiusmodi effectus à prædictis gemmis fieri videantur, vel propter allatas causas, vel propter occultam efficientem fiunt.

Sed putantur gemmæ propter figuras certis temporibus illis insculptas, situm, aut propter hominis gestantis imaginationem, & sympathiam mira sæpè efficere. De his etiam, ne quid desit, dicendum.

Quod ad figuram attinet, illa est terminus quantitatis limitæ secundum superficiem externam, & dividi potest multipliciter. Primò ratione dimensionis, secundum quam alia plana, alia incisa. Secundò ratione materiæ, cum alia ex jaspide, alia ex corallo sit, &c. Tertio ratione temporis, quo fit. Quarto ratione significationis. Quintò ratione similitudinis. Sextò ratione, qua figura est.

Ratione dimensionis facultas nulla agendi in figura est. Quia quantitas, neque ut quantitas est, vim agendi habet; aliàs omne quantum haberet; neque ratione specierum, in quas quantitas per se dividitur. Sic enim futurum esset, ut agendi virtus essentialiter de speciebus quantitatis diceretur. Quod vel hinc falsum esse dignoscitur, quod nullius prædicamenti differentia essentialis, quibus contrahitur, de speciebus alterius possint essentialiter prædicari.

Ratione materiæ figura vim immutandi per accidens consequitur, eam scilicet, quam materia ipsa habet. Quia cum materia figura idem est, & absurdè illi adscribitur effectus, qui ab illa, non ut figura, sed quia à tali materia facta est, provenit.

Ratione temporis, quo constata est, vim habere non potest, cum tempus ens reale non sit propriè, ac non ens ens producere non possit. Quòd si tempus adhibeatur propter certum cæli aspectum, qui concurrat ad destinatum temporis punctum, quasi ille vim suam impertiret gemmæ, incertum quid, & hactenus nulla demonstratione ostensum, neque experientia approbatum creditur. Aspectus enim, & cælestia, si quid agant in materias, non propter figuram, quæ artificialis est, & à natura non agnoscitur, sed propter materiæ essentiam, suas illi vires imprinunt, idque semper, cum figurata, vel non figurata æquè apta sit ad vires, quas cælestia corpora illis infundere possunt, suscipiendas.

Ratione significationis figura vim aliquam efficiendi habet, sed illa intentionalis est, neque gemmæ, aut materiæ adscribenda est. Agit autem figura, dum objecta intellectui movere potest voluntatem, & appetitum, & ratione huius facultatem motricem ad movendum impellere lege quadam subordinationis, qua facultates hæ inter se neuntur. Hoc modo figura lasciva luxuriam excitare potest.

Ratione similitudinis figura etiam agere potest, quatenus



quatenus movet appetitum, & voluntatem propter id, quod intellectui repræsentat. Sed hac ratione gemma, vel materia, ex qua constat figura, non est causa effectus, neque aliquid ad effectum facit. Quia similitudo, quæ movet sensum animalis, idem facere potest in quavis materia.

Figura autem sola absque aliis circumstantiis considerata, quatenus figura est, nihil prorsus efficere potest. Quia figuræ non inest perfectio effectus formaliter, vel virtute. Deinde figura per se solo motu locali perficitur, qui, philosophorum sententia, producendi virtutem nullam habet. Præterea nunquam experientia visum fuit, motum aliquem non posse alteri adscribi, quàm figuræ; proinde potentiam movendi nullam habere figuram, certissimum videtur. Tum demum quia figura, sive sit geometrica, ut circulus, vel triangulus, sive character alicui planetæ, aut spiritui dicatur, sive actum aliquem humanum referat, aut figuram alicujus substantiæ, duntaxat qualitas quadam ipsius quantitatis est, ac nunquam actionis principium, neque comprincipium, in motu locali, qui per alterationem fit, esse potest.

Quod autem ad situm attinet gemmarum, sive illæ in auro, argento, aut alia materia includantur, sive ad plagas mundi accommodentur, nihil situs juvare ad gemmæ vires augendas potest naturaliter. Quia propriè situs ens reale non est, & tantum ratione alterius, aliquid esse videtur, ut relata omnia. Si materia, cui imponitur gemma, aliquid efficere naturaliter potest, vim gemmæ naturalem augere potest. At tum situs, quoad situm, nihil operatur.

Quod verò ad imaginationem, multi putant, & credunt, gemmas vires per se solas non habere; sed si effectus aliqui ab illis fieri videantur ab imaginatione gestantis effici. Sed notandum imaginationem, ut imaginatio est, formaliter immediatam vim sive movendi, sive producendi habere nullam aliam, quàm est actus imaginationis. Quia causa debet virtute aut formaliter perfectionem effectus continere. Imaginatione autem perfectionem objecti repræsentativè tantum imitatur. Deinde imaginatio ut talis est, id est qua ratione substantiis corporeis, & mutationi obnoxiiis convenit, nec movendi, neque producendi virtute immediata est prædita. Quia, ipsa remota, & aliis positis, non propterea impeditur effectus. Nam vis eorum effectuum, qui imaginationi tribuuntur, residet in qualitatibus complexionalibus, quæ imaginationi subordinantur. Quia effectus quicunque imaginationi verè tribui possunt, vel complexionales sunt, vel complexionem veluti dispositionem quandam sequuntur.

Imaginatio autem illa, quam vehemens appetitus sequitur, vim habet producendi, & movendi mediata subordinatione quadam spirituum, & humorum, ex quibus corpus conflatur, facultatis item motricis, quæ animali est ingenta. Non potest tamen illa excedere vires spirituum, humorum, & virtutis motricis. Interdum, sed admodum raro, potest accedere virtus aliqua occulta, cujus applicatio imaginationi est subiecta.

Ut itaque imaginatio proprium corpus nonnisi dictis modis alterare potest, ita nec alienum, quod non alterat, nisi qua ratione spiritus animales qualitate aliqua imbutos, aut infectos, fumosve venenosos à corpore pellit in corpus alterius. Nam virtus mediata imaginationis major esse non potest, quàm quæ est spirituum, & humorum, ac virtutis motricis, quæ ab anima regitur. Si igitur gemma beneficio imaginationis, aut adjuvante imaginatione effectum putatur produxisse, qui dictis modis fieri ab imaginatione non potest, credendum eum cacadæmonis ope fuisse productum.

Sed putant aliqui, gemmas, aut figuras, vel characteres illis insculptos sympathiam habere cum rebus nonnullis inferioribus, vel superioribus, astris nempe vel aspectibus, atque hac ratione mira interdum, & quæ præter rationem videntur, efficere. Sympathiam istam contingere existimant propter similitudinem, quam habent inferiores figuræ, & characteres naturales, vel artificiales cum superioribus & cælestibus.

At decipiuntur. Quia cælestia corpora neque figuras, neque characteres habent, neque etiam similitudinem aliquam cum figuris, aut characteribus inferioribus, sive illæ naturaliter, casu, aut artificio rebus insint. Nam, etsi Leonis, anguis, ursæ, cancri, piscium, capricorni, aut alterius rei figura in cælo ab Astronomis statuatur, non tamen id fit, quod revera sibi hujusmodi animalium aliqua figuræ, aut similitudo sit, sed tantum quia illis placuit, astris talenomen, docendi causa, tribuere. Quod Ursæ sidus demonstrat. Id enim aliquibus Currus nominatur. An autem similitudinem habeat currus cum ursæ, judicent qui sanæ sunt mentis. Fictitiæ sunt figuræ cælestes, & nulla entia realia, & propterea nihil agere, aut cum rebus inferioribus convenientiam nullam habere possunt. Quia tamen harum opinionum autores inferiores figuræ, sive characteres sympathiam cum corporibus cælestibus, aut earum fictitiis figuris habere, ac ita propter similitudinem, & convenientiam, ut dixi admirabiles vires ab astris accipere, easque deinde circa objecta idonea exercere existimant, explicandum est, quidnam sympathia, cui, tanquam causæ multi multa tribuunt, sit.

Sympathia, & ejus contrarium antipathia non aliud significant, quàm rerum naturalium vires, propriæque affectiones cum tali respectu, ut comparando unius perfectionem cum alterius, intelligantur, aut repugnare, aut consentire inter se.

Perfectio autem rerum duplex. Altera essentialis, accidentalis altera. Hæc rursus quadruplex. Una est potentia rei naturalis. Secunda operatio. Tertia modus certus se habendi ex natura rei debitus, ut situs est. Quarta effectus, qui rei extra ipsum in supposito distincto debetur. Ut autem perfectio dividitur, ita sympathia, & antipathia rerum. Essentialis ex accidentali, tanquam à signo colligitur, nec ad propositum facit. Itaque de accidentali tantum agendum.

Sympathia itaque, ut illam describamus, est consensio rerum secundum accidentia propria, operationes, & effectus, quæ sibi mutuo suppetias ferunt ad perfectiones debitas obtinendas. Antipathia verò est repugnantia inter affectiones proprias, operationes, & effectus rerum, talis, qua sibi mutuo impedimento sunt ad debitas perfectiones accidentales consequendas. Sic inter ignem & aquam est antipathia, inter ignem & aërem sympathia. Putare autem inter res naturales talem esse sympathiam, ut opportune applicatæ possint effectus supernaturales efficere, aut opinari sidera cum homine, aut figuris ab eo factis, sympathiam habere, absurdum est. Quia si vim aliquam in rebus efficiendis obtineant sympathia, aut antipathia, ea ad causam aliquam debet revocari, & cum non possit reduci in materiam, aut formam, quippe antipathia, & sympathia rerum non concurrunt ad efficiendas res constituendo, & explendo ipsas, sicut partes, nec etiam ad finem, cum finis causa tantum sit intentionalis, sequitur cum causæ tantum quatuor sint, vim, quam antipathia, & sympathia habent, in effectione rerum, ad efficientem causam pertinere. Sed quia ex definitione sympathiæ, & antipathiæ, colligitur duo contineri nomine utriusque, nimirum perfectiones rerum naturales; deinde respectum quandam secundum quem inter se repugnant, & conveniunt.



niunt, ratione hujus respectus nullam vim agendi participant. Quia relatio siue realis, siue rationis quatenus relatio est, agendi vi caret.

Quod si sympathia, vel antipathia pro fundamento hujus respectus accipiantur, possunt esse conditio necessario requisita, ut res in se mutuo agant. Sed ita non sunt causæ, ac proinde falsum est ex altris posse communicari virtutem gemmis, vel lapidibus, ut effectus pariant contra communem naturæ ordinem, & quorum ratio verisimilis nulla à prudentibus dari potest. Cælum & alia, tanquam causæ communes, & universales regunt quidem ista inferiora, ac vires per radios & calorem rebus immittunt, sed effectus, qui inde proveniunt, semper inde proveniunt, nec propter figuram aut characterem promoventur, aut impediuntur. Qui autem inde proveniunt, facile experientia deprehenduntur, nec contra naturam, aut rationem esse deprehenduntur, etiam si ratio fortassis intelligi non possit. Si cæli plaga septentrionalis ferrum magnete tactum, & in æquilibrio positum ad se respicere cogit semper, etiam si ratio, cur id fiat ignota, aut inventu difficillima sit, facile quidem perspicitur inter cæli plagam, & magnetem sympathiam esse, ac propter sympathiam motum fieri, verum causa cur fiat, ignoratur. Sed de his hæcenus satis.

#### CONSULTATIO LIV.

*An, & quatenus vana observationes sapiant hæresim manifeste? Quenam in eis cavenda? Quæ revera sint vana superstitiones?*

ET quidem hoc est aliud genus fortilegiorum, distinctum à divinatione. Distinctio autem horum generum desumitur à fine, & ab effectu intento à fortilegis. Finis enim divinationis est notitia occultorum & futurorum contingentium. Vana verò observationis finis sunt effectus quicunque spectantes ad commodum vel nocumentum humanum, ut ad sanitatem, divitias, infirmitatem, dignitates, amorem, & id genus alia; etiam ad cognitionem, non quidem occultorum, sed earum rerum, quæ humano modo investigari possunt.

Hujus autem vana observationis innumera sunt species, ac modi, quos omnes recensere, supervacaneum esset, nec puto necessarium; satis enim est, aliquas superius adduxisse, quia non distinguuntur, nisi materialiter ex parte rerum, quarum est usus. Aliæ quam plures legi possunt apud Raphael. de Turre 2. 2. q. 96 ac Delrium lib. 3. mag.

Essentia vana observationis in eo consistit, quod ad obtinendum effectus intentos adhibetur, vel res, quæ ad illos producendum vim non habent, vel circumstantiæ vanae ac inutiles. Exemplum pono in arte notoria, quæ ad acquirendam scientiam utitur inspectione quarundam figurarum, & prolatione quorundam verborum, quæ nullam virtutem habent ad generandam scientiam; in collectione herbarum, in qua observantur vana circumstantiæ; in modo scribendi, aut ligandi, in eo quod in tali hora scribantur nomina ignota, characteres occulti, ac ejusmodi pleraque.

Quod autem hæ vana observationes sint superstitiones ac illicitæ, & contineant pactum implicitum cum dæmone, probat D. Thomas 2. 2. cit. qu. 96. ar. 1. ubi differens de arte notoria, sic ait: *Et ideo hujusmodi ars, non utitur his, ut causis, sed ut signis, non autem ut signis divinitus institutis, sicut sunt sacramentalia signa; unde relinquuntur, quod sint supervacanea signa, & per consequens pertinentia ad pacta quadam significationum cum demonibus placita, atque foderata.* Et art. seq. ita. *Unde si naturaliter non videantur posse tales effectus causa-*

Tom. I

*re, consequens est, quod nec adhibeantur ad hos effectus causandos, tanquam causa, sed solum quasi signa, & sic pertinent ad pacta significationum cum demonibus.* Idemque docet ibidem ar. 3. ex D. Augustino lib. 21 de civit. cap. 21. Sed ad quid significandum? Proculdubio aliquid in dæmonis reverentiam.

Alia etiam ratione probatur superstitio vana observationis. Cum enim ex causa insufficienti, & inefficaci ad producendum effectum, vel simpliciter, vel eo modo, quo desideratur, non possit sperari effectus, si ex illa speratur, non speratur, nisi accedente auxilio alicujus causæ occultæ, quæ non potest esse, nisi Deus, vel ejus Angelus, vel dæmon. Non autem hoc auxilium expectatur à Deo, quia in his invocare Deum, est illum tentare, neque his vanis adest speciali auxilio suo, neque ista approbat, neque hi vani observatores ad divinum auxilium confugiunt. Sperant hæc igitur à dæmone, cui confidunt, & qui in his se ingerit.

In his autem vanis observationibus, & incantationibus duo animadvertenda esse, monet D. Thomas ea q. 96. art. 4. Primum si verba, vel voces, vel scripta, quæ adhibentur, contineant aliquid pertinens ad invocationem dæmonis est manifestè superstitiosum, ac illicitum. Si verba sint ignota, ut sunt nomina quadam hebraica Angelorum, metuendum est, ne aliquid mali contineant. Quod etiam admonet Autor oper. imperf. in Matth. homil. 43. Similiter si verba falsitatem contineant, certum est, quod eorum effectus non potest expectari à Deo, qui non est testis falsitatis. Si verò adhibeantur orationes piæ, vel sacræ, & effectus expectatur à Deo per orationem, cavendum item est, ne cum verbis sacris contineantur aliqua vana, ut aliqui characteres; vel ne spes fundatur in modo scribendi, aut ligandi scripturas, aut in alia re vana, quæ ad divinam reverentiam non pertinet. Hoc enim existimandum esset superstitiosum.

Atque ex his generatim colligi poterit, quanam sint vana superstitiones. Et primum semper vana est observatio ac superstitiosa, quando speratur aliquid à dæmone, etiam si id non excedat dæmonis virtutem; quia continet cum dæmone familiaritatem. Deinde, quando ad effectum obtinendum adhibentur res non habentes ullam virtutem ad illum producendum vel secundum substantiam, vel secundum modum. Postremò quando rei habenti virtutem ad obtinendum effectum, adjunguntur circumstantiæ, vanae ac inutiles. Ita colligitur ex D. Thomas loc. cit. art. 2. 3. & 4. & tradunt ibi Cajetanus ac Turre, ac sequutus est Sanchez lib. 2. in decal. cap. 40. n. 9. & Soula lib. 1. aphor. c. 54. n. 4. & 5.

Quoniam verò natura producit aliquando mirabiles effectus, quare difficile est ejus vires cognoscere, idcirco effectus, cujus causa non est manifesta non est temerè adscribendus superstitioni, ut per Victor. de mag. q. 3. n. 7. Delrium lib. 1. magic. cap. 2. & 3. Sanchez 40. n. 42. & Soula eod. cap. 54. n. 42. Quando igitur dubium est, an effectus superet virtutem rei, quæ adhibetur ad illum producendum, præsumi debet, talem effectum provenire à causa naturali, Sanchez ibid. n. 44. & Soula n. 7. Contra, si est certum, & manifestum quod effectus excedat virtutem naturalem causæ, præsumendum est, esse à dæmone, nisi sanctitas operantis, vel alia indicia maxime urgeant, effectum esse à Deo, vel ab ejus Angelo, D. Thomas d. q. 96. ar. 2. Simanch. cath. instit. tit. 63. n. 33. Suarez de relig. lib. 2. cap. 15. num. 11. 13. & seq. Sanchez cit. cap. 40. nu. 44. & Soula eod. cap. 54. num. 8.

Quando itaque dubium est, an causa, quæ adhibetur, sit sufficiens ad producendum effectum, non est illicitum experiri illius virtutem cum protestatione quod non intenditur auxilium dæmonis, & quod si effectus sit à dæmone, non fert animus uti illa observatione

Q



tione, ut effectus producat. Hæc tamen protestatio non excusat, ubi est manifestum, rem, quæ adhibetur, non habere virtutem ad effectum intentum. Ideo experientia, quod vana observatio sortitur effectum, non reddit licitum ejus usum.

Ubi verò vana observatio non continet pactum expressum cum dæmone, sed solum implicitum, levitatem, vel ignorantiam, excusare, si non sit crassa, vel affectata ex Valentia 2.2. disp. 6. qu. 13. pun. 3. & Sanchez d. cap. 40. ait Soula cit. cap. 54. n. 40. Sed distinguendum est. Nam si quis putat causam naturalem habere virtutem sufficientem, si ea utatur, non est superstitiosus, neque illicitè agit, D. Thomas d. q. 96. art. 2. ad 1. Quod verum est, etiam si opinio ejus sit falsa, & ex crassa ignorantia procedat. Nam in his ideo intercedit superstitio, quod quis utitur rebus, ut signis magicis, & non ut causis naturalibus, vel quia deposcitur dæmonis auxilium. Qui autem putat, rem, qua utitur, esse causam naturalem effectus intenti, & hac intentione illa utitur, simul utitur illa, ut causa, & non ut signo, & ut causa sufficienti, non ut invocante auxilium dæmonis. Si verò dubitat de virtute naturali causæ, peccat, si intendat absolute consequi effectum undecunque ille proveniat. At si nihil cogitat de naturali virtute causæ, sed solum attendit, quod ex tali observatione produci solet effectus, illaque utitur, est superstitiosus. Quia vult effectum, non ut ex causa naturali, sed ex quacunque causa ille proveniat. Si verò scit effectum excedere virtutem naturalem causæ, qua utitur, sed ignorat hoc esse superstitiosum non excusatur à peccato ex ignorantia crassa.

An autem excusetur à suspitione hæresis, attendenda est hæc tradita distinctio.

Neque hic habet locum excusatio ex parvitate materiæ, ut censent citati Doctores. Verum, quod possit dari imperfecta ratio societatis cum dæmone, ut si quis ex levitate, vel curiositate non credens, se divinam amicitiam offendere cum sibi occurrente dæmone in assumpto corpore, vel in energumeno, quasi per transennam loquens, requirit curiosa, sentit Cajetanus in d. q. 96. art. 1. ubi hunc excusat à mortali, quia non intervenit, nisi imperfecta quædam & levis societas cum dæmone. Ubi tamen dæmon invocatur, etiam tacite, non datur parvitas materiæ, quæ excuset à mortali.

Ex quibus erui potest, an, & quando vanæ observationes sapiant hæresim manifestam. Et primò quidem, quotiescunque dæmoni tribuitur cultus divinus, vel ille expressè invocatur. Secundò quotiescunque observatio est factum hæreticale, ex hæresi proveniens, sive illam supponens. Tertiò quando dæmon, etiam implicitè invocatur ad id, quod manifestè excedit suam virtutem. Quartò si adhibeantur res sacræ ut Sacramenta, sacramentalia, & alia similia. Omnes tamen isti modi ad secundum reducuntur. Actus enim externus internam hæresim significat, ut effectus causam. Sic ex eo, quod quis sperat per vanam observationem notitiam futurorum contingentium, hæc est spes, quæ supponit hanc hæresim, quod scilicet per vanas observationes possint certò cognosci futura. Sic etiam si in vana observatione tribuitur dæmoni cultus latriæ, supponitur hæresis, per quam adorans credat, dæmonem esse Deum. Vel si in vana observatione est abusus rei sacræ, supponitur hæresis, quod res sacræ ad Dei cultum deputatæ habeant vim ad effectus vanos producendum.

Nec obijcias, quod ex abusu rerum sacrarum non supponatur hæresis, quia non supponitur per se, quod illæ habeant virtutem ad vana, quia vanus observator potest sine hæresi credere, quod illæ res sacræ non ex se, sed ex pacto cum dæmone habeant virtutem conventionalem, ac moralem, quam ex pacto habere possunt.

Nam hæc objectio absurda est. Dum enim evitat unam hæresim, incidit in aliam. Objectio itaque supponit pactum explicitum cum dæmone, ex quo hæc sacra adhibentur in vana observatione, & sic adhibentur ex dæmonis institutione, & non tanquam causæ naturales, sed tanquam causæ morales; quia scilicet adhibentur, tanquam signa alicujus divini cultus, & ut per res illas colatur dæmon, ac ita supponitur hæresis, per quam credatur, dæmonem esse Deum, à nobis adorandum rebus illis, quæ cultum divinum important, & quæ sunt signa divini cultus.

At verò quando neque ex parte effectus sperati, neque ex parte rei, cujus est usus in vana observatione, neque ex parte actionum, quæ admiscuntur, non supponitur manifestè hæresis, tunc vana observatio non sapit hæresim manifestè. Videtur tamen, quod omnis vana observatio sapiat manifestam hæresim, saltè quia tribuitur dæmoni cultus divinus. Cum enim res, quæ adhibentur in vanis observationibus non adhibeantur, ut causæ naturales effectus sperati, quia ad id virtutem non habent, adhibentur ut signa, & sic ut causæ conventionales, ac morales, & simul qualificantes cultum, qui dæmoni per invocationem tribuitur per aliquam participationem divini cultus. Non enim præsumi potest, quod dæmon ex alio fine velit res illas adhiberi, ut signa, nisi ut sint signa alicujus divini cultus, cum ipse in omnibus affectet divinitatem.

Unde fuit aliquorum opinio quod tunc hæreticale sortilegium est, quando dæmon invocatur, aut consultitur, etiam si id fiat sine cultu latriæ, aut duliæ. Pro hac opinione Farinacius de hæres. q. 181. num. 73. plures citat, inter quos Simancham de Cath. instit. tit. 63. n. 12. qui tamen id non asserit, sed solum, quod dæmonem invocans, & cum eo communicans, videtur, cum illo pactum inire. Sanctarellus verò de hæres. cap. 22. num. 3. ait, quod invocare dæmonem est illicitum. Et Squillacensis de fid. cap. 10. n. 1. & cap. 13. num. 2. loquitur de invocante dæmonem ad ea, quæ dæmonis virtutem superant. Delrius autem magic. lib. 3. sect. 15. ponere potuit plures casus, in quibus invocans dæmonem sine cultu est de hæresi vehementer suspectus. Quia, ut diximus, etsi talis, manifestè non exhibeat dæmoni cultum latriæ, aut duliæ, invocatur tamen dæmonem ad ea, quæ non potest, vel abutitur rebus sacris. Idque docet D. Thomas 2. 2. qu. 95. art. 4. & cum eo cæteri, quod scilicet invocans dæmonem ad sciendum futura contingentia, illicitè agit, estque manifestè suspectus, quod hæreticè credat, dæmonem posse certò scire futura contingentia.

Itaque assertio illa generalis potest esse in multis casibus vera, sed illam esse universim veram & in omni casu, non inquirunt citati Doctores, qui nec loquuntur in hac specie, an nimirum invocatio dæmonis ad ea, quæ dæmon potest, si fiat sine manifesto cultu latriæ, aut duliæ, ac sine abusu rerum sacrarum, sapiat hæresim manifestè. Hoc autem tenent aliqui cum hac limitatione, si invocetur dæmon verbis deprecativis, ut Carena p. 2. tit. 12. n. 60. alijque ab eo citati. At hæc opinio suo loco impugnata est. Alij hanc opinionem videntur sequi cum alia limitatione, si intercedat pactum expressum cum dæmone. Pactum enim hoc censetur esse hæreticale, & sapere hæresim manifestè. Pro ea Farinacius ibidem. n. 34. quamplures allegat, qui si legantur, constabit, quod illi id teneant ex ratione, quæ tradit Carena d. tit. 12. n. 137. Quia scilicet pactum expressum cum dæmone non fit, nisi apostatando à fide. Quid verò dicendum sit, si contingat fieri pactum, quod ex re conventa nullam sapiat hæresim, nullatenus expresserunt.

Est igitur altera sententia, quæ vult, quod hujusmodi vanæ observationes, sive sortilegia, in quibus non invocatur dæmon, nisi ad ea, quæ potest



potest sua virtute agere, idque sine cultu, & abusu rei sacræ, non sapiant hæresim, seu non inferant suspicionem hæresis. Citatur pro illa Pegna *in direct. p. 2. com. 48. sive schol. 50.* qui tamen id non ait. Id verò tenere videtur Suarez *d. lib. 2. de relig. 19.* etiam si fiat cum pacto explicito, tenetque Clarus *§. hæresis in fine*, alios referens. Et videntur etiam tenere ii, quos largiter adducit Farinac. *d. 9. 181. n. 81.* tenentes fortilegium ad tentandam pudicitiam non esse hæreticale.

Hanc rem plerique Doctores confusè, ac permixtè tractant, non distinguentes inter sapere hæresim, & sapere hæresim manifestè. Quamplures enim inquirunt, fortilegia huiusmodi non sapere hæresim, hoc est, sentiunt, quod non sapiunt hæresim manifestè, sive non inducunt suspensionem hæresis vehementem. Ideoque videntur velle, quod simpliciter fortilegium non dicatur hæreticale, nisi sapiat hæresim manifestè.

Nos verò discretè, atque electè ita eam digerimus. Omne fortilegium aliquo modo sapit hæresim, ac reddit fortilegium suspectum de hæresi, saltem de levi; sed tamen in specie, quando invocatur demon sine manifesto cultu Latriæ, aut Duliæ, ac sine abusu rei sacræ ad ea, quæ potest sua virtute, fortilegium non sapit hæresim manifestè, neque inducit suspensionem vehementem hæresis.

Primam partem assertionis tue Pegna *d. schol. 50. Zanard. in direct. p. 3. c. 64. Carena d. tit. 12. n. 246.* quatenus ait, quod propter fortilegia non hæreticalia regulariter fortilegi abjurant de levi, Salelles *lib. 6. c. 5. n. 913. Delbene p. 2. dub. 229. sect. 7. n. 1. & 2.* quodque amicitia sola cum dæmone per se aliquem saporem hæresis habeat, probabimus etiam suo loco. Et ratio paulò ante allata id convincit, vel saltem probat huiusmodi vanas observationes non esse sine levi suspensione hæresis.

Secunda verò pars probatur. Manifestum enim est, has vanas observationes, ac fortilegia non esse hæreticalia ex parte effectus intenti, qui nec est contra fidem, nec superat virtutem demonis, neque sunt hæreticalia ex abusu rerum sacrarum, ut supponitur. Solum itaque potest esse dubium, an sint hæreticalia ex parte cultus. At verò non est manifestum, quod in his vanis observationibus exhibetur demoni cultus latriæ, aut duliæ. Sapere enim hæresim manifestè est perspicuè, clarè, non obscurè, primo aspectu, ac illicò apparere saporem hæresis, ut ex Simancha *tit. 82. n. 3.* & aliis, quos refert Farinac. *d. 9. 181. n. 94.* In huiusmodi autem fortilegiis non apparet clarè, ac primo aspectu cultus. Quia res, quarum est usus ex communi lege, ac more non sunt institutæ ad divinum aliquem cultum, imò neque ad aliquid significandum. Quod autem hoc habeant in fortilegio ex institutione demonis, non est perspicuè manifestum, sed latet, & ex conjecturis tantum deducitur. Et quamvis conjecturæ sint valde probabiles ita ut virum doctum movere possint ad credendum in omni fortilegio dari saporem hæresis, hoc tamen communiter non apparet, sed latet. Tum quia non semper apparet, quod res, quarum est usus non sint causæ naturales effectus intenti. Et tum quia institutio demonis, quod res illæ adhibeantur, ut signa divini cultus, non est communiter manifesta, quia ex communi usu in istis fortilegiis non sunt instituta, ut signa, neque ut signa divini cultus. Intentio verò demonis, & ejus institutio est abdita. Non igitur ex his potest quis vehementer suspicari huiusmodi fortilegos ex sua intentione colere dæmonem, maxime cum satis sit manifestum, illos ex amore alicujus utilitatis moveri ad hæc fortilegia exercendum. Ideoque ulterius hæc secunda pars probatur. Quia ex jure, quod habetur *in cap. accusatus de heret. in 6. sub initio* datur distinctio suspensionis in vehementem, & levem, &

ex ejus §. sanè non omne fortilegium sapit hæresim manifestè. Hæc autem, quæ hæresim manifestè non sapiunt, sunt quæ non habent saporem hæresis. Vel quia fortilegus neget manifestè fidem, ac sit manifestè hæreticus. Vel quia speret à dæmone quæ de fide constet, dæmonem non posse; neque abutitur, sed solum sapit hæresim pacto, invocatione, & cultu implicito, & occultè latente.

Quod si quæras. Quid, ubi interveniat pactum expressum sive invocatio expressa? Respondeo, in hac questione supponi falsum, dari scilicet pactum expressum cum dæmone, quod ex parte rei conventæ non sit superstitiosum. Non enim demon, nisi in cultum suum, & affectatam divinitatem ordinat cum se conventa. Sed demas tandem casum moraliter impossibilem, qui facilius inveniri potest in invocatione expressa facta, si ve aliquo pacto conventionali; hæc tamen expressa invocatio, de se potius infert suspensionem vehementem male fidei, quamvis in hoc considerandæ sint circumstantiæ, ac præsertim causâ invocationis, quam, si constet esse ex amore alicujus utilitatis, non autem ex mala fide, minuitur ratio suspensionis, ut alibi dicemus. Et animadvertendum est, quod ea, quæ ratione pacti impliciti non inducunt, nisi levem suspensionem, in habente pactum explicitum, vel in explicitè invocante dæmonem, inducunt suspensionem vehementem. Quia illi manifesta est demonis institutio, aut promissio, constarque illi omnia dæmoniaca esse, ac ordinata à dæmone ad suam affectatam divinitatem.

Dicendum itaque est, dari tria genera fortilegiorum. Primi generis sunt manifestè hæretica, quæ sunt illa, in quibus fortilegus manifestè verbo, vel facto negat fidem, sive habet actum per se, & ex se contrarium confessioni fidei, quales sunt actus manifestæ idololatriæ. Secundi generis sunt manifestè hæreticalia. Hæc sunt illa, in quibus vel speratur à dæmone, quod de fide certum est, non posse ab eo fieri, vel intervenit in illis abusus rei sacræ. Terti generis sunt hæreticalia latenter, ac implicitè, non autem perspicuè & manifestè, suntque illa, quæ non habent aliquid ex prædictis duobus generibus.

Ex quibus profectò habetur vel hæresis externa manifesta, vel manifesta hæresis suspicio, vel hæresis sapor. Ea, quæ non sapiunt hæresim manifestam sunt, in quibus sine aliqua circumstantia hæretica, aut manifestè hæreticali fiunt ad inveniendum thesaurum, vel res furto sublatas, ad sciendum aliquid occultum, quod sit occultum per accidens, sed dæmoni manifestum, ad sciendum, an post conceptionem partus jam in utero formatus sit mas aut femina, ad tentandam pudicitiam, ad impediendum, ne ignis filum, vel rem aliam comburat, ad transferendum aliquid è loco ad locum, ad inferendum infirmitates, ad ligandum sponso, ad inducendum nebulas, tempestates, tonitrua, ad sanandum morbos, ad illuminandum etiam cæcum, non tamen à nativitate, ad juvandum memoriam, ad acquirendum scientiam per purgationem phantasmatum, per facilitatem, felicitatemque sensuum, & ad cætera huiusmodi, quæ demon virtute sua post agere.

Bisariam verò suspicio esse potest levis. Primò ex natura operis. Quia scilicet opus non est ex se contra fidem, solumque rariùs est ex hæresi. Unde ex eo, nisi ex aliqua subjecta circumstantia non potest oriri vehemens suspicio hæresis, ut comedere carnes. Ex hoc enim non potest vehementer colligi, quod comedens carnes, teneat hæresim illorum, qui asserunt, non esse illicitum comedere carnes diebus vetitis. Aliæ verò sunt actiones, quæ per se in rei veritate sunt contra fidem, ac hæresim ex natura sua supponunt. Sed quia id non est manifestum, iccirco ex illis non confurgit manifestus sapor hæresis, aut suspicio vehemens. Huiusmodi



sunt omnia fortilegia, in quibus exhibetur daemone cultus verè hæreticalis, quamvis id non sit manifestum in fortilegijs, quæ dicuntur simplicia, & non qualificata.

### CONSULTATIO LV.

*De nomine Malefici, Magi, Mathematici, Sortilegi, & alijs quibusdam. Et quid sit Incantatio, Veneficium, Magia.*

Constantinus Imperator magicis carminibus afluatos maleficos vulgi consuetudine nuncupari testatur in *l. etsi excepta C. de malef. & mathem.* Idipsum & Lactantius *lib. 2. de orig. rer. cap. 17. & in can. nec mirum 26. qu. 5.* Quamvis enim Maleficii nomen ad omnia pertineat crimina, & damnum omne, quo nocetur alteri, ut constat ex penè infinitis juris testimonijs *l. ex maleficijs ff. de act. § sequens de obl. apud Justin. §. 1. de obl. quæ ex delict. nasc.* ob insigne tamen nocendi studium, quod in fortilegis, lamijs, incantatoribus esse detegitur, ea maleficii nomine absolute signantur. Ita Augures, Vates, Chaldaeos, Magos, reliquosque id genus maleficos vulgus appellat ob fascinorum magnitudinem *l. nemo haruspice C. de malef.* Ut & Valentinianus, Theodosius, & Arcadius maleficos communis salutis hostes dixerunt in *l. fin. C. eod. tit.* Quæ non tantum ad viros, sed & ad fœminas pertinent, quando & curiosior hic sexus ad artes scrutandas magicas pronior, & propensior fit, ut tradunt Rabbini in præceptis *lognace*, sive præceptis negativis *præcepto 198.* Sic enim & docent verba *cap. 22. Exodi*, quæ de muliere, non viro loquuntur *mechascéphah lo thechaie*, id est malefica non vivet.

Qua ratione maleficia distingui possunt à vanis quibusdam, & curiosis nimium perquisitionibus, & observationibus, quarum Sæctatores Mathematici quoque vulgò dicti sunt aliquando, seipsos tantum, non alios lædentes. Propriè Mathematici nomen à demonstratione, qua utuntur Mathematici. Unde & eorum scientia mathesis, quæ quatuor illas complectitur, Arithmetica, quæ de numeris agit, Astrologia, quæ de syderibus, Musica, quæ de melopœia, & verborum sonoritate, & Geometria, quæ de terræ mensura. Atque de priori acceptione & notione rubrica, ut opinor, de maleficis, & mathematicis intelligenda est, sicut & Cornelius Tacitus in *2. annal.* tradit, de mathematicis, magisque Urbe pellendis facta fuisse Senatus-Consulta. Et D. Augustinus, cujus sententiam refert Gratianus in *can. illos planetarios 26. q. 2. genethliacos*, seu planetarios, mathematicos dixit. Et sic hanc observasse differentiam expedit, dum rescriptum Cæsaris Diocletiani, & Maximiani legimus in *l. 2. C. de malef. Artem Geometricam discere, atque exercere, inquit, interest; ars autem mathematica damnabilis est, & interdicta omnibus.* Quo loci Geometria à Mathematica distinguitur, & illa necessaria & approbata, hæc omninò illicita. Veluti & Plato *lib. 7. de republ.* Geometria & ad omnes artes conducere, ut & cæteras, quas propriè diximus mathematicas, edocet ex consensu Pythagoræ & Glauci. Quibus suffragantur jura, *can. si quis artem d. 37.*

Nec etiam aberrabimus, si Tacitum loquutum de Astrologis divinatricis, seu judiciariæ curiositatis observatoribus nomine Mathematicorum pellendorum putemus. Item & Cæsares Honorium, & Theodosium in *l. mathematicos C. de Episcop. aud. dum Mathematicos*, aiunt, nisi parati sint, Codicibus erroris proprii sub oculis Episcoporum incendio concrematis, Catholica Religionis cultus fidem tradere, nunquam ad errorem primum redituri, non solum Urbe Roma, sed etiam omnibus Civitatibus pelli decernimus.

Possent & isti judiciarii Astrologi, olim meritò Urbibus expulsi, Magi dici aliqua nominis significatio-

Quod inter cæteras magici nominis acceptiones & magum domum dici annotavit non nemo apud Celtas ex lectione Joannis Picardi *lib. 2. Celtipædia.* Observant autem Astronomi regiones, & plagas Cæli, quas in partes, quas domos dicunt, dividunt, & ita à domicilijs Cæli observatis magi rectè ea ratione dici possent. Verius tamen est, Magos hos, & reliquos rerum mirabilium jactatores dictos fuisse ab usurpato nimium arroganter sapientum nomine, ut eo specioso homines rudēs fallerent, & sacrilegam mentem ac artes sceleratas, dolosque regerent. Nam Cælius scribit *lib. 5. cap. 42.* vox Magus quidem Scythijs ædificatorem sonat, Perlis sapientem, Græcis verò divinarum rerum interpretem, exactissimè speculantem. Et, ut Plinius ait, *lib. 30. c. 1.* is Magus olim, qui eruditionem rerum abditarum Philosophiæ utriusque moralis, & naturalis callebat, medicinam, & mathematicas, in Theologia eximie eruditus. Ita magia consummata Philosophia circa divina & humana potissimum cognitio de Deo, & immortalitate animæ, ut & constat ex magia Zoroastri, quæ nunc excusa est.

Notat & Lucius Apuleius in *apolog. 1.* quàm pro se edidit, dum ait Magos Perlis esse idem, quod nobis Sacerdotes, & magiam esse cultum Dei. Quod mutuatum est ex Alcibiade *1. Platonis*, subscribitque D. Chrysostomus *10. 2. oper. hom. 2. in 2. cap. Matth.* Sic Strabo *lib. 1. Geogr.* scribit Sacerdotes Ægyptios, Chaldaeos, & Magos aliqua sapientia cæteros excellentes, principatum, & honorem apud majores nostros comparasse. Et rursum *lib. 15.* de Perlia sermonem faciens, juxta portas Caspias esse nationes Achæmedinarum ait, & Magos, qui honestum quoddam genus vivendi sectantur Philo quoque Judæus *lib. de special. leg. veram magiam perfectivam scientiam dixit*, per quam naturæ opera certantur clariùs, eamque ut honestam expetendam, & ex hac corrupta malas prodiisse artes circulatorum, ariolorum, & similium. Sic Diogenes Laertius Persarum Philosophos, Magos dictos fuisse, eamque magiam à vetitis artibus separatam tradit in *proæmio.*

Effecit tamen tandem hominum pessimorum impostura, ut scientia, quæ saluberrimis ac præstantissimis constabat initijs, in odium, & opprobrium conversâ fuerit, & Magi ac Chaldaei nomen exosum fuerit, & damnata conspurcata impijs cæremoniis, & maleficijs ars, ut ex singulis legib. tituli de maleficis liquet. Et non tantum hujus facta, sed & libri improbari damnis adjudicati, *l. 11. de Episc. aud. juncto Ulpiano in l. cætera, ff. famil. ercisc.* Quemadmodum impiorum aliorum dogmatum libri, & monumenta Vulcano destinantur *l. damnato §. 2. & l. quicumque §. nulli, & §. seq. C. de heret.* Et eo pacto, quod honori Philosophis & Sapientibus erat, nunc vituperio est, & damno, ut nemo sanæ mentis se Magum audeat dicere.

Quamobrem Magi malefici intelliguntur, item & fortilegi dicti. Vocat namque & Plinius *lib. 28. c. 4.* fortilegia omnes Magorum vanas observationes. Et hodie quoque omnes ii eadem sortium declinatione sortiarum, & mulieres magæ, divinatrices, Striges, Lamæ, Larvæ, Lemures, Sortiarum dictæ, in *can. si per sortiarum 33. q. 1.* Porro incantationis, & veneficii nomen in genere significat actionem, qua ab homine, qui cum malo daemone pactum iniit, ejusdem daemone opera aliquid, quod supra naturæ cursum est, perficitur.

Actiones autem istæ, ut & qui eas exercent varijs appellationibus apud Græcos & Latinos indignantur. A Latinis nominantur incantationes, veneficia, magica artes, incantatrices, veneficæ, maleficæ, magi, sagæ, lamiæ, striges. Quæ appellationes etsi singulæ certas actiones, & operandi modos significat, plerumque tamen ita confunduntur, ut unumquodque unum, vel plures, & omnes unumquemque significare videantur.

Primo



Primo enim nomen Pharmacum, à quo pharmaceutia derivatur, in bonam & malam partem accipitur, & ubi in malam accipitur & lethale venenum, & philtum, & magicas actiones, quæ in imaginibus, & characteribus, certis verbis, ac similibus consistunt, significat.

Secundo Epodi, quod est accinere, adcantare, admirare dicta, Incantatio est maleficii genus propriè, quo verbis quibaldam conceptis, quæ carmina vocant, malefici mira se præstare posse putant. Hinc venefici alii ex manifesto & expresso cum dæmone pacto sua carmina recitant, & incantationes instituunt. Alii imprudentes, non tamen excusabiles, carmina illa, seu verba sic recitant, non quasi ex pacto cum dæmone valeant, sed quod verbis ipsis vim quandam inesse, malè persuasum habeant. Utrique plerunque alios ledere student, præcipue illi, quibus pactum expressum est cum dæmone.

Tertiò etiam dicuntur Veneficæ, quod venenis malis utuntur, iisque hominibus nocent.

Quartò ob nocendi studium Maleficæ appellantur, cum omnia earum studia, eò dirigantur, ut hominibus vel brutis instinctu dæmonis, qui ab initio est homicida, noceant.

Quintò dicuntur Magi. Et enim nonnulli existiment magos semper & ubique habitos qui vel scire, vel facere possint ea, quæ à naturalibus causis effici nequeant, & cum naturæ vires nihil saperet, nisi Deus, & Angeli boni, vel mali; Dei verò & bonorum Angelorum opera usi non sint, ea de causa, quod quæ faciunt ordini à Deo prescripto prorsus repugnant, malorum Angelorum opera id præstitisse. Verum hic sentio cum Pererio lib. 1. de magia cap. 3. & aliis, qui statuunt, dari magiam aliquam naturalem, eamque esse, quæ cognitione quadam, ac usu rerum naturalium mira perficit. Multa enim, ut Plinius loquitur, sunt Naturæ miracula incompetæ rationis, & in Naturæ maiestate penitus abdita, qualia passim in Physicorum libris occurrunt, & eorum quædam collegit Pererius loc. cit. Hæc ergo quæ vulgo ignota sunt, si perspecta habeat Philosophus, mira facere potest adeo, ut vulgus ea supra naturæ vires, & à superiore aliqua causa profecta putet. Interim hoc negandum non est, cum humanæ mens sit novitatis avida & scientia nunquam expleri possit, illos Persas, Chaldeos, & Egyptios, cum omnia, quæ vellent, intellectu consequi non possent, ad dæmonum opem tandem confugisse, Unde Magi nomen infamatum est, ut jam diximus.

Sextò Sagæ à sagiando, id est multa faciendo dictæ sunt propriè, quæ se multa scire imprimis, quandoque & facere profitentur, quæ ex pacto cum dæmone se, quæ alii nesciunt, dicere, vel prædicere, vel tempestates ciere, homini, brutis, segetibus nocere posse nibi persuasum habent, quam ad rem carminibus, imaginibus, characteribus, & aliis rebus utuntur.

Septimò & Lamia nominantur à lamiis Ethnicorum: Ethnicis enim lamii erant spectra, seu phantasmata, quæ cum prodesse se velle, ac juvenum amorem ambire mentiebantur, in formosarum, & pulchrarum mulierum specie, cum verò nocere volebant, deformi, & horrenda apparebant, & Empusæ ac Mormolicia dicebantur. Cum ergo Sagæ hodiernæ cum spectris colludere, convivari, saltare, libidinem exercere, aliaque agere dicantur, hinc Lamia sunt vocatæ.

Octavò nominantur Striges ab ave hujus nominis è Poetarum fabulis nota, quæ credita fuit noctu lac infantium labris immulgere, & infantes absque custodia relictos, è cunis rapere, sanguinemque eorum exorberet. Quod cum & veneficæ facere dicantur, Striges quoque nominantur.

Tandem etiam à quibusdam ars Atracia nominatur,

Tom. I.

non quidem ab atro colore, sed ab Atracæ, qui eam primus in Thessalia tradidisse scribitur, teste Beroaldo in Apuleium de Asino aureo.

Etià verò ex his omnibus pateat, nomina hæc diversas ob causas maleficis esse imposita, hodie tamen omnia pro uno, & unum pro omnibus fere usurpantur, & his nominibus omnibus ij appellantur, qui ex pacto cum dæmone, ejusque ope, ea, quæ supra naturam sunt, præstare dicuntur. Iis enim omnibus, ut postea dicetur, commune est, ut pactum cum dæmone habeant, interdum expressum, & apertum, interdum occultum, & implicitum. Et sanè eò dementiæ deveniunt, ut abjurato Deo, paciscantur cum dæmone, & se ejus tutelæ, patrocinio, ac dominio tradant, ut vel artes, & scientias, & occultas res ab eo discant, aut aliis nocendi vim ab eo accipiant. Quidam vero etià cum dæmone pactum non incant, ceremoniis tamen, characteribus, verbis, ac similibus, quæ ab aliis, qui pactum cum dæmone iniierunt, acceperuntque, utantur, ut mirabilia præstent, & aliis seu pro sint, seu noceant, de quibus suis in locis.

## CONSULTATIO LVI.

De distinctione artium Magicarum, & maleficiorum, & quod maleficia per pharmaca fieri possint. Maleficiorum divisio. Somnificum, Amatorium, Hostile.

Judex, qui sententiam dicturus est de Maleficis, & Magis, distinctione uti debet. Quamvis enim magicæ artes omnes animadversione dignæ sint l. eorum C. de malef. nihilominus quædam majori implicentur scelere, & quia atrociora habent in se crimina & pœnas exigunt majores. Proinde quoad forensi considerationem pertinet summam explicabimus, quæ digna sunt observatione pro criminis magici noticia, & pro vindictæ temperamento.

Atque notandum puto Magorum, & maleficorum artes, seu scelera interdum pharmacis, seu venenis uti, additis incantationibus, aliisque mediis nocere. Et rursus aliquando in his pactum cum dæmone expressè initum, fide Sacro-Sancta Catholica ejurata, interdum tacitum.

Primum caput ex Justiniano probatur, qui in § Item lex Cornelia, vers. eadem lege de publ. judic. lib. 4. Instit. jur. Civil. veneficium suluris magicis maritat: Eadem, inquit, lege & venefici capite damnantur, qui artibus odiosis, tam venenis quam suluris homines occidunt. Idipsum Plato facit lib. 12. de legib. dum agit de pœnis utriusque. Huc pertinent collyria, unguenta, potiones, philtrea, suspensiones, fustitus, & reliqua similia, de quibus postea, iisque utuntur vel ad miracula insciis, & ignorantibus edenda, cum tamen naturalia sint, vel ad dæmonum præstigia, quæ his non indigent, fucanda.

Pari modo & physica in ostentationem transferentes vel in perniciem, vel ad superstitionem, aut ad impietatem. Sic ex medicis herbis veneficia facta, ex viribus rerum abditis fortilegia; & vana quædam supra fidem conficta, ut docet Plinius lib. 26. cap. 4. dum de magicis agit herbis.

Et ideo hanc magicæ speciem dicit Suidas Pharmaceutriam, quam nos veneficam, & sagam dicere possumus, quæ etiam imitatur Jatralepticon, de qua Celsus in prologo, in quantum unguentis utitur. Nam sæpe constitit Sagas, & veneficas, puerulos, & pupos, & dormientes unguentis illitos necasse. Quia virus, & venenum oleis, unguentis, liquoribus, succisve exceptum admovent corporibus & cuti, & ad carnem, ossaq; penetrat, inde ad viscera, & interiora vitalia membra, permeat,



meat, & medullas, hocque aliquando papillas mammarum inungunt, porriguntque fuggentibus, & ita toxicum exhibent, vel oculis venena, vel halitum gravem spirant, inunctis infauftis collyriis oculis, vel præmanis quibufdam, quæ odoris funt inficientis, vel aliis fimilibus adhibitis, infectisque tunicis, veftribus, liminibus, parietibus, candelis, feris, chirotheceis, ftropholiis, aliisque veneno aliquo contagione lædente, vel occidente. In fumma variè adhibent pharmaca, vel intra corpus ingerentes, vel circa corpus, & extra, vel in ambientibus corpora, velut dum corrumpunt, inficiunt, & confpurcant elementa aerem, ignem, & fimilia, quæ racenda potius, quàm evulganda.

Si verò pactum, ac fœdus cum dæmone desit, nihil res ad hanc tractionem pertinet magis, quàm homicidium ferro peractum, vel raptus Virginis, vel furtum, aut latrocinium.

Quod autem spectat ad malefici divisionem, potest fieri vel per ordinem ad causam efficientem, vel ad finalem, ubi per efficientem causam non intelligitur Deus permittens, neque dæmon perficiens, neque prava malefici consentientis & cooperantis libera voluntas; hæc enim tria semper in omni maleficio concurrunt, sed vocantur efficientes causæ instrumenta, materiaque nocendi, quæ ad nocumentum immediate concurrunt, quæ sicuti sunt in multiplici differentia, ita etiam varia, & diversa sunt maleficiorum genera pulverum, unguentorum aliarumque rerum, quarum, etsi aliqua vim necandi, morbosque inferendi naturaliter habere possint, ut si sint virulentæ, plerumque tamen hujusmodi effectus ab illis non manant, sed pendent à pacto cum dæmone inito, ejusque operaduntaxat præstantur; ita, ut pulveres, vel unguenta, aliaque hujusmodi tantum deserviant declaranda conventorum fidei. Cujus manifestum est argumentum, quod nonnunquam qui pulvis uni medicina fuit, is in alterius strigis potestate lethalis est.

Notandum est tamen, unguenta, vel pulveres, qui ne-  
cant, arros, qui verò morbos tantum afferunt, cinericei,  
vel interdum rufi caloris esse. Contra quo pulvere, vel  
unguento malum tollunt, & medicinam faciunt, is  
plurimum albus est. Quæ unguenta, vel pulveres, si  
igni iniiciantur, fulgorem, strepitum, nidoremque  
edunt, cui similem res alia nulla.

Insuper nec rebus sacris maleficos parcere, plura comprobant experimenta. Quidam etiam apertiùs graffantur, qui per demonem strangulari, vel precipitari alium curant, vel puerulos noctu injecta culcitra præfocant, vel acu post aurem infixa necant. Hoc genus maleficorum Hebræis, & veteribus Latinis, nec non etiam Græcis, illis sub nomine *Lilith*, istis sub nomine *Lamie*, fuisse notum, pluribus probat Sebastianus Michaelis *lib. de Pneumatologia*, videturque ad illud Sacræ Scripturæ Threnor. 4. & Isai. 34. alludere, ubi dicitur: *Nudaverunt Lamie mammas suas*, quod ille necarent infantulos, illis etiam mammas ostendendo, quasi eos lactare, & sic fletum compescere voluissent vel eas veneno inungendo, ut diximus.

Quod spectat ad divisionem à causa finali desumptam  
sicut multiplex finis intendi potest, ita etiam multiplex  
ab illo maleficii divisio duci posset. Communiter ta-  
men ad tria potissimum genera reduci solet. **Somnificū,**  
**Amatorium,** & **Hostile.** **Somnificum** vocatur, quando  
malefici aliquem potione, malo carmine, ac certis ri-  
tibus soporant, ut interea ei **venenum** infundant, vel  
infantulos rapiant, aut noceant, vel furto quid subtra-  
hant. Faciunt hoc interdum **magi,** & fieri potest natu-  
ralibus venenis soporiferis.

Maleficium amatorium, Græcis philtum, vocatur  
omne illud, quod dicitur, fit, & datur eo fine, ut in

amorem quis, Venerisque furias protrahatur. Veteribus enim is videtur communis error, etiam nolentes homines modi philtris in amorem pellici posse. Nihilominus tamen de fide tenendum est, hisce philtris, cuiuscunque generis, vel conditionis sint, nullius voluntatem cogi posse, ad quem non vult, amandum, sed tantum posse imaginationem perturbari, humores concitari, & totum corpus interius quasi accendi; adeo, ut quis non tam philtrorum virtute, quam demone ad eorum praesentiam variis tentationum illecebris interius certante, astro quodam libidinis vexetur, & sic vehementer trahatur ad desiderium copulae carnalis cum aliquo in genere. Unde si tum temporis maleficus amator accedat & artibus, quibus solent capi muliercula, personam amatam instanter urgeat, vel daemon de uno illo assidue memoriam, phantasiaque moveat, exhibendo species circumstantiarum, propter quas amore dignus videatur, subtrahendo vero eas, quae indignum redderent, facile fit, ut in laqueum praeda cadat.

In voluntatem enim alienam quancunq; nihil juris habet dæmon. Suadere quippe, & blanda, ac congrua objecti propositioe pellicere potest, ac solet, illos ipsos calles terens, quos Deus cum reverentia, ut Sapiens dixit, liberam voluntatem disponens, sectari solet, ut rectè tradit Lactantius *lib. 6. instit. cap. 4. & 7.* Cogere tamen voluntatem, ut se debeat, aut impedire, ne feratur in partem, quæ placuerit, nequaquam potest, quamvis interdum cogere dicatur, quia valde urget. Quod duntaxat voluit Cyrillus *lib. 6. in Joan. cap. 19.* cum dixit, *demonem magnum vim habere ad imperandum iis, quos possidet, & cogere ad opus, etiam nolentes.* Id est qui nolent, nisi ita arctè premerentur, & urgerentur ad malè agendum. Nam simpliciter nolentes, non possit dæmon cogere. Et eodem modo intelligendus Autor imperfecti in Matth. *hom. 37.* cum ait. *Sicut navis, fracto gubernaculo, illuc ducitur, quò tempestas voluerit, sic & hominem Divina gratiæ auxilio per peccatum perditio, agere non quod ipse vult, sed quod vult Diabolus.* Quod autem absolute dæmon adigere alienam voluntatem nequeat, certissimum omnino est, beneq; de Dæmone D. Augustinus *Serm. 197. de temp. Alligatus est, inquit, tanquam canis in nexu catenis, & neminem potest mordere, nisi eum, qui se illi morifera securitate conjunxerit. Jam videte, fratres, quàm stultus est homo ille, quem canis in catena positus mordet. Tu te illi per voluntates, & cupiditates seculi noli conjungere, & ille ad te non presumis accedere. Latrare potest, sollicitare potest, mordere omnino non potest, nisi volueris. Non enim cogendo, sed suadendo nocet, nec extorquet a nobis consensum, sed petit.* Similia Pelagius apud Augustinum *lib. de nat. & grat. cap. 58.* laudatus iccirco quoad hoc ab Augustino. Eademque repetuntur in ejusdem Pelagii ad Demetriadem *ep. sub fine.*

De hujusmodi philtiris, five amatoriis maleficiis habetur mentio in variis sacrae Scripturae locis, Nahum cap. 3. v. 4. *propter multitudinem fornicationum in terris specie & grata, & habentis maleficia.* Quod Franciscus Ribera de maleficiis amatoriis interpretatur. Baruch etiam cap. 6. v. 42. *Mulierem autem circumdata funibus in viis sedentem, succedentes ossa olivaceam. Cum autem aliqua ex ipsis attracta ab aliquo transierit dormierit cum eo, proxima sua exprobrat, quod ea non sit digna habita, sicut ipsa, neque funis ejus disruptus sit.* De quo loco vide interpretes, ac Delrium lib. 3. magic. qu. 3. sect. 2.

Quod autem ad philtroꝝ divisionem, Griliandus lib. 1. de sortil. q. 3. & 5. ad duo potissimum capita illa reducit. *Amatoria*, inquit, *sortilegia* vel fiunt intra corpus, vel extra corpus, scilicet *maleficiati*. In corpore communi- ter fieri solent per cibum, vel potum, & in his frequen- ter admiscunt (quod vix solet in hostili, vel somnifero malefi- cio) SAGRA



cio) Sacramenta, & Sacramentalia Ecclesie Catholica ut hostiam consecratam, &c. Extra corpus autem sive extra intestina sunt maleficia amatoria per aliquas mixturas compositas ex herbarum foliis, vel radicibus, metallis, reptilibus terra, &c. Et tunc adhibent certas ligaturas, quibus hæc involuta consunt in clamyde, vel tunica maleficiandi, vel abscondunt sub capite lecti, vel inter plumas, vel materatæ, super qua ipse dormit, aut sub limine ostii, vel alterius loci, super quo ipse maleficiandus vir transiit, aut mulier transitura sit. Vel etiam, ut statim ex loco Baruch vidimus, illa comburunt, addendo, sic se amicum cor, vel ossa ure, vel in amico suo hæc se adolere, vel tandem precari, ut sic amici earum amore torrerentur.

Subdit etiam idem Grillandus tertium quoddam genus hujus fortilegii, nimirum deferri quandoque imagines quasdam ad loca sacrificiorum, terra, vel cera, aut gemmis, seu alia quavis mixtura, & materia confectas, illasque baptizari prius nomine personæ maleficiandæ sub invocatione, ac devotione demonis cum eisdem ceremoniis, quibus uti solent nostri sacerdotes in vero baptismo, quibus adjiciuntur quedam verba turpia, & nefanda. His imaginibus quandoque aperiunt pectora, & ipsarum corda ingenti calore ignita reddunt, aut tantum detinent, quod liquefiunt, putantes eodem modo cor hominis maleficiandi aduri, seu mollicari, & obediens reddi ad votum fortilegi, vel amanti. Maleficos istos Joannes Sallibet. lib. 1. cap. 11. Vultriculos, vel, ut corrigit Delirius Vulticolos: *Vultricoli sunt, inquit, qui ad effectus hominum immutandos in molliori materia, cera, vel forte limo, eorum, quos pervertere nituntur, effigies exprimunt, cujus illusionis meminerunt etiam poëtae. Virgilius in Pharmaceutr. Limus ut hic, &c. & Ovidius lib. Heroid.*

*Devoret absentes, simulacraque cerea fingit,  
Et miserum tennes in secur urget acus.*

Est autem fortilegii amatorii, quod fit intra corpus, materia ut plurimum, sint res calidæ, dulces, amantæ homini, & coadjuvantes naturalem calorem, luxuriandique potentiam, & idè à lege vocari solent bona, vel non mala venena, ad distinctionem maleficii hostilis, in quo quæ interveniunt, ut plurimum sunt frigida, amara, noxia, & naturæ humanæ, hominumque salutis contraria, unde mala venena vocantur, hæc tamen non solum menti, quod illis commune est cum philtreis extrinsecis, sed etiam corpori, ut plurimum, valde noxia esse quotidiana docet experientia.

Circa philtrorem remedia quàm inutilia & vana sunt illa omnia Gentilium, quæ per incantationes, aut lustrationes quasdam fiebant, quæ Christianis etiam prorsus illicita sunt, tam utilia sunt, ac proficua primò illa omnia, quæ Sancti Patres ex S. Scriptura præscribunt, viderique possunt apud Delirium. Secundò naturalia etiam medicamenta, maniam purgantia, & ardorem libidinis temperantia, ut agnus castus & alia hujusmodi, quibus licebit uti, dummodo noxia non sint valetudini. De philtreis suo loco iterum ac tertio diximus.

Maleficium hostile vocatur quicquid in bonis animi, corporis, ac fortunæ damnum infert, aut aptum est inferre, aut iccirco adhibitum fuit à malefico, ut inferret. Hujus maleficii innumera extant Sacra Scriptura testimonia. Job cap. 2. *Diabolus percussit eum ulcere pessimo à planta pedis usque ad verticem.* Unde etiam maleficos demonum ope morborum irrogatores, sive immissores esse posse, nemini divinarum Scripturarum auctoritatem admittenti dubium esse potest. Saulem etiam demon per atram bilem divexabat I. Reg. cap. 16. *Exagitabat eum spiritus nequam,*

*qui pulsante Davide cytharam, secedebat.* In novo, quoque Testamento Matth. cap. 17. Marci 9. Lucæ item 9. unum demon aurium & linguæ usu privavit, ac simul epilepticum reddidit, quem Matthæus *Lunaticum* vocat, non quòd demoniacus non esset, sed quòd à demone obsideretur, ac simul pleniluniis temporibus per demonem comitiali morbo gravissimè affligeretur, eo quod tunc cerebrum humoribus plenum aptius erat exagitari. Apud Lucam cap. 8. alium diabolus vexavit illa affectione, quam Lycanthropiam medici nominant, cujus præcipuum signum, vel indicium est, quòd domi nequeant contineri, & in deserta loca se proripiant, circaque sepulchra oberrant. Aliam adfixit convulsione spinæ dorsæ, Lucæ cap. 13. quo loco demon ille vocatur *spiritus infirmitatis*, eò, quòd, ut subditur, eam vinxerat Sathanas. Nam demones in Sacra Scriptura nomen habent ab effectu, ut *spiritus avaritiæ*, qui impellit in avaritiam, *fornicationis*, qui suavor libidinis.

Et quidem Magi propriè dicti sunt, qui vulgò malefici dicuntur, qui permissu Dei turbant mentes hominum minùs confidentium in Deo, ac sine ullo veneni haustu, violentia tantum carminis interimunt, *can. nec mirum §. magi 26. qu. 5.* Theodoricus Rex Gothorum jubet Arigeono in Basilium quendam, & prætextatum inquirere, refertque eos custodia elapsos, cum mentes alienassent Cusiodum lib. 4. var. Calliod. epist. 23. Sic & mentem tolli docet Lucanus lib. 2.

*Mens hausti nulla sanie polluta veneni,  
Excantata perit.*

Et Virgilius Eclog. 8.

*Effer aquam, & molli cinge hæc altaria vitæ,  
Verbenasque adole pingues, & mascula thura,  
Conjugis, ut magicis sanos avertere sacris  
Experiar sensus; nihil hic, nisi carmina desunt.*

Et iterum idem lib. 4. *Anead.* Didonem de venefica Massylæ gentis Sacerdote dicentem facit.

*Hæc se carminibus promittit solvere mentes,  
Quas velit; ast aliis duras immittere curas,  
Sistere aquam fluvius, & vertere sidera retro,  
Nocturnosque ciet manes, mugire videbis  
Sub pedibus terram, & descendere montibus ornos,*

Et alibi in Ciride refert carmina & veneficia quibus nutrix Ciridis conabatur Regis Jolchiacis animum defigere.

In carminis formula, quo evocabantur tutelares, ut dicebant Idololatæ, Dii, excantatio habet Urbis, & exercitus devotionem, Macrobi. lib. 3. *Saturnal. cap. 9.* Plin. lib. 28. cap. 2.

Narrat Gaguinus in vita Philippi Huttini lib. 7. *hist.* uxorem Enguerrani cujusdam quæstoris Gallici, qui expilaverat ararium Galliæ, cum de mariti carcere conclusi liberatione desperaret, ad magiam & divinationem se convertisse, Panioto quodam malefico, & Claudia muliere ad id facinus opem ferentibus, atque cerea quedam simulachra ad Regis, & Caroli Valesii formam demoniaca arte confecisse, qua languentium speciem præ se ferrent, ad quorum similitudinem, nisi mala fors prodita fuisset, Rex, & ipse Carolus conficiendi macie sensim erant, & definita ad tempus morte consumendi. Quo cognito, suspensus fuit Enguerranus, & Paniotus, & Claudia flammis consumpti. Nec solum copiosa horum exempla, verum etiam magna non desunt.

Cardinalis Lotharingus, ex supremo Dynasta, & Claudia Valesia Henrici secundi filia genitus malefici cujusdam fascinationibus fortilegiisq; adeò pessimè div exatus, ut rei insolentia & facinoris magnitudo omnem orationem superet. Erat Cardinalis ille ante maleficium bona & firma valetudine, ac vegeto corpore: mox afflatus diro spiritu avernalis hominis, ita conta-



buit, dirigit, atq; exuccus factus est, ut vix pellucida cutis ossa operiret, nec tantum macies horiori, sed tormina, angores, & cruciatus incredibiles Lotharingum ita torquebant, ut nulla supplicia cum illis comparanda viderentur. Primum tota Lotharingia, finitimisque Provinciis, mox tota Europa quaeriti, & acciti ingentibus praemiis medici, omnes etiam Empirici, Paracelsistae, nec illi modo, sed promiscue omnes viri & mulierculae, qui vel nugas proferebant. Ea enim artis inconstantia, ut cuilibet, medicum se proficienti statim credatur. Illi quidem operam, sed non opem adhibent, pervicacia mali omnem peritiam superat. Tandem obstupescere, & caecutire in morbo insolenti omnes confitentur. Ergo infelix heros, humana ope destitutus, à Numine medelam poscit. Vota, supplicationes, jejunia, nudipedalia, ac hujusmodi Christianae expiationes decernuntur; non illis vis mali sistitur, perditus, & pernox torquetur, nec ut alligato ad vulturem in Caucaſo *fibris requies datur alla renatis*. Tandem inspirato spes medelae affulsit. Marchio de Lullius, dum in Angliam it Orator Ducis Insubriae, atque iter facit per Lotharingiam, tantillum in aula diversatur: ut Cardinalem sic tortum vidit, ejus vicem incredibiliter demiratus, & miseratus, venit illi in mentem, Amedaeum Ducis, cujus legationem obibat, fratrem nothum non dissimili nequitia Lamiarum, & maleficorum artibus cruciatum, frustra accitis omnibus Medicis, ab Ambrosiani Ordinis Mediolanensi Monacho exorcismis, expiationibusq; divinitus curatum fuisse, ut in tota Insubria res pro miraculo fuerit Illico per veredarios accersitur malleus ille maleficarum, venia Clementis VIII. adfuit, à pluribus annis Summi Exorcistae apud Pontifices Maximos vices agebat. Ubi Cardinalem penitus sume introspexit, de morbi torminibus, elus, potus, quietis, egestionis, similibusque statu certior factus, demonis artes esse palam professus est, abigendas divina ope, & sacris ritibus, qui illi de usu erant, constituit. Primum jussit cubiculum, quo decumbebat Cardinalis, aulaeis, stragulis, atque omni serica & lineae supellectile nudari, quod ille diceret maleficium in illis interdum ac sapius esse abditum; ut revera in culcitra ossa cadaverum, caudae felium, praegemina unguum, & pilorum, & fœda plurima reperta sunt. Diebus singulis priusquam Mediolanensis ille exorcista ad Liturgiam se accingeret, ter percusso tintinnabulo in nomine ac virtute tremendae Trinitatis demones adigebat adesse, & fateri, qui, qualesve essent, quorum maleficio corpus Principis insilissent. Sacro peracto iterum percusso tintinnabulo, imperabat, ut Cardinalis ossensus, aridus, totis artibus immobilis, manum illam, vel istam erigeret, pedes moveret, attolleret, transversum infereret. Nec mora, qui antea non magis movebatur quam truncus, vel silex, manus, pedesque ad modum imperantis movebat. Peritori admota erat Crux, in qua dominicae portiuncula inerat. Jubebat Mediolanensis Monachus, Cardinalem semper thoro immotum, & quasi clavis, & cuspidibus defixum, ut se erigeret, dorsum inflecteret, ac prona cervice Crucem deoscularetur. Dicto ocyus quasi novus homo, velut quatruiduanus ille sepulchro olidus, ad Servatoris vocem exiit, Cardinalis vertebis sese ex diutino rigore dissolventibus, Cruci labia admovebat: mox subitus rigor, ariditas, & paralysis redibat, cunctis obstupescens, ac ipso Cardinali demirante, qua vi ignota tantillum pristinas vires & munia corporis reciperet. Utque demonis nequitia conspectior foret, adegit Exorcista illum, laxare manus articulos rigentes Cardinalis, quo ille in subiecta charta pingeret. Dicto morem gerens qui nec digitum movebat, more, quo solebat ante sortilegia Je-

sus nomen nitide expressit. Vix manus peregerat, cum exarato verbulo dirigit. Immundi illi spiritus, ut qui pertinaciter in obfessionibus haerent, vix stationibus discedunt, ubi tamen ariete crebro, & machinis urgentur, ad colloquium impelluntur. Sic Mediolanensis demonem adegit, ut palam fateatur, quot fascinationes, devotionesque Cardinalem obstringerent, quave parte corporis, quo, qualive maleficio injecte, quando tyrannide sua erat Principem liberaturus, utque discessus innoxii signum prodideret. Hoc genus demonum Verbi divini imperio audiens, prodit maleficium fascini, fallaciam detegit, ac tandem post duodevicesimum diem ab inceptis ritibus exorcismi immundus spiritus obfessione sua Principem liberavit. Egressus notatur, cum in Liturgia corpus dominicum elevaretur, exorcista operante, & imperante his verbis: *Et quia Verbum Caro factum est, & quia Christus imperat, da gloriam Deo, gloriam Jesu Christo, cede Spiritui Sancto. Adjuro te, non ut homo mortalis, & peccator, sed tanquam Minister Dei, tanquam Minister Sanctae Romanae Ecclesiae, & Summi Pontificis, & tanquam Exorcista, & Sacerdos*. Et hinc Lotharingus torminibus, cruciatibusque liber, placide, & in utramque aurem quievit, elus & potus illi ad palatum, paralysis abijt, redijt succus, decor oris, aspectu vernat, & paulatim totus invalescit, ut qui antea thori mollissimas plumas egre ferebat, paulo post lecticam pateretur. Qui Cardinalem maleficio affecerat, lento igne, ut qui bove Perillaeo torrebantur, exustus, quamvis acres, scelere tamen mitiores penas dedit.

Non diffiteor, fore non paucos, qui me inania, ludicra, commentitia, & anilia fingere, ac scribere dicant, totoque cachinno hanc paginam perlegant, si modo fastidiosè perlegerint; Sed tota Lotharingia mihi pro teste est, ac etiam qui de familia Catharinae Borboniae Reginae Navarrica novatores non pridem defuncti, ita, ut herois illa, nulla re alia ad Catholicos ritus magis impulsæ fuerit, quam vi arcana exorcismorum, quorum flagello spiritus nequam toties percussus aufugerit. Rem totam Dominus de Lorme, Archiater Cardinalis, edito opusculo, delibavit. Ego fidem meam huic narrationi adjicio, tanquam Exorcista à supremo S. Inquisitionis Tribunali deputatus. Cavendum tamen est ab impostura de qua vide Amatium Lusitanum *centur. 6. curat. 87.* in qua detegitur impostura, quod muliercula incantationibus juvenem surdum reddiderit.

Mumolus, Praefectus Regis Chilperici, magus, & incantator, suspectus occidisse filium Regis, sæpe tortus, & dissentus eam ob rem, & tamen dixit se nihil mali inde sensisse, Gregor. Turon. *lib. 6. hist. Franc. cap. 35.* Constantinus jubet, pestem feralem eos absumere quoque magos qui manibus accitis vitum fontium ventilare audent, & inimicos suos conficere in *l. multi C. de malef. & mathem.* Narrat Josephus *lib. 8. antiq.* Salomoni à Deo concessum fuisse ut artem contra demones edisceret ad hominum salutem, curationes quoque institueret, quibus aggritudines possent mitigari, quam edoctus Eleazarus, spectante Vespasiano, eos curabat, qui à demonibus vexabantur.

Constans fuit quoque Ethnicorum opinio, magicis artibus pellici posse in sua arva fruges alienas, & ideo C. Furius Crescennius à servitute liberatus, cum in parvo admodum agello largiores fructus perciperet, quam ex amplissimis vicinis, in invidia magna erat, quasi fruges pelliceret veneficiis, & ei à Spurio Albino Curuli dies dicta est, nisi ostendisset validam filiam, bene curata ferramenta, egregiè facta, graves ligones, vomeres ponderosos, & boves saturos, quibus



bus absolutus est, Plin. lib. 19. cap. 6. Et nocere posse etiam rebus magica vel inde constat, quod Lex duodecim Tabularum prohibuit, ne hoc heret, & puniri eum, qui fruges excantasset; & alibi, qui malum carmen incantasset, idem lib. 22. cap. 2. & lib. 30. cap. 1. Plinius autor quoque est lib. 17. cap. 25. in agro Marucino Vectii Marcellii, Equitis Romani, Neronis Caesaris procuratoris universum olivetum viam publicam transgressum, atque ipsa prædia ex loco in contrarias sedes profecta. Et Virgilius de herbis, & maleficis susurris agens, ait Eclog. 8.

*Hic ego sæpe lupum fieri, & se condere sylvis  
Mærim, sæpe animas inis exire sepulchris;  
Atque satas aliò vidi traducere messes.*

Hac de re Lex 12. Tabul. est: *Alienam frugem ne pellicito.* De hac Alex. ab Alex. lib. 6. cap. 10. Meminit & Apuleius in *Apologia: Magia*, inquit, *ista, quantum ego audio, res est legibus delegata jam inde antiquitus propter leges 12. Tabularum, propter incredulas frugum illecebras, interdicta.* Et lege pagana, inquit, Plinius lib. 28. cap. 2. in plerisque Italix prædiis caveatur, ne mulieres per itinera ambulantes torqueant fasos, aut omnino detectos ferant, quoniam adverteretur id omnium spei, præcipueque frugum.

Cur autem per maleficia sic Deus permittat dæmonem grassari, plures adduci possent rationes, etiam ex divinis Scripturis. Sed de his vide Trithemium lib. 8. qu. 5. *Jaquarium flagel. fascinat.* cap. 18. Delrium, & alios. Cur insuper, cum ista damna plerunque dæmon possit per se inferre, malit tamen uti opera maleficorum, in causa est primum, quia hoc pacto majorem Deo se facere putat injuriam, sic pluribus nocendo, & creaturis ratione præditis, & baptismo ablutis, & chrismate delibutis abutendo, ad Creatoris ipsius vilipendium. Secundò quia non adeò homines abhorrent à conversatione & familiaritate maleficorum, atque odere consortium dæmonis. Tertiò quia quedam per homines potest, quæ vel non posset, vel non tam commodè posset per semetipsum immediate perficere.

Superest jam, ut de præcipuis hujus maleficii generibus, vel speciebus agamus. Primum est *Fascinatio*.

## CONSULTATIO LVII.

*De Fascinatione. Unde dicta. Quid sit. An revera dentur morbi à fascinatione? Quot modis dicatur. Vulgò credita an detur? Que sit visus? Que voce? Contactu? Proprie dicta an detur? Signa.*

**F**ascinum, & Fascinatio græcè, latine invidia, quod invidi imprimis aliis aspectu nocere creduntur. Habetur autem vulgò pro incantationis quodam genere, quo sive intuitu, sive laudatione non solum infantes, & homines, sed & agni, pulli, gallinæ, equi, & alia animalia, imò segetes lætiores, & plantæ laudantur, ut contabescant, & emoriantur. Unde Ovidius 3. amor.

*Carmine læsa Ceres sterilem vanescit in herbam.  
Deficiunt læsi carmine fontis aquæ.  
Illicibus glandes, cantataque vitibus urva  
Decidit, & nullo poma moriente fluunt.*

Lædi etiam animalia fascinis, tradit Virgilius eclog. 8.

*Frigidus in pratis cantando rumpitur anguis.*  
Et de intuitu Basilisci narrant, qui ea ratione solo visu necat, & si virus ejus speculo repercutiatur, à se-

ipso mortem accipit. Dicunt & in lupo idipsum habere locum, ut si prior hominem conspiciat quàm videatur, vocem ei adimat, non alia de causa, quàm quod is virus emittat visu, quod eo modo, quo in basilisco dixi, pervenit ad hominem, si tamen ipse lupo prior videatur, non ita, eò, quod metu pori, è quibus virus exit intercipiuntur, dum se conspici vident, insidias sibi parari suspicatur, & fugit. Unde Virgilius: *Lupi Mærim videre priores.* De his plura vide apud Gellium lib. 1. de quadruped. in lupo lit. E & H ex Plinio, Solino, & aliis collecta.

Volunt autem, quod inficiant illi spiritus mali, ex oculis prodeuntes, primum aërem proximum, donec dissipentur, vel perveniant ad terminatum spatium, veluti ex visu menstruatae mulieris infici quilibet novit specula, & labes illis imprimi fædas. Hoc modo vetula illa sortilegæ putidis plenæ humoribus, quos ipsæ putidiores pharmacis faciunt, oculis teneros, pueros, & agnos inficiunt, mutantes, & excitantes illos intra se forti imaginatione in modum chameleonis, & polypi saxo adherentis.

Hinc sunt qui metuant, si quid comedunt avidè, idque vident alium attentè intueri, ne fascinentur, & propterea, ne fascinentur, partem cibi intuenti statim porrigunt, affanturque cum impertiunt: *Ne me fascines*, ut habet Aristoteles sect. 20. cap. 34. Immo quidam etiam ad res inanitates fascinum extendunt, & vasa pulchra, ac specula intiendo fascinari ac lædi posse, ut rumpantur, existimant.

Et sunt nonnulli, qui existimant, non solum infantes, qui optime valent, sed & alios homines fascinatione in tabem, & pessimum statum conjici, immò & res alias lædi posse, & quidem tribus modis. Primo visu. Secundo voce, & laudatione. Tertiò contactu, & contrectatione. Atque suam opinionem probare conantur primum variis exemplis & Poëtarum, Historicorum, ac Philosophorum autoritatibus. Et de visu quidem scribit Virgilius:

*Nescio quis teneros oculis mihi fascinat agnos.*

Plinius verò lib. 7. cap. 2. ex Iligono ait, quod in Triballis, & Illyriis sunt, qui visu effascinent, interimantque quos diutius intuentur, iratis præcipue oculis. Additque quod pupillas binas in lingulis oculis habeant.

Hujus generis & fæminas in Scythia, quæ vocantur Bythiæ prodidisse Apollonidem, Philargum, & in Ponto Thibiorum genus, multosque alios ejusdem naturæ, quorum notas tradit, in altero oculo geminam pupillam, in altero equi effigiem, & fæminas omnes ubique visu nocere, quæ duplices pupillas habent, ex Cicerone refert. De quo etiam Ovidius 1. Amorum.

*Oculis quoque pupula duplex*

*Fulminat, & geminum lumen in orbe manet.*

Et Telchinas, Rhodi Insulae populos malè quondam hoc nomine audivisse ex Ovidio 7. *Metamorph.* patet; Et Plutarchus fascinum *Ophthalmion* nominat. Huc pertinet & adagium, *Mantis te vidit*, cujus Rhodiginus antiqu. lect. lib. 36. cap. 22. mentionem facit, & in eos dici scribit, quibus fascinator oculus mali objicit quicquam, additque esse genus locustæ, quæ si quod inspexerit animal, protinus ipsi aliquid producat mali. Ac inter recentiores Hieronymus Vida lib. 2. *bombyc.* Senem quendam oculis fascinantem describit, quem ibi lege.

Immo opinio vulgi est, non solum ab invidis, iratis, ac inimicis, sed & ab amicis, & familiaribus immò ipsis parentibus, infantes fascinari, ac lædi posse, de quo Plutarchus 5. *sympos. cap. 7.* ubi pluribus de fascino agit. Et quod magis est, hominem se ipsum visu fascinare, ac sibi ipsi oculis nocere posse referunt, de quo



de quo idem Piutarchus *loc. cit.* Narrant, inquit, Eutimidam, cùm sibi pulcher visus esset, propria specie captum in morbum incidisse, atque bonum habitum una cum pulchritudine perdidisse. Et nota est fabula de Narcisso ex Ovidio 3. *metamorph.*

Quod autem Lingua & voce, ac Laudatione fascinationem fieri possit, vulgata opinio est. Unde Virgilius Eclog. 7.

*Aut si ultra placitum laudarint, baccare frontem  
Cingite, ne vati noceat mala lingua futuro.*

Et Plinius eodem cap. 2. scribit in Africa familias esse effascinantium, quarum laudatione intereant probata, arescant arbores, emoriantur pecudes ac infantes. Quod etiam refert Gellius *lib. 9. cap. 4.* Immo non solum malevolorum, ac invidorum linguam infantibus nocere posse, sed & laudationem amicorum, vulgò creditur. Quod, ut præcaveatur, jam olim, dum res aliqua laudabatur, in usum fuit addere, *Præfiscine dixerò*, quasi præter fascinum, seu ne fascineris, hæc dixerò.

De contactu autem, quo fascinationem fieri posse creditur, Plinius *allegato cap. 2.* scribit, quod genus Pharmacum in Æthiopia sit, quorum sudor tabem contactis corporibus afferat. Immo vetularum attrectatione infantes lædi posse, vulgus existimat, & propterea infantes vetulis ejusmodi non facillè contrectandos exhibent. Et Jo. Baptista Codronchius *de morb. venef. lib. 2. cap. 3.* veneficæ mentionem facit, quæ solum ventrem fœminæ cujusdam blandè contrectando, fœtum ejus necavit.

Deinde idipsum rationibus probare conantur. Et primò quidem vaporum effluxus afferunt, qui non solum ex animalibus, sed & plantis ac gemmis fiunt, de quibus plura Langius *lib. 2. epist. 36.* Et in specie de visu addit, nullum reperiri in humani corporis fabrica sensus organum, quod tanta spirituum copia scateat, & fulgorem ex se emittat, ut oculus, idque exemplo micantium Augusti, & Tiberii Cæsaris oculorum è Suetonio probat. Et ad hos effluxus etiam confugit Plutarchus *loco allegato*, ut rationem reddat, quomodo Eutimidam seipsam fascinare potuerit. Hoc autem magis fit ex fluxibus, qui vel circa aquas, vel alia quædam specula subsistunt. Exhalat enim spiritus in objecta, eoque fit, ut quo aliis nocebant, se ipsos malè habeant.

Secundò in specie id declarant exemplo fœminarum menstruo laborantium, quarum, ut Plinius habet *lib. 17. cap. 15.* superventu acefcunt musta, flavescent tactæ fruges, moriuntur insita, exuruntur horrorum germina, & fructus arborum, quibus infedère, decidunt, speculorum fulgor ipso aspectu hebetatur, acies ferri perstringitur, eborisque nitor, alvei apum emoriuntur, æs etiam, ac ferrum rubigo protinus corripit. Et mulieres menstruas specula lucidissima si ea inspiciant, inquinare, Aristoteles *lib. de insomn. cap. 2.* & ipsa experientia testantur. Cùm ergo in mulieribus tale quid generari possit, quod modis dictis alios lædat, non impossibile esse putant, homines quosdam, sive naturali, sive acquisititia proprietate talem nocendi vim habere posse, estque in confesso apud medicos, plerosque venenosos humores in corpore humano nasci posse, qui maxima ex parte à natura ad exteriores corporis partes amandari solent, ut Galenus *lib. 3. de loc. affect. cap. 7. & lib. 6. cap. 5. docet.* Idèdque non est mirum, si homines, in quibus tales humores abundant, aliis visu, afflatu, & tactu noceant.

Tertiò exempla ophthalmia laborantium afferunt, de quibus alii.

Quartò adducunt exempla aliorum etiam animalium quæ visu nocent. Ita de Basilisco, & de lupis narratur, de quibus supra.

Quintò nonnulli idem ex viribus imaginationis probare conantur, & prolixè recensent, quanta imaginationis vis sit, & quantam humores corrumpendi, & corpus afficiendi potentiam habeat. Et quidem, ut Cornelius Agrippa *de occulta philosophia lib. 1. cap. 65.* ea de re scribit. Statuunt passionēs animæ, quæ phantasiam sequuntur, cùm vehementissimæ sunt, non solum posse immutare corpus proprium, verum etiam transcendere in operando ad corpus alienum ita, quod admirabiles quædam impressiones inde producantur in elementis, & rebus extrinsecis, atque etiam morbos quosdam animi, sive corporis sic possint auferre, vel inferre, & animam fortiter elevatam, ac vehemēti imaginatione accensam mutare sanitatem, vel ægritudinem, non solum in corpore proprio, sed etiam in alienis. Adduntque nonnulli, spiritus ab imaginatione corruptos, & inquinatos rursus aërem inficere ac corrumpere, non secus, ut ab aspectu stellarum maleficarum aër inquinari & corrumpi solet.

A quibus non dissentit Plutarchus, qui *cit. lib. 3. sympos. cap. 5.* in invidiam causam fascinationis refert. *Audacter, inquit, dico, universas quidem animi affectiones, quibus diu insunt, in ijs melancholicos habitus ingenerare. Hi cùm natura vim ceperunt, qualibet ex causa moti, sæpè etiam invitos homines in jam proprias, & consuetas perturbationes deferunt.* Et mox *Nulla itaque admiratione dignum, si, qui invidendi, & fascinandi habitum sibi contraxerunt, etiam adversus familiares ex proprietate moventur: aut ubi moti fuerint, quod natura solet, efficiunt, non quod volunt.* Quemadmodum enim spheram sphericè moveri, & cylindrum in modum cylindri necesse est, ita & hominem sic invidia affectum invidenter adversus omnia moveri. Et ibidem: *Quandoque homines sic invidia affecti oculos insigunt, hi verò animam proximè ordine locati, ipsius malitiam si attraxerint, veluti veneno tincta tela impetant, nihil, opinor, præter rationem aut fidem obtingit, si conspectu noceant.*

Inde in eundem sensum scribit Heliodorus *lib. 3. hist. Æthiop.* *Hic aër, inquit, nobis circumfusus per oculos, nares, halitus, aliosque meatus ad profundum penetrans, & ex qualitatibus exterioribus, è se cum inferens, qualis influxerit, talem etiam his, qui excipiunt, halitum ingenerat. Itaque ubi aliquis livore pinis res pulchras intuetur, circumstantem aërem qualitate malefica replet, ac proprium spiritum acerbatis plenum in proximum quodque contorquet. Spiritus autem, utpote subriles, ad spiritum usque & medullas ipsas pervadit, & plerisque morbus fit invidia, & proprium accipit nomen fascinationis.*

Existimatque Avicenna *lib. 3. natur. cap. fin.* animam multoties operari in corpore alieno, sicut in proprio, taleque opus existimat oculi fascinantis & operantis æstimationis, atque defendit imaginativam posse etiam corpora extranea immutare.

Tandem in specie vocem quod attinet, nonnulli vocibus, & vocabulis mirabiles vires tribuunt, atque, ut id probent, multa adducunt. Quanta, inquit, orationis vis sit ad movendos, & variè flectendos animos, notissimum est. Nec ignota Musica vis, quæ homines ad choreas, & tripudia, ad iram, ad tristitiam, ad misericordiam, ad arma concitare potest. Animi verò affectus magnam vim habere corpora nostra alterandi, extra dubium est. Observatum etiam esse putant, verbis quibusdam prolatis à vetulis infantes quosdam agrotare, alios interire, fœminas iterum gerentes abortum facere, nonnullos macie consumi, alios gravissimis doloribus corripi.

At verò alii omnia illa, quæ de fascinatione dicuntur, fabulosa, & falsa esse existimant. Cùmque



tres ejusmodi fascinationis modi sint propositi per visum, per vocem, & per contactum, nullo horum quinquam fascinari ac lædi posse putant. Etenim cum visio fiat, non radiorum emissionem, sed specierum visibilium receptionem, & sit actio in homine immanens, nullo modo visu quis alios lædere potest. Vox quoque cum saltem auditus objectum sit, per se nemini nocet, nec verborum per se ulla efficacia est. Ita nec tactus, quatenus talis, nisi is, qui tangit alterum alteret, nocere potest, præsertim si vestes saltem contingantur. Quæ omnia cum verissima sint, postea probabuntur.

Cardanus lib. 1. de venen. cap. 17. etsi fascini tres principales differentias constituit, unam quæ à metu oritur, alteram quæ ex alienis verbis, tertiam in modo agendi, tractandi, percutiendi, attentius inspiciendi, tamen omnes tres ad imaginationem, ac terrorem reducere videtur, dum infantes vetularum tetrico aspectu, & felium oculis lucentibus terreri, ac in epilepsiam incidere, ac mori scribit.

Verum, etsi negandum non sit, terrorem, timorem, & imaginationem morbos, eosque etiam occultos & malignos, inducendi vim habere, & infantes ex terrore epilepsia corripì posse, hoc tamen nihil ad hanc questionem de fascino facit. Non enim hinc quaeritur, an homo sibi ipsi animi affectibus, metu, terrore, aliquid mali attrahere possit, sed de hoc controversia est, an aliquis alteri visu, vel voce nocere possit, & infantes, qui fascinari dicuntur, eas, à quibus fascinari putantur, sæpè non vident, non agnoscunt ac proinde ad eorum aspectum non terrentur.

Nos, ut hanc controversiam dirimamus, distinguenda est fascinatio. Primò enim fascinatio sumitur sensu vulgari, qui apud Poetas occurrit, & in vulgi ore ac animo est pro læsione, quæ solo visu, vel laude induci putatur, cujus rei exempla supra sunt allata.

Secundo Fascinatio interdum accipitur pro læsione quæ alicui à corpore alio noxio, & venenato per occultos effluxus affertur, quæ fascinatio, si modo fascinatio dicenda est, ut mox dicetur, omninò naturalis est. Hoc modo Fascinum definit Langius lib. 2. epist. 36. quod sit vaporis virulenti à corpore noxio, natura ab aliis dissidente, id est defluvium, quo aliorum corporis habitus & spiritus per visum, contactum, invisi- blem ob vocis, & maledicæ linguæ virulentiam per vaporis halitum conspurcati, corpora tabescere cogit. Quanquam Langius in hac definitione non in solis emulvis acquiescere, sed visum, invisi- blem linguam à vulgi opinione, sed minùs rectè, addere videtur.

Tertiò est Fascinatio magica, quæ nihil aliud est, quàm incantatio, & veneficium, quo modo fascinationis vocabulum accepit Bald. Roussæus epist. 50. in qua, ubi in titulo Fascini, historias se relaturum promittit, magicarum unctionum, & veneficiorum historias recitat. Itaque ut de distinctis rebus, & questionibus distinctè loquamur, secundum & tertium genus concedimus, sed an propriè fascinationes dici possint, dubitamus.

Et sanè quod ad secundum genus, probavimus supra rationibus & exemplis dari occulta rerum effluvia, per quæ varii morbi occulti, cum simpliciter venenati, tum etiam contagiosi, inducuntur, eaque effluvia esse partim atomos à corporibus effluentes, partim spiritualia, speciebus sensibilibus cognata. Verum propriè fascinatio ista non dicitur, sed morbi, qui inde excitantur, pertinent ad morbos contagiosos, & venenatos, de quibus medici. Neque enim, si quis peste ab alio, vel lue venerea, vel scabie inficiatur, vel lippitudinem ab alio contrahat, vel si piscator stuporem à torpedine pariat, aut quis à Basilisco serpente, bufone, aut hujusmodi alio animalis venenato occulto effluvio lædatur, fascinatus propriè, sed venenatus dicitur. Et ipsa etymologia repugnat.

Fascinatio enim propriè invidia est. Qui enim invidet ab ejus, cui invidetur, felicitate, & bonis oculis avertere nequit. Quæ fascini significatio nihil cum effluviis illis naturalibus commune habet. Ideoque, etsi effluvia illa omninò admittenda sint, ne tamen illa superstitiosa, & falsa fascinatio admitti videatur, fascinationis nomen ei non attribuendum.

Tertium genus quod attinet, probabitur in sequenti Consultatione, dari morbos à veneficiis. Nam, ut alias demoniis, cum quibus pactum iniit, persuadet, si res nullius momenti vel liminibus domus, vel lectis imponant, se iis effectus illos, quos cupiunt, præstare, cum tamen omne illud demonis opera præstetur, ita quoque idem veneficis persuadet, ut eum, cui nocere volunt, torvum aspiciunt, ei male præcentur, interim visus, voxque nihil tale præstant, sed omnium illorum, quæ hominibus, vel brutis accidunt, malorum autor demon est. De quo Scaliger exercit. 349. malus demon ista facit, non ut hominem faceret potentior, sed ut ipsum deciperet credulitate, atque sonum haberet tum impietatis, tum æterni exitii. Ipse igitur agit demon. Stultus ille, ac vecors putat suis se verbis agere.

Talis fuit procul dubio senex ille, cujus supra mentionem fecimus ex Hieronymo Viola, & ut vetula illa, de qua è Codronchio lib. 1. de morb. venef. cap. 3. diximus, quæ mulieris nobilis ventri blandiens manum admovit, quo contactu alterata femina nobilis motum inconsuetum statim sensit, & postea fœtum in frustra comminutum summo cum vitæ discrimine ejecit. Facit eo loco idem Codronchius & alterius vetula mentionem, quæ cum manu ventrem puerperæ retigisset, puerpera sex mensibus peractis gravissimos cruciatus circa ventrem inferiorem sentire cœpit, tandemque cum alvum excernere vellet, spinas, ossa, ligni frustula, & multa alia per ventrem inferiorem ejecit, & à torminibus liberata est.

Malo ad veneficia etiam, quàm ad naturalia effluvia referre Telchinas, de quibus supra ex Ovidio, ut & familias illas effascinantium in Africa, de quibus Plinius, & Gellius. Verum actiones istæ magicæ cum fascino vulgari non sunt confundendæ. Et quidem negandum non est, vocabulum fascinationis ad actiones magicas sæpè extendi. Unde Nicolaus Jaquierius librum suum contra Magos & Veneficos inscripsit, Flagellum hereticorum fascinatorum, & Roussæus epist. 1. fascinum pro veneficio sumit, ut antea dictum. At neque ista fascinationis significatio propria est, ut notio nominis antea proposita indicat. Et multis ex vulgi sententia fascinatio tribuitur, etiam amicis, in quibus nulla veneficii suspicio est.

Itaque restat tertium fascinationis genus, quod in Poëtarum libris occurrit, & in vulgi ore ac opinione est, quod, ut ex supra allatis patet, persuasum habet, etiam sine occultis effluviis, & incantatione, ac magicis actionibus alicui visu, vel voce, ac laudatione noceri posse. Atque hoc fascinum dari, negamus, nullumque eo morbum induci posse, & quæ de eo vulgò dicuntur, & creduntur fabulosa, & superstitiosa esse. Omnia verò quæ ad id probandum superius allata sunt, saltem de effluviis illis occultis, vel incantationibus magicis vera esse putamus. Id, quod clarius fiet, si omnes, qui vulgò traduntur fascinationis modos, examinemus.

Et primò quidem ad visum quod pertinet, cum visus sit actio immanens, & fiat per specierum visibilium receptionem, non spirituum optidorum emissionem, & visus, quatenus talis ab objecto aliquid recipiat,



recipiat, non verò in objectum agat, facile hinc parer, visu, quatenus talis, neminem alteri aliquid damni afferri posse. Interim non negamus, ut ex toto corpore, ita etiam ex oculis quædam effluvia fieri, atque hinc ophthalmiam contagiosam esse posse. Immo si quis statuere velit, è corporibus occulto modo malè constitutis qualia sunt verularum, & sagarum, maligna talia effluvia ex oculis emitti posse, quæ aliis, præcipue infantium tenellorum & ad resistendum minus potentium, corporibus esse possint, cum eo non pugnabo, cum & ophthalmia Gallica perhibeatur esse contagiosa. Verum læsio hæc non fieret, nisi per oculos, ut in ophthalmia. Magis itaque credibile esse putatur, pauca omnino per oculos fieri effluvia, multo verò plura per os, & nares, quibus potius ea adscribenda sunt, quæ oculis fieri dicuntur. Peste certè laborantes neminem visu, sed potius halitibus ex ore, & reliquo corpore exhalantibus inficiunt. Ideoque sine periculo est, qui à peste laborante solum videretur, qui verò è propinquo cum eo conversatur, ut halitus ex ore & corpore exhalantes excipere possit, extra periculum non est.

Deinde vocis eadem ratio est. Invaluit profecto apud nationes omnes opinio, vocem & laudationem alicui nocere posse, quod, ut prohibeant, ut antea etiam dictum, Græci illud *aphascandos*, Latini *præfiscinè dixerunt*, usurpant. Verum falsa, & superstitiosa ea est opinio, & nulla ratione nititur. Etenim ipsa vox, quatenus talis, nullam nocendi vim habet. Si quis verò voce alicui nocet, id potius accidit per effluvia illa morbida, & maligna, quæ ex ore cum voce exhalant. Quæ causâ tamen in laudatione locum non habet. Nam cum ii, qui infantes, vel alias res laudant, plerique sani sint, non acri, nec etiam semper tam propinquo loco constituti, ut halitus ore egrediens ad infantes pertingere possit, hoc modo nulla læsio fieri potest. Et licet verularum interdum, quæ infantes lædere creduntur, corpora sint malè disposita, tamen nec ex earum oculis tanta halituum copia egreditur, quæ infantibus nocere possit, & licet ex ore plures exhalent, longè tamen sæpè ab infantibus remotæ sunt, ut neque hoc modo iis nocere queant. Et omnino si iis aliquid nocent, demonis ope, non voce id præstant.

Tactu denique non solum corpora agra aliis suis morbos, ut scabiem, luem veneream, elephantiasin pestem, ac similes communicare posse, manifestum est, sed & ea corpora, quæ quidem nullo morbo laborant, & in speciem sana sunt, etsi venenata sint, aliis contactu nocere possunt. Talis fuit puella illa veneno nutrita, Alexandro Magno, ad eum perdendum dono missa, & ille Cambaie Regis filius, qui, ut Scaliger *exerc. 125. sect. 1.* refert, aded venenosus fuit, ut muscæ etiam, quæ ejus cutem sugerent, interirent, & alter, qui sputo, quos volebat, interficiebat. Et omnino hominem aliarum rerum contactu, lædi posse, si nihil aliud, torpedo satis docet. Verum ista omnia nihil ad fascinationem faciunt. Neque enim qui à scabioso, elephantiaco, lue venerea laborante, vel torpedine læduntur, fascinati esse dicuntur. Neque hoc modo probatur solum contactum cuiquam nocere posse; sed si quæ per tactum læsiones fiunt, per effluvia è corporibus acribus, aut venenosus fiunt. Si quæ verò læsiones accidunt, quæ non per effluvia talia morbida & venenata, sed solo contactu, etiam à sanis (corpus enim sanum alii morbum, quem nullum habet, communicare non potest) fiunt, ex ad actiones magicas pertinent, qualis fuit ille contactus, qui, etiam mediis vestibis factus est, quo modo vetula illa ventrem femina nobilis tangens, fecit, quem in utero gerebat, interemit. Et hoc modo

non omnes, qui ab ejusmodi hominibus tanguntur, læduntur, sed ii saltem, quibus veneficæ ejusmodi malè cupiunt.

Ex quibus omnibus facile patet, fascinationem illam, quæ vulgò fertur, nullam esse, nec naturales causas habere, sed antiquam jam per multas gentes, per manus quasi traditam esse opinionem & superstitionem. Et propterea nec ab Hippocrate, neque à Galeno, neque ab ullo veterum Medicorum ejus inter causas morborum mentionem factam esse, & quæ à fascinatione vulgò dari dicuntur, ea fieri ab effluviis contagiosis, aut venenatis, vel per incantationes, & actiones magicas.

Quibus & hoc addimus, opinionem istam de fascino infantium imprimis ex eo natam esse, quod vulgus non intelligit causam, cur infantes, maxime sani & pulchri, sæpè subito in morbum incidunt. Accidit verò id idè, quia sanitas, quæ ad summum pervenit, periculosa est, teste Hippocrate *1. aphor. 3.* Et propterea qui nitidiores sunt, suspecta sua bona habere debent, ut Celsus monet. Ideoque non mirum, si & infantes cum ad summum sanitatis gradum pervenerint subito interdum ex eo delabuntur & in morbos incidunt. Cujus rei causam cum vulgus ignoret, eos ab aliquo, qui infantes laudavit, vel à vetula aliqua, quæ eorum aspectu, fascinosos esse opinatur.

Atque hæc omnia si quis observaverit, facile omnia argumenta, quæ ad probandam fascinationem vulgarem afferri solent, solvere poterit. Et primò quidem exempla, quæ ex poetis, & historicis afferuntur, quod attinet, plurima sunt falsa, & superstitiosa. Si qui verò effectus tales revera acciderunt, ii vel ab effluviis occultis, vel incantatione vel veneficio proveniunt, non à visu, vel laudatione simpliciter.

Postremò etiam rationes, quas afferunt, nullius momenti sunt. Effluvia enim illa quibus interdum homines læduntur, nihil ad rem faciunt. Illa enim concedimus, & per ea morbos induci posse, supra etiam monuimus, sed læsiones illæ non fascinationes sunt, ut antea diximus. Modus etiam, quem proponit Plutarchus quo seipsum Entelidas fascinare potuerit, falsus est. Etsi enim periculosus sit habitus summè bonus, tamen periculosus est, etiam si quis in fonte, vel speculo se non aspiciat. Præterea est à veritate alienum, quod in corpore summè benè habito ex oculis spiritus in aquam effluere, eam corrumpere, & inde in proprium corpus reflecti potuerint. E corpore enim benè habito tam maligni vapores non effluunt.

Fæminarum menstruo laborantium, & specula inquinantium exemplum, nihil etiam ad rem facit, neque ea fascinatio est, neque per visum, quatenus talis, sit, sed per occulta effluvia, & halitus pravorum, eosque non tam ex oculis, quam ex ore & naribus exhalantes.

Ophthalmiam autem contagiosam esse posse, conceditur, sed nemo eum, qui hoc modo lippitudinem contrahit, fascinatam esse dicit, cum vitia ista non per visum, quatenus talis, sed per contagiosum effluviū fiant.

Eadem ratio est basilisci, & aliorum animalium venenatorum, quæ visu nocere dicuntur. Non enim hoc præstant visu, quatenus talis, sed per occulta effluvia. Neque si quis à basilisco, vel alio animali venenato hoc modo necatus est fascinatus dicitur. Quod verò lupus hominem prius videns ei vocem adimat, fabulosum est.

Et quod ad imaginationem, magnas ejus vires esse concedimus, sed in proprium saltem corpus. Quod verò ex etiam extra corpus proprium sese extendant, & vel in aërem, vel in aliud externum corpus agant, falsum esse alibi probavimus. Est enim imaginatio actio immanens. Unde id, quod de illa tradidit



didit Avicenna lib. 3. nat. cap. fin. alii non sequuntur, nisi de corpore conjuncto intelligatur, ut scribit Algazel lib. 5. physic. cap. 9. Sic & D. Thomas p. 1. q. 93. ex forti imaginatione immutari spiritus putat corpori conjunctos & potissimum subtiliores, qui ad oculos perferuntur. Idemque docet lib. 3. contra Gentiles, ubi præcipue Avicennæ opinionem, quod imaginatio faciat casum, persequitur, refellit, ac sugillat, de qua & nos alibi.

Quæ verò Plutarchus de invidiis ad probandum fascinationem affert, nullius ponderis sunt. Et si enim ut alii pravi affectus, ita etiam invidia in malum habitum degenerare potest, tamen, ut quotidiana experientia docet, nemini, quàm sibi ipsi nocet invidus, & ut Ovidius lib. 2. metamorph. scribit:

*Successus hominum carpitque & carpitur una;  
Suppliciumque suum est.*

Quod verò invidus alteri invidia nocere possit, non dum observatum, cum affectus animi extra suum corpus non egrediantur.

Tandem in specie vocem quod attinet, oratione quidem & musica hominum animos moveri posse, non nego. Verùm quid hoc ad fascinationem vulgarem? Neque enim dum infans ab alio aliquo laudatur, tale quid, quale in orata oratione, aut musica auditur, occurrit; immò infantes, quid dicatur, plerumque non audiunt, aut si audiunt, nullum animi affectum inde concipiunt, qualis in iis, qui orationem vel musicam audiunt, excitatur.

Quæ omnia cum ita sese habeant, & vulgata illa fascinatio nulla sit, effectus verò, qui ad eam referuntur, vel ab effluviis venenatis, & contagiosis, vel à veneficio proveniant, pendentes à dæmonis maleficio, qui strigi, vel sortitatio ex pacto nocere volenti, cooperatur, unde sic definiri potest: Fascinum est perniciofa qualitas dæmonum arte illata ob tacitum, vel expressum hominis cum dæmone pactum, nihil amplius dicendum est. De quo inter alios vide Tostatum in Gen. p. 11. & Num. cap. 21. à q. 9. & Valesium lib. de iur. philosop. cap. 68. ad illud sapientie cap. 4. Fascinatio nugacitatis obscurat bona, & D. Pauli cap. 3. ad Galat. O insensari Galata, qui vos fascinavit, non obedire veritati? Signa fascinantium & fascinatorum, fascinationis curatio, & si plura videantur superstitiosa, lege apud Medicos, ac Philosophos recentiores.

### CONSULTATIO LVIII.

An revera dentur morbi, à veneficiis, & incantatione induciti? Ubi de aliis maleficiis hostilis speciebus, nempe de veneficio, abortu, difficili partu, lactis exiccatione, sagittariis seu balistariis, variorum morborum illatione, ac de maleficio devovendi, deque personis, quibus malefici querant nocere, de fœdere cum dæmone, ac id genus alia, de artibus magicis mirabilium, ac scelerum effectricibus, ac respondetur argumentis Vieri, aliorumque, qui sagis patrocinantur. Cur femina quam viri veneficiis frequentius dedita sint? De signis morborum à veneficiis, ac denique de eorum curatione magica, naturali, divina.

Hæcideo tractare arbitror, ut intelligant Judices, qui gladium imperii habent, quantam pestem foveant in Republica, dum in sagas, sortitarias, lamas, & maleficas non animadvertunt, existimantes eas tantum mentis alienatione ludificari, neque quidpiam reipsa exequi.

Sententia, quæ affirmat hæc ab istis verè perfici posse, probatur ex l. 4. C. de malef. & mathem. Addo Constantinum l. multi C. eod. Multi, inquit, magis

Tom. I.

artibus elementa turbare, vitam infantium lubefactare non dubitant, & inimicos ventilare. Et jura pontificia tradunt can. Si per sortitarias 33. q. 1, per sortitarias, maleficasque artes impediri posse ad tempus, & in perpetuum generandi vim, & concubitum, permittente Deo, & operante dæmone. Et quod mirabilius est, maleficium hoc cum certis, non cum omnibus operatur, nempe singularis excantatur, ne cum aliqua possit concumbere, cum aliis possit. Qua ratione maleficium ab impotentia naturali coeundi secernitur in cap. fin. & 1. de frig. & malef.

Scribit & Berosus in 3. Chamum, filium Noachi, semper magiæ, & veneficiis incubuisse, & inde Zoaroast dictum, invisumque iccirco patri, atque eum nactum opportunitatem, dum vino pater madidus dormiens jaceret, carmine magico patri illuisse, virilia ejus comprehendendo, taciteque simul submurando, eum sterilem perindeque ac castratū effecisse, neque deinceps Noachum fœminam ullam fœcundare potuisse. Et proinde eundem dictum tum ob id, & alia multa scelera, quibus genus humanum corrumpebat Chem effema, sive Chamum infamem, ut Cato lib. de originibus vocat Chamellenum. Quibus consentiunt Thalmudistæ. Immo & fabulæ antiquorum, quæ referunt Cælo, id enim nomen erat etiam Noacho, teste Beroso, fuisse descissos testiculos falce dentata, à Saturno filio, scribit Hesiod. in Theogon. Phurnut. lib. 1. de nat. Deor. Quod tamen Moyses in Genesi mundi, & Noachi reticuit. Non enim Chamum excantasse virilia, sed irrississe, tradit Genes. 9. & renunciasse nudatum esse patrem fratribus.

Refert Herodotus lib. 2. Amasum Regem Ægyptiorum non potuisse concumbere primū cum Ladice uxore sua in thoro, cum tamen aliis mulieribus uteretur, donec Amasis, cum id diu fieret, ad eam dixit Tu verò, uxor, veneficio me læsisti, ideoque nullo machinamento potes effugere, quominus inter omnes mulieres teterrima morte pereas. Eam autem vocasse Veneri si ea nocte coiret secum Amasis, statuat Cyrenas se illi missuram, & ea nocte cum eo coisse.

Paulus Æmilius quoque scribit lib. 1. hist. Franc. in Clotario 2. Theodoricum, Mediomatricum Regem Justam uxorem, Bertici Regis Hispaniæ filiam Hermenbergam ad patrem remisisse integram à se, adverso rumore, quod ferretur à pellicibus ad insaniam usque devinctus, sancti, nobilissimique connubij usu perfrui. & virginis florem delibare non potuisse, velut maleficis artibus, carminibusque prohibitus.

Hinc maleficiis maleficia tolli persuasum fuisse jura pontificia his verbis tradunt, prohibendo, can. non liceat Christianis §. pen. 26. q. 1. Siquis divinos, vel sortilegos in domum suam introduxerit, quasi ut foras malum mittant, aut maleficia inveniant, aut lustrationes paganorum faciant, quinque annos penitentiam agant. Atque simul furta per has artes indagare prohibitum cap. 2. de sortil.

Proficrentur & Magi se etiam morbos incantationibus pellere, ideo hos vocat exorcistas, & impostores Ulpianus in l. 1. §. medicos ff. de var. & extragord. cognit. Extat & libellus, ut quidam putant, sed verò spurius, Galeni, de medicinis expertis, qui probat hos medicos, & meminit de iis, qui per cibos sacrificiorum curabant, ut etiam Quintus Serenus huic vanitati fidem attulerit, alioquin peritissimus autor, in medic. cap. 51. de hemisitis morbo medela; de quo supra.

Et Ammianus Marcellinus incantamentum ad leniendum dolorem dentium, ad medicinam pertinere, arbitrat.

Probat id insuper sacra Pagina ariolum Balaamum à Balaco Rege fuisse vocatum, ut malediceret populo Israël,

R

Israëli,



Israëlitico, quod haud factum fuisset, si jam Rex expertus non fuisset magicas illius diras, vim habuisse exterminii, quas tamen Deus, qui demonibus imperat, in benedictionem convertit, *Num. 22. Josue 24. & Joseph. lib. 4. antiq. cap. 6.* Sunt & leges juris divini, quæ morte jubent tolli hujusmodi magos & magas, ut inde veram perniciem ab illis inferri liquido constare possit, ob quam Deus persequitur illos, & qui eos consulunt, *Deuter. 18. Levit. 19. Exod. 20.* Atque in *Exod. cap. 22.* dum prohibentur arioli, tradunt, nomine Cassaphariolionis contineri & eum, qui malis artibus nocet pecoribus, segetibus, & hominibus.

Sed exemplis demonstremus, quomodo autores fide digni has imposturas, & magicas furias læsisse plures facti sunt, litterisque consignarunt. Scribit Martinus Chromerus *lib. 8. de Republ. Polon.* Tartaros multum uti magica arte, atque per eam vicisse aciem Henrici Pii, Regis Poloniae, fuissetque in extremo Tartarorum agmine vexillum inter alia insigne, cujus figura X. chi græcum elementum referebat, in cuspidem verò erat imago nigra, terraque capitis humani barbari. Quod vexillum cum signifer vehementius quateret, fumum, atque nebulam densissimam, ac fetidissimam exhalabat, quæ non modo aspectum Polonis adimebat, verum etiam exercitum perturbavit. Incantationibus autem quibusdam id Tartari effecerant, quibus juxta ac ariolationibus, & divinationibus sunt dediti.

Joannes Cuspinianus in *Casariis, in Anastasio* tradit Bulgaros, gentem prius ignotam in Illyricum, & Thraciam, & contra hos aliquos Romanos duces perfectos victos, & caelos omnes ferè, cum illi incantationibus usi fuissent.

Narrat Zoar, & post eum Franciscus Venetus *lib. 1. problem. Sacr. Script. probl. 216. & 228.* Labanum Aramæum, focerum Jacobi, fuisse omnium Orientalium magum celeberrimum, cujus erant idola, quæ filia ejus Rachel furata erat *Genes. cap. 31.* videlicet, ne pater discessum suum, & maritum citò dignosceret, neve illis nocere posset. Fuisse autem illa idola, *Teraphim* dicta, imagines quasdam, quibus Laban divinabat, ligabat, ostendebat hostes, & in illis totam vim Labani positam. Et idèd Laban dixit Jacobo, *furatus es cor meum*, ubi vulgaris editio habet, *ut clam meam abigeres filiam.*

Clogio, Rex decimus octavus Sicambrorum, filius Franci, à quo & Franci dicti, magus, augur, & Astrologus, habebat matrem nomine Lorthildem, filiam Regis Doringorum, quæ summa Templi Palladis antistes fuit, & maga, quæ suis carminibus, & incantationibus quos voluit hostes filii sui delevit, & infelices reddidit, & quantumlibet absentes demonum ministerio peremit, victoriam Francis, merum, terrorem, & fugam hostibus maleficio procurabat, imbres, tonitrua, coruscationes, & tempestates in aère horribiles, quoties, ubi, & super quos voluit, carminibus inducebat, ut ex antiquissimis autoribus annotavit Trithemius *lib. 1. Breviar. annal. Franc. in Rege 18.*

Scribit & Hunnibaldus Francorum Historiographus Heligastum Sacerdotem idolorum, filium cujusdam Theocali Pontificis sub Bazano septimo Rege, & Pontifice Jovis summo Francorum circiter 275. annos ante nativitatem Domini, multa Sicambriis prædixisse futura, Jovem Sacerdotibus exhibuisse visibilem, secreta hominum consilia deduxisse in publicum, hostium arcana in causis arduis Regi Bazano denudasse. Quod & Sicambriis securitatem, hostibus autem desperationem incussit. Meminit & horum Trithemius *loc. cit. in Rege 7.* Mira certè hæc, similia his, quæ dicuntur de Eliseo, qui ex Dei revelatione

non ope demonum, ut alii, arcana consilia Regis Syriorum detegebat Regi Israël, & venientes hostes excœcavit, ut non cognoscerent eum, quem volebant capere, nec locum, donec deduxit eos in Samariam *4. Reg. 6.*

Sed illud adhuc mirabilius est, si quidem verum sit, quod subjiciunt postea Hunnibaldus, & Trithemius, hunc Heligastum exactis in officio 32. annis, disparuisse in solemnitate Jovis post edita vaticinia & fulmina. Item & Bazanum Regem, celebrato die suo natali apud Neomagum cum omnibus suis proceribus, & designato in Regem filio, ac ostenso Jove visibili supra templum, disparuisse. In quibus mihi demones, si hoc verum sit, imitati factum illud mirabile Dei, quo legimus Enoc translatus fuisse & raptum *Genes. cap. 5.* Eliam quoque sublevatum in aëra quadrigis igneis disparuisse *4. Reg. 2.*

Erant Ephesiae litteræ secundum Suidam, carmina quædam obscura, quæ & Cræsus in rogo recitavit. Et Olympiæ Milesio, & Ephesio certantibus, idem tradit, Milesium luctari non potuisse, propterea quod alter juxta talum Ephesias litteras haberet, quibus compertis, & adeptis, Ephesum concidisse, Suidas in *v. Ephesiae litteræ.*

D. Hieronymus litteris consignavit *in vita Hilarii* Italicum quendam municipem, Gazam nomine, Christianum, cum aleret equos Circenses, habuisse maleficum quendam æmulum, qui demoniacis quibusdam imprecationibus impediēbat hujus equos & suos incitabat ad cursum, cumque petiisset auxilium Dei ab Hilarione, eum porro Scyphum quo bibebat, fictilem jussisse aqua impleri, eique tradi, quem cum accepisset Italicus eques, & auigas suos, rhedamque, & carcerum repagula respersisse cum mira vulgi spectatione, ac riu. Verum tamen concursu tandem præditos equos magi, Itali autem vicisse.

Druidæ antiqua superstitione soliti erant magica quadam solertia ad decipiendum apta, ovum quoddam anguium certis caeremoniis, certa Luna solenni ritu singulis annis capere, cui magnam vim, occultos effectus, varias rerum causas falso tribuebant, nempe ad victorias litium, ac Regum aditus, Plinius *lib. 29. c. 3.*

Meminit Froissardus *vol. 2. hist.* tempore schismatis Urbani & Clementis, quo Duci Andium à Summo Pontifice Clemente Sicilia concessa fuit, cum obsideret Castrum quoddam Ovi nomine, in mari tutissimis, & penè inexpugnabilibus munitum propugnaculis, fuisse impostorem sortilegum, qui polliceretur Duci Andio suis magicis incantationibus perfringere posse oculos eorum, qui Castrum defendebant, ad eum modum, ut putarent, exercitum in eos supra pontem trajici, & ita percitos metu futurum, ut se dederent. Quod cum audisset Comes Allobrogum, memor, quod is impostor incantationibus multorum malorum causas seminasset, jussit capite plecti.

Philostratus autem *lib. 2. de vita Apollonii* mirum narrat de Civitate Magorum, seu Sapientum, quæ intra Hyphasidem, & Gangem fluvios est, quam neque mille Achilles, neque ter mille Aiaces capere possent. Nec tamen ipsi in aciem prodeuntes dimicabant, sed tonitruis, & fulminibus à Jove, sive, ut opinor, à demone missis, hostes propulsabant, habiti Sacrosancti, & amici suorum Deorum, & Herculem Ægyptium eam obsidentem, territum cum suis abjecto aureo clypeo, arripuisse fugam.

Verum, etsi actiones veneficæ, & magicæ, variae plurimæ sint, quæ à Sprengero in *malleo maleficarum*, Joanne Bodino in *demonum*, Nicolao Remigio in *demonolatr.* & aliis plurimis prolixè recensentur, tamen multis, quæ ad rem nostram non pertinent, prætermittis, saltem de morbis agemus, *An scilicet demum morbi ab incantatione & veneficiis inducantur?*



Id autem affirmant antiqui & recentiores plurimi, & sic passim apud Poetas, tum etiam Theologos veneficarum, & sagarum mentio, & prolixum omnino foret, autoritates omnes, & locos, in quibus, & in sacris & profanis litteris veneficarum sit mentio, recenere. Quapropter iis omnibus missis, saltem è recentioribus unam, atque alteram historiam recensēbimus eorum morborum, quos à nulla alia causa quam veneficio inductos fuisse, quivis facile colligere poterit.

Joannes Langius *lib. 1. epist. 38.* refert anno 1539. in quodam Eiterensis Episcopi ditioris pago, Fungestall, Ulrichum Nenssler, agricolam, cum crudelibus dolorum tormentis in altero hypochondriorum latere conficeretur, subito clavum ferreum sub illius cute manu apprehendisse, quem chirurgus illic balnearior novacula exciderit, nec tamen dolores cessasse, sed in dies magis incruduisse. Quare cum nullum aliud doloris remedium, quam mortem, putaret, arrepto cultro, guttur sibi abscidisse. Porro cum cadaver, astante magna hominum frequentia, apertum esset, & ventriculus incisus, in eo lignum teres, & oblongum, quatuor ex chalybe cultri, partim acuti, partim instar ferræ dentati, & duo ferramenta aspera reperta fuisse, quorum singula spithami longitudinem excedebant, adfuisse, & capillorum instar globi involutum.

Alexander Benedictus *lib. 7. pract. cap. 25.* narrat, se vixisse duas mulieres vicinas uno die malis medicamentis potionatas, quæ mirificis postea vomitibus exagitatae fuerunt, alteram acum crinale ingentem in modum harni implicatam cum capillo muliebri plufculo, cum resegmentis unguium involuto resecisse magnis conatibus, quæ sequenti die mortem obiit. Alteram capillamentum muliebre, vitri frusta cum canis caudæ pilosæ tribus frustis arefactis ita, ut penè integræ caudæ quantitatem, si in unum composita fuissent, adæquassent, evomuisse.

Antonijs Benivenius *de abdit. sanar. & morb. caus. cap. 8.* refert, mulierem quandam sedecim annos agentem subito in horrendum clamorem erupisse, ejusque ventrem ita intumuisse, ut foetum octimestrem gemitu videretur, & ita convulsionibus correptam tulisse, ut plantæ pedum cervicem attingerent, & tandem vomitum prorupisse, quo ligna, & recurvos clavos, atque acus una cum cera & capillis in globum mixtis vomitu eiecit, & tandem sentaculi frustum tantæ magnitudinis, ut devorare integrum nullus potuisset, idque sæpius ipsam fecisse.

In primis verò mirandam talis vomitus historiam Cornelius Gemma *lib. 2. de divin. nat. characteris. cap. 4.* oculatus testis longa oratione recenset, quam apud ipsum lege.

Forestus etiam *lib. 18. observat. 16. in schol.* refert, se vidisse pannum, clavos, ferramenta, capillos & ossa vomitu ejecta. Et Franciscus Hildesheim *specil. 2. pag. 186.* narrat, melancholicum quandam per vomitum ferrum, globos plumbeos, pulverem tormentarium, & alia reiecit. Et Codronchius *lib. 2. de morb. venef. cap. 3.* ut supra etiam dictum, scribit, cum vetula quædam ventrem puerperæ tetigisset, eam post sex menses gravissimos in ventre dolores percepisse, tandemque per avlum spinas, ossa, ligni frustula, & multa alia eiecisse.

Et hoc quidem veneficii genus omnium prodigiosissimum est. Quo autem modo id fieri possit, alibi explicavimus.

Quæ omnia à naturalibus causis non provenisse, cuilibet facile est animadvertere. Et plures omnino morbi veneficio inducuntur. Idem Codronchius *eodem loco* refert, mulierem quandam veneficam cum feminæ cuiusdam gravidæ ventrem blandè quasi tetigisset, eam mox foetus mortuum insuetum sensisse, & postea foetum

in frustra comminutum rejecisse, *Idem lib. 1. de venef. cap. 8.* narrat, filiam suam Franciscam, decem menses natam, macie correptam fuisse, & sæpe suspiria magna edidisse, & cum faucibus solverentur, quod alias infantes facere non solent, semper plorasse. Cum verò veneficii suspiciones adessent, inquitum fuisse in culcitram, & nonnulla veneficii signa reperta, semen nempe ciceris, grana coriandri, frustum carbonis & ossis defuncti, rem quandam conspectu incognitam, præterea quædam plumas quibusdam filis artificiose intertas, ut pileo, ut moris est, applicari facile possent, & postea in eodem lecto inventa fuisse frustula duo nucis sicæ, & ossis albi, novem, vel decem ossa picium, quæ erant fabricata instar pectinis cum quibusdam coralliis ex variis rebus paratis, mirè intertextis, quibus igni traditis, mutata domo, & omnibus aliis, Dei beneficio, absque omni remedio naturali, eam convalescere,

Et præter dicta, Ligaturæ etiam, quibus novi præferim conjuges ad Venerem impotentes redduntur, ita etiam vulgò notæ sunt, ut sæpe sponsi ad copulationem in publicum prodire metuant. Quod quidem veneficii genus interdum semper, interdum certis mensibus, aut annis durat. Atque in hoc maleficio præstando demon veneficis sese satis promptum præstat, ut conjugum amorem corrumpat, illique peccandi occasionem præbeat. Codronchius *lib. 3. de morb. venef. cap. 5.* è Pierio refert, Comitem quendam in Argentoratensi ditione cum uxorem duxisset, per triennium Veneris officium præstare non potuisse, casu autem de veneficii instrumēto certior factum, liberatum esse. Cum enim peregrè profectus mulierem offendisset, quam pro scorto antea habuerat, post mutuas salutationes interrogatus de valetudine sua, & suorum, prosperè omnia agi, respondit. Quò turbata mulier, iterum interrogavit, utrum filios ex uxore habuisset. Annuit Comes, & triennio tres habuisse respondit. Cum adhuc magis vultu turbata esset mulier, cur, inquit Comes, turbaris? Forte meam mihi invides felicitatem? Non, inquit, mulier, sed vetulæ succinso, quæ putavit suo maleficio vim procrandi liberos se tibi impedituram, in cuius signum, air, puteus, qui in medio claustris est, ollam in fundo continet, in qua res quædam clauduntur, veneficii instrumenta. Gaudeo autem illa itrita esse, ac tuæ felicitati gratulor. Quibus auditis, Comes patriam reversus, repurgato puteo, ollam invenit, quam prædixerat mulier, & combustis instrumentis illis in posterum nullo impedimento uxore usus est.

Immo, quod magis mirum est, referunt nonnulli repectos fuisse, qui ex veneficio membro virili privati sint, atque ejus rei historiam etiam *alleg. loc.* narrat Codronchius de juvene quodam, qui diu juvencula quadam positus volens eam desertere, reperit se genitalibus privatum. Cum verò tristis causam supervenienti cuidam mulieri tristitiæ aperuisset, atque quam maleficii in hoc negotio suspectam haberet, dixisset, illa respondit, vel blandissimis verbis, ac pollicitationibus, vel minis, ac vi opus est, ut eam ad pristinum statum te restituendum cogas, ac impellas. Qui monitis parens observato tempore, in noctis crepusculo, opportuno loco, eam comprehendens, cum precibus eam innectere non potuisset, iniecto in collum panniculo linteo, quo clamare mulier prohiberetur, penè ad mortem compressit, nec eam, antequam sanitatem promitteret, laxavit. Quæ tactu manus inter femora præstigium abstulit.

Hoc igitur maleficiū ligaminis est, quādo malis verbis vir redditur, ut loquuntur canones, frigidus & maleficiatus, hoc est ad actum conjugii inidoneus. Ad quod præstandum demon utitur modis, seu formis penè infinitis. Sanè autor demonomania plures quinquaginta reperiri scribit, & Ananias *lib. 4. de natur. demon.* tam in feminas, quam in viros hoc



maleficium grassari verè dixit, sed tamen facilius, & frequentius in viros cernimus hoc malum serpere; quod aliquando est in diem, aliquando in annum, aliquando etiam in perpetuum, aliquando quoad omnes, aliquando quoad unum duntaxat personam certam, quod vocant maleficium respectivum. Huic maleficii generi videtur annumerandum, quod refert Saxo *lib. 14. list Danor.* his verbis: *Mares in Urbe Korentina apud Rugianos cum feminis in concubitu admittis eam exemplo coherere solebant, nec ab ipsis morando divelli poterant.*

Nec solum Venerem impedire, sed & abortum possunt excitare veneficæ. Ita quidam veneficus, ut idem Codronchius *eod. in loc.* refert captivus in iudicio factus est, suis se veneficiis effecisse, ut quædam mulier per multos annos abortum fecisset, fœtu septies in utero enceato. Id etiam contigisse pecoribus, & jumentis omnibus utero gerentibus tum temporis. Instrumentum vero, quo utebatur, fuit serpens in limine ostij reconditus. Quo perquisito & pulvere tantum, aliquibusque vestigiis serpentis, ob diurnitatem temporis, inventis, igneque concrematis postea rectè pepererunt. Hujus rei, sicut & difficilis partus, lactis exicationis plura suppetunt exempla apud Delrium relata.

Conjugatis autem veneficæ non eo saltem modo nocere solent, quod impediunt, ne conjuges sibi mutuo conjugale officium præstare possint, sed etiam dum odium pertinacissimum inter eos excitant. Dæmon enim vitiosos quoque affectus in homine excitare potest, ut, vel id, quod nullo modo pulchrum, omnium formosissimum, & maxime amabile habeatur. Et contra, quod meritò amandum est, horrendum, & abominabile appareat. Cujus rei historiam enarrat Codronchius *ibid. lib. 3. cap. 6.* In quodam Hetruriæ oppido, inquit, juvenis quidam adeo perditè veneficam mulierem adamavit, ut formosam alioqui uxorem unà cum filiis reliquerit, & cum pellice, suorum immemor, vitam eousque traduxerit, donec uxor, de maleficio monita, eò concessisset, & veneficii instrumentum invenisset, bufonem nimirum sub lecto altè inclusum, confutis oculis. Eo igitur abrepto, & solutis oculis, postea igni concremato, confestim vir suorum recordatus, tanquam è somno surgens, ad uxorem, & filios reveris est.

Contra odij hoc memorabile exemplum ibidem refert. In oppido Sepino, inquit, ditionis Neapolitanæ, erat quidam, Jacobus nomine, cujus uxor ita eum odio habebat, ut à primo die, quo inter ipsos matrimonium contractum fuit, simul habitare nunquam potuerint, tantum abest, ut se invicem copulaverint. Et si quando Jacobus ad uxorem accedere volebat, tanto furore, & rabie percita uxor erat, ut se per fenestram potius præcipitem dare, quàm illum pati vellet. Quod cum cuidam religioso, ab ipsis hospicio recepto, relatum esset, de hac re dubius, nec fidem adhibere volens, experiendi gratia, illico mulierem advocari jubet, ejusque maritum in interiore adium parte se se abdere, ne ejus præsentia uxor ingredi renueret. Venit mulier, quæ de odii causâ contra conjugem interrogata, suam vicem prius, miserumque statum cum deploasset, se nullam, inquit, eius rei rationem reddere posse; quia absentis mariti tanto desiderio & amore se flagrare dicebat, ut id verbis exprimere non posset. Cum autem ad illum alloquendum accedere vellet, illi eò imaginationi suæ tot deformitatibus, & turpitudinibus, totque horribilibus monstris maritum apparere ut mortem prius subire velle se, quàm illum ferre, asseveraret; quod ejus anima tota, omnesque vires, ac spiritus in maritum, tanquam oblatum malum, & sui perniciem ferebantur, rursus eo absente se eiusdem

dem desiderio æstuarè aiebat. De cuius mulieris verbis cum bonus ille sacerdos periculum facere vellet, dixit mulieribus, eam comitantibus, ut illam circum pedes, & brachia super lectum valido fune in crucis modum vincirent, quo maritus, omni repugnantia remota, expeditum accessum ad eam haberet; verebatur enim ille sacerdos, ne ob deformitatem aliquam celandam mulier se ita affectam simularet. Uxor denique ob mariti desiderium se ligandam tradidit, rogans, ut ad se maritum admitterent, quo ingrediente nullæ unquam furia tam immanes vitæ sunt, nulla fera ita efferata, nulla bellua tanta rabie ac furore concitata, quæ cum ea conferri posset. Spumam ex ore emittebat, dentibus fremebat, oculos contorquebat, totum corpus veluti furiis agitatum, ac dæmonibus plenum videbatur, mulierisque ibi æssidentes retulerunt ejus ventrem, ac stomachum finibus contortis, quos ipsæ tangebant, refertum visum fuisse, totamque cutim, ut siagris easam redactam. Nec furendi finis factus est, donec maritus concertationis labore defessus, & illius misericordia motus, illinc exiit. Et tandem post tres annos mulier quædam in veneficiis versata, quæ Jacobi matrimonium cum illa uxore graviter, molesteque tulerat, maleficium, quod patravertat, solvit, & ita Jacobus uxore potitus est, & inde in summa pace, atque otio tranquillissimè vixit. Hactenus Codronchius.

Et Nicolaus Iaquerius *in flagel. heret. fascinar. cap. 12.* refert, se frequenter vidisse, quod persona maleficiatæ non potuerint præsentiam alterius tolerare, immo ne accessum, etiam si nondum eam viderint, sed toto corpore cohorrerint, & coactæ sint fugere cum vehementissimis clamoribus,

Urinam etiam suppressere, sive occludere hominibus veneficæ valent. Id, quod juveni cuidam factum esse ad mortis usque periculum à venefico narrat idem Codronchius *d. lib. 3. cap. 5.* cui malo, ut dedecus etiam adderet veneficus, in publico ipsum urinam emittece coëgit, ac etiam colludendo impedimentum abfuit.

Inter recentiores Zachutus Lusitanus *de prax. medic. mirabil. lib. 3. obser. 134.* etiam memoratu dignam historiam puellæ veneficio affectæ refert, quam ipse sic recitat: Puellam annum agentem ætatis decimum sextum, ex nobili prosapia oriundam, forma non vulgari præditam, juvenis quidam speciosus, & liberalibus artibus apprime instructus ita miserè deperibat, ut illius amore irretitus noctes plures, velut amens, infornes duceret. At cum illum ea, ut ex infimo loco natum temneret, ac irrideret, indignabundus, sagarum consilio de ea magicis artibus vindictam sumere, jurat. Quare absentis puellæ imaginem cetera confictam verbis prolatis sortilegæ compungunt, quibus recitatis inions sævis doloribus in toto corpore excitatis est afflicta, ipsque ita infandis immiseri-corditer vexabatur, ut aculeis transfigi videretur. Quibus lenitis remanebat aphona, & convulsione mirabili arrepta, qua pedibus antrorsum pectus contingebat, cum oculis torvis, nigricante facie, pinnis narium inversis, linguæ tremore, leipothymia, omnimoda virium jactura, fastidio summo. His triduo perseverantibus, convocantur medici, qui postquam ultro, citroque de causâ morbi disceptarunt, in eam unanimes convenerunt sententiam, ut crederent, hæc horrenda vitia ab utero, auræque veneficæ ad partes superas elata, tanquam à prima origine, emanare, quæ similem tragediam excitare nata est. Quapropter præsidia plurima adaptant in hunc usum. Sed cum iis applicatis illa delira, furibunda, omni convulsione specie premeretur immaniter, à medicis tanquam spiritu malo apprehensa, aut veneficio



vexata deferitur. Hoc ita esse, confirmavit postea enor-  
mis vomitus, cuius violentia nigerrimam materiam pri-  
mò, postea glomeratos crines, tribulorum fasciculum,  
acus aeneas, & tandem oviformem massam, atro co-  
lore conspurcatam rejecit, qua disiecta, erupere plu-  
res volantes formicae, quæ adeo horrendum factorem  
ex se expirant, ut nullus in domo persistere posset.  
Visis his omnibus paruit, cuncta hæc ex veneficio esse  
suborta. At cum in agone esset syncope oppressa, per  
vomitum laboriosissime excrevit animal pugni forma,  
colore atrum, cauda oblonga, toto corpore pilosum,  
muris instar, quod postquam in terram elapsum est,  
eximia pedum agilitate per domum obrepit, & emo-  
ritur. Parentes rei novitate ac periculo filia com-  
moti, consulant ariolos, sagas, tortilegos, magos, &  
incantatores. Ex iis unus se eam sanaturum, proposita  
multa mercede, constanter pollicetur, dicens, ut adven-  
tante paroxismo vocaretur. Sic factum. Nam cum ac-  
cessio ferociter invalescit, convocatur ipse, qui super  
caput agræ prius abrasum, me præsentem, imposuit  
papyraceam chartam albidissimam, in qua scriptæ erant  
litteræ binæ T. M. & imposita erat ungula asini semi-  
combusta, & ille nescio quæ verba ad aurem obmur-  
murans, illam ab insultu, & omni symptomate im-  
posterum liberauit. Ita Zachutus, & hoc veneficium  
dicitur propriè; etsi enim aliqui nullum agnoscant  
huiusmodi, quia putant, Sagos non nisi vero, ac natu-  
rali veneno nocere posse, nihilominus tamen, per-  
mittente Deo, suis maleficiis sagos complures mortales  
gravissimis morbis, ac morte afficere, tam autoritate  
Parrum, quam historiis omnium ferè gentium com-  
pertissimum habetur. Huiusmodi autem veneficia  
contingere vel introspectione, vel applicatione ex-  
teriore per contactum, inungendo, in faciem insufflando  
docet Grillandus de *foris. qn. 3. & 5.* Ad hoc malefi-  
cium Delrius *lib. 3. q. 4. sect. 2.* reducendum putat pe-  
culiare quoddam Arabum scelus, quod *Scopelismum* vo-  
cabant, & de quo fit mentio in *l. cum quedam ff. de*  
*extraord. crim.* cuius hæc sunt verba. *In provincia Ara-*  
*bia scopelismum crimen appellant, cuius rei admissum tu-*  
*le est. Plerique inimicorum solent pradium inimici sco-*  
*pelicem, id est lapides ponere, indicio futuros, si quis eum*  
*agrum coluisset, malo letho periturum esse insidiis eorum;*  
*qui scopulos posuissent.* Sic Ulpianus & Pineda *comm.*  
*in Job* de hoc crimine interpretatur illud *cap. 5. v. 23.*  
*sed cum lapidibus regionum pactum tuum.* Licet etiam  
huc referre maleficium vetus Circi Aurigariorum,  
de quo D. Hieronymus in vita S. Hilarionis, nec non  
Sacculariorum crimen, de quo Jurisconsultus ait, hoc  
nomine vocatos qui vetitas artes exercentes in saccu-  
los partem subducunt, partem subtrahunt, *l. saccularii*  
*ff. eod.*

Maleficii hostilis genus etiam est, Sagittariorum, &  
Balistrariorum, quorum Innocentius III. Papa vocat  
artem mortiferam, & lethalem. Nam ex pacto ipsi ad-  
dicunt damoni corporis, & animæ dominium, & ille  
vicissim pollicetur, se adfuturum, ut quàm longissimè  
distum volent, infallibili ictu traiciant. Solemnia, si-  
ve ritualia istius maleficii refert Delrius *loc. cit.* ex  
Sprengero. Meminit etiam Olaus Magnus *lib. 3. cap.*  
*17.* alterius generis Sagittariorum, nempe Lappones,  
& Finnos de plumbo conficere jacula magica, digiti  
longitudine, & ea per quævis dislita loca mittere in  
eos de quibus vindictam expetunt, & hos oborto  
carcinomate in crure, vel brachio, intra triduum ve-  
hementia doloris emori. Ab his non multum discre-  
pat genus maleficorum, qui quasdam construunt ima-  
gines, quas vel acubus pungunt, vel igne liquant, vel  
confringunt, & sic certum iis, quos tales imagines desi-  
gnant, interitum tæbe, vel alio mortis genere adferunt  
ex pacto cum damone inito, in cuius nomine solent  
ethices baptizare, & nomen occidendi illis indere.

Tom. I.

Est etiam & maleficium devovendi. Ex divinis enim  
Scripturis, Catholicis omnibus certum est energu-  
menos à demonibus sæpe invadi, ac possideri, vel ob-  
fideri, hoc est demones in hominum ingredi corpora,  
& simul potestatem aliquam eos affligendi, seu vexan-  
di accipere. Ambo enim requiruntur, ut quis sit ener-  
gumenus. Qua de re docte post Mengum *in fuste dam.*  
& Polydorum de *exorcis.* Petrus Tyræus dixerit *dis-*  
*put. de demon.*

Et tales historiae plurimæ, ut dictum à Sprengero,  
Bodino, Nicolao Remigio, & aliis autoribus plurimis  
qui de veneficiis scripserunt, recensentur. Immo vul-  
go etiam passim notum, sagas, & maleficas Judicibus  
confessas esse, se alios cæcos, alios claudos, alios pa-  
ralyticos effecisse, alios sævissimis doloribus diu exer-  
cuisse, & alios plurimos morbos excitasse qui pleri-  
que cum supra causas naturales fuerint, ut ex symp-  
tomatibus, quæ in iis acciderunt, & apparuerunt admi-  
randis manifestum est, non sine causa plurimi censent,  
dari morbos, à maleficio inductos. Et si enim Avicen-  
na, & nonnulli alii negent, demones morborum ir-  
rogatores, seu immissores esse posse, quod possint mor-  
bi ex naturalibus causis oriri, minus tamen rectam esse  
hanc ratiocinationem plura demonstrant S. Scripturæ  
testimonia, quibus demonum opera varias infir-  
mitates fuisse inductas superius vidimus, docent-  
que optimi medici Codronchius, Cæsalpinus, Ferne-  
lius, Valesius, aliique plures. Quod spectat ad mo-  
dum, quo demon morbos inferat, accuratè illum  
explicat citatus Valesius *S. Philos. cap. 28.* Quo pacto  
venefici morbi ab aliis sint dignoscendi, ex parte di-  
scutunt Exorcistæ quidam, sed plenius Medici. Exor-  
cistarum iudicia proponit liber sacerdotalis Sammarini,  
Medicorum verò Codronchius *lib. 3. de morb. ve-*  
*nef. cap. 13.* ubi docet, signa hæc vel communia esse  
cunctis maleficiis, vel peculiaria quibusdam, Andreas  
Cæsalpinus de *investig. dam. cap. 22.* Idem etiam  
agunt de remediis naturalibus contra maleficia, & ex  
illis Delrius *lib. 6. mag. cap. 2. sect. 2. qn. 3.* agit de  
remediis supernaturalibus divinis, sive Ecclesiasticis,  
quæ solent carere omni peccato, sineque ullo periculo  
adhiberi queunt.

Quod verò spectat ad personas, quibus malefici que-  
ant nocere, cum draco ille antiquus usque ad iudicii  
diem mansurus sit ligatus, Apocal. *cap. 20.* certum  
est, illum nemini posse nocere, nisi cui Deus permise-  
rit, & quantum permiserit. Sic *Marth. 8.* ut porcos su-  
biret, a Christo veniam petiit, nec mendaces facere  
Prophetas Achab *3. Reg. cap. 22.* nec Jobum affligere  
sine divina potuit permissione. Quare cum per dæ-  
monem damna malefici inferant, sequitur, eos illis om-  
nibus nocere posse quibus ne noceant, Deus non pro-  
hibuerit, siue sint homines boni, siue mali. De facto  
tamen sæpius nocent malis & peccatoribus, quàm ju-  
stis ac bonis.

De Judicibus, & iustitiæ ministris præcipue quæri  
solet, an & his nocere possint malefici? Communis  
multorum opinio est ex speciali privilegio illis conces-  
so, non posse. Quod privilegium alii limitant per rei  
capturam. Prudentius Anania *lib. 4.* ad eos Iudices,  
qui hoc digni nomine, hoc est qui Deum præ oculis  
habentes rectè, riteque suo funguntur officio, restringit.

Verum ista omnia quæ hæcenus dicta sunt, in du-  
bium vocant Sagarum patroni, nominatim Ioannes  
Vuierus, negantque Sagas, & Lamias illorum morbo-  
rum hominibus causam esse posse, dum defendere co-  
nantur, Lamias non invehere eos morbos, quorum se  
fatentur effectrices esse, & quæ hac de re in historijs re-  
feruntur, inter fabulas recensenda esse, putat.  
Ac tale quid esse putant, quod de Duffo Sco-  
torum Rege, ex Hectore Boëtio *lib. 11. hist. Scot.*  
referunt, qui cum sudoribus, vigiliis, doloribus, &

R 3.

macie



macie, sine ulla manifesta causa, conficeretur, tandem deprehensum est, in Moravia in quadam arce Sagarum unum cereum simulacrum ad Regis Duffi effigiem demoniacae arte confectum, ligneo affixum veru ante ignem movere, alteram carminibus recitatis liquorem quandam fundere sensim supra imaginem; quae deprehensae responderunt, dum simulacrum igni adhibitur ureretur, Duffum Regem in sudorem solvi, carminibus verò recitatis perpetuis teneri vigiliis, & ad ceram liquecentem macie consumi, consumpta autem cera, Regis mortem continuo subsequaturam. Contracto verò simulacro, & sagis flamma combustis, sub ipsum tempus hoc in Forellensi arce in Moravia, fuit Rex languore levatus, & noctu absque dolore quievit, ac brevi sanitate recuperavit. Ubi monendum Moravos, ut Bodinus de demonum. lib. 2. cap. 8. qui has sagas ad enecandum Regem Scotorum conduxerunt, esse incolas Scoriae, olim Scotorum hostes, nunc Scotiae Regno adiectos. Quam historiam, ut dixi, Vuerus, & Cardanus de variet. rer. pro fabula habent.

Deinde omnia illa, quae facere se putant Sagae, mera somnia, & phantasmata esse existimant, statuuntque Lamiarum phantasmata solum à malo daemone vitari, ac imbui simulacris, ut fecisse constanter fateantur, quae nec facere potuerint, nec in rerum natura unquam fieri ipsa natura patiatur. Addunt etiam Diabolum ad eam rem maximè iis uti, qui sunt melancholici, tristes, Deo disti, impiè ac illicitè curiosi, perversè in religione Christiana instituti, impotentis odii, malitiosi, vix mentis compotes, simileque lubricae fidei, vel insignis malitiae, mulierculae, effetae, stupidae, sensibusque vacillantes. Huiusmodi enim homines, inquit, maxime daemon adoritur, infestatur, illicit vel assumpta plausibili forma, vel contagione, imaginationeque variè agitata, & corrupta, donec tandem ipsius proposito consentiant, se ipsius persuasioni dedant, quicquid in mentem ille ingerat, credant, tanquam fœdere obligati, ab illius nutu pendentes, ipsi obtemperantes, vera omnia esse, quae suggerit rati, formas imaginatione ab eo ingestas revera substantialiter existere, serio credentes, idque & vigilantibus, ac dormientibus accidere. Idque, ut probent, varia melancholicorum deliria & vanas cogitationes adducunt, quorum quidam se bruta esse animalia, nonnulli se vasa fictilia factos esse, alii alia falsa imaginantur.

Et quidem istas imaginationes daemone etiam vigilantibus, plerumque tamen dormientibus, suggerere, existimant, cum aliàs dormientibus etiam occurrant quae nusquam sunt, vel fuerunt. Uti etiam ad eam rem daemone quibusdam plantis somniferis, scribunt quibus unctae sagae per caminum se volare ac per aërem longè, latèque ad symposia, choreas, concubitus ferri, & huiusmodi alia perpetrare, profundissimo somno detentae, persuasum habent. Huiusmodi historiam referunt ex Joanne Baptista Porta de magia naturali, qui narrat, vetulam quandam sibi polliciram fuisse, se brevi temporis spatio sibi responsa aliunde allaturam, idque, ut faceret iussisse omnes foras egredi, qui à se acciti erant testes, vestibibus verò nudatam unguento quodam valde se perficuisse, illis per portae rimulam aspicientibus. Hinc soporatum concidisse, profundoque occubuisse somno ita, ut nec sentiret, dum vapularer. Hinc ubi medicamenti vires cessarunt, à somno excitatam multa inceperat fari deliria, se maria, montesque transmeasse.

Pergunt & probant, omnia, quae ad nocendum adhibentur à veneficis, esse merè inania, & ridicula, atque Saranae instinctu in usum vocari ad eum finem, quasi aliquid praestent res ejusmodi prorsus nihili, inefficaces, ac frivolae, quod id, quod apparet, malum à daemone constructum, vel alias occulta Dei voluntate, aut naturae vitio

ortum à se concitatum credant infanz feminaz. Si enim quoscunque vel transeuntes, vel praetereuntes pari necesse est, cum delectus sit expers materia venenosa, contrarium verò testatur experientia, & ii saltem, quibus id destinatum est, malum patiuntur.

Postea etiam probare volunt, quod quotquot vulgò lamiarum maleficio affecti videntur, & quorum ita laesorum mentionem faciunt sacrae litterae, omnes à daemone exagitati, vel obsessi fuerint, adducuntque Jobi exemplum, Job. 1. Nabuchodonosoris Daniel. 4. demoniacorum, & à daemone laesorum Matth. 8. Marc. 1. & 5. Luc. 4. & 8. ac similia.

Tandemque concludunt, quotquot tam crudeliter quibuscunque etiam convulsionum generibus, morbis prodigiis, vomitu, dejectione praeter naturam torquentur, hunc, vel illum somnum edunt, certos mendaciter notant, & accusant homines, cunctos à daemone maligno, mendacique citra alterius cooperationem, agi, vexarique. Quae verò res monstruosa interdum vomitu rejiciuntur, eas omnes non fuisse in corpore, sed à daemone subtilitate, ac celeritate imperceptibili ori ingestas, nostris ad haec oculis vel celeritate ejus victis, vel fascino delusis, vel interjecto corpore aëreo, aut aliter motis intus, vel foris, vel utrinque humoribus, aut spiritu caligantibus. Idque eo praecipue argumento probant, quod res ejusmodi sapè magnitudine aërophagi, etiam quoad fieri possit, in homine vivo teni, distractique naturalem diductionem exuperent. Cui & hoc addunt, quod licet vel mox à cibo sumpto talis sequatur vomitus, nihil cibi, vel chyli appareat mixtum, propterea rebus ejusmodi duris, acutisque vomitu ejectis nullam omnino ventriculo, vel aërophago noxam inferri. Denique addunt & hoc, quod multos morbos & homines ac pecora naturaliter patiantur, quae falsò veneficiis adscribuntur. E quibus omnibus concludunt lamiarum facinora nulla esse, earum confessiones vanas, ipsas innocentes, & potius errore phantasiae laborantes, & propterea melius informandas, quam interficiendas esse.

Nos verò, ut quid in hac difficili re statuendum sit, pateat, statum controversiae prius formandum esse, putamus. Et quidem primò negandum non est, daemone rerum naturalium, & inter eas etiam venenorum, esse scientissimum & mancipiis suis propterea talia venena revelare, & patefacere posse, qua ratione venena efficacissima, & potentia componere queant, etsi interdum quasdam res superstitiosas, ac nullius momenti, ut eos deludat, adiacere jubet, quibus sive propinatis, sive extra adhibitis, aliis nocere possint. Certum autem est, Improbos homines, quos pestem pulveribus sparsis, vel unguentis portarum ansis inunctis excitalse historiae multae testantur, quas Sennertus lib. 4. de febr. cap. 2. collegit, hanc pulveres tales, & unguenta conficiendi rationem à malo daemone accepisse credibile est.

Talia itaque medicamenta sive cibo, aut potu misceantur, sive quocunque modo extra corpus adhibeantur, si veneficia appellare libeat, nullum dubium est, dari morbos à veneficiis inductos, quod nec ipsos adversarios negare posse existimo. Sunt enim talia omnia naturalia, etsi modus componendi à daemone fluere possit. At de his quaestio non est, solumque quaeritur, an veneficæ, sagae, ac lamiae, sine veneno naturali, possint vi supernaturali, malique demonis ope, hominibus morbos inferre, vel eosdem necare, Deo permittente?

Pro solutione igitur hujus quaestionis primum assero. Sagis, & Lamiis propositum est, homines laedere, ipsique varios morbos inducere, & earum opera multi variis modis laesi sunt. Hoc historiae superius adducit



adductæ satis docent, & extant tales innumera apud Sprengerum, Remigium, & alios, qui de Sagis, & Lamiis scripserunt. Etsi enim historias ejusmodi pro fabulis habeat Vuerus, tamen historiarum fides non ita elevanda est, ac in dubium vocanda. Ac licet id, quod de Duffo, Scotiæ Rege ex Hectore Boëtio refertur, mirabile videatur, illam tamen impietatem, jam antiquam esse, nec nostro etiam sæculo defuisse, è Poëtis, Philosophis, & historicis plurimis, atque ex oculatis testibus, qui adhuc vivunt, de horrendo maleficio sub Urbano VIII. Summo Pontifice, cujus effectores traditi fuerunt Curia seculari, constat. Quod comprobatur Bodinus *lib. 2. demonom. cap. 8.* ita scribens: Enguerrandi Marignij judicium hac potissimum causa niti legimus. Tale enim quid ab hujus Enguerrandi uxore in Regem Franciæ tentatum fuisse, annales Franciæ referunt, & alterius in Alenconiorum urbe tempore Francisci primi Regis, cujus factum probatum in judicio fuit, & copiosè in Navarrenæ Reginæ heptamero, neque tanquam fabula, sed velut historia vera in forensibus gestis omnibus exponitur. Anno 1574. generosus vir quidam, ut in judicio ejus, quemadmodum excusum est, legimus, qui Lutetia fuit decollatus, imaginem ceream capite & corde transfixo, & characteres alios habere compertus est. Et quod recentius est, mense Septembri anno 1578. Legatus Angliæ, & multi Galli per Galliam nunciaverunt, tres imagines cereas deprehensas esse in fumo cum inscriptis Reginæ Angliæ, & aliorum nominibus, quas imagines Curio pagi Istinætonii ad dimidium milliare Londino distantis fecisse dicebatur. Et recentem hujus rei historiam ex Zacuto retulimus.

Quod verò Lamiæ, & sagæ ad actiones illas magicas quocunque etiam modo concurrant, ex eo liquet, quod veneficii instrumentis remotis, vel ipsis Sagis crematis, ac mortuis, ægri convalescunt, ut ex historiis aliquibus supra recitatis apparet. Et Bodinus in confutatione opinionis Vueri refert, Biebrannum quandam Sagam ad Laodunum crematam anno 1555. Hæc, inquit, infirmabat homines, mirificèque distortos reddebat, eosque, bestias, & fruges perdebat. Sed ut primum fuit exusta, cessaverunt hæc omnia ut ex Judice, qui de ea quæstionem habuit, cognovit Bodinus. Idem eundem Judicem sibi narrasse scribit, cum ista cuidam fœminæ comminata esset, eam nunquam lactaturam, ita accidisse, & lac ejus subito exaruisse. Et quamvis multos liberos pareret, ubera tamen semper aruisse. Cremata verò Saga, statim lacte abundasse. Et ex quodam nobili, ac honorato viro se cognovisse narrat, uxorem ejus ab amita impeditam fuisse, ne pareret, quod illa ipsa moriens confessa est, ut successionem liberis acquireret. Ut verò illa mortua est, hanc brevi gravidam factam, peperisse semel, atque iterum.

Nec quæ obijciunt, & ad Sagarum excusationem afferunt adversarii, magni momenti sunt. Primum enim non solum anus melancholicas, & imprudentes fœminas, sed & juvenulas, viros item nullo modo melancholicos, talia perpetrasse, & alios eadem docuisse, & variis persuasionibus ad alios irretiendos, & in suam sectam pertrahendos usos esse, historia testatur. Et si saltem melancholicæ, ac deliræ essent veneficæ, omnibus, ut solent melancholici facere, palam suam mirabilia patrandi scientiam prædicarent, quod tamen nullæ veneficæ faciunt, sed omnes clam, & apud eos saltem, quos sperant in societatem suam trahi posse, artes suas profitentur. Præterea si melancholicæ essent fœminæ, qui sit, quod tot sæculis, tot diversis locis captæ Sagæ in confessionibus consenserint? Et quidem melancholici plurima incredibilia,

& impossibilia sibi persuadent, sed omnibus sæculis vix duo reperti sunt, qui unum sibi imaginati fuerint.

Eadem ratio somniorum est. Sit enim, ut Lamiæ quædam somniant, saltem, se quædam fecisse, quæ nunquam fecerunt, & id postea vigilantes credidisse, tamen non semper id accidisse, sed vigilantes, ac scientes multa perpetrasse, historia docent, quæ testantur, Sagas diversis in locis captas in narrationibus suis planè consensisse de die, hora, loco, modo, instrumentis, eadem fetulisse, & quas scelerum socias habuerint, narrasse. Et quod dormientes non solum sibi imaginentur, se quædam facere, sed quod etiam vigilantes ad actiones tales aliquid contulerint, patet ex eo, quod instrumenta, quibus usas esse fateantur in iis locis, in quibus ea se reposuisse dicunt, reperiuntur, iisque remotis, vel combustis, læsi sanitati restituantur.

Neque etiam probare possunt, quod omnes, qui à Sagis, demonis mali ope, morbo aliquo affecti laborant, omnes à demone obsessi dicendi sint, sicut nec Job, licet à demone plaga pessima afflictus, ab eodem obsessus fuit. Tandem, etsi instrumenta, quibus utuntur sagæ, sint inania, & inefficacia, non ideo tamen sunt excusandæ, sed ob pactum, quod cum demone habent, execrabiles. Etsi enim ipsæ nihil agant, demon verò etiam nihil sine permisso Dei agere possit, tamen sicut voluntas, & conatus ad crimen læsæ majestatis in actionibus politicis constituendum sufficit, ita & hac ipsa de causa Sagæ merito hic accusantur.

Altero secundo. Licet Sagis propositum sit homines lædere, ipsæ tamen id nec præstant, neque præstare possunt. Itaque etsi tot historiis, quas hæcenus adduximus, fides non sit deneganda, & merito effectus isti Sagis, & Lamiis imputentur, tamen inquirendum, quo in genere causæ hæc concurrant, & quid ad tales effectus conferant. Ubi omnino statuendum, Lamiæ, & Sagas ipsas operationum talium causas non esse, sed demonem, Sagas verò saltem instrumentales, aut potius impellentes causas, utpote ad quarum voluntatem, & præces demon, Deo permittente, tales morbos hominibus infligit, aut qui à natura ortum habent, eos sua ope à Sagis induci iis persuadet. Ideoque, ut veneficium appellatur, necessarium est, ut demon & Saga concutrant. Ubi enim demon solus precibus & pacto Sagarum non instigatus, hominem affligit, id, quod Jobo accidit, tunc propriè veneficium, aut actio magica non appellatur; sed tum solum veneficium dicitur, cum demon in gratiam veneficæ, ad ejus precibus, vel pacto invitatus homini nocet, & damnum infert.

Quod autem veneficæ ipsæ nihil agant, & per instrumenta sua eorum, quos putant, effectuum causa non sint, pluribus rationibus probari potest. Certum enim est, interdum demonem Sagis in somniis variis symptomata suggerere, quæ ubi evigilant, vera esse credunt, & variis in locis se fuisse, ac varia perpetrasse sibi persuadent. Cujus rei historiam retulimus, mulieris, quæ cum unguenti cujusdam illinitione in somnum delapsa esset, postquam evigilavit, se maria & montes peragrasse dicebat. Extant enim tales historias plurimæ mulierum, quæ etsi pedem è lecto non extulissent noctu, mira tamen in locis peregrinis se perpetrasse dixerunt. Narratur & hujus rei hæc historia. Cum fœmina quædam carcere detenta esset, quod in lupum se transmutare posse perhiberetur, atque id ipsa falsa esset, Magistratus, si ejus rei specimen ederet, se ei vitam donaturum promisit. Quod cum se præstituram esse polliceretur, modò unguentum suum ad hoc opus necessarium ad manus haberet, id statim ex ejusdem domo allatum est. Quod ubi accepisset, caput, collum, axillas, & superiores corporis



partes eo inunxit, & paulo post concidit, ac profundo somno arrepta est, Magistratu præsente. Horis tribus elapsis subito surrexit, & interrogata, ubinam interea fuisset, & quid rerum egisset, respondit, se in lupum mutatam prope civitatem aliquot miliaribus distantem quam nominavit, primo ovem, deinde vaccam dilacerasse. Cujus rei, ut certitudo haberetur, inquisitum est apud Magistratum ejus loci, atque rem ita se habere, compertum est. E quo constat, demonem Sagæ profundo somno detentæ nomine ista patrasse, & Sagæ phantasma hoc in somno objecisse.

Cumque etiam se aliquid efficere persuasum habeant, nihil tamen revera eas præstare, è multis patet. Primo enim instrumenta, quibus utuntur, nullius momenti sunt, & eos effectus edere non possunt. Et, ut antea dictum, non est impossibile, demonem interdum mancipia sua docere posse, qua ratione pulveres, vel unguenta, quibus aliis noceant parare queant. At de his nunc quæstio non est, & Sagæ talibus raro utuntur, sed res nullius momenti adhibent, quas tales effectus edere non posse, quivis facile animadvertit, puta cortices nucum, semina quædam, plumas, acus, clavos, vitrum, capillos, ungues, ossa, partes mortuorum, & præcipue suspensorum, bufones, serpentes, verba, characteres, imagines cereas, & plumbeas, quæ vel in lectorum pulvinaribus, & culcitris, vel in vestibus, vel sub liminibus januarum, vel alibi abscondunt. Quæ res cum inefficaces sint, quædam etiam artificiales, omnino eos effectus, quos illæ putant, præstare non possunt. Artificialia enim, & naturalia inter sese differunt, & artificialia non agunt in naturalia. Cum ergo talia plerunque artificialia sint, in corpus humanum, & aliorum animalium, quæ naturalia sunt, agere non possunt.

Deinde, cum omnis actio fiat per contactum, res verò, quæ vel sub liminibus, vel alibi absconduntur, prætereuntes, nisi venenatam qualitatem emiserint, non tangerent, etiam nemini nocere possunt, in primis si aliquot miliaribus absint.

Præterea cum quæ proprias vires habent, in quælibet obvia agant, sicut & in contagiosis, & venenatis morbis videre est, & magnes omne ferrum obvium trahat, talia verò instrumenta non omnibus, sed saltem quibus volunt sagæ, noceant, hinc patet, vires istas his tribuendas non esse. Unde refert Remigius *de demonolatr. sagar. lib. 2. cap. 8.* quandam Sagam cum injurias, quibus à quodam affecta sibi videbatur, ulcisci vellet, ejus quinque vaccas tollere constituisse. A magistello ergo suo inductam, antelucanis horis pulvere quodam, quem ab eodem acceperat, pascua conspersisse. Cum verò universum gregem perire noller, recepisse demonem intra eum quinque vaccarum numerum futuram esse omnem noxam, idque eventum comprobavisse.

Ad hæc, cum omnia agentia operationes suas sine ullis cæremoniis ac verbis præstent, exempli gratia, magnes trahit ferrum, nullis verbis, aut cæremoniis adhibitis, talia nihil præstant, nisi verba quædam admurmurentur, & cæremoniæ accedant, quas idè malus demon adhiberi vult, ut hoc modo Sagæ ipsi obsequium præstent, & ille contra hujusmodi cæremoniis se quasi cogi, & allici simulet.

Tum demum etiam hoc ex eo patet, quod pulveres & unguenta, quibus Sagæ, dum nocere volunt, aliorum vestes conspergunt, aut inungunt, postquam Sagæ in vincula conjectæ sunt, à quovis sine damno tractari possunt. Et quod res alicubi defossæ vel occultatæ, sagis mortuis, ampliùs nocere non possunt.

Et profectò demon, ut Sagas ad omnia obsequia promptas habeat, ipsisque persuadeat, se multa miranda præstare, & quibus velint prodesse, vel nocere posse, pulverem plerunque primo congressu eis sub-

ministrat, qui morbi, necisve causa esse possit, quemque non sit necesse in cibum, potumve injicere, aut corpori affricare, sed satis sit leviter etiam in vestes alicujus aspergere. Eum, qui necat, atrum, qui morbum tantum faciat, cineritii, aliquando etiam rufi esse coloris aiunt. Et quoniam Sagæ sæpè vel metu, vel pretio, nonnunquam etiam misericordia adducuntur, ut morbo sic affectis curationem adhibeant, ne desit quoque ad eam rem remedium, tertium pulverem accipiunt, albi coloris, cujus vel asperzione, vel in esculenta, aut potulenta injectione propellatur morbus. Idque pluribus historiis probat Remigius *ibidem lib. 1. cap. 1.*

At verò, etsi dentur pulveres venenati, quibus homines infici possunt, tamen hos tales non esse, sed omnes illos effectus à demone provenire, credibile est. Quod vel ex eo patet, quia non solum leviter vestibus inspersi morborum & mortis causa esse possunt, sed & ut idem Remigius *eodem libro cap. 3.* habet, etiam unguento malus demon sagas instruit, quo impunè manus suas totumque adeò corpus inungere possunt, quo tamen si alterius manum, vel vestem etiam attingant, ei continuo morbum, vel mortem inferant. Et experientia observatum, ut ex locis allegatis apparet, sine noxa, & damno, unguenta, & pulveres illos, quibus sagæ usæ sunt ad damna aliis inferenda, à quovis tuto tractari posse, postquam sagæ in carcerem conjectæ sunt. Inde enim clarè elucescit, quicquid tum peragitur, à demone perfici, res ejusmodi saltem symbola esse, quæ testantur, sagas ejus facinoris conscias esse, & demonem earum suasu, & consilio talia peragere; nimirum ubi à Deo vel impetravit, vel jussus est, justo Dei judicio hominibus aliquid mali inferre, aut etiam ubi ex naturalibus causis homini aliquis morbus impendat, atque ipse hoc prævidet, ministris, & mancipiis suis mandat ut talia futilia, & anilia adhibeant, iisque persuadet, si id præstiterint, talia secutura. Quod cum accidit, artificem & præceptorem admirantur, & colunt. Si verò sagæ sua sponte alicui nocere velint, atque in auxilium demonem advocent, nihil tale præstare potest, nisi à Deo potestatem impetret. Scribitque Bodinus *lib. 2. demon. cap. 8.* vix è centenis binos inveniri, quibus ista noceant, ex Sagarum confessionibus esse manifestum. Interim ne autoritatis, & existimationis suæ jacturam apud suos demon faciat, se in gratiam earum, quæcunque volunt, præstiturum promittit. Quod si promissis stare non potest, & sagæ sua sponte frustrantur, eas objurgat, quasi præcepta sua perperam executæ sint, neque omnia quæ mandaverat, adhibuerint, immo ipsas sæpè verberibus mulctat.

Assero tertio. Multi morbi, qui à sagis induci putantur, sunt planè naturales, & à naturalibus causis & ab ipso interno humorum vitio, sine ulla demonis opera, oriuntur. Cum enim demon, rerum naturalium scientissimus, sæpè prævideat, hominem ob internum humorum apparatus vitiosum in morbum aliquem paulò post lapsurum, ille mancipiis suis persuadeat, si hoc, vel illud agant, hominem in morbum istum lapsurum, qui jam ex naturalibus causis in procinctu, & se paulò post proditurus erat, etsi à sagis nihil tale actum fuisset.

Quarto assero. Interdum ob ipso demone, Deo permittente, ad voluntatem & libitum sagarum, cum quibus is pactum habet, hominibus morbi & damna immittuntur, ipsis sagis, demonis persuasum, quædam adhibentibus, quibus ipsæ effectus illos, qui sequuntur, tribuunt. Verum jam antea assertione secunda probatum est, media illa, quæ sagæ adhibent nullius efficacis esse, sed omnia illa, quæ eveniunt, solius demonis opera perfici.

Assertio quinta. Morbos verò illos demon interdum per-



per causas naturales hominibus inducit. Cum enim demoni rerum naturalium vices, ac sympathiæ & antipathiæ non ignotæ sint, ac optimè norit quid hominis cuiusque valetudini commodum, quid noxium sit, quid hanc, vel illum morbum inducere possit, & venena ad causas morificas hominum corporibus, vel secundum totam substantiam, vel ipsarum partem spiritualem, & maxime efficacem, clamingerere ac inferre valeat, vel humores praves in corpore latentes agitare, vel etiam bonos corrumpere, atque in varias partes immittere, atque ita naturalem earum constitutionem mutare, immò violenter quadam, permittu Dei in corpore humano pervertere, præterea affectus varios spiritibus, & humoribus motis excitare, hoc modo varios morbos inducere potest. Et quidem nonnulli tales morbos à dæmone excitari negant, cum à causis naturalibus provenire possint. Et autor libri *de morbo sacro*, qui nomine Hippocratis circumfertur, toto ferè libro disputat contra illos, qui statuunt, epilepsiam à dæmone provenire, & propterea non naturalibus medicamentis, sed expiationibus curandam esse. Atque opinionem hanc ex ignorantia naturalium Epilepsiæ causarum profectam esse censet. A quo non multùm Avicenna dissentit, qui *prima tertii sen. 1. tract. 4. cap. 18.* scribit, quibusdam medicorum visum est quod melancholia contingat à dæmone. Sed nos non curamus, cum physicam docemus, si illud contingat à dæmone, aut non contingat, quoniam, si contingat à dæmone, sufficit nobis, ut convertat complexionem ad choleram nigram, & sit causa ejus propinqua colera nigra. Deinde sit causa illius cholerae nigrae demon, aut non demon. Hujusque Avicenna.

Deveniens porro plura congerit Torreblanca *lib. 12. jur. spirit. practic.* agens de magia venenaria maleficorum. Et quidem aliud est venenum quod hominum ingenio ex rerum naturalium peritiâ paratur, de quo *in l. 1. C. ad leg. Cornel. de sicar.* alterum, quod arte demoniaca, & pacto demonis conficitur, de quo *in l. 1. C. de malef. & math. Philo lib. de special. legib. Grillaud de fortit. 9. 12. nu. 14. Binsfeld. in d. lib. 1. C. de malef. Maiol. tom. 2. colloq. 3. Unde Plato lib. de legib. & Porphyrius lib. 2. de sacrif. veneni nomen pro incantatione usurpant.*

Immo teste eodem Avicenna *lib. 3. sen. 16. tr. 5.* Cornel. Gemma de divin. natur. charact. lib. 2. Levino Lemnio *lib. 3. de occult. nat. mirac. cap. 40.* Schenchio *tom. 2. observat. medic. lib. 4. tit. de variis mer. affect. obser. 11.* Galeno *lib. 2. ad Glaucon, Celso lib. 5. cap. 6.* Beneven. de admir. mor. lib. 2. aliis que non solum in corpore humano ex humibus coalescunt topi, lapilli, capilli, oscilla, conchyliæ, spine, glomi pilorum, ac reptilia, sed etiam generantur vermes, lumbrici, angues, serpentes, mures, ranæ, aliæque hujusmodi, lapides item, ferrum, chalybs, stannum, aurum. Quæ tamen si demon producit, causarum ignarus, mira, vel præstigiola judicat, ut notant autores Mallei *p. 2. q. 1. Remig. lib. 3. demonolatr. cap. 7.* Casalpini *de investit. demon. lib. 2. cap. 12.* & Codronchii *de morb. venef. lib. 3. cap. 6.*

Magnus autem Albertus *lib. 25. de animal. cap. 1.* tradit, dæmonem quatuor modis operari hæc ex qualitate naturali, videlicet, aut ex acumine caloris corrode, & putrefaciente in humida, ut lupus marinus, aut convertendo ad se humidum subtile ex calore flammante, ut euphorbium; aut tollendo sensum ex frigiditate mortificativa, ut opium; aut opilans vias anhelitus in corpore ex grossitudine frigida substantiæ, quæ habet accidentale acumen, ut frigidum adustum, efficiens à tota substantia, ut gummi, napelli, fel lepo-

ris. Jubertus verò *parad. lib. 3. cap. 27.* & Grillaud. *loc. cit. q. 3. num. 30.* venenum produnt tantæ activitatis, ut eo stapedes illitæ ipsum equitem occidant. Quod Casalpin. *supra cap. 17.* & Codronchius *ibidem* pacto demonis effectum credunt fortiri, tum magis si equus ipse proximior, aut illud exhibens non inficiatur. Et sane si ad enecandum particularem hominem paratur, signum est pacti cum dæmone, ut advertunt Valelius *controv. 2. Delrius lib. 3. mag. qu. 4. sect. 5.* Taleque, ait Codronchius *ibidem* est venenum epistolarum, quæ tantum necant illum, ad quem mittuntur, non alios plures legentes. Quo genere veneni fertur ab Averroë necatum esse Avicennam Cordubensem. Sic dum maleficæ insultant in alicujus faciem, & statim horrenda lepra oppletur, ut evenisse narrat Malleus *p. 2. q. 1. cap. 11.* Sic ille pacto demonis Parisiis chirothecis, globulis, pulveribus, flosculis suaveflagrantibus alios necabat ipso illato apud Torreblancam *ubi supra.* Dignoscuntur tamen morbi hujusmodi quando sunt à natura, & quando ex pacto demonis. Illis enim profunt naturalia antidota, his nullo pacto, ut per Doctores *in cap. fraternitatis de frigid. & malef. Codronch. d. lib. 3. cap. 13. Delrius lib. 6. cap. 2. sect. 2. qu. 3. Casalpini. cap. 22. Valentia tom. 3. disp. 6. qu. 13. pun. 4. Delatorre loc. 2. de vit. oppos. religion. qu. 6. ar. 2. disp. 11.* qui dissimiles progressus morborum, evacuationes, dolores, vomitus, ac similia describunt.

Verum non satis firma ratio est, quod quia morbi isti à naturalibus causis proximè provenire possunt demon nihil cum iis commercii habeat. Licet enim causa proxima talis morbi sit humor naturalis, ea tamen, ut morbum hunc faceret, non sua sponte excitata est, sed dæmone movente, ac proinde ejus ablatione morbus non curatur, nisi etiam causa externa humorem illum vel generans, vel movens tollatur, malus demon putat. Ut enim si quis dolore capitis, vel febre ex mora sub sole corripitur, non sufficit, si intemperiei illi, vel bili à sole generatæ remedia opponantur, sed etiam necessariū est, ut æger ex sole in umbram, & frigidiorē locum sese conferat. Ita etiam si demon aliquem humorem in corpore humano generet, vel moveat, non satis est, ut remedia ad humorem illum dirigantur, sed etiam opus est, ut demon ab actione sua cesset. Ideoque non idem est, quod putat Avicenna, si morbus aliquis à malo dæmone excitetur, si non excitetur, modo naturalis ejus causa adsit. Dæmonem autem quandoque mediis naturalibus morbos inducere, etiam sacrae litteræ docent. Nam *1. Reg. cap. 16.* de Saule Rege legitur, quod certis temporum intervallis malus demon ipsum exagitaverit. Et *Luc. 13.* extat historia mulieris habentis spiritum infirmitatis annis octodecim, quæ erat inclinata, nec poterat sursum respicere, quam Jesus sanavit die sabbati, & indignanti Archisynagoga respondit: Hypocritæ unus quisque vestrum Sabbato non solvit bovem suum, aut asinum suum à præsepio, & ducit ad aquam? Hanc autem filiam Abrahæ, quam alligavit Satanas octodecim annis, non oportuit solvi à vinculo die Sabbati?

Morbi autem illi, qui à malo dæmone per naturales causas excitantur, varii esse possunt: Interdum enim vitiosos humores, quos vel generat, vel movet, ad cerebrum, & nervos detrudit, atque epilepsiam & convulsiones, ac paralyfin excitat. Interdum melancholicis humoribus spiritus animales inquinat, & melancholiam inducit. Ad melancholiam referri potest & amor insanus, & odium erga aliquem sine causa. Etenim homini demon libertatem arbitrii auferre, ac proinde ad hunc, vel illum amandum, aut odio habendum



habendum cogere non potest, varia tamen & falsa phantasmata imaginationi obiciendo odium, vel amorem excitare valet, dum nimirum rem aliquam, quæ tamen talis non est, vel formosissimam, & maxime amabilem, vel contra obicit. Quam ad rem etiam demon abutitur interdum iuvenum naturali constitutione ad Venerem, & libidinem proclivi. Cujus rei exempla præbent statuarum amatores, quorum aliquos fuisse, historiarum referunt. Etsi verò talia præstat demon, viciosos affectus in hominibus excitando & Venerem stimulo, vel rei amata, vel amandæ imaginem continuò phantasiæ obiciendo, tamen Sagis persuadet, ut credant, se caeremoniis quibusdam, vel aliis rebus nullius momenti adhibitis, alios in sui, vel quorum volunt, amorem pertrahere posse. Pertinent huc omnia quæ de philtis dicuntur, de quibus jam alibi dictum.

Interdum ad oculos detrudit humores, & cæcitatem. Aliquando ad aures, & surditatem inducere potest, vel spiritus, qui omnium actionum naturæ proximum sunt instrumentum, dissipare vel corrumpere, aut ipsam partis conformationem pervertere. Si humores viciosos in partes membranosas moveat, gravissimos dolores excitare valet.

In primis verò demon in præstanda sua opera veneficis promptissimus est in conjugio turbando, ut ita & propagationem generis humani, cuius hostis est infensissimus, impediatur, & adulteriis, immo homicidiis occasionem præbeat. Præstat autem id variis modis. Primo odium inter conjuges excitando, & consuetudinem conjugalem impediendo, de quo antea dictum, ejusque exemplum allatum. Et observatum etiam est alias, conjuges, qui se ardentissime amarunt, cum ad copulam conjugalem ventum est, adeo in odium exarsisse, ut se mutuo unguibus, & pugnis impeterent, & alterius corpus adeo horridum, & fædum apparuisse, ut alter amplexus nullo modo ferre posset.

Nonnulli & hujus maleficii mentionem faciunt, quod scilicet conjuges corporibus sibi mutuo appropinquare licet velint, non possint, dum demon phantasticum aliquod corpus inter eos interjicit, ut se contingere non possint, vel alio modo eos invicem à se dividit, cujus rei mirandam historiam ex Vincenzio Belvacensi, cum alii, tum Deltrius *lib. 3. magic. p. 1. qu. 4. sect. 8.* referunt, quæ tamen cum præstigiæ sint potius ad veneficia, de quibus assertione septima dicitur, pertinere videntur.

Deinde conjugium turbat demon, viros ad Venerem impotentes reddendo, qui tum vulgò frigidi & maleficiati appellantur, ut modò cum nulla femina, modò cum una, & præcipue propria uxore Venerem exercere non possint. Quod veneficii genus vulgò Ligatura appellatur. Præstat autem hoc vel feminis generationem prohibendo, vel membri genitalis erectionem impediendo, spirituumque ad id influxum prohibendo, vel semen ex iccando, & subducendo, & ejus effusionem prohibendo. In feminis verò hoc præstat genitalibus aliquam affectionem præter naturam inducendo, ut virum admittere non possint. Interim demon sagis persuadet, ut nescio quas caeremonias ridiculas, & nullius momenti adhibeant, quæ ad rem nihil faciunt, & nihilominus credant, se præstare quæ ipse tamen efficit,

Neque enim impossibile est, ut demon etiam difficultatem partus, vel abortum exciter, & extant in confessionibus sagarum multæ ejus rei historiarum. Cum enim ad gestationem & partum naturalem multa requirantur, quæ demoni ignota non sunt, variis modis ea corrumpere, & vitare potest.

Assertio sexta. Nonnunquam etiam demon sine

causis, & mediis naturalibus in corpore hominis existentibus, sua potentia, & subita violentia solum ad sagarum postulat, homines lædit. Cum enim sagæ vel metu, ne deprehendantur, rem aggredi nolunt, vel se eam expedire non posse pro voto putant, eam omnem demoni committunt, qui ex voto ipsarum eam expedit, & ea, quæ jubent, hominibus damna ac mala infert. Cujus rei passim multæ historiarum extant. Nicolaus Remigius *lib. 2. cap. 10. demonolatr. sagar.* narrat, Sagam quandam Joannam à Banno, cum virum quandam forte bigis Argentoratum proficiscentem vidisset, memorem quidem acceptarum, & adhuc inultarum iniuriarum, eum devovisse, & execratam esse. Et cum vix imprecari cœperat, illum è curru in quo sedebat, præcitem tanta vi deiectum esse ut illico exanimatus sit, integro nihilominus toto corpore, nec vel vulnere ullo saucio, vel livore decolorato, vel tumore inæquali, vel luxato, vel intorto, aut ulla sui parte læso, ut illi inclusam animam, interceptosque omnes uno momento spiritus fuisse à demone, credibile sit. Et idem eodem *lib. cap. 12.* refert, quandam aliam, à quo injuria affectus sibi videbatur, diris devovisse, & illum mox turbine subito involutum, ac in terrain deiectum, altero crure sic debilitatum fuisse, ut se loco movere non posset, & vicinorum pecorum custodem adminiculo domum deducendus fuerit, idque antequam vulnus coaluit ipsum illum Magum spontanea confessione patefecisse. Idem eodem loco *cap. 13.* scribit, sagam quandam, cum vicinæ nocere vellet, ruri suo more opus fecisse, interim negotium demoni suo commississe. Ecce verò vicinarum adium oculatis, obseratisque foribus audiri miserum ejulatuum pueri, quem mater abiens domi reliquerat. Cum verò qui audiebant, accurrerent, ac fores properè effringerent, repperunt puerum prunis candentibus undequaque adopertum, & obrutum, quem licet quantum possent prunis candentibus extrahere, & servare niterentur, animam tamen egit, & inter manus illorum mortuus est. Idem *cap. 14.* narrat, rustico cuidam ad Mosellam, demonem jussu cujusdam Francisci Vellei, turbine quodam, reliquo aere aliquo placidissimo, omnem spiritum sic intercepisse, ut diu vitæ dubius, ac incertus jaceret. Et *cap. 15. ait,* sagam absentem quandam demonis ope alterius oculo cladem intulisse, eumque qui hoc vulnus in oculo accepit, retulisse, vulnus istud oculi sibi quasi ab impingente per vim arboris ramo inflictum fuisse, cum tamen hinc atque inde arbores nullæ multis passibus starent.

Assertio septima. Sæpe præstigiis saltem demon homines ludit, & se morbos, qui nulli sunt, induxisse persuadet. Huc pertinet membri virilis ablatio cujus historiam supra ex Codronchio attulimus, & extant similes in Malleo maleficarum Sprengeri *p. 2. qu. 1. cap. 7.* Etsi enim nonnulli in ea sint sententia, revera membra genitalia à demone auferri, ac reddi posse, tamen cum iis sentire malo, qui meras præstigiis talia esse putant, cum in demonis potestate non sit, adempta homini membra restituere. Et quod juvenis ille solo contactu manus maleficæ inter femora membra genitalia statim recepit, id præstigiis meras fuisse facile docet. Nec mirum, ut Ludovicus Vives in Augustini *de civit. Dei lib. 10. cap. 16.* scribit, hoc fieri à demonibus, & falli ab eis obtutus nostri aciem, cum à circulatoribus nobis sic sæpe imponatur, ostendanturque quæ nisi à tali hominum genere agerentur, pro miraculis, qui caperent, non deessent, etiam sic facta admirationi sunt, & vix acumen ingenii rationem illorum assequitur. Licet enim sint, qui credant, nisi demonis ope ista non perfici, artis tamen sunt exercitissimæ, quæ celeri motu, atque agitatione deficiunt.



in res obtutum præstigiis frustratur. Ita qui edit panem, spumare cernitur farinam siccam, qui bibit vinum, per frontem id, aut etiam jugulum, remittit, magno spectatorum metu, ac horrore gladii vorantur, & ingens vis evomitur acuum, Zonularum, nummorum.

Ad quod autem genus veneficii referenda sint mira illa, quæ interdum per alvum, & vomitum reiciuntur, an dæmoni ope ex humoribus in corpore humano generentur, an ejus potentia corpori inferantur, an verò saltem præstigia sint dæmonis *tom. 4. disputavimus.*

Assertio octava. Etsi morbi, & alia mala, quæ sagæ se hominibus immittere putant, à dæmone proficiantur, sagæque ipsæ nihil agant, extra tamen culpam non sunt, ob pactum, quod cum dæmone inierunt, qui hominibus ad sagarum postularum nocet & ob voluntatem nocendi non sunt excusate. Et sane Vuerus *lib. 3. de præstig. demon. & de Lamiis cap. 6. cum his sequentibus* fœdera & pacta illa vana, præstigiola, stulta, & nullius momenti esse scribit. Dæmonem enim, utpote qui spiritus est, & carnem ac ossa non habet, manum extendere, quod in pactis illis fieri in confessionibus sagarum refertur, non posse, sed dæmonem phantasmata vana, vel imaginationi obicere, vel visui, vel auditui falsas species offerre existimat. Dæmonem etiam aliorum adminiculo in sua potentia ostendenda, aut actionibus declarandis, non indigere utpote qui nec ullius voluntate, aut imperio cogitur quam Dei, & hujus ministrorum bonorum. Et licet quid stipulantur sagæ, id tamen pactum non obligare putat, ideo quod à dæmone hominibus talibus visus, phantasia, & mens præstingatur, atque ideo quicquid agunt, vel ob ætatem stupidam, vel sexus inconsistentiam, vel impotentiam mentis, vel animi morbum, & a maligno spiritu delusas facere. Dolosam etiam dicit hanc stipulationem, maximè in perniciosum finem confictam, sine testibus, vel contra Dei voluntatem, cum homo in baptismo Deo prius obligatus sit. Sanna, nihil, nisi dæmonis illusiones, & mera phantasmata esse existimat omnia illa, quæ de pactis, & fœderibus sagarum cum dæmone dicuntur.

At verò nimium sagarum malitiam, & impietatem Vuerus excusat, & extenuat, ac ita, ut non solum apud Catholicos, sed etiam apud doctos viros, non paucos, eo nomine, ut sagarum patronus, malè audit. Ipsius autem argumenta nullius momenti sunt. Etenim quod dicit, dæmonem non habere manus, & propterea confertis manibus fœdus inire non posse, verum est, & omnino etiam dæmones mali sua natura spiritus sunt, interim & sacra ac profana littera plene sunt historiis, quæ docent, spiritus cum bonos, tum malos hominum, vel aliorum animalium forma hominibus apparuisse, & sagæ optimè hoc norunt, nec ignorant corpus illud, in quo apparet dæmon esse prestigiosum. Itaque & hoc sciunt sub hac larva latere dæmonem; ac proinde quando cum spectro tali, aut larva ita paciscuntur, non cum larva, & spectro, sed cum ipso dæmone paciscuntur, quem incorporeum & invisibilem esse bene norunt, qui etiam loquitur, & agit absque visibilis, & tractabilis corporis assumptione. Ideoque sive cum dæmone sub visibili corpore latente, sive cum ipso invisibili dæmone paciscuntur, idem est.

Deinde ad pactum, & fœdus consensus sufficit, nec semper opus est, ut stipulatio manu facta accedat.

Nec item pacta illa sunt vera phantasmata aut melancholicarum mulierum persuasiones & somnia. Neque enim dormientes, sed vigilantes, scientes, & te prius deliberata cum malo dæmone, quem illum

ipsum esse non ignorant, & quidem aliis sagis testibus, pactum inivisse, & se Dei, ac hominum hostes futuros, si hoc, vel, illud eas docere, illis dare, vel illarum gratia facere, velit, promississe, multæ sagarum confessiones docent. Et quomodo omnia somnia, vel phantasmata sint, quæ veneficæ de suis cum dæmone pactis dicunt, cum certum sit, nullam sagam dixisse, se aliquem in societatem pertraxisse, & dæmoni copulavisse, quin non idem altera, quæ seducta est, affirmaverit, & ambæ diem, horam, locum, occasionem, modum pacti similiter enarraverint? Neque omnes, quæ pactum cum dæmone inierunt, melancholicæ vetulæ fuerunt, sed etiam puellæ à verulis persuasæ, ac impuberes à matribus ad pactum tale coactæ, quæ postea, pœnitentia ductæ, sine ullis tormentis, vel tormentorum metu, rem, uti gesta est, enarrarunt, cujus rei aliquot memoranda exempla narrat Remigius *lib. 2. demonol. cap. 2.*

Neque etiam ista subito contrahuntur pacta, sed varios homines inescandi, & sibi obligandi modos habet malus dæmon, atque affectibus hominum se accommodat, & cum norit, alios libidini, & amoris operam dare, eorum votis se satisfacturum pollicetur; cum alios paupertatis pertæsos esse sciat, magnam divitiarum copiam ipsis promittit; cum alios odio, & invidia erga alios flagrare non ignoret, media, quibus hostibus nocere possint, se monstraturum stipulatur; cum alios scientiæ, & artium desiderio teneri perspectum habeat, iis artes multas, & medicamenta, quibus incurabiles morbos curare possint, se monstraturum spondet. Et quos blanditiis ad se pertrahere non potest, eos minis aggreditur, ipsisque pericula & mortem minatur, cujus rei exempla habet idem Remigius *loc. cit. lib. 1. cap. 11.* Et quomodo hæc mera phantasmata sint, cum sagæ notas hujusmodi servitutis, in quam se immiserunt corporibus suis à dæmone impressas imagines habeant, quæ & oculis sunt manifestæ, & quod à dæmone sint impressæ, eo cognoscuntur, quod etiam acu, vel alia re acuta eò loci sagæ punguntur, nullum omnino dolorem percipiunt, neque ex punctura, vel gutta sanguinis effluit? Id quod historiis aliquot probat Remigius *cit. lib. 1. cap. 5.*

Postremò etiam sagarum auxilio dæmon opus non habeat, ut potentiam suam exercent, ut tamen ad voluntatem sagarum, quasi sociarum aliis noceat, ideo id facit, ut ipse animas sagarum lucretur. Etenim si solus homini noceat, suo periculo saltem id facit. Verum si à sagis invitatus, & iussus homines lædat, sceleris socias habere cupit Sagas, ut æterni supplicij socias habere possit. Addunt & alii alias causas, nimirum dæmonem id ideo facere ut Deum ad majorem iram irriter, & ad sæviorem ultionem contra genus humanum provocet. Alij putant ideo dæmonem in criminis societatem sagas adsciscere, ut Deo quasi injuriam faciat, si scilicet homines à Deo ad vitam beatam creatos, redemptos, & baptizatos, à Deo avertat, & sibi mancipet. Præterea multa potest præstare per homines dæmon, quæ non ita commodè ipse solus præstaret. Non enim homines ita conversationem cum Sagis abhorrent, ut conversationem cum ipso dæmone, ad quam tamen sensim à Sagis pertrahuntur, de quo Remigius *ibid. lib. 2. cap. 9.* Ideoque, etsi sagæ ipsæ nihil præstant, hisce tamen de causis, & ut gratiam earum promereatur, simulque iis suam potentiam ostendet, & in admirationem apud ipsas veniat, criminis socias sibi adsciscit.

Pactum verò implicitum, ubi quis sciens, & volens superstitiosis rebus, characteribus, verbis utitur, quæ naturaliter id, cujus gratia adhibentur, præstare non possunt, qui licet ipse cum dæmone pactum non init



verit, iis tamen mediis utitur, quæ aliis dæmon tradidit. Quod pertinent & ii, qui sibi persuadent, se dæmonem, non ut dominum, & cui, ut mancipia obligati sint, agnoscere, sed verbis, characteribus, cæremoniis, aut aliis modis dæmonem, etiam invitum, & repugnantem, ad sibi serviendum, & quæ volunt, officia præstanda, cogere posse. Miseros verò istos homines miserè fallit dæmon, & dum simulat, se repugnantem, & invitum adesse, ipse promptissimè adest, ut eum, qui sibi imperare cupit, suum mancipium efficiat. Immo ipse verba illa, characteres, & cæremonas constituit, & qui illis utitur, dæmonis servus, & mancipium est, non dominus, & artes illæ omnes, ac cæremoniæ addiscuntur suafore, ac impulsore dæmone. Quod etsi ipse non semper sensibus obvius facit, per alios tamen homines instigat, ut ejusmodi impietati sese dedant. Ac perinde est, si dæmon ipse aliquid suggerat, si per alium persuadeat. Et omnes, qui mediis à dæmone ordinatis utuntur, fœderi cum dæmone implicantur.

Quod referendæ sunt & imprecationes, ac devotiora carmina, ut Livius appellat, & execrationes, quas jam olim in usu fuisse, apparet ex oratione Æschinis contra Cresiphontem, quibus & Sagæ, ac maleficæ interdum, dum ipsis aliquid denegatur, utuntur, dum eorum frequens imprecatio est, ut universa familia fame pereat, pariat irata Junone mater familias, prodigiis, portentisque domus tota infestetur, pecudes, segetes, vindemia pereant. Sæpè enim ad nutum adfunt dæmones, qui talia exequuntur.

Deinde inficius etiam aliquis se tali pacto implicare potest, si rebus, & cæremoniis, à dæmone ordinatis incautè utatur, cujus rei exemplum refert Lucetius *lib. 5. miscel.* ex relatione D. Navii, & Civium Lipsienfium, ubi scribit, puellam quandam, non intelligentem, quid ageret, dum nutricis actionem totam, qua in ciendis tempestatibus sæpius usam viderat, imitaretur, non trua, ac fulgura excitasse, quibus villa haud procul à Lipsia disita conflagravit. Quæ res ipsa satis docet, quam cautè, ac studiosè cavenda sint illa omnia, quæ causas naturales non habent, siue sint verba ignota, siue characteres, siue imagines, siue quæcumque alia; sunt enim illa omnia dæmonis testæ, quas, quicumque eas usurpat, statim agnoscit, & quasi vocatus, adest, & se actionibus illis, quas illi edere cupiunt, immiscet, & hominibus familiaritatem suam offert, eosque consuetudine audaciores facit, ut postea arctiori fœdere dæmoni sese obstringant.

Pacta autem ista dæmoniaca sunt fallacia, & mendacia; Fallit enim dæmon, cum se in Angelum lucis, ut D. Paulus *I. ad Corinth. cap. 11. num. 14.* loquitur, transmutat: & ex Lucretio *lib. 1.*

*Sicut enim pueris absinthia terra medentes,  
Cum dare conantur, prius oras pocula circum  
Contingunt mellis dulci, flavoque liquore,  
Ut puerorum ætas improvida ludificetur.*

Ita malus dæmon si se ipsum, & suas merces, quales sunt, venales exponeret, non facilè emptorem inveniret. Ergo cum primum hominem adoritur, se pium, beneficum, & salutarem ostendit. Id, quod historia illa, quàm Remigius *lib. 1. cap. 9.* recenset, satis docet.

In primis autem, & frequentius fœminæ veneficiis deditæ sunt, quàm viri, ut ex capitalibus judiciis passim annotatis constat: cujus rei autores nonnullas rationes afferunt. Prima est, quòd fœminæ debiliores sunt Judicii, & propterea facilius ab aliis sagis, & in primis à dæmone se decipi patiuntur. Deinde plurimæ mulieres sunt loquaces, & garrulæ, nec commissorum tenaces, & propterea si una hisce artibus sese dedat, rem inter plures divulgat, & magistratam

nequitia sese præbet. Tandem fœminæ etiam vindictæ, plerunque sunt cupidissimæ, & propterea vetulæ, si quem odio habent, ut ei nocere possint, media omnia conquirunt, & si aliter id præstare non possunt, ad dæmonis opem confugiunt. Juvenula verò si amatis suis spe conjugii corporis sui copiam fecerint, & postea ab iis deserantur, injurias ulciscendi cupidæ, nec suis viribus sese ulcisci valentes, ad dæmonis opem confugiunt, & vel ipsum veterem amatum, vel novam ejus sponsam veneficiis impetunt, ut ex Virgilii *Eclog. 8.* apparet.

Assertio ultima. Licet magna dæmonis sit potestas, nulli tamen etiam ad sagarum voluntatem, nocere potest, sine Dei permissione. Id, quod non solum ex historia Jobi, sed & Evangelica pater, ex qua notum, quòd nec suis dæmon nocere potest sine permissione Dei, & quòd nec capillus sine voluntate Dei de Capite nostro decidit. Ideoque etsi interdum sagæ à dæmone suo petant, ut hominibus morbos, vel damna inferat, idque dæmon ipsis se præstiturum promittat, & ei ejus rei consequendæ gratia quædam facere jubeat, si tamen Deus non permittat, sapissimè voti compotes non fiunt. Scribitque Bodinus *dæmonom. lib. 2. cap. 8.* vix è centenis binos inveniri, quibus talia veneficia noceant, ut sagarum confessiones restantur. Quod si postea ea de causa sagæ cum dæmone expositulent, ne ejus potentia aliquid defuisse videatur in ipsas culpam transferre, eas objurgare, immò interdum verberibus mulctare solet, quod præceptis suis non per omnia satisfecerint; Et in primis, dæmon à sagis quoque instigatus, nocere non potest iis, qui Deo quotidie se se precibus commendant, ac pietati student, & à peccatis gravibus abstinere, deinde Judicibus, qui sagarum causas agnoscunt, & judicant, cum enim judicia publica exercent, potestate à Deo concessa, Deus etiam eos protegit, ne à dæmone, vel ejus mancipiis in officio suo lædantur, ac turbentur.

Cur autem, & Deus permittat dæmoni, ut ad libitum, & jussum veneficarum interdum hominibus noceat, alibi disquirendum; Nunc id satis dicere sit, judicia Dei esse occulta, sed semper justa; & judicia Dei esse abyssum multarum, *Psal. 35. num. 7.* qui & multos ob peccata pœnis affligit, & pios afflictionibus probat, exercetque, & à peccatis abstrahit, ipse verò ubique & semper gloriosus est.

Morbos autem à veneficiis ortos, quod attinet, eos cognoscere, longè difficillimum est, cum dæmon naturalibus causis sese sæpè immisceat, eisque utatur, ut non facilè sit discernere, quid à causis naturalibus, quid ab ipso dæmone profectum sit. Immo in iis, quos obiedit, sæpè sat diu sub naturalis morbi larva latet. Exemplum ejus rei est apud Fernelium *lib. 2. de abdit. rer. caus. cap. 16.* de juvene quodam equestris familiæ, qui corporis concussione, & quasi convulsione, ex temporum intervallis, laboravit, cum nunc solum sinistrum brachium, nunc dextrum, interdum etiam digitum unicum, aliàs crus alterum, aliàs utrumque, aliàs corporis truncum tanta celeritate agitaret, vix ut à ministris quatuor decumbens cohiberetur, caput inconcussum jacebat, lingua, & locutio libera, mens sana, omnesque sensus integri, vel in convulsione ferocia. Decies ad minimum quotidie corripiebatur, in cæteris sanus, sed labore confectus. Vera epilepsia judicari poterat, si mentis sensuumque læsio accessisset. Peritissimi quique adhibiti medici convulsionem epilepsia finitimam, & maligno, venenatoque vapore spinæ dorsu impaeto, censuerunt, qui vapor in eos nervos irrueret, qui à spina in artus quoquoversum, non autem in cerebrum, disseminantur. Varia fuerunt adhibita remedia, quæ tamen nihil profuerunt, sed mense tertio

primū



primum deprehensus dæmon quidam, totius mali auctor, voce, insuetisque verbis, ac sententiis tum Latinis, tum Græcis, quanquam ignarus græcæ linguæ laborans esset, se prodens. Is multa assidentium, maximèque medicorum, secreta detegebat, ridens, quod multa periclitati temerè essent, quod irritis pharmacis corpus hoc penè jugulassent.

Et omnino primum hoc signum est morborum à veneficiis illatorum, quod medici, etiam doctissimi, in morbo agnoscendo dubii sunt, & hæsitant, ac omnino fluctuant, & vix aliquid certi, quo vel sibi ipsis satisfaciunt statuere possunt, & quamvis multa remedia adhibeant, iis tamen nihil proficiunt, sed morbus in dies deterior redditur.

Secundum signum est, quod, cum morbi naturales sensum incipiant, & sua tempora percurrant, & ad statum perveniant, morbi à dæmone revera inducti sæpè nullis præsentibus causis, pravisque humoribus, statim in suo vigore constitui videntur, & gravissimis doloribus, ac aliis symptomatibus ægros assilunt.

Tertiò ægri inulitata, & à medicis vix dum annotata symptomata patiuntur, & modò in hac, modò in illa parte de dolore conqueruntur. Plurimi sine causa toto corpore emaciantur, fiuntque melancholici. Quidam convulsiones varias patiuntur. Addunt nonnulli, & hoc, quod, si saga, vel veneficus ad ægrum visitandum accedit, statim ille pejus haberi incipit, & horrore, vel tremore corripitur, vel si infans sit, plorat, & alia in corpore mutatio percipitur. Hoc verò certissimum est morbi, à veneficio illati, signum, si acus, cultri, & similia artificiosa, vel alia, quæ in corpore humano generari non possunt, vomitu, vel per alvum ejiciantur, vel ex ulceribus, & vomitibus erumpant, aut extrahantur.

Recentent alii, & alia signa, quibus agnoscantur hujusmodi morbi, sed pleraque sunt superstitiosa, inter quæ proculdubio, & illud referendum, quod nonnulli jubent decocto verbenæ, ægrum abluere, & si in decocto illo nihil reperitur, vel decocti color non mutetur, ægrum non esse veneficio affectum; si verò in decocto magna pilorum copia, & imprimis propiorum, inveniatur, signum esse veneficii, ejusque gravissimi; si verò pauci pili reperiantur, signum esse veneficii, sed mitioris, & quod curationem admittat, existimant. Cum enim vi verbenæ pili illi nec generari in aqua, neque è corpore elici possint, quis non videt, dæmonem, qui morbum intulit, eos, qui superstitionem illam tentant, ludere?

In specie verò coitus impotentiam, & Venerem ablatam, quod attinet, eam à veneficio esse, id certum signum est, si vir antea sat potens, subito nulla causa naturali præcedente, illam potentiam amittat, & cum uxore, etiam quam amat, rem habere non possit, vel si vir ad alias fœminas potentem sese sentiat, ad uxorem verò propriam impotentem, vel si conjuges, qui antea mutuo sese amaverunt, jam sine omni causa sese aversantur, & odio habent.

Curatio porro, quæ ad morbos à veneficiis inductos adhiberi solet, triplex apud auctores occurrit magica, naturalis, divina. Nos de magica primum disseremus, postea de aliis. Morbos non solum veneficiis inductos, sed & alios, verbis, & incantationibus, ac characteribus, & cæremoniis curari, non solum è litterarum monumentis, sed & vulgò notum est, faciuntque ejus rei mentionem Homerus *Odys. lib. 19.* ubi è vulnere manantem sanguinem carmine repressum scribit. Plato *lib. 4. de Republ.* Plinius *lib. 28. cap. 2.* Trallianus *lib. 4. cap. 9.* Nicolaus Myrepsus, & alii, quorum sententias collegit Augerius Ferrerius *meth. med. lib. 2. cap. 11.* ubi de Homericæ curatione agit, & plura talia allegat Delius *lib. 6. magis. cap. 2. sect. 1. qu. 1.* de quibus alii, & nos alibi.

Tom. I.

Morborum autem veneficorum, de quibus hic loquimur, curationem imprimis sagæ, ac veneficæ promittunt, ad quas sæpè vulgi, utinam interdum non etiam eorum, qui plus vulgo sapere debebant, sit concursus, refertque ex malleo maleficarum Codronchius *lib. 4. de morb. venef. cap. 2.* extitisse quandam in Germania famosissimam in solvendis maleficiis mulierem, cujus domus non solum ab indigenis, sed etiam remotissimis populis ejus gratia frequentabatur magis quàm apud nonnullos templa, adeò, ut Comes quidam incredibilem questum extorserit vectigali imposto, ut quicumque mulierem adiret, denarium solveret. Verùm cura hæc approbanda non est, & verba, characteres, incantationes, adjurationesque nihil ad tales morbos sanandos præstare possunt, sed si eventus responderet, is omnis à Dæmone pendet.

Docuimus enim jam alibi verborum, & Characterum nullam vim esse ad morbos, vel naturales vel veneficos depellendum. Nam verba saltem ex arbitrio hominum rebus imponuntur, & quidem apud nationes diversas diversa, & scribuntur vel in charta, vel ore proferuntur. In Charta scripta saltem figuræ sunt, & propterea nullam efficaciam habent: Verba verò prolata ionus sunt ex aeris fractione ortus, saltem auditum afficiendi, & eorum, qui una lingua utuntur, sensa animi patefaciendi vim habens, ipsos verò morbos, corporisque constitutionem tantum afficere non potest quantum non potest color auditum, aut sonus visum.

Eadem ratio Characterum, est, qui cum res sint artificiales, in corpus humanum, quod naturale est, agendi vim non habent: omnis verò agendi vis substantiis competit, quæ à suis formis potentiam agendi habent, & per qualitates efficaces sunt. Et si verò nonnulli, cum negare non possint, vulgarium verborum nullam esse efficaciam, eo confugiunt, ut divinorum verborum esse aliquam vim, & tantam majestatem, ut vel ipsi dæmones eorum potestate fugentur illicò, & contremiscant, contendant, in eo tamen falluntur. Nam nulla verba divina sunt, sed ex arbitrio hominum est, ut rebus divinis imponantur, & quidem alia apud alias nationes, ac proinde nullam qualitatem physicæ, vel etiam supernaturaliter operandi habent. Qui verò nominibus respectu rerum di, inarum, quas significant, abutuntur, in Deum, & res divinas injuriæ sunt.

Ceterum cum Paracelsus ipse etiam agnosceret verba, & Characteres nullam ex se morbos veneficos depellendi habere efficaciam, sed esse symbola, & instrumenta dæmonis, nihilominus statuit, licere à dæmone præcipue in morbis veneficis, auxilium petere. Ità enim in *lib. de occulta philosophia* docet: si quis veneficiis sit læsus, esse fabricandum pedem, vel manum, vel aliud membrum ad formam ejus, quod agrotat, & doler, vel etiam imaginem totius corporis, atque illam esse inungendam, atque obligandam, non dolentem hominem. Si homo per incantationem usum sermonis visum, auditum, vel virilitatem amiserit, totius hominis imaginem è cera esse faciendam forti fide, & fixa imaginatione, atque illam imaginem debito modo curandam esse, & mox; Medicus non omnia, quæ scire debet, in Academiis discere potest, sed opus est, ut interdum vetulas, Zigeunos, Nigromanticos, agyras, rusticos, senes, & ejusmodi viles homines alios consulat, & ab ijs discat. Plura enim de talibus norunt, quam omnes Academiae. Item *de morbis invisib. pag. 113.* scribit, Deum magia dæmonem donasse, & valde peritum in luce naturæ posuisse. Hanc autem ipsi eripi posse, artem usurpandam, dæmonem relinquendum esse; Ideoque nos in hoc mundo versari, ut Minor à majori discat. Itidemque scribit: si per Characteres aliquid boni in nobis fiat eodem loco habendos esse eos, ac si plantæ essent, ac etiam

S

li



si diaboli sint, eodem loco id habendum esse, ac si essent pyxides à pharmacopolio, & si Diabolus verbum pro herba sumit, sit, inquit, nobis instar herbæ, verba ejus species, characteres ejus composita, ac sirupi sunt. Docetque eodem in loco, Si Deum toto corde amemus, etiam diabolus nobis offerat argentum, aurum, juvet nos, exhibeat nobis medicamentum, eripiat nos à carcere, credendum esse, hoc jussu Dei fieri.

Verum magna hæc Paracelsi, & quorundam etiam medicorum, ut Cardani, & Pomponatij iniquitas. Etenim diabolus insensibilis humani generis hostis, & ab initio homicida est, ac propterea nihil boni, ac nullius morbi curatio ab eo sperari potest: recteque Chrysostomus statuit, potius mortem homini Christiano obeundam, quam vitam hominis ligaturis redimendam, & Leo de passione Domini *serm. 9.* scribit Beneficia demonum omnibus sunt nocentiora vulneribus. Neque ullum exemplum à sacris litteris afferri potest, quod Deus per Dæmones hominibus benefecerit. Sat multæ Angelorum myriades Dei ministerio inserviunt, ut non sit opus diabolo uti ad homines à carcere eripiendos. Per Angelum bonum Petrum à carcere ereptum esse ex Act. Apostolor. *cap. 12.* habetur & homini sanitatem restituendam. Ideoque solum à Deo auxilium petendum, non ab ejus, & humani generis hoste.

Unde etiam cum Rex Ochozias 4. *Reg. cap. 1.* ad Beelzebub, Accaronitarum Idolū, quoddam de valitudine sua consultum ablegasset, Elias Propheta illis obviam factus, ita eos alloquitur. Nunquid, quia non est Deus in Israel, mittis, ut consularer Beelzebub, Deus Accaron? Idcirco de lecto, supra quem ascendisti, non descendes, sed moriendo morieris. Ac Apostolus 1. *ad Corinth. 1.* vetat, nos fieri socios dæmoniorum, & non sine causa ab antiqua Ecclesia institutum, ut baptizandi renuncient diabolo, & omnibus operibus ejus. Ideo defertor Ecclesiæ Christi, & Castrorum Dei est, atque in Castra diaboli transit, quicunque quocunque modo auxilium à diabolo petit. Deus sat potens est, ut hominem, si velit, sanare possit, auxilio demonis nullo modo opus habet. Eius ergo solius auxilium, etiam à dæmone morbus inductus sit, & remedia vulgò nota non prosint, implorandum, & dicendum Dominus occidit, & vivificat, deducit ad inferos, & reducit, onus imponit, & tamen est salus nostra, ipse invocandus in die tribulationis ipse eripiet nos. Ipse sanat quos, & quando vult, non quos, & quando nos volumus. Mulier illa profluvio sanguinis laborans, demum duodecimo anno sanata est. Ille, qui ad Probaticam piscinam diu claudus iacuerat, demum trigesimo octavo anno sanatus est *Joan. 5.* Imo si Deo non placeat, nos à morbo liberare cum Job *cap. 13.* dicendum, etiam si occiderit me dominus in ipso sperabo, & cum Davide: Deus meus, adiutor meus, & sperabo in eum, *psalm. 17.*

At *prosequimur.* Alia tam firma, & constans maleficiorum omni ætate fuit opinio sortilegarum, & veneficorum per incantationes, vel alio modo ex experientia credulitas, ut rerum naturalium scrutatores non ausi fuerint ea inficiari; quinimò, & quædam naturalia, alii autem vana, & superstitiosa remedia superstitioni opposuerint, ut superstitione illius mentes, contrario remedio ab inducta persuasione, ac lapsa imaginatione ad veram revocarentur. Subijciam itaque ex fide dignis autoribus exempla, & traditiones, quæ nec omnia affirmo, neque omnino approbo, sed cuique relinquo liberum iudicium.

Placet in primis recensere quædam remedia, quæ adversus impios ipsos, dæmones sceleris auctores, adhiberi solent, deinceps quæ adversus eorum quoque maleficia. Quæ omnia in supernaturalia, naturalia, & superstitiosa divido: supernaturalia à vi quadam divina procedunt, & à potestate ejus, qui omnia ex ar-

bitrio moderatur. Naturalia autem vim quoque divinam adversus eadem dæmonia habent; sed insitam, & ordinariam, non quidem ex quatuor elementis, eorumque compositione pendente, sed ex tota, ut dicunt, substantia, & ex proprietate à Deo eis indita. Superstitiosa porro ejusdem improbitatis cum maleficio sunt, & damnata.

Divina remedia præcipua sunt, & ad quæ certius, & tutius ut dixi recurritur, utpote quod omnipotens Deus sit dominus omnium creaturarum, & autor, & qui solus potestatem illam dæmonum nequissimam flagellat, vim vult, vel per se, solo imperio, vel per media. Proinde cum dæmonum turba ubique insidias posuerit in Cælo, in aere, in terris, in aquis, sicut terra, in igne tot enim sunt dæmonum classes, Jamblicus *de Myster. Egypt.* Pfellus *de Dæmonibus*, vel satellitia, Deus optimus, maximusque, tot ibi objecit illis Angelos bonos, qui obstant illorum conatibus. Quod innuit etiam Orpheus in principio Hymnorum. Cyrillus Hierosol. *Catech. 4.* docet Angelos utique curare ignorantias nostras, & Daniel *cap. 10.* Angelos bonos pro sibi commissis populis pugnare, ac ita tutelares esse. D. Joannes revelatum sibi nobis exhibuit *Apocal. cap. 12. can. signum de penit. d. 2.* cum Michael principe celestis exercitus Angelos bonos pugnasse contra Dragonem, & administratos ejus. Constat, & ex veritatis certissimo testimonio apud D. Matthæum *cap. 18.* singulis hominibus datos esse custodes à nativitate, & consentit etiam Proclus *in com. in Alcibiad.* Platonis. Bonum genium hunc, mala propellentem, malum autem inferentem dixere Euclides, & alij, qualis ille, qui apparuit ante mortem Bruto apud Plutarch. *in eius vit.* & Appian. & Florum. Testatur David, Deum mandasse Angelis suis ut custodiant hominem in omnibus viis *psalm. 90.*

Ut autem boni Angeli tutelares dæmonibus superiorem sint, Dei ope fit, dum loco decedere cogunt impii spiritus, vel dum eos cohibent, ut quando Angelus Raphael ligavit spiritum Amodæum, & expulit à Sara, Thobie 3. *cap. 11.* Eò pertinet illa parabola à Domino proposita Luc. 1. Venite autem ut dissolveret opera Diaboli *epist. Joann. c. 3. initio.* Quod & factum est, ultra sacras litteras, & nobis testimonia aliunde supersunt. Cum enim tempore Tiberii Cæsaris Thamus præternavigaret Insulas Echinas, Italiam versus juxta Paron, tranquillitate ventorum, & maris facta, vox audita, quæ ter vocato ex nomine Thamo, eique respondentem injunxit, ut cum appulisset Palodem alre diceret magnū Pana mortuū. Quod cum fecisset Thamus auditi sunt plurium gemitus, autore Plutarcho *lib. de defect. oracul.* Eusebius *lib. de præcep. Evang. cap. 9.* hoc contigisse ait, dum Dominus noster Jesus-Christus ejiceret dæmonia. Marius vero *in annot. in 2. Fastor. Ovidij* decimo nono anno imperij Tiberij Cæsaris, quo Jesus passus est. Neque etiam quisquam ignorat in nomine domini Jesu, dæmonia ejici. Hoc enim inter signa credentium additum est, *Matth. 7. Marc. 16.* Hermes apud Lactant. *lib. 2. de orig. error. cap. 16.* unicam custodiam adversus has dæmonum imposturas dixit esse rectum vultum Dei. Erant & in principio nascentis Ecclesiæ, exorcistæ, qui energumenos, & Dæmone obsessos, curarent, ac dæmonia pellerent, *can. clericos d. 11. can. exorcista d. 23. Can. perlectis §. ad exorcistam d. 25.* Plura narrat Lactantius, & dæmones adjuratos per Deum torqueri voce iustorum, & mentiri illis non posse, ac sæpè magnis ululatibus confessos, se ita à Deo flagellari. Lactant. *d. lib. 2. de orig. error. cap. 16.*

Vocarunt antiqui istos hominum, & locorum custodes Deos tutelares, quos prius expugnabant evocatione, qui locis poriri desiderabant, & ita alliciebant, ut loco decederent, arbitantes non posse aliter subijci



subijci loca, nisi evocatis & absentibus tutelaribus, Macrobi. lib. 3. *saturnal.* cap. 8. Livius lib. 5. Vocant Rabbinii hos tutelares Angelos intelligentias, & sic Thalmudici, & Kabalisticæ dicunt, Moysen vicisse, & colluisse omnino Intelligentias Aegypti antequam Aegyptios prostraret, & Davidem antequam Goliath vinceret, amovisse Intelligentias illius in virtute nominis Domini dicens, *Ego venio in nomine Domini.* Sicut & Dominus noster Jesus Christus mundum subjugans, prius foras principem mundi eiecit. Et Jacob triumphum acturus super Esau, cui benedictionem urripuerat, prius Angelum ejus, cum quo conficiatus est, vici, & coegit se benedicere. Vide Franciscum Venerum tom. 5. *problem. sacra scriptura sect. 3. probl. 233* Et verè facilis est victoria Satanæ de nobis, ubi virtutem suam, & administratos æternæ vitæ Angelosve tutelares Deus submoverit. Quod graphicè expressit David *Psal. 70.* Naturalia remedia plura sunt, quæ habent quandam cum demonibus antipathiam, occultam nobis, neque nisi experientia cognitam. Præter Medica à Medicis relata, perhibent plures, deæ nones, qui se extollere voluerunt supra Dei thronum. *Isaia 14.* ita à pristina felicitate depressos, ut & rebus inanimatis subijciantur in sceleris vindictam. Quamobrem dicunt, maleficium solvi ligationis, si maleficiatus Jovis barbam comedat, quamquam ejus plantæ, temperamentum, quod in tertio gradu frigidum est, magis nocivum sit potestati coeundi. Refert Tobie historia cap. 6. demonem scævissimum qui sponso Saræ necabat, suffitu jecoris piscis cujusdam, de cujus nomine alibi, carbonibus superpositi abactum, & fugatum. Tibullus lib. 2. *eleg. 5.* Sulphure expelli tradit. Rostro lupi veneficii resistere inveteratum aiant, ob idque villarum portis præhærent Plinius lib. 28. cap. 10. Amianthus lapis veneficiis resistit omnibus, privatim Magorum idem lib. 36. cap. 19. spinea virga videtur annumerari ab Ovidio inter fascinum levantia lib. 6. *Ej. Dioscorides lib. 1. cap. 100.* dum agit de rhamno ait: *Fama est ramos hujus valvis, atque fenestris infusus, veneficia depellere.* Amarus Lusitanus lib. 4. in *Dioscorid.* enarrat. 157. dum agit de Thapsia illam herbam usurpatam à mulieribus ad pellendos Dæmones apud Conimbricenses in Lusitania. Idem ait Apuleius de herba Verbasci lib. de virtut. herb. c. 71. tunc virgultum, qui secum portaverit, addit, nullo metu terribitur, neque bestia, neque occursum mali molestantur Euneo, Hesychius Milesius de vit. *Philosphi.* dum agit de Dione, & Blamni, & Lauri meminit in expulsiōne morbi per maleficia herbam, quam Homerus *Odys. 6.* vocat Moly valere contra incantationes, testantur Plinius lib. 4. cap. 25. Dioscorides, & Anazabeus, verum qualis illa sit, nec planè constat. Illud quoque remedium Psellus memorat lib. de demon. & expertum à quodam perito rerum occultarum Armeno. Is enim curavit mulierem quandam à dæmone obsessam, gladio districto, veluti furens minatus, cum percussurum, ni se reciperet in lectum, à quo profleret, velut cum illo congressura, Armenicè etiam cum eo contendens, cum tamen eo in loco Armenica lingua esset incognita, idque tandiu, donec instante & adjuvante furiosius Armeno pedem in lectum timens, reculit. Scribitq; Philostratus lib. 2. de vit. Apollonii Lamiæ phantasma apparuisse in monte Caucasi Apollonio Tyanæo, & sociis peragrantibus in Indiam, modo in hanc, modo in aliam figuram se convertens, quandoque ab oculis repente evanescens. Apollonium autem quidnam id esset quamprimum cognovisse, gravibusque, & contumeliosis verbis illud increpasse, & socios, ut idem facerent, hortatum fuisse, eò quod id contra hujusmodi invasiones optimum sciebat esse medicamentum, ejusque dictis cum focii paruiscent, stridens phantasma

tanquam Idolum aufugisse. Tradunt, & tactis menstruo sanguine postibus, irritas fieri magorum artes Ludovic. Bunairol: in *emeade mulicri cap. 2.* At quomodo res naturales agant in dæmones postea dicendum.

Superstitiosa remedia plura opinor, ut, præter magica, illud, de quo meminit Theocriti interpres in *Idil. morii.* fuisse contra fascinum ter in sinum spuerè. Hoc idem Virgilius in *eide.* digitorum nomina quibusdam esse amuleti loco, ait Cælius Rhodiginus lib. 17. cap. 12. Alterius curationis superstitiosæ meminit Ovidius lib. 6. *Ej.* dum agitur de cura Proci ab strigibus sancari, adhibita per Granen. in cujus verbis annotare debet Christianus dæmonis sacrificium fieri, & idè illam speciem depulsiōis veneficii impiam esse, & alienam ab homine Dei veri fide initiatro. Eò refero, quæ de Sresichoro Lyrico Poeta scripta sunt, qui cum scripseret Helenæ vituperium, luminibus orbatus fuit, & recepit vultum palinodia facta, & encomio Helenæ edito, Hesych. Miles. in vit. *Philosphi.* eoque pertinent quædam remedia, quæ videntur esse, & non sunt, sed supponuntur à dæmonibus, ut videantur per ea curasse, quale illud, quod refert Paulus Grillandus de *fortileg. qu. 3. n. 27.* oculatus testis, nempe vidisse, se malefici ligationis coeundi solutionem, qua solutus evomuit, ac per secessum emisit acus, plumas, ferramenta, pilos, sulphur, lapides, sed einentia à dæmone, & falsa, utpotè qui ea cum reservasset, & liquefacta fuisset, & foras evolatilè compererit. Contra Sylvanorum incursum refert D. Augustinus lib. 6. de *Civit. cap. 6.* ex Varrone his verbis remedium: *Mulier factum post partum tres Deos custodes commemorat adhiberi. Ne Sylvanus per noctem ingrediatur, & veniet, eorumque Custodum significandorum causa tres homines noctu circumire limina domus, & primo linen, securi ferire, postea pilo, tertio de verberare scopis, ut his datis cultus signis, Sylvanus prohibeatur intrare. Quia neque arbores caduntur, vel putantur sine ferro, neque far conficitur sine pilo, neque fruges concervantur sine scopis.*

### CONSULTATIO LIX.

*An liceat media, & instrumenta, quibus sage, & venefici ad morbum aliquem inducendum usi sunt inquirere, inventa amovere, cohibere, vel quocunque modo abolere, non quidem in contemptum, ac detestationem magicæ superstitionis, ipsiusque dæmonis, sed spe consequendæ sanitatis, & hac intentione, ut dæmon amplius non noceat? Ubi quæstiones de hac refere omnes diluuntur, omisissis tamen nonnullis, quæ à Theologis moralibus discutiuntur, & opinio Delrii variis, ac veris rationibus exploditur.*

**D**ifficilis est hæc quæstio, affirmat Delrius lib. 6. *magic. cap. 2. sect. 1. qu. 3.* atque ita, ut scribat, nullum, quod ipse sciat, editis libris negantem sententiam defendisse, præter unum Joannem Hells, parum tamen prudenter, ac verè.

Negant verò præter Hells in *prælect. in 4. sent. Guilielmus Estius in 4. Thom. dist. 34. §. 8.* & Bodinus lib. 3. *dæmonom. sagar. c. 3.* & tutiorem, ac veriorē esse statuit.

Rationes hujus negativæ sententiæ satis firmæ sunt. Prima enim, si malefici suspicio sit, & illius media ignorentur, non nisi per veneficos, & sagas alias patefieri possunt, quæ tamen ipsæ, cum hujus rei notitiam non habeant, de ea, ut à dæmone certiores fiant necesse est. At neque à malefico, neque à dæmone consilium ullum expetere licet.

Secunda; Qui remotis istis signis morbum à malefico inductum cessaturum putat, eo ipso rebus illis vires



nocendi, quas nullas habent, tribuit, & Deo relicto, à quo solo morbi immitantur à demone, & ejus organis opem petit.

Tertia. Qui Sigilla illa tollit spe consequendæ sanitatis, effectum illum, vel à naturali causa, vel à Deo, & bonis Angelis, vel à Demone expectat. At qui certum est, quod non à naturali causa tunc morbus tollatur, cum signa illa nullas vires, seu nocendi, seu sanandi habeant; neque etiam à Deo, & bonis Angelis, cum Dei auxilium tunc non imploretur; ergo si effectus, qui speratur, consequitur, necesse est, ut à demone proveniat.

At Delrius, qui in contraria sententia defendenda valde laborat, *ibidem* §. 5. Respondet, esse insufficientem enumerationem partium; sanitatem enim expectari à morali causa, nempe amotione signi, id, quod probatione octava hoc exemplo declarat. Si quis cum hoste foret pactus, ut suspensa de muro flammula candida accurrat, & portam occupet, ac urbe potiatur, & tertius quispiam civium, hoc reficiat, nonne, inquit, tollere licebit hoc signum? Immo meritorium erit, si fecerit, nec proditoribus conferat.

Verum quid actiones morales ad morborum curationes? Et simile, quod adducit, nihil ad rem facit. Cum enim hostis, posito signo proditorum auxilium speret; etsi incio proditor signum amoveat, nihilominus proditor hostem juvare promptus sit, hoc saltem accidit, ut signo amoto de proditoris auxilio incertus sit hostis, & propterea urbem aggredi non audeat. Tale nihil demoni, signo amoto, accidere potest. Is enim, si vellet, & Deus permetteret, signo amoto, æquè nocere posset, neque signum auxilio opus haberet. Et nullus momenti est, quod addit, eum, qui signum remover, idem facere, ac si diceret; signum, quod nocimento inferendo posuisti comminuo, & perdo; non est, quod noceas, amplius nocere non tenens. Etenim questio est, etsi quis talia ad Demonem dicat, an propterea teneatur, & eo modo cogi possit, ut non amplius noceat; Quod si faciat, ab homine rogatus id facit, qui tamen peccat, quod à demone sanitatem petit.

Itaque nullus etiam momenti est, quod regerit Delrius, experi sanitatem non à positiva aliqua demonis actione, sed à privatione actionis, sive cessatione. Quod etiam objicit Lessius *de Just. & Injust. lib. 2. cap. 44. dub. 5. num. 40.* dum scribit, effectum, qui hic expectatur, non esse actionem aliquam positivam demonis, sed cessationem, sive privationem actionis, quem effectum licet à demone expectare.

At primo nec cessationem illam à demone petere licet, cum nullo modo demoni supplicandum sit, & nihil revera boni à demone expectari possit; Neque enim, quod etiam assert Delrius, eodem modo, quo fugam ab obsessio expectamus, eo ipso etiam amotione signi eum cessaturum à nocendo sperare possumus. Nam cum fugam Demonis ab obsessio speramus, eam futuram putamus Dei auxilio, qui precibus ea de causa imploratur; at ista à nocendo cessatio non à Deo petitur, sed à demonis voluntate speratur. Quod impium est. Et quis certus esse potest ac certo sperare, demonem, amoto signo, amplius non nociturum? Non enim coactus hoc facit. Ergo si libere id facit ut honorari & adorari quasi velit, id facit. Et certe demon nunquam sponte cessat à nocendo corpori, nisi ut gravius noceat animæ, cum sit hostis noster capitalis, qui semper nobis maxime nocere cupit.

Falsum verò est, ne dicam impium, quod hic responder Delrius, demonem desidere signo sublato, non quia per hanc amotionem gravius malum infligit animæ tollentis, sed quia sperat, maleficum in aliam sortem,

ut vocat, translaturum, cum novo suo lucro, vel plures sibi adjuncturum, videntes eum promissis stare. Omnino enim concedimus, rem ita se se habere, sed inde facile patet, demonem non ob signi amotionem desinare nocere, sed quia suum lucrum capiat, & plures sibi devincit. Ad quod præstandum cum occasionem præbeat signum amovens, extra culpam non est.

Deinde falsum est, quod illa sanatio sit mera cessatio, & privatio actionis v. g. Si quis à Demone fur, vel claudus redditus sit, aut continuis doloribus à malefico torqueatur, illi morbi non tolluntur simplici demonis cessatione, cum aliquid positivum sint; sed si tolli debet à Demone, necesse est, ut demon agat aliquid, & impedimentum illud positivum tollat. Atque ita illi egri demonis ope sanantur, quod nulli expectandum.

Quarta ratio est. Qui hac spe, ut morbo liberetur, signa illa tollit, miscet se pacto, quod veneficus cum demone init. Cum enim demon possit etiam sine signis talibus, Deo permittente, hominibus nocere, ut tamen à suis honoretur, certa signa ponit, quibus positos nocere incipit, manentibus nocere pergit, ablatis nocere desinit. Ideoque qui signa illa aufert, non demoni nocendi potestatem aufert, sed tacite ab ejus voluntate expectat nocimenti cessationem, idque ex pacto inter illum, & veneficum inito. Nam cum voluntas demonis, ut amplius non noceat, hoc modo non possit, perinde est, ac si dicat demoni: Pactus es, amoto signo, te à nocendo cessaturum. Nunc igitur, me signum amoveate, præsta, quod promissisti, & nocere desine.

Neque alicujus momenti est, quod hic objicit Delrius, dum scribit, non semper esse verum, quod possit demon nocere sine signis magicis. Saepè enim, inquit, immo ordinariè, Deus permittit, illum multa facere per maleficos, & signa malefica, quæ non permittit illum immediatè facere. Unde non est absurdum existimare, quod quando Deus permittit, mediante signo, nocere, non possit demon nocere signo destructo. Quia Deus tunc videtur permissionem suam, sic limitat.

Verum hoc modo, etsi Deus permissionem suam ad signa illa limitaret, sese pacto, quod est inter demonem, & veneficum, immisceret; quod licet impium est. Hoc verò magis contumacium, demonem, postquam à Deo homini alicui nocendi potestatem absolute impetravit, ut suos sibi devinciat, iis persuadere, si hoc, vel illud signum ponant, hunc effectum sequaturum, cujus tamen autor postea est solus demon; signa verò illa ad maleficium nihil præstant.

Quinta est. Licet hoc modo impetretur, ut Demon à nocendo cesset, & amoris signis homo à morbo liberetur, tamen id demon non eo fine facit, ut homini profit, cum ejus hostis sit insensibilissimus, sed ut animæ noceat, ut ex D. Leone supra annotavimus.

Sexta. Et cum illi ipsi, qui contrariam opinionem defendunt, statuunt, non licere, petere à Demone, ut cesset vexare maleficio, quia petitio illa est intrinsecè mala, ut potè involvens pactum, & societatem cum Demone; etiam non licet per remotionem signorum demoniacorum sanitatem sperare: etenim demon, vel cogitur hoc modo, vel precibus, & persuasione, quod pactum illud sit efficax ab eo impetratur. Cogit autem non potest. Ergo assentiente demone id impetratur. Quod nullo modo licet, cum, ut Augustinus *lib. 10. de civit. cap. 14.* scribit, *unus tantum Deus colendus sit. Omne quippe, quod præstare hominibus, vel Angeli, vel homines possunt, in unius esse omnipotentis potestate, quisquis diffusetur, insant.* Et mox *Anima humana adhuc terrenis desideriis infirma, ea ipsi, quæ temporaliter exoptat, bona, inferna, atque terrena, vitæ huic transitoria necessaria, & præ illius vitæ sempiterna beneficiis contemnenda, non tamen, nisi*



ab ipso Deo, expectare consuevit, ut ab illius cultu etiam in istorum desiderio non recedat.

Quamquam verò non pauci sint, qui contrarium sentiunt, quæ tamen pro sua opinione afferunt nullius roboris sunt. Primò quidem Doctorum communi auctoritate triumphat Delrius *loc. cit.* §. 2. At novum non est, ut alibi monui, multas opiniones publicè defendi, non quia veræ, sed quia communes, & Guilielmus Estius *cit.* §. 8. & 9. negat, esse sententiam communem, sed saltem Recentiorum sententiam esse statuit, à qua discedere ob rationes sit fas; & quamvis esset sententia communis, tamen sententias communes sæpè corrigi; novum non est. Ideoque ipse contrarium sentit, & antè ipsum Joannes Hells, Bodinus, & nuper Fridericus Balduinus in *casib. conscient.* alijque non pauci.

Secundò historias aliquot producit Delrius, quibus probat, morbos à maleficis inductos, signis ablatis, cessasse. Verum non utrum aliquid factum sit, sed an quod factum est, rectè factum sit, attendendum. Aliàs enim non signa solum amovere, sed, & maleficorum opem implorare liceret. Certè nisi Beelzebub in Accaron multos sanasset, Ochozias Rex ejus opem non implorasset. Quod factum tamen Regis Deus per Prophetam Eliam graviter objurgavit. Et saga illa, cujus etiam supra mentionem feci, non sine causa tam celebris fuit ut dominus vici ob hominum confluentem vectigal ab ijs exigeret.

Tertiò obijcitur, quod signi amotio per se non sit mala, neque finis per se malus, morbi putà ablatio. Et proinde putant, licere hoc medio ad talem finem uti. At respondeo, superstitiosum est, & malum, rem ad aliquem finem referre, ad quem neque naturaliter, neque ex Dei institutione ordinata est, & præcipuè ubi in illa re, vel actione aliquid commercii cum demone intercedit, quod omnino hic accidit.

Quartò, licet, inquiunt, declinare à loco, ubi positum est signum, per quod transeunte afficiuntur maleficio. Ergo & licet, signum auferre. Verum respondeo, esse diversitatem. Fuga enim & declinatio loci, in quo hominibus damnum infertur, naturaliter ordinata est ad evitacionem mali, in quod quis incideret, si eum locum pertransiret: Signorum autem ablatio naturaliter non est ordinata, ut quis per illam à morbo liberari possit. Immo existimo, siquis firma in Deum fiducia talem locum pertransiret, nihil mali à demone passurum, nisi forsitan ex singulari suo consilio Deus id demoni permitteret.

Quintò aiunt, Deum ipsum præcepisse, ut idola gentium destruantur, & licere ad imitationem Christi, qui venit in hunc mundum, ut destruat opera diaboli *Joan. 1. cap. 3.* destruere signa ista, quæ sunt opera diaboli respondeo, omnino id licere facere, sed non spe consequendæ sanitatis. Hæc enim si accedat, longe alius finis est remotionis idolorum, & remotionis talium signorum. Idola enim illa destruebantur ne amplius demon honoraretur, & hominibus ad idolatriam occasio daretur. Verum signorum horum, & mediorum magicorum amotione demon honoratur, dum ab eo sanitas speratur. Ideoque non licet externa demonis opera destruere, ut instituantur interna, superstitio nimirum, & societas cum demone & anima hominis; sicut neque peccatum, quod demonis opus est, per aliud peccatum destruere licet.

Sextò dicunt, pactum cum demone hoc modo rescindi. At hoc negatur. Signa illa saltem ad deludendum & decipiendum venefica sunt constituta, interim pactum, quod inter eas, & demonem intercedit ratum manet. Si verò ad remotionem signi nocere destinat demon, non id facit, quòd, remoto signo, pactum rumpatur, sed ut Sagarum, & eorum, qui ma-

Tern. I.

leficii signa tollunt, voluntati obsequatur, & à Dei auxilio ad suum auxilium eos avocet.

Septimò, validam, ut putat rationem, affert Delrius, qua probare conatur, in amotione signi, nihil illiciti intercedere, eamque petit ab enumeratione omnium illorum, qui hic reperiuntur, actuum. Actus, inquit, sunt vel interni, animi, vel externi, verbi & operationis. Animi interni actus sunt tres. Primus desiderii, ut sanitas reddatur, & cesset nocere demon, & ad hunc finem, ut tollatur conventio malefici, & demonis de nocendo. Et quia hoc pactum dependet à signo, cupere proinde ipsum tolli, ac destrui. Secundus actus est opinionis, sive credulitatis humane, quod scilicet opinor, seu credo probabiliter cum sublatione signi pactum cessaturum, & cum pacto noxam. Tertius est spes sanitatis & cessationis noxæ. Verbi externus actus est rogare maleficum, ut signum tollat, & nocere per demonem desinat. Operis externus actus est, ipsa signa tollere ac abolere. Atque hos omnes actus esse licitos, putat, & probare conatur.

Sed multis modis errat. Etenim desiderare sanitatem suam, & aliorum licitum quidem est, immo & hoc concedo licitum esse, desiderare maleficii cessationem. At de hoc jam questio est, à quo sanitas, & illa cessatio speranda, & petenda sit, an à solo Deo, ut is demonis opera destruat, an verò etiam à malefico, & signi ablatione? Affirmatur prius, negatur posterius, neque enim illa signa morbum induxerant, neque, ijs ablatis, cogitur demon, ut a nocendo cesset, sed ut ipse Delrius in responsione ad argumentum septimum, habet, cessat à nocendo, quia sperat, vel maleficum in alium sortem, ut ait, translaturum cum novo suo lucro, vel sic plures sibi devincturum, videntes eum stare promissis, nimirum dum benefacere creditur demon, gravius nocet. Atque ita falsum, quod destructio signi sit medium necessarium sanitati recuperandæ. Aliud enim, & magis licitum medium est, Dei auxilium implorare, qui, ut non semper permittit, ut per talia signa homini damnum inferatur, ut supra dictum, ita etiam, signis istis manentibus, homini sanitatem, si vult, reddere potest.

Opinio quoque, nimirum cessaturum maleficium, cessante pacto, & signo amoto, est illicita; quia pugnat cum lege Dei, & primo decalogi præcepto: Non habebis Deos alienos. Spes etiam vana est, quia non nititur Dei fiducia, & auxilio, sed demonis.

Ex quo etiam patet externos illos actus vitiosos, & illicitos esse. Cum enim sage istæ non per se, sed per demonem noceant, non licet ab ipsis petere, ut per demonem hominem sanent. Et omnino eò tandem res redit, ut demoni honoretur, & invocetur. Cum enim signo amoto, demon cogi non possit ne amplius noceat, id sua sponte facit eo fine, ut homines decipiat, & ut ipse Delrius ait, cessat, ut pactum cum Mago servet, & sic eum sibi devinciat, & alios alliciât: Cui rei occasionem præbet, qui putat, signi ablatione se sanitatem recuperare posse. Atque ita qui per remotionem signi morbum amoliri, & pactum rumpere vult, ille potius pactum confirmat, cum velit, ut demon id faciat, quod promissit, nimirum, ut, ablato signo, morbum amoveat.

Octavò, utitur Delrius hoc argumento. Si licet, inquit, maleficos de medio tollere, ea spe & fine, ne hominibus amplius noceant per demonem, ut ejus viva instrumenta, licet etiam signa malefici, tollere, ne per demonem illa amplius noceant, ut ejus fictitia instrumenta, non operantia quidem, sed eum ad operandum excitantia. Atque ad hoc argumentum nondum responsum esse, putat.

S. 3.

Verum



Verum facilis est responsio. Est enim hic longè maxima diversitas. Ut enim sagæ, & maleficæ tollantur, mandatum Dei extat, neque id sine ratione, cum sint homicidæ. Nam si latrones sua manu homines occidentes occidere licet, cur non liceat & maleficos occidere, qui demonis ope hominibus morbos inferunt, immò eos planè interficiunt? Deinde cum pactum, cum demone inierint, & Deo ac hominibus renunciarint, atque eorum hostes se declararint, cur eos occidere non liceat? At de signis istis tollendis nullum Dei præceptum habetur. Ipsa enim signa non interficiunt, neque etiam demonem ad nocendum hominibus cogunt, sed ipse sua sponte superstitionibus talibus homines implicat. Et proinde ea quidem destruere licet, sed non spe consequendæ sanitatis. Et propterea si quis à malefico læsus sit, non signa adoriatur, sed ipsum demonem. Id, quod nulla alia ratione fieri potest, quàm Dei, & bonorum Angelorum auxilio.

Tandem Codronchius, qui *lib. 4. de morb. venef. cap. 2.* affirmativam sententiam sequitur, & eandem se in *lib. 2. de Christiana medendi ratione cap. 3.* defendisse scribit, hanc rationem affert, quia veneficia curare, vel abolere non possumus, nisi causas eorum amoveamus, illa scilicet, quibus veneficæ ad infligendos morbos utuntur. Immò vix aliam curandi rationem in hoc veneficii genere putat reperiri.

Sed falsum est, quod illa signa, characteres, imagines, quibus veneficæ ad inducendum morbos utuntur, sint causæ morborum illorum, ut supra satis probatum. Ideoque remotione illorum signorum non removenitur morbi, sed demon, qui induxit, eos tollit. Neque etiam concedi potest, quod nullus alius detur tales morbos curandi modus. Extant enim remedia naturalia, de quibus idem Codronchius *d. lib. 4. cap. 2.* Rulandus *senior centur. 3. observ. 100.* Henricus ab Heer *lib. variar. observat. 13.* Cuiethorast *lib. 2. cap. 12.* & alii. Divina, nempe exorcismi, Dei auxilium feris precibus implorandum, illique orandus, ut opera demonis destruat, ejusque potentia resistat. Si Deus nobiscum, nec demon, nec ejus organa quicquam nocere possunt, sed faciliant, & confundantur, necesse est. Et licet nullus alius curandi modus daretur, tamen ad demonis opem non esset confugiendum.

## CONSULTATIO LX.

*Mira. Scelerum. Fanda. Nefanda de sagis, lamiis, strigibus. De earum corporali translatione. Cum cum demone, & id genus alijs, eruditè, jucundè, horride.*

**M**ira de iis dicuntur, quæ multis incredibilia sunt, alijs autem dubia, & variè intellecta. Hæ sunt veneficæ absolutissimæ, demonum mancipia inusta, & signata, de quibus plura refert Cardanus *lib. 15. de variet. rer. cap. 80.* Ipsæ tortæ, coactæ referatæ sua infandissima mysteria, sæpè falsa sunt quædam, quæ vix credibilia sunt, nisi quis, quæ jam de magis infra dicemus, annotaverit, quibus illa anus maximè decipiuntur, aliosque lædunt, & fallunt. Et in summa in istis impietatis magicæ totius epitome & compendium est, harum similia opera ita constanti testimonio à pluribus, & ab antiquis ætatibus, & in diversis locis inter se Provinciis distantibus firmata, & comprobata, ut non mentibus solùm imponi, sed & arte demoniaca ea perfici, dubitare non possim. Dicunt se certis diebus in desertis, hisque certis convolare locis noctu, ex pluribus, diversisque oppidis, & Provinciis utriusque sexus, & ætatis, inibi saltare,

jocari, epulari splendide, concubere, per invia eò deduci, inebriari, fatigari, demonum obsequiis initiari, perniciem humani generis promittere, quàm postea exequantur.

Cæterum, ut facilius explicemus quæ mentes hominum fallunt, & in quibus Judices hallucinantur, adverto, duas esse species sagarum, quæ in impietate quidem, ut serviant demoni consentiunt, sed diversa sunt professionis. Prior species earum est, quæ, relicto Deo, tantum imaginationibus, & illusionibus adhærent, & pharmaceutria duntaxat utuntur, venenis scilicet. Alia species earum, quæ expressè fidei renunciarunt, apostatæ sunt à Christo, quæque demoni se devoverunt. Et hæc mira agunt, & noctu transformantur in figuras alias animalium, canum, upuparum, unde nomen strigum. In cubicula ingrediuntur invisibiles aliquando, rapiunt pueros, suffocant, & strangulant, aliaque impiissima moliantur, & à demone transferuntur. De metamorphosi corporis vi incantationis dicemus & suo loco, sed nominatim adhuc & lamiæ in figuras alias transferri, vel alias figuras videri habere, quod probè intuentibus, quàm propius docetur ex Ovidio, dum de anu Diple venefica agit, & Horatius de Canidia *Od. fin. Epod. & Apuleius ait, lib. 2. de asino, & alibi in 1. magam in mustellum transfiguratam.*

Interdum non quidem corpus moveri quidem putant, sed animam aliam figuram, relicto corpore, veluti vagina, suscipere. Et ferunt Hermotini Clazomeni animam, relicto corpore, vagantem, & è longinquo plura renuciare, quæ nisi à præsentem nunciari non possent, corpore interim semianimi, donec cremato eo, inimici ejus, qui Cantharidæ vocabantur, remeanti animæ velut vaginam ademerunt. Aristæ etiam animam visam evolvantem ex ore in Proconneso, corvi specie, nisi ea quoque existimemus exempla fabulosa, ut Plinius de illis *lib. 7. cap. 52.* & iterum de Aristæ animæ Herodotus in 4. & Æschius Milesius *illustr. peri Sophon.* Refert idem Helychius *d. lib. in Epimenide,* creditum Epimenidis Cretensis animam corpore solere excedere, cum vellet, & quandiu luberet, rursusque regredi; mortui quoque pellem litteris, notisque compunctam repertam, famam esse.

At explicemus quæ ii, qui sagas esse non credunt, & ita impunita scelera relinquunt, ratiocinantur. In primis obiciunt ex Concilio Ancyrano *c. 24.* quod refertur à Gratiano in *can. Episcopi 26. q. 5.* in quo hæc sagarum opiniones ad illusiones tantum mentis referuntur. *Quædam, inquit, mulieres scelerata retro post Satanam conversæ, existimant, & profitentur noctu se cum Diana, vel Herodiade equitare super quasdam bestias, & per noctem intempestam multis terrarum spatiis peragere, quæ falsa opinione deceptæ, hæc esse ita credunt, & credendo arrecta fide deviant.* Ideò Sacerdotes perpetuo predicare per Ecclesias debent, hæc esse falsa. Et subjungit hoc ad visiones animi per demonem suggestas, & varias figuras, eo suggerente, impressas potius adscribendum, quàm ad corporalem translationem transferendum, firmat ex visionibus Ezechielis *cap. 3.* quæ in spiritu, non in corpore contigerunt, & ex D. Paulo *2. ad Corinth. 11.* qui noluit affirmare, se extra corpus raptum.

Verum huic Canonis respondent ii, qui ex tortura, & rerum eventu cautiore, & certiores facti sunt, post hoc Concilium veriorum esse detectam sententiam, & ideò istius generis sagis indictam à Concilio sequentibus gravissimam fuisse pœnam. Dehinc Concilium Ancyranum loquitur de specie altera sagarum, neque ideò negat alias esse posse, quæ corpore quoque à demone non deferantur. Nam & hoc nemo dixerit esse impossibile, cum legamus etiam Domi-



nam nostrum Jesum Christum assumptum & delatum in sanctam Civitatem à Diabolo, & constitutum supra pinnaculum Templi *Matth. cap. 4.* Scimus & ab Angelo, ac Spiritu Dei per capillum translatum, & portatum Abachuch è Judæa in Chaldæam, ad ferendam escam Danieli, *Daniel. cap. 14.* & rursus momento relatum in patriam. Scimus & baptizato Eunucho D. Philippum ex loco baptismi dati fuisse translatum in Azotum, *Act. 8.* Et varia extant exempla, & testimonia maleficarum, quæ vel intercepro itinere, vel soluta impia, præter earum arbitrium, societate, divino quodam judicio, nudæ inventæ sunt, & in aliena patria, unde pedites revocare illas oportuit, & unde detectæ, ut maleficii reæ, damnatæ sunt. Vide exempla relata apud Paulum Grillandum *de for. il. qu. 4. num. 26. 27. & 28.*

Atqui fortilegæ, de quibus in Concilio Ancyrano, in multis differunt ab istis lamiis, ac lemurbus, de quibus agimus. Illæ enim ludificatæ à dæmone in mente, non omnino apostatarunt à fide, at istæ omnino, Deo vero ejurato, sese mancipia dæmoni tradiderunt. Dubiæ illæ in fide, ideò hæreticæ, & quæ reconciliari possint Ecclesiæ pœnitentia *cap. firmissimè de hæret. can. qui sine servatore 27. qu. 2.* Istæ apostatæ, omnino alienæ à fide *cap. 1. de apost. in 6. cap. 1. eodem titulo.* Illæ se tacite dæmoni devovent, illæ expresso Sacramento ei, quem sciunt, dæmonem esse, Deique adversarium. Illæ nulla conficiunt fortilegia, non responsa petunt, non sacrificant, non baptizant. Istæ contra.

Obijciunt secundò *canon nec mirum. 26. qu. 5.* ex D. Augustino transcriptus, probans Magorum præstigia aliena esse à veritate. Sed dicimus aliud esse præstigia, quæ præstringunt, & ludificant mentes, & oculos hominum, aliud esse maleficia ut ex jam dictis apparet.

Et quidem non diffiteor, à dæmone aliquando hoc effici per illusionem phantasiæ, & lamiæ extra domos suas non ferri corpore, sed dæmon eas omni prorsus sensu destituit, & tales species eis imprimit, ut falsò sibi persuadeant, se per aërem volasse, è domo sua egressas fuisse, & in alienas ingressas, vel in delitioso loco cum aliarum similitudine consortio, omni cum voluptate convivia, tripudia, nefarios concubitus egisse, & gustasse. Hæc autem omnia re ipsa exterius non fiunt, sed dæmon facultati phantasticæ ita eis repræsentat ac si re ipsa fierent, ut per Turrecrem. *in d. can. Episcopi 26. qu. 5. art. 2. ad 5. Navarr. cap. 11. num. 38. Suarez tom. 1. de relig. lib. 2. cap. 16. nu. 23. & 25. & Fagundez lib. 1. in decal. cap. 41. num. 8.* Et huic opinioni favent aliquæ experientiæ, quæ referuntur ab Abulense *in cap. 13. Genesi. qu. 354. & à Cajetano 2. 2. qu. 95. art. 3.*

Aliquando tamen verè corpore ad loca distantissima à dæmone feruntur, & iterum citissime in domum propriam reducuntur. Et hæc sententia est communis Theologorum, & Canonistarum, ait Pagna *in direct. com. 68. Abulensis in cap. 4. Matth. 9. 74. Lessius lib. 2. de just. cap. 44. dub. 3. num. 15. Suarez loco citato, & alii, quos refert Delrius lib. 2. cap. 10. & lib. 5. sect. 16. num. 4. & 5.* Non enim deest dæmoni potestas, ut Deo, permittente, hoc facere possit. Nam sicut Angeli movent orbes cælestes, ita dæmones movere etiam possunt humana corpora de loco in locum. Omnia enim naturalia ipsis integra manserunt. Et de iis lamiis dicitur etiam experimento cognitum esse, sæpè accidisse in illis Congregationibus, & locis, ad quæ corporaliter à dæmone feruntur, ut nonnullæ scædis, ac turpissimis actionibus, quibus ibi cum dæmonibus dant operam, deterrita, facto signo Crucis, vel invocato Christi Jesu nomine, statim conventus ille solvatur, omnes

dispareant, dæmones fugiant, & ipsæ, quæ nomen Jesu invocarunt, solæ maneant in eodem loco, ita ut magno labore domum redire cogantur, & interdum ob non servatum pactum nequissimum, severissime à dæmonibus verberantur. Et ita docent D. Thomas *d. qu. 95. art. 5.* ibique Cajetanus, D. Bonaventura *3. sent. dist. 19. Abulensis loco cit. Sylvester. v. hæresis 3. qu. 6. Victoria in relect. de magica qu. 7. Caltrus lib. 1. de just. hæret. punit. cap. 16. Suarez ibid. Carrena p. 2. tit. 12. §. 2. num. 5. & quamplures alii apud ipsos.*

Idque adeò verum est, ut Lessius *loc. allegat.* existimet, falsam esse, ac Reipublicæ perniciosam opinionem asserentium, dictam translationem non fieri re ipsa corporaliter, sed per illusionem phantasiæ à dæmonibus. Quod pluribus rationibus probat. Et præcipue quia grandis injustitia, & crudelitas esset, sæva morte afficere homines ob maleficia, quæ revera non fecerunt, sed solum somniarunt, & illusionem diabolicam sibi visi sunt fecisse. Quamvis huic rationi responderi posset, si res per illusionem interdum fiat, tunc etiam gravissimum peccatum committi, & eodem ferè supplicio dignum, propter pactum cum dæmone, & conatum ad totum illud delictum verè ac realiter præstandum, ut notat Suarez *eo cap. 16. num. 25. in fine.*

Nec me dimover ab hac sententia, quod dæmonum tanta non sit potestas, ut possint exequi, quæ se facere istæ lamiæ jactant, nec possint naturas, & constitutiones, ac ordinem cæli turbare, immutare, ac pervertere, grandines ad nutum, & pluvias, ventosque cedere, vel sopire. Solius enim demiurgi, ac summi Opificis Dei hoc est, D. Dionys. *epist. ad Polic.* per quem omnia facta sunt, & sine quo factum est nihil. *Joan. cap. 1.* Neque potuerunt dæmones vel in portus intrare propria autoritate, ejecti ex corpore hominis, *Matth. 8. Marc. 5. & Luc. 8.* Sed & mores non aliunde, quam ex voluntate, & arbitrio cujusque efformantur, ut mutari ab incantationibus possint, & ut ait noster Flaccus *Ode 5. Epod.*

*Venera magnum fas, nefasque, non valent,  
Convertere humanam vicem.*

Nec corpus corrumpitur, nisi de consensu voluntatis *L. vim passam, & l. si uxor §. si quis plane ff. ad leg. jul. de adult. l. 1. §. remouet ff. de postul. tota caus. 32. qu. 5. cum similibus.* Immo neque auxilia conferre posse magicas artes eisdem rationibus comprobari potest, quibus nec nocere ostendimus, nec posse mederi hominibus, aut animalibus aliis. Sed & hæc etiam esse laqueos, ac insidias humani generis hostis, scriptum est, *in can. admoveant 26. qu. 7.*

Nam omnia hæc & similia, quæ propemodum infinita in hanc sententiam adferri possunt, verissima quidem sunt per se. Cæterum jam probatum est sententiis plurium, dæmones posse multa vel jussu Dei, vel permissione propter hominum peccata, vel ob illorum probationem, multaque ex cælestibus, & æreis impressionibus moveri per dæmonem posse per causas naturales, eisdemque de causis non est, quod dubitemus, hominum voluntates posse inverti, vel impelli, vel suasionibus dæmoniis, vel causis, quæ movere possunt, ab illo, vel ejus satellitibus applicitis, quibus nimium molles homines facile vincuntur, & consensum pessimis jungunt eorum imposturis, & ita voluntas propriè impellitur à dæmone. Illa per seipsam succumbens consentit.

Neque nunc quaerimus, an uti remediis fortilegis improbatum sit: Hoc enim palam est, & pœna debita est his utentibus, sed an hæc remedia adferri possint, atque ita posse etiam demonstratum est, quanquam, & præstigiis interdum morbos curare videantur, qui tamen remanent, & sæpè dæmones morbos permif-



fione Dei inferant, quos tollunt, ut malefici coitus ligant, quos deinde solvunt. Novit & dæmon stirpium & pharmacorum vim, quibus adhibitis possit etiam curare, & impendunt, quæ ille novit, ut medicus ex symptomatibus, mala cognoscens, potest prævidere, sicut & ea, quæ nociva sunt, inferre. Neque etiam prohibentur hæc sortilegia, curantia dæmoniaca, quod ea non possint curare, sed quia per ea detrahuntur Deo, cum ipsi impostores suæ volunt adscribere gloriæ quæ Deo vero debentur. Et quia summè periculosum est, à manu hostis conjurati, qualis demon homini, medicinam & pharmacum capere; nunquam enim salutem hominis procurare poterit is, qui omnia momenta caprat, & observat, ut possit eum jugulare ac perdere. Eadem autem ratione, qua possunt morbos inferre magi ac dæmones, & posse curare palam est, vel cum superstitione, vel sine superstitione, & cum rebus, quæ curandi vires habent, adhibitis latenter, vel sublata causa impedimenti sanitatis, quam ipsi norunt, vel imposuerunt, Dei voluntate ac permissione. Interdum tamen & ipsi simulant morbos curare, qui cum curati verè non sint, tamen ad tempus curatos videri faciunt, adhibitis quibusdam, quibus leniunt dolorem, quem tollere non possunt. Exempla pauca proferam. Adrianus Cæsar, qui divinationibus, & magicis crebrò usus est, quique dicebat, se animam, quæ spontè occubuisse, indigere, eisdem artibus, & incantationibus aquam intereuntem, qua laborabat, eduxit, qua tamen rursus, & celeriter repletus fuit. Dio Cass. seu Xiphilin. *ex eo in Adriano*. Voluit & hic videri miraculorum effector, atque multa idè de ejus miraculis conficta sunt, quale illud, quod mulier ejus jussu cum se aqua alicujus fani lavisset, oculos, seu visum recepit. Et quando venit ex Pannonia quidam natus cæcus ad febrientem Adrianum venit, quem cum contigisset, oculos recepit, & Adianum febri reliquit, ut narrat Spartianus *in Adriano*. Quæ tamen Marius Maximus per simulationem facta commemorat.

Quò etiam refero, vel ad magiam, quod Xiphilinus ait ex Dione *in Vespasiano*, V. spasianum Cæsarem cæcum hominem, itemque alterum, cui imbecilla manus erat, qui per quietem eum adire jussi fuerant, sanasse, alterius oculis spuito conspersis, & manu alterius conculcata.

Strabo *lib. 15. Geograph.* circumvagari per Indiam incantatores ait, qui medicari creduntur, & solam ferè apud illos esse medicinam. Qui modum effugandi dæmones, aut incantationes ediderint, quibus morbi sedarentur, docet Polydorus Virgilius *lib. 1. de inventor. rer. cap. 22.*

Cæterum neque istis Magis, qui remedia jactant, impunitas semper data, quinimò & fuit pœna constituta meritò. Quamvis enim medicamenta, & jocunda per se ac desiderabilia sint, modus tamen per magica curandi displicuit. Audiamus de hac questione Hippocratem verè ratiocinantem, dum de sacri morbi per incantationes agit curatione. *Mibi*, inquit, *lib. de sacro morbo*, *nec ii homines his utentes videntur hunc morbum sacrum esse putare, qui his modis tolli putaverunt, & si quis expiamentis, carminibus, vel excantationibus, vel alia re simili hunc morbum abigit, divina non dicitur hoc ope fecisse, sed humana. Quod homines propterea fingunt, plusquam ceteri, ut scire putentur. Sicque homines decipiunt, castitatem, integritatemque præ se ferentes; plurimus iis sermo de diis est, mihi quidem non de pietate, sicuti ventur, sed de impietate verba facere videntur, deosque nullos putare, nec si sint, quidquam posse, nec prohibere posse, quin summa scelera committantur.* Ammianus Marcellinus scribit *lib. 16. in castris Constantii si quis super obvium sericis, vel occursu mustella, vel similis signi*

*causa consulisset quemquam peritum, vel anile incantamentum quoddam ad leniendum quendam dolorem, quod medicina quoque permittit auctoritas, reus unde non poterat opinari delatus, raptusque in judicium pœnaliter interibat.* Damnati etiam sunt ab Antonino Caracalla, qui remedia quartanis febribus collo annexa gestarent. Alius Spartian. *in Anton. Carac.* Et certè postquam improbatæ sunt maleficæ artes, quis negarit & illas pœna esse dignas, quæ similes his sunt, etiam alias tollant. Equè enim improbat maleficio, veneficium tollitur. Sic Plinius, *Magorum*, inquit *lib. 28. cap. 4. hæc commenta sunt, ut eorum, quo feramenta sæpè exacuta sunt, subjectam ignari cervicalibus, de veneficio deficientis evocare judicium, ut ipse dicat, quid sibi datum sit, & ubi, & quo tempore; autorem vero non nominare.*

Et quamvis magia ea perperam quibusdam probata videatur, quæ certis bonis finibus concludi existimatur, veluti ea, quæ ad conciliandos homines, vel jucunda quædam exhibet, vel morbis medetur, quia tamen hæc omnia benè non fiunt, ac scelestissima sunt, ideo, quemadmodum alia, sunt reprobata. Ponamus exempla. Fuit Didio Juliano, Imperatori creato contra voluntatem populi, ea dementia, ut per magos pleraque faceret, quibus putaret vel odium populi deliniri, vel militum arma compesci. Nam & quasdam non convenientes Romanis sacris hostias immolavit, & carmina profana incantavit, & ea, quæ ad speculum dicuntur fieri, in quo pueri, præligatis oculis, incantato vertice, respicere dicuntur, Juliano fecit. Alius Spartian *Didio Juliano*. Narrat Lampridius *in Diadum. Anton.* obstertrices capere solitas pileum, quo pueri nascentes insigniuntur naturali, & Advocatis credulis vendere; siquidem, inquit, caudici hoc juvari creduntur. Apud Gregorium Turonensem *lib. 8. hist. Franc. cap. 33.* mirum sacrilegium legitur his verbis: *Alebat, inquit, Parisianam Urbem quasi consecratam fuisse antiquitus, ut non ibi incendium prævaleret, non serpens, non glis appareret. Nuper autem cum cuniculi pontis emundarentur, ut canum, quo repletus fuerat, auferretur, serpentes, gliremque aream repperunt, quibus ablatis & glires extra numerum ibidem, & serpentes apparuerunt.* Forunt Empedoclem, corpus mulieris oblique spiritus, & cibi usu, quasi triginta diebus conservallè, & idè sibi falsò se exanimem mulierem vitæ restituisse, arrogallè, & immortalitatem. Hesych. Miles. *lib. de Philof.*

Sed hæc, quæ vetitis artibus scimus facta, & quæ credulorum mentes decipere possunt, pœnam merentur, atque hos, qui objecta specie finis boni, interim malo, seu magia utuntur, puniendos esse rectè definimus. Non quòd bonum, quod quaerunt, malum sit, sed quòd malè illud assequi desiderent, ut bonum quidem est divitias habere, imperare, multa nosse, verum illicitis artibus, non secus quam fraudibus, sacrilegiis hoc consequi, malum est. Sic Tatiüs Assyrius orat. contra Græcos: *Quamvis, inquit, magicis, & prestigiis quis utatur ad bonum, tamen punibilis est, non sicut ac qui cum latrone fuerit, etiam si latro non sit, ut socius sceleris puniatur.* Res quædam per se malæ sunt, quibus quis benè uti non potest, & aliæ quoque eo ipso, quòd sunt prohibita, malæ & mortifera, qualis erat illa scientia, quam contra prohibitionem Dei primi parentes cognoscere voluerunt, eadem persuasionem, qua hodie Magi ab artifice impietatis impelluntur, adducti. *Eritis sicut Dii, scientes bonum & malum*, Genes. 2. & 3. Nihil potest esse purum, quod ex ore, & arte Satanæ oritur.

Nam si bonum quidpiam sit per se, dum ab eo prodit, polluitur. Quia Lex Dei prohibet ariolos, magos, & hujusmodi incantatores, & impostores, nec ullo modo distinguit fines utentium illis, vel consulenti-



etiam, sed artem execratur absolute, *Deuter. 18. Levit. 20.* Et imposturae solae digna morte sunt. Quemadmodum Ildoberges Rex Persarum Magos addecimavit poena, quod derexisset in specu eos infodisse vivum hominem sub ara ignis, quo persuaderent Regi, ignem loqui, Nicephor. *Cal. lib. 14. hist. Eccles. cap. 18.* Socrates *lib. 11. hist. tripart. cap. 8.* Qui observant Paganica supersticiosa, Aegyptiacos dies, qui horas captant ratione ominis boni, & similia, anathemate plectuntur *can. pen. 26. qu. 7.* Qui furta detegunt, hoc modo puniri in *cap. 1. & 2. de sortil.* Et, ut Ulpianus ait: *Qui furem per divinationes dixerit, cum esse, qui non erit, de injuria quidem non tenetur. Id enim minus mite iudicium, sed constitutiones enim tenent, item apud Labeonem, §. si quis Astrologus ff. de injur.* Et is, qui confugerit ad ariolos, & sortilegos, accusare non potest alium de crimine, *can. quifquis 2. q. 8.* & ab Ecclesiastica Congregatione ejicitur, *can. si quis ariolos, can. si quis clericus, & can. auguriis 26. caus. 5.*

Claudius Caesar quendam Romanum Equitem & Vocentis iussit interfici, quod deprehensus fuisset in his, quam exercebat, ovum secum detulisse in iudicio, quod detulerat à Druidibus, qui antiqua superstitione id consecraverant, ut conducens ad victorias litium, & Regum aditus, Plinius *lib. 29. cap. 3.* Hinc Leo Caesar abrogavit leges Codicis Justiniani, magiam istam quae salutem, & bonum aliquod procurare videtur non improbant, *lib. 4. C. de malef.* ut alibi annotavimus.

Mirantur, & ideo negant plerique, ut impossibilia, quae in se referunt, se turbis, conviviis daemonum, & spectrorum cum aliis interesse, ac letari, ad organum saltare noctu inibi. Hoc certe & mirabile est, verum non impossibile, alioquin neganda erunt, quae fide digni auctores narrant de daemonum saltationibus, & de spectris, & hominum per illos assumptis figuris. Olaus Magnus scribit *lib. 2. pop. Septent. cap. 3.* etiamnum hodie in partibus Septentrionalibus, de quibus historiam, non fabulam tradit, spiritus esse, qui se visibiles exhibeant, in Islandia frequentiores, & hominibus intervium, eorum jumenta, & animalia ad pastum ducere, ac reducere, nec deregere eorum techinas, donec evanescant. Item alios ex spiritibus illis esse dictos graece *Cobules*, qui imitantur, vel videntur imitari, quae faciunt homines, cum tamen nihil faciant. Et alios *Gutales* dictos Germanis, quod videantur esse amici hominum, idem *lib. 6. cap. 10.* Vives quoque tradit *lib. de verit. fid. Christ.* in terris Orbis novi nuper detectis spiritus omnibus familiariter apparere, & tam in Civitatibus, quam extra alloqui homines, eisque jubere, vetare, & terrores incutere. Idemque Olaus *lib. 3. cap. 81.* refert, in pluribus locis illarum regionum videri spiritus & spectra saltantia, & chorizantia, potissimum noctu ad sonitum omnium instrumentorum musicorum, vocarique chorem illam vocabulo gentili *Chorem Eluarum*, quorum etiam meminit Saxo in *historia Daniae*, & Pomponius Mela *lib. 3. cap. 10.* dum Aethiopiam describit. *Ultra Sinum*, inquit, *mons, qui Deorum vehiculum, qui perpetuis ignibus flagrat, ultra montem vi-* *ni collis, longo iratru, longis litoribus obductus, unde* *visuntur patentes magis campi, quam ut prospici possint* *et tympanum Satyrorumque.* Hinc opinio ea fidem cepit, quod cum in his nihil culti sit, nullae habitantium sedes, nulla vestigia, solitudo in diem vasta, & silentium vastius, nocte crebri ignes micant, & veluti castra late iacentia ostenduntur, crepant cymbala, & tympana, audiunturque tubae sonantes. Et idipsum confirmat Plinius *lib. 5. cap. 1.*

Habemus huiusmodi daemoniacorum conventiculorum vestigia in Sacra Scriptura, quando daemon, pra-

posito aureo vitulo in idololatriam incitavit populum Hebraeorum, Mose absente, & coram vitulo capiebat ludere, edere, ac bibere. Quod usque adeo dupliciuit Mosis ob cultum Dei contaminatum in eo, ut occiderit viginti tria millia hominum *Exod. 30. & I. ad Corinth. 10.* Ad cuius vituli similitudinem constructum postea daemonis impulsu Idolum Moloch, facie vituli, manibus planis ad suscipiendum porrectis, concavum, ubi sacrificia, & pueri daemonis immolari concludebantur, & igne supposito combuebantur, circum cantantibus, & psallentibus aliis cum ululatu crebro, & tympanis, ne ejulatus sacrificatorum perciperetur, idque fiebat in valle cuiusdam qui dictus erat Hebron; unde locus dictus Gehebron, ut omnia recte probantur ex *Hieremia 32. & Regum historia lib. 4. cap. 23.* Vide Munsterum in verbo *Tophet.* Huic etiam idolo dabatur temen ab hominibus, quo in plura abutuntur daemones. Unde prodiit illa constitutio Dei: *Qui de semine suo dederit Moloch idolo, morte moriatur*, *Levit. 18. & 20.* Nisi pro semine intelligamus genitos, seu filios.

Fiebant tempore idololatriae conventus paganici publice, & postea prohibiti. Noctu fieri ceperunt reservatis ritibus antiquis à daemonis arte, & orgiis bacchationibus, seu furoribus, ac mysteriis, quae proculdubio habebant venereas & impudicas cum cantibus, & tympanis sexuum commixtiones. Bacchi, vel Oenachi sacra secreta & nonnulli sceleris participibus, id est initiatis communicata. Horumque mystica erant fascinus, sive membrum virile, & vannus, de quibus multa Clemens Alexandrinus in *protreptic.* & Euseb. *lib. 11. de prepar. Evang.* & illud mirabilis videtur, & tamen non alienum à veritate, quod in illis conventibus, ad quos se deferri dicunt Larvae istae, ac sortilegae, rem se cum demone habere perhibent, & se sperma illorum inter coeundum sentire frigidissimum. Item & quod venefici ejusdem conjurationis, & factionis quoque coire cum pulchris mulieribus sibi videantur. Quae omnia impossibilia videntur, cum spiritus carnem & ossa non habeant, & incorporei sint. Fateor certe, haec stupenda esse, sed vicit credulitatem nostram & opinionem contrariam rerum experientia, pernicies, & scelera faminarum harum, & veneficorum, & astus demonis, qui, ut immundus est & pollutus, ita immandis, & caeno, ut lusus in volutabulo luti foetidi valde oblectatur. Ac ideo effingit sibi aëreum corpus huic perniciet idoneum, non secus quam sibi alias personas, quas commodius decipiat, imponit. Colligit & ideo spermata decidua, & huic corpori accommodat. Qua de re vide Consultationem nostram *tom. 4. D. Augustinus* daemones habere quaedam corpora arbitratur *lib. 8. de civit. cap. 15. & lib. de natur. demon. de Genes. ad litter.* Apuleius daemonum corpora inter terrenam, & & aetheream naturam media esse ait in *Asino*, multoque minus concreta, quam nubes, & longè subtiliora, ex purissimo aëre liquido, ac sereno alimento coalita, nihil terrenae soliditatis habentia, idcirco nec oculis humanis conspicua, nisi illa divinitus sui speciem offerant. Sic Psellus de demonibus corpora daemonum, ex quo ceciderunt è Caelo, & à propria bonitate, densiora effecta, & patibilia arbitrat. Iste ex quodam Marco tradit, daemones semen jacere, ex quo perpusilla oriuntur animalia, habereque membra genitalia, sed non qualia homines, & excrementum ex illis manare. Quod tamen non omnibus daemonum generibus contingat, sed materiae proximis, aqueis, & terrenis, qui aluntur attracto in spongiae modum humore.

Et quidem daemones esse spiritus certum est. Sed hoc spiritus vocabulum non eodem ab omnibus modo intelligitur. Interea convenit non habere spiritus carnem



carne & ossa, ac nequidem corpora ejusmodi, ut in propria videri queant natura. Sed diu disquisitum, an omni omnino corpore careant, quæ putatur Philonis fuisse sententia; quia libro de confusione linguarum fol. 234. edit. Turnebi, Angelos vocat, animarum incorporearum sacrum Chorum. Ac etiam statuunt Justinus Martyr, sive alius potius questionum græcicarum consutatione ad qu. 2. Item Nazianzenus orat. 2. de Theologia & 38. de natali Christi, Gregorius Nyssenus de vita Moysi, Chrysostomus orat. 1. de provid. Theodoretus in Genesim qu. 30. & orat. 3. contra Græcos, Cyrillus in Joannem lib. 2. cap. 10. Ignatius epist. ad Trallianos, Athanasius de natura unita, Epiphanius heres. 27. Basilii homil. quod Deus non est autor malorum, Ildorus lib. 1. sent. cap. 10. Gregorius Magnus lib. 4. dialog. cap. 29. Ambrosius lib. 7. in Lucam cap. 12. Sophronius Archiep. Hierosol. in encom. de Angel. Didimus lib. 1. de Spiritu Sancto, Leo Papa ep. 93. cap. 6. Augustinus L. retract. cap. 11. & in Psal. 105. Ut præteream duos Scholasticorum quasi Patres, Dionysium, & Damascenum, ille cap. 4. de divin. nom. hic lib. 2. fidei cap. 3.

Sed alii contra censent, nihil esse incorporeum, præter Deum. Quod asserit Gennadius Masiliensis lib. de dogmat. Christian. cap. 11. 12. & 13. & ex eo inter Augustino tributa, Scriptor libri de spirit. & anim. cap. 18. ac apud Bedam lib. 1. de element. Philos. legas. Quidam dicunt, quod corpora sint ita subtilia, quæ sensu percipi non possunt; unde respectu corporum nostrorum, quæ spissa sunt, & crassa, spiritus dicuntur. Quemadmodum aer, quomodo corpus sit, tamen propter subtilitatem sui spiritus vocatur. Quod confirmat B. Gregorius, qui in moralibus lib. 2. cap. 2. de Angelis loquens, ait: comparatione corporum nostrorum spiritus sunt, sed comparatione illius summi, & incircumscripsi spiritus, corpora sunt dicenda. Hoc iterum probant autoritate B. Augustini, qui Enchiridio quoddam ponit capitulum, qualia corpora Angeli habeant. Sanè hæc sententia, quam Beda proponit nec sequitur tamen, multis & ante eum ac Gennadium placuit, ac multis post eos. Ex vetustioribus inclinatur quoque ad Tertullianum de habit. mul. cap. 2. & de vel. virg. cap. 7. & Justinus Martyr in prior. apol. Methodius scr. de resurr. lib. de carne Christi cap. 6. Constat, inquit, Angelos carnem propriam non gestasse, utpote natura spiritalis, etsi corporis alienius, sui tamen generis, in carnem autem humanam transfigurabilis ad tempus, ut videri, & congregari cum hominibus possint. Imò Origenes in prologo librorum Peri Archon. clarè iis tribuit corpora, non palpabilia quidem, subtilia tamen, & tenuia instar auræ, cujusmodi quæ sunt ea à simplicioribus, ait, incorporea vocari, quia non videntur, nec urgenti resistant, quomodo nec aer vulgò dicitur corpus. Etiam lib. 2. cap. 2. solum Deum dicit Asmaton, incorporeum. Eusebius Cæsariensis lib. 5. de præp. Evang. cap. 4. Cyprianus de discip. & hab. Virg. Clemens Alex. lib. 3. Strom. Itidem Lactantius lib. 2. divin. instit. cap. 15. Angelos ait, spiritus renes. Macharius homil. 4. Unumquodque pro natura sua corpus est, sive sit Angelus, aut anima, aut demon. Licet enim hæc corpora tenuia sint, nihilominus in substantia, charactere, & representatione pro subtilitate natura sua corpora sunt subtilia, quemadmodum & corpus istud secundum substantiam suam corpus est crassum. Similiter Augustinus de divin. demon. cap. 3. & 5. & Genes. ad litter. lib. 3. cap. 10. in Enchirid. ad Laurent. cap. 59. epist. 91. ad Fortun. & 115. ad Nebridium, octoginta triam questionum 45. lib. 2. retract. cap. 26. de Civit. Dei lib. 21. cap. 10. ubi de hac questione sic judicat. Si quisquam nulla habere corpora demones asseverat, non est de hac re aut laborandum operosa inquisitione, aut contentiosa cer-

tandum. Cassianus quoque collat. 7. cap. 13. ait, Angelos habere corpus, quo subsistunt, licet tenuius, quam nos, ac æqualis ejus Claudianus Mamertus similiter sentit lib. 3. de stat. anim. Imò Joannes Episcopus Thessalonicensis in Nicæna secunda act. 5. ait, ita Ecclesiam Catholicam docere. In quo, etsi ratio eum fugerit, hoc tamen vidit, eam communiorem fuisse apud antiquos opinionem. Nec postea prorsus obolevit, cum & idem censeat Elias Cretensis in apol. Nazianzeni, atque etiam Bernardus in cantic. Ser. 5. ubi itidem solum Deum, ait, incorporeum. Verum plures ex his Patribus loquuti sunt secundum sententiam Platoniam, sicut etiam Augustinus quando constituit Angelos corporeos, aut metaphoricè ex analogia, quam habent Angeli ad corpora, ut Basilii, Damasceni, & Nazianzeni; non enim absolute dicunt, esse corporeos, sed substantias igneas, aut æreas. E junioribus mens eadem Augustini Niph. er. 3. de demon. cap. 34. & Cajetani in cap. 4. Genes. & in cap. 1. ad Ephes.

Etsi verò cum nemine contentionis funem duxero, qui Angelis corpora tribuat, laxius hac voce accepta, non tamen assentiendum Thalmudistis, qui eos negantur productos ex sinistro massæ latere, vel Platonici, qui definire non verentur, corpora iis esse rotunda, ac his ætherea, illis ærea, vel alterius elementi.

Asserendum tamen est, Angelos atque adeò etiam demones, esse incorporeos, prout incorporeum contradistinguitur à corporeo, & importat substantiam abstractam à materialitate. Est definitum in Concilio Lateranensi, ut habetur in cap. firmiter de sum. Trin. & fid. Cath. Nec dici potest, quod spiritalis natura dicatur obiter incorporea secundum communem opinionem. Quia, ut patet ex modo loquendi, intentio Concilii erat non solum definire, Deum esse Creatorem rerum omnium, sed etiam determinare de qualitate rerum creatarum, & proponit tanquam dogma, Deum condidisse creaturam spiritualem contradistinctam à corporea, & hanc esse Angelicam.

Et quidem si Angeli essent corporei, forma ipsorum, atque vis operativa esset immersa in materia, nec possit extra ipsam subsistere, neque operari. Unde non possent intelligere, quia intelligere est operatio omnino independentens à materia. Est autem de fide, Angelos esse intellectuales: Et in gradu intellectuali sunt perfectiores homine. Ergo debent esse omnino immateriales, alioquin non essent superioris ordinis. Habemusque ex Sacra Scriptura conjungi in Angelis rationem spiritus, & rationem intellectualis. Sunt igitur purè spirituales. Quia ratio intellectualitatis ex natura sua abstrahit à materia. Ergo determinat rationem spiritus ad fundandam intellectualitatem; ita ut sit quid distinctum ab esse, & spiritu corporeo tanquam proportionatum fundamentum intellectualitatis. Cum igitur sint omnino spiritus, erunt naturæ purè intellectuales.

Ad Joannem Episcopum Thessalonicensem, qui dixit rectè depingi Angelos, quia sunt corporei, & hoc fuit approbatum à Concilio, responderetur, Concilium solum approbasse, quod debeant depingi Angeli, quia de hoc solum controvertebatur, non autem approbavit rationem allatam. Quod colligitur ex eo, quia Tarasius Patriarcha proponens hæc approbanda Concilio, corrigens motivum dicti Joannis, dixit: Ostendit Pater, quod Angelos pingere oporteat, quando circumscribi possunt, & ut homines apparuerunt. Quare extra controversiam posuimus, etsi humana sapientia corpora assument, minimum tamen corporeos esse dicendos, quatenus perfectæ sunt substantiæ per se, nec ordinem habent naturalem ad corpus.

Memorant Annales Gallici apud Roier. in hist. Franc.



Franc. anno 1488. apud Attrebatres, detectum fuisse Valdensium conventum. Asserebant autem qui ex factione Valdensium essent, hi autem erant heretici, aliter dicti *Pauperes de Lugduno*, cujuscunque sexus, se transportari invisibili modo arte demoniaca in locum eremum, ubi comparebat daemon quidam forma hominis, cujus tamen faciem non viderent, qui legeret mandata, & quemadmodum orare, & obsequi deberent, & postea jubere postera, & nates suas exosculari, singulis dans pecunie eis quippiam modicum, quo facto extinctis facibus, & lamina concubitu sese polluebant, & suam quisque comprimebat, & subinde ad sua revertebatur.

Ceterum, si quis admiserit corpora habere aliqua demones, vel corpora sibi posse, ut phasmata, conjungere, qui negare poterit cum hac confessione perditurum venerearum posse convenire veritatem, & ita voluptate venerea inescari mulieres istas anus insatiabiles? Scimus in confesso esse apud doctissimos viros, incubos, & succubos esse demones, qui inecant mulieres, & qui viris ut mulieres, se subijciunt. Cum demones revera sint spiritus incorporei quamvis cum Lamiis, aliisque mulieribus commisceri nequeant, & cum corpore careant, habere non possint sperma, nec generandi cupiditatem, possunt tamen ex aere corpora sibi assumere, & aptare naturali eorum virtute. Et quod demones in hujusmodi corporibus fiant incubi, & succubi testantur D. Hieronymus lib. 8. *etymol. in fine*, Beda lib. 3. in *Luc. cap. 31*. T. Thomas 1. p. 9. 51. art. 2. & 3. Simanch. de *cathol. instit. tit. 37. num. 5*. & D. Augustinus lib. 15. de *Civit. cap. 13*. quos ait, antiqui dixere *Faunos, Sylvanos, & Galli Dufios, qui hanc assidue immunditiam & tentant, & efficiunt*. Et Panas, Faunos pilosos, dici demones incubos consentit Glossa ordinaria sacrorum Bibliorum in *cap. 13. Isai. & 34*. & D. Thomas loc. cit. & quolibet 8. & in *dictis cap. Isai. Existimantque non levis notæ ac eruditionis viri caput sextum Geneseos eo pertinere, quamvis de filiis Seth, & filiabus idololatrarum intelligat D. Augustinus d. cap. 23: Athanasius lib. de *divers. q. 19*. & 97. Cyrillus Alexandr. lib. 9. contra *Julianum*, Chrysostomus homil. 22. in *Genes. Quod verius, dum dicitur, filios Dei, quo nomine intelligunt Angelos, vidisse filias hominum pulchras, & eas sibi conjunxisse, natosque inde Gigantes, Lactantius lib. 2. de *orig. error. cap. 13*.**

Neque verò errandum tam turpiter, ut dicamus à demone generationes fieri, ut quosdam dixisse ab initio, & quosdam homines non Adameos esse? Falsa enim, & conficta sunt ea omnia. Sicuti & quod Melas ait lib. 3. ad finem cap. 10. circa Athlantis oras, forminas esse toto corpore hirsutas, & sine coitu matrum sua sponte fecundas. Neque etiam verum quod fabulantur Rabbini, demones natos ex semine Adam quosdam corporeos; nempe: quod scribatur in Genesi fuisse Adamum 130. annorum cum genuit in similitudine suâ inuuentes antea genuisse in alia similitudine. Concubuisse enim Adamum cum Naama, uti & Okeret, Lilit, & Mahalath putide narrant. Quatuor enim has esse demonum ex Adamo matres. Quod Lilit demon retinuit semen ejus, & genuit alios demones, ut refert Munsterus in *Messia Christiano*. Tantam etiam venustatem fuisse unius Naama prædicant, ut duo Angeli Dei, Aza, & Azael, ejus forma capti, concubuerint, & ex ea demones genuerint, qui *Sedim* appellantur. Legere hoc est in libro *Haozar*: Eoque referunt, quod Genes. 6. v. 6. dicitur *Viderunt filii Dei filias hominum esse pulchras, & acceperunt ex eis uxores, quas elegerunt*. Sed si hæc ad Naama pertineant, fuerit ea diluvii causa, eoque non meruerit virtutis ergo memorari in Scripturis. At sunt ista tam insulsa, ut ea posuisse, sit eadem refutaf-

se. Sed illud non later, quod Philostratus scribit lib. 4. de *vit. Apollonii* de Lamia, seu phasmate demonis Menippi cujusdam nuptias ambiente.

Hoc verum. Narrat Sozomenus lib. 8. *hist. tripas. cap. 28*. Apelli viro sancto in eremo Egypti degenti fabro ferrario, cum noctu accuderet spiritum demoni apparuisse in forma mulieris formosæ, ut eum ad luxuriam provocaret. Sed Apellem, accepto è fornace ferro candente in faciem illius insurrexisse, & ita cum spiritu frementem, & flentem cito citius ad fugam compulisse.

Inter spectra demoniaca nocentiora, *Lamie* sunt, *Lemures*, & *Larve*, quas antiqui ita distinguunt Ethnici, ut dicant animas exutas corpore, Lemures, D. Augustinus lib. 9. de *civit. cap. 11*. Apuleius, & Platon. Ex illis Lemuribus, eum qui posteriorum suorum curam sortiretur, pacato, & quieto nomine dormum possidentem, larum orabant familiarem. Eum verò, qui propter adventa vitæ miseriam, nullis bonis sedibus in terra vagatione puniretur, inane terculamentum bonis hominibus, malis autem noxium, Larvam pletrique dixerunt. Dicuntur & mania, Mart. Capel. lib. 2. *nupt. & Lemures*. Et esse spectra hæc quoque magica docet Horatius lib. 2. *epist. 2. ad Julium Flavianum*. Nos quidem & hos Lemures & Larvas, & terculamenta, ut veros spiritus impios, ac demoniacos admittimus, errore rejecto antiquorum, quo animas male viventes in hoc corpore in demones hos converti, ut bonas in Lares arbitrabantur, ut Hesiodus, in *Erg. 8*. Plato in *Tim. & Cratyl. Orpheus, & alii* Quod etiam falsum pluribus eruditè, ut solet alii, D. Chrysostomus homil. 29. in *cap. 8. Mart.* docet, ac D. Augustinus lib. 9. de *Civit. cap. 11. 12. & 13*.

Porro feruntur ista malefica cum impio hoste humana natura, & more illorum demonum, qui dicuntur incubi, de quibus paulò ante, hominibus insidians & vitæ eorum omnibus modis, persuasumque habere puerorum carnes ad unguenta sua impiissima valde proficere, & iccirco artibus nefandis instructe, falsè sunt sapissime & pueros raptissè, vel suffocasse mirabili, sed opere demoniaco. Quare autem Lamie dicte sint, vide apud Durum lib. 2. *Libycæ*. Suidam in *Lamia*, & Alciatum lib. 8. *parerg. cap. 22* Quare & striges, leges apud Ovidium lib. 8. *fastor*.

Sed pergamus & de aliis prestigiis demonum, & magorum dicamus, quibus hominibus nimium credulis, & fatuis illudunt, simulantes se operari mirabilia, quæ vel non sunt, vel si sunt, mirabilia scientibus & advertentibus non sunt. Diodorus Siculus lib. 4. *bi-blioth. Protheum* ab Ægyptiis dictum esse Cæteum tradit, Regem Ægypti, tempore belli Trojani peritum syderum, & multarum artium. De hoc fingitur, inquit, *solutum mutare se in omnes animantium, stirpiumque formas, quod earum naturas facile tum astutorum scientia, tum etiam usu & consuetudine Sacerdotum didicerit*. Alii autores de ejus genere diversa senserunt; verumtamen & vatem eum fuisse peritissimum consentiunt, & qui in varias sese converteret figuras, & illum consulentes eluderet, ne facile, nisi coactus, responderet. Sic Homerus de eo Protheo facit marinum Deum *Odyss. lib. 4*. Sic mater Aristæi Cirenæ ad Aristæum pergentem ad vaticinium Prothei, dicit Virgilius 4. *Georg.*

Simón Magus quoque & se & alios in diversas animalium figuras convertibat. Imò in autum, ut alibi diximus. Circe converterbat homines cantionibus, & pharimacis in porcos, & alias feras, ut ait Homerus lib. 10. *Odyss.* Plutarchus in *gryllo*, & alii. Ex Arcatibus, qui sorte ducti transnabant quoddam stagnum, transformabantur in lupos, & cum similibus feris per illius regionis deserta vivebant; & si carne non vescerentur humana, post novem annos, eodem



eodem renatato stagno, reformabantur in homines, Plinius *lib. 8. D. Augustinus lib. 18. de Civit. cap. 17.* Scribit Mela *de fin. Orbis* de Neuris Scythiæ Europæ gente, statum singulis tempus esse, quo si velint in lupos, iterumque in eos, qui fuere, mutantur.

Quid sentiat de his D. Augustinus audi. Is postquam transformationes retulit, & hominum incredibiles commutationes, ait *lib. 18. de Civit. cap. 18.* Si dixerimus ea non esse credenda, non desunt etiam nunc, qui eiusmodi quædam vel certissima se audivisse, vel etiam expertos asseverent. Nam & nos cum essemus in Italia, audiebamus talia de quadam regione illarum partium, ubi stabularias mulieres imbutas his malis artibus, in caseo dare solere dicebant, quibus vellent, seu possent, viatoribus, unde in jumenta illico verterentur, & necessaria quæque portarent, postque perfuncta opera, ad se redirent, nec tamen in eis mentem fieri bestialem, sed rationalem, humanamque fervari, sicut Apuleius libris, quos titulo Asini aurei appellat, sibi ipsi accidisse, ut accepto veneno, humano animo permanente, asinus fieret, aut judicavit, aut sinxit. Firmissimè tamen credendum est, omnipotentem Deum, omnia posse facere, quæ voluerit, sive vindicando, sive præstando, nec daemones operari secundum naturæ suæ potentiam, quia & ipsa Angelica creatura est, licet sit proprio vitio maligna, nisi quod ille permiserit, cujus judicia occulta sunt multa, injusta nulla.

*Et statim:* Nec sanè daemones naturas creant, si aliquid tale faciunt, de qualibus factis ista vertitur quæstio, sed specie tenus, quæ a Deo sunt creata commutant, ut videantur esse, quæ non sunt. Non itaque solum animum, sed nec corpus quidem ulla ratione crediderim daemonum arte, vel potestate in membra, vel lineamenta bestialia veraciter posse converti, sed phantasticum hominis, quod etiam cogitando, sive somniando per rerum innumerabilia genera variatur, & cum corpus non sit, corporum tamen similes mira celeritate formas capit, sopitis, aut oppressis corporeis hominis sensibus, ad aliorum sensum nescio quo ineffabili modo, figura corporea posse perducì, ita ut corpora ipsa hominum alicubi jaceant viventia quidem, sed multò gravius, atque vehementius, quàm somno suis sensibus obferatis. Phantasticum autem illud, veluti corporatum in alicujus animalis effigie sensibus apparet alienis, talisque etiam sibi homo esse videatur, sicut talis sibi videri posset in somniis, & portare onera. Quæ onera, si vera sunt corpora, portantur à demonibus, partim vera onerum corpora, partim jumentorum falsa cernentibus.

Hæc Augustinus, quibus aliud addit exemplum alterius, qui erat pater cujusdam Præstantii, qui narrabat, patrem venenum illud in caseo sumpsisse, jacuisse in lecto, quasi dormientem, qui tamen nullo modo poterat excitari. Post autem dies aliquot, eum evigilasse, dicebat, & quasi somnia enarrasse, quæ pallus esset, caballum scilicet factum, annonam inter alia jumenta bajulasse militibus, quæ dicitur retica, quoniam ad retia deportatur. Quod ita, ut narravit, factum fuisse compertum est, quæ tamen ei sua somnia videbantur.

Aliud subiit: Indicavit & alius, se domi suæ per noctem, antequam requiesceret vidisse venientem ad se quendam Philosophum, sibi notissimum, sibi quæ exposuisset nonnulla Platonica, quæ antea rogatus exponere noluisset. Et cum ab eodem Philosopho quaesitum fuisset, cur in domo ejus fecisset, quod in domo sua facere negaverat. Non feci, inquit, sed me fecisse somniavi, ac per hoc alteri per imaginem phantasticam exhibitum est vigilanti, quod alter vidit in somniis.

Addamus alia superioribus similia. Scribit Luitprandus *lib. 3. de rebus per Europam gestis*, Baianum, filium Simeonis Regis Bulgarorum usque adeò didicisse magiam, ut ex homine lupo, & quæcunque alia, ut vellet, fieri posset fera. Et, ut addit Trithemius in *chron. monast. Hiofganntensi*, se invisibilem præbebat. Is autem, eodem teste, vixit anno Domini 970.

Huc pertinent illæ præstigiæ daemonum, quibus delusi sunt idololatæ, quando penarum imagines Troja per Æneam delatæ Lavinium, & inde per Alcanium Albam, pristinum per se, ut mentiuntur, larium repetierunt, Valer. Maxim. *in 1.* Quod dicunt Actium Nævium novacula cotem secuisse, Cicero *1. de divinat.* Livius *in 1.* serpentem Æsculapio naviganti Romam pro comite adhæsisse. Navim, qua simulachrum matris Phrygiæ vehebatur, nullis viribus trahi, sed tantum Zonula virginis potuisse. His similia adde, quæ refert Augustinus *lib. 10. de civit. cap. 16.*

Magnus præstigiator fuit Xenophon, quem admirabantur, quoniam ignem sponte sua nasci faciebat, Athenæus *lib. 1. dipnosoph. cap. 14.* De præstigiis Simonis Magi lege Nicephorum *lib. 2. histor. Eccles. cap. 27. & 36.* Epiphanius adversus Simonitas, Augustinum *ser. de Sanctis, & homil. 86. de jejun. Sabba*, Abdias, Babylon. *lib. 1. hist. Apostol. & Arnobium lib. 2. contra Gentes.* Magi Zaroes, & Arphazat apud Perlas in Babylone sub Xerxe Rege, tempore, quo inibi fidem Catholicam prædicarent Divi Simon & Judas Apostoli, qui mutos reddebant loquentes, & serpentes producebant, quique victi sunt ab Apostolis in fide Christi, ut fusissimè refert Abdias *lib. 6. hist.* Apollonius Tyanæus magus peritissimus, qui cum eum Domitianus punire vellet, repente in judicio non comparuit, Lactantius *lib. 5. de justit. cap. 3.* Aliaque plura stupenda fertur operatus a Philostrato, qui ex professo vitam ejus perscripsit, & ex Hierocle. Erat Craca mulier maga, Thor, & Othinus magi, quorum illa quidem, ut ait Saxo in historia, appositæ dapes in aliarum rerum formas commutabat; illi verò divinitatis fastigium, ludificatis idiotarum mentibus, sibi arrogabant. Fuit & Judæus anno Domini 876. Zedechias nomine, medicus Imperatoris Ludovici, magiæ peritus, qui videbatur imposturis devorare hominem armatum equitem & currum cum equis, & equisonem, quique alicui pedes, manus, caput præscinderet, & sanguinem fluentem ostenderet in pelvi, postea reviviscentem ostentabat. Visusque hic Judæus in Cælo, & aëre venari, perinde ac si in terra esset. Scribit hæc Trithemius in *cit. chron.* Omitto reliqua, quæ de histrionibus feruntur, quæ ludificant mentem interdum arte, interdum vapum agilitate, qui certè, ut noxii, vel ut vanissimi, civitibus pellendi sunt, ut iussit Carolus V. Imperator in constitutionibus Comitiorum Augustæ *ann. 1548 cap. 26.*

## CONSULTATIO LXI.

*An omnia, quæ à Magis, Sagis, Lamiis, Strigibus facta esse dicuntur, sint verè ab illis gesta? Quid de effectibus Magiæ?*

ET quidem non est dubium, quin eorum, quæ de Magis aut dicuntur, aut scribuntur, quamplurima sint conficta. Nam plerique hominum nimis sunt creduli, ac superstitiosi, rebusque admirandis facile capiuntur, cum etiam docti viri, ac Philosophi ut ait Aristoteles *lib. 1. metaph.* quoniam fabula continet aliquid novum & mirabile, fabula oblectentur. Quis enim non videt, quæ Ovidius narrat



In libris metamorphoseos omnia ficta esse à Poëtis, cum ad oblectationem legentium, tum ad mysticam hominum eruditionem adinventâ?

Negari tamen non potest multa miratu dignissima verè à Magis esse facta. Nam S. Scriptura in *Exod.* 7. opera Magorum Pharaonis, & 1. *Reg. c.* 28. scribitur de Pythonissâ, quæ fuscitavit Samuelem, & *Psal.* 57. de venefico incantante aspidem, & *Matth.* 24. *Surgens*, inquit Dominus *psendopropheta*, & *dabunt signa, & prodigia*, non utique alia arte, quàm magica. Ex historijs item Ecclesiasticis notum est, quæ opera admiranda Simon Magus ediderit magicis incantationibus, quàm ob rem, ut fertur, à Romanis publicam statutam meruit cum hac inscriptione: *Si non, Deo sancto*, ut narrat Justinus Martyr in *apologet.* Irenæus lib. 1. *contra Valentinum*, Tertullianus in *apologet.* & Eusebius lib. 2. *hist. Eccles.* Propter quæ prodigia idem Simon tanta in admiratione fuit apud Samaritanos, ut quemadmodum Lucas scribit in *Act. Apost.* cap. 8. de illo diceretur *Hæc est virtus Dei, quæ vocatur magna.*

Porro quæ de strigibus vulgò circumferuntur, non sunt in totum falsa, sed multa illis admiranda accidere, qui ea compererunt viri fide digni, sicut Sylvester in *opere suo de strigibus*, & Alphonfus de Certio in eo, *quod inscripsit de punitione hereticorum*, non illi quidem, tanquam dubia, sed, tanquam sibi notissima, & exploratissima tradiderunt. Mira sunt, quæ Philostratus in *libris de vita Apollonii* memorat, vel Brachmanas Indorum, vel Gymnosophitas Æthiopum, vel ipsum Apollonium gessisse. Quam ob rem tanto in honore fuit Apollonius apud posteros, ut eum Hierocles cum Christo Domino nostro conferre ausus fuerit; sed ejus audaciam fregit, insaniusque coarguit Eusebius Cæsariensis in *lib. contra Hieroclem.* Alexander autè Mameas Imperator Romanorum in suo Larario imagines Christi, Abraham, & Apollonii habebat, quod hos tres maximè omnium miraretur, & coleret.

Verum, ut dixi, eorum, quæ Magi fecisse dicuntur, quam plurima talia sunt. Quocirca Plinius nullam esse putavit Magie vim, & atque potestatem, & quæ de Magis feruntur, omnia esse vana, falsaque, totamque Magiam rejicit, & damnat. Nam libro 30. cap. 2. *Immensum*, inquit, & *indubitatum exemplum est falsæ artis, quam deliquit Nero.* Non enim ad eam descendam Neroni desuit vel ingenium, vel diligentia, vel qualibet facultas, nec studium, cum ejus discenda avidissimus esset. Quia etiam ad eam discendam Tyridates, Armenorum Rex, nobilissimos Magos secum ducent, venit ad eum, cœnsque magicis eum initiavit. Sed is non quidem à Nerone accepit Magiam autem, quæ nulla est, docere eum non potuit. Proinde ita persuasum sit, inutilem, irritam, inanem esse, habentem tamen quasdam veritatis umbras, sed in his veneficas aries poltere, non magica. Hæc Plinius: Cui, ut concedimus plurima Magorum esse vana & falsa, ita esse talia omnia non assentimur. Esse autem pleraque Magorum promissa non solum inania & falsa, sed etiam incredibilia & ridicula, demonstrat Plinius lib. 26. cap. 4. his exemplis Magi aiunt, Æthiopiæ herba amnes, & stagna siccare, conjectu, tactu, clausa omnia aperiri; Achimenide conjecta in aciem hostium crepidare agmina, ac terga vertere. Latacem dari solitam Periarum Rege Legatis, ut quocumque venissent, omnium rerum copia abundarent. Apud Democritum invenitur compositio medicamenti, quo pulchri, bonique & fortunati gignantur liberi. Et libro 25. cap. 9. Circa herbam, inquit, quàm nostri Verbenacam vocant, Magi mirè instant. Hæc perunctos impetrare, quæ velint, febres abigere, amicitias cõciliare, nullique non morbo mederi. Lege apud Gellium lib. 10. c. 12. & apud Plinium lib. 28. c. 1. quæ fabulantur Magi de Chamaleonte, tradita à Democrito magicae artis princeps, qui quo tempore Hippocrates medicinam, eodem magicas artes in Græcia celebravit, hoc est circa bellum Peloponnesiacum anno post Romam conditam trecentesimo, ut auctor est Plinius lib. 30. cap. 1.

Nonnullos etiam effectus Magorum naturales, ac veros esse, cum ex sacris litteris, tum ex alijs probatis historiis

compertum est. Nam opera Magorum Pharaonis vera fuisse, satis indicat Scriptura cap. 7. *Exod.* ac ita sentiunt Origenes, & Augustinus. Id quoque declarat Samuel à Pythonissâ fuscitatus 1. *Reg.* 28. quem fuisse verum Samuelem, licet nonnulli in dubium verterint, tamen auctor libri Ecclesiastici cap. 46. nos dubitare non sinit. Dæmones item naturali solertia, quæ summa illis est, & clementia cunctarum rerum naturalium, quum propter peccatum non amiserunt, denique longissimi temporis experientia quæ pollent, occultas, & admirandas rerum facultates & virtutes, ipsarumque rerum inter se vel sympathiam, vel antipathiam, & quemadmodum invicem applicari, & temperari debeant, quod mirabiles, & inuitatos effectus prodacant, optimè norunt & per Magos ministros suos præstare possunt. Atque hæc est doctrina Augustini lib. 3. de *Trinit.* cap. 7. & 8. in *lib. octuagintatium questionum* 79. & in q. 22. in *Exodum*, à Christianis philosophis juxta & Theologis recepta, quanquam opera illa, quæ Virgines Vestales egisse, Romanæ historiæ prodant, putat D. Thomas in *questionibus de potentia qu.* 6. ar. 5. etiam ministerio bonorum Angelorum, Deo sic volente, castitatis virtutem & præstantiam commendare & probare hominibus, fieri potuisse.

Ceterum plurima Magorum opera esse simulata, fallentia oculos spectantium, nudamque tantum eorum quæ representant imaginem, non autem veram naturam habentia, multi tradiderunt, & ego facile credo. Tales fuerunt, si tamen fuerunt, admirandæ metamorphosès, quas à Varrone proditas commemorat Augustinus lib. 15. de *civ.* cap. 17. & 18. Tale quoque fuit, quod Philostratus lib. 4. cap. 5. tradidit accidisse Apollonio. Erat enim quædam Lamia, quæ speciem gerens pulchræ mulieris, simulabat se captam amore cujusdam Menippi juvenis formosi, ei velle nubere. Die igitur nuptiis dicato mulier illa conuiuium apparavit lautissimum, maxima auri, argenti, ornamentorum, omnis generis vini, & dapam copiam instructissimum, quò cum ingressus esset Apollonius, ad eos, qui aderant conversus, inquit: *Tantali hortos videtis, quæ sicut Homerus scribit, apparebant esse aliquid, cum nihil tamen essent. Talem enim esse hunc omnem apparatus existimare debetis. Neque enim quæ apparet materia, ulla sineest, sed materia dumtaxat simulacrum est, & imago. Hæc autem sponsa, una est numero Lamiarum, quas aliqui Larvas, aliqui Lemures appellant: sunt autem ad amorem, & Venerem prona, & humanas carnes vehementer expetunt, venerorum cupidine allicientes eos, quos cupiunt posse devorare.* Atque, his dictis, totus ille apparatus ex oculis omnium evanuit, & illa mulier Lamiam esse confessâ est.

Non sunt admodum dissimilia quæ can. *Episcopi* 26. q. 5. de nonnullis strigibus narrantur, quas dæmones, delusa earum imaginatione, credere faciebant, longa terrarum spatia per aëra equitando conficere, & cum Diana, & Herodiade in amœnissimis locis iucundissimè epulari, & ludere, cum neque verè transferrentur, neque personis quibus credebant, adessent, sed tantum imaginationum lufidificatione. De quo tamen supra fusi.

Probatum rationibus. Magi enim promittunt se ex lapidibus, vel lignis Leones, vel lupos subito producere posse, & nonnunquam in spectaculis ex terra faciunt subito existere leones, vel lupos. Constat autem ejusmodi animalia perfecta citra supernaturalè Dei potentiam nulla ratione gigni posse, nisi ex semine, nec ad justam magnitudinem, nisi statis temporum intervallis pervenire posse. Dicuntur etiam mortui à Magis revocati ad vitam, sicut traditum est de puella illa, quam Apollonius reviviscere fecit. Non posse autem Magos verè mortuos ad vitam revocare, ita concluditur. Si animus hominis est mortalis, non potest semel extinctus idem numero reviviscere. Sin autem est, uti verè est, immortalis, non potest ullis hominum, vel dæmonum artificijs, vel ullis naturalium agentium viribus rursus ad corpus suum animandum, vivificandumque revocari. Nam cum sit immortalis, & incorporeus, & supra omnis naturæ corporeæ facultates, nec ullius rei creatæ potestati



subiacet. Necesse est igitur, resurrectiones mortuorum, quæ à Magis factæ narrantur, vel esse fabulosas, vel fuisse simulatas, & tantum in speciem factas.

## CONSULTATIO LXII.

*De Magia universim sumpta. De magia naturali, seu physica, de Artificiali, singulisque ejus partibus. An dentur: quid illæ sint. Quotuplices? Eorum mira-*

**M**agia universim sumpta defini potest, Ars, sive facultas vi creata, & non supernaturali quedam mira, & insolita efficiens, quorum ratio sensum, & communem hominum caprum superat. Magia sic latè sumptæ divisio peti potest ex causis tam efficienti, quam finali. Ab efficiente dicitur divisio in naturalem, artificiosam, sive humanam, & dæmoniacam. Quia cuncti effectus ejus adscribendi sunt vel insitæ rebus naturæ, vel humane industria, vel dæmonis malitiæ. A finali causâ recte dividitur primò in bonam, si bona intentione, & licitis mediis procedat, & in malam, cujus nempe finis, vel media, quibus utitur sunt prava, finique acquirendo omnino improporcionata. Et hæc peculiaris est Magia prohibita, quam idololatricam tacitam, & superstitionis speciem, falsi videlicet cultus, ad distinctionem superstitionis indebiti cultus, Theologi communiter appellant.

Prohibita Magia proinde defini solet. Ars, sive facultas, qua vi pacti cum dæmone initi mira quedam & communem hominum caprum excedentia efficiuntur. Dicitur *vi pacti*, quoniam omnis Magia hujus vis pacto tacito, vel expresse cum dæmone semper nititur. Tacita etiam vocatur idololatria, quia ex vi talis pacti, ut plurimum non tam intendunt Magi, cultum exhibere dæmoni, vel creaturæ, ut Deo, quam ut benefactori cuidam munifico, à quo aliquid consequantur. Quæ intentio ratione multiplicis obijci, licet innumeras quasi species hujus tacite idololatriæ, seu prohibitæ Magi e gignere possit, ad quatuor tamen principales solet reduci, Magiaque proba dividi in Magiam specialem, divinationem, maleficium, & vanam observationem. Fit enim aliquando, ut extraordinarij duntaxat, & miri effectus cognitio, vel operatio queratur, & tunc sibi nomen *Magiæ specialis* vindicat. Aliquando fit, ut quis nitatur cognoscere res futuras, vel etiam præteritas aut presentes, seu occultas, & arcanas, & conatus iste *divinatio* vocatur. Aliquando desiderat instrui, & iuvari, non ut prosit sed ut noceat aliis, vel ultionem sumat, huic sceleris *maleficium* est nomen. Sunt denique aliquando, quibus decretum est sine noxa, vel damno cæterorum, sibi, vel aliis hoc opere prodesse utilitate, vel voluptate, & hoc Theologi vocant *nugatoriam*, sive *vanam observationem*. Magia porro *generaliter* sumpta dupliciter dividi potest. Altera enim est naturalis, altera non naturalis. *Naturalis* est quedam accuratior arcanorum naturæ cognitio, qua cælorum, ac siderum cursu, & influxu, sympathiis, atque antipathiis rerum singularum observatis, suo tempore, loco, & modo, res rebus applicantur, & mirifica quedam hoc pacto perficiuntur, quæ causarum ignaris præstigiola, vel miraculosa videntur.

*Magia autem non naturalis* dicitur, quæ etiam mira efficit, veruntamen non utens viribus agentium naturalium, sed sola dæmonum opera & ope.

Naturalis autem Magia rursus triplex tradi potest. Alia enim dici potest humana, quia humano studio ac diligentia comparatur. Altera divina, quæ per revelationem vel à Deo, vel ab Angelis bonis percipitur. Tertia dæmoniacâ, quum dæmones tradunt ijs hominibus, qui se illis impia societate ac fœdere devinxerunt. Esse autem Magiam quandam naturalem, quæ est secretior quedam, & abstrusior sapientiæ pars, & quæ occulta quadam cognitione & usu quarundam rerum naturalium mira perficit, nullo modo viris doctis dubitandum est. Quis enim nescit esse multas virtutes rerum naturalium occultas, mirabilium rerum effectrices, quas si quis bene nosset, & ad u-

sum accommodare sciret, haud dubiè mira posset efficere. *Multa sunt natura miracula incomperta ab hac rationis*, & ut Plinij verbis utar, *in natura majestate penitus abdita*. Hæc si quis hominum illis rebus naturalibus occultè uteretur, faceret, Magus vulgò diceretur, & non nisi auxilio dæmonum talia facere crederetur, cum tamen opera illa essent naturalia, & naturaliter à causis naturalibus profecta.

De miraculis Naturæ integrum librum scripsit Aristoteles, qui inscribitur de Admirandis auditionibus, quamquam eam nonnulli adscribant Theophrasto Plinius cum aliis libris multa, tum plurima libro 2. *naturalis historia* prodidit, & Proclus in lib. de sacrificio & Magia, & D. Augustinus lib. 21. de civit. cap. 4. & 5. Albertus Magnus lib. 2. mineral. tract. 2. cap. 1. 11. & 17. Fracastorius in lib. de sympathiis, Ficinas lib. 4. Theologia Platonis cap. 1. multa-que ejus generis sparsa legantur in libris Hieronymi Cardani de subtilitate, & de varietate rerum, in libro Joannis Baptiste à Porta de Magia, in libro Jacobi Vuicheri de secretis, & in quibusdam aliis recentioribus. Horum hic nonnulla ex Plinio recensere lib. 2. cap. 96. Juxta Harpaga opidum Asiæ cautes stat horrenda uno digito mobilis, eadem, si toto corpore impellatur, resistens. Duo sunt montes juxta flumen Indam, alteri natura est, ut ferrum omne trahat, alteri ut respuat. Itaque sit fiat elvi in calcamento in altero avelli non posse, in altero sisti.

Et cap. 105. ejusdem libri. Hæc est natura naphthæ circa Babyloniam produens bituminis liquidi modo, ut in eam undecunque visum protinus transeat ignis. Ita ferunt Medæ pellicem crematam, postquam sacrificata ad aras accesserat corona igne rapta. Et cap. 107. In Nymphæo exit è petra flumina, quæ pluviis accenditur. Et cap. 108. In Dolone Jovis fons, cum sit gelidus, & immeritas faces extinguat, si extinctæ admoveantur, accendit. In Illyiis supra fontem frigidam expansæ vestes accenduntur.

Idem Plinius L. ult. cap. 4. Adamas, sic græcè dictus, quod nec ferro, nec igne dometur, hircino tamen rumpitur sanguine, & cum magnete lapide in tantum dissidet, ut juxta positus ferrum non pariat abstrahi, aut si admotus magnes apprehenderit, rapiat, atque auferat. Verum nihil esset mirabilius magnete, si vis ejus non adeo nobis esset nota & explorata. Nam rationem cur ferrum ad se trahat & acum nauticam sua vi tactam eatenus igitur, quoad illa directò septentiones spectet, quis nobilium philosophorum non diligentissime investigavit? Quis autem adhuc comperit, aut satis explicavit?

Sed omnia excedit miracula Echeneis pisciculus, quem Latini vocant Remoram, cujus meminit Aristoteles lib. 2. de histor. animal. cap. 14. At Plinius lib. 3. 2. cap. 11. non solum ab antiquis de eo prodita, sed etiam sibi sui que temporis hominibus plane cognita & explorata tradens, sic ait: Eum semipedalem esse, limaci magnæ similem, adhaerentemque navigiis, licet ea sint ingentia, cursuque incitissimò ferantur, eorum tamen ita frænare impetum, ut stare cogat, non labore ullo, nec renitendo, nec aliter quam adherendo. Fertur Actiaco bello tenuisse Prætoriam navim Antonij properantis circumire, & exhortari suos, donec iret in aliam. Ideoque Cæsariana classis impetum ejus protinus venit. Tenuit etiam ejus memoria Cai Principis ab Astura Antium remigantis quinquerecentum quadringentorum remigum viribus propulsam, ejusque adhærens gubernaculo; feruntque Cæsarem peculiariter miratum quomodo adhærens tenuisset, nec idem polleteret in navigium receptus. Hactenus ex Plinio.

Nec modò quæ ratione carent, sed etiam homines mirari edere, & non cernentibus incredibilia, cum alij testari sunt tum D. Augustinus, multis, certisq; ejus rei positis exemplis. Novimus, inquit lib. 14. civit. cap. 24. hominum quorundam naturas multum cæteris dispares, & ipsa raritate mirabiles, quedam, ut volunt de corpore suo facientium, quæ alij nullo modo possunt & audita vix credunt. Sunt enim qui auram moveant, vel singulas, vel ambas simul. Sunt qui etiam



Cæsariem, capite immoto quantum capilli occupant deponunt ad frontem, revocantque cum volunt. Sunt qui eorum, quæ devoraverunt, incredibiliter plurima & varia, paululum præcordiis contrectatis, quod placuerit, integerrimum proferunt. Nonnulli ab imo sine pædore ullo ita numerosos pro arbitrio sonitus edunt, ut ex illa etiam parte cantare videantur. In se sum expertus sudare hominem solere cum vellet. Notum est, quosdam flere, cum volunt, atque ubertim lacrymas fundere. Presbyter fuit quidam nomine Restitutus in paræcia Calamensis Ecclesiæ, qui quando ei placebat ita se auferbat à sensibus, & jacebat simillimus mortuo, ut non solum vellicantes, & pungentes minimè sentiret, sed aliquando etiam igne ureretur adnoto sine ullo doloris sensu, nec in eo ullus inveniebatur anhelitus.

Jam verò sphaeram illam, quam tradit Cicero lib. 1. *Tusculanarum disputationum* & lib. 2. *de nat. Deor.* ab Archimede primum, ac deinde à Possidonio factam, omnes celestium Orbium conversiones suis motibus clarissimè, perfectissimèq; representantem, quis humanum, ac non potius divinum, aut dæmoniacum inventum, & opus credidisset? Huc etiam referri potest, quod Albertus cap. 3. *lib. sui de motib. animal.* commemorat, duos in Germania natos esse pueros, quorum altero juxta domorum ostia incedente, omnia ostia versus latus sinistrum illius aperiebantur, tametsi clausa essent. Idemque contingebat alteri puero illius fratri versus latus ejus dextrum. Et hoc, dicit, vidisse multos, negatque id referri posse alio, quam in proprietatem occultam, quæ utrique in eorum ortu indita esset à cælo, quanquam ego vereor, ne illud non fuerit verum, aut si fuit, non puto id naturaliter sine interventu, & opera dæmonum fieri potuisse.

Si igitur tam mira sunt naturæ opera, cur non sapiens reconditori naturalium rerum recognitione, usque præditus, similia facere possit? Atque hæc est Magia naturalis. Tales erant apud Persas Magi, ait Philo in libro, *quod omnis probus sit liber*, naturæ scrutatores, præ veritatis cognoscendæ studio, qui per etiam divinas virtutes contemplantur clariùs, & alios istæ initiabant mysteriis. Et in lib. *de special. legib.* Veram, inquit, Magiam, hoc est, perspectivam scientiam per quam naturæ opera cernuntur clariùs, ut honestam, expetendamque non plebei solum testantur, sed etiam Reges Regum maximi, præsertim Persici, tam curiosi harum artium, ut regnare non liceat, nisi familiariter cum Magis versato. Divus Hieronymus exponens secundum Danielis caput, *Magi*, inquit, *sunt, qui de singulis philosophantur, nec malefici sunt, sed philosophi Chaldeorum, & ad artis hujus scientiam Reges quoque & Principes ejusdem gentis omnia faciunt.* Unde & Magi in Salvatoris nostri nativitate primi ortum ejus intellexerunt.

Hujus artis excellenti peritia cenfer Philostratus Apollonium Tyanaum mira, quæ de eo narrantur, effecisse; idemque sensu de illo Iulianus Martyr in *quest. ad orthodox. qu. 24.* ita scribens: *Apollonius, ut vir naturalium potentiarum, & disensionum, atque consensionum earum peritus, ex hac scientia mira faciebat, non auctoritate divina. Hanc ob rem in omnibus induit assumptione idonearum materialium, quæ eum adjuvarent ad id perficiendum, quod efficiebatur. Et Apollonij quidem opera quoniam facta sunt ex scientia rerum naturalium ad corporalem actionem hominum, non evertit Deus.* sic ibi Iulianus.

Magiæ naturalis fiducia ausus est Archimedes ad mirandum illud theorema ponere: *Quantumlibet enas quibuslibet viribus movere.* Nec posuit modò, sed & apertissimè demonstravit. Et quia id Regi Hieroni incredibile videbatur, speculationem illà ad praxim traduxit. Ingentem navem onerariam, quam ingens hominum turba, vix maximo labore movere poterat, ho-

minibus multis, ponderibusque impositis procul assidens, quæta impellens manu, vi quadam multitudine machinæ, tranquillo quasi mari prolaberetur, ad se adduxit. Cumque Marcellus maximo exercitum terra, marique Syracusas obsideret, Archimedes ad Urbis propugnationem mirabiles, terribileque omnis generis machinas, telaque hujus magiæ naturalis scientia adinvenit, quibus tantas hostium strages patim edebat, ut Romani incredibili admiratione, terroreque percussi, dicerent se non contra homines, sed contra Deos pugnare.

Quid dicam de stupendo illo Archite Pythagorici commentor: à quo plerique Græcorum tradunt, & apud Gellium lib. 10. cap. 12. Phavorinus pro certo confirmat, simulachrum columbæ è ligno ratione quadam mechanica factum, volasse, ita erat scilicet libramentis suspensum, & aura spiritus inclusa, atque occulta concitum. Hac etiam arte ferunt, Albertum Magnum caput æneum, quod maxima spectantium admiratione loqueretur, fabricasse. Severinum etiam Boëtium in epistola quadam, sive à Calliodoro, sive à Theodorico ad eum scripta, dicitur hujus artis vi, miracula fecisse, hoc est, ut metalla mugirent, æneus anguis sibilaret, aves simulatæ dulcissimè canerent, homines ærei in aère buccinarentur.

Verum de his satis, illudque ratum, firmumque sit, esse quandam Magiam naturalem, quam qui tenent, paucissimi autem bene tenent, possunt mira facere, quæ rude vulgus putat opera & auxilio dæmonum fieri. Tum quia opera illa sunt inusitata. Tum quod secreta quadam ratione, & aliis occultis fiunt. Quamobrem plerique putant ejusmodi homines habere consortium cum dæmonibus, & non nisi eorum ope illa præstare. Talem de se fuisse hominum opinionem quodam loco scribit Galenus; & Boëtius lib. 1. *de consol. prof. 4.* queritur se propter reconditoris philosophiæ cognitionem, & quarundam rerum mirabilium effectum, tanquam magicis, & maleficis artibus imbutum, fuisse accusatum, & damnatum.

Naturalis hujus magiæ cognitionem unà cum cæteris scientiis protoparenti Adamo fuisse infusam minime dubitandum. Hujus etiam non humano studio partæ, sed à Deo, vel Angelis bonis acceptæ manifestum est argumentum perfectissima rerum omnium naturalium scientia divinitus infusa Salomoni, per quam verisimile est, eum mira effecisse, aut certe, si voluisset, facere potuisset. Josephus lib. 8. *de Judaicis antiquit.* ait, Salomonem instituisse occulta quedam remedia ad pellendos morbos, & fugandos dæmones. *Incantationes*, inquit, *composuit, quibus morbi pelluntur, & conjurationum modos reliquis scriptos, quibus ita fugantur dæmones, ut deinceps nunquam reverti audeant, atque id sanationis genus etiam suo tempore apud Judæos in usu esse, & se vidisse Eleazarum Judæum, præsentem. Vespasiano, aliisque Principibus, multos à dæmonibus vexatos hac ratione liberasse. Modus curationis erat hic: admoto naribus dæmoniaci annulo, sub cujus sigillo inclusa erat species ejusdem radicis à Salomone indicata ad ejus olfactum, per nasum contrahabatur dæmon, & collapsus mox homine, adjurabatur dæmon, ne amplius rediret, Salomonis mentione facta, & incantationibus ejus recitatis. Discessus autem dæmonis ab homine illud erat indicium, quod jussu Eleazaris egrediens, vas plenum aqua, dispositum, invisibiliter evertatur.* Ita Josephus.

At profecto illa ratio ejiciendi dæmonem non ex Magia naturali, sed ex superstitiosa, & dæmonis artificio composita proficiscebatur, nec eam credibile est institutam esse à Salomone, nisi fortè postquam is Dei gratiam perdidit, in cultum idololatriæ prolapsus. Juvenis etiam Tobias mirabilem vim ejus piscis, quem in Tigri cæperat, Angelo Raphael docente, cognovit. Nam sic Tobias dixit Raphael, ut legitur cap. 7. *illius libri. Cordis ejus particulam si super carbonem ponas, fumus ejus exfricat omne genus dæmoniorum, sive à viro, sive à muliere, ita ut ultra non accedat ad eos. Fel autem ejus vales ad nugendos oculos, in quibus fuerit albugo, & sanabuntur* quam vim Callyonimo pisci tribunt cum Galeno lib. 1. *simplic.* Plinius, Alianus,



& alij. Simili remedio piscis Gregorius Turonensis Episcopus, cum puer esset, divinitus admonitus, patrem suum à gravissimo morbo liberavit.

Nonnunquam etiam Magiam naturalem discunt homines à daemonibus. Sic enim Magos Pharaonis eam didicisse, certum est. Imò fere qui hanc Magiam tenent, cum sint homines minimè probi, ac philosophiæ, aliarumque liberalium doctrinarum rudes, & imperiti, non dubium est, quin vel ipsi eam artem à demonibus didicerint, vel ab iis, quibus eam daemones tradiderint. Vix enim ulli mortalium, aut certe paucissimis, nec nisi ijs, qui accerimo fuerint ingenio, & longinqui temporis diligenti observatione usi, talis Magia naturalis contingere potest.

Diximus, naturalem Magiam dividi in operatricem, & divinatricem. Hæc in abditis, & futuris conjectandis versatur. Illa miros effectus producit. Loquendo jam de Magia naturali operatrice, ad magicos illius effectus cæli aspectum, & influxum plurimum valere, & conferre putant aliqui. Quæcunque enim per characteres, figuras, ac numeros ipsi perficiunt, ea produci volunt à virtute ijs figuris communicata ab alijs figuris sublimioribus ex sympathia quadam naturali rerum inter se similibus, quatenus hæ figuræ ad amulsum invicem coaptantur.

Nihilominus tamen Theologi cum D. Thoma 2. 2. qu. 96 ar. 2. & lib. 4. contra Gentes, alijsque plures tam Jurisconsulti, quam periti medici existimant, errorem esse in fide, ac philosophia naturali, veraque astronomia asserere, quod imagines ex metallo, vel cera, vel alia quacunque materia ad certas constellationes fabricatæ, vel certo caractere, aut figura efformatæ, aut etiam baptizatæ, exorcizatæ, consecratæ, vel potius execratæ secundum artem, & sub certis diebus habeant virtutes mirabiles, quæ in superstitionis aliquorum libris recitantur. De quibus consule Pererium lib. de divina Astrologia, Codronchium lib. 2. de morib. venef. Ananiam lib. 4. de nat. demon. Sybillanum in peregrinis questionibus, ac Delrium lib. 1. magicæ.

Alij volunt, effectus Magicos hujusmodi, miraculis similes, oriri posse ex naturali hominis constitutione, sicque impij non tantum Magi, sed & Fulginas medicus ausi sunt asserere, hujus temperamenti virtute, quod ad pondus vocatur, Christum Dominum tot miraculis coruscasse. Verum hoc totum prorsus ridiculum ostendit Codronchius loc. cit. impium verò Medina l. 2. de recta in Deum fide cap. 7.

Plerique hosce miros effectus viribus imaginationis tribuunt, quam putant posse etiam remotiores fascinare, vel sanare, & res loco movere, & fulgura, & pluvias cælo deducere. Ita Avicenna lib. de anima sect. 4. & alij, qui tamen in modo id explicandi inter se dissentiunt. Quidam enim hoc posse imaginationem volunt per certos, quos ipsi somniant, gradus. Ita Alkindus lib. de imaginib. Alij per spiritus ex corpore vi imaginationis expulsos, ut Paracelsus, Pomponatius, Andreas Cataneus lib. de mirab. effect. caus. Cæteri cum Avicenna & Fulginate solo animæ præstantioris imperio.

At verò licet, ut alibi, ac sæpe diximus, in eo conveniat sacra & profana doctrina, quod vis imaginationis plurimum valeat in proprium imaginantis corpus, quoad ea omnia, quæ naturalem habent cum imaginatione coordinationem, ut sunt motus locales in dormientibus, de quibus extat Andreæ Libanij liber, ut sunt alterationes per frigus & calorem & quæ has alterationes consequuntur. Intuper licet sit satis verisimile, per accidens posse aliquid imaginationem in corpus vicinum, arcta quapiam conjunctione, vel contactu ei copulatum; si tamen & imaginatio sit valde intentâ, & vicinum corpus ad eam affectionem valde dispositum. Ad quod probandum conducere potest artificium Jacobi Genes. 30. de quo vide Pererium ibidem. Attamen imaginatio nullam vim obtrinet ad alias proprii corporis dispositiones, quæ naturalem cum illa non habent coordinationem, ut putâ, ad figuram manus, vel pedis, vel ut quis adiciat staturæ suæ palmum unum, & quæ sunt similia. Vide D. Thomam. 3. p. q. 13 ar. 3. ad 3. & lib. 3. contra Gentes cap. 103. similiter in corpus alienum

disiunctum, omnino separatum ab imaginante, animo humana neque per imaginationem, neque per aliam potentiam, mediantibus ullis radiis, spiritibus, vel speciebus, ulla mirifica hujusmodi potest efficere. Quod ex Theologis recte probat Michael Medina loc. cit. & ex Medicis Codronchius ibid. & Valesius de Sacr. philos. cap. 68.

Volunt tandem nonnulli solo contactu, visu, afflatu, osculo, vel nudi lintei applicatione, vulnera, & morbos sanari, & alia mira hujusmodi naturaliter perfici posse. Sed hoc etiam vanitate plenissimum esse pluribus demonstrat Delrius lib. 1. magicæ cap. 3. qu. 4. & nos suo loco. Donum enim conferendæ sanitatis, siue curationis est donum supernaturale & gratia gratis à Deo data 2. Corinth. 10. Quare si nihil superstitionis in hujusmodi curationibus accedat, illæ omnes virtuti divinæ adscribendæ sunt.

Dices ex Pomponatio lib. de incantat. cap. 3. sicut in herbis, in lapidibus, & in animantibus inveniuntur virtutes sanandi, ita nihil repugnare, quod in tota humana specie similes etiam vires reperiantur, ut in uno homine sit virtus talis lapidis, in alio talis plantæ, vel animalis. Quod ergo planta hæc, vel lapis ille possit, idem hominem etiam hunc, & illum naturæ vi effecturum.

Respondeo, tam lapidibus, quam plantis in ordine ad plures effectus miros, occultam quidem vim à natura insitam esse, quæ tamen naturaliter hominibus inesse nequit. Nec ratione specifica, quia non omnes habent; nec individuali, quia conditiones individuales non producant talem effectum. Quare si hoc accidat absque ullo remediorum naturalium usu, dicendum est fieri aut per gratiam gratis à Deo datam, aut per pactum cum demone: Quod est ex circumstantiis dijudicandum.

Atque hæc de Magia naturali, de qua etiam Delrius cit. lib. 1. cap. 5. Lessius lib. 2. cap. 44. dub. 1. Suarez de relig. lib. 2. cap. 14. num. 10. Farinac. de heres. quest. 181. §. 1. num. 36. Filiuc. tr. 24. cap. 7. numer. 162. ac Torreblanc. lib. 2. de mag. cap. 1. Superesset aliquid dicere de Magia naturali divinatrice, sed quia connexionem doctrinæ commodius de illa agendum est infra, cum de divinatione, ideo Magiæ artificiali, de a supra nonnulla diximus, hæc quoque addamus.

Magia artificialis est illa, quæ mira quædam perficit hominum industria. Tantum enim in præsentem est sermo de Magia artificiali operatrice, quæ rursus dividitur in Mathematicam, & Præstigiatoriam. Mathematica dicitur, quæ nititur principijs arithmeticis, geometricis, vel astronomicis. Alij Taumaturgicam illam appellant. Nihil tamen efficere potest, quod rerum naturæ repugnet, quinimo indiget ope causarum naturalium certo motu, & dimensionibus applicatarum, ut satis patet ex speculis ustorijs, hydraulicis, & alijs hujusmodi rebus. Quare siquis effectus proponatur, causarum naturalium vim & efficaciam superans, ille ad præstigiosos referri debet. Hinc sequitur Magiam artificialem, siue Taumaturgicam, ut & naturalem, siue physicam per se bonas, ac licitas esse, ut omnes artes per se sunt bonæ, quamvis per acciden utraque illicita esse possit, primò per relationem in malum finem, secundò, quando scandalum oritur & quod putarentur hæc fieri daemonum opera; tertio, si quod inde spirituale, vel temporale damnum corporis, aut animæ immineret ipsi circulatori, vel spectatoribus, ut per Sylvestrum, & Fomum v. Ars.

Ad hanc materiam de magia artificiali operatrice præmum pertinet, an vis characterum, an nullorum, sigillorum, aut imaginum sit, qualem Magi contendunt.

Secundò, an numeris arithmeticis, aut multis magicæ vis aliqua insit?

Tertio, an verbis, & incantationibus vis insit morbos sanandi, aut alia miracula perficiendi.

Quartò, an amuleis, & periaptis?



Quinto, an aurum, vel argentum hac arte quam Alchimiam vocant, confici possit? Quibus omnibus, præter alibi dicta, sic breviter respondeo.

Characteribus, annulis, sigillis, aut imaginibus nulla penitus virtus inest in ordine ad producendum aliquos magicos, vel mirabiles effectus. Unde si quando aliquis talis effectus sequitur usum hujusmodi rerum, quod fieri interdum videtur, id totam ex constituto sit duntaxat. Quia demones hæc sibi signa constituerant, & quædam quasi tesseras militares, aut pacia conventa, ut homines solent verborum certas formulas. Ita Theologi cum D. Thom. 2.2. qu. 96. ex Medicis Codronchius lib. 3. de morb. venef. Boeliius de phylis, & alii, quos refert ac sequitur Delius contra Pomponatium, Ludovicum Dulcem libro Italico de gemmis, in quo fictitii Salomonis, & Hermetis sigilla edidit.

Numerus, quæ numerus est præcisè, nullam naturalem, neque supernaturalem vim operandi continet. Id probant Laurentius lib. 8. historiæ anatom. qu. 10. Varus lib. 1. de fascino cap. 11. Quod autem adduci solet in contrarium de anno climacterico, qui homini solet esse lethalis, de diebus criticis, de octimestri partu minimè vitali, nullius est momenti. Idem enim Laurentius loc. cit. cap. 9. & qu. 3. optimè demonstrat annorum climactericorum rationem, ut & criticorum dierum potissimum pendere ab humorum, & constitutionum, quæ in hominibus sunt, ratione, ac periodo quadam naturali, de quo dictum est supra. Quod ad partum verò octimestrem sæper ferè lethalem, id accidit, quia semen humanum multiplex est. Quoddam perficitur sextum septimo mense, & tunc sætus post sextum mensem conatur exire. Quod si non reperit magnam resistentiam, tunc validus erit, & robustus. Si verò reperit, continua illa mensis pugna debilitatur, & octavo mense debilis atque invalidus admodum producit in lucem unde moritur. Aliud semen perficitur sextum nono tantum mense, & tunc sætus ante hunc mensem non conatur exire, soletque adeo robustus esse in cuncta impedimenta contraria, vel ei non resistant vel per resistentiam, quando mater uterum fert diutius, non admodum debilitetur. Vide Hippocratem de partu octimestri, qui tutius hac in re sentit, quam Academici ad numerorum vim superstitiose confluantes, quorum dicta refert Fabius Paulinus lib. 6 de febdomad. cap. 4.

In mo quia frigus, & siccitas sint vitæ inimica, eo creditum octimestrem partum raro esse vitalem Quippe fluctuantur primo à conceptu mensi præesse Saturnum, alteri Jovem, tertio Martem, & ita porro pro ordine Orbium cælestium recepto, eoque mensis septimo præfectam Lunam, terris proximam. Quo tempore si sætus prodierit, ob naturam ejus parturientibus commodam, unde & partui præfecta, dictaque sano Lucina, sætum esse vitalem; sin, decursis septem errantium syderum spatiis, ad Saturnum redeatur, frigore & siccitate ejus, quæ repugnant vitæ humanæ principiis, quippe in calore, & humore consistentibus, sætum si tum exire parer, perimi, vel editum sic congelari, ut esse diu nequeat superstes. Sed nono mense exire imperium ad Jovem, sydus calidum, & humidum, eoque sætui salutare, unde tunc vitalis esse solet.

Quod spectat ad numeri sonori, sive Musicæ, cujus est objectum, vim & efficaciam, facit profecto inprimis illud Elisei, qui, ut Josaphat Regi Juda, Joram Regi Israel, & Regi Moab sit laborantibus aquam tribueret 3. Reg. cap. 4. prius sibi psalterium adduci jubet, cumque caneret psalteres, facta est super eum manus Do-

Tom. I.

mini, & ait. Hæc dicit Dominus, &c. Lib. 1. quoque Reg. cap. 10. Legitur, Samuelem ad gregem Prophetarum misisse Saulem unctum in Regem, qui cum occurrissent, & ante eos psalterium, & tympanum, & cytharam, ipsosque prophetantes vidisset, insiluit in eum spiritus Domini, & prophetavit in medio eorum, ut v. 10. legimus, & 12. Propterea versum est in proverbium: Num Saul inter Prophetas? Ex his enim & aliis similibus S. Scripturæ locis videtur insinuari prophetiam vi concentus musici aliquando Prophetis contigisse. Insuper 1. Reg. cap. 16. legimus vi cytharæ Davidicæ malum spiritum à Saule repulsum, quodcumque spiritus Domini malus arripiebat Saul, David tollebat cytharam, & percutiebat manu sua, & refocillabatur Saul, & lenius habebat; recedebat enim ab eo spiritus malus. Tandem Josue cap. 6. habemus vi clangoris harmonici tubarum muros Ierichinthinos corruisse. Quæ omnia ad triplicem musicæ effectum discutiendam provocare debent accuratum S. Scripturæ Interpretem, quorum primus ad Prophetiam, secundus ad morbos, vel demones expellendos, tertius ad aliquid concutiendum, & agendum pertinet. De quibus videndus est Merfennius in Genesin cap. 4. Ibi enim accuratè, & eruditè materiam hanc pertractat & Kircherius in sua Mousourgia. Nos alia infra.

Nulla vocabula vim habent naturalem vulnera, vel morbos sanandi, vel noxas alias depellendi. Dicimus nulla, ad excludendum quodvis verborum genus. Dicimus, vim naturalem, quia Zelotypia illa adjuratio & lex Thorath kina Numer. cap. 5. quicquid habebat efficacitatis, de sursum habebat, ferè modo, quo hodie preces Ecclesiasticæ, formulæ Sacramentorum, & Sacramentalium, & exorcismorum vim habent supernaturalem ex Dei institutione, vel gratioso concurrendi modo. Unde, quod pro tota hac materia valde notandum est, naturale, hic non sumitur, prout opponitur operi animali, vel libero, vel violento, sed ut opponitur artificiali, prodigioso, & miraculoso, tresque illos ordines excludit. Vide Petrum Cirverum, Durocensem in quest. de Kabala & Magia Judæorum, quæ est ultima inter ejus paradoxas quæstiones, ac Delrium lib. 1. magic. cap. 4. qu. 1.

Amuleta hujusmodi, quæ collo dependent, nullam vim obtinere naturalem ratione verborum, characterum, vel figuræ, vel constellationis, sed duntaxat ratione materiæ, si quæ illis existat. Hinc delirant fascinatores, qui ed solent attendere, ut metallo cuique proprium inscribant characterem, quemadmodum & uti corporis parti applicent laminam sic inscriptam.

Unde opinio ipsa est, tum demum se consequi à planeta, quod expetunt, si convenientis metalli laminam cum proprio characterem convenienti corporis membro alligant. Quare si quis effectus producat, cujus causa nequit esse virtus, vel facultas naturalis subiecti, effectus ille prodigiosus erit, & amuletum superstitiosum, qualia multa congestit Costa Ben-Lucas Judæus lib. de ligaturis.

Quando tamen in ipsis verbis, modo scriptionis certo Crucium numero, figura, vel similibus spes non ponitur, pium & sanctum est, reverentiæ causa, Sanctorum reliquias, cereas agni Dei effigies, Evangelium S. Joannis, psalmos Davidicos, & similia secum gestare collo appensa, sed effectus, qui inde oritur, erit supernaturalis, Dei beneficentiæ adscribendus. Aliis autem ligaturis uti, quas vel usus Ecclesiæ Catholicæ, vel proborum medicorum ars non commendat, omnino est prohibitum. Tales sunt nefariæ illæ præcum formulæ, quas contra vulnera, & pericula

T 3

ignis



ignis, aquæ, & alia quidem per mendacium adscribunt B. Leoni, & aliis Sanctis

Huc etiam pertinent formulæ omnes, quibus immiscentur nomina ignota Angelorum, hoc est alia, præter Michaël, Gabriel, Raphael. Sic, ut alibi dixi, in Concilio Romano sub Zacharia Papa ad damnandos errores Aldeberti, & Clementis hæreticorum, Germaniam turbantium, congregato, cum lecta fuisset Aldeberti oratio, in qua continebantur hæc verba: *Supplico vos, Angelus Uriel, Angelus Raguel, Angelus Michaël, Angelus Adinus, Angelus Tubnas, Angelus Sabaoth, Angelus Simichel*, Patres Concilii damnandum Aldebertum pronuntiarunt, ut hæreticum. Causa verò subditur, & ipsum Concilii decretum his verbis: *Octo enim nomina Angelorum, quæ in sua oratione invocavit Aldebertus non Angelorum, præter Michaëlis, sed magis demonum nomina sunt, quos ad præstadium sibi auxilium invocavit. Nos autem, ut à nostro sancto Apostolatu edocemur, & divina tradit auctoritas, non plusquam trium Angelorum nomina agnoscimus, id est, Michaël, Gabriel, Raphael.* Cui decreto non obstat, quod lib. 4. Esdræ cap. 4. nominetur Uriel, & Jeremiel. Liber enim ille canonicus non est, nec tantæ dignitatis. De Uriel vide Nicolaum Serarium in cap. 12. Tobie qu. 10. & seqq. Illud quoque attendendum, & ex suis circumstantiis dijudicandum, ne ipsis veris Angelorum nominibus utentes, ea malis accommodarint. Cur enim id non ausint, qui ausi sic abuti nominibus Dei? Qua in re liber audire Procopium in Levit. contra quosdam curiosos hoc utentes prætextu, his verbis agentem: *Attamen obijciunt, quidam invocant Sabaoth. Quid tum? Impie hoc faciunt. Nam illam appellationem non Deo, sed demonibus tribuunt, & plerumque illi demoniaci usurpant nomina divina, dum ea imponunt demonibus, quorum ambitioni servant. Hoc fit in precibus Magorum, quibus inserta magna, sic vocant, nomina.* De Alchimia suo loco peculiari agemus.

Altera Magiæ artificialis species dicitur *Præstigiatrix*, alii *ludicra*, sive *deceptoriam* vocant, quod ejus effectus non sint quales, aut qui videntur. Ad eam pertinent multa, quæ ab agyrtis, circulatoribus, mirionibus, funambulis, & aliis hujusmodi personis creduntur patrari incantationibus, cum tamen agilitate manuum, vel pedum fiant. Advertendum tamen est, eos aliquando solere decem magicis præstigiis unum subtilitatis, seu agilitatis artificiosæ actum miscere, ut quæcunque ab ipsis præstantur, persuadeant citra præstigium, sola dexteritate & arte fieri,

### CONSULTATIO LXIII.

*An absque Superstitione, ac illicita arte ex Astrorum representatione procul absentium sensa cognosci possint, ita nimirum, ut siderum interventu absenti cuilibet, absque alio nuncio, vel litteris, sensa animi nostri non secus manifesta facere possimus, ac si propriis litteris, vel inter-nuncio exponerentur. Vbi exempla in sacra, & profanis historiis manifestandi absentibus secreta animi nostri sensa.*

**M**ultis, non dubito, nova admodum, ac insolens videbitur hæc Quæstio, ut quæ cum ratione nec differi quidem, vel in dubium vocari ullo modo posse videatur, cum omnibus utique perualissimum sit, nullo id modo absque Magiæ damnatæ maleficio fieri posse, quod nun ita fieri possit, quærebatur. Sed est tamen equidem non levis dubitandi ratio. Etenim anno 1606. hæreticorum, ut opinor, studio, in Catholicæ Religions odium, Fran-

cofurti typis editus fuit liber sub nomine Joannis Trithemii, inscriptus Electori Principi Philippo Comiti Palatino, hoc titulo: *Steganographia, hoc est ars per occultam scripturam animi sui voluntatem absentibus aperiendi certa, autore Reverendissimo, & Clarissimo viro Joanne Trithemio, Abbate Spanheimensi, & Magia naturalis magistro perfectissimo, &c. hactenus quidem à multis mulum desiderata, sed à paucissimis visa; nunc verò in gratiam secretioris Philosophiæ studiorum publici juris facta cum privilegio, & consensu superiorum.* Ita inscriptio.

Ac esse quidem, licet, ut etiamnum est, imperfectum & librorum incuria, vel imperitia, multis passim mendis obscuratum, verum hunc, & genuinum Trithemii partum, ex ipsomet Trithemio colligi potest, qui ita scribit epist. 51. ad Rogerium anno 1507. *Magnum & nimis arduum opus Steganographia mirabilis adinventionis in octo libros partiendum scribere sum adoratus. Cujus primum quidem librum, & secundum ad finem usque perduxi, tertium verò mancum, & reliquos omnes divisusque in hunc diem omnino sepultos multiplici consideratione persuasus, cum & labor sit magnus, & forsitan retributio parva. Maneat ergo imperfectum sicut jacet, donec aliud persuadeat utilitas.* Hæc ille.

In hujus ergo voluminis libro tertio ad eundem Electorem Principem editit. *Francfurt. in 4. ex Officina Matthia Beckeri, anno 1606. pag. 160.* ita præfatur Trithemius: *Invenit, inquit, in quodam libro cujusdam antiqui Philosophi, qui dictus est Menastor esse, possibile, ut quadam arte mentis nostræ conceptum amico notum faciamus, quantumlibet absens in viginti quatuor horis, sine verbis, sine libris, seu litteris, & sine nuntio perfectissime, latissime, & secretissime. Cum autem desiderio sciendi vehementissime ducerer, cæpi velle experiri dictionum veritatem, & post multos labores tandem inveni ipsam scientiam experientia probatam. Maximum est hujusmodi artis secretum, & tantis obscuritatibus involutum, ut nulli sit facile pervium. Menastor enim nimis obscure & paucis verbis mysterium involvit, tantisque viribus (seu potius artibus,) ut secretum maneat, usque est, ut post eum adhuc nullus reperiri poterit, qui ausus sit ejus sermonem aliquo documento facere clariorem. Ego autem metuentem mirabile opus propter nimiam obscuritatem & lipendit ab imperitis, aut tandem igni cremari, cum in eo multis probationibus jam diu sum expertus (seu experiendo versatus) ita illud litteris commendare aperi-tioribus volui, ut & viris eruditis, ac in magicis studiis cum Dei auxilio, possit aliquatenus fieri pervium, & tamen imperitis Napophagis omni tempore maneat occultatum, & nullatenus eorum obruto intellectui cognitum. Dixit autem Menastor: Septem sunt planetae, quibus septem præstant Angeli, & illis sunt unus & viginti spiritus subiecti, per quos nuntiatur arcana. Hactenus Trithemius, qui & postea toto libro sequenti plurimis paginis, ac sectionibus hujus artis rationem ac modum ita describit, ut plene asserat, interventu stellarum, ac præsertim septem planetarum, animadversisque variis eorundem motibus, tam puris, ut ipse loquitur, quam mistis, tam rectis, quam retrogradis, aliisque ex arte rite factis, & observatis, sine alio nuntio, sine litteris, ac verbis, post intra viginti quatuor horas tutissimo, & certissimo significari amico ejusdem artis perito omnia, quæ eum scire quisque voluerit.*

Denique concludit idem autor: *Si volueris, inquit, de aliquo absente scire, quomodo valeat, & verum sit, tum ejus in viginti quatuor horis, quantumcumque latet, isto modo scire poteris. Et omnia quæ sunt in mundo, constellatione observata per hanc artem scire poteris.* Ita Trithemius, qui cum non solum hujus rei aurorem adducat Menastorem, antiquum, ut ipse ait, Philo-



Philosophum, qui tamen qualis sit, mihi equidem non constat, sed eam etiam compluribus experimentis se comprobasse testetur, non leve sanè argumentum suppeditat ad probandam affirmativam partem propositæ quæstionis, fieri nimirum posse, ut naturali astrorum representatione, amicorum procul absentium sensa cognoscantur.

Sic enim ex dictis argumentari licet. Trithemius cum se pluribus experimentis effectum rei comperisse dicit, aut verum dicit, aut contra suam mentem ex proposito mentitur. Mentiendi autem causam ille non habebat, nec ei, si quam habuisset, virum tam gravem obtemperaturum crederemus, præsertim cum suam hanc ipsæ artem Electori Principi dicarit, ac venditarit, cui mendacia vendere tutum minimè fuisset. Si verum dicit, adeoque re ipsa, certa planetarum observatione interveniente, sine verbis, litteris, & nunciis, absentium sensa ipse cognovit, absentibusque sua sensa manifestavit, aut naturali vi planetarum, aliorumque mediorum adjunctorum, hoc factum est, quod argumentum postulat, aut non naturali, quod dici non potest. Quoniam si vis ea naturalis non fuit, aut supernaturalis fuerit necesse est, aut superstitiosa, & daemoniaca. Prius dici non potest, non solum quia vis supernaturalis tot mediis, ac cautelis à Trithemio præscriptis, ut mox videbimus, nec indiget, nec juvari potest; sed etiam quia si illa vis supernaturalis fuisset, pertineret utique vel ad donum prophetiæ, aut aliam aliquam gratiam gratis datam, ut Theologi loquuntur, ac proinde nec promiscue omnibus, nec eidem semper adfuisset, nec omnino per modum artis aut tradi, aut disci potuisset; ut tamen tradi, ac disci posse à quolibet, asseruit Trithemius. Nisi ergo Trithemius pessimæ magiæ deditus fuit, dicendum est, posse naturali vi, ac representatione syderum, certis simul quibusdam observationibus intervenientibus, amicorum absentium vota, & sensa cognosci.

Quis autem tantum virum magiæ criminis insimulet, quem totius vitæ cursus, & conditio ab eo facit alienissimum? Nimirum hominem fide Catholicum, ita Religiosum, & quidem in sanctissimo Benedicti Ordine regulam adstrictiorem professum; dignitate, Spanheimensem primùm, deinde monasterii S. Jacobi in suburbio Herbipolensi Abbatem, virum virtutis & doctrinæ laude sua ætate præstantissimum, innumeris propemodum elucubrationibus, ac libris pro fide, pro pietate, pro veritate editis celeberrimum, summis in Orbe Christiano viris, ac Principibus, tam Ecclesiasticis, quàm Politicis, ac in his, ipsi etiam Maximiliano primo Imperatori, ut ex Spanheimensi Chronico liquet, notissimum, charissimum, quem Joachimus Brandeburgensis Elector vocat *Reverendissimum Patrem, amantissimumque præceptorem*, & rursum in alia epistola, *Reverendum Patrem in Christo Abbatem, suumque Patrem amantissimum*. Et infra eandem epistolam, scriptam illo ipso anno 1507. quo Trithemius in citata epistola 51. ad Rogerium in Segnanographiæ libris conscribendis occupatum se fuisse scribit, ita concludit: *Vale Germaniæ decus, totiusque arca sapientiæ, mei memor ad Dominum, & ama me, quia te vehementer amamus*. Rursum Hermannus, Episcopus Colonienfis eodem anno 1507. in suis litteris compellat eum *Venerabilem in Christo, sincere dilectum*. Nicolaus Gerbellus appellat eum, *virum inter Germanos primum*. Vide 2. p. oper. hist. Trithemius *epist.* 14. 19. 23. 26. & 31.

Denique in epitaphio, quod à Georgio Flachio, Herbipolensis Antistitis in Pontificalibus Vicario, & Theologiæ Doctore, viro pietate, ac doctrina conspicuo & ad Concilium Tridentinum legato conscriptum, in monasterio Benedictinorum S. Jacobi

Herbipoli etiamnum extat, vocatur *Germana gloria terra, litteris simul, & virtute celebris*, Maximiliano Imperatori acceptissimus, cui primùm tribuerit docta cæterva locum. Et additur: *Absit suspicio de demonis orta magia, contra quam magnum scribere cepit opus*. Insinuat videlicet hic Epitaphiographus opus illud Trithemianum circa annum 1508. ab eo captum, de quo ita Joannes Duraclufius discipulus ejusdem Trithemii: *De demonibus, inquit, & artibus prophanis, maleficis, & superstitiosis laboriosum opus Trithemius versat in manibus, quod libros habebit duodecim, in quibus omnia diabolicarum artium vaframenta explodit, confundit, & evertit*.

Quò spectant etiam libri quatuor Antipali maleficiorum sub eundem annum 1508. ab eodem elaborati, ut & libri quinque contra maleficos, & omnes artes, & superstitiones ab Ecclesia prohibitas, scripti. Sed non pluribus ante annis duo vasti tomi in folio operum Trithemii, historicorum quidem à Marquardo Frehero, sacrorum verò, seu spiritualium à Joanne Busæo, Jesuita in lucem dati, satis testantur, quantus & doctrina & religione fuerit Trithemius. Omitto quæ de insigni Bibliotheca Trithemiana à plerisque viris doctis cupide vel à longinquo adita, ac lustrata, deque aliis ejus laudibus, ac singulari cum summis Principibus consuetudine ex ipso Chronico Spanheimensi, aliisque collegit idem Busæus in Epistola dedicatoria sui, quod in lucem dedit Trithemiani operis.

Cum igitur talis actantus vir fuerit Trithemius, quis artem illam superius ex ipso relatam, ab eoque ipso sapius experimento probatam, maleficii, ac superstitionis arguere, ipsumque adeò Trithemium inter maleficos, seu dæmonolatrias referre auit? Taceo, quod, etsi res tota per se valde incredibilis, causæque ejus naturales prorsus occultæ videantur, nihil tamen obstat, quò minùs revera naturali vi effici posse videatur, cum & innumeros alios quotidie in natura experiamur effectus, quorum vel causas ignoramus, vel magnitudinem ita suspicimus, ut nondum experimento cognitos ne fieri quidem ulla ratione posse judicemus. Quis enim ante tubum illum opticum non diù inventum, fieri posse naturæ viribus existimasset, ut Solem, Lunam, sydera, aliaque visus objecta perinde liceat humanis oculis conspici, ac si homo non dico tripla, decupla, sed plusquam vigecupla proportionem iisdem propior esset? Quis re nondum comperta, fieri posse judicasset, ut omnium rerum aspectabilium species in obscurum locum per foramen immisissæ, vivis adeò coloribus momento depingerentur, tamque nobile sui spectaculum exhiberent, quàm ne pericissimi quidem ars pictoris assequi potest? Quod si magnes vim occultam habet trahendi ferrum, succinum, paleas, Luna mare, remora sistendi navem, torpedo obstupefaciendi capientis manum, cur non & astrorum certa observatio, actioque ad eam accommodata accedens, vim habeat amicus nuntiandi secreta, quæ volumus? Hæc igitur sunt, quæ causam huic Quæstioni dederunt, ac probabilem fortassè dubitandi rationem parere poterunt.

Nunc quid hac de re sentiendum sit, paucis exponam. Primùm illud omnibus persuasissimum esse debere assero, nullam ejusmodi existere vim naturalem, ex astrorum dispositione, aut ea, quæ à Trithemio secundum ipsam verborum superficiem descripta esse videtur, arte, nuntiandi absentibus mentis secreta. Probatur hoc non solum communi sensu viro- rum doctorum, qui propterea, ut videbimus, librum illum Trithemii superstitionis, & magiæ damnant, sed etiam ex ipsis ejusmodi artis præceptis, quæ singillatim expensa partim ridicula, partim impossibilia,



certe quidem ad propositum scopum sua natura minime accommodata, facile deprehenduntur.

Primum jubet, ut exactissime motus omnes singulorum planetarum ad ipsa etiam usque minuta prima, secunda, tertia, quarta, pro cuiusque diei tempore cognoscantur. *Nam in diversis*, inquit, *gradibus, signis, diebus, horis, minutis, secundis, tertiis, & quantis planetarum effectus quoad hanc scientiam diversimode variantur.* Et infra: *Nisi quis*, inquit, *valde expertus in omnibus his fuerit, scelerisque motus planetarum medios perfecte, ac deinde minutissimas divisiones punctuales, quae ex quantis, tertiis, secundis, minutis, & gradibus inaequalibus subtilissime divisi proveniunt, facile in veros errores incidet, & grave periculum vix evadet.* Ita ipse. Adeo vero minutè, ac peticulatè scire planetarum motus impossibile esse, vel ex eo constat, quod ne Solis quidem adeò illustri planetae motus undique tam exactè haecenus compertus fuit, cum ejus periodum etiam secundum prima ipsa minuta breviorē quidam, longiorē alii faciant.

Secundò edicit Trithemius, in hac re non sufficere communes & consuetae Astronomorum regulas, sed quasdam proprias, & peculiare esse adiciendis: *In his omnibus*, inquit, *non solum generales regulas ab Astronomis traditas, (quia licet maxime conducant huic scientiae nostrae, tamen non penitus sufficiunt) sed etiam particulares sciri, necesse est.* Quoniam autem quæso sunt illae particulares regulae motuum caelestium, ipsis etiam Mathematicis ignotae?

Tertio exigit Trithemius, ut non minùs etiam exactè cognoscatur motus stellarum octavae sphaerae: *Cum volueris*, inquit, *in hac profundissima speculatione operari, imprimis oportet te scire ortum, exaltationem & occasum omnium stellarum octavae sphaerae, per quas fit operatio, & quantum qualibet distet ab alia.* Quis autem adeò exactè hoc novit?

Quartò, calculatis diligentissime omnibus, vult observari quis Angelus Saturni praesit illi quartae diei, aut noctis. Ubi supponere videtur ex antiquorum quorundam sententia, à se quidem etiam in libro ad Imperatorem Maximilianum de septem Secundeis, sive Intelligentiis moricibus, ut ipse praefatur, non asserta, sed relata, certos quosdam Angelos certo tempore mundi gubernationem, & quasi praefecturam sustinere. Sed cum ipse Trithemius eam de septem illis Secundeis sententiam suspectam, & incertam habuerit, quia etiam, ut ex fine ejusdem libri colligitur, dubitavit, an in illa annorum distributione lunares, an verò solares menses sint accipiendi, quis juxta eam, certum ejus regiminis modum, ac partitionem habere poterit perspectum?

Quintò vult etiam quolibet tam diei, quam noctis tempore oculis conspici stellas illas, per quas quis operaturus est. Quod etsi quidem ipse arte à se alibi tradita fieri posse asserat, utique tamen ad litteram, ut sonat, intellectum falsum est, non solum, quod ejus rei nullum extat vestigium, sed etiam, quod stellae illae cum undique terram ambiant, non semper ac promiscuè omnes supra horizontem existunt.

Sextò vult schedulis inscribi nomen, & stelle illius, & Angeli ad operandum accommodati, ut & alia nescio quae secretissima. Sed quid scriptio nominis utriusque ad propositum, nisi quoddam haec magici, non naturalis effectus indicium praebent, ut & alia, quae mox referentur?

Septimò vult in alia charta describi conceptum mentis, quem ab absente cognosci volumus, & has duas schedulas simul convolvi, &c. Alibi vult etiam imaginem tam Angeli eo tempore praesidis, quam amici illius, ad quem secretum dirigitur, certo modo, ac ritu depingi. Sed constans, ac certa Theologorum

sententia est, à Theologis copiosè detenta, imaginem nullam vim efficiendi Physicam habere, praeterquam quod sensus objectivè movere possunt. Quam communem doctrinam velut demonstratam suppono. Vide Delrium *tom. 1. lib. 1. cap. 3. qu. 5. & tom. 3. lib. 3. p. 1. qu. 3. sect. 4. & p. 2. qu. 4. sect. 2.* & nos alibi.

Octavò meminit idem Trithemius quodam loco, nempe pag. 171. & 177. etiam conjurationis cuiusdam ad spiritum. Sed praeterquam quod hoc quoque causam hujus effectus non naturalem, sed daemoniacam arguit, ab ipso etiam Trithemio ibidem asseritur non necessarium, cum hac quidem arte, non minùs absque spiritus, ejusque adjurationis interveni secretum nuntiari, seu regi absenti posse fateatur. Ex quibus proinde satis demonstratum est, primum illud pronuntiatum, naturali scilicet via, ex astrorum dispositione, sive observatione absenti nuntiari sensa animi nostri non posse.

Huic verò nunc subjungo alteram, artem illam, à Trithemio traditam, sine nuntio, sine verbis sine litteris longè absenti animi nostri sensa secretè manifestandi, ut & cetera, quae in duobus praecedentibus libris ad occultae scripturae artem spectantia, ab eo traduntur, adeoque totam ejus Steganographiam specie externa spectatam, ac proprio verborum sensu intellectam, planè magicam, & superstitiosam esse, ac pro tali ab omnibus jure haberi. Hoc pronuntiatum cuivis per se facile manifestum est, qui vel obiter Trithemii Steganographiam inspexerit, idque praeter ea, quae paulò ante ex libro tertio retuli, ex quatuor potissimum capitibus elucescit.

Primum est, quod apertè toties pronuntiat, ac repetit omnia, & singula hujus artis secreta, saltem quae duobus praecedentibus libris traduntur, per spiritus transigi, quibus nempe secretum commendandum sit, ut id amico absenti renuntient. Item primi libri capitis primi clavim & operationem ait, teneri à spiritu principali *Pamerlyel, Anoyr, Modriel, per ministerium Ebraeae sphaerae abralges*, &c. Secundi capitis Princeps spiritus ab eo vocatur *Padiel Subsolanus, habens sub se ministros diurnos decem milia, nocturnos ducentum milia*, &c. Et sic de ceteris. Similia etiam ex tertio libro jam superius retulimus.

Secundum est, quod eosdem illos spiritus ab utroque tam secreti nuntiandi causa mittente, quam ab amico missos recipiente, praecipit adjuvni, & quidem verbis peregrinis incognitis, ut videre est *tom. 1. & 2. v. g. lib. 1. cap. 1.* ita loquitur: Cum autem sederit ad scribendum versus Orientem ita spiritus compellet: *Pamerlyel oshurmus delmufon Thafloya peano*, &c. Et mox infra pro altero litteras secretas recipientem hanc ponit conjurationem, cujus initium: *Lamarten anoyr bulon roadriel*, &c. omitto alia.

Tertium est, occultorum characterum usus. Ita enim generatim praecipit Trithemius lib. 1. cap. 1. *Sed observa*, inquit, *ut in omnibus litteris, quas mittis hac arte conscriptas, proprium signum infigas, ut in cui scribis, sciat, per quos spiritus sis operatus. Quoniam si ipse operetur per alios ad intelligendum, & tu per alios ad mittendum, nunquam in aeternum obediens ei, sed pro indebita operatione & illius laderis, & secretum tuum minime revelarent.* Omnes enim spiritus, quibus in hac arte utimur, ordines, & officia sibi commissa tantum custodiunt, & de aliis se nullatenus introrumpunt, &c. Ea verò signa nova planè & incognita proponuntur postea lib. 1. cap. 32.

Quartum est, admirabilis hujus artis effectus, qui planè naturae vires, ac ordinem superare, certè quidem causis, ac mediis, quae ex praescripto adhibentur, minime proportionatus esse videtur, ut de tertio libro satis ex dictis constat. Eadem est ratio duorum



precedentium. Ita enim præcipit autor lib. i. cap. i. *Preparet, inquit, huiusmodi arte usus, chartam in qua scripturus est, cum invocatione divini nominis, in nomine Patris, & Filii, & Spiritus Sancti. Deinde vero scribat in ea quaecumque narrationem voluerit simplicem, & apertam, quam omnes legentes intelligant, Latino, patrio, vel quolibet alio sermone. Nec aliud præterea mandat Trithemius, quam ut ejusmodi littere ad amicum, in arte probatum, mittantur, additis utrinque adjurationibus, & certo caractere, quorum antea mentionem fecimus: Et his factis, & dictis, inquit, alter, (qui litteras illas recepit) mox intelliget mentem tuam perfecte, spiritibus ulro se cum impetu offerentibus, &c.* Quis autem credat fieri ratione, ac vi naturali posse, ut quælibet scripta narratio apta sit ad mentem nostram, seu certum animi secretum amico patefaciendum?

Ex his omnibus ita licet argumentari. Spiritus illi, qui levi qualibet, ac præsertim ignota, ac peregrina adjuratione à quolibet evocati, ad quidvis etiam inane, ac futile nuntiandum adsunt, utique non sunt boni spiritus, sed maligni. Spiritus Trithemiani levi qualibet, eaque peregrina adjuratione à quolibet evocati ad quidvis, etiam inane ac frivolum nuntiandum adsunt, ut ex dictis Trithemii præceptionibus patet. Ergo spiritus Trithemiani, prout ab eo secundum verborum proprietatem depinguntur, non sunt boni, sed maligni spiritus. Ergo & ars eorum ministerio utendum præcipiens, secundum externum quidem verborum sonum non est licita, sed magica, & demoniaca.

Rursum. Ars illa, quæ peregrinis utitur caracteribus, cujusque effectus artis media secundum naturæ leges longè superat, meritò est suspecta, velut magica, & superstitiosa, ut Theologi tradunt inter alios superstitiosi effectus indicia. Atqui talis est ars illa Trithemii. Ergo meritò de magia, & superstitione est suspecta.

Neque verò hanc suspensionem adeò firmis indiciis, imò ipsa quasi Rei confitentis assertionem nixam satis purgavit Trithemius, quod artem suam sæpius sinceram, omnisque superstitionis ac damnatæ Magiæ expertem esse profiteatur, quodque in ipsa statim præfatione sibi ab opposita censura vult esse cautum, cum ita lectores alloquitur. *Si verò non intellexerint, quod multis scimus futurum, discant prius quam representant, &c. Quam si nequiverint intelligere, non ipsam, quis bona est, sed obtusa ingenia vestra reprobat, &c.* Id enim quilibet damnatæ artis professores facere solent, ut suam artem velut honestam, ac sinceram commendent, ac eos, qui aliter sentiunt, reprehendant, ut videre est in Astrologis judiciariis, auguribus, oniromantis, &c. neque ferè ulla adeo execrabilis ars est, quæ non sub specie honestatis cupiat illudere.

Idem verò pronuntiatum secundò etiam probatur ex communi judicio virorum doctorem, qui hæcenus Trithemii Steganographiam sub censuram vocant, & tanquam magicam, & superstitiosam (proprio nempe verborum sono, ac sensu, communi utique idgenus scriptorum interpretandi, jure ac more acceptam) damnarunt. Ex his Antonius Possevinus in suo Apparatu sacro de Steganographia Trithemii, ita censet: *Falsi sunt, inquit, qui eam suspexerunt, & tanquam opus admirandum, clarissime polygraphia celebrant. Superstitiosis enim, & periculi plenissimum est, magiamque sapit, non naturalem illam, quo tamen nomine plerique suas sordes tegunt, verum etiam ipsam, quæ cum a S. Romana Ecclesia prohibita sit, una cum ejusmodi libris in Romano Indice haud dubium, quin & illud sit ablegandum.*

In eundem sensum Delrius lib. 2. magic. qu. 3. de

superstitioso quodam Judæorum volumine loquens, pleno sacrificiis, & incantationibus demonum, ait: *Vix dubito aliquod (ejus exemplar) in manus Joannis Trithemii incidisse, unde & partitionem, & materiam (sue Steganographiæ periculi, & superstitionis plenissima) acceperit. Cujus operis nomen, quod nondum prohibitis ab Ecclesia libris sit insertum, suspicor accidisse, quia liber nondum typis vulgatus in paucorum manus incidit. Atque quando prohibiti libri omnes magici, satis iste prohibitus censendus, qui inter alios familiam ducit. Nec minùs graviter hac de re censet Bellarminus de script. Eccles. qui & addit. opus illud Steganographiæ prohibitionem meritò esse.*

Quid quod ipsimet etiam Trithemio, utcumque alias ad Magiæ notam, & suspensionem depellendam, eum adhuc in vivis esset, contra Carolum Bovillum, teste Duraculio, apologiam ediderit, suum illud Steganographiæ opus utique quod quandam damnatæ Magiæ speciem præ se ferrer, & scire non intelligentibus plerisque scandalo esse posset, tandem displicuit, ac re adhuc imperfecta deponendum, ac prætermittendum est visum, ut supra ex eodem retulimus. Qua de causâ etiam, vel ob ipsam mali speciem, quam liber ille præ se fert, & Apostolus non secus, quam malum ipsum cavendum esse monuit 1. Thessal. 5. & quod alias etiam plus fortè periculi, & curiositatis habere, quam utilitatis, ac solida doctrinæ videri potest, nemo inficias ferit, satis causæ esse, cur liber ille prohibitis accensetur.

Atque hæc hæcenus de Steganographia Trithemiana secundum proprium verborum sensum spectata, dicta sint. An verò etiam juxta ipsam autoris mentem, ac sensum, ab eo intentum, verè Magica sit, ac superstitiosa, alterius est disquisitionis, nec tam facile est dicere, quam ex veritatis norma dijudicare.

Habemus quoque in ipsa Sacra Scriptura non omnino absimile absentibus animi nostri sensa secrete manifestandi exemplum, quod describitur Lib. I. Reg. cap. 20. ubi Jonathas cum Davide in hunc modum depactus est. *Cras, inquit, Calenda sunt, & requireris; requiretur enim sessio tua usque perendie. Descendes ergo festinus, & venies in locum, ubi exulandus es in die, qua operari licet, & sedebis juxta lapidem, cui nomen est Ezel. Et ego tres sagittas mittam juxta eum, & jaciám quasi exercens me ad signum. Mittam quoque & puerum, dicens ei: Vade & assermibi sagittas, si dixerò puero, ecce sagitta intra te sunt, tolle eas, tu veni ad me, quia pax tibi est, & nihil est mali, vivit Dominus. Si autem sic loquutus fuero puero: Ecce sagitta ultra te sunt, vade in pace quia dimisit te Dominus. Quod ergo in uno singulari casu ad certam duntaxat sententiam patefaciendam ex conventionem privata duorum, valuit jactus, & demonstratio sagittæ, id ex perpetuo & stabili pacto, seu præscripto artis, ad quidvis manifestandum efficere possunt eadem, aut similia signa, certo numero, ordine, ac modo conformata.*

Et quoties in profanis historiis legimus, fumo, sono, aliisque ejusmodi signis sine voce, sine litteris, sine nuntio longè distantibus res alioqui penitus ignotas fuisse significatas? Cerrè Phryctos facium ostentatione è manibus finitimos, sociosque tam de hostium, quam amicorum adventu certiores reddere solitos ita, ut cum amicos indicarent faces quietas gestarent, cum hostes, agitant, testatur Suidas. De moribus Cathaini regni etiamnum hodie servari solitis hæc refert Augerius Busbequius epist. 4. legat. Turcica: *Pestigram multorum mensium labore ad angustias, ac veluti clausura regni Cathaini perventum est, ibi mercatores interrogantur, quid ferant, unde veniant, & quo sint numero? Quæ regis præfidiarii cognita inserant fumo, noctu per ignes proxima specula tradunt.*



tradunt, illa vicissim sequenti, ac sic deinceps, donec aliquot horarum, quod plurimum dierum spatio non possit, nuntius Cathaium ad Regem de mercatorum adventu transferatur. Qui quidem pari celeritate, eademque ratione quid tibi placeat responderet, admitti omnes, an partem excludi, aut differri velit, &c. Qua in re utique varietatem quandam signorum intervenire necesse est.

De Imperatoribus olim Græcis ita scribit Cedrenus: Volentes, inquit, incursiones Saracenorum in Romanas diuisiones nequaquam ignorari, ne ex improviso irruentes in regiones devastarent, castellum quoddam Tarso vicinissimum, excelssimo, & natura munitissimo in colle adificauerant Lulum nomine, in quo collocati custodes, ubi Saracenos incursionem moliri sentiebant, igne succenso signum dabant, quo igne conspecto, ii, qui in in Argeo colle excubabant, idem faciebant. Eos excipiebant, qui in Iramo colle, post hos qui ad Egialum, & secundum hos qui apud Mamantum, inde qui in Circo, atque ab his, qui ad Mocillum, denique post hos qui in D. Auxentii colle stationem habebant, igne edito excubitoribus magni palatii incursionem hostium significabant. Hoc ignium ordine sese insequentium indicio, & Imperator momento temporis de hostium conatu certior reddebatur, & rustici nuntio percepto, muris se claudebant, & impetum hostium evitabant. Eo momento quasi temporis, ut autor loquitur, ignis indicio Lulo Constantinopolim, nempe supra sexcentum milliaria hostilis irruptionis noticiam propagatam. Quantam vim & celeritatem si fictitiis illis planetis Trithemianis dederis, nihil est amplius, quod in iis aut velut naturæ vires excedens admireris, aut ob effectus magnitudinem quasi superstitionis damnes.

#### CONSULTATIO LXIV.

*An per artem presidio rerum naturalium adiutam, absque arte magica demoniaca, verum aurum fieri possit ab Alchymistis?*

**D**Uæ sunt oppositæ sententiæ. Prima omnino negat Ita D. Thomas 2. 2. sent. dist. 7. qu. 3. ar. 1. ad 5. Cajetan. 2. 2. qu. 77. art. 2. ad 1. Valentia 2. 2. disp. 6. qu. 13. pun. 2. diff. ult. Sanchez lib. 2. in decal. cap. 40. num. 50. Torreblanc. lib. 2. de mag. cap. 4. Castropal. p. 3. ir. 17. disp. 1. pun. 10. n. 17. Delbene de offic. S. Inquis. p. 2. dub. 228. sect. 20. & Abulensis in Exod. 7. qu. 10. alique plures, nominationem Avicenna in lib. meteororum, ut refert Egid. in 3. quodlibet qu. 8. Averroes in paraphrasi super 1. lib. de generat. animal. idem Egidius loc. cit. Conciliator in differentia 209. Cardanus lib. 17. de subtilit. Exempla verò fallacis Alchymix, vide apud eundem in 10. libro de variet. rerum cap. 51. qui omnes suas afferunt rationes, atque asserunt, huiusmodi artem transmutandi viliora metalla in pretiosiora, vel esse impossibilem, vel saltem indiscretam, incognitam, perniciosam, valde periculosam, & illicitam.

Quodd autem sit supra humanam facultatem, ac moraliter impossibilis probatur. Quia nulla illarum rerum, quas Alchymici ad dictam transmutationem adhibere solent, est causa efficiens principalis ejusmodi effectus, cum nulla sit æque perfecta, ut effectus, qui intenditur. Et quamvis Alchymici asserant in iis rebus esse semen auri, & argenti, hoc tamen quidem dicunt, sed non probant. Oportet nanque omne semen agere in virtute alicujus causæ principalis, quam isti non possunt certo indicare, neque experientia probare. Quia, ut ait D. Thomas loc. cit. Alchymistæ faciunt aliquid simile auro, quan-

tum ad accidentia exteriora, sed tamen non faciunt verum aurum. Quia forma substantialis auri non est per calorem ignis, quo utuntur Alchymistæ, sed per calorem Solis in loco determinato, ubi urget virtus mineralis. Et ideo tale aurum non habet operationem consequentem speciem auri.

Secunda sententia firmat, id fieri posse arte alchymica & consequenter à superstitione, & arte magica eam liberant. Hanc defendit Delrius lib. 1. macar. cap. 5. qu. 1. sect. 2. & 3. & qu. 4. contendit, hunc artis usum licitum esse, Sylvester, inquires secundum se nihil continere illicitum. Quia uti naturalibus causis ad naturalem effectum, non est illicitum per se. Et ita etiam tradit Torreblanca lib. 2. d. cap. 4. n. 14.

Et quidem si verum, & perfectum aurum ab Alchymistis potest effici, haud dubie chymica facultas una de præcipuis Magiæ naturalis partibus censenda est; nimirum tale opus Magiæ, tum propter vim, ac potentiam artis maximè admirandum esset, tum propter magnitudinem utilitatis, optatissimum, atque gratissimum mortalibus accideret. Audiamus quid eruditus vir Scaliger ea de re scriptum reliquit contra Cardanum exercit. 3. 27. Triplex est, inquit, Magia. Una hæc infima, & nostras sanè & fœda, & sordida cum cantiunculis, cadaveribus, & funibus suspendiosorum, quæ, si quis attrectare audeat, mereatur. Altera ex astris deducit vires in specula, sigilla, annulos, tabellas. Tertia divina est. Nomen apud vulgus odiosum fecit colluvies impostorum. At Magus apud Persas nihil aliud, quàm Sapientem sonat; sed propter Smerdis prodicionem, & perfidiam nomen Magorum infensum diu fuit. Hac Magia Dominum Jesum fuisse promissum Regem, cognoverunt Magi, qui ad eum adorandum longinquis è regionibus profecti sunt. E Syrorum libris hæc descripsimus. Aiunt Magiæ & transmutatorix artis vires, ulus, & fines esse perquam similes. Opus, & finem Chymistarum, esse corpus in corpus. Opus, & finem Magiæ, esse spiritum in corpore. Magi suas affectiones violentias appellant, propterea quod, vires suas supra eas, quæ naturæ ordine fieri videntur, exercent. Chymistæ suum opus nominant Fortitudinem; hoc enim significat decantatum illud, Elixir, in cujus fide omnem oppignorant naturam.

Et posse revera effici aurum interventu alchymix, docent Albertus magnus lib. 3. de mineralibus cap. 9. Janus Lacinius, qui de facultate chymica in transmutandis metallis multa disputavit, ejusque disputationis summam memorat Cardanus loc. cit. Antonius Mirandulanus in opere, quod scripsit de eversione singularis certaminis lib. 19. sect. 7. Pererius de magia lib. 1. cap. 12. ac fusissimè Robertus Vallensis cap. 1. oper. de verit. & antiquit. artis Chymica, argumentando non solum ab autoritate humana omnis generis Poëtarum, Philosophorum, Jurisperitorum, Theologorum, sed etiam à sacra divinarum Scripturarum. Primoque loco affert testimonium Esdræ lib. 4. cap. 8. Dicam autem coram te, Esdra. Quomodo autem interrogabis terram, & dicet tibi, quoniam dabis terram multam magis unde fiat fictile, parvum autem pulverem, unde aurum fit. Quod ille censet explicatissimam assertionem Alchymix. Verum quia ille liber Esdræ inter hagiographa non annumeratur, addit illud Ecclesiastici cap. 38. Altissimus creavit de terra medicinam, & vir prudens non abhorrebit eam. Item illud Davidis Psal. 18. Eloquia Domini, eloquia casta, argentum igne examinarum, probatum terra, purgatum septuplum. Quem locum duplici alia lectione illustrat. Prior est, eloquia Domini, eloquia munda, argentum igne examinarum in vase terreo, purgatum septies, Posterior verò est huiusmodi: Verba Dei, verba pura, argentum in Aludele exustum, in terram, seu



seu pulverem refusum septies. Est Aludel vox Arabica, latinè sonans sublimatorium, aut vas, in quo fit sublimatio chymica, de qua Geber *lib. 2. cap. 43.* Quod ergo sublimatione per ignem lentum facta, septiesque iterata argentum quovis auro perfectius redatur, inde David puritatem, & nitorem divinæ legis, supra quodvis vulgare aurum expressit ea comparatione argenti in Aludele per fusionem chymicam repurgati.

Qui loci omnes, licet efficaciter non probent Chrysopæiæ veritatem, alias enim possunt habere interpretationes, posterior tamen Psalmi locus, saltem probat illius artis veritatem in argento, aliisque metallis igne excoquendis, & scoriis ac facibus abjectis expurgandis; ex quo postea probabiliter colligitur ad tantam perfectionem illam artem pervenire posse, ut per illam applicando activa pallivis verum aurum confici possit. Autores enim hujus secundæ sententiæ, adductis divinarum Scripturarum autoritatibus, non illam propterea defendunt, tanquam quid pertinens ad fidem, sed tanquam quid in Philosophia probabile, quæ in suis etiam sententiis divinarum Scripturarum suffragium querere solet. Unde quod *lib. 3. Reg. cap. 10.* legitur fecisse Salomonem, ut tanta esset abundantia argenti in Hierusalem, quanta & lapidum, probant aliqui non tam thesauris paternis, aut navigationi triennali per mare rubrum in Ophir, quam ipsi lapidi Philosophico acceptum esse ferendum.

Stante igitur Philosophicæ hujus sententiæ probabilitate, de qua Pererius *loc. alleg.* & nos *alibi*, existimo, libros, prout Chrysopæiam spectant, non esse simpliciter, & absolute confutandos. Unde etiam hactenus nullo illorum jure positivo communi fuisse prohibitos, etiam post extravagantem Joannis XXII. contra Alchymistas, rectè notavit Delrius *lib. 1. magic. cap. 5. qu. 4.* Dixi simpliciter & absolute. Quia non sunt probandi illorum libri, qui, ut Alchymicæ opera, & arcana occultent, non solum iisdem verbis utuntur, quæ in rebus sacris, atque divinis mysteriis usurpare solemus, sed etiam sub illis, tanquam sub metaphoris Philosophica latere arcana somniantes, sic illa explicare conantur. Quod quam sit absurdum divinisque mysteriis injuriosum, patet. Nam, licet non minus ex arte chymica, quam ex omnibus aliis scientiis naturalibus, possint deliniri aliqua similitudines, ac metaphoricæ ad explicanda Sacrosancta, fidei nostræ mysteria, quod tamen illa subserviant ad declaranda rerum omnino naturalium, & inferiorum arcana, videtur eorum dignitati omnino dissentaneum, atque adeo improbandum.

Hinc non solum hujus artis libri legi, sed etiam illa licite potest exerceri, cum nullo jure in foro hanc artem fuisse prohibitam, ut non liceat eam exercere ex defensione juris positivi, ut tradit Delrius loco superius adducto, ubi de communi iure loquitur, tam civili, quam Canonico, non de particularibus locorum Statutis, vel Regnorum Sanctionibus. In foro autem conscientie non promiscuè, sed cum delectu hanc esse permittendam, imò plerisque, ut perniciosam atque adeò illicitam esse prohibendam. Sic quicquid illiciti est, id non ex artis natura, quæ in se mala non est, imò, quatenus ars est, & scientia secundum se bona est, proficiscitur, sed à vitio tantum circumstantiarum, quæ, ut plurimum in hac operatione reperiuntur. Unde, si hæc desint, non est quod in ea reprehendatur. Sed, quia vix unquam desunt omnes, raro fit, ut alicujus ratione non adsit vitium, & peccatum, & ideo dicitur plerisque perniciosam, & sic illicitam esse censendam. Hæc autem circumstantiæ, & veluti capita cæterarum sunt quatuor. Finis, modus, tempus, persona. De quibus plura videri pos-

sunt apud Delrium *ibidem*, Raphaellem de la Torre *2. 2. pu. 96. arti. disp. 9.* & Sanchez *lib. 2. in decal. cap. 40. num. 51.* & latè Grassium *p. 1. dec. lib. 1. cap. 28.* negans chymicum pertinacem esse sacramentaliter absolvendum. Quod tamen debet intelligi, quando ejus studium ex aliqua circumstantia esset perniciosum, non autem de illo secundum se.

# CONSULTATIO LXV.

*Quotuplex sit Magia? Ejus vera distinctio. An sit aliqua Magia non naturalis, hoc est, quæ non ad naturam, sed ad demones necessario referri debeat? Sive an detur Magia demoniaca, cujus prima species vocatur Goëtia, sive Magia specialis, & nigra? Et qui spiritus illi sint, quorum opera Magi mira faciunt? Ac de Negromantia, deque Magia Cabalistica, & quis Magia Inventor?*

**V**arias Magiæ species, neque hanc artem antea in totum vel commendavimus, vel damnavimus. Nunc quam alii Magiæ varietatem tradiderint, ostendamus. Plinius *lib. 30. cap. 2.* complures. Magiæ species ab Osthane principe ejus artis doctore traditis esse commemorat. Namque, ait, & ex aqua, & ex sphaeris, & ex aëre, ex stellis, & lucernis, ac pelvibus, securibusque, & multis aliis modis divina promittit, præterea umbrarum inferorumque colloquia. Sed Jamblicus in libro suo de mysteriis Aegyptiorum, Proclus in libro de sacrificiis duplicem faciunt Magiam, sicut etiam ex Porphyrii doctrina refert D. Augustinus *lib. 10. de Civit. cap. 9.* Alteram vocant Theurgiam, nempe bonam, & laudabilem, qua certis quibusdam hostiis, & sacrificiis, munditia quadam animæ, & corporis, aliisque sacris cæremoniis bonos, ac beneficos demones invocant, quorum afflatu, & auxilio, & occulta manifestant, & futura prænuntiant, & mira edunt opera, quæ supradicti Scriptores miris laudibus celebrant. Alteram appellant Goëtiam, & Necromantiam, quæ mortuos excitat, & consulit, ac per eos responsa de rebus occultis, vel futuris reddit. Dicitur Goëtia à planctu, quo circa mortuorum sepulchra eorum animæ ex inferis evocantur. Necromantia verò, quia sit divinatio ex mortuis evocatis petita.

Suidas autem distinguit Magiam, quam ait Persarum esse inventum, in Goëtiam, Magiam propriè dictam, & Pharmaciā. Magia, inquit, est invocatio demonum, scilicet beneficorum ad aliquod bonum conficiendum, cujusmodi Apollonii Tyanæi prædictiones fuerunt. Goëtia sit per coactionem, & invocationem mortuorum, sic enim dicta est à planctu, qui fit circa sepulchra. Pharmacia verò sit, cum aliquid porrigitur alicui sumendum ore, ut moriem ei sit allaturum, vel vehementes aliquas perturbationes, & mutationes, aut corporis, aut animi in eo sit effecturum, certis incantamentis preparatum.

Nobis autem Magiæ species hac ratione, & ordine distingui posse videntur. Magia, alia est naturalis, de qua supra. Altera est non naturalis, quæ demonum invocatione, & ope utitur ad operandum. Hæc in Theurgiam, Goëtiam, & Necromantiam, rectè dividitur. Nam si quæ sunt aliæ, ad has species commodè revocantur. Illa, quam naturalem diximus, partim est Physica, cujus nomine medicinam etiam amplectimur, quæ circa occultas rerum naturalium virtutes, rerum mirabilium effectrices, versatur; partim est Mathematica, cujus excellenti peritia, quam mira fecerunt Architas, & Archimedes supra commemoravimus.

Rursus



Rursus Magia tam naturalis, quam non naturalis bifariam dividitur. Altera enim habet veros & naturales effectus, altera simulatos tantum nec tales revera, quales videntur. Hanc uno vocabulo Præstigiaticam appellamus. Suis enim præstigiis adeo restringit, & eludit sensus humanos, ut faciat videre quæ non sunt, & non videre quæ sunt, idque vel interventu & adminiculo demonum, vel operatione naturalium agentium, vel incredibili tractu, atque agitatione manuum, de quo etiam supra. Hæc dividitur in Opticam, & Pharmaticam. Illa manuum, digitorum, aliarumque partium corporis incredibili agilitate, & motione, defixum in res obtutum spectantium frustratur. Hæc collyriis, suffumigationibus, alligationibus, potionibusque sensus interiores, & exteriores ita perturbat, ut secus quam revera est judicent de sensibilibus exterioribus. Utitur etiam illa prior laminis, annulis, imaginibus, speculis vario situ, varioque modo positis, & transpositis. Magiæ porro naturali quidam duas alias species adjungunt; alteram vocant Astronomicam, alteram Cabalisticam, quæ an sint meræ nugæ & quorundam hominum commenta, an revera aliquid solidi habeant, & præstent, nunc paucis dijudicandum est.

Astronomicam appellant, quæ certas quasdam imagines, & figuras, annulos, sigilla, statuas, & alia quasdam horum similia fabricat, in quibus ejus cultores, ac defensores affirmant, cælestium corporum virtutes, & influxus recipi, receptisque miros effectus præstare. Sed hæc vana sunt, nec modò à Christiana veritate, ac pietate, sed etiam à Philosophica ratione, ac disciplina longè remota. Virtus enim cælestis per se universalis est, ac indeterminata ad hunc, vel alium quemlibet effectum producendum. Determinatur autem per causas naturales particulares. Illæ autem imagines, & figuræ Astronomicæ non sunt causæ naturales, nec habent vim, aut efficiendi quippiam, aut præparandi materiam ad hunc vel illum effectum recipiendum.

Deinde cælum naturaliter operatur. Illæ autem imagines sunt ingenio, & artificio hominum inventæ, & pro eorum arbitrio adhibitæ. Non igitur per illas virtus cælestis modificari, aut determinari potest.

Præterea. Lignum, quocunque modo figuretur, non potest in se recipere immediatè formam equi vel leonis, nec vitrum, aut aurum formam plantæ. Multò igitur minùs hujusmodi materiæ, propterea quòd ab ipsis Astronomis variè figurentur, idoneæ, habilesque reddentur ad certas quasdam virtutes syderum recipiendas, & ad aliquos mirabiles effectus producendos.

Ad hæc: Quænam est naturalis convenientia illarum astronomicarum imaginum cum cælo? Neque enim est vel secundum figuram, vel secundum naturam, vel motum, vel qualitates. Quomodo igitur res naturales sine ipsis figuris non sunt idoneæ ad divinos illos syderum influxus accipiendum, signatæ autem, & adornatæ istis imaginibus, statim fiunt idoneæ? His accedit, quòd insignia visu, effectuque sydera si mathematicis demonstrationibus credimus, ampliora sunt, quam universa terra. Quomodo igitur influxus illorum ad unam imaginem ulam astronomicam restringitur, ut non etiam per alias res quamplurimas tali figura carentes diffundatur? Nullus igitur novus effectus ab hujusmodi Magia astronomicâ proficiscitur, & siquis fortè cernitur aliquando, is non earum imaginum, aut syderum potentia, sed occulta demonum opera, quòd ejusmodi fraudibus mortales circumveniant, proficiscitur. Atque hæc contra Apponentem, Cardanum, & Pomponatium sunt. De Magia verò Cabalistica mox.

Quod autem sit aliqua Magia non naturalis, haud est ambigendum. Multa enim faciunt Magi, quæ

nullo modo effici possunt per causas naturales, sed ea necessariò referri debent ad aliquas substantias incorporeas, quæ occultè cum ipsis Magis, & per ipsas operantur. Magi enim nonnunquam faciunt statuas è ligno, vel alia materia factas, nullo extrinsecus impellente, moveri ex se motu progressivo, & humano, quin etiam loqui ac respondere ad quæstiones de variis rebus propositas. Si id fieret naturaliter, cum natura nunquam det operationem aliquam, nisi dando formam, ex qua illa operatio procedit, supradictæ verò actiones, sint tantummodo animalium perfectorum, & quædam propriæ hominis, oporteret in illa statua productam fuisse animam sentientem perfectam, & animam rationalem. At nec hujusmodi animæ possunt esse subjectivè in tali materia, qualem habent illæ statuas, quippe quæ carent vita, & sensu, nec animalia perfecta possunt generari, nisi ex semine à sui similibus, nec potest natura simul & generare animal perfectum, & perfectam illi magnitudinem dare. Necesse igitur est, prædictas operationes statuarum, non à natura, sed ab aliquo demone, qui intra illam statuam latet, proficisci.

Deinde Magi quædam manifestant occultissima, & quæ ratione humana eis nota esse non potuerant, veluti furta clam facta, thesauros alicubi reconditos, res quæ in remotissimis regionibus geruntur, quæ quisque olim vel dixit, vel fecit. Denique prædicunt quædam futura. Hæc autem opera sunt mentis, & quidem sublimioris, atque præstantioris, quam est humana.

Præterea Magi cum volunt mira illa facere, certis quibusdam vestibus induuntur, ducunt quasdam lineas, & circulos, describunt figuras, pingunt characteres, & alia quædam adhibent, quæ per se nec vim habent naturalem producendi illos effectus, nec præparandi materiam ad illos producendos, aut accipiendos. Non igitur Magi opera illa faciunt per causas naturales.

Ad hæc, supra omnis naturæ corporeæ potestatem est illud, quòd aliquando faciunt Magi, ut ad eorum præsentiam & fores & alia loca, quæ clausa sunt, repente patefiant. Interdum etiam se vel alios repente ex hominum conspectu subducunt, quòd de Apollonio Tyanæo memoriæ proditum est. Is enim cum sisteretur in Prætorio ante Domitianum Imperatorem, repente ex oculis omnium evanuisse dicitur.

His accedit, quòd Magi non faciunt hæc, nisi pronuntiando certas quasdam voces, & verba, in quibus illi totam, vel maximam vim artis Magicæ ponunt. Voces autem, & verba, cum ex se non habeant aliam vim, quam significandi, vel quodammodo afficiendi auditum, non possunt esse causa, ut aliquid fiat, nisi dupliciter. Vel ratione rerum, quæ illis verbis dicuntur, quæ res intellectæ ab audientibus, eos variè afficiunt, & movent, præsertim adjuncta decenti convenientique actionis, & pronuntiationis ratione, & hoc modo brutorum, & concionatorum verba movere solent audientes. Sed hic modus movendi non nisi ad audientes, qui intelligunt, pertinere potest. Vel movent verba propter suavitatem modi, quo modulatè, & artificiosè cum suavitate, ac dulcedine auditum afficiunt. Qua ratione non solum homines, sed bruta vocibus musicis variè affici, ac permoveri cernimus. Neutrum autem horum reperitur in vocibus Magorum. Non igitur per illas voces, tanquam per causas naturales, illos suos effectus producunt. Jam verò cum Magi ad faciendum quòd volunt adhibeant quasdam invocationes, obtestationes, comminationes, sacrificia, prostrationes corporum, & alia ejusdem generis, quis non liquidò cernit, hæc non posse referri ad naturam corpoream, ratione, & intelligentia carentem, sed ea naturæ alicui incorporeæ ac in-



telligenti, cuius Magi opem implorant & sine cuius concursu, quod intendunt, efficere non possunt, exhiberi?

Postremò, ne quis vel ambigendi, vel cavillandi sit locus, id omnem tollit dubitationem, quòd non solum Magi miranda illa opera per se ipsos faciunt, sed quali quædam dictata tradentes aliis, eadem per illos perficiunt: quin etiam usù venit, quosdam plane ignorantes, an illa essent vel à dæmone tradita, vel magicis pravitatibus infecta, fidem tamen habentes illis sibi dictatis, eisque utentes, mira etiam fecisse. Quod apertè demonstrat, facultatem ejusmodi res perficiendi non esse naturalem.

Non ignoro, Petrum Apponensem, Cardanum, maxime verò Pomponatium in libro de Incantationibus, ejusmodi opera Magorum, exclusis dæmonibus, ad solas causas naturales conatos esse referre, sed frustra & infeliciter. Verùm eorum opinionem alibi refellimus. Interim sciendum hanc nostram sententiam ab omnibus Platonici fuisse probatam, ac litteris traditam. Hoc enim sensit Plotinus, Porphyrius, Iamblicus, Proclus. Hæc etiam fuit Pythagoreorum doctrina, imò ante hos omnes idem in Parmandro sensit, ac docuit Mercurius Trifinegistus.

Has autem substantias, incorporeas, quæ favent Magis, eosque juvant ad illa opera faciendâ, quæ non sunt per causas naturales, sed excedunt naturæ corporeæ potestatem non esse bonos Angelos, sed malos, quos dæmones appellant è multis sane firmis, manifestisque argumentis ostendi potest.

Primo ejusmodi spiritus jubent se à Magis adorari tanquam Deos, sibi que sacrificia fieri. Hoc autem est proprium dæmonum, qui honorem divinitatis, quam à principio affectantes assequi non potuerunt, decipiendis hominibus aliquo modo obtinere cupiunt. Boni autem Angeli ejusmodi honores non solum non optant, sed etiam vehementer averfantur. Vnde legimus in Apocalypsis cap. 19. Angelum quemdam prohibuisse, ne Joannes ipsum adoraret, dixisseque, *Vide ne feceris: confervus enim tuus sum &c. Deum adora.*

Deinde Magi sunt homines flagitiosissimi, & artibus magicis abutuntur ad inferendum exitium aliis, hoc est ad patrandum adulteria, furta, homicidia, infanticidia. Boni autem Angeli maleficis hominibus non favent, & ab ejusmodi sceleribus abhorrent.

Post hæc Magi multa miscent mendacia, multaq; fallacias, quibus homines circumveniunt, ac decipiunt, ad quod Angeli boni cooperari non possunt.

Præterea Magi invocando eos, quorum abutuntur opera, minantur illis quædam impossibilia, nisi venerint & cum venerunt, imperant illis, & cogunt, ne inde discedant. Hoc autem imperium non possunt habere homines in Angelos bonos. Habent autem in dæmones, vel quia superior dæmon, cum quo Magi habent societatem ac fœdus inierunt, cogit inferiores dæmones parere jussu Magorum, vel simulant dæmones se cogi à Magis, cum tamen id voluntariè faciant, nec ab illis cogi queant, quòd facilius decipiant homines, tantam vim & auctoritatem Magorum admirantes, ac illis fidem adhibentes.

Quod autem Dominus noster argumentatur, se non efficere dæmones potestate principis dæmonum, quia non potest Satanâs Satanam ejicere, alioqui regnum ejus divideretur, nec diu stare posset, intelligendum est de perfecta ejectione dæmonis ab homine, hoc est, tam ex corpore ejus, quam ex animo; vel de ejectione, quæ proficitur ex odio dæmonis, & desiderio exercendi imperium quod habet in homines.

His adde, quia, ut inquit Eusebius lib. 5. de preparat. Evang. cap. 7. unde potuerunt Magi discere verba illa, & ceremonias, quibus dæmones advocant, eosque vel loco, vel annulo, vel vasi, vel statuæ, vel aliis rebus adesse cogunt? Unde scire quibus sacrificiis, libamentis, aut suffimentis dæmones avertantur, & fugentur, vel oblectentur, & alliciantur? Et alij quidem dæmones aliis rebus? Unde, inquam, homines hæc discere potuissent, nisi ab ipsis dæmonibus?

Et quid? Non enim est credibile hominem posse impellere Angelis bonis, eosque vel reluctantes cogere, & compellere ad aliquid faciendum. Quod tamen Magos facere disertissimis verbis declaravit Porphyrius in epistola ad Anebonum Ægyptium, quam Eusebius loco citato cap. 6. scriptis suis interuit. Ex ea verò nonnulla, quæ ad rem pertinent, hic adscribam. Proponit autem in ea Epistola Porphyrius nonnullas dubitationes circa ea, quæ Magi faciunt, dæmones invocando.

Prima dubitatio est: *Quomodo Magi invocant, & obsecrant dæmones, tanquam superiores, & eisdem tamen tanquam inferioribus imperant, & quod volunt, facere eos cogunt?*

Secunda. *Cur dij Magorum jubent homines esse justos, ipsi autem à Magis jussi multa patrant iniqua, & flagitiosa?*

Tertia. *Nolunt illi exaudire Magum, qui non multis diebus ante se abstinerit à Venere, ipsi tamen jussi Magorum illicitiunt, & incitant homines ad turpes, & nefandas libidines.*

Quarta. *Volunt Magum invocaturum ipsos ante ab esu carnis abstinere, cum ipsi tamen nidore ac sanguine carum animalium maxime oblectentur.*

Quinta. *Et qui mortuum tetigit ad operationes magicas accedere non licet, cum tamen mortuis cadaveribus animalium res magica fere peragantur.*

Sexta. *Magi minantur Soli, & Lunæ ac diis cælestibus, dicentes se concisuros Cælum, & arcana Isidis edicturos, & Ofiidos membra Typhoni tradituros, nisi dii adveniant, & respondeant ipsis; absurdum tamen videtur, Deos, quasi infantes ejusmodi fletibus minis ac terroribus commoveri, moveri autem eos istis minis Chereon Sacer Scriba testatur, & hæc esse illa, inquit, quibus dæmones maxime coguntur.*

Septima. *Preces autem, & orationes, quibus utuntur Magi invocantes suos Deos, inanes, & ridiculæ videntur. Sic enim eos compellant. Tu, inquit, qui è limo emerxisti, qui sedes in loco, qui navigas, qui singulis horis formam commutas, & in singulis zodiaci signis commutaris. Atque his precationibus, & adjurationibus aiunt Deum se hominis visui subicere.*

Octava. *Quid sibi volunt verba illa barbara, & nihil plane significantia, quibus Magi utuntur ad Deos suos advocandos? Nam si ad verborum significationem dij respiciunt, quæcumque voce eadem res significetur, movebuntur; non enim dii sunt Ægyptii, vel Scythæ, vel illis linguis utuntur, aut illas tantum norunt.*

Nona, *Cum dæmones sint supra ordinem rerum sensibilibus quomodo possunt rebus vel allici, vel etiam cogi? Quare autem Magorum malignitate hæc omnia sunt excogitata, quæ nostras passiones Deo attribueri audent, aut aliter homines de Deo cogitant, quam rei veritas habeat.*

Hæc in illa epistola Porphyrius. Iamblicus autem, quem Simplicius, & alii ob magnam peritiâ rerum divinarum cum incredibili studio, & religione conjunctam divinarum prænomina solent, in libro quem de mysteriis Ægyptiorum scripsit, ad supradictas omnes Porphyrii dubitationes respondere conatur. Sed ejusmodi sunt omnia ejus responsa, ut videantur esse magis incredibilia, & absurda majoribusque implicata difficultatibus, quam illæ ipsæ, quæ propositæ sunt dubitationes.

At quæret forsitan aliquis, *Cur dæmones nonnisi sub certis quibusdam Cæli constellationibus, & nonnisi certis quibusdam vel lapidibus, vel herbis, vel figuris, aut aliis signis adhibitis, advocantur à Magis, nec aliter opera magica fiant?*

Respondetur, id quidem facere dæmones varias ob causas. Primò ut inducant homines in eum errorem, ut credant, esse aliquod Numen, ac divinitatem in stellis, easque pro Deo adorent, & colant, Deinde, ut simulando per stellas multa maleficia, multaque incornmoda, & detrimenta inferri hominibus, infament eas, & exosas reddant hominibus. Tum quia dæmones, cum nonnisi per causas naturales operentur, animadvertunt secundum certas aliquas constellationes materiam, circa quam operari volunt, magis affici, & præparari ad effectus illos accipiendum. Hinc fit, ut nonnunquam dæmones secundum incrementa Lunæ, maxime quosdam vexent, qui propterea vocantur lunatici, quos Dominus sanasse dicitur in Evangelio Matthæi cap. 4. & 13.



Cum enim cerebrum hominis, autore Aristotele, sit omnium corporis partium humidissimum, ideoque maxime subjiciatur potestati Lunæ, quæ magnam habet potentiam & vim commovendi humores, in cerebro autem perficiantur actiones secundum incrementa Lunæ, maxime perturbant phantasiam hominis, quia vident tunc cerebrum ejus ad id esse magis præparatum. Dæmones porro, sicut dixit Augustinus *lib. 21. de Civit. cap. 6.* alliciuntur herbis, lapidibus, animalibus, carminibus, aliisque ceremoniis, non tanquã animalia cibis, sed ut spiritus signis, ea ratione, ut hæc illis exhiberentur in signum divini honoris, cujus illi sunt cupidissimi. De hoc vide D. Thomam *par. 1. qu. 115. art. 5.*

Et profecto qui dæmones negant, etiam aliquam Magiam dæmoniacam esse negant. Dæmones tamen esse, & dæmoniacam Magiam, quæ nec industria, aut artificio hominum, nec naturalibus causis, sed immateriali quapiam & separata virtute nititur, pluribus sacre Scripturæ testimoniis tam libri Job, quam Exodi compertum est.

Prima igitur Magiæ dæmoniacæ species vocatur Goëtia, sive specialis, ac nigra, ejusque consideratio ad duo potissimum capita reduci potest. Primum continet ea, quæ dæmones, vel Magi eorum ope agere possunt in res creatas secundum ea, quæ ipsimet dæmones ab illis pati possunt, ita tamen, ut omnium operationum magicarum veluti basis, & fundamentum sit pactum per Magos cum dæmone initum, quod pactum, ut sæpe diximus, est duplex. Unum expressum; alterum tacitum. Iterum pacti expressi triplex est modus. Primus sit solemnitate varia, & ipsi cacodæmoni visibiliter in corporea aliqua forma apparenti, coram testibus fidelitas, & homagium promittitur. Aliquando etiam id fit per libellum supplicem, qui dæmoni præsentatur. Alius modus priori similis est, nisi quod sine testibus peragitur. Tertius per vicarium initur, magum videlicet, vel tertium aliquem, cum paciscens dæmonis aspectum, vel colloquium reformidat.

Pactum verò tacitum duplex est. Primum quando quis sciens, ac volens superstitiosis utitur signis, quibus uti solent Magi, estque semper peccatum mortale. Secundum, quando quis ignorans magicis utitur signis, quia nescit esse mala, & à dæmone instituta. Et hoc, vel nullum, vel levissimum est peccatum, si duæ conditiones accedant. Prima si ignorantia sit probabilis, v.g. eorum, qui hoc scire non tenentur: Secunda, ut ignorans ista, paratus sit, quando fuerit admonitus, hujusmodi superstitionem relinquere.

Sed venio ad Magiam Cabalisticam, quam Philosophi quidam Judæorum, & de Christianis nonnulli, vanitatis magis, quam veritatis studiosi, ac res curiosas, atque inauditas, quam veras & solidas discendi avidiores, affirmant scientiam esse, Mose primum à Deo in monte Sina traditam, deinde, non quidem litterarum monumentis, sed ore tenus à prioribus per quandam velut manuum traditionem ac receptionem, posteris traditam, adhuc fuisse conservatam. Qua etiam ratione ferunt veteres, disciplinam Pythagoricam multis seculis esse conservatam.

Complectitur autem hæc Magia Cabalistica universam Philosophiam, divinam & humanam, necnon & naturalem, omniumque rerum doctrinam mysticè, ac symbolicè continet, non eam more aliarum humanarum disciplinarum rationibus, & argumentis, disputationibusque tractans, sed numeris, figuris, ac symbolis ita, quod in ea singula, litteræ, figuræ, nomina, elementa, apices, lineæ, puncta, accentus, spiritus, & siquid aliud est minutius, profundissimam quandam, & abditissimam ingentium rerum significatricem doctrinam habent, cujus specimen dedi in consultatione de libris Thalmudicis & Cabalisticis.

Hanc Magiam qui bene teneat, eum nihil non polleat, aiunt, omnia scire, ac præscire, naturæ imperare, cunctasque res ei obedire. Hac Mosen prodigia illa fecisse in Ægypto, & in deserto, hac Josue, Eliam, Eliaum, & Isaiam, Daniele, Samuelem tot, tantaque fecisse miracula. Dicunt enim nomina, quæ Deus per Adamam cunctis rebus secundum suas cuiusque

rei proprietates imposuit, fuisse hebraica, quibus rerum omnium substantiæ, qualitates, & proprietates exprimentur; quocirca his nominibus naturales res appellanti, confestim res omnes se illi subjiciunt, & ejus obsequio se totas addicunt. Hujus amentitiæ expertus non fuit Vviclef, qui, ut memorat. Thomas Vvaldensis in opere suo de sacramentalibus, dixit: *In statu innocentie Adam imposuisse nomina animalibus secundum naturales eorum proprietates, quibus nominibus appellata ab homine, statim ei obediissent, ejusque omnia jussa fecissent, & hujus rei reliquias remanere in exorcistis, & incantatoribus, & ad id magnam vim habere voces hebræas.* Cujus sententiæ doctrinam, copiosamque confutationem lege apud ipsum Vvaldensensem.

Verum adeo est inerudita, insulsa, & ridicula hæc Cabalistarum opinio, ut nihil æque mirum sit, quam ulli hominem sanæ mentis aliquando eam probari, ac persuaderi potuisse. Sed ita est profecto. Sunt ingeniorum similiter, ut hominum monstra quædam, ac portenta, & quibus ejusmodi opinionum delicia proficiuntur. Nonne incredibile est, Solem ac Lunam, cæteraque astra, elementa item, ac stirpes, cum ratione careant, divinam illam vim, quæ latet in vocibus hebræis sentire, eaque sic affici, ac permoveri, ut homini pro ejus arbitrio pareant. Sed esto noverint illam vim, vel omnes res naturales, vel certè animantes, aut homines, num ideo ejusmodi nominum appellatione eas continuo moveri necesse est? Si reconditissimam illam vim, & efficaciam vocum hebræarum, quam faciunt Cabaliste, paucissimi hominum intelligunt, nec nisi qui illa eadem arte sunt initiati, quomodo eam agnoscent ac sentiant bruta, cæteraque non ratione modo, sed etiam sensu carentia? Cur tribuunt tantam vim vocibus, & characteribus hebrææ linguæ, quam omnium vetustissimam, & primam ferunt, cum certè constet, alios esse characteres hebræos, qui nunc extant, quam qui olim fuerant ante captivitatem Babyloniam? Quod Hieronymus in prologo galeato affirmatè scribit, dum ait; *certum est, Esdram post captam Hierosolimam, & restorationem templi sub Zorobabel, alias litteras reperisse, quibus nunc utimur, cum ad illud usque tempus iidem Samaritanorum, & Hebræorum characteres fuerint.*

Nec verum est, in lingua hebræa reperiri voces, quæ omnium rerum naturas, infimatque differentias, & proprietates expriment, nec in declarandis rebus uberior est, aut significantior hebræa lingua, quam græca, vel latina, nec ullum est nomen in ulla lingua, quod simul alicujus rei & substantiam, & differentias, atque proprietates, tam genericas, quam specificas, atque individuales aperiat; nec in vocibus hebræis per se sumptis, plura, majorave latent mysteria, quam vel in græcis, vel in latinis. Legimus in Scriptura, quomodo Moses, & Aaron per virgam eis à Deo traditam, plurima, maximaque fecerint prodigia. Legimus Josue retinuisse cursum Solis & Lunæ cum dixisset: *Sol contra Gabaon ne movearis, & Luna contra vallem Aialon, stetitque Sol in medio Cæli, & non festinavit occumbere spatio unius diei. Nec fuit antea & postea tam longa dies, obediente Domino voci hominis, & pugnante pro Israhel.* Narrantur etiam Samuelis, Elisæi, & Danielis miracula, nec tamen usquam de istis Cabalisticis mysteriis ulla mentio, aut verbum fit. Si tanta est Cabalisticæ Magiæ vis, ac potestas, ut cælis imperet, Solem sistere, aut retrocedere cogat, maria dividat, flumina siccat, totamque naturam commutet, & sibi ad nutum obedire faciat, cur isti sapientes Cabaliste ejus artis peritissimi, talia nunquam patrarent, vel etiam nunc patrare possunt? Certè Philosophi Judæorum, qui hanc sapientiam arrogant, ad excutiendum jugum durissimæ servitutis, quo miseri jam mille ac septingentis ferè annis oppressi tenentur, ea uti debuissent. Accedit & ratio. Quia, ut sæpe diximus, verba nat-



lam vim, neque artificialem, neque naturalem, neque supernaturalem, habent ad hujusmodi effectus producendum. Non artificialem. Nemo enim unquam id suspicatus fuit. Neque supernaturalem. Nam esset gratiæ, aut miraculi. Hoc autem dici non potest, quia Deus nihil tale promittit, neque Ecclesiæ revelavit, quale Cabbalistæ jactitant. Ergo vel est prodigiosa, vel naturalis. Non quidem prodigiosa ministerio bonorum Angelorum, quia hi se non immiscet magicis operationibus. Ergo ministerio dæmonum. Non denique naturalem. Quia verba si scripta sunt, quid mortuum sunt. Si ore prolata, vim tantum habent contactu aërem feriendi, ut animalium, reliquorumque inanimatorum soni. Restat igitur, quod hæc ars sit superstitiosa, & magica pertinet ad pactum & fœdus cum dæmone.

De Necromantia quæ secunda species est Magiæ, nonnihil dicendum, ut qualis, quantave sit ejus vis, vel potius fraus, & fallacia ostendamus. Necromantici profitentur se animas mortuorum evocare posse, ex eisque cognoscere multa, quæ sunt occultissima, vel etiam futura. Animas autem mortuorum, præsertim eorum, qui flagitiose vixerunt, aut violenta morte de vita deturbati sunt, Magis eas invocantibus adesse, respondere, multaque manifestare, docet Porphyrius lib. 2. de abstinent. animal. Nam cum de pravis & fallacibus dæmonibus dixisset, mox hæc subdit de animabus: *Prava, inquit, anima, quæ corpus suum violenter reliquit, expoliata ad hoc ipsum deinde se admovent, ibique moras trahit. Unde nonnunquam vise sunt anime lamentari. Nam anima carentium sepultura, circa corpora immorantur, quibus malefici sapius abutuntur ad ministerium suum explendum, compellentes animas à possessione corporis, vel partis cujusdam assumptione. Quocirca qui vaticinantium animalium insinuari sibi animas optant, præcipua illorum membra deglutientes, veluti cervorum, vel talparum, vel aliorum accipiunt, & ita præsentem sibi faciunt animam, Dei ritu vaticinantem. Talis enim anima una cum sui corporis integra assumptione, in corpus humanum se penitus ingerit.*

Magnam sanè huic arti fidem facere videtur quod legitur 1. lib. Reg. cap. 28. Pythonissam rogatu Regis Saulis excitasse à mortuis animam Samuelis, fecisseque ut Sauli de eventu impendentis belli confulenti, quæ mox ei eventura erant, prænunderet. Et quidem Augustinus li. 2. ad quæstiones Simpliciani, respondens ad 3. quæst. & in libro de octo Dulcitii quæstionibus quæst. 6. disputat in utramque partem, an fuerit ille verus Samuel, an potius dæmon specie ac figura Samuelis. Propensior tamen est ad credendum illum non fuisse verum Samuelem, sed ejus imaginem, & simulachrum arte dæmoniaca formatum, & aspectui Saulis præsentatum. Appellari autem in Scriptura Samuelem quod illum habitu, specie, & autoritate repræsentaret.

Hoc idem citra ullam dubitationem traditur in lib. 2. de mirabilib. Sacra Scriptura cap. 2. & in libro quæstionum Veteris & Novi Testamenti quæst. 27. qui libri nomine Augustini in ejus operibus numerantur. Tertullianus item in lib. de anima, non solum hoc probat, sed contrariam sententiam omnino improbat. Nam loquens de Samuele, hæc scribit: *Ecce hodie ejusdem Simonis hæreticos tanta præsumptio artis magica extollit, ut etiam Prophetarum animas ab inferis movere se spondeant, & credo, quia mendacio possunt; nec enim Pythonico tunc spiritui minus licuit animam Samuelis effugere post Deum mortuos consulente Saule. Absit autem, ut animam cujusquam Sancti, nedum Prophetæ a dæmone credamus extraham, certe quod ipse Satanæ transfugeretur in Angelum lucis, nedum in hominem lucis, etiam Deum se asseveraverunt, signaque portentosa edictum.*

Tom. I.

turus, ad evertendos, si fieri possent electos. Quibus verbis, aliisque proximè consequentibus aptè docet Tertullianus non fuisse illum verum Samuelem. Divus etiam Thomas 1. p. 2. q. 86. ar. 8. & 2. 2. q. 95. ar. 5. ad 2. & q. 174. ar. 5. ad 4. dubitantes de hoc inquit, sequutus nimirum Augustinum. Idemque fit in can. Nec mirum 25. q. 5. Non ipsa igitur Samuelis anima, sed dæmon larvatus, ac subdititius apparuit.

At Lyrano, ac Tostato, ac ni fallor etiam Augustino lib. de cura pro mortuis cap. 15. ac vixi probabilius est, imo certum, fuisse veram animam Samuelis, quæ Sauli apparuit, exercente quidem Pythonissæ artem suam magicam, sed non ejus artis vi ac potentia, sed Dei imperio ab inferis excitatam, quæ dispensatione divina Pythonissam, & Saulem latente, ostendit se aspectibus iniqui Regis, divina eum sententia percussu, ut impius Rex, quæ post mortem supplicia suæ impietati debita passurus erat, jam tum acerbissimo doloris sensu prægustaret. Neque ad id probandum, aut persuadendum opus est testimoniis, vel argumentis, cum hoc in Sacra Scriptura perspicue traditum sit. Nam in lib. Ecclesiastici cap. 46. Sic est: *Et post hoc dormivit Samuel, & notum fecit Regi, & ostendit illi finem vite sue, & exaltavit vocem illius de terra in prophetia, delere impietatem gentis.* Falsitas tamen, sive deceptio sensuum in eo saltem reperitur, quod visa obtemperare voci Pythonissæ, cum tamen non vi carminis magici evocata, sed Dei imperio advenerit. Et quia verum suum corpus, aut veram sindonem non attulerat, ut videbatur, saltem quod ad hoc, illusoriis effectibus annumerandus videtur.

Et sanè D. Augustinus libro illo de cura pro mortuis, & D. Thomas 2. 2. non obscurè significant, si liber Ecclesiastici, tanquam sacer & canonicus recipiatur, necessariò sentiendum esse, verum Samuelem apparuisse Sauli. Loquuntur autem illi cum conditione de autoritate libri Ecclesiastici, non quod non eum pro sacro & canonico haberent, sed quia nec Hebræi eam recipiunt ac reponunt in libros Canonicos, & quidam Catholicorum olim de ejus autoritate dubitarent. Quare nobis, ut de ejus libri fide, & autoritate post Concilium Tridentinum, sic neque de vero Samuele Sauli post mortem prophetante, dubitare licet.

Celebratissima olim fuit Necromantia multis in locis, & apud multas gentes. Osthænes apud Plinium lib. 3. cap. 2. promittebat quorumlibet mortuorum excitationes, & colloquia cum vivis, majorisque admirationis est, quod extremo illo capite subdit Plinius: *Adolescentibus nobis, inquit, visus Apion grammatica artis, prodidit Cyncephaliam herbam, quæ in Egypto vocaretur Oxyrites, divinam non in vivos modo, sed etiam in mortuos habere potentiam, eaque se evocasse umbras ad percunctandum Homerum, quæ patria, quibusque parentibus genitus esset. Cicero Asculanus in Commentariis, quos in sphaera edidit, nominat librum, qui olim extabat, & inscribatur, Scriptura Cham, opus magiæ ac maleficæ impietatis plenum, continens elementa & praxim Necromantiæ. Tertullianus cit. lib. de anima, ubi de inferis, ac defunctorum evocatione disserit: *Publica, inquit, jam literatura est, quæ animas etiam jussu etate sopitas, etiam proba morte disjunctas, & prompta humatione disjunctas, evocaturam se ab inferorum incolatu pollicetur.**

Fuerunt quondam multa apud varias gentes loca, Necromantiæ usu celebrata ut Cymmericum Oraculum ab Homero lib. 11. Odysseæ, cujus etiam meminit Strabo lib. 5. Geograph. Tesprotium in Epiro à Virgilio lib. 6. Aeneidos, apud Lucanum Eriçtone venefica Thesfala mortuum evocat, qui Sexto Pompeio exitum Pharsalicæ pugnae denunciaret. Phigaria, Arcadiæ civitas, habuit hujusmodi Necromantas, à quibus occulta, & futura suscitari, usitatum fuit.

V. 2.

Beatus



Beatus Augustinus *lib. 9. de civit. cap. 11.* citat Apuleium affirmantem animas hominum demones esse, & ex hominibus fieri Lares, si meriti boni sunt; Lemures autem, aut Larvas, si mali, qui nullis bonis sedibus in terris vagatione puniuntur, inane terriculentum bonis hominibus, ceterum noxium malis. Cum verò incertum est, quæ cuique sortitio obveniat, utrum lar sit, an larva, manes Deos nominant, & fanis, atque caeremoniis vulgò admittuntur, ut oracula reddant, ut in Bæotia Amphiaras, in Africa Mopsus, in Ægypto Osiris, alii alibi, Æsculapius ubique. Hæc tamen ibi Augustinus verè, graviterque refellit, & apud Tertullianum in libro de anima sic legitur: *Nosomanas propria oracula apud parentum sepulchra mansitendo captare, Eracledes scribit. Celtas apud virorum sortium busta eadem de causa abnectare, Nicander affirmat.*

Ut verò animadvertit Soula in aphor. Inquis. lib. 1. cap. 41. tribus potissimum modis Necromantia exerceri solet. Primò, cum quis certa verborum forma, certis carminibus, descriptisque circulis, figuris, aut characteribus à demone immediatè, vel mediatè acceptis, ferèque semper adhibito sanguine, mortuos suscitare conantur, ex eisque multa occultissima, vel etiam futura cognoscere. De quo etiam Delrius *lib. 2. magic. cap. 11.* Farinac. *de hæres. qu. 181. num. 58.* & Raph. de la Torre *tom. 2. qu. 95. ar. 3. diff. 3.* Secundò, cum quis defunctorum animas, præcipuè eorum mortuorum, qui flagitiosè vixerunt, aut violenta morte obierunt, præfatis caeremoniis evocare contendit, ut occulta manifestent. Tertio, cum quis ex descriptis figuris, lineis, ac signis in mortuorum corporibus, vel ex certo cadaverum contactu vult occulta indagare.

Verum has omnes mortuorum, quæ arte Necromantica fiunt, apparitiones, vanas, & falsas esse non est dubitandum. Pleraque enim ab ipsis Necromantis, aliisve fictas esse, compertum est. Si quæ autem revera contigerunt, in his existimandum est, non animas defunctorum apparuisse vivis, sed ipsos demones, tales se ostendisse Necromantis, vel eos consulentibus, tales inquam habitu, specie, ætate, voce, & affectu, quales fuerant olim mortui, cum inter vivos versarentur. Confirmat hoc ipsum D. Thomas *par. 1. qu. 117. art. 4.* Non potest, inquit, anima separata, naturali virtute sua movere aliquod corpus. Cum enim sit naturalis forma humani corporis, non habet vim movendi secundum locum, nisi corpus, quod informat, & vivificat. Nam etiam cum est unita corpori, si sit aliquod membrum mortificatum, non obedit ad motum localem. Quare anime defunctorum nec assumere corpora, nec cum illis ad vivos venire possunt.

Deinde Necromante non habent vim, & imperium in animas defunctorum, quæ sunt in Cælo, nec quæ sunt in Purgatorio. Non enim convenit, aut decet animas Sanctorum impiis Necromantium artibus subiacere; neque in animas, quæ sunt in Inferno. Nam cum illuc sint à Deo, tanquam in carcerem, detrusæ, nulla inde vi possunt efferri, nec nisi Dei mandato egredi. Non est autem credibile, Deum id concessurum Necromantis, per quos demon sagax mortales decipere, & à veri Dei cultu avertere. Sic enim Deus artem necromanticam, & per se infamem, ac toties à se in sacris litteris reprobam, extremoque mortis supplicio condemnatam, non solum honoraret, sed etiam fide, cultuque apud mortales dignam redderet.

Non proinde inficior animas, quæ sunt in Purgatorio nonnunquam apparuisse vivis. Id enim S. Gregorius in 4. lib. dialog. nonnullis, & quidem certis probat exemplis. Neque ego, etiam animas beatas vel martyrum,

vel aliorum Sanctorum descendere in terram hominibus, eorum auxilium implorantibus opem & solatium laruras. Id enim confirmat S. Augustinus in lib. de cura pro mort. cap. 16. exemplo B. Felicis, Episcopi Nolani, quem civibus suis, cum à Barbaris oppugnantur, apparuisse, & subvenisse affirmat Augustinus. Sed aio, mortuorum animas, cum apparent vivis, non id facere sua voluntate, & arbitratu, nec naturali potestate, multòque minùs vi ac potentia artis necromanticæ, sed hoc fieri quodam singulari Dei consilio, voluntate, ac potestate. Non enim animas defunctorum interesse rebus vivorum minùs est miraculum secundum Augustinum *loc. cit.* & secundum D. Thomam *d. p. 1. q. 89. ar. 8. ad 2.* quam vel illuminationis cæci, vel alia, quem in magnis Dei miraculis numerantur.

Sed nemo melius, quam Tertullianus in libro de anima, ubi de inferis, & animarum evocatione agit, hanc sententiam disertissimis verbis comprobat. Illud audiamus. *Necromantia, inquit, secunda est idolatria, in qua se demones perinde mortuos fingunt, quemadmodum in illa Deos: Quidni? Cum & Dei mortui sint? Itaque invocantur quidem defuncti, sed demones operantur sub eorum obtentu. Hanc autem fallaciam Diaboli sub personis defunctorum delitescens, ni fallor, etiam rebus probamus, cum in exorcismiis nostris interdum demon aliquem se ex hominibus affirmat, interdum gladiatorem, vel bestiarium, sicut & alibi Deum, nihil magis curans, quam hoc ipsum excludere, quod predicamus, ne credamus animas universas mortuorum ad nihilum redigi, ut & iudicii, & resurrectionis fidem turbent. Et tamen ille demon, postquam circumstantes circumvenire tentavit, instantia divina gravè victus, id, quod in vero est, invitus confitetur. Sic etiam in Necromantia, quæ jam quiescentes animas evellere ab inferis creditur, & conspectui exhibere, nulla fallacia vis est, operatior planè. Quia & phantasma præstat, & corpus effingitur, nec magnum illi exteriores oculos circumvenire, cui interiorem mentis aciem excacare perfacile est. Nulla autem anima omnino inferos patere, satis Dominus in argumeto illi pauperis requiescentis, & divitis ingemiscens, ex persona Abrahæ sanxit, non posse relegari renunciatores dispositionis inferna; quod vel tunc licere potuisset ad Moysi, & Prophetis crederetur. Sed etsi quædam invocavit Dei virtus in documentum juris sui, non idcirco communicabitur fidei, & audacie Magorum & fallacia somniorum, & licentia Poetarum. Nam in hac mortuorum resurrectione, quæ Dei virtus in corpora animas representat, solida, & correctibili, & saluta veritate præjudicatum est hanc esse formam veritatis, ut omnem mortuorum exhibitionem incorporalem, præstigas iudices. Hæc Tertullianus. Legatur etiam Hugo S. Victoris *lib. 6. eruditionis didascalica cap. 5.* ubi numerosius, & enucleatius Magiæ varietatem ac divisionem enarrat.*

Originem verò Magiæ non naturalis, variè tradunt Scriptores. Philo *lib. de special. legib. cent.* ex vera & naturali Magia adulterata, & corrupta natam esse fallacem, & quæ vulgò dicitur Magia. Vetus tamen opinio est, principem hujus Magiæ doctorem, & quasi parentem fuisse Zoroastrem, de quo Plinius *lib. 30. cap. 1. & lib. 7.* mira de eo scribit. Idemque sentit Justinus historicus *sub initio lib. 1.* D. Augustinus *lib. 1. de civit. cap. 14.* & Autor historie Scholastice enarrans historiam Geneseos *cap. 39.* De antiquitate autem Zoroastri variant Scriptores. Eudoxus, & Aristoteles ex Plinio locorum volunt, eum antiquiorem fuisse Platone sex millibus annorum. Hermippus, vel ut citat Laertius, Hermodus in libro de disciplinis facit eum quatuor millibus annorum bello Trojano verustiorum



Contra Xanthus Lydius apud Laetium multò recentiorum eum facit, hoc est sexcentis duntaxat annis ante Xerxis transitum in Græciam. At illi nimium multos computant annos, hic nimium paucos. Constat enim Zoroastrem fuisse tempore Nini primi Assyriorum Regis, quo regnante, natus est Abraham. Unde paulò amplius sexcentis annis Mose priorem fuisse Zoroastrem patet.

Apud verò Cassianum Serenus Abbas *collat. 8. cap. 21.* originem Magiæ & omnium maleficarum artium altius reperit. nimirum etiam ante diluvium exeo tempore, quo filii Dei, ut Scriptura narrat, permissi sunt filiabus hominum. Sed verius ii sentire videntur, qui dæmonem primum magicarum artium autorem, & parentem faciunt, à quo mortales earum cognitionem acceperint, ac usum didicerint. Nec mirum cum ipse ut est apud Joan. *cap. 8. homicida sit ab initio.* Rectè igitur Lactantius *lib. 2. divin. institut.* omnium maleficarum artium inventores, & magistros fuisse dæmones confirmat his verbis: *Eorum inventa sunt Astrologia, & Aruspicina, & Auguratio, & que dicuntur Oracula, & Necromantia, & ars magica, & quicquid præterea malorum exercent homines vel palam, vel occultè. Quæ omnia per se falsa sunt, ut Sibilla Erythrea testatur.* Graviter, ac eleganter omnes Magiæ species, omnesque fallacias ex dæmone profectas esse, ostendit etiam Cyprianus *in libro de Idolorum vanitate.* Ipsum adi; & luculenter Porphyrius apud Eusebium *lib. 5. de prepar. Evang. cap. 7.* Certè liber Exodi satis clarè ostendit jam tempore Moïsi, hoc est plusquam trecentis annis ante bellum Trojanum, Magiam celebrem fuisse, Magosque magna apud eam gentem & sapientiæ, ac divinæ cuiusdam virtutis autoritate & exultatione floruisse, utpote qui se Moïsi opponere ausi fuerint, similiter illi mira quædam operantes. Quomodo autem Magia, artium omnium vanissima, & fraudulentissima, tantum in toto terrarum orbe, totque seculis valuit, vide apud Plinium *lib. 30. cap. 1.* Et quomodo religio ac disciplina Christi tenebras Magiæ, ac veterum maleficarum artium è mundo discussit, lege apud Tertullianum *in libro de Idololatria*, apud Eusebium *modo citatum lib. 1. cap. 2.* & S. Leonem *ser. 1. de nativ. Apostolorum Petri & Pauli.*

## CONSULTATIO LXVI.

*An opera Magorum sint vera miracula? Quomodo à veris miraculis differant, ac dignoscantur? Quid de prodigiis Magorum Pharaonis? Quinam ii fuerint? Et quomodo ea fecerint?*

**T**riplici modo potest intelligi aliquid esse miraculum. Primò simpliciter, & absolute, nempe comparatione cujuslibet naturæ. Hac significatione nullum planè est miraculum. Nihil enim est quod divinæ potentie, ac sapientiæ comparatione miraculum dici queat. Nam miraculum alicui dicitur, quod eius & facultatem, & intelligentiam excedit. Deus autem nihil est quod admirari possit, cum & causas omnium, quæ fiunt, optime noverit, & ipse princeps causa sit efficiendi omnia.

Deinde potest appellari miraculum respectu hominum, qui quæ sunt ipsis inusitata, & quorum causas ignorant, quoniam ea maximè admirantur, dicunt miracula. Qua ratione non modo dæmonum & Magorum, sed etiam sapientum hominum inventa quædam nova, & artificiosa opera, miracula nominantur. Postremo verè ac propriè miraculum dicitur

*Tom. I.*

opus, quod ideo verè ac meritò mirandum est, quia omnis naturæ creatæ vim, atque potestatem excedit.

Hoc autem multis modis potest evenire. Nam excessus naturæ creatæ vel est in eo, quod fit, quale nullo modo natura potest facere, cujusmodi est, ut duo corpora simul sint in eodem loco. ac se permeent, vel ut corpus humanum evadat immortale, impassibile & gloriosum. Atque hæc tenent primum locum, & gradum in miraculis. Vel excessus est non in eo, quod fit, sed in eo, vel ex quo, vel in quo res fit. Potest enim natura producere aurum, vel arborem, sed non ex nihilo. Potest dare vitam, sed non mortuo. Potest item facultatem videndi largiri, sed non nato cæco. Et hæc secundum locum in miraculis tenent. Vel excessus non est in eo quod fit, neque in eo ex quo, aut in quo fit, sed vel in modo, vel in ordine, vel in alia quapiam circumstantia, rebusve aliis, cum quibus omnibus naturaliter opus illud fit. Pono exemplum. Potest medicus sanare ægrotum, sed non subito, nec absque medicina. Potest Magus, vel dæmon, vel etiam natura ex ligno producere serpentem, sed non immediatè. Atque hic est infimus miraculorum gradus, & locus. De quibus etiam alibi.

Itaque cum propriè miraculum dicatur illud, quod fit præter ordinem totius naturæ creatæ ut docet D. Thomas *1. p. qu. 110. art. 4.* ac cæteri, non sufficit ad illius essentiam, quod aliquid fiat præter ordinem alicujus naturæ particularis. Aliàs cum quis projiceret lapidem sursum, miraculum patraret, cum hoc sit præter ordinem lapidis. Ideoque tunc aliquid dicitur esse miraculum, quando fit præter ordinem totius naturæ creatæ. Hoc autem fieri non potest, nisi à solo Deo, qui *facit mirabilia magna s. l. us, Psal. 76.* Et hac ratione dæmones non possunt cæcos illuminare, nec mortuos suscitare, nec idem corpus in duobus locis esse, ac similia, quæ verè miracula sunt. Sed quoniam non omnis virtus naturæ creatæ est nobis nota, idèò cum aliquid fit per virtutem creatam, nobis ignotam, videtur nobis miraculum, sed verè miraculum non est. Cum igitur dæmones faciunt aliquid sua virtute naturali, miracula dicuntur non simpliciter, sed quoad nos. Et hoc modo Magi dicuntur per dæmones miracula facere, quæ verè miracula non sunt. Ita D. Thomas *loc. cit. Alensis 2. p. 9. 42. & 43.* & communiter Theologi.

Dæmonum igitur ac Magorum miracula non verè differunt à veris miraculis, quæ in scripturis, & historiis Ecclesiasticis à servis Dei patratis legimus, his quinque modis. Dignitate virtutis efficientis. Qualitate eorum, qui faciunt: Diversitate factorum: Modo faciendi, ac fine, cujus gratia fiunt vera miracula, cum, ut supra diximus, omnis naturæ creatæ vim exuperent, solius Dei potestate possunt effici.

Nam licet per Angelos, vel servos Dei fieri videantur, illi tamen non agunt virtute sua, sed Dei, cujus sunt ministri, & tanquam instrumenta. Magi autem opera sua faciunt vel virtute quarundam rerum naturalium quibus utuntur occultè, vel opera dæmonum, qui etiam Magis auxiliantur. Vera miracula licet interdum faciant homines mali, rarò tamen, nec nisi ad confirmationem veritatis, ac divinæ virtutis declarationem. Ferè autem Magi homines sunt flagitiosi, & malefici, quos proinde divinis, humanisque legibus consulere & adire prohibemur. Quæ faciunt Magi, vel sunt tantum phantastica, & simulata, & idèò nec diuturna; vel sunt perniciofa, vel inutilia. Vera autem miracula sunt opera solida, & vera, utilissima hominibus, & non nisi magna aliqua necessitate, ac utilitate facta. Magi opera sua faciunt, vel per causas naturales, vel ope dæmonum, utuntur multis præstigiis, mendaciis, ludificationibus hominum, figuris, characteribus, verbis

*V. 2.*

*vel*



vel nihil, vel absurda significantibus, aliisque superstitionis ceremoniis, misceturque sacra profanis. Nam nonnulla verba sacra, quæ usurpant, adjunctis superstitionibus fœdant, & contaminant. Docent enim ea dici debere sub certo quodam constellationum situ, certoque loco, ac tempore, toties signo crucis facto, tot candelis accensis adhibitis, vel filis, aut velis, aut chartis, quas vel pueri, vel virgines tantum tegerint.

Adhibent etiam quædam, quæ nihil prorsus ad effectum producendum pertinent, sed ridiculam habent vanitatem. Dicunt enim oportere tali hora, & toties, & tali aqua lavare faciem, radere capillos, hac vel illa veste indui. Sed quod impietatis plenissimum est sanguinem ex humano corpore mittunt, eoque libamina quædam consecrant, nomina quorundam demonum usurpant, quibusdam animalibus familiariter utuntur, & cum eis colloquuntur, demonibus sacrificant, nomen & fidem Christi abjurant, probibent homines signare se signo Crucis, aliaque faciunt partim superstitionis, partim penitus execranda.

Nihil tale sancti faciunt in edendis miraculis, sed vel interiore, vel etiam exteriori supplicatione, & invocatione divinæ virtutis, vel facto signo Crucis, vel aliquibus verbis sacris recitatis miracula operantur.

Tandem, cur vel dæmones, vel Magi faciant illa sua miracula, non est obscurum, nimirum vel lucri, vel gloriæ & honoris cupiditate, sibi divinum nomen & cultum aucupantes, vel ut veritatem pervertant, & falsitatem hominibus persuadeant, vel ad patranda maleficia, veluti furta, adulteria, homicidia. Sancti autem faciunt miracula, non sua causa, cum & divitias contemnant, & honores fugiant, sed ut Deum honorent, Ecclesiam ædificent, hominesque non solum corpore, sed multò etiam magis animo juvent.

Qui igitur studiosus est veritatis, amansque virtutis non erit ei difficile vera miracula à falsis discernere. Qui autem flagitiosè vivit, & Christi doctrinam odit, nec studio veritatis, sed vanæ curiositatis cupiditate miracula quærit, huic Deus justo suo iudicio permittitur, ut quia veritati consentire, & acquiescere noluit, circumveniat mendaciis, & falsis miraculis persuasus perverſam doctrinam, falsaque dogmata, piis, verisque repudiatis, amplectatur. Hoc enim est quod docuit Apostolus in 2. *Epist. ad Thessal. cap. 2.* præmonens venturum Satanam, vel Antichristum in omni virtute, in signis, & prodigiis mendacibus & in omni seductione iniquitatis, non quidem omnibus, sed iis, qui charitatem veritatis non receperunt, ut salvi fiant. His enim miset Deus operationem erroris, ut credant mendacio, & iudicentur omnes, qui non crediderunt veritati, sed consenserunt iniquitati.

De Prodigis verò, quæ Magi Pharaonis fecerunt, magna quæstio est, an Serpentes illi, sive dracones, in quos Scriptura *Exod. 7.* narrat virgas à Magis projectas fuisse Ægyptiacis incantationibus, atque arcanis conversas, fuerint veri, & naturales serpentes, non minus quàm is, in quem virga Aaron mutata fuit, an potius fuerint simulachra quædam tantum, & imagines serpentum qui à demonibus serpentum modo movebantur. Idemque est dubium de aqua mutata in sanguinem, ac de ranis productis.

Multi & graves scriptores existimant, serpentes illos fuisse naturales. Id docent Theodoretus in *Exod. p. 18.* & copiosius Augustinus *lib. 3. de Trinit. cap. 7. & 8. & in lib. 83. quæst. 9. 79.* quem sequuntur Scholastici, D. Thomas in *comment. in cap. 24. Matth. & 1. p. qu. 14. ar. 4.* D. Bonaventura 2. *sent. dec. 7.*

*qu. 2.* ibique Cajetanus, & sentiunt Lyranus, Tostatus & Paulus Burgenſis, confirmaturque argumentis D. Thomæ desumptis ex 1. *p. loco cit.*

Sed contra multò plures, & antiquiores, non minus doctrina & antiquitate præstantes asserunt prodigia illa Magorum non fuisse veros & naturales effectus. Sed tantum simulatos, & apparentes, & artificio quodam magico ac dæmoniaco spectantium oculis imponentes. Ita Iosephus *lib. 2. antiquit. Philo lib. 1. de vita Moysi*, Justinus Martyr in *lib. responsionum ad quæstiones Orthodoxorum, in respons. ad quæst. 26.* Tertullianus in *lib. de anima*, Gregorius Nyſſenus, Græcus interpres, quem citat Catena in *Exodum cap. 7.* ad quem locum etiam Rupertus, Rabanus, & Hugo S. Victoris, faciunt indicat Ambrosius interpretans *cap. 3. posterioris epistolæ ad Timotheum*, & eundem Pauli locum explanans Hieronymus.

Neutra hæc opinio evidenter ex sacris litteris, aut humanis rationibus vel probari, vel reprobari potest. Videtur tamen aliquantò probabilior Augustini sententia, fuisse veros illos Magorum Serpentes, quam ita explico.

Quatuor, vel quinque modis cogitari potest, Magos fecisse serpentes, sanguinem, & ranas. Duobus, vel tribus in speciem tantum, ac simulatè, duobus aliis verè. Primò enim species, & phantasmata virgarum & serpentium, aquæ & sanguinis & ranarum, quæ erant in phantasia, & imaginatrice facultate, dæmones commovendo, ac turbando spiritus, in quibus erant illæ species, potuerunt facere, ut illæ species refluere ad sensum communem, vel etiam ad sensum visus, ita: Primùm species virgæ, mox, ea sublata, species serpentis, adeo, ut videretur virga conversâ in serpentem. Vide hoc apud D. Thomam 1. *p. qu. 114. & 111. ar. 3. & 4.* quod & in aliis fieri cernitur. Nam in somno motu vaporum ascendentium in cerebrum, atque descendentium, refluentibus speciebus rerum sensibilem ad primum sensitivum, dormientes videntur sibi & videre, & audire, & vi morbi idem contingit phreneticis.

Secundò potuit fieri, ut dæmon virtute aliqua naturali occulta, spectantium visum ita inficeret, vel turbaret, ut viderentur esse, quæ non erant, & non esse quæ aderant, quemadmodum ægrotus corrupto palato, & gustu, dulces cibos iudicat amarus.

Tertio modo potuerunt dæmones virgas illas Magorum subito convertere in serpentes, applicando illis invisibiliter aliqua agentia naturalia, nobis ignota, ad producendum serpentes potentissima & efficacissima.

Quarto modò fieri potuit, ut dæmones, non advertentibus, qui spectabant, virgas à Magis projectas subito è conspectu illorum clam auferrent, & pro illis serpentes mole æquales ipsis, vel ante præparatos, vel aliunde, tunc celerrimè asportatos, intuitum oculis subicerent ita, ut virgæ in serpentes viderentur esse conversæ.

Quinto modo potuit illud fieri, ut dæmones virgas illas in modum & formam serpentum figurarent, vel figuram serpentum illis affingerent, & in illis motum, qualis est verorum serpentum, ipsi efficerent.

Qui igitur negant, illos serpentes Magorum fuisse veros & naturales, eos necesse est sequi vel duos priores modos, vel certe quintum modum. At contra priores duos modos illud pugnat, quod Scriptura inquit, factos esse serpentes. Non ergo solum erant in imaginatione, vel aspectu intuitum, sed extra quoque erant serpentes. Non enim dixisset Scriptura, Magorum virgas verſas esse in serpentes.

Contra verò quintum modum facit, quod Scriptura



ra dicit, serpentem, factum ab Aaron, devorasse serpentes Magorum. Quomodo autem devorasset illos, nisi fuissent veri serpentes?

Divus Augustinus, & D. Thomas, S. Bonaventura, Cajetanus, & Bagenstæsequuntur tertium modum, qui tamen nec Lyrano, nec Tostato fit probabilis. Certum enim est nec Dæmones potuisse immediate producere serpentes, sed tantum adhibendo causas naturales eorum productrices. Certum etiam est, nullum agens naturale, naturaliter operando, posse subito producere formam ex materia non ante disposita, & preparata. Certum item est, diversas formas exigere diversis materiæ præparationes, & quod formæ sunt nobiliores, eò plures, & operosiores præparationes deposcunt. Major enim præparatio fit materiæ ad formam mixti, quam ad formam elementi, & major ad formam animalis perfecti, quam vel mixti inanimati, vel plantæ.

Ex his negari non potest, dæmones non potuisse producere illos serpentes immediate ex Virga. Nam materia Virgæ est admodum remota & aliena recipiendæ formæ serpentis.

Si dicant, non immediate ex virga productos esse serpentes, sed variis transmutationibus præmissis. At tor, & tam variæ transmutationes subito fieri non potuerunt. Statim enim atque Magi projecerunt virgas, apparuerunt serpentes. Quid? quod cum naturaliter producitur serpens, non statim producitur magnus, sed primò parvus, deinde paulatim acquirit justam magnitudinem. At illi serpentes statim producti sunt magni, nimirum æquales virgis Magorum. Non enim visum fuisset virgas mutatas esse in serpentes, nisi serpentes fuissent æquales virgis.

Et licet agens naturale, ut est instrumentum vel hominis, vel Angeli, possit vel citius, vel melius aliquid facere, non tamen ob id potest ex qualibet, & in qualibet materia effectum suum producere, non potest posteriorem formam inducere, non inductis prioribus. Posterior enim, & nobilior forma præsupponit necessario priores, & sicut inter formas, ita inter earum dispositiones est ordo naturaliter immobilis, ut non possit esse posterior in materia, nisi antea fuerit prior. Præterea verus sanguis naturaliter non potest produci, nisi in animali, & per calorem animalis ac per certa instrumenta, quæ in solo sunt animali.

Restat igitur quartus modus, qui & Lyrano, ac Tostato, fit verisimilior, quem & probabiliorē censo. Nam secundum eum modum defendimus, veros fuisse serpentes, atque ita evadimus difficultates obiectas contra primum, secundum, & quintum modum. Nec tamen dicimus, eos productos fuisse ex virgis, ne urgeamur illis rationibus, quibus tertius modus premitur.

Unus tantum scrupulus hæret. Quomodo si non fuerunt serpentes producti ex virgis, dicantur virgæ conversæ in serpentes? Sed respondendum est, Scripturam id dixisse, non quod ita fuerit secundum veritatem, sed quia ita videbatur, & existimabatur spectantium iudicio. Nam & hoc quoque dicere oportet eos, qui negant illos fuisse veros serpentes, & Cajetanum, qui vult, illas virgas habuisse ultimam dispositionem pro forma serpentis. Sic enim non poterant esse veræ virgæ, ut ostendimus, sed secundum speciem tantum. Quare secundum eum nec Magi projecerunt veras virgas, nec veræ virgæ sunt conversæ in serpentes.

At cur permisit Deus, ut Magi, qui contradicebant Moysi, prodigia facerent, cum ea res & divinam virtutem, quæ per Moysen operabatur, obscurare videretur, & Pharaonis animum magis in perfidia, &

inobedientia obfirmatum, & obstinatum redderet? Ad hoc Chrysostomus *hom. 46. in Acta Apostol.* ita respondet: *Permisit Deus Magis aliquid adversus Moysen, ne Magus putaretur esse Moses. Permisit illos docere omnes quantum Magia imponat sensibus, ultra tamen non deceperunt, sed ipsi se victos confessi sunt; & non potest sine certamine vera esse victoria, & quo potentior est hostis, eò illustriorem reddit ejus gloriam à quo se victum esse ipse confitetur, sicut Magi victos se à Moysen confessi clariorem ejus gloriam effecerunt.* Idemque ait Theodoretus in *Exodum 9. 18.*

Quinam verò fuerint hi Magi, Josephus *lib. 2. antiquit.* refert, illos fuisse Sacerdotes Ægyptios, dicitque Scriptura, eos operari solitos per incantationes Ægyptiacas, & per quædam arcana. Nam operabantur cantando quædam verba modo carminum. Sed quia vel verba illa erant secreta, Onkelus vertit, susurrations, vel modus, quo operabantur, erat secretus & occultus, ideo vocantur arcana. Septuaginta Interpretes vocant eos Sophistas, & Pharmacos, id est, veneficos, & incantatores, Onkelus Magos, Aquila vertit occultorum cognitores, & patratores. Hos Jannem, & Mambrem vocat Apostolus *cap. 3. poster. Epist. ad Timoth.* ubi Chrysostomus, Theodoretus, ac Theophylactus, & Ambrosius. De iis quoque Numenius *lib. 3. de bono, apud Eusebium lib. 9. de prepar. Evang. cap. 3.* ita scribit: *Jannes, & Mambres, Ægyptii erant, magicis artibus adeo præpotentes, ut Moysi, Judæorum duci, viro Deo conjunctissimo, soli resistere posse à cunctis Ægyptiis judicati sint. Multas enim calamitates, quas Moyses Ægypto intulit, solvere visi sunt.* Hos autem Magos fratres fuisse, & Ambrosius *loc. cit.* affirmat, & ex narratione B. Macharii Palladius commemorat, in ejus vita, ubi de mirabili horum Magorum sepulchro ab ipso Machario visa & comperta, & deinde ipsi Palladio narrata, describit.

## CONSULTATIO LXVII.

*Quæ opera admiranda possint facere dæmones vel per seipsos, vel per Magos? Ubi signa, & indicia ad discernendum effectus magia ex pacto ab effectibus physicis, & miraculosis, & artificiosis. Quomodo demon invisibilem se præbeat? Qua forma apparere soleat? Quid possint Magia, aut Magi in dæmones? Et quæ dæmones, ac per eos Magi facere non possint?*

**I**N hac re duo manifesta sunt ex Scriptura. Unum est, dæmones per se ex uno loco in alium moveri, & quidem maxima celeritate. Satan enim Deo interroganti, unde veniret, respondit: *Circumvi terram & perambulavi eam, Job cap. 1. & 2.* Hoc ipsum confirmatur ex *Matthæi cap. 12. & 1. Petri 5.* Alterum est, dæmonem non solum posse movere seipsum, sed etiam alia corpora ex uno loco in alium transferendo. Dæmones enim per peccatum non perdidit dona naturalia. Sicut igitur Angeli naturali vi movent orbes cælestes, sic dæmones possunt movere alia corpora; & sicut Angelus ille Prophetam Habacuch capillo capitis apprehensum, ex Judæa Babylonem usque transportavit, indeque reportavit in Judæam *Daniel 14.* ita posset dæmon idem facere, & fecisse certum est. Nam tulit Dominum nostrum in pinnaculum Templi, & in montem excelsum, *Matth. 4.*

An autem hæc virtus motiva dæmonis, sit distincta ab intellectu, & voluntate ejus, affirmandum



senſeo, licet plerique negent. Quanta verò ſit virtus motiva dæmonis, vel quot corpora, aut quanta movere poſſit, & non ampliùs, ignotum hominibus puto; Exiſtimant tamen ſere omnes, in dæmonibus ſuperioribus majorem eſſe hanc vim motivam, ſicut enim eorum naturæ ſunt perfectiores, ita quoque eorum potentia ſunt fortiores. Et quoniam Angelus eſt terminatæ ſpeciei, ac definitæ naturæ ac perfectionis, non poteſt eſſe ubique locorum, neque poteſt quantacunque velocitate quantumlibet corpus movere.

Et norandum, duplicem eſſe dæmonum actionem, quæ à Philoſophis vocatur tranſiens. Altera eſt immediata, quæ immediatè proficiſcitur à dæmone, & hæc eſt motus localis, quo movet corpora: Nam ſicut Intelligentiæ non per aliqua media instrumenta, ſed immediatè movent Orbem cœleſtes, ſic dæmones immediatè poſſunt movere corpora ſecundum locum. Altera eſt *mediata*, nempe quæ motionem localem ab iſtis factam conſequitur. Dæmones enim afferendo ex variis locis, ac invicem applicando cauſas naturales, & agentia invicem & patientia componendo, varios producunt effectus, qui immediatè quidem exiſtant ex cauſis naturalibus, mediatè verò à dæmonibus, qui illas cauſas præſentes fecerant, & materiis, quæ ab illis aptæ ſunt pati, accommodarunt.

Atque ex his, quænam opera mira dæmones poſſint, vel non poſſint facere, non eſt arduum demonſtrare. Et primò per motum localem multa poſſunt dæmones facere, quæ fidem excedere videantur. Poſſunt ignem ex ſuperiori aeris parte demittere, quo multa conſumant, ac perdant. Poſſunt immittere vehementes ac turbulentos ventos, qui magna diruant ædificia, ſicut feciſſe dicitur adverſus Job. 1. immittere grandinem, *Exod. 9.* ubi grando, quæ Ægyptii puniti, expreſſe dicitur per malos Angelos immiſſa. Poſſunt graviffimas tempeſtates, & procellas in mari excitare, vel aquas maris ab imo commovendo, vel per concitatiſſimos ventos. Poſſunt terram magnis motibus concutere vel immittendo vehementem aliquem ſpiritum in cavernas terræ, vel in illis incluſum vehementiſſimè agitando. Sic fortaiſſe fieri potuit, quod narrat Philoſtratus de duobus doliis, quæ vidit Apollonius apud Indos, quæ aperta imbres, & ventos emittebant, clauſa verò eadem cohibebant, atque compellebant. Unde ab Apoſtolo vocantur dæmones *principes aeris hujus*. Poſſunt convivia exhibere, captivos, carceribus, & vinculis eripere, urbes obſidione liberare, expugnandas præbere, ad dignitates, & honores pomovere, divitias, ac theſauros conferre, impedire fluxum ſanguinis è vulnere, inferre amentiam, ac omnes læſiones, quæ gladio, igne, vel aliis instrumentis inferuntur. Poſſunt arte ſua, non nova rerum creatione, ſed ſua celeritate etiam ſpecies novas obijcere, nivem in æſtate, flores, & roſas in hyeme, & alia præter tempus, nempe quod ea poſſint ex locis à nobis longè ſecretis, quæ hæc habent, celeriter ad nos perferre ex oppoſito nobis ſub terram hemiſphærio, in quo contrariæ aliæ temporum diſpoſitiones. Sic poteſt ex diverſis locis materias cogere, ex quibus tempeſtates concitat, & mitcet. Sunt enim quedam hujus generis, ut ex meteoris liquet. Et Theophrastus, Paracellus *de malef. cap. 5.* tradit, ex ſale petreæ, & aluminofa materia in magna quantitate mixtis ſuper terram, & accenſum gigni, qui in aère nubem generet, in pluviam poſtea reſolvendam.

Poſſunt Magi immittere dæmones in homines, & facere, ut ab eis obſideantur, Deo permittente, & eoſdem expellere, vel ex pacto cum iſtis, vel iſtis volentibus, quamvis ſimulent ſe cogi vi incantationis

ad egrediendum, vel ex pacto cum dæmone potentiore, qui inferiores, etiam invitos, expellere poteſt, ut docet D. Gregorius *lib. 1. dialog. 10.* ubi notat, quod nunquam facit hæc dæmon, niſi ut magis noceat, præſertim in anima.

Poſſunt itidem transferre ex uno loco in alium, quantumvis remotum, vel homines, vel animalia, vel quævis alia corpora. Sic dæmon Chriſtum tulit in pinnaculum templi, & in montem excelſum, *Matth. 4.* Simonem Magum per aera evexit in cœlum, ut narrat hiſtoria Eccleſiaſtica. Et in hiſtoria Gentilium traditum eſt, nonnunquam viſos eſſe ſerpentes, dracones, & homines per aera volantes, quin etiam Albertus tradit nonnunquam boves, ſeu vitulos pluviſſe. Quod hac ratione factum eſſe exiſtimandum eſt.

Poſſunt quoque ſubitò res præſentes è conſpectu hominum ſubtrahere, atque ita reddere inviſibiles, ſicut Apollonius ex oculis omnium exceſſiſſe diximus, & niſi volumus fabulam fuiſſe id, quod de Gyge memorat Plato, in *2. de Republ. & Cicero lib. 3. de officiis*, hac etiam ratione dicemus, Gygem, cum volebat, potuiſſe latere oculos præſentium, & ſpectantium, idque feciſſe non vi ac poteſtate ejus annuli, quem geſtabat, ut illi tradunt, ſed potiùs dæmonum artificio.

Poſſunt item facere, ut ſtatua, vel aliæ res inanimatæ ambulent, & incedant more hominum, dæmone illas movente, ac motum moderante. Sic factum eſt, quod ex Philoſtrato de tripodibus lapideis, ac pincernis æreis, qui apud Jarcham, præſente Apollonio, in convivio per ſe movebantur, & more famulorum miniſtrantium menſis, & pocula, ac ſercula, convivis ſuo loco, ac tempore præbebant.

Poſſunt etiam facere, ut ſtatua, arbores, animalia loquantur more humano, Qua ratione fieri potuit, quod narrat Valerius Maximus *lib. 1. cap. ult.* de ſimulachro Junonis Monetæ, quod Romani Veijs Romanam transferre religionis ergo cupiebant. Cum enim quidam militum per jocum interrogarent illud ſimulachrum, an Romam migrare vellet, veſte ſe reſpondit. Qua voce audita lulius in admirationem, & religionem verſus eſt. Simulacrum etiam Fortunæ muliebriſ a matronis Romanis cum æde ſua conſecratum, bis loquutum eſſe, idem Valerius autoreſt, his verbis. *Rite, me, matrona, vidisti, rite me conſecraſti.* Et, Cajo Volumnio ac Servio ſulpitio Conſulibus, dicitur boſ humano ſermone loquutus. Bello etiam Punico ſecundo fertur Gneo Domitio bovem dixiſſe: *Cave tibi Roma.* Huc quoque pertinet quod narrat Philoſtratus, cum Apollonius eſſet cum Gymnoſophiſtis Æthiopum, quorum princeps erat Theſpeſion, ejus tacito juſſu arborem ulmum humana voce Apollonium ſalutaſſe. Nec putandum eſt vel leones, vel arbores, vel alias res inanimatas modo hominum loqui poſſe, ſed dæmonem eſſe, qui ſermones illos articulatos, & humanis ſimiles in aere formet juxta, vel intra illa corpora. Sic Angelus, qui occurrit Balaam, ei mortem intentans, fecit, ut eius aſina loqueretur. *Num. 22.* Nam etiam videmus eſſe quosdam, qui per organa, vel alia instrumenta muſica, tanto artificio temperare poſſint ſtatim, quo illa pulſantur, ac reſonant, ut voces & cantus hominum æmulari, ac reddere videantur.

An autem intelligentiam diſcurſivam poſſint brutis largiri, pender ab alia quaſtione, an bruta aliqua ratione ſint prædita. Nam ſi ſemel ita ſunt, facile præſtabit dæmon, ut ſublatis impedimentis diſcurrant, & ſcienter intelligant. Si non ſunt, id præſtare non poſſe, certum eſt. Poſſunt facere, ut homo non ſentiat actu, quod natura ſenſibile eſt, ne ſcilicet crucietur quaſi-



quæstioni subditus, vel ut longissimo tempore dormiat, aut inedia perferat. An etiam magicis artibus opera demonum sexus mutari queat, ubi non agitur de membrorum ablatione, sed de ipsa sexus virilis in fœmineum, aut fœminei in virilem commutatione, quam naturalem, ex medicis hujus seculi, fatetur Gemma lib. 1. Colino possunt seni juventam reddere ita, ut qui defecta jam, & decrepita curvatur ætate, vires resumat, & habitum nitoremque juvenilem, mutentur canis in colorem meliorem, frigus in teporem, torpor in agilitatem, cæteraque corpus recipiat, quæ senium abstulerat.

Possunt similiter facere, ut animalia mirabili quadam ratione seipsa moveant, & quædam agant, quæ sine intelligentia, & ratione, nec ea quidem vulgari, sed admodum solerti ac prudenti minimè fieri posse videantur. Tale est, quod narrat Valerius lib. 1. cap. 8. quod est de miraculis, de serpente illo Æsculapii, quem Romani, quasi volentem, ac intelligentem, & quædam rationis, ac religionis, nec non divinitatis cujusdam signa dantem, Epidaurio Romanam advexerunt. Hujus etiam generis est, quod narrat Philostratus lib. 5. cap. 15. de Leone quodam mansuetissimo, qui loro, veluti canis, in Ægypto per urbes ducebatur, contrectantibus se non modo non nocens, sed etiam blandiens, qui ad genua Apollonii modo supplicantium hominum humiliter se abiecit, quam aspiciens Apollonius, ad eos, qui aderant. *Hic inquit, Leo me rogat, ut vos doceam hominis animam illum habere. Fuit enim hic quondam Amasis, Ægypti Rex.* Quæ simulatque dixit Apollonius, leo miserabiliter fremitus, lachrymabilem rugitum edidit, tum dentibus infrendens, cum plorare videretur, ubertim lachrymas fundebat: *Hunc*, inquit Apollonius, *Leontem, censeo Leontopolim mittendum, & in templo collocandum. Regem enim in regiam belluam conversum, tanquam egenum, mendicare indignum judico.* Hæc ille. Quæ omnia arte magica Apollonii, ac opera demonum facta sunt, quo facilius error Pythagoricus de transmigratione animarum humanarum in varia bestiarum genera hominibus persuaderetur.

Pariter possunt, quod in historiis Romanorum legitur, & a nobis alibi est commemoratum, Claudiam mulierem Vestalem quò suam pudicitiam probaret, navem ita hærentem in Tiberi, ut multi eam homines loco movere non possent, Zona sua quò volebat, nullo labore traxisse. Et Tucciam item Vestalam aquam Tiberi haustam ad Capitolium usque citro tulisse. Hæc inquam, facta sunt opera demonis qui & navim occultè promovebat, & aquam, ne per citrum dilaberetur, suspensam tenebat.

Ac etiam possunt facere, ut subito globus aliquis igneus, vel flamma appareat, vel circum aliquem fulgeat, sicut Plinius lib. 2. cap. 107. Servio Tullio dormienti, ex capite flammam emicuisse, & L. Martio in Hispania interemptis Scipionibus concionanti, ac milites ad ultionem exhortanti, arsisse simili modo.

Possunt & aquas fluminum dirimere, ac eas retro pellere ita, ut flumina retrofluere videantur. Quod Plinius suo tempore accidisse scribit lib. 2. cap. 103.

Possunt thesauros occultos detegere, & opes mari projectas eruere. Sed hoc eis Deus non permittit, quia esset maxima ad malum occasio. Ideo videntur omnes ferè magi, & lamie esse pauperes, ut observat Lælius lib. 2. cap. 44. dub. 3. numer. 20. Additque Særez, quòd, etiam aliquando homines per artem magicam subito dicuntur, pecuniæ tamen paulo post, vel in carbones, vel in vilem aliquam materiam resolvuntur. Et si interdum pecuniam non ab ipsis demonibus tactam, sed aliunde sublaram suis maleficiis

conferunt, non diu consistit, ut experientiis constare refert Binsfeldius lib. de confes. malef. præud. 6. Nam ut ait D. Thom. in 3. decis. 23. quæst. 2. ad 4. quæ sunt per artem demonis præter viam naturæ, non sunt diuturnæ, nec talia sunt, ut per naturales causas fieri non possint. Præterit enim demonis est magis nocere, quam benefacere, imo nunquam benefacit, nisi ut occasionem nocendi caperet.

Possuntque varia corpora variè formata assumere, eaque movere ita, ut homo, vel Angelus, vel leo, aut aliud quodvis animal videatur. Idque facit vel ad exterrandos, vel ad decipiendos homines. Legimus enim B. Antonio demones in variis animalium formis, & quidem horribilibus, ac terrificis, ad eum perterrefaciendum, & à sancto proposito removendum, apparuisse. Sicque accipiendum est, quod scribit Valerius lib. 1. cap. 8. Romanis apud Lacum Rheginum pugnantibus cum acie Tusculanorum, Castorem & Pollucem Romanarum partium propugnatores viros, hostiles copias penitus fuisse. Et Publio Varinio noctu Urbem petenti, obvios esse factos duos juvenes excellenti forma, albis equis insidentes, nunciantes illo ipso die Persam Regem à Paulo fuisse captum; quod ita evenisse postea conpertum est.

Jamque possunt repræsentare varias figuras cujuslibet rei, vel auri, vel gemmarum, vel dapum, vel hominum. Nam sicut fictores, sculpsit ex materiis sibi subjectis varias formas, & figuras rerum effingunt, ac interdum tales, ut vetæ ac naturales videantur, sicut traditur de illis visis à Zeuxide pictis, adeò perfectè naturales ut eas ab avibus appetitas esse dicatur. Sic demon ex aère condensato, vel alia quavis materia cujuslibet rei figuram effingere potest, cujus rei alibi ex Philostrato, exemplum posuimus Lamie cujusdam, quæ Menippo, quem decipere volebat, maximas opes, pretiosa ornamenta, magnam copiam vini, ac epularum ostentabat, quæ Apollonius ostendit esse tantum inania simulachra, & imagines earum rerum, quæ videbantur.

Nec non queunt concitare, ac conturbare humores, vel spiritus, qui sunt in corpore humano; disjungere etiam ac distrahere partium compages & conexiones, quare gravissimos morbos, & acerbissimos cruciatus efficiunt, sicut in iis, qui à demonibus torquentur, cernere licet.

Atque etiam possunt spiritus animales, qui interiorum sensuum functionibus peragendis inserviunt, ita movere, & conformare, ut res quasdam vel præteritas, vel præsentis, vel futuras repræsentent. Possuntque etiam eosdem spiritus, quibus insunt species rerum sensibilium extrinsecus per sensus exteriores impressæ usque ad ipsos sensus exteriores devolvere ita, ut etiam qui vigilat, videantur sibi aliquid videre, audire, & facere, quod reverà non est. Hoc enim videmus accidere phreneticis. Quod igitur homini vi alicuius morbi contingit, dubitandum non est etiam id Demonum artificio in homine effici posse.

Possunt in super dormientium phantasmata movere & conformare ad repræsentandum aliqua futura, quæ demones cognoscunt esse futura, ut ita decipiant homines, fidem habentes somniis, & ex ipsis actiones humanas, vel suas, vel aliorum cognoscere, ac dirigere velint. Atque hinc quidem ortum duxit divinatio per somnia, cuius divinationis exempla sunt quamplurima apud Valerium lib. 1. & apud Ciceronem in libris de divinatione. Simili demonum artificio fidem & veritatem invenit apud Gentiles Augurum, & Aruspicum disciplina per volatum, vel garrum avium divinans, vel per inspectionem ex-



torum animalium cæforum, vel per electionem fortium, de quibus suo loco. Eiusmodi enim rebus dæmon se ingerit, ac immiscet quò mentes hominum superstitionibus imbuat, & variis erroribus implicet. Nam quod in Romanis historiis traditur in victimæ opimæ, quam Julius Cæsar immolaverat, extis, non esse inventum cor, & in aliis vel jecur, vel principem aliam partem corporis non esse repertam, non alia ratione, quam dæmonis occulta vi, partes illas ablatas esse, credendum est.

Possunt præterea sensus exteriores immutare, ac seducere dupliciter. Primò extrinsecus, obiciendo sensibus varia sensibilia non vera, hoc est, non talia, qualia videntur, sed solas eorum imagines & simulachra. Vel intrinsecus commovendo spiritus, & humores, quorum commotione, etiam sensus exteriores variè afficiuntur, ac turbantur, ut non rectè judicent de suis objectis. Id quod cernimus sensibus exterioribus phreneticorum accidere.

Tum demum possunt varias passiones vel amoris, vel odii, vel timoris vehementer excitare in homine, idque facere bifariam. Vel obiciendo species rerum, quæ ad tales passiones excitandas plurimum valent. Vel interiùs movendo phantasmata ad similes res representandas, aut agitando, & accendendo humores qui sunt harum passionum materia, nimirum vel sanguinem, vel flavam, aut atram bilem.

Itaque circa animam corpori injectam, idque informantem possunt dæmones sensus internos immutare, memoriam juvare, vel debilitare, intellectum subtiliorem, ac meliorem quoad functiones ingenij, ac judicij reddere, per commodiores organi dispositiones, artes, atque scientias docere, voluntatem movere, respectu cuius longè restrictior est Magia, dæmonumque potentia. Nequeunt enim voluntatem movere aliter, quam objecto, tanquam odibili, vel amabili proposito, vel excitatis imaginariis visionibus, & cogitationibus, vel allecâ, & inclinata voluntate per passiones in parte sensitiva inflammatas.

Extalim, sive raptum potest dæmon in homine efficere ligando, vel solvendo sensus exteriores, idque duobus modis. Prior est, quando illos tramites obstruit, quibus à cerebro spiritus animales, sive sensitivi ad exteriores sensus deferuntur, veluti contingit somniantibus. Posterior quando eosdem spiritus sensitivos ab exterioribus sensibus ad interni sensus organa attrahit, ibique retinet, ne rursum ad exteriorum sensuum organa queant descendere. Ita enim contingit, ut in raptu ob nimiam internarum virium sensitivarum applicationem, ac spirituum sensibilibus ad externi sensus organa confluxum impeditum, adeo impediuntur sensuum exteriorum munia, ut corpus vivum cadaveris mortui, ac immobilis speciem præ se ferat. Porro naturalis hujus raptus dæmonis vires non excedentis discernendi ab illo supernaturali, de quo ratiocinatur Apostolus ad Corinthios, nullum ferè est efficacius indicium, quàm si hujusmodi raptus fiat voluntarij, ac pro libitu illius, qui rapitur. Facit enim hoc dæmon ex fœdere. Qua de re *romo. 8.*

Possunt dæmones circa mortuorum cadavera ea induere, ac in iis apparere, diù incorrupta servare, ut neque putrescant, dissolvantur, aut incinerentur. Quia hoc naturaliter, vel ex unguentis, vel ex loci natura, imò & corporis constitutione potest provenire, vel etiam ex mortis genere. Qua de re etiam *alibi fusi.*

Potest dæmon se corporeis oculis, licet sit incorporeus, visibilem præbere, cadaver aliquod assumendo humanum, vel ferinum, ac illud movendo, ac impellendo motu non vitali, sed locali tantum. Aliquando etiam sibi elementare corpus circumdando, vel ex solo aere condensato, vel, ut alii volunt, par-

tibus aëreis commiscendo terrea, & aquas nubium, vaporum, exhalationumve, ut & colores faciliùs hæc mixtione exprimat, & faciliùs membra conglutinet, condensetque, & ea non solum visibilia, sed etiam palpabilia, & solida exhibeat. Licet autem, si majori potestate non impediuntur dæmones, possint, quæ velint apparere forma, humanamque perfectam, & omni ex parte pulchram exhibere; quia tamen solet ei ob stare Dei voluntas, certis animalium formis dæmones nondum uti permisit, ut columbæ, oviculæ, sive agni, fortè quod agnus verus sit Christus, ut in columbæ specie Spiritus Sanctus solitus sit apparere, & quia etiam hæc animalia dolo carent, nullumque inferre solent damnum. Libentius igitur induit animalia, in quibus aliqua sunt, quæ merito culpes. Hirci forma, seu Capri, quod animalis hujus salacitas, superbia, & alia vitia, actiones dæmonum referant, vel quia hircorum, qui à sinistris locandi caput est. Hæc autem forma ei antiqua est, quando adorandum sese proponit. Et si enim quando pactum expressum init, solet offerre se conspicuum forma virili, post pactum tamen, quando homagium illi reddi debet, semper in forma hirci apparet, ut satis deducitur ex divinis scripturis *Levit. cap. 17. Itiax cap. 13. v. 21. & cap. 34. v. 14.* ubi ideo dæmones vocantur *Sabbirim* hoc est, ut dixi, pilosi, sive hirsuti, ut solet aliquando B. Hieronymus vertere, quia olim in forma hirci adorati fuerunt. Nam *Sabbir* Hebraeis hircus, quasi hirtus dicitur, ut latinis à pilis, & horrore. Unde forsitan etiam Satyri nomen deductum. Quod confirmat Rabbi Kimchi in radic, dum scribit *Sabbir* vocari diabolum, quia solitus hirci effigie se conspiciendum præbere.

Quando autem vult familiaritatis ac fidei specimen præbere, catti, vel canis sumit effigiem; siquis aliquando devehendus, equum induit; si per locum angustum, vel rimam subiturus, vespertilio, musculus, vel mustella fit. Si qui præsentem sint, colloquium impedituri, vel quos velit latere, muscam induit, & partes auribus vicinas occupans, quæ vult insusurrat. Si ad malum, specie boni, velit inducere, apparet forma Christi. Denique ut innumera testantur exempla, sæpè sæpius formam capit, quæ instituto maxime sit accommodata, & quia ad omnia ferè idonea est humana, hanc plurimum effingit, non eodem tamen modo. Sanè morituris solere maxime terrifica apparere specie, plures testantur historia, B. Martini, Odilonis, Opportunæ, & aliorum. Cujus rei rationem Angelus reddidit B. Afiardo, hoc à Deo permitti, ut hic terror tam terribilis visionis expiet in Sanctis, siquid adhuc expiandum in illis esset reliquum, ut scribit Fulbertus, *in ejus vita apud Surinm mense Septembri.* Porro dæmonem non posse tam accuratè corpus effingere, ut nullo signo queat dignosci, vel ut aliquas vitales actiones verè comedendi, bibendi, aut loquendi exerceat, probant verba Angeli *Tobia 12. v. 23.* Cum ergo loqui videntur dæmones, vel Angeli, non loquuntur proprie ac vitali actione, sed producendo sonum in aëre, humanæ voci similem, & adstantium auribus insonantem, ad eum ferè modum, quo quis artificiosè quopiam instrumento, puta tibia, vel tuba sonum vocis humanæ exprimit, de quo vide *Tostatum qu. 11. in Exodi cap. 7.*

Procurare autem, ut dæmones nobis appareant, vel ut defunctorum animas nobis repræsentent, quod illi facere revera nequeunt, nullo modo licet; imò mortale est peccatum, prohibente Apostolo 1. Corinth. cap. 10: *Nos socios fieri demoniorum.* Amicè enim & precariò aliquid ab illis recipere, vel petere, est in adversarii castra se recipere, & transfugere à Christi Ecclesia. Non possumus etiam per modum impe-



imperii, & compulsionis eos adigere, nisi quatenus sumus ad hoc à Deo delegati per exorcisticam dignitatem, in cuius exercitio divinum operatur imperium.

Cur autem dæmones antiquis Patribus visibiles apparuerint adeo frequenter, nobis hodie non item, hanc quæstionem olim S. Joannes Briglintonius apud Surium 10. Octobris proposuit S. Guillelmo Shlegtholmenli, qui respondit: *Antiquorum Patrum animos non fallax splendor, & inanis gloria, sed divina gratia illustrarat. Itaque facile illi fraudulentæ inimici machinationes providentes, seu pugiles invicti illi fortiter expugnavunt. Quod ille superbus non ferens, difficillima tentationum certamina illis objiciebat, monstruosas formas, & terribilissimos impetus eis inferens, ut vi illos protruderet in peccata. Nos vero qui ei facile obedimus, oculis tentationum jaculis citò prosternit, etiamsi nullam nobis tetram speciem repræsentet.* Quibus addi potest, Deum id permisisse, quia minus curiositatis tunc erat, & minus periculi ab illusione imminebat.

Hæc sunt, atque alia horum similium, quæ dæmones per motum localem facere possunt, & interdum quidem faciunt. Neque enim quæcumque possunt facere, licet eis facere, sed quantum eis per divinam providentiam permissum est. Habent enim potentiam à Deo restrictam, & quasi ligatam, quam eis interdum laxare solet Deus, vel ad exercendum bonos, ut adversus Job lib. 1. & 2. vel ad puniendum malos, ut adversus Achab, & Prophetas ejus, 1. Reg. 18. Sicut enim dæmones permissu Dei ingressi in porcos, præcipitarunt eos in mare, sic homines in omnia malorum tam culpæ, quam pænæ genera deturbarent, si eis Deus quantam vellent potentiam ac malitiæ suæ exercendæ potentiam foveret.

Per alteram verò actionem dæmonum, quæ non est motus localis eorum, sed eum consequitur, hoc est, per actiones causarum naturalium, quas dæmones invicem applicarunt, & temperarunt, mira quoque dæmones possunt efficere. Sunt enim singulares quædam virtutes occultæ, ac ignotæ hominibus, ut in certis quibusdam aquis, terris, succis, gemmis, lapidibus, herbis, lignis, animalibus, & in ipso hominis corpore, mirabilium, ac penè incredibilem operum effectrices, quarum rerum exempla nonnulla superius adduxi, sed plurima reperiuntur apud Solinum, Plinium, Albertum, Cardanum, & alios. Hæc virtutes quibus in rebus naturalibus insunt, ubi locorum luteant, quibus cum rebus componi, misceri, ac temperari debeant, quo tempore tempestivè, ac opportunè ad operandum adhiberi oporteat, notissimum est dæmonibus, quas etiam undecunque & quocunque voluerint, maxima facilitate, celeritateque clam homines transferre possunt.

Huiusmodi autem effectus quatuor ob causas sunt hominibus admodum mirabiles. Primò, quia sunt novi, ac inusitati. Secundo, quia modus, quo dæmon illos molitur, est occultus, & invisibilis. Tertiò, quia sicut homines variè temperando, & accommodando res naturales possunt aliquos effectus producere, quos nonnunquam per se causæ naturales produxissent, sicut patet in arborum insitionibus, in distillationibus aquarum, & ciborum, & condimentorum confectionibus, & medicamentorum compositionibus; sic dæmones effectus aliquos singulares per causas naturales possunt producere, quos ipsæ per se nunquam produxissent. Quartò, quia, ut inquit D. Thomas lib. 3. adversus Gentes cap. 103. & p. 1. qu. 110. ar. 2. ad 3. cum Angeli, vel dæmones adhibent causas naturales ad effectus aliquos procreandum, utuntur eis tanquam instrumentis, non secus quam medicus utitur herbis ad sanandum, Ex instrumento au-

tem procedit effectus, non tantum virtuti ejus respondens, sed ea superior, ac præstantior, nempe respondens virtuti principalis agentis, à quo movetur ad operandum illud instrumentum, quemadmodum securis non solum secat, sed etiam facit lectum, vel mensam, vel hominis statuam, ut est instrumentum hominis ex arte operantis. Et calor naturalis, qui est in semine, vel in animali non solum calefacit, rarefacit, aut segregat, sed etiam generat sanguinem, carnes, & ossa, in virtute animæ, vel animalis, cuius est instrumentum. Sic etiam causæ naturales interdum producant effectus præstantiores suis ipsarum virtutibus, ex eo quod sunt instrumenta Angelorum, vel dæmonum, à quibus moventur, & reguntur. Posset igitur dæmon plurimos morbos, arte medicinæ, quam homines callent, incurabiles, magna celeritate, ac facilitate sanare. Tum quia novit optimè omnes morborum etiam abstrusorum causas, & affectiones. Tum quia scit omnia genera remediorum, & idoneam eorum applicationem, sed non omnes tamen posset sanare, quia sunt morbi aliqui simpliciter incurabiles.

Porro jam diximus cum communi Doctorum sententia, miracula propriè dicta non posse à dæmonibus fieri, posse tamen, Deo permittente, multa mirabilia secundum quid, sive respectu nostri præstare. Quoniam verò plura etiam ex illis à Deo, vel etiam naturaliter ex beneficio artis patrari possunt ab hominibus, non desunt sua signa, & indicia ad discernendum tales effectus magiæ ex pacto ab effectibus phylicis, miraculosis, & artificiosis; ut nimia loci distantia, si adhibeantur verba ignota, falsa, absurda, nihil coherentia, aut sacra, sed detorta ad sensus extraneos, aut ad quem non sunt instituta. Quando vis collocatur in aliis observationibus planè superfluis, ac indifferentibus. Hisce omnibus, vel aliquo istorum ac similium concurrentibus ad alicujus rei effectum, meritò plusquam suspecta esse debet, præsertim cum medium adhibitum non est proportionatum ad effectum producendum, sicut è contra quando huiusmodi effectus miri consequuntur à quocunque, & quotiescunque hoc applicatur sine aliis cæremoniis, vel observationibus vanis, meritò judicamus effectum esse naturalem.

Quoniam etiam ex effectibus miris, tam dæmonibus quam Magis, eorum ope possibilibus, quidam sunt veri, quidam præstigatorii, aut ex utrisque mixti, & verorum exempla sunt secundum plerosque incantatio serpentum, de qua supra ex Psalmo 37. Item signa, & prodigia pseudoProphetarum, Matth. cap. 24. Inter præstigatorios verò, sive apparentes effectus suscitatus per Pythoniisam Samuel, de quo etiam supra; ideo ad hos veros, ac sinceros effectus à fucatis dijudicandum suæ etiam sunt leges ac regulæ, nimirum. Si effectus magicus ejuscemodi sit, ut potentiam dæmonis superet, qualia sunt miracula soli divinæ Omnipotentiae reservata, ut suscitatio mortui, tunc effectus censeretur debet præstigatorius. Quando non constat effectum esse superiorem viribus dæmonis, res planè dubia est, & oportet recurrere ad circumstantias. Quia nec dæmoni Deus semper permittit facere quidquid posset, nec dæmon ipse semper vult facere quidquid facere permittitur, sed gaudet præstigator hominum deceptione, quia mendacii pater est.

Magia verò, aut Magis rerum naturalium virtute nihil penitus in dæmones potestatis est, nisi ex pacto. Fingunt enim dæmones se à Magis cogi, quibus sponte obtemperant, ut plures irretiant, irretitosque retineant. Unde cum vis omnis Magorum in dæmones pendeat, & oriatur ex tali fœdere cum iis inito, sequitur sanè, si Magus pactum habeat cum dæmone superiore, non posse vim illi facere, posse tamen



per ipsum sibi ex pacto famulantem, juvantemque inferiores cogere, ad aliquid faciendum, omittendumve. Ut enim Angeli boni sibi superioribus sponte & alacriter obtemperant, sic è contrario Cacodæmones superioribus suis, ut prava mancipia duris dominis, aut imbecillior tyranno potentiori, nonnisi inviti, & malo domiti obediunt. Etsi enim, quæ inter dæmones Ordinum, ex quibus exciderunt, adhuc ratio habetur, non sit vera propriè dicta subordinatio; nam ei deest ordinis ratio formalis, atque perfectio, quæ per media subordinata in unum, ultimumque finem dirigitur, quo sensu verissimè *Job cap. 9.* asserit, nullum apud inferos ordinem reperiri, imperfectam nihilominus sive materialem ordinum distinctionem inter illos reperiri, docent Theologi cum D. Thoma *par. 1. qu. 109.* ex verbis Apostoli ad Ephes. cap. ult. *adversus principes, & potestates.* Ibi enim de dæmonibus agens duos eorum choros nominat. Unde etiam ex hoc naturali robore, & aliquali ordinis dæmonum præcellentia nascitur Magorum quorundam in alios Magos vis, atque potestas, qua vel effectus illorum impediunt, vel invicem arte sua malè se mulcant, & necant, Deo id ita permittente.

Nulla igitur verba, nullæque res corporales naturalem habent facultatem, licet queant supernaturaliter, directè, ac per se dæmonem expellendi, vel etiam actiones impediendi, cogendi, ut appareat, accedat, fugiat, aliquid faciat, vel facere desinat. Dixi directè, quia quæcunque res corporeæ inducere possunt in corpus patientis dispositionem contrariam dispositioni requisitæ ad actionem dæmonis, purgando nempe humorem melancholicum plurimum dæmonibus optatum; unde ita directè corporeos humores purgant, & corpoream ægritudinem pellunt naturaliter, ut etiam sint causæ indirectæ, & sine quibus non, cur dæmones fugiant, & corpus illud deserant. Ex hac mente licere obsessis à dæmone petras, vel herbas natura efficaces, abique ulla tamen incantatione, habere, & gestare, communis est Theologorum sententia. Vide Conradum Vvimpinam *lib. 2. de superst. cap. 10.* & Valesium *lib. de sacr. Philosph. cap. 15. & 18.* Vide etiam Lyranum & Bugensem *super 1. Reg. cap. 16.* & ibidem Tostatum *qu. 40.* & Josephum *lib. 8. antiquit. de radice Salomonis,* cujus odoratu dæmon exibat per nares ejus hominis, quem tenebat.

Sic facilè intelligi potest locus Tobiae cap. 6. *Cordis ejus, piscis videlicet Callyonimi, particulam si super carbones ponas, fumus ejus extricat omne genus demoniorum.* Quod & postea factum ibidem legitur. Ita enim Angelus Raphael directè dæmonem expulit, & in deserto relegavit, ut colligitur *ex cap. 12.* ut etiam suffumigatio hæc indirectè dæmonem pellere potuerit. Similiter *lib. 1. Reg. cap. 16.* dulce melos non fugavit directè dæmonem, sed duntaxat ferienti cytharam Davide, levius Saul se habebat, quoniam ipso concentu Musices delinito, nonnihil sedabantur humores, quibus agitabatur, & propterea vexationi dæmonis minus idoneus reddebatur; unde tunc temporis ille recedebat, non quòd Musica vel delectaretur, vel offenderetur, sed quòd agrè ferret hanc sui domicilii quasi turbati possessionem, per hujusmodi humorum temperiem meliorem, de quo vide Abulensem *cir. cap. à quest. 41.*

Postè quoque dæmones corpora hominum, & animalium transformare, non quidem intrinsecè figuram mutando, sed extrinsecè ex corporibus aliam circumponendo, alibi diximus. Aliqui enim opera dæmonis convertuntur in speciem lupi, accommodant namque se ad speciem bestiæ, quantum possunt, manibus & pedibus incedendo, & dæmon adjicit reliqua,

circumposita alia figura ita, ut speciem lupi exactè referant. Deinde ingreditur dæmon, mutat phantasiam, & animum ferinum inducit, quod ei perfacile est, commotis humoribus, & venenatis succis adhibitis. Denique agilitate lupina corpus regit. Hinc fit, ut tales invadant, lacerent, ac devorent homines, ut veri lupi solent, & ipse homo oculorum judicio, videatur in lupum conversus. Quæ de re Augustinus *lib. 18. de civit. cap. 18.* Chrysostomus *hom. 29. in Matth. Isidorus lib. 8.* Origenes *cap. 9.* Rabban. *lib. de Magor. prestig. can. non mirum 26. q. 5.* D. Thom. *qu. 6. de potentia art. 5. ad 6. & p. 1. qu. 114. art. 4. ad 2.* D. Bonavent. *2. dist. 7. artic. 2. qu. 2.* & alii. Omnino enim, ut ex perfectò animali aliud fiat animal perfectum, longè exuperat vim creatam, quodque Deus Creaturis omnibus negavit, id non abique impietate illis adscribitur.

Nec obstat confessio propria eorum, qui se lupos prædicant. Subinde enim morbi est genus, quod Lycanthropiam vocant. Proficiscitur autem à copia atrebilis, hoc ita hominum phantasiam depravat, ut videantur sibi lupi, aliqui etiam lupino more oves, vel homines invadere studeant. Vide Paulum Aeginetam *lib. 3. cap. 16.* & Aretium *lib. 6. cap. 10.* Talem se credidit pater Præstantii apud B. Augustinum *lib. 18. de civit. cap. 8.* Item Borussus ille, de quo Georgius Sabinus in *Ovid. 7. metam.* præterea alius à Joanne Euvichio, *lib. de natur. sagar.* memoratur, qui cum sibi lupo videretur, sub fœnum se recipiebat, & à rusticis nimis credulis jam cæperat exoriri, avidis cognoscere, an non quia Lycanthropi dicantur Plin. *lib. 8. cap. 22.* pellem vertere, pilos interiùs haberet. Equidem vix video utrum magis misereri conveniat miseri Lycanthropi, qui medici sapientis curæ debuit committi, an potiùs simplicium rusticorum, eum, ut versipellem exoriri volentium. Nec enim confessioni atra bile laborantis, sed suis eos oculis credere oportuit.

Neque propterea existimo, morbo semper tribuendum, quoties de Lycanthropis in quæstionem venit. Nec enim pertinaciter inficias iero, spiritus malignos, ubi vident se nanciisci decipi idoneos, ut ferè sunt atra bile laborantes, forma interdum lupi apparere, vel veros excitare lupos, qui oves dilaniant, aut alia dent damna. Interea verò in melancholicis illis, somno sopitis, sic phantasiam dirigere, ut hi omnia sibi agere videantur, quæ faciunt lupi, aut dæmones forma lupi adsumpta.

Hoc etiam largiar, quandoque homines ipsos in dilaniatione ovium esse præsentés, quia, quæ vulnera sint inflicta lupis, ea illis postea compareant corporis humani locis, ac partibus quæ respondeant lupinis, ut dicendum videatur, homines à spiritu malo lupina pelle circumvestiri, aut ex aère non ab simile quid circumfundi, perque pellem lupinam, sic membris adaptatam, aut per aëriam speciem facilè cedentem, ita ictus penetrare, ut reapse iis locis ferro vulnerentur. Vel si hoc durius creditur est, saltem, dum à dæmone, vel lupis veris ista fiunt inter pecudes, mali spiritus alto sopitis somno, vulnera similia infligunt domi, quæ hi foris credunt accepta, quia quæ foris fierent, in phantasia à dæmone repræsentarentur domi. Utrumcumque istorum placuerit, extra controversiam poni debet, nec animas humanas in corpora migrare lupina, nec humana corpora in lupina converti.

Obiectant nobis de Nabuchodonosoro, de quo Daniel *cap. 4. v. 22. & 30. & cap. 5. v. 21.* narrat, *filii hominum abjectum, cor ejus cum bestiis positum, & cum onagris habitasse, herbam tanquam bovem comedisse, rore cæli corpus ejus tinctum, donec corpus illius pilis, sicut aquila plumis, vestiretur; ungues etiam essent, sicut avium.* Sed



Sed non tam hæc significant, feram factum, quam ita efferatam, ut in figura humana feræ esset similis, temperamento immutato, corrupta imaginativa, sic ut morbo, eoque lycanthropiæ non ablimili, quadupes sibi videretur, atque ejus instar, humani fugiens consortii, manibus, ac pedibus inter feras diù, noctuque sub dio reptaret, gramine etiam vesceretur, pilis & unguibus inhorresceret, nec loqueretur, sed potius incondito strideret sono. Quomodo Rupertus Tuicensis Propheten interpretatus in lib. 6. de Victoria Verbi Dei cap. postremo. Ac sententiam hanc etiam admittit, quæ de eo legitur apud Gregorium Magnum in Jobum lib. 5. cap. 6. Ubi prius, inquit, in irrationale animal versus est; subjicit autem, quem communem cum hominibus habuit sensum hominis amisit. Planèque repudianda est sententia, quam Flavio Josepho, sed perperam, tribuunt Nicolaus Lyranus, & Dionysius Carthusianus. Item quæ de ipso legere est apud Dorotheum Tyrium in synopsi de vita, & morte Prophetar. sed supposititium scriptorum judicio etiam Molani, Bellarmini, Possevinii, fortasse Dorotheum, Abbatem Romanum, ut vitium Baronio ad Martyrol. Roman. 5. Junii. Scio idem legi apud Epiphanium in vita Danielis, sed nec opusculum illud de Prophetarum vita, & interitu, magno illi Salaminis apud Cyprios Episcopo satis dignum existimo, multa adeo ex Thalmudistis hausit incerta, imò falsa, nec ejus libelli meminit Theologorum veterum quicumque.

Non tamen est negandum, quin possint dæmones aliquas veras transformationes efficere, applicando activa passivis. Sic possunt efficere ranas, mûcas, mures, ac cætera hujusmodi, quæ ex putri nascuntur, ut probat Delrius lib. 2. cap. 14. Et forsitan etiam animantia, quæ sunt ex semine, infuso ex semine in vas naturale genituræ. Sed qui sic nascitur, ut alibi notavimus, non erit filius dæmonis, sed illius, cujus erit semen.

Ideo id, quod legimus Ex. d. 8. & 9. de Maleficis Egyptiis eos fecisse ranas, & serpentes &c. verè factum fuisse, non tantum apparenter, docuit Augustinus libro 20. de Civit. cap. 18. At de hoc vide quæ supra diximus. Quod autem Cinyphes facere non potuerint, divino consilio factum est, ut constaret, eos non Dei virtute operatos fuisse, sed ope dæmonis, cui non semper permittitur facere quicquid potest, ut deceptiones ejus degerantur. At de his satis.

Nunc dicendum est, quas res dæmon nec per Magos, neque per seipsum possit efficere. Et quidem per motum localem, qui est immediata ejus operatio transiens, multa non potest facere dæmon. Non enim potest, ut inquit D. Thomas in quest. de potentia qu. 16. art. 8. & 3. lib. adversum Gent. cap. 108. destruere, aut subvertere ipsum Universum. Sunt enim dæmones partes Universi. Pars autem non habet vim atque potestatem in totum, cuius est pars, &, ut ait Paulus ad Hebr. 2. Non suscepit Deus Angelis orbem terræ. Nec potest pervertere ordinem Universi, cum autore Aristotele, bonum Universi sit ordo. Non potest item perturbare, vel suis locis commovere principes partes mundi, ex quibus ejus integritas coalescit. Non potest sistere cælum, vel motum ejus in contrarias partes trahere. Non potest elementum aliquod ex uno loco in alium transferre. Non potest facere, ut detur vacuum, cum vacuum tollat conjunctionem, connexionem, atque subordinationem omnium partium Universi, in quo ejus conservatio, atque gubernatio consistit.

Diximus, non posse dæmones ejusmodi res facere vel simpliciter, vel secundum potentiam ordinariam

eis à Deo concessam, & quam eis concedi possit æquissima divinæ providentiæ ratio. Et cum dæmones habeant vim motivam definitam, alii quidem majorem, alii verò minorem, non possunt quantumlibet corpus quantalibet velocitate movere, nedum in instanti. Non possunt facere, ut duo corpora sint simul in eodem loco, vel unum corpus in duobus locis simul, vel ut unum penetret dimensiones alterius. Nec potest dæmon, distans à corpore, illud movere secundum locum; quia movens & mobile debent esse simul, alioquin posset movere per vacuum, & per quantamcunque distantiam. Nec potest transferre corpus de extremo ad extremum, & non per medium.

Multa quoque sunt, quæ per alteram actionem dæmonum, quam mediatam diximus, cujusmodi est naturalis alteratio, corruptio, generatio rerum naturalium non possunt à dæmonibus effici. Non enim potest dæmon immediatè producere ullam formam substantialem, vel accidentalem. Cum enim sit incorporeus, non potest immediatè alterare materiam corpoream; unde formæ naturales educantur. Nec potest aliquid creare ex nihilo; Tum quia id requirit infinitam virtutem activam, qualem Deus solus habet. Tum quia nec motus localis dæmonis, neque operatio, quam per causas naturales exercet, in nihilo recipi, aut circa nihil versari possunt. Nec potest ex quolibet facere quodlibet. Nec per quamlibet causam, vel instrumentum potest quemlibet effectum producere, sicut medicus non potest per quamlibet medicinam quemlibet morbum sanare, nec artifex per quavis instrumenta quodcunque voluerit opus perficere. Atque hoc est, quod Augustinus compluribus locis docet, nec dæmones, neque Angelos esse creatores rerum, nec posse transmutare formas rerum, nec materiam corporalem ad nutum illis obedire.

Præterea non possunt dæmones producere formas substantiales, non præviis alterationibus, ac præmissis dispositionibus. Nec possunt eas in instanti, aut quantumlibet parvo tempore producere. Nec possunt quamlibet rem naturalem immediatè in quamlibet aliam transmutare, etiam adhibendo causas naturales. Non possunt animalia perfecta sine semine producere. Quare, si visi sunt unquam vel ex lapidibus, & lignis producere equos, vel leones, vel ex nubibus pluvie vitulos, non est putandum, sic eos fuisse generatos, sed vel aliunde invisibiliter per dæmones illuc translatos, ut supra notavimus, vel non fuisse vera animalia, sed eorum tantum imagines, & simulachra, cernentium oculos fallentia. Nec possunt animal producere subito secundum perfectam magnitudinem, ac virtutem ejus. Nec possunt pervertere, atque immutare ordinem, qui est inter formas, & dispositiones rerum naturalium, ut possint posteriores inducere, non inductis prioribus, aut extremas, non inductis mediis. Nec possunt mortuos ad vitam revocare propter causam supradictam. Nec possunt impedire, ne agens naturale, habens omnia requisita ad agendum, non agat. Denique quod superat vires agentium naturalium, quodque naturali eorum dispositioni ac ordini repugnat, & ad quod virtus agentium naturalium nullo modo se extendit, id fieri à dæmonibus nequaquam potest.

#### CONSULTATIO LXVIII.

De Spectris. Eorum causa, Figura. Mala. Terrores. Ludibria, fraudes, artes, ac regula dignoscendi apparitiones, an sint à malo, an à bono spiritu?

Concitant & dæmones sua arte, ac ingenii, operisque celeritate ex materia commoda quam ipsi



norunt, spectra diversa in aere, & in terra miri artifices, ac celeres, ac rerum naturalium, quæ ea possunt generare, & facere, peritissimi. Quæ tamen ipsi operantur, vel ut decipiant, vel ut auctores, & creatores rerum earum videantur, ac miraculorum patratores, vel ut terreant. Homines pios, & bonos à pietate avocent, cum tamen nihil sit in his, præter celeritatem, mirandum. Conspingunt itaque in cælo ex nubibus animantia, mediantibus Solis, radiis exercitus, venatores; addunt ex aëris repercussione, ac instrumentis adfabrè factis voces, fletus, & id genus alia terribilissima. Aristophanes in Ranis unum profert, quod Proteum refert, & apparuisse dicit Dionysio pergenti ad inferos. *Erat, ait, aliquando bos, nunc autem mulus, aliquando iterum mulier pulcherrima quidem, jam canis, Empusa igitur est.* Eustathius *Empusam* dicit larvam, spectrum, quod uno pede ambulat. Secundum alios, quod unum pedem æreum habeat, Cælius Rhodig. lib. 6. cap. 28. Alium, ut Aristophanes ait, asininum. Et Suidas tradit hoc spectrum dæmoniæ ab Hecate immissum, & calamitosi apparere, item & in meridie, cum defunctis inferiæ ferrentur. Apparent enim demones non quales sunt, ut plerumque, sed ludicris involuti monstris. Nam, ut ait B. Chrysostomus homil. in Psalm. 41. *Quot demones servantur per aërem, quot adversa potestates? Si illis Deus permitteret terribilem illum vultum suum, & horrendum aspectum nobis ostendere, annon mente dimoveremur? Annon periremus? Annon omnino interiremus?*

Rabbini Judæorum dicunt, *Lilith*, de quo alibi, esse spectrum quoddam dæmoniæ, habens formam abortivi nati ex impuro partu, excepto, quod habeat alas. Ideo scriptum est in parietibus Judæorum per circulum album cœnaculi? *Ezelo chutz Lilith, chutz Lilit*, hoc est: *Mane extra Lilith, extra Lilith.* Et hoc circulo existimant arcere se dæmonem, ne ingrediatur, & ne noceat infanti, recens nato. Hæc Munsterus in lib. *Mesfiach Christianorum*. Ferrur à Philostrato lib. 4. de *vita Apollonii*, Ephesi dæmoniæ quoddam spectrum pestem disseminasse, idque in forma, & specie senis mendici, peram gestantis panicii, frustis refertam, laceram, & sordidam vestem gerentis, quem Apollonius Tyanæus ad expiandam Civitatem cum detexisset, iussit lapidibus obrui. Quod factum. Et sublati deinde acervis lapidum, ait in ejus locum inventum esse canem, tanquam molossum, magnitudine tanta, quanta maximi Leonum esse solent, quasi rabidi canis spumam emittentem, & ita liberatam à peste Civitatem. Chunnegundis, uxor Henrici Secundi Imperatoris, in suspicionem venit adulterii cum aliquo juvene, in forma cujus dæmon ex aula Imperatoris sæpè videbatur egredi. Purgavit autem illa innocentiam suam ambulans super craticulam ardentem, prout tunc erat mos, & judicandi formula, *Krantius lib. 4. cap. 5. Metrop.*

Gennadio, Patriarchæ Constantinopolitano apparuit spectrum, quod postquam exprobatum ab eo fuit, illi dixit: *Te vivente silebo, sed mortuo, perdam Ecclesiam.* Quare & pro Ecclesiæ stabilitate rogavit studiosius Gennadius, Theodor. libro 1. *epist. hist. Eccles.* Apparuit dæmon cum diademate ac splendore Dom. Martino Turonensi Episcopo, dicens, se Christum esse. Detectus autem quod Christus non esset, pollicitus reverti cum veste purpurea, & diademate, Severus Sulpit. lib. 1. vit. D. Mari.

Narrant miram dæmonis imposturam historiæ Ec-

clesiasticæ. Vir quidam in Creta tempore Theodoti junioris, dæmon potius, & alastor, se Mosem Judæis ibi degentibus esse simulavit, atque pollicitus est, se illos per mare rubrum pede sicco traducturum, atque toto uno anno per insulam percurrere, suavit illis, ut se sequerentur. Quod & fecerunt vanis illius promissis decepti unà cum conjugibus, & liberis. Itaque eos in summum quendam scopulum, in pelagus excurrentem duxit, atque inde seiplos conicere in mare veluti natantes, & urinantes iussit, idque ex illis quidam statim, ut imperatum fuerat, fecerunt, neque deinceps apparuerunt. Quidam etiam in præcipitio saxi allisi interierunt. Et universi illi vel in undis, vel in præcipitiis saxi periissent, nisi Dei Providentia piscatores, & alia mercatura victum queritantes Christiani homines præsto essent, eosque inde modis omnibus extrahentes servassent. Tum primum fortasse qua dementia capti essent sentientes, hi, quominus alii se in mare projicerent, prohibuerunt, eorum, qui antea id fecissent interitum indicantes. Quam fraudem detegentes, Pseudo-Mosem illum apprehendere sunt aggressi; verum percipere id minime potuerunt. Confestim enim ille disparuit, & magnam suspicionem præbuit, perniciosum quendam dæmonem sub humana specie gentem eam in exitium produxisse, ut Auctores sunt Nicephorus lib. 14. *hist. Eccles. cap. 40.* & Socrates lib. 1. *hist. Tripart. cap. 9.*

Et licet aliqui hæc spectra negaverint, ut Cassius apud Plutarchum in Bruto, qui dæmones negat, nec credit consequenter eorundem apparitiones, aut molestias, sed vult sensus tantum decipi, & hujusmodi imagines fingi, Michael Balbus, ut est apud Zonaram, nullos esse dæmones asseruit, nullas quoque eorundem apparitiones, aut molestias, & Andreas Tiraquellus ad cap. 10. lib. 2. & ad cap. 23. libro 5. Alexandri ab Alexandro *genial. diæ. demonum apparitiones, & spectra, mera esse somnia putant.* Contrarium tamen docet fides Catholica ex sacris Scripturis, & Patribus.

Ex scripturis quidem *Genes. 3. Psal. 90. Matth. 4. Luc. 24. 2. Corinth. 11. ac alibi.* Ex Patribus Prochorus de *Joanne Apostolo cap. 2.* ubi de dæmone laceffente Joannem verberibus, plagis & asperioribus conviciis. Justinus Martyr *orat. ad Antonium Pium*, ubi de dæmone per spectra apparente. Tacianus *orat. contra Græcos*, ubi de dæmonis variis apparitionibus. Origenes lib. 4. *contra Celsum*, ubi varia dæmonum in figura animalium spectra. Athanasius in *vita S. Antonii*, ubi de innumeris dæmonis artibus nocendi ac de ejus multifaria forma terrificata. Palladius in *hist. Paurum cap. 18.* de Nachanele Eremita à dæmone illuso. Joannes Cassianus *collat. 7. cap. 32.* ubi de nonnullis spiritibus, quos Faunos vulgus appellat, seductoribus, & jaculatoribus, ridentibus, illudentibus, ac de aliis furori, ac truculentie deditis. Sozomenus lib. 6. *hist. Eccles. cap. 20.* de spectro habitu mulieris formosæ tentante Apellem, Cyrillus Eremita in *vita S. Saba cap. 14.* ubi dæmones in scorpionum ac serpentum speciem Sabam tentabant perterreficere. Aeneas Gazæus in *Theophrasti*, ubi circa sepulchra umbræ, ac spectra, humanas animas representantia, simulachrum hominis effingentia. Joannes Moschus in *prato spirituali cap. 119.* ubi de dæmone in habitu monachi. Georgius Pides de *mundi opificio* ubi de larvis, quas dæmon figurat, de spectris, quæ fingit inania. Michael Psellus de *operat. demon. capit. 18.* ubi de transfiguratione dæmonum in quamcumque figuram voluerint. Joannes Zonaras in *Isaacio Comneno*, cui venanti visum est aprum horrendum, qui po-



postea evanuit, unde spectrum demoniacum à plerisque fuit iudicatum. Zeno Veronensis in *serm. de resurrect.* ubi de vagis, immundisque spiritibus, eorum artibus, atque figuris. Hieronymus in *vita Hilarionis cap. 3.* ubi de variarum portentis vocum, demonum ludibriis. Augustinus de *Civitat. lib. 22. cap. 8.* ubi de spiritibus vexantibus domum viri Tribunitii Hesperii, & orationibus liberatum. Alcimus Avitus *lib. 2.* ubi de variis demonis formis. Adelinus Sagenis, in *vita S. Opportuna*, ubi daemon in specie nigerrimi Æthiopis, cujus capilli, & barba distillabant quasi picem calidam, & liquidam, &c. Cyprianus Arelatenis in *vita S. Hilarii Arelatensis cap. 19.* ubi de diabolica infestatione, de diversis demonum insidiis, de saxorum quoque imbre. Fortunatus in *vita S. Martini lib. 2. cap. 4.* ubi demon mentiens speciem humanæ sub imagine formæ. Gregorius Turonensis *hist. Francor. lib. 2. cap. 21.* ubi de Episcopo, qui nocte quadam ingrediens plenam Ecclesiam demonibus reperiit, ipsumque principem in modum ornata mulieris in throni illius cathedra residentem. Gregorius Magnus *lib. 2. dialog. cap. 2.* de D. Benedicto de demone in merulam versio circa ejus faciem volante, quæ signo Crucis edito recessit. Dinamius Patricius in *vita S. Maximi*, de demone insidiatore, forma ingenti, atque terribili sese offerente. Similiaarrant Beda in *vita S. Eudberti cap. 13.* Joannes Monachus in *vita S. Valfrani*, Joannes Diaconus in *vita S. Gregorii lib. 4. cap. 89.* Hucubaldus Etonensis in *vita S. Aldegundis cap. 18.* Petrus Cluniacensis de *miraculis sui temporis lib. 1. cap. 8.* Jacobus Vitriacus in *vita Mariæ Aegniacensis lib. 2. cap. 4.* D. Bonaventura in *vita S. Francisci cap. 11.* Theodoricus Apollinarius in *vita S. Domitii lib. 3. cap. 7.* Petrus de Pacia in *vita S. Christinæ virginis Stumblensis*, Nicolaus Lyranus *ad cap. 11. post. ad Corinthios.* Petrus Ranzonus in *vita Sancti Vincentii lib. primo, cap. 9.* Omitto alios prope innumeros, solum addo aliquos alios profanos, Alexandrum ab Alexandro *genial. diem. lib. 4. cap. 19.* Cardanum de *rerum variet. lib. 16. cap. 93.* Marinum Cromeum de *reb. Polon. lib. 9.* & Paulum Venerum de *regionibus Oriental. libro 1. cap. 44.* Sigibertum in *chron. ann. 858.* Honorium Augustodunensem de *mundi synopsi lib. 1. cap. 53.* Gulielmum Neubrigensem *rerum Anglic. lib. 5. cap. 7.* Saxum Grammat. *hist. Danic. lib. 14.* Cæsarium Heisterbachium *lib. 5. cap. 47.* Gulielmum Alvernum de *legibus, Mattheum Vvestmonasteriensem in chron. an. 1100.*

Ex quibus compertum est, dari quædam loca spectris, ac spiritibus infesta. Id exemplis plurimis probant historiæ tum Gentilium; tum Christianorum, confirmantque Sancti Patres, de quo plura Tyræus de *loc. infect. cap. 1.* ac testatur D. Gregorius *lib. 4. dialog. cap. 39.* Gregorius Nissenus in *vita Gregorii Neocesariensis*, Glycas in *hist. Græcorum Imper. Plinius libro 7. epist. 27.* Olaus *libro 2. cap. 3. & libro 3. capit. 11.* Beucerus *lib. de divinat. fol. 283.* Boëthius *libro quarto, Scotor. histor. Diodor. libro 3. cap. 4.* Fatel. ex *Aristotele lib. 1. de reb. Sicul.* Munsterus *libro 1. Cosmog. cap. 15.* Plutarchus in *vita Cimonis, & in Dione.* Suetonius in *Caligula & in Othone.* Xiphilinus in *Nerone*, Bodinus *libro 3. de demonom. capit. 6.* Muloenda de *Anichristo*, Gravina in *lapide Lydie.* Extantque plura exempla apud Vvierum *lib. 3. cap. 9. de præst. demon.*

Aliqua tamen loca dicuntur infesta propter homines, quia videlicet horrida sunt, quoniam ipsi spiritus certos homines persequuntur. Alia sunt infesta per se, quoniam ratio infestationis è spiriti-

bus, & non ex hominibus, qui in iisdem locis degunt, pensatur. Neque dubitandum, posse spiritus loca infestare, ut plurius probat Sylvester de Striginagis.

Dæmonum spectra sunt, quæ in fodinis mineralibus, & salinis observata fuere, de quibus idem Tyræus *ibidem, cap. 1.* Quæ in balneis, quorum Gregorius Nissenus meminit. Spectra animarum, quæ purgantur, & quæ inferni cruciatibus addictæ sunt, vide apud Tyræum *loc. cit. & cap. 38.*

Non iccirco admittimus genera diversa demonum molestantium, à Psello distincta penes loca habitata. Loquutus est enim, ut rudis Christianæ doctrinæ. Quod, si attendisset Delrius, & Autor *compend. malefic.* ei nullo pacto adhaesissent. Melius igitur alii in duo genera molestantes demones distinguunt, hoc est in duos modos molestandi. In mites, & in tetricos. Mites volunt Latres appellari, Germanis *Guteoli*, aliis virunculi montani, quia plerumque apparent nani, tres dodrantes longi. Truculenti verò Larvarum appellatione dignantur. Hi homines molestant, atque turbant. Utrorumque meminit Cassianus *libro 7. collat. cap. 32.* Verè tamen affirmandum est, eosdem demones quandoque mites esse, postea truculentos, & contra. Omnibus siquidem demonibus inest potestas, ac voluntas humano generi nocendi; quod facere conantur pluribus artibus, permittente Deo, etiam mititatem simulando.

Interdum verò animæ purgandæ sunt, quæ molestant viventes. Id probant exempla plurima, quæ afferunt Patres, ut Paschasii, quem celebrat Gregorius Magnus, spiritus, qui obsequium aliquandiu exhibuit presbytero, Felici Portuensi Episcopo noto, matris sanctæ Catharinæ Senensis apud Raymundum Capuanum, matris sanctæ Elisabeth, Hungarorum Regina, quæ filia post mortem apparuit. Similis apparitio fuit illa sororis sancti Vincentii Ferrerii, & quæ factæ sancti Thomæ Aquinati apud Castiglionem *centur. 1.* aliæque innumere. Quamvis enim eis suus sit designatus locus, ubi juxta Dei voluntatem puniuntur, desiderare tamen possunt viventibus apparere, illarumque desiderio, rationabile est quandoque satisfacere ex causis Deo notis. Non enim Deus suo rigore justitiæ erga illas utitur, quo erga damnatas. Tum magis, quia earum charitas non solum ipsis prodest, sed & viventibus, quos æstuante charitate diligunt.

Aliquando tamen proveniunt hujusmodi molestiæ ab animabus damnatis, ut per Tyræum *ibidem, part. 1. cap. 5.* Non verò propria voluntate, aut demonum jussu comparent, sed Dei ad aliquem specialem finem, præcipue ut testes sint quandoque suppliciorum infernalium apud viventes, non tamen ordinariè, quia habent Moysen, & Prophetas *Luc 16.* & nunc etiam Evangelium.

Animæ autem purgandæ frequentius apparent. Quia bona à vivis & sperare, & consequi possunt. Quod pluribus exemplis probari potest. Probabiliter affirmatur juxta doctrinam Augustini, eas facilius ad vivos redire, qui dum viverent, ut redirent, quasi meruerunt, id est qui suffragandis animabus purgandis diligenter vacarunt. Alii autem piè defuncti frequenter redire solent, viventiumque opem implorare, de quo plura Tyræus *loco citato cap. 79.* Deo tamen semper annuente.

Agnosci possunt apparitiones, an sint à malo, vel à bono spiritu ex hisce regulis vel signis. Si signo Crucis, vel nomine Jesu, Mariæ, vel alterius



Sancti, vel aqua benedicta, vel ad præsentiam facrarum reliquiarum, vel sacrae Imaginis, vel similitum, quibus Ecclesia uti consuevit contra diabolicas fraudes, diffugiat, ac dispareat. Si aliquid contra fidem, vel doctrinam Ecclesiae, vel quod sit à moribus Sanctorum alienum suadeat, vel instruat. Si prava sit causa suae apparitionis, ut si imperio alicujus Magi vel aliqua revelet, quæ sunt frivola, vel vana, vel noxia. Si excitat mentem hominis ad superbiam, ad vanam gloriam, ad præsumptionem, vel ad alium turbati animi motum. Si blandè appareat, & postea relinquit mærorem, perturbationem mentis, tenebras desolationem, ac similia; nam boni spiritus est illuminare, solari & tranquillitatem animi afferre. Si prohibeat rem tractari, & consuli cum superiore, vel Confessario. Si appareat in forma vili, & abjecta, ut Aethiopis, serpentis, bufonis, canis, & hujusmodi, vel cum fœtore, tumultu, & horrore discedat. Si postquam præstitum est, quod persuasit, rursus frivolis occasionibus rideat. Dæmones enim varias occasiones quærunt, ut sæpè appareant, unde hæc celeritas esse debet suspecta. Lege plura apud Tyraëum lib. 1. de apparit. spirit. cap. 16. Delrium lib. 2. magic. qu. 26. sect. 3. Lessium lib. 2. cap. 44. dub. 3. num. 25. & Jacobum de Chusa Theologum in integro opere de apparit. spirituum, ac Peltanum de Purgatorio.

Cæterum non posse Magos opera dæmonum veras defunctorum animas nobis ostendere, docet D. Thomas 1. par. qu. 117. art. 4. ad 2. fusèque probat Alphonsus Mendoza qu. 5. quodlibet. scholast. & nos supra suo loco. Quia Sanctorum animæ in manu Dei sunt, & soli Deo obediunt, damnatorum verò nequit dæmon sinere egressum sine nutu Dei, sine quo nec ipse id potest. Quod idem habet locum in animabus, quæ igne purgatorii expiantur. Ideo solent ipsi dæmones has vices subire, qui per mundum adhuc vagantur. Neque id mirandum, cum in Angelum quoque lucis, imo & in ipsum Christum, quandoque se transfigurare audeant.

Et advertendum, quod etsi multa habeantur pro spectris dæmoniis, quæ naturalia sunt, vel artificialia, & quæ sensuum vitio, aut imbecillitate vitiata phantasie talia videntur esse, cum non sint qualia videntur, de quibus agit Petrus Leloyerius lib. 1. de spectris; attamen solet etiam demoniis, ut plurimum, se adjungere, & hominum proclivitate abuti. Hinc ut variæ dæmonum operationes, ac libidines, sic etiam varia eorum genera solent distingui. Cælestium, sive æthereorum, & igneorum. Aëreorum. Terrestrium. Aquaticorum, sive fluvialium, qui quoties corpus assumunt, sicut in sexu fœmineo frequentius apparent, ita qui habitant in locis siccioribus, & subaridis sæpius in viros se transformare dicuntur. Subterraneorum. Lucifugorum. Meridianorum, quorum omnia accurata notitia valde est necessaria ad intelligentiam plurium locorum sacrae Scripturae, in quibus ejusmodi dæmonum, sive spectrorum fit mentio, ut Psalm. Non timebis à timore nocturno, à sagitta volante in die, à negotio perambulante in tenebris, ab incurfu, & demonio meridiano, Levitici cap. 17. vocantur pilosi Sabhirim, ubi noster vertit, dæmonia. Isaia capit. 2. v. 20. vocat dæmones talpas, & vespertiones. Ephes. 6. & Luc. 22. legimus illis propriam noctem, & potestatem tenebrarum. Ex his etiam nocturnis est Asmodeus Tobia cap. 6. David Psalm. 103. dæmones vocat bestias sylva, Job cap. 1. v. 19. spiritum ab eremo venientem. Sacti etiam vates Hieremias Thren. cap. 4. & Isaia

cap. 13. meminerunt Lamiarum, quas vera dæmonum ludibria, sive spectra fuisse, sancti Patres docent, sicque de aliis. Possem istis alia propè infinita subnectere; sed hæc memorasse sufficit de spectris, ut ea immitti à dæmone, & arte dæmonis intelligamus. Ac proinde qui hujusmodi artibus se pellunt, vel spectra commovent, digni animadversione erunt: Si quis aliquid, ait lex civilis in l. si quis aliquid ff. de pœn. fecerit, quo leves hominum animi superstitione terreamur, Divus Marcus hujusmodi homines in insulam relegari rescripsit.

## CONSULTATIO LXIX.

An, & quatenus Magia studium sit licitum? Magia superstitiosa quam grave peccatum. Magia non naturalis an sit superstitio hæreticalis? Quæ alia crimina cum Magia admisceantur? An in ea detur parvitas materia? Ubi & quomodo Magus, qui suo Chirographo fidem Christianam abnegavit, & dæmonis obsequio se dedit, possit fœdus dissolvere absque sui chirographi restitutione?

IN hac re ita distinguendum est. Magia naturalis, cum sit doctrinae physicae ac medicæ & mathematicæ pars nobilissima, per se bona & honesta est, hominumque studio, & cognitione dignissima. Fortitan autem ejus studium, & tractatio publica merito prohiberi posset in Republica, videlicet, si timeretur ne ea in vulgus prodita, multi, (quæ est humani ingenii ad mala proclivitas) ad perniciem, exitiumque aliorum abuterentur. Nam licet medicina quoque abuti possint medici, & ob eandem causam etiam prohibenda videretur, attamen alia est ratio medicinae, alia Magia. Nam Medicina & ejus usus est per se necessarius mortalibus, & abusus manifestior est, quam ut omnino celari queat, ideoque punitu ac emendatu facillior; Magia verò nec usus societati hominum est per se necessarius, ac est abusus occultus. Latet enim per quas res, & qualiter Magia operetur. Quamobrem valde timeri potest, ne, quod est occultior in operando, eò magis fiducia impunitatis lubrica sit ad nocendum.

Magis verò non naturalis, præsertim quæ commercio ac fœdere inito cum dæmone nectitur, dupliciter addisci potest. Vel speculativè tantum, vel etiam practicè, hoc est, vel noscendi tantum causa, vel etiam utendi, ac exercendi. Nuda cognitio Magia per se mala non est. Omnis enim cognitio veri bonum quoddam, ac perfectio est intellectus. Si enim cognitio malorum bona non esset, Deus eam non haberet. Atqui Deus omnium bonorum pariter atque malorum scientiam perfectissimam habet. Si per se mala esset cognitio hujus Magia, ergo nulli prius eam discere, aut nosse liceret. Quomodo igitur Ecclesiae Doctores, ac rectores hujus Magia vanitates, fallacias, maleficia, impiasque superstitiones detegere, ac confutare possent? Quomodo probare mira illa, quæ faciunt Magi vel esse meras imposturas, vel opera dæmonum, vel occultarum virtutum naturalium effecta? Quomodo demonstrare, nullum opus Magorum verè posse dici miraculum? Quomodo docere Christi miracula multum differre ac præstare Magorum miracula, & nec Magos virtute divina operari, nec Christum, ejusque servos miracula magicis artibus edidisse?



Hoc autem animo & consilio nonnullis Magiæ studere concessum est. Nos Christiani, ait Tertulianus lib. de anima, fallacem Magiam non socia conscientia, sed inimica scientia novimus, nec invitatoria operatione, sed expugnatoria dominatione tractamus, multiformem hanc lucem mentis humana, totius erroris artificem, salutis pariter, animaque vastatricem. Rectèque dixit Joannes Picus Mirandulanus: Quo qui est Magia peritior, eò clarius eum cernere, quantum inter Magorum, & Christi, atque Sanctorum miracula intersit. At studium ejus potest tripliciter non esse bonum. Vel si quis illud præferat studiis utilioribus, & tantum propter inanem quandam curiositatem illud capessat. Vel si ad malè agendum id referre velit. Vel si propter imbecillitatem mentis periculum sit, ne hujus Magiæ fraudibus, ac superstitionibus circumveniat. Merito igitur id studii publicè Christianis veritum est, nec ulli, nisi permisso superiorum Ecclesiæ conceditur.

Ulus verò hujus Magiæ in totum damnatus est, ac vetitus, non solum lege divina, & Ecclesiastica, sed etiam civili, nec Christianorum tantum, sed etiam Gentilium. Non est autem usus Magiæ licitus. Aut enim est ibi peccatum infidelitatis, si quis dæmoni credens, tribuat ei divinum numen. Aut est peccatum idololatriæ, si oblationibus, & sacrificiis cultum dæmonibus exhibeat. Aut saltem est peccatum inobedientiæ, quia tam Magus, quàm qui opera Magi utitur, facit contra prohibitionem divinam & ecclesiasticam. Causa autem hujus prohibitionis triplex est. Primò, quia is peccat in seipsum, committens se in magnum discrimen, scilicet deceptum magicis fraudibus, in graves errores labendi. Deinde facit injuriam Ecclesiæ, cum dæmone habens commercium, & familiaritatem, qui est omnino præcisus ab Ecclesia, eique adversarius. Postremò gravissimè Deum offendit, dum confugit ad dæmonis opem, & auxilium, quasi non esset omnipotens, ac homini abundè providens, & consulens Deus Christianorum.

Quàm autem gravibus, ac minacibus verbis Deus & ulum ac studium hujus Magiæ prohibeat ex variis sacre Scripturæ locis liquidò cernitur. In capitulo enim 19. Levitici sic habet: *Non augurabimini, nec observabitis somnia. Non declinetis ad Magos, nec ab Ariolis aliquid sciscitemini, ut polluamini per eos.* Et cap. 20. *Anima, qua declinaverit ad Magos, & Ariolos, ponam faciem meam contra eam, & interficiam illam de medio populi sui.* Et cap. 18. Deuter. *Non inveniatur in te, qui sciscitetur Ariolos, & observet somnia, & auguria, nec sit malficus, nec incantator, neque qui Pythones consulat, aut querat à mortuis veritatem. Omnia enim hæc abominatur Dominus, & propter istiusmodi scelera delebis has gentes in introitu tuo.* Et 4. lib. Reg. cap. 1. Ochoziæ Regi Israël, qui miserat nuncium ad consulendum Beelzebub, Deum Accaron de ægritudine sua, Elias hæc renunciari jussit. *Nunquid non est Deus in Israël, ut eatis ad consulendum Beelzebub, Deum Accaron? Quamobrem hæc dicit Dominus: de lectulo, super quem ascendisti, non descenderis, sed morte morieris.* Et lib. 2. Paralip. cap. 33. inter alia scelera Regis Manassis, hæc connumerantur: *Observabat somnia, sciscitabatur auguria, maleficis artibus inserviebat, habebat secum Magos, & incantatores, multaque mala operatus est coram Domino, ut irritaret eum.*

Cujus severissimi præcepti hanc rationem reddit Philo in lib. de special. legib. *Non finit noster Legislator procraftinari veneficorum supplicia, sed absque mora vult exigi, quod dilatio noxiis opportuni-*

*ratem peccandi præbeat, ceteris metum afferat, exstimantibus, quicquid illorum vita accedit, sue securitati decedere.* Idcirco sicut viperas, serpentes, aliasque venenosas bestias, priusquam mordeant, aut sauciant, aut etiam se commoveant, sine mora ad primum aspectum occidimus, præcavendo naturalem eorum malitiam priusquam noceant, eodem modo ejusmodi homines plectendi sunt, qui Magicis suis artificijs, & maleficis artibus incautos homines non solum errore implicant, sed in graves calamitates intrudunt. Ita Philo.

Quàm essent autem hæ artes Magicæ & Apostolicæ, & nascentis Ecclesiæ Christianis abominabiles, & exosæ vel unus locus, qui est in 19. cap. libri de Act. Apostol. apertissimè declarat, ubi sic legitur: *Multi ex his, qui fuerant curiosi sectari, consulerunt libros, & combusserunt coram omnibus.* Illos autem libros de rebus curiosis, Chrysostomus, Augustinus, Beda, Oecumenius, alique de rebus Magicis scriptos fuisse, interpretantur, ut alibi etiam diximus.

Porro gravius est peccatum, quò præstantior est virtus, cui opponitur. Magia autem supersticiosa opponitur Religioni, quæ est omnium virtutum moralium præstantissima. Ideoque est peccatum gravissimum, gravius furto, homicidio, adulterio, perjurio, ac similibus. Nam tollit honorem, & cultum Deo debitum, & dæmoni tribuit, ineundo cum eo pactum, ut ipse Magus dæmonem honoret, & dæmon eum faveat ad sua maleficia præstandum, ut per Suarez tom. 1. de relig. lib. 2. cap. 14. num. 12. & Fagund. lib. 1. in decal. cap. 41. nu. 1.

Estque Magia non naturalis superstitio hæreticalis. Quia cum ipsa semper intervenit pactum cum dæmone. Magi enim, Lamia, Saga, ac Striges in suis magijs dæmonem invocant, eique thura adolent, sacrificia offerunt, candelas accendunt, cultum exhibent; genua flectunt, humi se prosternunt, preces effundunt, eum adorant, se ei devovent, obedientiam promittunt, ejus laudes celebrant, castitatem pro eorum reverentia, vel admonitu servant, jejunant, carnem suam macerant, per characteres, signa, & ignota nomina obsecrant, animalia immolant, imagines baptizant, pueros rebaptizant, caput defuncti fumigant. Sanctorum imagines conculcant, sputis fœdant, Cruces deiciunt, vel confringunt, Sacramentis, vel Sacramentalibus abutuntur, & sanguinem proprium in eorum cultum, & obsequium emittunt. Hæc autem omnia hæreticalia sunt, ut etiam notant Suarez loc. cit. num. 10. & 11. Carena par. 2. tit. 12. §. 4. num. 28. Tales enim ineuntes pactum cum dæmone, etiam si petant res, quæ dæmonis facultatem naturalem non excedunt, sunt vehementer de apostasia suspecti, ut testantur Deltius libro 5. magic. sect. 15. num. 2. Zanard. in summ. divin. præcepti, par. 6. cap. 64. Genuen. in prax. cap. 18. nu. 11. & Carena loc. cit.

Hinc Magiam dæmoniacam exercentes non solum reputantur fortilegi hæreticales, sed etiam, ut hæretici habentur per Repert. Inquis. v. hæresis, rubr. sapere hæresim manifestam, Locat. in judic. Inquis. v. Apostata num. 5. Farinac. de hæres. qu. 181. nu. 36. ubi firmat, quòd Magia, quæ naturalis non est, hæresim in se contineat, cum nonnisi dæmonum auxilio, & cum eis pacto inito exerceri valeat. Quod intelligendum est non ratione magicæ superstitionis, sed circumstantiarum, ut rectè docet Suarez ibidem, numero 11. ut quia pacto expresso ad id soleat expressa idololatria per sacrificium, aut alium similem cultum, dæmoni exhibitum. Imò in hæresim frequenter incidunt, qui hoc modo dæmoni serviunt.



Imò cum Magia admiscantur alia crimina à Confessariis, & à Judicibus inquirenda. Ea sunt. Primum crimen hæresis. Multi enim ex his non credunt dæmonem esse damnatum, ac pœnis subiectum, nec eos, qui ipsi adhærent, esse damnandos; nec eum nihil posse, nisi ex Dei permissione, ac similia. Secundum est crimen Idololatriæ. Accipiunt enim dæmonem loco Dei, eique fidem spondent, & totos se manciant, & sacrificia offerunt, aliisque modis colunt. Tertium est crimen Apostasiæ. Abnegant enim Christum, ac ejus fidem, renunciant baptismo, & omnia sacramenta conantur quibusdam cæremoniis turbare ac funditus evertere. Quartum est crimen blasphemiarum in Deum, in Christi humanitatem, in B. Virginem Mariam, & in omnes alios Sanctos. Quintum est, sacrilegium. Nam sæpe in suis Magiis utuntur rebus sacris, ac etiam sanctissima Eucharistia. Sextum est Luxuriæ, & quidem nefariæ cum ipso dæmone. Septimum sunt damna proximorum, ut homicidia, præsertim infantium, vastationes segetum, interitus animalium, & hujusmodi alia, ut per Lessium *lib. 2. cap. 44.* & Suarez *loc. alleg. Delben. de offic. S. Inquis. p. 2. dub. 228. sect. 5. n. 7. & seq.* & Castropal. *p. 3. tract. 17. disp. 1. pan. 8. n. 5.*

Nec in Magia datur parvitas materiæ. Quia non fit sine dæmonis invocatione, vel expressa, vel tacita. Invocatio autem dæmonis sive tacita, sive expressa, semper est mortalis, & ejusdem rationis, sive invocetur dæmon in re magna, sive in re parvi momenti. Nam in iis, quæ respiciunt Deum, ejusque honorem dari non potest parvitas materiæ. Cum itaque in qualibet Magia, etiam parvæ materiæ interveniat dæmonis invocatio, ac Dei gravis inhonoratio, ac offensio, dari non potest in ipsa parvitas materiæ, excusans à mortali. Quod etiam docuit Sanchez *lib. 2. in decal. cap. 38. nu. 18.* Lessius *d. cap. 44. dub. 4. nu. 16.* Castropal. *tom. 1. tract. 2. disp. 2. pun. 7. nu. 2.* ac Diana *p. 5. tr. 5. resol. 29.* Quia est materia indivisibilis.

Ratione tamen inadvertentiæ, vel ignorantie dummodo hæc non sit affectata, nec crassa, dari potest aliquis actus magicus, qui excuset à mortali; ut si quis ignoret, vel nullo modo advertat, tacitam dæmonis invocationem. Quia est valde occulta. Tunc ex defectu ignorantie & animadversionis esse potest veniale peccatum, dummodo quis paratus sit, nullo modo id facere, si sciret, vel dubitaret, quod à dæmone effectus ille fieret, ut per Cajetanum *2. 2. q. 95. art. 2.* Valentium *10. 3. disp. 6. q. 10. pun. 4.* Lessium, Sanchez & Dianam *loc. cit.*

Quod verò attinet ad dissolutionem pacti chirographo confirmari, potest illud Magus dissolvere si pœniteat, & à prioribus Magiis omnino recedat. Optimus enim est portus pœnitenti mutatio consilii. Nec opus est, ut dæmon chirographum ei reddat. Nam per veram pœnitentiam pactum illud omnino rescinditur, nec in fine vitæ coram Deo nocebit. Et tenetur credere, etiam hoc peccatum posse per pœnitentiam deleri. Si verò ipse Magus apud se chirographum retinet, vel illius exemplum, oportet illud comburere, ne sit causa scandali, si inter alias ejus scripturas sive in vita, sive post mortem ab aliis inveniat, ut per Suarez de Relig. *lib. 2. cap. 17. nu. 4.* & Sanchez *lib. 2. in decal. cap. 40. n. 52.*

## CONSULTATIO LXX.

*De Adjuratione, sive exorcismis contra dæmones. Quid ea sit: Ejus conditiones. Qui adjurare possint: Quo pacto adjurandum: An licitum adjurare dæmones? Ad id requisita. Media ac remedia ejiciendi dæmones. An dentur energumeni? De sigais maleficij. Cur permittat Deus vexationem demoniacam? Et cur dæmon opera malefici utatur? Quam potestatem habeat dæmon in energumenum. De licito usu, ac potestate exorcismorum. Quomodo immittantur in corpus energumeni, quæ ab eis per os ejiciuntur? Quisnam fuerit piscis ab Angelo Raphaeli Tobie ostensus? Et ad rem alia.*

**A**djuratio est contestatio rei sacræ, ob cuius reverentiam, amorem, vel timorem promovetur adjuratus ad aliquid agendum, vel omittendum. Alia est solennis, alia privata. Solennis est, quæ fit ex forma ab Ecclesia instituta, & à ministris ad id consecratis. Privata est, quæ solemnitate caret, & fit à quibuslibet privatis hominibus. Utræque subdividitur in adjurationem imperativam, & deprecativam. Imperativæ habes exemplum *Genes. 24. & 50. ac Matth. 29.* Deprecativæ est illud *Cantic. 5. 1. ad Thessal. 5. ac alibi sæpe.*

Ut autem sit justa, & honesta requirit veritatem, justitiam, judicium. Ut scilicet contestatio fiat per veram rem sacram, non per fictitiam & falsam, & ex vero animo adjurantis obtinendi, quod postulatur, aut præcipitur, & non irrisorie ac joco; ex vera causa, non ficta, & simulata. Justitiam, ut quod petitur, vel imperatur sit res justa & honesta. Quia invocare divinum nomen aut aliam rem sacram, ut obtineatur res turpis, & inhonesta, est Deo injuriosum; Estque peccatum mortale, vel veniale ex gravitate, vel levitate materiæ, quæ petitur, vel imperatur. Judicium, ut cum debita consideratione fiat. Contestatio enim nominis Dei & Sanctorum fieri debet cum necessitate ac debita reverentia, non temere, & quavis occasione.

Omnis autem creatura intellectualis adjurare potest. Quia quælibet præstare potest per nomen Dei ut illius amore, vel timore quilibet moveatur ad aliquid agendum, vel omittendum. Solemniter vero adjurare, non omnibus datum est, sed tantum ministris ab Ecclesia consecratis, quales sunt Exorcistæ.

Adjurari autem potest Deus per seipsum, & per ejus Sanctos, ut per suam infinitam pietatem, ac per Sanctorum merita nobis misereatur, suæque divinæ gratiæ participes faciat. Similiter adjurari possunt Angeli ac omnes Sancti, ac etiam homines. Dæmones verò, quamvis nec amore, nec timore Dei moveantur, sed omnia ex odio operentur, nihilominus etiam adjurantur, ut contestatione divini nominis coacti, præstent, quæ sibi imperantur. Quod sæpe fit exorcismis Ecclesiæ, ad hunc effectum institutis. Creatura autem irrationalis per se non sunt capaces adjurationis. Sed quia earum operationes vel sunt principaliter à Deo, cujus dispositione omnis creatura movetur, vel à dæmone, qui permissione divina utitur aliquando creaturis irrationalibus ad nocendum homini, etiam illæ adjurari possunt, quatenus adjuratio vel per modum deprecationis refertur ad Deum, vel per modum compulsionis refertur ad dæmones, ut ipsis creaturis uti non possint ad hominibus nocendum. Et talis est modus adjurandi in exorcismis.



cifimis Ecclesiæ per quos dæmonis potestas excluditur ab irrationalibus creaturis, ut docet D. Thomas 2. 2. q. 95. ar. 5.

Non tamen pariter adjurantur creaturæ rationales & Deus, sed variè. Nam Deum adjuramus non ut eius voluntas immutabilis immutetur, sed ut nostram voluntatem ad ei perfectè serviendum, ac benè operandum immutet, ac firmet, & quæ secundum suam voluntatem ab æterno ordinavit, per suam misericordiam, & Christi merita, nobis concedat. Homines autem adjurantur, ut eorum voluntas immutetur ad aliquid agendum, vel non agendum ob reverentiam rei sacræ. Angeli adjurantur, ut per rem sacræ, vel aliquid divinum excitentur ad ferendum suffragium pro nobis, ut quæ iuste petimus à Deo, recipiamus. Beatissima Virgo, & omnes Sancti adjurantur, ut per eorum merita, quæ non meremur, nobis impetrent. Ex quibus patet diversitas adjurationis.

Est verò superstitiosum adjurare creaturas irracionales, dirigendo sermonem non ad Deum, neque ad dæmones, sed ad ipsas creaturas per se, ne nobis noceant. Quia, ut diximus, creaturæ irracionales non sunt exorcismi capaces, neque ad nobis nocendum moventur ex se, sed vel à Deo, vel à dæmone, ipso permittente, vel in penam nostrorum peccatorum, vel ad nostram correctionem, vel ad alios fines à divina providentia statutos. Ideo talis adjuratio est vana superstitio, quæ nisi excusetur simplicitate, vel levitate materiæ, est peccatum mortale. Quia gravis irreverentia esse videtur, contemnere exorcismos Ecclesiæ, & alia divina verba vanè applicare creaturis omnino ratione expertibus. Verum si animus adjurantis non sit contemnere exorcismos Ecclesiæ, sed sit quædam simplicitas, seu vanitas, esset tantum veniale, ut per Sylvestrum v. *ajuratio*, Suarez tom. 2. de relig. lib. 4. cap. 14. num. 12, & Sanchez in decal. lib. 2. cap. 42. v. 37.

Est similiter peccatum superstitiosum, ad fugandum locustas, mures, &c. ut frugibus terræ noceant, constituere Judicem, accusatorem, & advocatum, ac procuratorem ad dirimendam litem inter ipsas locustas, vel mures, ac terræ possessores, vel cultores, & auditis partibus proferre sententiam, ut locustæ, mures, &c. excommunicentur, & anathematizentur. Quia talis actio est omnino vana, cum creaturæ irracionales nec litis, neque sententiæ sint capaces. Lis autem agitur contra dæmones, à quibus supponitur illas moveri, & damnum inferre. At homines nec jus, neque potestatem in dæmones habent, nec isti eorum accusationem timent, neque eorum defensione indigent, neque eorum sententiam exequuntur. Quod si aliquando se obedire ostendunt, ac nocere desinunt, id faciunt, ut homines magis discipiant. Et ita etiam docent Sotus lib. 5. de just. qu. 12. ar. 2. & lib. 8. qu. 3. ar. 3. Delius lib. 3. magic. qu. 4. sect. 8. Sanchez cit. cap. 42. nu. 39. ac Delbene de juram. cap. 6. dub. 7. nu. 2. In Rituali autem Romano habentur expressæ formulæ, quas omnes sequi debent pro adjuratione creaturarum irrationalium.

Est autem licitum adjurare dæmones, si debito modo adjuratio fiat, estque id certum de fide. Nam Christus dominus dixit de suis fidelibus Marc. ult. *In nomine meo dæmonia ejicient.* Et Luc 10. *Dei vobis potestatem calcandi supra serpentes, & scorpiones, & supra omnem virtutem inimici, & nihil vobis nocebit.* Quare Ecclesia peculiarem Clericorum ordinem instituit ad exorcizandum, sive adjurandum dæmones, ut communiter, teste Suarez d. lib. 4. cap. 3. nu. 6. docent Sancti Patres, ac Theologi.

Adjurantur autem dæmones per nominis Jesu invocationem. Id docet Justinus Martyr disp. cum Tri-

phone. Nec desunt exempla. B. Theodorus Archimandrita apud Surium tom. 2. Jesu nomine invocato plures liberavit. Idem affirmat Marcellinus cap. 20. de S. Suiberio, Saxonum Apostolo, & de Arsacio profecit Sozomenus lib. 4. hist. cap. 15. Sic D. Bernardus in ejus vita cap. 1. S. Dominicus, Eligius, Antonius.

Per usum Reliquiarum. Id testatur Hieronymus lib. contra Vigilantium, Chrysostomus hom. 66. ad populum Antioch. & lib. contra Gentiles de vita S. Babila. Expressius ser. in adorat. caten. S. Petri. De qua Vincentius in historial. lib. 24. cap. 88. & Breviarium Romanum prima Augusti lect. 6. deque Petri umbra Act. cap. 5. & cap. 19. de tactu semicinctorum, & sudarii D. Pauli, Gregorius Nyssenus in vita Gregorii Thaumaturgi apud Surium tom. 4. de aliis Theodoretus hist. Patrium cap. 21. apud Baronium ad annum 424. Beda lib. 3. hist. Anglor. cap. 11. refertque Hieronymus epist. ad Eustochium de vita Paula ad sepulchrum Elisei, Joannis Baptistæ, atque Abdiæ rugire consuevisse, latrare, sibilare, ac mugire dæmones. Idem refert Ambrosius de sepulchris Prothasii, & Servatii, ac testantur Augustinus li. 22. de civit. cap. 8. Nazianzenus orat. 19. Vide alia exempla apud Baronium, ac Tyraeum p. 3. de dæmoniæ. cap. 43. Bellarminum, Gravinam, Boerium, & alios. De aqua, qua D. Bernardus lavit manus refert Abbas Benevallensis, de pulvere, qui circa martyrum sepulchra inventus est, testatur Gregorius Nyssenus orat. in Theodor. Gregorius Papa lib. 3. dialog. cap. 17. Plura similia narrat Gregorius Turonensis de miraculis S. Martini lib. 2. cap. 1.

Per sanctæ Crucis impressionem, de cujus usu adversus dæmones Lactantius lib. 4. cap. 27. D. Basilii lib. de Spiritu Sancto, S. Ephrem. de penit. cap. 3. Origen. hom. 5. in 6. cap. Exod. Augustinus ad Catechumenos, Theodoretus in vita Juliani, & Marciani Martyrum, Gregorius Nyssenus in vita S. Gregorii Neocæsariensis. Idem narrat de B. Antonio S. Hieronymus in vita D. Pauli, Metaphrastes in vita S. Margaritæ, Gregorius Turonensis in vita Gregorii Linconiensis, Surius in vita S. Brigittæ tom. 4. Raymundus in vita S. Catharinæ Senensis. Alia vide apud Epiphanium heres. 30. Athanasium in vit. L. Antonii, Cyrillum Hierosol. Catech. 9. Baronium an. 60. Nec mirum. Triumphavit enim Christus de dæmone hoc signo.

Per usum rerum consecratarum. Antiquissima enim in Christi Ecclesia consuetudo est, ut res quædam consecrentur, & benedicantur, quibus fideles ad dæmones proligandum, morbos pellendum, aliaque mala arcendum uterentur. Oleum ab Apostolis benedicebatur ad ungendum infirmos. Basilii lib. de Spiritu Sancto docet, esse Apostolicam traditionem, quod aquam benedicamus. Ejus antiquitatem probat maximè oratio, quæ inter constitutiones à Clemente scriptas reperitur, quæ est hujusmodi: *Domine Sabaoth, Deus virtutum, Creator aquarum, & dator olei, misericors, & benigne, qui dedisti aquam ad potum, & mundiciem, oleum ad exhilarandum faciem in exultatione letitiæ, ipse quoque nunc sanctifica aquam, & hoc oleum in nomine eorum qui attulerunt. & da virtutem sanitatis effectricem, agriitudinum expultricem, dæmonum fugatricem, omnibus insidiis adversariam, per Christum, qui est spes nostra, &c.* Aquæ benedictæ meminerunt Epiphanius heres. 30. Theodoretus lib. 5. cap. 21. Augustinus homil. 27. & 50. ser. 19. de Sanct. & lib. 6. in Julianum cap. 8. De ejus virtute contra dæmones Beda in hist. Anglic. lib. 1. cap. 17. B. Theodor. lib. 1. cap. 22. De oleo benedicto adversus dæmones notat Gregorius presbyter in Theodoro Archimandrita.



Per exorcismos, qui non sunt meræ præstigiæ, ut eos vocant Calvinus, & Vvellerus, sed potestas à Christo accepta dæmones expellendi, ut habetur *Marc. 5. & 6. Matth. 8. 9. & 10. Tobie 6. Actor. 16. & 19. ac alibi*, De quorum usu ac potestate Clemens *lib. 8. cap. 16. Constit. Apostolic. Ignatius Episcop. Antiochen. Dionysius Areopag. de Eccles. hierarch. cap. 3. Justinus Martyr dialog. cum Triphone, & orat. ad Gentiles*, Irenæus *lib. 2. cap. 57. Origenes lib. 1. contra Celsum*, Eusebius Cæsariensis *de demonstrat. Evangel. lib. 3. cap. 8. Athanasius in vit. B. Antonij*, Concilium Antiochenum *Can. 10. Cyrillus Hierosolym. catech. 16. Gregorius Nazianzenus orat. 1 sive in Apologet. Timotheus Alexandrinus in respons. canonic. cap. 2. Joannes Chrysostomus homil. 3. de natura Dei*, Joannes Cassianus *collat. 7. cap. 11. Palladius hist. Patr. cap. 16. Nilus de orat. cap. 100. Sozomenus lib. 4. cap. 15. Socrates lib. 4. cap. 19. Theodoretus hist. relig. cap. 9. de Petro Eremita. Cyrillus Eremita in vit. S. Euthymij. Tertullianus in apologet. adversus Gentes cap. 23. Minutius Felix in Octavio. Cornelius Papa epist. ad Fabianum apud Eusebium lib. 6. cap. 35. de Novato, Cyprianus epist. 2. Lactantius lib. 2. divinar. instit. cap. 15. Julius Firmicus Maternus de error. profanar. religion. cap. 14. Prudentius in apothesi contra Judæos, Paulinus presbyter in vit. D. Ambrosij, Hieronymus contra errores Vigilantii cap. 2. Rufinus lib. 1. cap. 4. Augustinus lib. 8. de civit. cap. 26. Severus Sulpitius in vit. D. Martini, Paulinus Nolanus de natali S. Felicis. Possidius in vit. S. Augustini cap. 29. Petrus Chrysologus serm. 52. de demoniaco furdo, Prosper de prom. f. & prædict. de dimidio tempor. cap. 6. Constantius presbyter in vit. S. Germani Episcopi Antistodori lib. 2. cap. 10. Ennodius Ticinensis in vit. S. Epiphani cap. 15. Adelinus Sagiensis in vit. S. Opportuna, Arator lib. 2. hist. Apostol. Fortunatus in vit. S. Martini cap. 21. Gregorius Turonensis in vit. Patr. cap. 14. Gregorius Magnus lib. 2. dialog. cap. 30. Joannes Monachus in vit. S. Columbani cap. 23. Audeus cap. 23. lib. 2. vitæ S. Eligij. Beda lib. 3. hist. Angl. cap. 11. Alminus in hist. S. Richarij, Valfridus Strabo in vit. S. Galli cap. 17. Eginardus de translat. S. Marcellini, & Petri lib. 3. cap. 13. Ratherius Veronensis de S. Ursiniano, Fridegodus in vit. S. Audani Episcopi cap. 26. Petrus Damiani epist. 2. Ado Trevirensis in Martyrolog. 7. Augusti de martyrio S. Donati. Adamus Bremenensis lib. 1. cap. 36. de S. Romberto, Anselmus in elucidario, Liliardus in vit. S. Arnulphi Episcopi Snessionensis cap. 24. Sigebertus Gemblacensis, in vita S. Maclovii cap. 16. Hugo Foletinus de claustris anime lib. 4. cap. 26. Rupertus Tuitientis in vit. St. Hereberti cap. 17. Bernardus in vit. Malachie cap. 25. Gerardus Nazarethanus de conversatione fervorum Dei cap. 20. Helmodus presbyter in chron. Schlavor. lib. 1. cap. 56. Theodoricus Benedictinus in vit. S. Hildegardis lib. 3. cap. 26. Sigebertus continuator. Cæsarius Heisterbachius lib. 5. cap. 10. & 11. Guillelmus Alvernus p. 2. de universo cap. 13. Vincentius Belvacensis in specul. histor. lib. 23. cap. 143. de S. Albin. Matthæus Parisius in hist. Angl. an. 12. 17. Bonaventura in vit. S. Francisci cap. 12. Thomas Lentinus in vit. Petri Mediolanensis, Nicolaus Lyranus ad cap. 19. Matth. Raymundus Capuanus in vit. Catharina Senensis, Ioannes Nider in fornicario lib. 5. cap. 11. Bernardinus Senensis to. 4. de amore ineffabili serm. 41. Bernardus Justinianus in vit. S. Laurentij, Justiniani cap. 8. Antonius Bonfinius rer. Ungaricar. lib. 1. decad. 2. Hieronymus Emserus in vit. Benmonis cap. 32. Thomas Fazelus de reb. Siculis prior. decad. lib. 10. de Argyre per Vetus Urbem, Cornelius Gemma Lovanienensis de natura divina characteris lib. 2. cap. 2. alitque.*

Nom tamen semper eadem formula usa est Ecclesia,

quæ habetur in Rituali Romano; Nam hodie phra addita sunt. Laurentius Justinianus spiritus prius increpabat, moxque exitum imperabat. Eodem modo Bertulphus Abbas infantem liberavit. Anatholia primum afflabat obsessum, subinde ad dæmonem conversa, præcipiebat exire, & exhibat. S. Columbanus imperat spiritui egressum, nec discedebat, nisi tandem immisisset in os obsessi digitis, & ejusdem aliquantulum attrectata lingua. Bernardus quendam liberavit, hostiam patenæ impositam obsessio superimponens. Gregorius Lingonienensis cum imperio signum crucis conjunxit. Eugenius Abbas dæmonem fugabat breve scriptum exorcismorum alligans collo obsessi. Quomodo autem processerit Hilarion in vita ejusdem narrat Hieronymus. Stola sacerdotalis energumenis ac dæmoniis imponebatur, referente Gregorio *lib. dialog. Et in pectore ad modum Crucis*. Manusque etiam imponebantur exemplo Apostolorum, qui super ægros manus imponebant, ex Sulpitio in vit. S. Martini, & Palladio in vit. S. Macarii. Digni etiam in os immittebantur, ut de Patroclo Abbate Gregorius Turonensis *lib. de vit. Patr. cap. 9. Surius tom. 1 de S. Claro Abbate Viennensi*. Flagellis spiritus depellatur ex Gerardo à Nazareth *cap. 20. Gregorio lib. 2. dialog. cap. 30. Napoleos, Cypri Episcopus refert, dæmonem ejectum inflicta alapa, dicendo: Noli amplius mœchari, & dæmon ad te minimè accedet. Ingressus enim fuerat dæmon ob stupri consuetudinem.*

Hinc hæretici Vvaldenses, & Vviclephistæ potestatem in Ecclesia depellendi dæmones non nisi per calumniam negant, irrident exorcismos, usum Reliquiarum, Crucis, rerum benedictarum, ac similia. Godelmus *lib. 1. de Lamiis cap. 6. blasphematur, annumerandos esse exorcistas Pontificios incantatoribus, quia hæretici alij scribunt, hos esse magos, & citat Aretium Zuinglianum, Kemnitium, Lutherum, Bodinum, & Vvierum, effutitque præterea, quod sicut incantatores diris vocationibus dæmones ab inferis evocant, ita exorcistæ malignos spiritus ex hominibus, & animantibus certis precibus recitatis, ac usurpatis, additisque aliquibus cæremoniis, characteribus, exerationibus, ac sæpe repetito nomine Mariæ, & sanctorum, ejicere conantur. Addit tamen, referente Delrio *lib. 6. magic. cap. 3. in Ecclesia primitiva peculiare donum fuisse voce humana, & potestate divina de corporibus obsessorum ejicere dæmonem, vel compescere. Et hi, ait, dicebantur Exorcistæ, propterea quod manus vexatis à cacodæmone imponebant, & solemnibus quibusdam imprecationibus, & obtestationibus dæmones ejiciebant. Sed addit, hoc in primitiva Ecclesia fuit peculiare donum, cum autem hoc donum ejiciendi dæmones in Ecclesia desisset, illa ad supersticiosos exorcismos, & ad magicas veriùs incantationes transit, ut Kemnitius ait. Verùm non ostendit, ceremonias esse supersticiosas, nec desisset hoc donum. Adhuc enim videmus etiam in utraque India ab exorcistis quotidie dæmones propulsari. Ita delirant, modò ajunt, modò negant. Hæc autem, aliaque hujusmodi tam absurda sunt, ut operosa confutatione non egeant. Eos tamen accuratè confutant Tyræus *de loc. infest. & de Demoniac. p. 3. cap. 48. Delrius loc. cit. & Vvaldésis, Bellarminus, Gravina, Boverius, Nugnes de sacramentalibus, Coccius, Moura, Torreblanca, Sotus, Porrecta, Cajetanus, Suarez, Granadus post D. Thomam 3. p. 94. 81. Innocentium III. de myst. Missæ, Niderum, Sprengerum, & alios agentes de sacramentalibus in communi, sive de cæremoniis Sacramentorum, probantes quàm religiosus, ac sanctus ritus ille sit, atque Ecclesiæ conveniens, quis possit sacramentales cæremonias extra substantiam Sacramentorum instituere, mutare, ministrare, quomodo Christus Dominus dederit Ecclesiæ potestatem instituendi hæc cære-***



cæremonias, quam partim Apostoli, partim eorum successores Episcopi, nec non Summi Pontifices exercuerunt, unde originem habuerint cæremoniarum, quas nunc Ecclesia observat, de quibus Patres, traditio, & Concilium Tridentinum *sess. 6. can. 13.* Legatur præ cæteris Delatorre 2. 2. *qu. 90. art. 2. disp. 1. num. 3.*

In Ecclesia igitur Romana sunt media ad dæmones fugiendum. Est de fide. Nam quod Ecclesia observat ab Apostolorum tempore, licitum, & sanctum est. Ufus autem huiusmodi mediolorum est approbatus à tota Patrum antiquitate, ac perseverat ad hæc usque tempora. Id docet Augustinus *lib. 4. contra Donatistas cap. 24.* ubi ait, Apostolica traditione, ac institutione haberi, quod in universa Ecclesia, & omnibus antecessoribus temporibus observatum fuit, quamvis etiam ipsum tale sit, ut ab Ecclesia potuerit institui. Et Irenæus *lib. 3. cap. 3.* ac Tertullianus *lib. de præscript. heret.* asserunt, ab Apostolica traditione descendere, quod pro tali habetur in his Ecclesiis, ubi est integra & continuata successio ab Apostolis, de quo Cano *de locis theol.* Bannes 2. 2. Bellarminus, & Arauxus *disp. 2. p. 1.* quam potestatem abhuc perdurare, patet ex Marci cap. ult. In nomine meo dæmonia eiicient. Ex quo infert Augustinus *in psal. 108.* Ergo non solum Apostolis, sed etiam quotquot crediderint præfata potestas collata est. Ut enim docent Theologi 3. p. potestas collata Apostolis ad gubernationem Ecclesiæ pertinet, successoribus derivare debet, alias deesset Christus in necessariis, neque claves in Ecclesia modo essent, neque potestas remittendi peccata. Ideo Lactantius *lib. 4. cap. 27.* inquit: *sicut Christus cum inter homines ageret universos dæmones sibi subjugabat, ita nunc sectatores ejus in nomine Magistri sui, & signo passionis ejus eos ab hominibus excludunt.* Idem asserunt Cyprianus, Beda, & Tertullianus *ad Scapulam.* Lege D. Thomam *in 4. dist. 6.* Quæ autem in hoc cavenda sint vide apud Niderum *cap. 6.*

Quare minus recte videtur sentire Suarez *in 3. p. disp. 15. sect. 4.* ubi credit, probabile tantum esse, Ecclesiam accepisse à Christo potestatem ad removendum, & impediendum dæmones ab infestatione malorum per imperium directum in eum, cui ex ipsius Christi voluntate obedire coguntur. Unde eum reprehendit Delatorre *loc. cit. disp. 14. num. 12.* Quia de fide est, Ecclesiam accepisse potestatem depellendi dæmones per imperium ex locis S. Scripturæ, quos congerit, sive physicè in eos agendo, sive tantum moraliter ex vi operis, ac promissionis divinæ, Deo nempe ad præsentiam deprecationis Ecclesiæ physicè expellente, dummodo Ecclesiæ imperium sit efficax, seu non ridiculum respectu dæmonum.

Et quamvis Moura de Ensalim *sect. 2. cap. 11. num. 1.* pro Suarez respondeat, interpretans ejus sententiam de potestate immediata Ecclesiæ, & non de gratia gratis data membris, rursusque de imperio cum actione physica, non tamen recte respondet. Nam de fide est etiam, ut idem Suarez, Moura, & Delatorre probant, potestatem immediatè concessam esse Ecclesiæ ad expellendum dæmones, ne oves deglutiant, alioquin defuisset Christus suæ Ecclesiæ, nec ejus capiti dedisset omnia necessaria ad pascendum suas oves.

Meliùs ergo responderetur, Suarez loquutum esse de potestate Ecclesiæ cum efficacia morali, ut patet ex suo contextu; Nam de efficacia morali ibi tractat. Unde antea §. Circa quintum supponit ac probat ex vi & traditione Ecclesiæ, ex Conciliis, ac Patribus confirmata, Ecclesiam ipsam specialem potestatem habere à Christo in dæmones (hoc est immediatam) ad imperandum illis, sive ad illos coercendum, sive

expellendum. & §. illi opposito, excludit physicam efficaciam, quia quandoque non sequitur effectus, & moralimodo ait, dæmones præcipiuntur, ac obedire coguntur. Ibidemque, causas efficaciam moralem, quam probabiliter tuetur, assignat; primum, nempe quandam veluti consequitivam, & connaturalem efficaciam, suppositis nostræ fidei mysteriis, per quam dæmon exorcismos perhorrescit, confunditur, ac torquetur. Deinde assignat sanctitatem, non tantum ministris, sed totius Ecclesiæ, in cujus persona minister orat. Postremò peculiarem potestatem datam Ecclesiæ à Christo ad imperandum dæmonibus, qui ex ipsius Christi voluntate obedire coguntur, & hanc confert exorcistis, & non tantum facultatem postulandi. Subditque, fortasse de hac loqui Justinum *qu. 40. ad Gentes* cum ait, esse vim quandam, quæ sub sensu non cadit, quæ timorem inculcit dæmonibus, cum ab Ecclesia imperantur. Hanc etiam videtur Augustinus *lib. 83. questionum qu. 79.* vocare publicam, & imperialem legem, ac summi Dei potestatem, quæ interdum Sanctis conceditur, ut imperent infimis potestatibus, vocatque signa publicæ justitiæ, quæ efficaciam habent propter excellentissimum Imperatorem; licet hic effectus impediri possit, vel propter privatam, vel propter publicam causam, cum id non pertineat ad donum gratiæ gratum facientis, sed ad liberationem quandam à malis pœnæ, quæ impediri potest, tum ex proprio demerito, sive obice; tum etiam ob majorem animæ utilitatem, vel in aliorum exemplum, aut propter aliud Ecclesiæ commodum. Unde Augustinus ibidem ait: *Cum autem non cedunt his signis huiusmodi potestates, Deus ipse prohibet occultis modis, cum id justum, atque utile judicat, vel ad confundendos malos, cum eos oporteat confundi, vel ad movendos bonos, ut proficiant in fide, ad quæ ista non jactanter, sed utiliter possint, vel ad discernenda dona membrorum Ecclesiæ.* Credit tamen Suarez testimonia, quæ efficaciam comprobant posse interpretationem accipere de gratia gratis data, quæ ad gratiam miraculorum revocatur, ac interdum servis Dei conceditur supra dæmones.

Atque ex his rectè infertur contra eos, qui energumenos, sive dæmoniacos negant, eosque præsertim qui non admittunt dæmones existere, quod Aristoteli tribuitur, ac Peripateticis, teste D. Thoma *1. p. qu. 3. de potentia.* Ideo Aristoteles humori lymphatico, aut melancholico attribuit sermones variarum linguarum, prædictiones futurorum, & ignota, quæ manifestant obsessi. Quod impugnant communiter Theologi *ad dictam qu. 50.* ubi etiam probant non solum esse de fide ex sacris scripturis dari dæmones, sed & ratione naturali probari à posteriori cum eodem D. Thoma *lib. 3. contra Gent. & qu. 6. de potentia* contra quosdam recentiores, nominatim Arauxum *in d. qu. 50. ar. 1.* sicut & contra eosdem ibidem probatur, à D. Thoma fuisse satis demonstratum theologicè Angelos esse, non demonstratione absolute naturali. Quod si animadvertisset Arauxus, non ita debilem rationem D. Thomæ in illo articulo judicasset cum Bubalo, & aliis.

Divus quoque Hieronymus in *cap. 4. Matth.* auctores refert, qui censabant energumenos, non à dæmone vexari, sed ab astrorum influxu; de quo & nos *tom. 4.* Levinus item Lemnius *lib. 2. de occult. natur.* censet, energumenos nequaquam à dæmonibus pati, sed quibusdam nescio quibus naturalibus morbis laborare.

Nos verò ita primum asserimus. Hæresis manifesta est, negare homines à dæmone obsideri, atque cruciatibus intra corpus angere. Probatur primum ex Sacra Scriptura, in qua plures dæmoniaci referuntur à Christo



à Christo & ab Apostolis liberati, ut Matthæi 8. & 12. ac 17. Lucæ 4. 8. & 10. Marci 1. & 5. ac 16. Deinde ratione nostri Doctoris locis allegaris. Nam obsessi linguis peregrinis effantur, quas unquam nec audierunt, nec didicerunt, ac de rebus altissimis tractant, cum sint idiotæ, futura annuntiant, & absentia ac si viderent, affirmant. Hæc autem non possunt provenire ab astris, sive à morbis. Nam operationes hujusmodi elici nequeunt nisi ab operante per intellectum. Cæli autem, aut morbosæ qualitates sunt intellectus expertes.

Respondet Arauxus, effectus etiam arreptitiorum & Magorum provenire posse proximè à Deo, quia boni sunt quoad substantiam, & tantum mali redduntur ex fine, impediuntur autem tales effectus quandoque Nam ad hoc satis est, quod Deus illos possit producere mediantibus humoribus concitatis, non quidem ex indigentia, sed ex sua libertate.

At certè maximum absurdum est, Deum esse causam propriam, & particularem blasphemiarum, & aliorum criminum. Unde nec illa potest, ut causa propria, & particularis, etiam materialiter, producere. Repugnat enim, Deum, ut causam particularem, concurrere ad miracula faciendâ in confirmationem falsæ doctrinæ. Et quidem certum est, notante etiam Torrelanca lib. 1. de magia cap. 11. ex Codronchio lib. 2. de morb. venef. cap. 8. juxta Leges naturæ mediis humoribus concitatis, non prædici futura, vel abscondita, aut abstrusa & profundissima arcana aperiri, sed requiritur miraculum, quod Deus non operatur ad blasphemias proferendum, & alia mala perpetrandum. Etsi videantur loqui variis linguis, linguæ non sunt, sed voces tunc à confusione humorum concitata, nullo modo significativæ, cum à nullo antea fuerint ad significandum constitutæ. Attenuantur enim humores vi humoris melancholici, ut apud Aristotelem in probl. sect. 30. & Avicennam lib. 3. fen. tr. 4. cap. 19. Unde possunt variis modis idioma fingere, vel diversum modum formandi voces ex forti imaginatione, quasi propriam linguam loqui, ut maniacy.

Dices, si sermo ab hominibus est institutus, neque illi naturale inest quicquam, quomodo furore correpti linguis loquantur, quas nunquam didicerunt? Exemplum commemorat Michael Pfellus dialogo de operat. demon. ubi fuisse ait quandam mulierem lingua loquentem Armeniorum, quæ nunquam venisset in eorum conspectum, nec ultra thalamum, & colum, sciret quicquam. Imò & Petrus de Apono, qui Conciliator dicitur, simile adfert exemplum ad Aristotelis sect. 30. probl. 1. Aliud item Pomponatius lib. de incant. cap. 10. Aliud Erasmus, & ex eo Cardanus in encom. medicæ. Aliud Fernellius lib. 2. de abdit. rer. caus. Agnoscit idem Levinus in 2. de occult. natur. miracul. cap. 2. sed causam ejus petit à natura hominis. Sunt, inquit, humores tam violenti, atque atroces, ut eorum fuligo in cerebrum delata, quod in meracissimo quoque vino, affluenter hausto, observamus, peregrinam linguam extorqueat. Ac paulo post id penitus explicat, aitque non absurdè statui à Platone in Menon, quem refellit Aristoteles analyt. post lib. 1. cap. 1. & 2. nostrum scire haud aliud esse, quam reminisci; mentem enim imbutam esse artibus, ante illarum usum, sed ut ignis cineribus obrutus, foveri, & exuscitari postulat, quo resplendat lumen; sic ingenitos nobis igniculos, mole corporis ac densis oppressos humoribus, aliquo indigere suscitabulo, quo veterum reminiscamur.

Verum puto, si ad Litteras Sacras, & veteris Ecclesiæ Canones Levinus attendisset, non eam amplexus esset sententiam, quam semper antiqui Patres improbarunt. Horum quippe opinio erat, quoties fraus abest humana (nam sæpe hanc intervenire, experien-

tiâ abunde compertum) dæmones eam scenam adornare. Sed enim, inquit Levinus, si à malis geniiis perscueretur, non consiliscerens morbi purgantibus medicamentis, nec iis, quæ somnum conciliant, discerneretur. Nunc his, & plerisque aliis, quibus abundè instructa est re medica, rite adhibitis, restitui illos videmus, atque ad consuetum loquendi usum, mentisque saniores reduci. Cum itaque ferventissima sit humorum ebullitio, vehementes quoque sit spirituum agitatio, quæ voces quasdam inauditas, linguamque prius incognitam extundis, non secus, quam ex contritu, ac collisione silicis, emicant, ignitasque scintillas elici videmus.

Sed nihil his infirmius est. Utrumque enim, si medicamentis humor expurgeretur melancholicus, contritè desinat vis sermone loquendi incognito, non propterea tamen humoris ea melancholici vis est, ut concitando spiritus tum vitales, tum animales, tantum possit, ut lingua loquamur, quam non didicimus. Potius dicendum, dæmonem, qui omnia pene poterat mente amente (quippe ab humore atro adhuc obnubilata, nec magis sui compote, quam in ebriis fieri solet) deferere hospitium vetus, quia videt se non posse, quod poterat prius. Neque enim spiritus, quippe creaturæ, eoque finitæ potestatis, possunt, quæ volunt, sed solum illa, quæ non exuperant vim naturæ. Subjecto igitur idoneo iis opus est, ut personam hanc agant. Homo verò per se, ac sine dæmone, tale nihil potest. Nam excedit vires, ut aliquis, non dico verbum unum, alterumve casu promat linguæ, quam nesciat, sed, ut perpetuum contextat sermonem, & ad quæque non præmeditata apte respondeat lingua citra ejus disciplinam. Quod si fiat, nec id evenire inficiari prorsus animus, à dæmone fieri putandum, qui in homine, non compote sui, sic regat instrumenta, ut exequantur, non quæ homo, sed quæ ipse velit.

Perrò tria requiruntur, ut dæmones licitè adjurentur. Primum, ut finis adjurationis sit expellere, ac fugare dæmones, non verò aliquid ab illis obtinere, vel societatem cum illis inire, ut docet D. Thomas 1. 2. qu. 90. ar. 2. Secundum, ut adjuratio fiat non obsecratione, sed imperio, & objurgatione. Nam obsecratio ad benevolentiam, & amicitiam pertinet, quæ nos uti erga dæmones non licet, quia sunt Dei, ac nostri inimici. Tertium, quod adjuratio solennis fiat ab habente legitimam potestatem, quæ non omnibus data est, sed solum Ecclesiæ ministris ad id specialiter deputatis. Nam hæc pertinet ad actus Ordinis Ecclesiastici, qui non possunt, nisi à consecratis ministris exerceri.

Essè autem licitum, dæmonem superiorem adjurare ut dæmones inferiores à corpore obsessi expellat, opinatur Sylvester v. adjuratio qu. 5. Quia hæc adjuratio non ordinatur ad beneficium consequendum à dæmone, sed ad ipsos dæmones expellendum. At contrarium tenendum est cum Suarez de relig. lib. 2. cap. 18. num. 8. Lessio lib. 2. cap. 44. dub. 6. num. 40. & Sanchez lib. 2. in decal. cap. 42. num. 21. Quia verè hoc est, beneficium à dæmone petere. Beneficium enim est, à nocumento aliquo liberari. Adverto tamen cum Castropalao p. 3. tr. 14. disp. 4. p. 4. num. 10. essè licitum præcipere superiori dæmoni, ut cum aliis sibi inferioribus ab obsessi corpore exeat. Quia tunc expulsi superiori & inferioribus præcipitur, & beneficium recipitur à Christi nomine, & ab Ecclesiæ exorcismis, nullo autem modo à dæmone.

Ingreditur autem dæmon in corpus hominis, & ab illo egreditur per quamlibet ejus partem. Quia cum quantitate careat, sitque spiritus, non indiget via, qua ingrediatur, & egrediatur. Ut plurimum tamen ingre-



ingreditur & egreditur per os. Quia maleficium per os transmittitur. Residet verò totus in toto, & totus in qualibet parte corporis obsessi, non per modum formæ, sed tantum assistentiæ, ac operationis; plerumque residere solet in corde, ut inde pravos motus in corpore excitet, & prava sensibus internis, ac externis obijciat. Nec semper molestiis ipsum corpus afficit, sed ad tempus torquere cessat, & ad tempus etiam ipsum deserit, & postea revertitur, Deo misericorditer ita permittente, ut notat Abulensis in cap. 8. *Math. 9. 13. ad 2. & Tyræus de demoniac. cap. ult. num. 9.*

Signa verò, quibus dignoscitur aliquem esse maleficium læsum, & a dæmone obsessum multa enumerat Delrinus lib. 6. *magic. cap. 2. sect. 2. quest. 3.* Ea sunt, omnia spiritualia odio habere, à facie sacerdotum, & exorcistarum fugere, in Ecclesiam ingredi nolle res benedictas, sanctorumque Imagines, & maxime Crucifixi, aspicere, nec deosculari, imò hæc omnia in terram proicere, vel conspuere, sacra illa verba, *Miserere mei Deus: Qui habitat in adjutorio Altissimi. Magnificat anima mea Dominum*, ac similia nolle proferre, & si coguntur dicere, balbutire studeant, aut verba corrumpant, tadiumque magnum ostendant, illaque demum proferre non possint. Si quando super dæmoniacum legitur Evangelium, vel Christi passio videantur conturbari, guttas sudoris defluere, intolerabiles anxietates ostendere, stridores ingentes mittere, se prosternere, & id genus alia facere. Verum quia hæc à ficto dæmoniaco etiam simulari possunt, ideo alia plura minus vulgaria subiicio, quæ referunt Tyræus loc. cit. Delatorre, Malleus, Flagellum dæmonum, Viadana de arte exorcistica, Codronchius, Compendium maleficarum.

Si tanquam animarum corpus res aliqua perambulet ita, ut obsessi sentiant sibi veluti formicas sub cute reptantes.

Si partes, quas dæmon petit, quadam palpitatio- ne commoveant.

Si puncturis quibusdam molestiam gravem inferat.

Si velut flatus à capite ad pedes descendat, & iterum à pedibus ad caput ascendens resiliat.

Si vesicula in lingua excitetur, quæ confestim evanescat, vel plures appareant minutis granulis similes, ex quibus etiam multitudo inhabitantium spirituum arguitur.

Si ad gulam duntaxat aliquid ascendens, eam tumefaciat, & siccam tullim excitet.

Si linguam petens, ac contorquens inflet, vel compellat ad loquendum, non obsessi, sed dæmonis ipsius conceptus, vel si ingentis oris hiatu linguam egerat.

Si in dorso sensum præbeat aquæ frigidissimæ, quasi confertim per dorsum diffusa, ac sursum & deorsum percurrentis.

Si quis vocem aliquam intra se loquentem audiat, sed verborum sententiam percipere non possit.

Si interrogetur quid egerit, vel dixerit, fateatur se nihil meminisse.

Si septem, vel pluribus diebus abstinuerit à cibo & potu.

Si sentiat interna persuasio inducens ad præcipitum, vel suspendium, vel jugulationem.

Si fiat stupidus, cæcus, claudus, surdus, mutus, Lunaticus, aut pene immobilis, cum antea loqueretur audiret, videret, prudenter ageret.

Si superveniant terrores, & statim recedant.

Si quando leguntur exorcismi, conturbetur.

Si manus sacerdotis imposita super caput, sentiatur valde gravis.

Si sub illa manu sentiatur res frigidissima, tanquam glacies.

Si descendat ventus frigidissimus per humeros, ac renes

Si caput quàm maxime aggravetur.

Si videatur cerebrum constringi, ac perforari ac si gladio esset fauciatum.

Si inflammetur caput, & facies, ac interdum totum corpus ac si esset vapor ignis.

Si febris ingens accendatur cum dolore capitis totumque corpus extenuetur, angaturque.

Si ita constringatur guttur, ut videatur suffocari.

Si in orificio stomachi moveatur aliquid ad modum pilæ, ac si essent vermes, formicæ aut ranæ.

Si in stomacho magnus vomitus concitetur.

Si viscera maximè torqueantur.

Si venter summopere infletur.

Si appareat in facie color cedrinus.

Si sint oculi constricti, & omnia membra videantur ligata.

Si adsit cordis constrictio.

Si sentiat in gutture bolus ascendens, ac descendens.

Si sit cibi indigestio, maximè si prius adhibita fuerit medicina.

Zacharias verò Vicecomes in *Complemento Exorcista, doct. 1.* hæc alia refert signa. Lingua nigra, & tumida, locutio lingua extra os exerta, inflatio gutturis, vel distictio, si quis ploret, nesciens causam.

Si cum ira, & contentione interrogantibus respondeat. Si coactus, ut loquatur, nolit loqui. Si dentes comprimat, nolitque comedere. Si homines odio prosequatur. Si multa dicat, ex quibus minimè dignoscatur quod velit innuere. Si opprimatur sopore gravi. Si sepugnis percutiat, vestes laceret, capillos evellat. Si terribiles habeat oculos, ac horribiles. Si terrore repentino afficiatur, & confestim terror ille recedat. Si diversorum animalium voces imitetur. Si strideat dentibus, ac spumam emittat, ut canis rabidi.

Si exponat se præcipitiis. Si præter naturam varia videat, & audiat. Si sentiat in aliqua corporis parte dolor, & si super eam signum Crucis fiat, statim per corporis membra diffundatur.

Alii ad cognoscendum, an æger sit energumenus, solent schedulam aliquam sacra Dei verba continentem, reliquias sanctorum, vel Agnum cereum benedictum, vel quid aliud Sacratum latenter ægro applicare. Sacerdos capiti energumeni manum, & stolam imponit, sacra profert verba. Ad ea æger tremere, ac horrere incipit ac præ dolore multos motus inconditis edere, multaque inusitata dicere & facere. Si dæmon caput petat, gravatur æger, & pungitur acrius in capite, vel caput una cum facie, rubore & calore quodam igneo perfunditur. Si oculos invadat eos distorquet, si dorsum, convulsiones membrorum antrorsum, ac retrorsum adducit, aliquando toto corpore rigentes inflexibiles adeo reddit, ut nulla vi ablata flecti possint.

Aliquando velut mortui corruunt ac si laborarent tertia epileptiæ specie, aura quadam in caput irruente, & ad imperium sacerdotis elevantur, aura remeante unde discesserat. Si dæmon fauces aggrediatur, adeo constringantur, ut præfocari videantur. Si in partes nobiliores feratur, ut prope cor, ad pulmonem, anhelationes, palpitaciones, ac sincopas excitat. Ad ventriculum si tendat, movet singultus, ac vomitus, ut aliquando æger cibum sumere, vel assumptum continere nequeat, motus cuiusdam rei parvæ instar pilæ circa os ventriculi, nec non rugitus, & alias voces absconditas excitat, & circa præcordia torsiones, vel



vel flatus. Cognoscuntur etiam aliquando quibusdam suffitibus ex sulphure, aliisque rebus teterrimi odoris.

Ait autem Nider *lib. 9. formicarum cap. 11.* quod licet in hac vita non valeamus internoscere perfecte sine miraculo quibus modis noceant daemones obsidentes, sex tamen modos satis convenientes enumerat, qui sunt iam recitati ex Malleolo. Vide Delatorre *loco cit.* ubi multa in hanc rem prudenter annotat ex Codronchio, & aliis.

Ego tamen recitata signa daemoniaci æquivoca cenfeo, certa quæ arbitror quæ sequuntur. Si quis loquatur lingua sibi antea ignota vel alios sic loquentes, intelligat. Si illiteratus, ac idiota doctè discurrat de quæstionibus Theologicis, philosophicis, &c. Si legere ac scribere nesciat, perfecte legat, & scribat. Si ita immobiliter maneat, ut multorum hominum viribus dimoveri non possit. Si arcana, & futura denunciet. Si musicæ quidem rudis, cantet, ac psallat jucundè, scienterque. Verbo si supernaturalia faciat.

Signa autem cognoscendi simplicem maleficiatum, sunt quæ subnecto, quæque experientia comperta esse ait Codronchius, docens ea vel communia esse cunctis maleficiis, vel peculiaribus quibusdam. Communia ducit à causa morbi, & à concomitantibus morbum. Signa à causa tradit, ut si morbus cæperit ex intensissimo alicujus amore, vel iniquo in aliquem odio. Si ex maledictis, vel minis alicujus malefici; si instrumenta maleficii sint inventa, de quibus multa refert Andreas Cifalpinus. A concomitantibus morbum sunt paroxyfmi, ac remedia juvantia, vel lædencia.

Communia signa sunt, quod morbi maleficio illati ægerrimè cognoscuntur ita, ut medici in iis hæsitent, & ambigui huc illuc animo agitentur, nec certi quidquam de illis audeant proferre.

Quod remediis ex ante adhibitis morbus se non remittat, sed potius exasperetur, & augeatur.

Quod more naturalium morborum non crescat paulatim, sed frequenter statim ab initio, nullis peccantibus humoribus in causa existentibus cum gravissimis symptomatibus, ac doloribus se morbus prodar.

Quod valdè inconstans sit morbus, & licet periodicorum naturam referat, raro tamen periodos servet; ac licet etiam similis videatur naturalibus morbis, in multis tamen discrepat.

Multoties ægrotans gravissimè dolet, in qua tamen parte doleat, nequit referre.

Interdum æger suspiria, quæ luctuosi vocant, sine manifesta causa emittit.

Aliquibus appetitus dejicitur. Quidam cibos vomunt, & ventriculum ita malè affectum habent, ut & sæpius adstrictione laborent, vel etiam pondus in ipso quoddam, quin rem aliquam modò descendere, modò ascendere per stomachum, & guttur percipiant, & si in superiorem partem delatam deglutire contentur, omnem operam ludant, re ipsa mox sponte deficiente.

In regione cordis punctorium dolorem percipiunt adeo, ut ipsum aliquando lacerare asserant.

In quibusdam circa collum manifestè pulsare arteriæ, & quasi tremere deprehenduntur.

Alii sævissimo colli, seu renum dolore cruciantur, vel circa ventrem inferiores torsiones acerbissimas, ac sæpè flatum quendam frigidissimum per ventrem permeantem, ac citò redeuntem, vel vaporem uti flammam ignis calidissimam simili modo illos instantem, percipiunt.

Quidam ad venerem impotentes redduntur.

Consuevere quidam levibus sudoribus, præcipuè circa noctem corripì, quamvis tempore, & auri frigidiore.

Alii videntur habere particulas corporis veluti nexibus ligatas.

Morbi, quibus laborant veneficio læsi, sunt, ut plurimum totius corporis quædam extenuatio & macies, ac virium imbecillitas cum summo languore, mentis stupiditas quædam, varia melancholica deliria, diversa febrium genera, medicis multum negotij exhibitia, motus quidam convulsivi, unde epileptici videantur, membrorum quædam rigiditas speciem convulsionis præferens. Aliquando omnes capitis partes tumescunt, aut talem circa totum corpus lassitudinem percipiunt, ut vix ullo pacto movere se possint.

Plerumque tota cutis, sed, ut plurimum faciei flavo, seu cineritio colore suffunditur.

Aliqui habent oculorum palpebras ita adstrictas, ut eas vix aperire possint. Hi cognoscuntur experimentis quibusdam.

Veneficio affecti faciem sacerdotis vix aspicere valent, nec oculis intentis ullo modo. Album oculorum variis modis mutatur.

Ægrotantes, cum instrumenta comburuntur, solent in deterius mutari, vel noxam quandam recipere majorem, vel minorem pro ratione levioris, vel saevioris veneficii ita, ut quandoque formidabiles clamores, & mugitus cogantur emittere. Quod si nullam mutationem, vel læsionem percipiant, erit de salute ægri bene sperandum, parvo negotio bonæ valetudini restituendum.

Si forte veneficus ad visendum ægrotum accedat, statim infirmus ingenti molestia afficitur, aliquo tremore, seu terrore corripitur, si sit puer, statim plorat, oculi ad fuscum colorem mutantur, & alia notata digna in ægrotis mutatio observatur.

Quando pro curatione morbi quædam linimenta sacra ad oculos, aures, frontem, & quasdam alias partes sacerdos adhibet, si in partibus illis sudor, vel aliqua alia mutatio appareat, signum est veneficii.

Permittit autem Deus, ut interdum homo à dæmone per malefium vexetur tribus præsertim ex causis. Ad Dei gloriam. Ad animæ utilitatem. Ad alicujus peccati pœnam. De quo Delrius *lib. 5. magic. qu. 7. sect. 2.* Nullam tamen potestatem habet dæmon in animam energumeni in ordine ad peccatum, cogendo ejus voluntatem ad consentiendum suis tentationibus. Potest quidem dæmon illam allicere, ac incitare ad amorem, vel odium, & ad alios pravos affectus, nunquam verò ad perpetrandum peccatum. Nam quod ad hoc quilibet homo est omnino liber, ut docent Theologi cum D. Thoma 1. p. q. 111. ar. 2. 3. & 4. & q. 114. ar. 2. Circa corpus autem ejus potestas est à Deo limitata, alias nullus energumenus mortem evaderet. Sæpè autem ei permittitur, ut corpus vexet, affligat, ad motus pravos excitet, & voluntatem ad malum suadeat.

Exorcismi autem habent vim ejiciendi dæmones non solum ex opere operantis, sed etiam ac præcipuè ex opere operato. Quia Christus dixit: In nomine meo dæmonia ejicient, & Ecclesiæ potestatem tradidit instituendi exorcismos ad fugandum dæmones, ut ex Concilio Carthag. 4. cap. 7. & tradunt Suarez tom. 3. in 3. p. qu. 65. ar. 4. disp. 15. sect. 4. ac Delbene de juram. cap. 6. dub. 7. sect. 2. n. 15.

Cur autem energumeni exorcisari non semper à dæmonibus certo liberantur, ea causa est, quia sæpè obstat vel modica fides, vel aliqua culpa ipsius exorcizati, vel Ministri exorcizantis. Quandoque etiam dæmones non expelluntur ex occulto Dei judicio propter majorem animæ utilitatem, vel in aliorum exemplum, vel propter aliquod Ecclesiæ commodum. Ita S. Augustinus *lib. 83. quæstion. q. 79.* Victoria de Magia qu. 6. num. 24. ac Tyræus de daemonic. cap. 39. Alii



Alia ratio est, quia non semper iis, qui dicuntur ob-  
fessi à dæmone, est habenda fides, quòd ita revera  
sint. Nam etiam ipsi Exorcistæ in hoc sæpe decipiun-  
tur, existimantes demoniacos qui melancholico hu-  
more laborant, vel alio naturali, & occulto morbo  
vexantur.

Quomodo autem immitantur in corpus energu-  
meni quæ aliquando eis per os ejiciuntur, discipra-  
vitas *tom. 4.* Certum autem est, quòd in huma-  
no corpore interdum ex pravis humoribus generari  
naturaliter possunt tophi, lapilli, oscilla, conchyli-  
a spinæ, glomi pilorum, & similia, ut testantur  
Galenus *lib. 2. ad Glaucom*, Celsus *lib. 5. cap. 3. de*  
*occul. nat. mirac. cap. 4.* Alex. Benedict. *lib. 2. &*  
*3. anatom.* Anton. Benin. *cod. tit. cap. 3. 18. 24. & 94.*  
Ideoque potest dæmon talia producere in congruis  
corporis partibus. Sed naturaliter in corpore humano  
generari non possunt ex ulla putrefactione acis, cla-  
vi, cultri, forlices, & alia ferramenta. Quia calor  
naturalis non videtur posse convertere humores in  
metalla. Ad *citatum tomum 4.* ubi de hoc plura &  
mira.

Non licet Exorcistæ dæmonem interrogare de  
maleficii autore in Energumeno. Tum quia hoc est  
velle discere à dæmone aliquid ignotum, & ab eo  
aliquod beneficium recipere, quod est illicitum. Tum  
quia hæc interrogatio arguit societatem, & amicit-  
iam cum dæmone. Et tum quia cum ille sit pater  
mendacii, ac semper paratus ad hominem decipien-  
dum, nullatenus ei credendum est. Impium enim est  
ab eo veritatem querere. Unde Carena inquit, *pes-*  
*simam esse praxim eorum, qui volunt, posse exorcistam*  
*in energumeno exorcizando, dæmonem interrogare de il-*  
*lius maleficii autore, & hoc esse indicium ab omnibus*  
*reprobatis contra maleficium.* Qua de re suo loco de  
indiciis.

Nec potest Exorcistæ dæmonem interrogare in quo  
constat obfessi maleficium, vel quæ sit ejus infirmi-  
tatis causa, & quale illius remedium. Nam interro-  
gare & rogare, petere ac deprecari parum differunt  
ut per Suarez *to. 1. de relig. lib. 2. cap. 18. num. 5. &*  
*Sanchez in decal. lib. 2. cap. 41. nu. 17.* Rogare autem,  
ac deprecari dæmonem est veritum, quia est intrin-  
sece malum, cum involvat societatem & commercium  
cum ipso dæmone. Nec unquam possumus ejus ope-  
ram ad aliquod nostrum beneficium, vel auxilium,  
ut docent S. Thomas *22. qu. 90. ar. 2. ibique* Cajeta-  
nus, Suarez *tom. 2. de relig. lib. 4. cap. 2. num. 8. ac*  
*Delrius lib. 6. magic. cap. 2.*

Licet verò aliquid à dæmone inquirere ad Dei glo-  
riam, & astantium utilitatem, dummodo adjurans  
prudenter judicet, ita expedire, & dæmon divina  
virtute compellatur ad veritatem dicendam, quia tunc  
hostiliter agitur cum illo. Ita D. Thomas *2. 2. qu. 95.*  
*ar. 4. ad 1.* Cajetan. *cit. qu. 90. ar. 1. in fine.* Id tamen  
non est faciendum, nisi a sanctis viris, qui potesta-  
tem à Deo acceperint ad compellendum dæmones, ut  
vera fateantur.

Licet quoque nomen ipsius dæmonis interrogare  
possit, ut adjurans nominatim dirigat præcepta  
quibus utitur, adversus eum. Causam item ingressus,  
ut ea cognita, ac remota, tolli possit, minorque sit  
ejus in hominem potestas; & si sit aliquod obfessi  
peccatum, eo expiato, facilius liberetur energume-  
nus, & adstantes à similibus caveant. Ac etiam, an  
sit unus dæmon, an plures in eo corpore, ut sciat  
Exorcistæ cum quot hostibus pugnat, omnesque  
egredi imperet. Ita admonentur Exorcistæ in Ri-  
tual. Rom. rubr. de exorcismis & tradunt Syl-  
vester *v. adjuratio questione quinta* Valentia *2.*  
*disp. 6. quest. 8. pun. 2. & Sanchez cit. lib. 2. in*  
*Tom. I.*

*decal. cap. 42. num. 23.* Etsi enim dæmones sæpè  
mentiantur, quando tamen divina virtute, sacrisque  
adjurationibus coguntur, ut causas, propter quas in  
obfessi corpore ingressi sunt, fateantur, non est du-  
bitandum, quin eis fidem adhiberi possit, ut notant  
Delrius *lib. 6. magic. cap. 3. litt. B. & Sanchez*  
*ibidem.*

Censet verò Sorus, superstitiosum esse petere si-  
gnum à dæmone, quo ipse testetur, se à corpore  
obfessi exire, & nunquam in illud revertere. Quia  
ipse est pater mendacii, ideoque nec ei, nec ejus  
signis præstanda est fides. At ceteri Doctores com-  
muniter affirmant, licere hoc signum petere. Quia  
dæmon cogitur exorcismis Ecclesiæ veritatem di-  
cere. Et sicut exorcismis cogitur discedere ab ob-  
fesso, ita etiam, ut det signum sui discessus. Un-  
de in Sacerdotali Romano exorcista monetur, ut  
hoc signum petat. Quod etiam tradunt Sanchez  
*cit. cap. 42. numero 28.* Delrius *dicta littera B. in*  
*fine*, ac Filiucius *tom. 2. tractatu 24. capite 8. nu-*  
*mero 214.*

Sic quoque Simanchus de cathol. instit. tit. 65.  
numero 32. ac Delrius libro 2. magic. questione 30.  
sectione 3. opinantur, non posse licite Exorcistam,  
spūto, alapa, & flagro dæmoniacum cadere, vel fu-  
mo graveolentis odoris molestare, idque esse super-  
stitiosum: Quia dæmon fingit se dolere, & affligi,  
ut adstantes decipiat, & ut corpus dæmoniaci magis  
torqueatur.

At verò tenendum est, tunc id esse superstitio-  
sum, quando spūto, aliaque hujusmodi adhibe-  
rentur, tanquam habentia directe virtutem aliquam  
ad dæmones expellendum, aut affligendum. Quia  
nulla res corporea vim habet ad eos cruciandum.  
Cum enim sint spiritus, pati nequeunt ex re ali-  
qua corporali. Secus autem quando adhibentur ad  
dæmonem confundendum, ac in ipsius contumeliam  
& contemptum, ut sic se contemptum sentiens in  
eo corpore, illud deserat. Videns enim se con-  
temni, torquetur. Verum cum hæc in solam dæ-  
monis contumeliam, & contemptum fiant, mo-  
derata esse debent ita, ut corpus dæmoniaci mi-  
nimè torqueatur, sed sola dæmonis superbia, ut  
per Sanchez *loc. cit. numero 30. & sequen.* ubi de his  
plura.

Similiter licitum est exhibere dæmoniaci medi-  
camenta ad dæmonem expellendum. Nam exhiben-  
tur non quasi vim contra dæmones habeant, sed in  
eorum contemptum, & quatenus prosunt ad ever-  
tendum humores, quibus homo à dæmone vexatur.

At inquires, si dæmon remediis corporalibus ab  
energumenis non expellitur, cur Raphael dixit To-  
biæ *cap. 6.* de pisce illo: *Cordis ejus particula, si*  
*super carbones ponas, fumus ejus extricat omne genus*  
*dæmoniorum?*

Respondeo, non defuisse Doctores, qui opinati  
sunt, Deum hujus piscis fumo dedisse virtutem su-  
pernaturalem ad expellendum dæmones, sicuti de-  
dit igni corporali potestatem illos torquendi, &  
aquæ benedictæ virtutem eos fugandi. Ita sentiunt  
Valesius de sacr. philosoph. cap. 28. Gulielmus Pa-  
risiensis de Universo, Loyerus libro octavo de spectr.  
capite primo, ut refert Celada in cit. capite sexto  
Tobia *s. 233. numero quarto.* Alij verò censent  
Raphaelem illis verbis voluisse dissimulare suam  
virtutem supernaturalem, ne quando rem, adeo  
mirabilem præstitisset, Asmodæum expellendo,  
Angelus putaretur, non homo, ut notat idem  
Celada *num. 6.* & Serarius de dæmoniac. cap. 48. ac  
Delrius *lib. 2. magic. quest. 27. sect. 2.* Et dæmo-  
nem fugare voluit Raphael vilissimo fumo in  
Y. conq



contemptum & ignominiam illius superbissimi dæmonis, qui fugit ab obsesso, ne ignominiiis, ac injuriis afficiatur.

Dicendum tamen est cum communi sententia, Raphaellem illa verba dixisse, quia dæmon energumenum vexat per causas naturales, corporis humores alterando, & vel libidinis calorem accendit, ut ad lasciviam stimulet, vel melancholicum humorem excitat, ut ad perturbationem, ac desperationem animum inducat. Fumus ergo cordis illius piscis extricare poterat omne genus dæmoniorum, non directe ac principaliter, sed indirecte, ac dispositive, impediendo actionem dæmonis, & humorum alterationem per ejus dispositionem contrariam, discutendo melancholiam, dissipando dolorem, temperando æstrum libidinis, & exhilarando animum eo modo, quo musica David impediēbat agitationem Saul per dæmonem. Quod efficere etiam solent ruta, hypericon, cornua caprina, artemisia, jecur chamæleontis, sardonius, Chrysolithus, & id genus alia. Sed directe ac principaliter virtute supernaturali, & Angelica dæmon expulsus, & fugatus fuit. Ita enim ait sacer textus cap. 8. *Prostravit de cassidili suo partem jecoris, posuitque eam super carbonem vivos. Tunc Raphael Angelus apprehendit dæmonium, & relegavit in desertum.* Ex quibus liquet, non ex illo fumo, sed ab Angelo dæmonem extricatum fuisse. Tacuit autem Raphael suam potestatem, cum dixit: *Fumus ejus extricat omne genus dæmoniorum*, ne se patefaceret Tobie, ac ne sciret, eum esse Angelum, quem quasi hominem, viæ comitem, ac ducem habebat. Sicuti eadem ratione vocavit se Azariam, & cum Tobia comedit, ac bibit. Atque ita docent Abulenensis in lib. 1. Reg. cap. 16. Victoria de *Magia* qu. 6. Zachar. Vicecomes p. 1. de *remed. corporal.* Delrius lib. 6. *magic. cap. 2. q. 3.* aliique plures, quos sequitur Celada in d. cap. 6. *Tobia* §. 233. num. 9.

Cæterum Callionymi piscis fel, qui Callionymus appellatur, cicatrices sanat, & carnes oculorum supervacuas consumit ex Plin. lib. 3. cap. 23. Apud Dioscoridem quoque loco *Parabil. lib. 1. cap. 41.* item Galenum lib. 4. de *composit. medicam.* secundum locos legere est, fel callionymi, uti & scorpii, ac testudinis marinæ mederi oculorum suffusioni. Etiam lib. 10. *ejusdem Galenici operis cap. 15.* Callionymi piscis fel laudatur ad acuendum visum, & initia suffusionum discutienda. Itaque & aliquorum, nominatim Valesii loc. cit. cap. 42. non absurda est opinio, fel illud piscis, quo redditus est visus Tobie cap. 11. vers. 15. fuisse Callionymi, sive uranoscopi, sive scari. Sanè legas quoque apud Rondelerium lib. 1. de *piscib. marinis cap. 1.* *Quot oculorum suffusiones, ac cicatrices uranoscopi, ac rana piscatrici felle curaverim, nihil attinet hic recensere.* Et verò hæc opinio de Tobia verisimilis, quod Callionymus ferè circa littora versetur, in arena etiam de die dormiat, unde imroeuus dictus Oppiano lib. 2. eo facilius capi poterat à juniore Tobia.

Non tamen est licitum Exorcistæ præcipere dæmoni sub pœna excommunicationis, ut ab obsessi corpore exeat. Tum quia dæmon non est capax excommunicationis: Nam est extra forum Ecclesiæ. Solus enim homo viator excommunicari potest, quia est intra forum Ecclesiæ & privari potest communicatione fidelium, & usu Sacramentorum. Et tum quia excommunicatio fertur propter delicti emendationem & animæ salutem. Dæmon autem nec potest emendari, nec sperare salutem. Et quamvis in sacerdotali Romano instruat Exorcista, ut dæmoni, tanquam excommunicato, præcipiat, id tamen non intelligitur in proprio sensu, sed metapho-

rico pro execratione, & maledictione, ut per Sanchez eo cap. 42. num. 32. ac Filiucium d. cap. 8. num. 276.

Minus potest Exorcista præcipere dæmoni, ut abeat in locum desertum, vel in infernum, ac inde ne egrediatur, nisi præcipiat sub conditione divini beneplaciti. Quia Christus verbis illis, *In nomine meo dæmonia eiicient* dedit Ecclesiæ potestatem eiicienti dæmones, non autem designandi terminum ejectionis. Sub spe verò divini beneplaciti licet dæmonem in infernum conijcere, quia infernus est locus illi à Deo paratus. Licet etiam in desertum locum eum mittere ac præcipere, ne inde amoveatur, ut hominibus nocere nequeat, ut per Tyraem de *dæmoniac. cap. 6. numer. 23.* Delrium lib. 6. *magic. cap. 3. litt. B.* ac Delbenem de *juram. cap. 6. de adjuratione dub. 12.*

Potest tamen Exorcista dæmoni petenti, ne in infernum relegatur, vel ne novis cruciatibus afficiatur, connivere, ut ab obsessi corpore egrediatur. Nam Exorcista non concedit hoc dæmoni, tanquam amico, nec quia ei vult complacere, sed quia vult medium, quo facilius compellatur, corpus obsessum deserere. Et consentiendo ejus petitioni, nec Deo, neque proximo injuriam facit, cum non aliud intendat, nisi facilius ipsum dæmonem expellere. Si verò dæmon peteret in aliud hominis corpus ingredi, utique illicitum esset, illi annuere, quia esset in alterius damnum, Tyraus loc. cit. cap. ult. numero 8. Sanchez d. cap. 42. numer. 36. ac Delbene *ibidem* num. 14.

Solet verò aliquando dæmon, ut exeat ab obsessi corpore aliquod opus bonum præscribere, quod nequam faciendum est. Nam id consulit ex malitia, ut facilius postea homines decipiat. Transfiguratur enim se in Angelum lucis, ut animas obtenebreat, ac in æternum perdat. Ideo turpius est opus bonum ab eo impositum, omittere, & in aliud commutare, ne in eo opere aliquid fraudis & periculi molitur. Dæmonibus enim ne bona quidem consulentibus, credendum est, quia bona omnia, quæ nobis consulunt, tendunt ad malum, & ad nostram perniciem. Si verò opus bonum à dæmone præscriptum, sit faciendum, ut præceptum, utique fieri debet, quia de se bonum est, à Deo vel ab Ecclesia, non autem à dæmone præscriptum.

Possunt autem Exorcistæ in dæmonis adjuratione aliquando esse de superstitione suspecti. Primum si laicus, vel clericus, sola prima tonsura insignitus, quasi ex speciali Dei privilegio, vel ex officio exorcizare præsumeret. Quia dum hoc privilegium non ostendit, certum est, ex officio id munus ei non competere, ideoque de superstitione redditus suspectus. Deinde, si novis exorcizandi formulis, ac ritibus, diversis à communibus Ecclesiæ, utatur. Præterea si quis sibi vendicaret majorem virtutem ad dæmones exorcizandis eiicientium, quam cæteri ejusdem Ordinis. Secus autem, si diceret, se in hoc munere peritum esse, meliusque nosse quo pacto in energumenis dæmones tractandi sunt. Postremò si vocibus ignotis utatur, quas solis Dæmoniis ad aures dicunt. Clam enim uti nominibus ignotis, non est absque superstitionis suspitione. Ac ita etiam tradunt Delrius *post. lib. 6. magic. in anacaphal. monit. 10.* Ciruel. de *superstit. pag. 3. cap. 8.* & Sanchez. *cit. cap. 42. num. 15.*

Existimant Cirvelus de *superstit. p. 3. cap. 8. ac Sotus de just. lib. 8. qu. 3. art. 2. ad 2.* esse supersticiosum imperare dæmoni, ut det signum sui egressus ab obsessi corpore, nec sit in illud amplius regressurus, ut nimirum extinguat lampadem longe positam, frangat vitrum in Ecclesiæ fenestris



fenestris, pulset campanam, vel simile. Quia demon abique eo, quod egrediatur ab energumini corpore, extinguere potest lampadem, vitrum frangere, & campanam pulsare, ut credatur sui egressus; & sic Exorcistam, ac ceteros decipere, cum sit pater mendacij.

His tamen obstat usus Ecclesiæ, & Sacerdotale Romanum, ubi expresse dicitur, posse in exorcismis pro obsessis à Dæmone tale signum expostulari. Quia, licet aliquando possit esse fallax, raro tamen ita contingit, quando in signi postulatione servatur modus, ab Ecclesia præscriptus. Nam signum hoc petitur, non ut conducens ad expulsionem, sed ut expulsio in nomine Christi sequuta, nobis manifestetur. Credendum namque est, quod Christus reliquit suæ Ecclesiæ potestatem ad expellendum dæmones, non qualemcunque, sed manifestam, & consequenter ad expostulandum signum, quo expulsi nobis innotescat. Et, quamvis dæmon sit pater mendacii, quotiescunque tamen dicit aliquid virtute divina coactus per exorcismos Ecclesiæ, fides ei adhiberi potest. Et ita etiam censent Tyræus *de demoniac. cap. 46. num. 23. & cap. 52. num. 4.* Delrius *lib. 6. magic. cap. 2. quest. 3. sect. 3. remed. 4. & cap. 3. lit. B. in fine*, & Sanchez *d. d. cap. 42. numero 28.*

Domus verò, quæ spectris, aut alia dæmonum infestatione vexatur, hoc modo est adjuranda. Statim inquilini conscientiam excutiant, conterantur, ac de peccatis confessionem instituunt, omniaque de domo removeant, quæ Deo displicere possint. Devotè insuper se Deo commendent, ac Deiparæ & Sanctis, & interea dum durat vexatio, quotidie mane ac vespere Sacerdos quispiam Sacerdotali indutus cum stola, cruce, & aqua benedicta accedat, & lustrat omnia domus cubicula, locaque alia, recitans devotè psalmum. Qui habitat in adjutorio Altissimi, & Evangelium S. Joannis, In principio erat Verbum, & alias preces pias, & exorcismos, qui dominicis diebus in benedictione aquæ contra dæmonum vim, ac insidias leguntur. Ponantur per singula præcipua domus loca rami palmarum benedicti, & candelæ benedictæ, jubeantur dici Missæ à viris piis, ac Deum timentibus pro quiete familiæ illius, & ut ira Dei cesset, ac mittat Custodem Angelum suum, qui dæmonem expellat, & domum illam custodiat. Caveant autem, ne cum dæmone sermonem ullum misceant, vel loquenti quidquam respondeant. Multoque magis caveant, ne quem Magum, aut ulla superstitiosa vexationi reprimenda remedia accerant. sed magna spe ac fiducia in Deum, misericordiam ejus summa cum patientia præstolentur.

Demum Exorcistæ, ad quorum notitiam aliquo modo pervenit corpus delicti alicujus maleficii, vel persona de aliquo maleficio suspecta, dummodo hujusmodi notitia non perveniat ex indicio, & dicto dæmonis, debent quamprimum, personas hujusmodi S. Officio revelare sub pœna privationis muneris exorcizandi, aliisque arbitrio S. Congregationis pœnis, & Sanctissimus mandavit, hujusmodi decretum superioribus cujuscunque Religionis, ac Instituti, nec non Vicariis, sive Ordinariis Officialibus, cæterisque omnibus ad quos pertinet, impertiri hanc facultatem exorcizandi notum fieri 20. Januarii 1628.

## CONSULTATIO LXXI.

*De Confessario hæretici, malefici, sive sortilegi  
De eorum Casuum reservatione. Deque facultate absolvendi eos, atque alios suspectos de hæresi.*

Confessarius circa pœnitentes hæreticos, maleficos, ac sortilegos primò diligenter inquirere debet, an ij errorem habuerint in intellectu. Quia tunc essent hæretici excommunicati in Bulla Cœnæ. Si verò talem errorem non habuerint, animadvertere debet, an commissum maleficium, vel sortilegium sit casus reservatus. Nam hoc crimen, ut plurimum ab Episcopis reservari solet, & tunc impetranda est facultas ab Episcopo illud absolvendi. Secundò debet confessarius accuratè illos interrogare de abutu Sacramentorum, & aliarum rerum sacrarum ac benedictarum ab Ecclesia, de pacto expresso, vel tacito cum dæmone ac de cultu illi exhibito, de tempore, quo in hujusmodi maleficiis, ac sortilegiis infortuerint, de singulis sortilegiorum, ac maleficiorum speciebus, ac de actibus apostaticis factis, de complicibus, de damnis illatis, de qualitate mulierum, ad quarum amorem provocandum fuerint maleficia, an scilicet fuerint virgines, an matrimonio conjunctæ, an liberæ & cætera hujusmodi. Tertio ostendere debet pœnitentibus peccati gravitatem, ac Dei misericordiam illos expectando ad pœnitentiam, & an de sua salute aliquando desperaverint. Nam sæpe dæmon solet maleficos, & sortilegos in desperationem inducere, ut suæ servituti sint omnino subiecti. Quartò debet illos obstringere ut dæmoni, ac omni pacto cum eo inito, renuncient, ut damna illata resarciant, ut libros, vel scripta, quæ maleficia, aut sortilegia continent, ad Inquisitionem deferant. Et consideratis facti circumstantiis, & qualitate pœnitentis, certam promissionem exigat de ampliùs non committendo hujusmodi facinora.

Et licet maleficus, ac sortilegus sit ab Inquisitore, prævia abjuratione absolutus, teneatur tamen confessario commissæ maleficia, & sortilegia confiteri. Quoniam ab Inquisitore fuit tantum in foro exteriori absolutus. Sublata enim excommunicatione in foro exteriori, remanet adhuc peccatum in Sacramentali confessione absolvendum.

Opinatur autem Benoch. *de casib. refer. p. 2. qu. 1. in 1. cas. tabel. nu 87.* quòd in hoc crimine, Confessarius exigere debeat à pœnitente juramentum, nunquam ampliùs illud committendi, & pœnitens id præstare debet. Quia, ut docet Grassius *p. 1. dub. 1. cap. 32. num. 15.* in enormibus delictis tale juramentum est à Confessario exigendum, & à pœnitente præstandum. Carena verò *p. 2. tit. 12. §. 35. numer. 305.* existimat hoc prudentis Confessoris arbitrio relinquendum esse, considerata qualitate pœnitentium, ac cæteris facti circumstantiis. Sed ego censéo cum Navarro *in man. cap. 26. numer. 25.* Philiarcho *de offic. Sacerd. tom. 1. pag. 2. lib. 3. cap. 16.* Sanchez *lib. 3. in decal. cap. 8. num. 8.* ac Diana *p. 6. tr. 6. miscel. 1. resol. 30.* Confessarium à pœnitente juramentum, aut votum desistendi ab aliquo crimine petere non debere. Quia eum transgressionis periculo exponeret. Nec satis est ad hanc petitionem dubium transgrediendi. Quia in dubio non est præsumenda alterius iniquitas.



Confessarius verò quando casus fortilegi, aut malefici indiget consultatione, & tempus non habet consulendi, potest hujusmodi pœnitentem absolvere, si ille promittat se exequuturum quod prudenti consilio adhibito judicatum fuerit esse obligatum: Nam in tali casu pœnitens est sufficienter dispositus ad absolutionem recipiendam. Et ita docent Suarez *tom. 3. de pœnit. disp. 28. sect. 2.* & Coninch. *disp. 8. de eod. argum. dub. 16. num. 126.*

Reo autem S. Officij comprehenso, & in carceres tantum coniecto, judicialiter non examinato, non debet concedi confessarius, nisi post confessionem judicialem, aut in periculo mortis, ut per Doctores, quos sequitur Piascius *in prax. p. 2. cap. 4. art. 6. num. 7.* Sicque tutius esse docet praxis, & tradit instructio Toletana sub anno 1561. *num. 71.* ut refert Delbene *p. 2. dub. 195. sect. 38.* & nos *alibi.* Si tamen consuetudo non sit in contrarium, potest confessarius, etiam ante judiciale examen, reum alloqui, eunque ad confessionem delictorum disponere, ac suadere, ut integram veritatem, tam de se, quam de aliis dicat, & ne tadio carceris, vel spe liberationis, aut metu tormentorum sibi, vel aliis falsum crimen, imponat, ut asserunt Zanardus *in direct. theol. p. 3. cap. 80.* & Pegna *in direct. Inquis. p. 2. com. 25. §. Diximus hucusque.*

At si reus crimen suum in judicio confessus fuerit, interroget eum confessarius, an socios criminis Judici manifestaverit. Nam ad hoc tenetur, ut perniciofa crimina extirpari possint. Si autem per odium, vel tormentorum metum innocentes Judici denunciaverit debet Confessarius eum cogere, ut falsam denunciationem coram Judice retractet, etiamsi timeat, pari nova tormenta ob variationem depositionis, dummodo adsit spes, quod Judex ejus retractationem extrajudicalem contra priorem judicialem ac juratam sit admissurus, ut per Doctores, quos refert, ac sequitur Petrus Navarra *de restit. lib. 2. cap. 3. n. 251.* Nam ex regula Judex stare solet confessioni criminis, semel judicialiter factæ, licet hæc postea revocata fuerit, ut tradunt Abb. *in cap. sicut num. 1. de testib. Covar. lib. 2. var. cap. 73.* Menoch. *de arb. cap. 108.* Excipitur tamen, si reus deponens de crimine, errorem suum postea alleget, & ejus probabilem rationem afferat, ut notant idem Abb. *in cap. præterea numero 4. de testibus cogend. Covar. loc. cit. numero 8.* Menoch. *ibidem numero 7.* ac Delrius *lib. 5. magic. sect. 5. circa fin. subdens,* quod si ex manifestis indiciis appareat, quod testis, vel denunciator, non ex levitate, ac perturbatione animi, neque ex precibus, vel suasionibus, testimonium suum retractet, etiam in crimine hæresis, à judice audiri debeat, ut ex *d. cap. sicut de testibus.*

Si verò Confessarius reum adeat post ejus condemnationem, caveat, ne reprehendat modum procedendi Judicis, vel ejus sententiam, ne reo præbeat occasionem expostulandi. Officium enim Confessarii non est talia inquirere, vel judicare, sed reum ad contritionem, & ad patientiam disponere, ad fortiter tolerandam pœnam exhortari, ejusque sacram confessionem magna cum charitate audire, magnamque Dei misericordiam ei ostendere, dum ab æternis incendiis eum eripuit.

Post latam verò sententiam condemnationis non tenetur Confessarius Judici declarare, personam, à reo denunciatam, esse innocentem, neque ipsius rei innocentiam. Nam Judex existimare debet, denunciationem factam in tormentis, & coram seipso, ac Notario ratificatam, judicialem ac solennem, esse veram, quæ non eliditur per subsequentem revocationem extrajudicalem & non so-

lennem. Atque ideo non tenetur, neque debet confessarius post rei supplicium Judici significare, quod ipse reus jam jamque moriturus denunciationem factam revocaverit. Quia hujusmodi revocatio non accipitur, & plus fidei habetur judiciali prius legitime factæ, quam extrajudiciali.

Verum si reus constanter Confessario dicat, personam innocentem denunciassse, Confessarius hortari, & suadere illum debet, quod publicè coram populo talem denunciationem revocet. Tum ut suæ conscientie magis consulat, satisfaciaturque. Et tum quia talis revocatio à jam jam morituro facta, sine dubio aliquatenus debilitat denunciationem primam ita, ut si alia etiam judicia prædictæ falsæ denunciationis accedant, contra denunciatam personam procedi non debeat.

In casu autem, quo hæreticus, saga, maleficus, fortilegus, vel quilibet alius reus constanter assermet, se non esse hæreticum, neque sagam, neque maleficum, neque fortilegum, nec ullo modo reum, sed tormentorum vi crimen falsò sibi in judicio imposuisse, Confessarius non tenetur monere Judicem de ipsius rei innocentia, & quod vi tormentorum falsò sibi crimen imposuit. Nam, ut supra dictum est, non tenetur Judex retractationi extrajudiciali fidem ullam præstare. Et quia si Confessarius teneretur intercedere pro reo, quem ipse in Sacramentali confessione innocentem esse agnovit, alii verè nocentes occasionem sumerent delicta sua Confessario non detegere cum gravi Sacramenti Sacrilegio, & suarum animarum jactura, ut de eorum innocentia Judici contestaretur.

Debet tamen Confessarius hujusmodi reum monere, ut considerato suo dedecore, ac vitæ detrimento, cujus sibi causa fuit, confessionem suam coram Judice omnino retractet, si aliqua spe ducatur, quod Judex sit ei crediturus, alioquin revocatio eum frustraretur. Ita Simanchas *de casib. instit. tit. 13. numero 28.* alique communiter. Si autem reus ob suæ confessionis revocationem timeret repetitionem tormentorum, & potius vellet mori, quam illa iterum subire, tunc nonnulli Doctores negant Confessarium debere illum obligare, ut etiam cum tali periculo se retractet. Quia in tali casu reus non tenetur sub mortali se retractare. Sic Angelus *v. detractio §. 7.* Sotus *lib. 5. de justit. quest. 10. art. 2.* Tolet *lib. item. 5. cap. 66.* Sa *v. Infamare.* At contra censent Covar, *lib. 1. resol. cap. 2. numero 8.* Molina *de just. ty. 4. disp. 37. concl. 15.* Navar. *cap. 18. num. 92.* Delbene *p. 2. de offic. S. Inquis. dub. 217. per. 13. num. 4. & 5.* Quoniam qui causam præbuit suæ morti, tenetur eam tollere, si possit, alioquin erit sui ipsius homicida. Et si quis falsò crimen alteri imposuit, ob quod ille puniendus esset, homicida esset alterius in omnium sententia.

Ego tamen priorem sententiam magis probabilem autumo. Quia non tenetur homo cum tanto cruciati vitam tueri, ne alius eam eripiat. Sicut non tenetur permittre sibi tibiam abscindi cum tanto dolore. Non enim, ait ille, tanto dolore dignus est salus.

Nec objectetur, quòd talis homo, moraliter loquendo se interficit. Ergo peccat. Id enim negatur. Non enim physicè, ut patet, neque etiam moraliter, sicut is, qui sine justa causa se conicit in certum periculum mortis, dicitur sibi causa mortis. Quia justam causam habet, ob quam se interficit.



dum exponit, sicut si quis se exponeret hostium telis, ut gravissima tormenta ab illis inferenda evaderet, non se occideret. Quod verum puto, quamvis antea perjurio crimen falsum, vi tormentorum, ob quod erit morte plectendum, falsus sit, confirmasset, si prudenter metuit se rursum ad tormenta raptum iri, ut plerumque fieri solet, sed potest sine peccato mortifero in eo persistere ac mori, ut per Angelum, Sotum & alios *loc. alleg.* Pater ex dictis, præter quam illud de perjurio, quod nunc probatur ex Lessio *lib. 2. cap. 11. dub. 7. num. 48.* Quia, etsi peccaverit mortifere, quando perjurio confirmavit, tamen poenitentia non tenetur retractare. Quia perjurium jam transiit, & non retractando nemini facit injuriam, retractando autem, culpam perjurii delere non potest, sed coram eo poenitendo. Quod potest facere absque externa revocatione. Secus est de perjurio, quod in detrimentum alterius cedit. Hoc enim debet revocari. Unde nec tenetur ea, quæ sibi imposuit retractare, tamen in extremo vitæ, cum jamjam est occidendus, ea revocatio nihil prodesset, sicut ferè sepe nihil prodest. Quod verius est contra Sylvestrum *v. de retractio q. 3. ex Panormitano.*

Si autem Confessarius ex confessione hujus complicitis criminis sciat hæresim, sortilegium, vel maleficium commissum ab altero complice, & iste illud negat commississe, antequam illum absolvat, debet eum interrogare, an aliquid amplius habeat, quod eius confessionem graveat, ac torqueat, nunquam tamen ei potest dicere peccatum, quod per confessionem alterius complicitis scivit. Quod si respondeat, se nihil amplius habere confitendum, potest eum absolvere, & ad sanctam communionem admittere, vel Eucharistiam ministrare, secus si judicet, nullum jam alteri confessum. Quia Confessarius tenetur stare responsis ipsius confitentis, qui in confessione est sui accusator, & testis, tamque pro se, quam contra se ipsi credendum est, ceu docent D. Antonia. *3. par. tit. 14. cap. 18. §. 15.* Sylvestr. *v. de poen. 3. num. 8.* Navar. *cap. 8. num. 17.* Henric. *lib. 3. de poen. cap. 20. num. 6.* Tolet. *in sum. lib. 3. cap. 15. nu. 4.* Et ob eandem rationem, si unus complices diceret Confessario Dic, meo socio, me tibi quantum fuisse hoc peccatum, quod ambo commissimus tali die, talique loco, & ille adhuc in confessione negat illud patrassè, etiam absolvendus est. Ita Vivald. *in Candelabr. par. 1. de sigil. num. 36.* Si autem posterior complex revelet primum, & primum, live confessus fuit, live minimè de tali peccato, tunc non potest Confessarius ei dicere primum complicem, vel tale peccatum fuisse confessum, vel non confessum. Quia id esset revelare sigillum confessionis alterius, ut notat Henricus *loc. cit.* Insuper si hæreticus, faga, vel maleficus, aut sortilegus sit, convictus de crimine, & in tortura illud confessus, ac eum coram Judice & Notario extra torturam ratificaverit, in confessione sacramentali illud constanter neguet in foro conscientie præstanda est ei fides, & Confessario absolvendus, & ad sacram admittendus communionem. Verùm si post sacramentalem confessionem, se innocentem esse, palam sustinere voluerit, ei non est ministranda Eucharistia, ne per Viaticum quidem, si damnatus sit ad mortem, propter scandalum. Quia tunc publicè præsumetur mendax, & pertinaciter impoenitens, ut per Delben. *de offic. S. Inquis. par. 2. dub. 217. per. 15.*

Si autem magus, vel maleficus, aut sortilegus errorem habuit in intellectu circa fidem ita, ut in hæresim formalem inciderit, Confessarius non potest illum absolvere virtute Bullæ Cruciatæ, nisi semel tantum in vita, & in morte. Si verò non deliquit

rit in fide, & errorem non habuerit in intellectu, sed crediderit omnia, quæ ab Ecclesia ordinata sunt, & hæresim, vel maleficium aut sortilegium commisit tantum exterius, vel ob iracundiam, vel ob libidinem, vel ob aliquod lucrum, Confessarius virtute supradictæ Bullæ potest illum toties quoties absolvere. Quia hæc Bulla facultatem concedit absolvendi omnes casus excepta hæresi formali. Talis autem hæreticus, maleficus, vel sortilegus hæresim formalem non commisit. Sic etiam tradunt Henric. *lib. 6. cap. 16. num. 2.* Portel. *in addit. ad dub. regul. 11. libri prohibiti num. 14.* Sanchez *in decal. lib. 2. cap. 12. num. 12.* Duard. *in Bull. Cœna lib. 3. §. 2. qu. 8. & qu. 11. num. 47.* Farinac. *de hæres. quest. 180. num. 8.* Acosta *in Bul. Cruciatæ qu. 63. concl. 4.* Suarez *de fid. disp. 24. sect. 1. num. 11.* Filiac. *tom. 1. tr. 16. cap. 3. num. 49.* & Diana *p. 1. tract. 5. resol. 7.*

Quamvis Confessarius, si casus reservatus id non sit, valide absolvat jure communi suum criminis socium, nec mortaliter peccaret illum absolvendo, secluso scandalo, & periculo excitandi seipsum, vel poenitentem ad novum peccatum, illius tamen confessionem audire, non autem illum absolvere debet. Quia confessio fieri debet cum pudore ac verecundia, & cum animo præcavendi peccata in posterum. Confessio autem facta Confessario compliciti non fit cum debito pudore, ac verecundia, & ex ea facile accipi potest occasio liberiùs peccandi. Quod etiam tradunt D. Thomas *in addit. ad 3. par. qu. 20. art. 2. ad 1.* Cardinalis de Lugo *de poenit. disp. 16. nu. 359.* Dicastil. *tract. 8. de sacram. disp. 9. dub. 8. nu. 610.* & Carena *par. 2. tit. 12. §. 35. num. 306.* Unde sicut Confessarius, cui suspensum est munus audiendi confessiones, nequit tempore Jubilæi Sacramentum poenitentiae ministrare, ita, neque poterit socium sui criminis eodem tempore absolvere, ut per Carenam *loc. cit. num. 310.*

Quod verò ad facultatem absolvendi hæreticos, maleficos, sortilegos, & alios de hæresi suspectos, si ii habeant annexum peccatum hæresis, quia maleficus, vel sortilegus errorem habuit in intellectu in rebus fidei, jam sæpè diximus, quod nec Episcopus, neque Inquisitor possunt in foro conscientie illum absolvere, sed solus Summus Pontifex, vel ab ipso delegatus. Quia peccatum hæresis est in Bulla Cœnæ Summi Pontifici reservatum ita, ut nec ab Episcopo, neque ab Inquisitoribus in foro conscientie possit absolvi, sed tantum in foro externo; quamvis contrarium, sed minus rectè cum suis sustineat Diana *par. 5. tract. 5. resol. 3.* Cujus sententia procedere potest, ut ait Carena *loc. cit.* in Inquisitoribus Hispaniæ, ac Siciliæ, ut notat etiam Freitas ad Roderic. *de Confess. sollicit. qu. 21. num. 18.* Et ita fuisse à supremo Inquisitionis Tribunali decretum refert idem Carena ac teste Masino *in prax. S. Offic. p. 10. asser. 108.*

Potest verò tam Episcopus, quam Inquisitor absolvere ab excommunicatione deprehensum in hæretica pravitate poenitentem post ejus abjuramentum ex privilegio Gregorii Noni, incipiente. *Ille humani generis: ibi: Si verò aliqui hæretica labe poenitus abjurata, ad Ecclesiasticam redire voluerint unitatem, ipsis juxta formam Ecclesiæ beneficium absolutionis impendant, & injungant eis, quod talibus consuevit injungi.* Idemque statuit Clemens IV. ac liquet ex cap. *De officium de heret. in 6.* & tradunt Repert. *Inquis. v. absolutio §. sed nunc, Locutus in Judic. v. absolvere nu. 11.* Simanch. *de Cath. instit. tit. 3. nu. 1.* Eymeric. *in Direct. par. 3. qu. 92.* ibique Pegna *com. 141.*

Si verò maleficus, vel quilibet sortilegus nullum habuerit errorem in intellectu, nec erraverit in fide, & incurrerit in casum reservatum, & in excommuni-



cationem, certum est, Episcopum proprium, vel Inquisitorem posse illum tam à crimine, quam ab excommunicatione absolvere. Quia potestas absolvendi conjuncta est cum potestate ligandi, ut ex verbis Christi observat Ambrosius *lib. 2. de Cain & Abel cap. 4.* ac refertur in *can. Verbum de poenitent. dist. 1.* Cum ergo tam Episcopus, quam Inquisitor potestatem habeant casus reservandi, & sub poena excommunicationis delinquentes ligandi, sequitur, quod etiam potestatem habeant ab illis absolvendi, eamque aliis delegandi. Nam jurisdictio delegata sufficit ad absolvendum, ut communiter omnes affirmant.

An autem Episcopus habeat facultatem absolvendi maleficum, vel quemlibet alium hæreticum occultum in foro conscientie, diximus etiam suo loco, ubi etiam disceptavimus de facultate Inquisitorum. Unde maleficus, aut sortilegus, vel quilibet alius hæreticus occultus, dum nec ab Episcopo, neque ab Inquisitore absolvi potest in foro conscientie tenetur in tali casu Romam mittere pro absolutionis facultate à Summo Pontifice obtinenda, & interim tenetur à Sacramentorum receptione abstinere. Quod si rationabiliter timeret, sic abstinendo, periculum scandalum, vel gravis infamiae, tunc si Sacerdos sit, potest celebrare, si laicus Eucharistiam sumere, eliciendo prius actum contritionis. Si verò non existimat, se contritionem perfectam habere, confiteatur, & à Confessario absolvatur. Ita docent Navar. in *man. cap. 27. num. 239.* Reginald. in *prax. tom. 1. lib. 8. cap. 7. num. 87.* Fagund. de *precept. Eccles. tr. 1. lib. 3. cap. 12. num. 12.* & alii, quos citat Sancius in *select. disp. 32. num. 11.* quamvis ipse contrarium opinetur, sicut etiam Suarez *tom. 5. in 3. par. disput. 9. sect. 3. n. 7.*

Ratio autem est, tum quia lex naturalis ac divina defendendae suae famae, & evitandi scandalum praevallet legi humanae de abstinendo excommunicato occulto à celebratione Sacri, vel ab Eucharistiae receptione. Si igitur tam maleficus, quam quilibet hæreticus occultus verè poenitentiam agant potest ad evitandum scandalum vel propriam infamiam, si sit Sacerdos, celebrare, vel laicus communicare. Et tum quia leges Ecclesiae non possunt obligare contra charitatem. Nam fundatae sunt in visceribus charitatis Christi. Esset autem contra charitatem hæc reservatio, si obligaret etiam cum jactura propriae famae, & cum aliorum scandalum. Atque adeo si dum hæreticus occultus expectat absolutionis facultatem, rationabiliter timeat jacturam suae famae, & aliorum scandalum, potest praevia contritione, vel confessione, si Sacerdos sit, celebrare, si laicus Eucharistiam sumere.

In articulo autem mortis communis sententia est, quemlibet Sacerdotem jurisditionem habere absolvendi poenitentem à quibuscumque casibus reservatis, etiam in Bulla Cœnæ. Decernit enim S. Concilium Tridentinum *sess. 14. cap. 7.* ut nulla sit reservatio in articulo mortis, quod etiam habetur in *d. Bulla Cœnæ can. ult.* Atque ideo omnes Sacerdotes quoslibet poenitentes à quibuscumque peccatis, ac censuris absolvere possunt. Hoc ita certum est, ut pudeat Doctores in testes adducere.

In periculo autem mortis non esse idem dicendum nonnulli opinari sunt; volunt enim, esse necessarium articulum mortis, nec sufficere ejus periculum, quia jura loquuntur de articulo mortis. Ita Sotus in *4. d. 18. qu. 4. art. 4.* Cano *par. 5. de poenit.* Valentia *tom. 4. disp. 7. qu. 10. pun. 2. col. 2.* & Covar. in *cap. alma mater par. 1. §. 11. num. 8.*

At communiter cæteri Doctores asserunt, quod sicut in articulo mortis, ita & in periculo potest quili-

bet Sacerdos absolvere ab omnibus peccatis, & censuris etiam reservatis, & quoad hunc effectum non differre periculum mortis ab articulo. Sic Glossa in *cap. pastoralis §. præterea de offic. ordin. & cap. quod in te v. poenitentia de poen. & remis. Palud. in 4. d. 17. qu. 5. art. 2. & d. 20. qu. 1. art. et am. 2.* Adrian. de *confes. qu. 3.* Sylvest. v. *Confessor 1. qu. 6. & v. interdictum 5. qu. 7.* Navar. *cap. 26. num. 31. & cap. 27. num. 271.* Medina *Cod. de confes. qu. 16.* Suarez *tom. 4. in 3. par. disp. 26. sect. 4. num. 3.* Sanchez *lib. 2. in decal. cap. 13. num. 1.* & quamplures alii quos refert ac sequitur Diana *par. 5. tract. 3. resol. 59.* & probatur *cap. eos, qui de sent. excom. in 6.* ubi in eodem contextu nunc periculum, nunc verò articulum mortis appellatur. Nam causa hujus concessionis est necessitas poenitentis, ne sine absolutionis remedio perpetuò pereat, ideoque talis reputanda est necessitas periculi mortis. Quando autem quis dicatur esse in periculo mortis ita, ut ab omnibus peccatis, ac censuris etiam reservatis, absolvi possit à quolibet Sacerdote, alibi diximus.

Hæreticus, maleficus, vel quivis alius absolutus in articulo, vel periculo mortis ab excommunicatione, elapso mortis periculo, tenetur quamprimum poterit, adire superiorem, alioquin incidit in eandem excommunicationem, quia secundum ordinarium jus non conceditur facultas absolvendi in articulo mortis, nisi sub hoc onere, ut habetur in *d. cap. eos, qui de sent. excomm. ac docent Cajet. in sum. v. excommunicatio num. 69.* Suarez *loc. cit. disp. 30. sect. 3. num. 6.* Zambran. de *cas. b. art. mort. cap. 4. dub. 4. num. 21.* aliique communiter. Siquis verò sit absolutus in articulo, vel periculo mortis à peccatis reservatis, non habentibus excommunicationem annexam, non tenetur elapso illo articulo, siue periculo suum adire superiorem, ut iterum ab illis peccatis absolvatur, Suarez *d. disp. 30. sect. 3. num. 6.* Diana *par. 5. tract. 14. miscel. 2. resol. 59.* omnesque alii. Quia nemo tenetur iterum confiteri peccatum à quo directè, ac per se fuit absolutus: Ex Concilio enim Tridentino in articulo mortis nulla est reservatio.

Potestque in articulo mortis etiam Sacerdos suspensus, vel excommunicatus, vel irregularis, vel degradatus, aut hæreticus absolvere ab omnibus peccatis & censuris hæreticos, maleficos, sortilegos, & alios, si tamen non adsit alius Confessarius, vel simplex Sacerdos. Nam S. Concilium Tridentinum *d. cap. 7.* absolute ac indistinctè declaravit, omnes Sacerdotes in eo articulo ea potestate gaudere, ne aliquis absque poenitentiae Sacramento ex hac vita discedat. Idque in casu necessitatis. Quia Concilium ait, id esse indultum ratione necessitatis. Quare hæc facultas absolvendi est, quando deest copia superioris potentis absolvere, ac proprii Sacerdotis, seu alterius approbati ad audiendum confessiones. Unde si adsit Parochus, vel alius qui habeat jurisditionem, non potest simplex Sacerdos absolvere. Quia tunc non est articulus necessitatis. Quod probatur à simili ex *can. presbyter 26. qu. 6.* ubi dicitur: *Nisi absente Episcopo extrema necessitas cogat.* Dummodo proprius Sacerdos, vel approbatus possit, ac velit. Nam idem est, non adesse legitimum Confessarium, & adesse, sed nolle, vel non posse confessionem audire existentis in eo articulo. Et ita declarasse Congregationem, testatur Zambran. *loc. cit. num. 24.* In hac tamen re non debet simplex Sacerdos esse nimis scrupulosus, sed in dubio debet in tali articulo existentem absolvere ne illum in periculo moriendi absque confessione exponat. Si autem adesset Confessarius habens privilegium absolvendi à reservatis sunt qui existiment, non esse illum necessario præterendum Sacerdoti approbato, quia ex Tridentino in



eo articulo cessat omnis reservatio. At contra censetur. Quia tunc nullam esse peccatorum, & censuram reservationem non est absolutè, sed ratione necessitatis, quæ præsentem Sacerdote, habente privilegium absolvendi, cessat. Eademque ratione sacerdos simplex non approbatus, præferendus est Confessario approbato, sed suspensio; suspensus irregulari; irregularis excommunicato; excommunicatus degradato; degradatus catholicus hæretico, vel schismatico.

In casibus autem Summo Pontifici reservatis, quando ratione articuli, vel periculi mortis non potest recurrere ad ipsum Pontificem, esse adeundum Episcopum pro illorum absolutione, putant Corduba in *sum. qu. 18. pun. 2. dict. 1.* & Zambran. ubi supra *num. 14.* Nam ei conceditur hæc facultas in hac necessitate, in qua accessus ad Pontificem esse non potest. Ut in percussione Clerici Papæ reservata, decidit in *cap. ea nescitur, & cap. de cetero de sent. excom.* Sicque eadem videtur ratio de aliis casibus Papæ reservatis. At non esse necessarium prius adire Episcopum, aut ab eo facultatem absolvendi petere, etiam si commodè id fieri possit, censeo cum Suarez d. *disp. 30. sect. 3. num. 4.* Molina tom. 4. de *just. disp. 62. num. 2.* & Sanchez *cit. lib. 2. in decal. cap. 13. num. 9.* Quia in illo articulo, sive periculo nulla est reservatio. Ac proinde eadem est ratio de his peccatis, ac de aliis. Unde sicut de aliis potest absolvi quilibet sacerdos, ita & ab istis. Ob reservationem enim Papæ nullum speciale jus acquirit Episcopus. Ad exemplum de percussione Clerici respondeo, quod est casus specialis, ideoque non debet extendi ad alios, cum reservatio sit odiosa.

Si, deficiente Confessario approbato, simplex sacerdos cæperit audire confessionem constituti in periculo mortis, & ante absolutionem superveniat Confessarius approbatus, vel superior, cujus casus est reservatus, potest simplex ille sacerdos inceptam confessionem audire. Nam quando cæpit confessionem audire, verè habebat jurisdictionem illum absolventi. Alias enim esset gravissimum onus, valdeque alienum a ratione, & ab Ecclesiæ pietate. Nam obligaretur constitutus in mortis articulo, ut confessionem legitimè cæptam, repeteret. Atque ita colligitur ex *cap. gratum, & cap. relatum de offic. deleg. & tradunt Palud. in 4. d. 17. qu. 4. art. 3. concl. 7. num. 25.* D. Antonin. 3. *part. tit. 17. cap. 9. in fin.* Henric. lib. 6. de *pœnit. cap. 11. num. 8.* Zambran. de *casibus in art. mort. d. cap. 4. dub. 5. num. 4.* & Sanchez *lib. 3. in decal. cap. 13. n. 15.*

Secus autem dicendum est, si casus haberet annexam excommunicationem reservatam, & ante absolutionem superveniret superior, cui excommunicatio erat reservata. Nam qui confessionem tunc audire cæpit, sive sit simplex sacerdos, sive sit approbatus, tenetur illi pœnitenti onus imponere, ut quamprimum commodè possit, adeat legitimum superiorem, & absolutio illa ab excommunicatione ob nullam aliam rationem conceditur, nisi quia tunc non adest superior, qui ab illa absolvere possit. Ergo dum superior adest, & commodè pœnitens potest se illi præsentare, utique tenetur. Neque ex hoc inferitur pœnitenti gravamen aliquod. Quia non ideo cogitur peccata repetere, ac superiori confiteri, sed sufficit, ut illi præsentem suam revelet excommunicationem, ad quod tenetur etiam post absolutionem.

Constitutum verò in articulo, vel periculo mortis, qui per se non potest superiorem adire, sed potest per litteras, aut per Confessarium, vel alium nuntium petere facultatem, ut à reservatis absolvatur, teneri ad illam obtinendam aliquem istorum mittere, opinatur Zambranus, nisi tamen periculum sit in mora.

Quia in hoc casu non dicitur deesse copia superioris, dum per alium quis illum adire potest.

Sed Corduba in *sum. qu. 18. pun. 2. in princ.* Henric. d. *lib. 6. cap. 9. n. ult. in com. litt. & d. cap. 11. num. 4.* Valentia to. 4. *disp. 7. qu. 10. pun. 2. col. 6.* Azor. p. 1. *lib. 8. cap. 19. qu. 5.* & Sanchez d. *cap. 13. num. 14.* docent, verè dici, non esse copiam superioris, quando constitutus in mortis periculo non potest personaliter superiorem adire, nec eum commodè advocare. Quia vel non veniet, vel serò veniet. Hanc sententiam certam puto. Quia jus non obligat pœnitentem, ut per tertiam personam superiori absoluturo se præsentet, sed per seipsum, & quando per seipsum non potest, censetur legitimè impeditus, ut constat ex *cap. quamvis de sent. excom.* Atque adeo vere dicitur legitimè impeditus, qui personaliter superiorem adire nequit, licet alium mittere ad eum valeat. Neque tenetur per litteras facultatem absolutionis petere. Quia exponeret se periculo detegendi crimen suum, si litteræ vel amitterentur, vel ab ullo aperirentur. Neque tenetur Confessarius. Quia onus adeundi superiorem ad obtinendam absolutionem non est Confessarii, sed pœnitentis in sui criminis pœnam.

Tenetur tamen maleficus, fortilegus, hæreticus, & quivis alius, habens excommunicationem reservatam, si in articulo, vel in periculo mortis absolvetur, Confessario juramentum præstare adeundi quàm primum commodè poterit superiorem, si convalescit aut periculum evaserit, alioquin incidet in eandem excommunicationem, ut habetur expressè in *d. cap. eos, qui de sent. excom. in 6.* Tenetur verò Confessarius admonere constitutum in articulo, vel periculo mortis ut id faciat, sed non tenetur hoc onus sub juramento imponere. Canones autem, qui contrarii videntur, loquuntur de excommunicatione ob clericum percussorem, qui ut dixi, non sunt extendendi ad casus similes. Quòd si confessarius omitteret, vel oblivisceretur pœnitentem monere de hoc onere, valeret absolutio. Quia Ecclesia noluit valorem absolutionis in tanta necessitate ex confessarii negligentia, vel ignorantia pendere. Itaque si Confessarius hoc juramentum petat, tenetur pœnitens illud præstare, sed non tenetur confessarius illud exigere; at pœnitens tenetur illud onus semper implere.

Maleficus verò, fortilegus, vel quilibet alius constitutus in periculo mortis si postquam ab excommunicatione absolutus fuit, periculum evaserit, potest per procuratorem se superiori præsentare. Nam absolutio ab excommunicatione non exigit contritionem, neque præsentiam excommunicati, neque determinatam formam, sicut absolutio à peccatis. Imò etiam satisfacit, si per litteras se præsentet. Secus verò excommunicatus ob Clericum percussorem, qui tenetur personaliter comparere ut absolvatur in pœnam sui delicti, ut patet ex *cap. Quod de his de sent. excom.*

Non posse autem fortilegum, maleficum, hæreticum & quemlibet alium excommunicatum, qui in articulo mortis obmutescens, nullum dedit contritionis signum, ab excommunicatione absolvi, tradunt Navar. in *sum. cap. 27. num. 272.* & Ugolinus de *censur. Papæ refer. p. 3. §. 2. num. 2.* dum aiunt, quòd omnis sacerdos in articulo mortis potest absolvere ab excommunicatione, etiam non confessum, dummodo signa contritionis præcedant. Verum posse moribundum absolvi ab excommunicatione, etiam si nullum dederit contritionis signum asserunt Boslius *discept. 2. dub. 4. num. 58.* ac Diana p. 9. *tr. 7. miscel. 2. resol. 13.* nisi evidenter constet, illum privatum usu rationis, omnino impœnitentem mori. Nam, ut jam dictum, absolutio ab excommunicatione non exigit contritionem



nem. Unde si Excommunicatus vivus, & sanus absolvi potest ab excommunicatione, etiam si non sit contritus, cur moribundus absolvi non poterit, nisi signa contritionis dederit? Ideoque peccaret mortaliter sacerdos, qui moribundum ab excommunicatione non absolveret; nam illa negata, nec juvari posset Ecclesiae suffragiis, nec in loco sacro sepeliri. Qui vero tempore mortis signa contritionis dedit, potest, etiam post mortem ab excommunicatione absolvi, non à quolibet sacerdote, sed ab illo tantum, à quo vivens absolvi poterat. Quia cessavit jam necessitas articuli mortis, in quo tantum datur facultas cuilibet sacerdoti, ut possit à peccatis, & à censuris absolvi.

Hæreticum, sortilegum, maleficum, vel alium excommunicatum moribundum, si adsit sacerdos, nullus alius potest in mortis articulo ab excommunicatione absolvere. Nam absolutio à censuris tunc conceditur præcipue propter absolutionem sacramentalem, ut ex Concilio Tridentino *d. sess. 14. cap. 7.* colligitur. Et quia hæc est intentio Ecclesiae, ut constat ex usu, & traditione, & ex *cap. ult. de sepult.* Quando autem deest sacerdos, communior, ac probabilior sententia negat, quod quilibet alius non sacerdos, & etiam laicus possit moribundum ab excommunicatione absolvere, ut per Suarez *de censur. disp. 7. sect. 6. nu. 9.* Quia neque ex aliquo jure, neque ex usu habemus, quod Ecclesia hanc potestatem laico concefferit saltem pro articulo mortis. Est enim alienum à jure ut spiritualia per laicos ministrantur, *cap. de cernimus de judic. & cap. si vero de sent. excomm.* Quæ quidem ratio videtur etiam procedere de non sacerdotibus. Nam jura, quæ de hac concessione pro articulo mortis loquuntur, semper nominant sacerdotem, ut patet ex S. Concilio Tridentino *loc. cit.* Et consuetudo solum videtur esse de sacerdotibus. Unde Suarez expressè ait, quod Diaconus, & à fortiori quilibet inferior non Prælati, neque habens ordinariam jurisdictionem ad excommunicandum, vel absolvendum, non censetur habere illam pro articulo mortis juxta communior sententiam.

Verum, etsi supradicta sententia videatur probabilior, & communior, attamen probabilis etiam existimatur illa, quæ tradit, quod si non adsit sacerdos, possit non solum quilibet Clericus, sed etiam laicus absolvere in articulo mortis ab excommunicatione, nequis careat Ecclesiastica sepultura, & Ecclesiae suffragiis. Ita Glossa in *cap. pastoralis de offic. jud. ord. §. præterquam, & in cap. à nobis 2. v. non potuerit de sent. excomm.* Sanchez, & alii, quos citat & sequitur Diana *par. 3. tract. 4. resol. 132. & par. 5. rr. 3. resol. 77. & tract. 9. resol. 7. & par. 9. tract. 7. misc. 2. resol. 13. num. 3.* Quia cum Ecclesia, vel Summus Pontifex possit potestatem absolvendi ab excommunicatione etiam laico concedere, ut probat Suarez *de censur. disp. 7. sect. 6. num. 4.* cum sit potestas jurisdictionis, non ordinis, credendum est, illam concessisse in mortis articulo, & hanc esse ejus voluntatem. Nam, etsi laicus non possit à peccatis absolvere, ipsa tamen excommunicationis absolutio per se est valde utilis, multumque potest conferre ad salutem animæ. Sicut igitur Ecclesia omnibus modis hanc procurat fidelibus moribundis, ut propterea in illo articulo det jurisdictionem omnibus, qui sunt capaces illius, absolvendi à peccatis, ita censendum est, dare illum ad absolvendum ab excommunicatione omnibus, qui sunt capaces talis jurisdictionis, quales sunt etiam laici.

Et quidem voluntas interpretativa Ecclesiae sufficit ad tribuendam jurisdictionem. Nam voluntas interpretativa sufficit, ut aliquid sit voluntarium juxta doctrinam D. Thomæ 1. 2. *qu. 6. art. 3. in corp. communiter receptam.* Unde, ut imputetur peccatum,

sufficit voluntas interpretativa. Adeest autem voluntas interpretativa Ecclesiae quod laicus possit absolvere à censuris in articulo mortis. Nam voluntas Ecclesiae semper præsumitur recta & talis, qualis secundum regulas rectæ rationis esse debet. Unde mens superioris semper talis præsumitur, qualis de jure esse debet, ut notant Bald. in *l. ex facto ff. de vulg. & papil substit.* Felin. *conf. 31. num. 7. Dec. conf. 64. n. 7. Gozad. conf. 101. num. 10. & Jas. in l. causas nu. 6. C. de transact.* Atque adeo præsumitur, ut velit subvenire subditis quotiescunque renetur, ac proinde quod habeat illam voluntatem, quæ necessaria est pro subventionem, ac propterea quod habeat voluntatem concedendi jurisdictionem cuique laico absolvendi à censuris in articulo mortis. Nam constitutus in articulo mortis & censuris irretitus, est in gravi necessitate quoad absolutionem, alias sine ipsa decederet, & privaretur Ecclesiastica sepultura. Ideoque stante hac gravi necessitate tenetur Ecclesia subvenire, ac eligere media omnia necessaria pro subventionem, arque adeo concedere etiam laico jurisdictionem pro absolutionem. Imò cum ex mente Ecclesiae necessariò colligatur, quod talis facultas sit concessa, ut dictum est, habetur pro expressè concessa, cum pro expresso habeatur, quod ex mente colligitur juxta ea, quæ tradunt Gama *dec. 51. nu. 7. Sured. dec. 254. num. 37. Molin. lib. 3. de rit. nupt. qu. 36. num. 19. Flores de Mena qu. 21. num. 26. lib. 2. var. Pereira de empt. cap. 9. num. 8. & 12.*

Ex quibus elicitor cum Sanchez *lib. 2. in decal. cap. 13. in fin. & Bosio d. script. 2. moral. dub. 10. n. 92.* quod etiam, stante opinione contraria, hæc, quam tradidimus, in praxi adhibenda est, quia cum sit probabilis, & etiam pro tali ab Autoribus oppositæ sententiæ habeatur, debet quisque illam sequi in casu tantæ necessitatis. Quin imò cum ex charitate teneantur subvenire in gravi necessitate constitutis, præsertim quando sine gravi incommodo fieri potest, tenemur etiam eligere illa media, quæ nobis pro subventionem possibilia sunt. Unde cum semper possimus amplecti opinionem probabilem, tenetur quisque hanc opinionem sequi in facti contingentia, ut moribundo subveniat.

Colligitur deinde, quod stante probabilitate hujus opinionis, sic absoluto non erit deneganda ecclesiastica sepultura, sicut nec etiam suffragia Ecclesiae, ut notat etiam Bosius *loc. citat. num. 91.* Est enim secundum charitatem, ut subveniamus proximo, quoad fieri potest. Et ideo cum possimus sequi quamcumque opinionem probabilem, possumus etiam habere talem pro absoluto, & concedere Ecclesiasticam sepulturam, ac alia suffragia, cum hoc maximè deceat benignitatem Ecclesiae.

Item colligitur, si moribundus petat absolvi à laico à censuris, nec absolvatur, poterit post mortem absolvi ab eo, qui habet facultatem absolvendi, ut notat etiam Sayr. *lib. 2. cap. 21. num. 4. in fine.* Cum enim, ut quis absolvi possit à censuris, requiratur resipiscencia, *cap. sacris & capit. à nobis 2. de sent. excomm.* & notant Navarr. in *can. 1. nu. 85. de penit. d. 6. Covar. in cap. alma mater par. 2. §. 11. nu. 9.* dum petit absolvi, ostendit resipiscencia, ideoque absolvi poterit. Unde supervacanea videtur cautio Dianæ *p. 5. rr. 3. ref. 77.* quod, licet hæc opinio sit probabilis, expedit tamen, quoties à sacerdote absolutio obtenta non est, ut profit à laico obtenta, quod obtineatur nova absolutio post ejus mortem ab illo, cui excommunicatio erat reservata, si commodè obrineri possit.

Denique colligitur contra Henriquez *lib. 6. sum. cap. 9. num. 3.* demus quod laicus non potest absolvere à censuris in articulo mortis, talem absolutionem



nem non operari, ut postea possit pœnitens absolvi à quocunque sacerdote. Quia cum absolutio imperita à laico non fundatur in debita facultate, est omnino nulla, arque adeo non potest tollere reservationem. Siquidem quod nullum est, non potest parere aliquem effectum, *l. non putavit §. non quævis ff. de honor. possess. contra tab. & cap. illud de jure.* Nec est eadem ratio, ac de absolutione à peccatis. Nam hæc ideo, licet invalida, tollit reservationem, quia fundatur in debita facultate, quæ pro articulo mortis est in quolibet sacerdote.

Hinc sepelientes in loco sacro excommunicatum absolutum ab excommunicatione à laico in articulo mortis, ut supra, non incidunt in excommunicationem latam in *d. cap. sacris de sepult.* Nam Ecclesiastica sepultura deneganda non est, nisi in casu claro, & manifesto, & concedenda, quando dubitatur, an cadaver sit in loco sacro sepeliendum, quia tunc in partem favorabilem est inclinandum, ut in *cit. cap. sacris de sepult. & can. non estimemus 23. qu. 2. ac docet D. Antonin. par. 3. tit. 10. cap. 5. §. 9. in fine.* In hoc autem casu adest opinio probabilis pro mortuo excommunicato, quod licite, ac valide à laico in articulo mortis absolvatur ab excommunicatione. Cetera vide apud Theologos morales.

## CONSULTATIO LXXII.

*De Divinatione, quatenus est magia demoniaca species. Eius divisio multiplex. Quando superstitiosa. Quando tantum illicita. Quæ demon possit prædicere. Divinationis fundamentum. Summa ejus genera. Oracula ex quibus reddita. Quot modi Mangania, sive Goetia. Species ac modi divinationis, in quibus non explicitum pactum, vel latens admodum, sed implicitum. Alia.*

**M**agicæ vetitæ vanitates, artes dici possunt, cum ratione quorundam præceptorum & regularum, quibus impietas utitur, tum etiam propter fraudes, ac dolos qui artes dicuntur in jure, ut in *l. 1. C. de suffr. ibi: Si artibus moram nectant, & in l. omnes ff. de prescript. 30. vel 40. an. ibi: omnes docendi artes amputantes, & in can. quicumque 22. qu. 1. ibi: quicumque arte verborum quis juret, Deus non decipitur.*

Porro istarum artium, & fraudum duo sunt summaria capita Jurisconsultis perpendenda, ut aliæ sint divinatrices, aliæ mirabilium & scelerum effectrices. Divinatrices versantur in curiosa, superstitiosa, & impia indagatione præteritorum, absentium, & futurorum. De divinatricis prohibitione, & de non divinatrice jura nota sunt in *l. si excepta, & l. nemo Aruspicum C. de malef. f. 4. & in l. nulli magicis, eod.* Divini autem dicti sunt, quasi Deo pleni, quippe quod divinitatis se esse plenos simulent, & mentiantur, dum astuta conjectatione, vel cognitione naturali futura prædicunt, & abscondita. Duo genera divinationis, ars, & furor. Sic enim meminit D. Augustinus de natur. demon. relatus in can. igitur genus 26. qu. 4. & ita Plato in Phadone duas species divinationis facit, Maniam, & Augurationem. Illam dixit cum afflatu demoniaco conceptam cum furore, vim fatidicam, & divinam. Hanc, artem ex legibus, sive regulis certis, ac signis, aut physicis, aut aliis superstitione assumptis.

Divinatrices certè eò usque numero excreverunt, ut vix res sit aliqua, ex qua divinationem accipere vanitas, & impietas non tentaverit, quæ ad quatuor genera reduci possunt. Primum. Ad divinam seu

Prophetiam ex Sancto Spiritu. Et extra Dei Ecclesiam Mania, sive Pseudo prophetia & fanatica, de qua postea. Secundum. Ad Physicam, quæ est ex viribus, ac naturis rerum, ac serie, ordineve, & causis præfatio, & declaratio, qualis aliquando ex physiognomia colligitur, ex Astrologia, & similibus. Tertium. Ad dæmoniacam, quæ per dæmonum ministerium invocatione, & impietate fit. Quartum. Ad communem cum his omnibus postremis Nos de improbatis, hîc tantum agere decernimus, at neque de iis omnia dicemus, sed pauca, quæ ad pœnam constitutendam pertineant, primum aperiemus summam, deinde aliquanto fusiùs, non alia quidem ratione, quam ut Judices brevi elencho norint omnes impostorum blasphemias artes, neve quòd speciem interdum religionis præfert, alioquin tamen impium, impunitum relinquant. Artium autem harum aliquas Lilius Giraldu de Diis Gentium. *syntagm 7. dum agit de Apolline, aliquas Vviers lib. de prestig. demon. cap. 1. & 12. alias Bartholomæus Cocles in anastasi physiogn.* aliàs tradunt Rabbini in *comm. ad præcept. affirm. 36. & 51. Paulus Israelita quoque in dictis præceptis, Franciscus Venetus tom. 2. problem. Sacra Script. probl. 275. & seqq. & alii, quos inferius adducam. De undecim speciebus meminit jus divinationis in can. illud 26. qu. 2. & sequ. & id can. igitur, & seq. 26. qu. 3.*

De Prophetia nunc non agemus, cujus etiam duo quasi suprema genera in sacris Scripturis reperiuntur. Unum per Sacerdotes, alterum per Prophetas. Et si enim sæpè, qui Prophetæ iidem & Sacerdotes erant, aliter tamen futura prædicebant, quatenus Sacerdotes, aliter quatenus Prophetæ. Sacerdotalis enim Prophetiæ modus consistebat in applicatione Ephod, Prophetarum autem oracula fiebant per visionem, & somnum, de quibus vide Alphonsum à Castro in duodecim Prophetas minores, Martinum, Delrium, & nos alibi. Neque agemus de Nivinatione, sive prænotione naturali quæ sumitur ex signis, vel causis naturalibus, quæ ut plurimum vocari solet præsagium, vel conjectatio, strictè sumptis vocabulis: Hanc enim esse licitam, quando procedit ex consideratione causarum, signorumve cum vera prudentia conjectorum, concedunt omnes, sicut è contra est illicita, & ad dæmoniacam accedens divinationem, quando secus fit, ut mox videbitur.

In præsentî ergo tantum erit sermo de prænotione dæmoniacâ, quæ derivatur ex pacto tacito vel expresso cum dæmonibus, & vocatur simplex divinatio. Hinc Theologi docent, illicitam esse prorsus, suæque natura lethalem hanc divinationis speciem, quamvis ex aliquibus circumstantiis fiat aliquando venialis apud Valentiam 2. 2. disp. 6. qu. 12. pun. 4. Solet definiri, quòd sit significatio occultorum ex pactis conventis cum dæmone.

Quantum ad ejus divisionem multiplex potest adduci. Primò, ratione cognitionis intentæ rerum occultarum potest dividi in superstitiosam, & non superstitiosam, sive illicitam tantum. Divinatio non tantum illicita, sed etiam superstitiosa est, quando quæritur cognitio rerum ipsi dæmoni incognitarum, sicuti est certa rerum merè contingentium, ac liberarum notitia, ut sunt primum, quæ dependent absolute à voluntate Dei, cujusmodi sunt omnia supernaturalia mysteria, necnon in ordine naturali gubernationes, & mutationes Regnorum, ac Rerum publicarum, quia corda Principum sunt in manu Dei, qui solus illa immutat ut lubet. Secundò, ea, quæ dependent ex arbitrii humani libertate, ut quid crastina die sim facturus, vel cogitaturus. Tertio, quæ sunt omnino, ac propriè futura contingentia, quando illa non habent certam & determinatam causam.

Illi;



Illicita verò tantum, & non superstitiosa divinatio est, quando præcisè ab eo quaeritur cognitio quæ dæmonis scientiam non excedit, si velit verum dicere. Primum enim ex illis, quæ certò novit, potest dæmon multa probabiliter, & conjecturaliter prædicere. Summam enim diuturna observatione sibi experientiam comparavit, & pollet angelico ingenii acumine, ac optimè rerum naturalium facultates, & ad quid valeant hominum voluntates, per appetitum sensitivum inclinare. Novit omnium hominum temperamenta, affectusque. Novit quid ex his, ac illis sequi solear. Unde contingit, ut sæpè ad amussim prædicat quid, & quando homines sint facturi, vel etiam quòd Deus hunc, vel illum populum sit puniturus, quòd Princeps sit de solio exturbandus, & alia hujusmodi.

Deinde potest dæmon certò prædicere quæcunque dependent à causis necessariis, quæ quidem ab aliis causis naturalibus nequeunt impediri, ut sunt motus cælorum, eclipses, conjunctiones astrorum, & ejusmodi alia. Insuper ea, quæ, permittente Deo, novit se facturum, ut, si, Deo permittente, ipse pestilentia alicujus autor, & illator fuerit, vi mali cessatura certo die, novit infallibiliter pestem cessaturam, idque certius adhuc, si ex pacto ad certi signi alicubi reconditi, vel conditi sublationem morbus desinere debet, poterit certò finem mali scire, illumque prædicere. Item quæ intellexit per revelationem, sive illa contineantur in sacris litteris, sive aliter dæmoni fuerint manifestata. Quo pacto tam multa olim malignos spiritus prædixisse de fidei arcanis, legimus.

Postremò nihil dubitandum præterita dæmonem omnia memoria retinere, quæ vel aliena relatione accepit, vel coram ipso gesta fuere. Idemque dicendum de præsentibus. Nam quæcunque actu exteriori prodita sunt, ut secreta furti, res perditæ, thesauri olim defossi, metalla subterranea, ac hujusmodi cætera, quæ hominum cognitionem fugiunt, dæmonibus nota sunt. Et quamvis juxta probabiliorum D. Thomæ sententiam virtute sua naturali, nullas possint cognoscere affectiones liberas, vel cogitationes spontaneas hominis sine alicujus manifestatione; si tamen cogitatio, vultus, vel membri alicujus motu, aut mutatione, vel alio extrinseco signo prodatur, melius, quàm exercitissimè medici ex hujusmodi dæmones indicibus internas animi affectiones deprehendunt. Potest etiam veterator adeo vehementer phantasmatibus immixtis hominem turbare, ut vix ad aliud advertere, vel aliud queat tum cogitare, quàm quod ab eo suggestum fuit, ut ita videatur divinare, quæ homo cogitat. Tandem dæmones, quæ pollent celeritate, quæ in remotis longo itinerum intervallo regionibus geruntur, ea tam celeriter denuntiare possunt, ut diu ante prædicta ab ignavis putentur.

Item cum divinationis omnis fundamentum sit implicitum, vel explicitum pactum cum dæmone, omnes divinationis species, quæ penè dixerim sunt innumera ratione diversorum instrumentorum, ad illam inservientium, ad duo potissimum capita possunt reduci, quorum primum complectitur eas, in quibus clarè cognoscitur pactum expressum, posterius cæteras.

Primi summa quasi genera sunt duo, Oraculum, sive dæmonomania, & Mangania, sive Goëtia, quorum iterum plurimi sunt modi. Oracula enim aliquando vel ex antris, vel ex statuis, vel ex hominibus reddita fuisset à dæmonibus, legimus. Et quamvis aliqui, non veteres tantum, sed & recentiores viri eruditi, hujusmodi oraculorum causam physicam reddi posse, existimaverint, peculiarem videlicet quan-

dam loci illius è terra exhalationem, quæ fanaticos efficiat; nihilominus verior, hoc ex Christiana Philosophia, cui Fernelius *lib. de abditis rer. caus.* & Codronchius *lib. 7. de morb. malef. cap. 8.* subscribunt, censet effectus tales adscribendos esse dæmoni adstanti, vel obsidenti hominem, specum, statuasve, & tantum per accidens fieri, ut dæmon prius hæc, quàm illa loca, ubi talis non est exhalatio, veluti accommodatiora instituto suo deligat, sicut & libentius obsidet attrahilaria corpora. Quare quod expurgato medicamentis corpore, vaticinationem aliquando cessasse legatur, hoc inde fit, quia dæmon illa corpora deferebat, in quibus non inveniebat amplius amicas sibi dispositiones. Quod verò præca omnia cessarint oracula, non tam tribuendum vapori, vel exhalationi deficienti, quàm virtuti Salvatoris nostri Jesu Christi, qui superveniens fortior forti armato hæc deceptionis vasa extorsit.

Sunt inter species vanitatis divinationis Mangania, sive Goëtia, quæ sequuntur. Prima species est,

Lecanomantia ex pelvi, & aqua immixta, ubi nequam consulebatur dæmon: sive quando in pelvim injiciunt cum variis characteribus pretiosos lapillos, auri, argenteque laminae, tum responsum ex pelvis fundo auditur.

Gastromantia, per quam non vocibus, sed figuris respondetur. Fit per phialas vitreas ventriculosas, similiter aqua plenas, & inspectante puro puero, purave puella, vel prægnante muliere, responsi loco, cæteræ figuræ, & imagines apparent.

Catoptrromantia divinatio ex speculis mundissimis, sive quæ rerum quæsitæ figuræ in speculis exhibet politis.

Crystallomantia, vaticinium ex polito crystallo. Fit in crystallo frustis, annulo, alterive vasi inclusis, vel etiam nudis, & in cylindrum, aut obelum conformatis, quibus fingit se dæmon inhabitare.

Dactylomantia per annulos ad certas constellationes fabricatos, sive quæ divinat annulis ad certam Cæli posituram constructis, vel incantatis, & super tripodem ad certa verba moris.

Hydromantia ex annuli ictibus in cyatho aquæ factis. Sed & aliam hydromantiam damnant jura in *can. nec mirum 26. qu. 5.* divinationem scilicet per aquam in quam advocantur, & consuluntur umbræ dæmonum, & sunt imaginum ludificationes, cujus septem modos refert Delius.

Onymantia, sive Onychomantia ex ungue pueri impolluti, quod oleo, ac fuligine impolluti pueri unguis illiniatur, & ungue Solem versus obverso, certum quid submurmurando, videntur quæ cupiuntur.

Coscinomantia, divinatio per cribrum, quia cribrum imponunt forcipi, forcipem binis digitis comprehendunt, ac elewant, & præmissis verbis conceptis subjiciunt nomina eorum, de quibus suspicantur eos furtum, vel aliud occultum crimen patrassè. Reum verò indicant illum, quo nominato, cribrum nutat, movetur, vel convertitur, quasi qui digitis forcipem tenet, arbitrato suo cribrum movere non possit.

Axinomantia, divinatio per secures, sive qua securis rotundo infigitur palo, & ex ejus motu fur deprehenditur.

Gastrimantia per spiritum pythonicum ex urero respondentem.

Cephalæomantia, per caput asini assatum super prunas.

Cleromantia per sortes fortunæ Prænestinas, de quibus & Valerius Maximus *lib. 1. cap. 4.*

Cleidomantia per clavem, cui circumdant chartulam inscriptam nomine suspecti, deinde clavem alligant sacra Scripturæ Codici. Hanc virgo sustentat, & verbis certis murmuratis chartula ad nomen criminosi vertitur, moveturque.

Necro-



Necromantia, hoc est divinatio per mortuos, sive per manes, & defunctos elicitos ut credebant.

Necromantia ex cadaveribus.

Sciromantia ex umbris.

Aëromantia, quæ ex aëre conjurato reddit oracula.

Pharmacica, qua utuntur incantatores, qui divinant, freti solo dæmonis commercio, præter incantationem adhibentes pharmaca.

Oniromantia per insomnia divinatio.

Botanomantia divinatio ex herbis.

Altragalomantia ex jactu astragalorum.

Geomantia ex projectione punctorum, & linearum.

Altronomia per astrorum indicia, unde genethliaci, *can. illud. 26. qu. 2.*

Physiognomia ex facie inspecta.

Chiromantia ex inspectione linearum manuum.

Cothabomantia, quæ fiebat per aneam phialam, plenam vino in minora pocula transfuso ab alto, unde captabant amasii divinationem, de qua Cælius Rhodiginus *lib. 15. cap. 5.*

Pyromantia, cum ceræ pila, igne incensa. Erant juxta Ilinenum fluvium Thebarum Apollinis ædes, ubi immolatis hostiis, & impositis in ignem, sacerdotes vaticinabantur, de quo meminit Sophocles in Oedipo Tyranno.

Spatulamantia per os hirci recenter occisi.

Splanchnoscopia, vel haruspicina, haruspicum divinatio, per extorum inspectionem, ab haruga, sive hostia, vel ab ara, divinatio dicta. Prohibita romani in *l. 2. C. de pagan. & in l. nullus C. de malef. & mathem.* Non ignoramus tamen probatam antiquis paganis, & Ciceronem notasse *lib. 3. de divinat.* Reipublicæ causa, communisque religionis esse colendam.

Secunda species divinationis est Isonoscopia, Auspicium, Augurum ex avibus sumptæ divinationes. Hæ dictæ Præpotes, si ex volatu colligerentur, Si ex cantu, & ore Oscines, ut auctor Varro *lib. 5. de lingua latina.* Quibus & accedebat ex pastu divinatio, pullis gallinaceis ex causa eductis, cujus vanitatis apud Ethnicos Romanos erant collegia, nempe Augurum, neque quicquam publicè, aut privatim fiebat, magnum, aut parvum, inconsultis Auguribus, ut ait Dio Cassius *lib. 37. & Valerius Maximus lib. 2. cap. 1.* Eratque Lex duodecim Tabularum: *Omnium Magistratum auspiciis, judiciumque esto.* Extant & plura exempla de ominibus, ac de Auguriis apud Valerium *lib. 1. cap. 4. & 5.* & de inventione eorum tractat Polydorus Virgilius *lib. 1. de invent. rer. cap. 22. cum binis seqq.* ac Plinius *lib. 7. cap. 56. & lib. 8. cap. 28.* Romæ Augurum Collègium maxime solenne tradit. Erat adeo frequens auguriorum captatio, ut principia ipsa rerum auspicia dicta sint, ut in *l. fin. C. de interd. & alibi.* Sed & auguria non tantum ex avium garritu, incessu, saltu, vel volatu, verum etiam ex ovis capiebantur, ut apud Plinium *lib. 10. cap. 55. & ex piscibus apud eundem lib. 9. cap. 76. ex muribus, vel vulpe lib. 8. cap. 28.* atque ex aliis. Arioli quibusdam dicuntur, & harioli, quasi farioli à fando, vel ore prædicendo; Alii dicuntur Vates, divinationem ore promittentes. Sustulit Ariolos Samuel de terra *1. Reg. 28.* & prohibuit Deus *Levit. 19.* ab ariolis quicquam sciscitari. Augustinus *lib. de natura demon. in can. igitur 26. qu. 3.* ariolos putat dictos, quod circa aras Idolorum nefarias preces emitterent, & funesta sacrificia exercentes responsa acciperent dæmonum. Ulpianus fanaticos dixisse videtur, qui aliqua profantur, caput jactantes, circa fana bacchantes, & quasi dementes, responsa dantes, in *l. 1. §. pen. ff. de edil. edict.* Fanaticus à fano, sive templo, quod fando dedicatur, vel à fando. Et qui præ divinando solent fari fatidici dicti, ut &

vaticinari, inquit Varro *lib. 5. de lingua latina,* quod vesana mente faciunt.

Ad hanc speciem divinationis refero alias plures, quas comminiscabantur edi per Bacchidas furentes, ex Tripode, ex antro Triphonii, ex quercu Dodoneæ, ex columbis ejus, vel tympano, ex aquis Castaliæ, fonte Colophonio, lebetes Thesprotio, & aliis, quorum dæmoniacæ Oracula adventu Messie obmutuerunt, ut sæpè diximus, superatis illorum ministris dæmonibus. Sicque siluit Apollo Colophonius, Delius, Pythius, Clarus Didimæus, Amphiarus, Amphiloehus, & Hammonis oraculum, ut scribit Theodoretus *lib. 10. de curat. græcan. affect. & Plutarchus lib. de cessat. oracul.*

Quantum verò ad hanc divinationis speciem, nempe Ariolationem, sive Haruspicium, Augurium, sive Auspicium, & Sortes, stricte sumptæ, vel in eis non est explicitum pactum, vel latens admodum; In his tota veterum disciplina divinandi in sacrificiis Gentilium versabatur, in qua, licet olim semper intervenit Idololatria expressa, non tamen semper pactum explicitum. Hodie fieri potest, ut neutrum interveniat, sed implicitum duntaxat.

Primus hujus divinationis modus erat ex vivæ adhuc victimæ observatione, Victimarius dictus. Secundus, quo motus, & singula mactatæ hostiæ membra rimabantur, jecur maximè. Tertius pyroscopia, quando pix trita in ignem spargebatur, aliquando tædæ pice illitæ accendebantur, & certis characteribus signabantur, & si flamma tedarum in unum coibat, prosperum; si lambens & divisa apparebat, infelicem; si tricuspis assurgebat, gloriosum eventum; si variè dispersa, in agro mortem, in fano morbum; si crepitans, infortunium; si subito extincta, ingens periculum ominabatur. Quartus est Capnomantia, hoc est fumi observatrix. Quintus propriè dicta Libanomantia, sive ex thure divinatio. Sextus Spodomantia, qua divinabant olim ex cineribus sacrificiorum. Septimus Hydromantia & ænomantia, qua considerabant colorem utriusque laticis in sacrificio fusi. Octavus ducebatur ab edulibus variis, ut Crisomantia, alcunomantia, tyromantia, ichiomantia, & sic de aliis. Nonus est Ceromantia, cum cera liquatur, & aquæ guttatim instillatur, & figuræ inde ortæ observantur. Decimus Anthropomantia, quæ rimabatur hominum mactatorum fibras, ac viscera, ad quam commodè reducitur sacrificium filiorum in Tophet, ubi igne absolvebantur in honorem Moloch *4. Reg. cap. 23. & Ezechielis cap. 20. 11. 31.* Undecimus Daphnomantia ex laurei rami combustione prosperum signum si obstreperet cum fragore, infelix, si taceret. Duodecimus cum ex verbenæ, lunaræ, salviæ, myricæ, ficus, & aliorum simplicium foliis, ramulisve consignatis nomine quærentium, & quæstione, cognitio futuri petebatur. Decimustertius Omphalomantia obstetricum propria, quæ per nodulos umbilico, & secundinis adhærentes conjiciunt quoties puerpera sit postmodum paritura. Decimusquartus ex eadem obstetricia schola profectus est Amniomantia ex membranis scilicet, quibus fœtus in utero materno involvitur, divinatio, de cujus vanitate legendus Levinus Lemnius *lib. 2. de occultis naturæ miraculis cap. 8.* Decimusquintus est æquè ridicula Judæorum divinatio per Jeduim quoddam animalis genus, de qua ex professo agit Andreas Libavius *par. 2. singular. disputat.* Decimussextus est Lithomantia, divinatio ex lapide, de qua aliqui intelligendum putant illud Levitici *26. num. 1. Nec ritulos erigitis, nec insignem lapidem ponetis in terra vestra, ut adoretis eum.* Nam ubi vulgata editio habet lapidem insignem, aliqui vertunt lapidem imaginationis, vel lapidem speculationis. Decimus septimus



mus Raddomantia, divinatio ex virgis, quæ iterum multiplex est. Decimus-octavus Lampadomantia quando nonnulli candelam in B. Antonii, vel alterius Sancti, honorem accendunt, sicque res perditas confidunt inventuros. Decimus-nonus Parthenomantia, sive divinatio, qua virginitatem puellæ explorabant, & sic de aliis, de quibus vide Michaellem Medinam *lib. 2. de reſta in Deum fide*, & Julium Sirenium *de fato lib. 9. cap. 15. & 16.* De Virginis explorandæ ratione an naturaliter haberi poſſit, vide Valeſium *de ſacra Philoſoph. cap. 25.* & Paulum Vecchium *in obſervat. medic. cap. 141.*

Eſt & apud Coclitrem expilatio gallinarum, genus divinandi. Meminit Commentarius Euripidis in Phœniſſis fuiſſe rationem quoque divinandi priſcis ex cauſa victimæ. Si enim repanda, & incurvata fuiſſet in igne, difficultas, & effectus belli periculofus; ſi protenſa, & deorſum vergens, clades, & calamitas; ſi in ſublime, victoriâ portenderetur. Ritus etiam fuit Aruſpicibus in ſacris, veſicam obrutam lana victimarum, vinctamque igni injicere, & ex crepitu, vel jaculatione urinæ, cum rumperetur, conjectare, divinareve, ſicut & idem enarrator Euripidis notat ibidem. Quæ omnia incerta, & illicita eſſe ſatis conſtat ex variis ſacra Scripturæ locis, ac protinus ut ridicula, ac ſimul impia, & prohibita rejicit Chriſtianus. Prohibentur enim Levit. *cap. 19. v. 26.* Deuteron. *cap. 18. v. 10.* Eccleſiaſt. *34. v. 5.* Jeremiæ *cap. 27. v. 9.* Paralip. *cap. 37.* Prohibetur & ſpecies magiæ, Hebræis dicta *Kaſam*, id eſt Præſagium futurorum. Sicut & *Nabas*, nobis augurium. Alia divinandi ſucceſſus rerum formula Idololatriæ deſcribitur ab Ezechiele *cap. 21.* dum dicitur, quod Rex Babylonis ſtetit in bivio, in capite duarum viarum, divinationem querens, commiſcens ſagittas, interrogans Idola, & extra conſulens.

Tertia tandem ſpecies ſunt Sortes. Sors olim dicta *Phur*, ut patet ex libro Eſther *cap. 9. v. 26.* quam plerique Perſicam, vel Suſianam vocem eſſe volunt; melius tamen alii cum D. Hieronymo Hebræam. Sors autem ex D. Thoma 2. 2. *qu. 95. art. 8.* triplex eſt divinatoria, conſultoria, diviſoria. Divinatoria vocari ſolet cleromantia, quæ ex genere ſuo prohibita eſt, talemque fuiſſe Jonæ ſortitionem plures docent. Ejus varii ſunt modi, ſicut & aliarum, quæ ſuum à materia nomen habent. Primus eſt, quibus bacillis, oſcillis, talis, pillulis, aut tabellis inſcriptis in altum, vel in urnam conjicitur.

In ſacris litteris inveniuntur aliquæ ſortes, ad raddomantiam potiſſimum pertinentes, ut eſt illa ſagittarum, de qua Ezechiel *d. cap. 21.* cujus divinationis, ſive ſortis divinatoriæ modum, & ritum explicat D. Hieronymus *in comm. illius loci.* Ac illa Oleæ *cap. 4. v. 12.* *Populus meus in ligno interrogavit, & baculus ejus annuntiavit ei.* Eſt enim hunc locum D. Hieronymus velit intelligi de eodem divinationis modo, de quo loco citato egit Ezechiel, quod etiam ſentit Theophylaſtus in Oleam, licet aliter D. Hieronymus explicet ipſum ritum; nihilo minus apud Hebræos Rabbi Moyſes *in explicatione præcepti negativæ 52.* de alio modo hunc locum explicat, cujus ritum ſic deſcribit. Decorticabant bacillum ligneum uno tantum ex latere, tum in ærem projiciebant. Si fortuito caſu, primo jactu apparuiſſet ſuperior pars decorticata, ac ſecundo icu ſuperior pars adhuc veſtita, proſperum ſucceſſum augurabatur; ſi è contra primum pars veſtita, infelicem; ſi utroque jactu veſtitum, vel nudatum latus ſuperius fuiſſet, mixtum eventum ſibi pollicebantur. Sunt qui de hac eadem ſortis divinatoriæ ſpecie intelligant locum Deut. *cap. 8. v. 11.* *Veſchobler chaber.* Ubi enim vulgata noſtra editio vertit *incantator*, recen-

tiores aliqui vertunt *jungens junctionem*, ut exprimat quendam modum, quo per fructa lignorum, iterum coeuntia divinabatur.

Mentio ſit de ſortilegis in jure *can. ſortilegi 26. qu. 1.* qui ſub nomine fictæ religionis per quaſdam, quas ſortes Apoſtolorum, vel Sanctorum vocant, divinationis ſcientiam profitentur aut quarumcunque Scripturarum inſpectione futura promittunt, quibus ineſt tacitum pactum, & ſymbolum dæmoniacum, ut probat *can. illud 26. qu. 2.* Ideo & cenſura huic vanitati erroris apertionis librorum adhibita *cap. 2. de ſortileg.* Vocat Cocles Literamantiam. Atque Chriſtianis ſortes vetitæ Virgilianæ, id eſt, quæ ex apertura voluminis Virgilii captari ſolitæ erant, quibus utebatur Adrianus, ut auctor Ælius Spartianus in Ælio Adriano. Quem quidam eadem animi levitate cum impietate ſequuti ſunt, arbitrati aliquid in poetis divinitatis latere. Sic ſcribit Trebellius Pollio in *Claudiano*, Claudianum Cæſarem ſortes multas ex carminibus legiſſe. Tales & fuerunt olim ſortes Muſæi, quarum ediſſerator fuit Athenienſis Onomacritus, Athenis ejeſtus ab Hipparcho, Piſiſtrati filio, quod per Laſum Hermionis deprehenſus fuiſſet, inter Muſæi ſortes hanc quoque inſeruiſſe, fore, ut Inſulæ Lemno adjacentes mari ſubmergerentur, ut auctor Herodorus *lib. 7.*

Tranſſulerunt hanc ſortium vanitatem quidam ad Sacra Biblia, ut ex iis, quæ in illis occurrerent notionem ſuſciperent, quem morem improbat quoque D. Auguſtinus *in Inquiſit. ad Januarium* his verbis: *Hi, qui de paginis Evangelicis ſortes legunt, eſi optandum eſt, ut id potiùs faciant, quàm ad dæmonia conſulenda concurrant, tamen iſta mihi diſplicet conſuetudo, ad negotia ſecularia, & ad vitæ hujus vanitatem divina Oracula velle convertere.* Referuntur & hæc in *can. hi, qui 26. quaſt. 2.* ſcribit Paulus Æmilius *lib. 7. hiſt. Franc. in D. Ludovico*, tempore Innocentii IV. Imperatorem Tartarorum, ſeu Scytharum, cum ſtatuſſet ex jejuno, ac ſterili ſolo ſuo in Hungariam, & proximas nationes irrumperet, cunctaretur tamen, quod ſuſpicaretur ſibi cum validiſſimis ducibus, & fortiſſimis gentibus rem fore, quæ ſua egregiè tuerentur, ſortes conſuluiſſe, dataque ei dictio fertur, ne dubitaret fines egredi. Quare inde egreſſus cum ſociis, ſubegit Parthos, Choraſanios, Syros, Hieroſolymos, & alias nationes.

Secundus modus eſt Geomantia, cujus laborioſa induſtria mentitur artem. Nam ſexdecim figurarum in ſolo, vel abaco nomina technica diſpungit ex ſexdecim, additis diverſis punctorum coordinationibus, quæ nomina ſingulis ſuis aſtris putant reſpondere. De cujus vanitate vide Conradum Vvimpinam *lib. de divinat. cap. 5.* & Julium Sirenium *lib. 9. de ſano cap. 38.*

Tertius modus eſt per Ludum, qui deſcribitur in dodecahedros, & alter, quem vocant ludum paſtorum ad cognitionem matrimonii futuri, opum, dignitatum, liberorum, &c.

Quartus Aleſtoromantia, quando deſinitus locus in partes æquales deſcribitur, & unicuique ſingulæ alphabeti litteræ inſcribantur. Deinde ſingulis litteris granum frumenti imponitur. Poſtea ad hoc enutritus Oſcen gallinaceus introducitur, qui grana comedat. Tum notantur litteræ, quarum primum grana depaſcitur, v. g. litterarum P. E. T. tunc creditur notari Petrus, Petronius, Petrucius, & quorum ſimili modo nomen inchoatur.

Quintus modus eſt Onomamantia, quæ petitur ex nomine conſulentiſ per elementa nominis diverſimodè collocata, & quaſi per anagrammaticum, fauſtum quid, vel contrarium indicantia. Hoc fuit Pythagoricum commentum. Fortaſſis etiam Gentilibus in uſu



in usu fuit alius Onomantiæ modus, quando ex ipsa nominis significatione omen accipiebant, vel aliquid futurum divinabant. Et si enim expertes sint culpæ, qui sedula diligentia quædam per Angelos, vel homines sanctos prophetico spiritu imposita nomina cum eorum, quibus imposita fuere, munere, virtutibus, aut exitu vitæ componunt, & ostendunt, illa cum rebus convenire, ad hoc enim nobis præit Angelus *Matth. 1. Luc 1.* & ipsemet Christus Simoni nomen Cephas imponens; nihilominus à superstitionis culpa non sunt immunes, qui ex nominibus sic parentum arbitrato impositis, fortunas hominum, & eventus futuros existimant dependere, indeque quid futurum sit ratiocinantur, prout rectè docet Joannes Brodæus *libro septimo, miscellan. capite quinto*, & Merlennius *in Genesin capite 3. vers. 22.*

Sextus modus est Arithmanica, quæ fuit duplex; Una Græcorum, valorem literarum considerantium, & futurum victorem augurantium, cujus nomen majores numeros contineret. Altera Chaldæorum, qui alphabetum distribuunt in tres decades, quibusdam litteris repetitis, & nomina petentium resoluta commutant in numeros, & singulos numeros suis planetis attribuunt. Huc referenda illicita recentiorum Judæorum Kabala, de qua suo loco. De hoc consili potest Segnius *de vero studio Christiano*, & melius Cirvelus *opere hispanico in parad. quæstione ultima de Kabala Judæorum*. Huic autem divinationis modo confirmando, nihil facit, quod B. Joannes *in Apocalyp. capite 13.* nomen Antichristi per 666. numerum significavit, tantum enim numerorum involueris arithmetice prophetiam contexit. Quod & nobis liceret, Spiritu Sancto id inspirante. Ipsi autem numeris vim aliquam divinam, vel naturalem proprietatem tribuere, erroneum est.

Septimus, quem etiam Pythagoræ tribuit Plinius, est considerare in nominibus propriis vocalium numerum. Parem esse prosperum, imparem verò, orbitatis, claudicationisque indicium. Circumfertur de his, ac similibus nugis liber Alchindæ, quem fingunt fuisse Aristotelis discipulum, superstitiosus planè, & flammis dignissimus. Ad hunc eundem, vel etiam præcedentem modum referenda est communis illa circularis figura, in cuius medio inter semilunas area, varii numeri arithmetici ponuntur. Tum in proximo circulo inscribuntur verba: Vita, bona fortuna, mala fortuna, mors, morbus, sanitas; In sequenti nomina planetarum cum certis numeris; In tertio alphabetum latinis litteris capitalibus; In quarto denique certi rursus arithmetici numeri, prout illam describit Georgius Pictorius *in epitome de Magia*.

Octavus tandem poni potest ex Joanne Leone, diligenti rerum Africanarum scriptore *libro 8. hist.* Onomantia quædam sortitaria. In capsula, abaculi forma constructa, quædam aluntur aviculæ. Ad has veniunt, qui consilium quærunt, & obolum offerunt. Avicula stipem accipit, inque capsulam infert rostro; deinde regreditur, & responsum in chartula refert consultori.

Inter species divinationis & illa annumeranda est, quæ si vera est, physica, non improbanda erit, quam ex draconis hepate, vel corde comestis præcedere dicunt, autorque est Philostratus *lib. 3. de vita Apollonii*.

Est aliud divinationum, vel superstitionum genus per omina, quæ à multis rebus capiebantur, veluti ex sternutatione, corrosione foricorum, offensione pedum ad limina, ex singultu, saltu, sive pulsatione venarum, & ex aliis vanissimis, prohibitis *in can. illud quid est 26. q. 2.* de quibus nos alibi.

Tom. I.

## CONSULTATIO LXXIII.

*De Conjectatione naturalis, ejusque speciebus Astrologia, Astrologia medica, ruralis, prognostica, somniis, physionomia, spatulamantia, metoscopia, chiromantia, gestuum, & actionum significatione, deque aliis.*

**I**Nter Prænotionem prorsus licitam, seu divinam, qualis est Prophetica, & prorsus illicitam, qualis est ope dæmonum intenta occultarum divinationio, medium veluti tenet illa, quæ aliquando licita, aliquando illicita esse potest, quam ad aliarum distinctionem plerique *Conjectationem* vocant.

Hæc vel est physica, sive naturalis, vel politica, sive civilis, quæ fortis nomen retinet. De prima nunc agimus, & ad illam reducimus quæcunque signis, & causis naturalibus innituntur, vel saltem ea non improbabiler prætexunt, cujusmodi sunt Agri-  
colarum, Pastorum, Physiognomorum, Chiromantarum, Astrologorum, & Oniropolarum conjectationes.

Primum occurrit Conjectatio, sive judiciaria ex astris Mathesis, cujus duæ sunt species. Prior omnino licita; posterior aliquando licita, aliquando illicita. Prima species est Astronomia quæ nititur universalibus, veris, & incommutabilibus principiis, & scientiam consequitur futurorum artis suæ, veluti revolutionis annorum, cursus syderum, distinctionis eorum, item naturæ Solis, & Planetarum, Eclipsium, stationum, retrogradationum, aspectuum, conjunctionum, oppositionum, ac similibus, de quibus infra. Unde de hac intelligitur illud *Genesis cap. 1.* de luminaribus Cæli: *Et sint in signa, & tempora, & dies & annos.* Signa videlicet, quibus ordo, ac divisio temporum notaretur, hoc est, unde meridies, ac diei, noctisque horæ signarentur, item veris, æstatis, autumnii, ac hyemis diversitas.

Altera species est Astrologia ad vitæ humanæ usum potissimum accommodata. Disquirat enim in ordine ad illam astrorum qualitates, & passionem, quosque eventus in his inferioribus decernant. Unde etiam juxta quatuor principaliora, quæ ad vitam humanam spectant dividitur in quatuor partes principales.

Prima est Astrologia medicinalis, ab aliis Iathromathematica dicta, omnino licita. Sicut enim humores nostri corporis à cælestibus influxibus, superioribusque causis geniti, ab iisdem suscipiunt alterationem, nullus negare potest, quin eorum vires ac motus quàm maximi sint momenti in curandis corporibus. De quo vide Argolum *in lib. de diebus criticis, & agrorum decubitu*. Unde non immerito Alexand. de Alex. 2. p. sum. eos vocat Aromatarios, non Medicos, qui Astrologiæ ignari sunt.

Secunda pars continet astrologicas observationes circa agriculturam rei; rusticæ æconomiam, quæ etiâ est licita: Quia uti rebus ad eos effectus, ad quos causandos naturalem habet facultatem, vel quovis modo naturaliter conducere possunt, licitum est. Etenim apud omnes certum est, calor influxus plurimum valere in multis ad agriculturam, rei; rusticæ æconomiam pertinentibus. Tunc ergo eos observare, non est illicitum. Sic in cadendis arboribus, vel lignis potest observari Lunæ decrementum, ne ligna cæsa in novilunio carie inficiantur. Unde Columella *lib. 14.* *Omnis materia in adificia succidi debet luna decresciente à vigesima usque ad trigessimam, quia sic cæsa judicatur carie non infestari.* Item Agricola licet observant quosdam dies propter influentiam syderum, & positionem, aptos, aut ineptos, his, vel illis effectibus. Ut ad ferendum attenditur Sol in Scorpione, vel in principiis Sagittarii. Ad seminandas fabas in Tauro. Ad ferendum hordeum in Libra, vel in principio Scorpionis. Idem dicitur de

Z

de



de pastoribus ad *miscendum* mares feminis, ad tondenda vellera, ad greges pascendos, ac similia: Notandum tamen, hæc nimis attendere, si non superstitiosum, saltem noxium esse posse juxta illud Ecclesiast. 5. *qui observat ventum, non seminat.*

Tertia pars, etiam licita complectitur Astrologiæ præcepta de navigatione. Observationes enim extant quamplurimæ ab antiquis experimento comprobatae, in quibus Lunæ constitutio, cæterorumque planetarum aspectus veniunt considerandi antequam iter sumatur per aquas.

Quarta pars est illa, quæ per Antonomasiæ prognostica, judiciariaque vocatur. Non solum enim judicat de rebus insignioribus, quæ sub orbe Lunæ eveniunt, puta de legum mutatione, aut fundatione, de eversione, aut confirmatione regnorum, de bellorum eventibus, aliisque hujusmodi, sed insuper inspecto cujuslibet hominis in particulari horoscopo, id est hora nativitatæ, & ea collocata ad syderum, cæterorumque corporum cælestium positionem, judicat de constitutione corporis, de statu, fama, honoribus, dignitatibus, officiis, divitiis, paupertate, nuptiis, sobole, inimicitiis, direptionibus, furtis, morbis, morte, ac denique de omnibus ejus fortunis & infortuniis.

Hæc Astrologiæ pars partim est licita, partim illicita. Si enim ex natalitia constellatione prædicat tantum natorum propensiones, verbi gratia, ad litterarum studia, ad tales virtutes, taliaque vitia, si, inquam, talis prædictio intra hos limites contineatur, non est illicita, & vana, sed ad Philosophiæ, & astromiæ naturalis partem reducenda est.

Nam ejusmodi propensiones, præcipue ab astris & stellarum situ, ut à causa proficiuntur, ut multis in locis docet Divus Thomas 2. 2. *questione 95. articulo quinto ad secundam, & prima parte, questione 115. articulo quarto, ad tertiam.* Conjectare autem sive cognitionem sumere effectuum ex suis causis, ad veram scientiam pertinet, nec in se aliquid absurdi continet, cum hoc beneficium à Deo collatum sit hominibus, ut ex causis procedant ad cognitionem suorum effectuum, atque adeo non potest esse illicitum. Quinimo ex eodem Divo Thoma, locis citatis, effectuum actualium, maximè, purè ac merè contingentium, quales sunt fortuiti, & actus humani, levem quandam conjecturam potest desumere Astrologus ex syderum positione. Nam, ut diximus, ex astorum, ac syderum situ diverso, diversæ dimanant propensiones, in hæc inferiora, etiam in homines. Hic ad venerea inclinatur, ille ad rixas. Sed quæ est hominum propensio ad malum, ferè omnes eam sequuntur, ac proinde Astrologus, qui propensiones semel agnoverit ex syderum positione, poterit quodammodo conjectare de futuris eventibus actualibus, etiam voluntariis hominum, quæ si quicquam occasionis erit, propensiones, tam malas, quam bonas consequuntur. Quo sensu debet intelligi locus Divi Thomæ 2. *de generat.* Qui sciret virtutes cælorum, stellarumque in eis positarum, dum res aliqua nascitur, posset judicare de tota vita rei generatæ, licet hoc necessitatem non ponat, & possit impediri per accidens. Verum quia rarò, aut levi conjectura, desumpta ex experientia, orta etiam ex conjectura, & multis involuta erroribus, cognoscuntur ejusmodi virtutes, ideo etiam cognitio ab ea desumpta perexigua est, & vix nomen conjecturæ meretur, ut rectè consideravit Cajetanus 2. 2. *qm. 95. ar. 5.* Quid autem in Astrologia judiciaria sit omnino vanum, & illicitum, dicemus suo loco.

Secunda veluti species conjectationis naturalis,

aliquando licita, aliquando illicita, est divinatio, quæ fit per somnia. Siquis enim illis utatur ad præcognoscenda futura, secundum quod somnia procedunt ex revelatione divina, quorum in divinis scripturis plura habemus exempla, vel ex causa naturali intrinseca, vel extrinseca, quantum potest talis virtus se extendere, tunc non erit illicita, aut superstitiosa divinatio; secus autem si causetur ex revelatione dæmonum, cum quibus pacta habentur expressa. Nam ad hoc invocantur. Vel tacita. Quia hujusmodi divinatio extenditur ad quod se non potest extendere. Quorum major explicatio videri potest apud Raphaelem de la Torre 2. 2. *questione 95. articulo sexto*, ubi eruditè hanc materiam pertractat, ostenditque artem interpretandi somnia, de qua antiqui quidam, & ex recentioribus plures gloriantur, esse futilem, & hominum otiosorum.

Tertia species est divinatio, sive conjectatio Physiologica, quæ communiter accepta extenditur ad omnem conjectationem sumptam ex consideratione constitutionis omnium partium corporis humani, sed potissimè sumitur ex consideratione faciei, eò quod sensuum organa constar, & mentem valde prodest. Deinde ex manuum inspectione manus enim humana est organum organorum, ex Aristotele, & Galeno. Unde sub hac ratione communi dividere possumus conjectationem physiologicam, in *Spatulamantiam*, quæ considerat signa, & lineas repertas in armo animalium, ad quam reducitur omnis consideratio signorum in quocumque membro corporis, excepta facie & manu, & in *Chiromantiam*, quæ considerat constitutionem, & lineas manuum, & *Physiologiam speciatim acceptam*, quæ considerat faciem, & hæc pars, quia nobilior, retinuit sibi nomen commune, quamvis alii vocent illam *Metoscopiam*.

Loquendo igitur primum de illa, certum est, esse licitam, si in prædicendis corporis, sive animæ sensitivæ affectionibus, ac propensionibus intra limites naturales contineatur, & fundamentis duntaxat naturalibus utatur. Licet enim perfectam certitudinem non habeat, probabilitate tamen aliqua non caret, ideo ea uti cum formidine aliqua veritatis, non est illicitum. Explicatur dictum adducendo fundamenta, quibus nituntur Physiologi, non superstitiosi, sed principiis naturalibus, aut moralibus inherentes.

Primum fundamentum ducitur à quadam cum cæteris animantibus similitudine, verbi gratia, qui parvis sunt oculis invidia passione affici censentur. Quia similes invidia sunt. Qui magnis, stupidi, sicut boves, & asini. Hujus fundamenti ratio est, quia natura dedit instrumenta cuique animantium apta, & proportionata ad exequendum suas propensiones, ferocibus, ut Leoni, apro, tauro ungues, dentes, cornua. Timidis, ut lepori, & cervo membra celeri fugæ idonea, sicque de aliis. Unde quali ex signo, & à posteriori colligimus animalium propensiones ex ipsis corporeis instrumentis, quibus à natura ornantur, ac præcipue hæc signa in facie elucet, ubi sunt omnia sensuum organa. Nec dicas, in animantibus brutis has propensiones magis elucere, quam in hominibus; quia illa suas propensiones sine fræno sequuntur, hi vero sæpè occultant, illis resistentes. Nam saltem colligitur probabiliter ex similitudine & analogia instrumentorum, ac signorum, quæ reperiuntur in animalibus brutis, idem iudicium proferendum esse de hominibus, quod de brutorum propensionibus.

Secundum fundamentum desumitur à moribus gentium, atque provinciarum, quæ cum differant corporis con-



constitutione, ut plurimum differre etiam ingeniis, ac moribus experientia constat. Exempli gratia Physionomi dicunt nimis fuscis, stupidos, ac pertinaces esse, quia Æthiopes tales sunt.

Tertium fundamentum sumitur à sexu, putà quia mulieres, plerumque candidæ sunt, & molli cure, ex denique sunt timidæ, atque inconstantes, idcirco conjecturare licet de viris candido vultu, ac molli cure timidos esse, ac leves.

Quartum fundamentum desumitur facta argumentatione ab immutatione membrorum, maxime faciei, ad animæ sensitivæ passiones, sive propensiones, ut à torvo aspectu judicamus animum crudelem, à fixo, & immoto iracundum.

Hæc sunt fundamenta, quibus secretior hæc Philosophiæ pars suas depromit conjectationes, non per certitudinem, sed per quandam probabilitatem majorem, aut minorem, qualis in eisdem fundamentis, & illatione ex ipsis reperitur. Cui feliciter comparandæ inservire possunt ex antiquis Aristoteles, Galenus, Hippocrates; ex modernis Michael Medina libro secundo, paranes. Christian. capite secundo, à quo laudatur quidam Petrus Molius lib. de multipl. temperam. & cognoscendis hominibus, quibus adde opus correctum Joannis Baptiste Portæ de physionomia & Ulysses Aldrovandus de animalibus.

Atque ad hunc sensum debent intelligi, & expendi multi Sacræ Scripturæ loci, in quibus de physionomia agitur. Ecclesiast. 19. *Ex visu cognoscitur vir, & ex occurssu faciei cognoscitur sensatus.* 1. Paralip. cap. 12. habetur pericia physionomiæ ex similitudine membrorum animalium: *Viri Gaddi, viri robustissimi, facies eorum, quasi facies Leonis.* In Epistola ad Galat. capite tertio, id ipsum habetur ex moribus regionum: *O insensati Galatæ, Genes. 2. exhibetur & hoc idem ex representatione feminini, vel masculini sexus: Vocatur virago, quia de viro sumpta est.* Et sic de aliis locis, quorum centum & quinque expendit juxta principia physionomica Paulus Vecchi in opusculo observationum omnigena eruditionis in divinam Scripturam, libro primo.

At si loquamur de illis rebus, quæ pendent ex libero arbitrio, aut casuales, aut fortitæ sunt. Cuiusmodi sunt omnes actus humani liberi, aut permixti actibus humanis, ut ira actualis, accessus ad mulieres, &c. Dona Dei gratuita, quæ Deus distribuit singulis, prout vult, externa hominis bona, vel mala, ut opes, honores, nuptiæ, officia, vitæ status, mors violenta, & similia. Si loquamur, inquam, de his rebus, etsi ex vultu, & partibus ejus, atque ex aliis membrorum humanorum dispositionibus possit exilis aliqua, sumi illorum conjectura, quatenus suis propensionibus solent homines sæpè succumbere, nisi ratione cohibeantur, attamen peccatum est mortale ex genere suo, pertinens ad invocationem tacitam demonis, certa illarum prædictio. Siquidem ea signa ad talem divinationem non se valent extendere, & ideo permittente Deo, demon se ingerit huiusmodi divinationibus, ut veros eventus aliunde sibi notos enunciet. Etenim in potestate hominum est suis malis propensionibus resistere, duce ratione, ac præcipue si divina adjuvetur gratia. Unde egregie Socrates Zopiro physionomo divinationi ex lineamentis faciei, eum esse bardum, stupidum, & mulierosum, respondit, ita futurus essem, nisi me Philosophia liberasset, ut refert Tullius lib. de fato, & Alexander Aphrod. libro quarto eisdem argumenti. Notandum est tamen, velle divinare ex vultu, aut aliis membris propensiones

hominum per certitudinem aut actus alios, qui non pendent ex libero arbitrio, peccatum quidem esse iudicii vani, ac temerarii, sed duntaxat veniale.

An autem & quatenus ex mala physionomia sumi possit contra reos indicium, alibi disserui. Sed quid si indicia violenta de homicidio contra duos clamarent? Essetne licitum prius subicere torturæ deformiorem? Respondeo licere, non quia deformior, ne Judex admisceat vanitatem suis actibus, sed quia in ejus potestate est, hunc, vel illum prius torquere. Jurisperiti verò, qui contrarium asserunt, decipiuntur in hac re, sicut in multis aliis erga reos, aviditate eos judicandi, & sibi nomen prudentiæ aucupandi, ut etiam notavit Raphael, de la Torre cit. quest. 95. artic. 7. disput. 3.

Quod pertinet ad Chiromantiam, id est divinationem sumptam ex manuum dispositionibus, putà lineis, ac similibus, ea duplex est. Una, quæ de propensionibus, & affectibus conjicit. Altera, quæ de omnibus eventibus, & vita hominum. Prior licita est, eatenusque ars vera, quatenus lineæ manus, sive aliæ dispositiones ejusdem originem ducunt ab eadem temperie corporis, à qua istæ propensiones naturales. Unde huic principio innixi quidam Chiromantici religiosi ac sapientes docent, manum magnam, multis lineis descriptam, neque omnino glabram, neque pilosam, & longos digitos ad naturalem proportionem inæquales, qui facile & adducantur, sapientiam indicare, & bonam indolem, maxime enim humana est talis manus. Curta verò, rotunda, brevibus digitis, & æqualibus, glabrata nimis, aut valde pilosam, aut ungues habentem curvos, & longos, & multis aut paucissimis lineis distinctam, has omnes belluinas esse, & ad aliqua brutorum genera referendas. Quare pilosa manus, qualis in Scriptura dicitur fuisse Esau, significat hominem agrestem, & ferum instar ursi. Ungues curvi, rapacem more accipitris, rotunda, & brevis sine lineis, stupidum qualia quadrupedum plurima,

Hæ, ac similes conjectationes desumuntur ex primo fundamento pro divinatione physionomica naturali, superius allato. Item à secundo, & tertio conjici potest, eos, qui contractas semper gerunt manus, timidos, & avaros esse, contra qui extensas, audaces, & liberales, qui pendentes, aut demissas, aut aliam super aliam, desides, & ignaros; qui elatas, aut mobiles, sollicitos, & negotiosos; qui ad faciem, aut os adducunt, cogitabundos.

Annotandum tamen est, non tam certam, aut probabilem conjecturam duci posse ex manuum, sicut ex vultus dispositionibus, eo quod animæ sensitivæ passiones magis luceant in vultu; necnon & temperies unde nascuntur, quàm in lineis manuum. Ad hanc Chiromantiæ partem referri potest, quod legitur Exodi 13. *Et eris quasi signum in manu tua.* Et Job: 37. *Qui, Deus, in manu omnium hominum signat, ut norint singuli opera ejus,* si semel ejusmodi loci de divinatione chiromantica debeant intelligi; plures enim aliæ possent adduci explicationes, de quibus vide sacros Interpretes,

Posterior verò pars Chiromantiæ, quæ conatur ex figura, lineis, & huiusmodi, quæ ad manus pertinent, de omnibus cujusque hominis eventibus certò conjicere quid futurum sit, vana omnino & superstitiosa est, ut satis patet ex fundamentis risu potiùs, quàm refutatione dignis, quibus ars ista innititur. Dividit enim primò palmam manus in certos monticulos, sive colliculos, deinde areolas, & lineas,



suos singulis planetas, & astra præficiens, & horum vulgò creditos effectus attribuens. Pollicis tuber à Venere regitur, mons indicis à Jove, colliculus medii à Saturno, annularis mons à Sole, & auricularis à Mercurio: Pars verò protuberans, quæ est in inferiori manus parte, percussione dicta, Lunæ subicitur; denique Triangulus manus à linea vitæ, sive cordis linea, hepatis atque capitis productus, Marti dicatur.

Lineam vitæ in centum partes dividunt Chiroscoopi ea ratione, ut ex variis notis, punctis, coloribus, sectionibus, & figuris de morbis cum præteritis, tum futuris dijudicent. Prima verò decade pueri ætatem usque ad decennium. Secunda, tertia, quarta, & reliquis decadibus sequentes annos ætatis significant, adeo ut si character chirosopicus quartanæ, vel epiritæ febris, aut alterius morbi circa primam decadem existat, homini quindecim annorum respondeant morbum illum præteritum, si verò character ad tertiam, aut quartam decadem vergat, futurum esse, dicant. Viderint medici anatomici, num signorum illorum & characterum aliqua causa naturalis assignari possit.

Huic superstitionæ, & vanæ Chiromantiæ parti incubuere aliquot antiqui, & ex recentioribus Joannes de Indagine Lutheranus, non quidem Carthusianus ejusdem nominis, Joannes Tarsilverus Athenis, Antonius Cermifonus, Bartholomæus Cocles, Michael Savanarola, Petrus de Arca, Marcellus Saja, Andreas Tricafius, Michael Scotus, Rodolphus Goclevius filius, Joannes Rothmannus, Robertus Flud, & alii, quorum libri, utpote superstitionibus pleni, prohibita sunt lectiois, contra quos breviter, sed nervosè agit Merfennius in *Genesis capite tertio, vers. primo*. His etiam annumerari debent Gelotoscopia Prosperi Aldorifii, & ejusdem Ideagraphia, Epistolaris divinatio Camilli Baldi, & libri Melampi, ac Ludovici de Nævis, aliorumque de maculis unguium, & Onychomantia. Quandoquidem isthæc omnia ad ludicras potius, quàm verè conjecturatrices scientias referenda sint, & ipsæ vel solo nomine tales dici debeant, ut præter vigilantium somnia, nihil quicquam continere possint.

Quoniam inter signa etiam crisis physiognomicæ reponuntur gestuum, atque actionum significationes, de his multa habent, & egregia omnino Nicolaus Causinus in parallelis eloquentiæ, & Cardanus in libris de sapientia, & de utilitate capiendæ ex adversis. Sed artem integram feliciter absolvit autor quidam Italus in curiolo volumine in quarto, cui appellationem ipse fecit ex operis subjecto, atque materia desumptam, *Arte de' Cenni*. Sciendum tamen, id ab illis ingeni potius in re quadam ludicra ostentandi, quàm utilitatis gratia, aut quasi certa inde conjectatio fieri posset, fuisse excogitatum.

#### CONSULTATIO LXXIV.

*De Conjectatione politica, sive de Sortibus. Ubi quanam sortes, & quando prohibita? Quot earum species, ac modi? De sorte divisoria. Ut sit licita, quot conditiones servanda? De sorte Lotherie. De purgatione Canonica. Quot purgationis species. Quæ purgatio Canonica? Quæ vulgaris? Provocatio ad divinum judicium. Purgatio per ignem. Per aquam vel calidam, vel frigidam. Purgatio monomachia, sive duelli. Juramenti. Duelli leges, ac caremonia. Alia plura.*

**S**ortium usus videtur quodammodo inter adiasphora constitui, ut & modus, ac finis, ratione cuius sortes mittuntur, distinctionem facere videantur. Nam, si absque superstitione jactantur, & pro dirimendis dubiis rerum ejusdem privilegii, & favoris concurrentibus, interdum in jure permittuntur, veluti in tribus judiciis, communi dividundo, familiæ erciscundæ, finium regundorum, in quibus utriusque litigatoris par causa est, & is, qui prius egerit, actor, vel petitor dicitur *l. in tribus ff. de judic. l. 2. ff. com. divid. l. inter cohæredes, §. qui familia, ff. fam. ercisc. l. judicium ff. fin. regund.* Si tamen ambo litigantium ad iudicium simul provocaverint, sorte iudicium dirimendum est, quis eorum partes actoris sustinebit, *l. sed cum ambo ff. de judic.* Pari modo, si optio legato relicta fuerat rerum plurium legatario, qui ante optionem pluribus hæredibus relictis decesserit, ique convenire non possint in re eligenda, sorte electio, & optio uni ex illis adjudicatur, *l. si duobus, C. com. de leg.* Quando etiam hæredes a quis partibus instituti, non possunt inter se convenire apud quem illorum remaneant cautiones hæreditariæ, quas vulgus dicit documenta hæreditatis, sortiri ea de re eos oportere placuit, vel ex consensu, & suffragio eligere apud quem deponantur *l. si quæ sunt cautiones ff. famil. ercisc.*

Narrat Appianus libro secundo de bello civili post mortem Julii Cæsaris, cum essent discrepantes sententiæ in Senatu de remunerandis intersectoribus, sortes tradendas postulatam fuisse. Scribit & in commentariis belli Gallici Cæsar libro primo M. Valerium captum ab Ariovisto, sortium beneficio liberatum, eò quod se præsentem, ter fuerit consultatum sortibus, utrum igni statim neceretur, an in aliud tempus reservaretur, ut inde possimus etiam colligere, apud Gentiles & sorte dirempta fuisse aliquando iudicia.

Consentit & Historia Hester cap. 3. Assyriis etiam morem hunc aliquando fuisse; siquidem inibi relatum est, Præpositum Assueri Regis Assyriorum Amanum sortes in urnam misisse, quæ illis Phur dicebatur pro die decernenda universalis Judæorum interitus. Distributæ partes terræ Israelitis per sortes *Num. 33. Josue 15. Josephus lib. 5. antiq. cap. 3.* Missis sortibus iudicatum peccatum Jonæ, *Jonæ 1.* Sortibus quoque detectus qui ex anathemate sustulerat *Josue 7.* ut & eisdem Jonathan prævaricatio *1. Reg. 14. & can. 26. g. 2.* His electus & in Apostolum D. Matthias *Act. 1.*

Explicat P. Victorius lib. 25. var. lect. cap. 15. sortiendi consuetudinem, & usum antiquum ex urna, quando immittebantur situlæ, vel hydræ cum aqua, & sortes, id est tabellæ quardam diversæ materiæ, quæ significationem certam habebant, & inde postea quod prius capiebatur, iudicium constituebatur. Docet & Pausanias in Messenis aliquando quoque sortes ex terra fuisse factas, cum agit de divisione agri Messenii concupiti à Ctesiphonte contra Aristodemum, fratris filium. Octavianus alio sortiendi modo usus est. Cum enim Senatus contemneretur propter numerum nimium, eumque vellent restringere, primum delectum ex omnibus triginta optimorum Senatorum fecit, eosque jurejurando adactos iussit singulis quinque virorum nomina scribere, ita tamen, ut nec cognatos suos in hos referrent. Dehinc ex hoc quinario unum sorte delegit, & sic elegit triginta, autore Dione Cassio lib. 54. hist. Sic Probus Cæsar, dum adhuc dux solum esset, teste Flavio Vopisco *de ejus vita*, sorte in urnam missa, iussit equum præstantem, centum milliaria in die conficientem, caprum ex Alanis, militi, cui fors ex urna contrigerat, dari. Julius Cæsar apud Dionem lib. 1. sorte ad mortem sediciosos dele-



# Novissimæ Consultationes Canonicae. 269

delegit, audacissimos quosque, ita enim eos composuerat, ut illi forte nocerentur.

Legimus & per sortes aliud insigne iudicium apud Nicephorum Calistum *lib. 14. hist. Eccles. cap. 18.* & apud Socratem *lib. 11. hist. trip. cap. 8.* cum enim Persæ Idololatram ignem, & elementa adorantes, animadvertissent Idigerdem Regem, Marutham Mesopotamiæ Episcopum, Legatum Romanorum honore tum no venerari, veriti ne is Rex cum amicitia, unâ etiam Christianorum legem amplecteretur, Magi sacerdotes fraudem commenti sunt, atque in cubiculo, ubi perpetuus ignis asservabatur, quem ibi ex consuetudine Rex adorabat, subitus terram astutè hominem infoderunt, qui veluti ignis loqueretur, Regem ut impium exire debere diceret, quod tanto tempore Episcopum Christianum, Deo charum ratus amaret. Quo audito, Rex existimans oraculum ab igne redditum, Marutham à se reverenter rejiciendi consilium cepit. Quo admonitus Marutha, Regem etiam admonuit, ut ad ignem rediens, unde audierat vocem, fodere juberet, dolum detecturus vocis humanæ, non ignis, qui res inanimata est. Quod cum fecisset Rex invenit ibi hominem infossum, & detecto dolo Magos pœna addecimavit, & Maruthæ, ubi veller, Ecclesiam struendi dedit facultatem.

Ex delectis Magistratus quoque sortibus apud Veneros eligi ex urna, docet Contarenus *lib. 1. de Republ. Vetera*, & alibi id ipsum usurpatum ait Panormitanus in *cap. fin. de sortil.* Erant & Judices ex equitum ordine Romæ per sortes electi, Prætor urnam moventes, & si qui ex illis rejiciebantur iterum subfortiebantur alii in eorum locum, ut constat ex oratione Ciceronis in *Pisonem*, & Alconio Pædiano in *divinationem Ciceronis*. Tacitus quoque *lib. de morib. German.* refert religionem Suevorum usum fuisse sacris sortibus, & ex putata frugifera virga sacerdotes divinalse.

Quibus & similibus exemplis aliqui sibi persuadent, sortibus uti non esse improbum. Falluntur tamen, dum nulla adhibita distinctione boni & mali, & sortium, & causarum in universum, & promiscuè sortes in omnibus recipiunt, cum tamen illæ prohibeantur *can. non exemplo Mathia. & can. non statim 26. qu. 2. & capite fin. de sortil.* Quocirca & antequam ad sortium iudicium perveniatur distinguatur par est, si plures admitti velint ad idem, vel ad eundem actum gerendum, vel si circa aliud concurrat, quod non nisi uni, vel saltem non omnibus, concedi potest, num ii, qui concurrunt, dislideant in facto, vel in iure. Si factum controversatur, & probatione indigeat, illud sortis iudicio non committitur; quia dicenti incumbit onus probandi, *l. 2. ff. de probat. l. act. C. eod. l. qui accusare C. de eden. & l. res C. de rei vendic.* Quod si de iure controversatur, id est de eo, quod iure certum non est, rursum distinguunt interpretes, an quæstio controversa alterius contineat præiudicium, an eorum, qui controversant tantum. Atque in primo capite Iudex ad tertii alterius petitionem, cuius interest, jubere potest controversantes de eadem re convenire, vel sorti committere inter se negotium, ne tertius, qui unica actione teneretur vel experitur, cogatur pluribus respondere, vel contra plures agere *l. huiusmodi §. fin. ff. de legat. 1. l. cum filius §. variis de legat. 2. l. nemo ex iis, §. quoties de reg. jur.* sicque intelligenda Glossa singularis *l. un. v. prohibebit in fine, C. uti possid.* In secundo autem casu si dissidentium tantum inter sit, & de potiori causa inæquali iure certetur, nec inter sit tertii alterius pro re, vel de facto juris ambigui, utrinque præponderante ratione; siquidem neuter sorti velit rem committere, se mutuo impediunt, ut in *l. 2. §. fin. ff. quibus mod. usufruct. amis. & in l. quoties ff. de usufr.* Sin autem

tem alter illorum velit, tunc Iudex alterum coget. Et ita intelligendam putant *l. si duobus C. com. de legat. ac similes.*

Illam igitur, quæ legibus probis fuit aliquando recepta, Conjectatio, sive fors, politica dicitur, ut fors divisioria, sortium contractus, canonica purgatio. In veteri quippe Lege, Deus inter alias cæremonias, hanc quoque instituerat, qua in fortitione uterentur, eamque sorti præmitterent, quæ, etsi qualis fuerit, non satis constet, videtur tamen fuisse quædam mentis ad Deum elevatio cum oratione ad hoc instituta, ut colligitur ex *Levit. cap. 16. vers. 7.* ubi de capri emillarii fortitione. Et *S. Lucas Act. 2.* Primum statuebantur sortituri coram Deo, deinde oratio fundebatur; postremò sortes singulis dabantur. Eæ miscebantur in sinu, urna, vel alio vase, cujus fors exhibat, super eum cadere dicebatur. Certè missas aliquando fuisse sortes in sinum patet ex *Proverb. cap. 16. Sortes mittuntur in sinum, sed à Domino temperantur.* Interdum in calicem, quem sinu continebant ex *Psalm. 15. Dominus pars hereditatis meæ, & calicis mei*, ubi secundum nonnullos calix significat sortem. Ad plenam quoque intelligentiam non parum conducet legere, quæ de Gentilium fortitione cæteris plura, meliorique methodo scripserunt Junius Hornanus *lib. 2. animadvers. cap. 5.* Julius Cæsar Bulingerus in *opusculo de sortib.* Joannes Arboreus *lib. 17. Theosophia cap. 13. & in comm. capite 1. Proverb.*

Quod autem pertinet ad sortem divisioriam, cum hoc totum negotium cæremoniale fuerit, meritò legis veteris cæremoniarum abrogatione, etiam hæc fortitionis cæremonia cessavit, jureque canonico prohibitum fuit, sortiri Episcopum, vel aliam quamvis dignitatem, aut beneficium Ecclesiasticum, Apostolorum exemplo. Ut enim Beda in *cap. 1. re- & è observavit*, Apostoli ante Spiritum Sanctum acceptum in electione B. Mathiæ adhuc legali cæremonia usi fuere, post verò Sanctum Spiritum acceptum, non ampliùs sortem adhibuerunt, sed solæ usi sunt oratione ad Deum, & jejuniis adjuncto. Sic enim leguntur elegisse septem Diaconos, & Presbyteros *Act. 6. & 14.*

Quoniam autem adhuc in cæteris dignitatibus, & officiis, actionibus, & pœnis, rebusque aliis, divisioria fors qua queritur quid cuique tribuendum, prohibita non est, ut patet ex *can. 1. 26. qu. 2. qui canon. de hac tantum divisioria sorte debet intelligi*, ut tamen in illa nullum intercedat peccatum, quatuor conditiones servandas docet D. Thomas *2. 2. qu. 95. art. 8.* Primò debet eventus à Deo expectari, & non à casu, vel fortuna, vel astris. Quare & Deus invocandus juxta illud Scripturæ *Psalm. 30. in manu tua sortes meæ*, ita, ut si quis certò eventum expectaret ab astris, vel fato, sumpto ut sumunt Stoici, & Astrologi, mortaliter peccaret, si à casu, vel fortuna, fortunam non ut Gentiles, nam tunc esset etiam peccatum mortale idololatricum, sed ut Christiani sumunt Philosophi, accipiendo, in re gravi foret veniale, in re levi vix esset peccatum. Secundò debet adhiberi simplex fors sine ulla superstitione, vel abusu rerum sacrarum, aut Scripturæ sacræ. Tertiò necesse est, ut illi, qui sortiuntur, æquali jure nitantur; aliàs enim esset injusta sortitio, & quidem gravior, si de bono publico, reque gravi ageretur, ut si de officiis publicis digni & indigni sortes mitterent, Sors enim posset indigno favere cum damno Reipublicæ, & dignorum injuria. Quartò ut principalis intentio mittentium sortes non sit inquirere voluntatem Dei modo extraordinario, quia talis modus est omnino incertus, sed ut auferantur lites, discordiæ, querelæ, invidia,



prout nos docuit Salomon Proverb. cap. 18. v. 18. *Contradictiones*, inquit, *comprimis fors*, & *inter potentes quoque dijudicas*. Unde si aliter concordia posset iniri, res forti non esset committenda; sin aliter nequit discordia sopiri, bonum pacis sortem permittit, servatis prædictis conditionibus.

Secundò ad sortem politicam spectat contractus Sortis, sive Lotheriæ, vulgò *Lotto*, qui est in usu frequentiori. Verùm cum nullum habeamus Scripturæ locum, qui illius expressè mentionem faciat, remitto Lectorem ad ea, quæ Theologi morales de iustitia & iniustitia hujus contractus scripsere, Briardus *quodlib.* 5. Conradus de *contract. tract.* 3. qu. 71. Franciscus Garfias *eodem titulo*, cap. 20. Lopes cap. 23. Alcocer de *ludo cap.* 49. Molina de *iust. & jur. disput.* 509. aliique plures.

Ego autem hujusmodi contractum esse licitum, assero, si fiat cum his conditionibus. Quod res, quæ fortibus exponuntur non vendantur plus, quàm iusto pretio. Quod stipendium ministri non excedat rigorosum iustum, nec adsint plures ministri, quàm necessarii, nec plus temporis in eo negotio insumant, quàm oportet. Quod hoc stipendium solvatur potius à contributoribus ad sortes, quàm à rerum venditoribus. Quia hujusmodi ministerium est potius in bonum contribuendum, quàm venditorum. Verùm si res fuerunt venditæ pretio rigoroso, debent etiam venditores pro sua parte tali stipendio concurrere. Quod tandem nulla interveniat fraus. His positis conditionibus, ille cui fors beneficiata cadit, licitè rem illam lucratur, quia omnes contributores sunt æqualiter expositi lucro, & periculo, & omnes liberè consenserunt, ut is, in quem fors caderet, posset licitè, rem illam habere.

Tertiò ad Conjectionem, sive sortem politicam reducitur Purgatio canonica, quæ est præsumptionum, indiciorum, vel accusationum, non probatarum perfecta elisio. Vel purgare est se excusare, & innocentiam suam ostendere, ut in *l. is, qui reus ff. de publ. judic. l. fin. ff. de acq. rer. dom.* Sicuti & per torturam eliduntur indicia, si nihil falsus fuerit, qui tormenta passus est. Et videtur esse tortura species purgationis canonice. Hujus cum expressam legem habeamus Num. cap. 5. v. 14. in poculo Zelotypiæ, quid ea sit, quid purgatio vulgaris, discutiamus. Præmissis jam Sacri Textus verbis, quæ longiora sunt, pro Intelligentia hujusmodi legis, quatenus est quedam purgationis species, notandum est, duplicem esse, secundum quod ad conjectionem politicam pertinet. Una Canonica, altera Vulgaris. Canonica purgatio dicitur, quæ regulis Ecclesiastici juris consentanea est, ac recepta à sacris canonibus. Qualis fuit in veteri Testamento lex illa Zelotypiæ, sive purgatio adulterii; In statu autem novi Testamenti duplicem aliam reperio. Unam per iurjurandum, in qua nihil est sortis. Alteram per venerabilis Eucharistiæ Sacramenti sumptionem ab Ecclesiastico Iudice competente injectam, cujus etiam aliqua habemus exempla in historia Ecclesiastica Sigiberti anno 870. & Lamberti Schaffnaburgensis anno 1077. de Henrico Imperatore. Sublatam tamen aliquando fuisse hanc purgationis speciem, eò quod suspectis non est danda Eucharistia, cap. *dilecti de purg. can. cap. tribus de consecr. d. 2*. De quo mox in peculiari disceptatione contra Delrium.

Fit utraque pro crimine illato præsumpto verisimiliter, sed non plenè probato cap. 1. 3. & cap. *quoties 5. cap. cum in juventute 12. de purgat. canon.* Quando infamatio grave generat scandalum, quo casu etiam invito tunc purgatio canonica imponitur, cap. *inter solitudines eodem titulo, cap. qualiter §. 1. de accus.* Si tamen notorium crimen esset, non esset in-

ducenda purgatio, sed punitio, cap. 4. & cap. *pen. cap. cum dilectis de purg. canon.* Latè patent crimina quibus quis infamari potest, ac de illis quoque purgationis tractatio diffusa est. Sed & de surreptione rescripti fieri poterit cap. *ex parte de offic. ordin. & de civilibus interdum non plenè probatis, ut cap. quod ad consultationem de sent. & re jud.*

Fieri debet purgatio canonica ab eo, qui oneratur aliquo crimine, vel præsumptione, vel diffamatione, si modò non fuerit aliàs deprehensus in furto, perjurio, aut falso testimonio cap. 1. *de purg. can.* Adduntur & compurgatores d. cap. 1. & fin. eod.

Vulgares verò vocantur purgationes, quæ, ut nomen ipsum significat, nullo legitimo usu, sed vulgi quadam usurpatione, & observatione superstitiosa fuerunt introductæ. Unde etiam pleræque jure canonico fuerunt expressè prohibitæ, cum soleat eis Deus tentari potius, quàm voluntas ejus explorari, sicque & exploratoriæ purgationes dicuntur, fueruntque diversi illarum modi. Forma & modus purgationis vulgaris erat multiplex secundum diversos mores corruptos vulgi, & ideo prohibita, cap. *cum ex iurorum de purg. can.*

Primus, provocatio ad divinum iudicium ob injuriam acceptam, quam si citra odii, aut vindictæ cupiditatem, aut aliam vitiosam affectionem per injuriam oppressus quis faciat bono fine, putà, ut innocentia ejus appareat, nec infamia gravetur familia, vel ut liberetur mundus tali tyranno, vel ut respiciat, & terrore percussus pœniteat, desinatque ab oppressione, & concussione miserorum, licitam esse, plura ostendunt exempla Sanctorum hominum in divinis etiam scripturis contenta. Sic enim Sara Genes. 26. dixit Abrahæ; *Judicet Dominus inter me & te*. Sic David ad Saulem 1. Reg. cap. 24. *Judicet Dominus inter me, & te, & ulciscatur me Dominus ex te*. Et 1. Paralip. cap. 24. Zacharias filius Jojadæ cum iussu Joas Regis interficeretur similia protulit: *Videat Dominus, & requirat*. Nec alia mens septem Machabæorum martyrum fuit lib. 2. cap. 7. quorum Prophetia vim habuit imprecationis, & citationis, ut illæ priores duæ. Et in novo Testamento Apostolus 2. ad Timotheum 4. Alexandro ætario impunitam esse non debere censuit injuriam ejus, cum diceret: *Reddat illi Dominus secundum opera sua*. Denique sancti Martyres Apocal. 6. clamant ad Deum: *Usquequò Domine non judicas, & non vindicas sanguinem nostrum de eis, qui habitant in terra*.

Secundus modus fuit purgatio per ignem, quæ triplex fuit, per rogam, per prunas, per ferrum, hoc est, vomeres, seu lateres, seu conticulas, vel chirothecas candentes. Innocentia probabatur, si illæsus quis abiret, secus, nocens habebatur. Quorum omnium plura antiqua exempla reperiuntur apud Delrium libro 4. *disq. magic. cap. 4. qu. 4. sect. 3*. In Capitularibus Caroli Magni facta dicitur hæc probatio ad decem vomeres ignitos.

Tertius per aquam vel calidam, vel frigidam, cujus formulas prædictus Delrius refert, per consecratam, & benedictam bibitam, cap. *sensentiam ne Cler. vel Monach.* Forsan volebant imitari aquam Zelotypiæ, quam Deus statuerat loco superius citato pro detegenda suspecta de adulterio, can. *in libro namque 2. qu. 6*. sed illæ suafu dæmonis introductæ, istud verò poculum herbarum amarificantium à Deo fuit institutum, qui solus occulta cordis novit, & indicat, & nequit, cum ea indicat, mentiri, & sic se indicaturum veritatem promisit Moyse. Qualis sponsio, vel pactum divinum, cum in purgatione per ignem, & aquam, aliisque ejusmodi, non habeatur, rectè sacri Canones illas omnes, tanquam quid pravo more, & præpostera imitatione per abusum introductum, stit-



Atillimè prohibuerunt, de quo vide Rechium *lib. de probat. aqua frigida*, & jam citatum Delrium. Unde fuit & sublatum examen aquæ frigida in capitularibus Caroli Magni *capitular. fin. cap. 26. & in legibus Longobardis l. ut examen, tit. qual. quis se defend. deb. lib. 2.* Fiebat etiam per aquam ferventem, quæ etiam reprobata est *d. cap. sententiam, ne Cler. vel Monach.* de qua purgatione vide *l. signis ex levi de homic. lib. hom.*

Erat & vulgare examen Crucis, quod etiam prohibetur citata lege Longobardica, ut meritò castigandi sunt aniles mores, ut fortilegia, dum furtum indagant, vel per astrolabii inspectionem *cap. 1. de sortil.* vel per immisionem brevium in aquam frigidam, vel benedictam, vel per cribrum, & forfices, invocatis perperam divis, in quibus vulgus maximè abutitur.

Refert Gregorius Turonensis *lib. 2. hist. Franc. cap. 1.* speciem aliam purgationis vulgaris, dum scribit B. Britium Episcopum Turonensem, calumnia impetum à populo, mulierem imprægnasse, ad quam cubicularius ejus vestimenta deferre solitus erat ablunda, eumque innocentem, tamen ut satisfaceret populo, prunas arduas pileo imposuisse, easque ad se proximius admotas ad sepulchrum S. Martini unâ cum populo comitante, illæis vestibus accessisse, ac detulisse, dicentem se ita impollutum esse à muliere. Huicque purgationi potius credidisse populum, quam præcedenti miraculo, quod certè divinius. Nam, ut idem scribit, cum Britius negaret, se scelus commisisse, iussit ad se infantem ex muliere editum, adferri, qui cum oblatus fuisset, triginta tantum dierum existens, adjuratus per Jesum Christum, loquutus est, non fuisse ex eo genitum.

Meminit de alia specie purgationis Dionysius Halicarnassensis *lib. 2. hist. Rom. & Valerius Maximus lib. 8. cap. 1.* qua Tuscia Vestalis suspecta violatæ pudicitia se expurgavit. Ea enim falsis testibus accitata, iussa pro se dicere, petiit Tiberim, Sacerdotum permisso, & prosequente populo hausit aquam cribro vacuo, eamque usque in forum perlata effudit ad pedes Pontificum, & liberata est, accusatore nec vivo postea, nec mortuo comparente.

Sapè etiam per fallax hoc iudicium vulgare, tentato Deo, ex præsumptionibus innocens damnabatur impiè, *cap. significantibus de purg. vulg.* & demones miracula imitabantur, & perstringebant oculos, ut vel innocentem illuderent, vel impium liberarent meritis pœnis. Sic enim etiam D. Augustinus *lib. 12. de Civit. cap. 16.* dæmonum præstigiis concedit factum Tusciæ. Nam etiam, ut diximus, postea nec vivus, nec mortuus comparuit accusator. Et quod scribunt Livius *lib. 2. de Bello Punico*, Valerius Maximus, & alii de Q. Claudia Vestali, quæ cum adverso pudicitia rumore laboraret, quod cultus esset studiosior, cum navis, qua mater, ut dicebant Idolatræ, Deum, vehebatur ex Pessinunte Phrygiæ Romanam, hæssisset in Tyberi, nec vi virum, boumque moveri posset, discincta Zona, & navi illigata, precatâ est illam Deam falsam, ut si castam se nosset, illam sequeretur, navem duxit. Item quod scribunt de Actio Navio Augure, qui cotem dissecuit novacula, Cicero *de divin. lib. 1.* Livius *in 1.* Improbant ista, & similia omnia paganica, & præstigia Christiani, & expiationes per illa facta, ut expiationes, seu purgationes ejusdem Idololatriæ, quæ fiebant tribus modis, teda, ovo, sulphure. Vide Apuleium *de asino aureo lib. 11.*

Inter autem species purgationis vulgaris, Duellum, seu singulare certamen ponitur *in cap. 2. de purg. vulg.* quæ etiam ibi prohibita est, & in *can. monomachiam 2. qu. 5.* Id erat certamen duorum ad purgationem illati criminis initum, quo victor purgatus,

victus pro convicto habebatur. Duplex illa pugna erat, equestris, & pedestris, talisque formæ ac modi quo conventum erat inter pugnatuos, vel ab illis, qui monomachia præerant.

Erat tamen monomachia species alia, quæ non purgationis causa, sed vel virium probandarum, & periclitandarum sponte inter aliquos fiebat, vel ut spectaculum præberent populo, ex quibus qui virtutis causa id facerent, non erant infames, ut pugiles in sacris certaminibus, alique similes. Qui autem vel operas elocabant, ut cum bestiis singulari certamine congredierentur, vel gladiatorio munere publicum spectaculum sanguine proprio ederent, infames fiebant, *l. 1. §. item Senatusconsulto cum duobus §. sequentibus, ff. de postul. l. athletas 4. ff. de iis qui not. infam. l. qua action. 7. §. Siquis in colluctatione ff. ad leg. Aquil.* Ut & tandem cruenta spectacula sublata fuerunt, tanquam in domestica quiete, & in otio civili horrenda *l. 1. C. de gladiat.*

Fuerunt & alia monomachia ad ostentationem virium & audaciae introducta, quibus congregati viri erant depugnantes, vulgò Torneamenta dicta, quorum torneamentorum detestabiles nundinas, ad quas milites ex conducto soliti erant concurrere, improbat, & prohibet jus Pontificum, unde mortes hominum, & pericula animarum sæpè provenirent *cap. 1. de torneam.* cum tamen hasta decertare, leges Romanorum concederent, *l. solent §. Senatu ff. de alea lus. & aleat.* Atque morientibus in torneamentis denegatur Ecclesiastica sepultura *cap. 2. de torneam.* Solita fieri maximè illæ exercitationes pugnarum ab otiosis militibus in acie, vel in honorem herorum defunctorum, quemadmodum colligere licet ex Dictys Cretensis *lib. 3. de Bello Trojano.*

Fuerunt & Monomachia, veluti ex quadam necessitate antiquorum ad sopiendas bellorum clades imminentes, & ad controversias dirimendas. Sic singulari certamine Curiatorum, & Horatorum direptum bellum inter Romanos, & Albanos, victis Curiatoriis, qui nomine Albanorum causam defendebant, ab Horatio, qui pro Romanis vicit, lege prius posita, ut victis istis, aut vincentibus comunitonibus victores, vel victi haberentur illi, quorum causam defenderent, Livius *in 1. Valer. Maxim. lib. 6. cap. 3.* Duello quoque Golia, & Davidis, illo pro Philistæis, hoc pro Judæis decertante, bellum maximum solutum est, victo Golia per Davidem, in singulari cum suis conditionibus pacto certamine *1. Reg. 17. can. monomachiam 2. qu. 5.*

Videtur tamen hæc monomachia pertinere ad purgationem vulgarem, per quam juris, vel injuriæ iudicium eventui committitur. Quare & duellum huiusmodi improbarunt quoque iura. Et Clericum, qui duellum obtulerit, vel oblatum susceperit, deponi iubent, sive victor sit, sive victus fuerit, *cap. 1. de Cler. pugn. in duel. & irregularis fit, ac homicida, sive per se, sive per campionem, ut aiunt, sive pugilem, pro eo datum, occiderit contendentem, & monomachum, cap. 2. eod.* Maximè habitus reprehensibilis, quod vel Deum remediis non humanis tentare voluerit, *d. can. monomachiam, & can. meruam 2. qu. 5. can. si nulla urget necessitas 13. qu. 8. & can. queritur 22. qu. 2.* Sed & permittit Deus plerumque in istis duellis, innocentes ab eo, quo accusantur, crimine, succumbere, & necari propter alia eorum peccata ut ait *cap. 2. de purg. vulg. & ita Rhotarius Rex: Quia incerti sumus, inquit, de iudicio Dei, & multos audivimus per pugnam sine iusta causa suam causam perdere, sed propter consuetudinem gentis nostræ Longobardorum legem impiam vitare non possumus, lib. 1. leg. Longobard. tit. de monomach.* Quibus rationibus etiam mores gentium plures inter Christianos castigantur.



Prævaluit tamen malitia hominum, ut necessarium aliquando fuerit permittere legibus Germanorum, Hispanorum, Longobardorum, Gallorum, ut videbis in libro Belisarii Neritiorum Ducis de singulari certamine, & in constitutione Phillippi Regis Gallorum anni 1306. quam explicat Guido Papa dec. 617. 618. & seqq. & in tract. Joannis de Lignano de duello. Quam ob rem cum improbi mores vix omnino extrudi potuerint, necessarium leges illis aliquas, ne laberentur in pejus, pro fræno adjicere.

Primumque definita sunt negotia, pro quibus ad certamen singulare provocare liceret tantum, atque ex consuetudine Longobardorum de criminibus objectis licebit se purgare per pugilem, quem Championem dicunt lib. 1. leg. Longob. tit. de malef. l. fin. sic mulieri accusatæ de occiso marito per venenum licebat se purgare, vel per juramentum, vel per pugnam, live eundem championem l. fin. de cons. mort. lib. 1. leg. Longob. vide Glos. §. si quis v. duellum de pac. ten. in feud. Qui argum id est cuculum vocasset, de eo accusatus poterat vel componere, vel per duellum cogebatur probare l. 1. de convit. eod. lib. 1. Si quis dixisset per vim venditionem prædij facere coactum l. Si quis dixerit, tit. qual. quis se defendere deb. eod. Belisarius ait in summa ex legibus Longobardorum permissum esse duellum ex justa causa, si rei ejus, quæ in dubium venit, veritas alio modo probari nequit. Si insimulatus criminis læsæ majestatis quis fuerit, & alio modo probare non possit accusator, armis cum accusato decernendum est, an verum sit crimen. Si obiciatur, quod patrem quis interemit vel alium durantibus induciis, si alienam uxorem in viri mortem criminatus sit, vel adulteram dixerit, vel adulterium alicui obiciatur, vel crimen furti, vel malè possedisse per triginta annos, vel incendium, vel si quis neget pecuniam depositam, vel soluto debito nihil debere.

In legibus Alemanorum & cum his duellum committitur, & pro controversia terræ tit. 85. & pro dote adlata repetenda tit. 77.

In Gallia Philippus Rex in provinciis, in quibus consuetudo esset duelli permittendi, noluit permitti, nisi quatuor concurrentibus consis. an. 1306. Primò, si liqueat crimen esse commissum lib. 1. §. illud, ff. ad senat. Sytan. Glos. in cap. 1. in prin. de pac. ten. in usib. feud. à quo tamen commissum sit non liqueret. Secundò, ut maleficium, quod obicitur duelli causa, ex eorum genere sit, quod mortis pœnam habeat, quod ex facto proposito constabit. Ideo excipitur furtum, etiam si pro eo pœna mortis inferatur. Tertiò, quod crimen illud proditoriè & clam commissum fuerit, & alio modo sufficienter probari non possit, quàm per duellum. Quia in notoriis, & probatis non admittitur purgatio, sed fit condemnatio cap. 2. cap. cum dilectis de purg. can. Quartò, quod is, qui duello provocatur, & de ipso delicto accusatur per indicia, & verisimiles præsumptiones habeatur suspectus, ut in tortura, & in purgationibus alibi diximus; alioquin enim, si manifestum sit crimen, ut putà quod quis aliquem voluntariè, ac sponte, non necessario occiderit, tunc nec per duellum, neque alio modo excusabitur, quin capitale subeat pœnam, §. Si quis hominem intra pacem, de pac. ten. in usib. feud.

Ex quibus constat, duellum non temerè pro omnibus, nec contra omnes sine causæ cognitione, neque ab omnibus concessum fuisse. Duellum ideo non nisi ab eo, qui habet vitæ, necisque potestatem permitti potest; neque privati, qui sibi indicunt propria autoritate, immunes sunt à crimine læsæ majestatis, & homicidij pœna, si illud commiserint

in monomachia propria autoritate delata, & suscepta. Belisarius lib. de singul. certam. cap. 5. pugnan- di facultatem duello dare tantum ait, Principem liberum nemini subitum, nec sine ejus permissu posse fieri. Refert duo exempla, quare Quintius Crispinus miles, cum eum Badius Campanus injuria laceraret, ut si vir esset, congredere- tur, tandiù cunctatus, donec Imperatorem consuleret. Et Titius Manlius, cum à Gallo provocaretur, Dictatorem ita est alloquutus: Iniussu tuo, Imperator, extra ordinem non pugnaverim, non si certam victoriam agnoverim. Si tu permittis, ero provocatus. Qui sine publica aliqua administratione maleficum, furem, sacrilegum, & perjurum, vel quemlibet criminofum interfecerit aut trucidaverit, aut membro debilitaverit, velut homicida judicabitur; tantò acrius, quantò non sibi à Deo concessam potestatem abusivè, usurpare non timuit, can. quicumque 23. q. 8. cap. 2. & cap. significantibus de homic. Ut neque ultio permittitur sit de eo, qui nos invadit, & occidere nititur vindicta, nisi accessisset consensus Principis, qui permittit cum ea conditione, si evadere aliter non possumus mortis periculum, l. 1. ibi vestram igitur permittimus ultionem, C. quan. lic. unie. sine iudice se vind. l. scientiam §. pen. & l. itaque ff. ad leg. Aquil. lib. 2. C. ad leg. Cornel. de sic.

Et iccirco judiciorum vigor, jurisque publici tutela in medio constituta, ne quisquam sibi permittere valeat ultionem, etiam si alioquin sit aliquis sceleribus implicatus l. nullus C. de Judais. prohibitum etiam generaliter, ne quis sibi jus dicat l. 1. C. ne quis in sua caus. ind. l. 1. ff. qua leg. l. pen. ff. qua in fraud. cred. l. qui jurisdictio in ff. de jurisd. omni. Jud. nec si bi debitum armata manu repetat in l. negantes C. action. Nec vitabit homicidij pœnam, qui etiam salutis communis inimicum, & hostem, sceleribus inquinatum, necaverit, tum quod severitati legum eum subtraxerit, tum quod proprium fortassis inimicum sub hujusmodi vindictæ nomine consilio atrociorē confecerit l. fin. C. de malef. & mathem. Bellum justum tantum est solum, quod indicitur, ac permittitur à Principe, qui habet gladij potestatem, can. quid cul- patur 23. qu. 1. can. justum 23. qu. 2. can. igitur, can. omni, & can. seq. 23. qu. 8. Et armorum usus sine Principe, capitalis est l. 1. f. ut arm. usus l. 1. ff. ad leg. Jul. de vi publ. Neque jus est rectoribus provin- ciarum, vel ducibus exercituum concedere inter suos milites duellum. Quamvis enim gladii jus acceperint à Principe, tamen illud limitatum fuit, ut in hostes hoc jure uterentur. Sicuti & miles jus necandi, sed hostem, non civem habet. Et ideo si tanta temeritate, ac superbia duces, vel exercitibus præfecti impellantur, ut monomachiam permiserint, rei sunt majestatis. Quia cum in hac causa privati sint, injussu Principis bellum gerere dicentur, & delictum militum habere, & pro potestate, quam non habent Principes agunt, quæ capita ad legem Juliam majestatis pertinent l. 1. ff. ad leg. Jul. majest.

Forma, quæ præscripta est Duello habito legitimo hæc, ut primum pignus detur, certaminis ineundi symbolum. Mittitur interdum per fecialem paludatum, qui Heraldus dicitur, interdum & ad provocatum litteræ indicentes monomachiam. Interdum pro pignore chirotheca, sanguinolenta sape, ut ait Belisarius libro prædicto capite secundo & citatur in jus coram Principe, vel coram eo, qui potestatem habet permittendi duellum, ad duello determinandum diem, horam, & locum. Estque ea vocatio vadimonium, cujus die dicta sistere debet vocatus reus, & actor. Et cogitur vocatus, velit, nolit, respondere, data tamen dilatione prætextu absentiae ami- corum



corum, ut Austerius scripsit, se vidisse judicari per Senatum Parisiensem, in *styl. Parlam. tit. de adjornam. in can. appel. §. item fallit*. Scien- dumque est, pignora, plura proici non posse, nec ab alio, quam ab eo, qui provocat ad duel- lum; alioquin si id fieret, impunè posse aliquem detrectare duellum scribit Joan. Gallus in *quest. decisionis per arrest. Parlam. quest. 71*. Alioque placito cautum, ne liceret à Curia, pendente controversia duelli, abire sine permissione eius- dem Curiae, Jo. Gal. *loc. cit. quest. 171*. In Cu- ria agitur, num iusta sit pugnae causa, num du- bia, vel certa, Belisár. *ibidem cap. 12*, num debeat permitti, num accipere pignus provo- catus rectè recusaverit, num crimen illatum alio modo probari possit, quam duello. Nam hæc est causa finalis duelli, probatio.

Sicque coram Rege, vel Curia olim dicebant monomachiam, indicentes, talem reum commisis- se tale crimen in tali loco, tali hora, pro-titóriè, vel clam, & tamen se illud probare plenè non posse, nec aliter, quam proprio corpore pu- gnando, vel per se, vel per pugilem, quem vocabant advocatum, vel Championem: sed & dis- cutitur in hoc iudicio, num injuria, quam sibi irrogatam dicit provocans, verbalis sit, an facti. Nam pro verbali verbis repulsa, non fit pugna, ut si pro verbis, *tu es fur*, alius dicat: *Tu mentiris*, idem Belisár. *d. lib. cap. 14*. Si vo- catus ad causam hanc discutiendam non aderit diè illi dicta, tanquam in contumacem, & confessum de crimine, quo interpellatur, fertur sententia. Et secundum Belisarium *capit. secundo* poterit provocans imaginem renuentis, & detre- ctantis per loca publica ad eius ignominiam con- struere, ut venire cogatur, & si adhuc contem- pserit, infamiae nota dignus sit.

Postquam autem reus provocatus venerit, potest in iudicio coram Principe, vel Curia, vel alio idoneo, de sua innocentia verba facere, & mo- destè, salvo honore Judicis, negare, & asserere, falso se fuisse ab adversario intulatum, & eum mentitum esse; & tunc potest vel recusare pignus iustis rationibus, vel docere, quòd rectè non sit projectum, vel quòd plures male projecerint, vel quòd crimen duello non subiiciatur, vel nulla sint indicia adversus eum, vel non constet deli- ctum commissum, vel similia quædam. Aut si velit pignus accipere, dicet, salvo honore Curiae, mentitum adversarium, idque se probaturum cum auxilio B. Virginis Mariæ, & B. Georgii militis certamine singulari, vel proprio corpore, vel pugile, quem exhibet suo periculo, & sumpti- bus obligatione proprii corporis, & ita se pi- gnus capere cum reservatione consilii, & cum arbitrorum electione. Et tunc utrinque auditis con- tendentibus per se, vel per advocatos, Judex statuit, se, adhibito iudicio, & consilio judi- caturum, num questio pugna decidenda sit, ju- betque ea de causa venire certa die litigantes. Subinde die stata fertur sententia, & qua, si pugna indicitur, constituitur locus, dies, & ho- ra, quibus interesse pugnaturi debent. Delegatur à Principe Judex, qui certamini præsit, qui re- felli non possit à provocante, juris militaris pe- ritissimus; & si agatur de crimine læsæ majestatis eligendus, qui præsit provinciæ, & de criminibus cognoscere possit. Si militibus singulari certamine sit decertandum, dux exercitus, cui dominii ju- re non sit subditus provocatus, Belisár. *d. lib. cap. 4. & 5.*

Provocatus Judicem, dummodo non suspectum

necessariò, locum, & arma solet eligere, solum commune, & tempus utrique. Locus, sive arena, aut catadromus concluditur palis, & limitibus, & ut vocant, barriera Monomachiae locus habere de- bet, ut ait Claudius La Sale in *li. de duello*, in longitudinem centum viginti passus, in latitu- dinem octoginta. In catadromo fiunt duo tento- ria. Tentorium, quod à dextris Principis, vel certaminis præsentis est, deputatur provocanti, Quod à sinistris, provocato. Et in quolibet ten- torio habet pugnaturus suum mantile, panem, & ænophorum, quæ egressuris ad pugnam offeruntur. Potest & quilibet secum edulia deferre, quæ unius diei victui sufficiant.

Die, & hora adveniente pugnae statæ debent ad catadromum venire armati illis armis, quibus pugnare conventum est. A domo olim non lice- bat etiam per alium arma, quam per se deferre. Dispensatur tamen, ut, alio præeunte, possent per illum deferre, & jubentur, ut egredientes domo armati, & singulis ferè passibus se saluti- fero signo Crucis præmunirent, & vexilla defer- rent, vel præferri juberent, quibus divorum, aut crucifixi essent appictæ imagines, non alia de causa, ut opinor, quam ut Christianos se esse cogitarent, & ad mortem se pergere, utque se apparerent eidem, si opus esset.

In catadromo die certaminis præco paludatus, seu facialis, armorum Heraldus prodit in cata- dromum, & silentio impetrato per triplicem vo- cem refert nomine Regis alta voce, diem illam esse statam certamini tali, ad probandum corpore & pugna intentionem suam. Postea recta via in catadromi duas portas veniens & provocantem & reum vocat jussus à Principe, vel à præfecto Ju- dice. Deinde vocati ingrediuntur catadromum, & se Principi sistunt, & offerunt. Adest præfe- ctus catadromi, quem vocant *Marescial del cam- po*, & præco interim nomine Regis alta voce le- ges dicit adstantibus, qui certamen visuri advene- runt, præfato silentio, ne quis nobilium, vel alio- rum arma ferat, non enses, non pugiones, excep- tis custodibus catadromi.

Secundò, ne quis inibi equum habeat, alioquin si nobilis sit, equo privetur, si servilis, aut vilis con- ditionis, aure truncetur.

Tertiò, ne quis ingrediatur intra duos fines ca- tadromi, exceptis iis, qui inibi ordinantur, im- minente, & indicta id attentantibus pœna mortis.

Quartò jubet omnes in terra confedere, non in scanino, sub pœna abscissionis manus, vel pedis, ut facilius pugnantes videantur ab omnibus.

Quintò jubet, ne quis eorum, qui adsunt, tus- siat, loquatur, signum faciat, spuat, indicta pœna confiscationis corporis, & bonorum.

Dum citat præco ad januam utrumque mono- machum, num adsit talis, responder citatus, vel ejus advocatus, adest vocatus, & sistit se coram suo superiore Principe, vel coram Judice compe- tente, armatus, ut nobilis, paratus ingredi cata- dromum, & pugnam contra talem vocatum pro hoc, vel illo negotio, tanquam adversus prodi- torem, ac infidum, vel talis criminis reum, cu- jus rei gratia invocatur testem Dominum nostrum Je- sum Christum, & B. Virginem ejus genitricem Ma- riam, D. Georgium militem, & alios Sanctos.

Quibus dictis, præfectus catadromi, vel Magister campi ad Judicem it, relaturus quæ dixit ingressurus catadromum. Jubet autem Judex, eum armatum, uti est, vel equitem, vel peditem admitti. Is ve- rò ingressus cum suo consilio Principi sistitur, & vel per seipsum, vel per advocatum eadem dicit;



dicat quæ præfecto Catadromi, causamque sui adventus. Protestatur autem qui admissus est ita, & provocavit ad certamen. Primò, ut posset pugnare eques, aut pedes, prout satius ei videbitur, cum armis, quæ defert, aut sine his, invadendo, aut defendendo. Secundò, quod pugnaturus sit cum armis permixtis, & non vetitis in Regno, quibus, si utatur adversarius, illi adimantur, & nulla alia in eorum locum dentur. Tertiò protestatur, ut, si adversarius arma ferret vetitis artibus, aut per maleficium fabricata, aut brevia, aut incantationes Demonum, quæ postea manifesta fierent, non ideo lædatur, vel minuatur ejus bonum nomen, bonave fama, aut jus, sed adversarius ob ea plectatur. Quartò, ut si contigerit, Sole occidente, nondum vulneratum, vel victum esse adversarium, detur ei ex sequenti die tantundem, quantum lapsus ex præfenti esset, ad conficiendum integrum diem secundum mores, consuetudinem, & constitutiones. Quintò, ut si contingat statim hora adversarium non comparere, ne posthac audiat. Earumque protestationum, ac petitionum petere potest jus sibi dici. Eadem petit, & protestatur, eademque forma admissus adversarius, sive interpellatus, qui pignus duelli suscipit.

Postea autem recipiant se in sua tentoria monachi; & rursus præco secundo vocat in singulas portas catadromi, quæ dux sunt, conversus, primùm provocantem, qui admissus, pedes armatus quibus uti vult armis, reiecta lorica, comitatus suis consiliariis, & catadromi custodibus, se genibus flexis coram Principe, vel Iudice sistit, quem unus ex latere Principis alloquitur, & adjurat, proposita imagine Domini nostri Jesu-Christi crucifixi, ne immemor suæ sit salutis, recordeturque imminere æternam damnationem, si calumnietur, Deum, illum ut adjuvet precetur, si jure sit pugnaturus. Et statim prehensis ambabus pugillis manibus, summois chirotecis, eas ei admoveat ad imaginem, verbaque concepta juramenti, quæ ipse sequitur, præit: *Ego talis juro super memoriam passionis Domini nostri Jesu Christi, & in fide veri Christiani, & Sancti baptismatis, quod à Deo consequutus sum, me habere, utque verè arbitrer, bonam, sanctam, justamque querelam, & jus, in pignoris datione facta tali pro tali questione, & crimine contra talem, qui falsam, & impiam vult defendere causam, prout hodie fidem, & probationem corporis mei objectionem faciam cum Dei auxilio, & B. Virginis Maria, & B. Georgij, militis.*

Hocque præfinito juramento, repetet tentorium cum illis, qui eum adduxerant. Eoque reducto custodes catadromi in aliud defensoris pergunt tentorium, & eodem modo, forma, & juramento de justa defensione devinctum ducunt ad Principem, & reducant in tentorium. Subinde ambo pugiles, à custodibus divitis una ducuntur coram imagine Crucifixi, & Principe, vel Iudice, cujus consiliarius unus vel Præfectus catadromi, seu Magister arenæ pugilibus genicularis apprehendit manus & in utrumque latus Crucifixi, admoveat, & postea jubet eosdem sibi mutuo dextras dare, & jungere, eosque ita verbis affatur.

*Tu talis, qui provocasti ad certamen & Tu talis, qui suscepisti, videte, perpendite, & contemplamini Sacratissima passionis Dominica memoriam, ex qua periculum anima & corporis imminet ei, qui juramento præfinito, & præstando pejeraverit. Considerate sententiam, iramque Dei in eum, qui injuste*

*contendit, & quod Deus opitulatur justam causam faventibus, obsistit autem impiam defendentibus. Scitote melius, satiusque esse incidere in manus hominum, quàm in manus Dei. Adhuc superest penitentia locus. Resipiscite antequam contendatis injuste. Visne tu talis, qui jurasti antea, te justam causam fovere Sacramento idipsum confirmare? Tuve, qui pignus suscepisti, visne iterum idipsum jurare?*

Hisque dictis, si nolint jurare, & dicti, factique pœniteat, relinquuntur arbitrio, ac misericordiæ Judicis, vel Principis ante pugnam, & reducuntur in tentoria propria. Quod si velint jurare, jurabunt præeunte Consiliario Principis vel Magistro, seu Marechalco Campi, in hæc verba: *Ego talis provocans juro supra veram imaginem Domini nostri Jesu Christi, in fide baptismatis, quod consequutus sum à Deo, in spe gaudiorum Paradisi, quibus abrenuncio, & pœnas damnationis æternæ deligo in animam, vitam & honorem meum, si sciens fallo, & ni arbitrer, me justam causam fovere expugnandi talem iniquum proditorem, adversarium, quem in conspectu habeo, video, & manu teneo. Hujusce rei gratia invoco in verum Judicem, Deum, Beatam Virginem Mariam, Beatumque Georgium, Sanctum militem. Quæ, ut fidelius exequi possim, per juramenta præfinita juro, me non deferre, nec decrevisse ferre mecum, aut supra equum, verba, lapides, herbas, incantamenta, invocationes demonum, quæ me possent juvare, aut ei nocere, neque quicquam aliud præter jus meum, equum meum, armæque meæ, & cum osculor hanc veram Crucem, & taceo.*

Eadem jurat, & eodem modo, qui defendere decrevit. Subinde se in pedes erigunt, jubetque Consiliarius, vel Magister Campi, eos sibi iterum mutuo dextras dare, & provocantem provocato dicere: *Provoco te, talis, quem ego dexterâ teneo per Sacramenta, quæ præfinita, causâ, ob quam ad singulare certamen te provocavi, vera est. Ideo juste te provocavi, & hodierna die te expugnabo. Tu contra injustam foves causam, injusteque eam tueri, ac defendere vis, testesque ea de re appello, Deum, Beatam Virginem Mariam, & Beatum Georgium, bonum equitem, seu militem. Provocato autem jubet dicere, se præeunte Et ego, talis, quem dexterâ teneo, per Sacramenta jam præfinita dico, causam, ob quam me provocasti, falsam esse, & iniquam, & proinde me justam, ac rationabilem habere defendendi, teque expugnandi, ac repellendi hodie adversus injustam, & falsam objectionem, & criminationem, ob quam me interpellasti, cum bene ipse noveris te pessimè, ac impie mentiri, ut in testes, Deum, Beatam Virginem Mariam, & Divum Georgium bonum Equitem invoco.*

Hisque dictis, genua iterum flectunt, & deosculata imagine Crucifixi, in tentoria redeunt. Hæc formulas vir in aliis negotiis expertissimus Claudius de la Sale præscripsit. Belisarius verò cap. 6. aliud juramentum per Judicem, aut Principem à pugnaturs exigendum docet; *Se non ob aliam causam pugnaturos, quam ut veritas elucescat, nec odio, nec alia, quam soli honoris causa, & in defectum probationum.*

His peractis in medium catadromi venit præco, & iterum nomine Principis quemque adstantium jubet suo loco confedere, quietè, se temperare à signis, ne tussiat, ne excreet, ne se moveat. Adsumt pugiles ad pugnam parati, quibus omnibus in suis sedibus se continentibus, jubet iterum præco, ut certamen ineant verbis ter repetitis: *Fungimini Officio vestro.* Ipseque se subducit juxta catadromi palos. Explicatur juxta cuiusque pugnaturs tentorium interim mantile, ænophorus, & panis. Prodit in medium præpositus Campi, seu Maref-



Marescallus, & interrogat pugiles, num parati sint ad certamen, illisque se paratos respondentibus; ille progressus in medium arenæ deferens pignus certaminis, sive chirothecam alta voce clamat ter: *Sinite hos abire*, projicitque pignus in medium certaminis. Concurrent tunc pugiles vel equites, vel pedes. Exeunt autem eorum Consiliarii vallum, seu palos catadromi, finem & exitum pugnae expectantes, nisi Iudex certaminis, aut Princeps permittat unum, aut duos utrinque adesse catadromo, ut melius certamen observent, dispiciant, audiant, & postulent pro jure suæ partis.

Certamine inito, queritur quis pignus lucretur, aut liberetur à pugna. Et dicunt in duobus casibus id accidere. Primus si alter pugnantium fateatur culpam, & se deditit. Secundus, si alter eorum pellatur extra catadromi vallum, vel palos vivus, aut mortuus. Nam in hac pugna edicitur, ut ait Belisarius *cap. 10.* ne extra vallum, vel septrum pugnetur, & extra pugnant pro victo habetur, nisi casu, vel sine culpa sua sepra transilerit, puta si forsan equus ferus se subtrahat freno non obtemperans, quo casu iudicio omnium habito, & suffragiis sine culpa pugilis factum, in pugnam reducitur. Causa interim pugnandi mutanda non est. Belisarius, *cap. 11.* nec semel victus iterum provocare potest.

Victo vel prostrato, vel adhuc vivente, vel mortuo adversario, ejus corpus relinquitur Præfecto catadromi, seu Mareschalco campi, ut Iudex, vel Princeps de supplicio ejus statuat, vel ejus misereatur. Victor Principi, vel Iudici geniculatus se sistit, querens num debito functus sit officio. Quo casu Princeps à certamine eum absolvit, & ille in propria tentoria cum suis, & amicis redit. At si victus adhuc vivit, vel mortuus est, prostratus à præconibus paludatis, seu heraldis erigitur, exarmatur ligulis armaturæ ruptis, arma per catadromum sparguntur, & rursus in terram prosternitur, donec Iudex, vel Princeps quid de eo factum velit, statuerit. Obsidibus ejus victori datis, acrerentis, donec satisfecerint eidem adversario & bona victi nullo addicta fuerint Principis, & si reus vicerit, tutus in posterum ab illato crimine erit, transiitque negotium in rem judicatam, ut neque de eo inquiri postea possit, nec jam inquisita noceant. Si concurrentibus duellantibus cum equis, uterque prosternatur eodem, mutuoque impetu, judicatur pro defensore, quia actor non probavit, Belisarius *cap. 19.*

Ex sententia ejusdem Belisarii *cap. 15.* videtur potestati victoris absolutæ concessus victus, & ideo ait victorem victo debere imperare honesta, non turpia, obsequendumque victori, sed non ut nobilis jubeatur agrum colere, fodere, pecora custodire, servile opus agere, nec oportere in eum crudeliter sævire. Et hæc hæctenus de Forma Duelli dicta sunt.

Quod verò ad personas volunt, has pugnas fieri debere à personis idoneis tantum, neque duellum permissum, nisi inter personas æqualis ferè dignitatis. Et ideo inferior à superiori, cui subijcitur, cogi non potest ad pugnam, Belisarius *cap. 7.* & ferè omnes, qui non admittuntur in iudicio, reijciuntur à pugna, turpitudine vitæ notati, infames, desertores exercitus, quæstuarie mulieri infervientes, emancipos, cauponam exercentes, qui dimicantem in prælio dominum deseruerunt, colonus, villicus, crimine capitali damnatus, deportatus, hæreticus, idem Belisarius, *cap. 8.* & quia pares debent esse commilitones, si ignobilior ad certamen superiore provocet, potest nobilior, parem loco sui subrogare, non autem contra, si nobilior ignobiliorrem provocet. Nam tunc ignobilior, vel nobilior

aliud non subrogat. Subrogat provocatus, si minor sit viginti quinque annis, vel major sexaginta; mulier, quæ adulterij postulatur, si servus absens furti accusatur, & si testes sint varii. De his Belisarius *cap. 9.* extatque lex, sive titulus, qualiter quisque se defendere debeat *lib. 2. leg. Longobard.* Victo tamen subrogato, victus censetur subrogans, idem Belisarius, *cap. 9. qui cap. 3.* meminit cujusdam legis Friderici secundi Imperatoris, per quam si provocatus aliquo corporis membro ad pugnam destitutus, mancusque sit, eodem & provocator carere debeat, nec ullo modo eo in ipsa pugna uti. Nec si eques sit provocator, provocatus verò pedes, ut reo potius, quam actori iura faveant *l. actuarios ff. de act. l. favorabiliores ff. de reg. iur.*

Finis duelli est probatio occultorum, & purgatio indiciorum, ut iam diximus. Inde rationes quoque petuntur ad admittendam ex causis, & præsumptionibus urgentibus monomachiam, ne maleficia clam commissa haberent diffugium, & delinquendi tolleretur securitas, & occasio. Sed & nobiles tantum tribuerunt honestati, gloriæ, ac bonæ famæ, ut potius eorum, quam vitæ rationem habendam putent, ac præstare honestè mori, quam turpiter cum ignominia vivere. Alii etiam facile credunt, Deum veritatem manifestaturum in hoc certamine. Sed certè, ut litis & iudiciorum dicimus, exitus esse incertos ac dubios, eò magis certaminis huius trucem, & immanem congressum, æque dubiæ ratæ sunt Christiani, per rationes superius adductas. Sed eò maxime, quod quis tentare Deum videatur, & nimium de sua justificatione confusus, in mortem spontaneam perveniat, inscius, an amore, vel odio Dei dignus sit, & num pro aliis peccatis, quibus omnes abundè scæremus, & constringimur, dignus quoque sit in certamine à Deo relinqui, & ejus destitui ope. Rectè D. Augustinus *lib. 1. de civit. cap. 22. & 23.* docet, non esse magnanimi animi, neque christiani mortem sibi accelerare.

Et utinam nobiles, quid esset mors, & quid post mortem expectare oporteat, animo conciperent, ac revolverent cujus sint discipuli, & cuius nomine christiani appellentur. Certè, ut arbitror, istas deponerent vanas, & tumidas jactationes, & superba & paganica bella, & Dei iudicium potius expectarent, & vindictam ab eodem hostium, & malefactorum, ut ipse Dominus noster Iesus-Christus vivendo, ac moriendo exemplo suo nos docuit. Et si milites effæcati, aut potius feræ, his non acquiescant, Reges ac Principes, quorum munus est salutem Reipublicæ curare, has monomachias, & gladiatoria ferina spectacula non patientur, quemadmodum etiam S. Tridentina Synodus *sess. 9. in decret. refor. gener.* rectè statuit, ut quicumque duellum con- cesserit, excommunicetur. Ex quo Concilio revocata est Extravagans Joannis XXII. *tit. de torneam. incipiens qui in futurorum eventibus*, per quam tollebatur sancta Constitutio Clementis V. qui prohibuerat torneamenta, quæ habent monomachia periculum. De quibus, & aliis circa duellum vide consultationem peculiarem *in tom. 9.* Hic tantum de illo disceptavimus quatenus est purgatio vulgaris damnata.

His igitur rejectis, Juramenti sola purgatio remanet, *cap. si quis de purg. can.* Eius forma est, ut qui infamatus est de aliquo crimine verisimilibus suspicionibus, juret super Sancta Evangelia, Romæ aliquando ad B. Petri corpus, ut *can. habet*, & *can. Mennam 2. qua. 2. 5.* se immunem esse ab eo delicto, neque illud commississe per se, aut per interpositum



terpositam personam, si id crimen exigit, *cap. quoties de purg. can. cap. Landabilem §. fin. de frig. & malef.* Accedunt & compurgatores, id est viri alii, qui pariter jurant, se credere, quod qui juravit, verè juravit, & quod secundum suam conscientiam, ille sit immunis ab illato crimine, *d. cap. quoties, & cap. constitutus, & cap. de testib. de purg. can.* Compurgatores porro debent esse honestæ personæ, ac vicinæ, quæ noverint vivendi ritum ipsius, qui se purgat, *dj. cap. constitutus, & cap. cum dilectus, cap. quanto, & cap. quibusdam de præsumpt.* honestate in illis considerata, ut sint bonæ famæ, nec sint pro aliquo crimine condemnati, *d. cap. constitutus.*

Locus purgationis faciendæ dicitur is idoneus, ubi infamatio apparet, ut si à populo infametur, coram populo fiat juramenti purgatio, & compurgatio, *arg. cap. 1. de pœn. & cap. ex tua de sim.* Si inter clericos tantum, coram illis *cap. 2. in fine de purg. can. cap. qualiter §. fin. de accus.* Ut ibi pereat, sive aboleatur fama, ubi pessimè orta dicitur, & tollatur è loco scandalum, *can. Mennam 2. q. 5. can. illud d. 33. can. de crimine 15. qu. 5. can. si peccaverit 2. qu. 1. cap. postquam de Elect. cap. inter sollicitudines, & attendentes de purg. can. auth. qua in provincia ubi de crim. agi oportet.*

Compurgatorum numerus non est certus, & idem omnibus personis definitus jure. Nam interdum cum septima manu se purgare jubentur in causa matrimonii solvendi, quæ se à conjugali congressu intractas dicunt *cap. Landabilem de frig. & malef.* mandat Lucius III. Summus Pontifex fieri purgationem septima, aut quinta manu, sicut expedire Judici videbitur, *cap. ex tuarum de purg. can. can. si legitimi, can. quoties 2. q. 5. Innocentius III. jubet decanum purgare se ab infamia, & criminibus illatis, non probatis plenè, cum decima quarta manu, id est cum quatuordecim compurgatoribus sui ordinis, cap. inter sollicitudines eod. tit. de purg. can. Concilium Triburiense nobili addit compurgatores duodecim cap. 1. eod. can. nobilis 2. qu. 5. Alibi & plures, vel pauciores inveniuntur necessarii. Ut autem rectè in hac quæstione definiamus, ex Iudicis arbitrio Compurgatorum numerum adhibendum esse. Is autem eum determinabit pro modo infamiæ, & pro gravitate criminis, & habita ratione personarum, & scandalali suborti ex diffamatione *cap. ex tuarum, ibi: sicut expedire cognoveris. Glos. in cap. 1. v. duodecim, Glos. cap. inter sollicitudines v. decima quarta manu de purg. Canon. in can. omnibus, can. presbyter 2. qu. 5. ut & duorum Compurgatorum numerus interdum sufficiat, cap. cum in juventute de purg. canon.**

Sed & in solius se purgantis juramentum purgatorium sufficit interdum, in quibus confessio ejus, vel negatio exigitur, ut in juramento calumniæ, illudque docetur in exemplis *lib. fin. §. licentia C. de jur. delib. l. eos, qui §. fin. C. de usur. l. presenti §. sicubi C. de ijs, qui ad Eccles. confug. l. fin. C. de fid. instrum. l. fin. §. fin. C. de bon. auth. jud. possid. l. Fin. §. fin. autem dubitatur C. de jur. dom. impet. l. 4. §. sed si inscio ff. de eod. l. properandum §. 2. C. de judic. l. si quis decurio C. ad leg. Cornel. de fals. l. si de meis §. fin. ff. de arb. l. 1. §. si quis argentum ff. de pos. l. actiones §. 1. ff. de furt. l. Marcellus ff. rer. amot. auth. novo jure C. de pœn. jud. qui male judic.* Sed & in Concilio Guarmacensi singularis purgatio servata docetur pro deprehendendo furto in monasterio facto, exhibita communione cum his verbis *Corpus Domini nostri sis tibi hodie ad probationem; can. saepe contingit 2. quæst. 5.* Quæ tamen formula sublata fertur, eò quod suspectis non est danda Eucharistia *cap. dilecti de purg. Canon. can. tribus de consecr. d. 2.*

Non est autem cujusque Iudicis purgationem infamato statuere, sed tantum ejus, qui de negotio cognoscit, vel cognoscere debet, de quo infamatur; alioquin si ab alio statuatur ea purgatio, non relevat infamatum, *d. cap. cum dilectus in fin. de purg. Canon. cap. ad audientiam de consuetud. cap. licet de offic. leg. cum similibus.* Quia non prius pervenitur ad purgationem, quam cognitum sit ab eo, qui de criminibus cognoscere potest, an infamatio, vel accusatio sufficiat ad condemnationem. Nam tunc si sufficiat, condemnat, nec opus est alia probatione, sive purgatione, ut in notoriis *d. cap. cum dilectus, & cap. si quis de gradu de purg. canon. can. evidentia de accus. 1. can. de manifesta 2. quæst. 1.* An verò probata non sit, sed sit verisimilis, aut non verisimilis, ut si verisimilis statuatur purgationem, *d. cap. si quis de gradu.* Si non sit verisimilis, non statuatur, *cap. cum in juventute de purg. canon.*

Prius autem, quam quis cogatur purgationem illam solennem facere, vocari debet, & examinari de fama; ne inauditus condemnetur, aut absens contra juris divini, & humani regulas *can. Deus omnipotens 2. quæst. 1. can. de illicita 24. qu. 3. l. inauditus ff. ad leg. Cornel. de sicar. l. absentem ff. de pœn. cum aliis, d. cap. cum dilectus ad fin. & cap. cum sit Romana de appel.* Sententia quoque ea de re ferenda. Quæ omnia non possunt fieri nisi ab idoneo Iudice, & competente. Alioquin si fiant à non suo, nullus sequetur effectus, *cap. novit de judic.* Nam potest cogi in diffamatione, & scandalo, ut se purget infamatus *cap. 4. §. fin. & cap. 2. & cap. nos inter de purg. can. & can. si mala 2. quæst. 5. nisi ad superiorem Iudicem appellaverit d. cap. nos inter, & cap. licet, & cap. irrefragabili de off. ordin.* Præfigit ordinem judicalem antequam fiat purgatio, *Glos. ad cap. 2. v. suspenditur, & Glos. ad d. cap. inter sollicitudines v. constitutio de purg. canon.*

Sequitur autem ex bene statuta purgatione per Iudicem, ut si nolit se purgare, vel si in purgatione defecerit, qui iustus est se purgare, habeatur pro condemnato, & convicto *d. cap. inter sollicitudines, §. quod si forstan, & §. 2. de purg. Canon.* Quemadmodum is, qui de calumnia jurare recusat, *cap. fin. §. 1. de juram. calum. auth. principales §. si quis autem de jurejur.* Et nolle se sacramento hoc obstringere purgationis, reatus indicium visum est Victorino: Is enim cum Germaniæ præfesset, conatus est domi, semotis arbitris, Legato suo persuadere, ne se pecunia corrumpi sineret, cumque illud non impetraret, ad tribunal venit, juravit se nunquam ulla munera accepisse, neque quoad viveret accepturum. Mox idem præcipit Legato, ut simili Sacramento se obstringeret, is conditionem recusavit, quare eum abdicari officio iussit, ut scribit Xiphilinus in Commodo. Jurare etiam cogebantur olim lectores olivarum, neque oleum, neque oleam furtivisse, neque alium quenquam suo dolo malo. Aliter enim neque argentum, & mercedem, neque oleum, oleasve habebant, ut ait *Cato lib. de re rust. cap. 144. & seq.*

Quod si purgatione negaverit se commississe, de quo infamabatur, & innocentiam ostenderit per compurgatores adsolvitur & dimittitur in pace *d. cap. ex tuarum in fin. & cap. fin. in fin. de purg. canon.* Explicat autem Glossa *fin. in cap. ex tuarum de purg. canon.*



Canon eum, qui legitimo modo, & coram suo Iudice se purgavit, maxime præfente accusatore, non posse iterum accusari de eodem crimine, sed perinde haberi, ac si sententia absolutus fuisset, eum iurandum hoc videatur esse decisivum, & majoris auctoritatis quàm transactio, aut res iudicata, l. 1. §. 1. ff. de iurejur. Et saltem ideam consequuntur per iuramentum, quod per sententiam consequeretur, l. sed & si, §. si iun de hereditate, ff. de iurejur. Item quod popularis actio extinguatur iure iurando citra collusionem præstito, l. cum, qui §. in popularibus cod. Nec de eodem crimine bis querendum est, l. licet ff. naute, canon. stabul. cap. de his de accus. can. si illis 23. q. 3. nisi nova infamia supervenerit, quæ firmet & probare videatur priorem abolitam iuramento purgatorio. Nam ex ea causa absolutus, iterum accusari potest, cap. veniens de accus. can. admonere 3. q. 2. Et eidem indici nova purgatio, cap. ceterum de iur. cal. cap. cum in iur. mure de purg. can. cap. ceterum de test. cogens. cap. pascali de except. d. can. Menam 1. q. 3. Quomodo alibi diximus ex novis indiciis repeti posse torturam, sive quæstionem. Et notatur etiam casus repetitionis accusationis in l. 3. ff. de præsur. in l. si cui §. iisdem criminibus ff. de accus. can. multi 2. q. 1. Unde & cautius reus delatus cum per sententiam accusatione liberatur, nunquam absolvitur absolute, sed dicitur, amplius esse inquirendum, interim verò relaxari, semper enim veritati locus esse debet, & errore detecto ac probationibus factis, purgatio, quæ habet probationem tantum præsumptam, rei veritate eliditur, cap. signific. nribus de purg. vulg. Et multò magis si purgatio sit vulgaris per quam quis absolutus sit, vel damnatus.

Nam ea absolutio non transit in rem iudicatam, Inspicienda namque causa fundamentalis sententiæ, nempe dubium, num res esset, vel non esset, num crimen, vel non. Ac proinde sublata causa, & dubio certo facto, cessabit sententia, & corruet, cap. cum cessante de appell. l. addigere §. quamvis ff. de iur. pati. can. cum Paulus 1. q. 1. Neque hic verum est, quod sententia per errorem lata, transeat in rem iudicatam, si nulla appellatione suspendatur, quod examinat Glossa. ad cap. 2. de purg. vulg. & in summa iustis. Otienlis, quos videto.

Rationum porro purgationis inductæ prima, ut saltem aliqua via delatum crimen, & non probatum plene, possit aliqua certa sententia definiri, Quia sententia vel absolutionem, vel condemnationem habere debet, l. 1. de re iudic. Item secunda, ut scandalum, quod ex infamia nascitur criminis impositi, aboleatur inter bonos, & graves saltem, cap. pen. de purg. can. ecce 24. q. 3. can. omnibus 2. q. 5. Tertia quod non sufficit bonum esse, sed etiam exigatur, potissimum in personis dignioribus, vita, quæ aliis scandalo esse non possit, & sit sine suspitione etiam mali, cap. 2. de purg. can. can. nolo 12. q. 1. & can. non sunt 12. q. 11. ad Roman. 1. & 2. Corinth. 3. can. si mala fama 2. q. 5. Propter nos conscientia nostra nobis necessaria est, & hic murus aeneus esto

Nil confite sibi, & nulla pallescere culpa;  
Propter alios tamen & necessaria bona fama d.  
can. nolo. Quare & necessarium purgatorium iuramentum, jam receptum etiam lege divina, ut Deuter. 31. & Exodi 22.

Prava igitur est, superstitiosa & damnabilis consuetudo, secundum quam accusatus, & accusator stringitur ad pugnandum per se, vel per alios, ut appareat innocentia, vel convincatur crimen latum, quæ dicitur purgatio vulgaris. Absit enim ab usibus, ut qui vincit in causa sit in iure potior, Tom. 1.

us inquit Oldrad. conf. 191. n. 2. Nam multa continet absurda propter quæ redditur impræscriptibilis, ut idem ait. Cur autem hæc probatio sit reprobata plures adducunt rationes in cap. Henricus de cler. pag. in duel. Ost. n. 1. Jo. Andr. n. 3. Butr. n. 12. Anchar. n. 6. & Jo. de Anania n. 1. Prima est, quia per talem probationem Deus tentari videtur can. monomachiam 2. q. 4. Secunda, quia mortes hominum, & pericula animarum inde proveniunt, cap. 1. vers. fin. de homic. Tertia, quia inventa est fabricante Diabolo can. Menam, & can. consultasti 2. q. 4. quarum rationum meminit etiam Concilium Tridentinum. cap. 19. sess. 25. ubi dicitur: Detestabilis duellorum usus, fabricante diabolo introductus, ac cruenta corporum morte animarum etiam perniciem lucretur. Quarta, quia non est verisimilis probatio, in ò verisimile est, ut fortior, ac potentior debiliorem conculcet, arg. cap. 1. vers. 1. de homic. Et enim potentioribus pares esse non possumus. l. 3. resp. 1. ff. de alien. iud. mat. cons. fac. Quinta, quæ ex præcedenti consequitur, quia vix, aut nunquam possunt eligi pugiles utrinque pares in omnibus. In Iudiciis autem iniquitas, & inæqualitas reprobatur, ut in cap. cum inter priorem §. 1. de except. & in cap. 1. §. 1. de iur. perit.

Sexta, quia falsa probatio est, unde nec sententia hac occasione lata in rem iudicatam transit, ut in cap. 2. de purg. vulg. Septima, quia nulla fortitudo sive iustitia est laudanda, ut in auth. ut omni obed. Ind. resp. 1. coll. 5. Ex quibus sequitur, ut hæc species duelli purgationis vulgaris sit omni iure prohibita, prout illam de iure divino, canonico, & civili prohibitam esse pluribus probat Marian. Socin. in d. cap. Henricus num. 6. & seqq.

Atque hætenus de singulari certamine quoad purgationem vulgarem. Quoad verò reliqua vide nostram integram Consultationem in tom. 9. in qua de omnibus fere, quæ ad id restant dicenda, copiose discussur.

At redeamus ad Divinationem per sortes, eamque plenius explicemus. Sors est quædam actio fortuita, qua aliquid occultum inquiritur, ut innoscat ex D. Thoma 2. 2. quæst. 95. ar. 8. Est triplex. Divisoria, Consultoria, Divinatoria. Divisoria est cum aliquid sit, ut ex sortis eventu sciant sortientes, quid in electionibus, vel controversiis unicuique ipsorum tribuendum sit. Supponit enim quandam contractum, seu pactum conventionis inter sortientes, ut transferatur dominium illius rei quæ in sortem mittitur ei, cui sors ceciderit. Hoc autem pactum includit voluntatem quasi conditionatam sortientium ad talem effectum faciendum, quæ voluntas transit in absolutam, impleta per sortem conditione. Nam licet conditio illa casu impleatur, tamen ita, & non aliter posita erat in pacto, & in vim illius pacti, ac præviæ conventionis transfertur dominium rei, vel officii, aut beneficii in sortem missi. Et ita pro diversitate huius pacti variae possunt esse istæ sortes. Aliæ enim sunt luforia, quia eveniunt in omni ludo cuius eventus pendet ex pura fortuna. Et aliæ sunt electoria, quia ad aliquam electionem faciendam ordinantur, ut per Suarez. tom. prim. de relig. liber 2. cap. 12. nu. 2.

Consultoria est, quando sors mittitur ad cognoscendum aliquid occultum. Nam omnis inquisitio veritatis occultæ, est quædam consultatio, & omnis prædictio, vel præcognitio illius, generaliter loquendo, dicitur divinatio. Unde quando in sortibus consultitur Deus, ut sciatur ejus voluntas in aliquo negotio dubio, quid agendum, vel cavendum sit, sortes dicuntur consultoria.

Divinatoria est, quando per illam tacite, vel expresse



preſſe conſulitur demon ad inveſtigandam cognitionem futuri eventus, vel alicujus rei occultæ. Divinatio enim in malam partem ſumitur ex eodem D. Thoma *loc. cit. ar. 1.* Nam cognitio futurorum ac rerum occultarum ex Dei revelatione dicitur Prophetia, vel ſcientia infuſa, non divinatio, ut per Caſtropol. *p. 3. rr. 17. pun. 6. n. 1.* & alios communiter.

Ex ſortibus autem diviſoriis, quæ ſunt prævio contractu, vel pacto, nonnullæ ſunt licitæ, aliquæ prohibitiæ. Nam in multis ſortibus nulla ſuperſtitio invenitur. Non enim continent expreſſe, neque tacite aliquam dæmonis invocationem, neque in uſu iſtarum imploratur dæmonis auxilium ad aliquid dividendum vel conferendum per ſe. Neque etiam talis uſus habet malitiam injuſtitia, niſi aliunde ex aliqua deceptione illi adjungatur. Ex ſui enim natura non ſunt intrinſece malæ, neque generaliter prohibiti; imo potius jure civili in multis caſibus approbantur, ut conſtat ex *l. ſi duobus C. commun. de legat.*

Aliquæ verò ſunt prohibitiæ, quia in jure Canonico prohibentur ſortes in electionibus eccleſiaſticis faciendis, ut ex *cap. Eccleſia de ſortileg.* in quo abſolute ac ſine reſtrictione id prohibetur. Indeſinita enim locutio æquivaleret univerſali.

Sunt autem licitæ ſortes diviſoriæ primò ad dirimendum lites de rebus ſecularibus ex mutuo litigantium conſenſu, quia eſt contractus æqualis, in quo unusquiliquæ cedit juri prætenſo, ſi ſors alteri contigerit, ut per Leſſium *lib. 2. cap. 43. dub. 9. n. 58.*

Secundo autoritate Judicis in diviſione rerum, quæ aliter dividi non poſſunt, neque apparet qui in jure majorem in illis haberet rationem. Tunc enim Juxta, etiam ſi litigantes renuant, ſortes mitti præcipere poſſe, ut ex *d. l. ſi duobus.* Nam Iudex ſuo ex officio compellere poſſe, ut in illo contractu conſentiant, dum alia via non adeſt ad controverſiam dirimendam. Quod etiam docent Sanchez *lib. 2. in decal. cap. 38. numer. 57.* & Caſtropol. *d. nu. 3.*

Tertio, quando inter milites diverſarum nationum eſt contentio circa periculum invadendi oppidum, ſorte decidi ſolet, quæ natio prior invadere debeat, Fagundez in *decal. lib. 1. cap. 40. n. 3.*

Quarto, quando tempore peſtis diſceptatur, quinam Parochi, vel Regulares, vel medici attendere debeant animabus, corporibusque curandis, vel quis recedere poſſit, licet ſortibus electionem committere, D. Auguſtinus *epiſt. 180.* Sanchez *ibid. num. 59.* Et Caſtropol. *loc. cit.*

Quinto, quando plures rei digni ſunt morte, & non expedit omnes punire, licitum eſt ſorte decernere, quinam ſint necandi; quia in hac ſortitione nemini fit injuria, ſed potius ſingulis fit favor dum eis ſpes datur evadendi mortem promeritam, Leſſius *ubi ſupra n. 3.*

Sexto, quando eleemoſina uni ex pluribus pauperibus, vel locis piis eſt eroganda, licet ſortibus deſignare, cui eroganda ſit, quia nulli fit injuria, cum æquale jus omnibus concedatur. Singulis enim conceditur poteſtas, integre eleemoſinam accipiendi, ut per Azorium *p. 1. lib. 9. cap. 21. quaſt. un.* eſtque ſententia D. Auguſtini *lib. 1. de doct. chriſt. cap. 28.* & tradunt Sanchez *num. 59.* ac Suarez *inibi num. 17.*

Septimo, quando tempore tempeſtatis, ne ſequatur navis naufragium, & omnium navigantium mors, necesse ſit ipſorum aliquot in mare projici, licitum eſt inter ſe ſortibus ſtatuerè, quinam ſint projiciendi. Nam hoc modo ſperare poſſe unusquiliquæ vitam conſequi, alias miſere periret. Imò ſi inter ſe non conſentirent, poſſet dux navis etiam ſortes mittere. Quia in eis omnium periculum vitæ intendit morte aliquorum. Quod pro communi bono expedit, ut per Delrium *lib. 4. miſic. 4. quaſt. 1.* Additque Delbene *de off. Inquis. p. 2.*

*dub. 225. ſect. 1. num. 7.* ſi aliqui ſortitionem impedirent, poſſent reliqui in mare illos projicere, quia ſortes impediendo vim injuſtam inferrent, contra quam alii licite, vitæ plurium ſervanda cauſa, ſe defendere poterunt.

Oſtavo, quotieſcumque res exteriores commode dividi, vel distribuì non poſſunt, vel non apparet ratio, cul alter alteri in aliquo commodo, vel incommodo præferri debeat, ſortes diviſoriæ licitæ ſunt, eaſque adhibere poſſumus, ut ex D. Auguſtino *lib. de doct. Chriſt. cap. 28.* & Delbene *loc. cit. ſect. 7. n. 7.*

Atque ita, ut etiam inter Clericos licitum ſit ſorte dirimere, & componere lites, non ſolum in cauſis ac litibus de rebus ſecularibus, ſed etiam de beneficiis, dummodo tamen id fiat autoritate Judicis Eccleſiaſtici. Nam in *cap. Eccleſia de ſortileg.* ſolum prohibetur uſus ſortium in electionibus ad beneficia, non in dirimendis litibus beneficialibus & Eccleſiaſticis. Qui enim hujusmodi lites componunt, non eligunt. Neque mens Eccleſiæ eſt, ut lites etiam beneficiorum diu protrahantur, neque ille, cui ſors contigit, accipit beneficium ex vi ſortis, ſed ex vi tituli, aut ex vi juris, pro quo lis pendebat. Per ſortem autem ſolum aufertur impedimentum.

Requiritur verò autoritas Judicis Eccleſiaſtici, tum quia ſi ſortes iſtæ fieri poſſent autoritate privata ipſorum litigantium, fieri etiam poſſet, ut per talem ſortem obtineret quis beneficium, non habens titulum juſtum. Nec eſt in poteſtate colligantis jus beneficiale in alium propria autoritate transferre. Tunc etiam ad evitandam ſimoniam, Nam omne pactum, quo paratur via ad beneficium ſimoniacum eſt, *cap. ſin. de pact. & can. quam pio. q. 1.* At, ſi ſupra beneficium litigioſum partes pacificantur in manibus Judicis, ut ipſe proferat juxta pactum ſententiam, & admittat ad beneficium, tunc ſententia, & nulla intervenit ſimonia, nec ſacrilegium. Atque adeo idem erit, ſi pactum ſit de ſortibus emiſſis autoritate Judicis. Ita docent Suarez *loc. cit. cap. 12. n. 12. & ſeq.* Sanchez *d. lib. 2. in decal. cap. num. 79.* Fagundez pariter in *decal. lib. 1. cap. 40. n. 7. & 8.* Caſtropol. *cit. pun. 6. n. 7.*

Nec prohibitio dicti *cap. Eccleſia de ſortileg.* extenditur ad electiones civiles, & ſæculares. Quoniam licet enim textus abſolute loquatur de electionibus, quia tamen Jus Canonicum non diſponit in propria materia, ideo illa prohibitio de his, quæ ad beneficia pertinent, intelligitur, & cum ſit perſonalis, non extenditur ad alia. Idque confirmatur et conſuetudine, quæ illum textum ita interpretata eſt. Nam, eo minime obſtante in civilibus electionibus frequenter utimur ſortibus. Sic ſorte eliguntur virgines pauperes, quæ dotis eleemoſinam receptæ ſunt ex multis habilibus, quæ ex urna extrahuntur. Sic etiam in Conclavi ſorte eliguntur Cardinales in quo cubiculo collocari debeant. Idemque in ſimilibus obſervatur, ut per Azor *d. lib. 9. cap. 21. quaſt. unica §. At vero,* Suarez *d. cap. 12. nu. 15.* Leſſ. *ibid. cap. 43. dub. 9. n. 58.* & Sanchez *eo cap. 38. nu. 50.*

Aliquando tamen eſt illicita in civilibus electionibus per ſortes. Quoniam ſors illicita in publicis officiis conferendis, non quia eſſet ſuperſtitioſa, & contra religionem, ſed quia eſſet contra juſtitiam diſtributivam, cui repugnat, ut id, quod ſecundum merita conferendum eſt, detur per ſortem. Eſſetque etiam contra juſtitiam commutativam quia hoc repugnat debitæ adminiſtrationi Rei publicæ ac ejus communi bono. Eſſent vero hujusmodi ſortes licitæ in dictis electionibus, ſi adhiberentur inter eos qui ita eſſent illo officio digni, ut vix poſſet inter excuſari



judicati, prout tradunt Suarez, Lessius, Azor *loc. cit. cit.*

Porro sortes divinatorie, quæ ex se licitæ sunt, possunt ob aliquam circumstantiam vitari. Primo ratione falsæ existimationis & intentionis. Ut si quis expectaret sortem sibi felicem ex astrorum influxu. Nam atra in sortibus nihil possunt operari. Ita D. Thomas d. *quest. 95. ar. 8.* ac Delrius d. *cap. 4. quest. 1.* qui etiam censet, esse peccatum mortale si id expectetur certo ab astris eventurum fore. Secundo vitantur, si expectetur eventus non à Deo, sed à fortuna, ut si quis sortem non agnosceret à divina providentia, peccaret mortaliter. Dicitur enim Prov. 16. *Sortes mittuntur in sinum, sed à Domino temperantur.* Verum si quis ita se fortunæ committit, ut non excludat divinam providentiam sortes dirigens, tantum venialiter peccaret, ut tradunt citati Doctores. Tercio vitari possunt, si à dæmone expectetur eventus, vel si sortes eo invocato mittantur. Tunc etiam est gravissimum peccatum. Et, ut notat Sanchez *num. 66.* quando quis auxilio Dæmonis facit sibi sortes esse felices, tenetur restituere id, quod sortibus acquirit. Quia decipit alterum sortientem. Quarto si res in sortem exposita, non sit sortientium, sed aliena, nec adesset domini consensus, vel sortes adhiberentur inter eos, qui non haberent æquale jus ad rem illam. Quinto, si quis in sortibus uteretur aliqua fraude, ut in ludo. Tunc enim adesset injustitia, & non posset quis rem obtentam retinere. Quia in hoc casu cessat æqualitas contractus, & voluntas contrahentis. Sexto sunt illicitæ sortes, si in ipsis, quis naturæ libris sacris Bibliorum aut rebus sacris, quæ non sunt ad hunc usum institutæ. Non esset tamen mortale peccatum, nisi, in aliquo casu magna irreverentia interveniret ut per Suarez ibidem Sanchez *num. 69.* Delrium *loc. cit.*

Pone, quod in eadem Electione Ecclesiastica duo concurrentes sæpius habuerint suffragia paria. Sit ne licitum inter eos sortes adhibere? Videtur affirmative respondendum. Quia talis fuisse censetur electio Mathia in Apostolatam. Constituerunt enim Apostoli duos, ab ipsis electos, & approbatos, ut idoneos ad Apostolatam, & postea inter illos duos tantum miserunt sortem: *Et cecidit fors super Matthiam & annoveratus cum undecim Apostolis Act. 1.* Et quia in hoc casu uterque sufficienter judicatur idoneus per suffragiorum multitudinem, sicque cessat periculum, ne eligatur indignus. Et etiam quia non videtur fors adhiberi in electione simpliciter, quod est prohibitum. Nam illi duo præ aliis electi sunt, ut æquales inter se, & ut alter illorum dignitatem, aut officium habeat, & solum fors adhibetur, ut electio facta suum consequatur effectum in uno illorum potius, quam in alio. Ac demum quia vix superest aliud remedium ac medium ne electio prætermittatur.

Verum his minimè attentis, tenendum est, ex vi juris communis non esse licitum per sortem decernere talem electionem, quia revera illa esset electio per sortem, quæ omnino prohibita est jure Canonico. Nam in sæpius memorato *cap. Ecclesia de sortileg.* prius dicitur *multa reprehensione dignum est, quod fors in talibus interveniat.* Et postea *sortis usum in electionibus perpetua prohibitione damnavimus.* Ac ita etiam tenent Suar. *cit. lib. 2. cap. 12 num. 7.* Sanchez d. *cap. 38. num. 73. & seq.* Castropal. *eo pun. 6. nu. 6.* Filiuc *tr. 24. cap. 4. n. 99.* Azor *loc. cit.* Fagundez in *decal. lib. 1. cap. 40. num. 9. & seq.*

Nec obstant rationes superius adductæ. Ad primam enim responderetur, quod electio D. Mathia per sortem fuit ordinata, ut cum Beda notat D. Thomas 2. 2. *quest. 95. ar. 8. ante Pentecosten, &*

Tom. I.

quando nondum erat plenitudo Spiritus sancti in Ecclesia effusa, & consequenter, ut ait Suarez *loc. cit. n. 22.* non erat Ecclesia satis instructa de his mysteriis. Ac in super nullo jure prohibitus erat sortium usus in electione inter æqualiter dignos. Nam hujus rei prohibitio non est juris naturalis, aut divini, sed Canonici ex adducto *cap. Ecclesia de sortileg.*

Recte igitur Petrus proposuit, providendum esse de successore in Apostolatam loco Jude & quod electio humano modo facienda erat. Sed quoniam illi duo Mathias, & Joseph Barsabas reputati fuerunt cæteris digniores, ac inter eos judicari humano modo non potuit, quis esset dignior, facta jam prius amborum electione, cum cognosci non posset, cuius electio futura esset, magis juxta Dei beneplacitum & ad ostendendam sinceritatem intentionis ac desiderii procedendi absque ulla privata affectione, nullus perfectior modus eligendi excogitari potuit quam committere Providentiæ divinæ electionem per sortem: *Et orantes dixerunt: Tu Domine, qui corda nostri omnium, ostende quem elegeris ex his duobus, unum accipere locum ministerii hujus, & Apostolatam. Et dederunt sortes eis, & cecidit fors super Matthiam.*

Ait autem D. Dionysius de *Eccles. hier. cap. 5.* sortem fuisse aliquod signum divinum, quo omnibus constaret, Deum elegisse Mathiam. Ejus hæc sunt verba. *Ob reverentiam tantæ dignitatis, Apostolos Deo electionem commisisse, ut non ab hominibus neque per homines, sed a Deo ipso immediate tribueretur. Et ideo Deum, exhibito aliquo mirabili signo sensibili, quem eligeret, declarasse.* Ac ita etiam sentiunt Origenes *hom. 13. in Josue*, Hieronymus *Jona 1.* Augustinus *conc. 2. in psal. 30.* Quale autem fuerit illud signum, a Luca declaratum non est, quia nobis id scire necessarium non erat. Fortasse fuit aliquis celestis radius, vel ejusmodi aliquid. Ex electione igitur Mathia in Apostolatam per sortem argui non potest, electiones Ecclesiasticas fieri posse per sortes. Atque ita docent Cajet. in *sum. 11. fors*, Suarez d. *cap. 12. num. 23. & seq.* Valentia 2. 2. *disp. 6. quest. 12. pun. 3.* Azor d. *§. ar. vero*, ac Delbene d. *p. 2. dub. 225. sect. 7. nu. 9. ac seq.*

Ad secundam. Etsi in hoc casu cesset periculum eligendi indignum, non tamen cessat prohibitio juris canonici. Imo donec à majori parte Capituli quis electus non fuerit, non dicitur declaratus dignus ut tradunt Sanchez d. *cap. 38.* Fagundez d. *lib. 1. 40. num. 12.* Et Castropal d. *pun. 6. n. 6.*

Ad tertiam. Pernegamus in hoc casu non assumi sortes ad electionem. Nam illa determinatio est vera electio, & per illam beneficium, vel Dignitas confertur.

Ad quartam similiter pernegamus, non superesse aliud remedium, ne electio prætermittatur. Nam proprium remedium est ut superior electores compellat ut intra certum tempus eligant unum ex illis, sin minus electionem ad se advocet, ut tradit Gloss. in *cap. duobus 11. teneantur, de rescriptis in 6.*

Quare, si in aliqua Congregatione Ecclesiastica hujusmodi elegendi modus per sortes est in usu, id quidem est ex speciali privilegio Summi Pontificis, qui in suo Jure potest validè, ac licitè dispensare.

Electio verò ad Ecclesiasticum Beneficium facta per sortes divisorias, non est ipso Jure irrita sed irritanda. Nam in citato *cap. Ecclesia de sortil.* nulum est verbum irritans, sed tantum prohibens ipsam electionem per sortes. Lex autem prohibens non irritat, nisi addat verbum declarans nullitatem actus. Quia cum sit pœnalis non extenditur, nisi quantum

A a 2

verba



verba sonant, & quamvis in cap. quapropter de elect. expresse dicatur aliter electio facta non valeat; ibi tamen loquitur de electione ad Ecclesiam fortibus factam, non autem de electione ad Beneficium. Ita Suarez ibid. n. 9. & 10. Sanchez c. 38. nu. 83. & 84. ac Filiuc. tr. 24. cap. 5. num. 200.

Sortes autem Consultoriae ad cognoscendam in rebus dubiis divinam voluntatem, & illam à Deo expectandam etsi regulariter sint illicitae interdum tamen sunt licitae. At primo quando urget necessitas, nec suppetit aliud humanum consilium. Nam velle absque necessitate, ut Deus peculiari modo suam voluntatem manifestet, tentare Deum est, nec Deus unquam promisit, se directurum has sortes. Secundo quando Deus alicui inspirat, ut ad agnoscendam Rei veritatem, sortibus utatur, & prudenter credi potest, quod sit divina inspiratio. Sic ex inspiratione divina Josue sortibus usus est ad cognoscendum malefactorem occultum Jos. 7. Electio Matthiae ad Apostolatum Act. 1. Tertio quando sortes fiunt cum debita reverentia, & praemissis precibus, ut Deus eas regere dignetur juxta illud Proverb. 16. superius adductum. Quarto, quando non fiunt circa electiones Ecclesiasticas. Quia hoc speciatim prohibetur, ut jam diximus. Si vero aliter adhibeantur Sortes Consultoriae grave committitur peccatum, ut ex D. Thomas cir. quest. 95. art. 8. Suarez d. cap. 112. num. 18 & 125. Sanchez d. cap. 38. num. 87. Lessio lib. 12. cap. 43. dub. 9. nu. 60. Ratio tamen sunt hujusmodi sortes adhibendae quia Deus non vult suam voluntatem sortibus indagari, sed Ecclesiae, Sanctorumque doctrina & prudentum virorum Concilio, ut proinde interduntur sub anathemate in capit. sortes 26. questione quinta.

Sortes quoque Consultoriae pro Sacris Missionibus possunt licite adhiberi, si, stante aequalitate ministrorum, qui mitti debent ad Regiones Infidelium dubium esset, quis eorum esset mittendus. Nam etiam Apostoli sortibus diviserunt inter se missiones suas per totum Orbem, ut notat D. Cyrillus lib. 5. in Isaiam cap. 81. Et ita in hoc casu sortes esse licite adhibendas, docet Turrianus lib. 8. constit. Clementis cap. 5. Suarez ubi supra num. 17. & Fagundez ibidem nu. 17.

Adhiberi etiam possunt sortes consultoriae ad cognoscendum quisnam sanctus sit suspiciendus in Patronum Civitatis, vel in devotum alicujus personae particularis, dummodo sortes eo fine adhibeantur ut divina voluntas exquiratur, non autem ut merus Casus expectetur. Nemo enim casum licite potest consulere; sed Christianae pietati non repugnat, nec superstitionem capit, ut Civitas per sortes aliquem sanctum in Patronum suscipiat, & ut aliquis in devotum sui protectorem sive per totum vitae suae cursum, sive per annum, aut per mensem eligat. Ita enim observatur à pluribus religiosis vivis, & ita docent Delrius lib. 4. magic. cap. 12. quest. 7. sect. 13. Lupus in edict. S. Inquisit. p. 13. lib. 17. dist. 4. tr. 13. Leander tom. 6. tr. 9. disp. 12. quest. 89. & 90. ac Torrell, lib. 8. jur. spirit. cap. 7. num. 60. & 61.

Sortes vero Divinatoriae, per quas inquirentur futuri eventus, vel manifestatio Rei occultae, semper ac omnino sunt illicitae, ac illis uti semper est peccatum lethale, nisi magna ignorantia excuset. Quia vel expectatur sortium divinatio à Deo, vel à Caelo vel à casu, vel à Dæmone. Expectari non potest à Deo, quia Deus nunquam promisit, se temperaturum sortes quae ordinantur ad excogitandum futura, vel experiendum occulta, & eventus saepe contrarium ostendit. Neque à Caelo. Quia hoc esset

actiones liberas hominum pendere à Caelo, & subijcere fato, & sortes vi caelorum, & astrorum temperari non possunt. Neque à casu, quia sortes casuales nihil certum praesignare possunt. Ergo temperantur à Dæmone, qui facit quodam pacto invocatur, ut sortes regat, & effectum praesignatum procuret. Atque id circo hujusmodi sortes divinatoriae nominatim prohibentur in cap. 1. de sortileg. in can. sortes 126. quest. 1. cau. pervenit, can. si quis Clericus 13. n. & in Conciliis Toleran. 4. c. 128 & Agathensi can. 42. à D. Gregorio lib. 9. Epist. 47. & lib. 7. epist. 66. à Leone Papa ad Episcop. Brit. cap. 4. & alibi.

Norandum autem est, quod sortes divinatoriae aliquando sunt quasi speculativae, ordinatae ad cognoscendum futura vel occulta solum ob curiositatem, & sistendo in illa cognitione non autem ad aliquid operandum; Ut cum quis sortes inquirat, quisnam obtinebit officium, vel dignitatem, aut victoriam, & hujusmodi caetera, & haec sortes tantum habent malitiam superstitionis, sicut si quis futura, vel occulta cognoscere vellet per astra, vel auguria.

Interdum vero sunt practicae, quia ordinantur ad aliquid agendum ex tali cognitione; ut quando per sortem quis inquirat, an Titius furatus fuerit, an sit malefactor occultus, ad illum infamandum, vel puniendum, vel ad simile aliquod. Et tunc praeter malitiam superstitionis intervenire solet malitia injustitiae, infamando proximum, vel innocentem, vel nocentem occultum, & exponendo innocentem periculo poenae, quam non meretur, si fors super illum cadat. Quod si cadat super nocentem, etiam gravis injustitia est, illum manifestare talem, & illum punire, non probato legitime delicto, quod revera non probatur per sortes quia sortes per se nullam probationem faciunt, cum sint mere casuales, & tam super nocentem, quam super innocentem cadere possint. Ideoque in hoc casu non solum committeret peccatum mortale superstitionis, sed etiam injustitiae, ut per Suarez eo loco n. 29. Sanchez d. cap. 38. n. 89. & Fagundez supra n. 110.

Quod si queras, cur igitur Josue iudicio sortium punivit Achan, qui erat Delinquens occultus; Nam occulte furripuerat de anathemate, ut habetur Josue 7.

Respondetur, quod Josue ex praecepto Dei sortibus usus fuit ad agnoscendum occultum delinquentem, ut patet ex d. cap. 7. & notavit D. Thomas n. 11. q. 95. art. 8. Unde nullum aderat periculum cadendi sortem, nisi super delinquentem Achan, cui postea, cum dixit Josue: Filii mi, da gloriam Deo, & confiteor, atque indica mihi quid fecisti, Respondit: Vere ego peccavi Domino Deo, & sic feci. O vis clementiae, quae sine cruciatu extorquet veritatem!

Sortes autem divinatoriae sunt prohibita sub pena excommunicationis à Leone IV. in d. can. sortes n. 6. q. 5. his planè verbis: Sortes, quas Patres damnaverunt, nihil aliud, quam divinationes, & maleficia esse decernimus. Quamobrem volumus omnino illas damnari, & ultra inter Christianos nolumus nominari, & ne exerceantur, anathematis interdictione prohibemus.

#### CONSULTATIO LXXV.

Purgatio per Sacramentum Eucharisticum, vulgaris ne, an canonica sit?

ET quidem esse canonicam asserit Martinus Delrius l. 4. Magic. c. 4. q. 13. Adducit can. saepe citat, & can. si Episcopo n. q. 5. confirmatque exemplo duorum Pontificum, quia usi sunt. Nam A



Adrianus Papa sub anno 868. ex Sigonio de Regno Italiae, sive 860. ex aliis, absolvit à Censuris Papæ Nicolai, sui Prædecessoris. Regem Lotharium, ac ejus Barones purgatione per sanctissimam Eucharistiam, & Gregorius VII. hoc modo sub anno 1077. ex eodem Sigonio loc. cit. se purgavit à Calumniis sibi illatis ab Henrico Imperatore invitans eundem Henricum, ut hoc idem quoad se ipsum faceret.

At, pace tanti viri dixerim, parum accurate id asserit Delrius, dum hanc purgationem vocat canonicam, dumque existimat, esse licitam dum modo sit iuncta à Iudice competente Ecclesiastico. Nam can. sæpe contingit, & can. si Episcopo non adducuntur à Gratiano ad probandam purgationem canonicam, sed vulgarem ut inibi notat Glossa; Adde, quod illi canones sunt Concilii Vicornaciensis, quod fuit provinciale, non autem generale idèd quod nil mirum, aiunt Cajeranus & Valentia in 13. p. D. Thoma q. 80. art. 6. ad 3. si erraverit in his decretis. Præterea id abrogatum esse docet Gloss. in d. can. sæpe contingit, quia, inquit, suspectis non est danda Eucharistia, can. tribus de consecrat. dist. 2. & cap. cum dilectis de purg. can. quod tamen non loquitur in hanc rem. Verum hanc abrogationem ostendit D. Thomas loco cit. cujus hæc sunt verba: Decret. illa sunt abrogata per contraria dominica Romanorum pontificum, dicit enim Stephanus Papa ferri candentis, vel aqua ferventis examinatione confessionem extorqueri quilibet Sacri Canonis non concedunt; spontanea enim confessione, vel Testium approbatione publicata de illa commissasunt Regimini nostro, occulta vero & incognita illi, sunt relinquenda, qui solus novit corda filiorum hominum, & idem habetur extra. de purgat. cap. ex tunc.

Dixerit fortasse nonnemo, nihil aut parum probat D. Thomas abrogationem eiusmodi decretorum, nam quicquid adducit non pertinet ad purgationem per Eucharistiam. Respondeo, quod eadem Ratio, qua concluditur in examinatione per ferram candens & per aquam ferventem, concluditur etiam in ista per Eucharistiam, quia ita etiam tentatur Deus investigando purgatione per Eucharistiam id, quod ei, tanquam occultum, reservatum est, Ideoque sive ratio tentationis Dei, ac Textus allegati, quod huiusmodi purgationes sunt abrogatæ, ut eas abrogant decreta, quæ adducit D. Thomas eandem Rationem dicere vult D. Thomas, irrita est omnis purgatio per Eucharistiam. Ex quo liquet, D. Thomas hanc purgationem annumerare inter vulgares. Hoc ipsum quoque convincitur ex proprio loquendi modo ipsius Delrii. Nam eo lib. 4. quest. 4. cap. describens purgationes vulgares; ait, talis purgatio est, quotiescunque petitur, ut Deus miraculum faciat, veluti si quis confusus innocentia sua peteret se septies percuti gladio ad innocentiam suam probandam, aut in ignem intraret. In purgatione autem per Eucharistiam petitur, ut Deus miraculum faciat, non sine obtestationibus, execrationibusque.

Probat id aperte ex historia Gregorii VIII. in comprobatione suæ sententiæ à Delrio adducta, quæ ut ipse refert, narratur à Lamberto Scaffnaburgensi sed in hæc verba: Absoluto eo, scilicet Henrico Imperatore ab excommunicatione, Papa missarum solemnitas celebravit consecrataque sacra oblatione, Regem cum cetera quæ sequens aderat multitudo, ad altare evocavit, præferensque manu corpus Dominicum: Ego, inquit, iam pridem à te, suisque fautoribus literas accepimus, quibus me insimulabas Sedem Apostolicam per summiacam heresim occupasse, & aliis quibusdam tam ante Episcopatum, quam post acceptum Episcopatum criminibus vitam maculasse, quæ mihi secundum scientiam Canonum omnem ad sacros Ordines accessum obstruunt. Et licet multorum idoneorum cerè Testium

ad stipulationem refellere quædam, eorum scilicet, qui omnem vitam meam ab ineunte ætate infirmitationem integerrime noverunt, & eorum qui meam ad Episcopatum promotionis Autores fuerunt; ego tamen ne humano potius quam divino niti videar testimonio, ut satisfactionis compendio omnem omnibus scandalum scrupulum de medio tollam, eum Corpus Dominicum, quod sumpturus ero in experimentum mihi hodie fiat innocentia mea, ut Omnipotens Deus suo me hodie iudicio, vel absolvat obiecti criminis suspitione si innocens sum, vel subitanea interimat morte, si reus.

Hæc & alia, ut solemne est, præfatus verba terribilia, quibus Deum causa sua aquissimum iudicem, & innocentia assertorem asse præcabatur, partem dominici Corporis accipit, & comedit, qua liberrime absumpta, cum Populus in laudes Dei innocentia ejus congratulatus aliquandiu acclamasset, tandem imperato silentio, conversus ad Regem, fac ergo, inquit fili, si placet, quod me facere vidisti. Principes Theonici Regni suis in dies accusationibus aures nostras obtundunt, magnam tibi molem capitalium criminum impingentes, pro quibus non modo ab omni rerum publicarum administratione, sed ab Ecclesiastica etiam communione, & ab omni vicia secularis conversatione usque ad extremum Spiritum te suspendi oportere existimant. Petunt etiam magnopere diem, & locum statui, audientiaque præstari canonicè discutendis, quas adversus te adferant accusationibus. Et nosti optime humana quædamque vacillare iudicia, & in publicis discrepationibus nunquam falsa pro veris persuaderi, dum pro deteriorum hominum ingenis, & dicendi copia, & suavitatis falsitas verborum phalaris adornata libenter auditur veritas nullis eloquentia mixta adminiculis continetur. Cum ergo tibi bene consultum cupiam pro eo, quod in calamitatibus tuis supplex Apostolica Sedis patrocinium expetisti fac, quod moneo, si te innocentem nosti, & existimationem tuam ab annulis tuis per calumniam falsis criminacionibus impeti, libera compendiosa, & Ecclesiam Dei scandalata, & te ipsum longa conversationis antiquo, & sume hanc residuam partem Dominicæ corporis, ut comprobata à Deo teste innocentia tua obstruatur omne os adversus te iniqua garrientium. Cum Scaffnaburgensem convenit Sigonius lib. 9. de Regno Italiae Ex quibus minusquam probabilis ostenditur Delrii sententia.

Dices. Non omnes hujus purgationis formulæ petunt effectum admirandum, quia non omnes continent expressas execrationes subitaneæ mortis, alteriusque mali apparentis, siquidem in dicto Canon. sæpe contingit, in quo proponitur hæc purgatio, ejus formula est huiusmodi. Corpus Domini sit ad probationem hodie. Et quando Adrianus Papa recepit ad hanc purgationem Regem Lotharium cum ejus Baronibus, illius formula pro Rege fuit ista, quam describit Sigonius lib. 5. de Regno Italiae si te, o Lothari, expertem interdicti à Nicolao adulterii sentis, ac sincera fide te imposturam à Valdrada concubitu temperaturum promittis, Sacramentum salutis terrenæ remissionem peccatorum tuorum accipe, sin minus cave, ne ad internecionem animæ tuæ accipias Formula verò pro Baronibus hæc fuit: Si Regi Lothario in obiecto adulterii crimine non favisti, & Valdrada piorum communionem privata colloquium refugisti, corpus, & sanguis Domini nostri prosit tibi ad vitam æternam.

Confirmatur, quia idem Sigonius lib. 8. præfata historia narrans purgationem Episcopi Spirensis, ut se liberaret per Eucharistiam à calumniis sibi impos-



tis; *Solum*, inquit, *cum de criminibus argueretur ipse se Sacro Christi corpore in detestationem anima sumpto, purgavit.* Atque adeo non videtur Sententia Delrii omnino explosa.

At vero id aliaque ejusmodi facile diluimus. Nam doctiores non censent diversas purgationem Gregorii, & Adriani ab aliis, vulgaribus, nempe ferri, & aquæ, neque Delrius aliter censetur dum omnes ad unum finem adducit, probans ex illis eandem conclusionem, de quo etiam perspicue loquitur D. Thomas in *ci-tata quest. 80.* & Glossa in d. *can. sæpe contingit*, dum illud non exponunt, nisi de probatione miraculosa. Quare in formulis oppositis non excluduntur execrationes, sed intelliguntur, comprehendunturque. Ex hac insuper ratione apparet sententia Delrii parum sana: & in decretali, in quo non obiter, sed ex professo agitur de purgatione canonica *lib. 5. 134.* nullibi fit mentio de purgatione per Eucharistiam. Ad hæc, D. Thomas hanc purgationem non esse licitam, his verbis ostendit loco cit. *Et gravius videretur, si in hoc sacramento, quod est institutum ad remedium salutis, aliquis incurreret iudicium mortis.* Ex quibus eruitur ratio, cur iudices hanc purgationem injungere nequeant.

Sed Delrius rejicit hanc rationem, non ut allatam à D. Thoma, quem non legisse videtur, sed ut adductam à Calvinista Hotomanno. Verum, si hæreticus ille ea fuit abusus, non ideo est saltem secundum mentem D. Thomæ, illi detrahendum.

Ad exempla, quæ Delrius refert, respondetur, illa nullum probationis gradum constituere, cum non sint leges, neque decreta. Hinc Glossa in *can. monomachiam n. quest. 5.* plures locos juris canonici allegat, quibus probat, quod ab exemplis non est arguendum. Poterit etiam responderi, quod verbum illud, *si placet*, quo usus est Gregorius, denotat, illam non esse Canonicam.

#### CONSULTATIO LXXVI.

*Distinctus de Divinatione damoniaca sive superstitionis. Errores de Divinatione. Solus Deus futura cognoscit & quomodo? An, & quomodo Sancti in hac, & in alia vita futura, presentia, absentia videant? Quid de Sibyllis*

**P**Ræcipua superstitionis, ac fortilegii species Divinatio damoniaca est, qua dæmon utitur ad eludendum homines, futura scire cupientes. Hac ab initio tentavit protoparentes, hodieque nullum est hominum scelus frequentius, notat Pegna p. n. *direct. comm. 67.* Pertractant de ea D. Thomas n. n. *quest. 95.* ibique Cajetanus, Porreta, Suarez, Formicarium Niderii, Malleus, Sylvester de *Seriginag.* Gerson, Grillandus, Jodocus *lib. 4. tom. 1.* Perius de *Mag.* Gravin, in *lapide lydio lib. n.* Moura de *Exsalm.* Torreblanca *lib. 1. de magia & in oper. spirit.* Nicquetius de *physiognom.* Ragnandus in *Theolog. natur. distinct. 4. quest. 1.* Delatorre, Medina, alique plures. Innumeri vero de divinatione per astra scripserunt. Sed adversus Astrologos Judicarios egregie scripsit duodecim Libros Joannes Picus, ex quo Pererius in *Genesim*, & 3. *lib. de Magia*, Delatorre, Carrena *ris. de fortileg.* Delrius *magic. lib. 4.* Torreblanca, Moura, Salelles de *offic. inquisit.* sicut tamen ipse Picus in  *suis conclusionibus*, & in *Apologia* nimis faver Astrologiæ judicariæ, ita in præfatis libris aliqua negat celorum influxui contra veritatem, D. Thomam, & Aristotelem: certe quemadmodum rejicienda est eorum sententia, qui omnia prorsus ab Astris provenire, ac necessitatem nobis imponere autumant, ideoque fatum admittunt

ut Stoici, Heraclius, Empedocles, Possidonius, & complures alii, quid circo Soli, Lunæ, ac stellis imolabant, ut tradit Philo. *lib. de magia Abrahami*, quos in crimen vocat Sophonias cap. 1. ubi ait *qui adorant super recta militiam Cæli.* Ita etiam rejiciendi sunt, qui negant, astra nihil in nos agere posse, ajuntque solum Deum per se ipsum agere, ac nos in necessitudinem adducere, ut ipse vult. Sic Aphrodisæus, Paracelsus, Porphirius, alique Platonici post Ptolemeum *aphor. 5. & 8.* quos sequutus est Joannes Hussius, ideoque combustus à Concilio Constantiensis, eique adhæsit Lutherus *libro de servo arbitrio ar. 36. Tracta. de Astrologia* D. Thomas *lib. 3. contra Gentes* ubi, & Ferranienfis, & in 4. *sentent.* ubi Sotus, ac de *Regimine Principum*, & alibi, & præ cæteris Phavorinus Philosophus, qui omnes suo loco à nobis adducuntur.

Divinationis autem, sive prænotionis communiter acceptæ tres species indicantur à D. Thoma *ar. 1. præfata quest. 95.* Alia est divina, quæ hominibus aliquando impartitur. Hæc Prophetia vocatur. Alia est naturalis, quæ habetur ex signis, vel causis naturalibus, & vocatur propriè prælagium, vel conjectatio. Alia est damoniaca, quæ innititur pacto tacito, vel expresso cum demone. Hoc modo accipitur num. 23. *Non est augurium in Jacob, nec divinatio in Israel.* Quod ad honorem illius populi dictum fuit, in quo erat Prophetia non divinatio. Quare Origenes *hom. 16. in Num.* divinationem putat per antiphrasim nomen accepisse, quasi quæ per homines dæmonibus repletos fiat, & Isidorus *Ety. lib. 8. cap. 9.* ait, illos superstitiosos divinatores dictos esse divinos, quia divinitate se plenos simulant, & astutia quadam fraudulentæ hominibus futura conjectant Divinatio igitur est indebita prænotionis Rerum futurarum, sive occultarum assumptio, quæ divinitatis propria est. Quare qui à Deo Revelante notitiam accipiunt, non dicuntur propriè divinare, quia non sibi assumunt Dei cognitionem, idest, ut inquit D. Thomas, non faciunt, quod divinum est, sed suscipiunt aliquid divinum. Sancti namque Dei divina ex revelatione futura prædicunt.

Unde infertur cum D. Thoma, divinationem propriè dictam esse peccatum. Est commune Patrum, ac Theologorum, habeturque expresse in S. Scriptura Deuter. 18. *Non sit qui pythones consultat, neque divinos.* Lev. 20. *Animas, quæ declinaverint ad magos, & ariolos, & fornicata fuerint cum eis, ponam faciem meam, & interficiam illam de medio populi.* Rursus, *Vir sive mulier, in quibus pythones, vel divinationis fuerint spiritus, morte moriatur.* Idem habetur 4. *Reg. 17.* ac alibi, In Jure item Canonico sæpe prohibentur divinationes ut 26. q. 6. per multos Canones. In Jure civili. C. de *melesic* ex genere suo est peccatum lethale; ad veniale autem reduci potest ex iis, quæ alibi diximus, & à Sixto V. in extravaganti contra Astrologos omnis divinatio prohibetur, de qua infra.

Nam divini sunt, qui indebito modo futuros eventus contingentes præcognoscere præsumunt ex Isidoro superacitato. Qui autem certò affirmant præcognoscere futura, quæ non cognoscuntur in suis causis jam determinatis, necessariis, vel ut plurimum producendis effectum, quæque possunt naturaliter cognosci, ut eclipses solis, & lunæ id agunt indebito modo, nempe sibi arrogando, quod Dei proprium juxta illud Isaïæ 14. annunciate, quæ ventura sunt, & dicemus, quia dii estis; Ac proinde peccat; Utque rectè notat Cajetanus, & post eum Suarez, ac Delatorre, hæc prohibitio non fuit de solo jure positivo divino in lege veteri, vel humano in lege nova, sed fuit semper de jure divino naturali, quod illis positivis legibus declaratur, additis pænīs. Nam id non ideo malum est, quia prohibitum; sed ideo prohibetur, quia malum.



Nec proinde obiicias, quod scire, futura, & occultum est per se appetibile, cum omnis homo naturaliter scire desideret, & scire sæpe desideret ex sola quadam curiositate, idèque divinatio, ut sic non est mala. Nam Respondetur, id quidem verum est dumtaxat de fine divinationis, qui per se non est pravus, sed indifferens ex objecto, ut docet Origenes *homil. 16. in Num.* Non enim est intrinsecè malum appetere cognitionem occultorum, tum Ratione appetitus naturalis sciendi; tum quia potest speculari modo ille appetitus honestari, si ex bono fine & cum debita mensura habeatur, ut de scientiis magicis jam diximus. Secus autem est, si attendatur medium, vel modus obtinendi talem cognitionem, quæ consideratur divinationis deformitas per se. Nam tunc divinatio est, quando illa assumitur indebito modo, scilicet per instructionem dæmonis. Posset quidem qui curiose cognitionem hanc desiderat, à Deo indebitè exposcere, & tamen, ut sic, non esset superstitiosus, nec divinus, sed tentans Deum, vel indirectè illum deprecans, patetque ex verbis illis Christi. *Non est vestra nosse tempora, vel momenta, quæ Pater posuit in sua potestate*, quibus refellit interrogationem illa discipulorum, tanquam inepta, ex curiositate indutam, ut omnes interpretes annotant, nominatim Chrysostomus inibi Augustinus. *cap. 78. & 80. & Iustinus 9. 112.*

Non itaque omnis indebitus modus ad divinationem constituendâ sufficit, sed etiam requiritur modus proprius indebitus prænotionis futurorum, quo hæc superstitio constituitur, dum scilicet non à Deo, sed ab alio, & consequenter à dæmone exquiritur. Secluso namque Deo non restat aliud, ut diffusè probat Suarez. Ac præteris, requiritur quod hæc præcognitio procuretur à Creatura intellectuali, perfectiori homine, cum ab homine, multoque minus ab aliis Creaturis inferioribus, haberi non possit. Nam conjecturalis, & ut est in causis quæ haberi potest de aliquibus non est divinatio supersticiosa, inter Deum verò, & hominem sunt Angeli Boni & dæmones. Non autem ab Angelis bonis exposcitur quia sic esset idem, ac petere, ut à Deo talem cognitionem divinitus obtinerent cum subordinatione ad divinam voluntatem, & si nobis expediat, quæ non est propriè divinatio, sed ad prophetiam, sive sacram Revelationem reducitur. Idem dicas, si expectaretur ab animabus beatis. Igitur per dæmonis instructionem id investigatur. Quod est fieri socius dæmoniorum, Reclamante Paulo 1. *Cor.* quare ab Ecclesia, & Patribus hoc præcipuè nomine damnatur hæc divinatio, & supersticiosa decernitur. Id circo in Concilio Anquirensi *cap. 1. Relato in can. Episcopi n. 6. q. 5.* de hisce divinationibus dicitur quod relicto Creatore, diaboli suffragia quærant. Id ipsum testatur Augustinus *lib. 2. de doctr. Christ. cap. 22. & 23.* Omnes igitur artes istæ, vel nugatoriae, vel noxiæ superstitionis ex quadam exitiosa hominum, ac dæmonum societate, quasi pacta, ex infideli, & dolosa eorum amicitia constituta, pænitus repudiandæ sunt à Christiano. De quo plura idem Augustinus in libro de divinat. *dæmon à cap. 3.* & Cyprianus *lib. de Idolol. vanit. nequissimi*, ait, spiritus afflatu suo vatum pectora inspirant, extorum fibras animant, avium volatus gubernant, sortes regunt, oracula efficiunt, falsa veris semper involvunt, nam & falluntur, & fallunt. Concinat Origenes *cit. hom. in num.* inquit est quædam in Ministerio præscientiæ operatio dæmonum, quæ artibus quibusdam ab his, qui se dæmonibus manciparunt, colligitur. Quod comprobat Eusebius. *1. 6. præpar. Evang. cap. 7.* testimoniis Gentilium, qui diis suis artes tribuebant, quos dæmones esse, ait Psaltes: *omnes dii Gentium dæmonia.*

Haud tamen defuerunt, quæ omnem divinationem & merent, & nugas aniles eam esse dixerint, divinationes que seductores appellarint, qui se divinare fingebant, ut homines in Religionis officio continerent

Tom. I.

Exiis fuerunt Epicurei, alique non nulli. Et vitabatur hic error in alio pejori, cui iidem adhærebant, nempe Deum non existere, aut si existit, de rebus humanis curam non habere, aut plura fortuita non cognoscere, ut potè suapte natura penitus ignota.

Peripatetici, verò, ut testatur Tullius *apud Eusebium loc. cit.* genus omne divinationis arte aliqua commixtum, explodebant, ut auguria, auspicia, sortes, ex astris, & alia huiusmodi. Admittebant tamen illa divinationis genera, quæ omnis artis sunt expertia, ut somnia, & oracula.

Contra Stoici omnium divinationum genera approbarunt, etiam judicariam Astrologiam, quam scientiam Chaldæorum & Egyptiorum, appellabant, Deum sua providentia, ac benignitate omnia providere, ac præscire fatebantur.

Platonici autem divinationes omnes prædictas admiserunt, aliarum tamen causam dæmonibus, aliarum verò naturæ adscribebant, ut liquet ex Platonis *dialogo de convivio* sive de Amore, ac teste Laetio Pythagoras divinatione per auguria utebatur, & inter Symbola hoc monumentis reliquit: *divinationem omnem honora.*

At præter Epicureos, ac Cynicos divinationem apud omnes Philosophos receptam fuisse, constat ex dictis, nec solum sacris litteris, sed evidenti ratione naturali ostenditur, Deum omnia futura cognoscere, ac Prophetæ, eo revelante, multa prædixerint, alique plures, de quibus infra. Unde merito Tertullianus *lib. 2. contra Marcionem* dixit *Præscientia Dei tot habet testes, quot fecit Prophetas.*

Et quod ad Deum negavit olim inter Gentiles Tullius, qui, ut refert Augustinus *lib. 5. de civit. cap. 9.* cum arbitraretur, utrumque esse non posse Deum scilicet futura contingentia præscire, & hominem esse liberum, sed si alterum confirmatur, alterum tolli. *Si elegerimus præscientiam futurorum, tolli voluntatis arbitrium. Si elegerimus voluntatis arbitrium tolli præscientiam futurorum.* Ipse itaque ut vir magnus, & doctus, ac vita humana plurimum, ac peritissime consulens, ex his duobus elegit liberum voluntatis arbitrium. Quod ut confirmaret, negavit præscientiam futurorum. Atque ita dum homines vult facere liberos, fecit sacrilegos. Eandem præscientiam Deo ademit impius Marcio apud Tertullianum. *1. 2. cont. Marcionem c. 5.* suntque insuper inter Patres nonnulli, qui errorem eundem Aristoteli tribuunt.

Vera tamen, atque Catholica sententia est, Deum contingentia absolute futura evidenterque præscire. Est certum de fide, proprium illius esse futura omnia contingentia libera & absoluta cognoscere, non solum in suis causis, ac suis divinis decretis, sed & in seipsis intuitivè in sua æternitate, qua omnia præterita, præsentia, & futura ei coexistunt objectivè. Nam æternitas Dei non est duratio successiva, sed indivisibilis ac secundum se totam cuilibet instanti temporis coexistens. Ergo quodlibet instans, & quælibet res existens in instanti temporis coexistit realiter in tota æternitate, & ab æterno. Probatur. Exodi 3. *Ego scio, quod non dimittet vos.* Sapient. 9. *Præsciebat enim futura illorum.* Ps. 138. *Intellexisti cogitationes meas de longe.* Daniel. 13. *Qui nosti omnia, antequam fiant.* Esther. 14. *Domine qui omnium habes scientiam.* Ecclesiast. 35. *Non est quidquam absconditum ab oculis tuis.* At Deus non haberet omnium scientiam, esset que aliquid ab ejus oculis absconditum, si actus liberos à voluntate creata tempore consequendi ponendos ignoraret. Deinde Joan. 6. *Ipse erat sciens omnia, quæ ventura erant super eum.* In quibus omnibus locis expresse asseritur Deum prævidere quæ futura sunt antequam fiant. Ergo præscit actus liberos humanæ voluntatis.

Eandem veritatem tradunt consensu unanimi Sancti Patres, inter quos Augustinus, seu potius Fulgentius in libro de fide ad Petrum cap. 33. *Firmissimè*, inquit, *tene, & nullatenus dubites Deo non solum præterita, &*

A 2 4

præsentia,



præsentia, sed etiam futura omnia, esse notissima. Atque hoc adeo certum, ac perspicuum esse Augustinus existimavit, ut citra insaniam negari non posse censeret, ut colligitur ex iis quæ tradit d. cap. 9. ubi hæc habet: *Confiteri esse Deum, & negare præscium futurorum, apertissima insania est.* Quod & ipse Cicero, cum videret, etiam illud tentavit asserere, quod scriptum est: *Dixit insipiens in corde suo, non est Deus, sed non ex sua persona. Vidit enim quam esset invidiosum, ac molestum.* Addit inluper ibidem, Deum de medio tollere, quisquis futurorum præscium negat. *Qui Deum, ait, negat præscium futurorum, nihil aliud dicit, quam quod ille dixit insipiens in corde suo, Non est Deus. Qui enim non est præscius futurorum omnium, Non est utique Deus.* Et vero cum præcipuum sit divinitatis indicium futura præscire, ut dicitur apud Isaïam cap. 41. *Dicite quæ ventura sunt nobis, & dicemus, Dis estis.* Quisquis Deo præscientiam tollit, aufert etiam divinitatem, ut inquit Hieronymus l. 3. contra Pelagianos. De quo audiamus, non Nuperum Doctorem aliquem, sed Sylvestrum, S. Palatii Apostolici olim Magistrum lib. 1. de strigimago cap. 13. pun. 11. qui sic ait: *Non cognoscunt vere Intelligentia in spiritualibus, primo quidem futura in se ipsis, id est, ut aliquando erunt in suis existentis. Nam Angeli in suis causis futura longè acutius, quam nos possunt cognoscere, & ex eis necessario emergens, ut crastinus ortus Solis; conjecturaliter vero, quæ ut in pluribus; nullo veromodo, quæ raro eveniunt. In se ipsis vero futura cognoscere, Dei solius est, non solum quæ necessario, vel in pluribus, sed etiam quæ casualiter, & raro contingunt. Nam in sua æternitate, quæ toti tempori adest, illudque concludit, Deus omnia videt semper eodem modo; alioquin si futuro in esse posito, noviter illud videret, sua visio non esset tota æterna, sed cresceret. Quilibet autem intellectus creatus ab ista æternitate deficit, & consequenter ab huiusmodi cognitione, quæ æternitatem consequitur. Qui quod sub tempore est, ut aliquo modo omne æternum in quo successio aliqua sit, oportet, non potest habere præsentia omnia, quæ toto tempore sunt.* Hæc Sylvester, quibus nihil verius, nihil clarius. Prosequuntur omnes fere discipuli Divi Thomæ ad ejus quæst. 10. art. 2. & 4. p. 1. etiam Bannes, qui visus est contrarius, ut & non nulli alii. Et quidem si non cognosceret futura, etiam contingentia, vel illa cognosceret, quando actu existunt, vel non. Si primum, ergo mutaretur in cognitione, & de non cognoscente fieret cognoscens: Si secundum. Ergo ejus cognitio non esset infinita, quia non attingeret omne cognoscibile.

Cognoscit etiam illa Deus in decreto suæ voluntatis, sive in essentia determinata per tale decretum, ita ut decretum Dei liberum efficax sit prima ratio cognoscendi futura, non autem cognoscit futura contingentia, & libera immediate per suam essentiam antecedenter ad decretum suæ voluntatis etiam in comprehensione ipsarum causarum secundarum antecedenter ad liberam Dei determinationem, nec in futurorum eorundem veritate objectiva antecedenter ad sua libera decreta.

Dixi objectivè. Nam licet sententia, quæ adstruit futura contingentia esse Deo præsentia realiter, ac Physicè ab æterno, sit probabilissima, eamque vindicare videatur D. Thomas p. 1. q. 14. art. 13. ac sæpe alibi, quem multi ejus discipuli sequuntur, ut Capreolus, Cajetanus, Ferrariensis, Zumel, Alvarez, Cornejo, & Salmanticenses, est tamen difficillima, ideo asserimus esse præsentia Deo solum objective, quatenus propter infinitum lumen, quod habet suo intuitu fertur in omnecognoscibile, & consequenter etiam in futura, quæ posito decreto Dei circâ illa, habent determinatam veritatem objectivam. Ita ex Antiquioribus Scotus, Durandus, Gabriel, Gregorius; & ex recentioribus fere omnes. Probatur ex S. Scriptura, in qua sæpius dicitur, *Deum existisse ante Creaturas*, Psal. 89. *præquam montes fie-*

*rent, aut firmaretur terra, & orbis à saculo, & usque in sæculum tu es Deus*, Genes. 1. *In principio creavit Deus cælum & terram*, id est in principio temporum; Ergo Creaturæ non fuerunt præsentia realiter, ac Physicè Deo ab æterno. Confirmatur ex Patribus, & Conciliis asserentibus solum Deum fuisse ab æterno, Creaturas omnes in tempore. Maximè id habetur ex Concilio Nicæno, & ex Athanasio contra Arianos dicentes de Filio Dei, *erat quando non erat.* Contra quos Concilium, & Athanasius ajunt, hoc solum competere Creaturis. Ergo Nulla Creatura dicenda est præsentia realiter, ac physicè in æternitate, vel ab æterno. Quod intelligendum est de mensura etiam extrinseca.

Nam implicat Creaturas existere in æternitate, tanquam in duratione, sive mensura extrinseca, quin etiam existant in duratione propria intrinseca. Quod patet tum à simili de loco. Implicat enim aliquam rem esse in loco intrinseco, & esse in loco Universalis, quin etiam sit in loco particulari. Ergo similiter implicabit, rem esse in æternitate, tanquam in mensura, & duratione extrinseca, quin etiam sit in propria & intrinseca duratione. Tum etiam quia quod est in alio, etiam tanquam in duratione extrinseca oportet habere esse in illo productum ab æterno; atque adeo non possunt dici esse in æternitate, etiam tanquam in mensura & duratione extrinseca. Et sanè quod ab æterno non existit realiter, non potest alteri realiter coexistere, aut illi esse præsentia: Etenim præsentia & coexistentia rei supponunt ejusdem existentiam. Creaturæ autem non existunt realiter ab æterno. Quia ab æterno non sunt extra suas causas. Imo secundum probabilissimam sententiam non possunt esse. Ergo non sunt, nec possunt existere ab æterno. Mitto alias probationes.

Nec dicas quod ex his sequitur, Deum non cognoscere futura intuitivè, sed solum abstractivè eo quod cognitio intuitiva versatur circa rem, ut præsentem. Nam responderetur. Ad rationem cognitionis intuitivæ, non requiritur quod cognoscatur res, pro ut est præsentia, sed solum, pro ut existens existentia sibi proportionata. Differt enim intuitiva ab abstractiva, in eo quod cognitio abstractiva est cognitio rei in sua causa, cognitio verò intuitiva est cognitio rei extra suas causas, & secundum existentiam quam habet. Unde cognitio Dei quæ vocatur scientia visionis est cognitio intuitiva, & quæ vocatur simplicis intelligentiæ, est abstractiva. Item responderetur, quod etiam si dicamus ad rationem intuitivæ cognitionis requiri, quod per illam cognoscatur res ut præsentia, hoc debet intelligi pro illa duratione, quæ erit præsentia, non pro illa, quæ erit futura. Et hoc ita contingit in scientia, quam habet. v. g. de futuro Antichristo. Quia licet cognoscat illum, ut futurum pro ista duratione, ac tempore quando non est præsentia, cognoscit tamen illum, ut præsentem pro duratione, aut tempore quando præsentia erit.

Imò futura secundum se præcisè, nec realiter & Physicè, neque intentionaliter, & objectivè ab æterno existunt. Non realiter, ac Physicè, ut monstravimus, non intentionaliter & objectivè; Quia vel æternitas, sive entitas Dei non esset res cognoscitiva, vel per impossibile à Deo esse in propriis differentiis temporum; secundum se præcisè igitur non dicuntur esse ab æterno intentionaliter, & objectivè.

Quod si sumantur non præcisè secundum se, sed ut subsunt æternitati Dei, sive ut respiciunt existentiam divinæ æternitatis, coexistunt æternitati ab æterno, non solum intentionaliter, & objectivè, sed etiam realiter, & Physicè, quatenus ab æterno ad ipsa transferuntur non solum divinus intuitus, ratione cujus coexistunt Deo intentionaliter, & objectivè, sed etiam divina entitas, & æternitas, ratione cujus coexistunt Deo realiter, ac Physicè. Imò translatio æternitatis ad attingenda, ipsa futura physicè in propriis differentiis est ratio, cur cognitio Dei se transferat ad attingendum modo propriissimè intuitivè, & ut præsentia eadem fu-



tura. Quod pluribus in locis expressit, ac illustravit D. Thomas 1. p. q. 14. art. 9. in corp. *Cum intelligere Dei, quod est ejus esse, aternitate mensuretur, quæ sine successione existens totum tempus comprehendit, præsens intuitus Dei fertur in totum tempus, & in omnia, quæ sunt in quo cunque tempore, sicut in subiecta sibi præsentialiter & eadem 1. part. quæst. 57. art. 3. in corp. Deus videt omnia in sua aternitate, quæ cum sit simplex toti tempori adest, & ipsum concludit, & ideo unus Dei intuitus fertur in omnia, quæ aguntur per totum tempus sicut in præsencia. In 1. distin. 38. quæst. un. art. 5. in corp. Omnis cognitio est secundum modum cognoscens. Cum igitur Deus sit aternus, oportet quod cognitio ejus modum aternitatis habeat, quæ est esse totum simul sine successione. Unde sicut, quomodo tempus sit successivum, tamen aternitas ejus est præsens omnibus temporibus, una, & indivisibilis, ut nunc stant; ita & cognitio sua intuetur omnia temporalia, quomodo sibi succedentia, ut præsencia sibi, nec aliquid eorum est futurorum respectu ipsius, sed unum respectu alterius. Unde secundum Boetium melius dicitur providentia, quam prævidentia, &c. sed tamen potest dici præscientia in quantum cognoscit id, quod futurum est nobis, non sibi.*

Quibus in locis vix poterat D. Thomas clarius explicare coexistentiam ab aeterno inter aternitatem, & futura provenire ex perfectione aternitatis ab aeterno occupantis omne tempus, ab aeterno se extendentis ad omnia futura, ex quâ constituitur coexistentia Physica ab aeterno inter aternitatem, & futura, esse rationem, cur divina cognitio ad eadem ab aeterno modo intuitivo extendatur, & futura habeant ab aeterno in divino intuitu esse intentionale, & objectivum.

Quid autem, & quoruplex sit futurorum contingens, vide apud eundem D. Thomam ac Theologos contra Lutherum, & alios hæreticos efficientes, nihil esse in mundo contingens, sed omnia evenire necessario, quorum errorem jam antea refellerat idem D. Thomas quæst. 2. de verit. art. 2. & post eum Driedo de Concord. lib. cap. 2. Medina l. 2. de recta in D. um fide cap. 2. Molina disp. 1. Palacios in 1. dist. 38. q. 2. & Carthusianus, referens pro eodem errore M. huiusmodi. Castro de hæres. V. futurum contingens, Coccium tom. 1. thes. Bellarminus, Gravinus, Boverius post Patres, præsertim Augustinum d. lib. 5. de civit. cap. 9. ubi impugnat Tulium l. 2. de divin. in quo videtur negare a Deo cognosci futura, & si aliqui eum in hoc excusent, quod l. 3. de nat. Deor. videtur admittere Deorum providentiam, & huiusmodi futurorum cognitionem. Sic etiam interpretes Aristotelis, illum purgant ab hoc errore, quem ei tribuunt ex Patribus aliqui, ut diximus.

Ac ita quidem proprium est Dei futura hæc cognoscere, ut nulli creaturæ, etiam possibili suapte natura competere valeat. Quod docent communiter Theologi cum D. Thoma loc. cit. Estque de fide, & probatur Isaïæ 41. verbis superius adductis. *Dicite quæ veniunt nobis, & dicemus, quia Dominus estis, & cap. 44. Ego primus, & novissimus, & absque me non est Deus quis similis mei.* Et ut id probet, subdit: *Vocet, & annunciet, & ordinem exponat mihi, ex quo constitui populum antiquum, & quæ futura sunt annuncient eis.* Joan. 13. *Dico vobis priusquam fiat, ut cum factum fuerit credatis, quia ego ipse sum.* Etenim cognitio creata causatur ab objecto, aut ab aliquo supplente vicem objecti, quod est in statu cognoscibilitatis. Atque adeo non potest cognoscere futura. Quia futura nondum habent esse, per quod possint causare cognitionem. Unde neque etiam est debitum aliquod supplementum secundum ordinem causarum secundarum.

De præscientia vero Dei speciatim agunt Eusebius Cæsariensis l. 6. de præpar. Evang. Boetius l. 5. de cons. philosoph. Augustinus l. 5. civit. cap. 8. & l. 3. de l. art. Anselmus de concordia præscientia cum l. art. Joannes Picus l. 4. Contra Astrologos, & omnes, qui de providentia, & prædestinatione recentiores Theologi atque Phi-

losophi differunt, ac præteritis Sixtus V. Pontifex Summus in sua Constitutione adversus Astrologos, ubi universim negat creaturæ, etiam Angelicæ, non modo liberorum, sed etiam casualium, & fortuitorum notitiam. Loquitur namque etiam de Dæmonibus. Alias non esset proprium Dei cognoscere futura omnia, de quibus ibi loquitur Pontifex, si Dæmoni competere, qui si revelaret Magis, posset quis licite uti illa arte vel cognitione, non amplius dependente à Dæmone.

Sancti vero adhuc in mortali corpore militantes, tantæ sapientie Spiritus Sancti luce, & gratia illustrantur, ut absentia, præterita, & futura non minus quam præsentia videant, & intelligant. Non enim ait D. Petrus 2. cap. 1. voluntate humana collata est prophetia, sed Spiritu Sancto inspirante, cui assensit D. Paulus 1. Cor. 12. inquit. *Quosdam quidem posuit Deus in Ecclesia, primum Apostolos, secundo Prophetas &c.* Sic Sancti Dei plura prædixerunt de Messia, & aliis futuris liberis, in d. & super naturalibus, & à divina tantum voluntate dependentibus, ut patet ex S. Scriptura, præsertim ex Isaïa, qui Hieronymo epist. ad Paulinum non prophetiam videtur texere, sed Evangelium. Imò etiam post Christi mortem prophetia in Ecclesia catholica jugiter continuavit in Simeone, Anna, Joanne, ex Luca cap. 1. & 2. & post eos in Agabo, Act. cap. 11, & filiabus Philippi; ut per Marul. l. 4. cap. 14. & in Apocalypsi Joannis, & ab ineunte Ecclesias frequens fuit in Electis 1. Cor. 14. in Brigitta, in Geltrude, in Catharina Senensi, in Theresia, in aliis; & adhuc perdurat, ut probat Gravinus & Torreblanca, & ut olim, sic & hodie cap. 12. ejusd. epist. ad Cor. & ad Ephes. cap. 4. Unde refellitur delirius error Roggerii, & Bachonis, qui prophetiam Astrologorum affectionibus tribuunt, Aristotelis, & Platoniorum, qui corporis humoribus, Avicennæ, & Algazelis, qui naturali industria, studioque adscribunt. Licet enim sit propria Dei futurorum cognitio, tamen communicat illam creaturis supra naturam, Sicut gratia, & gloria, quæ sunt ordinis divini, & Dei propria, modo altissimo, sed limitate, creaturis communicantur. Per illam namque efficiuntur divinæ consortes naturæ, ut ait D. Petrus. Atque ideo D. Thomas q. 12. de verit. & 2. q. 172. Patres ac Theologi communiter fateantur, Donum prophetiæ Sanctis communicatum fuisse, ac prædicere futura, vel procul distantia, & cogitationes cordium, de quo Gravinus in Lapide Lidio, & confirmatur ex Sacris Scripturis, & Patribus tum Græcis, tum Latinis apud Coccium tom. 1. fol. 496.

Sancti autem in cælo triumphantes, ac divini Spiritus lumine illustrati, nulla locorum intercapedine impediuntur, quominus absentia & futura cognoscant, & nostra vota percipiant.

Id negat Vigilantius, teste Hieronymo contra Vigilantium cap. 3. & Vigilantiani adhuc dicunt, Sanctis non esse supplicandum, quod nesciant quid hic circa pulverem ipsorum agitur.

Vualdenses inquirunt, Sanctos nec audire, nec attendere preces nostras.

Martinus quoque Lutherus ad cap. 9. Ecclesiast. ait: *Salomon sentire videtur, mortuos sic dormire, ut prorsus nihil sciant, & planè credo, non esse in Scriptura locum fortis pro mortuis dormientibus, & nihil intelligentibus rerum nostrarum contra Sanctorum invocationem, & purgatorii signum, &c.* Nulla, subdit Salomon, est ibi cogitatio, ars, cognitio, sapientia. Sensit ergo, mortuos omnino dormire, & nihil prorsus sentire. Jacent ibi mortui, non numerantes dies, vel annos, sed excitati videbuntur sibi vix momentum dormisse.

Prosequitur idem Lutherus in Jonam. *Ego puto mortuos sic ineffabili, ac miro somno confopitos, ut minus sentiant, aut videant, quam hi, qui alias dormiunt. Deus nos fecit similes bestiis dormiendo, vigilando, comedendo; anima enim humana dormit omnibus sensibus sepulta.*

Christianns Rodingus contra Scholas Jesuitarum, Deiparam Virginem sic loquentem inducit: *Desine me salutare, & salu-*



& saluando venerari. Desine Sanctos, & vita defunctos adorare, stant tuam saluationem, tuasque preces execramur. Tu ubi terrarum sis, quid agas denique an mortuus sis, neque scimus, neque curamus, tantum adest, ne te precantem exaudiamus.

Afferunt id tamen Sacrae Litterae, ac Patres, Clemens Alexandrinus l. 6. *strom.* Origenes de princip. l. 2. c. 12. & l. 8. contra Celsum, Athanasius q. 1. de animabus Sanct. Basilii de vera uirginit. Gregorius Nazianzenus orat. 11. quae est in laudem Gorgoniae, Gregorius Nissenus orat. de S. Theodor. Maximus Monachus ad c. 7. Dionysii Areopagita de Eccles. hierarch. Germanus Constantinopolitanus Serm. 2. de assumpt. Mariae, Simeon Metaphrastes in martyrio S. Anastasiae martyris, Theodorus Ducas de Communicatione naturali in extremo form. 6. Ambrosius l. de uidiis, Hieronymus aduersus Vigilantium c. 2. Augustinus Carm. de gaudiis Paradisi, Gregorius Magnus l. 2. dialog. c. 35. Beda ad c. 16. Luca, D. Thomas 2. 2. q. 95. ar. 2. ad 3. & q. 174. ar. 6. ad Cor. 14. & ad Rom. lect. 2. c. 1. & alii sapient. Gravina in lapide lydio, & Torreblanca in opere Spirituali l. 6. & Coccius tom. 1. l. 5.

Sibyllas uero credit Delirius l. 4. c. 2. q. 6. post Joannem Franciscum Picum de rerum praenotione l. 4. Secundum communio rem sententiam spiritu fanatico locutas, quem impugnat Nazarius tract. de magia q. 6. contr. 2. Idem Picus ibidem plures asserti ex antiquis, praecipue Gentilibus affirmantes, Sibyllas furore correptas futurorum eventuum uaticinia protulisse. Aristoteles in 30. sect. probl. Sibyllas aetate bilis aetate circa mentis sedem succenso exagitatas, demonstrare contendit. Cornelius uero Tacitus testatur Augustum, cum suis temporibus plura uana sub nomine Sibyllarum circumferrentur, iussisse, conquisita Samo, Erythraea, Illo, Africa, & per Italicas colonias carmina intra certum diem ad Praefectum Urbis afferri, & censuram, ac iudicium quindecim uirorum adhiberi, ne haberi privatim liceret; quod jam a maioribus erat cautum.

Cajetanus autem super art. 6. 2. 2. q. 172. ait, D. Thomam diuersè loquentem de Sybillis, cum materia sit incerta, puta de indiuiduis non pertinentibus ad fidem, & ideo inuol. ad 1. Sibyllas inter Daemonum prophetas computat, & ead. 2. 2. q. 3. ar. 7. ad 3. inter personas, in fide Christi explicite saluatas, numerare uidetur his uerbis: Multis Gentilibus facta fuit reuelatio de Christo, ut patet per ea, quae praedixerunt. Nam Job 19. dicitur. Scio, quod redemptio meus uisus. Sibyllae etiam praenunciaverunt quaedam de Christo, ut Augustinus ait l. 25. contra Faustum c. 15. Inuenitur etiam in historiis Romanorum, quod tempore Constantini Augusti, & Helenae matris ejus, inuentum fuit quoddam sepulchrum in quo iacebat homo, auream laminam habens in pectore, in qua scriptum erat Christus nascetur de Virgine, & credo in eum. O sol sub Helena, & Constantini temporibus iterum me uidebis. Deinde profectitur loqui de his qui habuerunt tantum fidem implicitam quorum multi apud Dionysium c. 9. celest. hierarch. adepti sunt salutem per ministerium Angelorum. Idem quae D. Thomas in 3. dist. 25. q. 2. ar. 2. q. 2. ad 3. & de uerit. q. 14. ar. 11. ad 5. ait, probabile est multis gentibus mysterium redemptionis nostrae, ante Christi aduentum fuisse reuelatum, ut patet ex Sibyllinis uaticiniis.

Sixtus Senensis l. 2. bibl. V. Sibylla, inquit Sibyllas omnes fuisse uates Deo plenas, perpetua uirginitate florentes, futurarum rerum praescias.

Michael Medina de rella in Deumfide l. 2. c. 9. sic habet: Inter ea, quae de Christo, & Evangelica Religione testimonia sunt lata, magnopere sunt admiranda, quae Sibyllae, quae diuino Spiritu afflatae, uno excepto Cicerone, quod em Christianae religionis non caperet, profani Authores, & Sancti Patres conveniunt, edidisse. Hoc idem assertit Nazarius loco citato, & Torreblanca l. 1. c. 11. eas donum prophetiae obtinuisse, tradit, quas Augustinus l. 18. de ciuit. c. 23. inter pertinentes ad Dei ciuitatem connumerare non dubitat.

Has decem fuisse, prodit Lactantius l. 1. aduersus Gent. l. 11.

ronimus 1. aduers. Iovin. quarum cognomina, & patria haerunt. Cumaea, Cumana, Persica, Hellespontica, Lybica, Samia, Delphica, Phrygia, Tiburtina, Erythraea, de quibus distinctum, & de illorum miraculis idem Sixtus loc. cit. Vigliegas l. de Sanctis Prophetis, credens illas salutem consequutas, quia legem naturalem obseruauerunt, Deum unum cognouerunt, & earum aliquas etiam mysterium Incarnationis, aliaque ad Christum spectantia crediderunt, ac praedicauerunt, & monumentis perpetuis reliquerunt.

Ex his ego tenendum puto, Sibyllas, diuino Spiritu afflatae, mysteria supra naturam praedixisse. Depromitur ex Patribus, estque Christianae pietati, & Ecclesiae diuinae valde consonum; & in primis D. Paulo, adhortante suos ad lectionem Sibyllanorum voluminum his uerbis relatis a Clemente Alexandrino l. 6. *strom.* Libros graecos sumite, & Sibyllas cognoscite, quomodo unum Deum significent, & ea quae futura sunt; & inuenietis in eis Filium Dei clarum, & apertius scriptum. Iustinus Martire in admon. gent. de Sibylla Cumaea ita scribit. Ut cultum Dei ex parte condisceatis, facile uobis praestabitur ex antiqua Sibylla Cumaea inspiratione quapian per oracula uos edocente, quae nimirum Prophetarum Doctrina proxima uidetur. Et post pauca: De Saluatoris autem nostri Jesu Christi aduentu, & de his omnibus, quae is facturus erat, non fesse pronunciat, quorum notitia nobis necessaria quaedam praedixit, ut futura esset ad sacrorum prophetarum Virorum. Augustinus quoque in exposit. epist. ad Rom. de Sibyllinis uaticiniis haec prodit: Euntur & inter Gentiles Prophetas, in quibus etiam aliqua inueniuntur, quae de Christo cecinerunt, sicut etiam de Sibylla dicitur, quod non facile crederem, nisi quod Poeta, cum quidam in Romana lingua nobilissimas, antequam diceret ea de innovatione saeculi, quae in Domini nostri regnum satis continere, & conuenire uidentur, praeposuit uerbum dicens: Ultima Cumae uenit iam Carminis aetas. Cumaeum autem Carmen Sibyllinum esse, nemo dubitauerit. Idem Augustinus l. 18. de ciuit. c. 15. postquam viginti septem Erythrae Sibyllae Carmina attulisset, quorum litterae capitales sic erant ordinatae, ut haec uerba componerent: Jesus-Christus, Dei Filius, Saluator, Subiungit. Haec autem Sibylla, siue Erythraea, siue ut magis quidam credunt, Cumana, ita nihil habet in 1010 Carmine suo, cujus exigua ista particula est, quod ad Deorum falsorum siue fictorum cultum pertineat, quin imo ita etiam contra eos, & contra cultores eorum loquitur, ut in eorum numero deputanda uideatur qui pertinent ad ciuitatem Dei. Ac uidemus & alibi de Sibyllinis oraculis loquente, ueluti de diuinitus inspiratis. Quod & ante ipsam egit Eusebius Caesariensis, Arnobius & Lactantius Firmianus, qui Sibyllarum carminibus, quasi uaticiniis contra Gentium idolatram utuntur, ac uidetur approbare Ecclesia in protamenica Natiuitatis Domini, decantans si non suis uaticiniis credat, uel gentibus Sibyllinis uersibus. Ac ita tandem docet D. Thomas d. q. 172. ar. ult. ad 1. ubi eas non inter Daemonum prophetas enumerat, sed occasione prophetarum Daemonum, qui ueritatem enunciantur diuino numine instincti, ut Balaam, Sibyllas etiam commemoratur, plura uera de Christo praedicantes. Quae omnia fuerunt supra naturam, necessario quidem dicendum est Spiritu Sancto inspiratas illa protulisse. Et quia mysteria, quae proferebant etiam credebant, hinc est quod non absque ratione dixerit fuisse salutem assequutas per fidem Christi explicitam.

Nec deest ratio. Nam Sibyllae mysteria gratiae suis carminibus ita clare ac distincte praedixerunt, ac si ea propolis oculis jam facta inspexissent. At demoni haec non innotuerunt distincte & clare quod ad nomen Saluatoris passionis, resurrectionis, ascensum in caelum, & alia. Quibus addas has Sibyllas uirginitatem seruasse, solitudinem coluisse, uirtutes exercuisse, ut liquet ex historiis Ecclesiasticis, quae omnia abhorrent Demones.

Ex quibus audacter magis, quam perire dixit Delirius & non nemo alius has Sibyllas spiritu fanatico loquutas, idque secundum communio rem sententiam.

Sed adhuc dices. Sibyllae Deos plures colebant, ut



alix Gentes vel saltem ignotum Deum. Num igitur Salu-  
tem consequute? Respondetur, eas peculiari modo  
verum Deum coluisse, quem cognoscebant, imò &  
futurum redemptorem, idque per revelationem, Et  
quod ad Deum Gentium ignotum probat Hieronymus  
*lib. 1. contra Crescon. cap. 29.* Athenientes sub no-  
mine ignoti Dei verum Deum coluisse. Et in *epist.*  
*ad Rom. cap. 3.* ait: Nam Sapientes Gentilium, quod  
invenerint creatorem manifestè idem Apostolus cum  
Atheniensibus loqueretur, ostendit. Dixit enim *c. 17.*  
*Act.* Inveni Aram, in qua scriptum erat Ignoto  
Deo. Quod ergo ignorantes colitis, hoc ego annun-  
cio vobis. Fuit enim verus Deus Gentilibus, non tan-  
tum ignotus, sed etiam absconditus, & abstrusus non  
solum propter ineffabile nomen Tetragrammaton, sed  
etiam propter ejus naturam inperscrutabilem. Undè  
idem Hieronymus *lib. 4. in Ezech. cap. 16.* docet.  
Dei Majestatem obscurè saltem Gentibus istis in-  
cognitam non fuisse, ut erat Judæis utentibus Te-  
tragrammaton ineffabili nomine. Et Clemens Ale-  
xandrinus *lib. 1. Strom. cap. 9.* tradit, quod quia  
Deus est invisibilis, & inperutabilis, rectè sub  
nomine ignoti Dei à Gentilibus fuit adoratus:  
Aram, inquit, Ignoti Dei. Per hanc enim hono-  
rari quidem per circumlocationem à Græcis opi-  
ficem Deum significavit. Romani quoque Deum  
verum coluisse sub nomine incerti Dei, vel ignoti,  
Narrat Augustinus *lib. 3. de civit. cap. 12.* O-  
stenditque Torreblanca *lib. 3. 10. cap. 13. Spirit.*  
*jur.* alias nationes colentes Ignotum Deum ex  
Philostrato, Laertio & Pausania apud Cælium Ro-  
dig. *lib. 22. antiq. lect. cap. 2.* Strabon. *de situ*  
*orietis lib. 3.* S. Martiale *cap. 3.* & aliis, addens  
Cordubæ extitisse templum magnificentissimum,  
in quo adorabatur verus Deus ignotus, solo  
deindè æquatum ab Arabis, Hispaniam inva-  
dentibus. Undè conatur ostendere Hispanos pro-  
vincias plures fundasse non solum in Europa, sed  
etiam in Asia, & Africa Religionem hanc ignoti  
Dei induxisse, tuereturque Hispaniam à rusticitate  
illi attributa ab Antiquis Autoribus. Imò ex  
Hispania, inquit, ab Antiquis Sapientia insignes  
viros evasisse, qui totum orbem illustrarunt. Imò  
& Aristotelem peripateticorum Principem, His-  
panum prædicat, mirum quod, & non Plato-  
nem. At postea melius rectè considerans, re-  
vocavit sententiam cum ipso sepultam. Tantus  
est paradoxorum, & patriæ Amor. An autem  
peccarent homines si non cognoscerent Deum,  
nec aliquam legem, tractat luculenter Joannes  
Baptista Rossi *tom. 2. de potent. sit. obedi-*  
*entia, Cardinalis de Lugo, ac Cepullus de*  
*incarnat.*

Quæ autem prædixerint de Salvatoris primo, &  
secundo adventu, ejusque vita, morte, ac resurrecti-  
one referunt citati autores, speciatim Sixtus Senen-  
sis, Medina *loc. alleg.* ac Torrebl. *in opere spirit.*  
*cap. 1. lib. 8.*

Fuerunt tamen præter has Sibyllæ Gentilium, quas  
congestit Strabo *l. 14. Geograph.* quæ idolorum cul-  
tum atque hominum cædes suaserunt, ut videre est  
apud Livium, Plinium, Sigonium, & Diony-  
sium Halicarnasæum. Tales fuerunt Callandra,  
Xenodea, Melissa, Lampusa, & aliæ cultrices  
Dæmonum, ut tenent Ambrosius *1. ad Cor.*  
*c. 2.* Augustinus *in orat. de 10. hæres D. Thomas*  
*presato loco 2. 2. Delatorre tom. 2. de viriis*  
*eppos. relig. num. 95. art. 3. disp. 3.* Sua-  
rez, Carena, Torreblanca post Lactantium  
*lib. prim. c. 16. Livium, lib. prim. decad. 5.*

Plutarchum, Tullium & alios.

Sibyllæ autem Cumeæ tribuuntur libri fatales, quos  
Romanimagna veneratione asservarunt, de quorum  
historia ita Aulus Gellius noster *l. 1. noct. Attic. c.*  
*19.* à pluribus mendis, quibus hic scatebat, emenda-  
tus. *In antiquis annalibus memoria super libris Sibyl-*  
*linis hæc prodita est, Anus hospita, atque incognita ad*  
*Tarquinius superbum Regem adiit, novem libros se-*  
*rens, quos esse dicebat divina oracula, eos velle dixit*  
*venundare. Tarquinius pretium percumbens est. Mu-*  
*lier nimium, atque immensum poposcebat. Rex, quasi*  
*Anus avaræ desiperet, risit. Tunc illa foculum coram*  
*eo, cum igne apposuit, & tres libros ex novem densit.*  
*Et ecquid reliquos sex an eodem pretio emere vellet,*  
*Regem interrogavit. Sed enim Tarquinius id multo risit*  
*magis, dixitque anam jam proculdubio delirare. Mu-*  
*lier itidem, statim tres libros alios exussit, atque*  
*id ipsam denuo placide rogavit, tres reliquos eodem illo*  
*pretio emat. Tarquinius ore jam serio, atque*  
*attentiore animo sit, eam constantiam, confi-*  
*dentiamque non insuper habendam intelligit, & li-*  
*bros tres reliquos mercatur nihilo minore pretio,*  
*quod erat penum pro omnibus. Sed eam Mu-*  
*liercem tunc à Tarquinio digressam, postea nus-*  
*quam loci visam constitit; libri tres in Sacra-*  
*rium conditi, Sibyllini appellati. Ad eos, quasi*  
*ad oraculum quindecim Viri adeunt, cum Di*  
*immortales publicè consulendi sunt. Eadem enar-*  
*rat Pilius lib. 13. cap. 13. Dionysius Halicarn.*  
*lib. 4. Valerius Max. Livius lib. 7. ab Ur-*  
*be cond. Franciscus Picus lib. 5. prænot. cap.*  
*9. Bulengerus lib. 4. divinat. cap. Unde Li-*  
*bri fatales fuerunt dicti, annotante Suetonio*  
*in Julio cap. 79. quia fata Romana conti-*  
*nebant.*

Eorum oracula foliis palmarum notabantur  
Unde Virgilius *Ænead. 3.*

*Quæcumque in foliis descripsit carmina Vir-*  
*go.*

Fuerunt quidem carminibus conscripta ob ma-  
jorem venerationem. Nam Poësis cum dono pro-  
phetiæ conferebatur. Unde Prophetis, ac Poetis  
nomen commune fuit. Vates enim appellati & vas-  
ticinare idem ac prophetare *primo Regum cap. 19-*  
*Paralip. 2. cap. 18. Esdra 2. cap. 6. Sapientiæ 14.*  
*Jeremiæ cap. 27. Ezechiae cap. 11. Leges Callaneum*  
*in catal. gloria mundi, Mouram de Ensalms &*  
*Torreblancæ in epit. cap. 1. nu. 6. & in addit ad*  
*cap. 12. 1. lib. 5. 31. & seqq.*

## CONSULTATIO LXXVII.

*De Campanis prodigiis, ac Gemmis Rationalis*  
*Summi Sacerdotis Hebraorum, futura prædi-*  
*centibus, ac de Oraculis terra effosis, Vbi*  
*decretum S. Officii Inquisitionis de Libris, &*  
*Laminis Granatensibus.*

**I**N Hispaniæ Oppido Vililla, sito ad ripam  
Iberi hand procul Casaraugusta, est no-  
ta, & Aurorum memoria percelebris campana  
quæ nobilissimos quoque eventus, seu tri-  
stium, seu latorum pro Christiana Republica  
prænnunciat,



prænuñciat sonitu, nullo impellente. Auriti, & oculati testes plurimi hoc serio affirmant. Vairus *lib. 2. de fascino cap. 14.* se ait, hujus rei testimonium per publicos tabelliones transmissum à Proregibus illius Regni sæpius legisse. Joannes Mariana *lib. 21. de reb. hispan. cap. 1.* pulsam eam edidisse spontè scribit, pridè quam captus fuit Aragonum Rex Alphonsus à Genuensibus, & iterum ac tertio sonuisse, quo tempore composito Mediolani fœdere Aragonius in libertatem est restitutus. Ante mortem Philippi secundis, atquè aliquoties ultimis hisce temporibus pulsam audierunt testes fide digni. Undè Joannes Eusebius Nierembergus *de mirac. natur. in Europa lib. 1. cap. 8.* Quid opus est, inquit, aggerere Autores, cum testatissima res sit, & ipse quater, aut quinque nostris diebus audiui pulsam, quod fide publica, & multis testibus comprobatur, Regibus nostris renunciaturum fuit insigni aliquo eventu subsequente. Sic ipse, qui apud Japones scribit in fine capitis admirationi esse campanam adsimilem, quæ tumultus, ait, & similitates enunciat, ut de miraculis patris à Vestalibus, aliisque Gentilibus ob fines Deo notos, vel à demone Deo permittente, plura futura vel distantia à nobis cognoscere, quæ illi sunt cognita in causis.

Salerni cœnobium est Patrum Dominicanorum, cui fama est, tum ab insigni thesauro, nempe manu D. Thomæ Aquinatis, tum à notula, quæ fusc nulatenu revincta sonum edit, quoties est moriturus aliquis Religiosorum ex ea familia si æger quispiam decumbit, salva res videtur; sed magnopere anceps, si omnes valent prospere, testibus Angelo Rocca, & Kircherio. Ferunt etiam ex relatione ejusdem Cœnobii, cum noctu diriperetur argentea theca, in qua includebatur manus D. Thomæ, campanulam eandem sponte sonuisse, veraque dedisse indicia, mane fuit manifestum. Post enim diliculum, reperta est manus super aram absque argentea ejus chirotheca.

Joannes Lupus Episcopus Monopolitanus & Castillus in *centuriis Ordinis Dominicani* perhibent ejus ingenii campanulam spontè vocalem in Zamorensi cœnobio S. Dominici, ultro tinniendo, fatum semper portendere, aut alicujus Religiosi ex ea familia, aut primatii saltem viri ex Ordine Dominicanorum. Idem Episcopus, in monasterio Camorensi hujus etiam Ordinis in Hispania, pulsū suo, ait, triduo ante præmonere aliam nolulam, quando ibi ex domesticis aliquis est à vivis excessurus.

Syrius in *vita S. Meinulphi tom. 5.* scribit, esse Campanulam in Parthenio cœnobio Saxonie Bodkenfi, seu Budicensi, cui magna est reverentia vel ideo, quia Sanctimonialibus spontaneo strepitu prædicat mortem imminentem. Quod etiam testatur Gibellinus in *vita Meinulphi*.

In Sciria est monasterium aliud sanctimonialium Ordinis S. Benedicti, quod Gossense appellatur, & in quo solum, quando ex hac vita migratura est loci Antistita, major campana duabus, aut tribus hebdomadis ante obitum nemine trahente, funebrem sonum edit.

Id verò anno 1611, Patres Societatis annuis litteris Provinciæ scripserunt contigisse, qui astiterunt Antistitæ morienti, atque eam sacra Exomologesi expiarunt.

Enimverò est quedam felicitas major Ascetarum utriusque sexus, qui in religiosis iis domiciliis degunt ut vitam in eis cum virtute ac sanctimonia exigant; quandoquidem non veniunt imparati ad momentum, quod est decretorium æternitatis, pænunciato nimirum exitu obstrepera ea paranesi funebrium metallorum.

Sic ad sepulchrum S. Jacobi Compostellæ seditiones futuras præsignificant instrumenta bellica & strepitus, sicut & collisio ossium Ferdinandi Gonzalez

declarat victorias Catholicorum contra infideles. Similia leges apud theatrum vitæ humanæ de prodigiis, apud Agesippum, ac Josephum de signis præfati excidii Hierosolimitani, & apud Cornelium Gemmam in *Cosmocruticis*, aliosque

Porro sonitus hos miraculosos, opitulantibus Angelis tutelaribus excitari, sicut & de Prophetis, ac miraculis, dicendum puto; nec tamen negandum quandoque id evenire demonum opera, ut in oraculis antiquis contingebat, & in locis infestis nunc sæpe contingit.

Quod verò ad Gemmas Rationalis Summi Sacerdotis, certum est, illas naturaliter non prænuñciare futura, vel abscondita, sed tantum supra naturam. Unde dicebatur Deus dare responsum in Ephod per Urim, & Thummim.

Est autem difficile id explicare, inquit Augustinus *q. 127. in Exod.* an scilicet sono vocali, quem Angelorum aliqui excitarent, revelaretur secretum, an interiori aliquo afflatu Sacerdotem erudierit Deus, illoque instructus Principem, vel interrogantes ceteros de omnibus redderet.

Hugo credit, inscriptos fuisse characteres in gemmis, qui nutu Dei combinati Pontifici referebant divinum consilium.

Anastasius Nicenus autumat, fuisse adamantem, qui ingressio Pontifice in sancta Sanctorum, si populus peccato pollutus esset, nigresceret, si non peccasset albesceret, durasseque usque ad tempus Zachariæ, imò in nativitate Joannis, ejus filii, mirifice splenduisse.

Rabbini quidam affirmant, litteras duodecim Tribuum hisce lapidibus insculptas ita coivisse, ut sacerdos ex illis dictiones concinnare, & quæsitis respondere posset.

Majolus *tom. 2. dist. colleg. 1.* alique contendunt, Deum ad gemmarum præsentiam Sacerdoti spiritum prophetiæ conferre solitum, non autem in fulgore illarum; quia tot, tantaque minuta exprimere non poterat, sed in voce.

Id tamen est valde diminuire divinam omnipotentiam, quod nisi mediis gemmis, aut quolibet alio representare quælibet nequeat, ut proinde nonnulli apud Mouram *sect. 2. cap. 15.* teneant, revelationem illam nihili esse faciendam.

Sunt autem quidam apud Tyræum *lib. 2. de apparit. cap. 21.* qui arbitrantur, Sanctissimum Dei nomen Tetragrammaton lapide inscriptum, representasse mysteria.

Alii existimant, quendam lapidem specialem fuisse à duodecim ipsis lapidibus distinctum, cujus color, intrante Sacerdote Summo adita interiora Tabernaculi pro rerum vel adversarum vel prosperarum varietate, inmutaretur.

Flavius Josephus *lib. 1. antiq. cap. 11.* tradit à gemmis profiliisse mirum quendam fulgorem quoties belli alicujus gerendi protector, & adiutor Deus consultebatur, adeo, ut ad Sacerdotis aspectum universæ statim multitudini constiterit, Deum affatum.

Refragatur tamen Tyræus, quia non de bello tantum Deus consultebatur, sed etiam de modo res quædam agendi interrogabatur, & aliquando correspondebat interrogationi negative, ut *2. Reg. cap. 5.* Davidi Dominum consulenti, an contra Philistæos ascensus esset, fuit responsum, non ascendas &c. At certe non exclusit Josephus alias significaciones, cum fulgor à Deo elevatus quælibet significare posset.

Quod autem ita fuerit, probatur ex ipsa Scriptura *primo Reg. vigesimo tertio*, ubi sic habetur Cum David reticisset quod præpararet illi clam malum Saul, dixit ad Abiathar Sacerdotem: *Applica Ephod. Et ait: si tradens me vii Gele in manus ejus, & si descender Saul, sicut* *audire*



audivisti servus tuus? Domine Deus Israel indica servo tuo. Et ait Dominus; descendet. Dixitque David: Si tradent me viri Ceila, & viros, qui sunt mecum in manus Saul? Et dixit Dominus: Tradent.

Ex quo reprobantur, qui contendunt codicillos applicari ipsis Urim & Thummim, in quibus interrogata scripta erant, sed viva oratione responderi applicata Ephod constat ex dicta sacra Scriptura. Poterat tamen etiam Deus respondere per codicillos, & per illos haberi veritas, sicut refertur, Joannem Papam quandam Epistolam contra hæreticos scripsisse, ac illam D. Petri tumulo superposuisse, expostulans, ut si aliquis defectus adesset illum apostolica manu corrigeret. Et factum est. At hoc modo non oportebat. Propter absentes enim sunt epistolæ, Deus autem est præsentissimus. Et aliàs subito non potuisset consuli, ut opus fuit aliquando, cum prius tempus scribendis codicillis consumi debuisset.

Et quidem octo autem erant ornamenta Pontificis. Feminalia linea. Vestis linea. Balteus seu cingulum. Tunica hyacinthina. Ephod, sive superhumeralis. Rationale iudicii. Cidar, sive Tiara. Lamina aurea. De his agitur Exodi 28. Quatuor ex iis erant propria Pontifici, ut Tunica hyacinthina, Ephod, Rationale, & Lamina aurea. Reliqua communia cum aliis Sacerdotibus.

Super Tunicam hyacinthinam erat Ephod, quod regebat humeros, & anteriorem partem usque ad cingulum. Erat autem contextum ex auro, hyacintho, purpura, cocco bis tincto, & bysso retorta, Exod. 28. versu sexto. In utroque latere versus humeros habebat duos lapides onychinos, auro inclusos; unum à dextris, alterum à sinistris, in quibus sculpta erant nomina duodecim filiorum Israel: sex nomina in uno lapide, & sex in altero iuxta ordinem nativitatis eorum, Exod. ibidem, v. 9.

In anteriori parte superhumerali, ad pectus Pontificis ligabatur Rationale iudicii, Hebræi vocant Koscen, id est pectorale, Græci Logion, id est Rationale. Conficiebatur autem ex eadem materia, qua Ephod, nempe ex auro, hyacintho, purpura, cocco bis tincto, & bysso retorta. Figura quadrangulæ. Densitate duplex ad Ephod relatum. Longitudine, & latitudine, mensura palmi. Exod. loco citato versu 16. In hoc rationali erant duodecim lapides pretiosi, inclusi auro, & distincti per quatuor ordines, in quibus etiam sculpta erant duodecim nomina filiorum Israel, inibi versu 17. Atque ita confectum, & exornatum catenis aureis, & fasciis tam firmiter affigebatur superhumerali, ut à se invicem non potuerint separari, versu 28. Porro in Rationali posita erat. Doctrina & Veritas super pectus Pontificis versu 30. Hebraicè Urim, & Thummim.

In tribus autem casibus constat ex Scriptura solitum esse Pontificem gestare Ephod. Primò in consecratione. Quando enim mortuo Pontifice alius subrogabatur, necesse erat solenni ritu eum consecrari, quod fiebat assumptione habitus Pontificalis, & unctione capitis, Exodi 29. versu 29. Secundò in ingressu Sanctuarii, quando sacrificabar, & deprecabatur pro populo, ibidem. Tertiò quando consulebat Deum in rebus dubiis.

Qua in re tres modi fuerunt consulendi Deum in rebus dubiis, & accipiendi ab eo responsa. Primus per visionem, & somnia. Secundus per Sacerdotes. Tertius per Prophetas. Hoc colligitur ex illo 1. Reg. cap. 28. v. 6. Consuluit Saul Dominum, & non respondit illi neque per somnia, neque per Sacerdotes, neque per Prophetas.

Tom. I.

Recordor jam illud Ciceronis: Animus defessus audiendo, aut admiratione integratur, aut visu renovatur. Renover igitur festum Lectoris animum multiplex modus consulendi per summos Sacerdotes, de quo nunc agimus, sic habebat. Rex, aut Princeps, aut Populus Israelitarum, si quando dubitabant, quid in rebus magni momenti agendum sibi esset, jubebantur adire Pontificem, sive Summum Sacerdotem, qui indutus Ephod consulebat pro ipsis Deum, Num. 27. versu 21. Quæstio autem immediatè proponebatur Pontifici, & Pontifex Deo, & propositio fiebat coram Arca, si adesset, secus si abesset. Dissentiunt verò ut diximus Doctores, quomodo Deus solitus sit dare responsa Pontifici interroganti. Aliqui putant per Angelum voce humana loquentem. Alii per occultam Spiritus Sancti revelationem. Alii per schedulam. Alii, inter quos Josephus, per splendorem gemmarum, sive lapidum, qui erant in Rationali supra pectus Pontificis. Quod sic explicant. Si lapides, sive gemmæ plus solito splenderent, signum erat feliciter successurum. Si minus solito, malè successurum. Si nec plus, nec minus, sed more naturali splenderent, signum erat, Deum non velle respondere. Et sic putant accidisse, quando Saul consuluit Deum per Sacerdotem.

Aliter hoc pacto. Legitur apud Rabbinos in libro, cui titulus Hen Israel, tractatu de expiatione cap. 62. quòd Summus Sacerdos petebat responsa ex pectorali, & humerali, quod ita declarat Rabbi Salomon. In Urim, & Thummim erat scriptum nomen Tetragrammaton, quod ab Hebræis dicitur Scem-Ameforach. Erat positum in plicatura pectoralis quæ erat quadrata unius palmi. Hujus nomini virtute dilucidabantur verba, id est, quando Summus Sacerdos applicabat mentem uni parti dicti nominis, quæ appellatur Urim, dilucidabantur litteræ, in quibus dabatur responsum petitioni, sed confusè sine ordine. Quando postea dirigebat mentem ad alteram partem litterarum, quæ dicitur Thummim, componebantur litteræ ordinatim ad verba. In lapidibus enim erant insculptæ omnes litteræ alphabeti, in quo pro littera Zadi, quæ deerat in nominibus Tribuum, erant exarata nomina trium Patriarcharum Abraham, Isaac, & Jacobi. Et quia etiam deerat Ted, exaratum erat Scibte Jesaiurum, hoc est Tribus Israel. Nec poterat id fieri, nisi solo iussu Regis, vel magni Tribunalis, quod dicebatur Sanedrim. Ego autem censeo id evenisse per spiritum Prophetiæ, qua in his rebus arduis sibi attinentibus donabantur Summi Sacerdotes, cujus afflatu responsa dabant interrogatis, præsertim quando deerant Prophetæ. Talibus enim ornamentis indutus Summus Sacerdos elevabatur à Deo per motionem supernaturalem ad danda responsa populo petenti in necessitatibus, quemadmodum de miraculorum operatione dicitur, & aliis gratis gratis datis.

Quando autem cessaverit hic modus consulendi Deum per Pontificem, & accipiendi ab eo responsa, Abulensis putat, cessasse eo tempore, quod inter Alexandrum Magnum, & Machabæos intercessit. Genebrardus eo tempore, quo Joas Rex occidit optimum Pontificem Zachariam. Alii denique ab initio captivitatis Babylonicæ, quando sacrificium cessavit. Nam verisimile est, Judæos propter sua peccata uno, eodemque tempore, & oraculo, & sacrificio spoliatos fuisse. Quod contigit ad initium captivitatis Babylonicæ. Quò videtur spectare illud Osee 3. v. 4. Dies multi sedebunt filii Israel sine Rege, & sine Principe, & sine sacrificio, & sine Ephod. At ipse puto, cessasse, cessante Summo Sacerdote.

B b

Quid



Quid autem per *Urim*, & *Thummim* intelligatur, Rabbinus Komius fatetur, ignorari etiam ab Hebræis, & Cajetanus credit, à memine hætenus explicatum. Verum apud omnes constat, *Urim* illuminationem significare, *Thummim* perfectionem. Quia nimirum splendebant illæ gemmæ, splendoremque à se maximum, cum essent nobilissimæ, diffundebant, ideoque dicuntur *Urim*. *Thummim* autem, quia integritate, perfectioneque maxima, cum è toto genere lapidum essent selectissimæ pollebant.

Et quod ad oracula effossa, dæmon, qui Dei sciniam agit, ementitur plura prædicere, ut sibi credatur, atque ejus responsa homines venerentur. Teste namque Tullio *lib. 1. divinat.* Si oraculum Delphis aliqua vera non dixisset, neutiquam in tanto pretio foret. Imo aliquando dæmon conatur etiam mysteria nostræ fidei prædicere, & proclamare, ut Marci *cap. 1.* Quid nobis & tibi, Jesu Nazarene, venisti perdere nos? Scio, quod sis Sanctus Dei. Et Pythonissa apud Macedones de Paulo, & Silla prædicavit, veram esse eorum doctrinam, ut legitur *Act. 16.*

Et sanè sicuti Plato, aliique nonnulli Philosophi de divinis mysteriis instructi fuerunt ab Hebræis, ut proinde apud Eusebium Numenius cum Mosis, atque Platonis percurrisset libros, judicavit Platonem alterum Mosem Attica lingua loquentem. Et quidem tot, tantaque sunt, quæ in Platone Sacræ Scripturæ consentanea reperiuntur, ut D. Augustinus *lib. 2. de doctr. Christ.* crediderit, eum in Ægyptum profectum, Hieremiæ auditorem fuisse, magno temporum errore, & in quo ipse opinionem suam retractavit *libro secundo retract.* & *libro octavo de civit.* Clemens Alexandrinus *in orat. ad gentes*: Undenam, ô Plato veritatem conjicis? Undenam abundè suppeditata rationum copia pietatem, & verum Dei cultum vaticinaris? His sunt sapientiora barbarorum genera. Novi tuos magistros, etsi eos celare velis. Geometriam discis ab Ægyptiis, Astronomiam à Babyloniis, rectas & sanas incantationes accipis à Thracibus. Te etiam multa docuerunt Assyrii. Leges autem quæcumque vera sunt, & de Deo opinio suppeditata tibi sunt ab Hebræis. Et in *libro primo Stromat.* affirmat Platonis Præceptorem fuisse Sechnuphidem Heliopolitanum. Tatianus verò *contra gentes*, Justinus Martyr *in paranesi*, Eusebius *de præpar. Evang.* & Theodoretus *de curat. græc. affect.* Platonem ex Hebræorum libris multa in suos transtulisse, scribunt. Quod idem & Cyrillus *libro primo in Julian.* testatur. Aristobolus Judæus *ad Philometora*, ut ait Eusebius, ita scribit: Legem nostram in multis Plato sequutus est. Apertè namque in multis diligenter examinasse singula videtur. Mosaica enim volumina ante Alexandrum, & ante Persarum imperium translata fuerunt. Unde plura, sicut & Pythagoras Philosophus ille accepit. Nonnulli etiam fuere, quod horret animus dicere, dicam tamen, qui in multis doctrinæ Platonice cum religione nostra consensionem observantes, ausi sunt pronunciare impiam blasphemiam, nempe in Platonis lectione Christum diligenter versatum & ex eodem nobis permulta tradidisse, quam impietatem in Celso Origenes reprehendit *libro sexto disputationis contra eum institute*. Dignum quoque observatione illud est, quod refert Nicetas, vetus Nazianzeni Scholiastes *in orat. 2. in Pascha*, nempe quod cum à quodam Christiano maledictis, & convitiis proscinderetur Plato, ut omnium hæresium pater, noctu ad conviciatorem venisse, allevisseque, se à Limbo simul cum sanctis Patribus

à Christo ereptum, & ad gloriam traductum, proinde caveret in posterum ne amplius sibi malediceret. At certè de hac re nihil temerè est asserendum. Non temerè enim credere, nervi & artus sunt sapientiæ, ait Tullius *ex Epicharmo*. Tanta tamen fuit pietas in Platone, ut nonnulli ejus salutem non omnino deploratam crediderint. Justinus Martyr *in orat. ad Antoninum*, Christianos esse nominandos putamus quotquot è gentibus, licet adventum Christi præcesserint, ratione tamen duce vixerunt, inter quos Platonem ipsum connumerasse videtur. Nec forsitan abhorret omnino D. Augustinus *libro decimo confess. & Epist. ad Deo gratias, quæ est 49.* Sed, ut dixi, de hac re nihil est temerè asserendum. De admirando autem Platonis consensu cum utroque Testamento in his, quæ ad Deum, & ad rerum ab eo emanationem, ac in his, quæ ad regressum in Deum pertinent, forassis alibi.

Ita & dæmon, visis libris Prophetarum, illisque auditis, item & à sanctis Angelis multa cognovit. Quandoquidem etiam Deus permittit à sanctis Angelis dæmonem illuminari, & de futuris certiores reddi, ut docet Augustinus *lib. de nat. dæmon. cap. 6. & in Genes. ad litteram capite 17.* Quæ tamen ipsi dæmones malitiosè pro suis venditant ad gloriam divinitatis aucupandam. Unde severè examinanda sunt hujusmodi oracula, ne decipiamur à dæmone, & à cælestibus veris ad inania & futilia seducamur, ut tradit idem Augustinus.

Sic constat, multa oracula de rebus futuris à dæmone conficta, ex sepulchris gentilium effossa, ut Patavii in sepulchro Anthenoris, quod in cenobio Sancti Francisci inventum fuit tempore Alberti Scaligeri, hæc verba cernebantur inscripta: Dum terræ dominarentur illi, quibus prima nominis littera A, magnam cladem passi essent. Quod postea eventus comprobavit in Attila Hunno, Aguilulpho Gotho, Acciolino tyranno, Alberto Scaligero, ut refert Bernardus Scaldonius in historia Patavina.

In sepulchro quoque Dædali, quod expoliavit Darius, vitrea arca reperta fuit, olei plena quæ corpus tegebatur, sed paulum olei in arca defecerat. Erat autem in marmore inscriptum: Quisquis me videat, curet, quod defuit olei adimplere, aliàs sciat se malè habiturum. Quo inspecto, Darius decrevit arcam refici, sed eo magis dilabebatur. Quo stupefactus tristis sepulchrum clausit, & statim secuta est exercitus sui clades, & ipsius misera mors à proprio filio illata, ut tradit Ælianus *libro 13. de var. hist.* & Herodotus *libro 2.*

In Thracia etiam sepulchrum visum antiquissimum, quod plures autumant fuisse Platonis, in quo lamina aderat, quæ tempus indicabat sue inventionis. Sic enim in ea Græcè erat insculptum, quod hunc sensum Latinum reddebat: Christus nasciturus est ex Virgine, & in eum credo. Tempore Constantini, & Irenæ Principum, ô Sol, iterum me videbis, scribente Paulo Diacono *libro vigesimo-tertio.*

Pariter in historiis Hispaniarum recensetur, ante Hispaniæ captivitatem Toleti in antro quodam repertam fuisse tabulam tantæ stragis prænunciam. Hoc autem potuit dæmon præcognoscere ex rerum longa experientia juxta Glossam *in can. pudor, v. fallere 32. quest. 2.* de quo Magister sent. *in 2. dist. 7.* Tum magis attenta diligentia conjuratorum, socordia tutandi Regnum, ac pellendi hostem. Potuit hoc etiam à Deo provenire qui ex sua benignitate



# Novissimæ Consultationes Canonicae. 291

gnitate plerumque futuras Regni mutationes vel signis, vel prodigiis, vel aliis modis, quod solet Deus exequi per Angelos tutelares, & protectores Regnorum.

De Oraculis effosis ex monte Illipolitano prope Granatam extat hoc decretum S. Congregationis supremæ S. Officii.

Feria 5. die quinta Maij 1639. in generali Congregatione Sacræ Romanæ, & Universalis Inquisitionis habita in Palatio Apostolico apud Sanctum Petrum coram Sanctissimo Domino Nostro Urbano, divina Providentiâ Papa VIII. ac Eminentissimis, ac Reverendissimis Dominis S. R. E. Cardinalibus adversus hæreticam pravitatem Inquisitoribus generalibus, à S. Sede Apostolica specialiter deputatis.

Sanctissimus Dominus Noster Urbanus divina Providentiâ Papa VIII. attente perpendens, quod nulla cura magis anxios, & sollicitos habeat Romanos Pontifices, quam ne Iolium, & Zizania adulterina doctrina pro sincero veritatis catholica tritico in agro Dominico succrescant; quodque ob id fel. rec. Clemens VIII. simul atque accepit in quadam vetusta turri Civitatis Granatensis Turpiana nuncupata pro commodiori novi Templi adificatione anno 1598. dejecta, scripturam quandam sanctissimo Apostolo, & Evangelistæ Joanni adscripam, litterisque Arabicis, Græcis, & Latinis in membrana exaratam, fuisse repertam; ac deinde in cavernis montis Illipuliani, dicti sacri, prope eandem civitatem in Regno Granatensi, quosdam libros, & laminas plumbeas Arabico sermone, & antiquis characteribus conscriptas, varia de rebus fidei pertractantes, partim B. Jacobo Apostolo, partim vero quibusdam aliis ejus, ut ferebatur discipulis, attributas, apno 1595. & 1596. effossas fuisse, iteratis litteris in forma Brevis Petro de Castro Archiepiscopo quondam Granatensi, præceperit, ut ab hujusmodi librorum, non solum judicio, sed editione etiam, & pervulgatione abstinere, ac præterea omnibus & singulis quacunque auctoritate fungentibus personis in virtute sanctæ obedientiæ, ac sub pœnis & censuris sub arbitrio imponendis, injungeret, & mandaret, ne circa eosdem libros, & ea, quæ in illis continentur aliquid affirmare, vel negare, vel aliàs de iis judicare quovis modo auderent, vel præsumerent, cum nemini, præterquam Romano Pontifici de dictis libris, eorumque doctrina judicare, aut statuere liceret. Denique, ut omnia, ad hæc pertinentia, undique perquireret, ac ad Sedem Apostolicam simul cum ipsis genuinis exemplaribus perferenda curret, ut matura deliberatione adhibita, tandem decernere posset, quid certo statuendum esset de dictis libris, ac laminis, adeo ob linguæ antiquitatem, ac litterarum genus ab hujus sæculi usu remotum, obscuris dubiis, atque implexis, ut vel ipse Archiepiscopus fateretur se magnam Interpretum varietatem, & difficultates non paucas deprehendisse. Considerans præterea alios deinceps prædecessores suos vehementi sollicitudine in eam cogitationem incubuisse, ut præfati libri, ac lamina Romam advekte, à peritis linguarum viris, doctisque Theologis explanari, & examinari possent, probe advertentes, versiones quascunque ad examen, & judicium perfectum, ac indubitatum sine ipsis originalibus revocari non posse, Sanctitas sua eorum vestigiis insistens, in eadem pariter cura sedulo laboravit, nihilque intentatum reliquit, quatenus Romam dicti libri, ac lamina ad præfatum finem, & effectum transmitterentur. Verum cum rei eventus minimè hæcenus votis responderit, & passim jam à pluribus autoribus in libris impressis, & ab aliis in publicis concionibus, etiam ad dogmata stabilienda, honorifice citentur, & majorem venera-

tionem tanquam divina cujusdam, & Canonica auctoritatis in dies acquirant, licet gravissimi viri, & linguarum periti, magni in contrarium momenti exceptiones, atque difficultates attulerint, asserentes non pauca in quibusdam ex dictis scripturis, & laminis contineri, quæ impietatem, superstitionem, ac errores redolent. Idcirco Sanctitas sua præcavere interim volens, ne sub commentitio Apostolorum, eorumque discipulorum nomine adulterina fortassis doctrina in Ecclesiam Dei irrepant, post gravem, & maturam consultationem, auditisque super his, Eminentissimorum, ac Reverendissimorum Dominorum Cardinalium contra hæreticam pravitatem generalium Inquisitorum votis, statuit, præfatos libros, scripturas, ac laminas, quocunque nomine nuncupatas, suspendendas esse, easque præsentis decreti vigore suspendit, illisque, ac illarum versionibus, sive interpretationibus fidem aliquam adhiberi, aut venerationem, sive cultum deferri omnino prohibet, donec Sedes Apostolica definiat, quid tam de laminarum qualitate, & doctrina, quam de versionum, & interpretationum veritate, ac fidelitate tenendum, & sequendum sit. Libros similiter omnes, tractatus, responsa, consulta, commentarios, glossas, additamenta, aut annotationes, & quacunque alta, sive manu duntaxat exarata, sive typis impressa, quæ ex professo de dictis laminis, & scripturis tractant, suspendit penitus, ac prohibet, nec legi, aut teneri posse declarat; sed statim Ordinariis locorum, seu hæretica pravitatis Inquisitoribus consignari mandat, donec Sedi Apostolica aliter statuere visum fuerit. Siqui vero libri sint, tractatus, aut alia quævis manuscripta, seu typis impressa, quæ ad alias quidem materias spectant, incidenter verò, aut obiter de dictis laminis, vel eorum doctrina mentionem faciunt, iis omnibus pariter quoad illam partem, omnem prorsus fidem, atque auctoritatem abrogat, & abrogatam esse decernit, talesque libros, & tractatus expungi jubet, aliter inter suspensos, & prohibitos, donec expurgentur, censeantur. Præterea, quia docti nonnunquam viri tum Granatæ à præfato Archiepiscopo, tum alibi ab aliis ad dictas laminas interpretandas, vel comprobandas, vel aliter quomodolibet explanandas convocati dicuntur, Sanctitas sua eas convocationes, congressus, confessus, consultationes, sententias pariter, & judicia, si quæ inde sequuta sunt, nullius prorsus ponderis, & auctoritatis fuisse ac esse declarat, similiaque deinceps fieri districte interdicat. Denique omnibus & singulis Christi fidelibus cujuscunque status, conditionis, dignitatis, & præminentia, quantumvis Ecclesiastica, & quantumvis eorum specialis, ac individua mentio faciendæ esset, præcepit, ne in posterum in ipsorum librorum, seu laminarum approbationem quicquam principaliter, vel incidenter conscribere, aut conscriptum à se, vel ab aliis imprimere, sive aliter divulgare, aut scribi, imprimi, vel divulgari facere, eosdemque libros, ac laminas ex Arabico, aliove quovis idiomate in aliud quodcunque de cætero convertere audeant, aut in libris, concionibus, lectionibus, congregationibus, consultis, aut responsis ore tenus, vel scripto datis, quicquid de iisdem aut earum doctrina tractent, neque autores de ea tractantes, quoad illam partem, citent. Siqui verò dictarum laminarum, vel partis earum exemplum habuerint, Ordinariis locorum, aut Inquisitoribus, ut præfertur, illud tradere teneantur, neque posthac aliud conficere, aut confici facere possint. Atque ita decrevit, & ubique terrarum inviolabiliter ab omnibus observari mandavit. Transgressores autem sive Ecclesiasticos, sive laicos cujuscunque status, gradus, conditionis, dignitatis, vel præminentia quantumvis speciali nota dignæ, excommunicationi, à qua non nisi à Romano Pontifice, præterquam in mortis articulo,

Bb 2 absolvi



absolvi possint, eo ipso subiecit. Ac praterea Regulares in suorum officiorum, ac dignitatum, vocisque activa & passiva amissionis, perpetueque ad illa inhabilitatis, Clericos verò seculares in dignitatum pariter, & officiorum privationis, atque perpetua eorundem incapacitatis, pœnas ipso facto incurrere voluit; laicos autem, prater excommunicationem, aliis Ordinariis, sive dictorum Inquisitorum arbitrio pro modo culpe infligendis, etiam pecuniariis, & corporalibus coerceri, mandavit; quibus typographi quoque plectantur, si ex supra prohibitis, vel suspensis aliquid impresserint, ac praterea impressa omnia amittant, contrariis quibuscumque non obstantibus. Et ne premissorum ignorantia possit ab aliquo praterendi, voluit, ut decretum huiusmodi, seu illius exemplum ad valvas Basilicarum S. Joannis Lateranensis, ac Principis Apostolorum de Urbe, & in acie Campi Floræ affixa, omnes ita ardeant, & afficiant, ac si unicuique personaliter intimata fuissent.

## CONSULTATIO LXXVIII.

*De Stella, quæ apparuit Magis, an fuerit supernaturam? Et an per astra possint cognosci mysteria supernaturalia futura?*

**A**D primum. Certum omnino est de fide, stellam, quæ Magis apparuit, non significasse naturaliter Christi nativitatem, ut mox probabitur, & patet ex Patribus, & confirmat Augustinus libro 2. contra Faustum cap. 5. & Chrysostomus hom. 6. in Matth. approbante D. Thoma 3. par. qu. 36. art. 5. ad 3. imo & hæc referente; Ille quidem ait, nulli Astrologi ita constituerant nascentium hominum facta sub stellis, ut aliquam stellarum homine aliquo nato circuitus sui ordinem reliquisset, & ad eum, qui natus est perrexisset assererent, sicut accidit circa stellam, quæ demonstravit nativitatem Christi. Et ideo per hoc non confirmatur error eorum, qui sortem nascentium hominum astrorum ordini colligari arbitrantur, non autem credunt astrorum ordinem ad hominis nativitatem posse mutari. Aitque Chrysostomus: Non est hoc Astronomiæ opus, à stellis scire eos, qui nascuntur, sed ab hora nativitatis futura prædicere. Magi autem tempus nativitatis non cognoverunt, ut hinc fumentes initium à stellarum motu futura cognoscerent, sed potius è converso.

Quomodo autem stella illa fuerit signum certum Magis, docet Chrysostomus hom. 2. in Matth. referens, in quibusdam scripturis apocryphis legi, quod gens in extremo Orientis juxta Oceanum scripturam quandam habebat ex nomine Seth, de hac stella, & muneribus huiusmodi offerendis, quæ gens diligenter observabat huius stellæ exortum, positis exploratoribus duodecim, qui certis temporibus noctu ascendebant in montem, in quo postmodum eam viderunt, habentem in se quasi parvuli formam, & super se similitudinem Crucis. Vel, sicut dicitur in libro de quæst. Veteris & Novi Testamenti: Magi illi traditionem Balaam sequebantur, qui dixit: Orietur stella ex Jacob. Unde videntes stellam extra ordinem mundi, hanc esse intellexerunt, quam Balaam futuram indicem Regis Judæorum prophetaverat. Vel, ut tradit Augustinus in ser. de Epiph. quod ab Angelis aliqua admonitione revelationis audierunt Magi, quod stella Christum natum significaret. Et probabile videtur, quod à bonis Angelis id factum fuerit, quando in Christo adorando salus eorum jam quærebatur. Vel, quemadmodum ait Leo Pa-

pa in ser. de Epiph. prater illam speciem; quæ corporeum incitavit obtutum, fulgentior veritatis radius eorum corda perdocuit, quod ad illuminationem fidei pertinebat.

Docet autem idem D. Thomas opusc. 11. art. 15. Deum miracula facere ministerio Angelorum, non tamen quod in omnibus miraculis operatio Angelorum se possit extendere ad principales effectus, ut patet etiam in formatione corporis Christi ex Virgine. Unde liquet, non extitisse aliquam difficultatem ex parte operationis, quod non potuerint virtute divina Angeli præstare, si stella non fuit noviter creata. Et opusc. 12. quæstione prima, secunda, & tertia, quærit ex Chrysostomo, an stella, quæ Magis apparuit, habuerit figuram Crucis, vel Crucifixi, vel hominis, ut aliqui prædicant? Similia ex aliis narrat Chrysostomus loco citato. Respondet Divus Thomas, id non esse prædicandum, quia pro certo non habetur, præsertim quia non videtur probabile, quod sacri Doctores, ut Augustinus, Leo Papa, Gregorius, & alii hoc tacuissent. Et mox addit: Si autem ab aliquo sit prædicatum, non arbitror, esse necessarium, quod revocetur, nisi fortè ex hoc populo scandalum sit exortum. Et tunc non deberet, ut erroneum reprobari, sed, ut incertum, exponi.

Et quidem supernaturalia mysteria nequeunt ex signis naturalibus præcognosci. Nemo enim, etiam Angelus, teste Paulo Epistola ad Roma. 11. & Isaia capite 40. potest cognoscere sensum Domini, & quæ ipse supernaturaliter efficere decrevit, antequam fiant. Imo nec existentia mysteria supernaturalia naturaliter cognosci queunt ab aliqua creatura, nisi Deo revelante, ut probatur ex Divo Thoma prima par. qu. 57. art. ult.

Quare stella, quæ apparuit Magis non fuit naturalis. Id Abulensis quæstione undecima, in capite 2. Matth. probat multis rationibus, & Baronius ad an. 1. Christi confirmat ex Patribus, ac sequitur Suarez in tertia parte, D. Thomas quæstione 36. articulo septimo, sectione quinta, ubi de huius stellæ natura copiose, & egregie more suo disserit. Unde Augustinus libro primo contra Faustum capite secundo & quinto, non ex illis ait, erat stellis, quæ ab initio creaturæ iterum suorum ordinem sub Creatoris lege custodiunt, sed novo Virginis partu novum sydu apparuit. Quod ostendit Chrysostomus hom. 6. in Matth. Primo, quia nulla alia stellarum hac via incedit. Hæc enim stella ferebatur è Septentrione in Meridiem. Secundò ex tempore. Non enim solum apparebat in nocte, sed etiam in media die, quod non est virtutis stellæ, sed nec etiam Lunæ. Tertiò, quia quandoque apparebat, & quandoque occultabatur. Cum enim intraverunt Hierosolymam, occultavit seipsam. Deinde ubi Herodem reliquerunt, seipsam monstravit. Quartò, quia non habebat continuum motum, sed cum oportebat ire Magos, ibat, cum oportebat stare, stabat, sicut & de columna nubis, quæ erat in deserto. Quintò, quia non sursum manens partem Virginis demonstrabat, sed deorsum descendens, hoc faciebat. Quod non est stellæ virtus, sed virtutis & cuiusdam rationalis.

Probabilius propterea videtur, quod fuerit stella recens creata, non in cælo, sed in aëre vicino terræ, quæ secundum divinam voluntatem movebatur. Hæc est D. Thomæ sententia loco citato expressa, quam confirmat ex Leone Papa ser. 1. de Epip. his verbis: Tribus Magis in regione Orientis stella novæ claritatis apparuit, quæ illustrior cæteris pulchriorque syderibus, in se intuentium oculos, animasque converteret, ut conspectum adverteretur, non esse otiosum, quod tam insolitum videbatur.



Sunt tamen qui asserant, quod sicut Spiritus Sanctus descendit super Christum, dum baptizabatur, in specie columbæ, ita apparuit Magis in specie stellæ. Alii, quod Angelus, qui apparuit Pastoribus in humana specie, apparuit Magis in specie stellæ. Alliacus *quæst. in Genes. 30. & in lib. de legibus & sectis*, disputans de stella, quæ Magis apparuit, tradit, Magos illos syderalis scientiæ peritissimos, potuisse ex contemplationibus astrologicis nativitatem Christi futuram cognoscere, licet non ea certitudine, qua post ortum Christum, demonstrante stella postmodum cognoverunt. Quod & amplectitur Calcidius Platonius in *Comment. in Timæum Platonis* affirmans, Magos istos, & Sapientes Chaldaeos ex consideratione rerum cælestium evidenter cognovisse recentem Dei ortum. Alii verò dixerunt stellam fuisse cælestem, quæ naturaliter Christi nativitatem præsignificavit. Sed hoc quidem genus divinationis sententia jam communis D. Thomæ, ac Patrum explosit, de quo nos etiam infra.

Lege de stella, & Magis Epiphaniæ in *compendio doctrine*, Cyrillum Alexandrinum *lib. 4. in Isaiam* *orat. 4.* Chrysostomum in *Matth. hom. 10.* Augustinum *ser. 7. de Epiph. & de consens. Evang.* Leonem Papam in *ser. de Epiph. D. Thomam locis allegatis*, Canam de *loc. theol. Abulensem in Matth. cap. 2. q. 7.* Suarez *loco supra memorato*; Nazarium, Porretam, & Marfilium Honorati *tom. 1. de vita Christi, lib. 2. cap. 12.* Cajetanum, Hugonem Cardinalem, Torreblancam in *oper. spirit. lib. 10. cap. 3.* Franciscum Picum in *Astrolog. lib. 4.* Baronium, qui in *apparatu ad annales prædictiones Gentilium*, & portenta, quæ nativitatem Christi indicant, eruditè congessit, passimque alios.

Ad secundum. Petrus Cardinalis Alliaccensis, rerum ignotarum cupidus, ita graviter erravit, ut non solum animus, sed aures quoque ab ejus commemoratione abhorreant, eoque præsertim, quod hæc res genuit falsas opiniones, & superstitiones penè aniles. Credidit ex astris cognitam fuisse Christi nativitatem secundum carnem, cujus figuram genethliacam edidit extatque apud Sixtum Senensem in *bibliot. lib. 6. annot. 10.* Ita etiam prædicabat de diluvio Noe, siccatione maris rubri, liberatione populi Israelitici, de Sole Josue, & Ezechia.

Huic errori adhæserunt ex Christianis Rogerius Baconius, Henricus Machiniensis, Joannes Britan, alique nonnulli. Imo & quidam Velrius Bonatus ausus est affirmare, Christum Dominum astrologicæ scientiæ fuisse addictum, ideoque Joannis *cap. 2.* dixisse: *Nondum venit hora mea*, id est passionis tempus, nempe quàm præviderat idoneam ex astrorum inspectione.

In eundem errorem inclinare videtur Alphonsus Mendosa *qu. 4. positiva*. Nam in commendationem castitatis hæc affert: *Nescio*, an vel ipsa cæli, & stellarum constitutione, quam habuit Christi nativitas, fuerit adumbratus amor vehemens, quo Christus Dominus virginitatem prosequitur. Albertus Magnus in libro, qui dicitur Speculum, referens descriptionem signi cælestis, quod appellatur Virgo ex Albumasare Astrologo in suo majori introductorio *Astronomiæ tract. 6.* dicit: Sub ascendente signi Virginis natum fuisse Dominum Jesum Christum. Quibus post multa tempora hæc addidit Petrus Aliaccensis: Fuit in nativitate Christi horoscopus, pars Virginis octava, quæ religionis mutationem portendit, & in culmine cæli Saturnus imum cæli tenente Sole, &c. ut latius in Sixto Senensi *loc. cit.* de quo videatur Marfilius in *1. quæstione secunda, articulo tertio in 2. argum. princip.* Non quia stellis subiaceat naturæ desideratissimus, qui creaverat ipsas stellas, Tom. I.

sed quia, cum extenderet cælum sicut pellem in initio mundi, formaretque librum universalitatis, & stellis ceu litteris ipsum conscriberet, voluit; ut nova hæc Verbi nativitas sub ascendente signi Virginis contingeret, ut vel ipsum signum, quod hac nomenclatura sit insignitum, sibi gratum esse demonstraret. Nam & D. Hieronymus libro primo, adversus Jovinianum in Virginitatis honorem putat cadere, quod signorum cælestium unum sit Virgo. Hæc Alphonsus.

Verum, ut optimè notavit Medina, Pererius, & Delatorre post Picum *libro primo contra Astrologos*, falsò adscribitur ille liber Alberto Magno, in quo plura continentur, quæ adversantur Ecclesiæ decretis, ut quod libri magici non sint prohibendi; imagines fieri posse, quibus non solum unus homo, sed etiam tota civitas fiat felix, aut infelix, ut refert idem Picus. Ibique ex Albumasare dicebatur: Ascendit in prima facie illius signi Virgo pulchra, & honesta, habens in manu sua spicas, & nutrit puerum, & vocat ipsum Jesum, & ascendit cum ea stella Virginis. Adduntque qui hoc Albertò imponunt: Nos autem scimus, quod sub ascendente ejusdem Virginis natus fuit Dominus noster Jesus-Christus. Cum hoc, quod æquatio motus octavæ spheræ in tempore ejusdem fuit octo graduum, & triginta minutorum secundum calculationem certissimam, & quod ipsa erat tunc minuenda de locis planetarum inventis per canones, non quia subiaceat stellarum motui, aut eorum judicio qui eas creaverat, sed quia noluit litteris ejusdem deesse ex his, quæ secundum Providentiam suam in libro æternitatis sunt scripta, etiam illud elegantissimum à natura, quod de Virgine nasceretur, ut profectò per hoc innueretur homo carnalis, & verus, qui non naturaliter nascebatur, non quod cæli figura causa esset, quare nasceretur, sed potius significatio. Imò & vero verius ipse erat causa, quare modus admirandæ suæ nativitatis significaretur per cælum.

Confirmant suum errorem; quia tempore Christi passionis Sol defecit, ut significaretur mortem Christi Domini, etiam Astrologiæ signis fuisse subjectam.

At verò contrarium adstruunt omnes Patres, ac Theologi nominatim Suarez, Delatorre, Cajetanus, Medina asserentes quod sit de fide, non posse ex astris prænunciari mysterium aliquod supernaturale. Nec dicas cum Nazario de magia, censuram Medinæ affirmantis, esse hæreticam opinionem; quæ asseverat, Christi navitatem ex syderibus cognosci potuisse, esse nimis rigidam, si de Christo sermo sit præcisè, quatenus homo est, sive secundum naturales perfectiones illi competentes ratione humanitatis, abstrahendo ab unione hypostatica, & à perfectionibus omnibus supernaturalibus, & earum effectibus. Addit tamen propter periculum erroris, & incertitudinem artis astronomiæ non esse talem opinionem in Ecclesia Dei tolerandam, prout etiam Sixtus Quintus in *Bulla adversus Astrologiam judicariam* sapienter, ac piè definivit. Si autem sententia illa loquitur de Christo, prout est persona divina in humana natura subsistens, sive ut Deus & homo est, omnem habens gratiæ, virtutum, ac donorum supernaturalium plenitudinem ad humani generis redemptionem ordinatam, vera, & legitima erit Medinæ censura ob rationem ab eo traditam. Quia mysterium nativitatis Christi superat omnem naturam creatam, & universam corporum cælestium efficacitatem, ex sola Dei voluntate dependens.

Quare non rectè distinguit Nazarius, Tum quia non potest præcisè considerari nativitas Christi, nisi consideretur humanitas unita Verbo divino, cum in Christo



Christo non adsit personalitas, aut subsistentia humana. Ideoque Angelus dixit Mariæ: *Quod enim ex te nascetur Sanctum, filius Dei vocabitur.* Tum quia actiones & passionis sunt suppositorum. Et tum quia humanitas Christi supernaturaliter fuit genita sine patre humano, superveniente Spiritus Sancti virtute, Virgini Matri obumbrante, quæ vera fuit Christi Mater. Unde neque ob id poterat syderibus esse obnoxium, sicuti in generatione aliorum hominum fortasse contingit, quatenus corporeæ sunt.

Sit igitur hæc assertio. Hæretica est Astrologorum opinio, nativatem Christi, aliaque mysteria supernaturalia posse ex astris præsignificari, ac per ea præcognosci. Nam mysteria supernaturalia omnem naturam creatam & universam corporum celestium potestatem superant, solumque dependent à Dei voluntate. Nemo enim hæc novit, nisi Spiritus Dei revelaverit. Unde Paulus ad Roman. 11. *Quis cognovit sensum Domini, aut consiliarius ejus fuit?* Et 1. Corint. 1. *Ubi Sapiens, ubi Scriba, ubi Inquisitor hujus seculi, nempe Doctor astrologicus?* Idcirco idem Paulus 1. Corint. 2. de incarnationis mysterio ait; *absconditum à seculis in Deo, quod nemo Principum hujus seculi, id est sapientum mundi, cognovit.* Neque sic esset mirandum, sed inane, Prophetas Spiritu Dei hæc futura prædixisse. Quo argumento utuntur D. Paulus, & Patres ad confirmationem mysteriorum fidei. Neque insuper esset proprium Dei futura cognoscere, neque potestas patranda miracula esset supernaturalis, cum in causis naturalibus, vel signis prævideretur.

Constatque Noë diluvium ex *Genes. 6. & 7.* supernaturaliter evenisse. Nam jubente Deo, rupti sunt omnes fontes abyssi, & cataractæ cæli apertæ sunt, & facta est pluvia super terram quadraginta diebus, & quadraginta noctibus. Certum autem est, astra non inclinare ad subversionem terrestriis mundi, qualis in diluvio fuit. Hinc cataclysmum universæ terræ naturali ratione evenire non posse contendo. In qua sententia & Averroem, non omnino futilem auctorem, naturæ, verique 3. de anima, fuisse video, idque propter stellarum diversas, & plerumque etiam contrarias potestates. Et de die judicii manifestè dixit Christus Matth. 24. *de die illa nemo scit, neque filius hominis.* At secundum Astrologos contra Sacram Scripturam posset ex astris cognosci dies judicii, quo totus Orbis igne sit conflagraturus. Quare ineptè ad venturum Dei judicium interpretes retulit illud Ovidii ex lib. 1. *Metamorphoseon*

*Esse quoque in fati reminiscitur affore tempus,  
Quo mare, quo tellus, correptaque regia Cæli,  
Ardeat & Mundi moles operosa labores.*

cum ad Ecpyrosin, hoc est adustionem terrarum referendum sit. Tradunt enim Philosophi eluviones, exustionesque terrarum accidere certo tempore necesse esse. Eluviones attribuunt Planetarum humidorum conjunctioni in signis pluvialibus, conflagrationes calidorum in signis calidis. Sic vicissim renovationem mundi fieri, atque pristinum ornatum redire nunc per diluvium, nunc per exustionem. Ex his ortum, ex his & interitum rerum esse. Falsum item ac eminentum est, quod comminiscuntur Bachonus, & alii, Moysen peritissimum scientiæ syderalis observasse ex astris recessum maris rubri. Si enim sic fuerit, cur mare tam vorax Hebræos absorbere non potuerit? Cur sine astrorum affectione siccatus fuerit Jordanes, statimque inundaverit.

Signa enim, quæ apparuerunt in nativitate, ac morte Christi fuere supra naturam, ut Dionysius Areopagita probat in *epistola ad Colophonem*, & Picus lib. 5. cap. 14. ex ipsis Astrologorum principiis im-

pugnat horoscopi positionem confictam ab Aliacensi qui falsum quoque supponit, quod valdè fides corroboratur, dum apertè cognoscitur ex horoscopo Christi colligi potuisse insignem virum nasciturum, magnam religionis mutationem adfuturam; ideoque Paulum dixisse: *Invisibilia Dei per ea, quæ facta sunt, intellecta conspiciuntur.* Nam fidei derogat asserere, quod mysteria supernaturalia vim fortiantur ab astris, quæ sunt creata in ministerium cunctis gentibus, & quod naturaliter cognoscantur. Sic enim mysteria omnia, potestas miraculorum, ac donum prophetiæ essent naturalia. Quæ fidei expressè repugnant. Paulus verò post verba illa subdit: *Virtus, & potentia*, de quibus ibi loquebatur, quæ possunt cognosci lumine naturæ ex effectibus, & à posteriori, ut D. Thomas exponit. Christus autem Joannis cap. 2. declarat se non loqui de hora astrologica, sed de illa, quam decrevit Pater cælestis. Sed quid plura? Audiamus Picum, qui ita confutat figuram astrologicam nativitatis Christi.

His quidem, ait Picus lib. 5. cap. 14. non magnopere irascor, quoniam solent ipsi sua dogmata talibus testimoniis confirmare. Quare putant libenter nos etiam hæc recepturos, quibus dogmata nostra corroboremus; sed non eget his fabulis, somniisque veritas Christiana, apud quam etiam seria Philosophorum penè fabulæ sunt. Quis has vidit imagines, ceu sensu tacente, ratio illas occultior indicavit? Ubi de illis vel Ptolomæus, vel antiquus aliquis unquam fecit mentionem? Meracissimæ nugæ sunt, Arabumque figmenta, quanquam illa referant ad Indos, adversus quos libro sequenti latius disputabimus. At neque ista, Virgine, ut dicunt, ascendente, natus est Dominus Jeshus, alioquin per duas ferme horas ante mediam noctem in lucem apparuisset, quem ex Ecclesiæ traditione media nocte natum accepimus. Quare nec tertia, ut quidam dicit, libræ pars, sed decima potius, cum oriebatur natorum desideratissimus horoscopum occupabat; Unde illud etiam falsum ostenditur, quod blasphema voce disseminant, fuisse in ea genitura Martem in domo mortis, unde illi per Crucis supplicium fuerit moriendum. Neque enim potuit eo loco esse mors, nisi Virginem faciamus horoscopum, quod ab hora illius genitura magnopere esse declaravimus diversum.

Sed instabit aliquis, si de ea cæli parte Martem auferimus collacatueros nos eum in Occidente, ubi etiam violentæ mortis pericula minitetur. Ego vero ab eorum decretis nihil recedens, ostendam ex ea genitura violentæ mortis exitium non præsignari. Nam, quanquam Mars septimo loco in discrimen vitæ natum adducat, scribit tamen Maternus minui id infortunium, si nocturna fuerit genitura. Item si Mars in domo, aut finibus, aut sua fuerit altitudine. Tum etiam si octavo loco fuerit inventus. Unde expressior nulla mortis significatio. Obsistere tamen Martis malignitati Jovis benignitatem siue fuerit in horoscopo, & horoscopus ipse sit in domo Jovis, aut Veneris, quæ stella prospera se Jovi radiatione conjungat.

Ex his autem non unum, aut alterum, sed planè omnia in Jesu genitura inveniuntur. Nam & nocturnus die natus est, & Mars in Ariete, hoc est in suis laribus fuit, & horoscopus erat Libra domus Veneris, quam tamen frater particulariter Jupiter illustraret. Tum Venerem in Aquario constitutam trigoni radii amica sibi societate jungebant. Quibus illud & adicias Lunam, quæ imperat nocti in nocturna nativitate feliciter se habentem, mortis domum tenuisse, videbis necessariò bonam mortem ex ista Syderum positione pronunciandam. Erat enim in Tauro, hoc est in sua quidem sublimitate, & luminibus



nibus aucta, & quo loco gaudet, hoc est octavo felicissimo Solis conspectu defluens ad Venerem, apud quam hospitabatur nullis vel Martis, vel Saturni radiis infestata. Sed nec discedens ab eis, nec ad eos vadens, hoc est, nullo illis societatis vinculo colligata. Adde Venerem & domus mortis, & horoscopi pariter dominam, nulla vel Martis, vel Saturni inimica radiatione percussam, totam radijs Jovis, bonum sibi exitum promittentem. Oblatus est igitur, quia voluit, non quia eum cæli furor ad supplicia Crucis impegerit.

Sed non potest hominibus temerariis, nulliusque pudoris occasio unquam deesse aliquid garriendi. Nam finge quovis loco, Martem fuisse, anam habebunt nihil minus aliquo modo delirandi. Si enim statuatur in horoscopo faciem hinc referri depalmatam, colaphis cæsam, & sanguine deturpatam, etiam Martium illum hominem, & in se gladios dicent attulisse interitus. Si secundo loco, ab horoscopo afferri paupertatem, & rerum omnium inopiam. Si tertio nullos fratres. Si quarto, nullum patrimonium, ut qui Davidis filius, Davidis tamen temporarium saltem regnum non obtinuerit. Si quinto, nullos filios. Si sexto, datos in necem omnes suos servos. Si septimo, & octavo loco, habes, quod dicant. Si nono, beatos Astrologos, cum dicat Maternus, qui in nona Cæli regione Martem habuerit in sua domo, futurum hominem omnibus demonibus terrori, cuiusque adventum praedemonium spiritus fugiant, & ex eis homines laborantes non verbo, sed sola sui liberet ostensione. Quantis igitur credis ista clamorationibus, & plausibus sectaturos, divulgaturos Astrologos, si ibi forte nascente Domino Martis stella constitisset? Quod si Cæli culmina tenuisset Orbis, statim subjecti legibus ejus imperium pronunciarent, cum præsertim primum cardinem Jupiter occuparet. Si undecimo eum locum apprehendisset, Carolos, Constantinos attulissent in medium, & quoruncumque pro Christi Ecclesia Cæsares pugnauerunt. Si duodecimo, de inimicis infidiis quærentur, inter quos etiam seipsum invenirent, ita insanis, ut dicitur, occasio semper infurendi.

Sed audi de Saturno etiam quid dicant, erat enim in nona Cæli regione in signo Geminorum. At, inquit, facit Prophetas, & sacerdotes. Quid quum retrocedit? Debet hoc omnino minuire illas promissiones. Faceret ergo Prophetam, pliusquam Prophetam facere non poterit, qualis Joannes Baptista, n igitur poterit divinum, afflatoremque omnium facere Prophetarum. Erat Saturnus eodem loco, & in eodem signo constitutus, cum nata est Eleonora, Galeoti fratris filia, Virgo quidem illa pudica, moribus integerrimis, sed nec vel Anna, vel Debora, vel Cassandra. Sed persistite quæsto Astrologi admirabiles in proposito dogmate, & videamus, quid ibi Saturnus in sua nativitate significaret. Scribit Abraham vester in libro de nativitatibus, quod si Saturnum habuerit collocatum, hoc est in nona cæli regione, eum malum fore Christianum. Videtis quam bellè dogma vestrum confirmaverit. Quis enim audeat Christum malum dicere Christianum, qui nec fuerit Christianus? O homines ridiculos, & nunquam certè satis irrisos? Asculanus ille superstitiosus, qui fertur Magus, natus est, ait, Jesus in stabulo, quia imum Cæli tenuit Capricornus, & alius Rex, inquit, fuit Judæorum, quia horoscopus erat Libra. Hebræi enim Saturnij sunt, Saturni regnum Libra, quasi non singulis etiam mensibus multi nascentur his conditionibus, qui nec nascuntur in stabulis, nec Judæorum Reges etiam inscribuntur. Sed jam nimis multa de istis nebulonibus. Sic Picus,

Scribit Lampridius, prædictum fuisse Heliogabalo, ipsum biathanatum futurum. Idem, si Luna, inquit applicuerit se Saturno, deficiens lumine, faciet matres biathanatas interire.

Iam antea idem Picus reprobaverat constellationes Moylis, diluvij, Christianæ legis, & cap. 15. Mahumeris, ac similia, tanquam fallaces. Et Tullius lib. 2. de divinat. irridet prognosticum Urbis Romæ, quæ tamen ad naturalium seriem pertinet, in hæc verba. Quidam L. Tarutius Firmanus, familiaris noster in primis Chaldæis rationibus eruditus, Urbis etiam nostræ natalem diem repetebat ab ijs parilibus; quibus eam à Romulo conditam accepimus, Romamque esse in jugo Lunæ natam dicebat, neque ejus fata canere non dubitabat. O vim maximam erroris, etiamne Urbis natalis dies ad vim stellarum & Lunæ pertinebat? Fac in puero referre, ex qua affectione Cæli primum spiritum duxerit, num hoc in latere, aut in cæmento, ex quibus Urbs effecta est potuit valere? Hæc Tullius.

### CONSULTATIO LXXIX.

*An Prophetia, & Divinatio harmonicis sonis fieri possint? Num prophetia sit naturalis? Quinam fuerint veri Prophetae in veteri Testamento? Quomodo probabant se à Deo missos esse? Quinam fuerint falsi Prophetae? Quomodo falsi Prophetae à veris discernebantur? Quid de Pythonibus, & Pythonissis sentiendum? Et an etiam in novo Testamento sint veri, & falsi Prophetae?*

Astrologi aliquot cum Magis Colcodeam animam formarum distributricem causam assignant, à qua torius Magiæ vim provenire fabulantur. Unde credunt etiam juxta varios furoris gradus mira patrare, adeo ut animus furore musico percitus, è carcere exiens membrorum, vincula, nemine prohibente, transgrediarur, & divino spiritu concitatus omnia comprehendat, futuraque prævideat. Addunt alij, mentem melodix dulcedine allectam, recordata quàm admirabilis sit illa cælestium corporum harmonia, è corporeis vinculis avolare, & tunc futura cognoscere, ac postea ad corpus rediens, illud concitat, & velut ad furorem provocat. Hoc modo credunt, Saulem factum fuisse Prophetam inter Prophetas existens, suavissimè canentes.

Et quidem constat ex lib. 1. Reg. cap. 25. Saulem unctum in Regem, missumque à Samuele ad gregem Prophetarum, ipsisque occurrentibus, tympanum, psalterium, tibiam, & cytharam ante eum plallentibus, & prophetantibus insiluisse in eum spiritum Domini, & prophetasse in medio eorum. Et Paralipomenon 1. cap. 25. filii Assaph, Hemen, & Idithun in ministerium à Davide segregati prophetabant in cytharis, psalterijs, & cymbalis. Ac lib. 3. Reg. cap. 4. canente Psalte, fuit super Eliseum manus Domini.

Atque ex his videtur dicendum, posse oriri ex Musica efficacitate Prophetiam quandam naturalem quæ futura cognoscat, & prædicat. Unde sunt nonnulli, qui comminiscuntur in aëre quandam, velut rerum omnium ideam, sive sit illa anima Platonica, sive cælorum effluvium, sive atomorum confluxus, quibus reciproca fiat affectuum, conceptuumque communicatio, ita sanè, ut quidam contendant naturali vi longè remotissima cognoscere. Ex Platoniciis verò aliqui causam præfati admirabilis effectus adscribunt animæ mundi intelligenti, existimantes animam hominis musicâ excitati esse illius veluti particulam



quandam, quæ dum à phantasmatis corporeis absoluitur, ejusdem cognitionis particeps efficitur, quam habet illa quasi universalis anima, cui hæc partialis unitur. Hæc autem fragmenta Platonica jam alibi explosimus, sicut & illud, quod alij confingunt totius mundi virtutem in anima nostra includi, ideoque aiunt, illam omnia cognoscere, seipsam contemplando, dum, omnibus extrinsecis spretis, ad centrum mentis se reducit. Unde contendunt intellectum nostrum, etiam in hac vita, non indigere conversione ad phantasmata, indeque prophetiam nasci, asseverant.

At tenendum est, à Musica non posse oriri prophetiam supernaturalem, imo nequidem naturalem in ordine ad longinqua & futura ignota nobis, licet Angelis, ac dæmonibus cognita. Fatendum tamen, musicam exterius solum posse prophetiam adjuvare, quatenus animum attentum reddit, & ab omnibus aliis cogitationibus avertit; non quod Deus illa præparatione, sicut nec somnio ad aliquid revelandum, animumque illustrandum indigeat, sed ut aliquo pacto se rerum ipsarum naturis accommodet. Ideo dicitur Psalterium regium hac sæpe usum, ut se divino influxui præpararet. Deus siquidem harmonia est totius Orbis, ut ab eo mirifice coordinatus. Unde non mirum per musicum concentum animos prophetarum sibi præparare, ut hac harmonia animus in Deum vehementius trahatur, sicque animi motus in notiones occultas rerum futurarum facilius tendant. Dumenim variis dispositionibus anima fuerit Deo similior, tantò cum Deo unitior, & consequenter majoris gratiæ christmate ab eo perfundetur. Ideoque Sancti Dei homines non implicati rebus temporalibus, sed divinis tantum intenti, prophetia donantur.

Propheta igitur in Scriptura nominati non potuerunt à musica prophetiam recipere effectivè, sed tantum dispositivè. Cum enim illa sit donum Dei supernaturale, & per consequens Deo propria, solum ab eo provenire potest, vel ab ejus instrumentis, virtutem illius, vel imperium deferentibus, qua ratione prophetica revelationi Angeli divinitus cooperantur.

Essè autem prophetiam sicut & linguarum locutionem, donum divinum, est veritas Catholica, quam docent Patres, & Theologi 2. 2. & Mercur. in prat. lib. 1. cap. 16. Petrus Forestus 10. 1. obs. medis. lib. 10. obs. 12. Petrus Garzia ad Galenum de locis affectis, Torreblanca fol. 119. appendic. cap. 12. alique communiter.

Non tamen negatur, melancholia imaginatricem cæterasque cerebri potentias, principes à medicis appellatas, commoveri, ac impelli. Ideoque cum sanguis est optimè temperatus, hoc est, calens, lucidus, fulgoreque instar auri igniti, ac rubentis illustratus, admirabiles efficit in anima motus, sicuti tradunt Ficinus lib. 1. de vita prorog. cap. 4. & Valesius 10. 1. lib. 6. enarrat. 10. Ut iccirco Aristoteles dixerit, philosophiæ prodessè melancholiam. Ex melancholico namque sanguine calente, attenuatoque, ut instrumento, munitus animus acutè, atque profundè abditissima quæque arcana intelligit, ab externis rebus segregatus; unde philosophi illi sapientes divino esse afflati furore apparebant, ut annotavit Menard. lib. 7. Epist. 5. Negamus verò ex melancholia provenire divinationem propheticam. Nam prophetia tota pender à divina virtute supernaturali, cum sit gratia gratis data, & proprium sit Dei futura cognoscere, solumque dicimus melancholicos, & abstractos, sicut & in somnis facilius recipere impressiones cælestes ad imminens aliquid prædicendum, qua ratione etiam oves imminentem pluviam præsi-

gnant, cum sentiant impressionem cælestem humiditatis, nunquam tamen futura absolutè prædicere poterunt. Affirmamus etiam, quod dæmon melancholia ad sua comprobandum oracula utebatur, quam à dæmone agitari, tradit Avicenna scen. 2. 17. 4. cap. 18. Ideoque atræ bili dæmon insidere solet, in qua prophetiam suam ementitur, & oracula Deum imitans, tam soluta oratione, quam vincæ carmine promittit; unde maleficia carmina appellabantur, Deus enim prophetiam simul cum poesi donavit non solum Sibyllis, ut diximus, sed etiam Psalti regio, quem carmina scripsisse, testatur Joseph lib. 7. antiq. jud. cap. 10. de quo Mendoza in quodlib. Libri itidem Iobi carmine fuerunt compositi, ut prodidit Isidorus lib. 1. etym. cap. 59. & Canticum Canticorum. Imo & Propheta Ieremias in morte regis Josiæ carmen cecinit, sicut & Nehemiás, paralip. 2. cap. 35. & Moyses, antequam faciem cornutam ostenderet, carmen hexametrum modulatus fuit; Sol & Luna steterunt ad carmen Josue, ut tradit Mafius in Josue cap. 10. Virgo Deipara cecinit Carmen, Magnificat Luc. 1. ipseque Christus, priusquam moreretur, orationem hymno ad Patrem direxit Matth. 26. Lege de laudibus poesis Platonem in Jove, Aristotelem in poet. Gyraldum in histor. poetar.

#### CONSULTATIO LXXX.

*De Magia Kabalifica, & An ex Kabala numerica futura prædicta possint? De prophetiis Abbatis Joachim, & Malachia, ac de Rosa Bedæ attributa. Et quid de characteribus manuscriptis?*

DE Kabala, & libris Kabalisticis plura dicemus cum de libris prohibitis erit sermo. Nunc adnotandum est, Hebræorum Rabbinos affirmare à Deo Moyli in monte Sina revelatam fuisse scientiam quandam, Kabalam appellatam, quæ gentis illius senioribus perpetuæ generationis successione futuris, ore tenus, secretòque communicanda erat. Addique Ioannes Picus, opinionem hanc esse non modò Rabbi Eliazar, Rabbi Moïse de Ægypto, Rabbi Simeon Ben Lagis, Rabbi Ismael, Rabi Judam, & Rabbi Hachinam, aliorumque plurium ex sapientibus Hebræorum, sed etiam Origenis, & Hilarii post Eddam, præter legem, quam Deus scriptam quinque libris, seu Pentateuchum, dedit Moyli in monte, revelatam quoque fuisse eidem Moyli ab ipso Deo veram legis expositionem cum manifestatione omnium mysteriorum & secretorum; quæ sub rudi verborum cortice continerentur. Illa erat lex litteralis scripta, ex præcepto Dei populo tradita. Hæc verò spiritualis, mandatumque à Deo Moyli, ne ipsam scriberet, sed septuaginta solum sapientibus dictis Sanedrim communicaret, quos idem Moyses ex Dei præcepto elegerat ad custodiendam legem, eisque itidem præciperet, ne eam scriberent, sed successoribus, suis viva voce revelarent, illi aliis, & sic deinceps.

Hanc Kabalam non reprobant Catholici, prout à Deo per Moysen, ac Eddam postea fuit tradita, sed illam probabilem judicant innixi autoritatibus ab eodem Pico relatis, Origenis in primis, exponentis illud Apostoli ad Rom. 3. Quia credita sunt illi eloquia Dei. Quod expressius docet Hilarius in expositione Psalmi 2. & probatur ex textu Eddæ, qui loquens Dominus ait: Revelans revelatus sum super rubum, & loquutus sum Moyli, quando populus meus serviebat in Ægypto, & misi eum & adduxi eum super montem Sinai, & detinebam eum apud me diebus multis, & enarraui ei mirabilia multa. Et ostendi ei



*temporum secreta & finem, & præcepi ei dicens: Hac palam facies verba, & hac abscondes.*

At postea Rabbinii addiderunt plura inverisimilia, vana, impia, blasphema & contra ipsam sacram Scripturam, & fidem Catholicam mera figmenta. In primis præfatæ scientiæ duplicem prædicant speciem. Unam, quæ sensibus sacrorum voluminum philosophicis rationibus explicandis intendit. Alteram asserunt esse Bereseich, hoc est Cosmologiam, cuius tota doctrina versatur circa primum librum Moysis, qui Geneseos nuncupatur. Quia in illo universorum naturarum generatio recensetur, in quo subdunt Rabbinii rerum à Deo creatarum propria nomina exprimi, illarumque naturas, ac vires. Et hanc credunt circa divinas, angelicasque virtutes, & sacrorum nominum significationes symbolicè contemplandas versari, ac officium illius esse circa litteras, numeros, figuras, res, nomina, puncta, apices, spiritus, & accentus arcana mysteria indagare. Quam insuper in duo capita dividunt. Primum Arithmeticam appellant, quæ nomina, virtutes, proprietates, & conditiones considerat Angelorum, dæmonum, & animarum. Secundum vocant Theomantiam, cuius est divina nomina, productiones, & mysteria speculari.

Admirant itaque Rabbinii, hujus scientiæ peritos nihil rerum agendarum pollere virtutibus, futura præscire, rebus omnibus, tam sublunaribus, quam cælestibus, tam corporeis, quam spiritualibus imperare adeo, quod universa veteris, & novi Testamenti miracula virtute hujus Kabalæ fuisse perpetrata, impudentissimè contendunt.

Et quamvis Pico in sua Apologia præ se ferat Kabalam secundum primam tantum originem confirmare; quia tamen se remittit ad conclusiones, à se propositas, quæ non parum Rabbinorum ultimò citatis erroribus favere videntur, ideo implicite illos in ea approbare censetur. Prima conclusio est: *Nulla potest esse operatio magica alicujus efficacie, nisi annexum habeat opus Kabalæ explicitum, vel implicitum.* Secunda: *Nulla nomina, ut significativa, & in quantum nomina sunt, singula per se sumpta in magico opere virtutem habere, nisi sint hebraica, vel inde proxime derivata;* Tertia: *Sicut characteres sunt proprii operi magico, ita nomina sunt proprii operi Kabalæ.* Quarta: *Sicut per primi agentis influxum, si sit specialis, & immediatus, fit aliquid, quod non attingitur per meditationem causarum; ita per opus Kabalæ, si sit pura Kabalæ, & immediata, fit aliquid, ad quod nulla Magia attingit.* Ultima est: *Quicquid dicant ceteri Kabalisticæ, ego prima divisione scientiam Kabalæ in scientiam Sephiroth, & Secmeth, tanquam in præcticam & speculativam distinguere.* Quibus satis clarè Pico concedit Kabalæ virtutem mirabilium effectricem. Has autem Conclusiones optime refellit Cirvelus Darocensis in quæst. de Kabala, & Magia Judæorum, quæ est ultima inter ejus paradoxas.

Sunt verò Kabalisticæ in plures ordines divisi, ut referunt plures autores allati à Delrio *lib. 1. magic. qu. 3.* Primus eorum, qui sequuntur traditionem R. Rambani super Genesim de quinquaginta portis intelligentiæ. Secundus, qui sequuntur Abraham Abernethi, qui in libro suo de Creatione Mundi ponit triginta duas semitas sapientiæ, quas amplexi R. Isaac & Jacob Choën, in quibus duobus testatur Delrio, nihil deprehendisse magicum, sed solas nugas. Tertius fuit ponentium decem enumerationes Nezer Sephiroth, testibus Josepho Castiliense in sua *Isagoge*, Josepho filio Carnicol in libro *portarum justitiæ*, & Paulo Ritio in *porta lucis*, & ij jam viam sternunt superstitioni. Quarti ordinis sunt, qui plura admittunt principia. Nam quinquaginta portis addunt litteras

viginti duas alphabeti, & sic constituunt numerum septuaginta duorum, quem appellant Scemmephoras, de quo alibi, & inquiunt esse numerum septuaginta Angelorum in præsidium Orbis designatorum, quibus invocatis miracula ab hominibus efficiuntur. Et hæc est Kabala merè blasphema & magica.

His videtur adhærere Origenes *lib. 1. & 5. contra Celsum*, quem sequuti sunt quidam medici non parum superstitiosi. Quintus Serenus, & Aërius, quod Trallianus Galeno adscribere conatur, & consentiunt Agrippa, & Paracelsus, Plinius, & aliqui recentiores, effutientes, verbis, & incantationibus sanationes miraculosas fieri, aliaque hujusmodi. Plinius autem, quoniam atheus, solis adhæret experimentis, quibus attribuit miracula, de his verò quæ non videt, nihil cogitat. Paracelsus non curat, an opera dæmonum interveniat, nec ne. Ut autem nonnulli Kabalam facilius defendant, subjungunt, litteris, ac syllabis aliquam intercedere cum cælestibus syderibus, ac intelligentiis sympathiæ connexionem. Imo Ananias *lib. 3. de natur. demon.* credit, illas voces suapte natura efficaciores evadere, quæ à lingua digniori exoriuntur, & à sanctiori dignitate instituuntur, ac res sanctiores exprimuntur, qualis est lingua hebræa.

Subdunt insuper propria nomina illius linguae radios quosdam præferre rerum, quas exprimunt, à quibus miram efficaciam suscipiunt. Illa namque Deus & Adam ita apertè imposuit, ut influxum à naturis significatis commodè susciperent, & ita commendant hebræam linguam, ut affirmant Rabbinii, puerum nulli idiomati assuetum, hebraicè loquutum. Quod est ridiculum. Nunquam enim pueri hebraicè loquuntur, cum voces vernaculas omnes, vel aliquas non didicerint. Præterea credunt, plus prodesse ad hanc artem linguam hebraicam, quam aliam, quia fuit omnium forma, qua Adam, ejusque filii fuerunt loquuti. Adducunt Augustinum *lib. 6. de civit. cap. 11. & lib. 18. cap. 39.* Hieronymum in *Sophonia cap. 3.* qui aiunt, linguam hebraicam omnium linguarum esse matricem, Quare Adam nominibus impositis officia distribuit, ut nominata obedirent.

At nos asserimus primò. Magia Kabalistica nullius est efficacæ ad perpetranda miracula, vel mirabilia. Est sententia communis omnium Theologorum, profitentium contrarium esse impium, atque hæreticum figmentum. Nominatim autem est Medinæ *lib. 2. de recta in Deum fide cap. 7. & lib. de magia cap. 10.* negantis nominibus hebraicis rerum naturas, & essentias significari, licet id, ut probabile admittat Nazarius *de magia q. 12.* Sed quod negatur est, res nominibus illis expressas subijci proferentis arbitrio, ac illius mandatis obtemperare, si perfectam illorum intelligentiam habuerit. Quod vanissimum esse, ita probatur.

Nullam ex sacris scripturis, aut ex Patrum dictis, aut factis firmitatem habet hoc figmentum. Nam testimonia allata à Pico probant tantummodo Kabalam secundum primam suam originem, qua ratione communicata fuit Moyse virtutem mirabilem obtinuisse. Quod & Theologi probabile existimant. Et tanta vis quam hebraicis vocabulis ad miracula peragendum ij tribuunt, vel illis competit ex prima & quasi innata significatione ab Adamo indita iuxta illud Genesim 2. Omne enim, quod vocavit Adam animæ viventis, ipsum est nomen eius. Vel illis competit ex supernaturali divinæ bonitatis influxu. At neutrum dicendum est. Non primum, quia Adam dare non poterat, quod non habebat. Constat autem non habuisse Adamum potestatem patrandi miracula, & si habebat, non tamen juxta potestatem



testatem excellentiæ Christi potuit aliis illam concedere, præcipuè rebus inanimatis, aut verbis ipsis, quæ formaliter sunt entia rationis, materialiter sonus quidam quando pronunciantur. Eoque magis concedendo illis quasi perennem, ac immanentem virtutem, & qualitatem ad quodlibet miraculum, qualis nec Angelo, aut Sancto alicui, ne Christi quidem humanitati concessa fuit, ut Theologi cum D. Thoma 3. *part. qu. 13. art. 2.* Imò & quod non possit concedi sic absolute quoad omnia miracula, etiam creaturæ possibili, cum hoc videatur arguere omnipotentiam divinam, creaturæ incommunicabilem, docet D. Thomas 2. 2. *qu. 178. art. 1. ad 1.* ubi ex eo, quod divina omnipotentia nequit creaturæ communicari, infert, impossibile esse, quod principium operandi miracula sit qualitas aliqua habitualiter permanens in creatura. Quia virtus miraculorum extenditur ad universa, quæ supernaturaliter effici queunt, quorum causa est omnipotentia Dei. At Kabalists prædicant virtutem faciendi miracula vocabulis illis hebraicis per modum habitus, in eis permanentis, à Deo fuisse collatam.

Afferimus secundò. Deliria sunt, quæ dicuntur de radiis nominum hebræorum, quos emittunt, quasi in ipsis vita quædam lateat. Siquidem nomina illa, ut sic imposita, sunt ad placitum hominis, nec substantiæ sunt corporeæ, aut spirituales, neque accidentia, quæ subiecto inhæreant, atque adeo carent vita. Neque à rebus significatis radii huiusmodi emanare potuerint. Nam multa nomina nihil exprimunt, pluraque aliud à rei natura significant, & ea, quæ naturam exprimunt, ut imposita ab Adamo, nullum ex hoc potuerint à naturis rerum influxum suscipere. Est quoque dæmonis figmentum, quod Kabalists jactant intercedere sympathiam inter voces & planetas celestes. Quod dæmonis tantum testimonio comprobant. Et figmentum etiam dæmonis est quod subdit Anania. Nec enim rei sanctæ significatio, aut linguæ dignitas, aut hominis instituentis probitas physicam qualitatem, aliquam operatricem, præsertim super omnem virtutem creatam, imprimere valent. Id enim mentitur dæmon, ut sanctissimis quibusque rebus facilius, ac libentius suos faciat abuti. Credere verò quod Deus supernaturaliter virtutem iis infundat ad effectus magicos producendum, quos ipse prohibet, est erroneum, blasphemumque, ut etiam censuit Universitas Parisiensis *art. 9. & 10. de magia.* Vide Torreblancam *lib. 1. de magia cap. 13.* probantem, supposita à Kabalists ferè omnia scaterere vanitatibus; quare hanc artem meritò ipse reprehendit, tanquam stolidam, vanam, scandalosam, superstitiosam, & patet dæmoniæ suspectam post D. Thomam 2. 2. *qu. 96.* Pererium, Delrium, Cirvelum, Suarez ac Delatorre. Et mera delirantium insomnia vocat Vvaldensis *de sacramentalibus.* Nam incredibile est, Solem, Lunam, Stellæ, elementa insuper, ac stirpes, ratione expertes, divinam illam virtutem universarum rerum quam latere, aiunt, in vocibus hebræis, sensibus percipere, atque sic affici, ac permoveri, ut hominis arbitrio pareant. Maximè autem quia constat ex Hieronymo in *prologo galeato*, mutatos esse characteres hebræos. Esdras namque post captam Hierosolymam, & restaurationem templi sub Zorobabele, alias litteras reperit, quibus nunc utimur, cum ante illud tempus iidem Samaritanorum, & Hebræorum characteres fuissent. Et, ut notavit Belarminus *lib. 2. de verbo Dei cap. 15. tom. 1.* obliti sunt Hebræi linguæ sanctæ illis septuaginta annis, quibus fuerunt captivi inter Chaldæos, & Chaldæam, vel Syriacam didicerunt.

Sunt nihilominus nonnulli, etiam inter Christianos, qui adhuc nimium exaltant Artem Combina-

toriam, quam adeo vehementer appetebat Picus, & ob quam dixit, Platonem, Aristotelem, & alios Philosophos Orbem peragrasse. At ipse postea melius id considerans, falsus est, hanc esse Dei artem, quæ pondere ac mensura condidit universa. Quo sensu à D. Thoma ex D. Augustino annotatur dicta fuisse opera Dei valde bona. Hanc combinationem, sive rerum ordinem qui plenè cognosceret, ut advertit Kircherius, plura mira penes rerum naturalem sympathiam efficeret, non tamen patraret miracula, quia hæc superant omnem naturam creatam.

Utramque verò Kabalam, operatricem, & numericam impugnant Moura *de Enfal. & Pererius lib. 1. adversus fallaces artes*, non quidem quod non esset Deo possibile miracula facere ac futura prædicere ad pronunciationem cujuslibet vocis, ut contigit Josue, & Moyse, aliisque Sanctis, sed quia non constat hanc nobis concessisse, nisi Sacramentis ad gratiam producendam. Nec Josue Solem stitit hæc, vel illis verbis, sed obediens Domino voci hominis, *Jos. 10.* Narrantur etiam Moyse, Aronis, Samuelis, Eliæ, aliorumque miracula, in quibus nullus usquam de his Kabalisticis mysteriis mentionem fecit. Nomina siquidem, etiam Gabrielis, Michaelis, ac similium nulla pollent virtute operandi, nec naturali, neque artificiali, neque supernaturali ut tradunt Scaliger in *Cardanum de subtilit. cap. 349.* Langius *Epist. 33.* Valesius *de sacr. philos. cap. 3.* Cirvelus *de superstit. p. 3.* Vairus *lib. 3. de fascino cap. 11.* Plutarchus in *vita Periclidis*, Theophrastus *lib. 9. hist. plant.* Codronchius *lib. 2. de morb. venef. cap. 5.* Hypocrates *lib. de sac. morb.* Galenus *lib. 6. & 10. simplic.* & Theologi cum D. Thoma 2. 2. *qu. 96. art. 2. & contra gentes cap. 104. & seq.*

Et quidem nomina illa, si scripta sunt, quid mortuum sunt, omnis energiæ expers, & si qua virtute pollent, ab atramento, vel à chartula, in qua sunt exarata, nanciscuntur. Sicut voce prolata virtutem duntaxat habent suo contactu aërem percutiendi, ceu soni lapidum se collidentium. Sonus autem, ut sic, non magis valet immutare tactum, quam color auditum, vel dulcedo visum, quoniam non sunt eorum objecta. Unde verba, sive scripta, sive prolata nullius efficaciam ad id esse possunt.

Sed objectatur. Per numeros à peritis sacræ pagine exponuntur voces, ut per majorem numerum vel minorem, quos *mispar gadol*, & *mispar katon* appellant, & ex litteris accipiuntur numeri. Abraham nomini Deus addidit unam litteram, Saræ alteram detraxit, *Genes. 17.* & numerum bestię in *Apoc. 13.* definivit 666. *Jeremie* quoque 25. & 51. Sefach pro Babel, commutatis litteris, ponitur. Adam item teste Augustino *tract. 9. in Joannem*, Cypriano *rr. de Sion*, & Sina, Beda in *Joann. tom. 5.* Etymologiam à characteribus quatuor quibus constat, observant, de quo etiam infra de Libris Kabalisticis. Alia huiusmodi leges apud Salmeronem in *Evangelic. hist. prolegom. 7.*

At verò genus hoc expositionis superstitiosæ, commendatum à Kabalists, à Sapientibus, ut ludicrum, ac fortuitum omnino reprobatur. Quod pluribus probat Salmeron *loc. cit.* Hinc prodigiola Valentianorum, & Gnosticorum infania profecta, ut in præfatos hæreticos affirmat Irenæus *lib. 1.* ac Epiphanius *heresi 26. & 31.* Estque commentum ab Hebræis confectum ad eludendum obstinatè Christi adventum. Quæ autem dicuntur de Abraham, Saræ, ac bestię Apocalypsis nominibus, ad sensum litteralem pertinent. Unde non est necessarium novum interpretationis modum adituere. Idque solide refellit Irenæus *lib. 2. adversus Valentinum cap. 40. in fine.* Vide tamen si placet, Hieronymum in *cap. 13. Math.*



*Math. & alibi sepe*, Cyprianum *lib. de habitu Virginitatis*, Hilarium *in prafat. psalmor.* Chrysostomum *hom. 1. in epist. ad Rom.* Origenem *hom. 1. in Num.* Augustinum *lib. 20. de civit. cap. 7.* Gregorium *lib. 9. moral. cap. 1.* & alios myſteria plura obſervantes circa numeros relatos tam in Novo, quàm in Veteri Testamento. Vide etiam Galatinum *lib. 2. de arcan. cathol. verit. cap. 17.* & Exodi *14.* ex Kabalistis referentem nomina ſeptuaginta Dei.

Ex quibus aſſerimus tertio. Kabala numerica nullius eſt efficacitatis ad divinandum. Sicuti enim verba, aut numeri nullius ſunt virtutis ad operandum, ut dictum eſt, ita neque ad divinandum futura, quod proprium eſt Dei. Unde Kabala divinatricis vana eſt, ac ſuperſtitioſa, cui ſe immiſcet demon. Primo, quoniam ars hæc ſecreta cordis manifeſtare, ac futura cognoscere contendit. Hoc autem eſt intrinſecè malum, ac fidei catholice repugnans. Deinde, quia ex D. Anguſtino *lib. 2. in Genef. cap. 17.* ſenſus, qui ex hac arte per characterum calculaciones & ſubtractiones habetur, ex occultiffimo inſtinctu, quem neſcientes humanæ mentes patiuntur, percipitur. Sed hoc operatione demonum fit, quibus quædam vera de temporalibus rebus cognoscere permittitur. Atque adeo aſtute ad ſuperſtitionem, ac demoniacam divinationem pertinet. Ac poſtremo quia huius Kabalæ profeſſores aiunt, ſignum aliquod intervenire ad placandam intelligentiam. Quod ſanè aliud non eſt, niſi pactum cum demone implicitum, vel explicitum, ut fit in omnibus applicationibus certorum characterum, aut figurarum, vel ſignorum ejuſmodi, præter ſignum Crucis; niſi vanè certis locis, aut certo numero iteretur. Habere autem pactum cum demone eſt res intrinſecè mala. Unde Kabalæ huius exercitium eſt ſemper peccatum mortale, ſapitque hæreſim manifeſtam, cum demoni tribuat, quod eſt proprium Dei, nempe rerum occultarum, ac futurorum cognitio. Per hoc enim Kabaliſtæ venerantur in demone infinitam ſapientiam, ut probat Suarez *lib. 2. de relig. cap. 8. num. 10.* Quare ſicut graviter peccant, qui creaturæ exhibent cultum, Deo debitum, ita & qui ea, quæ à Deo expoſcenda ſunt, auxilio demonis implorant. Imò ait Megala *in promptuar. theol. v. Cabala*, peccarent, ac ſi idololatriæ cultum committerent, ſicque ad demoniacam divinationem, & magiam pertinet. Quod tamen infra declarabimus.

Aſſerimus quarto. Kabaliſticam artem exercentes, aut ad illam exercentibus conſilium circa eam petentes ad eamque cooperantes ſubjiciuntur Inquiſitorum iudicio. Tum quia peccant, ut Idololatræ. Tum quia eorum peccatum ſapit hæreſim manifeſtam. Et tum quia ſunt apoſtata a fide ex D. Thoma *in 2. ſent. qu. 3. art. 2.* Apoſtaſia autem à fide pari paſſu cum hæreſi procedit. Et tum quia Kabala verſatur circa divinationem futurorum, & cognitionem rerum occultarum, & ſecretorum cordis, quod eſt proprium Dei. Ait enim D. Thomas *2. 2. qu. 95. ar. 1.* Siquis futura prænunciare, aut prænoſcere quocumque modo præſumpſerit, niſi Deo revelante, manifeſtè uſurpat ſibi, quod proprium Dei eſt, & *art. 2.* etiam docet, quod omnis divinatio ex operatione demonum provenit, vel expreſſè, vel tacitè. Quare tam Kabalam exercentes, quàm illam fieri petentes, & cooperantes ſubjacent iudicio Inquiſitorum, & illis omnino denunciandi ſunt. Pœnas autem illis deberi, ait Megala *ibidem*, ſi Clerici ſint cujuſque ordinis, depoſitionem & perpetuam in monaſterium detrufionem, tanquam demoniacæ artis profeſſores, ut *in can. ſiquis Episcopos 26. qu. 2.* Si Regulares, puniendi ſunt pœnis privationis officiorum, dignitatum, ac vocis activæ & paſſivæ & aliis contentis in

Conſtitutione Sixti V. *Cæli & Terra*, & Urbani VIII. *Inſcrutabili*. Si laici ſint, excommunicandi ſunt *ex can. aliquanti ead. cauſ. & q. aliſque pœnis*, tanquam ſortilegi, & magiam exercentes puniendi ſunt de quibus Diaz, & Salzedus *in pr. cr. can. cap. 107. & ſequ.* At nunc aliæ imponuntur pœnæ ex Conſtitutionibus Pontificum, de quibus Carena, Suarez *de relig. lib. 2. cap. 19. nu. 3.* & nos ſuo loco.

Quod verò ad prophetias Abbatis Joachimi ita Bellarminus de Scripturibus Eccleſiaſticis: *Joachimus Abbas Florenſis Monaſterii vivebat anno 1195. ſcripſit in Iſaiam, & Hieremiam, & Apocalypſim & Concordiam Teſtamenti veteris, & novi, quæ omnia extant. Circumferuntur quædam vaticinia ſub ejus nomine de futuris Pontificibus Romanis, quæ quam fidem mereantur, aliorum ſit iudicium. Illud mirum eſt, quòd cum ea vaticinia ad ſolos quindecim Pontifices pertineant, tamen curioſitas hominum ad noſtra uſque tempora extendere illa conatur.*

Antonius Poſſevinus *in appar. ſac.* longum catalogum operum prædicti Abbatis texit, inter quæ recenſet librum prophetiarum futurorum quindecim Pontificum, & eorum, qui hunc librum commentati ſunt, additis rotis, & imaginibus ad alios etiam Pontifices prædicendos. Gulielmus verò Pariſienſis *in lib. de virtutibus*, ſic honorificè de ipſo alloquitur. Debes ſcire, quia donum intellectus tantæ claritatis eſt, & acuminis in quibuſdam, ut valdè aſſimiletur ſpiritus prophetiæ, qualem nonnulli crediderunt fuiſſe in Abbate Joachimo, & ipſemet de ſeipſo dixiſſe dicitur, quia non erat ei datus ſpiritus prophetiæ, ſed intelligentiæ. Eundem commendat S. Antoninus *3. p. hiſt. tit. ult.* quia prædixerit Ordines Prædicatorum, & Minorum, & etiam Eremitarum S. Auguſtini. Spiritu prophetiæ non caruiſſe, tradit Sylveſter Mentius *in Epist. ejuſdem Abbatis ad Cardinalem Agidium.*

Et licet Concilium Lateranenſe ſub Innocentio III. *in cap. damnatus de ſum. Trinit. & fid. Cathol.* damnaverit libellum quendam ejuſdem Joachimi de unitate, ſive eſſentiâ Trinitatis contra Magiſtrum ſententiarum, appellans hæreſim illius opinionem, negantem unam eſſentiam communem tribus Perſonis, non ideo ipſe declaratus fuit hæreticus, quoniam omnia ſua ſcripta ſubjecit cenſuræ Eccleſiæ. Quod confirmat idem Poſſevinus *epiſtola quadam Honorii III. ad Episcopum Lucanenſem.*

Quicquid autem ſit de prophetiis Pontificum, quæ ſupponantur divinitus acceptæ; ſi verum id eſſet, ſuperſtitioſæ tamen ſunt rotæ, ac imagines ad alios futuros Pontifices arte cognoscendos; unde hiſ utentes ſubjiciuntur S. Officio Inquiſitionis. Sic etiam qui ex ſculpturis valvarum Baſilicæ S. Petri in Vaticano contendunt, præſcire futuros Pontifices. Hoc enim eſt ſibi aſſumere divinum attributum, cujuſ eſt cognoscere futura, præſertim quæ dependent à libero arbitrio, & circa rem ſpiritualem, ac præcipuam in Eccleſiâ Dei, cui aſſiſtere ſpeciali modo Spiritum Sanctum, credendum eſt. Et ſanè qui legit prophetias ejuſdem Joachimi illorum quindecim præteritorum Pontificum, clarè cognoscet ſcopum non attiſſe, niſi aliquo concurſu fortuito.

Idemque dicendum de Prophetiis futurorum Pontificum S. Malachiæ uſque ad Clementem Octavum apud Arnaldum Vvion *tom. 1. ligni Vita.* Solùm enim caſu comprobantur, & juxta voluntariam applicationem. Unde credimus falſò adſcriptas fuiſſe Sancto huic viro, nec eſſe veras prophetias. Hiſ deinde adjecta ſunt quædam alia, quaſi ænigmata, quæ non ſunt ipſius Malachiæ, ſed Alphonſi Ciaconis, ac ut idem Vvion teſtatur.

Falſò item Bedæ viro ſanctiſſimo ab hæreticis, &



fortilegis tributa fuit Rota, quæ vulgò circumfertur, ut fideles autoritate tanti viri facilius inducerentur ad dæmoniacum illius usum. Et iccirco hæretici Basilepistæ illam intexere conati sunt operibus ejusdem venerabilis viri *rom. 2.* quam esse spuriam & suppositam constar ex Trithemio, qui *lib. 2. de virib. illustribus Ordinis S. Benedicti* accuratè scribens, & de operibus Bedæ tractans, de illa mentionem non facit, fecissetque dubio procul, cum doctrina in ea tradita, singularis sit, quamvis dæmoniacæ, & superstitiosæ. Illius autorem credimus fuisse Apuleium Platonium Magum, ut tradit Augustinus *epist. 5. ad Marcellinum*. Quod & confirmat Delrius *lib. 2. magic. cap. 9.*

Hanc autem Rotam de divinatione mortis, ac vitæ ad fortilegam divinationem pertinere, certum est, maximè de futuris formaliter liberis, aliisque fortuitis. Nam in ipsa quæritur de occultis futuris contingentibus per dies, per nomina, litteras, & numeros, nempe, an infirmus sit moriturus? An fugitivus sit reverturus? An gladiator sit victurus? An res aliqua felicem exitum sit habitura? hisque similibus. Quæ quidem divinatio minimè inferri potest ex ipsis diebus, nominibus, & numeris. Quia, ut supra dictum est, ad eam cognitionem inferendam nullam vim habent, nec ex sua natura, neque à Deo, cum nullibi legatur in sacris litteris talem virtutem à Deo diebus, nominibus, ac numeris datam fuisse, ac proinde talis divinatio à dæmone efficaciam recipit, vel per pactum expressum, vel tacitum. Lege Augustinum relatum in *can. non observetis 26. qu. 7.* cujus verba alibi adduximus, ubi omnia, quæ in dicta Rota fiunt, expressè prohibentur. Quare usus illius illicitus est, & absque peccato mortali per se, & ex suo genere esse nequit. Nam repugnat principiis naturæ divinatio futurorum per dies, per nomina, per litteras, per numeros, quæ reipsa nullam habent virtutem ad talem cognitionem. Et si intendant, quod hoc habeant à Deo, ii debent id probare, cum Sacramenta solum nobis constet, esse ad significandam, & producendam gratiam instituta. Unde intercedit vanitas, in quam se ingerit dæmon, ut mentes hominum eludat, Quoties enim applicantur certi characteres, aut figuræ, aut alia signa certis locis, aut numeris iterata, tacitum pactum cum dæmone intercedit, de quo idem Megala *v. Kabala* post D. Thomam, Delatorre, Valentiam, Delrium, & sequitur Suarez ac Torreblanca *de magia divin. cap. 13.* Atque adeo hanc Rotam exercentes, & ab exercentibus illam quærentes scire futura, vel occulta, superstitionis rei sunt, graviter peccant, & subjacent Inquisitoriis, eisque sunt denunciandi, & tanquam sortilegi puniendi, non solum per extravagantem Sixti V. contra Astrologos, divinatores, ac superstitiosos, etiam simplices, sed etiam quia in *d. can. non observetis* ab Augustino Apostata à fide judicantur. Apostata autem à fide, sicut & hæretici judicio Inquisitorum subijciuntur.

Neque effutias, quod utens illa Rota, non expectat notitiam ab illis litteris, & numeris, tanquam à causa, sed tanquam à signo. Nam aut hoc signum est naturale, aut divinum. Non potest autem esse naturale, quia natura per litteras, & numeros non agit. Neque divinum, cum non constet in sacris Bibliis Deum hujusmodi signa dedisse hominibus. Erit ergo dæmoniacum per expressum pactum primi inventoris hujus Rotæ, aut per implicitum eorum, qui nunc illam exercent. Sortium siquidem divinatio est illicita, damnata, & anathematis interdicto prohibita à Leone Papa IV. in *cap. sortes 26. qu. 5.* sortesque propriè affirmantur cum aliquid sit, ut eius eventu considerato, aliquid occultum pateat. Talis autem est usus prædictæ Rotæ. Rotatur namque, ut ali-

quid occultum manifestetur. Atque adeo talis divinatio sortilega est.

Divinare autem per characteres manuscriptos proferam, vel adversam fortunam, aut futura contingentia, vel quæ pendent ex libera hominis voluntate, ac similia, illicitum quoque est ac superstitiosum, & qui ex his characteribus hæc certò prædiceret, mortaliter peccaret, ac præsumendus esset, quod societatem, sive pactum expressum, vel tacitum cum dæmone habeat, quia hujusmodi divinationes, sicut neque ex astris, neque ex aliis signis naturaliter argui possunt, ita neque ex his manuscriptis characteribus. Quoad corporis verò constitutionem, & alia quæ ex illa conjectari possunt, qui ex ipsis manuscriptis, tanquam ex levissima conjectura prædiceret, nec mortaliter peccaret, neque superstitiosus esset, ut per Delbenem *de offic. Inquis. p. 2. dub. 223. sect. 1. num. 1. & 2.* Hæc enim conjectatio licite fieri potest, ut tradunt Delrius *lib. 4. magic. 4. cap. 3. qu. 4.* Lessius *lib. 2. cap. 43. dub. 7. num. 45.* & Sanchez *lib. 2. in decal. cap. 38. nu. 44.*

### CONSULTATIO LXXXI.

*De Oraculis antiquis, & simulacris fatalibus: Quomodo potuerint præagire futura? Ubi de oraculis ex hominibus, ex statuis ex antris. De eorum defectu post adventum Christi. Quid apud Indos? Torreblanca inconstantia quoad prædictiones ex antris, vel exhalationibus.*

**D**æmon, qui semper conatus est Deum imitari, præsertim quoad prophetias, dando interrogantibus responsa, ex hominibus responderet intus existens, illosque possidens, ut in energumenis, vel demetando homines intra specus existentes herba, vel pharmaco assumpto. Quod agit vel commovendo phantasiam, vel interna suggestionem, vel locutionem externam, vel ipse dæmon efformat voces immediate humanis similes instar ejus, qui tibia, vel fistula, aliove instrumento organico sonum vocis humanæ similem exprimit, vel cavæ valles exceptam ac repercussam vocem articulant, vel hominis linguam mover, ut non quod velit homo, sed quod dæmon intendit, loquatur, ut de Apolline testatur Porphyrius. Sicut enim, teste Davide *Psal. 44.* Deus verba in ore Prophetæ loquitur, vel ejus linguam, seu calamus scribentis, mover, ut ad suum nutum mysteria revelata manifestet, ita & dæmon, licet phanatici mira proferant quæ non intelligunt, quia dæmon animam illustrare nequit, quemadmodum Deus illuminat suos Prophetas, ut cognoscant, & cum certitudine ac virtute proferant mysteria sibi revelata. Unde cum furore oracula dæmonis fundebantur, ex Platone in *Phædro*, traditque Arnobius *lib. 1. contra Gentiles*, quod insanire, & bacchari est veluti quiddam promptum ex oraculo fundere. Imò narrat Brissonius *lib. 1. select. cap. 3.* quod solebant sic à dæmone occupati sibimet mala inferre. Ita Sacerdotes Cybelis, qui furentes sibi virilia secta amputabant, Prophetæ Baal novaculis sibi brachia abscindebant *3. Reg. Thesari*, aliique cultus id exequabantur apud Apuleium *Milef. 8.* Lactantium *lib. 1. cap. 21.* Strabonem *lib. 10.* Lucianum *lib. 8. de Dea Syria.* Tales fuisse aiunt Orpheum, Thyresiam, Sospitrem, Musæum. Tales Colophonii, Trophonii, Soraetini, Paredri apud Pausaniam in *Archad.*

Ex statuis etiam loquebatur dæmon non propriè. Simulachra enim Gentium os habent, & non loquuntur. Siquidem potest dæmon facere, ut non modo



modò Statuæ, sed etiam arbores, & animalia more humano loquantur, dæmone voces articulatas, & humanis similes in aëre formante juxta, vel intra illa corpora, eo modo, quo Angelus Num. 22. fecit, ut alina loqueretur, & quo periti artifices organa, & alia instrumenta mulica temperant, ut pullata hominum cantus videantur æmulari. Quo pacto etiam more humano referente Valerio Maximo lib. 1. cap. ult. loquutum fuisse Simulacrum Fortunæ, ac Junonis Moneræ dum dixit. *Ritè me matrona vidiſtis, ritè me consecraſtis.* Hoc modo respondebat dæmon oraculo Themidis, de quo Ammianus lib. 2. Euripides in *Iphigenia*. Ita quoque & dabant responsa oracula Jovis Dodonæi; de quo Herodotus lib. 2. Strabo lib. 7. Tullius de *divin. lib.* 1. aliaque hujusmodi apud Iustinum lib. 34. Pausaniam in *Phocis* de quibus & nos *alibi*. Sicque intelligendum est, quod Caio Volumnio, & Servio Sulpicio Consulibus memoriæ traditur, Bos humano sermone loquutus. Bello quoque Punico secundo narratur Cneo Domitio bovem dixisse: *Cave tibi Roma.* Huc etiam spectat, quod prodit Philostratus arborem ulmum humana voce Apollonium salutasse coram Gymnosophistis Æthiopum, quorum princeps erat Trapecion; & quod dicitur de quercu Dodonæa interrogantibus respondente, velartificio quodā pelvis æræ dodonææ ad radios solis jactæ, aut bacillo, manu, lapillo impulsæ sonum formabant, oraculaque fundebant, narrante Aufonio *epist.* 25.

Inter oracula ex statuis recensetur illud de Tabar, ac illud metallicum Marchionis de Villena, quod res longè disticas ubique terrarum manifestabat, confractum tandem jussu Regis Joannis II. Inter hæc etiam Toſtatus apud Torreblancam lib. 12. cap. 7. alijque nonnulli enumerant caput æneum Magno Alberto impositum, articulatè loquens, & à D. Thoma, ejus discipulo confractum. Quod planè commentum est, ac dedecens sanctitatem, & Sapientiam tanti viri, ideoque ad magicas artes confugisse haud est credendum, ut præter cæteros tradunt Trithemius, ac bene multi apud Bozium tom. 1. de *loc. Ecclesiast. lib.* 9. cap. 11. sign. 36. Eusebius pag. 2. *philosoph. nat.* 72.

Hæc autem cessarunt ad Christi adventum, ut prædixerat Isaias cap. 2. Zacharias 13. non quidem ob cessationem vaporis dementantis, ut Plutarchus contendit, sed ex sola Christi potentia & virtute, ideoque dæmones proclamabant Marci cap. 1. Quid nobis, & tibi, Jesu Nazarene, venisti perdere nos? Scio, quod sis Sanctus Dei Idem habetur Luca 8. Unde Chrysostomus hom. 26. in *Matth.* hanc ejectionem, & oraculorum silentium signum prædicat veræ fidei, concinitque Lactantius lib. 3. *divin. instit. cap.* 23. Nicephorus lib. 1. *hist. Eccles. cap.* 17. Bozium de *signis Eccl. lib.* 14. cap. 3. & seq. & Majolus to. 3. *colloq.* 1.

Et prædicato Evangelio apud Antipodas oracula ex statuis omnino defecisse, referunt idem Bozium lib. 2. cap. 1. Gomara lib. 3. cap. 6. Torquemada in *monarchia Indorum lib.* 18. cap. 7. Petrus Cieza tom. 2. de *reb. Indiar. cap.* 23. Antonius Herrera in *hist. generali Indor. decad.* 1. lib. 3. cap. 4. Petrus Gregorius lib. 21. de *republ. cap.* 3. & Hieronymus Benzoni lib. 1. *hist. novi Orbis cap.* 8. Imo Solorzano lib. 2. de *jure Indiar. cap.* 13. congerit plura oracula, quibus Idola fatebantur ob prædicationem Evangelii sedes reliquisse.

Ex antris quoque dat responsa dæmon, sonum formando in aëre humanæ voci simillimum, de quo Isaias cap. 24. ait; *De humo audietur eloquium tuum, & erit quasi Pythonis de terra vox tua.* Vel ex terra vaporem exhalare faciebat, quibus lymphatici ex numine in antro latente oracula fundere videbantur, ut notavit Maiolus tom. 2. *colloq.* 2.

Tom. I.

Oraculum Apollinis Delphici tradunt Diodorus Siculus lib. 16. Iustinus lib. 54. alijque originem traxisse ex antri halitu. Idque confirmat Tullius lib. 1. de *divinat.* his verbis: *Terra vis Pythiam Delphis incitabat, & mox: Credo etiam anhelitus quosdam fuisse terrarum, quibus afflata mentes oracula funderent.* Sequiturque Plinius lib. 2. Virgilius *Æneid.* 1. & 6. & Lucretius lib. 2. ]

Salmantica antrum quoddam olim exitit. Pægina Clemensi appellatum, in quo magica præcepta & oracula dabantur. De illo Bernardus Basin de *artib. magicis conclusionem* 10. Boëtius de *discipl. Scholast. cap. primo.* De alio antro apud Iberos sic ait: *Magia autem delusionis de Iberia multos vidimus magistrari.* Quem locum ita interpretatur D. Thomas: In quadam caverna Hispaniæ in Christi blasphemiam humani generis seductoris ministerio attentare conati sunt. Referunt quoque Toletani exitisse antrum ob dæmonum responsa celebre, quod ingrediens Rodericus, ultimus Rex Gothorum, arcam reperit cum linteo depicto, in quo misera Hispaniæ clades descripta visebatur, ut narrat Rodericus Archiepiscopus Toletanus lib. 3. cap. 17.

Admittimus tamen machinas ita compactas, & suis libramentis impensas, ut aura intus inclusa pettenues rimulas exitum procurans, sonitum edat humanæ voci per similem, ut etiam Aulus Gellius lib. 11. cap. 12. Cassiodorus lib. 1. *epist. penult.* testantur. Et Majolus tom. 1. *colloq.* 23. ait *Vidimus Roma organa, quæ tubas, tympana, hominumque choros referebant aëre, ut quisque pueriles, femineas, similesque voces simul se audire non dubitaret.*

Quod verò ad simulacra fatalia, certum est pluræ signa reperta, quæ divinitus præsignificabant futuram cladem, vel aliud quidpiam. Canit enim regius Vates psal. 59. *Dedisti metuentibus te significationem, ut fugiant à facie arcus.* Cui concinit Manilius.

*Sive Deus instantis Fati miseratus in Orbem*

*Signa per effectus, cælique incendia mittit.*

Non tamen est negandum, plura ex dæmonis arte conficta, ut de capite metallico Marchionis de Villena diximus. Quare Abulensis in *Numer. cap.* 21. *quæst.* 19. Fortalitium fidei lib. 3. *confid.* 10. Iepes in *hist. Innocent.* Delaguard cap. 4. tale existimant caput metallicum Tabarense, quod adveniente Iudæo proclamabat. *Iudæus adest.* Quod tamen Moura de *ensalm. sect.* 2. cap. 15. & alij plures miraculosè proclamasse credunt, ut Christiani ab Hebræis caverent, cum ibi nullum signum in veste, quo à Christianis discernentur, deferrent.

Optime namque scit dæmon quantum homines appetant cognoscere futura, quia divinum est; unde ad eorum voluntates miserè captandum, tot Idolorum delubra, ac divinationis oracula instituit. Ante Urbem conditam Carmenta, Arcadis Evandri mater, quia fatiloqua putaretur, Latium audiebat, & Romæ, quasi domicilium hujusmodi falsi vates sibi delegerunt, cujus conditor Romulus, auguriis deditus, traditur. Numa conditam regebat auguriis, & Ægeriæ colloquiis frui gloriabatur ad divinandum. Auguribus & cæteri Reges Romanorum usi, & Respublica sine auspiciis nihil agebat, teste Tullio lib. 1. de *divinat.*

Ideoque Romani Sibillinis versibus interpretandis diligenter operam & studium navarunt. Eadem Heruscorum disciplina, libri, ac religio præsertim in somniorum conjectationibus.

Apud veteres, scribente Livio *dec.* 1. fatalia dicebantur simulacra, quæ Regni fata, & exitus præsignabant, ideoque in cunctis nationibus, veluti divina numina venerata. Tale fuit Palladium, ab Ænea evectum, quod alii Apollinis, alii Neptuni fuisse simulacrum existimant, alii Troianam Palladem Romæ, Lavinii, aliisque in locis ostensum referunt.

C 6

ferunt



referunt, quo Regni fatum portendebatur. Pyrrhus paratum se Græcis obtulit cum Ulyssæ ad abripiendum Palladium, clam noctu, quo à Trojanis ablatum, fatale erat perire Trojam. Palladium autem statua fuit lignea, cœlitus delapsa in templum Minervæ, quod Ilus Rex Troianus in arce in honorem Minervæ ædificavit, *Dictys libro quinto*, Ovid. *5. fast. & lib. 13. metamorph.* Virgil. *Aneid. 2.* Et Maiolus *tomo secundo*, *canticul. libro secundo*, post alios memorat Deos Penates adductos in Italiam ab Ænea, recensetque simul scutum fatidicum è cœlo delapsum, Solis simulacrum Rhodium, aliaque plura Regnorum fata.

Nec Amorrhæi ab hac superstitione abstinuerunt. Prodit namque Philo *lib. antiq. Bibl.* quod habebant aurea simulacra lapidibus pretiosis imposita, quæ singulis horis eventus futuros illis designabant. Idem narrat Nicetas *in anal.* de Græcis, quos ideo reprehendit Zonaras. Alias non absimiles statuas fatales in Cyrco Byzaceno magicis artibus confectas, quæ Constantinopolitani Imperii casus præsignare putabantur, ut scribit Bullinger, *de magia libro secundo*, capite 16. Talis fortasse fuit statua Titi Sempronii marmorea, quæ à Romanis servabatur in antiqua Julia Celsa, de qua Marcus Xavier *in Pontificali parte quarta, libro decimo, capite quinto*. Similis etiam fuit statua illa ænea Cataphracti Militis, quæ simul cum viris belligeris in muro depictis inventa fuit Toleti in antro ante miseram Hispaniæ cladem, ut recenset Rasis *in hist. cap. 12.*

Hæc enim omnia simulacra fuerunt signa ad dæmonis placitum, quibus dæmon decrevit Regnum, vel Civitatem, aut oppidum funditus evertere. Unde divinationes hujusmodi sunt dæmoniacæ, ac damnatæ etiam ab Ethnicis, à Platone in Timæo, à Plutarcho *libro quinto de placit. philosoph. capite 1. & libro de defectu oracul.* & à Tullio *libro primo de divin.* & à Catholicis, ut à Lactantio *libro primo divin. instit.* Eusebio *contra Hierocl.* Nazianzeno *contra Julian.* Rabbano *libro primo pœnit. capite vigesimo tertio*, Simancha *de cathol. instit. libro primo cap. 62.* Julio Claro *in præf. §. hæresis*, Navarro *in man. capite undecimo*, Perez *in l. 9. titulo primo, libro octavo*, Damhauderio *in pr. crim. cap. 61.* Avendagno *de exeq. mand. libro secundo, cap. 32.* Medices *in summ. omnium hæresium parte tertia, v. divinatio*, Sylvester *eodem v. aliisque Summiltis*, & à Theologis cum Divo Thoma 2. 2. *quest. 95.* Suarez *libro secundo de relig. capite quarto, & sequ.* Autore mallei, Directorio Inquisit. ibique Pegna, Lessio *libro secundo de just. capite 43.* Sayro *in clau. reg. libro quarto, capite quinto*, Azor *parte prima instit. mor. libro nono, capite 18.* Sanchez *libro 2. in decal. capite quarto*, Delrio *libro tertio magic. qu. 1. Castro de just. hæret. punit. libro primo, capite 13.* Cirvelo *de superstit. parte secunda, capite quarto*, Cassanæo *in catal. glor. mund. parte decima, confid. 52.* Campegio *in Zanchinum de hæret. capite vigesimo secundo*, Petro Navarro *de restit. lib. 2. cap. 2. ab aliis, ab omnibus.*

Restat, ut testatam faciamus Torreblancæ instantiam quoad prædictiones ex antris, vel exhalationibus. Is etenim *in epit. sapius, signatè capite undecimo, libro primo & in addit. ad illud in fine ejusdem libri*, postquam meritò impugnavit placitum Laurentii, quod in Hispania sint populi natura divini, Levini, Lemnii, Julii, Syrenii, asserentium phanaticos futura prædicere, atra bile eos exagitante, cum, teste Tullio *libro primo de divin.*, nemo natura nascatur divinus. Et licet naturaliter ex humore melancholico, ita humores attenuentur, ut homo ex forti imaginatione valeat lin-

guam effingere, & quasi propriam loqui, ut *me* niaci; rectè tamen concludit nullo modo posse hos divinare nec ab arte, neque à natura, neque à dæmone mente attonita, abscondita, absentia, & futura manifestare, variisque linguis loqui. Nam ad divinationem potentiam supernaturalem necessariam esse admittit, & ad linguarum locutionem earum notitiam, quæ ex sola melancholia comparari non possunt, ut etiam Mercurialis *in præf. libro primo, capite decimo sexto*, Forestus *tomo primo, obser. med. libro decimo, obser. 12.* Petrus Garzias *ad Galenum de loc. affect.* fatentur. Non enim quispiam potest depromere voces articulas, distinctè ac ordinatè ad placitum diversorum hominum significativas, nisi earum species acceperit antea. Ideo probatur cum Divo Thoma contra Pomponatium, Erasmum, Aponensem, Syrenum, Lemnium, & Cardanum ratione naturali à posteriori, Angelos existere ex locutione variarum linguarum energumenorum, cum hæc solum intelligentiis competant.

Idem tamen Torreblanca *capite sexto, libro sexto jur. spirit.* non sibi cohærens, contrarium videtur adstruere. Ita enim arguit. Quoniam natura humana suis septa limitibus, sicut aliis fruitur prærogativis, sic & divinandi, sive futura prænotendi, antequam eveniant, cum homo sit divinæ essentiae simulacrum, creatus ad imaginem Dei, paulò minùs ab Angelis minoratus. At bruta animantia ex solo instinctu naturali futura quamplurima præsentunt, ut dictum est de Alcionibus & aliis animantibus. Unde Jeremia 8. *milvus in celo cognovit tempus suum, turtur, & hirundo, & cicinia tempus adventus sui.* Ergo credendum est, naturam hominibus præstantioribus non esse novercam, tum magis cum homo omnium sub cœlo existentium sit epilogus, ideo à Græcis vocatus microcosmos, tradente Platone in Cratylo.

Idque confirmat primò. Quia humores naturales melancholici hominem faciunt divinare futuraque præsentire. Quod his verbis testatur Aristoteles *in probl. 1.* multi enim propterea quod ille calor sedis mentis in vicinia est morbis vesaniæ implicantur, & lymphatici fiunt, unde sibyllæ, & bacchantes, & divino Spiritu afflantur, qui non morbo, sed temperie naturali fiunt.

Secundò, quia Plato *in Phædro, sive de pulchro dial. 1.* hos effectus atræ bili, ac vesaniæ morbo tribuit his verbis: Quod autem dementiæ humanæ Deus divinandi vim dederit, illud argumentum esse potest, quod nemo diù sanæ mentis est divinus & vates, vaticinium nullum assequitur, sed cum vel somno prudentis vis prædita est, vel oppressa morbo, vel divino aliquo raptu à sua sede dimota, fieri divinatio solet.

Tertiò. Nam idem Aristoteles *lib. de mundo* divinationem prædictam assignat terræ, inquit: atque etiam per multa spiritualium genera plerisque in locis terræ ostia patefacta sunt, quorum quidem spirituum alii adventantes investigant, alii inedia tolerare faciunt, & alii vaticinantur, ut Delphis.

Quartò. Quia Ptolemæus pluries præcipue *libro quarto, textu decimo sexto* cœlesti virtuti eisdem effectus adscribit. Mixtio, ait, Saturni cum Venere facit divinatores. Et *libro tertio de ast. judic. textu vigesimo.* Mercurius oraculorum, & somniorum interpretes creat. Et *libro quarto, textu 18.* Rursus si Luna positum locum gubernat à congressu cum Sole, properans cum Mercurio in Tauro, & Scorpione vates facit.

Quintò. Nam homines atræ bilis calore inflammari solent quasi extra se prorumpere, & multa cal-



lere, ex quibus videntur divinare. Prout ex Tullio citato libro primo de divinat. his verbis. Ergo & ii, quorum animi spretis corporibus evolvant, atque excurrunt foras, ardore aliquo inflammari, & exusti, cernunt illa profectò, quæ vaticinantes prænunciant. Confirmatque Galeno lib. quod animi motus capite quinto. Nam calor sanguinis humores desiccatur, bilemque accendit, quibus melancholia excitatur, ac subinde cerebri potentia ad discurrendum aptissima evadunt. Ex calore enim & siccitate ingenium evadit acutissimum. Aitque Ecclesiastes: Splendor siccus animus sapientissimus. Unde fit, ut admirabiles excitentur in animo motus. Ergo infert, anima velociter discurret, ex quo contingit futura callere, linguas loqui, poetas effici, ut docent Azor prima parte inst. moral. libro nono, capite vigesimo-quarto, Syren. libro nono de fato, Joannes Huarte lib. de exam. ingen. capite 4. Lemnius libro secundo de occult. natur. capite secundo. Quod comprobat, quia futurorum necessariorum cognitionem ex mente & ratiocinio assequimur; ideo ad imaginatricem accommodata, quæ futura sunt ex præexistentibus investigat. Est enim, ait Cicero ibidem, vis, & natura quædam, quæ futura prænunciat, quorum vim, atque naturam, rationeque explicuit. Homo enim, docente Augustino libro quarto de quant. anime capite 17. Francisco Pico libro primo prenot. capite 3. ex ratiocinio quodammodo Deo assimilatur. Unde Dionysius Areopagita lib. 1. de divin. nomin. omnia videntem, & contemplantem docet.

Sextò. Quoniam hæc divinatio est necessaria hominis providentiæ, ut notat idem Pico loco memorato capite primo & secundo, Chrysippus de divinat. libro secundo, Laërtius libro 7. in Zenobium, Cicero de divinat. lib. 1.

Septimò. Quia plures homines morti proximi divinant, ut docent Plato in apolog. Socratis, Cicero ibidem, Tertullianus lib. de anima, idem Pico libro secundo, capite septimo, Covarruvias de vera & falsa prophetia libro secundo, capite tertio. Idque confirmant multa morientium de futuris prognostica, ut ex Patribus tradit Cajetanus prima parte, questione duodecima, articulo undecimo, & 2. 2. questione 172. post Divum Thomam. Quod sequitur Delatorre ibidem, Covarruvias, & Azor, ac Pico, & Eusebius Nicremberg. parte secunda curios. philosoph. libro primo, capite 71. de qua re nos etiam alibi. Unde concludit, negari nequit, hanc divinationem hominibus naturalem esse, etiamsi unus, vel alter ea præditus non fuisset, nec semper, sed semel experiretur. Nam, ut ait Chrysippus citatus à Valesio de sacr. philosoph. capite trigesimo. Quodcumque animal vel semel in vita vidit cælum, aut omnino colorem, vel fulgorem aliquem, etiamsi centies, aut millies videre nequiverit, aut videndo deerraverit, necesse est habere vim facultatemque cernendi.

Octavò. Nam ex humorum prædicta desiccatione contingit aliquando, pueros loqui statim ac nascuntur, & aliquos in utero matris verba proferre, quod ignari miraculo solent tribuere, cum ex hoc temperamento facile nascantur, ut docet Aristoteles in problemate 27. sectione undecima, & Augustinus citato loco. Et hæc est ratio, subdit, cur pueri nati ex parentibus senibus citius, quam alii loquantur. Nam generantur ex semine sicco cujus temperamentum reddit aptas animæ potentias, ex quibus sermo comparatur, & ita multi in infirmitate, hoc nati temperamento, linguas, quas non noverunt, loquuntur, ut probat Aristoteles, & Huarte locis allegatis.

Tom. I.

Et tandem id confirmat, quia homines hoc temperamento abalienati meliora oracula fundunt, testa Platone ibidem his verbis. Qui in Delphi futura prædicit vates, & qui in Dodona sacerdos, furentes quidem multa, ac magna commoda privatim & publicè Græcis hominibus attulerunt; sanæ verò mentis exigua & nulla. Etiam meliora poemata componunt, ut per hæc verba Aristoteles docet dicta sect. 30. probl. 1. Marcus civis Syracusanus poeta etiam præstantior erat, dum mente alienabatur, & quibus minùs ille calor remissius ad mediocritatem fit, ij prorsus melancholici quidem, sed longe prudentiores. Quoniam melancholici humores ingenio sunt aptissimi, & eorum agitatione cerebrum incalescit, quo intellectus, & imaginatio illustratur, & ad discursum meliores evadunt.

Hanc Torreblancæ profanam doctrinam pluries confutavimus. Et sanè tam absurda est, ut operosiori confutatione non egeat. Non enim homo habet species congenitas, sed ab objectis acceptas, quicquid dixerit Plato, quem alibi refellimus. Unde cum à futuris non potuerit accipere species, ac idiomatum extraneorum speciebus careat, neque futura præcognoscere poterit, aut linguas antea ignotas. Fatemur tamen humorem melancholicum aptissimum esse ad inhabitationem Dæmonum in corporibus humanis, quæ ipsi commovent ad loquendum varias linguas & futura prædicendum, quæ possunt dæmones cognoscere, vel præfagire, non illa, quæ sunt propria Dei, ut esse de fide iam diximus, & comprobat pluribus testimoniis Sixtus V. in citata sua Constitutione. Certe Aristotele teste in perierm. de futuris contingentibus non est determinata veritas. Cum enim adhuc futura non existant quantumvis mens agitetur, nequaquam in illorum cognitionem deveniet. Nulla namque est in mente divinandi vis. Quare idem est dicere hominem divinare futura per humorum concitationem, ac cæcum luminis accessione posse videre, ut notavit Valesius de sacr. philosoph. Unde si energumeni, aut in furorem à dæmone agitati futura, & varia idiomata depromunt, ad dæmones assistentes id referendum est, sicut eveniebat phanaticis, qui in delubris, & antris idolorum, à dæmone correpti, non solum carmina, & poemata pandebant, sed linguis loquebantur novis, ac futura prædicebant, ut de oraculo Delphico, & aliis refert Philostratus lib. 9. vita Apollonii, Plutarchus lib. de tacente Pythia, Lemnius, Syrenus locis adductis, & Pico libro septimo prenot. Nec animalia cognoscunt futura, sed naturali instinctu illa indicant, ut alibi declaravimus.

Ad primam confirmationem respondetur. Explicat Aristoteles dispositionem majorem ad futura prædicendum modo jam dicto ex melancholia, qua uritur dæmon in suis vatibus, & si aliqui respondeant, non esse adhærendum in hac re Aristoteli, quia negat existentiam dæmonum & effectus energumenorum mirabiles attribuit humori lymphatico, & atræ bili vel terræ ipsi exhalanti humorem, qui phanaticum reddit, ac disponit ad futura fundendum. Ex quibus patet responsio ad secundam, tertiam, & quartam confirmationem. Ac de præfata dispositione loquitur Plato, & Ptolemæus. Patet etiam ad quintam & sextam, nec septima aliud probat, ut liquet ex alibi dictis.

Octava supponit plane falsum. Nam Joannes Baptista supra naturæ vim, atque ordinem exultavit in utero matris, cum adhuc non esset rationis capax. Christo tantum tribuitur à principio conceptionis perfectè usus rationis, & facialis Dei



vifio. Nec quidem opera dæmonis potest infans statim ac oritur uti ratione, atque adeo nec loqui, imo nec verè ambulare. Potest tamen juxta diverfas difpofitiones ocyùs, vel ferius loqui, aut ratione uti.

Ultima facit, ut propositum nos aflequamur. Probat enim atram bilem, benè difpositam, eſſe rationem cur homines aptiores evadant ad conjiciendum ex cauſis vel conjecturis, etiamſi abalienentur, ut illis dæmon commodius ad ſuam prophetiam utatur. Imò aliquas dari difpofitiones ſupernaturales ad prophetiam ſupernaturalem, Deumque accommodare ſe quandoque etiam naturalibus cum Hieronymo & aliis Patribus alibi quoque annotavimus.

Dæmoniacam itaque Divinationem vocamus omnia vaticinia, quæ non ſunt vel expreſſo Dei mandato ſancita, vel cœleſtibus testimoniis aut exemplis ſacræ Scripturæ approbata, imò quæ ſunt verbis expreſſis à Dei Spiritu per ſanctos Prophetas, & Apoſtolos ſeverè damnata, quæ vel nullas in natura cauſas habent, ſive immediatè à dæmone profecta, & cum manifèſta impietate conjuncta, ſive ex mera ſuperſtitione nata, errore recepta, approbata, uſque temporis confirmata ſunt. Tales divinationes omnes cujuſcumque generis generalibus primæ Tabulæ mandatis prohibentur. Singularum ferè differentiarum peculiare prohibitiones extant *Deuter. 18. & aliis locis*, quorum nonnulli ſupra citati ſunt.

Ex aliis Scriptoribus autem Oracula dæmoniacæ varia hæc ſunt. Jovis Hammonis, Dodonæum, Delphicum, Trophonijs, Amphiarai, Branchidarum in Mileſia, Sabæum in Phocide, Antiochenum, Palicenſe, Sebenniticum, Serapidis, Mercurii Pharenſis, Bacchi Thracii, Mantis, aliaque penè innumera, quæ data ſunt ſciſcitantibus in locis certis, & à dæmone obſeſſis, vel à dæmonibus ipſis, voce, ſomniis, geſtu, nutuve aliquo ſimulachrorum, ſonitu, tinnitu, vel aliis hujusmodi, vel ab hominibus dæmoniaco ſpiritu aſſlaris, qui tunc cum de propoſita quæſtione reſpondendum erat, cum vehemènti impetu, & horribili ſonitu ex ſpecubus elifo in vates ſuos irruerat, impletosque & in furorem actos ita incutiebat, ut præ timore, palpitacioneque artuum omnium nec conſiſtere, nec ſeſe continere poſſent. Ita dæmon ſarcaſticè illuſit apparitionibus, ſomniis, & viſionibus illuſtribus, de quibus multa in hiſtoriis ſacris mentio.

## CONSULTATIO LXXXII.

*De Imaginibus aſtronomicis variæ ſententiæ. An præſignent futura? Quatenus ſuperſtitioſæ, necromantica, ſuſpectæ? De his Torreblanca judicium conſuſatur, diluuntur ejus leves rationes vi imaginationis. Quid de Inauguratione armorum, vexillorumque militum Catholicorum?*

**E**xſtimant nonnulli antiqui Philoſophi, omnem cœleſtem machinam unum eſſe animal, illudque aptiſſimum conſtituerunt inſtar Dei ad proprias virtutes, omnium effectuum effectrices cunctis rebus ſublunaribus communicandum, dummodo inferiora corpora ſe ad illas participandum diſpoſuerint. Adduntque ſpiritum humanum rectè præparatum poſſe omnes proprietates cœleſtes haurire mediis ſtellarum radiis opportunè ſuſceptis. Præparatio autem aiunt aliqui, ſit primò, dum homo generatur ſub certis conſtellationibus. Deinde utendo rebus ſympathiam naturalem habentibus cum cœlis, ſtellis, & aſtris, ut imaginibus, non abſimilibus eis,

quæ in cœlis ſunt. Ac præterea per medicinas quædam concordia temperatas per vapores, & odores ſimili concinnitate conſectos, per cantus muſicos, ſonos, ac tripudia, per imaginationis operationes, imò & per deſideria, & voluntatis affectiones. Quod ſequuti ſunt Zoroaſter, Syneſius, Aphrodiſeus, Porphyrius, Artephius, ac Thebith Venthorat, Petrus Apponenſis, Pomponatius, & Antonius Mizaldus in *centur. memorab.* ac Ludovicus Dulcius, aliique vani, ac futiles recentiores.

Imò, quod mirum eſt, Cajetanus 2. 2. *qu. 96. articulo 2.* aſſerit primò. Imagines aſtronomicæ non ut corpora artificialia ſunt, ſed ut effectus cœleſtis ſyderis, & ut conſtituunt in ſpecie cœleſtis conformitatis ratione talis figuræ, licet miniſterio humano, poſſunt cœleſtes influxus ſuſcipere, vimque obtinere ad operandum. Secundò. Figura, eſſi nullius appareat actionis naturaliter principium, eſt tamen actionis naturalis comprincipium, & diſpoſitio ad formam, quæ eſt actionis naturalis principium, non prout eſt figura, ſed prout eſt terminatio quædam corporis naturalis. Tertiò. Figura, quæ humano miniſterio terminare dicitur tale corpus ſub tali ſydere, eſt veluti quædam ſecunda ſtella propter conformitatem ad tale ſyduſ. Ad id adducit autoritatem D. Thomæ *ibidem*, ac libro tertio, contra gentes capite 105. ſed immeritò. Nam in his locis, ac alibi contrarium adſtruit. Quare communiter Cajetanus reprobat à Thomiſtis, & ab aliis Theologis, nominatim à Victoria *reſc. de mag. qu. 3.* Delrio libro tertio, *magic. capite quarto, qu. 1.* Delatorre & Valentia in *d. qu. 96.* D. Thomæ, Joanne Pico lib. 8. in *aſtolog. cap. 3.* & ab ejus nepote Joanne Francisco de *rer. pranot. libro 7. capite 10.* à Suarez libro ſecundo de *ſuperſt. capite 15. numero 16. & 17.* à Sylveſtro in *ſum. v. ſuperſtitio qu. 10.* à Sibyllano in *ſpec. peregr. quæſt. dec. 1. cap. 9. qu. 3.* Torreblanca de *mag. lib. 2.* à Moura de *enſalm. ſect. 20.* nec diſſentiunt Hippocrates, Galenus, aliique Medici nobiliſſimi.

Ferrarienſis verò, quem ſequitur Nazarius, tenet imagines non habere virtutem ex figuræ conſtitutione, ut figuræ conſtitutio eſt, ſed quatenus cum mutatione, & alteratione fiunt materiæ naturalis, quæ per figuram illam in ſpecie conſtituitur artificiali. Hunc modum dicendi reprobant Suarez, Delatorre. Aiunt tamen Autor Mallei, ac Pererius de *magia*, ratione fortaiſſis materiæ aliquid ſpeciale obtinere imagines ex conſtellatione.

Victoria *ibidem* inquit, non eſſe dubitandum, quòd aliquid inſigne, ac ſingulare, & præter conſuetum ordinem naturæ, ſive rerum contingere poſſit ad certum ſitum, & ordinem ſtellarum adhibitis quibuſdam rebus naturalibus, quale opus etiam nullis cauſis inferioribus conſici poſſit, addens; qui hujusmodi artem, & facultatem haberet, ſive à majoribus inditam, ſive experimento, & caſu repertam, ſive etiam à ſubſtantia ſeparata revelatam, meritò magus dici poſſet, & hujus magiæ maximè Philoſophos fuiſſe ſtudioſos, ut Democritus, Pythagoras, Empedocles, Plato, & Albertus.

Vviclephus etiam de *ſtat. innoc. cap. 4.* referente Vvaldenſi de *ſacramental.* aſſerit, ex eo, quod Adam habuit notitiam ad nominandum juxta proprietates naturales creaturas ſibi ſubjectas, ſub quibus nominibus homini naturaliter obedirent, eidem homini reſervari reliquias poteſtatis innocentiae in vocibus exorcizæ, & naturaliter incantantis, ad quod credit, voces hebræas majori pollere efficacia.

Martilius Ficinus medicamenta naturalia juxta prædictas figuras applicat. Et quidem Andreas Cordubeniſis ad Gregorium Decimumquintum, ut reſert



refert Delatorre, misit laminam auri purissimi in qua insculpta erat figura Leonis, Sole versante in Leone, non aperiente sextam domum, nec Dominum ascendentis Saturnum, vel Martem, Lunaque ab illis recedente, & audacter affirmabat, sigillum huiusmodi circa renes gestatum ad saevissimos illorum dolores mitigandum valde conducere. Etsi componerentur trochisci ex pulvere selecti olybani cum hircino sanguine, & imprimantur in dicta lamina, & siccati solvantur in vino albo, quod à jejuno bibatur, mirabilem effectum sortientur contra calculos renum, & vesicae lapidem. Quod si hoc remedium valeret à veris Theologis diceretur sortiri effectum ex vi naturae, non autem figurae alicujus.

Multas praeterea constituunt imagines per signorum facies, ut Virgo pulchra sedens, geminas in manu spicas habens, puerumque nutriens, quam Petrus Aliensis dixit adfuisse in nativitate Christi Salvatoris. Similes habentur in Albumazare, & aliis, de quibus Joannes Picus & nos alibi. Notatque Conradus Vvimpina, quod Magi triplex genus imaginum sive figurarum habent. Primum demoniarum expressè, quibus adhibentur suffumigationes, & incantationes, & per quinquaginta quatuor Angelorum nomina, exorcizationes, & alia, quae manifestè idolatriam exprimunt. Tum quia nomina à dæmone accepta, ut Cardanus ipse fatetur. Tum quia certum est in fide tales fumigationes displicere Deo, nec illum, sed demonem sacrificio coli. Quod ideo damnamur *art. 10. & 11. Parisiensis*, à Theologis, & Patribus. Secundum est, quod characteribus, & scripturis barbaris, ac peregrinis fulcitur, in quibus reponuntur novem Caldariae, & arrepta nomina ex Mahometicis deliriis Arabum excepta, quas figuras aiunt provenisse à Germone Babylonico, Hermete Aegyptio, & Thoro Græco. Et addunt, quod unus dæmon sit Rex Orientis, alius Occidentis. Quare superstitione, & erroribus scatent. Tertium constituitur ex axioma Ptolemæi, quod effigies inferiorum sunt subiecte vultibus cælestibus. Hinc inferunt, scorpiones omnes terrestres regi à scorpione cælesti, pisces omnes fluviales à cælestibus piscibus, subdunt ritus quosdam supersticiosos, ut, si talem expectas effectum in tergo figurae debes illum inscribere, & aliquando dicunt in fronte, interdum in manu dextera, nonnunquam in læva. Quae Gerson, & Vvimpina ad superstitionem damnatam referunt, quibus adstipulantur Delatorre, alique.

Tales sunt imagines, in quibus dæmones, & animas includi vi incantationum, credebatur Trismegistus, & animam avi sui Mercurii induisse, & animas Phœbi cujusdam, & Isis, Olyridisque sic in statuas descendisse, profuturas hominibus, aut nocituras, & tales, quibus Zoroastris sectatores utebantur ad evocandum ab Hecate spiritum, aurea videlicet quadam pila characteribus insignita cælestibus, cui & sapphyrus erat insertus, & scurica quadam facta è tauri corio vertebatur, atque interim excantabant. Similes fuere statuae, quas commemorat Samuel hebraeus effictas, ut futura prænunciarent. Hinc à superstitione haud est immunis Joannes Baptista Porta *lib. 4. magia naturalis cap. 24. & 25.* magiam astronomicam ad praxim deducens, assignando cuilibet generi lapidum inscriptionem, & cælestibus imaginibus, quibusdam temporibus opportunis proprias virtutes ex antiquorum documentis.

Pro hujus rei explicatione annotandum est ex D. Thoma Theologorum, ac Philosophorum Phosphoro, *opusc. 34. de mirandis Natura*, nullas alias virtutes naturales reperiri in corporibus sublunaribus ex impressione corporum cælestium, nisi illas, quae consequuntur ad eorum formas substantiales. Hoc idem

docet *citato loco 2. 2.* Reperiuntur autem plerumque in illis scilicet corporalibus, habentibus unam causam per se, quidam effectus, sive actiones, quae reduci debent ad principia elementarum corporum, quae principia in natura elementi fundantur, & ab ea originem ducunt. Huiusmodi principia sunt primae qualitates elementares, & secundae, quae ex earum mixtione procedunt, ut lapis propter dominium terrae movetur ad centrum, & metalla ob dominium aquae algifica sunt.

Sunt tamen alii effectus, qui nequeunt attribui virtutibus elementaribus, ut quod magnes trahat ad se ferrum. Si enim ad frigiditatem referas, frigidior est aqua. Si ad calorem, calidior est ignis. Ad superiora igitur agentia, nempe ad corpora cælestia referri debent huiusmodi actiones, cum sint purè corporales. Idipsum dicendum est de sapphiro sanguinis fluxum cohibente; de corallio, & de calcedonio contra omnia atræ bilis symptomata, hoc est tristitiam, timorem, dæmonumque insultus; de Achate, quam venenis pestiferis, viperarum, atque scorpionum ictibus adversari tradunt complures. Cor enim recreat, & adversus omne genus contagii tueretur; de hyacintho, cujus præcipuus usus est ad pestem arcendam, si pro amuleto collo appensus, aut annulo inclusus gestetur. Sic de cæteris. Idem dicas de herbis; de pavonia, contra morbum caducum; de mirabolanis, qui visum acuunt, & juventutem conservant; de dyctamo, quod venenosis obsistit, ac ferrum è vulnere trahit; de zinzibere expellente syncopem; de gentiana sedante canis rabiem; de salvia paralytim expellente.

Insuper notandum est ex eodem D. Thoma *loco citato*, posse inferius agens moveri, vel operari juxta superioris agentis virtutem. Uno modo quatenus actio procedit ab eo secundum formam, vel virtutem sibi impressam à superiori agente, sicut Luna illuminatur per lumen à Sole receptum. Alio modo agit per solam virtutem agentis, nulla forma recepta ad agendum, sed per solum motum à superiori agente movetur ad eum planè modum quo carpentator utitur ferra ad secandum, quae quidem sectio est princeps actio artificis, secundaria verò est ferræ, prout ab artifice movetur, non quod talis actio sequatur aliquam formam, vel virtutem, quae in ferra maneat post motionem artificis, ut fluxus, refluxusque maris, qui nullam sequitur proprietatem elementi aquae, nec aliquam habet virtutem à stellis innatam, non enim omnis aqua fluit, ac refluit, sed ex Lunæ motione.

Est autem, subdit D. Thomas, inter operationes primi & secundi generis maximum discrimen. Illae namque reperiuntur in omnibus individuis ejusdem speciei, sicut omnis magnes trahit ferrum. Quia consequuntur principium intrinsecum; commune omnibus habentibus talem speciem. At operationes secundi generis non in omnibus reperiuntur, ut de aqua dictum est, nec semper, sed solum agente superiore; sicut non semper ferra secatur lignum, sed solum quando ad id movetur ab artifice. Operationes autem primi generis reperiuntur quotiescumque corpora inferiora adhibentur suis passivis, sicut rhabbarum semper purgat atram bilem. Ex quibus inferitur, actiones secundi generis non esse naturales, cum non proveniant à forma, & quia sunt præter naturam, non sunt diuturnae, sicut quod aqua calefacta calefaciat. Actiones autem consequentes virtutes naturales, vel juxta cælos, vel juxta elementa, eodem modo se habent semper, aut plerumque; nam procedunt à forma, secundum quod in tali materia existit. Atque ita impossibile naturaliter est, individuum unius speciei habere principium intrinsecum naturale ad aliquam operationem naturalem quod



non conveniat omnibus illius speciei individuis.

His itaque notatis aptè & conclusè dicamus primò. Falsa, & erronea est opinio, quæ asserit, Cælos esse animatos. Id Delatorre, ac Delrius *ubi supra*, & Bubalus 1. par. qu. 51. alique supponunt, esse condemnatum in Concilio Constantinopolitano atque ideo fidei expressè repugnare; & sanè licet D. Thomas qui multo tempore post dictum Concilium scripsit, hanc opinionem non culpaverit, quam indecisam reliquerit Augustinus; hisce tamen temporibus potest affici censura propositionis erroneæ, vel proximæ errori, ac fore occasionem scandali, & Idololatriæ.

Dicamus secundò. Imagines astronomicæ cælestes, sunt à Magis, vel ab Astrologis confictæ, præcipuè sunt Arabum commenta & scripta. Sunt enim plures fermè invisibiles, quas unquam nec lyncæi oculi inspexerint, nec antiquiores Astronomi de illis tractaverint. Imagines verò, quas dicunt visibiles, componunt ex aggregatione stellarum quarundam, & sicut illas, ita etiam possent & alias adjungere absque numero, arbitrato confingentium. Unde ipsimet aiunt, non esse veram imaginum compositionem in cælo, sed nomina fuisse imposita ad exprimendum proprietates temporis, dissimiles in diversis anni partibus, accepta similitudine ab animalibus terrestribus, & propter aliquas causas, à Sibyllano relatas d. decad. 1. cap. 9. qu. 5. Ex quo convincuntur, excogitatas esse omnes illas imagines, atque adeo mera esse rationis entia, sicut & nomina ad hominum placitum imposita. Quod confirmat Picus *concl. 5.*

Dicamus tertio. Imagines prædictæ cælestes, etsi reales essent, adhuc tamen artificiatæ sublunaria, ut artificiatæ sunt, nulla pollent efficacitate ad corpora transmutanda. Nam ratione materiæ, ex qua componuntur imagines, & figuræ, adhuc retinent connaturales proprietates, quas ante artificium habebant, ut si imago ex sapphiro est constructa, sanguinem cohibebit ratione sapphiri, ex quo constat, nullo modo ratione figuræ. Id docet expressè D. Thomas *dicto loco 2. 2. ad 2.* cujus hæc sunt non verba, sed oracula: *Artificialia, ut artificialia sunt, neque secundum se, neque ex aliqua virtute à Cælo impressa, possunt esse propria ad operandum. Quoniam artificialia, ut sic, consistunt in compositione, ordine, & figura ex illis duobus confurgente, teste Aristotele 1. physic. Sed figura nequit esse naturalis operationis principium effectivum. Probatur. Nam principium effectivum cuilibet naturalis operationis ad secundam speciem qualitatis pertinet, quæ est naturalis potentia, qualis figura non est, ut patet, cum ad libidinem artificis varietur, & fingatur virtute naturali rei immutata, sicut nec immutatur natura specifica.*

Multi multa adducunt ad eludendum rationes D. Thomæ, & præcipuè Pomponatius *lib. 4. de incantat.* illas conatur evadere, admittendo figuram non esse principium operationis, valde tamen conducere ad illam. Sæpè enim experimur, ut figuræ deformes pavorem, ac tristitiam afferant, & consequenter sanitati noceant. Contra figuræ speciosæ. Sed hæc non evasio, sed frustratio est. Tum quia imagines astronomicæ ferè omnes sunt deformes, utpote animalium ferocium, aut confictorum, atque adeo magis obessent sanitati, quàm prodesse. Tum quia characteres magici nihil pulchritudinis præferunt. Et tum quia, hoc dato, non idcirco inferretur, imagines, aut figuras agere per propriam operationem quòd ipsi contendunt, sed sua pulchritudine, aut deformitate partem intellectivam, vel imaginativam moraliter movere ad amorem, aut odium, & consequenter ad aliquas corporales immutationes.

Dicamus quarto. Multa opera mira non possunt

fieri ex causis tantum naturalibus, & cælestibus corporibus, sed requiritur potestas aliqua operans immaterialis, & intellectualis. Et ideo cum talia opera ex cælis supponantur, credendum est ibi misceri dæmones. Id pariter docet D. Thomas 3. *contra gentes*, cap. 100. ex quo etiam probatur evidenti ratione naturali à posteriori, dæmones existere contra Valquez. Non enim possibile est ex aliquibus corporeis principiis intellectum causari, ut probavit jam idem D. Thomas *ibidem cap. 44.* Ideoque est impossibile, ut effectus, qui sunt proprii intellectualis naturæ, ex virtute cælestis corporis causentur. In hujusmodi autem operationibus Magorum apparent quædam, quæ sunt opera propria rationalis Creaturæ. Nam reddunt responsa de rebus ablatiis, de thesauris occultis, docent scientias, & artes liberales, loquuntur variis linguis antea ignotis, respondent quæsitis, quæ & id genus alia, licet rara, manifestum tamen est, non posse proficisci, nisi à natura intellectuali.

Nec dici potest, quod tales actiones proveniant ex virtute corporum cælestium. Quia naturaliter agunt in ista inferiora. At ex eo, quod aliquod corpus sic, aut sic figuretur nullam idoneitatem majorem, vel minorem assequitur ad recipiendam impressionem naturalis agentis. Unde non est possibile, quod imagines, vel sculpturæ, quæ fiunt ad aliquos effectus singulares producendum, efficaciam habeant ex corporibus cælestibus, licet sub certis constellationibus fieri videantur, sed solum ab aliquibus superioribus agentibus, qui per imagines & sculpturas operantur. Idemque ait D. Thomas de verbis humanis. Quare ad superstitionem subdit pertinere, dum ad effectus peculiares prædictos inducuntur. Denique D. Thomas 2. 2. *dicta qu. 96. art. 2. ad 2.* ibique expositores probant, quantitatem se tenere ex parte materiæ, qualitatem ex parte formæ. Et ideo quantitatem non agere, nisi mediante qualitate, quæ est per se actionis principium. Et loco citato contra gentes inquit, per figuras non disponi materiam ad aliquam formam, quia figura abstrahit secundum suam rationem ab omni ratione, & forma sensibili. Et 2. *contra gentes cap. 41.* idem confirmat ex Aristotele 1. *metaph. cap. 5. lect. 8.* ex quibus refellitur Joannes Picus *concl. 23.* & in *apologia ad illam*, affirmans imagines, & characteres in operibus magicis plus posse, quam quæcunque qualitas materialis. Quia mathematica sunt formaliora, & consequenter actualiora. Sed hoc præter dicta, comprobatur de illis in abstracto, qua ratione non causant.

At inquit Cajetanus. Imagines astronomicæ, non ut imagines, aut figuræ sunt activæ, vel ut sunt corpora artificiatæ, sed quatenus sunt effectus cælestis syderis, & ut constituunt in specie cælestis conformi ratione figuræ talis: Sed contra Cajetanum.

Dicamus quinto. Imagines astronomicæ, etiam ut effectus sunt cælestis syderis, & ut in specie talis artificiatæ, non valent cælestes influxus percipere, ac virtute activa pollere. Est sententia communis Theologorum, & probatur. Nam idem est loqui de figura, ac de figura in tali specie constituta, dummodo rationem figuræ non excedat. Quia si consideretur materialiter, figuræ rationem formaliter non exprimit, sed subjectum figuræ. At figura, etiam apud Cajetanum non est activa. Alioquin dicerent hæretici, imagines Sanctorum, mira operantes, id agere, ut constitutæ in tali specie artificiatæ conformis syderibus, dispositique ad cælestes influxus suscipiendum. Et multò magis poterit dici, substantiales naturas intellectuales, cælos moventes, esse operatrices mirabilium, ut plures delirarunt, dicentes, Christum ex sympathia ad cælestia sydera miracula paraf-



patrasse. Sed parcamus Cajetano, cuius acuto, ac peracri ingenio ingenio id Delrius attribuit.

Quare inferitur cum Tatiano Syro, si aliquid his figuris efficitur, demonibus esse tribuendum, qui hæc signa sibi constituerunt, ut inquit D. Thomas, juxta pacta inita. Unde erit superstitiosum talibus imaginibus artificiatu uti, cum nullam ex syderibus efficaciam, aut influxum nanciscantur ad effectus miro, quos jactitant earum effectores. Quod si addantur suffumigationes, exorcismi, alique ritus erga demones, ipsique invocentur, sunt imagines negromanticae. Adde: Si quis imaginibus astronomicis uteretur, putans materiam, ex qua constant, utilem esse ob aliquas innatas proprietates, non esset, ut verè superstitiosus damnandus, adhuc tamen esset aliquid suspectus de superstitione, nec expediret illis uti propter scandalum. Putaretur enim deferri ob earum efficaciam. Videndus Moura *sect. 2. cap. 4.* cum Sanchez & Medina, & Suarez, qui illas acriter impugnant.

Dicamus sextò. Per sympathiam Cælorum non sunt actiones miræ ac præternaturales, vel verè miraculosæ. Quare frustra è Cælo, aut astris Christus, alique miraculorum patratores, ut sic, possunt cognosci, sicut neque diluvium universale, aut dies iudicii. Hæc assertio est contra hæreticos, ac eos, qui temerè affirmant, cælestibus radiis, & per dictas imagines fieri, quæ naturæ facultatem excedunt. Nulla enim major excogitari potest infania, quàm ut factum aliquod supra naturam naturæ viribus tribuatur. Miracula autem omnia supra omnem naturam sunt. Et Cataclysmus universalis repugnat naturæ. Non enim naturaliter illa sibi sibi excidium molitur. Idem dicendum de aquis quæ omnium montium cacumina quindecim cubitis superarunt. De Noë in arca sine naufragio. De miraculis Moïsis, Ezechiae, de partu Virginis, de aliis: idcirco à cælis non potuerunt præsignificari, quia ab illis fieri non possunt. Nam quæ Cælum non facit, illa non significat. Cælum enim significat ea tantum, quæ secundum naturam eveniunt, non super naturam ipsam, ut egregiè probat Picus *contra Astrol. lib. 4. cap. 14. ac seqq.* de quo & nos aliqua contra Aliacum, & alios.

Dicamus septimò. Imagines astronomicæ ratione materiæ naturalis, ac præviæ alterationis subjecti, in quo suscipiuntur, virtutem aliquam ex syderum influxu susceptam, obtinent ad agendum. Est D. Thomæ *locis allegatis*, præcipuè contra gentes, qui sic illam exponit. Non videtur omnino negandum, quin in prædictis ex virtute cælestium corporum aliquid virtutis esse possit ad illos tamen solos effectus, quos virtute cælestium corporum aliqua inferiora corpora producere possunt. Et 2. 2. *cit. qu. 96. ad 2.* sic eam illustrat: Virtutes naturales corporum naturalium consequuntur eorum formas substantiales, quas fortiuntur ex impressione cælestium corporum, & ideo ex eorundem impressione fortiuntur quasdam virtutes activas; sed corporum artificialium formæ procedunt ex conceptione artificis, & ideo ex impressione cælestium corporum nullam virtutem fortiuntur, in quantum sunt artificialia, sed solum secundum materiam naturalem, id est secundum quod fuerunt producta sub tali constellatione. Sic enim unum aurum est perfectius alio. Unus etiam homo est major alio quantitate molis, vel virtutis. Una planta citius alia crescit, & plures fructus gustui magis gratos emittit. Vel secundum quod alteratur materia ad formam imaginis. Sed his vel nihil addere experimur, vel percipi non potest. Non enim aurum unius annuli cor lætificat magis, quàm aliud ex eadem materia exceptum. Secus est de quibusdam

unguentis, ut de theriaca, quæ alia perfectior est alia, quia sub meliori constitutione cæli, etiam si ex eisdem rebus sit composita. Ita hanc sententiam defendunt Victoria, Delatorre, Nazarius, alique recentiores.

Dicamus octavò. Nullæ aliæ virtutes naturales in corporibus sublunaribus admittuntur ex impressione cælestium corporum, nisi illæ, quæ consequuntur ad illorum formas substantiales, atque adeo quæ repertiuntur in omnibus individuis ejusdem speciei. Est pariter D. Thomæ *dicto loco 2. 2. ad 2. & contra gentes.* & clarissimè *cit. opusculo 34.* Quia, inquit, tales virtutes, ac operationes, transcendentes videlicet virtutem elementarem à forma specifica derivantur, quæ est communis omnibus individuis ejusdem speciei, non est possibile, quod aliquod individuum alicujus speciei aliquam talem virtutem obtineat, præter alia individua ejusdem speciei, ex hoc scilicet, quod est sub determinato corporum cælestium situ. Quod est contra Ferrariensem *ibidem*, ubi mentem D. Thomæ variè detorquet.

Et hanc doctrinam approbat Universitas Parisiensis per hæc verba: Quod imagines ex metallo, vel alia materia ad certas constellationes fabricatæ, quæ sunt imagines astronomicæ, vel certo caractere, vel figura efformatæ, quæ sunt imagines negromanticæ, sicut etiam baptizatæ, exorcizatæ, aut consecratæ, seu potius execratæ secundum prædictas artes, & sub certis diebus habeant virtutes mirabiles, est error in fide, & Philosophia naturali, & astronomia vera. Quare non est admittendum, ut naturale, quod refert Franciscus Diaz *lib. 2. cap. 6.* nobilem militem Joannem de Valcazar fabricasse annulos quinque ad certos morbos ex omnibus metallis, observatis suo quoque tempore planetis, quorum unum Joanni Austriaco, alterum magno Duci Florentiæ, tertium Philippo Secundo, quartum Duci Joanni de Castilla præbuerit, quintum sibi reservaverit. Sunt enim hæc res saltem suspectæ.

Verum his minimè attentis Torreblanca *lib. 7. cap. 4.* sine discrimine hanc imaginum constitutionem pluribus reprobat, & condemnat, tanquam hæreticam, scandalosam, & superstitiosam, cum tamen theologice cum D. Thomæ distinctè sit procedendum, & quod verum est, ac probabile approbandum, quod autem falsum explodendum, & iusta censura afficiendum, ut 2. 2. *qu. 95.* docent communiter theologi. Sicque si contendant autores imaginum astronomicarum, illis vera miracula facere, aut futura, præcipuè libera, prædicere, sunt omnino condemnandæ, sicut & quæ important pacta expressa cum demone, vel implicita per characteres, & figuras ab ipso demone adinventas, ad quorum characterum effictionem demon suffragatur. De his loquutus est Aristoteles, Universitas Parisiensis, D. Chrysostomus relatus à Suarez *lib. 2. de superstitione, cap. 15.* D. Thomas, Patres, ac Doctores citati à Torreblanca *ibidem*, imò & S. Scriptura *Exodi 20.* non facies tibi sculptile, neque omnem similitudinem, quæ est in cælo desuper, & in terra deorsum, non adorabis ea, neque coles. Quo pacto Cajetanus se excusat à superstitione, quoniam causam naturalem cælos assignat, characteres verò pertinentes ad superstitionem excludit, licet Suarez *loco citato* contendat superstitionem hæc adhuc redolere ex Chrysostomi, Augustini, & D. Thomæ autoritate.

Quod verò ad inaugurationem armorum, Summi Pontifices non precibus modò, ac indictis quæ jejuniis, quæ publicis supplicationibus, collatisque indulgentiis piacularibus ad conscientiarum expiationem consueverunt munire exercitus Christianorum, quando in aciem prodeunt adversus Religionis communes hostes, verum etiam vexilla eorum, & arma



ritu peculiari, sacrisque cœremoniis inaugurant, & iisdem est mira quædam sanè cum militia cœli societas, ac veluti confœderatio ad victoriam consequendam.

Sic B. Pius V. Albano Duci copiarum Hispanicarum Summo apud Belgas Præfecto, quò is contra Batavos sectarios, & eorum Ducem Auriacum depugnaret, misit galerum & gladium à se benedictos. Carolo nono, Regi Galliarum dedit vexillum, cui benè precatus fuerat, quò vix explicato in acie, cum Hugonottæ fusi, cæsiq; sunt, ac deleti ad bisseña peditum, millia equites verò mille quingentos. Ideo religiosissimus Pontifex spolia de his hostibus Religionis allata in Urbem, Deo dicavit, eumque victoriæ autorem est unice veneratus. Signa enim eis erepta proposuit, suspenditque in Lateranensi Basilica, eratque adscriptum hoc programma.

*Pius V. Pont. Max.*

*Signa de Caroli IX. Christianissimi  
Gallia Regis perduellibus,  
Iisdemque Ecclesia Hostibus  
A Sfortia Comite Sancta Flora  
Pontificii auxiliarii Exercitus Duce  
Capta, relataque  
In Principe Ecclesiarum Basilica  
Suspendit, & omnipotenti Deo  
Tanta victoria auctori dicavit  
Anno M. D. LXX.*

Sed mirabiliora obvenere, quando adversus Turcas dimicatum est in mari ad Echinades Insulas, prælio ab hominum recordatione difficillimo, acerrimo, & maximo. Vix autem in conspectu classes ambæ fuerunt, cum in Prætoria triremi Joannis Austriaci explicatum est Pontificium vexillum, sacra icone Christi Domini crucifixi, & sanctissimorum Apostolorum Petri & Pauli venerabile, quod Romæ Pius Pontifex precatione consueta in eum finem initiaverat, & momento ventus cecidit, qui Turcis erat propitius, potuissetque Christianorum castris plurimum incommodare. Atque adeo paulò post perflare secundissima nostris aura cœpit, fumù nebulam injiciens oculis Turcarum, & veluti noctis illius imaginem eisdem inferens, quàm cæsi mox magno numero subiverunt.

Nimirum ut in vexillo scriptum erat: *In hoc signo vinces*, ita prorsus evenit. Supremum Ducem in Turcica Prætoria nostri obruncarunt, & caput ex hasta suspenderunt, victoriamque proclamaverunt, quàm spatium duntaxat horarum quatuor sunt indepti, nempe auspiciati prælium post meridiem, & deleta hostili classe ante Solis occasum. Tunc plurimi dein hoc deprædicarunt, Christum Dominum, Apostolorum Principes, & militiam cœlestem è nubibus pugnare visos, ac vibrare fulmina in hostes Christianorum, cujus rei monumentum extat in aula Regia Pontificii Palatii Vaticani, nec pictura modò id innuere videtur, sed adscripta insuper hæc epigraphæ.

*Hostes perpetui Christiana Religionis Turcæ  
Diuturno victoriarum successu exultantes  
Sibique temere præsidentes  
Militibus, Ducibus, tormentis omni denique  
Belli apparatu instructi,  
Ad Echinadas Insulas à communi Classe  
Prælio post hominum memoriam maximo  
Perspicua divini Spiritus ope profligantur  
Anno M. D. LXXI.*

Sed enim quemadmodum fateri debemus Sanctitatem Summi Pontificis conducere plurimum, ut hæc mira à Deo patrentur, ita etiam fateri oportet, ipsam vim inaugurationis potissimum eam esse, cui effecta hæc admiranda tribuantur. Sic autem esse, id suadet imprimis, quòd nostra ætas, uti experiri meruit, ita

etiam testari potest. Nempe in oræ Septentrionaria ultimis aut certè nuperis præliis, in quibus colluvies hæreticorum Deo, Cæsari, Regique Catholico perduellium, in acie steterunt, adversus omnia humana, divinaque jura, multi sunt reperti, qui dæmonis præstigiis muniti, excussis è ferrea fistula plumbeis glandibus minimè penetrari poterant. Ferebant verò in tenui syngrapha descriptas nescio quas magicas notas, quas appellant idiomate Regionis *Alta nomina*. Remedium fuit, eosdem plumbeos globulos prius lustrali aqua irrorare, & inaugurare precibus Ecclesiæ quo statim ritu vim suam pristinam retinuerunt, & in hostibus amuletum illud Acherontis planè irritum reddidere. Sic pluries evenisse narratur in historiis Ecclesiasticis, ac divinis, præcipuè in libro Machabæorum precibus victoriam partam præter expectationem humanam viribus imparibus, clarè ideo Dei adjutorio, qui Deus exercituum etiam appellatur.

Pontifices itaque Summi soliti sunt absque aliquo superstitionis vitio inaugurare arma militum Catholicorum, non quidem quasi instituentes aliquem ensalmum constitutum, & effectivum, sed deprecativum, juxta ea, quæ diximus de ensalmis. Inaugurare autem arma idem est, ac benedicere, ac felicem eventum deprecari à Deo, sicut benedicuntur Campanæ, Templæ, cereæ imagines, quas Agnus Dei dicimus.

### CONSULTATIO LXXXIII.

*An Prophetia, & Divinatio possit esse alicui naturalis? sive, an vi naturali intellectus creatus queat futura, vel occulta cognoscere, atque prædicere, vel ex vi melancholia, sive imaginationis, vel ex habitu corporis naturali, aut ex cælorum peculiari influxu, sive sentire? Quinam fuerint veri Prophete in veteri Testamento? Quot modis nomen Prophetæ sumatur? Quomodo Prophetæ probabant se à Deo missos? Quomodo intelligendum sit illud Christi: Omnes Prophete usque ad Joannem? Quomodo falsi Prophete à veris discernebantur? Quid verè de Pythonibus, & Pythonissis sentiendum? Et an etiam in novo Testamento sint veri, & falsi Prophete?*

**M**ira sunt, quæ de humore melancholico asserunt nonnulli Philosophi. Nos de illo sapè, sed parcè egimus. Ex eo enim aiunt, aliquos adeptos fuisse prophetias, & similia dona. Aristoteles omnes cujusque artis, & facultatis peritos corporis constitutionem melancholicam habuisse, & sive ex natura, sive ex accidente tales evasisse, tradit. Ficinus lib. 13. cap. 2. de immortalit. anim. notat ex Platone Philosophos mentes aptas habere, quibus ad divina volant, & semper divinis incumbunt. Nam humor melancholicus terræ instar, qua prædominatur, animam intra seipsam colligit propter continuam agitationem, partibus humorum subtilibus resolutis. Mercurii quoque & Saturni sydera, quoad naturales causas pertinet, concurrunt. Narratque Porphyrius, Platonis discipulus, suum magistrum solitum à corpore solvi, vultum mutare, mira tunc invenire, quæ scriberet, non divino afflatu tribuendum, sed forti imaginationi ex corporis habitu, ac studiorum consuetudine. Eadem ferè scribit Mansus de Torquato Tasso in ejus vita.

Haud dissimilia proferunt Medici, præcipuè quod cum hujusmodi humor sit velut fex sanguinis, unde & atra



& atra bilis appellatur, adeo est nocens humano corpori, ut si ad caput ascendat, statim phantasmam depravet, cogitationem, & memoriam turbet, varias, corruptasque formas imprimat juxta rerum diversarum species, ac phantasmata ab illo excitata, à quo vitales spiritus ac ingeni, inde objecta imaginationi sub horrida specie, vel obscura, & opaca representantur, non secus ac radii solares transcurrentes per crystallum viride, vel obscurum, virides, aut obscuri apparere solent. Quo humore valde utuntur demones ad homines opprimendum, possidendumque. Solent enim hi esse tristes solitarii, cogitabundi, abstracti, ac penè extatici videntur. Quandoque in phrenitidem, & insaniam decidunt, ante oculos illis obversantur demonum turbæ, inferorum supplicia, & in ipsa vigilia somniant.

Melancholia siquidem est delirium sine febre cum timore & mœstitia. A phrenitide distinguitur per absentiam febris, & à mania per timorem ac mœstitiam, quia hæc est cum furore, & audacia. Alii tamen assidue rident, alii canunt, alii se Reges, & Monarchas esse putant. Unde hoc? Varii sunt melancholiarum gradus, & variæ humoris melancholici cum aliis humoribus permixtiones, indeque maximam deliriorum varietatem emergere ita, ut qui multum sanguinis cum humore melancholico permixtum habent, gaudio, & lætitia affici possint, ast tunc ille affectus non est vera melancholia, sed potius ad fatuitatem accedit. Nam ex diversa humoris melancholici dispositione maxima deliriorum diversitas emergit. Unde alii se Reges, Principes, Vates. Alii se vitreos, testas fragiles, grana tritici à gallinis devoranda; alii ceram igni liquabilem; alii se canes, feles, lupos, cuculos, lusciniæ, gallos esse putant, quorum animalium voces imitantur. Alii se mortuos, nec quicquam edendum, aut bibendum esse imaginantur. Alii mingere non audent, ne diluvium inde oriatur. Alii se capite, vel membris truncatos esse, vel Orbem digito sustinere, vel passerem in capite, aut serpentes, ranas, mures, aliaque animalia in ventre habere arbitrantur. Quorum nonnulla exempla, ut veritas antedictorum magis elucescat ex Autoribus fide dignis proponemus.

Alexander Trallianus lib. 1. cap. 17. mulierem vidit, quæ tali imaginatione vexabatur, ut medium manus suæ digitum constringeret, quasi in ipso totum orbem gestaret, simulque plorans verebatur, ne quando digitum inflecteret, totus Orbis corrueretur, & universa statim interirent.

Vir illustis apud Lemnium lib. 2. de complex. cap. 6. in talem melancholiam incidit, ut mortem animo conciperet, ac jam à vivis excessisse sibi persuasum haberet. Hinc cum illum amici ad instaurandas vires collapsas precibus, blandimentis, objurgationibus adhortarentur, omnia respuit. Dum autem fame enecandus videretur septimo instante die, familiares rationem aliquam excogitare cœperunt, qua hic mentis error eximi posset. Itaque inducti sunt in conclavem obscuratum personati histriones fascibus sepulchralibus cincti, qui instructa ferculorum apparatu mensa liberalius se cibo, ac potu reficiunt. Ager hæc conspicatus sciscitatur, quid moliantur & quod sint hominem genus? Responsum est, mortuos se esse. Tum is: Mortui-ne edunt? Illi, maximè, si libeat accumbere, id non vanum experietur. Confectum melancholicus lecto exiliit, atque unà cum mortuis commentitiis cibo fruitur. Peracta autem cœna somnus illi obrepit ex porrecto liquamine, & convaluit.

Alium ridiculum melancholicum Horatius lib. 2. epist. 2. proponit:

*Fuit haud ignobilis Argis*

*Qui se credebat miros audire tragædos,  
In vacuo latus sessor, plausorque theatro.  
Hic ubi cognatorum opibus, curisque relictus  
Expulit helleboro morbum; bilemque meraco;  
Et redit ad sese: Pol, me occidistis amici,  
Nec servastis, ait, cui sic extorta voluptas,  
Et demptus per vim mentis gratissimus error.*

Thomas Bartholinus cent. 1. hist. anatom. 79. lectu,

& annotatione dignas melancholicorum observationes recenset. Plebeius apud nos vir sanguine melancholico turgens, nasum sibi in eam magnitudinem excrevisse imaginabatur, ut publico abstinere, ne nasus à transeuntibus conculcetur. Insignis Amstelodamensis Poëta nates credidit sibi vitreas, timuitque rupturam, si consideret. Alius ibidem primæ dignitatis senior clavum credebat se deglutivisse, cum amissum nusquam reperiret, valdeque infixum se torqueri, ad mentem rediit sanam vomitorio exhibito, cui eructato clam medicus clavum immisit. In Anglia quidam meiere noluit, ne sanguinem universum corporis cum urina excerneret. Hinc penem arctè per dies aliquot constrinxit, hoc remedio parum à morte abfuisse, nisi à fratre vi vinculum fuisset solum. Vidit istum, & familiarem novit Samuel Collinus Anglus medicus. De Philodote veteri Medico notum, quod capiti ejus, qui caput amputatum sibi credebat, pileum imposuerit plumbeum, cujus gravitatem sentiens melancholicus, caput se recepisse putavit. Qui plura exempla cupit, consulat Galenum lib. 3. de loc. affect. cap. 6. Aëtium terrab. 2. ferm. 2. cap. 9. Trallianum, & Lemnium dictis locis, Marcellum Donatum lib. 2. de histor. medic. mirab. cap. 1. Quercetanum diatet. polyhistor. sect. 1. cap. 6. Henricum ab Heer observat. oppido rar. 22. Tulpium lib. 1. observat. cap. 18. & 19. ac alios.

Causa autem melancholiarum proxima est spiritus tenebrosus colore nigro infectus. Spiritus enim animales, quando puri, tenues, lucidi, ac perspicui sunt, actiones cerebri alacriter exercent, lætitiæque generant; Sin autem ab ea constitutione deflectant, & tenebrosi fiant, mœstitiæ, timoremque inducunt. Unde Galenus lib. 2. de sympt. caus. cap. 6. mutuato ab exterioribus tenebris exemplo, in hæc verba eripit: *Videmus extra corpus nihil ita nobis terribilius, quam tenebras. Ergo cum tenebra rationi offusa sunt, necesse est semper hominem timere, ut qui semper causam timoris unà cum corpore circumfert.* Consule commentarium Bartholini de luce animalium lib. 1. cap. 14. Causa hujus prævæ spirituum dispositionis est humor melancholicus, qui crassitie, & colore nigro præditus, animales spiritus inficit, ac tenebrosos reddit. Et cum humor melancholicus frigida atque sicca temperie donatus sit, ad figendos, & densandos spiritus maximè conducit; unde mœror, ac tristitia inducitur. Ergo causa proxima melancholiarum est spiritus animalis tenebrosus, conditio autem necessaria, vel causa est frigida & sicca intemperies: Plato in dialogo 6. de Republica sive de justo, censet, quod animæ habent omnium rerum cognitionem, ac participationem idearum. Sed obnubilatur in eis per conjunctionem corporis secundum ejus diversam puritatem. Sicque voluit, quod anima humana non multum obtenebrata ex corporum unione, possit talia futura cognoscere secundum propriam scientiam, Avicenna autem in 6. admittit tantum prophetiam, vel divinationem naturalem, quatenus natura ad talem dispositionem potest hominem perducere, quod erit in necessitate ad recipiendum per actionem aliqujus superioris causæ præscientiam futurorum. Traditque idem Plato in apolog. Socrati morti vicinos sapè divinasse. Quod confirmat Gregorius lib. 4. dialog. cap. 26. & 27. ubi aliquot casus recenset febricitantium;



tantum, ac furentium, qui futura prædixerunt.

Nos pro responsione, adnotandum est primò cum Angelico Magistro, qui sua perspicuitate in omnibus scientiis distinguit à luce tenebras. Is *qu. 12. de verit. art. 3. in corp.* ait, aliquid bifariam dici naturale. Uno modo quia illius principium activum est natura. Sicut naturale est igni ferri sursum. Alio modo, quia natura est principium dispositionum ipsius, non quarumlibet, sed earum, quæ sunt necessariae ad talem perfectionem. Sicut dicitur, quòd infusio animæ rationalis, quatenus per operationem naturæ corpus efficitur dispositum dispositione, quæ est necessaria ad animæ susceptionem.

Deinde adnotandum est ex eodem D. Thoma, futura contingentia in duobus præexistere, antequam sint. In essentia divina, & in causis, quarum virtute futura illa educuntur in esse. At diversimodè quoad duo. Primum quod omnia, quæ præexistunt in causis creatis præexistunt etiam in divina præscientia, non autem contra; cum quorundam futurorum rationes Deus in se retinuerit, rebus creatis eas non infundendo, sicut eorum, quæ miraculosè fiunt sola divina virtute, ut inquit Augustinus *super Genes. ad litt.* Secundò, quòd futura quædam quæ præexistunt in causis creatis, possunt amoveri. Quia virtus causæ, quæ est ordinata ad talem effectum inducendum, potest aliquo eventu impediri, ut libera, & contingens. Secus in divina præscientia. Quia futura illi subduntur non solum secundum ordinem causarum ad ipsa, sed etiam secundum exitum ordinis, vel eventus.

Postremò adnotandum etiam est ex eodem D. Thoma *loc. cit.* præcognitionem futurorum posse causari in mente humana dupliciter. Altero modo ex eo, quod futura præexistunt in mente divina, secundum quod prophetia, Spiritus Sancti donum, in ea ponitur. Altero ex virtute causarum creatarum, prout in virtute imaginativa humana possunt aliqui motus fieri ex virtute cælestium corporum, in quibus præexistunt quædam signa futurorum quorundam, & secundum quod intellectus humanus ex illuminatione intellectuum superiorum utpote inferior, natus est instrui, & ad alia cognoscenda elevari. Quam prophetiam naturalem appellavit D. Thomas 2. 2. *qu. 12.* & propriè prophetiam secundum quid. Nam sola illa, quæ ex divina est revelatione, simpliciter est prophetia ex illo 2. Petri 1. *non enim voluntate humana allata est aliquando prophetia, sed Spiritu Sancto inspirante loquuti sunt Sancti Dei homines.* Quia prophetia simpliciter dicta debet esse secundum immobilem veritatem, ac de excedentibus humanam cognitionem naturalem, quæ non potest competere naturaliter homini circa futura contingentia. Et ideo nequit appellari simpliciter prophetia, sed secundum quid, innotante Cajetano ad dictum locum D. Thomæ.

His prænotatis, asserimus primò. Prophetia secundum quid potest esse naturalis homini secundo modo, quatenus dispositionem habet naturalem ad cognitionem futurorum in suis causis per experimentum, in quo juvatur per naturalem dispositionem. Nam in homine reperitur perfectio virtutis imaginativæ, & claritas intelligentiæ, per quas suscipere potest motus virtutum cælestium, in quibus quædam signa quorundam futurorum præexistunt, ac de illis aliquo modo judicare. Idque multò magis si cognoscatur astrorum virtutem, & effectus necessarios, & ut plurimum ex illis provenientes. Sic enim poterit certò de primis, & incertè de secundis iudicium ferre.

Secundò asserimus. Prophetia simpliciter non est naturalis alicui creaturæ, etiam secundo modo. Quia cognoscere futura omnia absolute est proprium divini intellectus, qui est infinitus, cujus æternitati

sunt omnia præsentia, ut probat D. Thomas *parte 1. qu. 14. art. 13.* Hæc autem non possunt naturaliter homini competere. Nam si talis prophetia esset naturalis modo jam dicto, posset per virtutem naturalem reduci ad executionem. Hoc autem est falsum. Tantum enim à Deo, autore supernaturali possunt omnia futura hominibus revelari. Prophetia namque simpliciter, qualis est absolute omnium futurorum, est donum Spiritus Sancti, ut etiam probat D. Thomas *ibidem, ex cit. 2. Petri 1.*

Asserimus tertio. Multò minùs prophetia simpliciter est naturalis primo modo, ut voluit Plato. Quia si talis prophetia esset naturalis primo modo, haberet anima in sua potestate, quandocunque veller futura cognoscere. Hoc autem est perspicuè mendacium. Quia natura mentis humanæ nullius cognitionis naturaliter potest esse principium, in quam non possit pervenire per principia per se nota, quæ sunt prima instrumenta intellectus agentis. Ex principiis autem per se notis in cognitionem futurorum contingentium perveniri non potest. Si verò per inspectionem quorundam signorum naturalium Medicus præcognoscit sanitatem, vel mortem futuram, & Astrologus tempestatem, vel serenitatem, non dicitur divinatio, vel prophetia, sed potiùs cognitio per artem, & per causam, & conjecturalis.

Asserimus quarto. Prophetia naturalis, quam diximus tantum secundum quid, non est propriè prævisiva futurorum, etiam dum homo dormiens, aut anima morti proxima, vel per melancholiam, aut alio modo distracta, aliquid futurum cognoscit. Hanc docet Cajetanus ex D. Thoma *ad 1. art. 1. qu. 172. & d. qu. 12. artic. 3.* ubi hanc cognitionem ad vim perceptivam præsentium reducit ita, quòd nec per novam, nec per antiquam subtilitatem anima obtineat vim futurorum prævisivam, sed dum magis est abstracta à corpore proprio, vel ab exterioribus sensibus naturali sua virtute expeditior est ad recipiendum interiores motus, utpote ab exterioribus, & corpore proprio magis remota, percipit vel superiorum intellectuum juxta naturæ ordinem revelationes, vel quod magis consonat, percipit subtiles motus imaginativæ ex impressione causarum naturalium. Ex quibus motibus imaginativæ lucentibus lumine intellectus agentis, & alicujus fortè superioris intellectus, movetur intellectus noster possibilis ad cognoscendum futurum in præsentis signo repræsentatum, ut scilicet ille morti proximus, quem ex D. Gregorio refert D. Thomas prævidit se sepeliendum apud S. Sixtum. Quomodo autem ex his impressionibus possit aliquid præcognosci, ostendetur infra.

Veri autem Prophetæ in veteri Testamento hi fuerunt præcipui. Moyses *Num. 12. 6. & Deuter. 34. 10.* Josue *Ecclesiastici 46. 1.* Samuel *1. Reg. 9. 6.* David, Gad *1. Reg. 22. 7.* Nathan *2. Reg. 7. 2. & 2. Paralip. 9. 29.* Achias Salonites *3. Reg. 11. 29. & 2. Paral. 9. 29.* Addo *2. Paral. 9. 29* Michæas, filius Jemla *3. Reg. 22. 8.* Elias Thesbites *3. Reg. 17. 1.* Helisæus *3. Reg. 19. 16.*

Deinde quatuor illi, qui vocantur majores Prophetæ, quorum nomina sunt hæc. Isaias, filius Amos; Jeremias, filius Helciæ de Sacerdotibus, qui fuerunt in Anathod; Ezechiel, filius Buzi, Sacerdos; Daniel, qui & Balthasar. Et alii duodecim, qui vocantur minores Prophetæ, ut Osè, Joël, Amos, Abdias, Jonas, Michæas Morascites, Nahum, Habacuc, Sophonias, Aggæus, Zacharias, Malachias. Quibus addi possunt tres alii, qui vixerunt sub finem veteris, & initium novi Testamenti. Primus Joannes Baptista, de quo dictum est Lucæ 1. 76. *Et tu puer Propheta altissimi vocaberis.* Secundus Zacharias pater Joannis Baptistæ, de quo ibidem v. 67. *Et Zacharias pater il-*



# Novissimæ Consultationes Canonica: 311

*hinc repletus est Spiritu Sancto, & prophetavit, dicens: Benedictus &c. Tertius Simeon, de quo Lucas 2. 26. Responsum acceperat à Spiritu Sancto, non visurum se morrem, nisi prius videret Christum Domini.*

Præter hos fuerunt etiam aliquot fœminæ Prophetissæ, ut Maria soror Moyfis *Exod. 15. 20.* & Debora uxor Lapidoti *Judic. 4. 4.* Et Holda, uxor Sellum filii Thecuz *4. Reg. 22. 14.* & Elizabeth, mater Joannis Baptistæ *Luc. 1. 41.* & Anna, filia Phanuel de tribu Aser *Luc. 2. 36.* & quatuor filię Philippi Diaconi *Act. 21. 9.* Quibus omnibus præferenda est beatissima Dei Genitrix Maria, quæ prophetavit, dicens: *Beati me dicent omnes generationes,* non Gentilium, Turcarum, Judæorum, sed verè fidelium.

Observandum tamen est. Nomen Prophetæ variis modis sumitur in Scriptura. Primò pro iis, qui futura prædicunt. Et hoc sensu nos hic agimus de Prophetis. Secundò pro iis, qui ex peculiari motione Spiritus Sancti Deum laudant in cytharis, psalteriis, & cymbalis. Sic sumitur *1. Reg. 10. 5.* ubi Samuel ait ad Saul: *Obviam habebis gregem Prophetarum descendentium de excelsis, & ante eos psalterium, & tympanum, & cibam, & cytharam, ipsique prophetantes,* id est Deum laudantes, & *insiliet in te Spiritus Domini, & prophetabis cum eis,* id est Deum pariter laudabis. Sic etiam sumitur *Num. 11. 25.* ubi de septuaginta senioribus, qui Moyfi adjuncti erant ita legimus: *Cumque requievissent in eis spiritus, prophetaverunt,* id est, Dei laudes celebrarunt. Et *1. Reg. 19. 20.* *Qui cum vidissent cuneum Prophetarum vaticinantium, & Samuellem stantem super eos, factus est etiam Spiritus Domini in illis, & prophetare ceperunt & ipsi.* Ita Emanuel Saibidem, Abulensis, & Cornelius à Lapide *Num. 11. 13.* Tertio pro iis, qui divino Spiritu vel Scripturam explicant, vel ad pietatem exhortantur. Sic sumitur *1. Cor. 14. 3.* *Qui prophetat hominibus, loquitur ad edificationem, & exhortationem & consolationem.*

Necesse tamen erat, ut Prophetæ, qui dicebant se immediatè à Deo missos esse ad reformandum, & arguendum populum certis, ac evidentibus signis confirmarent suam missionem, alioqui populus non credidisset ipsis, sed pro impostoribus habuisset. Quod fateatur Moyfès de seipso. Cum enim Deus dixisset illi *Exodi 3. 10.* *Veni, & mittam te ad Pharaonem, ut educas populum meum filios Israel de Ægypto,* respondit Moyfès *cap. 4. 1.* *Non credent mihi, neque audient vocem meam, sed dicent. Non apparuit tibi Dominus.*

Dupliciter autem probabant, se à Deo missos esse. Primò per miracula. Sic probavit Moyfès, quando virgam in serpentem mutavit, aquas Ægypti in sanguinem convertit, & alia prodigia patravit, quæ plagæ Ægypti appellari solent. Sic Samuel, sic Helias, sic alii Prophetæ plures. Luculentum habemus exemplum in Helia *3. Reg. 18. 20.*

Secundò probabant suam missionem per veracem prædictionem eorum, quæ brevi erant eventura. Sic Helias prædixit tribus proximis annis non fore rorem, & pluviam *3. Reg. 17. 1.* Sic Michæas Regem Achab infelicitè pugnaturum in Ramoth Galaad *3. Reg. 22. 17.* Sic Helias post unum diem fore tantam annonæ vilitatem, ut duo modii hordei emanent uno statere *4. Reg. 7. 1.* Sic Isaias proximo anno fore abundantiam frugum, sequenti pomorum copiam, tertio plenam messem, & vindemiam *cap. 37. 30.* Sic Hieremias brevi futurum, ut Nabuchodonosor Rex vastaturus sit terram Ægypti *cap. 46. 13.* Et quia hæc omnia evenerunt eo modo, quo ab illis Prophetis dicta sunt, ideo magnam auctoritatem sibi conciliarunt. Sicut è contra, quia non eveniebant ea, quæ à falsis Prophetis prædicabantur, nulla illis

fides habebatur. Et hoc signo discernendum esse inter veros & falsos Prophetas, constat ex *Deuter. 18. 21.* Vide D. Hieronymum in *cap. 37. Isaia* super illud: *Tibi autem hoc erit signum.* Et Raperum in Prologo ad Oseam.

Illud autem Christi *Matth. 11. 13.* *Omnes Propheta & Lex usque ad Joannem prophetaverunt,* quorum verborum varia est explicatio, intelligitur de omnibus Prophetis veteris Testamenti, qui Joannem, & Christum præcesserunt, ut hic sit sensus: Omnes Prophetæ veteris Testamenti prædixerunt Christum venturum. Joannes fuit primus, qui præsentem annuntiavit. Ita Chrysostomus, Hieronymus, Beda, Euthymius.

Falsi autem Prophetæ à veris discernebantur duobus modis ut colligitur ex iis, quæ dicta sunt. Primò per virtutem miraculorum. Nam veri Prophetæ, ut probarent se missos esse à Deo, suam missionem miraculis confirmabant. At falsi non poterant id præstare, ut patet exemplo Prophetarum Baal, qui non poterant ignem de Cælo impetrare ad comburendum Sacrificium, quod offerebant, Helias autem impetravit. Secundò per veraces prædictiones. Nam veri Prophetæ prædicebant aliqua, quæ statim fiebant, & sic fidem, & auctoritatem sibi adstruebant apud populum. At falsi falsas habebant prædictiones. Et ex hoc capite populus jubebatur discernere an quis, qui Prophetam se dicebat, missus esset à Deo necne, ut etiam dictum est. Quod confirmari potest variis exemplis. Nam Prophetæ Baal prædixerunt Regi Israel: *Ascende in Ramoth Galaad, & vade prospere & tradet Dominus in manu Regis &c.* *3. Reg. 22. 12.* Non est factum. Similiter Hananias prædixit: *Hæc dicit Dominus exercituum, Deus Israel: Contrivi jugum Regis Babylonis. Adhuc duo anni dierum, & ego referre faciam ad locum istum omnia vasa domini, quæ tulit Nabuchodonosor Rex Babylonis de loco isto, & transfudit ea in Babylonem* *Jerem. 28. vers. 2.* Neque hoc factum. Idem dici potest de Achab, Sedecia, Semeia, & aliis, quorum prædictiones constat fuisse falsas.

De Pythonibus verò, ac Pythonissis extant aliqua Scripturæ testimonia. Primum est *Deuter. 18. 9.* Secundum *1. Reg. 28. 3.* Tertium est *4. Reg. 21. 6.* Quartum est *4. Reg. 23. 24.* Quintum *Isaia 6. 19.* Sextum *Isaia 19. 3.* Septimum *Isaia 29. 4.* Octavum *Act. 16. 16.*

Circa hæc testimonia solent multa disputari. Primum, quid sit lustrare filium, vel filiam per ignem? Secundum, qui dicantur Arioli, Aruspices, Pythones, Divini, Incantatores. Tertium, quid sit somnium, & augurium? Quartum, quid sit querere veritatem à mortuis, & quæ similia sunt. De his omnibus suis locis jam actum est; nunc nobis sufficiat explicare, qui sint Pythones, & Pythonissæ, nihil dicam de etymologia nominis, sed de usu. Usus obrinuit, ut illi dicantur Pythones, qui ex instinctu dæmonis divinant de rebus futuris. Et quidem si viri sunt vocantur Pythones, Pythonici, Pythii. Si fœminæ, Pythonissæ, Pythiæ, Pythonem, aut spiritum Pythonis habentes. Quod, ut melius intelligatur, notanda sunt quæ breviter sequuntur.

Prædictio futurorum, quatenus excedit captum humanum, duplex est. Una fit ex instinctu Dei. Altera ex instinctu dæmonis. Prior ordinariè vocatur Prophetia, à qua Prophetæ. Posterior divinatio, à qua divini dicti sunt, Divus Magister *2. 2. qu. 95. artic. 1. & 2.*

Rursus divinatio duplex est. Una per explicitam. Altera per implicitam dæmonis invocationem. Tunc ali-



aliquis censetur explicitè invocare dæmonem, quando vel expressis verbis illum invocat; vel cum eo pactum init; vel aliquid re ipsa facit ex pacto jam inito; vel sciens, & volens aliquid usurpat, quo dæmon solet futura prædicere. Tunc implicitè, sive tacitè, quando id, quod occultum est, conatur investigare per media vana, & indebita, quæ per se nihil profunt ad certam futurorum cognitionem. Tametsi enim in tali casu non perat expressè subsidium à dæmone, tamen dæmon sponte se ingerit, & homini curioso persuader, eventurum id, quod per huiusmodi vana, & indebita media futurum esse significatur.

Prior divinatio, quæ est per explicitam dæmonis invocationem variis modis fieri solet, prout variis modis dæmon consulitur, aut responder, de quibus etiam suis locis. Inter cæteros consulitur per suos Prophetas, & Pythonissas de quibus nunc agimus. Et tunc per eisdem responder. Quomodo autem respondeat, quæstio est. Quamvis enim certum sit, dæmonem præsentem esse in ventre Pythonicorum, & Pythonissarum, tamen non satis constat inter autores, an loquatur per os eorum, more humano, an verò per umbilicum, aut vicinas partes. Aliqui hoc, aliqui illud asserunt. Nec obstat, quod veteres ventriloquum appellent. Hoc enim potest utroque sensu accipi, vel quod loquatur per umbilicum, aut vicinas partes, quæ circa ventrem sunt; vel quod vox illius, tametsi exeat per os humano more, tamen ex imo ventre prodire videatur. Vide Lorinum in capite 16. *Act. vers. 66.*

Cæterum in novo Testamento, quod incipit à Christo, & Apostolis, sunt etiam veri Prophetæ. Veri sunt hi. Primò Christus ipse, qui prædixit suam mortem, & passionem, *Matth. 10. 19. Crucifixionem Joann. 3. 14. & cap. 8. 28. & cap. 12. 23. Ascensionem Joann. 3. 13. & cap. 6. 63. Spiritus Sancti missionem Joann. 7. 39. & cap. 14. 16. & cap. 15. 26.* Et multa alia.

Secundò, Joannes Evangelista, qui prædixit multa in sua Apocalypsi, quæ, teste Hieronymo in Epist. ad Paulinum *tot habet Sacramenta, quot verba.*

Tertiò, Paulus Apostolus, qui duo potissimum prædixit. Primò sua vincula *Act. 10. 25.* Deinde suam, & sociorum navigantium liberationem ex tempestate maris *Act. 27. 22.*

Quartò, Agabus, qui etiam duo legitur prædixisse. Primo futuram famem *Act. 11. 27.* Secundò, Paulum à Judæis vincendam *Act. 21. 10.*

Quintò, Filix Philippi Diaconi, de quibus *Act. 21. v. 9.* Quid prophetaverint non constat. Nec audiendus Lutherus, qui in *lib. de abroganda Missa privata*, inquit, fuisse prophetantes, id est, prædicantes, sive docentes verbum Dei, ut inde convincat, etiam mulieres posse docere, & concionari. Quod est contra Apostolum 1. *Timoth. 2. v. 11. mulier in silentio discat cum omni subjectione. Docere autem mulieri non permitto.* Et 1. ad *Cor. 14. v. 34. Mulieres in Ecclesia taceant. Non enim permittitur eis loqui, sed subditas esse.*

Præter hos Prophetas novi Testamenti, quorum fit mentio in Scripturis, fuerunt multi alii post tempora Apostolorum, qui etiam prophetiæ donum consecuti sunt, de quibus videri possunt Vitæ Sanctorum, & Martyrologia. Porro Prophetæ novi Testamenti partim conveniunt cum Prophetis veteris Testamenti, partim ab eis discrepant. In duobus conveniunt. Primò, quod utrique vel per miracula, vel per veracem prædictionem probaverint, se à Deo missos esse. Secundò, quod aliquan-

do verbis, aliquando externis signis futura prædixerint. Hoc posteriori modo multa prædixerunt Isaias, Jeremias, Ezechiel, Oseas, Agabus, & alii. Isaias quidem dum nudus, & discalceatus ambularet per plateas capite vigesimo, 2. Jeremias, dum indueret lumbare lineum, & postea absconderet illud juxta Euphratem in foramine petreæ, & putrefactum inde extraheret capite primo, versu secundo, Ezechiel, dum in latere describeret obsidionem civitatis Hierusalem, & panem stercore confectum comederet capite 4. versu primo, & sequenti. Oseas, dum acciperet uxorem fornicariam, & ex ea prolem generaret capite primo, versu secundo, Agabus, dum alligaret manus, & pedes suos zona Pauli Apostoli *Act. 21. v. 11.*

In eo discrepant, quod Prophetæ veteris Testamenti prophetaverint de Christo venturo; Prophetæ verò novi Testamenti de aliis rebus, quæ post Christum futuræ erant. Unde illud, quod initio objiciebatur. Omnes Prophetæ usque ad Joannem prophetaverunt, sic debet intelligi, omnes usque ad Joannem prophetaverunt de venturo Christo, Joannes Christum præsentem demonstravit, dicens: *Ecce Agnus Dei. Ecce qui tollit peccata mundi.*

Hæc de veris Prophetis. De falsis autem generatim loquitur Christus *Matth. 7. 15. Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces. A fructibus eorum cognoscetis eos.* Et *Matth. 24. 11. Multi pseudoprophetae surgent, & seducunt multos.* Et *Joan. epist. 1. 4. 1. Nolite omni spiritui credere, sed probate Spiritus, si ex Deo sint. Quoniam multi pseudoprophetae exierunt in mundum.* Talis fuit Elymas Magus, quærens Sergium Proconsulem avertere à fide, *Act. 13. 6.* Tales Hymenæus, & Philetus, qui docebant resurrectionem esse jam factam, & subvertebant quorundam fidem 2. *Timoth. 2. 18.* Tales illi, de quibus Apostolus ad *Galat. caput primo, versu septimo. Sunt aliqui, qui vos conturbant.* Tales Marcus, Montanus, Marcianus apud Baronium *tomo secundo annal.* Tales denique, ut uno verbo dicam omnes hæretici, non modò veteris, sed etiam moderni simillimi sunt falsis Prophetis in veteri Testamento. Primò, quia falsi Prophetæ dicebant, se missos esse à Deo. Secundò, quia non poterant probare, se missos esse. Tertiò, quia semper fausta, & quæ populo grata erant vaticinabantur, ut pacem, victoriam, fertilitatem, & rerum omnium abundantiam. *Jerem. 4. 13.* Et ideo à plebisque libenter audiebantur.

Similiter faciunt moderni nostri Prophetæ. Primò aiunt, se à Deo missos esse ad reformandam Ecclesiam. Secundò, non possunt probare se missos esse, nec ullo miraculo, aut veraci prædictione id hætenus probarunt. Prædixit quidem Lutherus: *Pestis eram vivus, moriens ero mors tua, Papa*, sed fuit mendax prædictio. Mortuus est Lutherus, vivit adhuc Papa. Tertiò, semper fausta, & quæ populo grata sunt, vaticinantur. Eorum vox est, per fidem salvabimini. Bona opera nihil proderunt. Non opus est jejuniis, & castigatione corporis. Crescite, & multiplicamini. Si non vult uxor, veniat ancilla. Hanc vocem plerique libentius audiunt, quàm illam Christi & Apostolorum: *Pœnitentiam agite. Mortificate membra vestra, quæ sunt super terram. Abstinete à carnalibus desideriis. Sobrii estote, & vigilate.*



CONSULTATIO. LXXXIV.

An Divinatio possit esse naturalis saltem Angelo, ac demoni? An, & cur Magi, divini, sortilegi, qui sunt Prophetae demonum, aliquando vera proferant? Num saltem Angelus, sive demon possit praeire futura pro aliquo brevi tempore congruente instanti Angelico, quod respondet aliquibus horis, vel diebus nostri temporis? Num saltem possit Deus condere creaturam, cui sit connaturale cognoscere futura, & dari species, illa representans?

Certum est de fide ex i. p. g. 57. D. Thomæ Angelum, sive demonem naturaliter non posse cognoscere mysteria supernaturalia; nec cogitationes cordis, nisi per signa; multo minus potest demon praeognoscere quæ sunt libere futura, quæ à divina, vel creata voluntate dependent, imo nec propriè casualia, & futura contingentia. Potest tamen per conjecturas, cognitis cujuscumque animi propensione, statu, & circumstantiis, conijcere aliqua libera incertè, ac cooperati ad comprobandum aliqua futura, ut sibi fides adhibeatur.

Quomodo autem anima humana, cum à sensibus alienatur, suaplenaturā suscipiat impressiones spiritualium causarum, quia per id propinquior sit substantiis spiritualibus, & magis libera ab exterioribus molestiis, explicat mirificè idem D. Thomas p. 1. q. 86. ar. 4. ad 2. Non est autem secundum naturam animæ, quod futura cognoscat; cum à sensibus alienetur, sed magis per impressionem aliquarum causarum superiorum spiritualium, & corporalium. Spiritualium quidem, cum virtute divina ministerio Angelorum, intellectus humanus illuminatur, & phantasmata ordinantur ad futura aliqua cognoscenda. Vel cum operatione demonum sit aliqua commotio in phantasia ad præsignandum aliqua futura, quæ demones cognoscunt. Corporalium verò, cum corpora superiora imprimunt in inferiora. Unde cum vires sensitivæ sint actus corporalium organorum, consequens est, quod ex impressione cælestium corporum, immutetur quodammodo phantasia; cumque cælestia corpora sint causa multorum futurorum, sunt in imaginatione aliqua signa quorundam futurorum, quæ magis percipiuntur per noctem à dormientibus, quam per diem, à vigilantibus, quia, ut dicitur lib. de somn. & vigil. quæ deficiunt interdiu dissolvuntur magis. Purior enim est aer noctis, ideoque nox silentior propter somnum, & quia pauci motus interiores, qui magis sentiuntur à dormientibus, quam à vigilantibus. Hi autem motus inducunt phantasmata, ex quibus prævidentur futura.

Hinc dicendum est. Prophetia proprie, sive divinatio non potest esse naturalis demoni, vel Angelo. Quia per solam divinam revelationem possunt cognosci quæ absolute, ac simpliciter sunt futura. Est vero Angelo vel demoni aliqua divinatio naturalis in ordine ad ea, quæ procul existunt à cognitione humana, ut quia longe distant, sed existentia tamen in rerum natura, & ad illa, quæ possunt ex causis, vel effectibus, aut signis certè, vel incertè cognosci. Nam intellectus superioris ordinis aliqua cognoscere potest, quæ sunt remota à cognitione intellectus inferioris. Supra autem intellectum humanum est non solum intellectus Divinus, sed etiam intellectus Angelicus juxta ordinem naturæ. Atque adeo quædam cognoscunt demones etiam sua na-

turali cognitione, quæ sunt remota à cognitione humana, quæ possunt hominibus revelare, ac ii, quibus per demones ea revelantur, dicuntur in scripturis Prophetæ falsi, vel Idolorum. Quare Augustinus 12. super Genes. ad lit. cap. 19. ait, cum malus spiritus arripit hominem, in hæc scilicet visa, aut dæmoniaco facit; aut arreptitios, aut falsos Prophetas. Unde 3. Reg. 18. habetur de dæmonum cultoribus; congrega ad me universum Israël in monte Carmeli, & Prophetas Baal trecentos quinquaginta, Prophetasque lucorum quadringentos, qui comedunt de mensa Iezabel. Quæ autem possint Angeli, ac demones naturaliter divinare etiam per astra, vel alio modo, infra dicitur.

Magi verò, divini, ac sortilegi aliquando verè pronunciant ex revelatione bonorum spirituum, docente Augustino 2. super Genes. ad lit. capit. 12. Nonnunquam ex revelatione demonum, qui vera admiscunt falsis, ut credibiliores eorum prophetæ reddantur. Aitque Chrysostomus in Matth. hom. 19. Concessum est diabolo interdum vera dicere, ut mendacium suum rara veritate commendet. Sicut enim bonum se habet in rebus; ita verum in cognitione. Impossibile autem est, aliquid in rebus inveniri, bono penitus expers. Unde inquit Beda Nulla falsa est doctrina, quæ non aliquando aliqua vera falsis intermisceat, ut receptibilis reddatur.

Hinc autem Magi, divini, sortilegi possunt aliqua vera prædicere, vel quorum dæmon habet notitiam conjecturalem, vel quorum habet notitiam certam in causis naturalibus necessariis non impedibilibus, ut motus cælorum, eclipses, conjunctiones astrorum, præsentia omnia naturalia, etiam libera, actu aliqua exteriori, quovis modo jam prodita, præterita quoque omnia, quæ novit. Pollet enim memoria. De fortuitis dicitur postea. Cum igitur demones omnia hæc cognoscere possint, possunt etiam suis Magis ea revelare eo modo, quod illa cognoscunt. Imo & illos docere Astrologiam cujus dæmon est peritissimus, sicque multa poterint prædicere sine speciali afflatu dæmoniaco eo modo, quo se extendit dæmonis cognitio, qui scientiarum omnium est scientissimus, cujus scientia multum juvatur diuturna experientia ac melius, quam hominis, cujus vita brevis.

Certum verò est, demonem, plerumque confusè, & cum aliqua generalitate, ac æquivocatione ita aliquid prædicere, ut uno, vel altero sensu comprobetur, sicque dicatur verum prædixisse, ne apud cultores suos pondus aliquod autoritatis amittat, si se deceptos cognoverint, neve possit mendacii, aut ignorantia argui. Exempla referunt Grillandus, Pselus, Eusebius, alii, de quo Cicero de divinat. Socrates lib. 4. histor. Eccles. ut illud, quod Cræso responsum fuit: Perdet Cræsus Halym transgressus maxima regna. Et illud: ibis redibis non morieris in bello. Præcipuè videndus Niceta lib. 3. chron. de Basilacio fanatico, exacte narrante; quomodo æquivoco responderet. Cæterum, inquit Nicetas, nihil veri, aut perspicacitatis de rebus futuris loquebatur, sed verba confusa, & perplexa fundebat, & quamvis sæpe ridicula quædam misceret, tamen turbam pastorum, agricolarum, & remigum attrahebat, & mulierum ad se venientium mammis contrectatis, aliisque; obscura promebat oracula, & ad plerasque quæstiones non respondebat; suasque divinationes discursationibus, ac insanis gestibus peragebat; sed stabant cognatæ aniculæ vecordes & insanæ, quæ consultoribus explicabant quid illi Basilacii gestus rerum futurarum designarent, & taciturnitatem, ut sapientem electionem interpretabantur.



Noscit & daemon hominum propensiones ex ingenii subtilitate, ac medio appetitu sensitivo; ut docet Augustinus *de divinat. demon. capit. 5. & 6.* Suarez *de relig. tom. 1. lib. 2. capit. 8.* & alii cum D. Thoma. Imo saepe daemones, vel eorum Magi futura conjiciunt ex longa experientia morum aliorum, cujus & aliquando excitant affectiones partis sensitivae, cognitisque aliis circumstantiis personarum. Exemplum affert idem Nicetas de eodem Basilacio prope Rhadestem habitante, per haec verba: Imperatorem ad se venientem, neque ut tanta potentia praeditum exceperit, neque salutationi ejus, quae erat, *Salve Basilaci*, respondit, neque tacito nutu capitis gratias egit; sed huc atque illuc instar pulli equini, vel hominis furiosi, saltans, praesentibus male dixit, nec ipsi quidem Imperatori parcens, vix tandem inquietis illis agitationibus omissis, scipione, quem manibus gestabat, imaginis Imperatoris, quae in ejus cellae pariete depicta erat oculis erasis, pileum de capite illius autem studebat, quae cum fecisset, Imperator, eo ut deliro despecto, discessit. Vaticinium mox eventus comprobavit, quem poterat quicunque sagaci prudentia praevidere, nedum daemon, cum & Alexius diligentissime fratris ruinam meditaretur, & Isaacus inepta severitate omnes delatores repelleret, hoc certe agnovit daemon, & suum clientulum Basilacium extimulavit, ut illo infano facto insinueret imperii deperditionem, & sic videretur varicinari futuros eventus.

Mutationes namque regnorum, morbos, damna, & alia plura praedicit, vel quia ipse, permittente Deo, est cooperaturus, notante Augustino *de divinat. demon. capit. 6.* vel tantum probabiliter conjectat, ut advertit Eusebius *de prepar. Evang. capit. 19.* Damascenus *lib. 2. de fide capit. 1.* Et hoc modo praedicit destructiones populorum gladio, fame, peste, aut quod Princeps de solio sit exturbandus, cognoscens artes conjuratorum, socordiam custodum. Si hoc enim conjectant homines prudentes, multo magis daemon, iis & sapientia, & experimento longe excellentior ut notavit Augustinus *ibidem capit. 3. & lib. 10. de civit. relatus in can. Nec mirum 26. q. 5. & D. Thomas q. 16. de demon. ar. 5.*

Praeterea cum anima sit adeo corpori connexa, tantaeque inter illa actionum reciproca motio, atque communicatio, vix potest reperiri aliqua mentis cogitatio, quin per aliqua signa corporea ab Angelis sagacissimis colligatur. Eoque magis, quia daemon potest phantasia variè, ac vehementer turbare, ac operari, ut suo libitu objecta ita represententur, ut vix homo ad aliud advertere possit. Hoc modo Scotus Parmensis magus anno salutis 1549. in aula Caroli V. gloriabatur se arte praeditum cognoscendi cogitationes secretissimas. Aiebat enim, cogita quod volueris, & cogitationem divinabo. Nam illico daemon importunissimam aliquam cogitationem de re nota Mago immittebat, & cum inter intellectum, & phantasia adeo arcta sit colligatio, ut homine intento alicui objecto, phantasia etiam circa illud tendat; ideo daemon videns, quae in phantasia versabantur, coniciebat, quae intellectus cogitabat, saltem quando importunè circa utranque praefatam potentiam revolvitur, atque volutatur. Quod praeviciens non nemo vir doctus, derisit Magum coram Imperatore, divertendo suas cogitationes à suggestis, quae in imaginativa tractabantur. Cognoscebat namque hic vir, intellectum, atque voluntatem non posse cogi à qualibet suggestionem sensuum ex

quacunque arte daemoniaca; ideo ad species, seu phantasmata praexistentia se converterebat. Non enim absolute potest quis mentis compos cogi à damone, ut ad haec phantasmata determinate se convertat, ut falso videretur asserere Torreblanca *lib. 9. capit. 14. numer. 48.* falsoque supponere daemones phantasmata immittere, falsoque item ad haec adducit S. Augustinum, D. Thomam, alios.

Nec refragatur, quod daemones sunt inimici Dei, & Angelorum, unde eos dedecet manifestare arcana divina, quae pertinent ad gratiam, à qua ob peccatum exciderunt, ut docet D. Thomas *p. 1. q. 64. ar. 1.* Nam, ut notat Sylvius *2. 2. quaest. 95.* mirabilis Dei sapientia per inimicos etiam vult impleri voluntatem suam. Sic per revelationem bonorum Angelorum divinitus prophetarunt impii Baal *Num. 22.* Saul. *1. Reg. 16.* Caïphas *Joan. 11.* Nec autem revelatio iis fit cum mentis illustratione, ut Sanctis Prophetis evenit, sed tantum per modum locutionis, sicut homo alteri manifestat suam voluntatem. Unde non pertinet ad gratiam, & hoc modo non dedecet daemones accipere cognitionem à bonis Angelis, ut doctè D. Bonaventura *2. sent. d. 7. p. 2.* Binsfeld. *in rubr. C. de malef. & mathem. not. 10.* rejecta sententia Paracelsi, asserentis, haec assequi daemones supernaturaliter ac miraculose, cum haec omnia ipse ordinet ad malum, cui Deus supernaturaliter non cooperatur, neque ut causa particularis. Haud tamen negandum est, posse Deum daemones ad aliquem bonum finem, & effectum sua mysteria revelare. Sic ex D. Thoma probabiliter habetur, daemones à Deo elevatos, supernaturaliter convertisse uxorem Loth in statuam salis, quicquid dicat Torreblanca, putans hoc esse haereticum, adducendo Patres, & Theologos, qui tamen in primo sensu loquuntur.

Tradunt autem Sylvester *lib. 2. de strigimac. cap. 13.* & autores Mallei ex Augustino *lib. de natura demon.* causas, unde daemones probabiliter conjectant futura contingentia, non quod illa certo scire valeant. Prima est, quia vigent subtilitate naturali quoad operationem intellectus ipsorum; unde etiam sine discursu, qui nobis necessarius est, intelligunt. Secunda, quia propter rerum ac temporum experientiam, & revelationem superiorum spirituum, plura sciunt, quam homines. Tertia est propter celeritatem motus. Quarta, quia sicut sua potentia possunt, Deo permittente, morbos inducere, aërem inficere, ita possunt & illa praedicere. Quinta quia per signa possunt subtilius praedicere mortem, quam medicus. Sexta quia ex signis, quae proficiuntur ab animo hominis conjectant ea, quae sunt, vel erunt in anima. Sciunt enim qui instinctus sint verisimiliter scuturi, atque adeo cujusmodi opera. Septima, quoniam habent intelligentiam, vel notionem prophetarum, ex quibus multa futura dependent, quae praedicere possunt. Non possunt tamen daemones certo internoscere naturalem hominis periodum, cum hac, ut distinguitur à casuali, etiam dependeat à liberis, ut modo vivendi, ac operandi, cumque Deus sit autor vitae ac mortis.

Cur autem daemon conetur, quoad fieri potest, praedicere futura, triplex causa est. Prima, ut sibi attraget divinitatem. Sic enim esse Dei proprium praedicere futura. Secunda, ut minuat testimonium fidei christianae, quae est praedictio futurorum in Prophetis. Tertia est, ut secus homines & faciles decipiant. Sciunt enim, esse homines perper-

Neque



Neque igitur, quod aliquando Magi, divini, sortilegi vera proferant oracula, scientia illorum probanda venit. Siquidem multæ sunt artes in-  
scandi homines, quæ oculis latent, & detectæ prorsus vel pœna dignæ sunt, vel admirationem amittunt. Idcirco detegam præter alias superius adductas, præcipuas divinorum fraudes, quarum Prior in oraculis idolorum frequens fuit, ut ambigua responderent, cerea, & in varia flexibilia. Altera, quod conjecturas rerum, personarum, & factorum curiose observarent, & rumores per delatores, ut olim Cæsares, undecunque colligerent. Ex quibus sacerdotes, & sacrificuli idolorum astute effata componebant, ut abierit in adagium: *Bonus vates, qui bene conjectat*; ut scribit Gregorius Nazianzenus *invect. 2. in Julianum*, & Nicephorus Callistus *lib. 10. cap. 37.*

Adiungebant fraudibus, subtili ingenio, etiam specie divinitatis, dum lignea, fictilia, vel metallica idola proloqui fingeant, quæ tamen per abditos meatus, & cuniculos secrete adibant, illisque vocem dabant, sicut detectum est, cum dirutum fuit Serapidis Alexandriae templum, in quo reposita sunt simulachra omnia sive lignea, sive area, cava, ita elaborata, ut cava pars, & terga templorum parietibus adaptarentur, occultis quibusdam meatibus in templo relictis, quibus conjuncta alia quadam cava arcana adita, per quæ simulachrorum cava subirent, & inde ea, quæ eis visa fuissent, responsa darent, ut narrat idem Nicephorus *lib. 12. capit. 26.* Simile quippiam apud Daniele *capit. fin. de Belo idolo*, & ejus sacerdotibus narratur.

Dein permittit Deus ea, quæ isti pseudomantes dicunt evenire, ut tentet suos, palamque fiat, utrum diligant eum, an ne ex toto corde, & ex tota anima, *Deuter. 13.* Verum quidem, quod est, per se amplectendum est; sed non omne, quod dicitur ab hominibus, quorum natura est, ut sint mendaces *Isaïæ capit. 9.* perpetuò recipiendum, ut verum tale est, etsi verum esse possit. Quia jubium est, non tale, & quia peccatur in modo inquirendi verum, & ab iis etiam, à quibus non solet haberi, & per media, quæ Deo displicent, nefas est, verum perire. Et norunt quidem dæmones, quæ vera sunt, & facta aliquando & aliqua futura, nec ea scire malum est. Verum ab illis scientiam exquirere, hos consulere, non solum temerarium, impium, sed & ultra indignatione Dei, & damnatione æterna dignum. Dominum enim Deum solum adorare debemus, ut Deum; dæmonem, ut hostem, & æternæ caliginis principem, malorum omnium fomitem, abominari, *Matth. 4. Exod. 23.*

Quomodo autem vera enuntient, & multa possint mirabilia dæmones, paucis D. Augustinus explicat *de natur. demon.* cujus verba referuntur à Gratiano *in can. sciendum, & can. fin. 26. quest. 4.* Prænotant quoque quæ ipsi facturi sunt, potestate à Deo accepta, quæve persuadere factoris se posse arbitrantur. D. Basilius constanter tueretur, dæmones admirabilia docuisse Ethnicos, quæ expiscati, & furati essent à Prophetis Dei, additque: *Fur namque est diabolus, & nostra nuntians per suos hypophetas, idest per suos vates, aliunde accipientes.* Coguntur & sæpe dæmones consulti ab improbis, in consulentium perniciem, ac pœnam, atque confusionem vera dicere, ut in exemplo videre possumus Balaami *Numer. 22. 23. 24.* Saulis, & Pythonissæ *1. Reg. 28.*

Torn. I.

Itaque nec probi Christiani, etiam vera, & bona & sancta à tali impostore pythonico audire volunt exemplo Domini nostri Jesu Christi, qui dæmonia confitentia publicè ejus divinitatem, tollere jussit, nec sinebat ea loqui *Matth. 8. Lucæ 8. Marci 5.* Etenim inimici etiam oscula, & verba vera, & benigna, semper dolosa putanda sunt, ac proditoria, si cautum nobis esse velimus. Nec potest veritas per os immundum & abominandum prolata, sine aliqua spurcitia, & pollutione prodire, non secus quam aqua limpidæ fæces, ac tetræ odorem contrahit, si per canales, alveosque immundos, ac fædidos fluat. Et ventriloquam vera dicentem D. Paulus jussit filere; *Act. 16.* Possunt etiam dæmones oculos hominum perstringere, ac mentem turbare, ut quæ non sint, esse persuadeant, & falsa obumbrent. Sicque innuit Horatius *lib. 2. epist. 1. ad Augustum.*

*Ille per extensum funem mihi posse videtur  
Ire poeta, meum qui pectus inaniter angit,  
Irritat, mulcet, falsis terroribus implet,  
Ut magus, & modo me Thebis, modo ponit Athenis.*

Denique de fide est, vel proximum fidei. Nulla creatura, quantumvis elevata, potest naturaliter cognoscere aliquod futurum contingens respondens tempori, vel instanti Angelico; futurum tamen in tempore nostro. Alias enim dæmon posset cognoscere secreta cordium antequam de facto manifestarentur; nam manifestabuntur in illo instanti Angelico post aliquod tempus nostrum, illi respondens.

Præter testimonia S. Scripturæ, præcipuè *Isaïæ cap. 41.* probatur ratione. Æternitas, quæ divinum esse, ac operationes mensurat, eminenter continet omnem mensuram, sicut Esse divinum omne esse, & cognitio divina omnem cognitionem comprehendit. Et propterea universa futura ei coexistunt, illaque cognoscit. Atqui mensura operationis Angelicæ, & cujusunque creaturæ, quantumvis elevata, non comprehendit eminenter omnem aliam mensuram. Atque adeo futura, & imminetia non coexistunt tali mensuræ, ac proinde non potest illa cognoscere. Quia nulla creatura, quantumvis elevata, potest eminenter continere aliam perfecte ac complete quod ad universa, quæ in illa reperiuntur, nec notitia unius creaturæ comprehendit motum inferiorem complete ac perfecte. Ergo nec mensuram, quæ notitia cujuslibet creaturæ mensuratur. Nam mensura debet esse ejusdem rationis cum re mensurata. Ideoque Deus futura cognoscit, quia ejus notitia mensuratur æternitate, quæ omnem mensuram comprehendit, & ex hac eminentia æternitatis colligit D. Thomas, solum Deum futura contingentia cognoscere. Intellectus autem creatus quantumvis perfectus deficit ab æternitate; ideoque nulla futura contingentia cognoscit. Vide Sylvestrum *de strygimac. lib. 2. & Ledesmam in tr. de Esse Dei art. 5. quest. 9.* qui doctè contrariis argumentis respondent.

Ac ita quidem, ut Deus non possit producere creaturam, cui connaturaliter competeret futura contingentia cognoscere, non solum in seipsis, sed ne quidem in causis contingentibus. Nam cum creatura illa, ejusque operationes æternitate non mensurarentur, non posset cognoscere quid ex causis foret eventurum, cum supponantur indeterminatæ, ac contingentes, & tantum illarum deter-



minatio cognoscatur à Deo non solum ratione æternitatis, sed quia decrevit illas tali tempore, ac modo determinare. Quod infallibile eveniet. Sequeretur item, quod talis creatura esset infinita & infinitæ immaterialitatis, quæ requiritur ad infinitam cognitionem futurorum contingentium. Talis autem creatura dari non potest. Itidem sequeretur, talem creaturam comprehendere Dei omnipotentiam, & voluntatem, cum ex his futura dependeant. Quod est absurdum.

Ac ita etiam quod ne Deus quidem de potentia sua absoluta potest producere speciem, quæ representet futurum contingens, ut præsens. Non enim est intelligibile, aliquam speciem creatam ita elevare, ut mensuretur æternitate. Nam species illa in essendo, & in representando elongaretur à divina infinitate, atque adeo à divina æternitate. Futura enim non existunt, nisi respectu æternitatis divinæ. Imo percipi non potest, quod existant respectu cuiuslibet alterius mensuræ. Et quæ sunt propria Deo implicantia modum infinitum, non possunt creaturæ competere, ne participative quidem, ut esse actum purum. Ita autem se habet representatio futurorum in seipsis.

Potest tamen Deus de potentia sua absoluta producere speciem, per quam Angelus, sive daemon cognoscat futurum contingens certò, ac infallibiliter prout existit in suis causis determinatis, & completis per divinam voluntatem, ac scientiam, & ut subsunt illi. In hoc sensu declarat seipsum Cajetanus in 3. p. q. 11. ar. 1. & probat Ledesma *ibidem*. Quoniam ad talem notitiam non prærequiritur rerum existentia respectu mensuræ speciei, & cognitionis. Nam Deus certissimè futura intelligeret, & in causis à se determinatis, & completis, etsi non existerent respectu æternitatis. Sic etiam, præter Verbum, Beati certò, ac infallibiliter cognoscunt futura contingentia virtute divinæ, non in seipsis, sed in suis causis determinatis. Quare Prophetæ, ac fideles cognoscentes aliquod futurum per divinam revelationem, non cognoscunt illud prout præsens est, & prout existit à parte rei, sed prout subest divinæ revelationi infallibili. Quod tantummodo probant adversariorum argumenta.

#### CONSULTATIO LXXXV.

*An Angeli, sive daemones suapte natura cognoscere possint futura contingentia, etiam per astra? Vbi diligenter ad id expenditur Constitutio Sixti V. adversus Astrologos.*

**S**unt qui affirmant. Nam censent respectu Angelorum, ac daemonum, non dari alia futura contingentia præter ea, quæ immediate, vel mediate ex libero arbitrio dependent. Ita Suarez *disput.* 35. *metaph. sect.* 8. & *lib.* 2. *de Angel. cap.* 9. Vasquez, & Fonseca 6. *metaph. cap.* 2. *quest.* 1. *sect.* 2. & *quest.* 2. *sect.* 3. Referuntur etiam pro hac sententia Alensis 2. 6. *quest.* 26. *membr.* 4. Durandus in 2. d. 3. *quest.* 3. & Molina ar. 3. *quest.* 57. 1. p. qui tamen excipit effectus quarundam causarum naturalium, quas, ait, non esse determinatas ad unum, sed indifferentes ad plura, qualem esse ait, appetitum brutorum, cui tribuit quoddam vestigium libertatis. Prosequuntur Moranda, Alarcon, Præpositus, Arriaga in dictum locum D. Thomæ, Ruiz

*de scientia Dei disp.* 22. *sect.* 5. ac videtur affirmare Averſa *sect.* 4. *eiusdem quest.* 57. Granadus vero p. 1. *tract.* 5. *disp.* 1. tenet, Angelum cognoscere huiusmodi futura casualia, licet non tam certò, sicut & alia, quæ semper eveniunt. Salesles autem *lib.* 1. *capit.* 14. *reg.* 114. tradit cum D. Augustino, Delrio, ac Lessio, quod, licet daemon nequeat certo cognoscere futura, à libero arbitrio alterius dependentia, potest tamen multò plura de rebus futuris, & occultis cognoscere quàm homo, non tamen affirmat, daemones casualia, & fortuita cognoscere.

Moventur. Quia existimant respectu totius Cæli non dari casualia, & fortuita. Et quia Angeli cælos omnes, atque astra comprehendunt, ac omnia inferiora. Hincque fit, quod futura contingentia non libera, vel ex libertate dependentia cognoscunt certò in ipsis cælis, vel aliis causis sublunaribus. Ideoque respectu illorum non sunt futura contingentia. Atque ita comprobantur Scripturæ, quæ Dei proprium esse docent futura contingentia prædicere.

Negant verò cum D. Thoma 1. p. *quest.* 14. & 57. ac 2. 2. *quest.* 95. Caietanus, Zumel, Javellus, Sylvester, Porreſta, Delatorre, Ripa, Gonzalez, Navarrete, Montagnolus, Serra, Vigliar, Joannes à S. Thoma, Arauxo, Valentia, Pelsautius, Malleus, Victoria, Directorium Inquisitionis, ibique Scholiastes, Ferrariensis 3. *contra Gentes capit.* 154. Nazarius, Salmanticenses, D. Bonaventura in 2. d. 7. p. 2. ar. 1. *quest.* 7. Agidius *quest.* 2. ar. 1. Hervæus *eod. d. ar.* 2. Carthusianus *quest.* 4. Malovius d. 3. *disp.* 15. Bannes q. 115. ar. 6. licet aliquando hac in re nutare visus sit, Flandria 6. *metaph. quest.* 10. ar. 1. ad 2. Castro, Grillandus, Farinacius quos adducit ac sequitur Torreblanca *lib.* 9. *spirit. capit.* 14. perperam afferens pro hac sententia Suarez, ac præ omnibus eum tradunt D. Augustinus. *lib. de divinat. demon. capit.* 3. & *lib.* 3. *de Trinit. capit.* 5. & 7. D. Thomas multis in locis mox citandis, ac Patres communiter, estque conformior S. Scripturæ ac Constitutionibus summorum Pontificum Sixti V. & Urbani VIII. contra Astrologos.

Hanc difficillimam questionem ex D. Thoma definimus, cum quo, si unquam is errare potest, errare volumus, quàm cum aliis sapere: Quis melius de Angelis scripsit, quàm Doctor Angelicus? Ipsum igitur audire oportet. Docet itaque D. Thomas d. *quest.* 57. ar. 3. Angelos non cognoscere certò, quæ in paucioribus eveniunt. Ait enim, Angelis penitus esse ignota casualia & fortuita, subdit tamen, ea subtilius Angelum cognoscere, quàm hominem. Loquitur ibi non solum de liberis sed etiam de casualibus & fortuitis. Nam de effectibus, ut in paucioribus evenientibus respectu causarum naturalium loquitur. Idem docet *dict. ar.* 1. *quest.* 95. & clarius *dict. par.* 1. *quest.* 115. ar. 6. in corp. his verbis: Respondeo dicendum, quod futurum dupliciter potest cognosci. Uno modo in causa sua. Et sic futura, quæ ex necessitate ex suis causis proveniunt, per certam scientiam cognoscuntur, ut Solem cras oriri. Quæ verò ex suis causis proveniunt, ut in pluribus cognoscuntur, non per certitudinem, sed per conjecturam, sicut Medicus præcognoscit sanitatem infirmi. Et iste modus cognoscendi futura inest Angelis, & tanto magis, quàm nobis, quanto magis rerum causas, & universalius, & perfectius cognoscunt, sicut medici, qui acutius vident causas, & melius de futuro statu



æquitate præcognoscunt. Quæ verò proveniunt ex causis suis, ut in gravioribus, omnino sunt ignota, sicut casualia, & fortuita. Alio modo cognoscuntur futura in seipsis. Et sic solius Dei est futura cognoscere, non solum quæ ex necessitate proveniunt, velut in pluribus; sed etiam casualia & fortuita. Quia Deus videt omnia in sua æternitate, quæ cum sit simplex, toti tempori adest, & ipsum concludit. Et ideo unus Dei intuitus fertur in omnia, quæ aguntur per totum tempus, sicut in præsentia, & videt omnia, ut in seipsis sunt. Angelicus autem intellectus, & quilibet alius intellectus creatus deficit ab æternitate divina. Unde non potest ab aliquo intellectu creato cognosci futurum, ut est in suo esse.

Hoc ipsum confirmat d. 95. ar. 5. in corp. Divinationi, inquit, quæ ex opinione falsa, vel vana procedit, ingerit se operatio demonis, ut hominum animos implicet vanitati, aut fallitati. Vana autem, aut falsa opinione utitur, si quis ex consideratione stellarum futura velit præcognoscere, quæ per ea præcognosci non possunt. Est ergo considerandum, quid per cælestium corporum inspectionem de futuris possit præcognosci. Et de his quidem, quæ ex necessitate eveniunt, manifestum est, quod per considerationem stellarum possunt præcognosci, sicut Astrologi prænunciant eclipses futuras. Circa præcognitionem verò futurorum eventuum ex consideratione stellarum diversi diversa dixerunt. Fuerunt enim qui dicerent, quod stellæ potius significant, quam faciant ea. Omne enim corporale signum vel est effectus ejus, cuius est signum; sicut fumus significat ignem à quo causatur; vel procedit ab eadem causa. Et sic dum designat causam, per consequens significat effectum, sicut iris quandoque significat serenitatem, in quantum causa ejus causa est serenitatis. Non potest autem dici, quod dispositiones cælestium corporum, & motus sint effectus futurorum eventuum, nec iterum possunt reduci in aliquam superiorem causam communem; quæ sit corporalis. Possunt autem reduci in unam causam communem, quæ est Providentia. Sed alia ratione disponuntur à divina Providentia motus, & situs cælestium corporum, & alia ratione eventus contingentium futurorum. Quia illa disponuntur secundum rationem necessitatis, ut semper, & eodem modo proveniant. Hæc autem secundum rationem contingentiam, & variabiliter contingunt. Unde non potest esse, quod ex inspiratione syderum accipiatur præcognitio futurorum, nisi sicut ex causis præcognoscuntur effectus. Duplices autem effectus subtrahuntur causalitati cælestium corporum. Primo quidem omnes effectus per accidens contingentes, sive in rebus humanis, sive in rebus naturalibus; quia, ut probatur in 6. metaphisices, ens per accidens non habet causam, & præcipue naturalem.

Dicit fortasse aliquis, D. Thomam loqui tantum de effectibus liberis. At contra est. Nam loquitur etiam de effectibus in paucioribus ex causis naturalibus provenientibus. Imo d. ar. 6. & aliis locis jam citatis, de liberis eventibus supponit, & probat distinctionem de naturalibus, ut in paucioribus, additque de hujusmodi effectibus causarum naturalium per considerationem ipsarum præcognosci non posse, & si quis hujusmodi futura, quæ sunt etiam effectus in paucioribus ex causis naturalibus, prænunciare, aut præcognoscere, quocunque modo præsumperit, nisi Deo revelante, manifestè usurpat sibi, quod Dei est, ac per consequens excludit etiam Angelos.

Tom. I.

Unde non immerito Zúmel, Carthusianus, alique nonnulli censuram erroris protulerunt contra asserentes Angelos præcognoscere futura etsi non libera, cum Sacra Littera, ac Patres & Theologi de futuris absolute loquantur, & signum divinitatis ab Isaia pronuntiatur; futura cognoscere. Inquit enim caput. 20. *Annunciate quæ ventura sunt in futurum, & sciemus, quia Dii estis.*

Respondent adversarii, scripturas, & Patres loqui vel generaliter de omnibus futuris, vel in ordine ad futura, dependentia quodammodo à libero arbitrio: speciatim verò Morandus respondet, intelligi etiam in ordine ad contingentia naturalia, quatenus involvunt divinum concursum. Cum enim, ait, possit Deus hunc negare de potentia absoluta, non possunt Angeli cognoscere aliquod futurum adeo certe, cum semper sit cum tali conditione, si Deus voluerit concurrere.

Verum hæc prima responsio eliditur. Nam scriptura & Patres relati à Zúmel, Carthusiano, & Coccio, loquuntur de futuris, etiam non liberis, ut de monstis, de peste, fulgure, & hujusmodi aliis, attribuentes Deo, ut ejus proprium, hæc futura prædicere, ut de his omnibus prædixit per suos Prophetas. Domino namque Prophetiæ non tantum pro liberis, ac secretis cordium confertur, sed etiam pro futuris naturalibus contingentibus, per accidens, casualibus, & fortuitis. Patet etenim oracula dæmonum apud Gentiles plerumque fallacia fuisse de eventibus futuris, etiam non liberis, ut nunc quoque sunt in eorum Magis. Neque putandum est, eos ex industria mentiri. Nam divinitatis æmuli, potius credulitatem hominum sibi conciliare nimis ambiciose affectant. Et Christus prohibuit discipulis scire tempora & dies decretos, ut omnium fidelium suorum curiositatem coerceret, ita interpretante Sixto V. §. 3. & §. 14. ut illos merito Apostolus arguat, atque increpet illis verbis: *Dies observatis, & menses, & tempora, & annos, timeo vos, ne forte sine causa laboraverim in vobis.* Dies autem, & anni non sunt nobis liberi. Si autem loquatur de potentia divina, omnia futura, etiam necessaria, sunt ei libera.

Minus autem appositè recurrit Moranda ad potentiam divinam, dum ait, quod Deus possit negare concursum de potentia sua absoluta. Sic namque affirmarem nec Angelos, neque homines certo cognoscere futura necessaria, ideoque non haberetur vera scientia. Nam quilibet effectus, quantumlibet necessarius poterit à Deo impediri potentia absoluta. Imo nec affirmarem, Beatos lætari de perpetuitate suæ gloriæ; quoniam de potentia Dei absoluta deficere potest. Non enim Deus potest absolute cogi ab aliqua creatura. Unde posset de potentia sua absoluta ordinem mundi evertere, elementa perturbare, damnatos ab inferis eripere; beatos gloria privare. Voluntati enim ejus quis resistere potest?

Hanc porro sententiam comprobavit Sixtus V. Nam in sua Constitutione, cujus initium, Cæli & terræ conditor, partem negativam decernit, Scripturis, Patribus, & rationibus corroborat. Unde videtur favere censuræ Carthusiani, & Zúmelis. Supponit quippe §. 1. proprium Dei cognoscere ventura omnia, loquens in generali, tam de effectibus naturalibus, quam liberis, In §. 2. subdit: quæ futura non modò humanæ mentis imbecillitas ignorat, sed nec dæmones ipsi præsentire possunt. In §. 3. probat ex fallitate, & imbecillitate dæ-

D d 3

mo-



num circa futura prædicta nuncianda mediis simulachris, & comprobatur ex testimonio præfato Iſaïæ ac Christi Domini, semper persistendo in generali negativa.

Et quod ita sit, probatur amplius ex §. 4. ubi aperte quoque negat de casualibus, & fortuitis, dum allerit, *ad futuros eventus, & fortuitos casus præcognoscendos (futuris eventibus ex naturalibus causis necessario, vel frequenter provenientibus, quæ ad divinationem non pertinent, dumtaxat exceptis) nullæ sunt veræ artes, aut disciplina, sed fallaces, & vana improborum hominum astutia, & demonum fraudibus introducta, &c.* Videtis quomodo negat, posse etiam arte dæmonis præcognosci, quæ eveniunt, ut in paucioribus, quæ sunt fortuita, & casualia. Imo ait, nullas esse artes, aut disciplinas, sed fallaces, & vanas. At si revera dæmones naturali lumine cognoscere possent futura casualia & fortuita, effectusque per accidens, de illis haberent veram scientiam, & non fallacem. Quinetiam homines possent ea uti, non ut dependente à dæmone, sed ut edocta ab antiquis. Talis namque ars non esset prohibita, cum cognitioni naturali inniteretur, non amplius dependens à dæmone. Unde recte Suarez ait *lib. 2. de superst. capit. 15.* possunt posteriores licite uti herba medica, ostensa antecessoribus à dæmone. Quia ille usus non fundatur in potestate dæmonis, sed in virtute herbarum connaturaliter illi à Deo indita, & experimento cognita. Quod autem illa notitia sumperit originem à doctrina dæmonis, per accidens est, ut scite notavit *Victoria relect. de mag. num. 15.* Unde præcluditur evasio, quæ posset afferri, quod nimirum Pontifex loquitur de notitia hominum. Tum quia expresse loquitur etiam de dæmonibus, ut liquet. Et tum quia si talis veræ scientiæ dæmon esset peritus, possent homines tempore procedente licite illa uti, nec illa tunc esset scientia fallax formaliter.

Quod autem Pontifex §. 8. fateatur contingentia esse cognita ipsis dæmonibus naturæ subtilioris acumine, non obstat. Quia loquitur de iis contingentibus, quæ possunt ipsi dæmones cognoscere quæ hominum obtusior intelligentia ignorat, quæ plura supponimus cerè cognosci ab illis cum D. Thoma, cum ipsi comprehendunt causas superiores; & inferiores. Imo Pontifex addit, cognoscere aliis quibusdam modis, præter ingenii acumen. Cognita namque phantasia alicujus, & appetitu sensitivo, & affectibus, aliisque inditiis perpenſis, facile etiam potest secreta cordium aliquo modo percipere, licet non infallibiliter, imo & futuros eventus liberos.

Hinc prosequitur Pontifex errorem Astrologorum §. 10. & 11. sic enim ait: *Dæmone se fallaciter immiscente, qui vanam, falsamque syderum, & astrorum scientiam profitentes, (tantum enim vera est Astronomia & Astrologia circa futuros eventus ex naturalibus causis necessario vel frequenter provenientes, ut prædixerat) divinaque dispositionis rationem suo tempore revelandam, cum videlicet fuerit præsens, & extra causas à Deo producta. Tunc enim non solum ab Angelis, sed ab hominibus cognosci potest, hominum nativitates, seu genituras ex motu syderum, & astrorum cursu mentiuntur; & iudicant de uniuscujusque hominis statu, conditione, vitæ cursu, &c. variis discriminibus, aliisque prosperis, & adversis casibus, & eventibus. Quæ quidem etiam naturales eventus contingentes, casuales, fortuitos ac per accidens comprehendunt.*

Confirmatque §. 13. & seq. autoritate Apostoli, verbis superius adductis de mensibus, & annis.

Et §. 15. conqueritur, quod futuros rerum eventus, & quæcunque prospere, vel adverse obventura sunt, astris, syderibusque adscribunt. Eo quod Sixtus loquitur de naturalibus eventibus. Unde statim subdit, ac actus humanos, ea denique, quæ ex libera hominum voluntate proficiuntur. Nec momentorum, & temporum naturalisque nomine diei possunt intelligi liberæ hominum actiones, quæ, ut sic, neque isto tempore mensurantur.

Tandem rem hanc expedit §. 16. ubi reprobat eos, qui facultatem astris, ac syderibus adscribunt, & efficaciam tribuunt significandi futura, & loquuntur de futuris ab se relatis, licet de liberis præcipue tradat rationem, ut libertatem hominis tutaretur, quod est unum ex firmissimis nostræ fidei fundamentum. Si ergo astra, syderaque non habent efficaciam significandi futura prædicta, quomodo dæmones possunt ex iis illa cognoscere? Additque §. 29. futuros eventus in se ipsis cognoscere, esse Dei proprium. Unde necessario consequitur, ut astrologi, alique divini, qui hujusmodi futura pronunciant quocunque modo, nisi Deo revelante, præsumunt, injuste, atque impudenter quod Dei est, sibi assumant, & usurpant. Idque confirmatur §. 30. & §. seq. in quibus prohibentur libri tractantes de futuris contingentibus. Et, ut perspicue pateat, quod ibi sermo est de naturalibus, subiungit disjunctivam: Aut his actionibus, quæ ab humana voluntate pendent, permissis tamen semper observationibus, quæ navigationis, agriculturæ, sive medicæ artis juvandæ gratia conscripta sunt. Hæc enim, licet dicantur de hominibus, semper tamen sunt annexa præsuppositis de ignorantia dæmonum circa fortuita & casualia, ut ordinate, & consentaneè tota Constitutio procedat.

Supereſt, ut hæc omnia verbis D. Thomæ confirmemus, qui in 2. d. 7. q. 2. ar. 2. sic ait: *Futurorum quædam sunt determinata in suis causis. Quædam vero non habent causas determinatas, sicut quæ sunt ad utrumlibet. Quilibet autem effectus secundum quod in causa sua determinatur, in ea potest cognosci. Si enim determinatur in ea, ut ex qua necessario contingat, certitudinariè cognoscitur, sicut sunt ea, quæ circa motum cœli accidunt, ut ortus, & occasus, & eclipses, & conjunctiones luminarium. Quæ omnia multo melius dæmones sciunt per species causarum innatas, quam Astrologus per artem. Si autem determinatur in causis, ut ex quibus frequenter contingit cum potestate tamen deficiendi in minori parte propter impedimentum ex parte agentis, vel ex parte recipientis, actionum eorum præcognitio non certitudinalis, sed conjecturalis haberi potest. Et hoc modo Astrologus prædicat quædam futura, quæ consequuntur ex motibus cœli istis in inferioribus, quæ tamen impediri possunt propter impedimentum inferiorum causarum. Et hæc præcognitio tanto magis ad certitudinem accedit, quanto ad unum effectum plures cause concurrentes cognoscuntur, & quanto virtus cause melius scitur. Unde dæmones subtilissimi sunt in talium futurorum præcognitione; sed ea, quæ non habent causas determinatas, ut quæ sunt ad utrumlibet, vel in minori parte, non possunt cognosci in causis suis, sed in seipsis tantum, ut præsentia sunt. Unde eorum præcognitio solius Dei est, cui ab æterno præsentia sunt, ut in primo dictum est d. 38. & cui Deus revelare voluerit. Et talium futurorum cognitionem nec homines, nec dæmones habere possunt, nisi revelatione supernorum spirituum. Hæc D. Thomas graviter, diserte, luculenter.*



CONSULTATIO LXXXVI.

De Divinatione naturali & artificiosa. An dentur? Earum mira.

Deus, Mundi Opifex, eadem virtute, qua illum mirifice condidit, singulis rebus propriam contulit facultatem, qua pervenire possent ad finem statutum. Id Sapientiae cap. 1. exprimitur, dum spiritus Domini replevit Orbem terrarum, & hoc, quod continet omnia, scientiam habet vocis. Non quod Deus Mundi sit Mundi anima, ut arbitrati sunt Jamblicus, Apulejus, alique, sed ut rerum omnium Opifex, gubernator, ac moderator. Quo sentit Virgilius 6. *Aeneid* canit.

*Spiritus intus alit, totamque infusa per artus  
Mens agitat molem, & magno se corpore miscet.*

Quem ideo Christianum live Christi appellat D. Hieronymus ad Paulinum.

Quare sicut Deus contulit sapientibus ad pluviae ac tempestatis causas cognoscendas, virtutem cognoscendi tetragonos, diametros, & congressus Solis, ac Lunae, aliorumque errantium, & fixorum siderum, pluviarum, & aëris mutationis effectores, ita imperitis signa exhibuit in circumferentiis Solis, ac Lunae, pastoribus in concussione vellerum ovium, agricolis in motu aurium animalium, nautis in maris tumore.

Hæc autem naturalis divinatio per avium motus præsertim attenditur. Cum enim istæ in aëris regione vivant, & plurimum retineant aëris naturæ propius cælestium influxus, qui per aërem ad inferiora descendunt, præsentunt; ac licet præfagii sui sint ignaræ, naturali tamen instinctu, movente phantasia, excitantur ad fugiendum incommoda futura. In quo sensu pariter Jerem. cap. 8. inquit: Milvus in cælo cognovit tempus suum; turtur, & hirundo, & ciconia custodierunt tempus adventus sui. Musculus namque domum ruituram, & aliae aves aëris contagionem præsentientes, fugam arripiunt instinctu quodam naturali, ut explicat Augustinus lib. 1. *divinat.* Ex quo refellitur error Plutarchi, Galeni, Plinii, ac Porphyrii putantium, animalia prædita esse ratione. Ex alcionis incubatione super ova maris serenitas conicitur, quia non nisi tranquillo mari incubat, ut docet Aristoteles lib. 2. *hist. animal.* cap. 8. & lib. 9. cap. 14. Franciscus Picus lib. *prænot.* & Uvimpina lib. *de signis.* Ex delphini etiam ebullientis saltationibus tempestas futura dignoscitur, annotante Seneca in *trag. Agamem.* & Lucano lib. 5. *pharsal.*

Ex plantis etiam, ut eis florescentibus, verem adventantem cognoscimus. Rosæ, aut violæ sub autumnino repullulantes pestis sunt signa ex naturæ contrariæ temperie, ut scribit Plinius lib. 3. cap. 26. Lanugines, & pappi populuci volitantes per aërem, tempestatem pronunciant, ut tradit Vvimpina. loc. cit. Lentiscus cultum terræ, & coloni officia indicat. Nam tres fruges fundens tria tempora monstrat arandi. Terræ motus quoque, mare tumens, alluviones infusæ luem significant, ex Ammiano, & Procopio. Quod exemplis pluribus confirmat Majorius lib. *de admirandis naturæ colloq.* 1. & seq. Terræ motus namque ille provenit ab exhalationibus subterraneis, quæ exitum conatæ terram impellunt, indeque tumor, ac tremor, ut docet. Seneca lib. 6. *natur. quest.* cap. 12. Ideoque non mirum, quod proximum inficiat aerem ex opaca terræ intemperie, in pluribus Italiæ locis per quædam fontamina pestilens exhalatur vapor, qui non hominem vitam ducere, non feram permittit. Aves

quoque si in illum incidunt, antequam cælo meliore leniantur, in ipso volatu cadunt, de quo Balliartus lib. *de peste.* Non absimilis fuit ille hiatus, qui Romæ in medio fori apparuit, unde lues per civitatem grassata, & deprecato oraculo, respondit, non cessaturum malum, nisi res præiosa quædam intus eiiceretur. Marcus Curtius ideo phalarato equo insiliens pro salute publica se in illum præcipitavit.

Constat etiam experimento id, quod Aristoteles tradit lib. 1. *meteor.* eclipses Solis, aut Lunæ naturales prænunciare bella, fames, & alias ærumnas. Nam defectu lucis vitatur aër & ejus partes contingit ex ipso contaminatae ad nos usque perveniunt.

Quoniam autem hæc omnia naturales causas præseferunt, hinc fit, quod non est divinatio superstitiosa, sed licita ex eis futura prædicere, ut tradit D. Thomas 2. 2. q. 95. ar. 7. ibique Cajetanus, Delatorre, Suarez, Azor p. 1. lib. 9. cap. 15. Lessius lib. 2. *de just. cap.* 43. dub. 7. Torrebl. *de mag. cap.* 2. Non est tamen negandum, posse demonem ad decipiendum homines eadem applicare, unde illa non debent observari præter suas causas naturales. Minusque negandum est, præter divinationem verè divinam, cui assentire tenemur juxta illud D. Petri ep. 2. cap. 1. *habemus firmiorem propheticum sermonem, cui benefacitis attendentes,* dari etiam naturalem. Nam ex iis, quæ sensibus percipiuntur, alia cognosci possunt, quæ immediate sint subsequutura, ex quibus vir prudens naturaliter divinatur res ipsas naturæ auxilio illas cognoscens antequam extra causas suas emergant, eas in suis causis præsentiendo, ac prævidendo, ut tradit Franciscus Picus lib. 1. *prænot. cap.* 5.

Tales sunt Astronomi, cælestium motuum investigatores, qui arithmetica supputatione, observationibus, & experientiis concludunt venturæ in ipsis cælestibus orbibus, ex quibus prænunciant quid futurum sit ex cælorum motu, & usu revolutionis Orbium. Quemadmodum enim Medici ex pulsu, ac inspectione excrementorum de infirmitatum terminis, additis observationibus præfagiunt, & tunc proportionem medicamenta adhibent, ita & nautæ, pastores, agricolæ præfagiunt futuram aëris serenitatem, pluviam, æstum, siccitatem, & viri prudentes experientia docti sæpenumero quid futurum sit in Regno, in Republica, in familia, imo & in persona ex rationabili conjectura cognoscunt. Unde, licet proprium sit Dei cognoscere certò futura omnia, etiam libera, casualia & fortuita in seipsis, tamen in causis determinatis possunt cognosci ab homine eo modo, quo causæ dispositæ sunt.

Divinatio autem artificiosa spectat etiam ad naturalem, sicut magia operatrix artificiosa ad naturalem pertinet. Acquiritur ad rei occultæ investigationem, vel futuri prænotionem ex naturæ arcanis, aut signi alicujus patefactione. Sic interdum ex antecedentibus & subsequentibus eruitur, juxta illud Prov. 16 *divinatio in labiis Regis; in judicio non erravit os ejus.*

Hac Salomon veræ matri filium tradidit 3. Reg. c. 3. & Daniel cap. 13. Senem perfidiam detegit, unde Susannæ bonam existimationem, ac dignitatem restituit. Acquiritur etiam ex naturali causa, & congrua rei dispositione. Sic Christophorus Columbus novum Orbem invenit. Videns enim, quod totius Orbis gyrum nondum tellus habitata compleverat, conjecit alteram illius partem fore invenendam. Quod antea indicarat Seneca in *Medæ choro, act.* 2.

*Venient annis  
Secula seris, quibus Oceanus*

Dd 4 Vincula



*Vincula rerum laxet , & ingens  
Pateat tellus , Tiphysque novos  
Detegat orbes , nec sit terris  
Ultima Thule.*

Quod non tam acceptum hoc Platoni in *Phadone* de Orbe incognito differenti , refert Abrahamus Ortelius , quam Poëta Hispani de America à suis inventa Vaticinio.

Subjiciam in hanc rem Epistolam Ramnussii , scriptam Carolo Bruno , cujus hæc sunt verba. *Ho ricevuto lettere dal Signor Oviedo , che scrive la storia delle cose del Mondo nuovo nell' Isola Spagnuola ; nella quale mi ha dichiarato un passo di Dante , che forte non è stato finora inteso , e io l'ho scritto subito a Monsignor Reverendissimo Bembo à Roma , che ne ha havuto infinito piacere , sì come mi scrive il Signor Flaminio Tomarozzi , e gli pare , che Dante fosse huomo divino afflatus furore poetico. Il Signor Oviedo mi scrive , che io sappia , come tutti quelli , che navigano oltre all' Equinottiale verso l' Antartico , si governano con quattro stelle , le quali perche stanno in quadro , le chiamano il Crucero , e sono lontano dal detto polo gradi venti prima magnitudinis , per esser lucentissime , e sono più belle che non sono quelle del nostro carro. Coloro , che stanno nell' Isola Spagnuola , la quale è lontana dall' Equinottiale verso il nostro polo gradi dieci nove , le veggano circolari. Detto Signor Oviedo mi scrive , ch'essendo studioso della poesia di Dante ha letto nel cante del Purgatorio , ch'essendo Dante sotto la linea dell' Equinottiale , dice queste parole.*

*Io mi volsi a man destra , e posì mente  
All' altro Polo , & vidi quatro stelle  
Non viste mai , fuor ch'ella prima gente.  
Goder mi pareva il Ciel di lor fiammelle ,  
O Settentrional vedovo sito ,  
Poiche privato sei di veder quelle.*

*E che questo sono revera il Crucero , e non sa come Dante havesse questa cognitione , perche Tolomeo non passò mai tanto avanti , e pena che come Poëta in quel furore divinamente le manifestasse al mondo. Che questo sia vero , che questo Crucero governi tutti li naviganti Spagnuoli , che passano l'equinottiale , l'ho sentito dire da infiniti marinari , & è cosa volgare a ciascheduno di essi. Si che V. S. haverà imparato un bellissimo passo , perche il Landino Commentatore di Dante interpreta queste quattro stelle per le quattro virtù.*

Hinc in jure civili argumenta appellantur præsumptiones , & conjecturæ , l. 1. l. milites § oportet ff. de quest. Illarum enim termini convertuntur , ut per Mantica. de conject. lib. 1. tit. 2. de quibus Alciatus , & Menochius de præsumpt. Mascardus de probat. & Farinac. tom. 1. p. tit. de indit. q. 36.

Nec aliud sunt præsumptiones , & inditia , quam divinationes in rebus dubiis ex argumentis , & inditiis per circumstantias frequenter collectæ. Sicut enim Medicina suas habet in morbis judicandis divinationes artificiosas , quas appellant prognostica , ita Jurisprudencia ex artificiali quandoque divinatione rationabiliter procedit. Ex Aristoteles lib. 2. Rhetor. ac Cicero in topic de hoc etiam modo arguendi pettractant , easque vocant probationes artificiales , quæ testibus , ac tabulis rem probant. Artificiales autem vel sunt necessariæ , aut verisimiles , aut non repugnantes , de quibus vide apud citatos Doctores.

Non asserimus tamen , posse aliquem ex præsumptionibus , & inditiis quibuscunque in pœnam ordinariam damnari. Quod tamen sua constitutione concedit

Gregorius XV. supremis Inquisitoribus in materia sollicitationis in pura confessione , concurrentibus evidentiis inditiis , ac præsumptionibus , quas dicunt juris , & de jure , de quo Carena , & nos suo loco. Imo & Menochius de arbitr. lib. 3. q. 121. extendit ad alios casus , quod sequuntur alii Doctores in l. si hi , qui C. de adult. cap. de hoc , de Simon. Glor. in l. scient C. de probat. Bartol. in l. quod Nerva ff. depositi , Abb. in cap. tertio loco n. 10. de probat. Bald. in l. sciant cuncti de probat. alique relati à Torreblanca reprobante , & afferente pro se Doctores in cap. afferte de præsumpt. cum aliis per Farinac. tom. 1. q. 36. num. 52. Sarmiento lib. 1. Select. cap. 1. Tiraquel. de pœn. temper. cas. 27. Clar. lib. 5. sent. §. fin 9. 20. Gomes var. 3. cap. 12. Simanch. de cath. instit. tit. 50. Menoch. de præsumpt. lib. 1. q. 97 & seqq.

Sed mitior pœna imponenda est , puta exilii , vel pecuniaria. Quia Judex procedens ex præsumptionibus debet sententiam suam temperare. Nec enim certo judicant Medici per artificiosam divinationem ; neque Astrologi de iis , quæ plerunque eveniunt , & multo minus Jurisperiti ; cum non naturalibus signis , & causis innituntur , sed liberis , quæ ideo certitudinem inferre non possunt in rebus dubiis , ut per Marfil. in d. rubr. de probat. ex num. 241. Gomes d. cap. 12. Mascard. de probat. lib. 1. concl. 1221. Clar. d. q. 20. Adhuc tamen in causis lætæ Majestatis , præcipue divinæ , qualis est sollicitatio in confessione cum abusu sacramenti adeo necessarii , Emin. Cardinales , Generales Inquisitores , possunt ex testibus etiam singularibus , concurrentibus præsumptionibus , inditiis aliisque adminiculis , judicare delictum probatum & reum Curia seculari tradere ob circumstantias turpissimas , ut in aliis similibus , & multo magis majoribus criminibus ex præfata Constitutione Gregoriana in jure fundata. Quid autem sint inditia , & conjecturæ , ex quibus oriuntur præsumptiones juxta cap. Accusatus § licet verò de heret. in 6. Baldum , Mantica , & alios , & in quo distinguatur præsumptio juris & hominis , vide apud ipsos.

#### CONSULTATIO LXXXVII

*An , & quatenus ex Animalibus licite prædicti queant futura ? Quatenus ex monstris humanis , vel aliis portentis ? Ex Hermaphroditis , sive Androginis ? Ex monstris aquaticis , & aëreis ? Ex meteoris ?*

Plura sunt animalia , quibus usi sunt antiqui ad præsignificanda futura , quæ idcirco maximo honore illis erant , ut Crocodilus apud Aegyptios , qui est elinguis , ideoque credebant naturam Dei incomprehensibilem ac ineffabilem significare , teste Valeriano ex mente Hori , qui per Crocodili picturam in specu latitantis , cujus cauda tantum conspiciatur , Dei caput , & substantiam ejus incompertam , per caudam verò apparentem Deum nonnisi à posteriori , hoc est ex operibus cognosci posse , significabat.

Sed præcipue præstantissima omnium apud Aegyptios consideratio super Accipitre fuit , ut patet ex omnibus eorum obeliscis , in quibus multiplicis figuræ ejusdem imaginis , ac hierogrammatismi representantur. Accipitre enim picto , semper Osirum , Deum illum suum , & sacro sanctum Regem omni gloriæ , ac honoris genere decoratum , proponebant , ut testatur Porphyrius lib. 4. de abstinentia. Cum solis imaginem putant , cujus totam substantiam ajunt



ex sanguine & spiritu constare, & hominis misericordia affici, ac mortuum lugere, atque in oculos terram ingerere. Unde iis solitum fuit, Isidis statuam pennis accipitrinis ornare in signum excellentiæ. *Ælianus* quoque tradit, in usu fuisse apud Reges Persarum vestem purpuream accipitris penna spectabilem deferre. *Plinius* etiam sic de illo scribit. Apud Arabes quoque ex ossibus accipitris ignem elici, aurumque attrahi, scriptum inveni. Quod confirmat *Ælianus lib. 10. de animal. cap. 10.* inquit: ostibæ accipitrum, si ad aurum admoveatur, hoc ipsum illecebra quadam mirabili, non secus ac magnes ferrum, ita hoc quasi præstigiis, & captationibus quibundam aurum ad se trahere.

Peculiariter autem Mercurio sacri putabantur Accipitres, maxime palumbares, teste *Plinio lib. 12. cap. 4.* ob insignem, qua pollent, rerum futurarum præscientiam. Unde maximus eorum in auguriis capessendis erat usus, ut proinde certos ministros in curam accipitrum designabant; ut narrat *Diodorus Siculus lib. 2. cap. 4.* Mortuos etiam accipitres colebant, quod eorum animas vaticinandi vi prædictas autumarent. Hincque tantum opinio invaluit apud omnes, ut ab auguriis nomen traxisse contendant, quasi quod terra, & nuncio latissima dicatur in auguriis avis. Tantum verò hanc prædicendum in accipitre valere existimabant, ut etiam illa moriente, non solum non mori, sed & in alios etiam devoratis ejus extis transferri arbitrarentur. Quod impius *Porphyrus* his verbis confirmare ausus est. *Qui animalium vaticiniis pollentium animas in se recipere volunt, devoratis principalibus corporum partibus, ut cordibus corvorum, aut talparum, aut accipitrum, animam quoque singulorum præsentem, & ingredientem in ipsis accipiunt, & deinstar futura præsentientem.* Illum antiqui *Ægyptiaca* lingua *Thaustum* appellabant, quod idem est ac *Thoth*, sive *Mercurius*. Mercuriales autem prædicabant accipitres. Quia sicut *Mercurius* aliger Deorum nuncius, sive *Sol* lucis beneficio secreta omnia & ignota patefacit, sic & accipiter divinæ voluntatis nuncius, ac interpret putaretur, illique præclaram rerum inventionem, ut *Mercurio* adscribebant.

Tandem accipitris figura loco amuleti utebantur adversus malignos Typhonis insultus, ut videre licet in hieroglyphica descriptione, quæ adhuc hodie Romæ invisitur in basibus Sphynxis, sive leonis ad fontem aquæ Felicis juxta *Thermas Diocletianas*, sicuti ponebantur in ripa Nili, ut essent quasi phylacterium quoddam contra ariditatem, ac igneam vim Nili exiccativam, quam, autore *Plutarco*, Typhonem appellabant.

Noctuam pariter legimus apud omnes ferè populos inauspicatissimam avem, dum bubulat, horrendam creditam humano generi. *Ægyptii* autem non tantum per noctuam adversis Numinis operationes significabant, sed illam quasi nuncium universalis providentiæ apud homines fuisse, & per eam futura significari, & de sinistris eventibus commoneri, ac quid instante quavis calamitate prudenter sit agendum, suo exemplo docere. Id quod tradit *Porphyrus lib. 4. de abstinentia* in hæc verba: *Inter omnes aves noctua una est, quæ Minervæ, quam eandem cum Iside lib. 3. asserimus, de rebus eventuris sententiam denunciare.* Quæ clarius *Plutarchus in Themistocle* prosequitur, hanc subnectens fabellam. Cum *Neptunus*, à *Minerva* victus, non posset Attica regione potiri, iratus leviam, stolidaque consilia illi immisit. Cum autem *Palladis* ales mentem ejus hominibus aperire crederetur, hinc proverbium natum esse: *Noctua volavit.* Quod rebus feliciter, atque ex animi sententia gestis succedentibus, dici

consuevit. Unde & ipse *Plutarchus* ait, natum esse, ut in symbolum victoriæ noctua assumeretur. Explicat hæc omnia sane *Porphyrus* libidem, inquit: Sicut *Dii* quidem, qui tacendo res indicant, & eorum significationes aves celerius, quàm homines percipiunt & percipientes nobis eo, quo possunt modo denunciant, & aliquæ aliorum Deorum nunciæ hominibus sunt, *Jovis* aquila, *Apolinis* accipiter, *Minervæ* noctua; *Cereris* grus, ac ceterorum alia. Erant quidem *Ægyptii* mortalium supersticiosissimi, dum omnia in omina, quæ viderent, vel audirent vel somniarunt, traherent.

Adeo profecto existimabat *Plutarchus* auguria ex animalibus, ut crediderit præsignificare futura ex vera prudentia, & ratione, unde capacia rationis ea prædicat *lib. peculiari quod brutis ratio insit.* Quod etiam tradiderunt pauci alii. Hoc errore deceptus *Mahumetes* in *Alcorano* scribit, *Reginam Saba* ex avium confabulatione *Solomonis* Sapientiam percipisse. De garritu passerum intellecto à Religioso Minorita dixi alibi. Conceditur quidem ex *Aristotele lib. 3. de animali* rationem, & prudentiam analogice imitari bruta. Quod & *D. Thomas* docet *p. 2. q. 13. art. 3.* *Albertus* sape, *Augustinus lib. 4. Civit.* & asserunt *Patres* ac *Doctores* communiter. Et sic intelligenda quæ *Plinius*, & *Aristoteles* tradunt de Leone, & Rhinocerote de mergis, de serpentibus, crocodilo ac delphino. Unde bruta non percipiunt futura, licet instinctu naturali hoc, vel illa signa præferant, impetum naturalem sentientes, movente phantasia, unde homines imminetia futura præfagiant, ut apud eundem *Plutarchum* in *præcept. salub.* corvorum crocitantones præfagia venturorum, ac imbrum prædicunt, haud dissentiens *Ambrosio lib. de Noe cap. 17* *Chrysostomo in Act. Apost. cap. 2. hom. 5.* *Aristotele lib. 9. hist. animal. cap. 31.* Cornix præterea ex naturali aëris humidi præsentione dicitur apud *Varronem* præfaga tempestatis, apud *Æginum* vates pluviae. Quantum sit prudens analogicè formica, conice ex *Proverb. 6.*

Neque negandum est, quod sicut metaphoricè mare dicitur videre, ac fugere, terram Dei aspectum timere, cælos enarrare gloriam Dei, ita volucres cæli, bestia, & universa pecora, serpentes, & volucres pennatæ benedicere Domino, *Daniel 3. & psalm. 148.* Divina enim Sapientia ita omnia ordinate componit, ut simul opera ejus annuncient divinam omnipotentiam.

Ex quibus asserimus cum *D. Thomas 2. 2. q. 95.* ac Theologis communiter, licitum esse ex animalium motu, garritu, aut concentu præfagire futura, quæ naturaliter significant. In hoc enim superstitio, aut vanitas nulla, cum naturaliter præfignificent.

Quod verò ad Monstra, præter Gigantes, & pygmeos, qui naturaliter, ac etiam ope dæmonis produci possunt, ut post *Malvendam* tradit. *Torrebl. epit. de mag. lib. 2. cap. 31. & lib. 5. jur. spirit. cap. 6.* & nos alibi, pauca de aliis nunc dicemus, omisso *S. Scripturæ* sensu, quæ *Ecclesiast. 148.* omne quod naturæ terminos excedit, etiam miraculum, monstrum appellat; ubi de *Eliseo* sic ait: *In vita sua fecit monstra, & in morte miracula operatus est.*

Monstrum dicitur ab *Aristotele lib. 2. physic. cap. 8. & lib. 4. de gener. animal. cap. 3. & 4.* omne id, quod in natura deficit, sive in homine, sive in bruto vel volatili, aut in plantis. Quod prosequuntur. *Plinius lib. 17. cap. 22.* *Theophrastus de caus. plant. cap. 2.* *Bonavent de octimestr. lib. 3. cap. 64.* *Carrer. de loc. affect. disp. 73. cap. 1.* Natura igitur, etsi semper intendat perfectum efficere, quandoque tamen aberrat, & producit monstra, quæ tamen necesse



necessaria censetur ad varietatem, & pulchritudinem Universi.

Causæ autem plures afferuntur ab Aristotele, Averroee, Themistio, Simplicio, Galeno, aliis. Præcipuæ sunt materia, uterus, tunica & generans. Ex materia. Nam notavit Galenus *lib. de hist. philos.* monstra nascuntur, si multum fuerit semen, si parum, si divulsus, si evanidus, si inordinatus. Aristoteles sane præcipuam causam monstrorum, feminis defectum facit. Ex redundantia siquidem seminis nascuntur homines cum membris multiplicatis, ut docet Augustinus *lib. 16. de civit. cap. 8.* Lemnius *de occult. natur. lib. 1. cap. 8. & 9.* Paræus *de monstr. lib. 24. cap. 1. & seqq.* Schenchi *observat. medic. lib. 9. & Bahuius lib. 1. cap. 8.* Ex defectu autem seminis proveniunt pygmæi, nani, pumiliones. Ex morbo femine, præsertim cum menstruo retento monstra etiam oriuntur. Unde ait Aristoteles *sect. 10. probl. 60.* quod mulieres menstrua patientes, si coierint, multoties pariant bufones, lacertas, aliaque huiusmodi, quæ etiam referunt perfectorum animalium similitudinem, de quibus Jurisconsulti *in l. non sunt liberi ff. de stat. homin.* Hos partus idem Aristoteles locis allegatis nullo modo vitales judicat.

Ex utero. Nam, teste Alberto Magno, cui adscribitur *lib. de secret. mulier cap. 6.* ex defectu fœminei vasculi oritur monstruositas. Sicut enim in opere fusili, si vasculum, aut receptaculum sit obliquum, fractuosum, distortum, rimosum, similes imagines efformat, ut notavit Hippocrates *lib. de genitur. & Mercat. de affect. mulier lib. 4.*

Ex tunica, qua fœtus involvitur, monstruosus evadere potest. Ex ovis namque, duo vitella habentibus, si deficiat membrana determinans, nascitur pullus biceps, & quadrupes, ut testatur Aristoteles, & Hippocrates *ibidem*, ac Porta *in sua magia naturali.*

Ex defectu agentis principalis, vel instrumentalis, ut si vitium facultatis formatricis adsit. Et si enim à cunctis corporis partibus semen exitetur, ut simile corpus efficiat, cum tamen læsa fuerit virtus, in partes oberrat, ut notat Mercurius *lib. de homin. procreat.* An autem læsi semper ex læsis, cœci ex cœcis generentur, ut contendit Torreblanca, non est huius loci. Testatur Albertus *ibidem* ex inordinata coeuntium libidine monstruositatem consequi. Si enim, ait, masculus inordinate jaceat cum femella, monstrum facit in natura.

Si etiam fœmina sit corporis constitutione male affecta, ex pravis humoribus orientur quandoque sues, mures, serpentes, & animalium plura commixta, & monstra, ut tradunt Codronchi. *de morb. venef. lib. 2. cap. 4.* Gemma *de divinat. natur. lib. 2.* & Euseb. Nierembergii *p. 1. philos. nat. lib. 3. cap. 27.* Ex nimio quoque libidinis exercitio monstrat proveniunt. Deficiente namque feminis debita copia, conceptus mancus, atque monstruosus evadit. Si autem misceatur semen humanum cum ferino, coeunte homine cum bruto, monstra consueverunt progigni, auctore Plinio *lib. 7. cap. 2.* Aliano *lib. 1. cap. 6.* & Huarte *de exam. ingenior. cap. 21.* Ex imaginatione quoque parentum monstra prodeunt, ut per Aristotelem, Plinium, Galenum, Plutarchum, Avicennam, & D. Thomam *p. 1. 9. 82. ar. 4.* Medinam, *1. 2. 9. 9. ar. 1.* Quidquid in contrarium proferat Torreblanca, credens, à mulierculis hoc esse inventum, ut credulis maritis alienos obtrudant hæredes. At omnium temporum id

testatur experientia. Vis enim formatrix immediate concurrat, a phantasia excitata. Sicut & genitale per actiones virtualiter transeuntes, aut præcise per sympathiam.

Adscribitur etiam causa externa Cælum ipsum ex Ptolemaeo *lib. 3. astron. cap. 8. tex. 20.* quicquid etiam in contrarium dicat Torreblanca. Licet enim teste Platone *in Timeo*, hoc est de rerum creatione, omnes stellæ divinæ sint, ac bonæ, juxta tamen diversam dispositionem influunt. Unde varii effectus perfecti, ac imperfecti ex earum conjunctione, ac dispositione inferiorum proveniunt. Negare autem, ut negat Torreblanca, stellæ nullam vim habere in hæc inferiora est contra Aristotelem. D. Thomam, cæterosque philosophos de quo infra. Omittimus causas supernaturales, cum scilicet in vindictam scelerum parentum, proles monstruosa nascuntur, ut ob incestum Roberti Regis affirmat Petrus Damiani *lib. de mirac.* Et Eusebius *ibidem cap. 10.* voluit enim Deus, ut filium ex consanguinea susceperet anterino collo, & capite.

Hermaphroditos verò ait Plinius *lib. 7. cap. 3.* reperiri, & suffragatur Augustinus *16. de civit. cap. 8.* Sic dicti à Mercurio, qui Hermes, & à Venere, quæ Aphrodites appellatur. Reperunt idem Plinius *capit. 2. & D. Isidorus lib. 11. capit. 3.* apud Nasamones, illisque nationes vicinas, Androgynos reperiri alternis vicibus inter se coeuntes. In aliis verò nationibus Hermaphroditum nascuntur ex superfluitate materiæ. Vide Baldum *lib. 3. conf. 137.* & alios, à quibus diversi hermaphroditi recensentur respectu membri virilis, ac vulvæ diverfo modo constitutæ. Prodit Aristoteles *lib. de admir. audit.* aliquos utriusque sexus officia potenter obire, quoniam utraque genitalia perfecta, & distincta habent, adeo ut etiam illis dextera mamma viri, sinistra mulieris sit. Refert quoque Livius *decad. 1. lib. 3.* quod Romani inter monstra illos enumerabant, ac ita odio proquefebantur, ut in mare dejicerent. Postea tamen illos, qui virili sexu prævalebant, dignitates, & honores consequi permiserunt. Glossa & Doctores *in l. queritur ff. de Stat. homin.* ad matrimonium admittunt. Coguntur tamen ab Episcopo, ut sexum eligant quo tantum utantur, juramento præstito. Si autem sexu altero abutantur capitali pœna puniuntur, ut notat Sanchez *lib. 7. de matr. disp. 106.* Gutierrez *eod. tr. cap. 119.* Nam contra naturam committunt. Unde nequidem, mortua uxore, ac de licentia Episcopi possunt variare sexum, ut per Poncium pariter *de matr. tr. 7. cap. 65.*

Neque credendum est Huarti *loc. cit. cap. 16.* quem sequitur Torreblanca, inquit: Si acabando la naturaleza de formar a un ombre perfecto, lo quisiese convertir en muger, no tendria otro trabajo, mas que tornarle dentro los instrumentos de la generation, y hecha muger, si quisiese bolverla en varon con arojarle el utero, y los instrumentos fueran no havia mas que hazer. Ac ita credit ab anatomistis observatum. Quod tamen à veritate abhorret, ut constat ex quotidiano experimento & docet Andreas Laurentius *lib. 7. hist. anatom. cap. 8.* & nos *alibi* de mulieribus, quæ in viros eruperunt. Divus etiam Augustinus *3. de Civit. cap. 31.* & Isidorus *d. lib. 2. cap. 7.* tradunt, aves quoque reperiri utroque sexu coeuntes, ut vultures, gallinas, pavos. Nos de Hermaphoditis, tanquam de monstris hinc agimus.



Inter etiam Pisces, & aves reperiri monstra, tradit Festus lib. de lingua Latina. Non tamen omnes pisces, & aves non retinentes consuetam formam sunt statim monstra appellanda. Ut enim refert Aelianus lib. 10. cap. 18. in aquis varia genera piscium perfectorum reperiuntur, quæ monstra non sunt. In mare Trapobano reperiuntur pisces, viri ac feminae faciem præferentes, illi Tritones dicuntur, hæ Syrenæ, ac Nereidæ, quorum plures in Nilo Ægypti repositos, testatur Fulgositus lib. 1. cap. 6. Vide etiam Juliam Cæsarem Saricer in horto gent. fol.

409.

Indubium est etiam habere aves sua monstra, quæ nec homines sunt, tamen humanam vocem imitentur. Syrenæ autem, si reperiuntur, de quibus Fulgentius, mulieres quoad partem superiorem representantes, aves sunt non pisces Theophrasto, Albritio, Bocatio apud Torreblancam. Nam cantus suavis eis attributus, avium est non piscium. Gryphi etiam monstra existimantur à Phallopio, licet fabulosos esse, multi, affirmant. Habent commixtam simul naturam avis & feræ. De illis fit mentio Levitici cap. 11. & Deutoron. cap. 14. 14. Proque eodem accipitur griphus, ac struthiocamelus ex natura avis & bruti coalescens. Constat enim plumis & rostro, ac quoniam habet caput, & pedes ferinos, Plinius negat, esse avem lib. 10. cap. 1. Quod autem sit avis, plumæ ostendunt, quibus tegitur, & ova, quæ parit. Majolus quoque tom. 1. colloq. 6. alias refert aves diversarum formarum, ac sine pedibus & cum quatuor alis, quas ideo monstruosas credit Mela lib. 3. cap. 4.

Sed quid de Phœnice? Varias aves commenti sunt Græci, quorum autoritas tantum valuit apud posteros, ut de mirandis illis, quæ tradidere, fidem invenerint, etsi aves ipsæ ne in rerum quidem fuerint natura. Nam quis cordatus credat, Phœnicem esse avem singularem, quæ se ipsa igne, cum solaribus radiis, tum ventilatione alarum, accenso, comburat, ex ea in cineres versa vel saltem medulla, aut sanguine ejus effuso, nasci vermem, qui postea, alis adsumtis, & avis fiat, eaque unica, sed sua refecta morte, quia perit, ut viveret, atque ita simul sit parens, & proles. Unde & ubi par oneri prima ei cura sit, ut, si non ex cineribus, sed medulla, vel sanguine sit reformata, patrium cadaver Heliopolin in Solis aram deferat atque adleat. Hæc retulisse, prope sit refutasse.

Multa adeo incredibilia in iis se offerunt. Quid, quod illi, qui ista tradiderunt in variis ipsi dissentiant? Inter alia de vitæ spatio, ubi mira scriptorum inconstantia. Rex Æthiopiæ in sua ad Pontificem Romanum epistola, annos ei tribuit trecentos. Herodotus, Aelianus, Philostratus, Horus, Aeneas Platonius; ex Latinis Ovidius, Tacitus, Victor annos dant quingentos quadraginta. Plinius ex Manilio sexcentos sexaginta. Martialis, & Lactantius millenos. Alii, ut est apud Tacitum 1461. Chæremon Ægyptius, ut relatum Tzerzi sexennium, & septies millenos. Hæc enim satis arguunt, qui de ave ea sit sentiendum. Tantopere tamen esse hujusmodi alitem obtinuit, ut Tacitus quoque in 14. annal. licet quædam eorum, quæ superius adduximus, fabulosa arbitretur, ipsam tamen avem aliquando in Ægypto conspici non ambigat. Imo Tertullianus putavit, etiam Scripturas Phœnicis meminisse. Nam li-

bro de resurrectione illud Psalmi 91. sive 92. vertit: *Jesus, ut phœnix florebit, cum debuerit, ut palma.* Simili plane errore, ac alias in Plutarcho, sicut Mureto in variis lib. 3. tom. 12 observatum. Sane à Davide plantam signari, luculenter arguit quod ibidem subiicitur de cedro, & platano. Patres autem in concilio Aquisgranensi sub Ludovico Pio anno 830. cap. 112. ac seq. veritatem Resurrectionis Nostri Jesus Christi huic avi assimilant, de qua etiam Cyprianus in exposit. Symboli, Augustinus ad fratres in eremo ser. 18.

Sed verè hujus Avis meminit Apostolorum coartaneus Clemens Romanus epistola ad Corinthios priori, quæ pauculos ante annos prodit in lucem Patricii Junii cura. Sunt tamen qui hanc epistolam adjudicent Clementi, quia natura avis, quæ nusquam sit, illustrare ea studeat, quæ ad cælestem pertinent veritatem. Sed ex iis, quæ de Plinio, ac Tacito superius dicebamus, satis videmus, illis quibus Clemens vixit temporibus, communem fuisse eam de Phœnice opinionem.

Atqui hoc sufficit in Scripto Ecclesiastico quidem, attamen ad regulam fidei ac vitæ neutiquam pertinente. Nec enim necesse est, credamus, Clementem scisse omnia quæ facerent ad arcana naturæ. Nec id quidem credere est opus de Apostolis, licet Christus promiserat Joan 16. 13. missurum se Spiritum Sanctum, qui in omnem eos duceret veritatem. Quippe hoc restringendum ad veritatem earum, quæ ad salutis pertineant negotium. Imo ne harum quidem omnium quia Apostoli ipsi 1. Cor. 9. ex parte viderant, ac prophetarunt sed omnium, quas scire est opus alteram ad vitam consequendam. Nec credendum est, Concilium definivisse de fide Phœnicem veram alitem esse, cum hoc ad fidem non pertineat, sed exemplum adduxit ad Gentilibus comprobendam possibilem resurrectionem, quemadmodum Apostolus Act. 17. & 18. ex Aræ titulo, & Poëtæ carmine fidei veritatem persundet.

Utcunque verò Phœnix sit commentitius, ajunt tamen aliam esse alitem, in qua pleraque eorum, quæ de Phœnice referuntur, habeant locum. Sane Cardanus in 10. de subtil. cum de phœnice dixisset, esse fabulæ, quàm veritati propriorem, scribit hunc in modum: *Referunt tamen quidam in interiore India avem esse, nomine Semendam; quæ rostrum habeat triplici ordine, atque ut in elychniis undique perforatum, quæ moritura dulce canat, cygnorum exemplo, inde collectis sarmentis mox alarum accendat illa, uraturque, ex cujus cinere vermis, tum ex verme avis denuo renascatur.* Quæ his malui addere subtilem ob historia sensum, quam ob rei ipsius descripta incredibilem narrationem prætermittere. Postrema verba non obscure indicant, etiam de Semenda Cardano parum credibile videri. At non prorsus fidem abrogat Julius Cæsar Scaliger exercit. 233. ubi ait: *Phœnicem haud esse penitus fabulosum. Legimus in commentariis navigationum, in mediterraneis India reperiri. Semenda vocatur ab incolis.*

Quomodo autem liceat ex monstris, vel potentis futura prælagire, non immerito dubitatur. Nam reperiuntur plurima naturalia præsignificativa futurorum, quorum plura enumerat D. Augustinus lib. 3. de civit. cap. 31. ex historiis Gentilium. Et Valerius Maximus lib. 1. tit. integro de prodigiis plura refert, præcipue cap. 6. ut infantem semestrem in foro boario triumphum proclamasse. Xerxi quoque admirabile prodigium inter cœnam incidisse. Infusum nempe patet ejus



eius vinum, nec semel, sed iterum ac tertio in sanguinem versum esse. Qua de re consulti Magi decreverunt, ut ab incepto bello contra Lacedæmones abstinere.

At verò supponendum est, ex monstris, & portentis alias esse naturalia, alia demoniaca, alia divina. Naturalia à causis naturalibus, præter modum solitum proveniunt, ut cum ante direptionem Borbonicam, Romæ peperit mula. In bello Marisco fœmina Alcipe peperit elephantem referente Alexandro ab *Alex. dier genial lib. 2.* Alia sub anno 1278. apud Helvetios leonem. Alia Papiæ catum; Narrat Saxus, Gothicos Reges ex urso & virgine nobili originem ducere, & Joannes de Barros Pegusianos, & Sianitas, Indiæ gentes, à cane, qui cum muliere concubuerat, de quo Turriscremata *dialog. 1. horti floridi.* Non tamen omnia credenda, quæ à longinquo referuntur.

De Naftanabo, patre Alexandri Magni, aiunt in ferarum effigie concubuisse cum fœminis quibusdam, & ex semine humano revera tales fœtus produisse. At non ex fera aliqua, sed dæmones in illarum forma, assumpto semine virili, tales homines genuisse, vel feras, assumpto ferarum semine; licet etiam difficile sit, è fœmina naturaliter procreari feras, etiam emisso semine ferarum, sed suppositi sunt partus, dæmonis opera aliunde exportati. Faciliores sunt creditu alii monstrosi partus, ut fœminæ bicipites, aut mares duplices conjuncti.

Tandem portenta divina plura narrantur in Sacra Scriptura, ut *Daniel 5.* visio illa manus, scribentis in pariete *Mane, Thecel, Phares.* Et Christo moriente, visus trium horarum spatio totus terrarum orbis tenebris offusus, velum Templi scissum, lapides collisi.

Ex his recte inferimus, à monstris, quæ à causis naturalibus proveniunt, nulla plerunque accipitur legitima divinatio. Quia nullam obtinent significationem futurorum eventuum. Nam causæ naturales hujusmodi monstrorum non sunt effectivæ futurorum eventuum, maxime dum fortuiti, & casuales sunt, aut à libero arbitrio dependentes, nec sunt coeffectus. Quare vana judicanda est consuetudo Gentilium qui à monstris naturalibus futura prædicebant, ut si fœmina oriebatur biceps, seditionem futuram in populo, adulterium in domo, ubi nata esset. Si Leonem peperisset, significaret, ut ab exteris gentibus debellaretur illa civitas, in qua id evenisset.

Quod si aliquando juxta divinationem evenierit, non præsignificationi monstrorum attribuendum est, sed casui, aut dæmoni, qui eventus, quos jam futuros ex causis præcognoscebat, aut conjiciebat, monstrorum significationi adscribebantur. Servio Tullio dormienti caput arsisse, prodicit Valerius *loc. cit.* Solinus *cap. 2.* Dionysius *lib. 4.* Livius *lib. 1.* Quod fieri posse naturaliter ab igne, quem fatuum appellant, autumant Meteoristæ. Unde vane ac falsò à divinatoribus denuntiaturum fuit, fulmine interiturum.

Aliquando tamen Philosophi ex rebus naturalibus insolitis aliqua futura præsentunt, ac prædicunt, Pherecides, Pythagoræ magister, cum

vidisset haustam aquam de jugi puteo, terre motus dixit instare, fuitque divinus. Sic quoque insolitus ranarum, murium, ac reptilium ortus pestem futuram præfagire solet.

Monstra verò, aut prodigia demoniaca nullam habent significationem naturalem, præcipue circa fortuita, casualia, & libera. Nam circa fortuita, casualia, & libera nulla rerum corporaliū efficacitas reperitur, à qua dependeat naturalis significatio, Minime tamen negandum est, plura ex dæmonis significatione Magis, & Ariolus manifestata significare futura, ideoque superstitione, cumque invocatione dæmonum saltem implicita.

Ex jam dictis palam fit, aliqua prodigia, & portenta à Deo esse perpetrata ad significandum aliqua futura, quæ tamen debent tantum juxta Dei manifestationem, quoad futuros eventus, interpretationem accipere, ne in vanitates, & superstitione incidatur. Quæ prodigiorum certa interpretatio pertinet ad Ecclesiam, vel ad Dei Prophetas. Unde non licet cuilibet curiosè futuros eventus citra Dei revelationem prædicere ob periculum vanitatis, ac temeritatis prædictionum. Licet tamen ex his concionatoribus populum fidelem corrigere iram Dei imminentem proponendo ob ejus peccata. Ostenta enim, & prodigia iram Dei manifestant juxta illud Psalmi. *Dedisti metuentibus te significationem, ut fugiant à facie arcus & Joëlis 2. Dabo prodigia in celo,* ut sæpe evenisse referunt Livius *lib. 1. decad. 2.* Dionysius *Halicarn. lib. 4.* Solinus *cap. 10.* Josephus *lib. 7. de bel. Jud. cap. 7.* Plinius *lib. 7. cap. 18.* D. Augustinus *lib. 21. de civit. cap. 14.* Medina *lib. 2. de rella in Deum fide cap. 2.* Franciscus Picus *lib. 6. pranot. cap. 6.* Valer. Maximus *lib. 6. cap. 6.* Sic ante excidium Hierosolymitanum armorum sonitus in aëre auditus, equites inter se præliantes viis, voce audita, umbræ inspectæ, quæ ruinam prædixerunt, ut refert Josephus *ibidem lib. 6.* Apollonius *lib. 6. de excid. Hierosol.* Joannes Salsberientis *lib. 2.* Polycrates *cap. 4.* Belenger *lib. 5. de prodig. cap. 23.* Machabæorum item *3. cap. 5.* habetur per aëra equites visos discurrere, auratas stolas habentes, & hastis quasi cohortes armatas, & cursus equorum, de quo idem Josephus, & Aegesippus *de eodem excidio lib. 5.* Quod & sæpe alias evenit, ut ante bellum civile Augusti & Antonii, teste Virgilio *Georgic.* Vide alia in Diodoro Siculo *lib. 3. bibliorb. Delatorre in præled. diss. 3. tom. 2. 9. 95.* Augustinum Niphum *lib. 1. meteor. cap. 84.*

Neque est dissentanea hæc doctrina à superioribus dictis. Sicut enim solent prædicta disponi à Deo ad etiam atque etiam homines docendum, & commonefaciendum, ita à dæmone ad illos decipiendum. Imò & naturaliter aliqua eveniunt, ut dictum est, absque ulla significatione. Narrat Ælianus *lib. 10. cap. 18.* Leonum, arietum, pantherarum, equorum effigies in piscibus in Tapobranæ mari conspici. Quod recte declarat Majolus *colloquio 4.* his verbis: Ego verò pleraque vel à Deo ipso, vel à Sanctis Angelis confici, conformarique existimo, qui amore generis humani, & faciem



ciem eventorum, his imaginibus delineatam nobis contuendam proponunt, non ut prævideamus, quod subterfugere, aut elabi nullo modo possimus, sed ut his admoniti, & de nostris cogitemus peccatis, & magnitudinem periculorum metiamur animis, & admonitiones, ac consolationes editas divinitus recogitemus memoria.

Idem dicendum de simulacris sudantibus, quemadmodum ante Leuctricam cladem, referente Tullio lib. 1. de divinat. Herculis simulacrum multo sudore manavit. Quod evenire solitum, cum quid mali imminet, tradit Apollonius lib. 4. Imo quandoque non tantum sudare sed & lacrymare, ac gemere visa sunt in alicuius mali signum, etli, docente Plutarcho in vita Coriolani, & Eusebio p. 2. curiosa philosoph. lib. 4. cap. 57. ex aere ambiente, vel alia causa naturali, non solum lacrymas, sed etiam sudorem sanguineum simulacra emittere possint; Semper tamen, aut plerumque id provenit à causa spirituali, divina nempe, vel demoniaca in alicuius ingentis mali indicium, ut ante bellum Actiacum statua Marci Antonij, & ante bellum Mutinense simulacrum Minervæ sanguinem exsudasse scribunt Dio Cassius lib. 7. & Appianus lib. 4. Civil. Vnde ebur lacrymare inter dira prodigia numerabatur. Aliquando etiam phantasmata sunt ostensa, quæ cladem, vellentem prædicere, ut ante Cæsaris obitum Ovidius lib. 15. metamorph.

*Umbraeque silentium*

*Erravisse ferunt.*

Ante bellum civile Lucanus lib. 1. Pharsal.

*Venientes cominus umbra.*

Que squalida, & pallentia apparuisse ait, Lucræti. Sed quadam simulacra modis pallentia miris, quem imitatus est Virgilius

*Simulachra modis pallentia miris.*

Possunt etiam evenire meteorologicè, ac etiam divinitus, apparitiones multiplicati Solis. Meteorologicè quidem apud Titelmanum in compendio naturalis philosophiæ cap. 11. idque absque ulla miraculi ratione. Et testatur Plinius lib. 2. cap. 31. ac Surius anno 1514. aliique plures. Imo Torreblanca lib. 1. epit. cap. 5. refert, in Hispania eadem Sacratissima nocte Nativitatis Salvatoris tres soles apparuisse, quod ipse miraculo adscribit. Quoniam, ait, Hispania fuit melior portio hereditatis datæ Christo Domino à Patre æterno psal. 2. *Posula à me, & dabo tibi gentes hereditatem tuam, & possessionem tuam terminos terra.* Hispania, inquit, terrarum terminus est appellata, eo quod in ea Orbis termini constituti essent. Hæc Torreblanca, nescio, an ambitiose, an magnificè, an temerè. Contenditque ex eodem Titelmano fuisse meteorologicos ex naturali ad parelii meteorologici impressionem potestatem. Ad Lunam etiam per parelia dari, licet Aristoteles id non dixerit, probavit Plinius lib. 2. cap. 32. refragatur Niphus, Pontanus tamen in suis meteor. Parelia prope solem fieri dicit, quando plures nubes ita collocantur, ut imago Solis ad Lunam perducta, aliam imaginem in aliam nubem imprimat & hæc rursus in aliam, & sic plures soles simul videntur, & dicuntur, signa tempestatis, de quo Aristoteles, Averroes, Amodæus Philoponus, & Conimbricenses in meteor. Testaturque Zonaras tom. 2. cap. 31. tres conspectos Romæ, de quibusdam aliis in Bosphoro Dionysius lib. 47. docetque Seneca lib. 1. natural. quest. cap. 11. tot posse apparere soles, quot nubes fuerint aptæ ad exhibendam illius imaginem.

Divinitus etiam, ut legitur evenisse in vita B. Ambrosij Sanalonij ad ejus ortum, D. Thomæ, & B. Jacobi de Bevania. Sicut & dum idem Ambro-

Tom. I.

sus concionaretur, flammei ex oculis splendores visi, & luminis divini radij ex ejus capite cælitus affulgentes, ut haberetur in ejus lectionibus. Et tamen etiam ad Marci Tullij pueri præsentiam ignis apparuit, qui forsitan fuit ignis lambens. Pariter & terræmotus aliquando divini sunt, ut in morte Christi; nonnunquam naturales, plerumque verò iræ divinæ signa prædicantur, saltem minacia, ut tradit Hieronymus super Isaia cap. 7. Vnde Evagrius lib. 2. cap. 12. ait sub Leone Imperatore terræmotus mirum in modum Antiochiam concussit, quo tempore multi è populo insanierunt qui omnem belluinam feritatem induentes, prælagium futuræ calamitatis præbuerunt. Sic & maris exundatio divinam iram denunciat, cum Deus mari posuit terminus suos. Pl. 31. & 103.

Prodit Paulus Diaconus lib. 10. cap. 1. maris inundatio in Sicilia, qua plures insulæ sunt absorptæ ob populorum peccata. In Juliani morte tot sceleribus scædata, egressa sunt maria terminos suos apud Epidaurios, de quo Hieronymus in vita S. Hilarionis. Teste correblanca mare vomuit ignem, gelu duravit in vindictam peccatorum. Mons Vesuvius iram Dei denuncians, populorum penitentia placatur.

Magni terræ hiatus, quibus aliquando absorbentur urbes, plerumque in ultionem persequentium viros Ecclesiasticos, & inobedientium Ecclesiasticis Prælati, decreto, ac imperio divino eveniunt. Id accidit Antiochiæ sub Theodosio, & Romæ sub Alarico, ut refert Nicephorus lib. 13. cap. 46. Sicut ad Dei vindicationem terræ deglutivit Dathan, & Abiron ob denegatam Moyfi potestatem Num. 6. Jeroboamo manus arida reddita fuit 3. Reg. 13. & Valentinianus Imperator Martinum Episcopum ad se adventantem dedignatus honorificè excipere, coactus tandem ad ejus pedes humiliter, ac reverenter accurrat, veniamque deprecatur, ab igne divinitus exsella, in qua sedebat, excusso.

Romæ sub eodem Alarico maritimi fluctus perinde ac campi plurimum igne exardescere visi sunt, in signum, norante Nicephoro lib. 17. cap. 36. indignati Numinis ob Joannem Chrysostomum tyrannica potestate in exilium dejectum. Ob nefarium scelus divinus ignis absumsit Sodomam & Gomorram Genes 19. Inter signa quoque ac portenta divinæ ultionis enumerantur aquæ maris, fluminis, putei sanguinæ, ut obstinato Pharaoni Exod. cap. 7. simile tradit Livius lib. 27. Claudianus lib. 1. in Eutrop. & Ovidius 5. metamorph.

Quando etiam mare præter consuetum fervet præfertim cum sonitu, aut fragore, divinam iram indicat. Unde id à Christo affertur, ut signum universalis judicii, Lucæ 21. Et si enim maris accessus, ac recessus ex Lunæ motu simul cum primo mobili divina providentia circumvectis proveniant, docente Prolemæo lib. 2. cap. 22. Strabone de sit. orbis lib. 3. D. Ambrosio lib. 4. Examer. cap. 7. & D. Thoma 2. sent. qu. 1. ar. 5. si tamen in excessu contingit tumor marium, quo extra tempus solitum fremant, Dei vindicta portenditur, cum id ex ordine non accidat, sed ex ventorum insultibus in mare latentium. Unde Lucanus lib. 6. & Fracastorius lib. 1. inter prodigia id commemorat, licet non semper, sed minus sæpe miraculo sit adscribendum. Suapte natura enim evenire solet absque miraculo.

Eclipsis item Solis, & Lunæ naturalis est, ut probant Astronomi, & tamen in morte Christi accidit apud omnes in signum calamitatis Judæorum, ut notavit Chrysostomus, Theophylactus & Hieronymus in Matth. 27. ac D. Thomas 3. p. q. 44. ar. 2. Eclipsis etenim

E e



etenim universalis naturaliter evenire non potest. Cum nempe eveniat ex interpositione Lunaris globi qui longè minor est Sole, nequit universum ejus lux impediri, sed tantum prodigiosè, ac virtute Dei, ut probant Conimbricenses *libro 2. capite 6.* Unde cum in Christi morte tenebræ factæ sint super universam terram, id miraculo accidit, ut observavit Dionysius Areopagita *epistol. ad Polycarpum.* Idemque dicendum, cum ante Augusti mortem totus Sol defecerit, & cælum latè ardere visum, ut scribit Nicephorus *libro primo, capite 17.* Sic & sub Pharaone, Moyse operante divinitus, ut habetur Exodi *capite decimo,* & sub Alarico ita ingens extitit Solis deliquium, ut media die stellæ clarè inspicerentur, eodem Nicephoro scribente *lib. 13. capite 36.* Idipsum accidit Scipione adversus Annibalem propè Carthaginem pugnante, ac vincente, ut prodit Zonaras *tomo secundo.* Sicque inter prodigia id enumerari debet, quibus Deus homines ad commovendum utitur. Pestis quoque ex subterraneis exhalationibus sæpè exoritur, cujus contagio inficitur aër proximus, indeque tota regio, de qua Seneca *libro sexto natur. quest. cap. 28.* Eadem à Deo, regnante Davide, in pœnam peccati immissa.

De Cometa autem, sive de sydere crinito, raro mundi spectaculo, variae sunt sententiæ; eas leges apud Conimbricenses, Claramontium, Keplerum, Albertum, Plinium, Senecam, Aristotelem, Ptolemaeum, Albumazarem, alios. Sunt ex Astrologis, suppresso nomine relatis à D. Bonaventura *in 2. d. 14. questione ultima* qui asserant, cometas physicè exitium summis Potestatibus portendere, quod derisit Vespasianus. Dum enim graviter infirmaretur, quibusdam de Comete inter se colloquentibus dixit, non mihi, sed Regi Parthorum mortem portendit. Ille namque comatus est, ego sum calvus.

Dicendum tamen est. Cometæ naturaliter sunt signa sterilitatis, famis, pestis. Nam exhalationum copia producit magnos, & parvos ignes diversimodè configuratos secundum ipsarum diversam formam, ut modò conspiciantur flammæ, modò columnæ, modò lanceæ, modò stellæ palantes. Ex quo sequantur siccitates, venti, sterilitates, famæ, quia ex magna Solis, ac stellarum calefactione multa exhalationum copia ascendit, succus terræ consumitur, sicque sterilefcit. Solentque bella significare ob multitudinem siccae & calidae exhalationis, quæ coleram excitat, nutritque, & ad iram, atque vindictam concitat. Exhalatio quoque illa crassa, ac viscosa, nimiumque calida reddit aërem venenatum, qui attractus humores corrumpit, ac intemperiem, vel epidemiam, aut alios morbos generat. Si verò hæc exhalatio liberè à terra ad aërem ascendat, magna illius pars relinquitur in media, & infima regione aëris à qua gignuntur venti. Si autem liberum exitum à terra non habet illam concurrit, terræ motusque excitantur. Ob siccitatem & calorem mortem minatur iis, qui biliosa & ardentiori sunt corporis constitutione, ut plerumque sunt Principes propter choleram non coercitam.

Sæpè verò Cometæ supernaturaliter eveniunt ad præsignificandum mortem Principum, vel imminentem Reipublicæ calamitatem, ut resipiscant. Ideoque inspicitur versus illam partem comam diffundere, cui minantur, ut notat D. Bonaventura loco citato ex Damasceno *libro tertio de fide orthodoxa capite septimo.* Et profectò si Cometæ visuntur in octava sphaera, credendum est, divinitus accidere. Anno, quo Philippus Secundus Hispaniarum Rex supremum diem obiit, Cometæ ef-

fulsit in Septentrione propè plaustrum, splendida, densaque cauda. Anno 1490. Cometæ circa initium Arietis visus, & proximo anno Innocentius Pontifex Maximus moritur, & Alphonsus Lusitanæ Rex, equo delapsus in florenti ætate absque liberis mortalitatem explevit. Anno 1558. die 17. Augusti Cometæ apparuit in parte occidentali ad secundam Virginis faciem lugubri vultu, nempe Saturniæ naturæ, & proximo Septembri die 19. Augustissimus Carolus Quintus extremum vitæ spiritum edidit. Anno 1618. duo Cometæ visi in Hispania, quos sequuta est magna pestis in illa regione, & anno 1621. Philippus Tertius, Hispaniarum Monarcha, Paulus Quintus Pontifex Summus, Dux magnus Hetruriæ, aliique Principes vitam finire. Belli, fuerunt ac pacis vicissitudines, mutationes, damna Rerumpublicarum. Contra. Plinius lib. 2. *Cometes in uno,* inquit, *totius Orbis loco colitur in templo Roma, admodum faustus Divo Augusto judicatus ab ipso, qui incipiente eo apparuit ludis, quos faciebat Veneri genitrici non multo post obitum patris Caesaris, in collegio ab eo instituto.* Hæc Plinius. Cometæ hic natalem Christi Salvatoris prænuñciasse creditur. Verè Tacitus *annal. 14. Cometæ effulsit, de quo vulgò opinio est, tanquam mutationem Regni portendat.*

De Iride, sive de Arcu cælesti, hic Genes. 9. à Deo constitutus fuit in signum fœderis cum humano genere, ad certiores faciendum homines, quod in posterum non erit amplius terrarum omnium eluvio. Non tamen defuerunt postea peculiare Cataclysmi. Unde quidam crediderunt esse opus divinæ potentiae. Chrysostomus *homil. 28. in Genesim* diluvium appellat miraculum, refertque Carthusianus hoc ipsum sensitse Alcuinum, dicentem, nunquam fuisse Arcum ante diluvium, sed postea, dicente Scriptura: Ponam arcum meum in nubibus Cæli.

Communiter igitur asserunt Philosophi, ac Theologi, Iridem esse opus naturale à Deo institutum in signum suæ misericordiae quod scilicet mundus universus non sit obruendus diluvio, sicut tempore Noë. Addimusque cum D. Thoma *quodlib. 3. art. 30. Cajetano in d. cap. 9. Genesim ac Delatorre in citata disp. 95. articulo quinto, disputatione tertia contra Pererium, Aversam, & nonnullos alios,* Iridem esse signum naturale diluvii universalis in propinquo non futuri. Nam Iris non generatur, quando Cælum est densissimis nubibus obductum, sed dum Sol irradiat nubes minus densas, & humiditas, quas roridas appellamus. Diluvium autem importat pluviae ac imbrium copiam. Ideoque docent Philosophi Iridem significare serenitatem. Illa autem evanescente, potest in aere congregari materia diluvii, sed quia naturaliter id brevi tempore fieri nequit, ideo, licet Iris, absolute loquendo, non significet naturaliter, nunquam diluvium futurum, est tamen signum naturale non futuri in propinquo, ac proinde supernaturaliter tantum significat; non amplius futurum diluvium universale ex institutione Dei, ex cujus potentia potest fieri permanente Iride, ejusque causa. Unde, supposita Dei promissione, quod nempe Iris apparitura sit crebro in omnibus futuris generationibus, illa erit signum naturale, nunquam futurum diluvii per causas naturales.



CONSULTATIO LXXXVIII.

*An & quatenus licita sit Prænotio agricolarum, pastorum, nautarum? Vbi fusiùs de prænotione decretoria Medicorum, Chirurgorum, aliorum-ve, ac Torreblanca iudicium exploditur.*

**S**ixtus V. in sua Constitutione adversus Astrologos approbat Præfagia nautarum, agricolarum, ac medicorum, utpote naturalia: Hæc autem prænotio attenditur secundum causas naturales, tum cœlestes prout sub tali cursu, vel situ existunt, tum sublunares, ut tradunt Aristoteles, Seneca, & alij. Rustica dicitur prænotio, quæ nulla arte, sed experientijs tantum constar, quæ omnium sunt certissimæ, & ad præfagiendum apprimè idoneæ, ut docet Franciscus Picus lib. 1. prænot. cap. 3. & alibi. Unde Columella monet agricolas, & pastores attendere peculiariter syderum cursus, ac mutationes, quæ tempestatem ac serenitatem inducunt. Pensanda est etiam ex Plinio lib. 18. cap. 27. sympathia quædam quæ inferiora habent cum Sole, Luna, & stellis, quemadmodum heliotropium, ac lupinum cum Sole, magnes erga Septentrionem, quod ideo utuntur nautæ, qui ex eo didicerunt per Oceanum navigare, teste Solorzano de jure Indiar. lib. 1. cap. 11.

Præterea nautæ ex maris tumore, atque agitatione, præcipuè in fretis, tempestatem proximam præfagiunt. Cum enim aquis minus liber remaneat fluxus, vehementius concitantur. Ideoque dictum est fretum à similitudine ferventis aquæ quod in fretum sæpe concurrat æstus, atque effervescat. Quare effervescente, tumenteque statim unda, tempestas imminet, signum quod venti latent, ut tradit Plinius eodem libro cap. 35. confirmatque Tullius lib. 1. de natur. Deor. Sunt & illic, ait Seneca lib. 3. natur. quæst. cap. 16. specus valti, ingentes recessus, ac spatia, suspensis hinc inde montibus, Saxa sunt, abrupti in infinitum hiatus, qui sæpe illapas urbes receperunt, & ingentem in alto ruinam condidere. Hæc spiritu plena sunt, qui modò huc collisus, modò illuc repercussus mare exagitat. Lege Aratum in prognostic.

Agricolæ autem ex ipsis arboribus & plantis temporum mutationes præfagiunt, ut ex fici ac mori foliis, & ex floribus amygdalinis, atque similibus, proximum verem. Amygdalarum copia indicat fertilitatem anni, affluentiam annonæ ex Virgilio I. Georg. Rosæ, aut violæ sub autumnino iterum pullulantes luem pronunciant apud Plinium lib. 3. cap. 26. Fructus quoque arborum præcoces apud eundem lib. 15. cap. 12. anni fertilitatem significant, serotini temporis calamitatem.

Experimentis etiam acusu rerum comprobatur, inferiora ex naturali cœli cursu dependere, docemurque ex divino oraculo Matth. 16. facies cœli, solis, Lunæ, ac Syderum certissima esse signa serenitatis, ac tempestatis. Vespere, ait, factò dicitis, serenum erit. Rubicundum est enim cœlum. Hodie tempestas erit; rutilat enim triste cœlum. Rationem reddunt Meteorici, & Barrada in concord. evangel. 10. 3. cap. 6. Bulenger. lib. 1. divin. cap. 4. quia, dum nubes sole obliquo, & in occidentelito, non sunt opacæ, ac densæ, penetrantur lumine, ex quo rubent; estque signum deesse apparatus tempestatis. Contra, si sint densæ, à Solis radijs percussæ

Tom. 1.

nigredinem præferunt, ideoque tempestatem porrendunt. Cum autem sole Oriente aer est nebulosus, plerumque ad primum Orientis solis occursum disperguntur nubes, quæ tamen si sunt densæ, non dissipantur, sed excepti per eas radij solis videntur rutilare; quod est signum tempestatis.

Lunæ quoque sua non desunt prognostica. Si enim, quando renascitur, fuerit cornu obscuro, imbres indicat; si rubro ventos; si puro serenitatem. Si nigra, pallida, crassa, index est hyemis, ac pluviae de quibus Varro, Aratus, Vegetius, Columella, Plutarchus, Plinius, Ptolemæus, Seneca, Virgilius 1. ibidem. Si autem Luna pura fuerit quarta die à suo coitu, cornibus obtusis, sed clarè micantibus, non tantum illa die quarta, sed omnibus aliis usque ad finem expers erit imbrium, qui per obscuritatem indicantur.

Verum Astrologi observant potius quintam diem quia Luna cum Sole congressa in Cancro signo qui est eius domus, per cœlum evecta, quinto die accedit ad Leonem, qui est magni mœoris inter cœtera signa Zodiaci. Hispani etiam quintum diem observant. Aratus ex quarto & quinto prognosticon facit, juxta illud: quarta & quinta qualis, tota Luna talis. Quartum & octavum, ac plenilunium signum credit Theophrastus. Sextum ex vulgi opinione. Quartum Aegyptij. Lunæ autem nitor indicare serenitatem, ait Virgilius loc cit.

*Nam neque tunc stellis acies obsusa videtur,  
Nec fratris radijs obnoxiam surgere lunam.*

Id est, dum talis cœli splendor præfulget, à nulla impeditur nubecula, & idcirco serenitas indicatur.

Nec mirum. Nam, ut docet Aristoteles 1. meteor. cap. 2. necesse est, mundum hunc inferiorem superioribus lationibus esse contiguum, ut omnis ejus virtus inde gubernetur. Omnia siquidem sublunaria à celestibus de fluviis pendent, ut à causa communi universali ex eodem Aristotele lib. 2. de gener. tex. 15. Unde possunt ex illis prænosci terræ fertilitates, æris temperies, morbi, salus, annonæ pretium, anni eventus, & similia, nisi supputatio, vel instrumentum fallat, & non necessario, sed contingenter etiam de ijs prædicant, cum ex indispositione inferiorum impediri possint cœlestes constitutiones. Vnde hanc Astrologiam naturalem, ac divinam apertè commendat D. Thomas 1. p. q. 115. & 3. contra. Gent. cap. 80. & 2. sent. d. 15. q. 1. ar. 2. Averroes lib. 2. de Caelo com. 42. Albertus lib. 1. meteor. cap. 12. Paulus Venerus in compend. mund. cap. 22. Amadeus lib. 2. de Caelo q. 1. art. 2. Philopon. lib. 1. meteor. cap. 4. Ioannes Picus lib. 3. in astrol. cap. 3. Franciscus Picus lib. 3. prænot. cap. 2. Anton. Mirandulanus lib. 22. singul. certam. Scaliger in Cardanum exerc. 18. & 75.

Rustica faminarum prognostica sunt, cum scintillat oleum in lucerna, & fungos lumen ejus excitat. Scintillat quidem, ut ait Aristoteles, non tamen ut favilla cum fumo egrediens. Causam affert Victorius lib. 33. var. cap. 21. Plutarchus lib. de caus. cap. 18. Bulengerus de divin. lib. 1. cap. 5. quia scilicet ex aeris humidi crassitudine resident excrementa ista in lucernis. Qui plura de hisce ac similibus desiderat, adeat Aurores citatos. & Vvimpnam lib. de signis.

Quod verò ad prænotionem decretoriam medicorum præter pauca antea dicta, tenendum est contra Galenum, Rosenum, alios. Luna non est totalis causa criticorum dierum. Id tradunt Joannes Picus, Apopenfis, Cardanus, Manardus, Fracastorius Laurentius & communiter Astrologi, reclamantibus, Hermeticis omnibus, ac ipso Torreblanca, qui alios refert. Probat. Quia crisis est motus humorum, natura secernente humores noxios à salutaribus, illosque ad excretionem

E c 2 præ



præparante. Luna autem id ex se sola præstare requirit. Nam vel motum hunc faceret ex se, vel ex alio. Neutrum autem dicendum est. Quoniam si ex se, non magis septima die moveret quam octava. Quæ enim primo, ac per se insunt, semper insunt. Neque ex alio, ut oppositione, & quadratura. Quia tunc solum moveret, cum in illo aspectu, aut loco reperiretur. At contrarium experimur. Hodie namque incipit infirmari Petrus, cras Ioannes, uterque septimo judicabitur, cum tamen in eodem aspectu Luna non reperiatur. Confirmatur ex eodem Galeno *cap. 7. de diebus decretoriis*, testante se quadringentos homines acuto morbo oppressos ætate unico septimo die perfectè judicari inspexisse, cum tamen in diversis diebus, & aspectibus cœperint decumbere.

Neque à numeris oritur distinctio dierum criticorum. Est contra Pythagoricos. Quantitas siquidem apud Philosophos nullam agendi vim habet. Numerus autem est quantitas discreta. Ipseque *loc. cit.* ait, omnia, quæ de numerorum viribus Arithmetici nugantur, tam facile absurda esse deprehenduntur, ut mirari mihi sæpe subeat, an sic Pythagoras ille simul & prudens fuerit, & simul numeros tanta posse existimaverit.

Si etenim numerus per se vim obtineret decernendi, acuti morbi semper diebus imparibus judicarentur, nunquam paribus; Omnis enim par numerus femina est, impar verò masculus; acutorum ideo crises in imparibus fierent. At sæpe paribus judicantur & tum quia crisis motus est. Definitor enim mutatio subita ad salutem, vel ad mortem. Sed mutationes non à numeris proveniunt. Accidit quidem certis numeris, aut in numeratis dierum intervallis mutatio, quia motus omnis tempore perficitur. Definitor autem tempus ab Aristotele *4. physic.* numerus, motus secundum prius, & posterius. Atqui numerus, quatenus numerus, nec agit in naturalia corpora, nec illa immutat. Ideo recte Plinius *lib. 7. hist. nat. cap. 40.* contra numerorum vanitatem exclamat: Heu vana, & imprudens diligentia! Numerus dierum computatur, ubi quaritur pondus, alius de alio judicat dies, & tamen supremus de omnibus; ideoque nullis credendum est. Quid, quod bona malis paria non sunt etiam pari numero?

Et tum quia quod est multa simpliciter, non est unum simpliciter, & communiter, nec unum est per se. Numerus autem est plura simpliciter apud Aristotelem *lib. 1. physic. cap. 7.* ubi ait, numerum esse una plura, & *10. metaph.* numerum inquit, esse multa una. Ex duobus enim nunquam fit unum per se, nisi illa ad invicem uniantur unitate continuitatis, vel intensionis, aut unum sit forma alterius. Sed unitates, ex quibus coalescit numerus, neque adunantur inter se in aliquo uno continuo, neque una unitas vere forma est aliarum. Non ergo est ens per se. Etenim si ex substantiarum unitatibus non fit unum per se, neque ex unitatibus quantitarum unum per se resultabit. Denique numerus, ut sic, ex unitatibus constat, quæ sunt negationes, seu privationes, atque adeo ens rationis; vel non entia. Unitas quippe omnis est quædam indivisio.

Falsa itidem est Astrologorum opinio, qui causas salutis, & lethalis criseos adscribunt beneficiis, & maleficis Planetis. Non ideo negamus, ab astris, præcipuè sole, omnia sublunaria dependere, tanquam à causa universali medijs causis particularibus efficientibus, materialibus, & juxta illarum dispositionem oriri effectum, ut ex D. Thoma *1. p. quest. 115. ar. 3.* & Aristotele, atque ex alijs dictum est.

Et licet dissentire videantur Picus *adversus Astrologos*, Torreblanca *lib. 7. cap. 2.* & Andreas Laurentius *de crisib. lib. 3. cap. 6.* dicens, nunquam è cælo, sed à materia elementari cum vitio proprio, nunquam inferiorum corporum tumultus à cælo sunt, sed à materiæ moribus inordinatis, cælestis harmoniæ non obsequentibus. Et rursus. Quæcunque in sublunari regione contingunt mala, tumultuantis potius, & deficientis materiæ opera sunt, quam benigni Cæli. In cælesti illa harmonia, quæ ex luminum omnium conspiratione resultat, omnia perpetuo consonant per eam nihil in sublunari mundo unquam dissonat. Quod si asperum, & discors quidpiam audiatur, id ad cæli tactum referri non debet, sed ad quatuor istas sublunaris cytharæ chordas. Ideo ex Hippocrate *in epit.* furor est, benignam cæli virtutem maleficii accusare, nec defectu naturæ morborum medicatrice apud Hippocratem hæc eveniunt. Non fiunt, ait Philosophus, monstra facultatis informantis errore, sed materiæ solius, quæ qualitate, aut quantitate peccat vitio.

Attamen idem Laurentius *in fine cap. 8. ejusdem libri* ipseque Torreblanca, experientia tum edocti, tum victi consensum præbent doctrinæ communi de influxu cælesti in hæc inferiora, dum Lunæ maximas in hæc inferiora vires non negat, sed quicquid præstat, id lumini tantum, & motui referendum putat. Etsi nec videatur in subsequentiis attribuere virtutem per se cælis, dum ait, quod crescentis Lunæ tempus plantationis sit opportunum, hoc ideo contingit, quia largiora semina humore cibata velocius adolefcunt, decrescentis verò lunæ tempus cædendis arboribus ideo est commodum, quia tunc luna siccior. Et *citato cap. 6.* ait: Astra quidem omnia lucida sunt, & ideo calefacere, necesse est. Lux quippe omnis apud Philosophos calefacit. Syderum omnium una est, eademque lucis origo. Nam ex D. Thoma *dec. 4.* secundum constellationes, ac Lunæ mutationem sublunaria eveniunt; ideo dæmones possunt effectus præstantissimos agere sub certis constellationibus, etiam gigantes generando. Quinimo dicimus particulares virtutes inesse stellis, & planetis, ut Saturno refrigerandi. Neque est inconveniens, ut causet Laurentius, multiplicem virtutem in eodem subjecto homogeneo reperiri, ut sol indurat lutum, liquefacit ceram.

Neque hoc est favere Astrologiæ judiciariæ, ut existimat Picus, sed causam adæquatam stellas statuere ita, quod per illas tantum Genethliaci contendunt judicare de singulis futuris. Quod reprobamus. Credunt enim quemlibet Planetam esse autorem alicujus infirmitatis, ut Saturnum quartanarum febrium, lepræ, canceri, strumarum, melancholiæ, hæmorrhoidis. Jovem cephalalgæ sanguineæ, apoplexiæ, febris ephemeris. Venerem morbi gallici, priapismi, gonorrhææ. Et sic de alijs. Inno non tantum Planetis, sed & signis singulis Zodiaci, quibus Græcia numeros, & nomina fecit, morbos diversos adscribunt, & cum Abrahamo Abenazar septem esse mundi gubernatores, per cælos, tanquam per instrumenta oberantes, coacervatis stellarum omnium influentijs comminiscuntur. Nam videmus quotidie diversos exitus in morbis simul inceptis, & sub eadem constellatione ob diversum humorem, ac diversam dispositionem, & constitutionem subiecti, ut alij sint senes, alij juvenes. Sanguinei alij, alij melancholici in aliquibus abundat humor, in alijs minime. Quare narrat Cornarius *libel. de diata*, quod confirmat



Leſſius in libello ejusdem argumenti, multos ex suis consanguineis pluries morbo correptos ob æris intemperiem, nunquam ipsum, quia non abundabat humoribus ob dictam continuam duodecim unciarum cibi, & quatuordecim potus. Unde ambo fermè ad centenarium pervenerunt, cum tamen trigesimo quinto, postquam inceperunt diætam observare, malam corporis constitutionem haberent.

Minus etiam humori melancholico tantum, eo quod moveatur quarta qualibet die, Crisis adscribenda est, ut adstruit Fracastorius. Nam illius dicendi modus, experimento, ac rationi, quibus dies critici inventi fuerunt, adversatur. Non enim Heraclides, Hippocrates, Archigenes, Philotimus, Galenus, aliique medici unquam observarunt decimum diem, decimum-seximum, & decimum-nonum inter verè decretorios, ac primi ordinis reperiri; neque octavum, & decimum-quartum, nec ejusdem esse ordinis quisquam expertus est. Nec quisquam veterum vigesimum-sekundum, & vigesimum-octavum decernere unquam voluit. Enimverò in tertiana febre sola bilis putrescit; in quotidiana sola pituita; in quartana solus melancholicus humor. Accenduntur quidem omnes, si eorum alter flammam conceperit, sed solus humor qui paroxysmum generat, putrescit; alioquin spuriae essent omnes intermittentes, nulla unquam exquisita tertiana. Non unus igitur humor putrescere potest, quin & alii omnes eandem statim contrahant labem, ut censet Fracastorius, sic omnium intermittentium, & paroxysmorum naturam funditus evertens. Quod si humoris melancholici coctio semper requireretur, nunquam die tertio crisis accideret. Quia melancholicus humor quarto duntaxat die agitur. At sæpè tertio die judicantur infirmitates extremæ peracutæ & tertius dies primus intercidentium recensetur à Medicis universis.

Dicendum itaque est. Criticorum dierum causa materialis sunt humores, efficiens universalis cælum, præcipuè Luna, particularis natura, vel virtus, aut calor insitus. Id docet Rosſenus agens de climactericis in hæc verba: *Præterea quemadmodum dies decretorii naturam hominis, insitumque calorem pro agente causa interna habent, pro materiali humores, qui morbos progignunt, pro externa agente causa ambientis temperiem, ac mutationem, ad principium morbi relatum, ac demum Lunam, illius mutationis causam, ita & climacterici anni, & mutationes, quæ in illis sunt easdem quoque causas habent. Item sicut septenarii dies maxime potentes sunt in morbis judicandis, ita & septimi quique anni in judicanda hominis vita, maximam vim habent. Insuper sicut dies decretorii per quaterniones progrediuntur, ut merito scripsit Hippocrates, auctos morbos per quatuor, aut viginti terminari, ita & anni climacterici. In climactericis fit tantum progressus in primis septenariis. Quia in his natura magis valens, potens, ac mobilis est, & semper per septenarios sejunctos, ac integros fit computatio. In diebus verò criticis aliquando septimana integra non accipiuntur.*

Id autem patet, quia quod tardior sit, aut celerior crisis, hoc partim humori, partim nature patientis, vel calori efficienti cause tribuendum est; sicut quod nunc pari, nunc impari die eveniat crisis, ad humorem tantum peculiariter refertur. Quod autem septenariis duntaxat perfectæ & salutare crises compleantur, id efficienti, non materiali tantum concedimus. Nam celeritas, & tarditas criseos materie dispositionem, & efficientis efficaciam comitantur. Humor siquidem si temperamento est calidus, substantia tenuis, & qualitate benignus, facilius à natura donatur, citius coquitur, & excernitur. Si crassus, frigidus, & coctusmax, difficilior.

At hæc sic probè constitutis objicit Torreblan-

Tom. I.

ca, quod sit absurdum Planetas maleficos existimare. Ut enim ait Plato in Timæo, omnes stellæ divinæ sunt ac bonæ, nec quicquam faciunt mali, nec ulla malefica est. Cumque omnia sydera plena sint cœlestis sapientiæ, malitia ex dementia oriatur, quomodo convenit dicere maleficas esse stellæ? Nam si in corporibus cœlestibus aliqua esset malitia, vel astra aliqua maligna qualitate essent prædita, necessariò corrumperebantur. Quod erroneum est ex Aristotele libro nono metaph. capite decimo. Non igitur quidquam in his, quæ perpetua sunt, malum est, neque error, neque corruptio. Etenim corruptio de malis est. Unde Averroës in com. 19. impossibile, ait, est creditu, quod Astronomi dicunt stellæ quasdam fortunatas esse, quasdam infelices. Nam cum Astra, sive sydera cœlestia sint corpora simplicissima, malum neque illis esse, neque ab eis emanare contendunt idem Aristoteles lib. 1. de Cælo, c. 9. & ipse Averroës ejus interpret. com. 19. & 21. & lib. 3. com. 25. Gaspar. de Villalpando 10. 2. & Joannes Heutherus in prognostic. med. cap. 2.

Quare Valeriola in appendic. ad librum tertium de loc. com. capite secundo, desinant, inquit, Astro-nomi, & qui eos sequuntur parum cordati medici, nobis suis fallaciis, technisque imponere, graveque facinus arbitrentur malum Cælo, ac astris tribuere, unde bona ad nos omnia, ceu à fonte purissimo manant, illudque cogitent, veras non esse, quæ de hisce rebus traduntur Astronomorum regulas, prorsusque fallaces. Nam neque dierum criticorum ratio à Luna, aut ab astris pender, sed à corporis temperamento, ac morbi symptomatibus, ut non uno in loco docet Hippocrates libro primo epidemiar. & libro secundo, sectione secunda, & prognost. 8. sectione secunda, Galenus de crisib. S. Bonaventura, & alii relati à Codronchio libro secundo, de morb. venef. capite sexto, Joannes Langius epist. 35. Petrus Forestus tomo primo enarrat. medic. libro primo, observat. 22. Andreas Laurentius libro 3. de crisib. capite sexto, Joannes Heurnius in prax. medic. libro tertio, capite nono. Quapropter non astrorum in morbis seriem, sed ipsam morborum speciem vim, atque hominis naturam inspicere medicum jubet Hippocrates lib. 2. de ratione vict. acut. tex. 38. & apertius lib. 4. præfag. tex. 39. Nihil ex astris in morborum curationibus, & dignitatibus pendendum, sed magis ex his, quæ natura constant theorematibus medendum. Nam si Luna, aut astra criticorum dierum causæ essent, proculdubio omnes, qui eo die in morbum inciderent vel salute adepta liberarentur, vel morte rapti succumberent, quod cum falsum experiamur, crises, nec à Luna, neque ab astris pendere, docet Joannes Picus adversus Astrologos cap. 16.

His tamen minimè attentis, asserendum omnino est contra Torreblancam, aliosque, cælos influere in hæc inferiora corpora. Unde cessante motu cælorum post supremum judicium, cessabit omnis motus inferiorum. Fateturque D. Thomas lib. 3. contra Gent. cap. 84. post Augustinum, & Damascenum constitutiones humanorum corporum ex constellatione cæli haberi, dispositione etiam supposita in materia. Quare aliquos benè natos, aliquos malè natos dicit. Ejusdem sententiæ fuit Augustinus lib. 5. de civit. quod scilicet dispositio corporis humani subiaceat cœlestibus motibus, quodque non usquequaque absurdè dici potest, ad solas corporum differentias afflatus quosdam valere sydereos. Idipsum pariter docet Damascenus lib. 2. quod nempe alii, & alii planetæ diversas dispositiones, diversosque habitus in nobis constituunt. Adstipulatur Avicenna lib. 1. fæn. 1. doctr. 3. cap. 1. & fæn. 2. doctr. 2. cap. 8. ubi secundum diversitatem climatum diversas,

Ee 3 fortiri



fortiri homines complexionibus, quæ à Solis, ac stellarum causa proveniunt, tradit. Quod planè experientia constat.

Pergamus nostra confirmare rationibus, & argumentis, imò & autoritate D. Thomæ, quem omnibus antepono, quique si rationem non redderet, autoritate tamen vinceret; at nunquam sine ratione pugnat. *Loco citato contra Gentes cap. 69.* docet, omne agens in his inferioribus, ad formam agere in virtute cæli. Comprobat *qu. 5. de verit. art. 9. ad 3. & qu. 3. de potentia art. 7. sæpèque alibi, & 2. 2. qu. 96. art. 2. ad 2.* tradit, quod omnis virtus generalis, vel specialis inferiorum reducitur ad virtutes cælorum generales, vel speciales. Idipsum ait, *in 2. d. 15. qu. 1. art. 1. & d. 1. qu. 3. art. 1. & 3. & in eodem lib. 2. d. 2. qu. 1. art. 3.* asserit, quod eadem virtus cæli disponit ad formam elementi, misti animæ vegetabilis, sensibilis, & rationabilis. *Et opusc. de mirand. nat.* multas rerum miras proprietates astris adscribit. Ideoque cælum in Universo, ait esse sicuti cor in animali, solumque subtrahit à causalitate cælorum effectus per accideas contingentes in humanis, & naturalibus, & actus liberi arbitrii 2. 2. *qu. 95. art. 5. in corp.* Eadem repetit pluribus in locis.

Respondendum restat Torreblancæ objectionibus. Piper, & vinum calefaciunt stomachum, & tamen aliquando frigida sunt formaliter. Sufficit ergo tantum virtualiter continere calorem. Basilicus occidit alios veneno, non seipsum. Vetulæ pueros inficiunt, non seipsas, quoniam ad id non sunt aptæ, sicut pueri. Deus ipse mortes, infirmitates, fulmina, mala omnia pœnæ permittit, ex quibus non sequitur Deum malum esse, sed infinite bonum. Futilis ergo est illatio, quod si sydera essent malefica virtualiter, essent in se, ac formaliter malefica & corruptioni subjecta. Quod solum negant Plato, Aristoteles, aliique allegari à Torreblanca. Ideoque mediam sententiam amplexi sumus, crifim non tantum astris, sed etiam ægri dispositioni, aliisque circumstantiis adscribendo. Cætera, quæ subdit pugnant cum sensu communi.

### CONSULTATIO LXXXIX.

*An & quatenus licitum sit prognosticon Medicorum ex signis circa ægitudines? Et an origo morbi Venerei ab astris proveniat?*

**A**D primum. Hippocrates ille Cous, totius Orbis protomedicus, rectè admodum scripsit, si sufficiat Medicis ad cognoscendum, sufficere ad curandum. Futuros enim morborum eventus prævidere, admirabile est, & quasi divinationi proximum, maximam & longiorem prærequirere contemplationem, & praxim. Hujus rei doctrina tres continet partes, agnostica, diagnostica, prognostica, de quibus idem Hippocrates sparsim. Hinc Medicinam & vaticinationem plurimum inter se cohærere, tradit epist. ad Philopen, & prosequitur Galenus *lib. 1. de arte med. cap. 18.* Unde Huarte *lib. de exam. ingen.* ita describit medicorum conditiones: *La qual conbida al hombre à ser hechizero, supersticioso, mago, embaidor, chiromantico, y adivinador, porque las enfermedades de los hombres son tan occultas, y hazen sus movimientos con tanto secreto, que es menester andar siempre adivinando.* Ideoque medici olim quasi mortales Dii & crediti & habiti sunt, teste Valeriola *lib. 1. locor. commun. cap. 1.* Nos hîc tantum agemus de prognosticis, de quibus Andreas Laurentius, ex quo Torreblanca *lib. 6. jur. spirit. cap. 8. & 9.*

Prognostica omnia è duobus, veluti fontibus me-

dici venantur. Ex morbi, in quo eventus quæritur, & ex ægrotantis natura. Prognostica ex morbi natura indigent exacta cognitione omnium morborum, quoad speciem, magnitudinem, morem, & motum. Prognostica ex ægrotantis natura sunt ex qualitate corporis, ex actionibus, ex excrementis. Qualitatem, habitumve contemplatur Hippocrates in colore, in figura, in mole rotius, præsertim faciei, quæ primum sese offert medico. Apud Galenum laudabilis est naturalis color cum decore. Lividus color perpetuo lethalis judicatur. Oculorum venæ liventes pessimæ. Palpebra livescens lethalis. Quæ liveant in febribus mortem in propinquo esse significant. Lingua livida, mortale. Niger color idem ferè periculum comminatur. Pejus tamen est, partes livere, quam nigrescere; quia nigredo interdum accidit ob decubitus humoris atrii. Sic sæpè urinæ nigræ emittuntur. At livor nativi coloris extinctionem perpetuò arguit.

Considerant deinde Medici actiones omnes, explorata jam corporis qualitate, tam animales, quam vitales, aut naturales, quas Medici distinguunt, & describunt. Actuales aliæ dicuntur à Galeno mortifices. Aliæ sensitivæ. Aliæ principes. Sensus autem alii interni, externi alii. Quæ omnia percurrendo signa prognostica considerant.

De pulsu, ac respiratione hæc observantur. Ex pulsu quidem salutis, & mortis certissima petuntur indicia. Pulsu nanque constante, nemo obire potest. Solus hic vitæ, & cordis fidelis est nuncius. Pulsus ergo magnus, vehemens, validus securitatem perpetuò promittit. Languidus verò, debilis, & parvus imbecillæ facultatis est index. Inæqualitas pulsus, si perseveret, est malum signum. Intermissio juvenibus periculosissima. Repentinum siquidem illis obitum comminatur, nisi ex articularum obstructione & oppressionem oriatur. Minus pueris, minimè senibus.

Respiratio autem, cum ad vitalis facultatis subsidium subministratur, illius quoque robur, necnon constantiam demonstrat. Hippocrates *in prognost. & in epist. aphor. 24. sect. 1.* multa huic instituto tradit, præcipuè, quod respiratio facilis, & libera in cunctis morbis acutis præclare semper ad salutem apparet, sicut & respiratio frequens, & parva aut dolorem, aut inflammationem partium diaphragmate superiorem indicat. Respiratio autem magna, & ex longis intervallis delirium annuntiat. Interitus autem jam adstantis signum est respiratio parva, minutula, & rara.

Prognostica ex excrementis expostulanda sunt universim ex sudore, ex urinis, ex dejectionibus, & vomitionibus. In sudore consideratur quantitas, qualitas, tempus, excernendi modus, & locus. Quoad quantitatem, nullus, & paucus est criticus, sicut quod nimius est damnatur. Quod enim paucus excernitur, aut malignos, aut plures humoris naturæ dominatu regi non posse, aut summam naturæ fatiscens resolutionem significat. Item qui ex rigore perfrigidum exiguo sudore madent, ut se collegerint, moriuntur. Qui leviter exsudent in febre, malignè habentur. Qualitas sudoris consideratur in calore, & frigore. Debet salutaris, & criticus sudor calidus esse, non frigidus. Frigidi sudores cum acuta febre mortem, cum mitiori, morbi longitudinem significant. Tempus sudoris est dies criticus. Qui enim aliis diebus erumpunt, suspecti esse solent. Sudores febricitantibus boni qui manare cæperint die tertio, quinto, nono, undecimo, decimoquarto. Qui verò non ita fiunt laborem & morbi longitudinem, & recidivas ostendunt. Excernendi modus maximè etiam spectandus est. Debet confertim, non sensim & paulatim erumpere sudor. Qui enim sensim stillat ab exsolutione est. Qui confertim ab excretionem. Postremo locus sudoris consideratur. Bonus ille est, qui



per totum corpus effluit. Prævus, quo caput tantum, cervix, & claviculae roris instar exsulant.

Ex urinis etiam certissima coctionis, aut cruditaris, salutis, aut mortis petuntur prognostica. Coctionis, & cruditaris primò & per se. Quia urina hepatis, & venarum est excrementum, salutis, & mortis per accidens. In urinis duo considerantur. Liqueor, & contenta. In liquore tria sunt spectanda. Substantia, quantitas, qualitas. Substantia, aut tenuis est, aut crassa, aut mediotris, eaque vel perspicua, vel turbulenta. Urina tenuis, vel est cum febre, vel sine febre. Quæ sine febre, meatuum tantum urinae dicatur, aut hepatis, lienis, & viscerum obstructionem arguit, nonnunquam etiam paroxysmum epilepticum minatur iis, qui morbo obnoxii sunt. Quæ est cum febre, cruditatem in universum arguit, & si summa adsit virium imbecillitas, mortem, aut periculum ingens minatur; si autem consent vires, morbi longitudinem, aut abscessum imis in partibus prænuntiat. Crassa urina talis est, aut moderata, aut in excessu. Quæ moderatè crassa est, laudatur. Arguit enim caloris nativi robur, cuius imperio congregatur. Quæ crassissima est, dolores, abscessus prævos, morbi longitudinem, recidivas prænuntiat, quia vel propter nimium calorem, vel propter immodicum frigus, vel ob partium diversæ naturæ confusio- nem, talis evasit. Urinae perturbatae in febre acuta cum virium robore diuturnitatem, cum imbecillitate mortem denunciant. Quod si perturbatae mingantur, & tales remaneant, sintque jumentorum similes, dolorem capitis, delirium, convulsionemque præsa- giunt.

Prognostica ex urinarum quantitate hæc sunt. Copiosa urina si ab evidenti causa non fiat, vel à naturæ motu, ut in peritæa critica contingit, semper prava est, & ut signum, & ut causa. Ut signum, quia vel humoris crudi abundantiam, vel renum calidiorem intemperiem, aut eorundem exsolutionem, aut denique totius corporis colliquationem indicat. Ut causa, quia vires deficit, spiritus, nativumque calorem dissolvit. Parca urina sine febre, aut meatuum urinariorum obstructionem, aut excreticis, aut secreticis renum facultatis imbecillitatem arguit. Cum febre acuta, si nulla sit excussio sudoris critici, mox erupturi, aut maximum indicat incendium, serum exhauriens, aut serosi humoris translationem symptomati- cam ad superiores partes. Utraque causa lethalis est.

Qualitas urinarum in colore potissimum, & odore spectanda est. Colores aut extremi sunt, aut medii. Extremi duo. Albus & niger. Intermedii quamplu- res. Albus color sine febre nihil lethale præsefert. Cum febre periculosus est. Quia vel summam nativi coloris imbecillitatem ostendit, vel universæ bilis translationem ad caput, vel magnum hepatis incen- dium, quo sanguis una cum bile absorbetur. Urinae nigrae si tales sint generatione, perpetuò sunt lethales. Quia vel nativi caloris extinctionem denotant, vel maximum incendium omnia torrefaciens. Si tales sint permissione humoris attri, salutare aliquando, & critica esse possunt. Urina prærubra, si talis sit ab inflammatione feri, initio morbi longitudinem ar- guit, in statu mortem. Si rubra sit, bilis permissio- nem, aut hepatis inflammationem denotat, aut du- ctum vesiculæ felleæ obstructionem. Si talis sit per- missionem sanguinis, cruentam vocant, aut est ab uni- verso corpore, aut à renibus, & vesica. Ab universo corpore ob plethoram, vel suppressionem solemnis vacationis, aut mensium, hæmorrhoidum. Si à re- nibus, id per anastomosim, diapedesim, & diuresim contingere potest, ab erosionem, & ruptionem, pericu- losa est.

Quoad dejectiones, & vomitiones quinque obser-

vantur. Substantia, qualitas, quantitas, tempus, & excernendi modus. Quoad substantiam, optimum est excrementum alvi molle, coherens, & moderatè crassum. Aquosum autem valdè, & liquidum, pra- vum. Album, aut viride, aut vehementer rufum, aut spumofum, pravum est. His verò magis lethalia fue- rint nigra, aut pingua, aut livida, aut æruginosa. Copia cibo ingestio proportionem respondere debet. Quin & pro copia ingestorum excernere oportet bis, aut ter in die, noctu verò semel, sed plura manè, quemadmodum consuetum est homini. Frequens etiam, & plurima vacuatio est periculosa. Vomitus autem ille commendatur, qui pituitam promit ac- curatè mistam cum bile, qui neque multum crassus, neque multus. Vomitus porracius, niger, ac lividus pessimus. Est quoque lethalis rubor vomitus, ma- ximè si ægrè vomatur. Si autem omnes colores idem homo vomit, valdè perniciosum existimatur. Hæc de excrementis communibus quibuslibet mor- bis. Particularia cerebri, oculorum, aurium, thoracis, ventriculi, intestinorum, renum, & uteri legetis apud medicos, præsertim, Hippocratem, Galenum, & Laurentium.

Ex his omnibus assero. Licitum est prognosticon de exitu morbi ex dictis signis prudenter considera- tis. Sunt enim experimento comprobata, rationi consona, à sapientibus edocta, qui rationes natura- les illorum afferunt; unde vanitatem aut supersti- tionem nullo modo redolent. Secus esset si Medici per vanitates astrologicas illud inquirent.

Nec abnuimus, scientiam, vel artem medicam, etsi habeat physicas rationes, ex quibus conclusiones suas demonstrat, in applicatione tamen, & praxi esse valde conjecturalem, cum intra corpus non inspiciant me- dici. Quare D. Thomas qui diligenter acumine suo omnia vidit, inquisivit, scrutatus est, in 2. dist. 15. qu. 2. art. 3. ad 4. & lib. 3. contra Gentes cap. 84: docet, quod medici judicant, aliquem esse invidum, vel tristem, vel lascivum. Quorum iudicia frequen- ter vera sunt, quia plerumque ratio passionibus suc- cumbit, & ab illis deducitur, quamvis non necessa- riò, quia ratio passionibus imperat. Non tamen me- dici ita conjectant ex astris, sed ex humoribus, tem- peramento, urina, pulsu, physiognomia naturali. Ne- que possunt judicare de actibus liberis, sed de pro- pensionem, vel dispositionem generali. Nam idem D. Thomas locis alibi adductis ac præcipue art. 36. opusc. 11. docet, posse dæmonem cognoscere cogitationes hominum, quas comitantur aliqui motus corporales. Ideoque Augustinus lib. de divinis demon. ait, ho- minum dispositiones dæmones non solum voce pro- latis, verum etiam cogitatione conceptas conjiciunt, quæ dum ex animo exprimuntur, in corpore tota facilitate perdiscunt. Et lib. retractationum inquit: Dixi hoc audaciori asseveratione, quam debui. Nam pervenire ista ad notitiam dæmonum per nonnulla, etiam experientia compertum est. Sed utrum signa quædam dentur ex corpore cogitantium illis sensibi- lia, nos autem latentia, aut alia vi speciali cognos- cant, hoc difficillimè potest ab hominibus, aut omni- no non potest inveniri. At si spiritali vi cogitationes cognoscant, multò magis motus corporales, ex quibus etiam homines interdum interiores dispositiones cog- noscunt: Unde secundum non excludit primum, sed ampliùs dicit. Solas autem species quæ in phantasia existunt, non reputo sufficientes ad hoc, quod dæmoni humanas cogitationes cognoscere possit. Quia homo vi rationis, ac liberi arbitrii potest una specie in ima- ginatione conservata, multipliciter uti ad diversas cogitationes, vel omnino actu non uti.

Ex his D. Thomas art. 38. opusc. 10. curiosè qua- rit, an homo possit videre oculo mentis omnia, quæ



aguntur in corde hominis, habentia impressionem exterius in corpore, si haberet visum acutum, ut dæmon? Respondet affirmativè, si signa quædam darentur ex corpore cogitantium, illi sensibilia. Neque hoc est mirum, subdit ad rem nostram, cum etiam subtiles medici per pulsum deprehendant interiores animæ passionēs. Et hac ratione Erasistratus excellentissimus Medicus cognovit Antigonum, filium Seleuci amore captum vehementi erga Stratonicam, suam novercam. Verum, ut docet idem D. Thomas, incertius est iudicium, vel conjectatio Astrologorum. Quia ex remotioribus, quàm Medici. Utrique non diuersu vero, & syllogismo. Opponuntur enim conjectatio, & syllogismus propriè dictus.

Ad secundum. Astrologi originem morbi venerei referunt ad astra. Nam, inquiunt, anno 1484. certa constellatio, & conjunctio fuit Martis, Jovis, & Saturni, quæ prælagium fuit futuræ luis venereæ, quæ à Medicis vocatur Variola magna quod instar variolarum passim pustulæ, & tubercula erumpant; ab Hispanis, & Italis morbus Gallicus, quia Galli primum eo morbo affecti fuerunt in obsidione Urbis Neapolitanæ, regnante Carolo VIII. Francorum Rege, ideoque à Gallis appellatur morbus Neapolitanus, vel magnus variolus, ab aliquibus morbus Indicus, quia contendunt Galli, nominatim Andreas Laurentius tract. de hoc morbo, originem traxisse ab Indis Occidentalibus, quem Hispani suis navigationibus acquisitum, ad nos attulerint. In illis enim partibus morbus hic non minùs frequens est, ac usitatus, quam apud nos scabies.

Rerum Indicarum scriptores referunt in ea Americæ parte, quæ longitudine in Septentrionem definit, & quam Floridam appellant, morbum hunc multis retrò seculis epidemicum fuisse, & plurimos repente absque evidenti causa sine contagione, ac si quis saltem cum muliere, cum menses fluunt, concubuerit, populariter invadere, ac corripere, scribunt. Fracastorius etiam Syphilidem appellat. Nonnulli Pudendagram. Plerique hodie sine ullius nationis injuria, & infamia Luem Veneream nominant, quod ex Venere, & concubitu cum impuris per contagium imprimis contrahatur.

An autem morbus iste novus circa annum 1494. ad Neapolim exortus, an verò antiquis etiam cognitus fuerit? Franciscus Vallesius 1. epid. com. 1. & Hieronymus Reusnerus de scorbuto exercit. 1. & alii quidam recentiores, luem hanc antiquis non fuisse ignotam existimant, eamque Hippocratem 3. epid. sect. 3. (verba sunt Reusneri) non penicillo adumbrasse, sed vivis coloribus depinxisse putant, cum varia ibi recenscat symptomata, quæ in lue Venerea conspiciuntur. At ne somniavit quidem Hippocrates eò loci de lue Venerea, sed pestilentiam longè gravissimam describit, Galeni, & omnium Interpretum iudicio, & ipsa historiæ evidentia teste.

Annotavit etiam Dodonæus in Benivendum de abdit. morborum caus. cap. 1. ab immundis, & sordidis mulieribus jam olim nonnullos vitia quædam contraxisse, testari Gulielmum Salicerum, Gordonium, & Vallesium de Taranta, quorum hic vixit anno 1418. Salicerus verò claruit anno 1270. Gordonius medio tempore. Imò Sacræ litteræ testantur, eum, qui scortis adhæret, vermes, & tineas pro mercede reportare. Verum non puto, quod illi morbi iidem cum lue Venerea hodierna fuerint, quæ dicto tempore in Italia in castris Gallorum primò innouit. Ideo etiam si Paracelsus lib. de tumoribus & ulceribus morb. Gallic. cap. 3. anno 1478. & lib. 1. de caus. Luis Gall. cap. 3. anno 1480. accidisse hoc scribit, tamen ab omnium aliorum relationibus discrepat, cum in eo omnes convenient, hunc morbum ante annum Christi 1493.

Europæ notum non fuisse, etsi in India occidentali jamdiu ante endemius fuerit, atque ab Hispanis ex India in Italiam illatus sit.

Cum enim Christophorus Columbus anno 1492. mense Septembri primam navigationem in Indiam occidentalem suscepisset, atque biennium ferè in eo itinere consumpisset, rediit in Hispaniam anno 1494. cujus milites cum morbo illo in India infecti essent, & postea in Italica expeditione stipendia facerent, morbum hunc disseminarunt. Nam, ut de hac re Gabriel Fallopius de morb. Gall. cap. 1. scribit, qui patrem suum in eo bello fuisse refert, cum ob annonæ caritatem Hispani multitudinem inutilem propellerent, Galli scorta eorum pulchritudine allecti, jam exceperunt, & ita eorum contagio infecti, hunc morbum contraxerunt, qui postea primum per eorum castra, & hinc per Europam disseminatus est.

In aliis verò regionibus frequentius grassatus est, & adhuc grassatur in aliis rarius, cujus rei causam, cum odiosum sit inquirere, superfedemus. Narrat Gabriel Fallopius loc. cit. cap. 76. Jacobum Carpum, qui primus ferè curationem per unctionem Mercurii usurpavit, ex sola hac curatione ita divitem factum fuisse, ut quadraginta scutorum aureorum millia, præter argentum, reliquerit. Refertque Capiuaccius in cap. de lue Vener. cap. 12. in fine, se è solius Gallicæ luis curatione ultra centum octuaginta coronatorum lucratum esse. Et L. Septal. lib. 7. animad. n. 186. scribit, Mediolani in hospitali Brolii sæpenumero vere solo septingentos, reliquo verò tempore semper ducentos curari.

Alii tamen etiam de origine dissentiant, & non solum contagione ab Hispanis disseminatum hunc morbum esse putant, sed Epidemiorum morborum modo ex aëris vitio contractum existimant, cum multis passim in diversis regionibus sine ullo contagio hoc morbo laborare cæperint.

Atque ex his apparet, quàm falsò Astrologi ex astris omnia contingentia sublunaria judicent.

## CONSULTATIO XC.

An & quatenus omnis divinatio sit supersticiosa? Ex qua superstitione imponatur abjuratio? Ex quibus modis accadat divinatio? Et qua futura demon cognoscere possit?

**D**ivinatio per se, atque natura sua est improba. Quod intellige de Divinatione propriè dicta futurorum, vel in seipsis, vel in causis secundum se. Qua ratione, ait Cajetanus in 1. par. qu. 95. art. 2. sunt neutra, ut potentia rationales, vel sunt ad opposita casualium, ut causæ naturales. Unde nullam habent determinationem ad hujusmodi effectus. Cognoscere autem per causas præparatas, sive dispositivas, non est malum secundum se, ait Cajetanus. Consideranda est ergo causa, ad quam referatur effectus futurus, cum præcognoscendus ex causa dicitur. Si enim media revelatione, aut virtute naturalis luminis, non est indebita usurpatio prænuntiationis futurorum eventuum, secus si dæmoniaca vanitate implicite, vel explicite, in quo consistit formalis ratio divinationis. In naturalibus siquidem divinationibus est multa ambiguitas propter incertitudinem nostræ scientiæ, & occultationem causarum respectu hominis, non dæmonis, qui omnes superiores, & inferiores causas perlustrat, ut notavit Suarez, non rectè infert, omnia futura casualia, & fortuita cognoscere.

Probatum hoc, ita explicatum; Nam hæc divinatio est



est studium futura vel occulta cognoscendi per medium inordinatum. Id autem est rationi ac voluntati Dei adversum. Quia medium illud habet annexam societatem, & familiaritatem cum dæmone explicitè, vel implicitè. Hoc autem est improbum. Quare Paulus 1. *Corin.* 10. non vult nos fieri socios dæmoniorum, & Origenes *homil.* 16. in *Num.* ait, non vult Deus auditores nos fieri, & discipulos dæmonis, neque vult, ut si quid volumus discere, discamus à dæmone. Melius est enim ignorare, quàm à dæmone discere. Nam si expedit nobis scire futura, dicentur à Deo per Spiritum suum. Si verò non dicitur, scito, quia non nobis expedit futura prænoscere. Ut nato in sylva Deus inspiraret fidem, mittendo prædicatorem, vel Angelum, si facit quod potest, ut docet D. Thomas in 2. d. 28. art. 4. ad 4. & d. 29. qu. 1. art. 2. ad 4. & in 3. d. 25. qu. 2. art. 1. quaestione 1. ad 1. & 2. & art. 2. qu. 2. in corp. de verit. qu. 14. art. 11. ad 1. & 2. ad Roman. 11. lect. 3. Quòd si ideo non dicuntur, quia ea scire nobis non expedit, qui variis artibus, ac dæmonum invocationibus gestiunt futura cognoscere, nihil aliud faciunt, nisi quod ea cupiunt, quæ sibi scire non expedit.

Idque confirmat Augustinus lib. 2. de doctr. christ. cap. 22. inquiens: *Iste opiniones quibusdam rerum signis humana presumptione institutis ad eadem illa, quasi quedam tum dæmonibus pacta, & conventa referenda sunt: Hinc enim fit, ut occulto quodam iudicio divino, cupidi malarum rerum homines tradantur illudendi, & decipiendi pro meritis voluptatum suarum illudentibus, ac decipientibus eos Angelis utique malis.* Et infra: *Omnes igitur artes ista nugatoria, vel noxia superstitionis ex quadam pestifera societate hominum & dæmonum, quasi pacta infidelis, & dolosa amicitia sunt penitus repudianda, & fugienda à Christiano.* Ac Cyprianus lib. de Idolor. vanit. Nequissimi, ait, Spiritus elata suorum vatum pectora inspirant, extorant fibras animarum, ovium volatus gubernant, sortes regunt, oracula efficiunt, falsa veris semper involvunt. Nam & falluntur, & fallunt. Origenes item loc. cit. Idipsum ostendit Eusebius de præp. Evangel. cap. 7. testimoniis Gentilium, qui Diis suis has artes tribuebant, quos dæmones esse constat. Omnes enim Dii Gentium dæmonia. Ideoque rectè Suarez tom. 1. de relig. lib. 2. cap. 7. v. 11. ex D. Augustino, D. Thoma, & Cajetano probat huiusmodi divinationem per se intrinsecè ac semper pravam esse ac detestabilem naturam suam, & non tantum propter positivam prohibitionem.

Quare hæc divinatio est verè species superstitionis. Probat hoc D. Thomas *ibidem* art. 2. ex Origene dicente in periar. *Est quedam operatio dæmonum in ministerio prescientia, quæ artibus quibusdam ab iis, quæ se dæmonibus mancipaverant, nunc per sortes, nunc per auguria, & nunc per contemplationem umbrarum comprehendi videtur. Hæc autem operatione dæmonum omnia fieri non dubito.* Atque Augustinus ait, in 2. de doctr. Christ. cap. 20. quicquid procedit ex societate dæmonum, & hominum supersticiosum est. Est itaque divinatio species superstitionis. Ratione id quoque probatur ex D. Thoma *ibidem*, qu. 92. ar. 1. & qu. 94. ar. 1. item 1. quia supersticio importat indebitum cultum divinitatis. Hunc autem importat divinatio tum ex parte medii. Quia omnis divinatio ex dæmonum operatione provenit, vel quia expressè dæmones invocantur ad futura manifestanda; vel quia dæmones se ingerunt vanis inquisitionibus futurorum, ut hominum mentes vanitate implicent, se quo in *Psalmo* 39. dicitur, non respexit in vanitates, & insanias falsas. Vana autem inquisitio futurorum est, quando aliquis futurum ex eo cognoscere tentat, unde cognosci non potest. Pertinet

enim ad superstitionem, non solum cum sacrificium dæmoni offertur per idololatriam, sed etiam dum quis assumit auxilium dæmonum ad aliquid faciendum, vel cognoscendum, sicut ad divinum cultum pertinet & sacrificium, vel oblatio, vel huiusmodi aliquid, ac etiam cum aliquid divinum assumitur, ut de juramento tradit D. Thomas *eadem* 2. 2. qu. 89. art. 3.

Hinc omnis divinatio futurorum per dæmonum invocationem tacitam est supersticiosa. Probat ex dictis suo loco de invocatione dæmonum, de qua D. Thomas d. qu. 95. art. 5. ibique Cajetanus, distinguens opera divinationum, & observationum, & universim invocationes dæmonum in materiales, & formales, quod explicat, & comprobat Suarez art. 8. ac Delatorre *inibi*.

Inquisitio verò futurorum per vanas observationes, si contineatur intra terminos vanæ inquisitionis, non spectat ad societatem dæmoniacam, neque ad vitium superstitionis. Nam, ut ait Cajetanus *ibidem*, quem sequuntur Medina, Suarez, ac Delatorre, vacare vanis, ut vana sunt hoc est non expectando ex ipsis notitiam futurorum eventuum, pertinet tantum ad vanitatis vitium, estque peccatum vanitatis veniale; mortale verò si adsit periculum vacandi superstitionis observationibus, quas institutas novit à dæmone, aut à magis ex pacto. Exponeret enim se periculo immisionis dæmoniacæ.

Siquis autem utatur vanis observationibus existimans eas fore utiles ad cognitionem occultorum, aut futurorum eventuum, peccatum supersticiosi cultus, & societatis dæmoniacæ committit. Quia talis inquisitor implicitè saltem, sperat, & à dæmone inquit futurorum cognitionem. Nam hæc vanæ observationes secundum se, nullius sunt momenti, aut utilitatis ad cognoscendum futuros eventus, atque adeo quicquid existimatur illas habere, aut habent, evenit ex immisione ac virtute dæmonis. Ac proinde utens illis, sperans fore utiles, à dæmoniacæ virtute illum effectum expectat; & consequenter socius dæmonis, ac supersticiosus efficitur, sicut ille, qui per invocationem explicitam, aut implicitam illorum expostulat auxilium.

Et quamvis huiusmodi vani inquisitores se excusent, non invocare, neque invocare intendere dæmones, sed uti talibus vanitatibus, quia experiuntur esse utiles ad occultorum notitiam, non tamen id eis prodest. Sic enim ipse dæmon se ingerit, ibique verè ejus virtus reperitur. Hoc enim ipso, quod illis utuntur, ut utilibus, dæmoniacæ societati se immiscet, saltem tacitè, ac implicitè implorando, nisi ignorantia excusentur, nempe quia volunt opus facere, ut utile ad notitiam occultorum, quod nullius foret utilitatis, nisi propter admisionem dæmonis, ac ejus virtutem ibi operantem. Debet enim quisque attendere non solum quid expressè in suis operibus contineatur, sed etiam quid tacitè.

Quod autem dæmon se ingerat de facto, vel ne, per accidens se habet, cum homines ipso usu talium vanitatum ut utilium, protestentur se à dæmone implorare, ut se ingerat. Sicut etiam per accidens est, quod dæmon expressè invocatus præstet sit, vel ne. Credendum tamen est, dæmonem, qui nocere semper affectat, non esse oscitanrem, dormitantem, socordem, vecordemve, sed maxima ex parte his vanis se ingerere, ut honor divinitatis, quem ab initio cupidè appetivit, per occultorum notitiam ab hominibus exhibeatur. Quomodo autem rectè sub protestatione expertus fuerit Cajetanus fortilegium annuli alibi declaramus.

Invocantes verò dæmonem expressè, aut tacitè ad cognoscendum occulta, vel futura, quæ dæmones

lumpis



lumine naturali præscire possunt, sunt etiam superstitioni. Est contra Valentiam in 2. 2. qu. 12. disp. 6. pun. 3. Delrium lib. 4. cap. 2. qu. 4. qui afferunt Pegnam in Direct. par. 3. com. 65. qui tamen duntaxat contendit, non esse superstitionem qualificatam, & sapientem hæresim, quando dæmon implicitè invocatur; secus autem quando explicitum inest pactum. Atque ita docent Cajetanus, Delatorre, Salelles, Sylvester, ac Suarez. Probatur primò ratione à D. Thoma d. qu. 95. art. 4. desumpta ex parte principii divinationis, pacti scilicet cum dæmone initi per ipsam dæmonis invocationem, quod est illicitum, ac omnino supersticiosum, ac magis improbum, si sacrificium, vel reverentia dæmoni invocato exhibetur. Deinde quia in qualibet dæmonis invocatione ipse responsurus ambit divinam excellentiam, illiusque honorem, illique cooperatur homo exposcendo ab eo etiam ea, quæ illius naturalem vim cognoscitivam non excedunt, sicut petendo ab eo quæ potentia operatrice innata operari potest.

Ideoque D. Thomas qu. 47. art. 2. generatim ait, ad superstitionem pertinere cum aliquis assumit auxilium dæmonis ad aliquid faciendum vel cognoscendum, ubi nihil distinguit inter cognitionem propriam Dei, vel non propriam, sed absolute de medio ad cognoscendum loquitur, adducitque ad id Augustinum lib. 2. de doctr. Christ. universaliter dicentem, quicquid spectat ad consultationes, & pacta quædam significationum cum dæmonibus placita, atque fœderata, spectare ad superstitionem. Idipsum tradit Cajetanus, affirmans, quod ratione affectatæ excellentiæ divinæ à dæmone, implorare illius auxilium, vel consilium, superstitionis est. Habetur enim ex communi hominum estimatione, tanquam signum recognitionis, & confessionis alicujus divinitatis in eo, qui consulitur de futuris, maximè quia consulitur, ut per se responsurus sine conjunctione ad alium. Dæmon autem non potest consuli per conjunctionem ad Deum.

Quamvis enim dæmon in principio consulatur, non tanquam infallibilis veritas, vel tanquam certò sciens omnia, etiam per se occulta, quatenus tamen est in se, intendit deducere hominem in eam estimationem, vel saltem, ut eam fateatur, vel signis ostendat. Et ideo qui quocumque modo dæmonem consulit, societatem, vel quodcumque pactum cum illo contrahendo, in magno periculo est incidendi in aliud barathrum apostatandi à Deo. Nam affectus dæmonis inordinatissimus est per summam superbiam, & odium, artesque ad decipiendum, industria, & experientia sunt ei maximæ, idemque, si Deus permittat, facile decipiet quoscunque, qui societatem cum illo ineunt, qui merentur etiam à Deo destitui, & labi permitti propter summam audaciam, & ingratitude. Igitur qui talem inchoat societatem, statim incipit declinare à vera religione, & supersticiosus esse. Quia moraliter ejusdem vitii est committere aliquid, & morali periculo, atque occasionem committendi illud se exponere. Sicut qui vanam societatem contraheret cum muliere infami fornicationibus, & adulteriis dedita, & maximè si de illa constaret, mentem, & usum ejus esse, amicos suos ad libidinem turpissimam inducere, eo ipso ex vi talis societatis censetur jam malitiam libidinis contraxisse, etiam si nondum actu ipso formali in eam lapsus esset.

Advertendum autem hîc est, quod nunquam potest induci abjuratio, nisi constet, non solum factum esse commissum, ob quod reus sit suspectus de aliqua hæresi ab illo importata, sed quod certò importeretur, & sit hæresis manifesta, alias suspicio hæresis nullum haberet fundamentum certum, si non consta-

ret de facto, aut hæresi manifesta. Si enim esset tantum suspicio hæresis, vel temerarium judicaretur, vel quid simile, suspicio caderet super suspicionem. Unde non justè imponeretur abjuratio, quicquid secus putet Torreblanca lib. 9. c. 3. §. 10. afferens falsò Suarez & Mouram qui tamen c. 15. n. 9. sect. 2. non solum id temerarium, sed etiam erroneum censet. Unde nunquam supersticio qualificata esset super quam caderet abjuratio, quicquid etiam dicat idè Torreblanca in epit.

Neque objicias, quod si divinatio, & hujusmodi invocationes necessariò exercerentur cum cultu dæmonis, sequeretur, quod essent manifestè actus infidelitatis protestativi, atque adeo hæc exercentes incurrerent pœnas apostatarum, sive hæreticorum. Hoc autem adversatur capitulo Accusatus de hæret. in 6. ubi ne fidei negotium impediatur, ita decernitur: *Inquisitores hæresim non se ingerant de divinationibus, & sortilegiis, nisi hæresim sapiant manifestè. Alia namque sunt in jure pœna hæreticorum, & alia sortilegorum. Ac proinde hujusmodi invocationes, ac divinationes non sunt necessariò cum cultu dæmonum.*

Responderetur enim cum distinctione. Essent quidem manifestè actus infidelitatis protestativi, si invocetur dæmon formaliter, & expressè, conceditur. Si materialiter tantum & implicitè, negatur. Sicque interpretamur d. cap. Accusatus. Dum enim expressè, ac formaliter imploratur dæmon, jam factum illud sapit hæresim ex hac parte. Unde hæreses abjurare tenetur etiam si judicialiter interrogatus respondeat non esse licitum invocare dæmones. Ex facto enim ipso suspectus evadit per se de vellementi, quod scilicet crediderit, licitum esse dæmones expressè invocare, quo pacto distinguuntur in jure pœnæ hæreticorum & sortilegorum. Præsertim quia nunc ex Constitutione Sixti V. quæ incipit, *Cæli & Terræ conditor*, sortilegia, & divinationes simplices, & non qualificatæ, quæ videlicet non implicat hæresim manifestè, non puniuntur cum abjuratone hæresis, nec pœnis hæreticorum, quicquid perperam dicat Torreblanca in utroque opere. Quia non important pactum explicitum, neque cultum dæmonum formaliter, sed tantum materialiter. Imò semper protestantur se nolle adhærere dæmoni, sed uti ejus ope ad proprium commodum.

Ex magia verò supersticiosa, & dæmoniaca redditur magus suspectus de hæresi manifesta, si experimentum sit hæreticale. Si autem adderentur aliæ circumstantiæ, sicut abnegatio fidei coram dæmone, & aliis sociis, ut faciunt striges, ut hæreticus formalis deberet hæreses abjurare, & si mortem inferunt, tradi brachio seculari juxta Constitutionem Gregorii XV. & antiquos Canones.

Quod autem Salelles tom. 1. fol. 220. nu. 84. post Mouram de Enfalnis sect. 3. tradit, in qualibet divinatione, & superstitione importari pactum, saltem implicitum, quia semper est aliqua præsumptio apostasiæ à fide, intelligendum est de apostasia remotè, si divinatio, aut supersticio est simplex, non qualificata, quatenus videlicet implicitè importat pactum cum dæmone contra professionem fidei emissam in baptismo. Unde non oritur suspicio, ne levis quidem ad abjurandum. Alioquin non daretur supersticio minima, in qua non caderet abjuratio. Quod falsum est, ac nimis grave onus, & contra praxim Tribunalis S. Officii, præcipuè supremi.

Potest insuper exorari dæmon, ut solum doceat expostulantem absque ulla promissione vel pacto, ita quod petens se obliget ad ejus obsequium, si res occultas doceat. Imò quandoque addit sacrificia, suffus, aliasque cæremonias ad illius honorem. Interdum etiam adjunguntur adjurationes, figura, unctioes, & id genus alia juxta pactum initum, quo etiam



imperativè advocatur, & quasi cogitur respondere. Qui, licet sit mendax, non tamen id propter fidelitatem, sed ut hominibus noceat, sæpè implet promissum, fidemque solvit.

Nonnunquam etiam ex parte dæmonis potest esse responsio simplex absque pacto, aliquando cum pacto, obligando se ad revelandum occulta, ipso homine etiam se obligante. Potest autem accidere, ut homine postulante, oblato etiam pacto, dæmon nullo modo respondeat; vel quia Deus id non permittit, aut ob alias causas nobis ignotas. Tunc autem dubio procul jam commissæ est propria culpa divinationis, etiam effectu non subsequuto. Solet autem respondere dæmon vel apparendo visibiliter, vel aliis modis loquendo, deferendo quoque suos asseclas ad conventus, etiam longinquos, ut præ cæteris affirmat Cajetanus *in d. qu. 95. art. 4.* addens tamen sæpè decipi per imaginationem; quod fatetur, experimento se didicisse, in quo concordant Abulenlis, Turrecremata, Sylvester, Suarez *lib. 2. cap. 15. to. 1. de relig. & Salelles loc. cit. nu. 28.* de quo plura Torreblanca *tom. 2. lib. 11. cap. 8.* qui tamen falsò adducit Ponzinibium *lib. de lamiis*, nec verè asserit ex saltationibus & choreis lamiarum, morem emanasse apud nos choreas ducere, cum tamen etiam antiquitus apud Ægyptios, & alios Gentiles hæc consuetudo tervabatur, teste Solino *lib. 5. cap. 37.* & de Gaditanis Martialis *lib. 5. epigram. 79.* de aliis Juvenalis *lib. 4. satyr. 11.*

De fide autem est, ut sæpè diximus, non posse Angelos virtute naturali cognoscere certo, & infallibiliter futura contingentia, quæ à libera voluntate pendent, sive Divina, sive Angelica, sive humana. Quod verò ad futura casualia & fortuita, licet communis ferè sit D. Thomæ sententia, quod ea nequeat naturaliter Angelus cognoscere; attamen Suarez contendit illa posse ab Angelis naturaliter cognosci, causis omnibus inter se collatis, tam cælestibus, quam inferioribus, tam efficientibus, quam materialibus, nisi à causâ libera impediuntur, vel transmutentur. Subdit tamen, quod quia hæc omnia subiecta sunt divinæ providentiæ, ac liberæ dispositioni, idcirco nequit habere dæmon omnimodam certitudinem. Quia nequit Dei dispositionem cognoscere. Concedit verò illi notitiam certam, saltem naturali certitudine. Quod nos etiam ex Constitutione Sixti V. reprobamus, & videntur Patres nobiscum congruere, cum proprium Dei esse doceant futura contingentia cognoscere, speciatim Hieronymus super illa verba *Isaia 46. Ego Deus & non est ultra me Deus, nec similis mei enuncians ab exordio novissima, & ab initio, quæ nondum facta sunt*, quasi dicat, inquit Hieronymus, considerate, quod præter me nullus sit, qui potuerit scire ventura, nisi ego, qui per Prophetas nuncio. Et in Daniel 2. Confitentur, ait, magi, & arioli, & omnis scientia secularis litteraturæ præscientiam non esse hominum, sed Dei. Ex quo probatur, Prophetas Spiritu Dei loquutos. Pariter Origenes contra Celsum inquit, certam prædictionem futurorum esse characterem proprium divini sermonis, & de eventibus judicare. Unde *lib. 7. contra eundem* ostendit, oracula gentium, non fuisse Dei, sed dæmonum, prophetias autem Judæorum fuisse divinas. Tertullianus item *responsione ad qu. 146.* ait, à Deo rerum futurarum & prædictio, & eventus proficiuntur. Dii autem gentium, sicut absunt à vera divinitate, ita etiam à prænotione rerum futurarum. Idem tradit *in apolog. cap. 21.* Concinitque Chrysostomus *hom. 18. in Joannem*, certa, inquit prædictio futurorum immortalis duntaxat Dei opus est. Damascenus *lib. 2. de fide cap. 4.* aliique Patres, Anselmus de casu Diaboli *cap. 21.* Augustinus *lib. de divi-*

*nat. dæmon. cap. 3. & lib. 3. retract. cap. 30.* Eusebius *lib. 5. preparat Evangel. cap. 10.* D. Thomas *qu. 16. de dæmon. art. 3. & 2. d. qu. 95. art. 2.* aliisque locis, quibus adstipulantur Simanchas *de cathol. instit. cap. 21.* Directorium Inquis. ibique Pegna, Farinac. *de heret. punit. cap. 14.* Grilland. *de sorcil. qu. 10.* & Torreblanca *lib. 9. cap. 14.* falsò citans Suarez *lib. 9. de relig. cap. 8. tom. 1.*

Mirumque est, Suarez *ibidem* tradere, dæmonem non certè cognoscere omnia præterita naturalia, & non libera, si nullum vestigium perseveret, sed tantum conjecturis, & indiciis. Quia non semper actu omnia cognoscit, & considerat, quæ in mundo accidunt. Et quomodo poterit simul cogitare omnes connexiones per accidens, & casuales causarum oppositarum, quæ ex Aristotele, & D. Thoma sunt innumeræ? Ideo de eventibus per accidens non datur certa scientia.

### CONSULTATIO XCI.

*De Divinationis divisione, ejusque speciebus. superior dissertatio, deque invocatione dæmonis expressa & tacita. Et an divinatio secundum pactum explicitum, & implicitum distinguatur essentialiter? Et quo pacto distinguantur?*

**D**ividitur Divinatio in eam, quæ sit expresso pacto cum dæmone, & in eam, quæ implicito. Ita D. Thomas, & communiter Doctores. Nam omnis divinatio utitur ad cognitionem futuri eventus aliquo dæmonum consilio, vel auxilio. Hoc autem vel imploratur expressè, vel præter intentionem hominis se occultè ingerit dæmon ad prænunciandum futura quædam, quæ hominibus sunt ignota, ei tamen cognita modo jam declarato. Et ita etiam docent cum eodem D. Thoma *2. 2. qu. 95. art. 2. & 3.* Azor *par. 1. lib. 9. cap. 13.* Lessius *lib. 2. cap. 43. dub. 5.* Sanchez *lib. 2. in decal. cap. 38. nu. 13.* Suarez *de relig. tom. 1. lib. 2. cap. 7.* Valentia *in d. 2. 2. disp. 6. qu. 22. pun. 2. & 3.* Sayrus *in clavi reg. lib. 4. cap. 5.* Filiuc. *tract. 24. cap. 3. num. 55. & 70.* aliique communiter.

Invocatio autem expressa dæmonis distinguitur à tacita secundum hominis intentionem, quæ tamen dupliciter haberi potest pro expressa. Primò cum quis invocat dæmonem. Secundò cum quis facit aliquod opus, quod sit ex dæmonis virtute, ut faciunt incantatores. Uterque enim expressè dæmonem invocat ex intentione verbo, vel facto. Tunc namque intervenit pactum, etsi non cum illo homine, initum tamen cum alio aliquo, qui assistit illi operi ostendendo vel operando, vel instituendo, ut dicitur de sortilegio Ampullæ plenæ aqua, dicendo *Angele Sancte, &c.* sub his enim verbis confictis dæmones invocantur. Unde id facientes coguntur abjurare, etiam de vehementi. Quod est notandum contra Torreblancam, Salelles, Delrium, & nonnullos alios in materia qualificationis sortilegiorum, de qua suo loco. Tacita verò invocatio dæmonum tunc solummodo est, quando aliquis talibus se implicat, ut dignum sit dæmonem se illis immiscere, quamvis hoc sit præter intentionem talis hominis. Unde non requiritur, ut dicat ordinem ad pactum explicitum, ut censet Suarez. Satis enim est talibus se implicare, ut dignum sit dæmonem se illis immiscere, quæ sunt innumera, etsi pactum expressum non intercesserit.

Triplex autem divinationis genus est. Primum per manifestam dæmonum invocationem. Secundum per solam considerationem dispositionis, vel motus alterius rei. Tertium dum facimus aliquid, ut nobis manifestetur



nifestetur aliquid occultum, quod pertinet ad sortes. Dicuntur autem genera, quoniam habent sub se species. Sunt tamen genera intermedia, quoniam habent supra se genus & species subjectas, nec affirmamus esse omnia propriè genera & species, sed forsitan analogia. Nam unum videtur ab alio dependere, & ad illud ordinem dicere, divinatio scilicet quæ fit pacto implicito ad illam quæ fit explicito, saltem apud Suarez, & Salelles, qui tenent, pactum semper fuisse explicitè initum cum aliquo primo homine, qui assistit illi operi, ostendendo, vel operando. Quod Cajetanus de pacto explicito opere affirmat.

Sub quolibet autem horum generum plures continentur species, quas enumerat D. Thomas *art. 3. dictæ qu. 95.* Sub primo clauditur præstigium, quando videlicet dæmones præstigiis quibusdam apparitionibus se aspectui, & auditui hominum ingerunt ad prænunciandum futura, quæ species vocatur præstigium ex eo, quod oculi hominum perstringuntur. Alia species est divinatio per somnium, alia necromantia per mortuorum scilicet apparitionem, vel locutionem, quia quibusdam præcantationibus, adhibito sanguine videntur resuscitari mortui, divinare, & ad interrogata respondere. Quandoque autem futura denunciant per homines vivos, sicut patet in arreptitiis, & hæc est divinatio per Pythones, qui à Pythone Apolline sunt appellati, qui credebatur autor divinationis. Alia species est Geomantia, quæ est divinatio per aliquas figuras, vel signa, quæ in rebus inanimatis apparent. Quod si appareant in aqua dicitur hydromantia; si in aëre aeromantia; si in igne pyromantia; si in aliquo corpore terrestri, ut in ligno, ferro, lapide polito appellatur Geomantia; si in visceribus animalium immolatorum in aris dæmonum, vocatur aruspicium.

In secundo autem genere divinationis absque expressa dæmonum invocatione duæ quoque assignantur species. Prima est, quando ad cognoscendum futura aliquid consideramus in dispositionibus aliquarum rerum. Ut si quis conetur futura cognoscere ex consideratione situs, & motus syderum, Astrologus dicitur, & Genethliacus ob natalium dierum considerationem. Si per motus veloces avium, sive quorumcunque animalium, sive per sternutationes hominum, vel per membrorum saltus, pertinet ad augurium, quod dicitur à Garritu avium, sicut auspiciū ab inspectione avium, quorum primum pertinet ad aures, secundum ad oculos. Si talis consideratio fiat per verba hominum absque intentione prolata, omen dicitur, dum quis retorquet ad futurum, quod vult prænoscere. Quare Valerius Maximus *lib. 2. cap. 5.* ait, omnium observatio aliquo contractu religioni annexa est, quia non fortuito motu, sed divina providentia constare creditur, quæ fecit, ut Romanis deliberantibus, utrum ad alium locum migrarent, fortè eo tempore Centurio quidam exclamavit Signifer, statue signum, hîc optimè manebimus. Quam vocem auditam pro omine acceperunt, transeundi consilium omittendi.

Aliæ species divinationis distinguuntur secundum dispositiones aliquarum figurarum in aliquibus corporibus visui occurrentes; E lineamentis namque manus sumitur divinatio, quæ chiromantia vocatur, ex fronte metopomantia, ex spatula alicujus animalis spatulamantia, ex totius hominis aspectu Physionomia.

Ad hoc genus divinationis sine expressa dæmonum invocatione reducuntur aliæ divinationes, ut aliquid occultum inquirere per protractionem punctorum, quod spectat ad artem Geomantia; vel per considerationem figurarum, quæ proveniunt ex plumbo liquefacto, in aquam projecto, sive ex quibusdam

schedulis scriptis, vel non scriptis in occulto repositis, dum consideratur quis quam accipiat, vel etiam ex festucis inæqualibus propositis, quis majorem, vel minorem apprehendat, vel taxillorum projectione, quis plura puncta projiciat. Vel etiam dum consideratur quid aperiendi librum occurrat; quæ omnia sortium nomen habent. Hæc hisce ferè verbis docet D. Thomas, & confirmat Sixtus V. in sua Constitutione, ac communiter Doctores.

Advertendum tamen est, quod speciebus singulis horum trium generum potest intervenire invocatio expressa dæmonis, sed non semper per se. At pluribus speciebus primi generis per se, ut necromantia, pythonica divinationi. Aliquando etiam per somnia, cum plerumque dæmones loquantur in somniis, ut docet D. Thomas *ibidem in corpore art. 6.* Interdum autem, inquit operatione dæmonum aliquæ phantasiæ præstigio dormientibus apparent, quibus quandoque aliqua revelant iis, cum quibus habent pacta illicita. Sed Cajetanus *in fine illius articuli* rectè advertit duobus modis superstitionem esse in somniis. Quando scilicet est expressa invocatio dæmonum, vel quando somnia extenduntur ad ea, ad quæ se non possunt extendere, ut habere certitudinem de contingentibus, & aliis, quæ non subjiciuntur astris, Tunc enim est tacita cum dæmone societas.

Quod verò ad pactum explicitum, & implicitum, an distinguantur essentialiter, videtur affirmare D. Thomas *loc. cit. art. 3. ad 1.* ac ibi Cajetanus, Moura *sect. 3. de ensalm. cap. 5.* cum aliis. Nam D. Thomas licet admittit in prædictis esse eandem generalem rationem peccandi, non autem specialem, gravitas tamen major, quam ibidem subjungit, deberet esse diversæ rationis, ut consentanea loquatur.

At verò Suarez *loc. cit. cap. 10.* quem sequitur Salelles, in rigore loquendo, probabile ait, non distinguere essentialiter, sed solum, ut actus perfectus, & imperfectus, completus, & incompletus intra eandem speciem. Non enim voluntas expressa, aut tacita species actuum moralium distinguunt. Sic namque professio tacita & expressa ejusdem speciei sunt. Quia idem juris est taciti, & expressi *l. de quibus ff. de legib. & l. cum quis ff. si cert. petat.* Idemque tradunt Diana *p. 1. rr. 7. resol. 66.* Castropal. *p. 3. tit. 17. disp. 1. pun. 3. n. 10.* & Escobar *to. 4. lib. 28. cap. 17. n. 168.* Unde Diana *loc. cit.* ac Victoria *in sum. tit. de confessione n. 176.* in fine opinantur, non teneri delinquentem exprimere in confessione pactum expressum cum dæmone, sed satisfacere, si dicat, se divinando superstitiosè, mortaliter peccasse. Quia circumstantiæ aggravantes, quæ non mutant speciem, non sunt necessariò in confessione aperiendæ.

Nihilominus tamen quoad praxim, præsertim quoad confessionem, ac præsumptionem de hæresi, & aliis pœnas, ac censuras, dicendum est, hujusmodi pacta distinguere specie. Est enim sortilegium qualificatum invocare expressè dæmonem, sicque invocanti imputantur abjuratio, pœnæ gravissimæ, ac censuræ apud aliquos, non implicitè invocanti, nisi aliunde id eveniat. Hinc D. Thomas *d. qu. 95. art. 3. ad 1.* Suarez *ibidem*, Sanchez *loc. cit. num. 14.* Castropal. *supra m. 11.* Escobar *codem in loco*, Lessius *inibi*, Layman *lib. 4. tract. 10. cap. 3. numero 4.* Filiuc. *dict. tract. 23. numero 72.* ac Reginaldus *lib. 17. numero 174.* Tum quia longè diversum judicium faciendum est de illo peccato à Confessario, quam ex divinatione pacto implicito. Tum quia manifestanda est in confessione non solum distinctio specifica peccatorum, sed etiam numerica. Habere autem voluntatem expressam invocandi dæmonem est peccatum distinctum ab illo quod committitur ex tacita invocatione. Quia in tacita invocatione solum adest hæc voluntas



voluntas virtualiter, non formaliter, ut est in invocatione explicita. Voluntas autem formalis à virtuali est numero distincta. Et tum etiam quia expressa divinatione sæpe alia gravissima peccata involvit, nempe abnegationem baptismi, apostasiam à fide, idololatriam per sacrificia, adorationem, ac similia. Quæ in divinatione per pactum implicitum, aut nunquam aut raro accidere solent.

Nec illa duo genera divinationis se habent sicut actus perfectus, & imperfectus, & sicut professio tacita, & expressa, sed sicut duo actus diversa ratione eidem virtuti oppositi. Neque invocatio implicita dicit ordinem per se ad expressam, sicut professio implicita ad expressam, ut ait Suarez; Nam potest dari pactum implicitum absque ordine ad explicitum non solum in operante, sed etiam in ordine ad dæmonem, vel magum quemlibet. Potest enim quis uti vanitatibus ac divinandum circa ea, respectu quorum nunquam pactum aliquod est expresse initum inter dæmonem & magum.

Dicimus ergo, explicitum, & implicitum non variare speciem, sicut neque actum, & potentiam. Eiusdem enim speciei est homo in potentia, & homo in actu. Similiter veritas una & eadem explicita & implicita. Si tamen referatur ad ipsos modos, sive res, quæ tales modos sibi vindicant, variatur species, ut in principiis, & conclusionibus, eorumque habitibus. Hinc etiam apud multos & gravissimos Autores fides catholica, sive universalis distinguitur specie à fide speciali, qua quis credit Deo sibi revelanti mysteria in ordine ad bonum particulare. Sic enim ex Cano, Soto, Bannes & Arauxo obiectum motivum fidei catholicæ formale non est divina revelatio utunque, sed universalis, toti scilicet Ecclesiæ facta & ab ipsa Ecclesia proposita in commune bonum ipsius, à qua ratione formali longè sunt veritates particularibus revelatæ. Quare non mirum si fidem theologiam non attingunt. Unde ait Arauxo, quod fides ista diversificatur secundum diversa instrumenta, per quæ fit revelatio, quæ refunduntur in rationem formalem. Fides enim theologica, ut docet D. Thomas p. 1. q. 1. ar. 8. ad 2. innititur revelationi Apostolis, & Prophetis factæ, qui canonicos libros scripserunt, non autem revelationi, siquæ fuit alijs Doctoribus facta, quæ est fides particularis. Neque ita se habent respectu revelationis divinæ universalis verba, & res atque actiones humanæ; sed materialiter tantum, cum sit eadem ratio formalis revelationis, media Ecclesia, ut instrumento extendente se etiam ad traditiones veras, & approbatas. At in re nostra est diversitas formalis principij assumpti à dæmone ad investigationem futurorum. Distinguntur enim genera superstitionum per id, quod dæmoni sacrificium offeratur per idololatriam, vel per id, quod assumatur auxilium illius ad aliquid faciendum, vel cognoscendum, licet sit idem dæmon, quia diverso modo in illum tenditur, sicut & secundum diversos modos tendendi contra fidem distinguuntur infidelitatis species, etiam per explicitum, & implicitum, vel in figura, etsi eadem sit fides explicita & in figura. Licet enim unica sit fides specie, explicita in Christianis, implicita in Hebræis, distinguuntur tamen in eis species infidelitatis, quia diverso modo deviant à fide. Christianus enim renititur fidei iam susceptæ. Hebræus in figura, Paganus fidei nondum susceptæ. Hoc plane modo accidit in hoc casu.

Dicimus etiam, quod modi peculiare, superius. n. 5. §. In secundo autem genere numerari, & Tom. I.

sub duobus generalibus comprehensi, sunt diversæ species divinationis quasi speculativo modo. Patet ex D. Thoma in eodem articulo, ubi statuit diversitatem specificam. Quia diversitas formalis specierum attendenda est secundum principia formalia. Hæc autem sunt diversa. Non tamen videtur necessarium, has diversas species in confessione explicare, nisi diversam per accidens deformitatem importarent. Quia nulla specialis deformitas reperitur in divinatione per ignem, quæ non reperiatur in divinatione per aquam, astra, aërem, Nec in divinatione per avium cantus, quæ non sit in hominum verbis.

## CONSULTATIO XCII.

*Utrum ad superstitionem divinationem sufficiat pactum implicitum cum dæmone, an requiratur explicitum? Ubi respondetur frivolis argumentis Torreblanca, cujus varij errores, & disceptatur, an divinatio semper sit peccatum mortale. Et an divinatio, ejusque species sint per se mala anve male, quia prohibita? Ubi de signis pacti expliciti, & impliciti.*

**R**Abbi David Kimchi apud Abulensem l. Reg. 14. quest. 4. putat, auguria, quæ observantur ex animalibus, ac similibus aliis esse semper illicita; omina verò, quæ attenduntur secundum verba humana, non semper esse illicita.

Notandum est cum D. Thoma, cæterisque Theologis, quod si futurorum cognitio inquiritur non per res vanas, sed solidas, non erit superstitionis, nec propriè divinationis. Si enim innitatur Dei auctoritati, vel auxilio, per se mala esse nequit, cum Deus sit fons omnis veritatis, ac scientiæ. Ut si Eclipsis prænunderetur ex vera, & naturali altorum causa. Si medici divinarent, sive conijcerent ex signis.

Ut autem hæc inquisitio vana non sit, duo requiruntur. Primum, ut medium cognitionis sit obiectum proportionatum cognitioni humanæ, hoc est, ut sit obiectum quod à sensibus percipi queat. Secundum, ut etiam medium sit proportionatum veritati per ipsum inquirendæ, ut scilicet naturalem aliquam connexionem cum illa habeat, ratione cujus rectè possit hæc ex illo colligi, ita ut medium illud aliquo modo in se veritatem illam contineat, vel ut medium continet conclusionem vel tanquam causa effectum, vel tanquam effectus causam, vel secundum connexionem duorum effectuum in una causa. Tunc enim unus effectus per alium significatur. Non quia unus sit causa alterius, sed quia causa unius effectus producit etiam alterum, ut serenitas cognoscitur per iridem. Quare prima, & præcipua conditio vanæ inquisitionis est, quando fit per medium inutile, ac futile, quod scilicet non habeat sufficientem connexionem causæ vel effectus cum re, quæ inquiritur, alias inquisitio non erit vana.

Nec si aliquod signum habeat impositionem à Deo, qui non potest mentiri. Unde rectè divinat, qui inspecta iride, credit non esse futuram eluvionem, cum Deus Genes. nono in hujus rei signum posuerit arcum in Cælo, sufficitque solum Dei verbum, sive talis significatio divina habeatur ex Sacra Scriptura, sive ex revelatione privatim expressa, sive



sive ex interno Spiritus Sancti instinctu. In quibus casibus probari debent spiritus, an à Deo sint. Quo pacto interdum Sancti ex uno verbo fortè audito, aut lecto, signum divinæ voluntatis, aut specialis providentiæ satis attendunt, & aucupantur ad regimen propriarum actionum, non quidem secundum vanum omen, sed secundum divinum instinctum vel prudentiam, vel probabilem conjecturam, ut declarat D. Augustinus *lib. 8. confes. cap. 12.* & Gregorius Turonensis *libro secundo historia Francor. cap. 27.*

Ad Peccatum itaque superstitionis divinationis requiritur ac sufficit pactum implicitum cum dæmone, atque ita, ut committi possit absque pacto expresso. Est communis sententia cum D. Thoma 2. 2. *quæst. 95. 7.* ubi late Cajet. Suarez, ac Delatorre post Augustinum *lib. 2. de doctr. christ. cap. 20. & seqq.* addentes, quod hoc pacto etiam per se est mortale.

Probatur, quoniam ad superstitionem falsi cultus oportet, ut aliquis cultus divinus in aliquam personam, vel rem extra Deum transferatur. Non potest autem alio modo id evenire in divinatione, nisi ex pacto implicito cum dæmone. Nam non potest inquiri notitia alicujus rei occultæ per aliquod signum, quod illam ex rei natura non significat, nisi quia significare creditur ex imperio, & præscripto, sive formula alicuius habentis auctoritatem. In hoc autem casu jam supponimus signa non esse naturalia. Ideoque qui illis utitur, tanquam utilibus ad futura cognoscendum, tenet esse imposita ad significandum ab aliquo habente auctoritatem, cui credendum sit. Constat autem non esse imposita à Deo, neque à sanctis Angelis. Ergo à dæmone, cum ab homine certum sit non posse provenire. Ac proinde qui utitur illis signis, à demone implicitè instruitur, illique fidem adhibet, quæ est societas, sive pactum implicitum cum illo. Nec requiritur, ut expresse postulet à dæmone. Sic enim esset expressa invocatio, sed sufficit, ut quis vanis inquisitionibus intendat spe cognoscendi futura. Quoniam, ut ait D. Thomas, statim dæmon se ingerit. Unde virtualiter hoc est, quod homo affectat.

Dicitur autem hic pactum non solum stabilis quædam connexio ex mutua promissione, & obligatione, sed quælibet societas, & deprecatio, sive petitio auxilii ad aliquid cognoscendum. Alterutra enim satis est ad superstitionem falsi cultus. Intervenit namque saltem tacita deprecatio, & postulatio auxilii à dæmone, quandoquidem sub illa spe fit vana inquisitio.

Idque comprobatur. Quia tota notitia acquirenda per talia signa, reducitur ad auctoritatem illius, qui signa imposuit, & approbavit, ut hoc, vel illud indicarent, cum hoc virtute humani discursus, ac luminis naturalis ex rebus ipsis colligi nequeat. Eoque magis quia in hisce vanis inquisitionibus proceditur per modum disciplinæ, non per modum inventionis. Solus autem dæmon est, qui talia signa imponit, ac edocet. Nam à Deo constat non provenire, nec homo creditur posse per se talem tradere doctrinam, in qua consistit pactum implicitum, quod reducitur ad explicitum quotiescunque cum aliquo primo enunciatore illius doctrinæ præcessit. Quod tamen non est simpliciter necessarium. Et licet in aliquibus experimentis accidat, quibus constat dæmonem adesse operantem ex vi pacti expliciti primi institutoris, hoc tamen non ita semper accidit, sed sufficit vana inquisitio ad futura cognoscendum. Idemque dicendum est de alijs superstitionibus simplicibus.

Unde ex pacto implicito non inferitur suspicio manifesta hæresis, nisi sit abusus Sacramentorum, aut sacramentalium, non tamen ratione alicujus rei sacræ præcisè ut aquæ, vel candelæ benedictæ ac similia, quicquid dicat Moura *sect. 3. cap. 5.* Torreblanca, & Delrius. Esset enim durum condemnare aliquem, ut suspectum de hæresi manifestè, qui vanè, ac superstitione deferret schedulam cum septem Crucibus, vel orationem S. Leonis, aut Evangelium S. Joannis, certò credens non posse offendi ab armis inimici. Quod tamen est superstitio. Secus esset, si quis abuteretur Sacra Scriptura, vel alia re Sacra ad mæchiam, furtum vel alium pravum finem. Tunc enim rectè interrogatur in iudicio, an crediderit licitum esse abuti Sacra Scriptura ad malum finem, de quibus suo loco.

Ex his autem deducitur in quo consistat pactum explicitum, vel implicitum cum dæmone, & quo modo sit distinguendum. Unde quamvis Torreblanca *cap. 7. & 8.* & cum eo Salelles *num. 7.* asserant pactum expressum cum dæmone fieri posse vel mediate per magum nomine paciscentis, eo quod paciscens dæmonis aspectum nimis male timeat, vel immediate cum apparitione aliqua ipsius dæmonis, existimantes verè ac re ipsa signa & pacta conventa circa omnes species divinationis fuisse à dæmone inducta & manifestata suis magis, qui cum eo pactum inierunt; hæc tamen doctrina non est absolute vera, cum nova institui possint quotidie signa ad divinandum non edocta prius à dæmone, quæ plane superstitionis erunt; adeoque pactum implicitum dæmonis. Quare idem Salelles, melius rem hanc considerans dicto *tom. 1. fol. 220. num. 74.* ait ex Suarez, Cajetano, & alijs, satis esse si utatur illis ad talem finem; imo etiam si dicat expresse, se nolle inire pactum cum dæmone, dum vana adhibendo, vult eorum effectus experiri, rectèque addit ex Sanchez, esse innumera fere signa, & infinitum multiplicabilia & nunquam audita. Falso tamen asserit, semper nova asserri, nunquam antea experta, vel audita. Id enim experientia reprobat. Nam sicut hæreses antiquæ in dies renovantur ita & sortilegia,

Recte autem distinguitur pactum expressum, & tacitum ex D. Thoma *qu. 13. de malo art. 4. ad 13. opusc. 21. qu. 4.* Et utrumque docet prohiberi primo præcepto decalogi 2. 2. *q. 122. ar. 2. ad 3. & art. 3. & 4. in corp. & d. q. 95. ar. 6.* docet, explicitum esse, quando dæmon invocatur ad paciscendum cum eo. Tacitum autem quando opus se extendit ad id, ad quod se extendere non potest. Et *art. 2. in corp.* clarius ait, pactum expressum esse, quando dæmones expresse invocantur ad aliquem effectum. Tacitum autem, quando dæmones se ingerunt operibus vanis, id est quando fiunt opera vana, ac digne, quibus dæmon se ingerat. Et *art. 3. pariter in corp.* primum pactum est, inquit, quando expresse imploratur auxilium dæmonis. Secundum, quando fit opus, cui dæmon se ingerit præter intentionem hominis. Interpretatur directam Moura *ibidem* nos indirectam, quantum sufficit ad consensum aliquem peccaminosum, ut statim explicat D. Thomas in solutione ad primum, inquit, in utroque casu eandem esse peccati rationem generalem, non autem specialem, quia gravius ait, est, dæmonem invocare, quam aliqua facere, quibus dignum sit ut se dæmones ingerant. Idemque docet *Opusc. 25. de sortibus cap. ult.* & ad illud Job 4. Divident illum negotiatores, *lect. 3.* ac præverat Magnus Albertus *in d. decis. 7. art. ult.* & sequitur Cajetanus *in d. quæst. 95. art. 3. & 4. & in sum. v. divinatio. & v. incantatio.* Delatorre, Valentia, Granados, Serra, Sylvius, Medina, *in sum.*



*in sum.* Navar. item *in sum.* cap. 2. Sylvester de Stry-  
gimay. ubi diligenter describit pactum solenne expli-  
citur strigum instar professionis regularis, de quo  
Torreblanca lib. 2. epist. capite 7. Remig. libro 1. cap.  
5. Nider libro 11. fornicar. Locutus in judicial. Ma-  
thias in arsenal. Bodinus lib. 1. demonolatr. cap. 4. &  
5. Bisfeldius in confes. malefic. Grillandus de sortileg.  
qu. 3. nu. 2. Victoria de magia qu. 6. nu. 28. Malleus  
malefic. par. 1. qu. 16. Delrias lib. 2. qu. 4. & lib. 4. cap.  
2. Simanchas de cathol. instit. tit. 67. n. 13. & 33. &  
ex eo Farinac. qu. 181. nu. 38. de heres. Squillacen. de  
fide cap. 7. nu. 4. & cap. 13. nu. 1. abdens, quod per pa-  
cta cadere iniur, & expressa cum dæmone, quis dica-  
tur stricto modo hæreticus. Quod quidem esse per  
se falsum, dicemus suo loco, sed suspectus tantum de  
heresi, de quo Eymericus, Pegna, Toletus, Grillius,  
Carena, Moura, Cenedo, Correa, præcipue Trul-  
lench. alique communiter.

Cautius tamen libro primo de just. heret. punit.  
capite decimo-quarto tenet, pactum explicitum esse,  
quando operans scit, dæmonem se ingerere tali  
operi, quamvis cum eo homine à dæmone non  
initum. Tacitum autem, quando scit opus esse di-  
gnum, cui dæmon se immisceat, licet præter suam  
intentionem.

At Cirvels par. 2. cap. 2. vult, esse pactum rati-  
onem, quando divinatores utuntur verbis, vel vanita-  
tibus à dæmone inventis ad cognoscendum secreta.  
Quia licet non paciscantur expresse, nec loquantur  
cum dæmone, in prædictis tamen dicendis, vel fa-  
cendis, dæmoni, ut domino, obsequantur, tum que  
proinde apostata à fide, sicuti sunt necromantici ha-  
bentes pactum expressum, pariterque à iudicibus fidei  
punitendi. Concluditque quod eo ipso, quod quis  
utitur mediis ex se inedicacibus ad scientiam infun-  
dendam, init pactum tacitum cum dæmone. Quia  
convincitur velle, ab eo edoceri. Denique in cap.  
ult. respons. 5. & 6. inquit, certum esse per Sanctos  
Ecclesiarum Doctores decretum esse Enfalms regula-  
riter continere vanitatem, eumque qui eis utitur con-  
fessere in pactum dæmonis ex vi operis, id est impli-  
citur, quamvis illud verbis neget.

Iure autem Torreblanca ex D. Thoma, Cajetano  
& Navarro tradit, pactum expressum posse contrahi  
expressis, & conceptis verbis à dæmone institutis, aut  
ipso inito, & actione, quando quis facit id, quod  
novit expresse dæmonem per signa, vel reserfas sui  
operis, & efficaciam constituisse. Additque cap. 14.  
lib. 11. jur. spirit. ex Farinacio, Grillando, Castro,  
Suarez, Sanchez, Moura, & cum communi, pa-  
ctum implicitum sive tacitum constitui quoties quis  
superstitiosis utitur rebus, verbis, formulis, oratio-  
nibus, nominibus, characteribus, signis, annulis,  
physicis, vel aliis rebus à mago institutis. Imò,  
& nos subditus, etiam si instituta non sint, dum-  
modo his vanis, tanquam utilibus utatur. Quia pa-  
ctum implicitum non dicit per se ordinem ad ex-  
plicitum. Unde potest contrahi ab ignorante, &  
nulli pacto stare volente. Nam D. Thomas docet  
articulo 2. dicta qu. 95. divinationem ex operatione  
demonum provenire, vel quia expresse dæmo-  
nes invocantur ad futura manifestanda, vel quia  
dæmones se ingerunt vanis inquisitionibus fu-  
turatorum, ut mentes hominum implicent vanitati-  
bus, quando scilicet aliquis futurum prænosce-  
re tentat, unde prænosci non potest. Unde tra-  
dit Torreblanca ibidem ex Castro, & Suarez,  
quos sequitur Salelles, & antea Sanchez, & Mou-  
ra, initi pactum implicitum, etiam si his utens, pro-  
testetur, se nolle pactum cum dæmone contrahere.  
Potest namque dari formula, quæ ex parte ministri  
tantum exposcat applicationem ad hoc, dæmone

Tom. I.

carera operante, ita quod positis rebus secundum  
pacta non remaneat in potestate utentis dæmonem  
impedire operantem. Quæ tamen interpretationem  
accipere debent ex à nobis dictis.

Sanchez autem libro secundo in decal. capite 58.  
quem sequitur Moura cum aliis, tradit, pactum  
implicitum esse quoties quis etiam contra expressam  
voluntatem concurrenti cum dæmone utitur mediis  
vanis ad aliquem effectum obtinendum, & quod  
in his terminis fieri potest, ut de eodem objecto  
habeat voluntatem expressam contrariam tacitæ; si  
nimirum habeat de eo ignorantiam culpabilem.  
Idemque videtur supponere Lessius libro secundo,  
capite 44. dub. 14. numero vigesimo-sexto, ubi si-  
mul affirmat, sibi videri in hac materia, non dari  
peccatum veniale ex parvitate illius. Quod tamen  
improbamus, de pacto implicito loquendo quod  
simplicem superstitionem tantum importat, quæ ex  
se non implicat manifestam præsumptionem hære-  
sis, ut etiam notavit Moura ex Suarez. Per acci-  
dens enim ex parte ignorantie, vel inadvertentie,  
ut mox dicemus, accidit, quod à malitia lethali di-  
strahatur.

Suarez verò tomo primo, libro secundo, de relig.  
capite nono, numero item nono, testatur pactum dæ-  
monis implicitum intercedere quoties homo serio  
utitur his signis ad veritatem occultam per illa si-  
gnificata inquirendam, illamque credit, quando se-  
cundum regulas alicujus artis divinatorie per illa  
media investigat, vel accedit cum animo adhiben-  
di fidem talibus signis, quando illa observat. Hoc  
enim damnatur ab Ecclesia, à D. Thoma, & à Pa-  
tribus, qui referuntur in decreto causa 26. questione  
prima & sequent. ut superstitio falsi cultus religio-  
ni contraria. Ideoque per illam transfertur divinus  
cultus ad dæmonem. Quia non potest in alio con-  
sistere falsitas illius cultus. Ut autem cultus Dei  
tribuat dæmoni, necessaria est aliqua societas vel  
pactum cum illo, non explicitum, ut jam dixi-  
mus. Ergo saltem implicitum. Et licet videatur  
ipse Suarez num. 11. reprobare modum dicendi D.  
Thomæ, & Cajetani, non tamen reipsa est, sed per  
modum arguentis loquitur.

Signa verò dignoscendi pacta implicita leges apud  
Suarez, Delatorre, Mouram de Enfalms, ac Torre-  
blancam lib. 11. cap. 15. Carenam, & alios. Nos tamen  
nonnulla subicere, atque explicare opportunum cen-  
semus.

Primum itaque signum est, quando effectus excedit  
naturæ, atque artis vires. Unde quia non constat de  
causa divina, judicatur dæmoniaca, ideoque cum pa-  
cto dæmonis, saltem implicito. Ita docent exposito-  
res d. qu. 96. ar. 2. præsertim Valentia, & Sylvius, ac  
Medina in sum. Graff. lib. 2. decis. cap. 3. Zerola in  
prax. Episcop. p. 1. v. superstitio, Gabriel, alique in 3.  
sent. d. 8. qu. 2. Cajetanus in sum. v. incantatio, Cam-  
panil. in divers. jur. rubr. 2. cap. 26. Toftat. in Levit. 19.  
Navar. in man. cap. 11. Majol. tom. 2. canicul. colloq. 3.  
Cirvel. de superstit. p. 3. cap. 3. Simanch. d. tit. 63. Syl-  
vester, Ledesma, cæteri que summi, Moura loc. alleg.  
Salmeron Act. 19. post D. Thomam ibid. & 4. contra  
Gent. cap. 104. & seq. D. Augustinum lib. 21. de Civit.  
cap. 6. & Origenem in Jesu Nave c. 15. hom. 20 & alibi.

Quare egregie Victoria in relect. de mag. nume-  
ro vigesimo-sexto concludit, pactum intercedere ubi  
nec miraculum, nec naturæ vis, neque artificis  
solertia ad effectum expectatum intervenit. Unde  
Divus Thomas ait ibidem ad primum. Si adhi-  
beantur simpliciter res naturales ad aliquos effec-  
tus producendum ad quos putantur naturalem ha-  
bere virtutem, non est superstitiosum, aut illi-  
citur. Si verò adjungantur vel characteres aliqui,

F f 2. vel



vel aliqua nomina, vel alia quaecunque vanæ observationes, quæ manifestum est, naturaliter efficaciam non habere, erit superstitiosum, & illicitum. Ita D. Thomas. Platonici contendunt characteres, signa, & imagines virtutem sortiri mirabilem, quando fabricantur ex cœlesti quadam constellatione, quæ ipsis imprimitur. Fundantur in magico illo Ptolemæi aphorismo: Vultus inferiores subiecti sunt vultibus cœlestibus. Quod refellit D. Thomas 3. *contra Gentiles* cap. 75. docens figuram nullius actionis nec passionis principium esse, alioquin mathematica essent activa.

Secundum signum affert Torreblanca *loc. cit.* si ad vulnera sananda, & quaslibet infirmitates ac demones arcendos, locustas expellendas, sanguinem sistendum, ordiuntur à privatis personis orationes, formulæ, nomina, vel similia recitanda, vel deferenda. Nulla enim verba physice id operari possunt, nec ratione talis institutionis hos sortiuntur effectus ex vi operis. Quod declaro valere deprecative secundum regulas rectæ orationis, non constitutive & efficaci ad huiusmodi effectus, etiam si instituatur ab Episcopo, vel à Summo Pontifice, ut jam dictum. Id autem, quod addit Torreblanca, quemlibet quantacunque sanctitate præditum, non posse instituere similes orationes, ac cœremonias, etiam fallibiliter efficaces, siue natura sua, siue modo miraculoso, falsum est, si de gratia gratis à Deo data, & ut instrumentum divinum, loquatur, alias negaretur divina omnipotentia. Quare potest Sanctus virtute divina instituere baculum proprium, vel cingulum, aut vestes ad sanandum ut narratur de baculo S. Bernardi, de cingulo S. Pauli, de vestibus S. Vincentii Ferrerii. Debet tamen huiusmodi instrumentum toties quoties elevari à Deo ad operandum hæc miracula.

Et licet Suarez se opponat *eo cap. §. n. 27.* Cajetano, excusanti salutatores, dicentes sanare per gratiam peculiarem sibi à Deo concessam. Quia Deus non consuevit conferre has gratias quasi permanentes, & affixas ipsis verbis, vel periaptis. Inde enim possunt infinitæ fraudes magorum occultari. Nec, subdit, verisimilis aliqua ratio est ad id præsumendum. Unde non posse id in foro poli dissimulari, in foro autem fori fortasse interdum conniveri. Quia non apparent sufficientia indicia ad pactum tacitum præsumendum. Nos tamen non affirmamus gratias istas gratis datas, esse permanentes & per modum habitus, sed quando Deo placet. Si autem hi sanitarum largitores opererentur, non impetrando à Deo, sed cum quadam certitudine effectus, quasi illis proprium sit, & nihil faciant, quod pietatem redolet, sed vacent semper fraudibus, ac mendaciis, & lucro, dicendum est operari cum pacto superstitioso; & tunc prohibendi etiam in foro fori, nullo modo connivendum, quamvis non probetur evidenter pactum tacitum. Sufficit enim ex his præsumere, ac bono communi providere. Periculosum quippe est, ac superstitiosum inducere in Ecclesiam absque ipsius autoritate verba virtuosa vel res miraculosas ad sanandum, atque hæreticus absque dubio reputaretur, qui crederet se habere propria quædam verba, quibus infallibiliter conferretur animæ sanctitas ex promissione divina, præter Sacramenta. Idemque dicendum de quolibet supernaturali effectu verbis ipsis affixo.

Non ideo tamen negandum est, quædam ex his naturalibus remediis occultis, ac inusitatis curationes efficere ita, ut vulgò existimentur mirabiles. Quod certè superstitiosum non est, sed potius ad magiam naturalem pertinet. Potest verò ex fine esse peccatum vanitatis, vel avaritiæ, non quidem mortale, nisi vel iniustitia aliqua committatur, vel scandalum aliquod grave inde oriatur, alliciendo homines, ut existiment

illa fieri auxilio dæmonis, vel sub illa specie maiora promittendo supra virtutem naturalium causarum, unde præberetur occasio ad experimenta magiæ superstitiosæ. Nam in his hominibus semper est morale periculum, ideoque non sunt publice permittendi nisi clarè demonstrent, saltem Magistratibus, quales herbas applicent, & aliquam probabilitatem ostendant, eas tali virtute pollere.

Tertium signum est si orationibus, siue formulis promittatur effectus determinatus, à Deo impetrandus infallibiliter. Nulla enim possunt verba institui directè ac physice efficacia ad Deum trahendum, ut miraculosè operetur, vel solum indirectè ac moraliter objectivè, scilicet instituendo objectum, ad cuius præsentiam Deus cogatur ad talia faciendum. Non enim supponitur pactum initum inter Deum, & talem institutorem. Quare, si naturaliter non videantur posse tales effectus producere, non possunt adhiberi ad eos causandum; tanquam causæ, sed solum ut signa, & sic pertinent ad pactum cum dæmone initum.

Quartum signum est, si huiusmodi orationes aliquid contineant otiosum, vel extraneum, vel nomina incognita, obscura, barbara, aut peregrina. Sic enim pacta suspiciosa sunt, ut de literis Ephesinis narrat Rhodiginus *antiq. lett. cap. 14.* Fuerunt enim nimis curiosi Ephesini, teste D. Luca *Act. 19.* utpote ab Apollonio Thyanaeo magicis artibus instructi, ut scribit Philostratus *in ejus vita libro quarto.* Unde merito combusti fuerunt libri jussu Apostolorum. Verba autem erant *Asci, quatasci, ex, damnamens, exion.* Quæ ita interpretatur Rhodiginus: *tenebra, lumen, ipse, sol, verum.* Similia refert Reginaldus *libro decimo-septimo, capite 159.* & Petrus Gregorius *in syntagmat. parte tertia, libro trigesimo-quarto, capite decimo-nono* contra nocturnas infestationes instituta. Jamblicus quoque apud Rhodiginum loco allegato his vocibus barbaris, & extraneis vim tribuit mirabilem. At ridiculè. Nam nomina, licet instituta à Deo, non valent, nisi ad miracula determinata, atque à Deo elevantur.

Quintum signum est, si divinis nominibus alia superstitiosa misceantur, ut diximus de nominibus trium Angelorum immixtis ab Aldaberto, qui ideo in Concilio Romano damnatus fuit sub Zacharia.

Sextum signum adducitur à D. Thoma, & ab ejus expositoribus 2. 2. q. 3. & d. q. 96. ar. 2. & opusc. 25. ar. ult. & à Sylvestro, Armilla, Cajetano, Astense, Rosella, Tabiena, Toletto, aliisque Summistis v. *sortilegium, incantatio, divinatio, maleficium, & superstitio*, à Victoria *relect. de magia n. 34.* si nimirum aliquid falsitatis, aut vanitatis tales orationes contineant. Non enim Deus respexit ad vanitates, & insanias falsas, ubi Hieronymus legit ad incantationes, & maleficas artes, ut *alibi* annotavimus.

Septimum signum est, si in orationibus, ac verbis etiam sanctissimis nomina divina inferuntur incognita significationis, vel cognita, sed impertinentis ad quod applicantur, ut Tetragrammaton, Jehova, Adonai, Eloim, quibus Paracelsus *lib. de cœlesti medic.* determinato modo adhibitis opinatur se universos morbos sanare. Sic & nomina trium Regum, aut Machabæorum, vel aliorum cum certis quibusdam sigillis, & vanis characteribus, magos illos supponentes. Sic etiam deferre Evangelium S. Joannis aut Psalmos, vel alia verba Sacræ Scripturæ cum spe ac fiducia, quod deferentes immunes sint ab igne, à tormentis, à periculis ex eo, quod à tali viro conscripta, vel cum talibus characteribus, & figuris, ut per Navarram *in man. cap. 11. nu. 34.* Id enim est superstitio superflui cultus, si non falsi, potestque inter-



intervenire tentatio Dei, si ob nimiam fiduciam temerè se homo periculis exponat, aut in periculis omittat consueta media, quibus se tueatur. Nam postulare à Deo miraculosum defensionem, aut protectionem sine causa, vel speciali instinctu, est tentare Deum. Unde oratio, vel alius cultus ad id oblatus, superfluous, & vanus est. Quia revera per talem actionem ipse non honoratur.

Ad hoc signum reducitur, si spes ponatur in modo scribendi, aut recitandi, vel talibus litteris, tali charta, vel sono, aut rythmo, sique in tali persona, puero, virgine, vel tali hora debeant fieri, aut in tali cœli positura vana, & fallaci per textum in *can. non licet* 26. qu. 5. Quo sensu D. Paulus Galatas reprehendit illis verbis cap. 4. *Dies observatis & mensis, & annos, &c.* Quod tamen locum non habet in experimentis naturalibus agricolarum, nautarum, medicorum, de quibus supra.

Octavum signum suspectæ pactionis sunt orationes omnes ex verbis sanctissimis coalescentes, in quibus à Deo petuntur Sanctorum apparitiones, ac revelationes, aut si in eis petatur aliqua gratia gratis data, ut futura cognoscere, scientias sine studio obtinere, diem mortis prædicere, aliaque hujusmodi. Non enim voluntate humana allata est prophetia 2. *Petri c. 1. & 1. Cor. 12.* Est enim hæc magna temeritas, & periculis exponitur. Unde Judith 8. *Non est iste sermo, qui misericordiam provocet, sed potius ut iram excitet, & furorem accendat. Nam posuistis vos tempus miserationis Domini, & in arbitrium vestrum diem constitulistis.*

Præter verba, vel sine verbis consueverunt applicari etiam actiones, aut cæremonia, circa quæ generalem regulam tradunt Theologi, quamlibet actionem, vel signum, præter signum crucis semper, aut plerumque ac generatim esse superstitiosum, ac sæpè importare expressè idololatriam; in quibus actionibus, & aliis ejusmodi, præcisè expresso cultu dæmonis, reperitur semper inutilitas in ratione causæ. Quia nulla virtute naturali pollent ad effectum intentum. Sunt quidem tantum cæremonia quædam, quæ levibus manuum motibus, aliorumve membrorum corporis exercentur, per se non activis in ordine ad alia, ad quorum commodum ferè semper diriguntur. Neque in ipso operante, si in eo effectus desideretur, valent per se efficere, nisi hoc, vel illud, ubi & per accidens calorem aliquem, si motus sit ad illum sufficiens, ut rectè notavit Suarez d. lib. 2. cap. 11. Quod in hoc casu non solet accidere, neque ad id ordinantur, atque adeo certum est, ritus istos solum applicari in ratione signi, cum nulla alia super sit ratio, præcisè ratione causæ. Unde cum tale signum à Deo non proveniat, tantum ex pacto dæmonis haberi potest. Nec ipse moveretur signis ab alio traditis, ut de signis divinationum tradit Eusebius 5. *de prepar. cap. 7.*

Si autem res permanentes applicantur ad inferendum salutem, & naturalem ad id virtutem non habent, sequitur, quod adhibeantur signa dæmoniacæ. Non enim sunt instrumenta Dei, qui potest, lutum oculis imponendo, visum restituere. Nihil enim talium promissit Deus se facturum per tales res. Unde superstitiosè applicantur. Sicut & si effectus tanta celeritate fiat, vel fieri credatur, ac speretur, ut excedat naturalem virtutem illarum rerum naturalium. Et tunc quoad hoc assumitur, ut signum juxta regulam Aristotelis: Sicut se habet simpliciter ad simpliciter, ita secundum quid ad secundum quid. Idem dicas si in distantem locum contendant actiones operari præter ordinem naturæ, ut cum adhibita certa unctione brevissimo tempore in locum distantissimum ducitur, & effectum operatur sanitatis.

Denique pactum involvitur implicitum quando res naturales adhibentur ad effectum aliquem producen-

dum, non ex vi naturali, sed ex aliqua circumstanti vana, ut quod sint herba collectæ tali die, vel tali hora, à tali persona, vel in tali numero. Idè prohibetur in *can. non licet* 26. qu. 5. hisce verbis: *Neque in collectionibus herbarum, quæ medicinales sunt, aliquas observationes liceat attendere, etiamsi alias virtutem aliquam habeant.* Ita Augustinus lib. 2. *de doctr. Christ. cap. 18.* Quade re nos alibi.

Ad hæc reducuntur qui res applicant ad effectus non naturales, nec secundum divinam institutionem, veluti hostiam consecratam ad amorem conciliandum, oleum sanctum, vel hujusmodi rem aliam, ut per Delatorre, Suarez, Valentiam, & Sylvium locis allegatis 2. 2. Cajetanus in *sum. v. superstitio*, Navar. in *man. cap. 11.* Cirvel. *de superstit. p. 3. c. 3.* Toletus in *sum. lib. 4. cap. 16.* Caltrius *de just. heret. punit. lib. 13. cap. 1.* Malleus p. 2. qu. 1. cap. 5. Moura *sect. 2.* Torreblanca *ibid. Delrius lib. 3. magic. p. 1. q. 3.* Carena, Maiolus Sallèles, Pegna in *Eymer. q. 43.* Bozius *de sign. Eccles. lib. 14. c. 7.* Sayrus in *clav. reg. lib. 4. c. 6.* alique. Verò Quoties quis utitur vanis, ut utilibus, adest pactum implicitum. Dæmon enim se ingerit his vanitatibus.

Neque objicias, quod possit aliquis velle uti his vanis inquisitionibus, expressè intendendo, non velle habere pactum cum dæmone, sed tantum ob experimenta aliqua, quæ demonstrant, futura ita evenire, sicut signa illa indicant secundum regulas talis artis vel traditionem in ea peritorum. Imò iste sic illa utens, non curat quomodo fuerint manifestata hominibus talia signa, sed ab hoc abstrahit, & à quolibet pacto cum dæmone per expressam intentionem; Potest item quispiam opinari, talia signa non fuisse ostensa à dæmone, sed vel à Deo ita fuisse ad significandū imposita, quemadmodum Origenes credidit de signis cælestibus. Vel quod casu sint reperta, & longo usu comprobata, & proinde non intercedit in his casib. pactum implicitum.

Nam responderetur, posse quidem accidere per ignorantiam crassam, vel incogitantiam aliquem velle contraria, unum scilicet explicitè in se ac formaliter, aliud implicitè virtualiter & in alio. Ita cōtingit in hoc casu. Etsi enim voluntariè utens talibus inquisitionibus vanis, ut talibus, explicitè affirmer, se nolle pactum cum dæmone, implicitè tamen vult illud. Et licet id contradicere videatur explicito pacto, de facto tamen implicitum admittit. Nam intendit uti his mediis, ut utilibus, cum probatum sit, nullam utilitatem importare posse, nisi ope dæmonis. Aliàs verè essent causæ naturales, vel divinæ, non vanitates. Existimare autem illa esse utilia ob experimentum præcisè, & absque consortio dæmonis, vanum est. Sunt etiam ipsa experimenta à dæmone procurata, ut credunt homines, illa esse utilia, unde ait Augustinus *loc. cit.* vera quandoque dæmones prædicere, ut famam divinitatis occupent. Experimento insuper comprobatur, experimenta illa sæpius esse fallacia, tamen, notante Phavorino apud Aulum Gellium lib. 14. *noct. Attic. c. 1.* ac Cicerone lib. 2. *de divin.* vera tantum enumerentur, quia pauca sunt, innumera autem falsa, ut advertit Augustin. lib. 7. *confes. c. 6.* Plura casu eveniunt inter multa, quæ prædicuntur, ut de carminibus Nostradami, & aliis oraculis. Unde si creditur absolutè prædictis signis, ut verè adhibent fidem ariolæ, hoc est manifestum signum pacti taciti, & concursus dæmonis. Neque exculantur ij, protestando se non curare, unde id proveniat. Tenentur namque id curare. Ideo non curantes, nullamque habentes probabilitatem, quod sit à Deo, voluntariè se ignorare fingunt per ignorantiam affectatam id, quod à dæmone procedit, ac virtualiter, & tacitè intendunt illo uti, etsi à dæmone proveniat, si tamen verè adest ignorantia invincibilis, quod possibile judicamus, licet regulariter nimis crassa videatur, potest excusari, vel à toto, vel à tanto juxta gradus, & regulas ignorantia.



Cæterum omnia omnia sunt illicita. Est contra Rabbi Davidem Kimki. Quoniam universim damnantur, ac prohibentur in Sacra Scriptura, neque est ulla probabilis ratio excipiendi ea, quæ ex verbis hominum attenduntur. Unde illius sententiam falsam, & erroneam esse pluribus comprobat Abulensis loco supra citato. In utrisque enim est eadem ratio malitiæ, cum utraque æquæ sint incerta, & vana, ideo æquæ damnantur à Patribus, tanquam ea, quæ pertinent ad reliquias idololatriæ.

Quare generaliter tenendum est, omne genus divinationi esse intrinsecè malum, ideoque nunquam honestari posse, si rationem divinationis jam explicitam retineat. Unde rectè Cajetanus in d. qu. 95. art. 2. post D. Thomam tradit, hoc vitium esse prohibitum, quia malum, non contra, quem omnes sequuntur, teste Suarez. Quoniam non aliunde, quàm ex propria materia, & conditione deformitatem importat. Unde si aliqua actio materialiter similis videtur admittenda, vel approbata, signum est, non fuisse acceptam cum conditionibus requisitis ad formalitatem divinationis, & consequenter nullum pactum implicitum cum dæmone intercessisse.

Ad ea verò, quæ opponi possunt ex Genesis 24. de Abrahamo, ex 1. Reg. 14. de Jonatha, & ex Davide ibi cap. 20. & de Josepho Genes. 44. respondet D. Thomas d. qu. 95. art. 7. & seqq. D. Augustinus lib. 1. in Genes. Chrysostomus hom. 48. in Genes. Abulensis ibidem, Theodoretus qu. 104. Pererius disp. 2. in d. cap. 44. Genes.

Tenendum etiam est quod, licet inquiratur expressè per dæmonem notitia futurorum, quæ illi nota sunt ex lumine naturæ certò, vel conjecturaliter, est tamen superstitio qualificata. Quia non sola futura sunt nobis ignota, sed etiam multa præsentia, & præterita, hinc factum est, ut nomen divinationis extenderetur ad illicitam prædictionem rerum præteritarum & præsentium, & occultarum etiam ea ratione qua humana industria sciri nequeunt. Qua ratione divinationis crimen incurrunt, qui ope dæmonum (nec enim aliter possunt) occultum furem produnt, aut patefaciunt occultas causas morborum, vel mortis humano studio non vestigabiles. Imò potest hoc crimen incurrere, etiam in prædicendis his, quæ certissimè ex suis causis prænosci queunt, si non ex earum causarum consideratione, sed per auxilium dæmonis prænuncientur. Atque adeo generaliter peccatum divinationis est, cum quis auxilio dæmonum, sive expressè, sive tacitè invocato, tentat prænoscere, vel prædicere res quaslibet, ipsi naturaliter ignotas.

Neque dubitandum est, gravissimum esse peccatum inquirere abscondita cum expressa dæmonis invocatione, non solum ob manifestam societatem cum irreconciliabili hoste Dei, redundante in magnam ipsius Dei injuriam, & contemptum, peculiariter quia dæmonis studium totum tendit ad obscurandum ejus honorem quantum potuerit, sed etiam propter periculum apostasiæ à Deo, cui talis divinator se exponit, sapissimèque justa Dei permissione cadunt in apostasiam, vel hæresim expressi dæmonis invocatores. Tandem ob cultum divinum, qui dæmoni per hujusmodi invocationem conceditur, etiam si inquiratur notitia possibilis naturaliter dæmoni, verè enim etiam tunc, illi tribuitur cultus divinus, ideo superstitio incurritur. Et si namque non recurratur ad dæmonem pro cognitione Deo propria; quia tamen per hanc ipsam societatem dæmon affectat aliquid excellentiæ divinæ, intendens, quod homo, Deo relicto, ad ipsum confugiat, in illoque adversus divinam voluntatem confidat; ideo sic confugiens cooperatur dæmoni in ea divini honoris usurpatione,

atque adeo peccat contra religionem. Quod expressè docet D. Thomas 1. par. qu. 57. art. 3. etiam de cognitis à dæmone lumine naturali, & ar. 2. d. qu. 95. ubi generaliter docet, pertinere ad superstitutionem, cum aliquis assumit auxilium dæmonis ad aliquid faciendum, vel cognoscendum. Imò dicimus, si est expressa invocatio, sortilegium esse qualificatum, etiam ad sciendum nota dæmoni virtute naturali.

Adversus hanc doctrinam ita arguit Torreblanca loco citat. Invocans dæmonem ad quodcunque opus naturæ, non ut dæmonem, sed ut spiritum scientem, & valentem ex divina permissione ordinaria, non est hæreticus, quia nullum errorem in mente fovet, in quo hæresis consistit can. hæreticus 24. qu. 3. Neque, subdit, in contrarium facit Nicolaus Eymericus in direct. Inquisit. par. 2. qu. 43. dum enumeratis multis casibus, in quibus hæresis intervenit, hoc subnectit ex D. Thoma: In alijs operibus magicis complementum operis ex virtute dæmonis expectatur. In omnibus enim est apostasia à fide propter pactum initum cum dæmone, vel verbo tenus, si invocatio intersit, vel facto aliquo, etiam si sacrificia desint. Quia ibi D. Thomas, ex quo prædicta verba refert ex sent. 2. dist. 7. art. fin. agit de sortilegijs hæreticilibus, in quibus à dæmone queritur aliquid, quod est extra ejus naturam per meram invocationem, virtute præcedentis pacti. Quod satis est ad hæresim, ipso Eymerico docente, ac Pegna in com. 68.

Nec minus ait, obstat Albertus Magnus in 3. sent. d. 7. art. fin. dum inquit: Si autem non sit, (de invocatione agit) nisi opere simplici, tunc est apostasia. Non enim addit Torreblanca, apostasia semper hæresim continet. Quandoque enim transgressionem præcepti exprimit, cap. si quis venerit, cap. illud de major. & obed. Gloss. in cap. 1. de apost. quæ in quolibet magiæ opere intercedit, ut annotavit Petrus Binsfeldius in confes. malef. par. 1. Nec semper invocatio exhibet actum latriæ, ut docet D. Augustinus tom. 3. lib. 1. & in jure invocare accipitur pro implorare auxilium, sive gladium Magistratus l. Episcopale C. de episcop. aud. cap. 1. de offic. Ordin. Bald. in l. 1. ff. si quis jus dicenti non obtemper.

Eadem objicit in oper. spir. lib. 13. cap. 7. At, quod mirum est, statim sibi contradicit §. 22. sic inquit: In expressa invocatione dæmonis semper intervenit hæresis. Deinde §. 35 ita etiam ait: Sortilegium ad tentandam alicujus pudicitiam, non est hæreticum, quamvis regulariter fiat cum dæmonis invocatione, dum non interveniat error in fide, nec sacrarum rerum abusus, etiam si faciat ad placendum dæmoni, ut opem illi ferat. Ad id falsò, more suo, assertores bene multos. Imò & antea cap. 4. veritatem coactus fatetur. Nam sic asserit num. 9. Superstitiones, quæ ex dæmonis fœdere emanarunt, hæresis suspectæ sunt, ut de vanis observationibus dierum & temporum crediderunt plures autores. Sic de sortibus subdit illicitis, quæ ad pacta cum dæmone pertinent, & auspiciis, & auguriis. Quæ tamen limitanda sunt, dum adsit dicto, vel facto, invocatio expressa dæmonis. His tamen contraria plurima tradit caput proximo.

Malum id quidem, sed alia pejora sunt, Nam negat esse factum hæreticale conculcare, comburere imagines Sanctorum, eisque convicium facere, quia non contra latriæ cultum faciunt. Ad id comprobandum etiam assertores plures autores. Subjicitque: Et si per se hæc non sapiant hæresim, possunt tamen ea facientes ab Inquisitoribus capi, & torqueri super credulitate fidei, at non potest tortura imponi super credulitate, nisi emergat suspicio hæresis. Ubi confundit aliquid esse hæreticum, quod importat errorem intellectus cum pertinacia, cum facto hæreticali, quod



quod per se tantum reddit operantem de hæresi suspectum, quodque potest esse cum vera fide, ut habetur de Marcellino Papa *in can. nunc autem d. 21.* & de Hosio Episcopo Cordubensi quem Sanctum absolute appellat Torreblanca. Sed quo jure? Forsitan, quia Hispanus? At lis est inter Doctores de ejus salute, sicuti & de Origene, de quo Vigliegas *de Prophetis in vita Salomonis*, & alii allegati à Bernardo Alderate *lib. 1. antiq. hispan. cap. 4.* Qua ratione excusatur etiam ab errore circa reiterationem baptismi D. Cyprianus. Mox addit, hæreticum censeri, qui utitur vulgaribus benedictionibus, orationibus, verbis, &c. ad effectum, ad quem non sunt instituta ab Ecclesia, quia deservirent in signa pacti latentis. Quod tamen falsum est. Si enim pactum tantum est implicitum, non solum non censetur hæreticus, sed ne suspectus quidem de hæresi, cum sint superstitiones simplices, & absque abusu Sacramentorum; Præter alia plura contradictoria, & improbabilia hujus Auctoris, quæ nunc omitto, hæreticalia vocat omnia opera magica, quæ exercentur ad nocendum hominibus, animalibus, & segetibus, quia ex pacto cum dæmone. Idem ait de saluatoribus, de incantationibus ad evitandum grandinem, vel ad aliud bonum hominum. Quæ tamen cum tantum pacto implicito exercentur non important hæresis suspensionem.

Postea verò *lib. 15. cap. 3. num. 3.* melius considerans vocat sortilegia hæreticalia, quæ cum aliquo dicto, vel facto hæreticali committuntur, quæ prima fronte præ se ferunt odorem, & saporem hæresis ex Repertorio, Simancha, Zanchino, Zechio, Azorio, Firmacio, Sylvestro, Rolella, Rojas, Moura, Eymérico, Pegna, Squillacuse, & Carena. Iterum *n. 20.* inquit, omnia sortilegia, apostasiam à fide, & manifestam hæresis suspensionem involvere. Quod comprobatur de pacto expresso tantum, ut ipse videtur se declarare *nu. 23.* & firmant Doctores ab ipso allegati. Et quidem, quando dæmon concurret aut visibiliter, aut præstando effectum, tale pactum resolvitur in expressum, ac formale, ut per Valentiam *10. 3. disp. 6. qu. 12.* Delatorre, Suarez *loco citato*, Sayrum *in clavi reg. lib. 4. cap. 6.* Mouram *scit. 3. cap. 5.* & nos annotavimus ex Cajetano, pactum expressum esse idem ac invocationem expressam dicto, vel facto. Excusandus tamen hic autor, vel quia non erat Theologia imbutus; vel quia rebus S. Officii non instructus; vel quia sermonibus ferè æquivocis ex arbitrio, non secundum institutionem communem, præcipuè Sapientum, usus est.

Respondemus igitur, nullum peculiarem errorem importari ex parte objecti in invocatione dæmonis ad ei possibilia naturaliter. At invocatio ipsa ex parte facti, præciso quolibet alio, involvit errorem manifestum, in quem cadit, qui credit licitum esse quolibet modo invocare dæmones contra Sacras Scripturas, & rationes jam dictas, cujus saltem est suspectus, qui illum invocatur. Et hanc vocat apostasiam fidei expressis verbis Eymericus, D. Thomas, & Albertus, ac Doctores communiter, imò & Patres, Augustinus, Cyprianus, Cyrillus, alii, qui tamen loquuntur per se, non de hæretico formali, sed suspecto, ut præter alios tradit Suarez *d. lib. 2. cap. 14. nu. 8.* Patetque ex doctrina D. Thomæ, quæ communis est *2. 2. qu. 12. art. 1.* contingere aliquem apostatari à Deo, retrocedendo à Religione regulari, quam professus est, vel ab ordine, quem suscepit, ac etiam per mentem adversantem divinis mandatis: At verò apostatari à fide, subjungit D. Thomas, est omnino retrocedere, quod vocatur simpliciter, & absolute apostasia, ad infidelitatem pertinens, & de hac expressè ipse, aliique Doctores locis allegatis loquuntur. Verum autem est, Albertum, & non neminem alium

loqui de simplici superstitione, & pacto implicito, neque affirmare proximam importari suspensionem hæresis, sed tantum remotissimam, quæ non est sufficiens fundamentum abjuratæ, ne levis quidem. Et in hoc sensu interpretationem accipiunt plerique Patres.

Nos autem asserimus cum eodem D. Thoma ipsas invocationes, aliaque experimenta magica & opera infidelitatis non importare formaliter hæresim, aut infidelitatem, sed horum signa. Unde ad infidelitatem per se spectant per modum, quo signum sanitatis sanum dicitur. Quare non declaratur per se, & formaliter ex his factis quisquam hæreticus, sed de hæresi suspectus; sicut qui sepulchrum Mahumeti adoraret, apostata reputaretur à fide præsumptivè, quatenus ex facto illo vehementer redderetur suspectus hæreticæ apostasie. Et quamvis, annotante ibidem Cajetano, talis aliquando non peccet peccato infidelitatis interiori, ut de Marcellino Papa diximus, qui ex timore gravissimo, pravè tamen, quia nullus timor excusat à per se malis, ut est sacrificium Idolorum, thus Idolis obtulit, peccat tamen per se peccato infidelitatis exteriori, non opposito fidei, sed fidei confessioni. Sicque licet hic non sit hæreticus, apostata, aut idololatra secundum mentem, est tamen in exteriori, & subjectus juribus Dei, ac fidei Quæstoribus contra hæreticos, idololatrias, & apostatas. Nam homo judicat ea, quæ extra sunt, Deus voluntatem consentientem in exterius sacrificium, vel invocationem dæmonis Mitius tamen, inquit Cajetanus, exercenda sunt jura contra reum, idque propter timorem, cum tantum reddatur suspectus de hæresi ex magicis experimentis, ut est expressè invocare dæmones ad sciendum futura. Ideò per se non abjurat formaliter, neque pœnis hæreticorum subicitur, sed ad cautelam solum à censuris absolvitur, interdum tamen adduntur alia, quæ per accidens Suarez *d. lib. 2. cap. 19.* appellat, ex quibus brachio seculari reus traditur: Quod non fit in hæretico non relapso, neque negativo, ut patet ex Constitutione Gregorii XV. contra strigimagos, profitentes dæmoni, abortus, infanticidia, & mortes hominibus maleficiis inferentes. Nec requiritur ad superstitionem falsi cultus secundi, & tertii generis necessario latriæ adoratio erga dæmones quæ constituit idololatriam explicite, sed sufficit cultus duliæ, quæ videlicet exhibetur cuilibet Sancto. Est enim hæreticum affirmare, quod istud liceat, imò neque amicabiliter cum dæmone tractare, ut cum homine quolibet, nil insigne habente sanctitatis, aut virtutis. Licet autem Sanctos invocare, ut Dei amicos, & apud Deum intercessores. Nec solum est blasphemia hæreticalis convicium Deo factum, ejusque attributis, sed etiam factum Beatis, eorumque sanctitati, ac venerationi.

Tandem horreo, ac reformido dicere, quæ idem Torreblanca *num. 16.* subjungit. Dicam tamen. Ait non esse hæreticale miscere reliquias Sanctorum, aut eas dissolvere ad maleficia. Quia non est contra latriam, sed duliæ venerationem. Affert suos Auctores. Pariter ait, non est hæreticale, imagines B. Virginis, vel aliorum Sanctorum terra prostrernere, aut ausu temerario compungere, vel conviciari, licet gravissimum sit peccatum. Alia ejusdem furoris effutit, quæ nulla alia indigent confutatione. Ea enim retulisse, vel legisse apud bonos & doctos refellere est.

Porro etià divinatio ex genere suo sit peccatum lethale, interdum tamen divinatores excusantur ab hoc peccato juxta regulas communes ignorantie. At qui expressè invocant dæmonem sive verbo, sive facto, nunquam excusantur à mortali. Verbo quidem invocant, qui voce à dæmonibus, exposcunt occultorum notitiam. Facto qui aliqua efficiunt, quæ sciunt conventa inter dæmonem & hominem.



Non tamen excusat à peccato lethali divinationis ignorantia crassa, & supina, illa scilicet, quæ, pensatis omnibus circumstantiis, facile superari potest. Neque affectata, illorum nempe, qui renuunt instrui. Nam hic ignorare vult malitiosè. Ideò jure merito Alexander Tertius in *cap. ex tuarum de sortileg.* noluit excusare, sed pactum gravissimum dixit commisisse presbyterum, quicum quodam infami de arte magica ad privatum locum accessit, non ea intentione, ut vocaret dæmonem, sed ut inspectione astrolabii futurum cujusdam Ecclesiæ posset recuperari, quamvis dæmonem non invocaverit, atque ex zelo bonorum Ecclesiæ, & ex simplicitate motus videatur. Nam illa ignorantia fuit supina, & affectata. Et quia in loco secreto & cum homine infami se includit ad talem perquisitionem. Et quia presbyter. Sic & Cajetanus non excusat ob ignorantiam eos, qui utuntur quodam versiculo Psalmistæ, ut annulus filo appensus moveatur. Nam constat ex Deo non esse inditam virtutem sacris verbis ad hujusmodi vanitates, nec suapte natura inesse illis hanc virtutem. Ergo ex dæmone. Quoniam verò aliqui credunt hoc accidere naturaliter, excusantur, si ignorantia verè sit invincibilis, juxta ea, quæ idem Cajetanus in *ea qu. 95. 2. 2. ars. 3.* tradit.

Si igitur ignorantia fuerit tanta, ut difficile sit illam superare, vana inquisitio, existimata utilis, evadet venialis, quæ ex genere suo esset mortalis. Ut si quis non satis doctus crederet uti quibusdam vanis juvare ad notitiam occultorum ex vi quadam secreta, quæ ipsum later, talis usus erit peccatum veniale, imò nullum peccatum, si divinatio innitatur mediis proportionatis ad conjiciendum aliqua futura secundum consilium sapientum timorata conscientia, & ac proinde nec subiecta pœnis canonicis. Nam hæc præfagium potius debet appellari, quàm divinatio. Imò Cajetanus *d. art. 3. ac in sum. v. superstitio*, quem sequitur Suarez censet, plerumque esse venialem vanam observationem, quia ex quadam simplicitate fit absque præsumptione mali, aut pacti cum dæmone. Imò addit, posse fieri absque aliquo peccato, quando ex præsenri occurso concipitur suspicio alterius mali eventus ex causa utraque communi, cum scilicet illa conjunctio in communi causa fundatur in aliqua ratione probabili, non aliter. Ideo, ut annotat idem Cajetanus, & communiter Doctores, præcipuè Suarez, Sylvius, Delatorre, & Salelles maxima attentione pensandum, an illa media, quibus utimur ad cognoscendum occulta, sufficientia sint, ut ex illis notitia occultorum accipi queat, an non sufficientia, ne perperam condemnentur, ut superstitiosa, quæ talia non sunt, neve Theologi ludibrio habeantur à Philosophis, qui plura occulta conjiciunt ex causis vulgò ignotis.

Utens autem vanis animo non faciendi, si certus, vel ambiguus sit in illis adesse vim dæmoniacam, à lethali excusatur: Nam iste videtur laborare ignorantia invincibili. In quo tamen distinguit Sylvius in *d. qu. 95. art. 2.* post Cajetanum, & Suarez. Si enim intercedit pactum explicitum cum dæmone, ignorantia, saltem inter fideles, non potest excusare à mortali. Nam involvit malitiam nimis evidentem, secus dicendum de invocatione implicita. Licet namque ipsa grave sit peccatum, minùs tamen, nec ita clarè. Unde faciliùs excusabilis, quàm invocatio expressa, ut docet D. Thomas *ibidem d. art. 3. ad 1.* Per ignorantiam tamen non nimis crassam, & supinam, ac per bonam fidem, & simplicitatem operantis, potest esse peccatum duntaxat veniale. Quia ejus malitia non est tam evidens, ut de dante operam alicui divinationi, tanquam vanæ, & inutili, & tantum ex joco, vel levitate, aut de nesciente, quod in

illa subit aliqua dæmonis invocatio, docent iidem Autores. Imò neque de ea dubitans, non sanè facturus, si putaret subesse, sicut ex somnio, augurio, & similibus, quis concipit aliquem timorem de malis futuris, fidem tamen eis non adhibendo, aut si semel, ac iterum faciat vel omittat aliquid ex tali timore, ad quod non est obligatus sub lethali, dummodo ad hujusmodi divinationis præscriptum actiones suas non dirigat, ut per Sanchez *lib. 2. in decal. cap. 38. nu. 19. & seqq.* & antea Cajetanum loco citato.

Quando autem vanæ inquisitiones non excedunt limites vanitatis, quia scilicet illis utentes, existimant eas inutiles, & potius intendunt animi causa illis uti, quàm occultorum notitiam adipisci, erit veniale peccatum vanitatis, nisi, qui ita delectatur, periculo superstitutionis se exponat. Facile enim vanis incumbens deducitur ex vanis ad credendum, esse utilia, & consequenter ad superstitionem incidit. Non desunt tamen qui censeant, esse actum virtutis Eutrapeliæ hisce vanis inquisitionibus aliquando vacare. At perperam quidem. Actus enim virtutis vacant vanitatibus, neque exponuntur periculis superstitionis.

Ex levitate quoque materiæ peccatum divinationis evadit veniale, non quidem ex rebus levibus divinationis, sed ex levi societate cum dæmone inita, in qua continetur malitia divinationis. Etsi enim invocans dæmonem, sive tacite, sive expresse ad occultorum, etiam levissimorum notitiam adipiscendam per se mortaliter peccat, ut tradit ex communi sententia Sanchez *loc. cit. num. 9.* Sousa *lib. 1. aphor. cap. 38.* Lessius *lib. 2. dub. 5.* Suarez ac Delatorre post Cajetanum, quos sequitur Carena, & Salelles; quia talis invocatio pertinet ad perfectam rationem vitæ socialis, imò, addit Sylvius, etiam si ad cognitionem futurorum, vel præsentium, vel scitorum ab operante; potest tamen esse, subjungit Suarez *cap. 10. d. lib. 2.* quòd aliquis non præbeat definitum assensum de futuro eventu ominato, sed solum, quod ex vano quodam timore concepto, vel alia levi voluntate, cesserit ab actione, vel aliam inchoet. Tunc, ait, facile potest credi solum committi culpam venialem, per se loquendo, & secluso scandalo, aliisque circumstantiis. Si verò definite credat futurum tristem eventum, quem præfagit solum propter vanam observationem, non potest peccatum illud à malitia gravi excusari, nisi maxima sit ignorantia, & ruditas personæ. Idque confirmat Torreblanca *lib. 11. cap. 14.* & D. Thomas *2. 2. qu. 74. art. 5.* ibique Medina *disp. 1. & qu. 76. art. 2.* Secus autem in pastoribus Ecclesiæ, Doctoribus, Confessariis, Concionatoribus, Judicibus. Supponitur enim crassa, supina & invincibilis ignorantia, ideò non excusans, ut tradit Pegna ad Eymmer. *in direct. p. 1. qu. 7. num. 21.* Farinac. *de heret. qu. 181.* Simanch. *de catholic. instit. tit. 27. num. 13.* Decian. *lib. 5. cap. 33.* Unde isti graviter peccant, etiam si pactum nullum cum dæmone, aut mago inierint, neque intendant illi consentire. Eo enim ipso, quod faciunt id, quod ab illis est institutum, tacite consentiunt in pacto, saltem inito cum primo institutore, ut annotavit Remig. *lib. 1. demonolatr. cap. 1. & 3.* nec protestatio liberat, quando non est dubium, quin dæmon se ingerat, ut per Sanchez *d. lib. 2. cap. 38. & lib. 7. de matrim. disp. 95.* subditque Lessius *de just. cap. 44. num. 4.* quòd, etsi per prorestitutionem excludat dæmonem quantum est ex se, si tamen ipse occurrit, non excusatur. Quia eo ipso quod facit à mago instituta, tacite consentit pacto, & malitiæ. Hoc ipsum docet Castr. *de just. heret. punit. lib. 1. cap. 14.* Suarez *tom. 1. d. lib. 2. de relig. cap. 40.* & Moura *de ensalm. sect. 2. cap. 18.*



CONSULTATIO XCIII.

*De Invocatione demonis. Quando sit actus superstitiosus, & hæreticalis, subiectus Inquisitionibus. Quotuplex demon invocari possit. De invocatione demonis per modum adiutorii, deprecative, imperativa, ad finem bonum assequendum. Quodnam peccatum committat credens responsum hominis esse certum & infallibile? Num demones bona consulentes sint audiendi?*

**D**æmon tripliciter invocari potest. Primò per modum indignationis, iræ, desperationis, cum quis illum invocet in suum, vel alterius damnum. Vel cum alteri dicit: Si non vis facere amore Dei, vel alicujus Sancti, fac illud amore dæmonis. Hæc invocatio est quidem peccatum lethale, sed non est actus superstitiosus hæreticalis, neque casus Inquisitionis. Nam in tali invocatione nulla apparet hæresis, aut hæresis suspicio, neque cultum, & honorem erga dæmonem importat. Neque ex illis verbis, si non vis facere amore Dei, fac amore dæmonis aliquis cultus, aut reverentia dæmoni exhibetur, cum sint verba indignationis, & per iram, & exaggerationem dicta.

Secundo modo invocatur Dæmon per adjurationem, quando exorcista illi imperat, ut exeat e corpore obsessi, vel damnum non inferat hominum bonis. Hæc invocatio est licita, iusta, & à Deo instituta. Si verò fieret non imperativè, sed deprecativè, dæmonem rogando tunc esset superstitiosa, & hæreticalis. Quia talis deprecatio ex natura rei includit cultum, & honorem dæmoni per propriam subjectionem deprecantis. Ideoque esset hoc peccatum mortale superstitutionis, & casus Inquisitionis.

Tertio modo dæmon invocatur per modum adiutorii ad consequendum aliquid, sive bonum, sive malum. Ut si quis petat thesaurum, sanitatem, scientiam, cognitionem rerum occultarum, mortem proximi, similia. Tunc, sive talis invocatio fiat imperativè, sive deprecativè, semper est actus superstitiosus, sacrilegus, & hæreticalis, de quo Inquisitores cognoscunt, quia importat amicitiam, & societatem cum dæmone, quæ contingere non potest, nisi cum cultu, reverentia sacrilega dæmonis, ut per Sanchez *lib. 2. in decal. cap. 42. nu. 19.* Carenam *par. 2. tit. 11. §. 13.* Bordonum *tom. 1. cap. 17. à nu. 8.* aliosque.

Invocans autem dæmonem per modum adiutorii est hæreticus, vel de hæresi suspectus. Quia, vel quis invocando dæmonem, illum adoratur, sive adoratione latriæ, quæ soli Deo debetur, sive adoratione duliæ, qua Angeli Sancti, & Beati adorantur, & certum est, vel esse hæreticum, vel de hæresi vehementer suspectum, ut latissimè probant Eymer. *par. 2. qu. 43. num. 5. & sequ.* & alii, quos refert, ac sequitur Carena *d. par. 2. tit. 12. §. 10. num. 56.* Vel dæmonem invocatur, ab eo petendo, quæ solus Deus operari potest, ut notitiam futurorum quæ naturaliter sciri non possunt, vel quæ pendent à libera hominum voluntate, & arbitrio, vel ea, quæ determinatam non habent causam, & similiter fortilegium committit hæreticale, ut per Pegnam *in com. 68. par. 2. direct.* Delirium *lib. 4. magic. cap. 2. qu. 2.* Azor. *part. 1. lib. 9. cap. 24. qu. 1. & 2.*

Invocatio quoque deprecativa dæmonis ad faciendum, vel sciendum, ea, quæ non excedunt naturalem ejus facultatem est pariter hæreticalis. Quia depre-

catio, sive oratio pertinet ad cultum latriæ, qui soli Deo tribuendus est. Deprecatio enim est actus religionis, per quam Deo reverentia, & honor exhibetur, & homo ei subicitur, & proficitur orando, se eo indigere, sicut autore suorum bonorum, ut docet noster Magister *2. 2. qu. 83. ar. 3.* Ideoque oratio ad solum Deum dirigi potest juxta illud Psalmi 83. *Gratiam & gloriam dabis Dominus, & Psal. 98. Invocabis me, & ego exandiam, & Psal. 49. Invoca me, in die tribulationis, eruam te, & honorificabis me.* Porrigimus autem deprecationes Angelis, & Beatis, ac etiam hominibus, ut ait idem D. Thomas *art. 4.* non ut per eos Deus nostras petitiones cognoscat, sed ut eorum precibus ac meritis orationes nostræ sortiantur effectum. Invocans igitur, ac deprecans dæmonem ad sciendum, vel faciendum quæ naturaliter ipse dæmon scire & facere potest, illi præstat obsequium, & honorem, soli Deo debitum. Quia verba deprecative adorationem includunt. Et iccirco dæmonis invocatio deprecative est sacrilega, & hæreticalis, ut præceteris firmant Eymer. *loc. cit.* ibique Pegna, Carena *supra num. 60.* Repertor. Inquis. *v. dæmon §. si enim, Locatus in judicial. v. Apostasia num. 7. §. si verò.*

Putant Eymericus, Pegna, Carena *locis allegatis* Suarez *tomo 1. de relig. libro 2. capite 19. num. 10.* invocantem dæmonem non verbis deprecativis, sed imperativis ad sciendum, vel faciendum ea, quæ naturaliter ipse dæmon scire, vel facere potest, peccare quidem mortaliter, sed non committere fortilegium hæreticale, dummodo in tali invocatione non misceantur res sacræ, neque aliquis cultus reverentialis, neque dæmon invocetur, ut Dei amicus, vel ad faciendum, quæ facere nequit, neque existimet, id non esse peccatum, vel dæmonem posse operari; etiam Deo non permittente.

At Simanchas *de cathol. instit. titulo 30. num. 17.* Farinac. *quæst. 181. numero 88.* Homobon. *in exam. Eccles. parte 1. tract. 7. capite 3. quæst. 16.* Bordon. *tomo 1. capite 17. quæst. §. numero 16.* Diana *par. 4. tract. 7. resol. 10.* docent, dæmonis invocationem, etiam per modum imperii, sapere hæresim manifestam. Quia D. Augustinus *libro 10. de Civit. cap. 11.* ridiculum esse ait, invocare dæmones per modum imperii, aut eis comminando præcipere. Quia non est potestas in terra, quæ comparetur eis, ut inquit Job *cap. 41.* Cum ergo imperium hominis nil possit in dæmonem, ideo dicta invocatio coincidit cum invocatione deprecative, estque deprecative invocatio palliata, & proinde includit cultum & honorem. Quia cum dæmon ad hujusmodi imperium nullatenus ab homine cogi possit, saltem ex pacto tacito hominis voluntati se accommodat. Nam etiam ex hac invocatione imperativa cultum & honorem accipit, & invocantem lucratur, magisque decipit. Et quia imperare, ac præcipere ei, qui non tenetur jussis obtemperare, arguit intrinsecam amicitiam inter imperantem & imperatum; atque adeò qui imperat dæmoni, ostendit magnam cum eo habere familiaritatem, & majorem, quam ille, qui tantum deprecatur.

Quare dicendum, ad hæresim pertinere, si quis sive deprecando, sive imperando dæmonem invocaret ut thesaurum ostenderet inveniendum, ut partum futurum in utero matris formatum significet, an sit nasciturus masculus, an femina, ut notificet dictum, vel factum præteritum occultum, ut res in ignem projecta non comburatur, ut hominem e loco ad locum transferat, ut sponso liget, ut agritudines inferat, ut corpus mortuum, tanquam vivum per aliquod tempus apparere faciat, ut cæcum non



à natura, sed ob aliquod impedimentum illuminer, ut nebulas, & tempestates inducat, & similia faciat. Unde notat Simanchas *loco citato, titulo 21. num. 13.* & *titulo 30. numero 13.* contra tales invocantes inquiri potest à Tribunali S. Inquisitionis, tanquam vehementer de hæresi suspectos. Idemque sentiunt Diana *ibidem*, Delatorre *in 2. 2. qu. 95. ar. 4. disp. 1. asser. 4.* Spina *in apolog. 4. contra Ponsinibium*, Zanardus *in director. cap. 64.* Bordonus *d. n. 16.*

Quinimo invocatio dæmonis non ad malum, sed ad bonum finem assequendum est mortale peccatum hæresim sapiens. Quia etiam hujusmodi invocatio non fit absque amicitia dæmonis, nec absque illius servitute, ac subjectione, quæ directè, ac immediatè opponitur servituti, ac reverentiæ Deo debitæ, ita, ut qui dæmoni subijciatur per illius invocationem, necessario sit manifestus Dei inimicus juxta illud *Matth. 6.* Nemo potest duobus Dominis servire. Aut enim unum odio habebit, & alterum diligit; aut unum sustinebit, & alterum contemnet. Apostolus etiam *1. Cor. cap. 10.* expressè prohibet: Nolo autem vos socios fieri dæmoniorum. Impossibile quippe est, habere amicitiam simul & servitutem duorum invicem inimicorum. Sive ergo quis invocet dæmonem ad bonum finem, sive ad malum, semper illi subijcitur, illumque veneratur, & idè semper peccat mortaliter. & gravissimum sacrilegium committit, & ut diximus, ac notat Bordonus *ubi supra nu. 16.* est suspectus de hæresi, quia invocatio simpliciter est cultus latriæ.

Qui autem responsum dæmonis credit esse certum, & infallibile, committit peccatum idololatriæ ac hæresis. Quia sic credendo, dæmonem existimat, ut Numen infallibile, in cujus obsequium captivat, vel submittit intellectum, quod pertinet ad idololatriam. Sic etiam credens censetur credere, dæmonem non esse malum, non esse fallacem, neque talem, qui falli, & fallere possit. Utrumque autem est contra fidem. Ac proinde est hæresis. Quod si ex hac credulitate sequatur exterior divinatio, ac prædictio alicujus rei cum inductione aliorum ad illam credendam vel ad aliquid agendum ratione illius cognitionis, tunc adjungitur etiam malitia scandali secundum materiæ proportionem. Si verò quis crederet, assertionem dæmonis esse valde probabilem, & magnæ autoritatis, sed fallibilem, non committeret peccatum hæresis, dummodo materia dæmoniaci oraculi non contineret errorem contra fidem catholicam, ut docet Suarez *loc. alleg. cap. 8. n. 23.*

Neque dæmones in suis apparitionibus bona consulentes audiendi sunt. Nam id malitiosè efficiunt, & transfigurant se in Angelos lucis, ut facilius homines decipiant. Etenim aliquando apparent fingentes se esse animas defunctorum, & petunt suffragia sibi fieri, bona malè acquisita restituui, ut ipsos videntes sic postulantes in aliquem errorem inducant, vel mortuos infament, ut docent D. Augustinus *lib. 10. de civit. cap. 11.* D. Chrysostomus *hom. 29. in Matth. D. Thomas 1. p. q. 117. art. 4. ad 2.* Sylvest. *v. Maleficium q. 4. dict. 2.* Victoria *de magia q. 4. n. 17.* Sotus *lib. 8. de just. qu. 3. ar. 2.* Sanchez *d. lib. 2. in decal. cap. 38. n. 23. & 24.* Hinc Delrius *post lib. 6. magic. monit. 10.* rectè advertit, non esse faciendum, quod dæmon præscribit, sed si id suadeat, quod ex aliquo præcepto Dei, vel Ecclesiæ sit servandum, faciendum est ratione præcepti obligantis. Si verò sit sub Consilio, licere exequi, non quia dæmon dixit, sed quia est in se bonum. Tutiùs tamen est quandoque illud consilium prætermittere, aut in aliud commutare, ne quid fraudis eo consilio dæmon moliat. Quare Thyreus *de apparit. spirit. cap. 15. n. 20.* ait, dæmonibus, ne bona quidem consulentibus esse credendum. Quia omnia bona, quæ consulunt, tendunt ad nostram

perniciem. Quod confirmant Sanchez *loco citato*, Fagundez *in 1. precept. decal. cap. 36. n. 9. & 13.* aliique omnes.

Si autem divinatio involvat suspicionem hæresis pertinet tantum ad Tribunal S. Officii, ut constat ex *cap. causam de hæret. in 6.* Si verò sit absque suspicionem hæresis, est mixti fori, & à Judice præveniente, sive Ecclesiastico, sive laico judicatur, ut in citato capite decernitur, nisi delinquens sit clericus. Tunc enim ratione personæ ad solum Judicem Ecclesiasticum pertinet, ut per Abb. *in cap. 1. de sortileg. nu. 3. & 4.* Alberic. *in rubr. de hæret. n. 13.* Clar. *lib. 5. v. hæresis n. 25.* Suarez *de Relig. tom. 1. cap. ult. n. 11.* ac Delben. *p. 2. dub. 195. sect. 70. n. 4.*

Divinationem autem, sive dæmonis invocationem exercentes cum hæresi incurrunt ipso facto excommunicationem Bullæ Cænæ, etiam si interna hæresis occultissimè manifestetur exterius, & sufficit ipsa invocatio cum falsa credulitate. Si verò exercent divinationem exterius sine animo hæretico, sed expressè invocent dæmonem, postulando aliquid, quod à solo Deo cognosci, revelari, & fieri potest, tunc si in invocatione dæmonis intervenit ejus adoratio, aut exterior fidei abnegatio, vel renunciatio Christi, & Sacramentorum, aut in usu divinationis miscentur Sacramenta, vel res sacræ, in foro exteriori ipso facto præsumuntur hæretici, & excommunicati in Bulla Cænæ, quamvis in foro interiori non sint excommunicati. Quia interius nec dæmoni, nec divinationi crediderunt. Si verò nihil supradictarum rerum intervenit & pactum cum dæmone non est expressum, sed tacitum tantum, cessat suspicio hæresis, & ille non incurrat ipso facto excommunicationem. Ita Eymericus *p. 2. q. 42. & 43.* ibique Pegna *com. 67. & seqq.* Simanch. *de cathol. instit. tit. 21. n. 10. & tit. 62. n. 2.* ac *3. & tit. 63. n. 29. & 34.* Clarus *ibidem, n. 24. & 25.* Filiuc. *tom. 2. tr. 34. cap. 8. nu. 197. & 198.* At de his latius infra.

Quare Confessarius debet attendere, si pœnitens in ipso facto promiserit dæmoni, se Christi fidem abnegare, vel crediderit dæmonem esse honore dignum, vel habere aliquam divinitatem, vel potestatem supra hominum voluntatem, vel posse prænunciare hominum cogitationes, & futuros eventus, qui à libera hominum pendent voluntate. Nam si ista crediderit, utique commisit, non solum peccatum mortale ob dæmonis invocationem, sed etiam peccatum hæresis. Similiter debet pœnitentem interrogare an orationibus sacris dæmonem invocaverit, vel adoraverit, vel sacrificium obtulerit. Quia tunc fuit etiam Idololatra. An si à dæmone petierit, ut aliquo modo damnum proximo inferret, an res sacras in maleficio immiscuerit, an crediderit, dæmonem sine Dei permissione habere virtutem ad producendum illos nefarios effectus. Nam si hoc crediderit, fuit etiam hæreticus, & si proximo damnum intulerit, teneatur illum obstringere ad damni restitutionem.

Et quamvis Valentia *ro. 3. disp. 1. q. 10. pun. 3.* opinetur quod tres species generales divinationis distinguantur specie in genere moris, illæ verò species, in quas illæ tres generales subdividuntur, solum distinguantur in genere entis, non autem in genere moris, & sic in genere moris trēs tantum species divinationis, nempe Necromantia, Augurium, Divinatio per sortes. Unde ait esse in confessione exprimendas. Et quamvis Reginaldus *in prax. ro. 1. lib. 6. cap. 4. n. 214.* Sotus *in 4. sent. disp. 18. q. 2. ar. 4. concl. 6.* Diana *p. 1. tr. 7. resol. 46. & 66.* Rodriq. *ro. 1. sum. cap. 53. n. 5.* Suarez *d. lib. 2. cap. 9. n. 5. & cap. 50. n. 1.* Azor *p. 1. lib. 9. cap. 12. q. 3.* Salelles *lib. 2. cap. 2.* Delbene *loc. cit. dub. 221. sect. 3. num. 3.* & ante omnes Cajetan. *opuscul. 1. tract. 5. de confess. num. 176.* doceant, non



non esse in confessione necessariò exprimendas. Quia non sunt species omnino diversæ in genere moris. Et Sanchez satis est, si quis confiteatur: Toties peccavi peccato divinationis; neque necesse est addere semel per Astrologiam, iterum per chiromantiam, aut per necromantiam. Nihilominus circumstantiam invocationis dæmonis ex pacto explicito esse in confessione explicandum, tradunt Suarez, & Salelles *locis allegatis*. Hac ego in re id certum censeo, quod cum divinationi sæpius adjungantur circumstantiæ variantes speciem, scilicet hæresis, idololatria, & specialia pacta apostasie à Deo, ejusque obedientia in iustitiæ, aliorumque vitiorum, iccirò exprimendæ sunt in confessione. Spectata verò sola malitia divinationis, quia hæc consistit in supplicatione dæmonis, attribuendo illi, quod divinum est, nimirum casualium, & liberorum prævisionem, & in his, aut aliis magisterium, & oraculum in contemptum magisterii divini, & in hanc formalitatem convenit omnis divinatio, licet sit longè gravior malitia hæc in divinatione, quæ sit per expressam invocationem, ut docet D. Thomas 2. 2. *qu. 95. art. 3. ad 1.* tota hæc quæstio reducitur ad antiquam illam, & hætenus non decisam quæstionem, An circumstantiæ, non mutantes speciem moralem, sint exprimendæ in confessione si notabiliter aggravent? Ego censeo magis expedire, ac tutius esse, ut exprimantur.

An autem specie distinguatur Divinatio, per quam à dæmone petitur id, quod superat ejus virtutem, & solius Dei est proprium, ab illa, in qua à dæmone petitur id, quod ille ex propria virtute scire potest? Viderur, quod hujusmodi superstitiones, ac divinationes specie distinguantur. Nam in superstitione, aut divinatione, in qua invocatur dæmon ad ea, quæ Dei sunt propria, quod Dei est assumitur, ac dæmoni exhibetur, atque ita ex vi talis invocationis tribuitur dæmoni cultus, qui ex objecto est divinus, ac soli Deo debitus. At ubi à dæmone petitur solum id, quod ipse potest facere, nullus cultus illi tribuitur qui per se, & ex objecto, atque intrinsecè sit divinus, sed malitia talis superstitionis consistit in eo, quod colitur Dei hostis, qui affectatione divinitatis quærit sibi adhiberitalem cultum, & ex illo sibi adhibito, aliquid sibi divinitatis putat competere in Dei contemptum. Unde ille cultus solum avide est divinus. Neque enim invocare creaturam ad id, quod facere potest, est tribuere illi cultum divinum, neque est per se illicitum.

In genere verò mali specie distinguitur cultus, qui ideo est malus, quia cum soli Deo ex natura sit debitus creaturæ tribuitur; non verò cultus, qui est malus, non quia ex sua natura sit debitus Deo, & tribuitur creaturæ, sed quia est cultus inimici Dei, divinitatem affectantis. Et licet tribuere hunc cultum dæmoni sit contra virtutem Religionis, & propterea sit superstitio, videtur tamen, quod hæc superstitio sit alterius rationis ab illa, in qua cultus soli Deo debitus, dæmoni tribuitur. Nihilominus existimo, quod ad distinguendum specie superstitiones parum interest, an cultus, qui dæmoni exhibetur sit divinus ex sua substantia, vel ex circumstantia. Cultus enim qui dæmoni exhibetur in sortilegio, vel explicitè, vel implicitè, tribuitur illi secundum intentionem illius affectantis, esse similem Deo, & quod illi etiam in Dei contemptum homines subijciantur, illumque colant, quod est exhibere dæmoni cultum indebitum, ac virtuti Religionis contrarium, divinunque cultum tollere, ac dæmoni exhibere.

# CONSULTATIO XCIV.

*De prima Divinationis specie explicatio Disquisitio; nempe de Præstigio, de Necromantia sive de arte magica emortuali, de Divinatione Pythonica, de Ariolatione, de Hydromantia, Geomantia, Aëromantia, Dactylomantia, aliisque speciebus Geomantia, de Aruspicina, ejusque partibus, de divinatione per somnia divina, naturalia, demoniaca, deque eorum interpretatione, ac de Divinatione ex somno divino, sive rapin, vel extasi, de apparitione ac revelatione Dei per somnia. Per quos Deus loquatur? An per Angelos? Et quo idiomate Angeli loquantur cum hominibus? deque alijs graviter quidem, doctè, ac eruditè.*

## Præstigium

**P**rima Divinationis species præstigium est. Hac implicati fuerunt Apollonius Thyaneus, Simon Magus, alij, qui à dæmone familiari in forma canis instruebantur. Lamia item, quæ comedunt, bibunt, loquantur, concumbunt cum dæmone, ac illum in forma hirci adorant, eique sacrificia offerunt. Id autem est divinatio, sive operatio, quæ promanat ex præstigiis apparitionibus dæmonum, occulta docentur, vel aliud exercentium opus ad invocantis voluntatem ac petitionem, Has multipliciter fieri advertit Cajetanus 2. 2. *qu. 95. ar. 2.* Gabriel in 2. *dist. 8. quæst. 2.* Sylvester de *strigim. lib. 2.* Suarez tom. 1. de *relig. lib. 2.* Delatorre in *præamb. disput. ad d. 9. 95.* Thyræus de *apparit. demon. ac Isidor. lib. 7. cap. 8.* triplicem apparitionem spirituum enumerans, nos duplicem admittimus. Unam corporalem, ut cum corpore assumpto visibiliter apparent, sive corpus illud ante assumptionem præexistat quomodo creditur dæmonem apparuisse. Quæ in figura Serpentis *Genes. 3.* & per ultimum salutasse Apollonium, quod narrat Philostratus in *ejus vita.* Sive ab ipsis sit formatum applicando activa passivis, aut illud efformando ex aëre, sive immutando sensus ac si à corpore præsentem moverentur. Sive assumpto corpore alieno, efformando voces. Quomodo autem dæmones possint corpora assumere, ac in illis apparere doceat Theologi ad 1. p. D. Thoma *qu. 50.* & tradit Delrius *lib. 2. magic. qu. 28.* & nos inferius pauca.

Non fuit tamen præstigium, cum Moyses audiebat vocem Dei sibi loquentis è propitiatorio *Num. 7.* & *Samuel 1. Reg. 3.* Sic enim & dæmones sine præstigio operantur, ut voces audiantur, nemoque loquens videatur, ut in simulacris Gentium. Plura enim opera dæmonum sunt solida, de quibus Sylvester *loc. cit.*

Procurare autem hujusmodi apparitiones, est procul dubio illicitum, etiam si procurentur, ut dæmones revelent quæ naturaliter sciunt, vel faciant quod possunt, ut habetur ex D. Thoma *ibidem. art. 4.* ubi Cajetanus & Delatorre. Sicuti & illicitum est procurare etiam per modum imperij ut dæmones defunctorum animas nobis repræsentent, aliudve faciant. Præsertim quia hujusmodi apparitiones magna ex parte non habentur ab illas petentibus ex sola dæmonis invocatione, sed præcedentibus sacrificiis, oblationibus, precibus, cultu ad intentionem directo, ac divino, & ex pacto aliquo expresso. Unde invocare dæmones ad hujusmodi præstigia, hæresim sapit, & saltem suspicionem vehementem hæresis involvit.

Dæmon verò nedum invocatus, sed etiam sponte sæpius apparet, ac semper in specie proportionata fini à se intento; præcipuè, si vult specie boni ad malum inducere, apparet in forma Christi, ut S. Martino, in forma Dei, ut Theodoræ viduæ, in forma Angeli, ut S. Julianæ. Quoniam verò ad decipiendum magis idonea est for-



est forma humana, hanc plerunque effingit, sed non eodem modo.

Cognoscuntur autem apparitiones dæmoniæ vel ex parte rei revelatæ, vel ex parte circumstantiarum, vel ex parte personæ, cui fit revelatio. Ex parte rei revelatæ, si ea sit contra rectam rationem, ut si suadeat falsum contra fidem, Sacram Scripturam, Sacras traditiones, sacros Canones, leges divinas, aut Ecclesiasticas, aut contra aliquam virtutem: vel si suadeat bonum cum circumstantia mala, ut si exciter ad opus bonum cum est impeditivum majoris boni, aut illud bonum non est congruum professioni, Officio, & conditioni personæ, cui fit revelatio; vel si moveat ad singularia, & extraordinaria jejunia, orationes, ac cæremonias singulares, quæ reddant personam averfam à Christi & Sanctorum imitatione, ut gaudeat ex novis, & singularibus suis inventis; vel si exciter ita ad bona, ut simul exciter ad aliqua prava & impia, vel exciter ad illa bona, ex quibus mala & impia sequantur.

Ex parte verò circumstantiarum visionis probabilitèr cognosci potest, an visio sit dæmoniæ, primò si attendantur cogitationes, quæ in eo, cui fit apparitio antecedunt, aut subsequuntur. Nam ex præcedentium imaginatione posset sequi phantastica illusio. Si verò apparitionem sequantur prava desideria, signum est, dæmonem fuisse, qui apparuit, ut illa excitaret, præcipuè si in ipsa pugna cum pravis tentationibus non apparet perfecta victoria. Secundò si læritia, quæ in principio apparitionis mentem demulserat, vertitur in horrorem, ac mœrorem; vel si horror, qui ab initio cœpit sensim, non cessaverit, sed perseverat. Nam si homo ab initio concipit horrorem, ac tristitiam, sed postea, fugata mœstitia, mens dulcedine perfunditur, signum est divinæ apparitionis. Tertio si revelata, præsertim utilia, suum non sortiantur eventum, indicium est, ea fuisse à dæmone. Quarto ab effectu etiam aliqualis conjectura colligitur, si is, cui facta fuit revelatio, & apparitio illam publicat non quidem ob necessitatem aliquam, ac bonum spirituale, sed ex causa temporali, & propria. Quintò ex forma apparitionis, ut si non in forma humana, sed bestię monstrosæ, vel si in forma humana, aliquid in ea deforme ac insolens inspicitur, ut si corpus sit atrum fœtens, pilosum, oculi flammantes, ac huiusmodi.

Ex parte autem personæ cui fit apparitio, suspecta redditur, si sit hæretica, vel apostata à fide, vel infidelis; si sit energumena, phrenetica, furiosa: si abundet atra bili; si vigiliis attenuata; si nimis apprehensiva, si puer, si senex, si fœmina, si alias falsas revelationes audiverit, illasque manifestaverit, si mores perfectioni Evangelicæ non congruant, & id genus alia, de quibus Delrius *lib. 4. magic. cap. 2. qu. 3.* Delatorre in *d. qu. 95. ar. 3. disp. 3.* Gravina de *vision. lib. 2. cap. 5.* Soufa *lib. 1. aphor. cap. 34.* Caspar Scortus in *physica curios. in append. ad lib. 1. §. 5.* Thyreus *loc. alleg. cap. 16. & alij.*

Multis item modis exerceri potest Necromantia. Per sacrificium, & per solam incantationem, qua utebatur Tiresias. Sacrificio adjugebantur functiones, ritus, ossa, fibræque mortuorum ac res aliæ planè feræ ut apud Lucanum *lib. 6.* Hoc utebatur Thessalicus, ut notat Delrius *lib. 4. magic. sect. 2.* ubi latè refert singulos ritus, & cæremonias Necromantiæ, non sine imperitæ plebis periculo. Herbas etiam diversas applicant, & post herbas incantationes cum ululatu, solenni carmine, murmure. Carmina aliqua sunt deprecatoria, in quibus invocantur Eumenides, Pluto, alique dæmones. Alia comminatoria. Umbraeque dicunt apparere in signum, quod mortuus suscitatus est, vel quod anima apparuit. Sed non umbrae defunctorum sunt illæ, ait Tertullianus *lib. 3.* sed dæmones ita operantes, ut decipiant alleclas, mentitas apparitiones dæmonum

animas fingentes. Plura describit Cresperus *lib. de odio Satanae, discursu 12.* At Delatorre, *d. qu. 95. ar. 3. disp. 3.* & post eum Soufa *lib. 1. aphor. cap. 41. nu. 2.* tradunt Necromantiam fieri tribus modis. Primò cum Necromantici certa verborum forma aut quibusdam carminibus, ac circulis descriptis cum figuris, & characteribus à dæmone præscriptis, plerunque applicato sanguine, mortuos suscitare conantur, & ab eis addiscere futuros eventus, aut res omninò occultas, sed præcipuè suscitare eos jactitant, qui flagitiosè vixerunt, aut violenta morte à vita deturbati sunt, quos multa manifestare docet Porphyrius *lib. 2. de abst. animal.* Cum enim de pravis, & fallacibus dæmonibus sermonem institueret, mox hæc de animabus nugatoriè subicit; *Tales sunt & anima mortuorum, quæ vitiis oppleta, & corpore migrarunt. Conflantur etiam tunc ira, & concupiscentia perturbationibus, & in naturam conversa dæmonum, similes illorum redduntur noxia, ac turbulenta in varias se vertunt formas, ac modò conspicuas se oculis præbent, modò recedunt, & ita eludunt aciem, tum inuentium, tum etiam cogitantium.* Et alibi ita etiam inter eos, qui ipsi quoque insanunt, insanissimè affatur, *Prava anima, quæ corpus suum violenter reliquit, expoliata, ad hoc ipsum deinde se admovent, ibique moras trahit. Unde nonnunquam visa sunt anima lamentari. Nam anima carentium sepultura, circa corpora immorantur, quibus malefici sæpius abutuntur ad ministerium suum explendum, compellentes animos à positione corporis, vel partis cujusdam assumptione. Quo circa qui vaticinationum animalium insinuari sibi animas optant, præcipua illorum membra deglutientes, veluti cervorum, vel talparum, vel aliorum accipiunt, & ita presentes sibi faciunt animam, Dei ritu vaticinantem. Talis enim anima una cum sui corporis integra sumptione, in corpus humanum se penitus ingerit.* Hæc Porphyrius, qui tantis delectatus est nugis.

Cicero Asculanus in Commentariis, quos in Sphæram edidit, nominat librum, qui olim extabat, & inscribebatur, *Scripta Cham*, opus magicæ atque maleficæ impietatis plenum, continens elementa, & praxim necromantiæ. Apud Plinium *l. 30. cap. 2.* legitur Osthanes hujus artis præcipuus Professor, qui promittebat quorumlibet mortuorum excitationes, & colloquia cum vivis. Et ab antiquis plura numerantur loca, ubi à defunctis oracula, & responsa exposcebantur, ut Cymericum Oraculum ad Avernum Capaniæ lacum, Theprotiū, & alia, quæ alibi attulimus. Phigaria, civitas Arcadiæ copiosa planè & locuples fuit huiusmodi Magis emortualibus, à quibus occulta & futura fisciari erat consuetum. Et Augustinus *l. 9. de civit. c. 11. ex Apuleio & aliis* multos necromanticos recenset ac refutat, Tertullianus quoque, *lib. de anima ex Nicandro alios commemorat.*

Cur autem dæmon assiduè necromantiæ vacet, rationem reddit D. Thomas, ut scilicet facilius hominibus quicquid vult persuadeat. Libentius enim, ac propius credunt vel amicorum animabus quàm dæmoni, quem animo etiam horrent. Hoc autem modo docere conatur versutus, callidus, veterator, inferorum carcerem non esse perpetuum, ex quo non liceat aliquando ad nos transmeare, sicque non esse adeò graves illius penas, quemadmodum vulgò narratur, animas, etiam post mortem, habere corpora, vel posse quælibet corpora induere, aut in alia migrare ex Pythagoricis, & consequenter non habeatur fides, ac spes Christianæ resurrectionis. Hoc etiam modo quamplures inducit superstitiones, quibus mortuos, tanquam terrificos representatos, placare, sibi que conciliare studeant, vel animas quorundam sapientia, vel fortitudine, vel potestate inter viventes clarissimorum, non humanis modo, sed etiam divinis honoribus prosequantur, venerenturque.

Secundo modo cum quis animas jam defunctorum conatur carminibus, aut cæremoniis evocare, ut occultare.



ta revelent, quæ divinatio appellatur Scyomantia.

Tertio modo ex præscriptis lineis, quibusdam figuris, & signis, aut eorumdem cadaverum contactu in defunctorum corporibus, fortuita futura vel abscondita percipiunt, quorum plura temere ac imprudenter describit Torreblanca *ro. 2. l. 8. c. 8.* quæ nos consulto relinquimus. Sat enim est indicare horrenda & nefanda scelera hujus artis, ut fideles agnoscant quàm juste jure divino, ac humano sit prohibita. *Levitici c. 10. Deut. c. 18. Judic. c. 12. Isaia c. 8. l. Reg. c. 9. & 4. Reg. c. 1. can. qui sine salvatore 26. q. 5. l. Prætor ait, §. adversus C. de sepulchr. violat. l. multi C. de malef. & mathem. l. 2. tit. 23.* Stultus etenim judicari debet, qui Demonis responsa expetit, cum munus ejus solitum sit mentiri, atque decipere, ut notat Hieronymus in *Isaiam c. 41.* Augustinus *l. 10. de civi. c. 10.* & Franciscus Picus *l. 4. prænot. c. 9.* Unde consultori, & consultantis pœna mortis naturalis à Deo imponitur *Levit. c. 20.* & post hanc vitam mors æterna *Apocal. 20.* Jure humano stportationis pœna in nobiles, mortis in viliores statuitur. *d. l. Prætor ait, l. qui sepulchrum C. eod. & à Constantino etiam lethale supplicium imponitur in l. multi. C. de malef. & mathem.* Jure autem Canonico recentiori Sixti V. hanc artem exercentes, tanquam hæretici condemnantur, de quo infra, cum id expresse ibi non habeatur, Imo, ut observat Picus *ibidem*, Dæmon ipse tandem aliquando ipsis Necromanticis vitam aufert, vel saltem mentem; ideo Lymphatos ac Ceritos, & imaginosos eos appellat Lavater. *l. de spectris*, ac Remigius *l. 2. de Demonolatr. c. 3.* Et male perire, expertus est Saul *1. Reg. 28.* Zoroaster apud Plinium *l. 30. c. 1.* Numa Pompilius apud Plutarchum in *Numa*, quod & de Tullio Ostilio prodit Livius *l. 1. de Valeriano Nicephorus l. 10. c. 26.* de Helio gabalo Xiphilius in ejus vita, de Orpheo, Mopso, Amphiarao Ovidius, & Statius, de Phrygna Samio Laetius in ejus vita.

Tenendum autem omnino est. Suscitationes mortuorum arte necromantica, ut occulta cognoscantur, sunt impossibiles, ideoque fallaces. Nam suscitatio mortuorum est miraculum. Dæmones autem non possunt patrare vera miracula, ut jam dictum *tom. 9.* Simulant quidem Dæmones, vel eorum Magi, aliquos esse mortuos, qui laborant quibusdam morbis, quibus immobiles, ac insensibiles redduntur ac si vere defuncti essent. Quod docent medici sæpe ex infirmitate accidisse. Sic puella, quam finxit suscitare Appollonius, teste Philostrato, & ille, de quo Plutarchus *l. 10. de Republ.* Potest & Dæmon, permittente Deo, sumere cadavera defunctorum, alia aerea substituere, quæ ipse movet, & apparent ac si ex se ipsis moverentur, sicut de corpore Romuli, testatur Livius *l. 2.* Ingreditur etiam Dæmon cadavera mortuorum, & instar viventium corporum movet. Insigne exemplum illud, quod narratur à Phlegetonte *l. de mirabil. & longæv.* Nec minus mirum, quod accidit mago illi Cornelio Agrippæ, de quo *alibi*. In Thessalia quoque, referente Apuleio *l. 1. Asini c. 2.* Aristomenes à Meroe vetula decollatur, & spongia in vulnus intromissa, fingit vivere, qui cum ad fluminis ripam approximaretur, curvans, ut biberet, spongia decedit, & mox in fætida ossa resolvitur. Cæsarius quoque *l. 12. miracul. c. 13.* refert cadaver ejusdam Principis defuncti, scheda appensa à Dæmone, gestata integro anno antequam sepulture traderetur, actiones humanas ita exacte ementitum, ut in arduis discurreret, cum amicis, formante voces Dæmone, confabularetur, comederet, biberet, cum uxore concuberet, nusquam tamen dignosceretur.

Non est autem difficile Dæmoni, cadavera diù servare incorrupta, balsamo atque aliis unguentis. Et servantur quidem incorrupta corpora fulmine percussa

Tom. I.

ex ipsa corporum constitutione, ex victus partimonia, ex loci conditione, aliisque de quibus *tom. 4. & 9.* Unde, licet quandoque divinitus conserventur incorrupta Sanctorum corpora non tamen credendum est, ideo non esse corpora Sanctorum quia corrupta inveniuntur. David namque, Jacob, alique Sancti viri mortui sunt, eorumque corpora pulvis, ac cinis. *Omnia enim caro fenum*, *Isaie cap. 40.* Hisce autem, aliisque modis potest Dæmon pravorum hominum corpora, Deo permittente, conservare incorrupta, ut imperito vulgo eorum affectatam Sanctitatem persuadeat, vel motu locali noxia pellendo, vel applicando juvantia. Sic & in igne projecta corpora efficit, ne fiant cinis, vel illa ungen-do frigidissimis, vel se ipsum inter ignem, & corpus ingerens, ut impediatur ignis virtutem, vel in Aera sublevet, ut de Guidone de Lafia hæretico, combusto iccirco ab Inquisitoribus, refert Castillus in *chron. Predicat.* & Bernardus Lutzeburgensis in *catol. hæret. litt. G.* vel per celerem, ac violentum motum, vel aliquo Medicamento, aliave arte vim ignis coercendo.

Omnes item animarum apparitiones, quas Necromantici omni ope fieri contendunt, falsæ sunt ac ementitæ. Confirmat hoc Isidorus *l. 8. etymol.* Chrysostomus *hom. 9. in Matth.* Augustinus *l. 10. de civ. c. 11.* cæterique Patres, & Scholastici cum D. Thoma *q. 117. art. 4. ad. 2.* Gulielm. Parisiens. *de univers. p. ult. cap. 28.* Victoria *de Magia n. 12.* Anania *l. 3. denat. Dem.* Pererius *eod. tr. l. 1. cap. 11.* Delatorre *d. q. 95. disp. 1.* Delrius, Autor mallei Nider, Remigius, Directorium, ibique Pegna, Torreblanca, Picus *loc. cit. c. 9.* qui necromantiam in Chaldaea ortam tradit ex Augustino.

Et sane D. Thomas *p. 1. q. 89. ar. 8. ad 2.* non minus miraculum censet apparitionem animarum, quam cæci illuminationem. Quod antea dixerat Augustinus *l. de cur. pro mort.* Verum ista divinitus fiunt longè aliter quàm se habet usitatus ordo singulis creaturarum generibus tributus. Non enim ideo putandum est vivorum rebus quoslibet interesse posse defunctos. Nam quibusdam sanandis vel adjuvandis Martyres adfunt. Sed iccirco potius intelligendum est per divinam potentiam Martyres vivorum rebus interesse, quoniam defuncti per naturam propriam vivorum rebus interesse nequeunt. Quod si veræ essent animarum apparitiones, quæ narrantur, & non ministerio Angelorum, innumera fere miracula sine prorsus necessitate contingerent, cum Angelorum representationes in assumptis corporibus sufficiant. Unde credendum est, animas ipsas rarò comparuisse, sæpe Angelorum ministerio. Quare D. Thomas *3. p. q. 45. ar. 3. & in Matth. c. 17.* non vult admittere Moysem in monte Thabor apparuisse in proprio corpore assumpto, sed in aereo, & Tertulianus *l. de anima c. ult.* notat, quod cum dives Epulo Luca *16.* in inferno sepultus, Abraham rogasset, ut aliquem ex inferis mitteret, suos monitorem, ut bene viverent, Deus id ei non concessit, quia nunquam, aut rarò id faciendum est.

Certumque autem est, non posse animas virtute naturali vivis apparere, ut tradit D. Thomas *q. 117. ar. 4. & q. 89. ar. 8. ad 2. & in 4. d. 45. q. 2. art. 1. & questiu. 3.* post D. Augustinum. Quare autem à Deo animæ evocentur, ut vivis appareant, ostendunt Justinus Martyr, alique Patres apud Coccium *tom. 1. l. 5.* ac Delatorre *disp. 1. de necromant.* Quare D. Augustinus *l. de cur. pro mort. c. 7.* ac sæpe alibi, animas defunctorum, quas Magi ostendunt, fictas esse, & phantasmata, non veras, Sotus in *4. d. 34. q. 1.* Gulielm. Paris. *loc. cit. c. 24.* post D. Thomam, quem sequuntur Theologi omnes, dixitque etiam Ulpianus in *l. ostensum ff. de verb. signif.* ac tradit Tertullianus his verbis: *Necromantia secunda est idololatria, in*



qua se Demones perinde mortuos fingunt, quemadmodum in illa Deos. Quidni, cum & Diis mortui sint? Itaque invocantur quidem defuncti, sed Demones operantur sub eorum obtentu. Hanc autem fallaciam Demonis sub personis defunctorum delitescens, etiam rebus probamus, cum in exorcismis nostris interdum Demon aliquem se ex hominibus affirmat, sicut & alibi Deum, nihil magis curans, quam hoc ipsum excludere, quod predicamus, ne credamus animas omnes malorum ad infernos redigi, & ut iudicii, ac resurrectionis fidem turbet. Et tamen iste Demon postquam circumstantes circumvenire tentavit, instantia Divina gratia victus id, quod erat in vero invitatus confitetur. Sic etiam in necromantia, qua jam quiescentes animas evellere ab inferis creditur, & conspectui exhibere, fallax est operatio plane, quia & phantasma praestatur & corpus effingitur. Nec magnum illi exteriores oculos circumvenire, cum interiorum mentis aciem excacare facile est. Sed etsi quosdam evocavit Dei virtus in documentum juris sui, non ideo communicavit fidei & audacie Magorum, fallacie somniorum, licentie Poetarum. Plinius quoque hanc artem animos evocandi irrisit l. 30. c. 2. referens etiam Neronem illam spernentem.

Talesque fuerunt apparitiones, quas plerique narrant Autores. Glicas p. 4. annal. memorie tradidit quendam Sanctabarenum, fictum monachum, sed verè necromanticum Basilio Imperatori Filium defunctum deploranti demonstrare promississe, & adimplevisse. Imperatori namque per sylvam gradienti fecit, ut Constantinus patri obviam fieret. Quem cum vidisset Imperator, complexus, & deosculatus fuit, sed mox evanuit ex oculis. Pari-ter duobus invenibus nobilibus Hispanis vane jactantibus se Achillem superaturos, si adesset, quem necromanticus quidam obtulit visendum, à cuius feroci aspectu perterriti alter aufugit, alter immobilis remansit. Aliud non absimile narratur in Theatro vite humanæ. Pleton mirabil. lib. 1. prodit, cadaver Polycrisi voces articulas emississe. Quod & Plinius lib. 7. cap. 5. scribit de cadavere Gabinii. Non est tamen negandum loquutiones defunctorum interdum fieri vel ab anima ex divina permissione, corpori redeunti, vel ab Angelis. Narrat enim Socrates lib. 1. hist. cap. 8. & 9. Rufinus lib. 1. hist. Eccles. cap. 5. de Spiridionis filia Ivenc defuncta, quæ, cum quoddam pecunie depositum abscondisset, pecunie domino instante, pater ejus ad sepulchrum accessit, & vocata filia, apparens locum, ubi depositum vivens collocarat, patefecit. Et in historia Patrum p. 2. cap. 37. ac in Fulgiosi lib. 1. exemplor. cap. 6. Divus Macarius dum viveret homicidii testis fuit, quod post ejus obitum alteri imputabatur. Hic ad sepulchrum Macharii accessit, & coram cuminumatoribus cadaver interrogat, an ipse fuerit homicidii reus. Ex cadavere vox proxiliit, ipsum non fuisse occisorem. Unde liber evasit.

A Demonibus tamen aliquando id evenire, constat, voces hujusmodi efformantibus, sive in corpore, sive juxta corpus, ut dum quis tibia, vel fistula voces humanas fingit, notante Abulense in Exod. c. 7. q. 13. sic etiam referunt Pleton loc. cit. & alii, calvaria, defunctorum voces emississe. Exempla leges apud Marcellum l. 6. c. 14. Francisc. Picum l. 7. prænol. c. 10. & Melchiorem Flavinum l. de statu animarum.

Cum igitur Necromantici invocantes Demone habent expresse pactum cum Dæmone, & utantur Sacrificiis, ac ceremoniis quæ divinum cultum significant, & ad idololatriam pertinent, ac insuper, ut habetur can. Episcopi 26. q. 51. vel credant, creaturas ab alio, quam à Deo posse in melius, aut deterius immutari, aut transformari in aliam speciem,

vel credant Dæmonem sua virtute posse vel mortuos suscitare, vel animas ad libitum evocare, & ad corpus deducere; vel has incantationes, & carmina sive ceremonias vim habere ad animas evocandum; vel etiam credant, alium, quam Deum posse ea, quæ per se occulta sunt, cognoscere ac revelare; vel etiam credant animabus majorem, quam cum interrisi verfabantur, virtutem, atque efficacitatem inesse, certum est, quod plerumque vel infideles sunt, aut apostatæ à fide, aut heretici, aut de fide vehementer suspecti. De anima Samuelis alibi fusc.

#### Divinatio Pythonica.

Sub hac generali appellatione Pythonum, universale divinandi genus comprehenditur, ut patet ex Deutor. cap. 11. Levit. cap. 2. & lib. 4. Reg. cap. 21. ac 23. & Isaie cap. 8. At nos cum D. Thoma 2. 2. quæst. 95. art. 3. cumque aliis accipimus hanc divinationem pro illa, quæ Dæmon occulta prædicat per homines vivos. Con- suevit enim Dæmon per viros, aut mulieres responsa dare. Tales fuere Dodonides Columbe, Vates Colophonii, Trophonii, Seralini, Fran- cica Pythonissa, quæ Merovæum decepit, Py- thonissa Saulis 1. Reg. 2. 8. Tales omnes Pythonici, dicti etiam Ventriloqui, quod ex imo ventre vox prodire videbatur de quibus, atque aliis alibi fusiis. Præcipuum autem oraculum apud Gentiles fuit Delphicum Apollinis, cujus originem ita describit Diodorus in vita Philippi. Eo in loco, quo templi aditum Delphis fuit, specus erat recessu magno, & obscuro, ad quem, cum capra pascens ascendisset, afflata est subterraneo illa spiritu, exultareque cepit modo insolito. Quod admiratus pastor, cum ipse ad ostium specus venisset, correptus est furore, cepitque futura quædam prædicere. Hoc & alii tentant, affectique sunt eodem modo. Res huc est pro- gressa, ut qui futura vellet cognoscere, adduce- retur, qui capite in antrum immisso vaticina- retur. Quod cum non sine periculo fieret, neque etiam sine exitio multorum, templum Delphici ibi exeretunt Deo vati Apollini, statueruntque virginem, quæ in machina consistens, tuto posset afflari divino illo Spiritu, responsaque con- sultentibus reddere. Quam machinam de tribus ful- cris Tripodem nominant, quasi trium pedum eadem forma, qua postea anei tripodes. Sacerdos Pythia dicebatur, quæ initio virgo fuit, Diana si- milis. Postea violata Pythia quadam ab Hecheate, Delphici mulierem non minorem natu annis quin- quaginta Pythiam statuerunt, relictis in perpetuum virginibus, modò illa virginali ureretur cultu, ne in totum mos vetus interiret. Unde ad hanc divi- nationem pertinet etiam divinatio oraculorum, ni- mirum responsa data à Dæmone certis in locis. No- biliora Oracula Jovis Dodonei, Ammonii, Panii, Delii, Sminthæi, de quibus etiam alibi, & multa Torreblanca l. 7. pluribus in utroque opere.

Divinatores etiam isti Dæmone afflari, dicti sunt fanatici, differentes ab arreptitiis, & obsessis à Dæmone, talesque fuere Orpheus, Incessus, Atticus, Tyresias, Sosipatra, ut refert Eunapius in vita Alde- sii, non autem Sibyllæ, ut falsò credidit Delius l. 4. c. 2. q. 6. apud quem multa erudita, sed nonne & multa anilia? De Sibyllis jam dictum. Tales quoque sunt Extatici, qui à Dæmone extra se rapi, motu sensu- que privati, ac interim putantes mira se addiscere, post modum futura prænuntiant. Sæpe autem id in arreptitiis accidit. Exemplum suppeditat cap. 6. Act. ubi de- scribitur quædam puella Pythonissa, quæ divi- nando magnum quæstum suis dominis faciebat, & sic



& simul à Demone arripiebatur, quæ liberata fuit à Divo Paulo, & statim cessavit Divinatio.

Cur autem Dæmones illis in locis tantum responsa redderent. Jamblicus *l. de mysteriis*, & Plutarchus *lib. de defectu oracul.* quos sequitur Pomponatius *in lib. de incantat.* Aponensis *sect. 3. problem.* Levinus Lemnius *lib. 2. de occult. cap. 2.* Contendunt rationem reddere physicam, terræ illius exhalationem, quæ fanaticos efficit, illuc advenientes. Et sicut qui aëri bili agitantur, solent futura prædicere, variis linguis loqui, ita & delubrorum subterraneorum incolæ ab exhalatione illinc enascente sic arripiebantur, ut fatidici evaderent, & occulta aperirent.

At hujusmodi effectus adscribendos esse Dæmoni assenti, non autem loco, vel exhalationi tradunt Theologi. Sic etiam linguarum locutionem non posse adscribi, trabili, tanquam causæ efficienti, quia dependet à consideratione diximus cum Psellio, Cordoneo, ac Fernelio. Quod autem ii desinant loqui, in quibus non reperit Dæmon amplius amicas dispositiones, per accidens est. Atque ex eo etiam evincitur quod Sacerdos illa Pythia fatidicum Spiritum sedens super tripodem aneum accipiebat, sique exurgebat, vel sedebat alibi, spiritum illum amittebat. Neque mirum est, Dæmones, qui sunt principes tenebrarum, obscura cavernas habitare, credendumque, exhalationem illam reddidisse homines aptiores Dæmonum operationi, ut de melancholicis diximus contra Torreblancam.

Quare autem hujusmodi oracula cessaverint, aiant, quia defecerat illa terræ exhalatio. At hos lepidè, & falsè irridet Cicero *lib. 2. de divinac.* his verbis. *Sed quod caput est, cur isto modo nostra aræ, sed jam aia, ut nihil possit esse contemptius, hoc loco cum urgentur, evanuisse aiant verustate jam loci, unde anhelitus ille terra fieret, quo Pythia mente incitata, orac. laederet, de Vino, aut Salsameno putas loqui, quæ evanescunt verustate?* Vera causa fuit Jesu Christi virtus, qui superveniens fortior, fortem amatum ejecit, sicque Dæmones, audientes prædictiones Prophetarum & oracula Sibyllina de Christo cito venturo, obmutuere.

Distingui verò hic debent Pythones, Fanatici, & Extatici ab iis, qui illos consulunt. Nam Pythones, Pythonistæ, Extatici penam mortis mutantur *Levitic. cap. 20. Deuter. 18.* executioni tradita *1. Reg. 28.* Undè constat à Sacra Scriptura hoc genus divinationis esse condemnatum, artemque Pythonicam exercentes, habent pactum expressum cum Demone, non sine illius adoratione, undè ii maxima ex parte infideles sunt, vel saltem valdè suspecti de fide. Idem dicimus, si ex pacto aliquo expresso Dæmonem adorent, vel aliud factum hæreticale commiserint. Ex sola tamen consultatione Pythonum non semper videntur suspecti vehementer de fide, si non petunt, nisi id, quod est in Dæmonis potestate. An autem, & quomodo possint isti dici suspecti, tanquam familiares, si vè etiam fautores hæreticorum, & quia excitant eos ad facta hæreticalia, & cum illis in eisdem communicant, libi explicatum. In arreptitiis quoque Dæmon saepe revelat occulta, etiam non vocatus. Sed non est credendum. Est enim pater mendacii. In hujusmodi autem arreptitiis quos Dæmon invicos occupat, & torquet, non est pactum aliquod cum Demone, nec ii ob id suspecti sunt de fide. Undè si quis interroget Dæmonem obsidentem hominem sine aliquo speciali cultu de illis, quæ ipse Dæmon scire potest, non ideo censetur hæreticus. Si tamen deprecando illum interroget est de hæresi suspectus.

Tom. I.

Ariolatio.

Et hæc quoque generaliter accipitur in Sacra Scriptura pro omni Divinatione, ut *Levit. 19. neque ab Ariolis sciscitemini*, & *Deuter. 18. ne qui Ariolos sciscitetur.* *1. Reg. 28. Saul abstinuit in magos, & Ariolos* *Isaie 44. & Ariolos in furorem vertens.* A nobis tamen hic ponitur Ariolatio species primi generis, estque illa, quæ circa Aras Idolorum versabatur. Apud enim Isidorum *lib. 8. etym. c. 9.* relatum in *can. igitur 20. q. 3.* Arioli dicuntur, qui circa aras Idolorum nefarias preces emittunt, & funesta Sacrificia offerunt, hisque celebrantibus, Dæmonum responsa accipiunt. Exerceatur igitur Ariolatio cum expressa invocatione Dæmonum, immo cum Idololatria formali.

Hinc reprehenditur Gratianus in *can. quicumque Sacerdotum 26. quest. 5.* hanc divinationem Sacerdotibus novæ legis attribuens, qui cujuslibet doloris causa commoti, altaria divina vestibus sacris exuere, aut alia qualibet veste lugubri accingere præsumebant. Quare jure, meritoque Gregorius XIII. in *correctione decretorum* jussit illa verba è textu deleri, quæ post Concilii Tolertani textum Gratianus compilator collocarat. Hos namque Sacerdotum ritus ad divinationis speciem spectare valdè supersticiosam, probat Joannes Filessac *l. de mag. Idololatr. §. 6. & 7.* Quare, ut notat Eusebius *l. 4. præparat. Evang. cap. 1.* Sacerdotes Idolorum sapientissime magi fuerunt, & ut refert Hyeronimus in *epist. ad Ephes.* Sacra plerumque apud Ethnicos Magiæ erant commixta, & liquet ex iis, quæ Apulejus Melesiar. *l. 11.* narrat de Serapidis, & Isis sacris Accessi, ait, *confinium non is, & calcavi Proserpina limina, per omnia vinctus elementa remnavi nocte media. Vidi solem candido ceruscanem lumine, Deos inferos, & Deos superos, accessi coram, & adoravi de proximo.* Ut enim affirmat Augustinus *epist. 5. ad Marcellinum Apulejus ipse Magnus fuit Sacerdos.* Apud Græcos si quidem magia sacerdotio unita erat, teste Psello *lib. de Dæmonib.* quod & de Telete probat idem Augustinus *l. 10. civit. c. 9. & seqq.* ac de Persis Nicophorus *lib. 8. hist. Eccles. cap. 36.* & Filessac *ibidem.* Undè ab ara dicti Arioli, quoniam in ara magiæ nefarie periti sacrificia, & oblationes Dæmonibus offerebant, ab eis responsa expectantes. Hinc Macrobius *l. 3. Saturnal. c. 11.* ait *Multifariam legimus, quod licet sola non possit oratio, nisi is, qui Deos precatur, etiam aræ manibus apprehendat.*

Antiquitus autem ad Deorum cultum erigebantur aræ absque imaginibus. Immo Licurgus lacedæmoniis simulacra Deorum prohibuit. Persæ, ac Lybes à principio nec statuas, neque templa habuisse produnt Historiæ, & D. Augustinus *l. 4. civit. c. 31.* scribit. *Romanos plusquam 170. annos sine simulacro Deos suos veneratos, postea simulacra inventa, ad quæ accurrebant etiam ex longinquis partibus voti causa peregrini extor Orbe, ut de templis Apollinis, & Hesperidam circumferretur.* Sic Moabitæ idolum Baal sibi fecerunt *N. 22.* & Beelphegor *N. 25. & psal. 105.* Chamos *N. 21.* Amalecitarum Moloch. *1. Reg. 15.* & Beelzebub *2. Reg. 1.* Madianitarum Barberith. *Judic. 8.* Sidonii Astroth. *Judic. 2. & 16.* Philistini Dagon, Babylonii Belem *Daniel 3. & 4.* Undè liquet idolis, & imaginibus antiquiorem esse Idololatriam; quoniam lapides ipsos in ruinosis locis, arbores in nemoribus pro Diis adorabant, illisque putabant sua numina adesse, quia iis grata erant, ut Quercus Jovi, Laurus Apollini, Oliva Minervæ, Myrtus Veneri, Hedera, & Viris Baccho, Cupressus Plutoni, Pinus Cybeli, Populus Herculi; Immo, & flores, legumina, poma, cæpas pro Diis coluerunt; Quare Aegyptiorum superstitio nem irridet Juvenalis *Satyræ 15.*

Hoc igitur facinus ad primum genus Divinationis spectat, & dampnatur *Levit. 19. & 20. n. 22. Deut. 19.*

Gg 2

Josue



*Iosue* 13. i. *Reg.* 28. *Isaie* 3. *Daniel.* 2. & alibi. Adversus autem Ariolos, & Idololatrias clamant Cyprian. *de idolol. vanis.* & lib. exhortat. ad Martyres, Chrysosthom. lib. contra gentes. Lactantius lib. 3. *divin. instit.* Cyrill. contra Julianum, Justinus martyr in *apolog.* 2. pro Christianis, Augustinus lib. 10. *civit. cap.* 9. D. Thomas d. q. 95. ibique Theologi. Caveturque in l. nemo Cod. de pagan. & Sacrificior. ubi Valentinianus, & Marcianus Augusti sic sanciuntur, *Nemo venerandi, adorandique animo delubra, quae jam clausa sunt, referet. Absit à seculo nostro infandis, execrandisque simulachris honorem pristinum reddi, redimi fectis templorum impios postes, profanos aris accendi ignes, adoleri in hisdem thura, victimas cadi, pateris vina libari, & religionis loco existimari sacrilegium. Quisquis autem contra hanc serenitatis nostrae Sanctionem, & contra indicta Sanctissimarum veterum constitutionum sacrificia exercere tentaverit, apud publicum Iudicem reus tanti facinoris legitime accusatur, & convictus, proscriptionem omnium bonorum suorum, & ultimum supplicium subeat. Conscii criminis, ac Ministri Sacrificiorum eandem penam, qua in illum fuerat irrogata, sustineant, & hac legis nostrae severitate perterriti, metu penae desinant sacrificia interdicta celebrare.* Huiusmodi statuas, aras, locos destrui, ac subverti praecipit Deus *Exod.* 23. *Deuter.* 7. & 11. quod executus est David, combutens Philistinorum Idola 2. *Paralip.* 14. Josias, Jonathas, Ezechias, & alii.

Ex quibus colligitur in hoc crimine includi idololatriam, quae est gravior omnibus peccatis. Imò ex glossa apud D. Thomam 2. 2. q. 94. art. 3. est maximum peccatorum, praecipue inter Christianos; Unde id patrant non solum sunt Idololatrae, sed etiam haeretici, Apostatae, ac divinatores superstitiosi; ac proinde subduntur Inquisitorum iudicio, quemadmodum probat Paramus *de orig. Inquis.* lib. 1. tit. 3. sum. c. 3. n. 103. Simanchas *de Cathol. instit.* tit. 32. n. Toletus in sum. cap. 14. n. 4. Zechius in sum. part. 1. tit. de fid. cap. 14. Lessius *de iustit.* lib. 2. cap. 43. Sanchez lib. 2. in decal. c. 37. Azor. p. 1. lib. 9. c. 11. De la torre in d. q. 95. D. Thomas ibique Sylvius, Torreblanca l. 8. cap. 9. alique innumeri.

### Hydromantia.

Est superstio divinatrix, in qua Daemonum industia manifestantur occulta per aquam, vel in aqua, can. igitur 26. q. 3. can. nec mirum, ead. q. 5. Prohibetur, ut haereticalis, & pacto suspecta in extravag. Joannis XXII. quae incipit *super specula.* & Sixt. V. cujus initium, *Celi, & terra.* Orta est ex idololatria Gentilium, qui aquam in Deum venerabantur, & divino quidem honore culta, teste etiam eo qui Salomonis Sapientiam scripsit cap. 13. n. 2. ubi scriptor is appellat *violentam aquam*, sive quia magna vis cuivis aquae insit, sive non omnem aquam, illam etiam residem, ac Cisternis conclusam respexerit, sed dumtaxat vasti maris, aut praeterea fluminum Magnorum. Quod enim major in corpore aliquo se vis excreteret, eò iudicabant illi plus inesse divini.

Porro cunctarum gentium praecipue Aquam esse venerati videntur Aegyptii, ac Persae. De Prioribus ita Plutarch. lib. de *Iside & Osiride*: Nihil in majore est Aegyptiis honore, quam Nilus. Et è nostris Athanasius qui Aegyptius ipse fuit, orat. contra gent. Alii fluvii, & fontes, & omnium maxime Aegyptii aquam praecipue venerati, Deosque appellant. Similiter Julius Firmicus *de err. prof. Relig.* Aegyptii incolae aquarum beneficia percipientes, aquam colunt, aquis supplicant, aquas superstitiosa continuatione venerantur. Vide & Viruvium in praef.

far. lib. 8. De posterioribus, restantur inter alios Laertius in *proemio operis sui*, Clemens Alexandrinus *admonit. ad Gent.* Arnobius lib. 6. Sydonius Appollinaris *panegy.* Leon. Agathias lib. 2. Imò Herodotus in 1. & Strabo in 15. referunt usque adeo flumina veneratos, ut religio iis esset in ea metere, vel alvum exonerare, vel inspuere, vel cadaver, aut sordidum quid conijcere, vel manus vivo flumine abluere. Itaque, & in expeditione Xerxis, Magi, ubi ad Strymonem deventum, albis ei equis licaverunt ut refert idem Herodotus in 7. Tyridates quoque Euphratem cum Vitellio, & copiis transmissurus, equum immolavit, ut flumen hoc haberet placatum, quemadmodum apud Tacitum est in 6. *Annal.* Idem Tyridates, de Armenis ad Neronem iturus, eo noluit navigare, quoniam, Plinii verba sunt, lib. 30. cap. 2. expuere in maria, aliisque mortalium necessitatibus violare eam naturam, fas non putaret. Merito autem Magi, & Persae Herodotum male fidei arguunt super eo, quod scripserit Xerxem expeditione adversus Graecos suscepta, & sagittis impetisse Solem, & Mari injectisse compedes. Nec enim ullo pacto verisimile est, tam irreligiosè Regem eum se gessisse erga Solem, & Aquam, qui more gentis pro summis ea Numinibus haberet.

Fontibus quoque, & aquis hostiae datur, Athanas. orat. contra Gent. Vuitaldus *de Caris*: Alii etiam lignis, & fontibus clanculo, alii, autem aperte sacrificabant cap. 8. Causam ejus rei profert Liplius, quia nempe opinio prisca erat fluvios, & fontes minores esse Deos, sive Genios nos. ad c. 26. *paneg. Plinii.* Imò habere, & continere Genios, qui aquis, & fluviiis praesideant. Vide Gruterum in *inscript.* pag. 94. Ex eo legitur in inscriptione Nesconiae in Hispania *Fonti Divino.* Et Poetae fluvios appellant Sacros. Seneca *epist.* 41. *Magnorum fluminum capita venerantur, subita ex auditu vasti amnis eruptio aras habet. Columae aquarum calentium fontes, & quaedam stagna, vel opacitas, vel immensa altitudo sacravit.* Aliam rationem in illud Virgilii Eclog. 1. *Et fontes sacros,* subnectit Servius: *Nam omnes inquit, aquis Nymphae praesident.* Nervosius quidem quam Liplius frequenter enim ad fontes, & fluvios Nymphae dormientes reperiuntur innixae amphoris iuis. Probant id aliquae inscriptiones, qualis est illa Romae in hortulo Colotii, & alibi in fontis margine *Nymphae loci, Bibo, lava, tace.* Vide Fabricium in *Rom.* cap. 16. & 17.

Hinc Hydromantiae superstio, quae ex aquae inspectione umbras Daemonum observabat, futurosque eventus, & absconditos divinabat ex figuris in aquis à Damone demonstratis, attendebat, ut declaret idem textus in d. can. nec mirum.

Huius praecipuus usus est in fontibus, ubi representantur imagines in vase amplo aqua pleno, injectis laminis auri, vel argenti, aut lapidibus pretiosis, & submurmuratis quibusdam magicis verbis, audiuntur responsa è fundo vasis. Scribitque Macrobius lib. 5. *saturnal. cap.* 19. quod apud antiquos stagna, fontes, & paludes Sacrae ad id conservabantur. Ejusmodi Cisternam commemorat Zozimus in *vita Aureliani* extitisse in Aegypto in templo Appameno, & Pausanias in *Achaicis* meminit Junonis paludis apud Laconiae Epidamnium, Apollinisque Thyxei oraculum propè Cyneas ad Licinium. Quod referre videtur Claudianus superstitionem veterum Getharum, & Germanorum recenter natos Rheno commendantium, ut si spurii essent, ab aquis absorberentur, si autem legitimi, supernarent.

Tradunt etiam Almacher, Arabs, Gerardus Cremonensis



monensis, & Barthol. Parmensis *de divinat.* quod hæc divinatio exercebatur in aqua æstiva immixtis lapillis, & illorum observatis gyris, vel in vasculo aqua pleno & annulo filo suspenso, vel in oleo guttula aquæ infusa à Dæmone futuri eventus representabantur. Fit etiam in vase aqua pleno, & puero, aut puella virgine, injectis in aqua paleis, pronuntiatisque quibusdam verbis, & tunc pueri, vel puellæ in d. vase representantur figuræ, ex quibus cognoscitur quod quisque scire vult. Hujusmodi divinatio sæpè cum cultu Dæmonis, & pacto exerceri solet. Inspicitur item in aqua ejus motus, & in pelvim, vel in aliud vas aqua plenum pix, cera, vel resina liquefacta infunditur, & ex figuris, quæ in ea prolatis verbis apparent, futura prædicuntur ex pacto Dæmonis. Committit etiam hanc divinationem, qui ad furtorum auctores detegendum trium suspectorum nomina totidem pillulis inscribit, & eas in aquas conjicit.

Non est autem superstitiosus mos ille Serenissimæ Reipublicæ Venetæ projiciendi annulum in mare Adriaticum, quia, non ad cognoscendum futura quotannis die Ascensionis id facit, sed ad significandum illius Maris Dominium sibi ab Alexandro III. concessum in memoriam navalis victoriæ, qua Duce Sebastiano Ziano Veneti debellavit Othone filium Frederici Aenobarbi, captumque Pontifici obtulerunt, qui Venetias profugerat, licet alii refragentur. Tunc enim Ziano Pontifex annulum è manu sua detractum porrexit, inquit: Autoritate mea hoc annulo fretus Oceanum tibi subicias, & quotannis tibi, posterisque eod. die, quo hanc victoriam pro Ecclesiæ defensione obtinuisti, despondebis mare, ut sciant omnes maris tibi dominium concessum, quia Sedis Apostolicæ tuendi curam, & studium fideliter suscepisti. Sit hoc tibi quasi pignus benedictionis, & secundæ sortis in futurum, ita Villamontius *lib. 1. peregrinationis sue cap. 23.* Superstitiosi verò hæreticales appellandi sunt quotannis, velut animatum baptizant, & qui antiquitus ex varia pelagi agitatione lapillis ter injectis in mare, futura credebant cognoscere.

Hæc autem divinatio, quatenus est necromantia, non exercetur sine invocatione ex pacto expresso, & cultu speciali, soli Deo debito. Undè non fit, nisi saltem cum vehementi hæresis suspitione.

#### Geomantia.

Hæc etiam est superstitio divinatix, in qua Dæmonis industriâ revelantur occulta ex signis factis in corpore terrestri. Hujus speciei fuerunt oracula, & responsa quæ Dæmon dabat ex antris, vel statuis de quibus jam dictum. Ad hanc speciem divinationis pertinet etiam illa divinatio, quæ fit per specula, perentem levigatum, crystallum, aut lapidem politum, per puncta descripta in terra, in pulvere, in tabula, vel in charta, per Ungues quæ dicuntur Onicramantia, per annulos, & post illorum inscriptionem, mutationemque, & transpositionem prædivinatur id, quod quisque animo intendit. Prohibetur in d. *can. igitur 26. q. 3. & cit. Constit. Sixti V.* ut hæreticalis, falsa, & auctoralis, & pacto Dæmoniaco suspecta. Magus Olivet. & Gaspar Peuser, in *libris de ipsa publicatis* tradunt, quod fiebat in terra styli punctuatione, nunc autem in abaco, vel tabula sexdecim figurarum, & totidem punctorum, cum aliis vanitatibus, quam vandem ipsi contemnunt, et si Lutheri sequaces. Et Picconius in *epitom. de magia c. 9.* affirmet in hac divinatione laboriosâ industriâ mentiri artem, & ab idololatria irrepsisse apud antiquos adorantes terram, sicut Numen.

Immo ex elementis ante alia, Tellus divinos obtrahit honores, & sub variis Deorum, ac Dearum nominibus culta. Ita est sub Phrygiis culta sub nomine Rheæ, Cybeles, Dindymenes, Idææ matris, Berenicythiæ, Pessinuntæ, Mygdoniæ, sub nominibus culta

Tom. I.

aliis. Ad hæc Syris sub nomine Deæ Syriæ, Assyriis verò Atergatis, Ægyptiis Idos nomine, Samothracibus sub nomine Dei Magni, & Cabitorum, Thracibus nomine Bendis, Græcis & Romanis nomine Cereris, Junonis, Vestæ, Rheæ, Opis, Proserpinæ, Plutonis, ac telluris ædes Romæ non una. Hic culta, & sub nomine Maïæ, Bonæ Deæ, & aliis. Item culta Gallis nomine Ditis, Germanis nomine Heitæ, Scythis nomine Apia, Kyrgettis quoque in Tartaria pro Dea est habita, Et cur non aliquid alterius Orbis addam. Ubi Peruanis terram esse cultam, atque ab iis dici *Pachamama*, refert Josephus à Costa *l. 5. c. 4.* Telluris quoque partibus divinus est honor attributus, & nominatim Carmelo, de quo sic Tacitus in 2. hist. *Est Judæam inter, Syriamque Carmelus, ita vocant montem, Deumque, nec simulacrum Deo, aut templum. Sic tradidere majores, aram tantum, & reverentiam.* Suetonius in Vespasiano *c. 5. Apud Judæam Carmeli Dei oraculum consulentem.* Et longè his antiquior Scylas Caryandensis, *Carmelinos*, Jovis Delubrum, significat montem, & Deum esse, & Dei sedem, ac fanum; Nullum enim in ea templum erat Numinis, immo, & corpus ejus. Nam Carmelus Deus constabat genio loci, & vasto montis corpore. Verisimile autem est hanc opinionem paulatim irrepsisse ex eo, quod Eliás Thisbites hic habitavit, Scholamque habuerit, ut quidem prodidit Joannes Patriarcha Hierosolymitanus *de instit. primor. monach. sub veteri lege.* Prope finem eum sacerdos Baal ab Eliâ occisos legimus *1. sive 3. Reg. 18.* Ac Eliæ discipulum Elisæum hic aliquandiu sedem fixisse cognoscimus ex *4. Reg. 2. & 4.* Quia igitur Propheta tanti hunc locum eligere ad incolendum, sacraque præstanda, eò diù ille pro Sancto habitus est, gratioremque in eo fore numini cultum, judicatum. Quam altè autem opinio hæc de montium cultu radices in animis egerit humanis, argumento illud erit, quod etiam montes pro Diis culti sint Peruanis quemadmodum refert idem Acosta *l. 5. c. 2.*

Hæc autem divinatio dupliciter exerceri potest. Primo, Dæmone invocato, dante responsa per corpus terrestre. Secundo, Dæmone, responsi loco, ostendente figuras, & signa in corpore terrestri. In hac autem Geomantia necromantica, quando per Dæmonem dantur responsa, semper præcedit expressa invocatio cum aliquo speciali cultu Dæmoni exhibito, qui vel continet expressum pactum cum Dæmone, vel illud supponit. Undè hujusmodi divinationi insistentes, sicque Dæmonem invocantes expressè, sunt sine dubio de fide vehementer suspecti, si non sunt hæretici.

#### Aeromantia.

Hæc est superstitiosa divinatio quæ per Dæmonum industriam occulta prædicuntur per apparationes, quæ ex Aere, vel in Aere fiunt. Hinc non vulgares solum animæ, sed etiam maximi nominis Philosophi Aerem pro Numine habuerunt. Inter alios Anaximenes Milesius, & Diogenes Apolloniates. De priori sic Tullius *1. de natur. Deor. Anaximenes Aera Deum statuit, eumque gigni, esseque immensum, & infinitum, & semper in motu, quasi aut Aer sine ulla forma Deus esse possit, cum præsertim Deum non modo aliqua, sed pulcherrima specie, esse deceat, aut non omne, quod oritur sit, mortalitas consequatur.* Quibus non solum Anaximenes sententiam clarè proponit, sed solide etiam refellit. Atque ex hoc Tullii loco eandem Anaximeni opinionem tribuit B. Augustinus *ep. 56. qua est ad Dioscorum.* Ac scitè idem *c. 6.* quod tractat, Deus quid sit & quomodo cognoscatur. Interrogavi, ait, *auras flabiles, & inquit universus Aer cum incolis suis: Fallitur Anaximenes: Non sum Deus.* De Diogenes sic post superiora Tullius. *Quid Aer? quo Diogenes Apolloniates: utitur Deo, quem sensum habere potest, aut quam formam Dei? Item Augustinus l. 8. civ. c. 2. Diogenes Anaximenes alter auditor, verum quidem dixit esse materiam, de qua omnia fierent, sed eum esse compositum divina*



rationis, sine qua nihil ex eo fieri posset. Sed multis Philosophis de totis potius gentibus videamus.

De Assyriis, & Arabibus testis est Herodotus lib. 1. qui & author est, vocatam iis Venerem celestem, & Pausanias in Atticis. Aperteque in primis Julius Firmicus lib. prophanar. relig. Assyrii, & pars Afrorum aerem Ducatum habere elementorum volunt, & hunc imaginata veneratione venerantur. Nam hunc eundem nomine Junonis, vel Veneris Virginis, si tamen Veneri placuit aliquando virginitas, consecrarunt. Virginem Venerem orientales dixere, ut Romani, & Græci, Virginem Dianam. Nempe hic signatur non terrestris Venus, sed celestis, quæ partim est Luna, partim Aer pro Lunæ ratione mutationibus obnoxius. Aegyptii autem intellexerunt Aerem per Minervam, teste Eusebio lib. 3. præpar. Evang. cap. 2. Græcis, & Romanis Aer partim consideratur ratione potentie activæ, ac Jupiter dicitur, partim passivæ, & vocatur Juno. Seneca lib. 3. q. nat. c. 14. & Athanagoras legat. pro Christianis.

Ex Aere autem incantato mediis spectris repræsentantibus, vel loquentibus, vel voce, vel signo aliquo futura venati consuevit, ut fatentur Petrus Pictorius ibidem cap. 12. Quia credebatur, ut revera est, demonibus aerem esse plenum, id est in illo habitare. Per hanc divinationem vani, & divinatores observant etiam aeris mutationem, sonitum arborum, venti flabra per fenestras, & ex his futura pronunciant. Hujusmodi quoque divinationis species, sicut includit invocationem expressam, & cultum soli Deo debitum Dæmoni tributum, ita continet infidelitatem, sive hæresim, aut saltem vehementem hæresis suspicionem. Ideoque prohibetur à Sixto V. in cit. Constit. & in d. can. illud. 26. q. 5. Quia per se, aut plerumque spectat ad expressam dæmonis invocationem, cum ita sit instituta ab initio, cui pacto consentiunt, illam scienter exercentes. In quo tamen advertendum, quod si ad Divinationem attenduntur tonitrua, vel fulgura, pertinet ad augurium. Si cæli aspectus, ad Astrologiam de quibus suo loco.

#### Pyromantia.

Primus autem, ut ajunt, ignem colere Nemrod jussit, quem aliqui Ninum arbitrantur Chronici Alexandrini scriptor pag. 64. Nemrodo autem cognomen Nini imposuerunt. Hic pro Deo ignem colere docuit. Unde primum eum post Diluvium Assyrii Regem fecere, Nini cognomine imposito. Credibile verò est ab eo cultu Ur vocatam Babyloniam urbem, quæ aliter Urie, & Camarina, ut ex Eupolemi opere de Judæis Assyriis traditum est Eusebio. lib. 9. præpar. Evang. cap. 17. Edque spectat, quod sacerdotes Chaldaeorum Græcis dicerentur Chaldæi. Chaldæis autem Cumerin ut Hebræis Cemarim. Unde & quartus ex Diis Samothraciis. At eadem civitas Ur, & Uroe nuncupata, quia, ut dixi, Ignis in ea coleretur, sive cultus is proprius fuerit, sive symbolicus. Sanè, & regio tota ab eadem causa Orchon dicta Ptolæmæo.

In civitate Ur natum Abraham, est verisimile, quando ex ea dicitur profectus Genes. cap. 2. 32. Et Haran fratrem ubi mortuum ibidem num. 28. constat. Imo, & de eo fabellam hanc apud Beatum Hieronymum reperias quæstionibus, sive traditionibus in Genesim ibidem: Pro eo quod legimus in Regione Chaldaeorum in Hebræo habetur Ur Chaldim, id est in igne Chaldaeorum. Tradunt autem Hebræi, ex hac occasione istiusmodi fabulam, quod Abraham in ignem missus sit, quia ignem adorare noluerit, quem Chaldæi colunt, & Dei auxilio liberatus, de idololatria igne profugerit. Quod in sequentibus scribitur, egressum esse Tearam cum sobole sua de Regione Chaldaeorum pro eo quod in Hebræo habetur, de incendio Chaldaeorum,

quod videlicet ignem noluit adorare, igne consumptus sit. Habes fabulam eam in Misistras Haggada, ac referunt etiam Salomon Jarchi, & Moses Gerundensis.

Sed quidquid de Chaldæis sit, illud constat, Persis ignem pro Numine fuisse. Causam refert Julius Firmicus. lib. de error. prophanar. Religion. Persæ, & Magi omnes qui Persia Regionum incolunt fines, ignem præferunt, & omnibus elementis putant debere præponi. Ac primo quidem Ignem colere & Dei Symbolum, sed sic, ut paulatim penè apud omnes, vulgum saltem, Symbolicus ille in proprium transiret. Ad proprium hunc cultum retuleris, quod Lucianus in Jove tragado ait, Persas igni sacrificare. At ut Symbolicum interpretabatur Maximus Tyrius differt. 38. Ex Scriptoribus Ecclesiasticis cultum hunc fuisse apud Persas, tradunt etiam B. Ambrosius; sive potius Hilarius Diaconus Romanus in 1. ad Corin. cap. 9. & Isidorus origin. lib. 14. cap. 3. E Græcis Theodoretus lib. 5. hist. Ecclesi. cap. 38. & Socras historie sue lib. 7. cap. 8. quo loco pulchrè narrat, qua fraude Magi in specu, ubi ignem colerent, hominem occultarint ad decipiendum Regem Idigirdem, atque ut dolum hunc detexerit Maruthas, Mesopotamiæ Episcopus. Sed ante cultum illum prodidere etiam Clementes duo, unus, qui dicitur Romanus in 4. recognit. libro, alter autem Alexandrinus in admonit. ad Genes, ubi non modò Persas Ignem veneratos testatur, sed etiam Medos, atque alias Gentes, quæ Asiam incolebant, imò & Sauro-matas, de quibus postea, atque adeo Macedonas quoque secundum Diogenem. in 1. Persicorum. Quia ratione autem Persæ sacra fecerint igni, exponit Strabo. in 15. ubi eadem ostendit, divertum fuisse modum, quo aquæ sacrificaretur. Iguis hic etiam præferebatur Regibus Persarum, idque sacrariis quibundam, quæ Pyræa Græci vocant Ammianus Marcellinus lib. 23. de Magis: Feruntque etiam, si justum est credi, ignem calitis lapsum, apud se sempiternis foculis custodiri, cuius portionem exiguan, ut fustam prædixisse quondam Asiaticis Regibus dicunt. Extinguere tamen hunc ignem solebant, si Rex moreretur, ut est apud Diodorum Siculum l. 17.

A Persis hunc ignem sacrum accepere Cappadoces, de quo sic Strabo lib. 15. In Cappadocia est maxima magorum multitudo, qui Pyræi vocantur, & multa Persicorum Deorum templa. Ab his Pyræis dicta Pyræthea, de quibus Strabo ibidem sic ait: Sunt & Pyræthea sepe quadam ingentia, in quorum medio ara est. In ea Magi & cinerem multum, & ignem perennem servant. Narrat deinde, quomodo in Pyrætheis sacra faciant.

Quantopere verò in Asia radices egerit insana hæc Religio documento erunt, quæ in itinerrario suo prodidit Rabbi Benjaminus, qui ab Abrahamo Zachuto in Chronicovixille dicitur anno Mundi quater millesimo nongentesimo nonagesimo tertio, is à Christi fuerit natali 1174. ac ab Asia quidem Montano, viro summo, latine redditus. Is Benjaminus pag. 108. narrat, ut in Chenerag, Insulis Asiaticis, ad quas se ex Haaulam hoc est Zailam, navigasse scribit; incolæ reperire ignis cultores, vocarique Duhijim, ac sacerdotes ejus nomen sic præstigiis cæteros orbis exsuperare, ut æquiparari hac parte possit nemo. De modo etiam cultus complura adiungit, quæ apud illum legi nolo.

Videamus nunc de vicina Asiæ Egypto. Vulcanus, per quem partim ignis, partim ejus artificium intelligebatur in Diis erat Egyptiorum, qui duos solum habuere Deos Masculos & feminas, Vulcanum & Minervam, quemadmodum prodit Orus Apollo l. 1. c. 1. D. cunt autem Egyptii, Vulcanum esse patrem Solis, quia sidera sunt ignita.

Apud Græcos verò, & Romanos quid mirum, si ignis à vulgo haberetur Deus, quando & cum pro Deo coluere Hippolitus



Hyppasus Metapontinus, & Heraclitus Ephesius, ut apud Clementem legimus *admonit. ad Gentes*. De Religione autem publica tum Græcorum, tum Romanorum, utriusque Ignis nunc erat Vesta, nunc Vulcanus. Est hæc Vesta junior, soror Ceteris, & Junonis, filia autem senioris illius Vestæ, quæ aliter Rhea, vel Ops dicebatur: Vesta autem focus, sed cujus pro Dea sumitur, intelligitur focus Urbis publicus, ut vocat Dionysius *lib. 2. antiq.* Unde Cicero in *2. de legib. Virgines in Urbe custodiunt ignem foci publici sempiternum*. Romani hunc Vestæ cultum accepere ab Albanis *ex Livio lib. 1.* Albani autem habuere illum à Lavinienfibus quorum urbs, Dionysio teste, triginta annis extructa fuit, priusquam ab Ascanio Alba Longa condere-  
tur, Lavinienfes eum accepisse traduntur ab Ænea Ithryge. Atque hæc tres civitates Albam, Laviniam, ac Ilium in animo habuit Augustinus, quando ait *lib. 3. de civit. cap. 18. Sacra illa fata-  
lia Veste, quæ jam tres, in quibus fuerant, preßerunt civitates.* Ambigit tamen Prudentius, an non ea Ro-  
mani acceperint sacra ab Atheniensibus. Verba ejus *leges in 2. adversus Symmachum*; nempe, ut hanse-  
runt ea Romani à Legatis suis anno Urbis trecente-  
simo in Græciam missis, quò de Draconis, ac Solo-  
nis legibus cognoscerent.

Hunc ignem custodiebant Romæ Virgines, ex co dictæ Vestales. Eo id factum, quia ut purus ignis, sic pura Virgo, atque ut nihil generat ignis extra mi-  
xistionem, ita nec Virgo. Unde Plutarchus in *Numa Nu-  
me Vestalium Virginum conservationem, omnemque ater-  
ni ignis, quem adservant hæc, cultum, ac bonorem ad-  
signant, siue puram & incorruptam Ignis naturam  
integris, & inviolatis indidit corporibus siue sterilem  
& infecundam Virginitati quasi contubernio conjun-  
xit* Adde, quod Virgines sine immunes à rei do-  
mestice curis, eoque facilius, & certius advigilent  
ad sacri Ignis custodiam, qui si exstingueretur, Urbi  
grave credebatur periculum portendi. Quam ratio-  
nem etiam Tullius adducit in *2. de legib.* Et eadem  
de causa viduæ in Græcia præfectæ & quidem æta-  
te provectæ, nempe quia nuptæ non possunt satis ad-  
vigilare ignis custodiæ quia sint mariti, ac rei do-  
mestice cura districtæ, uti neque nupturientes, quip-  
pe aliò applicantes animum. Qua de re Plutarchus  
in *Numa*. Hujusmodi viduæ vocabantur Prytanitides  
de quibus scholiastes Pindari *ode 11.* Cætera, quæ ad  
Vestam, & Vestales pertinent, veterum nemo fufius  
ac diligentius est persecutus Dionysio Halicarn. *anti-  
quit. Roman. lib. 2.* operæque iis jungere, quæ habet  
Aulus Gellius *lib. 1. cap. 12.* Juniorum autem, ut  
aspicienda non est erudita opera Lillii Gyraldi, ita  
nullus ea melius illustravit Justo Lipsio peculiari de  
Vestæ & Vestalibus syntagmate. Hæc adduxi, ut  
animadversa cœcitate Gentilium, gratiores erga  
Deum simus, Christumque ejus, qui Evangelii lux  
tenebras de mentibus dispulit nostris.

Pyromantia igitur est & ipsa reliquia Gentium,  
quæ Vulcanum Ignem appellabant, adorabantque in  
Deum ex cujus observatione varias dixerunt divina-  
tionis species existimantes Deos voluntatem suam  
suis revelare Ea fit ex igne privato, vel publico, quæ  
etiam prohibetur in *d. can. igitur & in d. constit.*  
Sixti, refertque Bulinger *lib. 3. de divinat. cap. 11.*  
quod præcipue ad hanc divinationem pix trita in  
ignem spargebatur, & alioquin tædæ pice illinitæ  
accendebantur, & quibusdam characteribus deter-  
minatis signabantur. Usus autem hujus divinationis  
est, cum divinatores ea utentes considerant ignem,  
flamam, fumum, an conglobatim flammæ igne  
emittantur, an splendide, an celeriter, an tenues, an  
crassæ sint, quem colorem efficiant, quem sonitum  
edant, in modum Pyramidum.

Tom. I.

In hoc genere divinationis ait Delrius *lib. 4. ma-  
gic. cap. 2. q. 7. sect. 1.* peccare Germanos, qui in  
succensione pyrarum, quas piè in honorem S. Joan-  
nis accendunt, ad crepitum, fumum, flammæ mo-  
dum, ac similia, attendunt. Item dùm definitis vici-  
bus circuire, vel transilire debere putant Quia ista  
reliquiæ sunt veteris paganicæ Lustrationis, ac tra-  
ductionis per ignem, ut rectè censuit Conradus Vuim-  
pina *lib. de divinat. cap. 2.* Canones autem Pyro-  
mantia quo ad prosperum eventum describit Peu-  
cerus. Si flamma tranquilla, pura, perspicua, & ni-  
tida, nullis infecta coloribus alienis, & nigro, ruti-  
lante, aut pallido, nec permixta vel sordibus vel  
caligine, fumisve, siuequæ strepitu, vel sine egestione,  
atque jaculatione favillarum turbulenta, ac crepi-  
dante recto ductu turbinatæ Pyramidis instar, attolle-  
retur & insurgeret. Sicque non nisi tota victima de-  
pasta atque exusta moreretur, placide numen ho-  
stiam acceptare, hanc complecti, annuereque quæ  
requirebantur conjiciebant. Ferè diverso modo re-  
censer canones adversi ominis. Gerardus autem Cre-  
monensis, & alii, brevibus describunt eventum pro-  
perum ominari, si flamma in unum coibat, si rucul-  
pis insurgebat. Infortunium autem, si lambens, &  
divisa ascendebat, & si variè dispersa, in ægro mor-  
tem indicabat, in sano morbum. Si subito extincta,  
ingens periculum ominabatur. Reliqua reticeo.

Per hanc etiam aliquando fiunt apparitiones in igne.  
vel audiuntur voces. Interdum ex sola figura flam-  
mæ, additis certis herbis, & lignis, & certis chara-  
cteribus, ac verbis fit conjectatio. In primo modo re-  
gulariter adest invocatio, & pactum expressum cum  
cultu. In secundo sapius intervenit pactum impli-  
citum, & tunc hujusmodi divinatio non pertinet  
ad necromantiam siue fortilegium cum expressa in-  
vocatione, & cultu. Quando vero hæc interveniunt,  
intervenit etiam vel infidelitas, vel hæresis, vel ve-  
hemens illius suspicio.

#### Radomantia, Arithmantia, Dactylomantia alia- que species Geomantia.

Divinatio ex Radomantia fiebat duobus lignis  
æqualibus, quæ certo ritu excavabantur, projicieban-  
turque in aërem. De hac conqueritur Deus Osæ  
*cap. 4. Populus meus de ligno interrogavit, & bacu-  
lus ejus annuntiavit ei.* Talis exitit sagittarum emis-  
sio quam indicare videtur Ezechiel *cap. 21.* inquit  
*Stetit enim Rex Babylonis in bivio, in capite dua-  
rum viarum divinationem quærens commiscuit sa-  
gittas, interrogavit Idola, exta consuluit, ad dex-  
teram ejus facta est divinatio.* Nam divinationis  
speciem in usu fuisse apud Indos Occidentales, & Chi-  
nenses, prodit Mendoza *lib. hist. Chinen. cap. 4.*  
Scribuntque Tacitus *lib. de morib. German. & He-  
rodotus lib. 4.* exerceri apud eos hanc divinationem  
ex virga arboris fructiferæ partim sine cortice & in  
furculos dissecta, ac subinde notis quibusdam ma-  
gicis insignita, movente dæmone ad imitationem vir-  
gæ Mosaicæ, sicque operatur, ut lignum pro Idolo  
adorent Hierem *2. Veh illi, qui dicit ligno; pater  
meus es tu.* Et Sapient. *14. Incommunicabile nomen  
signis imposuerunt.*

Arithmantia videtur idem atque Kabala numera-  
lis de qua nos alibi. Attendiunt enim per supputatio-  
nem arithmeticam, quam Plato *lib. de Republ. cap. 99.* Arithmeticum vaticinium appellat. Alia est  
Græcorum, quæ valorem literarum considerat ex  
illisque futurum victorem conjectat, cujus nomen  
majores numeros includit, ut ex quodam Raymun-  
do tradit Torrebl. *lib. 8. cap. 20.* Alia Chaldæo-  
rum fuit, alphabetum distribuentium in tres deca-  
des, quibusdam litteris repetitis, ac nominibus con-  
sistentium



fulentium resolutis, commutatas deinde in numeros, singulos numeros suis planetis attribuendo. Neque iccirco videtur approbata in Apocalypsi 13, ubi Antichristi nomen per numerum 666. exprimitur. Nam D. Joannes nullo modo ad hanc divinationem arithmeticam alludit, sed numerorum involutis illam prophetiam contexitis per quam aliqui, teste Malvenda de Antichristo credunt nomen illius invenire.

Ad Arithmantiam reduci videtur Plectromantia, quæ alphabetum æqualibus partibus dividit illisque granum frumenti assignat, & gallinaceus ad hoc enutritus introducit, qui grana devoret, ac subinde attenduntur litteræ quarum primum grana depastus fuit. Tradit Nicephorus *lib. 11. cap. 45.* Valentem Imperatorem hoc modo divinandi successorem investigare conatum fuisse, & quia grana notata erant *Th. e. o. d.* omnes Theodoros, Theodosios, Theodosios, & Theodolos interfici mandavit.

Dactilomantia ex annulis ad determinatum Cæli situm contextis, vel certis characteribus, & ritibus excantatis, & super tripodem ad certa verba motis captabatur ex Joannis XXII. Extravaganti. His demones alligabantur, & tanquam pacti signum custodiebantur. Huc pertinet quod refert Philostratus *l. 23. cap. 23.* de septem illis annulis, à Jarcha datis Apollonio Thyaneo, septem stellarum nominibus insignitis, quorum singulos singulis diebus gestaret, qui ad morbos sanandos juvabant, teste Augustino *lib. 22. de civit. cap. 8.* ex pacto quidem dæmonis. Quo etiam spectat annulus Gygis, qui eum reddebat invisibilem, ut scribit Herodotus *lib. 2.*

Onomantia attendebatur secundum ipsam nominis etymologiam ad aliquid lætum, vel triste præfagiendum, nominibus significantibus consulto applicatis ceu tradit Isidorus *lib. 7. origin. cap. 6.* cui arti vacarunt Augustus, ut scribit Glycas *annal. p. 3.* & Athenienses, quos ideo Paulus, ut ad Evangelii veritatem traderet, ab Aræ titulo ac nomine aggressus est *Act. 17.* ut sic vana vanis confunderet. Huic namque vanitati ita ii erant addicti, ut ex nominum significatione cunctas fere suas actiones dirigerent. Quam vanam divinationem merito irridet Brodæus *lib. 7. miscel. cap. 5.* Eamque pluribus rationibus impugnat Azor *p. 1. lib. 9. cap. 22. q. fin.* Et Sanchez in *decal. lib. 2. cap. 38.*

Caphaleomantia fiebat ex capite hominis, vel apri, vel asini, vel alterius animalis, super prunas asso ac certis ritibus incantato, per quod dæmon oracula exhibebat. Refert autem Majolus *tom. 2. canicul. dier. collog. 3.* apud Ægyptios ex asellæ capite oracula hujusmodi attendi. Ad hanc quippe demantiam devenerunt, ut asini caput pro Deo venerarentur, notatque Picus *lib. 7. pranot. cap. 10.* per capita mortuorum gentilium sæpe dæmones oracula edidisse, ut de Polycrito ait Pleton. *lib. mirab. & de Gattino Plin. lib. 7. cap. 5.*

Stoicheomantia attendebat ea, quæ primò se offerbant in libris Homeri, Virgilii, aliorum, de qua etiam nos alibi. Hoc modo Socrates suæ mortis diem prædixit, & alios Imperatores Regni vel salutis propriæ eventa divina, scribit Liplius *lib. 2. elect. cap. 12.* Suetonius in *Tiberio.* Hanc exercuerunt Heraclius Imperator apud Cædrenum, Diogenes apud Cuspinianum, Andronius apud Gregoram *lib. 8.* Hebræi huic superstitioni vacabant aperiendo casu Pentateucon, ut ex primò se offerentibus futura pronunciarent, ut refert Josephus *lib. 1. antiq. Hæc etiam subrepsit inter Christianos per apositionem novi vel antiqui testamenti, blasphemæ asserentes Apostolos usos fuisse hac arte in electione S. Marthæ, quam ideo vocabant sortem Apostolorum.* Hæc superstitio, tanquam reliquia ethnica superstitionis prohibetur *inc. 1. de pagan. & in can. non exemp. 26. q. 2.*

Cosmionantia exercebatur cribro excantato forcipiti imposito, ac funibus alligato, quod duobus digitis comprehendebatur, ac recitatis quibusdam verbis magicis, elevabatur cum suspecta nomina pronunciabantur. In cuius autem nominis pronuntiatione cribrum movebatur, reputabatur convictus, ut notavit Bulenger. *lib. 3. divin. cap. 31.* & Covar de falsa prophet. 26. *quæst.* Testantur Moura *sect. 2. c. 15.* & Torreblanca, alique, Jurisconsultos usos fuisse divinatione per lancem, & licium, quibus patefacta furta tanquam manifesta condemnabantur *§. furtum inquit. de oblig. quæ ex quasi delict.* Similis alia divinatio ad furta domestica investiganda appellata fuit Cratomantia, in qua servi coram Sacerdote sistebant, qui crustum panis suspectis exhibebat, & cui adhibebat gutturi, pro reo judicabatur, ut tradunt Moura *loc. cit. cap. 13.* & alii apud Torreblancam.

Cledomantia est, per quam clavus æneus cupressino malleo infigitur circulo, barbaris litteris insculpto & certis quibusdam immurmuratis verbis cum lilia, & psalmis, formidabilis ad Deum oratio funditur. Quo completo, fur oculos deperdebat. Quæ si ne dubio dæmonis opera eveniebant, qui ex pacto inito invocabatur.

Omphalomantia exercebatur ab obstetricibus per nodulos umbilico, & secundis adhærentibus, ut prædicant quot puerpera sit filias paritura contendentes hac arte in partu Rebecæ obstetricem cognovisse post Esau proditurum Jacob, atque iccirco alligavit ei filum coccineum, *Genesis 26.*

Amniomantia. Hæc non multum differt ab Omphalomantia. Fit ex membranula, quæ infantis caput nascitur involutum, per cujus colorem rubicundum vel lividum obsterrices aniculæ infantis fortunam prænunciant. De qua idem Bulengerus, & Lemnius *l. 2. de occult. nat. mirac. cap. 8.*

Parthenomantia, per quam virginitas explorabatur. Fiebat vel tenuem achatem redactum in pollinem potu exhibendo, quem sumens statim cogitur evomere, si virgo non sit. De quod idem Bulenger. *loc. cit.* & Guliel. Paris. *p. fin. de univ. c. 32.* vel funiculo collum circumdante.

Catoptromantia est rerum quæsitum investigatio in speculis politis, ac Dæmoni consecratis, figuras exhibentibus, aut accensis candelis in amphora sub nomine Angeli Sancti investigat, ut habes in citata Bulla Joannis XXII. & in Constit. Sixti V. Cælius tamen Rhodiginus *antiq. lect. c. 23.* Aliam Catoptromantiæ speciem asserit, quam Pythagoras consueverat exercere, speculo concavo inscribendo litteras humano sanguine temperatas, & subinde speculum Lunæ apponendo, divinabat. Alio item modo hanc artem exercebat Julianus, referente Spartiano in ipso Juliano. Per Magos enim è speculis futuros eventus observabat, præmissis certis incantationibus, in quibus pueri præligatis oculis vertice respicere dicebantur, quæle existimat Torreblanca fuisse speculum olim ab Hercule in alta turri suspensum quæ prominebat e portu Corumnæ in Galecia, in quo naves longe distantes, quasi proximæ inspiciebantur. Quod tamen ex artificio miro provenire potuit ex Delatorre in *q. 95. 2. 2. ar. 3.* & comprobatur ex speculo non absimili, donato à Belgis Philippo Tertio, Hispaniarum Regi, teste eodem Autore.

Crytallomantia fiebat ex crytalli frustulis annulo inclusis, vel etiam nudis in cylindrum aut obolum conformatis in quibus dæmon fingit inhabitare, ut traditur in dicta Extravag. Joannis, & Constit. Sixti. His dæmon figuras repræsentabat, & futura prædicebat, ex Delrio *lib. 4. magic. cap. 2. q. 6. sess. 4.* & Azorio *p. 1. lib. 9. cap. 14.* Alij similis exercebatur stricto gladio, variis ritibus excantato.

Asciomantia, quæ in ascia, vel securi scrutabatur futura, de quo Plinius *lib. 36. cap. 19.* & Covar. *lib. 2. de*



2. de fals. prophet. cap. 5. ac Bulenger lib. 3. de divinat. cap. 27. Hac utebantur Urbes ex securi & ascia suam prosperitatem auspicantes. Ad hanc fertur allusisse David psal. 73. In securi, & ascia deiecerunt eam.

Galeromantia per phialam aqua plenam exercebatur. Ante veto phialam statuebatur puer, vel virgo, aut mulier prægnans cum candela, seu cereo accenso, respiciens aquam, ac dicens certa verba. Gravidæ autem loquitur nomine prolis absque dubio virginis. Plures bona fide hoc utuntur sortilegio. Sed ut diximus in hac nomine Angeli sancti intelligitur demon, ut etiam notavit Torreblanca lib. 1. apud cap. 14. & lib. 8. par. spir. cap. 29. Ideo sortilegium hoc supponimus qualificatum & ut tale per se reputatur in supremo Tribunali S. Officii, consideratis tamen circumstantiis inveniuntur mirius agitur, præcipue dum processus de eo formantur in quo prope innumeri quandoque sunt complices, & magna ex parte personæ simplices.

Demonem autem autorem extitisse hujus experimenti ac ritus, qui in eo observatur, tradit Pegna ad Cymericum in direct. p. 2. q. 43. com. 66. Carena, & Tourblanca post Barbatiam conf. 5. l. 1. Locatum in iudicli Inquisit. v. dominatio v. 4. Decianum rr. cr. l. 5. c. 17. Unde est de experimentis qualificatis per invocationem demonis facto ipso, ut ex Cajetano act. 5. d. q. 95. Delius v. 10 lib. 3. magic. p. 2. sect. quæst. tradit alias inscriptiones, ac ceremonias ex oleo olive, & cruce ac titulo S. Helenæ, & nonnullis aliis, mox exhibent puero casto, ac legitimo tenendum phialam ad certum tempus, deinde post ejus tergum flexis genibus dicunt certas orationes quorundam Sanctorum, & cum puer videt in phiala Angelum nomine Magorum interrogat, quæ vult. Nec mirum si demon compareat in his experimentis, cum ipse maxime cupiat adhiberi res sacras, & castas personas, ut sibi arroget honores divinitatis, quos maxime petere ambit, utque Deo majorem injuriam irroget, de quo speciative Sixtus V. loc. cit.

Onychomantia fiebat ex unguium virginis, vel pueri impolluti inspectione quæ oleo perungebatur, incantabanturque certo ritu, ac demones in unguium figuras præscribebant, quibus futura pronuntiarentur. Majolus tom. 2. colloq. 3. hæc prodit de quodam Hispano milite huic Goetiæ addictissimo: Bedus quidam miles Hispanus, bello & armis quam pietate clarior, quo tempore Dux Medinæ Cæli ex Gallecia solvebat, Belgium petens, Bruxellis non uni in ungue suoclassem & portu Corunnæ solventem, & paulo post procellis vehementer afflictam, veluti in speculo clarescebat. Refertque Suidas in Aristoph. milites non modò unguis, sed & scuta oleo infuso certis ritibus excanare, ut demon imagines rei interrogatæ exhibeat, illis de futuris respondens, cujus meminit & Sixtus ibidem.

Addit Pistorius lib. de mag. cap. 13. consuevisse magos palmam manus impolluti pueri, vel femine incorruptæ oleo, vel fuligine perungere, & manum Solem versus obversam, certum quid submurmurantes, statuebant, ut inspicerent optata. Ita namque fingit luxuria autor castitatem adamare, ut facilius incautos decipiat. Ideo in hujusmodi divinationibus exercendis Virginibus Vestalibus utebantur ad responsa Apollinis audienda. Quoniam ait D. Thomas q. 6. de miracul. ar. 1. ad 4. apparere cupiunt demones castitatis amatores, ut Deo similes credantur, & eorum dictis major adhibeatur fides. Siquidem, ut ait Augustinus lib. 2. de civit. cap. 26. tanta vis est probitatis, & castitatis, ut omnis, vel pene omnis humana natura, nec usque adeo sit turpitudine vitiosa, ut totum amittat sentum honestatis. Proinde malignitas demonum, nisi alicubi se transfigeret

in Angelum lucis, non implet negotium deceptionis. Unde Cybelis Sacerdotes emasculabantur, existimantes hoc modo Numinibus suis esse gratos.

Aruspicina, ejusque species.

Hæc quandoque accipitur pro Aviolatione strictim accepta. Sed Isidorus lib. 8. etym. cap. 9. & habetur in can. igitur 26. q. 3. aruspicinam prodit attendi ab extis, fibris, & alii partibus mactatæ hostiæ ab Ara sic appellata. Primo enim mos erat arietes sacrificare. Quod aliqui colligunt ab historia Abrahami Genes. 22. qui arietem pro filio Isaac obtulit. Quare Joannes Stuchius lib. de Sacrif. q. 56. annotat aram sic ab ariete dictam juxta illud Aries mactatur ad aram. Id tamen non certe. Nam Aræ vox quibusdam orta videtur, quod incense ibi victimæ ardeant. Aliis ab auditate, ob ignem ibi sæpius incensum. Aliis ab vrendo. Eidem Stuchio nimis alienè ab aromatibus. Aliis ab airen, quod ara sit ædificium exaltatum. Aliis ab arais, id est precationibus ad aras factis. Aliis quasi ariva per syneresin ab aruo. Aliis aliter.

Deinde tauri, vaccæ, capre, hædi, vituli, equi, apri, porci, aliæque pecudes sacrificabantur, singulis Numinibus, quibus grata existimabantur. Apud Hebræos etiam fuit in usu aves sacrificare Levit. 15. in sanguine passeris immolari.

Postremo homines sacrificati, quod fecit Helio-gabalus scribente Lampridio, testanturque Eusebius lib. 6. hist. Eccles. cap. 9. & Theodoretus lib. 3. cap. 21. & 22. quod Julianus apostata ad sacrificandum gravidarum alvos exsecabat. Romani etiam ex ex Isidoro lib. 6. etym. cap. 19. ceperunt sacrificare hostes captos, ex quo hostiam aliqui dictam arbitrantur, ac cives immolabant, Sueton. in Claudio cap. 24. & in Octavio, cap. 15. Quintimo pro malis averruncandis, vel bonis conciliandis filios proprios sacrificarunt, ut egisse Achaz Hebræorum Regem, narratur 4. Reg. 16. & 2. Paralip. 28. Ezechiel 16. ubi habetur, Hebræos Idola colentes proprios filios sacrificasse. Et Africani suos infantes Saturno immolabant, existimantes humana victimæ delectari. Et docente Proserpina, inferorum Præside in ipsius gratiam immolabantur nondum nati, execto matris utero. Traduntque Alcivatus lib. 4. parerg. cap. 4. ac Lipsius lib. 2. Saturnal. cap. 5. Thebanos, aliasque gentes consuevisse seipsum mactare, ac dovovere, occidendosque vendere, quod & ad gloriam agebant. Hoc insuper Italiæ, ac Siciliæ, aliisque nationibus fuisse usitatissimum, commemorat Plinius l. 7. c. 2. Idipsum refert Theodoretus de Lacedæmoniis, Marti homines immolantibus, ac de Græcis antequam ad bella accederent, ac de Turcis, Sardis, Leucadibus, Scythis, Thessalis, Albanis, Laodicensibus, Gallis, Germanis, Britannis, Lithuanis, Northmannis, Danis, aliisque innumeris. Quod prosequuntur Strabo l. 15. Augustinus l. 18. de civit. c. 52. Majolus colloq. 1. Lorinus in Sapient. 12. Neque ab hac inmanitate immunes fuerunt Hispani, Phœnices, Carthaginenses, alique Græci, ut annotavit Florian. Ocampo de reb. Hispan. l. 2. c. 18. Morales l. 6. c. 10. Joannes Delaparte in Monarch. l. 3. c. 16. Hanc demum immanem barbariem Senatus Romanus delevit, teste Plinio l. 30. c. 1. iustitque tantum animalia cuique suo Numini grata offerre.

Populi inter supersticiosos superstitioni Ægyptiorum sexcenta sexaginta sex Sacrificiorum genera recensentur. Romanorum pleraque & Græcorum impius Cornelius Agrippa l. 3. de occult. philos. l. 59. hæc collegit. Agonalia, Papsa, Farreationes, Hecatombæ, Hostia, Hiacyntia, Armilustria Janualia, Lucalia, Lupercalia, Munychia, Novendinalia, Nyctiluca, Palatialia, Pastillaria, Popularia, Proservia, Scenopagia.



pegia, Solitaurilia, Stata, Rubigalia, Fontanalia, Orania, Parentalia, Inferia, Consualia, Lapteria, Amburlia, Ambarvalia, Vivalia, Thyia, Holocaustomata, Orgia, Latialia, Dianetaurica, Bacchanalia, Trieterica, Liberalia, Cocytia, Cerealia, Thesmophoria, Adonia, Teonia, Laurentalia, Opalia, Palilia, Quirinalia, Vertumnulia, Gynacia, Panathenaea, Quinquatria, Diapalia, Diasia, Horma, Hormea, Nemea, Myriacas, Palogygia. Nec nisi ridicula est ejusdem Sacerrimi Agrippae distinctio, qua sacra appellari perhibet, vel quae ab ipsis diis, aut demonibus assistentis suis sunt sacrata, quanquam à diis ipsis nobis dedicata, quo modo daemones, mysteria, & preces quaedam sacra nuncupentur; vel quae ab hominibus Deo dedicata, & consecrata sunt, quemadmodum vota, & sacrificia, simulacra, delubra, Idola, statuae, imagines &c. ritus, observationes, gestus devoti &c. Sacerdotes &c. tempora &c. loc. cit. cap. 63. Quomodo autem fierent haec sacrificia, describit Angelus Politianus *centur. 1. cap. 26.* Arnobius *lib. 7. adversus Gentes* Alexander ab Alexandro *lib. 3. gential. dier. cap. 12.*

Quantò oculatiùs & acutiùs inter Gentiles ipsos Aristoteles haec rejicit *lib. 3. Rhet.* quod sapientissimus quoque Annaeus confirmat *lib. 1. de benef. cap. 6.* *Primis est Deorum cultus, Deos credere, deinde reddere illis maiestatem suam, reddere bonitatem sine qua nulla maiestas est. Scire, illos esse, qui praesident mundo, qui Univerſa vi sua temperant, qui humani generis tutelam gerunt. Vis Deos propitiare? Bonus esto. Satis illos coluit, quisquis imitatus est.* Varro etiam, mentis tandem suae compos, respuit, si fidem habere velimus, Arnobio, qui Gentes ita suo jugulat gladio *lib. 7. adversus Gentes.* Quid ergo, dixerit quispiam, sacrificia censeis nulla esse omnino faciendae? *De vobis non nostris, sed Varronis vestri sententia respondeamus, nulla. Quid ita? Quia, inquit, Dei veri neque desiderant ea, neque deprecantur. Ex ere autem facti testa, gypſo, vel marmore, multò minus haec curant.* Idque à Propheta imminorigeratus Israelitarum Rex audire coactus fuit. Nunquid vult Dominus holocausta, & victimas, & non potius, ut obediatur voci Domini? Melior est enim obedientia, quam victimae & auscultare magis, quam offerre adipem arietum; *1. Samuel 15. v. 22.* Pluribus hoc ipsum locis asseritur, *Eccles. 4. 17. Osee 6. v. 6. Psalm. 69. v. 31. 32. Matth. 9. 13.* quod repetitur *1. 2. 7. & ad Hebr. 11. 4.* Abel per fidem sacrificium majoris pretii obtulisse perhibetur, quam Cain.

Neque verò nobis animus est Ethnicorum, ac Populorum immanes victimationes, quas vix auricula tenuis, casta, humana admittat, hic aperire, sed ea tantum quae ad Aruspiciam pertineant. Porro exta vitalia septem fuerunt. Lingua, Cor, Hepar, Lien, Pulmo, & duo Renes, singula inspiciebant Aruspices, ut ex unoquoque non minus atque de omnibus praedicerent; In dissectis jam victimis & signis salubribus, noxiisque ex halitu, coloreque extorum, & fibrarum defectu aliquarum particularium in praecipuis Organis, aut praeter naturam adunatis, collective ex humorum ab cessibus sumebant conjecturas de eventu, conditione, & in qua parte Numen, cui fiebat sacrificium, se inclinaret.

Victimae consultatoriae nuncupatae sunt, quarum viscera vel Aruspex ipse, vel Victimarius educebat cultro, quia manibus ea tangere nefas habebatur, aruspicique in anelabrem mensam tradebat, ubi in ea contemplantur, ac inspiciebant quod peculiari vocabulo erat *consultare* exta, & exinde aut bona designari, aut mala portendi asseverabat, sacrificiumque aut piaculare esse, aut litationem. Tacitus *lib. 2. hist.* Hostiae, ut quisque vovisset, Mares deliguntur

certissimè fides haec dorum fibris Lampridius in *Helio. gabelo cap. 3.* Cum inspiceret exta puerilia, & excuteret hostias ritu gentili, quam etiam Iulianus permittit, Marcellin *lib. 22. cap. 30.*

Hujus Ieroscopiae author, ac inventor extitit Tagessilius Genii, ac Nepos Jovis, teste Tullio *de divin. nat.* In ea extorum nomine veniebant Praecordia, perhibente Plinio *lib. 30.* Ejusque palmarium aliis erat Epar, sive jecur quod ubi vitio careret, lata omnabatur. Vide Lubinum in illud Juvenalis sat. 13. *Ponimus, & sectum Vituli jecur.* Ita veteres Urbes structuros, jecinora pecorum ibi pascentium insperxisse, & si fuissent livida, ac vitiosa, aliò secessisse, scribit Vitruvius *lib. 1. cap. 4.* In sacro Codice apud Prophetam *Ezech. 21.* Rex Babel dicitur interrogaturus Teraphim, inspecturusque jecur, fontem nempe extispicii, ac praecipuam partem. Et Sacratissimus Imperator Theodosius, impietatem istam prohibet, sic loquitur. *Nequis mortaliū faciendi sacrificii sumat audaciam, ut inspectione jecorum extorumque praesagio vana spera promissionis accipiat, vel, quod est deterius, futura sub execrabili consulatione cognoscat. Acerbioris etenim imminet supplicii cruciatus ei, qui contra veritatem praesentiam, vel futuram verum explorare tentaverit veritatem, 1. 2. ord. de pagan. & sacrif.* Sylla apud Laurentum sacrificanti similitudo coronae in capite jecoris apparuit, quod Posthumius Aruspex illi victoriam cum regno portendere interpretatus est. Itui enim in praedium & cum hoste pugnaturi consultatorium mactabant victimam, in cujus epate Aruspex duo constituebant capita, quorum alterum civi, alterum hosti dicabant, collatisque capitibus hujus, aut alterius partis pronuntiabat victoriam. C. Claudius, & L. Petellius Consules, cum immolassent victimas, jecur subito tabuit, nec multo post hic morbo, alter Ligurum armis interitis, extis ita praedicentibus.

Interdum planè deerat jecur signo piaculati, oppido horrendo, veluti Cajo Principi, Mario Marcello. Item Cajo Mario Utricæ immolanti simile aliquando evenire solebat in Cordis inquisitione, quod secundum, post jecoris considerationem locum obtinebat. Julio Caesari quo die veste purpurea processit, & in sella aurea sedit, sacrificanti cor in extis bis defuisse, refert Suetonius. Pertinace, quae die occisus fuit, sacrificante, cor in victima inventum non est, & cum propterea quaerendo laboraret Epar quoque de fuisse competerunt. Vide Fulgorsum *lib. 1. cap. 4.* Hoc autem quod exta sine corde reperirentur, & epate à Damone procurari credebant.

Inspiciebant & Lienem, pulmones, ac membranas viscera ambientes, nec non observabant felle, sive bilem, quomodo humorem ejacularetur, eadem ratione vesicam, ore lana colligato igni imponebant, & quo illa pacto disrumperetur, & quam in partem lotium fudisset, attembebant. Colligebantur quoque ex hostiarum caudis vaticinia, Igni quippe inflexae difficultatem rei indicabant, vel belli. Extensae, ac deorsum corruentes, cladem futuram. Si vero altum erectae fuissent victoriae indicia praeferebant. Ad haec consideratè extorum colorem circumspiciebant, qui si maculis nigro, aut cruentis esset infectus, si pallidus, si lividus tanquam diri Ominis respuebatur. Hinc Seneca in Oedipo *act. 2.* cor mactidum, venas lividas, fibrarum defectus, jecoris tabem ad mala Omina refert. Vide plura apud Suetonium in *Augusto cap. 1.* Ciceronem *de divin. nat. de Sacrific.* Plinium *lib. 10. cap. 22.* Apuleium *1. 1. metaph.* cum notis Colvii. Porphyrium *lib. 2. §. 51 & seqq.* Neniū, Festum, Catonem de re rustica *§. 47. 133.* Blissonium *lib. 2. format.* Scaligerum



not. ad Festum, Casparem Peucerum de divinat. Ex-  
aspicum, Ludovicum Lavaterum com. in Ezech.  
Turnebum adversus lib. 15. cap. 7. Joan. Gram. in Ho-  
merum de genere Auspiciorum, Janum Parrhasium  
epist. 18. Crutem opin. lib. 5. cap. 3. Stuchium cap.  
117. & seqq.

At in Ditis sacrificio contraria exta potiora  
erat. Lege Suetonium in Othone cap. 8. Extā ubi  
fausta dedissent signa, litasse se iis dicebant Cicero  
de divinat. libro. primo & secundo & lib. primo  
de nat. Deor. Valer. Maximus lib. 1. cap. quinto  
Suidas V. Calliero Brisslonius lib. 1. formul. Erat  
etiam signum quoddam quod vocabatur Deus de  
quo Lactantius Grammat. in lib. 5. Theb. Statii. Fuit  
quoddam in extis signum, quod Deus appellaba-  
tur. Quod si integrum apparuisset, propitium nu-  
men ostendebat, si vero dimidium, iratum signifi-  
cabat numen, aut certe non presens. Ad hoc sanè  
signum collimare videtur Porphyrius lib. 2. §. 51.  
Estaque felicia vocabantur lera: Tacitus lib. 2.  
hist. Socratus, Sacerdotis id nomen erat, ubi lera, &  
congruentia exta videt. Tristia vero ea, quæ infe-  
licia portendebant. Idem lib. 1. hist. Decimo octavo  
Kal. Febr. sacrificanti pro æde Appollinis Galbæ,  
Aruspex Umbricius tristia exta, & instantes insidias  
æ domesticum hostem prædicit. In specie ea, in qui-  
bus nulla erant signa, appellabantur muta, quæ  
conspicuas exhibebant notas arguta quæ potentibus  
pollicebantur honorem, humilioribus hæreditatem,  
filio familias dominationem, regalia, præpungia, lu-  
stria, quæ aliquid prohibebant. Clivia, in quibus  
cor, aut caput in jecote defuisset pestifera.

Ex his autem asserimus, quod hæc divinatio fie-  
bat ex pacto Dæmonis expresso, quia, cum sacri-  
ficio illi exhibito prædicebantur futura ex extis ani-  
malium. Viscera enim ait Martianus Capella lib. 1.  
loquebantur, & Apuleius de Deo Socratis exta fisci-  
culari solebant, quia motibus, tanquam vocibus  
futura ex arte indicabant, dæmone formante voces  
ex dictis de Simulacris.

Neque obiciās ex Lindano, quod solebat à Cælo  
descendere ignis ad probationem Sacrificii, &  
Sclucus sacrificans Jovi spontè flamma oblata ra-  
puit ac in ara Egeriæ Nymphæ, quæ in Apulia cole-  
batur simile accidisse prodit Plinius lib. 2. Hoc au-  
tem est miraculum, quod nequit fieri à Dæmone, præ-  
cipue ad comprobandum divinationes. Atque adeo  
revelationes erant istæ de futuro, non divinationes  
sicut de holocausto Eliæ legitur 3. Reg. 18. Quod  
cecidit ignis Domini, ut voraret holocaustum &  
ligna, & lapides, pulverem quoque & aquam, quæ  
erat in aquaductu lambens.

Nam respondetur, posse dæmonem naturaliter  
permittente Deo, immittere ignem, & comburere  
sacrificia, & alia cætera, quemadmodum ejus ope  
cecidit ignis à Cælo. & Oves puerosque consumpsit  
lib. & alias sæpe Sacerdotum Magorum incanta-  
tionibus invocatus, ex aere ignem in sacrificia Gen-  
tillium induxit. Potuit etiam ex præstigio id evenire  
ut in Serapidis templo accidisse dicit Virgilius  
Æneid 7.

Species, autem hujus divinationis plures sunt,  
ut tradit Delrius in Seneca traged. Prima apella-  
tur Thumatiū, quæ rimabatur futuros eventus ex  
victima adhuc viva, dum trahebatur ad aram, dum  
in illa sistebat, dum attrectabatur, & dum illi infun-  
debatur vinum.

Secunda species dicta est Chritomantia, quæ  
attendebatur per molam Sallam, ejusque materiam  
quæ victima conspergebatur, ut annotant Tostatus,  
Varablus, & alii ad illud Num. 11. Frangebat molam  
Theocritus enim pharmaceutr. Delrius, & alii

observant, quod in sacrificiis observabant molas, &  
libamina, præcipue triticum, hordeum, far, & ex  
eo tosto, hincque egestam farinam, & subinde vi-  
ctimæ conspercionem.

Tertia species fuit Oinomantia, quæ inspiciebat  
colorem utriusque laticis in sacrificio fusi, ob quod  
vini divinatio vocabatur. Unde Val. Maximus lib.  
1. cap. 7. inter varia prodigia Xerxis, Persarum Regis  
hoc annumerat. Infusum namque patere vinum, in  
sanguine tertio conversum est. Quod & Virgilius  
de Didone Æneæ amore capta in malum omen  
refert Æneid. 4.

Quarta species dicitur Exispicina, per quam  
considerantur motus & singula mactatæ victimæ  
membra, maximè jecur. Quare à Græcis vocatur  
Epatoscopia, de qua dictum. Credebant namque  
jecur esse vitam animalis, cum sine eo vivere ne-  
queat, quod ideo venerabantur aut dæmonem vitæ aug-  
thorem profiterentur.

Quinta species appellatur Anthrepomantia ex ho-  
minum immolatorum visceribus divinans, ut annotat  
Camelaines in meditat. hist. cap. 59. Hac divinare  
consueverunt Massagetæ, teste Stuchio de Sacrif. &  
hic mos etiam invaluit apud Hebræos, Chaldæos,  
Romanos, & alias nationes.

Sexta species recensetur Pyroscopia, quæ flammæ  
modum inspiciebat, de qua supra.

Septima species est Capnomantia, hoc est fumi  
divinatrix. Quæ divinatio duplici modo fiebat. Vel  
enim grana papaveris nigri in ardescentes prunas im-  
mittebant, & insurgentem fumum considerabant, vel  
absque his granis sacrificii fumum observabant, ut  
scribit Cardanus lib. de vera Sapientia. Refertque  
Dio Cassius lib. 41. hist. ex thuris quoque fumo  
hanc aruspiciam partem considerabant, quam ideo  
Litranomantiam appellabant. Hac arte usos He-  
bræos, observantes an fumus ex victimarum Sacri-  
ficio ascenderet recto, vel obliquo motu, ait Theo-  
philactus in Oseam cap. 4. & Delrius in Genes. 4.  
credit. originem traxisse ex sacrificiis Abel, & cum  
discrimine, quod illud rectum, hæc in obliquum  
tenderet. At certe Cain credidit sacrificium Abelis  
dumtaxat Deo placuisse, quia illud solum celestis  
ignis absumpserit.

Octava species vocatur Spodonomantia, quæ  
attendebatur ex cinere sacrificii; si namque peracto  
sacrificio flamma apparebat in cinere, bonum Omen,  
ut de Cinere Alphæi scribit Delrius in Seneca tra-  
ged. sic accidit in ara Apollinis, Ismenii, & aliorum  
apud Valerium Maximum lib. 1. cap. 6. Vide plu-  
ra apud citatos Autores. Satis nobis est fugienda  
indicasse.

Cum igitur hæc Aruspicina fiat ab Aruspici-  
bus, qui preces emittunt circa aras Idolorum, si-  
ve Dæmonum, illisque sacrificia offerunt ut sic habeantur  
Dæmonum responsa, manifestum est quod suppo-  
nit infidelitatem, & ex illa proficiscatur, habeatque  
adjuuctam Idololatriam. Quod si Aruspicina fiat à  
Baptizato, non est sine Apostasia à fide, vel hære-  
sim, vel saltem continet vehementem hæresis suspi-  
cionem. An vero ille, qui jubet fieri Aruspiciam  
vel Aruspicem consulit sit hæreticus, vel saltem de  
fide vehementer suspectus? Certum est, talem esse,  
si postulet cognitionem quæ vires naturæ superat,  
vel si etiam ipse preces effundat, & Dæmonem ado-  
ret. De illo autem qui solum mandat fieri sortile-  
gium, si-ve propriè sortilegium consulit de illis, quæ  
non superant vires naturæ nulla invocatione, & cul-  
tu, vel alio facto hæreticali intercedente, dicemus  
suo loco.

Notandum autem est cum Soufa lib. 1. aph. cap.  
cap. 45. num. 4. in speciebus Necromantie non sum-



per intervenire pactum expressum cum Damone ab illo, qui eas exercet, etiam si expresse Dæmon invocetur, aut ei Sacrificium offeratur, semper tamen alius, qui præcessit fecit hoc pactum, in illis saltem in quibus dantur apparitiones & responsa. Et id quoque adverti debet, quod si detur pactum, siue non detur ex sola invocatione vestita cultu soli Deo debito, vel colligitur infidelitas, vel Apostasia à fide, vel hæresis, vel saltem secundum casuum qualitatem insurgit vehemens hæresis suspicio. Et ideo in omnibus Necromantia speciebus, illas exercentes saltem sunt de fide vehementer suspecti.

Ex omnibus verò speciebus illæ sunt peiores, quæ fiunt cum peioribus circumstantiis, & cum pacto iniquiori, & inter omnes nefanda, & horribilia sunt facta Lauriarum tam Virorum quam mulierum, quando re vera conveniunt coram Dæmone, quia tunc & apostatant à fide, & renunciant Christo, & scelera infanda committunt, ac ineunt pacta iniquissima.

Quando autem hæc fiunt in somno, quia ab illis approbantur, & creduntur facta re ipsa, ideo adhuc pessima sunt, & plusquam hæreticalia. Unde sint iniqua, sint prestigium, & necromantia propriè dicta, ex circumstantiis tamen una species potest valde excedere aliam, & evidentius esse contra fidem.

#### *Somnia naturalia, demoniaca, Divina.*

Inter primi generis Divinationes cum expressa dæmonum invocatione numerat D. Thomas Divinationem per Somnia, de qua querit, an sit illicita *art. 6. q. 95. 1. 2.* de Somnio autem tractat *1. p. q. 84. art. 8.* ibique Doctores & *1. 2. quest. 71. art.* ubi Cajetanus & Medina, & in *4. d. quest. 1. art. 4. quest. 2.* ab ibi Sotus, & de verit. *quest. 28. art. 3. & quest. 12. art.* itidem *3. ac. 3. contra Gent. cap. 54.* ibique Ferrariensis, & in *opuscul. 25. cap. 4.* De quo etiam Bannes, Silvius, Delatorre, alique expositores, Directorium Inquis. *p. 3.* ibique Pegna, Turrecremata in *can. non observatis 26. q. 7.* Delrius *lib. 4. magic.* Michael Medina *lib. 3. cap. 7.* Valerius de *sacra philosoph. c. 22.* Jul. C. Scaliger, Joannes Nidor, & Malleus, D. Antoninus *2. p. tit. 12. cap. 1. & 7.* Sylvester, Tabiena alique Summistæ v. *somnium*, Azor *p. 1. lib. 9. cap. 17.* Nazarius de *Magia*, Pererius eodem tract. *lib. 2.* Suarez *tom. 1. de relig. lib. 2.* uterque Picus Sibyllanus *decad. 1. q. 2.* Carena Moura, Torreblanca, Salelles. Ex Patribus Gregorius *lib. 8. moral. cap. 13. & lib. 4. dialog. cap. 28.* Isidorus *lib. 3. sentent. cap. 62.* Nyssenius *lib. de opific. homin. cap. 13. 33. & seq.* Augustinus *lib. 11. in Genes. ad litt. & 8. de civit. cap. 56. & seq.* Tertullianus de *Anima cap. 46. & 47. ac de Opific. Dei cap. 12.* Philo, *lib. de somn.* alique plures.

Et quidem sicut diligens somniorum tractatio pulcherrimam per se, ac jucundissimam parit cognitionem, ita gravissima est, utilis, sed obscura, ac perdifficilis. Non enim unum est genus, nec una eorum ratio. Quo circa nec par est omnium causa, ut æque omnia vel approbari vel improbari debeant. Multa quidem somnia derident Sacra Littera, alia etiam damnant, quædam verò commendant, ac venerantur. Sunt enim pleraque inania, nec pauca sunt naturalia ex certis naturæ causis profecta. Sunt item alia dæmonis calliditate, ac malitia mortalibus injecta; denique nonnulla divinitus hominibus data sunt.

Somnium porro appellatur ab Aristotele *lib. de*

*somn.* imaginaria visio, siue apprehensio, quæ in sensu interiori fit tempore somni, quando exteriores sensus sopiti sunt. Quod varie vocatur, nempe somnium, insomnium, visum, phantasma, & quandoque oraculum, quamvis hoc propriè adaptetur divinis insomniis. Oraculum est, quando Deus per Angelum, vel per Sanctum aliquem in somnis alicui denunciat quod futurum, vel non futurum, aut quod faciendum, vel non faciendum sit. Tale fuit Somnium Abimelech *Genes. 20.* Somnium Jacobi *Genes. 28.* Somnium Samuelis *1. Reg. 3.* Somnium Josephi *Matth. 1. & 2.* Visio est, in qua quis dormiendo id, quod videt eodem modo postea evenit. Huiusmodi fuerunt somnia Josephi *Genes. 37.* somnium Jacobi *Genes. 42.* somnium Gedeonis *Judic. c. 7.* Somnium est illud, quod non clarè indicat aliquid futurum, sed sub abconditis figuris, & non notis anigmatibus, nec intelligi potest absque interpretatione. Quale fuit somnium Nabuchodonosor, *Danielis. 2.* somnium Pincernæ, & Pistoris Regis Egypti *Genes. 40.* & Pharaonis, *Genes. 41.* Insomnium dicitur, quando quis dormiens quæ vigilans cogitaverat vel operatus erat sibi repræsentantur juxta illud Ecclesiastici: multas curas sequuntur somnia, de quo Augustinus *lib. de spir. & anim. cap. 25.* Abulensis in *cap. 40. Genes.* Phantasma est, ut ait D. Augustinus *loc. cit.* & Macrobius *lib. 1. in somn. Scip.* quando quis dormiens, se vigilare existimat, & aspicere videtur ad irruentes ad se, vel passim vagantes, vel formas discrepantes, & varias, vel res lætas, aut turbulentas, ac similia. Quod aliud non est, nisi quædam fumositas à stomacho vel à corde ascendens ad cerebrum, ibique vim animarum comprimens. Qua in re advertendum cum D. Thomas *d. q. 84. in corp.* quod cum divinatio, falsæ opinioni innixa, superstitiosa, & illicita sit, ideo considerari oportet, quid sit verum circa cognitionem futurorum de somniis. Hoc enim non est illicitum, neque superstitiosum, ut per Cajet. *d. q. 95.*

Sunt igitur Somnia ex D. Thoma, quem omnes sequuntur, futurorum eventuum quandoque causa, cum scilicet mens alicujus sollicita ex iis, quæ videt in somniis, inducitur ad aliquod faciendum, vel vitandum. Interdum verò somnia sunt signa quorundam futurorum eventuum, quatenus reducuntur ad aliquam causam communem somniis, & futuris eventibus, & secundum hoc sæpius cognitiones futurorum in somniis fiunt, præcipuè per impressiones cælestes, de quo modo latè agit Cajetanus. Ex hoc tamen difficillimè, & cum maxima incertitudine pervenitur ad intentum. Ideoque non mirum, quod videantur obscura Suarezio, quæ hac de re tradit Cajetanus.

Quare subdit D. Thomas considerandum est, quæ sit causa somniorum, & an possit esse causa futurorum eventuum, anve ea possit cognosci. Atque diversas esse somniorum causas. Interiorem alteram, alteram exteriorem. Interior somniorum causa est una quidem animalis, quatenus occurrunt hominis phantasiæ in dormiendo, circa quæ ejus cogitatio & affectio fuit immorata in vigilando, & talis causa somniorum non est causa futurorum eventuum. Unde huiusmodi somnia per accidens se habent ad futuros eventus. Sicque si aliquando simul concurrunt, erit per accidens. Nonnunquam vero causa intrinseca somniorum est corporalis. Nam ex interiori corporis constitutione formatur aliquis motus in phantasia, conveniens tali constitutioni, & propterea medici observant somnia ad cognoscendum interiores dispositiones. Sic Gedenus in *lib. de presagiis quæ ducuntur ex somniis*, narrat quendam



quemdam somniasse alterum crus factum esse sibi lapideam, mox autem cœpisse illum ea parte corporis fieri paralyticum. Præterea qui instante crisi sudaturi sunt, sæpe somniant se sudare, aut in balneo calidis aspergi aquis, aut in flumine natare. Illud quoque nonnunquam usu venit, ut quod dormientes agimus, aut patimur, etiam somniamus, ut qui in somno sudant, aut febris corripiuntur, itidem se affici somniant. Proditum est à Plinio *lib. 7. cap. 50.* P. Corneliū Ruffinum dormientem amisisse vitum, idque cum sibi accideret, etiam ipsum somniasse.

Causa verò somniorum exterior duplex etiam est corporalis, & spiritualis. Corporalis quatenus imaginatio dormientis immutatur, vel ab aëre continenti, vel ex impressione cœlestis corporis, ut sic dormienti aliqua phantasia appareant conformes cœlestium dispositioni. Spiritualis autem causa est interdum à Deo, qui ministerio Angelorum aliqua hominibus revelat in somniis. Aliquando vero Dæmonum operatione aliqua phantasia dormientibus apparent, ex quibus aliqua futura revelant iis qui eas eis habent pacta illicita.

Sunt qui somniorum causas quinque esse volunt. Ex Dei providentia. Ex dæmonum procuratore. Ex constitutione cœli, vel aëris. Ex dispositione corporis humani. Ex præviis cogitationibus. Ita D. Thomas *2.2. q. 95. art. 6. L. II. lib. 2. c. 43. d. 8. n. 1.* Castropal. *p. 3. tr. 17. disp. 1. pun. 5. n. 1.* Suarez *1. de relig. lib. 2. c. 13. n. 4.* At D. Gregorius *lib. 4. dialog. c. 48.* sex causas colligit: *Aut enim, inquit, ex plenitudine, v. l. inani aere corporis somnia existant, aut ex antecedentibus diuinis cogitationibus, & curis, aut ex illusione Dæmonis, aut ex revelatione Dei, aut denique ex cogitatione hominis simul, & revelatione Dei.* Easdem sex causas idem Gregorius commemorans *lib. 8. moralium cap. 13.* mox eas aptis divinæ Scripturæ sententiis, & exemplis illustrat, atque confirmat.

Ego vero somniorum causas, quæ ad significantum aliquid valent, & dignæ sunt observatione, ad quatuor præcipuas revocari posse existimo. Prima causa continet aliquam corporis affectionem, quæ in ipso corpore præpollat, ac prævalet, ut si flava vel atra bilis, vel pituitus tumor, aut Sanguis redundet, aliudve aliquid vitiatum & corruptum immoderate jactetur in corpore.

Altera spectat ad aliquem vehementem concitatumque animi affectum, & perturbationem, amorem, spem, metum, odium. Nam qui ardentè amant, frequenter amores suos somniant. Qui timeant, minacibus, ac terrificis in somno visis sæpe turbantur. Huc etiam pertinet vetus consuetudo, & vitæ, quam agimus, exercitatio. Lepidè quidam apud Theocritum Piscator: *Omnis, inquit, Canis patet somniat, ego pisces.* In hoc genere somniorum reponendum est somnium illud Annibalis, & proditum, & creditum à multis. Ardebat Annibal insatiabili odio Romani nominis, omnique cupiditate perdendi funditis imperium Romanum flagrabat. Cum igitur variis super ea re cogitationibus æstuarer, vitum habuit in somno mirè proposito suo, voroque respondens. Visus ipsi est juvenis, specie supra humanam, qui se diceret à Jove missum Ducem ei ad invadendum Italiam, jussitque nè respiceret, quid retrò, & à tergo fieret. Pavidus primò Annibal, non est ausus oculos ab illo quocumque deflectere. Sed prout est humanum ingenium ad veritatem pronum, diu temperare oculis non quivit, respiciensque vidit horrendum, non visu modo, sed etiam dictu ostentum, belluam vastam, & immanem, multis circumplectatam serpentibus quocumque incedebat prorudentem atque perversantem. Cœlum item nigerrimis undequaque occa-

Tom. I.

catum nubibus, densisque ac fulguribus mixtos præcipitare nimbos. Attonito Annibali, percunctantique ex illo suo Duce, quid illud monstri, & portentis esset, respondit ille, vastitatem esse Italie, pergeret ipse porro ire, quò parabat, nec præterea quicquam inquireret, sineretque in occulto esse fata. Atque hoc quidem somnium ex ætegressis in vigilia Annibalis cogitationibus, & curis extitit. Sed ejus tamen somnii veritatem rei eventus satis superque comprobavit. Plus enim mali Annibal Italie intulit, quam illo fuerat viso præmonstratum.

Tertiam causam potestati, & calliditati Dæmonis adjudico. Is enim multa dormientibus inspirat, & suggerit somnia semper insidiosè, quò videlicet quacumque possit ratione incommodè, ac noceat homini. Esse autem quorundam Somniorum Dæmonem architectum, cò liquet quod ex Sacris litteris planè intelligitur, observationem somniorum adeo exosam esse Deo, ut ea Magorum, Augurum, & Incantatorum maleficiis aggregata, extremis damnetur suppliciis, nimirum non aliam ob causam, ut interpretatur D. Gregorius *lib. 4. dialog. cap. 48.* nisi quia Dæmon plerumque se somniis immiscet, implens noxia superstitione hominum animos, eosque non tantum vanè deludens, sed etiam perniciosè decipiens. Hoc genere somniorum solitum esse olim dæmonem gentibus impietate cæcis multifariam illudere, constat argumento Æsculapii, Serapidis, & Amphiarxar. Nam, ut apud Philostratum, Pausaniam, & Strabonem scriptum est, templa eorum adeuntibus qui variis morborum generibus afflictabantur, fama erat tres illos vulgo existimatos, quasi Deos singulorum morborum, curationes per somnia præscribere consuevisse, ex hoc genere fuit somnium illud Alexandri magni. Cum enim in quodam prælio Ptolemæus, qui primus post Alexandrum Ægypti Rex fuit, venenato telo ictus, summo cum dolore, ex eo vulnere moreretur, assidens ei Alexander, somnoque sopitus, vidit in quiete draconem radiculam ore ferentem, simulque commonstrantem quò illa loci nasceretur, quæ scilicet præsentissimam vim haberet Ptolemæum multosque milites eodem teli genere vulneratos, protinus sanandi. Quæsitæ est herba, inventa adhibita, mox consecuto, qui promissus fuerat, effectus.

Sunt autem duo somniorum Dæmonis præcipua genera; Alterum pertinens ad occultarum rerum demonstrationem, & significationem. Potest enim Dæmon naturales effectus ex certis causis aliquando necessario proventuros, potest quæcumque ipsemet postea facturus est, & potest tam præsentia, quam præterita, quæ hominibus occulta sunt, cognoscere, & hominibus per somnium indicare. Alterum somnii genus vim habet concitandi perturbationes animi, agitatæ turbatæque, qui sunt in corpore, humoribus, & spiritibus quò nimirum inflammantur homines, vel ad libidinem, vel ad odium, & vindictam, vel alios pravos animi affectus.

Quarta causa somniorum ritè nominari potest divina. Horum exempla passim in divinis libris sunt obvia. Nos aliquot mox proferemus.

Si quis igitur ad cognoscendum futura utatur somniis, quæ proveniunt ex revelatione divina, vel ex causa naturali intrinseca, vel extrinseca, non erit illicita divinatio. Si autem hujusmodi divinatio proveniat ex revelatione Dæmonis, cum quo habetur pactum expressum, quia ad hoc invocatur, vel tacitum, quia hæc divinatio extenditur ad quod per se non potest extendi, erit divinatio illicita, & superstitiosa.

Notandum autem, somnia imaginatricis facultatis esse operationes quæ etiam phantasia dicitur, qua phantasmata in ipsa retenta, speculatur, animali dormiente;

H h



dormiente; certum siquidem est, à nulla creatura posse novas species phantasiae immediate imprimi, nec ab Angelo quidem naturaliter. Hoc enim solius Dei proprium est. Unde somnia alia dicuntur naturalia quae proveniunt ex intrinseca corporis causa, vel etiam ab extrinseca corporali; nam omnes illae causae sunt naturales, naturaliter operantes: Alia dicuntur animalia, vel moralia, quia in moribus, & cognitionis actibus habent fundamentum. Proveniunt enim ex praecedenti cognitione. Alia dicuntur divina, quia mittuntur à Deo, vel à Sanctis Angelis. Alia daemoniaca, quia daemone excitantur.

Modus autem, quo sunt somnia naturalia, est dum phantasia à causa naturali à excitatur ut existentibus innumertis fere speciebus sensibilibus, quibusdam utatur, per alterationem organi phantasiae, per quam illa magis disponitur ad usum talis phantasmatis, quam alterius. Praecipue autem fit per agitationem Spirituum animalium, qui magis similes sunt motioni causae agitantis, in quibus imagines earundem rerum sentatarum resident, & phantasiae applicantur, sicque ad operandum per similia phantasmata excitant, ut in somno causato ex cogitatione continua, & saepius repetita, cogitatio praecedens continua relinquit phantasmata recentia, phantasiae affixa, ideoque facilius quam reliqua in somno commoventur, sicque facile quis somniat, quae appetit.

Quò verò ad causas somniorum, praeter dicta, Sinesius *lib. de insomniis*: omnium somniorum causam putat esse Spiritum quendam phantasticum animae quasi vehiculum, & fabrum omnium somniorum. Porphyrius verò unitatem somniorum partim refert ad intelligentias, sive bonas, sive malas, partim ad notiones quasdam, quas anima ex alia vita secum in corpus attulit. Sinesii opinio Pythagoricorum, ac Platoniorum est figmentum. Inventio Porphyrii à veritate ac fide discrepat, quae docet, animas corporibus praeparatis infundi à Deo, nec secum aliquas species deferre, ut docet Aristoteles, qui in *lib. de divin. per somnia* negat à Deo somnia tunc immitti, neque à Daemonibus, cum illos neget. Peripatetici attribuunt virtuti coelestium corporum, quae solent Daemonibus attribui secundum artem necromanticam. Plato autem in symposio tribuit daemonibus, quos vult esse Dei nuncios, & ut Apulei verbo utar, salutigerulos; Hypocrates Deo, & causis naturalibus. Ad D. Thomas, Philosophos, & Patres sequutus, praecipue Gregorium, somnia alia ab intrinseco, alia ab extrinseco, enumerat de quo mox.

Sed quò ad significationem futurorum eventuum docet ibidem D. Thomas aliquibus somniis convenire non omnibus. Imò aliqua somnia reperiuntur clarae significationis, alia obscura. Clara sunt quae à quolibet percipiuntur audito somnio. Ista sunt plura divina, ut Sancti Iosephi de deferendo puero Jesu in Aegyptum. Obscura sunt plura divina, quae interpretatione indiguerunt, ut somnia Pincernae, & Pistoris Pharaonis *Genes. 4.* & plura somnia naturalia, praecipueque à causa naturali extrinseca promanant. Plura sunt somnia non significantia, quae à causis proficiscuntur in ulteriorem eventum non directis aliquando ex superfluo cibo, ac potu, interdum ex nimia cibi abstinentia. Cum enim à causa inordinata oriantur, evadunt turbulenta, distorta, vana, & nullius prorsus significationis.

Protagoras omnibus somniis fidem abrogat, magna autoritate decernens veritatem & falsitatem, non ipsa naturam rerum, sed sola existimatione hominum constare, hominem esse mensuram omnium & tale unumquodque esse quale videtur homini, sive sobrio, sive vinolento, sive sano, sive insano sive vigilanti, sive dormienti. Affines huic errori fuere

quidam Stoici, nimio plus superstitiosi, ac penes fanatici, qui nulla rejiciunt somnia, in omnibus esse rati vim significandi, ac denotandi aliquid. Existimati tamen aiunt quaedam somnia inania & falsa.

Ex adversò his contraria sentientes Xenophanes Colophonius, mollis item, ac delicatae Epicureae disciplinae Sectatores, omnium somniorum fidem & auctoritatem sustulerunt. Non esse autem illis credendum somniis, sic illi argumentabantur. Una vis est, eademque natura omnium somniorum, par igitur credendi aut omnibus, aut nullis ratio esse debet. Sed plerisque somniis non esse credendum, confessio est omnium. Nihil ergo causae est cui plerisque rejectis, aliquibus praecipue credere debeamus. Adjice quod si quaedam somnia vera, & certa sunt, aliquas esse certas ipsorum efficientes causas necesse est. At quas? Naturam, inquit, & Deum. Sed natura quidem amica est ordinis & constantiae, in somniis nullus ordo inest; sed plena temeritatis inconstantia. Dei autem maiestate alienum, & indignum videtur, obire Deum lectos dormientium, concurrere grabatos, & stertentibus injicere somnia, quae illi expergiscentes, vel non recordentur, vel non intelligant, vel etiam contemnant, vel si curanda sibi putent, stulta impleri superstitione, dies noctesque animi pendeant, aut inimi impendentium malorum metu perterriti, aut fallaci futurorum expectatione beonorum elari.

Sed vera sententia varia facit somniorum genera, quorum plurima tanquam inania, nec ulla fide digna plane abjudicat, ac rejicit. Quaedam vera, & certa. Nam si nullis insomniis quidquam veri, ac certi esset, inscienter profecto, ac superstitiose Clarissimi Medicorum somnia, quae frequenter agris contingunt, ad eorum morbos dijudicandos curandisque tam subtiliter, & curiosè observarent. Stulto item labore Physiologi se fatigarent, somniorum causas, vires, significationes tanto studio, ac diligentia, venando, ac speculando. Mendaces praeterea essent tot superiorum temporum historiae, clarissimis testate consignataeque monumentis, refertaque exemplis verorum somniorum, quae ad verbum cum rerum eventis mirifice convenerunt. Cyrus major, qui Monarchiam Persarum condidit, dormiens vidit Solem ad suos pedes, & cum ter illum manibus contrectare veller, totidem secum volvens elapsus est. Quo somnio Magi Persarum significati responderunt, triginta annis illum Imperio positurum, ut accidit. Quid in Sacris litteris quot memorantur somnia non vera & certa modò, sed etiam divinatorum mysteriorum plenissima?

Ex his autem asserimus primò. Plurima somnia à Deo proveniunt ad hominum instructionem, ut in veteri Testamento, somnia Abrahami, Abimelechi, Jacobi, Labani, Iosephi, Pharaonis, Salomonis, Nabuchodonosoris, Danielis. In novo, Iosephi, Magorum, Vxoris Pilati, Pauli. Imò consueverat Deus antiquis temporibus Spiritum prophetiae in somno aliquibus communicare. Unde *Num. 12.* habetur, si quis fuerit inter vos propheta Domini, apparebo illi in visione, aut per somnium loquar ad ipsum. Ideoque Jobi *cap. 33.* dicitur: Quando homines dormiunt in lecto, tunc aperit Deus aures vitiorum, & erudiens eos instruit disciplina. Docetque D. Thomas 2. 2. *quest. 174. art. 3.* visionem imaginariam exhiberi posse vigilando, & dormiendo; cum enim veritas supernaturalis manifestatur per imaginariam visionem, attenditur diversificatio secundum definitionem somni, quod fit in dormiendo, & visionis, quae fit in vigilando, maxime cum utroque modo videt aliquem sibi alloquentem, aut aliquid demonstrantem sub specie hominis, vel Angeli, vel Dei.



Addimus cum eodem D. Thoma in *Iob. cap. 4. Iob. 3.* qui id declarat 2. 2. 4. 9. 95. quod veriora & certiora somnia soleant esse, cum vigilantibus apparent, quam cum dormientibus, quia in vigilando est ratio magis libera, & quia in somno speciales visiones minus discerni possunt à somniis vanis. Unde *Job. cap. 4.* ut ostenderet quamdam revelationem, non tantum sibi dormienti, sed vigilantibus factam esse; sic ait. Stetit quidam, cuius non agnoscebam vultum, imago coram oculis meis, &c. tempusque nocturnum propter quietem est magis congruum divinis revelationibus percipiendis. Uxor Pilati ex somnio innocentiam Christi agnovit. Vir Macedo Paulo apparuit. S. Martinus fuit admonitus per soporem, ut patriam & parentes religiosa sollicitudine visitaret. Lucina à S. Sebastiano in somnis admonita, ut ejusdem corpus ad catacumbas sepeliret. Josephus somniavit de manipulis cadentibus ante manipulum suum. Pharaon de septem bobus. Josephi sponsus Deipara; ter in somnis monetur ab Angelis. Sctus Moyses per visionem intellectualem illuminatus fuit, cum non per ænigmata, & figuras illi locutus sit Deus, sed sicut amicus ad amicum. Non enim est ligata virtus Dei, die aut nocte *Job. 33.* Tuncque maxime ordinata, & significativa sunt somnia, quando quietè dormiunt, quamvis, & vigilantibus interdum appareant huiusmodi visus. Bruta etiam somniant: Id enim ad naturales causas pertinet, quæ excitant quoque species repertas in phantasia. Verum hæc non in Deum ipsum somnia referuntur.

Quare de fide est, & in 5. Scriptura manifestè expressum, dari divina somnia divinis mysteriis plenissima, ut patet *num. 12.* & *Job. 33.* & exemplis allatis. Quod & cognoverunt Gentiles, Hippocrates *lib. de insomniis*, alterum nominans divinum, alterum naturale. Cur autem Deus per somnia revelet sua mysteria, tradunt præ cæteris Pererius *quest. 4. lib. 1. in Daniel.* Hippocrates *loc. cit.* Aristoteles *lib. de divinat. qua fit in somn.* D. Thomas, D. Augustinus, alique Patres, & Caietanus in 1. p. *quest. 12. art. 11.* alique expositores D. Thomæ.

Ex divinis autem somniis alia sunt clara & aperta, alia involuta, & obscura per varias similitudines. Clarum fuit factum Abrahamæ, quo cognovit posteros suos servituros in Egypto *Genes. 15.* Quo Isaac intellexit multiplicandum semen suum propter patrem suum Abraham *Genes. 26.* Illud Gedeoni representatum, ut destrueret aras Baal, & ex adverso edificaret altare Deo Israël *Iud. 6.* obscurum autem fuit in Pharaone *Genes. 41.* & in Nabuchodonosore *Daniel. 2.* Ideoque ille habuit interpretem Josephum, hic Danielelem. Quare autem Deus sæpe obscurè & sub ænigmate sua secreta hominibus in somno revelet, præcipuè infidelibus, tradunt Doctores in Synopsi, Epiphanius in vita Danielis, Hieronymus *epist. ad Latam*, Augustinus *ep. 112.* ad Victorium Thyreus, alij. Ut inquit Theodoretus, Deum verum agnoscerent, & admirarentur, ut contigit Nabuchodonosori, ejusque servi honorantur, ut accidit Josepho in carcerem coniecto, & Danieli exuli, qui à Pharaone, & Nabuchodonosore exaltati fuerunt ob revelationem somnii.

Secundò asserimus. Non potest certò sciri ex qua causa somnia proveniant, potest tamen ex conjectura cognosci. Quia somnium potest ex multiplici causa provenire. Non constat autem à qua proveniat, nisi manifestetur à Deo, vel ab Angelis. Quod enim plures potest habere causas, nullam determinatè significat. Somnia verò quæ à causa naturali oriuntur,

possunt à Deo vel à dæmone proficisci, & contra, quæ à Deo, vel dæmone proveniunt circa naturalia, & habentia connexionem cum cælis, oriri possunt à causa naturali. Additque Suarez *loc. cit. cap. 3. n. 6.* post D. Thomam, & Caietanum non esse per se malum investigare causas insomniorum, imò potest esse utile, ac interdum necessarium. Sic Medici ex somniis investigant dispositionem corporis, & statum infirmitatis secundum Aristotelem *lib. de divinat. per somnia.* Hippocratem *lib. 6. epitemiar.* Galenum *lib. de prasag. ex insomn.* Et Patres, ac Theologi solent perferutari, an somnium sit à Deo, an à Dæmone ex conditione somnii, ac illius causis.

Discernere autem quæ somnia sint divina, non est facile. Duplitter tamen deprehendi potest quoddam à Deo sit missum somnium. Primò quidem ex præstantia rerum, quæ per somnium significantur, nimirum si ea per somnium innotescant homini, quorum certa cognitio solius Dei concessu, ac munere potest homini contingere. Huiusmodi sunt quæ vocantur futura contingentia, arcana item cordium, quæque intimis animorum inclusa recessibus, ab omni penitus mortalium intelligentia obliuiscunt. Denique præcipua fidei mysteria, nulli, nisi Deo docente, manifesta. Somnium igitur quod ejusmodi rerum cognitionem, & denominationem continebit, divinum esse existimari poterit.

Deindè hoc ipsum maxime declaratur interiori quadam animarum illuminatione, atque commotione, qua Deus sic mentem illustrat, sic voluntatem afficit, sic hominem de fide, & autoritate ejus somnii certiore facit, ut Deum esse ipsius autorem, ita perspicuè agnoscat, & liquido judicet, ut id sine dubitatione ulla credere, & velit, & debeat. Quò spectat memorabilis illa in *lib. 4. dialog. cap. 48.* D. Gregorii sententia, de qua plenius & luculentius *lib. 8. moral. cap. 13.*

Hæc autem Dei per somnia visitatio multis, ac diversis modis fieri solebat. Nonnunquam enim Deus per somnia turbabat, & terrebat hominem, sicut de Abimelech, & Laban narratur *Genes. 20. & 31. ac Iob. 47.* Aliquando in somno hortatur, & excitat hominem Deus ad magnum quidpiam, & arduum subeundum, certam spem prosperi exitus præsignificando, velut in Gedeonis, & Judæ Machabæi somniis evenit *Iud. 7. & 2. Machab. sæpe mo-* net, ac docet quid hominem agere, aut fugere oporteat. Talia fuere beati Josephi, & Magorum somnia *Matth. 12.* Quinetiam solebat olim Deus Spiritum Propheticum nonnullis in somno largiri, ut *Numer. cap. 12. & Iob. cap. 2.* inter alia Spiritus Sancti dona numerantur somnia; & 3. *Reg. 3.* Salomon fuit à Deo promissum in somno prudentiæ & sapientiæ donum de quo alibi. Interdum quoque futura alicujus viri excellentia dignitatis, & gloriæ præmonstrata est per somnium, id quod adolescenti Josepho, & Mardocheo accidisse legimus *Genes. 17. Esther. 11.* Quibusdam præterea in somno patefacta sunt divina Mysteria, cujusmodi fuit somnium Jacob de illa mystica scala *Genes. 28. Danielis 7.* de regno Christi. Denique præsignificavit aliquando Deus, ac prædocuit futuros rerum humanarum eventus, cujus generis fuere somnia Abrahamæ *Genes. 15.* Pharaonis *Genes. 41.* & Nabuchodonosor *Daniel. 2. & 3.*

Averroes quidem super libello Aristotelis de divinatione per somnia in commentario suo non audet inficiari Prophetiam posse homini accidere vel in somnio, vel per revelationem; negat tamen ea ratione vel artes, vel scientias speculativas posse ulli contingere: Una, inquit, est natura hominis, unus igitur dux maxime eris intelligendi



& discendi modus, scilicet internunciis sensibus, variis item praeceptis, experimentis, diligentique ratiocinatione. Nam si praefer communem & usitatum discendi modum esset hic alter per somnia vel revelationem, cum is multò sit facilior, atque praestantior, ille alter, quo difficilior, & laboriosior est, eò magis fuisset supervacaneus. Non igitur datus esset homini. Deus namque, & natura nec frustra quicquam faciunt, & de iis quae possunt fieri, quod melius, & praestabilius est, nunquam non faciunt, sic ille. Quae sane argumentatio non esset planè infirma, si quisquam diceret (nemo tamen nostrum id dicit) modum illum discendi per somnia, vel per revelationem, aut esse homini naturalem, aut esse frequentem & usitatum. Verum hæc Averrois Commenta, ut alia ejusdem, de Scientia, Potentia, & Providentia Dei, ac humani animi natura ex inscitiae divinarum rerum, & impietatis fonte redundantia, quàm sint inerudita, obtrusa, falsaue satis liquet, vel solis exemplis, quæ memorantur in Sacris litteris Adami, Salomonis, Danielis, multorumque Prophetarum, quibus multarum rerum scientia subito data est à Deo, quinetiam Beseleel, & Ooliab, quos in libro Exodus. proditum est, subito divinitus edoctos, Mosaicum tabernaculum simul cum omnibus ejus instrumentis, atque ornamentis summa arte perfecisse.

Contrà verò hæc erit conjectura quod somnia quæ citò evanescent, suggerunt falsa, vel mala, vel levia ad ambitionem aut superstitionem, sunt dæmoniaca. Nam somnia Dæmoniaca sunt per commotionem spiritum variam, & transeuntem. At Deus, & bonus Spiritus non operatur ad falsitatem, aut malum. Sæpè autem Deus ex Gregorio d. lib. 4. dialog. cap. 48. certior reddit dormientem, Somnium à Deo provenire: Sancti viri, ait, inter revelationes, & visiones ipsas, visionum voces, ac imagines quodam intimo corpore discernunt, ut sciant quid à bono Spiritu percipiant, & quid ab illulore patiantur.

Somnia verò naturalia solent esse turbulenta, inordinata, incompressa, utpote quæ sæpè proveniunt, vel ex immoderato pastu, potuque, vel ex nimia abstinencia. Unde Nyssen loc. cit. inquit, unicuique pro humorum varietate formantur somnia. Nam alia sunt hominis fortis, alia timidi. Imaginationes nocturnæ, aliæ intemperanti, aliæ continenti, aliæ avaro, aliæ liberali per somnium obiciuntur. Fateturque Caietanus ibidem, multa se habuisse somnia vera, sed incertus de causa eorum, judicium suspendebat, ne fortè illusio dæmoniaca se illis immisceret.

Asserimus tertio. Nulla fides absolutè ac certò adhibenda est somniis. Quia nescitur à quo proveniant, nec quid significant. Si enim cognita cœlesti causâ, inquit ibidem Caietanus, in aliis generibus conjecturarum, per astra tantum sumitur conjectura dubia, & cum formidine, quid dicendum est quando etiam ignoratur, quod somnium est à causa cœlesti? Neque idcirco negandum est, somniis, quæ à Deo proveniunt, esse credendum secundum illam certitudinem, quam habemus, quòd à Deo proveniant mediatè, vel immediatè, sicut si certò constet, aut probabiliter colligatur, somnia esse dæmoniaca, nullo pacto est illis credendum, ne exponamur periculo deceptionis. Somniis autem naturalibus secundum causæ cognitionem, & reductionem ad illam, fides adhibenda est.

Quartò asserimus. Quando causa est tantum occasio naturalis, id est prævia cogitatio, in vigilia repetita, cognita causâ somni, poterit quis conicere ex levi probabilitate futurum eventum. At quando causa somniorum est communis ipsius, & futuris eventibus, ut in somniis provenientibus à causa naturali per reductionem somniorum, & eventuum ad causam communem accipitur significatio somniorum.

Quò verò ad somnium, tanquam causam, cum aliquis movetur in vigilia ad agendum, vel vitandum quod somniavit, rectè annotavit Suarez, vix ex illo aliquid colligi posse, neque esse in usu, nisi adjunctis aliis superstitionibus, vel conjecturis. Quia somnium, vel quod in eo repræsentatur, præter speciem, & memoriam sui, quam relinquit, non potest in homine sortiri aliquem effectum necessario, sed ad summum apprehensio illius, sive recordatio in vigilia potest esse occasio, vel ratio operandi aliquid, quod ab homine non necessario, sed liberè fit, si rationis usus adsit. Estque id, quod ait D. Thomas, somnia interdum esse futurorum eventuum causam, cum mens alicujus sollicita ex his, quæ videt in somniis, inducitur ad aliquid faciendum, vel vitandum. Unde talis effectus nequit cognosci in somnio, tanquam in causa; quoniam non est efficax ad talem effectum, neque determinat somniantem, nec sequitur effectus, nisi per aliquam aliam credulitatem de re significata per somnium, quæ credulitas voluntaria est, non necessaria, & adhuc, illa supposita, liberè decernitur de alio faciendo vel vitando; Ex somniis itaque, tanquam ex causa, nequit accipi probabilis conjectura effectus.

Circà autem hanc divinationem potest contingere defectus, sive error, ut si quis certò ferat judicium de futuro eventu, vel reducat illum ad aliquod sydus, vel ad aliquam occultam significationem. Qua ratione non est investigatio ex somnio, tanquam ex causa, sed tanquam ex effectu, vel signo, & pertinet ad errorem Astrologiæ judiciariæ, vel Dæmoniæ. Quod si ex solo somnio fieret conjectura, esset vana & ridicula, posset tamen absque peccato fieri, si, præter somnium, attendatur dispositio, sive constitutio personæ, ac vehemens illius apprehensio, & facilitas in credendo, vel timendo, aut deliberando. Si enim probabilis redderetur conjectura, & rationabilis, præcipue si ordinaretur ad præveniendum, ne talis effectus homini noxius, sequeretur, ut notavit Suarez loc. cit.

Docet autem D. Thomas contra Gentes. cap. 34. de somniis, ac similibus, quod adscribere illa corporibus cœlestibus non est ratio constans, & ideo existimandum est, quod ab aliquo cognoscante fiant. Quæ Caietanus art. 8. quæst. 99. ait, esse dicta pro tutiori parte ad consulendum quæ sanioris doctrinæ sunt, non ad damnandum defendentes, hæc fieri nonnunquam à cœlo. Et hæc dixerim, subdit, ut qui legunt, aut docent, non sint præcipites, sed caveant sibi, & aliis, non tamen damnent eos, qui servatis superius dictis, tantum sibi de cœlo promittunt.

Quintò asserimus. Stultorum est, fidem omnibus somniis adhibere. Constat ex Levit. 10. Deuter. 18. ac Jerem. 17. quibus in locis videtur prohiberi omnis credulitas somniorum. Nam innumera sunt somnia inordinata, turbulenta, incompressa, plena significationibus infanis. Licet namque somnia interdum sint naturalia,



naturalia, ac verè significativa, ea tamen reducere ad causam suam, & cum futuris eventibus comparare, difficillimum est, ac penè dixerim impossibile; maxime si proveniant à corpore celesti. Fareturque ibidem Caietanus, multa se habuisse somnia verà, paucorum tamen, aut nullorum interpretationem determinatam novisse ante eventum. Nam incerta est omnis conjectura somnii per causam extrinsecam, & si quis in certa causa, tanquam certa uteretur, proculdubio vanè inquireret quò ad modum quatenus supponeret certum quod est dubium; & consequenter acciperet conjecturam certam, quæ est dubia.

Afferimus Sextò. Periculosè quis erraret, si conjectura incerta, certò crederet somniis, non tamen perniciosè, si intrà latitudinem conjecturæ maneret. Id docet Caietanus, Suarez, Sylvius, Delatorre, aliique. Nam facile posset decipi à Dæmone, ex quo indicia, quæ, incertum est, esse à cælo, exempli causa, accipit, ut certa à Deo. Et quia intrà latitudinem conjecturæ ex cælo haberi possibile est. Hinc D. Thomas *loc. cit.* duobus modis superstitionem reperiri in somniis tradit, quando scilicet intervenit expressa invocatio Dæmonis, vel quando somnia extenduntur ad quæ non possunt se extendere, ut habere certitudinem de contingentibus, & aliis, quæ etiam excedunt cælestia corpora. Tunc enim tacita est cum Dæmone Societas. Quodnam sit peccatum leviter de Somniis judicare, vide Caietanum in summula, & alios Summittas, ac Suarez *loc. citat. n. 25.*

Si quis autem ita esset deditus somniorum observationibus, ut per eas plerumque regatur in suis actibus, esset superstitiosus, nec à mortali excusaretur, ut per Suarez *d. lib. 2. de relig. cap. 13. num. 24.* Hæc enim observatio auguriis comparatur *Levit. 19.* Non augurabimini, neque observabitis somnia. Idemque habetur *Deuter. 18. ac 2. Paralip. 33.* quemadmodum ergo fidem præbere auguriis, ac per illa proprios actus dirigere gravis superstitio est, ita & somnia observare.

Conjectatio verò ex somniis adeo est tenuis, ac difficilis, ut vix possit probabilis notitia causæ acquiri ex tali effectu, nisi aliæ addantur circumstantiæ vel morales, vel supernaturales, ut tradit Gregorius *lib. 4. Dialog. cap. 48.* Cum enim somnia tot rerum qualitatibus alternent, tantò eis credi difficilius debet, quantò ex quo impulsu veniant, facilius non elucet. Hoc ipsum docet Isidorus *lib. 3. sent. cap. 6.* diversæ namque sunt causæ somniorum, nullumque est somnium quod ab una causa ita proficiscatur, quod eam necessario exposcat. Saltem etenim Dæmon potest se ingerere, & applicare activa passivis ut excitentur somnia, quæ ab humoribus, vel aliunde possunt oriri. Et licet Deus possit in somnio immediatè immittere speciem aliquam in intellectum, undè somnium excitetur; cum tamen plerumque id eveniat cum conversione ad phantasmata, nunquam ex solo somnio cognosci poterit sufficienter, Deum illius causam existisse, cum ejusmodi phantasmata possent à Dæmone excitari. Hinc Medici secundum morborum discrimina somniorum etiam species diversas agitis accidere affirmant, aliter enim his, qui stomachi vitio laborant; aliter, quibus cerebri membranae sunt læsæ; aliter febre correptis, aliter his qui bili, aliter qui pituita molestantur. Unde jucunda somnia significant sanguinis copiam, tritia melancholiæ, timida pituitæ, bel-

licosa bilis; qui sitiunt ad fontem se esse somniant, qui esuriunt in conviviiis, adolescens, per ætatem lascivens, consentanea libidini suæ imaginatur. Adhuc tamen, et si indicium probabile sit, semper est incertum, cum aliunde possint oriri similia somnia, nempe ex aliqua præcedenti cogitatione, ut si flores, vel musicam quis in vigilia appetat, facile de his somniat. Undè hæc, aliaque attendi debent, quod difficile est, cum sint valdè interna, vel aliàs occulta, & sæpè ignota, ex quibus non certa notitia, sed conjectura probabilis, si omnia rectè conferantur haberi potest conjectura, ex solo autem somnio tenuissima.

Neque sydera possunt causare immediatè somnia, cum enim phantasia sit corporea, & organis corporeis immensa, possunt Altra in eam influere, ut docet Galenus *lib. 1. epidem. comm. 3.* ac D. Thomas *d. artic. 6. ex Aristotele*, non quod imprimant species in phantasia; à sensibus enim hæc debent provenire. Undè altra non sunt causa immediata somnii, sed solum perturbant humores, ac potentias, organa, & ex variatione materiæ ac dispositionis varia oriuntur somnia, ut notat Bulengerus *lib. 5. divinæ. cap. 1.* Torreblanca *cap. 6. lib. 8. oper. spir. post Suarez.* Delatorre, & Caietanum *cod. artic. 6. quæst. 95. 2. 2.* Bernardum Bafin. *de attrib. magic. conclus. 7.* Quod etiam annotant Turrecremat. *in can. non observetis 26. quæst. 7.* Franciscus Picus *libro 2. præcognit. capitulo octavo Simanch. de cath. instit. titulo 63. numero quinto* Pererius *libro 2. adversus fallaces artes*, Zechius *in sum. p. 1. tit. de fide cap. 15.* Delrius *lib. 4. Magic. cap. 3. quæst. 6.* Lessius *lib. 2. de justit. capitul. 43.* Binsfeldius *lib. 3. C. de malef. quæst. 2.* Valentia *tom. 3. quæst. 12. disp. 6.* Azor. *p. 1. lib. 9. cap. 17.* Sanchez *lib. 2. in decal. cap. 38.* Grassius *lib. 2. decis. cap. 3.* Neque hæc perturbatio semper provenit ab eodem aspectu astrorum, & adhuc variat secundum varietatem humorum, & corporum constitutionem. Undè ad conjiciendam causam cælestem somnii ex ipsomet somnio; necessariam est cognoscere corporis somniantis constitutionem, humorumque qualitatem, & copiam, atque alia quæ non facile à nobis cognosci possunt. Quare conjectatio hujus causæ tenuissima est, vixque ad probabilitatem accedit. Eoque magis, quia virtutes astrorum non cognoscuntur. Licet namque de una vel altera sit observatum influere in Sanguinem, vel bilem, tamen potest ab aliis impediri.

Præterea, licet tempore somnii suas vires exeruerit tale Astrum, variat tamen statim, & oriuntur nova, quæ possint alium effectum inducere, primumque impedire. Quod si talis conjectatio sit de effectibus liberis, aut mere casualibus, vel aliàs omninò occultis, non solum est incerta, sed etiam prorsus vana, & inutilis, cum ex hætenus dictis pateat ejus indeterminatio, & occultatio à causis proximis. Insuper tales sunt hi effectus, ut illas influxus per se non attingat, sicque hujusmodi somnia non sunt attendenda. Ideoque *Ierem. 29.* de omnibus somniis sic admonemur: Nec attendatis ad somnia vestra, quæ vos somniantis. Et Manasses Rex Israël irritavit Deum quia observabat somnia, *Paralip. 2.* solumque observanda sunt somnia divina, præcedente revelatione *Ecclesiastici 34.* Nisi ab Altissimo missa fuerit



visitatio, non des infomniis cor tuum. Testaturque Tertullianus *de anima cap. 46.* somnia quæ à Deo non sunt, vanitatibus scatere. Ideo Ecclesiasticus *ibidem* ait: somnia extollunt imprudentes, & errare faciunt stultos. Huiusmodi fuit somnium Xerxis, Assyriorum Regis, videntis vitem, & folia enata, cuius palmes omnem Asiam obumbrabat, ut narrant Herodotus *lib. 7.* Valer. Maximus *lib. 1. cap. 7.* Iustinus *lib. 2.* qui etiam referunt Darium per somnium se inspexisse duas alas habentem, quarum altera Asiam, altera Europam tegebat. Eventus autem vana indicarunt. Similia referunt Alex. ab Alex. *lib. 3. genial. cap. 26.* Majol. *tom. 2. canic. colloq. 4.* Fulgos. *lib. 1. de Somniis.* Quemadmodum etiam de Cyro Persarum Rege scribit Sabellic. *lib. 6.* de Onomacho Diodorus Siculus *lib. 16.* de Antigono, & Pompeio Plutarchus in *Demeirio.*

Somnia verò Dæmoniaca fuerunt olim Entheorum, & quæ jactabant Anabaptistæ, & admiranda quædam Gentilium, ut Edessii apud Eunapium in *eius vita.* Ptolemæi apud Tacitum *lib. 4. annal.* Nestoris apud Zosimum *annal. 4.* & Zaradri apud Athenæum *lib. 13. cap. 13.* & aliorum apud V. Maximum *loc. cit.* Talia fuerunt lectisternia in Phano, Æsculapii, Serapidis, Pasiphaes, Padarylis, ac similibus, in quibus Dæmones dormientibus responsa dare consueverant, ut prodit Rhodiginus *lib. 27. antiq. lect. cap. 14.* cuius artis inventorem Pausanias prædicat Amphiareum. Et inter Hebræos etiam reperiri hanc superstitionem conqueritur Isaias *cap. 65.* ac in delubris Idolorum dormiunt, ut scilicet ait ibi Hieronymus, Dæmonis responsa accipiant, & solebant incumbere pellibus stratis victimarum, ut de Rege Latino canit Virgilius 7. *Æneados.* Est autem peccatum infidelitatis, si accepto somnio recurritur pro explicatione ad Magum, vel Dæmonem, ut fecit Nabuchodonosor *Daniel. 2. & 4.* Aut si peculiaribus cæremoniis, se præparet, dum somnum petit, vel in modo ipso dormiendi, ut sibi per somnia occulta manifestentur. Pertinet namque ad Gentilium mores, idèo important infidelitatem, ut tradit Torreblanca *ibid.* ex Rhodigino *lib. 27.* & pactum intercedit ex Suarez *d. lib. 2. cap. 17.* dum quis somniis fidem adhibet, nihil de Deo cogitans. Cum enim talia signa non sint naturalia, sed ad placitum instituentis, qui illis adhæret, vel dæmonem habet magistrum, vel illi fidem adhibet, saltem implicitem.

Cæterum, præter somniorum observationem vanam est divinatio Necromantica, quæ provenit à dæmone invocato, & per somnia occulta revelante. Et hæc est Necromantia sagarum, sive Lamiarum, aut Strigum. Licet enim aliquando lamia revera corporaliter deferantur à dæmone ad conventus dæmoniacos, in quibus contra fidem, & Religionem, aliasque virtutes nefanda plurima committunt, ut legere est apud Delrium *lib. 2. magic. q. 16.* Nihilominus plerumque hæc fiunt per somnia, de quo D. Thomas *n. 2. q. 95. ar. 5.* ibique Caiet. *ar. 3.* D. Bonaventura in *3. sent. dist. 19.* Abulensis in *Matth. 4. q. 4.* Turrecrem. alique Canonistæ in *can. Episcopi 26. q. 9.* Sylvester in *sum. n. hæresis 3. n. 6.* & de strig. *lib. 1. cap. 14. & lib. 2. cap. 1. & 4.* Simanch. *de cathol. instit. cit. 37. n. 8.* Valentia *2. 2. disp. 6. q. 12. p. 2.* Suarez *d. lib. 2. cap. 16. n. 24.* Farinac. *q. 187. n. 45. & seq.* Delrius *loc. cit. & lib. 5. sect. 16.* Sanchez *lib. 2. in decal. cap. 40. n. 6.*

Quoniam verò huiusmodi somnia, quæ à Lamiis vera esse putantur, non autem imaginaria, non solent haberi, nisi Dæmone invocato per sacrificium, orationes, & cultum soli Deo debitum, neque ab eis habentur, nisi vere approbantibus nefanda illa.

quæ in Conventibus peraguntur opera plusquam hæreticalia, ideo qui habent hanc familiaritatem cum Dæmone sunt sine dubio, vel manifeste hæretici, vel de hæresi vehementer suspecti, sed plerumque Lamiæ esse apostatas à fide, sentit Simanchas *loc. cit. n. 13.* Royas *sing. 98. n. 6.* Locatus *V. Lamia, Soula lib. 1. cap. 39. n. 3.* & Delrius *d. lib. 5. sect. & 16.* Atque ideo jure, meritoque Innocentius VIII. Julius II. Adrianus VI. & Clemens VII. Lamiarum causas Inquisitoribus commiserunt. Quare ad illos istarum causæ pertinent, Eymer. *p. 2. q. 43. n. 8.* ibique Pegna *tom. 68.* alique plures, quos refert, ac sequitur Facinac. *q. 181. n. 46. & seq.*

#### Interpretatio Somniorum.

Quod autem Interpretationem Somniorum attinet, necesse est fateamur, in hac quarundam Nationum supra mortales cæteros industriam, solertiamque & acumen omnino majus fuisse. Chaldei jactabant se universa somnia interpretari. Sunt qui falso adscribunt Danieli, Samueli, & Abrahamo libros de somniorum prædictione. Artemidorus Aldianus quinque libros somniales edidit, & Janianum Maggium in Italia floruisse hac arte, refert Alexander ab Alexandro *lib. 1. cap. 12.* Prodiere elapsò jam seculo ex Bibliotheca Joannis Sambuci, Joanne Leunclavio interprete Apomafaris apotelesmata, sive de significatis, & eventis infomniorum ex Indorum, Persarum, Ægyptiorumque disciplina, licet Arabum quoque mentionem nonnunquam faciat. Persarum quæ sapientia fuerit, cuius erant quasi custodes, quos ipsi Magos appellabant, ex Herodoto patet, de cuius narrationibus licet cognoscere consultos à Regibus, & aliis fuisse Magos, si quando somnia semet obtulissent, quæ alicujus esse momenti viderentur, & dexteritatem horum in explicando magnam fuisse, res ipsæ probant. De Indorum Philosophia, qui Gymnosophistæ dicebantur, apud Plutarchum in Alexandri Macedonum Regis vita, pleraque memoria prodita legimus. Ægyptiorum denique disciplinæ cum aliæ, tum etiam hæc, quæ somniorum interpretationes complectitur, ne sacrarum quidem litterarum testimonia desiderant, nobis omnia recensere non lubet, cum pleraque vulgo quoque notissima sint.

Cæterum Apomafaris commentatio longo post se intervallo libros Artemidori, qui ejusdem sunt argumenti, relinquit. Accurate judiciorum sive interpretationum discrimina constituit in personis Regum, magnatum, plebejorum, divitum, pauperum, Regionum, mediocrium scæminarum, nuptarum, innuptarum, item senum, virorum, infantum. Monet anni quoque diversa tempora consideranda, qualisque momenta horarum, quibus ipsa se visa offerunt, examinanda.

At non iccirco inficiamur, ut in aliis, rebus; ita in hac etiam observatione quemdum esse abusum posse cum superstitione, curiositate nimia, vanitateque conjunctum, adeo ut totum hoc genus scriptiõis suspectum reddatur. Undè nihil observatione Somniorum vanius, atque futilius esse clamitant, eandem ne superstitione quidem carere posse dicunt. Græcorum quoque voces adjiciunt, quibus illi vulgo perhibebant homines stolidos à somniis, quasi penitis quibusdam extolli. Præterea morem hominum opponunt, qui somnium appellare consueverunt quidquid falsum, & fictum est.

Sed prorsus istorum explodendam sententiam dicimus, qui omnem propterea rationem sumendorum è visis nocturnis præfagiorum evertunt, quippe nequam dubium est, somnia quædam esse, quæ plane divinitus hominibus immittantur. Horum exempla facris è literis, & omnium temporum historia plurima



plurima modo tradidimus. Quod si etiam certiori res autoritate confirmanda est, scimus in libro Vatis Sacri perscriptum esse futurum extremis temporibus ut in populo, verum Cæli Numen solente, juvenibus visa quædam, & somnia senibus offerantur. Atque hoc ipsum Oraculum etiam Sacris iterum in litteris est repetitum. Et quis adeo perficiatæ frontis fuerit, ut hujusmodi visa, divinitus oblata, vel esse rejicienda, vel non observanda, dicere audeat?

Sunt item somnia, quæ temperamentis humorum in singulis hominibus congruunt, nec illa quidem negligenda, si Medicis parere volumus. Nam colligi de his quasi præagia quædam morborum imminuentium ex abundantia vel atræ, vel flavæ bilis, vel purioris etiam sanguinis possunt, ut jam diximus.

Idem natura quibusdam offerri visa directe rem ipsam monstrantia, nec aliqua cum obscuritate, sed absque ambagibus, constat. Et quis illa mente prædictus neglexerit? Imo quod majorem meretur admirationem nonnullis offeruntur somnia, quæ species veras exhibent, & res intellectu facillimas ostendunt. Ita M. Tullij de Octavio, qui deinde C. Cæsar Augusti nomen habuit, illustre somnium fuit. Nam per quietem videre visus est, aurea catena puerum de cælo in Capitolium demitti, acceptis à Jove flagris. De eodem Catulus somnium habuit, in cætu patriciorum puerum quendam accedentem in Capitolio ad Jovem, recondere in sinu imaginem Romæ, à Jove traditam. Cumque neutri tunc notus adhuc esset Octavius, uterque postea de forma, quam in somnis conspexissent, illum fertur agnovisse. Mitto de Cambyse, mitto de Xerxis, aliorumque somniis apud Herodotum, cæterosque scriptores historiarum, expositis, loqui, ex quibus pauca supra retulimus.

Somniorum tamen, quæ vim habent ad aliquid significandum, & observatione, atque interpretatione digna sunt, non cujusvis hominis est interpretari. Tria enim hujusmodi somniorum genera nunc distinguimus. Naturalia, humana, divina. Naturalium somniorum interpretatio non est dubium, quin solertium, & doctorum Physicorum, ac Medicorum sit propria, eorum maxime, qui norunt similitudines in somniis ostensas comparare inter se, & quarum rerum similitudines esse, & ex quibus causis proficisci soleant, discernere, similiter ut qui figuras aliquas, & imagines dilaceratas sumens in manus, earumque partes dissipatas, bene componens invicem, apteque conformans, cujus rei fuerint similitudines, hominibus, an equi, an aliarum rerum acutè dispicit, vereque judicat.

Humanorum autem Somniorum, ita erit quisque sagacissimus conjector, & idoneus, ac veridicus interpret, ut fuerit rerum humanarum peritissimus, & callidissimus. Ingeniorum item, studiorum, morum, & propensionum, quæ in variis hominibus magnam quoque varietatem habent, exquisitam, multique confirmatam experimentis notitiam sit adeptus, quasi venas omnes rerum civilium, & humanarum tenens.

Cujus autem sit exponere divina somnia, in promptu est intelligere. Patet enim, neminem interpretari ea posse, nisi divinitus afflatum, & eruditum. Nemo enim novit, inquit Paulus 1. Cor. 2. quæ Dei sunt, nisi spiritus Dei. Præsertim verò cum divinatorum somniorum significationes ex solius Dei revelatione notæ hominibus esse possint. Quo circa Regem Nabuchodonosor somni sui, quo maxime territus fuerat, sollicitum, & anxium, quod ejus somnii rationem ex nullo suorum Sapientum cognoscere

potuisset, sic affatus Dan. 2. *Mysterium, quod Rex interrogat, mihi, arioli, aruspices, & sapientes nequeunt indicare Regi; sed est Deus in cælis revelans mysteria.*

Quæ divina interpretatio appellatur à Josepho Genes. 4. dicente: Nunquid non Dei est interpretatio? Quod donum esse Dei, ad prophetiam pertinens, vel esse prophetiam ipsam, tradunt communiter Doctores. Ideoque judicandum est sicut de prophetia, vel de aliis gratiis, gratis datis. Divinorum itaque somniorum interpretatio potest tantum haberi à Deo. Confirmat id Moyses Genes. 41. Et probatur ratione. Nam homines ignorant cogitationes, & consilia, quorum somnia divina sunt signa. Id confessus est Joseph & Daniel loc. alleg.

Hoc autem donum, sive gratia gratis data interpretandi somnia non datur per modum habitus, sed motionis divinæ. Nam divina Scriptura significat Spiritum prophetiæ conferri Prophetis per modum cujusdam motionis, & inspirationis divinæ. Quod his verbis exprimere solet: Factum est super Oseam, aut Isaiam verbum, sive manus Domini, vel dixit, sive loquutus est ad eum Dominus; vel suscitavit Spiritum pueri Danielis Dominus. Ideo Gregorius homil. 1. in Ezechielem; aliquando, inquit, Spiritus prophetia deest prophetis, nec semper eorum animis præsto est, ut videlicet cum ipsam non habent, agnoscant se Dei dono habere, vim habent. Sancti aliqui leguntur prius jejunasse, & orasse per multos dies antequam miraculum aggredierentur. Quare sicut Prophetia, & aliæ gratiæ gratis datæ fuerunt aliquando concessæ improbis hominibus, ut Cayphæ, ita non repugnat somnia interpretandi donum peccatoribus concedi. Quare Daniel petiit à Rege tempus somni, quod ei propositum fuerat, interpretationem à Deo postulandi. Idque confirmat Gregorius exemplo Elisei, qui, ut habetur 4. Reg. 3. consultus à Regibus Juda & Israël de successu belli, jussit adduci ad se psalter, quo psallente, arripuit eum Spiritus Propheticus, & pronuntiavit Regibus prosperum belli successum. Et cap. 4. ejusdem libri dixit Eliseus puero suo de Sunamitide: *Dimitte eam, quia anima ejus in amaritudine est, & Dominus celavit à me, & non indicavit mihi.* Favet exemplum Nathan 2. Reg. 7. & quod memoratur 3. Reg. 3. illius Prophetæ, qui cum Regi Joroboam multa post secula eventura prædixisset, mox à quodam pseudo-Propheta deceptus est.

Angeli autem executores sunt eorum, quæ aguntur in apparitionibus imaginariis, quæ in somno, vel in vigilia fiunt, Deus enim semper apparuit per Angelos suos ministros. Idè verè dicebat Deus: Ego sum, de quo plura Thyraus lib. 1. de apparit. cap. 26. & seq. Aliter dicendum est de intellectuali apparitione, præcipue dum per species supernaturales, aut à lumine divini Ordinis exercetur. Tunc enim à Deo hæc debent fieri immediate tanquam causa principali. At in apparitione imaginaria, & per somnum id non requiritur, nec nova phantasmata attinguntur, sed veterum solum novus est usus, exercitium, & accommodatio, ut docet D. Thomas 1. p. q. 111. ar. 3. in corp. ubi docet, quod Angeli transmutant phantasmata non imprimendo aliquam formam imaginariam, de quo alibi.

Hoc autem multis modis potest accidere. Primo, quod Phantasmata ita vicissim misceantur ope Angelica, ut repræsentent aliquid, quod nunquam fuit in sensibus exterioribus, ut in somnis accidere docet Aristoteles, commotis phantasmatibus: Quod posse fieri ab Angelo, vel à dæmone virtute naturæ, tradit ibidem D. Thomas. Interdum autem ab Angelis imaginationi obijciuntur phantasmata simpliciter,



prout in ea reperiuntur. Hoc modo fuerunt representatae vaccae Pharaoni, & Nabuchodofor vidit statuatam. Secundo per externum susurrum, & secretam quasi locutionem, ab Angelo productam, & tunc nova producunt phantasmata mediis objectis, & ad imaginationem transmittuntur.

Evenire autem posse hunc susurrum in apparitionibus somniorum inde verisimile iudicat Thyraeus, quod hic modus nedum spiritibus non sit impossibilis, sed etiam ab ipsis saepe in divinis apparitionibus usurpatus, maximèque conveniens, hominum quoque conditioni accommodatus, & sibi admodum favere Scripturae loquendi modus, quando harum apparitionum meminerunt, ut taceam hominibus simile quidpiam sapissime accidere. Possunt namque spiritus insinuare se in sensus hominum exteriores dum corpora sumunt in visibili, atque oculari apparitione. Unde in voce etiam externa, atque leviori susurro queant agere cum dormientibus.

Videtur etiam hic modus accommodatus hominum conditioni. Ad imaginationes namque res non transeunt, nisi antea sensibus exterioribus fuerint objectae, ut docet D. Thomas *d. q. 111. ar. 3. ad 1.* Non possumus enim imaginari quae nullo modo sentimus. Cæcus quippe non potest imaginari colorem. Hoc modo accidisse videntur apparitio Abrahæ, qua iterum proprio nomine fuit vocatus. Et Samuelis à Deo tertium appellatus. Hic tamen modus dicendi videtur difficilis. Quia dormientes habent sensus omnes consopitos. Ideo intellectus tunc commode non intelligit, quia non potest ad objecta sensuum exteriorum species intelligibiles comparare, unde initium sumpserunt eo modo, quo declarat D. Thomas. Non tamen semper profundus est somnus dormientium. Aliquando enim ita est remissus, ut aliquam saltem imperfectam operationem ipsi exercere possint, unde interdum leviter dormientes vigilantium interrogatis respondent. Censeo tamen plura, quae narrantur visa in somnis, apparuisse phantasiae, non quidem nova specie immixta in potentiam visivam, ut in exemplo exhibitò à V. Maximo *lib. 1. cap. 7.* quidquid contendat Thyraeus *memorat. lib. 3. cap. 16.*

Quod verò ad idioma, quo Angeli loquuntur cum hominibus, dicendum est, Deum, & Angelos externa voce loquentes ea lingua usos quae est propria iis, cum quibus loquuntur. Unde primis 1788. annis ab Orbe condito loquebantur Hebraice, ut probat D. Augustinus *lib. 16. de civit. cap. 1. & lib. 18. cap. 39.* Hieronymus in 3. *Sophonia*, & sequitur Plerius *lib. 16. in Genesim*, & antea Origenes *hom. 11. in Num.* & tradit Genebrardus *ad an. mundi 1778.* & Abulensis in *cap. 11. Genes. q. 1. & 2.* At de his satis.

Porro Jamblicus existimat divina somnia ferè non contingere hominibus, nisi aut primo, aut extremo somni tempore, videlicet quia tunc animus hominis aut nondum est cibi, potusque vaporibus occupatus, & oppressus, aut jam evanescente somno, vaporumque discussa caligine, ex illis sordibus emeris animus purior, & acrior est ad divinas illustrationes accipiendum. Quapropter vates, ac somniorum interpretes in more habebant, ex deferentibus ad ipsos somnia sciscitari, quo ea tempore ipsis contigissent. Nam si profundo somno accidisset, ea plane abiciebant, rati non esse consentaneum, animo tunc obruto, ac demerso, dari cœlitus somnia. Sin autem somnia illis accidissent, exeunte somno, & animo ad suas functiones propè jam exurgiscente, tunc ea somnia divinitus missa, Deoque autore digna iudicantes, ponderanda sibi, & interpretanda suscipiebant. Legendus etiam est Philostratus in *cap. 14. lib. 2. Vita Apollonii.*

Veruntamen Jamblici documenta ex superstitionis Aegyptiorum observationibus, vel ut dicam verius, figmentis, quorum fuit ille studiosissimus, etiam prompta sunt. Deus nempe istiusmodi temporum legibus non est alligatus, nec opportunitate temporum eget ad operandum. Ubique enim vult, sua inspirat somnia. Potest enim quovis tempore, imò etiam sine tempore, sedare subito agitationem humorum, tranquillare spirituum animalium iactationem, purgare phantasia, mentem illustrare, animumque ad percipienda divina somnia idoneè comparare.

Id tamen hac in re certum est, non repetiri inter homines facultas naturalis certè somnia interpretandi, sed hoc fit saepe ex dæmone, cuius magisterio uti sunt Gentiles somniorum interpretes. Nam somnia naturalia plerumque carent significatione. Quod si sunt significativa, rarò ante eventum cognosci possunt eorum causae, & quam analogiam habeant cum eventibus futuris. Aliqua tamen conjectura tenuissima potest haberi de illorum significatione. Quia nescimus eorum causam determinatam. Si autem sciremus à cælo provenire, adhuc difficultas est, quid significet tale somnium. Difficile siquidem est comparare similitudines inter se in somniis ostensas, quarumque sint rerum similitudines cognoscere, & ex quibus causis proficisci soleant distinguere. Quare probabilius procedunt medici ex causis corporalibus intrinsicis & proximis somniorum de morbis futuris, aut aliis conjectantes. Minus probabiliter Astrologi, qui ab astis pronunciant, & Physici qui à corporibus. Probabiliter verò qui multa significant ex longa experientia, magnaeque rerum peritia.

At certe somniorum interpretes plerumque falsa proferunt. Quod si aliquando divinant, id aut casu fit aut dæmone suggerente *lib. 2. de divinat.* Aftiages, Assyriorum Rex in somniis vidit ex filia vitem enatam, cuius palmitè omnis Asia inumbabatur. Arioli consulti responderunt nepotem futurum toti Asiae imperantem, qui fuit Cyrus, quem admodum tradunt Herodotus *lib. 1.* Justinus *lib. item 1. & Valerius lib. pariter 1. cap. 7.* Refertque Cicero loco citato quod quidam somniavit se videre ovum pendens ex fascia lecti. Detulit somnium ad Conjectorem, respondit, defossium esse sub lecto thesaurum. Fodit, invenit auri aliquantum, idque circumdatum argento. Ex vitello ovi aurum declaravit Conjector, ex reliquo argentum. Valerius quoque Maximus *lib. 1. cap. 7.* duo familiares Arcades, ait, iter unà facientes, Megaram venerunt, quorum alter ad hospitem se contulit, alter in tabernam meritoriam divertit. Is autem, qui in hospitio erat, vidit in somniis comitem suum orantem tibi cauponis insidiis circumventro subvenire posse enim celeri ejus accursu se imminenti periculo subtrahi. Quo viso excitatus prostravit, tabernamque, in qua is diversabatur, petere conatus est. Pestifero deinde fato ejus, humanissimum propositum tanquam supervacuum damnavit, & lectum ac somnum repetiit. Tunc idem ei faucius oblatum obsecravit, ut qui vitæ suæ auxilium ferre neglexisset, necis saltem ultionem non negaret. Corpus enim suum à caupone trucidatum, tum maxime plaustrum ferri ad portam stercore coopertum. Tum constans familiaris precibus compulsus, protinus ad portam cucurrit, & plaustrum, quod in quiete demonstratum erat, comprehendit, cauponemque ad capitale supplicium perduxit. Somnium autem istud dæmoniacum fuit, quia res indicata nullius utilitatis extitit, licet aliquando etiam dæmon iusta, & pia suggerat, ut ad perniciofa inducat. Eiusmodi etiam fuit



fuit Annibalis somnium, & Alexandri Magni, quo radix ei salubris per quietem est oblata, quam draco decerpserat, de quibus supra. Nec desunt Iqui huiusmodi somnia iudicent divina ex Tertulliano *de animi cap. 46.* tradente multa somnia significativa collata esse Ethnicis ex Dei munere, ut Pharaoni, Nabuchodonosori in utilitatem populi sui, & exaltationem Iosephi, & Danielis. Quare superstitione ac inepte vani somniorum investigatores, nominatim Artemidorus, conantur ea interpretari ex similitudine proportionis, ex significatione nominis, ex hieroglificis, ex more, aut consuetudine.

De Somniorum Divinatione lege D. Thomam in 2. dist. 7. *quest. 2. art. 2. ad 6.* ubi ea, quæ citata *quest. 95.* acutissime tradit Caietanus, & Suarez oblectura iudicat, Sol iste noster perspicua reddit, illustratque. Ex iis enim habetur, a nullo somnio, exceptis divinis posse accipi certam cognitionem futurorum, sed quandam interdum suspicionem fallacem. Difficile enim potest cognosci causa somnii, quæ etiam cognita, futurus eventus adhuc necessario non sequitur. Quia impediri potest in naturalibus, multoque magis in liberis. Cumque somnia tot rerum qualitatibus alternent, tanto eis difficilius credi debet, quanto & ex quo impulsu veniunt, facilius non elucet. Ideo *Denter. 18.* habetur: *Non inveniatur in te, qui observet somnia.* Ex quo Carpocratis, Suensfeldii & Adelphii error diluitur, dicentium, somniorum Phantasias esse procurandas.

Tradit Duardus in *Bul. Cane lib. 2. cap. 1. quest. 22. §. 51.* vanam somniorum observationem esse quando aperte quis invocatur demonem, ut manifestet in somnio, vel vigilia aliquos effectus, quos ipse principaliter operatur. Secus si nesciat demonem operari per media huiusmodi vana. Si autem sciat, media adhibendo ad effectus illos dicitur expresse invocare demonem, non verbo, sed facto. Et sane D. Thomas divinationem somniorum ad primum genus, in quo intervenit expressa demonis invocatio, redacit *d. q. 95. 2. 2. & opusc. 25. cap. 23.*

Quærit autem Megala *rom. 2. resl. 196.* an peccet ille, qui noctu somniat videre, aut comedere pisces, solet in die recipere aliquam pecuniæ summam, si iterum adveniente somnio, credat firmiter se illam recepturum. Respondet, posse credere rationabiliter ob experientiam, licet credat provenire à dæmone, remoto pacto, etiam tacito. Credit enim id, quod dæmon facere potest. Non autem si credat provenire à Natura, cum ab ea naturaliter provenire nequeat; neque à Deo, qui vana non operatur.

At nec dæmoni credere licet, neque ab eo certo expectare futura contingentia, quæ ab aliena voluntate pendent, ut est delatio pecuniæ, quam nec ipse dæmon potest præscire. Unde certe in his se ingerit dæmon. Neque licet ab eo sponte offerente aliquid accipere, vel inquirere, ut docet D. Thomas *ea quest. 95. articulo quarto.* Unde qui hisce attenderet, ab implicito saltem pacto cum dæmone excusari non posset. Neque potest à dæmone expectare, quod illius virtutem non excedit. Majus enim est petere ab eo, quod proprium Dei est, ut futura cognoscere. Implicat quippe hoc hæresim, ut sæpe diximus. Vel est factum hæreticale, atque adeo hæreticus esset, si quis crediderit, dæmonem huiusmodi cognitionem habere. Nullo namque modo licet habere commercium cum dæmone. Posset autem vane credere naturaliter id accidere, sique non esset superstitiosus, neque peccaret

mortaliter; vel posset credere à Deo provenire in sui, suorumque subsidium. Quod nullum esset peccatum.

Denique notandum est, nemini licere petere somnum, ut somniet futura. Quia somnia naturalia, vel illorum causæ extrinsecæ, aut intrinsecæ non dependent à dormientium desiderio. Unde periculo se exponit, ut dæmon se immisceat, & per somnium decipiat. Quare damnandus est ludus ille sortitionis Januensis in quo vane somniis attenditur, ut cognoscatur qui in Senatores sortito capiantur. In his enim præcipue comprobatur quod ait Apostolus: Qui volunt divites fieri, in desideria incidunt vana, & inutilia, & in laqueos diaboli. Quam autem facile dæmon per somnia decipiat, liquet ex Gentilium historiis apud Tullium *lib. 1. & 2. de divinar. V. Maximum lib. 1. cap. 7.* Pausaniam in *Messenia*, Tacitum *lib. 4. hist.* Bonfinium *rerum Hungar. lib. 3. decad. 1.* ac Tertullianum *dicto cap. 46.* Unde plures credunt peccare mortaliter, etsi Delatorre censeat esse tantum peccatum veniale, quia supponit, non inquirere somnia dæmoniacæ, nec illorum periculo se exponi. In lege autem veteri mos erat, præmissa oratione, ac jejuniis à Deo per somnia oracula expetere. Sic Saul *1. Reg. 28.* consuluit Dominum per somnium, neque ideo reprehenditur à Sacra Scriptura. Hoc idem egit Rebecca. Imò quidam Hebræi, ut refert Abulen- sis, falso illi imposuerunt subitus caput suum dormitura folia lauri collocasse, ut veritatem allequeretur. Erat enim usus foliis laurinis suppositis loco cervicalium dormire, ut somniis veritas manifestaretur. Quæ omnia cessarunt in lege gratiæ, sicut & aliæ divinationes, quæ habebantur per Ephod summi Sacerdotis.

#### Divinatio ex Somnio divino, vel Raptu, vel Extasi.

Extasis est mentis abstractio à sensibus. Idemque fere est raptus, qui à D. Thoma *quest. 13. de veris. art. 1.* definitur ab eo, quod est secundum naturam in id, quod est supra naturam, vi superioris naturæ elevatio. De quibus nos fusc *rom. 8.* Divinatio autem per raptum, vel extasim ad divinationem per somnia pertinere videtur, ac ita, ut quemadmodum dantur somnia divina, & dæmoniacæ, ita & raptus, vel extases. Sunt autem extases dæmoniacæ, quæ ad impudicitiam ordinantur, ad ambitionem, ad superbiam, ad aliquid pravum ac inutile, vel ad falsitatem pronunciandam. Tales enim divinæ esse nequeunt. Quia Deus nequit ad malum cooperari, & est dominus docens nos utilia, *Isaia 48.* & quia extases ad gratias gratis datas pertineant. Hæ autem semper in utilitatem spiritualem, nunquam ad malum conferuntur. At etiam quia extases quæ ad cuiuspiam voluntatem fiunt, non sunt divinæ. Quia gratiæ gratis datæ non dantur ad arbitrium recipientium, ut non datur donum Prophetiæ, ad quod reducitur extasis.

Extases etiam, quæ reddunt homines sensus omnis fere expertes, nullatenus exercentes actus intellectus & voluntatis, non sunt à Deo. Quia per extasim intendit Deus homines magis sibi unire modo nobilissimo, qualis est intellectualis, & maxima contemplationis dulcedine suos afficere, ac rebus altissimis instruere omnino sopitis sensibus interioribus. Nec potest dæmon alloqui cum extatico, quia naturaliter tantum potest alloqui cum homine se convertente



convertente ad phantasmata, illiusque uti speciebus. Secus autem Deus, & Angeli, ejusque virtus supernaturalis, ut recte declarat Joannes à S. Thoma *quest. 12. de anima, articulo septimo* post D. Thomam docentem, quod in hac vita divinitus aliquando communicatur raptus, quo intellectualis cognitio independenter à Phantasmate fiat. Et tunc anima elevat secum corpus virtute motiva, non organica, quæ ad illam cognitionem sequi potest. Quæ non comperunt extasi demoniacæ, tamen corpus extatici à dæmone extolli queat, & deferri quocumque voluerit. Unde rejiciendus est Cardinus, existimans homines quotiescumque voluerint posse naturali, & propria virtute in extasim rapi. Et quod pejus est, Bodinus *lib. 2. demonol. capitulo tertio* censet, in extasi animam à corpore separari, & secundum errores Kabalistarum à corpore avulsam, in aliis terræ locis demorari, ac iterum, cessante extasi redire, sicque contra fidem Catholicam & Philosophiam à Gentilibus Atheniensibus etiam cognitam, ut legitur in *Act. Apostol.* resurrectionem mortuorum, quæ est animæ cum corpore rejunctio, naturalem præsupponit.

Extases autem Sagarum sunt voluntariæ, virtute dæmonis ex pacto cum illo inito, applicante activa soporifera, vel impediante transitum specierum sensibilium. Ideo se jactitant rapi quando voluerint. Quæ somnia potius dæmoniæ raptus judicari debent, cum hujusmodi extasim patientes ad insusurratam auribus certam vocem ita commoveantur, ut à somno videantur excitari. Cur enim magis per hanc, quam per illam vocem expergeant? Nec apparet quomodo vox illa percipi possit ab auditu penitus soporato. Quare credendum est, à virtute superiori procedere, quæ ab extasi, etiam pertinaci, extaticum avocare potest, non autem à Deo; cum interveniat illa vanitas vocis determinatæ, quæ non potest deservire, nisi ad vanam vulgi admirationem, atque adeo à dæmone, qui vanitatibus summopere vacat. Posset tamen judicari à Deo provenire, si ad vocem sui superioris quispiam ab extasi excitaretur, essetque Christianis virtutibus excultus. Secus si esset inobediens, hypocrita, deceptor populi, qui ad hunc perveniret errorem, ut linteola quæ ille imponebat suo ulceri, quod à Christo sibi divinitus indictum gloriabatur, inter reliquias reponeret. Hic enim esset damnandus à S. Officio ad tritremes per quinquennium, & ob ejus infirmitatem poterit commutari pœna in carcerem ad idem tempus.

Siquis autem per extasim elevaretur, non est signum infallibile, quod à Deo sit extasis. Potest namque demon suos extaticos etiam elevare. Constat tamen experimento in sagis, magis, & arreptitiis contrarium evenire. Etsi enim à sensibus alienentur, illorum tamen corpora, tanquam mortua, & graviora, quam in vigilia redduntur.

Extases autem esse divinas primum signum est, si cogitationis cordium, ac mysteria fidei, futura mere contingentia, præcipue libera extatici manifestent, licet in hac re omnis habenda ratio & diligentia est, quia etiam dæmon futura conatur prædicere cum certitudine, etsi illa tantum cognoscat ex conjecturis, ea verò, quæ ipse operaturus est, certo cognoscat, Mysteria fidei ex Sacris Scripturis conjectat, vel per revela-

tionem Angelorum, aut per prædictionem alicujus viri Sancti, ut docet D. Thomas 2. 2. *quest. 172. artical. 6. ad primum*, & D. Augustinus *lib. 12. de Genes. ad lit. cap. 19.*

Secundum signum est, motio quædam interior mentis extatici, quæ illustratur, & voluntas afficitur, & ipsa extasis certior redditur, à Deo promanare. Quod pertinet ad gratiam gratis datam, quæ dicitur discretio spirituum. Quare Gregorius *lib. 4. dialog. cap. 48.* ait. *Sancti viri illusiones, & revelationes ipsius visionum voces, & imagines quodam intimo sopore discernunt, ut sciam, quid a bono Spiritu percipiant, & quid illisore patiantur.*

Extases verò, quæ ab infirmitate proveniunt, hæc numerantur à Medicis: furor, mania, lethargum, quæ ex variis causis proficiuntur, sed sunt omnes alienationes à sensibus. Ex alienatione autem nulla contemplatio gignitur, sed perturbatio intellectuum, ac inordinatio motuumphantasia. Quare non extasis, aut raptus, ut tradit D. Thomas *cit. quest. 13. de ver.* Non enim est elevatio, sed potius depressio. Divina autem extasis est elevatio in aliquid altius, quam sit naturale homini. Unde ex eodem D. Thoma *eadem 2. 2. quest. 175. art. 1.* abstractio dormientium naturalis ac voluntaria, nullo modo dici potest raptus; de quo ac de extasi vide D. Thomam *ibidem art. 1. & 2.* ibique Caietanum, ac Theologos mysticos, Delatorre, Ludovicum Granatensem, Gersonem, Alvarez, Lanfrancum, S. Bonaventuram, S. Theresiam, S. Catharinam Senensem, Torreblancam *lib. 2. cap. 7.* ubi refert, Porphyrium à dæmone per extasim raptum, Socratem Philosophia instructum à dæmone. Sic Marcum magum, Montanum, & alios, Magdalenam de la Cruz Cordubensem, & aliam monialem Ulyssipponensem, de quo Covar. *lib. 1. de vera & falsa prophet. cap. 24.* Moura *sect. 2. cap. 2.* Simanch. *de Cathol. instit. cap. 21.* Ribader. *in vita S. Ignatii lib. 5 cap. 10.*

Ait autem Torreblanca *ibidem num. 25.* raptus divini instrumentalem Dei causam esse intellectum agentem, principalem verò Deum. Licet namque Deus per se solus sit causa efficiens, soler tamen causas secundas, ut instrumenta adhibere, sicque intellectus agens erit causa instrumentalis, quod se Deus ingerens, ea, quæ vult nos tunc videre, divina quadam repræsentatione ostendit. Afferit ad id D. Thomam *p. 1. quest. 12. articulo nono*, inde prosequitur: formalis, inquit, causa raptus est ipsa illa actio, qua quis elevatur, & celestibus illis rebus quasi unitur; Finalis autem, conjunctio animi cum Deo.

At quidem non propriè creaturæ dicuntur Dei instrumenta, neque intellectus agens propriè instrumentum est animæ, qui nihil operatur, dum raptus fit. Tunc enim lumen, ac species supernaturales infunduntur à Deo. In aliis autem solum antecederet imprimis species ex Phantasmatibus in intellectum possibilem, qui concipit, & contemplatur, & per contemplationem ad Deum ascendit, illique unitur. Actio autem non dicitur formalis causa raptus, sed efficiens.

Ex his autem omnibus hæc deducuntur. Si raptus provenit à causa naturali, nempe ægritudine, ut in furiosis, maniacis, epilepticis, phreneticis, stultum esset eorum dictis credere. Nam istæ ægritudines phantasiam vehementer ledunt, perturbantque



hæcque Phantasmata, unde intellectiones inordinatae, atque incompolitæ proveniunt, ut tradit Galenus lib. 12. *semper. & lib. 4. de loc. affect.* Aegineta, & Aëtius, qui ait, maniam insaniam genus esse sine febre in caput irruente absque signis putrefactionis proveniens.

Si extasis certo aut probabiliter cognoscatur demoniacæ, non est adhibenda fides ejusmodi extaticorum dictis. Quia demon mendax est, cui sive verum loquatur, sive falsum non est credendum ex D. Thoma 2. 2. *quest. 65. art. 6.* Talis namque credulitas pertinet ad societatem demoniacam, saltem tacite initam, talesque fuerunt extases Sacerdotum, & Oraculi Delphici, aliorumque Fanorum Genilium. Tales Sagæ, Magi, Mahumetes, alii.

Si autem constiterit, extasim esse divinam, credendum est conceptionibus, ac prædictionibus ex illa profectis. Quia Deo revelanti credendum est eo modo eoque gradu, quo creditur Deum revelare. Sic enim loquutus est per Prophetas, ut Ezechiel. 8. Elevavit me in visione Dei. Unde D. Thomas 2. 2. *quest. 173. art. 3. & quest. 165. art. 3. ad 1.* docet mentem humanam tripliciter à Deo elevari per extasim. Primo per species imaginarias, ut contigit Petro Act. 10. & affirmat Augustinus lib. 8. *de Genes. ad litt. cap. 2.* de revelationibus Apocalypsis, & Isaia 6. Secundo per intelligibiles effectus, ut in Davide, qui ideo dicebat in Psal. 112. *Ego dixi in excessu meo, omnis homo mendax.* Tertiò per claram visionem. Hinc Augustinus existimat soporem Adæ atque Isaac fuisse extasim. Sic enim lectio græca, verba illa Genes. 27. exponit *stupore vehementi*, vertit *extasi*. De rapto Pauli vide D. Thomam *ibi dem art. 3.* ac de *veritate quest. 10. art. 15. in corp. & ad 1. & quest. 13. art. 2. & 2. Corin. 12. lect. 1.* ubi assertit, Paulum, sicut & Moysen, divinam essentiam vidisse alienatum à sensibus, sive demortuum. Quo autem modo acciderit idem Paulus fatetur, se nescire.

### CONSULTATIO XCV.

An, & quatenus Divinatio per somnia, quæ non est necromantica, sed cum pacto implicito cum damone, sapiat hæresim manifestam?

Si regula. Divinatio, quæ innititur falsæ opinionis, est superstitiosa & illicita. Est D. Thomæ 2. 2. *quest. 91. art. 6.* Eam sic explico. Opinio falsa in hac re potest esse duplex. Vel circa eventum futurum, quia divinans scit, quod ea, quibus utitur ad divinationem non habent ad illam proportionatam virtutem, & tamen ex illis, sive illorum usu expectat certè effectum. Et in hoc casu opinio falsa simul cum usu talium rerum continet demonis invocationem, quia ille est qui his falsis, & vanis se ingerit. Vel opinio falsa est circa causam, vel virtutem ejus, ex qua divinans vult divinare, quia credit, illam causam habere virtutem proportionatam ad effectum intentum. Et tunc aut hæc falsa opinio non excedit limites scientiæ naturalis, quia divinans ex principiis naturalis disciplinæ credit, illam esse causam proportionatam ad effectum intentum, quamvis erret. Aut excedit limites naturalis scientiæ, aut artis, estque contra fidem, aut fidei doctrinam, ut quia divinans credit, quod astra, vel demon, aliave res possit virtute

sua, id, quod doctrina fidei docet esse proprium Dei, & quod demon certò cognoscere ac prædicere possit futura contingentia, vel quod astra sint causæ inferentes necessitatem libertati, sive quod ex illis futura contingentia certò præsciri possint. Et in hoc casu, si opinio falsa est de demonis virtute, qui ex hac opinione divinatur, vel alium effectum expectat, virtuti demonis expresse, vel implicite innititur, illumque invocatur. Et ideo qui ex hac opinione divinatur, vel futura expectat, est superstitiosus, & sacrilegus. Quia invocatur demonem, ejusque auxilio innititur, atque in eo sperat, estque vere simul hæreticus, vel in foro exteriori saltem erit de fide vehementer suspectus.

Si verò hæc opinio falsa non respicit virtutem demonis, sed alterius rei, virtutem nempe Cælorum, utens talibus causis est hæreticus, & in foro exteriori est saltem de hæresi manifeste suspectus vehementer. Et si credat illam causam, scilicet astra esse creaturas rationales, aut Deos, qui invocari possunt est superstitiosus. Quia invocatur creaturam in illis, quæ solius Dei sunt, & ex falsa opinione contra fidem. Sed si hic divinans existimat illam aliam causam esse causam naturalem, simulque credit illam habere virtutem, quam non habere docet fides catholica, ipse est vere hæreticus, & in foro exteriori est saltem de hæresi manifeste ac vehementer suspectus. Estque etiam superstitiosus, & sacrilegus, quia superstitio est assumere quod est divinum, & illud tribuere creaturæ. Hic autem quod certum est de fide competere soli Deo tribuit creaturæ. Neque obstat, quod id faciat ex ignorantia & errore. Quia, si hæc ignorantia est crassa, est plane voluntaria, ideoque culpabilis, & non excusat. Quia voluntarie tribuitur creaturæ quod divinum est.

Sic igitur universim opinio falsa, & hæretica circa virtutem rerum, quæ adhibentur pro divinatione, vel alio effectum, per quam agens judicat illas res habere virtutem Dei propriam, nec ab hæresi, neque à superstitione excusat, & tamen excusatur à pacto implicito cum damone, si innititur causæ naturali, ut naturali, non autem virtuti demonis. Quia quoad se non divinaret ex illa, si sciret, illam non esse causam ad effectum proportionatam. At si falsa opinio non egreditur limites naturalis scientiæ, neque est contra fidei doctrinam, hic divinans ex falsa opinione non est hæreticus, neque superstitiosus aut sortilegus ex D. Thoma 2. 2. *quest. 96. art. 2. ad 1.*

Nec refragatur, quod iste tribuit creaturæ quod ei non convenit. Quia res naturalis verè non habet illam virtutem, quam illi tribuit. Quia non est certum ex doctrina fidei, quod hujusmodi virtus illi rei non competat, nec iste tribuit illi, quod fides docet esse Dei proprium. Et si demon velit se in his immiscere, id facit non invocatus, sed ex malitia sua. Nec, qui sic agit, expectat effectum, nisi quodammodo sub conditione futurum, si nimirum ex virtute naturali expectari possit. Nec fidei, aut religionis præceptum prohibet, ne in merè naturalibus unusquisque sentiat, quod sibi verum esse visum fuerit, licet aliunde sit prohibitum falsum voluntariè judicare.

Id etiam valde considerandum est, quod aliud est inducere demonem, vel alias res ad hoc ut excitent somnium, ex quo futura prævideantur. Aliud est ex somniis non procuratis, sed aliunde ex causa naturali, vel ex Deo, aut demonis opera provenientibus futura prædicere.



dicere. Hæc enim non parum distinguuntur. Nam ex D. Thoma *d. quest. 95. articul. 4. ad 1.* aliud est demonem invocare, atque inducere ad aliquid faciendum ac docendum, quod semper est superstitiosum, & sortilegum; aliud est à dæmone sponte occurrente aliquid expetere, quod ex iusta causa est licitum. Ita in hoc casu. Aliud est inducere somnia, & hoc si fiat inducendo illa per virtutem dæmonis, ut ex illis futura cognoscantur, pertinet ad divinationem per somnia necromanticam, nec solet fieri, nisi per pactum cum dæmone. At ex somniis aliunde inductis prævideri futura, etiam si somnia sint inducta à dæmone, dum nullo modo invocatus fuerit, ad inducendum somnium, neque ad illud intelligendum, neque ad illud implendum, per se non est sacrilegum, imo neque est illicitum. Credere enim dæmoni, non invocato, sed sponte occurrenti, ac loquenti, non importat aliquam amicitiam, vel sociale pactum cum ipso.

Necessarium igitur est primò investigare causam somni, an sit naturalis, an ab extrinseco, an ab intrinseco, an corporalis, an spiritalis, an à dæmone, an à Deo, de quibus satis supra dictum est. Et data etiam certa cognitione causæ somni, difficultas est ratione incertitudinis, an ex causa illa effectus necessariò, an plerumque sequatur. Ut si somni cause sint astræ, cum valde incertum sit quinam effectus, etiam naturales ex illis proveniant, nisi forsitan generaliter, palam est, quod ex Somniis quæ sunt ex causa cœlesti, nedum haberi non potest certa cognitio alicujus naturalis futuri, sed neque ut plerumque certa, nisi valde generaliter. Sic etiam si somnium sit ex aliqua interiori dispositione corporali intrinseca vel extrinseca, non poterit ex ea cognosci effectus alius, nisi ille sit necessarius, & non possit impediri, vel si non sit certum, quod illa dispositio habeat virtutem ad producendum illum effectum. Supposito igitur, quod certum sit, somnium provenire ab illa dispositione, & quod illa dispositio producat aliquem effectum, poterit ex somnio prævideri ille effectus vel certò, vel plerumque, ad probabiliter, vel conjectatoriè, secundum quod ille potest ex illa causa cognosci. At effectus liberi ex solis somniis ne conjectarie quidem cognosci possunt. Additis verò ex providentia aliis principiis, poterunt aliquo modo cognosci, ut dicemus in consultatione de divinatione per astræ.

In somniis autem non procuratis, etiam si dæmoniaca sint, dummodo non sint contra fidem, licet credere dæmoni possit esse malum ex aliqua circumstantia, per se tamen non est illicitum, neque superstitiosum, aut sortilegum. Tunc verò dicitur somnium non procuratum vel non invocatus dæmon, quando dæmon neque expresse, neque tacite fuit invocatus ad inducendum, neque ad interpretandum somnium, nec aliquid sit, per quod petatur, & impleretur dæmonis auxilium, ut significatio somni compleatur. Quare somniis ex malitia dæmonis inductis, nulla prorsus invocatione præcedente, aut subsequente, non est illicitum credere. Quod limitandum est, ut verum sit, si somnia non contineant aliquid contra fidem, ut per illa non significantur contingentia & libera, ut certo futura. Nam alias in hoc casu somniis cre-

dere est hæreticum, & in foro exteriori est superstitiosum, & sacrilegum, constituitque divinantem vel hæreticum, vel de hæresi vehementer suspectum.

Hoc autem supposito, credere somnio dæmoniaco, vel dæmoni sponte in somno apparenti, somniumque sponte interpretanti, sed enuncianti solum, quæ ipse potest propria virtute scire, quæque ab ipso, vel aliis causis naturalibus possunt propria virtute fieri, non continet pactum aliquod, ne quidem implicitum cum dæmone, ideoque non est superstitiosum, neque sortilegum. Quia credere per se non est actus alicujus amicitiae. Nam & credimus inimicis, & sæpe prudentia dicitur, ut illis credamus. At verò invocare dæmonem ad ea, quæ potest eatenus est superstitiosum, & sortilegum, quatenus continet amicitiam, & pactum cum dæmone. Credere autem non est invocare, neque est actus amicitiae, & non creditur dæmoni, nisi id, quod potest scire, & facere, ac proinde nullum in hoc casu intercedit pactum cum dæmone, ne implicitum quidem, ideoque nulla intervenit superstitio, aut sortilegium, nisi credens intuitu dæmonis, ac in illius gratiam, in ejusque cultum illi credat. Quod in exercente artem necromanticam, vel hujusmodi aliam præsumendum esset. Cæterum quis credere potest dæmoni, sponte loquenti, & non advocati in illius odium, & ad exercendam cum illo inimicitiam, utque orationibus, ac piis operibus effectus divinationis, aut somniis impediret, ac suæ, aliorumque salutis confu-deret.

Potest tamen esse illicitum credere dæmoni, ejusque somniis ex circumstantiis. Primò quia hoc sit contra charitatem credentis propter periculum deceptionis. Credere enim illi inimico, qui non agit, nisi in Dei contemptum, & in ruinam fidelium, periculotum plane est. Secundo ex levitate, ac temeritate, imprudenter, inconsiderate nimis leviter credendo. Tertio ex parte rei credita, ut si sit in præjudicium proximi, & contra justitiam, vel contra aliquam aliam virtutem, ac bonos mores, vel si sit occasio faciendi malum, aut deferendi majus bonum; vel ob aliam similem circumstantiam. Sic enim periculosissimum est his credere, & personæ simplices his credere non debent, nisi prudentibus, doctis, & probis viris prius consultis.

Idem, quod dictum est de credulitate, cum proportionem dicendum est de divinatione, ut si quis somnium dæmoniaco habuit, & in commemorato casu illi credidit, non invocans dæmonem, ut somnium induceret, vel interpretaretur, aut ejus significationem comprobaret, & somnium nihil significet, quod sit contra fidem, hæc divinatio ex hujusmodi somnio, licet esse queat illicita ex circumstantiis jam dictis, ac etiam quia possit esse aliis scandalo, non est tamen superstitiosa, & sacrilega. Quia nihil tribuitur creaturæ quod est Dei proprium, & dæmon nullatenus invocatur. Et quia contingentia etiam libera cognosci possunt, ut futura per conjectationem, maxime à dæmone, per se ex lege naturali, & divina non erit superstitiosum & sacrilegum illa sic pronunciare sub conditione, ac per conjecturam. Quamvis in hoc etiam servanda sit Constitutio Sixti V. quæ incipit *Cali & Terra*, quam suo loco explicabimus.



per conjecturam. Quamvis in hoc etiam  
Secunda sit Constitutio Sixti V. quæ incipit *Cæli &*  
*Terra*, quam suo loco explicabimus.

In duobus igitur casibus credere somniis,  
aut ex illis divinare, est sacrilegium, ac de  
fide suspensum. Primum si somnii significatio sit  
contra fidem, ut si somnium significet aliquid  
liberum, ut certò futurum; vel si aliquid  
significet, ut certius futurum, quam ex illius  
causa significari possit. Secundo si invocetur  
Daemon, vel ut inducat somnium, vel ut  
illud interpretetur, vel ut effectum illius adjuvet,  
vel impediat; vel credatur somnio in gratiam  
Daemonis, illius magisterium approbando. An  
autem, & quatenus ex his incurratur hæresis,  
vel suspicio vehemens de hæresi, aut levis,  
suo loco docebimus.

## CONSULTATIO XCVI.

De Secundo genere Divinationis, hoc est de  
Augurio, de Auspicio, de Omine, de Phy-  
sionomia, deque ejus præcipuis signis, de Chi-  
romantia naturali, & Aegyptiaca.

**P**redictiones, quæ appellantur augurium,  
& auspicium quandoque accipiuntur pro  
omni Divinatione, imò & pro observatione  
universarum rerum subito ac inopinatò acci-  
dentium ad præcognoscendum futura, vel oc-  
cultas, instituta. Ita Cicero 4. *Philippic.* &  
2. de *divinat.* Nos autem hic accipimus strictius  
pro divinatione desumpta ex avium garritu,  
volatu, pastu, diciturque Augurium sive avigar-  
ium, quod ad aures pertinet, & Auspicium,  
quasi avispecium, ab avibus spectandis, quod per-  
tinet ad oculos, extensumque est vocabulum ad  
divinationem desumptam ex motibus animalium,  
ut saltu, grunitu, mugitu, imò ex motibus  
hominum, ut sternutatione, sicque accipitur  
etiam à D. Thoma 2. 2. *quest.* 95. & *seq.*

Omen autem universim accipitur pro obser-  
vatione quarumcunque rerum inopinato contin-  
gentium ad divinandum futura, vel occulta ex  
D. Thoma loco citato post Ciceronem *lib.* 3. de  
*divinat.* Usurpatur tamen potius pro divinatione,  
quæ accipitur ex verbis absque intentione divi-  
nandi prolata, quæ quis retorquet ad futurum,  
quod cognoscere intendit. Potest etiam extendi ad  
factum aliorum sine intentione divinandi, aliis ta-  
men præbens occasionem divinationis. In his Au-  
guralis Gentium disciplina primum sibi locum  
vindicabat, idque religionis ergo, de qua pietate  
plane impia nunc agendum.

Si fides igitur auguribus, belli, nuptiarum,  
itinerum, similiumque eventus præfagire sit,  
tum ex *oscinium* cantu, quomodo dictæ, quia  
ore canerent, tum ex *præpeum* volatu, quo  
pacto vocatæ, quia in volatu anteriora semper  
petant; tum ex pullorum pastu, quam ratio-  
nem *tripudium*, quasi terripavium appellarunt,  
quia quod cibi ex ore decidisset, id terram pa-  
viret, hoc est feriret. Ac sinistras quidem aves  
putarunt prosperas, ut scævum omen, bo-  
num teste Varrone in 6. de *lingua lat.* Contra,  
aves quæ impedimentum obicerent, vocatæ  
*arcule* ab arcendo; imò ut Festus ait, *remores*  
à remorando, ac *inhibra*, vel *enebra* ab inhi-  
bendo; imò & *volsæra*, quia se vellendo auspi-

Tom. I.

cium facerent malum, & *eluvia*, quia eluvia sint  
ardua ac difficilia. Eodemque referendæ *alteræ*,  
quæ priori auspicio, quod felix visum, vitium  
facerent.

Horum disciplinam, tum Auspiciorum, ab avi-  
bus speciendis; tum Auguriorum ab avium  
garritu dixerunt. Barbaris hanc in pretio fuisse  
autor est *Ælianus lib.* 2. var. *hist. cap.* 31. A  
Telegono ad Græcos pervenisse, refert Suidas  
in *Telegonos*. Plinius verò *lib.* 7. *cap.* 56. ait,  
esse inventum ejus Caris, à quo Caria nomen  
accepit. Ac vulgo quidem existimatum fuit,  
aves mentem Deorum tanto nobis melius scire,  
quanto essent Superis propiores. Hunc Ovi-  
dus in S. Fast.

*Nam Dis ut proxima queque,*

*Nunc penna veras, nunc datis ore sonos.*

Nec ullum arduum, aut mediocre opus ag-  
grediebantur sine auguriorum, & auspiciorum  
observatione. Cœpisse hanc artem à Trojanis,  
vel Chaldeis, inde ad Græcos, postea ad Ro-  
manos derivatam esse, sunt qui autument. Hetrusci  
verò solebant mittere filios suos ad Collegium  
solenne hac arte instruendos, teste Plinio *lib.* 8. *cap.*  
28. Adeoque inolevit hoc gentium delirium, ut  
quidam jactarent se percipere loquelam avi-  
um, quasi ipsæ loquerentur, conceptusque ex-  
primant, sintque rationales. Ut vel fabulosum  
vel à fraude Dæmoniaca fuerit quod Plinius nar-  
rat. *lib.* 10. *cap.* 21. *Invenitur in annalibus, in*  
*Ariminenfi agro, M. Lepido, Q. Catulo Coss. in*  
*villa Gallerii locum gallinaceum, semel quod equi-*  
*dem sciam.* At multo certius pro fabula ha-  
bendum, quod aiunt, aves inter se colloqui,  
& Magos eum sermonem intelligere. Qua de re  
sic idem *lib.* 10. *cap.* 49. Qui credit ista, &  
Melampodi profecto, aures lambendo, dedisse  
intellectum avium sermonis dracones, non ab-  
nuet; vel quæ Democritus tradit nominando  
aves, quarum confuso sanguine serpens gigna-  
tur, quem quisquis ederit, intellecturus sit ali-  
tum colloquia. Quid de Apollonio Tyanæo  
linguas avium intelligente: item de oraculo  
pici Martii, ac Dodonæarum columbarum cen-  
seam, quæ avium dociles sint ad imitandum  
sermonem humanum. Illustre de psittaco do-  
cilitatis argumentum habemus in *vita Basilii*  
*Macedonii Imperatoris*, qui filium Leonem, co-  
gnomento Philosophum, imperii fecerat confor-  
tem, sed calumniis Sabareni deceptus, in car-  
cerem conjecerat. Contigit autem, ut dum Im-  
perator cum Senatoribus aliquot convivaretur,  
psittacus sæpi us inclamaret. *Αἰ, αἰ, κύριε λέων,*  
*Ab, ab, Domine Leo.* Hinc silentium convivis, cujus  
causam rogante Imperatore, respondere cum  
lachrymis: Animal rationis expers luget infe-  
licitatem Domini sui Leonis, & nos infontis  
obliviscimur. Imperator igitur eos porro in  
convivio esse hilares, deque Leone bonum ha-  
bere animum jussit, nec multò post eum car-  
cere eductum priori restituit dignitati. Nar-  
rat rem in *historiarum compendio* Georgius  
Cedrenus, item in *Annalibus* Constantinus Ma-  
nasses. Sed Manasses avem vocat *psittakon*, quod proprie sit passerulum canorum.  
Generatim aviculam canoram, reddidit Leun-  
clavius. Cedrenus autem appellat psittacum,  
animal imitatrix vocis humanæ. At in medio  
relinquit, utrum ista dixerit edoctum ab ali-  
quo, an alia ratione fortuita. Manasses verò  
clare ait edoctam hoc avem à mulieribus  
assidue

Ii



assidue Leonem lamentantibus. Nec enim homo, nedum psittacus, Sermonem loquetur, quem non didicerit. Quippe verba non significant natura, sed hominis instituto. Inter fabulas etiam Alcorani recensetur, Reginam Sabam cognovisse Salomonis sapientiam relatione, & vocibus avium. Et Porphyrius de Apollonio prodit, amicis adstantibus, ac videntibus hirundinem cautibus obstupentem dicente: Quid putatis hirundinem illam dicere? Vocat, dixit, alias hirundines, nuntians illis in tali loco cecidisse asinum onustum frumento, quod effusum est. At certum est hirundines frumento non vesci.

Sed prudentiores aliter. Ammianum Marcellinum audiamus lib. 21. *Auguria, & Auspicia non volucrum arbitrio futura nescientium colliguntur; nec enim hoc vel inspiens quisquam diceret, sed volatus avium dirigit Deus, ut nostrum sonans aut pratervolans pinna turbido meatu, vel seni futura pramonstret. Amat enim benignitas Numinis, seu quod merentur homines, seu quod tangitur eorum affectione, his quoque artibus prodere, qua impendunt.* Ac deinde parem esse aruspiciæ rationem pronunciat. Illustrabimus hæc exemplo corvi, qui in villa Cajetana ferrum horologii, conspiciente Cicerone, loco movit, & excussit, ac protinus ad ipsum tetendit, laciniamque ejus togæ tenuit morso, donec nuntiaret servus, advenisse milites ad eum occidendum. Hæc variis memorata, ut Valerio Maximo lib. 1. *memorabil. cap. 4.* Plutarcho in *vita Ciceronis* & Appiano lib. 1. *bell. civil.* Ex Ammiani sententia corvus quidem nescivit futura, sed Deus sic corvum dixerit, ut Cicero de exitu suo fieret certior. En alterum quoque exemplum. Deiotarus Rex in lecto suo aquilam conspexit. Ea visa, cum auguralis esset disciplinæ gnarus, lecto abstinuit, quod nocte imminente solo æquatum fuit. Referunt Cicero 1. & 2. *de divinat.* ac V. Maximus *loc. cit.* Hic Ammiani iudicio Deus Deiotarum voluit commonere, ut ne lecto illo diutius se contineret. Sane speciosa oratio.

Sed quanto verisimilius, spiritum malum istos alites direxisse, ut hominum animos in superstitione detineret. Nec enim disciplinam hanc esse à Deo, sed malo spiritu, arguit ejus vanitas. Unde etiam est, quod pro gentibus usque adeo variabat. Ita Hetrusci in auspican-do ad Occidentem se convertebant, Romani ad Orientem. Diversa quoque auspiciorum ratio apud Galatas. Unde Deiotarum, Galatarum Regem, Cicero; Ciceronem autem Deiotarus de hac disciplina solet interrogare. Et sane ne augures audiamus, interdictum nobis *Deiur. 18. & Jerem. 27.* Plura verò de auguriis, si voles, vide Augustinum Niphum libro, quem de *Auguriis* inscripsit, Alexandrum ab Alexandro lib. 5. *genial. div. cap. 13.* Et adeum Tiraquelli notas, Peucerum lib. *de divinat.* Georgium Raguscium lib. 2. *de divinat. epist. 9.* quæ ad Andreæ Maurocenum.

Utcunque verò vana sit ars auguralis de felici, vel infelici eventu eorum, quæ in natura non habent fundamentum, magnus tamen ex avibus in omni vita civili, præfagiorum est usus, quando ea ratione nituntur naturali. Ut cum agricolæ, nautæ, medici prævident imminentem tempestatem, & pro ea componunt quæ animo agitabant. Vide de isto Aratum in prognosticis, Maronem 1. *Georgic.* eorumque in-

terpretes, *Ælianum lib. 7 d. animal. cap. 7.* ubi serenitatis, & tempestatis signa tradit ex gruibus, ardea, noctua, corvo, cornice, graculo, monedula, anate, mergo, rubecula, gallo gallinaceo, aliis, quæ peti ex fonte, quam rivis hisce nostris malo. Aliquid interea de eo dicemus, causam ejusmodi præfagiorum attingentes. Ea est, quod aves aëris ambientis vapore afficiantur. Nonnullis igitur is ob crassitatem est molestus, atque eò vellicant pennas, ut excutiant onus, quod incumbere videtur. Sic & corvi alis plaudunt, ut eo pacto humor nimis dissipetur. Idem, ac graculi, gregatim volantes, tum voce insolita ad morem resonant accipitrum, quia humor arteriæ & pulmonibus, vocis instrumentis, oris immutavit sonum. Galli etiam, frequentius imminente canunt pluvia, quia Aër humidus instrumenta vocalia replet pituita, quam cantu student discutere. Quædam item marinæ aves, tum nimii humoris fuga, in sicum se recipiunt.

Utrum verò ex galli cantu cognoscere sit horas nocturnas, affirmat. Plinius lib. 29. *cap. 4.* inquiens, quod statis horis, nempe post ternas quasque, cantum distinguere. At id experimento proprio diluit Scaliger *exercit. 229.* Nunc illud potius dicam, quatuor inter alias, avium adventu, quatuor anni horas, sive tempora cognosci. Ex quibus cuculus indicat seræ arationis remedium, nempe tempestatem arationis jactura reparatur, si pluerit. Atque hinc etiam cognoscere est, cur cuculus dicatur de eo, qui serius araret, quam convenit, uti & qui post æquinoctium vites putaret. Ægyptiacæ omnino tribuendum, cornicem simulac audiisset, quod perferenda esset epistola, quæ regiones transeunda, ubi quiescendum, eò prout acceperat iter direxisse. Captum hæc mutæ animantis excedunt. Sed solent homines de magnis loqui maiora, ut magis sint admirationi. Etsi non ignorem, aliquos & his fidem habere, sed putare, malum genium hanc alitem duxisse.

Esse autem augurium quoddam naturale ex avium actionibus, vel passionibus, quorum experientimento agricolæ, pastores, nautæ plura didicerunt, certum plane videtur. Mirabile est Halcyonis exemplum de quo D. Basiliius hom. 8. in exameron. ita scribit: *Halcyon* avis est, quæ mare accolit, quæ cum sit in maris littore pariens, deponit ova in arena, & media hyeme nidum componit, quo maxime tempore ventorum impetu mare tempestuosum est; sed tunc venti se remittunt, & compescitur ipsum mare cum Halcyon septem diebus incubat, excludit enim pullos totidem. Qui cum cibum appetunt, septem alios dies ad pullo-rum incrementum minutissimo animali liberalis Deus elargitur. Omnes itaque, qui se mari committunt, id observant, eosque dies Halcyones nominant. Confirmatque Ambrosius lib. 5. *in hexam. cap. 3.* de quo plura Aristoteles lib. 2. *de natur. animal. cap. 8. & lib. 9. cap. 14.* ac Plinius lib. 10. *cap. 32.* Plutarchus item *de indist. animal.*

Est etiam exemplum augurii, vel auspicii naturalis mus parvus, qui referente Plinio lib. 8. *cap. 28.* si è domo migret, significat adeo ruituras, & aranei cum telis primi cadunt, ac passeruli, & milvus aëris contagionem fuga præveniunt. Cornices quoque crocitanes circa littora, signa sunt futuræ pluviae. Idem præfagium accipiunt nautæ ex delphinis, subus, araneis,



araneis, aliisque animalibus, casu, saltu frequenti, veloci commotione, gurgitu, ac errandis motibus. Idemque significant boves frequentes caelum suspicientes, de quibus & alius Cicero ex Arato lib. 3. de divinai. & Antistius Mizarus in Ephemeridis rusticis cuncta hac interpretatur. Quod & Jerem. 8. ait: *Milvus in caelo cognovit tempus suum, turtur, hirundo, & ciconia custodierunt tempus adventus sui.*

Quomodo autem aves praefagiant naturaliter, docet D. Thomas d. 9. q. 95. ar. 7. supponens motus, vel garritus avium, vel aliquas dispositiones in huiusmodi rebus consideratas, non esse causas futurorum eventuum. Unde ex eis futura cognosci nequeunt, tanquam ex causis. Relinquitur ergo, quod si ex eis aliqua futura cognoscantur, id erit, quatenus sunt effectus aliquarum causarum, quae etiam producant futuros eventus.

Causa autem operationum brutorum animalium est instinctus quidam, quo moventur motu naturali. Non enim habent Dominium sui actus. Hic autem instinctus ex duplici capite oriri potest. Primo ex causa corporali. Cum enim bruta non habeant nisi animam sensitivam, cuius omnes potentiae sunt actus corporali organorum, subiacet eorum anima dispositioni continentium corporum, praecipue caelestium. Et ideo nihil prohibet aliquas eorum operationes esse futurorum signa, quatenus conformantur dispositionibus corporum caelestium, & aeris continentis, ex quibus proficiuntur aliqui futuri eventus. Quocirca duo ex D. Thoma sunt annotanda.

Unum est, ut operationes huiusmodi non extendantur, nisi ad cognoscenda futura, quae oriuntur ex motu caelestium corporum. Alterum est, ut non extendantur, nisi ad ea, quae aliquo modo possunt ad huiusmodi animalia pertinere. Consequuntur enim ex corporibus caelestibus cognitionem quandam naturalem, & instinctum ad ea, quae suae vitae sunt necessaria, sicut sunt immutationes, quae fiunt per pluviam, & ventum aliaque huiusmodi, ut ex garritu cornicis non recte quis auguratur nativatem vituli, quae impertinens est conservationi cornicis, sed tantum desumenda est divinatione pluviae futurae, quam debet fugere, vel appetere pro sui conservatione. Qui natura, sicut non deficit in necessariis, ita non abundat in supervacaneis. Et ideo brutis dumtaxat confert, ut consequantur ex astris instinctum, & notitiam naturalem eorum, quae ad ipsorum vitae necessaria sunt, nempe immutationes per pluvias, & ventos, ac similia, ad reliqua vero non oportet ab astris moveri.

Secundo hic instinctus ad operationes significativas futurorum eventuum eliciendum, oritur à triplici causa speciali. A Deo, ab Angelo, à Damone. Prioris exemplum exhibet D. Thomas loc. cit. in Columba super Christum descendente *March. 3.* quam supponit fuisse verum animal. Quod postea expresse docuit 3. p. q. 39. ar. 7. dum ait, praenotionem descensus Spiritus Sancti super Christum fuisse acceptam ex instinctu divino ad descendendum super Christum.

Secundi affertur exemplum in Corvo, qui cibum praeiit Eliae 3. Reg. 17. in Ceto, qui vomitione Jonam rejecit cap. 2. Potest etiam afferri mugitus vaccarum deferentium arcam Domini & terra Philistinorum, & deducendum in ter-

ram Israël, ut divinarent Philistei punitos ob detentionem arcae, & puniendos fore, si in eodem crimine persistenter, ut ex 1. Reg. 6. & 7. Simile est, quod S. Paulinus prodit de examine apum ad ora & faciem D. Ambrosii in ejus vita, ut inde divinaretur futura dulcedo ipsius eloquentiae. Infans, inquit, cum esset Ambrosius, & in cunis positus, subito examen apum faciem ejus, atque ora complevit ita, ut ingrediendi in os, egrediendique vices frequentarent, & postea evolantes in tantam altitudinem sublevatae sunt, ut minime oculis viderentur. Et territus pater, ait, si vixerit infantulus iste, aliquid magni erit. Cicero item 2. de divinai. Valerius Max. lib. 1. cap. 6. Plinius lib. 11. cap. 6. memoriae tradiderunt hoc ipsum evenisse Platoni infanti, idque divinitus fortasse, ut divinaretur ejus eloquentia, moresque placidi.

Posterioris autem causae innumera produntur exempla. Hoc enim summopere conantur Dæmones, nempe huiusmodi operationibus brutorum implicare animos hominum vanis opinionibus, quibus involvebantur, maxime Gentiles, nec defuit superstitio hac inter Christianos. Relatum autem est à Cicerone loc. cit. quod duo pulli in cavea servabantur, & summo mane puls, aut ossa cavea inclusis pullis obiciebatur. Quod si negligerent cibum, sinistrum auspiciū erat. Si avidè depascerentur, faustum auspiciū designabatur. Quod prolixius describit Alexander ab Alexandro lib. 1. genai. cap. 28. & seq. Aliud exemplum augurii, sive auspicii à porcis desumpti refert Rhodiginus lib. 13. antiq. cap. 31. Theodatus, ait, Gothorum Rex superstitioni auspiciū deditus, Judaeum augurē jussit triginta hirculis parvulis sues includi, ac cunctis certa nomina imponi, inde ad certum diem quiescere. Die designato, Rex cum Judaeo porcos invisit, mortuos invenit tantum quibus Gothica nomina plebejorum imposita, vivos verò, qui fuerunt notati nominibus Romanorum Praefectorum, nempe decimum quemque. In his tamen setas è dorso defluxisse, quare dimidium visebatur. Hinc Judaeus ominatus dicitur, Romanum exercitum dimidium in praelio moriturum, Gothos ad internecionem delendos. Aliud affert Zonaras tom. 3. in Valente, ad inquirendum nomen illius, qui post Valentem rerum Romanarum esset potitus.

Nec mirum videtur, si aliquando futurum liberum divinaverit Dæmon. Potuit namque ille animos eligentium praevidere, prout illum iidem invicem aperiebant, & similiter popularium in necem Valentis conjurantium, & iccirco molitum fuisse illud auspiciū; sicut & quod de porcis signatis modo diximus. Qua de re mox iterum. Interim advertendum, non esse auguria, sed potius deprecationes, quae fiunt ante festa natalitia, & paschalia, dum quis auguratur amico suo, id est à Deo deprecatur felicia festa. De auspicio autem & augurio bono & malo Torreblanca lib. 8. cap. 13. plura constipavit, sicut ea ex traditione Dæmonum in toto Orbe terrarum plurimis seculis invaluisse, habetur in cau. qui sine Salvatore ad finem 26. q. 2. & in Constitutione Caeli & Terra Sixti V. Affertque Isidorus lib. 5. etym. cap. 6. discrimen inter auspiciū, & auguriū, quod Festus tradit desumi etiam ex quadrupedibus, aliisque animalibus terrestribus, quodque dicebatur auspiciū pedestre.



Idem Torreblanca *loc. cit. cap. 14.* agit de tripudio pullorum ex Cicerone *lib. 1. divinat.* unde sumebatur auspiciū, ut tradit Festus, & attendebatur secundum motus pullorum qui ad id enutriebantur cavea inclusi. Si enim cavea educti pulsem avide & cum sonitu edebant, tripudium somnivium dicebatur. Si autem puls ex ore cadebat, solstinium appellabatur. Primum auspiciū prospera portendebat apud Livium *lib. 4.* Valerium Max. *lib. 1. cap. 4.* Plinium *lib. 10. cap. 2.* Secundum etiam lætum fuisse, tradit Alexander ab Alex. *lib. 5. genial. cap. 13.* Majolus *tom. 2. colloq. 2.* Malum verò auspiciū reputabatur, ait Plutarchus *in graph.* quando avis cibum non attingebat, sed sublata altera ala, & extenso crure, rursus in caveam confugiebat. Sæpè non pullos, sed gallinas cavea enutriebant ad hanc divinationem, & habiliores erant quæ ex Cayro traducebantur. Nam his supra caput os eminet ad rostrum plumis cristatum instar upupæ cum crista bipartita, & pluma colore rufo, & nigro, Damoni gratissimo, notante Aristophane *lib. de avibus.*

Non solum igitur auguria, sed omina omnia sunt intrinsece mala. Id docet Suarez *tom. 1. de reig. lib. 2. cap. 10.* post D. Thomam *d. 95. ar. 2. & 3.* ibique Cajetanus, suntque prohibita, quia mala, & non mala, quia prohibita, ideoque à patribus condemnantur, tanquam reliquæ idololatriæ. Unde iidem & Abulensis annotant sacram Scripturam universim prohibere omnia omina, nec posse assignari peculiarem rationem ad illa excipiendum. Non enim minus sunt signa incerta & vana quam alia. Quæ est ratio malitiæ.

Auguria verò, sive auspicia divina, id est divinatio desumpta ex avium, sive brutorum motibus, à Deo, vel ab Angelis productis, ad significandum futura vel occulta, etiam libera, licita est, certaue fides est illi adhibenda. Nam signa à Deo, vel ab Angelis applicata non possunt esse fallacia, neque ad malum ducere. Quod si certum non sit animalium motus esse à Deo in signum futuri eventus, adhuc licitum est ex illis prædicere futura cum tanta certitudine, aut probabilitate, cum quanta cognoscitur motus illos esse signa divina.

Divinatio autem ex auspiciis, & auguriis Dæmoniacis est illicita, & superstitiosa, ac de fide ex pacto explicito, vel implicito suspecta, cui nulla fides est adhibenda, estque peccatum mortale, ut per Cajet. *in sum. v. augurium, & auspiciū,* quem sequuntur Suarez *ibid.* ac Delatorre *in d. quest. 95. ar. 7. disp. 3.* Sylvius & communiter Theologi. Nam omnis dæmoniacæ inquisitio, aut societas est damnabilis. Quia fere omnis divinatio dæmoniacæ versatur circa actus humanos futuros, de quibus nihil certe potest cognoscere dæmon. Et nihilominus ubi hæc auguria nullo modo fuerant à credente procurata, neque invocatur dæmon ad aliquem effectum, credere hisce auguriis, quantum, salva fide & veritate, credi potest, non est per se sortilegium, neque de fide suspectum, ut supra dictum est.

Exceptis itaque auguriis & auspiciis naturalibus ac divinis, superstitio est aliis velle adhibere fidem. Habetur Deuter. 18. *Non invenietur in te, qui observet auguria.* Et Levit. 19. & Ecclesiast. 34. Jerem. 27. & can. *augurii 26. quest. 5.* passimque alibi. Quia dispositiones, & motus avium, sive brutorum, præter signa naturalia, magna ex parte sunt omnis significationis ex-

pertia. Quinimo ipsis etiam auguriis naturalibus, comprobante experientia, non semper fides est adhibenda. Quia motus animalium sæpè sunt sine significatione, ac sine speciali celorum influxu, solumque sunt spontanei, ab eis ociandi, vel quærendi cibum gratia produntur. Et quia horum motuum significatio perpauca est cognita. Et quia difficile cognoscitur an motus animalium sint à natura, an à Deo, anve ab homine. Et quia, si auspiciū versetur circa actus liberos humanos, est inanis, fallax, superstitiosa, & dæmoniacæ, nisi sit ex Dei revelatione. Minusque ex vocibus, & motibus animalium possunt cognosci futura, tanquam ex causa. Quia ipsa non sunt causa illorum effectuum, qui ab illis per augurium, vel auspiciū cognoscuntur, ut docet D. Thomas *cit. q. 95. ar. 7.* Cantus enim animalium movet quidem auditum, & audienti præbet occasionem delectationis, aut molestiæ, sed hic non est effectus futurus, sed præsens. Nec huiusmodi effectus cognoscitur per augurium, qui aliunde proveniunt, quam ex voce vel motu animalium, ex quo sumitur augurium. In augurio igitur naturali voces, ac motus animalium possunt significare effectus huiusmodi, quatenus sunt coeffectus alicujus causæ communis, ex qua illi effectus possunt prævideri.

Nec propterea neganda sunt signa naturalia animalium, per quæ possunt aliqua, ad homines pertinentia probabiliter prædici, quia una, eademque cœlestis causa excitat animalia, & inducit homines ad aliquos effectus, ut ad rixam, vel iram, quos voce, mugitu, garritu animalia exprimunt; unde ex ipsis possunt rixæ inter homines probabiliter conjectari, quam conjecturam vix esse tenuissimam declarant Cajetanus, aliique vix attingere suspicionem ait Suarez, quia tales effectus non necessario ab Astrorum causa proveniunt, & quia nescitur, an ex peculiari constellatione id procedat, saltem adquate, an ex aliqua dispositione aëris, vel ipsorum animalium. Additque Valentia *in d. quest. 95. D. Thoma,* & post eum Salesles *regula 118. cap. 119.* quod multò debilior conjectura eruitur ex motibus humani corporis, quam ex aliorum animalium. Nam sæpè illi non ab impressione cœlesti, sed à libera voluntate proficiuntur.

Quare non videtur omnino approbandum, superstitionem adesse, dum quis ex signis animalium prædicat plusquam ipsa indicant. Si namque ut signa naturalia attendantur, non ut omina, vel auguria, non erit superstitio, sed superfluitas. Alioquin facile superstitionis condemnarentur naturalia signa observantes, ut Celorum, animalium, aliorum, ut notavit Salesles *ibidem* post Cajetanum & Suarez.

Oportet tamen primò, ut attendantur soli motus animalium ad ea pertinentes, & non addatur quod ad naturalem eorum operationem non pertinet. Nam si adderetur nomen aliquod vel character, vel huiusmodi aliud, esset augurium superstitiosum. Hæc enim, quæ per se non sunt causæ eventuum, nec cum illis sunt communes effectus ejusdem causæ, non sunt signa naturalia, sed, si adhibeantur, erunt signa Dæmoniacæ.

Attendi etiam debet, ut non prævideatur, nisi coeffectus naturalis, qui naturaliter à Cœlo, sive à communi causa produci solet, idque non asseratur certò futurum, vel certius quam ex illa causa communi præcognosci queat. Hinc



ex duplici causa potest esse peccatum, ac superstitio, & suspicio hæresis in hoc augurio. Primum si ex motibus animalium divinentur fortuita, & contingentia libera, quæ à corporibus celestibus non producuntur, D. Thomas *eodem* *ar. 7.* ibique Cajetanus, ac Delatorre *disp. 3.* Sanchez *lib. 2. in decal. cap. 38 n. 40.* Sousa *lib. 1. apud. cap. 49. n. 2.* Azor *p. 1. lib. 9. cap. 12.* Deinde si ex eo, quod casu ac involuntarie accidit homini, prædicatur aliquid illi feliciter, aut infelicitate eventurum, Azor, & Sanchez *loc. cit.* Sousa. 8. Et licet ex motibus, & non liberis hominum possit quispiam aliquem effectum augurari, debilior tamen est conjectura, quæ ex illis sumitur, quam quæ ex animalibus. Eo etiam modo quo ex astris potest haberi aliqua conjectura contingentium, potest etiam per augurium haberi ex motibus animalium.

Peccat verò qui cum majori certitudine ex animalium motibus prædicat effectus naturales, quam ex communi causa prædicti possint. Quod est peccatum iudicii temerarii, & regulariter veniale, nec est superstitio, nisi id, quod creditur, sit contra fidem, ac nisi quis, sciens, non posse futura ex causis naturalibus cum tanta certitudine cognosci, adhuc illa, ut certiora prædicere vellet. Nam iste in hoc casu non inniteretur significationi tantum naturali, sed uteretur illis motibus, ut signis, non sane divinis, sed demoniacis, ideoque adesset pactum implicitum cum demone. Si tamen prædiceret illa mendaciter tanquam certiora, ut deciperet, non esset superstitiosus, sed mendax.

Neque his officiant, quod portenta, sive auguria plura præcesserint natalem diem Principum. Aureliano enim Imperatori draco, & aquila imperii auspicia fuere. Eundem, victum fasciola, aquila innoxie de cunis levavit, & in aram, quæ juxta sacellum fortè sine ignibus erat, deposuit, teste Flavio Vopisco *in Aureliano*. Qui & refert Marciano equiti, dum in æstate humi dormiret, aquila super ipsum volitans, radiosque Solis expansis alis avertens, Imperium portendisset. Spartianus quoque *in Se ero* narrat, illi in stabulo quiescenti serpentem caput cinxisse, & sine noxa expergefaxis, & acclamantibus familiaribus, abiisse. Quod ut future felicitatis augurium fuit acceptum. Lampridius etiam in Diadumeno prodit, Antonino ipsi eodem die, quo natus est, palumbum regium parvulum in cunis dormienti, ab aquila sensim allatum fuisse, quæ post aliquot annos pileum in agro ambulanti præbuit, posuit, abiit, & cum comitum infantis clamor esset factus, in monumento regio, quod juxta villam esset, in qua tunc pater degebat, super statuam Regis posuit ita, ut ejus capiti aptaverit, imperium significans. Alexandri Severi mater, pridie quam eum pareret, somniavit, se purpureum dracunculum parere; quod litteris tradidit idem Lampridius *in Alexandro*. Capitulinus *in Albino memorat*, Claudio Albino septem aquilas parvulas, quæ apparere non solebant, è nidis allatas; quasi ad ludum & jocos pueri circa ejus cunas constitisse. Neque hoc augurium pater contempsit, sed jussit aquilas alii, ac diligenter curari. Lucio Tarquinio Prisco, Capitolium petenti, Aquila pileum sustulit, & cum in altum volasset, mox Capiti reposuit.

Ex his autem lubens in hunc numerum in primis Caium Marium recensco, hominem obscu-

Tom. I.

ris natalibus ita gravatum, ut panem suo sudore obsonaret, qui tamen adamantino auguriorum consilio per gradus omnes proventus Tribunatus, Ædilitatis, Præturæ, uxore Julia ex Cæsarium familia, publica confessione populi Romani, tertius Urbis conditor, septimo Consul est salutatus. Hic est ille Marius, qui in Syllana tempestate Romæ fugitivus, à nautis apud Cæræos ejectus, pene bis periit, cum nec ipsum terra, nec ipse mare pati possent. Ibi paulò minus fame enectus, audit à pastoribus jam tum abiisse inde equitum turmam, qui eum ad supplicium postulabant, & digna fide, ipse eos imminentes sibi protinus vidit, doluit, fugit verius, quam vitavit, oneraria navi servorum manibus injectus; sed ne quidquam, à tergo premebant equites, qui nautis mandarunt, ut subducerent navem, certe Marium littori, & sibi redderent, Factum. Ejectus autem ut evaderet, puteos, & fossas enavit. In una delituit, virgultis, & cæno oppletus, nec occultus, hostium iræ patuit, à quibus Minturnum ductus Cimbro traditur jugulandus. Quid inter hæc Marius, quid nisi mortem volvere? Ita ego, sed ille septimum Consulatum somniabat, quia nimirum auguriis eum portendi sibi divinavit, cum olim minorennis, & adhuc agrestis, nidum aquilæ cum septem pullis illabentem veste excepit.

Octaviam Augusto, cum ruri adhuc parvulus educaretur, aquila de manibus panem rapuit, moxque evolavit, atque ubi paulò post evolasset, eidem restituit. Cum adhuc privatus esset Claudius, prima die, qua Consulatum inivit, per forum transeunti aquila dextero ejus humero infedit.

Romanos quoque Pontifices signa quandoque præcesserunt. Gregorium namque Magnum, Pontificatum fugientem, in spelunca ideo delitescen-tem, Romani quærentes indicio columnæ emicantis super ipsum jugiter è cælo dependentis invenerunt, indicante, illum magnum columnen futurum, ut narrat Joannes Diaconus *in ejus vita*. Traditque Eusebius *lib. 6. hist.* Columbum è sublimi devolantem capiti Fabiani infedis- se, unde Clerus, populusque Romanus unanimiter, & alacri animo, Spiritus Sancti instinctu commoti, Pontificem autumarunt, & statim in sede Pontificia collocarunt, cum tamen de illo eligendo antea ne cogitassent quidem. Adrianum etiam secundum pluribus miraculis clarum commemorat Baronius *ad an. 867.* ac Leonem nonum anno 1049. præcedentibus prophetiis per visionem ad thronum Apostolicum ascendisse. D. Bernardus apud Bzovium *libro, cui titulus Romanus Pontifex cap. 2.* miraculis comprobatur electionem veram Eugenii Secundi. S. Vincentius Ferrerius Calixtum tertium Franciscus Paulanus Leonem decimum futuros Pontifices prædixerunt. Cum aliquando Gregorius septimus jam puerulus luderet, ad patris pedes, ligna doctantis, ex rejectaneis segmentis, cum litteras nesciret, casu elementa formavit, ex quibus simul junctis, illud Davidicum oraculum expressit: *Dominabitur à mari usque ad mare*, significans fore amplissimam ejus potestatem. Innocentius quoque tertius per quietem vidit se matrem suam ducere in uxorem, & dum Patres in conclavi de illo eligendo in Pontificem delibarent, una ex tribus candidior columba



juxta illius dexteram advolavit, asseditque in humero, non obscurum argumentum, illum Spiritu divino afflatum summo sacerdotio dignum extitisse, praecefferantque alia plura signa illius futurae majestatis, de quo Malvenda in *annalibus Ordinis Predicatorum* & Baronius ad annum 1198.

Nicolaum quoque tertium futurum Summum Pontificem, mente divinitus mota praedixit S. Franciscus. Pium secundum visa est olim puerpera per quietem infantem mitratum parturire. Paulo quarto vita functo, cum Cardinales de successore consilia agitarent super sedem Joannus Angeli Cardinalis Medici, qui postea Pius quartus appellatus fuit, columba circum libere volitans, tandem consedit, primatum Ecclesiae illi praeficiens. Pio quarto decedente, cum ad Comitium Pontificium convenissent, Cardinalis Gonzaga, graviter infirmans, noctu expergefactus, creatum Pontificem Cardinalem Alexandrinum, Pium V. vocatum, divinitus praesentit. Paulus quintus Pontifex etiam praesignificatus fuit. Leone namque undecimo praematura morte erepto, cum purpurati Patres in medium consilia conferrent, Aquila ex palatio gentis Altempforum in sublime elata, postquam paululum aerem volitasset, exinde ad castrum molis Adrianae draconi insculpto, Gregorii decimi tertii Pontificis gentilitio stemmati infedit, & ex se, atque dracone supposito, insigne Camilli Burghesii Cardinalis effecit, clare indicans Pontificem futurum, ut mox accidit. Plura hujusmodi omittimus. Ergo auspicia, & auguria portentunt futura, etiam libera, ut sunt electiones Imperatorum, & Pontificum, nec fuerunt illicita.

His multis ego paucis respondeo. Ex illis, quae de Imperatoribus afferuntur sunt conficta per assentationem, quae semper vel augetur, vel comminiscitur id, quod in cujus ad voluntatem dicitur, vult esse magnum. Plura casu, & fortuito facta sunt. Quae verò summis Pontificibus, produntur, miraculo sunt adscribenda. Nec mirum, quia electio summi Pontificis est de maximis in Ecclesia Dei. Unde, ut annotavit Bzovius *loc. cit.* non Cardinalium consilio, sed manifesto Dei nutu, atque auctoritate Summi creantur Pontifices, etsi quandoque non meliores, vel ob peccata populi, vel ob alia Dei inscrutabilia judicia.

#### De Omine speciatim.

Alio nomine id proponi solet, nimirum de observatione dierum felicitum, aut infelicitum ad aliquid agendum, vel non agendum, de quo D. Thomas 2. 2. q. 96. ar. 3. & nos generatim in *Consultatione de vanis observationibus fuisse*.

Dies ominosi jure Canonico appellantur dies Aegyptiaci. Quod etiam tradit Augustinus *epist. 19. cap. 7.* II quolibet mense duos dies infelictos annotabant, teste Petro Breslaio *lib. 1. notabil. 53.* Nonnulli diem Magdalene, & diem Lunae, aut alios infelictos reputant ad iter, aut rem aliquam inchoandum.

Sunt, qui dicunt, non debere amplius Pontifices nominari Sexti, ut Paulus Sextus, Pius Sextus, Sixtus Sextus. Quia semper & in Sextis diruta Roma fuit. At haec etiam vanitas est, & superstitio. Per accidens namque in ali-

quibus Sextis aliqua bifextilia contigerunt. Alii qui vane attendunt, si sal, si vinum cadit in mensa. Id dicunt felix praesagium, illud infelix. Philippus secundus, Hispaniarum Rex, cognomine Prudens, ut superstitionem de non contrahendo matrimonio Die Martis, quoniam Dies est belli, spernendam demonstraret, matrimonium eo ipso Die contrahere voluit. Refert Plutarchus in *apophth.* quod cum Lucullus in Armenia esset contra Tigranem bellaturus, admonitus fuit quod ille Dies inter infelictos recenseretur, respondit, se ideo strenue pugnaturum, ut illum diem ab impia acceptione redimeret. Simile tradit Paulus Jovius in *vita Gonsalvi Ferdinandi de Corduba victoris clarissimi*. Cum enim milites quibusdam diebus bellum aggredi contradicerent, quia infelictos existimabant, eorum animos excitavit, dicens: *Agite, quia non nobis, sed adversariis infelictus est dies.* Et cum ignis pulverem tormentarium aggressus fuisset, milites in malum id omen accipientes, conficiavit, dicens: *Erigite animum, quia haec sunt luminaria sequentis victoriae.*

Observare itaque dies, & annos ad actus liberos humanos, ut ad inchoandas lites, ad gratiam Principum captandam, ad contrahenda matrimonia foelicia, est superstitiosum. Probatur ex D. Paulo ad *Galatas 4.* cujus verba ibi adduximus, quaeque sic declarat Ambrosius: *Dies observant qui dicunt crastino proficiscendum non est, post crastinum non debet aliquid inchoari, & sic solent magis decipi.* Hi autem colunt menses, qui cursus Lunae perscrutantur, dicentes, ut puta septima Luna instrumenta confici non debent, nonia Luna servum emptum, ut puta domum duci non oportet, & per haec facilius solent adversa provenire. Tempora verò observant, cum dicunt, hodie veris initium est, festivitas est, post cras Vulcania sunt, & talia iterum aiunt, adversum & praeposterum est, domo egredi tali die non licet. Annos sic colunt, cum dicunt, Kalendas Januarii novus est annus, quasi non quotidie impleantur anni, sed ut Jani illius memoriam colant bifrontis, hac superstitione utuntur, quae longe debet esse à servis Dei. Si enim Deus ex toto corde diligatur, ipso propitio nulla debet esse formido, neque suspicio harum rerum. Prospere enim potest cedere quicquid simpliciter sub Dei devotione fit.

Longus est in damnanda haec omina D. Augustinus *loc. cit.* ac alibi saepe, cujus verba referuntur in *can. non observetis*, & *can. qui existimaret 26. q. 7.* ac Martinus Papa in *can. non licet ead. quest. 1.* Item Chrysostomus *homil. 21. ad populum Antiochenum*, idemque Augustinus *lib. 2. de doctrina Christi. cap. 20.* Unde eleganter illud dictum est Catonis, qui cum esset consultus à quodam, qui sibi à foricibus erosas esse caligas diceret, respondit, non esse illud monstrum, sed vere monstrum habendum fuisse, si forices à caligis roderentur. His adstipulatur Anselmus apud Delrium.

Probatur, quia toto tempore observatio fundatur in constellatione astrorum, quae existimant felicitius influere aliquibus diebus, vel annis determinatis, quam aliis. Effectus autem pendent à libero arbitrio, aut illorum significatio, non subijciuntur causalitati astrorum, ex D. Thoma



Thoma d. *quæst.* 95. *ar.* 5. Quod exemplo confirmatur. Die Martis diversæ sunt Constellationes, aliquando prosperæ, aliquando adversæ. Sic dicimus de alijs. Ergo ab astris non possunt præcigi prospera, vel adversa pro quolibet die Martis aut pro quolibet Sabbato, etiamsi actus liberi ab Astris dependerent.

Superstitio etiam est observare dies, menses, & annos, aliave tempora respectu fortiorum; quia nec istorum casualitas, & significatio dependet à corporibus cælestibus, ut docet idem D. Thomas eo 3. *art.* aliisque locis. Idque confirmatur primò. Quia multoties miscentur actus liberi, ut si inceperò ædificare domum tali hora, obruetur: si incepero iter tali die, spoliabor à latronibus. Domus enim arte fit, & in itineris principio consilium initur. Secundò unde provenit effectus ille? Non ab influxu astrorum in illa hora; sic enim omnes in illa hora, sive in domo, sive extra domum interirent. Non à domo, quia sive ab ea egrediaris, sive in illa maneat, poteris ab illa infici. 3. quia sequeretur domos omnes ædificatas eodem temporis puncto eidem subiaci influxui, & contra quæ sunt ædificatæ diversis annis, idem infortunium non paterentur, quod experimento falsum esse docemur.

Probat autem id D. Thomas *loc. cit. art.* 3. quia huiusmodi observationes non attenduntur ut Causæ, neque ut signa à Deo tradita, cum non sint introducta ex auctoritate Divina, sed ex vanitate humana, cooperante Daemonum malitia, neque observantur ut causæ futurorum eventuum bonorum, vel malorum; ac proinde omnes sunt superstitiosæ, ac illicitæ.

Observare etiam dies, & annos ut ominosos, sive in bonum, sive in malum, non attento syderum influxu, superstitiosum est; nam tempus ut sic non operatur effectum aliquem, cum quanta non sint activa, nec significant futuros eventus; atque adeo vanum, ac superstitiosum est illud attendere.

Observare itidem dies certos, menses, & annos, ut ominosos, etiam prætextu aliquis maligni influxus cælestis, aut propitii, est quoque superstitiosum; nam prima dies Januarii, quæ à Gentilibus putabatur ominosa in malum præcipue hora nona, non habet singulis annis easdem constellationes, cum Cælum motu velocissimo rotetur; Conjunctio enim Solis, & Lunæ, quæ præcipue consideratur ab Astrologis in variatione Constellationis, uno anno accidit prima die mensis, altero secunda, aut quinta. Pariter aspectus syderum, qui eveniunt uno die, aut anno, non eveniunt alio. Neque verum est solem singulis annis jungi stellis fixis: nam quolibet anno sol cursum suum prætergreditur per sex horas, ex quibus annus bifesterilis conflatur; immò etsi admitteretur solem eodem modo cum stellis fixis concurrere die, verbi gratia prima Januarii, non idcirco eadem esset Constellatio; neque idem effectus, ob varios Solis, ac Lunæ, aliorumque syderum aspectus.

Excusantur tamen à superstitione; non autem à vanitatis vitio, qui prædicta observant, credentes ab influxu syderum in similibus diebus id provenire, propter ignorantiam, nisi esset crassa, vel affectata, ut qui observant Festi-

tates Purificationis, Sanctorum Vincentii, & Sebastiani, Conversionis S. Pauli, in quibus si Cælum serenum sit, sibi serenitatem, & annonæ copiam, aut pluviam promittunt, de quo *alibi*.

Cæterum O nen est augurii species, quæ ex homine, & ejus operatione regulariter attenditur, præsertim ex vocibus fortuito, ac præter intentionem prolatis, ut tradit Cicero *lib. 1. divin.* Huic vanitati Romani plurimum dediti fuerunt, teste Valerio Maximo, *lib. 1. cap. 5.* Græci, & Ægyptii, ut referunt Pausanias in *Arcad.* & Theophrastus in *charact.* Syri quoque, ut habetur 3. *Reg. 20.* & Syri pro omine acceperunt. Etsi D. Augustinus *lib. 1. retract.* affirmet nunquam sacram Scripturam tali vocabulo usam.

Ominis exempla plura referuntur à Plutarcho, & Valerio Maximo. Lucius Paulus Consul jam jam properans ad bellum contra Persas, invenit lachrymabundam filiolum, causamque interroganti respondit filia: Persa mortuus est (quod erat canis Melybei nomen, quem filia habebat in deliciis) Unde Consul eruit omen se victurum Persas. Quod & contigit.

Aliquando etiam à nominis significatione accipiebatur, ut de Cn. Pompeio scribit Val. Maximus *loc. cit.* Gubernatorem enim interrogavit, quod ei nomen esset, qui respondit Cacabastileia vocari, quæ vox spem ejus quantulamcunque restabat, comminuit. Nomina enim non casu, sed significativè sæpe imponebantur. Sic Abigail dixit Davidi 2. *Reg. 15.* de marito suo Nabal Carmelo juxta nomen suum stultus est. Et Esau de fratre Jacob *Genes. 27.* justè vocatum est nomen ejus Jacob supplantavit me in altera vice. Unde Gentiles apud Hebræos Scripturam sacram legentes crediderunt nominibus aliquid divinitatis inesse, ut ibidem tradit Cicero; vel nomina propter omina imposita fuisse juxta illud Ovidii.

*Nominibus semper omen adesse solet.*

Non autem solum in verbis hæc superstitio attendebatur, sed etiam in Scripturis subito apertis, vel loco suspensis. Quo pacto cum Diogenes lapidem invenisset ad domum cujusdam improbi suspensum cum hac inscriptione: Insignis victoria Herculis hic habitat; nil mali ingreditur. Quomodo ingreditur, ait Dominus ædium? referente Theodoretò *lib. de Dei provid.* Simanch. *de cath. instit. tit. 63. n. 26.*

Interdum etiam omen venabantur ex factis subito enatis, ut à cibo primum arrepto, *Alian. lib. 2. de var. hist.* à gleba oblata, ut scribit Plutarchus à maculis unguium apud Cardanum *lib. 8. de rer. variet. 8. cap. 43.* à barba mulieri nata ex Herodoto *lib. 8.*, vel adolescenti ante ætatem, ut per Dubravium *lib. 39.*

Ex brutis etiam nonnunquam. Nam apum examen Bruto infaustum extitit, Plutarchus in *Bruto*; Druso autem faustum fuit omen, ut prodit Plinius *lib. 11.*, Muscæ dapibus insidentes Trajani mortem indicarunt, ut commemorat Caspinianus in *Traiano*, narratque Cicero *lib. 3. de nat. Deor.* formicas Midæ divitias significasse, Cimoni autem obitum, ut recenset Plutarchus in *Cimone*.

Quinimò Cardanus *lib. 5. de variet.* annotavit apud inanimata etiam omen attendi, ut scopæ in palatio florentes vilium hominum exaltationem, quemadmodum apud Plinium



*lib. 16. cap. 32.* arbores spontè renaſcentes meliora omnia inſinuant, & frumenta in arboribus nata magnam victoriam *lib. 18. cap. 110.* laurus autem naſcens felicitatem *lib. 15. cap. ult.* exſiccata, mortem, ex Suetonio in *Nerone*, Petro Bleſenſi *epiſt. 56.*, & Joanne Salisber. *lib. 1. de nug. Curial. cap. ult.*

Ex quibus patet quod ex diverſis eventibus omina diſtinguebantur. Unde innumeræ obſervationes exortæ, ut ſi quis domo egrediens virginem obviam habuerit ſterilis dies; ſi meretrix, abundans, ut narrat Chryſoſtomus *homil. 21. ad popul. Antioch.* Si ſalinum everſum iſtius menſa, ſi vinum effuſum, ſi canis ululavit, ſi corvus teſto inſidens crocitavit, & alia huiusmodi ominofa apud Authores Mallei *part. 2. quaſt. 2. cap. 7.*

Venantur quoque à ciliis oculorum, ſi ſaliant ex Cælio Rhodigino *lib. 7. antiqu. lect. cap. 29.* ſicut auris ſonitus ex alterius recordatione exiſtimant accidere, ut de Leſbia Catulli. Aures namque memoriae dedicabantur. Sternutatio etiam ominofa fuit, indicans aliquid infauſtum ei, qui ſternutat, ut tradit Herodotus *lib. 6.* Plutarchus in *Themifio*. Unde illud redire ad lectum, ſi quis dum ſe calceat ſternutaverit, quod habetur in *can. illud 26. q. 2.* & Apulejus in *Aſino lib. 2.* ac Plinio *lib. 210. cap. 2.* putant bona verba proferri ab aſtantiſſimis, ut averruncarent infauſtum omen fauſta precatone, additque Ariſtoteles in *problem. cap. 11. ſect. 3.* quod matutina ſternutatio prorsus eſt infauſta, ſecus meridiana. Romani omen infauſtum ſimiliter capiebant ex pedis offenſione, quia viderunt adverſa evenire Tiberio Graccho, & filio Cræſi, quorum primus ea die, qua interfectus fuit, è domo exiens, pedem graviter offendiſſet; alter cum bellum ſibi infauſtum cum Parthis iniret, pedem offendiſſet, in terram cecidit. De quibus Plutarchus in *Graccho & in Craſo*, & Valer. Max. *lib. 1. cap. 4.*

De omine autem divino, præter exempla, quæ extant in ſacris Bibliis, plura alia ſuppeditant hiftoriæ Eccleſiaſticae. Auguſtinus *lib. 8. Confefſ. cap. ult.* omen divinum iudicat, quod accidit D. Antonio dum adhuc eſſet ſæcularis; ingrediens namque Eccleſiam, dum audiret Diaconum canentem illud Evangelii. *Vende omnia, qua habes, & ſequere me*, pro omine divino verba illa accepit, & opibus ſuis in uſus pauperum erogatis, valedicens ſæculo in eremum perrexit, ubi v tam ſanctam tranſigens, fuit Pater Monachorum Orientis. Aliud exemplum aſſert Sigonius. Clodovus Francorum Rex contra Alaricum VViſigothorum Regem Arrianum movens bellum, cum per agrum Turonenſium iter faceret, miſſos aliquot ſuorum ad S. Martini templum, attendere juſſit, num aliquod victoriæ auſpiciũ cernerent, ac datis muneribus, quæ offerrent, dixit: Si tibi Domine, cordi eſt, ut ego hanc gentem impiam, & nomini tuo inimicam ulciſcar, fac ut ſignum aliquod tuæ eluceat voluntatis. Puto à Deo motum hac effuſiſſe orationem. Nuncii verò, qui miſſi erant, Baſilicam intrantes, Primicerium incipientem hanc Antiphonam audierunt: *Præcinxisti me, Domine, virtute ad bellum, & ſupplantasti insurgentes in me, ſubtus me, & inimicos meos dedisti mihi dorſum, & odientes me diſperdidisti.* *psal. 17.* Idque, perſolutis donis, Regi nuntiarunt, qui gaudio perſuſus,

magnam de victoriâ concepit ſpem inſinſtu divino, ut reor. Quod circumſtantiæ enarrantæ declarant. Cum enim Clodovus, moris caſtris ad Viganam amnem perveniſſet, ac ſumini magno tunc effuſo imbre tumefcenti exercitum obſistere pertimeſceret, per noctem ſupplex Deum oravit, ut vadum ſibi ad trajiciendum illud oſtenderet, ac poſtridiæ mane cervam tranſeuntem ſequutus exercitum tranſportavit. Caſtris inde ad Piſclavorum oppidum poſitis, facem igneam ſibi videre viſus eſt ad ſe è Baſilica S. Hilarii venientem, ex qua intellexit ſe lumine S. Hilarii hæreticorum acies, quas ille verbo deſecerat, diſſipaturum armis. Inde in Campo Vocluſenſi decem ab Urbe millibus paſſuum utrinque inſtructæ ſtrenue concurrerunt. Et poſt dubiam aliquot horarum pugnam, tandem Gothi in fugam converſi, Franci ſuperiores fuerunt, occiſo Rege Alarico, & ejus præcipuis Urbibus in ditionem Gallorum tranſiatis.

Omnis igitur divination per omina, divinis exceptis, eſt omnium vaniſſima, quia verba humana, quæ pro omine accipiuntur, non poſſunt eſſe cauſa futurorum eventuum, neque habere poſſunt cauſam communem cum futuris eventibus, nempe aſtrorum influxum; quoniam non ſubiiciuntur aſtrorum diſpoſitionibus, ac proinde non poteſt eſſe ſignificatio naturalis. Quare ſuperſtitioſa ſunt omnia omina, non ſolum ex vocibus captata, ſed etiam ex rebus, eaque reprobant Auguſtinus relatus in *d. Caſ. illud*, Julius Syren. *de faſto cap. 22.* Medina *lib. 2. de reſta in Deum fide cap. 2.* Conradus VVimrina *lib. 1. divinat. cap. 14.* Franciſcus Picus *lib. 6. pranot. cap. 5.* Pererius in *Genef. cap. 24. diſp. 6.* Azor *p. p. 116. 9. cap. 22.* Sanchez in *Decal. lib. 2. cap. 38.* non enim licet omnia obſervare abſque revelatione, quæ non ſolum Chriſtiani, ſed etiam ethnici reprobant, ut Tullius *lib. p. de Divinat.*

Quare ominum ſignificatio non eſt niſi à Deo, vel à Dæmone, Dæmoni autem non eſt tutum credere, quamvis ex jam dictis, ceſſante omni omnino Dæmonis invocatione, Dæmoni ſpontè loquenti, vel omen cauſanti, credere, quantum ſpectatis omnibus illi verè credi poteſt, non ſit per ſe illicitum, ac de fide ſuſpectum. Quod ſanè verum eſt, etiamſi ſit aliqua levitas in credendo, dum nihil credatur quod regulis Fidei adverſetur. Quando igitur certum, aut probabile eſt, omen eſſe à Deo, licita eſt ex eo divination, quæ tamen non debet aſſumi ut certior, quàm ſit certitudo de Dei omine, ac ejus revelatione. Sed niſi ignorantia probabilis excuſet, poteſt eſſe aliquale peccatum iudicii temerarii in iudicando quod ſit omen divinum. At etiamſi ignorantia ſit craſſa, excuſat à ſuperſtitione, & pacto implicito cum Dæmone, ſi quis putans omen eſſe divinum illi credit, nunquam crediturus, ſi divinum non eſſet.

Non licet verò, ſecluſa divina revelatione, vel aſſatu, etiam in materia utili, ac neceſſaria, petere à Deo abſolutè omina ad aliquid agendum; nam id aliquo modo ad tentandum Deum pertinet, ſi cognitionem, quam pluribus mediis à Deo obtinere poſſumus, ad omina allegamus. Sub conditione tamen; ſi Deo placet, hæc omnium diſpoſitio, ſi homo ſit paratus illis non credere, niſi ſibi ſatis conſtet illa à Deo provenire



venire potest à Deo omina petere sine peccato. Et tamen in his ex sola, & facili credulitate non debet aliquis moveri ad operandum, ut monent D. Thomas *ibid.* ar. 3. ad 3. ibique Cajet. ac Valentia d. p. 3. & Sanchez d. cap. 38. n. 43. Soufa lib. 1. aphor. cap. 49. n. 11.

Neque obstat quod Gedeon in numero sanctorum recensetur ad Hebr. 11., & tamen usus fuit omine, dum audivit recitationem, ac interpretationem cujusdam somnii, ut habetur *Judic.* 7. Idemque legitur de Eleezer servo Abraham *Genes.* 24. Viderur igitur quod hæc divinatio non est illicita: nam Gedeon usus fuit omine, quia in illo relucebat divina Providentia, quæ illum sic instruebat. Sic & Eleizer attendit verba puellæ, oratione ad Deum præmissa, ut per D. Thomam ar. 7. d. 9. 95. ad 3. post D. Augustinum lib. 1. *quest. in Genes.* 9. 63. dicentem aliud esse mirum aliquid petere, quod ipsum miraculi signum sit, aliud hæc observare, quæ ita fiunt, ut mira non sint, sed à coniecturibus superstitionis vanitate interpretationem accipiant. Primum non pertinet ad augurium, ut factum Eleezer. Secundum maxime. De Eleizer autem subdit posse magis dubitari an reprehendi debeat, quia tentare Deum potius, quam augurari videtur. Concludit tamen ne Deum quidem tentasse, sed consultasse instinctu divino; idcirco Deus petitionem ejus exaudivit, & universa complevit, sicut servus postulaverat, ut observat Chrysostomus *homil.* 40. in *Genes.* qui subdit potuisse Eleizer accipere signum illud, ut coniecturam probabilem pudicitia, ac probitatis illius virginis. Utrumque confirmavit Abulensis ad dictum cap. 24. *Genes.* Nam Eleizer à Deo inspiratus hoc signum dari sibi petiit, in quo magna bonitas ostenderetur, ad quam nulla virgo inclinaret, nisi eam Deus specialiter inclinasset. Idemque dicendum de omine observato à Jonatha 1. *Reg.* 4. juxta declarationem Abulensis eo in loco *quest.* 4. quem sequitur Suarez, Sylvius, ac de la Torre.

Minus obstat quod Judith, cum ad Castra Holophernis progredere suis dixerit: *Judith* 8. Vos autem nolo ut scrutemini actum meum, quasi interrogatio aliquid ominis prætulisset. Nam licet Cornelius Agrippa nequiter ac perperam mentem illius interpretatus fuerit de ominosa observatione, ipsa tamen tantum vetuit socios allocutionibus attendere, ne iter retardetur; sicut & Dominus suos Discipulos admonuit apud Lucam cap. 10. inquiens: *Neminem per viam salutaveritis* & Elifens Gieri 4. *Reg.* 4. si occurrerit tibi homo, non salutes eum.

Ad illud verò, quod habetur 1. *Reg.* 6. Sacerdotes & divinos Philistinorum dedisse signum pro Arca Domini, dicentes: si per viam finium suorum contra Bethsames ascenderint, ipse fecit nobis hoc malum grande, sin autem minime, sciemus quia nequaquam. Isti autem à nullo Propheta sunt reprehensi.

Respondet Abulensis, & post eum Torrelblanca cap. 26. lib. 1. *epist.* n. 44. Sacerdotes illos potuisse absque superstitione signum ab illo expectare, quia Deum verum non agnoscebant. At ego melius respondeo cum Suarez *Tom.* 1. de *relig.* lib. 12. cap. 11. illos peccasse, & sequutos augurandi consuetudinem antiquam. Quamvis enim verum Deum non colerent, illum tamen co-

gnoscebant. Ideo sicut peccabant superstitione idololatrando, ita & superstitione divinando, cum quælibet divinatio sit secundum se mala.

### De Physionomia, ejusque partibus ac signis.

Magnæ quidem humanæ mentis sunt latebræ, magni recessus, in quibus illa delitescens, quasi velis quibusdam, & umbraculis obtegatur, vix specularibus lamina oculis, & stellato multis luminibus Argo cognoscenda. Infami nequitia velum sæpe devota sanctitatis prætenditur. Virtutem frequenter oculi mentiuntur. *Et Curios simulant, & Bacchanalia vivunt.* Ut argentum puro candicans nitore, lineas tamen, sicut stannum, ducit nigras; ita alia multorum est species, alia indoles, turpi simulationum illita pigmento.

Neque tamen diuturno fallit mendacio improbitas; deteriso fuce, obscuram fæditatem in conspectu ponens, ut cerussata meretricum facies, deflorescente pigmento, pudendas fædi oris mariscas ostendit. Atque ut se obtegere suis velit involucri, secretus à luce communi animus, certæ tamen plerumque notæ atque indicia offeruntur, quæ in magna latentem obscuritate aperiant, erutumque ex latebris evolvunt, & ante omnium oculos ponunt.

Sunt enim multa in verbis, in actionibus, in sexu, atque ætate, in Patriæ, sanguinisque natalis spiritu, in adgenitis, ascitisque, in fortunæ, industriæque bonis vestigia, quæ secretam morum indolem patefaciunt, atque evulgant. Quæ quidem tam in cultu sunt manifesta, ut illum animi janua Tullius dicat de *petit. Consul.* quæ abditam, & reclusam pandat voluntatem. Ut enim in fidibus nervi ita sonant, ut à digitis sunt pulsi, ita sequitur plerumque animi motum vultus, non alio facile visendus habitu, quam qui ab illo sit impressus. Quo indicio Cainum Deus *Genes.* 46. de concepta in Fratrem indignatione, arguit, concidente vultu ægritudinem invidiæ profitentem.

Est autem Physionomia facultas speculativa, quæ ex signis fixis, in corpore apparentibus, aut similibus notis, passionibus naturales, propensionesque hominum coniectat, sive hominum mores, naturasque ex corpore, oculis, vultu, fronte pernoscit. Verè datur ejus peritia. Probatur ex sacra Scriptura *Isaia* 30. *Agnitio vultus eorum respondet eis homo apostata, vir inutilis, graditur ore perverso, annuit oculis, terit pede, digito loquitur, pravo corde machinatur malum, & omni tempore jurgia seminat.* *Prov.* 6. *In facie prudentis lucet sapientia, oculi stultorum in finibus terra. Quomodo in aquis resplendent vultus prospicientium, sic corda hominum manifesta sunt prudentibus.* Et *Proverb.* 19. *Qui attonitis oculis cogitat prava, mordens labia sua perficiet malum, sapientia hominis lucet in vultu ejus.* *Ecclesiastic.* 13. *Ex visu cognoscitur vir, & ab occursum facili cognoscitur sensatus, amictus corporis, & dentium risus, & incessus hominis enunciant de illo.* Alios Scripturæ locos omitto.

Eamque confirmant Hippocrates, Aristoteles relati à Niquetio, Galenus, Trimegistus, Zopirus, Trogus, Albertus, Joannes Baptista à Porta, Conradus, VVimpina, Joannes Ingegnerus, Jacobus Fontanus, Camillus Baldus, qui duo postremi



postremi physionomiam Aristotelis doctis commentariis illustrarunt; nec quisquam est inter Scriptores Medicos, qui sapius physionomicas praelectiones suis non inferat monumentis. Melesii praestantissimi Philosophi liber de natura structuraque hominis ex parte physionomicus est, sicut & doctissima disquisitio de pilis Joannis Tardini Medici Turonensis, Petri Motii liber de multiplici temperamento, & cognoscendis hominibus valde laudatur à Michaelē Medina libro 2. parænesis Christianæ cap. 2. Hisque adstipulatur Nequetius, Torreblanca, Moura, Dela Torre, Nazarius, Picus, Pereirus, Brancifort, Carena, Directorium, Pegna, alique multi.

Tantique illam faciebant Gymnosophistæ, teste Aulo Gellio lib. 1. cap. 9. ut eum dumtaxat ad summum Regni fastigium extollerent, qui eximia corporis dignitate cæteris antecelleret, utpote quem excellentium virtutum dotibus ornatum arbitrarentur. Æthyopes Regni successionem sororum filiis relinquunt; si nullus sit, pulcherrimum, & pugnacissimum ex omnibus creant Regem, ex corporis habitu rectum animi statum varicinant. Aurea sunt in hanc rem Q. Curtii verba lib. 6. *Plurimis Gentibus, ait, in corporis maiestate venerationem esse, magnorumque operum non alios capaces existimari, quam quos eximia specie natura dignata est donare.* Latinus Pacatus in panegyrico, quo Theodosium laudat: *Virtus tua, inquit meruit Imperium, sed virtuti addidit forma suffragium. Illa præstitit, ut oporteret te Principem fieri, hac ut deceret.*

Excelluerunt in hac divinandi sagacitate Pythagoras, & Socrates, quorum ille neminem in disciplinam admisit, nisi ante diligenter ex toto corporis habitu naturam ejus, & ingenium explorasset. Plut. in Alcib. Iste Alcibiadem ad summum honoris gradum consurrecturum, sumpto ex vultu, atque aliunde documento, prænuñciavit. Laert. lib. 7. cap. 1. Quæ corporis lineamenta Zeno Cinæus in adolescente aliquo intuitus *Animi tui vestigia, inquit, satis mihi explorata sunt;* lasciviam oculorum proditam indicibus significans. Et in alio Diogenes cum suum ferre de moribus iudicium rogaretur. *Aras est,* respondit, stupidum hominis ingenium perstringens Manut. apophr. lib. 8. In Strephiade, non adeo mirum est, quod Filii ex se geniti, impudentiam ex vultus habitu cognosceret, quem è schola redeuntem *Atticon blepos* præ se ferre dicebat. Aristoph. in nubib.

Quod teneræ quoque juventutis præceptoribus non usque adeo arduum, atque proclive est, quam dum illam bonis disciplinis formant, & sollicita cura ad dicendi, agendique decetiam instruunt, ipsa virtutum, & vitiorum elementa, atque incunabula, certo indolis experimento præcognoscunt, solique pene rectum de procursu ætatis iudicium ferunt. Quam dum in Themistocle indolem præceptor illius prospiceret. Tu, inquit, Fili, nihil modice eris, sed omnino vel magnum Patria lumen, vel magna pestis. Plutarch. in Themist. & Theodorus Gadareus Tiberii Cæsaris in eloquentia præceptor ingenii stuporem & savitiam in adolescente animadvertens *lutum sanguine maceratum* inter objurgandum appellavit. Sueton. in Tiberio, ut malignos ejus mores, & ingenii tarditatem notavit. Quam cum in discipulo quodam suo opulento delicatæque vestito, Zeno explorasset, primo illum

fordido scholæ suæ loco sedere iussit, ut rogatum inquinaret, deinde mendicis apposuit, ut illorum fœdatus sordibus, frequentandi præceptoris nauseam colligeret. Laert. lib. 2.

Sed neque Tymo quidem ille misanthropos in conjicienda morum indole falsus fuit. Hostile homo in homines omnes conceperat odium; nulli in occursum blandus, nulli alloquio familiaris. Solum in Alcibiadem puerum gratia propendebat, quem unum in publico comiter excipere, caput demulcere, osculari, amplecti in oculis ferre. Rogatus aliquando unde illa comitas in solum Alcibiadem, aliis inhumano odio rejectis? *Quia video, inquit, fore, ut hic adultus sit Patria exitio futurus.* Plutarch. in Alcib. Non decepit sua Syllam de Cæsare coniectura, pro quo cum Cotta deprecaretur, ne infanti puero manus afferrentur. *Nihil quidem vos mentis habetis,* Sylla inquit, *si non illi puero multos videmus Marios inesse:* Sueton. Ut Cæsaris indolem Sylla, ita Syllæ ex animi corporisque habitu ille in Parthorum comitatu Chalcedonenfis investigavit. Intuitus namque diu multumque Syllam equidem, dicebat, *summus hic aliquando in Republica sua vir erit, mirorque quod id ætatis nondum principem teneat locum.* Qua ingenii perspicacitate Cæsar ex tacitis naturæ indicibus suos percussores designavit. Cum enim delatum ad ipsum esset, Antonium, & Dolabellam res contra ipsum novas moliri, negavit crassos, & comatos sibi metuendos, sed pallidos, & macilentos, Cassium, & Brutum disignans. Plutarch. in Cæsare.

Quid tam esset obscurum, & cæcum quod Cato divinæ mentis acie penetrare, & in lucem proferre non posset? Quam in P. Scipionem juvenem intendens, illud de Tiresia Hontieri usurpavit. *Odys. 3.* apud Plutarch. in Cato. Talem senex Scipio adolescente Mario abdite indolis secutus vestigia, combiberat opinionem. Interrogatus aliquando in convivio Scipio: Quem post ipsum Roma magni nominis, ac virtutis Principem habitura? Marii, qui ipsi proxime stabat, humero leviter percussit. *Hunc fortassis,* inquit Plutarch. in Mario.

Ut Cato, & Scipio conspicuam heroicæ virtutis, ita Theodosius Patriarcha malignitatis indolem in Andronico Imperatore prælagivit, cuius observato accuratius habitu, aspectu torvo, incessu superbo, statura gigantea, arrectis superciliis, severitate, & tristitia indefinente, perspectis animi moribus, Davidicum illud adiecit, *ut audivimus, ita quoque videmus* Nicetas. Non minus vera conjectura Juliani impietatem Gregorius Nazianzenus affecutus est, cum intuitus humeros, cervicemque mobilem, oculos vagos, pedes nutantes, nasum contumeliosum, risum immoderatum, nutus, renutusque crebros, sermonem incompotum. *Deus bone, inquit, quantum malum fovet Romanum Imperium!* Nicephor. lib. 12. cap. 37.

Et Mahometis Isidorus Hispalensis Episcopus, qui illo in Hispania, antequam execrabilem in Asia Religionem plantasset, viso corporisque constitutione curiosius examinata, *pestem, & perniciosam Reipublica, & Ecclesia fore dixit.* De moeritis verò Milesius non morum tantum, atque animi indolem ex illius in vultu imagine collegit, sed decerptum recenti virginitatis florem perspexit; cum enim venientem ad se puellam virginem salutasset. Eandem postmodum



postridie reversam Mulierem appellavit. Et forte illa nocte virum passâ stupro corpus contaminaverat. Suidas. At Narcissi liberti physiognomon, cum Britannicum Claudii Filium, & Titum in sordidis ruri ædibus natum, speculatus esset, non Britannicum, sed Titum ad Imperii consurrecturum apicem prænuñciavit. Sultanus quoque Ægyptius Hierosolymitanos peregrinos intuitus, in magno hominum cœtu, Fredericum Sapientem Saxoniz Ducem porrecta manu salutavit, ex honorato corporis habitu eminentissimi generis dignitatem coniectans.

Concinit his Ambrosius in *Hexamer. cap. 4.* inquit *Imago quadam animi loquitur, in vultu,* ac Tertullianus *lib. de patientia cap. 13. Anima* *anima sua foris emittit inditia per gestus, & actiones* *corporis, & lib. de cultu feminarum cap. item 3.* *Tanta, inquit, debet esse Christiana pudicitia plenitudo, ut emanet ab animo in habitum, & eructet à conscientia in superficiem, ut & foris inspiciat, quasi* *suppellectilem suam* Origenes quoque *lib. primo* contra Cellum innixus testimoniis Hippocratis, Pithagoræ, aliorumque veterum, decernit, omnes animas habere corpora sibi congrua & accommodata. Quod & Cajetanus, ac D. Thomas sæpius tradunt, veteresque Philosophi, referente Cælio *lib. 3. cap. 26.* *physicas membrorum formas secundas stellas vocabant.* C. Crispus Sallustius ex physiognomia mores Catilinæ describit. *Animus, ait audax, subdolu, varius cujuslibet rei simulator, alieni appetens, sus profusus, ardens in cupiditatibus, satis loquens, parum sapientia. Vastus animus immoderata, incredibilia, nimis alta semper cupiebat. Et mox igitur color ei exanguis, fædi oculi, citus modò, modò tardus incessus, prorsus in facie, vultuque vecordia inerat.* Deque eodem mortuo inquit, *ferociam animi, quam habuerat vivus, in vultu retinebat.*

Ita feliciter sæpe sapientes latentem animi indolem ex vestigiis à natura depressis perfecti indagaverunt, reconditosque sub corporis integumento mores in lucem protraxerunt. Neque tamen illa naturæ inditia ita semper exacte animi moribus respondent, ut habere se aliter non possint, quam membrorum notæ præ se ferunt. Vicit sæpe, correxitque naturæ pravitatem educatio, & insitos ab ortu primo natos præceptorum disciplina eluit, atque oblitteravit. Divinæ adspirationis aura tum adgeneratam sanguinis paterni maculam abolevit, tum contractum consuetudine vitium, non rarò expunxit. Hominum industria & internam fæditatem singulari aliquandò moderatione suppressit & impressa foris lineamenta extrivit, atque occultavit. sæpe aliquod investigandæ naturæ signum proponitur, cui alia plura refragantur, quæ contrarium declarant.

Igitur oblati ad conspectum habitus externi notis cohibenda est præcipitata temeritatis assertio, neque ex dubio, fallacique signo prætorium statim de natura, moribusque hominis cum maledica vitiosi corporis insectatione iudicium ferendum. Maxime in tam variis simulationum artibus, quibus nequam homines, quando res poscit, naturam pristinam exuunt, assumptamque novam tanta fingunt calliditate, ut adnata, non adscita videatur. Quam enim sunt infinitæ assimilata virtutis species, quam insolens ostentatio, non sermone tantum, sed vultu etiam, incessuque ad morum honestatem composito! Quanta in multorum oculis habitat modestia, quanta est in fronte contractio, in

superciliis gravitas, animo turpissimis vitiorum sordibus contaminato! Quam sæpe aliquem familiaris vitæ usu tibi adstrictum reperias, qui simulatae probitatis integumento nequitiam involvit, quam ubi fallendi tulit occasio, expromit, & improvisum ex insidiis ictum infert? Crede mihi, non omnis ille bonus, sapiensque est, qui vultu virtutem refert, & barba, pallioque sapientiam ostentat. Multi thyrsos quatiunt, feriuntque, immanibus à mentis possessione poculis deturbati; at pauci in Bacchi sortem sunt admissi. Multi cytharam ad manus sumunt, qui contrectandarum fidium artem non didicerunt. Cave tibi à Cocodrilli lachrymis; dum hominem fingit, certam tibi perniciem machinatur. Obtura aures ad dulces Syrenarum cantus; dum jucundos ore modos edunt, venenum latenter infundunt. Declina hominem, qui factò, simulatoque vultu amicitiam pollicetur, dum panem una manu ostentat, altera lapidem invergit.

Et quidem multis simulationum involucris tegere, & quasi velis obtendere homines sciunt, adgenitæ pravitatis indolem. Lingua aliud sæpe loquitur, aliud tacito clausum pectore reconditur. Sub humana effigie ferarum sæpe animi; sub angelicæ pietatis larva diabolicæ malitiæ fæditas delitescit. Non si lynceæ perspicacitatis acie sis instructus, fallacem insidiantis Mercurii fistulam, & tot humanæ improbitatis imposturas evitare possis. *Fronti nulla fides.* Qui de Virtute loquuti clunem agitant. Tingitur assimilata virtute vultus, componitur ad gravitatem incessus, contrahuntur supercilia, corrugatur facies, edulcantur mira suavitate verba, nihil est in toto corporis habitu, quod non singularem modestiam, sanctitatem, castimoniam præferat. Intus latet venenum: Intus inclusa est improbitas, quæ evoluta ex integumentis dissimulationum animo in apertum exit. Hoc de his dici conveniat, quod de Antipatro Alexander, quem foris albo uti pallio dicebat, cum intus sanguinem, purpuramque referret.

Heu! Quoties aliquis rugis, ac supercilio virtutem æstimans, est deceptus, abditamque venenim vim damno prius suo quam oculis deprehendit? Quoties aliquis sub sordido pallio latentem sapientiam contempsit, amplissimique honoris splendorem obscuro deformitatis prætentum velo despexit, & infra tantæ fortunæ sortem æstimavit? Zopyrum illa corporis externa facies decepit, qui professus mores, naturasque hominum ex vultu se cognoscere, Socrati stupiditatis crimen intulit, quod jugula concava non haberet, partibus illis obstructis, atque obturatis. Neque impune id fuisset accusatori, Alcibiade oblatam immerito præceptoris criminationem indignè ferente, nisi Socrates errata naturæ se se emendasse, studioque, ac disciplina adgenitam fortassis pravitatem edomuisse, ac compressisse dixisset, ne ullum illorum vestigium amplius extaret. Ut Zopyrus ex corporis vitio stupiditatem, ita Sisygamibis Darii mater ex decora membrorum conformatione, staturæque dignitate, regii honoris eminentiam, indicio, iudicioque errante collegit Ephestionem pro Alexandro Rege venerata. *Cynismus.* Quam honorati corporis speciem, dignitatemque venerabilem, si Philopæmenes Achæorum Prætor, & Ferdinandus Catholicus Hispaniæ Rex, naturæ beneficio obtinuissent, non ille pro vili habitus lixa ad Fori instruendi operam vocatus fuisset, iste regios famulos orasset, ut se Regem esse piscatori munus offerenti persuaderent.

Philopæmenes



Philopæmenes Megarii in hospitem diver-  
tens domum, tenui veste, & corpore, ut erat, de-  
formi, cum à matre familias servorum unus cre-  
deretur, qui à Duce præmissus esset, iussus est ab  
ipsa ligna scindere. Quod cum ille sedulo face-  
ret, supervenit interim hospes, qui tum fortè ex  
Foro redibat. Is Philopæmenem operantem in-  
tuitus, indignitate rei commotus. *Quid hoc est,*  
inquit, *Philopæmenes?* Cui ille, *Expendo*, inquit,  
*penas deformitatis meae.* Plutarchus. Ferdinandus  
verò Catholicus virtutis quàm corporis digni-  
tate insignior, cum Neapolim suscepta profectio-  
ne Puteolos cum regia trirème primus appulisset,  
Piscator eximia magnitudinis piscem ferens, ut  
Regi illum donaret, ubi Rex esset quærebat.  
Cum se Regem esse Ferdinandus responderet,  
indignabundus piscator quòd ludificari se puta-  
ret, neque sub tam despecti corporis integu-  
mento Regium tantæ Dignitatis splendorem  
condi crederet, domo se confestim proripuit,  
sub alio corporis habitu Regem quæsiturus.  
Cum ad Ministros conversus Rex *Equidem* in-  
quit, *nisi me Regem esse homini persuadeatis, delica-  
tissimo hodie pisce fraudabimur.* Petrus Mess. lib. 4. c. 3.

Age verò an sub speciosa tantum pulchritudi-  
nis prætexta virtus delitescit? An deformi in  
corpore deformis semper animus stabulatur?  
At reclamat exemplorum locuples experien-  
tia, quæ præstantem virtutis solertiaque indo-  
lem sub vili corporis integumento sæpe dese-  
disse convincit. Quàm deformem natura So-  
cratem pepererit, Critoboli adolescentis tes-  
tantur dictoria apud Athen. lib. 5. finis na-  
ribus, recalya fronte, repandis cruribus. At  
quanta sub illa deformitate virtus, & doctri-  
na recondita fuerit ipsius Apollinis affirmat  
oraculum, quo omnium hominum sapientissi-  
mus judicabatur. Cælius lib. 15. cap. 26. Quam  
fuerit turpi corporis specie Æsopus, vulgi de  
illo iudicium docet, quo truncum magis quàm  
hominem referre videbatur, corpore gibbo,so,  
capite acuto, naribus pressis, labris prominen-  
tibus, valgus & incurvus, Æthyopi similis, cute  
Solis æstu incoctas; at quanto ingenio illam cor-  
poris deformitatem natura pensaverit, clarissi-  
ma fabularum ad posteros transmissa monumen-  
ta significant. Hipponactii poeta in vultu fa-  
ditatem pictorum petulantia exhibita palam  
illius imagine, ridentium ludibriis exposuit.  
At poeta ingenium adversarios suos satyrica  
mordacitatis aculeo ad suspendium spontaneum  
adegit. Plin. lib. 36. cap. 5. Horatius Cocles ob  
supercilia inter se commissa, & notabilem vul-  
tus turpitudinem, Cyclopi cognomentum  
accepit. At illius fortitudo, represso Hetruf-  
corum impetu, rem Romanam ab exitio  
vendicavit. Valer. Max. lib. 3. cap. 2. Agefi-  
laus Laconum Rex, & statura pusillus, & spe-  
cie corporis despectus fuit; at tanta in depres-  
so corpore virtus fuit, ut meritò erubuerint  
Ephori quod Archidamo patri illius, ducta  
humili statura conjuge multam dixerint. Re-  
gulus enim ille ex hoc natus conjugio, nulli Re-  
gum animi rerumque gestarum magnitudine cessit.  
Fuit Attila Hunnorum Rex statura brevi, pecto-  
re patente, capite grandi, oculis minutis, bar-  
ba rara, naso limo, colore lurido, oculorum acie  
vaga, & volubili; at non impedivit illum cor-  
poris despecti parvitas, quò minus terrorem, ac  
formidinem Orbi universo incuteret.

Non Tamerlanem inhibuit claudicatio, quò

minus Asiam, atque Europam signis victori-  
bus peragravit. Non Androdidam Laconem  
debilitas cruris à militia revocavit, plus de  
prælio, quam de fuga cogitantem. Non Ho-  
mero, Diodoro Stoico, Antipatro, Cynæo, Ho-  
mippo poeta, Horatio Flacco, aliisque oculo-  
rum obstitit vitiositas, ut animi aciem præstan-  
tissimarum rerum studiis intenderent. Non ut  
Demonides pedibus fuit distortis, Theophrastus  
finis naribus, Galba gibbo deformis, Zenop-  
pus vultu oculorum fado, Aretus fronte pan-  
sa, Zeno contracta, Epicurus ore distento, Dioge-  
nes barba comante, Socrates rara, Aristoteles  
lingua balbutiente, Heraclitus oculis fletu clau-  
sis, Democritus labris risu apertis, Chrysippus  
digitis propter numerorum indicia contractis,  
Euripides propter mensurarum spatia laxatis,  
Cleanthes propter utrumque corrosis; Ita non  
ingenii, atque eruditionis laude æternæ nomen  
posteritati consecrarunt.

Quid si formosorum hominum cœtus frequen-  
tes? Quas illic vitiorum turpitudines deprehen-  
des? Quas flagitiorum scditates, quæ malarum  
Artium studia splendido venustatis oblecta  
velo cognosces? Tolle illam muliebris formæ  
excellentem in multis pulchritudinem, remove  
superba speciosa dignitatis aula, sub stragula  
virtutis veste, animum impurum, flagitiosum,  
impium, sub pretioso elegantia velo spurcam  
recondi scditatem animadvertes. Quem ex ve-  
nustate, decantiaque corporis Nereum esse pu-  
tes, in illo Therfitem sæpe reperiās. Delectavit  
Abrahamum patrem ejus Ismael corporis venu-  
stas & singularis in vultu decantia; at mores suos  
efferatos, & degenerem impietatis indolem im-  
probavit. Genes. 21. Affecit Davidem tua, Absa-  
lome, pulchritudo, nulla à pedum vestigio ad ca-  
pitis usque verticem vitio notata; at cum tuo  
scelere folio regali dejectus in solitudine ober-  
raret, animum formæ non convenire agnovit. 1.  
Samuel 14. 21. Laudarunt Israelitæ in te, Saule,  
regiam speciosi corporis dignitatem, ac eminen-  
tiam toto capite numero in populi cœtu extan-  
tem; at cum tuæ obsecutus libidini divinos  
jussus negligeres, impietatem detestati sunt. 1.  
Samuel. 9. 12. Quanta in Adonia Davidis Filio  
fuit pulchritudo? At quanta in eodem ambitio,  
cum malis artibus ad Imperium grassaretur?  
1. Reg. 1. 6. Quàm eximia corporis specie fuit  
Xerxes, quo in sexaginta octo myriadam exer-  
citu, neque eminentior fuit quisquam, neque ve-  
nustior. At quanta in illo stoliditas cum pueri-  
libus virgis maria caderet, quanta muliebris  
animi timiditas, cum relicto hostili in solo exer-  
citu, piscatoria navi in Persiam trepidus profu-  
geret? Herodotus. Quis apud Trojanos Paride con-  
spicua corporis pulchritudine prævalebat? At hic  
probrum loco quod formosissimus omnium esset.  
Quid hoc loco Magnem Smyrnaum, Gygi Lydo-  
rum Regi charum, Teridatem Eunuchum, quo  
mortuo publicum Asiæ luctum indixit Artaxerxes:  
Galëtam Ptolemæo in primis dilectum: Gygem  
Gnidium ambiguo vultu hospites fallentem: An-  
tinorum Bithynicum Adriani Imperatoris concu-  
binum, divinis ab ipso honoribus dedicato templo  
cumulatum: ac cæteros Cynedorum, Spadonumque  
greges adducam, qui cum summa corporis pulchri-  
tudine, extremæ deformitatis animos conjunxe-  
re? Quid ex impudicitia palæstra Theodorum,  
Socratis discipulos à Philosophiæ studiis distra-  
hentem. Ælian. libro 13. Phrynem Veneris  
Anyadomenis



Anadomenis effigiem gerentem. Athen. lib. 13. Laidem à Græcis ambitiosè frequentatam Pausanias in d. Coriuth. Thaidem Persèpoli flammis subjicientem Plutarch. Laniam à Demètro Poliocrete amantem Plutarch. in Demur. & mille alias provulgatae libidinis mulieres referam, quæ oculorum magis, quam animi judicio probatae fuerunt proscenia oris, ac mento pulchro, niente omnibus feditatum inquinamenti imbuta? Platina contra Amorem.

Exteriora igitur affectionum internarum indicia conjectantium aliquando judicia fallunt, ut hominis indoles, ac propensio ex illorum vestigiis ita certo semper colligi, ac ferri de illa sententia nequeat. Elucere enim insignitum à natura nævum disciplina potest, corrigere allusio, tegere simulatio, edomare, & abolere Auræ diviniore adspiratio. Extra quas conditiones, suffragante ratione, ac experientia, magna est in naturalibus signis cum interna hominis affectione, ac natura consensio, quam nunc speciatim in partibus singulis ostendemus. Non tamen credas posse Phsyionomicum rectè conicere ex quolibet signo, sed ex pluribus. Refert namque Joachinus Cureau in Annalibus Silesianis, quod Matthias Corvinus Hungariæ Rex tam solenter ex primo aspectu lineamentorum faciei de moribus hominum judicabat, ut Magie specimen æmulis præbuerit. Plura igitur signa ad unum attendenda sunt, ex quibus judicium suo modo tutum pronuncietur. Favetque Rualis inquis. Cum ad judicandam te accingas, non ad unam attendas inventionem, sed quoad fieri potest aggregationem. Si autem signorum reperitur contrarietas, tria in sunt perpendenda.

Hinc utilis, valdeque proficua est Phsyionomia. Eà utus fuit D. Ambrosius, ut ipse refert lib. 1. offic. cap. 11. Meninistis, (ait) Filii, quemdam amicum cum sedulis se videretur commendari officis, ob hoc solum tamen in Clerum à me non esse receptum, quod gestus ejus plurimum dedeceret. Alterum quoque cum in Clerum recepissem jussisse me ne unquam præter mihi, quia velut quodam insolentis incessas verberare oculos feriret meos, idque dixi cum reliquum post offensam muner. Hoc solum excepi, nec fesselli sententia. Uic que enim ab Ecclesia recessu, ut qualis incusu prodebur, talis perfidia animi demonstraretur; namque alter Arriana infestationis tempore fidem deseruit; alter pecunia studio, ne iudicium subiret, sacerdotem se nostrum negavit. Lucbat in illorum incusu imago Levitatis, species quæ tam furrarum percursantiam.

Uti autem magno hæc eadem Medicis est. Nam si Medicus, Hippocrates, ait, 1. prognost. dixerit cor. in agrote præterita, & præsentia, morbi sui naturam medico notam esse sibi facile persuasibile, si namque in omnibus accommodabit. Quod eis magna occasio sanandi, ut idem Hippocrates affirmat. Agri, ait, admirantur Medicum, ammirantes parent, parentes citius sanantur. Sanatos à se plures, qui antea ab aliis sanari non potuerant, non propter remedia meliora, sed propter estimationem de peritia Medici. Censet Me'tetius peculiare Dei donum esse quod ex signis exterioribus interna hominis conjectentur, ut perversum evitemus ne perversamur, & cum sanctis ambulemus, ut sancti simus. Itaque, ait, clementissimi Dei benignitas arcana ipsa humanorum effectuum, moresque reconditos talia, que expressimus, signis, in propatulo constituit, quo propria saluti quilibet consulendo, fidelibus, probisque moribus insignitis inhere-re, pravosque, ac sceleros usque declinare queat. Item sapientia Magister nos etiam docet, cum ait. Cum homine iracundo non cohabitare, neque cum invidio comedere, nec ab eis in consilium impiorum, atque

Tom. I.

vanitatis, nec in cathedra pestilentia sedere. Si vocaverint te, veni nobiscum, cum ipsis ne proficiscaris. Hac de causa Deus nobis in ipsa facie hujusmodi homines deprehendendi facultatem dedit, quo eorum consuetudinem declinare valeamus.

Hinc etiam accommodatiorem temperiem ad ingenij acumen, mentisque perspicaciam cognoscimus ex bilis, & melancholice permixtione constantem. A bile namque proveniunt facilis apprehensio imaginationis, velox discursus, motus agiles, & acres. Ob melancholiam autem animus ab externis elongatur, diuturnius meditatur, maturusque de inventis judicat. At de humoribus postea.

#### De iis, qui sunt parvi corpore.

Quam est difficile, arduumque se ipsum nosse, tam hoc est homini utile, ac salutare. In quam sententiam Thales dixit apud Laert. lib. 1. difficile esse sui cogi ionem habere, sed idem esse beatum. Ditticultatem hujus cognitionis forentes otiosorum hominum cæcus docent, in quo ex Comici sententia non dicimus quisque se qualis sit cognoscit, plerisque cæca sui ignorantia opprimit. Beatitatem Demonax confirmat, qui quando philosophari cepisset, rogatus; Tam, dixit, cum cognoscere me ipsum cepi, Stob. ser. 1. Cui suffragatur Basilus serm. de cognitione sui. Accurata, inquit, tui ipsius cognitio te ad Dei cognitionem manibus quasi deducit.

Cum enim vis omnis nostra in animo, & corpore sita sit, ab illorum recta cognitione, ad artificem, principemque tanti operis Deum descendum, ac colendum progredimur, ab animo vitiorum turpitudinem, à corpore noxiam valetudinem prohibemus, ad primæ integritatis rectitudinem summæ ope annitimur. Igitur aureis in Delphico templo litteris consignatur, Nosce te ipsum. Ad hanc sui ipsius cognitionem plurimum adfert momenti sui etiam corporis conformationem perspectam habere, notasque & lineamenta externa, naturæ conformata penicillo, ante oculos ponere, & crebra cognitione obire. Initium sit à toto corpore.

Posse autem dæmonem efficere ut homines pygmæi evadant, haud est dubitandum: sicut enim artificio humano, potu scilicet vini adusti, & inclusione in parvis ollis, parsimonia incredibili, catelli in suæ Dominæ blandulas delicias procreantur; ita parentes aliqui avari certis medicamentis operantur, ut sui filii nascantur pygmæi; Unde non mirum si eadem possit efficere dæmon. Nam potest applicare semen leve, & paucum, minimique caloris, adjunctis matri ad proportionem dispositæ aliis remediis. Id quoque certum, quod sicut maximum debet dari in accretione corporis humani, ita & minimum, etsi nos lateat determinata quantitas, ultra quam anima rationalis potentiis suis uti efficaciter nequeat. Docbat quidem Aristoteles, hominem longum raro sapientem, sic & hominem nimis parvum. Ideo pygmæos alii qui bruta, vel monstra sunt arbitrati, quasi ad simiorum genus referendos. Sicque de nanis Chanibalis Provinciæ Peruanae fuit dubitatum, an essent baptizandi sub Clemente VIII. At Plinius lib. 1. c. 6. hominum genus affirmat, sicut Reges Gothos ex urso & virgine nobili natos prodit. Jornan de Reb. Gothic. Aristoteles autem lib. 2. de histor. Animal. cap. 12. pygmæos quosdam describit cubitales, homunculos, gruum hostes; idque non esse fabulam testatur his verbis Cythæsis Campis ad paludes Egypto superiores grues veniunt, quo in loco pugnare cum pygmæis dicuntur. Quod etiam tradunt Philostratus de Hercule dormiente, Plinius lib. 7. cap. 2. Solinus, aliique. In sacra item Scriptura Ezechielis 26. pygmæorum fit commemoratio. Pygmæi, inquit, in turribus

K K



*curios suis.* Quod tamen variè interpretantur Patres. Alii quod verè pygmæi fuerint, sed bellicosissimi, acutissimi visus, & artis sagittandi peritissimi, idè turrium custodes. Alii non de Pygmæis propriè, sed quia sic apparebant ob turrium altitudinem. Alii Pygmæos dicunt præ aliis hominibus, non tamen ita pusillis.

Nanos autem esse monstra sunt qui censeant. Hi solent habere partes corporis superiores magnas, inferiores parvas. Quia natura conatur, saltem in illis partibus communicare justam magnitudinem. Unde non est judicandum quod in illis æqualiter deficiat iudicium, potest enim magnum esse iudicium in corpore angusto.

Tradit Aristoteles parvos corpore esse ingenio veloces: quia cum parva sit intercapedo inter cerebrum & cor, spirituum officinam, brevi spacio feruntur spiritus à corde ad cerebrum, ubi gignitur cogitatio, ex qua ingenii velocitas. Ex eadem causa provenit, ut sint capitis calidioris, & consequenter audaciæ magnæ, ac fortitudinis. Alexander Macedonum Rex non corpore, sed rebus gestis Magnus fuit. Pipinus fortissimus Princeps, Caroli Magni Pater, ad id fuit pusillus, ut idcirco Pipinus dictus sit apud nonnullos, à vocabulo germanico id exprimente. Aflinæus Judæorum Dux parvæ fuit molis, sed animo excelso apud Josephum *lib. 8. antiquit. cap. ult.* Ulisses, Agamemnon, Ticius, Melissus, Bartolus, Horatius Flaccus, D. Paulus, teste Chrysostomo *homil. encm. in Apostol.* tribitalis erat, ac fortasse à statura pusillitate, hoc enim sonat vox Pauli, nimirum modicum, & pusillum, nomen accepit. Divo Antonino iustitiam nomen fuit Antonius, sed ut scribit Mai-nardus, à brevitate corporis Antoninus denominatus est. Divus Hieronymus, Divus Chrysostomus, Divi Gregorii Nazianzenus, & Turonensis brevi statura corporis fuerunt, sed virtutibus præditi.

#### *De iis, qui corpore magno sunt.*

Corpore magni ex Aristotele maximè tardi sunt ex vi staturæ; nam tardè spiritus ad locum mentis pervenire possunt. Referuntur ad Isthio-camulum grande, ac stupidum animal. Eanus Jovianum Imperatorem vasta proceritate conspiciens, stupidum illum dixit, referente Nicephoro *lib. 10. cap. ult.* Quanta est longitudo, & profunditas, tanta est stulticia. Verum nihilominus est, quod siccitas proceritatis vitium corrigit; quæ fuit Georgius Sanderbegius bellica gloria clarus, Agamemnon, Neptolemus, Romulus, Hector, Tamerlanes, Saul eminens super omnem populum. *Primo Regum 9.*

Hi plerumque diutius vivunt quàm parvi corpore, ut per Aristotelem *lib. de Longit. & brev. vit.* quia magis humido abundant. Sic palma, & cupressus longius vivunt, & Elephantos ducentos, trecentosve annos vivere testes sunt Aristor. *lib. 11. hist. anim. cap. 9. & lib. 9. cap. 46.* Plinius *lib. 11. cap. 10.* Ambrosi. *lib. 6. hexameron,* & Norvus *lib. 26. distychion;* Cervos verò ultra centum annos, teste eodem Plinio *lib. 11. cap. 22. qui lib. 7. cap. 10.* rejicit Hesiodi sententiam de cervorum ætate.

Parvi tamen fecundiores sunt, sicut ait Aristoteles 3. *de generat. animal. cap. 1.* Parvæ aves salaces perfæcundæque sunt. Quod enim incremento corporis deest, in excrementum seminale exundat. Creditque Alexander Aphrodis. *lib. 26. problem.* homines parvos prudentiores, quia spiritus

virtutum corporis, ac intelligentiæ minister restrictior manet. Quare Homerus Ulißem brevem, & prudentissimum, refert. Ajacem longum, & stultissimum.

#### *De Corpore crassis, de macilentis, deque corpore mediocri.*

Crassi, aperti plerumque pectoris, mites, ac humani sunt; idèque aliis faciliè regendis idonei. Macilenti verò ingenio, & rebus agendis prompti, id èque legationibus apti habentur. Corpore tamen mediocri constantes, ex vi staturæ, optime constituti ad omnia animæ munia sunt. Capitulinus in Pertinace staturam hanc Imperatoriam appellat. Aristoteles 4. *Ethic. cap. 2. & 3. p. 11. 14.* concludit non nisi in magno corpore dignitas, & species, quæ in Priamo fuit iudicata digna imperio, de statura tamen mediocri, & parvam multum excedenti loquitur.

#### *De Piloso, glabro, levi, gravique Corpore, deque Membrorum proportionem.*

Pilorum hirsutiem toto corpore sparsam arguere existimat Aristoteles immodicum calorem igneum, multamque materiam fuliginosam, & consequenter ad libidinem propensionem. Idè Suetonius Caligulam ad omnem libidinem pronam, & præcipitem describit. Aristot. 3. *de generat. animal. cap. 4.* mulieres sacerdotes in Caria barbam emittere refert, quod seminalis materia in corpore retenta, & in halitum diffusa convertatur in pilos. Polemon pilosum corpus feracit belluinæ adscribit; Sic de Esau scribitur *toto corpore fera instar hispido.*

Glabri contra vel humore nimio abundant, ut spadones, vel frigiditate, ut scæminæ. Aquatica idè universa pilis carent.

Corpora agilia spiritibus magis abundant, ut potè magis calida, sicut ignis, & aer, idèque non mirum quod cadavera crassiora sint corporibus vivis. Sic jejuni ac defatigati graviores quàm abundè pransi.

Membrorum autem proportio vel maximè in physiognomia est attendenda. De quo plura Durenius, & Aristoteles *variis in locis.* Pythagoras ex vestigio Herculis ejus magnitudinem collegit, sicut ex ungue leonem Phydias expressit.

#### *Caput.*

Quis ille est plus nimio in caput extumescens Capito, extuberante carnis, ossiumque mole, distenta cute bestialem admodum magnitudine prodigiosa? Iste sub gracili collo, capite parvo, & castigato, hic oblongo, alius acuminato. Cave tibi, cave, monstrum alunt. Sub illa granditate somnolentia, hebetudo, ingenii vastitas, & turbulentia: sub parvitate stoliditas; sub turbinato fastigio invidiam, malignitas, inconstantia delitescit. Quantum erat gulæ mancipium capitosus Vitellius? Quantum cum meticolosa ignavia morum conjunxerat asperitatem, filio jugulato, matre trucidata, cæde principum virorum ad dulces oculorum pastus parata? Sueton. Quales in patria sua concitavit, turbas fuscitato belli Peloponnesiaci incendio cynocapheus ille Pericles? Plutarch. in *Pericle* ex cujus hendecastino vertice græcas exoriri tempestates ferebatur. Quàm impias de religione opiniones, diltracto, laceroque orbe terrarum excogitavit Mahometus, cui in vastæ mentis domicilium natura caput dederat magnitudinis



magnitudinis immensæ ? *Chron. Sarac.* Therites, upuæ instar capite turbinato ; at quanta sub illo premebatur malevolentia, invidia, arrogancia, indocilitas ? *Homer. Iliad. lib. 2.* Ingenti est corpore struthiocamelus, capite exili ; at tantæ hoc animal est stoliditatis, ut se non conspici in reliqui corporis magnitudine putet, si caput inter frutes occulter. *Plinius lib. 10. cap. 1.* Testibus enim Medicorum principibus, Galeno in *microl.* immoderata capitis parvitas male constituti cerebri judicium præbet, constrictis, coarctatisque illius ventribus, ne spiritus animalis liberè in omnes partes possit evagari. Orbicularis verò ad cæli imaginem capitis rotunditas maximè placet, quæ pæta leniter ex utraque parte cerebri amplioris est capax, diffusisque libere nervorum propaginibus vitales virtutes ad communicationem corporis intendit.

Caput igitur majus, attenta proportionem colli, & rotius corporis, somniculolum significat ex *Aristot. lib. de somn. & vigil.* Est enim caput magnum receptaculum majus vaporum, ex quorum copia somnus profuit. Sunt tales obtusi, indociles, ignavi, meticulosi, quos ad noctuas, & bubones refert *Jo. Bapt. à Porta.* Sanè vastum caput nequit pro vastitate subministrare spiritui necessaria ad officium intelligentiæ ; unde imbecillitas judicii, ac nimis metus oritur.

Caput autem magnum, mediocri paulò majus ex proportionem membrorum, optimi ingenii indicium est. Experientia tamen constat judicio potius, quam subtilitate excellere : non enim possunt tam celeriter motus ingenii, in quibus subtilitas consistit, reperiri. Magnitudo autem capitis ex cerebri copia, non ex carnis, oviumque mole attendi debet.

Parvum verò caput, quod est signum debilitatis, virtutis formatricis, mali ominis est, ac signum stoliditatis, siccis, & calidi temperamenti est, unde citò incalcescit, cum habeat angustos ventriculos, quibus cōstricti spiritus non liberè spantur, sed facillè turbantur, rotanturque, unde nimis calor, & confusio, cumque exiguum cerebrum sit, non adeò cor, spirituum fontem, refrigerat, ideò parvo capite indociles, præcipientes, ac subindè iracundi existimantur, tum magis si latius sit pectus, atque adeo calidius cor. Censentur insuper tales versuti, & callidi ; cum enim ob parvitatem cerebri prudentia careant, ob exuperationem caliditatis celeres habent motus, ac versatiles, in quo astutia versatur. Vulpes astutissima, fraudumque architecta parvi capitis est.

Caput autem justæ magnitudinis vires corporis, & bonum intellectum significat. Ita etiam magnum caput proportioni respondens longam vitam indicat. Optima verò figura capitis debet esse oblonga ex parte priori, & posteriori, leviterque ad tempora, sive latera compressa malleoli instar, non autem omnino spherica, alioquin, teste Alberto, desideratur sensus memoriæ, ac sapientiæ.

Caput acuminatum inverecondum est, iracundum, & stolidum. Talis namque constitutio indicat immoderatum calorem, magnamque siccitatem, ac pravam dispositionem ad imaginationis, & judicii functiones. Hos *Aristoteles* refert ad aves rapaces.

Caput cavum in sincipite & occipite pessimum dicitur, si neque anteriorem, neque posteriorem eminentiam habeat.

Caput verò vertice humili, & planum, indicium quoque malum est. Contrà benè affecti sunt, qui eminentiam habent in occipite, & sincipite. *Galenus autem de usu part. cap. 17.* quatuor species in naturalis figuræ capitis designat. Prima est, in qua dicitur anterior gibbus, secunda in qua posterior,

tertia in qua uterque, quarta in qua exuperat ad latera, quam existimat non reperiri eum vita, utpote valdè alienam à natura.

### Capilli.

Capilli aliquod morum indicium præbent obtegendo, ornandoque principi corporis membro à natura dati. Neque muliebri hoc tantum ornamentum est, sed gravium etiam virorum. De quo rogatus *Agessilus Rex*, cur affectaret : Quoniam, inquit, ex omni ornatu hic pulchrior est, venustiorque, & sumptus minimi. *Stob. serm. 63.* *Scipionem Silius*, *Pompeium*, & *Catonem Lucanus* venerandâ ipsis etiam Regibus comâ commendant. Cujus etiam summa apud Germanos, Gallos, Parthos, aliosque fortis animi viros cura fuit, qui crines sine illo artificio decorè quatiebant, non aliter quàm jubam generosa animalia ; inter quæ leones præcipuè & tigris jubarum ornamenta speciosos, ac terribiles reddunt. Quorum exemplo *Lycurgus* comam nutrire suos cives assuefecit, quoniam pulchros redderet decentiores, deformes verò formidabiles.

*Aristoteles lib. 2. de part. 16. animal. c. 14.* ad necessitatem, ac præsidii rationem refert, quod homo inter cætera animalia maximè sit capite pilosus. Ad ornatum verò refert *Ambros. 6. Hexamer. cap. 9.* ubi sic eleganter ait. Quàm speciosa cæsaries, quàm reverenda in senibus, quàm veneranda in sacerdotibus, quàm terribilis in bellatoribus, quàm decora in adolescentibus, quàm compta in mulieribus, quàm dulcis in pueris. Alium sexum crinita, alium tonsa non decet ; ex arboribus licet quæ humani sit gratia capitis æstimare. In capite arboris omnis est fructus, ibi omnis est pulchritudo. Tolle arbori comam, tota arbor ingrata est. Quantò major humani corporis ornatus est ? Qui cerebrum nostrum, hoc est sedem, originemque nostrorum sensuum capillis capitis munit, ac vestit, ne aut frigore vexetur, aut æstu. Illic enim fons universorum est, & ideò ubi injuria nocet, ibi gratia præeminet.

Volumus de animo ex virili comæ dignitate conjeduram facere ? Germanorum morem intueamur, qui obliquatum, substrictumque nodo capillum ingenuitatis notam esse voluerunt. *Tacitus de Germanor. morib.* neque enim ut amarent, aut amarentur, sed bella adituri ut hostium oculis olim se ornabant ; ideòque *Antoninus Imperator* : Coma, inquit, virum, vox Rhetorem indicat.

Atque ut capillus nulla muliebris affectione decoris excultus ingenuæ dignitatis signum præbet, ita immodica fingendorum crinium curiositas enervatæ virilitatis est vestigium. Pudeat viros cum *Trofulis*, & *Cincinnatiis* ad specula totis paria corporibus crinem studiosissimè excolere, candescere ferro vibrare, in gradus frangere. In tantum enim ista excrevit mollities, ut medicata scobe vertex inficiatur, ut cosmetica ad lenocinium decoris instrumenta usurpentur, ut ex adventitio crine galerali, & calliendra capiti assuantur. Quos ego homines inter speculum, pæcinemque studiosissimè occupatos, magis de capitis sui decore sollicitos esse puto, quàm de salute ; qui, ut *Seneca* loquitur, Rempublicam malint turbari quàm comam, & concinnitatè majorem operam dant, quàm honestati. Quid restat quàm ut cum *Sardanapalo*, & *Heliogabalo* muliebres sumamus vestes, ejuratisque virilibus belli, ac pacis artibus colum tractemus, & linum ? si nescitis, comatuli, non corpus ornat illa capillorum affectata concinnitas, sed mentem detegit virili virtutis robore destitutam. Quod cum sciret *Philippus Macedo* Judicem barbam, capillumque inficientem, protinus submovit,



non bona fide publica tractaturum negotia arbitratus qui capillos fucaret, Plutarch. in *apophth. phil.* Idem ab Archidamo factum, qui cum fricato capillo concionari aliquem videret, illum in medio affatu tacere, ac foras ire iussit. Aristoteles cum juvenem curiosius se comere videret, non *erubescis* ait, cum te natura virum fecerit ut teipsum effemines?

Non ut mollities effeminata capillum, ita natura verticis tinctura mores, animumque mentitur, qui hoc plerumque iudicio cognoscitur. Capilli ex crassiore, & fuliginosa humorum eluvie, oriuntur, quæ per angustos membranæ meatus foras propulsa, dum hæret in transitu, condensatur. Colorem varium ex variato caloris temperamento trahunt. Ex adultis humoribus nigricans confurgens vapor, eandem ex pilis exprimit qualitatem. Immoderatio calor crispus efficit, & intortos, dum adstrictis meatibus agere eluctantes rectam sibi viam emoliri nequeunt. Si minus torrescat vapor, flavedine vertex tingitur ex flavæ bilis impactu cuti excremento. Si pituitæ, bilisque sex temperata adurentem calorem, & frigus moderetur, vanitate coloratur. Albedo frigiditatis est indicium, in quem calorem frigoris opera humor vergit. Hinc canitiem oriri ex putredine humoris, quo pili aluntur, tradit Aristoteles 5. de *gener. animal.* Ideo pueri, ut notat à Porta, dum nascuntur caput & supercilia habent alba, ut senes, licet dicatur Numam Pompilium canum esse natum. Color optimus existimatur permixtus ex albo & nigro, qualis dicitur fuisse B. Virginis.

Igitur, ut pilus caloris in homine gradum significat, ita ex eadem causa morum præbet indicium. Intensus siquidem calor homines facit animosos, feroces, iracundos, industrios, callidos, præcipientes. Frigoris principatus ad ignaviam, socordiamque deficit, timorem, somnos, hebetudinem inducit, nihil sublimè aggredi, nihil moliri memorabile permittit. Hinc Xantheæ flavedinis coma in Achille, in Pyrrho, in Augusto moderati pectoris iracundiam arguit. Unde cum Maximus Tyrius lib. 14. cap. 1. Falconem Regem Hierosolymitanum rufum valde prædicasset, quia mansuetus & affabilis erat, addit contra leges illius coloris hoc evenisse. Typhon ille Osyridis maximi apud Ægyptios interfector, teste Diodoro Siculo lib. 2. cap. 4. rufus fuit. Nigra crispantibus suo ingenio cirris, Hispanis, Mauris, aliisque sub torrido cælo hominibus, industriam, ferociam, vafriciem adscribit. Russa in Gulielmo Anglorum Rege malignitatem, densa in Lyfandro feritatem, rara in Cynædis molitiam, alba in pueris frigidam timiditatem, subfusca prudentiam, ac probitatem, cana in florida ætate incontinentiam significat. Quam tamen aliquando etiam diuturna ægredientis animi sollicitudo, terrorve subitus, aut periculorum, mortisve intentatæ repentina formido attulit, calore vitali, ac spiritu per mœstissimam imminentis mali cogitationem consopito, ac extincto, ut gramina, exhausto vigore, arefcunt, & colorem vitæ spectabilem exuunt. Testantur hoc multa facinorosorum exempla, qui obito facinoris alicujus crimine in vincula coniecti ex angore mentis conceptaque mortis formidine; ita una nocte immutati sunt, ut attrita, depastaque omni formæ venustate, lutidus, & cadaverosus color, aspectus horridus, indecora canices, fœda barbæ illuvies vultum deturparit, Scaliger *exercit.* 32. Lemnius de *compt.* Memorabile illud est, quod aliquis, dum scrutantur accipitrum nidos de rupe penderet, funibus,

quibus sustinebatur, dissolutis, repente incarnit, Cœl. lib. 13. cap. 27. Quod Ludovico Bavariæ Duci ex somni evenit terribulamento, cum uxorem adulterii suspectam injuste occidisset, Cuspin. in *Ludov. Imper.*

Quam verò est deformis, quam pudenda illa depilati verticis glabrities! Multos quidem naturæ imbecillitas hoc calvitio deformat, quando aut ex longævitate humor naturalis exsiccat, aut frigore capillum tingit. Quam si calvitii causam in Eliseo protervientes Bethelitarum pueri scivissent, forte sibi à mordacibus in Sanctissimum Prophetam disertiis temperassent. Neque probro sibi duxit sui capitis phalacras, & calvitia Vespasianus Imperator, qui, cum Gometes apparuisset, quo mors portendi Principis videbatur, eludens cæli dirum ostensum, non se, ait, ille terreri, sed *Partherum Regem, qui comatus est, Dion.*

In alios, quibus ex incontinentia hoc vitium obvenit, falsè Cicero pro Q. R. jocatur, quod calvities olere malitiam, & clamitare calliditatem videatur, in qua ne boni quidem viri pilis reperiri possit. Talis Agathocles erat Siciliæ tyrannus, qui defluentibus capillis cum myrthea caput corona obtegeret, tacitis civium convitiis tyranni improbitas lacerata fuit, *Ælian. lib. 11.* similis in Tiberio calvities fuit, & tyrannidis stabilendæ calliditas, cujus in Ludibrium Sejanus Calvorum populo spectaculum exhibuit, *Dion.* A quo ne pudendi quidem capitis dedecore Caligula degeneravit, capillo raro, hirsutus cætera. Quod tam tulit indigne, ut Capram nominare, aut ex editiore adium parte oculos in prætereuntem deflectere, illo imperante, capitale fuerit, *Sueton.* Eodem calvitiei vitio deformis fuit Otho Imperator, & Domitianus, quorum extremum, ob singularem immanitatem, ac inhumanam truculentiam.

*Calvum dixit sua Roma Neronem.*

*Sueton. & Auson.* Eidem ob calvitiam cognominis fuit Carolus secundus Imperator, nisi quod natura mitior nullam Neronianæ sævitie appellationem recepit. Non ponerem in hoc catalogo Julium Cæsarem, nisi calvari libido atque incontinentia publicis militum jocis in Gallicano triumpho jactata fuisset: *Uxores vestras, servate cives. Vitiæ mœchum adduximus calvum.* *Sueton.*

Calvitii, calvorumque mentio Calvæ Veneris mihi memoriam refricat, quæ dicato templo culta apud Romanos fuit, non ad significandum calvitii luxuriæque societatem, sed quia, obli-  
dentibus Capitolium Gallis, implicandis funibus ad tormentorum usum matronæ capillos sibi residerant.

Vide, si lubet, plura de capillorum crispitudine, simplicitate, mollitie, ac duritie, copia, raritate, calvitie apud D. Ambrosium loco citato, & alios adductos à Niquetio. Sic & solutam habebis illam quæstionem, an pili, capillive sint animati, affirmantibus Divo Thoma in 4. d. 44. Bonaventura, Durando Conciliatore, Tardino *disquis. Physiol. de pil. cap. 20.* Galeno 2. de *anat. admiss. cap. ult.* & si contrarium asseruerit *capite septimo, articulo par.* negantibus verò Fernelio, Fracastorio, Valisio, aliis.



*Facies.*

Quamquam nulla sit tam minuta corporis pars, tam obiectum, atque ignobile vitalis opificii membrum, quod non aliquod reconditæ indolis exhibeat argumentum, illæ tamen, quæ in facie humana elucet notæ, ut manifestius oculis ingeruntur, ita certius indicium præstant, quem in mentem, patens ille Philosophorum, Socrates monere discipulos suos solebat, ut se in speculo sæpe contemplerentur, & mores suos aut ad vultus decentiam conformarent, aut corporis defectum animi virtute compensarent. Sensit vir sapientissimus in vultu morum latentium notas circumferri, quorum integritas augeri, ac roborari, perveritas studio, consilioque corrigi, & ad rectitudinem revocari debeat.

Vultus namque speculi vicem præbet, in quo effectos animi mores, expressamque naturæ imaginem liceat intueri. Cicero de pet. consul. in p. 1. Vultus animi est janua, quæ voluntatem additam, & retrusam significat. Vultus sermo tacitus est mentis, qui secretos plerumque sensus indicat. Si iam animus conceperit, si flagrent odia, si ignescant amores, si virtutum ferveant studia, si indignantur spes, merus, lætitia, modestia, superbia, ambitio, avaritia, si alius aliquis affectus intus dehiscat, ille statim in vultu certissimo se se indicio profert. Neque enim cohibere se, ac reprimere possunt feroces, violentæque animi affectiones, sed confractis modestiæ claustris foras prorumpunt, & suis se se in facie signis produnt.

Et quamvis rugis aliquando, & supercilio turbulenta mentis tempestas sustineatur, obtegaturque nunquam tamen diuturna est simulatio. Reclusa intus violentia in apertum exit, forasque protrusa manifestum sui in externo habitu argumentum exhibet. Atque ut compressus, strangulatusque intra nabes aë, ruptis valido impulsu carceribus, sese explicat, elisoque igne sonitum horribilem edit; ita procellosi animorum motus aliquandiu intus cum modestia luctati, tandem exitum reperiunt, vultu tantæ violentiæ vestigiis signato.

Atque ut animus funestus, vitiiisque oblitus palam se exerit, & in summam frontem effunditur; ita mentis etiam integritas, virtutisque indoles in vultu sese atque oculis ostentat, suæque præsentia signa in conspectu ponit. Audi Sapientem Ecclesiasticum 19. 26. *Ex aspectu vir cognoscitur, & ex vultu persona specie cognoscitur, qui mente valet. Ornatus viri, & risus dentium, gressusque hominis enuntiant cogitationes ejus.* Atque illo Sapientiore Regem: *Vir improbus; & nequam graditur ore perverso, annuit oculis, tremat pede, digito loquitur.* Prov. 6. Quam filii sui mentem sanctissimus Pater probat, qui adversariorum suorum nequitiam atque improbitatem ex fronte, superciliis, oculi ultero citroque contortis, demissis labris, naribus corrugatis, inflatis buccis, incessu superbo, gestu indecoro, vultu, nutuque minaci arguit, Psal. 34. Ex quo regii generis sanguine Elaias propheta cap. 3. *Agnitio*, inquit, *vultus eorum respondet illis*, hoc est species, externusque corporis habitus, quàm sint improbi, ac scelerati, quàm prava animis consilia meditentur, quas intus nequitiarum artes abscondant, palam facit. Igitur Cainum Deus subtilem conspicatus, animoque propter admissi sceleris conscientiam, demisso, ac dejecto: *Quare*, ait, *maius es, & concidit vultus tuus*? Genes. 4. Et Josephus, cum carceris Ægyptia-

Tom. I.

ci socios tristes videret, vultu conceptum animo fortunæ malignioris omen proferente, *Cur solio tristior esset ipsorum facies*, inquit, *Genes. 40.*

Ingrediamur itaque illum popularem frequentissimum hominum cœtum, & ad indagandas, atque eruendas animorum affectiones diversas vultuum species, & simulacra eruditore oculo contueamur. Quàm hinc video variam hominum figuram! Quàm inter tot mortalium millia difformis vultuum conspicitur habitus! Quàm dispar oris forma! Quàm discretæ effigies apparent! Ut in quamplures imagines, ad spectumque oris multiplicem illam lutosæ humanitatis massam opifex Architecti manus formavit? Aliam in pyralem longitudinem, prominentibus hinc inde maxillarum ossibus, porrigitur. Alia ad globi rotundata speciem in orbem colligitur. Quædam ampla carne, atque adipe copioso crassescit. Quædam ossulenta macie gracilescit. Aliqua crebra pilorum lanugine comatur. Aliqua cute depilata glabret. Hic buccæ inflatæ turgescunt; illic pendulæ fluunt. Istic tempora aut excavata dehiscunt, aut extantia protuberant. Alibi aut inclinata declivitas, aut fastigiata prominentia, aut æquata planities conspicitur. Est, cui eximia latitudine frons luxuriat, cui eadem angustioribus spatiis contrahitur. Est, qui erugato, explicato, exporrecto vultu pacem pollicetur, qui contracto, obducto, maturino curas, & sollicitudinem testatur. Qui facie cadaverosa, incesta, torva, truces minacæ, turbida, informi percellit. Qui ingenua, speciosa, liberali, serena, verecunda blanditur. In illo flammantem rubedinem, in isto plumbeam, livedinem, in hoc croceam suscedinem, in alio luridum pallorem, in alio dispunctam modico sanguine nivem conspicias.

Video oculos lucidos, obstipos, prægrandes, exiles, nocturnos, felineos, nigricantes, inquietos, tremulos, segnes, vibrantes, fluidos, aridos, turgentes, conniventes, luscios, lippos, patos, depressos, prominentes. Video supercilia hispida, truculenta, remissa, contracta, coeuntia, ad tempora protensa. Video os latum, vastum, angustum, nigrum, squallidum, lividum, rubicundum.

Quàm sunt huic aures patulæ, illi tenellæ, isti spatiosæ, aliis flaccidæ, pendulæ, adstrictæ! Quàm ille nasum habet acutum, ille retusum, ille aquilinum, ille simum, ille crassum, atque adiposum! Quàm alius habet labra tenuia, alius carnosæ, alius stricta, alius distorta, & hiantia! Quanta capitum est differentia! Quorum quædam in ovi speciem turbinantur. Quædam conglobata figura rotundantur. Quædam depresso vertice per ambitum, aut latera intumescunt. Quædam magnitudine, quædam parvitate sunt visenda. Quanta capillorum? Quorum alii rufescunt, alii flavescent, alii albescent, alii nigrescent, alii densi, alii rari, alii crispi, retortique conspiciuntur. Quem non detineant cervices longæ, graciles, crassæ, exiles, asperæ, breves, incurvæ, distortæ, inflexæ? Quis non speculetur ventres vastos, castigatos, turgidos, plavos, strictos?

Quis fando exprimere possit humanorum corporum dissimilitudinem? Quis calamo effingere figurarum varietatem, qua in vultibus ad miraculum Natura ludit? Non tam diverso florum apparatu humum pingit Veris amœnitas; non tam difformi syderum luce cœli refulget serenitas; non piscium, non avium, non cœterarum animantium magis dispares sunt habitus, quàm variis figuris humanorum vultuum simulacra distinguuntur.

Kk ;

Quid



Quid verò illa varii oris species designat? Cur in tam multiplicem figuram, habitumque hominem Natura efformavit? Nonne ut illa formæ dissimilitudo animorum varietatem denotaret? Tacita namque corporis figura de abdita, retrusaque indole conjecturam adfert, quo quisque naturæ inclinatione propendeat, quem animi habitum diuturna consuetudine collegerit, quam in partem affectione, studioque familiari inflectatur.

Magna igitur, & longa facies ignavam, pigrum, humidum, timidum hominem indicat, refertque boves, & asinos apud Aristotelem, & alios. Siquidem ex magnitudine inferitur magna materiæ terrestres quantitas. Parva facies hominem callidum, impudentem, rixosum significat, & ad simias ab eodem Aristotele refertur in *lib. Physionom. & in 1. de hist. animal. cap. 8.* sic distincte de faciebus loquitur. Quibus facies magna, segnes, quibus parva, mobiles, quibus lata, mente moveri idonei, quibus rotunda, iracundi.

Facies alba indicat multam pituitam; unde viros multum albos effeminatos vocat Aristoteles. Nam fœmineus sexus pituita abundat, idcirco supra virile albicat. Color enim iste mollitiæ, & timiditatis inditium solet esse, propriæ fœminarum. Animalia quoque alba deterioris conditionis sunt, quam nigra, minusque generosa, & robusta. Ova à gallinis nigris parva suaviora existimantur, quia magis decocta.

Pallidus autem color, albedini proximus, timiditatem quoque indicat. Joannes Baptista à Porta ad chamæleontem refert, qui candidus, & timidus est, de quo Aristoteles *lib. 2. hist. anim. cap. 12.* Si verò color albus pellucidus est, & quasi scintillans, bilem præfert, non pituitam.

Subniger color ex melancholia oritur, quæ est frigida, & sicca, & saturniam inclinationem indicat, timiditatem, atque versutiam. Ex bile autem oritur, si admisceatur rubedinis aliquid nigricanti colori.

Lividus color ex pituita frigidissima, ut est vitrea, progreditur. Nam ob viscerum inflammationem attrahitur ab ipsa sanguis à partibus extremis. Unde sequitur caloris extinctio.

Color rubeus, vel sanguineus, optimus est, præcipue si albedini admisceatur. Talis fuit David, & Alexander, teste Plutarcho. Sic Salomon candidus, sicque Aristoteles ingeniosum virum vult esse candidiorum. Confirmatque Galenus in *arte med.* Indicat enim humiditatem, & calorem, quæ est constitutio sanguinea omnium optima, rectam indolem significans.

Maculosa facies astutiam denotat, & reducit ad pantheram, stellionem, dipsam serpentem, maculis nigris dorso varium, ad tigrim, aliasque bestias astutas, ut per D. Ambrosium *lib. 6. hexam. cap. 3.* ubi pardum varietate coloris varios animæ suæ motus prodere asserit.

Flammeus faciei color inclinationem indicat ad maniam, cujus rationem reddit Aristoteles, & Camillus Baldus, quoniam interiora, circa cerebri involucra posita, summopere exæstuant.

#### Frons.

Frontis contueamur fabricam, tranquillæ, serene, turbidæ, contractæ, erugatæ, ingenuæ, pudendæ. Speculum mihi videor videre hilaritatis, tristitiæ, clementiæ, severitatis, modestiæ, fastus, probitatis, perfidiæ. Quis non putaret hinc animæ esse januam per quam ad interiores affectionum veniatur recessus, nisi illa falso indicio oculum se-

pe deciperet, vultuque composito indolem mentiretur. Forte Gento frontem veteres sacrarunt, quod reconditum animi ingenium certissimis notis delinearet. Quam etiam Deum venerantes religiose tangebant, inditæque ad frontem manu adibant, ut sentire hoc significarent, quod præ se ferrent. Igitur ita olim honorata fuit illa humani capitis pars, ut in illa osculi religio servaretur.

Mihi verò nulla inter omnes frontium figuras magis placet, quàm aperta ista, quæta, nulla striata rugis, plena, gratoque levore splendicans. Hic animus habitat ingenuus. Hic fides, probitas, modestia domicilium habet. Nullibi magis, quàm in oculis & fronte pudor conspicitur. Quia frons est propugnaculum omnium nervorum à cerebro descendendum. Pompeium olim iste frontis exportectæ honor, orisque comitas commendavit. At in Caligula truculenta torvitas, corrugatioque indecora sævitiam hominis inhumanam, & impietatem execrabilem significavit. Sub illo patente adiposi capitis spatio cum animi sinceritate ignavia quadam, timiditasque desidere videtur. Gracilescens longitudo cum tenui mento morum asperitatem notat. Elevata in gyrum rotunditas cum ingenii præstantia, atque altitudine iracundiam, arrogantiamque significat. Fallor autem, an frontem ille perficit? Ira deletis verecundiæ notis, & relegato ad præcordia rubore, absterfisse omnem pudorem, ac deposuisse modestiam videtur.

Parva & angusta frons secundum longitudinem, stoliditatem arguit apud Polemonem, & Arlamanium; nam indicat ventriculos cerebri parvos; unde spiritus nimis constringuntur, & incalescunt, referturque ad suum, animal stolidum, indocile, fordidum, teste Plinio *lib. 8. cap. 5.*

Longa frons, protensa ab aure ad aurem videtur significare ingenii excellentiam, imaginationisque vigorem. Ita describitur Plato à Plutarcho. Imo inquit à Diogene ideo fuisse Platonem appellatum, licet alii contendat ita vocatum à latis humeris. Quæ sane intelligenda sunt etiam de fronte lata. Ex Meletio autem Philosopho quorum frontes magis approximantur parvitati quam magnitudini, ingeniosi sunt. Nam multò sunt contractiores spiritus, & vegetiores. Ferrus, Sanctum Ambrosium fuisse corporis statuta mediocrem, aspectu gravi, & pulchro, naso paululum oblongo, capillis flavis, fronte lata, superciliis elatis.

Frons rotunda hominem iracundum ostendit apud Aristotelem, & Galenum. Quia Spiritus facile reverberantur, ac inflammantur in interioribus capitis sinibus, inde inflammatio sanguinis, ac cerebri, cordisque, unde ira causa.

Magna & carnosa frons stupidos homines indicat, & refertur ad asinum. Hujus plures affert rationes Joannes Ingegnerus in sua physiognomia.

Frons ad amussim quadrata, mediocris in medio subconcava aliquantulum, leoninæ similem, ingeniosum, & magnanimum præfert. Continet enim multum cerebri, ac spirituum.

Rugosa verò, ac stricta frons cogitabundum exprimit. E contra frons valde exportectæ sine rugis hominem à curis remotum ostendit. Hujusmodi fuit Epicurus, ut scribit Sidonius Apollinaris ad Faustum.

Nebulosa, torvaque frons audaciam demonstrat. Ita describitur Carolus Burgundiæ Dux, cogno-mento Audax. Siquidem cum aliquid audacter egredimur, obnubilamus frontem, toramque ad illa percilia deprimimus.



Ita nonnulli considerant tres lineas frontis transversales, quod si una per totam frontis longitudinem porrigitur, spes est vitæ annorum sexaginta. Si duæ, annorum septuaginta; si tres, aut quatuor, multo plurium annorum, ceu notat Ptolemeus absque tamen idoneo fundamento, ideoque non sine vanitate.

### Supercilia.

In superciliis, quæ oculis Natura superposuit, ut tanquam imbricamentum quoddam, & suggrundia manantes à vertice humores aliò derivent, imperiosa Majestatis est sedes. Neque enim falsò Jovem poeta dicit: *Cunctis supercilio moventem* Horat. lib. 3. *carm. od. 1.* Fastus quidem alibi conceptaculum hic domicilium habere videtur. In corde nascitur, huc subit, hinc pendet. Ecce quanta multitudo in superciliis est pietas? Quanta gravitatis ostentatio? Quibus sane non aliter inniti responsum mihi videtur, quàm Atlante cælum. Ille contractis superciliis iram significat, iste diductis tristitiam, alius remissis hilaritatem. Quidam in longum porrectis animi mollicitem profitentur; aliqui ad nasum defluxis, austeritatem; nonnulli in tempora detortis, fastidium; aut in vultum demissis, malevolentiam; aut inter se commissis, nequitiam; aut ductis tubisque, impudentiam. Ille aucto vehementius oculorum isto hyperthyro, graves animo versare cogitationes videtur, vi caloris vapore in verticem copiosius attracto. Huic vero sine dubio spes quæpiam bona animum titillat, ita crebro motu talis ipsi supercilium apparet.

### Oculi.

Nulla ex corporis parte clarioribus signis elucet animus, quàm ex oculo, quem Galenus solarem animalis particulam, Stoici Deum, alii Naturæ speculum & humani corporis Solem, ac Lunam appellant. Qui positi in edito fastigio diligentem rerum omnium custodiam obeunt, perinde ac in statione speculatores interdum, nocturne pro nobis excubantes. Oculi mentis sunt indices, cordis nuntii, qui tacito sermone, quem animo sensum, affectumque homo premit, loquuntur.

Cur enim alios, conceptu intus igne, jucundi, atque exardescere; alios stillantibus aquis humectari; alios diductis palpebris connivere; alios huc illuc crebra agitatione volvi, in cælum attolli, in terram dejici, in obliquum contorqueri videmus? Cur ita multiformes luminum contuitus apparent, truces, torvi, flagrant, graves, transversi, limi, submissi, blandi, amiables, nisi moderationem, clementiam, misericordiam, amorem, odium tristitiam, læticiam significarent?

Hinc illa in dolore humorum paratâ fecunditas, & rigantes ora rivi. Hinc illa in gaudiis acies luminum hilarata, in blanditiis lepor, in iracundia torvitas. Hinc ipse cordium inspector Deus divinique homines oculum simplicem, & rectam *Eccles. 38. Matth. 20.* oculum malum *Genes. 6.* nequam *Iob 24.* adulterum *Proverb. 30.* subannantem *Prov. verb. 6.* superbum *Ezech. 6.* fornicantem *2. Petr. 2.* adulterii plenum *Eccles. 14.* invidum *Esth. 5.* gratum, & nitentem *Iob. 15.* magnis cogitationibus attonitum *Hes. 5.* conceptu furore ardentem, *Psal. 93.* cor vulnèrantem, *Cant. 4.* ira turbatum *Col. 3.* oculorum scævicia *Iud. 9.* laqueos *Ezech. 23.* concupiscentias dicunt.

Videsis in Domitiano illo Imperatore oculos prodigiose magnos, emissitios, extra convalles suas,

vitellorum instar propendentes? Piger est gluxoriosus, hebes, ne equo quidem in expeditionibus, sed lectulo usus, ne delicatum corpus jumentum succulsi afficeretur. Intuere Attilæ oculos parvos, reconditos, profundos? Malitiosus est, invidus, iracundus, terror orbis, Deique flagellum ex illis resulget. Contemplare trucem Caligulæ, Scytharum, Turcarum adspectum. Belluina hominum est scævicia, efferata rabies, in cæde, ac sanguinemiferorum hominum oblectantur.

Non ejusdem est oculi, truculenti contuitus diritas, ac regia gravium virorum majestas, aciesque vivacitatis leoninæ, qualis in Augusto fuisse scribitur, cujus oculi clarissimorum instar siderum fulgebant, quos acrius intuentes, vultum deiciebant, splendido radiorum vibratu perstrictum, *Sext. Aurel. Paulo* atrocior Pyrrhi Regis fuit adpectus, quo Zopyrus Macedo gladium stringens, ut caput ei decuteret, cum Argis regula desuper ictus Rex fuisset, adeo expavit, ut vix longo spatio tremebundus caput illi amputaret, *Plutarch. de Pyrrho.* Et Phocionis, cujus cum supercilia perstringeret Chares, populusque arrideret, *nullum hoc vobis*, inquit, *merorem inculit supercilium; ac horum risus multas civitati lacrymas excussit*, *Plutarch. in Phoc.* Cneus verò Marius tam fuit adpectu torvo, ut Minturnis immisum percussorem solius oculi intuitu deterruerit, *Plutarch.* Quod de Luthero etiam dicitur, qui submissum percussorem, ut sclopo ipsum transverberaret, ita oculorum acie perterritus, ut deposito cædis faciendæ conatu, fugam consternatus arriperet. Ille autem flagrans oculorum adpectus, ætis in ore spumis, animi effervescentis ira exardescere videtur, bilis vitio vaporibus luminis offusis.

At Procopius Imperator dejectis oculis humum semper intuens, difficilem se esse & morosum significat. Quibus tristitium morum latebris Crasso illi similis fuit, quem in vita semel risisse, affirmat Lucilius. Posset aliquid habere excusationis illa in attentissima cogitatione morositas; non item levium muliercularum, & cynedorum mobiles in omnem partem oculi, manifestum impudentiæ, atque inconstantiae signum. Quales intuitus aliquando plenos voluptatis illecebræque Archisilaus Philosophus, *Nil*, inquit, *interest quibus membris cynedi sis, posterioribus, an prioribus.*

Sed ô fides tua Fascine Deus, non infantium modo puerorum, sed triumphantium etiam Imperatorum custos. Ut speculorum præfulgens nitor oculorum intuitu, quando menstruorum rigantur aspergine, hebescent, sanguinisque velut nebula prætenduntur, ita ne vitium mihi oculus offerat fascinator, extimesco. Neque solum à Fascino tericulum Lamias hinc etiam video cum oculis exemptibilibus, quos detrahunt sibi, resumuntque, cum libet, ut ocularia specilla ego soleo, aut juvenes comam adventitiam. Circumspectant singula, scrutantur, indagant. Nihil tam bene obtexeris, ut lateat. Nulla tantula est minuties, quæ præterit. Nulla tam remota latebra, quæ evadit. Sed hoc alibi.

Præditi autem oculis valdè magnis proportionem corporis, pigri sunt, rationem reddit Aristoteles. Qui verò oculos parvos habent, ingeniosi sunt, referunturque à Porta ad vulpem vaserrimum animal.

Magni oculi, iique concinni, aut saltem decora mediocritate spectabiles laude digni sunt, præcipue si summopere fulgeant. Nam indicant perfectionem virtutis formatricis, ac debitam temperiem



humidi in cerebro, magnamque in spirituum abundantiam. Vide mala, quæ Albertus prælagit de habentibus pupillas inæquales, quidve à Porta de pupilla parva, & ejusmodi aliis.

### Nasus.

Quis verò hic jam à naso incolumem se præstet? Ita irrisum illa sedes certa spectanti ludibria minatur. Quæquæ oculos flecto, obfessum, circumventumque me à Nasis video, obesis, mungosis, pustulosis, emunctis, crispantibus, simis, aquilinis, acutis, depressis, rectis, retortis. Neque in tanta varietate, ac copia nasus ullus est, qui non nasum suum habeat, ludibrioque faciendo tubam acuat. Intellego sane, non collocatum tantum in sublimi illud humani capitis cornu, ut superna perentem odorem distinguat, cibumque ac potum suo momento examinet, sed ut irrisum etiam obeat functionem, & morum significet asperitatem, truculentiam, proterviam, levitatem. Et quis non adunco aliquando naso suspensum se à scurra doluit? Horat. Quis non Sannionem ingeminare vidit: *Tremulos naso crispante cachinno*? Persius *sat. 3.* Quis non mordacibus nasutulorum diceris obnoxius fuit? Et jam mullare aliquos audio, labiisque oclulis plegum ludibriis sonum per nares edere. Quis subdole irrisum ludibrium cavebit? Ille verò etiam magnum intus clamat, Plaut. in milite, & ad calicem vigilanti stertit naso? *Lucil.*

Declinemus hominem fraudulentum, ne nobis imprudentius agentibus insurrerit, quod Cabbas servo aliquando vinum à mensa sustollenti, dum ille in Mæcenatis gratiam, ut liberius uxorem suam tractaret, somnum editis rhonchis simularet, Infelix, an ignoras, quod soli Mæcenati dormiam? Plutarch. *serm. amator.* Sed in hoc homine nasumne video, an classico canendo tubam, aut elephantum promuscidem? Ita ampla propendet à fronte moles.

Forte nasum talem Rudolphus Imperator habuit, cui obviis in angustiore semita aulicus, cum à satellitibus cedere juberetur, *Regis*, inquit, *nasus viam implet, ut præterire nequeam.* Subridens Rex, flexo in alterum latus naso, *Progredere*, inquit, *namque amovi digitis nasum, ne te impediatur.* Equè natutus fuit Gatinus ille, in quem nonnemo ita lusit:

*Quod quacumque venis, fuga est, Garine,  
Cediturque tibi velut Tribuno,  
Tandem d' sine quasi gloriari,  
Naso, non tibi, ceditur Garine.*

Illam tamen granditas, si assurgens clementer è medio, in aquilinam desinit aduncitatem, prudentiæ, patientiæ, magnanimitatis præbere judicium solet. Neque apud Persas olim honoratior fuit formæ species, quam illa Gryporum, quos dicebant, quod Cyrus ista unci figura nasum habuerit. Cælius *lib. 8. cap. 2.* Franciscus primus, Rex Gallorum, Antiochus, traduntque Nicephorus *lib. 2. cap. 37.* aliique D. Paulum nasi fuisse aquilini. Quod in Carolo etiam Quinto, aliisque Austriæ Principibus notatum fuit, quos cum animi magnitudine probitatis indoles mundo commendavit. Quam laudem quoque Mahometes secundus de se promulgavit, naso usque adeo adunco, ut summitas contingere labra videretur Jovius *lib. 27.* Vulturæ potius rapacitatis signum.

Non accipitur in hanc Nimbrodi familiam Gryporum illud genus, uti statim à fronte nasus intumescit. Corviæ hoc est voracitatis, non aquilinæ

strenuitatis, impudentis animi plerumque nota. Neque mucosæ, crassæ, obesæ nares homines huc referasquas, nisi emungas, & defeces, nullum sapientiæ odorem percipiunt. Mendaces verò communi etiam luce indigni sunt, quos adnata naso psudracia, & jonchi, ut in unguibus macula arguunt. Ille simis naribus, quales habuisse dicitur Socrates, in libidinem protervius effertur. Isti rectis, effrenatæ garrulitatis; acutis iracundiæ, adaptis, animi, corporisque firmi; obstructis, dementiæ; obliquis ac intortis internæ pravitatis indicium præbent. Vix audeo in tam vili contentissimarum rerum fabulatione, divinæ Majestatis meminisse, quæ ex multorum interpretum mente in iracundiæ significationem nasum sibi tribuit 1. *Samuel. 24.* & in patientiæ nasum magnum, *Exod. 34.*

Qui verò habent crassas pinulas nasi, ac illius extremum, pigri admodum sunt, & ad boves ab Aristotele referuntur. Qui autem pinulas natium habent amplas, & rotundas, referuntur ad leonem, & molossum ex eodem Aristotele. Scipio ille Nasica, semel ac iterum Consul sic appellatus fuit à majoribus naribus, ut refert Cælius *lib. 24. cap. 5.* & Alex. ab Alex. *lib. 1. cap. 9.* Qui autem habent nares oblongas, & cum extremo acuto, iracundi dicuntur ab Alberto Magno, Polemone, Adamantio, & ab aliis. Qui natium foramina habent patula, & expansa, iracundi quoque judicantur ab eodem Aristotele, cujus ratio affertur à Fontano. Idem quoque Aristoteles rotundum nasum cum extremo obtuso, indicium ait esse iracundiæ, hoc est propensionis ad illam. Sic enim intelligenda sunt omnia, quæ de hac re afferuntur.

### Aures.

Fallor? An illic ab extremo terrarum Orbe Fænesios video aurium mole ad talos usque propendentes, quibus vestium modo corpus contegant? In hoc etiam cætu Midax Rex conspicitur, cum asini auribus ingenti ad caput spacio surrectis. Quem longo sequuntur tardi Auritorum greges cum auribus hispidis, patulis, pendulis, crallis, flaccis. Quis non in asininis illis auribus asininam naturæ indolem animos dejectos, stultitiam, tarditatem, ignaviam contuetur? Neque magno apud me in pretio sunt, succinctæ, minutulæque aures; quæ singularem ingenii perfidiam, levitatem, avaritiam designat. Rubor verò ille obscænis quem delectet qui læsæ conscientiæ, & admixtæ turpitudinis documentum exhibet? Illas præ aliis exitimo aures teretes, & mediocri magnitudine decentes, quæ & ad audiendum aptissimæ sunt, & ingenuæ honestatis documentum præbent. Et nihilominus aures magnæ & quadratæ optimos mores indicant apud Aristotelem, Galenum, & à Portam, obque carnis copiam diuturnam vitam significant, cum denotent corporis constitutionem calidam, & humidam.

### Os, & Genæ.

In ore, ac genis roseo decore pubentibus, modestia, probitas, verecundia habitat. Hæ specioso virtutis tinctæ colore maximum juvenutis decus, & ornamentum conferunt. Hæ pauperi gratiam conciliant, diviti dignitatem addunt, deformi venustatem, pulchro honestatis laudem attribuant. Non est tanti vestium cultissimarum decencia, non auri, gemmarumve splendor, non præcellentia formæ species, quanti genæ ingenuo pudore



pudore flagrantem, pudibundi animi vestigiis im-  
pressis. Ex eo Comicus pater virtutem filii æstimans:  
Eubul. dicebat, *salva res est*, Terent. *Adelph.*  
act. 4. sc. 5. Alium verò periisse arbitratus, cui  
perierat pudor: *Vile*, agebat, *num ejus color pudoris*  
*figum usque indicat*. Illa virtutis nota delectatus  
Diogenes, cum adolescentem ob verbum præcipiti  
elatum lingua erubescere, animoque perturbari vi-  
deret: *Bono animo es*, inquit, *filii, istiusmodi est*  
*virtutis tinctura*, Laetius.

Cui assensus morum Romanorum Censor gra-  
vissimus Cato, sibi magis placere juvenes, dicebat,  
qui rubescerent, quàm qui palleſcerent. Quod ru-  
bor probam indolem arguat, pallor perversam,  
Plutarch. in *apoph.* Quod honestatis vestigium De-  
mades in muliere pulchritudinis arcem appellabat,  
Sob. *form.* 24. Neque alia ad summi honoris fasti-  
gium via contendit Domitianus, quàm oris probi-  
verecundia, de qua ad Senatum jactare ausus  
fuit: *Usque adhuc certe animam meum probastis*,  
& *valium*. Fuit namque ille, Suetonii testimo-  
nio, vultu molesto, ruborilque pleno, & assen-  
tiente Tacito Annal. 2. *Decorus*, *ignotus adhuc*  
*moribus*, *habitus*, & *crebra oris confusio pro modestia*  
*accipiebatur*. Quæ in Demetrio tantum apud Se-  
natum valuit, ut Philippo patri pluribus in curia  
criminibus impetito, nihil æque profuerit, quàm  
pudibundi adolescentis rubor, cum oblatas à ci-  
vitatibus legatis criminationes depellere non pos-  
set.

Nihil igitur rei cum adolescentibus duri oris  
nequam nobiscum esse debet, qui & impudenter  
dicunt, quod in buccam venit, & audacter fa-  
ciunt, quod improba animi libido suggerit. Non  
probat ille pallor, quo ad præceptorum mo-  
nita, & oburgationes genæ turpiter inficiuntur.  
Non est illud virtutis, pudoris, modestiæ, sed  
improbatis, impudentiæ, obstinationis pigmen-  
tum. Pudere eos malo, & rubere, quando eo-  
rum delicta arguuntur, quàm ridere, certisque  
intractabilis animi notis ad capienda virtutum se-  
mina indignos, ineptosque eos declarare. Talis  
Caligula erat, qui nihil magis in natura sua pro-  
bare dicebat, quàm inverecundiam, quæ nullum  
ipsi in designandis flagitiis ruborem affunderet,  
Suetonius. Quo vitio non male audirent Athenien-  
ses ad significandam impudentiam.

Admiror Naturæ providentiam, quæ iusta men-  
sura fecit os grande, ubi major, & capacior sto-  
machus. Unde tales videntur ad intemperantiam  
propensi ex Magno Alberto. E contra os parvum.  
Os autem apertum stultitiæ ac stupiditatis est signum  
ex Aristophane. Oris suavitas, & fragrantia com-  
mendatur.

#### Labia & Mentum.

Quis in labiis, ac mento mentem habitare putet?  
Labia quidem dentium procæstria, loquendi-  
que adjumentum, si patula fuerint, forasque  
prouberent abundantius, ut in Mauris latro-  
nibus, audaces, impudentes, luxuriosos de-  
notant. Sin succincta, & adstricta, mo-  
destos, sobrios, largos significant. Tenuitas illo-  
rum sagacitatis, & eloquentiæ indicium præbet.  
Multum rubicunda puritatem sanguinis, tenuita-  
temque carnis indicant. Cujus labia non bene sunt  
tincta, ægrotant, ex Rhafi, eorum exporrectio  
cogitabundi signum est. Alia leges apud Albertum  
*lib. de anim. tr. 2. cap. 9.*

Mentum cum naribus plerumque convenit, cujus  
acumen iracundiam, arrogantiamque. Obtusio he-

betudinem; fissio amicabilitatem, ut plurimum de-  
signat. Mentum breve ingenioforum sæpe est, cum  
sæpe annexum sit cum magna amplitudine partis  
superioris capitis, & copia cerebri. De mento  
bipartito vide Aristotelem *lib. 3. hist. animal. ca-*  
*pit. 11.*

#### Dentes, & Lingua.

Qui raris, aut paucos habent dentes, sunt brevioris  
vitæ, secus qui plures ex Hippocrate 1. *epid. sect. 6.*  
& ex Aristotele. Qui verò cohærentes, & conti-  
nuatos, feri sunt, & agrestes. Ita Pyrrhus Epiro-  
tarum Rex, qui unum tantum os in singula gingi-  
va, non interruptum, teste Plinio *lib. 7. cap. 17.*  
Ita & Euriphæus, Cyrenæus, Drusias, Prusias Re-  
gis filius, referente Sexto Pompeio *lib. 11.* &  
Alex. ab Alex. *lib. 1. gen. lib. cap. 19.*

Molares, ante pubertatem enati, brevioram vi-  
tam indicant, sicut stirpes, quæ celerius florent,  
celerius evanescunt. Testatur Magnus Albertus se  
hominem cognovisse, cui anno octogesimo den-  
tes nati, & Zanilen Samothracensi civi post cen-  
tum quatuor annos apud Plinium *lib. 11. capi-*  
*to 37.*

Dentes nigri, fuligine offuscati ostendunt copio-  
sa cerebri, aut ventriculi excrementa, tum præcipue  
si duriori sint alveo ob excrementitias fæces deten-  
tas. Describit Delrius in Cantic. 4. explicans illud:  
dentes tui sicut grex tonsarum, conditiones dentium  
pulchrorum, sanorumque.

Lingua verò subtilis, tenuis, acuminata, limata  
ex Scoto sagacem hominem, ingeniosum, subtilem,  
& colericum significat; est enim inditium magni  
caloris, ac spiritus, quibus competit extendere ac  
deducere in acumen instar ignis.

Lingua crassa brevem vitam denotat. Grossa, &  
immoderate prælonga ingenium rude, ut boves.

Longa, lata, rubicunda significat morum bo-  
nitatem; alba corruptionem. Cum enim spongiosa  
multum sit, facile humores recipit, eisque colore  
assimilatur. Ideo febres indicat, ut tradit Galenus  
*com. 5. in lib. Hippocr. de morb. vulgar.* addens, vi-  
ridem linguam biliosos, nigram melancholicos, hu-  
midam ventriculum, aut cerebrum humidum in-  
dicare.

#### Barba.

Sed quinam illi sunt Barbæ Reges, prolifica  
pilorum supellectile in pectus propendente? An  
prisæ memoriæ Philosophos video, barbæio specta-  
biles, & pallio? An potius ex Quiritium Senatu  
venerabiles Senes, quorum in curuli sedentium  
conspectu victor Gillus, tanquam objectis Deo-  
rum vultibus obstupuit, baculi etiam ictu perstri-  
ctus, cum barbaram manum promisso capillitio  
admoveret? Hoc habitu pastores Arcadas, & Au-  
runcos patres, & intonsos, sanctissimæ severitatis  
Cethegos, Scævolas, Curios, Catones, Manlios  
vetustas depinxit, in quorum hispida coma, &  
demissa barba virtus ipsa habitare putabatur.

Duravit in Ticinium ad quintum Urbis seculum  
promittendæ barbæ consuetudo, cum juvenus  
delicior tonsoribus è Sicilia adductis mentum,  
caputque radendum permetteret, Plin. *lib. 7. cap. 59.*  
Hirta propendentis mysticis coma antiquitus viri-  
lis animi signum erat, nullam ornandi, oblectan-  
dique corporis admittentis curam. Quare Dioge-  
nes cuidam barbam abradenti: *Nunquid naturam*,  
inquit, *accusas, quod te virum fecerit, non mulie-*  
*rem?* Lacon verò Senex interrogatus, cur bar-  
bam



bun aleret sylvestram, ut dixit, *intuens canos, nihil indignum illis committam*, Plutarch. in *Lacon*. In quam mentem alius dixit: *Barbam alo, ut virum me genitum esse, cogitem, & viriles virtutum obeam functiones*, Lycollh.

In Nazareis coma intonsa votum significavit Deo religiose nuncupatum, Joseph. lib. 5. *antiq.* Qui postremis tamen temporibus, evalescente jam majorum instituto, pilos detonsos in sacrificii ignem conjiciebant, ut hoc modo pietatis perfectionem testarentur. Ita apud Græcos Threpteria celebrabantur, quando præcisum in ætatis vigore capillum Deorum honori consecrabant, Cæli. lib. 7. cap. 23. Athenis verò Ephebi, Theseo auctore, primam barbam Apollini dedicabant, Plutarch. in *Theseo*. In gravi etiam luctu apud Græcos ulitatum fuit, ut barbam rescinderent, quod Pentherium nominabant, Cælius, quem Ægyptii sacerdotes morem usurparunt, quoties mortuo Api imminentium calamitatum metu percellerentur. Polyd. lib. 4. cap. 8. Quod Milesii etiam fecisse dicuntur, Sybari à Crotoniatis direpta.

Summo alioquin apud Græcos, & Germanos veteres honori fuit barbam, comamque nutrire. Primus Alexander morem illum abrogavit, qui cum Dario congressurus acie, Parmenioni injunxit, ut radi Macedonum menta curaret, ne in nexis barbæ manibus hostilem injuriam paterentur, Plutarch. in *Regum apophr.* Quod imitati sunt Germani, maxime cum sub Lothario Imperatore in castris ad Spiram, luxurians pilorum seges fulmine exureretur. Grant. lib. 6. *Metrop.* Judæis pudori, atque ignominie fuit, barbam radi, qua turpitudinis nota cum Davidis Legatos Anon, Moabitarum Rex affecisset, atrocissimum bellum concitavit, quod ipsi, regnoque perniciem à attulit Reg. 2. cap. 10. Venit mihi hoc loco in mentem Solimi Turcarum Imperatoris, qui rafa barba non velle se ad patris Bajazetii exemplum, pilos nutrire dicebat, ne Bassæ manibus injectis Principem ducerent, quod vellent, ut patri suo evenerat.

Interea non possum, quin cum Democrate veterum quorundam de schola dementiam rideam, qui cum barba philosophantur, tum se philosophos rati, si ingentibus pilorum scopis pallium, peramque obumbrarent. Ille rogatus, quam Philosophiæ sectam profiteretur, succussus vehementiore visu: *Quid stultius est, inquit, quam ut homines ex barba Philosophum æstiment?* Qualem de villis, filisque pilosis Philosophum egregie aliquando Aristippus excepit. Invitaverat ille Aristippum in Dionisii domum, ut constratum pretiosis tessellis pavementum, regiumque ædium apparatus, & luxuriam perspiceret. Quod cum fecisset Aristippus, circumspæctis omnibus, sputum oris in barbam hominis rejecit, cum in tota domo nihil videret, ad excipiendum oris recrementum opportunius, Laert. 2. cap. 8.

Sed hoc Cynicam sapit inverecundiam. Herodes Atticus civilius istius sectæ hominem tractavit. Petebat ab illo quisquam barba tenuis Philosophus nummos ad panes coëmendum. Interrogatus verò, quisnam esset? irato vultu, Philosophum se se respondit. Cui Herodes: *Video, inquit, barbam, palliumque, Philosophum verò non video.* Nequam homines, qui virtutem supercilio, sapientiam pilo, professionem vestium habitu simulant, struthionibus similes, qui cum volare non possint speciem tamen volandi habent.

At quid hoc monstri est, quod video? An hic fœminæ etiam alunt mystica, viris quibusdam

barba exutis? Neque enim credo Minervæ apud Pegadenfes sacerdotes esse, quibus, si quid publice calamitatis impenderet, barba germinante mento adnascatur, Herod. lib. 8. Strabo lib. 13. Aut multo sexu homines in diversi generis habitum transisse, ut Cœnidi evenit, Elati Regis filie, quæ voto ex fœmina vir factus Cœnei nomen assumpsit. Ovid. lib. 11. *metam.* O Virgines, barbitum illud vestrum caloris, roborisque plasmam feminei copiam significat, quæ virile jugum invita sine dubio cervice patitur. In aliis insita frigiditas, obstructis, obferatisque meatibus, obsideri mentum pilo non permittit. Quam eunuchi indolem sequuntur, dum frigiditas calorem interpellat, & siccitas pabulum oblat. In viris tamen quandoque etiam nimia meatuum capacitas barbitum melius frustratur, evaporante fumo, antequam consenscat. Quæ pilorum in mento raritas; atque infrequentia tacitis hominum ludibriis in Caligula exagitata fuit. Neque minus in Juliano Apostata, qui ad coercendam hominum illusionem librum scripsit *μυσσολογία* barbæ oforem dictum.

Porro barba perfectionis signum est, ideoque Romani Deos suos barbatos pingebant. Recteque notavit Baronius in diversis locis diversas consuetudines circa barbam apud Orientales, & Occidentales. Quod autem viro subcrescat, non autem mulieri, calori adscribitur, vi cujus in viro vapor excrementitius, ac siccus evaporescit ad cutem. Si autem menstrui cursus subsistant in femina, parvi pili profiliunt in mento, ut refert Aristoteles lib. 3. cap. 11. *hist.* accidisse mulieribus sacerdotibus in terra Choria, & cuidam Helenæ natæ 1578. in Episcopatu Leodiensi, ut scribit Gilbertus Uvofcius medicus.

Copiosa barba copiam caloris, & humorum fuliginosorum indicat, estque signum fortitudinis, & audaciæ, ac etiam propensionis ad libidinem.

Qui citò barbam emittunt, calidi sunt, qui tardius, frigidi. Barba rara frigidum quoque corporis habitum indicat, quod nullos excernat vapores terreos, & siccus, nec educere valeat pilorum procreationem. Aliquando tamen significat hominem valde calidum, quia virtute copiosi caloris, laxatis poris, vapores universi exhalant. Valde etiam humidum nonnunquam significat, ideoque terrea tuligo non excernitur. Unde loca humida barbam non progignunt, & hac fortassis de causa spadones non imbarbescunt, quia humidissimi, & si addatur causa defectus caloris.

### Collum.

Qui collum crassum habent ac plenum, relati ab Aristotele ad tauros, animosi sunt. Oritur namque animus ex magno calore eoque efficacior, quò contractior. Contractior autem si parvum est cor. Ideo namque cervi, quia oor magnum habent, sunt timidi. Colligitur autem ex crassitie, ac plenitudine colli parvitas cordis, & caloris copia.

Collum verò tenue ac prolixum significat timiditatem, & refertur ad cervos ex Aristotele. Ex eo enim indicatur caloris inopia, & nervorum exilitas. Suetonius in *Caligula* cap. 5. sic eum describit: Pallidus colore, corpore enormi, gracilitate maxima cervicis, & crurum, oculis & temporibus concavis, fronte lata, torva, capillo raro, & supra verticem nullo, vultus natura horridus. Ideoque timidissimus, quare sæpe in bello fugit cum summa ignominia.



Lupinus & vitulus marinus colla habent brevissima, ideoque voraces sunt, talesque dicuntur, qui habent collum breve. Rationem reddit Nicquetius, aliaque addens de collo, humeris, dorso, pectore, brachiis, axillis, mammis, costis, lumbis, ventre, umbilico, coxis, femore, genu, crure, testiculis, Nos de manu postea.

*Pedes.*

Habens pedes exiguos, angustos, animi mollitie laborat. Unde ab Aristotele inter feminas enumeratur. Ejusmodi pedes habuisse Telemachum ait Homerus.

Quibus verò pedes agiles sunt, magni, beneque compacti, ac nervosi, vegetas habent animæ vires. Quare Aristoteles censet omnem velocem, ac robustum virum magna spirituum animalium copia abundare. Spiritus enim quasi ignis, ignis autem proprie agilitas. Ideo Pyrrhus, Achilles filius, à peccatis ignea celeritate sic appellatus, teste Cælio lib. 5. cap. 3. à meridie ad vespertinam septuaginta quinque milia passuum perpetuo cursu transiebat, cum tan ea annum decimum nondum attigisset, ut narrat Plinius lib. 7. cap. 20. Sic Philonydes, Alexandri Magni Curfor uno die centum quinquaginta miliaria conficiebat. Simile refertur à Strabone lib. 15. de quadam gente Indica, & de Trogloditis Solinus.

*Incessus.*

De hoc sufficit ostendere locum D. Ambrosii de offe. cap. 2. & 18. cui addendus est Ecclesiasticus cap. 15. ex visu cognosci virum, & occursum faciei sensum, amicitiam corporis, & risum denarium, & ne ipsam enuntiare de illo. Thasleus monachus Hebræorum de 3. sent. 65. gestus exteriores, inquit, signa sunt motuum intrinsecus latentium, ut arborum incognitarum fructus producti. Basilus verò epist. 1. in præloio: Incessus neque sit, ut animæ exolutionem declaret, neque rursus vehemens, ac insolens, & concitatus, ut temerarios ejus impetus ostendat. Unde non immerito physiognomicus conjecturas ex incessu de hominis temperie, & affectibus mentis circa inclinationem naturalem plura coniciunt.

Celer viro est proprius, & calorem indicat. Unde refert Macrobius lib. 2. Saturnal. cap. 3. quod cum Pilo, gener Ciceronis, tardius incederet, filia autem velocius, dixit ironice subridens, ille ambulat tanquam femina, ista tanquam vir.

Tardus autem incessus frigus, pituitam, melancholicam constitutionem, pigritiam, segnitiamque significat, ideo mulieribus, senibusque propria, teste Alberto. Quare anus Plautina sui tarditatem incessus excusans, dicebat, onus maximum portare, annos scilicet 74. Ideo Salamandra incessu est tardissima, stupida, & frigida.

Graviter verò ambulantes cogitabundi sunt, ac plerumque bene affectæ mentis. Unde sacerdotes secundum Canones, & D. Augustini regulam, gravitate incessus mentis gravitatem ostendere debent.

*De Chiromantia naturali.*

De Manu, quæ mirabilis est Naturæ miraculum Zoroastro, totius corporis munus Isidoro, humanæ vitæ præsidium, amicitiae sedes, corporis, ac præcipue capitis propugnaculum Lactantio, ut Astrono-

mica Chiromantia vanitas eliminetur; hæc obervanda sunt.

*De Manibus carnosiss, mollibus, longis, &c.*

Manus valde carnosæ copiam humoris indicant. Caronamque temperiem humidam importat. Nimiâ autem humiditas officit ingenii bonitati. Unde carnosæ sunt ingenii hebetioris. Sic etiam durities manus, vel carnis sensuum hebetudinem ac subinde intellectus denunciat. Contra ex Aristotele 2. de anim. carnes molles vivacitatem, solertiam, magnamque ad cunctas disciplinas capessendas idoneitatem portendunt. Pluresque rationes affert Hippocrates lib. 1. de part. docens, nihil in primis prudentiæ magis deservire, quàm sanguinem subtilem, ac purum, ex quo provenit mollis caro, sicut durior ex crasso, & terreo. Et quia caro est sensorium tactus, quo mollius sensorium, eo magis speciebus pervium sensibilibus. Sensus autem sunt intelligentiæ nuncii, atque administri. Ac etiam quia mollities carnis indicat excrementosam materiam, quæ indurari potuit, perfecte secretam esse, atque evaporasse. Cum enim caro mollis sit magis aperta, & pervia purgationi materiæ excrementitiæ summopere deservit; unde optima corporis temperies.

Secus autem dicendum est de mollitudine muliebri, si ex spumoso, aëreo, & contemperato calido absque pituitæ copia nata non sit, sed ex abundanti humore aquico proficiente. Unde tardæ sunt, ac pigre.

Manus autem subtiles, & longæ timiditatem prænunciant, cujus rationem reddit Camillus Baldus.

*De Manibus magnis, parvis, & pilosis.*

Manus magna, articulata, & nervosa robustos viros significat ex Aristotele. Arguit enim copiosum calorem. Ideo Claudius Imperator pugno dentes equi excutiebat, Longimanus Persarum Rex, & Septimius pollice currum nitentem repellabant.

Crassæ ac breves manus cum parvis digitis significant pigrum, obtusum, & hebetem. Nam indicant parum caloris, & multum crassæ materiæ atque humidæ.

Qui verò habent manus pilosas luxuriosi sunt ac feri, & agrestes, ut Isau, qui non solum manus, sed & totum corpus pilosum, & hispidum habebat, Jacob contra. Manus siquidem pilosa immoderatum caloris fomitem arguit.

*De Lineis manuum.*

Quibus à natura defunt lineæ in manibus videntur elanguisse vires potentia formatricis. Possunt tamen ex ætate ingravescente vel ex gravioribus morbis, aliave de causa lineæ obliterari.

Qui longiores ac per totam manus palmam productas lineas habent, longiorem vitam protrahere creditur. Contra, qui breviores ex Aristotele 1. hist. capit. 15. in hæc verba: Pars interior manus vola dicitur carnosæ est, scissuris vitæ indicibus distincta; longioris scilicet vitæ singulis, aut binis ductis per totam; brevioris binis, quæ non longitudinem totam designent. Fufius hoc idem habet sectione decima probl. 48. & sect. 34. problem. 10.

Lineæ profundæ, rectæ, altæ, expressæ, amplæ,



ptæ, in longum tractum continuo productæ, vivo calore pellucidæ, vitam indicant parum infirmitatibus obnoxiam. Secus lineæ tenues, abruptæ, confisæ, in plures ductus contractæ, decurtatæ, incisæ, aliarumque linearum interventu divulsæ, exiles, & veluti in furculos & ramulos incisæ. Sic enim denotatur imbecilla formatrix facultas, & defectus caloris.

Quid autem conjectari possit ex linea vitali, sive cordis, cerebri, hepatis, & mentuli, ac de partibus principibus, quibus responderet, vide Nicquetium, & alios. Id certum, quod si ex astris, & physionomia tantum conjectura, & levis suspicio acquiri potest, multo minus ex lineis manus. Unde contemnendi, qui ex lineis manuum judicant de vita longa & brevi, infirmitatibus & sanitate, & quod pejus, qui de actibus liberis, fortuitis, & contingentibus, de quo infra.

### De Digitis.

Digitus crassus, & brevis sunt stolidorum, rudeque ingenium portendunt, ut tradit Albertus, & Polemon. Nam infertur redundans materia; unde crassities, parumque caloris, unde brevitatis. Quare ante cibum crassiores sunt digitus; nam redundant fumi varii, pravique humores, qui accepto cibo evaporant, ac subinde digitus gracilescent.

Digitus etiam cum articulis crassus pravam corporis constitutionem indicant. Si recte retro flectantur ingenuos, & loquaces ostendunt homines ob humorum tenuitatem, ac subtilitatem.

Digitus longi edacem hominem arguunt. Qui autem pollice constant brevior, sed crassiori, valde rebus sunt. Sic Maximus Imperator robustissimus, pollice fuit tam vasto, ut uxoris dextocherio uteretur pro annulo ex Julio Capitolino. Dextocherium autem muliebri brachiorum ornamentum est, quod ex auro in annuli lati formam, gemmisque pretiosissimis integebatur.

### De Unguibus.

Ungues, si abunde subrescunt, excrementorum abundantiam significant; ut in febricitantibus videre licet. Ex Aristotele lib. 2. de generat. animal. cap. 6. homines respectu cæterorum animalium maximo calore abundant, ideoque minus de excrementis terreis, & incoctis, & ungues habent aliis minores.

Ungues asperi, & rotundi ex Alberto ostendunt inclinationem ad luxuriam. Ex rotunditate enim magnus arguitur calor, moderatusque humor, qui a calore consumitur.

Ungues item asperi, & adunci, calidam, siccamque naturam indicant, brevior enim vitam, & infecunditatem, referenturque ad aves rapaces & carnivoras. Tabæ laborantibus ob nimiam siccitatem ungues recurvantur.

Ungues verò crassi, vel carni adherentes hebetem, stolidum, & imprudentem denunciant. Contendit autem Georgius Valla in suis problem. idiplum indicari ex parvis, & angustis; nam parum caloris indicant.

Ungues autem nigri, & parvi melancholicorum proprii sunt. Tales senum ungues, imo & totum corpus ob defectum caloris.

Ungues plani, albi, molles, tenues, subrubentes, bene lucidi optimum ingenium indicant. Quod signum raro fallere notavit Albertus. Nam

optimam carnis temperiem; cujus constitutionem sequuntur ungues, enunciant.

### De Signis unguium.

Hieronymus Cortesius, alique plures vanitimas, & plane supersticiosas unguium notas ediderunt, ex illis aspicientes fausta, & infausa, ac etiam libera. Quod pertinet ad chiromantiam judicariam, damnatam à Sixto V. Fausta quidem ex notis albis, infausa ex nigris. Unde autem id colligant, ignorant. Ideoque in his intervenit pactum implicitum cum dæmone, qui, ut sæpe diximus, studet his vanis se immiscere.

Id autem physice accidere dicimus cum Alexandro lib. 1. problem. Nimirum ex phlegmate oriri albas notas, nigras ex melancholia, quæ albugines appellantur, & potius in unguibus manuum, quam pedum gignuntur, & in pueris magis, quia prodeunt ex pituita. Hæc autem magis abundat in pueris edacioribus. Pedes vero per motum, & agitationem materiam magis digerunt, quam manus.

Tradit Joannes Tardius, hujusmodi maculas quandoque intra septem, aut decem dies a radice ad extremitatem usque, imo aliquando antea, evanescere. Interdum autem digeritur excrementitius humor. Credit enim hic autor cum nonnullis aliis, ungues animatos esse.

### De Manu dextera, & sinistra, deque Ambidextris.

Agunt de his Hippocrates, Aristoteles, Nicquetius, & alii. Nos id tantum advertimus, quod pars dextera calidior, & valentior est sinistra. Iste enim dexterum est. Verum ex Aristotele de part. cap. 4. cor vitalis caloris fons existit in medio corporis, suo tamen turbinato mucrone ad sinistram latus vertitur. Os vero illud, quo spiritus emittuntur, dextrorsum obversum est. Imo cum in eo sint duæ cavitates in dextera spiritus, qui sanguinis portio est calidissima, continetur, in sinistra frigidior sanguis. Unde sinistra humidior & frigidior. Ideo sinistram oculum citius, quam dexterum contrahimus, quia humidior est, unde facilius patitur.

### De Humoribus indicibus.

Magna est humorum, ac morum in homine consensio, ut vitia, ac virtutes, non alio pene ex fonte, quam ex corporis habitu, succorumque temperatura redundent. Hinc mens humana miris modis afficitur variisque conturbata in diversos status detorqueatur. Hinc aut ad vitia, aut ad virtutes vehementiore cupiditatis impetu propendimus. Hinc ad intelligendum, & sapiendum magis, minusve valeamus, ad expedienda negotia paratiores, tardioresve sumus, ad obeundam civilis vitæ functionem imparem curam, ac dexteritatem conferimus. Hinc alias procellis sollicitudinum æstu jactamur, alias sedatis, resistentique perturbacionum motibus in secura tranquillitate versamur. Nunc subditis iracundiæ facibus ferocimus; aliquando benigni sermonis, morumque facilitate omnium in congressu gratiam demeremur.

Neque aliter ut corpus pro diversa humorum affectione variatur, & aut collapsa valetudine languet, aut integra, incorruptaque sanitate omnes officii sui partes probe, alacriterque exequitur; ita ab eodem principio animus in diversas morum species



species transformatur, & convenientem temperamento corporis habitum assumit. Si sua illi perferat moderatio, apta, concinnaque humorum commensuratione, mores integri sunt, atque incorrupti, mens placida, ac sedata, animus acer, atque industrius, vitæ totius probitas spectata. In sermone comitas, in vultu benignitas, in gestu decencia, in fræmandis cupiditatibus moderatio, in capiendis consiliis providentia, in obeundis negotiis dexteritas elucescit. Sin imbutis vitiosa qualitate humoribus intemperies dominetur, cum corporis ægrotatione animus illico sanitate sua spoliatur. Ira, excandescencia, obrectatio, metus, pavor, sollicitudo, æmulatio, ceteraque malarum libidinum pestes erumpunt, quæ rationis oblectatæ imperio hominem à recta virtutis via abducunt, & profundo sæpe exitium errorum, miseriarumque immergunt.

Faculas videmus minus exhibere lucis, quando impolito, parumque nitido inferuntur candelabro, ita mentis lumen fœculentis humorum offusum tenebris, obtorpescit, obtusaque rectæ rationis, & consilii acie, pro violento cupiditatum impetu in suam perniciem impellitur. Vitalis hic præcipue spiritus sunt partes, qui contracta ex impuris humoribus labi, diffusisque per universum corpus, animi serenitatem perturbat, morum integritatem deperdit, hominem ad enormes perverfarum libidinum impetus avertit.

Neque enim magis in placido securitatis portu acquiescet, quam in tempestuoso mari navicula, validissimis aurarum flabris huc atque illuc acta. Ut enim incumbens terræ, marique ventus favissimas tempestates excitat, commotisque in alto fluctibus littora aggeresque convellit, ac lacrymabilem satis, atque animantibus noxam infert; ita turbulenti in corpore spiritus horribiles animi motus cient, jactatumque perturbationum impetu pro arbitrio versant. Frustra oblectatur ratio, dum impotens sui cupiditas velut navem excusso naucero, avulsoque clavo, damnosis errorum scopulis hominem impingit.

Ex hoc humorum, spirituumque seminario, tanta inter homines morum, atque ingeniorum pullulat varietas. Hinc una anima in uno homine tam multiplices sæpe actiones edit. Hinc illa cogitationum, cupiditatum, affectuum, perturbationum diversitas oritur, quæ sumptis ex aëris, alimentique natura viribus rationis frænum excutunt, nisi fulta divino præsidio hostilem à se impetum propellat. Intueamur illos aurigas, bajulos, vectores, fœlamentarios, quique aut sub armis duram vitam agunt, aut in lustris popinæ lutulenta vinorum fœce pascuntur, quam illi ex crasso, impuroque sanguine asperos habent mores! Quanta in hoc hominum genere est ferocia! Quanta inhumanitas! Quam gerunt pectora obruta, nullis conscientie stimulis perforanda, nulla bonorum reverentia, nullo religionis metu, nulla turpitudinis verecundia emollienda? Non est illa morum immanitas in detæcati, sincerique sanguinis hominibus, qui animo placido, ac sedato ad humanitatis, & benevolentie studia propendent, turbulentos cupiditatum motus comprimunt, pudore, ac verecundia in officio continentur, raro aut ira exardescunt, aut vindictæ cupiditate accenduntur, aut malæ libidinis impetum admittunt. Quod si vel incommodi accepti indignatione, vel cupitæ rei desiderio tacite, latenterque effervescent, atque intra se tumultuari in-

Tem. I.

cipiant, ut cum indignatione ventorum mare cohorescit, suspensis in alto undis, solutaque magis tranquillitate, quam fluctibus excitatis, confestim adhibita in consilium ratione, motus exorientes componunt antequam in graviolem tempestatem erumpant.

Nulli quidem tam sunt abditi animorum recessu, nullæ tam reconditæ intimisque penetralibus retrusæ pectorum latebræ, quas non humorum in corpore exundantium dominatio aperiat, & in conspectu ponat. Ut in quoquam aut pituita congeritur, aut bilis exuberat, aut sinceti sanguinis copia abundat, ita ad certa morum studia conformatur, & ex temperati corporis statu animi habitum adsciscit. Atque ut aër, pro diversa cœli temperie, variæ qualitatis spiritum herbis, atque animantibus affundit, ita humorum in corpore moderatio suam animo vim impertit, illique aut salutarem virtutis auram adspirat, aut exitialem vitiorum pestem affert.

Veniat huc in medium pituitosus ille, corpore adiposo, facie albicante, cute glabra, capillo spiceo, incessu tardo, oscitando, pandiculandoque fœdam ore illuviem reiciens. Nosco iudolem tuam, homo. Teneo corporis animique tui statum, non minus, quam si eodem tecum ovo natus essem. Caput quidem molesta gravedine opprimitur. Fauces tussi, ac raucedine infestantur. Os, ac nares mucico affluente redundant. Corpus universum, manante in partes inferiores uligine ad somnolentium, ad desidiam, ad veterum inclinatur. Incurandis officiis sui partibus tardum, inhabile, impeditum. Animus sopito, immersoque frigida sentina calore, hebet, ingenium languet, memoria vacillat, sensus obtusi sunt, ad præstantium doctrinarum studia, ad res dextre gerendas, ad gloriam magni nominis parandam, exigua à te ipso præsidia obtines.

In eo laudem mereris, quod miti, sedatoque es ingenio, quod à naturæ acerbitate alienus vix unquam stomacho, atque iracundia effervesces, non technis, fallaciisque alios circumvenis, non sicam vibras, non venena spargis. Nihil in te cum Antonio Cæsar agnoscit, quod aliquem ipsi metum, ac formidinem incuriat.

Tuus, biliosus, pallor, & illa compacti corporis gracilitas, illa flammeæ faciei fuscado, illa crispæ capillamenti nigrities, volubilis lingua, hispida cutis, majores, promptioresque habet nocendi vires. Ut enim est in te animus acer, alacer, erectus, qui ad res præclaras stimulos tibi admovent, atque incitamenta ingenium solers, acutum, inquietum, ita dolis, insidiisque moliendis singularem aptitudinem habes, atque ut apes ingentes animos parvo sub corpore gestant, ita modico in corpore magnos alis spiritus, iram facile concipis, facile deponis, negotia ut expedis dexterrimè, ita eludis sæpe socium vaferrime, in venerem præceps, in honorum certamina proclivis, impiger, iracundus, inexorabilis, acer.

Vah! tamen tibi, si bilis illa tua, aut exusta nimii caloris vi, aut computrescens atram fuliginem concipiat, atque aut ex naturæ indole, aut diuturni mœoris carnificina, aut suppresso naturæ profluvio, aut jugi studio, & intempestiva lucubratione in melancholiam devergat. Namque ut atra nubes soli offusa, radios illius intercipit, ac lumen offuscat, ita bilis deflagratæ cineres mentem obducunt, omnemque ingenii lucem homini præripiunt.

Hinc igitur densa fuligine cerebro impleto,

L l

corpus



corpus affligitur, animus male habet, homo difficilis, querulus, morosus, durus, intractabilis, præfractus, avarus redditur. Multa est in illo invidia, æmulatio, amarulentia, odium, indignatio, malignitas, dolor animi inexhaustus, sollicitudo, anxietasque, nulla consolationis medicina corrigenda. Quod si invalescens deterrimi humoris vis in principes partes imperium sumpserit, mentis oritur alienatio, qua sibi alii cervina ad frontem corona; alii pendulam ad nares caudam affixerunt. Quidam in lupos, in millii semina, à gallinis devoranda, in mortuorum spectra commutatos se crediderunt. Nonnulli capita, ventresque intus ranis, muribus, bufonibus obsideri sunt imaginati. Multi ad desperationem, ac diffidentiam delapsi calamitoso, funestoque exitu vitam finiverunt.

Nullum quidem isti sanguinei habitus, quem in proximo video florido vultus colore, subnigro capillo, rutila barba, elegante aspectu, amabili, & gratiosa corporis venustate, ab isto solitudinis impetu periculum impender. Sincero, defæcatoque sanguine scatur, quo neque corporis ullus status ad proferendam vitam, ac removendam senectutem est commendator; neque ad capienda virtutum, scientiarumque magnarum semina magis laudatus, maxime si modica bile temperetur, & salutari educationis præsidio fulciatur. Adolescit enim in uberrimam frugem illa boni sanguinis indoles, ut vites, arboreque generosæ pretiosos ferunt fructus, si fertili depactæ solo, dum adhuc teneræ sunt, diligenter educuntur.

Delitescit sub hoc humore expedita mentis agitatio, morum amabilis venustas, dicendi facultas, agendi dexteritas, singularis ad imitandum quidvis aptitudo. Quæ dotes cum ætatis, calorisque nativi accessu, quotidiano usu, atque exercitatione committitur, magnum sæpe Reipublicæ gerendæ usum, atque ornamentum contulerunt.

Sin ille meracissimi sanguinis liquor nulla calide bilis acrimonia coërceatur, effervescentis instar musti, in venis ebullit, animique puerilem mobilitatem, atque inconstantiam parit. Nulla est in vultu, gestuque corporis modestia, in moribus gravitas, in agendis rebus prudentia, in iudicando ratio, in moderanda vita consilium, in persequenda virtute, gloriaque diligentia. Nihil animo cogitatur ferii, nulla de gravioribus rebus instituitur meditatio.

Compelce, adolescens, exultantem inaniter sanguinis ebullientis spiritum, coërce vitulantem indecore immodestiam, adijunge tibi prudentes vitæ moderatores, aut instabilis illa, volubilisque naturæ tuæ conditio ad luxum, ad obscenos amores, ad dissipandum patrimonium, ad turpia Bacchi, Venerisque studia, ad detestanda malorum artium exercitia desciscet.

Neque homines tantum singuli, sed nationes universæ, ex illa corporis temperie, studia, moresque suos moderantur. Quis Asianam nescit molliem, impetus evanidos, iras citò conceptas, citò defervescentes, ingenia prompta, solertiam, industriamque obeundis negotiis singularem? Sanguinis, cæterorumque humorum hoc facit tenuitas, quæ & ingenii vim intendit, & iras ad primum plerumque impetum deflagrantes, inflammant. Aliam in objectis Aquiloni populis indolem animadvertes, quos sanguis crassus, densisque Spiritus tardiores quidem reddunt, & hebetes, sed ad pericula suscipienda impavidos, ad

perficienda negotia constantes, ad tolerandas molestias firmos.

## CONSULTATIO XCVII.

*An & quatenus Divinatio Physionomia, Chiromantia, Spatulamantia sit licita? Sive*

*An & quatenus Physionomia, & chiromantia sapientiam haresim manifeste?*

**P**hyssionomiaz generale nomen est ad Physionomiam naturalem, & vanam, sive judicariam. Physionomiam naturalem artem esse, tradit Aristoteles in libello de Physionomia. Nam anima & corpus se sequuntur, nec est impassibile anima à motibus corporis, ut patet in ebrietate, & ægritudine, & contra corpus passionibus animæ vexatur, ut liquet in actibus amoris, odii, timoris, doloris, voluptatis.

Ex quibus, subdit Aristoteles, accipiuntur prænotiones conjecturales ad futuras affectiones, sive potius propensiones ingenii acumen, vel roditatem, ex corporum, atque membrorum quantitate, figura, habitu, proportionem, colore, temperie, motu & hujusmodi aliis. Et quia hæc est ars conjecturalis tantum quoad futura, ideo licita dicitur. Hanc sententiam tutatur Nicquetius lib. de physogn. cap. 5. eo modo, quo Physica, Philosophia moralis, Rhetorica, & similes.

Dividitur autem physionomia in physionomiam, sive Metoscopiam, specialiter dictam, quæ considerat frontem, totamque faciem, Chiromantiam quæ constitutiones, ac lineas manus attendit, quæ organum est organorum, & Pedomantiam ex humano pede conjectantem, & Onychomantiam ex ungue pueri impolluti investigantem. Alii addunt spatulomantiam, quæ in animalium armo, & omnibus partibus signa, & lineas repertas observant, excepta facie, manu, & ungue; sed & omnia corporis membra investigat, præcipue superiora, ut caput, ejusque partes.

Divinæ autem physionomiaz non erat exemplum, quoddam scilicet Deus miraculose immutavit faciem, vel partes aliquas hominis ad aliquid significandum. Dæmon verò potest suis præstigiis facere, quod facies, aliæque hominis partes appareant aliter quam sunt. Nequit tamen revera faciem immutare, nisi applicando activa passiva, quibus potest causare illas accidentales mutationes, quæ ex infirmitate, aut sanitate, aliisque similibus dispositionibus causari possunt.

Porro physionomiaz naturalis consideratio duplex est. Immediata & mediata. Immediata respicit internum corporis temperamentum, ac humorum proportionem, & naturales propensiones. Mediata vero respicit futuros effectus naturales, qui ex temperamento possunt naturaliter prævideri. In prima consideratione hæc ars procedit ab effectu ad causam, quia naturalia accidentia externa corporis sunt effectus temperamenti interni, quod ex illis investigatur. In secunda verò consideratione procedit ex effectu ad coeffectum, scilicet ad effectum ex communi causa procedentem, & sic ex uno effectu alium investigat per media naturalia.

Quare



Quare dicendum est primo. Divinatio physionomica naturalis ex membris corporis, & metoscopica ex vultu hominis, prædicens corporis, sive animæ sensitivæ propensiones, vel affectiones, rationibus naturalibus innixa, non cum omnimoda certitudine, sed cum formidine conjectans, non est illicita. Unde conjectari ac prædicari potest naturalis propensio corporis, ejusque dispositio, temperamentum, bona, vel mala valetudo, animi affectus, acutum, aut hebes ingenium, & id genus alia, quæ non excedunt ordinem naturæ. Hæc enim possunt probabiliter per conjecturam, non autem certò ex signis agnoscì, nec hujusmodi divinatio se extendit ultra illud, ad quod pertingere potest ordo naturalis. Atque ita docent Sanchez *lib. 2. in decal. cap. 38. num. 44.* Fagundez *etiam in decal. lib. 1. cap. 37. num. 3.* Lessius *lib. 2. cap. 43. num. 48.* Delrius *lib. 4. cap. 3. quest. 4.* Delbene, *de offic. Inquis. p. 2. lib. 2. sect. 2. n. 1.*

Idque confirmo ex Hippocrate *lib. de morb. popul.* dicente, quod oculi non nictantes significant hominem iracundum. Quoniam irati fixis, atque immotis oculis inspiciunt, & quoniam ab eadem causa oritur oculorum nictatio, & passio iracundiæ. Pari etiam ratione à torvo aspectu colligimus animum crudelem. Unde Proverb. 8. dicitur: *boni apostata, vir inutilis graditur ore perverso, annuit oculis, terit pede, digito loquitur, pravo corde machinatur malum, & Isaac 3. agnitio vultus eorum respondebit eis, ac 1. Paralip. 12. de fortibus Israel habetur: facies eorum, quasi facies Leonum, & velocis quasi capra in montibus.* Et Ecclesiastici 8. *Sapientia hominis lucet in vultu ejus & cap. 19. Ex visu cognoscitur vir, & ab occurfu faciei sensus.*

Id etiam probant Pythagora, Plato, Aristoteles Sextus Empiricus, Cicero, alij, ac Delrius, quem sequitur Nazarius *de Magia quest. 3.* hoc idem probat ex juris interpretibus, qui dum plures de eodem crimine sunt accusati, & comprehensi, illum primo quæstioni subjiciendum esse decernunt, qui facie deformior est, quia creditur, illum esse cæteris animo quoque deteriorem, de quo alibi, placuitque Paridi de Puteo *de sindicu §. mandavit*, asserenti se physionomiam in rebus attendentem sæpe veritatem assequutum. Quod prosequuntur alij apud Mascardum *de probat. conclus. 83. num. 27.* Hinc Chartarius *in prax. lib. 1. cap. 2.* quem sequitur Carena *part. 3. tit. 7. §. 2.* alios citans, tenet, inspiciendos esse diligenter à Judice vultum, & frontem examinati, ac præcipue notandam vultus mutationem, trepidationem, & alia hujusmodi. Etenim Judices videntes reum interrogatum de crimine pallefcere, aut turbari, in carceres eum conjiciunt, quia pallor faciei indicat scelus perpetratum. Unde indicium contra maleficos sumi ex mala physionomia, ut puta si sint deformes, ait idem Carena *part. 2. tit. 12. §. 20.* Nam, inquit, sicut argenti vivi venam tractantes, pallidi, tremulique efficiuntur, ita qui horribiles demonum visiones habent, horribiles ac deformes redduntur ex Eymerico, Bincfeldio, ac Delrio.

Accedit judicium insignium pillosophorum. Pythagoras enim discipulorum, physionomiam considerata, aliquos admittebat, alios respuebat. Socrates conjectavit Platonem eximie virtutis virum futurum, & Plato hanc artem probat in *Timæo 6.* & Aristoteles propter conjectationem ex vultu, illum vocavit animi imaginem; Unde Ecclesiastici 13. *Cor hominis immutat faciem*

*illius, vestigium cordis boni, & faciem bonam difficile invenies; & Proverb. 17. In facie prudentis illucet sapientia, oculi stultorum in finibus.*

Physionomia igitur naturalis licita est, his duobus servatis. Primum, ut sit restricta intra terminos naturæ, nec se extendat ultra effectus naturales, ac media naturalia, sicque non se extendat, nisi ad effectus, qui ex causalitate temperamenti naturalis, & causarum cœlestium, quæ etiam sunt causa temperamenti, possunt vere præcognosci, ac prædici. Deinde, ut non excedat in modo cognitionis, ut scilicet non judicet, ac prædicat futura, tanquam certius futura, quàm possit ex causis illis naturalibus prævideri. Solum autem erit in his supersticiosus, ac suspectus, si quis sciens temperamentum, & causas ejus naturales non habere virtutem ad aliquem causandum effectum, vel ex illis causis effectum non posse certò prævideri, vult nihilominus illum vel absolute prædicere, vel cum majori certitudine. Nam id non fit, nisi ex tacito facti in pacto, & invocatione demonis. Siquis tamen in his erret, & falsum opinetur intra limites naturæ, ut si paret, quod causa naturalis possit aliquid efficere, quod verè non potest, vel quod effectus magis necessario ab illa procedat, quàm verum hoc sit, hujusmodi errores non involvunt superstitionem, sed pertinent ad peccatum judicii temerarii, quod nisi sit perniciosum, non continet culpam mortalem, ut alibi diximus, & docent de Turre *2. 2. quest. 95. assert. 4.* Delrius *d. lib. 4. cap. 3. quest. 4.* Sanchez *loc. cit. num. 44.* & Soula *lib. 1. aph. cap. 5.* Si etiam quis sciens, non posse effectum certò prænunciare, illum vero, ut certum prænunciat, non credens sic esse, sed volens audientem decipere, est mendax, non autem sortilegus. In foro tamen exteriori erit suspectus. Et notandum, quod non tam certa aut probabilis conjectura duci potest ex manuum sicut ex vultus dispositionibus, eo quod animæ sensitivæ passiones magis luceant in vultu, nec non & temperies, ac complexio unde nascuntur, quàm in lineis manuum.

Prodiit paucis ante annis ex typographia Veneta libellus de metoscopia, autore Cyro Spontono, qui scatere videtur superstitionibus. Nam ex diversitate linearum colligit liberos actus, fausta, & infausa, quod quis habebit fautores, & amicos, à quibus exaltabitur, vel deprimetur, quod furto inclinet, & quod ideo ratione affirmari possit, in furcas eum esse suspendendum. Hæc enim metoscopia Astrologica prohibetur à Sixto V. sicut & chiromantia, pyromantia, & similia, etiam cum protestatione. Neque tantum est pars physionomiæ naturalis. Nam linearum formatio non prædicat hominum actiones, neque eventus utriusque fortunæ. Nec verum est, à Deo institutas esse hujusmodi lineas ad futura, vel præterita significandum. Non enim omnia instituta sunt à Deo, ut aliquid significant, sed ut sint, efficiant, agant, patiantur à propriis causis.

Aliter procedit Cornelius Ghiraldellus Bononiensis in sua *Cephalegia physionomica*, qui prædictionum, vel inclinationum ex physionomia naturali, & humoribus, tanquam ex radicibus, judicium profert, addens *decade 2. disp. 1.* de fronte grandi, judicia, quæ formant metoscopi super lineas frontis, ac similes, nullum habere fundamentum legitimum in Philosophia, ideoque vanè juxta Planetas de illis judicari, attribuendo primam lineam frontis, ad capillos versus, Saturno, secundam Jovi, tertiam Marti, quartam Soli, quintam Veneri, & quæ reperiuntur inter cilia, Mercurio, quæ autem discernuntur supra cilia oculorum, immediatis



luminaribus assignant, Soli quem inspiciunt super oculus dextrum, Lunæ quam super oculum sinistrum.

Cæterum Sanctos Isidorum, & Gregorium Nazianzenum credimus spiritu prophetico libera & futura potuisse pronuntiare de Juliano Apostata, & de Mahomete. Paris autem de Puteo veritatem aliquando assequutus est, quia simul cum indicis considerabat aptitudinem quandam apparentem ad facinora patranda, & fortassis etiam à dæmone fuit deceptus, ut superstitionibus illum imbueret. Pallor autem faciei, aut turbatio vultus, orta ex interrogatione criminis, solet à pluribus speciatim notari; multoque magis dum reus in tortura existit. Tunc enim omnia accidentia describuntur, ut veritas undequaque investigetur. At cordati Judicis, ut plurimum, hæc nihili faciunt. Tum quia contingit pallefcere viros innocentes, interrogatos de crimine, quod nunquam commiserunt, nullo autem modo facinorosos sceleribus jam assuetos. Ideoque Ambrosius dicebat de virgine: *Si erubescit, salva res est*; nam virgines ad assatum viri statim verecundantur, secus meretrices. Sed examinantis iudicio aliquid derelinquendum est juxta illud: Tu quoque magis Judex. At certum est in observatione legum justitiæ vindictivæ, ac distributivæ attendere ad præfagia ex physionomia, perniciosum esse, & peccatum grave injustitiæ. Quia justitia distributiva respicit meritum, punitiva demeritum. At quandoque deformiores meliores sunt. Est tamen aliquid concedendum Jurisconsultis, contententibus posse aliquando conjectari ex physionomia physica quoad propensionem morum, vel consuetudinem. Nam juxta consuetos actus componuntur corporis membra.

Secundo dicendum est. Ex vultu potest ferri iudicium probabile duntaxat, etiam de propensionibus, nullo tamen modo certam. Prima pars patet ex jam dictis. Secunda probatur ex Sacra Scriptura. *Nolite secundum faciem judicare.* Et 1. Reg. 16. ubi narratur, Deum misisse Samuelem, ut eligeret in Regem sui populi aliquem ex filiis Isai. Samuel statim conjecit oculos in Eliab, quia grandis staturæ, regalis facie, ideoque exclamavit, num coram Domino est Christus ejus? At Dominus respondit, ne respicias vultum ejus, nec altitudinem staturæ ejus, quoniam abjeci eum, neque juxta intuitum hominis ego judico. Confirmatur, quia quod una pars faciei indicat, alia abscondit. Nasus enim aquilinus nobilem animum ostendit, sed cum adjunctis oculis nimis parvis vilem. Et ex consuetudine, educatione, societate, conversatione potest mutari vir prave propensus in morigeratum, ut de Socrate diximus. Quare, ut notavimus cum Aristotele, plura signa simul sunt observanda ad conjectandum ex physionomia.

Nunquam verò licet physionomo iudicare de futuris contingentibus, ac fortuitis, qualia sunt dona divina, actus humani, aut actibus humanis permixti, exteriora hominis bona, opes, honores, dignitates, nuptiæ, officia, virtutes, vitia, status, mors violenta, & id genus alia. Id enim est superstitiosum ac illicitum, & de fide suspectum. Nam hæc omnia nullam habent certam connexionem causæ, vel effectus cum hominis temperamento, & naturalibus propensionibus, neque cum astris, aliisque causis corporalibus universalibus. Et ideo ex illis non possunt prævidere hujusmodi futura. Permittit quidem Deus,

ut quædam physionomi prædictiones eventu comprobentur, sed simul eum falli in his, quæ magis necessaria sunt, ut probat Delrius ex Jovio in *elogiis*, loquente de Antiocho Liberio Cæsennate, physionomo excellenti.

Hinc peccatum est mortale ex genere suo, ad Dæmonis tacitam invocationem divinatio liberorum, & fortuitorum speciatim accepta ex physionomia naturali, quia nequit ad illa significandum extendere, neque ut signa, neque ut causa. Et ideo dæmon se ingerit in hisce divinationibus, ut veros eventus enunciet.

Tertiò dicendum est. A physionomo naturali tria possunt ex signis, ex effectibus, aut ex aliis certis principiis in homine cognosci. Primum corporis constitutionem calidam, aut frigidam, siccam, aut humidam, biliosam, aut phlegmaticam, lætam, aut melancholicam. Secundum est ad illam concomitans, nempe sanitas aut ægrotudo futura. Visa namque Pauli effigie, figura, proportionem, corporis habitum, calorem, physionomus naturalis optime conjectabit. Est enim hæc ars pars philosophiæ naturalis, quæ ex effectibus causas, & ex syllogismo, suo modo necessario consequentiam, plerumque veram colligit. Tertium est propensio hujus, aut illius hominis ad tale genus, vel speciem actuum liberorum, sive puri sint, sive mixti cum aliquo actu, vel effectui alterius causæ liberæ vel necessariæ. Quod colligitur ex Divo Thoma p. 1. *quest. 115. art. 4. & 2. 2. q. 95. art. 5. & lib. 1. contra gent. cap. 154.*

Hos autem actus liberos cognoscit physionomus naturalis mediate duntaxat, & in genere, vel in specie, & ex prædictis signis, ut levibus, vel fallacibus conjectat. Licet enim plerumque homines passiones naturales partis sensitivæ sequantur, & sapientes tantum, qui paucissimi sunt, illis dominantur; quia tamen possunt prædominari ob liberum arbitrium, ac propter educationem, & quia levia, & fallacia sunt indicia, vel signa ad libera investigandum, consideratis etiam diligenter omnibus membris, & partibus corporis humani. Quare, ut concludit Divus Thomas *opuscul. 28. articulo quarto* illi non sunt veri discursus. Non enim via syllogistica sciri potest conclusio conjecturalis, sed tamen imperfectio scientiæ, ut ait Ptolomeus, quin hoc sciatur, non impedit, unde sciri potest, sicut est in prognostico somniorum. Non enim habitudo syllogistica est inter somnium, & prognosticum somnii, & sic est in omnibus æstimationibus conjecturalibus.

Dicendum est quartò. Divinare certò ex physionomia, chiromantia, spatulamantia, &c. propensiones hominum, aut actus, qui non dependent à libero arbitrio, peccatum est iudicii vani ac temerarii, sed veniale tantummodo. Nam regulæ physionomiæ sæpe comprobantur quoad propensiones.

Recte igitur ait Torreblanca *cap. 10. lib. 1.* quod omnis chiromantia, quæ causam naturalem non habet, superstitiosa semper fuerit iudicata. Quod etiam tradunt Delatorre *loc. cit.* Delrius *lib. 4. magic. cap. 3. quest. 4.* Simanch. *de carbol. instit. tit. 21.* Lopez p. 1. *instruct. cap. 41.* alique post Medinam & D. Thomam. Unde ex eodem Torreblanca in iudicandis lineis manus est attendenda illarum quælibet substantia, color, & continuatio



linuaria una cum dispositione membri sibi adjecta. Nam linea recta & clare descripta, vivacem colorem habens, non intermissa, neque crassa, significat bonam corporis constitutionem, ac virtutem sui membri, teste Aristotele in *probl.* Vuimpina, & alia. Unde si linea cordis reperiatur satis longa, profunda, & non intermissa ab aliis lineis accidentalibus, ac bene colorata, est signum sanitatis in corde, & magnae virtutis illius, ac magnitudinis spirituum, & boni Sanguinis. Et pariter significat audaciam, ingenium liberale ad omne opus. Alia idem Torreblanca subjungit, concludens, stolidum omnino, falsam, vanam, scandalosam, futilem, superstitiosam, adde & pacti demoniaci suspectam esse judicandam artem divinatricem quae vitae eventus praeteritos, vel futuros praedicere invidit, dignitates, fortunas, liberos eventus, casus, pericula, ut per D. Thom. 2. 2. q. 90. ibique Caietanum, D. Latorre ac Sylvium, Mouram, Navarrum in *man. capit.* 11. Delirium, aliosque communiter.

Quinto dicendum est. Phylonomia astrologica, & judiciaria, vana est, ac superstitiosa, & illicita, nec non indigna nomine scientiae, vel artis. Liquet ex haecenus dictis, & ita declarat Sixtus V. Nam contendit divinare certo actus humanos, atque alia futura fortuita, quae neque subsunt astris. Ideo à Sixto V. in sua Constitutione phylonomia haec reprobatur. Dividunt enim primo chiromantici palmarum manus in certos monticulos, sive colliculos, deinde arcus, & lineas, suos singulis planetas, & astra praeficientes, & horum vulgo creditos effectus attribuentes. Pollicis tuber à Venere regitur, mons Indicis à Jove, colliculus medii à Saturno, annularis mons à Sole, auricularis à Mercurio. Pars verò protuberans, quae est in inferiore manus parte, percussione dicta, Lunae subjicitur. Denique triangulus manus à linea vitae, seu cordis, linea hepatis, atque capitis productus Marti dicatur.

Lineam verò vitae in centum partes dividunt Chiroscoopi, ut ex variis notis, punctis, coloribus, sectionibus, & figuris in illa linea, & singulis illius partibus deprehensis, de morbis cum praeteritis, tum futuris dijudicent. Prima verò decade pueri aetatem usque ad decennium; secunda, tertia, quarta, & reliquis decadibus sequentes annos aetatis significant adeo, ut si character chiroscopticus quartanae, velepitritae febris, aut alterius morbi circa primam decadem existat homini quindecim annorum respondeant morbum illum praeteritum; si verò character ad tertiam aut quartam decadem vergat, futurum esse dicant. Viderint medici anatomici, num signorum illorum, & characterum aliqua causa naturalis assignari possit. Superstitiosae huic, & vanae chiromantiae parti incubuere aliquot antiqui, & ex recentioribus Joannes de Indagine, Lutheranus, non Carthusianus ejusdem nominis. Joannes Taisnerus Arhenfis, Antonius Carmilanus, Bartholomaeus Cocles, Michael Savanarola, Petrus de Arca, Marcellus Sava, Andreas Tricafius, Michael Scotus, Rodolphus Goclevius filius, Joannes Rothmannus, Robertus Flud, & alii, quorum libri, utpote superstitionibus repleti, prohibita sunt lectionis, contra quos breviter, sed nervose agit Merfennius in *Genes. cap.* 3. vers. 1. His etiam annumerari debent Gelotoscopia Prosperi Aldoriffi, & ejusdem Ideographia, epistolaris divinatio Camilli Baldi, & libri Melampi, Joannis Baptista Portae ac Ludovici de Navis, aliorumque de maculis unguum, & onychomantia.

Tom. I.

Quandoquidem isthaec omnia ad ludicras potius, quam vere conjectatrices scientias referenda sint, & ipsae vel solo nomine tales dici debeant, ut praeter vigilantium somnia, nihil quicquam continere possint. Cur enim Crux in monte, quem Jovis appellant, significat dignitatem, vel fortunam, & in monte Lunae sit infesta? Crux enim antiquitus erat instrumentum ignominiae, nunc honoris. Ergo nequit naturaliter fausta, vel infesta significare, atque adeo est merum figmentum. His saepe similes sunt Priscillianistis, quos deridet Augustinus *lib.* 1. *de haes. ad Quod vult Deus, haes.* 70. Praeficiebant enim singulis membris hominum duodecim signa, constituentes in capite Arietem, in cervice Taurum, in utero Geminos, in pectore Cancrum, in aliis alia pro arbitrio suo.

Quare non recte Ghetius, in *Astrologia* §. 3. ait ex D. Thoma posse animae passiones interiores ex lineis manuum consilci. Est enim id contra memoratam Sixti Constitutionem. Affirmat quidem D. Thomas 2. *sent. d.* 15. *quest.* 2. *art.* 3. *ad 4. & lib.* 3. *contra gent. cap.* 84. posse medicos aliquo modo conicere aliquem esse invidum, vel tristem, vel lascivum, id est ad haec, aliaque hujusmodi proprium, & aliquando verum pronunciant, quia plerumque ratio passionibus succumbit, quamvis non necessario, quia ratio super passionibus imperium habet. Nec D. Thomas de chiromantia ex lineis loquitur in opusculo citato à Ghetio. Unde Moura *sect.* 2. *cap.* 15. *num.* 22. testatur se in S. Officio damnaesse chiromantem, asserentem occulta liberi arbitrii & arcana in fronte cujusvis hominis, manuumque lineamentis certo à Deo revelatis, introspecti à peritis.

Hanc phylonomiam ex Patribus reprobant Moura de *ensalm. sect.* 2. *cap.* 15. quamvis ei videatur multum favere Torreblanca *lib.* 1. *de mag. cap.* 9. qui se tamen declarat loqui solum de physica & naturali, etsi videatur illam nimis extendere. Sunt praesertim explodendi, qui in fronte, manuumque lineis, secreta cordis introspecti credunt à peritis in hac arte, addentes in Judae Iscariotis phylonomia scriptam Jesus Christi prodicionem. Eam describit Joannes Taisnerus apud Majolum *tract.* 2. *dier. canie. collat.* 2. nempe habuisse oculos acutos, nasum aquilinum, & in fine acuminatum, labia tenuia, ad dentes & ad gingivas retracta, hominem proditorem facile designando, inquit Moura *ibidem numer.* 12. In revelationibus S. Brigittae *lib.* 4. *cap.* 49. dicitur brevis fuisse statura. Alii eum fuisse rufum, aiunt, quem colorem infamem appellat Moura *loc. cit.* Quod tamen non est absolute verum, sed apud aliquas nationes, in quibus homines communiter sunt nigri, de quo Barleta in *serm. Sabbati ante 4. domin. quadrag.* Huic Judae phylonomiae aliam valde similem affert Joannes Martinus Cordeirus in *promptuario effigierum virorum illustrium part.* 2. *capit.* 10. quae non nisi in inferiori labio, quod ad dentes non retrahitur, differt. At haec, ut ait poeta, *Jupiter ridet, & odit.*

Haec igitur pars posterior chiromantiae, quae conatur ex figura, lineis, & hujusmodi, quae ad manus pertinent, de omnibus cujusque hominis eventibus certo conicere quid futurum sit, vana omnino, & superstitiosa est, ut satis patet ex fundamentis risu potius, quam refutatione dignis, quibus ars ista innuitur.

L I Quoniam



Quoniam autem inter signa etiam crisis physiognomica reponuntur gestuum, atque actionum significationes, de his multa habent, & egregia omnino Nicolaus Caussin in *parallelis eloquentiae*, & Cardanus in *libris de sapientia*, & de *utilitate capienda ex adversis*. Sed artem integram feliciter absolvit autor Italus in curioso volumine cui appellationem ipse fecit ex operis materia desumptam, *Arte de Cenni*. Sciendum tamen id ab illis ingenii potius in re quadam ludicra ostentandi, quam utilitatis gratia, aut quasi certa inde conjectatio fieri posset, fuisse exco-  
gitatum.

Obiiciis fortassis primo. In historiis plures praedictiones verae physiognomiae, praesertim chiromantiae referuntur, ut probat Bartholomaeus Cocles chiromanticus, & Paulus Jovius in *elogiis*. Graecus enim quidam ex manus inspectione praedixit mortem Alexandri Medici, & speciatim percussorem fore ejus intimum, habitu gracili, vulticulo bufolo, suspensa taciturnitate, ceteris insociabilem, quae in unum Laurentium, qui fuit percussor, omnia conveniebant. Deinde quia haec a s, (quaeque fundamentum approbatur à Sacra Scriptura, Exod. 13. & erit quasi signum in manu tua, & Job. 17. Deus in manu omnium hominum signat, ut norint singula opera sua.

Ad primum respondetur ex jam dictis, & dicam inferius, cur aliquando Astrologi, & physiognomici divinent. Certe si referrentur eorum mendacia magis comprobaretur illud Taciti *lib. 10*, genus hominum, &c. Unde si vera sit historia Alexandri Medici, daemonis opera, qui sceleratissimam conspirationem in illum audiverat, poterat non ut physiognomicus, talia praedicere.

Ad secundum, quoad locum Exodi patet solutio ex textu subsequenti, qui est optimus modus declarandi Sacram Scripturam. Ita enim subditur: *Et quasi monumentum ante oculos tuos*. Quia volebat ad morem hominum annulum, aut filum digito appendi, ne obliviscerentur Hebraei liberationis ex captivitate Aegyptiaca, pro qua azymos solemniter celebrabant in signum grati animi. Vide ad dictum locum Hugonem Cardinalem. Et quoad locum Jobi, ille exponi potest de physiognomia, vel chyromantia naturali, non autem de judiciaria, vana, & superstitiosa. Ita illum exponit Suarez de *reliq. tom. 1. lib. 2. capit. 10*. Valelius de *Sacra Phylos. cap. 32*. Delrius *lib. 4. magic. cap. 3. quest. 5*. Vel cum eodem Valelio dici poterit, signasse Deum quae homines facere oporteat, & ad quae nati sunt, nempe nares ad odorandum, lingua ad gustandum, oculi ad videndum. Quae omnia etiam aliis animantibus perfectis competunt; at manus sapientiae, ac divini cultus omniumque artium exercendarum instrumentum quae hominis opera sunt, tantum hominibus concessit. Haec tamen interpretatio, ut etiam annotat Delatorre, non est consentanea textui. Nec mirum in Medico alioquin doctissimo. Aliam interpretationem Caietani ex Hebraeis vide apud ipsum Delatorre, quae confirmare quoque videtur Olimpiodori interpretationem. Vide etiam explicationem D. Gregorii *lib. 27. moral. cap. 16*. & D. Thomae in *scitatum Iobi locum*.

Physiognomici igitur, chiromantici, alique hujusmodi, si certo praenuncient occulta, vel futura contingentia, vel ea, quae dependent ex hominis libera voluntate, sunt S. Officio denunciandi. Tum quia sic praecipitur in Constitutione Sixti V. Et tum etiam quia iudicium discernendi circa suspicionem de Religione ac fide non relinquitur Con-

fessario, vel alteri personae, sed solis Episcopis, & Inquisitoribus. Atque adeo judicare an isti divinatores habeant in suis praenunciationibus pactum explicitum, vel implicitum cum daemone, & an eorum divinatio sit superstitiosa, ad eosdem Episcopos & Inquisitores pertinet.

## CONSULTATIO XCVIII.

*An & quatenus licitum sit interrogare mulierem Aegyptiam, vulgò Zingaram, de bona, vel mala fortuna per manus lineas?*

*An & quatenus Inquisitores possint procedere contra ipsas, bonam, vel malam fortunam divinantes? Et*

*An sint tolerandi à Principibus Christianis?*

**A**D primum. Si interrogaretur animo firmiter credendi ejus dictis, vel à persona magnae auctoritatis ita, ut adstantes grave scandalum conciperent, utique in his duobus casibus esset peccatum mortale ob superius dictas rationes. Secus autem si animo ridendi, jocandi, aut ex vana curiositate, ut communiter fit, quo casu non excederet peccatum veniale. Atque ita docent Navar. in *man. cap. 11. num. 31*. Aliozet in *sum. cap. 14*. Lopez *part. 1. Instrucl. cap. 41*. Sanchez in *decal. lib. 2. cap. 38. num. 47*. & Fagundes item in *decal. lib. 1. cap. 39. n. 4*.

Ad secundum. Villadiegus in *polir. cap. 5. §. 10. num. 30*. Diana *p. 4. r. 8. resol. 128*. Delbene *p. 2. dub. 195. sect. 78*. docent, posse Inquisitores S. Officii contra istas Aegyptiacas procedere, quae bonam, vel malam fortunam divinant. Quia dum sine fundamento loquuntur, redduntur suspectae.

Verum hac in re ita est distinguendum. Vel istae mulieres praedicunt futuros eventus contingentes, & liberos, tanquam certos, & utique subduntur Iudicio Inquisitorum, quia utuntur chiromantia, vel physiognomia vetita & suspecta de pacto cum daemone. Idque etiam si se declarent non certo praedicere futura, sed secundum propensiones ab astris. Nam sic quoque est prohibita à Sixto V. eoque magis si praeter divinationem immisceant superstitiosa, ut saepe evenit. Quo casu Episcopi, & Inquisitores diligenter in eos inquirere debent, & pro delicti genere illos punire. Vel tantummodo utuntur chiromantia, & physiognomia naturali circa corporis temperamentum, & naturales propensiones, vel ob animi oblectationem, & non possunt ab Inquisitoribus, neque ab alio iudice puniri. Ita etiam Torreblanca de *mag. lib. 1. cap. 10. num. 2. & seq.* & Carena *p. 2. tit. 12. §. 17. num. 162*. subdens *num. 164* se nunquam vidiſſe Inquisitores Italos contra has mulieres procedere, quia earum divinatio est semper cum risu, & joci causa & nullus eis fidem adhibet.

Ad tertium. Negant Nazarius de *magna*, Carena *loc. cit.* Torreblanca etiam de *mag. lib. 1. cap. 10. num. 30*. ac Delrius *lib. 4. q. 5*. At de hoc lege, quae alibi diximus, ubi multa de Zingaris, eorum origine, furtis, fraudibus, & in eos legibus Principum



CONSULTATIO XCIX.

De Divinatione astrologica. An detur Astrologia. Ejus divisio. Quæ vera? Cautiones pro Medicis. Pro Astrologis. Errores Astrologorum etiam circa naturales effectus.

**D**Ati Astrologiam, tradunt D. Thomas 2.2. quæst. 95. art. 6. ubi quærit, An Divinatio per alia sit licita, & lib. 3. contra gent. cap. 84. & seqq. p. 2. quæst. 9. art. 5. ad 3. p. 1. quæst. 115. art. 4. opusc. 28. art. item 4. quæst. 7. de veris. art. 10. lib. 2. sent. d. 7. quæst. 1. art. 2. & d. 15. quæst. 2. art. 3. ad 4. passimque alibi, ac ibi Commentatores, ac prosequuntur Nazarius de Magia uterque Picus, Suarez lib. 2. de reliq. cap. 11. Delrius magic. lib. 4. cap. 3. quæst. 1. Peterius lib. 3. de magia, Michael Medicina de recta in Deum fide lib. 2. cap. 1. Carena p. 2. tit. 12. Salelles de S. Officio lib. 1. Maginus, & Rossenus Patres relati à Francisco Pico, Directorium Eymerici, ibique Pigna p. 2. afferente articulos Parisienses de Astrologis, Valentia 2. 2. d. 6. quæst. 11. Lessius lib. 2. cap. 43. Victoria relect. de arte magic. Torrecblanca in utroque Moura de Ensalme. sect. 2. ac ferè omnes.

Dividitur. Alia enim dicitur Astronomia, quæ nititur universalibus veris, ac certis principiis, ex quibus scientia futurorum, etiam necessariorum acquiritur, ut revolutionis annorum, cursus siderum, eclipsium, stationum, retrogradationum, aspectuum, conjunctionum, oppositionum, & hujusmodi. Alia dicitur Astrologia, quæ fulcitur principiis communibus variabilibus ad prænunciandum eventus futuros contingentes. Ita D. Thomas d. opusc. 28. art. 4. cujus hæc sunt verba: *Dicendum, quod due partes sunt astronomia, sicut dicit Ptolomeus. Una est de sitibus, ac motibus superiorum corporum, & quantitatibus eorum & passionibus propriis. Et ad hanc per demonstrationem pervenitur, [quoad paucissima videlicet, cum infinita consideranda essent, ut ibidem subditur ad 1.] Alia est de effectibus, quæ in rebus astrorum inferioribus naturaliter recipiuntur; & ideo ad hanc non pervenitur, nisi per conjecturam. Et oportet astronomum in ista parte secundum aliquem physicum habitum inferioris certitudinis esse, & ex signis physicis conjecturari. Conjecturatio autem cum sit ex signis mobilibus, generat habitum minoris certitudinis, quam sit scientia, vel opinio. Cum enim hæc communia signa sint, & mutabilia, non potest ex ipsis haberi via philosophica eo, quod, ut plerumque videtur, includunt signa tantum, & fiunt judicia quadam multis de causis mutabilia. Et ideo sape astronomus dicit verum, quia dictum suum est quoad dispositionem cælestium verissimum, si hæc dispositio sit a mutabilitate rerum exclusa.*

Hanc divisionem tradit etiam Chrysostomus orat. 9. tom. 5. Prima est vera scientia, & pars philosophiæ, quæ dicitur de cælo, quæque non est proprie divinatrix, neque judiciaria, estque infallibilis, quamvis per accidens possit in ejus exercitio reperiri vitium morale, si quis plus illi adhareat, quam exposcant ejus principia. Plura namque sunt valde incerta. Nam ingenii humani virtus naturalis paucorum siderum proprias virtutes cognoscere valet; quia non suppetit illi medium propor-

tionatum ad illam notitiam adipiscendam. In cælesti siquidem circulo quoad nos infinita prope sunt consideranda, sicut stellarum numero, specie, virtute, earum situs in circulo declivi, & extra ipsum, distantia, conjunctiones, qualitas anguli, sub quo incidit radius, pars formæ, gradus lucidi & umbrosi in puteis, & in turribus existentes. Atque iccirco D. Thomas d. art. 4. opusc. 8. ad 1. docet, paucissima à nobis considerari, ex quibus alia prænoscentur, de quibus habetur conjectatio. Propter quod dicitur à Ptolemeo quod per cælorum motus, non nisi communiter judicare debemus, & potestates rerum causæ frequenter excludunt.

Possimus quidem ex effectibus ratiocinari ad has virtutes astrorum cognoscendum; sed cum effectus pauci sint præ multitudinem astrorum, neque possint facile secerni ab homine, à quo planeta certo proveniant, ideo non omnimoda certitudo acquiritur, sed probabilis, & conjecturalis post longam observationem, nisi in paucis, deque his præcipue, quæ à Sole, ac Luna dependent, quorum influxus magis nobis clarescit. Et iccirco in horum investigatione aliquando falsitas accidere potest, & si præter modum id fiat, vitium temeritatis, imprudentiæ, nimis curiofitatis committitur. Nam operatur contra virtutem studiositatis, ut annotat Delatorre in d. art. 5. & Suarez loc. cit.

Et quod ad prædictionem futurorum ex ipso cælo sape decipiuntur astronomi non fideliter computantes. De aliis autem futuris extra cælum non ita certo ex influxu cælesti prænunciari potest, cum mediis causis inferioribus, juxtaque illarum, & materiæ dispositionem efficiantur, licet nonnunquam, aut plerumque eveniat. Ideo etiam hæc est scientia suo modo, cum ex Aristotele, ac Divo Thoma non requiratur eadem certitudo, vel accurata discussio in qualibet materia. Prognosticum autem de fortuitis spectat ad Astrologiam, & quidem ad judiciariam, si circa fortuita, & liberos actus humanos versetur.

Porro in astronomia duo distinguuntur officia. Primum est intelligendi quidditates, & passionem astrorum ex eorum effectibus assidue observatis, numerum quoque astrorum, illorum magnitudinem, velocitatem, cunctationem motus, stationem, retrogradationem, aspectus & hujusmodi plura. Secundum illius Officium est ex iis indagare, ac prænoscere aliquos effectus, in ipso cælo eventuros. Inde enim prænunciantur eclipses, aspectus, conjunctiones, oppositiones variæ futurorum in ipsis astris, etiam transactis pluribus annorum revolutionibus. Hæc autem circa objectum mobile vertatur, quale est cælum incorruptibile, & ex principiis naturalibus procedit, ideo per se est honesta & utilis ad dirigendum exteriores actiones corporales per humanam providentiam, & ad investigandum supradictum objectum, etsi adhuc in ea contingere possit error, vel deceptio, quod est vitium artis. Est enim valde incerta quoad utrumque munus.

Et quod ad primum; quia paucas astrorum virtutes humanum ingenium naturaliter investigat defectu medii sufficientis. Effectus namque pauci sunt, attenta siderum multitudine, qui plerumque possunt à variis sideribus proficisci, nec potest homo certo investigare, an à Saturno, anve ab alio planeta fluant, licet probabili conjectura, longa experientia & observatione obtiner



possit, certum verò iudicium solum in paucis ac præcipue quæ à planetis, nobis notioribus manant, ut à Sole, & Luna. Quare interdum astronomi falluntur. Id tamen humanum est, non perniciosum. Quod si quis certa iudicet, quæ vix probabiliter cognoscere potest, non ideo supersticiosus, sed imprudens, ac temerarius est iudicandus. Temeritas autem hæc virtuti tantum studiositatis opponitur.

Quod verò ad aliud munus dicendum est, investigationem, & notitiam esse certissimam, si prædicat tantum de motibus cœli. Nam illi motus sunt certi, & æquabiles etiam in disparitatibus; unde potest cum certitudine computari concursus & eventus futurus eclipsis ex progressionibus talium motuum.

Summa difficultas est in Astrologia, cuius disciplinam reperiunt Chaldæi, quanquam Ægyptiis inventum istoc tribuat Herodotus *lib. 2. cap. 82.* quemadmodum & ab iis oracula, Sacraque & ceremonias cœpisse, ab eodem traditur. Sed pro Chaldæis, vel Medis est, quod priscus Astrologus Belesis, ut Diodorus Siculus *lib. 2.* ait, prædictionibus scientiæ suæ impulit Medos ad occupandum Assyriorum regnum. Ac imprimis pro iis facit, quod Simplicius *lib. 2. de Cœli* ex Callisthene tradat, antequam Babylona caperet Alexander Magnus annis quasi bis mille, annoasse Chaldæos, qualis pro cuiusdam sideris ortu effectus sequeretur. Ex ejusmodi particularibus observationibus collegere, universales conclusiones, quæ principia sunt artis genethliacæ. Unde Genethliaci, Mathematici, Planetarii judicarii quorum Princeps Ptolemeus, quem sequuti sunt Albinazar, aliique Arabes, Maternus, Cardanus, Bellancinus, Guaricus, ceteri, de quo fufe in *Consultatione de Fato mathematico.*

Quinimo inter vanissima Astrologorum fundamenta, hoc unum est, artem hanc suam certissimis innumerabilium seculorum experimentis, & constantissimis observationibus esse comprobata. Aiunt enim hanc disciplinam profectam esse ab Ægyptiis, & Babylonis, sive Chaldæis mortaliū omnium antiquissimis. Tradit enim Aristoteles *lib. 2. de cœlo tex. 60. & extremo lib. 1. meteor.* Ægyptios omnium hominum vetustissimos haberi. Et in principio operis *metaphysicorum* affirmat: Ægyptios omnium hominum vetustissimos mathematica studia tractare, & colere cœpisse. Jactabant etiam olim Astrologi, Chaldæos quadringenta, & septuaginta annorum millia in periclitandis, experiendisque pueris, quicumque nascerentur, posuisse.

Verum adeo in aperto sunt omnibus istorum mendacia, ut à nobis ea vel confutari, vel etiam indicari non sit opus. Etenim ab exordio mundi ad hanc diem necdum sex millia annorum effluxerunt. Ab origine vero gentis Chaldææ, hoc est post everisionem turris Babel, facta nempe linguarum divisione, non sunt adhuc quatuor millia annorum completa. Picus Mirandulanus *lib. 12. cap. 2. adversus Astrologos*, testes ad redarguendam Astrologorum ementitam vetustatem adhibet Hipparchum, & Ptolemeum, principes sane astronomiæ, qui ubi pro dogmate aliquo constituendo veterum observationes afferunt, nullas profectò afferunt vetustiores iis, quæ sub Nabuchodonosoro, Chaldæorum Rege apud Ægyptios, & Babylonios fuerunt. Ab initio autem imperii Regis Nabuchodonosori ad præsentem annum, qui ab ortu Domini nostri agitur millesimus sexcentissimus nonagesimus primus, non plus bis mille tercentos & tri-

ginta annos præterisse constat.

Commentitiam verò Ægyptiarum observationum antiquitatem perbelle rider, ac redarguit Augustinus in *cap. 40. lib. 18. de Civit. Dei.*

Ita enim scribit: *Frustra vanissima presumptione garriunt quidam dicentes, ex quo rationem siderum comprehendit Ægyptus, amplius quam centum annorum millia numerari. In quibus enim libris istum numerum colligerunt, qui non multum annorum duo millia litteras magistra Iside didicerunt? Non enim parum auctor est in historia Varro, qui hoc prodidit.* Sic Augustinus.

Docet autem D. Thomas in *2. dist. 7. quæst. artic. 2. ad 5.* quod Astrologi non possunt prænunciare eventus, nisi quia reducuntur ad motum cœli, sicut ad causam, vel per se, sicut transmutationes, quæ accidunt in corporalibus, ut tempestates, ac sterilitates, & pestilentie, quæ tamen impediri possunt à fortioribus moribus supervenientibus, ut ait Aristoteles *lib. de som. & vigil.* Vel per accidens, sicut ex naturali corporis habitu quidam sunt proni ad luxuriam, quidam ad iram. Non tamen hæc dispositio corporis animæ necessitatem infert. Unde in iis, quæ ex libero arbitrio pendent summopere falluntur. Sic & medici ex signis exterius apparentibus causas interiores morbi cognoscunt, ex quibus sequitur sanitas, vel mors, aut semper, aut sæpe. Quæ omnia demon prænosceri possunt. At non omnia futura sunt hujusmodi.

Dividitur hæc Astrologia in quatuor partes. Prima versatur circa revolutiones, aut vicissitudines anni, de bello, vel pace pronuncians, aeris salubritatem, vel intemperiem, annonæ copiam, vel inopiam, morbos animalium, alia hujusmodi.

Secunda genethliacæ est, prænuncians quid fignillatim homini ad mortem usque eveniet quoad actiones liberas proprias, vel aliorum, vel quoad fortuita, vel quoad propensiones, vel quoad effectum in communi, vel in particulari.

Tertia est electionum, docens quid in singulis rebus prudenter, ac utiliter sit agendum, quid omittendum, quando ædificandum, navigandum, è domo egrediendum, quibus locis, & quando singula agenda, ut feliciter eveniant.

Quarta est imaginum sculpendarum ad effectus mirificos producendum, alibi à nobis confutata, & licet D. Thomas *cit. opusc. 28. in fine cap. 4.* videatur contrarium asserere, est tamen ex eodem declarandus. Hæc enim sunt ejus verba: *Ad illud, quod obijciatur de nova veste induta Leonis existente in Leone, eodem modo dicendum est. Sicut enim raditatio periodi dispositione ordinis est, & durationem imprimit rebus naturalibus, ita etiam imprimit artificiatas, propter quod figura imaginum magicarum ad stellarum aspectum imprimuntur, & fieri præcipiuntur.* Materialiter enim intelligendus est juxta ea, quæ refert *lib. 3. contra gentes cap. 105.* Vel referendo sententiam aliorum, ut prosequitur Sylvester in *sum. 11. superstitio quæst. 10.* Sybillanus in *specul. peregr. quæst. decad. 1. cap. 9. quæst. 3.* Joannes Picus *lib. 8. in astrolog. cap. 4.* alter Picus de *rev. pranot. lib. 7. cap. 10.* Victoria de *arte magica quæst. 3.* Valentia *2. 2. quæst. 96. artic. 2.* Delrius *lib. 1. magic. cap. 3. quæst. 1.* Suarez *com. 1. de relig. lib. 2. cap. 15. numer. 16.* Pererius *lib. 1. de mag. Ghetius 11. ars 5. 5. alii.* Convinciturque ratio Divi Thomæ, quia in illis imaginibus sunt quidam characteres, qui cum figuræ sint, ac entia mathematica



mathematica nihil dubio præcui operari possunt. Unde magici ac supersticiosi existimati sunt, quemadmodum annulus Gigis, quo redditus invisibilis, Lydorum regiam ingrediendo, Regem interemit, ac seipsum Regem constituit, & septem annuli constructi à Jarca, Indorum Principe, septem itel-larum nominibus signati, cujus opera Thianeus præstabat seipsum jam senem, florem juventutis adeptum, aliaque hujusmodi suo loco ex-  
plesa.

Et quidem ex D. Thoma citato art. 5. quæst. 95. & alibi sæpe, Astrologia de eventibus corporali-bus, & naturalibus, qui magna ex parte ab astris prædicantur, licita est ac laudabilis, cum plerumque futura enunciet, non semper ac cer-to. Vel quia in se est difficillimæ cognitionis, vel quia aliqui præstiterunt hanc scientiam habere, quam revera non habent. Hac utuntur nautæ, quam revera non habent. Hac utuntur nautæ, agricolæ, pastores, medici. Ex Solis autem ac Lu-næ vario colore, motu, auctu, decursu prognos-ticant proba, iliter ventos, pluvias, serenitatem, tempestates, quæ sæpe eveniunt; nam aliquando à causis inferioribus impediuntur. Hanc appro-bat Sixtus V. in sua Constitutione in Astrologos his verbis: *Exceptis dumtaxat futuris ex nobis ex naturalibus causis necessario, vel frequenter provenientibus, quæ ad divinationem non per-  
tinent. Et statim: Præterquam circa agriculturam, navi-gationem, & rem medicam.* Quoniam hæ artes cognoscunt effectus per cælos, qui sunt illorum causæ, & hæc cognitio, talis, qualis haberi po-  
test, est valde utilis humane vitæ. Ideoque Hieronymus epist. 130. ad Paulinum inter artes utiles generi humano, nemum astronomiam, sed etiam astrologiam hanc naturalem enumerat, suffraga-turque ratio naturalis, ut scitè ratiocinatur Sua-rez cit. lib. 2. cap. 11. Nam cæli & astra sunt causæ naturales inferiorum effectuum. Unde hi possunt per illas cognosci, tanquam per causas. At verò non omnium effectuum, quia non omnes ef-fectus inferiores per se ab illis fluunt, & qui fluunt, non ab illis solis. Quare cognitio ne-quit esse certa, eoque magis, quia nos latent plu-  
res astrorum potestates.

Non est itaque malum, aut prohibitum prædi-cere ex astris effectus naturales, qui ab illis ema-nant. Quia hi effectus non sunt occulti, sed vere judicari possunt ab eorum causis. Non est tamen hæc naturalis prædictio ex astris certa & infalli-bilis. Tum quia pauca potest homo naturaliter certo cognoscere de virtutibus astrorum. Tum quia effectus non pendet ex uno tantum astro, sed ex multis, ac sæpe stellæ fixæ possunt impedire actio-  
nes planetarum, & è contra. Et quamvis concu-rsus planetarum inter se facilius cognoscatur, non tamen concursus eorum cum stellis fixis, qui semper varius est, propter motus octavæ, & nonæ sphe-ræ. Ac tum etiam quia hujusmodi effectus non solum pendent à planetis, ac stellis, sed etiam à causis inferioribus, nempe à dispositione aëris, aquæ, ac terræ, non solum prout se habent in uno loco, sed etiam in diversis. Et ideo, quamvis ipsa ars, sive scientia in se certa sit, ac possibilis, respectu tamen hominum ejus cognitio est perdiffici-lis, ac incerta.

Quare certò prædicere, vel credere futuros hu-jusmodi effectus naturales, est peccatum. Quia est temeraria prædictio, ac imprudens credulitas, per se tamen loquendo non pertinet ad supersti-tionem. Quia nullum pactum implicitum cum demone intervenit, sed levitas, & inconsideratio adhibendo certam fidem futuri eventus absque con-

sideratione impedimentorum, quæ accidere pos-sunt, ac sæpe sæpius accidunt. Est enim quod-dam genus mendacii prædicere, vel credere incer-ta pro certis, vel futura sub conditione, tan-quam absolute futura. Hoc verò mendacium est tantum peccatum veniale, nisi ipsa prædictio in-ferret alicui noxam, vel nisi fieret ex nimia ar-rogantia, vel immoderata lucri cupiditate, ut etiam docent Suarez loc. cit. num. 7. ac Delrius lib. 4. magic. cap. 3. quæst. 1.

Adhuc tamen cum cautione in hac Astrologiæ parte agendum est. Non enim sunt approbandi me-dici, qui insipientes ex astris tantum ægritudi-nem, & contemplantes signa Zodiaci, nempe sub quo aspectu fuit inflictum vulnus, aut febris in-cæpit, finem morbi conjectant. Potest siquidem conjectutio fallere defectu computationis, ac de-fectibilitate influxus propter varias dispositiones corporis infirmi, aeris, terræ, ac similium. Imo & sola materiæ indispositio Lunæ & astrorum om-nium affectiones variare facit, teste Galeno lib. 2. de dieb. erit. Quare juxta Hippocratem, & Celsum lib. 4. cap. 4. judicium provocantium, & critico-rum dierum potius ex dispositione humorum atten-dendum est, indeque status morbi.

At Galenus lib. 12. Therapen. & Niphus lib. 5. de dieb. crit. multo magis irritant astrologos quod-dam, qui præcipue observant quosdam Lunæ ima-ginarios angelos, aspectus, & conformitates, nihili facientes, vel contemnentes potius, quo-modo materia disposita sit ad excipiendos sidereos influxus, & quæ temporum periodi, quæve con-creciones, & crises sint morborum. Quos erro-res fuscè impugnât Laurentius, ac Ficinus ipse, qui junior illos defenderat, cum Plorino Astrolo-gorum ineptias irritando. Quare sæpe etiam contra charitatem, & justitiam peccant, cum necessaria omittunt ad sanandum infirmum.

Et sane indicium tantum levissimum medicis suppeditare potest figura cæli, quam eligunt in principio infirmitatis. Et, ut annotavit autor li-bri de medicina, qui adscribitur Campanellæ lib. 4. cap. 5. de crisis artic. 2. numer. 2. hæc figura decubitus insufficientis est, nisi consentiat fi-gura nativitatis. Nam judicium de ægroti morbo supponit judicium illius temperamenti, quod ex genesi fit, non ex natura decubitus. At hæc po-  
test adhuc multis de causis tunc errare, ut postea dicemus.

Quare medico satis est astrologia circa Lunæ mutationes, & alia hujusmodi ad cognoscendum tempora minutionum, pharmacorum, ac similium, quicquid dicat Ghetius v. Astrologi §. 3. Admitten-dum tamen est cum D. Thoma in 2. d. 11. q. 2. art. 3. ad 4. posse ex temperamento, Phisionymia, pulsu, diebus criticis, aut aliis indiciis prudens ju-dicium ferri, de quo superius suo loco dictum est.

Hinc reiicimus Nazarium, qui tractatu de magia quæst. 4. approbato ex Sixto V. astrologiæ ulu circa agriculturam, navigationem & rem medicam, con-cludit: *Quare libere poterunt astronomia periti, ta-les cælorum effectus, veluti necessario futuros, simpli-citer, & absolute prædicere, cujus oppositum incaute docet Martinus Delrius.* Fallitur enim Nazarius, nisi forte loquatur de prima parte astronomiæ, & in-tra effectus in cælo manentibus, eclipsibus, con-junctionibus, stationibus, aliis, vel de influxi-bus cælorum secundum se in ordine ad effectus naturales sublunares, non quatenus sunt impe-dibiles à causis inferioribus efficientibus, vel materialibus, ut ipse tradit ex D. Thoma part. 1. quæst. 57.



*quæst. 57.* Possent enim huiusmodi effectus dici necessarii suo modo, non tamen absolute simpliciter, ut requiritur ad constituendam scientiam, quæ ex necessariis non eodem modo in qualibet materia procedit; ut docet sæpe Cajetanus ex Aristotele. Talis enim scientia, vel ars appellatur à Theologis, ac Philosophis cum D. Thoma *cir. art. 5. quæst. 95.*

Quod autem Astrologi sæpe decipiantur, etiam circa naturales effectus, præter quotidianam experientiam, docet Ambrosius *lib. 4. hexam. cap. 7.* Cum, inquit, ante dies paucos sermo esset de pluvia, quæ fore utilis diceretur, ait quidam: Ecce Neomenia dabit eam. Et quamvis cupidi essemus imbrum, tamen huiusmodi assertiones veras esse nolebam. Denique delectatus, quod nullus imber effusus est, donec precibus Ecclesiæ datus, manifestaret, non de initio Lunæ sperandum esse, sed de providentia Dei, & misericordia Creatoris. Quo exemplo & vanitas istius astrologiæ confutata est, & efficacia christianæ pietatis, visque religiosarum precum reipsa comprobata.

Accedit, quod nullum humanum ingenium potest cognoscere omnes dispositiones corporum cælestium, rerum sublunarium effectrices, & materiales. Tum quia interdum à libero arbitrio, vel supra naturam præter astrorum virtutem proficiuntur, ut liquet 3. Jerem. 3. & Psal. 106. Posuit flumina in desertum, & exitus aquarum in sitim, terram frugiferam in salsuginem à malitia inhabitantium in ea. Imo, ut alibi dictum est, ne bestię quidem ab astris omnino constituuntur, ne ab objectis moveri queant, etsi nunquam libere, sed magistra, & duce natura.

#### CONSULTATIO C.

*Proponitur quæstio, eiusque difficultas. Pici Mirandulani falsa fundamenta, vera Theologorum. Refutantur Astrologorum placita. Eorum dicendi modi impugnantur, ac ejusdem Pici dictum exploditur. Actus liberi directe astris non subijciuntur. Argumenta Pici diluuntur, ejusdem objectiones contra influxus particulares siderum.*

**C**Ardo quæstionis versatur, an futura fortuita, effectus item per accidens, & actus liberi possint ab homine per astra cognosci? Dico ab homine, nam de dæmone alibi dixi. Et quæstio est de cognitione certa, vel cum formidine, vel quoad inclinationem, vel cum formidine, vel quoad ipsos liberos actus, vel in particulari, aut in communi. Potest enim aliquando esse adeo generalis prædictio, adeoque abstracta à circumstantiis temporis, & loci, ut etiam de singulari loquendo sit necessaria, ut Petrus moriturus abstracte loquendo, non determinando locum, neque tempus, neque modum. Nam & ratione naturali, ac fide constat, illum, sicut & alios homines, naturaliter esse moriturum, sed nescimus ubi, quando, quomodo. Difficultas igitur est de his in particulari, etiam quoad inclinationes, & passionnes hominum, ac præcipue de ipsis actibus liberis in se, ac certo.

Picus Mirandulanus, vir acutus, sed prolixus,

duodecim libros adversus Astrologos edidit, quorum ope usi sunt quotquot post ipsum in Astrologos scripserunt. Is tamen sic eos arguit, ut cum præjudicio veritatis, & contra D. Thomam, aliosque Theologos aliqua illis denegare conetur. Nam *1. 1. fere lib. 3.* supposito tantum, quod communiter admittitur, effectus scilicet omnes sublunares motu, lumine, calore à cælo, oriri, quia est primum in genere motuum corporatorum, & primum in unoquoque genere est causa cæterorum. Quare sicut si cessaret motus cordis in homine, pariter omnes motus illius cessare necesse est, sic cessante motu primi cæli. Hinc Aristoteles *lib. 8. Physic.* motum primi cæli vitam esse omnium, docet, pariterque ait, cælum calore lucis operari, calor namque lucis, addit, proprietas est, non igneus, non æreus, sed cælestis, sicut lux Cæli à qua fluit calor, qui efficacissimus est, maximeque salutaris, omnia penetrans, omnia fovens, necessarius ad corpora, corporata, & viventia perficiendum, sicut & motus circularis, quod lumen illud prolificum, & calor, qui proles ejus est, manat, ut consistamus.

Præter hoc commune motus, ac luminis diffusivum, nullam vim, nullamque proprietatem effectricem cælestibus corporibus, sive planetæ, sive astra sint, inesse idem Picus contendit. Ait itidem stellas alias præter Solem & Lunam, nihil, aut parum agere in corpora sublunaria. Asserit etiam diversitatem effectuum sub orbe Lunæ accidentium, in causas tantum proximas, non autem in aliquas constellationes, sive siderum positiones, vel quævis alia cælestia corpora esse reducendam. Eam sequitur Torreblanca, & videtur sequi Pererius *in Genesim, & 3. lib. de m.g.* ac Medina *1. 2. quæst. 9. art. 5.* inquit, quæ commemorantur ab Astrologis evenire ex siderum constellatione, succedere fortuna, & casu. Unde vanum, & nugatorium credit quod tradunt Astrologi de hominibus ex sideribus inclinatis ad furta, ad libidinem, ad bellum.

At D. Thomas, & cum eo Theologi *part. 1. quæst. 115.* & alibi sæpius peculiare proprietates singulorum siderum admittunt. Nec contra hoc militat argumento suo Picus, quod nimirum impossibile est convenientia alicui ratione speciei, repugnare naturæ genericæ. Si enim homini, quatenus est animal, competit habere sensum, eidem non potest, ut homo, competere stupiditas. Ergo si naturæ cælesti, ut sic, competit calor ille vivificus, non poterit consequi peculiarem naturam sideris alicujus activa facultas ad frigiditatem, vel siccitatem, qui vitæ opponuntur.

Nam negatur antecedens. In primis enim cælum non est quid commune stellis, ac planetis communitate, ut aiunt, prædicationis, sed tantum quasi comprehensionis, diversis tamen proprietatibus, ut declarat Nazarius *part. 1. quæst. 32. art. 3.* Possunt enim ratione speciei alicui convenire proprietates diversæ à natura genericæ, ejusque proprietatibus invicem compatibilibus, præcipue, si eminenter tantum, ac virtualiter in natura specifica includantur, sicut idem sol indurat argillam, liquat ceram. Falsum item est ex D. Thomæ doctrina, sidera, præter Solem, & Lunam, nihil, aut parum agere in hæc inferiora, etiam motu, luce, calore, haustis à primo cælo, ut constat ex positione Solis in diversis signis Zodiaci, etsi verum sit præ Solis & Lunæ efficacia modicam esse virtutem aliorum siderum. Nec tamen asseverandum est cognosci



profici certò proprietates omnes, atque virtutem particularium siderum, imò nec ipsa sidera, sed aliquam probabilitatem habere. Minus admirandum, potestatem siderum aliam, aliamque esse singulis horis, ac momentis; nam ab intrinseco tanta mutabilitas nequit reperiri, cum nec in sublunariis reperitur, quæ sunt motui, & corruptioni secundum se obnoxia; non ideo negandum est, quin cælum continuò rotetur, & alii orbes, ac planetæ primo mobili subiciantur, unde & mutantur influxus.

Insuper Astrologi in hæc falsa prolabantur. Primo propensiones multiplicant, & consequenter virtutes corporum cælestium, illarum effectrices, juxta numerum sese agendorum, ut ita ex illis conjectent; cum tamen aliqua sint, quæ ex inclinatione aliqua non oriantur, sed indifferenter se habeant.

Secundo falluntur; nam quoties non se offert ratio reducendi illas propensiones ad cælestia corpora mediis primis qualitatibus à aut humoribus elementaribus, recurrunt ad occultas illorum proprietates, formam specificam concomitantes, & Veneri attribuunt propensionem ad luxuriam; Marti ad iram, Lunæ ad insaniam.

Tertio falluntur. Quia in cælestibus corporibus proponunt virtutes, ac proprietates inclinantes, ac stimulantes hominem ad flagitia. Sic exemplum. Venus Marti conjuncta inclinatur ad adulteria, iidemque planetæ in signis magnis constituti, propendunt ad puerorum concubitus, Mars, occupans noniam cæli partem ad irreverios mores. Nam corpora cælestia moventur à Deo, & ab Angelis, & ut sit mora movent, ac infallibiliter leges operandi, sibi à Deo inditas, perpetuò servant, atque adeo si ad malum inclinent, à Deo id manaret. Quod est perabsurdum. Atque siccirco sapientiores Theologi negant appetitum sensitivum secundum se ad malum propendere, & affirmant, nullam naturam ad malum formaliter inclinare, ne malicia referatur in Deum, naturæ, ac propensionis autorem.

Et quamvis nonnulli Astrologi respondeant, cælestia corpora nunquam ad malum formaliter inclinare, sed ad bonum, propter verò defectum subjecti sublunaris recipientis influxus cælestes ad malum deflecti, exempli gratia, Saturnus inclinatur ad consiliorum profunditatem, ad altitudinem mentis, ad animi quietem, ad litterarum studium; at si influxus recipiatur in subjecto deficiente aut male affecto, vertitur ad dolos, vitiis, ac superstitionem. Venus inclinatur ad iocunditatem, hilaritatem, ac festivam conversationem; ex malicia tamen subjecti suscipientis influxum, vertitur ad fornicationem, ad oscula impudica. Hunc modum dicendi non improbabilem existimat Delatorre. At nihilominus, illo admissio, non possent adhuc Astrologi pronuntiare, hunc aut illum futurum esse latronem, luxuriosum, aliquas stellas esse maligni influxus, alias benigni; interpretantes de influxu directo in animam.

Falluntur quarto, quia positis illis virtutibus cælestium corporum, unde propensiones rerum sublunarium oriuntur, existimant sic eis subjecti humana negotia, ut fatalem necessitatem inferant, ut proinde incidunt in errores Priscilliani, & Algazelii, læsa libertate arbitrii, ut etiam annotant Porretha in eis. ars. 1. D. Tho-

ma. Suarez, Sylvius, atque alii post Constitutionem Sixti V.

Denique falluntur, quia contemunt ex virtutibus cælestibus, prædicere etiam actus liberos, & fortuitos, qui cælo non subduntur, imò & complura, quæ non habent connexionem cum propensionibus nati, ut quod habeat uxorem pulchram, patres felices, iniuriosos infestos, Cardinales, ac Proceres amicos, eligentes illum in Pontificem, aut Regem, de quo multa Picus loco citato.

Et quoniam Astrologi asserunt effectus astrologicos proficisci ab extrinseco, nempe à domibus diversis, quas planetæ occupant, & à signis Zodiaci, atque ab aspectibus planetarum. Aiunt enim quemlibet planetam bonum esse aut malum, id est, autorem felicitatis, aut infelicitatis, & bonum planetam nocere in malo loco, malum interdum produsse, ut Jupiter in Oriente positus, tam differt à seipso, cum in eum, quem vocant duodecimum cæli locum, commigraverit, quam ignis differt ab aqua. Nam in Oriente semper maxima bona, in duodecima verò domo, quæ contigua est Orientali, mala sæpe magna indicantur. Insuper illud Jovi proprium, quod divitias largiatur, in tertio tamen, octavoque loco collocatus, frequenter patrimonium dissipat. Præterea, cum suapte natura faciat nobiles, & sapientes, si octavum locum habuerit, faciet ignobiles, & quorum furor, teste Materno, ad insaniam evadat. Postremo cum nihil sit magis Jovi proprium, quam esse sidus beneficum, ideoque prosperitas planetarum, & magna cæli felicitas ex eo ab astrologia celebratur; at collocatus in tertio loco, neque bonus, neque malus est, ait Maternus.

Idcirco nos ira hoc impugnamus. Illa planetarum mutatio, ac variatio proprietatum, quam comminiscuntur esse in diversis domibus à planetis occupatis, vel oritur à virtutibus, ac proprietatibus domorum, vel à sola variatione receptaculorum expertium omnis virtutis activæ in planetas. Non primum. Nam illæ domus, aut loca vel nuda sunt omni corpore, ut quidam philosophi errantes de omni loco tradiderunt, & tunc certe non est, cur virtutem ullam, aut efficaciam obtinere affirmant, cum illud spatium vacuum locus tantum imaginarius sit. Aut sunt affixa aliquibus corporibus, sicut & universa loca, cum locus 186. q. physio. definiatur ultima superficies corporis continentis. Et sic oportet declarare quænam sint ista corpora. Si namque sit ultimus globus, sive illi, quibus quodlibet astrum conjunctum est, cum quolibet die ab Oriente in Occidentem rotentur, eas diversas virtutes Orientali, atque Occidentali impertirentur, ac simul mutabilitatem, quam planetis dicunt inferre, cujus oppositum experimur. Neque secundum, quia gerunt se quasi passive in pura domus receptione.

Ad hæc si tota influxuum varietas ex domibus attenditur, non est necessarium proprietatem ullam planetis attribuere, cum sine illis res tota completetur. Ac etiam quia bonus influxus planetæ ab influxu domus aliquando hebetatur, impertinens est planetæ influxus.

Obiicit tamen Astrologus. Experientia docet, Sole existente in Leone, mundum hunc sublunarem effervesce, existente in Ariete universa calore temperato nutrir. Attendenda sunt igitur signa cælestia respectu influxuum.

Respondetur



Respondetur negando consequens. Nam etiam si signa, vel octava sphaera nulla essent, eodem pacto mutaretur influxus Solis. Quia positus in Leone, vel in alio loco sibi correspondente, radios directe mittit in nostrum Hemisphaerium, ideoque omnia videntur calore comburi. At in Ariete positus, radios oblique torquet, atque ideoque calor magis temperatus est. Hinc idem astrum in Leone positum habitantes in meridie non afficit ardore, sed potius frigore, & apud eundem ad Aquarium veniens, effervescit, sub quo nobis glacie, ac imbribus abundat. Quia quanto magis nobis approximatur, tanto magis ab illis elongatur, & e contra.

Quod autem propensiones horum inferiorum a stellis etiam proveniant, reclamante Pico, docet passim D. Thomas, signate in *quest. de spiritualibus creatur. art. 8. lib. 2. de Caelo, 2. 2. quest. 95. art. 5. & quest. 96. art. 2. ad 2. & opusc. 5. art. 3. ad 2. lib. 3. contra gentes cap. 84. ac 2. sentent. dist. 15. quest. 1. art. 3. & part. 1. quest. 115. art. 1. & 4.* ubi ait, quod licet motu, ac luce omnes stellae agant, tanquam virtute omnibus communi, singulae tamen habent suas proprias virtutes, speciem cuiusque stellae consequentes, quae diversorum effectuum sunt causae. Ac secundum quod suo motu diversimode se habet stella ad aliam stellam, & inferioribus diversas propensiones imprimit, ac diversos effectus producit, ideo secundum quod ex pluribus virtutibus agentibus una constellatio resultat, aliquid producit, quod unica virtute fieri non posset. Aut etiam secundum quod una stella ex natura sua determinata est aliam stellam adjuvare, aut suo proprio effectui impedire, sicut inspicimus in inferioribus unam causam alteram juvare, alteram vero impedire.

Idem tradit *opusc. 28. art. 4. §. ad illud.* Cum enim objiceretur, quod luminaribus existentibus in capite Algon, id est Gorgonis, si ea Mars respectu inimicitiae radiaret, natus, ut ait Ptolemaeus, truncabitur manibus, & pedibus, & truncus suspenderetur in Cruce, ita respondet: Ad illud, quod obijcitur de capite Gorgonis dicendum, quod illae stellae funerea sunt, & monstruosam indicant vitae terminationem, propter quod ipse etiam Perseus caput averso vultu abscissum tenet. Sed hoc, sicut diximus, non imponit rebus necessitatem, sed facilem, ac mutabilem inclinationem habet. Quod ipse D. Thomas confirmat *d. quest. 115. art. 3. ad 2. ex Aristotele 2. de generat. text. 36.* dicente, necesse est ponere aliquod principium activum mobile, quod per suam praesentiam & abundantiam causet variationem circa generationem, & corruptionem inferiorum corporum, & huiusmodi sunt corpora caelestia. Et ideo, quicquid in istis inferioribus generat, & movet ad speciem, est sicut instrumentum caelestis corporis, non proprie, ut annotat ibidem Chyranas, unde non sequitur non assimilari hominem homini generanti, ex quo dicitur *lib. 2. phys. d. text. 26.* quod homo & Sol generat hominem. Hoc ipsum comprobatur D. Thomas ibidem ex Dionysio, & Augustino, ac loco citato contra gentes, ubi praclare Ferrariensis. Quare approbare videtur D. Thomas *eo cap. 84. contra gentes* Ptolemaei effectum, si in nativitate alicujus fuerit Mercurius in aliqua domorum Saturni, & ipse fortis in esse suo, juvatur ex illa positione Mercurius ad causandam (mediantibus tamen causis secundis, quibus utitur, tanquam instrumentis) eam dispositionem corporis, quae sit viribus sensitivis convenientissima, ministrant

que operationi intellectus; & inde natus sub ea constellatione vir egregii ingenii dicitur, & ad studia litterarum propentus.

Neque tamen ideo D. Thomas subijcit intellectum ac voluntatem directe stellis, si quae ab illis dependere ait. Ubique enim docet, praecipue *art. 4. quest. 115.* corpora caelestia humanorum actuum nequaquam esse causam, ut inquit Damascenus *de fide orthodoxa lib. 2. cap. 7.* Ibique perspicue declarat differentiam inter corporata inferiora, & spiritualia, ut anima. Sic etenim ait: In corporata quidem imprimunt caeli directe, ac per se. In vires autem animae, quae sunt actus organorum corporeorum, non directe quidem, sed per accidens. Quia necesse est huiusmodi actus harum potentiarum impediri secundum impedimenta organorum, sicut oculus turbatus non bene videt. Unde si intellectus, & voluntas essent vires corporeis organis alligatae, sicut posuerunt aliqui, dicentes, quod intellectus non differt a sensu, ex necessitate sequeretur, quod corpora caelestia essent causa electionum, & actuum humanorum. Et ex hoc sequeretur, quod homo naturali instinctu ageretur ad suas actiones, sicut cetera animalia, in quibus non sunt, nisi vires animae, corporis organis alligatae. Nam illud, quod fit in istis inferioribus ex impressione corporum caelestium, naturaliter agitur. Et ita sequeretur, quod homo non esset liberi arbitrii, sed haberet actiones determinatas, sicut & cetera res naturales. Quae manifeste sunt falsa, & conversationi humanae contraria.

Sciendum est tamen, quod indirecte, ac per accidens impressiones corporum caelestium ad intellectum, & voluntatem pertinere possunt, in quantum scilicet tam intellectus, quam voluntas aliquo modo ab inferioribus viribus accipiunt, quae organis corporeis alligantur. Sed in hoc varie se habent intellectus, & voluntas. Nam intellectus ex necessitate accipit ab inferioribus viribus impressiones. Unde turbata vi imaginativa, vel cogitativa, vel memorativa, ex necessitate turbatur actio intellectus; sed voluntas non ex necessitate sequitur intellectum appetitus inferioris. Licet enim passionibus, quae sunt in irascibili, & concupiscibili habeant vim quandam ad inclinandum voluntatem, atque in potestate voluntatis, remanet prosequi passionibus, vel eas resistere. Et ideo impressio caelestium corporum, secundum quam immutari possunt inferiores vires, minus pertingit ad voluntatem, quae est proxima causa humanorum actuum, quam ad intellectum. Ponere igitur caelestia corpora esse causam humanorum actuum, est proprium illorum, qui dicunt, intellectum non differre a sensu. Unde quidam eorum dicebant, quod talis est voluntas in hominibus, qualem in die inducit pater virorem, D. orumque. Quia, ergo constat, intellectum, & voluntatem non esse actus organorum corporeorum, impossibile est, quod corpora caelestia sint causa humanorum actuum.

Idipsum confirmat D. Thomas *cit. art. 5. quest. 95.* his verbis: Subtrahuntur causalitati caelestium corporum actus liberi arbitrii, quod est facultas voluntatis, & rationis. Intellectus enim, sive ratio non est corpus, neque actus organi corporei, & per consequens nec voluntas, quae est in ratione, ut patet per Philosophum in 3. de anima. Nullum autem corpus potest imprimere in rem incorpoream. Unde impossibile est, quod corpora caelestia directe imprimant in intellectum, & voluntatem. Hoc enim esset ponere intellectum non differre a sensu, quod Aristoteles in 1. de anima imponit



imponit ijs, qui dicebant, quod talis voluntas est in hominibus, qualem in die inducit pater virorum, Deorumque, scilicet Sol, vel cœlum. Unde corpora cœlestia non possunt esse per se causa operationum liberi arbitrij. Possunt tamen ad hoc dispositivè inclinare, in quantum imprimunt in corpus humanum, & per consequens in vires sensitivas, quæ sunt actus corporalium organorum, quæ inclinant ad humanos actus. Quia tamen vires sensitivæ obediunt rationi, ut patet per Philosophum in 3. de anima & 1. ethic. nulla necessitas ex hoc imponitur libero arbitrio, sed contra inclinationem cœlestium corporum homo potest per rationem operari. Idemque docet loc. cit. contra Gentes, ibique Ferrari, aviso. Dicit nonnemo. Etiam bruta resistunt impressioni cœlesti, idem coguntur ab aliquo percutiente ire ad pascendum, vel moventur à bonitate objecti, jam per sensum experti.

Respondetur ex D. Thoma 1. 2. qu. 40. ar. 3. & qu. 46. ar. 7. animalia habere pro ratione instinctum quendam naturalem, sibi à ratione superiori insitum, ut tendant ad magis conveniens, & à malo elongentur. Itaque quod in nobis præstat ratio conjuncta parti sensitivæ, quæ res diversas inter se conferendo gubernat, ac dirigit, hoc in illis efficit ratio separata, imprimens illis instinctum talem ad bonum amplexandum, & malum fugiendum, ut sunt verbera. Non tamen propterea irascuntur, teste Octavio Brancifortio de animor. perturbat. sect. 4. ex Seneca dicente lib. 1. cap. 3. bestia irasci non magis sciunt, quàm ignoscere. Habent similes hominibus impulsus quosdam, &c. Luculentius Aristoteles 3. eth. cap. 11. fortes, ait, honesti causa res omnes gerunt, eosque ira adjuvat, bestia autem dolore affecta, vel quod icta fuerunt, vel quod metuunt. Si enim sint in sylva, aut in palude, neminem aggrediuntur, verberibus ergo duci, & instinctu non tollit, quin ducantur ab astris, & ab illis inclinentur physicè ac directè, ut ait D. Thomas. Non enim liberè & cognoscendo rationis bonum, sed coactè verberibus ad aliud tendunt, vel objecto repræsentato, instinctu naturæ ad illud trahuntur.

At Picus ita contra insurgit. Agens agit in sibi simile. Sed videmus, quod omnia, quæ fiunt hic inferius, fiunt per hoc, quod calefiunt, frigidantur, humectantur, desiccantur, aliisque hujusmodi qualitatibus alterantur, quæ non inveniuntur in corporibus cœlestibus. Ergo corpora cœlestia non sunt causa eorum, quæ hic fiunt.

Hæretici etiam sic argumentantur. Corpora cœlestia cum moventur à spiritualibus substantiis agunt illarum virtute, quasi instrumenta. Illæ autem substantiæ spirituales sunt superiores nostris animabus. Atque adeo possunt imprimere in animas nostras, & sic causare actus humanos. Confirmant primò, Astrologi verè pronuntiant de eventibus bellorum, & aliis humanis actibus, quorum principia sunt intellectus, & voluntas. Id autem facere non possent, nisi cœlestia corpora essent humanorum actuum causa. Secundò. Sub eadem constellatione concipitur mas & femina. Tertiò. In hisce inferioribus reperiuntur agentia & materia. Hæc autem satis sunt ad producendum effectus.

His objectionibus ita respondetur. Primæ distinguitur major ex D. Thoma p. 1. corpora cœlestia non sunt similia corporibus inferioribus similitudine speciei, & conceditur. Secundum continentiam virtutalem, & negatur. Nam sua universali virtute continent in se quicquid in inferioribus animatur, juxta quem modum dicimus etiam, omnia esse Deo similia, simile autem specie tenetur producere, propriè generans.

Tom. I.

Secundæ objectioni negatur consequentia. Spirituales enim substantiæ, quæ cœlestia corpora movent, agunt in corporalia mediatis cœlestibus corporibus. At in intellectum humanum agunt immediate illuminando. Voluntatem autem immutare non possunt, ut superius probatum est. Ideoque mediis cœlestibus corporibus non possunt immediate tangere animam, vel ejus potentias.

Primæ confirmationis distinguitur minor: nisi cœlestia corpora essent causa humanorum actuum indirecta, & per accidens, conceditur. Directa & per se, negatur. Tradit autem D. Thomas ad 3. disti. ar. 4. qu. 115. cur Astrologi plerumque vera possint prædicere, maxime in communi, non autem in speciali. Quia nimirum plures hominum sequuntur passionibus, quæ sunt motus sensitivi appetitus, ad quos cooperari possunt corpora cœlestia, pauci autem sunt sapientes, qui hujusmodi passionibus resistant. Per liberum verò arbitrium aliqui resistunt. Unde & ipsi Astrologi dicunt, quod sapiens dominatur astris, in quantum scilicet dominatur suis passionibus.

Secundæ Confirmationi respondet D. Thomas ad 4. art. 3. cit. quæst. negando consequentiam. Nam materia conceptus non est dispositiva totaliter ad masculinum sexum. Unde partim formatur in masculinum, partim in feminam. Quod declarat opusc. 28. cap. 4. Hinc cum eodem post Augustinum rejicimus divinationem, quæ fit per astra, quia effectus astrorum variantur, etiam in rebus corporeis secundum diversam materiæ dispositionem.

Tertiæ verò confirmationis negatur item consequentia. Ex Aristotele namque lib. 2. de generat. d. text. 56. quem superius adduximus oportet ponere aliquod principium activum mobile, quod per suam præsentiam & abundantiam causet varietatem circa generationem & corruptionem inferiorum corporum, & hujusmodi sunt cœlestia corpora. Unde quicquid in istis inferioribus generat, & movet ad speciem est, sicut instrumentum cœlestis corporis, secundum quod dicitur 2. physic. text. 26. quod sol & homo generant hominem. Nomine Solis intelligit D. Thomas cœlos contra Licetum. Videtis ibidem Cajetanum egregiè declarantem quare agentia subcœlestia dicantur instrumenta cœlorum, cum tamen pater, ut causa principalis, ac vitalis generet filium. Non enim proprie dicuntur instrumenta, sed quia inferius se habet quasi ut materia, quia superius est formalis. Quem admodum & creata agentia naturalia dicuntur passim à D. Thoma instrumenta Dei. Nam Dei & superioris causæ creatæ ut solis, est agere naturam secundum rationem naturæ ac per se. Quod non convenit causæ universæ, alias seipsam causaret. Et ideo causæ univocæ agunt virtute illarum, quarum est per se agere ad speciem.

Imo Bannes qu. 77. pag. 1. censet probabile, Delatorre in 2. 2. qu. 95. art. 5. Molina, & Averfa post Medinam putant, ut certum, quod, etsi propensiones omnes belluarum à cœlis proveniant, non tamen determinationes peculiares, ad hoc, vel ad illud, exempli gratia ire ad pascendum in monte, aut in valle, versus orientem, vel occidentem. Quia omnis motio corporum cœlestium oritur ex eorum virtutibus, quæ sunt principia operandi. Non autem reperiuntur in cœlo principia, & virtutes, ac tot determinationes secundum locum, & tempus. Ideoque non sunt tribuendæ motioni cœlestium corporum. Diversitatem enim operationum necesse est proficisci à diversitate principiorum activorum. Nam alioquin essent in cœlo infinitæ penè virtutes, ac principia operandi circa unum individuum brutales cum illius determinationes in exequenda sua propensione innu-

Mm mera



meræ sint. Et quia sæpe contingit determinationes istas in opposita ferri, modò ad unam partem, modò ad oppositam. Si autem dicatur, operationes illas individuales non posse exerceri sine influxu cœlestium corporum, & consequenter ad illum esse referendas, responderetur, id comprobare antecedens non quoad determinationem operationum hic & nunc, sed quoad eius entitatem in ratione communi corporatorum effectuum.

Et quoniam etiam opponitur, quòd determinatio brutalis non est propriè electio, neque inconvenit, quòd dependeat à cœlis; ideo responderetur, quòd nec quidem determinationes sine electione possunt reduci ad cœlos, qui sunt inanimati, sed ad Angelos, & Deum. Unde credit Medina, id forsitan voluisse asseverare D. Thomam pag. 1. *quest. 110.* ex mente Augustini, & Origenis, docentem, immediatè Angelos præsidere, etiam circa res corporeas rationis expertes.

Sed adhuc Joannes Picus arguit contra constellationes particulares siderum, eumque sequitur Torreblanca lib. 7. cap. 2. *oper. spirit.* alios afferens post Franciscum Picum lib. 5. *prænot. cap. 4.* asserentes diversitatis intellectum, ex diversa corporis dispositione, causam esse aliquam particularem virtutem, non autem diversam siderum positionem. Unde inferunt, falsum esse, Astrologiam posse de bonitate intellectus ex motibus cœlestibus judicare, ut ex Ptolemeo tradit D. Thomas in *fine d. cap. 84.* Sicque primum arguunt, Cœlum est causa universalis. Causa autem universalis non distinguit effectus, sed tantum causæ proximæ, tam specificæ, quàm singulares. Ergo cœlum non est causa diversitatis effectuum in istis inferioribus.

Confirmant primò. Nulla est siderum positio, sub qua de Leone Leo, de equo equus non nascatur. Ergo diversitas rerum non positioni siderum, sed diversitati particularium causarum est adscribenda.

Secundò id confirmant. Natos simul eodem momento ex diversis parentibus intra eandem, ejusdem tamen regionis latitudinem, & longitudinem, fortuna, ingenio, corpore diversissimos intuemur. Ergo illorum diversitas à particularibus causis, quæ diversæ sunt, non à siderum positione, quæ una est, provenit.

Deinde sic ostendunt: Cœlum in hæc inferiora agit lumine duntaxat, & motu, à quibus non aliud materiæ communicatur, quàm motus, lux, & calor. Sed hæc ab omnibus fluunt stellis, à Sole mendicando. Ergo non sunt diversi influxus cœlorum secundum variam siderum positionem.

Verum Picus, vir alioquin doctissimus, in hoc fallitur, & fallit. Quoniam cum cœlum universalem causam supponat, rerum diversitatem in eius virtutem referri non posse existimat, cum tamen oppositum ex dictis colligatur. Si namque cœlum universalis causa est, sine qua corporeum nullum neque agit, neque agere valet, fatendum necesse est, omnis diversitatis causam in suo genere cœlum esse, utpote quòd omnes causas secundas ad operandum inducat, à quibus diversi effectus dimanant. Ideoque D. Thomas etiam diversitatem ingenij à cœli impressione statuit, indirectè tamen, atque ex occasione quadam provenire. Quia cœlum, veluti universalis causa, diversas dispositiones corporeas, secundum quas sensitivæ vires variantur, producat, quibus in suo opere utitur intellectus.

Harum tamen dispositionum varietas non ita Cœlo est attribuenda, ut quasi ab ipso tantum, nulla media causa, profiliat; sed quia cœlum secunda causa uritur, quæ fortior evadit, dum agit, cœlo in tali dis-

positione existente, quàm si taliter dispositum non esset. Ipsum quoque cœlum per aliquam particularem causam removeret impedimenta, quibus conveniens materiæ dispositio, aut etiam actio secundæ causæ agentis impediri posset.

Neque inconveniens existimari debet ex secundis causis aliquem effectum dimanare, ut assumantur ab altero agente, quos virtute connaturali producere nequirent, ut dicitur de cœlis, instrumentis elevatis ab intelligentia motrice ex D. Thoma *qu. 6. de miraculis.* Sic operatione artis miri producuntur effectus per ignem, aliaque agentia naturalia qui ab illis duntaxat causis naturalibus non efficerentur. Ut enim docet idem D. Thomas lib. 1. *sent. dist. 38. art. 5.* causa prima & universalis particulares effectus per causas secundas efficiens, virtutem propriam in causa secunda imprimit, ut ab ipsa quasi ad effectum deferatur, cumque unumquodque recipiatur in alio per modum recipientis, evadit virtus causæ universalis quodammodo limitata ad determinatos effectus per causam secundam, in qua recipitur.

Atque iccirco ex D. Thoma *cit. q. 115. ar. 6. & cap. 67. lib. 3. contra gentes,* effectus plures contingenter accidunt, etsi prima causa sit necessaria, idque propter contingentiam secundæ causæ, in qua primæ causæ virtus limitationem accipit. Eademque ratione sicut dum aliqua universalis causa ad generationem Leonis agit per Leonem, Leonem generat, ita dum agit per equum debilis virtutis equum debilem efficit, dum per equum fortem operatur, fortem equum generat. Hoc eodem pacto d. *opus e. 28. art. 4.* tradit multum variationis facere dispositiones inferiorum, ut complexiones feminarum, & climatum. Idipsum dicendum est de stellis recipientibus lumen solis universale, determinatum virtutibus peculiaribus stellarum, sicque in multiplices effectuum differentias extenduntur, & multis particularibus causis, vario modo dispositis, cooperantur.

Quod autem unumquodque astrum habeat suas virtutes peculiares docet sapius D. Thomas, Albertus lib. 2. *de cœlo tr. 2. cap. 2.* Averroes lib. 1. *de Cœlo tom. 42.* Avicenna apud Albertum *ibid.* Augustinus Niphus lib. 2. *de Cœlo text. 49.* Scaliger in *Cardanum exercit. 62.* Maro *georgic. 1.* ubi Saturnum frigidum ait, quia obliquè respicitur à Sole, directè autem Mars secundum Aratum. Lunam autem habere speciale lumen, colligunt aliqui ex illo Psalmi 120. *Per diem Sol non uret te, neque Luna per noctem.* Quod tamen non probat de lumine non mutuato à Sole. Neque hoc asserit Aristoteles, quod aliqui ex compluribus ejus textibus probare existimant, idemque tradentes de aliis astris, nominatim Veneris. Postquam hæc opinio comprobari ex D. Thoma 1. *Corinth. 15.* dicente: *stella à stella differt in claritate.*

Argumentis autem Pici, & aliorum ita respondetur. Ad primum negatur minor. Nam dictum est, causam universalem corporatam secundum diversas partes diversis pollere virtutibus ad diversos effectus per causas particulares producendos, sicut diversas artes diversis instrumentis utuntur ad varia artificia. Cœlum autem universaliter acceptum pro orbibus ac stellis diversis virtutibus agere in hæc subcœlestia, dictum pariter est. Quod D. Thomas *cit. opusc. 28. art. 2.* declarat ex Aristotele. Quemadmodum enim Fabri Lesbij structuræ normam, non normam structuram accommodant, ita propter varias causas, quæ sunt in materia, sæpe mutatur sapiens dispositio circuli cœlestis, ac dispositio adhærens mobilibus quæ fatum vocatur, extra rectitudinem cœlestium declinans exorbitat propter multas oppositas inferiorum transmutationes. Imò quælibet stella potest causa



causa universalis appellari, & si virtute aliqua speciali polleat, diversa à virtute alterius stellæ, qua idcirco effectum diversum ab effectu alterius agat. Nam motu, ac lumine in sublunaria operatur, quæ sunt cunctis corporibus cælestibus communia, & propria virtute suam speciem, & naturam comitante in diversos effectus valet, prout in ipsa plurium causarum particularium virtutes simul clauduntur, sicut ipse Picus admittit in luce omnes effectus subcælestes conjunctim contineri.

Primæ confirmationis negatur consequens. Virtuti namque siderum etiam adscribi debet ut de Leone non generetur, nisi leo. Cælum enim particulares effectus non producit, nisi per causas secundas, ac illis proportionatos. Ideo variis ad varios effectus utitur, sicut artifex diversis instrumentis ad diversa opera. Neque idcirco sequitur diversitatem effectuum non pendere ab artifice. Additur, quod licet ab equo equus tantum generetur, aliqua tamen est siderum constitutio, sub qua equus equum generare valet, qua deficiente, non generaret. Unde quædam animalia statim anni temporibus generationi vacant, & sub certis constellationibus gigantes etiam generantur, aut magno ingenio viri, quas observant dæmones; dum, semine assumpto, illos generant.

Secundæ confirmationis negatur pariter consequens; quod etiam negat D. Augustinus lib. 5. de civit. cap. 6. & D. Thomas art. 3. ad 4. ejusdem qu. 115. dum admittit, quod actiones corporum celestium diversè recipiuntur in inferioribus corporibus secundum diversam materiæ dispositionem, ut liquet, dum materia conceptus humani non est omnino disposita ad masculinum sexum; unde partim formatur in masculum, partim in feminam. Quod inibi Augustinus tradit ad repellendam divinationem astrologicam. Non ergo infertur siderum positionem non agere in subcælestia, sed non necessariò agere, cum causæ secundæ sint contingentes, in quibus recipitur influxus cælestis, qui impediri potest ex materiæ, & particularis agentis indispositione. Ideoque rectè concluditur, diversos effectus in diversas siderum positiones, tanquam in causas remotas, in causas secundas, tanquam in proximas.

Secundi verò argumenti negatur antecedens. Contrarium namque probatum est ex D. Thoma. Sed adhuc illo admissò non valet consequentia. Etenim, ut docet D. Thomas de spiritual. creatur. art. 8. ad 12. lux non est ejusdem rationis in omnibus stellis; ideo præter communes effectus consequentes communem lucis naturam, quodlibet sidus suo lumine aliquem particularem effectum producere valet.

Quare non videtur inconueniens, ut putat Torreblanca, quod in uno ac eodem simul à Cælo frigus, & calor in gradibus compatibilibus causantur, si supponatur, cælum aërem ad calorem, aut frigus abque medio particulari agente calido, aut frigido variis suis virtutibus alterare. Sicut enim non inconvenit ligno appropinquante calido & frigido, à calido, si fortius sit lignum, caliditatem accipere, & à frigido aliquem gradum frigiditatis, remissum, & compatibilem cum gradu illius caloris. Ita non inconvenit, quod exempli gratia Luna simul in aëre causet frigiditatem ratione propriæ virtutis, & aliquem gradum caloris virtute luminis. Hinc, tametsi Luna magis sit frigefacere virtute propriæ qualitatæ, quam calefacere, ex communi Lucis natura, causat tamen in aëre, ab ipsa frigefacto, aliquem caloris gradum suæ frigiditati non repugnantem, ideoque noctes plenilunij asserit Aristoteles lib. 4. de partib. animal. cap. 5. esse calidiores; quia quò plus luminis habet Luna, eo magis aërem per aliquem gradum

Tom. I.

calefacit, quamvis semper frigiditatem calore intensiorem propria virtute inducat. Ex quibus solutæ manent rationes aliquot circa varias stellarum virtutes, quas ex Pico affert Pererius in Astrologiam.

## CONSULTATIO CL.

*De Astrologia genethliaca sive iudiciaria. Adversus eam Biblia Sacra, Pontifices summi, Concilia, leges Principum, Patres, Theologi, Philosophi, Historici ac ceteri omnes.*

PRIMUM firmamento firmitus tenendum est, esse de fide, nullo modo posse ex astris prædici, aut cognosci mytheria supernaturalia, ut Incarnatio Christi, diluvium universale, an Petrus sit convertendus à peccato, an à seculo ad religionem, de quibus jam diximus.

Deinde sit hæc assertio. Astrologia iudiciaria pronuncians certò, aut incertò, ac in singulari de liberis actibus, aut de ab illis dependentibus, ut sic de fortuitis & contingentibus, est sine fundamento, atque adeo vana, superstitiosa, & ad magiam dæmoniacam pertinens, improba, damnata & perniciofa Ecclesiæ Christianæ, ideoque illicita. Hæc thesis est communis Theologorum, quam expressè docet sapius D. Thomas signatè art. 5. d. qu. 95. ubi Cajetanus, Bannes, Zumel, Nazarius, Arauxo, alique p. 1. qu. 57. & 115. ac Medina 1. 2. q. 9. Idem D. Thomas in 2. d. 15. qu. 1. ar. 3. Sotus in 4. & de just. & jur. lib. 5. q. 10. Delrius, Ferrariensis cum eodem D. Thoma lib. 3. contra gentes cap. 154. & ad Galat. 4. lect. 4. Bonaventura in colloq. Antonius 2. p. tit. 12. cap. 1. Tarantas. Richard. Palud. Gabriel, Major in 4. sent. Gulielm. Paris. trakt. de legib. Michael Medina lib. 2. de recta in Deum fide Pererius 2. Suarez tom. 1. de mag. lib. 3. & in cap. 1. G. num. 17. Victoria, Carena, Francisco Picus lib. 5. de pranot. & antea Joannes Picus adversus Astrologos integris duodecim libris, etsi supervacaneis oppletis. Duardus in Bullam Cæna can. 1. qu. 22. Valentia, Delatorre Sylvius in d. qu. 95. D. Thomæ, Salelles, Moura, Torreblanca, Sanchez in decal. l. 2. cap. 38. n. 33. Lessius lib. 2. cap. 43. Reginald. lib. 17. n. 172. Azor pag. 1. lib. 9. cap. 13. Navarr. de restit. l. 2. cap. 2. dub. 2. nu. 110. & seq. Salas p. 2. qu. 2. & 5. tr. 5. disp. 2. sect. 5. à num. 16. Castropal. pa. 3. tr. 17. disp. 1. pun. 4. num. 4. Delbene p. 2. dub. 222. sect. 1. num. 5. alique communiter.

Et quidem Scriptura sacra pluribus in locis Astrologiam hanc iudiciariam refellit, reprobatur, irritamque declarat. Isaia 41. Annunciate quæ ventura sunt, & sciemus quod Dñs estis vos; & cap. 44. Ego sum Dominus, irrita faciens signa divinorum, & Ariolos in furore vertens, convertens sapientes retrorsum, & scientiam eorum stultam faciens; & cap. 47. deridens Deus Babylonios, & Chaldæos sideralibus suis observationibus præfidentes: Ita inquit, cum incantatoribus tuis & cum multitudine maleficiorum tuorum, in quibus laborasti ab adolescentia tua, si forte quid prosit tibi, aut si possis fieri fortior. Defecisti in multitudine consiliorum tuorum. Stent & salvent te augures, qui contemplantur sidera, & supputabant menses, ut ex eis annuntiarent ventura tibi. Et paulò ante dixerat: Sapientia tua, scientia tua hæc decipit te. Jeremias quoque cap. 10. monet Judæos, ut astrologicas observationes pro nihilo ducant; nihil enim sibi à stellis vel sperandum, vel timendum esse. Sic autem ait. Juxta vias gentium nolite discere, & à signis cæli nolite mervari, quæ

Mm 2

qua



qua timens gentes, quia leges populorum vana sunt. Quem locum sic exponit Hieronymus: proprie adversus eos loquitur, qui venerantur, quæ in signa posita sunt annorum, & temporum, & mensium, & dierum. Ab his autem æstimant humanum genus, & ex causis cælestium terrena moderari. Deuter. 18. *Gentes ista augures, & divinos consulunt; tu autem aliter à Domino Deo tuo institutus es.* Salomon autem Eccles. cap. 10. scientiam futurarum rerum homini deneget. Ignorat homo, ait, quod ante se fuerit, & quid post se futurum sit, quis poterit judicare? & cap. 8. *Homo ignorat præterita, & futura nullo potest scire nuncio.* Liquet igitur divinationem astrologicam in sacris litteris contemni, derideri, reprobari.

Cum doctrina Sacrarum Litterarum, etiam judicium Ecclesiæ, ut par erat, mirè congruit. Semper enim Ecclesia inde usque à primordiis suis judicarios Astrologos odit, fugit, damnavit. Extant adversus ipsos plurima, & severissima decreta Ecclesiæ, quæ legere licet 2. p. decret. cap. 264 per primas quinque quæstiones, & in Concilio Bracaren. primo cap. 9. & 10. in Toletano primo in assertione fidei contra Priscillianistas, Alexander Tertius, Sixtus V. in sua Constit. 17. *Cæli & terræ*, ubi scienter legens, vel recitans libros, scripta, opera, tractatus, vel chartas Astrologiæ judiciariæ, geomantiæ, hydromantiæ, pyromantiæ, & aliarum hujusmodi divinationum, vel artis magicæ, aut quibus fortilegia, veneficia, auguria, auspicia, vel incantationes, & superstitiones continentur, incurrit excommunicationem latam in Indice librorum, quæ tamen non est reservata, sed si in illis libris, vel scriptis pronuntiatur certò de futuris contingentibus, sive actibus hominum ex astris, vel alijs rebus creatis, tanquam ex causa, sive ratione necessarij influxus, sive coactionis arbitrij humani, vel asseritur cognosci secreta cordium, sive actus posse cognosci naturalibus, tunc incurrunt tam autores, & credentes, quam tenentes, vel legentes scienter in excommunicationem in can. 1. *Bulle in Cena Domini*, quia talis doctrina est hæreticalis, ut per Suarez de relig. tom. 1. lib. 2. cap. 19. num. 8. Albertin. de agnosc. assert. hæret. qu. 16. num. 1. & si. ac Filiuc. tr. 24. num. 85. Idem si asseratur hujusmodi artem Astrologiæ judiciariæ, seu divinatoriæ non esse ab Ecclesia improbatam, ut per Farinac. qu. 181. num. 61. ubi alii.

Operæ autem pretium esse duxi gravissimam simulque sapientissimam Sixti Constitutionem in hanc & in rem omnem magicam, & fortilegam proferre: Illa hæc est.

Sixtus Episcopus, servus servorum Dei,  
Ad perpetuam rei memoriam.

**C**OELI ac terre Creator Deus, quem unum omnipotentem corde credimus ad justitiam, & ore confitemur ad salutem, etsi homini, quem ad imaginem, & similitudinem suam creavit, mentem dederit, quæ non solum divino fidei lumine illustrata, mysteria illa cognosceret, quæ humanam intelligentiam superant, sed etiam natura sua vi, magno licet cum labore, præclara multa investigaret, atque intelligeret, tamen ut superbum animal homo non altum superet, sed timeret, & immensam Conditoris sui majestatem, humi stratus veneraretur, sibi soli eorum, quæ eventura sunt, scientiam & futurarum rerum cognitionem reservavit. Solus enim ipse, cujus oculis omnia nuda, & aperta sunt, & ad intimas hominum cogitationes penetrat, & consequentes eorum actiones intuetur; solus ipse, qui vocat ea, quæ non sunt, tanquam ea, quæ sunt, omnia præsentia, &

ante oculos posita habet; solus denique omnia, & singula quacunque totius temporis decursu, ac seculorum ætatibus futura sunt, ab omni aternitate novit, & admirabili providentia disposuit, quæ non modò humanæ mentis imbecillitas ignorat, sed nec demones ipsi præsentire possunt.

Quare idolorum in futuris annuntiandis falsitatem, & imbecillitatem, & eorum, qui eis cultum adhibebant, vanitatem irridet Spiritus Sanctus, apud Isaiam illis verbis: Annunciate quæ ventura sunt in futurum & sciemus quia Dij estis vos. Et in novo testamento Christus Dominus discipulorum suorum de futuris contingentibus paulò cupidius inquirentium, interrogationem gravi illa responsione retudit, quæ etiam omnium fidelium suorum curiositatem coercuit: Non est vestrum scire tempora, ac momenta, quæ Pater posuit in sua potestate.

Nec verò ad futuros eventus, ac fortuitos casus prænoscentes [futuris eventibus ex naturalibus causis necessariò, vel frequenter provenientes, quæ ad divinationem non pertinent, dumtaxat exceptis] ulla sunt vera artes, aut disciplina, sed fallaces, & vana improborum hominum astutia, & demonum fraudibus introductæ, ex quorum operatione, consilio, vel auxilio omnis divinatio dimanat, sive quod expresse ad futura manifestanda invocentur, sive quod ipsi pravitate sua, & odio in genus humanum, occultè etiam præter hominis intentionem se ingerant, & intrudent vanis inquisitionibus futurorum, ut mentes hominum perniciosè vanitatibus, & fallaci contingentium prædicatione implicentur, & omni impietatis genere depraventur. Quæ quidem ipsis cognita sunt, non divinitate aliqua, nec vera futurorum scientia, sed natura subtilioris acuminis, & alijs quibusdam modis, quos hominum obtusæ intelligentia ignorat. Quamobrem dubitandum non est, in hujusmodi futurorum contingentium & fortuitorum eventuum inquisitione, & præcognitione, diaboli operationem se fallaciter immiscere, ut sua fraude, ac doli miseros homines à via salutis avertat, & laqueo damnationis involvat.

Quæ cum ita sint, nonnulli hæc fideliter, ac religiose, ut debent, non attendentes, sed curiosa sectantes, graviter Deum offendent, errantes ipsi, & alios in errorem mittentes, tales imprimis sunt Astrologi, olim Mathematici, Genethliaci, & Planetarii vocati, qui vanam, falsamque siderum, & astrorum siderum præficientes, divinaque dispositionis ordinationem suo tempore revelandam prævenire audacissimè satagentes hominum natiuitates, seu genituras ex motu siderum, & astrorum cursu metiuntur, ac judicant futura, sive etiam præsentia, & præterita occulta, atque ex purorum ortu, & natali die, sive quavis alia temporum ac momentorum vanissima observatione, & notatione, de uniuscuiusque hominis statu, conditione, vita cursu, honoribus, divitiis, sobole, salute, morte, itineribus, certaminibus, inimiciis, carceribus, cadibus, varijs discriminibus, aliisque prosperis, & adversis casibus, & eventibus præcognoscere, judicare, & affirmare temerè præsumunt, non sine magno periculo erroris, & infidelitatis, cum S. Augustinus præcipuum Ecclesiæ lumen, eum, qui hæc observat, qui attendit, qui credit, quò in domum recipit, qui interrogat, Christianam fidem, & baptismum prævaricasse affirmet, ut illos meritis Apostolus arguat, atque increpet illis verbis: Dies observatis, & mensis, & tempora, & annos. Timeo vos, ne fortè sine causa laboraverim in vobis.

Hi igitur levissimi, ac temerarii homines in miserandam animarum suarum ruinam, grave fidelium scandalum, & Christianæ fidei detrimentum futuros rerum eventus, & quacunque prosperè vel adverse ventura sunt, ac actus humanos, ea demum quæ



quæ ex libera hominum voluntate proficiuntur, astris, sideribusque adscribunt, eisque eam facultatem, vim, seu virtutem & efficaciam tribuunt significandi futura, & ad præcognita ita inclinandi, ut sic omnino, nec aliter eventura sint, atque ob eam causam de ijs rebus omnibus judicia facere, prognostica, prædictiones, & præcognitiones sibi assumere, & palam venditare non dubitant, quibus non pauci rudes, & imperiti, alique nimis creduli, & imprudentes tantam fidem præstant, ut ex hujusmodi judiciorum, & prædictionum præscripto aliquid certo esse credant, aut sperent, quorum sanè mendacium, magistrorum temeritas, & infelicitum discipulorum credulitas magnopere deploranda est, qui vel divinis litteris admoniti non intelligunt hominis præstantiam, cui cæli, & stella, & clarissima cæli sidera, sol, & luna, Deo ita disponente, non imperant, sed inserviunt. Sic enim Moyses populum Dei, ut hunc errorem caveret, præmonebat: Ne forte elevatis oculis ad Cælum videas Solem & Lunam, & omnia astra Cæli, & errore deceptus adores ea & colas, quæ creavit Deus tuus in ministerium cunctis gentibus, quæ sub Cælo sunt.

Sed quid sidera mirandum est homini servire? Nonne nobilissima Intelligentia Angeli ipsi, omnes sunt administratori spiritus in ministerium missi propter eos, qui hereditatem capiunt salutis? Nam rationales oves ita diligit Deus, ut non solum Episcopos, quemadmodum à S. Ambrosio scriptum est, ad tuendam gregem ordinaverit, sed etiam Angelos destinaverit. Præclare etiam S. Hieronymus. Magna dignitas animarum, ut unaqueque habeat ab ortu natiuitatis in custodiam sui Angelum delegatum. Quod si Angeli homines custodiunt, quid adversus Angelorum custodiam, & tutelam astra moliri, aut efficere poterunt, quæ cum ipsis Angelis nullo modo sunt comparanda?

Nec sanè hoc loco prætereunda est eximii Ecclesiæ Doctoris, & beatissimi Pontificis Magni Gregorii sententia, qui Priscillianistas hæreticos unumquemque hominem sub constitutionibus stellarum nasci putantes, magno rerum & verborum pondere confutat. Absit, inquit, à fidelium cordibus, ut aliquid esse Fatum dicant; vitam quippe hominum solus conditor, qui creavit, administrat. Neque enim propter stellas homo, sed stella propter homines facta sunt, & si stella Fatum hominis esse dicitur, ipsis suis ministeriis subesse homo perhibetur. Utinam insani homines hæc saperent, & intelligerent, ac Dei monitis obtemperarent, in Levitico dicentis, Non declinetis ad Magos, nec ab Ariolis aliquid sciſcitemini, ut polluatini per eos. Neque enim quæ christiana & vera pietas repellit, ac damnat tanto studio investigarent, iisdemque misère se decipi, atque irretiiri paterentur.

Sunt etiam inanes quidam homines, & curiosi, vel impij, & irreligiosi, qui futurarum, & occultarum aliarum rerum notitiam adeò anxie habere student, ut ad eadem prænoscentia, & investiganda in divina legis offensionem multipliciter incurrant. Alii enim Geomantia, Hydromantia, Aëromantia, Pyromantia, Onomantia, Necromantia, aliisque sortilegiis, & superstitionibus non sine demonum saltem occulta societate, aut tacita pactione, operam dare, seu aleis, ac sortibus illicitis taxillorum, granorum triticorum, vel fabarum jactu uti non verentur. Alij verò aliquas priſtina, & antiquata, ac per Crucis victoriam prostrata Idololatria reliquias retinentes, quibusdam auguriis, auspiciis, similibusque signis, & vanis observationibus ad futurorum divinationem intendunt. Alij item sunt, qui cum morte fœdus ineunt, & pactum faciunt cum inferno, qui similiter ad oculorum divinationem ad inveniendos thesauros, vel ad alia facinorosa perpetranda, etiam expressa cum diabolo pactione facta, in ma-

nifestam suarum perniciem animarum nefarias magicæ artis incantationes, instrumenta, & veneficia adhibent, circulos, & diabolicos characteres describunt, demones invocant, aut consulunt, ab eis responsa petunt, aut accipiunt, eis preces, & thuris, aut aliarum rerum suffimenta, seu fumigationes, aliave sacrificia offerunt, candelas accendunt, aut rebus sacris, vel sacramentis aut Sacramentalibus sacrilegè abutuntur, adorationis, genuflexionis, aut quævis alia impietatis obsequia præstant, cultum, venerationem tribuunt, aut annulum, vel speculum, aut parvas phialas sibi fabricant, aut fabricari curant ad demones in eis alligandos, seu includendos, ut putant, ad responsa ab ipsis inde petenda aut habenda. Alij præterea etiam in corporibus obsessis, vel lymphaticis, & phanaticis mulieribus demones de futuris, vel occultis rebus, aut factis exquirunt, ut merito ab eis, quos Dominus in Evangelio tacere imperavit, vanas, mendacesque referant responsiones. Alij quoque præstigiæ, frequentius verò muliercula quædam superstitionibus dedita in phialis, seu vasculis vitreis, aqua plenis, vel in speculo accensis candelis, etiam benedictis, sub nomine Angeli sancti, & albi, diabolum omnium malorum satorem supplices adorantes, vel in unguibus, aut palma manus, quandoque etiam oleo perunctis, eundem omnium fallaciarum architectum orant, ut similiter futura, vel occulta quævis per spectra, & apparentes imagines, seu phantasticas visiones sibi ostendat, aut ab eodem patre mandacij diabolo aliis incantationibus, aut variis superstitionibus futurorum & occultorum hujusmodi veritatem quarunt, & hominibus prædicere contendunt.

Quorum omnium, quos supra enumeravimus, consimilis impietas parem exitum habet, nimirum, quod demonis præstigiis, ac dolis, tum qui divinant, tum qui divinationem expetunt illusi, ac delusi miserrimè reperiuntur.

Itaque cum futuros eventus in seipsis considerare, antequam fiant, sit Dei proprium, illud necessariò consequitur, ut Astrologi, & alij prædicti, qui hujusmodi futura prænunciare, aut prænoscere quocunque modo, nisi Deo revelante, audent injustè, atque impudenter, quod Dei est sibi assumant, & usurpent. Sic fit, ut dum ab eis, quod solius est Creatoris, perperam creaturis tribuitur, divina Majestas graviter ladatur, fidei integritas violetur, & animabus pretioso Christi sanguine redemptis, pestis, atque exitium importetur.

Et licet jampridem regulis Indicis librorum prohibitorum ex decreto sacri generalis Tridentini Concilij confecti, illud inter cetera constitutum fuerit, ut Episcopi diligenter providerent, ne hujusmodi Astrologia judicaria libri, tractatus, & indices legerentur, vel haberentur, qui de futuris contingentibus, successibus, fortuitisve casibus aut ijs actionibus, quæ ab humana voluntate pendent, certo aliquid eventurum affirmare audent (permittis tamen judicijs, & naturalibus observationibus, quæ navigationis, agricultura, siue medica artis iuvanda gratia conscripta fuissent) Libros verò omnes, & scripta Geomantia, Hydromantia, Chiromantia, Necromantia, siue in quibus continentur sortilegia veneficia, auguria, auspicia, incantationes artis magicæ prorsus rejici, & aboleri curarent; non tamen errorum, delictorum, & abusum prædictorum extirpationi usque adeo provisum est, quin etiam adhuc in nonnullis locis, & apud plurimos curiosius vigeant, cum valde frequenter detectis diaboli insidijs divinationum, sortilegiorum, & variarum superstitionum omnia plena esse in dies detegantur.

Nos igitur, qui pro nostro pastoralis officij Munere, fidei integritatem inviolatam conservare debemus, & animarum saluti prospicere, quantum divina gratia adjurice possumus, ex paterna charitatis visceribus opta-



mus, damnantes, & reprobantes omne genus divinationum, quæ, diabolo autore, ad fidelium deceptionem à prædictis curiosis, vel perditis hominibus fieri solent. Capientes propterea Sanctam illam Christianam Religionis simplicitatem, præsertim de summa Creatoris Dei potestate, sapientia, & providentia, ab omni erroris labe integram, atque incorruptam, ut par est, retineri; Volentes quoque prædicta falsa credulitati, ac huiusmodi illicitarum divinationum, & superstitionum detestabili studio, & execrandis flagitiis, atque impuritatis occurrere, ut de christiano populo merito dici possit, quod de antiquo Dei populo scriptum est, non est augurium in Jacob, neque divinatio in Israel.

Hac perpetuo valitura Constitutione, Apostolica auctoritate statuimus & mandamus, ut tam contra Astrologos, Mathematicos, & alios quoscunque dicta iudiciaria Astrologia artem, præterquam circa agriculturam, navigationem, & rem medicam in posterum exercentes, aut facientes iudicia, & natiuitates hominum, quibus de futuris contingentibus, successibus, fortuitisque casibus, aut actionibus, ex humana voluntate pendentibus aliquid eventurum affirmare audent, etiam si id se non certo affirmare asserant, aut protestentur, quam contra alios utriusque sexus, qui supradictas damnatas, vanas, fallaces, & perniciosas divinandis artes, sive scientias exercent, profitentur, & docent, aut discunt, quive huiusmodi illicitas divinationes, sortilegia, superstitiones, veneficia, incantationes, ac præmissa detestanda scelera, & delicta, ut præfertur, faciunt, aut in eis se quomodolibet intromittunt, cuiuscunque dignitatis, gradus, & conditionis existant, tam Episcopi, & Prælati superiores, ac alii Ordinarii locorum, quam Inquisitores hæretica pravitatis ubique gentium deputati, etiam si in plerisque ex his casibus antea non procedebant, aut procedere non valebant, diligentius inquireant, & procedant, atque in eos severius canonicis pœnis, & aliis eorum arbitrio animadvertant.

Prohibentes omnes, & singulos libros, opera, & tractatus huius iudiciaria Astrologia, Geomantia, Hydromantia, Onomantia, Necromantia, artis magica, aut in quibus sortilegia, veneficia, auguria, auspicia, execrabiles incantationes, ac superstitiones continentur, ac ut supra in memorato Indice interdictos sub censuris, ac pœnis in eo contentis à quibuscunque Christi fidelibus legi, aut quomodolibet retineri, sed illos Episcopis, & Ordinariis locorum, vel Inquisitoribus prædictis presentari, & consignari debere.

Et nihilominus eadem auctoritate statuimus, & mandamus, ut contra scienter legentes, aut retinentes libros, & scripta huiusmodi, seu in quibus talia continentur, similiter iidem Inquisitores libere ac licite procedant, ac procedere, & pœnis condignis punire, & cærere possint, non obstantibus Constitutionibus, & Ordinationibus Apostolicis, cæterisque contrariis quibuscunque.

Ut autem presentes nostra littera ad communem omnium notitiam facilius deducantur, iubemus illas in valvis Basilicarum S. Joannis Lateranensis & Principis Apostolorum de Urbe, ac in acie Campi Floræ affigi, seu appendi, eisque detractis ipsarum exempla, etiam impressa eisdem in locis affixa relinqui.

Et insuper universis, & singulis venerabilibus fratribus nostris Patriarchis, Primatibus, Archiepiscopis, Episcopis, locorum Ordinariis, & Prælatibus nec non Inquisitoribus hæretica pravitatis ubilibet constitutis, per hac committimus, & in virtute sanctæ obedientiæ districte precipiendo mandamus, ut per se vel alium, seu alios easdem presentes litteras, postquam eas receperint, seu earum notitiam habuerint, in suis, & singulis parochialibus Ecclesiis, dum in eis populi multitudo ad divina convenerit; deinde verò semel in anno, & quoties ei expedire videbitur vulgari sermone publicent, aut publicari faciant.

Quia verò difficile foret presentes litteras ad singula quaque loca, in quibus de eis fides facienda erit, deferri, volu-

mus, ut earum transumptis, etiam impressis manu Notarii publici subscripti ac parvo sigillo sanctæ Romanæ, & universalis Inquisitionis, aut alicujus Prælati, vel Curia Ecclesiastica munitis, eadem prorsus fides in iudicio, & extra ubique locorum adhibeatur, quæ eisdem originalibus literis adhiberetur, si essent exhibitæ, vel ostensa.

Nulli ergo omnino hominum liceat hanc paginam nostrorum statutorum, mandatorum, prohibitionis, iussionis, commissionis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri & Pauli Apostolorum ejus se noverit incursum. Datum Romæ apud S. Petrum, anno Incarnationis Dominicæ millesimo quingentesimo octogesimo sexto, nonis Januarii, Pontificatus nostri anno primo.

Hanc Constitutionem, approbavit, confirmavit, innovavit, ampliavit Urbanus VIII. & præter excommunicationis pœnam, quam ipso jure incurrunt Astrologi, ultimum supplicium, tanquam Læse majestatis reis, confiscationem bonorum, & huiusmodi alia facientibus iudicia de statu Reipublicæ christianæ, vel Sedis Apostolicæ seu vita Romani Pontificis, aut ejus Consanguineorum, vel iudicia facta in posterum apud se retinentibus, vel alicui ostendentibus, vel verbis tractantibus, ut ex ejus tenore in hæc verba.

Urbanus Episcopus, Servus servorum Dei. Ad perpetuam rei memoriam. Inscrutabilis iudiciorum Dei altitudo non patitur, ut humanus intellectus tenebroso corporis carcere constrictus, super astra se extollens, arcana in sinu Divino recondita, & ipsis beatissimis spiritibus ignota, nefaria curiositate, non solum explorare, sed etiam tanquam explorata in Dei contemptum, Reipublicæ perturbationem, & Principum periculum arroganti, & pernicioso exemplo vendicare præsumat.

Hinc est, ut quamvis civilibus, canonicisque sanctionibus, ac novissime fel. rec. Sixti Papæ V. prædecessoris nostri constitutione desuper Astrologorum Mathematicorum, vaticinatorum, & aliorum, qui eventura divinare, seu prædicere audent, quosque uti homicidas, & maleficos antiquitas æstimavit, illorum potissimum, qui de summa Reipublica, vel Principis salute iudicia ferre præsumerent, ars, professio, sive exercitium gravibus pœnis inhibita esse noscantur. Atamen, sicut accipimus nonnulli iniquitatis filii propria pusillitatis oblii, ac levitate forsan, vel conniventia, & audentiores facti, vanamque satidicorum æstimationem aucupantes in deplorandam animarum suarum perditionem graveque Christi fidelium scandalum, etiam de Reipublica, ac Principum incolumitate, illis sollicitudinem, hominibus verò iniquitatis rerum novandarum occasionem ea ratione inferre satagentes, prognostica, & prædictiones verbo, vel etiam scripto edere non erubescunt.

Nos itaque perniciosi huiusmodi ausibus, quantum nobis ex alio conceditur, obviam ire, ac quos Dei respectus in officio non continet, pœnarum gravitate, & severioris disciplina fratre coercere volentes, motu proprio, & ex certa scientia, ac matura deliberatione nostris, deque Apostolica potestatis plenitudine, Constitutionem per præfatum Sixtum prædecessorem desuper, ut præfertur, editam, Apostolica potestate tenore presentium perpetuo approbamus, confirmamus, & innovamus.

Et insuper omnibus, & quibuscunque laicis, cuiuscunque sexus, conditionis, status, gradus, qualitatis, & dignitatis, etiam Marchionalis, vel Ducalis existentibus, qui de statu Reipublicæ Christianæ, vel Sedis Apostolicæ, sive de vita, aut morte Romani Pontificis, pro tempore existentis, ejusque usque ad tertium gradum inclusive consanguineorum Mathematicos, Ariolos, Aruspices, Vaticinatores, nuncupatos, vel alios Astrologiam iudiciariam exercentes seu alias quomodolibet proficentes de cæteris consulerent, sive desuper eorum iudicio prognostica, prædictiones, seu recognitiones, etiam si vi oblatas receperint,



repperint, illisque quomodolibet usi fuerint, vel illas penes se scienter retinuerint, aut alicui ostenderint, nec non isdem Mathematicis, Ariolis, Aruspibus, Vaticinatoribus, siue aliis Astrologiam judicariam, seu quamlibet artem divinatoriam quomodolibet profiteri, qui iudicia, prognostica, seu præcognitiones, & prædictiones super præmissis, etiam si id non certo se affirmare protestentur, fuerint, siue à se, vel ab aliis jam factas, seu factas in posterum penes se similiter retinuerint, vel alicui dederint, seu ostenderint, aut de eis quovis modo, etiam improbando scripto, vel verbis tractaverint, necnon excommunicationis majoris late sententia, sed etiam ut læse majestatis reus, ultimi supplicii, ac confiscationis omnium bonorum, etiam Romanæ Curie officiorum, ac devolutionis quorumcunque Civitatum, Castrorum, & locorum jurisdictionalium & feudalium.

Clericis quoque, & presbyteris, aliisque personis Ecclesiasticis, tam secularibus, quam cujusvis Ordinis, Congregationis, Societatis, seu instituti vel militarium quorumcunque, etiam Hospitalis S. Joannis Hierosolymitani, aliis quomodolibet exemptis, ac nobis, & Apostolica Sedi immediate subiectis, Regularibus utriusque sexus, ultra prædictas, etiam privationis beneficiorum ac dignitatum, ac officiorum Ecclesiasticorum, etiam Monasteriorum, prioratum, preceptorum, ac aliorum quorumcunque, & inhabilitatis perpetue ad illa in posterum obtinenda ita, quod persona Ecclesiastica, prævia illarum degradatione, Curia Seculari tradantur puniende. In Episcopali vero, Archiepiscopali, Metropolitana, Primitiva, Patriarchali, aut quacunque alia, etiam superiori Ecclesiastica, vel mundana, quantumvis sublimi, eccellente, & speciali nota digna, etiam suprema constitutionis dignitate, easdem excommunicationis, ac privationis, etiam regiminis, & administrationis, etiam Ecclesiarum, & aliorum quorumcunque beneficiorum, & dignitatum quantumvis amplissimarum, & Patriarchali majorum, ac officiorum suorum, & inhabilitatis pœnas ipso facto incurrant Apostolica auctoritate tenore presentium infligimus, & imponimus.

Cognitionem autem causarum hujusmodi quoad personas Ecclesiasticas, tam seculares, quam regulares, in Urbe nostra, & illius districtu ad dilectos filios nostrum Vicarium in spiritualibus generalem, nec non ejusdem Urbis Gubernatorem, ac causarum Curia Camera Apostolica Auditorem generalem, & eorum quemlibet in solidum. Extra vero Urbem, & districtum prædictum in Provinciis nobis, & Apostolica Sedi subiectis ad S. R. E. Cardinales in eisdem Provinciis de latere Legatos, ac Præsides in dignitate Ecclesiastica constitutos, pro tempore existentes. In aliis vero omnibus & singulis Provinciis, Regnis, Civitatibus, Oppidis, Castris, & locis, tam sub nostra, & dictæ sedis, quam cujusvis alterius Principis ditione comprehensis, privative quoad omnes, etiam superiores Religiosorum, ipsisque superioribus penitus exclusis, ad Ordinarios locorum, ubilibet verò locorum, etiam ad hereticæ pravitatis Inquisitores spectare volumus.

Mandantes dilectis filiis nostris, & dictæ Sedis de Latere Legatis, & eorum Vicelegatis, & Præsibus prædictis, nunc, & pro tempore existentibus nec non venerabilibus fratribus, Patriarchis, Archiepiscopis, & Episcopis singulis videlicet in suis Civitate, ac diocesi, & quoad loca intra fines alicujus diocesis, non tamen de diocesi existentia, ipsarum diocesium, intra quarum in eadem loca existerent, quo verò ad ea, que extra finem alicujus diocesis consistunt, vicinioribus eorundem locorum Ordinariis, ac etiam Inquisitoribus prædictis, quatenus ad instantiam cujusvis Fisci, vel denunciatoris, ac etiam ex eorum officio causarum hujusmodi cognitiones suscipientes, prævia etiam avocatione à quibusvis aliis supra non expressis, nec à nobis specialiter delegatis in causis ipsis modo præmissis procedant, omnibus juris & facti remediis opportunis, invocato etiam auxilio brachii secularis,

Inhibentes insuper Decanis, & Capitulis Ecclesiarum Cathedralium, Metropolitanarum, & Patriarchalium, nec non quorumcunque Ordinum, & Locorum Regularium, Societatum, & Institutorum, ac etiam hospitalis prædictorum Superioribus, Conventibus, fratribus, quantumvis exemptis ne sub privationis beneficiorum, & officiorum quorumcunque, per eos respectivè obtentorum, ac similiter inhabilitatis ad alia in futurum obtinenda, vocisque activæ, & passivæ, nec non excommunicationis late sententia eo ipso incurrendis pœnis, Ordinarios Locorum, nec non Legatos, seu Vicelegatos, aliosque prædictos in causis hujusmodi procedentes, quoquo modo impedire, molestare, seu perturbare audeant, vel presumant, ac etiam mandantes, ut quoties ad id fuerint requisiti Religiosos ipsos, etiam si alicujus loci regularis superiores acti fuerint, Ordinariis, Legatis, seu Vicelegatis, ac aliis prædictis, seu quibus iidem mandaverint, consignent cum scripturis, & actis, si qua facta fuisse reperiantur.

Sicque, & non aliter in præmissis per quoscunque, Iudices Ordinarios, delegatos, & Commissarios, ac etiam Camera Apostolica Clericos, Præsidentes, nec non causarum Palatii Apostolici, & Curia ejusdem Camera generalem Auditorem, ac S. R. E. Camerarium, & alios Cardinales, etiam de latere Legatos, nec non Vicecamerarium, sublata eis, & eorum cuilibet quavis aliter judicandi, & interpretandi facultate, & auctoritate ubique judicari, ac definiri debet, irritum quoque, & inane, si secus super his à quoquam quavis auctoritate scienter, vel ignoranter contigerit attentari, decernimus.

Non obstantibus Constitutionibus, & Ordinationibus Apostolicis, nec non nostris in numero septuagesima, & aliis Cancellariæ Apostolicæ regulis, ac Provinciarum, Regiorum, Civitatum, Terrarum, Oppidorum, locorum, Ecclesiarum, Monasteriorum, militiarum, hospitalium, etiam S. Joannis prædictorum, aliorumque Religiosorum, & peiorum locorum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & litteris Apostolicis eisdem Provinciis, Regnis, civitatibus, terris, oppidis, locis, Ecclesiis, Monasteriis, hospitalibus, & militiis prædictis & aliis piis locis, ac illorum Universitatibus, Capitulis, Superioribus, & personis in contrarium forsitan quomodolibet concessis, approbatis, & innovatis. Quibus omnibus, & singulis etiam de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales, idem importantes, mentio, seu quavis alia expressio, aut aliqua alia exquisita forma, ad hoc servanda feret, eorum omnium tenores, ac si de verbo ad verbum infererentur, præfatis pro expressis habentes, illis alias in suo robore permanentibus. Hac vice dumtaxat specialiter, expresseque, harum serie derogamus, cæterisque contrariis quibuscunque.

Volumus autem, quod presentes littere in valvis Ecclesiæ Lateranensis, & Basilicæ Principis Apostolorum de Urbe, ac Cancellariæ Apostolicæ, nec non in acie Campi Floræ publicentur, & affigantur, quæ postquam sic affixæ, & publicatæ fuerint, quoscunque, tam in statu nostro temporali, quam extra eum ubique locorum perinde ardeant, & afficiant, ac si unicuique nominatim, ac personaliter intimatæ fuissent. Quodque earum exemplis, etiam impressis, manu notarii publici subscriptis, & sigillo alicujus personæ in dignitate ecclesiastica constitutæ munitis, eadem prorsus fides in iudicio, & extra ubique adhibeatur, quæ presentibus adhiberetur, si forent exhibitæ, vel ostensæ.

Nulli ergo homini liceat hanc paginam nostræ approbationis, confirmationis, instigationis, impositionis, inhibitionis, decreti, derogationis, & voluntatis infringere, vel ei casu temerario contraire. Siquis autem attentare præsumpserit, indignationem omnipotentis Dei, & Beatorum Petri & Pauli Apostolorum ejus se noverit incursurum. Datum Romæ apud S. Petrum anno Incarnationis Dominicæ Kalendis Aprilis Pontificatus nostri anno octavo 1631.



Qua in re notandum, quòd dictæ pœnæ non procedunt contra inquirentes de affinis Papæ, quia non continentur nomine consanguineorum, maxime in pœnalibus, ut per Jo. Andr. in cap. *sciant cuncti de elect. in 6. specul. tit. de rescript. present. §. ratione autem, vers. quid de collateralibus.*

Notandum item, quod absolutio dictarum excommunicationum ita fuit in Brevi reformationis S. Pœnitentiariæ ab eodem Urbano VIII. reservata, ut S. Pœnitentiaria non possit absolvere prædictos inquirentes per media præfata. Quoad alios autem in ea Bulla comprehensis non fuit reservata absolutio in illo Brevi.

Severissimis quoque multorum Principum constitutionibus damnata, & gravissimis supplicijs addicta est Astrologia judiciaria. Hinc Astrologi, sive Chaldaei Roma expulsi, Principe Diocletiano, Constantino, Theodosio, Valentiniano, & Justiniano, qui referente Pico ita id hominum genus abhorrebat, ut si quis in ejus comitatu deprehenderetur mathematicus, summis ad equuleum usque tormentis, temeritatis lueret pœnas, additque ejusdem esse culpæ affines & qui docent ista, & qui addiscunt. Et si quis Mathematicos consuluerit, capitis pœna denunciatur. Vide *l. nemo; l. etsi C. de malef. & mathem. l. mathematicos. C. de Episcop. audient.* in quibus ars interdictur, codices incendio deputantur, utentes exilio condemnantur, & aliquando mortis supplicio adducuntur.

Crebras item reperimus in scriptis Sanctorum Patrum adversus Astrologos quos illi nunc Chaldaeos, vel Genethliacos, alias Mathematicos, aut Planetarios appellant, disputationes, ex quibus apparet, quàm fuerit majoribus nostris genus hoc hominum exosum, & abominatum. Multa contra istos disputat Basiliius homil. 6. in Genes. acriter verò in Astrologos invehitur Ambrosius lib. 4. hexam. cap. 4. illa verba Genes. 1. *ut sint in signa, & tempora male interpretantes.* Non ea dixit Deus, ait Ambrosius, volens Astrologiam docere homines, neque in Sole, Luna, & Astris habere spem gubernationis, ut desipientium Astrologorum vanitas contendit. Confirmatque Basiliius loc. cit. eam occupatissimam esse vanitatem prædicans, Chrysostomus ad eadem verba Genes. vanam, fallam, ridiculam prodit. & hom. 6. in Matth. paucis, sed efficacibus verbis refellit errores illorum, qui ex stella, quæ Christo nato Magis apparuit, colligebant, veras esse Astrologiæ prædictiones. Nam si Christus secundum leges natus est altorum, quomodo astrologiam solvit, fatumque destruxit, atque omnem artis hujus obruit officinam? Istos etiam manifestis argumentis Gregorius in hom. super illud Evangelium, scriptis, redarguit, & convincit. Idem Ambrosius cum super psalmo 3. & 60. ad populum concionaretur, mathematicum produxit pœnitentem, qui professioni suæ renunciaverat, non aliter quàm si aut Judæus, aut ethnicus aliquis regenerationis lavacrum accepisset. Quare pulchrè idem interpretans Johannem, infamiae nostræ nos admonet, qui ad Astrologos liberi intramus, ut exeamus servi, mendaciis empti, libertatem illis nostram erogamus. In libro autem de natura daemonum ait expressè nemini licere post Christum genituram alicujus de cœlo interpretari. Hieronymus ex opprobriis Ægypti, hoc est, reliquiis idolatriæ esse, ait, requirere stellarum cursus, & futurorum ex eis eventa rimari. Severianus in libro, quem de septem artibus, quem falsò Cassiodoro tribuit Rogerius, postquam de vera dixit Astronomia: Tum ea, inquit, quæ attinent ad prævidenda futura, ita debere nesciri, ut nec scripta esse videantur. Sunt

enim fidei nostræ sine dubitatione contraria. Ideo Augustinus, referente Sixto V. in adducta Constitutione, eum, qui hæc observat, qui credit, qui in domum recipit, qui interrogat, Christianam fidem, & baptismum prævaricasse affirmat.

Idem argumentum prosequuntur Gregorius Nazianzenus, & Gregorius Magnus in 2. caput Marthæ. Cyrillus lib. 10. contra Julianum, egregie confutans ejus errorem, sive furorem, qui in libris, quos adversus Christianos effutivit, probare voluit ex his, quæ scripta sunt cap. 15. Genes. Abrahamum & Astrologiam, & Aruspicinam coluisse. Astrologiam quidem ejus significari putat illis verbis: *Eduxit Deus Abraham foras, & ait illi: suspice cœlum, & numera stellas si potes. Sic erit semen tuum.* Aruspicinæ verò scientiam ejus illis etiam verbis denotari, ait: *Summe mihi vaccam triennem, & capram irimam, & arietem annorum trium, turturem quoque, & columbam. Qui tollens universa hæc, divisit ea per medium, & utrasque partes contra se altrinfecus posuit. Aves autem non divisit, descenderuntque volucres super cadavera, & abigebat eas Abraham.* Deinde subjicitur prædictio peregrinationis, & servitutis posterorum ejus per quadringentos annos.

Cyrillus Hierosolymitanus catech. 4. §. de statu hominis, confirmans ex arbitrij libertate, inquit, ex generationis natura peccans, neque propter animam fornicaris, neque, ut nonnulli fingunt, astrorum inclinationes ad amplectendam impietatem te cogunt, cur tua ipsius mala confiteri detrectas? Cur innoxiiis astris culpam adscribis? Non ergo deinceps Astrologis attendas. Concluditque in fine: evitandos esse Astrologos, sicut alios Augures, & divinatores. Lactantius lib. 2. cap. 17. ait, hanc astrologiam à demonibus esse inventam ac reliquas magicas disciplinas. Anastasius Nicenus qu. 18. Scriptura, Anastasius Sinaita lib. 4. hexam. Olympiodorus in Ecclesiast. 7. ita legit illa verba: Quis novit, quid sit homini bonum; aut quid futurum est sibi? Quis homini nunciabit quid post eum futurum sub sole sit? Præfens, inquit, hæc autoritas nostræ Ecclesiæ omnem funditus evertit divinandi superstitionem, vanasque Astrologorum nugas de hominum genituris. Nullus enim mortalium certam futurorum scientiam consequi potest.

Sed præter cæteros Augustinus libro 2. super Genes. ad litter. cap. 17. & lib. 2. de doctr. christiana cap. 21. & aliquot proximè sequentibus capitibus, subtiliter tamen & copiosè primis aliquot Capitibus lib. 5. de civit. Dei. Eodemque pertinent quæ contra Mathematicos in lib. 14. cap. 4. & in lib. 6. cap. 9. de præpar. Evang. argumentatur Eusebius. Refert Delrius ex Salliberiense lib. 1. cap. 11. ipsum tenuisse, hanc Astrologiam judiciariam licuisse usque ad tempus, in quo Christus fuit à Magis adoratus, ex tunc verò fuisse prohibitam. Et non dixit, simpliciter licuisse, sed aliquatenus. Qui error est manifestus, cum sit per se malum, malitiamque importet, rationi naturali adversantem. Huic errori videtur adhæsisse Albinus Flaccus lib. de divin. offic. cap. 5. qui postquam hanc partem Astrologiæ recensuerat inter magicas artes, & superstitiones damnatas, subdit, illius artis scientiam usque ad Evangelium fuisse concessam, ut Christo edito, nemo exinde nativitatem alicujus è cœlo interpretaretur. Quem tamen piè explicat Suarez loco citato, existimans fortasse, solum intendisse eo tempore à Deo quasi toleratam illam artem, sicut & Idolatriam. Quia videtur Deus eam dissimulare quia non puniebat, non quia liceret. Et quemadmodum per Evangelium Idolatria abolita fuit, ita & hujus artis malitia magis patefacta, & explorata, etiam



etiam antiquitas ab Ethnicis fuerit reprobata.

Patribus aditipulantur Theologi cum D. Thoma 22. qd. 93. Philosophi, Medici, Historici, alijque insignes viri Astrologiam judiciariam irridentes, nominatim Valesius de *Sacr. philos. cap. 31.* & olim Cicero lib. 2. de *divinat.* laudat Eudoxum ætate Platonis, & Aristotelis, Panætium Stoicum, Archelaum & Cassandrum, ac Scylacem Halicarnasæum, Astrologorum sui temporis nobilissimos, qui totam hanc rationem Astrologiæ refellerunt. Aulus Gellius lib. 14. *noct. Artic. cap. 1.* referens elegantem orationem Phavorini Philosophi contra Astrologos, coram Populo Romano recitatam, Eusebius, qui lib. 6. *hist. cap. 6. & 7.* Astrologorum contemptores recenset Bardalanem Syrum, in hanc rem cujus extat prolixa, & perdocta oratio, ac Diogenianum. Xenophon in *l. de dictis Socratis*, quod etiam refert Eusebius lib. 14. de *prepar. Evangel. cap. 4.* narrat, Socratem solitum dicere, non esse omnino curandum homini, ut per cælestia corpora futurorum, quæ in potestate divina sunt cognitionem perquirat, nec enim posse homines illa cognoscere, nec Dijs gratum esse si quæ occulta erunt, ea tu diligenter inquiras, Pythagoras, Democritus, & Plato longissimis peregrinationibus susceptis, Persarum magos, sapientes Chaldaeorum, Egyptiorum Sacerdotes adiverunt, à quibus occultiora quædam, vel ad disciplinas mathematicas, vel ad religionem, cultumque Deorum spectantia, perceperunt, divinatricem autem Astrologiam vel discere ab illis neglexerunt, vel saltem ea nunquam usi sunt, ut ex illorum scriptis palam est. Et sanè quod Cato dixit, mirari se, quod non rideret Aruspex Aruspice, cum vidisset quora quæque res evenit prædicta ab his, aut si evenit quidpiam, quid asserri potest, cur non casu eveniret. Quod plane accommodatur Astrologis. Si enim unum illorum dictum verum evadit, simpliciter creditur, & non ex multis porius falsis uni fides derogatur. Rectè dixit nonnemo de Oraculis Apollinis, quæ vera fuissent, memoria teneri, & prædicari, quæ autem falsa, neminem recordari, aut taceri ab omnibus, ut per Medinam *qu. 9. in fin. art. 5.*

Origenes Adamantius in philosophica secta, sicut in omnibus disciplinis eminentissimus, sæpè, multiquærationibus astrologicam vanitatem suggillavit, nisi fortan ejus testimonium minus faciant homines superstitiosi, quoniam fuit etiam Christianus; sed non fuit Christianus Eudoxus qui etiam Platonici fuit, & in Ægypto versatus est, habitusque princeps Astrologorum sua tempestate, qui tamen nihil credendum Astrologis ex hominum genituris, eorum fata prædicantibus, scriptum reliquit. Alexander Aphrodisiensis, summus autor in Aristotelica philosophia de facto librum ad Cæsares Severum, & Antoninum filium scribens, & fati rejectit necessitatem, & de Astrologis siluit. Nec fortitan aliud ei consilium, quam ut propensum Severi Cæsaris animum ad istiusmodi superstitionem philosophica ratione castigaret. Averroes, celeberrimus in eadem familia philosophus, & rerum naturalium gravis æstimator, ubique astrologiam lacerat, damnat, insectatur. Nam in prima quidem philosophia opinionem Astrologorum de cælestibus imaginibus, quibus subesse terrena figuræ similis animalia putant, fabulosam dicit; qua tamen sublata ruit maxima pars astrologiæ superstitionis. Idem Cantica exponens Avicennæ, alibi quidem ait, contraria esse philosophiæ, alibi fere omnia falsa dogmata Astrologorum, tum artem ipsam in universum vanam, & infirmam. In libris etiam adversus Algazelem artificiosas imagines, in quibus cælis virtutes derivare se posse putant Astrologi, prorsus inefficaces asseveravit. Avicenna, vir magnus in omnibus discipli-

nis *ult. sua philosophia lib. multis rationibus* comprobavit ab Astrologis prævideri futura non posse; quare nec eorum prædictionibus ullam fidem adhibendam.

Mitto Henricum ab Assia, compluresque alios illustres in Academia Parisiensi dicaris operibus hanc vanitatem persequentes. Superiunt adhuc articuli Parisienses & in primis articulus vigesimus sextus, quod intelligentia motrix Cæli influit in animam rationalem sicut corpus Cæli influit in corpus humanum, Error. Articulus 27. quod cogitationes nostræ intellectuales, & volitiones nostræ interiores immediate causantur à Cælo, & quod per aliquam traditionem magicam tales possint sciri, & quod per illam de eis certitudinaliter judicare sit licitum, Error. Articulus 15. quod possibile est per tales artes cogere liberum hominis arbitrium ad voluntatem, seu desiderium alterius, Error. Et conari facere est impium, & nefarium. Articulus 16. quod ideo artes præfaræ bonæ sunt, & à Deo, & quod eas licet observare, quia per eas quandoque, vel sæpe evenit, sicut utentes eis, quærent, vel prædicunt, vel quia bonum quandoque provenit ex eis, Error; quamquam maxima pars Philosophorum contempsit eam potius, quam confutavit, sicut & artes alias circumforaneas, & aniles fabellas, ac deliria præstigatorum.

Sed illud animadversione dignum, quod Astronomi quoque ipsi professionem istam rejecerunt, quod fieri omnino non potuit, præterquam conscientia comperta falsitatis, cum alioquin illis in cælestium motibus exercitatissimis tantum accederet & scientiæ & gloriæ ac quæstus, quantum astrologiæ fidei, & autoritatis. Cassandrum, & Archelaum cum in Astronomia præcellerent, hoc prædictionis genere nunquam usos, autor est Panætius. His addamus neotericos. Nicolaus Oresmius, philosophus acutissimus, ac peritissimus Mathematicus astrologicam superstitionem peculiari commentario, indignabundus etiam insectatur, nihil ratus illa fallacius, nihil detestabilius, nihil omnibus quidem ordinibus, Principibus maxime viris esse pestilentius. Joannes Marlianus nobilis plane in mathematicis, non modò prædictionibus istis semper abstinuit, sed etiam de ipsarum falsitate postremis annis scribere instituerat; aiebat vir minime gloriosus, habere se adversus Astrologos certissimas demonstrationes, sed morte interceptus id non effecit. Paulus Fludentinus in medicina quidem, sed præcipue, in mathematicis, græcè, latineque doctissimus, quoties de hac professione rogabatur, toties eam incertam fallacemque asseverabat, asserens inter cætera de seipso evidens experimentum, qui cum quinque, & octuaginta impleisset annos, in sua tamen genitura, quam examinabat diligentissimè, vitalem nullam constellationem reperisset.

Artuli alibi Leonici judicium de Astrologia judiciaria & de Astrologorum astu, sed non omnia ejus verba. Ea nunc exhibebo: Quare commentas ab his astris omnium fortunas, sed præcipue Principum dependere, liberos scilicet, vitam, imperia, victorias, valetudinem, sibi vero qui illorum diu moros, & naturas observassent penitus cognitum, & exploratum, quod cuique vel boni pollicerentur, vel adversi denunciarent. Tum habere præterea ad manum se remedia, quibus prævisa mala repellerentur, bona confirmarentur. Nam si felix hora notaretur, imagines ex materia quadam cælestibus illis naturis cognatiores posse constari, ad quas miris machinamentis deducta virtus ab astris felicissimos faceret homines, rerumque potentes illarum vel tactu, vel gestatione quicquid appeterent, facile consequentes. Quibus omnibus rebus quò plus fidei facerent illud addidisse revelata sibi divinitas



divinitas hujus artis secretiora mysteria, quemadmodum à potentissimo Mercurii nomine & Petosirim & Æsculapium accepisse quamplurima legitur apud Maternum. Tum verò Principes illiteratos, & curiosos ac rerum, quas promittebant appetentissimos, adductos facile, ut crederent, ut professores foverent, & præmiis studia hæc quotidie magis, ac magis excitarent. Hæc serìò Leonicens, nec procul à vero de Astrologis loquitur, ac sentit. Nimum autem longus essem, si omnes testes adducerem. Id unum addo, post hominum memoriam vix fuisse aliquem ingenij acumine, doctrinæ præstantia excellentem, aut eximia morum integritate condecoratum, qui naturalia Chaldæorum, quasi merè nugæ non contempserit, & velut quisquilias flocci fecerit. His gaudet vulgus stolidus, ad intelligendum hebes, ad judicandum facile credulus, & nova, mira que audiendi, & percipiendi anhelans, istis nugatoribus, aurem, & fidem libenter adhibens, levissima quædam ingenia, lucri magis, quam veritatis cupida. Quod Ambrosius lib. 4. hexam. cap. 4. confirmat.

Agmen hoc testium sequuntur Historici. Cornelius Tacitus lib. 17. de Mathematicis ait: Genus hominum potentibus infidum, sperantibus fallax. Josephus Pellicer communiter à Sanctis Patribus reprobam hanc professionem comprobatur, & jure regio, historicis, Theologis, Poetis, Medicis ac Philosophis, quos accumulat, testatur. Cornelius à Lapide in cap. 19. Att. ex Ænea Sylvio refert, Alphonsium, Aragonum Regem interrogatum, cur solos Astrologos à sua arceret aula? respondisse, sydera stultos regunt, impelluntque, sapientes verò astris imperant. Stulti ergo principes honorant Astrologos. Narrat Epiphanius in lib. de mens. & ponder. quod etiam refert Baronius ad annum Christi 137. n. 11. Aquilam Ponticum insignem S. Scripturæ interpretem, quod positionem suæ navitatis quotidie spectaret à Patribus ex Ecclesia expulsum, & Judæum effectum. Idem sub anno 341. prodit, Eusebium Emisenum huic Astrologiæ vacantem, ab Ecclesia sua effugere coactum fuisse. Certè in primitiva Ecclesia, istiusmodi Astrologia non secus, quàm ars magica reprobata, verita, & damnata erat. Petrus de Alliaco, presbyter Cardinalis, peritus theologus, quod in senectute se totum huic Astrologiæ dicaverit, in errores plures dilapsus fuit. Hic enim veritus non est scripto prodere, diluvium Noëticum, & ortum Christi Domini, aliaque summa prodigia, & Miracula, etiam sideralis scientiæ pericia ex astrorum observatione prænosci, ac prædici potuisse.

Sed quò manifestius appareat, quàm sit impia, & execranda Astrologorum Doctrina, ponam hic quasdam eorum sententias, & decreta, quibus judicium fiet de illius artis impietate. Quidam istorum ex Marte in nona cœli regione feliciter constituto, tantum præstari nobis contendunt, ut ab obsessis corporibus sola præsentia demones expellamus. Alii iactant se hac arte de ejus, qui nascitur conscientiæ, & secretis sine errore judicatos. Vulgatum quoque apud illos est, duos esse planetas autores felicitatis humanæ, Venerem quidem præsentis, Jovem autem post hanc vitam futuræ. Maternus porro ejusmodi figmentorum, & mendaciorum studiosissimus, & curiosissimus, cum multa memoret, quæ à Saturno constituto in Leone accidunt hominibus, subdit, ejusmodi homines longævus fore, & post mortem animas eorum in cœlum aliis applicatas evoluturas. Saturnus enim, inquit, in Leone positus, animas eorum, qui sic se habuerint in terra innumeris angustiis liberatas, ad Cœlum, & originis suæ primordia reducet. Denique Albumazar scribit, qui Luna Jovi conjuncta in capite draconis, Deo supplicaverit, eum, quid-

quid petierit à Deo, certissimè impetraturum. Id, quod Petrus Apponenis expertum se esse confirmat. Nam cum vigente illa conjunctione, scientiam rerum à Deo postulasset, ait, se post eam diem magnam sibi factam esse scientiæ accessionem, sensit.

Non est autem omittendum, cum sit admodum memorabile, quod Origenem in Commentariis super Genesim de ista Astrologia prodidisse tradit Eusebius lib. 6. de prepar. Evangel. cap. 9. sic enim scripsisse illum ait: Non solum Gentiles stellarum conjunctione, atque aspectu, quæ in terris sunt necessario accidere credunt, quam vim Fatum appellant, verum etiam multi ex fidelibus conturbantur, impossibile aliter fieri credentes, quàm stellarum cursus effecerit. Unde sequitur, nullam in nobis esse libertatem, nullam operationem nostram laudari, aut vituperari jure posse, ita prædictum à scripturis Dei judicium, quo aliis ad eterna supplicia, alii ad æternam beatitudinem prædestinantur, falsò fore prædicare. Quid plura? Ipsa quoque fides, & Salvatoris nostri adventus, & omnis Prophetarum labor, ac Apostolorum in constituendis Ecclesiis prædicatio, inania erunt, nisi fortè Christum quoque quis audeat dicere cælestium corporum vi coactum fecisse, quæ fecit, passumque fuisse, quæ passus est, nec ejus Deitatis potentia, sed illarum virtute cuncta evenisse. His impiis verbis etiam illud conficitur, ut fideles Fato ducti in Christum credant, denique ut vel nullum sit boni, & mali discrimen, vel etiam malorum autor sit Deus, nullusque hominum propter bene, vel male facta præmio, aut pena dignus censeri debeat, nec orationibus, votis, & Dei obsecrationibus locus aliquis relinquatur, sic Origenes.

Hæc autem, & alia eorum similia, quàm sint nefaria, detestanda, & Christianæ Religionis exitalia, quantumque valeant ad elevandam, vel potius delendam fidem eorum quæ divina Scriptura docet immediatè, supernaturaliter, ac miraculosè fieri à Deo, nemo est tam hebes ingenio, ut non clarissimè intelligat. Quandoquidem non potest veritas Christianæ Religionis coherere cum veritate Astrologiæ judicariæ. Nam si Christiana religio, ac disciplina vera est, ut est profectò verissima, non potest esse vera, nec Christianis probari potest illa opinio Astrologorum, ut quam illa vanitatis, falsitatis, & impietatis pericæpe damnavit. Sin autem falsa est doctrina christiana, cum ipsa totum fere orbem complexa sit, omnesque propemodum gentes suo imperio subjecerit, & plus mille sexcentos nonaginta annos vigeat, & regnet in mundo, si omnia, quæ apud homines fiunt, ex cælo proveniunt, ac pendent, necesse est tantam hominum ad fidem Christi accipiendam, tuendamque propensionem, tantumque studium ex insigni aliqua, & præpotenti constellatione provenire; quare cœlum inclinaret, & induceret hominem ad malum. Si enim fides Christi esset falsa, magis sanè esset falsa, & detestabilis, quàm alia quælibet secta. Ea namque docet de Deo & rebus divinis, quæ si falsa sunt, nefariam quidem superstitionem, & execrandam impietatem contineant, necesse est. At verò, cum vita, quæ ad normam fidei christianæ agitur, sit optima, & inculcata, nec laude tantum, sed summa etiam admiratione dignissima, hinc necessariò efficeretur, ab eadem constellatione proficisci bonum & malum; malum quidem propter falsitatem doctrinæ christianæ, bonum autem propter vitæ, quæ ad ejus doctrinæ regulam informatur, & dirigitur, probitatem, atque præstantiam.

Ad hæc maxima probatio, & confirmatio fidei nostræ & clarissimum divinæ providentiæ argumentum illud est, quæcunque circa Christum Dominum & ejus Ecclesiam evenerunt, ea multis ante seculis fuisse



se per Prophetas ad unum omnia propriè, distinctè, explicatèque prædicta. Si autem ejusmodi prædictio per Astrologiam fieri posset, rueret funditus, & ad nihilum recideret firmissimum nostræ religionis fundamentum. Nec multa. Istiusmodi Astrologorum doctrina non solum veram Philosophiam moralem, sed etiam sacram Scripturam & Theologiam, quantum in ipsa est, planè pervertit. Qui enim certum habet, omnia pendere è Cælo, ob idque cuncta hominum opera, facta, casus, & eventa ex Cæli observatione præsentiri, ac prædici posse, huic quoque necessariò persuasum esse debet, materialem, & mortalem esse animam nostram, nullumque esse liberum arbitrium, nec talem esse providentiam Dei, qualem fides nostra prædicat, mysteria item Christianæ religionis pendere è cælo, cunctaque miracula, tam in veteri, quam in novo Testamento edita, licet dicantur, ut vera sunt, supernaturalia, ad cælestes nihilominus causas, & virtutes revocari. Huic quoque opinioni consequens est neglectio, ac prætermisio bonorum operum, licentia omnium cupiditatum, quorumlibet flagitiorum excusatio, denique inutilitas, atque crudelitas humanarum pariter atque divinarum legum.

CONSULTATIO CII.

*Rationibus theologicis, ac philosophicis Astrologia judiciaria redarguitur & convincitur.*

ET primò redarguitur & convincitur ex Astrologorum imperitia de rebus cælestibus. Nam Astrologi non certò cognoscunt astra omnia, illorum vires, defluxus, defectus; neque si cognoscerent, possent certò futura prædicere; ideoque fallaces sunt omnes prædictiones Astrologicae. Non possunt enim Astrologi numerare omnes stellas: Suspice cælum, ait Deus Abrahamo, numera stellas, si potes, sic erit semen tuum. Et hæc quidem dicta sunt Abrahamo, viro sapienti, & astronomicae scientiæ peritissimo, ut probant Iosephus & Eusebius, utpote nato, & educato apud Chaldaeos, hujus artis scientissimos. Ac Jeremiæ 33. Sicut enumerari non possunt stellæ Cæli, & metiri arenæ maris, sic multiplicabo semen David servi mei. Estque Dei proprium ait Psalmographus *Psalm. 146.* qui numerat multitudinem stellarum & omnibus eis nomina vocat.

Confirmat id Basilius *hæmil. 6. super Genes.* Eusebius *lib. 7. de prepar. Evang. cap. 5.* & Augustinus *lib. 10. de civit. cap. 23.* inquiens, rejiciendam esse Astrologorum sententiam, qui numerum stellarum definitum tradunt. Stellæ, ait, dinumerari non possunt, quia nec omnes videri posse credendum est. Nam quanto quisque acutiùs intuetur, tantò plures videt. Unde & acerrimè cernentibus aliquas occultas esse merito existimatur ex certis his sideribus, quæ in aliqua parte Orbis, à nobis remotissima oriri, & occidere perhibentur. Aristoteles item *lib. de mundo ad Alexandrum, & lib. 2. de cælo text. 61.* tradit, siderum inerrantium numerum à mortalibus iniri non posse. Hoc idem scribit Plato in *Timæo*, ac Seneca *lib. 6. natural. quæst. cap. 16.*

Quare non modò rejiciuntur qui stellas mille, ac viginti duo duntaxat esse affirmant, sed & qui septingenties ac decies centena millia, & ducenties ac novies millia super sexcenta prædicant. Hinc de aliquibus tantum stellis ab Astrologis cognoscuntur, nec tamen perfectè, cum tam longè à nobis distet Cælum, nec alio, quam unico oculorum sensu mortalibus pateat, qui tamen sæpe falli contingit propter tantam longinquitatem vel summam verti-

ginis cæli velocitatem, vel pravam medijs aut visus affectionem, vel propter vitium Astrolabij. Unde Galilæus suo tubulo optico autumat in Sole ac Luna inveniri maculas. Quod nemo antea dixit, eumque reprobant alij, nominatim Averfa in *meteor.* & contendunt ipsum decipi. Quare Aristoteles, ille rerum naturalium magnus dæmon, ingenuè fatetur, se plurimum rerum cælestium non perfectam notitiam, sed opinabilem, & conjecturalem tantum obtinuisse, ideo cogitur ut plerunque conjecturis, ac probabilibus argumentis utatur, cum desiderentur rationes manifestæ, ut in *2. de Cælo text. 17. 34. 60. 61.* Hic cum tantus vir esset, tam solers, tam subtilis, tam cõfiosus, etiam in doctrina rerum cælestium, quam cum aliquot libris diligenter explicuerit, nusquam tamen de istiusmodi Astrologia verbum ullum fecit. Cum autem in libris meteororum, & de partibus, atque generatione animalium, præsertim autem in libro problematum, multarum rerum obscurarum, & admirabilium causas perquirat, ad nullius quæstionis enodationem, vel admirandi cuiusquam effectus explanationem, istius Astrologiæ opera, & præsidio est usus. Quin multa sunt in ejus scriptis, quæ istam Astrologorum doctrinam omnino convellant, veluti est illud: *futurorum contingentium non esse certam, & definitam veritatem.* Quæ per accidens, quæque raro, vel ad utrumlibet contingunt, non posse scientia comprehendere. Versari in rebus humanis casum, & fortunam, quæ fugiant certam hominis intelligentiam ad particularium, & corruptibilium effectuum causas esse proximas, & proprias particulares, atque corruptibiles, ob idque perfectam eorum cognitionem non satis esse cælestes, & universales causas contemplari. Cælum non aliter agere in ea, quæ sunt infra lunam, nisi per motum & lumen. Nec usquam fere indicavit Aristoteles, præter Solem & Lunam, vim & efficaciam aliorum siderum. Illud quoque docuit, decretis Astrologorum valde contrarium, cælestia signa, etiam corporeorum, & sensibilibus effectuum per alias causas averti, & impediri posse.

Ecquid? Nonne ignorant Astrologi, an cælum sit natura simplex, an ex materia, & forma coaléscat, an diversæ materiæ à sublunaribus, & dubitatum apud antiquos, an sit animatum, an à se moveatur, an extrinsecus ab Angelo, cum non omnes uno motu circumagantur, sed alij uno tantum, alij pluribus, alij paucioribus. An astra sint naturæ igneæ, ac verè calidæ, an stellæ moveantur per se, immotis orbibus, an tantum motu suorum Orbium; an cæli, & astra sint naturæ incorruptibilis. Dicant figuram, & numerum Orbium cælestium, quam propriam habeat unaquæque stella virtutem in hæc inferiora, & unde. Si planè ignorant virtutes lapidum, herbarum, animalium, quæ nobis proxima, & conjuncta sunt, quæ experientiis comprobari possunt, quomodo poterunt cælestium virtutes, à nobis remotissimas certò investigare?

Quam etiam falsa principia tradiderint antiqui, & posteris reliquerint circa Astronomiam naturalem, docet Ambrosius *ad Corinth. 2. cap. 12.* Basilius in *hexam.* Gregorius Nyssenus in *Genes. cap. 5.* Augustinus *lib. 2. de Genes. ad litter. cap. 10.* Cardanus *lib. de restit. tempor. cap. 6. & alibi*, Bulingerus *lib. 2. de divinat. cap. 21.* Dissident enim toto cælo circa substantiam ipsam cælorum. Quidam cælos, & astra crediderunt animata, imò & rationalia, teste Anaximandro, Platone, Aristotele. Imò non solum Gentiles, sed etiam aliquot Hebræi cælos venerati sunt, ut Deos, quibus Manalies in templo Dei altaria erexit, ut habes *4. Reg. cap. 21.* Chaldaei, Aegyptii, Græci, Arabes, & Latini cælorum corpora



corpora densa, spissa, solida, dura, & resistentia esse perhibuerunt, eaque in septem orbes divisere, ut illorum singulis planetam tribuerent, & in octavo fixarum stellarum multitudinem coruscantium collocarunt. Ita Aristoteles, ac omnes Peripatetici, Ptolemæus, Albumazar, Campanus, alii. Postea nonum cælum adinvenerunt, quod licet invisibile sit, ultimum statuunt posteriores Astrologi, octavumque circumvolvere; at Alphonsus Decimus, cognomento Sapiens, in tabulis Astronomiis, Lepodus, Niphus, aliique non pauci. At D. Thomas, & communiter Doctores non modò cælum incorruptibile docent cum Aristotele, sed etiam diversæ rationis materiam ejus tradunt à nostra, quæ nunquam satiatur forma, sicut illa. Ideoque illa corpora superiora incorruptibilia dicunt, inferiora autem corruptibilia. Teneque cum communi idem D. Thomas in 2. d. 14. g. 1. ar. 1. undecim esse cælos. Primum omnino lucidum, quod vocatur Empireum, quodque notante Serra p. 1. q. 66. ar. 3. supponunt Patres in Concilio apud Pennam fidelem congregati. Secundum prorsus diaphanum, appellatum cælum aqueum, & crystallinum, quod D. Thomas dividit in duas sphaeras, nonam & decimam. Tertium partim est diaphanum, partim lucidum, quod nuncupatur cælum sidereum, & dividitur in octo sphaeras.

Variant item in collocatione cælorum, & planetarum. Nam Aristoteles Solem in secundo cælo statuit sub Venere & Mercurio. Alii in quarto cælo supra Venerem, & Mercurium constituunt. Alii variis ac diversis modis, ut nil certi habeatur. At, inquit Aristoteles, dum res multipliciter intelligitur, veritas ignoratur.

Ratio autem distinguendi cælos modo jam dicto est varietas, & contrarietas astrorum quoad cursus, fluxus, atque refluxus, oppositiones, aspectus, similia. Unde oportet varios cælos distinguere, qui ab Intelligentiis motricibus oppositis moribus cierentur, & ne continuo motu cæli eliderentur, illos adamantinos constituerunt Peripatetici, aliique Philosophi, etiam recentiores, ut Mafius, Conimbricenses, Averrà, Complutenses lib. de cælo, ac Theologi in d. p. 1. & probant ex illo Jobi 37. *Tu forsitan cum eo fabricatus es cælos, qui solidissimi quasi aris fusi sunt.*

Sunt Philosophi tum antiqui, tum recentiores qui contendunt, cælum esse unum tantum, idque fluidum, ut aër, afferuntque & Scripturam & Patres complures, ut Hieronymum, Basilium, Nyssenum, Lactantium, Damascenum, Procopium, Isidorum, Augustinum, Gregorium & alios quos refert, ac sequitur Torreblanca lib. 7. cap. 2. At D. Thomas docet, hos Patres non ex propria sententia loquutos esse, sed ex iis, quæ in Philosophia didicerunt, unde non sunt majoris autoritatis quàm dicta Philosophorum, quos sequuntur. Et dum habetur de cælis psal. 101. *ipsi peribunt*, Lucæ 31. *transibunt*, 2. Petri 3. *solventur* interpretatur quoad motuum externam faciem, & qualitatem, non quoad substantiam. Vel hypotheticè, si Deus velit, jubeat. Aut etiam si cæli perirent, transirent, & solverentur, Deus tamen semper maneret æternus, & immutabilis, & verba ejus non paterentur.

Deinde discrepant Astrologi circa formas, & figuras astrorum. Quidam enim stellas omnes esse sphaericas, planas, & æquales asserunt. Alii contendunt esse inæquales suis partibus asperas ex eminentiis, angulis, & convallibus, montium instar, qui interra reperiuntur, ut experti sunt Astrologi per telescopium, de quo Eusebius Erimberg. p. 2. *sua philosophia lib. 1. cap. 60.* Alpertragijs etiam stellas plures

errantes, & inerrantes innumeras, incognitas, extrinsecas in cælo affirmat, quæ aliarum vires impedire possunt, ut annotavit uterque Picus, Bannes, Pererius, Delatorre, Suarez, Torreblanca, Carena, alijque. Non entis autem, & non apparentis idem est judicium l. de arate, §. nihil, ff. de interrog. l. ubi non apparet, ff. de verb. signif. At non entis nulla datur scientia.

Rursus Ægyptii Solem supra Lunam immediatè collocarunt. Alij duos planetas medios interponunt. Sunt qui Venerem & Mercurium asserunt supra Solem, quos tamen sub Sole ponit Ptolemæus, qui in magna compositione lib. 2. incipit signa in ipsis obliqui circuli partibus, & quasi eorum initia à tropicis æquinoctialibus. Hali autem philosophus à solstitijs, & æquinoctijs definire voluit. Imagines, ut Centaurum, Hydram, & alia monstra, quæ produci Natura ipsa non patitur, comminiscuntur reperiri in unoquoque decano, sive facie cujuslibet signi, alijs tamen in hoc decano, alijs in alio statuentibus, ut tradunt Alboazar, Apponensis, Michaël Scoros, Aratus, & Ptolemæus.

Insuper dissentiunt in statuendis planetarum, signorum, & imaginum naturis, viribus, ac significationibus, ut annotarunt Picus, ac ceteri impugnantes Astrologiam. Variè opinantur, ac inter se dissident Chaldaei, Ægyptii, Indi, Persæ, A Ptolemæo, & Dorotheo discrepant Græci, nominatim Epistion, & Paulus. Inter Arabes Albumazar Ptolemæum rejicit, amplectitur Abenzahar, ab utroque abhorrent Abennastora, & Avicenna, Latini verò partim hos sequuntur, partim respuunt. Nec interesse conveniunt circa cælorum motum, Lunæ, Martis, Saturni, ac Solis, ut observavit Manilius, & Jamblicus. In ipsa quoque divisione Cæli oscitantes hallucinati sunt. Ex quinque namque Zonis, quibus cælum distinguunt, mediam inhabitabilem ob maximum æstum asseruerunt Cleomedes lib. de Sphær. Ptolemæus in quadrip. tr. 2. Strabo Geograph. lib. 2. experimento tamen constat sub ipsa torrida Zona, & sub ipsa æquinoctiali plaga terram esse habitabilem, imo placidissimam, ut notat Boterus in relat. viro. vol. 2. p. 1. lib. 1. Torquemada in monarch. Indor. lib. 1. dissert. 19. Herrera in hist. Indor. decad. 1. lib. 1. cap. 2. Conimbricenses lib. 2. de cælo cap. 1. quæ ac Pineda de rebus Salomonis lib. 4. cap. 5. Imò Malavenda cap. 10. & 23. de Paradiso alijque referunt, plures existimare Paradisum voluptatis in provincia Zeilam sub ipsa torrida Zona situm esse in ambitu leucarum 240. eò, quod cælo temperatissimo, aëre saluberrimo, fertilissimo agro, ac perpetuò virenti fruatur. Circulum lacteum Aristoteles lib. 1. meteor. cap. 8. in aëre statuit, Conimbricenses in Cælo, ac in octava sphaera collocant tract. 3. meteor. cap. 2. Aristotelem videtur sequi Plutarchus lib. 1. de placit. Philosoph. cap. 1. Macrobius lib. 1. in somn. Scipion. cap. 15. dum exhalationem, vel simile aliud esse aiunt. Non iccirco audiendus est Torreblanca, qui loco citato impugnat Astrologos, quod sidera quedam malefica alia benefica dicant, quasi malum, aut bonum in eis sit, ac principium corruptionis, cum tamen de virtuali tantum maleficio, vel beneficio intelligendi sunt, ut alibi ostendimus.

Hæc itaque scientia perquam sane imperfecta est, adeo quod, demptis aliquibus paucis, reliqua sint incerta, præsertim principia divinandi, quibus utitur, incerta quidem sunt. Duo autem sunt, in quibus hæc divinatio fundatur. Virtus activa cælorum. Illorum motus, ex quo cælorum virtus determinatur ad causandum potius hunc effectum, quàm alium: Nam alia secundum diversos situs, quos habent in cælo, diversos & contrarios effectus producant. Utrunque incertum



tum est. Et quod ad primum certum quidem est, quod cælum, tanquam causa corporea universalis influit in corpora sublunaria, concurratque ad eorum productionem & conservationem. Certum etiam est, quod concurrat per lucem, & calorem. Per lucem virtualiter calidam. Sed Picus Mirandulanus *lib. 3.* quem alii sequuntur, nullam aliam vim, ac proprietatem effectivam illis tribuit. Imo vult, stellas alias, præter solem, parum, aut nihil agere in hæc inferiora. Sed Astrologi communiter sentiunt, singulas stellas habere peculiare effectus. Quod Raphaël à Turri 2. 2. 9. 95. *ar. 5. assert.* 5. probat ex D. Thoma 1. 1. 9. 70. *ar. 1. ad 2. & 2. dist. 15. ar. 1. ad 1. de quo nos alibi.*

At verò nemo est, qui neget, unumquodque sidus habere proprios effectus, sed dubium est de effectu illorum immediato, & an, præter lucem, & calorem, causent immediatè aliquam qualitatem. Nam fieri potest, quòd nullam aliam qualitatem imprimant, habeantque peculiare effectus sibi proprios, quatenus plus, minusve lucis, & caloris influunt. Ita Maginus *Isagog. lib. 1. cap. 9.* inquit, quòd stellæ, quæ habent lucidum lumen illustres effectus producant, quæ plurimum micant, magnas conturbationes efficiunt, quæ densum habent lumen, efficaces existunt, quæ rarum, debiliores, quæ verò parum luminis habent, ut obscuræ, & nebulosæ, obscuros, & malos effectus causant. Sic etiam ex earum magnitudine, colore, situ, & habitudine singularum ad Solem, & Lunam, & ad ceteros Planetas, earum virtus determinatur ad effectus particulares.

Neque objicias, quòd planetarum, ac siderum quædam dicuntur frigida, humida alia, alia sicca. Nam negativè hæc explicantur, dicunturque frigida, quæ ex parvitate caloris frigiditatem non expellunt. Unde idem Maginus *loc. cit.* ait, Saturnum esse frigidum, quia cum longissimè à Sole distet, debilitè ejus radios recipiens, parum calefacit, quòd respectu nostri, refrigerare est; & quammaximè etiam a vaporibus humidis terræ distat, quapropter exiguitate sui caloris comprimens vapores, exsiccat. Eodem modo aliorum planetarum qualitates explicat ex magnitudine, parvitate, & qualitate lucis, & caloris. Fit igitur, quòd planetæ, ac stellæ habeant peculiare effectus mediatos, licet immediatè non influant, nisi lucem, & calorem. Atque adeo certum est, quòd sidera immediatè imprimunt lucem, virtute calidam, sed an immediatè imprimant aliquam aliam qualitatem, estoque quòd imprimant, quænam qualitas sit, incertum est. Ideoque multò magis incerti, & incogniti sunt effectus, quos Cæli per qualitatem impressam immediatè ex illis producere possunt.

Hoc sanè certum est, quòd cæli nullam qualitatem possunt immediatè producere, quæ non sit corporea, cum ipsi sint causæ corporeæ, sicque nec mediatè possunt causare, nisi effectus corporeos per corpoream qualitatem ab ipsis immediatè impressam. Similiter certum est, quòd qualitas quælibet, immediatè à Cælo impressa in sublunariis, licet in sui essentia sit determinatæ speciei, attamen virtute est universalis, & indifferens ad sublunarium innumeras species, nimirum ad concursum generationis, & conservationis, vel etiam corruptionis rerum. Quæ virtus ad particulares effectus est determinabilis tam ex parte siderum ex vario illorum situ, ac dispositione, quam ex dispositione materiæ, ac proprietate causarum inferiorum. Ex quibus habetur, quòd, seculis illis, quæ ex luce, & calore possunt cognosci ventura, quidquid ex alia qualitate, ut immediatè ab astris producta, divinare gloriantur Astrologi, profus incertum est, cum sit dubium, an sidera qua-

litem aliam immediatè producant, præter lucem, virtute calefacientem; & concessa etiam alterius qualitatis immediata impressione, natura hujus qualitatis, ejusque virtus nobis est planè ignota.

Sed quid de motu Cæli? Ejus ferè omnia incerta sunt. Alij volunt, quòd Planetæ non habeant proprios orbes, sed quòd per Cælum tanquam per corpus solidum moveantur. Alij licet concedant Planetis proprios orbes, dissident tamen. Nam, ut tenet D. Thomas *lib. 1. de Cælo lect. 3.* Aristoteles & qui eum sequuntur, existimant, Planetas unico sibi proprio orbi esse affixos. Ptolemæus verò & communiter Astrologi id negant, & cuicumque planetæ plures tribuant orbes concentricos, eccentricos, & epicyclos, ex quibus maxima oritur opinionum dissensio circa planetarum motum proprium, ut circa situm apogei Solis, & planetarum, circa mensuram intervalli unius æquinocitii ab alio, circa motum apogei Solis, & planetarum, circa eccentricitatem eorum, circa obliquitatem, & declinationem Solis ab æquinocitio, circa supputationem motus Solis, & planetarum, circa motum medium Solis, circa motum stellarum fixarum, circa temporum mutationes, ac modum illas investigandi ex sideribus, deque aliis ad motum cælorum pertinentibus secum pugnant Astrologi, quorum alii supputationes Tichonis, alii Copernici, alii Lanspergii, alii hujus, vel illius Astrologi, alii proprias sequuntur, & recentiores antiquos, ex recentioribus alter alterius commentum arguit, ut legere est apud eorum scripta, præsertim apud Paulum Merendam *de præcognoscend. tempor. mutat.* & Franciscum Levoram in Astronomia reformata, nullusque adhuc eorum exactam hujus motus mensuram certam, certumque terminum invenit. Ac licet diversitas sit modica, consistens in minutis, hoc tamen non parum refert ad investigandum futura ex aspectibus, & situ astrorum. Unde quòd exquisita indagatio motuum siderum sit imperfecta, testatur ex Ricciolo in *Almag. lib. 9. cap. 5.* Levora *loc. cit. lib. 1. cap. 9.* qui etiam *cap. 7.* asserit, quòd observationes, & observatores astrorum, fallaciis plerumque subijciuntur.

Cum igitur situs, ac positiones siderum in puncto, ac prout revera est, non sint certæ, neque per certitudinem haberi potest exacta notitia eventuum, qui non sequuntur, nisi ex sideribus in tali situ cæli existentibus, sequitur, quòd imperfecta sit cognitio, quam habent Astrologi de aspectibus, ac motu planetarum. Quia cum eclipses, etiam in individuo, sint effectus necessarii ad motum Solis, ac Lunæ consequentes, nihilominus Astrologi prudentiores non prænunciant circumstantias individuales signatas eclipsium, vel qui eas prædicunt, errare convincuntur. Nam constat experientia, prædictiones non convenire in puncto signato temporis, & qualitate obscuritatis, & duratione, ac aliis individualibus qualitatibus. Quod ex eo provenit, quia individua perfectam notitiam motus Solis & Lunæ non assequuntur.

Sed demus notitiam motus Cæli, adhuc superest aliud incertitudinis principium. Nam incertæ sunt virtutes propriæ, sive proprietates, quas Astrologi tribuunt stellis, vel in earum ortu, & occasu, vel conjunctionibus, oppositionibus, trigonis, aliisque aspectibus. Has enim proprias virtutes ad específicos effectus producendum determinatas Astrologi à priori cognoscere non possunt; quia naturam specificam astrorum non cognoscunt. Solum igitur ex effectibus, & longa experientia cognosci possunt, ut ipsi farentur. At eorum experientiæ difficillimæ sunt, & fallaces.

Amplius, cum Cælum sidereum non perficiat  
Nn suum



suum cursum, nisi spatio triginta sex millium annorum, ut advertunt Cajetanus & Delatorre 2. 2. q. 95. ar. 5. ad 2. rat. Unde totus ordo Cœli, ac siderum inter se & ad cœlum stellatum comparatus, qui nunc est, nunquam antea fuerit, neque futurus sit, nisi mundus perduret annis triginta sex milibus, cumque effectus sublunares non sint à sola stella, nunc oriente, vel à planeta conjuncto cum alio planeta, sed ab omnibus planetis, & astris, ac toto cœlo proprietatis, & specificatio effectuum sublunarium non potest reduci per certitudinem in aliquod ex astris, sed reduci debet, & tanquam in causam adæquatam in ordinem cœli, qui est tempore effectus, & qui nunquam antea fuit, nec forsitan postea erit, utique fit, quod determinatio, ac individuatio effectuum, quatenus est à cœlo, non nisi ab omnibus astris est. Quis autem Astrologorum totum cœli ordinem considerat, vel etiam non nisi cum maxima difficultate observare potest? Id enim non cadit sub experientia. Quia cum ordo, qui semel est, non iteretur, non potest pluries cadere sub sensu, quod ad experientiam, & observationem est necessarium. Adde quod licet stellarum fixarum ortus, & occasus quolibet anno accidant, experientia tamen compertum est singulis annis non comprobari earum significationes, nec evenire turbines, eluviones, tempestates, aliosque effectus, quos Astrologi illis tribuunt.

Quod si dicatur, id evenire ab errantium stellarum situ diverso, & vario in quartis anni cum appendicibus, jam tria consequuntur. Primum, quod ex proprietatibus attributis tam fixis, quam errantibus astris, non possunt certo cognosci effectus, quia unum astrum alterius effectum impedire potest. Secundum, quod non nisi considerato toto cœli ordine possunt effectus præcognosci, ut appareat quomodo singularium stellarum influxus efficax sit, vel ita impediatur, ut effectus prævideri nequeat. Tertium, quod omnino sub certa experientia non cadit propria virtus stellarum, nec cognosci potest, an pluvia sit potius ab ortu alicujus stellæ, quam à situ planetarum tunc existente. Ac licet aliqua experientia non negetur; nam Astrologi experti sunt in ortu aut occasu alicujus astri, vel in conjunctione alicujus planetæ cum alio causari pluvias, aut ventos, & sic deducunt proprietatem talis stellæ esse, ut tales effectus producat, ex hoc tamen non habetur certitudo, nisi ad summum, quod effectus sit frequenter, vel plerumque futurus, si aliud non obstat. Neque adhuc potest omnino certo deduci, quod effectus sit vel ab ortu, vel à conjunctione illius planetæ, & non potius ab alia stellâ, adjuncta maxime dispositione sublunarium ad talem effectum producendum. Si ergo primum fundamentum in hoc consistit, quod in hominibus imperfecta, & incerta est notitia virtutis cœlorum, ac eorum motus, & proprietatis cujusque stellæ in quocumque situ, & aspectu illarum, & tamen sine eorum perfecta cognitione non potest haberi certa cognitio futurorum.

Secundum fundamentum est, quod effectus corporales sublunares non sequuntur omnino necessario à corporibus cœlestibus. Id probat non obiter tantum D. Thomas lib. 3. contra gentes cap. 86. Ex duplici autem capite oritur hæc contingentia: Vel quia virtus cœlorum impeditur. Vel quia temperatur. Primum enim impeditur immediatus cœlorum effectus, ne saltem plenè ac perfectè recipiatur. Hoc experimur in luce Solis, quæ per nubes, & caligines detinetur, ne clara, & serena ad nos perveniat, & plenè calefaciat. Sicut enim impeditur lux, ne plenè recipiatur, ita etiam plenè recepta ex indispositione materiæ aliunde, præsertim frigida impeditur, ne calefaciat,

neve producat effectum, quem ex se producere posset. Si igitur impediatur immediatus effectus cœli, qui est illuminare, & per lumen calefacere, multo magis postea impediuntur alii effectus mediati, ac secundarii, qui non nisi ex lumine & calore proveniunt. Hi quoque omnino impediiri possunt, cum ad suam productionem requirere possunt tantum luminis & caloris, quantum non possunt à cœlo recipere ex indispositione contraria corporis sublunaris. Secundò virtus cœlorum, quæ ex se est universalis, atque indifferens ad plures effectus specie diversos, ex qualitate causæ sublunaris determinatur. Lux enim, & calor cœlestis determinatur ad productionem plantæ à semine illius, & ad productionem animalis à patre & matre.

Cum ergo causæ sublunares impediiri possint, utique non sequuntur effectus, nisi contingenter. Unde rectè ait D. Thomas loc. cit. quod quia virtus cœli non recipitur, nisi secundum modum recipientium, sublunaria verò sunt fluxibilia, ideo virtus cœli non recipitur in his inferioribus necessariò, sed contingenter. Et quoniam ex causa remota, & universalis non sequitur effectus necessariò, nisi eodem modo sequatur à causa mediâ. E causis autem mediis sublunariis non sequuntur effectus, nisi contingenter. Eodem igitur modo sequuntur à causis cœlestibus. Ex quo principio id obtinetur, quod nec ab Astrologis Astronomiæ magistri, ne ab Angelis quidem possunt ex solis astris cognosci certo utique quæque effectus sublunares, sed solum ut futuri sub conditione, si nimirum astrorum virtus, & efficacia non fuerit impedita.

Tertium fundamentum est, quod concursus causarum in his sublunariis se se vel juvantium vel impediuntium, non est effectus corporis cœlestis. Hoc tradit D. Thomas d. cap. 89. & comprobatur duplici ratione. Prima est; quia omnium cœlorum virtus supponit materiam aliunde, quam ex virtute cœlorum habitam, nempe à Deo creatam: Deus enim simul creavit Cœlum & terram, nec fecit terram, & elementa ex cœlo, sed immediatè illa creavit. Cum igitur materia elementaris cum suis qualitatibus, proprietatibus, ac dispositionibus non sit à cœlo, sed cœlum aliunde à Deo eam productam supponat, non ex cœlo est concursus materiæ elementaris cum virtute illius, sed ex parte materiæ illi ab extrinseco accidit. Secunda est; quia etiam concursus causarum sublunarium est res per accidens, quæ non habet causam naturalem per se. Sic quod homo sit musicus, & pariter quod homo sit albus, habet causam per se; quod detur autem musicus albus, est quid per accidens, quod non habet per se causam.

Quartum fundamentum. Corpora cœlestia nec directè, neque indirectè aliquid imprimunt in intellectum, & voluntatem, neque movent voluntatem, nisi ex parte objecti, præbendo illi aliquas occasiones volendi, ejus liberæ potestati subiectas. Unde nullo modo necessitatem voluntati afferunt. Cum enim intellectus & voluntas non sint potentiæ corporeæ, sed spirituales, atque adeo qualitatis corporeæ incapaces, corpora verò cœlestia sint causæ corporeæ, quarum effectus corporei sunt, certum est, quod non possunt immediatè, vel indirectè producere aliquid, quod in intellectu, & voluntate recipiatur. Admittunt verò Doctores quod impressiones corporum cœlestium indirectè ac per accidens ad voluntatem pertinere possunt, ut D. Thomas p. 1. g. 115. ar. 4. sed hoc verum est non ex parte potentiæ intellectus & voluntatis, sed ex parte objecti, & quatenus præbent voluntati occasiones objectivas volendi. Quod dupliciter fieri potest, vel quatenus corpora cœlestia immutant



immutant corpora exteriora; vel quatenus immutant corpus hominis volentis. Utroque modo nihil aliud fit, nisi quod in objecto causatur aliquid, per quod illud fit congruens aut dissensaneum corporali hominis constitutioni, unde præbetur homini occasio volendi, posito objecto convenienti. Priori modo corpora cælestia præbent homini occasionem volendi, quatenus in exteriora corpora causatur aliqua utilis, vel noxia qualitas, ut si disponatur aër ad frigus, quod sit humani corporis constitutioni nocuum. Ex hoc enim, ut ab objecto, moveri potest voluntas, ut velit homo calefieri. Quod etiam facere possunt immutando, ac per diversas qualitates disponendo hominem ipsum volentem. Primò per aliquam dispositionem corporalem, ut per infirmitatem. Ex hoc enim datur occasio volendi medicinam, quia ex hoc medicina ipsa fit conveniens, utilis, imò & necessaria ad sanitatem acquirendam, sicque præbetur voluntati objectiva occasio eligendi medicinam. Secundò per aliquam dispositionem, etiam sensitivam, quatenus ex cælestibus corporibus habemus aliquam corporis constitutionem, ac proinde aliquas inclinationes ad aliquas sensitivas passiones; sic cholericus est pronus ad iram. Verùm, ut diximus, neque inclinationes, & passiones movent voluntatem, nisi ex parte objecti, quatenus id, quod convenit passioni, & inclinationi proponitur voluntati, ut objectum amabile. Atque ita, licet hic modus movendi voluntatem sit per impressionem aliquam in corpus volentis, ac indirectè in vires sensitivas animæ, respectu tamen voluntatis non est, nisi propositio objecti. Cùm autem à nullo objecto particulari voluntas moveatur necessariò, sed ipsa, ut domina sui liberè se moveat ad amorem, vel odium, unde neque necessariò movetur à passionibus sensus, sequitur, quod corpora cælestia non possunt cogere voluntatem ad aliquid volendum, ut fides catholica docet, de quo etiam postea.

### CONSULTATIO CIII.

*Alie rationes adversus Astrologos. Argumentum geminorum. Liberum hominis arbitrium, & immortalitas anime non rectè coherent cum Astrologorum judicio. Ciceronis, Pici, Ropheni, maxime verò Bardeffani Syri in Astrologos dissertatio. Vana & inutilis prædictio Astrologorum de aliquo, quod sit futurus summus Pontifex, Imperator, Dux Reipublicæ, Generalis Religionis, & huiusmodi. Falsitas & incertitudo prædictionum Astrologicarum. Astrologia judiciaria, nulla potest esse scientia, vel ars. Saturni revolutiones, & anachronismi, sive errores chronologici Astrologorum.*

**P**HAVORINUS Philosophus egregius apud Aulum Gellium, quem adolescentibus lectitabam, lib. 14. cap. 1. contra observationes Astrologorum, & experientias comprobatas, quibus jactitant suam artem constare, sic ait: Si Chaldeorum isto modo cepta fieri observatio est, ut animadverteretur quo habitu, qua forma, quaque positura stellarum aliquis nasceretur; tum deinceps ab ineunte vita, fortuna ejus, ac mores, & ingenium, & circumstantia rerum, negotiorumque, & ad postremum finis etiam vite expectaretur, eaque omnia, ut usu venerant, litteris mandarentur, ac postea longis temporibus, cum ipsa illa  
Tom. I.

eodem in loco, eodemque habitu forent, eadem cæteris quoque eventura existimarentur, qui eodem alio tempore nati fuissent. Si isto, inquit, modo observari ceptum est, ex eaque observatione composita quadam disciplina est, nullo id pacto potest procedere. Dicant enim quot tandem annis, vel potius quot seculis hiæ urbis observationibus perfici quiverit. Constat quippe inter Astrologos, dicebat, stellas istas, quas erraticas dicerent, quam esse omnium rerum fatales dicerentur, infinito prope, & innumerabili numero annorum ad eundem locum cum eodem habitu simul omnes, unde profectæ sunt regredi, ut neque ullus observationis tenor, neque memoria ulla, neque effigies litterarum tanto ævo potuerint edurare. Hæc Phavorinus. Cùm enim cæli facies, & omnium signorum cælestium positura, quæ semel fuit, eadem omnino, vel nunquam, vel nonnisi post immensa annorum spatia redire posset, quippe octavus Orbis, in quo sunt inerrantes stellæ, non ante sex & triginta annorum millia circuitum suum apud multos absolvit, tum magis Saturnus; quin doctissimi quidem mathematici validis rationibus ostenderunt, motus cæli esse inter se incommensurabiles, ob idque eandem cæli faciem, eandemque stellarum posituram sapiùs evenire non posse.

Sed demus tandem Astrologos posse cognoscere singulas stellas, illarumque singulares vires, ac defluxus separatim, quam vim tamen habeant sidera, cum defluxus diversorum astrorum simul coeunt, ac permiscuntur vel in cælo, vel in aëre, vel in terra, vel etiam cum causis sublunaribus, earumque actionibus, ab ipsis nequaquam sciri potest. Audiamus Origenem, cujus ex commentariis super Genesim hanc Eusebius extremolibro 6. de præpar. Evang. citat sententiam. Quæ autem, inquit, commistione, compositione, ac temperie diversorum aspectuum fieri assentunt, profectò concedunt nullo modo sciri posse. Quomodo enim quantum divinatur de læsione maligni aspectus propter aspectum benigni sideris percipiet? Et utrum auferat malignus, quod à benigno conceditur, quoniam locum ejus aspexerit, aut mutet, aut immutat, aut mixtura quadam inde fiat, quis percipiet? Quæ omnia si quis aliùs inspiciat, facile credat, non posse ista humano ingenio penitus percipi: Unde si quis harum rerum periculum fecerit, videbit in pluribus errare, quam veritatem consequi Genethliacos. Quamobrem Esaïas 47. etiam quasi hæc omnibus impossibilia sint, ad filiam Chaldeorum, qui maxime ista profitentur, ait: Adsum, & salvam te faciant Astrologi, cæli Augures annuncient tibi, quid eventurum sit. His enim verbis docentur vel diligentissimos in hac re Chaldeos non posse prædicere quæ velit unicuique genti Deus attribuere.

His accedit, multas esse stellas, quæ vel non clare vel nullatenus cernuntur. Earum verò, quæ cernuntur, paucas sibi esse cognitatas, permultas verò nedum exploratas fatentur Astrologi. Qua ratione igitur ex paucis astris quorum vires norunt, tam confidenter prænunciant futura, cùm per aliorum siderum, quæ nesciunt influxus, notorum sibi siderum effectus, aut impediri, aut variari possint? Nisi fortè astrorum, quæ latent ipsos, nullas esse vires, nullosque defluxus impudenter, & absurdè mentiantur. Certè constat inter Astrologos numerari in octavo Cælo mille super viginti duas stellas, quarum cùm quælibet major sit terrâ, necesse est, ingentem esse earum vim, & potentiam. Huiusmodi stellarum, vel nullam, vel perexiguam notitiam habent Astrologi. Quippe cum ars eorum judiciaria ferè constet ex planetarum observationibus in quibus rota propemodum versatur & consumitur. Vidit hoc Seneca, & in lib. 2. natur. quæst. cap. 32. eleganter expo-  
N n 2



fuit. Quid est aliud, inquit, quod errorem incutiat peritis natalium, quam quod paucis nos sideribus assignant, cum omnia, quæ supra nos sunt, partem sibi nostri vendicent? Submissiora forsitan in nos propius vim suam dirigunt, & ea, quæ frequentius mota, aliter nos, aliter cætera animalia prospiciunt. Cæterum & illa, quæ aut immota sunt, aut propter velocitatem universo mundo parem, immotis similia, non extra jus, dominumque nostri sunt.

Superioribus annis visa est stella nova, ante illud tempus nunquam in cælo visa, & judicio Astrologorum in eodem loco, ubi stellæ fixæ lucent, posita. Hæc cum ad aliquod tempus conspicua fuisset, repente tota ex aspectu hominum discessit, & prorsus evanuit. Hanc stellam necesse est, vel in cælo esse generatam, & postea corruptam, idemque in aliis sæpius evenire, longis tamen temporum intervallis, verisimile est; vel esse supra septem planetas alia sidera errantia, quæ proprios quidem mptus, sed nobis tamen ignotos, habeant; vel denique, quas nos in octavo Orbe stellæ inerrantes, & infixas putamus, eas quoque proprios circuitus, & motus agere, de quo addubitalle olim Hipparchum, nobilissimum in astrologia virum, locuples autor, ac testis est Plinius cap. 26. lib. 2. Hipparchus, inquit, nunquam satis laudatus novam stellam, & aliam in ævo suo genitam deprehendit, ejusque motu qua die fulsit, ad dubitationem est adductus, anne hoc sæpius fieret, moverenturque & ea, quas putamus affixas.

Quid, quod permagni ad artem suam referre putant Astrologi, convenientiam & discrepantiam, quæ est inter duos Zodiacos, alterum octavi, alterum noni Cæli exploratam habere? Quæ tamen ipsis nota esse non potest. Quippe cum nonum cælum omni stella, luceque careat, nec aliud de ipso, quam motus, isque ex motu octavi cæli deprehendi possit. Latet etiam Astrologos quemadmodum isti duo Zodiaci se habuerint in exordio mundi, quod tempus ab origine mundi ad hanc diem exactum, certo teneri nequeat. Nam ut annorum ejus temporis ratio aliqua iniri, & numerus colligi possit, dierum tamen & horarum non potest; quorum tamen subtilis, & certa computatio isti doctrinæ astrologicæ opus est.

Nec potest sine ullo errore notari, & cognosci positus astrorum, qui est in eo momento, quo quisque nascitur. Etenim difficillimum est vel punctum temporis, in quo quispiam oritur, vel in eo ipso puncto aspectum siderum omnium, qui tunc viget, observare. Sæpe namque cæli ac stellarum aspectum nubila, & crassorum vaporum interpositus, vel adimunt nobis, vel inturbant & infuscant, & quod caput est rapidissima cæli vertigo facit, ut constellatio prius transvolet, quam à nobis propriè annotetur. Nam per singula ferè momenta alia, & alia cæli facies, ac identidem diversa astrorum positura existit. Proferuntur autem isti Astrologi se cujusvis hominis eventa omnia prænunciare posse, dummodo sibi ortus ejus certum tempus pernotescat. Sed hujusmodi tempus subtiliter, ac propriè, ita nimirum, ut opus esset Astrologo, ferè nescitur. Nam, ut dicatur, Petrus esse natum vigesimo ab hinc anno, die Septembris ultimo, hora noctis decima, vel ineunte, vel media, vel jam exeunte; ac momentum illud, vel potius minimum illud tempus, quo Petrus ex utero matris fusus, & in lucem editus est nec obstetrix, neque parentes, seu cognati subtilissimè annotatum, & perspectum habent, qua tamen temporis illius subtilissima observatione & cognitione ad divinandum eger Astrologus.

Adscribamus hoc loco verba Basilij, quibus ipsa

hæc ratio, quam nos strictim attigimus satius ab eo explicatur, & acrius urgetur. Sic enim ille homin. 6. super Genesim scriptum reliquit: Genethliacæ artis inventores cum in temporis amplo spatio complures figuras suam ipsorum scientiam fugere percepissent, in angustum admodum temporis contraxere mensuras, ut minutissimo quoque, & subitaneo articulo, quale est quod Apostolus dicit: In momento temporis, in ictu oculi, plurimum differentia sit inter natiuitatem & natiuitatem, ut is quidem, qui hoc in momento genitus est, futurus sit Rex, civitatum, populorumque Princeps locupletissimus, præpotens; is autem, qui natus est temporis sequentis momento, pauper quidem sit futurus, aut mendicus, circulator, vel præstigiator, ex ostio ostia permutans quotidiani consequendi causa victus. Quamobrem eo orbe, qui signifer appellatur, duodecim in partes diviso, cum in triginta dierum spatio partem Sol ejus globi transeat duodecimam, quem inerrantem appellant, triginta in portionibus singulas illas duodecim partes secuerunt, tum singulis portionibus illis in sexaginta minuta divisit, minuta hæc singula rursus in alia sexaginta modo simili divisere. Posito igitur enixu eorum, qui in lucem eduntur, videamus obsecro, si hanc exactissimam temporis distributionem Autores hi sibi valeant conservare. Nam simul atque editus pusio est, mas, ac femella sit, obstetrix explorat, tum vagitum expectat infantis, nimirum indicium vite ejus, qui natus recens est. Quot hoc tempore vis sexagesima præterisse minuta? Dicit obstetrix deinde Chaldaeo partum, qui editus est. Quot minutissima momenta vis interea dum obstetrix loquitur præterierisse? Præsertim si forte fortuna fuerit non in conclusi mulierum Chaldaus ille præsens, sed in adium atriæ, aut vestibulo, tempus, horamque reponens. Et cumeum, qui definiturus est diligenter tempus, ac horam, exploratoria nimirum horarum percipere oporteat instrumenta, siue diurna sint, siue nocturna, quot minutorum hoc quoque tempore quæso prætervolat, præteritque examen? Comperiam enim cam esse stellam, qua tempus, horaque sit exploranda, non solum quanta in parte sit duodecima, sed etiam quam juxta duodecima portionem parvis, in quorogue minuto sexagesima eorum, in qua subdivisa sunt singula sexagesima illa prima, necesse est. Atque hanc tamen adeo tenuem, subtilemque temporis inventionem, quanquam attingere nequeunt, singulis in stellis errantibus faciendam esse necessario dicunt, ut qualem ad Cælo adfixas stellæ, ipsa dispositionem, habitudinemque haberent, qualisque ipsarum esset inter sese figura, cum in lucem ederetur sæpius, comperiam sit tandem, ac exploratum. Quæ cum ita sint, si fieri non potest, ut tempus illud exactissimè quisquam attingat, variatio neque vel brevissimi temporis sit, ut tota vix penitus aberretur, decidendi profectioni non mediocriter esse videntur iam itis, qui studio hujus indulsere artis, quam in ratione rerum nusquam esse constat, quam illi, qui hiantes ab illorum ore pendent intenti, perinde quasi omnia illi scire possint, quæ ipsis sunt eventura. Hæcenus sunt, quæ Basilij eo loco adversus Astrologos disputat.

Adde ex Pico, Suarez, Delatorre, aliis, quod in momento conceptus primum existit homo, & tunc primum vis cælestis in homine defluit, & imprimatur; Nam per novem menses qui sunt in utero ante natiuitatem potestati cælorum subditur, & post ortum alia, contingunt constellationes observandæ. Eoque magis quia sæpe mutatur hominis constitutio, vel ob alias constellationes, vel ob educationem, vel ob variam vivendi consuetudinem, vel ob leges patrias, adeo, quod in extrema ætate nihil forsitan remaneat materiæ primogeniæ, quam in natiuitate habuit juxta doctrinam D. Thomæ p. 1. quæst. ult. art. 1.



Major quippe est ratio, quod conceptio attendatur quam nativitas, ut Ptolemæus testatur 3. *apotelesmatum* his verbis: Cum principium temporale hominis aliquod statuatur, natura quidem, & per se illud erit principium, cum semen utero genitali admittitur, potentia verò, & secundum accidens, cum hora partus infans egreditur. Qui igitur horam admitti seminis vel casu, vel observatione deprehendit, illam sequi potius debet in proprietatibus corporis, & animi dignoscendis, considerando, quæ sint eo tempore stellarum configurationes. Cum enim semel à principio semen ex ambientis aeris affectione certa qualitate disponitur, licet per consequentis conformationis tempora varietur, quoniam tam propriam, cognatamque materiam naturaliter sibi adiscit, magis etiam primæ suæ qualitatis dispositioni assimilabitur. Ita Ptolemæus, fateturque alius nobilis Astrologus in *lib. de electionib.* efficaciam decernendi fatum hominis esse in hora conceptionis, sed quia hæc nescitur ab Astrologis propterea ad horam nativitatis confugiunt, qui cum urgeantur argumento geminorum, respondere solent, diversitatem eventuum, qui sunt in geminis, ex diversitate conceptus proficisci.

Hoc Geminorum argumentum assert D. Thomas p. 1. q. 115. ar. 3. ad 4. ex D. Augustinus *lib. 5. de civit. cap. 6.* ubi ait, quod nihil est magis corporeum quam corporeus sexus. Sed corporeus sexus non causatur ex corporibus cælestibus, cujus signum esse videtur, quod duorum geminorum sub una constellatione natorum unus est masculus, alter est femina, ibique docet, quod actiones corporum cælestium diverso modo recipiantur in inferioribus corporibus secundum diversam materiæ dispositionem. Contingit autem aliquando, quod materia conceptus humani non sit omnino disposita ad masculinum sexum. Unde partim formatur in masculinum, partim in feminam. Idque adduxit Augustinus eo loco ad repellendam divinationem, quæ fit per alia, quia effectus astrorum variantur etiam in rebus corporeis secundum diversam materiæ dispositionem. Cæli enim influunt ex Aristotele 2. *de generat. tex. 56.* adveniente, ac permanente Sole, aliisque corporibus cælestibus generant, & recedendo corrumpunt. Quod confirmat 4. *de cæl. tex. 23.* & 9. *metaph. tex. 27.*

Quare præter causas cælestes ad producendum effectus futuros, opus est etiam causa particulari efficiente, & materia idonea præparata, quorum si deficit alterum, prorsus, nullus futurus est effectus, sicque ad prænotionem futurorum effectuum, cælestium causarum notitia non est satis. Quod Augustinus 2. *de Genes. ad lit. cap. 17.* quotidianis & manifestis experimentis constare, inquit. Videmus namque agricolas eodem tempore, & sub eodem siderum aspectu varia seminum genera in terram jacere, ex quibus tamen diversa nascuntur ob diversas species, & vires seminum, non ob causas cælestes, cumque multa corpora diversorum generum, vel animalium, vel herbarum, vel arborum uno simul puncto temporis seminantur, unoque puncto temporis innumerabiliter multa nascuntur non tantum diversis, sed etiam iisdem terrarum locis, tantæ sunt varietates in progressibus, in actibus, in passionibus eorum, ut verè isti, sicut dicitur, perdant sidera, si ista considerent. Quid autem incultius, & hebetius, quam cum istis rebus convincuntur, dicere a solos homines sibi subiciendos fatalem stellarum pertinere rationem? Sic Augustinus, cujus extremum dictum paulo uberius tractat apud Gellium *cit. cap. 1. lib. 14* Phavorinus. Si vitæ, inquit, mortisque hominum, rerumque humanarum omnium tempus, & ratio, & causa in cælo, & apud stellas foret, quid

de muscis, aut vermiculis, aut echinis; multisque aliis minutissimis terræ, marisque animantibus dicerent? An ista quoque iisdem, quibus homines legibus nascerentur, iisdemque itidem exstinguerentur, ut aut ranunculis quoque & culicibus nascendi fata sint de cælestium siderum motibus attributa; aut si id non putarent nulla ratio videretur, cur ea siderum vis in hominibus valeret, si deficeret in cæteris.

Et quidem si vera esset istiusmodi Astrologorum doctrina, necesse esset geminos, qui uno tempore concepti, & nati sunt, simillimos omnino fore. Quod falsum esse, satis peripicuum est. Nam ut cæteram eorum dissimilitudinem taceam, evenit nonnunquam, ut alter sit mas, alter verò femina. Cicero autem *lib. 2. de divinat.* Proclum & Euristhenem, Reges Lacedæmoniorum, fratresque geminos commemorat, quorum tamen & exitus vitæ dissimilis, & gloria rerum gestarum dispar fuit. Verum in sacris literis luculentissimum ejus rei habemus exemplum. Jacob enim, & Esau eodem concubitu, ut inquit Paulus ad Rom. 9. sati, eodemque tempore nati, dissimillimis tamen ingenijs, studijs, moribus, & eventis fuerunt. Nec verò firmum est illud præsidium, in quod refugiunt Astrologi, cum hoc argumento premuntur, videlicet brevissimam illam moram, quæ inter Geminorum ortus intercedit, licet ea nobis perexigua videatur, in cælo tamen ob ejus vastitatem, & rapidissimam conversionem esse admodum insignem, magnamque facere variationem. Hoc Nigidius Figulus declarabat exemplo rotæ, quam incitatissimè contortam, cum bis eodem loco signare atramento, vel percutere summa celeritate conatus esset, cessante ipsius rotæ circum actione, reperta sunt duo illa loca, ab ipso percussa, vel signata, haud parvo inter se intervallo distincta.

Etenim licet in ortu Geminorum aliqua fuerit mora, in eorum tamen conceptu prorsus nulla fuit. Deinde, si tam brevi variatur ratio constellationis, sub qua quisque nascitur, erit profecto proprium tempus ortus cujuslibet Astrologis incomprehensibile. Denique valebit hoc loco adversus Astrologos argumentatio illa Gregorii homil. 16. super Evangel. Si propterea Jacob & Esau non censentur nati sub eadem constellatione, quod simul nati sunt, sed unus post alterum, ob eadem profecto causam judicandum erit nullum hominem sub eadem constellatione totum nasci. Non enim totus simul ex utero procedit, sed particulatim, & membratim. Primum enim effert caput, tum collum, deinde pectus, postremo pedes. Jacob enim proximè natus est post Esau manu plantam pedis ejus tenens, perinde quasi, ut inquit Augustinus *loc. cit. unus infans istar duorum, vel duplo longior nasceretur.*

Hanc eandem rationem admodum disertè Phavorinus adversus Chaldaeos disputans prosequutus est apud Gellium memorato loco. Atque id velim etiam, inquit, ut respondeant, si tam parvum, atque rapidum est momentum temporis, in quo homo nascens fatum accipit, ut in eodem illo puncto sub illo circulo cæli, plures simul ad eandem competentiam nasci non queant, & si idcirca Gemini quoque non eadem vita sorte sunt, peto respondeant, cursum illum temporis transvolantis, qui vix cogitatione animi comprehendere potest, quoniam pacto, aut consulto assequi queant, aut ipsi perspicere ac deprehendere, cum in tam præcipiti dierum noctiumque verigine minima momenta ingentes facere dicant mutationes? Hoc ipsum argumentum de Geminis diligenter, ac subtiliter pertractat Augustinus *lib. 5. de civit. primis aliquot capitibus, atque in 2. lib. de doctr. christiana cap. 22.* Et verò maximum facescit negotium Astrologis. Si enim tam brevi temporis momento mutantur omnia, ut non diversa modò, sed etiam adversa plerumque eveniant, quis de nato puero possit quicquam certi prædicere, cum illud temporis punctum, quo vel conceptus, vel



natus est, ita uti est, nemini possit esse cognitum. Itaque ut magna in homines vi & potestate pollerent astra, quid ea tamen in singulorum hominum generatione, & ortu efficerent, incertum esset nobis, quippe cum aspectus cœli, & positus astrorum, qui est tempore, quo quisque nascitur, certò deprehendi nequeat. Incitissimus enim cœli, & astrorum motus tarditatem nostræ considerationis, & observationis prætervolat, & antevertit.

His Campanella in sua Astrologia conatur respondere, inquiens, sub diversis planetis concipi Geminos. At suum hoc placitum non probat. Quod autem addit Campanella, Geminos quandoque in altum ascendere, quandoque adimum fortunæ deprimi, est etiam perridiculum. Tum quia experientia comprobatur contrarium. Vidimus enim geminos tota vita felices, infelices alios, alios verò, etsi quandoque in altum, nunquam tamen in profundum infelicitatis depressos. Nec regula generalis potest tradi apud Astrologos. Nam certum est, non omnes geminos sub eadem constellatione concipi, aut nasci, atque adeo neque eodem modo felices, aut infelices esse. Imo & hæc assertio Campanellæ astrologiam videtur funditus evertere. Si enim geminorum est in altum ascendere, aut in profundum fortunæ, cum tamen nascantur sub diversis constellationibus, quorum aliqua totam infelicitatem præsignant, aliæ felicitatem maximam, aliæ mediocrem, constellatio non erit attendenda, aliàs falsum iudicium fieret.

Quòd si respondeant Astrologi ex D. Thoma *opusc.* 28. ar. 2. quòd in uno conceptu semen per vices proficitur, ac per vices à matrice glutitur, sicque non est una hora conceptorum Geminorum. Quod si diceremus, esse unam horam conceptorum, centrum tamen cordis eorum, à quo incipit conceptus formatio, non est unum, & mutato centro, necesse est mutari totum circulum, etsi horizon eorum non est unus, neque anguli, ideoque nec eadem domorum dispositio, atque ita tota periodus efficitur diversa, & consequenter adhærens rebus natis dispositio fatalis necessario variatur. Addunt ex eodem D. Thoma *ibidem* ar. 4. ad 2. inventum esse remedium ad cognoscendum horoscopus, ut scilicet accipiat gradus ascendens circuli, hoc est horæ conjunctionum luminarium, cui adequatur circulus, quia ille habet influentiam ad communem necessitatem, quæ proximo sequitur; vel accipiat ascendens ad nativitatem ex utero. At, ignorato puncto conceptionis, difficile est siderum rationem cognoscere, neque possibile est alio modo ad illud pervenire. Punctum autem nativitatis ex Ptolemæo non est ita certum, variaturque secundum exitum partialem proles, ut Picus etiam annotavit. Extat insuper exemplum geminorum S. Medardi Episcopi Noviomensis, & S. Gildardi Episcopi Rothomagensis, qui eodem die nati, eodemque Episcopi consecrati, unoque die exanimis, simul in cælum migrarunt, ex Martyrologio Romano 8. Junii.

Mistos faciamus Geminos, quorum interruptus partus aliquam præbuit latebram Astrologis. Consideremus modò quamplurimos prorsus eodem tempore, & in eadem regione, eodemque siderum aspectu, & positura, ex diversis tamen parentibus progeneratos. De istis non potest Astrologus ex observatione siderum non eadem eventa prænunciare, cum simul concepti, & nati fuerint, & sub eadem constellatione. At longè secus esse, quotidiana demonstrat experientia. Quàm multi enim toto orbe simul & generantur in utero, & in lucem eduntur, quorum deinde maxima est ingeniorum, studiorum, morum, religionis, casuum, denique vitæ, ac mortis eventorum dissimilitudo? Omnium Romanorum,

qui Cannensi pugna quamplurimi cæsi sunt ab Annibale, idem fuit vitæ exitus, & interitus. Quis autem existimet eodem illos omnes stellarum aspectu, posituque fuisse natos? Idem dico de tot millibus Turcarum, qui navali pugna sub B. Pio V. memorabili ad immortalitatem victoria à christiana Classe profligati, & intermeccione deleri sunt, quorum omnium eandem fuisse rationem ortus, eandemque in generatione eorum viguisse cœli constellationem, stultum est dicere. An quo tempore natus est Horreus, Hippocrates, Aristoteles, Alexander magnus, non eodem quoque alios complures natos esse putabimus. At quis illorum similis adhuc extitit. Phavorinus sic argumentationem hanc contexebat 10. cap. 1. Quàm multi homines utriusque sexus, omnium ætatum diversis stellarum motibus in vitam editi, regionibus, sub quibus geniti sunt longè distantibus, omnes tamen isti, aut hiantibus terris, aut labentibus tectis, aut oppidorum expugnationibus, aut eadem in navi fluctu obruti, eodemque genere mortis, eodemque ictu temporis intereunt? Quod scilicet nunquam eveniret, si momenta nascendi singulis attributa, suas unumquodque Leges haberent. Quòd si quadam in hominum morte, atque vita, etiam diversis temporibus editorum per stellarum pares quosdam postea conventus, paria nonnulla, & consimilia posse dicuntur obtingere, cur non aliquando possint omnia quoque paria uluvenire, ut existant per huiusmodi stellarum conversiones, & similitudines Socrates simul, & Antisthenes, & Platones multi, genere, forma ingenio, moribus, vita omni & morte pari? Quod nequaquam prorsus fieri potest. Non igitur hac causâ Chaldæi probè utis queunt adversus hominum impares ortus interitus pares.

Eadem mens est Bardesani Syri adversus Chaldæos. Is in doctrina rerum cælestium excellenter versatus in eo dialogo, quem rogatu amicorum de Fato conscripsit, futilissimas esse Astrologorum observationes ad hunc fere modum, ut memorat Eusebius *lib. 6. de præpar. Evang. cap. 8.* demonstrabat: Apud Seras lex est, prohibens occidere, fornicari, & adorare simulacra; unde in illa regione nullum templum conspicitur, nulla mulier meretrix, nulla adultera, nemo fur, nemo homicida, nec voluntatem alicujus illorum ardentissima stella Martis in medio Cœli constituta ad cædem hominis cõgig, nec Venus Marti conjuncta, ut alienam quispiam sollicitaret uxorem potuit efficere. Atqui singulis etiam apud eos diebus in medium Cœli Martem pervenire necesse est, & in tanta regione singulis horis nasci homines non est negandum.

Apud Indos autem, & Bactros multa millia hominum sunt, qui Brachmanes appellantur. Hi tam traditione patrum, quàm legibus nec simulacra colunt, nec animatum aliquid comedunt, vinum, aut cerevisiam nunquam bibunt, ab omni demum malignitate absunt, soli Deo attendentes. At verò cæteri omnes Indi in eadem ipsa regione adulteriis, cæde, temulentia, simulacrorum cultu involvuntur, inveniunturque ibi nonnulli, imò verò gens quadam Indorum est in eodem climate habitans, qui homines venantes, atque sacrificantes devorant, nec ulli planetarum, quos felices, ac bonos appellant, à cæde, ac sceleribus istis eos prohibent, nec maligni Brachmanas pellere ad malefaciendum potuerunt.

Apud Persas lex erat filias, sorores, matres quoque ipsas in matrimonium ducere, nec in Perse solum, verum etiam quicumque Persarum ad alia climata Orbis è patria exiverunt, nefanda hæc diligenter matrimonia celebrarunt, quos aliæ gentes hoc scelus abominatæ, Magusæos appellant. Suntque usque ad hodiernum diem in media Ægypto, Phrygia, Galatiaque



Galatiaque plurimi Magusseï successionē patrum eisdem sceleribus contaminati. Nec dicere possumus in terminis, & domo Saturni cū Saturno ipso in natiuitatibus omnium Marte aspiciente Venerem fuisse.

Amazones viros non habent, sed tempore veris fines suos egredientes cum vicinis conveniunt, unde omnes naturali lege eodem tempore pariunt, masculisque interfectis, solas fœminas alunt, bellicosæque omnes similiter sunt, magnam exercitationis bellicæ curam gerentes. Stultum autem est opinari, omnes istiusmodi fœminas prorsus iisdem natalitijs astris esse genitas.

Fit hoc confirmatius argumento, exemploque Judeorum, qui ubicunque terrarum & gentium sint nati, aut versentur, inviolabili observatione & infantes suos octavo die circumcidunt, & omnem diem sabbathi feriatum, festumque religiosissimè agunt. Non sunt autem Judæi omnes sub eadem constellatione procreati, neque eos à patriis legibus, & institutis ulla vis, & potentia cœlestium corporum abstrahere potest.

Sed quid de Christianis, qui innumerabiles toto orbe sparsi, idem vitæ genus, atque doctrinæ custodiunt, nec à disciplina, quam ipsis Christus Dominus tradidit, vel promissis ullis, vel minis, aut suppliciis vel latum unguem amoveri possunt, an dicturi sunt, Christianos omnes eodem astro esse natos? Sed illud maximum est argumentum qui ante susceptam Christi disciplinam patrias leges & instituta studiosissimè, acerrimeque tenebant, eos postea factos Christianos, illis desertis, abjectisque, longè diversam vitam agere, diversos mores induere, & diversissimam religionem & doctrinam colere. Itaque nec multas Parthi Christiani ducunt uxores, nec Medi canibus mortuos obiciunt, nec Indi mortuos suos cremant, nec Persæ cum sororibus aut cum filiabus nefario matrimonio miscentur, nec Ægyptii Apim, aut canem, aut hircum, aut selem colunt, sed ubicunque sunt eisdem legibus, moribus, & institutis vivunt.

Quid plura? singulis horis apud omnes gentes homines nascuntur, ubique autem leges, atque mores propter liberam hominis potestatem prævalere videmus, nec natalitia fidera nolentes Seras ad homicidium compellunt, aut Brachmanas ad esum carniū, nec Persas à sceleratis nuptijs remouent, nec Medos prohibent vita defunctos canibus exponere, nec Parthos multas ducere uxores. Singulæ namque gentes, ut volunt, & quando volunt libertate sua utuntur, legibus, moribusque obediētes. Hactenus sunt, quæ ex disputatione Bardefanis adversus Chaldaeos commemoranda hoc loco censuimus. Huc se parent Astrologi, hæc cogitent, ad hæc se exerceant.

Nam, stante libero arbitrio hominis, ac immortalitate animæ nostræ, ars ista nullo modo stare potest. Si autem ea steterit, illam funditus corruere necesse est. Quo intelligere licet, qualis istiusmodi ars existimanda sit, quæ nisi pessundata, & obtrita, sublataque nostrarum animarum libertate, atque immortalitate, nihil progredi, nec ullo modo consistere queat. Quod autem si anima nostra immortalis, & in agendo libera sit, divinatio astrologica nulla esse possit his probatur argumentis.

Primum Astrologi profitentur, se futuras hominum actiones, eventaque ex suæ artis observationibus præsentire, ac prænunciare posse. Hoc autem falsum est. Futura enim, quæ ex libera hominis voluntate proficisci debent, nullo modo possunt esse nota Astrologis. Nam vel cognoscerent futura in seipsis, quod fieri non potest, quippe, quæ futura sunt, nondum per se actu sunt. Quod autem non est, prout non est, non intelligitur, sed prout ali-

quo modo est, nimirum potestate in suis causis. Nec prænosci queunt futura in ipsorum causis, quæ tres sunt, Deus, cœlum, voluntas humana. Quæ autem ex Dei proposito, consilio, & absoluta voluntate eventura sunt, ea nulli mortalium, vel ex cœlo, vel alia quacunque ratione, nisi cui Deus ea voluerit aperire, cognita esse possunt. *Quis enim, inquit Scriptura, cognovit sensum Domini? Aut quis consiliarius ejus fuit?* Rom. 10. & Isai. 40. Et ut scriptum est in 9. cap. libri sapientia. Quæ in prospectu sunt, invenimus cum labore, quæ autem in cœlis sunt, quis investigabit? Sensum autem tuum quis sciet, nisi tu dederis sapientiam, & miseris Spiritum Sanctum tuum de altissimis? Ex cœlo autem futura, quæ pendent ex voluntate hominis non possunt cognosci. Tum quia cœlum est causa universalis, quare futuri effectus particulares non nisi universaliter, & indeterminatè in cœlo contineri, ac dignosci possunt. Tum etiam quia Cœlum est causa corporalis, & materialis. Quare anima nostra, quæ per se incorporea, & expers materiæ est, liberaque in agendo, cœli efficientiæ ac operationi directè, ac necessariò minimè subjacebit. Voluntas porro humana, quæ est proxima causa humanarum actionum, respectu futurorum, quæ ex ipsa proficisci debent, per se indifferens, ac indeterminata est. Multa enim acturi sumus, de quibus nihil dum cogitavimus, nedum deliberavimus. Quomodo igitur causa indeterminata, & indifferens, potest definitam, certamque futuri effectus cognitionem parere?

Confirmatur. Exteriores actiones hominis pendent ex interioribus, ex deliberatione scilicet, ac electione. Non potest igitur futura hominis actio exterior prænosci, nisi cognita sit futura voluntatis electio, unde illa proficisci debet. At futura hominis electio non potest alteri homini esse cognita. Si enim propositum animi, & deliberationem, quam quis in præsentia habet mente conceptam, nemo alius scire potest, quantò minùs scire poterit consilium, propositum, & voluntatem alterius hominis, quæ multos post annos futura est?

Deinde aut consideratur homo, ut vivit & operatur secundum rationem, aut secundum sensum & appetitum. Si secundum rationem, sic homo non pendet à Cœlo. Est enim mens & ratio expers materiæ & incorporea. Nullum autem corpus per se agere potest in id, quod est incorporeum. Ratio item libera est, suarumque actionum domina, & suo arbitratu, ac voluntate potest ad hoc, vel illud agendum se ipsa applicare. Nam, quamvis vel à cœlo, vel ex naturali constitutione sui corporis, vel à dæmone, vel aliunde instigetur ad male gendum, potest & tamen reniti, & vi sua omnes instinctus, impulsus, à irritamenta, extrinsecus ei objecta, comprimere, ac irrita facere; quin etiam contra quam incitatur, agere.

Homo autem vivens secundum sensum, & appetitum carnalem, tam variabilem, & incertam vitam agit, ut qualis futurus sit, nullo modo prædici queat. Quamobrem Salomon in 30. capite lib. proverb. dixit, *alia quadam sibi esse cognita difficilia, illud autem esse prorsus ignotum qualis sit via adolescentis in adolescentia sua.* Et si enim ea ætas adeo lubrica ad quodlibet vitium, adeo mollis, ac flexibilis in omnes partes, adeo vagans per omnia, & nulla in re perseverans, ut nulla certa ratione, modoque regi, ac duci, sed quocunque impellit cupiditas, illuc inconsultè ac temerè rapi videatur. Quo fit, ut facilius sit divinare quid acturus sit, qui vivit secundum rationem, & virtutem, quam quid sit acturus, qui rationis, ac virtutum regula, &



Iege posthabita, suas duntaxat cupiditates sectatur. Sic etiam facilius est divinare, quid facturus est Rex, qui secundum rectam rationem, iustasque leges imperat, quam quid facturus sit Tyrannus, qui omnia pro suo commodo, ac libidine administrat. Qua ratione igitur Astrologi certa scientia consequi possunt ea, quæ nihil ratum, firmum, fixumque ac certum habent?

Ad hæc, aut istud fatum cæleste, ac potentia siderum potest ab homine impediri, adeo ut effectus ejus non eveniat, aut nullo modo impediri potest. Si potest impediri & non evenire; ergo sicut effectus est incertus, ita prædictio ejus vera esse non potest. Si non potest impediri; ergo nullum est liberum arbitrium, & ex eo conficitur animam nostram esse materialem, atque mortalem, ut pote siderum potestati necessario subjectam. Nec verò si ita res se haberet, quicquam prodeissent hominibus prædictiones Astrologorum. Quid enim juvaret, nosse tanto ante futura, si ea nullo modo declinari, & caveri possent? Quin plus mali, quam boni afferrent nobis, quos necesse esset non solum præsentibus malis torqueri, sed etiam tam longinqua & inevitabili eorum expectatione acerbissimè cruciari.

Probè hoc intellexit Seneca, licet non minorem quam Astrologi sideribus in homines vim, ac potentiam tribueret. In libro enim 13. epist. 89. ita scribit: *Venio nunc ad illum, qui cælestium notitia gloriatur.*

*Frigida Saturni quo sese stella receptet,  
Quos ignis cæli Cyllenius erret in orbes.*

Hoc scire, quid proderit? Ut sollicitus sim cum Saturnus, & Mars ex contrario stabunt, aut cum Mercurius vespertinum faciet Occasum, vidente Saturno? Potius hoc dicam, ubicumque sunt, ista propria esse, nec posse mutari. Agit illa continuus ordo Fatorum, & inevitabilis cursus. Per statas vias remeant, effectus rerum omnium aut movent sidera, aut notant; sed sive quicquid evenit faciunt, quid immutabilis rei notitia proficiet? Sive significant, quid refert providere, quod effugere non possis? Scias ista, nescias, fient. Sed argutè ac philosphicè hanc ipsam sententiam brevissimis verbis concludit Phavorinus: Aut adversa, inquit, eventura dicunt, aut prospera. Si dicunt prospera, & fallunt, miser fies, frustra expectando. Si adversa dicunt, & mentiuntur, miser fies, frustra timendo. Si vera respondent, eaque sunt non prospera, jam inde ex animo miser fies, antequam è Fato fias. Si felicia promittunt, eaque eventura sunt, tum plane duo erunt incommoda, & expectatio te esse suspensum fatigabit, & futurum gaudij fructum spes tibi jam defloraverit. Nullo igitur pacto utendum est istiusmodi hominibus res futuras præfagientibus.

Quare non solum est de fide, futura libera non posse à quacunque creatura cognosci, sed nec alia quidem futura naturalia fortuita, de quo plenè Delatorre cit. 9. 95. ar. 6. Quapropter huiusmodi Astrologi negantes consequenter liberum arbitrium, sunt de grege illius blasphemæ pecudis Lutheri qui inter alios edidit librum de servo arbitrio.

Illud & maximè arguit prædictionum astrologicarum vanitatem, quod audeant Astrologi prædicere, ac promittere aliquem futurum summum Pontificem, Imperatorem, Ducem. Atqui profecto alicujus ad Summum Pontificatum, Imperium, &c. non ex ipsius, vel alterius unius hominis voluntate, aut potestate pender, sed ex voluntate, atque suffragiis plurimorum Cardinalium, quorum munus est creare Summum Pontificem, Electorum Imperii creare Imperatorem. Quapropter, ut certo prænunciari possit, Petrum fore Pontificem, non fa-

tis est nosse compositionem astroforum, quæ in cælo fuit nascente Petro, sed simul etiam opus esset Astrologo perspectos, & cognitos esse omnes siderum politus, & constellationes, sub quibus nati sunt quorumcunque voluntatum, & suffragiorum concursus ad creandum illum Pontificem futurus est necessarius. Quare, si verum est, quod narrat in Augusto Suetonius, Nigidium Figulum in ejusmodi Astrologia nobilissimum apud Romanos, accepta hora partus Augusti, observatisque natalitiis ejus astris, exclamasse, *Dominum Orbis esse natum.* Profecto existmandum est, id eum nec scienter, neque certa aliqua ratione, sed temerè ac fortuito dixisse, & casu factum esse, ut ita contigerit, sicut ille prædixerat. Promotio namque Augusti per multos honorum gradus ad summum usque Principatum & Monarchiam, ex multorum hominum studio, gratia & opera pendeat, ut ad tantum Augusti dominatum, & imperium certò prænoscentum, atque prænunciandum, solius Augusti generationis, & ortus consideratio satis esse nequaquam potuerit. Neque enim natalitia Augusti sidera vim ullam habere potuerunt in eos, qui fuere Augusti suffragatores, adiutoresque ad consequendum principatum, scilicet multi eorum compluribus annis, vel ante, vel post Augustum nati fuerant.

Uterius progressa est istorum audacia & impudentia. Urbium quoque, non hominum modò fata profitentur hac arte posse prænosci, ac prænunciari. Observata enim astroforum compositione, quæ fuit cum urbes conderentur, posse earum casus, eventusque omnes prospici, ac prænotari. Fecit hoc in urbe Roma rogatu Varronis quidam Tarutius Mathematicus, ut in Romulo tradit Plutarchus, quam historiam lib. 2. de divinat. his verbis Cicero enarrat: *Quidam L. Tarutius Firmianus familiaris noster, in primis Chaldais rationibus eruditus, urbis etiam nostræ natalem diem repetebat ab iis Parilibus, quibus eam à Romulo conditam accepimus, Romanque cum esset in iugo Luna, natam esse dicebat, nec ejus fata canere dubitabat. O vim maximam erroris, etiamne Urbis natalis dies ad vim stellarum, & Luna pertinebat? Fac in puero referre, ex qua affectione cæli primum spiritum duxerit, num hoc in latere, aut in cemento, ex quibus Urbs effecta est, potuit valere? Verum est, qui quærat ex istis Astrologicis num velint suam divinationem etiam in animalibus & stirpibus valere, ut in homine? Si negent, prodent suam inscientiam, suæque artis infirmitatem, inanitatem, atque fallaciam. Cur enim non aqualiter valeat in stirpibus, atque in homine? Imo cur non plus valeat? Stirpes namque multo magis, quam homines à cælestium corporum potestate, & efficientia naturali necessitate pendent. Et cum minus multa & varia, atque incerta stirpibus, quam homini soleant accidere, facilius profecto esse deberet eorum divinatio, quam stirpibus, quam quæ homini sunt eventura. Sin verò annuntiant, similiter in stirpibus, ut in hominibus valere astrologicam divinationem, rogarem, ut diligentissimè observarent statum Cæli, & astroforum, eo videlicet tempore, quo vel prunus, vel cerasus, vel pyrus sciretur, aut cum sementis tritici fieret, & ex illa Cæli observatione promerent etiam prognostica de illis arboribus, ut divinarent quantam illæ arbores prunorum, cerasorum, & pyrorum copiam essent latura, quantus item ex illa tritici semente spicarum, & in singulis speciebus quantus granorum numerus esset proveniturus. Hæc si negent à se posse prænosci, fateantur etiam necesse est non posse ab ipsis futuros hominum casus, eventusque provideri.*

Hinc nulla potest esse scientia, vel ars istius Astrologiæ. Omnis enim scientia, & ars versatur in iis



bus, quæ aut semper, aut certè frequenter ita contingunt, ut ab ea docentur. Quæ autem extrà hæc sunt, & rarissimè accidunt, ea, quia nihil habent fixum, & certum, propterea nullam possunt scientiam, vel artem efficere. Cùm igitur prædictiones Astrologorum ferè sint falsæ, nec nisi perquam rarò veridicæ sint, satis liquet, eas non ex arte aliqua, & certis observationibus proficisci, sed inscienter, & inconsultè, ac temerè ab illis effutiri. Quamobrem Phavorinus identidem commonebat, ut caverent homines, ne quæ ipsis Chaldaei ad faciendam fidem irreperent, quod viderentur quædam interdum vera effutire, aut spargere. Non enim comprehensæ, aiebat *loc. cit.* neque definitæ, neque perceptæ dicunt, sed lubrica, atque ambagiola conjectatione nitentes inter falsà, atque vera pederentim quasi per tenebras ingredientibus eunt, & aut multa tentando incidunt repente imprudentes in veritatem, aut ipsorum, qui eos consulunt, multa credulitate ducente perveniunt callidè ad ea, quæ vera sunt, & idcirco videntur in præteritis rebus, quàm futuris veritatem faciliùs imitari. Ista tamen omnia, quæ aut temerè, aut astutè vera dicunt, præ cæteris, quæ mentiuntur pars ea non sit millelima.

In eandem quoque sententiam *lib. 2. de divin.* ait Cicero: *Quid plura, inquit, quotidie reselluntur Chaldaei. Quam multa ego Pompeio, quam multa Crasso, quam multa huic ipsi Cæsari à Chaldaeis dicta memini, neminem eorum, nisi Senectute, nisi domi, nisi cum claritate esse moriturum, ut mihi permixtum videatur quæquam extare, qui etiam nunc credat iis, quorum prædicta quotidie videat re, & eventis reselli.* Seneca quoque in eo libello, cujus inscriptio est: *Ludus in mortem Claudii Cæsaris*, sub initio introducit Mercurium apud Parcas mortem Claudii procurantem, & ut obiter Chaldaeorum illudat vanitati, inter alias rationes, quibus conatur Mercurius Parcas inducere ad necem Claudii, hanc affert, ne toties videlicet miseri Chaldaei mentiantur: *Patere, inquit, Mathematicos aliquando verum dicere, qui illum postquam princeps factus est, omnibus annis, omnibus mensibus efferunt.* Prædicebant enim illi Mathematici Claudium singulis annis & mensibus moriturum. Quod etiam nostri temporis Astrologis contingit, à quibus mortes Summorum Pontificum in singulos annos atque adeo menses pronuntiari audimus, & ridemus.

Comprobatur ex Oraculis falsis Apollinis Delphici. Nam teste Eusebio *lib. 6. de prepar. cap. 1.* Apollo multis responsis declarabat, à stellarum motu futura significari, unde pertinebant ad astrologicam prædictionem, ut asserit Porphyrius, qui tamen *lib. de Oracul.* per hæc verba falsitatem testatur apud eundem Eusebium *cap. 4.* In hisce autem, inquit, Oraculis, & divinationibus sæpe mentitum esse Apollinem. Exquisitam enim futurorum cognitionem, non hominibus modò, sed multis etiam Deorum incomprehensibilem esse. Unde etiam interrogati, mentiantur nonnunquam, sed non sponte. Solent enim præmonere, se tunc vera respondere non posse. Homines tamen ex amentia perseverant urgere, & cogere eos, ut respondeant. Apollo igitur Delphicus cùm ejusmodi esset cæli, & continentis affectio, ut verum prævidere non posset; retine, dicebat per varem vim istam, & potentia verba. Hæc ne proferas, falsà enim dicam, si coges. Et in alio responso: Nihil hodie, inquit Apollo, stellarum mihi via dicendum præstat. Demum concludens Porphyrius ait: manifestum jam fecimus, unde falsitas ad Deorum oracula subrepat. Quare Oenomaus apud Græcos tam philosophia, quàm eloquentia excellens, responsis Delphicis Apollinis sæpe delusus, atque

deceptus, diligenter & curiosè quamplurima ejus oracula vana, futilia, & falsa collegit, ac retulavit, ut prodit Eusebius *loc. cit. lib. 5. cap. 10.*

Hæc cùm ita sint, attamen Albumazar istorum Astrologorum coryphæus, nescio quas Saturni revolutiones dilaudat. Afirmat enim, quoties Saturnus denas sui Orbis conversiones perfecit, hoc est expletis annis trecentis, semper magnas quasdam res, & admodum insignes evenire. *Post Alexandrum enim, inquit, annis trecentis apparuit Arelasor, filius Bel, qui Persas contrivit, & proximè post transactis aliis trecentis annis apparuit Jesus magister, & dux Christianorum.* O turpem temporum incitiam! Nam nec tunc fuit iste filius Bel, qui Persas fregerit, & afflixerit, & Christus Dominus noster non sexcentis annis post Alexandrum, ut iste mentitur, sed trecentis duntaxat & viginti annis post Alexandri mortem natus est. Quanquam quis miretur in hoc lapsum Albumazarem, cùm tam insigniter erraverit in Ptolemæo mathematico, quem facit unum de Ptolemæis Ægypti Regibus, qui post Alexandrum Magnum Ægyptiis imperarunt? Cùm in confesso sit nec Ptolemæum Mathematicum fuisse Regem, & cum Hadriano Imperatore floruisse novissimo Ptolemæorum Ægypti Regum plus centum & sexaginta annis posteriorem.

Jactant item Astrologi, nullam fuisse apud homines ullo tempore mutationem legum, nullius Prophetæ nobilis adventum, nullam novæ Religionis introductionem, nullam magnorum Regnorum conversionem, denique nullum insignem & memorabilem casum, aut quin magna aliqua conjunctio siderum, præcipuè verò Saturni, & Jovis præcesserit. Hæc, inquit, Constellatio nascentem Orbem initiavit, illa præparavit diluvium, alia Abraham, vel Moysen genuit, illa Jesu adventum prænuntiavit, alia Mahumeti legem antecessit. Quæ quàm sint futilia, commentitia, & erroris plena vel uno hoc argumento constare potest.

Petrus Aliacensis istiusmodi figmentis stultissimè credens, ac vanissimè gaudens, in libro suo de concordia historiarum & astrologiarum, ad id, quod ex sensu Astrologorum proximè diximus probandum, hoc quasi fundamentum supponit. Ab initio mundi usque ad diluvium fluxisse annos bis mille ducentos quadraginta duos. A diluvio autem ad Christi Domini adventum & ortum, ter mille centum & duos annos. Hoc posito, probare nititur, quicquid in orbe terrarum valde memorandum, & insigne quocunque tempore acciderit, eodem tempore magnam aliquam constellationem in Cælo apparuisse.

At enim verò cùm perspicuè falsa sit computatio annorum, qua velut fundamento illorum ratio & doctrina fulcitur, nonne consequens est, quæ dicuntur, & pendent ex illa computatione esse falsa? Etenim ab Adamo ad diluvium non plus mille sexcentos quinquaginta sex annos præterisse constat ex sacris literis, pauciores nempe quàm illi numerant annis prope sexcentis. Quo fit, ut constellationem quam ajunt isti fuisse in exordio mundi, sexcentis annis mundum præcessisse, necesse sit. Deinde tempus, quod inter diluvium interfuit & Christi Domini adventum, ne numerum quidem bis mille quadringentorum annorum implevit. Ex quo efficitur, ut conjunctio astrorum, quam ajunt ducentis annis antegressam diluvium, nonnisi sexcentis octoginta quatuorque annis post diluvium potuerit existere. Præterea dicunt, quartam conjunctionem maximam fuisse annis nongentis quadraginta duobus post diluvium, sexdecim nimirum annis ante natum Abraham, quem tamen liquet ex sacra chronologia, ducentis nonaginta duobus annis natum esse post diluvium. Quare necesse est,



est, quartam illam conjunctionem sexcentis triginta annis post Abraham ortum contigisse. Ad hæc, notarunt illi sextam conjunctionem magnam ducentos viginti quinque annos fuisse ante Christum, nimirum falso. Nituntur enim supradicta computatione annorum à diluvio ad Christi adventum, quam nos mendosam esse ostendimus. Quin si veram sequamur chronologiam, necesse esset, sextam illam conjunctionem sexcentis ferme annis post Christi Domini ortum contigisse. Postremò quàm fuerit Petrus Aliacensis veræ christianæ chronographiæ rudis & profusus expers vel hoc uno indicio manifestum esse potest. Affirmat anno ab ortu Christi septingentesimo, ad quod tempus septimam conjunctionem magnam refert, natam esse in Ecclesia pestem hæreticorum, maximè verò eam, quæ fuit Arrianorum, quorum tamen hæresis circa annum Domini trecentiesimum exorta, ante sexcentiesimum extincta est. Quis igitur tam multas istorum prædictiones nixas mendacissimis chronologiis, inanes & mendaces esse dubitet?

Quid dicam de istorum discordia in suis fundamentis? Ex ea enim colligitur nil posse certò sciri, aut ab ipsis affirmari. Nam Arabes teste Valentino Naiboda in suis elem. Astrol. differ. 1. & Magino in sua introduct. ad Ephemer. p. 2. cap. 10. dividunt Zodiacum in duodecim partes æquales, & eo modo figuram Cæli distribuunt, ut unaquæque triginta gradus contineat, & ubi una desinit, altera initium accipit. Alij ut Abraham Aben Ezra Judæus, & Regio Montanus integro probl. 14. ante tabulas directionum, Maginus ante tabul. sui primi mobilis can. 23. & in introduct. Ephemerid. cap. 10. p. 2. non Zodiacum, sed Æquatorem secant in duodecim partes æquales. Alii tandem, retentis quatuor angulis, spatium inter dictos angulos ita dividunt, ut unaquæque domus ab alia distet duabus horis inæqualibus. Hunc modum amplectitur Stadius in principio suarum Ephemeridum. Hieronymus Diedus in sua anatome cælesti, & existimant multi, nominatim Diedo ibidem lib. 2. cap. 1. & 2. Argulus in introd. ad Ephemer. lib. 3. cap. 24. hanc opinionem esse Ptolemæi, quamvis ipse tantum tradiderit, quòd unaquæque domus constare debet triginta gradibus, & quòd inter eas debeat esse aspectus, ut prima respiciat septimam oppositionem, & quartam quadrato & c.

Quomodo ergo ex figura cæli aliquid prædici poterit, si adhuc ignoratur modus certus illam constituendi, & tres, qui præcipui sunt, relictis novem modis, allatis à Ransonio sub initio suæ Astrologiæ, inter se adeo discrepant, ut quod signum Zodiaci secundum unum modum est, exempli gratia in octava domo, illud secundum alios sit in nona, & modus attributus Ptolemæo, etsi in quatuor angulis concordet cum modo Regii Montani probl. 14. in aliis tamen octo domibus dissentiant aliquando inter se per quinque gradus. Quod satis est ad tollendum signum unum quod alioquin esset in ea domo, ac dominium planetæ domini signi ab illa domo, in qua est signum, ut constet ex tabulis Ptolemæicis Arguli.

Quamobrem Joannes Antonius Rophenus, discipulus Magini, medicus & astrologus nobilis in discursu anni 1644. de Astrologorum incertitudine multa monumentis tradidit, etsi non omittat argumenta pro Astrologis afferre. Nostri, ait, hisce temporibus nati sunt quidam homines, qui audacter ad astrologicas & genethliacas vanitates intenti, se divinare profitentur, & se vares existimant ita, ut commentitiis Poetarum figmentis locum aperiant, ac

si scilicet ex cerebro Jovis tot Pallades nuper ortæ prodierint, quæ fatorum seriem recenseant, & non agnoscunt, quàm incerta sit hæc mathematica pars, ad cujus incertitudines, & fallacias solvendas sinxerunt & antiquorum, & neotericorum scholæ multa in tanta rerum varietate, quæ in terra, mari, aëre, ad occidentem, ad Orientem, ad septentrionem, ad meridianum in Urbibus, inter homines, inter animalia singulis annis, mensibus, diebus, & horis, privatim & publicè, domi, militiæ, Principibus viris, Rei publicæ ac privætæ eveniunt.

Laborabant Genethliaci magna inopia causarum, quia signa Zodiaci, & numerus planetarum impar erat multitudini rerum, quæ in toto mundo accidunt, & coacti fuere fingere in cælo varia figmenta astrorum, gaudia, antiscia, novenarias, facies, cursus, carpenta, familiaritates, odia, exaltationes, dejectiones, alfridaria, fines, applicationes, defluxus, domicilia, loca, pro quorum varietate varios effunderent sidera effectus. Quare Cardanus lib. de judic. genitur. cap. 16. ex hoc, inquit, patet causa, cur tot invenerint nugas, partes, facies, novenarias, quia non poterant tot rebus, quæ homini eveniunt, situ solum septem planetarum satisfacere. Alii Apollinem cum Musis. Alii Augustum Cæsarem. Alii Tiberium. Alii Nilum cum sexdecim filiis. Alii alia ludibria spectare sibi videntur. Nam quemadmodum in marmoribus natura aspersis variis coloribus, nihil aliud est, nisi commixtio diversorum, variorumque humorum, ita in genituris, in quibus nihil est, quàm stellarum situs, & lineamenta quædam, Astrologi & Reges, & Pontifices, & Poetas, & Historicos, & honores, & dignitates, opes, & uxores, & liberos vehementi sibi fingunt mentis agitatione. Quod exaggerat Augustinus lib. 2. de doctr. Christi. Dividunt in duodecim domos, tribuentes Soli Leonem, Lunæ cancrum, aliasque domos aliis Planetis, qui ex illis potissimum vires suas exerunt, ut ex Firmico colligunt cap. 21. 22. 23. addendo directiones varias, revolutiones multiplices, alfridaria, & absides, caudam, caputque draconis, triangula dextra, sinistraque, quadrata, antiscia, Planetas in aliis signis deijci vel exaltari, ut Lunam exaltari in Tauro usque ad Scorpionem, deijci à Scorpione usque ad Taurum, aliasque innumera, ut ex libris Cardani, Bellantii, Gauricii, & aliorum patet.

Nec modò non cohærentia inter se dicunt, sed maxime disjuncta atque contraria. Dimicant inter se ipsos Andabatarum more. Adversus enim antiquos Astrologos stat Ptolemæus Alexandrinus. Hunc impugnat Albumazar. Adversus utrumque disputat Abenzuar. Antiquos omnes contemnit Cardanus loc. cit. cap. 6. & alibi. Cardanum oppugnant omnes recentiores in quæstione præcipua de vitæ spatio: Ptolemæus lib. 3. quadrip. cap. 4. tradit posse esse Apheras Solem, Lunam, horoscopus, sortem, & dominum horum locorum, puta Solem, Lunam, horoscopus, & partem fortunæ. At Cyprianus Leovitius totus diversus abit, solum dirigit horoscopus, omisso Sole, & domino horum locorum. Ptolemæus Aphetas ad Annæretam secundum ordinem signorum constituit; sed recentiores alio modo cum maxima dissensione inter reliquos Astrologiæ magistros præclarissimos de domorum potestate, & jure statuunt. Sunt qui Lunam in septima cælibatam significare dicant, alii uxorem sterilem, alii vetulam putant indicare, alii verò plures uxores prædicere, contendunt.

Ptolemæus Lunam in signo unius figuræ, & uni tantum per aspectum applicantem planetam unam uxorem



rem dare, Arabes & Latini à sexta domo servos indicant. Ægyptij ab ea, quæ à sexta plurimum distat, idem Ptolemæus à sexta, & à prima significari putat, reliqui à sexta. In quinta domo Arabes, & Latini investigant filios, Ptolemæus in decima, & undecima. Porphyrius in decima domo natorum & parentum notam suspendit. Secunda domus significat subitam spem recentioribus, ut Cardano ibidem, veteribus divitias. Conjugia plures ab occidente divinant, Aliodorus à medio Cœli, Ptolemæus negligit utrumque, à tertia Cardanus, moderni itinera & labores conjiciunt. Alii hæc petunt à nona: ita quod fatendum sit nemini Astrologiam constare certis experimentis, nullamque certam ex stellis præfagiendi disciplinam reperiri.

Ignorant namque Arabes monomorias, quas irrident Græci, Ægyptij venerantur. Nulli rei magis adhærent Astrologi recentiores, quam directionibus & revolutionibus, ac iidem fatentur in qualibet geneti plurimas esse directiones, & revolutiones irritas. In geneti Ferdinandi Imperatoris qui natus est anno 1503. die decima Martis, hora nona, m. 50. Caroli V. Elizabethæ Anglicanæ, quæ nata est 1505. die 8. Septembris hora duodecima, m. 4. & aliorum directiones fuere irritæ ac inanes. Hieronymus Cardanus lib. 20. genit. 45. ea, quæ de Francisco Sfortia, Mediolanensium Duce, anno 1481. die 23. Junii hora 20. post occasum nato, ex natalitiis astris collegerunt, fatetur ingenuè, eadem de eo pronuntiati potuisse, si uno die ante eadem hora natus fuisset. Martini Lutheri hæresiarchæ circumferuntur genituræ diversæ ab illa quam Cardanus eo loco affert. Ex omnibus tamen eandem vitæ improbitatem, prodicionem religionis, eandem impietatem, eandem labem morum, eundem vitæ exitum deducunt. Quare Tichones lib. de nova stella, inquit: Silentio præterire non possum, quàm inconsideratè tam Gauricus, quàm Cardanus natalitium Lutheri tempus unà cum cœlesti schemate designarit. Natus est anno 1481. die 10. Novembris hora prima ante mediam noctem sequentem, cum tamen Gauricus integro anno post nativitatem ejus assignet; & licet Cardanus quoad annum rectius sentiat, ambo tamen aberrarunt.

Quid igitur certi in errantium Astrologorum dissiidiis haberi poterit, quando homines intellectu lyncei, studio pertinaces, scientia etiam doctissimi tam latè lapsi sunt, sic in diversum abierunt, ut credas eos non ad docendam Astrologiam sed ad dividendos seipfos convenisse. Quare minùs equidem miror, non posse Astrologiam à Natura præstari. Quomodo enim daret illa quod non novit? Quomodo autem noverit, quod scientissimi illius nesciverunt? Neque quidquam de Astrologia ex illis certius colligi potest, quàm esse ipsam incertam. Propter quod ego desinam viritum eos improbare. Quod enim pretium operæ ruentes impellere? Aut (quod infanius foret) rudera ipsa & ruinam demoliri? Plerique eorum non inimico, sed risu digni sunt, optimè supplodendi, si negligantur. Sed quoniam illi sibi invicem non segnius, quàm nobis adversantur, ostendam, ni fallor, quam immeritò singuli opinionibus suis veritatem, objectis Astrologiam vindicant.

# CONSULTATIO CIV.

*Recensent pro se primùm Astrologi plures veras prædictiones. De Nigidio Figulo ex Suetonio in Augusto, jam diximus. De Tiberio ultra præfigia futuri ejus principatus, apud Sueton. cap. 14. ita Lipsius in monit. & exempl. mon. 5. & 12. quem alibi adduxi.*

**E**Rat in Comitatu Tiberii, mathematici titulo Thrasyllus, cum Rhodi in exilio ageret, & Cajus, ac Lucius Cæsares etiam vivebant. Non desinebat tamen iste identidem Tiberio fidem facere certi Principatus; sed parum credulo, & jam de dolo etiam suspectanti, & ne subornatus ab æmulis ad eliciendas arcanas aliquas voces esset; arque adeo perdere eum statuit, & clam necare. Rhodi domum habebat, & in ea turrim, quæ rupibus imposita, mare ex alto despectabat. In hanc turrim ducit Thrasyllum cum uno fido, & valente liberto comite, certus, ut dixi, tollere, nisi fidem ei faceret prædictionis. Cum ascendissent igitur, cœpit interrogare, soli sumus, dic per quidquid carum habes, vera hætenus mihi dicis? De imperio etiam affirmas? Ille iterare, & sidera sic velle. Si de meo igitur statu compertum inquit, ex sideribus habes, de tuo & quid ais? Inspice. Ille thema ponere, situs ac spacia considerare, denique timere, pallescere, & exclamare, anceps, ac propè ultimum discrimen instare. Eo dicto complexus hominem Tiberius, verè conscium futurorum asserit, & quod de ipso meditabatur, si non satisfecisset, pandit. Aliud mirandum refert ibidem Suetonius: Ambulabat Thrasyllus in littore cum eodem Tiberio, navis longè conspicitur, ille statim affirmat Roma venire, & litteras, nuntiosque ab Augusto de reditu ejus asferre.

Aliud. Fuit Largius Proculus quidam, vir inter illustres, qui publicè in Germania prædixit, ipso tali die Domitianum obiturum. Cumque res ea ad Præsidem dimanasset, gratificaturus Domitiano, & simul quia hæc prætagia verita, vincit eum Romanam misit. Nec negavit, cum introductus ad Domitianum esset, imo magis magisque asseveravit. Jussus igitur in carcerem recludi, & asservari, donec dies is transisset tum puniendus; imo, ut res docuit, tum liberandus, & præfagii suspiciendus.

Aliud item. Fuit eodem tempore Alcletrio mathematicus, qui & diem & genus mortis Domitiani apud quosdam dixit. Vocatus ab ipso, eadem iteravit, quærentique Domitiano, ut eluderet; tu igitur qua morte periturus? Ille statim, fore, ut à canibus laniaretur. Tum Imperator ad fidem coarguendam extemplo abduci, & vivum exuri jussit, sive, ut Suetonius in Domitiano, priùs interfectum. Sed ut cunque horum, tamen extra Urbem via Latina homo uritur, scilicet ut nihil reliquum è cadavere esset, quod canes laniarent. Sed ecce nimbus subito ortus rogam extinguit, & ministri semiuertum relinquentes, diffugiunt, canes superveniunt, & vorant. Vespere cœnanti Domitiano inter alias fabellas ejus diei id refertur, & valde eum, sed frustra commovit. Munit se, domi hæret, neminem admittit, sed sui eum reperiunt, & Stephanus, cubiculariorum primus eadem patrat.

Id ipsum, quod Thrasyllo, accidit etiam Gaurico, qui cum Joannem Bentivolum hortaretur, ut ad pe-



des Julii secundi se reciperet, secus ipse cum suis omnibus profligaretur, soloque ædes sue æquarentur, ipsius iussu tormentis affectus est, quæ omnia multo ante à Coclite Bononiensi illi prædicta fuerant. Bentivolo autem evenit, ut fuerat prænuntiatum.

De Cardano etiam refertur, cum notaret genesim Catharinæ Mediceæ, uxoris Henrici secundi, Galliarum Regis, qui violento casu obiit, in hæc verba prorupisse: *Quoad Regem vereor à fati quidquam dicere.* Cum enim natus esset anno 1519. die 30. Martii, hora 19. m. 9. mortuus fuit violenter anno 1559. die 30. Julij. De Henrico tertio, Galliarum pariter Rege, à suo mathematico sepius monito, ut sibi caveret, tandem anno 1589. miserrimè confusus fuit. Addunt his Henricum Quartum ab omnibus suis mathematicis multo ante quam casus accideret admonitum, præsertim à Bombaste, Coisiero, Labrossa, & à Pelesio, ut sibi caveret anno 1610. mense Maij, neglectis omnibus, in publica via, eodem tempore, eadem die, & hora quam omnes prædixerant cavendum, in proprio curru à sicario, ferro interemptus est. Consulenti Agrippinæ super Nerone, responderunt Chaldaei, *fore ut imperaret, matremque occideret*, atque illa, *Occidat*, inquit, *dum imperet*, Tacit. annal. 14. Quod factum.

Profert speciatim Rophenus Picum Mirandulanum, qui duodecim libris astrologicas rationes refellens, ab Astrologis ad experimentum provocatus, & inspecta ejus genesi, trigesimo tertio ætatis anno illum à vivis emigraturum, omnes decreverunt, nec eos fefellit eventus, illo enim anno decessit Picus. Quo uno experimento existimarunt omnes astronomi duodecim illis libris, quos adversus astrologiam evulgaverat, responsum satis. Idem aiunt de Hieronymo Savanarola, quo infensorem non habuit hostem Astrologia, defuncto eo mortis genere, quo ab Astrologis prædictum fuerat. Mortuo Leone decimo Pontifice maximo, tradit idem Rophenus, quæsitum fuisse ex Paride Cæretario, Mantuano Astrologo ea tempestate celeberrimo, an Cardinalis Farnesius ex astris aspirare posset ad Pontificatum, qui in hæc verba, ut Cardanus refert, respondit: Sidera pro nunc non sunt disposita, sed in aliud tempus erunt benigniora. Pollicentur enim assumptionem ad summum gradum anno 1534. ob directiones Solis ad trigonum Mercurij cum testimonio Jovis, & Saturni, quo anno ille renunciatus fuit Summus Pontifex. Nec fuit mirum ait Cyprianus Leontius lib. 8. *aphorism.* violentam mortem Petri Aloysii ex genitura cognoscere, ex qua Lucas Gauricus, Lucius Belantius, alique permulti necem die 10. Septembris anno 1547. Placentiæ paratam, multo ante prædixerant; quorum suavis Paulus tertius literas illi dedisse fertur, quibus significaverat, ut caveret à die 10. Septembris, quo interemptus fuit. Sub hoc tempus, ipsum, inquit Sleidanus lib. 9. *comment.* Aloysio scribit Paulus tertius Pontifex, ut caveret ab illa die. Astra enim prænunciare aliquam insignem cladem. Acceptis literis erat in metu, & cum dies illa venisset magno cum comitatu lectica deportatus ex arce egreditur, ut urbis munitionem, quam instituerat, videret. Aderant conjurati, sed cum ibi minimè possent, quod vellent, exequi, subsistunt, & redeunt domum comitantur, & tanquam officij causa præcedunt. Vix autem in arcem pervenit, cum ipsum strictis pugionibus petunt, iteratimque vulneribus confodiunt.

Omitto genesim Alexandri Medicei, quam idem Cyprianus, Cardanus, Basilius describunt, Caro-

li quinti Imperatoris, Marcelli Cervini Pontificis, qui ex Hermete natus est anno 1501. Sexta Maij, cujus pater Astrologus publicè dixit: Hodie est mihi natus summus Ecclesiæ Antistes, Clementis VII. Julii II. Alexandri VI. Pauli II. Leonis X. qui, cum à Julio secundo creatus esset Legatus Apostolicus apud exercitum Hispanorum, & Italicorum contra Gallos anno 1512. propè Ravennam, profligato exercitu Pontificio, casisque Hispanis militibus à Gallorum, & Alphonsi Ducis Ferrariæ copiis, ab exercitu inimico comprehensus, & ductus ultra Padum juxta Mantuanorum civitatem in quodam contubernio detentus est, ex quo loco Arnaldus Papiensis, miles strenuus secum Legatum reduxit, quem Mantuam ingressum Franciscus Marchio regali excepit hospitio. Ibi Lucas Gauricus eo tempore degebat cum quodam monacho, qui, testibus ipsidem Gaurico & Arnaldo, ita est cum Legato loquutus: Vaticinor tuæ Celsitudini alteram Legationem magis honorificam, deinde non multis mensibus post, omnes tui ab urbe florida profugi, in patriam redibunt hilares cū honore maximo, & tu eris propediem Summus Antistes. Quod num eveniret, ex publicis documentis liquida veritas est. Statim enim ac liber evasit, cum ad civitatem Ticinensem advenisset, Julius secundus illi pro munere dedit Legationem, & post illius mortem erectus est Pontifex Maximus, cum ageret annum ætatis suæ trigessimum octavum, consanguineosque omnes, & parentes Florentiæ restituit.

Joannes de Lignano, doctissimus Jurisconsultus ac celebris astronomus prævidens ex genitura filium suum cruci affigendum, volensque fatali geneseos dispositioni prospicere, eum sacris initiari, ac liberalibus disciplinis apprimè fecit erudiri. Sed ne sic quidem evitare potuit vim fati. Nam cum eum patria Bononiensis pro pace componenda ad Martinum Pontificem maximum legatum misisset, & ipse magis ad exitum, quam commodum, patriam clanculo prodidisset Pontifici, idque post reditum Dominis innotuisset, eum nocte in furcas suspenderunt, quem, illucescente die, cum pater pendentem vidisset, deplorans dixit: *Eheu filium, tuum infelicissimum fatum nec humanis literarum adminiculis, nec divinis ministeriis superare potuisti.* Cicero quoque de nat. Deorum affert exemplum duorum fratrum, qui cum simul nati essent, etiam simul postea agrotare ceperunt, & eorum morbus pariformiter cepit ingravescere, & eodem medicamine sanati sunt, de quibus ait Possidonius astronomus, quod ideo hæc æqualiter, ac uniformiter illis acciderunt, quia constitutionem eandem astrorum in conceptione, & nativitate habuerunt.

Sed his, atque aliis respondetur aperiendo causas, cur permultæ quorundam Astrologorum prædictiones veræ fuerint, & cum rebus ipsis eventisque mirabiliter congruentes. Licet autem prædictiones Astrologorum plerumque falsas esse, verissimum sit; Quoniam tamen & olim proditum est à multis, hodieque admodum vulgare est, quin etiam à gravibus viris, quibus non credere difficile est, pro certo traditur, fuisse quosdam Astrologos, quorum pleræque omnes prædictiones veræ fuerunt, usu ipso, eventumque comprobata, & vix unum, aut alterum de plurimis eorum prædictis secus evenit, quam illi prænunciaverant. Concessa igitur veritate hujusmodi prædictionum, causas ejus disquiramus, qua scilicet ratione certò potuerint ab Astrologis futura prænunciari quæ, quod incerta sunt, vim & notionem humanæ intelligentiæ fugiunt. Equidem asseveranter affirmo, si quæ prædictiones Astrologorum veræ fuerint, earum veritatem non



non ex veritate, firmitateque artis astronoman-  
tica, cum nullam esse, satis superque osten-  
sum est, sed aliis ex causis proficisci, quæ qua-  
tuor sunt.

Prima est. Veritas istarum prædictionum non-  
nunquam provenit ex pacto, & societate, quam  
habet Astrologus cum dæmone, vel ex occulto  
eius afflatu, & instinctu, quo etiam nescientes  
homines ad divinandum instigantur. Hoc tradit  
Augustinus *extremo cap. 7. lib. 5. de civit. Non*  
*monito*, inquit, creditur, cum Astrologi mira-  
biliter multa vera respondent, occulto instinctu  
sui spirituum non bonorum, quorum cura est, has  
falsas & noxias opiniones de astralibus falsis inse-  
rere humanis mentibus, atque firmare, non horosco-  
pi motu, & inspecti aliqua arte, quæ nulla  
est.

Demon autem suggerit homini, quod ab eo  
divinatur, vel palam se oculis ejus aspectabilem,  
& conspicuum offerens, cumque futura huma-  
nis verbis prædocens, vel formatis in aëre voci-  
bus præsignificantibus futura citra ullam corporis  
speciem, & figuram; vel immissa scriptura ali-  
qua, quæ futurarum rerum prædictiones conti-  
neat; vel dormienti per somnia, aut vigili; affi-  
ciendo, & commovendo phantasiam, fingendoque  
phantasmata idoneè ad repræsentandum id, quod  
divinandum est, atque imitando hominem ad præ-  
dicendum id, id quod repræsentant phantasma-  
ta. Scire autem potest dæmon futura, quæ præ-  
docet hominem, revelatione Dei per bonos An-  
gelos facta. Nonnunquam enim Deus ad agen-  
dum aliquid utitur dæmonum ministerio.

Solet etiam dæmon prænunciare homini futu-  
ra, quæ ipsemet postea facturus est. Solet ob  
incomparabilem sui motus celeritatem, quæ in lo-  
gum locis, remotisque mundi regionibus gerun-  
tur, ea ad homines, qui longissime absunt,  
deferre. Potest item dæmon ex clandestinis con-  
siliis, verbis, scriptis, ex signis, quæ in cor-  
porum exterioribus, quam interioribus apparent, oc-  
cultas hominum cogitationes, & deliberatio-  
nes, tam præsentibus, quam futuris solertissime  
conspicere, cognitas habere. Idemque conjicit  
ex præparatione causarum, aliarumque rerum,  
quæ ad gerendum aliquid debent concurrere. De-  
nique ob incredibilem subtilitatem, & solertiam  
mentis, ob tantam tot millium annorum expe-  
rientiam, propter perfectam rerum omnium na-  
turalium, absolutamque scientiam, callidissimus,  
atque sagacissimus est ad præsentendum, ac præ-  
dicendum futura.

Hoc ipsum, quod hic docuimus, quia per-  
feliciter tradit Augustinus in *lib. 2. de Genes. ad*  
*lit. cap. 17.* libet verba ejus adscribere. *Deo facto*,  
inquit, *siderum quælibet eorum arguias, &*  
*quasi de mæhesti documentorum experimenta, quæ*  
*Apotelesmatica vocant, omnino à nostra fidei*  
*salutari respiciamus. Talibus enim disputationibus*  
*eorum orationis causas nobis auferre conantur, &*  
*in eis pervertuntur malis factis quæ rectissimè re-*  
*prehenduntur, ingerunt, accersandum potius Deum*  
*autorem scelerum, quam hominum scelera. Ideo-*  
*que facendum est, quando à istis vera dicuntur,*  
*instinctu quodam occultissimo dicti, quem nescientes*  
*humana mentes patiuntur. Quod cum ad decipien-*  
*dum homines sit, spirituum seductorum opera-*  
*tio est, quibus quædam vera de temporalibus re-*  
*bus nosse permittitur; partim quia subtilioris sen-*  
*sus acutissime, partim quia corporibus subtilioribus*

vigent, partim experientia callidior propter ma-  
gnam longitudinem vitæ, partim à Sanctis An-  
gelis, quod ipsi ab omnipotente Deo discunt etiam  
jussu ejus sibi revelationibus, qui merita humana  
occultissima justitia sinceritate distribuit. Aliquan-  
do autem iidem nefandi spiritus etiam quæ ipsi  
facturi sunt, velut divinando prædicant. Qua-  
propter bono christiano, sive mathematici, sive  
quilibet impie divinantium, maxime diuines vera,  
cavendi sunt, ut consortio dæmoniorum animam de-  
ceptam, pacto quodam societatis irretiant. Hactenus  
verba Augustina.

Istos autem veridicos, ut ferunt, Astrologos,  
dæmonum esse familiares, ac discipulos, multa,  
nec obscura sunt indicia. Primo improbitas mo-  
rum, vitæque impuritas, & sordes. Tum con-  
tempus omnium, quæ ad Christianæ disciplinæ,  
ac pietatis cultum, exercitationemque pertinent.  
Postea odisse lucem, fugitare conspectum, con-  
gressumque hominum, rardè versari in publico,  
fere in obscuro, & abdito, proculque arbitris  
vivere. Ad hoc, de ipsorum fide, ac religione,  
mala, nec sanè immerito, ac temerè, hominum  
existimatio. Denique multi de istis capti à Cen-  
soribus fidei nostræ, vel ulro, vel coacti, ha-  
bita scilicet quæstione, admotisque cruciatibus,  
suam cum dæmone societatem, & familiaritatem  
confessi sunt.

Secunda causa. Astrologos divinare futura non-  
nunquam accidit ex occulta divinæ providentiæ  
dispositione, quæ, ut in 4. & 7. libro confes-  
sionum inquit Augustinus, cæcas & improbas  
mentes consultorum aliquoties ignoto quodam in-  
stinctu sic agitat, ut nescientes proferant, quæ con-  
sultantes, vel ex eorum meritis, vel ex abyssu justi  
judicii Dei oporteat audire.

Huc referre etiam convenit sortes antiquis usi-  
tatas, quando videlicet versibus alicujus poetæ sor-  
tito acceptis, quid eis futurum portenderetur,  
inquirebant. Quo modo nonnunquam continge-  
bant illis carmina, vel præsentibus, vel futuris  
negotiis mirè congruentia; velut Alexandro Se-  
vero, etiamnum adolescenti, nec imperium spe-  
ranti, dum Virgilianas sortes scrutatur, versus  
ex libro *Æneidos* 6. exiere, qui futurum illi  
imperium præsignificabant his verbis:

*Tu regere Imperio populos Romane memento;  
Hæ, tibi erunt artes, pacisque imponere morem  
Percere subjectis, & debellare superbos.*

Nec mirum ita evenire, Deo volente, ideoque  
mentem movente, linguam moderante, & sor-  
tes apte ad id, quod præsignificari vult, miscen-  
te, ac temperante; qui non solum ex ore Ba-  
laam ariori, & falsi varis, sed etiam ex ore  
asinae, qua ille ariolus vehebatur, verissima fu-  
tutorum edidit oracula. Sed de his alibi jam  
dictum.

Neque hoc loco prætermittendum est quod val-  
de sapienter, & salutariter more suo monet Augus-  
tinus *lib. 2. de doctr. christ. cap. 22. & 23.* Ait enim  
permisso Dei nonnunquam usu venire, ut demon-  
es, vel per ipsos etiam homines multa vera  
prænunciant, quod nonnulli ejusmodi divinationi-  
um, etiam cum superstitione, atque impietate ni-  
mium studiosi, atque curiosi, noxia persuasione  
seducti, in majora, & magis execranda flagi-  
tia, ita se derelinqui à Deo promeriti, præce-  
dentibus suis peccatis, prolabantur. Præstat hic  
Augustini verba subscribere, valde observanda.  
Hinc fit, ait, ut occulto quodam judicio divino  
cupidi



cuilibet malorum rerum homines tradantur illudendi, & decipiendi pro meritis voluptatum suarum illudentibus eos, atque decipientibus pravaricatoribus Angelis, quibus ista pars mundi infima secundum pauperissimum ordinem rerum, divina providentia lege subiecta est. Quibus illusionibus, & deceptionibus evenit, ut illis superstitiosos, & perniciosos divinationum generibus multa præterita, & futura dicantur, nec aliter accedant, quam dicant, multaque observantibus secundum observationes suas eveniant, quibus implicari curiosiores fiant, & se se magis, in quibusque inferant multiplicibus laqueis perniciosissimi erroris. Hoc genus fornicationis anime salubriter divina Scriptura non tacuit, neque ab ea sic deterruit animam, ut propria talia negaret esse sectanda, quia falsa dicuntur à professoribus eorum; sed etiam si dixerint vobis, & ita evenierit, ne credatis eis, Deuter. 13. 1. Reg. 28. Non enim quia imago Samuelis mortui Sauli Regi vera prænuñciavit, propterea talia sævilegia, quibus imago illa præsentata est, minus execranda sunt; aut quia in Actibus Apostolorum 16. acutuloqua femina verum testimonium perhibuit Apostolis Domini; ideo Paulus Apostolus pepercit illi spiritui, ac non potius illius demonii correptione, atque exclusionem mundavit. Omnes igitur artes huiusmodi, vel nugatoria, vel noxia superstitutionis, ex quadam pestifera societate hominum & demonum, quasi pacta infidelis & dolose amicitia constituta, penitus sunt repudianda, & fugienda Christiano.

Tertia causa. Non pauci divinant, non tam peritia artis Astronomicæ, quæ nulla est, quam singulari quadam sagacis ingenii solertia, & multiplici humanarum rerum peritia, usque, & exquisita eorum hominum, quibus divinatio fit, negotiorum, morum, studiorum, & ingeniorum observatione, atque notitia. Etenim quidam sunt, qui perspectis quorundam hominum temperamentis, & affectionibus corporum, studiis item, exercitationibus, aut vitiis, multa eventura eis prævident, ipsique magna asseveratione, & auctoritate prænuñtiant, ac plerumque divinant. Ad hoc genus divinationum pertinet, si quis Principem tyrannico tractantem cives, & crudeli dominatu prementem, à suis cum occisum iri prædixerit, hominemque frequentissimum in furtis, & rapinis suspendio periturum, religionis contemptorem contra veritatem fidei, & Ecclesiæ Catholicæ auctoritatem ignis supplicio multatum iri. Hoc genere divinationis usus est Annibal, qui, perspecta imperitia, atque temeritate Terentii Varronis & C. Flamini Romanorum Cons. & Imperatorum, Afriis victoriam, Romanis insignem cladem valde fidenter prædixit, eamque prædictionem mox certaminis exitus plurimis Romanorum millibus interfectis, comprobavit.

Quarta causa. Non raro Astrologorum divinatio vera existit ob stultam consulentium credulitatem. Multi namque facillime credunt, quæ dicuntur ipsis de rebus, quas vel maxime optant, vel timent vehementer, atque perhorrescunt. Solent enim ejusmodi credulitas instillare animis consulentium magnam spem rei bonæ ab Astrologis promissæ, vel ingentem metum injicere tristitiam & acerborum casuum, calamitatisque ab illis prænuñciatæ. Hi autem duo affectus animi, cum potentissimi sint ad afficiendum, & commovendum hominem, crebro efficiunt, certe multum proficiunt, ut humana negotia ad præ-

dictos fines perducantur, Etenim vehemens quædam spes, ardensque desiderium excitant, atque incitant homines, ut ad bona ipsis promissa sedulo se comparent, & omnibus suis opibus, viribusque contendunt. Quo fit, ut ob eam rem plerumque quod intendunt, optatorum suorum, & alienorum promissorum compotes facti, perveniant.

Contra verò metus, pavor, horrorque prædictorum malorum, atque calamitatum sæpe faciunt homines cunctanter, ac dubitanter aggredi negotia timidè, ac negligenter persequi, & quocumque objecto impedimento turpiter ac infelicitè deferere, eaque ratione in prænuñciata ipsis mala delabi. Luculenta ejus rei exempla reperimus in Romano exercitu, cui, ut scribit Livius, cum auguria, & auspicia secreto inspecta infestum belli exitum minarentur, auspices, & duces, ne militem in arma euntem funesto nuncio consternarent, versis in contrariam partem auspiciis, omnia fausta & triumphalia portendi, & à Diis promitti mentiti sunt; quo mendacio militèr decepti milites, alacriter prælium inierunt, fortiter pugnarunt, & hostes, quos auguria victores fore præmonstrabant, feliciter vicerunt. E converso vero cum Nicias, dux classis Atheniensium incognita sibi Lunæ defectione portenditur ratur classis naufragium, si ea nocte portu egrediretur, cum stulto metu occupatus, oppressusque discessum differt, à Syracusanis cum tota classe captus est.

Præterea respondetur cum D. Thoma, inconsulte, calè, temere, ac per accidens prædicti futura fortuita, præcipue libera. Infinita enim passim prædicuntur ab Astrologis, quæ non comprobantur. Nec mirum. Qui enim assidue talis ludit, nonnunquam Venerem jacit. Sic isti cum millies mentiantur, quid mirum, si interdum verum dicant? Quemadmodum qui è domo egressus, pergit ad forum, cadente lapide casu, occiditur, sic casu, fortunæque, non ex siderum constellatione quandoque vera dicunt Astronomici. Quis est enim, ait Cicero lib. 2. de divinat. totam diem jaculans, non aliquando collimè? Vnde ideo Medina inquit: Hæc est temeritas, ac stulta credulitas, ut quis Astrologo sæpe fallaci dicenti, si in uno verum dicat, fidem adhibeat, veluti divinam, cum tamen hominem, alioquin probatum, si semel in mendacio deprehendat, indignum cui credatur, omnes arbitrentur.

Neque verò id oratione solum, sed multò magis factis comprobemus. Hebraei illi, qui Leoni Iarico vera quædam dixere, ob mendaces tamen prædictiones Arabia fuerunt expulsi, cum Zitaui Principem in infelicem eiconoclastiam propulsi, teste Zonara tom 3. Quis nescit Constantinum Scythatum Amentianum, qui & sibi, & Alexio Brani stulto vaticinio exitium attulit? Quis de Pancratio non legit, cum & Constantino, Irenæ filio Imperii cladis maximæ, & ipsi sibi necis causam fuisse? Quis ignorat Petri Leonis Spoletani inanem hujus martheis fiduciam, quæ Laurentio Mediceo, ac ipsi exitio fuit? Jovius in elog. Joannes, secundus Pontifex vitæ sibi longinquitatem ex siderum positura coram familiaribus suis in Pontificatu cum promississet, quantum post mensem prædictionis inopinanter corrumpente testudine novæ structuræ Viterbii oppressus, interiit, auctoribus Valerio & Stella in vitis Pontificum. Audiamus Marianam in histor. Hispan. quid testetur de Alphonso, dicto Sapiente, re tamen vera stulto, quem



quem astrologia infatuavit. Emanuel, ait, patiens, suo, & aliorum procerum nomine Alphonsium publica sententia in conventu pronuntiata, regno privavit, ea calamitate dignum, quod divinae providentiæ opera, & humani corporis fabricam, iniquis linguæ proacacitate, ingentique confidentia accusare ausus fuerit, ut vulgo hominum opinio est, ab antiquo ducta per manus, stoliditatem Numen iustissime vindicavit. Sapientiæ vanæ persuasio huc insipientiæ perduxerat. Sed forte astra memorant, portendisse ejus artis non ignaro, si ais est, & non potius inane mortalium ludibrium, quod a prudentibus semper accusabitur, sed tamen patronos habebit, ex eo ferunt suspicacem esse redditum, & ex metu crudeliter.

Liquet omnibus Galeacii, Ducis Mediolanensis, egregium factum. Cum enim Astronomanticus quidam ei mortem immaturam certo pronuntiaret, sibi que longissimam vitam, temerariam ridens ille stoliditatem, strangulati eum iussit. Vulgus est Ludovici Sfortiæ, Ducis item Mediolanensis vanitas ex Cardano in *Ptolemaem lib. 1. cap. 4.* de qua conqueritur Caietanus. Is enim habebat secum Astrologum individuum comitem, in quem plus centum auri talenta protulerat. Astrologus pro tanta mercede tempus unicuique negotio interdum præscribebat adeo ridicule, ut Princeps, alias prudens, & virtutis ac religionis amator, cogeretur imbribus, nimbi, procellis, turbinibus, cæterisque tempestatibus equum conscendere, & cum aulico comitatu, ac stipatoribus aliò migrare, non secus ac si hostium manus fugeret, tam infelici eventu, ut regno tandem à Gallorum Rege spoliatus, qui arbitrum Italiæ se jactabat, eratque captus tandem, in carcerem conjectus, colapho cælus claususque in clavis ferreis, obiit ad fortunæ utriusque, suæque stultitiæ ludibrium.

Quid de Petro Aloysio Farnesio dicam? Is jam de conjuratione certus, cæterum de personis, ac loco ignarus, ad vetitas artes postremo confugit, & incantationibus, ut rumor est, evocatum dæmonem de conjuratorum nominibus interrogavit; ille verò nihil aliud quàm ut diligenter in suam moneram inspiceret, respondit, in ea quippe locum conjurationis, & conscriptorum nomina reperiuntur. Id verò tunc minime intellectum pro delusione habitum, quod facta cæde verum fuisse, compertum est. Nam cum in antica parte Farnesianorum nummorum scriptum sit, P. ALOIS. Farn. PARM. & PLAC. DUX. vocis, Placentiæ, ut cædes facta est, prima quatuor elementa Pallavicinos, Landum, Anguisculam, & Consalonarium designasse. Quod inter memorabilia magicæ, atque astrologicæ delusionis exempla merito recenseri potest.

Quare Plotinum magni nominis Philosophum Platonicum scribit Porphyrius, cum diligentem astrologiæ operam dedisset, comperissetque tandem artis vanitatem, falsitatemque prædictionum, omnem Astrologiæ fidem abrogasse. Hinc libro, cui titulus de stellarum efficientia, risit & confutavit Astrologorum dogmata. Quod ægre ferens Martius multa super ejus mortem mentitur, quasi de eo pœnas sumperit fatum. Nam illa esse talissimam ex Porphyrio, ipsius Plotini discipulo, facie intelligitur, qui & genus morbi, quo discessit, & causam cur Roma discesserit, plane, fideliterque describit. Quod vero ad Pici mortem, poterat quisque vir prudens absque inspectione astrorum

prædicere illius mortem, visa facie, corpore imbecillimo, assiduis infirmitatibus fracto; Et de Savanarolæ morte violenta, cum hic prædicaret contra Principem durum ac immanem, narrant plures historici, concitatam fuisse partem populi contra ipsum ad necem usque, inique tamen apud Illescam in *hist. Pontif. & Bzoviam tom. 1. Anal.* qui & refert Alexandrum Pontificem, deplorando illius mortem, dixisse, potius canonizari, quàm condemnari virum, zelo accensum, debuisse. Potuerunt & Astrologi hosti vanitatis astrologicæ prædicere quod casu evenit, præcipue si constiterat illis Sanctam Franciscum Paulanum divinitus ejusmodi genus mortis per epistolam revelasse.

Deinde sic arguunt. Grandines, nubes, nimbi, fulgura, & tempestates à cælis, atque planetis efficiuntur, assumpto à terra vapore. Pestilentia, infirmitates, brutorum contagia, similia constat à cælorum defluvio proficisci. Ergo & ab iisdem in homines dantur mutationes, & majores quidem, nempe in corporum temperamento, in moribus, habitibus, ac propensionibus, salva tamen arbitrii libertate. Nam ex eisdem constant elementis, & qualitatibus corpora nostra, ac rationis expertia. Quare in brutis quasdam esse propensiones, neminem latet, dum quædam ad iram, alia ad mansuetudinem inclinant per siderum ac planetarum diversum afflatum. Idem igitur affirmandum de hominibus secundum varios humores, varias propensiones, & affectus appetitus sensitivi concomitantes. Quod est præcipuum argumentum Ptolemæi, Saturnum hæc influere, illa Jovem. Quia Saturnus est siccus & frigidus, Jupiter calidus & humidus, Mars siccus magis & fervidus. Ita de Planetis. Idemque sentit de stellis fixis, reliquas scilicet producere concomitanter ad primas qualitates, quas imprimunt. Et in rebus terrenis videntur quædam excellentes & admirabiles proprietates, quæ reduci non possunt in elementa, & illorum primas qualitates, sed in cælestium corporum influxus. Ut quod magnes trahat ferrum; æstus marinus, hic sit idoneus ad medendum, iste ad artes mechanicas, illa ad navigationem. Videmus item homines ita voluptatibus, ac libidini addictos, ut inde nulla persuasione abduci valeant, docetque Aristoteles, molles carne aptiores esse ad scientias. Mens igitur, ac ingenium sequitur corporis constitutionem.

His atque aliis hujusmodi respondeo. Meteorologica à cælis juxta dispositiones causarum inferiorum quoad partem sensitivam proveniunt. Quare à cælis tantum nequeunt certò conjici; ideoque ephemerides, ac prognostica lunaria quandoque fallunt. Homines autem inclinantur quidem ad mala ex prava institutione, ex improba consuetudine pravè vivendo; non tamen propterea negamus propensiones cælestes, quas sapientibus subjicimus. Temperamentum verò juvat intellectui, qui sensibus indiget, illorumque organis corporeis; at temperamentum, etiam materiale, non à cælo solum, sed à dispositionibus aliis sublunaribus determinatur, potestque homo semper, ut sæpe diximus, agere contra id, ad quod temperamentum inclinat, & sollicitat, maxime si sit probe institutus. Adoque cum Medina, quod, etiamsi rationalis anima mortalis esset, cælum non posset eam cogere, ut necessario sequeretur siderum constellationem,



lationem, & corporis constitutionem, sed adhuc haberet spontaneitatem. Unde bruta animantia non necessitantur, ut sequantur suas complexiones, quia potius possunt eis resistere. Si quis enim una manu ostenderet cani famelico cibum, altera baculum, certe hoc metu detineret canem, ejusque impetum naturalem, ne cibum apprehenderet. Quo probatur non esse bruta sicut res inanimatae, determinatae ad unum, sed juxta sensitivum appetitum appetunt bonum, fugiunt malum. Hic enim est eorum instinctus naturalis. Non tamen cognoscunt rationem boni, neque reddere sciunt causam, neque desinunt dependere à cœlis cum suis potentiis. Sunt enim corporeae ac sublunares, & consequenter à Luna, & à cœlis suscipiunt impressiones physicas, secundum quas, & secundum instinctum naturalem moventur, etiam ad opera, quae prudentiam redolere videntur. Unde non est ita in homine. Nam homo est liberi arbitrii, à Deo tantam dependens. Anima autem, ejusque potentiae spirituales sunt, atque adeo directe independentes à cœlis. Quod verò in rebus terrenis videantur quaedam excellentes, & admirabiles qualitates, quae reduci nequeant in elementa, ac in illorum primas qualitates, negant Joannes Picus *lib. 3. Torreblanca*, & alter Picus, concedit tamen Divus Thomas *in 2. d. 15. artic. 1. ad 1. & in quest. de Spiritu lib. creat. artic. 8. ad 12. & in 2. de celo, & in 1. part. loc. cit. & quest. 70. artic. 5. ad 2.* ex quibus loco citato contra gentes admittit regulam Ptolemæi, de nato sub Mercurio in aliqua domorum Saturni, quod excellat ingenio, & ad studia literarum idoneus. At ex hoc non inferitur divinatio, sed conjectatio incerta quoad propensionem, & generatim quoad actus liberos nihil determinando, vel affirmando.

Hinc idem Divus Thomas *ex opusc. 28. & opusc. 15. artic. 39.* quaerens, an licet, ascendendo immediate Mars, sit supra Solem, quantum ad situm, tamen sit immediate supra Lunam quantum ad dominium in hora Martis, ita respondet. Si dominium Martis & Lunae referatur ad liberum arbitrium, est erroneum. Si autem referatur ad res corporales & naturales, nulla sequitur absurditas in fidei doctrina. Dicit enim Augustinus *de civit. Dei*: Non usquequaque dici potest ad solam corporum differentiam afflatus quosdam valere sidercos. Imo etiam hoc verum est secundum ordinem dierum. Nam cum septem planetis septem horae secundum Astrologos deputentur, cum viginti quatuor horae sint naturalis diei, consequens est, ut prima feria in vigesima secunda hora diei Luna dominium habeat, sicut & in prima ejusdem. Unde recedendo à Saturno, vigesima tertia hora ei deputabitur, & vigesima quarta Jovi, prima diei sequentis Marti deputabitur. Sed hoc nihil ad doctrinam fidei pertinet, nec asserere, nec improbare. Ex quibus Divus Thomas approbat tantummodo influxum cœlorum, & planetarum in subcœlestia corpora, quodque diversis horis, atque momentis influant. Quod & verum est. Nobis tamen non est undequaque norum; nec si unum, aut alterum dicatur, fidei præjudicat, cum remaneat salvum, purum, ac illibatum liberum arbitrium.

Arguunt præterea, quod Plato, aliique nobiles Philosophi regiones plurimas peragraverunt, ut artem numeratorem addiscerent, asserente Aristotele, quod qui illam calleret, esset omniscius.

Nec loquebatur, ait Picus de arte numeratoria mercatorum secundum arithmeticam, aut geometriam apud Cosmographos. Hæc enim non potest id docere. Quærebant igitur Astrologiam judicariam, quæ numeratione siderum, orbium cœlestium, & planetarum, eorumque commensuratione, ac numerorum supputatione constaret. Ideoque est vera, & certissima scientia, ac subinde à Deo, ac proinde licita.

Hic argumento respondeo cum Pico, quod Philosophi quærebant scientiam omnium rerum, quatenus sunt conditæ numero, pondere ac mensura *Sap. 11.* Quare D. Thomas *part. 1. quest. 65. in fine artic. 7. post D. Augustinum lib. 1. de Trinit. cap. ult.* docet in qualibet creatura, etiam insensibili, reperi vestigium Sanctissime Trinitatis, quatenus scilicet qualibet creatura subsistit in suo esse, & habet formam, per quam determinatur ad speciem, ac etiam ordinem ad aliquid. Secundum autem quod est quædam substantia creata, repræsentat causam, & principium non de principio. Secundum quod habet quandam formam, & speciem repræsentat Verbum, quatenus forma artificiatum est ex conceptione artificis. Secundum quod habet ordinem, repræsentat Spiritum Sanctum quatenus est amor. Quia ordo effectus ad aliquid alterum est ex voluntate creantis. Ad primum refertur mensura. Ad secundum numerus. Ad tertium ordo. Ad quæ subdit Divus Thomas, reducuntur alia tria, quæ ponit Divus Augustinus *lib. de civit. Dei cap. 3.* modum, speciem, ordinem. Qui ergo hunc numerum, & ordinem omnium rerum cognosceret, omniscius esset in ordine ad creaturas, & quodammodo in ordine ad Deum. Omnis namque creatura, etiam insensibilis, Deum prædicat, & divinas personas secundum appropriationem jam dictam. Ideo Psalmographus ait: Cœli enarrant gloriam Dei, & opera manuum ejus annunciant firmamentum. Quod confirmat Hieronymus *lib. 1. in Matth. cap. 8.* Omnes creaturæ, inquit, sentiunt Creatorem. Quas enim increpavit, & quibus imperavit, sentiunt imperantem, non errore hæreticorum, qui omnia putant animantia, sed maiestate Conditoris, quæ apud nos insensibilia illi sensibilia sunt.

Unde idem D. Thomas *cit. quest. 65. artic. 1.* concludit, omnes creaturas, etiam insensibiles, ordinari in Deum, sicut in finem ultimum, quatenus in eis per quandam imitationem divina bonitas repræsentatur ad gloriam Dei. Nam, ut addit ibidem *quest. 44. artic. 4. ad 3.* omnia appetunt Deum, ut finem, appetendo quodcunque bonum, sive appetitu intelligibili, sive sensibili, sive naturali, qui est sine cognitione; quia nihil habet rationem boni, & appetibilis, nisi secundum quod participat Dei similitudinem. Unaquæque autem creatura intendit consequi suam perfectionem, quæ est similitudo perfectionis ac bonitatis divinæ; unde in divinam bonitatem, tanquam in finem res omnes, etiam insensibiles diriguntur. Quæ Plato, aliique Philosophi lumine naturæ cognoverunt, & ex Sacra Scriptura illis demonstrata ab Hebræis in Ægypto, ut alibi tradidi.



CONSULTATIO CV.

*An astra, si non sunt causa, sint saltem certa signa omnium futurorum?*

Sunt, qui asserunt apud Delrium *lib. 4. magic. cap. 3. quest. 1.* præ cæteris Origenes super Genesim, ut memorat Eusebius *lib. 6. de prep. Evang. cap. 9.* cum explanaret verba illa, quæ sunt in *cap. 1. Genes.* Et erant in signa, prodidit, astra esse à Deo posita in cælo, ut per varios aspectus & conjunctiones præsignificarent, quæ consequentibus temporibus tum universæ, tum singulatim eventura essent, non tamen ea efficiant. Itaque cælum esse dixit velut quendam librum, in quo Deus depinxit, atque descripsit quæcumque in toto mundani ævi decursu, suo quoque tempore futura sunt. Ad id probandum citat Origenes librum quemdam, cui titulus erat *Narratio Iosaphi*, olim apud multos in auctoritatem, ac fidem receptum, in quo Jacob Patriarcha inducitur Filios suos alloquens hunc in modum: *Legi, inquit, in tabulis cæli, quæcumque contingant vobis, & filiis vestris.* Idemque tenuit Plotinus, condiscipulus Origenis in libro, qui inscribitur: *Utram stelle aliquid agant.* Et in libro *de fato cap. 6.* hunc præterea stellarum usum esse tradit, ut qui illas suspiciant, & quasi literas considerent, qui nimirum hujusmodi literaturam noverunt, futura legant ex ipsis signis, comparatione quadam analogica eorum significationem, & intellectum solerter indagantes. Quin Porphyrius asserit, cum ipse de se interficiendo vehementer cogitaret, Plotinum hoc cælitus providisse & à tanto facinore eum prohibuisse.

Hanc sententiam Julius Sirenus *lib. 9. de fato cap. 35.* minime damnandum censet, & quo probabilem esse ostendat, aliquot ex divina Scriptura productis sententiis, eam ornat, confirmatque. Hoc enim, inquit, non obscure indicat Isaias, cum ait in *cap. 34.* Complicabuntur cæli sicut liber. Qua oratione significatur, cælos post diem iudicii convolvendos esse, atque complicandos, quasi nunc cæli instar cuiusdam libri sint explicati, & aperti nobis, haud dubio ad legendum. Eodem pertinet illud, quod est in *Psalm. 21.* Annuntiabunt cæli iustitiam ejus, & in *Psalm. 18.* Cæli enarrant gloriam Dei, & quod est in *1. cap. libri Genes.* de stellis, ut sint in signa & in *Psalm. 88.* Confitebuntur cæli mirabilia tua, Domine. Nec verò, inquit Origenes, hæc opinatio tollit liberum hominis arbitrium, non magis profecto, quam prædicta futurarum rerum à Sanctis Prophetis edita, vel præscientia omnium rerum; quæ est in Deo.

Idemque Sirenus, ne Augustinum quidem ab hac opinione abhorruisse putat. Quippe in *2. libro contra Manich. cap. 21.* cum is ageret de hominibus, quorum dum sunt in corpore mortali occulta sunt corda, ita scribit: *Neque enim in illis corporibus celestibus sic latere posse cogitationes credendum est, quemadmodum in his corporibus latent, sed sicut nonnulli motus animi apparent in vultu, & maxime in oculis, sic in illa perspicuitate ac simplicitate celestium corpo-*

Tom. I.

*rum omnes omnino motus animi latere non arbitror.*

Verum si quis locum hunc non prorsus inconsideratè legat, plane comperiet, Augustinum per cælestia corpora non intelligere orbes cælestes, sed corpora beatorum hominum post resurrectionem, cælesti gloria, & immortalitate donata, & ponere eum discrimen inter homines in hisce caducis corporibus viventes & eisdem post resurrectionem in glorificatis corporibus immortalem & beatam vitam agentes, quod illi arcana cordium multiplici simulatione callide tegant, & occultent, ideoque sæpe alios fallant; in his verò manifesta erunt omnium corda omnibus, omnisque prorsus aberit simulatio, fictio, atque deceptio. Atque hunc esse verborum Augustini germanum intellectum, ex proxime consequentibus ejus verbis, palam est, extatque apud eundem in *lib. 5. de civit. copiosa, & gravis confutatio.*

Pro hac quoque sententia Suarez *tom. 1. de relig. lib. 2. capit. 15. numer. 23.* refert Petrum de Alliaco *lib. de legibus, & sectis, & quest. 30. in Genes.* & hanc D. Augustinus *lib. 5. de civit. capit. 2.* ait, Non hominum mediocriter doctorum fuisse, ad quam quidem reducitur illorum opinio, qui, ut refert Divus Thomas *2. 2. quest. 95. artic. 5.* dixerunt, astra potius significare, quam causare futuros eventus.

Cæterum, astra esse signa rerum futurarum, non solum est alienum à vera Philosophia, sed etiam Sacris literis contrarium. At licet complures earum rationum, quas superius adduximus, etiam valeant ad id probandum, novistamen aliquot argumentis, quæ propriè ejusmodi sententiam refellant, hoc loco utendum est.

Et primo: Quod est naturale signum alicujus rei, id vel ejus rei causam, vel effectum esse, vel utrumque ab eadem superiori & communi causa proficisci, necesse est. Nam, quod præter hæc quartum membrum fingi posset, videlicet, ut illud signum necessariò sit conjunctum cum causa rei, ab illo significatæ, id non est diversum à tertio membro. Talis enim connexio, & conjunctio non aliter esse potest, quam ut causa illa prius ex se patriat id, quod est signum. Deinde id, quod est signatum, aut ut idem, quod causam excitat, vel admoveat ad agendum, simul etiam adhibeat, & applicet id, quod est signum ad præsignificandum. Utrumque autem horum ad communem causam refertur.

Hinc igitur argumentari licet ad hunc modum. Si cæli ac sidera sunt signa omnium rerum sublunarium, vel sunt earum rerum causa; sed hoc negat ista opinio; vel sunt effectus, quod nec illi dicent, nec ullus hominum sanæ mentis audebit dicere; aut quod tantummodo reliquum est, tam cælestia, quam sublunaria ab eadem superiori, & communi causa proveniunt, quemadmodum Iris signum est serenitatis, non quia sit ejus causa, vel effectus, sed quia eadem est communis utriusque causa. At causam communem cælestium corporum, & sublunarium necesse est esse, vel corpoream, vel incorpoream. Corpoream quidem nullam ponent isti. Nullum enim corpus superius cælis est. Relinquitur igitur, ut omnia referant ad causam incorpoream, hoc est, vel Deum, vel Angelos, qui movent cælos ita, ut, dum Angeli cælos movent, in ipsorum cælorum statu, habituque, & in siderum positu, & conformatione, quasi quibusdam suis nutibus, & tanquam notis, atque signis inibi descriptis,

Q. O. 3

eventa



eventa rerum humanarum prænotent, atque præmonstrent. At enimverò id multis de causis non est credibile. Etenim qui sic opinantur, fateri eos oportet induci homines ab Angelis ad maxima scelera, & execranda flagitia.

Deinde Philosophia docet, nec non & Theologia idem tradit, Angelorum nullam esse actionem, quam vocant transeuntem, & quæ proxime ab ipsis provenit, aliam, quam motum localem, nec Angelos posse quicquam proxime agere, præterquam movere motu locali. Angelos verò, qui circumvolvunt Orbis cœlestes, non aliter circa res sublunares operari consent Philosophi ac Theologi, quam per motum & lumen cœli. Per motum autem, & lumen cœli omnes futuros effectus rerum sublunarium clare, distincte, certoque præmonstrari, nemo dicit, qui verisimilia, & credibilia loqui velit.

Ad hæc, cum ejusdem causæ duo effectus se invicem necessario indicant, ut ab eadem causa, sic eodem quoque modo ab illa provenire debent; alioquin fieri non potest, ut se invicem certo indicent. A Deo autem, & Angelis, quæ in corporibus cœlestibus fiunt ex necessario, & invariabiliter se habent. Quæ autem in his, quæ sunt infra Lunam, valde mutabiliter, & ut ita loquar, defectibiliter contingunt.

Et sane, quomodo astra, quæ sunt certo numero comprehensa, & semper uniusmodi & necessario ac immutabiliter ita se habent, signa esse possunt omnium rerum futurarum, quæ prope modum infinitæ sunt multitudine, ac varietate, & inter se plurimum differentes, atque discrepantes? Quomodo eadem siderum positura, & conformatio, sub qua vel Gemini, vel alii quamplures eodem puncto temporis nascuntur, potest esse certum signum proprie ac distincte præsignificans tot, tamque varios ac dissimiles casus, & eventus, qui in illis cernuntur? Quare, si astra sunt signa rerum futurarum, earundem quoque causas esse fatendum est. Quod si causas esse negamus, etiam signa esse, negandum est.

Dices. Cometas, qui in sublimi aëre generantur, signa sunt, quæ insignes admodum catus futuros portendunt, quorum tamen cometæ nec causæ sunt neque effectus. Quare idem quoque astris accidere respectu rerum sublunarium, non est incredibile. At vero Cometas certa signa humanorum casuum & eventuum nunquam concedimus, licet hoc tam vulgò persuasum sit, quam est à sapientibus improbatum. Quod si hoc cum vulgò consentientes opinaremur, diceremus Cometas à stellis rerum futurarum effectricibus excitari, ut eas res antegressi præmonstrent. De stellis autem secus est. His enim nulla est corporea causa superior.

Sed quid multa? Coguntur istius opinionis auctores, quanquam id minime velint: Fati necessitatem inducere, & quidem magis etiam quam qui stellæ faciunt causas rerum sublunarium. Etenim, ut stellæ causæ sint eorum, quæ fiunt infra Lunam, non ideo tamen Fati necessitas existet. Quod enim illarum afflatu, defluxuque in terris esset efficiendum, id posset vel contrariis materiæ affectionibus, vel obstantibus causis particularibus impediri. At, si astra naturaliter futurarum rerum signa sunt, omnino evenire necessarium est, quod ab illis significatur; alioquin essent signa inania, & fallacia. Et cum Deus ea instituisset ad significandum, & in cœlo, tanquam in quodam volumine ea descripsisset, veluti notas futurarum rerum indices, si eventus rerum cum illarum significationibus non

congruerent, vel Deus, earum auctor, & institutor, ignorans esset futurorum eventuum, vel fallax.

Denique, si astra præsignificarent, quæ futura sunt, aut præmonstrant, quæ facienda sunt à causis particularibus, non quidem omnibus, sed aliquibus tantum. Sed hoc improbable est, ac figmenti simile. Cur enim stellæ prænotent futuros effectus aliquarum particularium causarum potius, quam aliarum? Vel cur non similiter præmonstrent omnes, cum omnium similis ratio sit? Aut stellæ præsignificant omnes futuros effectus causarum omnium particularium. Hoc si est, nullæ profecto reliquæ fient causæ, per quas quo minus eveniat, quod à stellis præsignificatur, impediri ac prohiberi queat. Ex quo fit necessario, ut omnia, quæ infra Lunam fiunt, immutabili necessitate Fati nexa, victaque teneantur. Quod nec istius sententiæ defensores sentiunt, & id sentire impium est.

Testimonium autem illud Isaïæ. *Complicabuntur cœli sicut liber*, quod inter cætera Scripturæ testimonia, nonnihil negotii facessere videtur, variè interpretatum reperio, ita tamen, ut nulla interpretatio, quæ modo vel probati sit auctoris, vel sit ipsa probabilis, quicquam illi sententiæ suffragetur: Justinus Martyr respondens ad quæstionem 94. Orthodoxorum, qua quærebatur quemadmodum intelligendum esset, quod dicitur ab Isaïa, fore, ut cœlum aliquando velut liber explicaretur, sic ait: *Quomodo cœli creationem divina littera per similitudinem conferunt aliquando cum pelle extensione, dicentes: Qui extendit cœlum sicut pellem Psal. 103. aliquando cum firmamento: Cœlum, inquit, cum firmamento est, Isaïa 54. juxta septuaginta Interpretes; aliquando cum reformatione camera: Qui extendit, inquit, cœlum, velut cameram. Sic & diverso, cœli dissolutionem per comparationem conferunt cum aliis rebus, ut apud Isaïam 40. cum volumine involvendo & implicando, sicut apud Davidem Psal. 101. cum vestimento contrahendo, & contrahendo.*

Hieronymus verò super illis verbis hæc scribit: *Considerandum, quod non dicat, intrare cœlos; sed replicari, sive complicari, quasi librum, ut postquam omnia peccata aperta fuerint, & relecta, complicentur qui prius aperti fuerant, ut nequaquam ultra scribantur in eis delicta multorum. In Scriptura enim dicuntur cœli annunciare justitiam Dei, revolare iramejus, & probare, ac testificari hominum scelera.*

Divus Thomas, & Nicolaus de Lyra aliter exponunt: *Complicabuntur, inquit, cœli, tanquam liber, hoc est, non exercebunt ultra ethnici astringentiam suam, nec posthac ex astris divinare audiant eventa hominum, quasi legerent in sideribus descriptos casus, & eventus futuros. Alii sic interpretantur: Non patet amplius introitus in regnum cœlorum, sed janua cœlestis clausa erit. Sunt etiam qui explanent hoc modo: Ministerium, & usus cœlorum, atque siderum exhibitus homini ante diem judicii, postea esse desinet. Nam licet non profus interibunt cœli, alio tamen statu erunt, & quibus nunc funguntur ministeriis & obsequiis hominum causa, ab illis post diem judicii quoquo modo vacabunt; quæ vacatio pulchre declaratur ab Isaïa similitudine libri, quem postea quam eo usi sumus, nec amplius nobis usui futurus est, complicare & claudere solemus. Alii quod non amplius cœli indicabunt serenitatem, pluviam, astatem, hyemem: Hæc enim & similia sine motu cœli non significan-*



est, sicut nec fiunt. Alii, ut Suarez *loc. cit.* annotat, locutionem illam esse metaphoricam, quam, si admitteremus, in hoc consistere oportet, quod sicut liber involutus legi non potest, ita nec in cælis post diem iudicii legi poterit. Ergo, dices, nunc aperti sunt, atque adeo possunt in eis legi omnia futura. Id non sequitur. Non enim in quolibet libro res omnes leguntur. Intelligendum est igitur de significatione earum rerum, ad quas creati sunt, nempe serenitatem, & pluvium, æstatem, & hyemem. Hæc enim sicut sine motu cæli non fiunt, ita sine illo non significantur.

Nec displicet interpretatio eorum, qui aiunt, illa similitudine declarari, tantam fore divinæ iræ, ac vindictæ demonstrationem adversus gentes, de quibus illuc Isaias loquitur, tantam rerum omnium perturbationem, & confusionem, tantam denique hominum tristitiam, dolorem, & conflictationem, ut præ magnitudine maroris, atque doloris, & præ animi perturbatione, & oppressione, videantur hominibus cælestia lumina restingui, stellas de cælo cadere, motusque earum conturbari: denique cælum complicari, ac recedere; nam quod hic dicitur complicari, in Apocalypsi dicitur recedere, vel abire. Sic enim habet cap. 6. *Et cælum recessit, sicut liber involutus.*

Sed quo planior sit, & facilior ad intelligendum, etiam non valde doctis, similitudo libri, qua usus est Isaias, sciendum est, apud Hebræos antiquitus, & nunc etiam libros Sacros diversâ forma scribi, & compingi solitos esse, quam nunc scribuntur libri apud nos. Habent enim unum duntaxat folium, sive membranam oblongam, quæ circa cylindrum, sive axem ligneum circumplicatur, instar lineæ telæ radio textorio circumvolutæ. Videntur autem huiusmodi libri aliquam referre cælorum similitudinem, & imaginem. Quia sicut axem illum ligneum, qui in medio voluminis est, complures ipsius membranæ, seu spiræ, altera super alteram ambiunt, & circumdant, ita hanc terram, quæ medium totius universi axem tenet, cælestes orbes alter super alterum collocati, in orbem circumplectuntur.

Hæc de testimonio Isaiæ, cujus cum tam multæ ac variæ sint expositiones, nulla earum tamen mirificos istos astrorum Lectores, Interpretes, Logodædalos, ac Vates adjuvat.

Neque oppositum colligitur ex illo Genesis cap. 1. Nam verba illa, *ut sint in signa*, intelliguntur de signis naturalibus, non de signis ad placitum. Quia Sol, & Luna suo motu tempora dividunt, ac numerant annos, atque sic, tantquam causæ effectuum temporalium sunt simul signa ad cognoscendum tempora apta ad usum huius vitæ, ac ita hunc locum explicant Augustinus, Cyrillus Hierosolymitanus, Basilii, Ambrosius, Aquinas, Caietanus, Pererius aliique. Quod verò ad Deum, cujus sunt effectus, sunt signa naturalia, eo modo, quo effectus significant causam, sicque enarrant gloriam Dei, & gloriam ejus annunciant.

Loci verò illi Psalmorum loquuntur per prophetiam; quo modo dicitur: Audi terra, quæ loquor. Nam cælum & stellæ sua pulchritudine, vastitate, ac splendore omnipotentiam Dei nobis jugiter prædicant. Ita Hieronymus, Euthymius ad eos locos.

Quod verò ad Origenem, plures eum tutantur, quasi ex aliorum sententia quos impugnat, loquutum fuisse, de quibus ante verba citata dixerat: Quare, nisi pertinaces sint, nihil humanarum rerum effici, sed forsitan significari concedent. At Vives, aliique contendunt, Origenem hunc errorem tradidisse in *com. Genes.* Referente namque Eusebio *cit. lib. 6. cap. 9.* sic habet: Quemadmodum potestas humana minime tollitur, quamvis Deus quæcunque facturi sumus, prævideat, ita etiam signa, quæ ad significandum divinitus ordinata sunt, libertati nostræ nequaquam officiant, sed est universum cælum, quasi liber quidam apertus, omnia futura in se conscripta continens. Qui verò defendunt Origenem, hæc illum subiisse contendunt: Hieremias autem, ut hominem ad se ipsum converteret, atque formidinem, quæ à signis impenderet, auferret, atque ut omnem forsitan huiusmodi opinionem ab hominum animo reiiceret, inquit, à signis cæli, ne timeatis. Non quod significant, sed quia ita credunt scioli. Sed utinam Origenes nunquam errasset. Constat enim plurimis erroribus antiquorum infectum fuisse, ut sæpe annotat Divus Thomas. Oratio autem illa Josephi, quæ fertur relata ab Origene, reiicitur ab Athanasio in synopsi, ut observavit Suarez *loc. cit. post Pererium cap. 45. Genes. sub initio.*

## CONSULTATIO CVI.

*An saltem verum ac licitum sit iudicium Astrologorum de Corporum constitutionibus, & inclinationibus hominum, eorumque passionibus appetitibus sensitivis, & per eas de actionibus humanis?*

Videtur negative respondendum. Nam Sixtus V. in sua Constitutione admittit tantum Astrologiam circa agriculturam, navigationem, & rem medicam, & prohibet iudicia & nativitates hominum fieri, quibus de futuris contingentibus, fortuitivis casibus, & actionibus ex humana voluntate pendentibus, etiam si incerto se affirmare protestentur. Quare Sylvius 2. 2. *quæst. 95. articul. 5.* tradit, vanum ac temerarium esse, vel le ex astrorum aspectu prædicere alicujus hominis temperamentum, & inclinationes, ut quod futurus sit melancholicus, luxuriosus, iracundus. Istæ namque inclinationes, ait, magis pendent ex parentum temperamento, ipsorum ac proles nutritione, quam ab astris. Et quoniam aspectus astrorum, ex quibus habetur talis conjectatio, imperfectissime, ac difficillime cognoscuntur. Rapidissimus namque cæli motus in causa est, ut constellatio prius transeat, quam ab Astrologo queat exacte notari. Et quia constellationis virtutem Mathematici statuunt in puncto nativitatis. At magna est mora in exitu omnium membrorum; nec motus ille successivus potest habere proprium esse, cum per proprium non esse incipiat. Quare diversa essent attendenda hominis temperamenta secundum successionem membrorum nascentium. Ita etiam Gregorius *Homil. 10. in Evangel.* Ac demum quia ad



hominum prædictiones potius animationis, quam nativitatis punctum esset spectandum. Si namque vis astrorum terræ profunditatem penetrat, cur & non maternum uterum, in quo est fœtus tenerimus, atque iocundo impressionibus corporeis apprimere subiectus? At istud punctum ignoratur. Unde, si majori certitudine hæc prædicantur ab astris, quàm revera sciri queant, vitium est temeritatis, ac impudentiæ, vel etiam mendacii, quod tamen non excedit culpam venialem, neque pertinet ad superstitionem, ab Ecclesia damnatam, cum nihil de liberi arbitrii actibus, aut futuris, aut occultis eventibus prædicat, sed naturales inclinationes tantum, ideoque absque damno, vel scandalo. Sic etiam Sanchez in *decal. lib. 2. cap. 33. Filiuc. tract. 24. cap. 4. num. 81. & seqq. Laiman. lib. 4. tract. 10. num. 5.* At Sixtus V. iussit Inquisitoribus omnem astrologiam, præterquam circa agriculturam, navigationem, & rem medicam, si etiam non certò pronunciet. Quare saltem pertinet ad astrologiam prohibitam ab Ecclesia, etsi superstitio non sit.

Adstruit autem Serra in *1. part. quest. 115. art. 4.* posse Astrologos per conjecturam, non tamen certò ac syllogistice ex cælorum motibus, & astrorum influentiis cognoscere corporum constitutiones, eodemque modo inclinationes, & passionem appetitus sensitivi, non autem ex astris immediate aliquo modo judicare possunt ac prædicere bonitatem intellectus, liberas electiones, & actus humanos; in communi tamen, nullo modo in speciali. Quod & admittit Sylvius & Carena, & antea Delatorre *cit. quest. 95.* nempe quod natus sub tali, vel tali constellatione erit propensus ad iram, vel ad venerea, & forsitan rixosus. Non tamen poterunt prædicere, hic mulierosus erit, rixas excitabit. Tum quia potest esse sapiens, & astris dominari. Tum quia potest homo recte educari habere sodales, magistros, vel parentes optimos.

Chassineus verò in *catal. glob. mundi pag. 10. confid. 57.* & ultima, tradit astrologiam partim naturalem, partim superstitiosam. Naturalis, autem dum prosequitur Solis, & Lunæ cursus, vel stellarum, cæterasque temporum stationes, Superstitiosa verò illa est, quam mathematici sequuntur, qui in illis augurantur, quique etiam duodecim cæli signa per singula corporis membra disponunt, sideroque cursu nativitates hominum, ac mores prædicere conantur, ut inquit Hidorus *3. clym. cap. 26.* probatque rationibus dependentiam inferiorum ab astris, ac etiam cursus humanarum rerum, de quibus ait, Astrologorum potissime divinatio, cæli fatique potestatem, vel nolentibus undique persuadere, videtur, in quo varietas ipsa familiaris, & frequentissima. Tum multa supra vires nostræ mortalitatis fieri videmus, multa præter rationem, & meritum, plurima præter ordinem, & institutum conditionis humanæ, quæ causas alibi, quam in cælo habere nullas posse videntur. Hic idoneus ad philosophiam nascitur, ille ad poësim. Unde ista varietas ingeniorum? Alexander Orientem tam citò vicit, quam vidit. Unde impetuantæ felicitatis Quæ vis Aristoteli, Platoni, aliis naturæ secreta relevavit.

Tenendum est primò Astrologi possunt ex cælorum motibus, & astrorum influentiis conicere de corporum humanorum constitutione. Est communis sententia contra Picum, & Turreblancam, eamque docet Divus Thomas *3. contra*

*Gent. cap. 84. & 92. & quest. 5. de verit. art. ult. & 1. 2. quest. 9. art. 5. & quest. 115. art. 4.* Nam astra influunt in hæc omnia inferiora corpora. Ergo etiam in corpus humanum, atque adeo in ejus temperamentum. Et jam probavimus alibi ex Aristotele *lib. 1. meteor. apud Divum Thomam lect. 1. mandum istum* superioribus motionibus necessariò quodammodo esse agitarum, ut ejus inde omnis facultas regatur. Quare *lect. 14.* circulum Zodiaci, in quo manifestè movetur Sol, ait esse primum principium pluviae, roris, pruinae, nivis, & aliorum quæ in aëre generantur. Et *lib. 2. lect. 9.* docet, Solem esse causam, quæ movet ventos, eosque cessare facit. Sic aestus maris provenit ex impressione Lunæ ex eodem *quest. 105. part. 1. artic. 6. ad 1. & questione 110. artic. 3. & 115. & lib. 2. de Cælo lect. 12. passimque alibi.* Quod & confirmat Basiliius in *hexap.* traduntque Patres speciatim de homine, ut Damascenus *lib. 2.* inquit, quod alii, & alii planetæ diversas complexionem, ac habitus, & dispositiones in nobis constituunt, Augustinus *5. de civit. faterur*, quod non usquequaque absurdè dici potest ad solas corporum differentias, afflatus quoddam valere fideos. Ideoque ait Avicenna *lib. 2. sen. 1. doct. 3. cap. 1. & sen. 2. doct. 2. cap. 8.* juxta diversitatem climatum diversitas sortiri homines complexionem ex sole, & stellis, de quo alibi fufius.

Dixi autem conicere. Quoniam, ut docet Divus Thomas *opuscul. 28. cap. 4.* per conjecturam tantum potest procedere Astrologia circa effectus sublunares, dependentes ab astris. Quare in *1. dist. 38. quest. 1. art. 5.* ait, iudicium Astrologi de ventis, ac pluvius futuris solum esse scientiam conjecturalem. Unde rectè Filiucius *loc. cit.* tradit, quod incerta debet prædici inclinatio pueri nascentis, non nimis probabilis. Idemque asserit Carena *part. 2. tit. 12.* citans Conimbricenses Suarez, Rubium, Lessium, qui probabilem tantum, & incertam admittant prædictionem temperamenti, & infirmitatum. Non enim hæc pendunt solummodo ab astris, sed à qualitate seminis parentum, cum duo eodem coitu geniti diversam fortunam consequantur, diversitate regionis, & ex ipsa etiam educatione, & consuetudine, ut per Ptolemæum in *quadrip. lib. 1. cap. 1.* ubi Cardanus observat, has tres causas, à Ptolemæo recensitas, principales numerari in constituendo temperamento hominis, ut proinde Abulensis contendat, amplificantibus Torreblanca, & Moura, quod Hispani tenaciores sint in colendo Deo accepto, & obediendo Prælati. At Galli de hoc ipso se jactitant. Referente namque Andrea Laurenti *lib. 1. de sanit. frum. cap. 10.* Agathius, Græcus autor *lib. 1. de reb. Gothic.* scribit, Francos inter omnes Christianos rectissimæ esse fidei, ideoque fore credit, ut imperium habituri sint maximum, firmissimum, & diutissime duraturum. De Gallis dicebat Hieronymus; unicam Galliam caruisse monstris. At hodie unde tot opinionum monstra? Angli de innata sinceritate, & obedientia suo Principi gloriabantur. An etiam modo? Utinam.

Si hæc igitur prædictio non extendatur ad futuros casus fortuitos, neque ad ea, quæ à libera hominis voluntate pendunt, sed sistat tantum in naturalibus effectibus, & inclinationibus, ac temperamento corporis, non est per se mala.

Quia



Quia temperamentum corporis humani, ut diximus, procedit à causis naturalibus. Ergo verisimiliter credi potest, magnam vim in eo habere celestes influentias, & consequenter possunt Astrologi prædicere pueri infirmitates ac illarum tempus, & similiter naturalem inclinationem ad iram, ad hæc, vel illa studia, ad timiditatem, audaciam, continentiam, quæ ex corporis temperamento conijcere possunt. Ideoque talis prædictio non est per se mala. Quia nec pactum implicitum cum dæmone continet, nec fundatur in astris, ut in puris signis, sed ut in causis naturalibus, neque de se est alicui noxia, neque est prohibita, quia nec damnatur per Sacros Canones, per Leges, aut per Constitutionem Sixti V. in tantum prohibetur iudicium, & prædictio alicujus casus fortuiti, vel pendentis à libero arbitrio. Atque ita, præter citatos, docent etiam Caietanus in *dist. quest. 95. artic. 5. 2. 2.* Suarez *tom. 1. de relig. lib. 2. cap. 11. numer. 8.* Fagundez in *decal. lib. 1. cap. 78. num. 5.* Carena d. tit. 12. §. 12. num. 79. & 86. ac Delbene de offic. S. Inquis. p. 2. dub. 222. sect. 2. corol. num. 1.

Idque ramen non certè, ut dictum est. Quia ex multis causis ac multipliciter impediri potest. Quare Caietanus, & Suarez *loc. cit.* affirmant vix conjecturam, ac suspensionem dici posse. Præsertim quia, ut notat ibidem Suarez ex Augustino *lib. 5. de civit. cap. 2.* qualitates, & conditiones rei generandæ magis pendent ex dispositione materiæ, ex qua generanda est, & ex efficacia proximæ virtutis activæ, quàm ex influentia celorum.

Atque ex his refellitur opinio Hurtadi, qui *disp. 2. de celo, & mundo* voluit, posse Astrologos scire diem, ultra quam quis vivere non possit. At nunquam certò prædicti potest, quicquid etiam dicat Carena. Irridendum vero est Boneri placitum dicentis, neminem posse ultra nonagesimum annum vivere ob triplicem revolutionem Saturni. Contrarium enim nos docet quotidiana experientia. Unde recte censuit Abulensis *cap. 19. & 26. quest. 29.* non posse certò Astrologum prædicere sano infirmitatem, ex astris illis imminuentem, perperam clamante ibidem Carena ex rationibus jam adductis. Quare Arriaga *disput. de celo, sect. 6.* probe advertit, non posse Astrologum ex astris prædicere puero infirmitatem, ex crapula proveniente, si intelligatur in particulari, bene in communi, ac non certe & cum maxima formidine ex cognitione propensionis, & habilitatis ad crapulam, & passiones. At mors potest provenire, vel concitari à crapula, ab aère, ab otio, à laboribus, ab aliis, quæ dependent à voluntate. Ergo non potest ullo modo illa in particulari certo conijcere, ut opinatur Carena.

Quod etiam ita limitandum est, ut minor certitudo habeatur ex astris; primum de temperamento, deinde inclinationibus, postremo de infirmitatibus. Atque iccirco Abulensis, Caietanus, Delrius, Nazarius, Suarez, Delatorre annotant, quod Astrologus magna cum cautione prædicere debet, dicendo: Existimo, vel credo, has inclinationes portendere Cælum huic infantulo, nisi aliunde impediatur. Ideoque Ptolemæus, vel quisquis sit autor centiloquii; negat enim Cardanus, esse Ptolemæi, etsi D. Thomas *l. c. cit. contra Gent. & alibi* sub ejus nomine illud referat, id ait, medium tenere inter necessarium, & possibile. Suarez autem vult ad suspensionem quandam

vix pervenire, Delrius etiam suspensionem tantum id appellat. Delatorre, Sylvius, alii Theologi vix nomen conjecturæ mereri, inquirunt, præcipue dum de liberis aut mere contingentibus futuris prædicatur, etiam in communi.

Secundo tenendum est. Astrologus cognoscere potest inclinationes, & passiones appetitus sensitivi. Hæc assertio est consentanea præcedenti. Ut enim docet D. Chrysostomus *homil. 82. in Matth.* accessus complexionum ad seipsos opponere medici consueverunt, & calidioris quidem, & humidioris corporis procliviorum esse aiunt ad Venerem, siccioris verò impetuosum, atque iracundum. Quemadmodum igitur possunt Astrologi modo jam dicto conijcere complexiones hominum, ita & inclinationes, & passiones appetitus sensitivi. Confirmatur ex D. Thoma *cit. quest. 115. art. 4. ad 3.* ubi docet, corpora cælestia imprimere in appetitum sensitivum, ad ejusque passiones cooperari, & 1. 2. *quest. 9. artic. 5. pariter ad 3.* sic ait: appetitus sensitivus est actus organi corporalis. Unde nihil prohibet ex impressione corporum cælestium aliquos esse habiles ad irascendum, vel concupiscendum, vel ad aliam hujusmodi passionem. Et 3. *contra Gent. cap. 8.* hoc idem comprobatur his verbis: Imprimunt cæli in corpora nostra, ad quorum mutationem insurgunt in nobis aliqui motus passionum, vel per eorum impressionem efficiuntur habiles ad aliquas passiones, sicut colerici sunt proni ad iram.

Tenendum tertio est. Non possunt immediate prædicti actus humani ex astris, ne cum dubio quidem, ac non certò, & cum formidine. Quare talis prædictio provenit ex vana, & falsa opinione, ait Divus Thomas *ca. quest. 95. art. 5.* sicque operatio demonis se immiscet. Unde erit divinatio superstitiosa, & illicita. Corpora enim cælestia non sunt causæ, neque signa humanorum actuum. Conijci ergo ex illis immediate, aut prædicti etiam non certo & cum formidine non possunt. Imò nec probabiliter, sed superstitiose agunt, & graviter peccant. Nam illud dicitur esse probabile, quod firma ratione fulcitur, nec habet contra se rationem convincentem, quæ solvi non possit, ut docent Sanchez in *decal. lib. 1. cap. 9. num. 6.* Valentia *part. 2. disp. 2. quest. 12. punct. 4. quest. 1.* Vasquez 1. 2. *quest. 19. disput. 62. cap. 4. num. 8.* Azor. *part. 1. lib. 2. cap. 9.* Sayrus *lib. 1. cap. 6. num. 7.* Filiuccius *tract. 21. capit. 4. numer. 133.* Astrologorum autem prædictio actionum, ex hominum voluntate pendentium sub specie probabilitatis, solum fundatur in regulis astrologiæ judicariæ, quæ ex Solis astris imperfectissime ac difficillime cognoscuntur, neque ita firma ratione fulciuntur, ut non habeant contra se rationes convincentes. Atque adeo actiones hujusmodi, ne, ut probabiles quidem, ab Astrologis ex solis astris prænunciari possunt, & si ut tales prænunciantur, ex industria & disciplina dæmonis prædicuntur, & consequenter est prædictio superstitiosa, & mortale peccatum. Quod etiam docent Suarez *tom. 1. de relig. lib. 2. capite 11. numer. 31.* Sanchez *loc. cit. capit. 38. numer. 33.* Valentia 2. 2. *disput. 6. quest. 12. punct. 3.* Lessius *lib. 2. capite. 4. dub. 6. numer. 43.* Delrius *libro 4. magic. capit. 2. quest. 3.* Quare si prædicunt Astrologi, aliquem tali morte, vel tali tempore moriturum, vel futurum Episcopum, furem, & similia, graviter peccant, suntque puniendi, etiam si



etiam dicant se non certo affirmare, sed solum esse probabile.

Secus verò quando non ex solis astris, sed ex aliis circumstantiis, & causis particularibus sumeretur probabilis conjectatio, ut ex temperamento personæ, atque ex aliis ejus actibus. Nam talis observatio non est divinatio, sed providentia. Ideo, si inter alias conjecturas, consideretur etiam aspectus astrorum, tanquam ad aliquid conducentis, hoc non pertinet ad superstitionem, sed ad naturalem astrologiam, quæ illicita non est, ut per Suarez, Sanchez, ac Lessium locis allegatis.

Tenendum est quartò. Ex corporum humanorum constitutionibus, inclinationibus, & passionibus possunt Astrologi judicare de bonitate intellectus, & voluntatis. Quoad intellectum id docet Divus Thomas *cit. lib. 3. contra Gent. cap. 84.* his plane verbis: *Ido indirecte corpora cœlestia ad bonitatem intelligentie operantur. Et ita sicut in diis possunt judicare de bonitate intellectus ex corporis complexionibus, sicut ex dispositione proxima, ita Astrologus ex moribus cœlestibus, sicut ex causa remota talis dispositionis, & per hunc modum potest verificari, quod Ptolemæus in centiloquio dicit: Cum fuerit Mercurius in navitate alicujus in aliqua domorum Suurni, & ipse fruis in esse suo, dat bonitatem intelligentie, melullitus in rebus.*

Quod autem attinet ad bonitatem voluntatis difficilior videtur. Probatum tamen ex D. Thomas *cit. quest. 115. articul. 4. ad 3.* ubi sic ait: *Plures hominum sequuntur passionibus, quæ sunt motus appetitus sensitivi, ad quas cooperari possunt corpora cœlestia. Pauci autem sunt sapientes, qui hujusmodi passionibus resistunt. Ideo Astrologi, ut in pluribus, vera possunt prædicere, scilicet de eventibus bellicis, & aliis humanis actibus.* Idque confirmatur ex locis adductis *part. 2. ad 3. & 2. 2. ad 2. & cap. 85. contra Gentes, & articul. 4. 1. part.* ubi hæc leguntur: *Passiones, quæ sunt in irascibili, habent quandam vim ad inclinandam voluntatem.* Ergo, illis cognitis, & corporibus cœlestibus in illas influentibus, poterunt astrologi modo infra declarando, judicare, ac prædicere liberas actiones voluntatis, ejusque bonitatem & malitiam. Nam, ut docet idem D. Thomas *q. 8. de verit. articul. 12.* de his etiam, quæ ex libero arbitrio dependent, aliqua futura conjicimus ex consuetudinibus, & complexionibus hominum, quibus inclinamur ad unum. Ergo Astrologi complexionibus cognoscentes ex cœlorum influxibus, ex illis aliquo pacto conjicere poterunt aliqua futura libera, sicut David *Psal. 17.* ex societate bonorum, vel improborum conjicit bonitatem, vel malitiam: Cum sancto, ait, sanctus eris, & cum perverso perverteris, & *Proverb. 13.* qui cum Sapientibus graditur, sapiens erit: amicus stultorum, similis efficietur. Pariter ex impressionibus aliquibus cœlestibus in hæc inferiora rectè conjiciuntur electiones aliquæ voluntatis, ut sciens ex influxibus cœlestibus futuram esse prægeliidam hyemem aut fervidam æstatem aliquamve infirmitatem, aut contagium prudenter conjiciet, homines ad ignem, vel ad frigus accessuros, ac medicinas applicaturos.

Verum Delatorre loco jam citato impressiones, & inclinationes, quas à corporibus cœlestibus imprimi in hominibus adstruimus ex Divo

Thomas tradit, esse in duplici differentia, alias quas nimirum, quæ reduci possunt ad primas qualitates elementares, calorem, frigiditatem, siccitatem, humiditatem, & ad quatuor humores elementares, nempe melancholiam, coleram, sanguinem, pituitam, quatenus corpora cœlestia, quia perfectiora, virtualiter ac eminenter elementa omnia, illorumque proprietates & qualitates continent. Saturnus, quia frigidus & siccus, frigiditatem, ac siccitatem, & atrabilem influit. Jupiter, quia calidus, & siccus, caliditatem & siccitatem cum sanguine producit. Mars, quia calidus, & fervidus, bilem rubeam. Luna, quia frigida & humida, pituitam. Ait insuper, astra mediis præfatis qualitatibus, atque humoribus passionibus inferunt appetitus sensitivi, ab eisdem qualitatibus, & humoribus provenientes. Saturnus inclinat ad tristitiam & desperationem. Mars ad iram, bella, siles, rixas. Venus ad jucunda, & venerea, sicque de cæteris planetis. Et hoc modo plures Astrologi prædicunt, creduntque, nullas alias propensiones a cœlo hominibus influi, nisi pertinentes ad dictas qualitates.

At D. Thomas, & cum eo reliqui Theologi admittunt propensiones particulares ad medicinam, ad artes mechanicas, ad negotiationes, & hujusmodi alia, quæ in dictas qualitates reduci nequeunt, atque adeo in cœlos sunt speciatim reducenda, sicut & virtus magnetis, ætus maris, ut docet Divus Thomas *quest. 53. de verit. art. 10. ad 5. & opusc. 34.* & in hoc influum Astrologi specialiter fundant præcipuam partem prædicendi futuros eventus.

Tenendum denique est. Actus intellectus, & voluntatis possunt tantum conjici ex astris in commune, non autem in speciali. Ita Divus Thomas expresse *ad 3. d. artic. 4. quest. 15. & 3. contra Gent. cap. 85.* inquit: Astrologus non debet dicere rem specialiter, sed universaliter, id est, habilitatem esse ad passionibus tales, vel quales in tali homine & consequenter possibiles esse tales actus liberos juxta inclinationem, nisi resistatur passionibus. Unde non conjiciuntur actus liberi in seipsis absolute futuris, sed in habilitate ad passionibus conjectas ex astris. Quare Divus Thomas *loc. cit.* querens cur actus humani nequeant prædici in speciali ab Astrologis, rationem tradit, quia nihil prohibet, aliquem hominem per liberum arbitrium passionibus resistere. Quia ratione & ipsi Astrologi affirmant, quod sapiens dominatur astris, prout scilicet dominatur suis passionibus.

Neque his videntur dissentire, quæ antea dicta sunt. Nam ibi improbavimus astrologiam judicariam, ex astris immediate, ac certo vel probabiliter de futuris in particulari judicantem. Hic autem admittimus tantum conjecturam levissimam, sive suspensionem ex astris mediate de futuris in generali modis jam traditis.

Objeçant, Sixtum V. prohibere etiam hanc prædictionem mediatam, & in universali, quamvis per se non sit mala, ad coercendum Astrologos, ne limites excedant.

Sed hos errare, existimant pluri. Ut enim rectè notavit Sylvius, Sixtus V. non prohibet conjicere in generali prædicto modo, sed in particulari, & actus liberos in seipsis, licet non



certo, & cum formidine. Sicque non sequitur, alia esse causas, & signa actuum voluntatis, cum ex complexionibus, inclinationibus, & passionibus conficiantur actus liberi non immediate ex astris. Esset quidem incongruum subicere astris liberum arbitrium, etiam mediate. Quod tamen non sequitur ex hactenus dictis.

Neque concedendum est Serræ, dicentis, ea denotare committi Inquisitionibus, quæ fidei adversantur etiam in Sixti V. Constitutione. Judicialia namque astrologia de actibus humanis in particulari, & in seipsis judicans, manifestam involvit hæresim contra liberum arbitrium hominis, ideoque S. Officio subdebat. Subjicit autem Sixtus V. eidem Tribunali divinationes, & superstitiones quaslibet, etiam simplices, & non qualificatas, de quibus alibi, & secundum aliquos jure positivo prohibet, quæ mala secundum se non est, prædictio scilicet incerta actuum humanorum, et incommoda, quæ inde sequebantur, etiam ex astris mediate, mediis scilicet temperamento, & inclinatione judicando, vel ob præsumptionem, quod protestantes se non certo affirmare, quæ prædicant, hoc dicant ad occultandam malitiam divinationis.

Idque corroboremus verbis Caietani, quæ hæc ipsa sunt in commemor. d. artic. 5. Cavendus est triplex error in hujusmodi. Primo, ut non queramus ex cælestibus supernaturalia, qualia sunt mysteria fidei. Quibus adde si talis est conventus à peccato, sive ad religionem, cum hæc dependant à Deo, aut efficaci, divino & supernaturali auxilio. Secundo, ut nullum contingentium queramus ex cælestibus cognoscere per certitudinem. Tertio, ut cognitioni per conjecturam, quam ex cælestibus habere querimus, non inhareamus secundum affectum, & executionem, tanquam legi, ut faciunt forte multi Principes, qui non exirent domo, aut equitarent sine calculo cælesti, habentes quintenos, diarios, vel hebdomadarios, tanquam leges suorum operum, Astrologorum computo conditos. Iste namque error parum, aut nihil distat à secundo. Secundus namque est error in intellectu contra naturam & gratiam. Ille autem in voluntate contra naturæ & gratiæ libertatem. Et errantes in secundo digni sunt venia, quia ignorant peccant. Errantes autem in tertio digni sunt duplici pœna, quia scientes corpora cælestia non plus, quam passiones nostras posse, subiciunt se ipsos corporalibus, & in captivitatem seipsos redigunt, non in obsequium Christi, sed diaboli, & verificatur de eis illud propheticum: Homo cum in honore esset, non intellexit, comparatus est jumentis insipientibus, & similis factus est illis. Homo namque secundum rationis dominium super corporalia omnia in honore est, & qui hoc non intelligit ficto, sed tanquam subditus corporalibus, operatur ex proposito, comparatur jumentis, imo vilior jumentis, quæ natura, non vilitate animi subsunt corporalibus. Et propterea juxta à Deo similis factus est illis; quia scilicet curam de eo habet Deus, sicut de jumentis, scilicet propter bonum aliorum, non propter bonum sui. Et propterea traduntur dæmonibus gubernandi, qui tales sunt.

Subdit Caietanus: Quilibet horum trium errorum peccatum mortale est ex suo genere. Quia

invasionem importat animi humani ad cælestia corpora super eorum facultates. Hoc enim patet ex dictis, superstitiosum, & dæmoniacum esse. Sapientes autem si cælestes influxus nosse volunt, non utuntur eis, ut legibus, sed dominantur eis, utentes rationis judicio, atque gratiæ divinæ lumine, & adjutorio, si Christiani sunt. Et ex his patet, quomodo intelligendum est, quod corpora cælestia non sunt super electiones, & opera nostra voluntaria, & quomodo damnata, vel non damnata est consultatio Astrologorum circa nativitates hominum, & sequentia, & hujusmodi. Hæc enim si ad certitudinem cognitionis contingentium ordinantur, vel quod idem est, si ut lege utendum est tali figura nativitatis, &c. diabolica sunt, damnata sunt. Et hoc intendit Augustinus in 4. confes. Si autem fiant ad conjecturam habendam naturalium inclinationum, & dominandum corporalibus sapientis, mala non sunt, prohibita non sunt, ut patet ex ante dictis. Et scito, quod licet quandoque veritatis aliqua ex istis habeatur, tam debilis tamen est ratio conjecturæ, ut vix conjectura sit, & hoc propter humanam ignorantiam maximæ partis causarum cælestium, & proximarum. Totum enim, quod cognoscimus in hujusmodi non meretur dici pars quantumcumque minima eorum, quæ ignoramus de eodem effectu. Quoniam astra sunt nobis ignota quomodo se habeant ad invicem, & ad nos, & quotidie usque completus sit semel totus cursus cælestium, qui ante triginta sex millia annorum non compleretur, quotidie, inquam, est novus stellati cæli situs, qui nunquam fuit consideratus, ad quem relati planetæ, & astra quis scit quam causalitatem induant, mutant, perdant, &c. Taceo de calculo motuum, quoniam impossibile forte est habere instrumenta, quibus ad amissum sciant ortum & occasum, ut ab ipsis audio Astrologis. Ita Caietanus, qui paucis multa complexus est, quemque sequuntur Theologi ferè omnes, ac Summistæ.

At dices. Videtur Sixtus V. adversari doctrinæ, Divi Thomæ. Nam in fine corporis articuli 5. quæst. 95. docet, esse superstitiosum, si quis observatione astrorum utatur ad cognoscendum per certitudinem futura opera hominum. Ergo tenet non esse superstitiosum, si quis ea consideratione utatur ad cognoscendum probabiliter. Ex Constitutione autem Sixti habetur, quod etsi id non certo affirmare asserant, divinant fallaciter, perniciosè, superstitiosè. Respondeo cum Sylvio Divus Thomam intelligendum esse, si opera quadam humana ex siderum aspectu prædicentur indefinite, & aliquo modo probabiliter, non tamen majori certitudine, quam patitur natura causarum secundarum. Sic enim non est superstitiosum, neque illicitum, cum subdat ibidem ad 2. astrologus in multis vera prædicat, & præcipue in communibus eventibus, qui dependent ex multitudine. Et ita intelligendus 1. 2. quæst. 9. artic. 5. ad 3. & 1. part. quæst. 115. art. 4. ad 3.

Secus autem si in particulari, de hoc aut illo homine quid tali tempore sit facturum, quando victurus, quales mores habiturus, quæ commoda, vel incommoda accepturus, quem statum conjugalemne, an cælibem, quo mortis genere defuncturus, etiam si probabiliter solum prædicatur;



tur, superstitiosum est, & per Constitutionem Sixti V. expresse damnatum. Intendit autem Divus Thomas verbis illis oppositis, quod etiam si quis solum in generali prænunciaret opera humana ex astris certo, esset superstitiosus, quoniam ne sic quidem possunt certo præcognosci, sed tantum conjecturaliter.

Quare siivolam declarat quorundam Astrologorum evasionem, quod scilicet talia non prædicunt tanquam infallibiliter eventura. Sicut neque approbat illud inter eos proutum Astra inclinant, sed non cogunt. Quoniam nec Deus humanam voluntatem ad ejus actus necessitat, sed convenienti modo, naturæ ipsius eam inclinat, sive in alteram contradictionis partem inflectit. Quod ita est ipsi proprium, ut Deus solus possit humanam voluntatem directe, ac proprie inclinare, nisi ipsa se inclinet. Confirmatque *articul. 9. quest. 22. de verit.* Neque pugnat, quod idem Divus Thomas inibi docet, simpliciter admittendo corpora cælestia nos inclinare ad actus liberi arbitrii. Nam solum admittit inclinare dispositive, quatenus imprimunt in corpus humanum, & consequenter in vires sensitivas, quatenus sunt actus corporis organici, à quo tam intellectus, quam voluntas aliquo modo accipit: Unde *part. 1. eit. quest. 115. articul. 4. & 1. 2. quest. 9. articul. 5.* docet, diverso modo cælos agere in corpora inferiora, & quomodo eadem impressiones indirecte, ac per accidens ad intellectum, & voluntatem pertineant. Voluntas quippe non ex necessitate sequitur inclinationem appetitus sensitivi, sed libere potest eam admittere, vel recusare. Ideoque absolute dicitur, sapiens dominabitur astris, ex quibus tantum haberi conjecturæ indefinitæ, ac incertæ, nullo autem modo particulares, ac certæ.

#### CONSULTATIO CVII.

*Num liceat ex genesi conicere temperamentum patris?*

**R**espondeo, licere, cum formidine tamen; ut quia filius appareat fortis, robustus, ex quo idem argui potest de patre, Quod Lyricus Vates expressit *Fortes creari fortibus & bonis.* Quod si ex genesi filii velis conficere schema genealogicum patris, & matris juxta Doctrinam Cardani in 3. *quadrip. cap. 4. tex. 10.* & Campanellæ in *astrolog. capit. 2. art. 1. num. 3.* ac Montis Regii in *suis tabulis* ponere debes Solem filii de die, & Saturnum de nocte in ascendente patris; Lunam de nocte, Venerem verò de die in ascendente matris. Hoc schemate poteris patris & matris temperamentum, & infirmitates eis imminentes conicere.

At certum est, id fore judicium vanum, & inutile, atque temerarium; ut pote nulli fundamento innixum. Nequeunt enim Astrologi demonstrare, cur Planetas illos, & non alios in ascendente statuunt, cur ibi potius quam in alia cæli parte? Et quare potius Saturnum ratione suæ frigiditatis & siccitatis infecundum patri stuant, quam Jovem, quem Astrologi benignissimum Planetam & fortunam majorem appellant? Hæc

fere omnia Carena ex aliis autoribus *part. 2. tit. 12. §. 12.*

Quæ sane castigatione, & animadversione digna sunt. Siquidem diversissima constellatio potest esse patris, atque filii. Quare ex una non potest prædicti, quod alteri eveniat, nisi quia filius videtur patri plerumque esse similis, & secundum dispositionem, quam pater habuit generans, præcipue in semine, filius nascitur similis temperamenti. At hoc potius videtur institutum physiognomi, physici, ac medici, qui ex visu, atque aliis circumstantiis observant temperamentum. Ex astris autem est impossibile hæc investigare, nec conjectura, aut suspicio haberi potest de temperamento patris ex filio, aut contra. Eoque magis, quia debet etiam attendi temperamentum matris, quæ majorem materiæ copiam in conceptu ipso, ac deinde in utero subministravit, in cuius coitu veneris, ac libidinis major est imaginatio, unde magis ei filius assimilari solet.

An & quatenus divinatio per astra sapiat hæresim manifestam? Idque per varias theses.

Prima sit. Vanum est, ac superstitiosum habere astra pro certis signis ad placitum impositis ad significandum hunc, vel illum effectum. Hoc enim implicite est invocare, atque habere dæmonem pro magistro ac Doctore. Nam si hæc significationis institutio datur, non est, nisi à dæmone, ideoque non est, nisi ex dæmonis institutione, has suas significationes agnoscere. Quod si quis credat, astra esse hoc modo signa certa futurorum contingentiam, quæ ex illis certo cognosci possunt, est hæreticus; & si pronunciet hujusmodi futura, ut certo futura, est ex hoc saltem vehementer de hæresi suspectus. Si quis etiam credat, astra ex institutione Dei esse signa ad placitum, instituta ad certam significationem omnium futurorum est dignus censura Ecclesiastica. Tum quia contra fidem est asserere, quod ex astris possint cognosci mysteria gratiæ, futura libera, cogitationes cordium, & hujusmodi per se occulta. Et tum quia, licet non sit expresse definitum, quod astra non sunt signa ad placitum, à Deo instituta ad significandum eventus rerum: id tamen ex Scripturis, ac principiis Theologicis certo deducitur adeo, ut oppositum asserere sit erroneum, scandalosum, & sapiens hæresim. Ideoque id esse irrationabile docet D. Thomas 2. 2. *q. 95. art. 2.* & improbant communiter Patres, ac Theologi.

Sit secunda thesis. Non modo Astrologi, sed ne Angeli quidem ex solis astris, non adjuncta cognitione causarum sublunarium possunt certo cognoscere futuros eventus sublunares, qui impediri possunt, ut absolute futuros. Supposito tamen ordinario rerum cursu possunt Astrologi cognoscere aliquos effectus naturales, interdum vel certitudine, ut plerumque, vel per inditia, vel per conjecturas magis, vel minus probabiles. At verò determinationem horum effectuum, ac eorum particulares circumstantias ex solis astris, nec per conjecturam possunt cognoscere, licet, adjuncta notitia materiæ & causarum particularium, magis minusve probabiliter eas prævidere possint; individuationes tamen illorum nullo modo.

Probatur prima pars hujus thes. Nam effectus, qui est à pluribus causis non potest ex una sola certo cognosci, ut absolute futurus, cum ex alia possit impediri, ne sit, vel determinari, ut sit talis, & non talis. Ex solis igitur astris non potest aliquis effectus sublunaris certo cognosci, ut



ut absolute futurus, cum possit impediri, ne sit, & determinatio illius non sit à cœlo, sed à causis sublunaribus. Verum autem est, quod immediatus effectus cœlorum, ad quem causæ sublunares merè passivè se habent, non potest omnino impediri. Semper enim sol, & astra aliquo modo mundum illuminant, unde hic effectus est necessarius, modus tamen illuminationis est contingens, necque ex solis astris potest cognosci, ut absolute futurus. Ad prævidendum itaque futuros eventus non est satis observare astra, & proinde non sufficit Astrologia, sed necesse etiam est, cognoscere causas inferiores, tam materiales, quàm activas, atque adeo simul est necessaria philosophia.

Secunda pars etiam probatur. Nam ex causa necessaria, quæ, licet impediri possit, tamen saltem in communi, sive quoad aliquod individuum vagum, rariùs impeditur, potest cognosci effectus, ut absolute futurus, certitudine quadam physica, sive ut magna ex parte, vel magis, aut minùs probabiliter, secundum quod plus, vel minùs contingit causam illam impediri secundum ordinarium cursum rerum. Poterit igitur Astrologus plerumque cognoscere ex cœlo effectus cœli naturales, ut certò futuros, ut quòd erit aliqua pluvia, aliquis ventus, aliqua serenitas, aliqua tempestas cum majori, vel minori probabilitate secundum quòd per experientias astrologicas manifestum est hos effectus rariùs, vel frequentius impediri.

Pars quoque tertia sic probatur. Quia determinationes effectuum naturalium ad tantam quantitatem, aut talem qualitatem, aut gradum intensiōis qualitatis, & etiam quoad locum, & tempus, ac personam maximè pendent à causa materiali, & ab aliis causis sublunaribus. Ideo non possunt ex sola Astrologia certò prævideri, sed adjuncta postea notitia istarum causarum sublunarium magis, aut minùs in particulari possunt effectus prævideri, & cum majori, vel minori probabilitate secundum quòd notitia huiusmodi causarum erit major, ac certior.

Probatur demum pars quarta. Quia non potest cognosci effectus futuri individui, nisi cognoscatur individui omnium causarum, illarumque accidentium, ac circumstantiarum loci, temporis, personæ, qualitatem aëris, ac omnium illorum, ex quibus effectus dependet. Ex mutatione enim individuationis alicujus ex istis, mutabitur individui effectus futuri. Hæc autem individui causarum, & circumstantiarum est cognoscibilis ab homine antequam causa sit, & causet, atque ita non potest in ea cognosci effectus, nisi ut præsens, & dum actu causatur.

Tertia Thesis. Divinare ex astris effectus naturales, per se non est illicitum, sed per accidens. Ex circumstantiis autem non modò potest esse illicitum, sed & superstitiosum, ac de fide suspectum. Primam partem docent D. Thomas 2. 2. q. 91. art. 5. ibique Cajetanus, ac Declatorre, Suarez, 10. 1. de relig. lib. 2. cap. 11. n. 8. & 9. Sanchez in decal. lib. 2. cap. 38. n. 28. Carena d. tit. 12 §. 12. alique: & in Constitutione Sixti V. approbatur astrologia quoad agriculturam, rem nauticam, & rem medicam. Quia huiusmodi effectus per Astrologos possunt saltem in generali, prævideri, etiam aliquando cum certitudine. Hoc igitur facere, non est per se illicitum. Per accidens tamen fieri potest illicitum, si non observant ea, quæ in præcognoscendis eventibus futuris Astrologi ipsi monent, vel non ex principiis certis temerè prædicunt aliquid futurum, quòd verè non est, vel cum majori certitudine illud futurum asserunt, quàm debent. Quotiescunque verò aliquis tentat prædicere, ut futurum id, quod certum illi

est non posse à nobis prævideri, ut futurum, vel cum majori certitudine illud asserit, quàm evidens ac certum sit posse ex humana astrologia prævideri, ille dæmoni innititur, & superstitiosus est, ac erit etiam de fide suspectus, saltem eo modo, quo suspecti sunt habentes pactum implicitum cum dæmone.

Thesis quarta. Prædicere ex astris contingentia libera, ut certò futura, est omni jure illicitum, superstitiosum, ac de fide suspectum. De jure autem positivo etiam est illicitum ferre judicium generaliacum de futuris eventibus, etiam si dicatur, ea non prædici ut certa. Prima pars probatur ex Hierem, 10. Isaia, & Act. 19. in can. sed & illud 26. q. 2. can. consulisti, can. sciendum 26. q. 3. cap. ex tuarum de sortil. ex huiusmodi aliis, ex Constitutione Sixti V. & Urbani VIII. à jure Civili, à Patribus, à Doctoribus, de quibus alibi. Nam actus liberi non habent connexionem necessariam cum stellis, & earum influxibus. Quare est hæreticum asserere, quòd sidera necessitent voluntatem, & tollant electionem. Supposita igitur quacumque influentia cœlorum, cum sit voluntati liberum velle ac non velle, velle hoc & oppositum, non potest certò ex astris cognosci, quid sit factura voluntas.

Conjecturaliter tamen prædicere, non solum ex astris, sed etiam ex temperamento & ex naturali propensione hominis ea, quæ pendent ex libero arbitrio non est peccatum mortale. Quia cognitio conjecturalis eorum, quæ pendent ex libero arbitrio, ex astris quodammodo haberi potest. Ait enim D. Thomas d. q. 95. ar. 5. corpora cœlestia non possunt esse per se causa operationis liberi arbitrii, possunt tamen ad hoc dispositivè inclinare, quatenus imprimunt in corpus humanum, & per consequens in vires sensitivas, quæ sunt actus corporalium organorum, quæ inclinant ad humanos actus, & nulla ex hoc necessitas libero arbitrio imponitur, ac ita etiam docent ibi Cajetanus, Valentia 2. 2. disp. 6. q. 12. n. 3. Delrius lib. 4. cap. 2. q. 3. Molfesius jurum. p. 1. tr. 11. cap. 8. n. 120. & alii quos sequitur Delbene p. 2. dub. 222. sect. 2. n. 5. etsi dissentire videantur Salas, Homo bonus, Farinacius, & nonnulli alii apud Bordonum tom. 1. cap. 21. n. 50.

Thesis quinta. Pariter illicitum, ac superstitiosum est, ex astris cum certitudine divinare fortuita, quæ scilicet ex merè contingenti concursu causarum fiunt. De futuris enim contingentibus non est determinata veritas. Quare si ut certa pronunciantur, non virtute astrorum, sed ope dæmonum, certò futura esse dicuntur. Et ideo talis divinatio semper est execranda superstitio, & mortale peccatum, estque prohibita in Constitutione Sixti V. verbis illis: *Aut facientes judicia, & nativitates hominum, quibus de futuris contingentibus, successibus & c. aliquid affirmare audent, etiam si non certò, se id affirmare, asserant, aut protestentur.* Hunc autem concursum non causari à corporibus cœlestibus, certum est. Neque huiusmodi fortuita per conjecturam, aut per suspicionem possunt ex astris prævideri. Quia contingens causarum concursus non habet cum aliquo effectui naturali connexionem, ex qua illius suspiciò possit haberi.

Thesis sexta. Summè verò impium, ac superstitiosum est ex astris velle prævidere mysteria gratiæ, Dei que miracula, & ea, quæ ex libera Dei voluntate fiunt, cum hæc à libera Dei voluntate procedant, quorum corpora cœlestia nec sunt causa, neque signa, ad illa significandum instituta. Deus tamen aliquando opera sua præsignificat, sicut per stellam nativitatem Christi Magis significavit, sed tunc significatio est ex Dei institutione, qui oc-



cultra & futura, vel per Prophetarum voces, vel per alia signa manifestat.

Septima. Non possunt Astrologi absque culpa mortali inquirere ex astris, ac pronunciare res præteritas, vel præsentis occultas. Quia talis inquisitio pactum implicitum cum dæmone involvit. Supponit enim vel aliquam artem divinandi à dæmone traditam, vel eò tendit, ut dæmon, quod desideratur, ostendat. Nam ex astris homines cognoscere non possunt res occultas quæ humano modo sciri nequeunt. Quare mortale peccatum est investigare, & inquirere per astrorum iudicium thesauros absconditos, furta occulta, homicidia, adulteria, & huiusmodi alia, ut constat ex *cap. de sortil. & in cap. ex uariis eod. tit. ex quo textu colligit Cajetanus 2. 2. q. 95. ar. 2.* ignorantiam raro excusare huius delicti gravitatem.

Thesis octava. Quamvis Pegna *com. 61. & Carena cit. tit. 12. n. 141.* rectè admoneant, in his non tantum debere attendi, an de mente Doctorum aliquid dicatur esse de fide vehementer suspectum, sed considerandas esse circumstantias personarum ex quibus gradus suspicionis augetur, vel minuitur, vel omnino tollitur; nihilominus opus etiam est videre, quid natura facti ferat, ut possit postea in facto iudicium ferri quo pacto agens judicari debeat de fide suspectus. Asserimus igitur, quod prædicere ex astris contingentia, & fortuita libera, tanquam certo futura, est factum hæreticale, sive sapiens hæresim manifestè, atque ideo saltem inducit vehementem suspensionem de fide. Nam hoc factum hæresim supponit, & ex illa procedit. Supponit enim vel quod intellectus, & voluntas sint potentie subiectæ cælorum influentiis, vel quod cælestia corpora necessitent voluntatem, libertatemque tollant; nam libertate manente, non possunt opera libera futura certo cognosci. Quod enim cognoscitur, ut indifferens ad hoc, ut sit, & non sit, non potest cognosci, ut certo futurum, cum possit non esse. Si igitur futura, quæ pendent à voluntate, cognoscerentur ut certo futura ex astris, quæ sunt causæ naturales, id non esset, nisi quia illa essent causæ cogentes ad volendum id, quod cognoscitur, ut necessario futurum, ceu probat D. Thomas 2. 2. q. 95. *art. 5. & lib. 3. contra Gent. cap. 84.* traduntque communiter Doctores.

De fortuitis verò, quæ sunt à causis naturalibus, nec ordinem habent ad libertatem, sed ex causis merè naturalibus procedunt, non est eadem ratio. Nam si quis dixerit, quod concursus huiusmodi causarum sit à cælo, non est hæreticus. Quamvis igitur verum sit, quod earum concursus sæpissime est merè contingens, & adscribi nequeat astris, quæ sunt causa naturalis, sed divinæ providentiæ; hoc tamen non est de fide definitum, sed est veritas Philosophica, & Theologica. Et nihilominus dicimus, quod prædicere certo fortuita ex astris, est superstitiosum, ac de fide valde suspectum. Nam, ex Scripturis certum est, quod certo cognoscere futura contingentia, antequam eveniant, est proprium Dei; quod & asserit Sixtus V. in sua Constitutione; est ergo etiam Philosophicè, ac Theologicè certum dari in naturalibus effectus fortuitos, atque adeò est contra doctrinam catholicam sensum asserere, quod astrologi possint hos effectus certo prævidere. Extat huius rei exemplum in sagitta, quæ vulneravit Achab 1. *Reg.* Licet enim illa fuerit emissa à milite libero, quia tamen fuit fortuito emissa, idem est, ac si à causa naturali emissa fuisset, casuque accidit, quod percuteret Achab.

Prædicere autem cum certitudine, imò & sine certitudine futura libera, & fortuita ex astris, non

ut ex causis, sed ut ex signis à Deo ad illorum significationem institutis, inducit suspensionem hæresis etiam vehementem. Constat ex dictis, si prædictio fiat tanquam certa. Et de quacunque prædictione etiam probatur. Nam asserere, quod astra sint signa ad libitum, à Deo instituta ad significandum futuros effectus, maxime liberos, & fortuitos, est propositio saltem erronea, temeraria, scandalosa, & sapiens manifestè errorem. Asseritur enim à Deo factum, quod Deus se fecisse nunquam nec per scripturas, neque per Prophetas, neque per Apostolos, neque per seipsum, neque per Ecclesiam declaravit. Quod si fecisset, declarasset. Fuisset enim inutilis hæc institutio, nisi Deus eam manifestasset, ostendendo cuiuscumque signi veram significationem. Sed non modò id Deus non fecit, verum per Prophetas suos huiusmodi significationem reprobavit, & reprobat Ecclesia Catholica, damnans certas prædictiones futurorum contingentium ex astris, ut alibi dictum. Et tamen si astra essent signa divina, essent signa certa, & infallibilia, ex quibus futura certo cognosci possent.

Ex quo planè ostenditur, quomodo prævidere ex astris, ut certa, fortuita merè naturalia, sit superstitiosum, ac de hæresi suspectum. Nam revera hæc non possunt prævideri ex astris, ut ex causis. Qui ergo illa vult ex astris prævidere, uti vult illis, ut signis, quemadmodum arguit D. Thomas 2. 2. q. 96. *ar. 1. 2. & 3.* non autem ut signis, à Deo institutis, ut liquet. Ergo ut institutis à dæmone. Supra homines enim non est alia creatura intellectua- lis, quæ possit signa instituere, nisi Deus, Angeli Dei, qui nihil agunt, nisi Deo volente, & hac in re unum cum Deo censentur, ac dæmones. Hæc itaque divinatio non fit, nisi cum implicita dæmonis invocatione, & saltem inducit suspensionem malam. Quod si divinationem constitueret in astris, ut signis à Deo institutis, esset suspicio vehemens de errore, doctrinæ fidei opposito.

E solis verò astris prædicere effectus, etiam naturales in particulari, etiam non certo, est de se superstitiosum, ac inducit suspensionem saltem de levi. Quod universim verum est de omni prædictione, qua prædicatur, ut futurum ex solis astris id, quod certum est, ex illis non posse causari. Prædictio enim huiusmodi cum non possit inniti causalitati, quoniam astra ex se solis non causant particulares effectus, imò particularitas effectuum naturalium est ex causis proximis, ut ex causa propria; ideo prædictio huiusmodi innititur astris, ut signis non divinis, sed dæmoniis. Quare in ea continetur saltem pactio implicita cum dæmone, & sic saltem inducitur suspicio levis de mala credulitate. Unde habetur alia ratio ad probandum, quod prædicere fortuita ex astris est superstitiosum, ac de fide suspectum. Quia hæc fortuita non possunt prædicti, nisi cognitis causis proximis in particulari, quæ ex astris cognosci non possunt. Semper enim, si Astrologus expressè utitur astris, ut signis à Deo institutis ad placitum, est saltem vehementer suspectus de errore contra doctrinam fidei, ut jam diximus.

In his tamen ignorantia etiam crassa potest excusare à superstitione, ac suspensione hæresis. Quia ubi de fide non est certum, quod astra aliquid causare non possunt, vel demus, quod sit certum, non ex fide, sed ex philosophia, qui tamen prædicat aliquid ex astris, putat astra esse causam naturalem illius, quod prædicatur, talis prædictio non est superstitiosa, ut habet D. Thomas 2. 2. q. 96. *ar. 2. ad. 1.* docens, quod si simpliciter adhibentur res naturales ad aliquos effectus producendum, ad quos putantur habere virtutem, non est superstitiosum, vel



vel illicitum. Ignorantia in his, quamvis crassa, non excusat à temeritate, errore, & mendacio. Excludit verò pactum implicitum cum dæmone. Quia divinans non utitur astris, nisi, ut causis naturalibus, & quia putat, illa continere ad effectum virtutem naturalem, non verò utitur illis, ut signis dæmoniis, nec invocatur implicitè dæmonem. Unde cessat superstitio, ac suspicio mala, fundata in pacto implicito dæmonis. Ubi tamen de fide certum est, astra non habere virtutem naturalem ad effectum, non evitatur hæresis, sive pactum contra fidem, nisi ignorantia sit invincibilis, vel probabilis, ut quia sit ejus rei, quam quis non teneretur explicitè credere, sicque in hoc casu potest adesse suspicio ex parte illius rei, quæ creditur, quod scilicet sit contra fidem.

Sed an prædicere futura libera, & fortuita absolute ac simpliciter, non exprimendo quod sint certò futura, imò in mente tenendo, quod solum asserantur, ut futura conjecturaliter, vel sub conditione quantum sit ex parte astrorum, & naturalis eorum effectus, salva in cæteris volentis libertate, sit ex se superstitiosum, illicitum, ac de fide suspectum? Certum est, quod in foro exteriori hæc prædictio est prohibita, & habetur, ut superstitiosa, & suspecta. Non esse tamen hoc illicitum, ait Delbene p. 2. disp. 222. sect. 2. n. 5. At esse illicitum tenent Delrius lib. 4. magic. cap. 2. q. 3. conclus. 1. Suarez cit. lib. 2. cap. 11. n. 11. Sanchez eo cap. 38. n. 33. Nam illa minima conjectura, sive suspicio, quæ de effectibus liberis haberi potest, non sufficit ut effectus dicatur absolute futurus. At quoniam hujusmodi Astrologi, maxime autem qui minus imprudentes sunt, magisque accurati, non prædicunt futura ex sola astrorum consideratione, ex qua actus liberi ne per conjecturas quidem possunt prævideri, sed simul ex observatione aliorum principiorum, tum physicorum, tum moralium, ex quibus effectus, etiam liberi in communi possunt, etiam probabiliter, prævideri, distinguendum est. Si prænunciant effectus liberos in particulari, ut quod Titius erit Rex talis regni, vel Pontifex Romanus, vel si prædictio est generalis aliquo modo, tamen ex principiis generalibus, physicis, ac moralibus communibus, ac omnibus notis, vix per conjecturam agnosci possunt, nec potest præsumi, quod divinans habeat magis particularem notitiam causarum magis proximarum, tunc illa prædictio absolute censeri poterit illicita, tanquam valde suspecta, quod proveniat ex disciplina dæmonis, sitque superstitiosa, & scandalosa. Si verò prædictio sit generalis, talisque qualis ex astris, junctis aliis principiis physicis, ac moralibus, potest haberi nedum conjecturalis, sed etiam probabilis, illa absoluta divinatione non debet dici illicita, cum ad absolutam divinationem sufficiat probabilitas eventus. Atque ita ubi constat divinatorem esse prudentem, illumque non ex solis astris divinante, sed ex aliis principiis, præsumi debet, illum non habere notitiam principiorum magis particularium, quantum sufficit ad prædictionem probabilem effectus, absoluta prædictio non erit mala, neque active scandalosa. Cæterum si prædictio actuum liberorum fiat ex solis astris, semper est de se superstitiosa, & suspecta, etiam si sit solum conjecturalis. Quia ex solis astris ne conjectura quidem actuum liberorum haberi potest.

An autem in Constitutione Sixti V. comprehendantur duntaxat Astrologiam pluries exercentes, vel etiam qui semel divinavit alicui futura contingentia vel ejus nativitatem? Et sanè quamvis verba illa Constitutionis: *Judiciaria astrologia artem exercentes*, videantur significare eos, qui per iteratos actus astrologiae artem exercent; nam in jure illi dicuntur aliquid exercere, qui frequenter illud agunt, non autem qui semel, aut bis. Atque ita docent in casu simili

Tom. I.

Panorm. in cap. 1. n. 24. de judic. Floron. de casib. refer. p. 2. cas. 2. n. 5. ac seq. Genuen. in prax. cap. 18. n. 15. Henric. in sum. lib. 14. cap. 5. n. 1. in glos. Diana p. 2. tr. 17. miscel. 3. resol. 65. Attamen in hoc casu etiam qui semel astrologiae arte futura contingentia prædixerit, vel superstitionis actum exercuerit, subditur Inquisitorum jurisdictioni, ac pœnis in eadem Constitutione contentis. Nam ibi non solum nominantur *Exercentes*, sed etiam *facientes*. Dicitur etiam: *In posterum exercentes, aut facientes judicia, & nativitates hominum*. Et post pauca: *Quive hujusmodi illicitas divinationes, sortilegia, superstitiones, &c. faciunt, aut in eis se quomodolibet intromittunt*. Ex quibus clare colligitur, Constitutionem comprehendere non solum exercentes, sed etiam facientes, & quomodolibet se intromittentes. Facit autem ac se intromittit quicumque semel aliquid agit, ac ita etiam sustinet Bordonus to. 1. cap. 21. q. 6. n. 8.

Per eadem autem verba: *se quomodolibet intromittunt*, comprehenduntur consulentes, mandantes, consentientes, auxilium dantes, docentes, addiscentes, instructes, & quomodolibet cooperantes in hujusmodi illicitas divinationes, sortilegia, superstitiones, veneficia, incantationes, ac similia. Hi omnes comprehenduntur in dicta Constitutione Sixti V. & subiunguntur sacro Inquisitionis Tribunali, ac supradictis pœnis, ut etiam notat Bordonus loc. cit. n. 9.

Et quamquam nonnulli Doctores opinentur memoratam Constitutionem Sixti procedere tantum in foro exteriori, quia summus Pontifex utitur illis verbis: *Inquirant, postulent, & in eos severius Canonice pœnis animadvertant*. Ex quibus colligunt, quod, etsi in dictis prædictionibus Astrologi expresse dicant, se non affirmare id tanquam certum, nihilominus non sunt excusandi, sed puniendi canonicis pœnis. Ergo hæc Constitutio obligat tantum in foro exteriori, non autem interiori, dum leges pœnales sunt potius restringendæ quàm ampliandæ, ac ita videntur docere Valentia 2. 2. disp. 6. q. 12. pun. 3. Delrius lib. 4. cap. 2. q. 3. Naldus in sum. 11. Astrologus n. 4. ac Delbene loc. cit. n. 7.

Attamen tutius, ac probabilius docent Suarez tom. 1. de relig. lib. 2. cap. 11. n. 30. Sanchez lib. 2. in decal. cap. 38. n. 34. Farinacius de hæret. q. 181. §. 1. n. 59. Salas p. 2. q. 9. ar. 5. tr. 5. disp. 2. sect. 3. n. 36. Peyrinis to. 2. in Const. 9. Pauli V. §. 2. n. 24. Constitutionem hanc Sixti V. obligare in foro exteriori, & interiori, etiam si Astrologi asserant, se quod prædicunt, non affirmare certo; Quia Summus Pontifex utitur verbis præceptivis, nempe, *Apostolica auctoritate statuimus, & mandamus: Vocat hujusmodi divinationes, detestanda scelera, & delicta: declarat, inventas fuisse à diabolo ad fidelium deceptionem, & ad Reipublice perniciem, ac esse multis superstitionis periculis expostas*. Ergo illas prohibet non modò sub pœnis fori exterioris, sed etiam sub pœna peccati mortalis.

Neque obstat, hanc Constitutionem vel non esse usu receptam, vel ob desuetudinem esse abrogatam. Quoniam Urbanus VIII. illam perpetuò approbavit, confirmavit, ac innovavit in sua Constitutione Inscrutabilis superius adducta. Qua de re in sequenti etiam consultatione.

Ac ita, ut Astrologi, alique divinatores non excusantur à peccato, neque à dictis pœnis, etiam quando protestantur, se non affirmare certo, quod prænunciant. Quia his verbis malitiosè utuntur ad occultandam suam perniciosam divinationem. Solent enim absolutis verbis futura in particulari prædicere, vel occulta expresse revelare, ac postea subdere: sed id non affirmare certo. Quibus verbis, si daretur

Pp 2

locus



locus, nullus convinci posset, se esse superstitiosum divinatorem, neque Constitutionis Sixti V. transgressorem. Quia ipsi nunquam dicerent, hoc, vel illud infallibiliter, ac certo eventurum ad occultandum suam malitiam. Et ideo in eorum prædictione, etiam cum tali protestatione, non deest gravis culpa, neque excusantur à pœnis, ut notant Suarez, Sanchez, Salas, Peyrinis, & Farinacius locis allegatis.

Est autem advertendum ex hac Sixti Constitutione non esse prohibitum figuram erigere nativitaris alicujus. Nam prohibitum est judicare de futuris. Erectio autem figuræ est necessaria etiam ad prævidendum effectus naturales. Quod non est prohibitum. Censeo tamen prohibita esse judicia de fortuitis, quæ ex contingenti concursu causarum naturalium fiunt. Quia hæc sunt Dei propriæ, nec possunt usurpari ab hominibus, sicque hujusmodi judicia facere, est divinatoriam artem illicitam exercere, & quod Dei est proprium usurpare.

Constitutio verò Urbani VIII. ejusque prohibitio non extenditur ad futurum Pontificem, sede vacante, sed solum ad Pontificem actu viventem. Quia solum loquitur de Pontifice pro tempore vivente. Sic enim in ea legitur §. 1. *qui de vita, aut morte Romani Pontificis pro tempore existentis, ejusque usque ad tertium gradum inclusive consanguineorum.* Cum autem hæc prohibitio sit pœnalis, non est extendenda plusquam verba præ se ferunt.

Seclusis verò personis expressis in Constitutione Urbani, possunt Astrologi aliis prædicere aliqua futura conjecturaliter. Quia prohibitio ac pœnæ dictæ Constitutionis non extenduntur ad prædictiones aliarum personarum. Et ideo quoad alias prædictiones conjecturales standum est, etiam post Constitutionem Urbani, juri communi, & Constitutioni Sixti V. Nec pœnæ dictæ Constitutionis Urbani procedunt contra inquirentes de affinis Papæ, quia non continentur nomine consanguineorum, maxime in pœnalibus, Jo. Andr. in cap. *sciant cuncti de elect.* in 6. Specul. tit. de rescript. present. §. *ratione autem.* Notandum verò, quod absolutio excommunicationum quæ in dicta Constitutione Urbani continentur, ita fuit in Brevis reformationis S. Pœnitentiariæ ab eodem Urbano reservata, ut S. Pœnitentiaria non possit absolvere prædictos inquirentes per media præfata. Quoad alios autem in dicta Constitutione comprehensos, non fuit reservata absolutio in illo Brevis.

Itaque Astrologi judicarii, qui res occultas, vel pendentes à voluntate hominis, vel contingentes, ut certas, vel ut probabiles, futuras esse pronunciant, possunt puniri à Tribunali S. Officii ex citata Constitutione Sixti V. Nam, ut diximus, affirmare, quod actiones humanæ pendeant ab astris, est gravis error in fide. Quia tollit liberum arbitrium, ac subdit voluntatem nostram ex necessitate influxibus cælestibus & consequenter vitia omnia, & peccata non homini, sed cælo, ejusque auctori sunt tribuenda. Quod est hæreticum id dicere.

#### CONSULTATIO CVIII.

*An aliqua Prædictio ex astris prohibita sit jure tantum positivo? Doctorum variae sententia, de quibus singulis breviter disputatur. Vera sententia. Quomodo abjurare debeant Astrologi. Et an Sixtus V. prohibeat tantum illicita, & mala per se, & sic malum esset secundum se, etiam prædicere non certo, & in communi libera, & fortuita.*

**H**ic verè comprobatur illud effatum. Quot capita tot sententiæ. Raphaël Delatorre in 2. 2. 9. 95.

art. 5. dub. un. disp. 2. et si censeat probabile Sixtum V. ad occcludendum os Astrologis, prohibuisse aliquod genus divinationis, alias licitum, nimirum faciendi judicia generethliaca, quibus de futuris contingentibus, successibus, fortuitisque casibus, aut actionibus, ex humana voluntate pendentes, etiam si non certo affirmare asserant, aut protestentur in communi alloqui. Hujus prohibitionis Urbanus VIII. rationem affert; quia iste modus pronuntiandi perniciosus est Christianæ plebi, & ex eo sequuntur plurima incommoda, etiam sub eodem Urbano, unde puniti severissime transgressores ultimo supplicio à suprema Inquisitione.

Probabilius tamen existimat, nihil prohiberi à Sixto in sua Constitutione, quod jure divino prohibebatur. Est autem, ac semper fuit intrinsecè malum ex astris, non solum certo, sed etiam probabiliter conjectura prædicere futura merè contingentia in seipsis, siue illa sint actus humani, à libertate pendentes, siue eventus fortuiti, de quibus loquitur Sixtus.

Tradit autem Candidus dub. 6. effectus futuros, pendentes ex libero arbitrio prædici ab Astrologis astrologia judiciaria, tenuissima quadam conjectura, non esse illicitum, neque jure antiquo prohibitum. Quia conjecturalis, & tenuis quadam cognitio pendens ex libero arbitrio, potest haberi ex astris, non autem certo. Jure autem novo per Constitutionem Sixti V. effectus fortuitos, & futura contingentia libera prædici ab Astrologis, etiam tenuissima quadam certitudine, interdicitur. Probat ex verbis illis Constitutionis: Etiam si id non certo affirmare asserant, aut protestentur. Ac etiam quia hic modus pronuntiandi futura, dependentia ex libero arbitrio, casusque fortuitos, est valde perniciosus, & expositus multis superstitionum periculis.

Diana p. 1. tr. 1. miscel. cum Suarez, & aliis tenet, valde probabile esse Sixti V. Constitutionem obligare duntaxat in foro exteriori. Unde quicquid licitum erat de jure veteri prædicere ante dictam Constitutionem, licitum etiam esse nunc in foro conscientiae, secluso scandalo. At severius, addit, ac verius est, affirmare illam obligare, etiam in foro conscientiae. Habet enim lex ista in materia gravissima vim præcepti, eoque magis quia addita est excommunicatio ab Urbano VIII. Qui enim legit libros prohibitos de astrologia judiciaria, præter peccati mortalis reatum, Episcoporum arbitrio severe punitur ex Constitutione Pij IV. sub die 24. Martii 1564. Si autem libri contineant hæresim, eos scienter legentes, aut retinentes, sunt etiam excommunicati in Bulla Cænæ cap. 1. estque reservata summo Pontifici.

Idem Diana loco citato, ait, quod Inquisitores cognoscunt de causis Astrologorum judiciorum, quia eorum modus revelandi, est valde periculosus Reipublicæ, multis superstitionibus expositus, & ex occulta dæmonum societate pendere, præsumitur. Quod enim dicent, se eventus non certo affirmare, dicere videntur ad regendas fraudes, & vitandas pœnas statutas.

Leonardus Lessius de just. & jur. lib. 2. cap. 43. dub. 6. existimat, si Astrologi prædicant aliquid, maxime in particulari cum circumstantiis, quarum non possunt reddere rationem, nisi ex regulis astrologiæ judiciariæ, vers. 9. quia hora nativitaris erat talis cæli catastasis, non sunt excusandi, etiam si solum dixerint, esse probabile, aut verisimile. Quia cum revera nihil tale ex astris colligi possit, omnis talis prædictio referenda



referenda est ad disciplinam malignorum spirituum, & occultam eorum societatem. Et sane periculosum est, putare regulas illas esse probabiles, cum eadem ferè incommoda sequantur, & ipsi Astrologi, quos Ecclesia damnat, sæpe non plus dicant. Farentur enim suas prædictiones non esse semper certas, & posse interdum aliter evenire. Nihilominus merito rejiciuntur, tanquam impostores, & occulta commercia cum dæmone habentes. Si verò solum in genere pronuncient ita, ut probabilis ratio reddi possit ex atate, dispositione corporis, temperamento, consuetudine vitæ, aut aëris affectione, quæ ex siderum concursu, vel aspectu proveniat, non sunt condemnandi.

Zanardus in Director. p. 1. præcept. 1. cap. 5. §. 9. 16. putat, quod si astrologus judiciarius tantum asserat, se credidisse, posse alia nos inclinare, sed non cogere, quamvis subdatur iudicio Inquisitorum quoad investigationem credulitatis; quia ex facto se reddit suspectum, non tamen debet abjurare; quia rem indifferentem gessit.

At perperam putat Zanardus. Nam committens factum hæreticale, ob quod reus redditur suspectus alicujus hæresis, si rectè respondeat, etiam in tortura, illi nullatenus adhæsisse, attamen abjurat de levi, vel de vehementi juxta quantitatem suspicionis, provenientis ex indicijs, vel facto, dummodo illud fuerit confessus. Si autem fateretur, se adhæsisse, deberet abjurare de formali, ac subdi pœnis hæreticorum; ut qui accipit secundam uxorem, vivente prima, suspectus redditur de hæresi, quod licita sit polygamia. Quare, nisi ex suis defensionibus, ignorantia, vel alia ratione excusetur, abjurare solet de vehementi in Italia, in Hispania verò de levi. Si autem confiteatur tali errori adhæsisse, abjurat de formali. Ideo rectè in Inquisitione Hispanica, referente Diana *ibidem* & ex eo Carena p. 2. tit. 12. §. 12. quidam clericus, qui prædixit tempus, genus & modum mortis Regis Francorum, abjuravit de levi, suspensus fuit ab ordinibus, ac privatus beneficijs, & à tota Hispania in exilium ejectus. Alius Clericus abjuravit etiam de levi, & per annum in monasterium inclusus, inflicta ei etiam pœna pecuniaria. In Italia verò abjurarunt aliquando de vehementi, & condemnati ad triremes Astrologiam judicariam exercentes juxta qualitatem personæ, quantitatem delictorum, ac pericula ex modo affirmandi certò, & in particulari.

Duardus in Bullam Cœnæ lib. 2. can. 1. q. 22. n. 67. arbitratur prohiberi à Sixto V. artem astrologiæ judicariæ circa ea, quæ naturaliter sciri non possunt, ut declarat Quaranta v. *Astrologia judicaria*. Additque si hujusmodi Astrologi, & Chiromantici ex aliorum, manuumve inspectione, aliquid necessariò futurum asserant, sunt hæretici. Quia habent errorem in intellectu, & dæmonem consulunt de ijs, quæ naturaliter scire non possunt. Secus autem si dæmonem consulerent de præteritis, ac de præsentibus. Nam cum hæc à dæmone sciri possint, in hæresim non incidunt, ut declarat Ugolinus in *explicatione ejusdem canonis*, §. 2. Hæc Duardus.

At certè neuter per se hæreticus formaliter dicitur, & suspectus etiam redditur de hæresi, qui dæmonem consulit de præteritis, ac de præsentibus. Et ideo interrogatur reus, an crediderit, licitum esse consulere dæmonem? Quod si fateatur, credidisse, abjurat de formali, in autem, adhuc abjurat, sed de levi. Si verò quis affirmaret, futura libera necessariò evenire, deberet aliam hæresim expressè, & in particulari abjurare, ac de illa interrogari, an illi adhæserit. Potest namque esse, quod aliquis Astrologus absolute ac certissime asserat, futura, etiam libera, & tamen non cre-

dat, quod illa necessariò subdantur astris, sed ex levitate protulerit, vel juxta regulas sibi præscriptas à magistris Astrologis, sicut potest quis absque necessitate comedere carnes diebus ab Ecclesia vetitis ex vitio gulæ, non adhærens hæresi, & multi proferunt blasphemias hæreticales, hæresibus non adhærentes.

Cardinalis Toletus statuit lib. 4. cap. 15. §. 6. his verbis: Non negamus posse naturales effectus per astrologiam sciri, ut eclipses, pluvias futuras, & similia, pariter complexionem, & inclinationem hominum. Cœli namque influunt in humana corpora. Subdit tamen, peccatum esse mortale uti astrologia ad cognoscendum mysteria gratiæ, vel quæ ex libera voluntate hominis pendent, quasi certò eventura sint. Nec enim complexio hominis, neque cœlum, vel ulla creatura cogit voluntatem, & contingentia multis causis impediiri possunt. Quod si quis vellet cognoscere quandoque contingens, vel liberum, judicando esse incerta, & posse non evenire, non est mortale, nisi cum quis in suis actionibus utitur istis judicijs astrologorum, tanquam regula, nec quicquam vult facere, nisi illam consulendo, iste talis jam certam putat regulam. Semel autem, vel bis consulere, & judicando esse rem incertam, & posse non evenire, veniale esset, & actus omnino otiosus. Quia nihil prorsus certitudinis tale habet iudicium.

Hæc eadem confirmat Trullenchijs tom. 1. oper. moral. lib. 1. cap. 10. dub. 4. supponendo cognitionem ex astris circa etiam naturales effectus, qui frequenter eveniunt, valde incertam esse hominibus, cum pendeat ex concursu, & aspectu omnium astrorum simul, qui quovis momento variantur. Nec sciri potest, an talis effectus proveniat à sidere Veneris, anve Jovis. Eoque magis quia dependent etiam à causis subcœlestibus efficientibus, & materialibus. Quare hujusmodi res adeo incertas affirmare, vel credere, temeritas est, & imprudentia. Unde peccatum est temeritatis, aut levitatis, veniale quidem, nisi inde timeatur grave damnum. Addit autem, non esse per se malum, neque universaliter prohibitum prædicere ex astris inclinationem futuram pueri nascentis; esset tamen temerarium id, tanquam certum, vel nimis probabile prædicere, ut cum communi sententia Patrum, & Doctorum docet Suarez. Unde ait Lessius lib. 2. cap. 43. dub. 6. mera amentia est ex aspectu siderum, qui tempore nativitatis viget, velle de temperamento, vel affectu prolis judicare. Hoc tamen iudicium, si ulterius non procedat, sed sistat in naturalibus affectibus, & inclinatione, non est damnatum per canones, aut leges, sed permittitur, sicut alia frivola, quæ per se noxia non sunt, permittuntur. Tandem concludit: qui tantum conjectat temperamentum, & inclinationes hominum, non autem futuros effectus contingentes, non agere contra Bullam Sixti V. Potest tamen agere contra prudentiam, & veritatem, si promittat certitudinem, vel ferat iudicium absolutum. Quod si inclinationem, tanquam certam ex astris nunciaret, non careret culpa, & immineret periculum introducendi aliquam superstitionem, quæ involvit etiam prædictionem actuum humanorum.

Ex quibus contra ipsum probatur, agere in constitutionem Sixti, & non solum contra prudentiam, & veritatem, sed etiam contra religionem. Exponit enim se periculo judicandi de actibus humanis, cum paucissimi dominantur astris, & plures sequantur inclinationes.

Gherius v. *Astrologia*, iuppositis allatis Constitutionibus, decernit juxta doctrinam D. Thomæ Sixti V. excipere futuros eventus necessarios, vel frequenter ex naturalibus causis provenientes. Quare sic præcognoscere, non erit malum, ac illicitum, sicut ait, nec est illicitum cognoscere per hujusmodi cœlestes causas complexionem, & inclinationem



hominum. Hæc enim vocatur Astrologia naturalis.

Sotus *lib. 8. de iust. & iur. 9. 3. ar. 2.* ait ex D. Thoma, licitum esse per astrorum inspectionem de effectibus naturalibus, quæ ordinario naturæ cursu fiunt, aliquod iudicium ferre; ut de serenitatibus, de pluviis, deque id genus aliis. Hoc enim est de effectibus per proprias causas judicare. At de contingentibus effectibus, ac de his, quæ in nostro sunt arbitrio per astrorum considerationem, non potest iudicium, nisi fallacissimum ferri.

Rodriguez verò, *tom. 1. sum. ac Valentia. 2. 2. disp. 6. q. 12. pun. 3.* tenent, non esse illicitam prædictionem Astrologiæ judiciariæ conjecturaliter, & non certò, attribuuntque id D. Thomæ *d. q. 95. ar. 5.* & Abbati *in cap. 2. n. 7. de sortileg.* Potest enim naturaliter conjecturalis aliqua notitia, etiam liberorum quodammodo ex syderibus haberi absque auxilio dæmonis aut pacto tacito cum eo. Quod approbat Sanchez *in decal. lib. 2. cap. 38.* & placet Salello, qui in hunc sensum declarat Valentiam, & Deltium, cum hac tamen limitatione, quòd tantum contingentium liberorum prædictio sit cum sola tenuissima conjectura, & non absolute, aut cum majori probabilitate, quam per astra sciri possunt: sic enim investigans, ac prædicens non censetur tacite uti disciplina dæmonis, aut velle circa illa ab eo edoceri. Additque idem Salelles, hoc tantum valere, attento iure antiquo, non post Constitutionem Sixti V. decernentis etiam non certò affirmare asserant aut protestentur.

Porro etsi Constitutio Sixti V. post Cajetanum emanaverit, aliqua tamen ipse *præfata ar. 5.* adnotavit, quæ ad hanc rem conducunt, quòd nempe licet Ecclesiæ præcipit abstinere à licito usu Astrologiæ, somniorum, chiromantiæ, & huiusmodi in prænunciationibus propter periculum declinandi in usum illicitum, sicut accidit in usu iuramenti, & sortium, quas prohibet *in cap. ult. de sortileg.* quia debet eligi melior. In qua materia prohibita sunt, addit Cajetanus, quia malæ secundum se. Simileque subdit, est in prohibitione sortium ex paginis Evangelicis quoad secularia negotia, propter scilicet divinam irreverentiam, ut Augustinus tradit *26. q. 2.* Conatur autem Cajetanus multis probare, omnes prohibitiones Ecclesiæ intelligendas esse de vanis, aut superstitiosis, aut malis, licet ipsa moneat, ne Christiani in huiusmodi etiam licitis se implicant, ne paulatim declinent in perniciosam.

Difficultas autem est, an Sixtus V. prohibeat tantum illicita, & mala per se adeo, ut malum sit secundum se, etiam prædicere non certò atque in communi, libera, & fortuita, quæ ipse prohibet in sua Constitutione?

Suarez *to. 1. de relig. lib. 2. cap. 11. n. 12.* ait, de prædictione temperamenti pueri, & ejus naturali inclinatione ex constellatione illius, videri à Sixto V. prohibitam, dum solum excipit iudicia, quæ ad navigationem, agriculturam, & rem medicam pertinent. Ad hæc autem non pertinet iudicium de temperamentis, & inclinationibus infanum, statimque subdit, in rigore non videri omnino prohibitum quoad id, quòd per se malum non est, quia subiiciuntur hæc verba: aut facientes iudicia, & natiuitates hominum, quibus de futuris contingentibus, successibus &c. aliquid affirmare audeant, etiam non certò se id affirmare asserant, aut protestentur. Itaque nisi prædicentur futura in se ac determinatè, non habet locum illa prohibitio. Qui autem solum conjectat temperamentum, & inclinationem, nihilque aliud prædicat, non pronunciat futura contingentia, neque casus fortuitos. Atque adeo non agit propriè contra hanc prohibitionem; ager

tamen contra prudentiam, & veritatem, si certitudinem promittat, vel definitum iudicium ferat absolute, sed ad summum suspicionem, vel iudicium limitatum, videlicet horoscopum hunc promittere, vel aliud quidpiam. Unde *n. 29.* condemnat prædicentes simpliciter, & futura in particulari fortuita & libera, affirmando, & credenda proponendo, non certò, sed tantum secundum moralem, & probabilem conjecturam.

Torreblanca *lib. 7. spirit. cap. 5.* asserit, pactum intervenire implicitum, vel explicitum si quis consulat de futuris non necessariis, aut contingentibus astrologos, eisque fidem adhibeat juxta illud Exodi *13. etiamsi dixerint vobis, & ita eveniat, ne credatis;* quoniam nititur ille id addiscere per causas non naturales, quòd nec virtute innata, neque divina dispositione, neque artificiali modo aliquis consequi potest. Quare concludit, quòd omnis Astrologia divinatoria, quæ ex cælorum incursum, ac influxu astrorum futura rimatur, non solum contingentia, quæ ex Dei pendent prædestinatione, sed etiam necessaria, quæ ex aliis causis dependent, ut filios, fortunas, dignitates, honores, vel quid simile, prohibita est omni iure, & ratione.

Carena *p. 2. tit. 12. §. 12.* circa Constitutionem Urbani VIII. ait, quòd faciens iudicium super generis summi Pontificis, ac super infirmitatibus futuris ex malis directionibus subiiciatur illius pænis. Quia Constitutio generaliter loquitur super vita, & morte, & rationes Constitutionis, nempe scandalum Christi fidelium, ac Reipublicæ, ac quæ hominum, eorum præsertim, qui iniqui ex omnibus novandarum rerum occasione accipiunt, in hisce prædictionibus, quamvis aliàs essent de se licita, infirmitatem, æquè militant. Et quia hæc Constitutio, uti favorabilis animabus, Reipublicæ, totique Ecclesiæ Dei, amplianda est, ut comprehendat quæcumque iudicia, & quaslibet prædictiones astrologicas.

Salelles denique *tom. 1. regula 115. n. 104.* adstruit post Constitutionem Sixti, quòd si Astrologus iudiciarius non certò, sed tantum conjecturaliter pronunciat, subiicitur iurisdictioni Inquisitorum, cum Sixtus quemlibet usum astrologiæ judiciariæ subiiciat, concluditque & cum Sanchez contra Suarez præfaram Constitutionem obligare etiam in foro conscientie. At Suarez ibidem *n. 108.* loquitur de illo, qui extrinsecus profert absolute futura, licet protestetur se non certò, & ita etiam credat, & concludit, puniendum talem in foro Ecclesiæ juxta memoratam Constitutionem. Non autem negat Suarez, ut illi imponit Salelles, peccare in foro interiori. Imo inquit *in fine §. 20.* reperiri culpam in tali prædictione, saltem ratione scandali, ac prohibitionis Ecclesiæ. Additque ulterius *§. seq.* quòd si quis interiùs non plus intendar, quam verbis proferre, & declarat, cum dicit, se id non affirmare, ut certum, sed ut probabile, superstitiosè agit, & aliquam culpam superstitiosæ divinationis committit.

Hac in re advertendum est, plura esse mala, quia prohibita, ut lignum vitæ Paradisi, ac sæpe Principes plura prohibent, quæ secundum se mala non sunt. Comedere carnes diebus veritis ab Ecclesiâ, non est ex se malum. Non enim quòd intrat per os, coinquinat, animam; sed ut ab Ecclesiâ prohibetur. Alia prohibita sunt, quia mala, ut simplex fornicatio, quicquid hæreticè effusant nonnulli fornicarii. Prohibetur enim in præceptis decalogi, & ab Apostolo inter ex se mala enumeratur, ut fufè Sylvius *in 2. 2.* Astrologia autem iudiciaria certò, & in particulari iudicans fortuita, &



& libera futura, est ex se mala, superstitiosa, inanis, falsa, non autem illa quæ prædicat cum formidine in communi libera quoad inclinationem, & fortuita quoad conjecturas. Astrologiam verò naturalem non esse ex se malam, docent D. Thomas, Cajetanus, alique Theologi, cujus nomine non solum intelligitur ea, quæ ad agriculturam, nauticam ac medicam artem pertinet, ac prænotio futurorum necessariorum, ac naturalium eventuum in subcoelestibus, sed etiam ex astris prænotio incerta, & in communi de inclinationibus hominum, quæ tamen fallacissima est, etiam quoad fortuita, ita quidem, ut vix conjecturæ, ac suspicionis nomen obtineat. Quare si quis certò vel in particulari illa prædiceret, jam esset astrologia judiciaria, ex se mala, superstitiosa, in quam se ingerit Dæmon. Dubium autem est, an hanc solum prohibuerint Sixtus, & Urbanus, quæ per se mala est, an etiam illam, quæ per se non est mala, sed propter scandala, & pericula, quæ ex illa emergunt, & quia plures malè ea utuntur; ut proinde Chrysostomus dicat *hom. 10. in Matth.* eas solum artes oportet vocare, quæ necessariorum, & earum, quæ continent vitam nostram, sunt tributivæ, & constructivæ. Si tamen operibus alicujus artis pluries aliqui malè uterentur, quamvis de se non sint illicitæ, sunt tamen per Officium Principis à civitate extirpandæ secundum documenta Platonis; quantò magis prohiberi posset conjectatio ista astrologica adeo subtilis, quæ ideo nec scientiæ, neque artis nomen meretur, neque utilitatem aliquam affert hominibus, imò potius afflictionem, & solum quandam curiositatem?

Primum autem egisse memoratos Pontifices, videtur manifestè colligi ex eorum Constitutionibus. Uterque enim Pontifex præsupponere videtur sub initio suæ Constitutionis contra de se mala decernere. Volentes, ait Sixtus, *prædicta falsa credulitas, ac hujusmodi illicitarum divinationum, ac superstitionum detestabili studio, & execrandis flagitiis, ac impuriatibus occurrere, mandamus, ut contra quoscunque dicta judiciaria Astrologia artem, præterquam circa agriculturam, navigationem, & rem medicam, in posterum exercentes, aut facientes judicia, & nativitates hominum, quibus de futuris contingentibus &c. affirmare audent.* Affirmare autem est certò asseverare. Præterea innuitur decreto S. Concilij Tridentini, quo decernitur, certò aliquid eventurum affirmare audent. Tandem subdit Sixtus. *Qui supradictas vanas fallaces, & perniciosas divinandi artes, sive scientias exercere proficiuntur.* Unde videtur prohibere tantum artes fallaces, & astrologiam judiciariam, quamvis protestentur, se non certò affirmare, en in particulari quidem. At astrologia non judiciaria vera est suo modo apud omnes Doctores, dummodo modum non excedat.

Idque confirmatur. Nam Pontifex, nominatis præfatis artibus, alijsque sortilegiis, ait: *Et superstitionibus non sine demonum saltem occultis societate operam dare.* Ergo de sortilegiis, ac superstitionis artibus loquitur, non de bonis secundum se, quales sunt physionomia physica, & astrologia de inclinationibus, & in communi, ac non certò, quemadmodum se loqui declarat de operam dantibus aleis, ac sortibus illicitis taxillorum, granorum triticeorum, vel fabarum jactu. Unde taxillis uti, ac sortibus licitis non est malum nec prohibitum. Alia etiam, quæ prohibet ut Necromantia, Onyromantia, & similia sunt de se mala, & superstitiosa. Hoc ipsum considerari potest in Constitutione Urbani. Nam etiam attendere auspiciis naturale ex instinctu animalium non est malum,

E contra verò videtur secundum comprobari. Excipit enim Pontifex pronostica de agricultura, navigatione, & re medica. Exceptio autem firmat regulam in contrarium. Atque adeo omnem aliam prædictionem ex astris prohibet. At ita videtur observari ab aliquibus Ordinarijs, nec ullam, præter dictam prænotionem astrologicam admittunt iidem Pontifices. Nam etiam prænotiones certò, & affirmatè prodere, ad astrologiam judicariam pertinet, multoque magis in speciali de liberis affirmare, etiam non certò se affirmare dicant. Hæc enim est vera doctrina D. Thomæ, superius allata, per quam decreverunt Pontifices, & Concilia post D. Thomam congregata, ut post Baronium probat Biescas in *apologia peculiari*.

Sunt autem nonnulli, qui autumant, non esse peccatum prædicere in particulari futura memorata non certò, sed secundum moralem, ac probabilem conjecturam; quia nec de se malum est, nec quia prohibitum. Pro hac sententia refert Salelles Rodriguez, Sanchez, Delrium Abbatem in *cap. 2. n. 7. de sortileg.* eoque sequitur ex jure antiquo ante Constitutionem Sixti. Sed jam multò antea idipsum decreverat Alexander Tertius, additque in illam inclinare D. Thomam in *fine ar. 5.* Et probant, quia conjecturalis noticia haberi potest ex his causis, nec sequuntur incommoda modò adducta, quia non aufertur liberum arbitrium, neque inducitur fatum. Unde credunt, à Sixto V. tantummodo prohiberi, quod de se malum est.

At verò D. Thomas, ut liquet ex locis superius allegatis, admittit tantum prædictionem in universali, nunquam in particulari, ac determinatè, & absolutè prolatam. Sic etiam Glossa ad Panormitanum in *d. cap. 2. de sortileg.* ubi probatur *ex can. illos planetarios 26. q. 2.* ex quo Augustinus affirmat, Christianam pietatem repellere, ideo damnat omnem consultationem omnium Astrologorum. Si autem posset expectari saltem probabilis noticia sine peccato, non esset damnanda hæc consultatio; quia in hominibus probabilis noticia potest ad plura esse utilis, idcirco absque peccato ex naturalibus causis inquiritur. Id sequitur Suarez *loc. cit. n. 29.* Sylvius, ac Serra *ibidem*, existimans, Sixtum V. nihil prohibuisse, quod per se non erat malum, ac superstitiosum, subdens, hanc prædictionem futurorum dubiam, & formidolosam, non quidem ex astris immediatè, sed ex complexionibus, inclinationibus, & passionibus, non esse malam, neque ex ea sequi aliquod incommodum, cum non supponat astra esse causas, aut signa actuum humanorum.

Alii autem censent, Sixtum V. prohibuisse omnem prædictionem, præter nauticam, medicam, colonicam, etiam si conjecturalis sit, & mediata ex astris, non quia mala ex se sit, sed ad obstruendum os Astrologis, & ob plura incommoda, quæ enarrantur in Constitutione Urbani, ac præcipuè, quia dicentes, se non certò affirmare, quæ prædicunt, id protestantur ad occultandum divinationis mallitiam.

Ex his igitur multiplex difficultas insurgit, an scilicet divinatio non certa, sed conjecturalis sit de se mala? Tunc enim absque dubio tenendum est, à Sixto V. prohibitam esse; quia contra pravos Astrologos acriter invehitur. Si autem non sit de se mala, esset prohibita solum ex jure positivo, & tunc etiam dubitatur, an esset prohibita solum in foro exteriori, an item in foro conscientiæ. Quod adhuc bifariam potest explicari; nempe si pronunciet absolute, & in particulari futura, protestetur tamen, se non certò prædicere, & tunc, an in foro exteriori



exteriori puniendi sunt, an etiam peccent in foro interiori.

Quare assero primò. Per se malum est prædicere futura in particulari absolute, quamvis probabiliter tantum. Quia ex solis astris, vel aliis haberi nequit talis notitia futurorum, vel occultorum ita probabilis, ut ad determinatum iudicium in singulari pronuntiandum sufficiat, ita esse futurum in particulari. Qui autem hoc modo illa prædicit, vel hac intentione investigat, saltem hanc determinatam notitiam humanam talium futurorum inquit. Atque adeo tacite vult ex disciplina dæmonis illam adipisci, cum ex astris, & aliis, neque ut causis, neque ut signis, possit iudicium tale probabile fieri. Non enim dixisset Hieremias, à signis celi nolite metuere, si ex iis tale signum probabile ferri posset. Tunc enim rationabiliter timerentur. Unde sequitur prohibitam esse hanc prædictionem à Summis Pontificibus Sixto & Urbano, secus si aliæ considerentur circumstantiæ, & causæ particulares. Talium namque observatio non est appellanda divinatio, sed intelligentia, sive providentia. Si autem simul cum aliis conjecturis attendatur astrorum aspectus, quatenus aliquid, saltem mediatè, ac indirectè ad id conducere potest, jam id non pertinet ad superstitionem, sed ad naturalem astrologiam, quæ à Sixto V. & à D. Thoma approbatur.

Assero secundò. Prædicere futura in universali, non absolute, sed quoad inclinationes, & habilitates ex minima conjectura, quæ vix ad suspicionem reducitur, non est per se malum. Patet id ex D. Thoma, & superius adductis.

Assero tertio. Sixtus V. non prohibuit hanc prædictionem licitam, sed tantum illam, quæ de se mala est. Nam videtur superstitiosa appellare, quæ prohibet, fallacia dæmonis, &c. ex pacto explicito, vel implicito; naturalem verò omnem approbat. Hæc autem est prædictio naturalis, neque extenditur ultra quam possit naturaliter conjici ex astris mediatè, ac immediatè ex complexionibus, inclinationibus, habilitatibus, proprietatibus naturalibus in universali.

Assero quartò. Probabilis aliquorum sententia est, Sixtum prohibuisse etiam astrologiam, alias licitam ad tollenda plura incommoda, quæ ex abusu illius sequuntur in Republica Christiana; unde potest prohiberi naturalis magia, vel alia vera scientia, ob damna, quæ sequerentur ex malitia hominum. Et quoniam Sixti Constitutionem confirmat & ampliat Urbanus, hujus Constitutio posset probabiliter eodem modo interpretationem accipere; ideoque speciatim declarat in præmio damna, & incommoda, quæ inde proveniunt Republicæ Christianæ. Idque colligitur etiam ex eo, quia commisit Urbanus inquirentes de statu Republicæ Christianæ, vel Sedis Apostolicæ, vel de vita & morte Romani Pontificis pro tempore existentis, vel ejus consanguineorum usque ad tertium gradum, etiam Gubernatori Urbis, & Legatis, vel Præsidibus Provinciarum in temporalibus, cum astrologia per se mala, deberet tantum committi Cardinali Vicario in Urbe, Ordinariis extra Urbem, & ubique Inquisitoribus, quia saltem importat superstitionem simplicem, & pactum tacitum cum dæmone. Posset tamen dici, hoc actum propter enormitatem criminis. Ita quoque contra nefandum scelus in Hispania datur præventio cuilibet Judici seculari, Ordinario, Inquisitori, ne delicta enormia maneant impunita. Eoque magis quia, omnes Judices, delegati ab Urbano sunt Ecclesiastici, immo in dignitate Ecclesiastica constituti, & dum causa ad fidem quodammodo

pertinet, credimus posse advocari à supremo Tribunali S. Officii, tum præcipue propter abjuratorem. Tum quoad interrogatoria circa credulitatem & abjuratorem, quæ sunt munia propria S. Officii, & Ordinarii. Et tum quia in S. Officio causæ agitantur cum rerum secreto, & maxima integritate, nec esset dimidianda causa, vel bis iudicandum in idipsum. Hac de causa Pontifices Pius IV. & Gregorius XIII. teste Maura *scilicet* 3. cap. 1. instantibus Regibus, in Hispania subjecerunt crimen nefandum S. Officio. Quoniam, subdit, per seculares potestates non ita bene ad eradicationem totalem perveniretur.

Assero quintò. In casu dictæ quartæ assertionis Constitutio Sixti V. & Urbani VIII. obligat non solum in foro exteriori, sed etiam in interiori. Contrarium imponit Salesius Suaresio, tradit tamen illud Diana. De primo non est difficultas, cum pœnæ imponuntur pro foro, de quo iudicat Ecclesia, quia prohibetur, quod per se malum est. Secundum, præter alias dicta, probatur, quia hæc Constitutiones habent vim præcepti, ut patet ex eatum gravibus verbis. Quod verum est, sive exterioris tantum proferatur absque interiori intentione, & credulitate, sive cum illa. Prohibetur namque exterius iudicium futurorum in particulari, & subijciuntur pœnis, vel noviter declaratur subiectum illis, ac Censoribus fidei, & Ordinariis, etiam si de jura & consuetudine non subijceretur, declarando, vel ampliando, aut confirmando. Nec protestatio juvat, quia semper præsumitur ea verba proferri ad occultandam malitiam, vel quia illa est vera divinatio.

Assero sextò. Amplianda videtur Constitutio Urbani VIII. de prædictionibus infirmitatum personarum, quas speciatim nominat. Quia hæc Constitutio est favorabilis animabus, Reipublicæ ac toti Ecclesiæ Dei, ut constat ex ejus præmio, ideoque sic amplianda est, ac extendenda, ut comprehendat quæcumque iudicia, & prædictiones astrologicas, etiam infirmitatem personarum, de quibus loquitur Pontifex. Sunt enim viæ ad mortem. Idemque ferè videtur iudicium ac eadem ferè sequuntur incommoda, ut observatum fuit hac de causa in Pontificatu ejusdem Urbani.

Non tamen est prohibitum conijcere de prædictis personis ex causis naturalibus, ut ex phyllognomia naturali, ex modo vivendi, ex temperamento, ex infirmitatibus cum prudenti, ac experto iudicio juxta superius dicta. Hæc enim non est divinatio, sed naturalis ac prudens prænotio. Non esset tamen inconveniens, etiam si aliàs esset licita hujusmodi prædictio, quod prohibeatur justis de causis. Posse autem prohiberi magiam naturalem, vel aliam scientiam, si inde Reipublicæ mala provenirent, ut plerumque sequuntur ex ejusmodi iudiciis circa vitam, mortem, ac infirmitates Pontificum, jam dictum est.

Assero septimò. Urbanus VIII. Constitutionem Sixti V. confirmavit, innovavit, & ampliavit, pœnasque gravissimas imposuit quoad casus expressos propter pericula, & scandala. Unde aliqui Constitutionem interpretantur, etiam si iudicia non fiant determinatè, & affirmativè, ac in particulari, ut tollatur omnis occasio scandalorum.

Assero denique. Probabilius videtur, Urbanum VIII. ac Sixtum V. decrevisse contra Astrologiam judiciariam, quæ est per se mala, etiam si Astrologus dicat, se non certò affirmare. Patet ex ipsa Constitutione. Nam in præmio ait, nefaria curiositate explorare. Ergo loquitur de Astrologia, quæ de se mala est. Et in §. 1. se remittit ad Constitutionem



stitutionem Sixti, quæ, ut annotavimus, se declarat loqui de divinatione propriè dicta, & consequenter de superstiosa, ideoque de per se mala. Atque iccirco, ait Sixtus, prædictionem nauticam, medicam, colonicam non esse divinationem. Ad-ditque Urbanus: judicium ferre præsumant. Et postea: vanam fatidicorum existimationem aucupantes, in deplorandam animarum suarum perditionem, &c. Vanam dicit, quæ, ut utili utuntur Astrologi. Igitur superstiosa. In §. 2. subiungit: Quos Dei respectus non continet in officio. In §. 3. mathematicos, ariolos, aruspices, vaticinatoresque nuncupatos, vel alios astrologiam judicariam exercentes. Et post pauca eadem repetit, quæ proculdubio de divinatione propriè dicta accipi debent. Nonnulli etiam id probare conantur, quia in §. 5. has causas remittit Ordinariis, & ubique locorum Inquisitoribus. Unde creditur, saltem de superstitionibus simplicibus agere. Eoque magis, quia circa hæc aufert Jurisdictionem Superioribus Regularibus, quod item factum circa causas ad S. Officium pertinentes. At hæc ratio non est firma. Nam S. Tribunali S. Officii committuntur etiam causæ, quæ ad hæresim vel superstitionem nullo modo spectant. Et quia casus est gravissimus, idèd ijs committitur privativè quoad Regularium Superiores, sicut & de aliis casibus contingit; præsertim autem quia magna ex parte Astrologi judicarij sunt de hæresi suspecti, cum de actibus liberis firmissimè asseverant, & judicia ferunt. Unde ex hoc præcipuè post Paulum V. sublata est Regularium Ordinariis facultas procedendi.

### CONSULTATIO CIX.

*De Arte notoria. Quid ea sit? An, & quantum licita, vana, superstiosa? De arte Paulina! Quomodo differat à notoria. Iterum de Kabala. Ad quas superstitiones pertineat? Quomodo abjurare debeant? Alia.*

**D**ivus Thomas 2. 2. q. 169. ar. 2. ad 4. docens, quamnam artes sint licitæ, & illicitæ: illas artes esse illicitas, ait, quæ faciunt aliqua opera, quibus homines uti non possunt absque peccato, & consequenter artifices ea faciendo peccarent, quia præbent directè aliis occasionem peccandi. Ut si quis fabricaret idolum, vel aliud ad cultum idololatriæ pertinens. Si qua verò ars est, cujus operibus homines possunt bene, vel male uti, sicut sunt gladii, fagittæ, aliæque hujusmodi, usus talium artium non est peccatum, & hæc solum vocandæ sunt artes ex Chrysostomo hom. 50. in Matth. cujus verba alibi retulimus, ibique concludit D. Thomas: Ergo mulieres licitè se possunt ornare, vel ut conservent decentiam sui status, vel etiam aliquid superaddere, ut placeant viris. Unde artifices talium ornamentorum non peccant in usu talis artis, nisi fortè inveniendò aliqua superflua & curiosa, quod peccatum veniale judicat *ibidem* Cajetanus cum Sylvestro. Quare idem Chrysostomus loc. cit. ait, quod ab arte calceorum, & textorum multa abscindere oportet. Etenim ad luxuriam deduxerunt, necessitatem ejus corrumpentes, artem arti male commiscuentes.

Docet verè eadem 2. 2. q. 95. ar. 1. ad 2. & quo. lib. 4. ar. 16. ad 1. & 2. magicas artes, etsi essent scientiæ, non autem fallaciæ dæmonum, adhuc meritò prohiberi. Et q. 96. ejusdem 2. 2. ar. 1. in

corp. tradit, quod, licet dæmones possint verbis, hominibus colloquentes exprimere aliqua scientiarum documenta, id tamen non quæritur per artem notoriam, ubi addit Cajetanus: Etsi hoc quæreretur, adhuc ars esset illicita; quia uteretur mediis illicitis, nempe dæmone doctore, & consequenter ex illius societate. Esset tamen efficax secundum potestatem naturalem dæmonis, qui, si Deus permitteret, posset melius, & facilius quocumque philosopho, aut astrologo aliquem docere.

At si primo, ac secundo modo procuretur scientiam haberi, spectat ad magiam superstiosam, & dæmoniacam. Et de hac loquitur D. Thomas. Si verò per infusionem, pertinet ad tentationem Dei, ut declarat Suarez tom. 1. de relig. lib. 2. cap. 15. Quoniam ab eo petitur miraculum, sive opus supernaturale sine causa, vel necessitate; ac etiam pertinet ad cultum indiscrētum, & vanum, non tamen falsum, quia revera ibi non colitur alius Deus, sed verus, indebito tamen modo. Si autem acquiritur per modum artis, quasi illa habeat vim infundendi scientiam sub certis regulis, ac præceptis infallibiliter, jam includitur superstitio, præter periculum, si esset prævisum. Ingerit enim se dæmon in tales vanitates. Si id tandem fieret sine aliqua arte, vel regulis infallibilibus ad hoc institutis, ac sine instinctu Dei peculiari, & absque causa necessaria, esset tentatio Dei, vel improbus cultus, præsertim quia supponitur, non adhiberi industriam, studium, ac diligentiam, quam ex parte sua posset adhibere.

Quod autem primò & secundo modo ad magiam superstiosam pertineat, liquet ex sæpius dictis. Utitur namque vanis observationibus, non ut causis, sed ut signis supervacaneis, atque adeo sunt signa, quæ pertinent ad pacta significationum cum dæmone inita, & utroque modo potest exerceri ars notoria; sed plerumque fit tertio modo. Unde sic illam describit D. Thomas cit. q. 96. ar. 1. est ars, quæ per quasdam observationes, per quasdam jejunia, per quasdam orationes ad Deum, & figurarum inspectiones, ac prolationes ignotorum verborum, per potionem certi liquoris, subitam, sive extraordinariam scientiæ acquisitionem promittit. Subditque: Ars notoria penitus est fugienda à Christiano, sicut aliæ artes nugatoriæ, vel noxiæ superstitionis.

Cur autem dicatur ars notoria, non tradunt Doctores: Puto autem ita dici, quia per quasdam notas, & figuras procuratur, etsi alia superstiosè hoc etiam modo inquirantur. Dæmon enim fingens infundere scientiam, quod non potest in notis ipsis, vel figuris, quasi scribens, vel phantasiæ phantasmata aptans, quasi loquens, arcana scientiæ facit apparere, ac si scientia esset infusa, quod duntaxat potest Deus facere, cum dæmon non potest agere immediatè in animam, vel ejus potentias, nedum in voluntatem, sed neque in intellectum, cui à Deo infunditur scientia. Vocatur etiam hæc ars notoria *Clavicula Salomonis* ad similitudinem scientiæ, quæ Salomoni fuit infusa.

Hac in re notandum est ex D. Thoma, artem notoriam illam dici, quam, traditis quibusdam præceptis, ac regulis observandis, pollicentur ejus magistri statim, & quasi per infusionem instar scientiæ Salomonis, Prophetarum & Apostolorum allis tradituram. Quare minùs rectè Torreblanca in hoc distinguit illam ab arte Paulina. Ea triplex est. Altera utens observationibus merè superstiosis, quæ nullam ex se obtinent efficaciam ad docendum homines, nimirum inspectione aliquarum figurarum, prolatione



prolatione verborum ignotorum, ac similibus. Alia utitur quibusdam observationibus ex se pijs, ut jejuniis, ac precibus, ad infusionem scientiæ subitanam directis. Tertia medium locum obtinet, superstitiosis, ac pijs simul utens, quæ frequentior est. Præmittunt enim sacram generalem peccatorum confessionem, Eucharistiæ assiduam susceptionem, jejunia plurima, psalmos pœnitentiales, à negotijs mundanis feriari, & tandem quasdam orationes certis quibusdam diebus, ac horis proferre, figuris quibusdam inspectis, & adoratis Sole, ac Luna in certis aspectibus constitutis cum alijs superstitionibus, quæ in arte Almadel, Paulina, sive revelationum habentur. Talem Directorium Inquisit. Pegna, alijsque Autores graves ajunt fuisse scientiam Raymundi Lulli, etsi alij contendunt illam à Christo accepisse, pro quo martyr obiit.

Petrus autem Cirvelo in *lib. de superstitione p. 3. cap. 1.* refert, quendam juvenem, dum fere omnes observationes ad artem notoriam adipiscendam, complevisset, in campo magno existens, pronuncians hymnum: Veni Sancte Spiritus, à demone in turbine fuisse arreptum, per terram deductum, vix à morte ereptum, gravi, & continua imbecillitate postea, & ægritudine afflictum. Quare alij perterriti, vanitatem artis notoriæ cognoscences, abominati sunt; traduntque communiter Doctores, eos, qui hujusmodi arti vacant, tandem dementatos, debilitatos, & ægritudinibus varijs afflictos fuisse. Videatur Lavater. *lib. de spectr. cap. 14.* Quod etiam fateatur Reges Hispani *lib. 2. leg. tit. 23. p. 7.* his verbis: De manera, que algunos dellos mueren, o quedan locos, o desmorindos. Quare damnata Parisiis anno 1320. Falso tribuitur hæc Ars Salomoni, ut patet ex libro de illa edito, & à B. Pio V. damnato. Describit fuscè, inconsultè tamen ac temerè Cirvelus in *apolog. astrolog. judic. apud Torreblancam cap. 14. lib. 1. epit.* ritus hujus artis quos consultò nos omittimus.

Ait verò Delcius *lib. 2. magic. q. 24.* talem instructionem posse appellari illuminationem contra D. Thomam *p. 1. q. 111. & 114. ar. 4. ad 2. & q. 16. de demonib. ar. 10. & 12.* Sed quæstio est de proprietate nominis, ac etiam de re per illud in proprio sensu significata. Illuminatio siquidem in ordine ad Deum est, & ad instructionem illuminati. At dæmon non intendit illuminare aut instruere, sed potius turbare, & offuscare phantasiam. Ideoque idem autor *lib. 3. magic. q. 4. sect. 2.* melius cogitans, ait, nihil scientiæ talium rituum observatoribus infundi, sed dæmones eos obsidere, illorumque turbata phantasia, per eos loqui, linguam eorum movendo ad quædam illis incognita, & arcana profunda. Imò idem D. Thomas *cir. ar. 1. in corp.* inquit, ad dæmones non pertinet illuminare intellectum, ut habetur *p. 1. q. 109. ar. 3.* Acquisitio autem scientiæ & sapientiæ fit per illuminationem intellectus. Et ideo nullus unquam per dæmones scientiam acquirit. Unde Augustinus *10. de civit. cap. 9.* ait, Porphyrium fateri theurgicis Theletis in operationibus dæmonum, animæ intellectuall nihil purgationis accedere, quod eam faciat idoneam ad videndum Deum suum, & perspicienda ea, quæ vera sunt, qualia sunt omnium scientiarum theorematum.

Dicendum itaque primum est. Ars notoria est illicita. Est de fide, probarurque *ex Luca 4. & ex Deuter. 18.* verbis istis, non inveniatur in te, qui quærat à mortuis veritatem; quæ sanè inquisitio innititur auxilio dæmonum. Per observationes autem artis notoriæ inquiritur cognitio veritatis per quædam pacta significationum cum dæmonibus inita.

Confirmatur id, quia ars notoria utitur quibusdam rebus ac verbis ad scientiam acquirendam, quæ non habent secundum se virtutem causandi scientiam, quæque non sunt signa à Deo instituta, sicut sacramenta, & tamen utitur illis, ut signis. Ideoque supervacanea sunt, atque adeo pertinent ad pacta significationum cum dæmonibus inita.

Dicendum est secundò. Ars notoria est inefficax ad scientiam acquirendam. Quia per hanc artem non intenditur acquisitio scientiæ per modum homini connaturalem, neque expectatur à Deo, neque medijs Angelis sanctis, qui non communicant scientiam quibuscumque & cum arte, ac certis observationibus varijs, neque id promittit Deus, neque Ecclesiæ suæ revelavit. Ergo provenit à demone, qui non potest scientiam infundere, licet possit verbis, hominibus alloquendo, exprimere aliqua scientiarum documenta.

Quomodo autem id possint dæmones, explicat D. Thomas *q. 16. de malo ar. 12.* his verbis: sicut in rebus corporalibus superior virtus adjuvat, & confortat inferiorem virtutem, ita & lumen Angelicum confortare potest lumen intellectus humani ad perfectius judicandum, quod Angelus bonus intendit, non autem Angelus malus. Unde hoc modo Angeli boni movent animam ad intelligendum, non autem dæmones. Ex parte autem specierum Angelus bonus, vel malus potest immutare hominis intellectum ad aliquid intelligendum, non quidem influendo species in ipsum intellectum, sed quædam signa exterius exhibendo, quibus intellectus excitatur ad aliquid apprehendendum, quod etiam homines facere possunt, Sed etiam ulterius Angeli boni, vel mali possunt interius quodammodo disponere, ac ordinare species imaginarias, secundum, quod competit ad aliquid intelligibile appetendum. Quod quidem Angeli boni ordinant ad hominis bonum, mali verò ad hominis malum; vel quantum ad effectum peccati, prout scilicet homo ex his, quæ apprehendit, movetur ad superbiam, vel ad aliquod aliud peccatum, vel ad impediendam ipsam intelligentiam veritatis, secundum quod per aliqua apprehensa inducitur homo in dubitationem, quam solvere nescit, & sic trahitur in errorem. Unde Augustinus *lib. 83. quest.* ait, quòd dæmon quibusdam nebulis implet omnes meatus intelligentiæ, per quos pandere lumen rationis radius mentis solet. Neque hoc modo Salomoni Deus infudit scientiam medijs ritibus, aut cœremonijs, sed tantum divina voluntate, nec quando ille voluit, sed dum benignè Deus dignatus est, ut docet idem D. Thomas *p. 2. q. 13. ar. 3.* Peret. *lib. 2. adversus fallaces artes q. 10.* Deus autem arte non flectitur nec stolidorum hominum votis inclinat, ut ab eorum nutu pendeat, imò petere à Deo, ut scientiam infundat, sicut Salomoni, est petere miraculi patrationem absque necessitate, ac tentare Deum, quod prohibetur *Deuter. 6. Luc. 4. & Matth. pariter 4.*

Advertit verò Torreblanca *lib. 1. cap. 5.* artem Paulinam in multis convenire cum arte notoria. Est enim illa hujus quædam species. Differunt tamen primò, quòd artem Paulinam, dicunt infusam D. Paulo, in extasim rapto & ab eo posteris traditam quam comminiscuntur tradi per modum subitæ infusionis, & ideo appellant artem spirituum, quòd ajunt à spiritu provenire intus inspirante, ut quandocumque homo vellet, omnium rerum scientiam adipisci faciat, modo ab ipsis imprudentissimè tradito. Hujus autem artis duæ assignantur species. Altera obscura, quæ fit per viam elevationis raptus, extasis. Altera clara, quam



quam dicunt fieri visibiliter, Angelo apparente, ac docente. At certè ars hæc est mera Gœtia, incantatio, & dæmonis impostura, ut homines decipiat, ceu probat Baptista Segnius *lib. de odio Satana cap. 8. & 9.* ac D. Augustinus *lib. 1. de nat. demon.*

Salles quoque *regula, 120. n. 206.* statuit cum Suarez, & Sanchez discrimen inter magiam dæmoniacam, operatricem scientiarum, quæ dicitur ars notoria, vel Paulina, & divinatoriam; quod ista semper sit de rebus, quarum notitia naturaliter haberi nequit, sed fides, autoritate dæmonis innixa. Ars autem notoria, vel Paulina supponitur de rebus quibuscunque, quæ per ordinarium studium, vel infusionem divinam cognosci possunt, quarum veritates manifestantur per propria media sive principia, à quibus naturaliter, sive necessariò deducuntur. Unde si quis hoc modo evadat Philosophus, Mathematicus &c. non potest icirco divinare, sed veritates secundum discursum cognoscere, neque esset infusa, ut dictum est, & annotant Lessius, Sylvius, Delatorre, Suarez, alijque. Quia id Dei proprium est ex Augustino *d. lib. 10. de civ. cap. 9.* ut patet ex Anabaptistis, qui statim acquirunt scientias, sumpto sacrilego illo panis bolo detestabilis cœnæ de quo alibi, & ex multis punitis à S. Officio, qui de scientijs omnibus abundè loquuntur, dæmone per os illorum legente scripturas, ac disputante, suosque asseclas ita dementante, ut se omnia scire existiment, sed redeuntes ad se ipsos, rudes & ignari remanent, ut antea.

Ad hanc artem reduci potest Kabala divinatoria, cum ejus sectatores jactitant per ipsam respondere ad interrogata, etiam de futuris liberis, & consulere de rebus agendis, ac si esset Angelus, vel Deus oracula fundens. Quod si propositis respondet, procul dubio fit dæmonis ope, phantasmam movendo interna suggestionem, Deo permittente, vel apparendo in forma visibili. Sic enim potest plura manifestare, & hoc modo arte dæmonis nonnulli Philosophi, ac Poetæ subito plures rustici evaserunt, sicque Hetruscos aruspicinam docuisse meminit textus *in can. Nec mirum 26. q. 5.* De alijs Pausanias, Suidas, Eunapius, quos irridet Persius *sat. 1.*

An autem Kabala pertineat ad superstitiones, ac divinationes simplices, an verò ad qualificatas, jure dubitatur. Distinguo. Vel numeris illis sub hac arte præsentia compactis utitur quis ad sciendum futura libera, est divinatio qualificata, importans hæresim Lutheranorum, negantium liberum arbitrium, fatumque statuentium, aut tribuentium creaturis attributa divina, inter quæ unum est futura libera hominis cognoscere. Tales debent torqueri super intentione, ut suspecti de fide, & abjurare de vehementi, aut levi, si rectè responderint, secus de formali. Vel illis utuntur ad sciendum futura naturalia, & quæ possunt ex causis naturalibus aliquando præcognosci, & tunc est superstitio simplex vana, applicans utiliter ad finem, ad quem non est ordinata à natura, neque à Deo talis collectio regularum circa numeros, & literas. Quare à dæmone expectatur responsum cum homo nequeat ad hunc finem ex se pervenire vi numerorum.

Estutunt aliqui Kabalistsæ, non per numerum divinari futura, sed illis cum literis formari certas dictiones, quibus respondetur interrogatis juxta regulas præscriptas. Sed hoc etiam modo est superstitio saltem simplex, cum talem effectum ex sui natura verba illa non possint efficere. Est enim proprium creaturæ rationalis respondere ad propositum loquentis. Unde refutantur capita ænea, marmorea, lignea, quæ ex se loquuntur, tanquam dæmonis instrumenta, quibus ipse oracula dare solet.

Imò est experimentum qualificatum, quatenus à dæmone videtur expectari responsum, & sic involvitur explicita invocatio, & pactum præcipue primi institutoris cum dæmone, ideoque responder dæmon, cui pactioni assentiunt posteriores facto. Possunt tamen simplices non admoniti excusari à pacto explicito, non autem gnari & sapientes homines. Subduntur tamen isti omnes S. Officio, & juxta gravitatem criminis debent puniri.

Qui autem alicujus rei scientiam à dæmone acquisivit potest illa uti, si talis scientia est naturalis, ut est notitia virtutis alicujus rei naturalis, & quamvis peccaverit mortaliter à dæmone talem scientiam addiscendo, tamen si ejus usus non pendeat à dæmone, nec dæmonis concursum requirat, nec aliquod vitium contineat, nec ad aliquod malum ordinetur, potest licitè illa uti, & alios eam docere. Quia usus scientiæ naturalis de se bonus est, etiamsi malè sit acquisitus. Si verò talis scientia est superstitiosa, certum est, quod non potest illa uti. Sic etiam tradunt Valentia 2. 2. *disp. 6. q. 13. pun. 2.* Sanchez *in decal. lib. 2. cap. 42. n. 20.* Victoria de magia *q. 4. n. 15.* Delrius *lib. 2. magic. 9. 4. tit. F.* Suarez *cit. lib. 2. cap. 15. n. 24. & cap. 17. n. 1.* Bordonus *10. 1. cap. 18. n. 6.* & Palaus *p. 3. tr. 17. pun. 10. n. 7.*

Is verò, qui studendo, & faciendo, quod in se est ad scientiam acquirendam simul uteretur vanis observationibus, committeret superstitionem, si ex illis sperat, vim memoriæ acquirere vel acumen ingenij, vel organa sensuum melius disposita, vel similia, quæ virtute talium observationum naturaliter fieri non possunt, sed fieri aliquo modo possunt virtute dæmonis. Quia sine dæmonis pacto expresso, vel tacito hæc fieri nequeunt, etiamsi nihil expresse, vel tacitè peratur, quod virtutem naturalem superet, ut per Delium *lib. 2. magic. q. 24.* & Suarez, *loc. cit. cap. 15. n. 7.*

Pariter qui ad acquirendam aliquam scientiam profert illa verba Psalmi 50. *Incerta, & occulta sapientia tua manifestasti mihi*, si credit necessariò hæc verba esse proferenda, ut scientiam consequatur, utique est superstitiosus, & mortaliter peccat; secus verò si tantum ex devotione, & ut à Deo scientiam impetret. Ita D. Thomas 2. 2. *q. 96. ar. 4. ad. 1.* D. Antoninus 2. *p. tit. 12. cap. 1. §. 11.* Navar. *cap. 11. n. 30.* & Sylvester *v. superstitio q. 10.*

## CONSULTATIO CX.

*De Fato Ethnico, Astrologico, Christiano. Et primum de Ethnico.*

**V**ariant opiniones veterum de Fato. Initium ab illis ducam, qui eò quod Dei tollerent naturam, nec Fatum, nec ullam Dei providentiam agnoscere potuerunt. Tales habiti olim Diagoras. Melias, & Theodorus Cyrenaicus, de quibus & aliis *in Consultatione de atheismo*, ubi horum omnium opinio excussa, explosaque à nobis est.

Altera eorum est opinio, qui sive ex animo, sive verbis saltem, Deum esse faterentur, at aperte interrim divinam rejicerent providentiam. Quales fuere omnes ex Epicuri schola. Horum opinio ex eo profluxit, quod beatitudinem constituerent in vacuitate à curis, & negotijs. At in eo vehementer sunt decepti, quia potius sita est in bona operatione. Etiam eo Epicurus propugnatur apud Tullium, quod si liberum sit arbitrium, fatum esse non



non possit; uti contra Stoici plerique colligebant, quia Fatum sit, non esse arbitrij libertatem. Sed duo hæc, dum Fatum commodè intelligatur, non pugnare, inferiùs monstrabitur.

Porro Epicurus non modò Fatum sustulit in iis, quæ à libertate hominis pendeant, sed etiam in rebus naturalibus, seu necessarijs. Etiam illis, qui omne negarent Fatum, aggregavit se Anaxagoras Clazomenius. Neque obstat, quòd Græcorum docuerit primus, mundum hunc esse compositum à Mente divina. Nec enim hoc impedit, quominus excluderet Fatum; imò inane ejus esse nomen diceret, quemadmodum Alexander Aphrodisiensis autor est in libro de Fato.

Venio ad illos, qui aliquod agnoscerent Fatum. Hi quoque in varias abeunt sectas. Primum de illis videamus, qui illud posuere in solis naturalibus, ac necessarijs, sic ut eorum nihil non fatali fieret necessitate. Hæc Pythagoræ opinio fuit. Nam, ut est apud Stobæum in eclogis physicis cap. 8. *Pythagoras Necessitatem dixit esse mundo circumdatam.* Etiam addit esse Leucippi: *Omnia fieri necessitate, atque eandem esse Fatum.* Ait enim libro de Mente: *Nulla res frustra fit, sed omnia sunt ratione, atque ex Necessitate.* Heraclitus quoque Fatum statuebat, nihil aliud esse, quàm rationem permeantem per omnem naturam, ut est apud Plutarchum lib. 5. de placit. Philos. cap. 28. & Stobæum loc. cit. cap. 9. Ac subiicit uterque: *Hæc autem æthereum est corpus, semen procreationis Universi, certaque periodi mensura.* Ubi videmus, ut Æthera dicat Fatum, & ab eo esse fatalem naturalium omnium Necessitatem.

Aristoteles quoque in naturalibus Fatum posuit, ac ratione eorum divinam agnovit Providentiam, sic tamen, ut hæc non extenderet se ultra Lunam. Sed quod dicitur, eam non pertingere ad sublunaria, id bifariam intelligi potest. Vel simpliciter, vel ratione individuorum, non specierum. Priorem sententiam Aristoteli tribuit Chalcidius in *Timeum Platonis* his verbis: *Aristoteles Dei providentiam usque ad Lunæ regionem progredi censet; infra verò neque providentia scitis regi, nec Angelorum ope, consultisque sustentari, nec verò demonum prospicientiam putat intervenire; proptereaque tollit omnem divinationem, negatque præscire futura.* Hæc Chalcidius, qui non examulim assequutus est mentem Aristotelis, & sectatorum, quippe qui non removerint prorsus Fatum, aut providentiam Dei à sublunariis, sed solum à cura individuorum, quatenus sunt talia. Nam de speciebus fatebantur, omnia fieri Fato. Cælum quippe à primo Motore, sive Deo verari, atque ab eo pendere in sublunariis conservationem specierum.

Ut verò negarent ad individua etiam, quatenus istiusmodi essent, Fatum, vel Providentiam Dei pertinere, duobus adducti sunt argumentis. Prius ad eorum contingentiam attinet. Nec enim videre poterant, quomodo, si Deus curaret contingentia, non sapius sine suo frustraretur, quòd ejus argueret impotentiam. Quare legem velle imponere contingentibus, hoc, ut ex eorum mente loquitur Pomponatius lib. 2. de fato cap. 1. *perinde est, ac si quis vellet asinum docere philosophiam.* Præterea aiebant, ita sublatum iri liberum arbitrium. Nam, si Deus sic ad clavum sedeat Universi, ut velit gubernare singula, quicquid boni egerit homo, divinæ fore voluntatis; quicquid fecerint mali, attribuendum esse casui, quia factum sit præter voluntatem gubernantis, non aliter ac cum Grammaticus optimus male loquitur, vel Musicus eximius in cantu paulum aberrat, non arti hoc, sed casui assignamus.

Quamquam verò ob ea, quæ diximus, negarent

Deum curam habere singulorum, non tamen excludabant speciei cujusque providentiam. Quippe inquebant, mens divina gubernat cælum. Ab hoc autem dependent omnia sub Luna, ut cujus virtute mutantur elementa, mixtorumque fiat generatio, plantæ quoque ac mutæ animantes pro cæli variant plagis, homines etiam pro cælo, ingenio, ac moribus distent. Atque hinc colligebant, non posse Fatum penitus excludi à sublunariis, si species, non individua, cogitemus. Ac diluto hoc termine arbitrati sunt, bellè satis se conciliaſſe eorum sententias, qui Fatum, quique rerum assererent contingentiam.

Hæc potius, quàm illa à Chalcidio allata, Aristotelis mens fuit, quemadmodum non uno philosophi loco evincitur. Nam & sublunaria Fato generari, ac interire, disertim ait, *ut in 5. physic. contex. 57. ubi dividit corruptionem in illam, quæ est præter naturam, & illam secundum naturam.* Prioris generis ait, esse violentam, ac pariter inquit: *Sunt & ortus quidam violenti, non fatales, quibus contrarij sunt ortus naturales.* Ubi clarè & ortus, & interitus eos vocat fatales, qui contingunt secundum legem, ac cursum naturæ universalis, sive etiam particularis, sed quatenus ea legi subdita est universalis. Itaque si accendatur sylva, vel bello homines occidantur, aut naufragio pereant, non fuerit is vel arborum, vel hominum interitus, fatalis. Quippe violentus, & adversus legem naturæ universalis, quæ est, ut mixta pereant per putrefactionem, nec animatum moriatur, nisi resolutum jam humore ultimo à proprio calore, qui, consumpto à se humore, exstinguitur.

Idem fult cognoscere est ex eo libro, quem ad Severum, & Antoninum Cæsares perſcriptit Alexander Aphrodisiensis, ubi Anaxagoræ quidem & Clazomenij opinionem rejicit, qui, ut dixi, inane esse contendit Fati nomen. Interim ipse non aliud agnoscit Fatum, quàm consuetum Naturæ cursum. Quippe ait, Fati nomen à se intelligi, *naturam propriam, ut quæ sit principium cujusque & causa ordinis eorum, quæ in eo sunt secundum Naturam.* Quo significat, Fato fieri, quæ eveniunt secundum legem, & consequentiam, quam res habent in se ipsis. Itaque cum alia fiant alicujus gratia, alia nullius, ac priora vel natura sint, vel ratione, sive prælectione, Fatum esse in istis, quæ alicujus gratia fiunt à natura, neutiquam verò locum habere in illis, quæ ab humano pendeant arbitrio. Quamobrem statuere non dubitat, idem esse Fatum, ac Naturam; Fato solem lucere, ignem urere, ex equo generari equum, hominem quoque Fato mori, qui dissoluto diem obeat temperamento. At præter Fatum eos decidere, qui de equo decident, vel gladio pereant, ad cujusmodi mortes, si Alexandrum audimus, non extendit se Fatum, quia non fiunt necessitate naturali, sed contingentia sunt, qualia excludi à cura divina apud eundem Aphrodisiensem etiam legas in *problem. natural.* atque hunc sequutus in eo Themistius, Themistium Averroes in lib. 12. *metaphys. contex. 51. item in lib. de Somno, & Vigilia.*

In eo igitur convenit hiis omnibus, individua caduca primò, directeque non cadere sub divinam Providentiam, sed solum secundariò, indirectè, & quatenus includuntur in universali. Imò nequidem arbitrantur, scire Deum particulatim quæ sub Luna fiant. Tum quia individua sunt infinita. Infiniti autem non sit scientia. Tum quoniam individua hodie sint, cras esse desierint, quasi rerum mutatione mutabilis etiam fuerit scientia Dei. Tum quòd sint materialia, quorum notitia eò menti adverteretur divina



divinæ, quia hæc sit omnis materiæ expers; quippe actus purissimus. Ac denique quod in sublunariis hisce sint insecta, cloacæ, & vilia id genus, quibus, ut ajunt, vilesceret mens divina, aut saltem particulatim ea nosse illam dedecet. Ac faver his locus ille Aristotelis *metaph. lib. 12. cap. 9.* ubi considerat, *divinissimum, maximeque honorabile, & quasi dubius quidem, sed non obscure tamen significans, quò inclinet, mox subjungit, divinissimum illud etiam cogitare de quibusdam, est absurdum.*

Hæc Philosophis tantis adeo gravis momenti visâ sunt, ut non sine grandi sacrilegio, statuerent, Deum quæ singulatim in terris fierent, nec curare, nec scire, eoque nec Fatum, sive divinam potius Providentiam, ad sublunaria hæc, particulatim considerata, pertinere. Præterea hoc quoque ijs vitio vertendum, quod ne in cælestibus quidem, vel speciebus sublunariis, quale Fatum suum foret, satis cognoscerent. Licet enim Numen divinum suum præscripserit Ordinem Cælis, non propterea tamen immutandi ejus jus sibi præscripsit. Quandoquidem & solem stare jussit. Et si in illis, quæ cælis subdita sunt, malimus exempla, præter naturæ ordinem, quem fatalem vocant, mandato ejus peperit Virgo, cæci recuperarunt visum, ac mortui sæpius sunt ad vitam revocati. Neque me fugit, cujusmodi sint, quæ obduci illis solent, sed à compluribus Philosophis Christianis obviam illis itum, atque id non solidè minus, quàm perspicuè. Actum verò agere non est animus.

Veniamus nunc ad eos, qui Fatum etiam agnoscunt in rebus contingentibus, & actibus humanis, cujus sententiæ patroni in tres scinduntur partes. Aliqui sic se explicant, ut omnes videant, relinqui ab ijs arbitrij libertatem. Alij, ut omnium judicio eam tollant. Alij autem, ut disputent hodieque eruditi, utrum eo pacto salva sit voluntas, an minus.

De Platone nemo dubitat, quin sic Fatum agnoscat, ut non eripiat homini libertatem. Nam statuit, ut Alcinous ait *cap. 26.* *Omnia quidem esse in Fato, non omnia tamen esse in Fato decreta.* Et Platarchus ita enarrat Platonis mentem *lib. 1. de placit. Philosoph. cap. 27.* *Fatum esse connexum causarum ordine contextum, quo etiam concludantur ea, quæ à nobis sunt, ut sic alia haberi debeant fatalia, alia non decreta fato.* Hinc Platonici Chalcidius comment. in *Timæum*: *Qui omnia Fato fieri dicunt, merito reprehenduntur ab ijs, qui probant, esse aliquid in nostra potestate. Qui omnia in nostra potestate constituunt, nec quicquam Fato relinquunt, falli deteguntur. Quis enim ignoret, esse aliquid in Fato, & extra nostrum jus? Sola igitur vera illa ratio est, si xaque & stabilis sententia, quæ docet, quædam Fato fieri, alia porro ex hominum arbitrio, & voluntate proficisci.* Est verò Platoni Fatum, ratio aterna, perpetuæque lex natura Universi, ut est apud Stobæum in *eclog. physic. cap. 9.* sed hæc etiam pertinent ad legem eam, quam Deus rebus præscripsit naturalibus. Nunc ea de lege videamus, quæ sancita est præditis intellectu.

Hæc apud Platonem in *Phædro*, & exinde Plurarchum *lib. de Fato*, ejusmodi memoratur: *Quicumque animus, Dei comes factus, aliquid veri perspexerit, is usque ad alteram circumscriptionem à supplicio sit immunis, & si possit perpetuò id facere, perpetuò erit illasus.* Quæ fusiùs sic enarrat Chalcidius *pag. 278.* *Legi qui pareat, sequaturque principis Dei veneranda vestigia, beatam semper vitam agit, juxta legis perpetua sanctionem, quod est, juxta Fatum.* At verò quæ Dei comitatum anima neglexerint, rursum & ipsæ, alio quodam, contrarioque genere secun-

Tom. I.

dum Fatum vitam exigunt, donec pœniteant eas delictorum suorum, expiatisque criminibus deinceps ad immortalis Dei, & aeternarum, divinarumque potestatum choros, revertantur, & ille legis rigor ex deteriori fortuna transitum fieri sinat ad beatam.

Porro in verbis Platonis, per alterum circuitum; intelligitur stellarum fixarum, & erraticarum omnium reditus ad habitum, & conditionem præteritam, qua Constellatione instaurata, omnia & in cælis, & in terris se habeant, ut prius. Hinc Plato, interprete Chalcidio *pag. 240.* *Est tamen intellectu facile, quod perfectus temporis numerus perfectum annum compleat, tunc demum, cum omnium octo circumactionum cursus peracti, velut ad originem, & caput circumactionis alterius, revertentur, quam semper idem, atque uniformis motus dimetietur.* Hoc spatium esse annorum triginta sex millium, alibi diximus. Legem autem fatalem, quam animis diximus promulgatam, Plato in *Phædro* appellat *Legem Adrastæ*; item in libris de Republica, *Orationem virginis Lachesis, filie Necessitatis.* Hæc lex, ut vidimus pariter & parendi obsequium continet, & contumaciam; nec voluntatibus necessitatem alterutrius imponit, sed suæ eas relinquit potestati. Nam, ut idem Chalcidius *pag. 255.* ait: *Quod anima hominis natura talis sit, ut interdum ad virtutem se applicet, interdum ad malitiam propendeat perinde, ut corpus, modo sospitati, modo agritudini proximum, fixum planè est, & decretum ex origine. Quis porro malus sit futurus, aut bonus, neque decretum, neque imperatum. Proptereaque leges, magisteria, deliberationes, exhortationes, revocationes, institutiones, nutrimentorum certa observatio, laus, vituperatio, quæque his simulantur; quia rectè vivendi optio penes nos est. Ubi pro simulantur, malum similia adhibentur, vel tale quid. Pleniùs, planiusque hæc explicabimus.*

In anima omni rationabili spectantur alia quidem ex præcessionem meriti, alia autem ex consecutione animadversionis, vel præmij. Priora sunt ex motu animæ libero, cujus exemplum affertur, quod anima Socratis secundum Adrastæ sive Lachesis legem, comitem se se præbuerit Deo. Hoc proprium dicitur opus Socratis. Attam hoc, quàm cum animæ aspernantur comitatum Dei, præcessionem vocant, quia sunt causæ præcedentes ex meritis nostris.

Posteriora non sunt in hominis potestate, sed sequuntur secundum Fatum; unde & fatalia dicuntur. Aliud enim Fatum, aliud fatale. Fatum est lex ipsa. Fatale est executio legis. Ut quod Socrates, quia juxta Fati legem vixisset, beatus usque ad alterius circuitus tempus, dicitur perseveraturus, quemadmodum & si in altero circuitu pariter se composuerit, pari postmodum fruatur felicitate; infelix idem futurus, si tandem anima ejus in circuitu aliquo non comitetur Deum; idem tamen ad felicitatem reversurus, si in circuitu novo evaserit bonæ frugis. Hanc præcessionem meriti ex libero arbitrio, & consecutionem mercedis, vel pœnæ ex lege fatali, paucis sic constrinxit Chalcidius *pag. 271.* *Pessimè agere vitam est in hominis arbitrio; puniri planè est in necessitate fatali, utpote quod legem sequatur.* Ut alibi idem: *Quod præcedit, in nobis. Quod sequitur, secundum Fatum.* Ac luculenter idem illustrat exemplo Laij his verbis *pag. 244.* *Hæc ratione Lajo prædictum est ab Apolline:*

*Cave, ne veritos Siberum sulcos seras.*

*Generatus ille te mactabit impie,*

*Et omnis aula respergetur sanguine.*

His quippe oraculis ostendit, penes Laium fuisse, neferet, quæ præcessio est. Quod porro infecutum est, jam non in potestate Laij, sed potius in necessitate

Q q fatalis



*fatali juxta meritum precessionis.* Atque eodem exemplo idem illustrat Alcinous *cap. 26.* ubi & alterum addit de Paride & Helena.

Neque propterea putabat Plato, nihil tantum posse in animis humanis, sed non sic agere, ut tolleretur arbitrii libertas. Aliquas autem & Fati partes credidisse, indicat Plutarchus *lib. 1. de placit philosoph. cap. 27.* Ac tale Platoni est Fatum, Provenit autem id à Providentia divina. Ut tria hic distinxerit Plato. Primum est Deus, summum bonum. Alterum Providentia, sive mentis divinæ in intelligendo actus æternus. Tercium est Providentiæ proles. Fatum, sive lex divina ad sapientem rerum omnium gubernationem promulgata, naturæ quidem præfinitis, quæ necessariò fiant; at liberæ voluntati mandans honesta, prohibens contraria. Præscribitur autem lex secundum eundem Chalcidum *pag. 277. & seq.* tum animæ mundanæ, tum animis ei subiectis. Anima mundi, ut à mente divina distinguatur, vocatur, *secunda mens, intellectusque*, & hæc dicitur *quasi quadam custos legis æternæ.* Nempe quia anima hæc mundum gubernet secundum legem æternam à Providentia sancitam; cælestia quidem necessitate beata; voluntaria autem ratione, & ordine, secundum suam cujusque naturam. Tripartitam hanc dixere animam, quia præsit tum stellis fixis, tum planetis, tum rebus subiectis, quales dæmones cum ignei, tum aërii; natura item humecta, & tellus. Animæ mundanæ subesse dicuntur, ut ejusdem Chalcidij verba retineam, *rationabiles anima*, legi obsequentes, ministræ potestates, Natura, Fortuna, Casus, & dæmones inspectores, speculatoresque *meritorum.*

### CONSULTATIO CXI.

*De Fato tum Mathematico, tum Astrologico & Stoico, ubi Anacephalæosis eorum ferè omnium, quæ dicta sunt de Astrologia judiciaria.*

Videamus nunc illo de Fato quo si non ab omnibus ejus defensoribus, prope tamen ab omnibus, liberum tollitur arbitrium. Fatum hoc nuncupatur Mathematicum, vel Astrologicum, vel etiam Chaldaicum. Nomina ista sunt ab ijs, qui hujus se Fati gnaros profiterentur, quales Mathematicos vocat Tacitus *lib. 1. histor. Juvenalis sat. 6. & 14.* Paulus *sentent. lib. 5. cap. 21* Astrologos appellat Ulpianus *digest. de injurijs leg. 15. §. si quis*, Chaldaeos autem dicit Tullius *lib. 1. & 2. de divinat.* item Aulus Gellius *lib. 1. cap. 15.* uti disciplinam ipsam Chaldaicam Sextus Empiricus contra Grammaticos *cap. 1.*

Causa ejus nominis est, quòd disciplinam hanc repperint Chaldaei, quanquam Ægyptijs inventum isthoc tribuat Herodotus *lib. 2. cap. 87.* ut alibi annotavimus, quemadmodum & ab ijs oracula, sacraque & cæremonias cœpisse, ab eodem traditur. Utcunque autem aliquis fuerit dissensus, laxius tamen voce Chaldaici Fati nomine accepto, sub eo Babylonicum etiam complexi videntur. Imò cum Fatum impugnant Theologi veteres, utcunque subinde de Stoico loquantur, plurimum tamen ab ijs Chaldaicum hoc, sive Astrologicum intelligitur. Liquet illud ex non uno B. Augustini loco, ubi ipsum etiam Fati nomen improbat; ut *lib. 5. de Civit. cap. 1. si propterea quisquam res humanas fato tribuit, quod ipsam Dei voluntatem, vel potestatem fati nomine appellet, sententiam teneat, & linguam corrigat. Cur enim non hoc primum dicit, quod postea*

*dicturus est, cum ab illo quisquam quaesierit, quid dixerit fatum? Nam id homines quando audiunt, non intelligunt, nisi vim positionis siderum.* Et *cap. 9.* Nulla fieri fato dicimus, quoniam fati nomen, uti solet à loquentibus poni, id est in constitutione siderum, quæ quisque conceptus, & natus est, quoniam res ipsa inaniter asseritur, nihil valere monstramus. Propriè igitur Fatum erat prædictio ex sideribus, nomenque est ab ea significatione *fandi*, quæ Prophetis convenit, qui & ab eadem origine *Vates* dicuntur. Nam *fari* est à *φῶ*, unde *φῶν*, item *φῶν*, sicut Latinis *dictio* pro *Oraculo*.

Fati hujus fundamentum posuere partim in veris, certisque, partim incertis, ac conjectura valde dubia subnixis, partim falsis, absurdis, impiis. Vera, certaque sunt plurima, quæ de virtute siderum in elementa, atque humana etiam corpora prodiderunt. Primum Solem consideremus. Quid manifestius est, quàm eum decursu suo per signa duodena singulis mensibus variare anni qualitates? Quam rem plenius exponit Proclus, vel alius in *lib. 1. quadripartit.* Ac par lunæ est ratio apud eundem Proclum Ptolemæi interpretem.

Nec de nihilo est, quòd divina sapientia Solis & Lunæ cursui, qui dierum, mensium, annorum spatia definivit, etiam quinque addiderit erroneas. Ex quibus tardus Saturnus circulum annis absolvit triginta, fulgidum Jovis jubar annis duodecim, rutilans Mars biennio, Venus autem Solem comitatur, nunc horis prævious matutinis, nunc vespertinis. Mercurius quoque circa Solem motibus varijs fertur. Frustrane Deus tot numero erroneas condiderit, sic magnitudine, locis, & colore distinxerit, tamque varios ijs tribuerit motus? Quid dicam de fixis Orbis octavi stellis? Fateri cogimur, nec vilia animalcula, vel plantarum minimas, incassum esse. Quin perspicuum est sic eas viribus differre, ut ijs cognoscendis humanum non sufficiat ingenium. Et in lucidis illis, ac cælestibus corporibus, ubi tanta est varietas, non admirandam esse efficaciam credamus?

Quanquam quid rationibus pugnamus, quando sensus ipse, longusque rerum usus tot seculis aliud non edocuit? Consideremus stellas fixas. Ex earum ortu, & occasu nautæ, atque agricolæ anniverfarias prævident tempestates. Idem observant ab Arcturo tempestates cieri, ab Hyadibus pluvias, ab Orione nimbos. Etiam Capram cælestem ortu suo viribus nocere apud Pausaniam legas in Corinthiacis. Jam quanta est vis quinque Erraticorum? Quod peritiores hujus artis maximè observant, quando cum Sole, & Luna, aut ipsæ inter se conjunguntur. Soli enim Saturnus additus aëra reddit nubilum, ac turbidum. Jupiter, ac Mercurius, si arctius socientur, ventos procreant, & tempestates. Mars & Venus, si aptis Cæli locis jungantur, imbres generant, & quandoque etiam fulmina, ac tonitrua. Atque hæc imprimis contingunt in Lunæ conjunctione, vel ortu etiam fixi sideris ex illustrioribus. Imò ne minores quidem ex fixis effectu carent, si cum planetis copulentur. Nimirum stellæ omnes fixæ sunt instar seminarum, quæ steriles per se, gravidae fiunt, si jungantur planetis. Sic stellæ Cancris nebulosæ à Ptolemæo dicuntur *suffocantes, & pestilentes*; sed vis ea concipitur à planetis, ut anno factum 1563. cum in Leonis initio juxta eas stellas partiliter jungerentur Sol, & Saturnus, atrox est pestilentia aliquot consequuta annis per Europam universam.

Quòd si ea sit siderum vis in elementa, & hinc conflata, etiam vis cæli se exeret in corpora humana, cum homo ex elementis conflet, aëra hauriat, cibo & potu nutriatur. Sed vis sideris se nullius prodit manifestius,



manifestius, quàm Lunaribus. Nam morbo caduco, & similibus laborantes, vehementiores habent paroxysmos circa novilunia, plenilunia, & medias quadraturas. Nonnulli etiam tantummodo se male tum habent. Nec hydropici unquam laborant vehementius, quàm circa plenilunia, ac penè omnes etiam circa id temporis moriuntur. Atque hæc vera sunt, certa que, de quibus supra copiosè.

Progredior nunc ad ea, quæ partim sunt dubia, incerta que, partim ejusmodi, ut falsa misceantur veris. Hæc partim solos respiciunt planetas, partim sola Zodiaci signa, partim planetarum in signo aliquo posituram.

De singulis planetis tradunt, eos propriam vim in singula habere membra, imò chiromantes etiam manus partes singulis subjecere planetis, nimirum, montem, ut ipsi vocant, hoc est tuberculum pollicis, Veneri, indicis Jovi, medij Saturno, annularis Soli, auricularis Mercurio, trianguli spatium Marti, hypothenar, sive manus percussionem, Lunæ. Quanquam in nonnullis istorum à Tricasso, Codice, Indagine, & Taisniero dissentiant Tybertus, & Cardanus, quem vide lib. 2. de rer. variet. cap. 79. & præter memoratos, Georgium Ragu- selum de divinatio. lib. 2. cap. 1. qui commenta hæc solide refellit.

Sed contineamus nos potiùs intra Astrologorum opiniones. Hi planetarum vim in quodque corporis membrum colligunt ex quadam analogia, eoque cor, à quo vitalis spiritus respondere aiunt Soli, unde vivificus mundi calor; cerebrum humidum humectanti Lunæ, quia etiam crescit, & decrescit; jecur, quòd officina est sanguinis analogum esse Jovi, planetæ sanguineo, ac vitali; renes, qui vires largiuntur partibus generationi intervientibus, sub- jectos esse Veneri, signo prolifico; splenem, atræ bilis receptaculum competere Saturno, planetæ fri- gido, & sicco, eoque melancholici humoris præ- fecti, ac fel, sive choleram convenire Marti, pla- netæ igneæ naturæ, eoque ut aiunt, cholericæ, & lacundo; pulmonem, qui aërem ac spiritum attrahit, & emittit, ac præterea loquelæ inservit, subdi Mercurio, planetæ ventoso, qui Soli semper est præfatus, nunc hæc, nunc isthac discurrens, in- stat nuncii emissi, ac facundè promentis mandata Do- mini sui.

Atque hæc quidem, quia ad corporis naturam per- tinent, ubi sine dubio magna est cæli vis, credibi- lius, saltem tolerabilius proferuntur. Sed non hic steterunt. Deventum quippe eò, ut singulis animæ facultatibus aliquem præficerent ex planetis. Etsi verò Aristoteli tres ex numero sint, vegetativa, sensitiva, rationalis, maluerunt tamen addere quar- tam, vocalem, vel fermocinativam, quia homo & ratione, & oratione mutis antistat animantibus. At- que idem à Stoicis factum, qui iccirco, cum pro sensitiva unica ponerent quinque sensus, necessariò animæ octo statuerunt facultates, vegetativam, sive feminatricem vim, quinque sensitivas, fermocinati- vam, & gubernatricem, sive rationalem. Quod ha- bes apud Laetium in Zenone, ac Nemesium lib. de natura hominis cap. 15.

Porro Chaldaei, sive Astrologi, uti & Peripate- tici distinxerunt à sensitiva propriè sic dicta, hoc est à quinque sensibus externis, & phantasia, alijsque internis, facultatem appetitivam, illamque distri- buere in irascibilem, & concupiscibilem; rationa- lem autem dispocebant in speculatricem, & acti- vam. Ita septem erunt animæ humanæ facultates pro numero siderum, quæ subsunt fixis, Solis, Lunæ, & quinque erronum, sive Sole, Lunaque erronum numero comprehensis, septem erronum malis dicere.

Tom. I.

Unum igitur ex sideribus septem erraticis, præfere animæ facultatibus, idque hoc præfere. Rationale contemplativum, secundum eos, guber- nat Saturnus; rationale activum Jupiter: appeti- tui irascibili præfere Mars; sensibus quinque exter- nis, & phantasia, sive imaginativæ Sol; appetitui concupiscibili præfere Venus; vocali, sive fermocinativæ virtuti Mercurius; infimus planetarum Lu- na, uti dictum, vim est adepta vegetativam, sive feminatricem. Iccirco cum duo illa magna lumina- ria Solem, ut Regem, Lunam, ut Reginam, sta- tuissent, Saturnum spectarunt, ut Consiliarium, se- nio & prudentia venerandum, Jovem, ut totius di- tionis gubernatorem, Martem, ut universo exerci- tui præfatum, Mercurium, ut Legatum, atque Ora- torem, Venerem, ut amorem, ac delicias om- nium.

Præterea multorum aiunt seculorum experientia esse observatum, homines genus vitæ amare, prout planetæ in ortu illuxerint. Nam pro constitutione eorum diversum esse temperamentum, pro tempe- ramento variare propensionem animi, & mores, prò his quoque fortunam sequi: Qui lunarem forti- rentur naturam, amare navigationem, ac piscari- ram. Si qui à Mercurio afflentur, ingeniosis artibus, uti mercatura, gaudere. Quos Venus aspexit, amoribus, canticis, ac similibus delectari. Quibus Sol affulsit, ad dignitates, & honores adspirare. Bella & rixas amare, quos exagitat Mars. Judicia, ac po- tentiam querere, quos Jupiter affecit. Sublimi, ac reconditæ scientiæ studere, quos sublime affluunt Saturni sidus.

Insuper nomina planetarum pro climatibus di- stinxerunt, quod ex Ptolemæo liquet. Et de terris postmodo repertis à Campanella idem factum, qui & de Ptolemaica ratione judicium apposuit. Ipsi- adi Astrologicorum lib. 2. ar. 2. Hæc de pla- netis.

Sequitur de Zodiaco, quem in duodecim, nec plura signa divisere, quia Sol, dum suum peruenit circuitum, duodecies cum Luna coit, singulique signa distribuere in gradus triginta, quia Luna diebus triginta iterum conjungitur cum Sole. Unde etiam liquet, cur gradus sint 360. quando tot con- fiunt, si duodecies sumas triginta. Atque hæc ra- tione constant manifesta. Non item illud, cur sin- gulis corporis membris aliquod Zodiaci signum præ- fecerint. Arietem Capiti, Taurum cervici & ingu- lo, Geminos humeris, lacertis, & manibus, Cancrum pectori & costis, Leonem diaphragmati; stomacho, ac ventri, Virginem, præcordijs, & hy- pochondrijs, Libram renibus, vertebra ac natibus, Scorpionem, ilibus, Sagittarium, femoribus, genibus, & poplitibus, Capricornum, suris, & talis, Pisces pe- dibus. Quam rem verbis expressit Manilius lib. 2. prout restituit Josephus Scaliger. Atque ex his Leo grandes vires, & Leoninis similes, dicitur conferre, Virgo pulchritudinem, Sagittarius, qua parte homo pulchros, qua equus, fortes redere per- hibetur. Cancer, Capricornus, Pisces & robore, & pulchritudine destitunt.

Etiam signi cuiusque domum huic, vel illi pla- netæ tribuerunt. Ut Soli Leonis, quia calidus est, & siccus, eoque masculus. Lunæ Cancræ, quia cali- dus est, & frigidus, ac propterea femineus. Mer- curio assignarunt Geminos, partim ut proximos Cancro, domui Lunæ, uti Lunæ propinquus Mer- curius, partim quia Solem ipse comitetur, nec ab eo recedat gradibus amplius duodeciginta. Virgi- nem credidere domum aptam Soli, quia Leoni, Solis domo, vicina. Similiter Veneri Taurum, & Libram dedere, parque incæteris ratio est.

Qq 2

Hilce



Hiscæ ita constitutis, sic ulterius sunt progressi. Solem in Aquario, Lunam in Capricorno, Saturnum in Leone & Cancro, noxios esse, imò nascentes futuros cæcos, si Saturnus foret in domo duodecima, & Solem, Lunam, ac Martem trigona radiatione spectaret; surdos autem, si Saturnus esset in domo sexta, cælique medio, cæteris altior planetis, quadrato Martis opponeretur. Similiter pronunciant de vitiiis linguæ, de morbo comitiali, icterico, aliis, quæ legere est è veteribus apud Ptolemæum in *centum sententijs ad Syrium fratrem*, Firmicum Maternum in *matheseos libris ad Mavortium Lollium*, & Marci Manilij *Astronomico*. Ex junioribus apud Jovinianum Pontanum *comment. in Ptolemæum*, & 14. *libris rerum cælestium*. Item Junctinum, Cardanum, tot alios, sed omnium instar fuerit Campanella in *sex Astrologicorum libris*. Nec enim hanc artem, si ars ea dicenda est, quæ tot varia habet, & incerta, aliquis præceptis melius constrinxit. Particulatim verò examen eorum, quæ de moribus gentium, ex signo eis dominante, tradiderat Ptolemæus vide apud eum *lib. 2. cap. 5.*

Qui hæcenus conveniunt, in duas scinduntur partes. Multi enim quæ diximus, pro certissimis asserunt, eoque audacter pronunciant de vitæ cuiusque duratione, mortis genere, connubio, fortune, honoribus, & cunctis id genus; nempe ex eorum mente, omnes, & singuli hominum actus determinantur à Cælo, nec per contingentiam aliquid, sed necessariò omnia, atque inevitabiliter fiunt.

Hanc sententiam amplexi quoque Bardesanes Syrus, ut est apud Augustinum *lib. de heresib. cap. 35.* Esseni, qui omnia in fati potestate esse asserunt, nec quicquam hominibus præter fati decretum accidere, Josephus *lib. 13. antiq. cap. 9.* Simon Magus nihil hominis arbitrio, sed omnia fato fieri voluit, Clemens Romanus *lib. 3. recognit.* Manichæi damnant naturam hominum, liberum arbitrium negant, adiutorium Dei tollunt, fatum asserunt, Hieronymus *proem. dialogi adversus Pelagianos*, Augustinus *contra Fortunatum, Manichæum*, Chrysostomus *homil. 45. in Joan. Socrates lib. 1. cap. 17.* Priscillianistæ, Manichæorum dogmata sectantes, adstruunt fatalibus stellis homines colligatos, Augustinus *heres. 70.* Leo Primus *ep. 93. c. 11.* Florus Monachus ex libris Augustini, malè intellectis, ita gratiam Dei extollebat, ut negaret liberum arbitrium Augustinus *de gratia & libero arbitrio*. Armenii dicunt peccatum esse à dæmone, & non à libero arbitrio, Guido *de Armenijs*. Mahometani dicunt, quòd quicquid fecerit homo, sive bonum, sive malum, præscriptum, & prædestinatum sit illi à Deo antequam nascatur, Leo Imperator *ep. ad Omarum Saracenorum Regem*. Godeschalcus Belgæ docebat, quovis homines inevitabili lege & necessitate providentiæ divinæ, sive inferis, sive superis destinatos esse, Joannes Aventinus *lib. 4. annal. Joan. Trithemius in chron. Hirfingensi fol. 16.* Petrus Abailardus dicebat, nihil contingens in rebus evenire, sed omnia, quæ fiunt, necessitate absoluta fieri, Alphonsus *de libero arbitrio*. Albigenes contendunt, quòd peccatum non sit de libero arbitrio, Antoninus *p. 4. tit. 11. cap. 7. §. 5.* Joannes Vviclefus *2. dialogi cap. 13.* Deus necessitat creaturas singulas activas ad quemlibet actum suum, & sic sunt aliqui prædestinati, hoc est post laborem ordinati ad gloriam, & aliqui præciti post hanc vitam miseram ad pœnam perpetuam. Laurentius Valla *libro, quem scripsit de libero arbitrio*, detrahit voluntati hominis libertatem, Philippus in *locis communibus*. Martinus Lutherus in *assertionibus art. 36.* Liberum arbitrium figmentum est in rebus, seu titulus sine re, quia nulli est in

manu sua quippiam cogitare mali, aut boni, sed omnia, ut Vviclefi articulus Constantiæ damnatus rectè docet, de necessitate absoluta eveniunt. Quòd & Poëta voluit, quando dixit: Certa stant omnia lege. Eadem habet in *lib. de servo arbitrio*, & in *lib. qui inscribitur: Operationes in Psalmos, in psal. 15.* Philippus Melanchthon *ad cap. 8. ad Romanos in editione prima*: Nugatorium, ait, est commentum liberum arbitrium. Eò tantum fertur, quorum impellitur. Id ipsum repetit *edit. 2. & in priori edit. locorum communium, capite de libero arbitrio*. Joannes Calvinus *lib. 2. Justit. cap. 3. §. 7. & §. 11.*

Adversus hos, ac similes, cum diceretur, si sic omnia à sideribus dependeant, nec probos amore, nec improbos odio dignos fore; eò se eludere posse existimabant, quòd natura etiam amemus bona, velut cibos salubres, ac delicatos, & quæ natura sunt noxia, odio nihilominus prosequamur, uti venena omnia. Quæ ad excusandum fatum suum Astrologi cum versibus expressit Manilius *lib. 4.*

Sed profectè quid est confundere naturalem amorem, vel odium cum amore, odioque morali, si à Manilio hoc non sit? At contentos se aiunt prudentissimo, ac verissimo Galeni judicio, qui de ipsis astrorum effectibus loquens, ait, *sophisticum esse manifeste experientia velle contradicere*. Ingentem etiam adferunt copiam eorum, qui res maximas ex sideribus præviderint. In his est Theagenes, Thrassillus, & alii, de quibus jam dictum. Ex Dione etiam Xiphilinus refert, ut mathematici à Vitellio Urbe pulsi, prædixerint ei, fore, ut intra Kalendas Octobris periret, intraque id tempus decessisset. Vide & quæ Eunapius de Ablubio in *vita Aedesii* scribit, alique de Athenaide, quæ postea fuit uxor Theodosij junioris. Cæteros prætereo.

At non adeo operosum est istis occurrere, quam arbitrantur. Trifariam enim fit, ut eventus prædictioni respondeat. Est, ut alibi annotavimus, cum aliquid præscitur è commercio cum dæmone, qui ob subtilitatem, & experientiam, raro fallitur, ac sæpe, quòd prædicit, Deo permittente, facere decrevit: Est item cum Astrologi familiares sint viris magnis, & quæ illi moliantur gnari, multa ex sideribus se jactent præscire, quæ aliunde didicerunt. Est denique, cum versipelles, ac fraudibus subacti, in multis aliqua dicant, quibus eventus casu respondeat. Nec enim verum semper dicere, innumeris comprobatur exemplis, ut etiam alibi docuimus, & tradit Delrius *magic. lib. 4. cap. 3. q. 1.*

Et sanè sapientissimi quique Gentilium artem hanc non artem putarunt, sed imposturam, eique credulos damnaverunt dementia. Itaque erat, Suida teste, *Alexandria quoddam tributum nomine Blacemonium, quod Astrologi penderent, quia ad eos accederent stulti*. Nempe eò, quòd, ut ibidem legas, *Blaca vocantur fatuum & amentem*. Vide & quæ adversus Astrologos disserunt apud Ciceronem *lib. 2. de divinat.* item quæ de Phavorino refert Gellius *lib. 14. cap. 1.* ac similiter Sextus Empiricus *contra Grammaticos cap. 10.* Ex ijs, inquit, quæ artes dicuntur, quedam professione sunt artes, non vera, ut Chaldaica, & Aruspicina. Etiam Astrologos, & præstigiatores, vel circulatores jungit Dio Cassius *lib. 57.* atque addit, Tiberium utrosque affecisse mortis supplicio, quamvis ipse non solum astrologo uteretur Thrassillo, sed artem hanc etiam exerceret. Vitellius item, verbis utar Tranquilli in *Vitellio, cap. 14.* nullis infensor, quam vernaculis, & Mathematicis, ut quisque deferretur, inauditum capite puniebat. Turnebus



Turnebus pro vernaculis legit divinaculis, Scaliger *Veraculis*, aut *vericulis*, Casaubonus per vernaculos intelligit & circulares. Atque antea jam, quod ibidem refertur, edicto jussit, ut intra Kalendas Octobris Urbe, Italiaque Mathematici excederent, ac memorat idem Xiphilinus ex Dione. De Imperatorum edictis, quibus Urbe ejecti, vide Ulpianum in digest. de injur. l. 15. §. si quis. Imò etiam ante Imperatores id iactum M. Popillio Lænate, & Cn. Calpurnio Cosl. ut est apud Val. Maximum lib. 1. cap. 3. Scitè Tacitus in 1. Histor. Mathematici genus hominum potentibus infidum, sperantibus fallax, quod in civitate nostra & vetabitur semper, & retinebitur.

Sed quid huc recurrere opus Christianis, quando opinio ea ipsis refellitur Scripturis? Est enim Isaia cap. 47. 13. *stent, & salvent te augures Cæli, qui contemplantur sidera, & supputant menses, ut ex ijs enuncient eventum tibi.* Idem cap. 41. alijsque locis alibi à nobis adductis. Magno etiam consensu à Sanctis Patribus refelluntur, quotquot ex sideribus sic de futuris omnibus pronunciant, velut humani quidam Joves. Vide eos in illud 1. Genesis: *Fiant luminaria in firmamento Cæli, & sint in signa & c.* Item Eusebium lib. 6. prepar. Evang. Basilium in hexaem. Ubi hanc artem vocat *vanitatem ex abundantia oti profectam*, Ambrosium item in ejusdem tituli opere, Hieronymum in Ies. cap. 47. Augustinum lib. 2. de doctr. Christ. Etiam error hic damnatur Concilij Bracarenfis 1. can. 8. *Si quis animas & corpora humana fatalibus stellis credit adstringi, sicut Pagani, & Priscillianiste dixerunt, anathema sit.* Ubi vis ineffectu verbis, sicut Pagani, & Priscillianiste dixerunt. Nec enim omnis ex sideribus prædictio negatur, sed illa Chaldeorum, & similium, qua tollitur arbitrij libertas, sine qua homo id, quod est, esse definit. Tollitur item Reipublicæ salus, quæ hinc mandatis, & præmijs, inde interdictis, & pœnis constat, ijsdenque de causis religio omnis, ipsa etiam tollitur Christiana.

Jure igitur à Christianis quoque Imperatoribus est decretum, ut Astrologi hujusmodi Urbe eijcerentur, quemadmodum est in Codice tum Theodosiano, tum Justiniano lib. 9. *utrobique tit. de malef. & mathem.* Atque hoc sine dubio, longè etiam vehementiori studio fecissent, si jam illis temporibus eò vesaniæ Astrologorum prorupisset impudentia, ut non modò, quæ à voluntate pendent humana, verùm illa etiam, quæ unius Dei subjacent arbitrio, ut miracula omnia, vi siderum dicerent necessariò sic provenisse; ut quando natiuitatis Christi de Virgine, & tot, tantorumque ejus miraculorum rationem ex horoscopo adferre non verentur, ut alias copiosè diximus.

Similis impudentia est, quando è siderum constitutione judicium ferunt de religione Judæorum, Saracenorum, ac Gentilium. Siquidem Judæorum quidem religionem natam volunt ex conjunctione Jovis cum Saturno, ut planetarum summo. Chaldeorum autem sectam, quia Hebræorum, sive Noachi religionem primà excepit, exortam esse ex ejusdem Jovis conjunctione cum Marte, ut planetarum proximo. Ex conjunctione Jovis cum Sole, planetarum quarto, ortam esse hæresim Ægyptiam, quæ Chaldaicam est consecuta. Ac similiter ex conjunctione cum Venere provenisse Saracenicam; ex conjunctione Jovis, & Mercurij originem ducere Christianam; ac denique cum Luna proventurum esse imperium Antichristi. Hæc leguntur apud Albumasarem lib. 2. de magn. conjunct. tr. 1. differ. 4.

Quantum verò fidei hæc mereantur, vel fidem fecerit, quod idem Albumasar tradidit, Religionem christianam duraturam esse annis non amplius mille quadringentis, & sexaginta. Nam à tempore eo, quo Christus predicare in terris cœpit, jam prope duo secula sunt

supra spatium ab Albumasare præfinitum, nec interea imminuta est religio Christiana, sed incrementa etiam novo Orbe invento cepit longe maxima. Eiusdem farinae est, quòd ex illis scilicet fati conscijs sideribus R. Abraham Avenaris Judæus collegit, venturum esse promissum Messiam anno Christi 1446. quo Jupiter cum Saturno futurus esset in Cancro, vel saltem viginti annis post, quando eadem conjunctio foret in Piscibus. Nam utrumque hoc intervallum jam ab annis 250. expiravit, frustra que miselli alium expectant Messia adventum, quàm gloriosum illum, quo in nubibus veniet ad judicandum Orbem. At satis de Mathematicis istis, qui sic Fatum statuunt, ut planè interficiant arbitrij libertatem.

Alii tolerabiliùs errant, ut qui non vereantur quidem ex siderum positura prædicere etiam, quæ honores, fortunas, vitæ terminum, & alia hujusmodi spectant, sed fateantur interea quæ dicunt, ejusmodi esse, ut duntaxat significant, quò natura & voluntates nostræ inclinentur à sideribus. Secundùm hos igitur nulla infertur animis nostris necessitas, quia inclinatio ista non sit integra actionis causa, cum voluntas propensionem illam mutare possit, & ubi est ad mala, non minùs debeat, quàm possit, atque ut faciliùs possit, multùm conferunt disciplinæ, ac consuetudo, quæ altera est natura, idque sæpius in corporibus quoque, ubi major est cæli vis, habeat locum.

Atque hoc sensit etiam Ptolemæus, ut qui non uno dicat loco, sidera quidem inclinare, ac disponere hominem, at non dirigere, quia hoc facultatis sit potentioris, voluntatis nempe, cui nulla adferatur necessitas, cum semper adversari possit proclivitati à sideribus allatæ. Vide eum de astrorum judic. lib. 1. cap. 4. text. 24. & seq. Inter alia ait, ut magnes si non impedias, fatali lege trahet ferrum; at non attrahet, si allium illeveris; ita humanas agere voluntates pro siderum positura, modò siveris eo ferri, quò propendent. sed acturas contrarium, si hoc studeant. Itaque in eo summam ponit Astrologiæ utilitatem, quòd, ubi ex ea didicerimus, quòd alia inclinent, adversus malum prævisum cavere nobis meliùs sciamus, vel planè illud amoliendo, vel saltem reddendo levius. Atque hanc esse rationem, ait, cur Ægyptii medicinam cum Astrologia conjungant; quippe eos pro constitutione præscribere alia, atque alia remedia.

Eodem pertinet quoque illud Ptolemæi in libro, qui centum dicta inscribitur, aphorismo 5. *potest scientia hujus gnarus multas evertere siderum operationes.* Summum igitur ex notitia siderali concluderis de animi propensione, non de vita ipsa. Quod in physiognomia etiam locum habet, ut ex Socrate liquere diximus, & ait Tullius in 2. Tuscul. idemque, & Aphrodisiensis in libro de Fate.

Porro animus mihi non est cum iis litem agere, qui non aliam vim tribuunt siderum positura; quippe sic quoque salva permanet arbitrij libertas. Quin, si volunt, largiar illis admirandam siderum varietatem, sive magnitudinem, sive colorem, sive motum spectemus, persuadere nobis vim quandam esse insitam sideribus, qua non in elementa modò, & muta agant animantia, sed etiam in corpora hominum, ac pro iis inclinari animos ad hoc, vel illud agendum. Sed hoc si dederò iis, non propterea concessero, Astrologos in cælesti illo libro legere posse, quò cujusq; animus natura vergat. Esto, ut etiam propensio omnium inde dependeat, at liber ille adeo subtiliter est scriptus, ut præter eum, qui scripsit, non dico, nemo illum planè, pleneq; apprehendat; nam hoc ne in vulgaribus quidem artibus, ac scientiis locum habet; sed ij quoque, qui artis hujus habeantur intelligentissimi, exiguam solum portionem capiant, eaque ipsa particula tota sit conjecturalis. Quod ita esse multis vincitur argumentis.



Aiunt quidem, à Chaldæis observatum esse, ut pro hoc, vel illo cæli situ, hi, vel illi effectus in homine consequantur. Sed quomodo similis per omnia sit siderum positura, si demum, ut Ptolemæus ait, fixarum stellarum Orbis circumvolvitur annis septies millenis, nona verò 36. millibus, imo juxta alios, eadem cæli facies denum redeat exactis annorum 49. millibus, quod annum magnum appellant? Præterea, ut in Chaldæa, ubi condita hæc fertur disciplina, locum ea haberet, non propterea alibi, variante cælo, idem sequeretur effectus. Ad hæc, illa, quæ de homine prædicant, vel temperamentum respiciunt, vel casus fortuitos. Fortuita non pendent à Cælis, nam alioqui non fortuita essent, sed necessaria. Temperamentum verò non duntaxat oritur à Cælo, sed insimul à parentibus. Proinde, ut de inclinationibus hominum possent prædicere, exquisito opus erat, non modò de facie cæli, sed etiam de temperamento parentis utriusque. Nec ea vis est in tempore nativitatæ, quæ in illo conceptionis.

Quid, quod multum etiam discriminis adfert, quod alij alijs diutius gestantur? Septem aliqui, nonnulli octo, alij novem, vel decem mensibus. Jam quàm incertam hanc reddit disciplinam, quod crebrò naturalis illa propensio, quæ infantia inerat, alia longè sit in adulto; quia educatio, & disciplina mutant hominis indolem. Atque ut hoc non esset, multa incidunt, ob quæ mens hominis, quæ libera est, inclinationem vincat.

Denique nonne videmus uno prope momento maximos cæli circuitus, ac plurimos eodem tempore, vel naufragio perire, vel pestilentia? Haud dixerint, eodem esse natos tempore, cum tanta sit ætatis diversitas. Sed hic reperere aliqui, quo se ictum illum exire, arbitrentur. Aiunt, vim eam, quæ nascentibus imprimatur, magnam quidem esse, at particularem interea, eoque vinci ab universali, quales sunt bellum, pestilentia, & similes. Atque hinc esse, quod mortes sint dissimiles. Simili licet natis horoscopo. Sed hoc cum dicunt, non videntur videre, quantum causæ præjudicent propriæ. Quid enim probabiliter prædixeris, si inclinatio humana semper causæ cesserit universali? Hujuscemodi satis ostendunt, hanc de sideribus Fati conscijs, ut Manilius ea vocat, disciplinam, parum habere verisimile, etiam cum de sola hominum propensione ex horoscopo judicatur; atque illos etiam nimium disciplinæ huic arrogare, qui aiunt, ut principia ejus non sint tam certa, quàm geometrica, vel arithmetica, ejusmodi tamen esse, ut plurimum sic contingant; eoque similiter hic habere, ac in medicorum consilijs, & prædictionibus, quæ etsi fallant quandoque, non propterea contemni mereantur. Si quidem hæc immane quantum distant, cuius periculum est.

Hactenus de Fato illo, quod Chaldæorum dicitur, ac divinationem eam constituit, quæ ex sideribus petitur, sive, ut Plotinus putabat, sidera ipsa hoc Fatum nesciant, sed homines, divinandi artem edocti, hoc in siderum libro legant, velut in Deorum tabulis, quomodo nec aves in auspicijs scire credebantur, quæ prænucciabant; sive sidera omnium sint gnara, non tamen efficiant omnia, quæ aliorum est opinio, sive etiam Fata in se inclusa circumgestent, & quæ factò opus sciant, ea foris efficiant, quam opinionem, ut dubius tamen Seneca ep. 88. proponit, Manilius autem amplexus fuit; qui non contentus sidera dicere fati conscia, continuo subjungit *diversos hominum variantia casus*.

Hanc verò è sideribus divinationem aliquo etiam in loco Stoici habebant, idque eo lubentius, quia

hinc colligere sit, Fatali omnia fieri necessitate; quæ sidera quoque, unde divinatur, divina esse corpora judicabant, imò & Deos dicebant. Ipsum etiam Fatum Dei nomine, & Deum Fati vocabulo nuncupabant.

Etsi autem Fatum Stoicum nonnihil differat à Chaldæo illo, quod res omnes alligat necessitati, in præcipuo tamen conveniunt; quia utrunque arbitrij aufert libertatem. Si quidem *omnia Fato contingere*, etiam ea, quæ contingenter, fortuna, aut casu fieri dicuntur, traditum Zenoni, & Chrysippo, Possidonio item ac Boëtho, singulis horum in ijs, quæ de Fato ex professo prodidere, teste Lærtio. Est verò ijs Fatum, *causa rerum implicata, sive ratio, per quam mundus administratur*. Ac similiter apud Stobæum in eclog. *physic. ratio, per quam facta sunt, facta; quæ fiunt, fiunt; fiunt, quæ futura*. Apud Aulum Gellium quoque lib. 6. cap. 11. dicitur secundum Chrysippum: *Fatum est sempiterna quadam, & indeclinabilis series rerum, & catena volvens semetipsa, se se & implicans per æternos consequentia ordines, ex quibus apta, connexaque est*.

Hanc sententiam suam comprobant ex eo, quia non modò in naturalibus, sed etiam in voluntarijs sint causæ antecedentes, cum nihil sine causis fiat, eoque & voluntates humanæ includantur sempiternæ causarum seriei, quæ Fatum dicitur. Idem eo adstruebant, quod pronunciatum omne sit verum, aut falsum, exempli gratia: Cypselus Corinthi, Pisistratus Athenis, Cæsar Romæ invaderet imperium. Hæc futura fuisse ex eo, quod facta sunt, cognoscitur. Ab æterno igitur verum fuit pronunciatum hoc. At quod ab æternitate verum, id etiam certum; quodque certum, idem immutabile, cum è verò in falsum converti non possit. Ad hæc eo pugnant, quod sit divinatio, ut ostendunt Vatum effata, atque oracula. At, inquiebant, nullæ forent de actibus humanis, vel certè mortis genere, temporeque, ante annos sæpe multos prædictiones, si quæcunque futura prædicuntur, vereque futura sunt, possent non fieri.

Interim in isto causarum nexu sempiterno disparem esse naturæ ac voluntatis rationem, fatebantur. Nec enim existimant, hunc causarum nexum ex æterno pendentium in voluntarijs esse causarum principium, quæque efficienter antecedunt, sed esse vim causarum adjuvantium, sine quibus res effici non possit; quomodo colloquium cum virgine causa est amoris, atque amor inhonesti concubitus. Utcunque enim non sequatur in omnibus, vel ex congressu amor, vel ex amore flagitium, in quibus tamen sequuntur ista, sunt ea, ut Tullius ait, præcurssiones ad efficiendum. Ac tam adjuvantes causæ, quàm principales, in fatali serie, licet diversimodè, includebantur, eoque & illæ præcurssiones, etiam non semper idem efficiunt; tamen quando efficiunt, non possunt non efficere, & cum non efficiunt, efficere non possunt; quia fatalis series à Deo constituta, omnium sit rerum causa, quam humana mens infringere minimè valet. Hanc rem declarat Chrysippus lib. 1. de providentia apud A. Gellium interpretem lib. 6. cap. 2.

Adversus nihil æquè urgeri solet, quàm sic omnium, etiam delictorum, ac scelerum, Deum fore autorem, quod natura animus omnium abhorret credere. Sed Chrysippus contendebat, etsi nihil non fiat necessariò, quia Fatum eludi nulla vi, aut alia hominis, possit; tamen culpam in delictis, non Fato, vel Deo, sed humanæ malitiæ, adscribi oportere. Distinguebat autem inter hominem, consideratum simpliciter, & hunc hominem, hoc est, hæc, vel illa præditum ingenij proprietate. Ut exemplo



ista illustrem, quis, dixerit, hominis, prout homo est, hanc esse naturam, ut sit truculentus, vel libidinosus? Quam multi enim cohibere libidinem, temperare etiam à cædibus sciunt! Attamen si sanguinarium conspexeris, præsertim qui impunè aliquid possit, quis aliud tibi persuaserit, quam si atroci injuria affectus videatur, cæde hoc alterius ulturum? Est alius in Venerem proclivis. Adest famosa Lais, vel occasio est illudendi pudicitiae provincialis uxoris, quam attrahendi vim habet aliquid habere, aiebat Varro. Quid aliud fiet, quam, ut paratis omnibus, præceps, tauri instar, in Venerem ruat?

Colligebat hinc Chrysippus, utcumque necessariò quidque fiat, non tamen Deum esse causam cædis, sed hominis truculentiam; nec penes Deum esse culpam volutationis cum scorto, vel commissi adulterij, sed penes animum hominis, libidine diffluentis. Unumquodque enim censeri è causa proxima; hanc autem non Deum esse, sed hominis voluntatem, atque ingenium, quod uni contigerit mite, asperum alteri; huic continentiae amans, illi in libidines pronum. Declarabat autem hoc similitudine cylindri, qui si pede impellatur initium dederis motus; at porro ille præceps feretur, non quia tu moveris; nam quadro si idem feceris, mox quiescet, sed propriam ob volubilitatem, quam ex forma, modoque suo habet. Similiter inquiebat, à fato quidem esse impulsus aliquem voluntatis, sed eadem esse à propria voluntate, ingenijque truculentia, atque itidem libidines fœdas incontinentiae animi, ut causae proximae, tribui convenire. Quam similitudinem non modò apud A. Gellium dicto cap. 2. sed Tullium etiam de Fato legere est.

Contra autem ista objeceris, Deum esse opificem naturae, tam sanguinae, quam lenis, tam libidinosa, quam continentis. Unumquodque autem agere pro natura, quam Deus indiderit nascenti, eoque ubi necessarius est nexus, verissimum esse illud pronunciatum, causam causae esse causam causati. Viderunt & hanc difficultatem Stoici; sed negarunt, Deum esse causam totius naturae; Duo enim esse ejus principia; activum unum, Menrem aeternam; & passivum alterum, Materiem ei coaeternam. Mentem esse optimam, sed Materiei quaedam inesse vitia, eoque hominum alios alijs esse meliores, prout ex meliore, vel deteriori sunt materie. Neque in mala natura esse aliquam Opificis culpam, qui ex materie istiusmodi id fecerit, quod potuit. Quomodo nemo quòd vitreum, aut fictile vas, fragile sit, aut quòd vas ferreum ferrugine obducatur, artem fabri culpaverit, cum hoc vitium constet esse à materie, non ab opifice.

Similiter igitur *vim materia motricem*, ut Chrysippus vocabat, causam fecere mali, tam culpae, quam poenae. De malo illo interno sic Seneca *prat. lib. 1. nat. quæstion. Utrum Deus, quod vult, efficiat, an in multis rebus illum tractanda destituant, & à magno artifice formentur prava multa, non quia cessat ars, sed quia id, in quo exercetur, inobsequens arti est. Ubi id, in quod ars se occupat, materies est, quæ inobsequens est artifici, quia in ea lateat indoles malefica. De externis sunt illa ejusdem libro de Providentia cap. 5. Quare tamen Deus tam iniquus in distributione Fati fuit, ut bonis viris paupertatem, vulnera, & acerba funera adscriberet? Non potest artifex mutare materiam; hac passa est. Valdeque hæc Stoicorum sententia est vicini opinioni Magorum, qui duo statuerunt principia, boni bonum demonem, nempe Oromasdem, live Jovem, & mali autorem malum, Arimanium, live Plutonem, ut tradidere Aristoteles, Hermippus, Eudoxus, & Theopompus, atque ex ijs Laërtius in præfatione*

*sui operis*, deque eo nos plenius *alibi*.

Objici præterea solet, ut sic Deus fuerit extra culpam, eaque resideat tota penes materiem hominis, in ista tamen actuum humanorum necessitate frustra ad Deum preces fundi. Sed Stoici regerebant, & preces, & leges, & præmia, ac poenas esse in causis, & effectis fatalibus. Itaque cum Zeno caderet servum in furto deprehensum, atque hic inclamaret, fato se furatum, respondit ille: *Et fato cederis*; ut est apud Laërtium.

Dixeris, quid nosse hujusmodi Fatum juvat, cujus scientia & pietati, & virtuti obsit magis, quam prosit? Nam quantillus pietatis, vel quis honos erit virtutis, si nihil agere aliud valeam, quam faciam? Huic sic argumento obviam ivi se censet Justus Lipsius ex Stoicorum mente *lib. 1. physiol. stoicæ cap. 14.* primas, ac insitas Fato causas à voluntate humana leviter inclinari, indeque aut præmium esse, aut poenam. Sed quòd à Scholasticis in Aristotele factum esse, non semel dicimus, ut meliorem ei affingerent opinionem, quam habuisset, nempe ne tanti nominis Philosophus à veritate Christiana extra ea, quæ ad Christum, & Spiritum ejus pertinerent, longe nimis abijisse videretur. Idem à Lipsio factum fuit in Stoicis dum videri vult, propius eos abfuisse à Christianis, quam revera erant. Tuetur se eo, quem vel testem, vel interpretem allegat, Manilio. Verum nihil aliud ille dicit, quam, utcumque voluntas necessariò agat, nihilominus probos diligi, improbos odio esse non secus ac mortiferas odimus herbas, & fruges amamus, *quæ non arbitrio veniunt, sed semine certo*.

At quo pacto hinc elicias, prout homines Fati conditionem in melius flexerint, aut pejus, ita vel præmium mereri, vel poenam? Imo quid apertius est, quam plane eos contrarium dicere? Longè igitur aliud fuisset, quo Stoici hoc se argumentum eludere posse arbitrarentur; nempe non urissent principia illa de Fato. Unde quid sequatur, non disputabo, sed principia alia, de vita non secundum effectus, verum rationem, componenda. Et profectò cogitemus ipsum sectæ conditorem, à quo proverbium illud Laërtio in Zenone: *Philosopho Zenone continentier*. Cogitemus etiam Catonem, Senecam, Epictetum, & tot alios. Fateri cogemur, genuinos Stoicos vitæ probitate nulli ex sectis alijs fuisse inferiores, ut videri queant alia habuisse principia vivendi, alia differendi.

Præterea inquiebant, sectam hanc inter alia ad hoc prodesse, ut cogitantes omnia evenire fatali quadam necessitate, patientes simus in adversis, gnari eos, qui non lubentes Fatis obsecundent, obliuiscendo sibi onus reddere gravius, quia frustra de eo se cruciant, quod corrigere est nefas.

Atque hujusmodi est Stoicorum opinio de Fato, quo nomine etiam Deum ipsum intelligebant. Nempe cum unum esse agnoscerent Deum, multistamen vocabulis pro vi diversa, appellabant. Unde Laërtius in Zenone ait, eundem Deum & Jovem dici, & Mentem & Fatum. Et Seneca in 4. de benef. cap. 7. *Vis illum Fatum vocare? Non errabis. Hic est, ex quo suspensa sunt omnia, causa causarum. Vis illum Providentiam? Rectè dices. Est enim cujus consilio huic Mundo providetur, ut inconcussus eat, & actus suos explicet. Vis Naturam vocare? Non peccabis. Est enim ex quo nata sunt omnia, cujus spiritu vivimus. Vis Mundum? Ipse est enim totum, quod vides, totus suis partibus inditus, & se sustinens, ut sua. Ubi videmus Fatum Stoicis esse Providentiam, sed quæ afferat rebus necessitatem, esseque eam Providentiam Numinis, sed ita Naturæ, ac Mundo permixti, ut hæc sint Dei ipsius corpus.*



## CONSULTATIO CXII.

## De Fato Christiano.

Post tam multa de Gentilium Fato, non immerito aliquis requirat, ut Christianorum etiam de eo, ac antiquorum præcipue, iudicium afferamus, ubi primum de vocabulo, mox de re dispiciendum. Nec enim è veteribus defunt, qui in totum damnare videantur ipsum Fati nomen, ut Augustinus in 5. de civit. cujus verba superius adduximus, atque idem tract. 37. in Joan. ait: *O si cor tuum non esset fatuum, non crederes Fatum.* Sequitur quoque Gregorius Magnus hom. 10. in Evangelia: *Absit à fidelium cordibus, ut Fatum esse aliquid dicant.* Sed non refugit vocabulum hoc Boëtius in 4. de consolat. philos. prof. 4. ubi Fatum definitur, *inherens rebus mobilibus dispositio, per quam providentia divina suis quacunq; nectit ordinibus.* Nec rem improbat Augustinus, dummodo per illud intelligatur voluntas, vel potestas Dei; sed eò vocabulum rejicit, quia fumeretur vulgò pro vi positionis siderum. Damnat igitur Fatum Chaldaicum, non illud, quo sua voluntati humanæ relicta est voluntas. Sed sic quoque aliquis inter Augustinum & Boëtium dissensus videtur. Nam Augustino Fatum est voluntas Dei, Boëtio ordo secundarum causarum, quatenus subest providentiæ divinæ. Sed sunt ista non difficilia conciliata. Nam Augustinus Fatum spectabat, ut aiunt, *causaliter*, Boëtius, *formaliter*. At quid refert, utrum Fatum dicatur voluntas Dei in causis secundis, ordinem constituens, an ordo in causis secundis, à voluntate Dei constitutus? Utrobique enim agnoscitur, ordinem causarum esse à Deo, ac secundum illum omnia certò & infallibiliter evenire. Minus tamen propriè Augustinus; sed nec propriè fati Boëtius, cum ordo sit relatio; Fatum autem relatio non sit. Pertinet quippe ad causam efficientem. Relatio autem propriè non efficit. Sic verò ad causam efficientem refertur Fatum, ut non sit causa unica, sed congeries, ac nexus causarum secundarum, quatenus subiectæ sunt providentiæ Dei.

Interim hæc colligatio causarum aliter se habet erga res naturales, aliter erga voluntates humanas. Valde enim falluntur, si qui fatalem illam necessitatem in eo constituent, quòd Deus sic in creata agat omnia, ut & naturalia semper operentur pro ut semel indita, & humanæ voluntates pro impulsu divino bene, maleve operentur, nec agere secus possint. Siquidem ne naturales quidem effectus sunt à necessitate absoluta; quia multa contingunt intervntu voluntatis humanæ, vel boni, malive spiritus, per quos sæpe natura à Deo impeditur. Ac longè minus voluntas humana agit ex necessitate absoluta; quia sic tollatur ex rerum natura res omnium pulcherrima, libertas arbitrij, atque adeo Religio ipsa.

Nexus igitur causarum secundarum ejusmodi est, ut illa quidem necessario fiant, quæ causas habent necessarias, contingenter autem, quæ causas habent contingentes. Atque utrarumque causarum colligatio dicitur fatalis, quatenus in ea spectatur tum prævisio Dei, tum decretum. Prævisio, etsi certissima est, minimè tamen pugnat cum libero hominis arbitrio. Utcunque enim millies cernam aliquem nimis se poculis perdentem, non eo scientia mea efficit, quominus ille liberè se inebriet, ac perdat. Quare cum certissimò idem prævidet Deus, non eò prævisio illa libertatem tollet humanam,

ac vel ebrietatis crebra, vel interitus fuerit causa.

Possis tamen dicere, necessario, hoc est certò, & infallibiliter, hominem se poculis perditurum, quia falli nequeat intellectus divinus. Sed hæc necessitas est improprie dicta, quæ causa rei dici nequit.

Altera necessitas consideratur ratione decreti, quo Deus cuique suum præstituit finem, & hujus & alterius vitæ ratione. Sed nunc intra hanc vitam consistamus. Illud convenit, non hominem, sed Deum statuere cuique vitæ suæ terminum. Negari quidem nequit, hominem nimia Venere, & Baccho & aliis id genus, naturam si spectes, vitam reddere brevior. Sed constat item, Deum, autorem naturæ, agere posse, ac subinde agere, præter naturam; Ut quando impedit, quominus natura agat ex vi sua. Innumera sunt ejus rei exempla, sed in termino me vitæ continebo. Convenit, ut arbitror, Regis Ezechiae lib. 2. sive 4. Reg. cap. 10. morbum fuisse sua natura lethalem, à quo tamen convaluit, Deo morbi vim præpediente. Quare, ut dixi, ne intalibus quidem naturalis simpliciter est necessitas, sed spectanda est Dei voluntas, quæ morituro aliquo, statuit permittere, tam ut agat homo, quibus sibi secundum naturæ cursum, ad immaturam mortem, parat viam, tum ut etiam natura more agat ordinario, quia non impedire eam decrevit.

His positis, necessitas moriendi consequitur. Quia non potest non fieri, ubi Deus statuerit aliquid permittere, quod, si sinat, certò videat fore: At necessitas ista est comparatione non voluntatis humanæ, sed præscientiæ, ac decreti divini, neque est necessitas physica, sive interna, vel consequentis, sed logica, sive syllogistica, vel consequentiæ. Sit enim hoc majus pronunciatum: Si talis fuerit ordo rerum, exempli gratia, ut Petrus propensus sit ad libidinem, interque Venereos vivat, ac Deus talem rerum ordinem, nullum verò virtuti naturali decernat impedimentum, certò istic loci, illo etiam morbo, qualis lues Venerea, corripitur, ac peribit. Minus pronunciatum est: At Deus decernit, ut ejusmodi rerum ordo decurrat, utcumque provideat, hominem sic sibi relictum vaga, & illegitima Venere peccaturum, & se nullum virtuti naturali afferente impedimentum, fore prorsus, ut miserè homo pereat. Complexio est: Petrus igitur, & tum, & sic peribit: Recteque hanc necessariam vocari consecutionem, ostendit Aristotelica syllogismi definitio lib. 1. analyt. præterm. cap. 1. §. 8. ubi conclusio omnis necessario consequi dicitur propter ea, quæ præmittuntur.

Verum, uti hæc non est necessitas consequentis, sed consequentiæ, ita nec decretum, quod dicebamus, ejusmodi est, ut vim humanæ afferat voluntati. Quippe neque sic conditionatum est, ut incertam relinquat prævisionem Numinis, neque sic absolutum, ut hominis evertat libertatem. Alia interim mente, & absolutum dixeris, & conditionatum. Licet enim non homo sibi quisquam, sed Deus illi præfiniat dies suos, non tamen à decreto hoc excluduntur causæ naturales, & actus humani, quibus ad terminum illum, culpa sæpe humana, eaque evitabili, devenitur. Alioqui non Deuter. 16. juberemur honorare parentes, quòd prolongentur nobis dies; nec psal. 55. 24. dicerentur viri sanguinis, ac dolosi non dimidiaturi dies suos. Similia sunt alia præceptorum, promissionum, minarum exempla. Licet autem non arbitrer, ullum hominis ingenium satis penetrare, quomodo decretum Dei, & libertas hominis de certo vitæ fine conveniant, videtur nihilominus multum imminui difficultas, si prævisionem Dei consideremus bifariam,

ut an-



ut antecedit actus humanos, & ut sequitur. Præcedit ea cum conditione, eoque nihil ponit. Sequitur absolute, quia ubi ad prævisionem conditionam decretum de certa rerum serie à Deo accesserit, quod erat conditionatum, quodammodo naturam decreti induit absolute. Conditionata quidem nihil ponunt, nisi posita conditione, sed ponitur conditio, decernente Deo, se non impediturum actus liberos, quos fore prævidet, si non impediatur; cuiusmodi prævisio cum sit certissima, ubi decretum de non impediendo accesserit, nequaquam relinquatur meta vitæ incerta; sed ut incerta à nobis attenditur, præscindendo intellectum à decreto. Quia permissio non est causa sufficiens. Ut certissima autem consideratur, quatenus decretum Dei spectatur, ut natura sua posterius est actibus hominis prævisis. Sunt igitur decreta Dei, & voluntas humana subalterna, nec quam Deus homini libertatem dedit, ullo ejus tollitur decreto, nec divinum infringitur decretum libertate hominis; sed pariter Deus & disponit, atque ordinat causas, quæ sunt ab homine, & de fine decretum facit immutabile.

Quibus abundè refellitur sophisma, quod dicitur *ignota ratio*, & à Tullio *lib. de Fato*, ac Origene assertur in 2. *contra Celsum*. Optime etiam hæc conveniunt cum iis, quæ S. Augustinus scribit *lib. de bono persever. cap. 17. & de corrept. & gratia cap. 7. ac 13.* ubi ostendit, ut alios celerius, tardius alios auferat ex hac vita, quod pariter & homini sua constet libertas, & Deum suum decretum cuique suum constituens terminum. Quod si alia etiam, quæ pro hac sententia vel quoque adversus eam, adduci possent videantur, scire sit cupido, Scholastici adeantur, more suo in utramque partem differentes, sed sic, ut homini acuto, & tamen magis studioso pietatis, quàm ingenii laudem affectanti, non obscure eluceat, quod trahat veritas.

Ceterum, hominem, etiam post lapsum, liberi esse arbitrii, ad bene, vel malè agendum nulla divina, vel fatali necessitate cogi, sed sua sponte vel Deum monitorem ad bonum, vel diabolum seductorem ad malum sequi, asserunt sacre litteræ. Genes. 4. v. 6. Num. 30. 14. Deuter. 30. 19. Josue 24. 14. Illie 1. 19. Ecclesiastici 15. 14. & 31. 10. Sap. 16. 21. Matth. 19. 17. & 23. 17. Act. 5. 4. & 1. Corinth. 7. 37. & ad Philemonem 14. Asserunt etiam Patres Græci, ac Latini, quos magno numero conscripavit Jodocus Covius *tomo secundo Thesauri Catholicæ*. Item Concilia, ut Sexta Synodus generalis anno 680. in *exclamatorio sermone ad Constantinum Imperatorem*, Concilium Toletanum quartum anno 643. *cap. 56. de Judæis*. Concilium Valentinum anno 855. *cap. 6.* Concilium Senonense anno 1523. *cap. 15. de libero arbitrio*, Concilium Tridentinum sess. 6. *can. 4. & 5.* Asserunt quoque Judæi veteres, ut Rabbi Moses Hadarsan *ad cap. 4. Geneseos*, Rabbi Akiba in *capitulis Patrum*, Philo *lib. quod Deus sit immortalis*, & *lib. 4. allegor.* Rabbi Moses, filius Maimon *epist. adversus Astrologos*, Joseph Albo in *lib. fundamentorum tract. 1. cap. 9.* Rabbi Judas in *capitulis Patrum* ad illa verba: *Omnia sunt aperta, & arbitrium datum est*, ac inter Astrologos ipsos Iulius Firmicus Maternus anno 340. *de erroribus profanarum religionum cap. 29.* his verbis: *Quid hic ad sacrilegium pronus aures tuas obstruis? Quid hoc obstinati favoris ardore in exitum, mortemque festinas? Liberum te Deus fecit. In tua manu est, ut aut vivas, aut pereas.*

Es profectò hic illa Marci Tullii facundia ingenti synecopa obmutuit, & Zenonis sapientia ipsa desipuit. In eodem enim discrimine impari funere elati, alter

prætervectus feliciter placidum æquor libertatis ad necessitatis scopulos impegit. Prior autem vindictis libertatis providentiæ commissuram truncavit, & dum incautè cautes illas declinaret, in malacia ipsa, ac tranquillitate naufragavit. Nec solus. Ut ergo protinus causæ caput invadam, atque improbos hac latebra excludam, qui ad anticipantem cursum factorum tanquam ad asylum fugerunt, do illis quiddam aucupantur, ut factorum æternitas ipsorum seras voluntates antevertat, indene conficiant præceptum sibi sui operis arbitrium, ut pati illud, non agere debeant, & ad scelerum licentiam, hoc est homicidium animarum, tanquam pecora ad victimam trahantur? Id utique censeo eos sentire, sed quàm frigidè ac frivole, rubescant, quasi non possit divinitus liberum quidpiam decerni, & necessum esse habeat quodvis, eò quod futurum est. Absit amentia. Nam & Deus prævidet, ac providit jam olim in Kalendis æternitatis illa à nobis qua committi opera, qua omitti, sed arbitrati operantur, qui utique nihil perstringitur, dum utraq; sic ei destinantur, ut faciat ipse delectum.

Non equidem ausum ire inficias, his pensis factorum causis quibusdam vincula neri, omnibus posse, iis scilicet, quæ ad opus solo imperu naturæ irritantur. Sed tu etiam admitte, ut deponamus aliquid in commune, posse hæc à divina libertate ita dirigi, ne arbitrio creaturarum servitus ulla inferatur. Idem imber pluribus arcibus illapsus, in quam graminum differentiam redundat? Ipsa aura iisdem foliis in multos siphones aspirans quot numeris modularur? Et adhuc ambiges, an aliquando fatum, id est spiraculum principis Causæ ita in sexcentum canales dispensare se possit, ut quibusdam vim non inferat, etsi omnibus vires ferat? Non audis, vides, meruis fulmen obstantia irumpere, cedentia servare? Et quia nos fascinat, ne fateamur Deum, cujus tam ingeniosa sunt arma, natura agentes cogere, liberas tantum adjuvare? Si ea est fidibus fides, ut cum in divisis psalteriis ad sympathiam hinc inde temperantur, atque una quæcunque feritur protinus in altero similis etiam non icta remurmuret, Delirus *lib. 1. magic. cap. 3. 9. 4.* Quid ni capiamus, ut ubi se moverit summi Dei voluntas providentiæ plectro, humana protinus, tanquam paravella primæ sine vi, fraude, servitute ulla sequatur? Certè nihil hic novi deprehendas, nisi ipsam novitatem, ubi illustris veritas vulgi ignorantiam, ac deluetam claritati aciem inopino fulgore perstringit. Hactenus fatum.

### CONSULTATIO CXIII.

*Ad quæ crimina se extendat crimen Hæresis? Quisnam sit suspectus de hæresi? Quid, ac quovisplex sit suspicio, præsumptio, opinio. Contra hæreticos, & contra suspectos de hæresi quomodo procedant Inquisitores?*

**C**um in *cap. Ut Inquisitionis de hæret. in 6. dicatur*, crimen hæresis esse Ecclesiasticum, ut proinde Magistratus secularis de illo non possit cognoscere, sed id pertineat ad Episcopos, & Inquisitores privativè ad laicos, ideo queritur, quæ sint crimina, quæ sub crimine hæresis comprehenduntur. Constat enim, præter hæresim formalem contineri sub hoc crimine quodcumque delictum, quod hæresim sapit, quodque delinquentem reddit suspectum de hæresi, ideoque Judices fidei privativè quoad laicos cognoscere generaliter de fautoria hæreticorum,  
ac de



ac de omni delicto sapiente hæresim, vel inducente suspicionem de hæresi.

Quare dicendum est primò. Sub crimine hæresis comprehenduntur omnia dicta, vel facta, quæ quomodocunque hæresim sapiunt, sive sint hæretica, sive suspicionem hæresis inducant per *textum in cap. ad abolendam, cap. excommunicamus 13. de hæret. cap. quicumque 2. cap. in fidei favorem 5. cap. contumacia 1. cap. accusatus 8. cap. ut officium 11. cap. ut commissi 12. eod. tit. in 6.* ubi communiter Doctores.

Et quamvis crimen hæresis sit mentale, & contingere possit, quòd qui exterius hæreticè agit, verè non sit hæreticus. & sic videri possit, quòd exterius dictum, vel factum reddat agentem solum de hæresi suspectum, non autem formaliter hæreticum. Non enim valet consecutio. Titius negavit Trinitatem. Ergo est hæreticus. Quia potest esse, quòd negaverit Trinitatem ex ignorantia, vel solum verbis, non mente; nihilominus distingui debet hæreticus exterior à suspecto de hæresi. Exterior hæreticus ille est, qui verbo, vel facto, habente vim verbi, vel signi ad placitum significantis, interiorem sensum loquentis, profert hæresim, & negat aliquem fidei articulum, quem explicitè credere tenetur, ut si neget Trinitatem. Ex simili enim dicto per consequentiam moraliter necessariam deducitur error mentis. Nec consequentia ista potest esse fallax, nisi vel ex ignorantia loquentis, vel quia ille mentitus fuerit, sive finxerit, unumque dixerit, aliud senserit, quorum nullum de jure præsumitur, aut admitti debet, nisi probetur. Non enim præsumitur ignorantia, quia negatur articulus fidei, quem negans tenetur explicitè scire ac credere. Neque præsumitur mendacium, aut fictio, quia non præsumitur, quòd in materia fidei quispiam fingere velit, vel mentiri. Atque ideo talis, nisi probet ignorantiam, vel fictionem, ut hæreticus habendus est.

Suspectus verò de hæresi est ille, ex cujus dicto, vel facto non concluditur hæresis necessariò, ac certò, sed solum de eo potest esse suspicio. Ex dicto quidem ut, si quis vel neget articulum fidei, quem ipse non tenetur explicitè scire, ac credere. Quia si talis alleget ignorantiam, & admonitus, sit paratus credere, & credat, non potest haberi, ut hæreticus; quia de jure non præsumitur, quòd sciat id, quòd explicitè non tenetur scire, ac credere, sicque ejus ignorantia est probabilis, atque excusans ab hæresi, nec illam tenetur iste probare in judicio, sed Fisci est probare scientiam, ac noticiam, cum simus in articulo, quem explicitè non tenebatur scire, potuitque probabiliter ignorare. Hic igitur non est habendus, ut hæreticus, sed ut suspectus de fide, plus, minusve secundum qualitates delicti, aut dicentis.

Vel si delictum non est manifestè contra fidem, sed est ambiguum, & potest habere sensum catholicum. Nam non debet pro certo haberi, quòd proferens tale dictum habuerit sensum hæreticum, nisi hoc aliunde probetur, sed solum de illius sensu hæretico ad summum potest haberi aliqua suspicio. Ex facto autem hæreticali, solum oritur suspicio, nisi tamen factum simul sit verbum, hæresim significans. Quia factum malum, & hæreticale significat per se malam voluntatem; quæ cum possit esse ex alia causa, quam ex hæresi, ideo ex illo non potest certò concludi hæresis, sed suspectari, nisi aliud ex circumstantiis habeatur.

Suspicio autem distingui debet in moralem, & legalem, sive juridicam. Suspicio moralis sumitur in malum, & importat judicium temerarium. Est enim opinio mali, procedens ex levibus indiciis, atque ideo vitium, & semper est peccatum, ut cum D. Thoma 2. 2. q. 60. ar. 3. docent Theologi. Opi-

nio siquidem importat adhæSIONem intellectus uni parti contradictionis cum formidine alterius. Ex levibus autem indiciis non potest certò quispiam judicare, quòd proximus sit malus, licet hoc faciat cum formidine alterius partis. Solum enim si motiva sint gravia, probabilia, & sufficientia, potest unus aliquis determinatè judicare, quòd alter sit malus.

Suspicio verò absolutè ac magis propriè sumpta, non est opinio, sed longè ab ea differt. Importat enim majorem quandam propensionem ad unam quam ad alteram partem, nulli tamen adhærendo, ut docet D. Thomas in eadem 2. 2. q. 2. ar. 1. in corp. Quod etiam ex levibus indiciis, probabilibus tamen, justè, ac sine peccato fieri potest. Ideo suspicio ex Baldo in l. ea quidem n. 3. C. de accus. definitur, quòd sit aliqualis applicatio ad aliquid cum vehementi turbatione, sive, ut inquit D. Thomas loc. cit. est aliqualis inclinatio ad unam partem, ita tamen, quòd intellectus non se determinet ad illam, etiam cum formidine ad alterius partis, sed solum aliquantulum inclinet, ut etiam explicat Farinac. in prax q. 36. n. 114. quamvis non distinguat ejusmodi suspensiones.

Nonnunquam verò suspicio, & præsumptio pro eadem re accipiuntur, sed propriè loquendo distinguuntur. Siquidem ad suspensionem leviora motiva sufficiunt. Præsumptio autem est ex pluribus suspicionibus, ad quam majora, & evidentiora requiruntur, ut per Doctores, quos sequitur Farinac. cit. q. 36. n. 251. Ut proinde præsumptio sit suspicio in animo, ex variis argumentis, conjecturis, & indiciis orta, quibus quò magis urgeatur, èd magis firmatur, Panorm. in cap. quanto n. 2. de præsumpt.

Hinc sequitur, quòd suspicio judicialis, quæ generaliter sumpta, comprehendit etiam præsumptionem, simul quoque comprehendat opinionem, sicque importat propensionem animi ad unam partem, quæ non sit certa, sed dubia, & cum formidine alterius, etiam si hoc fiat cum determinata adhæSIONe ad unam partem. Distinguitur quippe suspicio in levem, vehementem, violentam. Et quamvis Panormitanus in d. cap. quanto n. 3. dicat, non valde curandum esse de his nominibus, quia hæc distinctio non habetur in jure; attamen oppositum tenendum est, præsertim in Tribunali S. Officii, fitque mentio suspensionis levis, ac vehementis in cap. accusatus sub initio de hæret. in 6. & violenta in cap. cum contumacia eod. tit. & d. cap. accusatus.

Distinctionem hanc explicant Doctores ex Eymérico p. 2. q. 55. & Pegna ibidem com. 80. ut suspicio levis sit, quæ inducitur ex levibus conjecturis, aut modicis indiciis, nimirum ex dictis, vel factis, ex quibus rariùs concluditur hæresis. Vehemens est, quæ oritur ex vehementibus, & fortibus conjecturis, nempe ex dictis, vel factis, ex quibus plerumque hæresis concluditur. Violenta est, quæ cogit Judicem ad credendum, nec qualicunque tergiversatione refellitur, oriturque ex dictis, vel factis ex quibus sæpissime, & quasi semper hæresis concludi solet. Harum suspensionum exempla tradit Eymericus, ac explicat Pegna loc. cit. & Doctores, quos abundè congerit Farinac. de hæres. q. 187. n. 23. & seq. q. & nos alibi.

Explicatur autem hæc distinctio ex alia, quæ datur de præsumptione, ut præsumptionum alia sit hominis, alia juris, ac de jure. Nulla enim datur præsumptio, quæ sit temeraria, sed rationabilis probabilisque, ac quodammodo juris. Unde nullam dari præsumptionem, quæ etiam lege non utatur, ait Sarmient. lib. 1. select. cap. 1. n. 9. At Farinacius ex Baldo tit. de præsumpt. & Menochio lib. 1. de præsumpt. q.



*sumpt. q. 5. n. 17.* rectè advertit, quòd illa sola dicitur præsumptio juris, quæ in specie à jure est approbata. Sicque, licet nulla detur præsumptio rationabilis, quæ à lege discrepet, ac in jure non sit innixa, illa tamen sola dicitur juris præsumptio, quæ in jure exprimitur, & approbatur. Præsumptio autem juris, & de jure duo continet. Primum, quia disponatur per legem, aliquid præsumptum. Quod omni præsumptioni juris est commune, ut docent Panormitanus, Felinus, & alii *in d. cap. quando de præsumpt.* & annotat Farinac. *ea q. 36. n. 101.* Secundum quod lex super præsumpto, tanquam super comperto statuit, atque ita super tali præsumptione inducit jus firmum, habetque illam pro veritate, ut per Bald. *in l. possideris n. 6. C. de prob.* Panorm. & Felinus *loc. cit.* ac alios, quos sequitur Farinac. *ibidem n. 10. & seqq.* ubi plures hujus præsumptionis refert descriptiones, fitque de illa commemoratio *in cap. cum contumacia de hæret. in 6.*

Omnis verò præsumptio juris continet suspiciōnem vehementem, at non omnis suspiciō vehementis continet præsumptionem juris, sed illa sola, quæ in lege est scripta, & approbata. Suspiciō verò violenta & præsumptio juris, ac de jure coincidunt in idem, ac utrique convenit, quòd contra hujusmodi præsumptionem non admittatur probatio directa, quæ tamen admittitur contra præsumptionem juris, sive suspiciōnem vehementem. Et quamvis plerumque in præsumptione juris, ac de jure lex etiam expresse prohibeat admitti probationem in contrarium, hæc tamen expressio non est necessaria, quoniam ex natura talis præsumptionis, quam lex habet pro certa, & plena probatione, oritur, quòd non debeat admitti probatio directa in contrarium, ut post Menoch. *lib. de præsumpt. q. 3. 10. & seqq.* advertit Farinac. *d. q. 36. n. 109.*

Atque ista suspiciō violenta, sive præsumptio juris ac de jure sufficit, ut reus præsumptus damnetur pena ordinaria. Et ideo, quicquid sit in aliis criminibus per ea, quæ adducit Rimin. *conf. 686. n. 47.* in crimine hæresis suspiciō violenta sufficit ad damnandum hæreticum pena ordinaria, *Glos. in d. cap. cum contumacia, v. vehementem, de hæret. in 6.* ibique Gemin. *n. 13.* Franch. *n. 13.* & tradunt Locat. *v. præsumptio n. 4. & 19.* ac *v. suspiciō n. 9.* Eymer. *p. 2. q. 55. n. 10.* ubi Pegna *com. 80. lit. J.* Decian. *lib. 5. cap. 20. n. 23.* Menoch. *lib. 1. de præsumpt. q. 100. n. 15.* Farinac. *de hæres. q. 187. n. 46.* alique apud ipsum. Nec mirum. Nam hæc suspiciō violenta, sive præsumptio juris, ac de jure, non est hominis, sed juris, decernentis, ut illa habeatur pro certa, & plena probatione, ideoque non est admittenda, nisi in casibus, à jure expressis, neque ex similitudine, aut identitate rationis extendi potest ad casus, à jure non expressos.

At si violenta suspiciō habet vim certæ ac plenæ probationis, cur sit, atque dicatur suspiciō, cum de ratione suspiciōis sit aliqua incertitudo, ac dubietas, sive contrariæ partis formido?

Respondetur, quòd, præcisa juris institutione, fictioneque, ne in violenta quidem suspiciōe motiva ad suspicandum, vel judicandum ita sunt indubitata, & certa, ut omnem dubietatem, ac formidinem falsitatis tollant, & ideo etiam violenta suspiciō sub genere suspiciōis continetur. Atque hinc est, quòd in modo procedendi secundum hodiernam praxim suspiciō violenta non differt à vehementi. Nec abjuratio de violenta est ampliùs in usu, sed omnes abjurant vel de formali, vel de vehementi, vel de levi, ut per Genuens. *in pr. cap. 84. n. 8.* Param. *de orig. Inquis. lib. 3. q. 4. n. 21.* Farinac. *de hæres. q. 187. n. 51.* Soufa *lib. 2. aphor.*

*cap. 42. & nos alibi.* Neque suspectus vehementer de hæresi ex hoc est verus hæreticus, sed præsumptus, Locat. *v. suspiciō n. 30.* Farinac. *d. q. 187. n. 51.* Soufa *loc. cit. n. 6.* Quamquam ut verus hæreticus sit puniendus, Eymeric. *p. 2. q. 55. & p. 3. n. 174.* ibique Pegna *d. com. 80.* & Farinac. *d. q. 187. n. 46.*

Docent tamen nonnulli, quòd suspiciō vehemens, addita alteri vehementi, transeat in violentam ita, ut si quis abjuraverit de vehementi, si iterum labatur in factum, ob quod fuit, ac sit vehementer suspectus, ex hac censi debet suspectus violenter. Ita ex Locato, & Menochio Farinac. *q. 105. n. 25.* & Soufa *d. cap. 42. n. 16.* Verum, ut diximus, violenta suspiciō non datur, nisi in casibus à jure expressis, & nisi jus statuat, quòd ejus probatio habeatur pro certa, & plena; Nullibi autem statuit in jure, quòd suspiciō vehemens transeat in violentam, si uni suspiciōi de vehementi superveniat alia. Neque adduci potest ad id probandum *cit. cap. Cum contumacia de hæret. in C.* Nam ex hoc textu contrarium potius deducitur. Considerat quidem ibi Pontifex, quòd suspectus de hæresi ex eo, quòd etiam sit contumax, addit priori suspiciōi vehementem præsumptionem, non tamen statuit, quòd ex hoc solo habeatur, ut violenter suspectus, quodque sit puniendus tanquam hæreticus, sed vult, quòd prius ob contumaciam excommunicetur, & quòd si excommunicatus persistat in excommunicatione per annum, tunc postea habendus sit, ut hæreticus. Quòd autem Pontifex speciatim decernit in hoc casu, non debet à Doctōribus ad alios casus extendi. Pænæ enim, ac fictiones juris non sunt extendendæ ad casus, in jure non expressos.

Quòd autem opinio sit idem ac vehemens, seu verisimilis suspiciō, tradit Farinac. *in prax. d. q. 36. n. 193.* & quidem licet possint motiva suspiciōis ita urgere, ut inducant Judicem ad hærendum illi parti, quòd suspectus sit hæreticus, etsi cum aliqua formidine contrarii, non tamen suspiciō vehemens talis est, ut inducat opinionem, sed sufficit, si inducat vehementem timorem. Hic quippe de hæresi vehementer suspectus habendus est, de quo habentur vehementia motiva timendi, quòd sit talis.

Ut autem discerni possit, an aliquis sit suspectus de vehementi, vel de levi, primò attendi debet, an dictum, vel factum habeatur de jure, ut vehementer suspectum, an solum de levi. In quo casu adhuc spectandæ sunt circumstantiæ facti, ac personæ, ex quibus contingere poterit, ut suspiciō minuatur, vel tollatur, vel augeatur, & de levi fiat vehemens, ut per Pegnam *p. 2. com. 81. in fine.* Cæterum ad discernendum optima est regula, quam tradit Pegna ibidem, ut scilicet suspiciō vehemens adsit, si motiva suspiciōis soleant facillè, ac frequenter hæresim præ se ferre. Semper tamen considerari debent circumstantiæ, delicti gravitas, & qualitates personæ. Suspiciōem autem vehementem proculdubio inducunt motiva, quæ ita urgent, ut opinionem rationabilem de hæresi inducere possint. Si verò sint rationes, & conjecturæ probabiles pro utraque parte, res poterit esse dubia, & in dubio mirior pars erit eligenda, quæ etiam est tutior, ne sine fundamento gravetur reus in qualitate abjuratiōis. Nam, si aliàs constet de facto hæreticali, pœnis ordinariis reus puniendus erit, quamvis minuatur modus abjuratiōis. Ac licet in concursu diversarum opinionum magis probabile appareat, omnibus rectè ponderatis, quòd suspiciō sit vehemens, nisi tamen hæc probabilitas sit magna, & inducat quandam certitudinem moralem, adhuc mirior pars erit eligenda, & judicandum pro suspiciōe levi, ne in dubio gravetur innocens.

Tam



Tam igitur contra hæreticos, quam contra suspectos de hæresi procedunt Inquisitores. De suspectis autem de levi, est apud aliquos difficultas. Nam ex levibus signis, conjecturis, aut indiciis non est procedendum contra quempiam, maxime in causa hæresis ob infamiam, quæ oritur ex eo, quod contra illum de hæresi inquiratur. Verum cum hæresis crimen in mente consistat, & à nobis cognosci non possit, nisi per signa exteriora, ideo distingui hic debet inter exterius dictum, vel factum, quod inducit suspensionem interioris hæresis, & inter suspensionem ipsam. Siquidem ad inquirendum contra aliquem, tanquam suspectum de hæresi, non sufficiunt leves suspensiones, aut præsumptiones dicti, vel facti, super quo fundatur hæresis suspicio, sed necesse est, quod inquisitionem præcedant vel infamia, vel accusatio, vel denunciatio, vel sufficientia indicia, ex quibus Iudex moveatur ad inquirendum, probandumque est corpus delicti, ac, non nisi servata forma juris, præcedentibus sufficientibus indiciis, deveniendum est ad capturam, vel ad torturam. Ac denique, nisi plenè probato dicto illo, vel facto super quo suspicio hæresis innitur, non potest inquisitus damnari, ut suspectus de hæresi, ceu tradunt Archid. in cap. ut officium n. 9. Jo. Andr. n. 2. Gemin. n. item 2. de heret. in 6. Anania in rubr. de heret. n. 3. Simanch. de cath. instit. tit. 50. n. 27. & Farinac. q. 187. n. 3.

Supposito igitur, quod dictum, factumve, super quo hæresis fundatur, constet Iudici sufficienter, vel ut incipere possit inquisitionem, vel ut illam prosequatur, ex parte tamen suspensionis levis, quam dictum, aut factum inducit, considerandum est, an illa sit probabilis, an ne, ut advertunt Simanch. loc. cit. Locat. v. citatio, Farinac. q. 185. n. 58. & Carena p. 3. sect. 1. n. 17. Considerandum item, an illa sit suspicio juris, an hominis. Absque dubio enim suspicio juris est probabilis, & hæc est illa, quæ exprimitur in iure in quo expressè habentur pro suspectis de hæresi, qui hoc, illudve dicunt, vel faciunt.

Idipsum dicendum si consuetudo, legitime induta in aliquo Tribunali, pariter habeat, ut censeantur saltem leviter suspecti de hæresi, hoc, vel illud dicentes, aut facientes. Nam si suspicio levis est suspicio à jure, vel consuetudine approbata, non est ambigendum, quin contra hujusmodi suspectos possint ac debeant Inquisitores procedere, ac ita passim in S. Officio puniuntur tanquam suspecti de levi sollicitantes, polygami in Hispania, blasphemii non consuetudinarii, & in plerisque casibus sortilegi simplices, ac plures alii, & Alexander VII. in Congregatione S. Officii mensè Julii 1660. præcepit Regularibus, ut alios Regulares hæreticos, vel suspectos etiam leviter, denuncient. Unde certum est, quod Inquisitores cognoscunt, & contra tales possunt inquirere, ac procedere.

Si verò suspicio non sit juris, sed hominis, tunc locum habet, quod notat Simanch. eo tit. 50. n. 38. ut nimirum consideretur, quod levia signa non debent facile movere animum constantis viri ad suspicandum tam grave crimen, sed potius accipienda sunt in partem benigniorem. Nam, ut tradit Pegna d. com. 80. lit. F. periculosum est ob leves suspensiones trahere in iudicium hominem honestum, ac probum, eumque de fide interrogare. Quare considerandum primò est, an suspicio, licet levis, sit probabilis. Deinde consideranda est qualitas personarum, ut animadvertunt Simanch. loc. cit. n. 29. Pegna d. com. 80. lit. T. & com. 12. Navar. conf. 2. de heret. & Farinac. q. 185. n. 52. Postremò consideranda est qualitas dicti, vel facti, super quo fundatur suspicio. Nam si esset delictum grave, & præ-

cipue si esset publicum, posset Iudex ad vitandum scandalum moveri etiam ad inquirendum contradelinquentem, ex eo delicto leviter suspectum de fide. Quia per se loquendo ad inquirendum in crimine hæresis, sufficit levis suspicio, probabilis tamen, ut docent Gemin. in cap. ut Inquisitionis n. 2. de heret. in 6. & in cap. accusatus n. 3. eod. tit. ibique Franch. n. 4. Calderin. de heret. n. 10. Locatus v. infamia n. 11. Decian. d. lib. 5. cap. 20. n. 21. & cap. 35. n. 20. Scacc. de iudic. cap. 59. n. 2. Mascard. de probat. concl. 881. n. 3. alique plures apud Farinac. d. q. 185. n. 14.

Verum, loquendo de suspensione hæresis, pro majori hujus rei explicatione, ita quoque distinguenda est. Alia est suspicio naturalis. Alia est talis fictione juris. Illa est naturalis, quæ ex dicto, vel facto, spectata rei natura prudenter, ac verisimiliter habetur, ut est illa, quæ habetur ex adoratione Idoli ex pacto expresso cum demone, & ex quolibet alio dicto, vel facto per se atque ex rei natura hæreticali. Illa est suspicio juris, sive quam fingit jus, quæ ex natura rei saltem non est, quantam lex vult esse. Exempla hujus suspensionis habentur in polygamiis, aliisque delictis, de quibus ex jure antiquo non cognoscebat S. Officium. Neque enim ex natura rei nunc polygami sunt magis de jure suspecti, quam antea essent, si loquamur per se, ac seclusis circumstantiis.

Adverti autem primò debet, quod suspicio illa, quæ ex facto illicito deducitur, quod scilicet illicitè agens credat vel non adesse legem justam, quæ actum prohibeat, vel quod non sit illicitum transgredi legem, generalissima est, levissimaque, ac oritur ex omni facto illicito. Quare, supposita fide docente, adesse legem, ac legi esse obtemperandum, hæc suspicio ex omni facto illicito nascitur, satisque mirum est, quod homo fidelis, salva fide prædicante legem, ac necessitatem obediendi legi, ac promittente obedientibus æternum præmium, & minante inobedientibus æternum supplicium, adhuc abundant scelera atrocissima inter fideles. Sed admiratio cessat, & suspicio ista simul levissima apparet; quia manifestum est, quod radix malorum non est infidelitas, sed mala concupiscentia, juxta illud Apostoli: Omne, quod est in mundo, concupiscentia carnis est, aut concupiscentia oculorum, aut superbia vitæ. Sic ergo absolute loquendo, ex eo, quod homo fidelis, de quo non habetur alia suspicio hæresis, accipit secundam uxorem, vivente prima, oritur hæc suspicio, quod credat vel non dari legem quæ prohibeat multitudinem uxorum simul, vel quod sit licitum transgredi hanc legem. At hæc suspicio non habet in polygamo majus fundamentum per se loquendo, quam in assassino, qui, ut furetur pecuniam, occidit impiè hominem, non semel, sed sæpius, ac ita quidem, ut de illo possit haberi suspicio, quod credat vel non dari legem, vel illam non obligare, deque isto suspicio haberi non possit, quod non detur lex prohibens assassinium, vel quod hæc lex non obliget.

Utrouque igitur habetur causa suspensionis generalissimæ, ac levissimæ, quia satis est manifestum, quod fidelis ad hæc scelera patranda moveatur ex aliqua mala concupiscentia, non autem ex infidelitate. Et nihilominus lex positiva, sicut ad tollendum subterfugia impiorum, & ad scelerum punitionem voluit, quod contumaces, licet revera, sive spectata naturali vi probationum, non sint convicti, adhuc subdantur pænæ convictorum, habeanturque pro convictis, ita fictione juris voluit eos damnari ac si essent convicti. Et quamvis præsumptiones spectata illarum natura, non ferant secum certitudinem delicti,



liciti, nihilominus sicut lex voluit, quod in quibusdam casibus præsumptiones habeantur ut certæ probationes; unde induxit præsumptiones, quas dicunt juris ac de jure, quæ habeantur, ut certæ probationes sufficientes ad infligendum pœnam Ordinariam, suntque tales, contra quas non admittatur probatio directa; ita in suspitione hæresis, spectata quorundam delictorum atrocitate, illorumque frequentia, & periculo, ne fideles paulatim disponantur ad hæresim, consideratis præsertim hæresibus, quæ hoc tempore grassantur, serpuntque occultè inter Catholicos, ac insuper attento, quod, ad compescendum hujusmodi delicta, necessarius est rigor & summa integritas Tribunalis S. Officii, hanc pœnam etiam ipsa lex indixit, & voluit, ut delinquentes in casibus sibi bene visis habeantur, ut specialiter, & graviter suspecti de fide, & ut tales in S. Officio puniantur.

Unde iterum adverti debet, quod suspicio naturalis, quæ oritur ex natura actionis, per se spectata, licet sit quoddam malum pœnæ, non est tamen nova pœna, sed est malum per se connexum malæ actioni, at suspicio ista juris, ex juris fictione inducta, est vera pœna, à lege justè inflicta. Et sicut lex induxit pœnam infamiae, etiam contra hæreticorum filios non hæreticos, ac innocentes; qua pœna meritò puniuntur hæretici in suis filiis: ita, licet aliquæ, spectata solavi naturali objectiva talium actionum, non inducant specialem & gravem suspensionem hæresis; nihilominus in pœnam talium delinquentium voluit, quod illi habeantur, ut suspecti specialiter, & graviter, ac ita, ut in S. Officio puniri debeant, licet alias de jure antiquiori, ac spectata sola naturali suspensione, in S. Officio non puniebantur.

Tertiò adverti debet, quod, ut supra diximus, licet suspicio hæresis distinguatur in levem, vehementem, & violentam, suspicio tamen non dicitur levis, quia sit talis absolutè, ac simpliciter. Nam pro suspensione simpliciter levi non est contra aliquem procedendum ad pœnas graves, sed suspicio dicitur levis comparative ad vehementem, Cæterum suspicio debet in se esse gravis, ut contra suspectum procedi possit criminaliter ad pœnam. Ideo distingui debet suspicio in levem, & gravem, & in levissimam, quæ in hac re non attenditur. Gravis adhuc distinguitur in levem, id est, non vehementem & in vehementem. Hinc etiam est, quod in hujusmodi delictis in quibus jus voluit, delinquentes haberi pro suspectis, non est, cur Doctores delatigentur, ut probent dari suspensionem, præcipuè vehementem, cum verè, sola natura actionis, spectata ex communiter accidentibus, illa suspicio non adsit naturalis, sed considerare debent legem, quæ fictione juris eam qualitatem meritò præsumit, & in odium, ac pœnam delinquentium voluit, eos haberi pro suspectis.

Datur ergo suspicio hæresis, quæ dicitur juris non præcisè, quia sit approbata à jure, sed quia sit à jure inducta favore fidei, & in pœnam delinquentium, ut ea, quæ sunt Religionis, & fidei purius conserventur, ac illibata permaneant. Sicetiam cum diximus, quod vehementis suspicio est, si motiva suspensionis soleant facillè, ac frequenter præferre hæresim, intelligi debet de suspensione naturali, quæ etiam potest esse juris in hoc sensu, quod aliqui sit in jure approbata; sed suspicio, quæ est ex juris fictione non subijcitur huic regulæ, sed ubicumque reperitur in casibus, in quibus jus voluit, illam haberi. Ideo hæc distinctio suspensionis in naturalem, & juris non est eadem cum distinctione communi, superius relata, in suspensionem hominis, & juris; Nam plures suspensiones naturales sunt etiam juris in sensu illius distinctionis, quia scilicet

sunt approbata à jure, sive in jure expressæ. Sed hic suspicio dicitur juris non tantum quia sit in jure expressa, sed quia est in jure ficta, sive statuta.

#### CONSULTATIO CXIV.

*De Abusu Sacramentorum ac verborum S. Scripturae  
An & quatenus in illo procedat S. Officium?*

EX dictis in superiori Consultatione deduci videtur, quod ad S. Officium pertinet cognoscere de abusu Sacramentorum, ac de injuria illis irrogata. Quia hæc non sunt sine aliqua hæresis suspensione. At nihilominus dicendum est primum, quod, præcisè suspensione, quæ oritur ex qualitate abusus, vel quia habetur in casibus in jure expressis, ac spectato abusu, vel injuria illata Sacramento, absolutè ac universum præcisè circumstantiis, ex hujusmodi delicto non oritur, nisi suspicio generalissima, & levissima, & talis, quod non sufficit, ut S. Officium contra hoc delictum universaliter procedat. Quod autem hoc delictum, etiam absolutè sumptum, inducat aliquam suspensionem hæresis, habetur ex jam dictis, patetque ex constit. 31. Pii IV. quæ incipit, *Universi Domini gregis* contra Sacerdotes sollicitantes ad turpia in Sacra confessione, §. 4. his verbis: *Nos in animum inducere nequeunt, quod qui de fide catholica rectè sentiunt, Sacramentis in Ecclesia Dei iustitiam abutantur, aut illis injuriam faciant.*

At, quod ista suspicio ex natura rei sit generalissima, & levissima probatur, quia de facto S. Officium in pluribus casibus hujusmodi abusus, aut injuriæ non procedit. Non enim procedit contra Sacerdotem absolventem sine jurisdictione, vel absolventem, cum sit excommunicatus, etiam non toleratus, nec contra sic celebrantem Missam, nec contra Sacerdotem frangentem sigillum confessionis, nec contra mulierem sollicitantem ad turpia in actu confessionis, nec contra Confessorem sollicitantem ad turpia in ministerio aliorum Sacramentorum, neque, secundum aliquos, contra Sacerdotem sollicitantem in confessione ad alia delicta, præter turpia, neque in pluribus aliis casibus, de quibus infra.

Accedit, quod ante nova jura, quæ statuunt, quod Judices fidei cognoscant de delicto sollicitantium ad turpia, de polygymis, & aliis etiam casibus, S. Officium non cognoscebat; quia hujusmodi delicta non censentur sapere manifestè hæresim ita, ut de illis cognoscere deberent Inquisitores. Et quidem, si, considerata sola naturali suspensione, quæ præcisè præsumptione juris, per tales abusus inducitur, illa fuisset specialis, ac sufficiens ad hoc, ut ex antiquo, & communi jure Judices fidei de illis cognoscerent, non fuisset opus, ut Pontifices per novam legem eisdem Judicibus hanc cognitionem delegarent, sed ad summum, ad tollendam aliquam dubietatem, non per modum novæ delegationis, ut fecerunt, sed per modum simplicis delegationis declarassent, eam cognitionem ad eos pertinere. Ex quibus patet sit, quod suspicio hæresis, quæ inducitur ex abusu Sacramentorum, præcisè, & absolutè sumpto, non est manifesta, specialis, & tanti ponderis, quod propter illum Inquisitores de hujusmodi abusu cognoscere possint, debeantque.

Hinc dicendum secundò est. Ex duplici capite Inquisitores cognoscunt de abusu Sacramentorum. Vel quia ex qualitate abusus adest specialis & gravis suspicio hæresis. Vel quia ex juris novi præsumptione in casibus à jure expressis, aut ex con-

R r fuerunt



suetudine huiusmodi cognitio ad eosdem pertineat.

Ideoque oritur hæc suspicio ex fine, ob quem aliquis abutitur Sacramentis. Nam si quis utatur illis, ut utilibus fini, ad quem nec ratione sanctitatis illorum, neque ratione materialis actionis habent proportionatam virtutem, nisi moralem, ex pacto cum dæmone, ut sit in sortilegiis, intrat suspicio hæresis juxta explicata, *in consult. de sortileg.* Sed quia Sacramenta ratione materiæ possunt verè esse utilia, ut aqua baptismi ad lavandum, Eucharistia ad sigillo muniendum contractus civiles, matrimonium ad pinguem dorem acquirendam; vel etiam ratione materialis actionis, & circumstantiarum illius, scilicet loci, temporis, ac modi, ut confessio, ratione secreti, cum quo ministratur, præbet opportunitatem ad alia negotia similiter tractanda, & sic sub Sacramentorum prætextu alia negotia tractari possunt; ideo si quis abutatur Sacramentis, ut utilibus hoc modo ad fines, etiam illicitos, ex hoc non oritur hæc specialis suspicio, quòd sic abutens credat Sacramenta esse utilia ad res huiusmodi. Quia non est hæresis credere, quòd Sacramenta ratione materiæ, aut per accidens possint esse utilia ad hos fines, nec per se loquendo remanet alia suspicio, nisi illa generalissima, & levissima, quia scilicet sic abutens Sacramentis, credat vel non dari Sacramenta, vel licere illis abuti, nisi jus in casibus expressis præsumat, ex tali abusu suspensionem hæresis specialem & considerabilem.

Primò igitur in abusu Sacramentorum intrat suspicio vehemens hæresis ex parte finis, ut si quis illis utatur ad finem per se illicitum, sicut sit in sortilegiis ad aliquem finem sortilegum obtinendum.

Secundò ex parte ejus, cui confertur Sacramentum intrat vehemens suspicio hæresis, si illud sit incapax Sacramenti. Eoque magis, si id faciat ad finem illicitum, ut si quis baptizet mortuum, vel asinum, vel rem insensatam, ut magnetem, vel imagines, vel libros, vel characteres, ac similia. Talis enim reddit se suspectum, quòd vel credat baptismum habere effectum, etiam in illis rebus, vel quòd sit sine effectum, ac res inutilis, & quòd perinde sit baptizare hominem ac baptizare asinum, aut saxum. Et quod dicitur de baptizante, dicitur etiam de conferente alia Sacramenta, ut si quis canem absolveret à peccatis, vel equum communicaret, vel si quisque matrimonium cum ove contraheret. Pari-ter ex hoc capite suspectus est aliquando incapax suscipiendi Sacramentum, si scienter illud suscipiat, ut si Clericus in sacris constitutus, vel religiosus professus, etiam societatis Jesu, qui vota biennij emisit, matrimonium, vel etiam sponsalia contrahat. Ratio autem hujus suspensionis est, quia hodie viget hæresis omnium ferè hæreticorum, vota religiosa reprobantium, ac dicentium eis licere uxorem ducere, etiam ex monialibus. Hæc tamen suspicio non ab omnibus judicatur vehemens. Eadem dicuntur de polygamo, de quo infra.

Tertiò ex parte essentia Sacramenti ad est vehemens hæresis suspicio, quòd aliquis neget Sacramenta à Christo instituta, vel credat alia esse, quàm sint illa, quæ Christus instituit, si conficiendo Sacramenta utatur alia materia, aut forma, quam certum sit, non esse à Christo institutam, ut si quis baptizet in igne, vel oleo, si in Sacramento confirmationis non utatur chrismate, sed aqua; si consecret non panem, sed carnem; si baptizet utendo forma Arianorum in nomine Patris majoris, & Filii minoris, vel utatur alia forma hæretica, quam, de fide est, non esse à Christo institutam. In his autem casibus contingere poterit, quòd sic abutens

Sacramentis potiùs judicandus sit hæreticus, quàm de hæresi suspectus.

Quartò ex parte ministri, si non habeat potestatem Ordinis necessariam ad conficienda Sacramenta, illaque audeat conficere. Qua in parte duo sunt casus à lege statuti, in quibus sic abutens est suspectus, ac puniendus in S. Officio. Si nempe non sacerdos audiat confessiones, vel celebret Missam. Quamvis enim hoc modo ministrans Sacramenta ali-  
abique necessaria Ordinis potestate non sit subiectus pœnis latis à Clemente VIII. in Constit. *Etsi alias*, & ab Urbano VIII. in Constit. *Apostolatus Officium* contra non Sacerdotes celebrantes, vel absolventes in Sacramento pœnitentiæ, tamen universaliter ministrantes Sacramenta sine potestate Ordinis, ad id necessaria, sunt suspecti de fide ex ratione qua utitur Gregorius XIII. in Constit. *Officii nostri*, & Urbanus VIII. in *Constitutione citata*. Quia scilicet tales veritatem Catholicam, quæ solum Sacerdotes, vel Episcopos talium Sacramentorum ministros esse docuit, facto impugnant. Eoque præcipue quòd hisce temporibus viget hæresis eorum, qui hanc Ordinis potestatem necessariam esse negant.

Quintò ex parte solemnitis, sive ritus, quo quis utitur in conficiendo Sacramento, ut si quis baptizaverit, aut consecraverit utendo ritu proprio alicujus sectæ hæreticorum, ad sectam illam significandam instituto, vel si ritus ipse hæresim sapiat. In quibus casibus contingere potest quòd Sacramentum conficiens potiùs judicandus sit hæreticus, quàm suspectus de hæresi, ut ritus ex institutione hæresim significet.

Sextò si quis reiteraverit aliqua Sacramenta quæ iterari non possunt, est suspectus, quòd contra doctrinam fidei credat talia Sacramenta posse amittere suum effectum, ac illa posse reiterari, ut si quis ritè ac rectè baptizatum rebaptizaverit, vel ordinatum iterum ad eundem ordinem promoverit. Nam licet baptizatus gratiam, quam obtinuit in baptismo, vel in susceptione Ordinis possit amittere, non tamen potest amittere characterem impressum in susceptione talium Sacramentorum. Defectum verò gratiæ amissæ juxta doctrinam fidei supplere debet per Sacramenta pœnitentiæ, non autem per reiterationem baptismi. In dubio tamen, an aliquis fuerit baptizatus, aut ordinatus potest sub conditione iterum baptizari, aut iterum ad eundem Ordinem promoveri.

Septimò oritur suspicio vehemens de mala credulitate circa Sacramenta ex illorum contemptu, ut si quis Eucharistiam, vel Oleum Sanctum, aut sacrum chrismum conculcet, projiciat; vel si sacras Imágenes percutiat, deformer, injuriaque afficiat; vel irideat & contemnat Sacramenta.

## CONSULTATIO CXV.

*De Abusu Sacramenti Baptismatis. Pœna in rebaptizantes. An & quatenus sint apostatae & suspecti de fide, & irregulares? Quid de adulto baptizato ab hæretico? Pœna baptizantium imagines, vel res alias. Quid de suscipiente baptismum ab hæreticis? Quidve e christiano fingente se infidelem ac petente baptizari ob quæsum; An sit illi indicenda abjuratio, & qualis?*

**R**ebaptizantes, ac rebaptizatos puniendos esse ultimo supplicio, statuitur in l. 2. C. ne san-  
ctum bap-



*Etiam baptisma reit.* At cum hoc crimen sit contra fidem, atque adeo merè Ecclesiasticum, hodie non habet locum hæc pœna, sed aliter puniuntur huiusmodi rei ab Inquisitoribus, ut per Pegnam in *direct.* p. 1. com. 12. Esse autem rebaptizantes apostatas à fide, & apostatarum pœnis puniendos, aiunt Farinacius q. 163. n. 18. & Carena p. 2. tit. 3. n. 7. sed improprie loquuntur. Non enim ex eo, quod aliquis erret circa fidem baptismatis est apostata, seu recedit omnino à fide Christi, ut liquet in hæreticis Arianis, qui falso baptismate utebantur, negantes Trinitatem. Neque censendi sunt hæretici, sed de hæresi suspecti, nisi aliunde constet de hæresi.

Ex jure autem Canonico in rebaptizantes, ac rebaptizatos non reperitur statuta pœna aliqua, nisi irregularitas simpliciter, quæ non modò impedit, ne quis promoveatur ad ordines, sed ne utatur ordinibus jam susceptis, nec possit in susceptis ordinibus ministrare, nec possit ad superiores promoveri. Incurritur autem hæc irregularitas ipso facto, & rebaptizatio, etiam occulta, facit rebaptizantem, ac rebaptizatum, & ministrantem baptismati irregulares, *can. Confirmandum d. 50. can. qui bis de consecr. d. 4. can. qui in qualibet, q. 7. can. Afros d. 98. & cit. cap. 2. de apost.* qui textus loquitur de acolytho qui ministravit Sacerdoti rebaptizanti. Et licet de Sacerdote rebaptizante non sit clarus tamen ex dictis à fortiori inferitur, & consuetudine ita receptum, quæ est optima legum interpret, ut per *lavar. cap. 27. n. 246. Avilam de cens. p. 7. disp. 1. dub. 1. Suarez de sacram. disp. 31. sect. 6. §. 1. & ratio, Tolet lib. 1. cap. 70. §. 4. & Coninch. disp. 18. dub. 4. n. 35.* Et procedit etiam in baptizante laicaliter, Sylvest. v. *Irregularitas q. 4. in princ.* Angel. eod. v. n. 24. Cardinalis in d. cap. 2. n. 3. ibique Anchar. n. 2. Requiritur tamen ad dictam irregularitatem malitia gravis, scilicet mortalis peccati. Unde ignorantia inculpara excusat, Suarez *disp. 31. sect. 6. §.* sed quid. Non autem incurritur in foro conscientie ab eo, qui fide ac sine intentione rebaptizandi exterius rebaptizat; neque ab eo, qui rebaptizat sub conditione, etiam mente concepta; nec ille, qui solum repetit solennitates baptismi, non verò baptismi substantiam.

Sed an incurrat ille, qui rebaptizat temerè sub conditione etiam mente concepta, id est, sine dubio probabili, sive etiam si fuerit negligens ad inquirendam, an ille, quem baptizat, fuerit prius baptizatus: Communis sententia Canonistarum affirmat, ut testatur Salzedo ad Diaz *cap. 15. & tenet Sayrus lib. 7. cap. 8. n. 23. Maior lib. 3. cap. 14. n. 5. Cuchus lib. 5. instit. tit. 2. n. 142. & 143.* Negat verò communior sententia Theologorum. Quia iste non intendit rebaptizare, neque formaliter rebaptizat.

Episcopum autem posse dispensare in hac irregularitate, tradunt Sayrus *ibid. n. 31.* ac Bonacina *de irreg. q. 3. pun. 3. n. 9.* si casus est occultus ex Tridentino *sess. 24. cap. 6. de res. secus si est publicus.* In hoc enim solus Papa dispensat. Rebaptizatum autem ordinans est deponendus ab officio, & beneficio, *can. qui in qualibet 1. q. 7.* Unde damnatus de hoc crimine afficitur juris infamia, & fit irregularis.

In *can. eos, de consecr. d. 4.* qui est Felici Papæ imponuntur aliæ pœnæ contra rebaptizatos, sed illæ non sunt in usu; Non incurrit tamen in hanc irregularitatem qui ignoranter, & inculpabiliter fuit rebaptizatus. Et licet contrarium deduci videatur ex d. *can. qui bis de consecrat. dist. 4.* est tamen advertendum, quod canon ille non est conditus ab ali-

quo Pontifice, neque desumptus ex aliquo Concilio generali, sed ex Pœnitentiali Theodori, unde non continet legem, ut post Sorum observat Suarez d. *disp. 3. sect. 6. n. 3.* Nam hæc irregularitas non est lata propter aliquam indecentiam, vel significationem, sed ob delictum, quo cessante, non habet locum irregularitas. Quare certum est, quod infans rebaptizatus non est irregularis, ut per Scotum in *4. d. 6. q. 2. Sorum etiam in 4. d. 3. ar. 9. Sylvest. d. v. irregularitas q. 4. Turrecrem in can. quibus de consecr. d. 4. n. 7. Valentia 10. 4. disp. 7. q. 14. pun. 3. §. 5. Suarez d. sect. 6. Sayr. oc. cit. ac Delbene de offic. S. Inquis. dub. 91. sect. 1.* Neque in foro interiori irregularitatem incurrit, qui fide permittit se rebaptizari absque intentione suscipiendi baptismum; sic fideus hæreticus non est in foro interiori excommunicatus. Nec qui sub conditione, etiam mentali, rebaptizatur. Nec qui ex conscientia erronea, credens se esse baptizatum, cum verè non sit baptizatus, nam verè ille non rebaptizatur. Si verò quis pluries rebaptizatur, plures numero incurrit irregularitates. Sic enim si simul rebaptizetur, & pœniteat, dispenseturque super irregularitate incurta, si tertio rebaptizetur, fit irregularis. Neque ab irregularitate excusatur, qui permittit se rebaptizari, & intendit suscipere baptismum, licet hoc faciat ex necessitate ad vitandum aliquod imminens damnum. Nam hic in reiterationem baptismi absque coactione consentit interiori. Et generaliter quisquis cum malitia iterum baptizatur, fit irregularis.

Hanc autem irregularitatem non incurrit si quis pluries suscipiat Sacramentum Confirmationis aut ejusdem Ordinis. Quia non est in jure expressum, quod reiterantes hæc sacramenta sint irregulares, Covar. in *Clem. si furiosus p. 1. n. 8. Suarez tom. 3. disp. 38. sect. 1. & 2. Valentia loc. cit. disp. 7. dub. 5.*

Irregulares etiam fiunt adulti, qui ab hæreticis baptizantur, *can. Ventum est 1. q. 1. can. qui in qualibet 1. q. 7.* quod tamen non habet locum in infantibus *can. placuit, & can. qui apud 1. q. 4.* per quæ jura explicandus est d. *can. qui in qualibet, ut intelligatur de qualibet ætate adulta.* Ratio autem huius irregularitatis non est, quia baptismus collatus ab hæretico, fit dubius. Nam vel hoc dubium est frivolum, si constat, quod baptismus fuit collatus in forma Ecclesiæ, ac servatis substantialibus, vel si verè baptismus est dubius, adest incapacitas nedum ad Ordinem, sed etiam ad reliqua Sacramenta, quo in casu baptizatus dubius debet sub conditione iterum baptizari. Sed ratio huiusmodi irregularitatis est gravitas culpæ, quam committit, qui scienter, ac voluntariè communicat cum hæretico in susceptione baptismi. Ac ideo ubi quis absque culpa suscipit baptismum ab hæretico, hanc irregularitatem non incurrit, Suarez *de censur. disp. 42. sect. 1. in fine.* Et suscipientes hoc modo ab hæreticis Sacramentum baptismi, vel alia Sacramenta, sunt, tanquam fautores hæreticorum de fide suspecti.

Cum igitur contra abutentes baptismum non sit expressa in jure alia pœna, puniuntur pœna arbitraria pro qualitate criminis. Suspecti quoque vehementer sunt de hæresi Anabaptistarum, & Novatianorum, de qua Baronius anno Christi 218. quam Donatus, & Donatistæ professi sunt, damnata in Concilio Arelatensi sub Sylvestro Papa anno 314. ut per Henric. lib. 2. de baptism. cap. 28. n. 2. Baron. tom. 3. pag. 121. & tenent Anania in d. cap. 2. n. 3. de apost. & Glos. in rubr. *C ne Sanctum baptismum reit.* Baptizantes verò, ac rebaptizantes mortuos, imagines, libros, magnetem, alia puniuntur pœna, tri-



remium, aut longi carceris. Suscipientes autem baptismum ab hæreticis puniuntur pœnis communicantium cum hæreticis. Alij verò abusus puniuntur, vel pœnis fortilegorum, nam plerumque contingunt in ordine ad aliquod fortilegium, vel aliis pœnis arbitrariis. Ex eo autem, quod quis differat baptizari, vel faciat, ne filii baptizentur, seclusis malis circumstantiis, non est de fide suspectus. Erit tamen de hæresi suspectus, qui absolute nolit filium suum baptizari. Ex hoc enim præsumi potest, quod neget necessitatem baptismi. Esset pariter quodammodo de fide suspectus, qui filio imponeret nomina propria Judæorum, vel Saracenorum, vel hæreticorum, quæ non sunt in usu apud Catholicos, multoque magis si imponeret illi cognomen hæreticorum, ut Lutheri, Calvini, Vilesi.

Quod verò ad Christianum se fingentem infidelem, ac petentem iterum baptizari ob lucrum temporale, videtur non debere ullo modo abjurare. Cum enim abjuratio sit detestatio hæresum, ij tantum abjurare debent, qui aut in hæresi fuerint, aut de ipsa suspecti sunt, ut notat Pegna *p. 3. direct. com. 40.* Farinac. *q. 194. de hæres. §. 2. n. 24.* In hoc autem casu nulla adest suspicio de hæresi, quia non petit iteratum baptismum, quia supponeret posse reiterari, sed usus est tali iteratione, quam cognovit malam, ut medium ad obtinendum commodum temporale.

Neque in foro exteriori adest præsumptio, aut suspicio, quod malè sentiat. Quia finis declarat intentionem. Non enim habet locum suspicio, quando constat de opposito. In hoc autem casu constat petiisse iterationem baptismi ex fine commodi temporalis, arque adeo fuisse limitatam intentionem petentis, ut non sentiret malè de fide, sed solum ut malè operaretur. Quia intentio non se magis extendit, quam se extendat morio finis.

Neque dicas quod omne factum, quod potest esse materia hæresis, aut aliquando fuit, sit factum hæreticale. Nam esse id falsum, docent Paramus *lib. 3. de orig. Inquis. q. 10. n. 72.* Moura *opuscul. 1. de incant. sect. 3. cap. 3. n. 3.* Alioquin omnia fere peccata mortalia essent hæreticalia, quia ferè omnia habuerunt aliquem patronum, & laudatorem hæreticum; sed debet considerari, an ratione circumstantiarum, quibus vestitur, ostendat finem hæreticum, sive an ex mente erronea procedat. In casu autem præsentis circumstantiæ, quibus factum vestitur, non indicant finem erroneum, quia ex parte se fingentis infidelem concurrat maxima inopia, à qua censetur motus ad tale factum ac proinde excluditur præsumptivè quicumque alius finis.

Imò quando peccatum allicit voluntatem vel ratione delectationis, vel libidinis, vel utilitatis & commodi, non præsumitur commissum ex errore, sed ex fragilitate, ac vehementia objecti juxta objecti, & peccatoris naturam, ut tradit Castr. *de just. heret. punit. lib. 1. cap. 1.* Quod debet intelligi, ut declarat Paramus *loc. cit. n. 73.* nisi abundè justa suspicio oriatur; quia nimirum appetitus sufficienter instigat ad malum, & nisi ratione finis remoti, & aliarum circumstantiarum prudenter judicetur, factum oriri ex errore mentis, ut ait Moura *ibidem n. 8.* In hoc autem casu non apparet finis, aut circumstantia, ex qua possit judicari, iterationem baptismi provenisse ex aliquo errore, sed potius colligitur contrarium ex inopia personæ, aliisque circumstantiis.

Minus obstat, quod factum contineat abusum sacramenti. Quia non omnis abusus sacramentorum

est factum hæreticale; alioquin omne sacrilegium circa ipsa commissum, esset factum hæreticale; sed requiritur ille abusus, quo quis utatur sacramento ad aliquem usum exteriorum profanum ac illicitum, ut ad incantationes, ad maleficia, ad inducendum aliquem ad peccatum, ut notat Moura *ubi supra n. 16. & cap. 4. n. 36. & cap. 5. n. 18.* & Trasmiera *de polygam. lib. 3. q. 2. n. 21.* Unde requiritur aliquis usus exterior sacramentorum irreverentialis. Quod non contingit in hoc casu. Nam sistitur in sola, & pura sumptione iterati baptismi, neque adhibetur baptismus ad aliquem exteriorum usum irreverentialem.

Minus etiam obstat, quod confessio extrajudicialis non evacuat suspensionem. Quia si extrajudicialis confessio pluries repetita, vel jurata facit contra reum plenam probationem *ex cap. si cautio de fid. instrum. & notat Abb. ibid. & in cap. veniens 2. de rescrib. Bartol. in l. Cum scimus C. de agr. & cens. Repertor. Inquis. v. Confessio, Mancinus in tract. de confess. cap. 2. n. 14.* ubi alij, cur non debet etiam reo prodesse ad evacuandam suspensionem, cum Judex debeat esse pronior ad absolvendum, quam ad condemnandum, *can. Judicis 3. q. 7. can. Judicantem 30. q. 5. l. absentem ff. de pen. & l. questionis modum ff. de. question.*

Accedit, quod confessio ista extrajudicialis, aut etiam facta in judicio, si acceptatur, debet cum sua qualitate acceptari à Judice ita, ut non possit acceptari, quatenus facit contra reum & non quatenus illi faveat. Nam in criminalibus confessio qualificata non potest dividi, sed cum sua qualitate debet accipi, vel respui, ut docent Cynus *in l. 1. C. de confes. ibique Bald. & in l. 2. de denat. ante nupt. & in l. siquidem C. de translat. Bartol. in l. Aurelius §. idem quasi ff. de lib. legat. Alex. conf. 132. vol. 5. Archid. in cap. 1. de confes. in 6. Abb. in cap. Cum venissent de instrum. & in cap. bona 2. de postul. Pralat. ubi alij. Unde si confessio iterationis baptismi ob captandam elemosynam destinata venientibus ad fidem Christianam, accipitur cum sua qualitate, evacuat per ipsam suspicio de hæresi.*

Quod autem tormenta non possint purgare suspensionem, quæ oritur ex facto, non est satis certum, cum possint purgare indicia contra reum. Quod si purgant suspensionem, factum non erit amplius hæreticale, quia non est tale, nisi quatenus inducit suspensionem hæresis. Quod præcipue verum est, quia confessio debet accipere interpretationem ad favorem confitentis, *l. si quis intentione ff. de re judic. & notant Doctores, ac Rota coram 1 urano dec. 23. n. 14.* ita, ut quoad minus fieri possit, lèdat confitentem, ut notant Decius *conf. 118. n. 5.* Riminald. *jun. conf. 204. n. 55. lib. 2.* ac Rota coram Caputaq. *dec. 139. p. 1.*

Addi etiam potest, quod si ex facto aliqua suspicio de errore in mente oriretur, quia esset fundata in præsumptione facti, evacuari posset per alias præsumptiones contrarias. Una enim præsumptio tollit aliam, *l. Divus ff. de integ. restit.* Contrariæ autem præsumptiones sumuntur ex qualitate personæ, quæ cum sit vilis, & in egestate constituta, præsumi debet, quod mota sit ex commodo temporali, & cum sit rudis, potens difficile percipere gravitatem delicti, præsumi debet, apud ipsam prævaluisse commodum temporale. Quod autem hæc præsumptiones prævaleant præsumptioni, quæ sumi potest ex facto, colligitur ex eo, quod benigniores sunt. Præsumptio enim benignior est potentior, ut tradunt Bartol. *in lib. si pupillus ff. ad leg. falcid. & alij quos sequitur*



sequitur Menoch. de præsumpcio. quest. 29. numero. 5.

Eoque magis, quia præsumpcio erroris, quæ ori-  
tur ex facto, generalis est, & communis cuicunque  
facto ejusdem generis. Præsumpcio verò contra er-  
rorem est specialis, quia ducitur ex qualitate, accir-  
cumstantiis facti & personæ. Præsumpcio autem spe-  
cialis prævalet generali, & magis specialis minus  
speciali, ut tradunt Bartol. in l. Cum de indebito ff. de  
probat. & in cap. quoniam, v. Et hujus conclusionis  
de offic. deleg. ubi docet, illam esse præsumptionem  
magis specialem, quæ respicit personam; Bald. in  
l. siue possidentis C. de probat. Menoch. de arbitr. lib.  
2. cent. 5. cas. 472. n. 14. & 16. Et præsumpcio ex-  
cludens errorem est magis verisimilis, quam præ-  
sumptio, quod ex errore sit iteratus baptizatus, præ-  
sertim si loquamur de errore pertinaci. Nam quod  
absque errore iteratus sit baptizatus verisimile facit  
ruditas personæ, quæ ignorat definitiones, quod bap-  
tizatus non sit iterabilis, inopia ipsius, quæ facit  
præsumere spectasse solum ad commodum tempora-  
le. Præsumpcio autem, quæ verisimilitudini mag-  
is convenit, est potentior, ut tradunt Brunus in  
de indic. & totur. p. 1. q. ult. n. 2. & Menoch. de casu  
472. n. 22.

Præterea in hoc casu concurrunt præsumpcio in fa-  
vorem rei, ordinata ad vitandam pœnam & præ-  
sumptio pro actore, seu fisco ad infligendam pœ-  
nam. Potentior autem est præsumpcio quæ stat pro  
reo, ut docent Cravera conf. 8. n. 9. Menoch. ibid.  
n. 2. & de præsump. lib. 1. q. 29. n. 11. Quia  
etiam probationes rei præferuntur probationibus acto-  
ris, ut tradit Gloss. in can. si Clerici d. 81. Abb. in  
cap. ex Literis de prob. idem Menoch. de præsump.  
lib. 2. præsump. 90. ex l. favorabiliores ff. de regul.  
jur. Unde quod præsumptiones exclusivæ delicti præ-  
ferantur præsumptionibus delicti inclusivis aiunt Ol-  
drad. conf. 53. n. 3. Socin. sen. conf. 218. n. 5. &  
Riminald. conf. 136. n. 15.

His tamen minimè obstantibus tenendum est, quod  
alibi dixi, scilicet hujusmodi Christianum ita fingentem,  
ex facto ipso, nempe ex iteratione baptizati,  
remanere suspectum de hæresi, nec confessionem ex-  
trajudicalem, aut judicalem evacuare suspicionem  
quia hæresis est occulta, & latet in mente. Quando  
enim factum inducit per se suspicionem hæresis, non  
purgatur per confessionem rei, quod non fecerit ex  
mala credulitate etiam si in tormentis id asserat. Nam  
adhuc in foro exteriori remanet suspectus ex ipso  
facto, & ideo torquendus est super intentione. Quod  
si nihil fateatur abjurare debet saltem de levi. Sic  
qui ad confingendum partum suppositum, curat re-  
baptizari infantem, aliàs baptizatum torquetur su-  
per intentione, abjurat de levi, & manet præ for-  
ribus Ecclesiæ cum candela accensa, & inscriptione.  
Idem de eo, qui suscipit Eucharistiæ particu-  
lam, & ex ore extrahens ponit in sudariolo, asse-  
rens id facere ob debilitatem stomachi. Sic etiam  
ob eandem rationem indicitur polygamis & solli-  
citantibus in confessione abjuratio, vel de vehemen-  
ti, vel de levi propter suspicionem hæresis, quam  
contrahunt juxta circumstantias temporis, loci,  
personæ, & juxta praxim Inquisitionis Romane,  
vel Hispanæ.

Effata de baptismo alibi adduximus.

## CONSULTATIO CXVI.

### De Abusu Sacramenti Eucharistiæ.

**Q**ui in Sacro Presbyteratus Ordine nequaquam  
constituti ausu temerario Sacrosanctum Mis-  
sæ sacrificium audent celebrare etiam prima vice,  
vel pœnitentiæ sacramentum administrare, vel de hæ-  
resi suspecti, & judicio Inquisitorum subjiuntur,  
debentque abjurare de vehementi, & degradari, tra-  
dendi sunt Curia seculari, quod importat pœnam  
mortis ex constitutione Pauli IV. Gregorii XIII.  
Clementis VIII. & Urbani VIII. quæ incipit,  
Apostolatus edificium, ubi declaravit eas pœnas pro-  
cedere etiam in minoribus viginti quinque annis, ma-  
joribus tamen viginti. Unde sequitur, quod cum  
hoc sit crimen depositione dignum, si fuerit noto-  
rium de jure, vel de facto, reddit ipso jure infamem,  
& irregularem.

Committunt enim crimen falsi in re gravissima,  
usurpantes officium, ac jurisdictionem à se prorsus  
alienam, & facto ipso Catholicam veritatem im-  
pugnant, hoc præsertim ævo, quo hæretici temerè au-  
dent proferre, quod etiam laici horum sacramento-  
rum sunt ministri; Quomodo autem sint de hæresi sus-  
pecti diximus suo loco.

Pœnam autem traditionis curia seculari in Inqui-  
sitione Hispana non esse in usu receptam, refert Sou-  
sa in aphor. lib. 1. cap. 32. n. 14. & Castropol. tr. 4.  
disp. 8. pun. 16. §. 9. n. 1. ac Diana. loc. cit. n. 11. &  
seq. Observat tamen idem Soufa quod hæc pœna  
nunc imponenda præcipitur ab Urbano VIII. non  
solum per suam Constitutionem innovantem omnes  
alias hac de re constitutiones Pontificias sub die 23.  
Martii 1628. sed etiam per epistolam Cardinalis  
Mellini ad Inquisitorem generalem Lusitaniæ sub die  
5. Martii 1622. Hoc autem crimen non esse commis-  
sum Inquisitoribus privativè quod ad Episcopos,  
& locorum Ordinarios, sed cumulatивè tradit idem  
Soufa, & constat ex constitutione Clementis VIII.  
superius relata.

Sortilegus etiam, si abutatur Sacramento Eucha-  
ristiæ in sortilegio, ex decreto Pauli IV. dato in  
Congregatione S. Officii anno 1559. quod referunt  
Diana p. 4. tr. 7. ac Delbene p. 2. inter Bullas, &  
decreta spectantia ad S. Officium, tradendus est Cu-  
ria seculari: Idemque habetur ex decreto S. Offi-  
cii quod legitur apud Locatum in fine Judicialis In-  
quisitorum, ut advertunt Genuensis in prax. cap.  
68. n. 10. Moura de incantat. opusc. 1. sect. 3. cap. 5.  
n. 29. ac Delbene d. p. dub. 30. sect. 8. n. 2. hoc ta-  
men decretum non fuit ulu receptum.

Si quis verò Sacerdos celebravit Missam super rebus  
aptis ad sortilegia, pœnis sortilegorum muldatur. Si  
etiam Sacerdos non consecrat hostiam, & eam non  
consecratam exhibet populo adorandam, puniri  
posse per Inquisitorem, sicut & Laicum si hostiam  
non consecratam sumat, maximè si hoc faciat tem-  
pore mortis, ait Carena p. 2. tit. 27. n. 15. & se-  
quen. post Lucernam Inquis. Pegnam, & Decia-  
num, de quo, & nos alibi. Si etiam quis semel in  
anno non sumat Eucharistiæ, vel non confiteatur  
peccata sua non est ex hoc præcisè suspectus de hæresi,  
ut per Farinac. q. 178. n. 79. Talem verò esse, si  
admonitus nolit obedire, inquit Bordon. in Tribun.  
cas. 22. n. 50. sed in hoc casu servandum est, quod  
alibi tradidi de infordecense in excommunicatione  
latæ præter causam fidei.

Præbens vinum vinaceum, vulgò acquato in Sacri-  
ficio Missæ, expediendus est cum monitione.

R r 3 Spontè



Spontè comparens, qui ante legitimam ætatem ordinatus ter Missam celebravit, non consecrando, & particulis non consecratis alios communicavit, abjurat de levi & suspenditur ab executione suorum ordinum.

Diaconus, qui Missam sæpius celebravit, & confessiones audivit, spontè comparens, fit inhabilis ad ordinem presbyteratus suscipiendum, & ab executione suorum ordinum perpetuò suspenditur.

Interviens celebranti non sacerdoti, quem scit esse talem, torquetur super intentione, abjurat de vehementi, damnatur ad triremes per quinquennium, & suspenditur perpetuò à munere interserviendi Missæ.

Contrà eum, qui in Missa adhibet hostiam prius consecratam, eam iterum consecrando, quamque elevat, & assumit, proceditur in S. Officio.

Breve Pii IV. sub die 16. Aprilis 1562. sive 1564. emanatum, quod aliquibus in locis possit Eucharistia ministrari laicis sub utraque specie temper displicuit Sanctæ Sedi Apostolicæ, non tamen illud hæcenus revocavit. Ubi verò id servatur doceri debet populus, sub una tantum specie integrè sumi Christum.

Contra Sacerdotem qui non consecrat panem, & vinum in Missæ sacrificio, eo quod sit in peccato mortali, ideòque habens antè se hostiam consecrandam, extrahit è tabernaculo particulam consecratam, & verba consecrationis profert, non super hostiam, quam elevando, populo ostendit, sed super eandem particulam consecratam, possunt Inquisitores procedere ex Bariola in *aphor. lib. 5. §. 12.* qui testatur ita tenuisse Congregationem Inquisitionis Mediolanensis 30. Aprilis 1627. ac Diana p. 4. tr. 7. *resol. 12.*

Qui abutitur sacramento Eucharistiæ, retinendo apud se hostiam sive particulam consecratam adversus arma, subijciendus est torturæ super intentione, quam si sustinuerit, prævia abjuratione de vehementi, damnandus est ad triremes per quinquennium de quo alibi.

At quid de Sacerdote, qui oblitus consecrare hostiam exponendam pro oratione quadraginta horarum, vel processione corporis Christi, consecraret hostiam sine Missæ celebratione? Maiolus *lib. 3. de irregularit. cap. 16. n. 4.* ait, huiusmodi sacerdotem fieri irregularem; quia cum tam apertè abutatur munere sacerdotali, videtur indignus potestate illi competente. Sed etiam videtur de hæresi suspectus. Eò maxime, quod hæretici nostri temporis rejiciunt sacros ritus, ac præcipuè damnant Canonem Missæ, quem erroribus refertum esse dicunt. Rejiciunt præterea caremonias, vestes, & exteriora signa quibus in Missarum celebratione Catholica Ecclesia utitur, undè in eos S. Concilium Tridentinum *sess. 22. de Sacrif. Missæ can. 7. insert anathema.* Quare qui sine Missæ celebratione hostiam consecraret, videtur facto approbare illorum errorem, atque adeo subijcitur iudicio Inquisitorum.

Animadvertendum autem est circa pœnas impositas contra non presbyteros celebrantes, eas incurrere, qui Missam incipit, quamvis verba consecrationis non proferat. In eas verò non incidit non sacerdos, qui vestibus sacerdotalibus indutus, celebrare intendit, sed non celebrat, ut per Soulam *loc. cit. n. 5. & 6.* Carenam p. 2. tit. 11. §. 1. n. 15. ac Dianam *loc. cit. resol. 12.*

Reliqua in hanc rem, vide quæ alibi diximus, v. Missa, v. Eucharistia, & v. Celebrans non promotus.

Inter sacrilegas Blasphemias, quas eructant hæretici de quibus Coccius in *thesauro* recens hæc est in

Sanctissimum Missæ Sacrificium ex Dante *Cantu 33. de purgatorio.*

*Sappi, che'l vaso, che'l serpente ruppe  
Fu, e non è; machi n'ha colpa credda  
Che vendetta di Dio non teme Zuppa.*

Hunc enim locum hæreticus Anonymus exponit, ut videlicet, *Vas quod fuit, & non est*, esse Romanam Ecclesiam, designatam per bestiam illam, de qua dicitur in Apocalypsi *cap. 17. Fuit & non est.* Et quia *Zuppa* lingua Italica significat panem vino madefactum, ait hic Impius Scurra, per eam vocem significari Eucharistiam, ac sententiam Dantis esse non placari Deum sacrificiis Catholicorum sacerdotum, quæ in specie panis, & vini Domino offeruntur.

Et quidem quod attinet ad *Vas illud confractum*, an eo Romana Ecclesia designetur, alibi disceptavimus, videatur nostrum Criticon. In eo verò quod de pane & vino scripsit Dantes, nefariè hallucinatur nebulo. Nam Landinus in Dantem ex testimonio, imo causis antiqui interpretis hujus Poetæ, & ex monumentis filii ejusdem Dantis, exque communi Florentinorum consensu docet, allusisse Dantem hoc loco ad superstitionem, quæ suo tempore vigeat Florentiæ. Existimabant enim illius ætatis homines, eos, qui homicidium perpetrassent, non posse in manus inimicorum devenire, si super occisi tumulum panem vino madefactum comedisent, atque ea de causa Cognati ejus, qui cæsus fuerat, diligenter tumulum custodiebant, ne fortè homicidæ super eum tumulum cibo illo vescerentur, antequam eadem eadē uli essent. Ad hanc igitur sui temporis consuetudinem, sive potius superstitionem Dantes respiciens, minatur divinam vindictam iis, qui Ecclesiam malè vivendo deformant, atque addit illis minimè profuturam superstitionem illam, quam sibi prodesse paricidæ falso atque subratè credunt. Idem de Troianis tradit Virgilius *lib. 5. Aeneid.* ac de Romanis Tacitus, & Apuleius, qui id vocant *cœnam novendialem*, etsi Nonius & Festus *silicernium* appellent: diciturque silicernium, cum post parentationes, circumportationes fiebant, sive funebre convivium, Brech. in *l. cum in testamento ff. de verb. signif.* & silicernii quidem veriverbium hoc videtur liber glossæ antiquus adferre, quod in lumine accenso silentestantum umbræ cernantur, Cujac. *observ. lib. 11. cap. 21.* Gothofred. *ad l. funeris 37. ff. de relig. & sumpt. fun.* De Christianis asserit S. Augustinus, quod etiam ævo suo apponebant cibos super cœmeteriis mortuorum, quem morem ipse detestatur tanquam Ethnicum, & paganum.

## CONSULTATIO CXVII.

*De Abusu Sacramenti Pœnitentiæ, ubi accurate explicatur Constitutio hac de re Gregorii XV. & casus ferè omnes ad id pertinentes.*

**N**on promotus ad sacerdotium sacramentum Pœnitentiæ administrantem esse suspectum de hæresi, jam diximus.

Sed an Constitutiones Pontificiæ locum sibi vindicent in eo, qui non sacerdos confessionem audit, sed absolutionem non impendit? Affirmant Soula in *opusc. de sollic. tr. 2. cap. 9. n. 3. 4. & 7.* & *aphor. lib. 1. cap. 33. n. 3.* Freitas de *confess. sollic. q. 13. n. 36.* ac Timarch. de *confess. abus. sacram. pœnit. disp. 7. sect. 2. n. 11.* Negant verò Rodriques *tom. 2. quæst. regul. q. 28. art. 2.* Roderic. à Cogna de *Confess. sollic. q. 13. n. 14.* Sanctarel. de *hæres. cap. 42.*



cap. 42. dub. unic. n. 5. Barbof. in cap. 1. n. 7. de Cler. non ordin. ministr. Jo: Sanchez in select. disp. 11. n. 36. Diana p. 4. tr. 7. resol. 11. Caren. p. 2. tit. 11. §. 3. n. 14. per rationes apud ipsos.

At quidquid sit de Constitutionibus Pontificiis, an hic catus in eis comprehendatur, certum est, quod Urbanus VIII. declaravit sub anno 1640. in constitutione sua contra celebrantes, vel confessiones audientes non promotos ad sacrum presbyteratus Ordinem, suam intentionem fuisse, ac esse comprehendere, & comprehensos fuisse non solum illos, qui ad presbyteratum non promoti confessiones fidelium audiunt, & absolutionem impartiuntur, sed etiam illos, qui confessiones prædictas audiunt, & absolutionis verba non proferunt.

Propositio ista: Confessio potest fieri per litteras, aut per internuncium Confessario absenti, & ab illo abiente absolutionem obtinere, fuit declarata temeraria falsa, & scandalosa, & de hac propositione tractans est excommunicatus, & absolutio est reservata summo Pontifici, ut decretum 20. Junii 1602. & 27. Julii 1605. & confessio sic facta est irrita 13. Octobris 1605.

Alia ejusmodi alibi tradidimus.

Præcipuus autem abusus hujus sacramenti, est si sacerdos illo abutatur etiam semel, sollicitando in facta confessione poenitentem ad turpia, & inhonesta. Contra hunc abulum extat Constitutio Pii IV. sub die 16. Aprilis 1561. ac decretum editum à supremæ Inquisitionis generalibus Inquisitoribus confirmatum etiam à Clemente VIII. sub anno 1592. quæ solum videntur habere locum in Hispaniis.

Sed anno 1612. mense Aprilis decrevit Paulus V. monendos esse Inquisitores, ut præcipiant Confessariis, quod abstineant ab omni, & quacumque sollicitatione, aliàs procedatur contra illos. Hoc decretum ex Bariola refert Carena p. 2. tit. 6. n. 3. Novissimè vero Gregorius XV. sub die 10. Augusti generalem constitutionem edidit, in qua Pii IV. constitutionem confirmat, ampliatque. Illa est quæ sequitur.

Gregorius Papa XV. ad perpetuam rei memoriam. Universi dominici gregis curam, quamquam immeriti, celesti dispensatione gerentes, sedulo invigilare tenemur, ut ab omnibus pravis contagiis conservetur immunitas, multoque majori studio providere, ut omnis pestis ab ijs avertatur, quibus alios sanandi officium est commissum, ne quod Evangelica scripta nos admonent sale infatuato non sit, in quo salietur, & ad nihilum prosit ultra, nisi ut mittatur foras, & calcetur ab hominibus.

Quoniam autem à Romanis Pontificibus, prædecessoribus nostris quibusdam in locis provisum fuit, ut impium, ac nefandum scelus, quod non solum inter Christi fideles non esse, sed nec etiam nominari debet, procul ab ijs arceatur. Videlicet ut aliquis sacerdos ad sacras audiendas confessiones deputatus, sacrosancto Poenitentia sacramento, sollicitando poenitentes ad turpia, abutatur, ac pro medicina venenum pro pane aspidem porrigat, & ex celesti Medico infernalis veneficus, ex patre Spirituali proditor execrabilis animarum reddatur. Idcirco nos ea, quæ his perniciosissimis diaboli insidiis arcendis certis locis salubriter constituta sunt, ut nullibi desiderentur, quantum ex alto conceditur, providendum duximus.

Alias siquidem à sac. record Pio Papa IV. prædecessore nostro emanarunt litteræ tenoris subsequenti, videlicet. Pius Papa IV. Venerabili Fratri Archiepiscopo Hispalensi, in Regnis Hispaniarum heretica pravitatis Inquisitori generali. Cum, sicut nuper & c.

Igitur ut litteræ prædictæ perpetuis futuris temporibus,

bus, & ubique locorum inviolabiliter observentur, motu proprio, & ex certa scientia ac matura deliberatione nostra, ac de consilio venerabilium Fratrum nostrorum S. R. E. Cardinalium contra hereticam pravitatem generalium Inquisitorum præfertas litteras hujusmodi, ac omnia, & singula in eis contenta Apostolica autoritate, tenore præsentium approbamus, & confirmamus, illisque omnibus, & singulis inviolabilis Apostolica firmitatis robur adjicimus, illasque non solum in prædictis Hispaniarum regnis sed in quibusvis Christianis Orbis partibus firmiter, & inviolabiliter observari precipimus, & mandamus.

Ac præterea, ne in futurum de poena his delinquentibus imponenda, & de modo contra eosdem procedendi ab aliquo dubitari possit, Statuimus, decernimus, & declaramus, quod omnes & singuli Sacerdotes, tam seculares, quam quorumvis etiam quomodolibet exemptorum, ac sedis Apostolica immediate subditorum, Ordinum, Institutuum, Societatum, & Congregationum Regulares cujuscunque dignitatis, ac præminentie, aut quovis privilegio muniti existant, qui personas, quacumque illæ sint, ad inhonestas, sive inter se, sive cum aliis quomodolibet perpetranda, in actu sacramentalis confessionis, sive antea, vel post immediate, sive occasione, vel prætextu confessionis hujusmodi, etiam ipsa confessione non sequuta, sive extra occasionem confessionis in confessionario, aut in loco quocumque, ubi confessiones sacramentales audiantur, seu ad confessionem audiendam electo, simulantes ibidem confessiones audire, sollicitare, vel provocare tentaverint, aut cum eis illicitos, & inhonestos sermones, sive tractatus habuerint, in officio sanctæ Inquisitionis severissimè, ut infra, puniantur. Et præterea omnes hereticæ pravitatis Inquisitores, & locorum Ordinarios omnium Regnorum, Provinciarum, Civitatum, Dominiorum, & locorum universi Orbis Christiani, in suis quemque diocesis, & territoriis per has nostras litteras, etiam privativè quò ad omnes alios specialiter, ac perpetuò Judices delegamus, ut super his contra prædictos, simul, vel separatim in omnibus, prout in causis fidei juxta sacrorum Canonum formam, nec non Officii Inquisitionis hujusmodi Constitutiones, privilegia, consuetudines, & decreta diligenter inquireant, & procedant, & quos in aliquo ex hujusmodi nefariis excessibus culpabiles reperiunt, in eos pro criminum qualitate, & circumstantiis suspensionis, ab executione Ordinis, privationis beneficiorum, dignitatum, & officiorum quorumcumque, ac perpetue inhabilitatis ad illa, nec non vocis activæ, & passivæ, si Regulares fuerint, exilii, damnationis ad triremes, & carceres etiam in perpetuum, absque ulla spe gratiæ, aliasque poenas, decernant, eos quoque si pro delicti enormitate graviore poenas meruerint, debita præcedente degradatione, Curie seculari puniendos tradant.

Dantes etiam facultatem Venerabilibus fratribus Nostris S. R. E. Cardinalibus generalibus Inquisitoribus, ne delictum tam enorme, & Ecclesie Dei tam perniciosum ob probationum defectum, impunitum remaneat, cum difficilis sit probationis, testibus etiam singularibus, concurrentibus præsumptionibus, indiciis & aliis adminiculis, delictum probatum esse arbitrio suo judicandi, & Curie seculari, ut præfertur, reum tradendum esse, pronunciant.

Non obstantibus omnibus, quæ dictus prædecessor in suis litteris prædictis voluit non ob stare, ceterisque contrariis quibuscumque.

Mandantes omnibus Confessariis, ut suos poenitentes, quos noverint fuisse ab aliis, ut supra sollicitatos, moneant de obligatione denunciandi sollicitantes, sive, ut præfertur, tractantes, Inquisitoribus, sive locorum Ordinariis prædictis: Quòd si hoc officium præter-



*miserint, vel pœnites docuerint, non teneri ad denunciandum Confessarios sollicitantes, seu tractantes, ut supra, iisdem locorum ordinarii, & Inquisitores illos pro modo culpa punire non negligant.*

*Volumus autem ut presentium transumptis, etiam impressis, manu alicujus Notarii publici subscriptis, & sigillo alicujus persone in dignitate ecclesiastica constituta munitis, eadem prorsus fides in iudicio, & extra ubique habeatur, quæ presentibus haberetur, si forent exhibitæ vel ostensæ.*

*Quodque eadem presentes litteræ, sive illarum exempla ad valvas Basilicarum S. Joannis Lateranensis, ac Principis Apostolorum de Urbe, & in acie Campi Flore affixæ, omnes ita ardeant, & afficiant, ac si uniusque personaliter intimata fuissent.*

*Datum Romæ apud S. Mariam Majorem sub annulo Piscatoris die 30. Augusti 1622. Pontificatus nostri anno secundo.*

In hac autem Constitutione sex propositiones, sive regulæ continentur. Prima est suspecti sunt de fide sacerdotes sollicitantes in sacra confessione pœnites ad turpia, & inhonestæ. Id docent Pegna *in direct.* p. 2. *com.* 81. Decianus *lib.* 6. *cap.* 21. *n.* 42. & *cap.* 23. *n.* 1. & *sequen.* Navar. *conf. de hæret.* Ledesma p. 1. *de sacram. pœnit.* *cap.* 19. Farinac. q. 187. *n.* 28. Sanctarel. *de hæres. cap.* 44. Caren. *part.* 2. *tit.* 6. *n.* 8. Castropal. *tr.* 4. *disp.* 9. *pun.* 1. *n.* 1. Delbene *disp.* 237. *sect.* 1. *n.* 1. & *sect.* 24. alique. Hæc autem suspicio in Inquisitione Hispana est de levi, & ideo hujusmodi sollicitantes coguntur abjurare de levi, nisi de circumstantiis major suspicio oritur; In Italica verò Inquisitione abjurant de vehementi, & ideo hæc suspicio non accipitur, ut merè naturalis, sed ut suspicio juris. Quare in hac re servanda est consuetudo Inquisitionum nec nisi præposterè Delbene *loc. cit. sect.* 24. *n.* 1. refert, Soufam *tract.* 1. *de sollicit.* *cap.* 18. *n.* 13. & *in aphorism. lib.* 1. *cap.* 34. *n.* 68. tenere, quod seclusis aliquibus casibus, confessarius sollicitans non sit suspectus de fide, si sollicitet paulò ante, vel paulò post Confessionem. Nam Soufa *de num.* 68. disertè asserit contrarium, & vult, quod Confessarius sollicitans in actu proximo antecedente, vel consequente Confessionem, abjurare debet, tanquam de fide suspectus. Quod etiam tenet Carena *loc. cit. n.* 75. Sollicitantem verò in Confessionario negant esse de fide suspectum Soufa *ibidem.* Carena *eo tit.* 6. *n.* 76. & *seqq.* ac Salelles *lib.* 5. *n.* 218. sed oppositum docet Delbene *d. sect.* 24. *n.* 5. & *sequen.* Quod planè certum est. Quia vel sollicitatio in confessionario non est abusus confessionis si fiat non simulando confessionem, vel si simulatur confessio, certum est, quod intercedit abusus confessionis sacramentalis, & sic intervenit suspicio hæresis, & abusus sacramenti, ideoque in omni casu, comprehenso in constitutione Pii IV. & Gregor. XV. Confessarius sollicitans est suspectus de fide.

Ex hac autem prima parte regulæ sequi videtur, quod tribunal Sancti Officii potest universim cognoscere de abusu sacramentorum. Unde Pegna *in direct. part.* 2. *com.* 82. Zechius, Moura apud Delbene *d. dub.* 237. *sect.* 8. *num.* 1. Leander *tr.* 5. *disp.* 13. q. 9. & apud Carenam Saucius, ac Trimarchius, quod probabile putat Castropal. *d. disput.* 9. *pun.* 6. *n.* 2. inquit, S. Officium procedere posse contra Confessarium, qui in Confessione sollicitat ad alia peccata, à turpibus ac inhonestis distincta. Quia ille abutitur Sacramento pœnitentiæ, Sed Carena *cit. tit.* 6. *n.* 20. de hoc dubitat, atque rem hanc deferendam esse ad S. Congregationem. Nam ante constitutiones Apostolicas, per quas statutum est quòd Judices fidei cognoscant de sollicitantibus in

sacra confessione, ad turpia, Inquisitores de hoc crimine non cognoscebant. Quare & ego quoque cenfeo in casibus abusus sacramentorum, non expressis in jure, Inquisitores consulere debere S. Congregationem. Nam suspicio hæresis, quam universaliter inducit hic abusus, si consideretur, ut naturalis, præcis circumstantiis, ac in iis qui alias non sunt de hæresi suspecti, est valdè levis, & antiquitùs non considerabatur, ut antea diximus. Eoque præcipuè quod hic abusus in casibus à jure non expressis, est etiam rarus; Hinc antequam abusus sollicitantium in Confessione, alique similes fuissent expressè delegati Judicibus fidei, de illis cognoscebat solus Ordinarius. Ex quo deducitur, quòd si suspicio quam inducit hic abusus, consideretur, ut est juris præsumptio, non videtur, quòd habeat locum, nisi in casibus, in quibus jus expressè præsumit.

Secunda regula desumitur ex Constitutione Pii IV. & luculentius ex Constitutione Gregorii XV. ea hæc est. In causa sollicitationis in confessione contra quoscumque, etiam exemptos & Regulares cujusvis dignitatis, status, gradus, & conditionis, tanquam contra suspectos de hæresi, privativè quò ad omnes alios Judices procedunt Inquisitores, & locorum Ordinarii tanquam delegati Sedis Apostolicæ, illosque puniunt prout leges & crimina postulant.

In hac regula advertendum est primò, quòd Constitutio Pii IV. edita fuit pro Regnis Hispaniarum. Directa enim fuit Archiepiscopo Hispalensi, Hispaniarum generali Inquisitori. Sed quoniam in illa decernitur absolute quòd sollicitantes ad turpia pœnites in actu Confessionis, sunt de hæresi suspecti, ideo ex vi dictæ constitutionis Judices fidei ubique contra hujusmodi sollicitantes procedere poterant tanquam contra suspectos de hæresi, Pegna *d. com.* 81. *vers.* Ille quoque, Sanctarel. *de hæres. cap.* 44. *d. 5. n.* 1. & ex Roderico à Cugna, & Freita tradit Carena *part.* 2. *tit.* 9. *num.* 7. Nunc autem res est minimè dubia ex Constitutione Gregorii XV.

Hæc autem potestas procedendi contra Sollicitantes est delegata, ut patet ex Constitutione Gregorii, in qua hæc leguntur: *Specialiter ac perpetuo Judices delegamus.* Quod tamen quantum ad Ordinarios intelligitur respectu exemptorum. Etenim contra suos subditos Ordinarii ex jurisdictione ordinaria procedere possunt, qua non sunt privati per dictam Constitutionem. Cum tamen in Hispaniis contra hæreticos, ac de hæresi suspectos soli Inquisitores procedant privativè, etiam quò ad Ordinarios ex vi Constitutionis Pii IV. & Clementis VIII. superius relatæ. Per constitutionem autem Gregorii XV. non derogatur hujusmodi consuetudini, ac privilegio. Quinimo Gregorius Constitutionem Pii confirmat, ut per Delbene *d. dub.* 237. *sect.* 1. *n.* 28. & *sect.* 13. *n.* 15.

Cum verò in casibus, in quibus Inquisitor, & Ordinarius procedunt divisim, alter alteri communicare debeat processus, ubi opus sit ad plenam delicti probationem habendam, ut suo loco dictum est, hoc etiam in causa sollicitationis fieri deberet. Verum cum in his causis ex Constitutione Gregorii XV. solum Eminentissimis Cardinalibus S. Congregationis S. Officii concessum est arbitrium judicandi, an ex testibus singularibus delictum sit probatum; ideo Inquisitores, & Ordinarii, inconsulta eadem S. Congregatione in dictis causis ad ulteriora, earumque definitionem procedere nequeunt, sed receptas denunciations contra sollicitantes ad eandem S. Congregationem mittere tenentur, notificata qualitate



qualitate denunciatorum, ac denuntiantium, & nominatorum in testes, nec ad ulteriora procedere debent, nisi facti gravitas aliter exigat, vel periculum sit in mora. Imò nec Ordinarii Inquisitoribus, neque Inquisitores Ordinariis denunciations, aut scripturas communicare debent, sed in singulis casibus S. Congregationem consulere tenentur, notificatis qualitatibus, ut modò diximus. Præterea nec hujusmodi causæ proponi debent coram consultoribus, sed consulenda est S. Congregatio, & juxta illius inentem examinandæ ac definiendæ. In Hispaniis causæ istæ solum coram Ecclesiasticis Consultoribus proponuntur.

Tertia regula, quæ partim à Pio IV. integrè à Gregorio XV. habetur, hæc est: Per Judices hujusmodi, tanquam de hæresi suspectus, pœnis in his Constitutionibus statutis puniri debet sacerdos cujuscunque sit dignitatis, Ordinis, Status, & conditionis, qui personam quamlibet ad turpia, vel inhonestas sollicitaverit, vel cum ea illicitos, aut inhonestos sermones, sive tractatus habuerit in actu sacramentalis confessionis, vel immediatè ante, aut post confessionem, vel prætextu, aut occasione Confessionis, etiam confessione non sequuta, vel extra occasionem confessionis in confessionario, aut in loco quocunque, in quo confessiones audiuntur, sive ad confessionem audiendam electo, simulando ibidem confessionem audire.

In hac igitur lege, ac illius pœnis comprehenditur sollicitans, si sit sacerdos, secus si non sacerdos audiat alicujus confessionem, & se fingat sacerdotem, cum non sit. Quia utraque constitutio loquitur de sacerdote, neque lex ista pœnalis extendi debet de persona ad personam, ut per Carenam d. tit. 6. n. 21. Sanctarel. de hæresi. cap. 26. n. 9. Diana p. 1. tr. 4. resol. 15. Portel. in addit. v. sollicitare feminas n. 14. Delben. d. dub. 237. n. 11. Bordon. in Trib. cap. 23. n. 61. Trimarch. disp. 7. n. 3. & apud eos alii plures. Iste tamen non sacerdos comprehenditur sub lege ac pœnis latis contra non promotos ad presbyteratus Ordinem pœnitentiæ sacramentum, etiam semel ministrantes, ex Constitutionibus alibi adductis.

Comprehenditur tamen sub hac lege omnis sacerdos, etiam quomodolibet exemptus, & cujuscunque sit dignitatis, etiam Episcopalis, & majoris, si, ut habetur in hac regula, sollicitet ad turpia, & inhonestas. Dubium verò est, an comprehendatur sacerdos non habens jurisdictionem, & qui validdè confessiones audire non potest. Sententiam negativam tenent Soufa in aphor. lib. 1. cap. 14. n. 16. Portel. loc. cit. n. 13. Bordon. in Trib. cap. 23. n. 64. Leander. tom. 1. tr. 5. disp. 13. q. 39. & apud eum Fagundez ac Thomas Hurtadus. Movenitur, quia Pius IV. & postea Clemens VIII. & Paulus V. expressè loquuntur de sacerdote deputato ad confessiones audiendas, Gregorius verò XV. etsi dicat, omnes & singulos sacerdotes, hæc tamen universalis locutio limitatur ex illis verbis præcedentibus: Ne de pœna his delinquentibus imponenda, ex dubitari possit. Hæc enim verba referuntur ad sacerdotes delinquentes, de quibus loquutus fuit Pius IV. cujus Constitutionem confirmavit, ne de pœna illis infligenda, & de modo procedendi in his causis dubitari possit decernit, quid in eis servandum sit. Et quia expressè loquitur de sacerdotibus sollicitantibus in actu sacramentalis confessionis, vel prætextu confessionis hujusmodi, vel in loco, ubi sacramentales confessiones audiuntur. Confessio autem facta sacerdoti non habenti jurisdictionem non est, neque esse potest sacramentalis ex defectu jurisdictionis. Additur: quod casus iste, ut sacerdos, non habens ju-

risdictionem, sollicitet in actu Confessionis, est valdè rarus. Leges autem accommodantur casibus, qui frequenter accidunt, l. nam an ea ff. de legib.

Affirmativam sequuntur Carena d. tit. 6. n. 16. Lezana in sum. v. denunciare, Castropal. d. tr. 4. disp. 9. pun. 9. n. 1. Diana p. 1. tr. 4. resol. 17. & p. 4. tr. 5. resol. 8. Acugna, Freitas, Trimarchius, Escobar, quos sectatur Delbene loc. cit. sect. 12. n. 2. Salelles lib. 1. cap. 16. n. 10. & 31. Atque ita tenendum est. Nam Gregorius XV. confirmavit Constitutionem Pii IV. & qua pœna, quove ordine puniendi sint delinquentes contra illam statuere voluit, illamque ampliavit, atque extendit, ideoque comprehendit omnes sacerdotes, habentes potestatem Ordinis, nulla facta mentione de deputatione ad confessiones audiendas, atque adeo omnes, ac singulos sacerdotes sollicitantes suæ legi subijci voluit. Neque obstat, quòd confessio facta sacerdoti non habenti jurisdictionem, non sit valida, quia Gregorius XV. voluit sufficere, quòd sollicitatio fiat sub specie ac simulatione confessionis sacramentalis, ac etiam si sollicitatio fiat prætextu confessionis, etiam confessione non sequuta. Accedit, quòd confessiones factæ sacerdoti non habenti jurisdictionem, ac publicè exposito ad illas audiendas sunt validæ, si interveniat bona fides pœnitentis. Tunc enim Ecclesia tribuit jurisdictionem, ut alibi diximus.

Non verò sub hisce Constitutionibus comprehenduntur interpretes, nunciive sollicitationis, vel illam mandantes, aut consilium dantes, etiam si sint sacerdotes. Nam isti nec propriè sunt sollicitantes, aut tractatum inhonestum habentes in sacra Confessione, neque actiones istæ sunt actiones sacerdotales, neque ut tales veniunt sub nomine sacerdotum, ut probè tradunt Castropal. cit. pun. 9. n. 6. Carena d. tr. 6. n. 22. 38. ac seq. Diana p. 4. tr. 5. resol. 9. Fagundez in præcep. Eccles. p. 2. lib. 4. cap. 3. n. 78. & lib. 6. cap. 12. n. 23. Salelles lib. 5. cap. 5. n. 306. & lib. 1. cap. 16. n. 36. Leander tr. 5. disp. 13. q. 36. & 4. Bordon. in Trib. cap. 23. n. 29. & 69. ac Delben. eo dub. 237. p. 18. n. 14. & 18. qui non rectè pro contraria opinione quoad mandantem refert Carenam. Sic quoque nec comprehenditur sacerdos vel alius, qui sollicitat pœnitentem, dum non sibi, sed alii confitetur, ut bene notat Delbene cit. sect. 12. n. 23.

Advertendum tamen est, quod omnes isti vel mandantes, vel interpretes, vel nuncii, vel auxilium in sollicitatione præstantes, vel quomodocunque sollicitantes, aut sollicitationi cooperantes, etiam si non sint sacerdotes, sed laici, sunt de hæresi suspecti, & ex generalibus decretis S. Inquisitionis subduntur jurisdictioni Judicum fidei. Nam idem est delictum sollicitantium, & cooperantium sollicitationi. Omnes enim cooperantur ad eundem abutum sacramenti pœnitentiæ, & ideo aliquo modo subduntur Constitutioni Gregorianæ, si non directè, saltem reductivè, & quoad vim directivam, & ex ejus directione arbitrariis pœnis sunt puniendi, ut fuscè probat Carena loc. cit. n. 40. & seq. quem sequitur Salelles d. cap. 5. n. 306. ac Bordon. d. cap. 23. n. 83.

Porro quòd femina sollicitans confessarium sit de hæresi suspecta, & proinde jurisdictioni Inquisitorum subijciatur, & abjurare debeat, tradit ex Moura, & ex Trasmiera Salelles d. cap. 5. n. 315. Quia Inquisitores ex antiquioribus Constitutionibus ad id jurisdictionem habent. Et quia in Constitutione Pii IV. & Gregorii XV. non datur de nova facultas Inquisitoribus procedendi contra sollicitantes ad turpia in confessione, sed excitatur illa, quam habebant.

At primò



At primò observandum est, quòd verba illa Gregorii: *specialiter, ac perpetuo iudices delegamus*, non important excitationem jurisdictionis, sed novam illius concessionem. A quo sensu neque aliena sunt verba Pij IV. *Committimus, & mandamus*.

Est deinde observandum, quòd cum suspicio hæresis, quæ, sublati malis circumstantiis oritur ex sollicitatione, vel ex multis aliis casibus circa abusum sacramentorum, non fuerit antiquitas habitata in ea consideratione, ut huiusmodi causæ committerentur Inquisitoribus, sed locorum Ordinariis relinquerentur. Imò Inquisitoribus prohibitum fuerit cognoscere de sortilegiis non sapientibus hæresim manifestè; sed videntes Pontifices, quòd delicta aliqua nimis agebantur, unde opus erat rigore S. Officii ad huiusmodi delinquentes compescendum, earum cognitionem commiserunt Inquisitoribus. Sic Pius IV. prius de iure præsumpta suspicione speciali hæresis, commisit, ac delegavit Inquisitoribus cognitionem sollicitationis ad turpia in certis casibus, quam ad plures alios casus extendit Gregorius XV. Quare Constitutiones Pontificiæ non comprehendunt hos casus, neque ad casus non expressos extendi debent, sed isti remanent in dispositione antiquioris iuris, ex quo illorum cognitio pertinebat ad Ordinarios. Quod etiam statuit Urbanus VIII. anno 1631.

Quòd itaque ad personas sollicitatas regula tradita generatim est intelligenda, siue illæ sint mares, siue fœminæ. Quare sacerdos illas sollicitans sub hac lege comprehenditur. Id, quòd ex Constitutione Gregorii certum omnino est, quicquid sit, an sollicitans marem comprehendatur in Constitutione Pii IV. quamvis & in illa comprehendendi declaraverit Paulus V. 29. Novembris 1612. ut refert Leander *tr. 5. disp. 13. q. 34*.

Duplex autem actio principalis hic prohibetur. Sollicitatio, vel provocatio ad turpia, & inhonesti sermones, aut tractatus. Et quoad primum. Sollicitare, ut habetur ex D. Thoma 22. q. 49. ar. 9. est adhibere studium, ac diligentiam ad aliquid faciendum, vel obtinendum. Sollicitare igitur ad turpia est adhibere studium ac diligentiam ad obtinendum à pœnitentibus aliquid turpe, ac inhonestum, siue factò id fiat, siue nutu, siue verbo; ut si confessarius adulando, promittendo, blandè verbis impudicis suadendo, petendo, deprecando, studeat marem, aut fœminam iudicare ad actum aliquem inhonestum, ut per Turrecrem in *can. si quis tam masculinum quam femininum de penit. dist. 1.* & sufficit si tacitè id attentet, ut si mulierem laudet de pulchritudine, de venustate, dummodò tamen non constet, aut cum ratione præsumatur, quòd laudaverit absque intentione provocandi ad actum inhonestum, ut si diceret pœnitenti, quòd injuriam facit suæ pulchritudini, se alteri prostituendo, ut per Delben. *d. sect. 12. n. 26.* Leand. *d. tr. 5. disp. 13. n. 13.* Bordon. in *Tribun. cap. 23. n. 69.* Quamvis nec Confessarius debeat uti hac ratione, cum non desint aliæ rationes efficaciore. Laudare autem pulchritudinem mulieris, etiam in confessione, non est per se ex objecto peccatum mortale, neque est actus per se directus ad sollicitationem ad turpia.

Quare hac in re circumstantiæ attendi debent, & ex illis iudicandum. Sicut etiam si quis dixerit: Ducerem te in uxorem, si non essem sacerdos. Vel si verba amatoria proferret, quæ tamen ex usu indifferentia sunt, ac sæpe honestè proferuntur, ut si dicat mulieri: Memento mei quia te ex corde diligo, Bordon. *ibid. cap. 27. n. 54.* Vel si aliquid donet pœnitenti, aut aliquod verbum, aut signum proferat, quòd sit dubium, unde pœnitens concipere

possit se sollicitari ad turpia. In his enim, ac huiusmodi aliis circumstantiæ considerari debent, ut ex illis deduci possit, an intercedat sollicitatio ad turpia. Nam per se loquendo donare aliquid mulieri, non est inhonestum, neque tendit ad inhonestam, sed ad conciliandam benevolentiam, vel ad satisfaciendum gratitudini ob acceptum aliquod beneficium.

Unde notandum est, quòd licet in Constitutione Gregoriana, puniatur crimen attentatum, nempe sollicitatio ad turpia, etiam si persona sollicitata non consentiat, vel non sit eventum ad aliquem actum inhonestum, ut per Carenam supra n. 34. non tamen sufficit sollicitatio attentata, sed necesse est, ut sicut in aliis delictis ad incurrendam pœnam ordinariam delictum sit consummatum, ut sit nimirum completa sollicitatio in ratione sollicitationis, ut per Delben. *d. dub. 237. sect. 4. n. 3.* sunt enim multa verba, quæ sunt præparatoria ad sollicitationem, & proferuntur, ut videatur, an possit fœmina sollicitari, sed non sunt sollicitationes. Quare, licet ratione illorum possit aliquo modo puniri in S. Officio, non tamen poterit reus damnari in pœnam ordinariam. Quandoquidem ad damnandum reum in pœnam Ordinariam non sufficit sollicitatio dubia, aut præsumpta, sed requiritur sollicitatio certa, ut per Bordon. *ibidem cap. 23. n. 61. ubi num. seq. existimat*, quòd neque sit sollicitatio, si confessarius det pœnitenti donum, ut illud deferat suæ meretrici. Vel si confessarius dicat pœnitenti; accomoda mihi tuam domum, ut possim loqui cum tali muliere. Quæ tamen non placent. Dianæ *loc. cit. resol. 45.* sed verè hæc sunt sollicitationes dubiæ, ac iudicandæ ex circumstantiis, quicquid in contrarium probabiliter dicat Castropal. *d. disp. 9. pun. 4. n. 3.*

Si autem Confessarius dederit pœnitenti scriptum ab eo domi legendum post confessionem, in quo eum sollicitat ad inhonestam, comprehenditur in hac Constitutione. Hæc enim est sollicitatio, in ratione sollicitationis completa, ex parte confessarii, & per hanc traditionem fit injuria Sacramento, & confessarius tunc cum pœnitentem ad mutandam vitam in melius, & ad abstinendum à peccatis suadere debebat, eum provocat ad malum, Fagundez in *præcept. Eccles. lib. 4. cap. 3. n. 62.* Delben. *ibidem sect. 4. n. 7.* Leander *loc. cit. q. 15.* quare interpositiones damnatas ab Alexandro VII. *propos. 6.* hæc habetur: Confessarius, qui in sacramentali confessione tribuit pœnitenti chartam, postea legendam, in qua ad Venerem incitat, non censetur sollicitasse in confessione, ac proinde non est denunciandus. Et n. 7. damnatur sequens propositio. Modus evadendi obligationem denunciandæ sollicitationis est, si sollicitatus confiteatur cum sollicitante; hic potest ipsum absolvere absque onere denunciandi. Si verò pœnitens verba sollicitantia non audierit, vel non intellexerit, & confessarius id advertens ab ulteriori sollicitatione absteineat, hæc non erit sollicitatio completa, sed attentata, & ideo non habebit locum pœna ordinaria, sed minori erit locus.

Censetur etiam confessarius sollicitare mulierem, qui dum audit illius confessionem interiùs delectatur, aut voluntariè polluitur, idque narrat pœnitenti, Leand. *d. disp. 13. q. 14.* sed oppositum in hoc casu tenet Bordonus in *Tribun. cap. 23. n. 54.* si confessarius dicat se involuntariè fuisse pollutum. Sed & hic est sermo inhonestus habitus sine causa in actu confessionis, ac de se præbens suspensionem finis inhonesti. Et similiter si in confessione ex zelotypia suam concubinam objurgat,

secus



secus verò si illam de peccato ratione peccati reprehendit, Leander, q. 16. Diana d. p. 4. tr. 5. resol. 43. Thomas Hurrad. tr. 4. cap. 8. resol. 10. Sed in his omnibus, ut dictum est, attendendæ sunt circumstantiæ & animadvertendum, quòd sollicitatio solum attentata, vel dubia & præsumpta non est satis, ut reus puniatur pœna ordinaria.

Quòd verò ad secundam actionem prohibitam, illa est, inhonestos sermones, aut tractatus habere. Tractatum autem habet de aliquo agendo nedum qui proponit, aut petit, ut aliquid fiat, sed etiam qui respondendo consentit actioni, de qua tractatur, illamque approbat, & ad illam consilium præbet, aut auxilium promittit. Unde, quicquid in contrarium dixerint aliqui, spectata sola Pii IV. Constitutione, arque innixi significationi verbi *solicitare*, indubitatum est, ex vi Constitutionis Gregorii XV. comprehendendi etiam sacerdotem, qui à pœnitente sollicitatus ad turpia, consentit sollicitanti, maximè si cum illo tractet de modo adimplendi actionem turpem, ad quam sollicitatus, ut per Caren. d. tr. 6. n. 35. Dianam p. 4. tr. 5. resol. 11. Fagund. de præcept. Eccles. p. 2. lib. 4. cap. 3. n. 56. & seq. Leander d. disp. 9. q. 20. Delben. dub. 233. Souram in aphor. lib. 1. cap. 34. n. 9. & de sollicit. lib. 1. cap. 6. n. 8.

Unde multò magis comprehenditur Confessarius, si mutua sit sollicitatio, etiamsi pœnitens fuerit prior in sollicitando, Soula ubi supra, Diana d. tr. 5. resol. 14. ac Leander *ibid.* q. 22. Quòd si confessarius renuat, nec copulæ consentiat, sed solum in oscula, & tactus, comprehenditur nihilominus in Constitutione, sicut si invitatus à femina ad sodomiam, eam sollicitet ad copulam naturalem. Nam verè sollicitat ad turpem actum, à quo avertere debet pœnitentem. Censetur pariter sollicitator ad turpia confessarius, qui pœnitenti injungit, ut dormi nuda ab ipso verberetur, quia hujusmodi actio est inhonesta, Diana *ibidem* resol. 45. ac Leander d. disp. 13. q. 17. Confessarius verò sollicitatus in confessione, si sola mente consentiens, exterius autem renuens, postea post confessionem adeat domum mulieris, & cum illa peccet, non comprehenditur in hac Constitutione, cum in confessione, sive sub prætextu confessionis, aut immediatè ante, vel post confessionem mulierem non sollicitaverit, aut cum illa turpes sermones, aut tractatus habuerit, imò illi sollicitanti restiterit.

Materia verò, & objectum sollicitationis prohibita est actus libidinosus venereus, sive impudicus. Ex communi enim usu loquendi, verbum inhonestum, simpliciter prolatum, importat actum virtuti pudicitiae contrarium, & ad venerem spectantem. Et in hanc significationem accipi in re presenti, constat ex Constitutione Pii IV. & Gregorii XV.

Jam diximus, quòd in his Constitutionibus non comprehenditur confessarius sollicitans pœnitentem ad alia peccata, quæ non sunt contra pudicitiam. Quia in dictis Constitutionibus solum expressè delegatur Judicibus fidei procedere contra sollicitantes ad venerea. In pœnalibus enim non fit extensio de delicto ad delictum, cap. in pœnis de reg. jur. Sed num si confessarius sollicitet pœnitentem ad peccata alterius generis, possit S. Officium contra illum procedere ex generali facultate procedendi contra suspectos de hæresi?

Asserunt Pegna in direct. p. 2. d. com. 81. Castropal. d. tr. 4. disp. 9. p. 6. n. 2. Trasmiera de polyg. lib. 3. q. 2. n. 46. Salelles d. lib. 5. cap. 5. n. 314. Zechius & Moura apud Delben. loc. cit. sect. 8. n. 1.

Negant verò Ledesma de matrim. q. 56. n. 2. Paramus lib. 3. q. 10. n. 121. Surnia theor. 197. Peyrin. ad constit. 4. Gregorii XV. §. 7. n. 14. Soula de confes. sollicit. tr. 1. cap. 13. n. 4. & 5. Delbene d. sect. 8. n. 1. & apud eum. Acugna, Molfesius, Venerus, Freitas, & Homobonus, traditque Bordonus in Tribun. cap. 23. n. 25. Idemque dicitur, si confessorius in ministerio aliorum sacramentorum sollicitet ad turpia, ut si prætextu ministrandi sacrum Viaticum alicui mulieri, turpia cum illa exerceat. Contra hunc enim posse Inquisitores procedere ex generalibus legibus S. Officii, vult Moura opusc. de ensalm & incant. sect. 3. n. 17. sed oppositum censent Lezana in sum. quest. regular. cap. 19. n. 34. Peyrin, loc. cit. n. 17. Freitas, Acugna, & Peregrinus, quos sequitur Delbene d. sect. 8. n. 5. & Bordonus d. cap. 23. n. 33. Hæc sententia vera est, nisi Pontifex consultus aliter decernat, vel nisi alicubi sit inducta consuetudo contraria. Quare, ut sæpe diximus, consulenda est hac de re S. Congregatio.

Nec si Confessarius sollicitet duntaxat ad Venerem completam, sed etiamsi sollicitet ad actus incompletos, ut sunt oscula, & tactus impudici, punitur pœnis Constitutionis Gregorianæ; Sed quid si sollicitet ad actus venialiter malos Quia licet manum, vel pedem feminae premere, vellicare, tangere, possit esse peccatum veniale intra genus luxuriæ, dummodo finis mortalis absit, atque periculum pollutionis, hoc tamen, si tempore administrationis sacramenti pœnitentiæ fiat, vel immediatè ante, vel immediatè post erit peccatum mortale, ac damnatum ob gravem injuriam sacramento illatam. Imò hæc quæstio est de subjecto non supponente, quòd scilicet in materia luxuriæ detur peccatum veniale ex parvitate materiæ. Hoc enim asserere est improbabile, ac esse damnatum à Clemente VIII. & Paulo V. refert Delbene d. dub. 237. sect. 3. n. 16. Omnis enim actus, qui est ex libidine, ac deliberatus, est contra pudicitiam. Unde ab Alexandro VII. damnatur hæc propositio: Est probabilis opinio, quæ dicit esse tantum veniale osculum habitum ob delectationem carnalem, ac sensibilem, quæ ex osculo oritur, secluso periculo consensus ulterioris, & pollutionis.

Certum etiam est, comprehendendi in hac Constitutione Confessarium, si pœnitentem sollicitet, ut ille turpia exerceat cum alio, vel ut sit mediator, ut aliquis alius turpia committat cum ipso Confessario, vel cum alio.

Primo igitur pœnas hujus Constitutionis incurrit confessarius, si in actu confessionis, dum pœnitens incepit confiteri peccata sua, eum sollicitet ad turpia, etiamsi non sequatur absolutio, vel interrumpatur confessio, ac etiamsi Confessarius sciens pœnitentem indispositum, ex hoc neget ei absolutionem, & nihilominus illum sollicitet; ac etiamsi pœnitens confiteatur non ex animo, sed ut evitet excommunicationem latam contra non confitentes semel in anno; ac etiamsi confessio ex aliqua causa sit invalida. Nam hæc etiam inducit sigilli obligationem. Et quamvis si tam pœnitens, quam Confessarius sint in mala fide, ac sciant, confessionem ex aliquo defectu substantiali non esse sacramentalem, ac proinde confessarius in tali confessione sollicitans, pœnas contra sollicitantes in confessione sacramentali non incurrat, eas tamen incurrit. Quia sollicitat in Confessionario, simulans confessionem.

Secundo easdem pœnas incurrit confessarius, si pœnitentem sollicitet ad turpia immediatè ante, vel post confessionem. Illud autem dicitur esse immediatum confessioni, inter quod & ipsam confessionem non.



nem non mediat actio diversa. Ideo si post confessionem pœnitens, vel confessorius divertitur ad aliquid extraneum, ut ad aliquid aliud faciendum, vel loquendum, & postea sequatur sollicitatio, hæc non dicitur immediata, nisi hoc diverticulum sit adeo breve, ut pro nihilo censi debeat. Sic etiam si post sollicitationem intercedat aliqua alia actio ante confessionem, sollicitatio non est confessioni immediata.

Spatium autem hoc, intra quod, si fiat sollicitatio, incurruntur pœnæ hujus Constitutionis, aliqui sic definiunt, ut spatium ante incipiat à petitione confessionis, & sic sollicitatio facta ante petitionem confessionis, non potest dici facta immediate ante Confessionem. Ex parte autem post incipit hoc spatium à data absolutione, & desinit postquam pœnitens recessit à confessionario, & à conspectu confessorii genuflectit in Ecclesia, ut fieri solet. Ita Bordonus in *Tribun. cap. 23. n. 35*. Unde pœnas hujus Constitutionis non incurrat, qui mulierem sollicitat postquam adivit domum. Imo neque si illam euntem ad domum sollicitet in itinere. Censetur tamen sollicitatio immediata, si, data absolutione, statim pœnitentem ducat in sacrarium, vel in cubiculum prætextu dandi illi chirographum confessionis, & postea ibi eam sollicitet ad turpia. Quia talis actus pendet à confessione.

Hoc idem dicendum est, si statim post confessionem sollicitet pœnitentem, ut eat ad locum aliquem, in quo possit illam sollicitare, & ex intentione habendi cum illa turpia, si postea ibi illam sollicitat, vel cum ea turpes actus habeat. Quia licet sollicitatio sit consummata extra Confessionarium, & non immediate, fuit tamen cum injuria sacramenti immediate attentata, & inchoata, & postea consummata. Idipsum dicitur, si Confessorius in confessione invitavit mulierem ad confabulandum extra Confessionarium, ut per Bordonum *d. cap. 23. n. 35*.

Ad hoc autem, ut sollicitatio dicatur facta ante confessionem, sufficit, si præcesserit petitio confessionis, licet non sequatur confessio. Quia vel pœnitens non vult amplius confiteri, vel Confessorius illum non vult audire. Ideo, si postquam pœnitens petiit confiteri de præfenti, Confessorius illum sollicitet, id censetur facere immediate ante confessionem. Secus tamen esset dicendum, si pœnitens diceret, se velle confiteri die crastina, & tunc confessorius illi dissuaderet confessionem, & suaderet Venerem. Quia tunc in pœnitente esset solum propositum confitendi, multo tempore distinctum à tempore confessionis. At vero si pœnitens extra confessionarium, non petita confessione, nec patefacto animo confitendi, sermocinatur de aliis cum confessorio, & illum sollicitet, etiam si postea sequatur statim confessio, quæ potest sequi, si pœnitens sit dispositus, hæc confessio non censetur immediata sollicitationi factæ, dum pœnitens de aliis tractabat cum confessorio, ut per Delben. *loc. cit. sect. 9. n. 6*. Quia per accidens est quod sollicitationem sequatur confessio. Et nihilominus in hoc casu considerandum erit, an verè sollicitatio facta sit occasione confessionis.

Tertio subditur confessorius pœnis hujus Constitutionis si in confessionario, vel in loco deputato, aut electo ad confessionem audiendam, simulando confessionem pœnitentem ad turpia sollicitet. Ut autem in hoc casu sollicitans subiciatur pœnis hujus Constitutionis, necesse est, ut interveniat simulatio confessionis. Hæc enim sunt illius verba. *Sive extra occasionem Confessionis in confessionario aut in loco quocunque, ubi confessiones sacra-*

*mentales audiuntur, seu ad confessionem audiendam electo, simulantes ibidem confessiones audire, sollicitare &c.* Neque id pugnat cum decreto S. Congregationis sub Paulo V. emanatum die 10. Julii 1614. in quo decernitur, quod S. Officium procedat contra Confessarios, qui extra occasionem Confessionis in Confessionario tractant de inhonestis cum mulieribus. Quod decretum ex Coriolano referunt Diana *p. 4. rr. 5. ref. 38*. Carena *p. 2. rr. 6. n. 32*. Quia cum sollicitare in Confessionario extra occasionem confessionis possit fieri simulando, & non simulando confessionem, & si fiat non simulando confessionem, non contineat abusum sacramenti pœnitentiæ, nec inferat illi injuriam; quia locus determinatus non est de per se pertinentibus ad tale sacramentum, sed ad illud merè per accidens se habet, neque aliqua benedictione est consecratus pro audiendis confessionibus. Quod minus distinctè expressum fuit in illo decreto, distinctius expressit Gregorius XV. & sic hujus Constitutionis sanctio non est contraria illi decreto, quod nec continet propositionem universalem, sed indefinitam, ad cujus comprobationem sufficit, quod comprobetur in casu, in quo intervenit abusus sacramenti pœnitentiæ, atque adeo suspicio hæresis. Servanda igitur est Constitutio Gregorii, qui ex suscepto consilio, ac instituto ac explicatè, non autem obviam, obscure ac supervacue, distinguit inter simulatam, & non simulatam confessionem, ac decernit hujusmodi sollicitantes tunc subijci ejus legi ac judicio S. Officii, si sollicitant ad turpia simulando confessionem sacramentalem, Castropal. *d. rr. 4. disp. 9. pun. 8. n. 4*. Fagundez *lib. 6. in decal. cap. 12. n. 19*. Lezana in *sum. cap. 19. n. 34*. Thomas Hurtadus, ac Bosius, quos sequitur Leander *rr. 5. disp. 13. q. 30*. Bordon. *d. cap. 23. n. 43*. ac Delbene *d. dub. 237. sect. 11. n. 6*. Advertendum tamen est, quod ad id non requiritur animus simulandi, sed sufficit simulatio ex parte facti, quia scilicet loquutio ipsa pœnitentis cum confessorio reipsa est per speciem, atque adeo simulata confessio. Quod rectè contra Sancium advertit etiam Bordonus *d. cap. 23. numero. 46*.

Non esse autem simulatam confessionem ex eo præcisè, quod pœnitens genuflexus manet ante confessionarium, tradit Leander *d. disp. 13. q. 31*. Quia si confessorius est in aperto, & videatur, & ex ejus risu, cachinnis, & verbis elatis ac gestibus potest extrinsecus certò apparere quod illa non sit confessio, sed confabulatio de rebus ad confessionem minimè pertinentibus, non intervenit simulata confessio. At nihilominus, nisi oppositum certò appareat, si mulier pœnitens genibus flexis loquatur cum confessorio, præsumitur confiteri, & in hac re sufficit apparens confessio, quæ, si non est vera, dicenda est simulata. Ideo, si confessorius sedet in confessionario cum fœmina ante se stante, vel sedente, illam sollicitet ad turpia, non subijciatur pœnis hujus Constitutionis, neque est in S. Officio puniendus. Quia hæc non est confessio, nequidem simulata, aut per speciem, ut docent Doctores modò citati. Idem dicitur de confessorio, qui post requisitam mulierem, an velit confiteri, & e negative respondente, ipse, deposita stola, & à confessionario discedente, in loco, ab eo remoto, illam sollicitat.

Contra verò ab Inquisitoribus punitur confessorius, qui mulieri coram se genuflexæ ac signo Crucis munitæ, inquit, se nolle tunc ejus confessionem audire, ac interim illam ad turpia sollicitat. Idemque dicendum, si muliere volente aliquid sibi communicare,



communicare, Confessarius eam invitat, & ducit ad Confessionarium, & simulans ejus confessionem audire illam sollicitat. Imò, etiam si extra confessionarium simul turpes sermones habeant, & ut liberior de illis agere possint, conveniunt, ut adeant confessionarium, ac ibi simulata confessione colloquia illa turpia continent.

Ex quo deducitur, quid dicendum sit de confessariis Monialium. Hi enim in S. Officio puniendi sunt, in quocumque loco sollicitent moniales ad inhonestam, etiam si in collocutorio communi, si simulent earum confessiones audire; secus verò, si confitito, quòd Moniales non confitentur ante locum deputatum ad confessiones stantes, aut sedentes, nullaque existente specie confessionis, sollicitent. In hoc tamen est discrimen, quòd in dubio, an adit confessio vera, vel simulata, præsuntur pro confessione, si sollicitatio sit facta in loco deputato ad confessiones audiendas, & præcipue si fiat diebus ad confessiones statutis. At si fiat in alio loco, præsuntur potius contrarium. Et quoad Moniales hoc est observandum, quòd licet Monialis se deat, vel stet, possit ab aliis Monialibus quæ intus vident, cognosci, quòd non intervenit confessio, id tamen non sufficit, ut confessarius evitet penam, si extrinsecus non apparet, quòd non audit confessionem illius, cum qua loquitur. Saltem confessarius aliqua pœna puniendus est, nisi etiam extrinsecus appareat, eum non audire confessionem.

Ceterum in hac parte non interest, an confessio sit vera, seu valida, & an pœnitens accedat ad confessionarium animo confitendi peccata, an tractandi alia, an bona, malave fide, & an peccatum aliquod confiteatur, an, sed sufficit, quòd sollicitatio fiat in confessionario, vel alio loco ad confessionem electo simulata confessione. Imò sufficit, si simulatio sit ex parte confessarii, contra quem lex fuit edita.

Quartò pœnis hujus Constitutionis subijcitur Confessarius, qui occasione confessionis, sive ejus pretextu, etiam ea non sequuta, scēnam, vel marem sollicitaverit ad turpia. Occasio est tempus actionis opportunum, quòd in aggrediendo, conficiendoque negotio præcipuum habet momentum. Estque Festo, opportunitas temporis casu provenientis. Verum & quælibet alia quovis eventu contingens opportunitas hoc nomine continetur, ut non sine causa veteres videantur occasionem divinitate donasse. Ea duo importat occasio. Temporis opportunitatem ad aliquid agendum, & causam remotam agendi, sive rem, quæ offert motivum impulsivum ad aliquid agendum, ut habetur ex citatis ab Alberico in suo dictionario Juris v. *Occasio*, & utroque modo confessio potest dici occasio sollicitandi, vel quia præbeat opportunitatem ad id faciendum, vel etiam quia præbeat motivum, ex quo confessarius se moveat ad sollicitandum, etsi hoc per accidens se habeat ad confessionem, quæ propterea non continet occasionem datam sed acceptam.

Prætextus verò est quòd vulgò dicitur color quæsitus. Translatè enim positum prætexere accipitur pro obtinere, & quòd vulgus iridem dicit, colorem quærere, Ulpianus in *l. illicitas de offic. Præsid.* Estque facere unum sub velamine alterius, quòd non est, nec principaliter intenditur, *l. sub pretextu c. de transact.* Sollicitare igitur sub pretextu confessionis est sollicitare sub confessionis colore, ac specie ad turpia. Idque etiam si revera confessio non habeatur. Est enim addita hæc clausula ad maiorem præcedentium explicationem, &

Tom. I.

ad comprehendendum casum, in quo non sequitur confessio. Semper enim, dum sollicitatio fit in confessione, illa fit sub pretextu, aut occasione confessionis; sed proprius casus expressus per hanc clausulam est, quando, etiam non sequuta confessione, sollicitatio fit ejus occasione, vel sub ejus pretextu. Ideo confessor dicitur sollicitare occasione confessionis, si vocatus ad illam audiendam vel in Ecclesia, vel in domo pœnitentis, vel alibi, ipse hac occasione accepta, vel illam exhortatur ad differendam confessionem in aliud tempus, & interim eam sollicitet; vel ex quo hac occasione sumpta eam sollicitat, confessio non sequitur; vel quia pœnitens noluit amplius confiteri tali Confessario; vel quia sollicitationi consentiens, factusque indispositus, ut absolutionem accipiat, à confessione abstinet. Prætextu quoque confessionis fit sollicitatio, si Confessarius vocans pœnitentem ad confessionem, vel sub colore confessionis, eum sollicitat, etsi non sequatur confessio.

Hæc autem intelligenda esse de occasione proxima & de pretextu, ac simulatione, quæ immediate pendeat à loco, in quo auditur confessio, inquit post Freitam Diana *loc. cit. resol. 37.* & Bordonus *ibid. cap. 1. 23. n. 58.* At tenendum est, quòd intelliguntur respectu pœnitentis, si ipse occasione, vel pretextu confessionis sollicitatur. Ideoque si vocatus, ut domi confessionem Magdalene audiat, confessarius accedens, ea occasione, sibi oblata, sollicitet Martham, non comprehenditur in hac Constitutione. Quia non sollicitavit occasione, vel pretextu confessionis Marthæ sollicitatæ. Ac ita si Regularis, ut facilius obtineat licentiam egrediendi e Conventu, dicat, se velle egredi ad audiendum confessionem Magdalene infirmæ, & adeat postea domum Marthæ ut cum ea rem turpem habeat, eum non comprehendit sub hac Constitutione, aiunt Freitas, Diana & Bordonus locis allegatis.

Ratio autem vera est, quia, ut quis incurrat pœnas hujus Constitutionis necesse est, ut ille pœnitens sit sollicitatus, cujus confessionis occasione, vel pretextu facta est sollicitatio. Idque colligitur ex illa dictione, *hujusmodi.* Prius enim in illa damnantur, qui pœnitentem sollicitant in actu confessionis, & postea, qui occasione, vel pretextu confessionis hujusmodi sollicitant, ij scilicet, qui sollicitant pœnitentes occasione, vel pretextu eorum confessiones audiendi. Si itidem Sacerdos occasione confessionis audiat, cognoscens mulierem esse facilem ad faciendam sui copiam, ex hoc moveatur, ut post multum tempus à confessione audita, illam sollicitet, non comprehenditur in hac Constitutione, ut rectè docet Diana *pa. 4. resol. 7.* & Bordonus *cap. 23. n. 40.* Quia non sollicitavit sub colore, aut simulatione confessionis habendæ, sed per accidens ex confessione audita occasionem accepit sollicitandi extra confessionem. Quare in his casibus non committitur abusus sacramenti. Quia non datur abusus materiæ, vel formæ, vel confessionis sacramenti. Non enim irrogatur injuria sacramento, quòd aliquis per accidens accipiat occasionem male agendi extra Sacramentum. Sic etiam non censetur, quòd quis sollicitet occasione, vel pretextu confessionis, si mulier omnino extra confessionem, & confessionarium, ac sine aliqua simulatione, ac pretextu confessionis sollicitata nolit consentire, nisi confessarius promittat postea ejus confessionem audire, Quia in hoc casu solus consensus mulieris sollicitatæ dependet à confessione, non ut de præsentis, & actu, verè, vel per speciem habita, sed ut in futurum habenda post factum, Ita Bordonus *d. cap. 23. num. 41.*

S s At verò



At verò negari non potest, quin hoc in casu interveniat aliquis abusus Sacramenti; imò aliqualis ratio simoniæ, se obligare ad confessionem audiendam ex pacto, ut detur copula carnalis.

Quarta regula est. Inquisitores, ac locorum Ordinarii procedentes contra hujusmodi sollicitantes, tanquam contra suspectos de hæresi, quos culpabiles repperint, eos pro criminum qualitate ac circumstantiis puniant suspensione ab executione Ordinum, privatione beneficiorum, dignitatum, & officiorum quorumcunque, ac perpetuæ inhabilitatis ad illa, nec non privatione vocis activæ, & passivæ, si Regulares fuerint, pœna exilii, damnationis ad trirèmes, & carceris etiam in perpetuum absque spe gratiæ, aliisque pœnis. Eos quoque, si pro delicti qualitate graviores pœnas meruerint, debita præcedente degradatione Curia seculari puniendos tradunt.

Itaque pœnæ infligendæ sollicitantibus sunt Inquisitoribus arbitrariæ, ita tamen, ut juxta delicti qualitatem imponi possint, etiam gravissimæ, ac etiam traditionis Curia seculari. Plura igitur consideranda sunt ad regulandum hoc arbitrium, ut si Confessarius semel tantum, vel pluries sollicitaverit. Si marem, vel fœminam. Si monialem, vel Religiosum. Si mulierem honestam, vel impudicam. Si verbis, vel etiam vi. Si ad actus turpissimos, vel minus turpes, aut solum ad osculum, & tactus. Si sollicitatio obrinuit, vel non obrinuit effectum. Si in Confessionario, vel in actu Confessionis turpia executioni demandata. Si confessarius actus, ad quos sollicitavit, non esse peccata docuerit. Si, ut effectum consequatur, medicamenta inducentia somnum, vel alienationem sensuum, vel sterilitatem adhibuerit, vel etiam maleficiis usus fuerit, & ex istis damnum, vel etiam mortem intulerit, aliæque hujusmodi, ex quibus delictum, vel minui, vel augeri contigerit, atque a deo mitior, vel gravior pœna infligi debeat, attenta etiam consuetudine, & praxi Tribunalis Inquisitionis & considerato etiam, an delictum sit, an ne plenè probatum.

Ex recensitis autem pœnis, suspensio ab audiendis confessionibus regulariter omnibus imponitur, at non semper perpetua, sed aliquando imponitur ad tempus certum, vel arbitrarium, maxime si reus de delicto non sit plenè convictus, aut confessus. Sicut & aliquando suspenditur ab audiendis confessionibus mulierum tantum. Plerumque etiam Regulares puniuntur exilio, & mandatur eorum superioribus ne collocent illos in locis, in quibus deliquerunt. Si verò crimen sit valde grave, damnantur ad trirèmes, ut si sollicitatio sit completa cum mare, idque vel in perpetuum, vel ad tempus juxta delicti qualitatem. Regulares item puniri privatione præcedentiæ, & ut teneant ultimum locum in Choro, aliisque locis, ac etiam ut eorum sententia legatur iterum in eorum Conventibus coram omnibus Religiosis, ait Castropal. d. rr. 4. disp. 9. sect. 11. n. 2. cui subdit Carena p. 2. tit. 6. n. 8. quod mandatur etiam, ut sententia legatur in proximo Capitulo generali, additque Castropalaus, quod si sollicitatio fuerit plurium pœnitentium, & Religiosus cum illis turpitudines graves commiserit, post lectam sententiam, ab omnibus Religiosis flagelleretur. At Delbene d. dub. 237. sect. 14. n. 18. non censet improbabilem sententiam Bordoni cap. 23. q. 58. n. 114. existimantis, non posse præcipi: ut hujusmodi sententia legatur in Capitulo generali. Quia nullibi Inquisitoribus concessum est jus in Capitulo generali Religiosorum, & pariter volentis, quod Inquisitores non possint Religiosum privare loco suæ præcedentiæ. Quia in Constitu-

tione Gregorii XV. hæc pœna non exprimitur.

Verum ubi est quæstio de potestate Inquisitorum, certum est, illos has, atque alias pœnas, posse pro delictis contra fidem imponere, & in Constitutione Gregorii XV. aperte continetur, quod Inquisitores possunt punire hujusmodi delinquentes aliis pœnis, præter memoratas in dicta Constitutione. Si autem possunt eos privare voce activæ, beneficiis, & officiis, multò magis possunt illos punire minoribus pœnis, aliàs enim concernentibus causas fidei & Capitula generalia, & Religionis Judices Inquisitoribus subijciuntur.

Quod verò ad factum, observandum est in casibus singularibus quid expediat. Nam, cum pro hoc crimine, si sit grave, imponantur graves pœnæ, privationis vocis activæ & passivæ, ac officiorum & dignitatum, imò & carceris, etiam perpetui, ac trirémium, quæ palam executioni mandantur, hæc sufficiunt ad aliorum exemplum, ut timorem illis incutiant. Si verò in aliqua Religione nimis frequens esset hoc crimen posset imponi, ut legatur sententia, etiam in Conventibus. Id semper utilius erit ad aliorum exemplum imponere pœnas graviores, quoad fieri potest. Nam si alias pœnæ sint leves, lectio sententiæ parum proderit, imò damnum poterit inferre. Pœnam verò privationis præcedentiæ in sedendo, loquendo posse multum valere & pro corrigendo delincente & pro incutiendo timore aliis, manifestum est iis, qui sciunt quantihæc præcedentia æstimetur inter Religiosos.

Inquiunt etiam Castropalaus d. sect. 11. n. 3. ac Delbene cit. sect. 14. n. 21. quod si reus ante duorum testium depositionem sponte se deferat, in carcerem secretum non includitur, sed lite contestata, & causa conclusa, abjurat, & ab audiendis Confessionibus suspenditur, aliisque pœnis ulterius etiam si pluries sollicitaverit, non afficitur. Quod si semel tantum sollicitaverit, & ante ullius testis depositionem se detulerit, graviter reprehenditur, & ulterius non punitur. Idemque fit in casu, quo mulieres sollicitatæ negent se fuisse sollicitatas.

At verò dicendum est, quod etiam si Confessarius se deferat, si hoc facit, postquam etiam semel fuerit denunciatus, proceditur contra illum, prout de jure. Si autem omnino sponte comparuit, abjurat de vehementi, & si casus sit gravis aliquando medianibus suis superioribus removeri potest à loco commissi delicti, injuncto eisdem superioribus ut de loco habitationis certiores reddant S. Congregationem, & nullatenus ei concedatur licentia audiendi confessiones. Hæc enim arbitraria sunt S. Congregationi.

Quando autem, & quomodo torquendus qui negat sollicitationem. Quomodo torquendus super intentione, & quomodo abjuret, jam diximus suo loco.

Quinta regula est. Ne delictum tam enorme, & quod est difficilis probationis ex defectu probationis maneat impunitum, datur facultas Eminentissimis Sanctæ Romanæ Ecclesiæ Cardinalibus, generalibus Inquisitoribus, ut arbitrio suo judicent, an hoc delictum testibus singularibus, concurrentibus præsumptionibus, indiciis, & aliis adminiculis, sit probatum, etiam ad effectum tradendi eum brachio seculari.

Circa hanc regulam animadvertendum est primò, quod cum delictum sollicitationis sit enorme, nec possit probari, nisi per testes singulares, & plerumque nisi per mulieres, aut mares minores, ideo etiam ad effectum damnandi reum in pœnam ordinariam, probari potest per testes singulares, etiam mulieres, aut mares minores, accedentibus aliis præsumptionibus,



præsumptionibus, indiis, aut conjecturis, ut per Param. lib. 4. q. 10. n. 140. Sanctarel. cap. 44. dub. un. concl. 3. n. 4. Ricc. p. 2. resol. 440. Zanard. tom. 2. cap. 111. Peyr. fo. 2. ad Constit. Gregorii XV. §. 7. n. 21. Caren. p. 2. tr. 6. n. 51. Suar. to. 4. de pœnit. disp. 31. §. 8. n. 1. ac Delbene d. dub. 237. sect. 14. n. 2.

Secundò est animadvertendum, quòd hujusmodi testes, aliàs de jure inhabiles, non sunt omni exceptione majores, sed admittuntur cum suis imperfectionibus, & ut imperfecti, eorumque imperfectio supplenda est vel ex magna eorum multitudine, vel ex concursu aliarum præsumptionum, indiciorum, & conjecturarum. Imò Delbene loc. cit. petit. 1. n. 4. existimat, quòd ne horum quidem imperfectio suppleri possit ex ipsorum numero, nisi concurrant alia adminicula, indicia, & præsumptiones. Quod probat ex Constitutione Gregorii XV, ponderando verba illa *concurrentibus indiis*, &c. Verbum enim *concurrentibus*, quod est ablativi absoluti importat conditionem L. si debitor §. 1. ff. quib. mod. pign. vel hypot. solu. Bartol. in l. 1. q. 3. ff. de cond. & demonstr. Ludovis. dec. 492. n. 7. aliique communiter. Deficiente autem conditione deficit concessio l. Marius & l. qui heredi ff. de cond. & demonstr. Necesse igitur est, quòd cum testibus singularibus simul concurrant alia adminicula, indicia, & præsumptiones. Quod probatur ex dictione &, ibi & *concurrentibus*, quæ requirit concursum copulativum, Rota dec. 115. n. 8. p. 1. divers. Attamen dicunt, quòd numerus testium potest esse talis, ac tantus, quòd secum ferat indicium ac præsumptionem sufficientem ad hoc, ut Judex vincatur, & judicet delictum esse plenè probatum.

Animadvertendum tertio est, an testes præter inhabilitatem, quam habent de jure communi ex singularitate, & sexu, sint ex alia ratione inhabiles. Atque ideo, quòd non sit admittendum testimonium meretricum, aut vilium feminarum ex Paramo, Soufa, Acugna, & Freita, tradit Delbene loc. cit. n. 7. Quia testes singulares admissi, debent saltem esse idonei: quòd verum est ad effectum convincendi reum; ut per Sanctarel. cap. 44. n. 6. & Caren. d. tit. 6. n. 60. Meretricibus autem difficilius creditur, ideoque ubi hujusmodi mulieres malæ famæ denunciant, S. Officium debet denunciationes recipere, sed non ideo sunt confessarii vocandi, sed expectandum est, ut alia superveniant indicia, ut per Carenam loc. cit. n. 54.

Fœminam tamen, quæ sollicitationi consensit, estque sociâ criminis, esse testem sufficientem, neque hanc exceptionem posse illi opponi, vult idem Caren. n. 56. Moveretur, quia hujusmodi fœminæ ex decretis S. Congregationis tenentur denunciare Confessarium; ita tamen, quòd earum consensus non scribatur in actis. At responderetur, quòd id factum est non ad præbendum majorem vim earum testimonio, quam sit illa, quæ competit de jure, sed ad consulendum honori denunciantium, & ut non retrahantur à denunciando ex eo prætextu, quòd non teneantur denunciare proprium delictum, cum non possit negari, quin inferatur præjudicium illatum honori, si earum delictum maneat scriptum in actis. Nec sumus in casu, in quo delictum non potest per se probari, nisi per consocium, quia id non comprobatur, nisi ubi delictum non potest committi, nisi secreto, & cum socio. In nostro autem casu per accidens omnino est, quòd fœmina sollicitata consenserit, ac proinde hoc delictum per se potest probari à non socio. Ideoque tandem fateatur idem Caren. quòd hoc habet magnam difficultatem. Et quidem dicendum est, quòd, nisi adsint alia indi-

cia sufficientia testis socius criminis non sufficit ad convincendum.

Ex quibus colligitur primò, quòd unica mulier denuncians confessarium de sollicitatione, non probat semiplenè, & ideo non facit indicium ad torturam, imò neque ad carcerationem. Quia non est testis omni exceptione major. Ad torturam autem dandam requiritur, quòd delictum sit semiplenum ac probatum. Eadem ratione unius mulieris testimonium non sufficit ad carcerationem, eoque magis quia carceratio in S. Officio infert infamiam, ut per Rotam apud Casarem de Grassis dec. 184. n. 4. Et in dubio, stante pari qualitate, confessarius prævalet fœminæ pœnitenti, Royas de heres. p. 2. n. 32. Simanch. de cathol. instit. tit. 16. n. 2. Caren. fuisse id probans contra Canterum d. tit. 6. n. 69. & n. 64. aliique communiter. Sufficit tamen unus testis, adjuncta mala fama confessarii, vel si reus, aliàs suspectus, aut pro hoc delicto aliàs punitus fuit in S. Officio, vel adsint alia indicia, aut præsumptiones, ut tradunt Doctores citati, aliique promiscuè, quorum plures refert Delbene d. sect. 14. petit. 1. n. 18.

Deinde colligitur, quòd ne duæ quidem mulieres honestæ plenè probant sollicitationem, quia neutra est testis omni exceptione major, & neutra semiplenè probat, Sanctarel. de heres. d. cap. 44. n. 6. Peyrin. ad Constit. Gregorii XV. §. 7. n. 13. Caren. d. tit. 6. n. 59. ac Delbene de petit. 1. n. 107. Quicquid in contrarium dixerint Paramus lib. 3. q. 10. n. 152. aliique nonnulli. Cum verò aliqui existiment ad plenam hujus delicti probationem sufficere tres mulieres fide dignas, alii dicant, requiri saltem quatuor, alii majorem numerum, res hæc arbitraria est Judici, & nisi dicta harum mulierum sint adminiculata, aliis indiis, ac præsumptionibus, cum aliàs ipsæ sint mulieres, & singulares, ex solo paucorum earum numero, non suppletur earum defectus, maxime cum de jure communi ex testibus singularibus non consurgat plena probatio, ut per Farinac. in prax. q. 64. n. 59. cumque in S. Officio non publicentur nomina testium, necesse est, quòd probationes ipsæ de se sint certiores, & clariores.

Denique. Animadvertendum est, quòd in hac Constitutione Gregorii XV. non habilitantur magis testes singulares, ut admittantur in S. Officio, quam sint habilitati ex jure antiquis ejusdem S. Tribunalis; sed Pontifex supponens de jure testes singulares, præsertim in materia sollicitationis esse admittendos, sciens verò, dubium esse, quando probent, & judicium in hoc dubio esse apud Judicem, simulque considerans facile posse contingere, ut si maxima animadversione non observarentur qualitates denunciatorum, ac denunciantium, aliæque circumstantiæ, fieret præjudicium veritati, ac justitiæ, hoc judicium reservavit Eminentissimis Cardinalibus, generalibus Inquisitoribus. Ideoque inferiores Inquisitores receptas denunciations contra sollicitantes ad S. Congregationem transmittere debent, ejusque mandatum expectare, antequam ad ulteriora procedant; quia illorum non est judicare, an delictum per testes singulares sit sufficienter probatum vel ad carcerationem, vel ad torturam, vel ad condemnationem. Ut tamen edoceant, certioresque faciant Eminentissimos Patres, poterunt prius examinare testes circa indicia, conjecturas, & præsumptiones, quemadmodum etiam tenentur investigare qualitates Confessarii, ac mulierum, & marium sollicitatorum, cujus famæ sint, an denunciantes sponte venerint, an coacti, an moniti à Confessariis, & an adsint alia indicia, & quæ, ac quomodo probata,



proba, & alia huiusmodi, quæ necessaria sunt ad dirigendum arbitrium S. Congregationis.

Sexta regula est. Confessarii quos noverint fuisse ab aliis sollicitatos ad turpia, vel habuisse cum pœnitentibus tractatus inhonestos, tenentur monere de obligatione denunciandi. Iudicibus fidei sollicitantes, aut tractantes. Quod si hoc officium prætermiserint, aut docuerint, eos non teneri ad illos denunciandum, Ordinarii, vel Inquisitores eos punire non negligant.

In hoc autem Pontifex non imponit pœnitentibus obligationem deponendi Confessarios sollicitantes, sed illam supponit. Solùm enim mandat Confessariis, ut pœnitentes sollicitatos inoneant de obligatione denunciandi sollicitantes. Hanc igitur obligationem non inducit, sed supponit. Extrat autem hæc obligatio in edictis S. Congregationis S. Officii, & Inquisitorum, non ex peculiari statuto huius Constitutionis, quicquid contra firmet Carena d. p. 2. tr. 6. n. 127. Huiusmodi autem edicta vim legis perpetuæ habent; quod præcipue certum est de edicto edito à S. Congregatione Universalis Inquisitionis sub die. 3. Januarii 1623. Aliud non abimile edidit eadem S. Congregatio sub die 10. Martii 1666. ac alibi sæpe, cuius exemplar suo loco adduximus, in quo tamen assignat terminum unius mensis ad denunciandum. Quod pariter vim habet legis perpetuæ. Nam hæc edicta procedunt à Tribunali perpetuo per modum legis usque ad promulgationem novorum edictorum, ut per Suarez de fide disp. 20. sect. 4. n. 11. Peyr. ad Constit. 9. Pauli V. §. 2. n. 27. Dianam p. 4. tr. 5. resol. 41. Fagundez de præc. Eccles. p. 2. lib. 4. cap. 3. n. 31. Leander d. disp. 13. q. 59. ac Delbene d. dub. 237. sect. 13. petit. 5. n. 8.

Terminus autem dierum datus ad denunciandum, non est datus, tanquam terminus obligationis ad denunciandum, quo finito, cesset obligatio, sed ut denuntiatio ultra illum non differatur. Ideoque hic terminus ita currit è momento ad momentum, ut tamen nec ignorantia, neque impedito currit. Incipit verò à die notitiæ edicti, ac hæresis, vel sollicitationis, aut criminis de hæresi suspecti. Quòd autem ad ignorantem edictum aut crimen hæreticale incipit à die notitiæ supervenientis, & quoad impeditum incipit etiam à die cessantis impedimenti. Impedimentum enim legitimum æquivalens ignorantia, & quia pœna excommunicationis gravissima non imponitur, nisi in contumacem. Non est autem dicendus contumax, qui si cessante legitimo impedimento statim non denunciat, sed si non denunciat in termino assignato, ut per Dianam d. resol. 41. & post Freitam tradit Delbene ubi supra n. 4. Leander d. disp. 13. q. 56. Trullench lib. 1. in decal. cap. 3. dub. 18. n. 14. Quamvis possit contingere, quòd aliquis teneatur denunciare priusquam finiat terminus, ut si ex dilatione timeatur damnum publicum, vel fuga confessarii, qui alibi quoque nociturus est. Vel si quis prævideat quòd, si non præveniat terminum, habitum est impedimentum ad denunciandum, Leander d. q. 60. ac Delbene ibid. n. 6. Qui autem in termino non denunciat, unicam excommunicationem incurrit, etsi peccet toties, quoties potest denunciare, & non denunciat. Quia excommunicatio lata est contra non denunciantes in termino statuto, non autem contra non denunciantes toties quoties possunt, ac debent.

Hæc autem edicta universalis sunt, tam pro obligatione denunciandi, quam pro personis delinquentibus, quæ denunciari debent. Quisquis igitur ille sit, & cuiusvis dignitatis, status, gradus, & conditionis, qui sciat, vel notitiam habeat alicujus delinquentis ex nominatis in eiusmodi edictis, debet illum denunciare S. Officio, vel loci Ordinario. In hoc autem est speciale decretum Alexandri VII. emanarum sub die 8. Julii 1660. obligans Regulares ad hanc denunciationem,

Et quamquam Simanchas de cath. instr. tit. 39. n. 37. post Abulensem q. 3. in cap. 13. Decr. senserit, quòd filius non teneatur denunciare patrem hæreticum, & alii voluerint, quòd uxor non teneatur denunciare maritum, cui opinioni favet Genuensis in pr. cap. 18. n. 9. & Gutier. Canon. q. lib. 1. cap. 11. n. 57. de quo nos suo loco, communis tamen ac vera sententia tenet contrarium. Eam præ ceteris tenent Pegna in Direct. p. 2. com. 15. lit. B. Paramus lib. 3. q. 8. n. 83. Farinac. de hæres. q. 197. n. 40. Suarez de fide disp. 20. sect. 4. n. 21. Sanctarel. de hæres. cap. 9. n. 14. Diana p. 1. tr. 4. resol. 4. Carena p. 2. tr. 9. n. 10. & apud eum Zuhius, & Cantera. Neque in hoc filius sibi præjudicat, quia filius denunciatus patrem hæreticum evadit omnes pœnas prolatas in filios hæreticorum, ut per Pegnam d. com. 15. Sanctarel. loc. cit. n. 15. Suarez d. sect. 4. n. 22. & Carena d. tit. 5. n. 11. de quo etiam & nos alibi. Non esse autem in hoc eandem rationem de hæretico, ac de suspecto de hæresi, quia ex doctrina Panormitani in cap. inter sollicitudines n. 6. de purg. Canon. dispositio loquens de hæreticis, non habet locum in suspectis de hæresi, tradit Riccius de jur. person. lib. 5. cap. 19. n. 27. & Sanctarel. cap. 33. n. 6. & ideo quòd nec filius patrem neque uxor virum, de hæresi dumtaxat suspectum teneatur denunciare, aliqui tenent. Quod probabile putat Carena d. tit. 9. n. 13. est oppositum iudicet esse verius ex generalitate verborum quibus loquuntur edicta, allegans ad id zanchium, Lazarium, & Binsfeldium.

Ex parte verò denunciandorum pariter edicta generaliter loquuntur. Est tamen observandum, quòd in edictis generalibus editis à supremis Inquisitoribus nomine Inquisitorum, aut S. Officii comprehenditur multò magis supremum Tribunal, & nomine Ordinarii multò magis comprehenditur summus Pontifex. Et ideo satisfacit edicto etiam particulari Inquisitorum, qui denunciat huiusmodi delinquentes supremo Tribunali. Imò si quis sit extra diocesim, non est necesse, quòd addi diocesim, in qua est delinquens accedat, sed sufficit, si denunciet coram Inquisitore, aut Ordinario illius diocesis, in qua reperitur. Hoc enim sufficit ut Sacro Tribunali delictum innotescat.

Ideoque dum quaeritur, an denunciandi sint Episcopi, vel Legati à Latere, aut Nuncii, aut Officiales Papæ, aut Inquisitores hæretici, vel de fide suspecti, contra quos procedere non possunt Inquisitores inferiores, licet denunciationes contra illos possint recipere, respondetur, quòd denunciandi sunt. Et quamvis Leander d. disp. 13. q. 30. & 51. ac Delbene d. dub. 1237. sect. 12. n. 5. ac seq. dicant, hos non esse denunciandos Inquisitoribus inferioribus, id tamen non admittitur. Quia si nō possunt, vel nolunt eos immediate denunciare supremo Tribunali, tenentur eos denunciare Inquisitoribus, vel locorum Ordinariis, ut delictum innotescat S. Officio. Et quia obligatio denunciandi non requirit in Iudice, nisi facultatem recipiendi denunciations juridicas. Hoc enim sufficit, ut delictum Sacro Tribunali innotescat, ut postea secundum ejus leges contra delinquentem procedatur.

Non esse autem denunciandos sollicitantes, nisi de delicto sint infamati, existimantur plures, quos referunt Diana d. p. tr. 4. resol. 1. Leander d. disp. 13. q. 5. ac Delb. loc. cit. sect. 13. n. 6. Verum hæretici, quo magis sunt occulti, eo peiores sunt. Hinc solennitas infamiae non amplius requiritur, maxime in S. Officio, in quo ex simplici denunciatione proceditur contra delinquentes. Quod puritas fidei, ac Reipublicæ bonum postulat, ne semina hæresum occultè serpent. Et ideo hæretici, ac de hæresi suspecti etiam occulti denunciandi sunt, atque adeo sollicitantes, licet non sint de delicto diffamati, Carena d. tit. 6. n. 127. Suarez de fide disp. 20. sect. 4. n. 7. Peyr. ad d. const. 9. Pauli V. §. 2. n. 25. & alii bene multi, quos refert, ac sequitur Leander d. disp.



13. q. 5. Diana d. p. 1. tr. 5. resol. 1. ac Delbene d. dub. 237. sect. 13. n. 6.

Ideoque denunciari etiam debet delinquens in materia fidei, & qui sollicitavit ad turpia juxta superius explicata, non obitante, quod qui hujus criminis est conscius, illud sciat sub obligatione secreti naturalis. Quia contra bonum publicum & in damnum sacramenti Pœnitentiæ, & accedentium ad illud est, quod sollicitantes hujusmodi non arceantur ab audiendis confessionibus, & non puniantur, ut per Carenam d. tr. 6. n. 223. Castropal. d. tr. 4. disp. 3. p. 10. n. 5. Dian. p. 1. tr. 4. resol. 14. & p. 4. tr. 15. resol. 32. Leand. d. disp. 13. q. 45. ac Delbene d. sect. 13. n. 8. Ubi quod verum est, etiam si secretum sit juratum. Quod multò magis postea comprobatur, si denunciandus sit hæreticus.

Limitant tamen hoc aliqui, ut non teneatur denunciare sollicitantem vir doctus, cui consilii petendi causa sollicitatio fuit manifestata. Nam alias hæc obligatio cederet in præjudicium boni communis. Fideles enim non auderent consilium petere. Id fundatur in d. decreto Alexandri VII. sub 8. Julii 1660. quod Regulares, à quibus consilium petitur circa obligationem denunciandi, obligat solum ad hoc, ut moneant, & obligent ad denunciandum, ibi: *At propterea eosdem debere omnes, & quoscunque etiam alios, à se consilium, ut supra petentes, mone- re, & obligare ad denunciandum.* Ac ita, quod in hoc vir doctus, à quo consilium petitur, non teneatur denunciare sollicitationem cognitam, tradit Leander d. q. 45. post Trullench. lib. 1. in decal. cap. 3. d. dub. 18. n. 90. Trimarch. disp. 6. sect. 1. & 2. & Hurtad. disp. 2. difficult. 3.

Opinio autem illorum, qui asserebant, præmittendam esse correctionem fraternam, antequam delinquens in materia fidei denunciatur, damnata est ab Alexandro VII. in eodem decreto sub 8. Julii 1660.

Ex hoc autem deduci videtur, quod etiam emendatus debeat denunciari. Nam ideo videbatur, quod præcedere deberet correctio, quia sperari poterat emendatio. Si igitur emendatus non deberet denunciari, præcedere deberet correctio, quæ, si præcedere non debet, videtur, quod nec emendatio excuset. Sed consequentia non valet, quia non satis est spes emendationis. Et propterea multorum sententia est, quod non sit necesse denunciare sollicitantem, quem constat esse emendatum, pro qua Leander d. disp. 13. citat viginti sex Doctores. Sed ex illis plures scripserunt longè ante recentiora decreta Pontificum, & loquuti sunt de obligatione denunciandi, quæ ex lege naturali, ac divina, non autem de illa, quæ oritur ex Edictis S. Officii. Ratio verò huius opinionis, quæ est, quod finis legis, obliantis ad denunciationem, est correctio, & emendatio delinquentis, non probat, nisi in foro animæ, vel in extrajudiciali iudicio, atque in correctione fraterna, quæ solam salutem delinquentis maximè intendit. At forum judiciale intendit bonum publicum, ac impedire ac punire delicta, & per delictorum punitionem incutere timorem, non modò delinquenti, sed aliis omniibus. In delicto autem sollicitationis intendit impedire abusu sacramenti pœnitentiæ, ac præsertim ne qui sollicitavit unam, alias mulieres sollicitet, neve alii tam horrendum crimen committant.

Qua etiam in re considerandum est, quod non ita facile constare potest de vera emendatione hæretici, vel suspecti de hæresi, cum tales sæpissime correctionem fingant, vel ut magis magisque noceant, vel ut pœnas fori exterioris evadant. Nec simplex emendatio sufficit, sed requiritur perseverans, & constans, & ut talis comprobata. Nam aliter non tollitur periculum, ne sollicitans iterum delinquat. Ideo non juvat

Tom. I.

dicere cum Genuensi in pr. d. cap. 18. n. 6. Diana d. p. 1. tr. 4. resol. 3. ac Leandro d. disp. 13. q. 8. illum censi emendatum, qui consequutus est aliquod Jubilæum, vel cum Felino in cap. testimonium de testib. & cum eodem Leandro, illum quoque censi emendatum, qui ad Sacramentum pœnitentiæ accessit. Nam experimento compertum est, pœnitentes, & confessos sæpius recidere in eadem peccata ex humana fragilitate. Unde ex confessione, vel communione, ac Jubilæo suscepto forum exteriorum non iudicat sublatum periculum relapsus, nisi per gravem pœnam inculso timore, qui, tanquam frænum coerceat delinquentes, ne iterum, atque iterum peccent.

Pariter si contingat, quod mulier sollicitata, Confessario qui illam sollicitavit, confessa fuerit tertio, vel quarto, & nullum signum libidinosi animi cognoverit, est aliquale signum emendationis; sed tamen non est sufficiens, quamvis ex Soufa, Diana, & Trullench. illud, ut sufficiens, referat Leander d. q. 8. Nam potest id evenire ex eo, quia Confessario fuerit sublata omnis spes ex constanti mulieris repulsa, quam tulit, quando prius illam sollicitavit, & quod interim alias pœnitentes sollicitet.

Fateor, quod perseverantia in vita honesta per longum tempus ut per triennium, sit signum emendationis, ut ex Freita, Rivio, Farinacio, & Alciato tradit Leander d. q. 8. sed quomodo constare poterit alicui, quod confessarius, qui semel aliquam sollicitavit, nullam aliam per triennium sollicitaverit, cum hoc crimen occultissime patretur? Solum potest haberi aliqua conjectura ex eo, quod nihil contra talem confessarium fuerit auditum. Quod sanè non evenisset, si alias sollicitasset. Verisimile enim est, quod si hoc fuisset, ab aliqua fuisset denunciatus. Sed hoc nequit ei suffragari, qui scit sollicitationem ante longum tempus; quia solum pauci dies conceduntur pro termino ad denunciandum.

Quapropter aliorum sententia est, quod sit obligatio denunciandi, etiam emendatum. Eam, præter antiquos, qui loquuti sunt de hæretico denunciando, tradit Suarez de fide disp. 20. sect. 4. n. 13. Quia hæretici fingunt se emendatos; & quia fortasse dogmatizarunt, & infecerunt alios; & quia forsitan ab aliis fuerint infecti. Est autem necesse, ut hæc innotescant iudicibus fidei; illanque in hac specie sollicitationis tenent Carena d. p. 2. 6. n. 128. & tr. 9. n. 29. ubi tamen oppositam sententiam indicant non carere probabilitate, Diana d. p. 1. tr. 4. resol. 8. Delbene d. dub. 237. sect. 13. petit. 2. n. 5. Castropal. d. tr. 4. disp. 19. p. 10. n. 1. At de his, aliisque hujusmodi suo loco sit dictum.

Non autem excusatur à denunciando in causa fidei, qui non potest probare; quia denunciatus probare non tenetur. Et in Sacro Tribunali etiam ex testibus singularibus proceditur contra hæreticum, vel de hæresi suspectum.

Neque excusatur mulier sollicitata, ex quo consenserit sollicitationi, sitque veluti tocia criminis. Hanc enim reneri denunciare, quamvis non teneatur dicere, se consensisse, & si hoc dicat, id non esse in actis scribendum, habetur ex decreto S. Congregationis Universalis Inquisitionis jussu fel. rec. Urbani VIII quod ex Barriola refert Carena p. 2. tr. 6. n. 57. Non est tamen eadem ratio de hoc delicto ac de aliis delictis ad S. Officium spectantibus. Nam vigore dicti decreti S. Officium non vult cognoscere de delicto mulieris, sollicitationi consentientis; imò non vult, quod de hoc consensu habeatur aliqua ratio, sed vult, quod non referatur in acta, atque adeo, quod de illo non habeatur consideratio, ac si non fuisset; sicque mulier consentiens nulli alii periculo se exponit nisi quod ejus delictum innotescat Inquisitori, ac Notario, si Confessarius id revelet.

Ss 3 vel ipsa



vel ipsa id confiteri velit, absque eo tamen, quod id scribatur in actis, & absque eo, quod Judex possit de hoc reum, vel ipsam denunciantem interrogare tanquam de re non spectante ad S. Officium, sed ubi complex in delicto hæresis, vel suspicionis de hæresi puniendus est in S. Officio, non tenetur alium complicem denunciare. Nam hoc nequit fieri, nisi simul delinquens, socius criminis denunciaret seipsum, ad quod non obligatur, ut suo loco diximus.

An autem hæreticum, vel suspectum de hæresi teneatur denunciare, qui certo scit illum ab alio denunciatum fuisse in S. Officio; & an mulier sollicitata teneatur denunciare sacerdotem sollicitantem, quando certo scit, illum sponte comparuisse in S. Officio, & proprium delictum confessum fuisse, legatur Trasmiera de denunciationibus *quæst.* 3. *cap.* 2. *n.* 3. de quo & nos alibi. In partibus autem Infidelium, ubi non servatur decretum S. Officii, absolventur pœnitentes sollicitati, si renuant denunciare sollicitantem.

Denique ab excommunicatione denunciandi excusatur metus cadens in constantem virum. Quia hæc obligatio, quatenus est ex lege positiva, non obligat cum periculo damni gravis, cujus timor cadat in constantem virum. Ita videtur sentire Pegna in *direct.* p. 2. q. 53. *con.* 78 ac docent Sanchez *lib.* 4. de *matr. disp.* 4. *n.* 9. Sanctarell. de *hæres.* *cap.* 9. *n.* 16. Peyr. ad *Constit.* 4. Gregorii XV. §. 9. *n.* 28. Diana p. 1. *tr.* 4. *resol.* 7. & p. 4. *tr.* 5. *resol.* 36. & signatè *resol.* 19. Scaccia de *judic.* *cap.* 56. *n.* 24. Farinac. q. 197. *n.* 53. Trullench. *lib.* 4. in *decal.* *cap.* 3. *disp.* 18. *n.* 86. Leander, alios referens d. *disp.* 13. q. 44. ac Delbene *disp.* 13. *perit.* 10.

Diximus autem, quatenus obligatio est ex lege positiva. Nam ubi fit sermo de hæretico, & simul in casu talis necessitatis, in quo lex divina obliget intuitu boni communis ad denunciandum etiam cum gravi periculo, non excusatur metus cadens in virum constantem. Ideoque distinguendum est inter denunciationem hæretici, ac suspecti de hæresi, maxime ubi suspicio est ex juris fictione, ac præsumptione. Propterea Carena d. *tit.* 9. *n.* 34. non excusatur ab obligatione denunciandi ratione metus, si agatur de hæretico formali dogmatizante in perniciem Reipublicæ. Tunc enim intrat obligatio ex jure divino. Excusatur verò, si agatur de suspecto de hæresi. At ego subjungo, quod etiam ubi suspicio est naturalis, sive ex natura actus, estque gravis, potest esse, quod subintraret obligatio divini juris. Et ideo melius universim dicitur, quod metus excusatur ab hac obligatione, quatenus est ex jure positivo, non autem quatenus est ex jure divino, obligante etiam cum periculo damni gravis.

Sed quid, si cum minis fœmina sollicitet Confessarium, & ille consentiat? Ut si mulier vocans Confessarium prætextu confessionis, illi accedenti dicat, se nolle confiteri, & confessorem invitet ad turpia, illique minetur, quod si non consentiat, clamabit, & dicet sibi vim inferri à Confessario. Hunc non esse metum cadentem in virum constantem ex Peyrino ad *Constit.* 4. Gregorii XV. §. 3. *n.* 9. ait Carena d. *tit.* 6. *n.* 69. Quia ex tali clamore non potest probabiliter timere aliquod damnum.

At verò licet dari possit casus, in quo Confessarius non possit probabiliter timere damnum, quia prudenter possit aliquo modo clamorem impedire, vel quia mulier non sit talis, cui competat id facere, negari tamen non potest, quin ex tali clamore, si fieret, grave damnum immineret Confessario, attempta præsertim qualitate mulieris, ac illius parentum. Sed ponamus, quod mulier sit potens, ac minetur verbera, vulnera, mortem, ac, spectatis cir-

cumstantiis, prudenter timeri possit ac debeat, quod illa minas exequutura sit; In hoc casu existimat Delbene d. *dub.* 237. *sect.* 13. *perit.* 10. *n.* 3. Confessorem non esse denunciandum. Quia, si turpes sermones habet cum muliere, illos habet sollicitatus, non sollicitans, & in hoc Confessarius potius passivè se habet. Et quia durum est asserere, quod mulier, quæ induxit Confessarium, fuitque mali causa, teneatur postea illum Judici denunciare. Quare *ibidem* *n.* 8. judicat non omnino improbabile cum Freita de *confess. sollicit.* q. 11. *n.* 36. quod Confessarius in hoc casu nedum sit denunciandus, sed quod neque puniri possit per S. Officium, cum non sit de ejus foro.

Hoc tamen ultimum nullo modo admittendum est. Nam manifestum est, quod Confessarius prætextu confessionis committens turpia, vel illis consentiens, abutitur Sacramento pœnitentiæ, ac delinquit in Constitutionem Gregorii XV. Et licet metus, cadens in constantem virum minuat quodammodo rationem culpæ, à culpa tamen gravi non excusatur, *cap. Sacris de iis, qua vi*, & docent D. Thomas 1. 2. q. 6. & cum eo Theologi omnes, atque adeo non excusatur ab omni pœna, at proinde mitius reus est puniendus. Quare denunciandus, ut puniatur ex Carena d. *tit.* 6. *n.* 95.

An autem hic Confessarius abjurare debeat, negat Soufa *lib.* 1. *aphor.* *cap.* 34. *n.* 28. & de *confessor. sollicit.* *cap.* 17. *n.* 8. Affirmat Carena *loc. cit.* *n.* 99. Quia qui coactus apostatar à fide sub conditione, abjurat de vehementi, vel de levi, cum, ea coactione remota, abjurare deberet de formali. At non est eadem ratio de apostata à fide, qui extrinsecus est infidelis formalis, & plusquam hæreticus, ac de sollicitante qui solum est de fide suspectus, suspicionem quidem, ac præsumptionem juris. Ubi autem constat de coactione per metum, cessat juris præsumptio. Quare considerandum relinquo sapientissimis Inquisitoribus, an cogendus sit abjurare, etiam de levi.

Quid autem, si absque verbali sollicitatione, pœnitens inter confitendum opprimatur somno, vel morbo, & Confessarius cum illo, sic sensibus destituito, turpes actus habeat? Non esse improbabile quod Confessarius non sit denunciandus, etiam si ipse medicinam, vel maleficia ad hoc adhibuerit, si tamen pœnitens penitus habeat sensus ligatos, ait Delbene d. *dub.* 237. *sect.* 13. *perit.* 11. Tum quia in utroque casu pœnitens est incapax tentationis, non secus ac si esset lapideus, & sic confessarius non est sollicitator, sed tentator. Et tum quia tam primus, quam secundus casus est rarus. Leges autem accomodantur ad ea, quæ frequentius accidunt, l. *nam ad ea ff. de leg.*

At contrarium in utroque casu tenendum omnino est cum Leandro d. *disp.* 13. q. 33. Escobar de *confess. sollicit.* p. 4. q. §. 4. 2. *n.* 29. idque non per extensionem legis, sed per comprehensionem. Nam Pius IV. cujus Constitutionem confirmat Gregorius XV. ac extendit etiam ad verba, & tractatus inhonestos, habitos etiam occasione, ac prætextu confessionis, habet pro suspectis de hæresi Confessarios abutentes Sacramento pœnitentiæ ad turpia, & qui cum pœnitente habent actus inhonestos, cum illa tractat facto, quod pejus est, quam verbo. Unde certum est, hoc delictum in utroque casu pertinere ad S. Officium. Quia non minus de hæresi suspectus est, qui facto tractat turpia occasione confessionis, quam si solo verbo; Cumque ipse Delbene minime negat *n.* 9. quod si denunciatur Confessarius, possit S. Officium de hoc delicto cognoscere, sequitur quod sit de pertinentibus ad S. Officium. Nam ex vi solius



folius denunciationis delictum non fit de foro S. Officii, cum de delictis denunciationis non cognoscatur, nisi ad suum forum spectent, sed vigore ejus edictorum denunciandum est quodvis delictum, quod ad ejus forum pertinet.

Atque ita hæc regula sexta est generalis ad omnes casus in quibus pœnitens tenetur denunciare Confessarium qui sollicitavit, vel inhonestos sermones habuit cum pœnitente, etiam ex sola occasione, aut prætextu Confessionis, & Confessoris obligatio est, monere pœnitentem de ejus obligatione. Ex hoc autem non præcipitur ei, ut pœnitentem non absolvat. Verum in hoc distinguendum est. Nam si pœnitens fuit negligens in denunciando, & jam incurrit pœnam excommunicationis reservatæ, Confessarius non potest illum absolvere ratione excommunicationis reservatæ, ne virtute quidem Bullæ Cruciatæ, neque Regulares virtute suorum privilegiorum *d. sect.* Si vero pœnitens est intra terminum à jure sibi præscriptum ad denunciandum, censet Delbene *dub. sect.* 13. *petit.* 6. n. 1. quod pœnitens prius debeat denunciare, quam absolvari. Sed hoc ex Constitutione Gregorii XV. vel ex edictis Inquisitorum non habetur, solamque Confessario præcipitur, quod moneat, & doceat pœnitentem de obligatione denunciandi, nec aliud continetur pro Regularibus in memorato decreto Alexandri VII. Et ideo sufficit, quod pœnitens habeat verum propositum denunciandi, & promittat, quod denunciabit in termino sibi tradito. Ex hoc enim est dispositus, ut absolvatur, ut per Peyr. *ad d. Constit. Gregorii* §. 9. n. 24. Portel. *in addit. ad dub. regul. v. sollicitare* n. 24. Sanctarel. *de hæres. cap.* 9. n. 16. Dianam *p. 1. rr.* 4. n. 7. Ortiz *in sum. cap.* 24. n. 11. Prudentis tamen Confessarii arbitrio potest aliquando in hoc casu, spectatis circumstantiis, differri absolutio, donec præmissa fuerit denuntiatio. Et in hoc sensu verum est, quod tradit Carena *p. 2. tit.* 9. n. 4.

Sed quid dicendum, si mulier sollicitata confiteatur ei, qui sollicitavit? In hoc casu Confessarium non teneri admonere pœnitentem sollicitatam, ut ipsum denunciaret post Trimarch. *disp.* 14. n. 59. tradit Bordonus *cap.* 23. n. 59. Quia verisimile est, Pontificem noluisse imponere tam grave præceptum Confessori contra se ipsum. At observandum est, quod si jam fœmina sollicitata ob non factam denunciationem est excommunicata, non potest absolvi. Si autem adhuc durat tempus denunciandi, verisimile est, quod ex lege positiva non teneatur Confessarius illam admonere de obligatione denunciandi; quia hoc esset Confessarium agere contra seipsum. Quod habetur ex verbis illis Constitutionis Gregorianæ. *Ut suos pœnitentes, quos noverit fuisse ab aliis sollicitatos.* His enim Pontifex non mandat Confessariis admonere pœnitentes de obligatione denunciandi seipsos, sed alios Confessarios, à quibus fuerunt sollicitati. Et nihilominus si confessarius in fraudem legis invitaret sollicitatam, ut sibi confiteatur, vel suaderet, ne confiteatur alteri, vel ne denunciaret, vel etiam doceret, illam non teneri ad denunciandum, improbe ageret, & puniri deberet in S. Officio.

Si autem pœnitens recusat denunciare, non debet absolvi, sed debet consuli S. Congregatio, & extra Urbem Inquisitor, vel Ordinarius, qui si habent difficultatem, consulant & ipsi S. Congregationem; sin minus, dent facultatem absolvendi pœnitentem, qui justis de causis denunciare defugit, & absolvatur sub conditione, quod, cessantibus justis causis, teneatur denunciare, & non adire amplius Confessorem, à quo fuit sollicitatus.

Non est autem semper necesse, quod sollicitata personaliter adeat S. Officium, ut denunciaret, sed ubi mulier sit nobilis, aut virgo, & periculum sit, quod patiatur aliquod damnum, si personaliter compareat in S. Officio, vel ex aliqua simili causa recusat denunciare per seipsam, poterit Inquisitor, vel Episcopus tribuere licentiam Confessario recipiendi depositiones mulierum, quæ consentum præstiterunt Confessariis, vel etiam illarum, quæ factis diligentis, induci non possunt ad denunciandum in S. Officio. Parcè tamen hac facultate uti debent Ordinarii.

Est tandem animadvertendum, quod ille tenetur denunciare hæreticum, vel suspectum de hæresi, qui scit, vel habet notitiam illius. Hæc autem notitia bebet esse personalis, scilicet de certa persona, Farinac. *q.* 197. n. 51. ac de delicto speciali; unde non sufficit notitia generica. Et ideo ubi quis habet notitiam de auditu non tenetur denunciare, si non recordatur à quo audiverit, vel ubi is, à quo audivit, nihil certò sciat, Carena *p. 2. tit.* 9. n. 31. Vel ubi is, à quo audivit non est fide dignus, Carena ibidem, Sanctarellus *de hæres. cap.* 9. n. 16. Cordub. *lib.* 1. *q.* 44. *dub.* 2. Vel si audiverit à personis levibus, quia talis notitia non parit fidem, Navar. *in sum. cap.* 25. n. 46. Portel. *loc. cit.* n. 22. Leand. *d. disp.* 13. *q.* 57. ac Delbene. *d. sect.* 13. n. 46. Et licet Homobonus *in consulti. moral.* to. 1. *p.* 4. *resp.* 51. velit, quod qui audivit etiam à fide dignis non teneatur denunciare denunciantem, contrarium tamen asserunt Navar. *de hæres. conf.* 3. nu. 1. Carena ubi supra, Rodriguez, Lessius, Reginaldus, Genuenius, Petrus, Navarra, Joannes de la Cruz, Pitigianus, quos sequitur Delbene *d. sect.* 13. n. 19. ac Leander *loc. cit.* Quia talis dicitur propriè habere notitiam facti.

Verum in his semper distinguendum est inter hæreticum formalem, præcipuè si dogmatizet, & inter suspectum de hæresi, ac inter obligationem denunciandi, quæ est ex jure divino, & ex jure positivo. Nam potest contingere, quod etiam, qui non habet certam notitiam de alicujus hæresi, teneatur illum denunciare ex obligatione juris divini. At ex jure positivo non tenetur denunciare, nisi qui scit, & notitiam habet. Propriè autem ex auditu quis notitiam non habet, nisi qui audivit à fide dignis. Additque Bordonus *cap.* 23. n. 49. quod qui audivit aliquem sollicitasse pœnitentem, non tenetur denunciare, nisi id audiverit immediate vel à sollicitante, vel à sollicitato. Id probat *ex l. 2. §. item Labeo ff. de aqu. plu. arc.* ubi dicitur, quod audis, nescire diceris. Quod verum est de auditu mediato, sive ab eo, qui non vidit, sed audivit & sic est auditus ex auditu, qui non tam facile reddit fidem tutam, & prudentem, quia potest esse, quod qui primò dixit, non fuerit fide dignus, vel ex joco id dixerit, vel quod auditores mediati factum aliter narraverint, quam audiverint, & sic potest esse, quod, licet qui narrat de auditu alieno, sit fide dignus, non tamen possit credi, verum esse narratum, nisi constet, omnes, à quibus factum narratum fuit, esse fide dignos. Ideoque non ita facile contingit, quod qui nescit aliquid, nisi ex auditu auditus, habeat propriè notitiam ejus, quod audivit. Est tamen advertendum, *in d. l. 2. §. Item Labeo*, non haberi verba superius citata. Ex eo tamen, quod obligatio denunciandi sollicitantem non cadit, nisi in illum, qui habet notitiam sollicitationis, cum ex alia parte, ubi sollicitatio sit dubia, nemo habet notitiam illius; nam quod est incertum non potest certo cognosci, aut prudenter credi. Et ideo, quod non detur obligatio denuncia-



ciandi sollicitantem dubium, ait Bordonus *d. cap. 23. n. 101.* Et quidem dicendum est, quod saltem sit necessaria opinio sollicitationis, vel facti, inducentis suspicionem hæresis, per quam quis iudicet determinatè sic esse, licet adsit aliqualis suspicio de opposito ad hoc, ut quis dicatur habere notitiam & teneatur sollicitantem denunciare.

Advertit autem Carena *d. tr. 9. n. 34.* quod, licet sit vulgata regula, legem, fundatam in præsumptione, ea cessante, non obligare, attamen in his editis S. Officii iudicium discernendi circa suspicionem de fide, quæ resultat ex præsumptione editi, non competit Confessariis, sed Inquisitoribus.

An autem non denunciatus sit de hæresi suspectus, si loquamur de non denunciante hæreticum, dicendum est, illum suspectum esse, ac inter fautores hæreticorum recensendum, ut per Repert. Inquis. *v. fautores*, Decian. *lib. 5. cap. 51. n. 25.* Pegnam *p. 2. com. 78. vers. Postremo.* Farinac. *q. 197. n. 38.* Sanctarel. *de hæret. cap. 9. n. 19.* Carena *d. tr. 9. n. 41.* ubi quod maximè id locum habet in Cruce signatis, qui ex officio, ac proprio juramento hæreticos denunciare teneantur. At cum Alphons. à Castro *de just. hæret. punit.* existimet hanc suspicionem esse violentam, hoc esse nimis rigorosum, animadvertit Pegna *d. p. 2. com. 81. lit. D.* Id tamen admittit Carena *ibid. n. 43.* in casu, quo inter hæreticum, & non denunciantem sit nimia familiaritas, & amicitia. Sed hoc est etiam nimis durum. Imò non datur violenta hæresis suspicio, ex qua suspectus damnandus sit, ut hæreticus ad pœnam Ordinariam, nisi in casibus à jure expressis, ut jam dictum. At neque hæc suspicio est vehemens, ut censet Zechius *to. 1. tit. de fide cap. 11. n. 5.* nisi, ut advertit Pegna, nulla causa non revelandi, adesset, vel testis in iudicio interrogatus scienter occulte veritatem.

Regulariter igitur hæc suspicio est levis. Quia raram est, quod quis omittat denunciare hæreticum favore hæresis, & non potius ex amicitia, vel ex alia causa, Carena *d. tit. 9. n. 44.* ex Duar. *lib. 2. in Bullam Cœna q. 57. concl. 1. n. 17.* Imò, qui omittit denunciationem ex metu cadente in constantem virum, non esse de fide suspectum, inquit Farin. *q. 198. n. 13.* Sanctarel. *d. cap. 9. n. 16.* & Carena *n. 45.* ubi quod non ideo excusantur consanguinei & uxor, &c. à suspicionem de levi, nisi omittant denunciationem ex metu cadente in constantem virum, vel ex alia iusta causa excusante à denunciatione, ut per Pegnam *d. com. 81. vers. At non videtur*, Scace. *de iudic. lib. 1. cap. 56. n. 4.* Farinac. *d. q. 198. n. 13.* Isti igitur non denunciantes hæreticos, tanquam eorum fautores, torquentur & abjurant, sicut alii fautores hæreticorum. Non denunciantes verò suspectos de hæresi, non sunt de fide suspecti; alioquin enim præsumptio oriretur ex præsumptione, ut per Carenam *d. tit. 9. n. 46.* Puniendi tamen sunt pœnis statutis in Editis Inquisitorum.

Confessarius verò, si in casibus, in quibus pœnitens tenetur denunciare, doceat non esse obligationem denunciandi, quia lex non obligat, punitur ut hæreticus. Si verò mala fide doceat, quod lex in hoc casu non obliget, quia hic casus non comprehendatur sub lege, sub qua verè comprehenditur, est de fide suspectus; vel si recusantem denunciare hæreticos absolvat, est pariter de fide suspectus vehementer, quia scilicet credit, legem non obligare, nisi minuatur suspicio ex circumstantiis, aut tollatur. Si vero absolvat ob metum cadentem in virum constantem, cessat in illo hæresis suspicio, ut de omittente denunciationem dictum est. Si verò scien-

ter & culpabiliter omittat monere pœnitentem de obligatione denunciandi, vel si absolvat eum, qui ob denunciationem neglectam, est excommunicatus, puniendus est, ut decernitur in constitutione Gregorii X V. Et quoniam est de fide suspectus, maximè si aliundè oriatur præsumptio, quod id fecerit favore hæresis.

Est quoque advertendum, quod Confessarii non tenentur interrogare pœnitentes, an fuerint in confessione sollicitati, neque Inquisitores debent hæc præcipere Confessariis; Sed Confessorum officium est, si pœnitentes dicant, se fuisse sollicitatos, illos monere de obligatione denunciandi. Si tamen Confessarii habeant notitiam sollicitationis poterunt, ac debebunt pœnitentes de hoc interrogare, ut eorum saluti consulant, & ne absolvant non dispositum.

Cætera vide, quæ in hanc rem peculiari Consultatione alibi tradidi, ubi etiam varia effata, & parerga, minimè vulgaria, & quæ in consultatione denunciandi hæreticos, de hæresi suspectos, & alios suo loco dicta sunt.

### CONSULTATIO CXVIII.

*De Abusu Sacramenti Matrimonii, sive de Polygamia remissivè. An pertineat ad S. Officium privativè quoddam forum laicum? Res iudicata. Breve Clementis VIII. ad Proregem Neapolitanum. Et ad rem alia.*

Cum hic abusus etiam frequens sit, ideo illi, quæ jam de hac re diximus *tom. 1. & inferius in consult. de Abjurationibus*, hæc subdere non gravabor.

Unum uno, eodemque tempore virum duas, vel plures Uxores habere posse, asserunt Josephus antiquit. *Judaic. lib. 17. cap. 1.* Mos, ait, nobis est patrius, plures simul uxores habere.

Basilidis, & Carpocratis sectatores indifferentes coitus, & multas nuptias induxerunt, Irenæus *lib. 1. cap. 32.*

Judæorum Rabini quatuor vel quinque uxores quemque habere permittunt, Justinus in *dialogo cum Tryphone.*

Hermogenem Tertullianus arguit, quod assidue nuberet.

Valentinianus Imperator alteram duxit uxorem, priore superstite, nec repudiata, & quod levius posset videri facinus à se perpetratum, legem tulit, per quam cuivis duas simul uxores habere liceret. Socrates *lib. 4. cap. 26.*

Hugo Rex Italiæ præter conjugem suam, multas alebat concubinas, Luitprandus *lib. 4. cap. 6.*

Mahometus in Alcorano Azoura 8. duas, tres, aut quatuor quemlibet Uxores permittit, & aliam pro alia commutare.

Vitiza Rex Hispaniæ uxores multas, & plures concubinas domi habuit, ac Proceres Regni exemplum suum ut sequerentur, hortatus est, nec non & plebi idem impunè licere voluit, Joannes Vascus in *chron. hispan. anno 702.*

Turcæ tot uxores ducunt, pellicesque ex mancipiorum grege numero tot deligunt, quotquot quilibet alere potest, uxores virgines accipiunt, nemine prohibente, donec quinque sibi copulaverint, Laonicus Chalcond. *de rebus Turcicis lib. 3.*

Martinus Lutherus in *explicat. Genesios*, quam edidit anno 1525. *ad cap. 16.* quærit, utrum Christiano liceat exemplo Abrahæ plures simul uxores habere



habere, ac tandem respondet, id neque esse præceptum neque prohibitum, sed liberum. Se quidem nolle hanc novam consuetudinem introducere, sed nec improbare posse, cum exempla Patrum adhuc sint libera.

Et de vita conjugali: Si tu nolis, inquit, velit alia. Recusat uxor, veniat ancilla. Dimissa Vasthi, Esther accipiat.

Et in propositionibus de bigamia editis anno 1528. *proposit. 62. ac seqq.* ait, apud Ethnicos fortasse scandalum fore, si Christianus plures uxores habeat, tamen inter Judæos non esse scandalum, & ideo non posse ostendi id esse illicitum.

Et *proposit. 65.* Nota sunt, inquit, jura Mosaica de fratris defuncti uxore, & de filia corrupta invito Patre, quæ cogunt plurimum esse uxorum virum. Quæ non magis sunt abrogata, quam reliqua omnia, id est libera, nec prohibita, nec præcepta.

Extant Lutheri, & Melancthonis epistolæ & consilia per litteras datas quibus aperte permittunt, falsque esse pronunciant, maritum unum duas legitimas uxores habere, Staphylus in *Apologia.*

Joannes Oldendorpius, permittente Luthero, priorconjuge adhuc supersit, alteram duxit uxorem, Lindanus in *dubitatio.*

Martinum Bucerum polygamiam suis commendasse Vintoniensis testatur.

David Georgius matrimonium suos discipulos contrahere vetuit. Non enim liberum esse unum uni uxori attingi, sed alias plures habere ad augendam prolem, Bullingerus *lib. 2. cap. 14.*

Joannes Bochoildius Leidenensis polygamiam ex professo probavit, & ipse duodecim simul uxores habuit, Gaspar Ulenbergius *causa 9.*

Hetzerus Anabaptista uno tempore tredecim simul uxores duxit, Feu. Ardentius in *lib. 1. Irenæi cap. 31 & Canisius lib. 2. cap. 12. Marialis.*

Libertini matrimonia dissolvunt quæ appellant carnalia, ubi uxor mariti sui tedium ceperit, promiscuos laudant concubitus, modo alter altera sit contentus, id spirituale vocant matrimonium, Calvinus de *libertinis cap. 20.*

Bernardinus Ochinus *lib. 2. dialog. 21 pag. 200.* Paulus Episcopus, & Diaconis plures uxores interdicit, ceteris tacite concedit.

Et *pag. 204.* Pauli mens est hæc, quod Christianis plures uxores habere liceat, ac Episcopis non nisi singulas, nè multitudo uxorum à populi salute provocanda avocaret. Dum enim de Episcopis nominatim dicit, se velle ut unam habeant, non plures, nè, si plures habent, nimium distraherentur mundanis negotiis, facile plures concedit ceteris. Fuit quidem in novo fœdere Episcopis interdictum, ne plures uxores haberent, non quia plures habere nefas esset, sed nè ab uxoribus distracti, corrumpenterentur. Quanquam illud credo, quemadmodum antiquitus interdictum est, ne Reges haberent multos equos, hoc est multitudinem nimiam, videlicet nè equis confisi, Dei confidentia exciderent (nam alioquin multos equos habere concedebatur) ita quoque interdictum illud alterum, non de pluribus Uxoribus, sed immodica uxorum multitudine est intelligendum.

Negant tamen Sacræ Litteræ *Genesis 2. vers. 24.* Relinquet homo patrem suum, & matrem, & adhærebit uxori suæ, & erunt duo in carne una.

*Matthæi 19. 4.* Non legistis, quia qui fecit hominem ab initio, masculum & feminam fecit eos? & dixit: Propter hoc dimittet homo patrem, & matrem, & adhærebit uxori suæ, & erunt duo in carne una. Iraque jam non sunt duo, sed una caro, Quod ergo Deus conjunxit, homo non separet.

Dicunt illi. Quid ergo Moyse mandavit dare libellum repudii, & dimittere? Ait illis. Quoniam Moyse ob duritiem cordis vestri permisit vobis dimittere uxores vestras, Ab initio autem non fuit sic.

*Matthæi 5. & 19. Marci 10. & Luca 16.* Christus declarat, eum, qui dimissa uxore, aliam duxerit, mæchari. Ex quibus testimoniis colligitur polygamiam jure Evangelico esse omnino illicitam. Nam ideo mæchari dicitur, qui dimissa priore aliam ducit, quia prior non poterat dimitti, & licet videatur dimissa coram hominibus, tamen adhuc verè est uxor illius, qui eam primò duxerat; Nam si per dimissionem desisset esse uxor, non mæcharetur illius vir, aliam ducens, quemadmodum non mæchatur, qui priore uxore mortua, aliam ducit. Quod si mæchatur, qui aliam ducit, vivente priore, non licet igitur plures conjuges habere, nisi adulteria licita esse velimus. Et si non licet aliam ducere, dimissa priore, multò minùs, retenta priore. Nam, si non licet, priore dimissa, aliam ducere, quia prior adhuc est uxor, at multò magis est uxor, quæ non est dimissa. Quare, vivente priore uxore, siue dimissa, siue retenta, illicitum est ducere aliam.

Paulus, cum de matrimonio loquitur, semper loquitur de Uxore in numero singulari. *1. Corinth. 7. v. 2.* propter fornicationem unus quisque suam Uxorem habeat, & unaquæque suum virum. *27.* alligatus es uxori? noli quærere solutionem.

Idem Apostolus apertissimè scribit, uxorem non posse vivente Marito alicui alteri nubere. *Rom. 7. 3.* vivente viro vocabitur adultera, si fuerit cum alio Viro.

Et *1. Cor. 7. 10.* Iis autem, qui matrimonio juncti sunt, præcipio non ego, sed Dominus, uxorem à viro non discedere. Quod si discesserit, manere innuptam, aut viro suo reconciliari.

Et *39.* Mulier alligata est legi quanto tempore vir ejus vivit. Quod si dormierit vir ejus, libera est à lege, cui vult nubat.

Qui loci prohibent polygamiam ex parte fœminarum expresse, id est, prohibent, nè fœminæ sæpius nubant, viventibus viris prioribus; sed prohibent etiam consequenter polygamiam virorum, id est, ne viri plures simul uxores ducant. Nam licet minùs repugnet rationi, ac naturæ, ut vir plures uxores, quàm uxor plures maritos habeat, utrumque tamen rationi repugnat.

Negant quoque Sancti Patres, quorum locos tantum demonstro, Justinus in orat. ad Antoninum, & in dialogo cum Tryphone, Irenæus *lib. 1. cap. 32.* Basilus Magnus *epist. 79. ad Amphilochem,* Epiphanius *heresi 80.* Joannes Chrysostomus *homil. 56. in Genesim, & homil. 63. in cap. 19. Matthæi, & libro de virginis. cap. 44.* Autor operis imperfecti in Mathæum apud Chrysostomum *homil. 1. & homil. 32.* Cyrillus Alexandrinus *lib. 11. in Genesim,* Theodoretus *quest. 66. in Genesim, & quest. 84.* Basilus Seleuciæ Episcopus *orat. 3. de Lazari resurrectione,* Victor Antiochenus *ad cap. 10. Marci,* Olympiodorus in *Ecclesiastem Salomonis,* Procopius Gasæus in *cap. 29. Genesim.* Theophylactus *ad Matth. cap. 19. & ad Marci cap. 10.* Joannes Cantacuzenus *apologia 4.* Tertullianus *exhortat. ad Castitat. cap. 5.* Minutius Felix in *Octavio,* Lactantius *lib. 6. cap. 23. & in epitom. divinar. instit. cap. 8.* Ambrosius *lib. 1. de Abraham Patriarcha cap. 7.* Hieronymus *lib. 1. contra Jovinianum cap. 8. & lib. 2. cap. 6.* Augustinus de *doctrina Christiana lib. 3. cap. 12. & de bono Conjugali cap. 7. & de nuptiis, & concupiscentia lib. 1. cap. 9. & contra Faustum lib. 22. cap.*



22. cap. 47. Eucherius Lugdunensis de *questionibus difficilioribus veteris, ac novi testamenti*, Prosper Aquitanus in cap. 13. ad *Hebraeos*, & de *promissionibus*, & *prædictionibus Dei* p. 1. cap. 25. Fulgentius de *fide ad Petrum* cap. 3. Hisidorus Hispalensis de *Officiis eccles.* lib. secundo cap. 19. Beda in cap. 19. *Matthæi*, Angelomus in lib. 2. *Reg.* cap. 11. Nicolaus primus ad *consulta Bulgarorum* cap. 51. Joannes Octavus *epist.* 198. Anselmus Cantuariensis ad cap. 19. *Matthæi*, Petrus Lombardus lib. 4. *dist.* 33. Innocentius Tertius in cap. *gaudemus*, de *divort.* Jacobus Vitriacus *dominica post Epiphaniam*, Gulielmus Alvernus lib. de *Sacram. matrim.* cap. 9. Vincentius Belvacensis in *speculo histor.* lib. 9. cap. 69. Bonaventura in lib. 4. *Sentent. dist.* 33. Durandus à S. Portiano in lib. 4. *sentent. dist.* 33. q. 1. Guido Rocherius in *Manipulo Curatorum* p. 2. tr. 7. cap. 1. Thomas Argentinensis in lib. *sentent. dist.* 33. art. 3. Joannes Gerson in *Dialogo de Cælibatu Ecclesiasticorum*, Dionysius Carthusianus ad cap. 7. *prioris ad Corinth.* Pius secundus concilium Tridentinum *sess.* 24. *can.* 1.

Quare Uxorum pluralitas à prima matrimonii institutione, & à Christiani Sacramenti significatione aliena est, ut D. Matth. 19. ostendit ex eo, quod Deus unum Virum, unamque Mulierem creaverit simulque conjunxerit, addens: *Erunt duo in carne una*, non tres, aut quatuor. Et dicendo: *Adhærebit uxori suæ*, repudium sustulit, ut Marci 10. clare continetur. Legatur Augustinus lib. de *adulterin. conjug.* cap. 8. lib. de *bono conjugali* cap. 17. & lib. 3. de *doctrina Christiana* cap. 12. ubi demonstrat, omnem principatum naturæ suæ diligere singularitatem, ideoque nunquam fuisse admissum, ut plures viros una mulier haberet, sed contra, Vir plures Uxores, quia Vir caput est mulieris. Pugnaretamen Polygamiam cum domestica pace, sanctarum etiam mulierum exempla convincunt Saræ, & Agar, Liæ, & Rachelis, quarum rixas, æmulationes, & iras implacabiles, Scriptura proponit, Genes. 16. & 30. & 1. Reg. 1. Quare naturali juri polygamia repugnat. Hinc si infidelis polygamus ad Baptismum accedat, is poterit primâ uxore retenta, alias rejicere cogitur.

Quamvis autem Monogamia juri divino, & naturali, finique tam primario, quam secundo sit accommodatissima, ideoque inter pios, utique ad diluvium polygamiam fuisse non legimus, sed introductam à Lamech, imitatore Cain homicidæ Genes. 4. at tamen post diluvium inspiratione divina Patriarchis innotuit, Deum propter multiplicationem generis humani, tunc penè deleti, ad tempus dispensasse, ac permisisse polygamiam quam Christus, ad primam institutionem revocando matrimonium, prorsus sustulit, Augustinus lib. 22. *contra Faustum* cap. 47. d. lib. 3. de *doctr. Christ.* cap. 12. & de *bon. conjug.* cap. 18.

Ex quibus mirum, quod nonnemo dicat, hoc crimen polygamie non pertinere ad forum Ecclesiasticum, & ad S. Officium Inquisitionis, cum sit contra Sacramentum matrimonii, quod esse non possit, nisi inter unum virum, & unam uxorem juxta legem naturalem, Divinam, Evangelicam, Canonicam, & Civilem. Ideoque pertinet ad forum Ecclesiasticum, ut conservetur veritas, & sacramentum matrimonii, & non permittatur adulterium, & status peccati, estque in illo puniendum, *caus.* 34. q. 1. & 2. cap. 1. 2. & 3. de *sponsal. cap. in presentia de sponsal. & matrim. cap. Dominus*, de *divort. cap. Gaudemus cum aliis*; ac etiam in Tribunali S. Inquisitionis, cum sint delinquentes in hisce casibus suspecti de hæresi, videanturque malè

sentire de sacramento matrimonii, peccando contra illud, præsertim quod liceat Christiano ducere simul, ac tenere duas, pluresque uxores.

Et hæc sententia inter Christianos Catholicos est vetusta, & communis ferè omnium, qui de hac tractant, ut per Lapum in cap. *accusatus* n. 2. de *heret. in* 6. quem referunt, ac sequuntur ibi Gemin. §. *sanè* n. 2. Franch. in cap. *ad abolendum* n. 1. de *heret. Jo: Lupus* in cap. *per vestras* §. 18. n. 25. de *donat. inter vir. & uxor. Rosella* in *sum. v. hereticus* n. 6. Gundisalvus de Villadiego S. Rotæ Auditor, de *heret. cap.* 9. n. 5. Episcopus Squillacensis de *fide Cathol.* cap. 15. n. 2. Covar. in 4. *decret. p.* 2. cap. 7. §. 3. n. 6. Jacob. Septimacens. in *instit. Cathol.* cap. 40. de *matrim.* n. 2. Menoch. de *arbitr. cent.* 5. *cas.* 420. n. 114. Arnald. Albertin. de *agnosc. assert.* q. 23. Alphonsus de Castro de *just. heret. punit.* lib. 1. cap. 2. Bermundus de *public concub. v. monemus* n. 4. aliique innumeri, ac recentiores omnes. Atque ita servatum est, ac servatur generaliter in tota Italia, ac in tota Europa, & ubicumque sunt Inquisitores, quod scilicet ob hujusmodi hæresis suspicionem, Sanctum Inquisitionis Officium procedat contra Polygamos. Præcipue in Inquisitione Hispana, Lusitana, Sicula aliisque Regnis Catholicæ Majestati subjectis, & pro Regno Neapolitano extant res judicatæ, quarum tempora nunc signo. Anno 1591. anno 1608. die 21. Februarii, 8. Maii ejusdem anni, & die 8. Novembris 1607, & 27. Januarii 1614. & die 2. Octobris ejusdem anni, & 9. Octobris ejusdem etiam anni, & die 15. Februarii 1615. & die 26. ejusdem mensis, & anni, & die prima Octobris ejusdem anni, & die 16. Maii 1626. & 14. Julii ejusdem anni, & 26. Martii 1620. & 12. Novembris ejusdem anni. Et quod spectet privative ad S. Officium, judicatum 1601. & 13. Octobris, & die 13. Octobris 1604. & die 7. Decembris 1606. & 28. Decembris 1607. & die 1. Februarii ejusd. anni, & 19. Julii ejusdem quoque anni, & 24. Julii, & 20. Septembris, & 7. Novembris ejusdem similiter anni, 24. Octobris 1612. & die 22. Augusti 1613. & die 19. Junii 1614. & die 26. Augusti ejusdem anni, & 4. Aprilis 1618. & 18. Octobris, & 8. Novembris ejusdem pariter anni, & die 4. Julii 1619, & 29. Augusti, ejusdem anni, & 24. Januarii, & 7. Februarii 1622. die 7. Februarii, & 23. Augusti ejusdem anni: Ac ita, ut ab Anno 1625. usque ad hodiernam diem semper insupreme, & Universali Inquisitione fuit judicatum, & constanter executioni demandatum, quod delictum Polygamie spectet ad Judices Ecclesiasticos privative quoad Judices Sæculares. Imò sub die 20. Junii 1637. Urbanus VIII. edidit Constitutionem, qua decrevit, quod ii, qui ementiro nomine, vel cognomine, prima uxore vivente secundam ducunt, damnentur ad triremes in perpetuum, & si fuerint inhabiles, fustigentur, & ad carceres perpetuos damnentur. Si verò pro qualitate, ac enormitate criminis, majores pœnas meruerint, etiam Curie sæculari, arbitrio Sanctæ Congregationis Cardinalium generalium Inquisitorum puniendi tradantur, & Paulus V. cogitavit edere constitutionem, ac in ipsa declarare, delictum Polygamie spectare ad S. Officium, de qua extat formula, ut eruitur ex binis decretis sub die 24. Maii, & sub 31. Junii 1607. extratque Breve Clementis VIII. directum Proregi Regni Neapolitani, qui tunc temporis erat Excellentissimus Joannes Pimentel, Comiti Beneventi quod est hujus tenoris.

*Dilecte fili. Nobilis Vir, salutem. Perlatum est ad Nos non sine gravi animi nostri perturbatione, quod cum nuper dilectus filius Currius Palumbus Vicarius Capitularis,*



Capitularis, sede Archiepiscopali vacante Ecclesia Neapolitana, de mandato etiam S. Romana Universalis Inquisitionis contra hereticam pravitatem, ac nostro, Causa in tribunali curia Archiepiscopalis cognita, quemdam Gabrielem Surianum, ob polygamiam Inquisitum, ac processatum, denique servatis servandis, pravia publica abjurazione de vehementi ad treremes per quinquennium damnasset, Joannes Franciscus à Ponte, Marchio Aforconi, Regens in eadem civitate Neapolitana existens, dilectum filium Joannem Camillum Pretiosum Notarium Actuarium dicti Tribunalis, qui prius ab ipso Joanne Franciscus Regente acceptus, & requisitus, & processum in causa dicti Gabrielis fabricatum ad ipsum Regentem deferre, responderat, se dictum processum à Vicario Capitulari Ecclesia Neapolitana dicta Curia Judice obtinere non potuisse, per satellites Carle Sæcularis subito apprehendi, ac temerè, nulliter, & de facto ad treremes educi, ibique inter captivos, & remiges mancipari fecit, immunitatem officialium, & Ministrorum S. Inquisitionis contra hereticam pravitatem violando, & penas in sacris Canonibus, ac præsertim Constitutionis fel. rec. Pii V. incipientis, si de protegendis, ac aliorum Romanorum Pontificum, predecessorum nostrorum Constitutionibus contentas adversus eos qui hujusmodi Officiales, & Ministros quovis modo molestant, seu perturbant, inflictas incurrendo, in maximum dicti Tribunalis S. Inquisitionis, & auctoritatis Ecclesiastica ac nostrum contemptum, in Dei offensam & scandalum plurimorum. Nos itaque impium & temerarium hoc facinus, ut æquum est, improbanter, illudque celeri provisione omnino revocandum esse censentes, Tibi, in virtute sanctæ obedientie, ac sub divini interminatione judicii, per presentes districte præcipimus, & mandamus, ut præfatum Joannem Camillum ex dictis treremibus penitus solum ac liberum dimitti, & relaxari jubeas, & cum effectu facias. Etsi autem non dubitemus, quin tu huic nostro mandato promptè obtemperaturus sis, sicut decet virum Catholica Religionis cultorem, ac nostræ, & Apostolica Sedis obsequentiissimum, ob rei tamen gravitatem facere non potuimus, quin te etiam seriò moneamus, ac præcipue pro tribunali S. Inquisitionis auctoritate, ac nostra, quam te in isto munere tueri maximè oportet, & pro ea, quam profueris erga nos, & Apostolicam sedem fidè, ac reverentia, id ipsum statim, ac omni prorsus mora, & dilatione postposita, facias, & exequaris, nè si tu, quod minimè vellemus, aliquo modo huic nostro mandato parere distuleris, ipsi hac in re adhibitis juris, & facti remediis, gravius aliquid statuere cogamur. Datum Romæ apud S. Marcum die 17. Septembris 1604.

Huic Brevi Excellentissimus Prorex summo zelo illicò paruit, jussitque solum ac liberam relaxari dictum ministrum S. Inquisitionis, ut ex litteris Nuncii Apostolici die 20. ac 21. Septembris & 5. Octobris ejusdem anni 1604. datis luculenter constat.

Demum per alias litteras in forma Brevis idem Clemens delegavit, & commisit Ludovico Boido Alexandrino, ut contra dictum Joannem Franciscum à Ponte, & alios culpabiles processum conficeret, & ad Urbem transmitteret. Neque ob liberationem Polygami à Treremibus regiis Commissarius desistere debet à fabricatione processus, sed absque regio Exequatur processum fabricare debet, ad Urbem transmittendum, & à S. Congregatione relaxandum monitorium subscribendum à Cardinali generali Inquirente contra impediens S. Officium ad personaliter coram eadem S. Congregatione comparandum sub pena excommunicationis latæ sententiæ, aliisque arbitrio &c. ad valvas Ecclesiæ Cathedralis assignandum. Etenim excusantur Officiales, ac

Ministri etiam à laceratione Monitorii, quod fuerit affixum absque exequatur Regio. At novum planè, ac insolens, & nunquam hactenus auditum, prætendi, etiam in causis, ac expeditionibus S. Officii Regium exequatur, de cujus origine, progressu, abusu legas nostram Consultationem.

Neque idcirco impeditur, quin Judex Sæcularis procedat contra hujusmodi delinquentes. Solumque excipitur, quando Inquisitor prævenit. Nam in hoc casu, ac delicto procedit solum ad pœnam à Sacris Canonibus statutam, absque eo, quod Judex Sæcularis in re aliqua se immisceat, & ita quando prævenit Ordinarius Ecclesiasticus, qui debet communicare processum cum Inquirente in causæ expeditione; sed quando Judex sæcularis procedens secundum leges Civiles, ut l. miles, §. mulier ff. de adult. l. neminem, de C. de incest. nup. l. cum quibus, eod. de adult. l. 1. in fine, & l. quid ergo §. 1. & 2. ff. de his, qui not. infam. l. ea que eod. de donat. ante nupt. & in Auth. ut liceat Matri, & Avia, §. quia vero, Auth. hodie c. de repud. Auth. de trerem, & semiff. §. consideremus, ac instit. lib. 1. tit. de nup. cum similibus, & ex Athalarico apud Cassiodorum lib. 9. epist. 18. prævenit, permittitur procedere contra hos delinquentes, & Inquisitor in hoc casu curat illos sibi consignari, ut eos expediat circa id, quod ad fidem pertinet, eos interrogando, & examinando, quid sentiant de sacramento Matrimonii, & de Monogamia, vel polygamia ac circa fidem. Quod si hæreticos repererit cogit abjurare, tanquam hæreticos formales. Si verò remanent dumtaxat suspecti, coguntur abjurare de levi, vel de vehementi suspitione hæresis juxta quantitatem suspitionis, & qualitatem facti cum pœnitentiis Canonicis, & salutaribus, & postea restituuntur Judici Sæculari, ut suo fungatur officio, eosque puniat juxta leges sæculares. Idque præcipue in Regno Neapolitano, in quo non est tribunal Inquisitionis, pertinet ad Episcopum Ordinarium, qui est in hac pacifica & antiqua possessione has Causas cognoscendi sine aliqua contradictione in contrarium, quæ prævalere potuerit, cum negari nequeat, eum qui prætendit, esse licitum, ducere plures simul, vel eodem tempore uxores, errare circa fidem, & male sentire de Sacramento matrimonii.

Neque verum est quod iactitant Judices sæculares in Regno Neapolitano in Causis mixti fori non esse locum præventioni, sed pertinere ad solos Judices sæculares, & esse in hac possessione immemorabili ex privilegiis concessis à Romanis Pontificibus & à Sede Apostolica Regibus Neapolitanis in d. Regno, atque adeo crimen Polygamie, quod mixtum est, cum prohibeatur tum jure Canonico tum Civili, afferentes, Judicem Ecclesiasticum posse solum se ingerere in causis polygamie, quando delinquentes tenent esse licitum, quod eodem tempore possunt haberi plures Uxores, quo in casu certum est, illos esse hæreticos formales. Nam de his concessionibus & privilegiis non liquet, & quatenus liqueret non ita sunt ampla & copiosa, quemadmodum in animum sibi inducunt, ac revocata sunt, revocanturque in Bulla Cœnæ Domini quæ solemniter quotannis coram Oratoribus Regiis à Summo Pontifice publicatur. Quod quidem congruit cum sancto zelo, ac rectæ intentionis Regis nomine, ac re Catholici, quod in suis Regnis, imitando suos Progenitores æternæ, & gloriolæ memoriæ, professus est, ac profiteretur, S. Inquisitionis Officium, quod aliud non respicit, nisi solam animarum salutem, ac veram, & solidam conservationem Regnorum, retineri illasum ab omni vi, ac offensione, æstimari, beneficiis affici, ac illi omnes obediens præberi,

Et sanè,



Et sanè, omisso, quodd hæc Consuetudo immemorabilis, ac privilegium procedendi privativè in causis mixti fori nequeat probari, neque ostendi ab eisdem secularibus, respondetur crimen Polygamie non esse mixti fori. Nam Doctores citati tenent, Polygamos esse subiectos Jurisdictioni S. Inquisitionis. Quia male videntur sentire de Sacramento matrimonii, ideoque coguntur abjurare tanquam vehementer suspecti, quamvis negent pravam intentionem, cum ex facto ipso, id est, ex eo, quodd duxerint secundam Uxorem vivente prima, oritur vehemens hæresis suspicio, & propter hanc vehementem inspicionem, damnantur ad triremes juxta praxim antiquam, & consuetudinem S. Inquisitionis.

Adducunt etiam ipsi Judices Sæculares, à se punitos fuisse multos Polygamos. At responderetur quodd, hoc admissio, sine tamen veritatis præjudicio, S. Officium nullam de hoc habuisse cognitionem, & cum illam habuerit, curavit reos sibi restitui, ut ex rebus judicatis superius deductis.

Addunt, in Regno Neapolitano non extare, ut præmissum est, Tribunal Inquisitionis, ac proinde in eo locum non habet Constitutio B. Pii V. *si de protegendis*. sed falluntur. Nam licet in dicto regno non extent Inquisitores delegati, extant tamen Ordinarii, qui de jure sunt Episcopi, & constitutio comprehendit etiam illos, qui offendunt ministros Episcoporum, qui munus S. Officii in sua diocesi, aut provincia obeunt, pro ut legitur apertè in dicta Constitutione.

Contra igitur Judices, ac ministros laicos, qui ausu temerario jurisdictionem Episcoporum in crimine Polygamia impediunt, pretendentes ad se pertinere privativè, quodd ad dictos Episcopos, illius cognitionem, debent ipsi Episcopi pronunciare illos excommunicantes, & viriliter officio suo fungi, non obstantibus regiis Hortatoriis, decernique debet à Sacra Congregatione Monitorium contra eos, tanquam impedidores S. Officii, ad personaliter comparendum, quodd affigi debet in loco eorum residentia, ac mittendum ejus exemplar Nuncio Apostolico Neapolitano, ac insuper mandandum, ut procedatur ad ulteriora, & observentur termini juxta formam Monitorii. Et durante contumacia, poterit, instante Promotore fiscali, concludi in causa, ac proferri sententiam declaratoriam in hunc tenorem, Per hanc nostram declaratoriam sententiam in causa coram nobis vertente inter N. N. Promotorem fiscalem Officii S. Romana, & Universalis Inquisitionis inquirentem, sive promoventem ex una, & N. N. Officialem sive Ministrum Curia secularis reum nominatum, & citatum ad comparandum personaliter coram nobis in nostra congregatione, sive &c. R. P. N. N. Ordinis Prædicatorum Commissario nostro, & se se expurgandum de, & super nonnullis contra ipsum militantibus, & urgentibus, ac Officium S. Inquisitionis concernentibus sub pœnis, de quibus in nostro Monitorio, partibus ex altera, pronunciamus, sententiamus, & declaramus, dictum N. N. ob non paritionem dictarum litterarum monitorialium Contra eos ad instantiam prædicti Promotoris fiscalis decretarum, & exequutarum incidisse, & incurrisse in excommunicationem Majorem lata sententia, perpetua infamia, confiscationis omnium, & singulorum bonorum suorum, mobilium, & immobilium, presentium, & futurorum, & alias pœnas in eisdem litteris monitorialibus contentas, litterasque declaratorias de super necessarias, & opportunas decernendas, relaxandas, & publicandas, mandatum executivum de ipsum ubicumque locorum repertus fuerit, capiendo, similiter decernendum, & relaxandum fore & esse, pro ut hac presente nostra sententia decernimus, relaxamus,

& publicè mandamus omni meliori modo. Ita pronunciamus, & declaramus Nos infrascripti Generales Inquisitores.

Mandari etiam poterit à Sanctissimo ut procedatur ad ulteriora, & ad publicationem interdicti, ac servari terminum, ac decerni litteras aggravatorias, easque publicari, & mandari, ut restituatur Polygamus, ac remittatur Episcopo suo, qui expedita causa, illum remittat Officialibus regiis, dummodo prævenerint, & non aliter, nec alio modo, meliusque est, ut rescribatur simpliciter, ut restituant polygamum suo Episcopo ad effectum cognoscendi causam, spectantem, ad S. Officium. Mandari item poterit Episcopo, ut consignato sibi polygamo, atque accepto, absolvat præfatos Officiales, sive Ministros ab excommunicatione publicè, si tamen petierint absolutionem, quodd si dicti Officiales, & ministri, consignantes Polygamum, protestentur, non prohibetur illis quin possint protestari, Episcopi tamen non consentiant protestationibus. Restituitur nonnunquam Polygamus Nuncio Apostolico, qui neque ipse consentire debet protestationibus, mittiturque ad Uebem damnaturus ad triremes. Denique si dicti officiales, vel ministri petierint absolutionem, possunt jussu S. Congregationis publicè absolvi præ foribus Ecclesiæ.

Absolutio verò non solet concedi à Sanctissimo simpliciter, neque ad cautelam, neque cum reincidentia, sed mandari contra impediētes servari terminos ad formam monitorii, & facta relatione contra ipsos fuisse servatos terminos ad docendum se paruisse litteris monitorialibus, Sanctissimus mandat procedi ad declaratoriam cum Clausula, nisi infra mensem paruerint, ac satisfecerint. Relatiſque citationibus, ac terminis servatis per Promotorem fiscalem reproductis juribus, & facta instantia decernitur ipsos citari ad sententiam. Et facta citatione, fertur sententia, declarando ipsos incidisse in pœnas in monitorio contentas. Quodd si petierint absolutionem à prætenso incurtu censurarum, petitio est rejicienda, tanquam improba. Debent enim fateri delictum, ac petere absolutionem simpliciter, aliàs procedendum ad ulteriora. Si verò coram Episcopo, vel Nuncio Apostolico personaliter comparuerint, & cum humilitate, ac simpliciter petierint absolutionem, & censuris per se incurſis, absolutio iis impartiri poterit in forma Ecclesiæ consueta à Pontificali Romano præscriptam, ac præstito per eosdem juramento, quodd id, aliave hujusmodi, propter quod excommunicationem incurrerant, in posterum non committent, nec causis, aut ministris S. Officii impedimentum aliquod præstabunt, eisque pœnitentiæ salutare ex arbitrio imponantur, & absolutio poterit committi, ut detur illis domi ipsius Episcopi, vel Nuncii, convocatis Episcopis, qui Neapoli commorantur, Vicario generali, vel capitulari tribus Canonicis, nec non aliquibus superioribus insignium Religionum, præſente Notario, qui omnia in acta referat, & instrumentum Conficiat, cujus exemplar authenticum ad S. Officium Urbis transmittendum & asservandum in processu. Videatur quodd dixi hac de re in nostro Consultatione 115. tom. I. editionis Veneta.

Effata, sive parerga sunt. Causæ polygamie pertinent ad S. Officium, ac proinde cognoscuntur ab Inquisitoribus. Ubi autem ij non sunt, ab Ordinariis, qui in locis, in quibus Inquisitores sunt, tenentur processum illis communicare.

Inquisitores Lusitanie de hoc crimine cognoscunt privativè, etiam quodd ad Episcopos.

Quamvis prætendant Judices sæculares, hujusmodi causas esse mixti fori; attamen, licet per torturam intentio



intentio purgetur, adhuc remanet abusus sacramenti, & sacrorum rituum Ecclesiae, qui puniendus est à S. officio.

In ejus causis falsum deponentes, puniuntur in S. officio, etiam si sint testes sponte comparentes.

In crimine Polygamiae, si Curia secularis praevenit, Inquisitor debet examinare Polygamum in iis, quae pertinent ad fidem, ac super intentione, illumque cogere ad abjurandum de levi, vel de vehementi, juxta facti qualitatem, postea sinat, ut Curia secularis, quae praevenit in carceratione, exequatur poenam triremium.

Quando S. Officium praevenit in captura polygamorum, eos non consignat Curiae seculari, sed illos punit. Si verò praevenit Curia secularis, mandat Inquisitor sibi illos consignari, ut interrogentur super intentione, illosque expediat prout juris, & postea restituit.

Causa polygamiae pertinet ad S. Officium ob suspicionem haeresis ex facto ipso resultante.

Polygamus expeditur cum abjuratone de vehementi publica, vel privata, damnatur ad triremes, & ad reparandum damna secundae Uxori.

Si mortua prima uxore, voluerit cum secunda contrahere, indiget dispensatione Apostolica, quae passim conceditur.

Qui tentat ducere secundam uxorem, abjurat de levi, & manet prae foribus Ecclesiae. Aliquando etiam damnatur ad triremes.

Petenti licentiam conversandi cum secunda praetentore, ob periculum vitae, non est annuendum.

Qui abjurat de vehementi, ac deinde cohabitavit cum secunda uxore, non obstante praecipito de non cohabitando, repetit abjuratorem, & damnatur ad triremes.

Nullo modo permittere debet Inquisitor, ut cognoscatur nullitas primi matrimonii coram Ordinario, antequam declaratur nullum secundum, ab ipso Inquisitore, ad quem hujusmodi causarum cognitio pertinet. Quod si in defensionibus polygamus probabit nullitatem primi matrimonii, evadet tantum poenam Ordinariam, non autem poenam illi imponendam ratione temeritatis.

Cognitio causae ob attentatam polygamiam, & homicidium commissum in personam primae uxoris, ad effectum contrahendi cum secunda, quod ad homicidium pertinet ad Judicem secularem quod verò ad polygamiam attentatam, ad Inquisitorem, qua finita, decernit de persona rei, ita ut non deveniat ad potestatem Curiae secularis, cum non sit praxis tribunalis S. Officii remittere reum ad alios Judices, nisi ab eis fuerit receptus.

Ceterum quod ad alia sacramenta legantur errores haereticorum apud Jodocum Coccium, in suo Theatro Catholico, ubi adversus illos sacrae litterae ac Patres tum Graeci, tum Latini. Nos tantum haec annotavimus.

Potest Episcopo concedi licentia ministrandi sacramentum Confirmationis absque mitra.

Oleum sanctum infirmorum permittitur deferri super triremibus, pro conferenda extrema unctione, dummodo decenter & cautè custodiatur.

Propositio, quod sacramentum extremae unctionis possit validè ministrari oleo ab Episcopo non benedicto, existimatur temeraria, & errori proxima.

Oleum enim quod est materia sacramenti extremae unctionis debet esse benedictum ex necessitate sacramenti, ita, ut, seclusa benedictione, non valeat sacramentum. Desumitur ex Concilio Tridentino in decreto Eugenii, ubi dicitur, quia tum sacramentum est extrema unctio, cujus materia est oleum olivae per Episcopum benedictum & ex concilio Tri-

Tom. I.

dentino sess. 14. cap. 1. de extrema unct. in fine, ubi ait, intellexit enim Ecclesia, materiam esse oleum, ab Episcopo benedictum. Ratione autem probari non potest. Quia cum hoc dependeat è libera institutione Christi, non potest aliunde talis institutio ostendi, nisi quia sic Ecclesia intelligit, ut inquit Concilium Tridentinum.

Neque dicas ex his Conciliis convinci quidem, quod requiratur benedictio, non autem quod sit necessaria necessitate sacramenti.

At contra, Concilia declarant dogmaticè, quanam sit materia sacramenti extremae unctionis, & dicunt esse oleum benedictum, quod non esset verum nisi benedictio ingrederetur constitutionem materiae, quia quod praedicatur in recto de subjecto, identificatur cum ipso, & si non identificatur, non potest praedicari. Et dum assignant pro materia oleum, non quomodoque sed qualificatum per benedictionem, oportet quod ista qualificatio pertineat ad rationem materiae, alioquin assignarent aliquid pro materia, quod non pertineret ad materiam. Sic quia materia remota baptismi est aqua naturalis, absque eo quod sit benedicta, quamvis ab Ecclesia soleat benedici; attamen quando Concilia assignant materiam, non dicunt esse aquam benedictam, sed aquam naturalem. Ita Concilium Florentinum in decreto pro Armenis §. *Primum omnium*, ibi materia hujus sacramenti est aqua vera, & naturalis, nec refert, frigida sit, an calida. Et Concilium Tridentinum sess. 7. can. 2. de baptismo. Ergo cum dicant materiam extremae unctionis esse oleum benedictum, & non simpliciter oleum, oportet dicere, quod oleum non benedictum non sit sufficiens materia, ita ut benedictio sit de necessitate materiae.

Neque inferitur, quod sola aqua sit sufficiens materia pro baptismo ex eo solum, quod scriptura mentionem faciat solius aquae, sed etiam quia ita fert traditio, quae declarat scripturam. Traditio autem declarat scripturam, quod oleum debeat esse benedictum, & ideo inferri non potest, quod sufficiat oleum non benedictum.

Potest tamen haec benedictio à summo Pontifice concedi simplici sacerdoti. Desumitur ex consuetudine Graecorum, apud quos, ut alibi annotavi, sacerdotes ministraturi sacramentum extremae unctionis benedicunt oleum toties quoties est ministrandum, hic mos est vetustissimus, ut constat ex Euchologiis. Unde cum vigerit ante schisma, non est damnandus. Imò fuit approbatus à Clemente VIII. in instructione super ritibus Graecorum tit. de Oleo Catechumenorum, & infirmorum apud Arcudium lib. 5. de sacram. cap. 2. vers. *Postremo*, ubi haec habet non sunt cogendi presbyteri Graeci olea sancta praeter christma, ab Episcopis diocesanis accipere, cum hujusmodi olea ab eis in ipsa oleorum, & sacramentorum exhibitione, ex veteri ritu consiciantur, seu benedicantur. Quando autem Concilium Tridentinum, ac Florentinum aiunt, oleum ab Episcopo benedictum esse materiam extremae unctionis, intelligunt de Ministro Ordinario benedictionis, non autem de Ministro necessario pro validitate materiae, & sacramenti. Et haec explicatio necessaria est ad concordandam declarationem Clement. VIII. cum Conciliis, dum praecipit quod Sacerdotes Graeci sinecentur uti suo ritu benedicendi oleum pro sacramento extremae unctionis. Unde est explicatio autoritativa, quia nascitur ex facto, & declaratione Summi Pontificis.



## CONSULTATIO CXIX.

## De Abusu Verborum Sacra Scriptura.

**Q**ui sacram Scripturam perperam, atque erroneè intelligit, sive interpretatur aliter, quam spiritus sancti sensus efflagitat, improprie & largo modo, seu in lata significatione, hæreticus dicitur 24. *quæst. 1. can. hæreticus*, & tradit Eymeric. *in direct. p. 2. q. 31. n. 4.*

Atque hinc est, quòd S. Concilium Tridentinum sess. 4. decreto de editione, ac usu sacrorum librorum in fine, temeritatem illam reprimere volens, qua ad prophana quæque convertuntur, & torquentur verba, & sententiæ sacræ scripturæ, ad scurrilia scilicet, fabulosa, vana, adulationes, detractiones, superstitiones impias, & diabolicas incantationes, divinationes, sortes, libellos etiam famulos, mandat, & præcipit ad rollendam hujusmodi irreverentiam & contemptum, ne, de cætero, quisquam quomodolibet verba scripturæ sacræ ad hæc, & similia audeat usurpare, & omnes hujus generis homines, temeratores, & violatores verbi Dei, juris, & arbitrii pœnis per Episcopos coerceantur; quando scilicet in sortilegiis verba sacræ scripturæ, quæ usurpantur, hæresim non saperint, alioquin pœnâ hæresis puniendi, *cap. accusatus §. sanè*, ibique Gloss. *de hæret. in 6.* Unde Inquisitores procedere possunt contra hujusmodi reos, ut per Pegnam *in direct. p. 3. com. 17.* testaturque Locatus post suas quæstiones, *Concl. 1.* quòd quidam Rocchus, Religiosus professus, cum in turpi ludo hymno, *jam lucis orto sydere*, immiscuisset nonnulla verba impudica, & actus inhonestos addidisset, fuit fustigatus in palatio S. Officii, omnibus actibus legitimis, ac voce activa, & passiva per decennium privatus, ac per triennium sexta feria jejuniis afflictus. Quòd etiam refert Farinac. *de hæresi quæst. 178. num. 52.*

Non rarò etiam experti sunt divinum judicium usurpantes sacræ scripturæ verba in prophanos sensus, ut refert Simanchas *de Cathol. instit. tit. 59. n. 17.* ut de Theodora poeta, qui cum in quadam tragædia veller aliquid ex sacris libris admiscere, ei oculos glaucomate luffusos caligasse, & cum erratum cognovisset, exorato Deo, redditam aciem. Similiter de Garzia Sancio Pacensi, qui dum furori Poetico nimium indulgeret, ac sacras Jobi lectiones profanis amoribus accommodare tentaret, justissimo Dei Judicio mente lapsus est. Scripturam quippè sacram pervertere ad confirmandum errores, gravissimum sacrilegium est, illaque abuti ad res turpes, & obscenas gravissimum peccatum, ut per Suarez *lib. 3. de Sacrilegio cap. 7. numero 1.*

Isti enim videntur quodammodo fidem facere impudentissimæ assertioni eorum, qui scripturam sacram audent appellare nasum cereum, aut regulam plumbeam, in omnes partes flexibilem; imò ad res etiam prophanas ac impias probandas, flexibiliorem, & faciliorem, quam facile est ex pedibus, aut semipedibus, aut penthetrimis Virgilianis, epithalamia, seu quidvis aliud congerere, de quo Andrad. Canis. & Afort. *in Enchir. de eccles. Pamel. ad Tertull. de præscript. adversus hæreses.* Nam pleraque illa in Catholicos feralia hæreticorum dicta, & catholicorum quorundam libelli famosi etiam in summos viros Ecclesiasticos, scripturæ dicta sunt, sed ira scripturæ, ut verba solum compareant, res, sententiæ, consequentia, si animo sedato expendas, absit quàm longissimè. Quid verò est sudare in re minimè ludicra, si hoc

non est? Sint enim sanè in aliis concinnandis centonibus à sententiæ flexus isti liberi. Habeant sibi laudem suam Centones Homericæ Pulcheriæ, Virgilio cento Probæ Falconiæ, hominum ingeniosorum lusus alii, Zonaras *tom. 3. in Theodosio jun.* At sacræ scripturæ verba palam oborto quali collo trahere in alium, ac divertum à vero sensu sensum, ac, ut ipsi aiunt, instar cerei nasi, ad probanda qualibet, etiam sceleratissima, torquere, id verò nimis quàm impudens, scelestum, impium, planèque hæreticis dignum est, qui, quod dicendum obiter, in suis libris netariæ hujus impudentiæ specimen exhibent egregium. Hi enim, hi que similes locos sacræ scripturæ cum magna confidentia ad paradoxa quædam immania, & Principibus catholicis, torique Ecclesiæ Romanæ eximabilia detorquent. Sed hæc hæc hactenus.

Qui autem curat sciaticam, vel potius eam curare prætendit verbis Sacra Scriptura, potest dimitti prævia instructione, ac penitentiis salutaribus cum præcepto de abstinendo ab hisce, atque hujusmodi aliis.

## CONSULTATIO CXX.

*De ortilegiis, ac Sortilegiis. Quatuorplex sit Sortilegium? Torreblanca hallucinatio. Quanam dicantur ac sint sortilegia qualificata, qua non qualificata, sive quanam sint hæreticalia, quanam simplicia?*

**S**ortilegia, & maleficia pro eodem quandoque accipiuntur. Nam sortilegium dicitur superstitio quædam illusoria, & maxime nociva, qua utitur homo demonis ministerio, ut per D. Thomam 2. 2. q. 95. art. 3. ibique Cajet. Delatorre, Suarez & alii, & habetur *in can. que sine salvare 26. q. 2. ac l. nemo, & l. multi C. d. malef. & mathem.* Sortilegi autem dicuntur divinatores, & malefici, hostes humanæ salutis, *l. etsi excepta & l. fin. C. eod. Grilland. de sortileg. cap. 1.* Farinac. *in pr. cr. q. 28. n. 73.* Bodinus *de demonom. lib. 1. cap. 1.* Scaccia *de judic. lib. 1. cap. 12.* Carena *p. 2. tit. 12.* Malleus, Remigius, Victoria, Nider, Nazarius, Sylvestre de strigibus, alique plures.

Sortilegium autem strictè sumptum à sorte desumitur, & accipitur pro arte divinandi, ut notavit Grilland. *loc. cit. cap. 2. n. 1.* & hoc modo sumit textus hoc verbum *in can. sortilegi sunt 26. q. 1.* at generaliter sumptum dicitur tam de divinatoriis, quàm etiam de superstitionibus ad maleficia, vel ad amorem. Unde sub hoc nomine continentur Incantatores, Divinatores, striges seu Lamiæ, Sortilegi, Idololatræ, Magi, Arioli, Aruspices, alique, de quibus Zanchinus *de hæret. cap. 22.* Delrius *Mag. lib. 2. & 3.* Remig. *de demonolog.*

Duplex est. Hæreticale, ac simplex. Hanc distinctionem tradunt Eymeric. *in direct. p. 2. q. 42.* ibique Pegna, Scaccia, Farinacius, Masinus, Delrius, Paramus, Locatus, Simancha, Malleus, Delatorre, Navarrus, Clarus, Suarez, Royas, Castrius, Grillandus, Carena, qui omnes pro certo sumunt, sortilegia alia esse qualificata sive hæreticalia, alia non qualificata, sive non hæreticalia, sed simplicia.

At Delrius, & Torreblanca *lib. 3. cap. 8.* tertium invehunt membrum sortilegii, scilicet hæretici. Aiunt enim, hæreticale significare tam quod sapit hæresim, quàm quòd hæreticum est. Sed hæreticum dicitur factum, quòd veritati catholicæ repugnat, non formaliter, sed materialiter; quia est materia, circa quam intellectus



intellectus aberrans, versatur in hæretico errore. Ad factum autem sapiens hæresim sufficit, ut qui asseret fieri posse, quod facit, ejus propositio sapiat hæresim. Verbi gratia. Si quis sacramentalia misceret uisibus profanis circa pactum expressum, vel invocationem expressam dæmonis, factum ageret sapiens hæresim; quia, si diceret, hoc fieri oportere seu licere, hæc assertio saperet hæresim.

Hæc tamen distinctio rejicitur. Tum quia infons ac nova est. Tum quia non necessaria, falsoque nititur fundamento, videlicet miscere sacramentalia uisibus profanis circa pactum expressum, vel invocationem expressam dæmonis, facere factum, sapiens hæresim tantum; quia, si diceret, hoc fieri oportere, seu licere, hæc assertio saperet hæresim. Nam est hæresis manifesta asserere licitum esse alium, quam Deum invocare, vel ejus Sanctos, ut ejus amicos, ac præcipue hæreticum est invocare dæmonem, Dei hostiem, ut docet Pegna cum Eymerico *d. p. 2. q. 42.* Nec abuti sacramentalibus, ut aqua benedicta, in uisibus, vanis vel superstitiosis præcisè est hæreticale, & qualificatum experimentum, ut pluries decisum in sacra Congregatione supremæ Inquisitionis. Nec ullo modo sortilegium potest esse qualificatum, aut hæreticale, quod non involvit propositionem hæreticam. Aliàs enim non posset reo indici abjuratio, quæ tantum propter hæresim indicitur, quam implicat sortilegium qualificatum, non propter suspensionem propositionis suspectæ. Atque ita satis scitè Arauxo *p. 1. disp. 2. de adib. theolog. dub. 7.* inquit, hæresim sapiunt in dicto, vel facto aliquæ superstitiones. Ex quibus colligitur probabiliter, intellectum eas operantis, versari in aliquo errore, vel sensu hæreticali, ut si quis rebaptizet aliquem scienter, sic & adorantes dæmones, illosque invocantes. Ideoque Moura *sect. 3. cap. 1. in fine*, jure succenset Farinac, ac Delrio, dicentibus, sortilegium posse esse hæreticale, & non sapere hæresim, rectèque addit cum Pegna & Suarez, factum hæreticum non facere utentem formaliter hæreticum, sed suspectum.

Quinimo difficultas est apud Doctores, an imponi debeat abjuratio proferenti propositiones erroneas, evidenter illatas ex una de fide, & altera nota lumine naturali, quæ propterea dicuntur de fide in secundo gradu, vel propositiones catholicæ aut theologicæ apud alios. Plerique negant; quia talis non est habendus, pro vero hæretico sed tantum pro hæretico præsumpto. Ita Cano *lib. 12. de loc. theol.* Bannes 2. 2. q. 1. Castropalaus, Sanchez, quos refert, ac sequitur Carena. Nam poterit fortasse quis credere quicquid per Ecclesiam revelatum est cum negatione alicujus propositionis theologicæ, vel de fide in secundo gradu, vel quia principio evidenti non assentiatur, vel quia credat, rectè non inferri ex principio de fide, & altero, naturali lumine evidenti. Haberetur tamen pro hæretico præsumpto ut ait idem Bannes, quem alii sequuntur, nominatim Castropal. *p. 1. tr. 4. disp. 3. pun. 2.* Sanchez *in decal. lib. 2. cap. 8.* Carena *tit. 1. §. 6.* Diana *p. 4. tr. 8. resol. 79.* ubi alii. Quia nemo præsumitur negare principium evidens lumine naturæ, neque illationem rectam ex præmissis. Quare concludunt nonnulli, quod si talis esset philosophus, & perseveraret, esset puniendus, tanquam hæreticus, negans principium a Deo revelatum. Videatur Pegna. Sed aliquando viri docti coacti sunt ad retractationem hujusmodi propositionum, illasque revocare, non autem abjurare dignis de causis.

Si autem emendetur codex Delrii, & pro circa pactum legendum *citra pactum*; tunc adhuc est, esse de fide, non licere miscere sacramentalia, sive divina uisibus profanis, præcipue ad pravam finem, ut abu-

Tom. 1.

ti sacra scriptura, Pater noster, vel aqua benedicta ad captandum improbum amorem. Tunc enim reus prætenfus posset rectè interrogari de credulitate, an crediderit, credatve, licitum esse abuti sacramentalibus aut rebus, verbisque divinis ad pravam finem, ut ad mæchandum, & sic est experimentum qualificatum.

Addendum etiam contra Delrium, Carenam, Pegnam. Delatorre, Farinacium, Scacciam, & Arauxo 2. p. 1. dub. 3. ac nonnullos alios, non esse sortilegium qualificatum, superstitiosè ac vanè, citra pactum cum dæmone expressum, uti aqua, vel cera benedicta, agno paschali benedicto, imò & Pater noster juxta praxim supremæ Inquisitionis, ac meritò quidem. Nam aliàs, qui deferret chartam, in qua esset exaratum Pater noster, vel Evangelium S. Joannis, vel aliud hujusmodi ac diceret, quod certò non offenderetur ab inimicis, quod vanum, & superstitiosum est, ac subderet, quod debeat recitari quotidie in aurora, vel in mutatione Lunæ, aut cum alia circumstantia vana, esset experimentum qualificatum, & talis debet abjurare de vehementi cum pœnis tali abjuratori annexis. Et tamen, nisi aliud addatur, hujusmodi rei expediuntur ferè omnes cum penitentis salutaribus, sicut & committentes alias superstitiones simplices.

Imò plures existimant, hæc non pertinere ad S. Officium. Quod etiam videtur colligi ex *cap. accusatus de heret. in 6. ubi Glossa.* Verum hodie in his etiam S. Officium procedit, cum in iis pactum supponatur implicitum cum dæmone, ut alibi diximus, & fuit decisum in Curia Archiepiscopali Neapolitana in causa cujusdam verula octogenariæ, quæ hujusmodi simplicia sortilegia committebat ad sanandum infirmitates, teste Riccio *tom. 2. dec. 144.* Unde tales debere denunciari S. Officio, tradit Bonacina *de legib. disp. 3. quest. 5. pun. 4. n. 18.* testaturque Carena, ita observari Cremonæ, subde, & in aliis tribunalibus fidei. Nec hodie post Constitutionem Sixti V. adversus astrologiam judiciariam est amplius dubitandum, ut alibi probavimus. Unde, hac visa Constitutione, & quod anno 1518. à supremo Tribunali fuerit iterum indicta ejus observatio singulis Inquisitoribus, Torrelanca revocavit sententiam, & affirmativæ adhæsit *in appendice ad cap. 9. lib. 3.* Quod etiam fecit Moura *sect. 3.* etsi tantum dicat de sapientibus hæresim, licet non manifestè. Quod tamen ad eundem sensum alibi reduximus. In citato autem *cap. accusatus*, solum decernitur, quod in favorem fidei quædam divinationes non habent cultum dæmonum manifestum ex interpretatione Cajetani.

Hisque suffragatur D. Thomas *loc. cit. & quest. 92. ar. 2. ad 3.* ubi ad ultimum genus superstitionis reducit superstitionem simplicem aliquarum observationum. Et *quest. 95. ar. 2.* vanam vocat superstitionem inquisitionem futurorum, ex operatione dæmonum provenientem absque expressa dæmonum invocatione, sed solum quia dæmones se ingerunt vanis inquisitionibus futurorum, ut mentes hominum implicent vanitate. Quod confirmat Cajetanus ibidem. Sic etiam probat Carena *ibidem n. 5.* Inquisitores esse Judices competentes in sortilegiis sanitatis, quæ ab Hispanis *Ensalmas* dicuntur. Quod est medicamentum infirmo adhibendum per psalmos, & orationes, de quo plura nos alibi.

Sortilegium autem qualificatum, aut hæreticale primum verè dicitur apud omnes, nominatim Pegnam Delrium, Carenam, Delatorre, Farinacium, & Arauxum, atque alios, dum exempli gratia reiteratur baptisumus, vel baptizantur imagines, vel magnes, vel cadaver hominis, vel brutum, vel quidvis aliud incapax sacramenti. Factum enim hoc reddit suspectum operantem, quod credat licitum esse reiterare

T t 2 baptisum



baptismus, vel bruta baptizare, ut per Farinac. *de heret. q. 181. n. 23. & seq. Scacc. de judic. lib. 1 cap. 12. Pegn. com. 67. vers. postremo generaliter*, Leon. *in thes. for. Eccles. cap. 36. n. 10. Delrium lib. 5. magic. sect. 15. ac Delatorre, & alios.*

Secundò, hæreticale etiam sortilegium est, quod fit cum invocatione, vel adoratione dæmonum, sive latria, sive dulia soli Deo, & Sanctis debita. Dicitur autem honorari dæmon dulia, si vocaretur sanctus, vel Beatus, vel ei genuflecteretur, vel preces funderentur, luminaria accenderentur, thus, aliaque aromata offerrentur, immolaretur aliquod animal, vel sanguis proprius, de quibus Eymeric. *p. 2. q. 43. ibique Pegna, Scaccia ubi supra, Leon. loc. cit. & Carena d. tit. 12. p. 2. §. 4. Idem dicas de ususpeculi ad præsciendum futura cum oblatione candelæ, quæ adorationem significat. Item si misceatur chryisma, aut aliquid aliorum Sacramentorum, est hæreticale, non quidem sola aqua benedicta, quamvis sit materia Sacramenti baptismi, nisi magus ea utatur ad prævum finem. Sic & abutens Scripturæ sacra.*

Tertiò est quoque sortilegium hæreticale exposcere à dæmone, quæ soli Deo sunt propria, ut mortuorum resurrectionem, cæci nati illuminationem, veram & propriam creationem, prædicere futura, quæ non cognoscuntur in causis determinatis, ac præcipuè certò cognoscere actus liberos voluntatis, ac id genus alia, ut per Pegnam cum Eymerico, Farinacium, Delatorre, & Carenam locis allegatis.

His adde Sanctorum imagines conculcare, Sacramentis abuti, cruces deicere, & quæcunque sortilegia patrata ab habentibus pactum cum dæmone expressum, etsi talia non essent ex parte operis; ut si à dæmone peteretur, ut revelaret quod quis furatus est, & quod ipse probè novit, cui patent universa quæ ad naturalem ordinem spectant. Imò sine expresso pacto si hæc, atque alia, quæ dæmon potest, petantur ab illo deprecative, ut per Eymericum, & Pegnam ibidem, Zanardum *in sum. tom. 2 cap. 64. Genuesem in pr. cap. 18. num. 11. & Carenam loc. cit.* Secus si imperative licet hoc ex genere suo sit lethale ut ex Caietano & aliis jam diximus, quia est contra fidelitatem Deo debitam, ut verò Domino, Suarez *tom. 1. de relig. lib. 2. cap. 19. Binsfeldius in com. 1. eorum C. de malef. q. 2. Graff. tom. 1. decis. lib. 2. cap. 5. n. 8. Farinac. qui alios constipat d. q. 181. de heresi, ac Delrius, alique communiter, tamen videatur contrarius Oldradus *conf. 2. Tiraquellus de piis caus. n. 3. Geminian. conf. 54. Albertin. in rubr. de heret. Clarus §. heresi n. 25. & Caietanus in d. q. 95. ar. 4. qui tamen concordantur cum primis à Delatorre in d. q. 95. ar. 4. disp. 2. Et quidem Caietanus loc. cit. de inquisitione per occursum dæmonis per accidens, & transeunt ex D. Thoma loquutus est, non de invocatione, aut deprecatione, importante cultum materialiter tantum, theologicè loquendo, ut ipse Caietanus protestatur ad finem ejusdem Commentarii.**

Quare non est audiendus Torreblanca, qui plura adversus hanc doctrinam inaniter fundit, præcipuè, quòd is, qui hæreticalia facta profiteretur, sed pravam intentionem negat, tanquam pertinacem negativum esse Curia seculari tradendum. Et quod peius est citat Turrecrematam, & alios, qui de hæretico impoñente, & negativo loquuntur, vel, ut Eymericus, mox adducendus, ait, de renuente satisfacere, prout de jure. Constat enim in S. Tribunali plerumque factorum hæreticalium patratores rectè respondere de fide, hoc est, nunquam se credidisse, illa licere, neque idcirco traduntur brachio seculari, sed, abjurata heresi de levi, vel de vehementi juxta qualitatem indiciorum, ac circumstantiarum, condemnantur vel ad triremes, vel ad carceres per aliquot

annos juxta gravitatem delicti, consideratis aliis circumstantiis, præcipuè personæ delinquentis. Et quid est, quòd condemnatur ut relapsus, quem ne constaret quidem fuisse simpliciter hæreticum, nisi profiteretur, & prædicaret, ista esse licita, sed solum habentem præsumptiones juris, quæ sanè probationes sunt ad suspicandum, non autem ad convincendum?

Nec alicujus momenti sunt, quæ Torreblanca subdit, nempe fortiora sunt facta ad demonstrandum animus, quàm verba, *l. nostra provisione C. de testam. l. 3. §. falsus.* Nam ex factis & gestis exterioribus animus, & voluntas intelligitur, *l. nuntium ff. de leg. 3. & cap. vidua de reg. jur.* Rei namque qualitas intentionem agentis demonstrat, *l. non codicillum C. de testam.* Quia qualis est actus, talis est judicandus animus, cum plus sit factis demonstrare, quàm verbis enucleare, *l. reprehendenda C. de instit. & substit.*

Nam hæc valent ad declarandum crimina, quæ in facto consistunt, non autem in verbis. Et sanè qui occidit, suam intentionem magis ostendit, quàm qui minatur occidere. Secus autem est de peccatis verborum, ac intentionis illa proferentis, qualis est blasphemia, ac heresis. Quare ex factis tantum præsumptio juris oritur. Si quidem talis præsumitur animus, qualia sunt facta, *can. existimant 12. q. 3. can. cavere 22. q. 5.* Cum enim factum est damnatum, & malum præsumitur mala intentione factum, *l. si non convicti C. de injur. & famos. libel. cap. 1. de præsumpt. Panorm. in cap. cum te n. 29. de re jud. & in cap. cum ad hac n. 1. & 3. de appel.* facitque textus in *l. nam ludus. & in l. item Mela ad leg. Aquil.* At de primis verum est, majorem animi voluntatem, ac deliberationem declarare facta quàm verba, *cap. cum filii de heret. cap. contra christianos eod. tit. in 6 cap. dilecti de appel.* Hæresis autem non in opere, sed in mentis errore consistit, *can. heresis, & can. hereticus 24. q. 3. D. Thomas 2. 2. q. 11. ar. 2. ubi Caietanus, Bannes, Aragonus, ac docent communiter Doctores.* Fateor tamen, quòd Ecclesia non judicat de occultis, *cap. sicut, cap. tua nos de simon.* Solus enim Deus cognitor est cordis, *can. nunc quidem de penit. dist. 1. sed ex signis animum interpretatur, can. qui viderit 26. quæst. 5. cap. nuper de bigam. & l. dolum C. de dol.*

Prosequitur Torreblanca ibidem alia inconsultè asserere, ut, sapere heresim dicitur, quando actus ex se divinitatem aliquam creaturæ tribuit, ut, qui dæmonem, tanquam Deum consulit, vel ei exhibet cultum latriæ, eum tanquam Deum adorando; à demonibus petere edoceri de rebus, quæ sunt Deo reservatæ, invocare dæmonem ad faciendum, quod ipse neque scire, neque facere potest, ut revelare futura, suscitare mortuos. Hæc enim, inquit, sapiunt heresim manifestam. Non autem, subjungit, invocare dæmones ad furta cognoscendum, aut qui hostiam non consecratam populo adorandam proponit, & super hostiam consecratam celebrat ad malum finem, & alia hujusmodi.

At profecto hæc omnia inducunt suspicionem heresis manifestæ, quòd scilicet licitum sit prædicta exercere. Quòd est hæreticum. Suspicio enim heresis consideratur propriè reflectendo supra actum delinquentis. Unde interrogatio circa hujusmodi sortilegos ita fit semper. An credant, vel crediderint, licitum esse, v. g. iterari baptismum, abuti ad malum finem sacra scriptura, invocare dæmonem, etiam in ordine ad ea, quæ non sunt Dei propria, licet in hoc non terminetur heresis præfata ex parte objecti materialis. Propositio autem sapiens heresim multum distat ab hæreticali. Suspicio autem heresis per abjuratorem diluitur. Ideoque Eymericus *in direct. p. 2. q. 43. enumeratis pluribus factis hæreticalibus, addit ex D.*

Thoma



Thoma in 2. sent. dist. 7. art. fin. in aliis operibus magicis complementum operis virtute dæmonis expectatur. In omnibus enim est apostasia à fide propter pactum initum cum dæmone vel verbo tenus, si invocatio intersit, vel factio aliquo, etiam si sacrificia desint.

Respondet primum Torreblanca, D. Thomam agere de sortilegiis tantum hæreticalibus. Sed longè fallitur, neque hoc Eymericus, & Pegna ibidem tradunt com. 68. ut eis Torreblanca imponit, sed hæreticale accipiunt generali modo, licet quandoque hæresim importet objectivè, ac directè, & non solum oblique.

Deinde respondet, apostasiam quandoque dicere transgressionem præcepti tantum, cap. si quis venerit, cap. illud de major. & obed. Gloss. in cap. 1. de apost. At quicquid sit de apostasia variè accepta, id certum est, quod in hoc casu D. Thomas loquitur de apostasia, saltem implicita, à fide. Nec requiritur operari contra latrariam erga dæmonem ad hoc, ut factum sit hæreticale, quemadmodum falsò existimat Torreblanca, licet hoc majorem exprimat errorem.

Subditque, non esse hæreticalia per se Astrologiam, Physiognomiam, Chiromantiam, Augurium, sortilegium, & similia, improbens Eymericum p. 2. q. 43. dicentem; quidam sunt sortilegi, & divinatores meri, ut qui ex manus delineamentis divinant, & judicant de effectibus naturalibus, & conditionibus hominum. Nam, inquit Torreblanca, Chiromantia in multis casibus naturalibus permixta est. Insuper ait, non est hæreticale, dæmonem invocare, ut mulierem ad libidinem tentet, & in amorem alliciat, quia hoc non est hæreticum. Similiter ait, neque miscere reliquias sanctorum ad maleficia, quia non est contra latrariam, sed contra duliae venerationem; nec Imagines B. Virginis vel aliorum sanctorum in terram prosternere, calcare, & injuriis afficere.

Movetur, quia hæresis tantum est in intellectu cum pertinacia ex Turre cremata in sum. p. 2. lib. 4. cap. 1. D. Antonino p. 2. tit. 12. cap. 5. Simancha de cath. instit. cap. 31. ac D. Augustino 1. de Trinit. dicente: Errare potero, sed hæreticus non ero. Sic enim excusatur Marcellinus Papa, qui tempore Domitiani, & Maximiani à Pagano compulsus idolo thurificavit, ut habetur in can. nunc autem d. 21. & Osius, Episcopus Cordubensis Concilio Niceni Præfatus, à Pagano compulsus idolis genuflexit, mente tamen fidei, ut pluribus comprobatur Bernardus Alderete lib. 1. antiq. Hispan. cap. 4. & D. Cyprianus fuit in errore de rebaptizatione materialiter tantum, can. si quis inquit 1. q. 1. & D. Paulus doctrinam, D. Petri, Principis Apostolorum reprehendit, quia Petrus sentiebat legalia non esse servanda; & Augustinus, ac Hieronymus passim sibi contradicunt, ut habetur in can. 1. dist. 26. ubi Glossa inquit: Male sentiebat hic Hieronymus. Latè D. Augustinus lib. de bono conjug. cap. 18. Villadiego de hæret. q. 7. numero 7.

At in his quoque oscitans aberrat Torreblanca. Non enim distinguit inter hominem hæreticum, & factum hæreticale. Primum dicit errorem intellectus, ac pertinaciam. Secundum verò inducit suspicionem hæresis, ut quod prædicta operans, credat, illis uti licitum esse. Cyprianus ergo materialiter tantum protulit hæresim. Sic Augustinus & Hieronymus, si hæreses protulerint, & apud aliquos Osius, de quo Villegia in vita Salomonis, & nos alibi, aliis credentibus in senectute animo hæresi adhæsisse. Quod de Petro nullo modo est affirmandum, cum fuerit jam confirmatus in fide. Marcellinus verò factum hæreticale commisit, unde publicè abjuravit, licet hæreticus non fuerit. Alibique probavimus Astro-

Tom. I.

logiam, & Physiognomiam verè judicantiam, quæ est stricto modo divinatio, inducere suspicionem hæresis. Et de hac loquitur Eymericus, ita declarante Pegna ibidem schol. 49. his verbis: Pars hæc Astrologia judicantia, quæ interrogatoria vocatur, cum nulla nitatur ratione naturali, tota superstitiosa est, ac illicita, quæ tunc etiam sapiet hæresim, quando certò aliquid pronunciare audebit ex his, quæ naturaliter sciri non possunt. Non ergo loquitur Eymericus de chiromantia physica, & naturali. Fateor tamen, non esse formaliter, & ex parte termini hæreticum, dæmonem invocare ad libidinem, Imagines B. Virginis, & alia, quæ memorat Torreblanca, scelere aliquo contaminare. Est verò hæreticum affirmare, quod illa liceant, & hujus hæresis suspectus fit, qui talia committit. Et de hoc formaliter interrogatur in processu de factis hæreticalibus.

### CONSULTATIO CXXI.

Utrum sapiat hæresim manifestam invocatio dæmonis ad ea, quæ ipse scire, vel facere potest à Ubi Torreblanca, ac aliorum aberrationes. Ubi iterum de sortilegiis hæreticalibus, & simplicibus.

Asserit Torreblanca lib. 3. cap. 8. non esse sortilegium hæreticale invocare dæmonem, ut mulierem ad libidinem tentet, vel in amorem pelliciar. Quia non est hæreticum per se. Nam Dominus eum vocat tentatorem Matth. 4. Nec spernere Imagines B. Virginis, nec populo ostendere ad adorandum hostiam non consecratam & similia, quæ non important hæresim formaliter ex parte termini. Et ad id falsò citat D. Thomam.

Alii quærent, an quoties constet de pacto dæmonis expresse, sortilegium, sapiat hæresim manifestè, & sic subiciatur Inquisitoribus, etiam ante Sixti V. Constitutionem adversus Astrologos. Tunc enim propter cap. accusatur de hæret. in 6. multorum opinio vigeat, quod non subicerentur Inquisitorum judicio sortilegia committentes, quæ non sapiebant hæresim manifestè, ut tenet Eymeric. p. 2. q. 43. afferens Archidiaconum, Joannem Anduam, & Jo. Monachum in d. cap. accusatus §. sanè, & v. manifestè, & tradunt Grillandus de sortil. q. 10. n. 7. & Oldradus, alique Juristæ. Movebantur, quia dæmon invocatur solum ad ea, quæ eum scire, aut facere posse, fides non negat. Siquidem ipsemet concursus, & amicitia cum dæmone, præcisè à negatione articuli fidei, licet sit enorme scelus, nihil tamen, ut sic, involvit, ex quo manifestus hæresis sapor justè percipi queat.

Referuntur etiam à Moura pro hac sententia Suarez tom. 1. de relig. lib. 2. cap. 19. Sanchez in decal. lib. 2. cap. 25. Delrius magic. lib. 5. sect. 15. licet videatur postea revocare sententiam, Farinac. quest. 181. n. 5. & 34. & 50. & 54. & seq. ac 72. & 81. ubi in utramque partem viderur inclinare, tandem verò n. 85. cum Simancha, & Menochio fatetur, dæmonis invocationem facere vehementer suspectum, licet tradat, quod suspicio de pacto, etiam tacito cum dæmone, non sit factum hæreticale, subdit Inquisitoribus, & carceri.

Contrarium tenent, atque observant communiter Inquisitores post Eymericum in direct. ibid. §. 3. ubi ejus Scholastes schol. 49. declarat, quæ sint sortilegia, quæ sapiunt hæresim manifestè his verbis: Omnia illa sortilegia sapiunt manifestam hæresim, quæ cum aliquo dicto, vel nota, vel facto hæreticali: Hoc enim

T r 3 sufficit,



*sufficit, exerceatur, ut si quis in sortilegio amatorio Deum abnegaret, & Ecclesia Sacramenta, vel in eodem sortilegio admisceret Ecclesia Sacramenta.*

Illa itidem sortilegia, divinationes, sive maleficia sapiunt hæresim manifestè, ac reddunt operantem de hæresi suspectum, in quibus admiscuntur non modò Ecclesiæ Sacramenta, verùm etiam res, quas Theologi appellant, sacramentales. Quod intellige juxta jam dicta. Ideo enim, subdit Pegna, hæc reddunt operantem suspectum, quoniam, nisi crederet, talia sacramenta, vel sacramentalia habere virtutem ad maleficiorum operationem, non adhibuisset illa. Unde Inquisitores curabunt hos diligenter de credulitate interrogare.

Postremò ait, generaliter omnia illa crimina sapiunt hæresim manifestè, quæ natura sua præferunt aliquid, quod est hæresis manifesta, ut baptizare imagines præfert, quòd illæ sint capaces sacramenti baptismatis, preces nefarias dæmonibus fundere, aut illis sacrificare, idolis genua flectere, & similia præferunt idololatriam, & manifestam hæresim sapiunt, quamvis nullum factum per se sit hæresis.

Tales enim, inquit Eymericus *loc. cit.* ut hæretici sunt habendi. Quòd si voluerint pœnitere, & abjurare quæ sapiunt hæresim manifestè, & satisfactionem congruam exhibere, sunt per Judices fidei ad misericordiam admittendi; si verò pœnitere noluerint, ut hæretici impœnitentes tradendi sunt Curia seculari, animadversione debitâ puniendi juxta *cap. ad abolendam §. presenti de heret.* Non quia sortilegi, vel divinatores meri sint, sed quia hæreticalia in his sortilegiis, ac divinationibus committentes, dicuntur sortilegi hæreticales.

Et *cap. 44* idem Eymericus non solùm prima conclusione, ut hæreticos puniendos statuit tribuentes honorem patriæ dæmonibus, sed etiam si dulciæ tantùm, vel hyperdulciæ; imò etsi invocent absque aliqua adoratione, adhuc, ut hæreticos judicio Ecclesiæ esse habendos, quod factum videlicet decernit, etiam si peratur à dæmone, quod non excedit ejus facultatem; sicut enim invocantes Mahumetum, ut prophetam, sunt hæretici habendi, ita & multò magis invocantes dæmonem. Idque comprobatur ex D. Thoma in 2. *dist. 7. art. ult.* his verbis alibi relatis. In omnibus namque est apostasia à fide propter pactum initum cum dæmone, vel verbo tenus, si invocatio intersit, vel facto aliquo, etiam si sacrificia desint. Non enim potest homo duobus dominis servire *Marc 8.*

Ideo Augustinus apud eundem Eymericum hos vocat infideles, ac superstitiosos, & Albertus Magnus in eundem *lib. secundo sentent. eadem d. 7. ar. ult.* ait: Si autem invocatio non fit nisi opere simplici, tunc est apostasia operis; quia illud opus expectatur à dæmone. Cum autem expectatur aliquid à dæmone, vel aliquid accipere per ipsum, semper est fidei contumelia, & ideo apostasia, saltem inducens fidei suspicionem. Ac idem sentiunt S. Bonaventura & Alenis in dictum *sententiarum locum*, Panorm. in *cap. 1. n. 4. de sortileg.* Caltrius *lib. 1. cap. 18. de just. heret. pun.* Glossa communiter approbata in *d. cap. accusatus de heretic. in 6.* Simanch. *de cath. instit. tit. 26.* Royas, Squillacensis, Carrerius, Carena, & Moura *de ensalm cap. 5. sect. 3.* afferens Barbariam, & Sylvestrum *v. hæresis 2. n. 5.* dicentem ita omnes sentire, ac ita observari, ac Theologos alios, & Juristas, ac item Bullam Joannis XXII. in qua, postquam prædictos omnes invocatores, artemque magicam docentes, eaque utentes vocaverit solo nomine christianos, quia, relicto primo veritatis lumine, fœdus ineunt cum morte, pactumque cum Inferno, submittit excommunicationi ipso facto, aliisque pœnis quas, ait, de jure merentur hæretici per suos com-

petentes Judices, præter bonorum confiscationem duntaxat.

Nec refragatur Sanchez & Suarez apud Mouram *loc. cit.* dicentes hanc Bullam non esse sufficienter promulgatam. Quia non reperitur in Bullario. Nam reperitur inter Extravagantes, extratque apud Doctores, & in Directorio Inquisitorum, ac præsumitur promulgata, ideoque non potest dari excusatio ex ignorantia. His accedit Bulla Julii II. & Adriani VI. relatæ à Pegna, in quibus licet agatur de assumentibus dæmonem in suum dominum cum erroribus contra fidem, videtur tamen etiam extendi ad quoscumque incantatores, ac dæmonum invocatores, ac in illis decernitur, eos omnes subiacere jurisdictioni Inquisitorum, ut de fide suspectos. Et Pius IV. in Bulla, quæ incipit, *Nuntiatur est nobis*, simpliciter statuit, hæreticum esse expectare responsa à dæmone. In Concilio item Carthaginensi relato in *can. Episcopi 26. q. 5.* perspicuè habetur dæmonum invocatores esse hæreticos. Nec dissentiant jura civilia, quæ omnes illos, ut hæreticos puniunt, & docent communiter etiam recentiores, nominatim Candidus, Trullench. Ghetius, Diana, Duardus in *Bull. Cæna*, Perer. apud Mouram *loc. cit. cap. 3. sect. 2. n. 6.* alios referens, Azor *p. 1. lib. 9. cap. 26. q. 4.* Delacruz, Faultus, Augustinus Anconitanus *de potest. Eccles. ar. 1. q. 48.* Malleus *p. 1. q. 14* Nider in *comp. malefic.* ubi alios item, ac Bullas Pontificias adducit, Constitutio Sixti V. in qua, ut hæretici damnantur includentes dæmonem in annulis, phialis, ac similibus. Idemque affirmat de perquirentibus furta, & alia secreta in speculis, quos omnes, ut vehementer de hæresi suspectos subijcit Inquisitoribus, in qua indefinitè quidem subijciuntur privativè quoad seculares, non autem quoad Episcopos omnia magica sortilegia. Indefinita enim æquipollent universali, *extravag. Unam sanctam de major. & obed.*

Neque adversatur Cajeranus 2. 2. *q. 95. art. 4.* inquiens, recursum ad dæmonem non sapere hæresim manifestè, quatenus potest ab invocante denudari ab idolatria, & hæresi. Nam loquitur de intentione operantis. Potest enim esse, quòd non credat licitè hæc fieri, ideo non abjurat de formali tales operatores, sed de vehementi, vel de levi, quia intentio operantis præsumitur talis, quale est opus, quòd operatur, *L. si non conviciis C. de injur.* ubi Glossa. Quòd injurianti incumbit onus probandi, non habuisse intentionem injuriandi, *cap. 1. de presumpt.* ibique Glossa, ubi quòd mittens lanceas, & sagittas in mortem, & generaliter quodvis delictum in dubio præsumitur dolo factum, tum ex illo Christi, ab operibus eorum cognoscetis eos, & ex illo Philosophi, qualis quisque est, talia dicit, & facit. Quemadmodum enim opera exprimunt mentem operantis, ita & ejus intentionem. Ideoque Caietanus ibidem subdit. Hæc autem accipe dicta theologicè, quoniam non me impedit, an juris intentio sit, quòd contra sortilegos cum injuria sacramentorum Inquisitores procedant. Gaudeat unaquæque scientia suis terminis. Declarant verò se magis Caietanus in *sum. v. Incantatio*, & alibi.

Displicet tamen pro hac doctrina confirmanda ratio à Moura tradita. Quoniam, ait, omne delictum valde enorme, non invitans, voluntatem ex se ad sui patrationem, vel saltem eam retrahens, præsumitur commissum ex errore intellectus. Displicet inquam. Nam ex proprio arbitrio movetur homo aliquando in odium Dei, quo non est aliud majus, retrahens voluntatem, cum Deus suapte natura sit summè amabilis, & tamen id non sapit hæresim. A dæmone autem trahitur homo commodo utilitatis, vel voluptatis.

Minusque placet quod *cap. 3. sect. 3.* tradit idem Moura,



Moura, nempe: Omne delictum valde enorme, per se loquendo, in qualibet materia reddere delinquentem suspectum de hæresi. Adducit Henriquez & Simancham, ut in eo, qui cum fœminis consanguineis, affinibus, monialibus, aliisque id genus facillè committitur, & in eo, qui iuramenta scelerata edit. Henriquez tradit exemplum in peccato nefando, Pegna in eo, qui absque necessitate vescitur carnibus ab Ecclesia vetitis, vel rarè divinis officiis interest, peculariter Missæ, vel sacramenta non recipit, vel non jejunit, cum possit, ac tenetur, vel deierat frequenter. Nam bestialitas non pertinet ad S. Officium, etiam in Hispania, teste Moura, cum tamen sit enormior vitio nefando, etiam in genere luxuriæ, ut docet D. Thomas 2. 2. q. 154. ar. 12. ad 4. ubi ad hunc sensum cum Glossa exponit illud Genesis 27. de Josepho: Acculavit fratres suos de crimine pessimo. Quia scilicet cum pecoribus miscebantur. Nec scelus nefandum reddit suspectum de hæresi. Unde illud perpetrantes non abjurant in Inquisitione Hispana. Et quamvis antiqua diplomata pontificia loquantur tantum de nefando crimine pro Hispania, ob propensionem ad illud, potest tamen id à fortiori accipere interpretationem pro crimine bestialitatis. Certum autem est in S. Tribunali plures sponte comparentes, ac se accusantes de bestialitate, expediuntur absque abjuracione, & ad pares cum literis testimonialibus dimittuntur ob timorem, ne accusentur, & puniantur ex ea ratione, quod bestialitas enormior est scelere nefando.

Ratio igitur vera est, quia non licet ad demonem recurrere, illumque invocare. Præsumitur enim sic invocantes credere, id licitum esse. Facta siquidem hæc mentem manifestant facientis, quemadmodum dicta ex Aristotele lib. 1. de interpret. de quo Paramus lib. 3. de orig. Inquis. q. 9. Ac licet expressius illam significant verba, quippe quæ sunt signa formalia, & instituta per se tantum ad significandum, facta autem nequaquam; Hæc tamen possunt ad idem significandum adhiberi, ac ita dicuntur signa instrumentalia. Imo possunt quandoque ex circumstantiis expressè significare mentem. Quo pacto intelligendus est Chrysostomus in psalm. 13. per quem Simanch. de cathol. instit. tit. 30. quanto facta sunt potentiora ad persuadendum, tanto factis, quam dictis Deum negare, gravius est. Ideoque ait Moura, factum impositum ad significandum formaliter, significat non solum factum hæreticale, vel hæreticum, aut sapiens hæresim, sed hæresim ipsam, sicut transitus vel reditus ad ritus Judæicos probatur convincit de credulitate hæretica ex cap. contra Christianos de heret. in 6. Sicque comprobatur, plus esse facto quam verbo delinquere, L. Paulus ff. rem ratam hab.

Quomodo autem facta significant mentem hæresi corruptam difficillè explicatur. Ducens simul duas uxores, sollicitans ad turpia in sacra confessione sunt quidem suspecti, quod credant, id licere. At cur non potius dicamus, hæc libidinem, non hæresim præferre ad quam homo suapte natura trahitur, & est adeo proclivis?

Delrius lib. 5. sect. 15. §. axioma primum, inquit, factum hæreticum, sive hæreticale dici, quia qui teneret, posse fieri id, quod fit, esset hæreticus, v. g. rebaptizare puerum. At modus iste dicendi non sustinetur. Sic enim quodlibet peccatum esset hæreticum. Nam qui diceret fornicationem esse licitam, esset hæreticus.

Sotus in tract. de heres. docet, illud peccatum esse hæreticale, vel hæreticum, quod aliqui hæretici laudant, vel non esse peccatum asseruerunt. Quod meritò reprobarur à Castrio, Paramo, & Moura. Quia rarissimum est peccatum, quod non habuerit aliquem patronum hæreticum.

Castrius ait, suspectum reddere de hæresi peccatum quod non movet voluntatem ob delectationem vel utilitatem, sed indifferenter se habet, ut deferre galerum viridem potius, quam luteum, ideo ad intellectus errorem recurrendum. Quod approbat Moura. Sed rejicitur, nam apud ipsum Sodomia, apud omnes polygamia, & sollicitatio ad turpia in sacra Confessione reddunt operantem suspectum, & tamen voluntas plerumque movetur ad hæc scelera ex concupiscentiæ delectatione.

Ludovicus Correa in manuscripto apud Mouram autumat, non reddere suspectum duas simul accipere uxores, ac similia ex libidine profecta, sed divinationes, & maleficia. His enim, nisi quis crederet non uteretur remediis ad assequendum desiderata ut insinuat Castrius. Sed exploditur. Nam primum est contra Constitutiones Pontificias, præcipue contra Constitutionem Gregorii XV. & contra praxim S. Officii, ac Doctores communiter. Et quoad secundum posset dici, agentem non uti illis, quia sint licita, aut quia veneficia virtutem naturalem habeant ad effectus intentos, sed quia sciunt gaudere dæmones sacrilegiis, eaque velut in pretium exigere ad obtinendum effectus desideratos, si, qui ad illos confugiunt, quia depauperati in auri fictione, vel ad assequendum amasiam, vel favores Principum, & sic vel ex commodo, vel ex concupiscentia moventur. Sic etiam nonnulli celebrantes Missæ Sacrificium, ad sacerdotium non promoti moventur ex necessitate victus, aliqui ex vanitate, & jactantia, & tamen traduntur ab Inquisitoribus Curie seculari, præmissa abjuracione. Imo blasphemans hæreticaliter ex vehementi passione, quasi ab ea obcecatus pro prima vice tantum non judicatur suspectus de hæresi, cum tamen blasphemia opponatur veritati fidei. Nam est hæreticalis.

In his igitur attendendæ sunt grassantes hæreses, damnum imminens fidei, & sacramentis, aliæque circumstantiæ, temporis, loci, ac personarum & periculorum, ex quibus Pontifices casus aliquos deferunt ad S. Tribunal Inquisitionis. Hinc quia Pius IV. cognovit quod in Hispaniam, præsertim Hispalim multa mala invehebat abusus Sacramenti Pœnitentiæ, decrevit, illum esse casum S. Officii, & imposuit graves pœnas abutentibus, quas confirmavit & auxit pro toto Orbe christiano, etiam ad ultimum supplicium Gregorius XV. Ita etiam sacerdos dum se parat ad celebrandum Missam, aut ministrandum sacram Eucharistiæ. Ideo præsumitur, quod sicut tales non credunt in sacramento pœnitentiæ, ita videtur oriri eadem suspicio, contra abutentes sacramento Eucharistiæ. Unde si in hoc intercederet abusus, sine dubio esset casus S. Officii à simili, sive à pari, vel à minori ad majus, licet major commoditas sit in abusu sacramenti pœnitentiæ, ideo remedium præsentaneum. Hinc etiam quia maximum damnum Ecclesiæ, ac proli Christianæ affert polygamia, declararunt summi Pontifices illam in S. Officio puniendam, quamvis plerumque ex concupiscentia committatur. Sic de comedentibus carnes diebus ab Ecclesia vetitis, etsi à gula sæpius trahantur. De fornicatione autem non est statutum, illam esse casum S. Officii. Quoniam est valde commune hoc peccatum, & liquidò constat, non committi, nisi ex fragilitate, non autem ex hæresi Lutherana. In Hispania verò crimen nefandum est causa mixti fori, pertinet etiam ad S. Officium. Semper verò abjuratio est contra hæresim, ut patet ex ejus formula apud Masinum in suo Arsenali. Et in memorato casu facilius oritur suspicio Idololatriæ, vel adorationis dæmonis. Ideo D. Thomas ad cap. 3. Isaia concludit, semper esse peccatum inquirere à dæmone, & apostasiam à



fide, ut inquit Augustinus. Et 2. 2. q. 95. ar. 2. in corp. & ad 2. docet, divinationem factam opē dæmonis spectare ad ejus cultum, quatenus aliquis utitur quodam pacto tacito vel expresso cum illo, & ad superstitionem pertinere, non solum cum sacrificium dæmonibus offertur per idololatriam, sed etiam cum aliquis assumit auxilium dæmonum ad aliquid faciendum, vel cognoscendum. Quod tradit luculenter Augustinus relatus in can. non observetis 26. q. 7. & sequitur Suarez tom. 1. de relig. lib. 2. cap. 8. ubi diligenter more suo id his verbis expendit: Quo pacto recurrere ad dæmonem pro bono aliquo impetrando, est casus protestativus, & recognitivus excellentia divina in dæmone. Idque confirmat Academia Parisiensis, damnans ut errorem, hanc propositionem. Quod inire pactum cum dæmonibus tacitum, vel expressum, non sit idololatria, vel species idololatriæ. Origenes apud Simancham cit. tit. 21. inquires maleficia, auguria, divinationes, phylacteria, & incantationes esse diaboli seductiones, irrationes, & idololatriæ fæces. Unde ipse Simanchas ex D. Thoma, & Caietano fatetur invocationem dæmonis spectare ad apostasiam, & infidelitatem, etiam ad revelandum furta, & similia, & ex Malleo p. 1. q. 14. qui ait, esse semper apostasiam operis, quia in omnibus est fidei contumelia, eo quod expectatur à dæmone, quod à solo Deo est sperandum. Idipsum asserit Augustinus Anconitanus loc cit. id probans, quia est actus contra abrenunciationem Satanæ emissam in baptismo, & ex vi operis est desertio fidei in eo protestatæ. Comprobatque ex Damasceno, quoniam ejusdem est rem creare, & de illa providere. Quare eo ipso, quod quis ad dæmonis providentiam recurrit, simul protestatur illius esse creatorem. Guilandus quoque, agens de præfatis observationibus, etsi alibi contrarium videatur sentire, attamen lib. 2. de sortileg. q. 3. n. 17. sic veritatem faterur, ac profiteatur: Dæmon, ait, adeo subtiliter operatur, ut etiam per sacerdotes in sacrificio Missæ extorqueat sibi cultum. Ad hoc enim cuncta dirigit versipellis, & cum vehementer præsumatur hoc non latere supplicantem, ac efficaciter desiderantem obtinere bona à dæmone, præsumitur etiam consentire. Id, quod annotavit Repertorium Inquis. v. dæmon, dum ait, quod fœderatus cum dæmone facile trahitur ad infidelitatem, ut ostendit Alensis apud Eymericum; reddens rationem, quia dæmon, caput superbiæ, summopere ab omnibus adorari desiderat; unde vanitatibus avidissimè deditis taliter persuadet, & talibus modis eos allicit, ut sacrificium, vel reverentiam ei exhibeant. Et in summa, inquit, quod dæmon non responder, nisi super pacto, ut apertius exprimunt Castrius, Suarez, Petrius, Moura, Delatorre ac ipse Torreblanca, quibus addo Molinam in manuscripto apud Mouram, ubi agitur de apostasia à fide, quam lamiæ plerunque sub initio perfidie profitentur. Idem, inquit, dico de quocumque alio, qui pactum haberet cum dæmone, eique se traderet. Tales enim cum minimè, valde suspecti sunt in fide, & regulariter solent à fide apostatare, & dæmonem in suum Dominum assumere, eique adorationem, & cultum tribuere, &c. Igitur jure ac merito, ut vehementer suspecti de fide condemnantur, quamvis rectè respondeant de intentione interrogati in processu.

Ex quibus carè colligitur contra Torreblancam, & alios, sortilegia hæc esse qualificata, & hæresim sapientia manifestam. De quibus vide plura apud Mouram sect. ult. & nos alibi.

## CONSULTATIO CXXII.

An sit sortilegium qualificatum sive hæreticale, quod committitur cum ossibus mortuorum, acceptis ex aliquo cæmeterio?

Quid de sortilegio ad sanitatem cum hostia non consecrata? Præsertim celebrando Missas super illa, cui tamen non applicantur verba consecrationis à sacerdote; imo quandoque sacerdos nescit, an adsit talis hostia.

Quid de sortilegio amatorio?

Quid de sortilegio, in quo sanctitas alicujus Sancti canonizati in dubium revocatur, ut si invocatur in sortilegio Sanctus aliquis sub conditione, si Sanctus es?

Et utrum sit sortilegium hæreticale uti nominibus, & characteribus, ac signis ignotis, præcipue nominibus Angelorum, præter Michaelem, Gabrielem, & Raphaëlem?

Ad primum videtur affirmativè respondendum. Quia ossa illa sunt pars corporis humani, solenni ritu ab Ecclesia benedicti, dum Ecclesiastica sepultura traderetur. Et ita tenent aliqui viri pii.

At contrarium tenendum est, si præcisè casus iste consideretur. Non enim à sepultura solenni accipit cadaver humanum aliquam consecrationem. Imo & sacramentalium usus superstitiosus non qualificat sortilegium. Abuti enim superstitiosè capillis mulieris, non importat qualificationem, quamvis capilli sint pars corporis benedicti in baptismo, & in Confirmatione ab Episcopo, sacro chrismate inuncti. Unde tales abutentes aliqua parte corporis humani juxta superstitionem simplicem expediuntur.

Ad secundum. Affirmativè responder Scaccia de judic. lib. 1. cap. 12. addens, se nescire, quomodo salvari possint à lapsu Oldradus, Farinacius, & Guilandus, qui contrarium tenuerunt. Nam sortilegus illa hostia utitur, quia fuerunt super ea celebratæ Missæ, & ideo intendit virtutem missarum miscere in sortilegio. Et licet hostia non sit consecrata, tamen adhibetur in sortilegio propter missas super illam celebratas. Ideo dicendum, sortilegium re sacra abuti. Nisi enim crederet Missas hostiæ virtutem addere, missas super ea recitari non curasset.

Hanc sententiam sequitur Carena lib. 2. tit. 12. §. 8. adducens pro se Zanardum, qui tamen alium casum affert, nempe hostiam non consecratam in aëra sursum cum spreto projicere ad solvendum maleficium, etsi super illa hostia non sint celebratæ Missæ.

Et profectò verum est, tale factum esse hæreticale, etiam in foro exteriori, si appareant signa manifesta quod in contemptum Missæ, vel sacramenti Eucharistiæ id egerit. Contemnere enim sacramenta, est factum hæreticale, aliàs non judicabitur, ut hæreticale. Quare sacerdotes recentes, qui missarum cæremonias addiscunt, elevant hostiam absque periculo criminis, cum nulla appareat, neque adsit circumstantia contemptus.

Oppositum tamen censent Doctores allegati à Scaccia & Locatus in judic. Inquis. v. sacerdos n. 4. ac Delrius lib. 5. magic. sect. 15. & Delatorre, addens, dummodo rectè sentiat sortilegus de præsentia Corporis Christi in sacramento, nec crediderit hostiam, Missas,



Missas, & sacramentum altaris aliquam vim habere ad effectus magicos. Hæc sententia, inquit, probabilis est, si de hac ejus intentione, & credulitate constet. Nam quandiu non constat, mihi quidem videtur de hæresi maximè suspectus. Et hæc pars est sine dubio probabilior. Tum quia in hoc casu intervenit abusus alicujus sacramenti, vel sacramentalis ab Episcopo consecrati, ut est oleum sanctum chrismatis, & illa hostia non consecrata nihil habet sanctitatis, etsi instituta sit in ordine ad consecrationem, ut sit illius materia. Tum quia illa passim utuntur ad alios usus, ut ad sigillandum Epistolas. Tum quia panis triticeus est materia sufficiens Eucharistiæ. Tum quia abuti simpliciter aqua benedicta, quæ est materia sacramenti baptismi, non est superstitio qualificata.

Id tamen certum, quod si Missæ ordinarentur ad aliquod peccatum, ut ad sortilegium amatorium, videtur abusus Missarum, & sic esset qualificatum, non autem propter hostiam non consecratam. Nec debet constare de credulitate, & intentione recta alicujus operantis ad hoc, ut judicemus rectè de illo. Nam semper per se rectè suspicari debemus de proximo, imò ut malè de eo suspicemur, præsertim de hæresi, magnæ res debent nos permovere. Nec credulitas, aut intentio operantis tollit, quin factum sit hæreticale. Ut enim diximus, committens sortilegium hæreticale, quamvis rectè super intentione respondeat, abjurat tamen de vehementi.

Atque ex his respondetur iis, quæ tradit Scaccia. Loquitur enim de Missis ordinatis ad sortilegium quod est abusus Missæ. Non ergo propter hostiam non consecratam. Zanardus verò arguit de hostia non consecrata. Nam in quacunque hostia reperitur Crux Christi, quæ ubicunque & in quacunque materia reperitur, semper est adoranda adoratione latriæ, ut docent Theologi in 3. dist. 9. & in 3. p. 9. 25. art. 4. & nos alibi. Et confirmat primò, quia sæpe non rem, sed significatum inspicimus. At quæcunque hostia, sive consecrata, sive minimè, semper repræsentat sacrosanctum missæ sacrificium. Unde illam spernere, est communiter spernere sacramentum altaris. Deinde quia, si sortilegus non intellexisset derogare sacramento altaris, cur potius hostiam, quam rem aliam selegisset? Eoque magis, addit Carena quia Diabolus, primus inventor omnium sortilegiorum, præsumitur id facere in odium & contemptum tam sacramenti altaris, quam Sacrificii Missæ. Quibus subiungit Delatorre, Nisi crederent ex loco sacro, ut alia consideratione, res sacras habere vim ad effectum magicum, ea hostia, vel illis rebus non uterentur.

Ex his respondetur ad primam confirmationem, quod, considerata hostia, ut repræsentat Crucem Christi, si sperneretur, esset factum hæreticale, sicut & qualibet alia imago Christi in quacunque materia est adoranda, secus materialiter. Et ad secundam, ideo superstitio est simplex, quia hostia illa utitur potius, quam alia re non qualificata, quia non est adhuc consecrata. Si autem sciretur fuisse tale sortilegium inventum à dæmone, & ab eo edoctos magos cum aliquo pacto, jam ob hanc causam tantum, ut opponit Delrius, esset hæreticale. Quod autem subiungit Delatorre, probat duntaxat superstitiosum esse actum illum, non autem per se qualificatum, aut hæreticale.

Neque dicas, quod forma sacramenti Eucharistiæ adhibita in sortilegio ex communi sententia reddit illud qualificatum. Idem igitur dicendum est de alia parte integrante ejusdem sacramenti, id est de hostia non consecrata, quæ ita est materia sacramenti, quod moraliter pro Eucharistia tantummodo est de se de-

stinata, & non est sicut aqua, & oleum respectu sacramenti baptismi, & Confirmationis, quæ de se sunt materiæ communes, tam ad sacra quam ad profana.

Nam respondetur, diversam esse rationem de forma & materia sacramentorum, ut patet inductive. Forma enim determinativa est, & consecrativa. Materia verò ante formam indifferens est, ut constat in pane, & aqua, & oleo, & hostia non consecrata, deserviente ad obliuendum litteras. Quod non fit per accidens, ut credit Delrius, sed per se moraliter, cum liberè posset quilibet illa uti ad alios effectus absque scrupulo, etsi multæ hostiæ deserviant sacrificio Missæ.

Quare ita concludimus. Ex parte hostiæ non consecratæ, ut sic, & præcisè, non potest esse sacrilegium qualificatum, sed tantum si sit contemptus imaginis, vel Missæ abusus. Et ex parte abusus Missæ solum est probabilis sententia affirmativa, de qua nunc non quæritur, sed de hostia non consecrata. Unde Arauxo sic ait: Etiam sapit hæresim, si res non sacræ, quæ tamen ad sacrum non destinantur, ut hostia non consecrata, adhibeantur in loco sacro puta in altari, quia si non crederent hi superstitiosi ex loco sacro, vel alia ratione hujusmodi res sacras vim habere ad magicum effectum ex hostia, vel aliis, hujusmodi rebus non uterentur. Hoc autem argumentum potest confici circa quamlibet superstitionem simplicissimam, ut in aurora dicere ter Pater noster, vel in mutatione Lunæ. Si enim non crederent valere, non dicerent sub illis circumstantiis sic applicantibus amuletum, vel scriptum cum Evangelio S. Joannis contra justam torturam, & similes superstitiones simplices, de quibus vidi ego dubitare officiales aliquos an ad S. Officium spectent, contententes proponere Qualificatoribus, an ad S. Officium spectarent, id est scirent hæresim, antequam Inquisitor causam assumeret. Modò est novus usus, plura decreta, & Extravagans præfata Sixti V. Unde cessat omnis dubitatio. Hæc Arauxo.

Sed tantum animo sortilegus ordinat Missam, ad sanitatem superstitiosè acquirendum, sacerdote etiam nesciente subesse hostiam non consecrandam. Unde qualificationem quæ in foro exteriori attenditur, assequi non potest.

Ad tertium. Si interveniat abusus sacramentorum, invocatio dæmonis per verba deprecative, ut ex Oltrado tradit Eymericus, præter aliàs dicta, sortilegium sine dubio erit hæreticale. Item si sortilegus crederet, maleficia, vel dæmonem posse cogere alicujus viri, vel mulieris voluntatem ad amorem, tunc esset hæreticus, & si hujus signa præ se ferret in sortilegio, ipsum esset hæreticale, ut notant Pegna, & Grillandus de sortil. q. 10. n. 14. Castrius lib. 1. de just. hæret. punit. cap. 15. Carena loc. cit. §. 7. alique post Eymericum in direct. p. 2. q. 43.

Exceptis autem his casibus, partem negativam tenent plures Doctores apud Pegnam, & Carenam ibidem. Quia per hæc sortilegia postulatur à dæmone auxilium ad tentandum, quod est ipsius proprium, cum Matth. 4. tentator appelletur. Tentat autem suggerendo, & movendo modis aliis declaratis. Ita Jo. And. ad speculator. tit. de sortil. & in cap. accusatus §. sanè de hæret. in 6. ibique Geminianus, Franchus, alii, & Carter. de hæret. n. 23. alios referens. Sed insistendum est alibi dictis de invocatione dæmonum.

Ad quartum. Difficultas est inter Theologos in 3. dist. 25. & in 2. 2. tr. de fide, in quo gradu sit hæc propositio; Summus Pontifex non potest errare in Canonizatione Sanctorum. Nam Suarez de fide disp. 5. sect. 8. n. 8. ait, hanc propositionem non esse de fide,



fide, sed tantum impiam, & temerariam. D. Thomas, Cajetanus in *rr. de Indulg. ad Julium III. cap. 8.* Cano lib. 5. de loc. theolog. ad finem, Grenados 2. 2. Arauxo, aliique plures tenent, pie tantum credendum esse, Papam non errare in Canonizatione Sanctorum cum sit in materia facti, & testimoniis Sanctum aliquem declarer. Alii censent, id esse de fide in primo, vel secundo gradu, existimantes materiam esse morum, vel doctrinam. Ita Valentia 2. 2. disp. 5. pun. 7. q. 6. Piti-gianus in 3. sent. dist. 25. q. 2. ar. 5. & Castropal. tom. 1. disp. 1. pun. 5. §. 4. qui alios adducunt, quibus & ego adstipulor, de quo alibi.

Ex his igitur juxta tertiam sententiam dicendum est, hujusmodi sortilegium esse formaliter haereticale, & juxta primam, licet non sit haereticale, puniretur tamen sortilegus ille ob conditionem impiam, & temeritatem maximam, eoque magis, si Sanctus fuisset jam communiter acceptus à tota Ecclesia. Ut enim ait Augustinus, insolentissimae infaniae est disputare, an sit faciendum, quod tota facit Ecclesia. De quo Bel-larminus tom. 1. disp. 7. lib. 1. cap. 9. & Gravina.

Arauxus disp. 2. par. 1. dub. ult. temerarium esse ait, negare B. Virginem cum corpore in caelum assumptam. Quia contra communem consensum Patrum, sed non ut fidei rem asserentium & totius Ecclesiae externam protestationem; asseveratur sine ullo rationabili fundamento. Quod non obstat, subdit, quominus habeat aliam graviolem censuram annexam, erroris scilicet, aut errori proximam, quatenus ex illa sequeretur, Ecclesiam Catholicam errare posse in festis Sanctorum, quae solemniter celebrat ritu, atque in eo, quod celebrandum omnibus suis fidelibus proponit, & in his, quae in divino canit Officio. Quae plene omnia erronea sunt.

Quod autem ibi subjungit, temerarium esse negare fidem historiis Sanctorum communiter receptis, maxime illis, quae in divinis Officiis narrantur, intelligendum est juxta dicta ex Cano, ac Delatorre in controversia de Traiano. Historiae namque proponuntur in Breviario ex autoribus ibi nominatis ante lectiones, & saepius immutatae fuerunt, ob subortas difficultates. Comprobatur autem quod ait Arauxus, de iis, quae certo accipiuntur, & canuntur à tota Ecclesia, ut praefationes, & similia.

Ad quintum. Intelligitur quaestio, nullo alio intercedente pacto expresso cum daemone, vel sacramenti abusu, & ita existimantur sortilegia, non autem haereticalia. Sub illis namque figuris, & characteribus, quae ex sui natura nullapollent virtute, supersticiosum aliquid repraesentatur. Unde sunt à Deo prohibita Levit. 19. ac ita Pegna in com. 68. p. 2. Simanchas de cath. instit. 63. Farinac. de delict. & pœn. q. 20. n. 97. & seq. ac de haer. q. 181. 30. alios citans, Azor instit. moral. lib. 19. cap. 26. q. 6. pag. 1. Torreblanca de magica operat. lib. 2. cap. 9. n. 26. Anania de natur. demon. lib. 2. Carena & alii.

Quoad nomina autem Angelorum plura diximus suo loco, suspecta nimirum esse omnia nomina Angelorum praeter recensita in Concilio Romano sub Zacharia Papa apud Baronium anno 745. n. 37. de quo, praeter alios legas Arauxum in tract. de Angelis, & Cornelium à Lapide in cap. 1. Apocal. vers. 4.

Hoc certum, nomina Gop, Giber, Gadebrus norante Anania, esse nomina daemonum. Idem dixerunt Patres in eodem Concilio de aliis nominibus, de quibus nos dicto loco. Quare sortilegia cum praedictis nominibus erunt qualificata, ut pote cum expressa demonis invocatione.

## CONSULTATIO CXXIII.

An Ordinarii, ac Inquisitores in causis sortilegiorum sint Indices privative quoad Laicos? Quomodo procedendum sit contra divinatores, sortilegos, strigas, & maleficas? Ubi de hac re instructio Episcopis, & Inquisitoribus.

Ad primum. Plura diximus alibi, sed quoniam res haec est frequens, & gravis, ideo nonnulla sunt vel repetenda, vel addenda.

Crimen haeresis esse merè Ecclesiasticum, & quidem privative quod laicos, ipsa rei natura manifestat. Nam fides est virtus theologica, respiciens directe ac per se finem gratuitum supernaturalem, & quae directe pertinet ad illud jus pascendi oves Christi, quod Christus dedit Petro Joan. 21. verbis illis. *Pasce oves meas.* Unde, quod laici non possint de hoc crimine cognoscere, statutum est in cap. *Ut Inquisitionis de haer. in 6.* ac docent Theologi, & Canonistae communiter. Atque adeo etiam cognoscere de crimine, quod haereticum sapit, pertinet ad Judicem Ecclesiasticum, etiam privative quoad laicos. Quod plene certum est, ubi crimen sapit haereticum manifeste. Quod autem Ordinarii, ac Inquisitores possint cognoscere de divinationibus, ac sortilegiis, definitur in cap. *accusatus, §. sane de haer. in 6.* Et quod haec cognitio spectet ad Judicem Ecclesiasticum privative quoad laicum ex eo liquet, quoniam illius Judicis est cognoscere de suspitione delicti, sive de delicto praesumpto, cujus est cognoscere de vero delicto. Quid est enim causa, cur Judex cognoscat de delicto praesumpto, si reperiens suspitionem, ac praesumptionem delicti esse veram, non posset delinquentem punire? Praeterea ideo cognoscitur de suspitione, sive praesumptione delicti, ut videatur si delictum est verum, ac ut delinquens saltem puniatur, tanquam suspectus, vel praesumptus. Cum igitur crimen haeresis sit crimen Ecclesiasticum, sequitur idem dicendum de omni delicto, quod sapit haereticum manifeste. Arque ita docent Char. in §. *haeresis vers. successive quaro*, Carena p. 2. tr. 12. n. 146. Dianap. 4. tr. 7. resol. 10. estque secundum mentem Doctorum, quos congerit Farinac. q. 181. n. 93.

Ideoque Carena loc. cit. ait, quod ubi Judex laicus in aliquo reo de alio delicto reperit sortilegium aliquod taciturnitatis, sive contra torturam, si illud est qualificatum, & haereticale, sive sapiens manifeste haereticum, Judex laicus non potest de illo cognoscere. Et n. 148, addit, quod etiam in dubio, an sortilegium sit qualificatum, ejus cognitio pertinet ad Inquisitores, citans ad id Freitas, Dianam, Leonium, ac Regentem à Ponte. Et cum n. 150. animadvertisset, sortilegium taciturnitatis posse considerari, vel ut continet manifestam suspitionem haeresis, vel ut est impeditivum torturae, & n. 152. cumque etiam n. 152. annotasset, aliquando etiam in S. Officio hujusmodi distinctiones admitti, ut observat Genuensis in pr. cap. 84. n. 13. subdit tamen, quod ipse non admitteret illam distinctionem, uti Judex. Et quidem non est admittenda. Nam, illa admitta, Judex Laicus facile de omni facto haereticali cognosceret. Quandoquidem Doctores absolute docent, quod cognoscere de sortilegiis qualificatis pertinet ad Inquisitores privative quoad laicos. Sed praecipua ratio est, quia malus effectus, sive delictum, ex haeresi proveniens, aggravat delictum haeresis, vel si haereticum causat, est haereticale, & ideo de tali delicto, quod est effectus haeresis, vel haereticum causat, non potest



potest cognoscere, nisi Judex, ad quem pertinet de hæresi judicare.

Poterit tamen in hoc Judex Laicus ex tali sortilegio accipere iudicium contra sortilegium, de alio delicto inquisitum, ac interrogare reum cur sortilegas scripturas, vel aliud sortilegium apud se retineat, & à quo illud habuit, & quibus tradidit? ad effectum cognoscendi mandatarium, vel alios complices, & ad reddendum validius illud iudicium, & aggravandi magis reum in delicto principali, ut per Carenam *ibidem* n. 154.

Difficultas igitur est, ubi sortilegium non sapit manifestè hæresim, an cognoscere de illo pertineat ad Ordinarios, & Inquisitores privativè quoad laicos. Negare videtur Fermosinus in *cap. ad abolendam* q. 2. de *hæresi*. ubi citat inter alios Delrium, lib. 5. sect. 2. Sanchez in *decal.* lib. 2. cap. 39. n. 92. Suarez tom. 1. de *relig.* lib. 2. cap. 19. n. 11. & Farinac. q. 20. à n. 79. qui tamen id non dicunt, sed solum asserunt ex novo jure hoc iudicium Inquisitoribus competere. Id autem hodie spectare ad Inquisitores, & regulam textus in *d. cap. Accusatus de hæresi*. in 6. esse per jus novum correctam, est sanè indubitatum. Nam non modò id multis in casibus fuit concessum, præsertim contra maleficia ab Innocentio VIII. in *Constit.* cujus initium, *summis*, data sub anno 1484. à Leone X. in *Constit. Honestis* sub anno 1521. contra maleficos, & sortilegos, ab Adriano VI. in *Constit. Dudum* sub anno 1523. & antea ab Alexandro IV. in *Constit. quod super* 1258. quas refert Pegna post *Directorium*, sed etiam à Sixto V. *Constit.* quæ incipit, *Cæli & Terræ*, quam confirmavit Urbanus VIII. in *Constit. Inscrutabilis*, ex quibus habetur, posse Inquisitores ubique terrarum cognoscere de divinationibus omnibus, ac de sortilegiis.

Idque convincit ratio. Nulla enim datur divinatio, vel sortilegium non sapiens hæresim & non tribuens dæmoni cultum, aliquo modo divinum ex dæmonis immediata, vel mediata institutione, pactio-neque. Et licet hujusmodi suspicio, ac hæresis sapor non sit manifestus sed implicitus, & latens, non tamen ita latet, ut ex ratione apud doctos homines id non sit, vel non debeat esse manifestum. Nam institutio, ut, ad effectum intentum obtinendum, adhibeantur res, quæ naturaliter illum causare nequeant, non est à Deo. In his enim neque nomen ejus invocatur, neque ex fiducia divini auxilii expectatur effectus, imo in hisce rebus vanis invocare Deum, est illum quodammodo tentare. Alias enim, ubi ex justa causa Deus in hujusmodi rebus invocatur, ut aliquando fit, ipso mandante, vel inspirante, a sanctis viris, nullum adest sortilegium, & Deus hujusmodi sortilegia, divinationes, vanasque observationes prohibet. Est itaque manifestum institutionem vanarum observationum, in quibus per res inefficaces, ac inutiles expectatur effectus, non esse à Deo. Est igitur à dæmone.

Deinde, cum hujusmodi res vanæ, ac inutiles in causando non possint adhiberi, ut causæ, & tamen non sit verisimile, quod adhibeantur omnino inutiliter, consequitur, quod adhibeantur, ut signa à dæmone instituta, ut deducit D. Thomas 2. 2. q. 96. ar. 1. 2. & 3. Quamnam autem erit illorum significatio? Nequit excogitari, quod sit aliud, quam aliquid pertinens ad dæmonis cultum. Nam, etiamsi dicatur, quod hæc sunt signa obtinendi effectum intentum, cum tamen signa, à dæmone, divinitatem & cultum divinum effectante, sint instituta non possumus aliud ex hoc conjicere, nisi quod illa sint signa consequendi effectum ex efficacia invocationis dæmonis, ac per ejus auxilium, & quatenus dæmon

ex affectata divinitate, ac divino cultu, hæc signa instituit, ut signa alicujus divini cultus, à se intenti, qui hæc signa instituit, ut homines, saltem implicite, atque occultè ipsum, ut Deum æstiment. Non potest ergo negari, quin per has vanas observationes exhibeatur dæmoni cultus, qui sit præsumptivè divinus, atque adeo sapiunt aliquo modo hæresim, ac proinde ex ipsa rei natura crimen hoc est Ecclesiasticum, ejusque cognitio, ac punitio pertinet ad Judices Ecclesiasticos, & ad Inquisitores, quorum munus est cognoscere de hæresi, ac hæresis suspicionem, unde merito Pontifices constituerunt, quod Inquisitores de his inquirere, ac judicare possint.

Dubium tamen est, an hoc tempore hæc inquisitio, & cognitio spectet ad Judices Ecclesiasticos, ac præsertim ad Inquisitores privativè quoad laicos? Hujusmodi cognitionem esse mixti fori, & dari locum præventioni, existimant Clarus d. 5. *hæresis*, Freitas in *addit. ad Acugniam* q. 5. n. 35. Suarez tom. 1. de *relig.* lib. 2. cap. 19. n. 11. Sanchez lib. 2. in *decal.* cap. 38. n. 82. Sousa lib. 1. *aphor. cap.* 58. n. 4. ac Delbene p. 2. *dub.* 228. *sect.* 2. n. 8. & *dub.* 229. *sect.* 6. n. 5. Moventur, quod in sortilegiis simplicibus nulla sit hæresis suspicio. Contra verò, quod cognitio sortilegiorum, etiam simplicium, sive quæ non sapiunt hæresim manifestè, spectet ad Inquisitores privativè ad laicos, tradunt Scaccia de *judic.* lib. 1. cap. 12. n. 53. Carena p. 2. *tir.* 12. n. 140. ubi ex Paponio *arestor. Franc.* lib. 22. *tir.* 3. *aref.* 2. refert, quod judicatum fuit tres mulieres sortilegas remittendas esse ad Episcopum Parmensem. Et iterum *num.* 147. refert ex mandato S. Congregationis Romanæ ac universalis Inquisitionis quemdam Prætozem, eo quod quasdam sortilegas, quæ sortilegia non qualificata commiserant, carcerari fecerat, fuisse, quia sponte in S. Officio comparuerat, benignè receptum, absolutum tamen ab excommunicatione lata contra turbantes jurisdictionem S. Officii.

Hæc sententia, tanquam certa, tenenda est. Fundantur enim Doctores prioris opinionis in eo, quod hujusmodi sortilegia non qualificata nullo modo sapiant hæresim, & sic aiunt, quod quando nulla est hæresis suspicio in sortilegiis, eorum cognitio est mixti fori. Sentiunt ergo, quod ubi adsit suspicio hæresis, cognitio sortilegiorum pertinet ad Inquisitores privativè ad laicos. At non dari sortilegium, quod non sapiat hæresim, probatum est. Ex hoc igitur confirmatur hæc sententia. Nam ubi Inquisitoribus datur jurisdictio ratione hæresis, vel ejus suspicionis, jurisdictio non potest intelligi, nisi data privativè quoad laicos. Quia delictum sapiens hæresim per se est Ecclesiasticum privativè quoad laicos. Et ita hoc delictum quo majus est ex specie sua, eo magis aggravat hæresim, redditque illam peiorem. Unde ejus cognitio intrinsecè pertinet ad iudicium contra hæresim. Cognitio autem omnium sortilegiorum est commissa Inquisitoribus ratione hæresis, aut ejus suspicionis à Sixto V. in *cit. Constit.* verbis illis: *aliisque sortilegiis, ac superstitionibus non sine demonum saltem occulta societate, aut tacita pactione operam dare.* Et infra: *Quod demonum præstigiis, ac dolis, tum qui divinant, tum qui divinationem expetunt illusi, ac delusi miserrimè reperiuntur.* Ex quibus constat, Sixtum respexisse etiam ad sortilegia, quæ tacitam, & occultam dæmonis invocationem, & amicitiam continent, quoniam hæc tacita invocatio, vel amicitia cum dæmone, fidei hoste, ac divinum cultum affectante, sit fidei contraria, & suspensionem aliquam contra fidem contineat.

Neque dicas, quod ex communi Doctorum opinione jurisdictio de novo alteri concessa, intelligitur data cumulativè, non privativè quoad alios, qui antea illam



tea illam habeant. Cum igitur laici haberent jurisdictionem, ut possent cognoscere de sortilegiis non qualificatis, quod de jure cognoscere non poterant Inquisitores, dicendum est, quod jurisdictio de jure novo illis concessa, intelligi debeat cumulativè, ut notatur in *L. 1. C. de offic. Prat. & tradunt Menoch. de presump. lib. 3. presump. 38. & Carena d. tit. 12. num. 141.*

Nam responderetur, conclusionem illam non comprobari ubi nova concessio jurisdictionis evertit fundamentum jurisdictionis, quæ alteri competeat. Jurisdictio autem cognoscendi de sortilegiis non qualificatis poterat competere laicis ex suppositione, quod illa nullo modo sapient hæresim, & sic non essent crimina merè Ecclesiastica. Sed cum modò summi Pontifices sentiant, quod in omni sortilegio, saltem tacitè, ac implicite, invocetur demon, qui saltem tacitè coli ab hominibus affectat, ideo cum sortilegia, etiam non qualificata sapiant hæresim, quamvis non omnino manifestè, cessat in hoc laicorum jurisdictio.

Præterea, quisnam laicis concessit jurisdictionem cognoscendi de sortilegiis? Nonne illam habuerunt, atque habent è jure Canonico? Neque in *d. cap. accusatus de heret. in 6.* dicitur, quod Inquisitores hujusmodi sortilegiorum cognitionem relinquunt laicis, sed iis, quibus de jure id competit. Supposito autem, quod sortilegia omnia quodammodo sapiant hæresim, jam sortilegia omnia crimen hæresis involverent, ideoque non potuit jus civile tribuere laicis jurisdictionem cognoscendi de hoc crimine, merè Ecclesiastico. Itaque dum Pontifices voluerunt, Inquisitores cognoscere de hujusmodi sortilegiis, tanquam ea quæ suspicionem aliquam, & saporem hæresis continent, declararunt, hoc crimen esse merè Ecclesiasticum, & jurisdictionem cognoscendi de illo pertinere ad Judices Ecclesiasticos, à jure ad id deputatos privativè quoad laicos.

At nunquid Inquisitor possit contra sortilegos non modò inquirere, sed etiam causam terminare per sententiam sine Episcopo, vel Episcopus sine Inquisitore, non obstante *cap. per hoc de heret. in 6.* de quo nos alibi? Carena ad utrumque affirmativè respondet *p. 2. d. tit. 12. & signatè n. 170.* ex Constitutione Alex. VI. *Cum acceperimus*, relata à Pegna, dicit, quod in causis lamiarum soli sine interventu Episcoporum possunt processus formare, illas damnare, & causas hujusmodi terminare. Quod & voluit Pegna in *addit. ad Lucernam Inquist. tr. de strigis, vers. quod si queras*, ubi quod tutius est, quod ipsi in hoc crimine procedant sicut in aliis, requisito Episcopo juxta juris dispositionem. Hoc ipsum sentit Delbene *p. 2. dub. 206. pet. 7.* ubi, quod Inquisitores Hispaniæ simul cum Episcopo etiam in causis lamiarum procedunt.

Sic etiam *n. 141.* idem Carena de *Episcopis* ait, quod ex Constitutione citata Sixti V. non fuit Episcopis sublata illa facultas cognoscendi de sortilegiis non hæreticalibus, sive non qualificatis, superstitionibus, & retentione librorum prohibitorum & hujusmodi causas terminandi, non requisitis Inquisitoribus, quam ante dictam Constitutionem habebant. Idque ex illo principio, quod facultas, de novo alicui concessa, intelligitur concessa cumulativè, non privativè. Allegat ad hoc Leon. in *thes. for. Eccles. p. 3. cap. 56. de sort. n. 22. & seq.* ubi quod ita declaravit S. Congregatio S. Officii 21. Decembris 1602.

Itaque Inquisitores cognoscent de omnibus nectomantibus, aruspibus, ariolis, geomantibus, chiromantibus, lamiis, incantatoribus, & quomodo-libet artes illicitas divinandi, vel sortilegia exercen-

tibus. Unde etiam de *Ægyptiacis mulieribus*, vulgo Zingaris, si superstitione operentur, Villadieg. in *polit. cap. 5. §. 20. n. 36.* Bobadil. item in *polit. lib. 2. cap. 17. n. 74.* Navar. *cap. 11. n. 31.* & Carena *d. tit. 12. n. 162. & n. 164.* ubi quod ipse non vidit ab Inquisitoribus Italiae procedi contra illas ex hoc præcise, quod dent, ut aiunt, *la buona ventura.* Quia in illis partibus hoc recipitur cum risu, & joci causa, nullusque est, quamvis simplex, qui illis præster fidem.

Ad secundum. Antequam contra aliquem procedatur, constare debet de corpore delicti. Quod est de jure certum, de quo nos alibi. In crimine tamen hæresis, quæ est mentale delictum, non est necesse, ad inquirendum contra sacrilegos, quod constet de illorum hæresi, sed ex sola confessione sortilegi potest ille damnari, Albertin. de *agnoscend. q. 25. n. 1.* Clar. in *§. hæresi, q. 4. vers. scias tamen*, Farinac. *q. 2. n. 25. & 26.* Paramus *q. 6. de inquis. in causa fidei n. 28. lib. 3. & Carena loc. cit. n. 172.*

At verò cum hæresis, ut est delictum merè occultum, non subit judicio forensi Ecclesiæ, sed solum hæresis exterior, vel exteriori aliquo modo se prodens, dicendum est, quod etiam ad inquirendum in hoc crimine debet constare vel de exteriori hæresi, vel de aliquo dicto, vel facto, quod inducat suspicionem hæresis. Sicut igitur in aliis delictis, si relinquunt post se effectum, ante omnia debet constare de corpore delicti, ita & in crimine hæresis, & sortilegii, effectum post se relinquentis, ut tradunt Albertin. *d. q. 25. n. 24.* Farinac. *ibidem n. 26.* Param. *eo loco n. 81.* Delrius *magic. lib. 5. sect. 15. & 16.* & Carena *d. tit. 12. n. 173.* Ideoque in maleficio constare debet, v. g. de puero occiso, de infirmitate hominis. Nec sufficit probare effectum in seipso, sed necesse est quod constet, illum esse ex sortilegio, ut quod mors ex maleficio causata sit, aliter non erit probatum corpus delicti: Quia S. Officium non cognoscit de solo homicidio, vel damno dato, sed de sortilegio, & de hæreticali delicto.

Si verò sortilegium post se non relinquit effectum, licet Delrius *d. sect. 16.* Binsfeldius *com. in l. nemo C. de malef. q. 1. concl. 2.* Valencia *2. 2. disp. 6. q. 13. pun. 4.* Farinac. in *addit. ad q. 2. num. 26.* & Carena *ibidem num. 175.* sentiant sortilegium ex sola sua confessione posse damnari, etiam non constito de corpore delicti, oppositum tamen verius est. Semper enim probari debet corpus delicti eo modo, quo probari potest, saltem per conjecturas leves, ut per Scacc. de *judic. cap. 83. num. 11.* Giurb. *decis. 37. num. 21.* Et præcipue, quoad fieri potest, constare debet de corpore delicti ante torturam, & ante sententiam.

Verum autem est, quod cum sortilegium sit crimen difficultis probationis, sufficit, si probetur per indicia. Hæc enim probatio sufficit in delictis difficultis probationis, quale est sortilegium, quod abditè committi solet; ideo sufficit, quod illius habeatur illa notitia, quæ ex natura rei haberi potest, ut per Delrium *loc. cit.* Farin. *d. q. 2. num. 6.* & Carena *supra num. 174.* De indicibus autem, ex quibus crimen sortilegii probari potest, latè tractant Binsfeldius *loc. cit.* Delrius *ibidem sect. 3. & 4.* Carena *d. tit. 12. n. 177. & seqq.* ac nos suo loco.

Igitur antequam Judex procedat ad carcerationem sortilegi, vel lamiæ, considerare debet, an corpus delicti sit sufficienter probatum. Non licet enim Judici à captura incipere, nisi sufficientia indicia præcesserint, ut per Eymeric *p. 3. num. 73. ibique Pegna com. 17.* Farinac. *q. 27. num. 111.* Soula in *aphor. lib. 2. cap. 26. n. 5.* & Carena *d. tit. 12. n. 206.*

Est autem in Inquisitione contra sortilegos maxime necessaria perquisitio domus lamiæ, aut sortilegi



tilegi facienda in actu capturae, & ut fiat inventarium, in quo describantur omnia illa, quae facere possunt ad causam tam contra, quam pro reo, & hæc per Notarium S. Officij describi debent in præsentia Inquisitoris, vel eius Vicarij, remotis sortilegi consanguineis, & familiaribus, ne fiat fraus, Ambrosin. in process. infor- mat. lib. 1. cap. 5. n. 5. Masinus in prax. p. 7. & Carena ibidem n. 207.

Ubi autem Lamiæ fateantur apostasiam à fide, & quod iverint ad ludos dæmoniacos, non sit contentus Iudex earum confessione, sed diligenter interroget, ac investiget, an sint aliqua circumstantiæ, quæ comprobare possint, & si eas repererit, curet comprobare, Masin. ibidem, & Carena n. 217.

Si autem sortilegus est sufficienter indiciatus, si negat, torquendus est. Sic ille, apud quem inventa sunt instrumenta perpetrandi sortilegia, ut Pentacula &c. vel res aptæ ad sortilegia, ut charta virgo &c. vel libri sortilegiorum, torqueretur super illorum usu. Ex quo enim quis habet apud se res huiusmodi, præsumitur illum fuisse illis utum. Sic enim doctorem bonæ famæ ex mandato S. Congregationis S. Officij fuisse tortum super usu pentaculi apud eum reperi, refert ex Genuenti Carena loco sapientis memorato n. 110.

An autem, & quomodo torquendi sint sortilegi super complicibus quando, & quatenus abiurare debeant, quæ pro illis impositæ sint pœnæ, & alia in hanc rem, lege quæ suo loco diximus de tortura, de abiuratione, ac de pœnis.

Instructio pro construendis processibus in causis strigum, sortilegorum, & maleficorum, ex qua plura in suo Arsenalis Masinus, & Carena in sua praxi S. Officij decerpit, hæc ipsa est.

Experientia rerum magistra apertè docet, gravissimos quotidie committi errores à diversis Ordinariis, Vicariis, & Inquisitoribus, sed præcipuè à secularibus Iudicibus, se in huiusmodi contra jus intromittentibus in formandis processibus contra striges, sive lami- as, & maleficas in grave præiudicium tam iustitiæ, quam huiusmodi mulierum inquisitarum; cum longo tempore observatum fuerit, plures huiusmodi proces- sus non ritè ac iuridicè formatos, imò plerumque neces- se fuisse quamplures Iudices reprehendere, & mul- tos, & impertinentes modos habitos in formandis processibus, reis interrogandis, excessivis torturis in- terendis ita, ut quandoque contingerit iniustas, & ini- quas proferri sententias, etiam ultimi supplicij, sive traditionis brachio seculari, & re ipsa compertum est, multos Iudices ita faciles, & proclives fuisse ob leve, aut minimum indicium credere aliquam talem esse strigem, & nihil omnino prætermisisse ab huiusmodi muliere, etiam modis illicitis, talem confessionem ex- torquere, cum tot tamen, tantisque inverisimilitudi- nibus, varietatibus, & contrarietatibus, ut super tali confessione nulla aut modica vis fieri posset. Quapropter, ut tam Ordinarij, & eorum Vicarij, quam Inqui- sitores de cætero magis cauti esse possint in conficien- dis huiusmodi processibus, infra scripta diligenter, & ac- curatè præ oculis habeant, & considerent.

Error præcipuus omnium ferè Iudicum in hac ma- teria est, devenire nedum ad inquisitionem, & carce- rationem, sed sæpe etiam ad torturam contra aliquam mulierem de maleficio imputatam, quamvis non con- stet de corpore delicti, sive maleficij, & tamen in iure indubitatum est, ad tales actus deveniri minimè pos- se, nisi prius de huiusmodi corpore constet, cum aga- tur de delicto cuius vestigia remaneant. Corpus autem delicti non dicitur probatum, prout multi Iudices vi- dentur præsupponere, ex eo quod præsentis malefi- catus sit, vel fuerit infirmus, sive decesserit. Clarum est enim, quod infirmitas, & mors regulariter ex malefi- cio non proveniunt:

Tom. I.

Idco oportet, exquisitas diligentias iudiciales adhibere, examinare medicos, qui infirmum curarunt, illos dili- genter interrogando de qualitate infirmitatis, & an ex arte medicinæ dignoscere possint, infirmitatem esse, vel esse posse naturalem, illos etiam interrogando circato- tam seriem, & accidentia ipsius infirmatis in principio, & omnia fusiùs in processum redigere ad hoc, ut si for- tè aliquis medicus per imperitiam, prout multoties eve- nit, nesciisset qualitem morbi iudicare, & propterea iudicasset, non esse naturalem, sed ex maleficio pro- venire, alius medicus magis peritus, habita notitia om- nium accidentium eiusdem infirmitatis, & eius progres- sus, licet infirmum non viderit, possit cognoscere, an ta- lis infirmitas ex morbo naturali, nec ne provenire po- tuerit. Et ulterius maximè congruum esset ad eundem effectum iudicialiter examinare familiares infirmi pro habenda notitia principij infirmitatis, & eius progres- sus. Ex hoc enim apparebit, an convenient depositions medicorum, & familiarium circa accidentia infirmita- tis, & sic tutius poterit fieri iudicium à Iudice, an constet de corpore maleficij.

Quod si ex huiusmodi diligentis Iudicis apparebit in- firmitatem esse, vel fuisse naturalem, proculdubio pro- cedere non debet contra accusatam de tali maleficio. Si verò medici periti clarè iudicaverint esse, vel esse pos- se probabiliter maleficio, tunc Iudex securius cogi- tare poterit de inquisitione formanda contra accusatam de tali maleficio.

Insuper antequam Iudex deveniat ad carcerationem præsentis maleficæ debet diligenter rimari cuncta indi- cia, quæ sunt contra illam, neque ex sola denunciati- one præsentis maleficiari, & eius attinentium esse faciles ad carcerationem, nisi simul allegetur aliqua probabi- lis causa, ob quam animus Iudicis rationabiliter mo- veri possit ad credendum, quod mulier accusata, tale maleficio committere voluerit, & eiusdem causæ ali- quam probationem, vel saltem non leve indicium ha- beat, antequam ad carcerationem deveniat.

Advertat præcipuè Iudex in ipso actu carcerationis di- ligentem facere perquisitionem in domo mulieris in- quisitæ, & talem inquisitionem vel per ipsum, aut Vicarium idoneum faciat, adhibito Notario, ac testibus; nec huiusmodi perquisitioni interveniant personæ atti- nentes, aut familiares præsentis maleficiari, ne contin- gat, prout aliquando suspicatum est, dolose aliqua supponi, maleficio denotantia, in grave præiudicium inquisitæ. Et in dicta inquisitione annotentur diligen- ter per Notarium omnia reperta in domo, & captis, non solum quæ possunt iuvare intentionem Fisci, sed etiam quæ possunt iuvare ream, inquirent, ut imagines Sanctorum, Coronæ, divina Officia, libri devotionum, schedulæ Communionis, aqua, & palmæ benedictæ, aliaque similia, singillatim illa describendo in inventario perquisitionis conficiendo. Nec sint faciles Iudices ad firmiter credendum aliqua reperta, prout oleum in vasculis, pinguedo, pulveres, & huiusmodi alia esse apta ad maleficio; sed faciant illa considerari à peritis ad effectum, ut dignoscantur, an deservire possint ad alium finem, quam maleficij.

Multoties evenit, quod familiares præsentis maleficiari, credentes maleficio intus anacinterium, cervical, pulvillos lecti ipsius infirmi, & cum inveniatur involucria, quæ videntur ad maleficio apta, illa deferunt ad Iudicem, qui super hoc maximum facit fundamentum, ad effectum probandi maleficio. Et in hoc debet esse multum vigilans & circumspexus Iudex. Facile enim evenire potest, ut talia à familiaribus infirmi supposita fuerint, ut sic faciliùs Iudex inducatur ad credendum ma- leficio, & ad procedendum contra aliquam personam.

Præterea Iudex bene advertere debet qualitem repertorum in huiusmodi lectis. Cum enim anacinteria, & alia præfata conficiantur ex pluma, aut lana, & quotidie intermiscantur, & involvantur, dum lectus pro- sternitur,



sternitur, facile evenire potest, ut spatio alicujus temporis fiant quædam involucra, quæ videantur præse ferre suspicionem maleficij, & tamen naturaliter contingere possunt. Ultra quod in actu huiusmodi confectiois anacinteriorum, aliorumque prædictorum ex incuria culcitrary, aliqua intermisceri potuerunt, ex quibus huiusmodi involucra ex se confecta fuerint.

Et ideo si perquirentur singulorum lecti, præcipue ex pluma confecti facile in aliquibus similia involucra reperirentur. Nec etiam est mirum, quod in huiusmodi lectis quandoque reperiantur acus. Nam ubi sunt mulieres, acus ubique abundant, & facile est, quod per accidens spatio alicuius temporis multæ acus in huiusmodi rebus includantur.

Neque forsan abs re est considerare, dæmonem aliquando talia supponere potuisse absque participatione, & assensu alicuius, ut deinde credatur maleficium commissum, & sic aliqua persona injustè damnum patiatur, quemadmodum videmus in actu exorcismi nonnullorum obsessorum, qui videntur evomere acus, clavos, & diversa involucra, quæ tamen impossibile est obsessos in corpore habere, prout non habent; sed dæmon in illo actu talia supponit ad os obsessi, ut forte credatur obsessum esse maleficiatum, & aliquis inde iniquè molesteretur. Ex quibus patet, quam circumspexitus debeat esse Iudex circa huiusmodi reperta, cum facile vel potuerint supponi, vel esse naturalia, vel facta opera dæmonis, sive alicujus ministerio.

Consueverunt, parum quidem prudenter, multi exorcistæ juxta non bonam, quo ad hoc, theoreticam autoris flagelli dæmonum interrogare dæmonem in exorcismis, quomodo ingressus fuerit corpus obsessi, & an ex maleficio, & quis huiusmodi maleficium commiserit? Unde dæmon, pater mendacij, & inimicus quietis humanæ sæpe responderet, se ingressum esse corpus obsessi ex maleficio facto à tali persona, in tali cibo, sive potu, & ut dæmon magis certum reddat exorcistam, & alios de hac re, supponit evomenda ab obsesso talia similia illi rei, in qua dixit maleficium factum fuisse, & alia pleraque, ut supra dictum est.

Hinc sapius observatum fuit aliquos Judices formare processus contra prætenso maleficos nominatos à dæmone, ut supra, tanquam si ex dicto dæmonis probentur præmissa. Vnde super huiusmodi processibus nullavis facta fuit ab hac S. Congregatione, imo semper reprehensi fuerunt exorcistæ, dæmonem, ut supra interrogantes, & Judices, qui super dæmonis responsione processum formarunt. Et utinam non reperirentur aliqui Exorcistæ, qui parum fideliter officium tam pium exercentes, multas imposturas confingant: Hinc est, ut quandoque plures fuerint privati munere exorcizandi.

Aliqui Judices opinantur, at perperam quidem, quod eo ipso, quod aliquis reperitur obsessus, id ex maleficio proveniret, & ex hoc solo iniuste formant processus contra personas aliquo modo obsessis infestas, vel aliunde indiciatas. Quod est maximè absurdum. Cui enim dubium est, quod sine maleficio ex permissione Dei, possit dæmon vexare corpus alicuius? Caveant itaque omnino Judices, ne ex sola obsessione dæmonis conficiant processus super maleficio, imo etiam sint cauti, ne decipiantur ab aliquibus, qui in præmissis imposturam committunt, & diversimodè se obsessos esse simulant. Sæpe enim huiusmodi impostores reperiuntur.

Non sint faciles Judices ad faciendum magnam vim contra aliquam personam, uti strigem, & maleficam ex indicio famæ. Quamvis enim aliàs famæ indicium sit magni momenti attamen in ista materia ob odium commune, quod habetur in striges, contra quas omnes unanimiter clamant, facillimè insurgit huiusmodi fama contra aliquam mulierem, præcipue quando est vetula, & turpis formæ. Unde vel modicum fundamentum super tali fama fiat, vel valde diligens Iudex

interroget testes, à quanto tempore ortum habuerit, & à quibus, & ex qua occasione. Hinc enim forsan sæpe ex processu apparebit, famam esse indicium modici momenti.

Ulterius advertendum est, quemadmodum mulierum genus est maximè superstitiosum, & sortilegiis præsertim amatorijs deditum, non tamen sequi, quod si aliqua, mulier sortilegia, vel incantationes, vel ad sanandum maleficia, vel ad cogendum voluntatem hominum, vel ad alium quemcunque finem fecerit: Ergo est strix, sive sortilega formalis. Potest enim esse sortilegium sine apostasia formali ad dæmonem, licet non careat suspicionem apostasiæ, vel levi, vel vehementi iuxta qualitates sortilegiorum annotatas in cap. accusatus §. Sane de heret. in 6. Et ideo bonus Iudex dum format processum contra aliquam mulierem confessam vel convictam de huiusmodi sortilegiis, non sit facilis ad concipiendum in animo suo, quod sit apostata formalis ad dæmonem, licet hoc esse possit; sed quando, deveniet ad torturam contra hanc mulierem, illam in genere interroget, an habuerit pactum cum dæmone iuxta ea, quæ inferius dicentur de modo torquendi. Et ad hoc maximè advertere debent Judices, quia multi in hoc decipiuntur, falso putantes, quod huiusmodi sortilegia fieri non possint sine apostasia formali ad dæmonem, & hinc oriuntur maxima præjudicia mulieribus inquisitis de huiusmodi sortilegiis. Judices enim minis periti, vel aliàs nimis faciles ex lectione aliquando librorum de sortilegiis, & strigibus tractantium, hoc falso præsupposito decepti nullam viam relinquunt, etiam indebitam, pro extorquenda confessione mulierum, quæ sapissime ob diversos malos, & illicitos modos habitos, tandem inducuntur ad fatendum ea, quæ fortè nunquam excogitarunt.

Ut igitur hæc mala evitentur observandæ sunt sequentes regulæ.

In primis, quoad fieri potest, non permittant mulierem carceratam ob maleficium, aut sortilegium, quempiam alloqui; & si plures reperiantur mulieres de hac re carceratæ, non permittantur simul colloqui, sed retineantur in carceribus separatis. Quia multæ sæpe convenerunt falsum fateri contra seipsas in materia apostasiæ, putantes hoc modo è carceribus eximi.

Nulla modo permittant Judices, quod custos carceris, aut quivis alius ille sit, mulieribus sic carceratis suggerat, quid fateri debeant cum examinata fuerint. Multoties enim compertum est, quod mulieres huiusmodi suasionibus impulsæ, aut etiam sæpe ob impunitatem promissam, quæ tamen nunquam eis promitti deberet, falsæ fuerint id, quod nec quidem somniarunt.

Judices nunquam alloquantur huiusmodi carceratas de meritis causæ, nisi iudicialiter, eas examinando.

Nullas omnino suggestiones in illis interrogandis omnino faciant, sed ab initio interrogent, an sciant, vel præsumant causam examinis, sive carcerationis. Deinde de inimicitijs, & de causis inimicitiarum. Postea possunt interrogare decursu earum vitæ, de frequentatione sacramentorum, quis fuerit earum Confessarius, & de alijs similibus, ex quibus detegi possit bona, vel mala earum vita, & conditio. Item in genere possunt interrogare, an sciant, aliquod sortilegium & ad quem effectum, & an unquam huiusmodi, vel aliud sortilegium executioni demandaverint. Et, si negaverint, possunt fieri alia interrogatoria in genere paulatim, eis obijciendo, quod deponitur in processu ipsas scire, aut commisisse tale & tale sortilegium. Et tandem si omnia negant, possunt eis in diversis interrogatorijs paulatim obijci, quæ in processu contra ipsas habentur, circumscriptis tamen nominibus, & cognominibus testium, & circumstantiis, ex quibus in notitiam devenire possit, qui sint testes; ac tandem completo processu informativo, si adhuc persistant in negativa, concedatur facultas repetendi testes processus offensivi. Quæ repetitio, ut validè ac legitimè fiat, formandi prius sunt



sunt articuli pro parte Fisci super capitibus, quæ pro Fisco præstentur, & copia dictorum articulorum danda ipsis inquisitis, assignando eis advocatum, & procuratorem idoneum, etiam ex Officio, quando inquisitæ vel ob paupertatem, vel alia de causa illos non habeant, eisdemque tempus congruum detur ad dandum interrogatoria, quo elapso, fiat repetitio. Facta repetitione detur eisdem terminus ad faciendas defensiones, detur etiam eisdem copia processus; & factis defensionibus, seu elapso termino ad illas faciendas, Judices convocent Congregationem Consultorum peritorum, in qua per extensum, vel summarie processus legatur, subtrahitis nominibus, cognominibus, & circumstantiis testium; & si de modo expeditionis causæ non sint concordēs, aut causa sit gravis, vel ratione delicti, vel ratione personæ, non deveniatur ad torturam, nisi consulta Sacra Congregatione supremæ Inquisitionis Romanæ, ad quam mitti debeat copia integri processus, tam offensivi, quam defensivi. Et cum videretur Judicibus ex voto suæ Congregationis sine difficultate ad torturam deveniri posse, quia indicia essent urgentia, advertant, ne in ipsa tortura interrogentur inquisitæ de delicto, in specie, quod præstenditur, sed tantum, antequam, deveniatur ad decretum torturæ, objiciantur eis iterum indicia, quæ in processu habentur, & postea in actu torturæ interrogentur tantum, ut dicant veritatem de ijs, super quibus fuerunt interrogatæ, & si fateri cœperint, non suggeratur eis aliquid, sed tantum recipiantur, & scribantur verba præcisæ earum confessionis, interrogando postea in genere super ulteriori veritate.

Advertant, ne tortura detur cum squassationibus, aut cum aliquo pondere, sive baculo ad pedes, sed sit simplex elevatio in torturæ funibus, aut sit simplex tortura aliterius generis tormentorum, quando tormento funis torqueri non possunt.

Non sint faciles Judices ad repetitionem torturæ, nisi causa sit gravissima: quo casu iam erit consulenda S. Congregatio, ut dictum est.

Nullatenus abradantur aliqui pili, vel capilli ipsarum mulierum, nec vim faciant Judices contra inquisitas in quodam indicio ab aliquibus Doctoribus considerato, videlicet quando forsitan hujusmodi mulieres, maxime in tortura, non emittunt lacrymas.

Tortura nunquam excedat tempus unius horæ, nec facile per horam tortura inferatur, nisi ex gravitate causæ, & urgentibus indiciis simul, & in fine examinis annotetur tempus, quo in tormento manserunt.

Maxime est advertendum, quod in eventum, in quem hujusmodi mulieres apostasiam ad dæmonem, & accessum ad ludos dæmoniacos faterentur, quo casu corpus delicti aliunde probari non potest, quam per propriam confessionem, curandum est sine minima suggestione, ut hujusmodi mulieres totam seriem facti à semetipsis recenseant, & quomodo ab initio ad id inducæ fuerint, de tempore, & aliis circumstantiis. Nam hoc modo videri poterit, an confessio hujusmodi apostasie, & accessus ad ludos, verisimilis sit, nec ne; & casu, quo fateantur aliqua particularia, sive circumstantias quæ verificari possint, omnino Judices diligentes sint pro iis verificandis, quia sic magis verisimiles reddentur confessiones circa apostasiam & accessus ad ludos, aliàs, si tales circumstantiæ adductæ falsæ comperirentur, dubitari posset de veritate hujusmodi confessionis, forsitan secutæ, vel vi torturæ, quæ est remedium fallax, vel suggestionem alicujus, vel tadio carceris, vel quia sic crederent facilius sibi indulgendum esse, prout aliquando compertum est hisce rationibus mulieres falsas esse falsæ apostasiam, & accessus ad prædictos ludos. Et, ut facilius Judices possint se abstinere à quacunque suggestione, quando mulieres incipiunt fateri talem apostasiam, forsitan melius esset, ut tunc Judices obliviscerentur eorum, quæ dicunt Doctores quidam in ista materia; quia sæpe visum est, quod

*Tem. I.*

Judices in ordine ad ea, quæ præleguntur apud Doctores, multa præjudicia inferunt his mulieribus.

Et quatenus tales mulieres fateantur apostasiam, & accessus ad ludos, & nominent complices in hujusmodi ludis, nullo modo procedatur contra hujusmodi complices. Quia cum talis accessus plerumque per illusionem contingere possit, iustitia non postulat, quod contra complices cognitos, & vivos per illusionem procedatur.

Omnino Judices scribere faciant in processu interrogatoria omnia per extensum, ab ipsis Iudicibus facta, ut ex lectura processus appareat qualia illa fuerint, & an adsint suggestiones. Cum maximo enim abusu, ac præjudicio consueverunt aliqui Iudices scribi facere: *ad opportunam interrogationem respondit; vel, aliàs respondit.*

Multi Iudices deveniunt ad formandos processus similes, absque eo quod appareat ex processu, quale fuerit primum iudicium, & unde provenerit, sed processus sic incipiunt: *Cum ad aures devenerit, sive, aliàs, Præcedente fama publica, &c.* Caveant igitur Iudices ab isto errore, & semper examinent in principio processus personam, sive personas, quæ ad aures primò aliquid dixerunt, vel quomodo talis fama ad ejus notitiam pervenerit, & cuncta seriatim in processum redigant, ita ut nihil omnino omittatur.

Plerumque contingere potest, quod infantes decedant ex suffocatione in lectis pauperum matrum, & nutricum, unde prohibetur matribus, & nutricibus, ne in suis lectis, sed in cunabulis separatim infantes retineant. Ideo prudentes Judices bene advertant, quia secuta aliquando simili suffocatione, ne illa detegatur, matres, & nutrices propalant infantes occisos esse à strigibus.

In hujusmodi causis, & processibus formandis, omnino serventur taxæ aliàs transmissæ de mandato S. Congregationis, & quando mulieres præsertim sunt pauperes, caveant Iudices ab earum honorum expilatione.

Sententiarum formulæ in causa hæresis videantur apud Farinacium de *hæres. qu. 185. num. 17. ac seqq.*

#### CONSULTATIO CXXIV.

*De Sacrosancto deserto, ac violata Fidei-Christiana; impia, & sacrilega in ea inconstantia Tribunalis, in quo præcipua Christiana fides Mysteria, ipsamque Christianam religionem adversus Atheos, Ethnicos, Judæos, atque hæreticos propugnatur.*

*De Inquisitoribus, deque eorum Vicariis & Commissariis, eorumque dignitate, ac potestate, ubi, ferè dixerim, omnia quæ ad S. Officium inquisitionis pertinent, quæ facere, quæve non facere ipsi possunt per saturam, sive per effata, Aphorismos, & axiomata, recisæ extranearum questionum silvis, breviter, sed clarè, solidè, ac certò ex vera sententia pro usu quotidiano, juxta theoricam, ac praxim discernuntur.*

Communis planè sententia est inter alia Episcoporum munera, & functiones illud esse proprium, ac præcipuum, greges sibi commissos fidei dogmata doceant, & eos ab impiorum hominum, & Hæreticorum pravis, ac venenatis doctrinis diligerent custodiant, atque tueantur: sed ob varias Episcopalis officij curas, & negocia quibus sæpè numero implicatur Episcopus, ita ut par eis esse non possit, vel propter Episcoporum absentiam, vel etiam aliquorum ignaviam, vel imperitiam, commissum est à sede Apostolica munus inquirendi, & animadvertendi in hæreticos certis quibusdam Iudicibus, quos ad id Negocij Pontifices Romani deputarunt, quosque ob id Sacros & Apostolicos Inquisitores appellamus: Ex historiis autem ecclesiasticis docemur hoc muneris quadam ex parte primum D. Dominico fuisse mandatum circa annum Domini 1208. quid quid alii, præfer-

Vv 2

tim



tion Cistercienses secus dixerint: Is enim suum Episcopum ex Hispania comitatus contra Albigenium, & aliorum perfidorum hominum errores, qui tunc sensim in Ecclesiam ex inferorum latebris irrepere cœperant, fidem Christi in Tolosanis partibus egregie promulgavit, cujus crebris concionibus, & Catholica doctrina, vitæque exemplo mirabili, multi ad Ecclesiæ gremium per veram cordis pœnitentiam redibant. Et ideo ut salutaribus pœnitentiis impositis eos redeuntibus posset absolvere, plenam ad id facultatem à Romano Pontifice impetravit, quod munus postea S. Petrus vitæ Sanctitate, doctrina, & martyrio clarus, instituti Dominicani alumnus egregie, ac intrepide, quod ejus martyrium declaravit, per Longobardiam præstitit. Unde factum est, ut deinde per Italiam, Hispaniam, Siciliam, & Sardiniam Inquisitorum munere Dominicani fratres, qui vitæ moribus, & litterarum scientia florebant, sancti fuerint, quod etiamnum majore ex parte per Italiam exequentur & obeunt. In Tuscia enim autoritate Romani Pontificis, Franciscanæ familiæ fratribus hæc provincia demandata est.

In Hispania verò tota Ferdinandus Aragoniæ, & Castellæ Rex Catholicus ejus nominis quintus circa annum Domini millesimum quadringentesimum octogesimum quartum aut sextum postulavit, ut Inquisitorum munere se se Dominicani fratres abdicarent, ac ita Romani Pontificis autoritate commissum est clericis secularibus, Canonum, ac Legum peritis. Quare jussu regio, & pontificio concessu demandata est cura constituendi sacræ Inquisitionis officium Cardinali Mendozio, qui adhibito multorum doctorum hominum consilio leges composuit, ordinem præscripsit, quem singuli Inquisitores in Hispania observare deberent, quem servavit etiam ii Inquisitores, qui ad Siciliam, & Sardiniam, ac Indiam, Hispaniarum Regi subjectas insulas, & provincias destinantur.

Id igitur muneris jure communi Episcopis convenit. Nameo ipso, quod Episcopi sunt, salutaria dominico gregi sibi commissio ministrare pabula debent, lupos à caulis quibus arceri, extirpare hæreses, Hæreticos convincere, denique omne bonum christiani gregis, ac populi promovere. Unde jure canonico bis in anno Concilia Episcopalia in Ecclesia cogi, & celebrari deberent, ut inter se invicem Episcopi dogmata pietatis conferrent; Et in Concilio Lateranensi sub Innocentio tertio definierunt Patres, si quis Episcopus super expurgando, de cœteris, de sua diocesi hæreticæ pravitatis fermento negligens fuerit, cum id certis indicibus apparuerit, Episcopali munere privetur, & loco ipsius alter substituitur idoneus, qui velit, ac possit hæreticam confundere pravitatem. Quæ longè antea sancita fuerunt in Concilio Milevitano *can. 25.* & Concilio Toletano *II. can. 2.*

Olim itaque Jure communi Canonico Inquisitorum munus conveniebat solis Episcopis, qui in omnes Hæreticos non exemptos, tanquam ordinarii Judices inquirebant, in exemptos verò, tanquam Judices à Romano Pontifice delegati, quorum munus hodie quoque præstant in iis Provinciis, in quibus non sunt Inquisitores Apostolici speciali autoritate Romani Pontificis constituti, ut in Gallia, Germania, Polonia. Ubi verò locorum Inquisitores Apostolicos Romani Pontificis autoritas creavit, non in universum Episcoporum ordinaria jurisdictio est abrogata, qui utrique possunt simul, aut seorsim de hæresi cognoscere per *Clem. 1. de hæret. exemplo forsan Romanorum, quorum Magistratus nonnunquam Respublica ecclesiastica imitata est. Apud enim Romanos Quæstores præerant præcipue rebus capitalibus, quia, ut inquit Fenestella, & Pomponius in l. 2. §. iisdem temporibus de orig. jur. de capite civis Romani injussu populi non erat per-*

missum Consulibus dicere. Propter Quæstores constituebantur à populo, qui in capitalibus præessent, hi que appellabantur Quæstores parricidii, quorum etiam meminit Lex duodecim tabularum. Provincias sortiebantur, quod, ut Ulpianus in *leg. 1. de offic. Quæstor.* factum est Decimo, Druso, & Porcina Consulibus, Primum Patritii creati, postea indifferenter Patritii, & Plebei, & Asconio referente, Senatoris administratio erat, quæstorem fieri in provincia.

Hæc autem autoritas Inquisitores in causis S. Officii est major autoritate Ordinarii, quando Ordinarius ordinaria tantum, non autem autoritate quoque delegata procedit, quia in causis fidei Inquisitor, est præcipuus Judex, ac delegatus summi Pontificis, cujus personam repræsentat *ex d. Clem. 1. eo §. propter de hæret. & can. præcipimus d. 93. traduntque Eymer. in direct. part. 3. q. 4. ibique Pegna com. 53. Jo. Andr. Gemin. ac cœteri communiter in cap. ne aliqui de hæret. in 6. Sylvest. v. hæresis 2. q. 1. n. 2. Alciat. in rubr. de offic. vic. n. 19. Molin. de just. tit. 5. disp. 28. n. 4. Scacc. de judic. lib. 1. cap. 67. n. 5. Novar. conf. 1. de offic. judic. delegat. n. 1. Simanch. de cathol. instit. tit. 34. n. 4. Buttr. in cap. legatos de offic. legat. Narbon. in 3. p. recopil. lib. 4. tit. 1. leg. 20. gloss. 22. n. 79. Zanard. in direct. p. 2. præcept. 1. cap. 6. Moscou. de majest. milit. eccles. lib. 1. p. 1. cap. 11. Homob. de stat. p. 1. cap. 8. Torrebl. de Magia lib. 3. cap. 5. n. 2. & seqq. alique passim contra nonnullos, quos sequuntur Canter. in quæst. crimin. cap. 2. de probat. per test. q. 1. n. 65. & Portecar. in allegat. pro jurisd. Inquis. n. 48. delegatus autem in officio sibi Commissio junior est quocumque Ordinario juxta *cap. sane de offic. & potest. judic. deleg. cap. studuisti. de offic. leh. ac l. fin. ff. de offic. ejus, cui mand. est jurisd. & l. si prator. eod. tit.* Quinimmo addit Autor Reptorii Inquis. v. delegatus §. delegatus Ordinarium ipsum Inquisitoris mandato obedire debere, quia non solum gerit vices summi Pontificis, sed etiam ejus locum tenet, *can. si quis Episcopus 2. q. 6. & can. ult. d. 93. Pegna, & alii quos ipse allegat com. 54.**

Si verò Inquisitor, & Episcopus, in hæreticos, vel de hæresi suspectos, exemptos ab Episcopo, inquirent autoritate delegata, uterque est par potestatis quia uterque eam habent à Romano Pontifice. Unde si Episcopus, & Inquisitor aliquem citant, ut coram se compareat, de fide ac religione responsurus, citatus ille coram utroque se sistere debet, si diversa sint tempora ipsius citationis. Sed si eadem tempora fuerint, sistere se debet coram Inquisitore, ut probant Eymer. p. 3. q. 5. & Pegna. com. 54. Panorm. in cap. significasti n. 1. & 5. de offic. deleg. & in cap. ult. n. 10. de consuet. & in cap. si quis contra n. 2. de for. comp. & in cap. pro illorum n. 15. de prob. Nam, ut diximus, Inquisitor gerit vicem Romani Pontificis in causa sibi speciatim delegata, ideoque ipsi, velut Pontificis locum sustinenti, obtemperandum est, quolibet alio Judice posthabito. Quod etiam docent Symanch. de cathol. instit. tit. 25. n. 5. Farinac. loc. cit. n. 87. & seqq. & Paulus ibid. p. 13. n. 3.

Verum, cum *ex cap. accusatus de hæret. in 6. Sacrum Inquisitionis officium sit tummè privilegiatum, videtur habere ordinariam, & delegatam jurisdictionem in favorabilibus. Quare hodie ex consuetudine generali remedium est etiam ordinarium, & propterea potest in omnibus delictis sibi commendatis, publicis, ac privatis ex officio inquirere, ut tradunt Albertin in l. ea quidem vers. consuetudo tamen. C. de accus. ubi etiam Bald. n. 44. Jo. Andr. in cap. felicis. de pœn. lib. 6. Cuman. Conf. 176. Vitalin. de malefic. rubr. de Inquis. n. 6. Anan. in cap. qualiter n. 9. de accus. Bos. in tit. de inquisit. n. 8. Gomez. var. resol. tom. 3. tit. de delict. cap. 1. quod extendit etiam ad delicta privata, & prosequuntur Clar. in prax. crim. quæst. 3. Decian. conf. 18. numero 193. Monticel. in pr. reg. 1.*



anni 61. Cened. in pr. tit. de inquisit. Directorium, Carena, Paramus, Moura, Molina, Torreblanca, & alii ab his citati. Unde potestas Inquisitoris, ut talis, est major potestate Ordinarii; æqualis autem, si Ordinarius procedat, tanquam delegatus Sedis Apostolicæ, ut cum Episcopus procedit contra prædicatorem regularem, proferentem propositiones scandalosas, temerarias, & huiusmodi alias, est delegatus sedis Apostolicæ ex S. Concilio Trid. sess. 5. cap. 1. de refor. si autem contra sæcularem, etiam presbyterum, procedit ut Ordinarius.

Quo autem tempore creati cœperint Inquisitores, docet Pegna in 3. p. direct. theol. 43. & lib. 8. de pœn. heret. in princ. Eorum auctoritatem contra hæreticos Concilium Viennense ampliavit apud Baronium ann. 1312 n. 21 summi quoque Pontificis delegati sunt illi Inquisitores, qui non eliguntur immediate ab ipso summo Pontifice, sed ab aliis, ut ji, qui eliguntur à Generali Hispaniarum Inquisitore. Nam etiam etsi à Sede Apostolica jurisdictionem accipiunt, ut patet ex litteris Urbani, & Clementi IV. relatis à Pegna in fine directorii, probatque multis rationibus Palaus p. 1. tr. 4. disp. 8. pun. 12. §. 2. n. 4. ac docent Eymericus, Locatus, Repertorium, Zechius, Royas, & Farinacius de hæres. q. 186. n. 41.

Ex litteris Apostolicis Urbani IV. ad Inquisitores ann. 1261. & 1265. Inquisitor debet esse conversatione honestus, prudentiâ circumspexitus, constantia firmus, sacræ fidei doctrinæ eminenter eruditus, ac virtutibus circumfultus. Unde potius Theologus, quam Jurisperitus est eligendus ex Cano. lib. 8. cap. 7. de loc. theol. Bruno lib. 4. de hæres. cap. 1. Cajet. 2. 2. q. 185. art. 3. Zanard. in sum p. 1. cap. 6. q. 12. licet potius esse debeat jurisconsultus, quam theologus asserant Symanch. loc. cit. tit. 41. num. 3. Scacc. d. lib. 1. cap. 87. n. 10. Dian. p. 5. tr. 10. ref. 7. & p. 4. tr. 8. ref. 52. Azor. p. 1. lib. 8. cap. 18. qu. 5. At si fieri posset, is esset eligendus, qui juris, ac theologiæ bene peritus sit, sin minus consuetudo cuiusque provinciae servetur.

Quod attinet ad ejus ætatem, olim nemo poterat in Inquisitorem eligi, nisi annum quadragesimum attingisset ex Clem. nolentes de hæres. Unde talis esse debet ex Eym. p. 3. q. 3. ibique Pegna com. 51. Farinac. de hæres. q. 186. numero 46. Zanardus loc. cit. p. 1. cap. 6. q. 12. Sanctarel. de hæres. cap. 40. dub. 1. concl. 5. n. 5. Castropal. p. 1. tr. 4. disp. 8. pun. 12. numero 24. Verum hæc ætas antiquitus requirebatur, quando Inquisitores eligebantur à Generalibus, & Provincialibus Sancti Dominici, & S. Francisci, ut constat ex rescriptis Innocentii IV. & Clementis IV. apud Eym. d. q. 3. & alios. Sed hodie cum Inquisitores eligantur immediate à summo Pontifice, vel à S. Congregatione Em. Card. supremæ Inquisitionis, qui non ligantur dispositione dictæ Clementinæ, ideo necesse non est, ut Inquisitor eligatur ætatis 40. annorum. Unde Carena p. 1. tit. 5. §. 4. numero 16. refert, S. Congregationem deputasse Cremonæ Inquisitorem, qui vix excefferat annum trigésimum, & Castropalaus loc. cit. alique testantur in Hispania Inquisitores creati, si annum trigésimum compleverint. Id ipsum servari in Lusitania, refert Soula in aphor. lib. 1. cap. 1. numero 8. Quod fieri quidem puto ex speciali summi Pontificis concessionem.

Porro Inquisitores Regulares in iis, quæ spectant ad S. Officium non subduntur Prælati sui Ordinis, sed solis Emin. Cardinalibus supremæ Inquisitionis ex privilegio Alexandri IV. Clementis IV. & Urbani IV. apud Eym. d. p. 3. q. 11. Quia etiam ipsi sunt in causis fidei delegati summi Pontificis, illiusque personam repræsentant ut ex can. præcipimus d. 93.

Tome I.

probant Pegna in d. qu. 11. com. 60. Royas de hæres. p. 2. numero 418. & Decian. in tr. crim. lib. 5. cap. 22. numero 33. Unde si deliquerint in iis, quæ ad S. Officium pertinent, non sunt puniendi à superioribus sui Ordinis, sed à dictis Em. Cardinalibus. In aliis vero delictis extra S. Officium, possunt quidem contra eos inquirere, non tamen illos punire, sed debent captam cognitionem ad dictos Eminentissimos mittere, ut ab ipsis sententia feratur Farinac. de hæres. q. 186. numero 128. Castrop. d. p. 1. tr. 4. disp. 8. pun. 12. §. 2. numero 23. Carena p. 1. tit. 5. §. 8. numero 72. & Dian. p. 4. tr. 8. resol. 53. & p. 5. tr. 10. resol. 132.

Ob eandem rationem quod sunt delegati Pontificis, ac ejus personam repræsentant, debetur eis in ordine ad sibi subditos titulus Reverendissimi Patris, ut per Param. de orig. S. Inquisit. lib. 3. q. 11. numero 23. & seqq. Carena loc. cit. §. 6. numero 51. Ac præcedentia supra Vicarios Generales Episcoporum, nedum in causis S. Officii, sed etiam extra ipsas, & in omni loco, qua de re Nos infra, & alibi; Nam præcedentia debetur habenti majorem dignitatem, ut probant Frecc. de Subfend. lib. 2. tit. quis dicatur Dux numero 46. Cyriac. contr. form. tom. 2. contr. 201. numero 73. Fab. de Ann. conf. 40. numero 14. Inquisitores autem majorem habent dignitatem, quam Vicarii Generales Episcoporum, quia Inquisitores repræsentant summum Pontificem, Vicarii Episcopos. Quare iidem Vicarii subduntur Inquisitoribus in causis ad tribunal S. Officii spectantibus, quia Jurisdictio Inquisitorum extenditur contra omnes, qui ab ea non sunt expresse excepti, quales sunt Episcopi, non autem eorum Vicarii; Ideoque tanquam delegati Apostolici præcedunt in subscribendis sententiis, & aliis actibus S. Officii Vicarios, & alios Ministros Patriarcharum, Archiepiscoporum, & Episcoporum, nec non Auditores Nunciorum Apostolicorum. Notat tamen Carena d. p. 1. tit. 4. §. 7. numero 67. Quod si Vicarius Episcopi sederet in Synodo cum suis Clericis, tunc Inquisitores non deberent eum præcedere, nam ibi resideret, uti suorum Clericorum caput. De aliis eorum præcedentiis alibi dictum est.

Posse autem Inquisitores habere familiam armatam, alibi docuimus. Posse etiam habere carceres proprios pro reis S. Officii constat ex cap. ut Inquisitionis de hæres. in 6. & tradunt Eym. d. p. 3. q. 58. ubi Pegna com. 107. Sed, quamvis ex jure Canonico carcer detur, non solum ad custodiam, sed etiam ad pœnam, ut cap. quamvis de pœn. in 6. Conrad. Brun. lib. 5. de hæres. cap. 12. Locat. v. carcer; Inquisitores tamen carcerem proprium habere possunt ad custodiam tantum, quod verò ad pœnam illum habent communem cum Episcopis. Quia non potest Inquisitor sine Episcopo, neque Episcopus sine Inquisitore condemnare reum ad carcerem perpetuum, vel ad tempus, neque in duriorē carcerem conjicere, qui sit magis ad pœnam quam ad custodiam ex Clement. 1. de hæres. ut notat Pegna loc. cit.

At, si reus securus non esset in loco mitiori, tunc ad arctiorem per solum Inquisitorem potest transferri. Quia hoc fieret ad custodiam, non ad pœnam ex Paulo de Leazardo, Zabarel. Imol. & aliis in Clem. multorum de hæres. unde notat Pegna ubi supra, quod si immineret fuga, vel colloquium, aut aliorum perversio, vel aliud quidpiam huiusmodi, quod in detrimentum veritatis verteretur, tunc solus Inquisitor, non requisito Episcopo, reum posset arctiori, & obscuriori loco occludere. Cavendum tamen, ne tanta sit carceris asperitas, ut delinquens in eo moriatur. Tunc enim qui hoc decreverit irre-

V v 3 gularis



gularis fieret, ut firmant Abb. in cap. à nobis de Apost. & in cap. qualiter, & quando de accus. Zabarel. in clem. un. de homic. Locat. d. v. Carcer num. 6. Pegn. com. 107. vers. verumtamen. Unde com. 108. vers. ad hac subdit, quod Inquisitores bis singulis mensibus tenentur visitare vinctos, & ab eis querere, an necessaria ipsis ministrantur; & an bene, an autem secus se habeant: sique occasio, aut necessitas postulaverit tunc, quaterve id facere, non erit indecorum, immo quandoque necessarium. Et ita etiam docet Symanch. de cath. instit. tit. 16. num. 13.

Interpretari quoque possunt Inquisitores statuta contra hæreticos, eorumque fautores, ut per Eymer. dec. p. 3. 86. ex litteris Alexandri IV. Idemque tenet Campeg. ad Zanchin. cap. 16. vers. rursus arbitrium Judicis. Addit tamen Pegna com. 135. id fortassis, & si versum sit ex stricta juris ratione, tutius tamen esse in re tam gravi adhibere Episcoporum consilium ubi commodè adhiberi poterit, alias urgente causa solus forsitan Inquisitor poterit id præstare.

Quòd verò ad edicta, certum est posse Inquisitores inconsulto Episcopo, quoties opportuerit publicare edicta contra hæreticos, eorumque complices, fautores, receptatores, ac defensores, quibus iubeant sub pœna anathematis, universos id delictum revelare. Ita docent Eymer. d. p. numero 52. in forma admonit. de hæret. revel. Royas de hæret. p. 2. de privileg. Inquis. numero 415. Zanchin. de hæret. cap. 21. num. 2. Pegn. loc. cit. vers. rursus non modò. Quod usù etiam comprobatur.

Si autem Ordinarius edicta hujusmodi publicaverit, non potest Inquisitor illa revocare, sed potest confirmare. Sic enim Episcopus, & Inquisitor fortius contra Religionis hostes pugnabunt.

Possunt etiam Inquisitores nova condere statuta in suis diœcesibus, augendo pœnas ex rescripto Innocentii IV. relato à Pegna d. p. 3. com. 155. vers. ad hac paucis, traditque etiam Royas loc. cit. numero 440. Nam si Episcopus in sua diœcesi statuta condere potest contra Hæreticos, Blasphemos, Sortilegos, & alios hujusmodi, ut ab his sceleribus acerbitate pœnarum homines avocentur per text. in cap. 2. §. statuto de constit. in 6. ibique Gloss. & Doctores communiter, multò magis contra eosdem id poterunt Inquisitores, qui in causa hæresis, aut majorem, aut saltem æqualem habent cum Episcopis Iurisdictionem. Advertit tamen Pegna loc. cit. consultius esse, ut in hoc casu Inquisitores Episcoporum consilium adhibeant, vel, quod tutius est, Supremum S. Inquisitionis Romanæ Senatium consulant, à quo in rebus gravibus in fidei causis nunquam est discedendum.

Quinimmo possunt Inquisitores post sententiam pronunciatam, rei pœnitentiam mitigare, aggravare, vel commutare, ita docente Eymer. d. p. 3. numero 194. in fin. In forma enim sententiæ id sibi reservant. Aiunt siquidem Retinentes nobis ex certa scientia, & expresse, quod possimus liberè dictam sententiam, seu pœnitentiam mitigare, aggravare, commutare, tollere totaliter, vel in parte, si, & quando, & prout Nobis, torques, quoties, videbitur faciendum. Quo in loco notat Pegna com. 44. hoc esse Inquisitorum privilegium, ut etiam post sententiam eorum iurisdicção in eadem causa non expiret. Hoc idem docent Guido Fulcod. in consult. ad Inquisit. quest. 13. & Archid. in cap. ut Commissi de hæret. in 6. Quod cautum fuit in Concilio Narbonensi cap. 7. & in Concilio Bitterrensi cap. 22.

Verùm tenendum est non posse Inquisitores commutare pœnas impositas reis, inconsultâ Sacra Emin. Cardinalium congregatione. Quare in sententiis ferendis non sibi, sed Eminentissimis S. Congregatio-

nis Cardinalibus hujusmodi facultatem reservare debent.

Ac etiam possunt Inquisitores in causis fidei summarè, ac de plano procedere absque Advocatorum, ac Judiciorum strepitu, & figura. Ita enim statuerunt Alexander IV. in sua Constit. quæ incipit *Cupientes ut Inquisitionis negotium*, anno 1251. Urbanus IV. in Constit. *licet ex omnibus* 1261. Bonifacius VIII. in cap. *statuta de hæret. in 6.* ut referunt Eymer. d. p. 3. qu. 54. & ibi Pegn. com. 103. inquit hoc esse magnum, ac singulare privilegium. Nam Judex, qui potest simpliciter ac de plano procedere, non cogitur omnem ordinem judicium servare. Id enim operatur ut si quidpiam omisum sit ex ordine juris, non ideo processus vicietur, ut ex Gloss. in d. cap. *statuta V. figura*, dummodo substantialia causæ, ac iudicii non omittantur, quæ sunt citationes, juramenti præstatio de veritate dicenda, probationes legitimæ, exceptiones utiles, appellationes necessariæ, induciæ, siue termini competentes, & hujusmodi alia, sine quibus, aut verè delictum probari non posset, aut Reus non valeret se justè defendere. Hæc enim, & si quæ sunt similia prohiberi non possunt ab Inquisitoribus virtute hujus amplissimi privilegii.

Habentque Inquisitores facultatem absolvendi hæreticum pœnitentem ab excommunicatione in foro externo, ex privilegio ipsis concessò à Gregorio IX. quod incipit, *Ille humani generis*, ab Innocentio IV. quod incipit, *Tunc potissimè*, & à Clemente IV. ut refert Pegna d. p. 3. com. 141. ac testantur Eymericus ibidem numero 58. & quest. 92. Locatus verb. *absolvere mon.* 11. Repertor. Inquis. v. *absolutio §. sed nunc*, & Symanch. tit. 37. numero 1.

In foro tamen conscientie Inquisitor potest tantum absolvere ab hæresi, quando, causâ cognitâ, pronunciat sententia, & reus in utroque foro absolviatur. Et licet Inquisitorem hanc facultatem habere etiam in foro conscientie, quando Hæreticus est occultus, nec coram ipso denunciatus, sed secretè suam hæresim illi confitetur; unde posse in foro conscientie illum absolvere asserant Sanchez. in decalog. lib. 4. cap. 12. num. 1. Dian. p. 5. tr. 8. resol. 19. & p. 1. tr. 5. resol. 5. Delbene de offic. Inquis. p. 1. dub. 59. numero 1. & seqq. Communiter tamen alii negant. Quia Inquisitores sunt Judices in solo foro externo constituti, quorum munus est, delicta inquirere, ac delinquentes judicialiter punire. Unde rei S. Officii ad confessiones sacramentales libenter admitti non debent, ne Inquisitionis Officium deludatur, contemnaturque pœnitentie Sacramentum. Nam si Inquisitor audiret aliquem in confessione sacramentali, & ille errorem suum confiteretur, si postea denunciaretur, vel accusaretur, & Inquisitor judicialiter inquireret, factumque detegeretur, tunc reus imponeret Inquisitori, quod secretum confessionis sacramentalis revelaverit.

Solum ergo Reus crimen suum detegere debet coram Inquisitore in foro judiciali, ejus notario confessionem recipiente, sique totaliter crimen est secretum, secretè Inquisitor in eodem foro eum absolvat injuncta aliqua pœnitentia salutari. Quòd si prius denunciatus, & accusatus fuerat, mitius cum eo procedat, quia venit non vocatus. Atque ita docent Eymericus, & Pegna com. 22. num. 59. Compeg. ad Zanchin. cap. 34. Locat. v. *absolvere num. 7.* Sanchez. loc. cit. num. 3. Suarez tom. 5. in 3. p. disp. 43. sect. 1. numero 5. & de fid. disp. 21. sect. 4. num. 15. Sanctarel. de Hæres. cap. 4. dub. 7. num. 31. Farinac. cod. tr. quest. 12. num. 52. & 54. Zechius in sum. part. 1. tit. de fide. rubr. de hæres. cap. 11. numero 18. Novar. in singul. conclus. 4. numero 2. Caren. p. 2. tit. 2. §. 7. numero 61. Ricciul. de jur. person. lib. 5. cap. 15. num. 13. Valer. in diff.



in differ. utr. for. v. hæresis diff. 3. numero 3. Ricc. p. z. dec. 579. numero 5. & declaravit S. Congregatio apud Barbol. sess. 24. cap. 6. Concil. Trid. per hæc verba Episcopus, aut Inquisitor absolvere non possunt Hæreticum in foro conscientie, de quo, & nos aliàs, ubi asseruimus non posse Inquisitores absolvere ab hæresi in foro conscientie, posse tamen absolvere in utroque foro, non autem in foro conscientie tantum.

Quare facultas Inquisitoribus data, hæreticos penitentes, & à nullo Iudice inquisitos extrajudicialiter absolvendi, consistit in eo quòd possint ad secretam abjuramentum, & secretam penitentiam illos admittere, & eosdem remittere ad proprium confessarium, ut ab illo sacramentaliter absolvantur, juxta Clem. 1. de hæret. & sic absolutio valebit in foro conscientie, & in foro externo judiciali, cum oriatur à jurisdictione in taliforo, ut notat Riccius loc. cit. cap. 14. numero 1. & 2. ubi addit hanc facultatem non esse revocatam per Bullam Cænæ. Quòd etiam alii docent. In Regnis tamen Hispaniarum, ac Siciliæ Inquisitores habere facultatem absolvendi adhæreses, non solum in foro externo, & judiciali, sed etiam in foro conscientie, & interno cum plerisque Doctoribus affirmat Diana d. p. 5. tr. 8. resol. 19. & 20. & d. p. 1. tr. 5. resol. 3. & p. 4. tr. 8. resol. 35.

An autem Inquisitores possint delegare facultatem absolvendi hæreticum occultum in foro conscientie, variant opiniones. Campeg. in addit. ad cap. 34. Zanchin vers. cum itaque negat. Symanchas d. tit. 3. numero 5. ait id esse maximè dubium. Henriques lib. 6. de pen. cap. 7. numero 3. ait, hanc facultatem non posse concedi à quolibet Inquisitore, sed à toto Consistorio. Supponit enim, Inquisitorum jurisdictionem non in quolibet Inquisitore, sed in toto consensu esse. Sanchez verò in decal. lib. 2. cap. 12. numero 4. Freit. in addit. ad tr. de confess. sollicit. numero 16. Homobon. de exam. eccles. p. 2. tr. 11. cap. 6. q. 11. Villalob. in sum. tom. 2. tr. 1. diff. 12. numero 7. & Dian. d. p. 5. tr. 10. resol. 19. & p. 1. tr. 5. resol. 3. disertè affirmant. Nam Episcopus vigore Concilii Trid. sess. 24. cap. 6. potest facultatem absolvendi hæreticum occultum in foro conscientie confessario concedere, nec per Bullam Cænæ illi hæc potestas sublata fuit, ut tradunt Navar. in sum. cap. 29. numero 260. & lib. 5. conf. in prim. edit. tit. de sentent. excomm. conf. 15. quest. 1. Guittier. quest. can. lib. 1. cap. 13. ad fin. Henriq. lib. 6. de pen. cap. 14. numero 7. Bagnez in 2. 2. quest. 11. art. 4. dub. 2. post 2. conclus. arg. 3. ibique Aragon art. 3. concl. 10. Eman. Sa verb. Episcopus, numero 37. ac ceteri, quos citat Sanchez in decal. lib. 2. cap. 11. numero 27. Inquisitores autem, & Episcopi quoad privilegia æquiparantur, nec minora privilegia reperiuntur concessa Inquisitoribus, quàm Episcopis, ut tradunt Gratian. discept. for. tom. 2. cap. 240. numero 35. & cap. 341. numero 11. Royas de hæret. part. 2. numero 409. Param. de Origin. Sanctæ Inquisitionis, pluribus in locis, Caren. part. 1. tit. 14. §. 5. numero 19. Carleval. de for. compet. lib. prim. tit. prim. disp. 2. quest. 6. sect. 6. numero 508. ac seqq. Atque adeo, sicut Episcopi possunt delegare alicui confessario facultatem absolvendi in foro conscientie hæreticum externum & occultum, ita & Inquisitores.

Et quamvis aliqui apud Sanchez loc. cit. numero 26. sustinent hanc facultatem Episcopis per Bullam Cænæ esse revocatam, supradicti tamen Doctores respondent, ut notat Diana d. p. 5. tr. 8. resol. 15. numero 3. & 4. & p. 1. tr. 5. resol. 2. quòd in Bulla Cænæ non sit mencio expressa Concilii Tridentini. Quod quidem esset necessarium, ut censetur

illi derogatum, per Text. in cap. ex parte. de Capel. Monach. ibique gloss. v. nulla mentio cap. nonnulli de rescript. ubi etiam gloss. v. fecerunt mentionem. Nec B. Pius V. Gregorius XIII. & Clemens VIII. contrarium declararunt. Nam ut ait Sousa in Bulla Cænæ cap. 23. disp. 100. concl. 3. numero 7. & Fagundez de precept. Eccles. lib. 8. cap. 8. numero 32. & seq. de illis pontificiis declarationibus non constat authenticè, cumque sit res tam gravis, & scientibus Pontificibus controversa, deberet expressè declarari, ad tollendum laqueos animarum.

At tenendum est consequenter ad dicta, Inquisitores, & Episcopos sicuti non possunt absolvere ab hæresi in foro conscientie, ita nec talem facultatem possunt alteri concedere. Nemo enim dat quod non habet. Facultatem verò Episcopis concessam à S. Concilio Tridentino loc. cit. esse revocatam alibi Luculenter probavimus.

Vices suas possunt Inquisitores aliis delegare per Text. in cap. ut commissi. §. committendi de hæret. in 6. & in Clem. 1. & 2. eod. tit. & per constit. Clementis VII. ac Pii II. & docent Eymeric. in direct. d. p. 3. quest. 13. ac ibi Pegna com. 62. aliique communiter. Quia sunt delegati summi Pontificis, ut dictum est. Delegatus autem Principis potest subdelegare l. à Iudice. C. de judic. deleg. Solusque Inquisitor potest in Officio sibi tradito plures Vicarios, seu Commissarios instituere in sua Diocesi plures civitates continente, ut per Eymeric in forma instit. Commiss. d. p. 3. num. 37. & ex rescripto Urbani IV. Licet & omnibus, & tradunt Gundisalvus de hæret. quest. 7. numero 13. Comens. in Lucerna v. Inquisitor §. 2. Royas p. 2. numero 429. & Pegna com. 10. numero 37. & alii. Hodie tamen Inquisitores non possunt eligere Vicarios, nisi ex Licentia S. Congregationis, illosque deputare nequeunt nisi in Locis in quibus resident Vicarii foranei Curie Episcopalis, & deputantur dumtaxat pro denunciationibus recipiendis; Nam integros processus non possunt absque licentia Inquisitoris formare ex decreto Sacre Congregationis S. Officii sub die 4. Maii 1610. eligereque debent in Vicarium, & Notarium Fratres permanentes in Conventu, ut Scriptum Inquisitori Cremonæ 28. Novembris 1592.

Admonet tamen Symanchas de Cathol. instit. tit. 64. numero 11. testium examen ab ipso Inquisitore debere fieri, nec alteri esse committendum, nisi in aliquo casu gravi, & urgenti, quando ipsi Testes ad Inquisitorem accedere facile possunt, neque Inquisitor ad illos. Quia quæ ab Inquisitoribus fiunt maturius, ac prudentius facta esse præsumuntur, quàm quæ fiunt ab eorum substitutis. Et ita in Hispania cautum est in instructione edita sub anno 1484. cap. 17. Et multò minùs debent Inquisitores commissariis committere, sententias pronunciare, præcipuè adversus relapsos, ac impenitentes. Id certum, non posse Inquisitorem dare facultatem suo Vicario, siyè Commissario subdelegato, ut ille alium subdelegeret, ut docent Gloss. in d. cap. super questionem §. Porro V. transferi de offic. iud. deleg. & in cap. cum causam v. delegatus de appell. & alii com. 64. ne detur processus in infinitum.

Prohibitio autem legendi, ac retinendi Libros hæreticorum comprehendit Inquisitores, eorumque Vicarios, siyè commissarios, nisi eis ab Apostolica Sede, vel à sacra Congregatione Inquisitionis fuerit concessa facultas: ut per Ricciul. de jur. person. lib. 5. cap. 25. numero 4. Suar. de fide disp. 20. sect. 2. numero 28. Sanchez in decal. lib. 2. cap. 10. numero 46. Azor. p. 1. lib. 8. cap. 16. quest. 13. Fagund. in decal. lib. 1. cap. 14. numero 22. Quia in Bulla Cænæ omnia privilegia legendi hujusmodi Libros revo-



cantur, & Summus Pontifex sibi reservat hanc facultatem concedere, non obstantibus constitutionibus Julii III. Pauli IV. & Pii IV. in quibus expressè habetur quòd nemini licitum est legere libros hæreticorum, quacumque fulgeat dignitate, exceptis Inquisitoribus, & commissariis à Sede Apostolica deputatis. In eis enim nihil de novo Inquisitoribus conceditur, sed tantum facultates, ac licentiæ, si quas antea habebant, eis non revocatur, quod etiam observat Caren. p. 2. tit. 10. §. 1. numero 13. ac reiectis Pegna, Duardo, Naldo, Farina. Graffio, Bonacina, Zanardo, Torreblanca, Soufa, & Diana d. p. 5. tr. 10. resol. 137. & p. 4. tr. 8. resol. 46.

Multoque minùs Inquisitores facultatem habent concedendi aliis licentiam legendi libros hæreticorum. Nam summus Pontifex expressè sibi reservavit hanc licentiam concedere in dicta Bulla Cænæ. Neque habet ampliùs facultatem concedendi licentiam legendi libros prohibitos. Possunt tamen viris doctis, ac piis concedere licentiam legendi libros suspectos donec corrigantur. Ipsi verò possunt libros prohibitos legere.

Nequeunt Inquisitores, aliique S. Officii Ministri excommunicari absque speciali sedis Apostolicæ licentia, à Prelatis etiam sedis Apostolicæ delegatis, ex privilegio eis concessò ab Alexandro IV. anno 1259. ab Urbano IV. anno 1261. & à Clemente IV. ut testantur Eymeric. in direct. d. p. 3. q. 9. Pegna com. 70. & Caren. p. 1. tit. 5. §. 13. numero 87. licet in dictis constitutionibus solum exprimantur Inquisitores, Notarii & Scriptores, tamen hoc privilegium extenditur ad omnes S. Officii Ministros, nempe ad Advocatos, ad Procuratorem fiscale, ad Consultores, ad carcerum custodes, & alios Ministros necessarios. Tum favore fidei, & tum quia eadem juris ratio reperitur in his Ministris, quàm in illis. Hoc tamen privilegio gaudent quandiu in prosecutione sui Officii fuerint, sive quandiu actu inservierint. Amoris enim ab officio, cessat privilegium, quia cessat causa, l. addicere §. Quamvis ff. de jure patr. & cap. cum cessante de appell.

Ad quid si Inquisitor, aliique inservientes S. Officio sint obligati ad solvendam pensionem in forma Cameræ? Respondet Pegna loco cit non posse contrà eorum personas aliquam actionem intentari aut excommunicationem ferri, durante officio, absque expressa Romani Pontificis facultate faciente de hoc privilegio mentionem, ac illud revocando. Neque obstat, Inquisitorem, atque alios Ministros obligando se in forma Cameræ, huic privilegio renunciassè. Nam quando privilegium est potiùs concessum toti Ordini, quàm privatis personis, illi renunciari non potest, cap. si diligenti de for. comp. ibique Gloss. & omnes. Dictum autem privilegium concessum est toti Ordini, sive Collegis Ministrorum S. Officii propter publicam autoritatem, ac fidei favorem, ideoque non potest à particulari in sui præjudicium renunciari. At nihilominus posse excommunicari inservientes S. Officio ob non solutam pensionem, non obstante Bulla Urbani IV. incipiente: *Nè Inquisitionis negotium* declaravit sæpiùs S. Congregatio Eminentissim. Cardinalium supremæ Inquisitionis, præcipuè sub die 3. Februarii 1609. ac 11. ejusdem, fuitque significatum Auditori Cameræ Apostolicæ. Quod intelligo, si tanquam simplices Pensionarii, non autem tanquam Inquisitores, ac Ministri S. Officii excommunicentur.

Possunt autem Inquisitor, ejusque socius se mutuo ab excommunicatione absolvere, & in irregularitate dispensare in iis tantum casibus, in quibus possunt eorum superiores absolvere, & dispensare, ex Constitutione Urbani IV. quæ incipit: *Us negotium*

fidei anno 1261. Quòd verò ad facultatem absolvendi, excipe tres casus, in quibus se mutuo absolvere non possunt. Primus est, quando omiserunt procedere contrà quem procedere debuerant: *Ex cap. cum mul-torum §. verum de heres.* omisso autem esse debet non solum contrà justitiam, sed etiam contra conscientiam, & scientiam ipsius Inquisitoris, ita ut sciat, esse procedendum, & ex amore, vel odio, prece, vel precio non procedat. Secundus est, nè prætextu officii Inquisitionis quibuscumque modis illicitis ab aliquibus pecuniam extorqueant, nec scienter attentent Ecclesiarum bona ob Clericorum delictum occasione prædicti officii fisco, etiam Ecclesiæ applicare: ut Clem. *Nolentes §. etiam ipsorum de heres.* Tertius est, cum alicui hæreseos crimen falsò impositum fuerint, aut dixerint, eum impedivisse S. Officium, qui revera non impedivit, ut in Clem. 1. de heres. §. *verum.*

Non possunt tamen Inquisitores cum aliis dispensare in irregularitate contracta ob hæresim occultam. Quanquam enim constitutio Clementis VII. incip. *cum sicut §. Vobis etiam*, id concedat Inquisitoribus pro solo conscientie foro, ac ita sentiant Mandos. de signat. grat. v. *absolutio ab heresi.* Zech. in summ. Trin. de fid. cap. 11. numero 16. Henric. lib. 14. de irregul. cap. 18. numero 2. hoc tamen privilegium vel fuit revocatum per alias posteriores Pontificum constitutiones, ut ait Pegna d. p. 3. com. 175. vel fuit personale, non autem perpetuum, neque usu receptum, ut inquit Suarez tom. 5. in 3. p. disp. 43. s. 1. numero 5. Sanchez lib. 2. in decal. cap. 25. numero 19. Dian. d. p. 5. tr. 10. resol. 136. & p. 4. tr. 8. resol. 85. & B. Pius V. anno 1567. prohibuit dispensare, ut sacerdotes hæretici pœnitentes missam celebrarent: teste Sanctarello de heres. cap. 25. dub. 1. numero 6. Quinimmo non possunt Inquisitores cum expeditis in S. Officio dispensare super irregularitate, sed illos remittere ad sedem Apostolicam, decrevit S. Congregatio S. Officii sub die 24. Novembris 1606.

Possunt quidem Inquisitores, eorumque Ministri absentes percipere distributiones quotidianas, ac si essent præsentis. Ita enim iis concessum est in multis summorum Pontificum constitutionibus: ut referunt Sanctarel lib. 1. var. resol. q. 11. numero 5. Caren. p. 1. tit. 5. §. 13. numero 93. & alii, quos sequitur Dian. d. p. 5. tr. 10. resol. 135. & p. 4. tr. 8. resol. 71. Et præcipuè iis conceditur in suis præbendis, & dignitatibus pro præsentibus haberi, ac integros fructus suarum præbendarum simul cum quotidianis distributionibus percipere, idque favore fidei à Paulo III. & Pio V. ut aiunt Armendar. in Recop. leg. Royas singul. 96. & de heres. p. 2. numero 420. Navar. lib. 2. tit. 23. leg. 2. §. 2. numero 7. & ita declarasse S. Congregationem testatur Garz. de Benef. tom. 1. p. 3. cap. 2. numero 356. quæ sic etiam decrevit: Canonici gaudent distributionibus quotidianis suorum Canonicatum pro tempore, quo actu inter fuerint negociis S. Officii velut Congregationibus, examinibus, vel torturæ reorum. Ita pro Canonici Patavii 20. Junii 1596. & Scriptum Episcopo, ac Inquisitori dictæ civitatis 22. Junii ejusdem anni. Idem pro Canonici Comensibus 9. Maii 1600. & hoc si tantum sint consultores; sed si intervenerint pro Fiscali, vel Notario, sunt exempti à servitio Ecclesiæ, percipiuntque distributiones quotidianas, ac si eidem Ecclesiæ actu inservirent, & 26. Julii 1612. & 1. Aprilis 1626. & sub die 16. Septembris 1610. & pro Vicario S. Officii Vercellenis Canonico, quòd quando actu inservit S. Officio, debeat gaudere distributionibus, fuit declaratum sub anno 1633. & Paulus Papa V. decrevit, quòd Canonici pro tempore deputati ad inserviendum Officio S. Inquisitionis



quisitionis pro Inquisitoribus, Fiscalibus, vel Notariis sint exempti à servitio Ecclesiæ, ac percipiant distributiones quotidianas, ac si actu eidem Ecclesiæ interservirent. Consultores verò tantum sunt exempti pro tempore, quo actu serviunt S. Officio, ut sub die 27. Octobris 1605. Cumque Inquisitor Ferrariæ significasset, quòd Vicarius Generalis ejusdem civitatis pretendere, quòd Vicarius Generalis ejusdem civitatis, qui est Canonicus, & Præpositus dictæ Cathedralis, non lucratur distributiones quotidianas suorum beneficiorum pro illo tempore, quo interfit Congregationibus S. Officii, decretum, ut Inquisitor notificet Canonicis, dictum Canonicum debere gaudere distributionibus quotidianis, quando interservit S. Officio, ut anno 1640. fol. 167. Hoc tamen est advertendum, quòd quando hujusmodi Ministri ob residentiam non possunt incumbere negotiis S. Officii, providere debet Inquisitor de aliis Ministris non obligatis ad residentiam, ut scriptum anno 1633. Inquisitori pro duobus Canonicis Monticelli Parmen. Diocesis, Vicario, scilicet, & Notario S. Officii, qui petebant lucrari distributiones quotidianas, quando actu interservierint S. Officio:

Nam sunt etiam Inquisitores, eorumque Ministri immunes ab omnibus vectigalibus, datis, gabellis, & gravaminibus ex lege Federici Imperatoris, cujus verba refert Pegna d. p. 3. com. 2. lit. F. quæ sunt hujusmodi: *Mandantes vobis, ut dictum Inquisitorem, ejus socios, Notarios, & familiares, ac eorum res, & bona ab hujusmodi guidagijs, datis, portibus, ac ab alijs oneribus, & gravaminibus liberos, & expeditos esse faciatis, non permittentes, eos pro hujusmodi aliquid solvere, aut eis aliquod damnum à quocunque inferri, sive pro personis, sive pro rebus. Quinimmo provideatis eis de securis transitis, & portis, ac custodia, aut guidagio, sicut per eundem Inquisitorem fueritis requisiti.* Idemque asserunt Royas de heret. p. 2. numero 421. & Caren. loc. cit. & declaravit sæpius S. Officii, Inquisitores esse immunes ab onere contributionis pro munitione Regni, sive Ditionis, in qua degunt. Unde noluit sanctissimus, illos teneri ne quidem ad notificanda bona, & Pensiones Inquisitionum, quemadmodum, præcipiebat edictum Episcopi Laudensis 5. Februarii 1626.

## CONSULTATIO CXXV.

De Inquisitorum Jurisdictione, ac exemptione.

Eorum jurisdictio extenditur adversus omnes in hæresis crimine delinquentes, præter infrascriptos, qui ab eorum Jurisdictione sunt exempti. Possuntque procedere non solum contra hæreticos, sed etiam contra eorum credentes, receptatores, defensores, factores, nec non contra infamatos, vel suspectos de hæresi, & contra impediētes, seu retardantes directè, vel indirectè S. Officii negotium: ut constat ex cap. ut officium de heret. in 6. & ex cap. excommunicamus §. credentes eod. tit. atque ex literis Clementis, & Urbani IV. & probant Eymeric. d. p. 3. q. 65. & seq. ibique Pegn. com. 94. & 95. Gemin. in cap. ne aliqui de heret. in 6. & ceteri.

Sunt autem exempti summus Pontifex. Ita ferunt tituli illi: *caput Ecclesiæ, Magister fidelium, Pater Patrum.* Neque enim caput subjacere debet membris, vel discipulis Magister, aut Pater filiis. Ecclesiæ Romana, ut est apud S. Maximum ad Abbatem Thalassium, quæ ab olim huc usque utpote senior cunctarum, quæ sub celo sunt, Ecclesiarum, omnibus præest, hoc certe canonicè tam à Conciliis, & Apostolis, quam ab ho-

rum summo principatu consecuta, & in sortem adeptæ, nullis omnino propter Pontificatus præcellentiam scriptis, aut Synodicarum edictionibus chartarum subiecta, sicut etiam in his omnes ex æquo ei secundum jus sacerdotale subiecti consistunt. Cadunt ista in Romanam Ecclesiam ratione Pontificis, de quo illud fortissimè de more Egnodius in Apologet. *Altiorum fortè hominum causas Deus voluerit per homines terminare, Sedis istius Præsulem suo sine questione reservavit arbitrio. Voluit D. Petri Apostoli successores celo tantum debere innocentiam, & subtilissima discernitionis indagini inviolatam exhibere conscientiam.*

Insigniter in eandem sententiam disputat Adrianus Primus Ep. 7. ad Carolum Magnum, fortissimè præterea, & liberrimè Stephanus Papa scribens ad Basilium Imperatorem, eumque increpans, quòd Marinum prædecessorem suum judicare ausus esset. Habentur literæ in calce octavæ Synodi. Idemque professæ sunt variæ Synodi, ut Synodus sub Marcellino, & Romana sub Sylvestro, quarum illud fuit quasi effatum: *Prima Sedes à nemine judicatur.* Allegat eos locos Bernardus in Apologet. pro excommunicatione Gregorii VII. sub initio, & præverat Nicolaus Primus epist. ad Michaelem. Idem contestatus est Sixtus Papa calumniam passus, quòd consecratam stuprasset. Tamen enim voluit rem discuti coram Valentiniano, & Clero ac populo, tamen contestatus est, se ab omni humano judicio esse exemptum, ut habent acta accusationis Sixti, quæ exhibet Baronius anno Christi 433. numero 31. Idem fecit Leo III. coram Corolo Magno, ut scribit Monachus Sangallensis lib. 1. vit. Caroli cap. 28. Plura in hanc rem adducunt Lindanus lib. 4. Panopl. c. 86. Azor. tom. 1. lib. 4. cap. 7. q. 6. Valentia 2. 2. disp. 5. q. 11. pun. 1. Bermundus Chover. ad tit. Concord. de publ. concub. v. vel aliter præminentia. Bellarmin. lib. 2. de Pontif. cap. 26. optimè Antonius Augustinus ad canonem 52. alias 56. ex traditis Ingelramo ab Adriano Papa.

Et in hac parte, ut & in alijs plerisque Pontificatus novæ legis superat antiquum. Nam fortassis Pontifex Habraus poterat judicio humano subjacere, quod monstrare videtur exemplum Abjatharis à Salomone damnati, nisi Salomon, quatenus Propheta, & specialiter à Deo delegatus illud judicium exercuit. Vel nisi indebitam jurisdictionem sibi arrogavit. Est enim res dubia, nec constat de justitia facti. Videndus Gomitius lib. 1. respons. moral. qu. 93. à num. 21. Becan. Opusc. de primat. Eccles. c. 2. à numero 36, qui etiam universè de Aaronici Pontificis exemptione à Regio judicio, & potestate fusè disserit opusc. de Pontif. vet. testam. cap. 8. q. 7.

Quidquid tamen fuerit de Pontifice Judæorum, constat, Christianum Pontificem non modò à quovis cujuscunque laici judicio planè liberum esse, quod plenius monstrant Molin. de just. disp. 31. concl. 4. & Suar. lib. 4. defens. fid. cap. 4. & seq. Sed etiam subducitur judicio cuicunque humano. Cum etiam Hincmarus Ep. 6. cap. 33. & 34. quoscunque Pontifices inferiores secularis cujusvis potestatis judicio subducit, quòd magis supremum? Cum enim quidam ex Imperiali edicto exularet, contudit illum Hincmarus allegato loco S. Leonis ad Anatolium Ep. 54. & Gelasij ad Anastasium, ac Lege Augustorum Valentiniani, Theodosij, & Arcadij de Episcopis, quibus asseritur, *aliam esse rem rem secularium rationem, aliam divinarum & nunquam inveniri de Pontificibus nisi Ecclesiam judicasse. Et non esse humanarum legum de talibus ferre sententiam absque Ecclesiæ, principaliter, constitutis, Pontificibus &c.*

In contrarium tamen opponuntur quædam damnationes Pontificum, ut Marcellini in Concilio Synvesano, Honorij in sexta Synodo, Eugenij IV. in Concilio



cilio Basileensi, & Gregorij XII. Joannis XXIII. ac Benedicti XIII. in Concilio Constantiensi.

Sed hæc omnia sunt parvi momenti. Nam quod ad Marcellinum attinet, verior sententia est, totam narrationem de Marcellini crimine, & damnatione esse fabulosam, ut, retractata priori sua sententia, censuit Belarmin. *in recognit. lib. 4. de Pontif. cap. 8.* adducens S. Augustinum, ac Theodoretum. Subscripserunt alii apud Baronium *anno 302. & 303.* de qua re infra. Si tamen placeat narrationi de Marcellini damnatione iudicio vulgaræ fidem præstare, dici poterit, vel Marcellinum damnatum esse à Concilio, præmissa per eum renunciatione Pontificatus, quod primò dixerat Bellarminus *lib. 2. de Concil. cap. 19.* reclamante tamen Baronio *anno 304.* Vel certè dicendum erit, Marcellinum non esse judicialiter à Concilio damnatum, sed ipsomet Marcellino ad exemplum, ac sui peccati expiationem se ab officio quasi suspensum pronunciantem, Concilium tulisse sententiam declaratoriam criminis, & approbativam multæ ab ipsomet Marcellino sibi impositæ. Jam quòd sexta Synodus damnarit Honorium, assumptum est Græcanicum, malignè sextæ Synodo attributum.

Nullius verò fuit momenti, quòd Concilium Basileense initio legitimum, postea autem digressis Legatis Pontificiis, ac præcipuis Episcopis, & in eorum locum subductis presbyteris jam Conciliabulum, attentavit adversus Eugenium, tunc Florentiæ cum Græcis, & Latinis in Concilio Oecumenico sedentem & ab Ecclesia universa pro vero Pontifice cognitum. At quod fecit Concilium Constantiense iudicans de tribus simul sedentibus Pontificibus, rectè habuit. Omnes enim erant incerti Pontifices, & nullus eorum credebatur legitimè electus, in quo eventu potest Ecclesia sibi de certo, & indubitato capite prospicere, ut tunc factum est, depositis omnibus illis Pontificibus, & Martino V. Canonice suffecto. Nos autem tantum negamus, Pontificem moraliter certum, & indubitatum posse humano ulli iudicio iuvitum subijci. Tametsi verò Pontifex Romanus à nullo iudicari potest, nihil tamen vetat, cum demissè, cum res ferret admoneri, ut benè notavit Bernardus *Epist. ad Adalbertum* prolato suo S. Leonis, qui allegat exemplum S. Petri à B. Paulo admoniti in negotio circumcisionis.

Ad rem igitur quod attinet. Inquisitores sunt delegati summi Pontificis, atque adeo inferiores. Inferior autem suum superiorem iudicare non valet, *ex can. inferior. d. 22. & l. ille, à quo ff. ad Trebell.* sed in hoc casu cognitio spectabit ad legitimum Concilium generale. Nam licet, quandiu est Papa, à nemine possit puniri, si tamen fiat hæreticus, potest à Concilio generali hæreticus declarari. In quo casu de facto immediate à Christo deponitur, quemadmodum & de facto, eligentibus Cardinalibus, Papa immediate à Christo potestatem recipit. Eisdem enim causis, quibus res gignitur, etiam destruitur, depositusque manet inferior, sicque poterit postea ab Ecclesia puniri, ut per Cajet. *de author. Papæ cap. 18. & seq. Can. lib. 4. de loc. theol. cap. ult. ad 12. Sot. in 4. dist. d. 22. part. 2. art. 2. Cordub. libro 4. quest. 11. & alios.*

Annotandum autem est, Romanum Pontificem docentem ex Cathedra errare non posse. Ita habetur ex titulis illis quibus Pontifex denominatur, *inmobilis basis fidei crepido, & firmamentum immobile.* Item ex titulo *Capitis Ecclesiæ universalis.* Nam si hoc caput, prout tale errare posset, Ecclesia tora, quæ ejus ductum sequi tenetur, impingeret in errorem, sicque portæ inferi, id est hæreses & errores, ut exposuit D. Hieronymus, prævalerent adversus eam, rescisso Christi promisso. Rationes in hanc rem accumulat Canus *lib. 6. de loc.*

*theol. cap. 7.* sed illa est firmissima, quæ petitur ex illo Christi ad Petrum oraculo: *rogavi pro te, ut non deficiat fides tua.* Quod ex mente Patrum ad B. Petri successores extenditur. Certa verò tot sæculorum experientia confirmavit, Christum esse exauditum, cum jam per tot sæcula, quibus res Christiana stat, ad Romanam Sedem nunquam potuerit accessum habere perfidia, ut loquitur S. Cyprianus *ep. 55. num. 91.* ubi Pamelius sinceræ semper, ac incorruptæ Romanorum Pontificum doctrinæ testimonia congerit. Sed illud illustre, quod perhibuit Lucius 1. *ad quem S. Cyprianus aliquando scripsit. Hæc sancta, inquit agens cum Galliæ, ac Hispaniæ Episcopis, & Apostolica mater omnium Ecclesiarum Christi Ecclesia, quæ per Dei Omnipotentis gratiam à tramite Apostolica traditionis nunquam errasse probatur, nec hæreticis novitatibus depravanda succubuit, sed ut in exordio normam fidei Apostolica percepit ab auctoribus suis, Apostolorum Christi principibus, illibata sine tenus manet, secundum ipsius Domini salvatoris divinam pollicitationem, qui discipulorum suorum Principi in suis fatus est Evangelii, Ecce Satanas expetivit, ut cribraret vos, sicut qui cribrat triticum; Ego autem rogavi pro te, ut non deficiat fides tua, & tu aliquando conversus confirma fratres tuos.* Quomodo autem confirmare posset in fide fratres suos Pontifex, si labe hæresis infectus esset?

Itaque Romanus Pontifex potitur privilegio infallibilitatis in doctrina de rebus fidei. Quod intelligendum est de Pontifice, prout agit Pastorem universalem, & obit munus capitis Ecclesiæ, docens ex Cathedra. Hoc autem facere censetur, cum proponit aliquid tanquam ex fide credendum, vel honestè faciendum ab omnibus Christianis, volens ad id credendum astringere universam Ecclesiam, ut rectè exponit Valentia 2. 2. *disp. 1. qu. 1. pun. 7. §. 40.* Undè intelligitur, quædam nonnullorum Pontificum pronuntiata privatim data non mansisse ab eis ex Cathedra, & posse repudiari: exempli gratia, Nicolaus I. ex privato sensu, non ut Ecclesiæ totius Magister, dixit baptismum collatum in solo nomine Iesu validum esse, etiamsi non exprimantur omnes personæ S. S. Trinitatis, quod tamen probatior sententia affirmat esse necessarium ad baptismi valorrem. Nam quòd aliqui in nomine Iesu baptizati leguntur, sensus est, baptizatos fuisse juxta Christi institutionem, ut benè exponit Eulogius apud Photium *cod. 280.* & Ferrandus sub finem Epistolæ primæ ad Anatolium, nec non Facundus *lib. 1. c. 3.* similiter Stephanus II. in quibusdam responsis datis Carisiaci *num. 11.* ait de presbytero, qui in vino baptizarat defectu aquæ, *nulla ei adscribatur culpa, infantes sic permaneant in ipso baptismo.* Quæ videntur ferre materiam baptismi posse esse vinum, contra exploratam Concilij Tridentini definitionem. Quam nihil est necesse admodum laborare pro responsio, quod non est evidens, à Pontifice mansisse, vel quod absquæ truncatione referri non est exploratum.

Quare intolerabiliter Castro *lib. 1. contra hæres. cap. 4.* dixit, Pontificem, etiam quatenus Pontificem, atque adeo prout ex Cathedra loquentem, errare posse, & reipsa aliquando errasse. Quæ enim erit anchora fidei nostræ, si Pontifex prout ex Cathedra docens, errare possit? Habet hic profectò locum ratiocinatio Gelasii 1. *ep. 8.* quæ est ad Anastasium Imperatorem. *Hoc est, inquit, quod Sedes Apostolica magnopere cavet, ut quia mundo radix est, Apostol. gloriosa confessio nulla rima pravitatis, nulla prorsus contagione maculetur. Nam si, quod Deus avertat, quodque fieri non posse confidimus, tale aliquid proveniret, unde cuiquam resistere auderemus errori? vel unde correctionem errantibus posceremus?* Quòd si Moisaicus Pontifex in lege veteri potitus est infallibilitate in docendo ex Moylis Cathedra ut, ex communi sen-

tentia



gentia tradit Becan. c. 11. *Analog.* quantò justius erit idem admittre de capite Christianæ Ecclesiæ docente ex cathedra S. Petri?

Nec oportet esse sollicitum, an adhibuerit diligentiam debitam, & contulerit rem cum peritis, ut optimè admonuit Cunerus Petri *lib. de firmit. Cathedra Petri sub finem.* Nam eo ipso, quòd Deus permittit, doctrinam proponi cum auctoritate, supponendum est, eam ritè esse discussam à proponente, qui si pro negotii qualitate non adhibeat peritos, peccare poterit, doctrina tamen non erit minus certa ob assistentiam Spiritus Sancti, promissam huic doctori, etiam si soli, ut bene attigit Bernardus in *Apolog. pro decretis Romanæ Synodi sub Gregorio VII. cap. 23.*

Non est tamen negandum, quin Pontifex privatim spectatus errare possit circa res fidei, non modò ex ignorantia, quod unum concedunt Pighius *lib. 4. hierar. Eccles. c. 8.* Bellarm. *de Pontif. lib. 4. c. 6.* Suar. *rr. 1. de fid. disp. 10. sect. 6. numero 11.* Sed etiam, quod illi diffidentur, errando cum contumacia, ita, ut possit Pontifex privatim esse hæreticus, etiam exteriùs. Quod rectè admittunt Cajet. *tom. 1. Opusc. tract. 2. p. 2. cap. 13.* Duvallius *rr. de Pontif. disp. 2. qu. 1.* & Torres *tom. 1. in 2. disp. 16. dub. 1.* Nec est certè ulla Christi promissio de ea Pontificis prout hominis privati indefectibilitate in fide. Idque voluit Ecbertus *ser. 10. adversus Catharos*, cum pro indefectibilitate Romanæ Sedis quoad fidem acriter pugnans, addit, si aliquis Romanorum Pontificum in fide erravit, nempe privatim, etiam si exteriùs, illicò à Deo vel obtritum esse morte præpropere, quod ait Leoni Papæ tempore Arianorum accidisse, ut habent acta S. Hilarii, vel ab Ecclesia gradu motum, & in ordinem redactum esse, quod ait accidisse cuidam alteri, quem non nominat, nec revera nominare potest, quia nullus est. Quæ enim Dei benignitas fuit, nullus unquam Pontifex verus, & indubitatus erravit circa fidem, etiam ut privata persona: Non enim S. Marcellinus, & Melchias accusati idololatriæ à Petiliano Donatista apud S. Augustinum *lib. contrà eum de unico baptismo cap. 16.* Nam fuisse calumniam à Donatistis confictam, tradit satis apertè eo loco S. Augustinus. Et licet casus Marcellini in acta, & tabulas ecclesiasticas irrepperit, Baronius tamen anno 302. & Bellarminus in *recognit. lib. 4. de Pontif. cap. 8.* non vanis conjecturis ostendunt, ea acta per Donatistas postmodum fuisse conficta, tot omnibus ævi illius à S. Augustino ad magnum usque Constantinum retro claris Patribus, fuisse incomperta, tametsi postea Nicolaus *i. ep. ad Michael. Imper.* & alii quidam Latinorum ex falsis actis passim vulgatis abducti sint in errorem, & calumniæ de lapsu Marcellini sint astipulati. Dixi quidam Latinorum, nam apud Græcos, tametsi Romanæ Ecclesiæ infensissimos hostes, alium est de Marcellini lapsu silentium, sed ejus per tempus persecutionis illustria decora, atque triumphos tantum recensent, ut videre est apud Eusebium *lib. 7. hist. cap. 26.* & apud Theodoretum *lib. 1. hist. cap. 3.* Non Liberius, pro quo apud Ecbertum Leo habetur. Is quidem à plerisque insimulatus erroris est. Sed purgavit eum Baronius anno illo 357. & 367. ac Sanderus *lib. 7. visib. Monarch. à numero 121.* & Coccius *tom. 1. lib. 7. art. 11.* Non Felix, quem item purgat Baronius anno illo 357. & Coccius *ibidem ar. 12.* Non Anastasius II. quem Gratianus *dist. 19. can. ult.* est criminatus. Purgat autem eum accuratè Pighius *lib. 4. Hierarch. cap. 8.* & Covar. *lib. 4. var. cap. 13.* Non Honorius I. cui hæresim impingit Canus *lib. 6. de loc. cap. ult. sub finem.* ac Franciscus Junianus *opusc. de sexta Synodo*, & Hieronymus à Rua *contr. 3. schol. initio.* Purgant verò eum Joan-

nes Papa apud Anastasium initio *Collectaneorum S. Maximus in disp. contra Pyrrhum.* Bellarminus *lib. 4. de Pontif. cap. 11.* Baronius anno 633. & 681. Andreas Schottus *ad cod. 19. Photii.* Coccius *tom. 1. lib. 7. art. 13.* Duvallius *rr. de Pontif. p. 2. quest. 4.* Non Joannes XXII. malignè à Calvino allatratus, quem benè purgat Sanderus *lib. 7. visib. Monarch. à numero 1006.* Non Bonifacius VIII. ut jactarunt ejus hostes decepti imposturis cujusdam Petri Flottæ, qui ei falsas Epistolas supposuit, magis intentus ad favendum commodis suis, quam ad serviendum veritati, ut Henricus Spondanus annotavit, agens de ejus diabolico studio, ut in simili loquitur S. Bernardus *ep. 282.* Non denique ulli alii Pontifices, in quam rem plenè Bellarminus *loc. cit. à cap. 8.* & Azor. *tom. 2. lib. 5. cap. 4. q. 3.* ac Franciscus Agricola *de primatu Petri cap. 21.*

Et hanc ob causam usu receptum non fuisse, ut Romanæ sub Sacrum post Evangelium cantaretur symbolum, contrà quàm alibi jam factum olim, scribit Berno Augiensis *lib. de reb. ad miss. spect. cap. 2.* Hanc enim causam omitti sub Sacrum symboli fidei à Romanis presbyteris, interroganti S. Henrico I. Imperatori redditam esse, testatur qui aderat Berno, addens tamen, Imperatorem Benedicto VIII. tunc Pontifici, ut morem ubivis alibi vigentem tandem post mille annos, agebatur enim annus Christi 1014. in Romanam Ecclesiam induceret, consilium ex optima mente conceptum. Tamen ea patens, & expressa contestatio inconcussæ omnium retrò Pontificum fidei, si retenta fuisset, appositissimè quoque signasset posteris Pontificum ad finem usque mundi sufficiendorum intemeratam semper fidem. Et hanc ob causam Romanos Pontifices viros semper esse dignissimos, quibus aliæ Ecclesiæ adhærent, notavit Vvalfridus Strabo *lib. de reb. Eccles. cap. 22.*

Longè verò aliter accidit quoad innumeros aliarum quantumvis sedium Antistites, etiam Patriarchas. Nam plerique Patriarcharum aut hæretici, aut etiam hæresiarchæ fuerunt. Inter Constantinopolitanos Macedonius, Acacius. Sergius, Pyrrhus, Paulus, Petrus, Anastasius, notati sunt hæreseos, ut mirum non sit, si Ecclesia illa tot hæresibus fermentata, de fermento immolans, pro fermento tam acriter ceter, ut monuit Rupertus *lib. 2. de offic. cap. 62.* contrà, Sedes Romana, quia semper pura, semper à fermento hæreseos abjuncta, sacrificat in azymis sinceritatis, & veritatis. Accuratè errores, & nequitias variorum Præsulum Constantinopolitanorum prosequitur S. Leo IX. *ep. 1. quæ est ad Michaelem, & Leonem.* Nec hæreticos tantum, sed etiam hæresiarchas sedisse Constantinopoli, notat S. Gregorius *lib. 4. indict. 13. ep. 32.* Similiter Joannes VIII. *ep. 75. Credimus, quod jam vos non lateat, nunquam Apostolicam B. Petri Sedem ab aliis sedibus reprehensam, cum ipsa alias omnes, & præcipuè Constantinopolitanam, sepius reprehendens, aut ab errore liberaverit, aut certe iniis, qui respicere noluerunt, sententia sue judicio condemnaverit.* Inter Præsules Alexandrinos notati sunt hæreseos Gregorius, Georgius, Lucius omnes Ariani; item Dioscorus, Timotheus, Aelurus, Petrus Mogus. Inter Antiochenos hæretici fuerunt Paulus Samolatenus, Eulabius, Euzoius, Joannes, Dominus, Petrus Cnaphæus, Macarius. Inter Hierosolymitanos sorduerunt hæresibus Joannes Originiista, Sallustius, Arsenius, Heraclius, Hilarius, ut liceat prospectò, his prospectis, gratulari Romanæ Ecclesiæ suorum Pontificum in fide constantiam, adhibitis verbis Hieronymi *ep. 57. alloquentis Damasum Papam: Profligato a sobole mala patrimonio, apud vos solos incorrupti Patrum servatur hæreditas &c.*

Cæterum probabile est, Papam, etiam ut personam



nam privatum, non posse esse hæreticum, ut per Doctores, quos sequitur Pighius *eo lib. 4. Hierarch. Eccles. cap. 8.* quorum sententiam, tanquam piam, sequitur Bellarm. *d. lib. 4. de summ. Pontif. cap. 8. & 11. sub finem.* Suarez de *fid. disp. 10. sect. 6. num. 11.* quatenus ait, sibi magis pium, magisque probabile videri, posse quidem Papam, ut privatum personam, errare ex ignorantia, non tamen ex contumacia. Nec enim ullus Pontifex adhuc fuit hæreticus, sicuti probat idem Bellarm. *cit. cap. 8 & seqq.* Quamvis Papam, ut privatum personam, sive ut privatum Doctorem esse posse hæreticum, teneant Cajet. *opusc. 1. de author. Pap. cap. 15. Sor. loc. cit. Can. lib. 6. de loc. theol. cap. 12. Castr. de just. hæret. punit. lib. 1. cap. 6. & lib. 2. cap. 22. Turrecrem. lib. 2. cap. 101. Valent. in analys. fidei, & Tumian de fid. disp. 16. dub. 1.* subdens, hanc opinionem nunc temporis esse communem. Et quidem cum res duntaxat facti agitur, posse Pontifici obrepere falsitatem, quippe homini, notius est, quam ut moneri oporteat, & facillimum id esse ob innumeras, quibus distrahitur, curas, scitè docet Petrus Cellensis *lib. 8. ep. 16.*

Eximuntur etiam Nuncii, & Officiales Apostolici, qui vices Summi Pontificis in aliquibus causis, sive causa gerunt, & quorum officium circa negocia Sedis Apostolicæ versatur. Liqueat ex Literis Joannis XXII. ut ait Eymeric. *q. 26. & extravag. cum Matheus de hæret.* utque observat Pegna *com. 75. Zanard. in direct. theol. p. 2. cap. 6. q. 12. Suar. de fid. disp. 30. sect. 4. numero 26. Molin. tr. 5. de just. disp. 28. numero 20. & alii, quos citat, & sequitur Dian. d. p. 5. tr. 10. resol. 10. & p. 4. tr. 8. resol. 24.* Qui etiam docent, non comprehendendi in hac exemptione Officiales Apostolicos, & Nuncios, qui mittuntur, & dantur ad decidendas causas inter partes, quæ ad Sedem Apostolicam non pertinent, sed privatorum utilitatem respiciunt.

Eximuntur item ab Inquisitorum jurisdictione Episcopi, Archiepiscopi, Patriarchæ, & Cardinales. Adversus enim istos procedere, ac judicare in causis fidei non valent, nisi expressè, & speciatim detur eis facultas, ex *cap. Inquisitores de hæret. in 6. ac docent Eymer. quest. 27. Pegn. com. 76. Gondisal. de hæret. q. 7. numero. 15. Symanch. de cathol. instit. tit. 25. numero 7. & 8. Repert. Inquis. v. Episcopus §. ad secundum, Zanard. chid. quest. 22. Dian. loc. cit. resol. 11 & p. 4. tr. 8. resol. 21. Acugna de confess. sollicit. quest. 12. num. 7. & 11.* Qui etiam affirmant, nomine Episcopi venire omnes sic consecratos, etiam Titulares, quia hi sunt veri Episcopi, ac verè dignitatem Episcopalem habent, ac etiam electos, & à Sede Apostolica confirmatos, etiam si consecrati non sint, quia & hi verè jurisdictionem Episcopalem habent, non sic electos, sed nondum à Sede Apostolica confirmatos. Possunt verò Inquisitores recipere dicta testium adversus Episcopos & eorum crimina Sedi Apostolicæ denunciare. Nam non alia via possunt scire, vel invenire, Episcopos esse hæreticos, aut de hæresi suspectos. Qui enim non est Judex, potest recipere in reum testimonia, ut ea ad proprium Judicem mittat, *l. 1. in princ. ff. de remil. l. D. Adrianus ff. de cust. reor. l. 1. c. de exhib. reis & d. cap. cum Matheus, vers. volumus de hæres.* Item possunt Episcopum suspectum, si clarè cognitus sit hæreticus, & multò magis si clarè dilatione carcerationis periculum sit in mora, ut quia interim alios seducit, in carceres conjicere, & ad Pontificem mittere. Quia tunc ex epieicheia casus censetur exceptus, ut per Symanch. Molinam, Pegnam, Farinacium, Decianum, & alios apud Delbene de *offic. S. Inquis. p. 2. dub. 195. sect. 30. numero 5.* Quod si

*eis specialiter &c.* Contra verò Cardinales non possunt Inquisitores sine speciali mandato aliquid sibi denunciare accipere absque licentia speciali Summi Pontificis. Neque Judices in processibus apponere possunt quidpiam particulare in personam Cardinalis, nisi de mandato Sanctissimi, etiam si rei illud spontè deponant. Et Judex quidam, qui multa interrogatoria fecit circa personam cujusdam Cardinalis S. Officii privatus fuit officio, & facultate judicandi ubique locorum, ac in omnibus causis. Cardinalis causa spectans ad S. Officium committi solet per Sanctissimum quatuor ex Cardinalibus generalibus Inquisitoribus, qui unà cum Commissario S. Officii vice Sanctissimi audiunt, cognoscunt, & examini inter sunt, ac usque ad conclusionem procedunt, & omnia referunt Sanctitati Sæ. Cardinalis verò famulus denunciatus comprehenditur extra palatium, deinde fit verbum cum dicto Cardinali.

Pariter eximuntur Inquisitores, contra quos neque alii Inquisitores procedere possunt in causa hæresis, sed recipere debent informationes contra eos, ac Summo Pontifici eas mittere. Plurimum enim iis deferri debet ob reverentiam Summi Pontificis, cujus personam repræsentant, & Sedis Apostolicæ, cujus sunt Officiales, ac etiam quia par in parem jurisdictionem non habet, ut per Suar. de *fid. d. disp. 20. sect. 4. numero 16. Zech. in summ. to. 1. de hæres. cap. 11. numero 13. Eymer. q. 30. Pegn. com. 79. Azor. p. 1. lib. 8. q. 14. Locat. v. Inquisitor. numero 13. & v. Episcopus. numero 2. ac Dian. d. p. 5. tr. 10. resol. 13. & p. 4. tr. 8. resol. 25.*

Si tamen manifestissima esset Inquisitoris hæresis, ut si contra fidem prædicaret, aut scriberet, aut prædicari, & scribi permetteret, aut hæreticos comprehensos impunitos dimitteret, hisque similia perpetraret, quæ in manifestum fidei detrimentum converterentur, nec facile Summus Pontifex posset consuli, & interea fides periclitaretur, liceret tunc Episcopo in Inquisitorem agere. Quod admittunt Gemin. in *d. cap. Inquisitores num. 5. de hæres. in 6. Locat. ibid. Repert. Inquis. v. Episcopus §. 1. Royas singul. 109.* Qua in re cauti, ac prudentes esse debent Episcopi, ne ad hæc deveniant, nisi perquam consultè, ac mediata causis maturo consilio perpensis.

Nullo autem modo sunt citandi, vel quoquo modo coram aliquo alio Judice tradendi, nisi coram S. Congregatione supremæ Inquisitionis. Quod si secus fiat, Judices, Procuratores, Notarii, etiam Auditores Camerae, retineri debent in S. Officio, dimittendi cum monitione, ac suspensione à suis Officiis. Possuntque coram se civiliter citare debitores S. Officii, ac illos cogere ad solvendum. Sunt enim in hujusmodi causis legitimi Judices tam activè, quam passivè. Et possunt contra denegantes suas prerogativas, quorum sunt in possessione, procedere, ut si denegetur eis in Missa osculandum Evangelium, thurificatio triplici ductu, osculum pacis, ac hujusmodi alia. Non debent tamen cognitionem aliarum causarum, etiam cum præcepto suorum Generalium, ac Superiorum accipere, idque ut facilius causis S. Officii possint incumbere. Neque sunt executores mandatorum cujuscunque alterius Judicis, etiam Auditoris Camerae Apostolicæ, nisi S. Congregationis duntaxat. Et tam ipsi, quam eorum Vicarii sunt subjecti Custodibus Conventuum in iis, quæ spectant ad disciplinam regularem, ideoque illos venerari tenentur.

Procedere possunt contra quoscunque Religiosos, etiam exemptos, ac etiam contra eorum Religionum, ac Ordinum etiam Militarium Prælatos, etiam Generales de hæresi inquisitos, non obstante eorum prerogativa



rogativa dignitatis, ex cap. ut officium §. denique de heret. n. 6. & ex rescripto Clementis VII. cum sicut Pii IV. Pastoris æterni & ex constitutione Pauli V. in qua interdicatur Prelatis regularibus cognoscere suos subditos de hæresi. Solumque in d. cap. Inquisitores excipiuntur Episcopi, atque adeo comprehenduntur Generales Religionum, ex regula l. siquidem §. fin. ff. de pen. leg. Quod tradunt Delbene in cap. 1. q. 7. de heret. in 6. Freytag in addit. ad tract. Roder. de confess. sollic. q. 12. numero 20. est contra Rodriguez in quest. regul. tom. 2. q. 81. art. 1. Peyrin. tom. 2. in constit. Pauli V. §. 1. num. 2. Dian. d. p. 5. rr. 10. resol. 12. & p. 4. rr. 8. resol. 23. alioque Anchores Regulares, qui excipiunt Generales Religionum, qui certè hac in re non habent idem privilegium, quod habent Episcopi speciatim excepti in d. cap. Inquisitores.

Quamvis insuper possint Inquisitores in crimine hæresis procedere contra Reges, Principes, Duces, aliosque Laicos cujusunque sint conditionis, dignitatis, & gradus, ex d. cap. ut officium §. denique de heret. in 6. & ex Literis Clementis, & Urbani IV. quæ incipiunt, *Præ cunctis*, & tradunt Eymer. d. p. 3. q. 31. ibique Pegn. com. 8. Param. li. 3. q. 5. num. 24. Symanch. de Cathol. instit. cap. 34. num. 32. & Caren. de heret. num. 85. Tutius tamen est, ut quando est procedendum adversus Reges, ac Regales Personas, quales sunt magni Duces, supremi Principes, Marchiones, ac similes, vel adversus eos, qui Regibus adstant, uti sunt Consiliarii, Senatores, vel contra alios Magnates, vel Gubernatores, sive Proreges, Consules, ac Magistratus, sive sint hæretici, sive de hæresi suspecti, prius consulatur Summus Pontifex, vel supremum Tribunal, & modo ab eo præscripto contra illos procedatur, ut admonent etiam Eymer. q. 31. Pegn. com. 80. Molin. de just. rr. 5. disp. 28. num. 22. Suar. de fid. disp. 20. sect. 4. nu. 24. Cenedo collect. 14. num. 2. Azor. tom. 1. lib. 8. cap. 18. q. 13. cum alioquin infelices exitus sequi consueverint.

Et quidem inter alias pœnas contra Principes hæreticos inflictas tollitur eis Principatus, & datur occupanti Principi Catholico, quando Catholicus Princeps hæreticus factus est, nec admonitus vult resipiscere, vel sub se patitur hæreticos vivere subditos, factus ita erroris particeps. Quare antè moneri debere statuit cap. excommunicamus de heret. deinde excommunicari, nec excommunicatio etiam valeat, nisi præcedente admonitione cap. sacro. de sent. excomm. Rursus post excommunicationem jus exigit Principum contumaciam non satisfaciendi per annum antequam terra illorum occupantibus exponatur. Postremò occupationem non quibuscunque permittit, sed iis tantum, qui occupatam ab hæresibus expurgent. Refert Guichard. lib. 11. historiarum sui temporis, Julium II. summum Pontificem edictum in Ludovicum XII. Regem Galliarum pronunciasse, quo eum, & quotquot ei ituderent, omnibus schismaticorum, & hæreticorum pœnis subiciebat, facta cuique potestate fortunas, regna, resque illorum invadendi, ex quo secuta fuerit Regni Navarræ occupatio. Vide Joannem Tillium in Chron. Galliar. & Paulum Jovium lib. 4. B. Pius V. quoque Regnum Angliæ proscripsit, prædæque exposuit ob hæresim anno Domini 1569. cujus sententiam postea anno sequenti Joannes Feltonus vir nobilis Londini ad fores Episcopii publicè juxta summum Templum affixit, qui postea comprehensus, damnatus, in cratem injectus, suspensus fuit, funeque ei semivivo execto, multa

Tome I.

deinde tormenta expertus, ut scribit Sander. lib. 7. de visib. Monarch. & Bzov. in vita Pii V. anno 1570. ubi ejus sententiam excommunicationis, & privationis profert.

Valdè certè metuenda est hæc Regnorum censura, & in qua gravissimæ, ac immedicabiles præcedere debeant hæreses, vel aliæ causæ, quæ non solum Principes, sed etiam populum inficiant, alioquin si ex sola causa, vel delicto, ut contumacia Principis tanta maledictione prædæ cujusque populus exponatur, medicina tantum abest ut proficiat, quin contra aditum infinitis, & irreparabilibus malis dabit, cum matatia rerum publicarum, & principatuum soleat turbare ita statum publicum, & privatum, ut antequam consistere possit, quiescere, ac in tranquillum pervenire statum, boni cum malis pereant, & mali deteriores reddantur, & ira in furorem, furor in desperationem, contumacia in hæresim, & schisma, schisma in Atheismum transeat, omitto exempla plura, Sufficit Anglia maximè antea Catholica, quæ ob crimen adulterii Regis Henrici, primùm ob repudiatam legitimam uxorem, non concessa secunda, lapsa ob Regem contumacem in schisma contra summum Pontificem, de hinc ob excommunicationem, & interdictum in hæresim, & post expositionem ejus in prædam, in tantam sævitiam, ut crudelior persecutio christianorum ferè nunquam extiterit. Sunt planè summi Pontifices, qui & prævidere debent, Reges impiissimos etiam habere gladium, & socios impietatis, quibus hostiliter aggressi ab extraneis, quibus terra illorum exponitur, & cogunt bonos in defensionem patriæ armari, undè tot cædes bonorum cum malis, tot viduarum, orfanorum, ac incendiiorum, oppressionum, cadaverum reliquiarum luctuosissimæ.

Quid autem possint Inquisitores in familiares S. Officii, alibi tradidimus.

## CONSULTATIO CXXVI.

*Quinam dicantur hæretici, Apostata à fide, Schismatici, receptatores, hæreticorum, defensores, fautores, suspecti de hæresi, qui jurisdictioni Inquisitorum subjiciuntur?*

**H**Æretici, contra quos jurisdictionem habent Inquisitores, dicuntur ii, qui habent aliquem errorem in intellectu contra fidem cum pertinacia, ut docent omnes cum D. Thoma 2. 2. q. 11. ar. 2. Ac is, qui pertinaciter dubitat de rebus fidei, etiamsi in tali dubitatione parvo tempore persistat, eoquæ magis, si plus inclinaret in doctrinam Catholicæ fidei contrariam, etiamsi non de tota Christiana Religione, sed de uno tantum articulo fidei tenaciter dubitaret, ut pariter docet D. Thom. loc. cit. quest. 3. ar. 3. Is item, qui dubitat de iis, quæ ab Ecclesia definita sunt, & post legitimam admonitionem, deliberato animo in dubitatione persistit; Nam in dubium non sunt revocanda, quæ semel pro fide, ac veritate Catholica Ecclesia defini- vit, ut ait Gelasius Papa, & refertur in can. majores. 24. quest. 1. & D. Thom. p. 1. quest. 32. art. 4. Ille etiam, qui pertinaciter non credit, vel existimat, verum non esse aliquid, quod in Sacra Scriptu-

Xx

ra



ra continetur, ut docet quoque D. Thom. d. p. 1. q. 102. ar. 1. & probat Ricciul. de jur. pers. lib. 5. cap. 8. num. 4.

Hæreticus etiam dicitur apostata à fide, qui fidem Christianam, quam in baptismo promisit, relinquit, & transit ad Judæos, Turcas, Saracenos, Idololatrias, & hæreticos. Et qui id facit ex libidine, vel desperatione, animo non relinquendi catholicam fidem, ut Apostata reputatur. Nam quod ad Ecclesiam apostata est, ut per Farinac. de hæres. quest. 183.

Schismaticus quoque hæreticus censetur, estque is qui ab unitate Ecclesiæ Romanæ se dividit, & determinationibus Ecclesiæ de fide factis pertinaciter credere non vult, ideoque hæreticus habendus est, quod testatur Eymer. p. 2. direct. qu. 48. numero 4. Pegn. com. 73. & Farinac. qu. 184. numero 8. & seq. Vel saltem suspectus de hæresi, ideoque cogendus est abjurare schisma. Principes verò ad fidem conversi, dum interim procuratur unio cum Ecclesia Catholica non possunt tuta conscientia communicare cum suis Schismaticis, neque ab illis Eucharistiam, & absolutionem à peccatis aliaque Sacramenta suscipere. Neque eis licet fundare, vel dotare interim Monasteria, vel Ecclesias Schismaticorum, neque possunt interesse sacris, ac cæremoniis illorum, easque observare juxta morem gentis; neque jurare possunt, se velle retinere fidem suorum patrum, illamque suis subditis conservare. Neque confirmare juramento statuta fidei Catholicæ contraria. Neque legere libros schismaticorum suorum, ne illos quidem, qui Religionem Catholicam ex professio non impugnant. Neque possunt Principes Catholici ab Episcopis schismaticis coronari, benedici, & Sacramento Eucharistiæ more schismaticorum refici. Neque vesci possunt carnis die sabbathi, & jejunare feria quarta more eorundem Schismaticorum. Neque illorum Tempia visitare, sacra audire ac eorum ritibus interesse prætextu, quòd aliàs non agnoscerentur pro legitimis Dominis, ac subesset periculum perturbationis rerum.

Electi autem in Reges Schismaticorum, non possunt corona ab Episcopo Schismatico, Schismaticorum ritu, licet aliquibus videatur, id posse fieri, si non intervenerit sacra Unctio. In casu tamen necessitatis potest concedi licentia recipiendi coronam ab Episcopo Græco Ecclesiæ Catholicæ Romanæ unito.

Hæreticorum autem credentes, qui etiam jurisdictioni Inquisitorum subduntur, sunt primò qui credunt hæreticorum erroribus. Et ij propriè dicuntur hæretici. Secundò qui nulla hæresi infecti sunt, sed credunt, hæreticos esse viros probos, & habere bonam fidem, qui dicuntur habere hæreticorum perfidiam non explicitam, sed implicitam. Tertio ij, qui licet profiteantur, se non credere, quod hæretici credunt explicitè, tamen verbis, vel factis illis adhærent, quia eos visitant, literas hinc inde mittunt, pluriès eorum sermones, & Conciones audiunt, eorum libros retinent, ac legunt, in eorum conventicula conveniunt, quæ ad ritum eorum pertinent, perpetrant, aguntque similia, per quæ de hæresi suspecti vehementer, vel leviter redduntur, secundum quod majora, vel minora in eis indicia apparent, ut per Eymeric. p. 2. qu. 50. num. 1. Duard. in Bull. Cœne lib. 2. can. 1. quest. 26. num. 2. Royas de hæres. qu. 1. num. 296. & seq. Suar. de fid. disp. 24. sect. 1. num. 1. Sanch. in decal. lib. 2. cap. 10. numero 2. Farinac. de hæres. quest. 182. numero 121. & seq. Azor. p. 1. lib. 8. cap. 15. q. 1. & alios,

Receptatores autem hæreticorum ab Inquisitore puniendi, ij sunt, & dicuntur, qui scientes, aliquem esse hæreticum, latenter eum receptant, ne ad manus Ecclesiæ perveniat, etiam si semel tantum sic eum receptaverint, suntque excommunicati juxta cap. Excommunicamus primo §. credentes, de hæres. Qui verò ignorans, aliquem esse hæreticum, illum receptaret, nec diceretur hæretici receptor, nec puniendus esset pœnis statutis contra hæreticorum receptatores. In dubio tamen hæc ignorantia est præsumenda, idèoque Fisco incumbit onus probandi scientiam in receptatore, dummodo non constet notoriè, receptatum esse hæreticum. In hoc enim casu onus esset receptoris probandi suam ignorantiam. Quòd si receptaret consanguineum hæreticum, non excusaretur à tota pœna sed mitius esset puniendus, habita ratione gradus consanguinitatis. Idemque dicendum de receptantibus amicos summos. Vinculum enim amicitiae potens est, ac prævalidum, nequè inferius ulla ex parte sanguinis viribus. Et amicitia ipsa quædam fraternitas est. L. Verum. ff. pro socio. & annotant Socin. conf. 263. & Jas. in l. que dotis. ff. solut. matr. Pegn. conf. 87. vers. nunquid autem & seq. Ità etiam qui metu mortis hæreticum receptat, ne ab eo occidatur, in receptationis pœnas non incurrit, quia non receptat hæreticum, ut hæreticum, sed ut vitam suam tueatur, & Leges humanæ non obligant in Conscientia cum certo, vel probabili vitæ periculo, nec est credibile, Ecclesiam velle cum tanto rigore obligare, ut per Suar. de legib. disp. 4. sect. tertia, numero 13. & Duard. in Bull. Cœne lib. 1. quest. 3. numero 9. & cap. 2. quest. secunda num. 19.

Defensores verò hæreticorum, contra quos etiam Jurisdictionem habent Inquisitores, primò sunt, qui defendunt errores, & hi manifestè hæretici sunt, imò hæreticis deteriores, quia non solum pertinaciter errant, sed etiam offendicula errandi aliis parant. Secundò sunt, qui non defendunt eorum errores, sed personas, qui quavis ratione student, & curant, ne hæretici in manus Inquisitorum veniant, aut ne denunciarentur, vel ne deferantur ad Inquisitores eorum hæreses, vel ne eorum prava dogmata examinentur, nequè, interrogentur, vel quovis modo eorum comprehensionem, animadversionem, condemnationem, supplicium, ac pœnam impediunt, vel prohibent, ne in eos inquiratur, ne capiantur vel captos audent potentia, viribus, armis, aut fraude è manibus capientium eripere, aut Inquisitorum manus impedire, vel illorum sententiam non exequi. Hi omnes hæreticorum defensores dicuntur & sunt de hæresi suspecti vehementer, vel leviter, juxta defensionis qualitatem, ac Jurisdictioni Inquisitorum subduntur, ab eisque puniuntur, ac sunt excommunicati in Bulla Cœne, & in dict. cap. excommunicamus primo §. Credentes, de hæres. Suntque etiam infames, sicut credentes, receptatores, & fautores, ac omnibus officiis publicis privandi ex d. cap. Excommunicamus & ex cap. Quicumque §. heretici, de hæres. in 6. & ex Constitutionibus Innocentii IV. quæ incipiunt, Ad extirpandas, & Pauli IV. incip. Cum ex Apostolatus, aliorumque Pontificum. ut annotat Pegn. inter literas Apostolicas,

Comprehenduntur quoque sub dicto nomine defensorum, Advocati, & Procuratores, qui sine Inquisitorum licentia, & in casibus non permisis parochinum hæreticis præstant, qui etiam sunt de hæresi suspecti, ac uti tales possunt contra eos Inquisitores



itores procedere, ut tradunt Sanctarel. *de hares.* cap. 11. dub. 2. numero 21. Duard. *loc. cit.* numero 9. & Farinac. *quest.* 197. numer. 55. qui enumerat dictos casus non permittos. Non tamen incurrunt excommunicationem, nec alias pœnas contra hæreticorum defendentes impositas, qui hæreticos defendunt extra causam hæresis, quia hæc est iusta hominis defensio, & illa solum est iniusta, & in conscientia prohibita, qua quis scienter hæreticum, ut hæreticum defendit, ut docent Cajet. *in sum. v. Excommunicatio, cap. primo.* Navar. *in man. cap. 27. numero 55.* Azor. *part. 1. lib. 8. cap. 15. quest. 6.* Farinacius, Duardus *loc. cit.* & alij.

Fautores autem hæreticorum jurisdictioni Inquisitorum etiam subiecti ij sunt, qui vel omissione, & negligentia, vel facto, & cooperatione, vel verbis, & consilio hæreticis favorem præstant. Omissione & negligentia fautores hæreticorum sunt primò Episcopi, Inquisitores, & eorum ministri, qui possunt ac tenentur ratione officii contra hæreticos procedere, eosque punire, & contra illos non procedunt, neque eos puniunt. Isti excommunicationem incurrunt, ac per triennium Episcopi suspenduntur, & si id faciant ex odio, vel amore, vel ob lucrum temporale excommunicationem incurrunt summo Pontifici reservatam ex *Clem. 1. §. Verum de haret.* ibique *Glos. v. fraudulenter,* Imol. numero 3. Zabarel. numero secundo & seq. Anchar. numer. 11. Cajetan. *d. v. Excommunicatio, cap. tertio* Navar. *ibidem* numero 100. Et si prædicti in puniendis hæretici, fuerint negligentes, deponi debent ab officio Episcopali ex *d. cap. Excommunicamus §. Volumus de haret.* ut præter alios docet Pegn. *par. 2. com. 2. vers. Episcopi ergo.*

Secundò qui tenentur hæreticos accusare, vel denunciare, & id non faciunt, vel dant aliquid ad hæreticos non denunciandum, vel legitime ab Inquisitoribus de hæreticis requisiti, illos celant, & veritatem dissimulant, ut per Sayr. *de censur. lib. 3. cap. 5. & 7.*

Tertiò qui hæreticos ab hæresi revocare possunt, & non revocant, *arg. can. Ubi potest 24. quest. 3. & arg. cap. 2. de haret.* & ibi *Glos. v. non revocat.* Immo Felinus alijque Canonistæ ex illo textu deducunt, quòd hæreticus censendus sit, qui ex negligentia hæreticum ab hæresi revocare omittit. Quod intelligendum est de Episcopis, & Prælati, ac Magistratibus, non autem de privatis hominibus, qui solum sub excommunicationis pœna tenentur illos accusare, aut denunciare, vel revelare, ut cum aliis annotat Pegna *d. com. 2. vers. Si de Episcopis.*

Quartò domini seculares, & officiales ministri, qui omittunt hæreticum inquirere, & comprehendere, ut per Cajet. *loc. cit. cap. 2.* Anan. *in d. cap. excommunicamus §. credentes num. 14.* Vel qui negligentes sunt in extirpandis hæreticis à terris suis, ut per Pegn. *ibidem. ex in cap. secundo de haret.* Vel requisiti, ac moniti ab Ecclesia, ut faciant custodias, in quibus hæretici custodiantur, & in gratiam hæreticorum non faciunt, Sayrus *d. cap. 5. numero 7.* Vel dare nolunt milites ad comprehendendum hæreticos. Vel requisiti ab Inquisitoribus, nolunt illos comprehendere, Navar. *conf. 14. de haret.* Graff. *lib. 4. decis. cap. 18. num. 12.* & Sayr. *loc. cit.*

Facto autem, & cooperatione hæreticorum fautores sunt, qui pecunias, alimenta, arma, aliaque auxilia eis subministrant, ut notant Anchar. *in*

*cap. 2. de haret. in 6. numero 5.* ac Gemin. *num. 12.* *Qst. in sum. de haret. §. qua pœna num. 10. & seq.* Sylvest. *v. haresi 1. numero 10.* Vel illis favent, ut è carcere fugiant, vel in manus Inquisitorum non deveniant, ut patet ex *Constit. Innocentis IV. & Clementis IV.* quæ incipiunt *Ad extirpanda* apud Pegnam. Vel impediunt Episcopos, & Inquisitores, ne illos puniant, ut ex *cap. accusatos §. Sacerdotes de haret. in 6. & ex constit. Innocentis IV.* quæ incipit *malitia hujus temporis*, & Urbani IV, incip. *Licet ex omnibus*, & Calixti III. cujus initium est *Injunctum nobis*, apud Pegnam, & notat Eymer. *part. 1. quest. 54. numero 5.* & alij, quos sequitur Azor. *p. 1. lib. 8. cap. 15. qua. 6.* Vel offendentes ministros, & Officiales S. Inquisitionis, ut liquet ex *constit. B. Pij V. Si de protegendis.*

Fautores etiam hæreticorum sunt, qui se fingunt esse hæreticos, quos Inquisitores procurant comprehendere, ut sic pro veris hæreticis se submitterent, veros hæreticos liberent. Sed isti tales debent ad perpetuum carcerem condemnari eorumque bona proscribi. ex *d. constit. ad extirpanda Clementis IV.*

Sunt quoque fautores hæreticorum, qui processus contra hæreticum formatos lacerat, testes examinatos verberat, vel è manibus justitiæ, aut è carcere hæreticum eruunt, ut tradunt Eymer. *p. 2. quest. 54. ibique Pegn. com. 7.* & Navar. *conf. 14. de haret. num. 3.* Qui Inquisitorem vexant, perturbant, & injuria afficiunt, ut hæreticum liberet, Eymer. & Pegna *loc. cit.* qui hæreticos venerantur, comitantur, visitant, illisque munera mittunt, Eymer. *quest. 56. numero 7.* Locat. *in judic. Inquis. v. suspicio num. 3.* alijque. Ac ij, qui sepe liunt in loco Sacro hæreticos vel eorum fautores, defensores, receptatores vel credentes, ut ex *cap. secundo de haret. in 6. & ex constit. Innocentij IV. incip. Noverit universitas,* apud Pegnam.

Consilio & verbis hæreticorum fautores sunt, qui pro eis intercedunt, vel supplicant, aut veniam petunt, ac impediunt Officium S. Inquisitionis, vel Inquisitorum famam lædunt, dicentes, injustè contra hæreticos procedere, nec hæreticos esse ita malos, quales dicuntur, nec deberi tam graviter puniri, vel illos esse laude, & honore dignos & id genus alia, ut per Archid. *in cap. quemcunque num. 6. de haret. libro 6.* ibique Jo. Andr. numero 5. Gemin. numero 10. & 11. Sylvest. *d. v. haresi 1. numero 10.* Graff. *libro 2. decis. cap. 9. num. 11.* Et qui hæreticos monent, ut se abscondant, ne comprehendantur vel ut comprehensi è carceribus fugiant, vel docent modum, quo se falsò defendant, vel quo veritatem celent, vel hæresim negent, ut per Eymer. *d. p. 2. qu. 56. numero quarto,* ibique Pegna *com. 80.* Symanch. *de cathol. instit. tit. 15. numero 11.* Decian. *in tr. crim. libro quinto, cap. 51. numero 16.* Qui omnes hæreticorum fautores sunt, ac de hæresi suspecti, ut notant Repert. *Inquis. v. credentes, vers. Sed circumscripta,* Eymericus, & Pegna *loc. cit.* Calder. *in tr. de haret. rubr. de haret. credentibus numero 11.* sunt. que excommunicati in Bulla Cœnæ & In *constit. Martini V. quæ incipit Inter cuncta*, & Paul. IV. incip. *Cum ex Apostolatus Officio* apud Pegnam. Quòd si tanquam fautores hæreticorum fuerint ab Episcopo, vel Inquisitore excommunicati, & per annum in Excommunicatione perstiterint, debent, ut hæretici haberi, ac ut tales condemnari, *cap. ut inquisitionis §. prohibemus de hæreticis in sexto capite excommunicamus*



*municamus §. credentes de heret. & cap. Cum consummatio eod. tit. in 6. docentque Ost. in sum. tit. de heret. §. qualiter deprehendantur numero 1. Eymer. dec. p. 2. quest. 47. numero 3. ac Pegna com. 72.*

Suspecti verò de hæresi, qui Inquisitorum jurisdictioni subduntur ij sunt primò qui impediunt S. Inquisitionis Officium, ut patet ex Constit. Clementis, & Urbani IV. & in cap. Statutum de heret. in 6. & tradunt Eymer. d. p. 2. quest. 54. ibique Pegna com. 79. Locat. in judic. Inquis. v. suspicio, numero 11. Campegi. ad Zanchin. in tr. de heret. cap. 20. lit. A. v. suspicio.

Secundò, qui cum hæreticis conversantur, vel hæreticorum conciones audiunt, vel eos receperant, defendunt, vel favent, vel visitant, aut eis munera mittunt, vel cum eis confederationem contrahunt, vel eos in loco sacro sepeliunt, ut docent Eymer. qu. 50. 51. & 56. Pegna com. 75. 76. & 81. Repert. Inquis. v. hæreticus, & v. defensores, Azor. p. 1. lib. 8. cap. 15. quest. 1. & seq. Royas sing. 175. num. 4. alijque.

Tertiò qui hæreticum non revelant, Eymer. d. p. 2. qu. 55. Pegna com. 88. Repert. Inquis. v. fautores v. Item in judicatione. Vel in causa hæresis examini se subijcere nolunt, Eymer. p. 3. q. 62. Pegna com. 111. Vel qui priùs de se, vel de aliis hæresim confessi fuerunt, & postea negant, ut ex cap. litteras de præsumpt. ibique Canonistæ.

Quartò qui in locis, ubi Catholici permittim cum hæreticis non vivunt, matrimonium cum hæreticis ineunt, Glof. in cap. decrevit de heret. in 6. ac ibi Gemin. & Jo. Andr. traditque Canter. in quest. crim. rubr. de heret. cap. 1. numero 1. Vel polygami qui duas uxores eodem tempore viventes ducunt, Eymer. d. p. 2. quest. 56. Pegna com. 81. Castr. libro primo de just. heret. punit. cap. primo. Menoch. de præsumpt. lib. 5. præsumpt. 6. numero 37. Graff. libro quinto dec. cap. 18. numero 16. Vel qui sæpe mulieres consanguineas, vel affines vel commatres, vel moniales carnaliter cognoscunt, ut docent Doctores, quos sequitur Symanch. tit. 50. num. 3.

Quintò Regulares professi, vel Clerici seculares in sacris constituti matrimonium contrahentes, sive publicè, sive secretò, qui etiam sunt ipso jure excommunicati in Clem. 1. de consangu. & affin. & notant Rodrig. tom. 3. quest. regul. 1. art. 1. Menoch. ea præsumpt. 6. num. 35. Vel apostatæ à religione, negligentes ad eam redire, ac per annum persistentes in excommunicatione; Eymer. d. p. 2. quest. 49. ac ibi Pegna, Locat. in judic. v. Apostata numero 1. Decian. in tr. crim. libro 5. cap. 71. num. 2.

Sextò qui Christi fidem ore negant, sed non corde ut docent Eymer. p. 1. quest. 9. Pegna com. 24. Etiam si metu mortis aliquis compulsus quidpiam fidei contrarium affirmaret absque errore intellectus, quia hominibus verba patent, non mentis affectus, & Ecclesia judicat de externis, ut per Symanch. tit. 12. num. 36. Repert. Inquis. de heret. qu. 13. numero 67. Azor. d. lib. 8. cap. 9. quest. 9. Vel propositiones hæreticas, vel quæ hæresim sapiunt, vel scandalosas, ac temerarias proferunt, Eymer. d. p. 2. quest. 2. Pegna com. 27. Vel horrenda juramenta, execrabiles blasphemias, verba impudicissima frequenter dicunt, Eymer. quest. 41. Pegna com. 66. Locat. in judic. v. blasphemia numero quinto Zanard. in sum. part. secunda cap. 64.

Septimò qui libros hæreticorum legunt, vel retinent, etiam si illos non legant, Doctores, quos

sequitur Decian. in tr. crim. libro 5. cap. 37. num. 55. & cap. 46. numero 32. & patet ex Constit. Pij IV. incip. Dominici gregis. Vel scienter legentes, aut retinentes, aut imprimentes, seu quomodo libet defendentes libros hæresim continentes, vel de religione tractantes absque licentia, ut ex Bulla Cœnæ, ibique Duard. quest. 39. & 40. Similiter legentes, aut retinentes, vel imprimentes libros schismaticorum, uti probant Suar. de fid. disp. 20. sect. 2. numero 11. Sanctarel. de heres. cap. 13. numero 17. Etiam manuscriptos, ut notat Barbosa. in cap. fraternitati num. 3. de heret. Vel legentes scholia hæreticorum ad libros Catholicorum, ut per Duard. ibidem quest. 43. Sanch. in decal. libro 2. cap. 10. numero 25. Vel legentes libros Armenorum, & Græcorum, Soufa in aphorism. Inquis. libro primo cap. 21. numero 20. Castropal. tom. 1. tr. 4. disp. 2. §. primo, numero primo Item legentes, ac retinentes libros prohibitos propter obcenitates lascivas, & contra bonos mores, ut constat ex litteris Cardinalis Millini ad Inquisitorem Cremonæ, quas refert Carena p. 2. tit. 10. §. 2. num. 19.

Octavò qui singulis annis sua peccata non confitentur, neque Sacram Eucharistiam recipiunt, diebus festis Missam non audiunt, diebus jejuniis non jejunant, vel diebus vetitis carnes absque necessitate comedunt, Eymer. d. p. 2. quest. §. Pegna com. 80. Zabarel. in d. cap. Excommunicamus 1. de heret. in fine, ibique Felin. numero 4. Anan. in cap. ad abolendam numero 4. eod. tit. ubi etiam Felin. numero 2. Repert. Inquis. v. cognoscere, vers. sed an iudex, & v. præsumptio, v. Credentes, v. Confessio, Duard. loc. cit. can. 1. qu. 33. num. 7.

Nonò Sacerdotes sollicitantes ad inhonestam in Sacramento penitentiae, aut illicitos ac turpes sermones aut tractatus habentes sive pro se, sive pro alijs in actu Sacramentalis confessionis, sive ante, vel post immediatè, sive occasione vel prætextu confessionis, etiam ipsa confessione non sequuta, sive extra occasionem confessionis in confessionario, aut in quocunque loco, ubi confessiones sacramentales audiuntur, seu ad confessionem audiendam electo, simulantes ibi confessiones audire, ut ex Constitut. Gregorij XV. edita anno 1622.

Decimò qui non ordinati Sacerdotes Missam celebrant, aut confessiones audiunt, sunt de hæresi vehementer suspecti ex Constit. Gregorij XIII. & Clementis VII. editis anno 1574. & 1601. Et ob tam immane facinus sunt ab Inquisitoribus, & Ordinariis degradandi, & Curia seculari tradendi ex Constit. Urbani VIII. Sic etiam sunt de hæresi vehementer suspecti sacerdotes, qui missam celebrantes non consecrant, vel ex defectu intentionis, vel ex omissione formæ consecrationis. Nam qui sic celebrat est idololatra quod ad actum externum, & alios idololatrare facit extrinsecè, & materialiter. Vel hostiam consecratam de novo consecrat; nam in illa non amplius est substantia panis, & ideo non est materia apta ad novam consecrationem, ut per Oldrad. cons. 208. Bartol. in aphorism. lit. 5. v. Sacerdos §. 12. Vel rebaptizantes baptizatos, aut baptizantes imagines, magnetem, animal brutum, aut cadaver hominis mortui, ut notant Pegna com. 67. Farinac. de heres. quest. 181. numero 23. Delrius disquis. mag. libro 5. sect. 15. vers. dico quartò.

Undecimo exercentes Astrologia iudiciaria artem, prædicantes non sine pacto saltem tacito dæmonis pendencia



pendentia ex libero arbitrio, & futuros casus fortuitos, etiam si asserant, & protestentur, se id certò non affirmare. Vel scienter legentes, aut retinentes libros, scripta, opera, tractatus, vel chartas Astrologiæ iudiciariæ, Geomantiæ, Hydromantiæ, Pyromantiæ, & aliarum huiusmodi divinationum, vel artis magicæ, aut quibus sortilegia, veneficia, auguria, aruspicia, vel incantationes ac superstitiones continentur. Tunc enim incurrunt excommunicationem latam in Iudice, ut statuit Sixtus V. in. *Constit. Cæli & terre Creator*: sed hæc excommunicatio non est reservata. Verùm si in his libris vel scriptis pronuncietur certò de futuris contingentibus, seu actibus hominum ex astris, vel alijs rebus creatis, tanquam ex causa, seu ratione necessarij influxus, seu coactionis arbitrij humani, vel asseritur cognosci secreta cordium, seu actus purè internos, vel asseritur effectus supernaturales posse cognosci in causis naturalibus, ut prædicere profidentes ex astris mysteria nostræ fidei, ut quòd Christus nasciturus erat ex Virgine, ac similia, nam mysteria nostræ fidei pendent ex solo Dei decreto, tunc incurrunt tam autores, & credentes, quàm tenentes vel legentes scienter in excommunicationem latam *in can. 1. Bulla Cene*. Quia talis Doctrina est hæreticalis, ac proinde puniuntur in S. Officio. Item si asseratur, huiusmodi artem Astrologiæ iudiciariæ non esse ab Ecclesia improbatam. Vel revelantes res præteritas, aut præsentis omnino occultas, ut docent Suar. de Relig. lib. 2. cap. 11. n. 27. Sanch. in decal. lib. 2. cap. 38. n. 28. Vel si quis per media superstitiosa inquirat de statu Reipublicæ Christianæ, vel Sedis Apostolicæ, vel de vita, & morte Romani Pontificis pro tempore existentis, vel eius consanguineorum usque ad tertium gradum, verbi gratia consulendo super his Ariolos, Aruspices, Vaticinatores, vel Astrologos &c.

Vel si quis talia iudicia recipiat etiam sponte sibi oblata, vel eis utatur, vel scienter ea retineat, vel alteri ostendat. Vel si quis talia iudicia, seu pronuntiationes faciat, etiam si asserendo se non certò affirmare, vel à se factaretimeat, vel det alijs, vel ostendat, aut de eis verbo, aut scripto, etiam improbando tractet. Tales enim delinquentes tam seculares, quàm Ecclesiastici, Episcopis inferiores, omnes incurrunt eo ipso penas excommunicationis, & reatus læsæ Maiestatis, scilicet confiscationis bonorum, etiam feudalium & privationis beneficiorum, dignitatum, Officiorum Ecclesiasticorum, & inhabilitates ad prædicta, & Ecclesiastici degradandi sunt, & Curia seculari tradendi ad penam corporalem ibidem statutam. Episcopi verò, & ijs maiores Prælati incurrunt penam excommunicationis, ac privationis Ecclesiarum, & beneficiorum, & inhabilitatem ad huiusmodi.

Cognitio harum causarum reservata est Romæ, Vicario, & Auditori Camerae. Extra verò in Provincijs, Legatis & Nuncijs. In alijs autem locis Ordinarijs locorum, & ubique etiam Inquisitoribus contra hæreticam pravitatem. Dictæ pænæ non procedunt contra inquirentes de affinibus Papæ, quia non continentur nomine consanguineorum, maximè in pœnalibus.

Absolutio dictarum excommunicationum ita fuit in Brevis reformationis S. Pœnitentiariæ ab eodem Urbano VIII. reservata, ut S. Pœnitentia non possit absolvere prædictos inquirentes per media præfata. Et huiusmodi crimen, si fuerit notorium de iure, vel de facto, reddit infamem, atque adeo irregularem.

Circulatores, verò, qui se Astrologos iactitant, torquendi sunt tribus iactibus funis.

Duodecimò sortilegi, divinatores, magi, striges, & alij, qui pactum cum dæmone expres-

sum, vel tacitum injerunt, vel in suis sortilegijs admiscunt aliqua, quæ hæresim sapiunt. Ut si dæmonibus honorem latræ, vel dulciæ tribuunt, aut sacrificia offerunt, vel Deum abnegant, & Ecclesiæ Sacramenta, vel in eodem sortilegio admiscunt Oleum Sanctum, sacram Eucharistiam, vel verba Sacramentorum, vel Sacramentalia, ut aquam benedictam, cereum paschalem, vel candelas de arundine, vel Sanctorum reliquias, vel agnos Dei benedictos, vel verba Sacra Scripturæ, aliasve Ecclesiæ orationes, ut notant Pegna com. 79. Scacc. de judic. libro primo cap. 12. Farinac. de hæres. quest. 181. numero 2 & seq. ac Delrius loc. cit. Hinc sortilegia qualificata committentes non absolvuntur in foro conscientia, sed disponuntur ad deponendum in S. Officio. Incurrentes verò in sortilegia simplicia possunt absolvi.

Porrò qui abutitur Sacramento Altaris, retinendo apud se hostiam consecratam adversus arma, torquendus est super intentione. Si autem torturam sustinuerit, prævia abjuratione de vehementi, damnandus est ad triremes per quinquennium. Hac de re extat decretum Pauli IV. relatum à Locato in jud. Inquis. in quo delinquentes huiusmodi traduntur brachio sæculari. At non fuit usu receptum. Qui verò curat, vel curare se jactat ichiade affectos verbis Sacra Scripturæ, Orationibus, & Crucibus, dicens id facere virtute insita suæ Genti, immo omnibus incolis sui loci, poterit dimitti prævia instructione, ac pœnitentiis salutariibus, cum præcepto de se abstinendo ab hisce, atque huiusmodi alijs.

Maleficis verò ac strigibus asserentibus se vidisse tales, etiam eos nominando, in diabolicis ludis, non creditur in illorum præjudicium, cum id habeatur pro illusione. Prævia verò abjuratione de formali in S. Officio comburuntur à Curia seculari. Percutientes autem vel offendentes ipsarum aliquam, prætextu, quòd sit malefica puniuntur in S. Officio, etiam si id in illius odium non commiserint. Carcerate à Curia seculari debent remitti ad S. Officium pro causa Apostasiæ, quâ cognita, restituntur eidem Curia seculari, debitæ pœnis puniendæ.

Tertiodecimò qui Sanctorum imagines conculcant, scædant, Cruces delinunt, conculcant, sacramentis abutuntur, dæmonibus thura adolent, sacrificia offerunt, cultum tribuunt, se eis devovent, obedientiam promittunt, characteres, & signa in suis corporibus imprimunt, eorum nomina scripta honoris causa secum deferunt, sanguinis proprii scriptione illis inservire se adstringunt, huiusmodique alia perpetrant, sunt hæretici, vel de hæresi suspecti, ut firmant Eymer. par. secunda quest. 43. ibique Pegna, Suar. tom. primo de relig. lib. 2. cap. 19. numer. 10. Farinac. de hæres. qu. 181. num. 68. & sequen.

De appellantis à Papa ad futurum Concilium generale alibi diximus.

An autem, & quatenus qui pluries eodem die celebravit extra diem Natalis Domini, sit de hæresi suspectus, alibi tradidi.



## CONSULTATIO CXXVII.

*De Iurisdictione Inquisitoris in suos familiares, in confugientes ad Ecclesiam, in absentes, in delinquentes in loco alterius Inquisitoris, vel Episcopi, in Apostatas ab Ordine, vel à Religione, in quæstuarios, in Mortuos, & alios,*

**I**nquisitorum iurisdictionem extendi ad causas criminales suorum familiarium, ita ut alii Judices sæculares non possint se ingerere in illis, sed solum possint illos comprehendere, & comprehensos Inquisitoribus remittere, docent Symanch. *de Cathol. instit. tit. 14. rubr. de ministr. num. 16.* Royas *Sing. 101. Param. de orig. S. Inquis. lib. 5. quæst. 6. num. 27.* Farinac. *de hæres. qu. 186. num. 38.* Castropal. *tom. 1. tr. 4. disp. 8. pun. 12. num. 9.* Delbene *de Offic. S. Inquis. tom. 2. dub. 145. sect. 16.* Alphons. à Narbon. *tom. 2. in 3. p. recopil. lib. 4. tit. 1. §. 20.* Diana *p. 5. tr. 10. resol. 21. & p. 1. tr. 2. resol. 136. alias 135. ac Cæteri.*

Probant quia ex privilegio Joannis XXII. Inquisitores possunt tenere familiam armatam, cujus nomine veniunt non solum Consultores, Fiscales, Advocati, Notarii, Satellites, sed etiam omnes alii familiares, ut tradunt Zanard. *indirect. Confess. p. 2. præcept. 1. cap. 6. quæst. 3.* Farinac. *quæst. 128. nu. 90.* & alii, ac proinde eorum Jurisdictio in illos est Ecclesiastica, non autem sæcularis. Atque hinc est, quod Inquisitores gaudent iisdem privilegiis, ac Episcopi, ut firman Carleval. *de for. comp. lib. 1. tit. 1. disp. 2. q. sect. 6. num. 508. & sequen.* Gratian. *tom. 2. discept. cap. 240. num. 35. & cap. 342. num. 11.* Royas *de hæres. p. 2. num. 409.* Param. *de orig. Inquis. pluribus in locis.* Episcopi autem cognoscunt causas criminales suorum familiarium juxta communem opinionem, pro qua dictus Carleval. allegat viginti quatuor Doctores, & inter eos plurimos Ministros Regios, ut notat Carena *p. 1. tit. 14. §. 5. num. 20.* Ergo & ipsi quoque Inquisitores causas criminales suorum familiarium cognoscere & judicare possunt.

Ab hac vero iurisdictione excipiuntur iidem Symanchas, Royas, Paramus, Farinacius, & Castropalaus locis citatis committentes crimen læsæ Majestatis, rebellionis, seditionis publicæ, prodicionis, raptus, mandatorum regalium despectus, effractionis seu violationis Ecclesiæ, aut monasterii, incendiarii, ac denique committentes crimen nefandum, ne aliqui prætextu exemptionis audeant hæc committere.

In causis autem civilibus Castropalaus *d. n. 9.* opinatur, Inquisitores solum habere iurisdictionem respectu Officialium, qui sunt à secretis. Ii enim solum conveniri à creditoribus, & convenire debitores possunt coram Inquisitoribus, non autem Officiales externi. Sed quod in Regno Valentie possint Inquisitores in causis etiam civilibus suorum familiarium omnium procedere, sintque Iudices competentes asserunt Royas *p. 2. de hæres. n. 422.* Hieronymus de Léo *dec. 2. Regni Vallent.* Et quod ita quoque observetur in Regnis Aragoniæ, Cataloniæ, & Maioricarum, testatur Narbona *in recopil. lib. 4. tit. 1. leg. 20. n. 14. & gloss. 6. n. 2.* & ita etiam in Regno Siciliæ, affirmant Param. *ibid. lib. 3. q. 6. n. 27.* Diana *p. 5. tr. 10. resol. 22. & p. 4. tr. 8. resol. 55.* Delben. *de offic. Inquis. tom. 2. dub. 195. sect. 16. n. 5. & seq.* Idque tum ex iure municipali illius Regni; tum ex privilegiis, ac decisionibus, summo-

rum Pontificum; tum ex Concordatis inter Regem & Inquisitores sub anno 1580. ut annotant citati Doctores, qui etiam tradunt in Regno Siciliæ, hoc privilegio non solum gaudere familiares supradicti, sed etiam eorum uxores, tam vivente marito, quam eo mortuo donec in viduitate permanserint. In aliis vero Civitatibus, ac Provinciis erit observanda consuetudo, ut ait Carena *part. 5. tit. 14. §. 5. n. 22.*

Huius exemptionis ratio reddi potest. Quia, cum nemo suis stipendiis militare cogatur juxta illud Apostoli ad Corinth. 9. istisque familiaribus non dentur stipendia, æquum sanè fuit eos aliquibus prærogativis decorari, nempe exemptione fori sæcularis, instar familiæ Episcoporum, & facultate arma deferendi ex Inquisitorum licentia, quemadmodum etiam illa deferre possunt familiares Episcopi.

Verum in hac re ita tenendum est salvis privilegiis, & consuetudinibus, si quæ alibi sunt, Inquisitores in causis familiarium & officialium S. Officii, ad illud tamen non spectantibus, tam Civilibus, quam Criminalibus activè ac passivè, hodie se ingerere non possunt, sed illarum cognitionem suis Iudicibus competentibus ac Ordinariis relinquere debent; solum autem incumbere debent causis, ac rebus pertinentibus ad Fidem, aut ab ea dependentibus juxta dispositionem Sacrorum Canonum, & constitutionum Apostolicarum excepta tamen cognitione causarum Officialium, & familiarium, qui aliquo modo delinquant in officio sibi commissio. Et casu quo habeant aliquid relevans in contrarium, tenentur certiores reddere S. Congregationem, ut ex ejus decreto approbato ab Urbano VII. quod huc iterum, ut in sum locum placuit adducere.

Habent Inquisitores iurisdictionem extrahendi ab Ecclesia non solum hæreticos, sed etiam de hæresi vehementer suspectos. Quia si immunitate non gaudent ut alibi probavimus, quia delinquant contra Ecclesiam, eam evertendo. Sunt rei læsæ majestatis divinæ. Et immunitas non conceditur contra potestatem ecclesiæ. Punicio autem criminis hæresis spectat ad potestatem Ecclesiæ, ad quam solum spectat judicare de hæresi *cap. accusatus §. ultim. cap. statumimus 1. cap. ut officium §. ult. & cap. ut inquisitionis §. prohibemus de hæres. in 6. & ex Constit. 1. Innocentii IV. & Constit. 11. Julii III. ac docent Suarez tom. 1. de relig. lib. 2. cap. 10. Decian. lib. 5. cap. 42. & lib. 6. cap. 28. Lugo de fid. disp. 24. & Farinac. de carcer. q. 28.*

Quod quidem ampliatur, ut non solum procedat contra hæreticos declaratos, ac denunciatos ab Ecclesia, sed etiam contra non declaratos, neque denunciatos. Quia in Constitutione Gregorii XIV. excipiuntur absque ulla distinctione omnes hæretici, atque adhuc non declarati, neque denunciati. Procedit etiam nedum contra hæreticos affirmativos, qui dictis, vel factis ostendunt errorem fidei, quem habent in intellectu, ac pertinaciam in voluntate, sed etiam contra hæreticos negativos, qui coram Iudice fidei per legitimos testes sunt convicti, sed non confessi, & in negativa constanter perseverant, verbis, & factis fidem Catholicam profitentes, & verbis, & factis hæreses detestantes. Nam si quamdiu in d. negativa persistunt, hæretici sunt censendi, & ut tales condemnandi per Iudicem Ecclesiasticum, ad quos illi pertinent, ut docet Host. *in summ. tit. de hæres. §. qualiter*, Eymeric *p. 2. q. 34. Calder. conf. 2. tit. de hæres. Repert. Inquis. v. negativa §. si tamen*, Symanch. *tit. 48. numer. 25. & seqq.* ac Doctores communiter, quos sequitur Pegna *in p. 3. schol. 66.*



Item procedit non solum contra illos, qui formaliter, ac verè sunt hæretici, sed etiam contra hæreticos præsumptivos, idest contra illos, qui præsumptione violenta juris hæretici reputantur, ut docet Pegna p. 2. schol. 45. *vers. gravissima est.* Nam juris præsumptiones, verè ac propriè probationes dicuntur l. fin. in fin. ff. de probat. Jalon. in l. 1. n. 9. cod. de milit. testam. & in leg. Licet Imperator, num. 8. ff. de leg. 1.

Hæc autem præsumptio interdum oritur ex verbis, aliquando ex factis hæreticalibus. Verba enim, & facta sunt signa indicantia interiorem mentis conceptum ex Aristotele lib. 1. de interpret. & ex l. si non convitii eod. de injur. Ex verbis autem oritur præsumptio violenta, quod aliquis sit hæreticus, quando publicè prædicat vel deffendit errorem, qui directè repugnat articulis fidei, aut Ecclesiæ definitionibus, aut Sacris Litteris, ut habetur in cap. super quibusdam de verb. signif. ac docet Ugol. in exposit. Bull. Cœn. p. 2. c. 1. *vers. Credentes, in princ. num. 1.* Eymeric. p. 2. q. 35. & Pegna schol. 21. ubi tradit septem regulas ad cognoscendum propositiones hæreticas.

Ex factis verò oritur præsumptio violenta de jure, quod aliquis sit hæreticus. Primò si transeat ad ritus Judæorum, se circumcidendo, vel ad ritus Saracenorum, aut aliorum quorumvis infidelium. Hoc enim factum indicat hominem hæreticum, vel apostatam cap. contra Christianos de hæret. in 6. Secundò, si citatus ad respondendum de fide velut suspectus in ea, non comparuit, & in excommunicatione per annum perseveraverit animo pertinaci. Hic enim anno elapso, hæreticus ex hoc facto reputatur, ac veluti talis damnatur, cap. cum contumacia de hæret. lib. 6. Tertiò qui deficiunt in purgatione canonica, quam in causa fidei sibi indictam, præstare non potuerunt, tamquam hæretici condemnantur, cap. inter sollicitudines de purgat. canon. Quartò, qui post abjuratam hæresim, de qua convictus fuerat, cum hæreticis communicat, hæreticus reputatur, cap. accusatus & ille quoque de hæret. in 6. Quintò, qui cum esset sanæ mentis in corporis infirmitate constitutus petiit hæreticum consolatore, hæreticus habetur.

Ex his autem factis prima sunt illa, in quibus error manifestè exprimitur, & nullo modo possunt in bonam partem recipi. Ut si quis spontè dæmones advocaret, Idolis genua flecteret, ritu Judæorum circumcideretur, conciones hæreticorum frequenter audiret. Ex his enim ac similibus factis oritur violenta præsumptio contra delinquentes, quod sint hæretici. Et quamvis de ipsorum intentione formaliter non constet, potest tamen contra eos procedi, tamquam contra hæreticos, ut docet Albertinus in tract. de agnoscend. assertionib. q. 32. num. 17. q. 34. num. 35. & q. 36. num. 18. quem sequitur Pegna Schol. 45. a d. *vers. gravissima est.* Sunt etiam alia verba, vel facta, ex quibus aliquando vehementes, aliquando leves oriuntur hæresis suspensiones, de quibus Albertin. loc. cit. q. 30. num. 60. ac sequen. Symanch. tit. 31. num. 14. & 15. Eymeric. p. 2. q. 55. & sequen. ibique Pegna Schol. 56. & 57. ac in 3. p. schol. 31. a *vers. sunt jam alia facta.*

Procedit hoc itidem contra credentes hæreticis. Nam & si sunt quoque hæretici, ut liquet ex cap. penul. §. fin. de hæret. Ideoque immunitate ecclesiastica non gaudent; Ac etiam contra Apostatas à Christiana fide. Hi enim in re non differunt ab hæreticis, ut desumitur ex D. Thoma in 2. 2. quest. 12. art. 1. ac docet Suar. tom. 5. de censur. disp. 21. sect. 2. num. 3. Ugolin. loc. cit. p. 2. cap. 1. *vers. & à Christiana fide apostatas §. 1. num. 1.* Et contra Schismaticos, quando Schisma habet hæresim conjunctam, ita quod

ab Ecclesia sint divisi non solum quò ad obedientiam, sed etiam quò ad fidem. Ut quia nolunt credere determinationibus Ecclesiæ de fide factis. Hi enim ut hæretici habendi sunt, ut docet Eymer. in d. p. 2. q. 48. num. 4. Secus verò quando schisma non habet hæresim conjunctam, & Schismatici quò ad solam tantum obedientiam essent divisi. Tunc enim si non sunt habendi, ut hæretici, cum non habeant errorem in intellectu, neque pertinaciam in voluntate, ac per consequens immunitate Ecclesiastica gaudent.

Quò verò ad vehementer suspectos de hæresi contra quos judicio Inquisitores procedendum est ad comprehensionem, patet, quia error hæresis consistit in intellectu, qui declarari non potest, nisi per ipsius Rei confessionem, sicque requirit ejus examen, atque adeo quotiescumque delinquens hæresis suspicionem vehementer incurrit, ob favorem fidei, & ob bonum publicum, ne pestifera hæc lues latenter in aliorum perniciem, & Ecclesiæ damnum serpat, ab Ecclesia extrahendus est, ut Inquisitorum examini subjiciatur. Nam contra eum, veluti contra hæreticum procedi potest, quamvis de ejus intentione formaliter non constet. Atque ita docent Pegna in annot. ad 2. p. direct. schol. 9. §. qui autem Ambrosin. de immunit. cap. 8. num. 10. Mar. Italia eod. tit. lib. 1. cap. 5. §. 6. num. 59. & 140. Farinac. eod. argum. cap. 13. num. 175. qui de inconcussa praxi testatur Curtell. eod. tract. lib. 1. quest. 38. Lezan in summ. v. Immunitas num. 14. Lugo loc. cit. disp. 25. Dian. p. 9. tr. 1. resol. 40. & p. 1. tr. 1. resol. 38. Bonac. disp. 3. quest. 7. de immunit. part. 4. num. 21. Delben. cap. 16. de immunit. dub. 22. num. 9. Et declaravit generaliter de quocumque suspecto Sta. Congregatio S. Officii sub die 31. Augusti 1627. his verbis: *Hæretici, ac suspecti de hæresi possunt in Ecclesia capi, & ab illa extrahi.* Quia hujusmodi delinquentes non gaudent immunitate ecclesiastica. Quod scriptum fuit Episcopo Rhegiensi, qui consuluit, an id facere potuerit Inquisitor dictæ Civitatis extrahendo ab Ecclesia quemdam Blasphemum.

Neque obstat Gambacurta lib. 5. cap. 38. num. 4. qui hoc negat, sumpta paritate ex aliis delictis exceptis, in quibus suspicio non sufficit, ut reus Ecclesiæ immunitate non gaudeat, qua de re nos alibi. Primò quia id verum forsitan esset, quando suspicio esset levis. Nam ex levi suspicionem non est ad Rei comprehensionem deveniendum, ut docet Pegna d. schol. 9. §. Cæterum in fine, & p. 3. schol. 18. §. dixi verò. Secundò quia sic absolute, ac generaliter declaravit S. Congregatio.

Quòd autem ad absentes licet de jure civili non condemnentur definitivè reus in criminalibus, nisi usque ad relegationem ex leg. absentem ff. de pen. & ex leg. absentem Cod. de accusat. Quia potest esse ut absens aliquam habeat justam causam se defendendi, in quo casu Jurisconsultus ait, *satiùs esse impunitum relinquere facinus nocentis, quam innocentem damnare;* dictæ tamen leges locum non habent in crimine læsæ majestatis humanæ, ut annotat Farinac. de inquis. q. 11. num. 1. multoque minùs in crimine Læsæ Majestatis Divinæ, atque adeo neque in causis ad S. Officium spectantibus, ut per Eymer. p. 3. in 13. mod. termin. process. ibique Pegna comm. 33. idem Farinac. de hæres. q. 185. num. 93. & seq. ubi multos allegat, Souf. in aphorism. inquis. lib. 2. cap. 49. ac Dian. p. 5. tr. 10. resol. 35. & part. 4. tract. 5. resol. 89.

Forma autem condemnandi hujusmodi reum absentem, si in actis S. Officii delictum plenè probatum non est, vel evidentia facti, vel propria confessione, neque sufficientibus testibus, ita ut delinquens non sit de hæresi convictus, sed tantum de ea aggravatus,



hæc est. Citatur publicè in Ecclesia ut intra triginta dies compareat sub pœna excommunicationis latæ sententiæ, quæ Citatio tribus vicibus fit, iuxta formam *cap. cum contumacia de heret. in 6.* Quod si in termino præfixo non comparuerit, excommunicatur, & si in excommunicatione per annum inforduerit, ut hæreticus formalis condemnatur, ejusque effigies, seu statua Curie seculari comburenda traditur. ita Pegna *loc. cit. comm. 49. Farinac. ibid. numer. 94. ac seq. Param. de Orig. S. Inquis. lib. 3. quest. 4. numer. 6. & seqq. Castropal. p. 1. tr. 4. disq. 8. pun. 16. §. 3. numero 1. aliique.* Ad hujus tamen rei defensionem admittitur excusator, allegans, reum sic citatum non posse intra terminum assignatum comparere. Et pro qualitate excusationum solet terminus prorogari ad comparandum, ut probat exemplo Castropal. *ubi supra num. 2.*

Si verò reus absens est plenè in actis S. Officii convictus de hæresi, tunc non est necesse d. formam servare, sed ordinato processu nulloque anno expectato, citatur, & ad sententiam proceditur, Symanch. *rit. 45. num. 4. Scacc. de judic. lib. 1. cap. 98. num. 4.* ac citati Doctores in suis locis.

Si autem reus contumax moriatur intra annum, & ejus delictum plenè, & concludenter probatum non sit, sed contra illum, tamquam contra suspectum, procedebatur, tunc sistendum est, neque ulterius ad condemnationem deveniendum, nisi superveniant claræ, ac legitimæ probationes, ut docet Farinac. *quest. 197. num. 103.*

Si autem obierit transacto anno contumaciæ, communior sententia est, condemnari posse, si probationes contra eum sufficerent, ad illum tamquam hæreticum condemnandum, Farinac. *ibid. num. 93. Decian. de tract. crimin. lib. 5. cap. 57. num. 6. Clar. in prax. §. hæresis numer. 19.*

Ac insuper si reus absens, sic condemnatus, postea comparuerit, etiam post ejus statuum vel effigiem combustam, audiendus est ad probandam suam innocentiam, aut justum impedimentum non comparendi intra annum. Quia S. Officii Inquisitionis Tribunal, quocumque tempore concurrente, si reus compareat, semper illum audit. Est enim plenissimum pietate, ac misericordia erga quoscumque reos.

Certum etiam est, posse ac debere Inquisitorem procedere ad comprehensionem Rei præsentis qui extrâ suam jurisdictionem deliquit, ne impunitus evadat, neve alios suo crimine commaculet. An verò possit ad ulteriora contra illum procedere, dubitatur. Videretur enim remittendum esse ad Judicem loci, in quo deliquit, cum ibi sint punienda delicta, ubi sunt commissa, *cap. ult. de for. compet. cap. 1. de rapt. canon. semper 3. q. 6. & auth. ut nulli judic. §. si verò, & in §. capitalium. §. famulos, ff. de pœn.* Nam puniatio delinquentis in loco delicti aliis transit in exemplum, & delictum facilius probatur in loco, ubi commissum est, quàm in alio, *Auth. ut omnes obediant judic.* Et quia Judex loci, in quo delictum est perpetratum, acquisivit jurisdictionem supra reum, ut possit illam exercere eum puniendo.

Hiscetamen minimè attentis, tenendum est, in crimine hæresis hanc remissionem locum non habere, sed posse hæreticum puniri ubicumque repertus fuerit. Docent hoc Paulus de Leazar. Et Zabarel in *Clem. pastoralis §. denique de sent. & re judic.* Guidopap. *des. 202. numero 2. Gondisaly. de heret. q. 8. & alii, quos refert Covarr. in pr. quest. cap. 11. num. 2.* Quia hæreticus ubique delinquit, l. Arriani, & leg. Manichæos. *Cod. de heret. Jo. Andr. in cap. ut commissi de heret. in 6. inquit, hæreticus, ubi-*

cumque est malè credens, ibi peccat, ideoque ibidem puniri potest.

At licet hoc verum sit, nihilominus, si Inquisitor loci, in quo commissum est delictum, petat sibi remitti reum absentem, est ei remittendus, quamquam necesse non sit, ut tradunt Guido Fulcod. in *Consult. ad Inquisit. q. 5. Covarr. loc. cit. d. cap. 11. num. 12. Royas in singul. 174. Pegn. p. 3. comm. 33.* Quæ remissio fieri debet, etiam si hæreticus publicè utrobique peccavit.

Annotat verò Pegna, quod in tali casu melius esset adjungere illi pœnitentiam iterabilem faciendam in iis locis, in quibus deliquit, ut in iisdem satisfaciatur. Et ita etiam sentit Guido Fulcod. *loc. citat.* Multoque magis est remittendus, si in primo loco professus sit hæresim per actum exteriorem publicè, & in secundo occultè. Nam ad locum majoris delicti reus remittendus est, l. si cui §. cum sacrilegium ff. de accusat.

Ut autem hæc remissio jure fieri possit, non nulla sunt observanda ex Pegna eo loco, *vers. His ita constitutis.* Primò ut Inquisitori requisito constet de crimine extrâ suam Diocesim commissio. Quia non debet sine causa cognita reum remittere, ut tradit Cardinal. in d. *Clemen. pastoralis de sent. & re judic.* Secundò ut ei constet, crimen esse commissum in territorio Judicis requirentis, l. 1. *Cod. ubi de crim. agi oport.* Terriò, quod non commiserit idem, vel aliud crimen in territorio Inquisitoris apud quem detinetur. Nam antequam remittatur debet ibi de tali crimine puniri, *leg. cui §. fin. & leg. fin. ff. de accusat.* Quarto, ut delictum sit grave. Quia pro minimo fieri non debet remissio, ut probat Gemin. in *cap. cum sit Romana §. contrahentes num. 17. de for. compet. in 6.* Et ideo pro levi hæresis suspicionem non est facienda remissio. Quintò, non est necesse, ut remissio petatur inter subditos ejusdem Imperii. Nam Inquisitor à quocumque Inquisitore cujusvis provincie remissionem petere potest. Quia omnes sunt Romani Pontificis delegati, & crimen est merè ecclesiasticum, ratione cujus Inquisitores nulli Domino temporali subduntur. Sextò, licet exigatur, quod remissio petatur fieri à minori Tribunali ad majus, vel saltem ab æquali, ut firmat Oldrad. *conf. 134.* Id tamen in crimine hæresis locum non habet. Quia justum est, ut in quo loco reus deliquit, pœnas luat. Quod probant Royas *sing. 174. ex dicta auth. ut nulli judic. ff. de pœn.* Septimò, etsi remissio fieri debeat de condemnando, non autem de punito, & condemnato, ut per Bald. in l. *executorem Cod. de execut. Rei judic.* In hoc tamen crimine etiam in condemnato in uno loco remissio fieri potest, quia pœnitentia hujus criminis est iterabilis, ac imponi potest, ut fiat in diversis locis, ut tradit Zanchin. *de heret. cap. 8. n. 7. Guido Fulcod. loc. cit. qu. 5.*

Ille autem dicitur apostata ab Ordine, sive à statu clericali, qui cum ordinatus sit in sacris, deserit statum clericalem, vel cum ordinatus sit in minoribus, vel saltem prima tonsura initiatus, beneficium obtinens deserit statum Clericalem, simul intendens beneficium retinere. Utroque casu peccat mortaliter, & puniri poterit ut apostata. Si autem in minoribus existens, beneficiumque non habens, deserit statum clericalem, non est Apostata, neque de hoc puniri potest. Dimittens verò habitum clericalem animo deserendi omnino statum illum, amittit omne privilegium clericale, etiam Canonis: Excommunicationem autem incurrit Clericus in sacris Apostata, contrahendo matrimonium, sed non est reclusa, & potest absolvi post separationem, neque sufficit ad hanc pœnam matrimonium fictè contractum.

Neque



# Novissimæ Consultationes Canonicae. 525

Neque contrahit suspensionem Clericus in sacris matrimonium contrahendo. Neque infamiam ipso jure incurrit Clericus in sacris Apostata, id est, qui deposito habitu clericali, vivit ut laicus. Est tamen infamia facti, quæ tollitur per pœnitentiam, & triennalem vitæ emendationem. In sacris uxorem ducens, non contrahit infamiam juris, sed facti. Item contrahit irregularitatem ex defectu ob bigamiam similitudinariam, super qua potest Episcopus dispensare post pœnitentiam, & vitæ emendationem, scilicet triennalem. Non tamen beneficiorum ecclesiasticorum privationem ipso facto incurrunt, ut fert sententia magis communis apud Sanch. *de matrimo. lib. 7. disp. 43. n. 4.* sed hæc & hujusmodi alia non sunt hujus loci.

Apostata verò à statu regulari is propriè est, qui in totum deserit statum religiosum. Undè distinguitur ab emanfore, ac errone, & transeunte ad aliam Religionem sine licentia, & à fugitivo, qui non sunt apostatæ propriè dicti, ideoque non incurrunt in pœnas apostatis statutas, nisi tamen in certis casibus, quibus pro foro exteriori statutum est, ut tanquam apostatæ puniantur. Dicitur autem apostata propriè, etiam si habitum retineat, si animo statum religiosum deserat, & ab obedientia recedat. Cum relegatis comprehensus non punitur in S. Officio, sicut neque simplex apostata punitur in S. Officio, sed à suis superioribus. Eius autem bona acquiruntur Religioni, & reditus debet recipi à suo Generali. Pœnas in hujusmodi apostatas latas recenset Thesaur. *in pr. v. Apostasia 2.*

Ratione apostasiæ tantum à statu regulari Inquisitores non procedunt contra Regulares apostatas. Quia ut tales non censentur hæretici, neque de hæresi suspecti, ideoque judicio Inquisitorum non subijciuntur. Verum quia huiusmodi apostatæ sunt excommunicati *cap. ut periculosa ne cler. vel monach in 6.* si in excommunicatione, & apostasia per annum animo indurato inforderint, & ad Religionem redire noluerint, tam Inquisitores, quam Episcopi contra eos procedere possunt. Quia tunc de hæresi suspecti, sunt juxta *cap. gravem de pœnit.* Et tradit Eymer. *p. 2. q. 49. ibique Pegna com. 74. Duard. in Bul. Cen. lib. 2. can. 1. q. 17. num. 32. Sanctarel. de hæres. cap. 41. num. 5. Peyrin. tom. 2. in Constit. Pauli V. num. 13. Dian. p. 5. tr. 12. resol. 3. num. 8. & p. 4. tr. 7. resol. 3. & Pellizar. tom. 2. tr. 8. cap. 8. sect. 3. n. 60.*

Possunt etiam contra eos procedere intra annum in tribus casibus, tanquam de hæresi vehementer suspectos. Primò si à Religione transeant ad partes hæreticorum, vel cum eis communicent, vel aliquo modo eorum errores autorizent. Secundò si habitum regularem lacerent, conculcent, & blasphemias contra Religiones evomant. Hæc enim, ac, similia indicant male sentire de statu religioso. Tertiò si aliquid faciant contra determinationes Ecclesiæ, ut si uxores ducant, si cum excommunicati sint, missam celebrent, si carnes diebus vetitis comedant, & similia, ut notat Zanard. *in direct. theolog. p. 2. prac. 1. cap. 5. § 19.*

Et quidem quod ad ordinatos in sacris ordinibus, & Regulares professos matrimonium contrahentes, etsi praxis Inquisitionis Hispanæ sit huiusmodi reis abiurationem de levi imponere, nisi qualitas personæ, & circumstantiæ concurrerent, ut necesse esset ad abiurandum de vehementi illos cogere, ut si Clericus in sacris, vel Religiosus professus esset de provincia infecta Lutherana hæresis; nam tunc persona redderetur suspecta respectu suæ religionis, ut testantur Castropal. *d. p. 1. tr. 4. disp. 8. pun. 16. §. 8. n. 2. Symanch. de cathol. instit. tit. 40. n. 6. & in enchirid. tit. 12. n. 6. Dian. p. 5. tr. 12. resol. 5. n. 3. & p. 4. tr. 7. resol. 5. n. 3.*

In Italia tamen, alijsque locis dicti rei abiurare solent de vehementi; quia male sentiunt de Ecclesiæ Sacramentis; ac sunt de hæresi vehementer suspecti, ut per Pegnam *p. 2. com. 81. vers. de eo. Facinac. de heres. q. 178. n. 68. & Caren. p. 2. tit. 17. §. 3. n. 10.*

Idemque dicendum est de marito, qui uxore vivente, sacros Ordines suscepit, nisi ipsa in monasterio de illius consensu prius ingressa fuerit & professionem emisserit. Nam eadem pœna punitur, qui post sacros ordines susceptos uxorem ducit ac qui post consummatum matrimonium sacros ordines recipit. Parum enim refert, an matrimonium Ordines sacros sublequatur, vel illos præcedat, cum in utroque casu & sacramento matrimonij, & sacrorum Ordinum, & Clericorum celibatu par fiat iniuria, ut observant Symanch. *cit. tit. 40. rubr. de matrim. n. 14. Facinac. q. 183. n. 74. & Caren. loc. cit. n. 12.*

Quid verò dicendum sit, quando Clericus in sacris, vel Religiosus professus non matrimonium, sed tantum sponsalia contrahit? Riccius *in prax. var. resol. 373.* negat crimen hoc spectare ad Inquisitores. Nam aliud est matrimonium, aliud promissio matrimonij; Aliud illud contrahere, aliud promissio de illo contrahendo *cap. penul. de elect. in 6. ubi Glos. v. exprimendum.*

Sed hoc minimè obstante verior sententia est ac usu recepta in tribunali S. Inquisitionis, quod sic contrahens sponsalia, ut suspectus de hæresi subijciatur foro & iudicio Inquisitorum. Eam tradunt Costa *de remed. subsid. remed. 15. n. 18.* qui alios constipat, Diana *d. p. 5. tr. 12. resol. 4. n. 10. & p. 4. tr. 7. resol. 4. n. 10. Caren. d. p. 2. tit. 5. §. 6. n. 33.* Idemque assero de eo, qui fictè matrimonium contrahit. Nam certum est, quod ij verè volunt uxorem ducere, & sic abuti Sacramento matrimonij, ex quo abusu oritur suspicio hæresis. Et licet in effectu non ducant tunc uxorem, dum tamen contrahunt sponsalia, ostendunt, quod sunt dispositi ad illam ducendam. Quod sufficit, ut censentur de hæresi suspecti. Nam crimen hæresis, etiam sola mente, & prava intentione perficitur, ut probat Menoch. *de arbit. cas. 370. n. 7.*

Quæstuarii verò in aliquibus casibus subijciuntur Inquisitoris iurisdictioni. Primò prædicatores quæstuarij, qui in fidei negotio, quod ad illos nullatenus pertinet, se ingerunt, gentes ad se audiendum congregant, vel quomodolibet impedimentum S. Inquisitioni afferunt *cap. ut Officium § composcendi de hæret. in 6. Eymeric p. 3. q. 37. & Pegna com. 86.* Secundò, qui prætextu indulgentiarum, vel facultatum à sede Apostolica concessarum, eleemosynas mendicant. Isti enim iuxta Constit. 30. & 99. B. Pij V. ab Inquisitoribus, & Episcopis puniri possunt, ut notat Passarin. *tom. 2. q. 187. n. 61.* Tertiò qui ex pacto, vel principali fine aliquid lucrandi, quærunt reliquias, aliasque res sacras vendere, locare, tradere, vel ostendere. Quia, ut docet Navar. *in sum. cap. 17. n. 169. & in can. inter verba 11. q. 3. concl. 4. & in com. can. cum minister 23. q. 5. & de orat. cap. 6. n. 15.* turpis quæstus dicitur, qui quæritur ex venditione, locatione, traditione, vel ostensione reliquiarum, aliorumque Sacrorum cum pacto, vel sine principali ob id aliquid recipiendi. Secus verò quando principaliter hoc fit ob honorem, ac reverentiam Sanctorum, & minùs principaliter, ut inde aliquid recipiatur.

Quæstuarij autem cum nominibus neophytorum puniuntur ab Ordinario, ut scriptum fuit Inquisitori Perusiæ sub die 14. Augusti 1624. Quæstuarij verò cum falsis litteris sub nomine Conversorum ad fidem catholicam puniuntur in S. Officio, ut decretum 27. novembris eiusdem anni, & 11. februarij 1625. Et duo quæstuarij sub fictis nominibus hæreticorum ad fidem catholicam conversorum fuerunt verberibus affecti, & mulctati



multati exilio à tota ditione ecclesiastica sub anno 1634. Superioribus autem Religioſum ritè denunciatum eſt, ne committant laicis, aut Eccleſiaſticis perſonis quaſtuationem cum publicatione Indulgentiarum, de qua denunciatione certiorata fuit S. Congregatio S. Officij anno 1639. neve mittant per Italiam quaſtuarios ſub quovis privilegio, niſi fuerit illis conſeſſum in ſpecie, ac ſingulis vicibus per diploma Sanctitatis ſuæ, ut decretum anno 1640.

Poſſuntque Inquiſitores procedere etiam contra mortuos hæreticos. Nam regula illa tradita in l. 2. §. 3. C. ſi reus, vel accuſator mortuus fuerit, l. ult. C. de bon. eor. qui ſibi mort. conſciſc. l. in Senatus. §. ſi propter mortem ff. ad ſenat. conſult. ac alibi, morte delinquentis extingui etiam delictum, omnemque actionem contra illud, ſive inquiſitio ſit intentata, ſive intentanda ita, ut poſt mortem nullus accuſari, vel condemnari poſſit, quia mortui divino iudicio ſunt ſubjecti, non humano, ut notatur in can. quorundam d. 23. & in can. ex epistoſta ibid. non obtinet in crimine læſæ maiestatis divinæ & humanæ. Quia ob immanitatem facinoris, & ad maiorem illius detestationem, non extinguitur morte delinquentis, cap. accuſatus §. fin. de hæret. in 6. cap. filij, ibique Gloſ. eod. tit. & cap. ſiquis Episcopuſ eod. ac ibi communiter Doctores, & probant Symanch. tit. 18. n. 1. & ſe q. Decian. tr. crim. lib. 5. cap. 67. n. 1. Pegna p. 3. com. 93. Param. de orig. S. Inquiſit. lib. 3. quaſt. 4. nu. 78. & ſeq. Farinac. de her. q. 197. n. 80.

Facultas enim Inquiſitoris procedendi contra hæreticum ſemper durat, nec unquam extinguitur. Unde quocumque tempore detectum fuerit, ac legitime conſtituerit aliquem deceſſiſſe hæreticum, poteſt Inquiſitor agere contra eum, ac declarare illum excommunicatum, atque inhibere, ne preces fiant, neve ſuffragia pro illius anima offerantur, utque cadaver exhumeretur, comburaturque. Quia ne quidem mortuus hæreticus in loco ſacro, & cum catholicis communicare poteſt. Qua de re ſuo loco. Et ita docent Pegna loc. cit. Sanchez in decal. lib. 2. cap. 22. num. 38 & ſeq. Symanch. ubi ſupra numero 14. Et in enchirid. tit. 62. numero 7. Param. loc. cit. numero 83. & Carena par. 2. tit. 19. §. 2. numero 6.

Contra ſuſpectos verò de hæreſi, etiam vehementer, non poſſunt Inquiſitores procedere poſt eorum mortem. Nam hæreſis ſuſpicio, quantumvis vehementer ſit, morte extinguitur, ut colligitur ex d. cap. accuſatus §. ſi verò de hæret. in 6. & firmant Pegna ibidem verſ. alterum caput, Symanch. de cathol. inſtit. d. tit. 4. de accuſat. num. 5. & tit. 18. de defunctis num. 13. & tit. 46. de pœnis. num. 77. Royas ſingul. 134. num. 11. & ſeq. Caten. loc. cit. §. 3. numero 7. Farinac. d. qu. 197. num. 104. alique communiter contra Paramum lib. 3. de orig. Inquiſ. rubr. de ordin. iudicij. num. 84. At ſi de hæreſi ſuſpecti hæreticos vel eorum errores defenderint, poſſunt adverſus eos, etiam poſt mortem Inquiſitores procedere, quia iſti pari jure cum hæreticis cenſetur, Zanchin. de hæret. cap. 24. Pegna in d. p. 3. com. 92. verſ. Caterum.

An autem contra hæreticorum credentes mortuos poſſint Inquiſitores procedere? Negat Gondifal. in tr. de hæret. q. 22. n. 8. Affirmat Pegna loc. cit. verſ. ſed in credentibus. Quia in Concilio Bictorienſi cap. 18. ita in d. cap. accuſ. §. ſi verò. cum agitur de extincto crimine poſt mortem, ſolùm habetur ſermo de fautoribus, receptatoribus, ac defenſoribus, nullumque legitur verbum de credentibus. Ergo eorum crimen per mortem haud omnino extinguitur. Ab hac opinione non eſſe recedendum ait Pegna in illis, qui verè ac propriè hæreticorum credentes tam ex verbis, quàm ex factis judicantur, non autem in illis, qui impropiè credentes dicuntur.

Cur autem id fiat, ea ratio eſt, quia multi dum vivunt pro catholicis habentur, ſed poſt mortem dereguntur hæretici, cujus rei exempla proferi Pegna loc. cit. verſ. neque enim incognitum eſt; ideoque ratio poſtulat contra eos ab Inquiſitoribus procedi, ut eorum memoria damnetur, bona proſcribantur, eorum oſſa exhumentur, ac extra locum ſacrum proijciantur, & comburantur, ceu tradit Zanchin. de hæret. cap. 24. & notatur in inſtr. Hiſpalenſi anno 1484. cap. 20. Reliqua ad rem hanc in Conſultatione de defenſione hæretici defuncti.

Hac ipſa ratione poſſunt Inquiſitores procedere contra ſcienter ſepelientes hæreticos, vel eorum credentes, fautores, ac cæteros huiuſmodi in loco ſacro, quia ſunt de hæreſi ſuſpecti. Nam qui ſcienter ſepelit hæreticos, vel eorum credentes, receptatores, fautores ac defendentes, ſunt ipſo jure excommunicati juxta Clem. 1. de ſepult. & cap. quicumque de hæret. in 6. nec abſolutionis beneficium merentur, niſi propriis manibus publicè extumulent, ac proijciant huiuſmodi corpora damnatorum, & locus ille perpetua careat ſepultura, ut ait Pontifex.

Ex quibus patet, Eccleſiam, tanquam de hæreſi ſuſpectos perſequi ac damnare eos, qui ſcienter ſepeliunt hæreticos, vel eorum credentes, ac huiuſmodi alios: quia facto indicant, & profiteri videntur, aut non debuiffent Eccleſiam tales ſepultura privare, aut pro eis eſſe orandum more Catholicorum, aut huiuſmodi aliud; unde ſuſpicio hæreſis procul dubio oriatur. Eoque præſertim quia in eodem cap. quicumque, decernitur Uſque ad ſatiffactionem idoneam excommunicationis ſententia ſe noverint ſubiacere. Satisfactio autem idonea intelligitur abjuratio, purgatioque canonica ex cap. ad abolendam §. præſentia, & ex cap. excommunicamus 1. §. qui autem de hæret. in 6. Nam ille idoneè S. Officio ſatisfacit qui abjurat, vel ſe purgat, & mandata ſibi iniuncta, exequitur, ut videtur ſentire Archid. in d. cap. quicumque v. idoneam, ac proinde huiuſmodi ſepelientes ſunt de hæreſi ſuſpecti, ac ſubijciuntur Inquiſitorum juridiſctioni. Quod etiam docet Pegna d. p. 3. com. 89. verſ. quare verius eſt.

Quinam verò per ſcienter ſepelientes comprehendantur, aliqui aiunt ſolùm contineri propriis manibus ſepelientem, ut Bonac. de cenſur. in partic. diſp. 1. quaſt. 2. pun. 30. numero 6. ſequutus Navarrum cap. 27. numero 51. Heniquez & Cajetanum, qui tamen loquuntur in diverſis terminis, ſcilicet Clem. 1. de ſepult. Rationem afferunt, quia hi ſoli propriè dicuntur ſepelire. Verba enim, quæ pœnam important, in rigoroſo ſenſu accipi debent. Alij dicunt contineri ſepelientem proprijs manibus inferendo cadaver in ſepulchrum, ac etiam mandantem ſepeliri, non autem aliter cooperantes, ut fodiendo, deferendo ad locum, cantando, aſſociando, ut Suarez diſp. 12. de cenſur. ſect. 4. numero 10. & diſp. 23. ſect. 4. numero 42. Coninch. de ſacram. diſp. 14. dub. 8. numero 68. Filiuc. tr. 12. cap. 5. numero 111. Mercerus de ſacram. in 3. p. q. 21. dub. 7. Megal. in 3. p. lib. 2. cap. 6. q. 1. nu. 15. ac Diana p. 5. tr. 1. reſol. 71. & p. 4. tr. 9. reſol. 98.

Verius tamen ac tutius eſt, contineri omnes cooperantes ad horum Eccleſiaſticam ſepulturam. Et primò continentur effodientes, geſtantes feretrum, depolentes cadaver, item mandantes ac deferentes, crucem, clerici officij divinis, ſeu precibus funus ducentes & comitantes alique cum luminibus aſſociantes. Clerici itidem permittentes, cum ex officio tenerentur impedire, ut in ſimili docet Gloſ. in d. Clem. 1. v. ſepelire, ibique Ancharanus, quos ſequitur Franc. de Platea in tr. de excom. §. 5. num. 14. & Faber de cenſur. in 4. ſent. d. 21. qu. 1. diſp. 4. num. 188.



Et facit, quod etiam si aliter dicant Doctores multi supracitati in casu *Clem. 1. de sepult.* restringentes magis significationem, illud tamen potest ibi fortitan procedere, quia ibi textus utitur particula *eos, qui*, & particula *sepelire*, &c. quae sunt minus universales. At in *d. cap. quicumque*, utitur textus particula *quicumque*, quae de sui natura est valde generalis, & continet eos, qui alias non continerentur, Dec. *conf. 113. numero 4.* Seraph. *dec. 980. numero 8.* & utitur particula *tradere sepultura*, quae latius patet. Nam continet admittentes, & funus ducentes, ut Doctores communiter in cap. quia in omnibus de usur. ubi textus eadem particula *tradere* usus est, ibique Abb. *numero 2.* ubi explicat de ijs, qui interfunt, & Anan. *numero primo* explicat de admittentibus, & eodem modo explicat Sayr. *libro quarto de censur. cap. 15. numer. 5.* ac Diaz *cap. 117. prax. canon.* eandem particulam positam in cap. *excommunicamus §. credentes de haeret.* explicat de omnibus interessentibus.

Ac etiam textus in *d. cap. quicumque*, procedat de haereticis, & complicitibus praedictis, etiam non denunciatis nominatim? Verius videtur sufficere si sit ipsorum crimen notorium, ut per Avil. *de censur. p. 2. cap. 6. disp. 10. dub. 1. concl. 3. in fin.* Filiuc. *tr. 22. numero 229.* Pegna de lib. 3. *schol. 111. col. 1. & ult.* Sanch. *in decal. lib. 2. cap. 9. numero 7.* qui dicunt, non incurri hanc censuram, tanquam ob communicationem cum excommunicato, sed ob violationem praeccepti facti sub poena hujus censurae, quamvis alii multi teneant, requiri, quod fuerint praedicta eorum crimina, vel excommunicatio nominatim declarata, propter Extravag. Marrini V. ut per Symanch. *catbol. instit. tit. 18. de defunct. numero 9.* Navar. *conf. 10. de haeret. qu. 4.* Suar. *de censur. d. disp. 12. sect. 4. num. 11.* Laym. *lib. 5. de sacrif. mis. cap. 5. numero 8.* Azor. *tom. 1. lib. 8. cap. 13. quest. 6.* Sepeliens itaque, ut supra, haeticum. vel fautores &c. fit suspectus de haeresi, & tenetur abjurare, ac se purgare ut per Pegnam. *d. part. 3. qu. 40. numero 89. ac lib. 3. schol. 111. col. 3. & Farinac. de haeret. quest. 142. numer. 49.*

## CONSULTATIO CXXVIII.

De Inquisitorum jurisdictione in Iudeos, & Infideles. In eos, qui ipsis injurias, & contumelias in Regulares imponunt. Quomodo ea illis concessa cum Episcopis, quando expiret. Del eorum remotione ab officio, & translatione ab uno ad alium locum. In quas poenas, ob quas causas & quatenus incurrant, & a quo absolvi possint?

Quamvis Judaei, ac Infideles verè, ac propriè haeretici non dicantur, quia non dicitur haeticus, qui non est baptizatus, neque dicitur ab Ecclesia divisus, qui nunquam in ejus gremio fuit, quare D. Paulus testatur 1. ad Corinth. 5. Judaeos esse extra Ecclesiam Dei, dum ait: *Quid mihi de his, qui foris sunt*, hoc est de Judaeis, judicare? & docent Royas *sing. 37. n. 5. & de haeret. p. 2. n. 471.* Albertin. *eod. tit. qu. 6. n. 12.* Duard. *in Bull. Cæn. lib. 2. can. 1. quest. 21.* Farinac. *de haeret. qu. 178. numero 128.* alijque communiter; negari tamen non potest, quin saltem impropiè vocari possint haeretici ac puniri tanquam haeretici, ut per Jo. Andr. *in cap. firmissimè, numero 3. de haeret.* Duard. *loc. cit. num. 5.* Farinac. *d. quest.*

178. *num. 130.* qui alios citat. Hinc est, quod Inquisitores non habent jurisdictionem in Judaeos, & Infideles, ex eo tantum quod tales sunt; sed ex eo, quod nobiscum in nonnullis casibus conveniunt, in quibus eorum jurisdictioni subiiciuntur, ut patet in Extravag. Innocentij IV. incip. *Turbato corde*, & expressius ex Constit. Gregorij XIII. *Antiqua judaeorum*, edita sub anno 1581. ubi Summus Pontifex declarat casus particulares, in quibus Inquisitores possunt contra Judaeos ac Infideles procedere.

Primus est, *Siquis Judaeus, aut Infidelis ex ijs, quae circa fidem cum illis nobis sunt communia, veluti Deum unum, & aeternum, omnipotentem, creatorem omnium visibilium & invisibilium, & similia non esse asseruerit, predicaverit, vel privatim alicui insinnaverit.* In his enim nobiscum Judaei ac Infideles conveniunt in credendo, ideoque à Christianis non distinguuntur, caque impugnando, dicuntur directè christianam fidem impugnare, & consequenter subiiciuntur Inquisitorum jurisdictioni.

Secundus *Si demones invocaverit, consuluerit, aut responsa acceperit, ad illosve sacrificia, aut preces ad divinationem, aliamque causam direxerit, aut aliquid eis immolaverit, vel thuris, alteriusve rei fumigationes obtulerit, aut alias quavis impietatis obsequia praestiterit.* Quia in hoc etiam nobiscum Judaei, & Infideles conveniunt. Solus enim Deus adorandus est, illique soli preces fundendae sunt, ac ipse solus futura notat. Dum ergo dicta, vel facta haec negant, ab Inquisitoribus puniendi sunt.

Tertius. *Si Christianos verbo, vel facto, vel exemplo, aut quovis alio modo nefaria hujusmodi docuerit, vel ad ea perpetranda perduxerit vel perducere attentaverit.* In hoc casu tam haec nefaria docentes, quam illa addicentes gravi poena ab Inquisitoribus puniendi sunt, ut notat Zanchin. *de haeret. cap. 3. num. 6.* Royas *eod. tr. part. 2. assert. 43.* & Caren. *p. 2. tit. 1. §. 8. num. 21.*

Quartus. *Si Salvatorem, & D. N. Jesum Christum parum hominem, vel etiam peccatorem fuisse, matremve Dei non esse virginem, & alias hujusmodi blasphemias, quae per se haetica dici solent, in christianam fidei nominiam, contemptum, aut corruptionem, impie protulerint.* Nam in his delinquant, contemnendo, fidem nostram, & blasphemant haeticaliter in contumeliam Christi, & Ecclesiae, ideoque subduntur Inquisitoribus, ut per Decian. *in tr. crim. lib. 5. cap. 14. numero secundo* Royas *p. 1. num. 557. & p. 2. assert. 22. num. 68.* Farinac. *quest. 178. num. 133.* Albertin. *de agnoscend. assert. catbol. qu. 22. numer. 63.* Alphons. à Cast. *de just. haeret. pun. libro primo cap. 12. in fin.* Lazar. *de blasphem. quest. 6. numero 10.* alijque.

Quintus. *Si cujusvis eorum opera, auxilio, consilio, vel favore aliquis christianus a fide discesserit, quamque semel suscepit ab negaverit, vel ad Judaeorum, seu aliorum infidelium ritus, ceremonias, superstitiones, vel impias sectas transferit, vel redierit, seu in haesim aliquam incidit, aut qui, ut Christi fidem abneget, seu in haesim incidat, opem, consilium, favoremve quomodocunque praestiterit.* Tales enim sunt tanquam fautores haeticorum judicandi. Quia vel ad haesim amplectendam, & ad fidem catholicam deserendam Christianos suadent, atque inducunt, vel ut conversi ex Judaeis, & Christiani effecti, ad eorum ritum redeant, consilium, auxilium, & favorem praestant. Quod etiam decreverat antea Nicolaus IV. in *d. Extravag. Turbato corde*, relata ab Eymerico *quest. 44. & Pegna com. 69.*

Sextus. *Siquis cashechemum, vel quemcunque ex Judaeis*



*Judais, aut Infidelibus, Deo inspirante, ad fidem Christi venire volentem, post declaratam intentionem, nutu, verbo, facto, aut quocunque alio modo, à fide, vel fidei instructione, aut sacri baptismi susceptione retrahere, avertere, vel deborari, aut ne ad fidem veniat, & novo regenerationis lavacro abluatur quovis modo impediverit.* In hoc etiam casu procedere poterant ante dictam Constitutionem Gregorianam, ut ex Baldo *conf. 315. v. 1. vol. 1. & conf. seq.* Marquardo de *Judais p. 2. cap. 9. num. 3.* Deciano *d. lib. 5. cap. 12. num. 8. & cap. 14. num. 2.* Farinac. *d. quest. 178. numero 143. & Caren. d. p. 2. tit. 14. §. 11. num. 26.*

Septimus, *Si apostatas, seu hereticos scienter domi receptaverint, aluerint, occultaverint, vel eis quomodolibet opem, auxilium, vel favorem prastiterint.* Quod possint Inquisitores contra istos procedere tradunt etiam Symanch. *de Cathol. instit. tit. 35. numero 11.* Pegna *com. 76. vers. Judai verò, & com. 177. vers. Judai propterea, Farinacius, qui alios allegat cit. q. 178. num. 103. & quest. 282. num. 66.*

Octavus, *Si libros hereticos, vel thalmudicos, aut alios judaicos damnatos, vel alias prohibitos, retinuerint, divulgaverint, vel in quacunque loca detulerint, aut ad eam remopem suam accommodaverint.* De hac prohibitionem extat etiam Constitutio Innocentij IV. cuius initium *Impia Iudeorum, & gravis Constitutio Clementis VIII. quæ incipit, Cum Hebræorum malitia, & decretum S. Congregationis supremæ Inquisitionis incipit. Cum sicut nuper. post Directorium Inquisitorum, ac dicunt Pegna in 2. p. direct. com. 3. Bursat. conf. 90. num. 4. vol. 1. Farinac. quest. 180. num. 10. & nos alibi fuisse.*

Nonus, *Si christianos deriserint, redemptionisque nostræ Hostiam salutarem in ara Crucis immolatam, Christum Dominum ludibrio habentes, quodcumque, maxime verò in sacro Parasceves die, agnum, seu ovem, vel quid aliud cruci affixerint, aut appenderint, & in eam conspulerint, seu quomodocumque contra eam fecerint.* Id etiam annotant Ricciul. *de jur. person. lib. 1. cap. 52. num. 7.* Souf. *in aphorism. Inquis. lib. 1. cap. 37. a num. 10.* Scortia *in Bul. Pontif. theor. 347.* Azor. *tom. 1. lib. 8. cap. 22 quest. 12.* Campeg. *ad Zachin. cap. 36. lit. B.* Symanch. *tit. 35. Canter. in quest. crim. cap. 1. de heret. num. 72. & Caren. p. 2. tit. 14. §. 14. nu. 30. in fine.*

Decimus, *Si nutrices christianas contra Sacrorum Canonum statuta, diversorumque Pontificum sanctiones retinuerint, aut eas retinent die, qua receperunt sanctissimæ Eucharistia sacramentum lac, una, vel pluribus diebus in latrinas, cloacas, & alia loca effundere coegerint.* De hisce Judæis cogentibus nutrices lacin cloacas effundere post sumptum corpus Christi agit textus *in cap. & si Judæus de Judæis, & tradit Calderin. conf. 2. de Jud. & Campeg. ad Zachin. cap. 36. §. delinquens.* Neque licitum est Judæis retinere nutrices extra suas domos, ut pluribus relatis probant Sanch. *lib. 2. indecal. cap. 31. numer. 13. & Ricciul. loc. cit. lib. 2. cap. 28. num. 17.* Tum quia sive in domo propria, sive extra illam retineantur nutrices, semper ob familiaritatem adest periculum subversionis. Et tum quia est contra decorem christianæ Religionis, ut nos, qui sumus filij liberæ, serviamus filiis ancillæ, qui sunt Judæi, quæ est ratio *d. cap. Etsi Judæos.* Unde Ricciullus *numero 12. & Sanch. nu. 20.* locis citatis firmant, non posse Principes seculares, neque Episcopos dispensare, ut à Judæis nutrix christiana extra domum retineatur.

Undecimò, *Possunt etiam Inquisitores procedere contra Judæos abradentes in Bibliis verba, quæ Christo convenire possunt, vel tripudiantes, ornatusque ince-*

*dentes feria 6. Parasceves, ut docent Alexand. conf. 233. numer. 6. vol. 6. & Lazar. de blasphem. quest. 2. numer. 33.*

Duodecimo, *Possunt procedere contra Judæos, sibi ignem accendi facientes a christianis in die sabbati, vel eis utentes in servitijs vilibus, ac similiter contra Christianos inservientes.* Nam hæc omnia tendunt in decorem cultus judaici & in ludibrium Religionis Christianæ. Sic enim Judæi, se Christianis superiores ostendunt in ijs quæ possunt: Et ita cavetur in Constit. Nicolai V. quæ incipit *super gregem Domini §. Nec possunt,* edita anno 1447. testatur Ricciul. *d. lib. 2. cap. 39. num. 18. & sic pluries decrevit S. Congregatio supremæ Inquisitionis ut refert Caren. par. 2. tit. 14. §. 16. numero 37.*

Tertiodecimo, *Pœna, quibus puniendi sunt prædicti Judæi, ac Infideles hujusmodi delicta perpetrantes, sunt privatio communionis cum Christianis, pœna pecuniaria, pœna carceris, & pœna verberationis.* Si verò scelus sit atrox, etiam relinqui poterunt Curia seculari. Nam quoties pœna relinquitur arbitrio Judicis, ut sit in dicta Constitutione Gregorij XIII. si crimen sit ingens, Judex potest arbitrium extendere ad pœnam capitalem, ut per Zanchin. *de heret. cap. 36. n. 4. Repert. Inquis. v. Judæus §. sed circa prædicta, Pegnam p. 2. com. 69.* Castrop. *tom. 1. tr. 4. disp. 8. par. 16. numer. 1.* Farinac. *d. q. 178. num. 146. & Dian. p. 5. tr. 12. resol. 2. & p. 4. tr. 7. resol. 2.*

Plura de Judæis plurimis in locis à nobis dicta sunt, eos adi.

Pariter possunt Inquisitores procedere contra Judæos transeuntes ad Saracenos, & contra ipsos Infideles in illis quidem casibus, in quibus Judæi ac Infideles abnegant dictis, vel factis illa, quæ cum Christianis conveniunt, & credere tenentur, de quibus supra. Quia licet Ecclesia contra Infideles non habeat iudicium quoad pœnam spiritualem eis infligendam, habet tamen iudicium super aliquos Infideles quoad pœnam temporalem, ut per D. Thom. *z. z. q. 10. ar. 9. ad 2. Ostensum, & alios cum Innoc. in cap. quod super his de vot. & tradunt Eymer p. 2. q. 46. ibique Pegna com. 71. vers. si ergo, Alphons. à Castro lib. 2. de inst. heret. punit. cap. 14. vers. prima igitur belli causa, & alij communiter.*

Idque maxime quod ad Judæos. Constat namque quod quamplurima in lege Saracenorum continentur, quæ veritati sacræ Scripturæ non adversantur, & Judæis, ac nobis communia sunt. Quare sicuti puniri debent Judæi colentes Idola, vel Sacrificia illis offerentes, aut demones invocantes, ita puniendi sunt, si ad aliam sectam transeant, in cuius ritu contineantur contraria ijs, quæ Judæi nobiscum tenent. Hoc tueretur citati Doctores, quibus addo Campeg. *ad Zachin. de heret. cap. 36. lit. B.* Carenam *d. tit. 14. §. 6. nu. 18.* Dianam *d. p. 5. tr. 12. resol. 2. num. 7. & p. 4. tr. 7. resol. 2. num. 7.* Quod certum puto post adductam Constitutionem Gregorianam, dum in ea expressè tribuitur Inquisitoribus potestas contra Judæos negantes quæ habent communia circa fidem cum Christianis. Unde contraria sententia nunc sustineri non potest. Pœna autem acerbior Judæis imponenda est pecuniaria, ut ait Pegna *loc. cit.* Sunt enim genus hominum avarissimum.

Possuntque Inquisitores punire eos, qui ipsos afficiunt injuria, præcipue si injuria est publice illata. Quia, licet nemo sit sui ipsius Judex neque in causa propria, nihilominus tamen quando injuria illata redundat contra bonum publicum, & in contemptum propriæ iurisdictionis, tunc Iudex procedere potest contra se afficientes injuria, quia sic potius tuetur iura suæ potestatis, quam suæ personæ honorem, ut probat



probat Carena d. p. 2 tit. 17. §. 8. & 9. n. 27. & seq. Qui autem Inquisitionem iniuriat, offendit S. Inquisitionis Officium, quod eo est ceteris venerabilius, quo sanctius, ut per Zanchin. de heret. cap. 31. ibique Campeg, Symanch. de cathol. instit. tit. 34. num. 28. Farinac. de heres. quest. 182. num. 79. & seq. Carena loc. cit. ubi notat, quæ pœna talis injuriæ sit puniendus. Quod sanè intelligendum est de injuria verbali, nam quod ad injurias reales extat Constitutio B. Pij V. si de protegendis.

Regulares similiter de hæresi suspecti subijciuntur Inquisitorum jurisdictioni. Quia licet olim ex Indulto Clementis VII. Carmelitis concessio, Regulares essent exempti in casu hæresis ab Inquisitoribus, eorumque Prælati, etiam in his casibus, subiecti essent, hoc tamen privilegium abrogatum fuit à Paulo V. in sua Const. incip. Romanus Pontifex, edita 1. Septembris 1606. in qua decrevit, similes causas solum spectare ad Tribunal S. Officii, ac præcepit sub gravibus pœnis tam Prælati Religionum, quam ipsis subditis, ut Religiosos de hæresi suspectos denuncient Inquisitoribus, aut Ordinariis locorum, ut tradunt etiam ex ipsis Regularibus Lezan. in sum. tom. 1. cap. 18. num. 18. Peyrin. tr. 2. in const. 27. Pauli V. Polliz. tom. 2. tr. 8. cap. 6. sect. 1. num. 14. Bordon. tom. 1. cap. 27. num. 26. & seq. ubi probat, Inquisitores posse ac debere denunciationes quoque contra ipsos Religionum Generales recipere, ne eorum delicta remaneant impunita, perperam subdens contra eos non posse ultra procedere, sed admonendum esse supremum Tribunal, ut doceat quid agendum, de quo alibi dictum.

Porro Jurisdictio Inquisitorum est eis concessa cumulative, non autem privative cum Episcopis. Episcopi enim procedunt de jure communi non solum contra suspectos de hæresi, sed etiam contra hæreticos, per textum in cap. prædentes, cap. statutum, cap. ut Inquisitionis de heret. in 6. Immo contra prædictos procedere possunt seorsum ab Inquisitoribus, ut liquet ex cap. per hoc de heret. in 6. Ideoque jurisdictio Inquisitorum nullo modo præjudicat jurisdictioni Episcoporum, & censetur concessa cumulative, non privative juxta ea, quæ docent Glossa, & Panorm. in cap. ad abolendam de heret. Scacc de judic. tom. 1. lib. 1. cap. 67. num. 9. Decian. tom. 2. lib. 5. cap. 21. num. 10. Sylvest. v. hereticus 2. num. 10. Royas sing. 28. num. 2. Gondisalp. de heret. qu. 7. numero 9. Symanch. de cathol. instit. tit. 25. num. 4. Diana par. 1. tr. 10. resol. 3. & p. 4. tr. 8. resol. 2. & Farinac. de heres. quest. 186. num. 38.

In Inquisitione verò Hispanica inductum est, ut de hæresi soli Inquisitores cognoscant, & Episcopi sive per se, sive per suos Vicarios Inquisitoribus assistant, nec possint separatim ab Inquisitoribus de causis hæreticalibus cognoscere ac denunciationes, sibi factas, tenentur ad ipsos Inquisitores remittere, ut tradunt Sanctarel. de heres. cap. 40. du. 2. num. 15. Molin. de just. tr. 5. disp. 28. num. 12. & seq. ac Diana loc. cit. & alij, quos ipse allegat.

Nec solum jurisdictio Inquisitorum non expirat ob mortem delegantis, sed etiam extenditur ad negotia nondum cæpta, & de novo exorta, ut scribit Clementis IV. Inquisitoribus hæreticæ pravitatis in cap. Ne aliqui de heret. in 9. his verbis. Ne aliqui dubitationem excitantes, in dubium revocent, an Officium Inquisitionis hæreticæ pravitatis sollicitudini vestra certos limites ab Apostolica sede commissum, expiret per mortem Romani Pontificis, qui commisit, presenti declaramus edito, ipsum Officium non solum quod ad negotia vivente mandatore incepta, immo etiam quantum ad integra, & non cæpta, & quod plus est, quantum ad ea, quæ tunc nequaquam emerferant, in favorem fidei post commissantis obitum

Tom. I.

per durare. Traditque Eymeric. p. 3. direct. qu. 7. ibiq; Pegna com. 56. id verum esse quocunque modo sit Inquisitor constitutus sive ad beneplacitum Sedis Apostolicæ, sive Romani Pontificis non expirare ejus officium morte delegantis, donec aut expresse, ac nominatim fuerit revocatus, aut nisi in litteris creationis contrarium caveretur. Idque propter singularem fidei favorem, ne incidat aliquis casus, in quo aut in hæreticos non inquiratur, aut eorum punitio vel omitatur, vel differatur. Quod etiam docent Zech. in sum p. 1. tit. de fid. rubr. de heres. cap. 12. num. 13. Azor. p. 1. cap. 28. qu. 7. Farinac. de heres. qu. 186. num. 20. Castropal. p. 1. tr. 4. disp. 8. pun. 12. §. 2. num. 16. & Diana p. 5. tr. 10. resol. 2. & p. 4. tr. 8. resol. 19.

Et quamvis olim Inquisitores nedum à Summo Pontifice, sed etiam à Ministro Generali ac Provinciali Ordinum S. Dominici & S. Francisci eligebantur, & ab eisdem etiam poterant de loco ad locum transferri, ac removeri, quando id sibi visum fuerit expedire, ut constat ex Constit. Innocentij IV. edita anno 1254. quæ incipit, licet ex omnibus & Clementis IV. edita anno 1265 quæ est ejusdem initii, traditque Pegna p. 3. com. 58. Farinac. de heres. qu. 186. num. 32. & alij. Nunc tamen Inquisitores pro tota Italia eliguntur ab Eminentissimis Cardinalibus S. Congregationis supremæ Inquisitionis, & in Hispania ab Inquisitore generali, & ideo ab istis, & à summo Pontifice, quando eis expedire visum fuerit, possunt removeri ab Officio, vel à loco ad locum transferri.

Abque ulla tamen causa nec aliunde transferri, neque ab officio removeri possunt. Tum quia in decretis & Constitutionibus, in quibus potestas conceditur Inquisitores mutandi ac removendi, semper adduntur illa verba: Si ita expedire visum fuerit, vel si ita vobis videbitur. Quæ verba, ut cum alijs probant Menoch. lib. de arbit. qu. 8. num. 5. & Pegna p. 3. com. 59. important boni viri arbitrium, jure, causaque rationabili regulatum. Et tum quia sic Inquisitoris officium diligentius exercetur, fideique negotia exactius actantur, & magis Inquisitores reverentur, ut observant Eymer. d. p. 3. quest. 10. Pegna d. com. 59. Locat. in judicial. v. Inquisitor num. 38. & num. 40. Farinac. q. 186. n. 35. Azor. loc. cit. Zech. ibid. cap. 11. num. 13. & Castropal. ubi supranum. 20.

Causæ verò, ob quas Inquisitores transferri possunt de loco ad locum sunt, Prima quando Inquisitor est ad negotia fidei exercendum valde aptus, & locus, ubi manet non indiget persona ita solerti, sicut indiget alter locus. Secunda quando contra eum suscitata sunt rixæ, & odia capitalia, quia processit contra nobiles ac insignes personas, & timetur de illius damno, & de aliquo scandalo. Tertia quando non bene se habet cum illius loci Principe. In istis duobus posterioribus casibus erit Inquisitor de meliori Inquisitione providendus ne videatur puniri ubi non meretur.

Ad removendum verò Inquisitorem ab officio, requiritur vel impotentia, vel negligentia, vel iniquitas. Impotentia est causa sufficiens. Quia officium datur, ut exerceatur. Qui autem illud exercere non valet, removendus est. Impotens autem dicitur primò infirmus modo perpetuo, vel quasi perpetuo, quia ob infirmitatem ad tempus constitui potest Vicarius, qui ejus impotentiam suppleat, sicut etiam si justa de causa pro limitato tempore ipse Inquisitor absens esset. Secundò senex qui rectum judicium amisit, aliàs minimè. Tertiò ignarus, qui nesciat ea, quæ ad exercendum hoc officium expostulantur.

Secunda causa est negligentia, quæ in quolibet Officio sufficiens est ad removendum eum, qui illam committit per can. si qui Episcopi 1. qu. 1. l. ult. ff. ubi pupil. educ. deb. cum alijs, ac do. ent. Glos. in cap. Excommunicamus de heret. Bald. & Jas. in l. argentarius §. ult.

Y y ff. de



*ff. de eden.* In hac autem negligentia incurreret Inquisitor, si contra hæreticos, deque hæresi suspectos vel non procederet, vel non debito tempore, ita ut reus fugam arriperet, aut interim hæresim disseminaret. Et si Episcopus, si Inquisitor negligens fuerit in hæreticos inquirendos, ac puniendos, eius negligentia gravis fuerit, pœnam fautoris hæretici etiam incurrit *ex can. qui potest obviare* 23. qu. 3. cap. quanta de sent. excom. & notat Farinac. d. q. 186. Rebus. in expos. Bul. Can. art. 1. v. fautores, ubi probat, illos incurrere excommunicationem Bullæ Cœnæ.

Cumque d. Clem. 1. §. Verum, statutum sit, quod si odij, gratiæ, vel amoris, lucri, aut commodi temporalis obtentu, contra iustitiam, & suam conscientiam Episcopus, aut Inquisitor, aut alii ab eis substituti, ad executionem S. Officii omiserint contra quemquam procedere, ubi fuerit procedendum super hæretica pravitate, aut obrentu eodem pravitatem ipsam, vel impedimentum Officii sui alicui imponendo, eum super hoc præsumperint quoquo modo vexare, Episcopus, aut Episcopo superior suspensionis ab officio per triennium, alij verò excommunicationis sententiam ipso facto incurrant; à qua quidem excommunicatione, nisi per Romanum Pontificem, excepto mortis articulo, & tunc satisfactione præmissa, absolutionis beneficium nequeant obtinere, nullo in hac parte privilegio suffragante.

Ideo annotandum est, quod suspensio contra Episcopos lata, hic expressè non reservatur; tamen cum sit lata ad certum tempus, intra illud est de jure communi Papæ reservata, ut per *Glof. in d. Clem. 1. verb. Excommunicationis sententia*, Suar. de censur. disp. 29. sect. 1. num. 15. Gurier. can. quæst. lib. 1. cap. 5. num. 6.

Nec dictas pœnas incurrunt prædicti, si omittant procedere non odio, vel favore, sed rationabili timore alicujus mali, siue damni, siue scandali. *Glof. ibid. v. obrenta & Imol. num. 17. Vitæ nu. 162. Locat. v. Ital. Inquisitor num. 19.* Et similiter non incurrit has pœnas, qui ex ignorantia procedere omittit, sed qui cum intelligeret, & sciret esse procedendum odio, vel amore, vel pretio, vel prece, contra iustitiam & conscientiam propriam omiserunt procedere, ubi fuerat procedendum aut processerunt cum non debuissent. Dictas autem pœnas incurrunt etiam ob actum internum, id est odij, vel amoris. Vel quia lex potest punire ac punit hic actum exteriorem, de se malum gestum cum tali intentione mala, ut per Suar. de censur. disp. 4. sect. 2. numer. 21. qui ideo putat, non fore locum huic pœnæ, si Inquisitor imponat pœnam iustam, etiam si rigorosam; vel secundum alios lex hic punit actum internum, quatenus actus internus est ratio actus exterioris, exterioremque moderatur, afficit, depravat, & corrumpit, ut in hac specie docet Salas de legib. disp. 9. sect. 1. num. 7. Cajetan. in sum. v. Excommunicatio cap. 3. & Sayr. in clan reg. lib. 3. cap. 6. in fine.

Tertia causa est iniquitas, quando scilicet in suo Officio tam sacro, tamque ab omni iniquitate alieno deliquit, ut quia exempli gratia pecuniam, vel quidpiam aliud pretio æstimabile prætextu S. Officii extorsit, ut habetur in d. Clem. v. pecuniam de heret. vel quovis alio crimine, sit infectus, præcipue si scandalum generat. Inquisitoris enim officium exigit viros honestate, prudentia, doctrina, omnique virtute conspicuos, juxta Constit. Urbani IV. præ Cunctis.

Unde Inquisitores sub prætextu Officii pecuniam extorquentes incurrunt pœnam excommunicationis ipso facto, à qua absolvi non possunt, nisi in articulo mortis, & facta restitutione. Ita decernitur in Clem. 2. de hereticis, ibique notat Glossa & Anchar. in 3. notab. num. 5. Zabarel. in sum. §. Inquisitoribus, ac Sylvest. v. hæreticus §. 2. num. 13. & alij cum Sanch. in decal.

lib. 2. cap. 20. 3. Item privantur officio, ac puniuntur aliis pœnis arbitrio suorum Prælatorum ut ex eadem Clementina. Nunc verò consequenter ad dicta puniantur arbitrio S. Congregationis Inquisitionis Romanæ.

Et licet textus in d. Clem. 2. videatur loqui solum de Commissariis Inquisitorum, & Episcoporum S. Officium exercentium, communis tamen sententia intelligit hanc pœnalem Constitutionem etiam procedere contra ipsos Inquisitores, si ipsi concutiant, seu pecunias extorqueant injustè, ut per Suar. de censur. disp. 23. sect. 5. numero 24. Glof. in d. Clem. notab. 2. ibique Imol. Vitalin. & Anchar. numer. 5. Augel. v. excommunicatio 7. cas. 42. Sylvest. eodem. verb. 9. cas. 42. numero 81. At Episcopi, alijque Prælati Episcopalem jurisdictionem habentes, eorumque Vicarij Capitulares, sede vacante, in d. Clem. non continentur, quia non sunt ibi expressi, neque in genere, neque in specie, & non continentur in odiosis nomine Inquisitorum, ut per Sanch. loc. cit. num. 6. Pœnæ enim non sunt extendendæ ultra casus & personas expressas, cap. 15. is qui de sent. excom. in 6. Fortè quia Episcoporum dignitati summus Pontifex deferre voluit, cap. 2. de offic. deleg. in 6. Nec dici potest, eos includi nomine Inquisitorum. Quia Episcopi solent speciatim nominari in omnibus ad S. Officium spectantibus. Eò vel maxime, quia textus exprimit Commissarios Inquisitorum, & Episcoporum. Quod non fieret, si Episcopi nomine Inquisitorum comprehenderentur.

Id tamen limitatur, ut d. Clem. 2. solum puniat crimen concussionis, scilicet extorsionis prætextu hujus publici Officii, non autem si extorsio fiat alio prætextu, ut notat Vitalin. ibi num. 49. & Suar. loc. cit. Neque procedit, si reus sponte offerat munus, ut mitius tractetur, quam ipse mereatur, Sanchez ibidem. Neque esset locus pœnæ, si quis offerret munus Inquisitori ad redimendam injustam vexationem, si tamen illa vexatio non inferretur ad effectum pecuniæ extorquendæ, siue muneris. Quia id non est crimen concussionis, ut per Vitalinum, & Suarez locis citatis, & Sanctarel. de heres. cap. 40. num. 29. in fin.

Notandum autem est, quod ista excommunicatio non est reservata, satisfacta parte. Quod observat etiam Vitalin. in d. Clem. num. 99. ibique Cardinal. v. Inquisitoribus num. 5. ac Imol. num. 9. Suar. loc. cit. num. 27. Sanch. ibid. num. 18. & Farinac. ubi supra numer. 143. ac alij, licet contrarium sustineant Eymer. d. p. 3. q. 24. ibique Pagna com. 73. ubi aiunt hanc absolutionem esse Papæ reservatam, præterquam in mortis articulo. Satisfactio autem consistit in simplici restitutione, vel illius depositione in loco tuto, ac apud fidum Confessarium, ut ipse restituat, si creditor sit abtens, ut per Sanch. loc. cit. numer. 18. Et quamvis textus d. Clem. prohibeat, irritetque omnem remissionem siue condonationem restitutionis, non tamen prohibet retrodationem, quam concussus faceret Officiali post satisfactionem ac realem restitutionem sibi factam, ut in simili de distributionibus tradit Bonac. de hor. canon. qu. 5. pun. 4. num. 10. Si tamen Inquisitores, & Commissarij sint pauperes, nec restituere valeant, possunt absolvi, non facta restitutione. Nam illa restitutionis conditio est intelligenda, si extorquentes possint restituere; unde quando paupertas excusat, poterunt absolvi ex doctrina Glossæ in d. Clem. v. satisfecerint, Imola ibid. num. 7. & 9. Zabarel. in 1. oppos. numero 5. Vitalin. numero 92. Anton. p. 3. tit. 24. cap. 8. Sylvest. d. v. excommunicatio §. cas. 4. qu. 17. & seq. Navar. cap. 27. num. 142. Sanchez loc. cit. nu. 19. & Farinacius ubi supra num. 142.



## CONSULTATIO CXXIX.

*De Inquisitorum Vicarijs, sive Commissarijs. A quo eligantur. Quas conditiones habere debeant. Quot Inquisitor institui possit. Quosve. Quibus gaudeant privilegijs. A quo recipiant jurisdictionem. Quam facultatem subdelegare possint. De eorum precedentia, & exemptione ab observantijs regularibus, ac remotione de loco ad locum. Eorumque jurisdictione quando expiret, ubi demum de Inquisitoribus eorumque Vicarijs, sive Commissarijs plura effata proferuntur, aliqua de Consultoribus.*

**I**sti eliguntur à summo Pontifice, vel à supremo S. Inquisitionis Tribunali, ac eligi etiam possunt ab ipsis Inquisitoribus. Cum enim Inquisitores sint delegati summi Pontificis, habent facultatem alios delegandi, ut superius dictum est ex *cap. ne aliqui de heret. in 6. ex cap. super questionem de offic. jud. deleg. & ex Constit. Clementis VII. cum sicut*, traduntque Eymer. p. 3. q. 13. ibique Pegna *com. 62. Dec. in cap. cum causam. de appel. notab. 4. Zanchin. de heret. cap. 30. ibique Campeg. Royas sing. 97.* ac ceteri. Quæ facultas ita conceditur, ut Inquisitor ipse solus absque sui Ordinis Prælati possit Vicarios, sive Commissarios sibi instituire, ut firmant Eymer. q. 14. & Pegna *com. 63.*

At nihilominus hodie Inquisitores non possunt eligere Vicarios, nisi de licentia S. Congregationis, ut decretum sub die 4. Maij 1610. Illolque deputare non possunt, nisi in locis, in quibus resident Vicarij foranei Curie Episcopalis, & deputantur tantum pro denunciationibus recipiendis, quia integros processus non possunt sine licentia Inquisitoris construere, ut decretum eodem die ac anno.

Conditiones autem, quas debent habere his paucis verbis expressit Clemens VII. in d. Constitutione. *Decernimus insuper, ut vestros Vicarios, seu Commissarios instituire valeatis, viros vestra sententia providos, aptos, & idoneos dummodo ætatis trigessimum annum attigerint.* Quandoquidem minor ætas in his requiritur, quam in Inquisitoribus, quia raro eis committitur integra Inquisitorum potestas.

Possunt plures Vicarii institui, quando Inquisitoris Provincia multas continet civitates, & loca, ita tamen, ut non excedant numerum Vicariorum foraneorum, quos Episcopus deputat in sua diœcesi. Quia numerus, quem prudens Episcopus arbitratus est sufficere in sua diœcesi, multo magis sufficiet ad S. Officium Inquisitionis, in quo minor numerus causarum agitari solet quam in Episcopi Tribunali, ut etiam observat Carena p. 1. tit. 11. n. 4.

Possuntque institui Vicarii Regulares alterius Ordinis, ac etiam Clerici seculares. In Constitutionibus enim Pij II. *Cum dudum*, & in citata Clementis VII. ac in *Clem. 2. de heret.* non exprimitur, quod Vicarii, sive Commissarii assumantur ex Ordine ipsius Inquisitoris, ideoque olim in Inquisitorum arbitrio erat eligere hos vicarios alterius Ordinis Regulares, vel Clericos seculares, dummodo haberent adductas conditiones, quamvis non deessent sui Ordinis viri periti, ac idonei ad hoc munus exercendum, ut annotavit Bordon. *tom. 1. cap. 39. num. 7.*

Non omnes tamen in omnibus gaudent eadem facultate, neque eisdem privilegijs. Nam Vicarij electi à Sede Apostolica, quamvis sint subdelegati, habent eandem cum delegato facultatem, & prærogativam, *l. ult. C. ut dignit. ord. servet. & l. suggerente C. de Offic. eius, qui vicem Iudic. obtrin. & tradunt Abb. & Dec. in cap. sanè 2. de offic. deleg.* Atque adeo sicut Inquisitor, qui est delegatus Sedis Apostolicæ superior est Ordinarius, eiusque citatio in causis fidei prævalet citationi Episcopi, ita etiam superior est Vicarius, sive Commissarius S. Officij electus à summo Pontifice, ac ejus citatio prævalere debet citationi Ordinarij. Quia licet sit

Tom. I.

subdelegatus, non est tamen subdelegatus à delegato, sed à summo Pontifice, & ideo par est utriusque privilegium, & facultas, ut asserit Pegna p. 3. *com. 54. vers.* Quare in proposito.

Vicarij verò, sive Commissarii ab Inquisitore electi, neq; Ordinario præferuntur, neq; indistinctè omnibus alijs privilegijs gaudent, quibus fruitur ipse Inquisitor, ut ibidem ait Pegna. Unde Bartolus probat, Vicerectorem constitutum à Rectore, non gaudere privilegijs ac immunitatibus Rectoris. Contrarium tueretur Castropal. p. 1. tit. 4. disp. 8. pun. 13. n. 5. firmans, Vicarium, sive Commissarium, sive electum à Pontifice, sive ab ipso Inquisitore, præferendum esse Ordinario. Quia, inquit, subdelegatus delegati Pontificis, summum ipsum Pontificem repræsentat, vicelque ipsius gerit, sicut ipse delegatus. Ergo privilegijs ejus gaudet. Id ipsum, ait, docere Molinam *de iust. tit. 5. disp. 28. n. 17.* sed perperam. Supponunt enim Inquisitorè Ordinario præferri. Quod supra negavimus.

Jurisdictionem autem ij recipiunt non ab Inquisitore, sed à Sede Apostolica. Quia, ut notat Carena p. 1. tit. 7. §. 5. n. 16. S. Congregatio Em. Cardinalium supremæ Inquisitionis decrevit, quod hujusmodi Vicarij eligantur, sive nominentur ab Inquisitoribus, sed confirmari debeant ab ipsa S. Congregatione; ideoque ab ipsa S. Congregatione jurisdictione in causis fidei exercendam recipiunt. Quia concessio facultatis exercendi jurisdictione tribuitur confirmanti, ut probant Canonistæ *in cap. si Apostolica de prob. in 6. & Natta conf. 669. n. 16.*

Possunt sanè Inquisitores hujusmodi Vicarijs facultates omnes sibi cõcessas subdelegare. Quia delegatus Principis potest alteri vices suas plenè committere ex *cap. super questionum de Offic. jud. deleg. & ex l. à Iudice C. de deleg. & ex l. à Iudice C. de judic.* Quare possunt eis committere, ut recipiant à quibuscunque denunciations, vel accusationes contra quoscunque ac liberè procedere valeant ad inquirendum, ad testes examinandum, ad reos citandum, comprehendendum, eorum confessiones recipiendum easque scrutinandum, ac probandum, ad cogendum testes, ac generatim omnia facere, quæ ab ipsis Inquisitoribus fieri possent, si ibi personaliter adessent, ut docent Eymer. *in forma constituendi Commissarios p. 3. direct. n. 37. q. 15. & constat, ex cap. Ut commissi §. committendi de heret. in 6. & Constit. Urbani IV. incip. licet ex omnibus*, ac firmant Pegna d. n. 37. *com. 10. & com. 64. Locat. in Judicial. v. Inquisitor n. 4. Calderin. de heret. rubr. de Offic. Vicar. n. 1. & seq. ac spectato rigore juris* possunt eis committere prolationem sententiæ definitivæ, ut docent ibidem Pegna, & Farinac. cum alijs q. 186. *nu. 29. Molina d. tr. 5. disp. 28. n. 8. Azor. p. 1. lib. 8. c. 8. qu. 10. & Castropal. p. 1. tr. 4. disp. 8. pun. 12. §. 2. num. 12.*

Verum, quamvis hoc ita sit, nunquam tamen Inquisitores suis Vicarijs, sive Commissarijs committere debent sententias ferre, præsertim adversus relapsos ac impœnitentes. Quia, cum agatur de judicio capitali, indiget altiori examine, quàm eo, quod fieri potest per Vicarium juxta ea, quæ alibi dixi. Unde dicti Vicarij neminem debent carceribus mancipare non auditis Inquisitoribus, nisi urgeret necessitas, ut si periculum esset in mora.

Nequeunt autem prædicti Vicarij, sive Commissarii facultatem sibi concessam ab Inquisitoribus, subdelegare alijs, neque in totum, neq; in partem. Quia lex, quæ delegatis à Principe concedit facultatem subdelegandi, non concedit ipsis, subdelegatis, ut possint alios subdelegare, cum privilegium subdelegandi sit personale, quod in alios transferri non potest ex *cap. privilegium de regul. jur. in 6. & annotant Gloss. in d. cap. super questionum §. porro. v. transferri, de offic. Iudic. deleg. & in cap. Cum causam v. delegatus de appel. Archid. in cap. quamvis & Jo. Andr. in cap. 15. cui de offic. deleg. in 6. ac Bartol. in l. is, qui pro emptione ff. de usucap. traduntq; Pegna p. 3. *com. 64. Molin. loc. cit. n. 8. Azor. ib. q. 10. & Castrop ubi supra n. 13.**

Gaudent tamen privilegio, se invicem ab excommunicatione absolvendi, ac dispensandi ab irregularitate, ex

Y y 2

Pegna



Pegna d.p.3.com.72. ubi postquam probavit hoc privilegio gaudere Inquisitores ex concessione Urbani IV. anno 1261. ut referunt Repertor. Inquis. v. *Irregularitas §. si tamen*, Campeg. apud Zanchin. cap. 31. Royas de *heret. p. 2. n. 423*. statim lubdit. An autem hoc privilegiū Commissarijs etiam Inquisitorum competat, dubitari potest. Id verius est, competere favore fidei. Ac id ipsum docet Dian. p. 5. tr. 10. *resol. 69. & p. 4. tr. 2. resol. 102*. Incurrerent autem irregularitatem tam Inquisitores, quam eorum Vicarij, si conijcerent reum siue in custodiam, siue in pœnam in carcerem tam severum squalidum, ac horrendum ut ille ibi moreretur, ut tradunt Pegna com. 107. *vers. verum tamen*, Zabarel. in *clem. un. de homic. Abb. in cap. à nobis de apost. stat. & in cap. qualiter & quando de accus. & Locat. in judicial. v. Carcer num. 6*.

Quod verò ad illorum præcedentiam, cum hodie dicti Inquisitorū Vicarij eligantur à S. Congregatione supremæ Inquisitionis, certum pluribus Autoribus videtur, præcedere Vicarios generales Episcoporum; quia electi à maiori præferuntur electis à minori, & inferiori, ut docet Anchar. in *cap. per tuas de major. Menoch. conf. 126. n. 34*. Naët. *conf. 637. n. 14. & 41* Gratian. *discept. 845. n. 34*. Nulli autem dubium est, omnes Episcopos inferiores esse dicto supremo Tribunali. Atque adeo certum etiam est, Inquisitorum Vicarios præcedere Episcoporum Vicarios generales.

Eos verò Vicarios qui per modum provisionis in locū præmortui, vel ab officio remoti, constituuntur ab Inquisitoribus, præferendos non esse inquit Vicariis Episcopalibus. Tum quia eliguntur ab inferiori, & ad tempus, isti autem à digniori, & permanentes. Et tum etiam quia proveniens naturaliter anteponitur venienti ex accidenti *l. qui habet ff. de tutel.* Vicarii autem Episcopales sunt naturaliter ac per essentiam tales, Inquisitorum verò Vicarij casualiter ac per accidens, ac proinde illi debent istis præcedere. Ita tradunt Carena p. *tit. 7. §. 2. n. 10. & Bordon. tom. 1. cap. 39. n. 4. & 5. infine*. At, quæ sit de hac re nostra sententia, alibi ostendimus, & in sequentibus effatis indicabimus.

Huiusmodi autem Vicarij non sunt exempti ab illis observantijs, quæ non impediunt S. Officij exercitium, à quibus ne ipsi quidem Inquisitores exempti sunt. Immo debent, quod ad fieri potest, observantias regulares custodire, ac sese cum communi aliorum Fratrum sui Ordinis vita accommodare, scientes, quod quanto diligentius illas custodiverint, tantò maiorem probis viris æstimationem sui adijcient, malis terrorem incutient.

Neque possunt, si Regulares sunt, à suis Superioribus Regularibus de loco ad locum removeri, quia nequeunt eos impedire ab officio eis tradito, & ne procedant in causis fidei. Nam in hoc eis non subiciuntur, sed summo Pontifici, solusque Inquisitor potest remove ac deponere Vicarium, siue Commissarium à se institutum, ut tradunt Eymér. d. p. 3. q. 17. ibique Pegn. *con. 66*. Locat. v. *Vicarius n. 1*. Comenlis in *Lucern. Inquisitor. v. Inquisitor n. 2. & alij*.

Non autem eorum iurisdicção expirat morte Inquisitoris; quia instituuntur ab Inquisitore, non tanquam ab ipsius persona, sed tanquam delegato à summo Pontifice, eiusque iurisdicção autoritate Apostolica conceditur, cum confirmantur à supremo Tribunali Inquisitionis, per quam confirmationem eorum facultas perpetuatur, ideoque neque per mortem, neque per quamcunq; Inquisitoris remotionem expirat, ut præ cæteris tradunt Symanch. de *Cathol. instit. tit. 34. n. 14*. Royas *sing. 114. n. 3*. Azor. d. lib. 8. q. 7. & Caren. *loc. cit.* Id quod etiam de jure procedit. Nam Vicarius electus, etiam post mortem Superioris, durat, ut *ex cap. 1. de offic. Vicar. in 6. & ex Clem. ne in agro de stat. monach. & firmat Navar. conf. 12. de elect.* Quia potius à jure, quam ab homine potestatem recipit. Jus autem non moritur. Quod multò magis comprobari debet de

Inquisitorum Vicarijs, ne per mortem Inquisitoris aliquod detrimentum Officium Inquisitionis patiatur, & fidei causæ periclitentur. Ac ita in praxi observatum fuisse in civitate Papiensi, testatur Carena d. p. 1. *tit. 7. §. 5. n. 17*.

Effata de Inquisitoribus, eorumque Vicarijs hæc sunt: Cardinales sex deputantur pro habenda Congregatione super negotiis S. Officij. Pius IV. motu suo proprio sub 4. nonas Augusti anno 5. disponit, ut ad minus semel in hebdomada conveniant in domum antiquioris Cardinalis, causarum decisioni incumbant, illasque terminent prout ipsis, vel majori parti visum fuerit. Contra ab ipsis decreta de nullitate, aut invaliditate iurisdictionis excipi non possit, ac si coram omnibus, etiam ipso summo Pontifice facta forent.

Cardinales generales Inquisitores deputati per motum proprium Pij IV. sub pridie Kal. Novembris anno 3. possunt contra Episcopos, Archiepiscopos, Patriarchas, & Cardinales, ac alios Præsules inquirere, testes, atque alias probationes recipere, ac examinare, processus integrè usque ad sententiam exclusivè formare, & concludere. Quod etiam habetur in Bulla ejusdem pridie Idus octobris anno 3. Possuntq; etiam procedere per edictum, quando non adest tutus accessus, ex Bulla ejusdem 7. idus Aprilis anno 4.

Cardinales duo ex deputatis constituunt Congregationem, & quod ab ipsis statuitur, habetur firmum ac si omnes Cardinales deputati interfuissent, ut etiam habetur ex motu proprio B. Pij V.

Cardinales subscribunt sententijs contra quoscunque, præter in Episcopos latas, ac si decretum definitivum factum fuerit coram Sanctissimo. Ita etiam decreta facta coram Sanctissimo ponuntur sub nomine Em. Cardinalium, ut statuit B. Pius V. 14. martij 1566.

Cardinales, cæterique officiales suffragium ferentes in causis S. Officij, etiam si interveniat pœna sanguinis, irregularitatem non incurrunt, &, quatenus opus sit cum eis dispensavit in tortura danda idem Pius V. die 9. Octobris 1570.

Cardinales, & quicunque alij Officiales interessentes Congregationibus S. Officij, debent servare secretum sub pœna excommunicationis latæ sententiæ. Est tamen restricta ad ea, quæ propalantur in damnum S. Officij, vel præjudicium negotiorum.

Idem Cardinales, Consultores, alijque omnes intervenientes S. Officio, ac interessentes Congregationibus, debent sub initio præstare iuramentum de fidelitate ac silentio præstando sub pœna excommunicationis latæ sententiæ, à qua non possunt absolvi, nisi à summo Pontifice, vel ejus successore. Idem B. Pius V. 25. Januarij 1560. Qui ampliùs decrevit, ut præter sententiam excommunicationis, quam ipso facto incurrunt revelantes S. Officij secreta, & quæ dicuntur in Congregationibus, puniantur ac si offendifsent propriam ejus personam, ut 31. Januarij 1566.

Cardinales generales Inquisitores, Consultores, & Officiales pro tempore inservientes Congregationibus S. Officij coram Smo. vel Cardinalibus non possunt certiores reddere alios Cardinales absentes de negotiis in Congregationibus tractatis sub pœna excommunicationis latæ sententiæ, à qua non nisi à Ste. Sua possunt absolvi, & silentium prædictū est servandum etiam post publicatum processum, nullusque ex ipsis Cardinalibus potest concedere licentiam loquendi de ijs, quæ concernunt causas reorum. Et Urbanus VIII. iussit, illud sub eisdem pœnis servari circa ea, quæ in Congregationibus coram Ste. Sua dicuntur, etiam occasione alicujus discursus, non spectantis ad causas S. Officij 20. Iunij 1630.

Unus ex Cardinalibus deputatis eligitur à Smo. ad recipiendū litteras undecumque venientes & receptas tenetur alijs Collegis communicare, ac juxta Congregationis decreta respondere. At si factum celeri expeditione indigeret, potest ipse solus respondere, & responsionem in proxima tenetur Congregatione alijs Collegis referre.

Cardi-



Cardinalis unus, quando periculum est in mora, potest, consultis illis, quos iudicaverit esse consultendos, decernere comprehensionem alicujus Rei, & in proxima Congregatione tenetur aliis communicare quid actum fuerit.

Congregatio S. Officii coram Sanctità Sua, fit qualibet hebdomada, feria quinta, nisi justè impediatur, etiam non intimata.

Cardinales generales Inquisitores vigore motus proprii Pij IV. habent facultatem legendi libros prohibitos, & illam alijs communicandi.

Pro Cardinalium, & Consultorum S. Officii defunctorum animabus celebrantur exequiæ jussu Gregorij XIV. cum interventu aliorum Cardinalium, & Consultorum, ac pompa funebri arbitratu Cardinalium. Solet tamen pro Cardinalibus sumptus fieri scutorum 50. pro Consultoribus 30.

Heredes Cardinalium generalium Inquisitorum, Consultorum, & aliorum Officialium S. Officii pro tempore decedentium, statim post eorum mortem tenentur sub pœna excommunicationis consignare quascunque scripturas, ad S. Officium quomodo libet spectantes, eidem S. Officio.

Inquisitores præcedunt Præsidentes Conventuum, non tamen in mensa, & Capitulis ab eisdem Præsidentibus convocatis. In omnibus tamen actibus publicis, & privatis habent locum post Priores, & Guardianos monasteriorum, in quibus sunt Inquisitores.

Tam Inquisitores, quam alij delegati S. Officii nihil pro reorum constitutis, ac pro ijs, quæ in favorem Fisci producuntur, recipere debent, sed gratis omnia expedire. Nec pro sportulis aut quovis decreto aliquid omnino accipere possunt.

Non debent extrahere è diœcesibus Episcoporum reos S. Officii, nisi ex magna causa, vel de licentia S. Congregationis: Sed Vicarios deputent, qui simul cum Ordinarijs causas eorum tractent atque expediât.

Illi Inquisitores, qui diœcesanos Episcopi alterius civitatis sub sua jurisdictione habent, facere debent, ut dictus Episcopus constituat Vicarium, qui causis suorum diœcesanorum assistat, aliàs absque alicuius interventu illas expedire possunt. Quando autem habentur Congregationes super hujusmodi causis, opportunè moneant eos, qui interesse debent.

Extra propriam diœcesim non se transferant, neque ad ullum accedant Capitulum generale, aut Provinciale, nisi cum licentia S. Congregationis, exceptis Magistris in S. Theologia, & Patribus Provinciæ, qui vigore suarum Constitutionum habent votum in electione.

Transmittere debent omnes sententias ad S. Officium Urbis, non autem processus, nisi in arduis. Summarium verò ante expeditionem, & responsum expectent.

In sententiis ferendis apponant clausulam *Nobis reservamus*. Quia cum ab ipsis, vel à Vicarijs Episcopalibus promulgantur, mitigatio pœnarum utriusque est reservanda.

In sententijs minorum non possunt apponere clausulam *citra pœnam relapsus* absque speciali commissione S. Congregationis.

Nullo modo faciant, vel permittant imprimi informationes, summaria, & cœtera in causis S. Officii.

Apud se retinere debent originalia librorum impressorum, ac imprimendorum.

Debent ipsimet sententias pronunciare in causis, quæ sunt à suis Vicarijs.

Parere non debent litteris S. Pœnitentiariæ in causis S. Officii.

Ipsi ac ipsorum Vicarij equitantes pro examinandis testibus ad defensionem, habere debent equum & viatuum, Uti tamen debent moderato numero personarum, ne partes graventur.

Tom. I.

Curent, ne in communicandis processibus cum Episcopis, & eorum Vicarijs nomina testium, ac denunciantium propalentur.

Nequeunt impedire Ordinarios, quin publicent edicta contra hæreticos, vel alios absque sua sua licentia.

Possunt sibi consignari facere inventarium librorum bibliothecarum.

Non possunt, neque debent applicare pœnas, sive multas pecuniarias provenientes occasione processuum, & causarum S. Officio, vel alijs locis, nisi prius certiore reddita S. Congregatione. Possunt quidem citare sub pœnis pecuniarijs, illas tamen exigere, nequeunt absque mandato S. Congregationis.

In carceribus S. Officii non possunt recipere alios carceratos, ne Regulares quidem, pro causis pertinentibus ad illorum Superiores, neque illis uti debent ad custodiam quorumvis reorum, nisi sint rei S. Officii.

Possunt ferre sententias contra sponte comparentes, illosque sine Ordinariorum interventu expedire. In illis verò causis, in quibus constituitur processus, debent servare Clement. 1. de hæret.

Non debent, neque possunt in suum commodum exigere mercedem custodiæ captivorum, sed dari debet ijs, qui actu inserviunt eidem custodiæ.

Possunt concedere licentias accedendi ad partes hæreticorum. Pro hujusmodi autem licentijs nihil omnino recipiant, tametsi tutius sit, ut consulant S. Congregationem.

Non debent se ingerere in concedendis licentijs imprimendi Indulgentiarum Brevia, sive illorum summarium, neque Brevia Apostolica.

Possunt cum licentia S. Congregationis exercere Officium Prioratus.

Providere debent, ne Judæi dent Christianis panes azymos, quos in eorum paschate conficiunt.

Non tenentur jussu S. Congregationis sibi transmissa cum Ordinarijs communicare, nisi juxta rerum qualitatem, ac litterarum tenorem.

Litteris commendatitijs quarumcumque personarum in causis S. Officii respondere non possunt, illasque minimi faciant in expediendis causis.

Tenentur mittere summaria processuum, ac rerum ad S. Congregationem cum participatione Vicarij Episcopi, & è contra Vicarius etiam illa mittere debet cum participatione Inquisitorum.

Quando morantur Romæ, accedere debent ad S. Congregationem Emin Cardinalium S. Officii.

Ipsi, non autem Ordinarij, eligant Fiscalem S. Officii.

Propter publicationem edicti rigorosi non prohibentur publicare edictum gratiosum, quod ipsi sub initio suorum Officiorum publicare solent.

Non habent facultatem concedendi licentiam nutricibus Christianis lactandi filios Judæorum, nequidem sub conditione, quòd in domibus eorum non pernoctent, neque comedant.

Publicare debent edictum S. Officii seorsum ab Episcopis. Cum licentia S. Congregationis possunt vocati exercere munus convocatoris in quadragesima, proviso tamen officio.

Ipsorum bona non spectantia ad S. Officium, post eorum obitum dividuntur juxta Constitutiones Religionis.

Nequeunt examinare Moniales, nisi facto verbo cum Episcopo.

Debent conficere librum accepti, & expensi, nec non regestum mandatorum solutionis expensarum, quarum rationes quotannis tenentur mittere ad S. Congregationem, ad quam tenentur etiam mittere taxam mercedum, quam servare debent.

Ipsis præfigitur ab Episcopis taxa expensarum ordinariarum. Pro extraordinarijs verò obtinenda est licentia à S. Congregatione.

Y y 3

Cardina:



Accedentes ad loca, ubi non sunt Conventus sui ordinis, in quibus morari possint, manere debent in Conventu alicuius Religionis, & rationem expensarum habere.

Tenentur initio accessus ad exercendum Officium præstare iuramentum secreti servandi in causis, ac negotiis S. Officij, & ad S. Congregationem mittere instrumentum authenticum iuramenti præstiti, ac rogati à Notario S. Officij.

Possunt, servando silentii iuramentum, tuta conscientia communicare negocia S. Officij cum Vicarijs Episcoporum, licet ipsi præstent iuramentum de non communicando ejusmodi negotia, nisi cum Ordinarijs, & Consultoribus,

Possunt quoque conferre cum alijs Inquisitoribus per modum consulendi super negotiis S. Officij, non obstante iuramento silentij servandi.

Tenentur præsentari facere præcepta, & citationes S. Officij à Cursoribus, & Mandatarijs Curiae Episcopalis, vel secularis, non autem à Fratribus tertijs.

Tenentur servare secretum, etiam causis finitis. Non enim possunt revelare ea, quæ pertinent ad S. Officium in ejus, ac testium præjudicium.

Inpetendo brachio seculari à Principibus pro S. Officio, debent exprimere in genere tantum causas, non autem illarum merita, nec nomina testium communicare,

Possunt emitte præcepta sub pœnis pecuniarijs.

Debent quotannis mittere ad S. Congregationem summarium causarum, quæ à se expediuntur, ac summarium denunciarum, & in eis gestorum.

Ipsis ac eorum ministris regularibus tenetur Conventus victum subministrare.

Non habent facultatem benedicendi altaris toralia, aliumque sacrificalem apparatus.

Procedere possunt contra Christianos inservientes Judæis, & contra Judæos Christianorum servitiis urentes,

Quamvis decedant extra claustra, non iccirco subjacent spolio, quod fit à Camera Apostolica.

In causis gravibus non debent devenire ad torturam, neque ad alios actus irretractabiles, inconsulta S. Congregatione, nisi rei, ac temporis circumstantiæ aliud permiserint.

Electi Provinciales vel debent relinquere Officium, vel Provincialatum non accipere. Rarò enim conceditur, ut, retento officio, possint tale munus exercere. Immo hanc ob causam deputatur alius Provincialis auctoritate Apostolica; quod aliquando fuit permissum, denegatum verò sæpius, jussumque Generali, ut alium Provinciale deputaret auctoritate Apostolica.

Interdum creantur à Pontifice magistri Provinciarum cum omnibus juribus Provinciae.

Tenere non debent homines armatos ad custodiam S. Officij, cum id non sit necessarium.

Non debent permittere, ut summaria processuum fiant à Consultoribus expensis reorum.

Servare debent cum Episcopis *Clem multorum de haret.* licet expeditiones sint à se faciendæ jussu S. Congregationis.

Non procedunt contra caupones ministrantes carnes diebus prohibitis, sed contra eos procedit Ordinarius. Sicut nec procedunt contra meretrices habentes copulam cum Judæis, licet quandoque insimul procedere possint, de quo alibi.

Tenentur communicare processum cum Ordinario ante torturam. Non tamen tenentur remittere illius autographum ad domum Episcopi, neque è contra

Episcopus ad domum Inquisitoris, sed communicatio, & exhibitio processus debet fieri in loco, in quo est constructus,

In summarijs, quæ mittere debent ad S. Congregationem apponere debent nomina propria reorum, non autem ficta.

Non debent absque beneplacito S. Congregationis imponere, ac exigere multas pecuniarias, cum talis impositio sit prohibita.

In publicandis edictis servare debent formam solitam, nihil addendo, vel minuendo, quod alteret rei substantiam. Quando verò ipsis contigerit publicare nova edicta, sive aliquid novi addere edicto generali, certiore reddant S. Congregationem,

Omnes prohibere debent, ne sui Vicarij regulares pro sententijs, examine testium, decreto, sive actu, aut alio quocunque titulo, vel prætextu aliquid recipiant, sed gratis omnia expediantur.

Transmittere nequeunt Religiosos, damnatos ad carcerem formalem, ad carceres eorum Conventuum, inconsulta S. Congregatione.

Possunt unà cum Episcopis mitigare, & commutare pœnas impositas damnatis pro S. Officio in sententijs latis ab Episcopo, & Inquisitore. Ad utrumque enim commutatio spectat. Quod quidem observandum est tam in processu facto in Curia Episcopali, quam in S. Officio. Commutare tamen illa non possunt in pœnas pecuniarias, inconsulta S. Congregatione, sine cujus licentia tales multæ imponi non possunt.

Incumbere debent revisioni librorum imprimendorum, ne in litteris dedicatorijs Autores majoribus, ac ineptis, & absurdis titulis utantur, quàm pro dignitate merentur ij, quibus dedicant.

Non possunt, neque debent accedere ad monasteria monialium, nisi ob causam S. Officij, cum sint etiam comprehensi in constitutione Clementis VIII. in hanc rem edita.

Non tenentur notos facere Episcopo ministros S. Officij, necessario deputandos, nisi ex urbanitate,

Nequeunt procedere ad executionem pœnarum in Bulla *si de protegendis* contentarum, inconsulta S. Congregatione.

Non pertinet ad ipsos prohibitio ludi alearum, ac similibus, licet hac de causa multi blasphemant, contra quos tamen possunt, ac debent procedere.

Concedere possunt arbitrio suo licentiam deferendi arma sine restrictione facultatis, tam circa numerum, quàm circa qualitatem personarum aut locorum, & sine beneplacito Officialium Curiae secularis, quibus detur, atque ostendatur index personarum juxta solitum. Non debent tamen illarum numerum augere absque necessitate. Nihil etiam ab illis, ne minimum quidem, accipiant. Personis idoneis arma concedant, nunquam vero ijs, qui fovent inimicitias.

Debent ex se manu propria, si possunt, scribere litteras, ac cætera omnia.

Possunt punire Regulares ad S. Officium recurrentes, & nihil relevans deponentes, illosque sic punitos ad eorum superiores remittere.

Ipsi ac eorum Vicarij sub pœnis privationis Officij, nulli alij transmittere possunt copiam processuum, aut litteras concernentes negotia S. Officij, nisi Eminentissimo Cardinali, summo Inquisitori, ac secretario S. Officij cum inscriptione à tergo ultra titulum ordinarium *Pro S. Officio.*

Administrantes alienam hæreditatem tenentur reddere rationem administrationis Commissario R. Fabricæ, si tanquam simplices administratores, & non uti Inquisitores cogantur illam reddere.

Non conceditur eis facultas absolvendi à casibus in Bulla



in Bulla Cœnæ reservatis, neque ab alijs delictis in foro conscientia.

Non possunt excedere numerum quinquagesimum familiarium sub pœna privationis Officij, vocis activæ, & passivæ ipso facto incurrenda, tenenturque eligere personas aptas, ac bonæ famæ, earumque nomina mittere S. Congregationi. Consultores verò novos nequeunt deputare absque licentia S. Congregationis, & ubi sunt, ipsorum numerum reducere debent ad septem, & tam ipsi Consultoribus, quàm ministris S. Officij concedere debent licentiam deferendi arma gratis. Insuper eligere debent novum Fiscalem, unum Procuratorem, reorum Notarium unum, ac unum Depositarium ubi S. Officium habet redditus. Consultores verò habitare debent in Civitatibus, in quibus ipsi Inquisitores resident, & in locis, in quibus ipsorum Vicarij causas cognoscunt. In alijs verò locis satis est, quod Vicarij habeant unum Notarium pro recipiendis denunciationibus.

Mandatis fori secularis, expeditis contra familiares S. Officij apponere debent suum *Exequatur*.

Non possunt uti pro Vicarijs, ac Notarijs S. Officij Fratribus Ordinis Minorum Observantium sine licentia S. Congregationis.

Inquisitores non sunt citandi, vel aliquo modo coram aliquo alio Iudice trahendi, nisi coram S. Congregatione. Unde notarius si monitorium contra Inquisitorem subscripserit retineri debet in S. Officio, & postea dimitti cum monitione, ac suspendi ab officio. Procurator qui illud procuravit pariter ab officio suspendendus, & cæteri notarii vocandi, sunt ad S. Officium, eisque significandum, ut moneant suos substitutos, ne monitoria, mandata aliudve contra Inquisitores subscribant, & expédiant, alioquin ipsi punientur.

De ministris verò & Inquisitoribus S. Officij Hispaniarum, & ab ipso dependentibus, hæc accipe.

Inquisitores committentes vitium nefandum non possunt procedere, neque in huiusmodi causis se ingerere.

Inquisitoribus Siciliae in cognitione criminis nefandi nihil adimendum, nihilque de novo concedendum est.

Inquisitoribus Siciliae Sanctissimus concessit indulgentias stationum Urbis pro tempore Adventus, & Quadragesimæ in Capella secreta S. Inquisitionis, nec non Indulgentiam plenariam pro contritis, & confessis, qui abjuratationibus publicè faciendis interfuerint 3. Maij 1596.

In S. Officio Lusitaniæ recepta est opinio affirmativa, quod per tales singulares probatur aliquem esse hæreticum, possitque imponi pœna ordinaria, & ita servatur in praxi, quando reus habet contra se multos testes, qui concordant in substantia n. 9. Judaismi, quamvis deponant de differentibus actibus, & discordent in tempore ac loco, & quando testes sunt fide digni. De qua re nos *alibi*.

Contra Hispanos non adimplentes pœnitentias, sive indiciatos fugitivos ad Urbem, exhibentur quæ contra illos opponuntur, in quibus administratur iustitia. Nam Curia Romana non remittit.

Aliquando tamen possunt remitti unà cum suis, depositionibus, Inquisitori majori Hispaniarum, & commendatur, ne eorum fuga, stante accessu ad S. Officium Urbis illis non imputetur in delictum.

Fugientes à carceribus S. Officij Hispaniarum & Portugalliæ tractantur, uti fugitivi, alij verò uti recurrentes ad Sedem Apostolicam. At in casu particulari videndum, an tales fugitivi à carceribus soleant remitti.

Et adverte, quòd remittuntur tantum, qui fu-

giunt à carceribus, non illi, qui fugiunt ante carcerationem.

Inquisitor major in Regno Portugalliæ deputatur per Breve, sic instante Rege Hispaniarum 3. Julij 1604. & 15. ejusdem. Ipseque Inquisitor instat expediti Breve suæ deputationis 4. Augusti 1604.

Inquisitores, alijque ministri S. Officij Hispaniarum habent indultum percipiendi redditus ac distributiones quotidianas suorum Beneficiorum & Canoniarum pro tempore, quo actu inserviunt.

Canonici Goæ pro tempore deputati ad inserviendum S. Officio Inquisitionis pro Inquisitoribus Fiscalibus, sive Notarijs sunt exempti à servitio Ecclesiæ, & percipiunt distributiones quotidianas ac si actu eidem Ecclesiæ interfuerint. Consultores verò sunt exempti pro tempore, quo actu inserviunt S. Officio.

Ad Inquisitores Portugalliæ extenditur decretum B. Pij V. ut suffragium ferentes in causis S. Officij non incurrant irregularitatem, prout factum fuit cum Inquisitoribus Hispaniarum sub die 29. Novembris 1607. & 3. Januarij 1608.

*Decretum Pauli IV. sub die 30. Aprilis 1556. contra Lusitanos venientes in Italiam, & judaizantes, non comprehendit Hispanos judaizantes 29. Septembris 1611.*

Inquisitor Portugalliæ & Collector significare debent discessum judaizantium ex illo Regno eorumque accessum in Italiam, ut commodius observari, ac fitti possint.

Inquisitor maior Lusitaniæ consuluit, an convicti, sive confessi de crimine nefando contra quos in Lusitania ex Bulla Pii V. proceditur eo modo, quo contra hæreticos, debeant in primo lapsu tradi curiæ seculari, vel potius eis condonari pœna mortis, pro ut sit cum hæreticis Sanctissimus mandavit ei responderi hoc intelligi de modo procedendi, pœnam vero huius criminis remanere in terminis iuris, 24. februarii 1622.

In cognitione sollicitationis in S. Confessione, nihil innovandum in præiudicium Ordinariorum, qui secundum Canones, & Constitutionem Gregorii XV. procedere possunt: Immo tam Ordinarii, quam Inquisitores ad expeditionem huiusmodi causarum non debent devenire, nisi communicatis indiciis, si quæ adsint, in utroque foro, ne delicta ob defectum probationum remaneant impunita.

Poterit concedi facultas Inquisitori majori Hispaniarum dandi licentiam personis doctis ac pijs retinendi, atque legendi libros prohibitos ad effectum Confutandi hæreses, & errores in illis contentos, ad tempus limitatum, iniuncto tamen eis, ut ostendant, quid scribant, & si non satisfaciant, dictam licentiam eis adimat, nullamque declaret. Quòd ad facultatem concedendi huiusmodi licentiam, hominibus è vulgo non est concedenda.

Pro Inquisitore majori Hispaniarum fuit declaratum Breve Pauli IV. & Pii IV. quo ei conceditur facultas procedendi contra Sacerdotes seculares, & Regulares sollicitantes in Confessione, intelligi privativè, & non cumulativè quòd ad superiores Regularium.

Judaismus in Regno Portugalliæ propagatur occasione matrimoniorum inter Christianos novos, ac veteres: An autem Christianis novis administranda sint Sacramenta? (timendum enim est nè simulatè sint conversi.) At deponendum est scrupulum, quia isti non sunt privandi sacramentis nisi clarè, ac legitime, constet de contrario. Nec placuit modus propositus, ejiciendi dictos Christianos è Regno, ne alibi errores effundant. Monendusque Nuncius Apostolicus nè cum Rege ageret de illorum propagatione, & ne dicti judaizantes ad honores promoveantur. Nihilque, hæc de re innovandum in præiudicium S. Officij, inscio



summo Pontifice. Purgatio enim dicti Regni à Iudaismo est reservata iudicio Sedis Apostolicæ, ideoque non debet per ministros Regios tractari.

Inquisitores Italiæ procedere possunt in suis diocæsis contra Hispanos, comedentes carnes feriâ sextâ, vigore Bullæ Cruciatæ.

Summus Pontifex dispensat super defectu ætatis unius anni, ut quis munus Inquisitoris S. Officii in Regnis Hispaniarum, ad quod fuit electus, obtinere possit, non obstantibus decretis, Constitutionibus Apostolicis, sive statutis Tribunalis S. Inquisitionis dictorum Regnorum, à S. Sede Apostolica confirmatis.

Inquisitor, & Episcopus Patavinus curare debent, ut obviarentur Ultramontani, qui Patavii commorantur causa studii, ac secretò hæreticè vivunt, & ut Catholici dictæ nationis habeant ecclesiam & sacerdotem proprium, in quam ipsi convenire possint, ibique eis concio habeatur. Nec quisquam promoveatur ad gradum doctoratus absque fidei professione, nevé Parochi, & Rectores Ecclesiarum, alique Religiosi possint illos sepelire in Ecclesiis, nisi habeatur fides quod defunctus sua peccata confessus fuerit, sacramque Communionem suscepit tempore ab ecclesia Catholica præscripto.

Inquisitores procedunt contra effractores Carcerum in quibus detinentur rei S. Officii.

Inquisitor in causa hæresis procedere potest ad abiurationem, & pœnam, idem quoque facere potest in causa suspicionis; licet nonnemo asserat, in causa suspicionis Inquisitorem posse procedere ad abiurationem, non autem ad pœnam.

Inquisitor deputat Custodem carcerum S. Officii.

Inquisitor visitat naves Turcarum, si suspicetur Christianos pueros ad ipsorum partes deferri: 18. Iulii 1592.

Magis expedit terminari causas per abiurationes, quàm per pœnas pecuniarias, à quibus Inquisitores debent propterea abstinere.

Monendi Inquisitores ut abstineant afficere reos S. Officii tormento ignis.

Pro Inquisitore sive melius Ministro S. Officii Neapolitani hæc sequentia exhibeo.

Hic agit negoria S. Congregationis S. Officii in Civitate Neapolitana. Fuit hoc introductum tempore Pauli IV. Recipit sponte comparentes, & alios recusantes comparere in Curia Archiepiscopali. Nihil agit absque iussu S. Congregationis Eminentissimorum Cardinalium.

Non debet in Causis sibi commissis, & committendis requirere auctoritatem Proregis, ad quem recurrere tantum debet pro captura Laicorum, vel eorum transmissione ad Urbem, vel aliis in casibus, in quibus pro capturis, & executionibus opus sit brachio seculari. Sufficit enim, quod cum scientia Archiepiscopi suam exerceat iurisdictionem.

Præter receptionem denunciationum nihil debet agere, inconsulta S. Congregatione. Est enim minister in recipiendis denunciationibus, non autem in exequendo.

Est delegatus ad singulas causas, non ad universitatem causarum. Imò debet causas sibi delegandas sine interventu Ordinarii cognoscere.

Non communicat eidem Ordinario causas sibi delegatas, nisi de mandato S. Congregationis. Et tunc, si debet Congregationibus intervenire sit Congregatio particularis pro illis causis tractandis. In aliis autem Congregationibus, quæ habentur ab Archiepiscopo pro aliis Causis S. Officii, non intervenit.

Contra indicatos, ac pro aliis criminibus carceribus mancipatos in Curia Archiepiscopali communiatur indicia Archiepiscopo.

Ei consignantur litteræ, ac processus S. Officii gratis.

Minister S. Officii Episcopus in subscriptione sententiarum præcedit Vicarium Archiepiscopi, licet sit & iste Episcopus 28. Decembris 1608. quia est delegatus S. Congregationis solus tamen in causis delegatis sententiam publicat, & subscribit.

Deputat Curforem inservientem in Causis S. Officii, ac Notarium peculiarem ad servandum secretum, datque licentiam Officialibus S. Officii deferendi ea arma quæ deferunt executores Curie Sæcularis.

Minister pro S. Officio Neapolitano carceribus mancipat indicatos de pertinentibus ad S. Officium, & carceribus mancipari in Civitate Neapolitana, & in toto Regno, absque ulla difficultate Romam transmittuntur ad carceres S. Inquisitionis, nec fit aliqua distinctio, an sint Laici, anvé ecclesiastici. Nuncius verò Apostolicus id procurat sumptibus Camera Apostolicæ.

Prælati Regni Neapolitani, quando petunt brachium, & auxilium, pro causis S. Officii, non possunt neque debent exprimere Proregi Neapolitano qualitatem negotii, & potissimum, ne hoc pretextu introducatur *Regium exquatur*.

Non debet peti à Prorege Neapolitano Regium exequatur pro exequendis monitoriis, & aliis mandatis S. Officii contra quoscumque. Et contra Officiales Regios proceditur, illo non requisito.

Cognoscit Causas Polygamie, etiam eorum, qui à Curia seculari fuerant ob hoc crimen verberibus affecti.

Facit absque difficultate perquisitiones.

Non debet permittere molestari à Regente Vicaria, prætendente cognoscere causam Polygami sponte comparentis coram Archiepiscopo, & ab eo absoluti, quatenus tamen non sit præventus indicii in Curia Seculari.

Neque permittere debet quod pœna triremium per quinquennium, imposita à S. Officio polygamis, reducatur ad triennium à Ministris Regiis, prætendentibus id facere posse cum omnibus condemnandis ob huiusmodi crimen à Iudicibus Ecclesiasticis. At provisum, & consuetudine etiam inductum, ne pœna imposita ab Ordinario, vel à S. Officio polygamis aliisque inquisitis moderationem recipiant, aut habeant aliquam moram à Ministris Regiis.

Quando Ministri Regii ad Ministrum S. Officii recurrerint pro aliquo laico carceribus mancipato ab Episcopis Regni, statim illa scribere debet Episcopo pro sciendis meritis Cause, quæ si sit Causa S. Officii, illam Regiis significet, non tamen merita Cause aperiat. Quod si non est Causa S. Officii, scribat Episcopo, ut desistat à molestando carceribus mancipatum, ut evitentur contentiones inter Episcopos, & Regios, qui sæpè hac de re conqueruntur. Ideoque si Minister præfatus ab Episcopis relationem alicuius Cause ad S. Officium spectantis petat, ipsi illum certiore reddere tenentur.

Prorex Neapolitanus vir pietate, ac fide Christiana illa stris, acriter reprehendere debet suos ministros insultantes Ministros S. Officii, eisque præcipere, ut illi veniam peterent, eosque mittat ad Nuncium Apostolicum, ut illos in carcerem conjiciat, ac puniat, donec reperiatur satelles executor insultationis, qui reperiatur, publicè in Ecclesia poterit absolvi fure tortorio affici, condonata ei pœna triremium.

Episcopi in Regno sunt Inquisitores ordinarii tantum

Titulus Inquisitoris tributus aliquando Ministro S. Officii in Regno Neapolitano, nunquam displicuit Ministris Regiis, sed populo tantum ac plebi. Unde iidem ministri sæpè illum appellant Inquisitorem.

Causa



Causam impressoris, qui librum absque licentia superiorum imprimit, potest cognoscere cumulative tam Minister S. Officii, quam Archiepiscopus.

Minister S. Officii potest juxta solitum absque licentia Ministrorum Regiorum carceribus mancipare laicos ex causa S. Officii. Sed nisi causae sint graves, & captivae necessariae, ad ipsas devenire non debet, irrequisita S. Congregatione. Et in hac possessione antiquissima existit. Quando vero agitur de Ministris, & Officialibus Regijs, aliisque personis, & causis qualificatis, certior reddere tenetur S. Congregationem; à qui recipere debet mandatum. Et remisso demum à Rege Catholico hoc negotio ad Consilium Italiae, hoc ad favorem S. Officii decrevit. Unde Minister S. Officii, petito brachio, sed non expresso nomine personae, quae comprehendere debet, huius rei possessionem continet, non obstante praetensione Regiorum circa specificationem personarum, quae carceribus mancipandae sunt, saltem ad aures, & inter plures. Nam id irrogaret praedictum causis, & secreto S. Officii.

Ministro S. Officii Neapolitani conceditur, ut domi suae habere possit facellum, in quo missae Sacrificium celebretur, & per litteras datur ei haec licentia.

Si Archiepiscopus praevenerit in causa polygamiae, Minister illi relinquit causae cognitionem, & communicat indicia, quae habet.

Conceditur eidem Inquisitori, sive Ministro facultas recipiendi, & absolvendi in utroque foro haereticos Neapolim accedentes, ac brevi discessuros pravia instructione.

Nihil innovat, inconsulta S. Congregatione, circa deputationem Officialium.

Potest comprehendere, carceribus tradere, & ad Urbem mittere, qui abutuntur nomine S. Officii.

Potest visitare autoritate propria carceres Archiepiscopales, & in eis carceratos pro S. Officio, custodemque dictorum carcerum, si delinquat in suo munere, punire, cum olim Cardinalis Aquaviva Archiepiscopus Neapolitanus iussu Sacrae Congregationis construi fecerit separatos carceres, in quibus detinerentur rei pro S. Officio tam ad ipsius Archiepiscopi, quam Ministri S. Congregationis requisitionem. Ideo cum carceres sint proprii S. Officii, non potest asseri, quod rei, qui nomine supremi Tribunalis S. Officii, in illis custodiuntur detineantur ex mera liberalitate Archiepiscopi. Custos vero carcerum debet obedire nedum Archiepiscopo, verum etiam Ministro S. Congregationis in ijs, quae pertinent ad eius carceratos. Unde si in Officio suo deliquerit, potest Minister autoritate propria illum punire, nec tenetur adire Vicarium Archiepiscopi, quia licet dictus Minister non habeat titulum Inquisitoris, est tamen in causis sibi commissis, & committendis delegatus S. Congregationis, quam repraesentat, & sic est maior quocunque Iudice Ordinario.

Offendens dictum Ministrum, offendit sacram ipsam Congregationem, & censuram, ac poenae impositae contra impediens S. Officium, militant etiam adversus Episcopos, & Archiepiscopos.

In casu, quo carceratus in Curia Archiepiscopali Neapolitana pro S. Officio committat aliquod delictum, poterit coniunctim tam ab Archiepiscopo, quam à Ministro deputari persona idonea ad construendum processum super delicto, illiusque exemplum ad S. Congregationem mitti.

Servare debet solitam praxim S. Officii circa instantiam Inquisitorum Siciliae, qui instabant, ut ratificentur denunciationes ad eos transmissas contra polygamum coram honestis personis, & concessio anni 1607. non debet trahi in exemplum.

In formula iuramenti praestandi ab Advocatis, & Procuratoribus reorum S. Officii addere debet, quod,

expedita causa, restituant S. Officio exempla processuum, & scripturarum, & quod in autographis informationum facti & iuris apud eos existentibus, deleantur nomina personarum, ac semel in mense saltem sibi ostendi faciat à Notario index exemplorum processuum pro defensionibus reorum, & quibus illa dederit.

Non est necessarium, ut quoties Minister opus habuerit actorum, vel Scripturarum Curiae Archiepiscopalis, S. Congregatio scribat Archiepiscopo, sed satis est, si nomine S. Congregationis Minister ipse ea petat. Et Archiepiscopus consignare debet vel exempla, vel autographa scripturarum, ac processuum Ministro S. Officii iuxta eius petitiones & in casibus à iure permissis, cum hac tamen conditione, ut quotiescumque Minister autographis usus fuerit, dimisso exemplo collationato in actis S. Officii, illa restituat Tribunali Archiepiscopi. Non vero debet petere autographa processuum, inconsulta S. Congregatione, cum iuxta stilum S. Officii regulariter sufficiant exempla authentica actorum.

Minister manutenere se debet in quasi possessione, quam habet, praecedendi Episcopos, & Archiepiscopos Regni se antiquiores, etiam in rebus non spectantibus ad iurisdictionem S. Officii.

Debet sibi obedientiam exhiberi facere non solum à Vicarijs, sed etiam ab Episcopis Regni in causis sibi delegatis à S. Congregatione.

Non deputat Consultores, Officiales, aut Ministros sine expressa licentia S. Congregationis. At de his haec tenus.

Vicarius vero Episcopalis, praesente Episcopo, in Congregationibus non habet votum decisivum, sed tantum Consultivum. Absente vero Episcopo, habet etiam decisivum. Ideo cum Episcopo potest etiam Congregationibus interesse ipse Vicarius.

Vicarius Episcopalis in subscribendis sententijs, licentijs librorum, & alijs, praecedit Vicarium S. Officii.

Vicarius S. Officii potest exercere Officium, si sit triginta annorum, & potest ferre sententias absolutorias absque Vicario Episcopi.

Vicarij S. Officii non debent devenire ad sententias, vel ad rigorosum examen, neque ad alium actum irretractabilem, Inquisitore irrequisito, & non certiorato. Non enim possunt integros processus formare, nisi de speciali commissione. Tenentur etiam ex praxi certiores reddere Inquisitores, eorumque mandata exequi, non autem immediate scribere ad S. Congregationem.

Vicarij S. Officii sunt immunes à solutione litterarum concernentium materiam S. Officii, & deputantur tantum in locis, in quibus resident Vicarij foranei Curiae Episcopalis.

Vicarij S. Officii quando debent egredi e Conventu pro negotijs S. Officii, non tenentur hoc notificare Priori Conventus.

Vicarij S. Officii an sint exempti à iurisdictione Ordinarii? fuit dictum, nihil esse resolvendum in genere, sed iuxta casum contingentiam procedendum.

Vicarius Episcopi praestet iuramentum secreti servandi coram Episcopo, & Inquisitore coniunctim.

Vicarij S. Officii à Provinciali cum licentia S. Congregationis, & cum consensu Inquisitorum, à quibus sunt deputati, removentur.

Vicarijs S. Officii computatur tempus, quo serviunt S. Officio pro tempore, quo munus Lectoris exercere deberent in Religione.

Vicarij S. Officii non forment processus, inconsulto Inquisitore, sed tantum recipiant denunciationes, & reddant certiorum ipsum Inquisitorem. Neque habent facultatem subijciendi reos torturae.

Vicarios S. Officii, delinquentes contra Constitu-



tiones Religionis, & bonos mores an possit corrigere Provinciales Lombardiæ, Sanctissimus mandavit servari ordines generales S. Congregationis.

Vicarij S. Officij præcedunt Vicarios Episcopi quando Episcopus est præsens in Congregatione. Quod obtinet ubi intervenit tantum Vicarius, & non Inquisitor.

Vicarij S. Officij non amoveantur ab illo sine cuius licentia nequeunt novi deputari Generali, nisi prius facto verbo in S. Congregatione ut successor deputari possit.

Vicarium S. Officij præcedit Prior Conventus Consultor, qui etiam præcedit Lectorem primarium Consultorem.

Vicarius Episcopalis, si non potest Congregationibus, & alijs S. Officij actibus interesse non potest alium in suum locum substituere, sed Inquisitor solus procedat: alia sparsim.

### CONSULTATIO CXXX.

*De Inquisitorum Consultoribus. Quales esse debeant. A quo eligendi. In quibus casibus ab Inquisitoribus vocandi. Quænam eorum suffragia, merces, Obligatio, ac pœna in non servando secreto. A quo puniendi. Eorum privilegia. Quatenus esse possint Advocati fiscales S. Officij, vel eorum, Ubi ad rem effata.*

Quemadmodum non mediocris est temeritatis suorum iudicio velle cuncta Reipublicæ negotia administrare, ita quoque summæ est imprudentiæ promiscuè Consiliarios ad consultandum admittere, nulla habita donorum naturæ & animi ratione. Natura enim suum cuique ac genuinum quiddam ingeneravit. Ideoque Siracides Eccles. 37. non omnia omnibus expedire ait.

Sint itaque Consultores S. Officij viri graves, probe iudicij, diligentes, ita, ut se pares negotijs ostendant, senes potius, quam iuvenes, qui tamen virtute, integritate, prudentia præstent, veritatis amantes, ac studiosi, constantes. Nihil enim est, quod tam deceat quam in omni regerenda, consilioque capiendi servare constantiam. Sint denique probatæ vitæ, Doctores theologi, vel Canonistæ aut Jurisperiti fidei fideique Catholicæ Zelatores, quorum sententia utique necessaria sit, Sententia etenim absque ad stipulatorem solitaria, molimine proprio facile labitur, atque deerrat. Quæ verò Consultorum cautionibus comprobatur, tutò ipsa constituitur. In huiusmodi autem electionibus virtus semper præ oculis habenda est. Alij esse debent Theologi, ut propositionum gradus, & qualitates rectè expendantur. Alij Doctores utriusque iuris, ut in ordine iudiciario ritè ac rectè absolvantur absolvendi, damnentur condemnandi, eligique possunt non solum Ecclesiastici seculares & regulares, sed etiam laici etiam coniugati, nam etiam laici qualis fuit Carena ipse, in causis Ecclesiasticis ac spiritualibus consilium dare possunt, ut ait Innoc. in cap. 2. iudic. ibique Ostiens. ac cæteri. Quod non procedit in Regno Lusitanæ, quia ibi Consultores habent votum decisivum & in sententijs se subscribunt, teste Sousa in aphorism. S. Offic. lib. 1. cap. 1. n. 14. Eligi etiam possunt plures, quia, ut ait Salomon proverb. cap. 11. & 24. Erit salus ubi multa consilia sunt, & annotat Pegna in direct. p. 3. com. 126. vers. Cæterum. Nec in ijs requiritur ætas 40. annorum, Sous. lib. 1. aph. cap. 1. n. 14.

Regulariter eligi possunt ab Inquisitoribus, quia ipsi cognoscunt, quinam sint ad hoc munus idonei, refert-

que Carena p. 1. tit. 8. §. 1. n. 3. & 4. in multis civitatibus de facto ab eis deputari. Hodie tamen in omnibus ferè Civitatibus tam Consultores, quam Advocatus fiscalis, & Notarius nominantur ab Inquisitoribus, & eliguntur ab Em. Cardinalibus supremæ Inquisitionis, & sæpe etiam absque Inquisitorum nominatione eliguntur ab ipsa S. Congregatione, à qua dependent, & sine cuius licentia nequeunt novi deputari, neque ab Inquisitoribus removeri possunt; nam actus tribuitur confirmanti, ut probat Surd. cons. 385. n. 33. vol. 3. & Boron. tom. 1. cap. 18. n. 2. Et si renunciare voluerint, eisdem Cardinalibus facienda est renunciatio, iuxta doctrinam Bartol. in l. fin. C. de à cap. defens. civit. Renunciatio enim Officij fit in manibus illius, qui illud contulit, ut per Gemin. cons. 127. Nec solum vocandi sunt quando ferenda est sententia condemnatoria, sed etiam in absolutoria, ut docet Brun. lib. 4. de hæret. cap. 10. & Pegna loc. cit. vers. periti verò, ubi addit, non modò vocandos esse cum sententiæ ferendæ sunt, verum etiam quoties in alijs iudicijs occurrit aliqua difficultas, vel circa testes, vel circa delatos, aut in alijs quibuscunque articulis. Solent enim emergere dubia, an testes bene probent? an reus torquendus sit? an ob eius verba, vel facta sit vehementer, vel leviter de hæresi suspectus? an sit condemnandus, anve absolvendus? & his similia. Quibus in casibus possunt quoque Inquisitores cogere, si oportuerit, Consultores, ut sibi assistant, & consilium præbeant. Quod probat Eymer. d. p. 3. direct. q. 77. ex cap. ut commissi §. advocandi de hæret. in 6. & præsertim ante rei sententiam debent illos requirere. Verum si causas minimè graves Inquisitores, inauditis Consultoribus, expedirent, non iccirco male se gererent, sed validè sententiam ferrent. Quia in tali casu consilium præsumitur præcipi, ut licitè actus fiat, non ut validè. Unde in cit. cap. Ut commissi dicitur, Vocandos esse peritos prout expedierit. Non ergo vocandi quando ab Inquisitoribus iudicatur, non expedire.

Quamvis autem de iure communi non sit prohibitum, patrem & filium esse simul Consultores, sicut nec duos fratres, tamen admitti non debent ob periculum, quod alterius votum non sit omnino liberum. Et ideo, S. Congregatione inconsulta, hos Inquisitores eligere non debent, quæ si eos admiserit, solet rescribere, ut ambo simul non convenient.

Eorum suffragia in Regno Lusitanæ sunt decisiva, ex Sousa loc. cit. & lib. 2. cap. 36. n. 9. Et ita esse dicendum in alijs locis, affirmant Decian. lib. 5. cap. 14. n. 10. Zanard. in direct. theol. p. 2. cap. 6. q. 42. Albertin. q. 26. cond. l. 15. Homobon. de statib. p. 1. cap. 6. Et docent esse periculosum, ac reprehensione dignum, Inquisitores in tribus à suffragio Consultorum dissentire. Primò, quando cum Consultoribus consentit Episcopus. Secundò, quando omnes Consultores sunt eiusdem suffragij. Tertiò, quando maior pars consentit erga innocentiam inquisiti. Etenim cap. Statuta de hæret. in 6. iuber, quòd Inquisitores sententijs ferant de consilio peritorum. Ubi autem lex iubet aliquid fieri de consilio, vel ex consilio alicuius, illius consilium est petendum, ac sequendum, ut per Eymer. p. 3. q. 78. Albert. in cap. quoniam q. 10. de hæret. & de agnosc. d. q. 26. n. 11.

At verò alij communiter docent, Consultorum suffragia in hoc Sacro Tribunali esse tantum consultiva, non autem decisiva. Ita Bartol. in aphorism. list. V. verb. vota Consultorum, Lucern. Inquis. v. Advocatus 4. ibique Pegna in annot. Zech. in sum. tom. 1. de hæret. cap. 11. n. 14. Royas eod. tit. p. 1. n. 409. innot. n. 422. ubi notat per Procures supremæ, ac generalis Inquisitionis hoc esse declaratum, & iam usu, & consuetudine receptum, Farinac. de hæres. q. 185. n. 193. Diana p. 4. tr. 8. res. 38. Carena loc. cit. n. 52. Salell. lib. 1.



*lib. 1. cap. 2. n. 22. & p. 2. n. 166. Symanch. tit. 41. n. 14. Burlat. lib. 1. cons. 90. n. 36. & 49. Trevisan. lib. 2. dec. 35. n. 1. alijque.* Est indubitatum, ac confirmatum praxi, ac litteris S. Congregationis apud Carenam *p. 1. tit. 8. n. 53.* Nullibi enim in iure legitur decretum, quod huiusmodi suffragium sit decisivum. Et regula illa communiter rejicitur. Solum enim videtur importare necessitatem saltem petendi consilium. Ideoque advocandi sunt, prout expedierit, qui modus loquendi non importat necessitatem, sed arbitrium Inquisitorum. Et ita etiam habetur ex instructione Maduliana apud Pegnam.

Consultus tamen, & tutius esse, non discedere à Consultorum suffragio, monet Pegna *loc. cit.* quod Carena *n. 54.* approbat, ut Inquisitor sine ratione non discedat à suffragio Consultorum. Quod sanè verissimum puto. Quia Inquisitorum arbitrium debet in hoc esse rationabile. Unde si non adsit ratio, ex qua ostendatur Consultorum suffragium discedere à veritate iuris, non debet Inquisitor illud rejicere. Hoc enim esset recedere à veritate, & à regulis iuris. Fateor tamen, dari casus, in quibus Inquisitor, salva conscientia, non potest sequi suffragium Consultorum. Cæterum etiam in casu, in quo suffragia sint conformia & etiam sic illis conveniat Episcopus, Inquisitor conscientia suæ consulere debet, & tunc poterit consulere supremum Tribunal S. Inquisitionis, illique statum causæ proponere, & eius definitionem expectare.

Nam Inquisitorem, si erret, nec coram Deo, nec coram hominibus excusari, sed puniendum esse, non obstante, quod Consultorum suffragio ductus fuerit in definiendis causis fidei, tradunt Pegna *in. p. 3. direct. com. 126. Royas de heret. n. 424. Farin. d. q. 185. n. 194. & Caren. d. tit. 8. n. 56. & seq.* Debet itaque Inquisitor ipse merita causæ perpendere, ac diligenter examinare, nam ipse Deo, ac hominibus rationem redere debet de actionibus suis, absque eo, quod excusetur, quod vota Consultorum sequutus fuerit. Et propterea finge, quod Episcopus, & Inquisitor procedant ad sententiam non solum se non conformando suffragio Consultorum, sed neque eos ad consilium evocando, sententia est valida, Diana *d. tr. 8. resol. 38. & Carena loc. cit. n. 55.* quia ut dictum est arbitrium sit Inquisitoribus Consultores evocare. Quidquid contra dixerit Castropal. *tr. 4. dispo. 8. pun. 11. n. 3.*

Quando tamen Inquisitores sunt Theologi, illos discedendos non esse à Consultorum iuris peritorum suffragijs, & quando sunt iuris Doctores in causis fidei à suffragijs Theologorum in notandis propositionibus hæreticis, & catholicis, earumque qualitatibus expendendis, docent Pegna *d. p. 3. com. 127. vers. Cum vero Inquisitores, Bariola ubi supra, & Diana p. 5. tr. 12. resol. 38. n. 4.*

Nullam autem pro suis consilijs, & laboribus petere possunt mercedem. Quia licet Advocatus, ac juris Doctor non teneatur gratis consulere in causis forensibus ac temporalibus *ex cap. non licet 69. 11. q. 3.* Consultores tamen S. Officij gratis consulere & laborare debent, quia eorum consilia, & labores ordinantur ad bonum Spirituale christianæ Reipublicæ, & ad conservationem catholicæ fidei ad quæ quilibet fidelis gratis tenetur. Unde si aliquis pretium reciperet, reus esset peccati mortalis, putans sibi licere pretio facere, quod gratis exhibere tenetur, faciens iniuriam fidei catholicæ, quam gratis propugnare debet.

Non est autem huiusmodi Consultoribus dandus totus processus, nec publicanda sunt nomina testium, vel circumstantiæ ex quibus testes possint cognosci, sed datur summarius processus, vel eius summarius coram eis legitur, ut per Farinac. *d. q. 185. n. 196. & sic iuxta textum in cap. fin. de heret. merita processus, &*

*causæ dantur, seu integer processus dari dicitur, dato integro summario ipsius, & verum est quod tradunt Eymers. p. 3. q. 78. ibique Pegna com. 80. & Carena d. tit. 8. n. 46.* Viso autem processu, eorum partes sunt examinare, an intentio Fisci sit probata, vel potius elisa ex probationibus & exceptionibus rei, & postea secundum suam conscientiam, Dei iudicium præ oculis habentes, suffragium ferre.

Tenantur autem servare secretum in causis S. Officij. Unde in actu, quo recipiuntur in Consultores, iurant servare secretum de rebus in Congregatione pertractandis, ac de ijs, quæ concernunt causas S. Officij sub pœna excommunicationis ipso facto incurrenda à qua non possunt absolvi, nisi à Summo Pontifice. Immo, licet hoc iuramentum non emitterent, adhuc tamen ad custodiendum secretum tenentur ex multis legibus, quæ iubent, ne causæ fidei propalentur ob ingens periculum, quod inde nasci potest. Quare in cap. statutum *§. & ut eorumdem de heret. in 6.* statuitur, ut etiam Inquisitores Consultoribus indicare possint secretum in dictis causis S. Officij sub pœna excommunicationis ipso facto incurrendæ. Taciturnitas enim in Consultore huius Tribunalis, sicut & in quovis Consiliario necessaria est, cum ea sit optimum, atque tutissimum rerum administrandarum vinculum.

Et quidem consilium, inquit Festus Pompeius, à silentio dictum, quo maxime innititur. Parum enim est rectè deliberare, censere, atque consulere, nisi arcana consilia silentio obfigmentur. Ideo tam nescire quædam, quam scire oportet. Unde, quod universè Siracides ait *Ecclesiast. 20.* hic etiam obtinet. *Homo sapiens tacebit usque ad tempus, lascivus autem, & imprudens non servabit tempus.* Illud historici effatum imbibendum: *Res magna sustineri ab eo non possunt, cui tacere grave est.* Q. Curt. lib. 4. Laudantur hac in re Perse, apud quos nemo consiliorum particeps erat, præter Optimates taciturnos ac fidos, apud quos & silentij quoque Numen colebatur. Immo veteri eorum disciplina arcana Regum vitæ periculo custodiri sanxerunt. Egyptijs lex erat, quæ iubeat abscindi illi linguam, qui arcana Reipublicæ, quæ testata esse debent, alicui detexisset. Et meritò; nam in cassum sunt consilia, si antequam exequaris, detegantur. Apud Romanos verò consiliorum renunciatores aut vivi exurebantur, aut furca suspendebantur, quanquam supervacanea eiusmodi lex fuisse videatur propter ratum, probatumque in eis silentium, quippe quorum Curia in tanto alioqui numero Senatorum, silentio sic undique clausa fuit, ut non dicam unum, sed neminem audisse crederes, quod tam multorum auribus fuerat commissum, ut ait Val. Max. *lib. 2. cap. 2.* Quin etiam singulorum pectora æquè silentij salubritate munita. Exemplo sit Pompeius, qui dum legationis Officio fungeretur, à Gentio Rege interceptus, cum Senatus consilia prodere iuberetur, ardenti lucernæ admotum digitum cremandum præbuit, eaque patientia Regi simul, & desperationem tormentis quidquam ex se cogoscendi excussit, & expetendæ populi Romani amicitia magnam cupiditatem ingeneravit. Mirus profectò, ac stupendus viri animus tali taciturnitate obfirmatus. In Senatu igitur S. Tribunalis gesta, dicta, iudicata æterno silentio tegunto. Nihil iniussu Pontificis summi revelante. Hoc ipsum secretum servare iurant ipsi Inquisitores, Episcopi & Eminentissimi Cardinales supremæ Inquisitionis. Quod si Consultores violent secretum, puniri possunt per Inquisitores, & haberi tanquam impediens S. Officium, ut per Pegnam *d. par. 3. com. 291.*

Ob hoc tamen iuramentum non prohibentur Consultores extra Congregationem inter se loqui & cum ministris S. Officij, qui simile iuramentum de secreto servando præstiterunt, alijs tamen non audientibus, de meritis



meritis causarum in Congregatione sibi propositarum ut per Zanardum, *Lucernam Inquis. loc. cit.* & Bardon. *d. tom. 1. cap. 38. num. 24.* Notat etiam Carena *p. 1. tit. 8. §. 1. num. 63.* quod, lata & publicata sententia, Consultor potest dicere: Ego fui in tali voto, dummodo non adsit scandalum, & illi, quibus Consultor votum suum revelat non possint in cognitionem voti aliorum Consultorum devenire, neque adsit periculum ex tali revelatione excitandi rixas, & contentiones. Vota verò aliorum nunquam ei licet revelare. Summoperè igitur caveri debet, ne fiat aliquod præjudicium causis S. Officij. Forma autem juramenti præstandi habetur apud Malinum *in praxi p. 9.*

Præter autem Consultores eliguntur Qualificatores Theologi, qui examinent propositiones, & discernant, quæ sint hæreticæ, vel erroneæ, vel temerariæ, aut sapientes hæresim, vel scandalosæ. Horum tamen Qualificatorum major necessitas est in Hispania. ubi Inquisitores sunt Jurisconsulti. Sed in Italia, ubi Inquisitores sunt Theologi, & ex ipsis Consultoribus, aliqui etiam sunt Theologi, rariùs consuluntur Qualificatores.

In hanc rem parerga. Tam Eminentissimi Cardinales, quàm cæteri Officiales suffragium ferentes in causis S. Officij etiam si interveniat pœna sanguinis, irregularitatem non contrahunt.

Debent servare secretum sub pœna excommunicationis latæ sententiæ. Et tamen restricta ad ea, quæ propalantur in præjudicium S. Officij.

Debent ab initio præstare juramentum de fidelitate ac silentio servando sub pœna excommunicationis latæ sententiæ, à qua non possunt, nisi à Summo Pontifice absolvi,

Revelantes S. Officij secreta, & quæ dicuntur in Congregationibus, præter excommunicationem, quam ipso Facto incurrunt, puniuntur ac si offendifsent propriam personam Summi Pontificis.

Ipsi Cardinales ne possunt quidem reddere certiores alios Cardinales absentes de rebus in Congregationibus tractatis sub pœna excommunicationis latæ sententiæ, cuius absolutio est pariter Summo Pontifici reservata. Quod silentium servare debent, etiam post publicatum processum, ita ut nemo ex Cardinalibus generalibus Inquisitoribus possit Officialibus, alijsve concedere licentiam, ut loquantur de ijs, quæ dictas causas concernunt.

Servari debet sub eisdem pœnis circa ea, quæ in Congregationibus coram ipso Pontifice dicuntur, etiam occasione alicujus sermonis non spectantis ad causas S. Officij.

In causis S. Officij servandum est secretum, etiam ipsis causis finitis.

In rebus S. Officij tenentur secretum etiam servare inter se conjuges, quando fuit eis injunctum cum juramento.

Is, cui sub Sigillo secreti naturalis fuit commissum homicidium patraturum in personam Inquisitorum vel Consultorum S. Officij, potest cogi ad veritatem faciendam.

Quod verò ad Consultorum punitionem. si deliquerint, vel talis Consultor, etiam regularis, delinquit in officio S. Inquisitionis, & ab Inquisitore puniendus est; quia ratione illius officij eximitur à suo Superiore ordinario, fitque subditus ipsi Inquisitori sicut parochus regularis ratione Officij parochialis fit subditus Episcopo *cap. 1. & cap. 9. de privil. in 6. & Concil. Trid. sess. cap. de reform.* Quisque enim fit de foro alterius ratione delicti dependentis ab illius jurisdictione *cap. fin. de for. compet.*

Vel delinquit extra hoc officium in regularibus observantijs, & puniendus est à suo superiore regulari à cujus subjectione non eximitur ob officium Consulto-

ris. Alioquin sequeretur, quòd posset omnino se eximere à subjectione sui Prælati, quòdque nullatenus teneretur ei obedire, quia subjectio major est quòd ad superioris punitionem, quàm quòd ad regularem observantiam, & disciplinam; majorque ac efficacior est subjectio Regularis erga suum superiorem, quæ oritur ex obligatione naturali perpetua voti obedientiæ, quàm erga Inquisitorem, cujus subjectio est accidentalit ad tempus, amovibilis. De Consultoribus verò secularibus alibi dictum est, ac mox dicetur.

Privilegia verò Consultorum S. Officij hæc sunt. Si Consultor est Canonicus, dum actu est in Congregationibus S. Officij, vel est absens ex causa ad S. Officium spectante, lucratur distributiones, quæ debentur solis interessentibus. Nam si hæ distributiones dantur Clerico absenti pro evidenti utilitate Ecclesiæ, ut *ex cap. un. de Cleric. non resid. in 6.* multò magis dari debent Consultori, qui est absens pro necessitate defensionis causæ fidei in destructionem hæresis.

Gaudet etiam privilegio fori Tribunalis S. Officij in causis criminalibus, & in multis locis etiam in civilibus, ut cum de iurisdictione Inquisitorum iam diximus. Assistentes verò non solum in causis hæresis, sed etiam in quacunque causa criminali, quæ coram Inquisitore tractatur suffragium possunt ferre contra reos, quo damnentur, etiam usque ad mutilationem membri, & ad pœnam capitalem inclusivè absque alicuius censuræ, vel irregularitatis incurso, ex Constit. Pauli IV. edita 29. Aprilis 1557. confirmata à B. Pio V. ut testantur Locatus *in judicial. Inquis. tit. de decretis*, Pegna *p. 2. direct. com. 20. vers. Quamquam autem.*

Possunt non ad libitum, sed ex rationabili causa impune deferre arma. Nam Inquisitores habent privilegium habendi familiam armatam ex Clem. *nolentes de heret.* & ex Constit. Ioannis XXII. In eorum autem familia numerantur Consultores.

Quotiescunque consilium præstant, vel Congregationi aut abiurationi assistunt, indulgentiam trium annorum lucrantur ex Constit. 16. Alexandri IV. Et si in prosecutione sui Officij mortem obierint plenam indulgentiam consequuntur ex Constit. Urbani IV. Immo Masinus *in suo Arsenali fol. 11.* ait, quòd Consultores alijsve in quolibet actu ad causas S. Officij spectante, indulgentiam omnium peccatorum adipiscuntur ex Concilio Lateranensi sub Innocentio III. & ex Brevi Pauli V. dato 29. Julij 1611. Quod etiam notat Bordon. *loc. cit.*

Regulares sunt etiam exempti à superioribus suis in ijs, quæ pertinent ad S. Officium, nec possunt impediri, quin accedant ad Congregationem, vel ad abiurationem reorum neve exequantur quæ ab Inquisitoribus eis imponuntur. Neque removeri possunt à Conventu ad Conventum quando Inquisitores indigent eorum consilio. Verum si ipse Consultor sponte removeri veller, potest alibi discedere, ac etiam renunciare Consultoris Officium, quod non confertur invito, neque ab invito exercetur.

Et quamvis aliqui voluerint, quòd ex Consultoribus aliquis esse possit Advocatus fiscalis S. Officij, vel Advocatus reorum ex praxi, quam probat Carena *p. 1. tit. 9. §. 2. n. 19. & seq.* eligique soleat ab Em. Cardinalibus supremæ Inquisitionis, possitque alter ex Consultoribus esse rei advocatus ad ipsius petitionem, ut inquit Soufa *in aphorism. lib. 2. cap. 3. n. 8.* Caren. *loc. cit. tit. 10. §. 1. n. 4.* qui etiam testatur sæpe vidisse in rei advocatum aliquem ex Consultoribus deputari, quo in casu non posse Officium Consultoris exercere, neque ipsius suffragium in tali causa ferre, iidem Doctores dicunt. Nihilominus ex decreto S. Universalis Inquisitionis Consultores S. Officij non possunt fungi Officio Advocati reorum eiusdem S. Officij, ut de-



ut decretum 4. Aprilis 1601. Neque munus Procuratoris eorundem reorum suscipere, ut etiam decretum 10. Februarii 1707.

Effata sunt huiusmodi. Consultores non possunt accipere sportulas pro ferendis suis suffragiis in causis S. Officij.

In expediendis causis non in scriptis, sed ore tenus ferre debent suffragia.

Debent gratis interesse Congregationibus.

Non debent eis dari autographa processuum reorum, sed tantum summaria causarum, suppressis reorum ac testium nominibus.

Non sunt gravandi oneribus militaribus.

Debent summaria processuum, causis propositis ac expeditis, ad S. Officium deferre.

Lucrantur distributiones funebres, Quando non possunt actu funeri ac mortuarijs interesse. Inquisitor tamen Congregationes habere non debet, quando funera fiunt.

Extra Urbem non habent facultatem legendi libros prohibitos.

Pro tempore, quo Congregationibus interfunt, lucrantur distributiones quotidianas.

Debent sedere in locis suæ dignitatis, non autem secundum antianitatem. Et is, qui est Protonotarius non gaudet privilegijs Protonotariorum, nisi incedat in habitu. Ubi verò est consuetudo quòd sedeant secundum antianitatem nullo habito respectu ad Dignitates, non est immuranda.

Eorum hæredes tenentur post illorum mortem sub pena excommunicationis tradere quascunque scripturas ad S. Officium quomodolibet spectantes ad S. Officium.

Ipsis, ipsorumque famulis inservientibus conceditur licentia deferendi arma, non autem eorum consanguineis, neque affinibus loco familiarium.

Deputari non possunt pœnitentiarij Cathedralium, ne pœnitentes ob suspicionem S. Officij retrahantur à confessione peccatorum.

Novi non possunt deputari absque licentia S. Congregationis, & ubi sunt eorum numerus reducendus est ad septem.

Debent habitare in civitatibus, in quibus resident Inquisitores.

Habent facultatem sibi eligendi unum famulum, qui deferat arma. Id tamen non permittitur Consultoribus regularibus.

Consultores, Commissarii, Qualificatores in Hispanijs non gaudent indulto exemptionis à residentia, ministris S. Officij concessio, nisi morantes in proprijs locis, ubi, habent residentiam, & pro illis horis tantum quibus actu exercentur in negotijs S. Officij; Nec debent deputari Consultores, Commissarii, vel Qualificatores extra loca, & Civitates, in quibus ratione suorum beneficiorum tenentur residere. Solus tamen Commissarius, tanquam valde impeditus, gaudet huiusmodi exemptione ex tolerantia, sive concordia inita cum Ecclesijs.

In præcedentia inter Consultores Canonicos Cathedralis, & Consultores Regulares in ferendo suffragium in Congregationibus S. Officij servari debet consuetudo.

Contra Consultores S. Officij Neapolitani Archiepiscopus non exercet suam iurisdictionem in causis criminalibus, neque in civilibus.

Reliqua cum de familiaribus S. Officij differemus.

## CONSULTATIO CXXXI.

*De Advocato fiscali S. Officij. De ejus necessitate. A quo eligatur, & qualis. Eius munus. In quibus actibus præsens esse debeat. Qua de causa recusari possit, tanquam suspectus. De eius iuramento calumniæ; Deque eius appellatione à sententia Inquisitorum, ac de obligatione recipiendi depositiones testium, tam contra inquisitum, quam pro Inquisito.*

**N**ecessariò in Tribunali S. Inquisitionis dandus est Advocatus, sive Procurator fiscalis. Dum enim in omnibus causis, in quibus de utilitate ac iure Fiscus agitur, sive causæ sint civiles, sive criminales deputatur Advocatus fiscalis ex Imperatorum statutis, isque dicitur, qui causas agit publicas, & principes, & ea, ex quibus etiam compendia in Fiscum deferuntur, qui accusat, & defendit in quantum Reipublicæ interest sine periculo calumniæ. *L. Fiscus Advocatus 3. C. de Advoc. Fisc.* multò magis necessariò depurandus est in S. Tribunali, in quo agitur de christianæ & catholicæ fidei conservatione ac defensione contra hæreticas pravitates. Qua de re nemo dubitat, ut advertunt Symmach. *de Cathol. instit. tit. 53.* Param. *de orig. S. Inquisition. lib. 3. quest. 9. numero 15.* alijque communiter.

Et sicut in alijs Tribunalibus civilibus, & criminalibus Advocati fiscales à Principe creantur, ut notant Mathil. *libro quinto de Magistrat. cap. octavo numero 85.* Tap. *in jure Regni Neapol. lib. secundo de offic. Advoc. & Procur. Fiscal. numero duodecimo*, ita in Sac. Tribunali eligitur à summo Pontifice, vel à suprema S. Officij Congregatione, ut per Caren. *p. 1. tit. 9. §. 2. numero 19.* Verùm hodie Inquisitores eligunt Fiscalem S. Officij, ut declaratum à S. Congregatione 17. Martij 1606.

Esse autem debet vir probatæ vitæ, zelator fidei, juris peritus, ac præcipuè versatus in cognitione delictorum ad S. Officium spectantium, pœnarum & Constitutionum quæ in materijs Tribunalis editæ sunt.

Ac sicut etiam Advocatis fiscalibus Principis maxime commendatur Principis iurisdicção, ut notat Bobadil. *in polit. lib. 2. cap. 12. numero 4.* ita quoque Advocatis fiscalibus S. Officij diligentissime commendatur iurisdicção S. Tribunalis. Eorum autem munus est porrigere accusationes contra hæreticos post assumptam summariam informationem contra eos, dicta testium exquirere, libros denunciationum revolvere, ut quos reos cognoverint, possint coram Inquisitoribus instare, ut carceribus mancipentur, ac de his pœnis mulctentur; processus, qui contra reos instituuntur, diligenter scrutari, ut relationis tempore possint tam in facto, quam in jure, quæ requiruntur allegare; ac denique coram Inquisitoribus instare debet, ut edicta fidei sæpius promulgentur.

Porro praxis S. Inquisitionis in Regnis Hispaniarum est, ut ait Carena *loc. cit. §. 4. numero 39.* ex Symancha *tit. 53. numero 10.* quòd Fiscalis, si vult



in Congregatione præsens esse relationi actorum & ibi allegare in jure & in facto, id ei conceditur. Abest verò cum testium dicta scribuntur, rataque habentur, & cum Judices, & Consultores de sententia ferenda deliberant. Quod est magis conforme dispositioni juris communis, secundum quam cum testes examinantur, vel repetuntur, vel per eos rata habentur depositiones, non potest Advocatus fiscalis esse præsens, quemadmodum nec potest præsens esse cum reus torquetur, ut pluribus allegatis probat Afflict. in *Constit. Regn. lib. 1. rubr. 61. in consil. questiones nu. 5. & seq.* Quia sicut in examine testium, abesse debent partes, & in actu torturæ accusator, ita debent abesse Advocati partium, & accusatoris, ideoque in Regnis Hispaniarum ex allegata consuetudine abest Fiscalis cum dicta testium scribuntur, vel rata habentur.

Verum in S. Inquisitionis Tribunali hæc non servantur. Nam licet examini testium Advocatus fiscalis non intersit, nisi ab Inquisitore vocatus, attamen ex decreto peculiari S. Congregationis supremæ Inquisitionis, ut ex literis Cardinalis Mellini sub die 27. Julij 1618. interest examini testium ad defensionem, eorumque repetitioni, ac etiam esse debet præsens Congregationibus, dum causa agitur, semperque esse præsens torturæ unà cum Inquisitore, qui sedet medius inter Vicarium generalem à dextris, & Advocatum fiscalem à sinistris. Quare Dauza de pugn. Doctor: sit. de offic. Fisci numero 111. ait, quod licet doctrina Afflicti in jure sit vera, ipse tamen semper vidit contrarium observari. Idemque vidisse testatur Carena loc. cit. numero 42. & seq. ubi ait, quod si ipse esset Inquisitor nunquam ad torturam deveniret sine Advocato fiscali, qui si abesset, deputeret alium Officialem Tribunalis pro illo actu.

Quamquam autem in foro seculari, in quo Advocatus fiscalis habet in causis suffragium decisivum, possit tanquam suspectus recusari, sicut quilibet ex cæteris Judicibus, ut præ alijs late probat Tap. loc. cit. tit. 33. de suspic. Official. Ubi tamen non habet suffragium decisivum, sed tantum intervenit in informatione processus, in testium examine, in rei tortura, & alijs actibus judicialibus, plerique docent, non posse in hoc casu Advocatum fiscalem ut suspectum recusari, ut Peguer. decisione 262. licet alij sustineant, quod etiam suffragium non habeat decisivum, adhuc ut suspectus recusari possit, ut Rovit. in pragmat. Regn. tit. de suspic. Official. pragmat. quinto numero 2. & Mastril. decis. 414. vol. 3. In Tribunali autem S. Officij Advocatus fiscalis non habet suffragium decisivum, cum nec illud habeant Consultores. Solus enim Inquisitor & Episcopus causas S. Inquisitionis decidunt, ideoque suspiciones Advocati Fiscalis non sunt ex regula admittendæ, eò magis quando eliguntur ad id munus à summo Pontifice, vel à supremo Cardinalium Senatu. Hujusmodi autem Officiales à Principe electi, recusari sine urgenti causa non possunt, l. un. ff. de Offic. Pref. Prator. probatque Cubed. decis. 20. numero 7. par. 1. Si tamen contra Advocatum fiscalem allegaretur, & probaretur inimicitia capitalis, ille debet à tali causa abstinere, & Inquisitor alium Advocatum fiscalem surrogare. Quod etiam tradit Caren. d. par. 1. tit. 9. §. 6. numero 60. & seq. Quibus autem ex causis oritur capitalis inimicitia, tradit Pegna par. 3. com. 116. & nos alibi fufè.

Debet autem Advocatus sive Procurator fisca-

calis S. Officij juramentum calumniæ præstare si reus ab ipso petierit. Nam hoc juramentum in omnibus judiciis, & causis præstari solet quotiescumque una pars ab altera illud petat ut ex auth. principales C. de jurejur. cap. fin. de jurejur. cap. dudum 2. de elect. Jure siquidem civili, ut malitijs & calumniis contentiosorum obvietur, summa ratione, ac publicæ utilitatis causa inductum est, quod tam Actor, quam Reus statim post lites contestationem teneantur præstare juramentum calumniæ libro secundo cum auth. seq. C. de jur. prop. ter calum. juncta Glos. v. calumnia in cap. 1. eodem & junctis ijs, quæ tradit Specul. de juram. calum. §. Nunc dicamus, quibus in locis hæc habentur plenius expressis etiam omnibus requisitis istius juramenti sive ab Actore, sive à Reo præstandi. Eodem insuper civili jure constitutum est, quod hujusmodi iuramentum calumniæ non possit à partibus litigantibus invicem remitti, cum in favorem publicum inductum sit per libr. secund. §. sed quia veremur 4. C. de jurejur. propter calumn. ubi Bartol. id notat, ac ita demum hoc procedere declarat, si partes velint illud expresse remittere, secus si tacite. Id enim bene ab iis fieri posse per textum in capit. 1. eodem tit. in 6. Præterea juramentum etiam istud per consuetudinem contrariam tolli non posse jure canonico cautum est, cap. cæterum, ubi novat Panorm. numero 13. de juram. cal. Cuius rei ratio est, quod talis consuetudo omnino esset irrationabilis arg. eorum quæ traduntur à Glos. ibidem v. veritatem in d. cap. cæterum, ubi dicitur, juramentum calumniæ inventum esse gratia dicendæ veritatis & ut timore ejus temeritas contentiosorum hominum in lites facile prorumpentium compesci posset. Finis namque juramenti hujusmodi est litium facilius, & promptior terminatio. Nam sacramenti timore contentiosa litigantium instantia compescitur. Unde patet, si consuetudo contrarium inducat, quod hæc contra veritatem fundat, & calumnias excitet, ideoque statuto non tollitur, nisi fortè ingens ejus ratio de novo emergens reddi possit, qualem adducit Panorm. in d. capit. cæterum num. 9.

Facta igitur coram Judice lites contestatione non aliter Actori, vel Reo suis allegationibus uti permittitur, nisi sacramento propter calumniam dato. Statim ergo post litem contestatam juratur de calumnia vitanda cap. 1. cap. cum causam de juram. calum. d. l. 2. in princ. C. de jurejur. propter cal. & semel tantum in tota lite. Calumniati autem est falsa crimina intendere lib. 1. in princ. ad Turpil. vel per meras frustrationes negotium differte, vel per fraudem alios litibus vexare, inde & calumniatores appellati sunt, qui per fraudem, & frustrationem alios vexarent litibus l. si calumniatur ff. de verb. & rer. signif. & calumnia pro omni petitione injusta, aut pro accusatione falsa & pro omni malitia hic accipitur, Glos. in clem. 1. de sent. & re jud. in notab. Sicque apud Justinianum generaliter scriptum §. 1. in præm. Instit. Ut per legitimos tramites calumniantium iniquitates expellat. Dicitur & juramentum malitiæ cap. 2. §. fin. de jurament. cal. in 6. Inde & calumnia dicta est illa frustratio, & vexatio litibus facta, quæ, ut restringatur, & veritas causæ manifestetur, & calumniosa petitio, ac defensio eviteretur, inductum est, ut diximus, hujusmodi calumniæ iuramentum. Utraque igitur pars jurat de calumnia vitanda, & non quod sciat, sed quod credat se justam causam facere: Est autem hoc juramentum



non de scientia, sed de credulitate, & iccirco nullus poterit conqueri, quod compellatur dejerare.

Ergo similiter hoc iuramentum præstandum est ab Advocato, sive Procuratore ipsius rei ob dictam rationem, ne veritas occultetur. Quod si ille jurare recusaverit, cadit à causa, & actione advocandi, sive procurandi, & reus habetur pro confesso, ac per sententiam condemnatur lege 2. §. *quod si reus C. de jurejur. propter calum. cap. fin. de juram. calum. §. primo* & observat cum aliis Ricc. *decis. 56. Cur. Neapol.* sed hæc pœna non habet locum in causis beneficialibus, ne exinde deur vitiosus ingressus, neque in criminalibus, in quibus non fictæ, sed luce meridiana clariores probationes requiruntur Castr. *in legem secundam §. quod si actor numero 5. C. de jurejur. propt. calum.* ubi & alij, uti sunt probationes, quæ fiunt in S. Officio, neque ipso jure committitur, neque ad hæredes transir, nisi sententia declaratoria intervenerit, Gail. *obs. 86. libri primi per totam.*

Potest tamen Advocatus, sive Procurator S. Officij appellare ab Inquisitorum sententia. Fiscum enim posse appellare in causa criminali à sententia contra se lata, nulla lege prohibetur. Immo habere speciale privilegium faciendi irritare sententiam contra se latam, probatur *ex leg. 1. C. de sent. contra Fiscum lat.* Et quod possit appellare à sententia lata pro Rei libertate, licet libertas sit favorabilis, colligitur *ex l. istud 2. de appell.* Quia Fiscus de jure communi appellat, ut docent de Franch. *decisione 148. numero 6. & 7. & decis. 270.* Grammat. *decis. 14.* Jamfred. *dec. 29.* Thoming. *decisione 21.* & alij, quos sequitur Ricc. *loc. cit. dec. 81.* ubi refert pluries in Curia Archiepiscopali post Rei appellationem ad Papam, fuisse à delegato revocatam sententiam Curia, & Fiscum appellasse, ad ejusque instantiam fuisse iterum causam commissam. In omnibus itaque casibus, in quibus dari potest appellatio, concedi etiam debet Advocato, & Procuratori fiscali S. Officij, dum nulla de jure reperiatur in hoc S. Tribunali illius prohibitio. Quod etiam asserit Carena *p. 1. tit. 9. §. 5. num. 50.*

Tenetur autem idem Advocatus, sive Procurator fiscalis recipere depositiones testium, tam quæ sunt contra inquisitum, quam quæ in illius defensionem, ex illa juris conclusione, quod dictum testis accipiendum est cum omnibus suis qualitatibus. Quod intelligendum est quatenus illæ qualitates respiciant factum. Nam depositio testis censetur individua, nec potest partim acceptari, partim rejici, sed aut in totum acceptari, aut in totum rejici; ut docent Alex. *conf. 87. numero 1. vol. 1.* Jason *in l. Pomponius 13. §. cum quis numero 13. ff. de acquir. posses. ac ceteri.* Si verò illæ qualitates non sint juris, nec jus respiciant, possunt utique reprobari, impugnari, ac rejici, licet in parte principali, acceptentur ut probat cum Iafone & aliis Ricc. *loc. alleg. decis. 88.* Quia talis reprobatio, sive impugnatio fit à lege, non ab homine, lex enim illas reddit invalidas, & nullas. Neque est absurdum acceptare partem, quæ approbatur à lege, & reprobare eam; quæ reprobat.

Insuper depositiones testium eatenus attenduntur, quatenus factum respiciunt. Testis enim deponeere debet de ijs, quæ sensu corporeo percipiuntur, & sic quæ sunt facti, *cap. testes, ibique Tom. I.*

Glof. v. qui noverunt, & viderunt 3. quest. 9. & l. qui testamento 20. §. & veteres ff. de testam. ubi Bartol. numero 1. Iason *in lib. 1. numer. 15. ff. si cert. petat.* Mascard. *de probat. concl. 1166. numero 4.* non vero de ijs, quæ sunt juris, & non pendent ab ejus potestate l. confessionibus ff. de intent. act. l. Neratius §. fin. ff. ad Aquil. Grammat. *dec. 81. numero primo* Decian. *conf. 10. numero 84.* Menoch. *conf. 948. numero 34.* Surd. *conf. 5. numero 42. & conf. 552. numero 23.* alijque. Ac proinde omne id, quod de jure à testibus refertur in ea parte, quæ de jure non subsistit, potest ab Advocato, & Procuratore fiscali S. Officij rejici ac impugnari.

## CONSULTATIO CXXXII.

*De Advocato, & Procuratore heretici, ac suspecti de heresi; ejus munus. Quis, qualisve. Quid de heretico pertinaci. Cui dandus. Quatenus & à qua sententia possit appellare, ac recusare Inquisitorem.*

ET sanè inquisitus vel est de heresi confessus, vel convictus, vel nec confessus, neque convictus. Si primo modo nulla est obligatio, aut necessitas ei concedendi Advocatum, neque Procuratorem, neque alias defensiones, ut per Eymer. *par. 3. direct. de defens. reor. numero 117.* ibique Pegna *com. 28. sub initio*, Campeg. *ad Zanchin. de heret. cap. 9. vers. judiciorum vero*, Locat. *in Judicial. v. defensiones numero 1. & alij.* Nam Advocatus, & Procurator conceduntur, quando reus defendi potest. Quare si reus per propriam confessionem, vel per testium probationes est de crimine convictus, defendi non potest. In notorijs enim, & manifestis delictis non dantur defensiones. Nulla autem clarior, aut efficacior probatio reperiri potest, quam rei confessio, ut tradunt Roman. *conf. 329. numero 11.* Alex. *libro primo conf. 13.* Felin. *in cap. 1. de except. & in cap. Cum super de re judic. & Bald. in auth. Sed novo jure C. si certum petat.*

Et quanquam in alijs delictis sola delinquentis confessio non sufficiat, nisi etiam de corpore delicti constet *ex lib. 1. §. Item illud ff. ad S. C. Bald. in auth. Sed novo jure C. de serv. fugit. & Angel. in leg. 1. C. de confes.* In crimine tamen heresis ex sola Rei confessione ad eius condemnationem procedi potest. Quia cum crimen heresis mente committatur, & in animo lateat, nequit manifestius probari, quam per propriam Rei confessionem, ut notat Bald. *in l. siquis non dicam C. de Episcop. & Cler.*

Verum quia Tribunal S. Officij Inquisitionis est summè misericors, & quia defensiones sunt de jure naturæ l. ut vim ff. de just. & jur. l. quoties C. de precib. Imper. offer. Clem. *pastoralis §. cæterum de sent. & re judic.* & quia etiam contra propriam confessionem possunt multa opponi, ut docent Clar. *in pr. tr. §. fin. q. 55. & 64.* Pegna *loc. cit. & alij*, ideo, non obstante propria confessione, offerri solent inquisito, etiam confesso, aut convicto defensiones, & Advocatus, ne unquam injustè se condemnatum conqueratur, ut per Symmach. *de cathol. instit. tit. 17. de confes. reor. numero 222.*



mero 53. & seq. Pegna d. com. 28. vers. Et quanquam.

Si verò inquisitus non sit de hæresi confessus, neque convictus, dandus est ei Advocatus, qui non sit de fide suspectus, neque ex malo genere natus, sed ab originarijs Christianis stirpem ducat, ut notat Pegna eod. loc. vers. Utergo. Sit etiam vir probus, utriusque juris peritus, & in rebus ad S. Officium spectantibus apprimè versatus, qui antequam Rei defensionem suscipiat, jurare debet, se fideliter juxta veritatem eum defensurum, & religiosè custoditurum secretum eorum, quæ audiet, videbitque ad S. Officium spectantia. Talis autem Advocatus nullo modo est reo denegandus, si illum petierit. Non permittitur tamen defensiones fieri extra carceres, sed debent fieri in carceribus secretis. Interdum verò potest permitti, etiam si causa sit gravis. Neque ipsis danda est copia processus offensivi, nisi facta per ipsos obligatione de illa restituenda post expeditionem causæ. Unde Inquisitores in formula juramenti præstandi ab Advocatis, & Procuratoribus reorum S. Officij addere debent, quod expedita causa, restituant S. Officio copias processus, & scripturarum, & quod in originalibus informationibus facti & juris apud eos existentibus deleantur nomina personarum.

Hujus autem Advocati munus est totis viribus reo persuadere, ut veritatem fateatur, & commissum crimen Inquisitori manifestet, pœnitentiam humiliter postulet, ac quidquid reus responderit Fiscali manifestare, legitimis tantummodo modis reum defendere, sique cognoscat ejus causam esse injustam, omnino eam deferere, in juris allegationibus brevem esse, sequi modum Advocati fiscalis ac post expletam suam advocationem restituere processum, sibi ab Inquisitore consignatum. Quod annotant Soula in aphor. libro 2. cap. 30. numero 10. Castropal. p. 1. rr. 4. disp. 8. pun. 6. numero 5. Caren. p. 1. tit. 10. §. 2. numero 6. & seq. tradiderat antea Symanch. de cathol. instit. tit. 5. rubr. de Advocatis nu. 3. & 4. & Locat. v. Advocatus num. 1.

Quod si non adesset, qui reum defendere vellet, poterit Inquisitor censuris compellere Advocatum ut in illius causa patrocinetur, ut firmiter Bobadil. in polit. lib. 2. cap. 17. num. 103. Carena loc. alleg. num. 9. Narbon. in recopil. lib. 4. tit. 1. leg. 20. gloss. 22. num. 63. Diana p. 5. rr. 10. resol. 53. num. 5. Et iste Advocatus mercedem accipiet à reo, si pauper non sit, si verò sit pauper, teneatur patrocinari gratis, ut per Symanch. loc. cit. num. 6. & 7. Carena ibidem. num. 10. & ita servatur in praxi. Pluraque alia vide alibi, cum de carceratis ageremus.

Non obstat cap. fin. de hæret. in 6. in quo conceditur Inquisitoribus, ut absque strepitu judicij, & absque Advocato in causis fidei procedere possint. Nam, ut jam diximus, Inquisitores absque Advocato procedere possunt in illis causis, in quibus Rei sunt confessi & convicti, ac eorum defensiones nedum necessariae non sunt, sed superfluae. Nec in dicto cap. fin. prohibetur, ne concedatur Advocatus, ubi rationabiliter concedendus est, ut notat Farinac. de hæres. quest. 197. numero 72. & seqq. & Castropal. loc. cit.

Si verò constet, reum esse hæreticum pertinacem, non potest Advocatus ejus causæ patrocinari. Nam in d. cap. fin. prohibetur, ne Advocatus hæretico patrocinium præstet. Esset enim defensor hæretici, ut tradunt Anchar. in cap. si adversus, numero secundo de hæres. Repertor Inquisi-

d. v. Advocatus, Sylvest. v. hæresis 1. numero decimo. Tolet. libro primo sect. 4. Ugolin. in Bul. Cœn. v. Fautores in 1. claus. numero 6. Graff. lib. 4. decis. cap. 18. numero 34. atque adeo esset excommunicatus in dicta Bulla Cœnæ, essetque etiam infamis, ut patet ex d. cap. si adversus, & docent ibi Ost. not. 2. Io. Andr. numero 2. & seq.

Potest etiam inquisito de hæresi, præter Advocatum, concedi Procurator, ut nonnulli affirmant, teste Pegna p. 3. com. 28. vers. Ac quantum ad hoc crimen, ita, ut quæ de Advocato dicta sunt, eadem, aiunt, dicenda esse de Procuratore. Ipse tamen Pegna, Locatus in Judicial. v. Procurator numero 2. Castropal. ibidem, Diana loc. cit. docent, rarò concedendum esse Procuratorem inquisito de hæresi, quia sufficit ei Advocatus ad Procuratoris munus subeundum. Immo ipsi Inquisitores videntur esse reorum Procuratores, cum ex officio fiant eorum defensiones. Si tamen reus illum petierit, non potest Inquisitor illum negare, ut voluit Repertor. v. Procurator, §. Inquisitores tenentur, ut ejusdem conditionis ac Advocatus.

Debet autem inquisito in S. Officio dari Curator si esset minor vigintiquinque annorum, alioquin processus esset nullus, ac ita, ut si minor crimen commissum confiteretur, etiam sponere, & cum juramento sine Curatore, talis confessio ei non præjudicaret. Quia id omne, quod in judicio fit à minori absque Curatoris facultate, ipso jure irritum est, l. Clerum C. de auct. præst. docentque Corn. conf. 198. lib. 4. Afflict. dec. 208. Alex. conf. 115. Gomez tom. 3. de delict. cap. 1. nu. 64. Pegna d. com. 28. vers. de hoc Curatore, Instructio Madrilianna anni 1561. cap. 25. Monticel. in pr. crim. reg. 10. num. 17. Royas de hæres. p. 2. numero 318. Locat. in pr. Inquisit. v. Curator, Guazzin. lib. 1. defens. 30. cap. 4. nu. 21. Diana d. p. 5. rr. 11. resol. 31. Idque ne minor vel ob imperitiam, vel ob juvenilem aetatem aliquid dicat, vel taceat, quod ei nocere possit.

Curatoris autem officium erit sua autoritate, ac præsentia personam minoris inquisiti legitimare ad respondendum, an scilicet interrogandus sit, an præstare debeat juramentum de veritate dicenda. Non tamen esse debet prætens, quando inquisitus super facto proprio responderet, quia respondere debet secundum propriam notitiam, non autem ab alio subministratam, ut probat Gomez. loc. cit. num. 65. Neque ejus præsentia requiritur in minoris tortura, sed tantum in decisione, an sit vel ne torquendus, ut firmiter Anton. de Bell. lib. 2. var. qu. 13. nu. 17. Diana loc. cit. Curator autem esse non potest pater, nam in causis criminalibus filij non est administrator, ut ait Bartol. in l. fin. §. ff. de verb. oblig. Et quia regulariter pater est suspectus, ut potius filio, quam fidei, ac religioni faveat. Denique minori carcerato in S. Officio solet dari Curator, ut coram illo sua dicta ratificet, nisi tamen consuetudo procedendi sit contraria ex decreto S. Congregationis S. Officij.

Non potest autem Advocatus inquisiti in S. Officio in eius defensionem appellare ab Inquisitorum sententia definitiva, quia nulla conceditur hæreticis appellatio. Cum enim appellationis remedium datur ad defensionem Rei, & ad probandam ejus innocentiam, cap. cum speciali §. & porro, & cap. ad nostram de appell. ac nemo in S. Officio de hæresi damnatus, nisi vel sit confessus, vel legitime convictus, dum innocens amplius probari non possit, neque concedenda est ei appellatio.



pellatio. A sententia quippe definitiva in causa fidei nunquam datur appellatio, in favorem ipsius fidei, & in odium hæreticorum, ne iudicium prorogetur, *cap. ut inquisitionis de hæret. in 6.* Unde Federicus Imperator in *l. commissi. nobis §. septimo* ita decrevit: *Omne insuper proclamationis & appellationis beneficium ab hæreticis, & receptoribus & fautoribus eorundem, penitus amovemus.*

Quare data definitiva sententia contra reum, de hæresi convictum, statim executioni mandari debet, nec expectandus terminus dierum decem, à jure concessum, ut appellari possit, cum appellatio esse non possit. Atque ita docent Eymeric. *p. 3. direct. nu. 125.* ibique Pegna *com. 31. vers. sed hæc dubitatio.* Locat. in *judicial v. appellare, & v. sententia nu. 3.* Royas *singul. 179 nu. 2.* Decian in *rr. crim. lib. 5. cap. 20. nu. 26.* Param. *de orig. S. Inquis. lib. 3. quest. 4. n. 58.* Castropal. *p. 1. rr. 4. disp. 8. §. 7. nu. 1.* Diana *d. p. 5. rr. 10. resol. 61. & 62. ac Delbene de Offic. Inquis. 10. 1. dub. 188. nu. 3.*

Potest tamen condemnatus de hæresi per definitivam sententiam, non quidem per viam appellationis, sed per viam querele ac supplicationis superiorem adire, ut sententiam revocet. Quod nedum probabilius censent cum Royas *singul. 23. n. 5.* Felino in *cap. ad abolendam nu. 3. de hæret. in 6.* Farinacio *de hæres. quest. 185. num. 233.* & alii, quos ipse citat, Castropal. *loc. cit. nu. 2.* Delbene *ibid. num. 5.* & seq. sed etiam benignius. Tum quia in aliis casibus, in quibus non admittitur appellandi facultas, non censetur interdictus reversus ad Principem, maxime in causis, quæ sunt magni præjudicii, ut docent Glos. in *cap. ex litteris v. supplicavit de in integr. restit.* Decian. *conf. 533. num. 2.* Paris. *lib. 4. conf. 164. num. 18.* Marfil. *singul. 88.* Menoch. *de arb. quest. 70. n. 18.* Roland *conf. 94. nu. 1.* aliique. Tum quia non est prohibitum superiori Judici recognoscere de præsentia injusta sententia, & illam, si ipse ita iudicabit, revocare, & tum quia ipsemet Judex superior potest sententiam latam à seipso, iterum recognoscere, & si injustam invenerit, revocare, ac irritam declarare. Ergo idem à fortiori fieri poterit in sententia lata à Judice inferiori ad superiorem, licet contrariam sententiam tradant Carrera *de hæres. num. 130.* Symanch *de Cathol. instit. tit. 6. nu. 2.* ac Diana *loc. cit. resol. 62. num. 5.* Quia eadem, ait, ratio, per quam textus in *d. cap. inquisitionis* denegat hæreticis appellationem, militat etiam, ut eis denegetur per viam querele ac supplicationis.

A sententia verò interlocutoria conceditur appellatio, ut per Eymer. *p. 3. direct. num. 121.* ibique Pegna *com. 31.* Royas *sing. 19.* & alios. Quia sententiæ interlocutoria, sive decreta decernuntur ad investigandam veritatem, an reus commiserit hæresim. Ideoque dum id non est certum, non est deneganda appellationis defensio. Requiritur tamen, quòd in appellatione assignetur causa, quæ sit rationabilis, non frivola, alias appellatio non subsistit per textum in *cap. ut debius, cap. cum remissam, cap. cum sit Romana de appel. & tradunt Pegna loc. cit. Vitalin. in Clem. appellant de appel. numer. 24. & seq. Farinac. de var. quest. numer. 158. ac de hæres. quest. 185. num. 232.* & Castropal. *d. p. 1. rr. 4. disp. 8. §. 7. num. 4.*

Hinc à decreto torturæ dari potest appellatio, quia est actus interlocutorius ad eruendam verita-

tem, ut per Pegnam *loc. cit.* Symanch. in *enchi-rid. tit. 52. rubr. de torm. num. 11. & tit. 63. rubr. de appel. numer. 2.* Farinac. *d. quest. 185. num. 139.* Et quamvis regulariter per appellationem ad sententia interlocutoria non ligentur manus Judicis, sed possit in causa procedere donec à superiore inhibeat, id tamen fallit in decreto torturæ, quia continet damnum irreparabile, ut cum aliis probat Farinac. *quest. 38. nu. 12.* Dummodo evidenter non constet, frivolum esse causam appellationis; tunc enim omnino rejicienda est appellatio, & procedendum ad torturam, ut tradunt textus in *cap. cum appellat. de appel. in 6. & in l. 2. ff. de appel. recip. loc. cit.* ubi refert instructionem Madrilianam anni 1561. ac docent Farinac *de hæres. d. quest. 185. nu. 235.* & Castropal *ibid. n. 5.*

Si igitur constet manifestè, causam esse frivolum, idem Judex debet illam cognoscere. Si verò dubium sit, an causa sit frivola, anve legitima sive sit dubium juris, sive facti, Judex, à quo superfedere debet, & expectare quid Judex ad quem decrevit, ne periculo exponatur, ut innocens gravetur in iis, quæ irrevocabilia sunt. Quod etiam docet Pegna *ibidem* Farinac *d. q. 38. n. 3.* & Castropal. *d. n. 5. in fine.*

Ab hisce autem interlocutorijs sententijs, sive decretis in causis fidei datis ab Inquisitoribus, appellatur ad summam Pontificem, sive ad supremum S. Congregationis Cardinalium Tribunal S. Inquisitionis. Nam appellatio faciendâ est à delegato ad delegantem *ex cap. super questione §. porro de Offic. deleg. l. Imperator ff. de appel. l. precipimus §. huic C. de appel.* Et similiter si sententia lata sit ab Episcopo & Inquisitore simul. Quia cum procedant tunc, tanquam delegati Apostolici, ad sedem Apostolicam est appellandum. Idemque est, quando Episcopus, ut delegatus procedit contra exemptos.

Quando autem, non ut delegatus, sed ut Judex Ordinarius procedit, appellandum etiam esse ad sedem Apostolicam, docent Pegna, & Farin. *d. q. 185. numero 240.* Quia causæ graves à supremo Tribunali terminandæ sunt juxta *cap. majores de baptis. At verò Castropal. d. pun. 7. numero 6.* quam sequitur Delben. *d. tom. 1. dub. 190. numero 5.* quibus adstipulor, existimant non carere probabilitate, posse in hoc casu appellari etiam ad Metropolitanum, sicut in alijs causis juxta *cap. si duobus de appel. cap. quoties, & cap. ad Romanam 2. quest. 6.* Nam judicare de legitimitate appellationis, ac de causa ob quam appellatur, non est ita gravis, ut sedis Apostolicæ, sive summi Pontificis auctoritatem requirat, alias enim ne in prima quidem instantia ab Episcopis judicari ac determinari posset. Quod planè falsum est. Si forte controversia esset, an hoc, vel illud sit de fide, utique hujus questionis determinatio ad Pontificem spectaret, quia gravis ac toti Ecclesiæ necessaria. Sed quando controversia potius est de factis, quàm de jure nullumque jus involvit, nempe an talis deliquerit contra fidem, decisio hujus questionis non est ita Ecclesiæ necessaria, ut à solo Pontifice, non autem ab alijs decidi possit. Id ipsum ergo dicendum est de causa appellationis.

Appellatione autem admissa, si ex alia nova causa, hæresisque suspicione fuerit reus ipse denunciatus, potest adversus eum in hac nova causa Inquisitor procedere. Nam appellatio solum suspendit exercitium jurisdictionis in illa appellationis



causa, non autem in alia, nisi causa appellationis fuerit suspicio Iudicis. Nam tunc non poterit Iudex reum compellere ad respondendum, quia appellatio suspicionis Iudicis procedit in omnibus causis. Verum si delictum, noviter denunciarum, ita esset grave ac manifestum, ut ex ipsa gravitate, & manifestatione reus esset convictus, posset non obstante appellatione prioris delicti, adversus eum procedere, secundò illum condemnare, ut decernit *textus in cap. proposuit de appel.*

Potest demum Inquisitor, ut suspectus recusari ut per Eymer. p. 3. num. 120. tit. de recus. Inquis. ibique Pegna com. 30. Symanch. de cath. instit. tit. 17. num. 51. & seq. Comens. in lucern. Inquis. v. recusatio Tabien. in sum. v. Inquisitio §. 4. numero §. Castropal. d. p. 1. tr. 4. disp. 8. pun. 8. Hanc sententiam summo jure veriore esse, ac tenendam ait Pegna, eamque Madriliiana instructio videtur definisse anno 1561. cap. 15. quia est tutior, & magis removet à S. Tribunali omnem iniquitatis suspensionem, estque in praxi recepta. Quamvis contrariam spectata Iudicum probitate, honestiorem dicant Archidiaconus in cap. quia plerique de offic. Ordin. in 6. Rip. de pest. p. 3. numero 140. Menoch. libr. 1. de arbitr. qu. 37. numero 4. & Roya singul. 100. & de heret. p. 2. tit. de privil. Inquisit. num. 435.

Quare gravis causa ad hanc recusationem requiritur. Nam Inquisitoris officium non conceditur nisi prudentia, doctrina, & virtute præditis, & consequenter ex levi causa suspectus non est præsumendus, ut notat Farinac. de heret. d. qu. 185. numero 236. Causa autem gravis existimatur inimicitia capitalis. Quomodo autem auferatur causa suspicionis, & recusatio, tradit Eymer. loc. cit. Quod Pegna nec reprobatur, neque approbat. Quia potius pertinet ad jus appellandi, quam ad Inquisitionem recusandum.

Recusatione Inquisitoris jam adducta, licet de rigore juris arbitri essent eligendi, unus ex parte Iudicis recusati, alter ex parte Iudicis recusantis, qui de causa recusationis recognoscerent juxta cap. suspicionis de offic. deleg. & cap. Cum speciali de appel. traditque Locat. in Judicial. v. recusatio, decentius tamen, & honestius est, ne iudicium eludatur, & negotium catholicæ fidei proferatur in dies, nec causa, & occasio recusandi Inquisitorem facile capteretur, ut arbitri non eligantur, sed causa recusationis ad supremum Inquisitionis Tribunal deferatur, ibique summatim recognita, Inquisitor recusatus vel rejiciatur, vel admittatur, confirmeturque, ut annotat Pegna loc. cit. qui etiam testatur, ita servari in Hispania ex Madriliiana instructione anni 1561. cap. 52.

TOMI PRIMI  
FINIS.

